



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

9^a 10047

#22
16.466

DESIDERII
ERASMI
OPERVUM
OMNIVM
TOMVS PRIMVS.






374.24
UNIVERSITATIS
BIBLIOTHECA
EV 1 d
10

DESIDERII ERASMI
ROTTERODAMI
OPERA OMNIA

EMENDATIORA ET AVCTIORA,
AD OPTIMAS EDITIONES PRAECIPVE QVAS IPSE ERASMVS
POSTREMO CVRAVIT SVMMA FIDE EXACTA,
DOCTORVMQVE VIRORVM NOTIS ILLVSTRATA.

TOMVS PRIMVS,
QVI CONTINET
QVAE AD INSTITVTIONEM LITERARVM SPECTANT,
VT VERSA PAGINA DOCEBIT.

16466



J. Goussier del.

J. B. de Wit sculp.


LVGDVNI BATAVORVM,
Curâ & impensis **PETRI VANDER A A,** M DCC III.

Cum speciali Privilegio Illustr. ac Præpotent. Ordd. Holl. & West-Frisiæ.

IN HOC PRIMO TOMO CONTENTA.

De Copia verborum ac rerum, libri duo. Pag. 3		De ratione conscribendi epistolas. 345	
Theodori Gazæ Grammatices, libri duo. 117		De pueris statim ac liberaliter instituendis. 489	
Syntaxis. 169		De ratione studii. 521	
Ex Luciano versa: 185		De laude medicinæ. 537	
Saturnalia. ibid.		Libanii aliquot Declamationes versæ. 549	
Cronosolon, id est, Saturnalium legum		Similium liber unus. 561	
lator. 187		Colloquiorum liber. 629	
Epistolæ Saturnales. 189		De recta Latini Græcique sermonis pro-	
De Luctu. 194		nuntiatione. 913	
Abdicatus. 197		Ciceronianus, sive De optimo dicendi ge-	
Icaromenippus. 205		nere. 973	
Toxaris. 213		De Civilitate morum puerilium. 1033	
Alexander, sive, Pseudomantis. 231		Galenî exhortatio ad bonas artes, versa	
Somnium, sive Gallus. 246		per Erasmus. 1049	
Timon. 255		— de optimo dicendi genere liber,	
Tyrannicida. 267		Erasmio interprete. 1057	
Erasmî declamatio Lucianicæ respondens. 271		— Liber, quod optimus Medicus idem	
De iis, qui mercede conducti degunt. 297		sit & Philosophus, versa per Eras-	
Dialogi amatorii XVIII. 311		mum. 1061	
Hercules Gallicus. 322		Epitome in Elegantias Laurentii Vallæ. 1069	
Eunuchus. 323		Euripidis Hecuba & Iphigenia, Erasmo	
De Sacrificiis. 325		interprete. 1131	
Lapithæ, sive, Convivium. 329		In Nucem Ovidii Commentarius. 1191	
De Astrologia. 337		Epigrammata diversæ generis. 1215	

DESI-



P R A E F A T I O

I N N O V A M

DESIDERII ERASMI

OPERV M EDITIONEM.



VM novam summi viri DESID. ERASMI Operum editionem moliretur *Petrus vander Aa*, Lugdunensis Bibliopola, Antiquitatibus Græcis & Romanis, aliisque Veterum & Recentiorum monumentis editis non incelebris, consiliūque suum mecum communicaret; serid gavissus sum aliquando tandem rariores, & in paucis Bibliothecis delitescentes, maximi illius ingenii fœtus, in publicam lucem revocari. Sæpe audiveram viros eruditos graviter querentes præstantissimorum hominum, qui proximè præteritis sæculis floruerunt, eximia opera ex manibus studioforum Litterarum excuti, vel solâ raritate, cum nonnisi ægrè & ingenti pretio comparari possent; dum jejuna Recentiorum volumina, magnâ copiâ, in lucem quotidie protruduntur, & sola emenda prostant. Nec poteram eorum querelas prorsus improbare; quamquam in illorum numero non sum, quibus omnia nova sordent, nec quidquam probatur, nisi quod, ut ille ait, *Libitina sacravit*. Noram, scilicet, ex lectione operum summi illius Hollandiæ suæ ornamentis, eorūque collatione cum Scriptis Recentiorum, quæ in manus meas incidere, quæcumque tandem sint, ea in illis inveniri, quibus potiora in aliis nulla occurrunt; sive eruditionem Philologicam, sive sublimiorem rerum divinarum cognitionem, sive vitiorum sæculi, quo vixit, descriptionem neque fucatam, neque scribentis vitio exaggeratam, sive denique singularem amœnitatem ac libertatem ingenii; cum insigni probitate morum conjunctam, spectes. Passim videre licet Philologos, qui quamvis ceteros homines, more ludi magistrorum sollemni, despiciant, nihil præter verba & consuetudines prisca Græcorum & Romanorum norunt, atque in ceteris ferè desipiunt; nec umquam Grammaticorum claustris egredi conantur, quin cordatioribus omnibus ludibrium debeant. Nec desunt Theologi, qui, solis Scholæ tricus innutriti, suis distinctiunculis & syntagmatibus omnia metiuntur, nec Sacrarum Litterarum volumina aut antiquiorum Christianorum lucubrationes ex ipsis archetypis Linguis, ut par est, interpretari possunt. Paucissimi humaniorum & sanctiorum Litterarum felicissimum illud ac fecundissimum elegantissimorum partuum conjugium intra pectus suum celebrarunt. At plures profectò non sunt, inter eos qui nomen suum Litterarum studiis dederunt, qui ausint sæculi sui vitiis manum medicam afferre, nisi quatenus prodest; laudare ceteroquin, aut certè dissimulare turpissima quæque parati, si modò ex adulatione ac dissimulatione sua lucellum aliquod ad se redire posse sperent. Nihil in eorum Scriptis invenias, quod quidem ad ipsorum tempora pertineat, quod aut parasitica ingenia, potius quàm faceta, aut malignam quamdam tetricitatem, carpendique meliores, sed minùs potentes, insanam libidinem non redoleat. Ibi demum suam παρρησίαν ostentant, cum atram bilem in infirmiores effundunt, aut invidiosè viros bonos traducunt; & pro ingenuo

Tom. I.

genuo risu Sardonium rictûs diductionem, ac malè dissimulatam invidentiam produnt. Quibus omnibus vitiis contrarias virtutes in *Erasmi* nostri Scriptis elucere, si paucis ostendero; nemo erit, qui ea multò digniora esse, quæ iterum recuderentur, quàm innumerabilia alia, quibus fervent hodie præla, non fateatur.

Si quis varia *Erasmi* Opera ad Philologiam spectantia, qualia multa primo volumine continentur, & præsertim quidem Adagiorum immensam collectionem, quæ secundum conflatur, paullo studiosius legerit, profectò mirabitur multijugem omnium Scriptorum, cum sacrorum ac ecclesiasticorum, tum etiam profanorum lectionem. Proverbia enim sua vir maximus non ex aliorum lacunis, aut ex paucis quibusdam voluminibus corrasit; sed omnes, qui eo ævo exstabant, Scriptores, ejus collectionis causâ, pervolvit. Quod quanti fuerit laboris, ii demum intelligent, qui illius ævi, quo primum Typographia florere cœpit, editiones vitiosissimas aliquando consuluerint, animadverterintque multa ex MSS. Codicibus ab *Erasmo* fuisse depromta; & sciverint eâ tempestate Litterarum studiosos, magnis illis subsidiis, quibus nunc cincti sumus, prorsus caruisse; neque enim ulla erant Lexica, nisi inepta ac jejuna, vitiisque scatentia; aut editiones ullæ antiquorum librorum accuratioribus indicibus instructæ; aut interpretes Critici Veterum, perpauca exceptis, nisi prorsus barbari aut inepti. Attamen in tanta bonarum Editionum penuria, ne jam domesticas angustias memorem, quid non evoluit *Erasmus*? Ex quibus Scriptoribus quæ ad rem suam faciebant non excerpserit, & quod caput est rei, quid non feliciter, aut certè ingeniosè interpretatus est, ut etiam errantem mirari possis? Sed & per universa ejus Scripta, maximam totius Antiquitatis Græcæ & Romanæ scientiam, & quâ majorem nullus eo tempore consequutus est, effulgere, nemo negaverit, nisi qui ea non legerit.

Neque hîc quisquam nobis objiciat virum summum non tantum ab *Henrico Stephano*, & *Paulo Leopardo*, hominibus longè doctissimis, & Græcæ præsertim Linguae peritissimis, sed & à nobis tantò inferioribus, aliisque, in errore aliquoties deprehensum; quod nec in notulis dissimulavimus, præsertim in Adagiorum opus, inque nonnullas è Græcis Scriptoribus translationes. Nam quamvis vadis navim illidentem, in amplissimo omnigenarum Litterarum Oceano, tantum virum ad feliciorum cursum interdum revocaverimus; non idèò ingenio ac eruditioni ejus ullâ ratione detractum volumus. Sæpe erravit, pravis malarum Editionum lectionibus deceptus; interdum etiam dormitavit, quod fas esse in tam multiplici scriptione nemo inficias iverit, præter homines pigros, qui cum ipsi nihil præstent, leves eruditorum nævos malignè observant, ut inde sibi gloriolam apud sui similes quærant. A quo vitio semper longissimè nos abfuisse, cum nobis conscii simus, non dubitavimus de delictis *Erasmi* Lectores monere, ne minùs eruditi, tanti viri auctoritate, transversè abducerentur; alioqui ceteris tantorum laborum partibus meritam laudem qui libentiùs tribuat, quàm nos, neminem vivere putamus. Eos demum patiemur de Philologica *Erasmi* eruditione tenuiter sentire, qui pluribus ac majoribus ingenii, doctrinæque monumentis sæculum suum illustrarint; quod interea dum fecerint, taceant oportet, nisi velint apud omnes eruditos bonosque viros malè audire.

Non sum nescius multos, cum felicissimam inventionem, delectumque rerum, ac pondus rationum se ei detrachere non posse viderent, in ejus Latinitatem esse invectos; quam ad instar styli, qui Augusti ævo obtinebat, formatam negarunt. Sed nec ille umquam professus est se illius sæculi sermonem per omnia imitari; nec sanè potuisset, nisi voluisset de innumeris magni momenti rebus tacere, quæ Ciceroniano stylo commodè exprimi nequeant; quod ipse testatur Ep. xv. Lib. xx. Verum ut unicuique suum est ingenium, sic & suus stylus sit neces-

neceſſe eſt, quem fingere ad alienam mentem, id demum eſt, nullâ ratione ſtatuz habitâ, alienâ veſte velle uti, quod ſtultiſſimum eſſet. Coacta illa imitatio non exiguo eſt impedimento res dignas dictu, potiùs quàm verba Latina, quærenti; paritque etiam frigidum, languentemque & lacinioſum ſtylum; cùm ſuum ingenium ſequenti & rerum ſtudioſo, neque deſit argumentum utile, neque commoda oratio, quâ id veſtiat, quæ & multò gratior, ac virilior eſt. Quod experiaris licet, ſi *Eraſmi* noſtri ſcripta cum *Longolii*, *Bembi*, aut *Sadoleti* lucubrationibus contendas. Mihi certè ſomnus obrepit, dum has lego, iis verò mirum in modum excitor atque afficior. Sed de his legendus noſtri feſtiviffimus dialogus, quem *Ciceronianum* inſcripſit.

Potuit ergo *Eraſmus* inter primarios ſæculi ſui Philologos honoratum locum obtinere, ſi eorum tantum diſciplinâ attigiffet; ſed ſublimius ejus erat atque erectius ingenium, quàm ut in inferioribus illis artibus conſeneſceret. Itaque ſe ſe ad Theologiam contulit, ad cujus tamen cognitionem ſibi comparandam Linguarum, humaniorumque Litterarum peritia feliciffimè uſus eſt. Ejus ætate princeps illa Diſciplinarum, omni ferè aliarum ornatu exuta, colebatur, & cum ſtyli barbarie conjuncta præterea in ea erat ineptia atque inſcitia ratiocinationum acutioribus prorsus intolerabilis. Cùm eam univerſam niti oporteat aut Sacrarum Litterarum auctoritate, aut antiquiorum Chriſtianorum testimoniis; nec Græci, nec Latini Patres, imò ne utriusque quidem Teſtamenti tabulæ, ex Latina vulgata Interpretatione, intelligebantur. Ad eam ergo barbariem proſtigandam, diſcutiendâſque tenebras, Cimмериis obſcuriores, cùm alii viri docti, tum etiam *Eraſmus* noſter, elegantiorum Litterarum ſtudia, maximo ſucceſſu, adhibuerunt; nec quidquam proſectò ei deerat, ad Scripturam Sacram accuratè intelligendam; præter Linguae Hebræicæ notitiam, quam dumtaxat delibaverat. Ceterum Scholaſticorum ſuperiorum proximè ætatum Interpretum ac Theologorum pertæſus, & ipſos fontes adiit, & rivos antiquiorum ſæculorum, propiùs à fontibus derivatos, propemodum exhausit. Quem enim Scriptorem Eccleſiaſticum, qui eo quidem tempore exſtaret, non excuſſit? Quem, datâ occasione, non laudavit? Imò verò cùm nullæ quorundam eſſent editiones, quæ ferri poſſent, novas incredibili labore in ſuum & aliorum uſum adornare aggreſſus eſt; & præſertim quidem *Hieronymi* & *Auguſtini* lucubrationes immenſâ mendorum copiâ expurgavit, ſpurias à genuinis Critico acumine discrimina- vit, & nonnullas etiam à capite ad calcem interpretatus eſt. Ad hæc, quaſi colophon, translatio Novi Teſtamenti, atque Adnotationes in omnes ejus libros acceſſere. De hiſce & multis aliis omnis generis Scriptoribus, accuratius ab eo editis, conſulendus vigefimus octavus Epiſtolarum ejus liber, ex quo quantis vigiliis ac ſudoribus hæc omnia ei conſtiterint liquebit. Vix credet, qui eum evolvit, viri unius vitam atque induſtriam poſuiſſe tot ac tantis laboribus ſufficere.

Dum autem *Eraſmus* ex ipſis fontibus, aut limpidioribus, ut exiſtimabat, rivis, Theologiam Chriſtianam hauriret, eos minimè imitatus eſt, qui id quod cupiunt in iis quærunt, eaque quæ ipſorum indoli conſentanea ſunt ex iis referunt. Alii naturâ contemplationum arduarum, rixarumque, quæ ex iis naſci ſolent, amantes, iis lectis de ſolis myſteriis loquuntur; quæ non tantum defendere acerrimè parati ſunt, ſed & ſubtilius interpretantur, interpretationeſque ſuas minus probantes vehementiſſimè inſectantur; unde jurgia oriuntur, quæ poſtea calamitates innumeras pariunt. Alii non tam Religionis ipſius, quàm veſtis, quâ indui ſolet, ſtudioſi, in antiquis monumentis nihil præter rituum ac cærimoni- arum veſtigia indagant, atque in ſua illa investigatione nihil inveniunt præter ea quæ ad externam Religionis ſpeciem pertinent, & quorum neceſſitatem præter modum urgent, ejusque non ita obſervantes faciliùs quàm par eſt proſcribunt. Utrique autem, & hi & illi, ſanctimonie Chriſtianæ, quæ in timo-

re Dei & probitate morum fita est, negligentiores sunt, vitiisque haud illibenter ignoscunt; dum internecino bello hallucinationes ingenii humani, rituumque neglectum, in hominibus ceteroqui bonis, persequuntur. *Erasmus* verò noster, minimè neglectis mysteriis, ritibusque, quibus aut decentior fit Religio, aut humana imbecillitas adjuvatur, reverentiam Numinis, sanctissimorumque ejus præceptorum observationem, ex recta mysteriorum, caerimoniarumque interpretatione necessariò nascentes, neque à Deo ulli usquam remissas, potissimùm exigebat; quod ex quinto Operum ejus volumine, sequentibusque intelligere est. Hanc Religionis Christianæ partem, ejus ævo, fermè conculcatam & Scripturæ Sacræ & Veterum testimoniis ita illustravit, ac confirmavit, ut inter potissimos ejus instauratores meritò habeatur. Id certè ejus fuit acumen, eaque animi probitas, ut feliciter ubique secernat eas opiniones, eaque instituta, quæ à malis æquè ac bonis defendi, atque observari possunt, ab ea fide iisque moribus, qui in solis bonis inveniuntur; quippe qui norat eam demum esse veram Religionem, quâ homines non acutiores, aut externâ specie spectabiliore, sed Dei & proximi amantiores fiunt; nec eum bonum haberi posse, qui nihil facit quod ab improbi animi hominibus æquè fieri nequeat. Qui Theologica ejus Opera paullò studiosiùs evolvent, nihil homini à nobis tribui, quod non ex merito sit tribuendum intelligent.

Hanc cum veræ Theologiæ imaginem animo concepisset, erudito ac bono nemini improbandam, tantum thesaurum, ut solus eo frueretur, nequaquam infodit; sed omnibus, qui eo uti vellent, communem esse oportere existimavit. Itaque Scriptis eum spargere, per universam Europam, conatus est; qua de causa, quidquid fuit bonorum virorum summas ei gratias habuerunt, ut operum ejus celerrima venditio & frequens ubique lectio satis ostenderunt. Verùm cum non tam bene cum rebus humanis agatur, ut probi atque eruditi ullo modo æquent improborum ac imperitorum numerum, in se vir summus & veræ virtutis studiosissimus innumeros malos atque indoctos concitavit. Quamobrem vitia sæculi sui describere necesse habuit, & cum hominibus pepercerit, nisi editis voluminibus ab iis laceffitus improbè fuisset, Ecclesiasticorum quorundam, quos potissimùm infestos habuit, nævos ac deliria ita pinxit; ut etiamnum hodie sine indignatione aut risu eorum tabulas, in ejus Scriptis, spectare nequeamus. Dum autem omnis sortis homines, in Theologicis Operibus, officium ex Sacris Litteris docet, ostendit satis apertè eâ tempestate malos mores, unà cum maxima bonarum rerum imperitia, usque adeò grassatos fuisse, ut nescias indoctioresne essent Christiani, an improbiore. In *Colloquiis* verò, in quibus Juventutem ad virtutem & Litterarum amorem accendere conatur, quàm graphicè passim pingit suæ ætatis vitia? Quàm apertè nos docet nihil esse cur de hoc nostro tempore multum queramus, si id cum temporibus quibus vixit conferamus? Non exscribam quæ præstat in ejus Operibus legi, quàm in hac brevi Præfatione, ne fortè similia huic nostræ ætati nimium irritabili exprobrare velle videar; sed dicam quod nemo negabit, qui rem paullò penitiùs introspexerit, multum toti Europæ profuisse summi viri castigationes, & majorem fructum edituras fuisse, si omnes Eruditi eum essent ubique imitati. Tandem puduisset eos quorum vitia carpit, nec tot æmulos reliquissent; si per universam Europam, ab ea tempestate, non desissent ii, qui stylo talia confodere poterant, suo ingenio suæque eruditione uti, ad omnes Christianos ad sanio rem mentem revocandos. At multi ab illis temporibus, exuto omni Veritatis ac Virtutis amore, non tam hominibus, quod ipsum turpissimum fuisset, quàm vitiis, quod extremæ est nequitiae, adulati sunt; ut honores ac præmia, ejusmodi flagitio proposita, consequerentur. Nisi *Erasmi* & aliorum aliquot ad nos pervenissent fidæ eorum temporum descriptiones, eos for-

fortè laudaremus, quorum memoriam pii omnes sibi nunc jure putant execrandam. Plura hanc in rem non addo, ne odiis oleum affundere videar, hominēque iis, quos *Erasmus* olim castigavit, minimè meliores in ejus Scripta incendam. Jam satis est, imò verò plus satis rixarum & concertationum, quas si silentio minuere nequeamus, certè intempestivis querelis non exacerbabimus.

At prætermittere non possum mihi semper, ut & omnibus elegantioribus hominibus, admirationi fuisse amœnitatem summam ingenii, & facetissima dicta, quæ subinde in *Erasmii* lucubrationibus emicant, & Lectorum animos innocuâ voluptate demulcent. Non possum tacere, mirabilem mitissimæ indolis παρρησίαν, quâ vitia & privatorum, & summarum potestatum, cum in Ecclesiastica, tum in Civili Republica, sine mordaci acerbitate, exagittavit. Agnoscas ubique optimi utriusque illius Reipublicæ civis ingenium pacatum; qui, sine seditione ac discidio, quod in utraque vituperari poterat comiter atque humanè emendare conatus est. Nimii labores, & multijugis lectio in plerisque ita omnem hilaritatem animi exstinguunt; ut ex Litterarum studiis eruditionem quidem, sed eam tetricam ac morosam, sibi comparent, ostendantque se ringere, quàm ridere, multò esse paratiores; quod & ipsos & Litteras, quas profitentur, apud homines liberaliores infamat. Accurata cognitio vitiorum & delictorum humani generis minùs malos sæpè reddit inhumanos & clamorosos; nequiores verò ita afficit, ut nolint inter insanos sapientes videri, malintque plures cum suo emolumento imitari, quàm Christianâ castigandi libertate offendere. At *Erasmus* noster ita ridet, ingenuisque facetiis sic abundat, quasi nihil aliud habuisset quod ageret. Medicinam interea prolapsis moribus tam liberè facit, quàm si ei libertati eadem tributa fuisset merces, quam adulatores ab iis, quorum vitiis blandiuntur, ferre videmus; tantæque humanitate omnia dicta sua condit, ut non iratum, sed emendandi dumtaxat studiosum fuisse facillè intelligas. Quæ cum reputo, hîc exclamare libet:

— huic Pudor & Justitiæ soror
Incorrupta Fides, nudâque Veritas
Quando ullum invenient parem!

Quod cum vix sperari possit, pro altero *Erasmio*, quem superiores, atque hæc nostra ætas adhuc nobis debent, Roterodamensem illum in Bibliothecis instructoribus fermè sepultum, in lucem revocandum censuimus, ut ridendo verum dicentem, & jam supra invidiam positum frequentius audiat sæculum fastidiosum; à quo *Erasmii* imitator fortasse non audiretur, licet vel magistrum ingenio, candore & eruditione, quod fieri nequit, superaret.

Non dissimulandum tamen nobis est, *Erasmum* candore, urbanitate & libertate, licet intra modestiæ limites coercitis, duo hominum genera vehementer offendisse. Alii quidem volebant omnia dissimulari, & vitia placitæque nonnullorum, quæ defendi non poterant, silentio involvi; quasi ne digitulo quidem attingi possent homines malè sibi conscii, & pessimè de omnibus meriti, sine summo Reipublicæ Christianæ periculo. Alii verò, quibus nihil nisi extremum placebat, optassent ab *Erasmio* cum iis, quos emendare frustra conatus erat, omnia pacis & Societatis Ecclesiasticæ vincula prorsus abrumpi. Voluit ille inter utrosque medium se gerere, nec bella plusquàm civilia, quibus res Christiana scindebatur, probare aut alere poterat; quamvis vehementer optaret ea quæ meritò carpebantur ab iis, qui summæ rerum præerant, emendari. Cupiebat placidis consiliis & sine tu-

(6)

P R A E F A T I O

multu, potiusquàm violentâ omnium rerum, etiam rectè, ut ipsi videbatur, positarum convulsione, discordias componi. Propterea, neque enim quod verum est diffitebor, acerrimorum utriusque partis hominum iram in se movit.

Ab utrisque asperrimis dictis ac scriptis laceratus est, & quasi nullo Religionis studio duceretur, quasi dicacitatis nimiae, atque intolerandæ audaciæ homo traductus. Ex ejus Apologiis nono Tomo comprehensis, innumerisque litteris res manifesta est; nec sunt illa ulcera à nobis refricanda. Satis norunt perspicaciores rem illi fuisse cum hominibus, qui nec flebiliter moventem, nec ridentem audituri erant; sed ex quavis ratione scribendi, occasione ejus traducendi avidè captaturi.

Non dicam *Erasmum* mihi semper videri de omnibus rectè judicasse; hominem enim eum puto fuisse, non Deum. Non aggrediar etiam defendere quidquid fecit, nec si ejus ætate vixissem, atque is fuisset, qui nunc sum, consilia ejus per omnia sequutus essem. Sunt & mihi graves rationes, quas Lectoris scire nihil interest, ob quas multa prætermitto singularia, quæ non speciosè dumtaxat, sed & verè dici possent. Verùm contentam æquorum hominum esse perpendere in quàm difficilia vir summus incidisset tempora. Iis enim non rationibus tantum & argumentis, sed affectibus etiam maximis, imperiosis edictis, sævis proscriptionibus, minis ac vires gerebatur; ita ut hostis loco haberetur à multitudine concitata quisquis non his aut illis partibus, sed communi omnium utilitati studebat. Mirum ergo esse nemini potest, si postquàm omnia dixisset, quæ dici posse putabat, de iis, quæ emendatione egebant, tandem tacuerit; & cùm laceraretur à nonnullis, qui ei omnia everfuri videbantur, iis infensior sub vitæ finem fuerit. Dignus profectò erat, propter maxima in Rempublicam Litterariam, Christianamque merita, qui, si non audiretur; at certè suis ipsius consiliis permitteretur, nec invitus in partes traheretur, in quibus multa ei displicebant. Honorarium otium fuisset ei in senectute ab omnibus, quasi jam emerito, ac rude donando, concedendum; cùm præsertim præmia iis, qui tumultuum duces erant, proposita numquam ambiverit; nec ullum lucrum ex rixis umquam sit consequutus. Sanè & dum vixit & postquàm vitam hanc mortalem meliore mutavit, cùm jam dissidentium Christianorum partes sua sibi jura ac dogmata seorsim constituissent, ab æquissimis quibusque, in cælum laudibus certatim sublatus est; quamvis nemo fortasse eorum omnia placita ejus ac consilia probaret. Amplissimus præsertim Magistratus *Roterodamensis*, qui civi suo statuam æneam, in celeberrimo Urbis suæ foro, posuit, numquam satis laudari potest, quòd meritis tanti viri quidquid in eo minùs probabat condonarit. Eam Statuam ære expressam & ad vivum delineatam Lectoris curiosi oculis, ut eodem loco conspicitur, hîc subjicimus, simul cum Inscriptionibus, quæ in *Erasmi* honorem conscriptæ fuerunt, & hic unâ additæ visuntur; nec non Effigiem ejus manu dexterrimi Holbenii delineatam, & accuratissimè sculptam paginâ primâ hujus Præfationis exhibemus. Versiculi, qui ante ædes, in quibus ille natus est, tales fuerunt & sunt:


EN ESTA CASA ES NASCIDO ERASMO THEOLOGO CELEBRADO
POR DOTTRINA SEÑALADO PURA FEE NOS A REVELADO.

*In dit Huys is geboren ERASMUS vermaert,
Die Gods Woord niverhooren, ons wel heeft verklaert.*

ÆDIBUS HIS ORTUS MUNDUM DECORAVIT ERASMUS,
ARTIBUS INGENUIS, RELIGIONE, FIDE.

*ERASMUS, die het licht eerst zag in dit gebouw,
Befraakt al 's werelds rond met Godsdienst, Konst en Trouw.*

Inscriptiones, quas pagina sequenti habes, sunt illæ quæ in basi statuæ reperiuntur.



terius Hollandiæ ocelli. *Hugonem Grotium* à me designari fatis omnes intelli-
gunt, cui postquàm posita erit statua, non deerit qui Reipublicæ Litterariæ
nomine gratias civibus ejus agat. Verùm hæc nihil ad *Erasmum*, in cujus Ope-
ribus

ANAS MUS, 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340. 2341. 2342. 2343. 2344. 2345. 2346. 2347. 2348. 2349. 2350. 2351. 2352. 2353. 2354. 2355. 2356. 2357. 2358. 2359. 2360. 2361. 2362. 2363. 2364. 2365. 2366. 2367. 2368. 2369. 2370. 2371. 2372. 2373. 2374. 2375. 2376. 2377. 2378. 2379. 2380. 2381. 2382. 2383. 2384. 2385. 2386. 2387. 2388. 2389. 2390. 2391. 2392. 2393. 2394. 2395. 2396. 2397. 2398. 2399. 2400. 2401. 2402. 2403. 2404. 2405. 2406. 2407. 2408. 2409. 2410. 2411. 2412. 2413. 2414. 2415. 2416. 2417. 2418. 2419. 2420. 2421. 2422. 2423. 2424. 2425. 2426. 2427. 2428. 2429. 2430. 2431. 2432. 2433. 2434. 2435. 2436. 2437. 2438. 2439. 2440. 2441. 2442. 2443. 2444. 2445. 2446. 2447. 2448. 2449. 2450. 2451. 2452. 2453. 2454. 2455. 2456. 2457. 2458. 2459. 2460. 2461. 2462. 2463. 2464. 2465. 2466. 2467. 2468. 2469. 2470. 2471. 2472. 2473. 2474. 2475. 2476. 2477. 2478. 2479. 2480. 2481. 2482. 2483. 2484. 2485. 2486. 2487. 2488. 2489. 2490. 2491. 2492. 2493. 2494. 2495. 249

Befraaht al 's werelds rond met Godsdienst, Kunst en Trouw.

Id

ITERATAE EDITIONIS.

(7)

In anteriore parte basıs.

DESIDERIO. ERASMO

MAGNO. SCIENTIARVM. ATQVE. LITTERATVRAE
POLITIORIS. VINDICI. ET. INSTAVRATORI
VIRO. SAECVLI. SVI. PRIMARIO
CIVL. OMNIVM. PRAESTANTISSIMO
AC. NOMINIS. IMMORTALITATEM. SCRIPTIS
AEVITERNIS. IVRE. CONSECVTO

S. P. Q. ROTERODAMVS

NE. QVOD. TANTIS. APVD. SE. SVOSQVE. POSTEROS
VIRTVTIBVS. PRAEMIVM. DEESSET
STATVAM. HANC. EX. AERE. PVBLICO
ERIGENDAM. CVRAVERVNT.

In dextro latere.

BARBARIAE. TALEM. SE. DEBELLATOR. ERASMVS
MAXIMA. LAVS. BATAVI. NOMINIS. ORE. TVLIT
REDDIDIT. EN. FATIS. ARS. OBLVCTATA. SINISTRIS
DE. TANTO. SPOLIVM. NACTA. QVOD. VRNA. VIRO. EST
INGENII. COELESTE. IVBAR. MAIVSQUE. CADVCO
TEMPORE. QVI. REDDAT. SOLVS. ERASMVS. ERIT.

In sinistro.

HIER REES DIE GROOTE SON, EN GING TE BASEL ONDER:
DE RIIKS-STADEER' EN VIER' DIEN HEILIG IN SIING GRAF:
DIT TWEEDE LEVEN GEEFT DIE 'T EERSTE LEVEN GAF:
MAAR 'T LICHT DER TALEN, 'T SOVT DER ZEDEN, 'T HEERLIK WONDER;
WAAR MET DE LIEFDE, EN VREDE EN GOD-GELEERTHEID PRAALT,
WORT MET GEEN GRAF GEËERT NOCH MET GEEN BEELT BETAALT:
DIES MOET HIER 'T LVGHT GEWELF ERASMVS OVER-DEKKEN;
NADIEN GEEN MIND'RE PLAATS ZIEN TEMPEL KAN VERSTREKKEN.

In posteriore parte.

DESIDERIVS ERASMVS

GEBOREN TOT ROTTERDAM DEN 28 OCTOB: 1467.
GESTORVEN TOT BAZEL DEN 12 IVLII 1536.
MET EEN HOUTEN PRONK-BEELD VEREERT 1549.
IN EEN BLAAUW ARDUIN STEENEN VERWISSELT, 1557.
'T SELVE VAN DE SPANIAARDEN TER NEDER GEWORPEN 1572.
SEDERT WEDEROM IN STAND GEBRAGHT:
EINDELIJK VAN KOPER AFGEHOTEN EN OPGEREKT 1622.
OM HET BOUW-VALLIG BRUG GEWELF
EN BREUKE DER VOET-STUUT AFGENOMEN 1674.
IS ALDVS HERSTELT 1677.
ALS BORGEMEESTEREN WAREN
BALTHASAR VERBEECQ,
DOMINICUS ROOSMALEN,
IACOB DE BRAUW,
PIETER DE MEY:
FABRIICQUEESTEREN
LEON: VAN NAARSEN, BARTH: VAN DEN VELDE.

A: V:
Scr:

Novi qui similia dudum expectent à vicinæ urbis Magistratu, in honorem al-
terius Hollandiæ ocelli. *Hugonem Grotium* à me designari fatis omnes intelli-
gunt, cui postquam posita erit statua, non deerit qui Reipublicæ Litterariæ
nomine gratias civibus ejus agat. Verùm hæc nihil ad *Erasmum*, in cujus Ope-
ribus

ribus recudendis quid sit à nobis praestitum, summatim & paucis hîc indicabimus. Sequuti igitur sumus Editionem Frobenianam anni M. D. XL. neque quidquam detraximus, aut in voluminum ordine novavimus, quem observandum censuerat ipse *Erasmus*. Cum difficile esset nancisci exemplar non mutilum aut partim deletum, qualia in plerisque Bibliothecis conspiciuntur, operam dedimus ut integrum inveniremus, idque fideliter exprimeremus. Sed primum exemplar recensuimus, multaque menda Typothetarum, inter legendum sustulimus, & pravam quamdam scribendi rationem, quæ eâ tempestate obtinebat, emendavimus, ut cum *Vergilius* pro *Virgilius* scribebant, *edere* pro *edere*, & talia. Non dicam innumera, quæ per compendiaras litterarum notas exprimi solebant, plenis vocibus ubique fuisse excusa; sed monebo discrimen characterum, ut loca citata distinguantur à verbis *Erasmi*, à nobis fuisse ubique adhibitum, ut ratio hodierna artis Typographicæ exigebat. Per totum præterea Opus notulas infimæ oræ adjecimus, quæ fortè injucundæ Lectoribus non erunt. In hæc si quid vitii irreperit, nobis absentibus, id emendatum iri, sine malignitate, ab æquis hominibus speramus.

Sciat etiam Lector oportet, nos in illis Notis minimè aggressos esse *Erasmum* interpretari, qui interpretatione non indiget; sed tantum quædam monere, quæ non ingrata, nec inutilia legentibus fore putabamus. Illustramus interdum *Erasmum*, citatis accuratius locis, ad quæ respicit, aut aliis additis; interdum quod habet confirmamus, aut Lectorem amandamus ad eos, qui rem accuratius aut felicius tractarunt; interdum denique ostendimus eum esse hallucinatum, sed sine ulla acerbitate; quæ nulla in nobis, qui summum virum summopere miramur, esse potuit. Maximos enim viros errare posse arbitramur, ita tamen ut sat multa supersint, quæ jure in iis suspiciamus.

Statueramus hîc admonere Lectorem de iis, quæ in singulis voluminibus essent etiam à nobis præstita: sed quia nondum omnia edita sunt, eaque nancisci possemus, inter excudendum, quæ nunc nobis sunt ignota, rem ad frontem uniuscujusque voluminis distulimus; quam adire Lectores poterunt, si iis videatur.

In primo volumine, præter Vitam *Erasmi* à *Beato Rhenano* conscriptam, addidimus eam, quam ediderat *Petrus Scriverius*, ante Epistolas ineditas, deinde præfixam Epistolarum Operi in Editione Londinensi. Sed prætermittenda non censuimus judicia selectiora virorum doctorum de *Erasmo*, quæ huic Epistolæ subjecta videbis. Quin etiam Epitaphia multò plurium addidimus, seorsim dumtaxat antea edita, & rariora facta. Præter Notulas nostras Libris ipsius *Erasmi* subjectas, potuissemus multa adnotare ad Libros è priscis Scriptoribus conversos, ut exiguo specimine ad *Libanii* Declamatiunculas ostendimus, pag. 549. T. 1. & seqq. Sed nihil opus erat, cum pleræque illæ *Erasmi* versiones sint cum ipsius Archetypis editæ, interpolatæ, aut castigatæ in virorum Doctorum Notis, quod vel ex *Luciani* Editione Amstelodamensi satis notum est. Præterea id non agebamus, ut ostenderemus tanti viri versionum nævos, cui potius gratias agere nos par est, quàm litem, propter levia delicta, intendere. Ad *Colloquia* quod attinet, multò uberiores iis additæ sunt Notæ, reiectis tamen atque inductis insulsis, falsis, puerilibus aut inutilibus multis adfumentis, quibus à nescio quo consarcinatore dehonestatus erat *Erasmus*. Libro de *Pronunciatione* præfiximus monitum necessarium ex *Ger. Joanne Vossio*. De ceteris Notis, nihil est quod moneamus, præter ea quæ antea dicta sunt. Plura igitur non addemus, postquam Lectori, prout *Erasmianis* nostrisque laboribus æquum se præbuerit, omnia secunda à Deo Optimo Maximo fuerimus precati.

JVDICIA HONORIFICA

PRINCIPVM ET DOCTORVM VIRORVM

DE

ERASMO.

EX EPISTOLA
LEONIS X. PAPAE,
AD ERASMV.



VITAE morumque tuorum honestas, eruditio rara, ac eximia virtutum tuarum merita, quae non solum studiorum tuorum monumentis ubique celebratis testatissima sunt, verum etiam eruditissimorum hominum suffragio, denique duorum illustrissimorum Principum, Regis Angliae, & Regis Catholici, literis nobis commendata, faciunt ut te praecipuo ac singulari quodam favore prosequamur. Unde postulationi tuae libenter annuimus, uberius etiam nostram in te pietatem declaraturi, cum occasionem vel ipse ministrabis, vel casus obiciet, aequum esse iudicantes sanctam tuam industriam, publicae utilitati assidue desudantem, dignum praemio ad maiora conandum excitari.

EX EJVSDM EPISTOLA
AD
HENRICVM VIII.
Anglia Regem.

DILIGIMVS admodum in Domino dilectum filium *Erasmum* Roterodamum, quem inter primos huius scientiae atque artis esse iudicamus: notum quidem nobis ex domestico congressu antea cum in minoribus essemus, sed deinde longe magis ex eis ingenii monumentis, quae literis mandavit, non notum solum, verum etiam maxime probatum.

EX EPISTOLA
ADRIANI VI. PAPAE,
ad eundem.

INEST tibi magna ingenii vis, varia eruditio, scribendi promptitudo, quanta nostra memoria paucissimis aliis, ne dicamus nullis.

EX EPISTOLA
PAVLI III. PAPAE,
ad eundem.

GRATISSIMAE nobis fuerunt literae tuae: cum enim nos delectare vel ob id tantum potuissent, quod à te erant, cuius nomen celebre semper amavimus, & doctrinam magni fecimus, eo etiam erant ornatu verborum, ac gravitate sententiarum, ut ob elegantiam gratiores, eam quoque pietatem praeferebant, ut gratissimae nobis evenerint.

EX EPISTOLA
CAROLI V. IMPER.
ad eundem.

PER te Respublica Christiana id assequuta est, quod per Caesares, Pontifices, Principes, Academiae, atque per tot viros eruditissimos, hactenus obtinere non valuit: unde tibi, & apud homines immortalem laudem, & apud Superos perpetuam gloriam nequaquam defuturam quam libentissime videmus, & hanc tibi felicitatem contigisse ex animo gratulamur.

EX EPISTOLA
FERDINANDI, ARCHIDVCIS
AVSTRIAE, &c.

ad eundem.

ACCEPIMVS literas tuas, quibus, quae ad nos de laudabili Opere *Paraphrasin in Joannem* à te composito scripti, intelleximus, eaque nobis gratissima, & summae jucunditati fuere. Et eupimus, & affectuose te hortamur, in ejusmodi dignis & maximis laudibus, & praconiis extolendis, laboribus & vigiliis perseveres, & persistas, illamque *Paraphrasin* impressioni, ad communem doctorum & proborum utilitatem & commodum, quamprimum per otium licuerit, exhibere cures.

EX EPISTOLA
HENRICI VIII. ANGLIAE REGIS,
ad eundem.

SED quid ego tuam laudare paro facundiam, cujus per totum terrarum orbem est nobilitata scientia? Nihil quoque quidem in tuam laudem effingere, quod tam consummata istae eruditione satis dignum sit. Quare tuas laudes omitto, de quibus filere satius puto, quam nimis parce dicere.

Ex alia ejusdem Epistola ad eundem.

NVNC autem, postquam in summum quidem crevis pertinax ille & indefessus animi tui tenor, quem in propaganda & illustranda Christiana fide non estimandis laboribus tuis, sed ingenti sane cum Christiani orbis fructu, commodoque, strenue praestas: eo vicissim magnitudinis evasit amor in te noster, ut nihil quidem illi accedere posse videatur. Quin incredibili quoque alacritate gestimus, cum solus propemodum provinciam hanc sustineas, tam piis sanctisque conatibus tuis pro virili succurrere, & praesidio esse.

EX EPISTOLA
SIGISMVNDI, REGIS POLONIAE,
ad eundem.

EX tuis literis, *Erasme doctissime*, facile perspeximus, te vere cum esse, qui diceris, hoc est, virum, praeter summam eruditionem ac prudentiam, tum integerrimum, tum publicae tranquillitatis, concordiaeque Christianae studiosissimum; quod etsi nobis dubium nunquam fuit, vehementer tamen apud nos confirmavit eam de te opinionem epistola haec tua, in qua plane agnoscimus animum istum tuum vere Christianum, nec dubitamus, quin ubique sis tui similis, seu ludicra tractes, seu seria.

EX EPISTOLA
PETRI BEMBI, CARDIN.
ad eundem.

EGO vehementer laetor, doctrinam singularem tuam, & probitatem, & continentes ac perpetuos tot annorum labores, quibus te plane confecisti, ut nostros homines scriptis erudires & locupletares tuis, apud Paulum III. Pont. max. omnium hominum principem, eo loci esse, quo merentur. Itaque modo recte valeas, neque te imbecillitas impediatur tua, mihi spes est, te ab eo omnia summa honoris & dignitatis insignia brevi consequuturum.

Tom. I.

**

EX

EX EPISTOLA
RAPHAELIS, CARDIN.
S. GEORGII,
ad eundem.

TUIS in literis exosculati sumus priscam quandam, plan-
que Romani candoris facundiam, sed eam nobis jam pri-
dem cognitam perspectamque abunde quidem ex tuis eruditissimis
Colloquiis, sed multo uberius ex praeclaris ingenii tui monumen-
tis, quae abs te, & Graeca Latinaque literatura, & prosa pa-
riter atque carmine, perpolita in lucem prodierunt: quae ut no-
men tuum seculorum aeterna memoria consecrabit, ita Britan-
nia, multis rebus per se clara, non parum splendoris adjuget
alumnus Erasmus.

EX EPISTOLA
ALPHONSI FONSECAE,
ARCHIEP. TOLETANI,
ad eundem.

NEMINI non persuasum est, *Erasmum* non modo esse,
sed unicum ex omnibus esse huic tanto negotio parem,
non eloquentiae modo doctrinaeque praesidiis, quibus alioqui
novit orbis quantum valeat, sed fidei apud omnes, & au-
thoritatis.

EX EPISTOLA
PETRI, EPISCOPI CRACOVIIENS.
ad eundem.

NAM tu rei publicae Christianae pro virili tua prodesse stu-
des, dum de nomine tuo immortalitati consecrando anxius
es & sollicitus, neque scribendi, neque legendi finem facis ul-
lum. Delectat te scribendo rei publicae Christianae
rationibus prodesse, & celebre nomen tuum ad posteros trans-
mittere: da operam, ut quemadmodum te juvat scribere, ita
diu scribere, diu Reipublicae prodesse queas.

EX EPISTOLA
JOANNIS TVRZONIS,
EPISCOPI VRATISLAV.
ad eundem.

AT tu quomodo tibi non injurius videri possis, qui lau-
des, quibus te universus propemodum orbis verissime
prosequitur, nimis (ni fallor) hac in parte hujus modestiae,
tantum abest ut admittas, ut contra maxime averferis, de-
clinefque. Debentur profecto tibi longe majora, praesertim
cum tui unius patrocinio omnium honestissimarum discipli-
narum nitor, multo jam barbariei situ & squalore obtene-
bratus, resplendescat: tum sinceræ quoque illius Theologiae
puritas, & sanctissima studia prope ad interitum redacta, te
parente, te duce, veluti renata, toto orbe reflorescant.

EX EPISTOLA
JAC. SADOLETI, EPISCOPI
CARPENTORACTENSIS,
ad eundem.

TIBI magnopere gratulor, quod ingenio tuo praestanti &
singulari otium suppeditatum est, quo facile posses tua do-
ctrina praeclara monumenta in posteritatem propagare, ex qui-
bus tuum nomen perpetuum futurum sit. Quemadmodum quod
te solus jam Deus beare possit, ut tu scribis, hic jam deficienti-
bus: agnosco pietatem tuam, & summo opere laudo; illud non
accipio, te ut deficientem debeam appellare, cujus virtus memo-
ria omnium seculorum celebrabitur sempiterna.

Ex alia ejusdem Epist. ad eundem.

EGO de tua in Psalmum LXXXV. interpretatione, ac de
ceteris, quae in hoc genere plura praeclaraque edidisti,
& quotidie edis, cum ingenium, & copiam, & facilita-
tem tuam mirari soleo, tum animi virtutem atque constan-
tiam, quod plurimis æmulis, tui laudi obtestantibus, ab

instituto labore minime dererreris, studefque quotidie ma-
gis, ut bonis, & literis, & moribus per te consularur: in
quo tua scientia & egregia voluntas maximis mihi videtur
laudibus ad coelum extollenda.

EX EPISTOLA
STANISLAI TVRZONIS,
EPISC. OLMVCENSIS,
ad eundem.

NAM quid mihi charius obvenire potuit, quam ut me il-
le magnus seculo nostro Erasmus, ille adeo Erasmus omni-
um disciplinarum linguae utriusque sine ulla exceptione facile
princeps, in amorem suum volens ac lubens admiserit.
Jam dudum certe ego Erasmus, quasi numen quoddam, ce-
lestis nobis missum, colo, observo, admiror: & quoquo profi-
ciscor, comitem semper ad laus habeo, ut cujus doctissimi pari-
ter & sanctissimi lucubrationibus non doctior solum, sed etiam
quotidie melior fio.

Ex Iconibus & Elogiis
PAULI JOVII,
EPISCOPI NVCKERINI.

ERAMVS Roterodamus, ex Insula Baravorum, perpe-
tuis eruditæ laudis honoribus extollendus videtur, post-
quam ætatis nostræ Scriptorum prope omnium decus, in-
genii fertilitate, superavit. Is ab adolescentia, pio religiosi
animi decreto, ad cucullatos Sacerdotes se contulit, tam-
quam humana despiceret. Sed non multo post pertæsus in-
tempestivæ servitutis, votique temere suscepti, ea sacri Or-
dinis septa transiit; ut ad excolendum ingenium plane liber
per omnia Europæ Gymnasia vagaretur. Contendebat enim
curâ ingenti ad summæ gloriæ fastigium, ad quod litterarum
omnium cognitione perveniri posse intelligebat. Quum jam
ad arcana cujusque doctrinæ infinitâ lectione, inusitataque
memoria penetrasset, edidit *Moriæ*, atque inde primam no-
minis famam longissime protulit, imitatione Luciani Satyræ,
pungentes aculeos passim relinquens; omnium scilicet
seclorum actionibus ad insaniam revocatis. Opus quidem sal-
sa adspersione perjurandum, vel gravibus & occupatis; sed
sacro viro prorsus indecorum, quum divinis quoque rebus
illudisse videretur. Sed mature demum, quod ejus intempe-
rantiae male audiendo poenas daret, sanctiores litteras com-
plexus est, tanta robustissimi ingenii contentione, ut verten-
do Græca & Commentarios excudendo, plura, quam quis-
quam alius, volumina publicaret. Verum se ipso haud du-
bic cunctis admirabilior futurus, si Latinæ Linguae condito-
res graviter imitari, quam fervido properantique ingenio
indulgere maluisset. Quærebat enim peculiarem laudem ex
eloquutionis atque structurae novitate, quæ nulla certe vete-
rum æmulatione pararetur, ut in *Ciceroniano* non occulti li-
voris plenus ostendit. Tanta enim erat naturæ fecunditas,
ut plena semper, ac ideo superfoetante alvo, varia & festi-
nata luxuriantis ingenii prole delectatus novum aliquid, quod
statim ederetur, Chalcographis, tanquam intentis obstetrici-
bus, parturiret. Obiit apud Helvetios Basileæ, septuagesimū
mum excedens ætatis annum, cum Carolus Cæsar in Provin-
ciam irrumpens, ad Aquas Sextias, Francisco Galliz Regi
grave bellum intulisset.

Ex eodem.

VARRO sui seculi & Cicero Germaniz.

HORVM JUDICIA JUXTA CVJVSQVE DIGNITATEM,
SEQUENTIVM VERO JUXTA ÆTATEM
DISPOSITA SVNT.

EX EPISTOLA
FRANC. DELOINI,
Præsidis Senatus Parisini,
ad eundem.

ECQVIS tam duro, tamque ingrato animo esse potest, qui
tibi libens gratuletur, tot tamque praeclara in omnium disci-
plinarum genere, ingenii atque industria tua monumenta com-
trectans? quibus tu plane cum ipsa antiquitate certare, & omni-
bus nostræ ætatis Scriptoribus palmam præripere videris, do-
ctorum omnium opinione, non nostra tantum: dum à mediis
igno-

DE ERASMO.

(11)

ignorantia tenebris ingenius artes, atque adeo sacras Literas, iudicas, & longo veluti postliminio redeuntes in suum quoddam modo regnum, dignitatemque restituit.

EX EPISTOLA GVLIELMI BVDAEI

ad eundem.

ENIMVERO demiror, deosculor, amplector, suspicio tuum istud tam acre, tam exactum, tam celere, tam praeiens, tam sibi constans iudicium. Quo maxime nomine fidem meam & auctoritatem tueor inter eos homines, qui te Varronem esse memoriz nostrae aurumant, nisi quod plus eloquentiam amplecteris.

EX ALIA EJVSDDEM EPISTOLA

ad eundem.

EGO nec dicere, nec eloqui, ac ne proloqui quidem possem, quantopere & tua favorem gloria, & eruditionem admirer. O noster Erasme, major enim esse mihi videre, quam ut meum te appellem, cum omnibus nostris, unus satis esse possis. Quis & usque adeo publicus scriptis tuis factus es, ut nemo sibi privatim vindicare se possit.

Ibidem

DE LOINVS BVDAEVM

alloquitur hoc modo.

SOLBAS optare, ut treis aut quatuor Erasmos in Gallia haberemus, (si tamen tot simul Erasmi similes una xras efferre posset) ut tibi animo tuo aliquando obsequi liceret, ingenique tui mediocritati liberius vela pandere.

EX ALIA EJVSDDEM EPISTOLA

AD

CVTBERTVM TONSTALLVM.

NA M mihi videtur Erasmus non Milo, sed pentatylus quidam esse nobilis, cujus gloria quam latissime pateat: qui terrarum peragratior nulli non documentum ingenii sui dederit, ac periodon prope vicerit, in sacris, in profanis, atque in omni parte orbicularis disciplinae certaverit, quam Encyclopaediam vocant, & nusquam non probatus sit. Quis est enim, cui Erasmus aestimare in mentem venerit, nec esse famigeratum illum Erasmus suspicatus sit, qui arbitretur cum Mercurium in ore, Genium in praecordiis, Palladem in capite, ut Jo-
vem quondam illum, habere?

EX EPISTOLA THOMAE MORI

ad eundem.

Da te vero, nisi me mea spem saepe frustraretur, etiam multo majora sperarem, quamquam nunc quoque bene sperare quid vetat. Neque enim quia parum processit haecenus, ideo futuri quoque spes adempta est, imo nunc maxime confido. Neque eadem perpetuo cuiquam est fortuna, neque diutius potest esse maligna tibi, cui Pontifex, Reges, Episcopi, omnes prope mortales, quaquaverius orbis patet Christianus, impendio favent, ac demirantur.

Ex Dialogo II. de Poetis ejus aevi, p. 406.

CONSCRIPTO A

LILIO GREGORIO GYRALDO.

VIR hic fuit ubique magnus.

Ex Antipappo Secundo

JOANNIS STVRMII, p. 127.

ERASMVS Roterodamus, qui copiam Linguae Latinae auxit, vir ad omne genus scribendi, naturae idoneus, exercitatione etiam perfectus, si, odio Longoliani instituti, delectum verborum, & curam stylo non recusasset adhibere; in Religionis autem tractatione, nescio quomodo, cum

omnium litterarum hominum gratia, & favore, pluiquam Lutherus, urbanitate, Pontificiorum & Monachorum auctoritati obfuit.

Idem in Praefatione Antipappi Tertii, p. 220.

ERASMVS Roterodamus, in quem Deus variarum genus litterarum & prudentiae & linguae ita contulit, ut insigne ornamentum existeret illius, quo vixit, seculi; siue doctrinam & facultatem orationis, siue iudicium & providentiam rerum futurarum spectemus.

EX EPISTOLA MART. LVTHERI

ad eundem.

TOTIES ego tecum fabulor, & tu mecum, Erasme, decus nostrum, & spes nostra, nec dum mutuo nos cognoscimus. Nonne monstri hoc similitudinem? imo non monstrum, sed plane quotidianum opus. Quis enim est, cujus penetralia non penitus occupat Erasmus, quem non doceat Erasmus, in quo non regnet Erasmus? de iis loquor, qui literas recte amant.

EX EPISTOLA BARTHOL. LATOMI

ad eundem.

VIVES enim tu, & gaudebis fructu laborum tuorum in futura etiam vita, tantumque abest ut totus unquam interitus sis hoc mortali caducoque corpusculo, ut etiam fama ingenii tui, impressa literatis monumentis, Regum pyramides superatura sit, clarissimorumque Imperatorum victoriis illustrior futura. Jam vigesimus annus est, opinor, & amplius, ex quo primum mihi cognitus fuisti, cum interrim nullum praetermisisti spatium, in quo non aliquam partem ingenii ac lucubrationum tuarum orbi terrarum communicaveris. Tantam igitur tu laudem tibi putas aliquando interituram esse? aut ullam futuram tam ingrati posteritatem, quae de tot tantisque laboribus tuis levius censura sit, quam hodie te vivo judicant non solum doctorem hominum ingenia, sed etiam ipse terrarum orbis? Confirmasti immortalitatem nominis tui gloriae magnitudine, tantumque decus ingenii ac summae eruditionis de te unus hoc seculo extulisti, ut etiam invidiz dentibus fruentis in omnem partem in-
jeceris.

EX EPISTOLA ANDREAE ALCIATI

ad eundem.

TRIVMPHAS tu quotidie de hostibus tuis, qui tot insignia volumina edideris. quid amplius parva tanta gloria in arenam descendis? jam diu rude donatus es omnium Eruditorum consensu. Falleris, Erasme, si tam male de nominis tui maiestate, deque studiosorum in te observantia, judicas, ut arbitreris malecolorum obreptionibus de arce te eruditionis & probitatis, quam tam diu insedisti, deturbari posse.

E LVDOVICI VIVIS

lib. III. de Tradendis Disciplin.

ERASMVS admirabilem habet facilitatem ac lucem.

E CAMERARIO

in Novum Foedus.

NOSTRA autem aetate, Desiderius Erasmus patriam Roterodamam, cum & ingenio esset praeditus excellenti, & studii industria non facile alteri cuiquam cederet, copia artium & litterarum instructus, neglectos jamdudum & in pulvere jacentes libros & monumenta doctrinae Christianae in lucem reduxit, & ad hos in manus sumendos hominum cupiditatem excitavit. Cum autem hoc pulcherrimo facto quamplurimorum odia erga se commovisset & irritasset animos, distracta cogitationes illius & impedita opera nonnunquam fuit, necessitate quadam defensionis, dum a se quasi vim & injuriam insectationum propulsare cogitur. Sed mirum verum id est, quod senatui Latini memorat, nimis altercando veritas amittitur. Nam & semel ille quasi impulsus. rueret deinde caput, responsumque & assertionum frequentia, cum longius interdum ab instituto
* * 2
vide.

videtur recessisse, tum certe his occupationibus commoda, quae interea conciliari studiosis piarum litterarum potuissent, fuerunt interversa. Neque ego video, quae gratia ab ullo digna meritis ipsius haberi possit. Cujus diligentia, labore, assiduitate, & Constantia illis temporibus periculosa, perfectum est ut libros Scriptorum Apostolicorum & Evangelicæ Historiæ integros puerosque habeamus. Neque meâ quidem sententiâ, ullius operæ, quæ corrigendo ultra Erasimicæ notationes progrediat, locus est relictus.

Ex Lib. XII. Historiarum
JOANNIS SLEIDANI.

INTER alias complures lucubrationes, quibus litterarum studiâ mirifica promovit Erasmus, Libellum quoque Juventuti conscribit ex Dialogis, eumque subinde locupletavit, cum avidissime legeretur; & ut erat ingenii præstantissimi summæque viri eloquentiæ, variis in eo lûit argumentis, ex media rerum natura desumptis, hominumque vita, & mirabili quadam dexteritate, suavissimoque dicendi genere, morum ac pietatis præcepta tradit, & simul errores inveteratos atque vitia, per occasionem, demonstrat. Hinc illa de ipso querimonia &c. quam paullo ante protulit Sleidanus.

Ex Cap. XVI. Batavia
ADRIANI JUNII.

IN his, sine exemplo, maximum eluxit Desiderii Erasmi Roterodami ingenium, qui multitudine Operum Didymum Chalkentum, ab invicta scribendi patientia sic nuncupatum, ferme aquasse putandus est; cujus scriptorum numerus tria libello rum millia transcendisse, si Hesychio Milesio credimus, memoratur. Certe, universi prope Orbis testimonio, doctrinæ omniæque, ac præsertim sacræ, lauream meruit; non sine invidia assidua eminentium comite, & quæ altissimis ingeniis adhaerere, durante vitâ, solet, a fato verò quiescere dicta; quos tamen scintilla rediit, tanto post funis annorum intervallo, necdum sopita nuper se prodere cepit. Ille fulgore suæ claritatis cæteris propemodum tenebras obduxit: ex eo, quemadmodum ex Oceano, omnes sui cursus auspiciis accipiunt, minores quoque in E-ruditorum numero libenter nomen suum referunt, sumere suæ institutionis seminaria seu deposito isthic tyrocinii sui rudimento.

Ex CONRADI GESNERI
BIBLIOTHECA.

DESIDERIUS ERASMUS, Germaniæ Phoenix, scripsit infinita volumina.

Ex Iconibus
THEODORI BEZÆ.

DESIDERIUM ERASMUM Roterodamum quum inextinguita ingenii ubertas, pari dicendi facultate, ad summam gloriæ fastigium nostra memoria evexerit, & illi tantum bonæ litteræ renascentes, quantum alii ætatis illius nemini debeant, age, locus etiam illi, in hujus sacrarii Vestibulo, & quidem hoc addito Elogio, tribuatur.

In Erasmus cingulo tenus depictum.

Ingens ingentem, quem personat orbis, Erasmus
Hæc tibi dimidium picta tabella refert.
At cur non totum? Mirari desine, Lector,
Integra nam totum terra nec ipsa capis.

In eundem ejusdem argumenti.

Ἡμεῖς τὸ παντὸς κόσμου εἰς Ἀσκαρὶ τὴν πύλιν
Ἡμεῖς δὲ, οἱ οἱ μὲν, τὴν τοῦ λαοῦ ἀσκαρὶν.

Obiit Basileæ 14. Idus Julii, anno Domini MDLXXXVI. annum agens septuagesimum.

Ex Iconibus
JAN. JACOBI BOISSARDI
VESVNTINI.

DESIDERIUS ERASMUS natus Roterodami urbe Batavorum non ignobilis, anno Christianæ salutis MDLXXXVI. prima studiorum rudimenta posuit Darentia, præceptore Alexandro Hegio, viro litteratissimo, & Juvenitissimæ moderatore celeberrimo. Sub cujus disciplina cum satis profecisset, Lovanium Brabantia Academiâ petiit; ibique in omni bonarum disciplinarum exercitio animum instruens magnam de se omnibus expectationem concitavit; unde Cantabrigiam & Bononiâ se conferens, illic quoque in studiis diligentem navavit operam.

Tandem ad S. Theologiam animum applicans, Doctoratus gradum Taurini suscepit. Quum autem adhuc esset juvenis habitum Monachalem sumeret, ut litteris posset in Canoniis recessibus liberius vacare. In ea autem professione non diu perseveravit, quæ ad institutum vitæ, quam sibi proponebat, non admodum facere videretur; quum statisset omnes Italia, Gallia ac Germania Academiâ perlustrare. Factum igitur brevi est, ut ob inestimabilem in omni liberalium artium eruditionem, & admirabilem vim ingenii facundiaque ubertatem, & morum suavitatem, ejus fama per omnes Christiani Orbis regiones celebris vagaretur, propositisque uberibus & honorificis stipendiis, undique vocaretur ad docendum à præcipuis Academicis Europæ, à Pontificibus, à Regibus, & à Principibus. Sed sui juris esse maluit & privatis studiis incumbere, vacans scriptioni, quæ posset posteritati utilis ac fructuosa haberi. Ferunt illi à Pontifice oblatum Cardinalis status dignitatem, quam cum recusasset, cum miraculo à ceteris Patribus Ecclesiasticis excerptum fuisse hunc contemtum, vocatumque Erasmus sapientem bestiam; qui tantam dignitatem, tamque speciosos & fructuosos titulos imprudenter respueret, quos alii summis votis & laboribus ambirent, & quovis pretio sibi compararent. Quamquam multis in locis majorem vitæ partem caris omnibus exegisset, urgente jam senio, Basileam Rauracorum in urbem se recepit, ad Rhenum sitam, loci amonitate captus, & sodalitis multorum doctissimorum hominum, quibus ea Crux semper ornata est, Academiâ illius Rector factus, quum Scholasticorum inordinatam licentiam & petulantiam refrenare tentaret, ab iis male exceptum ferunt. His irritatum contumeliis, fama est, discepisse & cremasse Privilegium partem illius Academiæ (quæ cum Moguntina totius Germaniæ creditur antiquissima) ut, his deperditis, studiosa Juventutis protervia retunderetur. Quod aliquando me audivisse recorder à pia memoria præceptore meo Hugone Babelo, qui tunc temporis Basileæ Erasmus vivebat & amicus & familiaris. Ejus opera fere infinita servantur multis in locis impressa: sed maxime in Frobeniana Typographia Basileæ, quæ omnia novem Tomis complexus est, &c. Longum esset enumerasse minora opuscula & emendationes castigatoneque Auctorum, tam Græcorum, quàm Latinorum, quos Erasmus à barbarie & mendis scriptorum repurgavit. De quibus omnibus ex ætate tractavit Gecinerus in sua Bibliotheca.

E SCALIGERANIS PRIMIS

P. 79.

ERASMUS perspicacissimo vir ingenio, seipso haud dubie futurus major (quod scribit Paulus Jovius) si Latinæ Lingux conditores imitari, quam petulantis lingua indulgere maluisset. Erasmi Chiliades excellentissimum opus. Nimis tamen fuit, & quandoque sapit Germanum, videtur enim magnum numerum affectasse, eadem quater repetens.

E SCALIGERANIS SECUNDIS

Gall.

POTISSIMA ejus opera sunt ejusdem Chiliades, ejus Epistolæ, ejusque Novum Testamentum, quod bonum est: non paucis erroribus laborant quoad Latinitatem ejus Colloquia: Nimio habet in pretio Latinitatem Hieronymi, qui malè loquebatur. Erasmus melius quam ille loquebatur. Nullus unquam sive Papista, sive Lutheranus, sive Calvinista præstantiorem elucubravim librum nec elegantiorum ejus in Novum Testamentum Paraphrasi. Quamvis Parens meus adversus Erasmus calamum strinxerit, magni tamen Erasmus facio, magnus fuit vir. O quam præclara Epistola in ejus Epistolarum fronte scripta est. Erasmus magnus Vir divinam edidit Paraphrasin. Erasmi Præfatio in Senecam est præstantissima: optime de eo judicavit, melius adhuc quam Lipsius. Poenituit Patrem adversus illum scripsisse. Culpam suam agnovit, sed fuerat irritatus cum vocaretur ab Erasmo Miles, quasi per contemptum, ut Amphibæatrum vocat Dominus Plessum & Lanovium, Milites per contemptum. In Italia Adagia typis mandari curarunt, ac expunxerunt Erasmi verba & 500. inseruerunt Adagia, quæ talia non sunt. Muretus illos ridet. Erasmi Annotationes in Novum Testamentum multa habent doctissima, & ipsius Paraphrasis est istar optimi Commentarii, quamvis in quibusdam erret. Oportet Magnos Viros in vita semel errare; & ille in Dialogo Ciceroniano nugaciter lapsus.

E GASPARE SCIOPPIO

De Arte Critic. p. 6.

NOTUM enim divinum Erasmi Roterodami ingenium: nota incredibilis illius viri & multiplex eruditio; cum pari industria & dexteritate conjuncta.

E DO.

E DOMINICI BAVDII

Epist. Centur. 2. Epist. 27.

SALIBVS, & iis interdum aculeatis, abundant nonnulla ejus Opera, in quibus crassos errores, & aniles quasdam superstitiones Oratoris libertate perstringit, unde orta est opinio contemptarum Religionum: Sed Norma Christianæ Charitatis suadere debuit humaniorem interpretationem. Videtur autem Erasmus magis habuisse quid fugeres, quam quid sequeretur. Unus omnia pervidere non potuit, & rem haud exiguum praestitit, quod in tantis ignorantiae tenebris oculos attollere posuerit ad investigandam lucem veritatis. Meticulosior fuit & timens offensionum, atque hoc unice in vita studuit, ut omnium ordinum & generum benevolentiam colligeret. Id forsitan impedimento fuit quo minus cornicum oculos configere ausus fuerit & omnia iniquitatis mysteria velo levato patefacere. Multum tamen, imò infinitum ei debet posteritas, & forte non haberent reprehenses ejus unde famam consequi potuissent, nisi ipsi dedisset quod reprehenderent.

EX SWEERTII ATHENIS
BELGICIS.

SPIRITUM & vitam Erasmo debent renascentes literæ. Gratus & acceptus summis Pontificibus, Imperatoribus, & Regibus. Propensior naturâ fuit ad jocos quam deceret, quam nunquam expediat, ut de se ipse fateretur ad Barbirium. Multa vir tantus scripsit, quæ in 9. Tomis distributa, hodie cum summo omnium stupore leguntur. Inter alia plura non postremum locum obtinent Epistolæ: In iis enim tota elucet ejus vita, in iis ejusdem patet genius, ingenium, mores, eruditio, animique dotes.

EX EPISTOLÂ
JOANNIS MALDONATI
ad eundem.

FELIX igitur sis, Erasme, propitiusque tibi adspirent coelites, qui tantum boni nostro seculo invexeris, qui tam bene de Christiana Rep. fueris meritus, ut quicumque sint ubivis gentium vere sapientes, te scopum unicum contemplantur, te principem agnoscant, te longe quantumvis distanti coram audire, majorem in modum gestiant atque percipiant. Nulquam profecto reperitur jam Theologus, (ut de Grammaticis ac Rhetoribus taceam) si sit idem Latinus, si summatibus ex illis, quibus potissimum Ecclesiâ nititur, documenta perceperit, si commodus magis quam ostentator velit haberi, qui non habeat *Erasmum* in ore, qui frequenter *Erasmum* non citet, qui Duce[m] Theologorum & Antefiguranum *Erasmum* non prædicet ac profiteatur.

EX AVBERTO MIRAEO.

Verat peregrinationis amans, plerasque Christiani Orbis Academiæ, magna celebritate famæ, quâ docendo, quâ scribendo, obivit; major & apud posteros futurus, si minor esse voluisset. Nam si intra professionis literarum terminos substitisset, sequæ totum hisce studiis, quibus in primis videbatur, dedisset, paria fortasse cum primis illis Latini Sermonis auctoribus facere potuisset. At verò postquam Theologum agere voluit, ingenio sicut nimium sibi arrogavit, & in tractandis Sacris Literis veterumque Patrum monumentis rigidum nimis censores se præbuit.

Ex Opere de Origine & Progressu
Idolatriæ,

GER. JOH. VOSSII,

Lib. IV. c. XIII.

DE

J. C. SCALIGERO.

QUIS ferat quod *Erasmum*, seu jure, seu injuriâ; reprehendere non contentus mox subdat: Sed facilius potuit spernere Philosophiam; quam nesciebat, quam imitari, quos formidabat. Nempe, non potuit summus vir ab animo suo impetrare, ut occasionem ullam negligeret maledicendi *Erasmo*, viro tam præclare merito de Orbe literario. Atqui non speretam esse ab *Erasmo* Philosophiam naturalem, vel Colloquiorum arguat liber. In his dialogus, qui *Puerpita* inscribitur, ubi multa de animæ facultatibus, item ille,

cui titulus *Problema*, ubi de levium ac gravium motu; & quid omnia congeram? Nec satis erat, si in Philosophiæ studio sic traduceret. Quid præne ei laudis reliquit? Satis res aperta ex oratione adversus Ciceronianum *Erasmi*. Quid ea virulentius? Sed contineamus nos in illis, quæ postea exaravit. Operis de re Poëtica Lib. IV. qui *Parastere* inscribitur cap. I. cum Petrum Aponensem culpasset, quod orationi Latine misceret particulas Græcas *ἔτι, πάλιν*, subjicit deinde: *Contextus, cujusmodi videas quotidie prodire ex claustris Monachorum; neque ex his solum, sed illis quoque, penes quos summa rei literaria diu stetit judicio imperitorum Pædagogorum, inter quos Erasmus; cujus mirificam animadversas Latinitatem, vel cum dicit, se calculum suum recantare. Non vacat cætera id genus adscribere; nec opus, quando ipsum, credo, Scaligerum subiit tandem hujus maledicentiae poenitudo. Hoc enim colligi videtur ex Carmine isto, libro, quem Herodotus inscripsit, Tunc etiam moreris, &c. Quid dicere potuit magnificenti? Inde igitur potius æstimemus magnitudinem *Erasmi*, quam aliis ejusdem à nigra succo loliginis derivatis. Nec sanè *Erasmus Scaliger*, viro licet in non una studiorum parte incomparabili, minus de Orbe ac studiis meritis esse censendus, modò totum cogitemus *Erasmum*. Quod nemo negaverit, nisi qui operam ejus sacris Litteris & tot Græcis, Latinique Patribus impensam suo nesciat pretio æstimare.*

Ex Dissertatione de Cæna administratione, ubi
Pastores non sunt, conscripta ab

HUGONE GROTIO;

De ritu quodam Ecclesiastico.

VIDI eum, inquit, qui nihil prope non vidit *Erasmum*, Epistolarum lib. XXVI.

EX EPISTOLA DEDICATORIA,

*Erasmi Colloquii præfixa; Edit. Trajecti ad
Rhenum, apud Gisb. à Zyll,
an. 1662.*

QUAM Magnus Hugo Grotius nihil ignorasse, & non minus ad amoenitatem, quam ad omnium cognitionem natum, vir Clariss. Daniel Heinsius dixerit.

EX RESPONSIONE

SIMONIS EPISCOPII;

Ad specimen Professorum Leidenfium;

p. 64.

HIS cæ cur non adjungamus *Erasmum* nostrum, portentum certe sæculi sui & Hollandiæ nostræ lumen? Extensum, ut de eo Sturmius ait, quod in Pontificatu vidit, non ita, ut potuit, voluit detegere; eam tamen animi moderationem, in judicandis ac discernendis necessariis à non necessariis dogmatibus utique servavit, contra Theologorum Pontificiorum, aliorumque præcipitem ac præfractam in condemnandis quibilibet pene errantibus *avertit*; ac licentiam, ut miraculum prudentiæ ac perspicacitatis, in isto caliginoso ævo hodieque videri possit, adeoque non viam tantum monstrasse Veritatis simul ac Pacis studiosis, sed perfectum & omnibus numeris absolutum exemplar, si in hoc ævum nostrum incidisset, præbiturus fuisset. Non citabimus loca, unde id manifestum liquet. Scripta ejus ad unum omnia, Apologiæ, Epistolæ, Præfationes in Patres, ab ima ad summam usque chorodam, aliud præne nihil sonant, quam pacis, tolerantie, moderationis consilia, non minus erudita, quam salutaria.

E GEORG. CALIXTI

Adparatu Theolog. p. 154.

VIR magno ingenio & eruditione, neque minore judicio & prudentiâ: qui tamen noster professus non fuit, neque esse vel audire unquam voluit.

EX HVETIO

De Clar. Interpret.

QUIDAM intra Novi solius Testamenti cancellos suam id interpretando industriam explicuerunt, quorum facile, meo judicio, princeps est *Desiderius Erasmus*: is ea felicitate hanc ornavit *Spartam*, ut & verba verbis, & sententias

tias sententiis, & sapore sapore exzquaverit; & perspicuitatem tamen cum dictionis castitate, & nativo illo colore obtinuerit, quæ ad integram *Interpretis* laudem unice requirebamus. Quinetiam ubi propter *Latina Lingua* indolem, quod uno *Græci*, idem pluribus exponere verbis necesse habuit, adsciticia verba vario & insigni charactere depingi curavit, quo fidei suæ integritas palam extaret.

E ROLANDI MARESII

Epist. l. 2. Epist. 1.

AT *Erasmus* quamquam fere extemporaliter, & ab occupatissimo scriptæ *Epistolæ* mihi supra modum placent. Præter eruditionem enim, eloquentiam, & tam in literis, quam in quibusvis aliis rebus prudentiam, quam continent, *Lutherana* etiam sectæ initia, aliasque res tradunt: quas nescio cur Auctor secundum temporis ordinem, qui in literis edendis omnino necessarius est, non digesserit: sed ejus rei causas se habuisse, dicit.

Ex eodem, *ibid.* Epist. 26.

INTER *recentes*, qui multa egregie scripserunt nemo mea sententiâ *Erasmum* præcessit, siue judicium, siue eruditionem, siue eloquentiam spectes, quem non verear cum quovis antiquorum conferre: qui si totâ vitâ cum Theologis quibusdam & Monachis confictatus non fuisset, meliora etiam quam edidit, Orbi communicare potuisset; & si tam mordax, aut in quibusdam tuendis tam pertinax non fuisset, nihil in eo viro illa ætas quod desideraret, habuisset.

E DANIELIS GEORG. MORHOFII

Polyhist. pag. 282, 283.

ERASMI *Epistolis* nihil est suavius & acutius. Latinitas in illis non mala, non quidem talis, quam ad imitandum aliquis proponere sibi debeat (hic enim antiqui Scriptores omne ferunt punctum) sed nativi, extemporalis, & interdum aliquem ex rebus colorem trahens, quod accidit interdum Scriptoris doctissimis, *Grosio*, *Salmasio* ac aliis. Illi enim autores prout res sunt, quas tractant, prout in Auctores scribunt, à quorum lectione recentiores discedunt, stylum suum formare solent --- Vastum hoc opus est variarum ejus *Epistolarum*, non quidem omnium; nam multæ etiamnum ineditæ sunt, & earum multæ Manuscriptæ in Bibliothecâ *Gudianâ* asservantur. Ipse *Erasmus* lib. 27. epist. 42. non diffidet, multas sibi esse *Epistolas* ex tempore scriptas & dictatas, quarum nullum ille exemplum servaverat, doletque multas ex illis in vulgus emanasse. *Cornucopia* merite dixeris variarum rerum. Continentur in illo libro arcana statûs, Civilis, Ecclesiastici, Literarii illorum temporum, faceta nonnunquam & jocosa, ut ipse fuit ingenio mire festivo, e. g. cum morem osculandi in *Britanniâ* describit, lib. 5. epist. 10. & jurgium ancillæ cum heri, lib. 5.

epist. 6. Editio *Epistolarum* illarum *Frobeniana* editione *Londonensi* & cæteris longè melior est & correctior: multis enim mendis hæc postrema scatur, quanquam aliqua parte locupletior. Index huic operi subjectus utilissimus est. Lites in Theologorum palæstris tum ventilatas, & quicquid in illarum historiam pertinet, illic deprehendes. Quanquam *Erasmus* se medium semper gesserit, studium tamen partium non rarè deprehendes. Magna fuit ejus viri veneratio, & merito quidem, ingenium excellens, vastum, diffusum, fecundum, acre, promptum, ad omnia paratum, in decus & miraculum Seculi natum. Triumphare duobus his civibus *Batavia* potest, *Erasmus* & *Grosio*, quibus pares postera secula non facile datura sunt.

Ex eodem, *ibid.* p. 252.

ERASMUS *Roterodamus primus fuit inter* Adagiorum Collocutores, quod opus ipsi suo tempore profectò fuit difficillimum: Nam credo illum plus laboris operaque huic Scripto impendisse, quam multis aliis. *Littulam* illi aliquando movit *Cælius Rhodiginus*, quasi surripuerit sibi aliqua circa *Adagia* meditata; sed non habet, quo jactet se *Rhodiginus*, quod guttulâ unâ vel alterâ hunc fontem auxerit: paucula enim sunt quæ in opere ipsius Antiquarum Lectionum habentur de quibusdam *adagiis*. Etiam *Verdierius* nugatissimus ille veterum & recentiorum censor, pag. 158. unguis suos in hoc opere figit, cui similem ille ne paginam quidem scribere poterat. Multa sunt operis ejus editiones. *Frobeniana* est emendatissima. Edidit & *Henricus Stephani* à typographo suo. Nova editio omnium est corruptissima, licet cæteris locupletior: nam adjecti sunt *Erasmus Chiliadibus Cognati*, *Junii*, & aliorum auctorum *Adagia*. Liber est, quod nemo cavere potest *Latina Lingua* paululum studiosior. Sufficere tamen tyroni *Epitome* ejus potest, & in *Germania* & *Amstelodami* nitidior edita. In quâ præterea laudanda est, quod *Adagia* suis sub titulis ponantur, quod non fit in magno opere, ubi Index supplet locorum communium stulos.

JOH. JAC. HOFMANNVS,

Tom. II. Lexici, p. 45. a. b.

DESIDERIUS ERASMVS, ROTERODAMVS, à solo natali: *Varro* sui seculi & *Cicero* *Germania*, *Jovio*: Alterum orbis jubar, maximumque rei literaria decus, *Gifanio*: Ingeniosus veterum scriptorum censor, *Lud. Viv. Vir* ubique magnus aliis dicitur. Contrà inter *Latinos* aliquando *Germanus*, *Giraldo de Poet.* sui temporis, videtur. *Hales*. verè notis in *Chryf. ad Hebr.* acumen & certitudinem ejus censuræ, quam in *Latinis* præstitit, in *Græcis* desiderat. In religionis negotio his *Desiderium*, illis *Erasmum* esse voluisse, queritur *Jac. Verheid.* Imo *Eduard. Leigh*, *Res & verba*, inquit, *Philippus*, *Res sine verbis* *Lutherus*, *verba sine re* *Erasmus*: In quo judiciorum æstu, quid de *Viro*, omnium suffragiis maximo, sentiendum, ut ipse nōris, ad ipsiusmet *Desiderii* hujus scripta.

E N C O M I A

IN LAVDEM

ERASMI,

AB VARIIS EFFUSA.

(15)

D. ERASMI ROTERODAMI,

Literarum omnium antistitis,

E N C O M I V M,

Per

GVILIELMVM PISCEM ATREBATEM.



Non alius quivis, sed solus Erasmus
Erasimum
Dixerit, hoc nomen sit temerare
nefas.
Hæc ubi detonuit Phœbi cortina ca-
nori,
Articuli dextræ contremuere ma-
nus.

Sed tamen & mica gaudent cœlestia parva,
Et suppleant falsæ thurgæ dona molæ.
Cesserit è vivis in terram terra recedens,
Ignea nobilior spiritus astra tenet.
Hunc tamen ipse sibi post fata paravit odorem
Nominis, ut præ se balsama surda probet.
Nec dubito qua sint capienda exordia nobis,
Materia numeros suppeditante sibi.
Sed modus in dubio est; ita Musa pollet in omni,
Ut cum dixerimus plurima, plura vacent.
Per partes aliis Musæ favere canoræ
Pierides debent huic sua plectra novem.
Nil fuit ignotum (dictu mirabile) Erasmo,
Quatenus ingenium vel penetrare potest,
Seu lyricos dulci modulatur carmine nervos,
Seu sua Cadmeo verba sapore polit.
Sive Hecubam nobis tragice Cylseida transfert
Iphianassai seu renovatur himen.
Conjuraverunt pariter natura Deusque,
Cordaque præcipuis instituere bonis:
Hic contempsit opes animo, servavit ad usum;
Plures capturus, si voluisset, erat.
O quoties & quot miserunt munera reges?
Et quot honoratum constituere schedis?
Terrenum quoties nomen sua pignora præsul
Maximus appellat, scriptaque sancta probat.
Grandis in eloquio semper sublimis Erasmus,
Fulminis in morem, fluminis inque modum,
Aut velut aëriis prolans montibus amnis,
Rupit inexhaustos cum cataracta sinus.
Aut velut orba suis tigris cum Parthica natis
In prædatores currit acerba suos.
Tersus erat Batavus, calamo felicior omni,
Pace tua, Tulli, Quintilianæ, tua.
Struxerit Amphion Bœotia moenia cantu,
Fecerit & lapides huc properare rudes.
Armenta & sylvas & flumina duxerit Orpheus,
Eumenidum & madidas fecerit esse genas.
Et Mitylenæus delphina equitarit Arion,
Quo duce damnatas exuperarit aquas.
Parvi (quanquam etiam sint hæc mendacia) pendo
Omnia, plus illis omnibus unus agit,
Græcia mendacis testes sortita Camœnæ
Vincitur à veris, & ratione rei.
Felices qui te Batavis fovere parentes,
Terraque vagitu facta beata tuo.

Credibile est tibi Dædaleas stillasse volucres
Ceras, æque suis dulcia mella favis.
Mella alimenta quidem, sed divina orgia ceræ
Significant, sat enim tu quoque utrisque facis,
Eloquio informas homines, nutrisque, fovesque,
Tum prætergressus sacra Deumque doces.
Tu trahis affectus ipsos, retrahisque vicissim,
Vimque Pericleo grandior ore facis.
Lactæ modo currit sententia dulcior ipso,
Dilataturque suas cum spaciatur opes.
Nunc instans strictim ruit in compendia verbis;
Spartana nusquam vel brevitate minor.
Quodque cupit facit, & calcar spectantibus addit,
Sive legunt oculis, seu magis aure bibunt.
Sed siluisse magis præstat quam pauca referre.
Prurit ad intentum sed mihi prona manus:
Quid faciam? stimulator, magno & deterreo ausu,
Hinc mihi pugnat amor, sed tamen inde pudor.
Vincat amor, cedatque pudor, rediturus abunde.
Dum mea nescio quis carmina carpet edax.
Interea campo parvi luctemur in amplo,
Paucaque de multis sint memoranda mihi.
Amplior est illis cursus qui lege soluta
Narrabunt laudes dulcis Erasme tuas.
Namque velut raptò quondam Cicerone poetæ
Flebant, & laxo turba vagata pede.
Sic tibi plus patriæ patri dabit utraque mistim
Gloria, seu laurus, seu mage lingua placet.
Non, modo cui prosis, tibi te dimittere durum est,
Pelignam frangis sic mihi dente nucem.
Suppositum breviter nec dedignare Catonem,
Atque obscura prius disticha clara facis.
Civibus esse pares pueros, orare docesque,
Instauras veterum tot monimenta virum.
Barbariem crassa siccis uligine plenam,
Et latius per te nunc juvenescit ager.
Copia verborum rebus conjuncta superbit,
Mox libertatis ludis in arbitrio.
Tu Phoenix studiorum ingens, quot millia vives
Annorum, exuperans tempore Gangis aves?
Nam monumenta tui nunquam delenda dedisti,
Nec nisi supremis interitura rogis.
Tot speciosa equidem nobis viridaria plantas,
Nostra tuo sit ut his parta labore quies.
Lucius à Græco per te sermone recessit,
Exhilarans salibus Romula sena suis.
En subrepentis memoras austera senectæ
Jura, in quæ medicæ nil potuere manus.
Et merito extollis divisos orbe Britannos.
Et gracili dominis concinis ore casam.
Dein sic colloqueris pugnancia verba vicissim,
Nulla sit ut summa pagina fruge carens.
Scribis ea ad formas puerorum, at turba diserta
In manibus semper nocte dieque terit.
Chiliadum sparsos missus sic cogis in unum,
Ut desint nulli ad prandia lauta cibi,
Et similem simili confers, contraria jungis,
Quodque olim dictum pro brevitate placet.
Tu puerum ex urso formas teneroque leone,
Et scis ad vivum de Cicerone loqui.
Non hic judicium Paridis, sententia vera est,
Eti summates indolucere viri.

** 4

Re-

Rejicis à dono, qui se occidisse tyrannum
 Jactitat, & munus demeruisse negas.
 Tu mire nobis facis arridere Silenum,
 Atque tabernaculum pura decere doces.
 Confessosque doces animorum extinguere morbos,
 Et sacra vitalis das alimenta cibi.
 A nostris Turcas animis prius ipse repellis,
 Dulcia inexpertis Martia bella vocas.
 Tu viduas in Christo donas solatia vera,
 Atque ad virtutem principis orsa moves.
 Lubrica nequicquam rediturum in guttura peccet,
 Tu linguam clauso quum licet ore tenes.
 Tuque iter ad mortem primam, vitamque secundam
 Construis, ô miles non retroverse Dei.
 Nulla tibi summo vacua est epistola melle,
 Vel sale, sed mistim mel tibi salque fluunt.
 Nunc urges, nunc ipse doces, nunc corrigis, instas,
 Arguis, exultas, deprimis atque levas,
 Objicis, emendas, laudas, propellis, honoras,
 Derivas, verfas, consulis, obloqueris.
 Gratulor invidulis, qui tunc fortasse quietum
 Ad calamum stimulis te pupugere suis.
 Hinc equidem factum est, ut nos quoque plura legamus,
 Et fuerint studiis ocia nulla tuis.
 Quævivere sibi nomen, reperere, sed illi
 Non alia noti conditione forent.
 Omnia sic tractas, ne quid non hæreat apte,
 Condiat & mirus gemmea dicta lepos.
 Ad majora vocor, quo me meus impetus urget
 Sed quid polluta mystica voce loquar?
 Dixerit è turba quivis, Quid Puscis inepte
 Sacra canes sacri nescius eloquii?
 Aurea si quondam de stellis scripsit Aratus
 Carmina, quanquam idem non erat Astrologus.
 Quis tæc forte vetet brevia in compendia Erasmi
 Ponere, quæ fusim lacteus ipse parit.
 Quæ precor invidia est numeris brevioribus uti?
 Sæpius in tabula totus & orbis habet.
 Non sub censuram veniunt hæc omnia nostra,
 Fallit enim cæcos proprietate color.
 Mantica sic vobis sit plena, & sancta cuculla,
 Ut septis nolim profiluissse meis.
 Mittite me paulum, rursusque ad nostra revertar,
 Auspiciis vobis ni mihi porta patet.
 Ille paraphrastes ceu commentaria ponit,
 Explicat obscuros hac ratione locos.
 Matthæum, Marcumque sonat, Lucamque, Joannemque,
 O opus excellens commoditate pari.
 Sanctaque missorum illustrans dehinc Acta virorum
 Ambiguum patitur præviussse nihil.
 Et vas electum Domini scrutatur ab imo,
 Dum vocat ad veram Romula corda fidem.
 Sive Corinthiaco vox est pollentior ære,
 Quum duplici gentem pulsat epistolio.
 Castigat tardos Galatas, Ephesoque Dianam
 Pellit, & idolis non finit esse locum.
 Ex Macedum terris animos solatus honorat,
 Inque Antichristum fortia corda parat.
 Seu te permistum varia de gente Timotheu
 Instruit, excusans vincla tenere pedes.
 Seu te habitum gnati in morem Tite chare salutæ,
 Accersitque ad se, non tamen ante diem.
 Sive Phrygem miti tractare Philemona charta
 Aggreditur, quamvis carcere tentus erat.
 Arguit Hebræos, & raptim umbracula Moïsis,
 Completa à Christi sole oriente canit.
 Clavigerum noster Petrum mox dicit Erasmus,
 Dum scribit primo, aut posteriore loco.
 Atque pari sanctum declarat stemmate Judam,
 Explanat formis teque Jacobo tuis.
 Tuque Aquilæ gestator Io divine Joannes,
 Expressa in chartis sensa duabus habes.

En per te cuius mediocri est orbita trita,
 Non jam caligo fallat ut ulla virum:
 Quin & defendis sic per te emissâ potenter,
 Nusquam ut sopitum te tua scripta probent.
 Spicula sic hebetas in te vibrata malorum,
 Ceu tibi thoraces ex adamante forent.
 Ut nisi qui se male sentiat, audeat in te
 Nemo, adeo recta prælia fronte subis.
 Quin quid stultitia dicent sapientius ipsa,
 Quæ probat ingenue cuncta subesse sibi?
 Quid festivius est? quidnam est ornatus? atque
 Dulcius? aut quidnam tinnit amabilis?
 Sola hæc una tibi nomen vel reddere clarum
 Sufficit, hac una summa aditurus eras.
 Et ne quid sacras desit tractantibus artes,
 Instruitur libris concio sancta tuis.
 Cur igitur, qui sic prodes, sic ipse fereris?
 Excipis & clypeo tela tot arta tuo?
 An ne quod invidiam patiuntur summa supremam?
 An ne mali quod vix sustinere bonos?
 An ne quod ægrotos oculos offendit Apollo?
 An ne quod ad signum quæque sagitta volat?
 An ne quod improbitas solita est odisse modestos?
 Et sunt nequitia signa placere malis?
 Ah quoties pro se memorant dixisse Catonem,
 Invidia toties exagitante reum.
 Absolvit toties gravior censura petitum.
 Atque in virtutem nil potuere doli.
 Et Maro Aristarchos toties perpeffus amarus,
 Vivit, & æternum ac nobile nomen habet.
 Qui sacrum impeteret non defuit unus Homerum,
 Cui dederit meritam pinea sylvâ crucem.
 Ecce tibi rumpunt vitalia stamina Paræ,
 O immortalî tempore digne pater.
 Tempore namque tuo, non nostro tempore, nam te
 Calculus & ventris subluviis tulerunt.
 Concilio dum subhmis speraris adesse,
 Et finiturus plurima marte tuo,
 Lurida te nobis subduxit Erynnis Erasme,
 Dum studet obliquas continuare vias:
 Dum dubitat ne sit tandem discordia concurs,
 Dum timet excussis cuncta quieta sagis.
 Falleris Aleæto, functi reverentia crescet.
 Sunt quoque qui parteis immorientis agent.
 Tam sanctus nobis Romana in sede refulget,
 Tam sanctus Cæsar Romula lora tenet.
 Ut tibi fas non sit sanctum turbare senatum,
 Tu licet indignans excutere loco.
 Proderit adversos nil commississe monarchas,
 Ibitur in foedus bestia dira ratum.
 Ad te sed rursus divine revertor Erasme,
 Quem nequeo dictum præteruisse semel.
 Non quicquam adversi pateris, nos damna subimus,
 Non tibi, sed nobis illachrymare decet.
 Idem te perdit, patriam qui perdidit olim
 Julius, en similis gestit adesse sui.
 Postridie mortis se matutinus Orion
 Ostendit totum nuncius ipse necis.
 Te cessisse sibi jactans, dum cursor ab alto
 Ventus in æquoreos statque reflatque sinus.
 Quinto Idus vadis misera à tellure beatus,
 O vir colloquio non reprobande poli.
 Ille dies mihi post decimum venerabilis usque
 Semper erit, semper festus honore suo.
 Nil opus est vastis ad Erasmica busta colossis,
 Nil opus est obelo, nil quoque pyramide.
 Ipse sibi vivus monumenta affixit Erasmus,
 Ullo quæ non sunt interitura die.
 Temperet à lachrymis voluit bene quisquis Erasmo,
 Ne violet fletu numina sancta suo.
 Mentibus in nostris bustum sibi firmitat Erasmus,
 Cujus habet quævis bibliotheca decus.

Deu-

Deucalioneas merito contempserit undas,
Non volucres vetitos, non Phaëthonta timens,
Tempora nullius paveat cariola senectæ,
Chaloca quem nullo vita sopore novat.
Mærentur Virbi reducem post fulmina vitam,
Martia Cadmea & semina missa manu.
Virbius haud primum retinet redivivus honorem,
Sed latitat lucis dia Diana tuis.
Et fata Agenorides vidit pereuntia pallens
Mutua civili fata dedisse manu.
At nostri celebris celeberrima fama volabit;
Circumscribetur nec tamen ille locis.
Horrebit dentes nullius & ipse draconis,
Horrebit dentes nullius invidiæ.
Quodque fuit rarum invidiam virtute domabit;
Figet inassucto festa trophæa tholo.
Hæc tibi nos superum canimus convivæ beate,
Testati in primis quæque minora sequi.
Serpit humi mea musa timens, nec surgit in altum,
Non ausa in vastos mittere vela sinus.
Parce nec increpita, namque est sincera voluntas.
Audet enim affectus, sed mihi plectra habant.
Tuque tui desiderium sine fine relinquis,
Solamur libris tempora mœsta tuis.
Salve Musarum sublimis gloria, apexque,
Atque in perpetuum dulcis Erasme vale.

INCERTI.

Sim licet Hollandus, quis clarius exit Erasmo?
Barbariem oppressit quis meliore stilo?

GILBERTI COGNATI.

Magnus Roterodamus ille noster,
Hæc quo secula neminem tulerunt
Majorem, neque prisca clariorem
Norunt tempora, nec cui futura
Parem posteritas habebit: ecce
Sub hoc marmore mortuus quiescit.

*In Barbaros nequicquam sibi ob ERASMI
mortem gratulantes*

NICOLAI CHARELLI

*Emerentii
Carmen Iambicum trimetrum.*

A musa turba foeda, inepta, putida,
Stribiliginosa turba, turba garrula,
Insulsa turba, ridicula, stulta, absorta,
Quid grularis? utraque quid plaudis manu?
Io triumphæ castra quid resonant tua?
Quavis Erasmus tetra subduxit dies,
Mersitque acerbo funere, & silentio
Linguam disertam, mundioris eloqui.
Tum vindicem, tum interpretem pressit gravi,
Invictus & nunc ille si stilus jacet
Antiquitatis erutor, sapientiæ
Promusque, condusque, & jocos & seria
Miscere doctus, annuente Pallade,
Quavis jacet calamus Erasmi, inscitia
Fatale telum sordidæ, & præsens lues,
Ne gratulare turba confusanea,
Neu moribus dentes para, bellum velut
Motura larvis, atque pugnam umbraticam,
Decessit ille sed catus, sed providus,
Non ante quam ter mille Erasmos linqueret
Musisque literisque præsidio sacris,
Qui se referrent ore, corde, pectore:
Hi rem profecto perbrevis confecerint
Tecum, negotii quando non multum super

Est, jam coacta barbarie in angustias,
Nam prorsus istam, fato ineluctabili,
(Rumpare quanquam, & discere pertinax)
Ludis, forisque & omnibus pomceriis
Pulsam, jubebunt jam semel tandem emori
I gratulare, plaude utraque nunc manu
Amusa turba, foeda, inepta, putida.

ANGELI ANDREAE RESENDI.

*Lusitan, in ERASMO MASTIGAS
Iambi.*

Quid ô morosi, fabulis anilibus,
Merisque nugis, obstrepsistis mihi.
Furace pica & graculis loquacius?
Erasmus ille, Erasmus orbis totius
Decusque, honorque, criminum objurgator est,
Non destitutor ordinis, nec hæresum
Fautor, quod illi impingitis, falso tamen,
Quis impudentium & ora perfricantium
Ferat grave supercilium, iniquis & feris
Plenum minis? Quis dii deæque coelites
Rerum exitus jam nos manet? nec hîscere,
Mutare nec dabitur in hosce perditos
Mores? At olim Eupolidis in cotytia
Baptis licebat improba excandescere,
Dicax Bion nigris salibus admissus est,
Et prisca Aristophaneos, & Lucilii
Comœdia, anticis solebat lufibus
Sannaque præfenti, rea in præcordia.
Mucronem acuere linguæ, & induta reum
Prodibat in theatra, nobis non licet
Milonium, Pantolabum, & addo Fusum,
Et id genus, turbam balatronum gravem,
Natalium, repotiorumque aucupem:
Et barbarorum odia, politioris in
Musæ studia, summotenus perstringere
Levi nota, jocisque liberalibus?
Nascuntur hinc cunctæ hæreses, Lutherus hinc
Conclamitant, quum potius impostoribus
His debeatur omnis hæc tragœdia
Malorum, ob hujus seculi tyrannidem,
Venum sacra (ignoscite loquendum est ita)
Quis non vel indignis dari videt? scelus,
Quid præfulum aulis nequius, vel mollius?
Hic purpura omnis, omneque hic patagium,
Venatio hîc, effeminatius nihil
Aut delicatius, libris non his opus,
Aut rara avis, simileque mularum fœtæ erit
Monstrum, ast ubique plena morionibus
Aula est, Sacerdotum quis impiam ferat
Vitam? Hic ego ausim ferream vocem mihi
Optare, cuncta ut expediam, ubi neminem
Fere sacerdotem, impleat qui munus, &
Vivat sacerdotem dabis: jam qui modis,
Extorsionibusque, nummulis sciant
Rete involucrique jacere, hi late patent,
Iidemque suffeni sibi nimium placent,
Suisque, quod soli columen & lumen hi
Vocantur; interim minus quum nullibi
Sit frugis: insanire jam cogor nimis,
Et splene aperto non ad hæc Democritum
Qui rideat noctes, dies qui rideat
Accire, dum magnum sôphos juri suo
Devindicant, buccis nimis turgentibus
Subire ferulam nos magistræ jubent,
Quin & minerval solvere ad quinquatria,
Jam si quod illis contigit, non discere
Tentabimus, terrent minis feroculi
Suadentque rebus afferentem incommoda
Definere, Græculorum inanum sequi, &
Rhetorculorum ineptulam facundiam,

Vi-

Vides Erasmus, & hosce literatulos,
Ajunt, triobolares? in hoc dogma impium
Lutheri, adegit sola Gracitas, fidem
Quæ labefactat Triados, atque Spiritum
Negat, vin' & tu stolidus hærescon sequi
Schedas? & oppedere magistrorum ordini
Nostrorum? at ipse nil magis perhorreo,
Verum hæresim Hieronymus si ullam sapit
Phrasin trium linguarum ab incunabulis
Edoctrus apprime, velit quis non magis
Errare cum tanto antesignano, & duce,
Et primipilo Ecclesiæ, quam barbaris
Cum singulis, cumque omnibus verum loqui?
Vis clarius, simplicius hæc me dicere?
Nugas Erasmi, dum manebit integer,
Ut modo, mille præferam subtilibus
Scotis. Eant nunc, nosque Erasminos vocent.

P E T R V S N A N N I V S
de vividis ERASMI scriptis.

Cum numero umbrarum tandem sensisset Erasmus,
Non esse redditum Æacus.
Mercurio mandat, quacumque in sede repertum
Ut ad inferos ducat virum.
Obvia quærenti fit Fama, ac talia reddit.
Ubique adest quem quæritas.
Ille refert, non me fallit dea, quod sit ubique,
Sed dic ubi est potissimum?
Nomen ubique viri est, animam sed quæro fugacem,
Quæ vitat inferos lacus.
In libris habitat, respondet garrula Fama,
Animatque codices suos.
Hæret Atlantiades, nec divam vera referre,
Ut sæpius vanam putat,
Ad libros properat, videt hic spirantia verba,
Vitamque habere volumina.
Evocat hinc animam, non vult discedere, firmis
Inhæret usque his sedibus.
Hinc tantum ingenii, vitæque, & mentis, Erasmi
Monumenta clara continent.

Idem de eodem Argumento.

Corporeis vinclis cum liber abiret Erasmus,
Tam celeri gressu quam fuit ingenio.
In bivio dubius fixit vestigia, namque
Hac iter ad manes, hac iter ad superos.
Ecquid ago? secum loquitur, via tendit utroque,
Et placet Elysium, nec minus astra placent.
Sunt in utroque loco multi firmique sodales,
Est hic, est illic, gratia magna mei.
Hic tot Theologi, maculis & vulnere pleni,
Quondam, quos studio vindice restitui.
Illic Euripides, illic tanta agmina vatum,
Plutarchusque meus, Lucianusque meus.
Quosque alios docui voces resonare Latinas,
Romæ ut se genitos, Romulidasque putent.
Sed vereor ne sit calumnia sedibus istis
Momus habet coelum, Zoilus Elysium.
Infideam libris, ea sunt habitacula tuta,
Ante his victor eram, nunc quoque victor ero.
Cum videas igitur, lector, tam vivida scripta,
Hic Desiderii sis memor esse animam.

ALIVD PER OLAHV M PAN.

Iussu Pontificis Pauli cum doctus Erasmus
Concilio patrum gestit adesse sacro.
Tunc Deus omnipotens superas transvexit ad auras,
Coetibus ut divum redderet æthereis.
Concilio Pauli poterunt tua scripta probari,
Vivere te mecum malo, ait ipse Deus.

ALIVD PER EVNDEM.

Non desiderium, sed mors subduxit Erasmus,
Et tamen amborum nomine nunc gemimus.

P E T R V S N A N N I V S

De Amore omnium eruditorum in ERASMV M.

Si partes vitæ transire in munera possent,
Atque aliorum aliis tempora cessa dari,
Mortalis nunquam doctissime Erasme fuisses,
Tantum ævi de se turba deserta daret.

ALIVD EJVSD E M.

Teutoniam ingeniis quo posset vincere terra
Itala Germanis raptus Erasmus, obit.

ALIVD EJVSD E M AD VIATOREM
Hendecasyllabon.

Si quæras tecubet quis hic sepultus?
Qualem non iterum mori videbit
Tellus Teutoniæ parens Erasmi.
Tali sub tumulo hoc latet viator.

ALIVD EJVSD E M.

Marginem Rhæni coluere Musæ,
Pegasi fontem nihil æstimantes,
Teutonum donec fluvio propinquus
Vixit Erasmus.
Nunc ubi fato periit, Camcenæ
Illius bustis habitacula jungunt,
Hæc placet sedes, nequeunt Erasmo
Numina abesse.

ALIVD EJVSD E M AD VIATOREM.

Quid plorent omnes, habuit quid mundus, & ultra,
Non speret rogitas? ista sepulchra vide.

DE MORO ET ERASMO,

Ejusdem Jambicum.

Vivebat in pectusculo Mori sui
Erasmus ille seculi nostri decus.
Vivebat in præcordiis Erasminicis
Morus, Britannicæ unicum lumen suæ.
Vitamque mutuabat alter alteri,
Aliena uterque non sua vixit anima.
Mirum nihil si mortuo Moro, mori
Voluit Erasmus, nequirit ultra vivere.

EJVSD E M DE FECVNDITATE INGENII
ERASMI, ET CALCULOSIS RENIBVS.

Cælebs Erasmus, nuptiis ab omnibus,
Et foeminarum purus à consortio,
Tamen frequenter extitit felix pater.
Nam si libros recenscas quos edidit,
Prolemque mentis entheæ pulcherrimam;
Dic obsecro cuinam data hæc fecunditas?
Si calculis numerare vis, quot calculos
Enixus est, quæ sæpius puerpera?

EJVSD E M IN DOCTOS ERASMI
LIBROS.

Nata Jovis cerebro Pallas, sed sola, libellos
Quot scribis, toties, Pallida Erasme paris.
EJVS.

EJVSDEM DE AMORE MVSARVM
IN ERASMO.

Quæ Veneris flamma est, age dic? Cinareia proles?
Quæ Phrygiæ Cybeles? non bene sanus Atys?
Quas aurora foveat curas, quibus ignibus ardet?
De Cephalî flamma lutea Diva rubet.
Cui luna addixit firmos dea candida amores?
Endymionæa pallida diva facce est.
Delia cur sylvas celebrat venatibus aptas?
Venatur sylvis impiger Hippolytus.
Quid Cereri gratum est? animis cui nixa recumbit?
Triptolemus, segetis cui sua dona dedit.
Sed quodnam ex superis numen dilexit Erasmodum,
Extincti cujus mœsta sepulchra vides?
Perfida non Cypris, nec anus delira Cybellæ;
Non luna inconstans, non furiosa Cores.
Non aurora suos vultu quæ damnat amores,
Ni pigeat, non sic tincta rubore foret;
Non vaga per sylvas mortique intenta ferarum
Delia, quæ nugis tempus inane terit.
Sed studiis operata sacris pia turba Camœnæ,
Quæ nunc immenso victa dolore gemit.

GILBERTVS COGNATVS IN PETRVM
GRAPPVM PRO ERASMO.

Rides quod magnus mihi sæpe feratur Erasmus;
Quodque is sit parvo corpore, Grappe, mones.
In quem pæne ruens Ecclesia nitat Atlantem,
Hunc ego non magnum dixero jure virum?

THEODORVS BEZA IN PHILÆNV.

Erasmus ille, quo fatentur plurimi
Nihil fuisse vel futurum doctius
Tibi, Philæne, stupidus est & plumbeus;
Et quidquid uspiam ab omnibus fingi potest
Calumniarum, stulte in illum congeris.
Latra, Philæne, quamdiu & quantum voles;
Hunc scire constat plura, quam tu nescias.

EVRICII CORDI.

Seu sit hic Ebræus, seu Græcus, sive Latinus;
Tot linguas uno (quis putet?) ore sonat.

EJVSDEM.

Quando novas docto laudes conarer ERASMO,
Ridens auriculam traxit Apollo mihi:
Ecquid, ait, tentas? tua plectra, miselle, reconde,
Aoniam supra vir volat ille chelyn.
Nulla isti scintilla potest dare lumina Soli;
Omnia qui radiis lustrat opaca fuls.
Arduus, adjecta mica, non surgit Olympus;
Parvula tam pandum nec mare gutta juvat.
Hunc sua jam pridem vexit super æthera Virtus
Livida seu nolit, seu velit Invidia.

GILBERTI DVCHERI.

Debent multa tibi Lingua Græca, atque Latina,
Illustres opera conspicuæque tua:
Debent multa tibi sacri simul, atque profani
Auctores, vitæ redditi ab interitu:
Vt numero dicam, longa quod dicere possent
Iliade, hinc debent omnia multa tibi:
Sancta Redemptoris quod, ERASME, ad dogmata
CHRISTI
Verum iter humanis omnibus esse studeas.

HIERONYMI TREVTLERI.

Græcia cum Latio Batavis concedite palmam:
Nec quis erat vobis, qualis ERASMVS erat:
Quem quantum pleno quisquam laudaverit ore,
Hoc unum potuit dicere, ERASMVS erat:

JANI VITALIS.

Lubrica si tibi mens fuit, & spinosior æquo,
Ingenium certe nobile, ERASME, fuit:
Fœlix, si mistas labruscas dulcibus uvis
Prœdiga defisset vinea ferre tua:
Barbaric è media præclarum sidus haberent,
Et te Varronem tempora nostra suum.
Hanc tamen inscriptam his titulis posuere columnam:
Jactura hic laudum publica facta fuit.

JOANNIS LATOMI.

Qui paucos habes partes, ERASME,
Multorum invidiam feras necesse est:
Istos quod logodædalos ab urbe
Vnos præ reliquis in immerentis
Manes sic videam styli cruentam
Stringentes aciem, perinde, tanquam
Stuprasses Charitum novem sorores:
Indignum patria eruditione, &
Asserto titulo elegantiarum:
Causam scire velim, quid urat illos,
Et quid tantopere hi tumultuentur.
Sed quid dissimulo? sat æstus illam
Prodit fervidus, & malignus: ille est;
Ille, inquam, est Cicetomantis; ille;
Vno, qui Cicetone stare, recte
Latinam negat elocutionem:
Et damnat stolidi laboris omneis,
Qui superstitione non ferenda
Vno non nisi Tullio loquuntur:
Hæc illa est Helene, vire elegantes.
Armis quæ Latium per universum
Vindicanda videtur in Batavum:
Vmbra scilicet, atque inane nomen:
Tanquam quo genito Allemannis ora, est
Vano ridicule soluta partu.
At si tam modicas ob has labruscas
Perit vinea tota, ô urbs Quirini,
Scribemus titulo hoc tibi columnam:
Quæ quondam meritis suo fovebas;
Ornabasque viros honore, laudum
Jactura & modo facta publicarum.

EJVSDEM.

Teutona terra suum cum miraretur ERASMO,
Hoc majus potuit dicere, Nil genui.
Quippe Deos inter, cælo ridente, relictum
Ipse suum dixit Jupiter esse genus.

JOANNIS STIGELII:

Ingenium fueras tantum fortius, ERASME,
Vt tibi vix tulerint secula multa parem:
Multa reliquisti, sacra dignissima cedro,
Plura tamen poteras, & meliora dare.
Da veniam juveni, si quid post funera sentis;
O quantum est uti munere posse Dei!

E. VR-

G. VRSINI VELII,

Slesii Germani.

Incipiant omnes certatim, & nomen ERASMI
 Laude vehant; illis quantumvis divite vena
 Pectus abundarit, duplicisque opulentia linguae
 Manet inexhausto sermonis flumine docti;
 Inferiora sua dixisse cupidine cernes,
 Cum majora suis cantarint viribus omnes.
 Plurima sunt dicenda viri monumenta; benigni
 Tum mores; nivæ tum candor & aurea vitæ
 Norma, decor, Charites, mens dædala, mellea Peitho:
 Dein fortunati vere, nimiumque Batavi
 Nomine seu tanto, potius seu numine Divum:
 Postremo sibi Rotrodami præsignis alumno
 Quum bene præsentis Germania jussit ævi
 Cedere Romanos Scriptores, cedere Grajos.
 Ista canant, centumque alias per carmina laudes,
 Quorum Pierius Smyrnæ calor æquat alumnum
 Pegasus manant qui nectar, & Attica mella.
 Ipse autem artificem post illa tacebo sequutus:
 Atridæ mœstos nequit quum pingere vultus
 Naviter, inducto textit qui cetera velo.

EJVSDEM

GENETHLIACON

ERASMI.

Natalis rediit dies Erasmi,
 Partus conscia lux beata magni,
 Fausto fidere, sole gratulante,
 Et diis auspibus favente cœlo
 Adsensu genii beatoris
 Exultantibus Aonos puellis,
 Phœbo dulcius accinente carmen.

Ad communia sacra jam frequentes,
 Et natalitias adeste pompas:
 Quorum frons hedera viret sequaci.
 Et Parnasia luculenta Daphne
 Lambit tempora: quosque semidivos
 Virtus nobilitat, manusque bello
 Non instrenua, quosque semidivos
 Vatum carmina naviter bearunt.

Hac nil candidius die Batavis
 Illuxit, populisque, quos inundant
 Ister maximus, auriferque Rhenus,
 Qua lætus puer extulit sub auras
 Tam sanctum caput: affluit beatæ
 Dextra Juno facillima parenti.
 Ter Lucina vocata, ter repressit
 Vitro parturientis hæc dolorem.
 Extemplo positum est onus suave,
 Et felix utero recessit infans,
 Vitæ ad munera, luminis sub oras.
 Natum prima vocat recens Erasimum,
 Divorum monitu beata mater,
 Rebus nomen & omen auspicatum,
 Ut quo nil meliusque gratiusque
 Largiri potuere fata nobis,
 Nil concedere dii queunt benigni,
 Majus nec dederunt prius, dabuntque.
 Nati lanificæ manum sorores
 Admorunt niveis repente filis,
 Et lætos glomerant dies benignæ.

Porro limen ad extimum comatus
 Magnæ Cynthius adstitit parentis,
 Vitæ cum cecinit Deus, futurum
 Divino Pataræus ore cursum,
 Et sanctam pueri indolem retexit
 Foetusque ingenii laboriosos.

Cum Phœbo cecinere tum puellæ

Hippocrenides: audiit sub imis
 Rhenus fluctibus, extulitque cantum
 Rauco fonte caput, simul lacertos
 Muscoso levat uvidus ab antro.
 Infuetæ stupet evocatus amnis
 Blanda ad murmura vocis, & novarum
 Miratus faciem nimis dearum,
 Intonsique dei fides canoras,
 Mox cursum requievit incitatum,
 Cum Latonius interim Phanetes
 Et carmen cecinere tale Musæ,
 Sed divinius ore grandiori,

Terris orte puer modo Batavis
 Accessure meæ novum cohorti
 Et primum decus ævitatibus hujus
 Summis mactæ bonis. Tibi ecce fontes
 Pandit Cyrrha suos, & ampliori
 Vena Pierii fluunt liquores:
 Atque arces referat suas Citheron,
 Et sacrum penetralius recludit
 Imis ex adytis. Puer Latinæ
 Junges Pallada Cecropis Minervæ
 Admirantibus omnibus vicissim
 Romanis simul, & simul Pelasgis.

Quin sub tempus idem, probe rotundo
 Ore, atque eloquio disertiore
 Infectabere barbaros magistros,
 Incultamque redargues loquelam,
 Insanas & ineptias refelles
 Sana mente, severitate iusta.

Post idem reducem suis Philippum
 Regnis usque ab Ibericis profectum
 Verbis excipies: & universi
 Consensu populi patriæque
 Dices nomine gratulationem:
 Casus difficiles, iterque durum,
 Attactumque Britannicæ minaci
 Tempestate solum: proinde gestas
 Tot res egregie domi forisque
 Ingenti simul explicabis ore,
 Regis quo nihil orbis ante majus
 Vidisset, propria hæc tibi fuissent
 Si Germania dona, Cæsarique
 Aequa mente Dispiter faveret.

Verum heu vocibus usque luctuosus
 Immaturum obitum, necemque acerbam
 Deslebis juvenis, manumque duram
 Et fati violentiam maligni
 Incusabis, & usque & usque amaras
 Nequicquam querimônias profundes.

Exin majus opus reconditumque
 Nulli consimili modo priorum
 Tentatum aggrediere, quodque abunde
 Diversa scatet eruditione.
 Non calle ingredieris ante trito,
 Nec vestigia nota consecutus,
 Aut pressa alterius solo meabis.
 Et jam Græca Paroemia & Latina
 Tersa fronte aperitur explicata,
 Dii quantum est operis? quid hoc librorum?
 Pleno est copia florulenta cornu.
 Tum Graii generosus Euripidis
 Assumens tragicam severitatem,
 Ad proscenia Romuli vocabis:
 Cum vates opera tua Pelasgus
 Fortunas Agamemnonis cadentes
 Et fletus Hecubæ amarulentos
 Orchestram bene ductus in Latinam
 Romano gravis intonabit ore.

Plutarchi tetricas subinde chartas,
 Necnon scommata falsa Luciani,
 Quæis mores hominum suave carpit,
 Illuditque Deis, nihil verendo,

Do.

Donabis nivea Latinitate.

Dein mentes hominum libidinosas,
Necnon pectora caeca pravitate,
Et vitæ tenebras periculosas
Scite nomine Moriae notabis.

Scribes milite digna Christiano
Et quæ vir sapiens bonusque viter
Trades, quæque sequatur examussim.

Tum vero sua principes docebis
Quæ sint officia: & quibus reguntur
Gentes artibus, & tenentur urbes.

Pargabis veteres Sophon libellos
Mendis: interiturique vindicabis
Scripturas Senecæ catas severi.

Et sanctos Hieronymi labores
Antiquum revocabis ad nitorem.

Legum denique sacra tu novarum
Cunctis Biblia rectius legenda
Et Grais dabis & dabis Latinis.

Tu quicquid rigida phrasi per orbem

Ætas prisca rudisque publicavit
Pauli dogmata, & irreprehenfa Christi
Edicta, ac monitus benigniores
Trades omnia puriore lingua

Divinæ bonitate fretus auræ.
Ostendes duce coelitem favore

Quanta numinis incitata flamma
Summi buccina patris inter ægros
Tum degens homines, salutis autor

Et vitæ melioris excitator
Princeps luminis, ore quo profari,
Christus vel potuit, vel est locutus.

Mythes sacrificus Dei subinde
Placabis prece coelites, & aras
Collustrabis odoribus Sabæis,
Semper rite litabis adprecatus.
Tu decreta Dei atque jura cœli
Perscrutabere funditus, perennem
Callebis sapientiam Deorum
Supremis animum artibus colendo,
Quæ posthac pius omnibus repandens
Magnis digna Diis loqueris unus.

Sed cum livor edax, & invidendi
Infelix rabies, sibi que tantum
Importuna lues, & atra pestis,
Summis immineat subinde rebus:
Nil acti cruciabili furore
Vecordes tibi Zoili, tot uni
Vasta intemperie sua nocebunt,
Non impune tibi graves futuri.
Latratus facies pili improborum,
Pelles insidias furentum inanes,
Vim rupturus & impetum malorum,
Et linguas cohibebis impudentes.
Quin plures veluti manu rebus
Convicti rationibus disertis
Entello tibi concident Daretæ.
Cui poenas tibi sunt daturi eisdem,
Quas victus mihi Marsias pependit
Detracta cute, nudus & cruentus.

At longum fuerit nimisque longum
Complecti numero tuos labores,
Et producere cuncta nominatim,
Ex te, sicut Hymetii ab alveis
Favis Attica mella cum Latinis
Vndabunt locupletius per orbem.

Primas quicquid agas feras, rotundi
In leges bene carminis ligabis
Sermonem, & facies repente versus
Affines Lyricis Horatianis.
Scribes verba modis celer solutis
Magno cum Cicerone fulminabis.
Promes Socraticis frequens ab arcis
Præsentis animæ omnibus medelas.

Et sanctæ dabis instituta vitæ
Ingens sobrietate vel Platonis.

Scripturas quoque temperabis omnes
Festivo sale, Comico lepore.

Hæc tum feceris antequam senecta
Tanges undecimum gravante lustrum,
Et terras simul exteras adibis.

Primum Lutetiæ Parisiorum
Sectatus sapientiæ magistros
Intrabis penitus larem Sophiæ.

Mox Romæ tereti & potente linguae
Facunda Ciceronis in palæstra
Desudabis: & impiger disertis
Libris, Felsinea vacabis urbe.

Vives cæruleos item Britannos
Et versabere regiis in aulis
Inter nomina magna, & optimates,
Heroas, proceresque purpuratos,
Et dignaberis omnium favore,
Vita mirifice decorus omni.

Putamur, suavitate morum
Et dulci eloquio, ac Deæ suavitatem
Pithus, omnibus unus adlubescere.

Imprimis hominum eruditorum
Ingens præsidium decusque rarum
Præclaris Guilhelmus à Vuaramis,
Nullis non animique corporisque,
Fortunæ quoque dotibus beatus,
Te magni faciet: nec ille solum
Primas inter erit viros Britannos
Sed virtute sua, sibi hoc vel ipsum
Toto nomen in orbe vendicabit.

Amplexabere candidos politi
Mores ingeniumque dulce Mori,
Mori, cui fluat undequaque versus
Conditus sale, melle, felle, risu.
Tunc pro materia rei notatæ
Hic comis popularitate vitæ
Prudens, ingenuusque, perspicaxque
Omnes ante alios placebit unus.
Cui tu credere cogitationes,
Quin & seria libere, jocosque
Audebis, tibi dedito sodali
Mutam præcipue fidem colenti.

Illinc deinde reversus adjacentes
Rheno belligeras adibis urbes
Duri ex Helvetii jugis profectus.

Hic te CAPNION innocens videbit
Pullati rabie gregis tot annos,
Rictu & mordicus appetitus atro.
Oblectaberis hospitalitate
RHENANI & studiis simul BEATI.
Doctorum tibi quicquid est ubique
Applaudet reduci, tibi & Latinæ
Assurget bona pars sodalitatæ.
Nostri & nominis universus ordo
Inclinat caput omnibus theatris.

Illis culte locis Erasme canus
Post quinquennia jam decem peracta
Nocturnas vigilabis ad lucernas,
Hebrææ salebrosa verba linguæ
Exemplum studiosus ad Catonis
Ediscas. Sitis impotens honesti
Et famæ precium, nihil jubebit
Non tentare boni: proinde nunquam
Magnorum obsaturaberis laborum.

Porro cætera quæ sequetur ætas
Divinis inhiabit apta rebus,
Humanis moderatius vacabit.
Quamquam consiliis senatuique
Regum addictus eris, fideliorque
Et non ultima pars patrum fereris.
Te vitæ tenor innocens, & usus
Commendabit honestior: tibi usque

Cor-

Cordi simplicitas, bonum, piumque,
Et recti studium, inque taminatus
Vitæ candor erit beatoris:
Et victus sine sorde mundiores.

Hæc tum Phœbus Apollo vera nobis
Olim præcinit: Deo canenti
Fatorum stabilis statim potestas
Subscripsit: subito ô Erasme prodis
In lucem, nova lux tibi tuisque
Non solum genitus, sed uniuerso
Orbi nasceris, optimum Deorum
Munus: quale nec antea dederunt,
Nec sunt, ut reor, amplius daturi.
Debent alii penetibus Diis
Communi & patriæ, parentibusque:
Vni patria debitor Erasmo est.
Huic Germanicus orbis & Latinus
Necnon Græcia restituta debent,
Tot propter varios viri labores,
Dotesque ingenii affluentiores.

Hunc quantum est hominum modo bonorum,
Quantum vivit in orbe candidorum,
Hunc & scemina, virque, & hunc puellæ,
Imberbes pueri, senesque cani
Exornate diem, dies Erasmi
Hic natalicius meretur esse
Toto festus in orbe: vos Erasmus
Et donis, & honoribus Deorum
Omnes accumulate. Nunc & omnes
Ante aras bona dicitote verba,
Et linguis animisque confavete.
Illi nunc bona comprecemur omnes,
Soles ariolemur & beatos.
Quot vixit numeret tot ille posthac
Natales celebres & auspiciatos.
Hæc illi rata vota Dii benigni
Possunt reddere: vota Dii vel ista
Vt iusti fuerint, rata exequantur.

HERMANNI BVSCHII PASIPHILI
IN ERASMV M,
Coloniæ recens ingressum.

Dic puer, Erasmus cupido quis nunciat illum
Advenisse mihi, quisnam hæc mihi gaudia portat?
O festum lætumque diem, si vera locutus,
Si non hæc vano mendax confinxerit ore.
Quisquis is est tandem, credam ne, ut venerit ille?
Ille, inquam, Erasmus, cui Roterodamica tellus
Tam debet, docto sua quam Verona Catullo:
Quam tribus Hispanis urbs inclyta debet alumnis,
Aufonio fundata duci, quam Bilbilis alta,
Cornipedum gregibus fecunda, & fortibus armis
Ingenio debet culti celeberrima civis,
Quam cantata suo debet Mevania vati,
Parthenopeque suo, fontes qui carmine Thebas
Eruit, & sylvas plectro modulatus eburno,
Magnanimum in Troas & in Hectora movit Achillem:
Quam Sulmo tibi Naso tener, quem barbarus Ister
Braccatque Getæ, cygnea voce canentem
Tristitia, fleverunt: quam Mantua prisca Maroni,
Quo duce Musarum meruit domus ipsa vocari,
Et fama pulsare polos, & sydera laude,
Omneque venturæ spacium superare senectæ.
Est ne ille Erasmus, modo quem venisse loquuntur,
Ipsis qui solus possit certare Latinis?
Quem probat, extollitque virum clarissimus ordo,
Pontificis Romæ qui limina scandit in ostro,
Quemque per Italiam passim lectissima turba,
Cordaque suspiciunt doctissima Grajugenarum,
Qui sibi quæsit nomen, per Gallica regna,
Hispanumque Tagum, per Hibernica litora, perque
Orcadas, & nostro semotos orbe Britannos:

Terrarum reges, quem fulvo munere jungunt;
Conciliantque sibi, quo fante, ignobile ducunt
Eloquium Pylæ quod fluxit ab ore senectæ:
Quo citharam tendente, & Apollinei peragente
Officium vatis, stupet ipse ad carmina Phœbus,
Calliopeque sui gemitu reminiscitur Orphei.
Venit, certa fides, vidi, vidi ipse cupitum
Optatumque mihi toties, occurrere vultum
Hospitis egregii, dextramque amplexus inhæsi.
O blandi mores, ô fandi exacta facultas,
Quanta vetustatis, linguæque scientia docto
Quanta utriusque viro, quantum discessit ab illo
Barbaries, ruditas, ignava superbia, livor
Degener, imo alios multos secum attulit ipse
Diversos comites, gravitas sine nube renidens,
Ingenuusque lepos, Pitho, Charitesque sorores,
Pegafidesque omnes, gressus comitantur euntis,
Florentisque rosas gestans, posita ægide Pallas.

AD EVNDEM.

Hæc legit Erasmus si carmina fronte serena,
Tum longe accepi plus, minus ipse dedi.

HENRICI GLAREANI,

Helvetii, Poetæ Laureati,

AD ERASMV M

Hecatoëchion.

Somnus iners homines, mutumque invaserat orbem,
Presserat & terram nocte silente quies.
Ipse soporifero ponens mea membra grabato
Occubui, & tenebris pene sepultus eram.
Ecce sub obscuro visa est tua Musa nigrore
Ante oculos volitans protinus esse meos.
Non secus ac nebulis latitet si Phœbus opacis,
Aut sub nube nigra, candida luna micet,
Tum pepulit radiis quodcumque obstat amœnis,
Cessit & omne, illa discutiente, chaos.
Subtriciui, caput haud tenuem erecturus ad auram,
Expecto sitiens quid velit illa loqui.
Diva verecundo dum me videt ore tacentem,
Auriculam prendens vellicat atque premit.
Cur memè dixit, cur compellare vereris?
Cur nostros surda negligis aure sonos?
En venio, quia doctiloquus sic iussit Erasmus,
Ne tituba, votis præsto sit ille tuis,
Illius ambrosio quanquam frons nectare fusa est,
Atque Helicon sacro laverit amne comam:
Nec tamen exiguum parvo de flumine rivum
Nec tremulæ spernet stamina rauca lyrae.
I celer, optatum invenies, & habebis amicum,
Quem dare non alium secula posse putes.
Dixerat & sonitus blanda cum voce recessit,
Inque levem volitans aera præpes abit.
Excitior somno, video cecidisse figuram,
Cui responderem nemo nisi aura fuit.
Ergo ô præsidium, & spes jucundissima vitæ,
Dux & iter veræ dulcis Erasme viæ,
Ausculta, tua Musa meis discessit ocellis,
Illi debueram paucula verba loqui:
At quia discessit, nec sit cui singula dicam,
Hæc iussi Musam verba referre meam.
Scilicet ut dignas tibi vir doctissime grates
Offerat, id quanquam non bene posse reor.
Nanque ego cui moduli, cui nec sit culta Minerva,
Qui possim dignum ludere quæso melos?
Nec tibi pro meritis, quas dicam nosco camœnas,
Da veniam modulis, ingenioque meo.
Sunt mihi raucifono stridentia carmina plectro,
Et tenuis furdo murmure vena data est.

Claudio.

Clauserunt placidæ Dirceia flumina Musæ,
Et mihi Parnasi blanda fluenta negant.
Arida vix mihi Clitorio sitis amne levatur.
Vix mihi Salmacidos mollia damna patent.
Si tibi raucidula stridentem voce cothurnum
Percutiam, dices heus miser ito foras.
Si rursus citharam plectro crepitante fatigem,
Nania inest dices carmine barda tuo.
Quid pie Erasme canam? nisi garrulus inter olores
Argutos strepitum, corvus & anser iners.
O utinam Andini mihi sit facundia vatis,
Et sint Pelignæ carmina docta lyrae.
Te canerem longo vir præstantissimo libro,
Nullaque pars vacuo margine abiret iners.
At longe tua me probitas, tua vivida virtus
Vincit, & est versu non bene picta meo.
Quæ natura sagax imis tenet abdita valvis,
Tota intra ingenium scis posuisse tuum.
Tuque oculis certus coelestia regna subintrās,
Tu penetras summi limina celsa poli.
Quot sint, quæ rerum species, quæque orbis origo,
Utque locum capiant quæque elementa suum,
Splendida quo rapido volvantur sidera lapsu,
Vnde tuum lateat candide Phœbe caput.
Quidque subobscuram cogat decreescere lunam,
Vnde pluat rosca discolor iris aqua.
Quæ solidas quatit violenta potentia terras,
Cur volitent dubio fulmina sæva polo.
Cur scindant piceas horrenda tonitrua nubes,
Vnde ruit gelidis stridula grando globis.
Cur quod non cecidit sidus cecidisse putetur.
Et quæ sint restui semina cæca maris.
Quæ subsint casu, quænam fortuna volutet,
Perfida ventosis non bene recta rotis.
Cur sol Æthiopes urat, cur denigret Indos,
Cur minuat radios trux Arimaspe tibi.
Omnia pernoscis, majore es dignus honore,
Quam tenui versu commemorare queam.
Roma velut digne magno Cicerone superbit,
Et Demosthenis Attica turba sonis.
Septem urbes certant docto quæ patria Homero,
Treis genuit magnos Corduba clara viros,
Vnum te solem, quamvis & sidera multa
Protulerint oris Belgica regna suis.
O lætum festumque diem, qui numine dextro
Te dedit in nostros mitis Erasme lares.
Qua scindit liquidus Basileia moenia Rhenus,
Qua sunt Helvetiis foedera prisca viris.
Est in te gravitas matura, modestia prudens,
Socratici mores, Cæsareusque decor.
Ingenium felix, quo non præstantius ullum
Dotibus hisce tuis Attica terra tulit.
Sed te præcocius jam parcere versibus opto.
O decus, ô Batavi gloria prima soli.
Tu dabis omnigenam matura in carmina venam:
Tu dabis ad Musam calcar & arma meam.
Hactenus hæc, Batavæ fidus venerabile gentis,
Lux Alemannorum, candide Erasme, vale.

JOANNIS SIXTINI

Ad eundem

EPIGRAMMA.

Forſitan incompſos quod ſum tibi mittere verſus
Atque rudes auſus magne Poeta meos,
Ridebis, tacito tecum ſic murmure dicens,
Egregii ſpernunt horrida ſcripta viri.
Forſan ais nolo gelidiſſima pallia Coſmus
Purpuream mittas ſed mihi poſco togam.
Peſtane violæ non ſunt Sixtine colono
Mittendæ, aut primo vilia dona duci.
Sed tamen ô noſtri vatium celeberrime ſeculi,
Eſt aliqua & parvæ gratia Calliopes.

Quæ mea ſi terſis placeat nunc auribus, ipſe
Poſthac inviſam limina læta. Vale.

ANDREAE AMMONII.

Vis tanta Erasme carminis fuit tui,
A^{mus} ut me prorsus, & lapidem merum
Certare tecum jambicis adegerit:
Sed vellit aurem Apollo continuo mihi,
Et rana bubus audet, aut oloribus
Certare corvus? inquit, extemplo manu
Delapsa nostra perculit solum lyra:
Refrixit ille mentis & brevis furor,
Ac paucula hæc ægre potui ad te scribere:
Addam, sed hæc Apolline invito tamen,
Erasme nostri seculi decus, vale.

O. M. S.

Eximii famam celebrem quis nescit ERASMI?
Teutona quo tellus cive superba fuit.
Cui vivo triplicis manabant flumina linguæ:
Cum docto poterat qui Cicerone loqui:
Illius est studio studiis sua reddita rursus
Gloria, quæ cœno interfa fuere diu.
Plurima de rebus magnis monumenta reliquit;
In toto Aonius quæ legit orbe chorus.
Illius hæc vultus monstrat tibi charta; sed ipsos
De docta melius consule mente libros.

A N O N Y M I .

Roterodama mihi tellus natalis origo,
Non postremi inter Batavas hinc nominis urbes:
Me celebrant clarum famæ præconia magnæ,
Barbaries per me cessit quod finibus exul:
Divinis dederim quod lucem rebus amœnam,
Et Latii imbuerim linguas sermonis honore.

MAGNO ERASMO ET MERVLÆ EIVS
VINDICI SACRVM.

Auris Batavæ quisquis Hollandis notam
Inuris, hospes, Celtiberiæ memor
Dicacitatis; fige, nam sat est, modum,
Opprobriique desine; ac lubens vide
Hoc æviternum sæculi miraculum:
Erasmon, inquam, quem Dei benignitas
Desideratum nubilo indulsit diem.
Qui conditores barbaræ stribliginis
Abigeret hinc in maximam malam crucem.
Qui vindicaret qua profanas, qua sacras,
A forde & omni squalitate literas.
Hinc ille felix (sed Vacerrarum choro
Spissum gementes) per Tryphonum limina
Tot aureorum luce Scriptorum micat.
Qua promicondus Sol dierum defieit,
Quaque ardisetam rursus instaurat facem.
Hic ille fortis, ille mire pervicax
Phreneticorum despicator hostium.
Qui Termini instar risit iratum Jovem,
Fretusque sancto conscientie bono
Hispanienses Italasque nœnias
Fringultientum præterivit alitum.
Qui gracculorum, qui cachinnorum jocos
Ciconiasque pectore invicto tulit.
Nempe ille noster, Hybridarum plurium
Sæpe impetitus mentis ægræ somniis,
Illustris heros major omni injuria
Stat expeditus, & procul molestiis
Cælo receptus splendet Indiges novus,
Favente Christo, cui fatigatum probe
Nil tergiversans tradidit corpusculum.

Bea-

Beatus ô cui sic abire contigit!
 Beatus! inquam: namque nil moros moror.
 Ille ille Semo, sæculi miraculum,
 Hollandus audit, natus Hollando patre.
 Nec ille solus, annuentibus Deis,
 Apud Batavos natus: Accedunt bona
 Ingenia multa, quæ recenserem libens,
 Nisi illa nota Musinantium gregi
 Fore arbitrarer. Esse quem credam super,
 Qui basiantem Juliam suam procum,
 Qui Juniani dædalas stili notas,
 Doulasque nostros, Grotiosque nesciat?
 Namque hic latere Paullus haud umquam potest,
 Ingratus Orbis esse ni prius velit:
 Quod non futurum. Merula Orbe clarus est,
 Orbisque clarus Merula. Ergo, hospes, fave:
 Veroque victus suspice ingentem virum.
 Aures Batavas non habent ejusmodi
 Hæ nationes quæ Batavis invident.

PETRVS SCRIVERIVS.

IN DESIDERII ERASMI VITAM,

*ab ipso Erasmo olim commentatam, scriptamque,
 Jambis puri.*

ERASME, germen Aetheris Bataviæque Nymphæ,
 Videtne, GVERCEMANNA te ut manus reducat orco,
 OTHONIS optimi manus, medullæque Pithus?
 Enim reducit illa, quæ facit diu sepulta
 Tua illa VITA vivat, & virum volet per ora.
 Nec hæcce sola luminis venit benigne in auram:
 Et ille Gratiarum amor, Novensilum & sacerdos,
 Decusque MERULA addidit, latere quæ præoptent
 Theo atque Momus. At quid hic, ERASME, fert tu-
 multus?
 An acta Erinnyos minis polita scripta differt
 Novella turba pipulis? an aurei mage auro
 Tui usquequaque nominis Theo fluente turbat?
 Sacrum nec arguet foras Eleusis extulisse;
 Nec involasse fascinum Deæ manu tagaci;
 An inficitas graves quod haut sit vsque visum.
 Inaniaque Sorbonæ probare, magne censor,
 Id incolas, id accolat coquit Perennis Urbis?
 Ita est: at, ô beate rex Apollinaris orbis,
 Maligna spiculis cohors Dei laceffit arces,
 Graveisque ab improba manu reposcet ille poenas:
 Tibi æviterna cælitum caput corona cingit,
 Honosque in orbis orbita manet perenni clarus.

GER. JOH. VOSSIUS,
Heidelbergensis.

ALIVD IN EANDÈM.

Ille decus Batavum patriæ ingens gloria Erasmus,
 AEternæ morti præda futura fuit:
 Et quo docta manu vitæ monumenta reliquit
 Ipse sua indigne supprimeretur opus:
 Provida sed fato Werckmanni dextra benigno
 Immersum cæcis eripuit tenebris:
 Atque diu multis frustra poscentibus auris
 Vt daret, & merito lucis honore frui,
 Constituit Merulæ intextum producere chartis,
 Et docta doctum conceleberrare chely.
 Macte Otto: duplicem peperisti hoc munere laudem:
 Hac tibi cum Merula, ast altera tota tua est.
 Totum illud, Werkmanne, tuum est quod spirat,
 & hoc quod
 Docta virum, Merula dante, per ora volat.

*Termini Effigiem ex Annulo ERASMI signatorio expressam habes pagina proxime sequenti, ut &
 nummos in ejus honorem cufos, quorum copiam nobis fecerunt Viri Docti.*

Eripuisse aliquem tenebris, non ultima laus est;
 Plus tamen est, luci restituuisse novæ.
 Sed dare vitam aliis, vitam vt tibi fama perennet,
 Non minus accipere est, quam dare vitam aliis.

GEDEON JUNIVS,
Dordracenus 7C.

GILBERTVS COGNATVS NOZERENVS

in effigiem

D. ERASMI ROTERODAMI.

Corporis effigiem si quis non vidit Erasmi;
 Hanc scite ad vivum picta tabella dabit.
 Si pariter vocem manus ingeniosa dedisset,
 Vidisset simul & pectoris effigiem.
 Sed quod docta manus præstare nequibat, Erasmus
 Plenius ac melius præstitit ipse sibi.
 Ecce quot in libris tibi mentis imago relucet,
 Vivaque nec fallax, clarius ac speculo.
 Atque hæc forma viri spectatu dignior, illa
 Quam finxit pictor, theca modo est animi.
 Ergo puta toties te pictum cernere Erasmus,
 Illius ingenii quot monumenta legis.

IN ERASMI IMAGINEM.

Quod simulachrum istuc? ter magni illius Erasmi;
 Sub pedibus quænam scemina? Barbaries,
 Vnde ea sub pedibus? scribendo sedulus illam
 Prostravit, vicit, perdidit, enecuit.

IN EFFIGIEM ERASMI,

*Per Franciscum Craneveldium, juris utriusque
 doctorem, Consiliarium Cæsarem,
 Carmen.*

Quisquis es annosi effigiem qui cernis Erasmi,
 Non hominem, ast hominis videris exuvium.

NICOLAI REVSNERI.

Quid Batavos rides? Batavus sum magnus ERASMVS,
 Magnus & Ingenio, Magnus & Eloquio.

JOANNIS SCHOSSERI


CARMEN

IN TERMINVM

DES. ERASMI

ROTERODAMI.

Termine Divorum, quo non constantius alter
 In Capitolina restitit arce Jovi:
 Quid facis, ut clypeo modo continearis ERASMI,
 Quum tua jam pridem templa fatiget humus?
 Quæque locum summo non concessere Tonanti
 Membra, ruinoso pondere terra premat!
 Scilicet vt nulli superum tua cessit imago,
 Ignea nec manibus qui jacet arma Jovi:
 Sic decus, & clari laus immortalis ERASMI,
 Non aliquem, cui non cedere possit, habet.
 Hujus enim cunctas excedit gloria metas:
 Fulget & indocto non superanda choro.
 Hunc velut ætherium coluit Germania numen:
 Quam DESIDERII nomina jure tenet.



INVICTISSIMO IMPERATORI
CAESARI CAROLO

HVJVS NOMINIS QVINTO,
PIO, FELICI, AVGVSTO, &c.
BEATVS RHENANVS SELESTADIENSIS

S. D.



QVANTÆ semper laudi fuerit apud veteres, Invictissime CAROLE Auguste, cives habuisse viros insignes, ad posteros traditum inclitum illud septem Græciæ civitatum certamen satis indicat: quarum qualibet natum apud se præclarissimum vatem Homerum contendit. Nec injuria. Quod enim majus ornamentum ulli, vel urbi, vel provincia potest accidere, quam si talem progenierit, per quem apud omnem posteritatem illustrem sit laudem consequutura? qua ex nulla re solidior obveniat atque ex litteris, quibus ad æternitatem ipsam nihil magis durat. Hinc igitur moti Smyrnenai, Rhodienses, Colophonii, Salaminii, Ienses, Argivi, & Athenienses, certatim Homerum sibi vendicant, ut de Ægyptiis nihil dicam, qui illum sua gentis videri volebant. Quod si magni fecit Homeri natales ingeniosa Græciæ, cum omnis doctrina parentis & fontis perennis, cur tua Majestas non merito gloriari queat, DESIDERIVM ERASMVVM illum ROTERODAMVM in tua ditione certo natum & educatum, cujus industria velut postliminio revixere plenius litteræ, non tantum in istis proximis Germaniarum Galliarumque regionibus, in quibus mira barbaries ante regnabat, verum etiam in ipsa nobilissima terrarum Italia, quum instructius, tum felicius hujus ope florere cæperunt; ut, si fortassis ambitiosum sit, eum alterum Parentem litterarum vocare, tamen instructius ne primis illis illustrari dicti & possit, & debeat. Quis enim à mille annis exstitit, qui plura scripserit, quum in sacris, tum profanis, tanta humanioris litteraturæ peritia perpessus? cujus libri in longinquas provincias frequentius exportati sint, & avidius lecti? Denique quem omnium nationum eruditi magis coluerint observarintque? Nihil hic fingo, sed rem omnibus notam narro. Valebat namque stylo arguto, extemporalis, amæno, terso, feliciterque fluente, quem assidua juvenis adhuc exercitatione sibi paraverat: nec minus judicio valebat, quod habebat longe acerrimum. Hoc docti in eo præcipue sunt admirati, veneratique. Miraculo autem simile videatur, exactum adeo judicium sæculo tam rudi. Felicitati raræ perspicacissimi ingenii ferendum acceptum, magis quam ullis præceptoribus, si multos illos magistros excipias. Natus enim est ab avi tui Friderici III. Augusti primis imperii annis ad quintum Calend. Novembres, Roterodami in Hollandiæ tua inferioris Germaniæ Provincia, quam olim Batavi possederunt: nunc magis notam studiosis omnibus, ob unius indigenæ ERASMI incunabula, quam veterum incolarum memoria, quamlibet bellico robore præstantium. Hoc alumno Roterodamum oppidum se semper jactabit, & doctis erit commendatum. Proximum sibi laudem vendicat Daventria, quæ puellum adhuc ex eadē sacra Trajectensi cantorcūlū deductum, ubi præcensuunculas obire solitus phonsæis etiam, tenuissima vocis gratia, pro more templorum cathedralium inservierat, institutum suscepit. Præerat illic ludo litterario tum Alexander Hegius Westphalus, homo bonarum litterarum minime expertus, & Græcarum nonnihil peritus, Rudolpho Agricola communicante, cujus amicitia familiariter utebatur nuper ex Italia reversi, ubi Guarinum Veronensem Ferraria profitemem, & alios aliquot eruditione celebres audiverat. Ingenium ERASMI mox eluxit, quum statim, quæ docebatur, perciperet, & fideliter retineret, æquales suos omnes superans. Erat tum inter eos, quos illic fratres vocant, non quidem Monachos, sed contubernii ratione & vestitus simplicioris & uniformis convenientia Monachos similes, Joannes Sintheimius vir probe litteratus, ut illa ferebant tempora, (testantur id Commentarii Grammatici, quos edidit) magnum ea tempestate nomen in scholis Germaniarum consequutus. Is delectatus ERASMI profectū, nam Cænobia isti palliati quibundam Scholasticorum classibus præsent & publice docent, complexus aliquando puerum: Maeste ingenio, ERASME, inquit, tu ad summum eruditionis fastigium olim pervenies: simulque osculum dedit, & dimisit. Non fefellit hoc augurium, quod omnibus constat. Orbatus autem utroque parente paulo post, ut tutor omne procuratoris onus discerneret, ejus improbitate in Cænobium Canonicorum, quos addita Latina interpretatione Regulares appellant, ex Daventriensi schola, Monachorum omne genus fertilissimo seminario, detrusus est. In eo loco Gulielmum Hermannum Gaudensem litteris deditissimum juvenem aliquot annis studiorum sodalem habuit, cujus exstat Odarum Sylva. Hoc socio adjunctus & accensus nullum Latinorum auctorum volumen non excussit. Diu nocturne erant in litteris. Tempus, quod æquales aliis joci, somno, commensationibus ignaviter absorbant, hi duo libris evolvendis & exercendo stylo impendebant. Audita ERASMI fama, Cameracensis antistes Henricus ex Bergensiū Regulorum familia prognatus, juvenem jam sacris initiatum ad se vocat, adornans iter in Italiam Romanamque petiturus. Videbat enim ERASMVVM valere litteris, valere eloquentia, moribus ingenuis præditum, Epistolis eleganter scriptis id docentibus: unde quum usus, tum ornamento comitatus suo esse posset, si cum Pontifice Romano, si cum Cardinalibus agendum foret. Verum quid intervenerit, quo minus ea profectio sit ab Episcopo suscepta, mihi non liquet. Certe Gulielmus ipse valde doluit ereptum sibi ERASMVVM, sic enim in Oda quadam canit:

At nunc fors nos divellit, tibi quod bene vertat,
Sors peracerba mihi,
Me sine solus abis, tu Rheni frigora & Alpeis
Me sine solus abis.
Italiam Italiam lætus penetrabis amœnam. Et reliqua.

Quamquam vero de Roma adenda consilium mutavit Cameracensis Præsul, tamen ERASMVVM in aula sua retinuit ingenii suavitatem & præstantiam ac candorem juvenis delectatus. Hicque ille in multorum amicitiam sese insinnavit verè Ege-
m^{us}, in primis Antonii Abbatis apud Divum Bertinum, qui ex eadem Bergensiū gente ducebat originem, & Jacobi Batti, qui senatus oppidi Bergensis fuit à secretis, ad quem tot ejus exstant Epistolæ, qui postea apud Annam Berfolam Adolphi Principis Veriensis matrem diu vixit in summo honore. At Cameracensis felicissimum ERASMI alumni sui ingenium contemplatus, haud gravatim eum sumptibus instruxit, ut Lutetiam proficisceretur, & illic Theologia, quam scho-
lasticam vocant, daret operam. Ergo Scotista factus est, in collegio Montis Acuti agens: nam inter Theologos disputatores Joannes ille Dunsius Scotus, ab acumine ingenii maxime predicatur. Quamque vitam collegiaticam duriorē experiretur, non invitus emigravit ad Anglum quendam generosum, adulescentes duos generosos secum habentem, Montjoium alterum ex

Tom. I.

*** illis

BEATI RHENANI SELESTADIENSIS

Post

AD CAROLVM CÆSAREM EPISTOLA.

Post discessum antistitis Ecclesie Divi Andrea, veterum amicorum memoria, quos in Britannia reliquerat, in causa fuit ERASMO, cur reditum in patriam & ipse maturandum duceret. Itaque per Alpes Reticas Curiam primum, deinde Constantiam ad lacum Brigantium profectus, transito Lentiensium tractu, qui sunt ad Martiana sylva initium, quod prisca Orcynium fuit, per Brisigavos Argentoratim venit, unde secundo Rheno in Hollandiam vectus est. Mox amicis erat apud Divum Paulum, Grocini, Latimeri, Linacri, quorum ante meminimus, & precipue Thomæ Morierius, h. e. iudex summus, qui omnes Episcopos ejus insule sua liberalitate vicit. Hic & pecuniam dedit, & præterea sacerdotium Ecclesie Aldingtonensis in agro Cantuariensi: quod quum religione ERASMS obstringeretur, quominus statim acciperet, emolumentis integris potius ad pastorem pertinentibus, qui præsens diu nocturne subjectam plebem instrueret, id erat, qui scriptis tuis utilissimis ipsos Ecclesiarum præfectos Presbyteros instruis, doces, adjuvas, unus omnes: profuit. Sane plus semel ERASMVVM dicere memini, Principum esse debere officium, ut propria liberalitate studiosos juvent: sed illos suis impensis paruos ad sacerdotiorum collationem confugere, ad qua accipienda sectatores disciplinarum cogi, ut ocium litterarum tueri queant. Caterum ut Montjoium inscriptione Proverbiorum honestavit, & Joannem Coletum nova schola Londini institutorem, libris Copiæ duplicis, verborum & rerum, ad quem ludens aliquando dixit, se pauperem plane factum emissâ utraque copia, ita præstantissimam Macenatem suam Guilielmum Wasamum recognitione Hieronymianarum præcipue lucubrationum immortalitati consecrare statuit. Opus Adagiorum Aldum emulatus gentioris celebritate motus ERASMS, quum alterum Proverbiorum exemplar cum accessione pridem Radio promissum & destinatum, adjunctis aliquot Plutarchi libellis recenter versis Francisci Pirmani consilio Basileam aberrasse cognovisset, & illic omnes Divi Hieronymi lucubrationes sub Frobenianis prelis esse, ipse quoque eodem se contulit, simulans brosis Augustinique libris, totum se comparaverat ad castigationem voluminum Hieronymi, undique conquisitis vetustis exemplaribus, & doctis viris conductis, qui Græcas dictiones passim restituerent: de quorum numero fuit Joannes Reuchlinus Jureconsultus, qui è Lexicis vacuas lacunas replere conabatur, cui successit felicior castigato Joannes Conno Norimbergensis, instituti Dominici, qui meliorem viam sequutus, è vestigiis antiquorum codicum ea, qua vel tus nimirum in optimis auctoribus, aliquot annis excellentissimorum in Italia Professorum Mufuri & Scipionis, quorum ante meminimus, atque Joannis Cretensis minime penitendus auditor. Etiam defuncto patre, Bruno & Basilus filii, una cum Joanne Frobenio, Hieronymi informationem adgressi erant, & in Prophetis aliquo usque progressi. ERAS- MO novo hosti statim in ades Frobenianas recepto placuit editionis nitor, sed in primis incredibilis Fratrum Amerba- chiorum in castigando sedulaque diligentia. Ipse ergo, si quando consulabatur, ubi iudicio opus erat propter exemplarium variationem, nusquam deerat. Verum Epistolarum volumina sibi peculiariter vendicabat, partim absolvendis scholiis, que jam pridem cæperat, partim novis addendis & argumentis adscribendis occupatus. Hic labor non erat exiguus. Accessit longe major. Desiderabant studiosi Galliarum & Germaniarum seorsim edi Novum Testamentum Græce, quod cum Veteri Venetiis conjunxerant. In id olim scripserat Adnotationes, Laurentium Vallam imitatus. Eas, quum re- perisset inter schedas suas, tumultuarie recognovit & auxit inter pralorum strepitus. Nec deerant, qui ipsum Novum Testamentum eliminandum putarent, vulgo Christianorum, ut videatur, scriptum vel potius versum. Et hac monentibus pro sua facilitate paruit. Hanc vero laborem Leoni x. Pont. Max. inscripsit, & quidem merito, primum nostræ Religionis instrumentum summo ejusdem prædidi. At Hieronymianorum operum recognitionem Cantuariensi Archiepiscopo Waramo consecravimus, æternum observantia singularis monumentum. Rediit tum in inferiorem Germaniam propter nego- cia, ac non ita diu post ad nos reversus, commodum illuc recurrerat, quum Majestas tua Romani Imperii fascibus, cu- jus nobis ab ipsis Gothis, Theodoricho illo Veronensi & ceteris antiquitas apud Aquas Grani inauguraretur. Mox Colonia Ubiorum adfuit sub conventum Wormaciensem, in ordine eorum, qui Tibi sunt à consiliis spectabiles: nam in ho- rum cætum jampridem a te prudentissime erat adscitus, adhuc vivente Joanne Sylvagio summique Cancellarii munus obeunte. Solutis comitiis Vangionum & urbe Tornacensi recepta, quum in Hispanias ex Brabantia Majestas tua esset re- gressa, Basileam repetiit ERASMS iterum editurus Adagiorum Chiliadas & Paraphrases Paulinas atque Evangelicas absoluturus, quas dubium est majore studio apud applausu orbis exceperit, an majori alacritate ipse scripserit. Hic sum, inquit, in meo campo. Et sic erat. Inspiciebat veteres maxime interpretes, ex nostris Ambrosium, Hierony- mum, Augustinum, Hilarium, ex Græcis Chrysostomum & hujus imitatore Theophylactum, ipse stylum accommoda- bat tantum. Ex iis unam Majestati tue inscripsit, nempe primam, qua est in Evangelium Matthæi, & postremam suspiceret ad fastigium Romani Imperii, concordibus Principum suffragiis, evectum, aula tua dicatus honestissimoque officio obstrictus? Juveni adhuc Institutionem Principis Christiani paravit, sanctis ceterum brevibus aphorismis compre- hensam, libellum, ita me Deus amet! in quo velut in speculo distinctus summarum rerum administrationi, vel ipse fun- ctiones Christiano dignas addidit, vel huic additus præceptor intueatur qualibus doctrina elementis puerilis regum ani- mus, dum etiamnum tener est, imbuatur. Siquidem hoc ERASMS semper studio habuit, nobilissimam Austria- nam familiam tot Cæsarium parentem, cujus imperium vix Alpibus Juliis Reticisque & Oceano Septentrionali termina- tur, omni obsequiorum genere, qua litterarum sectatori convenirent, colere. Docet hoc Panegyricus patri tuo Philippo ex Hispaniis reduci exhibitus, & ab eodem perquam amanter susceptus: quod ille officium singulari munificentia censuit prosequendum, tanquam omne quodam felici primus ostendens, quantam olim æstimationem essent habitura hujus viri scripta, ac tantum non exemplum statuens, quod ceteri magnates amularentur. Nec aliter accidit. Etenim similem multorum Regum & Pontificum Max. benignitatem expertus est ERASMS, ut tuam in primis, Imperator Auguste, ut FERDINANDI nunc Cæsaris Germanici, ut Henrici Britannie Regis ejus nominis octavi, a quo vivente etiamnum parente Henrico Septimo litteris ipsius manus scriptis salutatus est, ut Clementis VII. Pontificis Max. Nec aliam mente Ha- drianus Pontifex fuit, si sacerdotium oblatum, vel munus honorarium ERASMS accipere voluisset. Quid porro ERASMO à Francisco Valesio Galliarum Rege non expectandum fuit, si animum spectemus, & quid in eum confer- re voluerit? Unis certe litteris, longe gratissimum ejus adventum fore, sua ipsius manu subscribere non est dedignatus. Paulum vero Pontificem Max. ejus nominis tertium, quam virtuti & eruditioni ERASMICÆ iudicio & animo tam etiam effectum ad quamlibet opportunitatem favere fuisse paratum inde apparet, quod præterquam de ERASMO in collegium Cardinalium cooptando actum fuerat, ipse eidem Præposituram Darentensem Trajectensis Diocesis, qua sexcentorum aureorum redditum tribuere dicitur, ultro obtulerit. Obtulerit autem? imo contulerit, litteras non solum Apostolicas su- per ea ne expeditionis tadio atque impensa beneficium comminueretur promittens, sed & illustrissimam Ungaria Regniama Ma- riam sororem tuam, Flandria tuo assensu presidentem, ut pro sua erga Romanam sedem filiali observantia, & Regia in vi- ros benemeritos benignitate, dictæ Præpositura (ut appellant) possessionem vacuam ab intrusis pro ERASMO conservari

BEATI RHENANI SELESTADIENSIS

curaret, litteris bene amantibus interpellans: quas tamen ERASMVS *ἀνταρξ*, quod sacerdotum recusare instituisse, penes se reservavit, satis viatici sibi paulo post morituro superesse dicens. Principum sane & Episcoporum in ERASMVVM munificorum catalogum texere perlongum sit. Nec solum à Principibus honoratus est ERASMVS, sed etiam à civitatibus Germania: si qua transiret, & magistratus rescissent vino donatus, qui honor magnatibus & civitatibus legatis more gentis impenditur. Id, me presente, contigit Basilea, Constantia ad lacum Brigantinum apud Bartolomæo Blauroto Jureconsulto & Consule ad convivium sua sponte venire dignato, Scheshusia ab Abbate & magistratu, Friburgi Brisgavorum, in Monte Brisia, Selestadii, Arsa gentorati, & aliis item locis. Nam notum erat non paucis cum tua Majestati esse à Consiliis. Equidem ob excellentiam doctrinae, quam editis indies libris testatorem cunctis faciebat: dignus aliqui censetur, quem omnes missis muneribus nihil tale ambien- tem certatim ornare, & quovis honoris genere reverenter cuperent afficere. Quod si vulgo videmus eos nullis non militaris gloria titulis insigniri, qui, si quando opus fuerit, & incidat necessitas, defendere patriam vita sua periculo sunt parati, quanto justius honoratur, qui non breve aliquod tempus, sed omnem aetatem in litteris pro publica utilitate ultro absumsit exercens ingenium, ge- nium suum defraudans? Potuisset esse magnus & indies fieri major apud tuam Majestatem. An non ad summum auctoritatis Eccle- siastica fastigium praeceptor olim ille tuus Adrianus Trajectensis evehctus est? Potuisset in splendore vivere apud quosvis Reges, quis enim summorum Principum eum non ambiit? potuisset in ocio, in voluptatibus versari; sed prae tulit communem studiorum utili- tatem universis honoribus & hujus vita crassius deliciis. Verisimile est prae aliis causis felicem quoque succrescentium studiorum suc- cessum hominem haud parum inflammasse ad quidvis perferendum. In Germania Galliaque mire frangebant littera, vix unus & alter Latine sciebat, Graece nullus. Et ecce statim, ut edita sunt Adagiorum Chiliades, & libri De utraque copia, velut in nebu- lis coorto sole, emergere linguarum peritia cepit. Prodebant alii atque alii libelli ad hanc rem conducibiles, Theodori Grammaticae Institutiones Latine versa, multorumque auctorum in utraque lingua monumenta Graece citra praeceptoris operam discere volentibus admodum accommoda. Nam hac ratione etiam Hermolaus Barbarus, immortale decus Venetiarum, olim profecisse fertur pri- vato studio collatis doctissimi Gazæ versionibus. Jamque quasi signo dato, litterarum causam in iis Provinciis optimus quisque pro- movebat. Sed omnium maximum subsidium attulit Trilingue collegium illud in Academia Lovaniensi institutum, suadente ERAS- MO. Magnas opes moriens reliquerat Arianus Praepositus Hieronymus Bullidius, Francisci Vefontini quondam Archiepi- scopi in Hispania peregre extincti frater; quas quum ille studiorum usibus destinasset, ERASMVS testamentariis auctor fuit, ut Athenaeum Lovanii constituerent, in quo stipendiis ordinatis tres linguae publice docerentur; è quo tanquam ex equo Tro- jano innumeris cognitione linguarum instructi prodire haecenus, & faventibus Superis deinceps sunt prodituri: quo universa ditio tua, CAESAR invictissime, nihil habet praclarioris. Ea res Franciscum quoque Galliarum Regem movit, ut ad similis collegii Lu- tetae Parisiorum institutionem animum adjiceret, ERASMVVM per litteras evocando, cujus consilio omnia disponentur. Et jam regium diploma acceperat ad itineris securitatem, sed intervenere causa, qua professionem impedirent. Instituti tamen & illic Professores. Itaque in confesso est, litterarum in his Provinciis incrementa potissimum ERASMO deberi. Quem enim ille lapidem non movit (quod ajunt) ut studia procederent? Quanto candore tradidit omnia, ab omnibus intelligi volens: quum multi res obscuras multo obscurius explicant. Editurus Proverbiorum opus à quibusdam doctis audire coactus est, ERASME, tu evulgas mysteria nostra. Sed cupiebat is omnibus ea aperta esse, quo perfectam eruditionem consequerentur. Hoc candore destituebatur ille, qui Venetiis olim Aldo Manutio commentarios Gracos in Euripidem & Sophoclem edere paranti, dixit, Cave, cave hoc facias, ne Barbari istis adjuti, domi maneant, & pauciores in Italiam ventitent. Jam nihil tam humile fuit, quo tan- tus vir studiorum gratia se non demitteret. Etiam ipsum Catonis carmen, juxta titulum, emendare & interpretari dignatus est, ut nec in magnis, nec in minutis ejus opera desideraretur. Adeo vix proferri queat, qui unus studiis communibus plus profuerit. Habet quidem Gallia Budæum Principem litterarum, quem libenter opponat, qui quum abstrusissimam rei nummaria, quae apud veteres fuit, materiam primus doctissime copiosissimeque explicuit, tum priscae loquendi formulae Jureconsultorum elegantis- sime edisserit, maxima (quod negari non potest) nationis suae gloria editis in Pandectas Annotationibus: denique Commentarios lingua Graeca conscripsit, quibus nihil utilius Gracitatis studio contingere potest. Sed noster in Theologicis plus opera posuit. Quam studiorum partem paulo liberius tractavit, quod videret (ut ipsius utar verbis, ad amicam quendam scribentis) plus satis tribus Theologia argutatrici, veterem prorsus aboleri: sicque Theologos argutis Scotis incumbere, ut non attingant fontes divina sa- pientia. Ad hac disciplinam Ecclesiasticam longe prolapsam esse a sinceritate Evangelica: populum Christianum multis modis gra- vatam esse: conscientias hominum variis tricus illaqueatas. Atque hanc ob rem alicubi quorundam arrogantiam, ambitionem, avaritiam, superstitionemque liberiori stylo subtaxat, nemini hic adulatus quamlibet potenti, quod tamen hodie nimium multi faciunt. Nec alia res plus officit Principibus maxime Ecclesiasticis, dum laudamus, quod faciunt, non quid facere debeant com- monstrantes. In hac ille parte nusquam cessat. Quamquam cum sepe discitare memini, dum viveret, si praescisset tale seculum exo- riturum, quale hoc nostrum est, se multa non fuisse scripturum, aut isto modo non scripturum. Sed Deo gratia, videmus istarum admonitionum aliquem fructum. Theologorum manus pro Halesio, pro Holcoto, Cyprianum, Augustinum, Ambrosium & Hieronymum suis horis versant. Studium Theologicum diffusum Petrus Langobardus in methodum redigere conatus est, colle- ctis Sententiarum libris: sic enim appellant. Sed in commentariis recentiorum modus desideratur. Similem rem apud Gracos ten- tavit Damascenus. Ex veteribus licet cognoscere nascentis Ecclesiae exordia simplicissima, quae paulatim ad hanc Majestatem incre- verunt. Absque quorum lectione citra iudicium de rebus disseret, qui in neotericis tantum versatus est, amissis, juxta prover- bium, alba ad sacrorum expensionem. Quare veterum cognitio scriptorum futuro Theologo perquam necessaria, ad quam tanto- pere studiosos cohortatus est ERASMVS, emendatis illorum lucubrationibus, & ad exemplaria vetusta collatis. Exstant libri, nec est opus nominatim recensere. Addidit plerisque locis censuras, quas cen singularem dotem ac evidens argumentum praesentissi- mi perspicacissimique ingenii magis admiror quam quidvis aliud. Nullum enim arbitror fuisse multis jam seculis, qui iudicio plus valuerit, id quod consummata eruditioni postremo omnium contingere solet. Quibusdam visus est non satis esse Ciceronianus, ad structuram & verba Tulliana dictionis omnia severe exigentibus. Sed ipse styli apertum, extemporalem, purum, facilem, & argutum semper amavit. Vocabulis quibusdam uti coactus est Christiana religionis, materia, quam tractabat, servientibus. Ne- que enim probabat eorum superstitionem, qui verius inanes modulos quosdam antiquitatis referunt, quam sententias densas & praestantes. Sane fateamur seculum Ciceronis fuisse purissimum & imitatione dignum, ac proinde magnam felicitatem, si quis sin- ceram illius temporis, quo lingua Latina maxime floruit, phrasin assequatur. Et quibusdam rem belle procedere cernimus, nec in- videmus. At proferant nobis in medium tot tamque utilia scripta, tam sancta, tam cordata, quot ab ERASMO Christianus orbis accepit, & cum illis sentiemus, ac Ciceronianos etiam a pietate sanctimoniamque predicabimus. Horum librorum magnam partem Basilea, in adibus Frobenianis in monte Divi Petri sitis, partem etiam Friburgi Brisgavorum elucubravimus, ad hoc enim oppidum in ditione fratris tui Regis Ferdinandi positum, monitu Bernardi à Gles Cardinalis Tridentini cum sarcinulis suis mi- grare coactus est, verentis, ne quid illi accideret Basilea mutato sacrorum cultu; quae tamen res longe placidius transacta est, ma- gistratum prudentia, quam multi divinabant, nemine ex universo numero sacerdotum per contumeliam attacto. Friburgi pri- mum in adibus illis magnificis habitavit, quas avus tuus Divus Maximilianus pro senectutis sua nido per Jacobum Villinge- rum sua Majestatis a thesauris parari quondam ibi jusserat. Deinde propria domum emisit. At quum ab illustrissima sorore tua Maria Hungaria Regina, quam tu ab obitu amita tua Margaretae provinciae inferioris Germania gubernan- dis praefecisti, in Brabantiam revocaretur, & Ecclesiasten suum prius esset editurus, ut praesens adesset, dum excudi- tur in officina, ac operi colophonem (quod ajunt) adderet: nam nescio, quid ad calcem restabat adtexendum, simul ut celi mutatione reliquias morbi pertinaciores discuteret, vendita domo Basileam cum universa supellestili sua, quae libris maximam partem constabat, post septimum annum reversione, ad Hieronymum Frobenium amicam veterem hospes gratissi- mus

AD CAROLVM CAESAREM EPISTOLA.

mus divertens; hoc consilio, ut, recuperata bona valetudine, & absolutis iis, quae habebat in manibus, navigio per Rhenum, in inferiorem Germaniam descenderet. Interim articularis morbus, qui aliquamdiu conquieverat, rursus hominem corripit & miris modis vexat, ut se loco movere nequiret, frustra caelo mutato. Hic remittentibus cruciatibus ex bipede primum quadrupes, deinde tripes factus est scipionum auxilio se sustentans & sensim prorepens. Quumque schedas Epistolarum, quas annis superioribus à diversis amicis acceperat, singillatim evolveret, nova nescio cuius editionis gratia, ac plurima eorum, qui à rebus humanis excesserant; in manus venirent, subinde agebat, Et hic mortuus est. Ac tandem, Nec ego diutius vivere cupio, si CHRISTO Domino placeat. Sic languentem & viribus destitutum dysenteria, malum exitiale, ferme mensem integrum vexavit, ac paulatim exhaustum in summa equanimitate & tolerantia tandem exstinxit, CHRISTI misericordiam extremis saepe repetitis vocibus implorantem. Qui CHRISTI doctrinam vivens tam sincere tractavit, mortuus indubie mercedem ab illo summo Agonotheta amplam accepit. Testamentum Majestatis etiam tuae fretus auctoritate considerat, quo pauperum inopia relictis à morte facultatibus suis trifariam consultum voluit, invalidis senioque confectis, virginibus elocandis, quibus dos deesset mariti conciliatrix, & studiis fovendis. Id Bonifacius Amerbachius Juris Professor, heres nuncupatus, redemptis annuis stipendiis reditibusve, bona fide cum sociis iuxta testatoris mentem exsequutus est, & quae fieri ille voluit, cuncta adamussim accuravit. Isipse memoriam in eade sacra cathedrali Basiliensi patrono optimo in columnari structura, cui saxum tumulum operiens Termino sculptilis insigne adjacet, asfigendam locavit in marmore Rhetico. Statua novit Majestatis tuae fuisse eum, ut ipse de Moro quadam Epistola scribit, infra proceritatem, supra tamen prorsus notabilem humilitatem. Corpusculo satis compacto & eleganti, sed quod esset tenerima complexio, & minimarum etiam rerum mutatione, puta vini, cibi, caelive facile offenderetur, in senio crebris quoque calculi doloribus obnoxium: ut de pituita nihil dicam, alioqui perpetuo communique studioforum omnium malo. Cute corporis & faciei candida, capillitio in juvenia sufflavo, oculis caesis, vultu festivo, voce exili, lingua pulcre explicata, cultu honesto & gravi, qui Caesarem Consiliarium, Theologum & Sacerdotem deceret. Fuit in retinenda amicitia constantissimus, nullis unquam inscriptionibus quacunque de causa mutatis. Memoria felicissima: nam puer totum Terentium & Horatium memoriter complexus est. In egenos liberalis, quos, ut alibi, sic à sacro domum rediens per famulum nunquam non munerari solebat: maxime vero in bona spe & indolis adolescentes studiosos, si qui ad se viatico destituti venissent, largus, benignus, & munificus. In convivio comis & suavis citra omne supercilium: ubique certe Egeusque, h. e. amabilis: quod ille nomen a se dolebat non usurpatum, quum primum scribere cepisset, & editis libellis innotescere: Quis enim, inquit, quemquam mortalium Amorem audivit appellari, id quod Graecis significat Egeus? De libris porro suis, quos in omni vita conscripsit innumeros, quae sacras, quae prophanas, conjunctim & universim edundis, vir modestissimus, nihil moriens statuit, opinatus futurum, ut cultioribus quotidie emergentibus ista sua scripta facile negligerentur. Ceterum, quum Hieronymus Frobenius & Nicolaus Episcopus Typographi sensissent ea à studio in eo ordine simul collecta desiderari, quem ipse, quum viveret, ad Joannem Botzheimium & postremo ad Hectorem Beotium suarum lucubrationum catalogum recensens, indicavit, videlicet iis primum conjunctis, quae vel ad institutionem litterarum vel ad pietatem pertinent, tum Moralibus, deinde Apologiis, & ultimo loco recognitis auctoribus suas partes implentibus, obsequendum studiosis rati, rem ausi sunt cum magnificam, tum omnium favore dignam, nulla nec sumptuum nec laborum magnitudine deterrii, quicumque tandem sequeretur eventus, modo ut voluminum ERASMI Tomos conficerent, auctoris Catalogum ad Hectorem Beotium, tanquam recentiore, potissimum sequenti: adjectis etiam ab Amerbachio suo quibusque locis, quae postea idem ille ERASMVS elucubravit: omisso tamen Decimo Tomo, non nisi alios auctores ab ipso recognitos complectente: in quibus seorsum successu temporum excudendis, etiam suam operam studiosis iidem chalcographi pollicentur, si modo aequum experti fuerint lectorem. Quae editio quum ob alia magnificanda est, tum ob hoc, quod tanti litterarum antistitis existimationi consilii, ne quis aut animo nocendi, aut quaestus studio, gratiam videlicet ERASMI genii capians, deinceps aliquid illi tribuat, quod ipse non scripsit: id quod vivente eo, factum scimus: aut tanquam suum non agnovit, aut etiam agnitum, minime editione dignum existimavit. Quare, Clementissime CAESAR, veterum Imperatorum ac Regum exemplum imitatus, qui rem litterariam & honestas disciplinas tueri magnificum censebant, istum ERASMICORVM librorum Theaurum, quo nihil unversae res litteraria vel ornatus habet, vel utilius, vel pius magis, inter monumenta recentiorum, sartum tectum conservandum suscipe, hominis tot modis tui, siue patriam Hollandiam respicias, quae te dominum agnoscit, siue Consilarii dignitatem, quam tibi fideliter obivit, siue probi patris devotionem, quo nobilissima isti familia Austriaca siue Burgundica semper didicius fuit. Vere enim Regia res est, tueri litteras, quibus extinctis miserabili caligine cuncta consundentur, nec homines à brutis animantibus differunt. M. Vitruvium haud puduit De Architectura scribere ad Octavium Augustum, qui in ordine vestro Romanorum Imperatorum secundus fuit, Julii ut heres, ita successor: Dictionarium suum Pollux Gracus auctor Commodi Caesari dedicat: Oppianus τὰ Ἀλφειῶν Antonino L. Sept. Severi F. inscribit: non quod Architectus esset Octavius, à quo struendarum aedium consilia peterentur: aut Commodus, Grammaticus: aut Physilogus, Antoninus: sed ut liberalium artium patronos agere meminissent tanti monarcha. Et disciplinis quidem illi delectabantur ut docti, & à teneris recte instituti, non favebant tantum. Quin florebat ipsum Romanum Imperium ab hominibus virtute & eruditione excultis per diversa officia administratum. Summe ergo tibi lucubrationes ERASMICAS defendendas, vere τὸ ἰσχυρὰ καὶ ἀκαταμάχητος, partim quod in iis quadam tua Majestati privatim dicata sunt, velut Institutio Principis Christiani, & in Matthaei Evangelium Paraphrasis: partim quod ut tu summus es orbis Monarcha, sic etiam omnium commodis prospicere debes. Proderit autem orbi talem Theaurum esse conservatum, nec sycophantis quibusdam & studiorum osoribus vel hujus intercipiendi vel concerpenti fieri potestatem, non quod ERASMO magnosperandum sit, quem amare extinctum incipiunt, qui vivum oderant.

Pascitur enim, ut Ovidius ait, in vivis livor, post fata quiescit:

sed ut malevolis omnis vel calumniandi vel sinistri conatus ansa penitus amputetur. Id fiet, si tua Majestati quae Ajacis clypeum opponas, & re ipsa offendas, non solum imminuta Majestatis reos esse, qui in te Principem Romanum, sed & qui in Consiliarios tuos conspirant: id quod Honorius & Arcadius AA. censuerunt. Quis enim rabularum non obmutescet, si protegentem CAROLVM viderit? quis illorum aspectu tui territus non terga dabit? quem Afri congregientem expaverunt, quum depulsum ditione sua Tunetensem Regem, ultramarina expeditione suscepta, rem maximam atque difficillimam ausus, feliciter & celeriter restitueret. Qui Italia pacem dedisti, inque ea jam diu nobilissimam regionem conservas. Qui proximis diebus Gandavensem tumultum in gravem totius Flandriae perniciem erupturum, dicto citius compefcuisti. Quem spes est Germania nostra pristinam concordiam resarturum lite partium utrimque audita, ac per tuam prudentiam, qua vales, auctoritatemque aequabiliter diremta. Atque utinam immortalitate dignus ERASMVS transisseret superfuisset, dum ista à te fortiter & praeclare gesta suavisimo stylo suo memoria aeterna consecrasset. In nulla re ille, certo scio, libentius fuisset occupatus. Denique addam hoc unum, prius quam finem faciam: Gloriantur ceteri Imperatores, hujus vel illius quamlibet magna persaepe etiam atrocis rei casu suum principatum factum insignem, CAROLI CAESARIS tempora candidissimi scriptoris ERASMI monumentis illustrata nunquam ignorabuntur; nam solet eruditissimi cujusque laus etiam in Principem redundare, sub quo vixerit, ut non dicam in cuius clientela fuerit numeratus. Bene valeat Majestas tua, CAESAR Inviatissime, & ERASMI sui lucubrationes sibi commendatas perpetuo teneatur. Seletstadii, Calendis Junii, Anno à CHRISTO nato M. D. XL.

V I T A DESIDERII ERASMI

R O T E R O D A M I,

Partim ab ipsomet ERASMO, partim ab amicis æqualibus exacte descripta.

DESIDERII ERASMI
ROTERODAMI

E P I S T O L A

S E C R E T I S S I M A

A D

M. CONRADVM GOELENIVM,

*Latine Linguae Lovanii Professore, cum ipsi Vitæ suæ Compendium (quod subnexuimus)
mitteret, ex ipsius manu fideliter representata.*

M. CONRADO GOELENIO S. D.

Ἀγαθὸν μοι, καὶ λαός.



ESTAT extremus actus hujus fabulæ, ad quem peragendum opus est *Pylade*, h. e. tui simili. Nam hanc fiduciam concepi in te, neque quicquam addubito, quin sis cum animo præstiturus, quem hæcenus præ te tulisti. Sed hic inprimis opus est profundo silentio, adeo ut nullum habeas tam intimum tibi, cui hoc credas arcani. Venissem ipse, sed & longa est via, & parum tuta, & arbitror hunc nuncium satis fidum. *Henricus Epiphondorpius*, quem nosti, nebulo natus est ad omnem fucum ac malitiam, excitat nobis hic miras tragedias, antehac admissus in intimam familiaritatem, quam fatetur sibi fuisse frugiferam. Certe, ut scribit *Petrus Mosellanus*, primum ex commendatione mea Dux *Georgius* dedit illi centum florenos, ut perficeret studia sua. Is per multa vagatus, tandem venit *Friburgum*. Ibi scortis, vino, & alea decoxit fortiter, & tantum æris alieni contraxit, ut nondum eo redire liceat. Commigravit *Basileam*, ac nobis se ingessit, versans interim in publico diversorio. Nemo hospes me hic invisebat, quin ille sese ingereret. Quum peterem *Constantiam*, ultro se ingessit comitem itineris. Fingebat meram familiaritatem, quum tamen aliquid moliretur tragediæ. Etenim jam tum apud *Joannem Botzemium*, apud quem tum mea causa humanissime complures dies tractabatur, clam effudit aliquid sui veneni. Et hic ab amicis submonebar, quam aliquando parum amice de me loqueretur. Interim venit *Huttenus*. Hunc multi quidem *Lutherani* instigaverunt, ut scriberet contra me, sed *Epiphondorpius* instruxit aliquot sycophantiis, & subito *Hutteno* mei reverentiam excussit. Nam semper *Huttenus* me fuerat reveritus. Argumenta partim sumserat ex familiaritate nostra, partim istic hauserat è tragedia *Alardica* & *Paschasiana*, quæ tibi notissima. Hinc sunt illi tituli *Presbytero Theologo*, *Presbytero & Scriba*, & crimen illud, quod minitatur *Ortho Epiphondorpius* mihi posse adspargere. Tam vero stultus est, ut, quum hic nemo non sentiat illum esse auctorem hujus fabulæ, tamen demiraretur se cuiquam esse suspectum, quum nemo viveret amantior *Erasmii*. Nec interim desinebat apud multos voces quasdam effundere, quibus prodebat animum suum. Et volebat uni mihi ignotum esse, quod nemo nesciebat. Tandem hic sparsa est quædam Epistola ridicula in me scripta, quæ tamen ad me non pervenit. Ubi *Huttenus* abisset hinc *Milthufium*, quo eum *Epiphondorpius* deduxerat, reversus nunciavit *Huttenum* nescio quid scribere, fingens se magnopere dolere. Et hoc agebat, ut ab amicis extorqueretur pecunia, ne libellus ille prodiret. Mirum autem quibus technis hoc agebat apud me, apud *Frobenium*, apud *Benium*. *Botzemium* etiam hac gratia evocarat *Constantiam*. Interim *Huttenus* miserat exemplar Epistolæ, sed jam in aliquot exemplaria propagatæ. Ego cogitans, ne, quod res erat, extorta pecunia, tamen post edendum libellum etiam virulentiorum, monui amicos, ne quid darent. Egebant autem uterque misere, sicut hoc hominum genus solet. Debebat uterque animam. *Huttenus* hinc iussus est discedere. *Milthufi* tam erat invivis omnibus, ut, ni abisset, cives minarentur se perrupturos Monasterium *Augustinensium*, in quo latitabat, favore Secretarii. Media nocte dimissus, clanculum aufugit *Thuregium* (quæ civitas addictissima est doctrinæ *Zwingliana*, quam *Lutherus* nunc damnat; incipiens sero meminisse à me toties commendatæ modestiæ:) & illic paucis diebus latitabat; post aliquot diebus versatus est extra civitatem apud sacerdotem quandam. Ubique vero amicos mulcabat pecunia. Tandem demigravit in insulam lacus *Tigurini*, ubi mortuus est. Sed ante mortem Epistola *Huttenica* etiam procul mittebatur ad *Germanos*, quod non possent invenire typographum. Nec invenissent, nisi scelerosus *Epiphondorpius*, quum hic ob æs alienum ac suspensiones hominum non posset diutius vivere, sub prætextu, quasi peteret *Thermas Badenses*, commigraret *Argentoratam*. Ibi vix ægre persuasit typographo, nihil esse amarulentæ. Et *Scotus* ille misere invidet *Frobenio*, quemadmodum ferre omnes. Unde amicitia *Frobenii* mihi conflavit magnam invidiam. Tandem prodit expositio sycophantæ, plena mendaciis, ut quisque in confabulatione suggererat *Lutheranus*. Ego mox paraveram responsum, sed adeo clam, ut nec *Frobenius*, nec *Beatus* sciret. Et propemodum decreveram premere. Sed instigantibus his emisi. Quum interea frequenter inter nos scriberemus *Huttenus* & Ego, venit una Epistola, quæ palam prodebat *Epiphondorpii* perfidiam. Itaque cum gravaretur suspitione *Epiphondorpii*, impetravit Epistolam ab *Hutteno*, qui tum erat *Thuregii*, quæ testaretur *Epiphondorpium* semper dissuasisse, ne quid scriberet in *Erasmium*. Sed hoc adeo frigide scribebat, ut magis gravaret eum, quem purgabat. Atque interim *Epiphondorpius* subornabat, qui mihi fictis nominibus redderent

DESIDERII ERASMI VITA

derent fucatas Epistolas, ex quibus sciebat, me suspicaturum, quid sibi vellet, nec tamen haberem * cum illo expostulandi. Ego dissimulatis his omnibus in *Spongia* illum civiliter tractavi, quando mentionem illius fieri necessarium erat. Affinem scripsi *Hutteno*. Sic enim mihi persuaserat. At *Petrus Mosellanus* lecta *Spongia* rescripsit: qui affinis? quum constet illum esse plebejum. Attamen *Cōrebo Thraſonem* nostrum ostendebat, quod dictus esset *Achates*. Et edita *Spongia* expostulavit per litteras, simulans mirum affectum, quum interim ageret sceleratam fabulam. Et, ut perspicias insignem hominis malitiam, ex commendatione mea accepit *Basilea* quinquaginta aureos. Dicebatur Dux ad me misisse munus regale, quod tamen non perlatum est. Suspensus sum *Eppendorpium* in pecuniam. Nondum, quid sit certum, potui cognoscere. Hoc unum scio, nihil illo esse sceleratius. Habet ubi pio mihi *Nicolao Buscoducensi*. Vide, ut te serves integrum ab hac factione. Metuo cruentum exitum. Si novissem deceptus famis *Eppendorpii* communicarit illi nostra arcana. Nam sic purgat sese, ut auxerit suspicionem. Hoc erat consilium *Lutheranorum*, ut me minis absterrent, ne quid scriberem in *Lutherum*. Nam hoc speraret *Joannes Faber*. At nunc *Lutherus* scribit in seipsum, videns rem alio vergere, quam putarat, & exoriri populum non Euan-gelicum, sed diabolicum, cum interitu omnium bonorum studio, magnisque promissis: sed terret hoc ver, quod vereor, ne pariat cruentam stragem *Gallis*. Adeo est implacabilis *Cæsaris* animus, cui penitus infixum est, *Plus ultra*. Pontifex favet, & qui apud Pontificem valent plurimum. Sed vito gladiatoriam arenam. Et non video quid mihi tutum esse possit, ubi regnat *Alexander*, quantumvis dissimulat. Cuperem hyemem agere *Patavii* ac *Venetia*. Sed illinc invocarer *Romam*. Hærebimus hic ad octo dies, deinde itatuemus. Interea apparebit, quo se res inclinent.

Quum autem subinde periclitur de vita, superest, ut tibi amicorum sincerissimo commendem id, quod habeo carissimum, memoriam mei, quam suspicor multis calumniis fore obnoxiam. Ita totius vitæ meæ compen-dium tibi mitto, h. e. ἡ λίσσα κακῶν. Nihil enim unquam me natum est infelicius. Sed fortasse futuri sunt, qui multa affingent: τὸ γὰρ καλῶς ἔχει. Tamen si quid mihi contingat humanitus, volo, ut quadringenti Floreni au-ginta Floreni aurei & quadraginta sex Renenses cum dimidiato *Cornelio Grapheo*, quem suspicor egere, virum di-tet te clam habere, adeo ut nulli mortalium committas, ne is, cui tu credideris, habeat alterum, cui tantum credat, quantum ipsi creditum est, & ita res permaneat ad plures. Id fieret duplici incommodo: Primum inva-mortem, (ut fortassis erit, nam video miras rerum vices,) tum contristarentur hi, quos sua spes esset frustrata. Nunc & tutius erit, & beneficium erit gratius, quod præter spem obtigerit. Et tamen adversus *Harpyjas*, si forte olfecerint prædam, muniam te syngrapha, quam proferas post mortem meam, si res postulet. Et ta-men ea nihil valebit, nisi me mortuo. Vide quam tibi fidam. Posses enim me fallere, sed nihil tale metuo. Roga-bis, quid officii à vobis postulem. Non onerabo psalteriis & anniversariis, sed obnixè rogo, ut inter vos par-cudendas. Hoc sciebam te tua sponte facturum, pro tua erga me pietate. Ducatos omnes velim committas *Levino* nostro, si modo videbitur huc tuto perventurus; in zona insuat, quemadmodum *Hilarius*. Quod si quid accidat tibi me vivo, quod omen avertant Superi, concerpes syngrapham, & pecuniam trades *Dorpio*, aut *Agidio Bus-lidio*, aut *D. Martino* hospiti meo, aut si quem habes amicum magis fidum. Non hortabor te, mi *Gocleni*, ut huic affectui vere paterno in te respondeas, qui jam filii pietatem ubique præstiteris. De his, quæ relinquam ali-bi, cognosces ex aliis, quid statuerim. Nam & in his tui meminero, certus, me quicquid est hoc beneficii, pe-nes hominem memorem & gratum collocaturum.

Iussi ut de mea pecunia numeres *Cerasino* florenos aureos xxv. Id si factum est, *Graphei* summam sarciam ex ca-pecunia, quæ est *Antverpiæ*. Scribam *Petro Agidio*, ut tibi numeret illos xxv. si tu jam *Cerasino* numerasti; si non numerasti, numeret ille, aut tu de pecunia *Petri Agidii*.

Vellem te committere juveni cuiquam, ut relegat *Adagia* postremæ editionis cum collatione penultimæ. Nam *Michael Bentius* multa depravavit sua diligentia. Ex *ὅσω σὺ σὺ*, semper fecit *ὅσω*. Et contulit quædam loca à me ci-jutata ex *Græco Homero* ab *Aldo* excuso, item ex *Cicerone Aldino*, quum *Aldina* sint depravatissima. Loca, quæ notarit juvenis, velim expendi per te, quum erit ocium.

De statu meo, scias eum esse satis perplexum. Hic mihi res est cum deploratis, ac plane furiis, posteaquam *Huttenus* semel fregit glaciem, infans in me. Damnat *Lutherus* factum, sed *Melanchthon* mire odit *Huttenum*. Et isti stolidi jactant quasi bellum facinus. *Buschius* nescio quid cudebat in me; sed à *Melanchthone* cohibitus est. Si peto *Italiam*, sequentur me sexcentis libellis furiosi Evangelici, clamitantes me præda corruptum defecisse ab Evangelio, quum istud Evangelium nunquam sim professus. Si peto *Galliam*, quæ miro affectu est in me, calum-niabuntur me confugisse ad hostem *Cæsaris*; & subodoror regiam Aulam *ἡ πόλις τοῦ βασιλέως*. In *Brabantia* scis, quibus monstris datus sit gladius. Brevi scies, quid statuerim. Rex per litteras credenciales significavit sibi esse in animo instituere novum collegium trilingue *Lutetia*. Eam præfecturam mihi obtulit, cum ingenti salario. Si recipio me in *Galliam*, & datur occasio commendandi tui, significabo tibi. Et tu interim scribes per *Levinum*, quid habeas animi erga *Galliam*. Et interea dum *Levinus* abest in *Anglia*, scribes per alium tribus verbis, an ille bona fide red-diderit litteras.

In litteris scribendis eris cautiſſimus. Nam interceptantur omnia. Et *Eppendorpius* nusquam non habet suos co-rycæos. Celabis tamen, quod de illo scripsi, nec effuties nisi apud amicos eximios. *Dorpius*, ut videtur, mustat. Est aliquid monstri, quod alitur apud Theologos, & ille natura timidus est. Scripsi *D. Decano*, & *Agidio Bus-lidio* in commendationem tui. *Carolus Harstus* apud me vivit famuli loco. Nam videtur fidus amicus. Nec video, quo modo sese explicet è labyrintho *ὁ γάμος*, ut causam video. *Hilarius* mihi gratissimus est. *Hovius* agit *Roma*, nunc demum amans mei. Hic me suis moribus intraetabilibus pene adegerat ad insaniam. Nec illo multo commo-pulchre profecit in litteris potius, quam in moribus. Cui tamen benefaciam, quanquam nolim illum quicquam harum rerum scire *Levinum*, nec omnino ullum mortalium præter nos duos. De fide nihil dubito, tamen ob casus inexpectatos nihil valere me vivo, sed ob certas causas id esse confectum.

Quum hæc scripſissem, reddidit *Frobenius* binas abs te litteras. Risi nostrum *Egmondanum*: Plane morionem agit. Nondum ex te scire potui, an reciperis litteras, quas misi per *Antonium Minoritam*. Nam is coepit mihi esse suspectus, posteaquam aiebat se velle invisere *Paschasium*. Ne temere scribas per quemlibet. Nam *Eppendorpius* est *Argentorati*, & per suos corycæos omnes litteras interceptit, homo ad omne scelus natus. Bene vale. *Basi-lea*, Sabbato post *Pascha*.

C O M-

DESIDERII ERASMI VITA
COMPENDIVM VITÆ
DESIDERII ERASMI
ROTERODAMI,

Cujus ipse in EPISTOLA præcedente facit mentionem.

Æternum illud Naturæ miraculum, DESIDERIVS ERASMVVS.

NATVS est Roterodami in vigilia Simonis & Judæ Apostolorum. Mater ejus dicta est *Margareta*, filia medici cujusdam *Petri*. Ea erat è *Septimontio*, vulgo *Zevenberge*. Fratres illius duos vidit *Dordraci* pene nagenarios. Pater dictus est *Gerardus*. Is clam habuit rem cum dicta *Margareta*, spe conjugii. Et sunt, qui dicant intercessisse verba. Eam rem indigne tulerunt & parentes *Gerardi*, & fratres. Pater erat *Helias*, mater *Catharina*: uterque pervenit ad extremam senectutem, *Catharina* pene ad nonagesimum quintum annum. Fratres erant decem, nulla soror; ex eodem patre & matre, omnes conjugati. *Gerardus* erat natu minimus, uno excepto. Visum est omnibus, ut ex tanto numero unus Deo consecraretur. Nosti affectus senum. Et fratres nolebant minui rem, sed esse apud quem ipsi convivarentur. *Gerardus* videns se modis omnibus excludi à matrimonio magno consensu omnium fecit, quod solent desperati, clam aufugit, & ex itinere misit parentibus & fratribus Epistolam cum manu manum complexa; addito elogio, *Valete, nunquam vos videbo*. Interim relicta est sperata conjunx gravida. Puer alitus est apud aviam. *Gerardus Romam* se contulit. Illic scribendo (nam tum nondum erat ars Typographorum) rem assatim paravit. Erat autem manu felicissima. Et vixit juveniliter. Mox applicuit animum ad honesta studia. *Grace & Latine* pulcre calluit. Quin & in Juris peritia non vulgariter profecerat. Nam *Roma* tunc doctis viris mire floruit. Audivit *Gvarinum*. Omnes auctores sua manu descriperat. Parentes ubi resciscunt eum esse *Roma*, scripserunt illi, puellam, cujus matrimonium ambierat, esse vita defunctam. Id ille credens, præ mœrore, factus est Presbyter, totumque animum ad religionem applicuit. Reverfus domum comperit fraudem. Nec illa tamen unquam post voluit nubere, nec ille unquam tetigit eam. Puerum autem curavit liberaliter educandum, & vix quatuor annos egressum misit in ludum litterarium. Ac primis annis minimum proficiebat in litteris illis inamœnis, quibus natus non erat. Ubi nonum ageret annum, misit *Daventriam*: mater sequuta est, custos & curatrix teneræ ætatis. Ea schola tunc adhuc erat barbara. Prælegebatur *Pater meus*: exigebantur tempora: prælegebatur *Ebrardus*, & *Joannes de Garlandia*; nisi quod *Alexander Hegius* & *Zimhius* cœperant aliquid melioris litteraturæ invehere. Tandem ex pueris collusoribus, qui grandiores natu audiebant *Zimhium*, primum cepit odorem melioris doctrinæ: post aliquoties audivit *Hegium*, sed non nisi diebus festis, quibus legebat omnibus. Hic pervenit ad classem tertiam: tum pestis vehementer ibi sæviens sustulit matrem, relicto filio, jam annum decimum tertium agente. Quum pestis indies magis ac magis incrudesceret, tota domo, in qua agebat, desolata, reverfus est in patriam. *Gerardus*, accepto tristi nuncio, cœpit ægrotare, ac paulo post mortuus est. Uterque decessit non multo supra annum quadragesimum. Tres tutores instituit, quos habebat fidissimos. Horum præcipuus erat *Petrus Winkel*, tum ludi litterarii magister *Gauda*. Legavit rem mediocrem; si tutores bona fide administrassent. Itaque ablegatus est in *Buschmudis*, quum jam satis maturus esset Academix. Verum illi Academiam metuebant, quod statuerant puerum Religioni alere. Illic vixit, h. e. perdidit annos ferme tres, in ædibus Fratrum, ut vocant: in quibus tum docebat *Romboldus*. Quod genus hominum jam late se spargit per orbem, quum sit perniciēs bonorum ingeniorum, & seminaria Monachorum. *Romboldus*, qui mire adamabat ingenium pueri, cœpit eum sollicitare, ut suo gregi accederet. Puer excusabat infcitiam ætatis. Hic exorta peste, quum diu laborasset febri quartana, reversus est ad tutores, jam stylo quoque satis prompto, ex aliquot auctoribus bonis parato. Unus tutor perierat peste: cæteri duo, re non admodum bene gesta, cœperunt agere de Monasterio. Adolescens languens febri, quæ supra annum illum tenuerat, non abhorrebat à pietate: cæterum à Monasterio abhorrebat. Itaque finunt diem ad cogitandum. Interim tutor subornat, qui pelliceant, qui minitentur, qui perpellant animum imbecilem. Atque interea repererat locum in Monasterio Canonicorum, qui vulgo vocantur *Regulares*, in collegio, quod est juxta *Delft*, dicto *Sion*: quæ domus est principalis ejus Capituli. Ubi dies venisset respondendi, respondit prudenter adolescens: se nondum scire, neque quid esset mundus, neque quid esset Monasterium, neque quid esset ipse: proinde videri consultius, ut adhuc annos aliquot agat in scholis, donec sibi notior esset. Hæc cum videret constanter dici ab adolescente, statim infremuit *Petrus*: Ergo, inquit, frustra laboravi, qui talem locum tibi magnis precibus paravi: tu es nebulo; non habes spiritum bonum: abdicato tentam tuam. Vide, unde alaris. Adolescens respondit, se accipere abdicationem, & ea esse ætate, ut non opus sit tutoribus. Ubi vidit se minis nihil proficere, subornat fratrem, qui & ipse tutor erat, negotiatorem. Is blanditiis agit. Accedunt instigatores undique. Habebat sodalem, qui prodidit amicum. Et urgebat febris: nec tamen aridebat Monasterium, donec forte fortuna viseret monasterium ejusdem ordinis in *Emans* sive *Steyne*, juxta *Gandam*. Ibi reperit *Cornelium*, quem *Daventrie* habuerat sodalem in eodem cubiculo. Is nondum acceperat sacrum illum cultum: viderat *Italiam*, sed redierat parum doctus. Hic suum agens negotium, cœpit mira loquentia depingere vitæ genus sanctissimum, copiam librorum, otium, tranquillitatem, sodalitatem Angelicam. Quid non? Trahebat affectus ille puerilis ad veterem sodalem. Alii alliciebant, alii propellebant. Onerabat febris. Hunc locum delegit, altero fastidito; lætabatur interim, donec haberet sacram vestem. Interea, tametsi adolescens, sensit quam non esset illic vera pietas. Et tamen totum illum gregem excitavit ad studium. Parantem abire ante professionem partim pudor humanus, partim minæ, partim necessitas coercuit. Tandem per occasionem innotuit Episcopo *Cambracensi*, *Henrico à Bergis*. Is sperabat Cardinalitium galereum; & habuisset, nisi defuissent præsentes nummi. Ad hoc iter optabat hominem Latine doctum. Itaque per hunc evocatus est, cum auctoritate Episcopi *Trajectensis*, quæ sola sufficiebat. Et tamen ille adjunxit auctoritatem Prioris & Generalis. Concessit in familiam Episcopi, servato tamen habitu. Quum Episcopus esset destitutus spe galeri, sentiretque illum in amore parum constantem erga omnes, egit, ut iret *Lutetiam* studii gratia. Promissum est stipendium annuum: nihil missum est. Sic solent Principes. Illic in collegio *Montis Acuti* ex putribus ovis & cubiculo infecto concepit morbum, h. e. malam corporis, antea purissimi, affectionem. Itaque rediit ad Episcopum. Acceptus est honorifice. Recreatus est à morbo *Bergis*, revisit *Hollandiam*, hoc animo, ut maneret apud suos. Sed ipsis ultro hortantibus, rediit *Lutetiam*. Ibi, destitutus auxilio *Mecenatis*, vixit verius, quam studuit: & ob pestilentiam ibi multis annis perpetuam, singulos annos redeundum erat in patriam. A studio Theologiæ abhorrebat, quod sentiret animum non propensum, ut omnia illorum fundamenta subverteret; deinde futurum, ut hæretici nomen inureretur. Tandem

DESIDERII ERASMI VITA

dem, ubi totum annum sæviret pestis, coactus est *Lovanium* commigrare: Ante inviserat *Angliam* in gratiam *Montjoii*, tum discipuli, nunc *Macenatis*; sed amici verius, quam benigni. Id temporis omnium bonorum apud *Anglos* benevolentiam sibi conciliavit, ob id præsertim, quod spoliatus in littore *Dovariensi*, non solum non ultus sit injuriam; sed mox emisit libellum in laudem Regis, & totius *Angliae*. Tandem è *Gallia* magnis promissis rerent, petiit *Italiam*: cujus adeundæ desiderio semper arserat. Egit paulo plus quam annum *Bononia*, jam vera bernavit: mox *Romam*, quo jam fama celebris ac plausibilis præcesserat. *Raphaeli*, Card. *S. Georgii*, præcipue amplissima pollicentibus revocatus esset in *Angliam*. Illic decreverat reliquum ætatis peragere: verum ubi consiliarius factus est opera *Joannis Sylvagii*, Cancellarii magni. Cætera sunt tibi nota. Mutati cultus rationem reddidit in libello primo, quo respondet *Leicis* sycophantiis. Formam ipsi describetis. Valetudo semper fuit tenera; unde crebro tentabatur febribus, præsertim in Quadragesima ob piscium esum, quorum solo odore fuit tehera; fendi. Ingenium erat simplex; adeo abhorrens à mendacio, ut puellus etiam odisset pueros mentientes, & se quam fat esset: & sæpe falsus, non poterat tamen amicis diffidere. Putidulus erat, neque quidquam unquam scripsit, quod ipsi placeret: ac ne facie quidem propria delectabatur: vixque extortum est amicorum precibus, ut se pingi pateretur. Dignitatum ac divitiarum perpetuus contemptor fuit: neque quidquam habuit petisset. In provehendis bonis litteris nemo magis profecit, gravemque ob hanc rem invidiam sustinuit à barbaris & Monachis. Usque ad annum L. nec impetiverat quenquam, nec impetitus est à quoquam stylo. Idque suppressa sunt. In respondendo semper erat civilitate. *Lutherana* tragicodia oneraverat illum intolerabili invidia, disceptus, ab utraque parte, dum utrique studet consulere. Augebo catalogum operum meorum: ex hoc quoque multa colliguntur. Scripsit ad me *Gerardus Noviomagus* quosdam meditari vitam *Erasmi*, partim carmine, partim oratione. Ipse cupiebat instrui secreto: sed non ausus sum mittere. Si contingat cum illo colloqui, poteris illi communicare. Nec tamen expedit aliquid tentare de vita, nisi res ipsa urgeat. Sed his de rebus fortassis alias, aut etiam coram.

Hæc ubi scripsissem, venit *Berckman* onustus mendaciis. Scio quam sit difficile, continere arcanum; tamen uni tibi credo omnia. Celebravi *Viandulum* nostrum: *Livinus* exhibebit libellum hortare *Ceratinum*, ut, si quando relegat auctorem, adnotet aliqua. Favendum est *Frobenio*: ego non possum illi semper adesse. Et ejus causa gravor magna invidia. Nosti, quam sint figuli. Rursum vale.

Cum supra annotatum sit obiter, *Erasmi* à *Monachismo* *Monasteriove* abhorruisse: nolim te lateat, elaboratam hujus Compendii Paraphrasin, & præclaram diffusionem esse Epistolam V. satis prolixam, qua legitur Libro XXIV. ad Lambertum Grunnium, Scribam Apostolicum; ubi, sub nomine *Florentii* (omnino haud falso) se describit *Erasmus*.

Notat etiam, inter alia, sequens hæc Epistola, quam ob causam *Monasterio*, cui se invitatus satis manciparat, fuerit egressus, imo cujus auctoritate evocatus. Quam enim lapsu temporis eo nomine multorum calumniis vir pius objiceretur, & Servatius etiam, qui Patris dignitate cœnobio huic præerat, litteris eum revocaret, nervosam ad eum scripsit Epistolam, qua se vite *Monastica* calamitates ferre non posse testabatur, rationibus additis, quibus motus, vestibus se exnerat *Monasticis*. Eam ideo à clarissimo viro *Petro Scriverio*, *Erasmi* nostri studiosissimo acceptam, hoc loco adponere operæ precium duxi: cum quod in Epistolarum volumine nusquam compareat, tum quod univærsæ vite rationem, uti scribens ipse inibi loquitur, exponat.

R E V E R E N D O

PATRI SERVATIO ERASMVVS

S. P. D.

HVMANISIME Pater, Litteræ tuæ per plurimorum jactatæ manus, tandem ad me quoque pervenerunt jam *Angliam* ingressum, quæ mihi sane voluptatem incredibilem attulerunt, quæ veterem illum tuum in me animum adhuc spirant. Paucis autem respondeo, utpote ex itinere jam scribens, & ad ea potissimum, quæ tu scribis, & ad rem maxime pertinent. Tam varia est hominum sententia, & suus cuique est avium cantus, ut omnibus satisfieri non possit. Ego certe hoc sum animo, ut, quod sit factu optimum, sequi velim, testis est mihi Deus, nam si quid olim juveniliter sensi, id partim ætas, partim rerum correxit usus. Nunquam fuit consilium vel vitæ genus, vel cultum mutare, non quod probarem, sed ne cui scandalo essem. Scis enim me ad id vitæ genus tutorum pertinacia, & aliorum improbis hortatibus adactum magis quam inductum. Tunc *Cornelii Werdeni* conviciis, & pudore quodam fuisse retentum, quum intelligerem, mihi hoc vitæ genus haudquaquam aptum esse. Nam non omnibus congruunt omnia. Jejuniorum impatiens semper fui, idque peculiari quadam corporis ratione. Semel excitatus à somno, nunquam potui redormiscere, nisi post horas aliquot. Ad litteras tantum rapiebatur animus, quarum isthic nullus usus. Adeo ut non dubitem, quin si in liberum aliquod vitæ genus incidissem, non solum inter felices, verum etiam inter bonos potuissem numerari. Itaque cum intelligerem me nequaquam esse idoneum isti generi vitæ, & coactum non sponte suscepisse, tamen quia receptum est (publica nostri sæculi opinione) piaculum esse, à semel suscepto vitæ genere discedere, decreveram & hanc infelicitatis meæ partem perpeti. Scis enim me multis in rebus infortunatum esse, at unum hoc cæteris omnibus gravius esse duxi, quod in hujusmodi vitæ genus detrusus essem, à quo tum animo tum corpore essem alienissimus: Animo, quod à cærimonis abhorrerem, & libertatis amans essem: Corpore, quod etiam si maxime placuisset vitæ institutum, corporis natura non ferebat istiusmodi labores. At objiciet mihi aliquis annum probationis (ut vocant) & ætatem maturam. Ridiculum, quasi quis postulet, ut puer anno decimo septimo, maxime in litteris educatus, norit seipsum, quod magnum est, etiam in fene: An puer uno id discere potuerit, quod multi cani nondum intelligunt? Quanquam ipse nunquam probavi, & gustatum jam multo minus, sed iis, quas dixi, rationibus sum irretitus. Tamen fateor eum, qui vere sit bonus, in quovis vitæ genere bene victurum. Nec diffiteor me ad magna vitia fuisse propensum, non tamen usque adeo corrupta natura, quin si commodus accessisset gubernator, & vere *Christianus*, non *Judaice* superstitiosus, potueram ad bonam duci frugem. Hoc igitur interim spectavi, in quo vitæ genere minime malus essem, atque id sæpe me assecutum puto. Vixi interim inter sobrios, vixi in studiis litterarum,

Tom. I.

quæ

DESIDERII ERASMI VITA.

quæ me à multis vitiis avocaverunt. Licuit consuetudinem habere cum viris vere *Christum* sapientibus, quorum colloquiis factus sum melior. Nihil jam jacto de libris meis, quos fortassis vos contemnitis: at multi fatentur reditos eorum lectione non solum eruditiores, verum etiam meliores. Pecuniæ studium nunquam me attigit. Famæ gloria nec tantillum tangor. Voluptatibus, etsi quondam fui inquinatus, nunquam servivi. Crapulam, ebrietatem semper horruï fugique. Quoties cogitabam de repetendo contubernio vestro, succurrebat invidia multorum, contentus omnium, colloquia quam frigida, quam inepta, quam non sapientia *Christum*; convivia quam laica, denique tota vitæ ratio, cui *ὡς ἀφαιρῆς πῆς, ὡς παλῆς, καὶ ἡμεῖς, οὐκ οἶδα τί ἂν ὑπολείπῃς ἱερατεῖν.* Postremo succurrebat corporis imbecillitas, quæ jam ætate & morbis, ac laboribus aucta est, quæ facit, ut nec vobis satisfactorius essem, & meipsum occiderem. Jam annis aliquot obnoxius sum calculo, gravi sane morbo & capitali. Jam annis aliquot nihil bibo, nisi vinum, neque quodvis vinum, idque cogente morbo. Non fero quemvis cibum, nec coelum quidem quodlibet. Nam morbus hic facile recurrens, maximam postulat vitæ moderationem: & novi coelum *Hollandicum*, novi victus vestri rationem, ut de moribus nihil dicam. Itaque si redissem, nihil aliud fuisset assecutus, nisi quod vobis molestiam attulissem, mihi mortem. Sed tu fortassis bonam felicitatis partem existimas inter confratres emori. At fallit & imponit ista persuasio, non solum tibi, verum etiam propemodum universis. In loco, in cultu, in victu, in cærimoniolis quibusdam *Christum* & pietatem collocamus. Actum putamus de illo, qui veltum albam commutavit in nigram, aut qui cucullam pileo, qui locum subinde mutet. Ausim illud dicere *μῆχαν ἢ Χριστιανῆς ἀσθεῖας ἔλεγον, ἐκ τούτων, ὡς καλῶσι, βελτιωμένων ἐκπαρδῶν*: tamen pio fortassis studio primum inductæ sint. Deinde paulatim creverunt, & in sex millia sese discriminum sparserunt. Accessit summorum Pontificum auctoritas nimium ad multa facilis & indulgens. Quid enim laxis istis religionibus, *ἡ μαριώτερον, ἡ ἀσθεῖτερον*; Jam ad laudatas si te conferas, imo laudatissimas, *οἱ μὴ ὑπερῶς πινὰς ἢ ὑδαταὶς ὁρμηταῖς*, haud scio quam *Christi* reperiās imaginem. Ex his sibi placent, ex his alios judicant & contemnunt. Quanto majus est *Christi* sententia totum orbem *Christianum* unam domum & velut unum habere Monasterium, omnes concanonicos & confratres putare? Baptismi sacramentum summam religionem ducere, nec spectare ubi vivas, sed quam bene vivas. Vis me sedem stabilem figere, quod etiam ipsa suadet senectus. At laudatur *Solonis*, *Pythagora*, *Platonisque* peregrinatio. Vagabantur & Apostoli, præcipue *Paulus*. *D. Hieronymus* etiam monachus, nunc *Roma* est, nunc in *Syria*, nunc in *Africa*, nunc alibi atque alibi: & canus etiam sacras profectur litteras. At non sum cum hoc conferendus, fateor; sed tamen nunquam mutavi locum, nisi vel peste cogente, vel studii causa, vel valetudinis, & ubicunque vixi (dicam enim de me fortassis arrogantius, sed tamen vere) probatus sum à probatissimis, laudatus sum à laudatissimis. Nec ulla est regio, nec *Hispania*, nec *Italia*, nec *Anglia*, nec *Scotia*, quæ me ad suum non invitet hospitium. Etsi non probor ab omnibus, (quod nec studeo) certe primis placeo. *Roma* nullus erat Cardinalis, qui me non tanquam fratrem acciperet, cum ipse nihil tale ambirem: præcipue vero Cardinalis *S. Georgii*, Cardinalis *Bononiensis*, Cardinalis *Grimanus*, Cardinalis *Navensis*, & hic ipse, qui nunc Pontifex Maximus est, ut ne dicam de Episcopis, Archidiaconis, & viris eruditis. Atque hic honos non tribuebatur opibus, quas etiam nunc non habeo, nec desidero; non ambitioni, à qua semper fui alienissimus; sed litteris duntaxat, quas nostrates rident, *Itali* adorant. In *Anglia* nullus est Episcopus, qui non gaudeat à me salutari, qui non cupiat me convivam, qui nolit domesticum. Rex ipse paulo ante patris obitum, cum essem in *Italia*, scripsit ad me suapte manu litteras amantissimas, nunc quoque sæpe sic de me loquitur, ut nemo honorificentius, nemo amantius; & quoties cum saluto, blandissime amplectitur, & oculis amantissime obtuetur, ut intelligas eum, non minus bene de me sentire, quam loqui. Regina conata est me sibi præceptorem adsciscere. Nemo est, qui nesciat, quin si vel paucos menses velim in aula Regis vivere, quantum libeat sacerdotiorum mihi accumulaturum; sed ego huic otio meo, & studio, & laboribus omnia posthabeo. *Canuariensis* Archiepiscopus totius *Anglia* primas & regni hujus Cancellarius, vir doctus & probus, me sic amplectitur, ut si pater essem, aut frater, non posset amantius. Et ut intelligas hoc cum ex animo facere, dedit mihi sacerdotium centum fere nobilium, quod postea, volente me, in pensionem centum coronatorum mutavit, ex mea resignatione; ad hæc dedit dono supra cccc. nobiles. His pauculis annis, idque nihil unquam petenti, dedit uno die nobiles cl. ab aliis. Episcopis supra c. nobiles accepi gratuita liberalitate oblatos. *D. Montjojus* hujus regni Baro, quondam meus discipulus, dat annue mihi pensionem c. coronatorum. Rex & Episcopus *Lincolniensis*, qui nunc per Regem omnia potest, magnifice multa promittit. Sunt hic duæ Universitates, *Oxonia* & *Cantelbergia*, quarum utraque ambit habere me: nam *Cantelbergia*, menses complures docui *Græcas* & sacras litteras, sed gratis, & ita facere semper decretum est. Sunt hic Collegia, in quibus tantum est religionis, tanta vitæ modestia, ut nullam religionem non sis contenturus, si videas. Est *Londini* *D. Joannes Coletus* *D. Pauli* Decanus, vir, qui summam doctrinam cum admirabili pietate copulavit, magnæ apud omnes auctoritatis. Is me sic amat, id quod sciunt omnes, ut cum nemine vivat libentius quam mecum: ut omittam alios innumeros, ne sim vobis molestus, & jactantia & loquacitate. Jam ut de operibus dicam aliqua: *Enchiridion* opinor te legisse, quo non pauci fatentur se ad pietatis studium inflammatos; nihil mihi arrego, sed gratulor *Christo*, si quid per me boni contigit illius dono. *Adagiorum* opus ab *Aldo* impressum an videris nescio: Est quidem profanum, sed ad omnem doctrinam utilissimum, mihi certe inæstimabilibus constitit vigiliis. Edidi opus *De Rerum Verborumque copia*, quod inscripsi *Coletio* meo, opus utilissimum concionaturis; at ista contemnunt ii, qui omnes bonas contemnunt litteras. His duobus annis, præter alia multa, castigavi *Hieronymi Epistolas*; adulterina & subdititia obelis jugulavi, obscura scholiis illustravi. Ex *Græcorum* & antiquorum codicum collatione castigavi *Novum* totum *Testamentum*, & supra mille loca annotavi non sine fructu Theologorum. Commentarios in *Epistolas Pauli* cœpi, quos absolvam, ubi hæc edidero. Nam mihi decretum est in sacris immori litteris. In hisce rebus colloco otium & negotium meum. In iis magni viri dicunt me valere, quod alii non valent. In vestro vitæ genere nihil valiturus sum. Cum tam multis doctis & gravibus viris habui consuetudinem & hic, & in *Italia*, & in *Gallia*: neminem adhuc reperi, qui mihi consuleret, ut ad vos me reciperem; aut qui hoc judicaverit melius. Quin & ipse felicis memoriæ *D. Nicolaus Wercerus*, qui te præcessit, semper mihi hoc solitus erat dissuadere, suadens ut alicui Episcopo potius me adjungerem, addens se nosse & animum meum, & fraterculorum suorum mores: nam iis utebatur verbis lingua vernacula. Et in hoc vitæ genere, in quo sum, video, quæ fugiam; sed, quid potius sequar, non video. Nunc restat, ut de ornatu quoque tibi satisficiam. Semper antehac usus sum cultu Canonicorum, & ab Episcopo *Trajectino*, cum essem *Lovanii*, impetravi, ut sine scrupulo uterer scapulari lineo, pro veste linea integra, & caputio nigro, pro pallio nigro, juxta morem *Lutetiorum*. Cum autem adirem *Italiam* videremque toto itinere Canonicos magna veste cum scapulari, ne quid offenderem novitate cultus, veste nigra illic uti cœpi cum scapulari. Postea pestis orta est *Bononia*, & illic, qui curant, peste laborantes, linteam album ex humeris pendens, ex more gestant; hi congressus hominum fugitant. Itaque cum die quodam doctum amicum viserem, quidam nebulones eductis gladiis parabant me invadere: fecissentque, ni matrona quædam admonuisset Ecclesiasticum me esse. Altero item die cum *Theaurarii* filios adirem, utrimque cum fustibus in me concurrerunt, & pessimis clamoribus. Itaque à bonis viris admonitus, occultavi scapulare, & impetravi veniam

DESIDERII ERASMI VITA.

veniam à *Julio II.* ut ornatu religionis uterer, aut non uterer, ut mihi visum esset, modo vestem haberem sacerdotalem. Et si quid ante peccatum esset ea in re, litteris id totum condonavit. In *Italia* ergo perseveravi, veste sacerdotali, ne mutatio esset alicui scandalo. Postquam autem in *Angliam* redii, decrevi meo solito uti statuissim. Rogavi an in *Anglia* conveniret? probavit, atque ita in publicum prodii. Statim admonitus sum aliquando deprehensus scandalum pariat, reposui scrinio, & veteri Pontificis auctoritate sum usus usque adhuc. Excommunicant Pontificiæ leges eum, qui religionis habitum abjecerit, quo liberior inter seculares versetur. Ego coactus deposui in *Italia*, ne occiderer quidem, deinde coactus deposui in *Anglia*, quia tolerari non poterat, cum ipso multo maluerim uti. At nunc denuo recipere plus gigneret scandali, quam mutatio ipsa gignebat. Hælii. Sed in *Hollandia* quid agam, non video. Scio non conventurum cum cœlo, neque cum victu, omnium ptui etiam infimorum, solitus & à maximis honorari. Studia mea computationibus permutabo. Nam quod polliceris officium tuum in quærenda sede, ubi cum maximo, ut scribis, vivam emolumento; quid sit, non possum cogitare, nisi forte collocabis me apud monachas aliquas, & serviam mulieribus, qui Archiepiscopis, nec nã, ut valetudini, & otio litterarum suppetat, & vivam nulli gravis. Atque utinam liceat hisce de rebus coram commentari: nam litteris nec satis commode nec tuto licet. Tuæ enim quanquam per certissimos missæ tunc sic aberrant, ut nisi ipse casu in arcem hanc me contulissim, nunquam fuero visurus, & accepi jam à pluribus to nunc *Germaniam*, i. e. *Basileam*, editurus lucubrationes meas. Hac hyeme fortassis futurus *Roma*. In reditu dabo operam, ut pariter colloquamur alicubi. Sed nunc ætas ferme præterit, & longum est iter. De morte *Guilhelmi*, *Francisci*, & *Andrea*, sciebam ex *Rasbondo*, & ejus uxore. Dominum *Henricum* resaluta diligenter, reliquosque, qui tecum vivunt, omnes, in quos habeo eum animum, quem debeo. Nam pristinas tragedias imputo erratis, aut (si ita vis) meis fatis. Litteras tuas tertio à Pascha die scriptas accepi Nonis Julii. Rogo ut salutem meam tuis piis votis Christo commendare non negligas. Cui si certo scirem rectius fore consultum, si ad vestrum rediero contubernium, hac die ad iter accingerer. Bene vale quondam sodalis suavissime, nunc pater observande. Ex arce *Hammensi* juxta *Calecium*, postridie Nonas Julias.

DESIDERII ERASMI VITA,

PER

BEATVM RHENANVM:

EX EPISTOLA dedicatoria in fronte Operum ORIGENIS, ab ERASMO recognitorum,
Anno cdo Id xxxvi.

REDIERAT (*Erasmus*) *Friburgo Brisgavorum* *Basileam* anno superiori, quum ut *Ecclesiasta* sive operi *De ratione Concionandi* typis *Frobenianis* edundo præsens adesset, ac partem restantem illic absolveret (nam deerat ad finem aliquid) tum ut valetudinem adversam, qua *Friburgi* laborare cœperat, cœli mutatione discuteret. Neque enim discessit quasi non rediturus, quum illic, ut in ditione invictissimi *Romanorum*, *Hungaria*, *Bohemia*que Regis *Ferdinandi*, qui virum ejus Reipublicæ primoribus per litteras accurate commendaverat, quum primum illuc se conferret, lubentissime vixit, toto septennio non solum optimo cuique ejus Academiæ carus, verumetiam Magistratibus, civibusque haud vulgariter amatum atque reverentissime cultus. Sed quum ab illustrissima *Hungaria* Regina *Maria* ac aula *Brabantica* iterum ac iterum vocaretur, missa pridem viatico, cogitans ille de fide sua liberanda, qua reditum in inferiorem *Germaniam* certo foret non semel pollicitus, supellestem suam omnem *Friburgo Basileam* curavit avehendam, ut illinc in *Brabantiam*, quum visum esset, secundo *Rheno* navigaret. Hoc molientem & ætatis tempore satis commode habentem articularis morbus, quo *Friburgi* confictatus ante fuerat, sic hominem lecto sub autumnum rursus affixit, ut hunc raro sit egressus, cubiculum semel tantum. Et tamen in tantis membrorum cruciatibus, si quando vel minimum conquievissent, nunquam scribere destitit. Testis est *Commentariolus De puritate Ecclesiæ*, & hæc *Origenis recognitio*. Tandem viribus paulatim deficientibus, mensem enim ferme integrum dysenteria laboravit, quum sentiret jam instare vitæ finem, exstantibus, ut semper, claris *Christiana* patientiæ, & animi religiosi documentis, quibus in *Christum* se spem omnem figere testabatur, assidue clamans, *O Jesu Misericordia*, *Domine libera me*, *Domine fac finem*, *Domine miserere mei*, & *Germanica* lingua *Lieber God* / h. e. *Care Deus*, quinto Idus Julias sub mediam noctem vita functus est. Nec alias emisit voces, ratione usus integra usque ad supremum vitæ exitum. Impatentiam autem in solvendo naturæ debito ostendere, esse debet à *Christiano* prorsus alienum, quum mors piorum nihil sit nisi transitus ad vitam meliorem, & qui moriuntur non moriantur, sed præcedant nos eodem pervenire cupientes, ut est apud *Septimum Tertullianum*. Paucis ante diebus, quam vita defungeretur, quum *Bonifacius Amerbachius*, *Hieronymus Frobenius*, & *Nicolaus Episcopus* amici selectiores, illum officii gratia simul inviserent, cubiculum ingressos trium amicorum ad consolandum *Job* venientium admonuit, ubinam scissæ vestes essent, ac cineres capitibus inspergendi quærens. Hoc autem anno se moriturum ante multos menses vaticinari solebat, & triduo primum, deinde biduo mortem prædixit. Quam publicum sui desiderium reliquerit, testis fuit frequens ad supremo visendum defuncti corpus concursus. Elatus est humeris studiosorum ad ædem Cathedralē, atque ibi juxta gradus, quibus ad chorum (ut vocant) adscenditur, in sinistro templi latere, ubi sacellum fuit D. Virgini sacrum, honorifice sepultus. Nam in pompa funebri non Consul modo, sed etiam è Senatoribus plerique visabantur; Academiæ professorum ac studiosorum aberat nemo. Fuit in vita cum in studiosos inopia pressos, tum in cæteros subsidio dignos, quoties occurrissent, admodum liberalis. Nec dissentit à consuetudine benignitate suprema hominis voluntas. Testamentum enim condidit *Romani* Pontificis *Clementis*, Imp. Cæs. *Caroli Aug.* ac magistratus *Basilienfis* diplomatis munitus, in quo clarissimum virum *Bonifacium Amerbachium* Juriconsul. nominatum hæredem fidei commissio de bonis suis in pauperes ætate valetudineve infirmos; in puellas

Tom. I.

*** 2

nuptu-

DESIDERII ERASMI VITA.

[illegible]

TESTAMENTVM EXTREMVM
ERASMI ROTERODAMI.

IN NOMINA SANCTÆ TRINITATIS.

DESIDERIUS ERASMVVS Roterodamus fretus diplomatuibus Caesaris, Summi Pontificis, ac Magnifici Magistratratu in-
clita civitatis Basilienfis, hoc meo chirographo renovo supremam voluntatem meam, quam quocumque titulo firmam
ac ratam haberi volo: irritum vero, si quid aliud testatus sum. Principio, certus me nullum habere legitimum heredem,
præstantissimum virum D. Bonifacium Amerbachium omnium facultatum mearum heredem instituo: Exsequutores vero
Hieronymum Frobenium & Nicolaum Episcopium. Bibliothecam meam jam quidem vendidi D. Joanni à Laſco Po-
lono, juxta ſyngrapham ſuper hoc contractum inter nos confeſſam: non tradentur tamen libri, niſi heredi numeraverit ducentos
ſlorenos. Quod ſi ille pactum remiſerit, aut me prior è viſta exceſſerit, liberum eſto heredi, de libris ſtatuerè, quod velit. D.
Lodovico Bero lego Horologium aureum. Beato Rhenano cochleare aureum cum ſurcicula aurea. M. Petro Vetereo cen-
tum quinquaginta coronatos aureos: tantundem Philippo Montano. Lamberto ſamulo, ſi mihi morienti adſuerit, du-
centos ſlorenos aureos, niſi ego vivus hanc ſummam ei numeravero. D. Johanni Briſchio Lagenam argenteam. D. Paulo
Volſio ſlorenos centum. Sigifmundo Telenio ducatos centum & quinquaginta. Joanni Eraſmio Frobenio duos an-
nullos, quorum alter non habet gemmam, alter habet gemmam ſubviridem, Gallis dictam Turquoys. Hieronymo Fro-
benio lego omnes veſtes meas, omnemque ſupelleſtilem meam, laneam, lineam, & ligneam: præterea poculum, quod habet
inſignia Cardinalis Moguntini. Uxori ejus anulum, qui habet imaginem mulieris in tergum reſpicientis. Nicolao Epifco-
pio poculum cum operculo, quod in pede habet verſiculos inſcriptos. Juſtinæ uxori ejus duos annulos, quorum alter habet Ada-
manteum, alter Turquoys minorum. M. Everardo Goclenio poculum argenteum, quod in ſummo habet imaginem Fortune.
Si quis legatariorum interciderit, quod legatum erat, in heredis arbitrio eſto. Hares, præter ea, quæ per ſyngrapham deſi-
gnavi, ſibi accipiet, quicquid ſuperſuerit poculorum, aut annulorum, aut rerum ſimilium; adhuc numiſmata, inſignia,
& Luſitanos cruciatus; Regis Poloniæ & Severini Boneri faciem exprimentia, aliæque hiſ ſimilia. Præterea ducatos omnes
duplices & quadruplices. Pecuniam apud Everardum Goclenium depoſitam, illi in Brabantia diſpenſandam relinquit,
quemadmodum ei mandavi. Si quid apud Eraſmum Schetium erit reliquum, ab eo repetet, eamque pecuniam, ac reli-
quam omnem, quæ ſuperſuerit, ſuo arbitrio & ex conſilio Exſequutorum diſtribuet in uſus pauperum ætatis ac valetudine in-
firmorum, item in puellas nupturas, in adoleſcentes bonæ ſpei: breviter, quocumque ſubſidio dignos judicaverit. Hanc extre-
mam voluntatem meam, quo plenior ſit fides, propria manu deſcripſi, ac peculiare annuli mei ſigillum, Terminum, adſixi
Baſilæ in adibus Hieronymi Frobenii, duodecima die Februarii, Anno à Natali Domini M. D. XXXVI.

EPITAPHIVM
ERASMI BASILEÆ.



CHRISTO SERVATORI S.

DESIDERIO ERASMO ROTERODAMO.

VIRO OMNIBVS MODIS MAXIMO,
CVIVS INCOMPARABLEM IN OMNI DISCIPLI-
NARVM GENERE ERVDITIONEM, PARI CON-
IVNCTAM PRVDENTIA, POSTERI ET ADMIRABVNTVR
ET PRÆDICABVNT.

BONIFACIVS AMERBACHIVS, HIERONYMV8 FROBENIVS,
NICOLAV8 EPISCOPIVS HEREDES ET NVNCVPATI SVPREMÆ
SVÆ VOLVNTATIS VINDICES, PATRONO OPTIMO,
NON MEMORIÆ, QVAM IMMORTALEM SIBI
EDITIS LVCVBRATIONIBVS COMPARAVIT,
IIS TANTISPER DVM ORBIS TERRARVM STABIT
SVPERFVTVRO, AC ERVDITIS VNIQVE GENTIVM
COLLOQVTVRO, SED CORPORIS MORTALIS, QVO
RECONDITVM SIT ERGO, HOC SAXVM POSVERE.

MORTVVS EST IV. IDVS JVL.

IAM SEPTVAGENARIVS,

ANNO A CHRISTO NATO,

M.D. XXXVI.

NOBILI ET AMPLISSIMO
DOMINO
JOANNI PAUNGARTNERO
A PAUNGARTEN
BONIFACIUS AMERBACHIVS
S. D.



N mandatū mibi dederat, Nobilis & amplissime vir, ut universas D. Eras. Roterod. lucubrationes tibi compararem, quas haud dubie à viri post hominum memoriam in literis verè magni morte, tanquam rarum aliquem thesaurum recondere instituisti. Ego vero, ut promerentibus hoc praclaris tuis virtutibus, ac pro ea observantia, qua tibi omnium studiorum Patrono studiosi pro se quique nihil non debent, libenter morem gessi: ita mandati me fines pro animi sententia explicare non potuisse doleo, quando excussis hic omnium Bibliopolarum tabernis, non paucos desidero. Praclare tu quidem, posteaquam tantum vir in humanis esse desit, lucubrationibus superstitibus eum tibi ob oculos statueres, atque adeò recte familiarem facere instituisti, quarum beneficio nobis non solum colloqueimur, sed & ab eodem in omnibus bonis disciplinis, praecipue Theologicis, posteritas instruitur. Siquidem in his melior viri portio relicta est tanto conspectu illo corporeo praestantior, quanto animum nobiliorem esse nemo sana mentis unquam negavit. Loquere dicebat Philosophus ille ad juvenem, ut te videre possim, non ex imagine aut vultu, sed ex sermone hominem dijudicandum docens. Quamant vero cladem bona studia, quantum religionis Christiana causa vulnus, ex illius obitu acceperint, promptius sit animo concipere, quam pro isto verbis explicare: quandoquidem iis juvandis ac de postliminio in integrum restituendis natum videbatur. Quod non disciplina genus sui vigiliis adjuvit? cui atati laboribus suis non prospectum voluit, dum in puerorum gratiam repuerascit, dum media atatis hominibus, dum senibus succurrere studet, ad omnium captum & atatem miro artificio sese atemperans? Quod si ab antiquis mortales tunc maxime deos imitari creditum est cum beneficii fuissent, an non eos Erasmi imitatus diceretur, cuius tot & tanta in omnes beneficia extant? Mirum certe tam perpetuo in demerendis omnibus tenore eum sui similem esse potuisse, aliis ob ingravescens atatis marcorem nonnihil de ingenio decedit ac memoria beneficium perit: alii morbis ad labores praecipue animi sustinendos prorsus inhabiles redduntur: hic tamen jam adfecta esset atate & infirmissima valitudine (calculo enim morbo peculiari articularis tandem accesserat) nihilominus in studiorum bonorum ac pietatis negotio adjuvando ita refractarius perstitit, ut senex juvenes, agrotans sanas vinceret, & ingenio vividus, & memoria prestans, & tolerantissimus laborum. Tamen autem optimo viro nullum aliud quam publicè prodesse studium extitisset, emissarios tamen & obrectatores effugere non potuit, id quod minus mirandum, quòd praclaros conatus invidia à multis retro seculis sugillare consueverit, secuta humilium semper alta petens quodque hoc cum praestantissimis quibusque omnium seculorum viris commune habuerit, aequis enim nunquam extra communem ingeniorum aleam positus suum alastorem non est expertus? ecquis ex veteribus quorum lucubrationes nunc summa cum admiratione leguntur, non idem sustinuit? Natura, inquit Velleius, audita visis laudamus libentius: & praesentia invidia, praeterita veneratione prosequimur: & his nos obrui, illis instrui credimus. Interea non defuerunt qui tam raris viri dotibus plurimum deſorendum censuerunt, iique non plebei ordinis homines, sed orbis monarcha, non vulgariter eruditi, sed rei literaria nostra atate principes, quippe Inviſtiff. Carolo Aug. à consiliis fuit, sereniff. Cesa. Ferdinandus favoris sui in hunc documenta quamplurima dedit. Quam magnificis vero honorariis à Christianiff. Galliarum Rege Francisco in Gallias, quam amanter ab Illuſtiff. Rege Henrico, libera, ubinam eò loci vivere vellet, data optione, in Angliam est revocatus? De summis Pontificibus Leone & Clemente nihil attinet dicere, horum certe favore adversus quorundam calumniatorum machinationes subsistit. Et nuper Paulum ejus nominis tertium admodum sensisset beneficium, nisi sibi ac studiis privatus vivere, atque Pontificis animum opimis sacerdotiis, magnisque dignitatibus praefere maluisset. Ecquid faceret aliud non avaritia in pauperes ac studiosos liberalis, non honoribus minimè ambiciosus, non rei domesticae familiari studens intentus. Jam vero quantum ei doctissimi quique nostro seculo tribuerint, ex epistolis ulterò citroque missis clarius est quam ut dissimulari possit. Satis sit laudatus esse, si non ab omnibus, certè à magnis: si non à quibuslibet, certè à probatis & laudatis. Utinam concilio Oecumenico quod indictum novimus, adesse potuisset, non parum is ingenii sui dexteritate, judicio indicibili, ac perpetua illa in evolvendis veterum Theologorum commentariis lectione exercitatus ad incendium illud dissensionum extinguendum adjumenti attulisset. Verum aliter Christo servatori visum est. Proinde quando de morte ejus certior fieri cupis, non est cur plura à me desideres, post elegantem illam & disertam clariss. eruditissimique viri D. Beati Rhenani in Origenem praefationem, omnia bona fide persequentis. Ne tamen tibi non videar morigerari velle sic paucis habere, cum toties ab illuſtiff. Heroina Maria regina sorore Caroli Augu. & aula Brabantica revocatus fuisset, in inferiorem Germaniam cogitare cepit, non tam ob honorificam, ut arbitror, interpellationem, quam patria amorem: quandoquidem & πόλιτρον illum Homericum suam Ithacam saxi velut nidulum, ut Cicero inquit, adherentem quibuscumque regnis praetulisse constat. Eo consilio res suas Friburgo Brisgogae huc avehendas curavit, ut ad primam occasionem Ecclesiasticae libris, quorum causa potissimum Basileam redierat, absolutis secundo Rheni flumine in Brabantiam deferrentur. Verum proficiscendi institutum articularis morbus intercept: quo sub autumnum ita correptus est, ut ab eo tempore nunquam, aut raro lectum sit egressus. Vidisses in summis cruciatibus tolerantiam mirabilem & mansuetudinem vix credendam, qui ne illud ipsum tempus doloribus innumeris impendendum sine linea quod ajunt transmitteretur, libellum de puritate tabernaculi adfixus lecto scripsit, ad hoc Origenem recognitum scholiis illustravit, Apologiam adversus tanti viri calumniatores adjecturus, nisi dysenteria corpusculum jam penitus exhaustum de medio tulisset. Nihil sane impræmeditatum ei vel inexpectatum accidit, jamdudum suum se pensum

*** * 4

ab.

BONIF. AMERB. AD JOANN. PAUNGARTNERVM EPIST.

absoluisse, nec quicquam instare quam mortem presentem crebro diffidenti. Quam praeclare autem se in extrema illa vite humana epistasi animam exhalaturus gessit: quam insignia Christiana mansuetudinis exempla edidit, ita adfectibus in Christum compositis, ut nihil in ore nisi dulce Jesu nomen haberet, subinde ejus misericordiam, subinde ut sui miseretur, subinde ut finem faceret implorans. Is tam sanctis vocibus V. Id. Jul. sub mediam noctem ferventi toties ex imis precordiis invocato animam reddidit, cum dysenteria viginti & amplius dies laborasset. Deprehendi tum verum esse quod vulgo ferunt, mortem antea vita typum pra se ferre, qualis vita viri omnium integerrimi fuit, talem mortem vidimus. Sanctissime vixit, sanctissime mortuus est. Nec minus praeclarum cum vita, tum mortis, praeter lucubrationes omnium piissimas, monumentum testamento suo post se reliquit: quod ante menses mortis quatuor scripserat, Clementis VII. P. M. Imperatoris Caroli Augusti, ac Magistratus Basiliensis diplomatibus instructus. Nam in eo exceptis aliquot legatis me nuncupatum heredem de universis bonis in usus pauperum aetate aut valetudine infirmorum, in puellas, quarum pudicitiae offectura paupertas videretur, in studiosos & quoscunque subsidio dignos distribuendis fidei commisso gravavit, tam pia voluntatis exequenda mihi socios executorum titulo adjungens Hieronymum Frobenium, ac Nicolaum Episcopum, spectata fidei homines. Equidem pro boni heredis officio nihil antiquius in votis habeo, quam in suprema optimi viri voluntate exequenda etiam tempus a legibus Romanis praescriptum antevertere. tantum certe abest ut ex S. C. Pegasiani sive Trebelliani beneficio quicquam adfectare in animum induxerim, ut etiam de mihi nominatim relictis quotam portionem in usus tam pios collocandam remiserim, bono heredi testatoris voluntatem intellexisse pro jure atque adeo quo si in piis causis latius porrigat nonnihil de sibi relictis contulisse pius esse ratus. Itaque nunc totum aduolgo ubi bona spei adolescentes aliquot in studiis alii possint institui, convenit opinor ut bonorum relictorum portio ex studiis proveniens in eorundem causam provehendam redeat, salva interim elemosyna pauperibus quotannis viritum distribuenda, his omnibus adornandis praesto sunt executores, pollicetur operam suam ordo hic amplissimus, cujus benignitatem tacere non debeo, sicut nec eruditiss. Academia nostra professorum praestita officia, una cum studiosis quorum humeris elatus est in ducendo funere, in peragendis justis & aliis, nihil, quo suam erga literarum columnam observantiam attestarentur, obmittentium. Nunc ad libros tibi comparandos redeo, ex quibus quotquot venales inveni, Argentoratium, uti in mandatis acceperam, misi: reliquos in his duobus Elenchis adnotatos invenies, quorum non alia fuit denno edendi ratio, quam ut tu, ac sub tui nominis titulo optimi quique de lucubrationibus Erasmi yncis admonerentur. Semper regnavit calumnia, praestantissimisque viris etiam apud veteres negotium fecit: nescio tamen, si quod aliud seculum fuerit, in quo major ejus exercenda impunitas, aut si cui post homines natos plus quam Erasmo sit infidiata. In obscuro non est quam saepe, etiamnum vivens, eam libellis a se editis propulsare fuerit coactus; nunc in mortuum nihilo futuram benigniorem libellorum proximis nundinis Francfordianis editorum proemia indicant. Si lege Cornelia falsi nominis vel cognominis adseveratio falsi poena cohercet, quid in eum statueret par est, qui non solum falso titulo lectori fucum facit, sed & probati viri nomen alieno scripto traducit, provinciaeque alicui invidiosum reddit. Severiore dignum animadversione facinus, cum mortui nomen praefigitur, odium excitatum restringere non valentis. Olim apud Ethnicos vitio dabatur, & nihil viro ingenio habebatur indignius, quam mortuos maledictis insectari, ut quibuscum non nisi larva, quemadmodum proverbium inquit, luctarentur. Nunc apud Christianos charitatem professos pro ludo habetur mortuorum etiam memoriam libellis fidei dilacerandam proposuisse. O seculum, O mores. qua, malum, magistratus tandem Christiani tolerantia est, ad promiscuam illam librorum extrudendorum licentiam convenerit. Nihil meliores sunt quotquot in lucubrationibus alienis aliqua sine delectu venantur, quibus impotentes suos affectus magni alicujus viri prerogativa ceteris adprobare adoriuntur. Ut non nisi tota lege perspecta respondere aut judicare incivile Celsus jurisconsultus putavit: ita parum civilis aut probi hominis sit alicujus in rebus fidei sententiam nudis aliquot versibus ex medio rationis structu excerptis vulgo indocto proponere, quos alibi & explicatos fusi & declaratos non ignoret. Si sic a candore, quem Christianum Christiano prestare addeceat recedatur, quid etiam in veterum Theologorum commentariis salvi supererit, nihil tam circumspecte, nihil tam sancte, addo & pie dici potest, quod non cavillationibus calumniisque futurum sit obnoxium. Ecquid enim non malevolentia obrectandique libido vel conantur vel efficiunt? Quare vir clariss. sub tui nominis titulo pios ac candidos ubique gentium admonitos volo, universas Erasmi lucubrationes, quotquot vir de literis & pietate bene meritus post se reliquit, in his duobus catalogis, a se dum etiamnum in humanis ageret editis, inveniri: quibus rerum ipsius, qua fuit in me singulari benevolentia, pulchre gnarus, reliquas postea elucubratas adjeci. Si quid praeterea sub hujus titulo edatur notum & spurium esse sciant omnes, imo puram putam calumniarum imposturam, id quod conceptis verbis contestatum volo, ne calumniarum malitia vel apud pios male audire pergat de pietate optime meritis, vel aliud vivens aliud moriens docuisse videatur, a quo fuit alienissimus. Nec vero me latet rumorem vatum nescio a quibus sparsum, eo mortuo quadam proditura, quibus suam de rebus fidei sententiam libere sit propositurus. Quasi vero hanc non libere, hoc est ea, qua decet, & modestia & reverentia lucubrationibus jamdudum editis proposuerit, orbique testatam reliquerit in ea ipsa sententia, ita me deus bene amet, usque suprema vita exitum perstitit: nec ullus morienti superfuit ingenis fetus posthumus, quam Origenis recognitio, cui immortalis est, praeteritis nundinis Frobenii typis evulgata & in publicum emissa. Quid multa? non est cur quisquam alias incomparabili viri lucubrationes expectet, quam in hos catalogos relatas, vere magnis, eruditus, & pius nostri seculi, ut verbo dicam, gratus, atque etiam posteritati futuras gratissimas, quibus in Paungartnere humanissime, omniumque virtutum laudibus cumulatis feliciter frui. Bene vale. Basilea Cal. Febr. An. M. D. XXXVII.

CATA-

CATALOGI DVO OPERVM DESIDERII ERASMI

ROTERODAMI,
AB IPSO CONSCRIPTI ET DIGESTI.

DESIDERIVS ERASMVVS ROTERODAMVVS

ORNATISSIMO VIRO

D. JOANNI BOTZHEMO ABSTEMIO.

Juris utriusque doctori, Canonico Constantiensi,

S. D.



Non pateris, *Abstemi* vir clarissime, quicquam mearum lucubrationum deesse tuæ Bibliothecæ, sed quereris idem opus tibi subinde commercandum, vel retextum, vel locupletatum, vel recognitum. Proinde rogas, ut tibi catalogum omnium nugarum mearum verius, quam librorum describam, & cui postremam manum addiderim indicem; ne vel fugiat aliquid, quod non habeas, vel emas aliquid, quod mox denuo cogaris emere. Morem geram voluntati tuæ, per te quam plurimis etiam aliis (ni fallor) eadem opera gratificaturus. Ornare gaudes (ut ais) tuam Bibliothecam *Erasmi* monumentis: ego vero meos libros arbitror ornari tua Bibliotheca, qua vix quicquam videre contigit ornatus, dicas Musarum esse domicilium. Itaque mihi magis placeo, quæ meas lucubrationes dignaris hospitio tuæ Bibliothecæ, quam si cedrinis capsulis in Apollinis templo reponerentur. Non arbitror victuras, tantum abest, ut immortalitatem illis ausim sperare: tamen si continget aliquot annos superesse parenti, tuæ, nimirum, Bibliothecæ debebunt. Existimabuntur enim aliquid esse, quas *Abstemi* ille tam sobrius iudex suo Museo dignatus sit. Quamquam ipse interim non aliter affectus sum erga meas vigilias, quam parentes solent erga liberos, quibus fuit parum felix fecunditas, vel quæ deformes ac valetudinarios genuerint, vel quæ alioqui tales, ut probrum & exitium attulerint suis progenitoribus. Qua quidem in re hoc magis ipse mihi displiceo, quæ liberorum mala non semper imputari possunt parentibus: librorum autem vitia non aliis quam auctoribus accepta feruntur: nisi forte causari velim temporum ac regionis infelicitatem: nam me puero repullulascere quidem cœperant apud Italos bonæ litteræ, sed ob typographorum artem aut nondum repertam; aut paucissimis cognitam, nihil ad nos librorum perferebatur, & altissima quiete regnabant ubique, qui litteras docebant illitteratissimas. *Rodolphus Agricola* primus omnium aurulam quandam melioris litteraturæ nobis inexit ex Italia, quem mihi puero ferme duodecim annos nato, Daventriæ videre contigit, nec aliud contigit. Tum autem magni refert, quo seculo, qua regione, & ad quorum iudicium scribas, quibuscum certes: acuit enim ingenii vim & antagonistes insignis, quin & honos alit artes. His omnibus destitutus, tamen velut occulta naturæ vi rapiebar ad bonas litteras, ac interminantibus etiam magistris, furtim è libris, si quos forte nactus fuisset, hausi, quod potui, calamum exercui, provocatis sodalibus, quibuscum decertarem, nihil minus cogitans, quam ut huiusmodi nenix typographorum opera mundo proderentur. Hæc culpam si non diluere poterant, certe poterant elevare. Sed sunt, in quibus nec possum, nec velim ipse mihi patrocinari. Siquidem illud præcipuum est, ut, qui scriptis sibi nomen honestum parare velit, argumentum deligat, ad quod natura sit compositus, & in quo plurimum valeat. Nec enim omnia congruunt omnibus. Id à me nunquam est factum, sed vel temere incidi in materiam, vel amicorum affectibus potius quam meo iudicio obsequens, suscepi. Proximum est, ut, quod delegeris, tractes accurate, diu premas, ac frequenter sub limam revoces, prius quam in lucem exeat. Ego quod semel aggressus sum, fere perpetuo cursu absolvo, nec castigandi tædium unquam devorare potui. Itaque mihi fere usu venit, quod scripsit Plato: *Ut plus satis properans in initio, serius perveniam ad finem.* Nam editione præcipitata res ipsa me cogit nonnunquam totum opus à capite usque ad calcem retexere. Proinde miror ipse esse, præsertim hoc tam erudito seculo, qui nostra legant: & tamen esse, vel illud arguit, quod typographi lucubrationes nostras toties excudunt. Sed tu jamdudum Catalogum exspectas, non Apologiam. Age fiet, ac primum recensēbo, quæ carmine scripserim, ad quod studium puer eram propensior, adeo ut ægre me converterim ad meditationem orationis solutæ. Nec hic parum diu luctatus sum, priusquam succederet, si quid tamen successit. Nullum autem carminis genus non tentavi. Quæ feliciter interciderunt aut latent, ea sinemus quiescere, ne, quod Græci vocant, *ἐν κρημνὸν κατὰ κινήσασθαι*. Lutetiæ primum cœpit nostra temeritas prodi mundo. Nam illic editum est ab amicis carmen heroicum, admixto ejusdem generis tetrametro, ad *Fanstum Andrelinum*, qui cum mihi tum recens coierat sodalitas. Rursus aliud hendecasyllabum ad *Robertum Gaguinum*, cujus tum apud Parisios non mediocris erat auctoritas. Rursus aliud ad eundem, alterne mixtis Glyconico & Asclepiadeo. Præterea carmen de casâ natalitia pueri *Jesu*: nec satis memini, si quid præterea. Rursus alias edidimus expositulationem *Jesu* ad hominem suapte culpa pereuntem. Sed multis ante annis scripseram Sapphicum carmen de Michaelē Archangelo, non sponte, sed compulsus precibus cujusdam magni viri, qui templo præerat, cui præsidebat Michael: in quo cum ita temperarim stylum, ut possit oratio prosa videri: tamen ille non ausus est affigere, quod esset tam Poeticum, ut Græce, quemadmodum aiebat, scriptum videri posset. Ea erat illorum temporum infelicitas. Quamque tantum laboris exhausissem, reddito carmine, homo liberalis obtulit pecuniam, qua sextarium emerem vini, munus ipso Poemate dignum. Egi gratias pro tanta liberalitate, atque hoc lemma recusavi munus, quod dicerem majus, quam ut conveniret exiguitati meæ. Nullo in genere me minus exercui, quam in Epigrammatis, & tamen interdum inter ambulandum, aut etiam in computationibus lusimus aliquot, diversis temporibus, quorum nonnulla ab amicis nimirum mei nominis studiosis collecta sunt, & edita Basileæ: quoque magis riderentur, adjunxerunt *Thomas Mori* Epigrammatis, in hoc genere felicissimi. Carmen ad *Guilhelmum Copernicum*, de senectute, scriptum est nobis in Alpibus, cum primum adirem Italiam. Inciderat

CATALOGVS LVCVBRATIONVM

derat odiosa contentio inter caduceatorem Regis Angliæ, qui nos, quo tutius iremus, comitatus est Bononiam usque, & inter curatorem adolescentum, quos tum pacto velut nascæ implicitus, ducebam in Italiam, non quidem ut pædagogus, nam morum curam exceperam; nec ut præceptor, sed ut inspector futurus, ac studiorum viam commonstraturus, ne quid calamitatis deesset fatis meis. Nullum enim annum vixi insuavius. Inter hos igitur duos adeo incaluerat rixa, ut post furiosa convicia ventum sit ad gladios: ac tum quidem alteri duntaxat irascebar. Verum ubi post tantam tempestatem vidissem illos ultro factos amicos epoto vini cyatho, utrumque ex æquo oderam. Etenim ut pro infans habeo, qui sic debacchantur, nisi gravissime laceffiti: ita nulli fidos esse duco, qui tam subito fiunt amici, post iras capitales. Itaque quo tædium inter equitandum fallerem, abstinens à colloquio partium, carmen hoc absolvi, notans interim in charta super sellam, ne quid excideret, dum, ut fit, nova cogitatio veterem propellit. E notulis describebam, quod erat natum, ubi ventum est in diversorium. Habes carmen equestre, vel potius Alpestre, quod tamen docti negant prorsus infelix, utcunque natum est. Scripsi diversis temporibus Epitaphia non pauca, rogatus ab amicis, quæ non refert numerasse. Sed annis aliquot antequam adirem Italiam, exercendæ Græcitatæ causa, quando non erat præceptorum copia, verteram Hecubam Euripidis, tum agens Lovanii. Ad id audendum provocarat *F. Philolphus*, qui primam ejus fabulæ scenam vertit in oratione quadam funebri, parum, ut tum mihi visum est, feliciter. Porro quum stimulos adderet tum hospes meus *Joannes Paludanus*, ejus Academiæ Rhetor, vir siquis alius, exacto judicio, perrexerit, quo coeperam. Deinde ubi litteris ac montibus, quod ajunt, aureis amicorum pellectus redissem in Anrexi, quo coeperam. Deinde ubi litteris ac montibus, quod ajunt, aureis amicorum pellectus redissem in Angliam, addidi præfationem & carmen Jambicum plusquam extemporarium, quum forte vacaret membrana, atque auctoribus eruditis amicis sed præcipue *Guilhelmo Grocino*, qui tum inter multos Britannia doctos primam laudem tenebat, obtuli libellum dicatum *R. P. Guilhelmo*, Archiepiscopo Cantuariensi, totius Angliæ Primati, & ejus regni Cancellario, h. e. judici summo. Hoc erat tum notitiæ nostræ felix auspiciū. Is quum me paucis salutasset ante prandium, hominem minime multiloquum aut ambitiosum, rursus à prandio paucis confabulatus, ut est & ipse moribus minime molestis, dimisit cum honorario munere, quod suo more solus soli dedit, ne vel pudore vel invidia gravaret accipientem: id actum est Lambethæ. Dum ab hoc redimus cymba vecti, quemadmodum illic mos est, inter navigandum rogat me *Grocinus*, quantum acceperis muneris, dico summam immensam, ludens. Quum ille rideret: quæro causam risus, & an non crederet præfatis animum esse talem, qui tantum dare vellet: aut fortunam esse talem, ut tantam benignitatem ferre non posset: aut opus non esse dignum aliquo magnifico munere. Tandem edito muneris modo, quum ludens rogarem, quur tantillum dedisset, urgenti respondit, nihil horum esse, sed obtituisse suspicionem, ne forte idem operis alibi dedicasset alteri. Eam vocem admiratus, quum rogarem, unde nam ea suspicio venisset homini in mentem, ridens, sed & *Σαφδών γέλωτ*, *Quia sic*, inquit, *solent vos*: significans id solere fieri à nostræ farinæ hominibus. Hic aculeus quum hæreret animo meo rudi talium dictiorum, simulatque me Lutetiam recepissem, inde petiturus Italiam, librum *Budio* tradidi formulis excudendum, adjecta Iphigenia Aulidensi, quam fufius ac liberius verteram agens in Angliā: & quum unam duntaxat obrulissem præfati, utramque dicavi eidem. Sic ultus sum *Grocini* dictum, quum interim non haberem in animo revifere Britanniam, nec de repetendo Archiepiscopo cogitarem: tanta tum erat in tam tenui fortuna superbia. Hoc opus semel atque iterum recognitum, postremum hoc anno recognovi. Adolescens nondum annos octodecim Elegiaco carmine, quoniam in eo minus valebam, declamare coeperam adversus vitia, libidinem, ambitionem. Has ineptias amici me procul agente prodiderunt formulis, non sine famæ meæ jactura, plura prodituri, ni redissem. Nam Carmen prorsus extemporale, quo gratulatus sum *Philippo* primum ex Hispania reduci, ipse curavi edendum ante annos, ni fallor, viginti tres. Sed multo prius edideram Carmen heroico hexametro & jambico trimetro mixtum, de laudibus Regis *Henrici* septimi, & illius liberorum, necnon ipsius Britannia. Is erat labor tridui, & tamen labor, quod jam annos aliquot nec legeram, nec scripseram ullum carmen. Id partim pudor à nobis extorsit, partim dolor. Pertraxerat me *Thomas Morus*, qui tum me in prædio *Montjoji* agentem inviserat, ut animi causa in proximum vicum exspatiaremur. Nam illic educabantur omnes liberi regii, uno *Arcturo* excepto, qui tum erat natu maximus. Ubi ventum est in aulam, convenit tota pompa, non solum domus illius, verum etiam *Montjoicæ*. Stabat in medio *Henricus* annos natus novem, jam tum indolem quandam regiam præ se ferens, h. e. animi celsitudinem cum singulari quadam humanitate conjunctam. A dextris erat *Margareta*, undecim ferme annos nata, quæ post nupsit *Jacobo* Scotorum Regi. A sinistris, *Maria* lusitans, annos nata quatuor. Nam *Edmondus* adhuc infans, in ulnis gestabatur. *Morus* cum *Arnoldo* sodali salutato puero *Henrico*, quo rege nunc floret Britannia, nescio quid scriptorum obrulit. Ego, quoniam hujusmodi nihil exspectabam, nihil habens, quod exhiberem, pollicitus sum aliquo pacto meum erga ipsum studium aliquando declaraturum. Interim subirascebar *Moro*, quod non præmonuisset: & eo magis, quod puer Epistolio inter prandendum ad me misso, meum calamus provocaret. Abi domum, ac vel invitis Musis, cum quibus jam longum fuerat divortium, Carmen intra triduum absolvi. Sic & ultus sum dolorem meum, & pudorem farsis. Editum est & carmen, rudimenta complectens hominis Christiani. Id scriptum est stylo simplicissimo. Sic enim jussit *Joannes Coletus*, qui tum magnis impendiis novum ludum litterarium instituerat, in quo non minus in pietate quam in doctrina volebat institui formarique pueritiam: vir enim singulari prudentia præditus, videns seculum suum deploratissimum, teneram ætatem delegit, ut novum Christi vinum novis utribus committeret. Vertere coeperam Podagram Luciani priorem, opus mire festivum, sed destiti, potissimum deterritus epithetis, quibus abundant chori, in quibus non erat spes in Latinis assequi compositionis felicitatem, quam videmus in Græcis dictionibus. Quod si dictiones singulas pluribus explicuisset, peribat gratia totius carminis. Nam hymni sacri fere constant hujusmodi Deorum cognomentis, religiose compositis, præfertim apud Græcos. Quod genus sunt illa apud Homerum:

Ἄρης ὑπερβύτης, Βελσάριος, χρυσοπύλλης,
Ὀμβρομόχης, Φέστας, πελίαςος, χαλκὸς ἐλάς.

Itidem, & Lucianus: Ἐπιδιμοχαρὲς, κατὰ κλονοῦσας, κωλυσιδρόμα, βασιλεὺς ἐργάλα, σφυροπησιπύρα, μορσιφάδαφα, δαιδυκφόρα, γυνοκλαυσιχρύπνα, πεισιγυνοκλαυσιχρύπνα, γυνοκλαυσιχρύπνα. Hæc atque id genus, quum apud Græcos plurimum habeant gratiæ ob facetissimam imitationem, Latinus sermo nec umbram horum possit reddere. Ad Græcas litteras utcunque puero degustatas jam grandior redii, h. e. annos natus plus minus triginta, sed tum quum apud nos nulla Græcorum codicum esset copia, neque minor penuria doctorum, Lutetiæ tantum unus *Georgius Hermonymus* Græce balbutiebat, sed talis, ut neque potuisset docere, si voluisset: neque voluisset, si potuisset. Itaque coactus ipse mihi præceptor esse, verti multos Luciani libellos, vel in hunc usum, ut attentius Græca legerem, *Saturnalia*, *Cronosolonem*, *Epistolas Saturnales*, *De lucis*, *Declamationem de abdicatione*, *Icaromenippum*, *Toxaridem*, *Pseudomantem*, *Gallum*, *Timonem*, *Declamationem pro tyrannicida*, *De his, qui mercede vivunt in aulis Principum*. Ad hæc ex minutioribus dialogis delectos octodecim, præterea *Herculem Gallicum*, *Eumuchum*, *De sacrificiis*, *Convivium*, *De astrologia*. Hujusmodi ceu strenulis diversis temporibus salutabamur amicos, qui mos est apud Anglos. Verteramus & *Longavos*, dictantes tantum, sed notarius fuffuratus libellum

Mont-

DESIDERII ERASMI ROTERODAMI

Montejo dicatum pro suo edidit Lutetiae. Rapiebantur hae nugae primum magno studiosorum applausu, sed ubi Graecae linguae peritia coepit esse vulgo communis, id quod miro successu factum est apud nos, coepere negligi: quod ego sane ut futurum sciebam, ita factum gaudeo. Ausi sumus idem in Plutarchi Moralibus, cujus & phrasibus aliquanto difficilior est, & res habent plus obscuritatis, ob reconditam hominis eruditionem. Ex hoc vertimus libellum, cui titulus, *Quomodo sit dignoscendus adulator ab amico*. Eum dicavimus Henrico Britanniae Regi, ejus nominis octavo: praeterea cui titulus est: *Quo pacto fieri possit, ut utilitatem capias ex inimico*: hunc dicavimus ei, qui nunc est Cardinalis & Archiepiscopus Eboracensis, tum Eleemosynarum regis erat praefectus, sed tamen jam tum rebus maximis destinatus, adeo ut, prius quam daretur opportunitas offerendi, ter mihi mutanda fuerit Praefatio. Quin & prius quam excudi poterat, jam accesserat ei Cardinalitatis dignitatis fastigium. Ante hos verteram, *De tuenda valetudine: Quod in Principe requiratur eruditio: Quod cum Principibus maxime versari debeat Philosophus: Utrum graviores sint animi morbi, an corporis. Num recte dictum sit, λάτρε βίαιος*: *De cupiditate divitiarum*. In his eo libentius exercebar, quod praeter linguae peritiam vehementer conducerent & ad mores instituendos. Nihil enim legi, secundum Litteras Divinas, hoc auctore sanctius. Hoc unum erat incommodi, quod Aldus hocopus excudit, sequutus exemplar multis locis depravatum, nec apud nos vetustorum exemplarium erat copia. Vertimus unam Libanii declamationem, nomine Menelai repetentis uxorem apud Trojanos, atque hinc primum jecimus transferendi aleam. Vertimus & alias aliquot declamatiunculas incerto auctore. Nonnulla scripsimus, quae facerent ad institutionem studiorum, inter quae sunt libri *De copia verborum ac rerum* duo, olim per lusum designati verius quam coepti in gratiam Joannis Coleti, qui multis precibus hoc extorsit potius quam impetravit, ut novum opus novae scholae dedicarem. Ad ejusdem preces castigavi libellum *Lilii*, quem suo ludo praefecerat, de syntaxi, sed mutatis tam multis, ut nec *Lilius* vellet opus agnoscere, nec ego possem. In gratiam Petri Viterii non vulgaris amici, licet humilioris, scripsi libellum *De ratione studiorum & instituendi pueros*, quod is ingenuos aliquot, bonaeque spei adolescentulos erudiendos haberet. Fortassis ad hunc ordinem pertinent duo primi libri Grammatices Theodori Gaza, quos ideo Latine vertimus, ut plures alliceremus ad studium Graecanici sermonis, vel ipsa facilitate, vel esca quadam. Et adeo successit id, quicquid erat laboris, ut jam videatur inutilis. Adnotaram quaedam Anglo cuidam, *De ratione scribendarum Epistolarum*, sed non in hoc, ut ederentur. Eo defuncto, quum viderem opus, ut erat, mutilum ac mendosum, editum in Anglia, coactus sum paucos dies in ejusmodi nugis perdere, quas plane cupiebam abolitas, si qua fieri potuisset. Prodierat & *Colloquiorum* libellus, partim de confabulationibus domesticis, partim de schedis meis confarcinatus, sed admixtis neniis quibuscumque, non tantum ineptis, verum etiam male Latinis, planeque solœcis, & hoc nugamentum miro applausu exceptum est, ut in his quoque rebus ludit fortuna. Coactus sum igitur & hisce neniis admoliri manum. Tandem adhibita paulo majore cura, non pauca adjecimus, ut esset justa libelli magnitudo, jamque vel hoc honore dignus videri posset, ut Joanni Erasmo Joannis Frobenii filio, puero tum sex annos nato, sed indole incredibili dicaretur. Id factum est Anno M. D. XXII. Quanquam hujus operis natura est, ut quoties visum fuerit, recipiat accessionem. Itaque in gratiam studiosorum & Joannis Frobenii frequenter jam auctarium adjecimus, sed ita temperatis argumentis, ut praeter lectionis voluptatem, ac sermonis expoliendi fructum, inesset, quod ad mores quoque formandos conduceret. Porro donec praeter meras ineptias nihil haberet ille libellus, miro omnium favore legebatur. Ubi accessit uberior utilitas, non potuit effugere τὸ σὺν φάρμακον δῶγμα. Theologus quidam Lovaniensis mire lippiens oculis, sed multo magis ingenio, vidit illic quatuor locos haereticos. Accidit & aliud quiddam huic operi memorabile. Excusum est nuper Lutetiae correctis, h. e. depravatis aliquot locis, quae videbantur attingere Monachos, vota, peregrinationes, indulgentias, aliaque hujus generis, quae si plurimum valerent apud populum, uberior esset istis quaestus. Verum hoc ipsum fecit adeo stulte, adeoque indocte, ut scurram quempiam de trivio fecisse jures, quum auctor tam insulse fabulae feratur Theologus quidam ordinis Dominicani, natione Saxo. Quorsum attinet addere nomen & cognomen, quod nec ipse cupit suppressi? nescit tale portentum pudefcere, citius laudem etiam petat ex scelere. Addidit impostor novam Praefationem meo nomine, in qua facit tres viros in uno puero instituendo sudantes: *Capitonem*, qui tradiderit litteras Hebraicas: *Beatum*, qui Graecas: me, qui Latinas. Horum utroque facit me tum litteratura, tum pietate inferiorem, significans in Colloquiis inspersa quaedam, quae Lutheri respiciant dogmata. Atque hic scio quosdam sublatores cachinnum, quum legent *Capitonem* ab isto, qui sic odit *Lutherum*, optimi doctissimique viri elogio praedicatum: Haec atque hujusmodi multa me loquentem facit, hujus audaciae exemplo sumto ex Epistolis Hieronymi, qui queritur aemulos suos ipsis nomine confictam Epistolam sparsisse apud Afros in conventu Episcoporum, in qua fateretur se deceptum à Judaeis quibusdam falso vertisse Vetus Testamentum ex Hebraeis. Et omnino persuasissent eam Epistolam esse Hieronymi, si stylum Hieronymi aliqua ex parte potuissent assequi. Hoc facinus quum Hieronymus referat velut extremae deplorataeque malitiae, tamen unum hoc arrisit isti Phorioni, quod est quovis libello famoso sceleratius, sed defuit malitiosae voluntati facultas perficiendi quod destinarat, stylum Erasmi quamvis incultum assequi non potuit, sic enim claudit florulentam suam Praefationem. Ita monuit aias, ita iussit pietas, ut dum vivere datur praevari senecta scripta mea repurgem, ne functus manes tristibus transcribant sequaces inferis. Quum talis sit totus hominis sermo, tamen non veritus est suos fosciculos nostris coronis intertexere, aut insanissime sibi placens, aut pessime sentiens de judiciis Theologorum, nam his ista cudit, quos omnes tam stupidos esse putet, ut non statim deprehensuri sint infelicitate assutos hujus pannos. Tam abjecte ubique adulatur Galliae, Lutetiae, Theologis, Sorbonae, collegiis, ut nemo mendicus possit abjectius. Itaque si quid parum magnifice dictum videtur in Gallos, transfert in Britannos, si quid in Lutetiam, vertit in Londiniam. Addit quaedam odiosa, velut à me dicta, quo mihi confleret invidiam apud eos, quibus dolet me esse carum. Quid multis? Passim suo commodo refecat, addit, mutat, veluti sus oblita coeno volutans sese in horto alieno, nihilque non conspurcans, perturbans, evellens, nec interim sentit perire captatam à nobis argutiam. Etenim quum illic cuidam dicenti, ex *Hollando versus es in Gallum*, responderetur: *Quid? an capus eram: quum hinc abirem?* ille mutavit, *Ex Hollando versus es in Britannum*. *Quid? an Saxo eram, quum hinc abirem?* Rursum quum quidam dixisset, *Vestis indicat te mutatum ex Batavo in Gallum*. Ille, ex Gallo facit Britannum. Quumque ille respondisset, *Hanc metamorphosin malim quam in Gallinam*: alludens ad Gallum. Ille mutavit *Gallinam* in *Bohemum*. Mox quum quidam jocatur se Latinum quoque sermonem sonare Gallice: ille pro Gallice, vertit *Britannice*: & tamen reliquit, quod sequitur, *Nunquam igitur bona carmina facies, quia perit tibi syllabarum quantitas*: quod in Britannos non congruit. Item quum illic aliquis dicit, *Quid accidit Gallis, ut bellum suscipiant cum Aquila*: ille sic corrumpit jocum, *Quid accidit pardis, ut bellum suscipiant cum Lilii*: quasi *Lilia* soleant prodire in bellum. Interdum non sentit ea, quae sequuntur cum his, quae mutavit, non cohaerere, velut hoc ipso in loco. Ego scripseram; *Estne Lutetia immunis à pestilentia?* Ille mutat, *Estne Londinium immunis à pestilentia?* Rursum alio loco, quod à quodam dicitur, *Quid trepidamus hunc Gallum lacerare?* Ille, *Gallum* vertit in *leporem*: nec tamen mutavit, quod sequitur, *utrum mavis de ala, an de poplitibus?* Porro quum Dominicalibus adeo tenere faveat, ut voluerit apud illos sedere commissarios, tamen

Tom. I.

*** **

Scotum

C A T A L O G V S L U C V B R A T I O N V M

Scotum atrociter attactum æquo fert animo. Nec enim mutavit, quod illic dicit quidam, *Citius patiar perire totum Scotum, quam libros unius Ciceronis*. Verum ut hæc stultitiæ plena sunt, ita insunt permulta, quæ parem habent stultitiæ junctam malitiam. Quidam illic irridet sodalem, qui, quum esset perditæ vitæ, tamen fideret bullis indulgentiariis: hic corrector facit illum fatentem se cum *Luthero* suo sentire, indulgentias Pontificis nihil valere. Ac mox fingit eundem resipiscentem, profiteri erroris sui poenitentiam. Atque hæc videri vult, velut à me correctæ. O miros fidei nutantis Atlantes! Hoc perinde est, ac si quis offis sanguine imbutis vulnus mentiatur in humano corpore, ac mox idem sublati, quæ admoverat, vulneri medeatur. Dicit illic puer quispiam, confessionem, quæ sit Deo, præcipuam esse. Ille correxit, asseverans confessionem, quæ sit sacerdoti, præcipuam esse. Ita prospexit perichlanti confessioni. Unum hoc exempli causa retuli, quum in hujus generis sycophantiis creber sit. Atque hæc scilicet respondent palinodiæ, quam ille sub meo nomine pollicetur in falsaria præfatione, quasi cujusquam sit canere palinodiam erroris alieni, aut quasi, quicquid illic sub quacunque persona dicitur, meum sit dogma. Nihil enim me movet, quod hominem nondum sexagenarium facit prægravi senectæ. Olim capitale erat edere quicquam alieno nomine, nunc tales sycophantias in vulgus spargere ficto ipsius nomine, qui traducitur, ludus est Theologorum. Nam vult Theologus videri, quum res illum clamitet ne nomini quidem tenere rei Theologicæ. Nec dubito, quin furcifer ille mendaciis suis imposuerit famelico typographo: non enim arbitror quenquam esse tam insanum, qui sciens tam indoctas nenas velit excudere. Deploratam hominis audaciam mirari desii, postea quam intellexi illum esse pullum è nido Bernensi quondam elapsum, plane *ἐν κακίῃ καὶ ἁμαρτίᾳ καὶ σὺν ὁμολογίᾳ*. Illud demiror, si verum est, quod adfertur, apud Parisios esse Theologos, qui sibi plaudant, quod tandem nacti sunt hominem, qui eloquentiæ suæ fulmine disjiciat universam *Lutheri* factionem, & Ecclesiam pristinæ restituat tranquillitati. Nam scripsit & adversus *Lutherum*, ut audio. Et postea Theologi queruntur se à nobis traduci, qui studia ipsorum tantis vigiliis adjuvamus, quum ipsi volentes amplectantur talia monstra, quæ plus dedecoris adferunt ordini Theologorum, atque etiam Monachorum, quam quilibet maledicus hostis possit. Qui tale facinus audet, idem non dubitabit incendium, aut veneficium admittere. Atque hæc excuduntur Lutetiæ, ubi nefas est vel Evangelium excudi, nisi Theologorum censura comprobatum. Hoc Colloquiorum opus postremum exiit auctum coronide, anno M. D. XXIV. mense Septembri. Cæterum quoniam videbam multos scriptores vel negligi prorsus, vel minore cum fructu legi, quod undique scaterent mendis, tum autem quosdam etiam commentariis insulsiſſimis esse contaminatos verius quam expositos, studuimus & in hac parte consulere studiis juventutis, nec juxta Græcorum proverbium, in dolio *τὸν καὶ κεραυνὸν* sumus adgressi, sed in libello puerili, cui titulus *Cato*. Adjecimus *Mimos Publitanos* sane quam festivos, qui inter Senecæ lucubrationes falso titulo latebant, sed depravatiſſimi: tum admixtu multarum sententiarum, qui *Mimi* non erant, contaminati. His omnibus Scholia adjecimus. Adjunximus & alia quædam à nobis recognita, minutiora, quam ut sit operæ pretium referre, quod quidem ad operam à nobis insumtam attinet. In hanc classẽ referenda videtur *Nux Ovidii*, quam emendatam Commentariolo explanavimus, in gratiam optimæ spei adolescentis *Joannis Mori*, cui adjunximus duos Hymnos Prudentianos, alterum *Ἀνθιμίου*, alterum *Θηοφάνους* pueri *JESV*. Quos itidem emaculatos Commentariolis enarravimus in gratiam clarissimæ puellæ *Margaretæ Ropera*: id factum est anno M. D. XXIV. Moliti sumus simile quiddam apud *Aldum* post edita Proverbia, in Comœdias Terentii & Plauti omnes, sed hic nihil aliud professi, quam versuum consulsorum digestionem, ubi licuisset, tum in Tragœdias Senecæ, in quibus non pauca feliciter mihi visus sum restituisse, at non sine præsidio veterum codicum. Exemplaria reliquimus *Aldo*, permittentes illius arbitrio, quid de his statuere veller: nisi quod Senecæ Tragœdias, post in Angliā denuo recognitas, *Badio* transmisimus, qui visus est nostra cum alienis miscuisse. Porro Cantabrigiæ nacti veteres aliquot codices, adgressi sumus Senecam Oratorem, magnis quidem laboribus nostris, sed quorum editio parum feliciter cesserit. Etenim quum meæ res me revocarent in patriam, dederam hoc negotii doctis amicis, ut ex his, quæ notaram in margine, deligerent, quibus videretur utendum, atque illi sane quam magnifice receperunt. Sed illic primum didici, & apud eos, qui putantur in promissis adamantini, nonnullos esse, qui parum probæ sint fidei, frustra que poenituit non obtemperasse *Cassia* consilio, *Ne quid exspectes amicos facere, quod per te queas*. Quin & ea pars exemplaris, quæ plurimas habebat annotationes, periit. Nonnulli suspicabantur, & erat verisimile, eum, qui negotium magnificis promissis susceptum haud scio pejore fide an judicio gesserat, clam sustulisse, ne deprehenderetur. In nonnullos libros non succurrebat aliquid vetustiorum codicum, velut in *Naturales Quaestiones*, in *Controversias*. His locis non ita multis addideramus conjecturam nostram non mutata scriptura. In alios, ubi licuit veterum librorum uti præsidii, totas margines expleveramus annotationibus, sed quæ requirent expensorem. Huic operi excudendo si præfens adfuisset, fateretur candidus lector, hoc, quicquid est operæ, non sine fructu fuisse susceptum: Nunc infelicitatem meam & ipse deploro, perfidiam nemo potest objicere. Audio quosdam apud Italos moliri novam hujus auctoris editionem, ex fide vetustissimorum codicum. Horum industriæ favebimus utroque pollice, & adeo non putabimus illorum felicitatem ad nostram ignominiam pertinere, ut hinc aliquid etiam laudis simus decerpuri, nimirum quod nostro qualicunque conatu præbuerimus illis ansam, stimulumque subjecerimus ad honestissimam provinciam suscipiendam. Ab his progymnasmatibus adgressus sum Novum Testamentum, in quo decreveram adeo verborum parvus esse, ut statuerim singula loca tribus verbis adnotare, præsertim quum *Laurentii* castigationem jam edidisset, quæ mihi verbosior quam pro re videbatur. Cæterum ubi jam accinctus esset *Frobenius* ad excudendum, perpulerunt amici docti, quibus aliquoties obsequentior sum, quam expedit, ut mutarem etiam editionem vulgatam, & in Adnotationibus essem aliquanto copiosior. Is labor noster ut plurimos excitavit vel ad Græcas litteras, vel ad studium sincerioris Theologiæ, ita mihi gloriam peperit, multa invidia fermentatam. Dedimus & hic mox poenas non leves vel temeritatis, vel nimis facilitatis, in obsequendo amicorum voluntati potius quam judicio. Non credendis laboribus totum opus retexuimus, ac rursus officinæ tradidimus. Rursum tertio manum admovimus, magnaque cura locupletavimus anno millesimo quingentesimo vicesimo secundo, quæ quidem hætenus fuit nobis operis editio novissima. Quartam habemus paratam, quod, dum Paraphrases scriberemus, multa deprehenderimus, quæ prius fefellerant. Quin & Hieronymianas Epistolas, quod hæc ut plurimum habent eruditionis & eloquentiæ, ita habebantur mendosissimæ, castigavimus, ac scholiis explicuimus, nota semovimus adjectis censuris. Quod opus rursus recognovimus anno millesimo quingentesimo vicesimo secundo, non paucis locis vel correctis vel additis, quæ nos in priore editione fefellerant. Hoc rursus excusum est Anno M. D. XXIV. In hoc labore sic versati sumus, ut attentus lector facile deprehensus sit, me non frustra recognitionem hanc suscepisse. Non defuerunt hic veterum codicum præsidia, sed quæ non præstarent, quin aliquot locis fuerit divinandum. Verum eam divinationem in scholiis ita temperavimus, ut ne qui facile falli possit, sed tantum excite-tur ad investigandum lectoris studium. Et speramus fore, ut aliquis adjutus emendationibus exemplaribus restituat & illa, quæ nos fugerunt: quibus ut libenter tribuamus meritam industriæ laudem, ita non habebunt, quod nostros conatus insectentur, qui quum multa feliciter restituerimus, in quibusdam coacti sumus vetus sequi prover-

DESIDERII ERASMI ROTERODAMI.

proverbium *ὅς τις θέλω, αὐτὸς δὲ δυνάμεθα*. Sunt enim quidam eo ingenio, ut si quid possint superiorum conatibus adicere, totam laudem sibi vindicent, magnis conviciis exagitant, sicubi dormitatum est, aut sicubi non præstitit alter, quod conabatur. Quorum equidem haud scio utrum magis detestandam arbitrer inhumanitatem, an ingratitudinem. Nullus illis præclufit viam, si velint dare absolutiora. Negant quicquam edendum, nisi quod sit absolutum. Hoc qui præscribunt, dicunt nihil omnino edendum, neque tale quicquam à quoquam adhuc editum. Dabamus illa Batavis, dabamus Monachis ac Theologis magna ex parte *ἀμύσις*. Nondum enim hucusque promoverant bonæ litteræ. Hæc si quis reputet, intelliget me nec ignavam, nec infrugiferam obisse provinciam. An Itali Critici non dabunt hanc veniam Barbaris, quam ipsi velint nolint dare coguntur suis, *Philippo*, *Hermolao*, *Valis*: breviter, quotquot intra annos sexaginta, vel vertendis Græcis, vel enarrandis corrigendisve Latinis industria sua juverunt publica studia? Qui nihil edunt, sic vitant culpam, ut nihil laudis promereantur: imo dum stulte vitant culpam humanam, in gravissimam culpam incidunt: nisi forte minus culpandus est, qui ex lautiore penu nihil depromit famelicis amicis, quam qui gratis & candide profert, quicquid habet, libenter daturus lautiora, si haberet. Quis infestatur Annotationes *Hermolai* in *Plinium*, quod destitutus emendatorum codicum auxilio plurima non potuerit assequi, in multis etiam parum feliciter divinarit? Ego me plurimum debere profiteor *Beato Rhenano*, qui nobis dederit *Tertullianum*, multis in locis emendatum, quamquam nec totum dedit, & innumeris adhuc mendis obsitum. Non fraudatur sua laude, qui pro tempore, quod potuit, præstitit, ac viam aperuit cæteris elimatiore moliendi. Nec ullos patimur iudices iniquiores, quam istos, qui nihil omnino edunt, ac ne docent quidem, velut invidentes utilitati publicæ, perinde quasi ipsis pereat, quicquid compererint esse multis commune. Et sicubi lapsus humanum deprehenderint, qui cachiini, quæ convicia, quæ tragediæ? Omnium felicissimus in vertendo fuit *Theodorus Gaza*. Et tamen in hujus libris deprehendit aliquot errores *Trapezuntinus*, quos ille monitus correxit. *Hermolans* vir tantus, nonne statim in Præfatione *Themistii* in libros *Aristotelis De Anima*, pueriliter lapsus est, in ipso (quod ajunt) portu impingens? Quid hic memorem de *Philippo Beroaldo*, de *Baptista Pio*, denique similibus, ad quorum errores connivent Itali? Quid de omnibus fere, qui intra octoginta annos verterunt Græca, *Diodorum Siculum*, *Herodotum*, *Thucydidem*, *Vitas Plutarchi*, atque etiam libellos *Morales*? Si his ignoscimus, quod in tanta doctorum hominum, ac vetustissimorum librorum copia labuntur aliquoties insigniter, cœlum terræ miscent, si in Batavo præfidiis omnibus destituto reperiant, quod sit emendandum? Quanquam nos ipsi in nostras lucubrationes ceptiores agimus, multaque in his, quæ vertimus, ex Græcis emendavimus: idem facturi, donec vixerimus. Sed video, mi *Botzeme*, jamdudum ad Catalogum revocas. Ergo *Suetonium Tranquillum* cum miræ vetustatis codice contulimus, ac loca nonnulla satis feliciter restituvimus, à nemine antea animadversa. Idem fecimus in operibus *Cypriani*. Recognovimus & *Arnobii* Commentarios in sacros *Psalmos*, quem laborem inscripsimus *Adriano* Pontifici Romano ejus nominis sexto, tum recens electo. Idem fecimus in *Hilario*, qui miris modis nos torfit. Hoc laboris dedicavimus *Joanni Carondileto* Archiepiscopo *Panormitano*, *Caroli Cæsaris* in *Brabantia* Cancellario summo. Cæterum, ubi perpenderemus quantum ad elegantiam & copiam dictionis adferant momenti sententiæ argutæ, metaphoræ aptæ, proverbia, similiaque schemata, decreveramus ex omni scriptorum probatorum genere, quam maximam harum rerum vim congerere, & in suam quæque classem digerere, quo magis essent in promptu his, qui stylum exercere vellent ad parandam orationis facultatem & copiam. Hujus rei periculum fecimus ante annos (ni fallor) viginti septem. Occasio fuit hæc. In littore *Dovariensi* prius quam ingrederer mare, naufragium fecit tota mea pecunia, quæ tum erat exigua, sed tamen mihi maxima, quum nihil superesset. Id factum est à præfecto (pene dixeram, à prædone) littoris, *Regio* nomine, quum mihi *Morus* ac *Montjoys* persuasissent nihil esse periculi, nisi monetam *Britannicam* efferrem. At ego nec *Britannicam* habebam, nec in *Anglia* partam aut acceptam. Verum in littore didici, non esse fas ullam efferre pecuniam, ne ferream quidem, ultra præcium sex *Angelatorum*. Tanti mihi constitit unicam legem *Britannicam* didicisse. Ubi nudus redissem *Lutetiam*, non dubitabam, quin multi expectarent futurum, ut (quod solent litterati) fortunam hanc ulciscerer calamo, scribens aliquid in odium *Regis*, aut *Angliæ*: simulque verebar, ne *Guilielmus Montjoys*, quoniam dederat occasionem perdendæ pecuniæ, subvereretur, ne verterem animum erga se meum. Ut igitur & illorum expectationem fallerem, imo potius declararem me non esse tam iniquum, ut privatum casum imputarem regioni, aut tam incogitantem, ut ob jacturam tantulam vel in me vel in amicos, quos in *Anglia* reliqueram, provocarem tanti Principis iram, simulque *Montjoys* meotestatum facerem, me nihilo secius affectum esse in amicitia, quam antea fueram affectus, visum est protinus aliquid edere. Quum nihil esset ad manum, tumultuarie paucorum dierum lectione congesti sylvam aliquam *Adagiorum*, divinsans hoc libelli, qualis qualis esset, vel ob utilitatem versaturum in manibus studiosorum. Hoc argumento declaravi, quam non refraxissem in amicitia. Tum adjecto carmine, cujus ante meminimus, testificatus sum, quam non essem infensus vel *Regi* vel regioni, ob pecuniam ereptam, nec male cessit hoc meum consilium. Ea moderatio candorque mihi tum plurimos amicos conciliavit apud *Britannos*, viros eruditos, probos ac potentes. Id opusculum paucis post annis excudit *Badius* noster, adjectis à me pauculis, & recognitis Græcis potissimum. Mox *Matthias Schurerius* *Argentorati*, quum ego interim copiosiorum sylvam collegissem in *Venetarum* editionem, quæ prodiit ex officina *Aldina*. Porro quoniam videbam hoc opus fuisse gratiosum apud studiosos ut victurum appareret & à multis typographis certatim ederetur: iterum atque iterum locupletavi, ut se dabat vel ocium vel major librorum copia. Postrema manus edita est apud *Joannem Frobenium*, anno à natali *Servatoris* M. D. XXIII. Porro dum locupletandis *Adagiis* nonnullos auctores relego, obiter collationes aliquot adnotavi, magis indicans ac præbens aliis exemplum futuri operis quam librum iusta cura absolvens. Est autem liber unus de *Parabolis* sive similibus ad *Petrum Ægidium* *Jureconsultum* & civem *Antverpiensem* quondam mihi studiorum sodalem. Fortasse non abs re fuerit huic generi subnectere opus *Epistolarum*, quamquam non est aliud omnium, cui minus faveam. Indultum est hic plus satis amicorum affectibus, præsertim quum hi sæpenumero pro tempore mutantur in diversos, qua de re satis testati sumus, in prima postremæ editionis *Epistola*, quæ prodiit ex officina *Frobeniana* anno M. D. XXI. Et quod tum divinabam, post nimium veris experimentis comperi. Res enim ipsa docet quosdam ex juratissimis amicis, quos *Pylades* poteram dicere, factos hostes acerrimos, summam ingratitudinem cum summa perfidia copulantes, non ob aliud; nisi quod nollem palam dare nomen periculoso negotio, quod semper hariolatus sum in perniciosam seditionem exiturum. Atqui ego nemini renunciavi amicitiam, vel quod in *Lutheum* esset propensior, vel quod à *Lutheo* alienior. Tali sum ingenio, ut vel *Judæum* amare possim, modo sit aliqui commodus convictor & amicus, nec me coram blasphemias evomat in *CHRISTVM*. Atque hanc civilitatem arbitror utiliorem ad finendum dissidium. Ac leviter sane me commovet, quod, quibus ante scribebar, *Sidus Germania*, *Princeps vera Theologia*, *Antistes bonarum litterarum*, nunc sim alga vilior. Siquidem gloriosos illos titulos, qui mihi nunquam non fuere molesti, lubens illis resigno, amicitiaæ fœdus nulli volens remitto. Tentavimus & declamationem, ad quam magis eramus natura compositi; quam ad illa collectanea, in quæ tamen maxime nos im-

CATALOGVS LUCVBRATIONVM

pulit nescio quis genius. Itaque lusimus olim laudem ac vituperationem matrimonii, quæ nunc pars est libelli, De Ratione conscribendi Epistolas. Id fecimus in gratiam clarissimi juvenis *Guilhelmi Montjoji*, quem tum in rhetoricis instituebamus. Hunc quum rogassim, *ecquid placeret, quod scripseram*: ille festiviter, *adeo placet, ut mihi plane persuaseris esse ducendam uxorem*. Tum ego, *suspende sententiam, donec legeris diversam partem. Istam, inquit, tibi habet, mihi prior placet*. Is jam post tertiam uxorem cœlebs est, fortasse ducturus quartam, adeo facile est perculisse plaustrum, quo sua sponte inclinatur. Sed admodum juvenes vix annos nati viginti, scripsimus in eodem genere laudem vitæ monasticæ, h. e. solitariæ, in gratiam amici cujusdam, qui nepotem quendam venabatur profelytum, quem in nasam pelliceret. Item ante annos viginti tres, Encomium artis medicæ, rogatu cujusdam amici, qui nuper *Caroli Cæsaris Medicus* fuit. Repperi inter schedas Episcopi remissionem ad populum sibi gratulantem, nec satis meminimus, quam occasione ea mihi scripta fuerit. Nam consolationem de morte filii præmature prærepti, scripsi Senæ, quum *Alexandrum* Archiepiscopum Ecclesiæ Divi Andree, *Jacobi* Scotorum Regis filium instituerem. Sed multo ante apud Anglos descripseram Declamationem Lucianicæ respondentem contra tyrannicidam, huc provocante *Thoma Moro*, tum studiorum sodali, qui nunc Anglorum Regi est à Thesauris. Querimoniam pacis scripsimus ante annos ferme septem, tum primum in aulam Principis acciti. Agebatur magnis studiis, ut Cameraci synodus esset summorum orbis Principum, Cæsaris, Regis Galliarum, Regis Angliæ, Caroli nostri, atque ibi pax coiret inter illos, adamantinis, ut ajunt, vinculis. Hæc res potissimum agebatur per clarissimum virum *Guilhelmum à Cierovia*, & Reipublicæ juvandæ natum *Joannem Sylvagium*, cancellarium summum. Obstabant huic consilio quidam, quibus inutilis est rerum tranquillitas, quibusque juxta Philoxeni sententiam, qui dixit suavissimas esse carnes, quæ carnes non essent: suavissimos pisces, qui pisces non essent, maxime placebat pax, quæ pax non esset, & bellum, quod bellum non esset: Itaque jussu *Joannis Sylvagii* scripsi Pacis querelam. Nunc res eo profecerunt, ut parandum sit paci Epitaphium, quandoquidem nulla spes est eam revicturam, sed in his sunt, *quæ seria ducunt*, ut ait Flaccus. *Moriam* lusimus apud *Thomam Morum*, tum ex Italia reversi, quod opus quum mihi sic esset contemptum, ut nec editione dignaremur (nam aderam Lutetiæ, quum per nescio quos pessimis formulis depravatissime excuderetur) tamen vix aliud majore plausu exceptum est, præsertim apud magnates: paucos tantum Monachos, eosque deterrimos, ac Theologos nonnullos morosiores offendit libertas: sed plures offensi sunt, ubi *Lystrinus* adjecit commentarios, quod antea profuerat non intelligi. Conceperamus id temporis animo tres simul declamationes: *Encomium Morie*, *Naturæ*, & *Gratiæ*, sed quorundam morositas fecit, ut verterem consilium. Admodum adolescens aggressus sum *Antibarbaros*: nam & hoc opus arbitror ad declamatorium genus pertinere. Quanquam autem & in his, quæ recensui, pleraque sunt, quæ pertinent ad institutionem vitæ, tamen hæc, quæ nunc commemorabo, serio nobis scripta sunt ad vitæ rationem ac pietatem. In his est *Panegyricus*, quem *Philippo* Principi porreximus, primum ex Hispania reverso: quem sic laudavimus, ut eadem opera submoneremus, quid esset bono Principi spectandum, quod satis testati sumus in Epistola ad *Joannem Paludanum*, quam tum operi adjecimus. Præterea libellus De Principe Christiano, quem *Carolo* nunc Cæsari porreximus, recens in aula principalis famulitium acciti, ut essemus inter Principis Consiliarios. Atque hoc pacto primum fidelis Consilarii partes sumus assumpsi. Hoc enim epitheton solenniter addi solet Consiliariis, quum plerique Principes nihil minus ament, quam vere fidos Consiliarios, & plerique Consilarii nihil minus præstent, quam cognomentum suum. Et tamen hujus libelli libertate nemo magnatum offensus est. Ferunt boni Principes liberam admonitionem, seditionem licentiam non ferunt. Enchiridion militis Christiani coepimus ante annos ferme triginta, tum agentes in arce Tornahensi, quo nos pestis, quæ tum Lutetiæ desæviebat, propulerat. Res est casu nata. Erat in ea arce quidam amicus mihi Battoque communis. Huic erat uxor singulari pietate prædita, ipse nulli pejor quam sibi: homo profusus scortationibus & adulteriis operatus: alioqui comis ad omnem convictum. Theologos omnes fortiter contemnebat, uno me excepto. Uxor mire satagebat de salute viri. Hæc per Batrum mecum agit ut aliqua notarem scripto, quæ religionem incuterent homini: sic tamen, ne sentiret hæc uxoris impulsu geri. Nam erat & in hanc sævus usque ad plagas, more videlicet militari. Obsequutus sum, adnotavi quædam ei temporariæ congrua. Ea quum placerent etiam eruditibus, præsertim *Joanni Vitrario* Franciscano, cujus erat in illis regionibus auctoritas summa: posteaquam rursus è Lutetia pestis undique sæviens, Lovanium nos profligasset, per ocium absolvimus. Libellus erat aliquandiu neglectus. Mox mire coepit esse vendibilis, idque potissimum commendatione quorundam Dominicalium, quorum aliquam multos nuper alienavit addita Præfatio ad *Paulum Volzium* Abbatem, virum moribus, ut si quis alius, pure Christianis. Huic adjeceramus Epistolam Paræneticam ad *Adolphum* Principem Veriensem, tum admodum puerum. Præterea duas Precationes, ad Virginem matrem, in gratiam matris illius, h. e. Annæ, dominæ Verianæ, stylo juvenili, & ad illius affectum accommodato, potius quam ad meum judicium. Post, unam addidi Ad Jesum, magis ex animo meo. Accessit pars temporariæ disputationis olim habitæ cum *Joanne Coletto* De tadio Jesu, si tamen hæc pertinent ad morum institutionem. Hoc anno, h. e. m. d. xxiv. emisimus *Exomologesim*, sive *De ratione confitendi commissis sacerdoti*. Quin his majora sum ausus, explicui Paraphrasi Epistolam Pauli ad Romanos. Mox ubi successus audaciæ & amicorum hortatus me subinde longius provocarent, absolvimus Paraphrases in omnes Epistolas Apostolorum. Hoc opus quoniam non perpetuo labore, sed ex intervallis absolutum est, sic ut post unamquamque portionem absolutam statueremus ab hoc genere temperare: factum est, ut præter morem meum operis summa non sit uni dedicata. Post, hortatu *Matthæi* Cardinalis Sedunensis, idem nuper ausi sumus in *Matthæum*. Hoc lucubrationis dedicavimus *Carolo* Cæsari, cui scimus industriam nostram fuisse gratissimam. Jam desieram cogitare *Dei & Imperatoris*, & ecce multis in hoc stadium revocantibus, absolvi Paraphrasim in Joannem, quod is præ cæteris multis difficultatibus remoratur lectorem. Nec hic licuit quiescere: coepit efflagitari Lucas, quod apud hunc multa sint cum nullo Evangelistarum communia, adeo nunquam deerat efflagitandi lemma. Hic labor dicatus est Anglorum Regi *Henrico*, ejus nominis octavo. Marcum denique quidam insignis amicus suasit addendum, ne lacuna in medio vacans invitaret aliquem, qui, suis admixtis, operis integritatem interromperet. Hoc opus dicatum est Galliarum Regi *Francisco*, ejus nominis primo. Restabant Apostolorum acta, pars Evangelii secundum Lucam. Ea dicavimus *Clementi*, summo Pontifici, hujus nominis septimo. Apocalypsis nullo modo recipit paraphrasin. Hic itaque tandem Paraphrascōn finis satis felix. Nec enim alius labor mihi minus invidiæ conflavit quam Paraphrascōn. Scripsimus & in Psalmos duos commentarium, quibusdam magnis flagitationibus ad hunc laborem vocantibus. Verum hic non solum deterret operis tum magnitudo, tum difficultas, verumetiam turba commentariorum, ut periculum sit, ne Prophetiam obruant citius quam explanent. Attamen tertium Psalmum Paraphrasi explicuimus, in gratiam eruditi amici *Melchioris Viandali*. Scripsimus & in precationem dominicam Paraphrasim, rogatu *Jodoci* sive *Justi* Wissenburgensis, Secretarii Regis Poloniæ. Nuper absolvimus Concionem De misericordia Domini ad preces sanctissimi præsulis *D. Christophori* Episcopi Basiliensis, qui huic titulo sacellum quoddam dedicarat. Et eodem tempore *Comparationem* virginitatis & *martyrii*, ad preces integerrimi viri *Helie Maccabæistici* apud Agrippinam collegii moderatoris. Nam concionem de puero Jesu pridem scripseram rogatu *Joannis Coleti*. Methodum ve-

DESIDERII ERASMI ROTERODAMI.

re Theologiæ jam sæpius editam recognovimus ac locupletavimus anno M. D. XXII. ac rursus anno proximo. Equidem gloriari consueveram, quod quum tam multa joco serioque scripsissem, nullum adhuc mortalium meo stylo nominatum lacerassem, sed hanc gloriam invidit mihi nescio quis malus genius. Quanquam hæcenus defendi laudem innoxii styli, quod in neminem strinxi ferrum, nisi provocatus odiose: neque cuiquam respondi, nisi modestia vicerim adversarium inferior virulentia. Nam arbitror hoc ita liquere è scriptis meis, ut mihi tantum laudis liceat citra jactantiæ notam arrogare. Primum illud erat in votis, ut nec impetitus à quoquam, nec impetens quenquam, incruento calamo luderem perpetuo. Sed hic bis infelix fui: primum quod à multis sum odiosissime libris editis impetitus: atque etiam ab his, de quibus nihil unquam fueram male meritis: deinde ab his, quos mihi nec pulcrum erat vincere, nec concertatores habuisse magnificum, ac ne frugiferum quidem. Itaque quoties huc necessitatis adactus sum, *λακωνίζω*, rem quam possum verbis paucissimis perstringens. Nec ulli mortalium hujusmodi lucubrationum mearum quicquam dicavi, sive quod eas victuras esse nec speravi, nec optarem: sive quod nollem quenquam invidia degravare, quod ego per omnem vitam pro viribus cavi, ne quid ex me molestiæ rediret ad amicos.

Martinus Dorpius, instigantibus quibusdam, primus omnium cœpit in me velitari, cui respondimus ut amico amice, unica Epistola patrocinantibus Moris & Novo Testamento. Nec ob hanc velitationem discissa est nostra necessitudo, quod scirem illum non odio mei huc venisse, sed juvenem tum ac natura facilem, aliorum impulsu protrudi.

Successit huic *Jacobus Faber* Stapulensis, vir integer & eruditus, mihiq; vetere junctus amicitia. Cui sic respondimus, ut eam necessitatem fatis imputare maluerimus quam homini: nec ob eum casum tametsi gravem, illi nostram amicitiam renunciaverimus? Nam & hodie manet incolumis inter nos benevolentia mutua. Hic mihi periit opera dierum duodecim.

Nec ita multo post profiliit *Edwardus Lens*, ex amico subito factus hostis, qui sic adgressus est, ut plane nollet *ζωαρχῆν*, sed internecione conficere totum *Erasmum*: cui respondimus tribus libellis, tametsi secunda editione primum omisimus, quod is tantum ad virulentias illius & plusquam muliebres rixas responderet, ex quibus ad lectorem nulla redire posset vel utilitas, vel voluptas. Hic mihi perierunt dies, simul scribendo & edendo (nam omnes paginas ipse correxi) quinquaginta. Id possum docere testibus.

Prorepsit deinde *Jacobus Latomus*, tum laureæ Theologicæ candidatus, quæ nescio quo pacto jam annis aliquot Lovanii vix ulli contigit, nisi prius edito specimine *συκφαντίας*. Hujus libello, quoniam obliquis strophis hominis ingenium referebat, plusquam *λακωνικῶς* respondimus, interim & ab affectibus temperantes: quoniam spes tum erat hominem aliquando sumturum mores aliquanto candidiores. Hic mihi periit triduum, excepto tempore, quo legi libellos illius, dum curru vehor.

Subornarant & *Atensem*, ejus Academiæ tum Vicecancellarium, probum virum, & in re Theologica nullo illic non superiorem, denique nec inhumanum, & mihi satis amicum, sed ingenio irritabili. Et aderant artifices, qui quamvis placidum ingenium possent in rabiem agere, certe illum impulerunt in mortem. Nec enim erat illius ætas ac valetudo par hujusmodi tragœdiis sustinendis. Hunc, inquam, subornarant, ut in publica schola, in actu solenni, miris strophis ac dièteris obliquis perstringeret me, etiam hæreseos notam impingens, quod plus satis laudassent matrimonium. Hic mihi jam satis fecerat, primum missis ad me hujus rei gratia *Martino Dorpio*, & *Egidio Delpho*, deinde colloquio familiari.

Mox igitur edito libello respondi, non *Atensi*, sed hominum suspicionibus, magis illius causam agens quam meam. Et quoniam hæc ex composito gerebantur, tumultus tumultum excipiebat. Sic enim putabant fore, ut me profligato ex Academia, simul omnes linguæ cum bonis litteris demigrarent in rem malam. Eodem ferme tempore clamatum est à Monachis Londini in Anglia, Lutetiæ in Gallia, Bruellæ in Brabantia, idque in frequentissimis concionibus in me, quod vertissem: *In principio erat sermo*, pro eo, quod erat, *In principio erat verbum*. Et hunc tumultum libello compescuimus, declarantes eos, qui sic clamasent, prorsus insanire. Quamquam id eruditus abeunde perspicuum erat etiam ante, quam nos verbum ullum faceremus.

Primus omnium scripserat adversus Novum Testamentum obscurus quidam, cui satis habuimus Epistola respondere, suppressio nomine.

Jamque finis videbatur futurus hujus mali, quum ecce de repente nobis ex Hispania profiliit *Jacobus Lopus Stunica*, homo (quod illius scripta declarant) gloriosus, effrons, excors, sibi mire pulcer, sermonis amari, dicacis natus hujusmodi tragœdiis. Præcesserat rumor atrox, & liber ipse miros habebat fumos. Huic paucis respondimus, nec æque poenituit ulli respondisse. Is ubi se Romam contulit, illic triumphum acturus de tam bello libello, rursus emisit in me librum, cui titulum fecit, *Blasphemia & impietates Erasmi*, quo nihil unquam prodit infanitus. Itaque Cardinalium ordo vetuerat excudi: excusum tamen clam per Monachos quosdam, apud quos sacrosancta est Pontificis auctoritas, quoties ipsis est commodum, rursus vetuerunt distrahi. Vix huic responderam paucis & contemtim, ut merebatur, dum alius provolat libellus, præcursor illorum trium, in quibus velut optimus histrio declaravit, quantum valeat maledicendo. Itaque de eodem (quod ajunt) oleo responsum est huic quoque.

Aderat frater viro, *Sanctius Caranza*, Theologus Complutenfis, qui *Stunicam* defenderet in tribus duntaxat locis, quos delegerat: & dum me conatur hæreticum facere, sese declarat impudentem sycophantam, & hujus libello respondimus. Et invenit Roma, qui tales nenias legant. Arguit enim esse, qui legant, quod sint, qui emant, quum vix usquam illic invenias venales libros sanctorum patrum, qui faciunt ad pietatem. Imo non defunt, qui credant talibus præfidiis recte defendi statum Ecclesiæ: cujus negotii quum illud sit caput, ut apud omnes pondus habeant Romani Pontificis constitutiones: iste re ipsa docet quantum illis sittribuendum apud alias nationes, quum ipse Romæ toties impune rideat Pontificum & Cardinalium edicta. Respondent non aliter *Stunicam* tolerari Romæ, quam *Pasquillum*. Verum *Pasquillus* & levius insanit, & semel duntaxat in anno. Iste posthabitis rebus omnibus, nihil aliud agit: & hanc putat mirificam quandam felicitatem. De *Caranza* nihil audio, sed *Stunica* totus etiamnum in negotio est: obambulat, ambit, fatagit apud Pontificem, ut liceat tres illos admirandos libellos edere cum auctoritate. Equidem demiror quorundam hominum perditam impudentiam, qui quum ultro tanta virulentia incessant alios benemereri studentes, toties deprehenfi in manifestis erroribus, tamen quasi re bene gesta rursus prodeant in arenam, ultro provocantes ad certamen. Nec se purgant interim, sed pergunt in alios lutum jacere. Ego certe, si quid mihi simile accidisset, abderem memet in solitudinem, & puderet rursus in eruditorum hominum prodire theatrum. Veniam exorat, qui student promereri, labitur. Quis autem ignoscat his, qui sic impetentes alium, ipsi turpissime labuntur: *Stunica* primitias suæ maledicentiæ ediderat Compluti. Verum quum essent pauci, qui talem librum vellent emtum, velut *ἱμνησ* Romæ merces suas depregnavit. Quumque reliquas sycophantias per *Leonem* Pontificem non liceret edere, post hujus obitum interregnavit tempore, vulgavit (ut dixi) quædam, editurus plura, ni Cardinalium edicto semel atque iterum fuisset cohibitus. Nam *Adrianus* complures menses hæsit in Hispania prius quam se Ro-

C A T A L O G V S L U C V B R A T I O N V M

nam conferret. Quumque apud hunc quoque frustra molitus esset, ut liceret, quod scripserat emittere, mox ab huius obitu rediit ad ingenium: dumque Cardinales inclusi de novo Pontifice creando decertant, emisit conclusiones aliquot ex omnibus meis lucubrationibus decerptas, adornans interim & reliqua in vulgus dare. Et fecisset, ni *Clementis VII.* auctoritas hominem palam furem compescuisset. Et huic igitur libello paucis respondimus, quanquam & ante jam responderamus.

Est Lovanii Theologus quidam Carmelita, qui se gloriari solet habere linguam pro calamo, & omnino linguam habet, sed dignam usu, quem indicavit Catullus. Huic ludus est *Erasmus*, in computationibus, in prælectionibus Theologicis ac publicis etiam concionibus, hæreticum vocare, ac tantum proficit, ut apud omnes, qui sani sunt, infanus habeatur. Et huius exemplum imitantur complures, qui vel hoc solo nomine putant se videri magnos Theologos; si, quos libuerit, appellent hæreticos aut schismaticos aut falsarios, quasi idem non possit auriga. Is igitur publicitus in ordinaria lectione, mihi duo levia crimina impexit, hærescos, & falsatæ Scripturæ Sacræ: quod in Epistola ad Corinthios priore, verterim id, quod solum reperi apud Græcos: *Non omnes quidem dormiemus, sed omnes immutabimur.* Hanc calumniam insigniter impudentem libello brevi refellimus, sed absque convicio, suppresso etiam hominis nomine, & tamen indignatur. Age, si ipse putat æquum fore, ut aliquis ipsi indignetur abstergenti lutum, quod quispiam injecisset in candidum ipsius pallium, quod solum habet candidum: fatebor æquum, ut mihi indignetur, quod tam impudentem calumniam refello etiam ipsius homini parrens. Et quum hisce moribus omnibus bonis displiceat, uni sibi displicere non potest. Clamat in libellos famosos. Non sunt libelli famosi, qui tuentur innocentiam adversus furiosam calumniam: sed lingua famosa est, quæ manifesto mendacio tam atrox crimen impingit immerenti, vel potius benemerenti. Idem nuper in libello *Colloquiorum*, quatuor hæreses deprehenderat, atque hoc nomine nusquam non triumphabat, in computationibus, in concionibus, in colloquiis, in prælectionibus, præter hæreses nihil habens in ore. Et huic calumniæ paucis respondimus. Huius intemperis *Adrianus* Pontifex imposuerat silentium, misso diplomate, quo diligenter præcipiebat, ne quid blateraret in *Erasmo*. Siluit ad tempus, licet ægre. Mox à morte Pontificis rediit ad pristinos clamores, quasi quod recte præcipit Pontifex, non oporteat esse perpetuum. Itaque reversus ad ingenium, pristini silentii iacturam diligentia maledicendi sarcit. Prælegebat Euangelium Matthæi, nec raro jaciebat aliquod saxum in caput meum è cathedra Theologica, sed tam impudenter, ut nullus scutra possit impudentius: tam ridicule, ut bona pars non ob aliud veniat in illius auditorium, quam ut rideat: nec desunt, qui interpretentur hominem studio sic ineptire, ut inveniat auditores. Emiseram Apologiam de loco in Epistola ad Corinthios: *Omnes quidem resurgemus, sed non omnes immutabimur.* Ea quum tam manifestis argumentis diluissim calumniam, ut digitis (quod ajunt) res sentiri possit, tamen perinde quasi nihil esset responsum, non puduit hæc dicere publicitus: *Hic, inquit, multi sunt, qui favent Erasmo, ego tamen non tacebo verum. Quicquid tenet Ecclesia, huius contradictorium est falsum & hæreticum: Erasmi lectionis contradictorium tenet Ecclesia, ergo Erasmi lectio est falsa & hæretica.* Capite Matthæi III. quo pro eo, quod erat, *pœnitentiam agite, verteram, respicite.* Hic ille: *ERASMUS*, inquit, *negat pœnitentiam*, quasi *pœnitentiam agere* sit Latinis idem quod *explere satisfactionem pro commissis delictis*: aut quasi pœnitentiæ vox dicta sit à pœna, ac non potius à pœne tenendo, h. e. à posterius intelligendo, quemadmodum Græcis *μετάνοια*: aut quasi ideo sublata sit satisfactio, si peccator jubeatur respicere. Capite sexto plane florebat illi Theologia. Negabat quicquam absurdius potuisse fieri, quam quod pro *Dimitte*, & *dimittimus*, novassem *Remitte*, & *remittimus*. *Remittere*, inquit, *declarat iterum ad aliquem mittere. Quis nunc orat, ut iterum ad se mittat Deus peccata per confessionem abolita?* Demiror cur non eadem opera rideat in symbolo fidei, atque in ipsis adeo Evangelii *remissionem peccatorum* toties iteratam: cur hic non jubet scribi, *dimissionem*? Quin iisdem dictis exagitat caput Lucæ VII. ubi bis ponitur, *remittendi* verbum: *Remittuntur ei peccata multa, quoniam dilexit multum.* Et mox: *Remittuntur tibi peccata.* Non vidit ille Coræbus, quicquid hic blateravit in meam versionem, cadere in lectionem Ecclesiasticam. Secundo Matthæi capite, pro, *Omnis Hierosolyma*, verteram, *Tota Hierosolymorum urbs*: non damnans, quod erat verbum, sed explanatius eloquens quod sensit interpret. Hic è suppositionibus Sophistarum demonstravit non posse eundem esse sensum in verbis meis, qui est in verbis interpretis, propterea quod in meis non possit esse *suppositio*, pro *singulis generum*, aut pro *generibus singulorum*. Hujusmodi nenas quotidie deblaterat homo senex, Theologorum Lovanienfium Corypheus: & mirantur Pontificis negotium parum succedere, quum per tales hisce modis administretur. O dignos homines, quos ociosos alat mundus! ô Theologum gravem ac dignum, cui cordati cives credant suos liberos! Nam hanc provinciam fuscipit, quo plus arceat à bonis litteris. Nulla res magis commendavit *Lutherum* orbi, quam hominum hujusmodi mores. Quin & Novo Testamento prodituro, unam atque alteram apologiam adjecimus, divinantes non defuturos, qui calumniarentur. Sunt & Epistolæ cæteris admixtæ, aut separatim excusæ, quæ videri possint Apologiæ, qualis est illa ad *Marcum Lamium*, ad *Jacobum Hogestratum*.

Sed à rixarum commemoratione libenter discedo, & jam rixandi videbatur finis, nisi subito ac præter omnem spem exortus fuisset *Ulricus Huttenus*, ex amico repente versus in hostem, tantum valet apud leves homines mala lingua: hoc nemo scripsit in *Erasmo* hostilius. Et tamen non eram responsuri, nisi graves amici judicassent, hoc ad meam existimationem interesse. Exiit itaque Spongia ipso titulo styli moderationem pollicens, quam tamen videor nonnullis nequaquam præstitisse; quum ego, teste conscientia, summo studio sim adnixus, ne quem omnino per occasionem attingeret mea defensio: ipsi etiam *Hutteno* parcere studens, quantum res ipsa pateretur. Qui *Hutteni* famam apud omnes fartam testam volunt, illis indignentur, qui hominem suis mendaciis huc perpulerunt, magis etiam istis, aut iisdem potius, qui hoc summis viribus agunt, ut in mortuum etiam stringam calamum. Quod tamen à me nunquam extorquebunt. Nec enim libet furere. Et video rem prorsus exisse in rabiem.

Proinde posthac non est animus cum istiusmodi gladiatoris libellis congregi. Primum adnitar, ut hanc conscientiam approbem *CHRISTO*, speroque futurum, ut consilii mei rationem optimus quisque suo calculo comprobet. Istis vero rabulis, qui prorsus nescire videntur, quid intersit inter scribere & furere, equidem malefacere malim, quam maledicere, si Christianum esset omnino cuiquam male velle. Ab iis vero, qui Spongiam atrocem ac procacem videre volunt, tantum illud petam, cogitent, quam non vulgariter dilexerim *Hutteni* ingenium, quanto candore, quot editis scriptis illum nondum admodum celebrem orbi commendarem: quot Epistolis illum prædicarim apud amicos, præsertim apud reverendissimum Cardinalem Moguntinum. In quadam Epistola confero illum cum *Thoma Moro*, quo viro multis jam seculis nihil sol vidit integrius, candidius, amicus, cordatius. Huius se vehementer dissimilem probavit *Huttenus*, meque vanum præconem fecit. In opere Novi Testamenti jam tertium edito, quam non vulgari affectu laudes illius perlono? Jam & illud cogitent, quam illi nulla à me præbita est occasio recedendi ab amicitia, quam non oportuit absque gravissimis causis rescindere. Deinde quam ille non solum violarit amicitiae jura, verum etiam velut ex insidiis plus quam hostiliter impetierit & famam & vitam amici. Nam omnino res ipsa loquitur, *Huttenum* non alio consilio scripsisse sic in me, quam ut calamo jugularet, quem gladio non poterat. Et, ut sibi videbatur vir fortis, sic cogitabat: Semiculus est, va-

letudi-

DESIDERII ERASMI ROTERODAMI.

letudinarius est, mericulusus & imbecillis est, mox efflabit animam, ubi legerit hæc tam atrocia. Hoc illum cogitasse, voces etiam, quas jactabat, arguebant. Nunc appellabo conscientiam illorum, qui *Huttenum* domesticè noverant, quanquam & hi, quibus cum illo nulla erat familiaritas, norunt, quam fuerit omnis illius vitæ militaris, ne verbo utar acerbior: & tamen in tota Spongia nusquam objicio luxum, quem illum nec miserabilis ille morbus dedocere potuit, nusquam aleam aut sortem, nusquam profusione decoctam pecuniam, conflatum æs alienum, ac frustratos creditores. Jam illa facinora, quæ designavit extorta à Cartusiensibus pecunia, truncatis aliquot Monachis, impetitis in via publica tribus Abbatibus, ob quod facinus unum è famulis deprehensum decollavit Comes Palatinus. Hæc, inquam, atque hujus generis permulta etiam populus ubique novit, ego tamen nihil horum in Spongia refrico, nec in hostem rehero vera notaque crimina, quum ille in amicum atque etiam benemeritum tantam falsissimorum criminum Lernam impudentissime congesserit. At in tota Spongia nullum prædonis, raptoris, aut latronis, aut decoctoris convicium. Nam quod illic in genere dicitur, ad nullius contumeliam, sed ad omnium utilitatem pertinet. Et sunt, quibus videor atrox in Spongia. Quas nugas ille expostulator, quam atrocibus verbis exaggerat? Ego in tam multis & vulgo notis, an non potuissim esse disertus, nisi meum ingenium vehementer abhorreret à maledicentia? De vulgata ad Cardinalem *Moguntinum* Epistola sic refero, ut ipse solus fuerit intellecturus. Alterum facinus hoc etiam perfidiosius, nec attingo, quod utrumque condonaram amicitiae nostræ: & ille putabat æquum, ut ob excusatum colloquium sic debaccharetur in amicum, idque in gratiam unius aut alterius, quibuscum contraxerat novam amicitiam, ipsi non magno futuram usui. Si falsa crimina falsis retaliassem, par pari relatum erat, nisi quod plausibilior est ejus causa, qui laceffitus prodit in pugnam. Nunc acerbus videor, qui sic laceffitus tot sycophantiis, ne veris quidem ac populo notis criminibus abutor ad mei defensionem. Jam in invidiam mei vulgarunt *Martini Lutheri* Epistolam, privatim ad amicum scriptam, de Spongia. Quantum sit huic *Lutheri* judiciotribuendum, in præsentia non disputo: me certe nihil movet, illud requiro, quur, qui hanc Epistolam ediderunt, non eadem opera vulgarunt Epistolam *Philippi Melancthonis*, quibus hunc *Hutteni* conatum detestatur ut pestiferum Evangelico negotio, & nonsemel infaniam vocat. Sunt apud me tres illius Epistolæ ad diversos amicos scriptæ, in quibus execratur rabiosos libellos, quos nobis subinde mittit novum hoc Evangelium. Quamquam plura scripsit aliis. Ea premunt homines callidi, interim furiosis & anonymis aut pseudepigraphis libellis debacchantur, & post hæc jactant, se pro Evangelio decies mori paratos. Quur igitur non docent Romæ? Magna est vivæ vocis energia. Quur non debacchantur in Cæsarem æque atque Pontificem? quia minus tutum est. Ubi igitur votum martyrii? Certe docere debuerant, si nolunt provocare. Non me fugit, hoc fuisse consilium quorundam, qui se falso jactant Evangelii nomine, ut me libellis rabiosis obruerent, ne quid molirer in *Lutherum*. Fingant lapidatum *Erasmum*, an ilico res illis bene sit habitura? Nec perpendunt, si mihi tanta esset ulciscendi libido, quanta illis lædendi, quantopere & potuerim & possum istorum causam affligere. Quis non agnoscat hic spiritum Evangelicum, quomille jam annis caruit mundus? Esto, sit Evangelicum libere debacchari conviciis in noxios, verum manifestis mendaciis impetere caput immerentium, an & isthuc exemplum Evangelicum est? Vinum infundit vulneribus Medicus Evangelicus, sed idem addit oleum: & vinum infundit, non acctum. Isti quidam venenum infundunt pro vino. Neminem occidunt gladio, sed sceleratius linguis & calamo. Et tamen non habent, quod objiciant mihi, nisi quod nolim mei capitis periculo profiteri, quæ vel non assequor, vel pro dubiis habeo, vel non probo, vel nullo fructu professurus sim. Alioqui quis plura scripsit adversus fiduciam cærimoniarum, adversus superstitionem ciborum, cultus & votorum, adversus eos, qui plus tribuunt hominum commentis, quam Litteris Divinis: qui pluris faciunt humanas constitutiones, quam præcepta Dei: qui plus prædii collocant in Divis, quam in ipso CHRISTO: adversus Theologiam scholasticam Philosophicis & Sophisticis argutiis corruptam, adversus temeritatem quidvis definiendi, adversus præpostera vulgi judicia? Quam vero non blandiar summis etiam Principibus, libri mei satis declarant.

Hæc aliaque permulta, quæ pro modulo gratiæ mihi datæ docui, constanter docui, non obstrepens cuiquam, qui doceret meliora. Et *Erasmus* nihil docuit nisi eloquentiam. Utinam istud persuadeant amicis meis *μαθηταί*, qui constanter jactant, quicquid docuit *Lutherus*, hausisse è scriptis meis. Tametsi non invidco laudem istam *Luthero*, habeat in solidum, modo glorificetur Evangelium. Summa criminum meorum est, quod sum moderatior, & hoc nomine male audio utrumque, quod utramque partem horter ad tranquilliora consilia: libertatem non improbo caritate conditam. Ex rabiosa maledicentia quid nasci potest, nisi cruenta seditio? Si nos Romanam Ecclesiam infamemus, & illa vicissim nostra prodat mala, nonne præclarum spectaculum edetur hostibus nostræ Religionis? *Clemens* offert sese paratum ad corrigendam Ecclesiæ corruptelam; misit Legatum, quo nullus optari potuit vel æquior vel humanior. Et isti tantum maledicunt, quasi nihil sit illis dulcius rerum omnium confusione. His imputent, si Principes tandem esserati sævire promiscue cœperint in fortunas & in capita plurimorum. Id si fiat, vereor, ne quidam sero probaturi sint meam moderationem. Quis enim ferat istos quosdam, qui prætextu Evangelii nec Principes audiant, nec Pontifices, nec ipsi auscultent *Luthero*, nisi quum est ipsis commodum? Alioqui & *Lutherus* illis homo est, & humano spiritu ducitur, aut non scripsit ex animo suo. Magnum vero crimen, si, quod nunc seditione fit, cupio citra seditionem fieri, Principum assensu, qui si non facturi sunt, quod optimum est, quid sceleris admissum est, quod illos admoneo? Nec revoco volentes incendium restinguere, sed eos damno, qui oleum addunt camino, & morbum, qui jam annis plus mille inveteravit, violentis pharmacis subito volunt tollere, maximo totius corporis periculo. Quam moderationem Apostoli præbuerunt Judæis, qui à saliva legis inolitæ non poterant abduci: eandem opinor recte præstarent his, qui plurimis jam seculis, tot Conciliorum, tot Pontificum, tot insignium doctorum auctoritatem sequuti, gravatim hujus recentis doctrinæ mustum recipiunt. Et interim pono illos errasse, hos omnia vera docere. Agat utraque pars Christianis rationibus Christi negotium, & videbit, quid sim pro mea qualicunque portione in medium allaturus. Sed longius effector, ad *Huttenum* redeo.

Utinam, qui tragœdiam hanc excitarunt primum, & nunc renovant, paterentur *Hutteni* manes quiescere, neque nos huc perpellerent, ut (quod dici solet) cum larvis luctemur? Quamquam cum larvis pugnat, non qui maledico libro, quem aliquis velut injecto jaculo venenis tincto relinquens fugit è vita, respondet, sed qui mortuum non responsurum ultro criminatur. Ego *Hutteni* manibus, ubi mihi mors hominis est nunciata, animo Christiano precatus sum Dei misericordiam: & audio hominem sub mortem deplorassee, quod deceptus quorundam versutia, laceffisset amicum.

Videor me longius digressum ab eo, quod institueram, sed tamen non possum mihi temperare, quin in amici sinum effundam, quod hisce diebus comperi, quo plane intelligas quam non Evangelico spiritu quidam diffidiorum materias capient ac gignant, qui se vehementer Evangelii nomine jactitant. Rem narrabo. Auctorem ipse facile divinabis, de quo quum mihi frequenter relatum esset, quod parum amice de me loqueretur, neglexi, adeo ut nec expostularim in colloquio. Tandem ubi renunciatum esset, quod me satis odioque dixeret *Prophetam Balaam*, quasi mercede conductus essem ad maledicendum populo Dei, non arbitratus sum tam atrocem

con-

C A T A L O G V S L V C V B R A T I O N V M

contumeliam dissimulandam. Itaque casu nactus hominem, seduco, rogo num verum esset, quod ad me delatum erat. Ille tergiversatur, nec inficiens, nec confitens. Tandem urgenti respondet, id dictum fuisse à mercatore quodam Gallo, qui tum hinc abierat. Et fieri potest, ut hoc mercator dixerit, sed ab hoc doctus. Quum instarem, ut redderet causas, quur illi viderer dignus eo convicio, respondit, se audisse, quod jactassem me habere consilium, quo prorsus exstingui posset hoc incendium Lutheranum, h. e. Evangelium. Nam hanc interpretationem ille adjecit. Ego nondum intelligens, unde natum est hoc mali, respondi me Principibus pollicitum esse consilium, quo posset componi dissidium hoc quam minimo tumultu, citraque dispendium libertatis Evangelicæ, modo id vellet fieri clam ac tuto. Verum hoc consilium esse tale, ut verear ne Principes non sint admissuri. Post aliquot dies, originem hujus mali forte fortuna didici ex oratione *Pellicani* nostri. Narrabat enim clarissimum Poloniæ Baronem *Hieroslaum*, Palatinum Siradiensem, quum hic ageret, nescio quid minitatum in Lutheranos, ubi redisset in patriam. Eum quoniam fenserant amantissimum mei, crebroque nos invisere, suspicati sunt quidam meis verbis exasperatum, meoque armatum consilio. Nunc rem, ut habet, accipe, mi *Boizeme*, & intelliges quod frequenter

Maxima de nihilo nascitur historia.

Quum induxissem *Hieroslaum* in Bibliothecam, ille iniecit mentionem de *Luthero*: rogavit, num doctus esset? Prohavi doctrinam. Quid sentirem de dogmatibus ejus? Ajo rem esse supra meam cognitionem: tamen negari non posset illum multa præclare docuisse, multa recte monuisse, & ulcera quædam fortiter exagitasse. Rogat, quos illius libros potissimum probarem. Nomino Commentarios in viginti Psalmos, & opus De quatuordecim spectris; addo eos libros etiam illis probari, qui reliquos damnarent: quanquam & in his, inquam, admiscet quædam sua. Ille repetens pronomen *Sua*, risit. Hoc fuit nobis primum colloquium de *Luthero*, ex quo nec ille fatis percepit, quid mihi esset animi in *Lutherum*, nec ego, quid illi. Rursum quum iterum inviseret me, forte jacebat in mensa inter multas chartas Epistola, quam *Lutherus* recens ad me scripserat. Ex hac ille nescio quo pacto verba quædam oculis rapuerat, quibus *Lutherus* videbatur parum magnifice de me sentire. Mox inter confabulandum visus est velle suffurari litteras. Id ego dissimulans receptas è manibus illius reposui. Post hæc ingressi sumus *μυστήριον* nostrum, & aliquamdiu confabulati sumus de rebus, quæ nihil ad *Lutherum* attinebant. Interim animadverto illum rursus eandem Epistolam tenere clanculum. Ibi ridens, ut video, inquam, *moliris hic furtum aliquod*. Arrisit ille, & fastus est. Rogo, in quem usum vellet eam tollere, dicam, inquit, *multi conati sunt nostro quoque Regi persuadere tibi cum Luthero fœdus esse arctissimum: eos coarguent hæc litteræ. Ad hoc, inquam, reddam te instructiorem, & hanc dabo αἰνέτηγον, simulatque fucrit descripta, & addam duas alteras, in quibus odiosius etiam de me prædicat, quarum alteram excuderant Argentorati, alteram nuper ediderunt nescio qui. His, inquam, potes & apud Cæsarem (nam eo proficiscebatur legatus) docere, mihi non tam arctam esse necessitudinem cum Luthero, quam multi prædicant. Rursus alio colloquio, roganti numquid scriberem contra *Lutherum*, ajo me tot laboribus necessariis distrahi, ut ad alia nullum esset ocium. Tum aperit mihi quantopere Poloniæ Rex infensus esset *Luthero*, narrans cujusdam prædixit fortunas omnes addictas fisco regio, ob unicum *Lutheri* libellum, in illius ædibus repertum. Ibi satis præ me tuli, mihi non probari vel sævitiam vel exemplum, per occasionem invadendi domos civium. Denique consensurus equos redit ad me, ac deposito in mensam vasculo argenteo; Rogo, inquit, *ut hoc animi mei pignus sinas esse apud te*. Quum ego recusarem, causans me nihil unquam de illo promeritum, nec esse in quo possem illi gratificari: *Nihil, inquit, aliud abs te peto, quam ut ames hunc hominem*. Tandem tradit & regium edictum formulis excusum. Hæc est tota nostra de *Luthero* confabulatio. Sic ille discessit à me instructus & exasperatus in *Lutherum*. Hunc igitur, ut nunc intelligo, interpretati sunt esse Balac, qui me vasculo conduxerit, ut maledicerem Evangelico populo. Atqui hanc amicitiam non conflagit inter nos *Lutherus*, ante tres annos coierat inter nos notitia: primum Bruxellæ, mox Colonix, quum id temporis Regis sui nomine apud Cæsarem legatione fungeretur. Comperi juvenem quum non vulgariter eruditum, tum erga meliores litteras favore singulari ac religiosa quadam veneratione affectum. In hac legatione secum ducebat duos fratres suos, *Joannem* aliquanto natu minorem, & *Stanislaum*, utrumque pulcre litteratum, nec aliter affectum erga bonas litteras, quam erat ipse: in quibus quoniam omnes sibi persuaserant me esse aliquid, ipsis oculis ac fronte, totoque, quod dicitur, corpore miram quandam in me spirabant benevolentiam. Talium hominum favorem ut non illibenter amplexus sum, ita gratulor bonis litteris, quod incipiant à summatibus etiam viris coli. Jam si iniquior erat *Luthero*, eum animum secum huc attulerat, non hic haulerat. Per me citius mitior factus est quam irritior. An mihi submovendus erat à colloquio, quod non probaret *Lutherum*? At eodem tempore non submovi qui venerant Wittenberga, *Luthero* addictissimi, cupidissime visurus ipsum etiam *Philippum Melancthonem*, si huc se contulisset. Ego nulli unquam renunciavi amicitiam, vel quod in *Lutherum* sit propensior, vel quod à *Luthero* alienior; modo mihi fidum & comem præstet amicum. Sed istos quosdam ingratos, perfidos, leves, furiosos, seditiosos, maledicos, vanos, perniciosissimos hostes & Evangelii, & bonarum litterarum & publicæ tranquillitatis odi, in utracunque parte fuerint. An *Hieroslaum* munusculum, quod ille sui *μυστήριον* apud me residere voluit, ideo rusticana incivilitate rejicere debui, quod ille male sentiret de *Luthero*? Certe nullus Principum hætenus mihi quicquam potuit obtrudere hoc nomine, ut scriberem in *Lutherum*, quod tamen Evangelici quidam contra suam ipsorum conscientiam impudentissime mentiuntur. Habes totam comœdiam.*

Jam scio dicturus es, *ὃ τὰ ἑξ ὧν ἡ Διόρυξ*; Recte mones, itaque recurro ad Catalogum. Ad Apologiarum genus referri potest & Epistola, quam nuper scripsimus ad omnibus Episcopalibus dotibus ornatissimum dominum *Christophorum*, præsulem Basilicensem, *De esu carniū*: quam tamen non in hoc scripseramus, ut ederetur. Verum ubi sparsam sensissemus, & omnino futurum, ut alius ederet, ipse recognitam edere malui: præsertim submonitus, ut id facerem, à quibusdam hujus Academiæ proceribus. Nunc indicabimus, quæ prodierint mutila, quæque adhuc sint in manibus nondum absoluta. Opusculo de *Copia*, deest exemplum argumenti summa brevitate perstricti, ac rursus fusissime tractati. Thema delectum erat: *Pueros statim litteris instituendos*. Est adhuc apud me, sed duæ paginæ mediæ minutissimis litteris descriptæ perierunt Romæ, culpa eorum, qui librum descripserant. *Antibarbarorum* libros duos recognoveramus ac locupletaveramus Bononiæ: in reliquos sylvam jam olim congestam habebamus. Hæc cum nonnullis aliis perierunt: non quidem perfidia *Richardi Pacai* sincerissimi amici, apud quem Ferrariæ deposueram, Romam abiturus: sed alterius cujusdam, qui dum sibi nimium esset amicus, nulli poterat esse fidus amicus: quamquam post forte nactus sum ex Anglia secundi libri principium, & Brugis finem, multis paginis in medio desideratis. Si secundus contingeret, cæteros facile abolverem: nec dubito, quin lateat apud aliquam Lavernam, quum ego geminum exemplar deposuerim. Sunt adhuc apud me nonnulla, jam olim coepta, quorum de numero sunt, *Commentarii in Epistolam Pauli ad Romanos*: cujus operis abolveramus libros quatuor, ante annos (ni fallor) viginti duos. In opus *De ratione concionandi*, tantum adnotaveramus quædam rerum capita. Et tamen si *CHRISTVS* dabit vitam ac tranquillitatem, est animus opus *Concionandi* in publicam utilitatem abolvere, præsertim huc adhortantibus magnis auctoribus. Tribus Dialogis pridem adgressi sumus collationem verius, quam disputationem de negotio *Martini Lutheri*, sed mutatis nominibus.

Nam

DESIDERII ERASMI ROTERODAMI.

Nam *Thrasymachus* Lutheri partes aget, *Eubulus* diversas, *Philalethes* aget arbitrum. Primus dialogus inquit, an expedierit hac via rem tractari, etiam si *Lutherus* omnia vera scripisset. Secundus excutiet aliquot illius dogmata. Tertius ostendet viam, qua tumultus hic ita possit sopiri, ut in posterum non facile repullulascant. Res peragetur inter duos absque conviciis, nulla contentione, nullo furore, tantum nude simplex & rusticana veritas proponetur, tanta æquitate, tantaque moderatione, ut majus periculum videatur, ne mihi succenseat pars diversa, videlicet lenitatem meam interpretans collusionem, quam *Lutherus* ipse, si modo micam ullam habet ejus mentis, quam multi de illo prædicant: & ego certe gratulor, si habet: opto, si non habet. Video multis magis placere sævitiam, ac per me quidem licebit, ut suum cuique judicium blandiatur. Sævire facilius est, sed hoc mihi visum est conducibilius. Si corporis affectio in uno quopiam membro versetur, fortasse profuerit cauterium aut sectio: cæterum ubi malum per omne corpus fusum est, ubi per intimas venas ac fibras sparsum est, fortassis aliquo Mercurio sit opus, qui quemadmodum lethalem soporem exemit ex omnibus membris psyches, ita paulatim ex intimis educat id, quod est noxium. Suscepimus autem hoc opus complurium hortatu. Primum, ne commemorem omnes, R. P. *Marini Caracciola*, Nuncii apud Cæsarem Apostolici: præterea clarissimi viri *Hieronymi Aleandri*, trilinguis eruditionis hoc ævo sine controversia Principis, qui & ipse tum apud *Carolam* Cæsarem nomine Pontificis Nuncium agebat. Ad hæc R. P. *Joannis Glapionis*, qui Cæsari erat à concionibus. Nam is ex Cæsaris voluntate frequenter hac de re ad me scripsit, non minus diligenter quam amanter. Hortatus est eodem pridem *Gulielmus Montjois*: nuper etiam illusterrimus dux *Georgius* Misnæ Princeps. Multa tamen intercurrerunt, quæ me non patiebantur longius in opere cœpto progredi, quam ad unam aut alteram pagellam, ut opus conceptum sit magis quam cœptum: quanquam & alias ab hoc scripti genere natura satis abhorreo. Odi cruenta dissidia, lufibus innoxiiis magis capior, velut huc natus. Tum mihi probe conficius sum, quantum Herculem hæc res postulet, & quantulum ego sim pygmæus. Ac prorsus nondum mihi satis decretum est, an velim, quod institutum est, abolere. Quicquid fiet, non fiet temere: nec exhibit omnino, nisi privatim lectum ac probatum ab his, quos maxime decet favere gloriæ Christi: nam in hoc certe cudetur, si tamen cudetur unquam. Siquidem video partem utramque sic esse accensam, ut aut tota velit vincere, aut tota perire. Porro altera devicta magnam Evangelicæ veritatis ac libertatis ruinam secum trahet: altera non opprimetur, nisi perniciosissimo orbis tumultu, qui multos etiam innoxios involvet. Ego malim rem ita componi, ut utraque pars victoriam concederet veritati & gloriæ Christi. Hac de re obtuli secretum consilium meum Monarchis, si jubeant exhiberi. Nolim igitur interim, ut quisquam ex hoc promisso præsumat sententiam vel in hanc partem, vel in illam. Absit præjudicium, sed ex edito libro fiet judicium.

Quod hætenus de hoc opere recensui, vulgatum erat in prima Catalogi editione. Ea res quum neminem æqui judicii commovere debuerit, tamen Evangelicos quosdam, ut vocari gaudent, præter Evangelii doctrinam pene adegit in rabiem, quasi piaculum esset lapidatione publica dignum cum *Luthero* vel dicendi gratia disputare. Nunc amicis, ejus consilii mysterium aperiā, & tibi nominatim, mi *Botzeme*, qui me tetrico vultu, minimeque tuo castigabas, quod in re seria viderer ludere: ego vix ulli concesserim, ut magis faveat Evangelio quam faveo. Cæterum hoc negotium ea moderatione tractari cupiebam, ut absque seditione fieret omnium commune. Proinde scripto publico spem feci hujus argumenti, captans id, quod optabam, ut utraque pars amore concordiae hortaretur me ad promissi voluminis editionem. Et hac de re nonnihil actum est apud Cæsarem. Sed ut animadverti neutram partem de se præbere spem componendi dissidii, nolui frustra fumere operam, utrimque malam gratiam initurus mea sedulitate. Hæc erat illa techna mea, non aliunde profecta, quam ab animo dissidiorum osore, pacis avido. Nunc precor, ut Dominus Jesus, qui solus potest, has rerum undas & hanc Ecclesiæ tempestatem jussu suo tranquillet. Aggressi sumus & omnia divi Aurelii Augustini opera è vetustis exemplaribus emendata, scholiis adjectis edere, notatis ac semotis, quæ illi falso inscribuntur: summa librorum omnium in septem partes seu tomos distributa. Primus designatus erat progymnasmatibus, h. e. quæ scripsit catechumenus, aut circiter id temporis. Secundus Epistolis, quarum aliquot scripsit juvenis. Tertius destinatus erat τῶν θεωρητικῶν, i. e. contemplativis: cujus ordinis sunt libri Confessionum & Soliloquiorum, hisque consimiles: quibus adjungere erat animus, libellos, qui faciunt ad institutionem vitæ. Quartus decretus erat τῶν διδακτικῶν, h. e. in quibus docet rem Theologicam. Hujus classis sunt libri De doctrina Christiana, & libri De Trinitate. Quintus habuisset τὰ πλεμικά, in quibus belligeratur adversus varias hæresiarcharum pestes: quo quidem in genere scripsit plurima: in quibus sunt, libri De Civitate Dei. Sextus exhibuisset τὰ ἐξηγηματικά, quibus enarrat Divinæ Scripturæ libros. Septimus habuisset τὰ νότα καὶ ἀμφιβολαί, h. e. vel falso illi inscripta, vel ejus generis, ut merito de auctore dubites. Idem indicaturus erat, quæ temporum injuria interciderunt. Deterrebat negotii magnitudo, sed invitabat auctoris erudita pietas, invitabat publica utilitas. Proinde provinciam immentam in doctos aliquot partiti sumus, sic ut sua cuique laudis portio maneat incolumis.

Tantum laborum quum gratis suscipiamus, juvandis publicis studiis, tamen fortiter oblatrant quidam, qui mallent me scribere de indulgentiis, ac de colligendis caseis. Epistolarum tantum scripsimus & hodie scribimus, ut oneri ferendo duo vix plaustri sint futura paria. Ipse multas casu nactus exussi, nam sensi servari à compluribus. Bononiæ scripseram declamatiunculam in genere suasorio, dehortans à vita Monachorum, & rursus adhortans ad hoc vitæ genus, meo judicio non indignam, quæ vulgaretur, si quid tamen meum hoc honore dignum est, sed perierunt utrimque extremæ paginæ, reliquum adhuc est in chartis meis. Romæ quum agerem, in gratiam Reverendissimi Domini *Raphaelis* Cardinalis tituli Sancti Georgii, dissuasi bellum suscipiendum adversus Venetos, qui hoc à me flagitabat *Julii* nomine: nam id tum agebatur in senatu Cardinalitio. Rursum suasi bellum in Venetos. Posterior oratio vicit, tametsi ego priorem majore studio magisque ex animo tractaveram: periit perfidia cujusdam archetypum. Cœperam ex memoria rursus notare quædam argumenti capita, & arbitror alicubi latitare inter schedas meas. Intercidere permulta, quæ nolim supersede: cupiam autem exstare Orationes aliquot concionatorias, quas olim habui Lutetiæ, quum agerem in collegio Montis Acuti.

Habes, ornatissime *Botzeme*, nugarum mearum elenchum, quo magis irritem tuam emacitatem. Porro quod quereris exhaustiri loculos, quod eundem librum coparis identidem emere, ita velim apud te rationem inecas. Finge nunc primum prodidisse Proverbiorum opus, ac me protinus ab opere vulgato mortem appetisse: num futurum esset, ut te pœniteret impendii? Non opinor. Jam & illud mihi finge, me post annos aliquot reviviscere, simulque opus idem mecum renasci melius, ac locupletius, utrum deplorares dispendium, an simul & amico & amici monumento gratulareris? Jam scio quid dicas, redivivo quidem gratulareris, at quod fingis non est. Utrum igitur tu judicas esse felicius, à morte reviviscere, an non mori? Si gratulareris redivivo, multo magis gratulare superstiti. Postremo, si postrema editio nihil habet novo pretio dignum, liberum est non emere: si habet, lucrum est, non dispendium. Si prior editio fructum attulit tantilla pecunia

*** **

di-

CATALOGVS LVCVBATIONVM

dignum, & si posterior idem facit, nimirum auctus es gemino lucro, non multatus es damno. Poteras, iniquis, prima statim editione librum absolutum dare. Imo quemadmodum ipsi semper hoc agimus, dum vivimus, ut nobis ipsis reddamur meliores: ita non prius desinemus, nostras lucubrationes elimatiores ac locupletiores reddere, quam desierimus vivere. Quemadmodum nemo tam bonus est, quin possit fieri melior: ita nullus liber tam est elaboratus, quin reddi possit absolutior. Quamquam ipse jamdudum ingenue fassus sum, me hic indiligentiorum esse, quam par est: sed interim alii, mea sententia, gravius peccant; qui quum sint longe doctiores, superstitione quadam aut nihil edunt, aut sero. Proinde ne quid speres per me quidem liberum te fore hac molestia, prius quam exiens è proscenio, semel dicam vobis omnibus, Valetè & plaudite. Id, mihi crede, brevi futurum erat, nisi vinum Burgundiacum, velut *ὁνι μυχάρης θείος* succurrisset. Tu delira, utrum malis hoc optare, an subinde mercari librum auctum aut recognitum. Porro, si recolās quantam pecuniæ vim in quas nugas olim collocaris, minus (opinor) te pigebit hujus impendii. Jam audio quosdam amicos subinde mussantes de lucubrationibus meis omnibus in tomos digerendis. An sit quicquam meorum scriptorum quod posteritatem mereatur, aliorum esto judicium, certe si ad posteros pervenient, optarim mihi Tironem quempiam fidum ac doctum, qui hoc mihi vita defuncto præstet, quod ille suo Ciceroni. Et tamen si cui visum erit hoc conari, age, viam indicabimus, quo id fiat commodius.

IN PRIMVM TOMVM conferri poterunt, quæ spectant ad institutionem litterarum, quod genus sunt:

De Copia, libri duo.

Ratio conscribendi epistolas.

Ratio studiorum, ad PETRV M VITERIVM.

Theodorica Grammatices libri duo versi.

Syntaxis.

Omnia versa ex Luciano, quorum tituli sunt:

Saturnalia.

Cronosolon, i. e. Leges Saturnalicæ.

Epistolæ Saturnales aliquot.

De Luctu.

Icaromenippus.

Toxaris.

Pseudomantis.

Somnium, sive Gallus.

Timon.

Abdicatus.

Tyrannicide.

De mercede conductis in aulis potentum,

Dialogi varii.

Cnemonis & Damippi.

Zenophantæ & Callidemi.

Menippi & Tantali.

Menippi & Mercurii.

Menippi & Amphilochoi & Trophonii.

Charontis & Menippi.

Cratetis ac Diogenis.

Nirei ac Therutæ.

Diogenis ac Mausoli.

Simyli ac Polystrati.

Veneris & Cupidinis.

Martis ac Mercurii.

Mercurii & Majæ.

Veneris & Cupidinis.

Doridis & Galatæ.

Diogenis & Alexandri.

Menippi & Chironis.

Menippi & Cerberi.

Hercules Gallicus.

Eunuchus.

De Sacrificiis.

Lapithæ.

De Astrologia.

Nolim hic omitti Præfationes, quæ declarant, quid cuique dicatum sit.

Declamatiuncula versa è Græco Libanio, cum thematibus aliquot versis.

Declamatio contra Tyrannicidam Lucianica respondens.

Laus Medicina.

Similium liber unus.

Colloquiorum liber unus.

Enripidis Hecuba & Iphigenia versa.

Carmina diversi generis, præter ea, quæ faciunt ad pietatem, nam hæc sua classis servavimus.

Commentarius in Nuncem Ovidii.

SECUNDVS TOMVS dedicetur *Adagiis*, quæ sola iustum volumen conficiunt, & argumentum non abhorret à titulo superioris Tomi.

TERTIVS assignetur *Epistolis*, quod in his quoque complura sunt, quæ faciunt ad exercitamenta studiorum: nam pleraque lusimus adolescentes, aut certe

juvenes: his repurgatis addemus nonnullas, aliquot fortasse submovebimus. In hunc ordinem addi velim Præfationes aliquot dedicatorias, quas typographi suo arbitratu solent vel omittere vel mutare. Talis est Præfatio in opera divi Hilarii & Cypriani, in Lexicon Græcum, Epistola ad *Joannem Paludanum* addita Panegyrico ad *Philippum*, Præfatio addita libello De Principe ad *Ferdinandum Caroli* fratrem, aut si quæ videbuntur indignæ, quæ pereant.

QVARTVS detur his, quæ faciunt ad morum institutionem. Ad hoc genus pertinent & Luciani pleraque, quanquam ea in Primum Tomum assignavimus.

Omnia quæ vertimus è Plutarcho, quorum tituli sunt hi:

De discrimine Adulatoris & Amici.

Quo pacto possit utilitas capi ex inimico.

De tuenda bona valetudine.

Principi maxime philosophandum.

An graviore sint animi morbi, quam corporis.

De Cupiditate divitiarum.

Num recte dictum ab Epicuro, *Λάβε βίαιος*.

Morias Encorsium, qui libellus sic nugatur, ut seria doceat, ne mireris admixtum huic ordini.

Panegyricus gratulans Philippo Caroli Caesaris patri, ex Hispanis rediit.

Institutio Principis Christiani ad Carolum Casarem.

Isocrates De Regno, ad eundem.

Consolatio De morte filii.

Querimonia pacis.

Dialogus Charontis & Alastoris.

Carmen de Senectute ad Copum Medicum.

Paraneisis ad Adolphum tunc puerum, Principem Veriensensem.

De morte subita, ad Jodocum Gaverium.

Huc pertinent officia Ciceronis à nobis recognita, argumentis & scholiis illustrata.

Quid autem Catunculum, *Mimos Publitanos*, reliquaque hujus generis, vetat huc adjungere?

QVINTVS attribuitur his, quæ instituunt ad pietatem. Inter hæc est:

Enchiridion militis Christiani.

Epistola ad Paulum Volzium abbatem Hugonis curia.

Methodus vera theologia, ex editione anni millesimi quingentesimi vigesimi tertii apud Michaellem Hillenium.

Paraclesis.

Exomologesis.

Commentarii in Psalmos, primum & secundum.

Paraphrasis in Psalmum tertium, ad Viandalum.

Commentarius in Epistolam ad Romanos.

Paraphrasis in Precationem dominicam.

Commentarius in Duos hymnos Prudentii.

Concio De puero JESU.

Comparatio Virginitatis & Martyrii, ad virgines Colonienses.

Expostulatio JESU, carmine.

Casa natalitia.

Michaelis Encomium.

Liturgia Virginis Laveretana.

Tres preces, dua ad Virginem matrem, tertia ad JESVM.

SEXTVS designetur *Novo Testamento*, à nobis verso, & nostris in idem Annotationibus, quod opus jam quintum recognovimus & locupletavimus. Id dividi poterit

DESIDERII ERASMI ROTERODAMI.

rit in duo volumina, si cui non placet codicum magnitudo.

SEPTIMVS assignetur *Paraphrasibus* in totum Testamentum Novum, excepta Apocalypsi. Quæ & ipsæ poterunt in duo dividi volumina, si cui videbitur.

OCTAVVM occupent *Apologia*. Memiserum. Et hæc justum volumen efficient. Harum tituli sunt hi, quibus utinam nihil accedat:

Ad Jacobum Fabrum Stapulensem, liber unus.

Ad Eduardum Leum, libri duo.

Ad Jacobum Latomum, de linguis.

Adversus Nicolaum Emondanum, de loco Pauli ad Corinthios: Omnes quidem resurgemus.

Adversus quorundam clamores, de hoc, quod verteram, In principio erat sermo.

Ad Joannem Briardum Avenensem, pro Encomio matrimonii.

Ad taxationes Stunicæ in Novum Testamentum.

Adversus libellum Impietatum & blasphemiarum ejusdem: cuius initium est, Vix mihi delitigata.

Appendix adversus ejusdem libellum, cui titulum fecit Εὐδαιμον: initium, Dum hæc excuderentur.

Adversus conclusiones ejusdem: initium, Reddidit mihi tuus.

Adversus Sanctium Caranzam Theologum, de tribus lo-

cis ab illo notatis. Initium, Post longas & inutiles rixas. Hic tantum excudantur mea, omissis his, quæ ex Stunica & Sanctio admixta fuerant in prima editione.

Epistola ad reverendissimum patrem Christophorum Episcopum Basiliensem, de delectu ciborum, ac ceteris.

Epistola ad Marcum Laurinum, contra rumorem: cuius initium, Næ tu plurimum debes.

Epistola ad Martinum Dorpium, de Novo Testamento, quæ hactenus fuit addita Morie.

Apologia, quæ præferuntur Novo Testamento.

Spongia adversus Ulricum Huttenum.

Liber Antibarbarorum.

De libero arbitrio Αρεῶν.

NONVS dicetur *Epistolis Hieronymi*, in quibus tantum laboris à nobis exhaustum est, ut non impudenter possum hoc opus meorum Catalogo attexere: quamquam & in Hispano non parum erat negotii, nonnihil in Cypriano, de Q. Curtio nihil dicam, de Seneca nihil mihi possum vindicare, nisi quod illic dum nimium fido promissis amicorum, multum laboris perdidit. Si CHRISTVS suppeditebit vitam ac vires, ut absolvam Commentarios in Epistolam ad Romanos, occupabunt Volumen decimum.

SCIO tibi jamdudum molestam esse tam prolixam supputationem, verum hoc est Catalogum scribere: atque adeo si cui placebit, in hoc genere omnes diligentiae numeros absolvere, addat singulis operibus initia: quod à nobis in perpauca factum est obscurioribus, ne fallerent. Video, cupis dimitti: id faciam, ubi paucis respondero istis, qui jactant, me ex lucubrationum mearum dedicationibus amplas prædas referre, propterea quod permulta dicarim Principibus. Hinc me calumniantur quidam vel famam venari vel pecuniam, aut fortassis utrumque. De fama responsum est aliàs, me hic studiis ambiciosum fuisse potius quam mihi. His provehendis captavimus illorum favorem, neque defuit successus nostro proposito. Quibusdam bene de me meritis hoc officio volui non quidem referre gratiam, sed animum accepti beneficii memorem testari. De proventu nunc accipe rationem. Apud amicos mediocres scis ipsæ quam non sim φιλόδουλος, qui tentatis omnibus nihil mihi potueris obtrudere. Nam hic sincerus animus mihi quovis dono preciosior est. Porro quum artis sit, munus vel accipere dextre, vel recusare comiter, sciunt amici, me longe disertiores esse in recusando, quam in accipiendo. Quod si quando quid ab his sic offertur, ut non liceat recusare, soleo pro viribus paria facere, aut etiam vincere, si queam. Ex his igitur, quæ non pauca dicavimus amicis mediocribus, amplissimum fructum capio, quod illis gratificatus sum, quod illorum memoriam cum mea conjunxi, fortassis & apud posteros victuram. De Principibus illud mihi præfandum est, me quibusdam non minus debere, qui nihil dederunt, quam qui dederunt: & his, qui dederunt, hoc amplius debere, quod ultro dederunt. *Guilielmus Montjoies* clarissimus Angliæ Baro, cui Proverbiorum opus & totum & toties jam locupletatum dedicavi, scit me sibi multo plus debere benevolentiae, quam munificentiae nomine. Reverendissimus dominus *Guilielmus* Archiepiscopus Cantuariensis promptissima in me benignitate est usus, sed & hic mihi testis erit, quam sæpe delatam munificentiam recusarim, affirmans mihi plus satis esse pecuniarum. Eas quum scirem mihi amicitiae jure cum illo communes, tutius arbitratus sum apud illum custodiri. A *Leone* decimo, cui dedicavi Novum Testamentum, ducatum unum nec expectavi, nec accepi. Tantundem ab *Adriano* sexto, cui misi libellum: cuius apparatus mihi constitit quatuor florenis, additus est unus eunti nuncio, rursus reduci nonnihil. Ille codicem læta fronte accepit, & bajulo numeravit ducatos sex: mihi detulit sacerdotium satis honorificum, quod simpliciter recusavi. Misi *Clementi* septimo suam Paraphrasim, ne verbo quidem vel per me vel per amicos significans, me quicquam muneris ab eo expectare: & adeo non expectavi, ut *Adriano* paranti munus honorarium mittere scripserim, ne quid mitteret: misit tamen *Clemens* florenos ducentos, non alio nomine, quam ob inscriptam *Paraphrasim Actorum*: plane recusaturo, si missum fuisset alio titulo. Id ipso diplomate docere possum. Et tamen non defuit rabula, qui Sacras Litteras non didicit, nisi ad maledicendum, qui me ex *Erasmo* faceret *Balaam*. Cardinalis *Grimanus*, cui dicavi *Paraphrasim in Epistolam ad Romanos*, teruncium non misit, nec ego expectavi. Quod ambiebam, præstitit, favorem ac benevolentiam, non mihi, sed studiis & *Reuchlino*. Cardinalis *Campesinus* ante complures annos annulum misit ex Anglia, amicitiae pignus, cui postea dicavi *Paraphrasim*, non captans, sed rependere studens beneficium. Cardinalis *Sedunensis* obtulit permulta, si Romam venissem. Cæterum is per me non est teruncio factus pauperior. Neque me vel una drachma ditiores fecit Cardinalis *Sanctorum* quatuor, cui dicavi Cyprianum emendatum. Reverendissimi Patris *Joannis Carondileti* Archiepiscopi Panormitani scriniis non decessit obolus ob *Hilarium*, quum ego illi per proprium famulum misissem volumen. Præstitit ille totum, quod venabar, nempe favorem ac benevolentiam. *Philippus à Burgundia* Episcopus Trajectensis, ad cuius Dioecesin ego pertineo, post dicatam *Pacis querimoniam*, quum præbendam oblatam recusassem, donavit annulum incluso sapphiro, quem olim gestarat *David* ipsius germanus, quondam ejusdem Ecclesiæ præsul. Atque hoc munus misit nec ambienti, nec expectanti. Nihilo magis vel expetitur vel expectatum est poculum amoris, quod misit Cardinalis *Moguntinus*. Cardinali *Eboracensi*, cui dedicavimus libellum *Plutarchi*, puto me nihil non debere ob singularem favorem, quo me jam olim prosequitur, & tamen hactenus ex illius munificentia non sum pilo factus ditior. Episcopo *Leodiensi* nunc Cardinali, cui inscripsimus Epistolas ad Corinthios, cui libellum inauratum misimus, cui donavimus duo volumina Novi Testamenti in membranis non ineleganter adornata, neque precii mediocris, ut libenter debemus pro splendidis promissis, quæ non semel obtulit: ita non est, quod illi pro donato teruncio gratias agamus. Tantum donavit, quantum si incidat in oculum quamvis tenerum, nihil tormenti sit allaturum: id ipse non inficiabitur. *Carolus*, Princeps meus, me jam adsciverat in ordinem Consiliariorum, jam sacerdotio donarat, antequam illi libellum *De Principe* vel inscriberem vel exhiberem, ut hic non captatam prædam, sed relatum gratiam intelligas. Eidem *Paraphrasim* è *Basilea* *Bruxellam* per proprium famulum meo sumtu misit. Dati sunt redituro duo floreni, & tamen animus Principis alacriter accipientis munus meum, non minus gratus fuit, quam si numerasset aureos mille. Ante

*** ** 2 com-

CATALOGVS LUCUBRATIONVM DES. ERASMI ROTERODAMI.

complures annos Plutarchi librum *De discrimine adulatoris & amici* consecraram Regi Britanniae Henrico octavo. Huic me puto tantum debere, quantum obtulit, si voluisset accipere: obtulit autem fortunam meis meritis longe maiorem. Cæterum multo post jam oblito dedicationis illius misit Angelatos sexaginta, impulsu vel admonitu potius *Joannis Coleti*. Eidem post dedicavi *Paraphrasim in Lucam*, *Ferdinandus Caroli* Cæsaris germanus, ut est animi generosissimi, *Paraphrasim in Joannem* summa cum alacritate accepit, misitque cum litteris suis honorarium munus florenos centum, quum ego nihil minus exspectarem. Si spectem animum Regis Galliarum in me, si reputem, quid in me conferre voluerit, vix ulli Principi plus debeo: verum *Hilario* meo, qui codicem reddidit, numerati sunt coronati triginta, viatici nomine. Ad me præter benevolentiam nihil pervenit, nec enim aliud ambiebam. Breviter, ex universis *Paraphrasis* obolus ad me non rediit, præterquam à *Ferdinando & Clemente* Pontifice. Sed pene fugerat me *Philippus Ferdinandi* pater: is olim pro Panegyrico exhibitio numeravit Philippicos quinquaginta. A cæteris aut nihil est datum, aut exilius erat, quam ut sit memorandum: loquor de his duntaxat, quibus inscripsi lucubrationes meas. Jam si quis nominum ac titulorum pompam spectet, meque talem esse credat, quales sunt plerique mortalium, nonne suspicabitur ex dedicationibus meis *Midæ* opes collegisse? Non hæc commemoro, quod me poeniteat benignitatis Principum. Meis scripniis accrevisse credo, quicquid accessit honestis studiis, in horum profectum captavi Principum favorem. Porro quod hic non sordide captarim illorum munificentiam vel illud arguit, quod toties mihi laborandum fuit, ut illorum in me munificentiam possem, citra illorum offensam recusare.

Annui reditus statim sunt paulo plus quam quadringenti floreni aurei. Atque hic census impar est (fateor) sumptibus, quos exigit hæc ætas ac valetudo, famulorum & scribarum necessaria studiis meis opera, tum *inimicitia*, crebra migratio, atque etiam hic animus (ne quid aliud dicam) abhorrens à sordibus, nec ferens appellentem creditorem, aut non pensatum officium, aut neglectam amicali inopiam. Itaque sunt amici, qui, quod censui deest, suppleant sua munificentia, sed obtrudentes potius quam dantes. Quod largiuntur, negant se dare *Erasmo*, sed publicis studiis impendere. Sunt autem ea fortuna, ut opes illorum hanc jacturam non sentiant, tum eo animo, ut nec prædicari postulent suam benignitatem, nec agi sibi gratias patiantur, atque hoc quidem indigniores, quorum bonitatem ignoret posteritas. Habes thesaurum ex ambiosis meis inscriptionibus conflatum.

Locus hic admonet ut placemus & figulos quosdam, qui mihi constant invidiam apud ignaros, quasi messem opimam demetam ex benignitate *Joannis Frobenii*, cui non alio nomine magis faveo, quam quod vix alius Typographorum majore studio propagat honesta studia, idque facit majore fama quam lucro. Et certe non parum emolumentum ex eo cepissem, si quicquid ille detulit (est enim perbenignus) accepissem. Nunc ipse mihi testis erit, quam hoc sit exiguum, quod mihi obtrudi passus sum, nec hoc erat à me impetraturus, nisi docuisset eam pecuniam ex societate dari, ut portione, quæ ipsum contingeret, minimum gravaretur. Et tamen si nihil aliud quam famulorum meorum operam pensare voluisset, plus erat dandum quam accepi. Nec mensam apud illum mihi gratuitam esse passus sum. Nam decem fere menses in illius ædibus vixi, sed pro his compulsus est à me accipere florenos aureos centum & quinquaginta, magnopere quidem reluctans, maluerat enim tantum addere, sed tamen compulsus est. Et ne quis me credat ex *Frobenii* benignitate pendere, testis erit idem *Frobenius*, qui bonam partem suis manibus *Francfordiæ* meo nomine recepit, summam pecuniæ, quam partim huc mecum attuli ante biennium, partim ex *Brabantia* missam recepi, excedere mille nongentos florenos aureos. Cujus summæ nunc non ita multum superest. Et tamen interim differtur Cæsaris pensio, sed ita differtur, ut parata sit ilico redeunti. Id enim suis ad me litteris pollicetur illustrissima domina *Margareta Caroli* Cæsaris amita. Cui nuper scripsit ex *Hispaniis* ipse Cæsar, ut mihi extra ordinem pensio numeraretur. Nam cæteris officiis, ob bellorum onera, suspensæ sunt pensiones. Itaque qui *Frobenio* invidet, certet potius cum illo benefactis, & vincenti favebimus. Certe nulla causa est quæ mihi illius amicitiam quisquam invidet. Sic per illum profum studiis, ut nemini noceam, aut obstem *eis æqueo* *ἐπιδίδωμι*: nec ullum mihi cum illo foedus est, præter liberam ac mutuam benevolentiam, qua non patiar me à quocquam superari, si quis provocaverit.

Reddidi bona fide rationem, æquum est ut desinant obmurmurare. Hæc misera necessitas nos habet, qui libris editis populo fabulam agere cœpimus, ut omnes nobis placandi sint vel infimæ plebis homines. Scripsit mihi R. D. *Ennius* Episcopus *Verulanus*, isthic esse quandam, qui polliceatur certissima remedia calculi, tanta artis fiducia, ut nolis mercedem, nisi depulso morbo. Sed quem sponsores dabit, non recursum, ubi fuerit depulsus? Denique quis præstabit, ne morbum sic expellat, ut simul & vitam? Non arbitror tutum hoc corpusculum ignoto medico committere: nactus sum hic juvenem quandam *Joannem Antoninum* *Cassoviensem*, natione Hungarum, eleganter eruditum, moribus candidissimis & perquam amoenis, qui mihi præter alia remedia dedit leonem astrologicum, unde bibo. His quæ sapiunt magiam, an aliquid tribuendum sit nescio, certe dies jam complures mitius me tractat calculus, sive hoc vino mutato, sive aliis remediis, sive leoni debeo. Nec me fugit vetus proverbium, juvenem tonforem, medicum senem arcessendum esse. Verum in *Antonino* meo nihil juvenile video præter faciem: mores & eruditio suam habent caniciem, quum ætate non sit major annis viginti quinque, Græce Latineque doctus, mei sic observans, ut si filius esset, non posset religiosius. Cura, ut quam bellissime valeas, ornatissime *Botzeme*, cum optima sodalitate, cum Gratiis ac Musis tuis, inter quas tibi contingat diu ac suaviter vivere. Salutem dices nominatim meis verbis viro citra supercilium erudito, *Michaeli Hymelbergio*, simulque *Joanni Vannio* concionatori, virtuti pietatique natis fratribus *Ambrosio* *Thomaque Blauseris*, cuique plurimum debeo *Joanni Meulishovero* Medico, homini, mea sententia, non minus humano quam erudito: ornatissimo Præfuli nec tu me defines commendare, nec ego desinam fausta lætaque omnia deprecari, & quicquid hominis eximia virtus promeretur. *Basilææ* tertio Kal. Febr. Anno à Christo nato. M. D. XXIV.

DESIDERIVS ERASMVVS ROTERODAMVS

ERV D I T I S S I M O

HECTORI BOEOTIO DE IDONANO

S. D.

LITTERAS tuas, Boëoti ornatissime, datas Aberdonæ septimo
calendas Junias, anno salutis millesimo quingentesimo vigesi-
mo octavo, accepi Friburgi, quæ civitas est Brisgojæ sub di-
tione Regis Ferdinandi, non incelebrem habens Academiam:
accepi autem circiter Idus Februarias, anno à natali CHRISTI
millesimo quingentesimo trigesimo: ne forte mecum expostules,
quod serius respondeam. Ea res fuit in causa, ut has litteras
tibi per typographos excusas mittere maluerim, quam per ama-
nuensem descriptas. Sic enim arbitror celerius ad te perventuras. Ergo ad tuas pau-
cis accipe. Quam mihi tua consuetudo jucunda fuit, Hector eruditissime, quum
ante annos triginta duo Lutetiæ in litterarum stadio pariter curremus, licet te
pro ingenii tui singulari felicitate multis passibus præcurrente: tam mihi gratum
fuit eam voluptatem ex tanto intervallo mihi tuis litteris refricari. Ad laudes au-
tem, quas tuus candor mihi tribuit affatim, plenaque (quod ajunt) manu, nihil
aliud audies, quam te de Erasmo non minus diserte quam amanter, non dicam
mentiri, quod à tuis moribus semper fuit alienissimum, sed multum à vero aber-
rare. Faveo tamen interim tuis de me præconiis, vehementer optans ex meis lu-
cubrationibus aliquid utilitatis, ad disciplinarum ac veræ pietatis candidatos per-
venire. Earum Catalogum, uti petis, huic subtexam Epistolæ. Nec mihi medio-
crem attulit voluptatem, quod intelligo Scotiæ regnum ut aliis pluribus ornamen-
tis, ita liberalium artium studiis indies magis ac magis expoliri. Hoc nomine sem-
per amavi Jacobum Regem, quod ditionem suam non tam proferre studuerit quam
exornare, inter felicissimos Monarchas numerandus, si præclaris virtutibus homi-
nis fortuna respondisset. Nec dubito quin filius illius ut in paternum regnum suc-
cessit, ita paternis vestigiis ingrediatur. Quum Jacobi Regis filium Alexandrum
Archiepiscopum divi Andreæ Senæ instituerem, aderat illi frater vix decimum
agens annum, incredibili puer indole, ac jam tum nescio quid eximium de se polli-
cens. Aveo scire, quid illi acciderit, utrum paterni fraternique fati comes fue-
rit, an adhuc supersit. Pro istius Academiæ non ignobilis, in me favore studioque
gratiam habeo plurimam, cujus commodis & ornamentis utinam mea opera possit
aliquid accedere. Certe, quod unum possum, precor ut Dominus per te tuique
similes viros, eam omni genere disciplinarum, veræque pietatis dotibus bene for-
tunet ac locupletet. Datum ex inclyta Academia Friburgensi, idibus Martiis.

*** ** 3

IN.

INDEX OMNIUM DES. ERASMI ROTERODAMI

LVCVBRATIONVM, IUXTA ORDINEM TOMORVM,
COMPLECTENS SIMVL ET OPVS ET CVIVS-
QVE OPERIS INITIVM.

PRIMO TOMO HÆC HABENTVR.

De Copia verborum ac rerum, libri duo.
Theodori Gazæ Grammatices, libri duo.
Syntaxis.
Ex Luciano versa:
Saturnalia.
Cronosolon i. e. leges Saturnalicæ.
Epistolæ Saturnales.
De Luctu.
Abdicatus.
Icaromenippus.
Toxaris.
Alexander, sive Pseudomantis.
Somnium.
Timon.
Tyrannicida.
Erasmi declamatio Lucianicæ respondens.
De iis, qui mercede conducti degunt.
Dialogi amatorii xviii.
Hercules Gallicus.
Eunuchus.
De Sacrificiis.
Lapithæ, sive Convivium.
De Astrologia.
De Ratione conscribendi epistolas.
De pueris statim ac liberaliter instituendis.
De Ratione studii.
De Laude Medicinæ.
Libanti aliquot Declamationes versæ.
Similium liber unus.
Colloquiorum liber.
De recta Latini Græcique sermonis pronuntiatione.
Ciceronianus, sive De optimo dicendi genere.
De Civilitate morum puerilium.
Galenî exhortatio ad bonas artes, versa per *Erasmum*.
Epitome in Elegantias *Laurentii Vallæ*.
Euripidis Hecuba & Iphigenia, *Erasmo* interprete.
In Nucem Ovidii Commentarius.
Epigrammata diversi generis.

*Ut non est aliud vel admirab.
Quatuor & viginti literas
Omne verbum antecedit nom.*

*Dic mihi Saturne, quando tu
Hæc ait Cronosolon sacrificus
Equidem & ante tibi scripsi
Opera pretium sane fuerit
Haudquaquam nova sunt
Ter mille igitur erant stadia
Quid ais Toxaris? Sacrificatis
Tu quidem charissime Celse
At te scelestissime galle, cum
O' Jupiter Philie, hospitalis, so.
Quum duos eodem die tyrann.
Si mihi causa hæc iudices apud
Ecquid tibi primum amice
Hoc illud est quod vulgo dici
Herculem Galli lingua gentis
Unde nobis advenis Luciano
Enimvero si quis recensere
Novam quandam ac variam
De cælo deque astris est nobis
Qui in epistolis unum aliquem
Si me quidem audies
Principio duplex omnino
Quo sapiens est ars medicina
Siquidem Paris viri Trojani
Qui adhortantur & excitant
Non temere docet quidam
Sic felix occursum
BVL. Quem video nobis pro.
Si ter maximum illum Paulum
Animantia, qua dicuntur
A, præpositio, jungitur omnib.
Adsum profectus è profundis
Nux ego juncta via, quum sem
Si jactare licet magnorum*

SECUNDO TOMO,

Adagiorum opus.

Olim Latetia Proverbiorum

TERTIO TOMO,

Epistolarum opus.

Quod scribis, optime Beate

QUARTO TOMO,

E Plutarcho versa:
De Discrimine Adulatoris & Amici.
Quomodo utilitas capiatur ab inimicis.
De tuenda bona valetudine.
Principi maxime philosophandum.
Animi an corporis graviores morbi.
Num recte dictum sit, *Λατρε βίαιος*.
De Cupiditate divitiarum.
De colubenda iracundia.
De Curiositate.
De vitiosa verecundia.
Apophthegmatum libri viii.
Moræ Encomium, h. e. Stultitiæ laus.
Panegyricus ad *Philippum* Burgundionum Principem.

*Qui fateatur
Video quidem te Corneli
Tu sane Glancum
In amorem insinuare
Homerus quidem
At ne illic quidem
Hippomachus aliptes
Recte mihi facere
Optimum fortasse fuerat
Ex his qua terra
Lacedæmonii quoniam
Utrumque de me vulgo
Felis nolis boni consulas*

Ad

ALTER CATALOGVS LVCVBATIONEM ERASMI.

Ad eundem carmen gratulatorium.
Institutio Principis Christiani.
Isocrates De regno administrando.
De Morte Declamatio.
Declamatiuncula gratulatoria.
Pacis querimonia.
Lingua.
Xenophontis tyrannus.
De senectute carmen.

*O, semper memoranda dies
Ubi receptum est suffragia
Ceteri quidem Nicocles
Quam acerbum vulnus
Hunc ego profecto diem
Si me licet immerentem
Disturus non de asini
Simonides poeta die
Unica nobilium medicorum.*

Q V I N T O T O M O.

Enchiridion militis Christiani.
Oratio De virtute amplectenda.
Ratio veræ Theologiæ.
Paraclesis.
Modus confitendi.
Enarratio Psalmi, *Beatus vir.*
Enarratio Psalmi, *Quare fremuerunt Gentes.*
Paraphrasis in Psalmum, *Domine quid multiplicati.*
Concio in Psalmum, *Quum invocarem.*
De puritate Ecclesiæ CHRISTI.
Enarratio in Psalmum, *Dominus regis me.*
De bello Turcis inferendo Consultatio.
Enarratio in Psalmum, *Benedicam domino in omni temp.*
Enarratio in Psalmum, *Dixi custodiam vias meas.*
De amabili Ecclesiæ concordia.
Concio in Psalmum LXXXV.
De misericordia Domini Concio.
Virginis & martyris Comparatio.
Concio De puero IESV.
Epistola consolatoria ad virgines sacras.
Christiani matrimonii Institutio.
Vidua Christiana.
Ecclesiastes, sive De ratione concionandi.
Modus orandi Deum.
Symbolum, sive Catechismus.
Precationes.
Pæan Virgini matri dicendus.
Oratio ad Mariam in rebus adversis.
De contemptu mundi.
De tædio & pavore CHRISTI disputatio.
De præparatione ad mortem.
Ode De casa natalicia IESV.
Expostulatio IESV cum homine pereunte.
Hymni varii.
Liturgia Virginis Lauretanæ.
Carmen votivum Genovefæ.
Commentarius in duos Hymnos Prudentii, de natali & epiphania pueri IESV.
Christiani hominis institutum, carmine.
Epitaphia in Odiliam.

*Efflagitasti
Pressus inveni
Quum primum novum
Lactantius ille
Præter innumerabiles
Quemadmodum divina
Prius quam aggrediar
Commodum absolveram
Quo plus habet
Domine quis habitabit
Adfero Psalmum
Quoniam cum tuis literis
Multum discriminis est
Titulus in ipso statim.
Psalmum octogesimum.
Philosophus quidam
Quoniam hodie
Jam iterum atque iterum
Puer apud pueros
Bene nos hortatur
Quum nulla vita
Inter innumeros calam.
Ecclesia Gracis est
Sic reciproci vicibus
Jamdudum mihi gestit
Indulgentissime pater
Unicum cæli decus
Vides virgo parens
Olim quidem Iodoce
Hæc quum in pomerio
Omnium terribilium
Ecquid adhuc
Quum mihi sint uni
Non invenisse
Ineptio jam toties
Divæ pii*

Carmen iambicum

S E X T O T O M O,

Novum Testamentum, cum Annotationibus.

S E P T I M O T O M O,

Paraphrases;
In Matthæum.
In Marcum.
In Lucam.
In Joannem.
In Acta.

In Epistolas Pauli
Ad Romanos.
Ad Corinthios I.
Ad Corinthios II.
Ad Galatas.
Ad Ephesios.
Ad Philippenses.
Ad Colossenses.
Ad Thesalonicensis I.
Ad Thesalonicensis II.
Ad Timotheum I.
Ad Timotheum II.
Ad Philemonem.
In Epistolam Petri I.
In Epistolam Petri II.

*Si mortales tam ardenti
Cunctis mortalibus inf.
In humanis historiis qu.
Natura divina quoniam
Promissi mei partem
Paulus ego ille è Saulo
Paulus non pseudapost.
Paulus legatione fungens
Paulus apostolus & ap.
Paulus legatus non Moysi
Paulus ac Timotheus in
Paulus legatus Iesu Chr.
Paulus & Sylvanus ac
Paulus & Sylvanus ac
Paulus apostolus ac leg.
Paulus legatus Iesu Chr.
Paulus antehac apostol.
Petrus ille quondam
Simeon Petrus quondam*

In

ALTER CATALOGVS LVCVBATIONVM ERASMI.

In Epistolam Judæ.
In Epistolam Jacobi.
In Epistolam Joannis 1.
In Epistolam Joannis 11.
In Epistolam Joannis 111.
In Epistolam ad Hebræos.

*Judas Thaddæus Jese
Jacobus quondam Mo.
Neque de rebus medisoc.
Senior Joannes scribo
Senior Cajo viro multum
Quum olim deus hum.*

OCTAVO TOMO,

Ex Chrysostomo versa.

Adversus Judæos, Homilia v.
De Lazaro & Divite, Homilia iv.
De Visione, Homilia v.
De Philogonio martyre, Homilia i.
De orando Deum, libri 11.
De David & Saule, libri 111.
Quum presbyter esset designatus, Homilia 1.
In Psalmum, Cantate Domino.
Quum Sarioninus & Aurelianus acti essent in exilium, Hom. i.
De fide Annæ, Homilia 11.
Commentariorum in Acta Apostolorum, Homilia iv.
Commentariorum in secundam ad Corinthios, Hom. vii.
In Epistolam ad Galatas.
In Epistolam ad Philippenfes, Homilia 11.

*Rursus infelices illi
Hesternum diem quum
Conspicio nos multo
Ego quidem & hodie
Duplici nomine par est
Quoties diutina quadam
Num sunt qua nobis
Egregium vereque mirandum
Multo tempore silui
Nulla profecto res est
Complures sunt quibus
Opera precium est qu.
Paulus Apostolus non
Philippenfes dicti sunt*

Ex Athanasio,

De SANCTO SPIRITU, Epistola 11.
Contra Eusebium de Nicæna synodo, Epistola 11.
Apolegitici duo adversus eos, qui calumniabantur, quod in per-
sequutione fugisset.
De passione Domini, Homilia 1.
De hoc, quod scriptum est, *Euntes in vicum, qui contra vos est.*
De Virginitate.
De peccato in Spiritum.
De Spiritu Sancto.

*Admirabere forsitan, qui
Recte fecisti mihi signi.*

De Origene.

De vita, phrasi, & operibus Origenis.
Fragmentum in Euangelium Matthæi.

Ex Basilio,

Principium Esaïæ.
De Spiritu sancto, Liber.
De Laudibus jejunii, Homilia 11.

*Audio Leontium qui nunc
Et egressi in locum
Qui ea qua super terram
Primus sermo salutis
Quod literis tuis mihi
In eremo reddita mihi*

*Origenes binominis
Tunc dimissis turbis*

*Optate ne fiat fuga no.
Equidem collaudo in me
Clangite inquit in*

NONO TOMO,

Epistola Apologetica ad *Dorpium*.
Ad *Jacobum Fabrum* Stapulensem.
Ad *Jacobum Latomum*.
Ad *Atensem* pro Declamatione matrimonii.
Apologia de, *In principio erat sermo*.
Apologia tres ad Notationes *Eduardi Lei*.
Ad *Jacobum Lopim* Stunicam.
Adversus *Sanctium Caranzam*.
De loco, Omnes quidem refurgemus.
In Natalem *Beddam*.
Adversus *Petrum Satorem* Cartusianum.
Appendix de scriptis *Clithovei*.
Declarationes adversus Theologos *Parisienses*.
Ad *Phimosthomum* de Divortio.
Ad juvenem *Gerontodidascalum*.
Ad monachos quosdam *Hispanos*.
Ad *Albertum Pium* Carporum Principem.
De Esu carniū.
De libero Arbitrio Collatio.
Hyperaspistæ diatribes, Libri 11.
Purgatio adversus Epistolam *Lutheri*.
Detectio præstigiariū libelli cujusdam.
Adversus pseudoeuangelicos Epistola.
Ad *Eleutherium* Epistola.
Ad *Grunnium*.
Ad fratres *Germaniæ inferioris*.
Spongia adversus aspergines *Hutteni*.
Pantalabus, sive adversus febricitantem.
Adversus mendacium & obrectationem.
Antibarbarorum liber.
Ad quosdam gracculos Epistola.
Responsio ad *Petri Curtii* defensionem.
De Terminis, Epistola.

*Non fuit reddita nobis
Quum essetum consc.
Quo minus mihi superest
Quandoquidem & res
Quum nuper ex comp.
Quum subito prodisset
Quis leget hac?
Post longas & inutiles
Hoc loco variabant olim
Quum in hisce turbul.
Quasi parum hactenus
Iodoci Clithovei libros
Equidem sperabam tandem
Legi disputationem de divortio
Qui factus est ei
Est Pylus ante pylum
Utinam fortuna mihi *Alberte*
Vix oratione consequi queam
Inter difficultates qua non
Quod felix faustumque sit
En recanduit in me
Jam vetustissimum est
Bibliopola quidam reddidit
Quid ais *Eleutheri*
Quid ais sapientissime *Grunni*
Prodiit hic liber quidam
Quoniam isthuc primum hinc
Res salva est, profiliit
Quod scripsit *Maro*
Quum adolescens pestilentia
Video quid agatis fratres
Mea quidem sententia
Quod mihi pro tuo ingenio.*

CATALOGORVM OPERVM DES. ERASMI ROT. FINIS,

DESI-

DESIDERII ERASMI
MORS,
EPITAPHIIS
VIRORVM DOCTORVM
DEFLATA.

Tom. I. *** **

EPITAPHIORVM
AC TVMVLORVM
LIBELLVS,
QVIBVS
DESIDERII ERASMI
ROTTERODAMI
MORS,
VBIQVE TERRARVM, PER VIROS DOCTISSIMOS
DE FLETVR,

Ordine alphabetico digestus.

GERMANVS BRIXIVS
CLARISSIMO VIRO
D. GVILIELMO BELLAIO LANGAEO
S. D.



Nec me hercule jamdiu ipse tanto sum tempore in rerum ignoratione tuarum versatus (nam neque quid egeris tu, aut ubi terrarum fueris, jam mentes hos quatuor scire certo potui, nullis videlicet nec abs te, nec de te literis acceptis) & in hoc Belgici belli nimbo, seu verius dicam tempestate, ipsam etiam Lutetiam totam percellente, atque adeo quatesfaciente, minus fui ad scribendum compositus, musis, studiisque nostris interquiescentibus. Nunc quum tempestatis ejusdem sedatio suam tandem civitati serenitatem, visa tanquam Halcyone, restituerit, sic ut nos jam ipsos colligere, atque ut gravati pluvia flores, & tantum non decidui, ad solis exorientis radios, caput exertare incipiamus. In quo quidem, vere ut scribam, admiranda semper erit Joannis Cardinalis fratris tui germani industria, prudentia, diligentia, providentia: qui quum à Francisco rege, & ipso in Provincia Gallia contra Cæsarem in fines nostros cum copiis irrurentem armato, huc ad nos Legatus, & tamquam Urbanus dictator missus fuisset, & quidem ut in summa rerum perturbatione, ita magna civitatis trepidatione, ac prope dixerim seditione, hostibus videlicet finitimas urbes, oppida, vicos, agros late populantibus, vastantibus, sua unius providentia paucis diebus rem eo deduxit, ut neque hostes suis satis viribus confisi, pedem porro promoverint, sed sese statim ad suos receperint, & nos ipsi trepidatione omni excussa, animos sic recuperaverimus, ut hostibus iisdem timori jam situs, ac formidini: statuere ut possis, feliciorum nobis multo, atque auspiciorem fuisse virum unum togatum modo, ac galatum, quam esse potuissent sexcenti, sagati iidem & galeati. Sed quum Cardinalis ejusdem beneficio bellicus omnis, quem dixi, nimbus procul cesserit, sitque jam nobis concessus ad studia nostra receptus, faciendum putavi, ut te literis meis provocarem potius quam tuas expectarem: quod satis suspicarer, ubicumque gentium esses, tibi à Germanicis tuis legationibus (quibus toties à te renovatis fatale esse video, ut tu ad extremum, quod Deus tamen averruncet, immoriare) non deesse negotiorum undas, fluctus, turbines, quibus tanquam obrutus vix absentium amicorum meminisse, nedum ad illos aliquid dare posses. Ego porro tecum ut quasi loquerer (quod ipsum dum facio, ne vivam, nisi in tuis tanquam in prudentissimi, fidelissimi, amicissimi hominis sermonibus acquiescam) sed tecum ut quasi loquerer, has ego ad te scribendas duxi: quas quidem ipsimet Cardinali dedi in suarum ad te literarum fasciculum ab illo conjiciendas, certum nobis esse ut possit & exploratum, alteras sine alteris tibi redditum non iri. Quod equidem eo consilio feci, ut tu ad Cardinalem rescribens, si minus ad me, at de me certe aliquid in tuis ad illum literis scriberes, & vel, quod dicitur, duos de una fidelia parietes dealbares, nolim enim te à publicis istis negotiis abductum ad privata nostra separatim negotia traducere. Abunde porro nobis à te satis erit factum, si significaveris modo quousque tandem in tui desiderio (cujus igniculum vix jam fero) versari hic nos velis. Illo enim rejiciemus omnem rerum inter nos communium actionem: si quidem, quod optamus, non ita multo longinquum tuum ad nos reditum pollicebere. Et quidem verbis exprimere vix possim, quanto aveam opere, in Dojano nostro dies aliquot tecum ponere, antequam hyems, durum anni tempus, jamjam appetens nos opprimat: quanquam ne tum quidem per te nobis deerit, ubi comode philosophemur, qui Glattignianum à Dojano non ita multum remotum habeas, haud paulo plus hyeme optabile, quam est Dojanum ætate amabile, densissimo, altissimoque nemore undique illud cingente: quod nobis luculentum focum præbeat à ventorum injuria perbelle defensis. Dices: Quin tu vero Brixii eo sine me? Audi igitur me hoc sine fuco ac fallaciis more amicorum dicentem: Emoriar, Langæ mi suavissime, si mihi non modo Dojanum, ubi

P R A E F A T I O.

hi certe propter Langeani tui proximitatem sum libenter, sed ne ipsum quidem Bertocurianum. Tusculanorum omnium meorum delitiae, cujus me etiam sola recordatio delectat, tanti est, ut vel in eo jam sine te esse cupiam. Quare da operam, amabo te, quantam maximam poteris, reditum ad nos tuum ut matures, nec te in eo, puto, Respublica impedire amplius potest, confecto jam in Provincia bello, omnibusque ad Regis voluntatem cedentibus, & te tam diu absentem privata res desiderans revocare debet: & praeterea scire te velim, quiddam esse ad te magnopere pertinens, quod tibi ipse coram aperire aucto, litteris committere non audeo. Sed jam ad alia. Audivisse te puto Erasmi Roterodamum nostrum, hoc est nostri amborum, ut si quis alius est studiosorum grege, amantissimum, è vivis decessisse, annos natum plus minus septuaginta, sed tamen non modo longiore vita, sed prope dixerim immortalitate dignum: quanquam si recte omnia expendantur, quis illum dicere mortuum audeat, cujus mortalitas magis quam vita finita est? vivit enim, æternumque vivet Erasmi nomen, laus, decus, gloria, quantoque illius scripta senescunt magis (illa quidem certe in quibus seriam auctorem operam impendit) tanto majori in admiratione, clamore, applausu apud lectorem futura, iisdem quibus Romana lingua spaciis pervagabuntur. De quo medius fidius elogium id pronuntiare vere possis, illum sua quidem ætate, (qua nullam bonarum artium feraciorem abhinc annos mille, & eo amplius, sol, quod omnibus in confesso est, vidit) sed de Erasmo dicere illud vere possis, suo illum seculo, doctrina fortasse non neminem, dicendi copia certe parem habuisse nullum: tum vero eundem (fatendum est enim) temporibus quidem nostris è Latio in Germaniam, sic Romanam transfuisse eloquentiam, ut olim Apollonius, Tullium Rhodi Græce orantem quum audivisset, exclamavit attonitus, ab illo Athenas Romanam fuisse translata. Nam quid tandem Romæ nunc (audacter dicam, vere tamen) Erasmo simile? Quo sane nomine quemadmodum Erasmo eidem etiamnum vivo Magni cognomentum Germania eadem, tellus hodie ingeniorum foetura bonorum nulli alii cedens, uno ore detulit: ita nunc mortuo (sicuti olim Roma Grati-diano) statuas omnibus vicis, jure optimo erigere, & ad eas thus & cereos incendere debet. Debet enim illa magis Erasmi unius ocio, studiis, linguæ, quam Cæsarum omnium armis, laureis victoriisque suorum. Neque vero pluri est, ac ne tanti quidem imperium, quam eloquentiam Roma in Germaniam fuisse translata. Nam illud Martis ac Bellonæ facinus, Hoc Apollinis ac Minervæ opus, hoc est, illud fors fortuna potuit, Hoc ingenii ac doctrinæ vires effecere. Ex hujus ergo tanti viri obitu, æquis negare audeat, tale quidem vulnus literas accepisse, quale à nullius alterius interitu accipere potuissent? De quo quidem nos amico mortuo (praeterea quæ de vivo, quæ ipsa extant) tumulos aliquot lusimus, quos hisce adscripsimus: (vid. inferius suo loco sub lit. B.) quod tu à nobis factum existimabis, non quo apud te, eximium artis poeticæ inter nostros Palemona, ingenium in eo scripti genere vel venditem, vel approbem meum, (cui enim notius illud est, quam uni tibi?) sed ut te musæ ejusdem æmulum, & tanquam commilitonem ad mecum in ea contendendum, concertandumque palæstra instigare: in qua quidem haud invitum tibi sum posthac munus daturus herbamque porrecturus, miles jam ad hoc certaminis genus tanquam emeritus. In quo quanquam sciebam te stimulis haud quamquam indigere, (quis enim omnium te uno amicos vel vivos diligentius colere, vel mortuos melius laudare novit?) tamen sicuti tu me olim soles, te vel currentem instigare placuit: quod mihi persuasi, nihil te de Erasmo principi eloquentia viro (quo tu illum nomine apud me semper es admiratus) non perpolitum, non excultum, non omnibus artis numeris constans, & quidem Minerva, quod dicitur, non invita ab istius ingenii officina deprompturum, atque ita deprompturum, ut non solum me (quod facile & patiar ipse, & poteris tu) cæterosque omnes in eo genere artifices, sed vel temetipsum, (nihil hic majus dicere possum) exsuperes: siquidem omnem ingenii tui vim unam hanc in meditationem interdes, quod ut facias etiam atque etiam vehementissime abs te contendo. Quod reliquum est, curabis nobis equum Germanicum promissum. Nam bellus ille magis quam bonus, quo me haud ita pridem donaras, equisonis mei incuria interit, dum me proxime è Bertocuriano huc ad se Renatus Cenomanorum Episcopus, frater & ipse tuus, de re ad Cardinalem magnopere pertinente, sic evocasset, ut nihil quicquam nec acrius, nec incitatus fieri posset: & ego ad eam etiam incitationem, quicquid potuissim celeritatis addidissim. Noscis enim me, nec ignoras quam sim in meis erga amicos officiis, studiisque natura (permittis hoc me interim de me hic dicere) paratus atque expromptus: qui etiam soleam meas ipsius rationes illorum rationibus posteriores habere. Illustrissimum Cardinalem à Lotharingia sicubi in oculos tuos incurret, meis verbis etiam atque etiam salutabis ac bene valebis. Lutetiae tertio Calendas Octobris M. D. xxxvi.

PAVLVS VOLZIVS D. BEATO RHENANO SVO S. D.

Nisi divina & inrefragabili lege, ob avitam prævaricationem omnibus semel moriendum esset, intolerabilis plane mæror & dolor hic cunctos pia eruditionis studiosos enecasset, quando D. Erasmus Roterodamus communis noster amicus, ingenti studiorum jactura, via carnis universa nuper hinc abiit. Hoc tamen uno se consolantur omnes, leniuntque dolorem, quod carne quidam mortuus, ceterum spiritum vivens, perpetuo docturus sit libris, tanquam liberis suis relictis. Atque ita mortuus cen non mortuus habetur, juxta illud Sapientis: Mortuus est pater, & quasi non est mortuus, similem enim reliquit sibi post se. Quid autem Erasmi similium, ac ejus libris, vita doctrinaque sua testes fidelissimi? Hos, dum viveret, subinde ac diligentissime quidem omni munditia & cultu exornavit, mortuus quoque proximis suis amicis sanctissimo commendavit. Hi velut grâti in parentem liberi, omnem pietatem & eruditionem docebunt quoslibet, ubi gentium versantes, & in suum consortium eos suscipientes. Tantus enim fuit eorum parens Erasmus, cum eloquentia & doctrina, tum innocentia vita pietateque, ut sua eruditione omnes scholas, omnia pulpita erudierit & illustravit. Ideoque debent ei merito omnes quotquot Latina lingua utuntur. Quis enim ignorat in quantis ignorantia ac infantia tenebris tota fere sita fuerit Germania, prius

P R A E F A T I O.

priusquam D. Erasmi infatigabili studio & exoptatissima praesentia docta, excolta & illustrata exstitit? Tam vero profecit Erasmi Germani apud suos Germanos eruditio, ut jam non, ut antea Barbari, sed Latini à Latinis jure & vocentur & agnoscantur. Stulte igitur & arroganter Rhemnim Palamon jactitare solebat, secum & natus & morituras literas & quasi non & ante & post ipsum fuissent & futuri essent viri in omni disciplinarum genere literatissimi, qualis absque controversia & Erasmus noster nostro seculo Græcis ac Latinis literis ita excelluit, ut ei parem agere dare possis. Sed quid verbis opus? Res ipsa, libri inquam ejus qua dico propalam testantur vera esse. Non solum autem eruditione, sed largitione item illustris & beneficus fuit. Nam præter eam beneficentiam, qua in vita plurimos consilio & auxilio juvit, etiam moriturus omnem substantiam suam in amicos, in pauperes puellas puellasque, ac in quoslibet egenos cujusvis ætatis aut sexus dispartiendam Testamento constituit. Et ne mihi quoque si sileam, pessimum ingratitudinis vitium impropereetur, præter literaria munera quibus me subinde ornavit, etiam haud ita diu ante mortem suam poculo me donavit argenteo, sed ita undique inaurato ac mire fabrique facto, ut si videas, nunquam satis videas. Insuper testamenti nomine legavit mihi centum aureos, quos integerrimi viri D. D. Bonifacius Amerbachius haeres, Hieronymus Frobenius & Nicolaus Episcopus executores mihi numerarunt, & Argentoratum usque præsentarunt. Demisso antea poculo Sapidus noster elegantissimum scripsit carmen, quod non minus quam ipsum poculum delectabile est, illud visu, hoc auditu. Id venerabilis noster Erasmus adhuc vivens & legit & laudavit, missis ad me literis extremis, qua aliena manu scriptas ipse tantum subscripsit ægra manu. Neque vero diu supervixit. Et quantum equidem ex Epistola quadam ad Capitonem, qua scripta est ad finem Febr. anni M. D. XVI. conjicere possum, vixit annis LXX. mensib. VIII. dieb. XV. ita supputatis à XXVIII. die Octob. anni LXV. supra millesimum quadringentesimum Christi natalis, usque ad XI. diem Quintilis An. M. D. XXXVI. in quo die mortuus est in Domino. Initium cujus Epistola est: Non sum equidem admodum vitæ avidus eruditiss. Vir, sive quod animo meo jam propemodum vixi satis, videlicet annum ingressus primum & quinquagesimum, &c. De ejus morte Sapidus noster quandam non paucorum versuum sylvam composuit, (quos etiam habes infra sub lit. S.) ubi mira venustate & gratia quadam lectu jucundissima scribit, quo modo videlicet carne solutus à cælitibus exceptus sit Erasmus. Hanc ille, ut est gloria propria negligens, situperire svisset, ni sublegissem ego: opera precium ratus sitna opera porro è Selestadio Basileam mitteretur ad officinam Frobenianam. Dignus profecto Erasmus, ut quicquid ad laudis & gloria suæ cumulum augendum pertinere dignoscitur, à gratis studiosis ubique divulgetur. Cæterum det Deus opt. max. ut juxta Sapidus lusum D. Erasmi anima sit in cælestia plausibiliter suscepta, nostraque divino tandem nutu suscipiantur. Amen. Vale mi Beate charisf. Argent. Cal. Decemb. An. 1536.

GVILIELMI BIGOTII,

Lavalensis.

Aspiciens meritis haud respondere favorem
Sint ubi pro meritis præmia Erasmus abit.
Si petis, hic locus est ubi degere tutus ab hujus
Temporis ingrati garrulitate queat.

NICOLAI BORBONII.

Lis oritur: meus est, Germania dicit, Erasmus:
Gallia reclamans adferit esse suum.
Hanc interveniens litem mala Parca diremit:
Neutrius hic vestrum, sed meus (inquit) erit.

JOANNIS BRESSANI,

Bergomensis.

Hoc tegitur tumulo doctissimus undique Erasmus,
Qui triplicem linguam calluit egregie,
Scilicet Hebræam, Graecam, pariterque Latinam;
Ut genuinam illi quamlibet esse putes.
Hic tantum studiis studiosus contulit orbi,
Quantum fert Clarii fax radiosæ Dei.
Quid tegitur dixi, quem quælibet ora tuetur,
Quique oculis hominum notus ubique patet?
At tegitur corpus, sed nomen, gloria, honorque
Clara micant, nullo deficientque die.

GERMANI BRIXII,

Antistiodorensis.

Defunctum vita magnum qui credit Erasmus,
Fallitur: ex ipso est vita novata rogo.
Vivit, & illius vivent monimenta: lepores
Donec erunt Graji, donec erunt Latii.

EJVSDEM.

Exinctum laudat vatum chorus omnis Erasmus,
Assequitur laudes nemo tamen meritas.
Desine mirari: vivens advexerat orbi,
Abstulit idem orbi mortuus eloquium.

EJVSDEM.

Magnus Erasmus in hoc tumulo est: qui cætera
nescit,
Cæcior & talpa est, sordior & filice.

FRANCISCI A BVRGVNDIA

in diem obitus

ERASMI ROTERODAMI

Elegia.

Scilicet una dies crudelibus insita fati
Abstulit emeritum morte nefanda senem.
Egregiam vero laudem scelerata tulisti,
Dum tenues artus, lassaque membra necas.
Nunc ego te justum merito excessisse pudorem
Conqueror, effæctum vincere nonne pudet?
Huic saltem poterat illa effrenata voluptas
Parcere, non desunt corpora digna mori.
Excidit ingenium doctis quod certet Athenis,
Nec metuat Latii rostra disertæ fori.
Excidit ingenium mediis quod sedit in Astris
Dogmata dum divis auribus apta refert.
Et quamvis solitos corpus nunc deserat usus,
Ingenii remanent sed monumenta sui.
Et partæ superest sublimis gratia famæ,
Hic tua præstabant rura proterva nihil.
Lucem sollicitam rapuisti, ævumque senile,
Mortis opem sensit pars onerosa malis.
Quid senibus dulce est? cum sit mœstissima vita,
Cur grave sit mœstos anticipasse dies?
Belgica lugubri nunc tota dolore fatiscit,
Condere dum nescit, quem peperisse juvat.
Orba suos luget partus, & flebile pignus,
Quot bona nunc habuit, tot modo damna refert.
Tum etiam lachrymis odiosas scribere leges
Tentas? & justis planctibus esse modum?
Cum sis illa dies, quæ magni conscia damni,
Linguarum decus hæc dum siluisse jubes,
Canitiemque feris sacram, pectusque ministrum
Sancti operis, tumulo supposituisse juvat.
Sed quæ militiæ nomen, titulosque ferebat,
Doctrinæ laudem terra Batava gerit.

Ad

EPITAPHIA IN LAVDEM ERASMI.

Ad quam, primitias mortis dum cernit Erasmus,
 Talia supremo creditur ore loqui.
 Si quid adhuc memor es genitrix Hollandia nostri,
 Et nati absentis leniter adflat amor;
 Rumpe supervacuos luctus, nam pigra senectus
 Destituit miserum, fessaque membra labant,
 Me gravia oppugnant effictæ incommoda vitæ,
 Calculus à sævo funere tentat opus.
 Corpus naturæ vitio compage solutum est,
 Et totus cecidit, qui fuit ante, decor.
 Mens confusa diu, merito stupet, ipsaque totis
 Sensibus obrigit nunc hebetata suis.
 Quid? quod multa gravant animum spectacula rerum.
 Quis mala tot vitæ dissimulasse potest?
 Sic mihi nunc requies petitur somnusque piorum,
 Vivere desinimus, tu pia terra vale.
 Quis mihi nunc demens homini persuaserit unquam,
 Ut cupiat voto longior esse suo?
 Hunc mors grandævo vitæ spoliavit honore,
 Quo tamen intendit, claudere nescit iter.
 Nam pius æternas divum penetravit ad arces,
 Sic propriis mors est ludificata dolis.
 Nam meritis coelos divinus adivit Erasmus,
 Hanc laudem in terris Roterodamus habet.

GEORGII CASSANDRI,
in mortem Doctissimi, & Sanctissimi viri,
 ERASMI ROTERODAMI.

Quid tam superbum contuere crudelis,
 Quid mors quid alti pectoris minas spiras?
 Ignota non es, non tuæ latent vires,
 Non sæva blandæ tua tyrannis ignota est
 Adversa vitæ, jusque ferreum fati.
 Eone tanto quæso nunc tumes fastu?
 Eo metentem cuncta concutis falcem?
 Ferox quod immortalitate donandum
 Virum triumphas, vecta funebri curru
 Horrentibus quem flammæ jubis raptant
 Equi, flagrantis pæsti ad impias ripas
 Phlegethontis, herbas ubi cicuta præcellit
 Illos gubernat noctis improbæ proles
 Furens Erinny, undique obstrepens sævum
 Insana turba militum nefandorum
 Heu triste eheu spectaculum ducem cingit,
 Pallore tetro squalidi ruunt morbi
 Sævi dolores, haud amabilis coetus.
 Paralyfes, & Pleuritides, Phthifses, Febres,
 At calculum atra cypressus ornat insignem,
 Luctusque gemitusque intonans polus reddit.
 At tu revinctas ferreis manus nodis
 Impellis umbras, quas volens recensere,
 Numeret arenas littoris, maris guttas
 Has inter acri vixprehenditur visu
 Recens Erasmi mæsta convolans umbra,
 Hanc tu superbo sæva murmure ostentas,
 Victos ut olim Julios, Titos, Nervas,
 Marcos, Catones, Publiosque, Flaccosque,
 Hieronymos, Chrysostomos, Petros, Paulos,
 Sed ô superni numinis potestatem
 Lenem, Tyrannem cui tua haud libens cedit.
 Ten' scilicet te Erasmus habere credemus
 Nostrum, Deorum nectare assatum potum?
 Terram & fretum nunc ille despicit lætus.
 Sublimis & te nunc & inferos ridet,
 Tibi in triumphum inanis umbra concessa est.

EJVSDEM DACTYLI ALCMAN.

Sparge decora puella comas,
 Indue luctiferos habitus,
 Abjice florida ferta procul

Stantia syderio capite
 Fulva monilia deme precor,
 Quæ redimunt tibi marmoreum
 Collum, uti gemma metalla solet
 Aurea projice texta procul
 Oris & illa Venus rosei
 Et facies mage sole nitens
 Pallidulo variata situ
 Tristiciem notet, & faciat.
 Luminis ille decor gemini
 Sordidet imbre tepente genas.
 Sparge decora Thalia comas,
 Indue luctiferos habitus,
 En tuus unicus hinc abiit
 Cultor Erasmus, & alta super
 Sydera, regna beata tenet
 A patre pollicitata bonis,
 Deferuit tamen heu miseros,
 Ac animi illa sacrata domus
 Vermibus esca parata jacer,
 Mors inimica bonis studiis
 Falce metens caput, hunc rapuit,
 Forte ubi Teutonicum ægra solum
 Illa vigere dolet nimium.
 Proh dolor hanc fera gemmam adimit:
 Sed nihil ô hera flere juvat
 Ferrea quæ statuere semel
 Fata, adamante notata manent,
 Nec superis violare licet,
 Collige pulchra Thalia comam,
 Exue luctiferos habitus.

EJVSDEM.

Hic mortem deflet, laudes hic cantat Erasmi,
 Officioque suo fecit uterque satis.
 At diversa mihi nunc est sententia cordi,
 Par studium dicas omnibus esse tamen.
 Accipe Christe preces summi sapientia patris
 Linguarumque sator, spiritus alme fave:
 E quo cuncta fluit veluti sapientia fonte,
 Qui das divino vatibus ore loqui.
 Fac sapiat quisquis sapientem spernit Erasmus,
 Linguacis linguam fac inimicus amet.

VLPII CISSEI,
Franikerensis.

Nostrum qui requiescit hic ad aram
 Summam, marmore tectus, ô viator?
 Dicam, Roterodamus est Erasmus,
 Illum mors rapuit severa nuper,
 Musarum è gremio, hei dolore & alto
 Musis vulnere cordis hinc relicto.
 Harum nam pater & patronus ille
 Vindex, tutor erat, decus, columna.
 Summo barbarie labore pulsa,
 Musas restituit suo nitore.
 Sed quæ præmia tandem habet laborum?
 Hæc, dulcem requiem supernus illi
 Dat cum pace pater, suos & inter
 Electos numerat, vale viator.

STEPHANI COMITIS.

Hoc latitat saxo lux orbis & alter Apollo,
 Hoc Evangelii est testis lucerna specu,
 Hic alter Cicero: & numerosus Horatius alter.
 Hic saxi & stricti est gloria vera stili.
 Concilio ante diem cecidit. Sed mente ferendum
 Est æqua cœli quicquid ab Arce venit.

*** * * * *

VI.

E P I T A P H I A

VITI COPPI,

Seleſtadii bonas literas publice proſitemem,
TVMVLI XVII.

Hei mihi quod precibus fatales flectere divas
Nemo poteſt, & quod mors ſua quemque manet.
Si vitæ poſſent Grajæ Latiaque Camœnæ
Tempora Neſtoreos ducere ad uſque dies,
Vnus, qui Pylii ſuperaret ſecula penſi,
Hic Deſiderius dignus Eraſmus erat.
Seu mores, vitamque viri, linguamque diſertam,
Seu ſpectes docti pondera iudicii.
Abſtulit hunc terris pleno jam ſtamine Parca,
Viveret ut poſthac liber ab invidia.

II.

Non cineres orno, quamvis ſim ſplendidus arte,
Sed me plus multo condecorant cineres.
Ævi me tandem conſumet longa vetuſtas,
Illos non poterit rodere tempus edax.
Hoc vir commeruit ſtudio, cui poſtera ſecula
Vix ſunt eloquio progenitura parem.
Tum Deſiderii ceſſabit nomen Eraſmi,
Quum Rhenus nullas ſiccus habebit aquas.

III.

Hoc Deſiderio marmor decoratur Eraſmo
Hinc noto celſi ſidera ad uſque poli.
Rupturæ nunquam fatalia ſtamina Parcæ
Illi, ni ſuperis ſic placuiſſet, erant.
Eloquio ſimilem non huic Germania vidit,
Nec forſan poſthac eſt habitura parem.

IV.

Falleris extinctum vita qui credis Eraſmum,
Jam rurfus mœſtis vivit ab exequiis.
Nec mirum ſummo ſi Phœnici ſtudioſorum
Ipſe poteſt vitæ reddere dona cinis.

V.

Sic vita Deſiderius deceſſit Eraſmus,
Oppetere eſt vita ſi meliore frui.

VI.

En Deſiderii mœſtum poſt funus Eraſmi
Molliter hoc recubant oſſa quieta ſolo,
Fama tamen, nomenque viri durabit ubique,
Græcia donec erit, donec erit Latium.

VII.

Hoc Deſiderii ſaxo tumulatur Eraſmi
Corpus, ſed volitat fama per ora virum:
Qua Scythicus Boreas, qua nubifer intonat Auſter,
Et qua tellurem cernit uterque polus.

VIII.

Hic Deſiderii cineres conduntur Eraſmi,
Qui junxit Latius Attica mella favis.
Marta Roma ſuo quantum debet Ciceroni;
Huic tantum debet Teutona terra viro.

IX.

Hoc Deſiderii tumulto conduntur Eraſmi
Oſſa, viri nomen replet utrumque polum.
Hic meruit tanta Germanis laude referri
Orator, quanta Tullius Auſoniis.

X.

Hoc marmor condit deſuncti corpus Eraſmi,
Qui clarus ſummo floruit eloquio.
Huic quaſitus honos ſtudiis, & fama manebit,
Gramina dum tellus, dum geret aſtra polus.

XI.

Clauditur hoc tumulto deſuncti corpus Eraſmi,
Quem ſinet haud unquam poſthuma fama mori.
Ingenio quaſitus honos ſine fine manebit,
Dum fuerint Graji, dum fuerint Latii.

XII.

O fati leges, ô ferrea jura Sororum,
Quam nulli fas eſt perpetuare dies.

Vrنا quieſcentis cineres hæc condit Eraſmi,
Fama locum nuſquam, quo capiatur, habet.
XIII.

Post cineres phoenix vivit, poſt funus Eraſmus
Floret, & à trifti major in orbe rogo eſt.
Hunc celebrant Grajus, Latius, Germanus, Iberus,
Et Gallus, vita eſt hac ratione mori.

XIV.

In dubio eſt, vivatne, an ſit deſunctus Eraſmus;
Clauditur hoc ejus pars minor in tumulto:
Pars melior cœlum luſtrat, terrasque pererrat,
Pars melior vivit, pars minor interiit.

XV.

Te, lachrymarum liſte rivulos, rogo
Viator, & dulcem quietem floribus
Orna, tumultum Sabæo thure confovens.
Vixi fatiſ; fati peregi tempora,
Non ocio, ſed duris me laboribus
Vnus, quo plurimis prodeſſem, ſubdidi.
Sic docta primum bella geſſi Palladiſ,
Vt me ducem mirata ſit Germania,
Suum me ſæpius Ciceronem dictitans.
Tandem ſacris ſum Literis immortalis.
Hac fata lege ſubire, an non eſt vivere?
Donarier rude niſi forſan mori putas.

XVI.

Post cineres vivo doctis ego nomine Grajis,
Hiſpaniſ, Galliſ, notus & Auſoniis.
Eloquio per me pugnax Germania culta eſt,
Meque à barbarie vindice tuta manet.

XVII.

Vita me functum qui credis forte, viator,
Erras, perpetuo nomine vivo, vale.

FRANCISCI CRANEVELDII,

*Juris utriuſque Doctōis, Conſiliarii
Cæſariſ.*

Abſtulit una dies, qualem vix tempore priſco
Mortalem erudit Galliopa virum.
Occidit eximiis rebus decoratus Eraſmus,
Quo nihil in terris doctius invenias.
Lugeat extinctum Muſis operata juvenus,
Nec ceſſet juſtas fundere lachrymulas.
Quiſque amas ſolido ſophiam cognoſcere cultu,
Quiſque ſcripta animo volvere ſacra cupiſ.
Vnus erit pro mille tibi, rectiſſima pandet,
Quæ via in æthereum fert ſuper aſtra polum:
Ipſe fatigatus ſtudioſorum mole perenni
Horruit ad Mori non pia fata ſui.
Jamque ſimul ſummo reſidet ſublimis Olympo,
Liber ab incertæ conditione vitæ.
Cæſar ut in Gallos magno tulit arma fragore
Carolus, hinc tuta ſe ſtatione locat.
Ne videat diris fratres concurrere telis;
Qui docuit ſemper pace nihil melius.
Vive, vale Lector magnum veneratus Eraſmum,
Cujus honos nullo ſiſtitur Oceano.

EJVSDEM.

Nunc elegos triftes dictent, pia turba, poetæ,
Et velut in patrio funere dent lachrymas.
Linguarum ſophiæque decus, ſuadela, nitorque,
Et ſapidi in terris jam periere ſales.
Occidit incertum quo morbo ereptus Eraſmus,
Sed nimis heu damno certum obiſſe meo,
Hic eſcas avido ſolitus condire palato,
Quanta dedit ſtudii pignora clara ſui?
Invida mors corviſ parciſ, cervoque fugaci,
Sed clariſ gaudet fordida funeribus.
Gaudet & ſævum ducat male ſana triumphum,
Dum ſciat illuſtris vivere ſcripta viri.

Vive-

IN LAVDEM ERASMI.

Vivere non ullis jam pridem obnoxia fati,
Dum Tibris rapidas in mare volvet aquas.

EJVSDEM.

Vix orbis capiet libros, vix nomina tellus:
Cujus habet cineres nunc brevis urna, vale.

EJVSDEM

Versus Monocolos Asclepiadeus Acatalecticis

IN MORTEM

DESIDERII ERASMI

ROTTERODAMI,

*omnibus & virtutis, & literarum studiosis
deplorandam.*

Mors Desiderium ficcine tu quoque
MO Desiderium, ficcine subripis:
Mortales retinent quo nihil amplius?
Sic Desiderium, sic decus eripis?
Ah Desiderium mors itane improba,
Ah teterrima mors; peior & Atreo.
Hoc Desiderio, hoc nil magis expetit,
Nil ploratque viro tota volubilis
Nostri orbis facies. Cum mare foemina
Hunc desiderat. Hunc luget inanis &
Peritus sophian. Hunc pueri, hunc senes
Dessent. Sed lachrymas illachrymabilis
Ducis pro nihilo. Pessima pessimis
Multis digna modis; quid potius rogem
Crudelissima mors? quidve tibi imprecer?
Quid durissima? quid devoveam tibi?
Irides etiam: ac delicias facis;
Nosque angustolpe est, & jocus est tibi
Atrox, impia mors, dira scelestaque.
Sed nil convitiis movero tetricam.
Ergo quid facio? flebo suavius?
Irridet lachrymas: luctibus utroque
Et gaudet gemitu, fletibus innatent
Nobis forte genae, discutitur fera
Risus. Differimur quando doloribus
Ridendo quatitur protinus invida.
Nec res digna satis fletibus edita est,
Si vero ratio conditur ordine.
Ergo quid facimus? Consilii quid est?
Vin dicam tibi tu pessima quid lucti
Extinguendo virum feceris? Et virum
Quo nil candidius, nilque suavius:
Quicum me hercle mices sub tenebris lubetis.
Quo nil doctius unquam, aut studiosius;
Seu linguam Latii, seu mage Cecropis
Spectes: Sive etiam sacra prophanaque:
Seu tu prisca magis, seu nova postulas:
Divum sive hominum notitiam malis?
Seu vis grammaticen, sive mathematica:
Seu demum cupias parvaque magnaue,
Praedias solidum denique circulum:
Non adversa viro hoc, non Erymanthidos
Arcti majus habent, nilque celebrius.
Dicam vin igitur jam tibi mortuo
Hoc Desiderio quid referes boni?
Hoc Desiderio dico hominum & deum?
Subducendo virum quid lucrifeceris,
Quo nil vel melius, nilve pium magis?
Et gratum superis, & superis patem?
En paucis operæ nunc pretium cape.
Aula es tu facinus scilicet arduum:
Nimirum facinus centimanis grave.
Amplis & gravibus ergo ne laudibus,
Amplis & gravibus dignaque praemiis?
Audi tu tibi tu pessima quid boni?

Extinguendo virum feceris. Accipe
Quid nobis parias strenua vel mali.
Quid rei illi attuleris quem canimus viro.
Felicissimus est: vivit Athletice:
Jam demum fruitur quas cupit ædibus:
Nemo concipiat quæ sit amœnitas:
Nemo delicias, nemoque gaudia.
Vitis innumeris jam fruitur: malis
Ereptus totidem: vivit & anxius
Excussus totidem mortibus: & feris
Monstris edomitis; queis agitatus est,
Ut Tyrrhæ non sis gravioribus.
Est, istuc subigi morte, renascier,
Haud sane morier, si morimur bene.
Porro fingito cum corporibus simul
Extingui jam animas, spirituum nihil
Post mortem superesse, & pecudum insitus
Nobis fac species, aut Samii senis
Umbris somnia contingere, nec peti
Unquam aut Elysiam, aut astrigeram domum.
Late & fama procul regnat Erasmi,
Imbellesque pyras atque humiles rogos,
Et parvum tumultum temnit, & urnulam.
Ac vastum celebris pervolat æra:
Pennis ora ferit præpetibus virum,
Qua Nereus patet, aut lampada Cynthius
Quaqua versum agitat: pervigil integra,
Vivit, spirat, agit, crescit & alitur,
Daphnis Phoebe tua ut perpetuo viret,
Æternumque virent Bacche hederae tuæ.
Vt libros taceam jam quibus illius
Laus est floridior: nunc quibus illius
Vita est integrior: queis viget acritus:
In queis inspicias illud Erasmi,
Hoc est ingenium mite, placabile,
Humanum, nitidum, melle suavius
Et perfectius & verius: ipsius
Quam qui corpoream cernat imaginem,
Tanto & certius id, quanto animus magis
Quam cœnosa caro nos homines facit.
Quid quod tantum animos conspiciamus libris?
Fronti nulla fides. Solum animo fides.
Mentes corpus habent ceu tegitulum,
Aut tanquam potius sarcophagum rudem.
Brutis corpus adest. Nos ratio creat.
Brutum corpus: Homo sydereus viget.
Hic sermone quidem cernitur, ac libris
Multo est vividior: consulit, admonet,
Currenti stimulos subdit, & excitat
Cessantes, recreat, jurgat, & allicit,
Blanditur, revocat, dedocet ac docet:
Tum tristis, tum hilaris, cuncta potentius
Quam si luminibus lumina cerneret,
Quam si corporibus corpora jungeret.
Atque ætate eadem hæc proficiunt magis:
Olim splendidus & clarus erit magis,
Atque olim uberius laudis honos erit.
Sublatum ex oculis quærimus invidi,
Præsens si quod adest non ferimus bonum.
Nam nunc an ne Ovidii est? an ne Terentii?
Non Demostheneæ gloria lætior?
Quæso nunc Cicero nonne disertior?
Argutusque viget non Plato amœnior?
Non Paulum magis flammæ charitas
Urit? Christe salus non tua notior?
Est ævi veteris filia, Veritas.
Quæ nunc nos nimium rodimus invidi,
Nostra hæc suspiciet posteritas nimis.
Sic Desiderii (magna quidem satis
Sic nunc illa licet) summa nepotibus
Laus quondam fuerit, longe & amantior.
Mors quid præstiteris nunc mihi desere:
Num mors quæso vide quam temeraria

Au-

IN LAVDEM ERASMI.

Nostra hostis Ciceronis, &
Galli (quæ rabies?) nominis insolens.
Jam jam parcere mortuo
Mens est, nec tacitam carpere postea
Larvam vulnifico stylo
Defunctum meritis sic modo laudibus
O Musæ meritum senem
Ornemus. Rapuit mors nimium rapax
Germanæ patriæ decus,
Doctorumque decus: quoslibet Itala
Tellus, Gallaque proferat
(Te Budæe tamen, te quoque Longoli?)
Germanæ patriæ decus,
Doctorumque decus mors rapuit rapax.

HELII EOBANI HESSI.

Eximium fato functum lugemus Erasmus:
Hoc duce qui Musis addita turba sumus.

NICOLAI EPISCOPII.

Delitiæ Christi fugitat super æthera Erasmus,
Terricolûm infensus fraudibus ac sceleri.
Credere pollutis decus hoc mortalibus ultra
Noluit; Omnipotens esse suum voluit,
Divorum inque choro divum versarier usque,
Relicto terris nomine perpetuo.

EJVSDEM.

Arctis omnigenas tentat quum Phoebus in unum
Cogere, & exemplar perficere eloquii.
Musarumque suum quæque addit munus acervo,
Quo parte ex omni sit decor atque nitor:
Dotibus en nobis tot cultus prodit Erasmus,
Sæcula cui similem nulla tulere virum.
At gemmam eximiam vilescere Rector Olympi
Non passus terris, fulgida in astra tulit.

ELIGII EVCHARII.

Ecce in pulvere dormiens Erasmus
Non dormit, tacet, ore sed deserto
Eruat varium & pium axioma:
Vivit mortuus: audit, aurium expers,
Cernit, non oculis, quibus solebat
Mundum cernere foribus replectum.
Tangit, non manibus picæ inquinandis,
Miraris (scio) Lector antilexin,
Miraris paradoxa. Desine, oro,
Mirari, facile omnem Erasmus istum
Nodum solvet, In aureis suorum
Theauris operum, in quibus tonantem
Omnis posteritas tubam ejus audiat.
Est ægris odiosa lux ocellis,
Fastidit stomachus cibo gravatus
Menſæ fercula lautioris: inter
Cygnoſ stridulus anser obticeſcit:
Nec dulces citharæ excitant aſellum
Auro stramina præferentem: in atris
Prædam noctua quæritat tenebris:
Porco delicie lutum est, quid istis
Lector doctæ Parcemiis velim, audi:
Doctas, doctus Erasmus ut moratur
Indoctras, ita non moratur aures.
Despectum esse viro improbo probandum,
Et laudari à probis, æqua laus est.
In scriptis igitur tuis perennem
Vitam vive Deo, te Erasme Christus
Cœli luce beet, benigna cujus
Egit gratia, in organo suo te,
Esse ut fide tinnula & sonora

In sancta Ecclesia canis fidelis.
Ut posses rapidos grege à puſillo
Christi arcere Lupos tuo latratu.
Isthæc meta fuit tuorum, Erasme,
Dum mortem moreris bonam, laborum.

GEORGII FABRICII.

Viventem quem vix immensus ceperat orbis,
Clauditur exigua Roterodamus humo.
Non armis tantum peperit Germania laudis,
Quantum tu calamo, maxime Erasme, tuo.

LEONARDI FALESII,

Leodienſis.

Abstineat lachrymis nullus, licet impius inſet
Zoilus, ac fusco tingantur membra colore:
Si causam poscas, clarum abstulit invida Erasmus
Mors, sacra qui ingenio Scripturæ limina pandit:
Non igitur doctum laceres, nec dente canino
Rodere quæſo velis, quo non præclarus Apollo
Facundum mage conſpexit, verum simul alto
Sermone extollas (omnis quem luget) Erasmus.

DITII FERNANDI FRIATIS HISPANI

in mortem Erasmi

LAMENTATIO.

Flete decus, quæſo, Grajæ Pallanta Camœnæ,
In quarum arbitrio spesque fidesque mihi.
Ni vultis tanto feriam meâ pectora planctu,
Mœſtaque continuis fletibus ora rigem.
Vos alacres mecum ſupera convexa meate,
Atque ore effuſo taliâ verba date.
Heu ubi palladium divini nomen Erasmi?
Heu ubi nunc Pallas, Roterodamus ubi?
Heu ubi nunc latitat, potuit qui ſcribere tanta?
Heu ubi nunc vivit Muſa colenda tua?
Quam relevat virtus multo ſudata labore,
Seu dederis vacuo languida membra toro.
Quem velut oraculum cuncti commune premebant,
O Deſiderii maxima cura mei.
Quem Deus ingenua voluit præſtare Minerva,
Morte virum hunc doctum deperiſſe, queror.
Proh dolor? heu? charo velut à genitore relict.
Ah quanta ingeniis facta ruina bonis?
Græcia docta tulit quem, quem & tulit inclyta Roma,
Ingenio huic nunquam fama perire poteſt.
Qui ſcit Ariſtotelem, qui baſiat ora Platonis,
Ingenii huic nunquam fama perire poteſt.
Cui Cicero Graji reſonant Demotheſis ora,
Non immaturâ laus ſua morte cadet.
Qui ſic doctiloquo, ſic protinus ore ſonabat,
Ver huic perpetuum eſt, perpetuusque dies,
Cujus fama manet nullo violabilis ævo,
Dicetur nomen tempus in omne ſuum.

EJVSDEM

NOMINE LVDOVICI VIVIS

in mortem Erasmi

LAMENTATIO.

Invida cur me ſic ô nex diſjungis amantem,
Quem bene colludens conciliavit amor.
Me dolor & lachrymæ vexant ſine fine labantem,
Hei mihi, quod tantis ſubdita vita malis.
Tom. I. *** ** EJUS.

E P I T A P H I A

EJVSDEM

AD LVDOVICVM VIVEM

grauiter Erasmi morte perturbatum
CONSOLATIO.

Inclita quem genuit tam fonte Valentia diuo,
Orator, toto clarus in orbe mane.
Tu quoque jam lumen simul immortale Latinis,
Gloriaque Hispanæ gentis, & orbis honos.
Audi, tam armatus cur morti obstaret Erasmus?
Si moriens phoenix unicus orbis erat?
Vive, tua in longos abeant suspiria risus.
Mortis enim hæc nemo tela cavere potest:
An perit ex toto, quem languida membra remittunt?
Vivit? an in cœlum, venerat unde, redit?
Mens æterna manet, manet immortale sepulchrum,
Per quæ præclarum plus micat ingenium.
Numina, quod superest, tibi dent hinc sancta pre-
camur,
Hoc lachrymas casu si cohibere queas.
Ad quater undenos qui nondum veneris annos,
Quem omnes suspiciant, atque sequantur, eris.

EJVSDEM

AD QVENDAM PETVLANTEM,

qui valvis templi D. Petri adscripsit,

Animam Erasmi diris manibus cruciari,

RESPONSVM.

Non est *μωροσύνη* qui temperet Annibal iram?
Ἐλάδι, Ῥωμαϊκῇ, Ἑβραϊκῇ λαλίῳ,
Postquam doctiloquus fato cessavit Erasmus,
Qui frégit tauros hos bene quosque truces.
Ingeniosa videns mordacis carmina vatis,
Tam (inquam) alius faciles non dedit ore modos.
Sed miser angusta nimium præclusus in aula,
Sprevit Pieridum, Thespiadumque domos.
Namque ego dum miror numerosque pedesque mo-
dorum,
Dii meritis (inquam) dent tibi digna tuis.
En quo stultitiæ? aut quæ tandem in secula ventum est?
Si licet, ut tam audax manet ab ore furor.
Saxum Acherontæum premit, an præcordia Erasmi,
Cujus ab eventu est vita probata suo?
Quin potius tua jam Titii præcordia fiunt,
Ardentem unde fugax non levat unda sitim,
Quæ vivum Stygias vexit te cymba per undas?
Talia cum doctus verba poeta dabas?
Vidisti triplici latrantem Cerberon ore?
Servantem nigri limina tetra ducis?
Ferrequè Erasmus celfo saxum in vertice montis
Sisyphi? ut expositum rursus ad ima ruat.
Sed mitto, est asinum, pulchrum, conferre leoni,
Vel quia tu talis, vel quia pauca potes.
Huc scelerate venis? Sed dic precor optime vates?
Dic (inquam) vates *ἀλγὺς Πιερίδων*.
Equis tartareum te jam furor egit ad amnem?
Dic (inquam) vates, cinctus honore comas?
Te neque Romanum cepit dementia vatem?
Ut tabem sævo faucibus ore vomas?
ὦ φίλε χαῖρε, & Erasmus jam nunc perfer ad astra,
Crudeles poenas dum tua lingua luit.
Quanquam Castalio demerferis ora liquori,
Crudeles poenas at tua lingua luit.
Dum laudes tecum, famamque, decusque reportes,
Et titulum, & sacri nomina vatis emas.
Dic, age, ni grave sit tibi, nostri dedecus ævi?
Non tua conveniens lumina vitæ premit?
Funde preces igitur cœlo jungaris in ipso,
Nectar Erasmus cum pascit & ambrosiam.

Nam virides hederas, laurosque tenebis in ore,
Si sic non pergas ad Phlegethontis aquas.

HIERONYMI FROBENII.

Marmorco jacet in tumulo modo mutus Erasmus,
Orbis enim linguam sustulit inde sibi.

CORNELII GRAPHÆI.

Cuja hæc ossa, atque hi cineres? illius Erasmi,
Spurcam barbariem qui expulit orbe procul,
Ecquæ plorantium mulierum hæc turba, profusis
Quæ lachrymis mœstæ marmora dura rigant?
Hæc dulces sunt Musæ, hæc est Germania mater
Illius, insignem hic flentque dolentque Virum.
Qui pueri hi? falsique sales, lepidique lepores,
Vna cum magno hoc qui periit Viro,
Qui vero hi juvenes haud læti? sectatores
Illius, ablato qui duce triste gemunt.
Quæ geminæ hæc læto ridentes ore puellæ?
Hæc fama, hæc summo est gloria digna Viro.
Cur rident? quod cum dudum mortalis is esset,
Nunc immortalis factus obire nequit.
Quid sibi vult turpe hoc stratum tellure cadaver?
Est, quam ille extinxit, Gothica barbaries.
Quid stilus? quid charta ad bustum? his strenuus armis
Vandalicas acies ille triumphat ovans.

EJVSDEM.

Pugnando fessus tandem hic requiescit Erasmus,
Dum cum barbarie bella cruenta gerit,
Edomuit Gothos, prostravit Vandala victor
Castra, per hunc Musis ocia paxque manent.
Ne quaeso, ne illi somnum interrompe, viator,
Jam vigilant alii, sat vigil ille fuit.

EJVSDEM.

Somno adeo optato dulce hic jam dormit Erasmus,
At vero haud dormit mens generosa viri,
Scripta volant totum late jam sparsa per orbem,
Et celebri applausu nomina magna sonant.
Mens ea in his veluti spirat, loquiturque, moveturque,
Atque hominum obversans ambulat ante oculos.

EJVSDEM.

Corpore parvus eras, parva hac qui conderis urna,
Utrique hic illic notus Erasme polo.
Verum quam excelsus fueris, quam pectore magno,
Divini ingenii id vel monumenta docent.

EJVSDEM.

Et parva ista quidem videtur urna,
Rari & sunt cineres repositi cadem,
At supra tamen omnem opinionem
Supra, & quam queat exprimi loquendo
Magnus ille fuit, superque cunctos
Viventes celebri sonante fama
Sublimis, tumulo hoc qui agit quietem;
Rem jam jam litterariam tenebris
Oh ferme horridis sepultam, amico
Tutatam auxilio, in suum nitorem
Eho restituit polita mundo
Reducens studia, expulitque toto
Orbe spurcitiam, graveisque sordes
Diræ barbariei, & undique omnem
Abstulit ruditatem, agens triumphos
Mirandos. At enim Viri hujus heus tu
Vis perdiscere nomen: heus age horum
Sume principia, hæc legens, metrorum.

SIMO.

IN LAVDEM ERASMI.

SIMONIS GRYNÆI.

Si sacris fas est urnis inscribere verum,
Abstinet & solis manibus invidia:
Vix mihi vix dederis, sua quem sunt non mala secla
Mirata, & vivum quem coluere magis.

JOANNIS HELIARIS,
Angli.

Nominis Alcidae non tantum clava paravit,
Monstrosas fertur qua domuisse feras,
Exiguus solidæ quantum peperit tibi laudis,
Articulis calamus ductus Erasme tuis.
Ille feris vastum portentis liberat orbem,
Et peragit valida bella cruenta manu.
At tua barbariem facundia clara triumphat,
Et vitium ex animis optima scripta fugant.
Augiacum magno stabulum sudore repurgat,
Invisæque fimum dimovet ille manu.
At tua monstiferis sacros simul atque profanos
Auctores mendis sedula cura levat.
Hic clava horribilem nodosa contudit hydram,
Quæ cepit propriis ditior esse malis.
Tu trucidæ invidiæ vibrantis undique linguas,
Et cohibes penna sibila dira tua.
Ille ferox sævi peragit dum iussu tyranni,
Immensis spaciâ dissita monstra petit.
In te certatim *κρυφύχονα* monstra feruntur,
Inque tuum jaciunt livida tela caput.
Sed tamen ut victis portentis dicitur ille,
Ad proprios semper victor abisse lares:
Sic tua, certamen læsus quodcumque capellis,
Gloria devicto clarior hoste nitet.
Illius assidua exercent discrimina corpus,
Perpetuusque negat ocia cuncta labor.
Utraque Erasme tui studiis pars sudat honestis,
Et legit, aut condit irrequieta libros.
Hic vanos titulos & nomen inane reliquit,
E queis posteritas commoda nulla capit.
At tu digna lini cedro monumenta relinquis,
Postera quæ insigni tempora fruge juvent.
Jam portentorum domitorum tetra libido
Perdomat, & crepidis mollis amica ferit.
At tu perpetuo macerata carne labore,
Fœda voluptatum sub pede regna teris.
Fingitur hic patrio demum donatus olympos,
Qui tamen æterno tostus in igne jacet.
Te vero ad summi divina palatia Christi
Erexit sancta cum pietate fides.

TOT ATTOT

ΙΩΑΝΝΟΤ ΗΛΙΑΡΟΤΣ, ΑΓΓΛΟΤ,
εἰς τὸ μέγα Εἶργμον.

Στοιχείων πῦρ λαμπρότερον, χρυσὸς δὲ μαζώτερον,
Φω(φ)ός(φ) αἰσάριον ἐς(φ) φαινό(φ)ατο.
Παιδείας δὲ αὐγαῖς ἔτα σελάγησεν Εἶργ(μ)ος,
Πῦρ, χρυσόν, καὶ τὸν φω(φ)όν αἶσα νικᾷ,
Θοῖ(φ) ἴλω ἔτε(φ), ἢ φαιδραῖς νῦ τε, λόγων τε,
Λαμπρῶσι καὶ τῶσι φῶτις κόσμον ὅλον.

TOT ATTOT ΑΛΛΟ.

Καὶ μίαν οἱ πολλοὶ κο(μ)εῖν πόλιν ἀδυνατῶσιν,
Εἰς δὲ μέγα κό(μ)α κό(μ)ε Εἶργ(μ)ον ὅλον.

ΑΛΛΟ TOT ATTOT.

Εἰ χοῖρα τέτη τὸ Εἶργ(μ)ος σήματι σῶμα
Κυτ', οἷς χῶν φυσικῶς χῶς ἐπανερχόμε(φ).

Ζῇ ὃ ψυχὴ μακάριον μετ' ἀγῆ(φ) αἰδαντός τε,
Πρὸς Θεὸν ἐπαμύνη, ὃν πεπόθειν αἰεί.
Ζῇ δ' ἀνδρὸς κλητὴ Φήμη, ἢ ζῆσι ἕως γ' αἶν,
Αὐθις ἐγερθεῖσαν σάρεα τὸ πνέ(μ)α λάβῃ.
Σαρκὸς ζημία μικρῇ, μέ(φ) ὃ τὸ κρεῖττον Εἶργ(μ)ον
Ζῇ, πάλιν ἐν πυλάτῳ ἡμᾶς ζῆσθ' ὅλ(φ).

JOANNIS HVSSERI.

Hic magnus parvo sub saxo dormit Erasmus,
Orbem qui studiis suscitatur usque bonis.

F. ANDREAE HYPERII.

Te tuus ecce trahit qui nulli cedit Erasme
Terminus, ut cedas imperat ipse tibi:
Tu tamen haud cedis, sed contra audentior obstas,
Non animæ aut famæ terminus ullus erit.
Nam licet hoc tenerum credatur corpus habere
Terminus, haud vincet nomen Erasme tuum.

EJVSDEM.

Munere qui divum toti nunc præsidet orbi
Paulus, cui cingit terna corona caput.
Quem censent cuncti terræ dominumque, deumque,
Hic te conciliis iussit adesse sacris.
Sed Deus ille unus cœlique solique monarcha,
Qui regit arbitrio cuncta creata suo,
Ille Deus magnum nobis subduxit Erasmm
Protinus, ac superum iussit adire domos,
Heu, ait altitonans, mox præmia iusta laborum
Accipiet, vobis profuit ipse satis,
Ambrosia pascam, vescetur nectare divum,
Cœlicolis victus Roterodamus erit:
Indignus tanto est infelix lumine mundus,
Digna viro non sunt ferrea secla bono.
Hæc Deus. Heu quisnam qui talia præcipit, heu
quis
Temperet à lachrymis, ô studiosa cohors?
Desine mordaci defunctum rodere dente
Zoile, ni cesses te metanoia coquet.
Quod superest, quicumque venis hac forte viator,
Dixeris hoc saltem, sit tibi terra levis.

EJVSDEM.

Qui docuit verbis ad mortem qua sit eundum,
Nunc remonstravit flebile mortis iter.
Dum rogat exemplo vatis, quis monte quiescet
Sancto, vel quisnam tecta beata colet?
Tum Deus, hunc cernens sine crimine, dixit, Erasme,
Tu montem sanctum, tu mea tecta coles.
Et merito, quis enim scriptis vel moribus usquam
Sanctior, hunc igitur præmia tanta decent.

JOANNIS LACTEI.

Gandavensis.

Cur Desiderium desiderat orbis Erasmm
Usque adeo ereptum? sic bona cuncta solet;
Diversa ratione tamen desiderat illum,
Virtutem absentem ac invida turba solet;
Præsentem illam odit, sublatam stulta requirit,
Utrinque ingenio iudicioque carens.
Hunc vivum ut stupuit Phœbus surgensque, cadensque,
Sic raptum nollet, fert tamen & tolerat.
Et quæ viva super linguæ monumenta utriusque,
Iis desiderium facit alitque suum.
Sic vivit vita functus quoque magnus Erasmus,
Vivit ut in natis patris imago iuis.

*** ** * THO

E P I T A P H I A

THOMAE LINEI.

En brevis urna capit perparvum corpus Erasmi,
Orbis at immensus non capit ingenium.

EJVSDEM.

Fata sui Mori moestus dum luget Erasmus,
Moro ne careat, non fugit ipse mori.
Terra pares animis spatio dividit iniquo,
Nunc junctos pascit nectar & ambrosia.

EJVSDEM.

Φαίδιμος, δίδοιμος, πολύφημος, ἔρασμος, βίωσις,
Δ' ἡδὲ μοῖραν ζῆς μὲν ἀεὶ ἀθάνατος.

Idem Latine per eundem.

Vixisti clarus, celebris, mirandus, Erasme,
Diis similis vivis nunc quoque post obitum.

ADRIANI MARIJ,

Joannis Secundi fratris.

Hic Desiderius requiescit Erasmus, amarum
Qui desiderium liquit in orbe sui.
Mens habitat coelo, nomen vix clauditur orbe,
Scripta viri & mundum conteret una dies.

ANDREAE MASII,

LINIACENSIS,

*Ad eos, qui acerbe nimis ERASMI mortem
ferunt.*

Vivit, qui vixit, quid vos lugetis? Erasmus
Vivit apud superos, qui modo vixit homo.

LUDOVICI MASII

Siccinge crudeles Parcae necuistis Erasmus,
Semideumque virum, Semivirumque Deum?

EJVSDEM.

Invida dirumpens Lachesis aeva stamina Erasmi,
Heu quantum nobis abstulit illa boni?

EJVSDEM.

Fatalis series nobis invidit Erasmus,
Sed Desiderium tollere non potuit.

JACOBI MEYERI,

BALLIOLANI,

DE OBITU ERASMI

*Epano Trochaico Tetrameter Archilochium
Catalecticum.*

O Erasme summe vates, ô sacerdos inclyte,
Digne qui vocere lumen, sydus atque claritas,
Digne quem laudet suavi mundus omnis carmine.
Nunciatur ex caduco te migrasse corpore,
Terreum liquisse falcem carnis & gravamina,
Luget orbis ceu parentem dira mors oppresserit.
Te tamen magis beate nunc fatemur vivere,
Nam mori viros recusat musa dignos laudibus,
Quos per ora cuncta spargit prædicatque gentium.
Luce bisseña beatus scandis astra Julii,

Quando sex novemque Christus plena condit secula,
Et quater novem decembres corpus ex quo sumpsit,
Hic dies nomen diferto traxit à Cyllenio,
Qui Deus tuos honores auxit à cunabulis,
Clarus artium magister, Præses eloquentiæ.
Qui dies inter sacros Præsules venit duos,
Alter à Grajs, & alter à Latinis est satus,
Quos Anactem, Piumque Roma recte nominat.
Aptior tibi nequisset ulla lux contingere,
Qui pius, Grajus, Latinus, orbe toto fulgeas,
Tantum dignus favore, dignus & consortio.
Quis satis referre possit quanta cælo gaudia
Acta sunt choros per omnes, quanta gratulatio
Cive de novo catervas inter omnes coelitus?
Hic tubæ, nervi, modique, barbati, testudines,
Ora, pecten, pes, arundo, plectra, psæan, nablia,
Tibix, chordæ, Camenæ, vox Erasmo percrepant.
Te facit suum sodalem divus hic Hieronymus:
Gaudet Augustinus altis te locatum sedibus:
Cyprianus te videre gessit & Chrysostomus.
Teque Matthæus salutat. Marcus ora cernere
Possit & Lucas Erasmi, datque Joannes tibi
Dexteram, tibi que Paulus osculum vult figere.
Hic Erasme clare vates (Paulus inquit) largiter
Sunt tibi dapes paratæ, nectarisque copia,
Hic eris cibi perennis poculique particeps.
Atque nobiscum beatus sempiternis seculis,
Gloria cæli frueris ac beatitudine,
Aure quantam nullus haurit, mente nemo concipit.
Hæc enim jucunda pacis hæc quietis civitas,
Aureæ cujus plateæ, murus omnis aureus,
Estque perpes hic voluptas, nulla sunt hic tædia.
In libro tuum repositum nomen est viventium,
Esque dignus qui supernis gaudeas cum civibus,
Omne vitæ qui per ævum laude tanta fulseris.
Non fadis terræ talentum, nec sacram pecuniam
Stultus ut minister ulla dissipas inertia,
Sed bonus negociator reddis amplo scenore.
Est tibi vitæ peractus cursus omnis gnaviter,
Nomen ingens comparasti, nam tuo nec nos latet
Redditam terris labore literarum gloriam.
Utilis civilis fuisti semper in republica,
Eruditione clarus, moribusque fulgidus,
Vult Deus donare tantis præmium virtutibus,
Rhetor, Oratorque magnus, & Poeta nobilis.
Magnus interpres, sacrorum doctor & voluminum,
Et paraphrastes, & almæ prima lux Ecclesiæ.
Jure cultor & Minervæ Mercurii que diceris,
Nemo namque fultis unquam Christiani sanguinis
Tam venustus, tam difertus, tamque dives literis,
Unicus phoenix Erasmus, artifexque floridus
Luculentæ scriptionis, disciplinæ candidæ,
Mundioris dictionis, castioris paginæ.
Et patronus atque vindex literarum strenuus,
Fortis assertor politioris elegantix,
Alter ut Camillus, arcem qui Latinam liberat.
Vandalos armis decoris vincit & fugat procul,
Prælio feliciore submovet Getas feros,
Castrâ docta ne premantur servitute barbara.
Ut sacris inaugurati Pallados mysteriis
Dediti piæ palæstræ candidati milites
Hauriant sacros liquores purioris fluminis.
Unde Phœbæ cohortes signa scintillant tua,
Te vocat ducem patremque coetus omnis Palladis,
Et tuo ductu petessit militare jugiter.
Te senes omnes verendi te canunt juvenculi
Et cothurnatum choragum, classicorum principem,
Ac suum decus perenne gloriam nominant.
Te scholæ plorant Latinæ, lachrymant Græcicæ,
Non secus quam virgo destituta sponso nubilis,
Aut ubi amiserit fortem milites boni ducem.
Non tamen tam flent Erasmus quam suorum tem-
porum

In-

IN LAVDEM ERASMI.

Ingemunt malignitatem, qua suus nec literis
Est honor, viris nec ulla digna doctis præmia.
Nanque tu jam plenus annis demigras feliciter,
Inclytum mundo relinquis nomen & famam tui;
Alta scandis astra folis ante tempus asseclis.
Non nocet livor, sed extra fulgis invidentiæ
Aleam, rideſque vana, deſpiciſque ſpicula
Hoſtium, ſed te dolenter candidi deſiderant.
Mœret alta Roma, tantum morte ſublato virum
Graja plorat, & Latina, natioque Gallica,
Maxime, ſed Belga luget, maxime Germania,
Luget Hiſpanus, Britannus, Scotus, & Danus ferox,
Rhenus, Iſter, & Moſella, Lyſa, Scaldiſ, Sequana,
Clitis, Obris, & Viſurgis, Humbrus, Albiſ, Matrona.
Omne regnum civitaſque Chriſtiani nominis,
Portus, ora, cardo, tractus, limes & toparchia,
Sed magis natale cunctis Roterodamum ſolum.
Omnis ætas, ſexuſ, ordo, coetus imprimis ſacer,
Papa, reges, & monarchæ, cum poëtarum choro,
Et ſacraſ quicunque Muſas corde fido diligunt,
Diligunt omnes amantque liberales literas,
Sana quæis mens atque pectus, recta quæis ſententia,
Qui nec unquam veritati præferunt mendacium.
Funerant triftes Eraſmum, qui tamen ſemper fui
Hoc habent pii doloris optimum ſolatum,
Mille detur perfruiſci quod libris Eraſmicis.
Haud ſecus quam quæ maritum fida conjunx extulit,
Atque Bætica luget, prole ſed pulcherrima
Funebrem lenit dolorem, mœſta corda recreat,
In libris ſales, leporque, mens, imago, ſpiritus,
Schema, nervi, lima, ſilum, lux, Eraſmi cernitur,
Cernitur cor, lingua, pectus, vita, vultus, ſanctitas.
Vivit ergo, vivit omni ſeculorum tempore
Nobilis virtus Eraſmi, vivit eruditio,
Orbe toto ſparſa, cunctis Chriſtianis utilis.
Paulus hæc: ô Chriſte nobis qui faves benignius,
Suſcita plures Eraſmos, mitte tales ſpiritus,
Qui canant Eraſmiana plura nobis carmina.
Chriſte fata poſt ſuprema, poſt peracta ſtamina,
Pande cœli templa nobis, celſa pande limina,
Atque læta da perennis gloriæ conſortia.

E J V S D E M

De obitu Eraſmi

M O N O D I A.

Luge Calliope decora virgo,
Et triftes cane nœnias Thalia,
Dic cantus elegosque luſtuosos,
Deſunctus tuus alter eſt Apollo:
Eheu nobilis eſt ſepultus Orpheus:
Vates inclytus & pius ſacerdos.
Luge Eccleſia quæ cupis redire
Ad primordia priſtini decoris:
Omnes Pallados expoliti alumni
In pullo lachryment nigroque amictu,
Et plorent velut orphanæ relictæ:
Quem nunc invenient ducem Camœnæ?
Ecquod præſidium tibi fidele?
Eheu occubuit chori magiſter,
Jam noſtri Cicero migravit ævi,
Nec poſſum ſine lachrymis referre:
Quæ chartatæ maculant ſuis lituris,
Quem nunc invenient ſacri poëtæ
Patronum? cecidit choragus artiſ.
Quis nunc Mercurialibus favebit?
Quæ ſolatia, quæve ſpes? Eraſmus
Æternum decus occidit Minervæ:
Quis terget mihi lachrymas acerbæ?
Heu quis triftia recreabit ora?
Extinxit Libitina lumen orbis,
Quis nunc ſol tenebras fugabit atræſ?

Extinxit Libitina ſyduſ orbis,
O mors ſæva nimis viris diſertis.
O Parcæ nimis invidiæ poëtis.
Quis tantum mihi leniet dolorem?
Quis lamenta mihi graveſque planctus?
Quis ſiſtet gemitus, levetque ſletus?
Quæ nunc muſica, quæ fides, lyræve?
Poſtquam Pieridum novem Sororum
Immortale decus jacet ſepultum:
Extinctum eſt Latiae decus Palæſtræ,
Quis certamine fortiore pellet
Victor barbaricas pugil catervas?
Poſtquam conticuit novus Camillus,
Linguarum coryphæus emigravit,
Mellitus citharœduſ ille Eraſmus,
Omnis criticus elocutionis.
Noſter Mæonides, ſacerque Flaccuſ,
Conſolatio, gaudium, voluptas,
Dulciſ gratia, mellis & medulla,
Fandi formula, floſ amœnitatiſ,
Rerum copia, ſonſ vocabulorum,
Vatum gloria, Rhetorumque ſplendor,
Cœleſtiſ ſapientiæ lucerna,
Legiſ Chriſti doſ unicus Lyriſteſ
Et princeps ſtudiſ elegantioriſ,
Inſtaurator honoſque literarum,
Vitæ ſemita, pulchritudo morum,
Virtutum ſchola, laus & omniſ ævi,
Theſauruſ probitatiſ ac decoriſ,
Præſignis quoque gemma caſtitatiſ,
Lex & norma piæ erudiſioniſ,
Suaviſ regula paginæ ſacratæ,
Lux quæ promicat omnibuſ diebuſ,
Cunctarum ſator artium bonarum.
Quis tantum mihi leniet dolorem?
Mecum melliflui ſcant amici,
Decantentque Monodiam ſodaleſ,
Quoſ tutelæ fovet ſacræ Minervæ:
Ploret Pourtiuſ, Hantſamūſque charuſ,
Laurinuſ vetuſ hoſpeſ alti Eraſmi
Inſignis Comēſ, atque papa Hypranuſ,
Edingūſ, Spetebrodioſ, Meganguſ,
Vateſ Lacteuſ, Inſuleniſ urbiſ,
Bergani Curiuſ Chori magiſter,
Et Schonoviuſ integer ſacerdoſ,
Lybbuſ candiduſ Hantſami ſodalis,
Cornuſenuſ in urbe Caſſilana,
Levinuſ Cruciuſ, Revelliuſque,
Alopeciuſ in Stevertiaco,
Fratreſ Eucharii jugum venuſtuſ,
Et portuſ Leoperduſ in novello,
Et Laurentiuſ atque Meninorum
Papa, & Beciuſ in Viroviaco,
Nec non Zouteroſ quem colit Popringa,
Et Baſconiuſ arva qui benigni
Gaudet pulchra mei videre patriſ,
Cum multiſ aliis ſciis probiſque,
Quoſ longum foret hæc citare charta,
Nobiſcum eximium ſcant Eraſmuſ.
Sed tu Meyere, quem creavit illud
Pulchrum Ballioluſ, modum dolori
Funesto ſtatue, & tuiſ quereliſ,
Atram pone chelym, & precare Chriſtuſ
Jungat cœlicolūm choriſ Eraſmuſ.
Cujus chare Deuſ ſuprema vox eſt.

JOANNIS MORELLI,

Ebrudunenſiſ.

Ingenio quiſquam ſi vivit, vivit, Eraſme;
Scripta manent ulla non peritura die.
Nam tua vel primæ relegent qui ſola juventæ,
Dicere cogentur, Magnuſ Eraſmuſ erat.

*** ** 3

Glo.

E P I T A P H I A

Gloria sit quamvis multorum tacta sagittis,
Non tamen à quoquam gloria læsa tua.
Promptius hanc fuerit linguis lacerare malignis,
Æquo virtutes quam superare pede.
Jam tua convellant dictis, laudentve, quid inde?
Stant merita, & virtus, gratia, lausque tamen.

EJVSDEM.

Corpus humo, superis animam, dat nomen in ævum
Lex, pietas, virtus, Roterodame, tua.

FRIDERICI NAVSEAE,

*Invisibilissimi Ferdinandi Caesaris, &c. à Conciliis,
in Magnum*

ERASMV M ROTERODAMVM,

nuper vita functum,

MONODIA.

Quod ingeniosus quondam Poeta tam ex protritito
quam ex veridico vulgi verbo graviter hoc disticho monuit, inquit,

Immodicu brevis est atas, & rara senectus,

Quicquid amas, cupias non complacuisse nimis.

Hoc nos ipsum jam demum, Lectores & Auditores, qui Christo nomina dedistis, universi, non absque summo animi nostri mœrore in magno illo laudatæ felicisque memoriæ Desiderio Erasmo Roterodamo, splendidissimo Ecclesiæ Catholicæ Ornamento, plusquam verum esse comperimus. Etsi enim illum ipsum magnum Erasmus Roterodamum, rectorem præceptorum nostrum longe desideratissimum, propter incomparabiles ipsius virtutes, & dotes omnino divinas & usque ad miraculum suspiciendas, non modo religiose propemodum ab incuncto quidem ætate dilexerimus, sed & supra quam dici potest ardentius amaverimus & coluerimus, novissimis tamen & iisce quidem diebus paulo superioribus eundem non impatienter solum, verum etiam misere deperire nobis ipsis visi sumus: ut qui absentes & longo nimirum locorum intervallo divisi, sic universis in ipsum absentem viribus præveræ charitatis impotentia rapiebamur, ut sine eo & absque de ipso cogitatu memoratuque nec meditabamur, nec dictitabamus, nec scribebamus, nec lucubrabamus, nec manducabamus, nec bibebamus, nec vigilabamus, nec dormiebamus, nec ita denique sine illo quicquam faciebamus, ut præsto semper esset Erasmus quicquid ageremus, ludebat ante oculos nostros imago Erasmi, ibat, redibatque frequenter. Quinimo simulachrum atque ipsius umbra Erasmi visa nobis

Ante oculos, & nota major imago

Atqui nos toties lachrymantes, dira valentes

Dicere, deservis, teneis que recessit in auris.

Ter conabamur collo dare brachia circum,

Ter frustra compressa manus effugit imago,

Par levibus ventis, volucrisque simillima somno.

Quid multa? totus animus in unius Erasmi contemplatione defigebatur, Erasmus cogitabamus, Erasmus videbamus, Erasmus jam vanis imaginibus, recentibus tamen, audiebamus, adloquebamur & tenebamus. Nec interim præ nimio in illum amore cessabamus, undecunque veniebant, plerisque omnes in hæc verba rogare, de Erasmo & de ejus statu, Vivit adhuc Erasmus? Valet ne Erasmus? Quid agit Erasmus? Nunquid ex sua nobis Africa novi quid afferret ille propediem? & in hunc sane modum perquam plurima passim sciscitabamur.

Sed quid istuc? Certe non aliud quam præsagium mortis ipsius haud multo post futuræ certissimum, utpote quod citra dubium præsagiebat, illum ipsum magnum & unicum nostrum Erasmus, quem satis

immodice diligebamus, imo deperibamus, quibus etiam (proh dolor) nimis placebat, paucis post diebus à nobis alio demigraturum, valeque ultimum huic seculo dicturum, foreque ætatem illi adhuc omnino brevem & senectam prorsus raram, nosque certo in parietem caducum inclinatos, quod ætas ipsius & adversa valetudo non videretur tantis laboribus & rerum motibus suffectura. Coepit autem (heu dolor) hoc nostrum de magno Erasmo nostro præsagium non secus atque de natura gratiaque patre charissimo tam verum fieri, quam fuit olim coeptum fieri verum Israelis de Josepho filio præsagium. Tradunt quidem sacrosanctæ Litteræ, quod quum esset ille jam senio confectus, & plurium filiorum pater, de nullius tamen ætate fuisse sollicitum, atque de Josephi vita & incolumitate, quippe quem unum illum intueri, unum penes se habere, nec expleri mentem tuendo, nec temere procul ablegare solitus fuerit: indubitato nimirum mentis præsagio, futurum ut is omnium unus aliquando maximo foret patri desiderio, qui præsens patrium explere non posset affectum. Nec usque adeo defuit eventus præsagio, ut quum filius ipse Joseph, quem pater plane deperibat, aliquot post annos à fratribus ex invidia venundatus esset, ac in Ægyptum ductus, illum pater, hujusce rei nescius, credens aut amissum, aut mortuum, multis annis acerbissime luxerit, inter cætera, quum videret illius vestem sanguinolentam à fratribus commonstratam, ejulando dicens, *Fera pessima devoravit filium meum Joseph: Descendam ad filium meum lugens in infernum*, &c. nec prius diuturnum luctum absterferit, quam ex-insperato repertus est.

Atque utinam nostrum tam mire nobis potuisset esse de Erasmo præsagium, ut videlicet ipsum desideratissimum (diis superis benevolentibus) pro desiderio nostro vivum reperire in terra possemus, ituri non solum post eum in Ægyptum, vel quamlibet longe distantem, sed & ultra Sauromatas & glaciale Oceanum, aut si quid est hoc remotius: verum (ah dolor) multo durius cessit de ipso præsagium, quandoquidem deserit ille, non sine totius Christiani orbis jactura, in humanis esse, fatis & naturæ cedens, scilicet hoc ipsum nuper etiamnum Solis Eclipsi dubio procul portendente, quia propediem moriturus esset, qui sine controversia suis divinis virtutibus & doctrinis non aliter hætenus, atque Sol suis splendidissimis radiis, universum mundum illustrasset, & ad Solem justitiæ reduxisset.

Id quod an verum sit, idemque magnus olim noster ERASMUS præstiterit, paucis subinde docebimus, initio flagitantes, ut attenti sitis, animisque vestris verba nostra diligenter excipiat.

JAM vero non est, ut justam à nobis longamque orationem expectetis in vere illum desideratissimum Desiderium memoriæ felicis ERASMV M ROTERODAMVM, qui modis omnibus & ad omnia talis ac tantus, dum viveret, fuit, ut Orationem ipso dignam, nisi qui fuerit ipsius similis (similem autem vel ex parte saltem quis inveniet?) habere non possit, aut si quis alius pro eo dicturus est, haud secus sit commissurus, atque si quis olim alius Alexandrum quam Apelles depinxisset, alius quam Lysippus ex ære duxisset, alius quam Pyrgoteles sculpsisset.

Lactantius ille Firmianus, sic secundum aliquos eloquentia Ciceroni disertissimo prope accedens ut à multis Cicero Christianus appellari soleat, quum Christianæ religioni pratrocinator esset adversus Ethnicos, cum primis optabat sibi dari eloquentiam Tullianæ proximam, nempe quo posset abunde dicendo præstare, quod acturus erat. Ipse magnus Erasmus noster, adhortaturus olim (in *Paraclesi*) ad sanctissimum Christianæ philosophiæ studium, vehementer sibi optabat eloquentiam,

ac-

IN LAVDEM ERASMI.

nescimus cujus vel Mercurii, vel Amphionis, vel Socratis, vel Periclis, vel alterius cuiuspiam efficaciter eloquentis dicendi virtutem, quo præstaturus ex voto esset, quod ex animo satageret. Nos sane nullius sigillatim, quippe nec Firmiani, nec Ciceronis, nec Mercurii, nec Periclis, sed ejus unius magni duntaxat Erasmi disertam eloquentiam cuperemus, de ipsius admirandis virtutibus & earum meritissimis laudibus pro dignitate verba habituri. Siquidem non dubitaverimus in illo magno quondam Erasmo Roterodamo fuisse, quicquid unquam vel in Pericle facundæ vehementiæ, vel in Tullio disertæ facultatis eloquentiæ fuit, quantumvis ille fando fulgurare & tonitrua ciere dictus fuerit, hujus vero nomen pro eloquentia in ora hominum abierit. Quo fit, ut vix existimemus esse, qui digne possit magni illius Erasmi Roterodami virtutes, dotes & laudes incomparabiles enarrare, præter ipsum unicum Erasmus, vel qui foret illi facultate dicendi proximus. Erasmus enim ille solus nostra, patrumque memoria non falso creditus est habere Mercurium in ore, Genium in præcordiis, Palladem in capite, velut Jovem quondam illum habuisse perhibent.

Quales quia usque adeo non sumus, ut ne minimam nos partem doctrinæ & eloquentiæ Erasmiæ consequutos ingenue fateamur, haud sane est, ut pro ipso nuper vita functo etiam ex vetustissimo eodemque solenni more in præsentia dicturi sumus, quamquam multis alioqui nominibus hanc illi provinciam præ cæteris omnino debere videamur, quum quod nobis illius sit vita vivendique ratio, hoc quam cæteris notior, quo secretior utriusque, dum viveret is adhuc, eademque mutua fuerit consuetudo: nempe qui cum aliquantisper propius convixerimus, quum anno superiore post Christum natum M. D. XXV. non inhonorifica fungeremur apud eum pro sacrosancta fide, religioneque nostra Christiana, legatione. Cujus penes nos testimonii nulla exceptione minoris loco pignus est & *παράσημον*, usque adeo nobis haud contemnendum, ut id ipsum cum universis Attali gazis minime simus ex affectione commutaturi. Quod sane pignus haud obscure testatum facit, quid, quantumque nos Erasmo debeamus: tum quoque & hanc illi provinciam dicendi debere præ cæteris videamur ob prorsus singularem ipsius in nos, dum in humanis adhuc viveret, dilectionem & charitatem minime vulgarem, quam præter alias satis evidenter in suis ad nos literis arguit, in quibus nos titulis charitatem summam præ se ferentibus appellare solitus erat, charissimum, amantissimum, optimum suum Nauseam. Quibus utique in scriptionibus quid posset esse vel amicus, vel amantius, & quidem in nos longe verius, quam si nos aut doctissimos, aut excellentissimos compellasset. Quam sane erga nos dilectionem videmur hoc solo eodemque extremo pietatis officio non secus atque gratitudinem quadam, aliqua ex parte saltem, nos compensare posse, quum nequeamus aliud præsertim quod possit à nobis in præsentia majore cum fide, minoreque apud obtrectatores Amusos suspitione fieri.

Est enim (quod nuper in funebri pro Serenissima Maria, gloriosæ memoriæ Regina Angliæ, Oratione diximus) humanæ gentes multos honores multis, maxime vita functis, diversas ob causas tribuere soleant, nihil tamen est à gratia, à formidine, ab adfestatione, & ab id genus sinistra suspitione alienius, nec ad colendam defuncti memoriam vel efficacius, vel aptius, quam humanæ mentis adfectus, qui vel solus liber est, nec ab ullo cogendus, maxime, quia quod defuncto datur mera sit pietas, merus amor & antea vitæ testimonium, quod nesciamus an possit ab ullo quam à nobis ferri certius & verius, quum, uti diximus, vix ulli sua notior sit domus, quam nobis Erasmi vivendi ratio. Nec tamen est ut in præsentia

solenni Oratione quadam de ipsius laudatissimis, & incomparabilibus moribus, virtutibus, & dotibus sigillatim dicere quoquo modo tentemus, quod tam fieri nequit, quam si quis ex Marone,

Scire velit, Libyci velis aquoris idem

Discere quam multa zephyro turbentur arena:

Aut ubi navigis violentior incidit Eurus

Nosse quot Ionii veniant ad littora fluctus.

Quæ enim (obsecramus) tanta possit existere ubertas ingenii? quæ tanta dicendi vis & copia, quod tam divinum atque incredibile genus orationis? quo quispiam possit, non dicimus orando complecti, sed per censere numerando virtutes, dotes, & disciplinas, quibus ipse ille magnus noster Erasmus etiam eos, qui maximi habentur, non solum æquavit, sed & (sine tamen illorum nominis obscuratione) plurimum superavit, ut quæ tam sunt numero multæ, tamque magnitudine stupendæ, ut de iis multo sit etiam satius in præsentia silere, quam pauca dicere, nempe quæ magis historiæ perpetuitatem, quam orationis compendium exigant, in quibus recensendis omnes Oratores, & Historici tam cogitando quam scribendo defatigarentur. Nobis certe non tantum est ingenii, non mentis, non spiritus, non virium, qui quanto magis in divini hujus viri laudes concelebrandas animum intendimus, eo nobis res ipsa sese sublimiorem difficilioremque offert; neque vero cuiquam possibile putamus, etiam omnes id molirentur, omnes attingere laudes ejus, qui non nostra solum ætate, sed omnium temporum posteritate memorabilis est; quippe quo nulla ætas nec facile tulit, nec feret majorem, nec omnino facile parem, utpote in cujus vita usque adeo omnia fuerint amplissima, excellentissima & eminentissima, ut nihil putemus ita de magno nostro ERASMO ROTERODAMO dici, quodæque de alio dici posse videatur. In cujus denique virtutibus ea abundarunt exempla, quæ sequi cupiat ventura posteritas, & si ipsa rerum natura pateretur, ascribi voluisset sibi veneranda antiquitas. Nec est, ut nobis hac de re solis obstringatur à quopiam fides, qui fidem facere testimoniis & argumentis omni exceptione majoribus haud quaquam gravabimur.

In primis vero quum juxta Rhetorum placita Oratorumque decreta non parum in demonstrativo dicendi genere laudis ei nascatur, qui prognatus est à laudatis parentibus, adeoque à laudata patria procreatus, haud aberit fortassis hac parte paucis, & quidem veluti per transennam, meminisse patriæ progenitorumque Erasmi Roterodami, quanvis ipse vivens adhuc, verus Theologus & homo dei verus, nihil sibi laudis ad id genus laudibus alienis ambire solitus fuerit ob rationem, quam paulo post edemus.

Tametsi autem propter & amabiles & prorsus eximias Erasmi virtutes, & ob ipsius incomparabiles animi dotes, Germani & Galli, duæ præter alias toto terrarum orbe gentes facile laudatissimæ, ita jam pridem non secus decertaverunt utrius esset Erasmus, atque septem Græciæ quondam urbes de patria Homeri, nec aliter ob divum Martinum Hungari, Galli & Itali, cujatis ille esset, depugnaverint, ut coeperit à multis appellari cum Germano Gallus, tum Gallo Germanus, nos tamen seposita sub iudice lite non dubitamus ipsum magnum nostrum Erasmus sine controversia patriam habere Germaniam, omnium longe nobilissimam, & ejus quidem illum in ea fuisse nationis & provinciæ & civitatis, (cui Roterodamiæ nomen) quæ cæteris Germaniæ provinciis & insulis haud dubie non uno solum, sed multiplici nomine, & ita quidem longe præstat, ut quod de Roma quondam Virgilius dixit, vere possit etiamnum dici de Erasmi patriæ, sub his sane carminibus,

*Verum hæc tantum alias inter caput extulit urbes,
Quantum lenta solent inter viburnæ cupressi.*

Et

E P I T A P H I A

Et quæ est Erasmo patria? Nimirum Hollandia, quam Bataviam Veteres appellavere. Cujus olim gens non bello tantum valida fuit & celebris, sed & pace & morum simplicitate & sinceritate sic commendata, ut ejus nomen apud Epigrammatarium in adagion abierit, quo Auris Batava pro aure agresti, ineleganti, severa, tetricaque usurpari consuevit: apud optimos quoque non obscure significans, ipsos Batavos, seu mavis Hollandos, plurimum habuisse cum integris illis Lacedæmonis, cum priscis illis Sabinis, & cum laudatissimis illis Catonibus adfinitatis. Atque sane si vel in hodiernam diem mores Hollandorum domesticos spectemus, vix aliam gentem inveniemus ad humanitatem, ad benignitatemque, propensiolem, nec erudita pietate & pia eruditione spectatorem, nec serpentina prudentia providentiolem, nec columbina simplicitate laudatorem, nec ab insidiis & fucis alieniolem, remotiolemque. Cujus utique de illa rarissimæ laudis unus in seipso poterat esse testis, & archetypus infallibilis, Erasmus noster Roterodamus, qui tam erat (expertus loquimur) cum singulari prudentia simplex ac sincerus, ut etiam si quid voluisset inter amicos simulare, vel dissimulare, serio non potuisset, repugnante videlicet natura, tam promptus & alacer ad bene de omnibus merendum, ut etiam aliquoties indignis suam opem non negaret, liberalis in omnes, & maxime in bonarum literarum probe studiosos, & in eos domesticos, quibus erat domi res angusta & curta suppellex. Fide vero tam candida fuit & incorrupta, ut in neminem poterat magis congruere illud, Dignus quicum in tenebris mices, atque ut ipse fraudem nemini machinabatur, ita de nullo tale quicquam suspicari poterat, etsi non raro delusus, quemadmodum ipse quoque in suis passim epistolis tam vere quam pie conqueritur. Quid multis? Tam profecto candidus omni ex parte, tamque sincerus erat Erasmus noster, ut poeta* longe rectius de ipso quam de Deciano scripsisse videri queat.

*Si quis erit raros inter numerandus amicos;
Quales prisca fides, famaque novis avos:
Si quæ Cæcopia madidus, Latiaque Minerva
Artibus, & vera simplicitate bonum:
Si quis erit recti custos, imitator honesti,
Et nihil arcano qui roget ore deos:
Si quis erit magna subnixum robore mentis,
Differeam, si non hic vel Erasmus erit.*

De præstantia vero parentum progenitorumque magni Erasmi Roterodami, quid attinet plura dicere? quos satis abunde constat ita fuisse generosos, quia tam generosi nobis ediderunt prolem, ut cum maximo vate† ad ipsum Erasmus merito cogamur exclamare,

*— o qua te tam lata tulerunt
Secula? qui tanti talem genuere parentes?*

Non possumus etenim non illius genitores fuisse probatissimos & præstantissimos judicare, quod tam probum, tam sanctum, tamque undecunque præstantem filium genuerint & educaverint, quum veritas ipsa ejusmodi judicium tam manifesto comprobaverit, adserens arborem ex fructu cognoscendam, & eam esse arborem oportere bonam, quæ fructum gignit bonum. Quæ & propterea vocem mulieris, Spiritu Sancto actæ, & de turba proclamantis, *Beatus venter, qui te portavit, & ubera, quæ suxisti*, non renuit, sed ejus prædicationem perfecit, inquiens, *Quinimo*. Atque nimirum tales hic tanti filii fuerunt Erasmi parentes, ut si ipsi per se minime clari extitissent, ipsi tamen tanti filii præstantia cæteros antecellere meritis longe potuissent. In quorum laudibus vel proinde non immoremur, ne peccare videamur in ipsum Erasmus, qui non ex Majoribus, sed ex sese ac propria virtute nobilitatem (quæ vera nobilitas est) sumendam duxit, quippe turpissimum censens, ut suum homo decus & ornatum

extrinsecus ab aliis quæreret ac mutuaretur, quum bruta etiam animalia non aliunde quam ex seipsis probari soleant. Quid enim ad nos majorum virtutes ac bona, si nos ignavi fuerimus ac socordes? Id quod inter cætera, quæ suo loco requirenda sunt, ipse Satyricus* in eum, qui gloriatur in majorum suorum nobilitate, quam ipse, quia vitiosus, sit ignobilis, invehens, satis aperte versibus subsequenter arguit,

*Stemmata quid faciunt? quid prodest, Pontice, longo
Sanguine censeris? pictosque ostendere vulnus
Majorum? & stantes in curribus Æmilianos?
Si coram Lepidis male vivitur, &c.
Tota licet veteres exornent undique cæra
Atria, nobilitas sola est atque unica virtus.
Prima mihi debes animi bona: sanctus haberi,
Justitiaque tenax fastus, dictisque mereris.
Plance, tumes alto Draconum sanguine, tanquam
Feceris ipse aliquid, propter quod nobilis esses.
Dic mihi, Teucrorum proles, animalia muta
Quis generosa putet nisi fortia? &c.
Malo pater tibi sit Thersites, dummodo tu sis
Æacida similis, Vulcaniaque arma capebas,
Quam te Thersita similem producat Achilles.
Et tamen ut longe repetas, longeque revolvas
Nomen, ab infami gentem deducis æfalo.
Majorum primus quisquis fuit ille tuorum,
Aut pastor fuis, aut illud, quod dicere nolo.*

Nonne igitur summa nostri Erasmi laus est & gloria suorum parentum maxima, quod ipse summa cum laude suis majoribus ita virtute præluxerit, ut hac etiamnum causâ videri possit haud minor vel Tullio Hostilio, vel Tarquinio Prisco, vel Tullio Servio, vel Varrone, vel Demosthene, vel Cicerone, vel id genus, utcumque regibus, qui perobsuro nati loco, clarissimi suis aliquando virtutibus evaserunt, atque ob id vulgo novi homines adpellati. Quid? quum rem paulo diligentius nobiscum disputabimus, certo cognoscemus ipsum Erasmus Roterodamum usque adeo nihil à suis progenitoribus degenerasse, ut etiam quamlibet præstantes non modo suis virtutibus superaverit, sed & earum eximio splendore non aliter propemodum (sine tamen illorum dedecore) obfuscaverit, atque summus ille quondam sacerdos & rex Salem Melchisedech, qui pene non ex dissimili conjectura dictus est neque patrem, neque matrem, neque genealogiam habere. An (obsecramus) vulgaris hæc illa sit Erasmi laus & gloria? Minime, sed omnium facile rarissima, nimirum sole clarius arguens Erasmus sic virtute laudatum, adeoque fuisse illum inculpatæ vitæ, ut is juxta proverbium, etiam cum veritate potuisset τὸ μᾶλλον ἀπέχου, qui tamen in Venere, quod reprehenderet, invenit. Ad cujus summæ testimonium laudis accedit & hoc argumentum æque validum, quod Erasmus ipse noster ad ineffabilem suam eruditionem, mirabilem morum attulerit innocentiam, divinamque sapientiam cum pari eademque stupenda eloquentia conjunxerit, ut qui non modo vitam ab omni dedecore longe lateque conservaverit, verum etiam famam, quæ dudum de ipso nusquam non terrarum celeberrima percrebuerat, nulla unquam finistri rumoris labe cula adsperserit, cum in illud alioqui genus viri omnino rari extiterint, quorum virtutes & disciplinæ non aliquo vitiorum confinio læsæ fuissent. Fuit olim Socrates Apollinis judicio sapientissimus omnium, sed idem de iracundia & libidine nefanda non immunis. Plato tam à nostris etiam commendatus, ut divinus ab eis nuncupari soleat, sed idem de simili libidine, de gula, deque adulatione plurimum notatus est. Aristoteles (quod satis constat) ab omnibus est philosophorum princeps habitus, sed qui pariformiter de libidine, de adulatione, deque avaritia taxatus à non parum multis. Silco interim Speusippum, Zenonem, Ana-

* Martialis lib. 1. epigr. 21. † Virgilius lib. 1. Æneid. v. 610.

* Juvénalis sat. vii. ab initio.

IN LAUDE ERASMI.

Anaxagoram, Aristippum, Demosthenem, Ciceronem, Virgilium, idque genus alios, qui non tam probi quam docti fuere: sed quorum virtutes & scientiæ vitiorum adfinitate pessum prorsus iverunt. De quorum numero conditioneque tam fuit alienus noster Erasmus, quam fuerit ipsius religio ab istorum superstitione remota: nimirum cui tanta omnium virtutum concordia, tantus omnium laudum concentus omnique gloriæ contigerit, ut nihil severitati ejus hilaritati, nihil gravitati simplicitate, nihil majestati humanitate, detractum fuerit unquam. Cujus etiam Deus Maximus naturæ conditor adeoque per ipsum naturam obcurum in ipsius etiam corporis Erasmi lineamenti typum reliquerat, utpote cui natura eam dederat staturæ mediocritatem, ut hoc de ipso Erasmo Statii non immerito dici poterat,

Majorem in exiguo regnabat corpore virtus.

Eam præterea dederat virilem venustatem, ut de eodem dici poterat hoc Maronis,

Gratior est pulchro veniens à corpore virtus.

Ea enim iusta illi sine aliquo vitio statura erat, is in corpore habitus, is honor capitis & dignitas oris cum mira quadam majestate conjuncta, ut putasses non de Ænea, sed de Erasmo scripsisse Virgilium, sic canentem,

*Os, humerosque Deosimilis: namque ipsa decoram
Cæsariem nato genitrix, lumenque juvenia
Purpureum, & letos oculis adflarat honores:
Quale manus addunt ebori decus, aut ubi flavo
Argentum, Parisvulapris circumdatur auro.*

Id verum esse testari potest quicumque propius illi cum judicio loquutus est. Nec enim hæcenus audivimus, quem cum Erasmo loquentem, non illico prima frontis ipsius, & oculorum, & cujusdam Herois majestas non aliquo modo conterruisset. Quæ præterea sic singulari quodam modo Erasmus temperaverat artifex optima philosophia, ut ejus esset moribus neque gravius, neque integrius, neque suavius. Nec arbitramur potuisse quemquam tam esse ab omni sensu communi alienum, quem non illius humanitas admirabilis & gravitas, cum comitate pulcherrima condita, demiratione quadam cepisset, quique non magis ac magis Erasmus videre & exoculari cum iactura etiam aliqua desiderasset. Quod & ipsius non potuit non esse virtutis & laudis argumentum minime contemnendum. Si enim divus ille, atque idem vere barbatus, Hieronymus, vel hac una ratione Titum Livium non illaudatum, nec ei fuisse virtutis testimonium minimum censeat, quod ad eum, de ultimis Hispaniæ Galliarumque finibus, Romam nonnulli nobiles venerint, ut coram viderent, quem ex libris, quos conscripserat ille, noverant: & quos ad contemplationem sui Roma non traxerit, unius hominis forma perduxerit. Quam Erasmus nostrum Roterodamum majus censemus & laudis amplioris quam T. Livium, quantumvis lacteo eloquentiæ fonte manantem, testimonium habuisse, quod ad ipsum non solum ex Hispaniis & Galliis, sed & ab ultimis totius orbis terræ finibus & Basileam, & Friburgum, & ad reliqua loca, ubi is pro tempore morari contigit, nec aliquot solum nobiles venerint, verum etiam summi totius orbis Monarchæ, nimirum Pontifices, Imperatores, Reges, Cardinales, Episcopi, Archiepiscopi, Duces, Reguli, Barones, & innumeri prope modum id genus Principes, Proceres, Magnates & Satriæ variae professionis, qui plerique omnes, aut per seipsos coram, si quoquo modo commode potuerunt, aut per excellentes Oratores ad eum non modo venerunt, sed & ipsum religiose propemodum salutarunt, nec solum salutarunt, sed & uti regem quempiam maximum ita sane muneribus amplissimis venerati sunt, ut illum isti sine controversia in omni virtutum disciplinarumque genere doctissimis quibusque longe

præstulerint, nempe rati ætatem, quam agerent, vitam, quam spirarent, se lucrificasse, quod illum Erasmus, illud illud numen vidissent, quo doctiorem nulla ætas habuisset, nec qui ipsum divinis humanisque doctrinis, & admirabili eloquentia, præiisset, imo quem non secus haberent atque semideum de coelo lapsum, non in terra natum. Cujus insuper illi doctrinarum studiis plus exhibuerunt honoris & decoris quam vel à Syracusanis Euripidi poetæ, vel à Dionysio tyranno Platoni, vel ab Alexandro Pindaro, vel à Cn. Pompejo Magno liberalium artium Rhodi Professoribus, vel à Ptolomæo septuaginta Senibus Bibliæ historiæ scientissimis, vel ab illo unquam mortalium ulli mortalium est exhibitum.

Nec immerito quidem, quoniam illi ipsum suo de eo judicio minime falsi tantum noverant ex ejus libris plus quam piis & eruditis, quantum noverant alium plane neminem. In cujus sane scriptis non est ejus minimam laudis, virtutis, vitæque partem nosse, quum non possit ex abundantia cordis lingua non loqui. Si enim spectemus illius librorum multitudinem, non falso dixerimus ipsum multo præstare, non tantum Varroni, qui tamen, Fabio teste, omnia pene tradidisse fertur, sed & magno illi Theologo Origeni, cujus tamen sena millia librorum legisse se D. Hieronymus scribit, vir vel majore fide dignus. Nec enim dubitaverimus Erasmus plura scripsisse quam quispiam ex aliquot eruditioribus unquam legerit, qui vel unus ingenii felicitate Bibliothecam unam, quamvis ingentem, potuit implere, quum aliorum studia Bibliothecas ac per partes compleverint. Hujus rei testis esse poterit multo locupletissimus illius librorum Catalogus, pridem editus, cui tamen interea non parum multi alii libri accesserunt. Siquidem Erasmus ille noster tam habuerit extremam ætatem parem susceptis laboribus, viribus, judicio, memoriæ, ut illi numerus annorum non solum nihil abstulerit, sed etiam auctoritatem multo majorem pepererit: unde factum, ut non minus operose septuagenarius vel ætate multo etiam provectior exercuerit literarum, imprimisque divinarum, studia, quam juvenis mediæ ætate fecit: nihil hoc quidem casu cedens nec Isocrati, quantumvis ipse quarto & nonagesimo anno vitæ librum ediderit, quem Panathenæum inscripsit, nec Gorgiæ Leontino, quamvis & ipse centum & septem annis proximus ab opere studioque nihil ne cessaverit.

Si deinde varietatem rerum, de quibus Erasmus ipse plus quam copiose & digne scripsit, consideraverimus, indubie nullus ad eum fuerit Cornel. Celsus, etsi ipse non solum de omnibus ferme artibus scripsisset, verum etiam sic amplius rei militaris, & rusticæ quoque & medicinæ præcepta reliquisset tradatur, ut eum illa scisse omnia voluerint. Quæ enim Philosophiæ pars est, aut cujus rei facultas, in qua non ita versatus sit, & de qua non ita feliciter & absolute scripserit Erasmus, ut in ea sola versatus esse & scripsisse videri queat, & ita quidem videri, ut omnes in eodem quoque scribendi argumento multum longo post se intervallo reliquerit: quippe, volens nolens aliorum scripta nobis obfusans, insipidaque reddens.

Postremo si rectitudinem, sique veritatem eorum, quæ scripsit & edidit, spectemus, non minorem oportet illum fateamur Basilio, quem tam vita quam doctrina sancta cognomine magni præinsignivit, etsi ille tantæ, apud Græcos præsertim, auctoritatis extiterit, ut ejus scriptis nullus unquam, vel quamlibet sciolus arrogans, in aliquo contradicere ausus fuerit, ut qui inibi, Nazianzeno teste, in nullo nec verbo, nec sensu erraverit unquam. Quia enim Erasmus ille magnus olim scripturus ex animo præcul dubio juxta Solomonem precatus est, *Dei mihi Deus ex animi sententia loqui, & que dico digne cogitare*: solus pe-

Tom. I. *** **

E P I T A P H I A

ne omnium nostra, patrumque memoria tantam suis est adeptus scriptis auctoritatem & fidem, ut ejus monumenta literaria tam sint vel hodie toto terrarum orbe clara & celebria, ut nemo sit ex intelligentibus, qui vel sapere, vel de rebus divinis aliquid intelligere cupiat, quin ea sic in manibus habeat, ut manu juxta verset nocturna atque diurna. Nec mirum quidem, quando quisque adfatim illic quasi in quodam cornucopiae & promptuario materiam ad ea, quae cupit, adsumit, sive ad exercitationem Encomia faciat, sive ad consulendum, sive ad deliberandum, sive ad Hæreticis respondendum veniat. Quid ni? Quem enim existimemus esse omnino librum, seu veterum, seu recentiorum, quem ille non evolverit, non introspexerit, non imbibierit? Quinimo cui & arcana illa, quae vere pium & sanctum reddunt hominem, non fuisse vulgariter observata videmus. Dignus propterea Erasmus, ut ejus opera, nulli satis unquam mortalium laudata, vel Max. Pontifex ipse Bibliothecis omnibus haud aliter consecret, atque Tiberius olim Princeps, Parthenii, Ariani, & Euphorionis, trium videlicet insignium Poetarum carmina & imagines inter vetustia & illustria vatum nomina Bibliothecis universis religiose propemodum dicavit.

Nec id quidem quandoque futurum dubitamus apud eum, qui sua dudum sacrosancta auctoritate doctrinam Erasmi, sic modis omnibus approbavit, ut ipse merito quasi Plato quispiam esse possit ac debeat Erasmo, ceu cuidam Antimacho, instar omnium contra nonnullos, & maxime quidem, qui se titulo Ecclesiastico venditant, quum nihil minus sint quam Ecclesiastici, nimirum, non aliud quam porci, quorum Deus venter est, & plane numerus & fruges consumere, & vina perdere nati, peccata hominum in peccato comedentes, nihil nec legentes, nec intelligentes, in patina, non in pagina, diu noctuque versantes. In summa, totius publicae honestatis, omnis virtutis & doctrinae hostes impudentissimi & perniciosissimi, qui vel defunctum magnum illum & incomparabilem virum Erasmus, quo nunquam digni fuerunt, imo quem nec noverunt, nec vel scripta illius legerunt, vel nec intellexerunt, vel nec viderunt, Hæreticum & (nescimus quem) Lutheranum spurcico ore deblaterant & ogganniunt, cum scilicet Lutheranum magno cum Lutheri laudis æternæ præconio: intelligentes eum, qui, Deo jubente, detestatur & corripit ex officio ipsorum inscitiam, crapulam, bibitionem, scortationem, avaritiam, superbiam, & id genus istorum vitia ac scelera tam nefanda quam multa, quibus ipsi universum ferme orbem sic impune scandalizant, ut & inter eos, si qui sunt, boni propterea male audire cogantur.

Sed non est, ut ab istorum maliciosa obrectatione magnum illum Erasmus nostrum quoquo modo vindicare conitiamur, cum ille ipse doctissimis suis scriptis, & divinis suis virtutibus & dotibus nunquam satis admirandis, contra istos Analphabetarios, ita se potenter omni momento vindicet, ut nulla nobis videtur contra eos indigere defensione. Siquidem longe major noster sit Erasmus in omni virtutum genere, quam ut possit alicujus vituperatione minor reddi, quem inter alia complura pietatis, eruditionis & virtutis irrefragabilia testimonia, tot hominum incorruptissima judicia ab omni contemptu vindicant, quorum allos vitæ sanctimonia, alios insignis eruditio, alios fortunæ splendor, alios Ecclesiastici muneris dignitas, quosdam hæc omnia sic commendant, ut vel nos ipsi malleus ab illis cum censura humanitatis contemni, quam ab istis blateronibus laudari, quorum laudatio, quum certe sit peccatorum, usque adeo nobis esse nequit speciosa, ut nihil turpius censeamus quam ab hujusmodi malis, nulliusque bonæ frugis hominibus laudari, quippe quorum laudatio est vitu-

peratio, vicissimque vituperatio non est aliud apud optimos quosque, quam laus & gloria. Idque in primis in Erasmus ipsum vere magnum Heroem competere minus ambigimus; quem doctissimi, optimi & in suo genere maximi, quique ita laudatum testati sunt, & posthac procul dubio testaturi, ut ejus habeatur laus ac vita superior omni laude & commendatione, cujus etiam virtutibus oratio sit omnibus inferior.

Ad cujus supremam denique laudem & gloriam sine controversia plurimum facit iniqua quorundam lividorum malevolentia, & livida ipsorum obrectatio, propter quam noster nunquam satis laudatus Erasmus duas profecto res admiratione dignas, & à seipsis ex diametro distantes, plane divinitus est in terris adhuc vivens adeptus, quas vix ulli mortalium, eo quidem modo, præterquam uni invictissimo Cæsari Augusto, contigisse credimus. In primis enim expertus est ille invidiam (quæ continua virtutis est æmula, & comes veræ felicitatis, solidæque laudis individua) nisi morte non posse domari. Id quod ipse cum optimis & laudatissimis quibusque commune habuit, & in primis cum quinque maximis Heroibus, Romulo scilicet, Libero, Castore, Polluce & Hercule, de quibus ita scribit Poeta:

*Romulus, & Liber pater, & cum Castore Pollux,
Post ingentia facta, deorum in templa recepti,
Dum terras, hominumque colunt genus, aspera bella
Componunt, agros assignant, oppida condunt:
Plorare suis non respondere favorem
Speratum meritis: diram qui contudit Hydram,
Notaque fatali portenta labore subegit,
Comperit invidiam supremo sine domari.
Uris enim fulgore suo, qui praeceps arces
Infra se positas, extinctus amabitur idem.*

Deinde quod & ipse noster Erasmus eos adhuc vivens obtinuerit honores, quos cæteri, quantumlibet excellentes, vix post mortem adipiscuntur, & ante eum solus, quod sciamus, Imper. Augustus, ad quem proinde idem Poeta sic scribit:

*Præsentis tibi maturos largimur honores,
Jurandasque tuum per nomen ponimus aras.*

Agite igitur, agite o reges, o principes, o proceres, o plebeji, & o denique vos cæteri plerique omnes, qui Christiano nomine censemini, qui non sine summa, eademque sempiterna, laude vestra magnum illum ERASMVVM vestrum, pridem in terris adhuc agentem, modis quibus oportuit omnibus honorastis & amastis, eundem quoque nunc in cœlis dubio procul viventem honorate & diligite: nec gravemini, nec dedignemini vos esse eos ostendere, qui quum laudari non ineptum putatis, ideo laudanda facere non desinitis. Jam vero qui possit vestra laus, vestra pietas, omnis denique virtus vestra laudabilis & gloriosus coram Deo & hominibus elucescere, magisque vere probari, quam in eo ipso honore, qui exhibetur à vobis in ipsum, cujus æque preciosa fuit mors, atque vita plane sancta, quum nequeat male mortuus esse, cujus bona præcessit vita, quocunque etiam ille vel modo, vel loco, vel tempore moriatur.

Abfit autem, abfit quoquo modo, simus ingrati ejus nomini, quod omnium seculorum memoria dignissimum est, etiam post mortem, quod fortasse perfidissimi quidam adsolent, obstrepentes, virumque in Domino vere defunctum maledictis insectantes. Id quod haud sit aliud quam cum larvis luctari, qua re vel una nihil esse possit hominibus Christianis aut indignius, aut detestabilius. Quod certe major esset & ingratitude contra plus quam bene de nobis omnibus meritum Erasmus multo nefandior, quam fuit Atheniensium quondam in Socratem: cui illi, recepti beneficii immemores, pro Attica juventute sanctæ sapientierque instituta, venenum rependerunt. Nonne multo scelestior in ipsum esset Erasmus ingratitude, si vel

IN LAUDE M. ERASMI.

vel post sanctissimum ipsius obitum pro tam nunquam æstimandis laboribus, sudoribus, vigiliisque, quas juvandi duntaxat animo suscepit, & quibus nullo unquam tempore par gratia referri possit, calumnias rependeremus, & contra divinam veritatem obrectationes iniquissimas, & quidem nos Christiani, ad quos potissimum illius laborum rediit utilitas.

Esti vero in omnes, à quibus quicquam manat beneficii, convenit esse gratos, in nullos tamen æque par est gratos esse, atque in eos eruditos & pios homines, qui dispendio rei pecuniariæ, cum jactura voluptatum, cum certissimo quoque valetudinis ac vitæ suæ detrimento, totis in hoc viribus tam legendo quam scribendo, tam dicendo quam disserendo, & hoc genus aliis modis incumbunt, ut ingenii sui monumentis literariis non uni urbi, sed toti orbi consulant. Qualis sine omni exceptione, non potest non fuisse unus ille magnus Erasmus Roterodamus, de nobis longe melius, quam Socrates olim de Atheniensibus, meritis, quando ille unius tantum civitatis Atheniensis juventutem prophanis artibus, hic vero totius orbis universam omnis sexus ætatem, non tam prophanis, quas & ipse supra quam dici potest egregie, & quidem absque exemplo præstitit, quam sanctis & iisce nimirum Evangelicis disciplinis, summa fide & diligentia, & ita quidem feliciter instituit, ut ejus non aliter atque veri cujusdam Apostoli (qualis certe fuit) summo cum fructu in omnem terram sonus exiverit, & cujus verba in fines orbis terræ penetraverint. Quis enim (obsecramus) hoc nostro prior Erasmo notat certo, vel Græce vel Latine nobiscum respondere, vel de sacris & Evangelicis, vel de prophanis literis, quas tamen propter virtutem, quam habent, & bonas, & humanas haud immerito nuncupamus.

Quis etiam est (ut uno denique verbo de singulis & omnibus quæramus, & respondeamus) qui sub hæc præsertim novissima tempora veritatem ipsam Evangelicam sacrosanctam ex Cimmeriis illis tenebris eruit feliciter, & margaritam illam preciosissimam, in agro absconditam, prudentius ac lætius invenit, & eam deinde omnibus magis gratius contulit? Nonne Erasmus? Quis præstitit, quod hoc tempore stivam tenens arator, aliquid ex Evangelio meditatur? Nonne Erasmus? Quis in causâ, quod textor assidens telæ, nonnihil ex Evangelio modulans soletur laborem? Nonne Erasmus? Quis docuit nauclerum adfixum clavo, ex eodem aliquid cantillare? Nonne Erasmus? Quis dedit, ut nunc & iterum Apostoli variis linguis Evangelion, denique magna Dei toto quidem orbe loquuntur? Nonne Erasmus? Quod si perfrecta fronte negare perrexerimus, certe nos mendacii convincet impudentissimi veracissima posteritas, quæ superato malevolorum in Erasmus livore, qui semper virtutem & gloriam comitatur, vero verius protestabitur, nos ita plerisque omnes debere Erasmo omnia, ut pares à nobis illi nunquam sint relatæ gratiæ, ut qui nihil ei non per omnia debeamus. Si rex ille Macedoniæ Philippus, vel hoc uno nomine, sibi suoque filio Alexandro tum nato gavissus est, diisque gratiam habuit, non perinde quia natus esset sibi filius, quam pro eo, quod cum nasci contigisset temporibus Aristotelis, quoniam fore speraret, ut abs illo sic educaretur & erudiretur, ut se suarumque rerum dignus existeret successione: quam putamus gaudere nobis debeamus, Deoque Maximo gratias agere, quod nobis nasci vivereque dederit temporibus Erasmi, cujus operibus ita doceri possumus in omni pietate, ut & ipsi Deo Maximo, & ejus unigenito Jesu Christo digni simus. Si præterea rex ipse beatus, Jesus Christus, suos ob id Discipulos esse beatos adfirmavit, quod ipsum viderent & audirent, quem tot, tamque præcellentes, & reges, &

prophetæ videre & audire desiderassent, nec sui tamen voti compotes facti essent, ô quam nos oporteat esse dicique ter quaterque beatos, qui nunc opera solius secundum Deum Erasmi Christum optimum æque videmus & audimus atque illi, utpote quibus in sacris Literis, quas nobis Erasmus plurifariam provexit & illustriores reddidit, efficacius propemodum, quam quum inter homines versatus est, vivit, spirat & loquitur, modo oculos & aures adferamus, quibus ille cerni & audiri possit.

Jam vero (ut jam tandem portum, quo tendimus, attingamus) quoniam Discipuli Christo, & Discipulis una cum magistro optimo, majores illi nostri pro beneficiis acceptis usque adeo non fuerint ingrati, ut illis præter alia gratitudinis signa, post obitum etiam aras, templa, imagines, oratoria, sacella, epitaphia, encomia, statuas, & hoc genus vera post mortem pietatis monumenta, & ante divinitus actæ vitæ testimonia, perpetuo honore decreverunt: cur ipsi tam ingrati nollemus magno illi Erasmo, qui per veram pietatem, & de nobis bene merendi voluntatem, non eminus illis, verum cominus accessit, non aliquam ipso, tanto scilicet viro, dignam fovere memoriam, & gloriam illi defuncto piam deferre, quam viventi non negavimus? maxime, quod longe præstiterit, hominem post mortem laudare, quum nemo sit ante mortem verè beatus, qui nec possit ante obitum sine periculo laudari. Nec interim est, quod illi tanquam cuiquam, qui publico totius Ecclesiæ decreto sit in cœlitum numerum relatus, sitas positæque statuas velimus, sed eam duntaxat illi nobiscum haberi, quam meruit, memoriam peroptamus, quæ nobis æque sit atque illo digna apud posteros futura, apud quos propter tam infinita, quam memoratu plane digna, ipsius opera dubio procul vivet, & quidem latius in memoria hominum & sermone versabitur, postquam ab oculis recessit, nihil omnino penſi habens eorum campanas, quorum memoria, velut ait Propheta, cum sonitu transit, indigni nimirum, de quibus aliqua fiat apud homines cum laude mentio, qui nihil, dum vivunt, laude, memoriaque dignum faciunt, quos constat in oblivionem abiisse apud Deum, cujus & ipsi viventes adhuc non obliviscuntur modo, sed illum pessime vivendo & nesciunt, & negant, cum impio dicentes, *Non est Deus*, &c.

Ex quorum sane numero tam non fuit magnus ille noster Erasmus, ut nihil æque fecerit unquam, atque quæ digna sunt memoratu, quique totus fuerit in eis, quibus Deus ipse Max. indices magis ac magis in omnium pectoribus illucesceret, agnoscereturque. Quod igitur illi quandam velimus memoriam apud nos habendam, non tam propter illum, qui nullius fuit unquam sui causâ memoriæ adpetens, (quanquam virtuti debeatur ipsius ulla) quam propter nos volumus, ut illius videlicet memoria nobis posterisque nostris suggerat, quod statuas illæ quondam ceræ solebant instillare Romanis minoribus. Qui quum Majorum imagines (uti Sallustius scriptum reliquit) intuebantur, animi ipsorum vehementissime ad illorum virtutes & laudes incendebantur. Id quod ipsis certo non cera illa, neque figura præstabat, sed memoria rerum à majoribus præclare gestarum tantam flammam suscitabat in cordibus eorum, quæ prius sedari nequivit, quam virtus eorum famam atque gloriam adæquasset. Id ipsum profecto & quidem longe plus poterit nobis de magno Erasmo memoria præstare, in quo tot splendidissima totius virtutis exemplaria, tantam clarissima in cœli firmamento sydera, videre volentibus effulgent, quæ nobis vel sola præluere possunt ad lumen illud inaccessible, in quo nunc habitat lumen illud ad revelationem gentium, & gloriam plebis Israel à cœlesti Patre datum, quod illuminat

*** *** *** 2. omnem

E P I T A P H I A

omnem hominem venientem in hunc mundum, quo discessit haud dubie Erasmus noster, qui tantopere, dum viveret, illustrare studuit hoc ipsum splendoris æterni lumen, quo sedentibus in tenebris & in umbra mortis perpetuo luceret.

Hinc sane nobis quam acerba & immatura videtur mors magni Erasmi Roter. quod is semper aliquid immortale parare solitus fuerit, nulli voluptati deditus, nec in diem (ut solent multi) vivens, nec vivendi causas unquam finiens, verum posteros cogitans, & memoriam sui & optimorum quorumque sic immortalibus operibus extendens, ut ei hæc mors non potuerit non repentina videri, quæ illi complura velut inchoata etiam abruptit. Cujus vel potissimum causa nobis ex animomœrendum, lugendum, flendumque censemus, quod amisimus, (heu dolor) amisimus unicum & longe maximum, non solum nostræ Germaniæ, sed totius orbis ornamentum & decus, & inauditum pene seculis omnibus miraculum, cujus obitu nihil potuisset hoc tempore vel calamitosius, vel incommodius, vel tristius universæ Ecclesiæ, quam brevi per universalem Synodum repræsentatum iri speramus, evenire. Lugeant igitur & lachrymentur omnis sexus & ætatis homines, quia morte nunquam satis lugenda & dolenda amiserunt virtutum omnium exemplar, quo vix ullum majus exortum, nec facile exoriturum majus est unquam. Lugeamus proinde & ploremus non illi, sed nobis: quandoquidem nihilei morte sua, in conspectu Domini preciosa, mali contigerit, verum nobis & successoribus nostris ingentia videantur incommoda non sine summo luctu futura. Sunt itaque hæc omnes nostræ querelæ, de illo nihil plane dubitandum est, quippe qui miseras hæc terras, quæ fuerunt illo prorsus indignæ, cœlesti æternoque domicilio, quo semper adspiravit, summo lucro commutaverit. Cujus argumentum nobis facit longe certissimum Erasmi bene sancteque acta vita, tum quod omnia ea absolverit quæ Catholicum & Orthodoxum virum decent, qui mortem sibi imminentem multis admodum nominibus æque præscivit, atque constanter expectavit, & obivit, veluti fortasse non deerunt, qui posthac bona fide reddent, quæ nos hoc quidem tempore per occupationes & ægritudines, quibus ultra recentem ex ipsius Erasmi morte dolorem valde distinemur & angimur, digne præstare non potuimus; magnopere propterea efflagitantes, ut hanc nostram protrepticam & plane succisivis horis verius effusam quam dictam Monodiam boni consulatis, quicumque Christo Jesu nomina deditis, quorum sane omnium nomine, ne simus ingrati, quicquid hujus est nænarum deploratum volumus pro magno illo Erasmo nostro Roterodamo, quem precemur & optemus bene beateque valere in Christo Jesu, in quo ipsum vita defunctum nequaquam dubitamus.

E J V S D E M.

Ille ego qui totum quondam virtutibus orbem
In mea converti splendidus ora meis,
Quem stupuit fantem genitor Cyllenius heros,
Quem metuait natum Pallas alumna suum,
Quem bene narrarunt passim juvenesque, senesque,
Indigetem tanquam talibus esse virum,
Occido, cunctarum victrix Mors invida rerum
Me quoque funereum fecit inire jugum.
Non tamen exitum sentit mihi nobile nomen,
Nec venit in nostram jam simul illud humum:
Nescia concludit virtutis fama virentis
Cum stabili durans sole cœva viget.
Nescia tot unquam meritorum gloria tolli
Cum stabili durans permanet orbe mea.
Jam functum fovet ille Deus, quem viribus acris
Ingenii totis vivus in orbe tuli.

GRATA POSTERITAS.

Ergo manes ævo nunquam violandus in ullo,
Scimus virtutes, inclyte Erasme, tuas:
Non Pario mittis perituram marmore molem,
Aut statuam Cyprio nobilis ære novam.
Sed moriens mittis decus ære perennius omni,
Quod nullorum æquant ulla trophæa Ducum.
Livor edax fatis tandem saturata facessas,
Et referat gratas mens bene culta vices.

N. O L A H I,

*Pannonii Transylvani Thesaurarii Albenfis Ferdinandi
Sereniss. Rom. Regis, &c. ac Maria Regina
à secretis & consiliis,*

AD SEPVLCHRVM ERASMI

E L E G I A.

Sollicita si mente cupis novissè viator,
Frigidus hic cujus deprimat ossa lapis.
Siste gradum celerem, nostramque adverte querelam,
Spe potiere tua, tu modo siste pedem.
Ut reor audisti divinum nomen Erasmi,
Quo nihil hic noster notius orbis habet.
Is jacet hac tristi collapsio corpore tumba,
Spiritus at læta vespicitur Ambrosia.
Ingenii specimen magnum puerilibus annis
Præbuerat cunctis non sine laude viris.
Florida quum membris teneris adoleverat ætas,
Tunc animi vires exeruere caput.
Hujus erat studiis crebris operosa juvenus
Dedita, dum volvit Biblia sacra manu.
Ut sapienti animo crevit, mentemque virilem
Induit, hoc primum sydus in orbe fuit.
At pede cum tremulo subiit veneranda senectus,
Perspicuum mundus vix capit ingenium.
Quæ vires minuit mentis provectior ætas,
Omnia in hoc uno fertiliora dedit.
Cur animi referam claras ex ordine dotes?
Nullius has certe lingua referre queat.
Sic virtute viros celsa præcelluit omnes,
Sydera ceu cœli sol superare solet.
Omnia sic pure transegit tempora vitæ,
Exemplum felix præstet ut ipse tibi.
Plurima sunt horum monimenta fidelia testes,
Pectore quæ sancto scripsit & ingenio.
Hæc domini referunt vultus simulachraque viva,
Ingenuos mores, egregiamque fidem.
Hæc rectum monstrant ad summa cacumina cursum,
Atriferi cœli regna parata bonis.
Sed causam quæris, quare mea lumina fletu,
Et lachrymis rorent? Accipe pauca, precor.
Cæsar in occiduis ageret dum victor Iberis
Carolus, hic mundi qui tenet imperium,
Magnanimisque soror Flandros, fortesque Brabantos,
Imperio justo consilioque regit.
Tunc Basilea pio sedem servabat Erasmo,
Nomine quæ regis sic vocitata fuit.
Jungebant animos nostros virtusque, fidesque,
Suadebantque simul vivere, deinde mori.
Mutua de variis hinc venit Epistola rebus,
Ad nostras ædes nunc reticenda mihi.
Magno etiam regina fuit devincta favore,
Hujus præstanti scilicet ingenio.
Hæc ferventi animo, clarum cupiebat Erasmus
Cernere, & usque simul verba referri sacra.
Tam gratum cunctis igitur mea littera quando
Et monet, & charis sollicitat precibus.
Ecce suum reditum fuerat jam jamque futurum
Pollicitus chartis pluribus ipse mihi.

At-

IN LAVDE M. ERASMI.

Atque etiam puri reticenda silentia cordis,
 Adscriptis digitis multa notata suis.
 Jamque parabat iter socios invisere charos,
 Natalesque lares, & sibi dulce solum.
 Invida sed Lachesis fatalia flamina rupit,
 Atropos & pressit fila resecta manu.
 Quare non potuit conceptum absolvere votum,
 Sic volente Dea, & sic statuente Deo.
 Propterea gravibus teneor cruciatibus, & qui
 Solabar mœstos, nunc ego tristis ago.
 Ergo erit ista dies atro signanda lapillo,
 Quæ tantum nostro dempsit ab orbe decus.
 Heu mœstos fundant elegos, sacer ordo, poetæ,
 Flete simul Musæ, Pieridesque deæ:
 Occidit ille senex, claris celebratus Erasmus
 Eloquiis patrum, decidit orbis honos.
 O nimium felix essem, si fata dedissent,
 Cernere viventis lumina chara viri.
 Quid juvat at lachrymis nostros augere dolores,
 Tundere & immitti pectora nostra manu.
 Stamina cum silent tristes scindantque Sorores
 Obscuris pariter conspicuisque viris.
 Nec datur immoti quonquam transcendere fati
 Limina, namque hominum stat sua cuique dies.
 Quare age quisquis ad hunc tumulum vestigia tendis
 Lector, supremum hæc verba benigna refer.
 Salve, perpetuumque vale, prælustis Erasme,
 Civibus æthereis adnumerate, Vale.

EJVSDEM.

Non fuit insigni præstantior alter Erasmo,
 Hoc Desiderio sole sub æthereo.
 Sive quis ingenii rarum perpendat acumen,
 Numinis afflatu, quo decoratus erat.
 Seu quis iudicium cordato in pectore rectum,
 Iustitiamque viri, & cum pietate fidem.
 Omnibus is toto fulsit virtutibus orbe,
 Vivere dum parca sustinueret deæ.
 Virtutis tantæ sunt docta volumina testes,
 Quæ scripsit summi non sine mente Dei.
 Conditur hoc tumulo corpus, quod talia vivens
 Ediderat, mentem sed tenet ipse polus.

EJVSDEM.

Σήμερον τῷ πᾶσι τὸ νεκρὸν φρονέοντι Ἐρασμῷ.
 Αὐτὰρ ἐπεὶ ψυχῇ δακρύων ἀσπασίας.
 Κλαίουσιν πάντες τὰς μοῖρας οἱ ἐν κόσμῳ,
 Ἀδάμ χαίρειν πνέοντι ἐπὶ σπένδιον.

IDEM VERSVM

per Craneveldium.

Conditur hoc tumulo corpus sapientis Erasmi,
 Atqui animam cælum possidet æthereum.
 Funus & hoc merito totus lachrymabitur orbis,
 At pia cœlestis gaudia cœtus habet.

PETRI NANNII

De Epitaphiis in Erasmus

ab Olaho conscriptis,

HENDECASYLLABON.

Ob doctos gemitus fideque plenos,
 Et testes animi pii probique,
 Quos tu flebilibus modis Olahæ
 Bustis eximii assonans Erasmi.
 Affectu vario, sibique discors.
 Lætatur pariter, doletque Erasmus.
 Laudari volupe est tuis Camœnis,
 Sed mœret lachrymis eas rigari,

Namque has Castalio liquore tantum,
 Non fletu madidas tuo esse vellet.
 Ut gratum ingenium est disertis amici,
 Sic chari capius dolor dolori est.

LIVINI PANAGATHI

ETEOSTICHON.

Orbis gloria totius, deCVsqVe.
 Hoc qVleClt ErasMV In SepVLChro.

STEPHANI PASCHASII.

Hic jacet Erasmus, qui quondam bonus erat mus,
 Rodere qui solitus, reditur à vermibus.

PAVLVS SCVTICAMASTIX.

Vidit ut in cœlis animam venientis Erasmi.
 Franciscus dixit, cernis ut ille venit?
 Ille ad nos venit, Thoma, percharus Erasmus,
 Hic certe est nostræ religionis honos,
 Iste reformator fuerat nostri Ordinis æquus,
 Sed quid profuerit nescio? quidve venit?
 Hujus si scriptis monitus non vixerit Ordo
 Noster, mittemus, quem trepidant, alium.

JOSEPHI A PINV

ETEOSTICHON.

LVstra peraCta Vbi bls septena reCenset ErasMV,
 LVCIfera è terris Celsit In astra senex.

DIDACI PYRRHI.

Lusitani.

Postquam importuno fato consumptus Erasmus
 Desiit humana conditione frui:
 Romani periere sales, periere lepores,
 Et periere omnes delitiæ & Veneres.
 Et periere novem decima cum Pallade Musæ,
 Et periit blandis gratia mista jocis.
 Et sic unius perierunt omnia morte,
 O gravis, doctis mors lachrymanda viris.

EJVSDEM.

Si qua fuit lachrymis mors digna perennibus unquam,
 Si qua fuit doctis mors inimica viris.
 Edite singultus, & pectore rumpite questus,
 Et multo indignas imbre rigate genas.
 En jacet ille satis nunquam laudatus Erasmus,
 En jacet Hollandi gloria prima foli.
 En jacet Eoo populo notissimus unus,
 En jacet occiduis notus & hesperiis.
 En ille obmutescit olor, qui sæpe canoro,
 Sæpe sacro dulces fudit ab ore sonos.
 En illa & Latine linguæ tacet unica Siren,
 En & Cecropiæ gloria prima tacet.
 En tacet os Musis & Phœbo digna locutum
 Plurima, longæva non peritura die.
 Et quod Castalio largos è fonte liquores
 Hauserat, en olidis vermibus cæca datur.
 Ingenium cujus vix unus ceperit orbis,
 Cujus in æternum fama superstes erit.
 En dolor, en tacet, en parva requiescit in urna,
 En jacet Helvetiæ putre cadaver humo.
 Si qua tamen multis lachrymis indignaque fletu
 Mors fuit, & doctis non inimica viris.
 Hæc est illa quidem, nam quis dubitarit? Erasmi
 Hæc eadem siccis mors adeunda genis,
 Ille patri charus, Christo charissimus, ille
 Divino afflatus numine Roterodamus.

*** ** 3 Dum

EPI T A P H I A

Dum videt Europam belli fervere tumultu,
Dum nullum paci jam superesse locum.
Dum vocat audaces Gallos in praelia Cæsar,
Corpus humi linquens, ocyus astra petit.

EJVSDEM.

Aνάσσει σοφίαν, ζωὴν δ' ὀνητός ἔσται·
ἔδ' ἐν τοῖς κόλποις ἀρύπτεται Ἐλκεσίας.
Γαῖα μὲν οἰμώζει, μακρὸς εὐχάρεδ' Ὀλύμπιος,
αὐτὴ δ' ὅτι γάρται, αὐτὸς δ' ὅτι μετέχεται.

EJVSDEM.

Eνθάδε κείται ἀνὴρ θᾶτον τελευτήσας ἔσται·
Ψυχὰ δ' ἔν μακάρων οἶκον Ὀλύμπιον ἔχει.

EJVSDEM.

Ecquis in hoc recubat tumulo? divinus Erasmus.
Ecqua super tumulo (fare age) Diva sedet?
Lingua Latina, graves quænam imo è pectore quæstus
Rumpit, scissâ comas, & laniata genas?
Turba diserta virum, cedo hæc quænam altera turba
est?

Ex Helicone novem cernis adesse Deas.
Phœbus ubi? lachrymis illic conturpat ocellos.
Proxima quæ Musis affidet? alma Venus.
Illa ne Lemniacis quondam deprensâ catenis,
Dum jacet amplexu Martis anhela Venus?
Illa ne lascivos semper quæ curat amores?
Illa Cytheriaco de sale nata Venus?
An magis æthereo Venus hæc est orta tonanti,
Cui placet (ut fama est) non nisi castus amor?
Et quæ sola potest blandos donare lepores,
Innocuosque jocos, & sine felle sales?
Quam simplex comitatur amor, quam gratia nuda?
Hæc eadem est prorsus: quis puer ille, refer?
Hic? Desiderium, quemnam desiderat illum
Cui Desiderius nobile nomen erat.
Mitte pias lachrymas, quis enim, quis fructus in illis?
Excute singultus pectore, quæso, graves.
Stat sua cuique dies, gemitus nil profuit ulli,
Qui semel in campos venerit Elysios.
Imo age quæ tantas ciet hæc sine fine querelas?
Cur alata sedet? nec tamen inde volat?
Garrula fama comes vivo junctissima Erasmo,
Cur non defunctum deserit illa virum?
An quia mirifice vivum dilexit Erasmus,
Nunc quoque post obitum perstat in officio?
Imo quia paucos, aut nullos cernit Erasmos,
Nunc quoque post obitum hæc monumenta colit.
Sic est, fama tuum tumulum, doctrina libellos
Servat, ut æthereus te quoque Erasme locus.

EJVSDEM.

Quod bonus atque pius fueris, quod doctus, Erasme,
Τὸτόγε τοῖς ἀγαθοῖς πᾶσι διὰ σόμῳ.
Quod non ipse tuos mores culpaverit unquam
Ζώϊλος, σὺν αὐτοῖς μῶμος ἔσται νεγέτ.
Quod divorum auges numerum novus incola cœli
Δείκνυντο ἡ ἀρετὴ τῶτο, τίς τ' ἐστὶν ἐλπίς.
Quod proferre parem valeant tibi secula nostra,
Μὴ νίμεις ῥήτοισι, τῶτο μὲν ἀδυνάτον.

EVSTATHII QVERCETANI.

Vt Musas, pulsâ sub tartara doctus Erasmus
Barbaric, ingratis reddidit Ausoniis.
Ne se confectum Musarum nomine sævis
Morsibus aspiceret dilaniari, abiit.

JOANNIS SAPIDI,

Selestadiensis,

ERASMV S,

SIVE

APOTHEOSIS ERASMI.

Si totidem linguas moveam, quot dicitur Argus
Luminibus quondam pastor Junonius usus,
Non illis tamen immensum memorare dolorem
Possem, quo mortem propter cruciabar Erasmi,
Ante mihi quam cœlesti medicamen ab arte,
Quod me momento totum reparavit, adesset.
Nam nisi sic mihi cavisset clementia divûm,
Aut mea membra sepulchrali jam sede locata
Putrerent, gratamque darent se vermibus escam,
Morte vel ex morbo nata, vel sponte petita:
Aut quod si neutra licuisset reddere vitam,
Et mihi perpetuo tristis ducenda fuisset,
Quis fons tam plenas skatebras eructat aquarum,
Quæ nostris sufficissent ita largiter oculis
Materiam fletus, ut digne, rite, satisque
Hoc præmaturum, hoc & ineluctabile funus
Deflessim: præmaturum voco funus, an ille
Non æquo citius morti occubuisse videtur,
Aut magis atque infans mox ipso in limine vitæ,
Si quoque Nestoreum vixisset sæpius ævum,
Qui tot ob egregias dotes clarosque labores
Liber morborum debebat & esse senectæ:
Quin in quem penitus nil juris habere decebat
Omnia vastantes grassante tyrannide Parcas?
Ne quis forte putet, vitæ quod cursus Erasmi
Sat longus fuerit, ferri quia videdit ipse
Plus septem vicibus decies Hyperiona sursum
Ad testudinea octipedis curvamina Cancri.
Nunc, ope divina, quoniam me sentio rursum
Corporis & vires animi cepisse priores,
Et mea tam læto tentari pectora motu,
Quam non Icaris est Ithaco lætata reverso.
Nam citius dicto pelagi ceu rector, abactis
Ventis, composuit fluctus, solemque refecit,
Dum Phrygius Libyco rex jactabatur in alto:
Sic subito, mirum auditu, mirumque relatu,
Me quoque tempestas animi amandata reliquit.
Sic etenim procul omnis iniqua molestia pulsa est,
Vt paulo ante dolor fuerit non tantus, Erasmi
Excessus nunc est idem mihi quanta voluptas.
His igitur causis, & quod sum scribere iussus,
Et mihi visa soporato & commissa fideli
Exsequar officio. Vos qui miracula rara
Suspicitis rerum, nobis paulisper adeste,
Et simul attentas aures & jungite mentes.
Incipio, nec vos longo sermone morabor.
Ante diu mea mens & non insomnia vana,
Quam fierem certus, prædicere visa fuere,
Lux quod Apollinei longe clarissima cœtus
Juri naturæ jam concessisset Erasmus,
Luce sua orbatus, ceu solis lumine lumen
Dum crucifer vitam Servator morte redemit.
Ast ubi vera meas jam pervenisset ad aures
Fama, diem quæ supremum loqueretur Erasmo
Expletum, subito vehemens mea viscera terror
Invasit, seseque medullis miscuit imis.
Tantus erat luctus, quantus non torserat olim
Heliades, dum fraterna doliere ruina,
Et sua populeis mutarunt corpora truncis.
Aut Nioben, aut Halcyonem, quarum altera saxum
Induit, & placido nidum locat altera ponto.
Tres adeo noctes, & tot mea lumina luces
Munere Lethæi dulci caruere soporis,
Quemlibet aspernante cibum potumque palato.

Nox

IN LAVDEM ERASMI.

Nox aderat cum concubio jam quarta silenti,
 Cætera carpebant quo mollem animalia somnum,
 Unus ego miser infando mœrore manebam
 Pervigil, in solo prostratus membra cubili.
 Tum mihi nescio num genius, natura vel ipsa
 Invitos oculos somno sepelevit amico,
 Demulcens grata mea corpora fessa quiete.
 Ecce mihi simulachra trium sunt visa virorum
 Ante torum, de se clarum diffundere lumen,
 Suaveque divini pariter spiramen odoris
 Reddere, & his plane totum complere cubile.
 Quale jubar solis mundum jaculatur in omnem,
 Mane ubi jam sese Nabathæis extulit oris.
 Utque domum imbuerat quondam fragrantia nardi,
 Quo tinxit mulier morituro tempora Christo.
 Adstabant summi mihi majestate verendi,
 Induti quorum nitidas duo membra lacernas
 Arte fabricatas, variantibus undique gemmis.
 Horum alter medius, lævum mediū latus alter
 Claudebat dextra, roseumque ferebat amictum
 Tertius, ornatum paribus pictumque lapillis.
 Obstupui primo intuitu, licet omnia pacis
 Signaque lætitiæ præ se certissima ferrent.
 Tum senior, quem sanguineus vestitus obibat,
 His male me trepidum verbis compellat amicis:
 Ne timeas noster Sapide, hic (dextramque sinistro
 Cum dictis humero mediū est imponere visus)
 Hic est ille tibi tantum defletus Erasmus,
 Ob cujus te falsâ tenet persuasio mortem,
 Quum potius vera jam tandem luce fruatur:
 Cui collata prior, quam te quoque vivere reris,
 Nec non mortales vos creditis esse beatam,
 Non tanti est, quanti, respectu corporis, umbra.
 Quin etiam mortem, non vitam dixeris istam,
 In qua tot miseros, & tanta pericula nullo
 Fine premunt homines, non mille ego millia dico
 Morborum genera infirmum vexantia corpus,
 Non alia externis incommoda casibus orta:
 Sed mala quæ feedant pravus adfectibus intus
 Captam corporeis tenebris & carcere mentem,
 Foedatam occidunt, occisam in tartara mittunt:
 Vt sunt ira, odium, fastus, vindicta, libido,
 Luxus, avaritia, impietas, & talia multo
 Plurima, quæ non narrari præsentia possunt,
 Et quæ sunt satis ex nostris tibi nota tabellis,
 Quas passim ad varias olim transmisiimus urbes.
 Nam ne te jugis tua lamentatio totum
 Viribus exhaustum frangat, solaminis ergo
 Adsumus, affectuque ut te exoneremus acerbis
 Pectoris, imprimis tamen ut quæ cernis & audis
 Vulges, quo resciant terra & lætentur in omni
 Quotquot Erasmiacorum aura vescuntur amicū,
 At tibi ne sit opus scitari, sponte fatebor
 Ipse mea, quæ te non ignorare necesse est.
 En ego sum Paullus multo sævissimus hostis
 Illis, qui spreto ritu pietatis avitæ,
 Legirupæ, ut rebar, dederant sua nomina Christo.
 Sed prius is quam fulmineo me lumine cinctum
 Horrentemque Damasceno prosterneret agro,
 Atque aciem stimuli pungentem calce retuso
 Ore suo grave sacrilegos culparet ob ausus,
 Et divina Evangelicæ mysteria causæ
 Divulganda mihi gentes mandaret in omnes,
 Ex quo dicor earundem cognomine trito
 Doctor: & hic (stantem extento simul indice monstrat
 Ternum à se numero) sacra nominis heres
 Eusebio patre Dalmaticis prognatus in oris.
 Huc ad te Rex sydereæ coelestis ab aula,
 Nos geminos testes pro divo misit Erasmo,
 Hujus ut extremum possis differre per orbem
 Indicio nostro præclaram numine sortem,
 Quod sit ad Ambrosias epulas, Nectarque perenne
 Admissus novus æterni conviva Tonantis;

Proximus accumbens gratissimus advena nobis
 Inter & hunc & me medius, nos ordine quo jam
 Coram stare vides, supera regione sedemus.
 Hic, rursus digito ostendens Hieronymon, annis
 Juxta me sedem tenuit plus mille, sed ultro
 Nunc multum sibi dilecto concessit Erasmo.
 Cur faciat, quid se moveat, respondeat ipse.
 Ad quem sic docta tum Dalmata voce locutus:
 Paule docet nos res majoribus ipsa minores
 Debere, & meritum deferre libenter honorem.
 Esto locus fuerit, summi sapientia patris
 Dum tulit, iste meus, sed postquam nomine major
 Et meritis me surrexit, me cedere fas est
 Illi, qui non nostra modo monumenta recepit
 E tenebris, carie, mendis, squallore, situque:
 Verum etiam multo jam lucidiora leguntur
 Ejus ope insigni, quam quondam scripta reliquit,
 Sed quid plura, fuit Christo crescente necesse
 Hunc minui, qui velabat sua membra camelo.
 His tacuit dictis: me rursus Paullus amœna
 Fronte tuens inquit, Reliquum nunc accipe paucis,
 Scis de sede satis cœlo, qua quisque locemur.
 Nec lateat tamen hic horum te candida vestis
 Quod sit certamen preciosi nobile præmi,
 Quod de se victis per semet fortiter ipsos
 Victores cum magnifico meruere triumpho.
 Debellare alios, & dicere jura subactis,
 Humano generi summæ est victoria laudis:
 At qui se sibi subjecit, motusque rebelles
 In se perdomuit, vir longe fortior ille est,
 Quam si cuncta potens & inexpugnabilis idem,
 Regna suo unius imperio submittat, ubique
 Terrarum dominus, quas Oceanitidos undæ
 Stagnantes campi sinuoso gurgite cingunt.
 Hic nostris hunc in laribus fortitur honorem:
 Quum vastatores hominum rerumque Tyranni,
 Qui vincunt alios, at se vincuntur ab ipsis,
 Sub Stygio pendant poenas tortore perennes.
 Sed quod ego sum purpureo velamine tectus,
 Significat quos effudi pro nomine Christi
 Sanguineos latices violenta morte preceptus,
 Hinc hac veste tegor missum referente cruorem;
 Quæ fors sola meis collegis absuit istis,
 Dotibus in reliquis nullum discrimen habemus.
 Porro quum pater omnipotens post multa laborum
 Pondera sustentata piis pro rebus Erasmo,
 Unde repurgato redierunt aurea mundo
 Secula, jam rude donandum censeret, & ipsum
 Coelitis socium cupientibus addere vellet,
 Jussit lætitia totum se solvere cœlum,
 Clarius & solito solem illucescere more.
 Unde dies toto plus mensē fuere sereni,
 Hunc prius exueret quam pars obnoxia læto,
 Et totidem simili micuere nitore sequentes,
 Postquam stellantis rerum potiretur Olympi.
 Nec mirum, quoniam eventus præfaga futuri
 Signa animas plerunque solent præcedere magnas,
 Membra relicturas poscenti debita fato,
 Naturæque suæ subituras congrua regna.
 Hæc mihi commemoranda, tibi que scienda putavi,
 Illius ut tempestatis non causa lateret,
 Qua tantos vestro sensistis in orbe calores.
 Finiit, atque loqui pariter mihi jussit Erasmo.
 Is tali mox increpitans me voce profatur:
 Quid tibi vult amens hæc comploratio nostri?
 Quid te tot lachrymis, & tot malefanc querelis
 Conficis, & laxas crescenti frena dolori?
 Aspice me, videor ne tibi sine munere lucis?
 Aut magis è fœdo in vitam rediisse sepulchro,
 Quum posui quod me corpus mortale tenebat?
 Finge, quod ob capitale nefas me carcere vinctum
 Eripiat quisquam, non tu gaudebis amicū
 Carnificis fugisse manum, mortemque pudendam?
 Cur

E P I T A P H I A

Cur non officium præstas jam plenius illud?
 Cum de carceribus mille, & de mille cruentis
 Carnificum manibus, mille & de mortibus hujus
 Ereptus mundi, vitam nunc dego beatam,
 Vitam delicias & cujus gaudia, nullo
 Interitura die, linguarum quicquid ubique est,
 Et fuit, est & venturum, non exprimet unquam,
 Vitam nullius aut oculis aut auribus haustam,
 Hoc quam more tuo, non me lugere videris,
 Inque videre mihi fortem crudelis opimam.
 Mortales si flere juvat vos lumine cassos,
 Lumine vos ipsos vere deflete carentes,
 Quorum miratur malus & complectitur error
 Mortem pro vita, cæcas pro luce tenebras.
 Pone igitur sævos luctus, mentemque resume,
 Et gratare meis lætus successibus. Ita
 Dicentis faciem miro fulgore coruscam
 Rectis ac firmis oculis non ferre valebam.
 Ut qui Phœbæo sua lumina dirigit astro,
 Auricomis visum radiis diffusus hebescit.
 Aut si quis manibus cuiquam situlave liquorem
 Vel cinerem offundens oculare retundat acumen:
 Sic aciem pupillarum nitor ille mearum
 Cimmeria perstringebat caligine pressam.
 Huic nihil, ut reliquis, respondeo; sum tamen una
 Compellare viros his visus vocibus: O vos,
 O vos, ô animæ felices, ducite me, me,
 Ducite me comitem, laribusque adjungite vestris.
 Gestio vobiscum positus decedere membris,
 Atque frui minima vestrorum parte bonorum.
 Paullus plura loqui prohibens me, protinus inquit,
 Tempus erit, quo sydereos habitare penates
 Continget tibi, sed nullis mortalibus istud
 Scire datur, nisi selectis divinitus. Ergo
 Tu fac unitriplex toto de pectore numen
 Et quemvis hominem ceu te dilexeris ipsum:
 Quæ duo totius nucleus sunt legis, ad astra
 His itur ducibus, coelique petuntur honores.
 Dixit, & inter se collato murmure parvo
 Nec mihi percepto, propius sunt cedere visi
 Ad lectum, simul & manibus me tangere parcis,
 Et sic sublati oculis ad sydera fari.
 Summe pater, qui coelesti regione relicta,
 Huc nos jussisti subito descendere lapsu,
 Quæsumus, his nostris precibus clementer adesto,
 Et famulo dignere tuo, languore fugato,
 Quo misere amissum propter torquetur amicum,
 Corporis atque animi subtractum reddere robur:
 Utque pia te mente Deum colat, atque supremum
 Post actum vitæ injuncto sibi munere functæ
 Inter nos habitet pars non postrema tuorum.
 Per Christum Dominum nostrum, qui tempus in omne
 Cum sacro Deus est unus spiramine tecum.
 Vix hæc orant terræ poloque potentem,
 Cum subito clare responsum est coelitus, Amen.
 His sic exactis, ter me super ore soluto
 Vivificum misere halitum, totiesque figuram
 Formarunt crucis, & fuit hæc vox ultima Paulli,
 Jam reparate tibi, nostri jussique memento.
 Meque valedicto, mox sese scindere visum
 In geminas partes laquear, quo subter habebat,
 Ut mare Erythræum quondam secessit in alta
 Hinc illinc latera, & populo data regna petenti
 Se siccum præbebat iter: sic grande per ampli
 Os tecti tres sursum illos properare videbam.
 Quos ego dum visu sequor, innumerabilis omnem
 Alatus coetus Geniorum personat auram,
 Omnia demulcens hujus dulcedine cantus,
 Gloria in excelsis tribuatur summa Tonanti.
 Ecce beatorum quæ sit concordia fratrum,
 Quam bona, quam jucunda, pio quam plena favore,
 Qui terram juvat & coelum cum talibus ornat,
 Gloria in excelsis tribuatur summa Tonanti.

Hæc inter, mea magna quidem, sed nescio quænam,
 Vox, celer & gestus & inenarrabilis illa
 Admirandarum species & gratia rerum
 Me somno excutiunt, oculis vigil omnia lustro,
 Aureque admoveo, visa atque audita requiro.
 Et liceat nusquam superent, superare videntur,
 Tam penitus infixæ meis hærebat imago
 Sensibus. Ast ubi jam tandem me colligo rursum
 Extra se posito similem, & me, disputo mecum,
 In me repperio nunquam dubitabilis ipso
 Historiæ miracula fidem facientia certam.
 Qualia Apostolicis Heroibus edita quondam,
 Dum ferrent nova salvando mysteria mundo,
 Primaque credendi jacerent fundamenta Christi.
 Nam quum perciperem turbantes pectora curas
 Absterfas, rursusque suum persolvere corpus
 Officium, & quo nil magis est optabile sanam
 Plane cum sano conjunctam corpore mentem,
 Tum memini Paulli quid verba novissima vellent,
 Me mihi dicentis reparatum: scilicet ille
 Adflatus, dictæque preces, & tactio nostri,
 Me subito totum diro languore levarunt.
 O mihi grata salus, niveoque notanda lapillo,
 Quam non ulla potest hominum præstare medela:
 Non minus ac si quis medica contenderet arte
 Lazareos artus extinctæ reddere vitæ
 Foetentes, & bis gemina jam luce sepultos.
 Proinde mihi jussis Paulli vellentibus aurem,
 Lege & amicitæ promptum faciente colendæ,
 Qua mihi Erasmus, egoque fui conjunctus Erasmo,
 Corripior mox è tepido mea corpora lecto,
 Accipio calamum, tenebras extinguo lucerna,
 Et mihi visâ propagare & præcepta laboro.
 Vos, age, qui passim spacioso vivitis orbe,
 Quis fuit & nunc est venerabile nomen Erasmi,
 Vera cano vobis, mihi credite vera canenti,
 Ille hodie cælo mortalia despicit alto.
 Quem prius in terris igitur coluistis agentem,
 Nunc cæli indigetem templo celebretis & aris.
 Et vos qui misere charum mœretis Erasmus,
 Læta cano vobis, mihi credite læta canenti,
 Regia sive illo magni lætatur olympi,
 Et dulces vocum jaculatur in æthera cantus.
 Tristitia, & lachrymis inamœnam ponite frontem,
 Et festos agitate dies, & dicite versus.
 Versentur manibus nocturnis atque diurnis
 Illius illa satis laudata volumina nunquam,
 In quibus est, vivit, loquitur, facit omnia, præsens
 Vobiscum, vos instituens alit atque saginat,
 Omnis doctrinæ potuque ciboque salubri.
 Præterea vecors livor quos fecit Erasmi
 Eximias dotes & præstantissima facta,
 Anguibus & pejus rabidis odisse molossis,
 Mœsta cano vobis, mihi credite mœsta canenti,
 Ille polo sedet, & multa mercede beatus
 Concilio divum placet & veneratur ab omni.
 Ludit & irridet, studiis exemptus iniquis,
 Inconsulta venenosæ convitia linguæ,
 Scriptaque nil nisi Sicelides spirantia gerras.
 Vos manet horribilis supremi judicis ira
 Tam sacrosancto capiti adversariet aulos:
 Quæ quo lenta magis vindictam prorogat ultrix,
 Hoc commissâ premet graviori crimina poena.
 Vel magis omni-creatorem dare semper aventem
 Suppliciter veniam vestris orate piaculis,
 Et saltem suprema viro post fata favete.
 Quorum equidem (melius si rem perpenderit ipsam)
 Munere tres vice nunc unius habentur Erasmi.
 Vnum terra fovet, sedem dant astra secundo:
 Tertius excellens, hic optima quæque, magister
 Quid deceat, quid dedecet, quid profit & oblit,
 Donec erit genus humanum discetque, docebit.
 Ille idem (non summopere res digna relatu

Dicendi

IN LAVDEM ERASMI.

Dicendi finem mihi prætereunda petenti est)
Tertius ingenio ne tantum consulat acri,
Quo tot scripta dedit Claræ prælustria turbæ,
Sed simul ut miseris veniant mortalibus ex se
Commoda fortunæ, res quas obtruserat illi
Sæpius invito pia munificentia large,
Largius in varios dispensat & erogat usus.
Nam locat, à tædis quas res angusta moratur,
Maturas thalamo, satis ampla dote puellas,
Pauperies castum ne vendat egena pudorem.
Felicem, parili sumptu, juvat indole pubem,
Spe queat ut meliore sacris incumbere Musis,
Et tandem solida multarum indagine rerum,
Jam manibus lotis ad publica munia sumi.
Vivere quos stipe mendica gravis urget egestas,
Illis præbet opem victus, & vestibus ambit,
Jeunos ne forte fames vesana trucidet,
Et nudos hiemis frigus glacialis adurat.
Quapropter nos coelestem veneremur Erasum,
Et vitam nobis sic instituamus agendam,
Ut tandem recipi digni fiamus eodem.
Quemque fovet tellus gelidis complexa lacertis,
Perpetuo permittamus requiescere somno,
Dum postrema dies redivivos proferet artus.
Ipseque cum divinis aliis vestigia Christi
Sectatis, duodena Israelitica judex
Agmina censebit folio sessurus in alto.
Quod tamen hic nobis hoc semper habebitur or-
be,
Quo tam nos, quam posteritas ventura fruatur,
Donec erit Phaethontæi globus aureus astri,
Et constans inconstantis variantia Lunæ,
Diis superis merito sacros faciamus honores.

E J V S D E M

D E

P O C V L O

PAULI VOLSII,

Quod ab Erasmo Rot. dono accepit VIII. Feb.

EPIGRAMMA.

Est phiale tua tum fabro vigilata perito,
Auro atque argento tum preciosa nimis.
Materia fateor spectabile munus & arte,
Quodque daret Satrapes, acciperetque potens.
Sed quisnam neget esse nihil quæ magna viden-
tur,
Si largitori conferat illa tuo?
Ad cujus minimam rerum, quibus erudit or-
bem,
Particulam nil sunt totius orbis opes,
Cujus item famam extinguet non ulla vetustas,
Vt quam posteritas cuncta futura colet.
Magni non igitur facies ex dote datorem,
Quin dos ex dante est magnificanda suo.
Attamen, ut reor, hæc arcum designat amo-
rem,
Quo tecum præsens semper Erasmus adest.
Ergo cum calici jungis tua labra, memento
Hunc tibi sic junctum pectus habere suum.
Forte sibi nota est supremæ linea vitæ,
Quam norunt soli quos Deus æquus amat.
Et post fata suis vult esse superstes amicis,
Exempli monitus non sine more gravis.

Quid scyphus? An non absents præsentia Christi
est,

Quem sacre cœnæ mysticus haurit homo?
Fortan & hæc missi quoque significatio vasis,
Quæ mihi nequaquam prætereunda fuit.
Ceu vas harmonia sua pariter reddit eadem,
Cum pulsus plenum, pulsus & inane sonat.
Nempe soni sunt diversi, tenuisque, gravisque,
Aures concentu vox tamen una ferit,
Sic duo vos unus, tu pauper egenque serena
Ille tibi, potuit quod dare, fronte dedit.
Unit enim nil diversæ mage sortis amicos,
Quam si potior det, quibus alter eget.
Hinc cyathus seu sit vacuus, seu vitæ redun-
dans,
Esse duos unum vos meminisse velis.
Quid quæris Volsi? Sua sunt mysteria Erasmo,
Nam nisi cum magna nil ratione facit.

E J V S D E M

D E

MORTE ERASMI

ROTTER.

A D

ANDREAM CRITIVM

Archiepiscopum Gnesnensem.

Tempore Sarmatici quo regis in urbe Sabi-
nus,

Quæ tenet à Graccho condita nomen, eram:
Est ubi jucundæ mihi consuetudinis usu
Janua notitiæ præful aperta tuæ,
Blanda mihi læto declarans gaudia vultu,
Talía gratanti pectore verba dabas.
Cum nova ducetur Cupido tibi nupta marito,
Quæ promissa toro dicitur esse tuo.
Et sacra, legitime quibus astringuntur amantes,
Conjugio dulcis vincula necet hymen,
Tunc ego, ne dubites, aliquo si carmine fiam
Certior, ipse tibi Critius hospes ero.
Hæc & plura dabas animo promissa benigno,
Quæ retinens memori condita mente gero.
At jam tempus adest, cum nata Melanchthonæ
virgo

Est thalami consors Anna futura mei.
Nanque ubi maturo curvantia pondere ramos
Divitis autumnus munera carpit hyems,
Percipienda feram concessi gaudia læti,
Sponsus & optato lætus amore fruar.
Ergo per hos elegos me certior indice factus
Non potes huc quanquam carpere præful iter;
(Regia namque procul nostris tua distat ab oris
Nomen honorati principis unde geris)
Illic vota tamen pro sponsi concipe tædis,
Lætaque conjugio fata precare meo.
Sic Deus incolumes vitæ tibi proroget annos,
Sic crescente tuus tempore crescat honor.
At si carminibus licet addere tristia lætis,
Accipe mœrori quæ tibi præful erunt.
Sustulit indigna mors funere nuper Erasmi,
Perdidit o quantum Teutona terra decus.
Illius asseruit nobis facundia laudem,
Roma prius vivo quam Cicerone tulit,
Barbariemque rudem nostro quibus expulit æ-
vo,

Inviçto calamo scripta diserta dedit.

Tom. I.

*** **

Illius

E P I T A P H I A

Illius ubertas, & divitis aurea linguæ
Instar inexhausti copia fontis erat.
Hei mihi, quanta novem fecerunt damna Soro-
res,

Publica res quali concidit orba viro.
Ille beatorum sed vivit sede receptus,
Et capit in Christi gaudia vera sinu.
Cujus magna sacri pandens oracula verbi
Reddidit eloquio lucidiora suo.
Tutus ab injustis est detractoribus illic,
A quibus infando multa dolore tulit,
Despicit invidiam, novitque, quod æquius olim
De se iudicium posteritatis erit.
Tristibus hæc alio sed tempore fata quærelis
Prosequar, & faciam carmine iusta meo.
Nunc tibi gratetur lætis mea litera verbis,
Amplior accessit quod tibi nuper honos.
Jamque suprema tenes sacræ vestigia fortis,
Inclita Sarmatiae Rex ubi sceptrum gerit.
Evehit indignos, fortunaque tollit in altum
Sæpe, malis amplas cæcæque præbet opes.
Hæc tua sed meruit pietas, hæc præmia virtus,
Nemo magis tanto dignus honore fuit.
Nanque Lycaoniæ quæ subdita virginis Arcto
Terra Borythenidis limite iuncta jacet,
Te vehit insigni pietatis laude, fatetur
Se nihil ingenio majus habere tuo.
Comprecor his felix ut honoribus ergo fruaris,
Quæ mea ne careant pondere vota, Vale.

JVLII CAESARIS SCALIGERI.

Tu-ne etiam moreris? ah, quid me linquis, E-
ralme,
Ante, meus quam sit conciliatus * amor?
Tu ne etiam? cui tam parvus fuit orbis, ut altæ
Expleres mentis fulmina torva tuæ.
Ergo sidereis postquam est subvecta quadrigis,
Atque Dei læto lingua recepta sinu:
Ille ego, qui insanæ ridebam vulnera mortis,
Conditæque Aetnaea tela trifurca manu:
Ad quodvis stupeo momentum, ac territus ad-
sto,
Maxima cum videam numina posse mori.

* Amor, quem dissuerant Orationes in Erasmi Ciceronia-
num, conglutinatæ iterum fuisset, si vir magnus vel quari-
mestre supervivisset: quod sanctissimo mihi affirmavit, qui
ejus rei penitissimam habebat cognitionem. Hanc notulam
Merula margini adscripserat.

PETRI SCRIVERII,

in POEMATIBVS MSS.

In tumulum

DESIDERII ERASMI

Hic Desiderii venerabilis umbra quiescit;
Hunc si quis cupiat noscere, scripta adeat.

JOANNIS SECVNDI.

Defunctus vita longique laboribus ævi,
Hac situs est tandem doctus Erasmus hu-
mo:
Quem licet in fera rapuerunt fata senecta,
Et vita saturnum sopiit alta quies:

Nos tamen hunc velut immaturo funere raptum
Flemus, & effusus diffuimus lachrymis.
Ille igitur periit: & quondam illa illa diserta,
Et dulci manans nectare lingua tacet:
Ingeniumque sagax, & amans virtutis & æqui,
Omnia sub parvo condita sunt tumulo?
Illum igitur canos Virtus lacerata capillos,
Et Charites lugent, luget & ipsa fides?
Collectasque rosas Permeis ad flumina Nymphæ
Inspergunt sacro Pierides tumulo?

GODOFREDI RHODI STEGRII

De totius orbis literatissimi Viri

D. ERASMI ROTERODAMI

Felici in Christo obitu

ELEGIA;

*In qua potissimum conqueritur de cuiusdam inhumanita-
te, ne dicam impietate: qui præter candorem Chri-
stianum, omnes in Erasmi morte à lachrymis
temperantes, æternis inferorum sup-
pliciis devovere videtur.*

Quid stupefacta mihi horrentes ad pectora sen-
sus

Concurrunt? animi quid penetrale movent?
Vah, quid id est, mentem quod non finit esse quie-
tam,

Quæ solet immoto cardine adeste mihi?
Nunquid marmoreis periit mihi fulta columnis,
Assueta invicto pectori inesse fides?

Hæc exporrectam solita est mihi reddere fron-
tem,

Triste licet supera fulmen ab arce ruat.
Nam nihil est, stabilem valeat quod pellere ju-
stum

A summo infusa numine lætitia,
Cur stupet attonitum tibi cor, bone lector hono-
rum

Justitiæ titulum quem mihi fumo probæ?
Non modo sunt iusti, iusto qui fidere Christo
Norunt, aut sancti, hos sanctificante fide:
Quin etiam Regesque, sacerdotesque vocantur,
Quodque Deo fidant, Dii quoque nomen ha-
bent.

Quæ tam dira igitur percellit causa recessus
Mentis, ut insolito vix sinat esse loco?

An quia defuncti felix essetur Erasmi
Fumus humum, volitat mensque beata polum?
Hic nulla esse potest lugubris causa doloris,
Si modo sit valida mens solidata fide.

Quandoquidem æterno repletus numine Paulus
Tristari ob vitæ stamina rupta vetat.

Fausta quod in Domino morientibus esse probatur
Mors, & in aspectu sit preciosa Dei.

Sitque magis levis ipsa sopor, quo membra quie-
scunt,

Faustiter extremo vivificanda die.
Quæ mala vis igitur nostram turbare quietem
Tentat, & è solida pellere mente fidem?

Non mors, nempe beata, nec omnibus æquus a-
mici

Casus, quem virtus non finit esse malum.
Quoddam aliud gravius, quoddam sceleratius
omne

Turbavit læso numine corda mihi.
Nulla freta fide vox, gutture fusa prophano
Vox, cui nulla sacri flammula amoris inest:

Vox,

IN LAVDE M ERASMI.

Vox, quæ non flenteis magni felicia Erasmi
Funera, tartareo devovet atra Jovi.
Atro (inquit) cadat Orco, tristitia quisquis Era-
smi

Fata videns, charis temperat à lachrymis.
Quo ruis, ô cæcæ devotio mentis iniqua?
Quo raperis, fidei luminis orba piæ?
Quod facinus tam grande, viri non flere beati
Funera, ut in Domino perdere læta queat?
Vos, ô felices, appello, coelica manes
Dite quibus Christi munere regna patent:
Nonne laboriferum donec vegetastis Erasimum,
Semper honorifica vivere laude datum est.
Quid memorem Herculeæ istius virtute labores
Christo exantlantes, Christicolisq; piis?
Quicquid opus senibus, quocunque eget ipsa juven-
tus

Ad linguæ cultum, pectoris atque decus:
Copiæ Erasmiacum fudit bene fertile cornu,
Limpida ut è vivo fonte resultat aqua.
Impiger Isaaci fuit hic imitator, opertos
Qui puteos fodit dextra Abrahamiacos.
Cura Philistæi quas vivas invida venas
Livoris pravo clauferat ingenio:
Sedula sinceri solertia rursus Erasmi
Fecit, ut æternis fluctibus ora rigent.
Fecit, ut in multis pietas comitata probatis
Moribus, hortatu regnet honora pio.
Fecit, ut, occluso Gotthorum gutture, lingua
Facunda toto Tullius orbe sonet.
Illotis tractata prius sapientia palmis
Coelica, tractatur castius hujus ope.
Hujus ope æterni venerabile nomen Jesu
Majori colitur religione piis.
Hoc duce jam penetrat sensus humana profun-
dos

Mens studiosa sacræ legis olympicæ.
Talibus ut saturum replevit fructibus orbem,
Talia ut in lachrymis femina jecit humo:
Spiritus à magno jubet hunc cessare labore,
Jucunda & segetem falce secare bonam.
Sic opera auctorem proprium sunt pone sequuta,
E madidis omni terfa oculis lachryma.
Gaudeat hic igitur tellus, mare, sydera, sum-
mo

Gaudeat in cælo concio & Angelica.
Omnia felici læta gratentur Erasmo
Fronte, canant hymnos cuncta creata sacros.
Inclita supremo cantetur gloria Patri,
Perpetua & Genito laude canatur honos.
Omni utriusque sacer celebretur Spiritus ore:
Detur ita ut soli gloria cuncta Deo:
Maximus hac magnum magna qui fecit Erasimum
Laude ad stelliferum faustiter ire polum.
Cujus & hos nobis tribuit clementia Versus,
Nulla docens sanctis fata nocere viris.
Ut fidei in Christo fundatum robore pectus,
Discat Christicolum fata carere malo.
Discat & optandam sitienti pectore mortem
His, quibus in Domino pectora fixa manent.
Et sua constanter discat fata, atque suorum
Ferre, sciens mortem prospera ferre piis.
Et meritis Christi summo conamine filios
Ad paradisiacos scandere morte lareis.

JOANNIS STIGELII.

Perdidit creptum, Musarum munus, Erasimum,
Perdidit, heu, quantum Teutona terra de-
cus.
Quo moriente ferunt Clarios cessasse liquores:

Et tremuisse altis totum Heliconæ jugis.
Nemo roget causam, quam vesper novit & or-
tus:
Cujus erit testis nescia fama mori.

SIMONIS VALLAMBERTI.

Hoc quanquam tumulo mortale cadaver Erasmi
Mors claudis, id ferme est nihil.
Non hujus virtus, spes, fama, scientia possunt
Claudi: quid, ô Mors, hic habes?

AD NOBILISS. DOCTISSIMVMQVE HEROA,

JOANNEM NERVENIVM,

agri Dirixlandici Præsidentem, totiusque Insulæ
Suytuornæ (quæ altera est Hollandia) or-
namentum,

ne ob Magni D. Erasmi Roterodami mortem
mœrore se conficiat,

GERARDI VORSELMANI MEGASONDRÏ,

Medicina Doctoris apud Antuerpiensæis,

MONOSTICHON.

Non oblit DIVVs, NerVenIc, VIVIt Eras-
MVs.

EJVSDAM AD EVNDEM

Jamb. Dim. Hyp.

DIVVs reVIXIt (sI oblit) ErasMVs.

ANONYMI.

Hoc jacet in tumulo male fortunatus Erasmus,
Qui solum vixit, non sibi, sed aliis.

ERVDITI CVJVSDAM.

Qui vespas, qui crabrones, & inertia fucos
Animalia abstulit, repurgans alveos.
Obstreperas picas, & raucos gutture corvos,
Et garrientes propulit qui gracculos,
Qui fœdos cuculos, & noctivagos bubones,
Et ineleganteis longe abegit anseres.
Qui porcos, hebetesque asinos, olidos quoque &
hircos
Fugans, superba ademit tauris cornua.
Qui cæcos etiam talpas, ranasque loquaces
Cum turpibus disperdidit buffonibus.
Lappis, & tribulis, urticis, sentibus, atris
Et vepribus agros qui purgatos reddidit.
Hoc est, qui spurcam toto nunc orbe fugatam
Barbariem, & omnem sordem explosit Gotthi-
cam,
Et dulcis Musas, disciplinasque Deorum
Dona, atque literas reduxit exules,
Corruptasque (nefas) multo jam tempore linguas,
Et perditam restituit eloquentiam.

*** * * * * 2 Hic

EPITAPHIA IN LAVDEM ERASMI.

Hic ille, ille jacet, fama usque ad fydera no-
tus


Eraſmus, ingens ille honos Germaniæ.
Ille Europæi certe nova gloria mundi,
Lumen, decus, parens rei literariæ.
Nullius ſane qui crefcere laudibus unquam
Queat, vel ulla deminui invidentia.

Sed tu heus Barbaries, nimium ne in gaudia præ-
ceps

Feraris, hujus maximi ob necem Viri.
Spiritus illius vel adhuc jam vivit, in omne
Victurus ævum, ſemper hoſtis Barbaris.
Quin hominis ſectatores ter mille ſurperſunt,
Qui vindicent illum, cavete Barbari.



DESI-



DESIDERIVS ERASMVVS

ROTERODAMVS

JOANNI COLETO,

DECANO SANCTI PAULI APVD LONDINVM, S. D.



ON possum equidem non vehementer laudare, Colete, singularem istam, vereque Christianam animi tui pietatem, qui conatus tuos omnes, omnia vitae studia semper huc destinaris, non ut tuis privatim commodis consuleres, sed uti patriæ, civibusque tuis quamplurimum prodesse. Neque minus admiror iudicium, qui duas præcipue res delegeris, quibus id cumulatissime consequi posses. Videbas enim amplissimum charitatis fructum in eo situm esse, si quis assiduus concionibus, sacraque doctrina, Christum popularium suorum animis inserat. Quo tu quidem in negotio jam annos complureis versaris, non dicam quanta cum laude, quam tu adeo non spectas, ut nec admittas, sed certe magno cum fructu. Quo nomine Paulus * ille tuus aliqui modestissimus, subinde gloriatur ac sese san-

cta quadam insolentia jactat. Deinde quod proximum existimabas, ludum literarium longe pulcherrimum ac magnificentissimum instituisti, ubi, sub electissimis ac probatissimis præceptoribus, Britannica pubes rudibus statim annis, simul & Christum, & optimas imbiberet literas: nimirum, graviter intelligens, & in hac ætate velut herba, spem reip. positam esse, & quanti referat in omnem vitam, protinus ab incubulis optimis imbui. Jam vero quis non adamet etiam generosam istam animi tui celsitudinem, ac sanctam (ut ita dixerim) superbiam, qui utrumque hoc in patriam officium ita gratuitum ac syncerum esse volueris, ut nec ex tot annorum laboriosissimis concionibus, vel teruncio factus sis ditior, cumque tua seminaris spiritualia, nullius unquam carnalia messueris, & scholæ sumptus, tam videlicet ingenteis, ut Satrapam quoque detertere possint, solus omnes ferre volueris. Et cum vulgus hominum nulla in re libentius focum accersere soleat, tu patrimonium, tu censum universum, ad hæc domesticam etiam supellectilem profundere maluisti, quam ullum mortalem in istius gloriæ partem admittere. Quæso quid istud est aliud quam in universos tuorum liberos, in universos cives animum plus quam paternum gerere. Teipsum spoliās, ut illos locupletes. Teipsum nudas, ut illos ornes. Teipsum laboribus conficis, quo tua soboles vegeta sit in Christo. Breviter totum te impendis, ut illos Christo lucrificas. Nimum profecto sit invidus, qui talia conanti non impensissime faveat. Impius qui reclamet & obstrepat: Hostis Angliæ, qui non pro sua virili, adjumenti aliquid conferre studeat. Ego sane non ignarus, & quantum Angliæ debeam publice, & quantopere tibi privatim sim obnoxius, officii mei sum arbitratus, literarium aliquod munusculum in ornamentum scholæ tuæ conferre. Itaque duos hos novos de Copia Commentarios, novæ scholæ nuncupare visum est, opus videlicet cum aptum pueritiæ, tum non infrugiferum, ni fallor, futurum. Sed quantum habeat eruditiois, quantumve sit utilitatis allaturus hic labor meus, aliorum esto iudicium. Illud vere mihi sumere possum, argumentum hoc, à me primum & excogitatum & proditum fuisse. Nam quod Julius Pollux Græcus & antiquus autor, singularum rerum vocabula per locos digessit, & synonyma quædam ac similitima velut in acervos conegessit, quis non videt quam id sit à nostro instituto alienum? Neque enim Isidoros, Marios, aut Philiscos libet commemorare, homines in tantum alienos à copia, ut ne semel quidem quæ sentiunt, Latine possint efferre. Jam vero libellus ille, qui Ciceroni inscribitur (ego magis ab aliquo Ciceronis studio, ex illius scriptis collectum arbitror) quæso quid aliud habet quam tumultuariam paucarum vocum congeriem? Nos formulas quasdam copiæ, seu fontes ostendere sumus conati, sic ut à generalibus per gradus ad particulares deveniremus. Quanquam & fateor, & doleo huic operi justam curam defuisse. Siquidem olim rudem materiam in futurum opus temere conegesseramus, ad quam expoliendam plurimis vigiliis, plurimorum auctorum lectione videbam opus fore. Itaque non admodum erat in animo edere. Verum cum intellexissem quosdam his Commentariis insidiari, parumque abfuisse, quin incautissimos etiam ediderint, coactus sum utcumque emendatos in lucem emitte. Nam id malum visum est levius. Bene vale, Colete optime. Londini, Anno M D X I I. III. Calend. Majas.

* Respicit ad cathedralen Ecclesiam Londinensem, quæ S. Pauli dicitur, & cujus Coletus Decanus erat.

† Intelligere videtur Isidorum Hispalensem, qui multa habet Gram-

matica & Rhetorica in Originibus suis. Alter est Marius Victorinus, qui scripsit expositionem in libros Rhetoricos Ciceronis, quæ exstat in collectione Rhetorum Latinorum. Tertium non novi.

DESIDERII ERASMI
ROTERODAMI
DE
DVPLICI COPIA VERBORVM
AC RERVM
COMMENTARIVS PRIMVS.

CAP. I.

Periculosam esse Copia affectationem.



Vt non est aliud vel admirabilius, vel magnificentius quam oratio, divite quadam sententiarum verborumque copia, aurei fluminis instar, exuberans: ita res est profecto, quæ non mediocri periculo affectetur, propterea quod juxta proverbium, *Non cuius homini contingit adire Corinthum*. Unde non paucis mortalibus usu venire videmus, ut divinam hanc virtutem, sedulo quidem, sed parum feliciter æmulantes, in futilem quandam ac deformem incidant loquacitatem, dum inani, citraque delectum congesta vocum & sententiarum turba, pariter & rem obscurant, & miseris auditorum aures onerant. Adeo ut literatores aliquot hac ipsa de re, si Diis placet, etiam præcepta tradere conati, nihil aliud assecuti videantur, quam quod copiam professi, suam prodiderunt inopiam. Quæ quidem res nos commovit, ut partim e medijs artis rhetoricæ præceptis ad hoc institutum idonea deligentes, partim quæ diutino jam dicendi scribendique usu sumus consecuti, variaque plurimorum auctorum lectione observavimus accommodantes, utraque de Copia rationes aliquot, mox exempla, denique formulas complures proponeremus: non id quidem conantes, ut libro rem omnem absolute complectamur: sed edito veluti commentariolo, doctis & studiosis viam aperuisse contenti, quasque sylvam quandam operis futuri subministrasse: sive quod solo juvandi studio ad hoc laboris capeiendum adducti, non invidemus si penes alium sit vel tota gloria, modo à nobis ad studiosam juventutem aliqua manarit utilitas: sive quod gravioribus studiis addicti sumus, quam ut in his, utilissimis quidem illis etiam ad maxima, sed tamen in speciem minutis, vacet permultum operæ collocare.

CAP. II.

A quibus invenia, & à quibus exercitata Copia.

Porro ne quis hoc inventum tanquam neotericum, ac nuper domi nostræ natum aspernandum existimet, sciat hanc orationis variandæ rationem, ab homine doctissimo pariter & diligentissimo Quintiliano locis aliquot leviter attingi, & nobilibus aliquot Sophistas in compendium contrahendi sermonis, viam ostendisse. Quod facere nequaquam poterant, nisi pariter & explicandi ratione demonstrata. Quorum si libri extarent, aut si quod admonuit Fabius, ad plenum tradere voluisset, non admodum futurum erat opus iis me-

A is præceptiunculis. Accedit ad hujus negotii commendationem, quod nevisquam piguit viros omnis doctrinæ principes diligenter in hoc genere exerceri. Si quidem extant etiamnum mirabiles aliquot Maronis experientia de speculo, de fluvio gelu concreto, de Iride, de Solis exortu, de quatuor anni partibus, de signis celestibus. Idem satis indicat Apologus ille Æsopicus de Vulpe & Corvo, quem Apulejus mira verborum parsimonia perstringit, & eundem plurimis verbis quam fusissime explicat, exercendi videlicet ostentandique ingenii gratia. Sed age quem tandem possit posthac hujus studii poenitere, qui Ciceronem videat illum omnis eloquentiæ parentem, adeo huic exercitationi indulgisse, ut cum mimo Roscio familiari suo solitus sit contendere, utrum ille sapius eandem sententiam variis gestibus effingeret, an ipse per eloquentiæ copiam sermone diverso pronunciaret.

CAP. III.

Auctores quemadmodum luserint ostentatione Copia.

Quid quod iidem auctores non in palestra solum, verum etiam in opere serio nonnunquam ostentanda copia luserunt, dum rem eandem nunc ita cohibent, ut adimere nihil queas, nunc ita locupletant dilatantque, ut nihil possis adjungere. Homerus, teste Fabio, utraque juxta re mirabilis est, tum copia, tum brevitate. Quanquam in præfenti animus non est exempla perfecti, tamen unum atque alterum ex uno Vergilio proferemus. A quo quid brevius dici potuit, quam illud: *Es campos ubi Troia fuit?* Paucissimis verbis, ut ait Macrobius, civitatem hausit & absorpsit, ne ruina quidem relicta. Rursum hoc ipsum audi quam copiose?

*Venis summa dies & ineluctabile fatum
Dardania, fuimus Troes, fuit Ilium, & ingens
Gloria Tencrorum, ferus omnia Juppiter Argos
Transtulit, incensa Danaï dominatur in urbe.
O patria, ô divum domus Ilium, & incluta bello
Mœnia Dardanidum.*

*Quis cladem illius noctis, quis funera fando
Explicet, aut possit lacrymis aquare labores?*

D Quis fons, quis torrens, quod mare tot fluctibus, quot hic verbis inundavit? Verum hoc exemplum ad sententiarum copiam magis referendum alicui videatur. Lufit & verborum luxurie cum ait:

*Superat ne, & vespuit aura
Ætherea, nec adhuc crudelibus occubat umbris?*

Sed hoc Nasoni familiarius est, ita ut eo nomine taxatus sit, quod in copia modum non teneat. At taxatus à Seneca, cujus totam dictionem damnant, Fabius, Suetonius & Aulus Gellius.

CAP. IV.

Quibus vitio data immodica Copia.

Neqve quicquam mea refert, si quibus vel immodica vel perperam affectata copia vitio data est. Nam

Nam in Stesichoro Quintilianus notat nimis effusam, & redundantem copiam: sed ita notat, ut vitium esse fateatur non admodum refugiendum. Aeschilo probro datur in vetere comœdia¹, quod bis idem dixerit, ἡμῶν ἡ καὶ ἐρχομαι. Interdum Seneca vix fert Maronem eundem sensum bis aut ter accinentem. Et ne frustra longum catalogum recenseam, non defuerunt qui Marcum etiam Tullium, ut Asianum ac redundantem, nimisque luxuriantem copia damnarent. Sed hæc, ut dixi, nihil ad me pertinent, qui quidem non quomodo scribendum aut dicendum sit præscribo, sed quid ad exercitationem faciat ostendo, ubi quis nescit omnia iusto maiora esse debere. Deinde adolescentiam instruo, in qua Fabio non displicet orationis luxuries, propterea quod facile, quæ supersunt, iudicio refecentur, quædam etiam ætas ipsa deterat, cum interim tenuitati atque inopiæ, nulla ratione mederi queas.

CAP. V.

Eiusdem artificis esse breviter & copiose dicere.

JAM si qui sunt, quibus usque adeo placet Menelaus ille Homericus ὁ πολὺ μὲν, rursus displicet Ulysses fluminis instar hybernus aucti nivibus ruens, si quos impendio Laconismus ille & brevilocuentia delectat, ne hi quidem nostro labori debent obstrepere, quippe quem nec ipsi sunt infrugiferum experturi, propterea quod ab eadem ratione proficisci videatur, ut vel brevissime dicas, vel copiosissime. Siquidem quemadmodum argute Socrates apud Platonem colligit, ejusdem hominis esse scite seu mentiri, seu verum dicere: ita non alius artifex melius ad brevitatem arctabit orationem, quam qui calleat eandem quam maxime varia supellectile locupletare. Nam quantum ad verborum attinet brevitatem, quis constrictius dixerit, quam is cui promptum sit ex immenso verborum agmine, ex omni figurarum genere, statim deligere, quod sit ad brevitatem accommodatissimum? Rursus quantum ad sententiæ brevitatem, cui magis in manu fuerit rem quam paucissimis expedire verbis, quam qui cognitum ac meditatam habeat, quæ sint in causâ præcipua, quasque columnæ, quæ proxima, quæ locupletandi negotii gratia sint ascita? Nemo certe citius certiusque videbit, quid citra incommodum possit omitti, quam is qui quid quibus modis addi possit, viderit.

CAP. VI.

De stulte affectantibus vel brevitatem, vel copiam.

QVOD si casu, vel huc, vel illuc ducimur, periculum est ne nobis usu veniat, quod quibusdam Laconismi κακοζήλοισιν videmus evenire. Qui cum pauca dixerint, tamen in ipsis paucis multa supersunt, ne dicam omnia. Sicut è diverso imperitis Copiæ affectatoribus evenit, ut cum immodice loquaces sint, tamen parum dicant, multa nimirum dictu necessaria prætereuntes. Nostræ igitur præceptiones eo spectabunt, ut ita rei summam quam paucissimis complecti possis, ut nihil desit: ita Copia dilates, ut nihil redundet tamen: liberumque tibi sit cognita ratione, vel Laconismum æmulari si libeat, vel Asianam illam exuberantiam imitari, vel Rhodiensem mediocritatem exprimere.

CAP. VII.

Duplicem esse Copiam.

PORRO duplicem esse Copiam non arbitror obscurum esse vel Fabio declarante, qui inter cæteras Pindari virtutes præcipue miratur beatissimam illam rerum verborumque copiam. Quarum altera consistit in Synonymia, in Heterosi, sive enallage vocum, in Metaphoris, in mutatione figuræ, in Isodynamis, reliquisque id genus variandi rationibus. Altera in congerendis, dilatandis, amplificandis argumentis, exemplis, collationibus, similibus, dissimilibus, contrariis, atque aliis

hoc genus modis, quos suo loco reddemus accuratius, sita est. Hæc quanquam alicubi sic conjunctæ videri possunt, ut haud facile dignoscas, ita alteri inservit altera, ut præceptis potius quam re atque usu discretæ videantur, nos tamen docendi gratia ita separabimus, ut neque superstitionis in secando, neque rursus negligentia merito damnari possimus.

CAP. VIII.

Quæ ad res conferat hæc exercitatio.

NUNC quo studiosa juvenus propensioribus animis in hoc studium incumbat, quas ad res conducatur, paucis aperiemus. Principio quidem in totum ad phrasim illam non parum adferet momenti hæc varianda orationis exercitatio. Peculiariter autem conferet ad vitandam ταυτολογία, vitium cum sædum, tum odiosum. Ea est ejusdem verbi aut sermonis iteratio. Neque raro usu venit, ut idem nobis crebrius sit dicendum. Ubi si destituti copia, aut hæsitabimus, aut κέκωλυτο in morem eadem identidem occinemus, neque poterimus sententiæ colores alios aliosque vultus dare; pariter & ipsi ridiculi erimus, nostram prodentes infantiam, & tædio miseros auditores enecabimus. Est ταυτολογία pejor ἰσομοιολογία, quemadmodum Fabius ait, quæ nulla varietatis gratia levat tædium, estque tota coloris unius.

Quis autem est auribus usque adeo patientibus, ut vel paulisper ferat orationem ubique sui similem? Tantam ubique vim habet varietas, ut nihil omnino tam nitidum sit, quod non squalere videatur, citra hujus commendationem. Gaudet ipsa natura vel in primis varietate, quæ in tam immensa rerum turba nihil usquam reliquit, quod non admirabili quodam varietatis artificio depinxerit. Et sicut oculi diversarum aspectu rerum magis detinentur, ita semper animus circumspicit, in quod se veluti novum intendat. Cui si cuncta sui similia occurrant undique, tædio protinus avertitur. Atque ita perit totus simul orationis fructus. Hoc igitur tantum malum facile vitabit, cui promptum erit sententiam eandem in plureis formas vertere, quam Proteus ipse se transformasse dicitur. Neque vero mediocriter contulerit hæc exercitatio ad extemporalem vel dicendi, vel scribendi facultatem, præstabitque, ne subinde vel hæsitentis attoniti, vel turpiter interfileamus. Neque difficile fuerit, vel temere coeptam orationem commode ad id quod volumus deflectere, tot formulis in procinctu paratis. Præterea in enarrandis autoribus, in vertendis ex aliena lingua libris, in scribendo carmine, non parum adjumenti nobis attulerit. Siquidem in iis, nisi erimus his instructi rationibus, sæpenumero reperiemur aut perplexi, aut duri, aut muti denique.

CAP. IX.

Quibus exercendis rationibus hæc facultas pareatur.

DEINCEPS, quibus exercitationibus hæc pareatur facultas, reliquum est ut paucis admoneamus. Præceptis diligenter memoriæ mandatis, sæpius ex industria sententias quasdam sumamus easque versemus quam numerosissime, quemadmodum monet Fabius. Velut eadem, inquiens, cera, aliæ atque aliæ formæ duci solent. Is porro labor uberiores adferet frugem, si complusculi inter se conflidentur, vel voce vel scripto, proposito in medium themate. Tum enim mutuis inventis, adjuvabuntur singuli, & velut ansa præbita, plura quisque inveniet. Deinde totum aliquod argumentum pluribus tractabimus modis. Qua quidem in re conveniet Milonis illius Crotoniatæ solertiam imitari, ut principio bis, deinde ter, deinceps sæpius ac sæpius vertendo, ad eam facultatem proficiamus, ut jam sine negotio centies ac ducenties variare possimus. Ad hæc, vertendis Græcis auctoribus non mediocriter augebimus sermonis copiam, propterea quod hæc lingua rerum verborumque ditissima est. Fuerit autem utilius interdum

1. In Rami Aristophanis.

dum paraphrasi quoque cum illis certare. Profuerit plurimum carmina poetarum oratione prosa retexere, rursum orationem solutam numeris adstringere, atque idem argumentum in aliud, atque aliud carminis genus transfundere. Magnopere iuvabit & illud, si eum locum qui maxime videbitur scaterere copia, ex auctore quopiam æmulemur, & eum nostro Marte vel æquare, vel etiam superare contendamus. Præcipuam autem utilitatem adferet, si bonos auctores nocturna diurnaque manu versabimur, potissimum hos, qui copia dicendi præcelluerunt: cuiusmodi sunt Cicero, A. Gellius, Apulejus: atque in his vigilantibus oculis figuras omneis observemus, observatas memoria recondamus, reconditas imitemur, crebraque usurpatione consuecamus habere in promptu.

CAP. X.

Prima præceptio de Copia.

HAEC quasi præfati, superest ut ad præceptionem traditionem accingamur; tamen & ipsa quæ diximus, præcepta quædam videri queunt. Videmur autem non absurde facturi, si præceptiones hinc auspicemur, ut præmonemus, Copiæ candidato in primis esse curandum, ut apta, ut Latina, ut elegans, ut pura sit oratio. Neque quicquam existimet ad copiam pertinere, quod abhorreat à linguæ Romanæ castimonia. Elegancia partim sita est in verbis receptis ab auctoribus idoneis, partim in accommodando, partim in compositione. Exemplum primi fuerit, ut si quis *piissimum* dicat. Quod verbum (teste Cicerone) Latinis auribus inauditum est. Quamquam & hoc reperitur apud auctores haudquaquam rejiciendos. In huius igitur locum substituere licet quodvis verbum barbarum, aut solæcum. Veluti si quis dicat, *avisare* pro præmonere. Barbaries autem etiam vitiosa scriptura aut pronuntiatione committitur. Ut si quis *dócere* sonet prima acuta, aut Christum dicat *Cristum*, aut, *percam*, parcam, aut *lêgo* priore producta. Secundi exemplum fuerit, si quis ita loquatur, *dedis mihi licentiam abundi*, pro eo quod est, fecit mihi potestatem abundi. Hic nulla est vox non Latina, sed in abusu vitium est. *Potestas* enim generale nomen est ad omnem facultatem: *Licentia* vergit in malum. Hic igitur peccatur in perperam accommodando vocem, veluti si quis dicat *compilare*, pro colligere. Latina vox est *compilare*, sed in alium sensum: significat enim furto spoliare. Horatius: *Servi fugientes compilant dominos*. Item, *Ne me Chryssippi scriinia lippi compilasse puer*. Tertium genus huic simillimum est, quum voces bonas male connectimus: veluti si quis eodem sensu dicat, *injuriam dedis*, quo damnum dedit. Nam dare damnum eleganter dicitur: Facere autem injuriam dicitur qui lædit, non *dare injuriam*. Dare malum Latine dicitur, *dare jacturam*, aut *dolorem* non recte dicitur. Facere jacturam emendate dicitur, qui damnum patitur; *facere infamiam*, qui infamia afficitur non recte. Facere injuriam qui lædit, Latine dicitur, *facere contumeliam*. M. Tullius Latinis usitatum esse negat, quamquam hæc sermonis forma apud Plautum, Terentium, aliosque probatos auctores reperitur, & fieri potest, ut ætate Ciceronis abierit in desuetudinem. Accepit injuriam probe dicitur, qui affectus est injuria, *accepit contumeliam*, non ausim dicere. Facere æs alienum dicitur, qui contrahit debita, ut facere vorfuram, qui creditorem mutat. At non recte ad eum sensum diceretur *facere invidiam*, aut *simulacem*, qui eam conflatur sibi. *Ædes* vitium fecerunt, quæ ex sese corruptæ sunt. *Rimas fecerunt*, non ausim dicere, quum rimas agere Latine dicatur. Sic facere stipendium recte dicitur, qui militat stipendio. *Facere salarium* non item. Fecit sui copiam, recte dicitur, *dedis sui copiam* non ausim dicere, quum tamen eleganter dixerit Vergilius: *Es coram data copia fandi*. At fecit spem ac dedit spem, utrunque Latine dicitur. Interdum vox non in loco posita vitiat oratio-

A nem. Quod genus: Quid sibi vult hic homo, recte dicitur. *Quid sibi vult hic mortaliu*, inepte diceretur. Sed ad rem: quod est vestis nostro corpori, id est sententiis, elocutio. Neque enim aliter quam forma dignitasque corporis, cultu habituque, itidem & sententia verbis vel commendatur, vel deturpatur. Itaque plurimum errant, qui nihil arbitrantur interesse, quibus verbis quæ res efferatur, modo utcunque possit intelligi. Neque diversa est commutandæ vestis, & orationis variandæ ratio. Sic igitur prima curarum, ne vestis aut sordida sit, aut parum apta corpori, aut perperam composita. Nam indignum fuerit, si forma per se bona, vestis sordibus obfucata displiceat. Et ridiculum sit, si vir muliebri amictu prodeat in publicum. Et sœdum, si quis veste præpostera atque inversa conspiciatur. Quare si quis Copiam affectare velit, priusquam linguæ Latinæ mundiciem sibi compararit, is meo quidem iudicio non minus ridicule fecerit, quam si quis pauper, cui nec unica sit vestis quam sine magno pudore possit induere, subinde mutato vestitu, aliis atque aliis pannis obfucatus, in forum prodeat, ambitiose mendicitatem suam ostentans propopibus. Hic quo sæpius id fecerit, an non hoc videbitur infanior? Videbitur, opinor. Atqui nihilo minus absurde faciunt isti quidam affectatores Copiæ, qui cum ne semel quidem possint id quod sentiunt, mundis verbis efferre; tamen perinde quasi pudeat eos parum balbos videri, ita balbutiem suam aliis atque aliis modis reddunt balbiorem, quasque certamen ipsi secum sumpserint, ut quam possit barbarissime dici, dicant. Volo ego multijugam esse domus opulentæ suppellectilem, sed totam elegantem esse volo, ne mihi salignis, ficulis ac Samiis vasculis omnia sint referta. Volo in splendido convivio diversa ciborum genera proponi, sed quis ferat, si quis centum apponat eduliorum formas, quorum nullum sit quod non nauseam moveat? Hæc non temere pluribus verbis admonui, quod exploratam habeam plerorumque mortalium præcipitem audaciam, qui præteritis fundamentis, statim & illotis (quod a-junt) pedibus, ad summa malunt festinare. Neque multo levius peccant, qui sordida miscentes elegantibus, purpuram pannis deturpant, ac vitrea gemmis intertexunt, Atticisque bellariis jungunt alliata. Nunc variandi formulas proponemus, eas nimirum, quæ ad verborum pertinent Copiam.

CAP. XI.

Prima variandi ratio per Synonymiam.

PRIMA igitur ac simplicissima variandi ratio, in his verbis sita est, quæ diversa cum sint, eandem omnino rem declarant, ita ut ad significationem nihil referat, hoc an illo malis uti. Quæ quidem Synonyma Grammaticis dicuntur, contraria his quæ dicuntur Homonyma: illa quidam audent dicere æquivoca, hæc univoca: licet hæc cognomina juxta Dialecticos magis congruant rebus ipsis, quam vocabulis. nam voces diversas rem eandem significantes rectius dicemus *ισοδυναμίας*, & his contrarias *πολυσημίας*. prioris generis sunt, ensis gladius, domus ædes, codex liber, forma decor pulchritudo. Horum itaque maxima vis undecunque è bonis auctoribus contrahenda, varia comparanda supellex, & (ut Fabius ait) *divitiæ quadam extruenda*, quibus ubicunque desideratum erit, possit nobis constare verborum copia. Neque sat erit huiusmodi vocum mundum copiosum ac penum divitem parasse; nisi non solum in promptu, verumetiam in conspectu habeas, ut protinus vel non quæsitum sese ostendant oculis. Quæ tamen in re illud in primis cavendum, ne, quod quidam faciunt, citra delectum velut ex acervo quicquid primum occurrerit, quolibet loco dicamus. Primum enim vix usquam duo verba reperies adeo *ισοδυναμίας*, quin aliquo discrimine diffideant. Nam quid tam idem significat, quam homines & mortales. Et tamen qui passim omneis mortales, pro omneis homines dixit, Græco isto notatus est proverbio, *τὸ ἐν φανῇ μόνον*, id est,

est, *In lenticula unguentum*. Et alicubi literæ & epistola rem eandem significant, alicubi diversas. Tum ut demus in significato nihil omnino discriminis esse, tamen sunt alia aliis honestiora, sublimiora, nitidiora, jucundiora, vehementiora, vocaliora, ad compositionem magis concinna: Proinde dicturo delectus adhibendus, ut ex omnibus optima sumat. In promendo iudicium requiritur, in condendo sedulitas. Ut iudices præstabit diligenter observata sermonis elegantia, proprietateque. Ut quam plurima recondas, omnis generis auctorum assidua lectio dabit. Siquidem aliis verbis multa eloquuntur poetæ, aliis oratores. Sunt & ætatibus ac seculis sua quædam peculiaria vocabula. Quin iisdem etiam scriptores rem eandem sæpenumero diversis modis efferunt. Primum igitur ex omni scriptorum genere, verba quam optima seligenda. Deinde qualiacunque erunt, tamen in congeriem addentur; neque vox ulla rejicienda, quæ modo apud scriptorem non omnino pessimum reperiatur. Nullum enim verbum est, quod non alicubi sit optimum. Proinde quantumvis erit humile, inusitatum, poeticum, priscum, novum, obsoletum, durum, barbarum, ac peregrinum, tamen in suo veluti grege nidoque reponatur, ut si quando venerit usus, tum accersatur. Quod si verebimur ne verbi vetustas aut novitas aures offendat, rectum erit Fabiano uti consilio, ut meminimus *προσπιπλήττω*. Id fiet iis ferme rationibus. Cato *librorum belluo*, si tamen eo verbo fas est uti in re tam præclara. *Ipsissimus*, ut Plauti more loquar. Cur enim non utar Ennianis verbis? Nam Horatiano verbo libenter utimur. Sic enim isti Neoterici loquuntur. Agnoscis castrense verbum, ut poetæ loquuntur, ut prisci loquebantur, ut dicam antique. Si sic loqui licet, si mihi permittis vulgato more loqui, dicam enim Græce quo dicam melius. Idem faciendum in his verbis quæ vocantur *κακίμματα*, hoc est, quæ vergunt ad obsoletæ rei significationem.

SORDIDA.

Sordida igitur sunt quæ humiliora videbuntur, quam pro rei dignitate, veluti si quis amicum ac familiarem *congrerionem* appellet, *Literarum avidum belluonem*. Nam *acetum*, *spongia*, *pulegium*, demior² quæ Senecæ verba sordida videantur. Mihi rectius sordida videntur, quibus ipse usus est in quadam epistola, *Pilicrepi*, *botularii* & *crustularii*. Huiusmodi fere sunt, quæ à sordidis artibus ac opificiis sumuntur, velut à balneis, à culinis, à toriariis, à popinis. Quibus tamen necessario utimur, si de talibus argumentis sit differendum. Siquidem chirurgi ac medici coguntur interdum uti verbis aptis potius quam splendidis. Et Plinius¹ jocatur in *verba Cusfrensis*. Et *Tuburcinandi* verbum latronum fodalitia nobis dederunt. Quædam autem per se sordida sunt. alia ad argumentum, ad personas, aut alias circumstantias relata. Veluti *stercus* & *stercorare* non est sordidum verbum, si apud agricolas de agricultura loquaris, fecus si apud principem de Rep. habeatur oratio.

INUSITATA.

Olim plurimum jus erat consuetudini publicæ, quemadmodum testatur & Horatius: *Multa renascentur quæ nunc cecidere, cadentque, Quæ nunc sunt in honore vocabula, si volet usus*. Nunc quoniam loquendi ratio non à vulgo, sed ex eruditorum monumentis petitur, non est eadem consuetudinis auctoritas. Inusitata tamen videri possunt, quæ rarius occurrunt apud eos auctores qui frequentius teruntur ab eruditis. Et hodie danda est opera, ne moleste loquamur, longeque recedamus ab istorum studio, qui recte loqui putant inusitate loqui, quod in L. Sisenna viro alioqui docto notat M. Tullius: quique quod eleganter dictum est à Diomede, ita demum sibi videntur ingeniosi, si ad intelligendos ipsos opus sit ingenio: Denique qui malunt scribere quæ mi-

rentur homines, magis quam intelligant. Nec uno tamen modo fit ut sermo sit inusitatus, quod ex his quæ sequuntur fiet perspicuum. Si quis exemplum requireret: Inusitate loquetur, qui *passos senes* dicat, pro rugosis, *immerduatim* & *interatim*, pro interdum & interim. *Ti-sillivisium* pro re nihili. *Vagorem*, pro vagitum.

POETICA.

Sunt & apud poetæ, quibus parcius est utendum, præsertim in oratione libera. Cujusmodi sunt apud Horatium, *eliminare*, pro efferre foras arcanum: Quo tamen usus est M. Tullius pro ejicere. *Juvenari*, pro juveniliter lascivire, quæ vox ad Græcum efficta est, *εὐανδίζω* & *εὐανδίζω*. *Furiare*, pro in furorem agere. *Clarare*, pro illustrare. *Eternare*, pro sempiternæ memoriæ tradere. *Inimicare*, pro inimicitias concitare. *Pamperare*, pro damno afficere. *Cinctui*, pro cinctis. *Invidior*, pro mihi invidetur. Et apud Vergilium. *Agmen*, pro actu seu ductu: *Leni fluit agmine Tybris*. *Indomitum furis*, pro indomite: *Acerba iuvenis*, pro acerbe. *Sperare* pro timere sive expectare: *Hunc ego si tantum potui sperare dolorem, Et perferre soror potero*. Similiter Terentius: *Nam quod speras propulsabo facile*. A qua tamen sermonis forma non abhorruit M. Tullius in epist. famil. *Es mobili in me meosque esse animo non sperabam*. Græcis mira felicitas in componendis dictionibus, quam interdum imitantur poetæ, quum idem non perinde succedat oratoribus Latinis. Quod genus sunt, *Vulnificum*, *tristificum*, *tabificum*, *fasidicum*, *laurigeri*, *caprigenum pecus*, *velivolunt mare*, *visisator*, aliaque id genus innumera. *Visitigatores* ausus est Cato dicere. Alius *officiperdam*. Ad poeticam licentiam accedunt Historici.

PRISCA.

Prisca gratiam addunt, si modice & apte velut emblemata intertexantur. Quod genus sunt *expectorare*, pro eo quod est, expromere verbis quod est in animo. *Actuum*, pro quamprimum. *Amigerio*, pro valde: *Oppido*, pro eodem. *Creperum bellum*, pro dubio. *Hosfire*, pro pensare. *Hosimentum*, pro pensatione. *Vitantes*, pro gaudentes. *Jumentum*, pro vehiculo. *Perduellus* & *perduellio*, pro hoste patriæ. *Duellum*, pro bello. *Cluere*, pro pugnare. *Temetum*, pro vino. *Amahia*, pro Thessalia.

OBSOLETA.

Inusitata sunt, quorum rarus est usus. Prisca, quæ ex scriptis ob antiquitatem relictis à posterioribus decerpta sunt, velut è XII. Tabulis, ex Ennio & Lucilio, Nævio & Pacuvio. Obsoleta sunt, quæ prorsus in desuetudinem & oblivionem abierunt. Cujusmodi sunt *bovinari*, pro tergiversari. *Apludam* edit & *stoces* bibit, pro fursure vescitur, & fecem bibit, quæ merito deridet Gellius. *Hossem* pro hospite ac peregrino dixit antiquitas. Nunc ridiculus sit, qui tentet ad eum loqui modum. Obsoletis non video quis sit locus, nisi per jocum & ironiam: Veluti si quis ineptum antiquitatis affectatorem ita notet. Hic profecto dignus est, qui *apludam* edat & *stoces* bibat. Hic non solum habenda est ætatis ratio, verum etiam studii & affectationis. Est enim antiquitas jam exoleta, ac rudis, qualis videri potest ab ætate Livii Andronici, quæ paulatim enituit, usque ad M. Tullii tempora, quibus sic expolita est Romana eloquentia, ut quo cresceret non haberet, sed ut sunt res humanæ, paulatim ab illo summo candore degeneraret. necesse enim fuit, ut posteriores quum aliter dicere conarentur, pejus dicerent. Et tamen Sallustius quum eadem ætate scripserit qua Cicero, Catoni Censorio quam Ciceroni similior est. Ac Mæce-nas quum idem ferme ætatis vixerit, tamen à seculi sui puritate longissime abest. Itidem Valerius Maximus quum Tiberii Cæsaris ætate fuerit, qua nondum de-

1. Respicit ad præcepta tradita à Quintiliano lib. VIII. c. 3. ubi quæ de re, inquit, Græcum illud erit elegantissimum *εὐανδίζω* & *εὐανδίζω* 27. hoc est, præmovere antequam hyperbole utaris.

2. Intelligit M. Senecam, qui eas voces damnat, in Præf. lib. III.

Controversi. quem miscet cum L. Seneca, ejus filio, qui Ep. LVI. utitur vocibus *pilicrepi* &c. Vide Interpretes ad ea loca.

3. In Præf. Historiæ, prolata voce *conterranens*.

4. Lege *cernere*, non *cluere*. Vide Nonium Marcellum.

degenerat Tulliani seculi candor, tamen suo potius quam ætatis suæ more scripsit. De Tacito, Suetonio, Pliniis, Ælio Lampridio, aliisque posterioribus nihil dicam. Caterum quemadmodum jure laudatur illorum institutum, qui seise ad illius felicissimi seculi imitationem componunt, ita non probarim quosdam qui ceu barbarum horrent, quod in his posterioribus reperiunt: præsertim quum fieri possit, ut quod hic refugiant, apud M. Tullium fuerit in libris, quos desideramus.

DURA.

Dura sunt quæ parum commode transferuntur. Notatus est qui Rempub. dixit *castratam morte Camilli*, quum sentiret civitatis robur illius morte concidisse. Et Flaccus recte notat, Furium quendam qui scripserit: *Juppiter hybernæ cana nive conspuat alpes*. His ad simile fuerit illud: *Campos pacis sustulit, belli montes excitavit*. Mollius erat, si à mari tranquillo ac turbato duxisset metaphoram.

PEREGRINA.

Habent suam & peregrina gratiam, in loco adhibita. Veluti quum *Gaza* dicimus pro divitiis, quæ vox Persica est. Celebrata est autem ejus gentis opulentia, & opulentia comes luxus. *Acinaces* pro gladio, Medicum verbum est. *Esedum* pro rheda Britannicum. *Ungulum* Oseorum lingua annulus dicitur. *Casus* pro vetulo Sabinorum est. *Uri* pro bubus feris Gallica vox est: quemadmodum & *merga*, pro medulla sive adipe terræ, qui effoditur ad lætificandos agros: Et *gessa* pro teli genere. *Parasanga* pro spacio triginta stadiorum Persicum verbum est. Quin & *Camurum* pro eo quod in se recurrit inter peregrinas voces censetur. Apud veteres Christianos recepta sunt *Nonnum* & *Nonna*, pro sancto & sancta, quæ vocabula sunt Ægyptiorum, quod olim illic monachorum & monacharum examina sanctimonie nomine commendarentur. Quod si quando necessitas cogit, ut barbaris utamur, non sine honoris præfatione sunt adhibenda, quemadmodum ait Plinius. Sunt aliæ permultæ voces, quæ à barbaris nationibus una cum ipsis rebus ad Græcos, à Græcis ad nos dimanarunt. Quod genus sunt *Sinapi*, *Piper*, *Zinziber*, & cætera.

OBSCOENA.

Obscenæ voces oportet ab omni Christianorum sermone procul abesse. Nec audiendi sunt Cynici, qui nihil putant turpe dictum, quod turpe factum non sit. Rursus quod turpe non sit in occulto facere, id nec in publico turpiter fieri, veluti reddere lotium, aut exonerare alvum. At è diverso non statim turpe dictum est, quod factum turpe est. Parricidium & incestus verecunde nominantur, quum utrumque factum sit turpissimum. Verum ut sunt quædam corporis membra, quæ quum per se inhonesta non sint, tamen pudore quodam humano velantur, ita sunt actiones quædam mediæ, quæ verecundia gratia celantur. At non statim quod indecorum est propalam facere, turpe est suo nominare vocabulo. *Parere* verecunde dicitur, quod tamen turpe fieret in proptulo. *Meiere* non est verbum obscenum, tamen reddere lotium verecundius est, palam tamen meiere inverecundum est. Contra *cacare* verbum est obscenum, quum actio sit æque media. *Vener* pudice nominatur, impudice ostenditur. *Vulva* verbum est honestum, quum *cunius* sit obscenum. Unde igitur ducitur obscenitatis ratio? Non aliunde quam ab usu, non quorumlibet, sed eorum quorum est casta oratio. Nam poetæ præcipue Satyrici in his sibi nimium permiserunt. Interdum metaphora simplici verbo est obscenior. Quale est illud Horatii: *Alienas permolere uxores*, & *patricia immiscere vulva*. Et apud Catullum: *Despuis patrum*, & *deglubere viros*. Quædam detorta sunt in obscenum sensum, quum per se sint honesta. Ut *dare fidem* verecunde dicimus: Et tamen obscenum est quod est in Priapeis: *Simplicium multo est da, Latine dicere*. Et Martialis: *Vu dare nec dare vi*. Ab his

A igitur quæ manifestam habent obscenitatem in totum est abstinendum. Quæ media sunt possunt ad verecundum sensum accommodari, veluti si quis dicat se *exseculari* aut *diffusari ingenium* alicujus quo valde delectetur, aut philologiæ procum appellet *eruditionis candidum*.

NOVATA.

B Novata trifariam accipi possunt, vel quæ finguntur nova, vel quæ in alium usum deflectuntur, vel quæ compositione novantur. Primi generis exemplum fuerit, quod Nero *morari* dixit prima producta, pro factum esse, à Græca voce *μωρός*. Secundi quod Sallustius *duflare exercitum* dixit, quum *duflare* apud Terentium aliosque veteres sensum habeat obicœnum: *Ut meam duces gratis*. Item *patrare bellum*, pro gerere bellum, quum *patrare* prius diceretur, qui daret operam creandis liberis. Terti generis sunt *visilitigari* à vitio litigandi, quod ante retulimus. *Bubsequa* pro bubulco. Item illa Pacuvii. *Nerei repandirostrum*, *incurviservi-cum pecus*, quorum meminit Fabius. Ad hanc classem pertinent quæ derivatione novantur: Ut, *viuperones*, *amorabundus*, *nuptiwire*, *verbigerari*, cujusmodi vocibus præcipue gaudent Apulejus, Martianus Capella, Sidonius Apollinaris: & qui ad horum exemplum sese composuerunt. Habent & hæc gratiam, si modo in loco modiceque velut adspargantur. Nam ut eleganter est à Fabio dictum, *in cibis interim acor ipse jucundus est*. Porro Græca Latinis in loco intermixta, non mediocrem addunt gratiam. In loco adhibentur, vel cum Græca vox est significantior, ut *λογομαχία* pro contentione sive rixa, vel cum est etiam brevior, ut *φίλαυρος*, pro eo qui sibi placet, vel quum est vehementior, ut *γυναικομανής* pro mulieroso, vel quum est venustior, ut si quis de rebus arduis sed inutilibus disserentem dicat eum *μεινωρολεσχῆν*, aut cum qui sibi sapiens videatur, quum sit stultus, appellet *μωροσόφον*. Nam Græcæ vocis gratiam nulla Latina posset assequi. Vel quum ad locum aut dictum auctoris alicujus alludimus, veluti quum notantes aliquem inconsideratius loquutum dicimus, *ποῖον ἔπ' οὐ*, &c. quod est apud Homerum: aut indicantes aliquem non respondisse ad id quod proponebatur dicamus *ἀμας ἀπήτην*, quod si Latine dicas, *salces petebam*, perit sermonis lepos. Allusionem habet illud Horatianum: *Ter uncti trans Tyberim nanto*, *Irriguumque mero sub noctem corpus habento*. Facit enim Trebatium loquentem Jureconsultum. Solent enim ii verbis duodecim Tabularum delectari. Quod & M. Tullius imitatur in libris *de Legibus*. Denique quum volumus id quod dicimus à quibuslibet intelligi. Ac ne singula persequar, quoties invitat aliqua commoditas, recte Græca Latinis intertextentur, præsertim quum ad eruditos scribimus. Caterum quum nihil huc invitat, velut ex instituto sermonem semi-Latinum & semi-Græcum texere, fortassis in adolescentibus semet ad utriusque linguæ facultatem exercentibus veniam mereatur: In viris mea sententia parum decora fuerit hæc ostentatio, neque plus habeat gravitatis, quam si quis alternis & è prosa oratione & metris librum misceat, quod tamen ab eruditis quibusdam factum videmus, ab Arbitro Petronio, sed non sine specie dementiæ, à Seneca in ludicro Encomio Claudii. Et quod magis admirandum, à Boetio in argumento serio, qui tamen in carminibus adeo sui dissimilis est, ut docti vix credant ipsius Marte fuisse conscripta. Boetium imitatus est Joannes Gersonensis, scriptor haud contemnendus, si in hoc seculum incidisset. Jam sit interdum, ut aut longo circuitu cogamur efferre quod sentimus, aut à Græcis mutuo sumere, ut in *πολυπαραγωγισμῶν*, *φιλευτία*, *ἀφαιμαλοπῆς*, *πολυφιλία*, *δυσωπία*, *παραλογισμός*, *ταυτολογία*, *βατολογία*, atque id genus sex millibus, de quibus fortassis alias nonnihil dicemus. Sunt non paucae Græcorum voces, quas antiquitas Latinitate donavit. Iis perinde atque Latinis uti licebit: ut *rhetor*, & orator; *hypothesca*, & pignus; *helleborum*, & veratrum;

1. Integrum est ποῖον ἔπ' οὐ φύγει ἔδωκεν, quale id verbum fuit à septo dentium, Iliad. Δ. 350. & alibi.

trum; foeniculum, & *marathrum*; *Sycophanta*, Calumniator; præbibo, quo usus est Apulejus, & *propino*; *mafigia*, verbero. Quædam ita recepta, ut desit verbum Latinum, sicuti *Philosophus*, *Theologus*, *Grammatica*, *Dialectica*, *Epigramma*. In quibus ipsis inest nonnihil varietatis, si modo Græca, modo Latina forma inflectantur, ut *scorpius* & *scorpio*, *elephantus* & *elephas*, *delphinus*, *delphin*; *lampas*, *lampada*, *dæ*; grammatica, grammaticæ, *grammaticæ*, *grammatices*.

C A P. XII.

Ætatum propria vocabula.

DILIGENTER itaque conveniet observare, quid in usurpandis vocibus ætas variarit. *Beatitudinem* & *beatitatem*, *mulierosum* & *mulierositatem*, Cicero primus ausus est dicere. *Declamare* pro exerceri ad eloquentiam illius ætate novum erat. *Ætate* Varronis *editum* pro æditimo novum erat. Sic enim ab æde dicebatur *aditimus*, quemadmodum à lege legitimus. *Interim* pro interdum, *Obiter* pro interea, & velut aliud agendo, *Subinde* pro identidem, Quintiliani seculo nata sunt. *Reatum* Mestala primus dixit: *Manerarium* Augustus. *Favor* & *Urbanus* seculo Ciceronis voces erant novæ. *Obsequium* primus dixit Terentius, ut existimat Tullius. *Cervicem* numero singulari primus dixisse fertur Hortensius. *Piramicam*, *musicam*, *fabricam* pro artibus, vix dum à suis præceptoribus recepta fuisse testis est Fabius. Huiusmodi vocum idem pollentium congeries, quam Græci *συναθροισµὸν* vocant, conducet non tantum ad hoc, ut si quando res eadem crebrius erit repetenda, vitemus *ὁμοιολογίαν*, id est, similem ubique sermonis colorem, verum etiam ad *δύναµιν*, id est, vehementiam faciet. Abiit, erupit, excessit, evasit. parentem necasti, patrem occidisti, progenitorem trucidasti. Quod genus Rhetores inter orationis decora referunt, vocantque interpretationem, ego magis arbitror ad exercitationem adhibendum esse quam ad orationem. Difficillimum enim variandi genus est, si manente sermonis habitu, sensum eundem sæpius aliis aliis verbis idem pollentibus efferre consuecas. Ut adire periculum, subire discrimen, suscipere periculum, aggredi discrimen. *Ædificat* domum, extruit ædes. Emit librum, mercatus est codicem. Abligavit puerum, amandavit ministrum. Hic tibi ab illo habitus est honos, hæc tibi ab illo relata est gratia. Hoc præmii recepi, hoc fructus tuli. Condonavit culpam, remisit noxiam, ignovit admissum. Quoties ejus diei recolo, quoties recordor, quoties reminiscor. Nihil est humanis auribus fastidiosius, ac recte præcipit Horatius: *Utrius sententia, neu se Impediat verbis lassas onerantibus aures*. Secus est, quum & affectui servit iteratio, & varietas aliqua levat repetitionis tædium. Quod genus est illud Maronis: *Superest ne, & vescitur aura Ætherea, nec adhuc crudelibus occubat umbris*. Huic similis est illa M. Tullii copia pro Q. Ligario: *O clementiam admirabilem atque omnium laude, predicatione, literis, monumentisque decorandam, &c.* Similia dixit, non eadem. Laudatur etiam idque merito ex eadem oratione locus, rem eandem aliis atque aliis verbis inculcans. *Quid enim Tiberio tuus ille distributus in acie Pharsalica gladius* &c. Hæc eo diligentius admonere, quod celebris aliqui nominis concionatores, præsertim apud Italos, senserim hoc ceu præclarum affectare, ut huiusmodi synonymis tempus eximant, veluti si quis interpretans illud Psalmi: *Cor mundum crea in me, Deus*, ita loquatur, crea in me cor mundum, cor purum, cor nitidum, cor immaculatum, cor expers sordium, cor nullis vitiis inquinatum, cor purgatum, cor lotum, cor niveum, atque idem faciat in cæteris verbis: Atqui hæc copia non multum abest à battologia.

C A P. XIII.

Ratio variandi per Enallagen, seu ἐνέκλιον.

PROXIMA variandi ratio est, cum eadem voce modice deflecta, varietatis nonnihil conciliatur, ut *Edax* edo, *bibax* bibulum, *bibosus* bibo, *loquax* locutus sum, *nugator* nugo, *blaterator* blatero, *fallax* falsus, *voluptuosus* voluptuarius. Hujus generis est, cum substantivum nomen adjectivo commutatur, aut contra. Ut, juxta sententiam Homeri, juxta sententiam Homicam. Vir mire facundus, vir mira facundia. Insignite impudens, insignita impudentia. Cum verbum activum mutatur in passivum, aut contra. Plurimam habeo gratiam, plurima tibi à me habetur gratia. Magna me tenet admiratio, magna teneor admiratione. Non sic amat filium mater, non sic amatur à matre filius. Et ut rem infinite variam summam dicam, duobus potissimum modis constat hæc mutatio. Vel cum pars ipsa mutatur, vel cum eadem orationis parte manente, qualitas novatur. Ea totidem rationibus commutari poterit, quot sunt res quæ voci cuiusque accidunt. Prioris exemplum erit. Non confido facturum me, non est fiducia. Non dubito quin possit, non est mihi dubium quin adsit illi facultas. Judicent alii, aliorum esto judicium. Quid huc redisti? quid huc reditio est? Desine nugari, desine nugas. Id mihi anus indicium fecit, pro indicavit. Est illi mira sitis auri, mire sitit aurum. Non est apud illum discrimen amici & inimici, id est, non discernit amicum ab inimico. *Nostrium istud vivere triste*. Infinitum verbum, pro nomine. *Virtus est vitium fugere*, id est, virtus est fuga vitiorum. In his orationibus verbum nomine permutatur. Amantem redama. Promerenti benefac. Redama eum qui te amat. Benefac ei qui promeretur. Tui desiderantissimus est, te maxime desiderat. Nemo tui videndi cupientior, nemo qui te magis videre cupiat. Hic verbum participio commutatur. Venisti ereptum, venit eripere, venit erepturus, venit ut eripiat. Hic verbum supino aut participio mutatur. Ad congerendas pecunias inhiat, ad congerendum pecunias inhiat. Hic gerundium, ut vocant, gerundio commutatum est. Hoc dictum oportuit, hoc dicere oportuit, *Si quid recte curatum velis*, si quid recte curari velis. Hic infinitum verbum participio commutatur. *Magnum das ferre talentum*, ferre pro ferendum. *Stibellus sciens pugna*, id est, sciens pugnandi. Cupidus litium, cupidus litigandi. Hic nomen positum pro gerundio. Libitum est, pro libuit. Misertum est, pro misertus sum. Pertæsum est, pro tæduit. Placitum est, pro placuit. Puditum est. Hic supinum pro verbo. Meliuscula est, meliuscule est. Plurimum est in foro, plurimus est in foro.

E Karus est conviva, raro est conviva. Multus est apud mulierem, multum apud mulierem versatur. Frequens est in aula, assiduus in literis. Hic nomine commutatur adverbium frequenter & assidue. Verum alias fortassis ut commodius, ita & copiosius de his dicemus. Nunc de qualitatibus variatione docendi causa pauca ponamus, quasi digito fontes ipsos indicantes.

NUMERVS.

Usurpatur numerus pro numero. Romanus prælio victor, pro Romani victores. *Haud secus ac patris acer Romanus in armis*. Uterumque armato milite complect, armatis militibus. Omnem pecuniam absumpsit, omnes pecunias. Populo imposuimus, id est, imposui. *Et oratores visi sumus*, cum de uno loquatur Cicero. Vergilius: *Sed nos immensum spaciis confocimus æquor*. Homini vultus, pro vultu, *datur ora tueri*, pro datur videre faciem. Animos pro animo. Nam in prima persona pro singulari plurativum numerum ponere frequentissimum est, aliquoties modestiæ causa. In secunda nunquam, nisi genus ipsum significamus, Quæ vestra libido est, id est, virorum. In tertia invidiæ causa mutavit Teren-

1. Vide integrum locum, cap. III. Or. pro Ligario.

15

rentius. Cum ad uxores ventum est, sum sunt senes: cum de uno Chremete diceretur. Inexplicitoque Platonas Martialis, cum de uno Platone dicat. In genere mollior ac frequentior est numeri mutatio, in nominibus quæ Grammatici collectiva vocant. Cujusmodi sunt, vulgus, populus, grex, ordo, pars in frustra secant. Item in his quæ non unum aliquod individuum, sed genus aut speciem declarant. Nihil enim refert, utrum dicas, elephante decimo demum anno parit, aut elephanti decimo anno pariunt.

PERSONA.

Variatur & persona pluribus modis, vel cum certa pro quavis ponitur. Quid facias? ut homo est, ita morem geras. Videas & flumina sicca, id est, videri poterant. Idem fit per primam personam itidem ut per secundam.

Ne mihi tum molles sub divo carpere somnos,

Neu dorso nemoris libeat jacuisse per herbam.

Neve tibi ad solem vergant vineta cademem.

Nonnunquam pro prima, aut etiam secunda persona, tertiam usurpamus. Ut, ait Clodius, negat Cicero, id est, tu ais, ego nego. Vergilius:

Nec me meminisse pigebit Elissa,

id est, tui. Idem,

Et tandem Turnum experiatur in armis.

Turnum dixit pro me. Item,

Manibus hoc referes, telo cecidisse Camilla.

id est, meo.

Huc pertinet quæ vocatur Apostrophe, quum orationem ad aliquam personam, aut ad rem tanquam ad personam vertimus. ut,

Scipiadas duos bello, & te maxime Casar.

Polydorum obtruncat, & auro

Vi potitur. Quid non mortalia pectora cogis

Auri sacra fames?

Vergilius Parenthesim cum Apostrophe conjunxit in illo:

Haud procul inde cita Metium in diversa quadriga

Disfulerant (as tu dictis Albane maneres)

Raptabatque viri mendacis viscera Tullus.

Ad hanc formam pertinet, quoties verbum personale impersonali commutamus, ut non te hæc pudet? Non te horum pudet? Apud Barbaros assidue bellatur, Barbari continenter bellant. Dicitur passim pontificem adventare. Plerique dicunt pontificem adventare. Dici non potest, quam te amem. Nemo dixerit facile, quam te amem.

GENVS.

Est nonnihil varietatis, & in generis commutatione: ut *Lachrymat* pro lachrymatur. *Luxuriat* pro luxuriatur. *Fluctuat* pro fluctuat. *Prævertit* pro præverti. Præcipitatur pro præcipitatur. *Avertit* pro avertitur. *Revertit* re-vertor, *Impertio* impertior, *Assentio* assentior. Solebat fieri, solitum est fieri. Non quivit compesci, non quita est compesci. Desit haberi in pretio, desita est haberi in pretio. Causa coepit agi, coepta est agi. Assentior, & assentio tibi. Conspicor, & conspicio. In quorum postremo mutatur & οὐζυγία. Nam illa quæ refert Diomedes, frustra, patio, moro, demolio, auxilio, populo, digno, atque id genus alia, priscis arbitror relinquenda, nisi in carmine inciderint. Nam tum excusati adhibebuntur. Consimiliter in nominibus. Pileum & pileus, hæc ficus, & hic ficus, hæc barbitus, hic barbitus, hoc barbiton, hic helleborus, hoc helleborum, hoc nasum dixit Plautus.

CASVS.

Casus etiam mutatur. Ejus rei mihi venit in mentem, ea res. Non sum id nescius, non sum ejus rei nescius. Quædam etiam citra Tropum duplicem habent constructionem. Utor hanc rem & hac re. Egeo tui, egeo te. Dives pecore, dives pecoris. Dono te libro, dono tibi librum. Impertior heram hoc malo, impertior heræ hoc malum.

SPECIES.

Species variatur cum deductiis utimur pro primogeniis. Ut magnis negociis prohibitus, magnitudine negociorum prohibitus. Cum diminutivis loco simpli-

ciū, ut *loquaculus* pro loquax, *nasutulus* pro nasuto, *pauca* pro pauca, *pauillum* pro paulum. Cum frequentativis verbis pro primitivis. *Dictio* pro dico, *volito* pro volo, *jactio* pro jacto. Cum substantivo pro adjectivo, ut si quis pro pestilente *pestem* appellet, pro scelerato *scelus* dicat. Cui finitimum est, quum *Italas artes* dicimus pro Italicis, *Batavas aures* pro Batavicas, *Hispanos mores* pro Hispanicis. Cum comparativum aut superlativum absoluti loco ponimus. Ut,

Tristior & lachrymis oculos suffusa nitentes.

Et facundissimus, pro vehementer facundo. De quibus loco dicemus. Cum patronymicum loco primogenii ponitur, ut *Scipiadas* pro Scipionibus. Verum hoc in carmine fortasse liceat, in oratione profa nemo tulerit.

FIGURA.

Figuræ mutatio copiam adjuvat, quoties simplici dictione pro composita utimur aut contra, sive id tropo fiat, sive citra tropum, ut *temnere* pro contemnere. *Ruere* pro eruere. *Ponere* pro deponere. *Mittere* pro omittere. Rursum *conscribere* pro scribere. *Comedere* pro edere. *Demirari* pro mirari. *Inaudire* pro audire. *Incognoscere* pro cognoscere. *Conspicere* pro sapere. *Complacere* pro placere. *Dependere* pro pendere. *Deridiculus* pro ridiculus. *Quandoquidem* pro quando. Fit & hoc modo: Non potest pudefcere, non potest pudefieri. Tempus est ut expergiscaris, ut expergesias. Calefcere & calefieri. Ad hanc formam fortasse referendum est illud, quoties compositam dictionem simplicibus circumloquimur. Magnanimus vir, vir magno animo. Relege, denuo lege, Magnopere te rogabat, magno te rogabat opere. Non animadvertit, non advertit animum. Non satisfacit, non facit mihi satis. Interdum variatur compositionis ratio, ut exprobrare & opprobare, persolvere, dissolvere, exsolvere, resolvere æs alienum.

TEMPVS.

Tempus quoque non raro commutatur. Memini legere & memini legisse. *Prædiceres* pro prædixisses, vel prædicere debuisses. *Laurus erat* pro laurus esset. *Vicimus* pro vincemus. *Salutabis* pro saluta. Imus, venimus, videmus, præsens pro præterito.

MODVS.

Huic finitima est modi variatio, ut *vicero* pro vincam. *Salutabis* pro salutato. *Ne crede, ne credas. Si voles*, si volueris. *Ubi voles*, ubi volueris. *Cum vacabit*, cum vacaverit. *Quia bene natus est*, quia bene natus sit. *Venari* pro venabatur.

DECLINATIO.

In nonnullis licebit & declinationem variare. Ut hilarus & hilaris, violens & violentus, imbecillus imbecillis, contagium contagio, juger & jugerum, capo & capus, pavo & pavus, scorpio scorpius, senectus senectæ, juvenus & juvena.

CONJVGATIO.

In aliquot conjugationem, ut *lavere* pro lavare, *fervere* & fervere, *accersere* & accersire. Variatur eadem dictio his quoque modis. Prosthesi, ut *teuli* pro tuli, *gnatus* pro nato. Epenthesi. *Mavortis* pro Martis. Proparalepsi, ut *admittit*, *accingit*, *dicier*, pro admitti, accingi, dici. Paragoge, *potestur* pro potest. Aphæresi, *Ruit omnia late*, pro eruit. *Linquere castra*, pro relinquere. Syncope, *extincti, dixti*, pro extincti, dixisti. Apocope, *Magis* pro magis, *vin'* pro visne. Quæ quidem species sunt Metaplasmæ, propterea quod dictionem quasi transformant. Reliquas species prudens omitto, quod non admodum ad copiam facere videntur. Et nobis propositum est, ea duntaxat persequi, quæ proprie pertineant ad id quod institui-

CAP. XIV.

Variandi ratio per Antonomasiam.

PROXIMA variandi sermonis ratio constat Antonomasia, id est, nominis permutatione, ut si quis pro *Achille Peliden*, aut *Æaciden* dicat. Pro Romanis Ro-

mulidas. Pro Trojanis, *Priamidas* aut *Dardanidas*. Pro Hercule, *Tyrinbium*. Pro Venere, *Cytheream*, aut *Cypri-dem*. Pro Diana, *Cynthiam*. Pro Jove *Saturnium*. Pro Mercurio *Cyllenium*. Nonnunquam epitheton pro nomine ipso subijcere licebit. Virgilius, *Thalamo qua fixa reliquit Impius*, impium pro Aenea dixit. Livius *Panum* pro Hannibale. In Terentio sæpe *senex* pro persona heri. Eiusdem generis est, si quis *Poetam* dicat, *Homerum* sentiens, *Philosophum*, *Aristotelem* significans. Quemadmodum Græci *Perfarum* regem *Βασιλέα* nominant. Neque ab hoc genere abhorret, si quis pro fure *Verrem* dicat, pro molli *Sardanapalum*, pro divite *Cræsum*, pro crudeli *Phalaridem*. Quæ suo loco referemus.

CAP. XV.

Variandi ratio per periphrasim.

ID, si pluribus verbis fiat, Periphrasis erit, quam quidam Circuitionem nominant, ut si quis *everforem Carthaginis & Numantie* pro Scipione dicat, ut *Trojani belli scriptorem* dixit Horatius pro Homero. Item, si *Mantuanus vates* ponatur pro Virgilio. *Venusinus poeta*, pro Horatio. *Peripatetica schola princeps*, pro Aristotele. *Stoica familia pater*, pro Zenone. *Voluptatis assertor*, pro Epicuro. Hæc autem ratio plurimis constat modis. Etymologia, notatione, finitione.

ETYMOLOGIA.

Etymologia cum nominis rationem explicamus, ut si quis *hereditatem* dicat, qui hæreditates alienas appetat, captetque. Aut pro parasito, *hominem cibo ventrique dedidum*. Aut pro philosopho, *hominem sapientia studiosum*. Pro grammatico, *qui literas doceat*. Pro assiduo, *qui det ara*. Pro locuplete, *qui plurima loca possideat*. Pro pecunioso, *qui magnam pecorum copiam possideat*.

NOTATIONE.

Notatione constabit, cum notis quibusdam accidentium rem quampiam describimus, ut si quis iram intelligens, *animi aut bilis effervescentiam* dicat, *qua pallorem vultu, ardorem oculis, tremorem membris inducat*. Eiusdem generis est & illud: *Qui digito scalpunt uno caput*, quo molles & parum viri significantur. Aut si dicas: *Cubito se emungit*, *salsamentarium* indicans.

FINITIONE.

Finitione constabit, ut si quis *artem bene dicendi* pro rhetorica dicat. *Peculatorem*, *virum qui civitatis ararium compilasset*. *Hominem tyrannum*, *qui vi leges ac civium libertatem oppressisset*.

CAP. XVI.

Variandi ratio per Metaphoram.

ALIA vero varietatis ratio ex Metaphora nascitur, quæ Latine Translatio dicitur. Propterea quod vocem à genuina ac propria significatione, ad non propriam transfert. Ea multis modis tractatur.

DEFLEXIO.

Primum deflexione, quoties vox e propinquo ad rem proximam deflectitur, ut *video* pro intelligo. *Audire* pro obtemperare, aut credere. *Sentire* pro intelligere. *Perpicere* pro cognitum habere. *Odorari*, *olfacere*, pro suspicari ac deprehendere. *Concoquere* pro ferre. *Devorare* pro vincere ac perferre. *Complecti*, *exosculari* pro amare. *Suspice-re* pro admirari. *Despicere* pro contemnere. Ita *stupet* animus, *stupens* oculi, *stupens* dentes. Siquidem in his, quod est corporis, ad animum transfertur. Quo metaphora genere nihil usitatus. Huc fortassis pertinent & illa, quoties *canto* pro dico, *canto* pro scribo dicimus. *Praconium* pro laude. *Buccinari* pro celebrare.

Ab irrationali ad rationale.

Proxima species est, quoties a bruto animante ad animal ratione præditum fit translatio, aut contra: ut si hominem odiosa atque insulsæ loquacitatis *rudere* dicas, aut *blaterare*, aut *grumire*, aut *gannire*. Si *oblitrare* pro obtrectare, *allatrare* pro convitiari dicas. Contra, si *olorem canorum*, *musicam lusciniæ*, *perfidam vulpem*, *ambitionum leonem*, *assententiam canem*, *parcam formicam*, *operosam apem* dicamus. Cujusmodi multa Virgilius tribuit apibus, dum quicquid agitur in hominum Republica,

ca, id traducit ad hoc animal.

Ab animali ad non animal, aut contra.

Longius erit petita Translatio, si ab animali ad inanimatum traducatur, aut contra. Virgilius, *si tantum pectore robur concipis*, hic robur a ligno ad hominem transtulit. *At procul excelsa miratus vertice montis*. Animale ad inanimatum transtulit, cum *verticem* pro cacumine dixit. Item: *Et nunc omnis ager, nunc omnis parturit arbor*. Et *ridet ager*. Contra, *ambo florentes atibus*. Et *viridis atas*, & *vernatas*. *Iratum mare*, *indignatus Araxes*, *avidum mare*, *mirantur gargara*. Quod genus & plura sunt exempla, & frequentius obvia, quam ut hic debeant referri. Interdum translatio fit

Ab animali ad animal.

Ut si quis *corvum sui inequitantem* dicat, & *pascentes apes*.

Ab inanimato ad inanimatum

Sumetur Metaphora, si quis *silvam scaterere* dicat, quod est fontium. Aut *odium suppullulascere*, quod est fruticum. Aut si quis *pilos fruticare* dicat, aut *barbam silvescere*, quod est arborum. Si quis *orationem fluere* dicat. Aut *fluctus*, & *undas negociorum*. Eiusdem generis est, si quis *collem verrucam* dicat, quemadmodum Cato.

CAP. XVII.

Metaphora reciproca.

QUÆDAM translationes reciproca sunt, siue communes, quas Græci vocant *ἀντιθέτας*. Nam ut pro gubernatore *aurigam*, item pro auriga *gubernatorem* recte dixeris. Quædam unius duntaxat partis, quas *ἀντιθέτας* appellant. Siquidem ut *verticem* recte transfers ab homine ad montem, ita non recte *cacumen* ad hominem traduxeris. Facit autem Metaphora non solum ad copiam orationis, dum præstat, ut ait Fabius, *ne ulli rei nomen desse videatur*, verum & ad ornatum, ad gravitatem, ad evidentiam, ad sublimitatem, ad festivitatem. Nonnunquam & necessaria est, quemadmodum rustici *gemmam* dicunt in vitibus, *gemmare vites*, *sicire agros*, *fructus laborare*, *luxuriare segetes*. Nos durum hominem, *asperum*, neque enim aliud habemus verbum. Sed quot modis adhibeatur translatio, & quatenus differat à finitimis tropis, non est huius propositi scrupulosius persequi. Illud admonuisse profuerit, ut qui volet in dicendo copiosus esse, ex optimis auctoribus maximam insignium translationum vim adnotatam comparet, & ad eandem rem complures adhibeat similitudines. Sunt autem apud M. Tullium optimæ, apud Quintilianum plurimæ. Sed in his vix alius felicior, quam Plutarchus. Ex adagiis item non pauca colligi poterunt, propterea quod pleraque aut allegoriam habent, aut aliquam Metaphoræ speciem. In his colligendis nos elaboravimus, haud scio quam feliciter, magnis certe vigiliis. Nihil vero prohibet, quo minus ipsi vex lex lectis, vel ex animadversis rerum omnium naturis undecunque metaphoras fingamus, modo ne sit dura translatio, ne fordida, ne major quam oportet, ne dissimilis, ne nimium crebra, præsertim in eadem specie. Illud item non abs re fuerit admonere, metaphoram interdum in simplici nomine sitam esse. Ut si quis hominem ventri addictum, *pecudem* appellet. Nonnunquam in epitheto. Ut cum *saxum* hominem, aut *ferreum* scriptorem dicimus, aut *vitreas undas*, *floridam ætatem*. Interdum in verbo simplici. Ut *avolat ætas*, *labuntur anni*. Interdum additur quiddam, quod Metaphoram explicet. *Inflammavit* hominem cupiditate gloriæ, *Incendit ira*.

CAP. XVIII.

Variandi ratio per Allegoriam.

IDEM efficit allegoria quod Metaphora. Neque enim aliud est allegoria, quam Metaphora perpetua. Ut, *pedem conferre*, pro eo quod est concertare argumentis. *Fugulum petere*, pro eo quod est caput causæ aggredi. Et *iragulam injicere*, pro eo quod est fallaciam intendere. Ut etiam, *navem perforat*, in qua ipse naviget, id est, civitatem eversat, qua subversa sibi quoque sit pereundum. Huius evet frequentior est in sententiis proverbia ac proverbii. Ut, *flamma fumo est proxima*, quo significatur tempestiviter cavendum esse periculum. Et *vino vendibili*

suspensa hedera nihil est opus, quum significamus rei per se laudabili nihil opus esse commendatione aliena. Et *cretizandum adversus Cretensem*, id est, mendaciis ac dolis agendum cum subdolo ac vano. In huiusmodi parcmiis, allegoria nonnunquam exit in ænigma. Neque id erit vitiosum, si doctis vel loquaris vel scribas. Imo ne tum quidem, si vulgo. Neque enim ita scribendum, ut omnes omnia intelligant, sed ut quædam etiam vestigare ac discere cogantur.

CAP. XIX.

Variandi ratio per Catachresim.

EANDEM vim obtinet Catachresis, quam Latini dicunt abusione, atque hac nota seceruntur à translatione, quod abusus est ubi nomen omnino defuit. Translatione ubi aliud fuit. Veluti quum *parricidam* dicimus, qui fratrem occiderit, quia *fratricida* non dicitur. Et *piscinam* in qua lavamus, nec pisces insunt. Vires hominis breves, longum consilium, minutum animum, pro parvo. Illud orationis genus maxime probat Quintilianus, in quo trium permixta est gratia. Similitudinis, Allegoriæ, & Translationis. Ut apud Ciceronem: *Quod fretum, quem Euripum, tot motus, tantas, tam varias habere creditis agitationes, commutationes, fluctus, quantas perturbationes, & quantos ætus habet ratio comitiorum. Dies intermissus unus, aut nox interposita sepe & perturbat omnia, & totam opinionem parva nonnunquam commutat aura rumoris.* Similitudo est explicata & ad rem accommodata metaphora, quam Cicero vocat collationem. *Totus excaudit ira*, metaphora est. *Non aliter quam ferrum igni incandescit, ita ille per iracundiam toto vultu inflammatus est*, collatio est. Itaque quod ætus Euripi comparat inconstantix comitiorum, similitudo est. Quod ait, quantos ætus habet, allegoria est, aura rumoris metaphora est. Quanquam hi tropi pertinent etiam ad copiam sententiarum, de qua 2. lib. nobis dicitur.

CAP. XX.

Variatio per Onomatopœiam.

NONNIHIL accedit varietatis, & ex Onomatopœia, quæ fictio nominis dici potest. Quod genus sunt *tarantara*, pro cantu tubæ, *fibilus*, *murmur*, *mugitus*. Ad eandem formam pertinet Paragoge, id est, deductio ac derivatio novorum verborum, ex Analogia sumpta, quæ cur nobis etiam sit fugienda, non video, si quando sententia postulabit. *Syllaturire*, pro eo quod est Syllæ mores imitari velle. Et quemadmodum dicimus *cacaturire*, *misturire*, *esurire*, quid vetat, quo minus juxta Analogiam dicamus, *Dormiturire*, *Scripturire*, *Proscripturire*, *Dicturire*, *Bellaturire*, *Nupturire*? Et quemadmodum dicimus *Gracari*, cur non itidem dicamus *juvenari*, *poetari*, *cornicari*, *retoricari*, *philosophari*, *theologiari*, *vulpinari* pro *ἀλωπεκίζειν* ausus est dicere Plautus. Ut *laureati*, *nummati*, *scutati*, cur non itidem *pileati*, *larvati*, *personati*, & si qua sunt similia? cur non *siccescere*, sicut *arefcere*? Et in his quidem fictionibus Græci longe sunt Latinis feliciores. Quorum sunt illa, *Cretissare*, *Platonissare*, aliaque innumera. Nobis tamen nonnihil audendum cenfeo, præsertim in carmine, & in vertendis Græcis auctoribus. Certe quæ reperiuntur apud idoneos auctores, ea sunt audacter usurpanda. Neque enim ullum verbum nobis videri debet durum aut obsoletum, quod apud scriptorem probatum reperiatur. Qua quidem in re longe lateque dissentio ab his, qui vocem omnem ceu barbaram horrent, quam apud M. Ciceronem non legerint. Quin illud etiam observandum, ejusdem dictionis interdum variam esse Paragogen, quemadmodum superius attigimus. *Voluptuosus* & *voluptuarius*, *edax* & *edo*, *homunculus*, *homulus*, *homuntio*, *pauvillum* & *paucula*. Harum igitur omnium rerum observatio, copiam orationis non mediocriter adjuvabit, propterea quod in his 1. fictitiis nominibus magna pars opum linguæ Latinæ sita est.

CAP. XXI.

Variandi ratio per Metalepsim.

ABSYONI confinis est Metalepsis, quæ transumptio Latinis dicitur. Ea erit, ubi gradatim itur ad id quod

1. Hoc est, derivatis ex usu; nam pauca sunt vocabula, à scribentibus pro arbitrio ficta.

ostendimus, ut *speluncis abdidit atris*. Nam nigræ intelliguntur, ex nigris obscuræ, & per hoc demum in præceps profundæ. Sic Græci vocant *ὄψ' acutum*, quod velox intelligi volunt. Verum huius figuræ usus magis incidet in carmine, quam in oratione soluta. Et Synecdoches species videri potest, quemadmodum & ea quæ sequitur.

CAP. XXII.

Variandi ratio per Metonymiam.

NEQVE mediocriter ad copiam orationis facit Tropus, qui vocatur Metonymia, quæ dicitur nominis transmutatio. Ea fit compluribus modis. Vel quum inventorem, pro re subjecta ponimus, ut apud Maronem, *Cerem corruptam undis*. Apud Terentium, *Sine Cerere & Baccho friget Venus*. Apud Horatium, *Receptus terra Neptunus. Classes aquilonibus arcet. Vulcano dicare. Vario Marte pugnare. Venus confert oculis & voci*. Hic inventor, aut qui præsidet, pro re subjecta ponitur. Quod si veritas, erit durius. Ut, *vinum* precemur, nam hic deus præfens adest: hic vinum pro *Baccho* positum est. Vel quum id quod continet, pro eo quod continetur, usurpatur, ut *epotos cados, celo gratissimus annis*, id est, cœlitibus. *Seculum felix*. Aut contra, id quod durius & violentius fit, Virgilius: *Jam proximus ardet Ucalegon*, hominem, pro domo posuit: Terentius: *Eamus ad nos*, id est, ad ædes nostras: & cum dicimus *hominem devorari*, cujus patrimonium consumitur. *Hunc tibi comedendum propino*. Horatius: *Desene gustaris*, id est, de pecunia senis. Ubi dominus rei pro re ipsa ponitur. Vel cum ex efficiente, effectum significamus: *hic melior remis*, significat enim velocitatem, sed quæ per remos fit. Vel contra, ut *frigus pigrum, Mæstumque timorem mittite, Pallida mors, Audax juventa, Pallentesque habitant morbi, Tristisque senectus, Præceps ira, hilaris adolescentia, inconsultus amor, Inverecunda nox, Audax vinum*. Vel quum ducem ponimus pro his qui subsunt. Ut quum *ab Annibale cæsa* apud Cannas sexaginta millia dicimus. Aut quum auctorem pro opere ponimus. Ut quum dicimus, *Virgilium vendi, Plinium semper in manibus habendum*. Simile est huic, quum *sacrilegium deprehensum* dicimus, non sacrilegium. Et *armorum scientiam* habere, non artis. Ad hanc classem arbitror referenda, quæ pariter & ad personam & ad rem referuntur. Ut *facundus homo*, *facunda oratio*, *audax homo*, *audax facinus*. *Confutasti hominem*, *confutasti hominis argumenta*. Sed quoniam hæc passim obvia sunt, desino persequi.

CAP. XXIII.

Variandi ratio per Synecdochen.

VEHEMENTER adjuvabit copiam & Synecdoche, quam quidam intellectionem vocant, quoniam aliud ex alio intelligimus, ut quum ex uno plures intelligimus. Ut quod supra retulimus, *Romanus pralio victor*. Et *Pannus fugatus*, pro *Pani*: ex parte totum, ut *muronem*, pro gladio, *sectum*, pro domo. Retroque, ut *ingens à vertice pontus*. Et *fontemque ignemque ferebani*: *pontum* dixit pro fluctu, *fontem* pro parte aquæ. Ita Maro. Ex specie genus. Horatius: *Iracundior Adria*, pro quovis mari. *Achelusia poeula*, pro quovis fluvio, Maro. Quod non ita commode vertitur. Ex materia rem confectam, ut *ferrum* pro gladio, *abies* aut *pinus* pro navi. Ex præcedentibus sequentia, ut *virgineam solvit zonam*, id est, devirginavit. *Subdidit equo calcaria*, id est, cucurrit. Item quum *lautum & unctum* dicimus, quod nitidum ac splendidum volumus intelligi. Breviter, quum quocunque modo aliud ex alio intelligitur. *Vixerunt*, pro mortui sunt. *Nos quoque florimus. Et fuimus Troes. Et jam summa procul villarum culmina fumant*, noctem imminentem intelligimus, quum longe aliud dictum. Porro hic ex signo rem signatam colligimus.

CAP. XXIV.

Variandi ratio per aequipollentiam.

PRÆCIPVA variandi ratio sumitur per *ισοδυναμίαν*, id est, per aequipollentiam. Ea constat negationis additione, detractione, geminatione, & verbis contrariis. Ut primas obtinet, *non est in postremis*. *Vir egregie doctus, vir nimis indoctus. Omnia fecit, nihil non fecit: non nihil falsum*.

fallacia intendendum in hominem, id est, aliquid fallaciae. Assumpto autem verbo diverso, & apposita aut adempta negatione, statim novam orationis faciem constitueris. *Placet, non displicet. Accipio conditionem, non recuso conditionem.* Verum de his reliquisque æquipollentibus exactius suo loco tractabimus. Eorum vero, quæ inter se pugnant, varia est ratio. Quædam contraria sunt, ut, *amor, odium; irascens, propitius; formosus, deformis.* Quædam privative dissident, ut *cæcus & videns, mortuus & vivus, surdus & audiens, mutus & loquens.* In his quod removel, non prædicatur, nisi de his, quorum natura capax est oppositi. Neque enim lapis dicitur mortuus aut cæcus. Quædam contradictorie dissident, ut *nolo, volo; doctus, non doctus; probat, non probat. Est puella deformis, Est minime formosa: Est minime deformis, Est egregie formosa.* Est homo minime surdus, Est egregie auritus: Est parum auritus, Est surdaster. Non possum non probare. De relativis mox dicemus. Ad hanc formam pertinent quæ actionem & passionem declarant. *Ab illo grave vulnus accepit: Infixit illi grave vulnus. In Cicerone quadam desiderantur à doctis: In Cicerone docti quadam desiderant.* De his alibi dictum est.

CAP. XXV.

Variandi ratio per comparativam.

IN nonnullis comparativis dictionibus fit hæc commutatio citra negationem, translatis duntaxat partibus. Ut, *anteponit famam pecunia: Posthabet pecuniam fama. Minoris facit famam quam pecuniam: Pluris facit pecuniam quam famam. Prius habet lucrum quam honestum: Posterius habet honestum quam lucrum.* Atque hæc quidem copia nascitur ex contrariis. Cujusmodi sunt, *suspicit, despicit, curat, negligit, appetit, fastidit*; atque id genus innumera.

CAP. XXVI.

Variandi ratio per relativorum commutationem.

FACILIS est item variandi ratio per dictiones relativas, quæ & ipsa ad contrariorum genus pertinent. *Uxor illius esse non vult: non vult illum maritum. Recusat illius esse socer: Recusat illum generum. Pudet me huius nurus: Pudet me huius socrum videri. Non alium mihi patrem optem: Nullius malim esse filius. O me tali felicem præceptore: Felicem me qui tuus sis discipulus. Cave isti locaveris agrum: Ne committas, ut hic agrum conducas tuum. Jam dudum expectat, ut viro nubat: Expectat ut se vir aliquis ducat. Nolim tibi debere: Nolim te mihi creditorem. Hoc me docuisti: Hoc ex te didici. Hoc mihi retulit Paulus: Hoc ex Paulo audivi. Cauteste genuit: E caute natus es. Plurimum ex care capies, emolumenti: Eares plurimum tibi adferet emolumenti. Litera non parum ornamentis tibi conciliabunt: Ex literis non parum ornamentis tibi accedet. Pater filio reconciliatus est: Filius cum patre rediit in gratiam.*

CAP. XXVII.

Variandi ratio per amplificationem.

EX Auxesi, hoc est amplificatione variatur oratio, cum amplificandæ rei gratia verbum atrocius subijcimus loco proprii, ut, cum *occisum* dicimus, qui sit *casus*. *Latronem*, qui sit *improbis*. *Occidisse*, cui res acerbior acciderit. *Exanimatum*, dolore affectum. *Enectum*, cruciatum. *Mutum*, qui nihil responderit. *Revixisse*, qui spem receperit. *Oblitus injuriæ*, qui ignovit. Huc pertinent & appellationes illæ exaggerantes, de quibus ante nonnihil meminimus, quum *carnificem* appellamus hominem imitem. *Sacrilegum*, sceleratum. *Veneficam*, malam. Præterea illæ. *Scelus, monstrum, pestis, labes.* Postremo & hæc. *Atreus*, pro crudeli. *Sardanapalus*, pro effœminato. De quibus suo loco copiosius.

CAP. XXVIII.

Variandi ratio per Hyperbolem.

VARIAT & Hyperbole, quam quidam superlationem nominavit. *Hac mendacio*, ut inquit Seneca, *pervenimus ad verum.* Plus enim dicit Hyperbole quam res habet; attamen quod verum est, ex falso intelligitur. Ut, *hic vel saxa sua loquacitate possit rumpere. Cælum digito attingere. Ocyro Euro. Et fulminis ocyro alis. Sublimi seriam vertice sidera.*

CAP. XXIX.

Variandi ratio per diminutionem.

DIVERSVS variandi modus per *μείωσις*, hoc est, per diminutionem. Veluti quoties attigisse dicimus eum, qui pulsavit, *læsisse*, qui vulneravit. Interdum diminutio sapit Hyperbolem, ut, *vix ossibus hærent. Brevior Pygmaeo. Minus habet quam nihil.* Verum de his quoque nonnulla suo loco differemus.

CAP. XXX.

Variandi ratio per compositionem.

VARIATUR oratio nonnihil & ex compositione. Ea fita est in his ferme figuris, *Asyndeto, Polyfyndeto. Veni, vidi, vici.* Maro. *Tectumque laremque, Armaque, Amyclaumque canem, cressamque pharetram.* Syzeugmeno. Id fit, quoties ad unum verbum plures sententiæ respondent. Fit autem trifariam, aut quum præponitur, aut quum sequitur, aut quum interponitur, ut *deslorescit forma, vel morbo, vel atate.* Hic præponitur. *Vel morbo vel atate forma deslorescit.* Hic subijcitur. *Aut atate forma deslorescit aut morbo.* Hic in medio intercedit. Item M. Tullius, *Vicit pudorem libido, timorem audacia, rationem amentia.* Contra. *Neque enim is es Catilina, ut te aut pudor unquam à turpitudine, aut metus à periculo, aut ratio à furore revocavit.* Nonnunquam & per iterationem repetitur non conjunctio, sed nomen aut verbum, quam Epanalepsim vocant. *Nihil ne te nocturnum præsidium palatii, nihil urbis vigilie, nihil timor populi, nihil concursus bonorum omnium, nihil hic magnificentiissimus senatus habendi locus, nihil horum ora vultusque moverunt?* Simile huic fuerit. *Vicit pudorem libido, vicit timorem audacia, vicit rationem amentia. Aut per ovum vulva. Vicit timorem audacia, rationem superavit amentia, libido pudorem expugnavit.* Experiamur igitur, quot rationibus eadem sententia possit per has figuras variari. Contemnit deos, contemnit homines: Deos contemnit, homines contemnit: contemnit & deos & homines: Et deos & homines contemnit: Deos contemnit atque homines. Ad hunc locum pertinent & illa. *Inedia, quam frigoris patientior. Lucri, quam gloriæ cupientior: Cupientior lucri, quam gloriæ: Lucri cupientior, quam gloriæ.* Chariorem habeo neminem, & neminem habeo chariorem. Quanquam hæc non ita multum adferunt momenti, adjuvant tamen. Et, quibus de causis: Ob eam rem: Eam ob rem. Ob causam tam parvulam: Tam parvulam ob causam. Veniam ad te quando ita vult pater, quando ita vult pater veniam. Ejusdem rationis est, cum ex oratione simpliciter duplicem facimus, aut contra, ut, omnia tua mihi debes: Quicquid habes, id omne mihi debes.

CAP. XXXI.

Variandi ratio per σύνταξις, id est, constructionem.

EX ordine sive constructione item nonnulla sermonis varietas existit, id quod superius attigimus. Nam pleærque dictiones sunt, quæ non respuunt diversam constructionem, ut multum pudorem, & multum pudoris. Scripsit mihi, & scripsit ad me. Diversum seu alienum huic, & diversum seu alienum ab hoc. Idem huic, & idem cum hoc. Jactat majores suos, jactat se de suis majoribus. De te somniavi, te somniavi. De teridet, te teridet. Tota nocte potavit, totam noctem potavit. Romanorum summus, summus inter Romanos. Servitus morte durior, servitus durior quam mors. Damnatus est de repetundis, damnatus est repetundarum. Natus gloriæ, natus ad gloriæ. Tuæ partes sunt, tuarum est partium.

CAP. XXXII.

Variandi ratio per mutationem figura variis modis.

VARIATUR oratio, quoties alio atque alio affectu, ac velut habitu profertur, quam interfirmi figuræ mutationem licebit appellare, ut non est miserum mori, & *ut que adeo ne mori miserum est?* Nihil est te vanius, an quicquam te vanius? Hic per interrogationem variata est figura. Non magnam laudem assecutus es: Egregiam vero laudem es assecutus. Non ista curat populus: Id populus curat scilicet. Hic per ironiam commutata est sermonis

Tom. I. B 2 facies.

1. Leg. Munitissimus.

23

facies. Vehementer amat pecuniam: Dii boni, quam amat pecuniam! per admirationem versus est orationis color. Tum deos contemnit, tum homines: Haud scio magis ne deos contemnat, an homines. Hic per dubitationem commutata est orationis forma. Nihil mihi carius aut antiquius fama: Dispeream, si quid mihi carius fama. Hic per adjurationem variatus est sermo. Ista nunquam cogitavi: Dii meliora quam ut ista cogitarim. Hic per abominationem commutatus est color. Est vir insigni vanitate: O singularem hominis vanitatem! Hic per exclamationem. Non modo virgines aliquot constupravit, verum etiam Vestalem incestu polluit: Virgines complures stupravit, ut interim de Vestali incestu polluta sileam. Hic per occupationem variatus est sermo. Quum & genere sis obscurissimo, & re nulla, nullis literis, nulla forma, nullo ingenio, quid est cur te adeo jactes? Quid habes, cur tam sis insolens? Natalium splendorem? Atqui genere es obscurissimo. Opes? at vel Iro ipso pauperior es. Eruditionem? sed bonas literas nec attigisti unquam. Formam? at ipso Therfite deformior es. Ingenium? at istud profecto nactus es stupidissimum. Quid igitur ista tua jactantia est, nisi mera insania? Hic per subjectionem variatus est orationis habitus. Neque vero solum per omnes figuras, verum etiam per locos prope omnes variari potest oratio. Ceterum quoniam hæc magis videntur ad rerum copiam pertinere, secundo commentario de his diligentius disseremus. Hactenus formas ferme omneis paucis indicavimus, quibus manente sententia commutatur oratio.

C A P. XXXIII.

Experientia.

NUNC quo res fiat dilucidior, experiundi gratia sententiam unam atque alteram proponamus, conemurque quoad fieri poterit eandem, veluti Proteum, in omnem speciem vertere. Non quod omnis variandi ratio in unam quampiam orationem possit incidere, sed quot incidunt, tot utemur. Sumaturque illud exempli loco:

Tua litera me magnopere delectavit.

Tuæ, non admittit Synonymiam. Tuæ amplitudinis, Tuæ celsitudinis, Tuæ majestatis, Periphrasis est. Si nomen proprium ponas, puta Fausti, Heterosis est & partis & personæ. Fausti literæ. Si Faustinae literæ, Heterosis substantivi in epitheton.

LITERÆ.

Epistola, literæ, tabellæ, Synonymia est. Literulæ, epistolum, tabellulæ, Heterosis. Schedæ, scripta, Synecdoche. Quod ad me scripsisti, Periphrasis est.

ME.

Animum meum, pectus meum, meos oculos, vel Periphrasis, vel Synecdoche. Nos pro me, enallage numeri. Erasmus Heterosis est personæ.

MAGNOPERE.

Valde, vehementer, nimium, mire, mirifice, magnifice &c. Synonymia est. Magnopere, summo pere, supra modum, præter modum, unice, *augustus* est. Haud mediocriter, non parum, non vulgariter, per contraria & negationem. Dicitur non potest quantopere, incredibile dictu, verbis consequi nequeam; atque id genus alia Hyperbolen sapiunt.

DELECTARUNT.

Oblectarunt, recrearunt, exhilararunt. Synonymia est. Nisi quod in exhilararunt metaphora videtur esse. Voluptatem attulerunt, voluptati fuerunt, jucundæ fuerunt, & similia Periphrasim habent. Voluptate perfuderunt, melitissimæ fuerunt, & consimilia Translatitia sunt. Non injucundæ fuerunt, non insuaves, a contrariorum permutatione. Reliqua citra contextum commode ostendi non possunt. Nunc igitur experiamur. Tuæ me literæ magnopere delectarunt. Delectarunt mirum in modum tuæ me literæ. Majorem in modum tuæ delectarunt literæ. Hactenus præter compositionem nihil ferme mutatum est. Tuis literis sum magnopere delectatus. Delectatus sum majorem in modum tuis literis. Hic genus verbi duntaxat est commutatum. Epistola tua me vehementer exhilaravit. Tua quidem epistola sum vehementer exhilaratus. Tuæ literulæ non mediocriter animum meum

A refecerunt. Humanitatis tuæ scriptis sum non mediocriter animo refectus. Ex amantissimis literis tuis incredibilem cepi voluptatem. Hyperbole & relatio. Amantissimæ tuæ literæ incredibilem mihi voluptatem attulerunt. Novam quandam lætitiā tuæ schedæ mihi pepererunt. Tuis ex schedis mirificam lætitiā concepi. Summum gaudium tua scripta mihi apportarunt. Tuis e scriptis summum mihi gaudium allatum est. Ex excellentiæ tuæ literis magnam hausimus voluptatem. Et hic relatio est. Cetera sibi quisque facile adnotabit. Ex Faustis meis literis plurimum hausī voluptatis. Tuis e scriptis haud vulgaris mihi voluptas accessit. Epistola tua sum unice delectatus. Ex Faustinis literis mirificum quoddam oblectamentum percepi. Tuæ literæ sane quam delectarunt animum meum. Ineffabili gaudio tuæ me schedulæ perfuderunt. Hic Metaphora est. Tuis ex literis nova quadam delectatione sum perfusus. Incredibili lætitiā tua me scripta delibutum reddiderunt. Et hic metaphora. Haud parum delectamenti tua mihi conciliavit epistola. Legendis tuis literis oppido quam sum delectatus. Lectio tuarum literarum singulari voluptate delinivit mentem meam. Admodum delectabilis mihi tua fuit epistola. Eximia quadam lætitiā tuæ me literæ affecerunt. Tuis ex literis singulari sum affectus lætitiā. Maximæ voluptati mihi tua fuit epistola. Summo oblectamento mihi tua scripta fuerunt. Incredibili gaudio mihi tua fuit epistola. Nimis quam jucunda nobis tua fuit epistola. Vix credas quantopere in tuis scriptis acquiescam. Ita M. Tullius frequenter utitur acquiescere pro oblectari. Summæ jucunditati nobis tua fuit epistola. Suavissimæ mihi tuæ fuerunt literæ. Tuis ex literis singularis mihi profecta est lætitiā. Tuæ literæ fecerunt, ut prorsus exilirem gaudio. Tuis acceptis literis, lætitiā gestiebam. Ubi mihi tuæ sunt redditæ literæ, lætitiā sum expletus. Lectis tuis amantissimis literis, nova quadam lætitiā correptus sum. Acceptis literis tuis, incredibilis voluptas cepit animum meum. Inusitata lætitiā me tua demulsit epistola. Quod ad me scripseris, id mihi tam jucundum fuit, quam quod jucundissimum. Quod ad me tuas dederis literas, id vehementer fuit gratum. Quod me tuis dignatus es literis, eo nihil mihi potuit accidere gratius. Tuæ me literulæ oppido gaudibundum effecerunt. Tuis literis oppido quam lætabundus sum effectus. Quod me tuis literis certior reddidisti, fuit id mihi non gratum modo, verum etiam jucundum. Cum tua ad me perferretur epistola, vidisses me gaudii magnitudine gestientem. Quod me saltem epistola salutaris, id profecto volupe fuit. Literis tuis nihil adferri potuit optatius. Epistola tua ad nos venit vehementer expectata. Literis tuis nihil adferri potuit desideratius. In his tribus Metalepsis est, aut certe Synecdoche. Nam jucunda solent accidere, quæ magnopere desideramus. Non possunt non esse jucundissimæ Erasmo Faustinae literæ. Non injucunda mihi tua fuit epistola. Neutiquam insuaves mihi tuæ venerunt literæ. Haud quaquam ingrata mihi tua scripta acciderunt. Tam mihi dulcis tua fuit epistola, quam ea, quæ sunt dulcissima. Literas tuas multa cum voluptate perlegi. Epistolam tuam non sine summa voluptate recepi. Qui mihi tuas reddidit literas, is mihi gaudiorum cumulum detulit. Dictu mirum, quam me tua ceperit epistola. Schedæ quas abs te missas accepi, nova quadam gaudiorum luce pectus meum serenarunt. Literæ tuæ quicquid in animo meroris erat, id omne protinus excusserunt. Miram animo persensī voluptatem, cum tua nobis redderetur epistola. Tuis ex literis voluptas insolita animo incescit meo. Tuæ literæ fuerunt in causā ut affatim gauderem. Tuis literis effectum est, ut totus exultarim gaudio. Dicitur vix queat quantum mihi lætitiæ tuis ex literis obortum sit. Vix possum sermone consequi, quantum gaudiorum ex tua mihi natum sit epistola. Dictu mirum est, quantum voluptatum nobis ex tuis affulserit literis. Deum immortalem quam ingens gaudium nobis ē tua provenit epistola? Papæ quantas lætitiæ causas nobis tuæ literæ suppeditarunt. Dii boni quantam vim gaudiorum tua mihi scripta subministrarunt? Majorem lætitiā tuæ mihi tabellæ attulerunt, quam ut explicare possim. Plurimum voluptatis nobis tuas tabellarius adportavit. Vix credas quantum acer-

acervum lætitiæ literæ tuæ in animum invexerint meum. Verbis eloqui nequeam quantis gaudiis me tua oneravit epistola. Cur autem sic verear loqui cum Terentius dixerit, multis commoditatibus oneratum diem? Tuæ me literæ gaudiis onustum reddidere. Tuis literis valde sum gavifus. Tuis literis unice sum lætatus. Tua scripta nobis uberrimam lætitiæ copiam offuderunt. Lætissima mihi tua fuit epistola. Tuis literis factum est, ut prorsus frontem exporrexerim. Visis tuis literis protinus animi mei frontem explicui. Inter legendum ea, quæ ad me scripsisti, mira quædam voluptas animo obrepfit meo. Simul atque tuas inspexissem literas, nova quædam gaudiorum vis mentem occupavit meam. Inspectis tuis literis, incredibilis quidam æstus lætitiæ pectus subiit meum. Acceptis humanissimis literis tuis, immensa quædam lætitia me totum obfedit. Emoriar si quicquam unquam accidit jucundius tuis literis. Dispeream si quid in vita suavius obigit tuis literis. Ita me musæ bene ament, ut nihil antehac accidit tuis literis gratius. Cave credas rem ullam obijci à fortuna posse jucundiores quam tuæ sunt literæ. Quam ipse charus es animo meo, tam me juvant tuæ literæ. Papæ quantum gaudiorum tua mihi excitavit epistola? Quantum risus, quantum plausus, quantum tripudiorum tuæ nobis attulerunt literæ? Elegantissimas tuas literas legens, insolita quadam lætitia tangebar. Calamus tuus me gaudiis exsaturavit. Multam voluptatem mihi tua præbuit epistola. Totum me gaudiis imbuisti tua tam elegans epistola. Omnes pectoris mei sinus voluptate referfit tua tam amabilis epistola. Rara quadam voluptate me tuæ resperferunt literæ. Tua quidem epistola novam quandam animo meo voluptatem asperfit. Tuis literis nulla res unquam accidit mihi festivior. Nihil unquam vidi tuis literis lubentius. Haud est quicquam quod gaudentiore acceperim animo, quam proximas Fausti mei literas. Quo me credis affluxisse gaudio, cum tuum animum tuis in literis agnoscerem? Cum tabellarius tuam mihi traderet epistolam, statim animus mihi lætitia ineffabili prurire coepit. Quid ego tibi nunc referam, quæ voluptas acceptis tuis literis, animum Erasmi tui titillavit? Animus gaudio velut exundabat, cum tua mihi redderetur epistola. Ut lubens tuam accepi epistolam? Posteaquam epistolium tuum ad me delatum est, animus nimirum mihi gaudio efferebuit. Vix eram apud me præ gaudio, cum tuas acciperem literas. Literarum tuarum lepos, præcipua quadam voluptate remoratus est animum meum. Non possum non vehementer gaudere, quoties tua scripta ad nos advolant. Mel merum mihi tuæ fuerunt literæ. Quicquid literarum abs te proficiscitur, id mihi faccaro ac melle fluere videtur. Opiparis literarum tuarum epulis sum lautissime refectus. Tua scripta sunt mihi quavis Ambrosia suaviora. Schedulæ mei Fausti mihi fuere vel mensis Siculis lautiores. Nulla voluptas, nullæ sunt delicæ, quas cum tuis literis conferre velim. Nausea sunt omnia præ tuis literis. Inter legendum amantissimas literas tuas Erasmi pectus gaudio subsultabat. Chartæ digitis tuis exarata, me quantus eram gaudiis explerunt. Meræ delicæ cordi meo sunt, quicquid scriptorum abs te redditur. Nil nisi gaudium tua spirat epistola. Festum diem attulit is, qui tuas attulit literas. Triumphum adduxit, qui tuum adduxit epistolium. Nul- lum ego nectar tuis scriptis anteposuerim. An ego ullum mel Atticum cum tuis amantissimis literis contulerim? Saccharum non est faccarum, si cum literis tuis componatur. Nulli mortalium tam sapit lotus, quam mihi literæ tuæ sapiunt. Quod sitienti vinum, hoc mihi tuæ sunt literæ. Quod apibus Cytisum, quod salignæ frondes capellis, quod urso mel, hoc mihi tuæ sunt literæ. Epistola tuæ celsitudinis, mihi fuit quovis melle mellitior. Ubi recepissem tantopere expectatas tuas literas, dixisses Erasmus plane gaudiis ebruium. Ut reddita sunt abs te literæ, statim vidisses nos nimia quadam lætitia quasi temulentos. Quam unice te diligo, tam unice tuis epistolis delector. Nil nisi merum delitium tua mihi scripta videntur. Non tam palato blandiuntur ullæ cupediæ, quam animum meum tuæ literæ delinunt. Nullæ lautitia suavis titillant palatum, quam tua scripta mentem titillant, *ἀπαλύνει* *ἡ δὲ ὁρμή* attulit, qui tuas reddidit literas. Voluptatum *διδόνει*

adportavit tabellio tuus, tuis ad me redditis literis. Gaudiorum *ἑλάσσαν* advexit is, qui schedas pertulit tuas. Mihi plane tuæ literæ fuerunt quod Persis *δὸς ἐγνέφαλος*, quemadmodum ajunt Græci. In his porro si qua videbuntur ejusmodi, ut in oratione soluta vix toleranda putentur, meminerit hanc exercitationem ad carminis quoque compositionem accommodari. Age jam ad eundem modum in altera quapiam sententia variandi facultatem experiamur. Eaque deligatur, natura non admodum foecunda, neque ad varietatem idonea, quo magis appareat quantum possit hæc commutandi ratio, si usu atque exercitatione confirmetur. Hancigitur sententiam sumamus:

Semper dum vivam, tui meminero.

Principio adverbio semper nullum respondet idem pol- lens, neque in aliam vocem deflecti potest. Deinde vivam nullum item habet simile, & verbum est unicæ vocis, id est, neutralis, nec ullum ex se propagat nomen præter vitam. Deinde meminero non solum unicæ vocis est ver- bum, verum etiam mancum, & mutilum, peneque steri- le, utpote à quo nulla soboles proficiscatur, præter me- mor & memoria. Porro duo verba quæ his opponuntur, mori & oblivisci videlicet, & ipsa sunt tum manca, tum sterilia. Tamen aggredimur. Cæterum variandi ratio- nes ex superioribus per se lector agnoscat. *Semper dum vivam, tui meminero.* Nunquam dum vivam, tui non meminero. Nunquam quoad victurus sum me tui capiet oblivio. Haud unquam dum vixero, tu animo excideris meo. Nunquam donec vivam, mihi venies in oblivionem. Nunquam quoad in vivis ero, tui nobis veniet oblivio. Non prius tui meminisse desinam, quam vivere. Non me ante tui memoria quam vita ipsa reliquerit. Usque dum spirabo, tui memor fuero. Donec hac luce fruam, tu ani- mo hærebis meo. E vivorum contubernio citius emigra- verim, quam tui memoria nostro è pectore demigrarit. Ipse prius è vivis excessero, quam Morus è nostra exce- ferit memoria. Lux hæc me prius deficiet, quam tui me- mor esse coepero. Vita me non serius destituet, quam tam chari capitis recordatio. Idem dies mihi tui memo- riam eripiet, qui vitam. Eadem lux oblivia tui nobis est adductura quæ mortem. Idem nostræ tui memoriæ vitæ- que finis erit. Dum memor ipse mei fuero, tui meminisse nequitiam pigebit. Non alius nostræ tui memoriæ, quam lucis erit interitus. Is solus dies tui memoriam exstinxerit qui vitam. Ante mei ipsius quam tui oblivisci incipiam. Nostro è pectore non prius elabetur Mori memoria, quam hæc anima. Præter unam mortem, nullus omnino te mi- hi casus expectorabit. Ego ne tam jucundi convictoris unquam vivus queam oblivisci? Tum demum Mori sui oblivisci poterit Erasmus, cum ipse sui desinet memor ef- fe. Dum mihi sensus ullus mei reliquus erit, tu semper ani- mo nostro obversaberis. Cordi meo charior es, quam ut vivo quidem, in oblivionem venire possis. Intime nostris in præcordiis repositus est Morus, sic ut præter unam mortem, nulla res illum illinc queat eruere. Orco tradar ipse prius, quam te mandem oblivioni. Dum spiritus his oculis, his manibus imperabit, tu pectori insidebis meo. Dum spiritus hos reget artus, tui meminero. Quamdiu su- pererit in nobis halitus, non quivero tui non meminisse. Dum in vivis agam, usque vivet in me tui memoria. Is mi- hi dies vitæ finis erit, qui tui oblivionis erit initium. Idem casus hanc animam, teque è meo revellet animo. Do- nec superstitem esse sinent superi, tui perpetuo recorda- bor. Dum quicquam vitalis caloris in hoc pectore palpi- tabit, tui memoria non evanesceat. Non mihi diuturnior vita futura est, quam tuorum in me meritorum memoria. Non mihi brevior fuerit tui memoria quam ipsa vita. Non minus durabilis erit tui capitis recordatio, quam hæc ipsa vita. Me mihi eripiet is dies, qui tui memoriam adimet. Ipse mihi subducatur, priusquam te in memoria habere de- stitero. Haud longior erit mihi lucis hujus functio quam tuæ benignitatis memoria. Non mihi posterius suppetet vivere, quam tui meminisse. Extra me fuero citius quam Morus intra hoc pectus esse desinet. Vita hæc tuique me- moria pari stadio ad metam decurrent. Prorsus non erit Erasmus, cum Mori immemor erit. Non exstabit hoc ca-

Tom. I.

B 3

put,

1. Hoc exemplum ducenties variatur.

put, ubi tam singularis amici quivero oblivisci. Donec super terram acturus sum, non committam ut obsolescat apud me tuæ comitatis memoria. Donec communem hunc aerem hauriam, tu crebro animo occurrabis meo. Nunquam ferius futurum est Erasmo vitam, quam tui memoriam obtinere. Non ante de te cogitandi finem fecero, quam Atropos fatale filum secuerit. Si qua dies unquam tui paritura est obliviscentiam, ea certe nunquam antecesserit ei, quæ me luce orbabit ipsa. Sol hic qui videt omnia, nunquam me videbit non memorem tui. Mors una tui recordationem his è præcordiis emovebit. Donec ulla vitæ portio his in artubus residebit, Morus ab Erasmi cogitatione nunquam aberit. Quamdiu sanguinis ulla pars huius in corpufculo calebit, nunquam apud me refrixerit Mori memoria. Mihi quidem dum vita aderit, tu à mente mea nunquam es abfuturus. Quousque manebit huius animæ corpufculique copula, tu à mea memoria nullo tempore sejungeris. Prius animus corpori quam tu animo meo præsens esse defines. Spiritus ipse citius ex huius corpufculi domicilio demigrabit, quam animo impressa meo imago tui deleatur. Aequè diuturna fuerit apud me tui memoria ac vitæ cursus. Eadem erit & vivendi, & de te cogitandi meta. Non arctioribus pomeriis tui recordatio claudetur quam ipsa vita. Quoad ulla vena mihi vitali tepore saliet, dulce fuerit usque tui meminisse. Quantum mea Lachesis fatale stamen extenderit, tantundem extendetur & mea tui memoria. Eadem mihi & vivendi, & de te cogitandi mensura fuerit. Quoad corporis molem status vivificus sustinebit, animum maxime tui memorem geram. Dum lucis usum coelitus indulgentia concedet, te semper animo feram. Dum vitam permittent superi, non commitemus, ut tam fidi congerronis unquam nobis obrepas oblivio. Donec me non deficiet anima, animum hunc & memorem & gratum nunquam posuero. Quoad usque sole volubili frui fas erit, hunc hominem habebis tui memorem. Vivum non videbit Erasmus, qui videbit oblitum tui. Quanto tempore vita mihi duratura est, mens quidem hæc manebit tui recordantissima. Quamdiu supero hoc Jove continget frui, non mihi contigerit oblivisci tui. Donec vita perseverabit, tu cordis obtutibus semper es obversaturus. Nominis ante mei quam tam rari amici mihi ventura est obliviscentia. Ipse mihi prius excidero, quam tui vultus imago. Viventi quidem Erasmo haud unquam excidet Morus. Nulla diuturnitas ævi, tui apud me memoriam obliterabit. Non nisi mecum tui exstinguetur memoria. Ante fatalem diem è nostra memoria non eliminaberis. Ante obitum non desistam tui meminisse. Ante suprema funera non cessabo tui memor esse. Non ante exacta vitæ flamina, tui queam oblivisci. Vivo quidem Erasmo, Morica memoria haud unquam effluet. Tui apud me memoriam nulla unquam ætas antiquabit. Ante summum diem non abrogabitur in me memoria tui. Nulla neque locorum neque temporum injuria efficiet, quo minus tui quam maxime meminerim in vita. Per omnem vitam tui meminero. Hæc vita quam longa continget, cum tui memoria semper erit conjuncta. Ad ipsum usque rogam me tui memoria prosequetur. Mei sensu carebo, priusquam conjunctissimi hominis cariturus sim recordatione. A meis ipse membris distrahar, antequam tu ab animo meo divellare. Mors mihi citius acciderit, quam oblivio tam dilecti capitis. Certum est mortem oppetere potius, quam tui memoriam non jugiter obtinere. Non nisi me sepulto, tui recordatio sepeliatur in me. Tui quidem aut mecum, aut nunquam est interitura memoria. Donec expirem ipse, spirabit in me Mori mei memoria. Donec apud superos agitabimus, nunquam mihi incesset tui benignitatis oblivio. Ante obitum, nunquam animo meo tui incurret oblivio, sicut enim loquitur Seneca. Nihil tam arduum hæc vita mihi gignere queat, ut tui memoriam ex his præcordiis possit extundere. Nulla res tam atrox mihi possit in hac exoriri vita, quæ tui conciliet oblivionem. Vivo nihil possit existere, quod mihi tuæ erga me humanitatis conflet obliviscentiam. Sic in me radices egit memoria tui, ut nullis omnino casibus, qui quidem vivis soleant accidere, sit unquam cessura. His nimirum monumentis animo meo consecratus es, ut ea nullum ævi spacium valeat

A demoliri, nisi forte mors, cui nihil rerum mortalium non cedit. Nisi ipse mortalis essem, non dubitarem hanc de te memoriam immortalem fore polliceri. Si immortalis esset Erasmus, immortalis itidem foret tui apud illum memoria. Ejusmodi statuam in animi mei penetralibus tua merita erexerunt, ut ea quoad me tellus sustinebit nullo casu sit diruenda. His titulis Morus inscriptus est cordi meo, ut eos nulla temporis injuria possit unquam exedere. Non nisi una cum ætate tui recordatio in me consenescent. Ipse mihi prius excutiar, quam Mori nomen ex adytis cordis exigatur. Id unum tibi & confirmo & præstabo, donec in mortalium numero futurus sum, tu è scrinio memoriarum nostræ nunquam dimovebere. Ut omnia tempus possit, certe hoc unum illi non licebit unquam, ut vivo mihi tui pariat oblivionem. Semper hic animus tui cum primis meminerit, neque id me dies quamlibet longa dedocebit. Donec me tellus alet, unum illud nunquam quibo dedicere, videlicet tam chari sodalis meminisse. Donec futurus sum *ἐπιχθόνιος*, ut Homericò dicam verbo, Mori memoriam continenter obtinebo. Quoad mihi continget inter *οἶκον ἰδοντας*, ut Homericè loquar, annumerari, nunquam hoc de pectore Mori vultus labetur. *ὅφρ' ἂν ἐγὼ γεζῶμαι μέτῳ καὶ μοι φίλα γένηται ὄραρα*, quemadmodum inquit Homerus, tu mihi nunquam es obliviscendus. *ἡμὲς ζῶντες καὶ ἐπὶ χθονὶ δερκομένοιο*, ut est apud Homerum, nunquam te auferet oblivio. Tui memoriam perpetuo pariter cum ipso vitæ progressu producam. Superstiti Erasmo sublimitatis tuæ memoriam nullus unquam dies expunxerit. Corpore quidem abs te distrahi potero, verum animo te semper intuebor, quoad vitam numina largientur. Donec aura vitalis hos artus moderabitur, tu à nostris cogitationibus nullo momento es abfuturus. Usque adeo penitus his præcordiis tui impressa est memoria, ut nullo unquam pacto videatur eradenda. Ut omnia tempore marcescant, tui certe memoria ad occasum usque vitæ apud me vigeat. Arctius Morum meum animo complexus sum, quam ut vivo possit elabi. Eadem me lux exanimem videbit, quæ tui conspiciet immemorem. Adeo vivam quandam imaginem tui, pectori insculpsisti meo, ut vix etiam mors ipsa sit abolitura. Non erit Erasmus tui memoria vivacior. Tam vivax erit tui apud me memoria, ut ipse non sim futurus vivacior. Nunquam intercideret apud me Morica memoria, donec ipse non intercidero. Semper hunc hominem experieris tui recordantem, donec vitæ participes erit. Expers huius vitæ fuero priusquam à tui memoria alienus. Adeo vivax est in me tui memoria, ut ipse non sim illi futurus superstes. Altius meæ memoriæ infedisti, quam ut ulla te res inde queat emoliri. Tenacius inhæres cordi meo, quam ut præter mortis casum, quicquam aliud inde te queat ejicere. Penitius hoc in pectore conditus es, quam ut hinc ulla ratione sis excludendus, donec mihi vitam fata non inviduebunt. Interitus insitus es animo nostro, quam ut inde incolumi quidem queas exstirpari. Fixius impressum est cordi meo simulachrum tui, quam ut superstiti possit unquam detrahi. Sic effigies tui, cogitationi meæ penitus impressa est, ut eam nulla sit ætas abrogatura. Dum vita suppedabit, nihil exstiterit quod fixam animo meo Mori statuam valeat labefactare. Fieri nunquam poterit, ut vel vivam parum tui memor. Donec apud superos commorabor, ne tota quidem lethes aqua tui memoriam poterit abolere. Donec aura vefcar ætherea, subinde tui reminiscar. Vitam modo deus impertiat, ego tibi mentem perpetuo tui memorem polliceor. Si quis mihi vita functo sensus erit, tam dulcis amiculi recordabor, tantum abest ut vivus sim obliturus. Omnia mihi citius acciderint in vita, quam oblivio tui. Tum sursum versus recurrent amnes, ut Græcis est in proverbio, cum Erasmus Mori sui poterit non meminisse. Non alius me visurus est oblitum tui, quam qui visurus est arduis pronos relabi rivos montibus, & Tyberim reverti, ut ait Flaccus. Ante leves alto pascuntur in æthere cervi, quam vivum Erasmus Mori capiat oblivio. His coloribus in tabula pectoris mei depicta est imago tui, ut eam nulla annorum series possit eluere. Supremus vitæ dies me tui memorem deprehendet. Sospite vita, non me fugiet memoria tui. Salva vita hac non demoriatur apud me

me tui memoria. Quoad hæc mihi vita comes erit, comitabitur & tui recordatio. Hæc me vita tui memorem relinquet. Non avolabit à nobis tui memoria, nisi avolante vita. Ad supremum usque vivendi limitem, tui nobis memoria perseverabit. In obtinenda tui memoria non fuero mihi dissimilis, nisi vivus esse desiero. Donec hoc vitæ munus divina benignitas mihi salvum esse volet, non intermoriatur apud me tuæ benignitatis memoria. Vita defungar prius quam tui recolere cessabo. Diem obiero citius quam te ventis & auræ mandem. Clavis adamantinis nostræ memoriæ infixus est Morus, quos non nisi una mors valeat abrumper. Ad ipsos usque cineres pergam tui meminisse. Ad extremam usque senectam tui me comitatura est memoria. Per universum vitæ spacium Mori meminere Erasmus. Ad extremum usque rogam tuorum erga me beneficiorum memoria prorogabitur. Fatalis ille dies denique me tui memorem est reperturus. Dabo operam, ut tuæ humanitatis recordatio ad libitinam usque proferatur. Nunquam mihi quicquam obtigerit in vita, neque tam lætum, neque tam acerbum, quod tui nominis recordationem è sinu pectoris mei queat expellere. Quoad hic animus in hoc corpusculo tenebitur alligatus, non exulabit mea memoria Morus. Citius futurum est, ut alterum in orbem tui memoriam mecum deferam, quam ut hic abiciam. Animam egero prius quam te memoria tenere desiero. Si quando corpus umbram suam poterit effugere, hic animus tui quibit oblivisci. Non antequam diem vitæ novissimum clausero, desiturus sum tuam in me beneficentiam animo circumferre. Quam longa dabitur vita, tam erit longa tui memoria. Par nobis erit tui memoriæ vitæque modus. Tui meminero quoad auras carpero vitales. Absit ut mihi brevior fuerit tui memoria quam vita. Quamdiu superabit Erasmus, tandiu tui meminisse non gravabitur. Vita orbabor antequam tui me relinquet memoria. Supero privabor lumine, ut priscorum more loquar, citius quam Morus ex animo deleatur meo. Ocyus hoc mihi corpusculum morte refrigerit, quam tui memoria frigeat apud me. Inextinctam tui memoriam semper tenebo. Quantum temporis anima fruar, sic enim loquitur Sallustius, tantundem tui meminero. Perpetuum tui recordatus fuero. Sine fine tui meminero. Nulla res mihi tui oblivionem invexerit, nisi quæ me ex hac luce evexerit. Orbem hunc verterim citius, quam animum hunc tui memorem vertero. Vita me exuerit is casus qui tui importabit oblivionem. Crudelibus umbris occubero, quemadmodum loquuntur Poetæ, citius atque tui recolere desiturus sim. Efferrar ipse citius, quam tui memoria è corde efferatur meo. Ad ipsum usque bustum me tui memoria prosequetur. Ne defunctus quidem tui possim oblivisci, nedum vivus. Viventi mihi nunquam obolefcet hominis tam bene meriti recordatio. Quando futurum est, ut apud Erasmus evanescat Mori memoria? nempe dum vita destituetur. Usque eo tui memor ero, dum in vivis agam. Usque dum spirabo, te corde gestabo. Quamdiu dabitur anima frui, ut Sallustiano more loquar, non desinam tui memoria frui. Sed jam sit modus. Neque enim id agitur, ut ostentemus quousque nos in commutando progredi possimus, sed ut studiosis adolescentibus exemplo demonstremus, quantam orationis ubertatem paritura sit hæc exercitatio. Sententiam enim non admodum felicem, neque magnopere ad commutandum fœcundam ferme ducentes, ut opinor, commutavimus, neque tamen minutulas illas variandi rationes sumus anxie persequuti. Nunc quod reliquum esse videtur, varias quasdam orationum formulas proponemus, non id agentes ut omnes persequamur, nam hoc utilissimum quidem, verum prorsus infiniti fuerit operis, sed ut ostensis aliquot, velut exemplis, vel sibi quisque similia fingat, vel alius aliquis cui plus otii suppetet quam nobis, huiusmodi dicendi figuras ex omnibus auctoribus petitas, copiosius atque accuratius impertiat copiarum candidatis.

C A P. XXXIV.

Quibus modis tribuimus plura ex aquo.

Est vir tum eruditus, tum probus. Est juvenis & formosus, & bene ingeniatus. Atque repetitum Poetarum est. Virgilius. *Atque deos atque astra vocat crudelia mater.* Est vir doctus pariter ac probus. Est vir doctus simul & integer. Est vir tam doctus, quam bonus. Vir est doctus juxta ac

A bonus. Vir est non minus probus, quam literatus. Vir est non inferior literis quam moribus. Vir est ex æquo probus atque doctus. Vir est æque literatus atque incorruptus. Vir doctus æque ac probus. Vir perinde doctus ac probus. Exquisite doctus est, itidem & facundus. Vir est non minore morum probitate, quam doctrina præditus. Vir est quemadmodum doctus, ita & integer. Vir est doctusque bonusque, in carmine. Vir simul eruditus, simul integer. Vir est doctusque & integer, in carmine. Vir est haud secius eruditus ac probus. Vir est ut doctus, ita & probus. Vir est doctus, & idem probus. Vir est optimus, idemque doctissimus. Vir est pari vel doctrina vel probitate præditus. Vir est non tantum eruditus, sed & integer. Vir est non modo doctus verum etiam probus. Vir optimus quoque est, non modo doctissimus. *Non tantum ferunt, sed impellunt.* Hæc sermonis forma peculiaris est Senecæ, ut omittatur etiam. Vir est præter summam eruditionem etiam optimus. Vir præterquam quod doctus est, etiam optimus. Vir est de quo dubites, doctior ne sit an melior. Vir est in quo cum literis probitas morum ex æquo certet. Vir est qui literas æquarit cum vitæ sanctimonia. Vir est cujus eruditioni respondet morum integritas. Vir est qui parem vitæ castimoniam cum eruditione copularit. Vir summa quidem doctrina, verum morum integritate neutiquam inferior sese. Interdum idem pollet *vel*: Literis tuis majorem in modum sum delectatus, vel quod essent elegantissimæ, vel quod humanitatis plenæ. Vir est in literis egregius, neque sui dissimilis in moribus. Vir est clarus imaginibus, neque non illustris egregius in Republicam meritis. Officium beneficio cumulasti. Corporis formam animi dotibus æquiparas. Cum diis ex pari vivit. Oratione tua graviter offensus est, partim quod esset incondita, partim quod arrogans. In hoc probitas æquat eruditionem: *in hoc fortuna cum probitate facit paria.* Ita Seneca. Vir est egregie doctus, atque item probus. Vir est similiter doctus ac facundus. Vir est haud dissimiliter eloquens ac doctus. Vir pari doctrina ac probitate. Vir est perinde facundus ut doctus, *Cives, hostes juxta meruit*, dixit Sallustius, pro eo quod est, cives æque atque hostes. Fortunæ corporis animique bonis juxta dives. Ita Sallustius, *Plebi patribusque juxta charus.* Idem: *Hyemem atque aestatem juxta pati.* Plinius: *Juxta diebus noctibusque tacitus labitur mundus.* Idem: *In Italia partibus quibusdam juxta hyeme & aestate fulgurat.* Ad hanc formam pertinent & illa. Plautus: *Juxta mecum remenes*, id est, æque atque ego. Idem in Persa: *Juxta tecum, si tu nescis, nescio.* Sallustius in Catilinario: *Quo in locores sita sunt, juxta mecum omnes intelligitis.* Huc pertinent & illa minus quidem usitata, sed tamen apud probatissimos auctores reperta. Terentius. *Quo jure, quaque injuria me in pistrinum dabit*, id est, sive jure, sive injuria. Cicero ad Atticum: *Atque quam honesta, quam expedita tua consilia, quam evigilata tuis cogitationibus, qua itineris, qua navigationis, qua congressus sermonisque cum Cesare.* Idem ad eundem: *Quum video te distentissimum esse, quæ de Butrois, quæ de Bruto.* Quæ posuit pro tum.

C A P. XXXV.

Quæ commodius copulent contraria.

Vir est doctrina quidem egregia, verum moribus illaudatis. Est ille quidem vir bonus, verum parum eruditus. Vir est ut lingua blandissima, ita ingenii amarulenti. Vir est ut optimis prognatus majoribus, ita pessimis præditus moribus. Vir est tam deformis animo, quam corpore formosus. Petrus quemadmodum est tacitus conviva, ita est loquacissimus susurro. Hic saluator quidem est comis, sed virulentus obtrectator. Blandus est vultu, cæterum animo truculento. Ferox est in timidos, at in feroces timidus. Aestate friget, contra hyeme calet. Plautus sic usurpavit, *item, Veni hoc mihi in mentem Megadore, te esse hominem divitem factiosum: Me item esse hominem pauperum pauperrium.* Item, dixit pro contra. Inimicus supplex, in amicos contumeliosus. Hic nullum additur adverbium. Voluptas parit dolorem, contra dolor voluptatem.

C A P. XXXVI.

Quibus modis aequaliter removemus.

Vir est neque doctus, neque probus. Nec literis, nec moribus probatus. Vir est non indoctus modo, verum etiam

31

etiam improbus. Vir est ut indoctus, ita & improbus. Non minus improbus, quam illiteratus. Vir est tum indoctus, tum improbus. Aequè indoctus atque improbus. Quintilianus: *Nescias præstare velint minus, an possint*, id est, tam non possunt præstare, quam nolunt. Pariter & indoctus & improbus. Vir pessimus est, & nihilo doctior. Seneca: *Flamma deprimi non potest, non magis quam quiescere*. Vir cui nihil sit omnino bonarum literarum, bonorum quoque morum tantundem. Breviter iisdem ferme rationibus removeamus, quibus tribuimus.

CAP. XXXVII.

Quibus modis tribuimus inaequaliter.

VIR est cum doctus, tum probus. Juvenis cum elegantia forma, tum vero moribus optimis. Non pecuniam modo, verum etiam vitam tibi paratus sum impendere. Vitam etiam tibi impenderim, non modo pecuniam. Verum hæc verba non solum, & similia, communia sunt tum ad æqualitatem, tum ad inæqualitatem. Non sat erat impulsisse, nisi & proderet. Non sufficiebat spoliassse, nisi & jugularet. Parum erat deformem esse, ni mores forma dignos addidisset. Nihil erat, deformi esse vultu, nisi moribus etiam esset teterrimis. In hac sermonis forma eleganter interdum altera pars subauditur, eaque fere potior. Ut, Chrysostomus non ore tantum aureus; Subauditur, verum etiam pectore. Et, Corneliæ Gracchorum matris epistolæ servatæ sunt, non tantum in sexus honorem; Subauditur, sed etiam ob admirationem eloquentiæ. Vidisti hominem non corpore tantum distortum; Subauditur, verum etiam animo.

CAP. XXXVIII.

Inaequaliter removeamus his modis.

NON modo non intelligit, verum ne legit quidem. Non solum parum intelligit, sed nec legit. Non tantum nihil intelligit, imo nec legit. Ne legere quidem novit, ne dum intelligat. Non novit vellegere, tantum abest ut intelligat. Tantum abest ab intelligendo, ut ne legere quidem norit. Adeo non intelligit, ut nec legat. Usque adeo non intelligit, ut nesciat vel legere. Hic in Græcis literis nihil, quid dicam, intelligere, imo nec legere potest. Hic nihil in bonis literis non dicam intelligit, imo ne legit quidem. Ingenium quoque senectus deterit, nedum corporis vigor perpetuo duret. Horatius: *Nedum sermonis stet homo & gratia vivax*. Nedum nove posuit pro eo quod est, tantum abest ut. Ne pecuniam quidem impenderet amico, nedum vitam. Eam figuram Quintilianus novavit ad hunc modum. *Nec enim de omnibus causis dicere quisquam potest, saltem de præteritis, ut taceam de futuris*: id est, nec de præteritis, tantum abest ut de futuris.

CAP. XXXIX.

Quo pacto tribuamus aut removeamus ordine.

UT quisque est gloria dignissimus, ita gloria est negligentissimus. Ut quisque gloria est maxime dignus, ita gloriæ minime est avidus. Optima quæque vitæ pars quam ocysime prætervolat. Catullus. *Tanto pessimus omnium poeta, quanto tu optimus omnium patronus. Quam vos facillime agitis, tam vos maxime aequum est aqua facere*.

CAP. XL.

Per comparativum eadem effertur sententia.

QUO quisque dignior est qui laudetur, hoc minus laudari gaudet. Quanto quisque fama dignior, tanto minus affectat famam. Quo quisque magis promeretur honorem, eo minus honorem appetit.

Verti possunt:

Hoc minus ducitur laudis cupidine, quo quisque laude sit dignior. Tanto quisque minus optat pecuniam, quanto minus possidet pecuniæ.

CAP. XLI.

Formula augendi positivum.

POSITIVA augentur compositione harum dictionum, per, perquam, præ, perdifficile, perquamdifficile, prælongus, prævalidus, præpotens. Quod idem contingit in verbis, pervelim, perquamvelim, percipio. In quibus idem interdum efficit hæc præpositio de; deamo, demiror. Ean-

dem vim videtur obtinere ad; adprobe, adfabre, adprime, adamo. Adjungunt Jureconfulti præpositionem in, tanquam idem pollentem. Sed errant, mea sententia. Quod enim illi legunt, *indifficile est*, pro valde difficile, legendum est, *indifficile est*, pro, difficile est: quemadmodum dicimus, *in proclivi est*, pro eo quod erat, proclive est: & *in promptu est*, pro, promptum est; *intuto est*, in causa est, in vitio est. Augetur positivum & citra compositionem quam, sed figurate. Quam tenere amat filium, quam nihil pudet? Ut eandem vim obtinet. Ut gaudet? ut est severus? Immane quantum distat, papæ, quam is sibi placet, ad hanc rationem pertinent. Præterea his adverbis intenditur, *opido quam, sane quam, nimis quam, antigerio*, quod priscum est. Atque hæc, ut dixi, non repudiantur & a verbis, perquamvelim, percipio, sane quam cupit. Neque diversam vim habere videtur na. Næ ego infelix homo sum: *Faciant na intelligendo, ut nihil intelligant*. Item adverbia illa omnia epitalum significantia: *Admodum, valde, egregie, insigniter, insignie, magnopere, maximopere, summopere*. In primis, *adprime, cum primis, in paucis*, pro egregie apud Q. Curtium, *tantopere & quantopere* figurate. Adeo pro valde. Fratrem adeo nobilem. *Majorem in modum, mirum in modum, supra modum, præter modum, singulariter, unice, eximie, impendio, impense, effuse, abunde, assatim*, atque alia innumeraabilia. Vel, utrumque efficit, auget. Cicero: *ut vel perire maluerit*. Seneca: *Vel umbra satis est*. Amico non vel teruntium impertiat. Salustius: *Quibus rebus supra bonum & honestum percussus*, id est, magis quam decuit. *Plusquam*, item magnam vim augendi obtinet. Homo plus quam infans. Senex plus quam delirus. Plus æquo sævit. Cui finitimum est non tantum, non ut respondeat illi Græco, *μόνον ὄν*, sed ut idem valeat quod plusquam, velut, homo non tantum vino temulentus. Vir non tantum imaginibus nobilis, de quo paulo ante meminimus. *Terque quaterque beati*: Græcanicum est, Latinis tamen usurpatum, in carmine potissimum. Sunt & aliæ formæ longius petitiæ. Incredibile dictu quam elegans. Salustius. *Immane dictu*. Dicit non potest. Sermonem consequi nequeam. Et rara quadam modestia. Præcipuum honorem. Primariam laudem. Incredibili sapientia, haud vulgari doctrina. Et deum immortalem, qua doctrina virum! id est, egregia. Plus satis animosus. Plus nimio tristis. Plus quam par est. Atque id genus alia, non absurde fortassis iis adjungantur. Nam vulgata est illa amplificandi ratio, quoties superlativus pro positivo ponitur. Plurima pro multis admodum. Maxima pro vehementer magnis. Dicere tibi promptissimum est, mihi facere facillimum.

De variando positivo.

Utimur vulgo comparativis pro absolutis, vel ipso Quintiliano auctore. Ut si quis dixerit infirmiore, id est, meticolosum.

CAP. XLII.

Rationes minuendi positivum.

MINUITUR e regione positivus adpositis præpositionibus. Subtristis, subrusticus, subobscurus, subasper, subinvidus, subinanis, subfuscus. Quod idem accidit in verbis, subputet, subirascitur, subolet, subridet, subodoratur, subtimet. Minuitur & adverbis appositis. Non nimis molestum est. Utcunque jucundum fuit. Aliquantulum mordax. Quæ verbis etiam adjunguntur. Utcunque sapit, paululum delirat. Præterea deformatione in vocem diminutivam, quæ varia fingitur. Argutulus, acutulus, minutulus, rancidulus, putidulus, diutule, sæpicule, ebriolus, sciolus, tenellus, nigellus, integellus, philosophaster Tullius. Comparativus positivi loco diminuit, ut tristior, id est, subtristis. Sed ferme in vitium accipitur, addito adverbio paulo, & κατ' ἄλλω. Vir integer quidem, sed severior, id est, paulo severior, quam convenit. Facundus homo, sed paulo loquacior. His igitur modis vitium fere significamus cum extenuatione. Diminuuntur & verba vocis deflexione, vellico, cantillo, cantito, volito, dormito, victito. Parum & non admodum, idem efficiunt. Ne parum multa scire viderentur. Vir non admodum senex. Non admodum adolescens. Non perinde sapiens

1. Quia dixit Homerus. Τῶς μάκαρος Δαναοὶ καὶ τίτρας, οἱ τὸν ὄλοντο, quod imitatus Virgilius, Æneid. 1. v. 98.

piensut dives, Non satis mihi liquet, Parum mihi liquet, A Minus compertum habeo. Idem efficiunt Vix & Semis, Vix vivus, semivivus, vix bene Græca, parum bene Græca, cum semiviro comitatu, id est parum virili. Ad idem valent, saltem & at. Cato: *Si non eodem die, at postridie*. M. Tullius: *Si non propinquisatis, at atatis sue, si non hominis, at humanitatis rationem haberet*. Si non primus, certe non postremus.

CAP. XLIII.

Quibus rationibus augetur Comparativus.

COMPARATIVUS peculiariter his adverbis amplificatur, Longe, multo, nimio. Tum his, multis partibus, in immensum, in infinitum, infinitis partibus. Longe venustior, Multo gravior, Nimio severior. Horatius: *Ne doleas plus nimio memorem immittis Glyceræ*. Multis partibus præstantior. In infinitum utilior, infinitis partibus divina humanis sunt potiora. Tanto & quanto figurate idem efficiunt. Tanto corpore præstantior est animus, id est, multo. Idem efficit, quo & eo, quum subjiiciuntur. Est prædives: quo magis admiror hominis sordes. Eo magis admiror. Pape quanto satius est amicis quam pecuniis abundare.

Quibus modis imminuitur Comparativus.

Minuitur adverbis positivis. Paulo venustior est Gellius, quam Macrobius; aliquanto brevior est hic, quam ille. Nihil ditior. Ne tantillo quidem melioris si dives fueris. Minimo fuerit honoratior, si titulus acceperit. Quantulo figurate, pro quam paulo. Pape, quantulo hic homo sapientior est, id est, pene nihilo. Minuuntur & deflexione vocis. Grandiusculus, id est, paulo grandior. Meliusculus. Celeriuscule.

CAP. XLIV.

Quibus rationibus augemus Superlativum.

UPERLATIVUS augetur eisdem adverbis, quibus Comparativus, longe, multo. Accedit autem facile. Cicero: *longe facundissimus, & idem vir multo omnium optimus*, ejus civitatis longe princeps, aut facile princeps, aut primus. Idem efficitur per tanto & quanto figurate posita, ut, Deum immortalem quanto Socrates Philolophorum omnium optimus? Quam in compositione non nihil addit augmenti. Quam plurimos vidi: ut quam optime res cadat, tibi nihil commodi fuerit. Per hyperbolen augetur hoc modo. Mulier plusquam pessima, & pessima pejor. Homo non loquacissimus, sed ipsa loquacitas. Et ipsa loquacitate loquacior. Ipsa Venere venustior. Nam in Sallustiano illo: *Quam quisque pessime fecit, tam maxime tutus est*: æqualitas est non augmentum. Superlativus non recipit diminutionem, nisi forte per quidem, aut similem conjunctionem. Est ille quidem doctissimus, verum moribus non perinde probatis.

CAP. XLV.

Periphrasis Comparativi.

COMPARATIVUM circuitione reddimus per adverbia comparandi magis & minus. Avidior voluptatum quam pecuniæ. Magis avidus voluptatum quam pecuniæ. Huic finitimum est potius. Voluptatum avidus potius, quam pecuniæ. Item, Non tam voluptatum appetens, quam pecuniæ. Minus avidus pecuniæ quam voluptatum. Non perinde literarum admirans, quam pecuniæ. Breviter modis illis omnibus quibus diximus inæqualitatem significari. Obstant & verba quædam vim comparativi, præstat lucrum pudori, id est, potius est lucrum pudore. Cicero Platone facundior. Plato Cicerone doctior. Cicero Platonem superat eloquentia. Plato Ciceronem antecellit eruditione. Hieronymus Augustinum vincit rerum scientia. Augustinus Hieronymum anteit ingenii subtilitate. Plautus: *Pol maro res mihi anteverterunt gaudiss*. Terentius: *Quanto herum antecoo sapientia*. Plautus: *Præverti hoc certum est aliis rebus omnibus*, id est, præferre rebus omnibus. Livius: *Conati novi consules omnibus eam rem præverti*. Cicero: *Si vacas animo, neque habes aliquid quod huic sermoni prævertendum putes*. Plautus dixit antevenire, pro præcellere. Sallustius: *Homines qui per virtutem soliti erant nobilitatem antevenire*. Huc pertinent & illa: Anteponere, præferre, posthabere, præcellere. Nove dixit Sallustius: *Invidia atque superbia post fuere*. Idem,

Facundia Græcorum, gloria belli Gallos ante Romanos fuisse, id est, præcelluisse. Cedere, secundum esse, præripere laudem, & si qua sunt similia. Nam his ferme modis orationem comparativam variamus. Magis amat pecuniam, quam famam. Pecuniæ Socrates amans est magis quam famæ. Pecuniarum amantior est quam famæ. Famam pecuniæ posthabet. Famæ pecuniam anteponit. Minus famæ cupiditate ducitur quam pecuniæ. Impensius amat pecuniam quam famam. Huic potior est pecunia quam fama. Huic prius est lucrum quam honesta fama. Huic antiquius est laudari quam admoneri. Huic vilior est vita quam pecunia. Similem vim obtinet, præ. Cicero: *Omnium minas atque omnia pericula præ salute sua leviter duxerunt*. Idem, *non tu quidem vacuus molestis, sed præ nobis beatus*, id est, nobis beator. Terentius: *Ludum jocumque alterum dices illum, præ ut hujus rabies quæ dabit*. Plautus: *Nihil Hercule hoc quidem, præ ut alia dicam*. Idem dixit, *præ quam*, pro, præ ut.

CAP. XLVI.

Quibus modis Superlativum variamus.

UPERLATIVUS variatur primum adverbis quæ apponuntur, vel verbis vel nominibus positivis. Amat te maxime. Amantissimus est tui. Effusissime te diligit. Vir indoctissimus, vir minime doctus. Minime multos, id est, quam paucissimos. Variatur & per comparativum, idque Affirmative, sed inusitatus, Negative frequentius. Cicero reliquis omnibus eloquentior. Cicero quo non alius eloquentior. Quo non præstantior alter, id est, omnium præstantissimus. Nihil minus amat, quam assentationem. Nulla re minus capitur quam gloria. Nihil hunc æque delectat atque Musica. Nihil prius habet, quam adesse convivii. Nihil pulchrius ducit, quam divitem vocari. Nihil minus faciam, nihil minus sentiebam, quam quod tu suspicabare. Homo quidvis potius quam doctus. Efficiam, ut intelligas omnia mihi defuisse potius, quam fidem ac diligentiam. Omnia potius quam illud agnosceret. Quidvis potius quam vanitatem fatebitur. Nullo inferior, id est, summus. Nullo non inferior, id est, omnium infimus. Nemine non deformior, id est, omnium deformissimus. Per verba nonnunquam idem efficitur. Cicero superat omnes dicendi copia. Vincit omnes candore. Nemini cedit candore. In dicendo principatum obtinet. Primas tenet. Arcem tenet. Adde huc & illa. Vir præter cæteros spectatæ fidei. Præter omnes te diligit. Supra cunctos tuæ gloriæ favet. Ante omnia rei studendum. Unicus & solus, primus, & similia natura superlativam significationem habent: ut & singularis. Unice te amat. Solus est homo homini amicus, singulari benevolentia te prosequitur. Primam laudem obtinet. Tullius eloquentiæ princeps. *Penulatorum Alpha* dixit Martialis. Eodem pertinent. Tam facundus, ut cum hoc nemo sit conferendus. Tam eruditus, ut ei nemo sit æquandus. Tam prudens, ut parem non invenias. Horatius: *Sic ut mihi nunquam in vita fueris melius*. Adeo placet, ut magis non possit. Item & illa. Quis hoc uno facundior? Quid invenias pecunia vilior? An quicquam est patria dulcius? Erras si credis mihi quicquam esse uno te charius. Sunt & illæ orationes annotandæ. Officium tuum tam mihi gratum fuit quam quæ gratissima. Tam te amo, quam qui maxime. Terentius: *Amabat ut quum maxime tum Pamphilus*. Cicero: *Domus celebratur ita ut quum maxime*. Rursum hæ quoque. Hoc crede mihi, si quid unquam es crediturus. Homo doctus, si quisquam est omnino doctus. Homo vorax, ut si quis alius. Homo quantum alius nemo doctus. Nullus æque pernovit hominis ingenium atque ego. Haud alium reperies, perinde tui studiosum. Neminem adæque timet atque te. Si alias unquam, nunc summa vigilantia utendum est, id est, nunc maxime. Si quando alias amicum præstitisti, nunc ostende quanti me facis. Quantum potest, quoad fieri potest, & consimilia, superlativi vim videntur obtinere. Tu quantum potes abi, id est, quam ocysime. Enitar quoad potero, id est, quam maxime. Haud ab re fuerit huc annumerare denominationes, & comparationes illas per Hyperbolen sumptas. Ut si quis hominem crudelissimum, Atreum appellet. Eloquentissimum, alterum Ciceronem. Severissimum, tertium Catonem. Tum per comparisonem. Hic est nive candidior, Scythia barbarior, Graculo loquacior, aut turture. Verum hujus generis aliquot exempla comme-

morare non inutile fuerit. Sumuntur autem variis modis. Vel à re quapiam eximia, ut nive candidior. Pice nigrior. Vel à nomine abstracto quod vocant, cæcitate cæcior. Vel ab animante insigni, ut talpa cæcior. Caprea oculator. Vel à persona insigni, ut Phalaride crudelior. Tum adhibentur per simplicem denominationem. Ut si rem vehementer suavem, *mel* aut *nectar* appelles. Rem vehementer acerbam, *fel*. Hominem supra modum senem, *senium ipsum*. Vehementer scelestum, *scelus*. Odiosum, *odium*. Ganeonem, *coenum*. Lurconem, *barathrum*. Contaminatum, *labem*. Contemptum, *quisquilias*. Impurum, *sterquilinum*. Perniciosum, *pestem*. Tenebrionem, *tenebras*. Inquinatum, *ludum*. Infamem, *propudium*. Portentuosum, *portentum*. De-decorosum, *dedecus*. Molestum, *ulcus*. Vitiosum, *sentinam*. Odiosum, *odium hominis*. Brutum, *pecudem*. Virulentum, *viperam*. Vehementer cæcum, *talpam*. Vehementer rapacem, *lupum*. Impendio deformem, *Thersitem*.

Eadem hæc nomina per comparationem efferrī possunt.

Melle dulcior, Nive candidior, Oleo tranquillior, Auro purior, Stipite tardior, Silice durior, Littore surdior, Iracundior Adria, Arenis sitientior, Vitro fragilior, Cothurno instabilior, Cote durior, Buxo pallidior, Alga vilior, Glacie frigidior, Beta magis insipidus, Spina distortior. Pluma levior, Vento instabilior, Barathro capaciior, Charibde voraciior, Corcoro vilior, Subere levior, Floralibus licentiosior, Magnete illicibilior, Cornu sicciior, Dolio pertuso incontinentior, Cribro infidelior, Fonte purior, Oculis charior, Pice nigrior, Pluma mollior, Auricula infima mollior, Plumbo stupidiior, Caudice stolidior, Cortice levior, Aequore surdior, Spongia bibaciior, Aere Dodonæo loquaciior, Pila volubiliior, Alno procerior, Sole clarius, Sardois herbis amariior, Rusco horridior, Aetna æstuantior, Trutina justior, Ampulla inanior, Ramento levior, Morte odiosior, Rubo arido præfractior, Clemate Ægyptia nigrior, Crambe recocta molestior, Clavo purior, Pistillo retusius ingenium, Pumice aridior, Uvis passis aridior, Laterina magis pellucidus, Euripo inquietior aut inconstantior, Luce magis dilecta.

Item per hyperbolem, eadem voce iterata.

Ipsa cæcitate cæcior, Ipsa fame esurientior, Voracitate voraciior, Ipsa morositate morosior, Deformitate deformior, Confidentia confidentior, Ipsa stultior stultitia, Ipsa nequitia nequior, Ipsa siti siticuliosior, Quavis peste pestilentior, Ipsa loquacitate loquaciior, Quovis monstro monstrosior, Senio seniliior ipso, Calamitate calamitosior.

His finitima sunt illa.

Venere formosior, Mercurio facundiior, Fortuna ipsa fortunatior, Vertumno inconstantior, Empusa magis variior, Ipso Momo mordaciior, Minerva doctior, Pluto ditior, Furia furiosior, Marte bellaciior seu pugnaciior, Salute ipsa salubrior, Ipso infortunio infortunatior, Proteo mutabiliior, Iphis gratus humanior, Priapo salaciior, Euterpe concinior, Penia pauperior, Harpyia rapaciior.

His proxima sunt nomina personarum, quæ petuntur à Trægædiis, aut Comædiis, aut Fabulis aliis.

Gnathone adulantior, Phormione confidentior, Euclione tenaciior, Demea asperior, Parasito edaciior, Atreo crudelior, Ajace infanior, Thersite deformior, Orpheo vocalior, Cyclope immanior, Penelope castior, Tithono vivaciior, Achille animosior, Niobe fecundiior, Tiresia cæcior, Sphinge involutiior, Dædalo ingeniosior, Gigantibus elatiior, Excetra pertinaciior, Thralone gloriosior, Geta versutiior, Thaide blandior, Mitione lenior, Tantalositiientior, Oreste infanior, Ulysse dolosior, Nestore vivaciior, Glauco stupidiior, Iro pauperior, Nireo formosior, Diana intactior, Eristone esurientior, Stentore clamosior, Bufyride illaudatiior, Labyrintho intricatior, Icaro audaciior, Gryllo stultior, Nestore facundiior.

His confinia sunt quæ sumuntur ex historiis, ut:

Phalaride crudelior, Polycrate fortunatior, Sardanapalo nequior, Phocione justior, Cræso ditior, Crasso locupletior, Aesopo luxuriosior, Fabio cunctantior, Milone fortior, Lynceo perspicaciior, Demosthene facundiior, Hannibale vafrior, Aristarcho doctior, Timotheo felicior, Timone inhumanior, Numa religiosior, Aristide incorruptior, Catone præfractior, Codro pauperior, Erostrato ambitiosior, Socrate sanctior, Chrysippo acutiior,

A Thracalo vocalior, Curione obliviosior, Heraclito obscurior.

Hæc pertinent et illa quæ sumuntur à gentibus.

Pæno perfidior, Scythotauris inhospitalior, Parthis fugaciior, Thracibus bibaciior, Care vilior, Sybarita fastuosior, Arabis ditior, Arcade stolidior, Asoto luxuriosior, Scythasperiior, Cretenfi mendaciior, Græco vanior seu levior, Theffalo perfidior, Leontinis luxuriosior, Milefius effœminatiior, Pygmæo brevior, Cretenfi vanior.

Addantur his quæ sumuntur ab animantibus.

Muliere loquaciior, Hirco libidiniosior, Corvo vivaciior, Graculo loquaciior, Dipfade nocentior, Echino asperiior, Lepore timidior, Delphino lascivior, Scrophæ fecundiior alba, Albo corvo rariior, Scorpio improbiior, Testudine tardior, Glire somniculosior, Afello tardior, Dama timidior, Hîrudine bibaciior, Equo indomito ferociior, Tipula levior, Cane adulantior, Cervo demissis auribus surdior, Coccycæ importunior, Passere salaciior, Cervo vivaciior, Cornice vivaciior, Luscinia vocalior, Vulpe fraudulentiior, Anguilla lubricus magis, Pisce sanior, Phœnice rariior, Nigro cygno rariior, Vulture edaciior, Jaculis inexpectatiior aut pestilentior, Cochlea contractior, Sue indoctior, Hydra immitior, Tauro robustior, Canerixosior, Urfo hispidior, Simia lascivior, Fele rapaciior, Laro stultior, Scarabæo improbiior.

Idem pollem quæ sumuntur ab officiis, ut:

Carnifice immanior, Cinædo effœminatiior, Athleta robustior, Areopagita tristior, Hæredipetis adulantior, Fossore durior, Lenone perjurus magis, Milite gloriosior, Rege magnificentiior, Monacho imperitiior, Tyranno violentior.

Eandem vim obtinent voces denominativæ ab his deformatæ. Ut mellitum, pro vehementer jucundo. Nivei mores, pro vehementer puris. Aureum seculum, pro magnopere felici, laudatoque. Plumbeum, saxum, pro duro. Ferreus scriptor. Bliteus, Betaceus, pro fatuo. Ficulnum, pro molli. Adamantinum, pro duro, ac laborum egregie tolerant. Vitreum pro fragili. Vultureus venter, Vulpinum ingenium, Leonina ferocia, Thraconica jactantia, Demeana asperitas, Stentorea vox, Ciceroniana facundia. Cujus generis plura sunt, quam ut numerum eorum persequi laboremus. Illa porro longius quidem petita videntur, sed tamen hunc ad locum pertinent. Quam curat numerum lupus, aut torrentia flumina ripas. Non pluris illius convivia facio, quam culicem elephantus Indicus. Pili non facio. Nauci non facio, Flocci non facio. Sed hæc alio loco.

C A P. XLVII.

Communis omnium graduum variatio.

OMNES gradus circuitione variamus. Vir magnopere doctus. Vir magna doctrina præditus. Magis doctus. Majore doctrina præditus. Doctissimus, maxima doctrina præditus. Et res cum magna, cum majore, cum summa turpitudine conjuncta est. Quæ vocantur *ισοδυναμίας* signorum, id est, æquipollentiæ, non mediocriter ad orationis copiam faciunt. Quare primum vocum ipsarum inter ipsas discrimina paucis ostendemus. Totus ad partes refertur magis, quam ad formas. Si mors totum hominem absumeret, merito tantopere formidaretur. Totum hunc mensum, totam hanc noctem sine fruge transegi. Cunctus ad singula, quæ ratio nominis complectitur, collectum refertur, quasi dictum sit à conjunctis. Cunctos Romanos, cunctos mortales. Universi omnes simul collectos significat. Aut nullam, aut universam pecuniam vult, id est, omnem simul. Terentius: *Id illa nunc abripies universum*. Singuli huic diversam habet rationem, nam omnes quidem ita significat, ut unusquisque singillatim per se intelligantur. In singulas naves singuli milites accensebantur. Omnis, quasi generale est ad omnia. Siquidem omne corpus pro toto dicimus. Et omnem populum pro toto populo. Et omnem diem pro singulo die. Horatius: *Omnes crede diem tibi diluxisse supremum*. Omnes pro cunctis, & omne pro universum. Terentius: *At ut omne reddat*. Tametsi hic pro toto positum videri possit. Quisque addit rei cuiuspiam in singulas partes distributionem. Ut sua cuique sententia. Natura animalium sua cuique dedit arma. Suas cuique dotes largitus est Deus. Unusquisque nihil à quisque differre videtur, nisi quod & pro singulo ponitur. Unumquemque sua cupiditas ducit.

Nunc

Nunc unumquodque crimen cuiusmodi sit excutiamus. Nihil autem prohibet & singuli per distributionem huiusmodi accipi. Singulis navibus singulos duces praefecit. Quisquis non absolvit orationem. Quicumque modo perficit, modo non perficit. Quisquis gravabitur sementem facere, is non metet. Quicumque recusabit laborem, non feret fructum. Aliquoties absolvit propemodum, cum significat ignorantiam. Ut quisquis fuit ille deorum. Quisquis es armatus qui nostra ad limina tendis. In obliquis nonnunquam unico verbo contentum est utrumque. Rem facias quocumque modo. Hominem quoquo modo absolvas, pro quovis modo. Quilibet & quivis citra discrimen unum quodlibet significant. Horatius: *Qualibet in quemvis opprobria dicere soles*. Resolvuntur autem per conjunctionem, vel, cum omnis & reliqua ferme per copulativam exponantur. Quemvis arbitrum cedo, id est, vel hunc, vel illum mea nihil refert. *Qualibet hisfutas fronde regente comas*. Quod Græci dicunt *τὸν*, quasi non delectum, sed fortuitum, & casu oblatum. Unusquilibet consimilem obtinet rationem. Significat enim unum aliquem ē multis quicumque sit ille. Deligas tibi auctorem unumquemlibet. Et unusquis ab hoc nihil differt. Hæc autem, *quibet, quivis, unusquibet, unusquisvis* non nisi unicum verbum admittunt. Semper enim absolutam reddunt orationem. *Quantuscunque, qualiscunque, quantuscumque, qualiscumque*, eandem obtinent rationem cum quicumque & quisquis. Adverbia, item, *utut, utcunque, ubiubi, ubicunque, quoquo, quocunque*. Breviter composita semper sequuntur naturam particulæ appositæ. *Undevis, undelibet, undecunque*. Quorum duo prima absolvunt orationem, postremum commune est. Quocunque, quoquo, communia sunt. Quolibet & quovis non sunt. Quoquo verum & quaquaverum communia sunt. Ubivis & ubilibet absolvunt orationem. Ubicunque commune est. Ubiubi non est, uti nec utut, non enim absolvunt constructionem. Uter quod ad duo pertinet, cum iisdem compositum, idem accipit discrimen. Utercunque anceps est, utervis absolvit, uterlibet itidem, utrocunque anceps, utrovis, utrolibet absolvunt. Uterque copulative significat, ut & illa, Utroque, utrinque, utroque verum. Aliquis indefinite significat unumquempiam. Quid si hoc aliquis voluit deus? Quis idem pollet, sed his ferme dictionibus præcedentibus, *Si, Ne, Num, Ec, Ubi*. Si quid exstiterit novi. Ne quid temere faxis. Num quem tuorum offendi? Ecquid tui tetigi? Ubi quis te læserit. Ubi pro alicubi. Unde pro alicunde usurpatur, duntaxat in compositione, ut Sicubi, necubi, nuncubi, sicunde, necunde. *Quidam* definite accipitur. Quendam volo visere. Nisi cum habet aut contemptum, aut translationem. Ut Isidorum quendam mihi citabat. Perinde quasi dicas, Isidorum nescio quem. Lachrymas emisit, quendam animi sanguinem, id est, veluti sanguinem. Seditio morbus est quidam civitatis. *Quispiam* anceps est ad usum quidam, & item ad usum aliquis, tametsi refragatur Valla. Sed complurium auctoritas Vallæ reclamation: mittito ad me tuorum quempiam. Est domi tuæ quispiam, cum quo iure debeam expostulare. *Quisquam & Ullus* inter se conveniunt. Siquidem præterquam quod habent plusculum vehementiæ, quam superiora, illud quoque peculiare obtinent, quod gaudent vel negatione, vel signo, si, vel ne, prohibentis, vel interrogatione, ut Haud ullus mortalium ista possit præstare. Haud possit mortalium quisquam ista præstare. Si quisquam est qui sapientiam cum eloquentia conjunxit, certe Tullius is est. Vide ne quisquam hinc aufugiat. Cave ne quoquam oculos tuos à meis dimoveas. An est quisquam qui suam amicam se præsentem? Num quisquam est mortalium tam patiens? Similis est ratio adverbiorum, *Usquam & Uspiam*, quantum ad signa pertinent.

CAP. XLVIII.

De Propositione generali.

His jactis, ceu fundamentis, ad *introductiones*, id est, hæquipollentias progrediamur. Propositionem generalem, vel uti vocant universalem, variis modis efficitur: Primum propriis ac peculiaribus signis. Omnes amicos alienavit. Deinde per negationem. Neminem non alienavit. Deinde per interrogationem. Quem non amicum alienavit? Virgilius: *Quas gentes Italum, aut quas non oraveris urbes?* Nulli non maledicis. Duplex generale signum non li-

ceat eodem modo vertere. Cicero: *Cum omnibus omnia minabatur*. Omnibus omnia invidet. Neque enim recte, nihil non invidet alicui. Omnibus maledicis. Quis est cui non maledicas? Omnia dixit. Quid non dixit? Ut autem interrogatio addita negatione, generaliter affirmat, ita citra negationem generaliter removel. Quid possit dici stultius? id est, nihil dici possit stultius. Deinde per signa infinita. Haud pepercit cuiquam. Non est ullum veritus. Haud ullum veritus. Haud ullum est facinus reliquum, quod non peregerit. Non exceptit aliquem, neminem exceptit. Idem efficitur per quantum & quicquid, & si quod aliud. Quantum est hominum venustiorum, id est, omnes venustiores. Quicquid erat copiarum, eo traduxit, id est, omnes copias. Et si quid erat copiarum amisit, id est, omnes copias. Si quid alias sibi bonæ famæ compararat, id nunc perdidit. Redditur generalitas ceu proverbiali figura, ut cum dicimus. Miscebis sacra profanis, id est omnia. Item, *Juvenescque, senescque*, id est omnes. Neque magnum, neque parvum, id est, nihil. Est & infinita propositio. Per fas, nefasque, id est, quocunque modo: quo iure, quave injuria. Idem efficit ad unum. Virgilius: *Si non exosus ad unum Trojanos*, id est, omnes Trojanos.

CAP. XLIX.

De Propositione non generali.

NONNIHIL est vel aspicere, id est, aliquid est. Nonnulli pluris faciunt pecuniam quam fidem. Non nemo pro aliquis. M. Tullius. *Non nemo etiam in illo sacratio Reipublica* in ipsa inquam curia non nemo hostis est. Idem: *Quum esset non nemo in senatu, qui diceret non oportere*. Inest & infantibus nonnihil ingenii. Non omnem pecuniam absumpsit, id est, est quam non absumperit. Qui legat argentum factum, non omne legat argentum. Omittitur interdum signum, manente sententia. Sunt qui pecuniam anteponant famæ, id est, sunt aliqui. Horatius: *Est ubi peccet*, id est, alicubi peccat. Est qui plures agros occupet, id est, aliquis. Ubi nonnunquam subauditur quiddam. Est in quo mihi possis magnopere gratificari, id est, quiddam. Negatio iterata nonnunquam necessitatem significat, non affirmationem simplicem. Ut non possum non ridere. Non possum non mirari. Non potest non volvi cælum. Non potest non stare terra. Non potest non verum dicere veritas. Id accidit duntaxat in hoc verbo possum.

CAP. L.

Elegantia signorum.

ILLUD igitur observandum, ne signorum differentias, in variandis propositionibus, confundamus, id quod fere faciunt hi, qui vulgo dialecticam profitentur. Non erit tibi res cum quoquam, id est, cum nemine tibi res erit. Non erit tibi res cum quolibet homine, id est, erit cum homine singulari ac præstanti. Altera est negativa, altera affirmativa, & longe diversam habent vim. *Non cuivis homini contingit adire Corinthum*, id est, non contingit nisi præcipuis. Non contingit ulli. Vides quanto aliud pollet. Non amat quempiam ē ministris. Non amat aliquem, id est, neminem. Non satis amat quendam, unum significat quem oderit. Non satis tibi favet quidam. Hoc sensu quidam usurpant certos. Per certos homines hoc foedus diremptum est. Jussus est ad certum diem adesse. Non tibi favet quisquam, tota ratione dissident. Non recuso quenquam, recte dicitur. Non recuso quemlibet, perperam, nisi in diversa sententia. Non exclusit omnes, id est, quosdam non exclusit. Non exclusit quoslibet, significat delectu quodam alios exclusos fuisse, alios admissos. Omnia folia huic arbori decident, vere dicitur. Universa decident, falso. Singulos salutavit. Non salutavit quemlibet. Lupæ unumquemlibet admittunt, id est, citra delectum quoscunque. Vide ne cui dicas, id est, nemini dixeris. Vide ne dicas cuiquam. Vide ne cuiquam dixeris. Vide ne dixeris alicui. Vide ne mortalium ulli dixeris. Hactenus idem pollent. Vide ne cuivis, aut ne cuiuslibet dixeris, id est, vide cui dicas, & vide ne temere apud hominem quemcunque effutias. Omnes sibi malunt esse recte, quam alius. Sibi quisque vult esse recte potius quam alius. Idem pollent. Nemo non malit sibi recte esse quam alius. Singuli sibi malunt esse bene quam alius. Hactenus idem pollent. Universi sibi malunt esse recte quam alius, inepte diceretur, propterea quod univèrsi peculiarem vim habeat.

Toti respondet aliquantum, quod aliquam partem significat. Semper respondet aliquamdiu, id est, aliquanto tempore. Ut superius admonuimus, omnis reddi per quantum, itidem totus redditur per quantum, & quam longus. Homo quantus erat, humi prostratus est, id est, totus. Virgilius: *Nunc hyemem inter se luxu, quam longa, fovere*, id est, totam hyemem.

UTERQUE NEUTER.

Uterque utrique est cordi, mutua est affirmatio. Uterque alteri est odio, mutua item, id est, mutuo sese amant, mutuo sese oderunt. Neuter alteri fedit, mutuum diffidentiam significat. Neuter neutri non perinde diceretur. Id genus orationem tot ferme modis variamus. Uterque alterum odit. Uterque utrumque odit. Alter alterum odit. Oderunt alter alterum. Mutuum oderunt. Oderunt se mutuo. Oderunt invicem. Oderunt inter sese. Mutuum inter ipsos est odium. Neuter alterum amat. Alter alterum vicissim odit.

SEMPER.

Semper generalitatem habet temporis. Cui contrarium Nunquam. Huic subiectum est aliquando. Semper litigas. Nunquam non litigas. Quando non litigas? Nunquam non litigas? An est quando non litigas?

SÆPE.

Sæpe respondet, aliquoties infinito. Multis aliquot. Magno aliquantus. Sæpe opponitur raro. Neque raro admonui, id est, admonui frequenter. Haud sæpe me visit. Plerumque, ferme, fere, nonnunquam & ipsa generalitatis quiddam obtinent. Ita ferme ingenium est hominum. Eo ingenio plerique sumus. Fere fit, ut divites habeantur in pretio, id est, fere fit apud omnes. Temere in oratione negativa similem vim habet. Haud temere pervenit ad frugem, id est, fere nunquam, aut vix unquam.

CAP. LI.

De varietate negationis.

INTERDUM unica negatio idem efficit quod duæ. Neminem audit, ne parentem quidem audit. Non audit vel parentem. Nemo parem referre gratiam parenti potest, ne malo quidem. Nec malo parenti quisquam parem referre gratiam potest. Non potest par gratia rependi patri, vel malo. Non reliquit ille nec ruinam. Ne ruinam quidem reliquit.

De tribus.

Tribus interdum negationibus nihilo plus efficitur, quam una aut duabus. Non veretur neque deos neque homines. Neque deos neque homines veretur. Non veretur aut deos aut homines. Non metuit hominesve deosve, in carmine. Conduplicare negationem asseverandi gratia, Latinis etiam receptum est, si modo non iteretur sola. Non faciam, non inquam. Græci solam iterant, interdum etiam citra asseverationem, *ὃ μὴ πῶς ἔστι*. Est autem Atticis familiare plures negationes pro una congerere. Manentibus iisdem signis, tamen interdum variatur propositio, & mutatis, manet eadem mutato verbo, ut, omnes admittit. Omnes rejicit. Neminem non rejicit. Neminem admittit. Omnibus displicet. Nemini placet. Nulli non displicet. Nulli placet. Hic animadvertendum quæ verba cum quibus pugnent.

Synonyma negandi.

His ferme vocibus removemus. Non, haud, nec, neque, haudquaquam, neutiquam, minime, minus, parum: absit, dii prohibeant, bona verba, quidvis potius, omnia citius, & similia. Inter quæ haud & haudquaquam plusculum habent vehementiæ, quam non. Neutiquam asseverationem habet peculiarem. Minime plus quiddam significat, quam negationem. Homo minime malus, id est, quidvis potius quam malus. Parum modestius removet. Parum eruditus, ne parum multa scire videretur, id est, ne pauca, five non satis. Minus diversam habet naturam. Interdum comparat duntaxat. Utrumque diligit, famam & pecuniam, sed illam minus quam hanc. Interdum negat duntaxat. Homo minus mihi notus, id est, parum notus. Nam cum ea voce minus convenit, id est, non convenit. Interdum pariter utrumque facit. Quintilianus cap. de Narratione. *Cum interim, quod tanquam facile contemnunt, nescias, præstare velint minus, an possint*. Terentius in Hecyra: *Non tibi illud factum minus placet quam mihi, Laches*; neque hic placet pro displicet positum, ut exponunt Grammatici. Quis enim sanus id faciat?

A Sed minus perinde valet ac si dicas. Non amat me Dionysius & minus te, id est, me magis odit quam te. Subaudiendum est enim factum utrique non placere. Atque ita minus simul negat & comparat.

CAP. LII.

Connectendi formula.

VERVM de his accuratius disquirere, magis ad Dialecticos pertinere videtur. Cæterum ad hujus operis rationem satis arbitramur utcumque paucis attigisse. Nunc ad reliquas formulas aliquot accingamur, ac primum connectendi. Videmus enim in mediocriter etiam eruditis eam virtutem desiderari, ut apte concinneque orationis membra, atque articulos, ceu nervis quibusdam committant. Sed quibus anfulis minutiores orationis particule sint committendæ, id prope fuerit infinitum explicare. Majores his ferme modis connectuntur. *Præterea, Deinde*, quod sæpius apud M. Tullium reperitur: pro deinde Seneca usurpat *subinde*, sed cum significatione celeritatis, hoc est, pro mox. Idem facit Suetonius. Præcipuum est iterus columbarum, proximum caprarum, ab hoc ovium, deinde boum. In nostro orbe proxime laudatur Syriacum, mox Gallicum: *mox* usurpat Plinius aliquot locis, pro deinde. *Item in quo principatum tenuit Baotia, deinde Sicilia, mox Africa*. Primo loco, secundo aut tertio loco proximum ab hoc. Porro, porro autem. Quod novo jam qualique majoris sermonis initio convenit, annotatore Donato. Cæterum, quo licebit uti, quoties ad diversa digreditur oratio. Tum pro præterea. Ad hoc. Ad hæc, quod apud Græcos *πρὸς τούτοις*. Cum hoc, similem habet usum. Super hæc, pro eo quod est præter hæc, locis aliquot usurpavit Suetonius. Super ingenuorum paedagogia, & super innumeram turbam. Adde his, Accedit his. Accedit ad hæc. Huc accedit. Huc pertinet. Eodem pertinet. Huic confine est illud. His finitum est. Ad hanc formam pertinet. Ad hunc ordinem referendum est. Huic proximum est. Illud haudquaquam prætereundum silentio. Sed operæ precium est illud audire. Jam aliquoties eandem vim habet, vox Quintiliano præcipue familiaris. Deinde cum progressu incandescit oratio. Jam vero, Age vero. Quid quod, & consimilia. Jam vero quid referam? Age vero ad bellum in Africa gestum veniamus. Quid quod suos etiam incescit. Quin quinetiam, insuper, ad hoc pertinent genus. Interim & per occupationem connectemus, ut ne dicam interim, ut omittam domesticas hujus fordes. Nam illud quid attinet commemorare? Nam hæc alias. Sed illud suo loco dicetur. Interim per dubitationem, ut illud, Eloquar an fileam? Nunc idem valet: nunc ad id quod secundo loco dicturos nos sumus polliciti.

CAP. LIII.

Transitionum varia formula.

TRANSITIONIBVS varie connectitur oratio. Siquidem aliquando sumuntur ab æquali. Ut, Erant hæc jucundissima, neque minus voluptatis attulerunt illa. Interdum ab inæquali. Sed hæc utcumque ignoscenda, illud quis ferat? Audistis gravissima, sed audietis graviora. A simili, ut hæc perfidia designavit, cujus generis sunt & illa, quæ nuper Romæ patrasse dicitur. A contrario, ut, sed hæc privatim, nunc quæ publice. Hactenus quæ domi gessit, nunc quæ sub signis. Sed hæc juvenis peccavit, nunc senis virtutes audietis. A diverso. De moribus habes, nunc de doctrina reliquum est ut dicamus. Quasi per occupationem. Jam ad reliqua properabimus, sed si prius illud unum adjecerimus. Per reprehensionem. Verum de his plus satis. Quorsum nos transversos abripuit dolor? Ad rem redeamus. Quid his immoror? Ad id quod est hujus causæ caput, festinet oratio. A consequentibus five relativis. Habes quid in illum contulerim beneficiorum, nunc quam gratiam mihi retulerit audi. Quid pollicitus sit expositum est, nunc quid ille præstiterit paucis accipite.

CAP. LIV.

A re & persona.

GENERALIS variandi formula est à re, & à persona, Ut, Nihil opus meis monitis. Nihil opus me monitori, Te suatore, tuo suasu. Te impulsore, tuo impulsu. Te instigante, tuo instinctu. Te hortatore, tuo hortatu. Te auspice,

auspice, tuis auspiciis. Te duce, tuo ductu. Te consule, in tuo consulatu. Te doctore profeci, tua doctrina profeci. Patrem consulem non desinit jactare, patris consulatum sine fine jactat. Gloriatur formosa uxore, de uxoris forma gloriatur. De te incolumi superis habeo gratiam. De tua incolumitate grator superis. Discruciat animum uxor impudica. Discruciat animum uxoris impudicitia.

CAP. LV.

Ex more.

Ex more, Tranquillus dixit, *de more*. Maro: *pro more*: Patrio more, citra præpositionem. More hominum facit. Non insolens istud facis, pro vetere consuetudine. Solens meo more fecero. Nihil præter solitum. *Hoc apud Scythas solenne est*: Ita Suetonius. Mos est, vel moris est. Ufu publico receptum est.

CAP. LVI.

Subornandi.

SUBORNAVIT accusatorem. Submisit è consularibus viris, qui regio genere ortam pejerarent. Supponi puerum. Subdere ova in nidum alienum. Submisitii. Suppositi partus. Subditii partus. Terentius: *Ne credas à me allegatum hunc senem*, pro subornatum. Cicero: *Allegarem ad te illos à quibus intelligo me præcipue diligi*. Quintilianus: *Es ad eos allegandum est*, id est, subornandi sunt, qui persuadeant: Ita servi allegant precatorem. Hinc allegationes dicuntur subornationes. ¹ Translatum est hoc ad citantes auctorum testimonia, qui veluti subornantur, quum nobis diffiditur.

CAP. LVII.

Renovandi.

VETVS Atheniensium exemplum renovemus. Pristinum morem revocemus. Gratias egit, quod pristinum morem retulisset. Redeamus ad intermissa studia. Studium intermissum repetamus. Bellum redintegrarunt. Divum instauramus honores. Templum instar prioris quod conflagravit excitavit. Libertatem amissam restituit. Odium vetus eo dictorio recruduit. Recanduit ira. Refricuit illi veteris injuriæ memoriam. Horatius: *Cras ingens iterabimus æquor*. Iteranti noxam non est ignoscendum.

CAP. LVIII.

Finales formula.

Tu vigilasuti ditescas. Ego laboro quo doctus evadam. Objurgo te quo reddam meliorem. Ut melior evadas, ob id objurgo te. In hoc reperta Musica, ut animos delectet. Ad id adhibendæ literæ, ut nos reddant melius moratos. Cui rei paras opes? Demulcendis animis excogitatus est usus vini. Huc repertæ sunt disciplinæ. Hunc literis genui, hunc negociationi destinavi filium. Quo mihi divitias? Quorum opus est numis? Quo spectas? Quo tendis? Quem scopum tibi proponis? Huc pertinent orationes illæ omnes, quas de supino priore posuimus. Spectatum veniunt &c.

CAP. LIX.

Causales formula.

NON dico quo quemquam habeam chariorem. Non dico quod parum tua mihi placeant. Ob id te sæpius reprehendo, quod impensius amo. Quoniam impensius te diligo, ob id te sæpius admoneo. Ideo nulli places, quia tibi nimium places. Quando tu me negligis, tui quoque curam abjiciam. Age revocentur copiæ, quandoquidem ita tibi videtur. Horatius: *Jubeas miserum esse libenter*, quatenus id facit. Ad eundem modum locutus est Plinius in Epist. *Maneat puella postea quam sponso jucunda est*. Postea quam mihi non credis, alios in consilium adhibe. Virgilius: *Quando hac te curare morderet*. Neminem ex animo amat, in causâ est pecuniæ studium. Pertinent & illa ad formulam *aitiologion*. Amo Socratem, utpote virum integerrimum. Odi Dionysium, quippe Tyrannum. Amplector Petrum, ut optime de me meritum. Demiror te qui fidem habeas Afro. Erras qui credas alios tua diligentius curaturos quam te ipsum. Stultus es qui id speres. Impudens qui id postules. Delector Augustino, viro nimirum festivissimo. Delector Augusti-

* *Adlegare* proprie est *legare* seu mittere ad, seu palam id fiat, seu clam; cum *subornare* clanculariam molitionem sonet.

Ano, ut qui vir sit moribus festivissimis. Amo Nicolaum tanquam hominem mei amantissimum. Contemne pecuniam, quid enim ad bonam mentem confert? Amandus est tibi Cicero, siquidem te diligit effusissime. Semper in manibus habendus Tullius, nam hoc uno auctore Latine discas. Unus Cicero vere Latinum potest reddere, proinde pueris hic semper in sinu gestandus. Optimus dicendi magister Terentius, quare semper est evolvendus. Quo mihi rectius esse videtur, & eo magis, & hoc lubentius id negotii suscepi-mus. Non habes quam ob rem mihi succenseas. Non est cur mihi succenseas. Horatius: *Non est quod multa loquamur*. Cicero: *In viam quod te des hoc tempore nihil est*. Succenset, eaque gratia nos non visit. Luget atque ob id vocatus ad coenam excusavit. Potest nonnunquam omitti signum. Parentem amo, parricidam non amo, id est, quod parens est, hoc nomine amo, quod parricida, hac de causâ non amo. Pontifici debeo honorem, Alexandro non debeo.

CAP. LX.

Quod *idixōs*.

EΙΔΙΚΝΣ accipitur, quum speciem generi subijcit. Gaudeo genus est: Quod me amas species gaudii. Potest aliquis multis variisque de causis gaudere, sperare, dolere. Genus autem & speciem dico Grammaticorum more non Dialecticorum. Quod meæ nugæ non omnino displicent doctis gaudeo. Gaudeo meas nugæ non omnino displicere doctis. Quod res tibi feliciter evenit, lætor. Lætor rem feliciter evenisse. Quod uxorem duxeras nondum audieram. Uxorem duxisse te nondum audieram. Quod puellam repudiaris, demiror. Demiror te repudiassè puellam. Quod literas reliqueris, doleo. Doleo te reliquissè literas. In hujusmodi orationibus quod *ειδixōs* accipitur, quod tamen apud Græcos est usitatus in *ετι*. Latini magis gaudent infinitis verbis, nisi species præmittatur. Ut, Quod pater revaluit, gaudeo.

CAP. LXI.

Ut, *ειδixōs* acceptum.

EODEM modo nonnunquam accipitur, ut, veluti, spero fore ut facto gaudeas. Confido futurum, ut te minime facti poeniteat. Non committam, ut usquam videar officio meo defuisse. Efficiam ut intelligas mihi quidvis potius quam fidem defuisse. Da operam, ut revaleas. Cura ut valeas. Fac uti nos ames. Fac uti sciam.

DIGNUS ET INDIGNUS.

Dignus qui quam diutissime vivat. Dignus ut quam diutissime vivat. Longissima vita dignus. Dignus quam diutissime vivere: in carmine. Martialis: *Dispeream si tu Pyladi præstare matellam Dignus es*. Horatius: *Digna sequi potius, quam tortum ducere funem*. Meritus est cui laurea imponatur. Promeritus est, ut tibi decernatur triumphus. Indignus tuo amore. Indignus quem ames. Indignus ut abs te diligatur. Indignus abs te amari, in carmine. Horatius: *Indigni fratrum rumpere fœdus*. Idoneus est qui bellum gerat. Idoneus bello gerendo. Idoneus bellum gerere. Horatius: *Fons etiam rivo dare nomen idoneus*. Idoneus ad gerendum bellum. Non me dignatur alloquio. Non me dignatur alloqui. Dignum patella operculum. Res digna cognitu. Res digna quæ cognoscatur. Res indigna tua cura. Indigna quam tu cures. Res est infra tuam dignitatem.

DECET.

Haud decet simiam purpura. Dedecet simiam purpura. Indecora est simiæ purpura. Parum decorum est loquacem esse virginem. Ornat mulierem silentium, dedecorat garulitas. Haudquaquam decora est simiæ purpura. Haud decet Imperatorem una cum amica ire in via. Haud decet ut te loquente ego fileam. Quod solus ambulas, id parum te decet. Demitte pallium, nam sic indecore sedes. Hic gestus virgini indecorus est. Ista petulantia juveni dedecorosa est. Quod huic honestum est, tibi est inhonestum. Quod huic pulchrum est, tibi fœdum est. Non congruit, non convenit, non quadrat.

NECESSITATIS.

Exorandus est pater. Vigilandum ei qui velit ditescere. Vigilet oportet qui cupit ditescere. Vigilare necessum est eum, qui rem cupit facere. Vigilet necesse est, vel necessum est, qui velit dives evadere. Qui literas assequi cupiat,

43

uti fudet necessitas est. Nam sic Quintilianus subinde loquitur. Non potest non dolere qui laesus est. Fieri non potest quin doleat is, cui fit injuria. Abibis volens nolens. Vel velis nolis hinc abibis. Non mihi possum temperare quin lachrymem. Non me contineo, quin clamem. Cogor, compellor. Huc me adegit inopia. Huc redegit fortuna. Ad hæc traxit necessitas. Huc satis pertrahor. Huc obtorto collo trahor. Invitus dicam. Coactus dicam.

LIBERTATIS.

Utcunque voles facito. Ut lubet rideto. Quidlibet & dicas, & facias licebit. Tuo arbitratu facito. Tuo arbitrio rem gere. Utcunque visum erit agito. Animo tuo gerito morem. Obsequere animo tuo. Ex animi tui libidine facito. Pro animi tui sententia rem tractabis. Ut animo lubitum erit tuo, ita facies. Utcunque feret animus, ita facito. Liberum est seu velis à pacto discedere, seu manere conventis. Nunc integrum non est tibi, hac de re quod velis statuere. Mihi jus est creditum abs te reposcere. Jus tibi facio pro tuo arbitrio transigendi negotium. Tibi permitto quomodocunque velis vivere. Age tuo more. Sine me nunc meo more vivere. Tibi in manu est, utrum malis efficere. Penesillum est jus vitæ ac mortis. Summa rerum penes te est. M. Tullius: *Ut ad te familiariter & quasi pro meo jure scriberem.* Idem in Verrem: *Quem jure suo adire aut appellare posset.*

STATVENDI.

Decretum est. Deliberatum est. Certum est. Stat sententia. Visum erat. In animo habebam. Erat in animo. Non est animus. Non est sententia. Non est sententia. Non est consilium, sive consilii. *Non erat ratio*, apud Ciceronem. Placebat. Placitum est senatui. Decrevit senatus. In eam sententiam pedibus ibant omnes. Statueram in animo. Mecum statueram. Utrum utro melius nondum statui. Constitui hoc anno navigare. Est mihi in animo hoc vere navigare. Virgilius: *Si mihi non animo fixum immotumque sederet.* Mihi nihil æque propositum in vita, quam tibi per omnia gratificari. Si ita animum induxisti tuum. Destinaram in animo. Hic murus aheneus esto.

ASSENTIENDI.

Assentior tibi. Tecum sentio. Consentiebant universi. Intuam sententiam pedibus eo. In eam sententiam reliqui omnes pedibus discedebant. Cicero: *Frequentes ierunt in alia omnia.* Accedo tuæ sententiæ. Non his accedo, qui Pythagoræ sequuntur opinionem. Tuo judicio subscribo. Sententiæ tuæ meum addo calculum. Ea sententia plerique probatur. Idem sentio quod tu. Sententiæ tuæ nemo non suffragabitur. Hæc mihi tecum conveniunt. Hactenus omnia mihi tecum constant. Hac de re summus est inter Philosophos consensus. Huic sententiæ frequenter acclamatum est: *ὁμόφωνοι* Græce ejusdem sententiæ, ejusdemque suffragii dicuntur: *ὁμόδοξοι* ejusdem opinionis, ejusdem sectæ vocantur. Idem uno omnes ore confirmabant. Omnibus eruditorum calculis sive punctis eloquentiæ princeps M. Tullius.

DISSENTIENDI.

Longe lateque abest. Dissentio. Ego longe diversa sentio. Multo aliter atque tu sentio. Ei sententiæ refragabuntur omnes. Isti sententiæ nemo non reclamabit. Mihi tua sententia neutiquam probatur. Magnopere nostra cum tua pugnat opinio. Variatum est sententiis. Id unum nobis est controversum. Id solum est in controversia, vel in controverso. Equidem ab opinione tua minimum absum. Multum à tua mea discrepat sententia. Longe secus atque tu sentio. Haud mediocriter à tua mea distat opinio. Nimum inter tuam atque meam interest opinionem. Plurimum à tua mea distat opinio. Mihi secus videtur. Diis aliter visum est. Huic sententiæ milites adversabantur.

PRECANDI.

Quod agis bene fortunent superi. Quod agis bene vertat. Feliciter cadat quod instituisti. Dii coepta secudent. Optime cecidit. Bene vertat Reipublicæ. Sit felix, faustum, bonumque Reipublicæ. Feliciter cedat nobis omnibus. Hanc affinitatem precor ut Deus nobis omnibus lætam esse velit. Feliciter exeat quod coepisti. Prospere succedat quod agis. Ex animi sententia procedat, quod aggressus es. Deum optimum maximumque precor, ut istud consilium quam est honestum, tam sit etiam auspiciatum. Precor ut bonis avi-

bus Italiam adeas, melioribus redeas. Precor ut hic annus tibi lætis auspiciis ineat, lætioribus procedat, lætissimis exeat, ac sæpius recurrat semper auspiciator felicioque. Precor ut hic dies tibi candidus illuxerit. Incolumem reditum opto liberis tuis. Precor ut apud tuos omnia læta reversus offendas. Utinam prospere naviges, similique successu renaviges. Bonis auspiciis ancoram solvas. Precor ut tuis optatis omnia respondeant. Faxint superi, ut alba tibi contingant omnia. Velim ut ex voto res omnis succedat. O si res ita, ut volumus, nobis eveniat. Precor ut tibi secunda occurrant omnia. Precor ut diis secundis faventibusque negotium hoc conficias. Quæso ut hanc rem stultissime coeptam superi nobis bene vertant. Nihil malim quam ut his pulcherrimis coeptis, dextra aspirent numina. Quæso ut quod instituisti, superis bene fortunantibus absolvas. Precor ut hic contractus commodo sit utrique. Precor ut hoc matrimonium voluptati sit omnibus nobis.

PRIMI SUPINI VARIATIO.

Venit repetitum depositum. Venit ad repetendum depositum. Venit ad repetendam pecuniam. Venit repetendi depositi causa. Venit ut depositum repetat. Venit repetiturus depositum. Venit repetere depositum. Græcanicum hoc postremum. Tametsi Poetæ Latini ab hac loquendi forma non abstinent, præsertim Horatius.

CAP. LXII.

Dividendi forma.

OMNIS eloquentia rebus constat & verbis. Rerum unitas decem generibus continetur. Officium Oratoris in quinque partes distribuitur. Oratio sex partes complectitur. Oratio sex partibus absolvitur. Primum genus sex continet species. Quidam in septem species secant. Reipublicæ tres sunt formæ. Respublica in tres dividitur formas. Enthymema non simpliciter accipitur. Syllogismus trifariam dividitur. Omnis argumentatio in formas octo diducitur. Id genus in partes septem derivatur. Huic generi species subjunctæ sunt decem. Summa divisione in duo genera digeritur, quorum utrumque in species complures distribuitur. Præjudiciorum vis omnis tribus in generibus versatur.

CAP. LXIII.

Distribuenti.

BIS me tuæ delectarunt literæ, partim quod essent mirum in modum elegantes, partim quod eximiam quandam in me benevolentiam præ se ferrent. *Pars ingenium, alii corpus exercebant*, duriuscule dixit Sallustius, sed eleganter. Utrumque fratrem alienavit a sese, unum morum asperitate, alterum fordibus. Corpore atque animo constat homo, alterum cum pecudibus habet commune, alterum cum diis. Neminem non lacescit, hunc scriptis, illum conviciis, alium minis. Hunc negligit, hunc odit. Verum id magis in carmine quadraverit. Geminatio verborum interdum habet vim, leporem alias. Cicero. Alios assentatione delinit, alios muneribus corrumpit, alios promissis illectat. *Modo ait, modo negat. Interim oburgat, interim inepte blanditur.* Quod quidem Fabianum est. Nunc neminem admittit, nunc omnibus occurrit.

CAP. LXIV.

Prohibendi aut impediendi signa.

NEMO prohibet ire quemquam publica via. Tu me prohibes, ne publica ingrediar via. Quo minus affecutus sis, fortuna in culpa fuit, non ego. Impedimento fuit quo secius lex ferretur. Hactenus rescribere non licuit per valedudinem, etiamsi per occupationes licuisset. *Ego id agam qui ne detur*, apud Terentium legimus. Metuo ut ferre possis, id est, ne non possis. Etiam si hic ut, pro quomodo positum videri possit. Id utile, ut ne quid nimis. *Uti ne, ut ne pro ne*, quemadmodum apud Græcos *ὡς ἢ*. Non veto quin quæ velis facias. Suetonius in Tiberio: *Intercessit, quo minus in acta sua juraretur*, id est, obstitit, inhibuit, impedimento fuit. Per me non stetit, quo minus viceris. Exclusus tempore non venit, id est, temporis angustia obstitit quo minus veniret.

DUBITANDI.

Non dubito quin cupias redire. Non dubito te cupere redire.

reditum. Res in ambiguo est. Nondum satis constitui. Adhuc anceps animi sum. Adhuc hæreo, etiam dum *ἔρχομαι*, quod est Academicorum. Nondum huc aut illuc inclinatus sententia. Adhuc in æquilibrio vacillat animus, utroque nutans. Hactenus suspendo decretum animi. Nondum liquet. Ampliatum est iudicium.

SINE ET CITRA.

Citra præceptoris operam doctus evasit. Sine præceptore doctus evasit. Nullo præceptore doctus evasit. Absque pecuniis nihil efficias. Extra jocum, pro fine joco, dixit Tullius.

OSTENTANDI.

Ostentat ingenium. Jactat natales suos. Jactat se de natalium splendore. Vendicat sibi eloquentiam. Mire sibi placet de specie corporis. Ubique majorum imagines depredicat. Sunt qui se vulgo sanctimonizæ specie venditant. Ipse sui præco est. Ipse sui ipsius tibicen est. Ipse suarum virtutum apud omnes canit encomium. Mirum quam ipse sibi pulcher est. De majorum nobilitate gloriatur. Phurimum sibi tribuit. Suis ipsius suffragiis tantum non deus est. Sibi Suffenus est. De generis nobilitate dictu mirum quas tollat cristas: quæ erigat cornua.

CORRIGENDI SANANDIQUE.

Huic incommodo paulo inderi possis. Huic malo illud erit remedio. Quod jactu cecidit, arte corrigas. Mendum litura tollitur. Animi morbos sanat Philosophia. Corporis vitia ingenii dotibus pensantur. Febre levatus est. Malis omnibus mors semel liberat. Oculorum vitia ruta emendat. Orationis vitia Grammatica castigat. Philosophia morbos animi pellit medicaturque. Dentium cruciatum vinum lenit. Uteri tormina levat malva. Capitis dolores mitigat fomnus. Sedat tormina. Fugat pruritus. Sopit dolorem. Levat dolorem. Stomachum labascentem fulcit vinum vetus. Stomacho conducit pervigilium. Uxor vitium aut mutandum est, aut ferendum. Morbis omnibus arte succurritur. Soli senectuti subveniri non potest. Adversus podagram efficax est apium. Contra carcinomata valet mel. Obfistit ebrietati cicuta. Adversus alvi tormina remedio est crepitus.

BLANDIENDI SIVE HORTANDI.

Dic age. Dic fodes. Dic obsecro. Dic quæso te. *Dic amabo.* Quod frequens est apud M. Tullium: Blanditur, Assentatur, palpatur. Horatius: *Palpam obrudere.* Plautus: *Demulcere caput.* Ad gratiam loqui. Dare auribus. Trebonius Ciceroni: *Noli putare mihi Cicero me hoc auribus tuis dare.* Cæsar: *Auribus Varii serviunt,* id est, blandiuntur. Fac virum te præbeas. Quid habes quod ad hæc respondeas? Cedo, Agedum, Eja age. Vide sis. Quin uno tu verbo rem expedis.

TUA CAUSA.

Nolim id esse verum, vel tua causa. Tibi metuo. Mihi gaudeo. Omnium nomine doleo. M. Tullius: *Nam ego eo nomine sum Dyrrachis hoc tempore, ut quam celerrime quid agas audiam.* Catullus: *Eone nomine Imperator unice fuisti in ultima occidentis insula?* Tua gratia munus hoc suscepi. Vicem tuam doleo. *Commoda illi respectu mei.* Qua loquendi forma usus est Quintilianus. Invenitur & contemplatione tui. Tui causa. In tuam gratiam hæc feci.

UTRUM NEC NE.

Vise utrum redierit, an non. Vise num jam redierit an nondum. Vise redierit ne domum. Vise an redierit an non. Vise redierit ne domum nec ne. Vise redierit an non. Cogita utrum famæ malis consulere, an pecuniæ. Cogita famæ ne malis consulere an pecuniæ. Cogita an famæ malis consulere an pecuniæ. Cogita num famæ malis consulere quam pecuniæ. Vide si potes esse possessor. Cicero in Oratore suo lib. 2. si pro an dixit, imitatus Græcos, apud quos si bifariam significat.

CONCEDENDI.

Finge hominem vivere. Facita esse. Fac potuisse. M. Tullius: *Facite hoc meum consilium legiones novas non improbare.* Ut donemus ita esse. Ut hoc interim tibi concedamus. Ut hoc interim tibi largiar. Cicero: *Ut non referat pedem, insistat tamen.* Cato: *Non est in nostra potestate, sed in natura, ut tamen multum sit in nobis.* Pone sic esse in tabulis. Esto fane. Sit ita fane. Ut maxime jusserim, non erat tuum id fa-

cere. Etiam si quid asperius dixisset, tuum erat obticescere. Sed imaginare me donasse, non potes tibi rem vindicare. Et si maxime donassem, non tibi jus est rei vindicandæ. Donarim fane non statim tibi jus est injiciendi manum.

PARVM ABESSE.

Pene scopum attigeras. Prope scopum attigeras. Propemodum attigeras scopum. Parum aberas a scopo. Parum abfuit ut scopum attigeris. Parum abest quin scopum attigeris. Res parum aberat a pugna. Parum aberat quin pugnarent. Minimum aberat ut homini manus injiceret. Minimo minus scopum attigeras. Plautus: Nihil fuit propius quam ut perirem. Vix hominem cohibui, quo minus manum injiceret. Tantum non conserebant manus. Tantum non adorabant, quod Græcis est familiaris, *μόνον ἔχ).* Suetonius de Tiberio Cæsare: *Civilem ad modum inter initia, ac paulo minus quam privatum egit.* Paulo minus dixit pro propemodum: ac paulo post: *Quod paulo minus utrumque evenit,* id est, parum abfuit quin utrumque eveniret. Idem de eodem: *Sed tantum non statim a funere ad negotiorum consuetudinem rediit,* id est, propemodum statim a funere. Pro tantum non, Terentius dixit modo non: *Is senem pellexit per epistolam, modo non montes auri pollicens.* Nihil longius abfuit, quam ut hosti me dederem. M. Tullius: *Nec mihi longius quicquam est, quam videre hominum vultus.*

INCERTITVDINIS.

Annos natus est ferme viginti. Annos natus circiter octoginta. *Circa infra decem* dixit Horatius. Annos natus est plus minus quadraginta. Ad dies viginti. Cicero: *Quum annos ad quinquaginta natus esset. Hora quasi decima,* apud Suetonium. Annos habet, haud scio an duo de viginti. Puerum annos natum fortasse decem. Sallustius: *Dimin incerto habere.*

CAP. LXV.

Correctionis & occupationis formula.

IN pietate præcipua felicitatis pars, vel tota potius felicitas hominis sita est. Sallustius: *Vulgi more magis quam iudicio.* Doctrina nihil ad virtutem conducit, imo nonnihil officit. Tibi præcipue, atque adeo tibi uni calamitatem hanc acceptam ferre possumus. Ducem hostium intra mœnia, atque adeo in senatu videmus. Tuum opus vidi magis quam legi. Græcas literas degustavit verius quam didicit. Bonas literas sedulitate sua depravavit (vel ut verius dicam) evertit. Bonas literas non dico depravavit, sed funditus evertit. Suos omnes læsit, quid dixi læsit, imo subvertit. M. Tullius: *Sed in hoc ferendus meus error. Ferendus aitem? Imo etiam adjuvandus.* Quem Historicum citius dixeris, quam Poetam. Lucanum relegi non tam Poetam, quam Historicum. Ni pater es, dicerem te desipere. Hic exercitus ductor, pene dixeram seductor. Vertit Homerum, pene dixeram pervertit. Respondebo non orationi tuæ sed convitio. In summa correctio fit vel augendo, vel minuendo, vel commutando. Augendo: ut M. Tullius in Catilinam: *Qui de hujus urbis atque adeo orbis terrarum exitio cogitant.* Idem pro Plancio: *Infector, posco, atque adeo flagito.* Hæc sermonis forma frequens est apud Ciceronem. Minuendo, ut: Sic hic vivimus, aut victimamus verius. Commutamus, aut in contrarium verbum, aut in aliud commodius ac significantius. Pro hospite hostem fovi domi meæ. Hic legationibus non immoratur sed immoritur. Hic patrimonium omne absumpsit, aut ut melius dicam abligurivit. Idem aliquoties facit. At. Terentius: *Fucum factum mulieri: At quem deum?* M. Tullius: *Una mater oppugnat, at qua mater? qua &c.*

CAP. LXVI.

Auctores citandi formula.

UT Ciceroni placet. Auctore Platone. Vel quia hoc sensit, vel quia suavit, vel quia narrat. Nam trifariam utuntur hac voce. Teste Varrone. Si Terentio credimus. Uti refertur apud Plinium. Ut ait Protagoras Platonis. Ut apud Xenophontem Simonides dixit. Epicuro teste, felicitas in voluptate sita est. Aristoteles bonorum tres ordines fecit. Non spirare animal, cui non sit fangum calidus, auctor est Theophrastus. Apud Plinium scriptum est, elephantos decimo demum anno parere. Pyrrho negat quicquam sciri posse. Id verum esse testis est Livius. Existat in

anna-

47

annalibus. Veterum literis proditum est. Ejus sententiae complures citat auctores. Ad eam sententiam quamplurimos allegat testes. Eam sententiam multorum auctoritate tuetur. Huic opinioni Plinius ad stipulatur. Huic sententiae suffragatur Plato. Idem sentit Pythagoras. Aristoteli animal est etiam spongia. Plinio sentiunt & arbores.

CAP. LXVII.

Variatio imperativi modi.

VALE, valeas, fac valeas, valet, valebis idem pollent, & in quibusdam futurum subjunctivi: Memineris pro memento, oderis pro odio habeto. In ceteris item si addideris prohibendi signum, ne dixeris, ne dicas, ne dic.

CAP. LXVIII.

Variatio futuri.

POENITEBIT olim te. Futurum est ut olim te poeniteat. Spero te gavissimum factum. Brevi opinor tædebit te hujus vitae. Opinor fore ut brevi te hujus tædeat vitae. Spero futurum ut factum gaudeas. *Dixeris egregie*: Horatius. *Alligaris filium*: Terentius. Abibit hinc propediem. Abiturus est hinc propediem. In ea vero periphrasi, futurum est ut repetat creditum, Latini videntur reddere Græcam figuram μέλλει λέγειν, id est, dicturus est. Est autem familiaris Ciceroni. Necessaria quoque quoties in verbum inciderimus quod futuro careat. Ut spero fore, ut artem brevi perdisceas. Nam perdisceaturum non poteris dicere. Est futurum quoddam quasi mixtum cum significatione præteriti. Ut prius quam tu domum redeas, ego epistolam perscripsero. Antequam in portum pervenies, navis solverit. Si tales animos in pugna præstabis, vicerimus five vicimus, id quod finitimum esse videtur τῷ μετ' ὀλίγον μέλλοντι. Quamquam id alioqui Latini circumloquuntur per *jam, jamjam* & *mox*. Jam aderit. Similis jamjam morituro. Mox audies. Sunt in quibus necessitate abutimur futuro subjunctivi, ut meminero, odero, novero. Ad futuri significationem pertinent & illa. Confido commentarium hoc studiosis probatum iri. Et perspicio te perditum ire filium.

CAP. LXIX.

De periphrasi generali verborum.

COMMUNE fere est modis omnibus, ut per fio verbum, aut similia circumloquamur. Ita charus eris omnibus. Ita fiet, ut charus sis omnibus. Hoc modo effugit invidiam. Hoc modo factum est, ut effugerit invidiam. Utinam ex æquo me amares. Utinam fieret ut ex æquo me amares. In uxorem pessimam incidi. Mihi usu venit, ut in pessimam uxorem inciderim.

CAP. LXX.

De modo potentiali.

AD modum potentialem fere pertinent, quæ per potest aut debet, aut simile verbum exponi possunt. Quid agas cum eo, qui nihil intelligit. Est quod rideas, non est quod invidias. Videas & flumina sicca. Cerneris alios trepidare, alios circumspicere fugam. Vidisses omnes obmutescere. Equidem istud non affirmarim. Dixerit hic aliquis. Maturius venisses. Et apud Terentium: *Prædiceres pro prædicere debuisses*. Græci addunt syllabam ἀν, λέγεις ἀν.

CAP. LXXI.

Æstimandi verba.

PLRIMI me facit. Parvi habet. Pro nihilo ducit. Nihili pendit. Pro minimo ducit. Ne hujus quidem facio δεικτικῶς ostenso pilo aut flocco. Maximo in precio est apud omnes. Plurimi fit apud omnes. Magni habetur apud suos. Pili non facio. Nauci non facio. Flocci non facio. Boni consulere. M. Tullius: *Tranquillissimus autem animus meus, qui totum istud æqui bonique facit*. Terentius: *Istud æqui bonique facio*. Sallustius: *Supra ea, veluti ficta pro falsis ducis*. Idem, *Fidem suam interposuit, quam non minoris quam publicam ducebat*. Idem, *Quæ prima mortales ducunt*, id est, quæ plurimi faciunt homines. *In gratiam habere*, pro eo quod est beneficii loco ducere dixit Sallustius: *Denique regi patefecit, quod pollicebatur, senatum & P. R. quoniam armis plus valuissent, non in gratiam habituros*. Nihil habere pensi, pro non curare dixit Sallustius: *Neque id quibus modis assequeretur*,

dum sibi regnum pararet, quicquam pensi habebat. Idem, *Nihil pensi, nihil moderati*. Idem, *Vilia habere pro contemnere*. *Fidem, fortunas, pericula vilia habere*. Unius æstimemus assis, dixit Catullus, contra Grammaticorum leges. Cassia nuce non emam. *Filius eodem est apud me pondere, quo fuit ille*, Cicero.

CAP. LXXII.

Emendi formula & similia.

NIMIO emisti, non revendes tantidem. Nimio liceris. Minoris addicturus erat. Quanticunque indicaris, tanti mercabor. Vide ut quam maximo æstimes. Non refert quanti res ipsa sit, sed quantopere tibi sit opus ea. Tu tuum agrum pluris conducis, quam ego meum emerim. Paulo locas ædes tuas. Cupiam maximo, si queam. Eme quam potes minimo. Revende quam potes plurimo. Asses non emerim totam Ciceronis famam. Labore dii bona sua vendunt. Vili vendunt, minoris non possunt. Non emit qui nihilo emit. Care emit qui rogat. Extrude merces quanticunque potes, vel gratis alicui obtrudito, si secus non potes. Redimas te captum quanti potes, pro quam potes minimo. Si nequeas paulo, at quanti potes. Cui addictus est ager? Lodovico. Quanti? frumentum addictum est; sed nondum ad mensum. Quanti proscripsit ædes? ducatorum myriade. Quanti cenastis? Percare. Magno hic vivitur. Amat vilissime. *Bassus carius caecat, quam bibit*. Magna mercede canit. Maxima tacuit Demosthenes. Quanto metiris precio? Juvenalis. Quanti stipulatus es? Thais decem millibus drachmarum noctem venditabat. Nimio constat elegantia. Suetonius. Quorum uni mellita quadragies festerium constiterunt. Hic enim subauditur auferendi casus quadragies centum millibus.

CAP. LXXIII.

Discriminis formula.

NIHIL interest, facias an dicas. Nihil refert per te facias, an per alium. Parvi mea refert quid nolis aut velis. At mea plurimum refert. Quid interest utrum facias, an instiges? Plurimum interest, maxime refert, quo tempore virum adeas. *Equidem haud magno in discrimine pono*, apud Titum Livium, & apud Valerium Maximum, respondit se vita malle excedere, quam metu violentæ mortis, amicos inimicosque juxta ponere. Sallustius: *Adero, me vosque omnibus in rebus juxta geram*. Virgilius: *Tros Tyrinque mihi nullo discrimine agetur*. Utrum probes an improbes manum non verterim. *Ad ista sum indifferens*. Ita Suetonius. *Quadam perquam tenui limite dividuntur*, apud Fabium. Vera ne sint hæc an ficta, nihil laboro. Utrum scripseris an dixeris, feceris nec ne, manum non verterim. Susque deque fero. Susque deque habeo. Instigasti, perinde est ac si feceris. Ex æquo in noxia es. Tantundem peccasti. Citra discrimen amat, ac laudat omnes. Citra delectum omnes in familiaritatem receptat. Omnes promiscue mordet. Passim hæc prædicat. Apud quoslibet hæc dicit. Amussis alba in albo lapide.

CAP. LXXIV.

Affirmandi.

PROMISIT se venturum? Promisit. maxime, etiam, pro quo Græci *ναι*. M. Tullius: Si non, quomodo tabulas conficis? Si etiam, quam ob rem, &c. Idem: *Quasi aut etiam aut non, non modo verum esset, sed necessarium*. Hunc locum ideo adduxi, quod sunt qui putent etiam, non esse confirmantis. Scilicet, admodum. Quam lubentissime, benigne. Sic habet. Sic erit. Ita est, factum est. Plane. Mirum ni. Haud dubie. Dubio procul. Liqueat. Constat. Confessum est. In confesso est. Extra controversiam est. Certum est. Pro certo. Compertum. Liquido. Indubie. Indubitato. Certo certius. Vero verius est. Veriora his quæ apud Sagram gesta sunt.

CAP. LXXV.

Accusandi formula.

ACCVSATVS est sacrilegii. Hic se furti alligat. Postulatus est repetundarum. Delatus prodicionis. Cæsar Comment. 7. *Principes civitatis insimulati prodicionis ab Romanis*. Reum egit, vel peregit. In jus voca. Lege agito. In

Injusa ambula. In jus duxit hominem. In justrahis. Litem intendit. Dicam scripsit. Filius cum patre litem agitat. Cum opulentissimo viro illi lis est. Cum Mida iudicio decernat. Accersitus est capitis. Delatus est sacrilegii. Peculatus reum peregit. Plautus. Ad tres viros deferam tuum nomen. M. Tullius: *Nomen hominis amicissimi detuli.* Idem, *Delationem nominis postulavit.* Idem, *Roscii nomen deferendum curavit.* Diem illi dixit. T. Livius: *Casani capitis diem dicit.* Idem, *Rei capitalis diem Posthumio dixerunt.* Eum talionis agentem exceptione repulit. Agit cum eo malæ tractationis. Damnatus est repetundarum, vel de repetundis. Absolutus injuriarum. An quisquis gratiam cum possit non refert, ingrati teneatur. An teneatur Reipublicæ læsæ, qui quod sibi licuit fecit. Læsæ religionis sit actio. *Nec audacem timoris absolvimus,* dixit Seneca. Ad hanc formam perinent illa quæ referuntur in titulo Laudandi ac Vituperandi. Cicerone: *Qui jam de maiestate postulavit.* Plautus: *Cras subscribam homini dicam.* Idem: *Quum istam causam subscriberent.* Unde subscriptores dicuntur, qui cum accusatore causam & crimen subscribunt, & actori adfunt. M. Tullius: *Accusabat M. Aquilius, subscriptore C. Rutilio Ruffo.* Inde & subscriptio. Inculcat senis parimoniam. Insimulat herum maliciæ. Causatur tutorum perfidiam.

CAP. LXXVI.

Formula utilitatis.

Nihil æque conducit ad beate vivendum. Nihil ad parandas opes conducibilis. Nihil ad eam rem confert. Plurimum adferet adjumenti. Utilis ad parandos amicos assentatio. Plus adfert voluptatis, quam utilitatis. Plurimas ad res hic libellus usui futurus est. Ad id patruus in primis adjuvare poterit. Quid faciunt ad virtutem nummi? Libet quidem, verum non expedit. M. Tullius: *Visum est mihi hoc ad multa quadrare.* Utinam hæc res tam frugifera tibi sit, quam futura est honesta. Utinam tantundem frugis adferat, quantum adfert gloriæ. Ad id sola doctrina fuerit adjumento. Ad hoc pecunia magno adminiculo futura est. Ad id haud mediocriter adminiculatur vires corporis. In id quoque prodest ornatus, Fabianum. Non parum ad id efficiendum momenti habet fama integra. Neque vero illud mediocriter profuerit. Adjuvat hoc quoque. Hæc ratione nihil profecimus, reliquum est, ut diversam ingrediamur viam. Nihilo plus explicet, ac si insanire paret, id est, *nihilo plus proficiet.* Horatius: Eruditio ad pietatem plus adfert dispendii quam compendii, & non tam promovet quam moratur. Calida sunt amica stomacho, dulcia conducunt hepati. Quod stomacho confert, idem prodest cerebro. Quod ad stomachum facit, idem capiti salutare est. Quod stomacho bonum est, idem cerebro commodum est. Lactucæ alvo deiciendæ efficaces, & ad fomnum conciliandum idoneæ. Ad ciendos menses valet malva. Alvo sistendæ sunt utiles fabæ asæ. Stomachum acuum, excitant, irritant appetentiam edendi. Hac in re solus hic tibi poterit commodare. Plurimum commoditatis adferet pecunia studioso. Utinam tam tibi commodo sit, quam mihi fuit grave. Magno meo malo tentavi. Et sine pronomine Livius, Loquendo quæ in rem non essent die consumpto. Idem. Si è republica censeret veniret. M. Tullius: *Facis ex tua dignitate è republica.* Idem, *Scio quæ studio dixerit, è republica dixisse.* Fecisti tuo commodo, nostro incommodo. Si iudicabis in rem tuam esse. Si putabis ex usu tuo fore. Si putabis ere tua fore. Pro te facit quod dico. Ad Philosophiam Dialectica viam aperit, viam sternit, viam præstruit. Ad eam rem jam facta sunt fundamenta. Actites partus adjuvat. Inflationem stomachi discutit. Pectoris dolores levat. Bilem extrahit. Pituitam detrahit. Mensium abundantia auxiliatur. Adversus serpentes in vino datur. Deploratis auxilio est Chironia. Morbis omnibus medicatur panace. Elleborophthiriasis emendatur. Datur ad serpentum ictus Chelidonia. Rododaphnes folia homini præsidio sunt adversus serpentes. Aviditatem cibi facit acetum, valet ad ciborum appetentiam irritandam. Absinthium fulcit stomachum labentem. *ivσquaxα* dicuntur Græcis quæ stomacho conducunt. Nullum operæ precium fuerit.

CAP. LXXVII.

Prælagii formula.

SOL purus oriens neque fervens, serenum diem nunciat. Concavus oriens pluvias prædicit. Si circa occidentem

A rubescunt nubes, serenitatem futuræ diei spondent. Sin spargentur, pluviam ventosque significabunt. Cum oriente radii non illustres eminebunt, pluviam portentent. Si in exortu rubescunt nubes, maxima ostendetur tempestas. Si oriens cingetur orbe, ex qua parte is se aperit, expectetur ventus. Si totus defluerit, serenitatem dabit. *Luna cornu septentrionale acuminatum, inde prælagit ventum.* Sic enim frequenter usurpat hanc vocem Plinius, ut *prælagire* non sit præsentire, sed portendere. Si quartam orbis rutilus cinget, ventos & imbres præmonet. Nascens obatro cornu, pluvias decrescens dabit. Rubicundam venti protinus sequuntur. Autumni serenitas ventosam hyemem facit. Volitantes stellæ ventos nunciant. Eadem in plures disiectæ partes, inconstantes ventos effundent. Quum ab aquilone nocte serena fulguraverit, ventum & imbrem demonstrabit. Nubes vehementius atræ ab oriente in noctem aquam minantur. Nube gravida candicante, grando imminet. Nebulæ cælo cadentes, serenitatem promittunt, Pallidi ignes tempestatum nuncii sunt. Mare in tranquillo portu intra se murmurans, ventum prædicit. Camporum fragor & cæli murmur, non dubiam habet tempestatum significationem. Echini affigentes sese, tempestatum signa sunt. His modis locutus est Plinius. Ipsa cæli facies futuram tempestatem loquitur. Exoriens notus venturam pluviam præmonet. Iris imbrum est nuncia. Halcyones nidulantes, futuræ tranquillitatis fidem non dubiam faciunt. Præcox pueritia vaticinium est vitæ brevis. Immodica felicitas signum est venturæ calamitatis. Crispantes undæ nautis coarctatos ventos demonstrant. Qui bene conjiciet, hunc vatem puta optimum. Stridor dentium in ægrotis, mortis indicium est. Dentium series brevis & continua, longævitæ arguit. Occursus puellæ nuper nuptæ, felix auspiciū est. Occursus virginis, parum læti ominis est. Nec dubias significationes sæpe jecit, ne reliquis quidem se parfurum. Suetonius: *Evidens specimen dedit, qualis sit futurus Princeps.* Ex pueritia divina, qualis sit futurus senex. Hinc collige, hinc augurare, hinc ratiocinare.

CAP. LXXVIII.

Officiendi formula.

PIRORVM esus stomacho gravis. Dulcia stomachum lædunt. Acida concoctioni officiant, Salsa noxia sunt hepati. Lac virilem stomachum offendit, adusta inimica biliosis. Non obstitam, Non fuero impedimento, Non obturbabo, Non reluctabor, Non obstrepam tuis conatibus. Non renitar, Non reclamo. *Non remorabor institutum tuum.* Fabius, *Aures minus feriunt,* pro offendunt, dixit.

CAP. LXXIX.

Functionis formula.

GESSIT consulatum. Ubi tum Proconsulem agebat. Prætoris officioungebatur. Dictator erat. Bellum administrabat. *Siciliam obtinebat:* Ita Cicero frequenter, pro administrabat. Alioqui obtinet qui impetrat. Provinciam præfidebat. Annonæ præfectus erat. Regia negocia procurabat. Munia tribunitia obibat. *Obire bella* dixit Livius: *Obire legationes,* Cicero. Censui præerat. Cum imperio esse, est habere magistratum. *Gerere potestatem* dixit Cicero in Verrem 4. Idem dixit *piraticam facere.* Hoc negotii tibi mandamus. Tibi provinciam hanc delegamus. Duram suscepisti provinciam, Duram sustines provinciam. Fac ut Imperatorem te præbeas. Vide ut præstes amicum. Scurræ, non amici functus es officio. Ego te absente, tuis fungar vicibus. Tuasagam partes. Tuarum partium est, five tuæ partes sunt retundere petulantiam hominis. Defunctus consulatu. Defunctus vita. Defunctus malo, *Defuncte periculis:* Virgilius. Defendere vicem. Horatius: *Defendente vicem modo Rhetoris atque Poetæ.* Pontificis personam gerit, paulatim exercuit Principem. Suetonius: *pro eo quod erat, functus est munere Principis.* Tractare Rempublicam. Gubernare Rempublicam. Ducere bellum. Gerere, exercere bellum. Navare operam. Satagit rerum suarum. *Ductare exercitum, Patrare bellum.* Quæ duo verba Fabius notat à Sallustio novata in usum honestum, quum ante fuissent obscena. In familia bene instituta omnes in officio sunt. Non deero officio meo. Nunquam cessabo in officio meo. Sallustius: *Curare* dixit absolute: *Nam is in ea parte curabat.*

CAP. LXXX.

Quibus modis tribuimus aliquid.

SVMMO ingenio puer. Summi ingenii puer. Summus ingenio puer. Summus ingenium. Poeticum est. Vir admiranda sapientia. Vir admirandæ sapientiae. Vir admirandus sapientia. Vir admirandus sapientiam. In carmine. Vir incredibili præditus sapientia. Vir omnijugis corporis atque animi dotibus exornatus. Vir omnibus instructus dolis. Vir ex meris mendaciis conflatus atque compositus. Id omnibus natura insitum est. Id natura nobis indidit. Ita natura comparatum. Id cunctis attribuit natura. Multa vitia nobis recepta consuetudo conciliat, nonnulla natura ingenerat. Omnibus innatum est, ut vitam suam incolumem esse velint. Id vitii non tibi natura adjunctum est, sed accersitum ac receptum prava consuetudine. Inest in homine incredibilis quædam astutia. Inest homini.

CAP. LXXXI.

Titulorum.

EIUS rei meminit Plato in dialogo, qui inscribitur *εὐπρόκτορος*. Testis Cicero in eo libro quem inscripsit *Oratorem perfectum*. Plinius in opere, cui titulus, *historia mundi*. Varro in *Satyræ*, cui titulum fecit, *nescis quid serus vesper vehat*. Virgilius in *Alexide*. Terentius in *Adelphis*. Hesiodus in opere, cui titulum nuncupavit, *Opera & Dies*. In libello cui titulum indidit de *Verborum copia*. In commentariis, quibus titulum prætulit, de *Nugis aulicorum*. In *Odorum libro*, quem *Sylvas* nuncupavit. In *Phormione Terentiana*.

CAP. LXXXII.

Gratulandi.

GAUDEO te nobis optantibus incolumem esse redditum. *Gratulamur tibi victoriam*. Sic enim loquitur Suetonius & Seneca. Item M. Tullius: *Appellat hominem & ei vocem maximam victoriam gratulatur*. Isto nomine tibi gratulor. Gratulamur de victoria. Gratulor vicisse te. Quod victor redieris vehementer gaudeo. Te nova prole auctum esse gaudeo. Salvum te advenire volupe est. Lætor tuo nomine, quod uxor feliciter peperit. Quod gener tibi tantopere probatur, magnopere tua causa gaudeo. Voluptati mihi est, quod tibi res ex sententia cesserit. Tua gratia gaudeo, quod res præter spem bene verterit. Tuam vicem lætor, qui prospere pugnaris. Macte. Macte istius animi. Terentius. *Abi virum te judico*. Item in *Adelphis* Syrus.

CAP. LXXXIII.

Gratias agendi.

QUOD tam officiose me commendaris Principi tuo, gratiam & habeo, & habiturus sum immortalem. Quod tanta fide mea negocia procuraris, pares gratias agere vix possum, referre nequaquam. Quod me passim amantissime prædicas, video quantum debeam tuo in me studio. Quod meis commodis tantopere studes, & habetur a me gratia, & semper habebitur. Quod argentum ad diem promittum reddidisti, amo te, & habeo gratiam. Terentius: *Ecquid nos amat de virgine?* M. Tullius: *Quod mihi polliceris valde te amo*. Idem, *Multum te amo quod spondidisti* M. Octavio. Factum bene quod epistolam obsignatam remiseras. Quod nos pro tua virili tueris, gratum est. *Grates persolvere dignas, non opis est nostræ*: Virgilius. Fateor me tibi magnopere devinctum esse. Hoc nomine plus tibi debeo, quam ut unquam solvendo esse possim. Hoc officio arctius me tibi adstrinxisti. Obligationem me tibi fecisti, devinctiorem reddidisti. Magis obnoxium effecisti, quam ut vel verbis agere gratias possim. Major est nostra necessitudo, quam ut vel tu mihi, vel ego tibi, pro ullo officio debeam gratias agere. Majus est hoc beneficium, quam ut orationem postulet.

CAP. LXXXIV.

Referendi beneficium.

GRATIAM referre. Reponere merita. Rependere officia. Pensare beneficium. Remunerare beneficium. Remetiri beneficium. Reddere beneficium. Persolvere beneficium. Respondere meritis. Par esse beneficiis acceptis. Efficiam, ut tuum in me officium ad te non sine fœno-

Are redeat. Fœneratum hoc beneficium tibi pulchre dices. Dispereream, nisi beneficium istud tibi conduplicaverit. Statim regerere beneficium, est nolentis debere. Hoc non est referre beneficium, sed refutare. Certemus mutuis inter nos officiis. Beneficium ultro citroque commutare debet. Cum fœnore reponendum quod acceperis. Quisquis grate munus accepit, jam gratiam retulit. Retaliare injuriam. In malam partem. Respondere malefactis. Reponere in iuram, Pensare, Remetiri, Referre, ac ferre omnia, & in malam partem possunt accipi. Invenitur & *retaliare* apud Gellium, in bonam partem, neque natura vocis refragatur, id tamen est inusitatus.

CAP. LXXXV.

Originis verba.

HAUD dubito, quin hæc ab amore quodam in me singulari proficiscantur. Univerbum hoc malorum agmen e bello nobis natum est. Hinc omnis illa simultas inter eos orta est. Tu malorum omnium auctor. Cupiditas pecuniæ vitiorum omnium parens. Invidia totius hujus odii seminarium fuit. Natura nobis parvulos igniculos dedit. Hinc omnis illa turba venit. Hinc fluxit. Hinc manat omne quo beati reddimur. Horatius. Græco fonte cadunt. Hinc scia et omnis illa vitiorum colluvies. His fontibus totus ille tumultus rerum exstitit. Hinc surgunt odia. Hinc lites proveniunt. Hinc veniunt jurgia. Ab his exordiis Romana nobilitas ducitur. *Omnium magnarum rerum a diis immortalibus principia ducuntur*, dixit M. Tullius in *Vatinium*. Regibus ortus. Roma oriundus. *Atavis edite regibus*. Maximis prognatus ducibus. *Sate sanguine divum*. Ex his Pullulant odia, Gliscunt invidiæ, Subnascitur simultas, Fruticantur dissidia. Sylvescunt factiones. Illa e Philosophorum fontibus haurienda. Reliqua e Poetis petenda.

CAP. LXXXVI.

Pensandi.

QUOD corporis viribus deest, id ingenii dolis exæqua. Quod corporis formæ detractum est, id animi dotibus natura pensavit. Tu opulentior, nos eruditiores, atque ita tecum paria fecimus. Absentiam nostram crebris literis sarciamus. Quod hæcenus cessatum est, id oportet diligentia recuperare. Quod illius stultitia peccatum est, id tua sapientia restituas oportet. Quod illius inficitia admissum, id oportet, ut tua prudentia redimas. Supplendum diligentia quod ingenio deest. Quod corpori detractum, id ingenii dotibus accessit. Studio reponendum, quod negligentia præteritum est. Quod ademptum est fortunæ, id ingenii dotibus additum est. Quantum corporis viribus deest, tantum animi virtutibus superest. Natura quod alibi detrahit, alibi reddit. Quod suis eripit, hoc hospitibus accumulat. Ovidius. Ingenio formæ damna rependo meæ. Famæ dispendium, pecuniæ compendio resarcit. Famæ jacturam pecuniario lucro solatur.

CAP. LXXXVII.

Aptitudinis formula.

QUERE uxorem aptam tuis moribus, aptam ad tuos mores. Amicum delige tuis moribus appositum, accommodatum, Vel ad tuos mores. Amicum delige, qui tuis moribus, vel ad tuos mores conveniat. Non est natura compositus ad artem poeticam. *Ostentationi compositum*, dixit Fabius, pro eo quod est ad ostentationem paratum. Idem, *Juri magis an æquo sit appositus*, id est, propensior ad jus, an ad æquitatem. Rursus idem, *Constatque rebus ad faciendam fidem appositus*. Ad Mathematica videtur esse propensior. Vir maximis rebus vel ad maximas res natus. Vir factus ad hujus nequitiam. Ad hujus mores factus, fictus, sculptus esse videtur. Adeo ad hujus mores quadrat. Oratio non est naturæ consentanea. Facta non respondent orationi. Hæc non competunt in senem. Hæc non competunt viro gravi. Non hæret in Catonem hujuscemodi crimen. Non consentiunt tui mores cum hujus moribus. Non concinunt tua atque hujus studia. Non concordat hujus institutum cum tuo. Concinnus transitus, Concinna digressio. Ista non coherant, non consistunt. Non cadit in sapientem animi perturbatio. Non recipit tua simplicitas adulationis suspicionem. Non congruunt literæ cum studio pecuniæ. *Non bene*

bene conveniunt, nec in una sedemorantur Majestas & Amor.

CAP. LXXXVIII.

Ablegandi verba.

Hic mihi est ablegandus aliquo. Puerum hunc prius amanda quopiam. Hunc Argum aliquo, si potes amolare. Non possum hunc amovere quopiam. Ego hunc neque uti amittam a me, neque ut retineam scio. Non possum memet ex hoc grege nebulonum excutere. Hic utcunque est extrudendus aliquo.

CAP. LXXXIX.

Proficiscendi.

Rvs hinc abeo. Rus hinc concedo. Discedo, abscedo, decedo. Galliam repeto, inde Britanniam aditurus. In Italiam iter instituit. Tum Neapolim cogitabam. Apparas iter, adornas profectiorem, componis sarcinas. Ingressus est viam. Quo paras proficisci? Quo paras profectiorem? Quo tendis? *Quote Mari pedes?* Quo tenetis iter? Quo nam iter est? Rus me confero. Domum me recipio. Domum revertor. Certum est in patriam revolare. Certum est veteres amicos revifere. Redde te patriæ. Fac recurras in patriam. Restitue te tuis. Fac te quam primum reducem videamus. Ad rem inutile est subinde movere castra. Haud temere distescunt, qui crebro vertunt solum.

CAP. XC.

Conatus.

Da operam ut convalescas. Cura ut revaléscas. Enitere ut cum parentibus in gratiam redeas. Adnitere totis nervis, ut in virum tuo genere dignum evadas. Illud totis viribus agito, ut parentum expectationi facias satis. Pro virili conatus sum. Pro mea virili, pro viribus. Hoc unum stude, ut te in Regis benevolentiam infinues. Literis incumbas. In hæc studia incumbite. Ad id eluctare. Ad hoc invigila. Efficies, si modo advigilaris. Vigilandum est, qui sua negocia velit tempori conficere. Manibus pedibusque connitere. Id unum elaborat. Eo velis, equisque contendit. Huc velis remisque festinat. Horatius: *Hoc studium parvi properemus & ampli.* Ut doctus evadas, dies noctibus continua. In ea re vehementer est sudatum. In id plurimum laboris exhaustum, exantlatum. Rem perdifficilem conamur. Rem arduam molimur. Summo nixu. Summa ope. Summa vi. Quantum potes ad labora. Pecuniæ causa nihil non tum facit, tum patitur.

CAP. XCI.

Explicandi & implicandi.

Ubi his malis emerfero. Ubi his turbis memet extricavero. Ubi ex his negociis me expedivero. Cum ex his negociorum exiero labyrinthis. Simul atque his me tumultibus exsolvero. Ubi his e nugis memet excussiero. Si quando licebit memet ex his negociorum fluctibus emoliri. Si licebit ab his curis discedere. Si continget liberari, levare. Si quando ab his negociis me ipsum vindicavero, asseruero, absolvero. Ubi ex iis malis eluctatus fuero. Ubi ex his calamitatibus enataro. Implicitus malis. Involutus negociis. Distriktus curis. Occupatus negociis. Distentus, Distendi, Distineri negociis. Distorqueri curis. Immersus, obrutus, opertus negociis. Intricatus, Impeditus, Illigatus, Obvinctus, Disruptus, Obseptus, oneratus negociis, oppressus, oppletus. Tot merces circumvallant. Tot me pericula circumstant, circumfistunt, obsepiunt, cingunt, obsident, premunt, urgent.

CAP. XCII.

Verba finis, seu propositi.

STOICI in una virtute summum bonum constituunt. Epicurus felicitatem voluptate metitur. Peripatetici usu virtutis beatitudinem definiunt. Herillus in scientia summum bonum collocat. Quidam in indolentia boni finem posuerunt. Est qui in pecunia felicitatem sitam esse existimet. Maxima pars hominum spectat utilitatem. Pauci sibi proponunt honestum. Huc omnes conatus tui spectant, ut distescas. Huc respicis, huc tendis. Omnes spes meas in te uno fixi. Quidam famæ serviunt. Alii lucri rationem habent. Hic voluptatem ubique sequitur. Ille captat gloriam. Hic

Ad privatam utilitatem omnia refert. Huc reliqua omnia sunt conferenda. Huc omnia illa pertinent, spectant. Horatius: *Quorsum hæc tam puerula tendunt?* In hoc etiam popularem laudem petit. Admirationem Aristoteles maxime petendam putat. Illud genus ostentationi compositum, solam petit audientium voluptatem. Negociatorum unicus scopus est pecunia.

CAP. XCIII.

Qua est impudentia.

Si crimen illi palam objicias sat scio qua est impudentia. Vel, cujus est impudentia. Vel, ea est hominis impudentia, inficias ibit. Vel sic. Sat scio, ut est impudens, inficias ibit. Vel sic. Sat scio, pro solita sua impudentia inficiabitur. Quamquam hoc postremum minus habere vehementiæ videtur. Adeo est impudens, ut mox sit inficiaturus. Ut nunc sunt mores, id est, pro hujus sæculi moribus. Ut est barbarorum ingenium, id est, pro conditione barbarici ingenii.

CAP. XCIV.

Quam ut, quam qui.

Vir melior est quam qui velit mentiri. Simplicior quam qui possit. Superbior est, quam ut velit doceri. Stupidior quam ut possit discere. Adeo pauper est, ut nec obolum habeat. Adeo ignavus, ut malit inedia perire, quam artem discere. Sic de me meritis es, ut tibi succensere non debeam. Sic mihi charus, ut irasci ne si velim quidem possem. Melius de me meritis es, quam ut tibi possem succensere.

CAP. XCV.

Bene est.

Bene res habet. Bene seres habet. Bene habet. Bene est. Optime est. Bene tibi habent principia. Optimo in loco res est. Pejore in loco res esse non potest. Quoniam in statu res sunt tuæ?

CAP. XCVI.

Mea sententia.

Mea quidem sententia. Pro mea quidem sententia. Ut meo quidem sentio. Ut mea fert opinio. Meo quidem animo, Plautinum. Meo judicio. Ut mihi quidem videtur. Ni fallor. Si quid judico. Meo quidem suffragio, M. Tullius vicit Demosthenem. Tuo calculo victus est.

PLUS ET PLUSQVAM.

EAudivi plus millies. Audivi plusquam millies. Calesces plus satis, plusquam satis. Hujusmodi orationes omnes bifariam proferuntur in adverbis ac nominibus, in verbis non itidem. Sapit plus quam expedit. Mulier plus quam decet erudita. Plus quam necesse est facunda. Rursum vixit annos plures quam decem, vel plures decem. Plus quingentos colaphos infregit mihi. Plus quam quingentos, plures quingentis. *Amplius quadraginta* dixit Suetonius. Hoc igitur orationis genus quadrifariam effertur. Amplius & non amplius interdum præponitur, interdum subjicitur, interdum interseritur. M. Tullius: *Cum enim Syracusis amplius centum cives Romani cognoscerent*, id est, plures quam centum. Cæsar: *Amplius horas quatuor fortissime pugnauerunt*. Pompejus L. Domitio: *Non amplius quatuordecim cohortes Luceriam coegi*. Hic præponitur. Terentius: *Sexaginta annos natus es ut conjicio, & eo amplius*. M. Tullius: *Laodicea viginti pondo, paulo amplius*. Hic subjicitur. Virgilius: *Treis patet calispantium non amplius ulnas*. Hic interseritur. Eodem ferme modo usurpatur plus. Cicero pro P. Quintio: *Ac tecum plus anno vixit in Gallia*. Idem pro Plancio: *Sed non plus duobus aut tribus mensibus*. Hic præponitur. Terentius: *Dies triginta aut plus eo, in navi fui*. Hic in medio ponitur. Centum desiderati sunt, aut plus eo. Hic postponitur. Hunc igitur sermonem ita varies licebit. Amplius ducenti desiderati sunt. Ducenti & eo amplius desiderati sunt. Ducenti desiderati sunt & eo amplius. Desiderati sunt plus quam ducenti. Desiderati sunt plures ducentis.

AD SUMMUM VT MINIMUM.

FSemel hominem salutavi, aut ad summum bis. Ut multum. Ut plurimum. Non minus. Saltem. Ut minimum. Ut minimum dicam. *Non amplius, cum plurimum, quam septem horas dormiebat*. Ita Suetonius.

CAP. XCVII.

Morem gerendi.

Mos gerendus est patri. Morigerandum est patri. Obsequendum est patri. Patri obsecundandum. Patri concedendum. Inserviendum, Observiendum paternis moribus. Accommoda te paternis moribus. Præbe te illis ad tempus. Attempera te moribus omnium.

CAP. XCVIII.

Rogandi.

MAJOREM in modum te rogo. Etiam atque etiam oro. Obsecro te atque obtestor. Illud unum abs te magnopere peto, contendoque. Illud a me vehementer contendebat. Efflagitasti quotidianis convitiis. Imploravit ope hominis. Eblanditus est favorem. Exambiit reperitur apud quosdam. Extorsit potius quam exoravit. At istud poscere est non rogare. Flagitabant verius quam orabant.

CAP. XCIX.

Ignoscendi.

REMISERE multam. Hanc unam ignosce culpam. Remisit offensam. Condonamus admissum. Terentius: *Condonamus argentum quod habes.* Sallustius: *Condonare creditum.* Da veniam juvenilibus erratis. *Jurisjurandi gratiam facere pupillus non potest.* Est in Pandectis. Item apud Sallustium: *Ceterum Boccho quoniam penitet, delicti gratiam facit.* Item Suetonius: *Conjurandi gratiam fecit.* Ad quædam vitia convenit connivere.

CAP. C.

Abrogandi.

RESCINDERE conventa. Abrogare legem. Abdicare legem. Antiquare, abolere legem. Obsolescere neutrum. Sustollere legem. Irritare pacta. In integrum restituere. Mutare pacta. Obliterare legem. Hæc lex abiit in desuetudinem. Exolescere metum dominorum, dixit Plinius in epistolis, pro exstingui atque interciderere. Nusquam tui beneficii memoria apud me intermorietur. Deposuit imperium. Abdicavit magistratum. *Abdicatus a magistratu* dixit Sallustius.

CAP. CI.

Ornandi.

COMERE, expolire, perpolire, exornare, venustare, picturare, honestare. Pigmenta, flosculi, lecythi. Veneres, venustas, lepos, nitor, gratia, decus. Lenocinia, emblemata, compositio, colores, myrothecia, fuci, phaleræ, dignitas, cultus, polities.

CAP. CII.

Inter cenam.

INTER cenam, Suetonius & Seneca. Inter cenandum. Super cenam. Cenantibus nobis. In cena, idem efficiunt. Inter jocum, Suetonius. Inter jocandum. Sic inter conventum, pro in conventu dixit Suetonius. & inter pœnam, pro inter puniendum. Per jocum. Inter pocula. Inter potandum.

CAP. CIII.

Post cenam.

POST cenam. A cena, sub cena. Nam sub significat & paulo ante, vel protinus post. Cicero: *Sub hac lecta sunt tua litera,* id est, post hæc. A tuo reditu. Post tuum reditum.

CAP. CIV.

Similitudinis.

EST & diversarum rerum quædam inter se similitudo, affinitas, cognatio, vicinia. His finitima sunt illa. His confinia sunt illa. Simiæ figura multum ad hominis formam accedit. Puro tamen fonti quam flumini propior. Non multum a tuis moribus hæc abludit imago. Huc alludit illa Terentiana sententia. Virgilianam dictionem æmulatur, exprimit, refert. Haud multum abest, dissidet, discrepat a tuis moribus. Ab hac ratione non multum abhorret. Fabius. Eiusdem generis est & illud. Eiusdem farinae prover-

bialiter. Eiusdem notæ. Eiusdem classis. Mei loci, atque ordinis hominem. *Ex aliquo circulo* dixit Cicero. *E sinu suo*, pro e suis familiaribus dixit Cicero & Plutarchus. Ex eo numero est. *Ex illo conventu quadruplatorum* dixit M. Tullius, in Verrem 4. *E suis gregalibus* dixit. Idem, *Sub hac facie læset adulatio.* Plerumque vitia virtutis personam induunt, ac virtutis simulachrum repræsentant. Sub virtutis specie, virtutis titulo, virtutis prætextu. Sub imagine pietatis. Sub umbra pietatis, Patrem ore refert. Parentem moribus exprimit. Patrum nomine reddit. Avum voce repræsentat. Patronum imitatur oculis. Amitam nulla re prorsus exhibet. Alter Cicero. Alter Hercules. Faciem mentita Lyciscæ. Formata in admirationem, id est, simulans se admirari. Suetonius: *Vultu ad hilaritatem composito.* Prætexere, præse ferre. Ante se gerit. Effigie pietatis. Dissimilis huic & huius. Non absimilis facie Tiberio. Apud eundem est *adsimilis* pro similis.

CAP. CV.

Mutui.

MUTVVM dare, Mutuo dare, Mutuare. Commodato dare. Commodare. Utendum dare. Utendum accipere. Accepit usurariam, Plautus: *Opera commodatitia præstat operas mutuas.* Mutuum muli scabunt.

CAP. CVI.

Fallendi.

IMPOSVIMVS Reipublicæ. Fefellit nos. Decepit, circumvenit adolescentem. Circumscripsit, circumduxit apud Jureconsultos. Verba dare mihi difficile est. Si senseris eos fucum velle facere. Imposituram fecit, & passus est. Delusit, Elusit. Frustratus est nos sperato lucro. Non te fraudabo debita gloria. Technæ, doli, fuci, præstigiarum, vafrieries, versutia, astus, astutia, fraus. Os mihi sublitum est. In fraudem illexit, pellexit. Arte me tractavit. Dolo mecum egit. In specie dixit M. Tullius, *præclara classis in specie, sed inops & infirma.* Quod sine mea fiat captione. Absit omnis captio. M. Tullius: *Cure igitur vos inducitis in eas captiones, quas nunquam explicetis.*

CAP. CVII.

Est amicus.

VTOR patre familiariter. Est mihi cum illo arctissima necessitudo. Sum illi summa familiaritate conjunctus. Sum illi amicus. Summa mihi cum illo familiaritas intercedit. Multus mihi cum homine quondam usus fuit. Mutua quædam benevolentia, jam pridem inter nos est. Sallustius: *Imperator Jugurtham in amicis habebat,* id est, in amicorum numero.

CAP. CVIII.

Sperandi.

ESPEO fore. Nonnulla spes est fore. Venio in spem. Voco in spem. Erectus in spem. Concipio spem de te optimam. Nonnulla me spes habet. Maxima teneor spe. Magna me spes tenet. Adducor in spem. Nonnulla me spes cepit. Spei non nihil affulsit, aridet, blanditur. Omnia summa mihi de te promitto. Is est de quo tibi possis omnia polliceri boni viri officia. Nihil mediocre de te tui cives expectant. Injicere spem, Solicitare spe, Ostendere spem, Ostendit futurum. Ducimur spe. Lactamur spe. Ad Comediarum gratiam Latini ne aspirarunt quidem. M. Tullius: *Ad eam laudem quam volumus aspirare non possunt.* Sallustius: *Ut omnia bona in spe haberet,* id est, nihil non speraret.

CAP. CIX.

Ad verbum.

AD verbum edidicit. quem locum ad literam subjeci. Fabius, ejus verba subjeci. pro quo vulgo dicunt in forma. Ipsa hominis verba tibi reddam.

CAP. CX.

Eipovelas.

HEVs bone vir. *Scilicet is superis labor est.* Is nunc si diis placet, nos docebit, qui nihil unquam didicit ipse. O mirum amicum. Mira vero militi quæ placeant. Sane vero, Quasi vero.

CAP.

CAP. CXI.

Extrahere diem.

Sic ille dies extractus est. Hoc agebant, ut dies eximeretur. Ducere tempus. Terere tempus. Ducere bellum. Jam dies excesserat.

CAP. CXII.

Paratum ac facile.

PARATVM, Promptum, In promptu, In prociectu, Proclive, In proclivi. Obvium, expositum, expromptum. In numerato habere. In statione, Ad manum, Ex tempore, Extemporarium, Extemporaneum.

CAP. CXIII.

Depellendi.

DEPRECARI invidiam. Deprecari culpam. Depellere crimen. Averfari, abominari, rejicere, refellere, negare, inficiari, inficias ire, propulsare, profligare, amoliri. Virgilius. Dii meliora piis. Quod Deus avertat. Divi prohibeant.

CAP. CXIV.

Agnosendi.

AGNOVIT hæreditatem. Agnoscit crimen. Accipio conditionem. Admitto testamentum. Adiit testamentum. Ut admirationem etiam plausu confiteretur. Amorem re testatus est. Odium & vultu præ se fert. *Morbum incessu vultuque fatetur.*

CAP. CXV.

Ab adolescentia.

JAM inde a puero. Ab adolescentia. A teneris unguiculis. Sic a pueris affueti sunt. Terentius. Usque a pueris curavi ambos. Idem, mihi magna cum eo jam inde usque a pueritia semper fuit familiaritas. Varro: *Jam inde a cunabulis.* Livius: *Inde ab incunabulis imbutus odio tribunorum.* A rudibus annis. A prima pueritia. Ab ipso vitæ exordio. Ab ipso vitæ limine. Ab incunabulis. Cum ipso nutricis lacte fugimus errorem. Ab ipsis crepundiis.

CAP. CXVI.

Accurate.

ACCURATE, exacte, elaborate, ad unguem, ad amussim, examussim, amussatim, examussatim, ad perpendicularum, summa cura. Exquisite, Conquisite, Circumspecte, attente. *Consideratus* pro attentus dixit Cicero. Idem dixit, *ad perpendicularum exigere.* Sagaciter pervestigavit, apud eundem. Item *divinitus dicta*, pro egregie. *Pressius agamus*, M. Tullius de Finib. 4. Idem, *Nunc cominus agamus.*

CAP. CXVII.

Perficiendi.

ABSOLVIT, perfecit. Exegi monumentum. Finem imposui. Finem dicendi faciam. Finiit. Summam manum imposuit. Ad umbilicum duxit. Fastigium imponere. Colophonem addere. Supremam addidit manum. Extremum actum addere. Fabulam vitæ peregit. Exacta ætate. Ad metam usque perduxit, peregit fabulam. Depuduit. *Defulsavit canticum*, Suetonius. Depugnatum est, perdo-
luit, deferbuit. Vita defunctus est. Desiit artem.

CAP. CXVIII.

Committendi.

LEGES inter se colliduntur eventus. Ut non compositi melius cum Bytho Bacchius. Quis te cum isto commisit homine? Concertasti cum hero. Conferre pedem. Conferre manum. Congredi cum viro, Confligere, colluctare, conflictari.

CAP. CXIX.

Amandi.

VNICE tediligit. Amat effusissime. Charissimum habet. Admiranda quadam charitate prosequitur. Fama nihil habet antiquius. Non amat modo, verum etiam obsequatur. Singulari benevolentia prosequitur. Animo toto se complectitur. Oculis atque animo fert hominem. *Coridon*

A *ardebat Alexim.* Deperibat virginem. Deperibat in virginem. Perditæ amat. Deperdita amore. Suetonius: Flagrat amore tui. Amantissimus est tui. Tui tuorumque est ob-servantissimus. Studiosissimus est tui. Tui cupientissimus. Ex animo tibi bene vult, Bene cupit tibi. Hunc unum habet in delitiis, habet in oblectamentis. *Non perinde illi affe-ctuserat*, dixit Suetonius, pro eo quod est, non perinde dili-gebat. Idem dixit, pronior Dolabellæ, pro eo quod erat, in illum propensior. Sic omnia tua exosculatur, id est, sic amat.

CAP. CXX.

Cupiendi.

BLAVDIS avidus. Laudis avarus. Avens gloriæ. Cupiens famæ, Tui sitientissimus, famelicus gloriæ. Sitit famam. Sitit aurum. Esurientissimus laudis. Mira gloriæ fames ha-bet hominem. Ambit honores. Nullius rei quam laudis ambitiosior. Privati commodi studiosus. *Alieni appetens.* Appetens laudis. Eloquentiæ candidatus. Inhiat lucris. Imminet exitio vir conjugis, illa mariti. Gestio videre ho-minem. Prurit illi tergum.

CAP. CXXI.

Male precandi verba.

QUOTIES caput tuum diris devovit. Execratus est tum fesc, tum suos omnes. Ut te dii perdant. Abi in malam rem, in maximum malum, in crucem. Dii te eradicent. Dii tibi factis dignum tuis supplicium dent. Dii mentem tibi dent tuam. *βαλλ' ἐς κόρακας*, Græcis est usita-tissimum. Quæ res illi vertat male. In morbo consumat, proverbialiter. Plautus. Capiti vestro istud quidem. Virgilius: *Dii capiti ipsius generique reservent.* Cicero: *Quod illo-rum capiti sit.* Idem, *Dii sint irati huiusmodi Græco.*

CAP. CXXII.

Pollicendi.

NESCIO quid magni promittunt sidera. Magnifice pollicentur amantes. Promissis ductat hominem. Pol-licitis dives quilibet esse potest. Cave fidas huiusmodi pol-litationibus. Spondeo futurum. Despondeo. Sponde, noxa præsto est. Ego tibi huius nomine fidejubeo. Recipio tibi facturum hunc. Recipio ad me. Sallustius: *In se reci-piunt.* Hoc tibi meo periculo promitto. Ita mihi stipulan-ti pactus est. *Littoribus nostris ancora palsa tua est.* Do fidem futurum. Confirmo futurum. Fidem suam interposuit. *Clodius Tiberius ea lege canam condixit*, id est, promissit se ve-nire ad coenam, apud Suetonium. M. Tullius: *Nam quum mihi condixisset, cœnavit apud me.* Prisci lingua nuncupatum dicebant, quod esset ore promissum, ac verbis expressis. M. Tullius in officiis. *Nam quum ex XII. tabulis satis esset ea præ-stare, quæ essent lingua nuncupata.* Vovemus quod Deo pollice-mur. Catullus: *At non hac quondam blando promissa dedisti.* Sallustius: *Quem illi casu oblatum promissis oneras.* Dare pro-missa. Quum hic esses longe alia promissa dedisti. Solicitat ingentibus promissis. Spes amplissimas ostendit. Veterum proverbii *χρησολόγοι* ac doctores¹ dicti, qui multa pollice-
rentur.

CAP. CXXIII.

Principatus.

EST copiosum dicendi genus, in quo Cicero principa-tum obtinet; Breve, in quo Sallustius regnat; Subtile in quo dominatur Hortensius; Floridum, in quo primas tenet Plinius; Varium, in quo præcipuus est Hieronymus; Grave, in quo princeps est Seneca; Festivum, in quo singu-laris est Martialis; Simplex, in quo primus est Terentius; Acutum, in quo præcellit Quintilianus; Suave, in quo vin-cit Statius; Antiquum, in quo nulli secundus est Cato; In-affectedum, in quo nulli cedit, nullo inferior est, nemine pos-terior est Cæsar. Huius negotii velut antesignanus, dux, vexillifer, signifer exististi. *κορυφαίος*, Græci. Homerus omnes procul a se reliquit. Omnes a tergo reliquit. Longo intervallo præcellit, præcedit, præcurrit, præit, anteit, an-
Tom. I. D 3 tece-

¹ Græcum est δόκοντες, dacturi. Plutarchus in Coriolano: *Εἰς οὗς δὲ τῶν βασιλέων καὶ σκώμματα παρέσχεν ἐπικλήσεις, ὡς Ἀντιγόνη τὸν Δωδωνα, καὶ Πτολεμαίω τὸν Λάδυρον: quibusdam Recribus de-derunt cavilla appellationem, ut Antigono Desonem, & Lathyrum Ptolemao.*

tecellit. In literis Græcanicis palmam tenet. Eloquentiæ M. Tullius arcent tenet, primam laudem obtinet, primum locum obtinet. Premia prima feres.

CAP. CXXIV.

Ludorum.

MVNERA gladiatoria populo exhibuit. Edidit Circenses. Fecit ludos scenicos, apud Suetonium in Caligula. Commisit & subitos apud eundem. Præter consuetudinem musicum agona commisit, in Nerone Claudio. Dedit populo centum gladiatorum paria. Centum camelos produxit.

CAP. CXXV.

Agere delectum.

HABVIT delectum. Agere delectum. Delectibus undique acerbissime actis. Cogere exercitum. Contrahere copias. Conscribere exercitum. Parare manum. Comparare vim militum. Collectis copiis.

CAP. CXXVI.

Adimendi honorem.

DEPOSUIT dictaturam. Amotus est consulatu. Abrogatum est illi imperium. Ademptum imperium. Abdicavit se magistratu, Suetonius. Privavit honore. Apud eundem. Redactus est in ordinem. Multos coegit in ordinem, hoc est, privatos reddidit. Missionem petiit. Rude donatus est. Dimisit cum ignominia. Exauctoravit totam legionem.

CAP. CXXVII.

Persuadendi.

FECIT mihi lachrymis poenitentiae fidem. Lachrymis mihi persuasit sese facti poenitere. Lachrymæ mihi persuaserunt illum poenitere facti. Lachrymis effecit, ut crediderim illum poenitere. Adduxit, pertraxit, pellexit, perpulit me in suam sententiam. Coactus est verius quam persuasus.

CAP. CXXVIII.

Inferendi seu ratiocinandi.

QUOD animal est, idem corpus sit necesse est. Quod autem corpus est, non statim & animal. Is pauper est qui plurimum cupit. Porro quo quisque magis abundat opibus, hoc est opum appetentior. Igitur ditissimus quisque pauperrimus sit necesse est. Si Deus est animus, animi puritate, non victimis corporeis eum convenit colere. Cum animus sit corpore præstantior, virtutes autem animi sint possessiones, pecuniæ corporis, consentaneum est virtutes pecuniis anteponeudas esse. In quem cadit misereri, in eundem cadit invidere. Non cadit autem invidere in sapientem. Ergo ne misereri quidem. Ipse sibi utilis esse nequit, & vobis erit usui? Felix non est, cui multa defunt. Atqui divitibus defunt plurima. Qui possunt igitur divites esse felices? Solum bonum virtus, nam id demum bonum est, quo nemo male potest uti, Virtute nemo male uti potest, Bonum est ergo virtus. Bonum est virtus, ut qua nemo male uti potest. An bonum pecunia, qua quisque potest male uti? *Inunc*, inferendi vim habet, sed velut cum exprobratione. Inunc, argentum, marmor vetus, &c. Quæ cum ita sint, quis audeat inficias ire? Hoc cum sic habeat, an non dedisti damnum? Utrum damnum dedisti, an non? & dubitamus adhuc?

CAP. CXXIX.

Nil nisi.

NIL nisi Poeta es. Nil aliud est nisi Poeta. Nil aliud quam Poeta es. Tantum Poeta es. Poeta es, præterea nihil. Nihil es præterquam Poeta. Nisi Poeta esses, nihil esses. *Nil aliud quam flebat*, pro tantum flebat, apud Fabium. Sed apud Suetonium frequentius, *nihil aliud quam vehebatur*. Idem, *Nihil amplius quam monuit*. Cui contrarium est, non tantum osculatus est.

CAP. CXXX.

Laudandi ac vituperandi.

NON omnes probabunt istud consilium, culpabunt plurimi. Animum insimulabunt nonnulli. Nemo mihi vitio verterit. Terentius: *Nunc quam rem vitio danti, quæso anim-*

Aadvertite. *Dare crimini* dixit M. Tullius in Bruto. Istud vituperio dabunt omnes. Tu tibi laudi ducis. Gloriæ tibi tribuis, honori putas fore. At omnes dedecori dabunt, probro dabunt, criminabuntur, damnabunt, reprehendent, improbabitur, suggillabunt, taxabunt, notabunt. Atro calculo notabunt. Sallustius: *Quoniam adeo Syllam non poenitet, ut & facta in gloria numeret*. Album addere calculum. Subscribere sententiæ. Suffragari, refragari, laudibus ferre. *Ad celum ferre*, Horatius: *In celum ferre*, Cicero: *Laudibus ve-*
B*xit*, apud Plinium in epistolis. *Scis vitio nigrum præfigere Thira*. *Aværitiæ singulos increpans*, Suetonius. Tibi malum imputabitur. Tibi feretur acceptum. Tu fueris in crimine. Tam est in vitio qui deserit amicum in periculo, quam qui prodit. Sic M. Tullius: *Interesidet facti suspicio*. In te redundabit. In te cudetur hæc faba, proverbialiter. Male audies apud omnes, qui hæc tenus audisti bene. Catullus: *Quisquis de meliore nota*. *Vir pessimæ nota*, M. Tullius: Homo nullo numero. Nihil illo contemptius. Item, Vir primæ notæ, vir extremæ notæ. Homo quintæ classis, homo ultimæ fortis. Homo bonæ frugis, sive bonæ frugi. Aut absolute: homo frugi.

CAP. CXXXI.

Summa.

AD summam, dixit Horatius. In summa. Ut summam dicam. Denique, demum, postremo. Breviter, Ut semel dicam, Ut semel finiam. Dicam in genere. Rem omnem verbo complectar. Quid quæris? pro denique. Ciceronianum est. Quid multa? quid multis moror? Dicam universim. In universum habeo quod respondeam. Dicam verbo. *Ad ultimum* pro denique dixit Q. Curtius, & eodem sensu Suetonius dixit *ultimo*, *ad extremum*, Cicero.

CAP. CXXXII.

Perdende opera.

LVSIT operam. Luditur opera. Opera & impenfa perit. Frustra ego hanc operam fumo. Nihil agis. Laterem lavas, Actum ago. Actam rem agis. In sylvam fers ligna. Reliquaque proverbia, quibus inanis opera significatur.

CAP. CXXXIII.

Fructus.

MAGNUM ex ea re fructum retulit. Cepit emolumentum. Lucrum reportavit. Sensit commodum. Commoditatem demessuit. Collegit utilitatem. Frugem accepit. Lucrum fecit. Compendium paravit. Ea res illi frugifera fuit, fuit emolumento, fuit commodo, fuit usui. Ex ea legatione messim opimam messuit.

CAP. CXXXIV.

Impudentia.

NIHIL pudet. Depudit, Depuditum est, Dediticit pudorem. Oblitus est pudoris. Dediticit pudefcere. Nescit pudefcere. Exiit pudorem. Perfricuit faciem. Perfricuit frontem. Nihil habet oris. Nihil frontis. Quo ore? Qua fronte?

CAP. CXXXV.

Affectandi.

AFFECTATA verba. Affectatus ornatus. Ascitus ornatus. Ascititius decor. Fabius: *Et gratiam rei nimia i cooptatione consumpsimus*. Cooptationem pro affectatione dixit. Captat laudem. Venatur gloriam. Aucupatur famam. Accersit sibi malum.

CAP. CXXXVI.

Ignorandi aut contra.

SCIO. Non ignoro, Non me fugit, Non me latet, Non me præterit, Non sum nescius. Non me clam est. Quis nescit? Nemini dubium, Intelligo, video, sentio. Compertum habeo. Exploratum habeo, Perspectum habeo, Cognitum habeo. Non est obscurum mihi. Non me fallit. Sallustius. Nec ea res me falsum habuit. Indoctus disci. Rudis horum malorum. Imperitus fallendi, Ignarus joci, Sallustianum.

CAP.

1. Meliores editiones habent *captatione*, nimirum, gratiæ. Locus exstat Inst. Orator. Lib. VII. c. 6.

CAP. CXXXVII.

Turpe est, & similia.

TURPE est. Cum turpitudine conjunctum est. Laudabile est. Cum laude conjunctum est. Cum vitio conjunctum est. Vitio confine est. Non vacat vitio. Non caret vitio. Non abest a vitio. Periculosum, cum periculo conjunctum. In vitio est, In probro est.

CAP. CXXXVIII.

Quin, & ut non.

RVERE illa non possunt, ut hac non eodem labefacta motu concidant: Cicero pro Pompejo. Quin hæc eodem labefacta motu concidant. Non potes studere opibus, ut animi tranquillitatem non perdas. Non potes quin perdas. Non potes, nisi perdas.

CAP. CXXXIX.

Id quod, quod, Ita ut, ut.

ID quod pro quod, & ita ut, pro ut, frequens est apud Ciceronem. Ita ut facis. Id quod facis. Quod quidem facis.

CAP. CXL.

Amplificandi.

CEDENDUM erat hospiti, præsertim seni, maxime seni. Pulsavit hominem, eumque senem, idque senem, atque hunc senem, atque adeo senem.

CAP. CXLI.

Reciproca constructio quorundam.

ERITE humanitatis vestrae magnum civium numerum calamitate prohibere, Cicero. Prohibe infandos a navibus ignes, Virgilius: Defendit capellas ab æstu. Defendit æstum capellis. Spargere humum foliis. Spargere folia humi. Sternere pallio lectum. Infernere lecto pallium. Inscriptit poculum literis. Inscriptit poculo literas.

CAP. CXLII.

Non contentus.

NON contentus victoria. Non contentus vicisse. Non sat habebat vicisse. Non sat erat vicisse. Parum erat vicisse, ni in victos etiam sæviret. Non sufficiebat vicisse. Poenitebat rapinæ, nisi parentem quoque spoliasset.

CAP. CXLIII.

Satisfaciendi.

INTERDUM non satisfacit Ciceroni Demosthenes. Non implet aures Ciceronis Demosthenes. Non respondet optatis meis. Non facit satis hominum de se expectationi. Tullius in Demosthene nonnunquam desiderat aliquid. Non is es, quem expectaram. Non talis est qualem vellem. Non nihil in te requiro adhuc. Non facit ad hujus cupiditatem.

CAP. CXLIV.

Impunitatis aut contra.

OMNES plura habere cupimus, & tamen id nobis impune est. Haud impune feres. Haud impune feceris. Non fuit illi fraudi magistratum prohibuisse vi. Sine fraude esto. Se fraude dicebant præci. non sic auferes. Livius: Tullit, ne cui fraudi secessio esset, id est, ut omnibus esset impunitas. Mirabar hoc si sic abiret. Militem impunitate donavit. Nullum facinus impunitum esse oportet. Quo impunius dicax esset, dixit M. Tullius pro Q. Quintio. Nullas poenas dedit ejus facti. Poenas pendit. Tum pendere poenas Cecropida jussi. Irrogare multam dixit Cicero. Exemplum in illos editum. Perfolvit, exsolvit, luit, dependit. Nullum de eo sumptum supplicium. Ei facta nulla irrogata poena. De tanto flagitio non est animadversum. In omnes graviter animadversum. Exacta poena. Opinor capite plectendum. Noxæ deditus est. Animadversa flagitia, pro punitis dixit Suetonius. Nec in deditis gravius consultum, Q. Curtius. In te cudetur hæc faba. Unus dependes pro omnibus. Tergolues.

CAP. CXLV.

Suadendi aut consulendi.

ID ne estis auctores mihi? Te auctore suscepi negotium. Tuo impulsu feci. Te impulsore feci. Tuo suasu. Tuo in-

ductu, Cicero. Te suatore, Te consultore, Tuo consilio. Abs te persuasus id feci. Tuo instinctu. Amorem in consilium adhibuisse videris. Tuo persuasu, Cicero. Te flagitatore suscepi negotium. Tuo verberatu, eodem sensu dixit Q. Curtius.

CAP. CXLVI.

Prudens.

PRVENS fecit. Sciens fecit. De industria fecit. Studiose fecit. Data opera. Dedita opera fecit. Destinasse fecit, dixit Seneca. Studio fecit. Consulto fecit. Consilio fecit. contra, imprudens, nesciens fecit, per errorem, errore factum est. Per imprudentiam. Peccavi inconsulte. Ex industria pro de industria, aliquoties dixit Quintilianus. Composito factum, ex composito, ex destinato, pro consulto, apud Suetonium est in Caligula.

CAP. CXLVII.

Causa.

PLVRIMIS de causis mihi tuæ literæ jucundæ fuerunt. Duas ob res hominem odi. Multis modis tua mihi jucunda fuit epistola. Duobus nominibus est mihi charissimus. Duplici nomine. Duplici de causa tuis scriptis delector. Bis mihi jucunda fuit epistola tua. Multifariam me tuæ literæ delectarunt.

CAP. CXLVIII.

Dierum notatio.

CALENDIS Januariis. Ad Calendas Januarii, id est, circiter eum diem, sub idem tempus, pro circiter idem tempus aliquoties dixit Suetonius. Statis temporibus. Stata vice, pro certis vicibus dixit Q. Curtius. Calendarum die. Nonis Januarii. Ad Nonas, die Nonarum. Idibus Majis. Ad Idus Maji, Iduum Novembrium die. Pridie Calendas, aut Calendarum. Pridie Nonas Majas, Pridie nonarum, Pridie idus, Pridie iduum Novembrium. Postridie calendas Januarias. Vel, Quarto nonas Januarias. Postridie nonas Januarii. Vel, Octavo idus Januarii. Postridie idus Januarii. Vel, Decimonono calendas Februarii. Præterea decimo calend. Februarias. Vel, ad decimum calend. Februarii. Ad eundem modum de reliquis mensibus ac diebus dicendum.

CAP. CXLIX.

De Numeralibus.

IN numeris illa varietas est generalis, de addita aut omiſſa conjunctione. Annos natus quatuor & viginti. Annos natus viginti quatuor. Annos natus centum & viginti, centum viginti, viginti supra centum. Deinde quod duos numeros principali proximis, vel compositis vel incompositis efferre licet. Duodeviginti pro octodecim. Undeviginti pro novemdecim. Duodetriginta, undetriginta, ac deinceps consimiliter usque ad centum. Supra centum compositis per adjectivum, aut incompositis per adverbium efferimus. Ducentos, bis centum. Trecentos, tercentum, atque eodem modo usque ad mille. Mille multiplicamus, vel substantivè, vel adjective cum adverbio. Mille nummum. Mille nummos. Bis mille nummos. Duo millia nummorum. Pergendumque consimili ratione ad mille millia, aut milles mille. Nonnunquam eandem sententiam efferimus, & per cardinalia, quæ vocantur, & per ordinis numeralia. Annos natus viginti. Annum egressus vigesimum. Annum excessit vigesimum. Annum agit primum & vigesimum. Biennium est quod patriam non reviserim. Tertius hic annus agitur, quod patriam non revisi, sive cum non revisi. Dic quotus esse velis, id est, quot convivas velis. Hic non ordo, sed simpliciter numerus significatur. Distributivis pro simplicibus in carmine licet uti. Ubi vero apponitur quippiam quod distributionem explicet, liberum est uti vel distributivis, vel cardinalibus. Quotannis duo talenta capit. Vel, Quotannis bina talenta capit. In singula capita mille nummum distribuit, vel millenos nummos. In diem vivunt, qui vivunt absque sollicitudine futuri. M. Tullius: Qui in horam viverent, hoc est, ex tempore. Indies idem valet, quod in singulos dies. Livius: Senescit in dies & mutatur in horas. Horatius in diem dixit, pro quotidie. Ille potens sui lætusque deget,

1. Legendum in Veteribus, A. D. hoc est, ante diem, non ad Nonas.

get, cui licet in diem dixisse, vixi. Hic annotandum quod in conjunctione numeri majoris & minoris pro uno aut primo licet ponere, alterum. Cicero: *Literas accepi tuas, quas mihi Cornificius altero & vigesimo die reddidit*, id est, vigesimo primo. Idem pro Milone: *Centesima lux est hac ab interitu P. Clodii, & opinor altera*, id est, centesimus primus dies. Item Livius: *Anno trigesimo altero quam condita Roma erat*, id est, trigesimo primo. Quin & citra talem conjunctionem alterum frequenter pro secundo ponitur. Cicero: *Unum, alterum, tertium annum Saxa quiescebat*. Similiter, unus & alter, pro unus & iterum unus. Unus vel alter, pro unus vel duo, Rursus in adverbis semel atque iterum, pro bis. Quoties adverbio additur genitivus, Sestertium, subaudiuntur, centies mille, Ut: *Decies sestertium*, id est, decies centum milia sestertiorum.

C A P. CL.

Adverbia temporum.

TEMPVS vixdum præteritum, per modo adverbium significamus. Paulo longius, per dudum, ac jamdudum. Hoc etiam longius, per nuper & pridem. Longissimum, per olim & quondam. Futuri temporis hi sunt ordines. Mox aderit. Jam veniet. Protinus, continuo, ilico, extemplo, evestigio, tempus significant & hæc continenter insequens, sed fere respondent ad præteritum. Ut literis tuis lectis extemplo domum me contuli. Accepto hoc nuncio, evestigio me domum conjeci. Olim respondet ad utrumque tempus præteritum & futurum. Olim floruerunt Græci. Forsan & hæc olim meminisse juvabit. Proximus item ad utrumque tempus refertur. Proximo anno strenue se gessit. In proximum annum summas copias parat. Proximis his diebus. Proximo mense, Proximo partu, Proximo bello. Novissimus pro eo quod est nuperimus, præteritum dumtaxat respicit. Superiore anno, Superiore mense, Superiore bello, Superioribus diebus, dicimus de re nuper, aut proxime acta. Item paucis his diebus. *Quinque diebus*, pro intra five post quinque dies dixit Horatius. Itidem Sallustius: *Paucis diebus in Africam proficiscitur*. Et ante pauculos dies: *Paucis post diebus*. Post paucos dies. Aliquanto ante. Aliquanto post. Paulo, multo ante & post. Dein, deinde, deinceps, exinde. Sub hæc utriusque temporisationem obtinet, id est, paulo ante aut paulo post. T. Livius: *Secundum orationem prætoris murmur ortum*. Idem: *Secundum hac silentium fuit*, id est, post hæc. Certi temporis significationem hæc habent. Hodie, heri, nudius tertius, nudius quartus. Quinto, sexto, septimo, octavo abhinc die: hodie, cras, perendie, perendino die. Quarto ab hinc die: quinto, sexto, &c. Porro verbum additum, temporis discrimen facit. Septimo abhinc die mecum coenabat. Septimo abhinc die istic me videbis. M. Tullius Attico: *Me abhinc annis amplius XXV. spondisse dicit*. Idem: *Quo tempore? Ab hinc annis quindecim*. Durior fit hæc loquendi forma, per accusandi casum, præsertim quum non significatur spacium temporis actionis continuæ. Quod genus est illud Terentianum: *Ab hinc triennium ex Andro commigravit huic vicinia*. Neque enim triennium consumpsit in migrando, sed triennium intercefferat inter relictum Andrum, & aditas Athenas. M. Tullius: *Questor C. Papirio consule fuisti ab hinc annos quatuordecim*. Horatius: *Scriptor ab hinc annos qui centum decidit*. Mollus illud Ciceronis in Verrem: *Horum pater ab hinc duos & viginti annos mortuus est*. Nam mortuum esse perpetuum est. Hæc & aliter efferimus. Septimus hic dies est, quod mecum coenavit. Annus est, quod nullas a te literas accepi. Multum temporis est, quod nos non visis. Seculum exisse mihi videtur, ex quo nullas abs te literas accipio. *Jamdudum a te*, pro jam admodum diu, per hyperbolendixit Terentius. Quidam vice rō quod, ponunt quum. Plautus: *Jam biennium est, quum ille mecum esse cepit*. M. Tullius: *Multi anni sunt, quum ille in ære meo est*. Idem, *Vigesimus annus est, quum omnes scelerati me petunt*. Reperiuntur apud Ciceronem alioque veteres & hæc loquendi formæ. Cato: *Postridie aut post diem tertium quam lecta erit*, id est, altero tertiove die post lectam. Idem, *Post annum tertium quam severis incendio*. M. Tullius: *Postero die quam illa erant acta*. Cicero filius: *Aliquando venerunt post diem quadragesimum & sextum quam a nobis discesserant*. Asconius Pedianus: *Post annum quam pro Cornelio dixerat*. Scævola in Pandectis:

A Post annos complures quam fecit testamentum. Eadem est ratio de adverbio live præpositione ante. Asconius Pedianus: *Ante sedecim annos quam hac dicta sunt*. Mollus est hoc sermonis genus eo quod post & ante vim obtinent comparativi, quemadmodum secus, contra, aliter. Sine his autem durior est oratio, quam tamen crebro reperias apud T. Livium: *Lilibeum tertio die, quam profectus inde erat, rediit*. Item: *Die vigesimo quam creatus erat dictatura se abdicavit*. Id ætatis erat, ut turpe sibi duceret discere. Non pudet te istuc ætatis lascivire. Hoc ætatis quum sim, non admodum timeo mortem. Pleramque noctem studet. Sallustius: *Crebris signibus factis plerumque noctis barbari suo more latari*, id est, magnam noctis partem.

C A P. CLI.

Annumerandi.

IN deos relatus, in numerum deorum relatus est. Horatius: *Inter quos referendus erit*. Ascribe me in numerum tuorum, ascribe me tuis amicis. Ascribito me inter amicos tuos. Veteribus annumerandus. Inter summos annumerandus. Inter primos censendus, ponendus, collocandus. Recipe me in tuum gregem. Multos obscuros legit in senatum. Cur hunc hominem ascrivisti in vestrum contubernium? Cooptatus in collegium augurum, Ascitus. Additus ordini senatorio. Accersitus seu ascitus in militum numerum. Suetonius: *Ut civitate donatum, in decurias adlegeret*. Adde hunc amicorum tuorum catalogo.

C A P. CLII.

Initii ac Finis.

IN ipsis vitæ primordiis. In ipsis vitæ rudimentis. In primis literarum elementis, In capite tuarum literarum, In prima statim fronte, In ipso vitæ limine, in ipso quasi vestibulo vitæ. Ab ipsa statim linea. Ab ipso carcere, In exortu, In exordio vitæ. Ab ineunte ætate. Lubricum tempus ineuntis adolescentiæ. Ineunte vere mox cum hirundinibus advolabo. Exacta ætate nupturit, provecta ætate, vergente ætate, affecta ætate, effocta, decrepita ætate, ingravescente ætate, inclinata & præcipitata live præcipiti ætate. Piget hoc ætatis depugnare. Tacitus: *Ad serum usque diem*. Livius: *Præcisi jam die*. Tacitus: *Flexo in vespem die*. Livius: *Primis tenebris movit*. Idem: *prima vespere, primo diluculo, primo crepusculo*. Item Tacitus: *Ætate jam adulta*. Livius: *Adulto autumnio*. Idem: *Adulta nocte*. Idem: *In exitu jam annus erat*. Cicero: *Quinto anno exeunte*. Decurso vitæ spacio. *Cygnæam vocem* pro suprema dixit M. Tullius de Orat. libro 3. In principio, In initio operis, In calce tuarum literarum, In extremis tuis literis, In postrema parte tuarum literarum. Nunc ad metam festinat oratio, In extremo vitæ actu, In portu impingere, In porta canterio. Ne in apiis quidem, in ipso operis ingressu, In ipso statim operis frontispicio, in ipsis vitæ foribus. Vitæ janua. Fauces inferorum. In Philosophiam nondum intulit pedem, *nondum fecit vestigium*, ita M. Tullius. Ordiri telam, pertexere, Fundamenta jacere, Auspicari. Iniiit consulatum. Ineunte vere. Livius: *Hoc ultimum utrinque initum finitumque est pralium*. M. Tullius: *Vellem a principio te audisse*. Idem: *Tuas epistolas a primo lego*. Idem: *Utinam a primo tibi esset visum*. Hoc ab initio fuit. Utinam initio adfuisses. Naso: *Principio quod amare velis reperire labora*. Horatius: *Ad extremum ridendus*. M. Tullius: *Consuli non animus ab initio, non fides ad extremum defuit*. Habes operis primam manum. Oratorem tibi delineavi. Adumbratum accipies oratorem non expressum, Inchoatum non absolutum. Cicero *informatum* dixit, quod inchoatum est, & cujus rude quoddam simulachrum coeptum est. Ductum a statuariis & pictoribus. Exitus acta probat. Ordinur hic ferratam fabulam, quæ sit futura catastrophe nescio. Coronidem addere, Colophonem imponere. Supremam manum addere.

C A P. CLIII.

Major opinione.

MAJORA fide. Majora quam ut vera credi queant. Minor opinione doctrina. Minor doctrina, quam pro hominum opinione. Citius spe aderat. Celerius expectatione redibat. Citius ac sperabatur. Ante expectatum redibat. Par famæ doctrina. Non minor doctrina, quam fama

ma celebratur. Supra fidem omnia, id est, maiora fide. Maiora veris renunciabant. Minora, Inferiora veris prædicabant, infra verum erant, quæ nuntiabat. Minor consulari dignitate cognitio. Minus est, quam ut a consule cognoscatur. Major consulis dignitas, quam ut hanc causam cognoscat. Tua virtus maior est omni præconio, vincit omnem laudem tua virtus.

C A P. CLIV.

Contingendi.

HOCCINE tantum malum mihi derepente obiectum esse? Ingens huic venit sive obvenit hæreditas. Obtingit uxor qualem volebam. Non cuivis homini contingit adire Corinthum. Nactus es uxorem te dignam. Felicissimum ingenium fortitus es. Similes habent labra lactucas. Habet quod amet. Is nunc reperit. Merito nobis accidit, ut mali videamur, dum nimium studemus nos videri bonos. Non omnibus datum, ut impune, quæ lubeat, dicant. Non quibus libet licet quæ libeat facere. Mihi usui venit, sive usus venit, ut cum intractabili monstro conflictarer.

C A P. CLV.

Refugiendi.

REFUGIT consuetudinem sceminarum. Alienus est a studiis, Abhorret a literis, Abhorret ostentum pro exhorret, dixit Suetonius. Exsecratur, detestatur, abominatur literas. Ad studiorum mentionem nauscat, Horret mortem, Exhorret mare. Averfatur omnes. Avertitur miseros. Ad Poetices mentionem nauscat, vomitur. Deprecatur publica munia. Gravatur splendor mensæ apparatus, id est, moleste fert. Sic Suetonius & Horatius. Equitem gravatus Bellerophonem.

C A P. CLVI.

Officiorum vocabula.

ERAT illi a pedibus. Aberat qui mihi est a manibus. Nam tum aberat meus amanuensis. Qui regi sunt a corpore, a secretis, a sacris scriniis. Rationales qui sunt a rationibus, a libellis, ab actis, sive actuarii. Laterones, anteambulones, a cyathis, a poculis pocillator. Nomenclator, a consiliis & consiliarius, apud Suetonium.

C A P. CLVII.

Studii.

TOTVS est in literis. Vacat congerendis opibus. Dat operam rei nummarie. Attendit huic negotio. *Attendit juri*, pro studuit. Suetonius: Intentus est vel intendit lucris. Inhiat gloriæ. Appulit animum ad scribendum. Adjecit animum ad virginem. Accommoda te rebus præsentibus. Applica animum tuum ad uxoris ingenium. Dedit se Mammonæ, Dedicavi me Christo. Dica te totum optimis literis. *Dedit se ad leges*, Cicero. *Servos ad remum dedit*, Suetonius. Idem, *ad terram dedit*, pro deiecit. Infervit honori. Incumbite honestis disciplinis, incumbite in honestas disciplinas. Devotus arenæ pro addictus, dixit Suetonius. Idem, Devotus vobis, pro addictus ac deditus. Adjunxit animum ad ea quæ ratio temporum postulabat. Ut animum ad aliquod studium adjungant.

C A P. CLVIII.

Vitiandi.

CORRUMPUNT bonos mores colloquia mala. Inficiunt, vitiant, primam ætatem stultæ nutrices. Aurum plumbo adulterant. Gemmæ adulterinæ. Depravant bonam causam mali Rhetores. Deterunt laudem ducis indocti Poetæ. Malus vicinus scabiem suam affricat vicino. Vas infincerum afficit infusum liquorem. Obtrusit mihi subæratos nummos pro aureis. Vereor ne quid veneni tuis afflet, ne quid pestis instillet in tenerum animum, ne quod sincerum est, trahat in vitium. Ne tibi morbum inhalet suum. Ne suum virus insibiliet. Ne quid inspiret mali. Puerilem animum impiis opinionibus imbuat. Malitiam una cum lacte nutricis imbibit, fuxit, hausit. Frequentes offensæ reddunt suppuratam amicitiam. Gloriam tuam dedecore contaminasti, inquinasti, conspurcasti, foedasti, obscurasti, deturpasti, offuscasti, denigasti. Inussit tibi notam ignominie. Venenare poeticum est, *potionare*, apud Suetonium.

C A P. CLIX.

Solitudinis.

SECVM vivit. Secum loquitur. Solus est. Solitarius est, incomitatus incedit. Solus ambulat, in locis solis ambulare tutum non est. Agit in solitudine. Ne musca quidem adest. *Secretum agere*, pro solum esse, dixit Suetonius. Foris se venditant, quum apud se sunt, nihil illis fordidius. Vix asse emeris, si totum hominem per se aestimes.

C A P. CLX.

Sensus.

ORATIO tua sapit tyrannidem. Resipit stultitiam. Olet hircum. Redolet vinum. Vox tua sonat asinum. Rusticus obolet allium. Vineta crepat mera. Scripta tua spirant Italum. Tinnit aurum. Fragras unguentum. Ad hanc formam pertinent, Torvum tueri. Titanicum obtueri, quæ figura mollior est apud Græcos, *μυακὸν βλέπειν*.

C A P. CLXI.

Præstandi re.

FAC promissa appareant. Exhibe quod toties polliceris, *Talem & se & exercitum approbavit, ut nulli præmia maiora perceperint*, apud Suetonium utrumque. Si fortuna obstabit, quo minus præstem quod recepi, certe hunc animum tibi probabo. Promittis amplissima, das nihil. Si munificus videri vis, repræsentat beneficium. Ita Seneca & Suetonius.

C A P. CLXII.

Pœnitendi.

NONDVM huius animi me pœnitet. Me quantum hic operis fiat pœnitet, pro non satisfacit. Caput me pristinae benignitatis pœnitudo, pœnitentia ductus, pœnitentia tactus. *Agere pœnitentiam*, pro pœnitere, est apud Plinium Juniorem. Rursus ejus pœnitentia pœnitentiam ago, id est, pœnitet, quod pœnituerit. Refertur autem & ad rem & ad personam. Ne te pœniteat istius patris. Iusti matrimonii me pœnitet.

C A P. CLXIII.

Diffidii.

MALE facta gratia ne quicquam coit & rescinditur. Interrupta familiaritas. Mala lingua dirimit multorum amicitias. Orta est inter illos similtas. Refrixit benevolentia. Amor versus in odium. Discordant. Intercessit offensæ nescio quid. *Offensam* pro discordia aliquoties usurpat Sallustius. Dissuenda est amicitia, non abrumpenda. Diffiliit gratia fratrum. Parum inter eos convenit. Miror non bene convenire vobis. Utrique cum altero convenit. Concordant, Concordes sumus. Oratio tua cum factis non consentit. Summo omnium consensu. Magna inter molles discordia. Nulla inter nos discordia. Dissident inter sese. Obortum est inter illos subitum diffidium. *Digressa est a marito*, Suetonius. Divertit ab illo, Divortium facit cum illo. Repudiavit uxorem. Dimisit matrimonio, id est, repudiavit, Dimisit matrimonium, pro rescidit. Renunciavit illi amicitiam, pro eo quod est, denunciavit illi inimicitiam. Dissedit cum uxore, id est, diffidium habuit. *Missam fecit uxorem*, pro repudiavit dixit Suetonius. Serere diffidia. *Est illis offensior*, pro subiratus, Suetonius. Est mihi cum illis *ἀσπονδος πόλεμος*.

C A P. CLXIV.

Reconciliandi.

SARCIRE, resarcire gratiam. Reducere, reponere, restituere in gratiam. Redigam vos in gratiam. Reconcinnare pristinam amicitiam. Recollige mihi illius animum, fac ut mecum redeat in gratiam, Instaura pristinam inter nos benevolentiam. Cicero: *In gratiam jam cum voluptate redeamus*. Idem: *Pompejus a me valde contendit dereditum in gratiam, sed adhuc nihil profecit*. Sallustius: *Sicuti regi liberat pax convenit*.

C A P. CLXV.

Sapit aut contra.

POL homo tu non es sobrius. Infanit, delirat, desipit. *Vesavire* dixit Catullus. Non est integre mentis. Non est

Tom. I.

E

est

est compos mentis. Non constat animo. Laborat errore mentis. Motæ vel commotæ mentis est. *Mente lapsi*, dixit Suetonius. Defectus animo. Mente excidit. Valet animo. Laborat ab animo. Sophocles reus actus est dementiae. Destituit illum vis animi.

CAP. CLXVI.

Excipiendi sive excludendi.

NULLVS isthuc auderet, nisi tu solus, Nemo præter unum te. Nemo præterquam tu solus. Nullus aderat extra unam aniculam. Fortunatus sum cæteris in rebus absque una hac. M. Tullius: *Extra ducem paucosque præterea*. Extra prædā, id est, præter prædā. Hæc forma est aliquoties apud Ciceronem ex imitatione Græcorum. Extra jocum, extra causam, non omnino consimilis sunt formæ. Omnium facundissimus, excepto Cicerone. Omnibus nisi uno Cicerone facundior. Omnium doctissimus, si unum aut alterum excipias. Nemini cedit, uno te excepto. Interdum absque nomine. Horatius: *Excepto quod non simul esses, cætera latus*. Jureconsulj interdum recipere usurpant pro excipere. Recepit sarta testā. Uni tibi permitto, præterea nemini. Tibi quidvis apud me licet. Alioqui non ferrem, alias non ferrem, aliter non ferrem, quod postremum est apud M. Tullium in Officiis. *Super*, pro præter frequenter est apud Suetonium, quanquam hoc non tam excludentis est, quam semoventis a cæteris. *Super veteres amicos ac familiares*, id est, ultia. Politianus: *Secundum te primas tenet*, id est, te excepto.

CAP. CLXVII.

Ut vis, aut contra.

UXOREM nactus sum ex animi mei sententia. Uxor mihi contigit qualem volebam. Hic venatus male respondit votis nostris. Non successit pro votis navigatio. Nihil accidit non præter animi sententiam. Omnia secus quam volebam. Omnia contra quam volebam. Fortuna non respondit optatis meis. Fac ut lubet, fac pro tuo arbitrio, vive tuo arbitratu. Nihil faciam nisi de concilii sententia. Faciam ut voles: faciam pro tua voluntate omnia.

CAP. CLXVIII.

Comperta.

HOMO spectatæ probitatis. Vir probatissimæ fidei. Animum in me tuum habeo multis jam argumentis exploratissimum. Compertum, perspectum, exploratum habeo quanti me facias. Delectus est, ut *industria vir experta*, pro spectatæ, dixit Suetonius. *Periclitatos mores*, pro spectatos dixit M. Tullius. Comperta mihi est hominis perfidia. Deprehensa est astutia. Re compertum est. Pro certo, pro comperto dicis. Certum non habeo. Cum certum sciero, scribam ad te.

CAP. CLXIX.

Copia.

ABVNDAT opibus. Exuberat, redundat, exundat, superfluit, & superfluous, apud Senecam est. Est apud illos ingens aquarum, & graminis copia. *Copias* pro divitiis dixit M. Tullius & Suetonius. Multum, plurimum, satis vini. *Abunde potentia gloriæque* dixit Suetonius. Nimum licentiæ. *Nimis insidiarum*, pro plus satis dixit Cicero. Affatim vini, pro multum vini. Livius: *Ne cui major quam quinquaginta jugerum agri modus esset*. Horatius: *Hoc erat in votis, modus agri non ita magnus*. M. Tullius: *Frumenti in summa caritate maximum numerum miseram*. Idem in Philip. *Maximus vini numerus fuit*, permagnum optimi pondus argenti. Hircius: *Magna invento numero hordei, olei, vini, fici, paucos tritici*. Immenſa pecuniarum vis reperta est. Sallustius: *Quibus mala abunde omnia erant*. Rurfus: *Abunde libertatem rati, quia tergis abstinetur*. Idem: *Inopem & coopertum miseris effecit*. Idem: *Hæc talia facinora impune suscepisse parum habuere*, id est, non satis erat. Item: *Satis habebatis animam retinere*.

CAP. CLXX.

Indicta causa.

INDICTA causa coniecit servos in vincula, Cicero. Quodam inaudito condempnavit, Suetonius. Inaudito capite puniebat, citra causæ cognitionem damnatus est, quod Jureconsulti vocant *ἀρρητοδίκιον*.

CAP. CLXXI.

Prosperitatis aut contra.

PROSPERA valetudine. Incolumi valetudine, incolumi fama. Secundoire fama fuit, id est, minus laboravit infamia. Secundo vento, secundo æstu, secundo amne sive flumine. *Secundo rumore* dixit Tacitus. Idem *adversum rumore* dixit, pro sinistro. Idem dixit, *secundis numinibus*, pro faventibus diis. Idem: *Secunda tempestate ac fama*. Item, *secundante vento*. Hic & Livius *secunda prælia* dixerunt pro feliciter gestis. Et *Junone secunda*, Virgilius. Dextro Hercule. *Secundam existimationem collegit*, Suetonius, pro eo quod est, bonam opinionem; si *quem numina læva sinunt*. Hic tibi si alias unquam mens læva fuit. *Reflante fortuna nihil ages*, Cicero. Rebus adversis, Rebus afflictis, Rebus tristibus erigendus est animus. M. Tullius: *Cecidit belle*. Ita cecidit ut volebam. Hoc cecidit oportune. Valde optanti utrique nostrum cecidit. Hoc adhuc percommode cadit. Male cecidit. *Hæc non successit*, Terentius.

CAP. CLXXII.

Antiquitatis.

AB orbe condito non existit homo sceleratior. Duo post homines natos teterrima capita, Dolabella & Antonius. Consules post hominum memoriam teterrimi atque turpissimi. Post homines natos. Nostra ætate factum dicimus, quod nobis vivis accidit. Nostra memoria, quod a majoribus visum, ab illis audire potuimus. Patrum memoria utroque est antiquius, videlicet quod sub atavis ac tritavis gestum est. *Ex omni memoria* M. Tullius dixit, pro P. Sextio. Idem pro L. Corn. Balbo dixit, *Superiore memoria*, pro superioribus seculis. Post orbem conditum. *Post urbem conditam* dixit M. Tullius.

CAP. CLXXIII.

Totum.

ACAPITE usque ad calcem. A summo capillo usque ad imum pedis. Debes in solidum. *Reddes ad æsem*, dixit Plinius Junior. *Quod iis ad denarium solveretur*, dixit Cicero pro P. Quintio. Bona fide reddidit depositum, vel cum pulvisculo. *Cum tota æragine* dixit Juvenalis. Quantum quantus est, nihil nisi somnium est. *Hyemem quam longa est*, id est, totam hyemem dixit Virgilius.

CAP. CLXXIV.

Perspiciuitatis.

DILUCIDE expedivi quibus oportuit. Vel cæco perspicuum est. Explanatus dicam. Dicam crassiore Minerva. *Enodatus explicare*, M. Tullius de Fin. Ibidem: *Enucleate* pro explanate dicta. Dic exerte, velis an nolis. Candidus sermo pro dilucido, Græci λευκὸν λόγον appellant apertum ac perspicuum, & λευκότερον λέγειν pro apertius dicere. Sole meridiano clarius. Significavit verius quam expressit. Lex hoc expresse vetuit. Declara mentem tuam. Planum facere pro declarare, frequenter est apud Ciceronem. Oculis subjicere, Ob oculos ponere. *Solidum est* pro perspicuum est, dixit M. Tullius in Verrem, Actione prima. *At enim illud solidum est, ut me Siculi maxime velint, alterum illud credo*. Obscurum est, & luce clarius. Tuba clarius apud Græcos.

CAP. CLXXV.

Nobilitatis & contra.

VIR apprime nobilis, Minime obscuris natalibus. Homo minime novus. Homo cum primis illustis, Vir clarissimus, Vir antiquæ nobilitatis, Vir honesto apud suos loco natus. Summo loco nata. Domi splendidus. Majorum imaginibus clarus. Ex illustri stirpe progenitus. Avitis stemmatibus clarus. *Homo domi nobilis*, pro eo qui e claris prognatus esset, frequenter est apud Ciceronem, & apud Sallustium. Homo domi suæ cum primis locuples atque honestus. *Hominem veteris prosapia ac multarum imaginum* dixit Sallustius. Cicero: *Philargus in amplissima civitate amplissimo loco natus*. Livius: *Adolescentes nec tenui loco orti*. Plinius: *Femina splendide nata*. Obscurus. Livius: *Homo loco obscuro tenuique ortus fortuna*. Humili loco, infimo loco natus. Homo novus. Sallustius M. Tullium *reptiticiu* appellat, quod obscuris

scuris esset majoribus. Vir equestri loco, Vir senatorii generis. *Vicanum* pro ignobili dixit Cicero. Horatius: *Ignobiles homines* dixit pro ignobilibus.

C A P. CLXXVI.

Violentia.

Vix a manibus temperatum est. Res ad vim & arma spectabat. A verbis ventum est ad verbera. Rixa in pugnam versa est. Vigeritur res. Ferro, non rationibus decertabatur. In manibus jus erat. *Ad saga properatum est*, frequens est apud Ciceronem. Sagum enim velis est militaris, quemadmodum toga pacis. Collo obtorto reduxit hominem.

C A P. CLXXVII.

Rumoris.

Vulgo fertur. Diu fuit populi fabula. Rumore vulgatum est. Constans rumor est. Fama passim jactatum est. In ore est omni populo. *Erat in sermones*, dixit Cicero pro eo quod est, Rumor erat. Vox erat una totius provinciae. *In ore & sermone omnium*, M. Tullius. Male audire dicuntur de quibus malus est rumor. Contra bene de quibus bonus.

C A P. CLXXVIII.

Exempli.

Majorum suorum vestigiis ingreditur. Vetus institutum revocavit. A prius Reipublicae consuetudine non recessit. Cæsar: Agere ad præscriptum. Vetus exemplum est, sive veteris exempli res est, fallere amicum. More hominum fecit, sibi quam amico maluit consulere. *Novo more*, pro nullo majorum exemplo frequens est apud Ciceronem. Exemplum subijcimus his ferme modis, per ut, & velut, Simile gaudet simili, ut sus sue, velut puer puero. Quod genus, pro eo quod Græci dicunt *οἶον*. Verbi causa, verbi gratia, *Exempli causa*, apud M. Tullium.

C A P. CLXXIX.

Interneconis.

Funditus perit. Radicis extinctus est. Cupiditas radicis extrahenda est. A stirpe subversa est Reipublica. A stirpe interiit, dixit Sallustius. Pristinæ disciplinæ ne vestigium quidem ullum superest. Græci *panoethriam* vocant. Exstirpari & funditus tolli, dixit M. Tullius, de Fato.

C A P. CLXXX.

Atrox.

Atrox injuria. Indignum facinus. Infandum, apud Poetas. Nefarium scelus. Gravis contumelia. Non ferenda superbia. Intolerandam ferociam, dixit M. Tullius contra Rullum. Factum non una cruce dignum. Facinus culleo dignum. Noxa capitalis. Crimen inextinguibile. Piaculare facinus.

C A P. CLXXXI.

Rigoris.

Ad vivum exigere. Summo jure mecum agitur. Rigide, severe, præcise, quod Græci dicunt *ἀποτομῶς*, mecum agitis. Inique, duris conditionibus, aut legibus mecum agitur. Etiam si mecum agas ob signatis tabulis, pergitis ne vos tanquam ex syngrapha agere cum populo? dixit M. Tullius pro L. Murena. Ibidem dixit, *aussere*, & *Stoïce agere*. Itidem dici potest Scythice agere, qui agit incivilius.

C A P. CLXXXII.

Adscribendi & imputandi.

Assignamus, adscribimus, attribuius frequenter in malam partem, nonnunquam & in bonam. M. Tullius ad Atticum: *Si perturbatior est, tibi assignato*. Idem in Bruto: *Hæc si minus apta videntur huic sermoni Brute, Attico assigna*. Livius: *Flens petiit, ne unius amentiam civitati assignaret*. M. Tullius in Bruto: *Peto ate, ut id non modo negligentia mea, sed ne occupationi quidem tribuas*. Idem: *Omnes id Verri tunc attribuebant*. Item: *Ut aliis causam calamitatis attribueret*. Si quid mali acciderit, tuæ socordiae imputato.

A Quod vivo, tuæ clementiæ acceptum fero, sive, acceptum refuto, hoc est, debere me fateor. Scævola in Pandectis: *Creditorum sua negligentia expensum ferre debent*. Hactenus in malam partem. Si quid feliciter evenit, non fortunæ, sed Deo adscribendum est, assignandum est, tribuendum est, attribuendum est, acceptum ferre oportet, imputandum est. Hæc in bonam partem.

His finitima sunt, vindico, assero, arrogo. Totius negotii laudem sibi vindicat, sibi arrogat, sive asserit, sibi usurpat. Illa priora sunt sumpta a codicillis rationum, in quibus notatur quid quis debeat, aut cui quid perfolvendum sit. Hæc posteriora ab actione juris, qua quis sibi jus personæ aut rei defendit legibus. Item illa: Totum me tibi debeo. Quod spiro & valeo, tui muneris est. Si quid habeo, id totum tuæ munificentiae est. Si quid in me boni est, abste venit, abs te profectum est, abs te fluxit.

C A P. CLXXXIII.

Additionis.

GVLÆ deditus, voluptati addictus, hoc ab actione translatus est. Ventris mancipium: servit lucro. Horatius: *Inseruit honori*. In hoc totus incumbit. Assidet literis. Affixus est Poeticæ. M. Tullius: *Et ad genus id quod quisque vestrum in dicendo probaret adhaerescerent*, hoc est, affigerent sese. Devotus in bonam partem dixit Juvenalis: *Quod ni tibi deditus essem devotusque cliens, uxor tua virgo maneret*. Terentius: *Animum ad scribendum appulit*. Idem: *Ut animum ad aliquod studium adjungant*. Idem: *Adjecit animum ad virginem*. *Dedit se ad leges*, dixit M. Tullius. Me totum mea que omnia tibi dico, dedico, confecroque.

C A P. CLXXXIV.

Facultatis.

TERENTIUS: *Tibi in manu est ne fiat*. Sallustius: *Verum id frustra an ob rem faciam, in manu vestra est Quirites*. Id in te situm est. Istuc non est meæ facultatis. Virgilius: *Non opis est nostræ*. Nos pro nostris opibus existimus. mœnia. Non est in potestate mea. In potestate, & in potestatem habere dixit Sallustius. Si in mea potestate esset. Filius nondum emancipatus in patris est potestate. Penes te jus est vitæ ac necis. Non est mearum virium. Meis auspiciis, meis copiis, *meo Marte* confectum est hoc negotium. Sallustius nove dixit, *Quibus in ocio vel molliter, vel magnifice vivere copia erat*. Idem dixit, in manibus. Cicero: *pro mea parte adjuvi*, pro mea parte virili, pro viribus, pro mea virili. Sallustius: pro parte virili, absque pronomine. In hunc numerum conferri possunt & illa. Impetravit comitum. Facta est illi dicendi potestas. Sallustius: *Post ubi fide publica dicere jussus*. Idem: *Si fides publica data esset*. Idem: *Eumque interposita publica fide Romam perduceret*. Magnatibus quicquid libet, licet. Utinam per fortunas liceret, pro tuis in me beneficiis gratiam reponere. Utinam tam adesset facultas, quam adest prompta voluntas tibi gratificandi.

C A P. CLXXXV.

Jurandi.

PER caput juro. Sancte dejerat. At sunt qui nihil verentur conceptis verbis pejerare. In verba jurabas mea. Horatius. Non ego perfidum dixi sacramentum, id est, non juravi mala fide. Sacramenta militaria. Non verear vel Jovem lapidem jurare. Sic me Deus bene amet. Sic mihi propitius sit Christus, ut ego te salvum cupio. M. Tullius: *Solicitat, ita vivam, me tua mi Tiro valetudo*. Idem: *Ne sim salvus, si aliter scribo ac sentio*. Idem: *Ne vivam, si scio*. Idem: *Moriar, si quisquam me tenet præter te*. Idem: *Male mihi sit, si unquam quicquam tam enitar*. Horatius: *Dispercam ni optimum erat*. Abjuratas rapinas dixit Virgilius. Sallustius: *Fidem prodiderat, creditum abjuraverat*. Terentius: *Jusjurandum dabitur*. Apud Jureconsultos *desert jusjurandum*, qui parti adversæ cedit jurandi facultatem. Refert, qui oblatam transfert in offerentem. Huic citius credam injurato quam tibi jurato.

C A P. CLXXXVI.

Distandi.

PRÆTOR distat jusjurandum. Facile ero facundus, si tu dicenda dictaveris. Plautus: *Præi verbis quod vis*, hoc

Tom. I. B 2 est,

est, præconcepe verba, quibus me velis uti. Livius: *Agendum pontifex, præi verba, quibus me pro legionibus devovendum.* Idem: *Id votum in hac verba, præcunte P. Licinio pontifice maximo, consul nuncupavit.* Idem pro præire, dixit præfari. Sunt qui M. Fabio pontifice maximo præfante carmen, devovisse se eos pro patria, Quiritibusque Romanis iradant. M. Tullius: *Ut vobis voce prærent, id est, vobis præscriberent quid essetis pronuntiaturi.* Præscribere modum, præscribere finem. Cæsar: *non ad alienum præscriptum, sed ad suum arbitrium imperare.*

C A P. CLXXXVII.

Tempestive &c.

OPORTVNE advenis. Fac ad sis in tempore. Fac ad sis tempori. Vigilet oportet qui tempori vult sua conficere negocia. In ipso articulo supervenit. M. Tullius: *Satis erat diei, ut Puteolos excurrere possem, & ad tempus redire.* Idem: *Aderis autem ad tempus.* Matura reditum. Fac curentur ista mature. Plautus: *Per tempus hic venit miles.* Idem: *Non potuisti per tempus magis advenire.* Fac adeas hominem in tempore. Tempestivis conviviis delectantur & Philosphi. Horatius: *Tempestiva viro, Tempestivius ista dixeris a cæna.* Nihil suave quod est intempestivum. Intempesta nox dicitur media, quod non sit oportuna ad aliquid agendum. Commodum supervenit Chremes. Incommodum me revocavit senex. Suo quidque tempore agendum est. Horatius: *Pleraque differat, & in præiens tempus omittat, id est, in suum & congruum tempus.* Siquidem hæc dictio præiens ad omne tempus pertinet. Laudatus est ab Augusto Cato, quod præsentem Reipublicæ statum noluerit immutari, hoc est, eum statum qui erat vivo Catone.

C A P. CLXXXVIII.

Ante tempus.

VIRGILIUS: Sed cadat ante diem. Præmatura morte extinctus est. Ante tempus sapit. Persius: *Es rerum prudentia velox Ante pilos venit.* Præpropere duxit uxorem. Nondum matura nuptiis elocata est. Livius: *Abi hinc cum tuo præpropere amore.* Illud præcox ingeniorum genus non temere pervenit ad frugem. Præcocia sive præcoqua mala pluris emuntur. Accelerata consilia raro sunt felicia. Festinata consilia raro prospere cadunt. Præcipitata consilia vix unquam felicem exitum sortiuntur. Ovidius: *Et adhuc tua messis in herba est.*

C A P. CLXXXIX.

Post tempus.

SERO sapiunt Phryges. Sera est nunc consultatio. Serum est mortuo adhibere medicinam. Nulla ætas ad discendum iæra est. Sera est in fundo parsimonia. Advenit, sed post tempus. *Seram rosam* pro Serotina dixit Horatius. Serotini fructus sunt, qui post tempus solitum proveniunt. Post festum, ut ajunt, advenitis.

C A P. CXC.

Celeritatis.

Mox terevisam. Brevi terevisam. Propediem te revisam. Primo quoque tempore conveniam hominem. Puncto temporis fortuna versa est. Momento temporis corrumpunt omnia. Virgilius: *Exemplo Aeneas solvuntur frigore membra.* Sallustius: *De improvviso.* Virgilius: *Ante expectatum.* Dicto citius tumida æquora placat. Simul cum dicto manus adfert homini. Actutum se domum contulerunt. Hæc loquutus, e vestigio se domum recepit. Protinus, illico, continuo, statim, In ipso statim vitæ limine extinctus est. Confestim se in pedes coniecit. Simul atque hæc dixerat repente abiit. Simul ut accepit nummos aufugit. Martialis: *Vix dum dictum erat, illa dedit.* Quam maturissime sive maturime, pro quam primum, quam ocysissime dixit Sallustius. Tacitus: *Incisus venis mortem appropinquat, id est, accelerat.* Nec mora, manum injicit homini. Omnium opinionone celerius redisti. Omnium expectatione celeritate vicisti. Huc fac quam primum recurras. Volasse dices. Ubi me his negociis extricare, nihil cunctatus ad vos advolabo.

Ad hanc formam redigi possunt anticipandi verba, quorum aliquot alibi recentimus. Prævenire, antevertere, prævertēre, sive præverti. Terentius: *Hæc dies illi antecepsit.* Occupare. Horatius: *Quam affectaretur nunquid vis, oc-*

cupo. Idem: *Fortiter occupa portum.* Antevenire. Sallustius: *Sed ea omnia luxu antecapere, id est, præveniebat famem & sitim.* Idem: *Ac priusquam legiones scriberentur multa antecapere, quæ in bello usui forent.* Idem: *Consul optimum facturatus noctem quæ instabat antecapere.* Maturandi verbum frequenter habet celeritatis significationem. Virgilius: *Maturate fugam.* Sallustius: *Nisi maturasset pro curia signum sociis dare.* Terentius: *At mature.* Maturitas & maturus non itidem usurpantur.

C A P. CXCI.

Spatium loci exiguum.

PLAUTVS: Si ex isto loco digitum transversum aut unguem latum excefferis. Pedem ubi ponat non habet. Palmum non habet. Pollicem latum agri non habet. Cave digitum latum ab hoc discesseris loco. Pedem latum nunquam a tuis præscriptis digrediar. Culmum latum nunquam recedit ab Epicuro. Pilum latum non recedit a pristinis moribus.

C A P. CXCII.

Spatium magnum loci aut temporis.

PLAUTVS: Longe usque a campis ultimis. Cicero: *Usque a mari supero, Romam proficisci.* Terentius: *Ex Æthiopia est usque hac.* Usque a pedibus ad summum capillum. Plautus: *Usque ex unguiculis.* Quod Augures omnes usque a Romulo decreverunt. Sallustius: *Omnia qua visus erat constata telis, armis, cadaveribus.* Qua visus erat, dixit pro eo quod erat, quam procul undique patebat prospectus. Virgilius: *Usque a proavis vetus ordinis alas.*

C A P. CXCIII.

Metuendi.

METVO ne quod vis non liceat per patrem. Timeo ne mihi succenscat. Nullus metus est, ne tibi quisquam det verba. Nihil periculi est, ne regno excutiaris. Terentius: *Metuo ut substat hospes, id est, ne non substat.* Idem: *Firma vereor ut hæc sint nuptia.* Horatius: *O puer ut sis vitalis metuo.* M. Tullius: *Omnes labores te excipere video, timeo ut sustineas.* Idem: *Accepi a te literas, quibus vereri videris, ut epistolas illas acceperim.* Sollicitus sum, ut tantum laborum possis sustinere.

C A P. CXCIV.

Aptitudinis & contra.

ELOQUENTIAE caput est, apte dicere. Neque enim diserte dicitur, quod inepte dicitur. Nihil ad eam rem dici potuit accommodatius. Delige uxorem tuis accommodam moribus. Splendide dixit magis quam apposite. Nihil adferri poterat appositius. Elegans jocus, sed parum in loco dictus. Tua institutio non quadrat ad hujus ingenium. Mulieri mulier magis convenit, magis congruit. Hic militæ natus est. Hic ad hujus mores factus scalpriusque est. Magnifica loqueris, sed nihil ad Bacchum, ut ajunt, sed ἀνποδιδύσκω, sed ἄδεν πρὸς ἕπος. Ista sarcina non sedet humeris tuis. Hæc inter se non coheret. Istuc ingeniose interfueristi, verius quam concinne. Non sibi constat tua oratio. Non consonat vita doctrinæ. Non concordant facta cum dictis. Multa dixit extra causam, nihil ad rem pertinentia. Quid cani cum balneo? Istuc præclare quidem dictum, sed alieno loco. Alieno tempore sementem facis. Terentius: *Alienior ætate post faceret tamen.* Ne bovi clitellas. Feli crocoton addidisti. In lente unguentum. Non facit ad luctum cithara.

C A P. CXCV.

Moriendi.

MORTEM obiit. Vita defunctus est. Vixit. In vivis esse desiit. Excessit e vivis. Excessit absolute, ut decessit. Satiis est millies mortem oppetere, quam turpitudinem admittere. Cicero: *Mibi ipsi fuit mors aequo animo optatenda.* Obiit supremum vitæ diem. Mors obiit. Cicero: *Obiit.* Vitam morte commutavit. Concessit in fata, concessit vita, frequens apud Tacitum. *Mortalitatem explevit,* apud eundem. Item: *Supremum diem explevit.* Animam reddidit. Spiritum finiebat. *Spirare desiit,* Livius & Cicero. *Efflevit animam,* Cicero. Cujus in complexu libenter extremum vitæ spiritum ediderim. Exspiravit. Cicero: *Antequam ex hac vita*

vitamigro, emigro, demigro. Idem: Exire de vita. Terentius: E medio excessit. Emori malim. E vita discessit inedia. Tacitus: Mortem occubuit. Et occubuit absolute. Suetonius dixit: Voluntariam occubuit necem. Virgilius: Sen certa occumbere morti. Vivis exemptus est. Inter vivos agere desuit. Agere animam dicitur, qui jam moritur. Deo Naturæque concessit. Sallustius: Ubi anima natura cessit, demptis obrectatoribus ipsa se virtus magis magisque extollit. Idem: Pater uti necesse erat natura concessit. Vita peregit fabulam. Leto datus est. Luce orbatus est, vita orbatus est, Lumine cæsus. Poeticum. Mortuus absolute dicitur. Demortuus qui morte sua locum aut munus reliquit vacuum, in quod qui substituitur in demortui locum succedere dicitur. Excessus pro morte apud idoneos auctores invenitur. Item, exitus frequens apud Tacitum. Exitu demum Neronis, postis odiis, in medium consulere. Idem: Laudatis antiquorum mortibus pares exitus. Quanquam exire a vita fere dicuntur, qui spontaneam obeunt mortem: & exitus eorum qui sponte decedunt e vita. Quod peculiare est etiam, oppetere mortem. Finem pro excessu dixit Tacitus: Comperto fine Augusti.

CAP. CXCVI.

Mortis spontanea.

CICERO: *E vita tanquam e theatro exeamus. Impatiens malo: um mortem sibi conscivit, necem sibi conscivit. Inedia vitam finit. Veneno sumpto mortem accersivit. Incisus venis mortem appropinquat. Ita Tacitus: Desperatis rebus, decrevit sibi adferre manus. Idem: Vim sua vita ausulit. Idem frequenter dicit, mortem sumere, pro mortem sibi consciscere. Haud creditus sufficere ad constantiam sumendæ mortis. Morte spontanea vitam abruptit. Intercluso spiritu mortem invenit. Suspendio quaesita mors est.*

CAP. CXCVII.

Mortis adacta.

OCCIDIT, interfecit, peremit, necavit, exstinxit, iure cæsus est. Neci dedit. Virgilius: Dede neci. Vitam & cantharides eripere possunt. Terentius: Animam seni exstinguerem. Vita privavit. Vita seu luce orbavit. Nero Seneca denunciavit ultimam necessitatem. Ad necem adegit.

CAP. CXCVIII.

Propositi.

JUVENALIS: *Si te propositi nondum pudet. Erat animus, erat in animo. Proposueram, statueram, decreveram, constitueram urbem relinquere. Si stat sententia literis te addicere. Non est sententia frustra niti. Non fuit consilium focordia atque desidia bonum otium contere. Non sum huius animi ut inanem operam velim sumere. Non est consilii. Non est ratio. Visum erat ad vos remigrare. Habebam in animo. Sic apud animum meum statuo, Sallustius.*

CAP. CXCIX.

Periculis imminenti.

NON sentis quid tibi malorum impendat. Quanta imminet calamitas. Quanta instet tempestas. Non ea procul abest. Jam urget ac premit. In foribus adest ultio. Sallustius: *Dux hostium cum exercitu supra caput est. Sic aliquoties & T. Livius: Nihil malorum non intentabatur. Virgilius: Presentemque intentant omnia mortem. Hæc procemia nobis dira minitantur. In propinquo est discrimen. Non sentis quæ te circumstant pericula, quæ malorum procella te circumvallet. Quis te maneat exitus? Quam tenui discrimine absis ab exitio. Vicinius malum est, quam credis. Propior es periculo, quam suspicaris. Sallustius: Quousque cunctando Rempublicam intutam patiemini? Intutam dixit, pro periculo obnoxiam. Idem: Eo Respublica in extremo sita est. Rursus: Ubi intelligit omnes fortunas suas in extremo sitas. Et gnati vita in dubium veniet. In dubiis rebus consilium adhibendum est. Naso: Omnia sunt hominum tenui pendentia filo. Horatius: Et incedis per ignes suppositos cineri doloso. Periculosa plenum opus alea.*

CAP. CC.

Facile, difficile.

DICTU quam factu facilis. Nihil facilius, facile est, perfacile est, proclive est, in proclivi est, nihil est ne-

Agocii. Nullo negotio rem conficies. Sallustius: *Denique omnes Romani usque ad nostram memoriam sic habuere, alii omnia virtuti sua prona esse. Idem: Et profecto Diis iuvantibus omnia matura sunt. Id cuius promptum est. Hoc mihi in promptu non est. Sallustius: Si hoc itinere uti decreveris, cetera in promptu erunt. In procinctu habere, ad manum esse. Difficile est, perdifficile est. Rem arduam moliris.*

CAP. CCI.

Prætextus.

VIRGILIUS: *Hoc prætextis nomine culpam. Hoc colore tegit culpam. Obtentu pietatis, rem impiam moliebatur. Specioso titulo molitur facinus omnium turpissimum. Plausibili titulo. Religionis fucosese venditant. Amici specie gestit inimicum. Sallustius: Quicumque Rempublicam agitare honestis nominibus. Idem: Sed hæc res mire sunt vitis obtentui, id est, his prætextantur vitia. Magni nominis umbra sese tuentur.*

CAP. CCII.

Temeritatis.

NIHIL habet penſi. Inconsultis consiliis agit omnia. Pro sua libidine rem gerit. Audacia illi pro sapientia in consilio est. Aequi atque iniqui nulla ratio est. Quid deceat, quid non fusque deque habeat. Sallustius: *Quæ etiam mediocres viros spe præda transversos agit. Idem: Quos privata amicitia Jugurtha parum cognita transversos agit. Imperpetrat, magis quam iudicio ducitur. Nihil habet penſi quid in quem dicat.*

CAP. CCIII.

Exequiarum.

EXEQVIAS ire. Curare funus. Parentare. Parentalia eperegimus. Sallustius: *Postquam illi more regio iusta magnifice fecerunt.*

CAP. CCIV.

Consuetudinis, aut contra.

INSUEVI T fallere. Assuevit mentiri. Consuetudine relinquere durum est. Optimis assuescendum. Armis belloque defueti. Ad ista jam pridem occalluit animus. Longo usu callum duxi. Terentius: *Quid tu Athenas insolens? Insolens injuriarum dixit Sallustius. Idem: Interdum timidos insolentia itineris levare manu. Nihil novi facit. Istuc insolens facis. Istuc tuo more facis. Istuc tibi solenne. Moris est. In usu est. In usu esse desuit. Tacitus: Ne vetustissima Italia disciplina per desidia exolesceret. Idem: Græci amicitia jam exoleverant. Livius: Res aut nova aut vetustate exemplorum memoria jam exoleta. Ista jam in desuetudinem abiit.*

CAP. CCV.

Tarditatis.

TARDAT, quod Græci ὀλιζέει. Tardus corpore, sed ingenio tardior. Lentus abes. Festina lente. Age pedetentim, paulatim, sensim infunde. Contari, bellum ducere. Sallustius: *Quem ubi contari accepit, & dubium belli atque pacis rationes trahere. Idem: Ptolemaus pretio ad dies bellum prolatus. Tacitus: Diem ex die prolatabant. Livius: Quomodo diem de die differret. Cæsar: Diem ex die ducere. Cicero: procrastinare. Comperendinare.*

CAP. CCVI.

Non ultra.

INTRA convicia rixa constitit. Citra sanguinem pugnatum est. Perbenignus est, sed non ultra promissa. Idem efficit dictio tenuis, cui veteres liberius quam nos addiderunt nomen nunc auferendi, nunc gignendi casu. Crurum tenuis dixit Virgilius. Tacitus: *Non patrum saltem porta tenuis obvium. Idem: Modo pectore, modo ore tenuis exstantes. Idem: Usurpatis nomine tenuis urbium expugnatas discedant. Idem: Janua ac limine tenuis domum claudit. Idem in vita Agricola. Unum addiderim, nusquam latius dominari mare, multum fluminum huc atque illuc ferre, nec littore accrescere aut resorberi. Sentit mare transire littora. Livius: In quos jecit magis hoc consul verbo tenuis, quam ut re insimularet. Idem dixit, vulneribus tenuis. Aurium tenuis dixit Fabius. Q. Curtius: Pauci hostium tenuis exacti penetrare usque ad portum. Apulejus: Pallio tenuis Philosophos imitatur.*

D E R E R U M C O P I A C O M M E N T A R I U S S E C U N D U S .

Et mox de prima locupletandi ratione.



POSTEA QVAM de verborum Copia quæ veniebant in mentem, qua potuimus brevitate diximus, reliquum est, ut simili compendio de Rerum copia perstringamus. Atque ut hanc operis partem exordiamur ab iis, quæ superiori generi sunt quam maxime finitima; Prima locupletandæ sententiæ ratio videtur, si quod summam ac generatim dici poterat, id latius explicetur, atque in parteis diducatur. Quod quidem perinde est, ac si quis primum mercem per transfennam aut peristromata convoluta ostendat, deinde eadem evolvat, aperiatque ac tota oculis exponat. Hujus rationis id erit exemplum:

Rem universam luxu perdidit.

Eam sententiam in summa comprehensam, quasque convolutam hunc ad modum licebit evolvere. Si plurimas possessionum formas enumeremus, sique varias perdendæ rei vias explicaverimus. Quicquid vel matris vel patris nomine hereditate obveniat. Quicquid aliorum affinium morte advenerat. Quicquid ex uxoris dote, quæ quidem neutiquam erat vulgaris, accesserat. Quicquid ex legatis accreverat (acceverat autem permultum.) Quicquid ex Principis acceperat liberalitate. Quicquid peculii castrensium conflexerat, pecuniam omnem, vasa, vestes, fundos, agros, una cum ipsis & villis & pecoribus. Breviter rem omnem seu mobilem, seu foli. Denique familiam etiam ipsam, foedissimis scortorum amoribus, quotidianis commensationibus, sumptuosos obsonationibus, nocturnis perpotationibus, popinis, cupediis, unguentis, alea, lufibus, paucis diebus ita absumpsit, abligurivit, absorbit, ut ne teruntium quidem sibi reliquum fecerit. Hic duo illa verba, Rem universam, & luxu perdidit, suis partibus explicantur. Adjiciemus & alterum.

CYCLOPÆDIAM ABSOLVIT.

In genere dictum est. Id ita poteris explicare. Si singulas disciplinas, omnem doctrinæ speciem singillatim recenseras. Nullum omnino doctrinæ genus est, in quo non sit exquisitè versatus. Nulla disciplina, quam ille non ad unguem perdidicerit. Et ita perdidicerit, ut in una qualibet sola laborasse videatur; Adeo mire Poetarum omnium omnes fabulas tenet, Adeo Rhetorum flosculis abundat, Adeo Grammaticorum laboriosos canones excussit, Dialecticorum argumentas callet, Physices arcana pervestigavit, Ultramundinæ sapientiæ ardua superavit, Theologorum abdita penetravit, Mathematicas apodixes perceptas habet; Sic astrorum motus, sic numerorum rationes, sic terrarum dimensiones, urbium, montium, fluminum, fontium, situs, nomina, intervalla; Sic vorum concentus atque discrimina callet, Adeo quicquid est historiarum tum veterum, tum recentium meminit, Quicquid bonorum auctorum, quicquid vel antiquitatis, vel novitatis, id omne tenet, Adde his parem Græcicæ ac Latinæ literaturæ linguæque peritiam; Denique quicquid unquam eruditionis ab egregiis auctoribus repertum ac traditum fuit, id universum unus hic absolute perceptum, cognitumque habet ac meminit.

Item. Omnibus naturæ fortunæque dotibus præditus. Hoc si cui libeat explicare, commemorabit singula corporis commoda. Deinde singulas ingenii atque animi dotes. Postremo genus, opes, patriam, successus, & quicquid a fortuna solet obvenire. Rursum Tertium exemplum erit, *Hippias omnisfcius*. Hoc si quis velit dilatare, referat licebit omnia illa quæ in ejus viri descriptione recenset Apulejus in floridis, non sine varia verborum copia.

Exstat hujus rationis exemplum aptissimum apud Lucianum in Harmonide. Etenim cum potuisset summam di-

cere, τὴν αὐλητικὴν ὅλην ἐκμεμάθηκα maluit explicatis partibus copiam ostentare ad hunc modum.

Ἐδιδάξω μὲ ἤδη ἀρμόσασθαι τὸν αὐλὸν ἐς τὰ ἀκρίβεις, καὶ ἐμπνεῖν ἐς τὴν γλωσσίδα λεπτὸν τι καὶ ἐμμελές, καὶ ὑποβάλλειν τὰς δακτύλους ἐναφῶς ὑπὸ πυκνῇ τῇ ἄρσει, καὶ θέσει, καὶ βαίνειν ἐν ῥυθμῷ, καὶ σύμφωνα εἶναι τὰ μέλη πρὸς τὸν χορὸν, καὶ τῆς ἀρμονίας ἐκάστη διαφυλάττειν τὸ ἴδιον, τῆς Φρυγίας τὸ ἐνθεον, τῆς Λυδίας τὸ βακχικόν, τῆς δωρὶς τὸ σεμνόν, τῆς ἰωνικῆς τὸ γλαφυρόν, ταῦτα μὲν οὖν πάντα ἐκμεμάθηκα παρὰ σὺ. Quæ tametsi vix possunt reddi Latine, tamen ob Græcanici sermonis ignaros veritam ut potero. *Docuisti me jam exacte adaptare tibi, atque in ejus lingulam inspirare tenuè quiddam ac modulatam, tum commodo faciliq; contactu submittere digitos in crebra sublatione ac demissione vocis, ad hæc ad numerum ingredi, & ut modi congruant ad chorum, præterea quod cuique harmonia generi proprium est observare, Phrygia divinum impetum, Lydiæ Bacchicum furorē, Doricæ gravitatem ac modestiam, Jonicæ jucunditatem.* Quod si in proximo exemplo placuisset in singulis disciplinis facere quod hic Lucianus fecit in una musicæ parte, vides quanta sermonis copia fuerit futura.

In his non ab re crediderim illud admonere, simul & in initio proponi summam rerum, & eandem alia sermonis specie repeti, & ita redeundum ad genus, quasi singulis enumerandis jam sis defatigatus, etiam si nihil erit præteritum. Præterea cavendum, ne partium ordinem confundamus tumultuaria verborum congerie, sursum ac deorsum miscentes omnia, ne molestam vorum turbam nulla conditam gratia conglomeremus, sed vel ordine scito, vel apta distributione, vel eleganti descriptione, legentis aut audientis tædium excludamus. Ad hanc formam pertinet & illud, quoties totum quod non formis, sed partibus constat, in eas ducitur. Ut hic totus monstrum est, hoc pacto dilatabitur. Si prius hominem in corpus atque animum partiaris, deinde singulas corporis partes, singulas item animi partes attingas. Et animo & corpore monstrum est. Quacunque vel animi vel corporis parte contempleris, monstrum reperies. Caput tremulum, oculos caninos, os draconis, vultum furia, ventrem abdomine distentum, manus ad rapinam incurvas, pedes intortos, totam denique corporis figuram inspicere, quid aliud quam monstrum præ se ferunt? linguam & vocem illam belluinam observa, portentum dices. Ingenium excute, prodigium invenies. Mores expende, vitam scrutare, omnia monstrosa comperies. Et ne singula persequar, quantus quantus est, nihil nisi monstrum est. Hic si quis velit in singulis veluti depingendis immorari, satis apparet, quantum ubertatis sit accessurum orationi.

Item aliud exemplum. Totus commaduit.

A summo capillo ad imum usque calcaneum pluvia commaduit. Caput, humeri, pectus, venter, tibiae, totum denique corpus pluvia distillabat. Minutius quidem illud, haud tamen indignum quod admoneatur, ad hanc formam referri posse, quoties de specie loquentes, genus adjungimus, id quod fere fit amplificandi gratia. Quum omnis eruditio plurimum adfert & ornamentum & adjumenti mortalibus, tum præcipue Philosophia. Item, omni quidem ætati foeda est libido, verum senectuti multo foedissima, tum cum omnibus in rebus plurimum habet momenti prudentia, tum præcipue in bellis. Simplex enim erat, prudentiam in bellis plurimum habere momenti. Hujus generis est illud Ciceronis in oratione pro domo sua, apud pontifices: *Cum multa divinitus pontifices a majoribus nostris inventa atque instituta sunt, tum nihil præclarior, quam quod vos eosdem & religionibus deorum immortalium & summa Reipublicæ præesse voluerunt.* Quanquam quid attinebat unum hoc referre, quum hujus formæ exempla nusquam non sint obvia.

SE-

SECUNDA VARIANDI RATIO.

Huic admodum affinis est secunda variandi ratio. Quoties non contenti semel exitum rei proponere, ex quo reliqua quæ præcefferunt, per se queant intelligi, singulatim ea quoque commemoramus, per quæ ad eum exitum perventum est: hujus præceptionis hoc erit exemplum. *Cicero Catilina conatus oppressit*: Id ita locupletabis. Catilinæ nefarios conatus per juvenes perditissimos, totius Romanæ civitatis exitum atque interuicem molientes, M. Tullius Cicero consul sua sagacitate statim odoratus est, singulari vigilantia peruestigavit, summa prudentia deprehendit, miro in Republicam studio prodidit, incredibili eloquentia convicit, gravissima auctoritate repressit, armis exstinxit, magna felicitate fustulit.

Item aliud: *Ex ea virgine filium sustulit*. Hac ratione dilates licebit. Eam virginem quod esset singulari forma, misere deperibat. Deinde amoris impatiens, simplicem puellæ animum promissis sollicitavit, muneribus corruptit, blanditiis delinuit, officiis in mutuum amorem pellexit, improbitate vicit, denique consuetudinem cum ea habuit ac devirginavit. Aliquanto post tempore uterus virginis coepit tumescere, foetu videlicet concepto. Demum exactis novem mensibus parturit, ac puerum peperit.

Item aliud exemplum: *Urbem cepit*, ita poterit ampliari. Principio feciales rem repetitum missi, qui pacis etiam condiciones offerrent. Quas cum oppidani non acciperent, copias undique comparat, machinarum maximam vim comportat, admovent exercitum una cum machinis ad urbis moenia. Illi contra emuris acriter hostem repellunt, tandem hic superior in congressu, consensu mœnibus, urbem invadit, ac rerum potitur.

TERTIA RATIO.

Ab hac rursus non ita vehementer abhorret tertia locupletandi sermonis ratio, quoties rem non nudam exponimus, sed altius etiam causas repetimus, a quibus initus sit profecta. Veluti si cui non satis sit dixisse, bellum intercessisse Gallis cum Neapolitanis, verum etiam addat quæ fuerint simultatis causæ, quis instigator, quæ suscipiendi belli occasio, quæ vincendi spes, quæ utrique fiducia. Hoc ut est dilucidius quam ut egeat præceptione, ita difficile sit exemplum nisi plurimis verbis proponere. Quare superfedebimus, & lectorum ad Sallustium ac Livium relegabimus.

QUARTA RATIO.

Nec admodum discrepat ab his quarta locupletandi ratio. Quoties non simpliciter proponimus negotium, sed enumeramus etiam illa quæ negotium comitantur, vel consequuntur. Quod genus sit, *Bellum tibi acceptum feremus*. Hoc pacto poteris ditare rem. Exhaustum in barbaros milites ærarium, fractam laboribus juventutem, proculcatas segetes, abacta pecora, incensos passim vicos ac villas, desertos agros, eversa mœnia, compilatas domos, direpta fana, tot orbos senes, tot orphanos liberos, tot viduas matronas, tot virgines indigne constupratas, tot adolescentium licentia depravatos mores, tantum funerum, tantum luctus, tantum lachrymarum, præterea extinctas artes, oppressas leges, oblitteratam religionem, confusa divina humanaque omnia, corruptam civitatis disciplinam: Universum, inquam, hoc malorum agmen, quod ex bello nascitur, tibi uni feremus acceptum, siquidem belli fueris auctor.

QUINTA RATIO.

Quinta locupletandi ratio videtur potissimum ad *ἐνδείξιον*, quam evidentiam vertunt, pertinere. Ea utemur quoties vel amplificandi, vel ornandi, vel delectandi gratia, rem non simpliciter exponemus, sed ceu coloribus expressam in tabula spectandam proponemus, ut nos depinxisse, non narrasse, lector spectasse, non legisse videatur. Id ita præstare poterimus, si prius ipsi totam rei naturam omnesque circumstantias, ac veluti faciem animo lustremus. Deinde ita verbis ac figuris idoneis effingamus, ut quam maxime fiat evidens peripicuaque lectori. Hac virtute præcellunt, quum omnes Poetæ, tum præcipue Homerus, quemadmodum suis indicabimus locis. Consistat autem præcipue Descriptione rerum, temporum, locorum, & personarum.

Descriptione Rei.

Rei descriptione locupletabimus orationem, quum id quod sit aut factum est, non summatim, aut tenuiter exponemus, sed omnibus fucatum coloribus ob oculos ponemus,

A ut auditorem sive lectorem, jam extra se positum, velut in theatrum, avocet: hanc ab effingenda rerum imagine, Græci vocant Hypotyposim. Etiam si vocabulum hoc commune est, quoties aliquid oculis subjicitur. ¹ Veluti si quis expugnata civitatem dicat, cuncta nimirum in summa complectitur, quæcumque talis fortuna recipit; Utar enim Quintiliani verbis. At si aperias hæc quæ verbo uno inclusa erant, apparebunt effusa per domos ac templa flamma, & ruentium tectorum fragor, & ex diversis clamoribus unus quidam sonus, aliorum fuga incerta, alii in extremo complexu suorum coherentes, & infantium seminarumque ploratus, male usque in illum diem servati sæo senes. Tum illa profanorum sacrorumque direptio, efferentium prædas, repetentiumque discursus, & ante suum quisque prædonem caseinati, & conata retinere infantem suum mater. Et scibi majus lucrum est, pagna inter victores. Lacet enim hæc omnia complecti, minus est tamen totum dicere, quam omnia. Hæc tamen Fabius. Idem hujus evidentia citat exemplum hoc ex Cælio in Antonium. ² Namque ipsum offendunt temulentis sopore profligatum, totis præcordiis stertentem ruitosus spiritus geminare, præclarasque consubernas ab omnibus spondis transversas incubare, & reliquas circumjacere passim, quæ tamen exanimata terrore, hostium adventu percepto excitare Antonium conabantur. Nomen inclamabant, frustra cervicibus tollebam, blandis alia ad aurem invocabat, vehementius etiam nonnulla ferebat. Quarum quum omnium vocem cæcæque noscitur, proxima cujusque collum amplexu petebat, nec dormire excitatus, nec vigilare ebrius poterat, sed semisomno sopore inter manus Centurionum, concubinarumque jactabatur. Nihil, inquit Fabius, his nec credibilius fingi, nec vehementius exprobrari, nec manifestius ostendi potest. Refert idem descriptionem convivii luxuriosi. ³ Videbat, inquit, videre alios intrantes, alios vero exeuntes, quosdam ex vino vacillantes, quosdam hebetem oratione oscitantes. Humus erat immunda, lutulenta vino, coronis languidulis, & spinis cooperta piscium. Sed hujusmodi exemplorum nusquam non magna copia, præsertim apud Poetas, ut dictum est, & apud Historicos Poetis proximis. Præcipue vero narrationes nunciorum in tragædiis, quoniam vice spectaculi subjiciuntur, dum ea referunt quæ representari in theatro, aut non possunt aut non convenit, hac virtute insigniter abundant. Veluti quum in Euripidis Hecuba Talthybius narrat Hecubæ, quomodo sit occisa Polyxena: & in Iphigenia Aulidensi, nuncius exponit, quomodo sit interfecta Iphigenia. Et in Troade Senecæ, nuncius refert Andromachæ, quomodo perisset Astyanax ipsius filius. Hoc ad exemplum indicasse satis est, quum omnes tragædiæ sca-teant hujusmodi narrationibus. Nec refert ad hoc institutum, veræ sint an falsæ, quemadmodum in Electra Sophoclis, senex fictæ narrat Clytemnestræ, quomodo in certamine perisset Orestes. Marcus quoque Tullius mirus est in hoc genere artifex. Verum illud arbitror admonendum, hoc genus descriptiones præcipue quidem constare circumstantiarum explicatione, earum præsertim quæ rem oculis maxime subjiciunt, ac moratam reddunt narrationem. Non mediocriter tamen adjuvari collationibus, similibus, dissimilibus, imaginibus, metaphoris, allegoriis, & si quæ præterea sunt figure, quæ rem illustrent. Quin epitheta quoque in hunc usum plurimum valent; Veluti quum dicimus, *aërios scopulos, turrigeras urbes, cæruleum aut vitreum mare, curvum aratorem, superciliosum Philosophum, patulas fagos, atram speciem*: & apud Homerum, *δυσσυχὴς πόλεμος, & κορυβαίολος ἔκτωρ, βροτολογὸς ἄρης καὶ τευχιστὴς Πηλεΐδης*. quo genere nusquam non scaturit hic Poeta. Neque solum in descriptione complectimur quæ præcefferint, quæ adjuncta rei fuerint, quæ consequuta, verum etiam ea quæ facta non sint, vel fieri potuisse, si hoc aut illud evenisset, vel fieri posse demonstramus. Veluti si quis dicat, Vide in quod discrimen adduxisti Rempublicam, qui temere congressus sis cum hoste. Etenim si forte fortuna superassent hostes, hæc atque hæc erant eventura. Aut si qui monarchiam dissuadeat, descriptione ob oculos ponat omnem tyrannidis tragædiam, jamque auditores admoneat, ut putent sese hæc omnia videre, quæ mox passuri sint, si Democratiam mutarint in regnum. Porro si res agitur seria, tum eatenus adhibendæ sunt *ὑποτυπώσεις*, quatenus ad causam conducunt. Verum quum tota res ad

¹ Orat. Inst. Lib. VIII c. 3.

² Lib. IV. c. 2.

³ Id. Lib. VIII. c. 3.

79

voluptatem spectat, quemadmodum in Poematis ferme fit, & ἀποδείξας, quæ exercendi ostentandive ingenii causa tractantur, licet effectionibus huiusmodi liberius lascivire. Ad hanc formam pertinent descriptiones Homericae, quoties armat Deos suos aut heroas, quoties convivium, quoties praelium, quoties fugam, quoties concilium describit. Quid enim iste non exponit oculis, tum aptis circumstantiis, quæ tametsi nonnunquam minutæ videntur, tamen nescio quo pacto mirum in modum rem oculis subjiciunt, tum epithetis, tum adhibitis similibus. Præterea descriptiones turbinum, tempestatum aut naufragiorum. Quales sunt apud Homerum locis compluribus, apud Virgilium libro Æneidos primo, apud Ovidium Metamorphoseos undecimo, pugna Barbaricæ apud Juveralem. Item pestilentia, qualis est apud Maronem Georgicorum libro tertio, apud Nationem septimo, apud Senecam in Oedipo. Item apud Thucydidem. Præterea famis cuiusmodi est insignis in quadam Quintiliani declamatione. Item prodigiorum, solis eclipsium, nivis, imbrium, fulminum, tonitruum, terræ quassationum, incendiorum, inundationum: quod genus apud Ovidium diluvii Deucalionis descriptio. Item seditionum, exercituum, praeliorum, stragis, excidii, direptionum, monomachia, pugnae navalis: qualis est apud Lucanum libro tertio. Epuli, conviviorum, nuptiarum, funerum, triumphorum, ludorum, pompæ: cuius generis est apud Plutarchum in vita Marci Antonii, Cleopatæ navis. Sacrorum, caerimoniarum, incantationum, ac maleficiorum: qualis est apud Lucanum in sexto. Item apud Horatium in Satyris, sub persona Priapi, narrantis quæ viderit. Venationum, cuiusmodi exstat Hadriani Cardinalis: tametsi docti negant hoc carmen illius esse. Item animantium, quod genus est Torpedinis & Histricis descriptio apud Claudianum. Apud eundem, & item apud Lactantium Phœnicis. Psittaci, apud Ovidium in Amoribus, & apud Statium. Serpentium, apud Lucanum in nono. Multorum piscium, apud Oppianum. Apud Plinium, quum innumerabilium animantium formæ, naturæ, mores, pugnae, concordia, tum præcipue culicis descriptio. Apud Maronem, equi ac bovis expressio, apum mira representatio. Statuarum item, qualis est in Epistolis Plinianis signi senilis. Tabularum & imaginum, qualis est apud Lucianum, Hercules Gallicus: apud Philostratum, varia picturarum argumenta: cuiusmodi sunt & argumenta textorum & sculpturarum, aut similitum operum: quorum apud Poetas & Historicos exempla sunt innumera. Ut apud Ovidium libro sexto Metamorphoseos, textura Arachnes. Qualis est clypeus Achilles ab Homero expressus, Æneæ a Marone, Ad hæc navis, vestis, πλοῦς, machine, curus, Colossi, Pyramidis, aut si quid est aliud rerum consimilium, quarum descriptio delectet. Equidem ad hoc genus referendum arbitror, quoties formæ gentis, vitæque ritus explicantur, veluti si quis Scytharum, Anthropophagorum, Indorum, Troglodytarum, aut similitum gentium imaginem oculis exponat; aut si vitæ militaris, philosophicæ, aulicæ, rusticæ, privæ, regiæ, simulacrum quoddam effingas. Verum ut ista probe exprimamus, non modo confert ars & ingenium, verum etiam oculis spectasse, quæ velis effingere, plurimum refert. Sunt & fabulosa rerum descriptiones, quæ tamen ad veras alludunt; velut ætatis aureæ, argenteæ, terrea. Qualis est & apud Cebetem humanæ vitæ pictura, apud Lucianum aulæ, calumniæ, eruditionis, aliæque complures. Apud Homerum Ossæ, Ates, & Litarum. Apud Ovidium famis, livoris. Apud eundem, & item apud Maronem famæ. Quod si quis malit hæc ad personæ descriptionem pertinere, de qua mox dicam, equidem non magnopere repugno.

Persona Descriptio.

His igitur est proxima personarum descriptio, quam προσωποποιαν appellant, tametsi nonnihil ab hac diffidet προσωπογραφία, vel hoc nomine quod latius patet. Nam famis quoque, invidia, somni, de quibus modo diximus, προσωπογραφίας non absurde dixeris. Proponitur enim ceu persona quædam. Cuiusmodi sunt & illæ, virtutis ac voluptatis, quas Prodicus Sophista apud Herculem inter sese decertantes facit, ut auctor est Xenophon. Item mortis ac vitæ, quas En-

1 Id Poemate, quod creditur esse potius *Ymantis Fortuitiani*.

2 Intelligere videtur *Erasmus* vitam magnatū ac divitum Romanorum, quam describit *Lucianus*, in libello περὶ τῶν ἐν τῇ πόλει συνόντων, de iis qui mercede conditi vivunt in familiis divitum; quem librum infra ab *Erasmio* Latine versum habemus.

A nius in Satyra contententes inducit, teste Fabio. Item calumniæ apud Lucianum, apud eundem Eruditionis & statuariæ. Occasionis apud Aufonium. Fortunæ apud Horatium in Odis, & Q. Curtium. Cupidinis apud Moschum. Penias & Pluti apud Aristophanem. Iustitiæ apud Chrysippum, referente Gellio. Philosophiæ apud Boetium Severinum. Lamiæ apud Politianum. Item Musarum, Gratiarum, Furiarum, Bellonæ, Sphingis, Scyllæ Charybdis, ac similitum apud Poetas.

B Sunt quædam propiores vero, sed tamen ad ostentationem accommodatiores. Cuiusmodi est Hippia descriptio apud Lucianum, & ejusdem apud Apulejum in floridis, sed Oratori magis conveniunt illæ notationes. Sic enim appellant quoties amantis, luxuriosi, avari, voracis, temulenti, somniculosi, garruli, gloriosi, ostentatoris, invidi, sycophantæ, parasiti, lenonisve personam depingimus. Hujus generis exstat exemplum in quarto rhetorices ad Herennium. Ubi suis notis depingitur pseudoplutus, divitiarum ostentator quum esset pauper. Cæterum e comœdiis quantumlibet exemplorum sumere licebit. Nil enim aliud agit comœdia. Exstant ad hoc facientes 3 notæ Theophrasti titulo. Mihi Grammatici cuiuspiam videntur, magis quam Philosophi. Depingitur autem ab omnibus circumstantiis, præcipue vero ab his. A natione seu patria, si Poeni, Græci, Galli, Scythæ, Hyberni, Hispani, Scoti, Britanni formam, cultum, vocem, linguam, gestum, incessum, ritus, ingenium, ac mores expresseris. Fingendus autem Poenus foedifragus, vaser, insolens, cultu ambitiosior, atque item de cæteris. Sunt & singularum civitatum peculiæ notæ. Ut mollis Atheniensis, & ad dicendum quam faciendum instructior. Severi Romani. Parci Florentini. A sexu, Depingitur vir severior, mulier loquacior, inconstantior, superstitiosior.

Ab ætate tales effingimus, quales Horatius ostendit in Arte Poetica.

A fortuna. Fastuosior inducitur dives. Humilior ac timidior pauper.

D A studiis fit gloriosus, & facinorum suorum immodicus jactator miles, perjurus leno, tristior rusticus, adulantior aulicus, mitior urbanus. Medicus ad quæstum propensior. Poeta nominis avidior, fontibus, nemoribus, ac secessibus gaudens, opum & honorum civilium contemptor, Sophista loquacior quam sapientior. Neque negligendi communes affectus, quo sit animo pater in liberos, maritus in uxorem, civis in patriam, princeps in plebem, plebes in patricos, cæterique quos diligentissime tradidit in rhetoricis suis Aristoteles. Sunt autem peculiæ etiam in singulis horum differentia. Neque enim satis est tenere quid senis, quid juveni, quid servo, quid patrifamilias, quid lenoni conveniat. Alioqui singuli horum semper sui similes inducerentur. At Comici præcipue varietatem in ejusdem quoque generis personis affectasse videntur. Quid enim dissimilius quam Demæ ac Mitio apud Terentium? Quorum hic, cum etiam gravissime filium objurgat, blandus est, ille cum maxime blanditur, amarulentus. Et tamen uterque senex, atque adeo fratres. Quid diversius quam Chremes semper placidus ac civilis, & Simo vehemens ac suspiciosus? Item quam Pamphilus cordatus, & Carinus inops animi consiliique. Quid tam dissimile, quam Phædria cum morbo pugnans, & Chærea nihil habens pensi? Multum item interest inter Davum pertinacissimum sperandi auctorem, & Byrriam nihil præter desperationem adferentem. Plurimum inter parasitum Gnathonem, & Phormionem, & ab utroque longe dissident parasiti Plautini. Quemadmodum & hujus meretrices a Terentianis plurimum discrepant. Terentius meretrices propemodum bonas fingit, veluti Philotim, & Bacchidem in Hecyra. Plautus senes amantes ac festivos, & uxoribus veteratorie imponentes, quamquam alias Euclionem prodigiose tenacem ac supiciusum facit.

F Quod si personam tractamus ab alio occupatam, ab iis qui priores finxerint aut descripserint, decorum petendum est. 4 Veluti si tractes Achillem, acrem, inexorabilem, simplicem, infensum regibus, infensum mendacibus, pedibus velocem inducas oportet. Nam huiusmodi primus finxit Homerus. Rursum Ulyssem vafrem, mendacem, dissimu-

3. Nimirum, χαρακτήρες, sive notationes morum; quod opus Theophrasti esse nunc nemo dubitat. Ad id id *Isaacum Casaubonum*.

4. Hæc *Erasmus* habet ex Arte Poetica *Horatii*, v. 120. & seqq.

lantem, omnia tolerantem. Agamemnonem animo mitiore, sed imperii cupidum, timentem populum, voluptatis avidiorem quam belli. Hectorem animo sublimi, mortis & auguriorum negligentem, patriæ omnia posthabentem. Ajacem factis magis quam oratione strenuum, contumeliæ ac repulsæ impatientem. In summa, ut cujusque personam finxit Homerus, ita Tragici Poetæ inducant oportet. Item si quis Aristidem, Themistoclem, Phocionem, Alcibiadem, Pisistratum, Julium Cæsarem, Fabium, aut Camillum, aut Timonem, Socratem, Platonem, Epicurum cupiat effingere, ex historiis decorum petendum est. Quod exercitationis genus placuisse videtur iis, qui Menelai, Phœnicis, Achillis, Phalaridis, Bruti, Senecæ ac Pauli epistolas & orationes finxerunt. Idem spectandum erit scribenti dialogos, quibus personis quem tribuat sermonem. Cæterum decorum, quod est in fictis personis; veluti si Philosophiam producas vultu constanti & auctoritatis pleno; Musas simplices ac blandiores; Gratiâ junctas ac zonis solutis; Justitiam rectis atque immotis luminibus, cæteraque hujus generis; id a rerum natura, ad quas alluditur oportebit fumere.

Est quoque decorum in apologis, quod nemo recte tuebitur, nisi naturas animantium cognitâs atque animadversas habeat. Ut sciat docilem ac religiosum Elephantum; Delphinum Crocodilo inimicum, hominis amantem; Aquilam in sublimi nidum ponere; Scarabeum stercora, in quibus gignit ac gignitur, ex more protrudere; nec videri temporibus, quibus incubant aquilæ; Cassitam in segetibus ova ponere; Erinacium gaudere discursu, inimicum serpentibus. Atque hæc quidem, hisque reconditiore facile petuntur ex Aristotele, Plinio, Æliano. Tractatur & hoc genus etiam ab Oratoribus. Porro duriores sunt apologi, qui rebus inanimis, ut arboribus aut faxis sermonem attribuunt.

Sed Oratorum magis peculiare sunt illæ προσωποποιήσεις, quoties suis ceu coloribus certa hominis persona depingitur, idque eatenus, quatenus ad rem propositam attingit. Quemadmodum apud Sallustium Catilina, apud Livium Annibal, apud Plinium Trajanus. Rarius enim incidunt, sed tamen incidunt, illæ formæ effictiones. Quod genus sit, si quis mulierem formosam omnibus ferme numeris exprimat, aut contra deformem anum. Quemadmodum Thersiten effinxit Homerus, & Græcorum multos proceres e moenibus Helena Priamo sciscitanti indicat, & hunc imitatus Maro in sexto complures Romanos describit.

Ad hanc formam præcipue pertinet schema διαλογισμός, id est, sermocinatio, quoties unicuique sermonem accommodamus, ætati, generi, patriæ, vitæ instituto, animo, moribusque congruentem. Nam hujusmodi sermones in historia licet affingere. Unde tot Thucydidis, Sallustii, Livii orationes. Effinguntur & epistolæ, & apophthegmata. Demum & cogitationes, veluti hominis secum loquentis, quamquam hoc Poetis familiarius. Illæ propriæ προσωποποιήσεις nomen merentur, quoties personam hominis procul absentis, aut jam olim defuncti, loquentem facimus, servato decoro. Quod genus sit: *Quid si nunc reviviscant prisci illi hujus urbis optimates, viderintque temporum horum mores, nonne in has voces erumperent?* Deinde subjicienda oratio, *Quid si nunc esset proavus ille tuus, nonne merito his te verbis objurgaret? Quid si redeat in hanc lucem Camillus, nonne jure his verbis nobiscum agat?* Et jam mihi videor audire illum sic mecum loquentem. Et fingite Platonem ipsum ad hunc modum vobiscum expostulantem. Verecundiores sunt hujusmodi prosopopœiæ, cum ea loquentes fingimus, quæ verisimile sit eos esse dicturos, si adessent. Duriores autem, sed tamen etiam in feriis orationibus, non tantum in exercitationibus adhibendæ, si quando rerum gravitas postulat, quoties naturam, aut Rempublicam aut provinciam, aut patriam loquentem facimus. Ut in Catilinam fecit Cicero. *Quæ tecum Catilina quodammodo tacita loquitur.* Rursum: *Etenim si patria, quæ mihi vita multo est carior, si cuncta Italia, si omnis Respublica sic loquatur: M. Tulli, quid agis?* & Socrates apud Platonem in Critone leges secum disputantes inducit. Hujus generis est, quoties diis ipsis, aut locis, aut aliis multis rebus orationem accommodamus. At hæc quæ propriæ προσωποποιήσεις vocantur, metaphoris similibus, & collationibus fiunt illustriores. Cujus generis apud Poetas magna vis est.

Loci Descriptio.

Locupletatur oratio locorum quoque descriptionibus,

A quas Græci τοπογραφίας appellant. Ab his frequenter narrationum sumitur exordium, non a Poetis modo, verum etiam ab Historicis, & apud Oratores nonnunquam incidunt. Hujus generis est quoties tota loci facies, veluti spectanda depingitur. Ut urbis, montis, regionis, fluminis, portus, villæ, hortorum, amphitheatri, fontis, specus, templi, luci. Quæ si veræ sint, τοπογραφίας appellari volunt. Sin fictæ, τοποθεσίας. Prioris formæ sunt, Carthaginis & portus apud Maronem descriptio, apud Plinium in epistolis Laurentis villæ; apud Statium Surrentinum Pollii, & Tiburtinum Manlii: posterioris, sedes somni apud Ovidium, Domus famæ & regia solis apud eundem; inferorum & Caci domus apud Virgilium; Tænari apud Statium, domus apud Lucianum. Regia Psyche apud Apulejum. Ad prius genus referendum arbitror, Vesuvii montis incendium, a Plinio Minore descriptum. Ætnæ ardentis, apud Claudianum. Tum si quis Nilum, aut antrum Sibyllæ, arcus atque id genus alia descriperit. Quæ quo sunt magis nova, hoc plus adferunt voluptatis, & diutius licebit immorari, modo omnino non sint aliena.

Temporis Descriptio.

Porro temporis descriptionem χρονογραφίαν appellant. Unde non raro narrationis sumitur initium. Nonnunquam delectandi duntaxat gratia adhibetur; veluti quoties Poetæ diem, noctem, auroram, aut crepusculum exprimunt. Quamquam ne hæc quidem omnino ociose debent adhiberi. Quod

C genus est illa Virgiliana:

Nox erat & placidum carpebant fessa soporem
Corpora per terras, sylvaque & sæva quierant
Æquora, cum medio volvuntur sidera lapsu,
Cum tacet omnis ager, pecudes, pictæque volucres,
Quaque lacus late liquidos, quaque aspera dumis
Rura tenent, somno posita sub nocte silenti,
Lenibant curas, & corda oblita laborum.

Pertinet enim hæc descriptio nocturnæ quietis, ad amplificandum Didonis dolorem, qui ne tum quidem conquiescebat, cum omnia cætera quietem agerent. Nam mox sequitur: *At non infelix animus Phœnissa, nec unquam Solvitur in somnos.* Veris, hyemis, autumnus, æstatis, vindemiæ, justitii, faturnalium descriptiones ad hoc genus pertinent, quæ sæpenumero valent & ad probationem. Mixtæ sunt illæ, quoties temporum qualitatem exponimus, puta pacis, belli, seditionum, factionum, monarchiæ, democratiæ. Simul cum ostendimus, quæ virtutes, aut quæ vitia tum maxime valuerint. Hæc quidem singillatim tractare conveniet nonnunquam exercendi ingenii gratia. Verum absoluta descriptio ex his omnibus constat. Nam Horatius in ea, quam modo citavi Satyra, primum locum Exquiliarum describit, deinde tempus, præterea Priapi ac maleficarum personas, postremo & sacrificium & fugam crepitu territarum mire exprimit.

EGRESSIO, SEXTA LOCUPLETANDI RATIO.

Superioribus affinis sexta locupletandi ratio, quam Græci παρὰ λέγειν, Latini partim egressionem, alii digressionem, nonnulli excursum appellant. Ea est, definitore Quintiliano, alicujus rei, sed ad utilitatem causæ pertinentis, extra ordinem excurrens tractatio. Adhibetur autem vel laudandi gratia. Qualis est apud M. Tullium pro L. Cornelio popularis illa virtutum Cn. Pompeii commemoratio, in quam ille divinus Orator, nam Fabii verbis utar, veluti nomine ipso ducis cursus dicendi teneretur, abrupto quem inchoaverat sermone, divertit: aut vituperandi, aut orandi, aut delectandi, aut præparandi. Sumuntur autem ex iisdem ferme locis, quos modo retulimus. Ab expositione rerum gestarum, a descriptione locorum, regionum, personarum. Item a tractatione fabularum, apologorum. Præterea a locis communibus, quoties amplificandæ rei gratia, in gloriam, in luxuriam, libidinem, avaritiam, turpem amorem, tyrannidem, iram ac reliqua vitia dicimus, atque his, causa vel aliquantisper omiſsa, diutius immoramur. Aut contra, quoties frugalitatem, liberalitatem, continentiam, studia literarum, pietatem, taciturnitatem, laudibus efferimus. Hi tantum momenti habent ad copiose dicendum, ut clari aliquot auctores eos ex professo tractaverint. *Χρηταί* appellant. Sunt

Tom. I.

F

82

1 Sat. VIII. Lib. I.

2 Inst. Lib. IV. c. 3.

3 Theon, Aphthonius, Libanius, alii.

& illi loci communes his non dissimiles, quoties libertatis commoda ponimus ante oculos, contra servitutis incommoda. Mutabilitatem fortunæ, mortis æquam omnibus necessitatem, quantum valeat pecunia in rebus mortalium, vitæ humanæ brevitatem, atque id genus alia innumera describimus.

Porro longius immorari licebit excursionibus, vel in initio dictionis. Qualis illa Herculis Gallici apud Lucianum, & Larniarum apud Politianum descriptio. Vel in fine, quo jam fessus recreetur auditor. Quemadmodum in Georgicis fere facit Virgilius. In medio, si quando digredi libebit, celerius eo redeundum, unde digressus sis, nisi pars causæ jam absoluta digressionis ansum præbebit, veluti post narratam causam, quo ad securam argumentationem auditor redatur alacrior; aut post probationem, siue omnino post locos inamceniores, quo tædium subtilitatis discutiatur; aut nisi res ipsa locos huiusmodi suapte sponte offerat, qui invitent ad diutius immorandum.

SEPTIMA RATIO.

Septima locupletandi ratio sumitur ab Epithetis. Diomedes Epitheton facit speciem Antonomasiæ, finitque hunc in modum: *Epitheton est preposita distinctio proprio nomini aut ornandi, aut destruendi, aut indicandi causa.* Ornandi, ut *diva Camilla*. Destruendi, ut *Larissæus Achilles*. Sumuntur epitheta ab animo, ut Plato Philosophorum sapientissimus. A corpore, Therites Græcorum omnium deformissimus. A bonis externis, neque id simpliciter, nimirum, ab omnibus partibus bonorum, quæ proficiuntur a fortuna. A genere, ut Mæcenas generosissimus. Ab opibus, Cræsus regum opulentissimus. A forma, Nireus formosissimus. A viribus, Milo athleta fortissimus. A patria, Ulysses Ithacensis. Ab actu, monstrorum domitor Hercules. Ab eventu, Bis capti Phryges. In summa ab omnibus fortunæ commodis, aut incommodis. Neque refert an hæc epitheta sint adjectiva nomina, nec ne, modo quocunque pacto proprietas quædam attribuitur, non personis tantum, verumetiam rebus; ut præceps juvenia, præceps & amens consulator amor, esca malorum voluptas, morosa ac difficilis senectæ, vitiolorum exultatio, pultrix philosophia, humanæ vitæ speculum comœdia, vitæ magistra historia. In poematis licebit naturalibus epithetis uti, ut Candida nix, liquidi fontes, frigida nox, volubilis amnis, aureus Sol. In oratione profa non oportebit adhiberi, nisi emphasim quandam habeant, & ad rem propositam pertineant. Ut, *non impetrabis causam tam iniquam ab Aristide iustissimo*. Et, *coram Catone severissimo morum censore audeo agere stortalia*. Id potissimum fiet in citationibus exemplorum, aut sententiarum. Aristarchus eruditissimus, & idem diligentissimus: Cicero eloquentiæ princeps: Plato certissimus auctor.

OCTAVA RATIO.

Octava dilatandi ratio sumitur a circumstantiis, quas Græci *Peristases* vocant. Eæ partim sunt rerum, ut causa, locus, occasio, instrumentum, tempus, modus, atque id genus aliæ; Partim personarum, ut natio, patria, sexus, ætas, educatio, & disciplina, habitus corporis, fortuna, conditio, animi natura, studium, antea acta, commotio, consilium, nomen. Conducit autem ad multa circumstantiarum aptus ac tempestivus usus. Primum ad amplificandum atque extenuandum, de quo mox paucis dicturi sumus. Deinde ad evidentiam, de qua paulo ante diximus. Præterea ad confirmationem & probabilitatem. Facit enim ut tota oratio densis ac crebris argumentis undique differta sit & communita. Quæ tametsi non explices, quasque in aciem educas, tamen pugnant per sese causamque non mediocriter adjuvant: ut licet aliud agentem, tamen agnoscere liceat, palæstricæ aut musicæ peritum: Ita ubivis ex huiusmodi circumstantiis commode suo loco admixtis, Rhetorem intelligere possis. Quod quoniam per omnem orationem fufum est, exemplum brevi ostendi non potest.

NONA DILATANDI RATIO.

Nona dilatandi ratio constat amplificatione. Ejus complures formæ referuntur a Fabio. Nos eas breviter attingemus, quæ ad præfens pertineant institutum. Prima amplificandi ratio constat incremento. Quoties gradibus aliquot pervenitur, non modo ad summum, sed interim quodammodo supra summum. Hujus exemplum est apud M. Tul-

lium in quinta in Verrem Actione: *Patinus est vivere vivere Romanum, scelus verberare, parricidium necare. Quid dicam in crucem tollere?* Verbo satis digno tam nefaria res appellari nullo modo potest. Ad hoc genus pertinet & illud, cum congestis ordine quodam circumstantiis in contextu & cursu semper aliquid priore majus insequitur. Hujus exemplum est in secunda Ciceronis Philippica de vomita Antonii: *O rem non visu modo sedam, sed etiam auditu!* Si inter cenam in tuis immanibus illis poculis, hoc tibi accidisset, quis non turpe duceret? In cætu vero populi Romani negotium publicum gerens Magister equitum, cui ructare turpe esset, is frustis esculentis, vinum redolentibus, gremium suum & totum tribunal implevit. Hic singulæ voces incrementum habent. Etiam per se deforme fuerat, vel non in cætu vomere, in cætu etiam non populi, etiam non Romani, vel si nullum negotium gereret, vel si non publicum, vel si non Magister equitum. Hæc si quis dividat, ac circa singulos gradus immoretur, augebit quidem orationis copiam, tamen minus efficaciter amplificabit.

Huic contraria est comparatio. Nam ut incremento ad superiora tenditur, ita comparatio a minoribus incrementum petit. Fit autem comparatio vel fictione, vel exempli collatione. Fictione quam *inôdeon* vocant, ut in prima parte exempli, quod modo retulimus ex Cicerone. Fingit enim hoc inter cenam accidisse privato. Eiusdem est illud in Catilinam: *Servi me hercle mei, si me isto pacto metuerent, ut te metuerent omnes tui, domum meam relinquendam putarem.* Collatione exempli, quoties propositum velut simili exemplo efficitur, ut id quod exaggeramus, aut proximum illi, aut par, aut majus etiam videatur. Velut Cicero pro Cluentio cum exposuisset Milesiam quandam a secundis hæredibus pro abortu pecuniam accepisse, *Quanto est, inquit, Opianicus in eadem injuria, majore supplicio dignus. Siquidem illa cum suo corpori vim attulisset, seipsam cruciavit. Hic autem idem illud effecit per alieni corporis cruciatum.* In hoc genere non solum tota totis, sed etiam partes partibus comparantur, sicut hoc loco pro Milone, *an vero vir amplissimus Scipio, Tiberium Gracchum mediocriter labefactantem Rempublicam privatus interfecit: Catilinam orbem terræ acade acque incendio vastare cupientem, nos consules perferemus?* Hic & Catilina Graccho, & status Reipublicæ orbi terrarum, & mediocri labefactatio cædi & incendiis & vastationi, & privatus, consulibus comparatur. Quæ si quis dilatare velit, plenos per singula locos habeat.

Amplificamus & ratiocinatione, cum aliud crescit, & aliud augetur, hoc modo: *Tu istis faucibus, istis lateribus, ista gladiatoria totius corporis firmitate tantum vini in Hippia nequiss exhauseras, ut tibi necesse esset in populi Romani conspectu vomere postridie.* Colligitur enim quantum vini biberit Antonius, quod illa totius corporis gladiatoria firmitas non quiverit ferre & concoquere. Ad hanc formam referendum est quoties res atrocissimas quasque in summam ipsi extulimus invidiam, elevamus consulo, quo graviora videantur, quæ sequutura sunt. Quod genus est illud Ciceronis: *Levia sunt hæc in hoc roo. Metrum virgarum navarchus nobilissima civitatis precio redemit. Humanum est.* Atrocissimum quiddam expectetur necesse est, cui hæc quæ sunt atrocia, comparata, humana atque usitata videantur.

Amplificamus & congerie verborum, ac sententiarum idem significantium, quæ ratio finitima est figuræ *ovvapôis*, de qua prius dictum est. Utitur hac M. Tullius in Actione pro Ligario: *Quid enim tuus ille, Tubero, districtus in acie Pharsalica gladius agebat? Cujus latus ille mucro petebas, qui sensus erat armorum tuorum? quæ tua mens? oculi, manus, ardor animi? Quid cupiebas? quid optabas?* Hic velut aceto crevit oratio. Idem fit interim omnibus altius atque altius insurgentibus. Ut in hoc exemplo: *Aderat janitor carceris, carnifex Prætoris, mors terrorque sociorum, & civium Romanorum lictor Sextius.* Amplificamus etiam quasi correctione quadam, ut Cicero in Verrem: *Non enim furem sed raptorem; non adulterum, sed expugnatorem pudicitia; non sacrilegum, sed hostem sacrorum religionumque; non ficiarium, sed crudelissimum carnificem civium sociorumque in vestram judicium adduximus.* Totidem autem sunt minuendi modi, quot sunt amplificandi. Pertinent ad orationis copiam & illi vulgares amplificandi modi, cum vel adverbis, vel nominibus, vel in aliis partibus apposis amplificamus, vel in laudem, vel in

vituperium. Majorem in modum me Cicero delectat. Dici non potest quam tibi faveat focer. Verbis consequinequeam, quam me delectet Cicero. Verum de his augendi rationibus priore libro diximus.

NONA DILATANDI RATIO.

Notus & usitatus est & ille modus amplificandi, cum speciem augemus generi collatam; ut, cum omnes disciplinæ liberales plurimum homini conciliant vel ornamenti, vel commodi, tum in primis eloquentia. Quanquam hanc quoque rationem superius attigimus.

DECIMA DILATANDI RATIO.

Decima dilatandi ratio inde sumitur, ut quam maximum propositionum numerum reperiamus. Est autem propositio Rhetorica, cui probandæ adhibentur argumenta. Porro quemadmodum inveniendæ sit propositio, Fabius negat arte comprehendere posse, cæterum ingenio atque usu constat ea facultas. Atque inde fit, ut cum plures eadem didicerint, generibus argumentorum similibus utantur, alius tamen alio plura quibus utatur inveniatur. Sumuntur autem propositiones partim ex his quæ sunt vulgaria, partim ex his quæ sunt propria causæ. Exemplum sit hoc, quod placuit Quintiliano, *Cum Thebas evertisset Alexander, invenit tabulas, quibus centum talenta mutuo Thessalis dedisset Thebanos contineretur. Eas tabulas, quod esset usus commilitio Thessalorum, donavit his ultro. Postea restituti a Cassandro repossunt Thebani Thessalos. Res apud Amphictyonas agitur. Centum talenta & credidisse eos constat, & non recepisse. Lis omnis ex eo, quod eas Alexander Thessalis donasse dicitur, pendet. Constat & illud, non esse iis ab Alexandro datam pecuniam Thebanorum.* In hoc igitur argumento hujusmodi propositiones ac partes, seu columnæ reperiendæ sunt. Prima pars erit, Alexandrum nihil egisse donando. Secunda, non potuisse donare. Tertia, non donasse. Ac primæ quidem partis, prima erit propositio pro Thebanis, jure repositi licere quod vi sit ablatum. Pro Thessalis hæc erit, tabulas non simpliciter vi qualibet, sed bello sublatas esse. Jus autem belli plurimum valere in rebus humanis. Hoc regna, hoc populos, hoc fines gentium atque urbium contineri. Huic rursum aliam propositionem opponunt Thebani. Non omnia in victoris potestatem venire jure belli, sed in his quæ in judicium deduci possunt, nihil valere jus belli, nec armis erepta, nisi armis posse retineri. Itaque ubi illa valeant, non esse judicem. Ubi iudex sit, nihil illa valere. Atque ea quidem e causæ circumstantiis sumitur, quibus ostendi potest, quid hæc causâ distet a cæteris. Ad hujus autem propositionis confirmationem sumitur a locis exemplum simile. Ideo captivos, si in patriam suam redierint liberos esse, quia bello parta, non nisi eadem vi possideantur. Tertia pro Thebanis propositio, ducetur & ipsa ex causæ propriis. In eo iudicio potissimum esse spectandam æquitatem, in quo Amphictyones iudicent. Aliam enim apud centum viros, aliam apud iudicem privatum, in eisdem quæstionibus esse rationem. Atque hæc quoque eo valent, ut appareat hanc causam distare a cæteris, in quibus jus belli valere debeat. Porro secundæ partis pro Thebanis probatio fuerit. Non potuit donari a victore jus, propterea quod id demum victoris sit, quod teneat: jus cum sit incorporale, apprehendi manu non posse. Rursum ad hujus probationem adhibetur argumentum a dissimili. Aliam esse conditionem hæredis, aliam victoris. Ad illud jus, ad hunc rem transire. Jam ex causæ propriis altera sumitur propositio, superiori veluti subserviens. Nempe hæc: ut donemus jus alias ad victorem transire, certe jus publici crediti ad victorem transire nullo modo potuit. Propterea quod si quid populus credidit, id omnibus debeat. Et quamdiu unus superfuert, is sit totius summæ creditor. At Thebanos non omnes in Alexandri manu fuisse. Atque hæc quidem non eget probationibus. Tertiæ partis vulgaris, hoc est cuius causæ congruens, propositio erit hujusmodi. Non donavit Alexander quum tabulas donaret: neque enim in tabulis esse jus. Eaque propositio multis argumentis habendi potest. A simili: neque enim quisquis hæreditatis habendi tabulas, idem hæreditatis habet jus. Et si forte creditor tabulas amiserit, non continuo liberatur debitor. Altera propositio conjecturalis est: Alexandrum non hoc animo donasse Thessalis tabulas, ut honoraret, sed ut deciperet. Eaque variis

1 Lib. 7. c. 10. Inst. Orator.

A conjecturis erit probanda. Tertia jam non proprie ad hunc gradum attinet, sed est veluti novæ controversiæ initium. Sumitur autem e propriis materiæ. Estque hujusmodi: ut omnia donemus Thessalis, jus belli valere in iudiciis, & apud hos iudices, & in publico credito, atque item de cæteris: tamen si quid amiserit Thebani ab Alexandro victi, id a Cassandro restituti receperint oportet, maxime cum id velit Cassander.

B Item si quis suadeat M. Tullio, ne conditionem ab Antonio oblatam accipiat, nempe ut vivat exustis Philippicis, his ferme propositionibus poterit uti. Non esse cuiquam egregio viro tanti emendam vitam, ut immortalem famam amittat. Huic generali subserviet particularis, e circumstantiis sumpta, præsertim Ciceroni, qui tot laboribus clarissimum, semperque victurum nomen sibi pepererit, ac mortem esse contemnendam tot præclaris voluminibus editis facundissime demonstravit, maxime cum jam seni non multum ævi superesse videatur. Rursum altera principalis sumetur a circumstantiis. Nihil infelicius esse quam Ciceronem virum optimum debere vitam Antonio omnium pessimo. Tertia conjecturalis erit, callide hoc agere Antonium, ut exustis prius Philippicis in quibus intelligat & suam infamiam sempiternam, & Ciceronis immortalis gloriam esse sitam, deinde erepta vita quoque, totum extinguat Ciceronem.

C Item si cui matrimonium dissuadeas, his licebit uti. Prima fuerit, si pietatem spectes, matrimonium est impedimento properantibus ad Christum. Secunda, si vitæ jucunditatem, innumeras curas secum adducit & felix conjugium. Atque hic protinus aperit se latissimus campus de comparatione commodorum cœlibatus, & incommodorum matrimonii. Tertia, si libertatem, quam multi & vitæ anteponunt, hanc in primis adimit conjugii vinculum. Deinde ad particulares venies, quæ possunt esse innumerabiles: ut, non hæc ducenda est, non hoc tempore. Aut tibi non est ducenda uxor, pauperi, seni, studioso, valetudinario.

Crebit autem numerus propositionum etiam hoc pacto, quoties a fictione incipimus. Quemadmodum pro Milone Cicero. *Fingite a Milone per insidias occisum Clodium, tamen qui civem tam pestilentem pro salute Reipublica periculo capitis sui sustulerit e medio, summis etiam honoribus dignus videatur.* Deinde ad seriam accedit: *sed non occidit.* Crebit item quoties præparandi causâ duriorum aliquam propositionem extra rem propositam præmittimus, quo mollior videatur ea, quam conamur evincere. Veluti si quis in consultatione persuadere cupiens, ne Romanus Pontifex Venetos bello adoriatur, juxta proverbium, quo dicitur: Iniquum esse petendum, ut æquum feras, sic rem prius labefactet. Sunt auctores nequaquam contemnendi, qui putent imperium, ac profanam ditionem nequaquam convenire, neque dignitati summi Pontificis, neque tranquillitati ecclesiæ, neque Christianæ pietati, cui uni rebus omnibus neglectis, ille debet consulere. Atque hæc propositio, velut obiter ex abundanti plurimis argumentis probari poterit. Deinde ad alteram descendet ad hunc modum: Hæc quidem atque hujusmodi multa, alius fortasse diceret; verum donemus convenire, tamen longe alienum est a clementia Christi vicem gerentis, qui dixit: *Discite a me, quod mitis sum, & humilis corde:* hujusmodi principatum armis, tumultu, cæde, sanguine vel petere vel repetere. Post ad tertiam veniet, ut maxime fas sit, tamen parum est tutum, propterea quod anceps eventus belli. Unde periculum sit, ne dum temporariis ac fluxis rebus ecclesiæ statum restituere conatur, penitus subvertat. Atque id quoque compluribus exemplis, ac similibus confirmari potest. Deinde digredietur ad tertiam hoc pacto, ut deceat, ut liceat, ut vincas, tamen tanta malorum colluvies etiam bellum iustissimum consequitur, ut non tanti vel profano Principi modo Christiano, debeat esse terras aut urbes aliquot ferro repetere, nedum ei, qui sanctissimi titulum præ se fert. Posset adjici & hæc propositio e circumstantiis personæ. Ut alium Pontificem deceat, 3 Julium tamen non decet. Si is sit Julius, cujus mite ingenium, & singularis vitæ sanctimonia, a bello videatur abhorreere. Quæ posteaquam argumentis probavit, tum ad id de quo

Tom. I. F 2 pro-

2 Hac de re agit Seneca suaforia 11.

3 Hæc ironica sunt, respicit enim Erasmus ad Julium 11. Pontificem bellicosæ indolis, & qui bellum cum Venetis gessit. Vide Joan. Palastrum, in ejus vita.

proprie consulatur, descendet hac ratione: ut nihil horum nos deterreat, quæ commemoravimus, tamen in præsentia bellum cum Venetis suscipere parum esse consultum videtur. Et hæc a circumstantiis sumitur. Atque hanc propositionem rursus dividet. Primum quod sine summo rei Christianæ discrimine bellum id moveri non possit. Deinde quod sedes Romana, apud quam pie factis semper summa fuerunt præmia, parum meminisse videbitur officiorum, quæ sæpenumero ea gens summo cum vitæ discrimine in Christianam contulerit religionem. Postremo, quod ne causa quidem idonea est, cur etiam adversus nihil promeritos, arma movere oporteat. Nisi quis has non propositiones, sed rationes esse malit. Tamen si nihil vetat, quo minus eadem sententia positio sit & ratio.

Item si quis persuadere studeat Regi cuiuspiam, ne bellum suscipiat cum Christianissimo Gallorum Rege, his propositionibus munire viam ad causam poterit. Primum bello conflictari, non esse hominis, ad benevolentiam nati, sed brutorum animantium, quibus natura arma quædam addidisse videtur. Hæc est generalis. Huic subserviet altera propositio. Imo nec omnium animantium, sed ferarum duntaxat. Rursus huic tertia subserviet. Atque adeo ne feræ quidem hoc pacto inter se dimicant, quo mortales. Neque enim tigridi cum tigride bellum est, neque leoni cum leone. At homo non in aliud animal æque sævit atque in hominem. Tum feræ non certant, nisi aut tuendi foetus causa, aut fame in rabiem actæ. Hominem inanis ambitio, ac tituli, nescio qui, leves & affectati, ad tam sanguinolenta bella concitant. Huic jam succedet quarta e circumstantiis, quasi novus gradus. Ut hominum sit bellare, certe barbarorum est, ac feris non admodum dissimilium, non eorum qui legibus vivunt. Adde quintam, ut horum etiam sit, haud quaquam tamen Christianorum. Quandoquidem Christiana religio nihil aliud est quam pax. Licebit adjicere sextam, ut deceat, non expedire tamen bellum suscipere, quod omnibus pensatis, multo plus malorum est, quæ belli causa suscipiuntur, quam bonorum quæ victor etiam consequatur. Id jam contentione erit explicandum. Septima quoque reperietur: ut expediat, non tamen esse tutum, & anticipem esse belli exitum. Neque enim semper vincere, quorum melior est causa, aut qui superant apparatu: ipsas etiam copias in suum ducem nonnunquam arma vertere. Atque hæc quidem propositiones magna ex parte generales sunt. Tum ad particulares venire licebit, quæ sumentur a propriis circumstantiis; ut omnia mittamus, tibi non est belligerandum, præsertim cum tali. Atque hæc in multas dividi potest, vel quia puer es, & belli imperitus, vel quia novus Rex. Atque item de cæteris. Nam exempla rationum duntaxat ostendo. Rursus, non cum hoc Rege bellandum, tam potente, tam de patre tuo benemerito, tot vinculis tibi adstricto, tam in teipsum etiam officioso: Aut non hoc titulo, non hoc tempore, non his præfidiis.

Ad eundem modum, si quis suaserit alicui, ne literis Græcis det operam, primum hanc tentabit propositionem: Aut non magnopere ad Christianam felicitatem ulla literas pertinere, aut etiam officere. Eam ubi probabilem effecerit argumentis, tum ad rem veniet hoc pacto: Ut demus esse causam, cur literis cæteris operam demus, certe a Græcis abstinendum; vel quod tantum habeant negotii, ut his discendis vita mortalium alioqui fugax ac brevis, & imbecilla non sufficiat: vel si ætas maxime sufficiat, non tantum adferunt fructus, ut operæ pretium sit eas etiam mediocribus laboribus parare. Postremo Græciæ subversæ & oppressæ fortunam comitari fato quodam eos quoque, qui literis huiusmodi sese dediderint. Aut si aliis discendæ sunt, illi certe non esse discendas. Quæ jam e circumstantiis sumitur, cuiusmodi plures sumi possunt.

In huiusmodi propositionibus illud observandum arbitror, ut quoad fieri potest, ita disponantur, ut a priori ad proximam quamque quasi gradibus commode liceat descendere. Qua quidem in re mirus est Lucianus, ut in tyrannicida, quem nos Latinum fecimus: *Si tantum conatus essem facinus tam egregium, cum tanto capitis discrimine, jam præmio dignus eram.* Deinde hinc digressus: *Atqui non tentavi solum, verum etiam filium repulsis custodiis occidi, num præmii feram?* Hinc rursus discedens: *At patrem quoque sustuli, data mortis occasione.* Item in Abdicato, quem ipsum

A quoque Latinum fecimus: *Non licet abdicare, quem semel abdicatum, denuo in familiam receperis.* Tum si maxime liceat, obistans tamen causam non licet. Postremo si causa maxime sit idonea, tamen ea est magnitudo superioris beneficii, ut ejus respectu negligenda sint delicta patri. Quod si turba propositionum nos offendet, tribus aut quatuor universam causam complectemur, ac deinde in tractando unamquamque, si videbitur, in alias propositiones digeremus.

B Summas illas nonnunquam in divisione proponimus. Divisionem appello quasi limen argumentationis, qua proponimus in summa, quid, quo ordine sumus dicturi; nonnunquam in ipsa causæ tractatione, ab alia ad aliam, veluti gradibus quibusdam descendimus. Aut si natura parum inter se cohærebunt, ipsi commodis transitionibus in hoc repertis apte connectemus. Nam affectanti copiam, in primis illud erit spectandum, ut eas reperiat propositiones, quæ quicquid ad causam pertinet, absolute complectantur. Deinde ut recte dividantur, postremo ut ordine quam maxime ad causam idoneo disponantur. Si quidem eo pacto fiet, ut neque copia rerum confusa sit oratio, dum semper habet auditor certum aliquid, & in quod tendat animum, & quod meminisse possit, & quod expectet. Tum is qui dicit, nusquam hæreat, dum in promptu est, quo sese recipiat in viam. Sed propositionum inventionem negat, ut dixi, Fabius arte tradi posse, cum ea tamen tum prior sit, tum difficilior. Verum adjuvabit principio quod ubique valet plurimum, natura & ingenium. Deinde juris prudentia, præsertim in genere judiciali. Philosophiæ moralis, historiæ, & plurimorum auctorum cognitio, in genere suasorio ac demonstrativo. Postremo rerum plurimarum usus, exercitatio & imitatio. Nam ex similibus facile similia aut etiam diversa colliguntur. Quanquam ex ipsa rei natura vulgares propositiones reperiri poterunt, propriæ ex circumstantiis rei diligenter expensis. Denique felix ingenium adjuvabunt Rhetorum præcepta de causarum capitibus, quæ Fabius status vocat, Græci *stasis*. Porro genus suasorium proprios habet locos, unde propositiones petere liceat, Rectum, laudabile, utile, tutum, facile, necessarium, jucundum. Demonstrativum item suos habet nempe bonorum ordines, & quæ his comprehenduntur.

UNDECIMA RATIO.

E Undecima locupletandi ratio sumitur ex accumulatione copiosa probationum, & argumentorum, quas Græci *πίσις* appellant. Nam ad ejusdem propositionis confirmationem variae rationes adhibentur, & rationes aliis argumentis confirmantur. Probationes autem partim sunt *ἰσχυροί*, id est, artificiales, partim *ἀρετοί*, id est, ab arte semotæ. Posterioris generis argumenta ducuntur potissimum a præjudiciis, a rumoribus, a tormentis, a tabulis, a jurejurando, a testibus. Prioris generis sumuntur primum ab his signis, quæ finitima sunt *ἀρίστοις*. Horum alia sunt necessaria, quæ *τεμπύρια* vocantur. Alia non necessaria, quæ *ἐπιμεία* dicuntur. Deinde ab argumentis, nam hæc a signis distinguit Fabius. Quorum aliud est credibile, aliud veluti propensius, aliud non repugnans. Ea plerumque ducuntur a circumstantiis, quæ quidem duplices sunt, personæ ac rei. Personæ ferme sunt huiusmodi: Genus, natio, patria, sexus, ætas, educatio, habitus corporis, fortuna: Conditio, animi natura, studia, affectatio, antefacta, antedicta, commotio, consilium, nomen. Rei sunt hæc: Causa, locus, tempus, occasio, antecedentia rem, adjuncta, consequentia, facultas, instrumentum, modus.

LOCI COMMUNES.

F Sunt item loci generibus atque etiam partibus causarum omnibus communes. Nam superiores, etiam si tractantur interim & alibi, tamen ad judiciales controversias, & in his quidem, conjecturales, sunt accommodatores. Ducuntur autem generaliter argumenta a finitione, seu fine, descriptione, etymologia, quæ finitionis ceu species quædam est. Ab his quæ ad naturam definitionis pertinent. Genere, specie, proprio, differentibus, partitione, divisione. Cujus variae sunt formæ. Ab exordio, summa, incremento. Ab inductione similitum, dissimilitum. A contrariis, repugnantibus, consequentibus. A relativis. A causis. Ab eventis. A comparatione, quæ trifariam sumitur, A majore, A minore, A pari, A jugatis. Et si qui sunt alii. Nam neque de ordine, neque de numero, neque de vocabulis satis convenit inter

inter scriptores. Scripserunt autem de his copiosissime Aristoteles ac Boetius, satis accurate M. Tullius, sed subobscurè, brevissime Quintilianus. Oportebit autem eum qui semet exercet ad eloquentiam, singulos excutere locos, ac velut ostiatim pulsare, si quid possit elici: usus efficiet ut deinceps sponte occurrant. Item ab ea quæ rursus pluribus locis est communis fictione. A causæ propriis. Plurimum autem valet ad probationem, atque adeo ad copiam, exemplorum vis, quæ Græci *παράδειγμα* vocant, & adhibentur aut ut similia, aut dissimilia, aut contraria. Rursus aut ut majora, aut ut minora, aut ut paria. Dissimilitudo & inæqualitas constat genere, modo, tempore, loco, cæterisque ferme circumstantiis, quas supra recensuimus. Hoc autem genus complectitur & fabulam, & apologum, proverbium, judicium, parabolam, seu collationem, imaginem, & analogiam. Præterea si qua sunt similia. Atque horum quidem pleraque solent adhiberi non solum ad fidem faciendam, verumetiam ad ornandam rem, ad illustrandam, ad augendam, ad locupletandam. Ergo si quis ex locis dictis magnam vim supellectilis colligere volet, quantum libet copiosam orationem poterit efficere: neque tamen erit inanis verborum congeries, & varietas excludet fatietatem. Sed quemadmodum sunt vel inveniendæ, vel adhibendæ, id non est hujus instituti persequi. Verum si quis desiderabit, ex Aristotele, Hermogene, Quintiliano petat licebit, qui diligentissime hisce de rebus conscripserunt. Nos ea quæ pertinent ad copiam persequemur, sed paucis, ne librum, non commentarium scribere videamur.

Ergo ad parandam copiam, exempla primas tenent, si ve deliberes, si ve exhorteris, si ve consoleris, si ve laudes, si ve vituperes. Et ut summatim dicam, si ve fidem facere studeas, si ve movere, si ve delectare. Horum igitur ut vim quam maximam, maximeque variam comparare, & in promptu habere conveniet, ita varie tractare oportebit. Varietas exemplorum ab ipso genere nonnunquam perpenditur. Sunt enim & antefacta & antedicta. Et publicæ gentium consuetudines in exemplis sumuntur, & a discrimini-bus auctorum, puta ab Historicis, a Poetis. Et ex his a Comicis, Tragicis, Epigrammaticis, Heroicis, Bucolicis. A Philosophis, & horum variae sunt sectæ. A Theologis, a sacris voluminibus. A diversitate nationum: quod genus sunt: alia Romanorum exempla & instituta, alia Græcorum: & inter Græcos, alia Lacedæmoniorum, alia Cretensium, alia Atheniensium. Item alia Afrorum, Hebræorum, Hispanorum, Gallorum, Anglorum, Germanorum. Rursus a temporis varietate. Nam alia sunt prisca, alia mediæ antiquitatis, alia recentia, nonnulla etiam domestica. Præterea a qualitate rerum. Nam quædam sunt militaria, quædam civilia. Et quædam clementer facta, quædam fortiter, quædam sapienter. Atque item de cæteris, nam id quidem est infinitum. Postremo e conditione personarum: Alia sunt principum, judicum, parentum, servorum, pauperum, divitum, mulierum, virginum, puerorum. Hæc igitur ad unumquemque locum plurima, varique sunt adhibenda, non solum ex omni Græcorum ac Latinorum scriptorum genere collecta, verumetiam ex barbaris annalibus. Demum e vulgi rumoribus. Monent autem potissimum animos antiqua, illustria, nostratia, domestica, id est, suam quæque gentem, suum quæque genus. Aut longe minora, ut mulieris, pueri, servi, barbari.

QUOMODO TRACTANDA SINT EXEMPLA.

Porro non variantur modo, verumetiam augentur & crescunt tractatione. Cujus rationes aliquot indicabimus. Primum augentur commendatione. Ea plerumque sumitur vel a rei, vel ab auctoris laude, vel gentis, unde ducitur exemplum. Veluti si quis Lacedæmonicum factum, aut dictum adhibeat, præfari poterit: Eam gentem sapientia, & rei militaris ac civilis disciplina cæteris longe antecelluisse, & exemplis pulcherrimis semper abundasse. Si quis e Plutarcho citabit exemplum, præfetur licebit eum auctorem unum omnium esse gravissimum, quippe qui summam Philosophiæ scientiam cum Historicorum eloquentia con-

¹ *Commentarius* est quidem adjectivum post quod subauditur liber, ut post *Commentarium* volumen. Sed *librum* hic vocat *Erasmus* opus accuratum, in quo late de omnibus Artibus partibus agatur; quod nescio an sit usitatum apud bonos Scriptores. At certum est *Commentarium* dici, quod scribitur memorie tantum causa, & in quo summa dumtaxat rerum capi ta breviter adnotantur. Vide *Robertum Stephenum* in The-
sauro.

A junxerit, ut in eo non solum historiæ fidem, verum etiam auctoritatem, & judicium sanctissimi doctissimique Philosophi spectare oporteat. Item si quis M. Attilii Reguli ad hostem redeuntis exemplum velit adducere; poterit ad hunc præloqui modum: Inter tam multa Romanæ virtutis insignia decora, nullum unquam facinus pulchrius extitit, aut etiam laudatius quam M. Attilii. Hujusmodi commendatiunculas licebit affingere, vel longiores, vel breviores, utcunque locus postulabit. Affingendæ sunt autem, quæ maxime sint ad id quod agitur, appositæ. Veluti si in exemplo desiderabitur fides, auctor a gravitate, fideque commendetur. Si pium videri voles quod adfers, sumatur a pietate commendatio. Atque item de cæteris.

SECUNDVS MODVS LOCUPLETANDI EXEMPLA.

B Locupletantur item exempla, si fusius aut latius explicentur cum exaggerationibus atque amplificationibus. Nam qui brevitati studebit huic satis erit exemplum ceu notum, verbo significasse. Id quod facit M. Tullius pro Milone: *Neque enim possit ille Hala Servilius, aut P. Nasica, aut L. Opimius, aut me consule senatus non nefarius haberi, si sceleratos interfici nefas esset.* At qui copiam affectabit, is, id quod gestum sit, locupletius narrabit. Ita ut fecit in eadem oratione Cicero. Pudicitiam cum eriperet militi tribunus militaris in exercitu C. Marii, propinquus ejus Imperatoris, ab eo interfectus est, cui vim adferebat. Et addidit epiphonema: *facere enim probus adolescens periculose quam turpiter perpetravit.* Atque hunc ille summus vir scelere solum periculo liberavit. Quanquam in his quæ ad ostentationem parata sunt, licebit diutius exemplis locupletandis immorari, præcipue si res sit hujusmodi, ut aliqua voluptatis illecebra retineat auditorem. Quod genus fuerit, si quis persuadere studeat ad prudentiam comparandam multum conducere peregrinationes, multarum ferum inspectionem, in Solonis laude aliquamdiu commoratus, & quam civitatem reliquerit, & quam ob causam, & quæ maria transivisset, & quas barbaras nationes, quo capitis periculo adierit, & quibus eum sit congressus, & quid mirandum conspexerit, & quantum temporis abfuerit, & quanto illustrior simul ac sapientior in patriam redierit, fusius poterit enarrare. Cujusmodi ferme sunt exempla de Pythagoræ, atque Apollonii peregrinatione, apud divum Hieronymum in præfatione, quam universæ scripturæ divinæ præponunt. Sed hujusmodi rationis commodissimum exemplum est apud M. Tullium statim in principio secundi, de inventione libri, de Zeuxide, qui Helenam picturus, virgines aliquot eximie formæ poposcit, ut ex singulis quod esset optimum eligens, absolutum formæ simulacrum ederet.

DE EXEMPLO FABVLOSO.

Atque eadem dilatandi contrahendique ratio locum habet in fabulosis quoque exemplis. Nam & fusius & contractius exponi poterunt, si res ac decorum patietur. E Verum in his quæ omnino fide carent, nisi jocabimur, præfari conveniet a viris prisca ac sapientissimis, ista non sine causa fuisse conficta, neque temere tot jam seculis magno mortalium consensu fuisse celebrata: deinde quid sibi voluerint, interpretabimur. Veluti si quis persuadere velit, non esse sectandum id, a quo natura quis abhorreat, dicet hoc veteres illos, ac sapientes scriptores, & perpexisse prudenter, & aptissimo figmento significasse, prodita gigantum fabula, quorum temerarii conatus infelicitate cessarint. Aut si quis proponat hominem avarum, tam non habere quod habet, quam id quod non habet, præfatus, adhibebit Tantalii fabulam. Si proponat viri sapientis esse munus, ut animi motus ratione judicioque coerceat, allegabit, quod est apud Homerum primo libro Iliad. de Achille, jam manum admoveante capulo, & Pallade a tergo revocante. Item si quis proponat, veram virtutis laudem non parari, nisi qui sit multis jactatus casibus, variisque exercitus periculis, cum hujusmodi quam diximus præfatione, Ulysses adducet Homericum. Quanquam autem non ubique perinde obvia est allegoriæ ratio, tamen illud extra controversiam est apud antiquitatis peritos, in omnibus veterum Poetarum figmentis subesse allegoriam: vel historicam, vel in pugna Herculis cum Acheloo bicorni: vel Theologicam, ut in

Tom. I F 3 Pro-

² Vide *Quintilianum* Declamationem III. cui titulus est, *Miles Mar-
rianus.*

91

Proteo se vertente in omnes formas, aut Pallade e Jovis cerebro nata: vel physicam, ut in fabula Phaethontis: vel moralem, velut in his quos Circe poculo & virga sua verterat in bruta animalia: nonnunquam unum atque alterum allegoriae genus permixtum. In quibusdam haud magni negotii est allegoriae sensum deprehendere. Quis enim non intelligit, nam de his quae ad mores attinent, magis libet exempla ponere, Icarum in mare delapsi figmentum admonere, ne quis altius efferatur, quam pro sorte sua? Sic nimirum fabula Phaethontis monet, ne quis munus administrandum suscipiat majus quam pro viribus. Sic Salmones in tartara datus praecipit, docet non esse amulandum quod longe supra fortunam nostram habeatur. Sic Marsias excoriat docet non esse certandum cum potentioribus. Quid autem aliud sibi vult Danaus auro deceptae fabula? nisi quod & Flaccus interpretatur, nihil tam esse munitum quod non expugnetur pecunia, nihil tam incorruptum, quod non muneribus vitietur. Quid Hercules labores, nisi sudoribus ac juvandis aliis famam immortalem parari? Quid Midiae votum, nisi avaros & insatiabiles suis ipsorum opibus praefocari? Quid iudicium, nisi dotibus ingenii cum pecuniae studio nequaquam convenire? Quid Bacchus a fulmine flagrans, in Nympharum aquas injectus, nisi vini ardorem, sobrio elemento restinguendum esse? Quod Graeco etiam epigrammate testatum est. Quid innuit Circes fabula, veneficiis homines vertentis in feras? nisi eos qui nequaquam ratione ducuntur, id quod hominis est proprium, sed totos sese dederunt turpibus affectibus, jam praeter hominis vocabulum nihil hominis habere, sed ad pecudum degenerasse naturam, puta libidine in urfos, somnolentia ignaviaque in fures, ferocia in leones, atque item de consimilibus. Quid Ulysses, qui solus poculo epoto, virgaque monstifica percussus, non est mutatus, nisi firmum illum & constantem sapientis habitum, qui nec frangi terroribus, nec ullis affectuum illectamentis ab honesto potest abduci? Quid Lotus semel gustata, jam non sinens abire socios, nisi dulce blandumque turpium voluptatum venenum, a quo non admodum difficile sit abstinere, relinquere, posteaquam gustaris, difficillimum? Quid Sirenum cantus, nisi assentationem, ut rem omnium blandissimam, ita & pestilentissimam? Quid Scylla & Charybdis angustio inter sese discrimine distantes, nisi virtutis viam angustam esse, hinc atque hinc finitimis instantibus vitiis, puta inter luxum & sordes frugalitatem? Inter quae sic est moderanda vitae ratio, ut quoniam medium in omnibus exacte tenere difficillimum est, eo potius vergas, ubi minus sit periculi, quemadmodum fecit Ulysses. Quid moly radice nigra, sed flore lacteo herba, mortalibus inventu difficillima, nisi sapientiam, ad quam primus arduus aditus est ac sudoris plenus, fructus suavissimi? Quid item ramus ille aureus apud Maronem, nisi sapientiam in abdito sepositam, paucis deprehensam? Sed ne longiores simus, hujus generis interpretationum quantamlibet vim suppediet Eustathius enarrator Homeri. Nos quondam adolescentes huiusce de rebus nonnihil attigimus in libris quos inscripsimus ἀντιβαρβάρους.

Porro in hoc genere molliora sunt ea, quae a Poetis in hoc ipsum ficta constat. Velut quae ad imitationem humanae vitae diis affingunt. Quod genus, cum Martem a Vulcano vinculis irretitum facit Homerus. Cum Jupiter ἀγκυλομήτης emissio somnio, spem injicit capiendae Trojae, cum longe aliud ageret. Nam haec Regum ars est, quosdam rumores data opera in vulgus spargere, cum multo aliud apud se destinarint. Atque his etiam molliora, quae sic a Poetis celebrata sunt, ut ad historiam, non ad fabulas possint referri. Qualis est Orestes parricida, cumque hoc Pyladis amicitia. Sunt enim qui rem gestam affirmant. Qualis Alcestis mariti mortem sua redimens, cuius etiam meminit Valerius Maximus. Item Codri ac Menœcei mors, Q. Curtii, Decio- rumque factis annueratur. Et inter amicorum paria The- seus & Pirithous, Castor & Pollux referuntur. Qualis item Arion a Delphino reductus in patriam. Nam divus Augu- stinus historiam autumat. Certe apud Virgilium, ac præ- cipue Lucanum, non dubium quin pleraque ad historiam pertineant. Quanquam & Herodoti pleraque fide carent.

¹ Fidem merito derogas fabulae de Arione, quam modo memorabat noster, & quam Herodotus Lib. 1. narravit, aliisque huiusmodi figmen- tis; at pleraque omnia, quae habet Herodotus, tam vera videntur, quam ceteræ historiæ. Vide Apologias virorum doctorem pro Herodoto.

A Et Xenophon Cyropædiam magis ad exemplum instituen- dae vitae, quam ad fidem historiae scripsit. Quae si pro veris accipiantur, fide valent. Sin pro fictis, cum sint a sapien- tissimis ac probatissimis auctoribus prodita, hoc ipso valent, quod ab iis conficta sint, quorum auctoritas præcepti vigo- rem obtinet. Contra sunt apud Poetas exempla certae atque historicae fidei, de Scipione, de Annibale, de Augusto, de Pompejo, de Julio. Sunt rursus alia, quae nullus inficias eat esse conficta. Sed quoniam constat in hunc ipsum usum esse conficta, & a magnis conficta auctoribus, nimirum exem- pli pondus habent. Quo de genere sunt invidia Dea, fama, Ate, Litæ, de quibus supra mentio facta est. Præterea per- sonae quae in Dramaticis, aut mixtis poematis inducuntur, praesertim Comœdiis cum quibus dialogi multum habent affinitatis. Etenim si quis suadeat cavendum esse parenti- bus, ne si quid peccent, testibus liberis peccent, nonne exem- pli vim habebit Clitipho in sene seipsum excruciente, loquens ad hunc modum: *Perii, is mihi ubi adhibet plus pau- lo, sua quae narrat facinora*. Nunc ait, *periculum ex aliis facito, tibi quod ex usu fiet*. astutus. *Ne ille haud scit quam mihi nunc surdo narret fabulam*. Aut si quis suadeat juxta sapientis res- ponsum, æqualem esse ducendam uxorem, alioqui non uxorem duci, sed heram, si pauper divitem adjunxeris, non- ne exempli instar habebitur Chremes in Phormione Naufi- stratam perinde ut dominam timens? Item si quis suadeat neque firmam fatis, neque tutam pauperi cum opulentis esse amicitiam, nonne pro exemplo valebit Euclio in Aulularia Plautina, loquens ad hunc modum, pauper Megadori divi- tis deprecans affinitatem: *Veni hoc mihi in mentem, &c.* nam locus notissimus est. Rursum ubi differas, improbe facere parentes, qui sæviunt in liberos delinquentes, cum ipsi senes peccent graviora, nonne recte citabitur modo dicta Naufi- strata, loquens hoc pacto: *Ad eo indignum tibi videtur, filius homo adolescens si habet unam amicam, tu uxores duas? Nihil pudet? Quo ore illum objurgabis? Responde mihi*. Sed næ ego ineptus unum aut alterum exemplum profero, cum tota Comœdia nihil aliud sit, quam humanae vitae simulacrum. Poterant item e Tragœdiis, Eclogis, Dialogis similes formas proferre. Sed in commentario abunde satis arbitror viam ingeniosis indicasse. Equidem existimo exempla non solum de his quae diximus, verumetiam a mutis animantibus, at- que etiam inanimis recte sumi. Quanquam videntur ad ἁπορίων magis pertinere, veluti si quis proposita descriptaque fornicarum industria, ad rem labore parandam adhortetur. Aut si quis exposita apum politia, homines ad legum ac di- sciplinae civilis observationem exstimulet. Aut si qui ab im- pietate in parentes revocet, proferat ciconiae pullos, qui pa- rentes aetate defectos vicissim alere ac gestare dicuntur. Aut si adhortans ad pietatem erga liberos, adducat asinam per medios ignes succurrentem pullis suis. Aut si quis deteste- tur ingratitude, adducto exemplo leonis, cuius ex Apio- ne meminit Gellius, & draconis, qui nutrimentum a latronibus obsequium eripuit, auctore Plinio. Aut si reprehendens hominem ab amicitia alienum, qui nec amet ullum, nec a quo- quam ametur, Delphini proferas exemplum, puerum ada- mantis, aut Aquilae virginis amore flagrantis, aut Magnetis ferrum ad se trahentis. Sed hisce de rebus plura fortassis, ubi de parabola disputabimus. Nunc ad institutum.

TERTIVS MODVS LOCVPLETANDI EXEMPLA.

Dilatantur exempla utriusque generis, hoc est, tam fa- bulosa, quam historica, præter jam dictos modos etiam pa- rabola, quam eandem ὁμοίωσιν vocant: Cicero *collationem* vertit. Tum comparatione, sive contentione. Parabola est, cum accommoda similitudo, quod adductum est exemplum ostendit aut simile esse, aut dissimile, aut contrarium. Si- mile, ut: Non aliter quam Camillus rem Romanam a Gal- lis oppressam, & in extremam perniciem adductam, sua virtute depulsis barbaris restituit; Ita Laurentius² Latinas literas inficitia fere barbarorum depravatas, obrutas, ex- stinctas, in pristinum nitorem velut ab inferis revocavit. Dissimile, ut non par gratia debetur Laurentio & Camil- lo, propterea quod hic pietate adductus capitis sui periculo patriam a barbaris liberavit. Ille famae cupiditate commo- tus, vel potius quam plurimos taxandi libidine, linguam Latinam non oppressam restituit, sed ad certas quasi leges rede-

² Laurentius, nempe *Valla*, quem defendit Erasmus integra Epi- stola data Basileæ anno 1490.

redegit, quæ felicius ex eloquentium auctorum lectione discatur. Contrarium. Marcellus ornamenta Syracusanis hostibus restituit. Verres eadem fociis abstulit. Pugnant enim restitueret, cum auferendo, hostes cum fociis. Item Brutus occidit liberos, prodicionem molientes; Manlius virtutem filii morte multavit. Et apud Virgilium. *At non ille, satum quo tementiris, Achilles, Talis in hoste fuit.* Porro comparatio demonstrat id quod adductum sit, aut par esse aut minus aut majus. Mirus, ut si propter matrimonia violata urbes everse sunt, quid fieri adultero par est? Item: *Majores nostri saepe pro mercatoribus ac naviculariis injuriis trahatis, bella gesserunt: vos tot civium Romanorum millibus ante nuncio, atque uno tempore necatis, quo tandem animo esse debetis? Legati quod erant appellati superbius, Corinthum patres vestri totius Græciæ lumen extinctam esse voluerunt: vos cum regem tuum esse patiimini, qui legatum populi Romani consularem, vinculis ac verberibus, atque omni supplicio excruciatum necavit?* Par, ut apud eandem Ciceronem: *Etenim mihi ipsi accidit, ut cum duobus patriciis, altero improbiſſimo, altero modestissimo atque optimo viro peterem. Superavi tamen dignitate Cæcilianam, gratia Galbam. Majus, ut pro Milone: Negant intueri lucem esse fas ei, qui a se hominem occisum esse fateatur. In qua urbe tandem hoc homines stultissimi disputant? Nempe ea, quæ primum judicium vidit de capite M. Horatii fortissimi viri, qui nondum libera civitate, tamen populi Romani comitiis liberatus est, cum sua matris sororem interfectam esse faceret. Ergo in eo quod proprie vocatur exemplum (est autem rei gestæ, aut perinde ut gestæ, utilis ad persuadendum commemoratio) aut brevissime significatur: Quod genus est illud divi Hieronymi: *Memeto Daretis & Entelli.* Aut latius per collationem accommodatur per simile, dissimile, contrarium, par, majus & minus. Atque ea collatio sumitur ab omnibus rerum ac personarum circumstantiis. Adjuvatur autem & orationis artificio, cum verbis ac figuris ad id accommodis, alia consulto elevantur, alia attolluntur. Porro qui copiosissime volet exemplum tractare, is singulas similitudinis aut dissimilitudinis partes explicabit, atque inter sese comparabit. Quemadmodum facit M. Tullius in exemplo, quod superius retulimus, de legato occiso. Subjicit enim partium collationem. *Illi libertatem civium Romanorum imminutam non tulerunt, vos vitam ereptam negligetis? Ius legationis verbo violatum, illi persecuti sunt: vos legatum omni supplicio interfectum reliqueris? Videte, ne ut illis pulcherrimum fuit, tantam vobis imperii gloriam relinquere: sic vobis turpissimum sit, id quod accepistis, tueri & conservare non posse.* Quod tamen quantumlibet copiose licebit facere, si quis plures circumstantias inter se componat. Veluti si quis hortetur aliquem, ut filii mortem moderate ferat, & ex ethnicorum exemplis mulierem aliquam obijciat, quæ plurimum liberorum mortem fortiter tulerit, post enarratam rem ita comparabit: *Quod mulier imbecilla potuit, tu vir barbatus non feres? Illa cum sexu vicit & affectum matris, tu ab altero superaberis? Illa complurium liberorum jacturam animo infracto pertulit, tu unum extinctum inconsolabiliter defles? Adde quod illius filii simul omnes naufragio perierunt, morte videlicet ingloria, tuus in bello fortiter pugnavit occubuit. Illa non habebat cui filios honeste imputaret, tu filium impendisti patriæ. Illi vere totique perierunt, tuus immortalis gloria semper victurus est. Illa naturæ gratias agebat, quod aliquando tot liberorum mater fuisset, tu tantum meministi te optimum perdidisse filium. Illa non habebat faciendæ orbitatis spem, quippe major quam ut uterum jam ferre posset, tibi & uxor fecunda, & ætas etiam num integra valensque. Ergo quod barbara muliercula præstitit, tu vir Romanus non præstabis? Quod contemnere potuit literarum imperita, hoc te tot prædium literis, tantum philosophiæ profectorem frangit? Denique quam animi fortitudinem præstitit pagana, hanc homo Christianus non exhibebis? Illa credens post rogum nihil superesse, tamen luctum indecorum existimavit: ut doctus eos demum vere vivere, qui cum laude exceſſerint ex hac vita, sine fine clamas tibi periſſe filium. Et quod illa æquo animo reddidit naturæ, tu Deo repetenti non reddis? Illa fortiter paruit necessitati, tu Deo repugnas? Ex hac forma satis opinor apparet, quibus modis oporteat exempla conferre, quanquam in veris causis, quoniam major est circumſtantiarum copia, facilius est invenire varias contentiones.**

1 Ex Oratione pro Lege Manilia.

A Illud obiter admonendum, in hujusmodi contentionibus sententias & epiphonemata non inconcinne posse admisceri. Velut in hoc eodem exemplo, post primam collationem: *Quod mulier imbecilla potuit, tu vir barbatus non poteris?* subjici poterant sententiæ. Natura discrevit sexum, tu non discernis animum. A muliere nemo fortitudinis laudem expectat. Vir nisi forti sit animo, nec viri nomine censetur. Virutrumque significat, & sexum robustiorem, & animum infractum. Turpiter barbam gestat, qui pectoris robore superatur a femina. Item post illam contentionem: *Illam non habebat cui filium imputaret honeste, tu filium impendisti patriæ.* Poterant affingi sententiæ ferme hujusmodi: *Magnum doloris solatium est, habere cui honeste possis imputare fortunam.* Ut nulli justius, ita nec gloriosius impenditur filius, quam patriæ. Rursum post illam: *Illi vere totique perierunt, tuus immortalis gloria semper victurus est.* Adjici poterant hujusmodi. Longe felicius honesta fama, quam hoc communi spiritu vivitur. Corporis vita & calamitosa est, & omnino ut nihil accadat, brevis, denique cum pecudibus communis. Illa clara sempiternaque, homines in divorum consortium referens. Ad eundem modum singulis collationum partibus sententiæ subjici poterant. Sed hæc obiter indicasse sat fuerit. Nam de sententiis suo loco dicemus.

DE PARABOLA.

Jam vero si quis superstitiosius parabolam ab exemplo separet, ut exemplum sit certæ rei gestæ, Parabola, similitudo sumpta ab his quæ fiunt, aut quæ natura, casuve rebus adjuncta sunt: ut Atilius ad hostes reversus, exemplum sit servandæ religionis ac fidei: at navis pro ventorum ratione velum tollens, aut contrahens, in hoc aut illud latus transferens, parabola sit, quæ doceat sapientem temporis cedere oportere, ac rebus præsentibus sese accommodare: tamen eadem est dilatandæ parabolæ ratio, quam in exemplo demonstravimus. Nam aliquando verbo notatur. Ut, non intelligis tibi vertenda vela. Aut, desine lavare late-rem. Ut jam vel allegoria sit, vel metaphora. Aliquando latius explicatur, & apertius accommodatur. Quod facit Cicero pro Murena: *Quod si e portu solvenibus, qui jam in portum ex alto invehuntur, prædicere summo studio solem tempestatum rationem, & prædonum & locorum: quod natura fert, ut his favemus, qui eadem pericula, quibus nos perfuncti sumus, ingrediantur: quo me tandem animo esse oportet, prope jam ex magna jactatione terram videntem, in hunc cui video maximas tempestates esse subeundas? Rursum in eadem oratione: *ut ajunt, in Græcis artificibus, eos aulædos esse, qui citharædi fieri non potuerint: sic nonnullos videmus, qui oratores evadere non potuerunt, eos ad juris studium devenire.* Superiorem Ciceronis parabolam sic imitatus divus Hieronymus in epistola quadam ad Heliodorum. *Et ego non integritate vel mercibus, nec quasi ignarus fluctuum & indoctus nauta præmonco: sed quasi nuper naufragio ejectus in litus timida navigaturis voce denuncio: In illo astu Charybdæ luxuria salutem voras. Ibi ore virgineo ad pudicitiam perpetranda naufragia Scyllæ renidens libido blanditur. Hic barbarum litus. Hic Diabolus spirata cum sociis portat vincula capiendis. Nolite credere, nolite esse securi: licet in modum stagni fissum aquor arideat, licet vix summa jacentis elementi spiritus terga crispentur, magnos hic campus montes habet. Intus est periculum, intus est hostis. Expedite rudentes, vela suspendite. Crux quævis figuratur in frontibus. Tranquillitas illa tempestas est. Hic si quis singula pericula, quæ a vitis aut improbis, aut aliunde bonis moribus imminet, velit conferre cum singulis, quæ nautis vitæ discrimen adducere solent: deinde per comparisonem majus aut minus, item dissimile aut contrarium ostendere: postremo sententiis & epiphonematis, ut inciderint exornare: nimirum copiosissime dilatabit orationem. Velut in hoc exemplo: Ut, quo preciosior est res, hoc & diligentius solet aservari, & impendii circumſpectius; Ita temporis, quo nihil est preciosius, summa habenda est ratio, ne quid effluat sine fructu. Etenim si curatores dari solent his, qui gemmas & aurum temere profundunt: quæ tandem erit infania, aut inhoneſtissimum turpiter consumere? Quid enim perdis, cum tempus perdis, nisi vitam? At vita quid esse potest carius? Et cum una gemmula periit, jacturam vocas. Cum totus periit dies, hoc est, bona vite portio, jacturam non vocas? Præsertim cum illa perdita, aliunde possint recuperari, temporis irrepara-**

parabilis sit iactura. Præterea illa cum tibi pereunt, aliis plerumque lucro sunt. At temporis dispendium in nullius transit compendium. Nullum est damnum, ex quo non aliquis emolumentum aliquod sentiat, præter damnum temporis. Adde his, quod illarum opum iactura sæpe saluti fuit. Nam divitiæ plerumque vitiorum materiam ministrant, ita ut præstet temere profudisse, quam attente adservasse. Quanto cuiusque rei usus honestior, tanto turpior profusio. At nihil pulchrius, nihil præclarius, quam bonas horas bene collocare. Illa ut quam maxime serves, sæpenumero tamen vel casus eripit, vel homo tollit, ut iactura te calamitosum duntaxat, non etiam turpem reddat. At temporis amissio, quoniam non nisi nostro vitio contingit, non miseros solum, verum & infames reddit. Pessimum infamiæ genus quoties culpa in nullum conferri potest, præterquam in eum qui patitur malum. Illis fundos aut aedes mercari poteras, bonam mentem non poteras. Hoc præter alia animi ornamenta, parare poteras immortalitatem. Nulla est tam brevis vitæ portio, in qua non magnus aliquis ad felicitatem gradus fieri poterat. Postremo de illis male insumptis, patri fortassis rationem redditurus eras: de horis male transactis, Deo. Sed satis est indicasse, in quantam amplitudinem dilatari possit collatio, si quis ad eum modum singulas circumstantias velit componere atque ornare.

De dissimili eadem est tractandi ratio, cuius hoc sit exemplum. Neque enim ut navis utilior nova, quam vetus, sic & amicitia. Nec ut laudanda, quæ pecuniam pluribus largitur, ita & quæ formam. Neque enim ut in cursu melior est, qui lampadem accipit, quam is qui tradit, ita in bello melior est Imperator qui exercitum accipit, quam qui tradit. Porro quemadmodum ab omni genere rerum collationes duci possint, superiore commentario demonstratum est.

DE IMAGINE.

¹Εἰκὼν, quam Latini vocant imaginem, collationi videtur affinis, quam si explices, sit collatio. Velut si dicas, ut asinus fuisse non depellitur a pabulo, nisi satur: ita bellator non conquiescit a cæde, donec expleverit animum suum: Collatio est. Sin dixeris aliquem more draconis aut leonis in hostes insilisse, εἰκὼν est; Aut Achillem ignis aut solis instar armis relucens venisse in prælium, imago est potius quam similitudo. In utroque ut creberrimus ita felicissimus est Homerus. Tametsi εἰκὼν magis ad evidentiam, aut gravitatem, aut jucunditatem orationis facit, quam ad probationem. Cæterum quanquam exemplorum & similium usus ad eadem ista confert, tamen ad faciendam fidem non vulgariter adjuvant, præsertim cum per inductionem, quam Græci vocant ἐπαγωγὴν adhibentur. Quo in genere plurimus est Socrates Platonicus. Exemplum per inductionem adhibebitur hoc modo: Dic mihi quem tandem fructum attulit Demostheni insignis eloquentia? Nempe præter alia incommoda, infelicissimum & miserandum exitum. Quid autem præmii Tiberio & C. Gracchis attulit? Nimirum cædem & miseram, nec satis honestam. Quid porro illi tantopere laudato Antonio? Certe & hic latronum fidei crudelissime confossus est. Age Ciceroni eloquentiæ parenti, quam mercedem attulit? Nonne mortem & acerbam, & miserandam? Inunc & tot vigiliis ad summam eloquentiæ laudem enitere, quæ præstantissimis quibusque viris semper exitio fuit. Simile adhibetur per inductionem hoc modo. De navigando num melius disputabit nauta, quam medicus, an non medicus rectius de medendi ratione differet, quam pictor? Num pictor de colorum & umbrarum, ac linearum ratione melius dicet, quam futor? Num auriga de ratione moderandi currum melius, quam nauta? Ea si plurima conferantur, faciunt ut omnino probabile videatur, unumquemque melius de ea re dicturum esse quam melius norit. Deinde ad rem accommodatur similitudo. At quid Orator, qui de omni re proficitur se optime dicturum? Notum est exemplum ¹ de Aspasia, & Æschine.

DE CONTENTIONE DEMONSTRATIVA.

Est & generalis quædam contentio, præsertim in genere demonstrativo, quoties laudandi, vituperandive gratia personam cum persona conferimus. Veluti si quis Julium Pontificem Romanum laudaturus, eum cum C. Julio Cæsare

A componat, atque illius benefacta cum hujus comparet. Aut contra vituperaturus malefacta cum malefactis conferat. Item, si quis Maximilianum laudaturus, eum componat cum M. Antonino Imperatore. Est & rerum comparatio, quod genus est, si quis historiam laudans, ejus utilitates comparet cum eorum benefactis qui re bellica Rempublicam auxerunt. Aut Poeticam laudare cupiens, hujus commoda cum Philosophiæ commodis committat atque expendat. Est & unius ad multa comparatio. Ut si quis historiæ laudes exaggerare cupiens, eam cum laudatissimis quibusque disciplinis comparet. Atque in his duplex ratio. Aut enim alterius partis bona elevas, alterius amplificas. Aut alterius partis sic exaggeras laudes, ut præferas tamen, aut certe æques, quod laudandum suscepis. In vituperando attollis vitia, sed sic ut scelestiorem tamen, aut æque scelestum ostendas quem insectaris. In his illud observandum, ut quæ adhibentur ad comparisonem, sint tum confessa, tum insignia. Ut, si bonum Principem conferas cum Trajano aut Antonino Philosopho; Contra malum cum Nerone aut Caligula. Rursus si hominem maledicum conferas cum Zoilo & Hyperbolo, aut hominem obrectatorem cum Diptade aut Regulo, hominem voluptatibus effœminatum cum Sardanapalo. Crescet autem comparationis copia, si, quemadmodum modo attigi, ad unius hominis aut rei laudem seu vituperationem, personæ complures, aut res adhibeantur. Veluti si quis Principem laudaturus e multis excerptat, quod in quoque maxime excelluit, e Julio Cæsare felicitatem animique præsentiam, ex Alexandro magnanimitatem, ex Augusto urbanitatem, ex Tito Seniore civilitatem, ex Trajano sanctimoniam & clementiam, ex Antonino gloriæ contemptum, atque item de cæteris. Similiter & in vituperando. Præterea si iracundiam detestans conferas eam cum enormi temulentia, cum phrenesi, cum morbo comitiali, aut demoniaco. Aut si linguæ virulentiam damnans, componas eam cum halitu hominis pestilentia laborantis, cum afflatu serpentum, quibus est venenum præsentissimum, cum exhalatione quorundam lacuum aut specuum subitam mortem adferente.

DE JUDICIIS.

Ad exemplorum genus, ut diximus, referuntur & judicia, quæ Græci κρίσεις appellant. Eæ sunt sententiæ scriptorum illustrium, gentium, virorum sapientum, aut clarorum civium. Ex antiquis ac celebratis Poetis magna vis judiciorum colligitur. Item ex Historiographis, ex Philosophis, ex arcanis literis. Nam his rursum eadem varietas, quæ in exemplis ostensa est. Sunt & apud Græcos, qui in his undecunque colligendis laborarunt, quorum de numero Stobæus ² quidam. Idem valent sapientum apophthegmata. Cujusmodi sunt illa celeberrimorum virorum dicta, & quæ referuntur a Plutarcho. Et hoc varium genus est. Etenim si spectemus rem, sunt militaria, sunt philosophica. Si personas, sunt regum, sunt sapientum, sunt popularium. Si qualitatem, sunt graviter dicta, sunt facete dicta, sunt acute dicta. Huc pertinent & proverbia, vel ab auctoribus sumpta, vel vulgo jactata. Nam publica gentium instituta non video quid ab exemplis differant. Certe oracula & responsa numinum, judiciis subjiciuntur. Veluti si Socratem probes sapientem, quod ita Apollinis oraculo sit judicatum.

DE SENTENTIIS.

Est sententiarum genus, non illud quidem petatum ab auctoribus, sed a nobis ad presentis rei commoditatem confictum. Eas licebit omnibus orationis partibus admiscere. Atque adeo unus locus complures sæpenumero sententias parit. Incidunt enim & in enarrando, & in movendis affectibus, non solum in probationibus. Quinetiam sæpenumero transitiones per sententias fiunt. Quæ si in loco adhibeantur, haud mediocrem orationi copiam adjungunt, neque id sine gravitate aut gratia. Sunt autem sententiarum variae formæ. Siquidem aliæ sunt καθολικαί, ut invidentia ipsa sui supplicium est. Aliæ non placent nisi ad rem relatæ. Ut nihil tam populare quam bonitas est. Aliæ quæ ad personam referantur. Ut Princeps qui vult omnia scire, necesse habet multa cognoscere. Rursum alia simplex. Ut omnia vincit amor. Alia rationem habet subjectam aut admixtam, ut in omni

¹ Legendum ex Æschine, nam exemplum inductionis, ex sermone quodam Aspasiæ, exstabat apud Æschinæ. Vide Ciceronem de Inventionibus Lib. I. c. 31.

² Intelligit Titum Domitianum, quem cur Seniores vocet nescio; neque enim fuit Titus ullus, qui Junior dicitur.

³ Cujus Eclogas Physicas & Anthologiam habemus dicitur quidam, quia, quis fuerit, ignoratur.

omni certamine qui opulentior est, etiam si accipit injuriam, tamen quia plus potest, facere videtur. Quædam duplices sunt ex partibus contrariis, nulla tamen addita ratione. Ut, *obsequium amicos, veritas odium parit*. Quædam ex diversis; Mors misera non est, aditus ad mortem miser est. Huic generi si ad utramque partem ratio subjiciatur, quadripartita fuerit sententia, ad hunc modum: *Qui adolescentium peccatis ignosci oportere putant, falluntur*. Hæc prima sententiæ pars. Ei subnectitur ratio, *propterea quod ætas est impedimento bonis studiis*. Deinde tertia pars erit: *At hi sapienter cogitant, qui adolescentes maxime castigant*. Et rursum additur ratio: *Ut quibus virtutibus omnem vitam tueri possint, eas in ætate maturissima velint comparare*. Id exemplum etiam si est in Rhetorica ad Herennium scripta, tamen mihi sane non admodum arridet. At non est arduum aliud hujusmodi fingere. Juventutem decet industria. Adjicitur ratio: Nam turpe sit eas dotes, quas natura ad bonas artes comparandas illis annis attribuit, in ocio, fœdisque voluptatibus consumere. At senectutem opulentia decet. Huic quoque subjicitur ratio, quo videlicet ætas naturæ præfidiis destituitur, exterarum rerum adminiculis utcumque fulciatur. Item aliud: Senectus inops, calamitosa, indocta, turpis. Nam & miserum est tum egere, cum imbecillitas naturæ pecuniæ subsidia præcipue requirit; Et turpe, tum res optimas nefcire, cum nec discere decorum est, & docere pulcherrimum. Rursum est sententia recta. Ut, *tam deest avaro, quod habet, quam quod non habet*. Est figurata. Ut, *servare potui, perdere an possim rogas?* simplex erat, facilius est perdere, quam servare. Est communis rerum. Ut nocere facile est, prodesse difficilius. Est ad personas accommodata, ut jam minus appareat sententia, ut est illud M. Ciceronis. *Nihil habet Cæsar, nec fortuna tua majus, quam ut possis, nec natura melius, quam ut velis servare*. Est illud etiam taciturnum, & quasi dissimulatum sententiæ genus apud Maronem: *Ex æco carpitur igni*. Explicuit enim Ovidius. *Tectus magis æstuat ignis*. Item in narrando, Pars major vicit meliorem. Explicabis si dixeris, *fere sit, ut pars major vincat meliorem*. Jam aliud sententiæ genus, quod *ἐπιφώνημα* Græci, Fabius acclamationem appellat. Ea est rei narratæ vel probatæ summa acclamatio. Narratæ, ut apud Virgilium, *Tanta molis erat Romanam condere gentem*. Probatæ, apud M. Tullium pro Ligario. *Quorum igitur impunitas Cæsar tua clementia laus est, eorum te ipsorum ad crudelitatem acuit oratio?* Neque tamen quodvis epiphonema continuo sententia est, etiam si plerumque est, verum quicquid in clausula argute additum ferit aurem, *ἐπιφώνημα* dici potest. Quod genus proprium est epigrammatis, ut in epigrammate de ove lupi catulum uberibus alente. *Natura haud unquam vertitur officiis*. Unde apud Martialem sæpenumero carmen epiphonemate clauditur. Ut: *Aut vigila, aut dormi Nasidienæ tibi*. Item: *Vis dicam quid sis, magnus es ardelio*. Utitur & Valerius Maximus frequenter hoc genere. Item Seneca suas epistolas fere claudit epiphonemate. Neque defuerunt quibus epiphonematum usus adeo impense placuit, ut omni loco, omni sensui clausulam acclamationem subjiciendam existimarent. Sed ut sententiarum omnium, ita & acclamationum debet esse modus, ut ibi demum adhibeas, ubi locus postulat, aut certe patitur. Est Noema sententiæ genus quod non dicitur, sed intelligitur. Quod genus est illud dictum in quendam agentem cum fore talionis, quod sibi dormienti pollicem resciderat, cum illa fratrem sæpius a ludo gladiatorio redemisset: *Eras dignus ut haberes integram manum*: nam intelligitur, ut rursum in ludo depugnares. Simile est illud Hortensii, ni fallor, qui negabat se unquam cum matre aut sorore redisse in gratiam: intelligitur enim nunquam illi cum matre aut sorore incidisse dissidium. Sunt nova sententiarum genera, ex inopinato, & ex alio relatis, & ex alio translatis, ex geminatione, ex contrariis. Quorum exempla si quis desideret, ex Quintiliano petat licebit.

DE EXPOLITIONE.

Cum hoc sententiarum genere, quod superius ostendimus, ex quatuor constare partibus, cognitionem habere videtur expolitio. Sic enim vocant, quoties eodem in loco diutius commoratur, & eandem sententiam aliis atque aliis modis variamus, simul & locupletamus. Commutatione verborum, cum eadem res aliis atque aliis verbis, aliisque figuris, sæpius effertur. Commutatione pronunciationis

A cum alio atque alio vultu, gestu, voce. Commutatione tractationis, cum quod jam sub persona nostra diximus, idem alium, sed paulo aliter dicentem facimus. Vel cum quod sedatius est disputatum, id acrius atque inflammatus efferrimus. Verum copiosissima expolitio septem constat partibus. Propositione, ratione, duplici sententia cui ratio item duplex subjici potest, contrario, simili, exemplo, conclusione. Exemplum erit hujusmodi: *Sapiens nullum pro Republica vitabit periculum; Ideo quod sæpe fit, ut cum pro Republica perire noluerit, necessario cum Republica pereat. Et quoniam sunt omnia commoda a patria accepta, nullum incommodum pro patria grave putandum est*. Hæc est prima pars qua tota res simpliciter exposita est, & rationibus confirmata, cui subditur duplex sententia, aucta totidem, aut pluribus rationibus: *Ergo qui fugiunt id periculum quod pro Republica subeundum est, stulte faciunt*. Hæc est sententia, cui subnectitur ratio: *Nam neque effugere id possunt, & ingrati in civitatem reperiuntur*. Deinde additur altera sententiæ pars e contrario: *At qui patriæ pericula suo periculo propellunt, hi sapientes putandi sunt*. Mox adjiciuntur rationes; cum & cum quem debent honorem Republica reddunt, & pro multis perire malunt, quam cum multis. Jam adjungitur huic contrarium: *Et enim vehementer est iniquum, vitam a natura acceptam per patriam cum servaveris, natura, cum cogat, reddere; patriæ, cum roget, non dare. Et cum possis cum summa virtute & honore pro patria interire, malle per dedecus & ignaviam vivere: pro amicis & parentibus ac cæteris necessariis adire periculum cum velis, pro Republica in qua & hoc, & illud sanctissimum patriæ nomen continetur, nolle in discrimen venire*. Deinde adhibetur simile: *Itaque uti contemnendus est, qui navigando se, quam navim mavult incolumem; Ita vituperandus qui in Republica discrimine, suæ salutis plus quam communi consulit*. Additur collatio similitudinis, a majori: *Nave fracta, multi incolumes fuerunt. Ex naufragio patriæ, salvus nemo potest enatare*. Sub hæc exemplum annectitur. *Quod mihi videtur Decius intellexisse, qui se devovisse dicitur, & pro legionibus se in hostes immisisse medios*. Huic annectuntur sententiæ; unde vitam amisit, non perdidit. *Re enim vilissima maximam redemit. Vitam dedit, accepit patriam. Amisit animam, potius est gloria, quam cum summa laude prodita vetustate, quotidie magis enitescit*. Demum apponitur conclusio tanquam epilogus: *Quod si pro Republica debere accedere ad periculum, & ratione demonstratum est, & exemplo comprobatum, hi sapientes sunt existimandi, qui nullum pro salute patriæ periculum vitant*. Ergo conveniet hujusmodi thematis exerceri pueros, qui ad copiam parandam instituuntur. Quanquam ne hoc quidem exemplum ex Herenniana Rhetorica mihi magnopere probatur, nisi quod utcumque rationem indicat. Potest autem copiosius etiam tractari, si plures sententias & rationes, si plura similia, si exempla plura congeras.

DE APOLOGIS.

E Ad fabulosorum genus proxime accedunt apologi, nisi quod & delectant vehementius, & efficacius persuadent. Delectant, morum faceta quadam imitatione, faciunt fidem, quia verum veluti ponunt ante oculos. Capiuntur his præcipue rustici & imperiti, & si quis alius est, qui mores aurei sæculi sapit. Celebrantur apologi maxime Æsopi nomine, qui unus e sapientum numero ob hoc ipsum est habitus. Etiam si Quintilianus ab Hesiodo 3 scriptas fuisse, certe majoris cujuspiam ingenii opus existimat. Quo minus mirandum, si Menenius Agrippa plebem Romanam a periculosissima seditione revocavit, conficto in id Apologo de corporis humani membris adversus ventrem conspirantibus, ut refert T. Livius. Et Themistocles Atheniensibus persuasit, ne novarent magistratus, fabula de vulpe muscis obsita. F Quin liberum est cuique pro re confingere genus hujusmodi. Verum ut apte confingas, cum ingenio valeas oportet, tum animantium naturas (sunt autem infinitæ varietatis) penitus animadversas habere necesse est. Porro quod ad usum attinet, significantur verbo, quemadmodum exempla, maxime si notus sit apologus. Veluti si dicas. Si tua scripta lacerant ac damnant imperiti, noli laborare, certe doctissimi

Tom. I. G ma

1 Ex Rhetor. ad Herennium Lib. IV. c. 44.

2 Lege, ut est in melioribus editionibus: *acceptam propter patriam conservaveris*.

3 Addendum primum. Vide Institutionum Oratoriarum Lib. V. c. 11. ubi tamen Fabius de fabulis ferme contemtim loquitur; sed perperam, mæo quidem iudicio. Origo fabularum referenda etiam potius esset ad Orientales, ut liquet ex Iudicium Cap. IX. §. 8. & seqq.

99

mo cuique maxime probantur. Quid enim mirum, si gemmam aspernatur gallus Æsopicus? Aut si quis dicat: Nullus hostis quantumlibet impotens humilisque negligendus, aut contemnendus est, posteaquam nec scarabæum impune contempsit aquila Æsopica. Aut hoc pacto: Tuis ipsius benefactis nitere, non majorum splendore, ne tibi usui veniat, quod Æsopi corniculæ. Dilatantur autem præfatione commendationis. Commendamus tum auctorem ipsum, tum Apologorum genus. Ita ut facit Aulus Gellius in explicanda Castitæ fabula: *Æsopus ille e Phrygia fabulator*, &c. Nam locus in promptu est. Deinde si describendis animantium aut rerum formis ac naturis, quas inducis, longius immoraberis. Quandoquidem hoc jam ipsum & cum voluptate accipitur, & ad eruditionem liberalem pertinet, Veluti si scarabæi formam, deinde quemadmodum e stercorebus nascatur, & quo pacto posterioribus pedibus erectis stercora protrudat, atque id genus alia describas. Ad eundem modum aquilam regnum in avium genus obtinere, armigeram esse Jovis, non offendi fulmine, non connivere ad ardentissimos solis radios, perniciosissimo volatu ultra nubes ferri. Denique quæcumque vel ad scarabæorum humilitatem exaggerandam, vel aquilæ generositatem attollendam pertineant. Quod quidem argumentum nos per lusum tractavimus in proverbiiis. Atque hac in re non prætermittendum, si quid animanti cuiusdam fabulis Poetarum est attributum. Quod genus e Lycaone natos lupos, ex adolescente perdicem, cynum Apollini sacrum esse, & sub fatalem horam suavisime canere, corvum ejusdem fuisse nuncium, & ob cessationem ex albo nigrum factum. Aut si quid proditum est historiis insigniter ab his factum, velut de aquila quæ virginem adamavit, apud Plinium. De Bucephalo Alexandri Magni equo, atque item de cæteris, nam rationem duntaxat ostendimus. Deinde cum ad ipsum Apologum erit ventum, fusius ac latius narrare licebit. Id fiet citra tædium, si facta quadam imitatione, quod est in hominum vita, ad fabulæ mores accommodabimus. Præterea si ad eandem rationem sermones, sententias, dictaque affingemus. Exemplum aptissimum est apud Horatium in Satiris: *Rusticus urbanum murem mus paupere fertur Accepisse cavo, veterem vetus hospes amicum Asper & attentus quaesitis, ut tamen arcum solveret hostiis animam*, &c. nam in promptu locus est. Est item exemplum dilatati apologi apud Apulejum de corvo & vulpe. Rursum apud Aulum Gellium de castita avicula. Cæterum quod *ὑποπόριον* vocant, id est, apologi interpretationem, non admodum refert initio ponas an in fine. Quanquam & hinc incipere licebit, & in hanc desinere, modo sermonis accedat varietas.

DE SOMNIIS.

Affinguntur a nonnullis somnia quoque quæ fortassis adhibenda non sunt, nisi in ostentatione: quod genus Luciani somnium. Aut quoties ea pro veris visis, hortandi deterrendive gratia narramus. Tale est Prodicus figmentum de Hercule ambigente, utram vitæ viam ingrederetur, virtutis arduam, an voluptatis proclivem. Simile de Momo qui hoc reprehendit in homine, quod demiurgos illi finxisset cor sinuosum, nec addidisset fenestram: in bove, quod in summis cornibus non addidisset oculos, ut videret quid feriret. Hujusmodi videtur illud divi Hironymi, de sese flagris cæso, quod Ciceronianus esset. Et nos item pueri in hoc genere lusimus.

DE FICTIS NARRATIONIBVS.

Jam fictæ narrationes rerum gestarum, si persuadendi gratia pro veris adhibeantur, quam maxime fieri potest, ad verisimilitudinem componantur oportet. Sunt autem ex arte Rhetorica notæ partes, quibus probabilitas constat. Cujusmodi est fabula de Memmio apud Ciceronem, & fortasse de Vultejo apud Horatium. Genus hoc video nonnullis nimium placuisse, qui vulgi credulitate freti, stultissima quædam miraculorum ostenta pro certissimis invexerunt Christianorum literis. Porro quæ risus causa finguntur, quo longius absunt a vero, hoc magis demulcent animos, modo ne sint anticularum similia deliramentis, & eruditis allusionibus doctas etiam aures capere possint. Quo de genere sunt Luciani veræ narrationes, & ad hujus exemplum effectus asinus Apuleji. Præterea Icaro Menippus, & reliqua Luciani pleraque. Item argumenta ferme omnia veteris comedie, quæ non imagine veri, sed allusionibus & allegoriis de-

lectant. Nam illud fictionis genus, quod ad simulacrum rerum adumbratur, haud dubium est, quin ad parabolam pertineat. Exemplum hujus est apud Platonem de specu, in quo vincti quidam umbris perinde ut ipsis rebus delectantur.

DE ALLEGORIIS THEOLOGICIS.

At quoties ad pietatem adhortamur, aut dehortamur, plurimum adjumenti conferent exempla Veteris ac Novi Testamenti, id est, Evangeliorum. Quæ per allegoriam varie tractantur, & eadem modo ad mores hominum, modo ad corpus ecclesiæ Christo capiti connexum & cohærens, modo ad coelestem illam communionem, rursum ad prisca nascentis fidei tempora, & ad hæc nostra possunt accommodari. Sed hisce de rebus copiosius & exactius differemus in libello quem instituimus de Theologicis allegoriis. Atque hæc ferme omnia ad exemplorum genus referuntur, in quibus sumus paulo diutius immorati, quod ex hoc potissimum mundo copiarum supellex depromatur. Sed priusquam ab his digrediamur, visum est etiam nonnulla paucis admonere.

RATIO COLLIGENDI EXEMPLA.

Jamprimum quemadmodum unumquodlibet horum varie possit accommodari per similitudinem, per contrarium, per comparisonem, per hyperbolen, per epitheton, per imaginem, per metaphoram, per allegoriam, superiori commentario demonstratum est. Nunc qua ratione fieri possit, ut amplissimam horum vim in promptu, ac velut in numero possimus habere, indicabimus. Consilium quidem non perinde magnificum ut frugiferum: quod utinam juvenes olim ipsi fuisset sequuti (nam tum quoque veniebat in mentem) video quantum momenti literulis nostris fuerit accessurum. Attamen candidi est ingenii non invidere bonæ spei juvenibus, quod tibi vel negarit fortuna, vel non pararit diligentia. Ergo qui destinavit per omne genus auctorum lectione grassari (nam id omnino semel in vita faciendum, ei qui velit inter eruditos haberi) prius sibi quam plurimos comparabit locos. Eos sumet partim a generibus ac partibus vitiorum virtutumque, partim ab his, quæ sunt in rebus mortalium præcipua, quæque frequentissime solent in suadendo incidere: eaque conveniet juxta rationem affinitatis & pugnantiae digerere. Nam & quæ inter se cognata sunt, ultro admonent quid consequatur. Et contrariorum eadem est memoria. Puta sit exempli causa primus locus pietas & impietas. Huic subjicientur species inter se cognatæ. Prima est pietas in Deum, Secunda in patriam, Tertia in parentes, aut in liberos, aut etiam in eos quos oportet parentum loco colere, veluti præceptores, & quorum beneficio servati sumus. Ex adverso est impietas. Jam his cognata superstitio, adjicienda igitur. Atque hic aperit sese campus latissimus de prodigiis Deorum cultibus, ac variis diversarum gentium caerimoniis. Item inepta parentum in liberos indulgentia quæ falsa est pietas. Sit proximus si videtur titulus, Fides: hanc in species feces licebit. Est fiducia erga Deum. Est fides humana, est fides in amicos, fides servorum in dominos, fides in hostes: totidemque de perfidia. Item sit titulus Beneficentia: Huic quum suas species subjeceris, restat gratitudo, non illa quidem huic subjecta, neque rursus contraria, sed adhærens, eque ea veluti consequens. Hæc per omnes locos tractari possunt. Primum quid sit pietas, quomodo differat a cæteris virtutibus, quid habeat peculiare, quibus officiis præstetur aut violetur, quibus rebus alatur aut corrumpatur, quid fructus homini pariat. Hic sese aperit campus exemplorum ac judiciorum. Sed virtutum ac vitiorum ordinem sibi quisque suo fingat arbitrio, vel e Cicerone, sive malit, e Valerio Maximo, aut Aristotele, aut ex divo Thoma petat. Denique si malit, elementorum ordinem sequatur. Neque enim id magni refert, quanquam nolim illum omnes hujus generis particulas tam minutim concisas in ordines referre, verum eas duntaxat, quæ videantur frequenter in dicendo usu venire. Id autem vel ex locis causarum licebit cognoscere, nempe demonstratoris, suasoris & judicialibus. Quod genus ferme sunt tituli apud Valerium Maximum, & nonnulli apud Plinium.

Cæterum quæ extra vitiorum ac virtutum genera sumuntur, partim pertinent ad exempla, partim ad locos communes. Prioris generis ferme sunt hujusmodi. Insignis longævitæ,

avitas, vivida senectus, senilis juvena, insignis felicitas, insignis memoria, subita rerum commutatio, subita mors, mors spontanea, mors prodigiosa, partus prodigiosi, insignis eloquentia, insignis opulentia, ex humili genere clari, vaftricies ingenii, insigne corporis robur, insignis forma, egregium ingenium in deformi corpore, atque id genus innumera alia. Quorum singulis oportebit subijcere, quæ cum his pugnant, quæque cum his habent affinitatem, ut insigni eloquentiæ, opponitur insignis infantia. Finitima sunt, vocalitas, felicitas in gesticulando, Histrionica, & si qua sunt huiusmodi. Posterioris autem generis sunt istiusmodi. Plurimum interest quibus studiis puer aduascas. Magni refert, quibus cum vivas. Suum cuique pulchrum. Facilis offensæ, reconciliatio difficilis. Tutissimum est nulli credere. Ama tanquam osurus, oderis tanquam amaturus. Bis dat qui cito dat. Fortunam sui cuique mores parant. Et lentæ Regum iræ. Et periculosa Principum amicitia. Et dulce inexpertis bellum. Et infida societas regni. Et optimum senectæ viaticum eruditio. Sed quid ego hæc recensere pergo, cum sint sexcenta millia. Ergo ex his ea sunt deligenda, quæ videbuntur ad dicendum maxime commoda. Ad hunc gregem pertinent & illa comparativa. Coelibatus nē felicitior, an conjugium? Vita privata, an secus? Potior Monarchia, an Democratia? Vita studiosorum an idiotarum? Tum autem ex superioribus, si qua sunt quæ virtuti, aut vitio videbuntur esse confinia, ea licebit suo titulo subijcere. Ut illa, Bis dat qui cito dat. Et nihil carius constat, quam quod precibus emitur. Et beneficium dando accipit, qui digno dedit. Et nihil tam perit, quam quod confertur in ingratum. Et beneficii gratiam perdidit quisquis exprobravit. Hæc atque huiusmodi ad liberalitatis titulum referri possunt.

Verum ne indigesta rerum turba pariat confusionem, profuerit titulos qui latius patent, in aliquot secare partes. Liberalitatis titulum, ut, exempli causa, loquamur, ita licebit partiiri. Si subjeceris, Beneficium prompte citoque datum. Beneficium aptum, beneficium digno aut indigno collatum. Beneficium exprobratum. Beneficium mutuum. Et si qua iudicabuntur magis idonea. Nam nos, indicandi gratia, duntaxat hæc ponimus.

Ergo posteaquam tibi titulos compararis, quot erunt factis, eosque in ordinem quem voles digesseris, deinde singulis suas partes subjeceris, rursum partibus addideris locos communes, sive sententias, jam quicquid usquam obvium erit, in ulla auctoribus, præcipue si sit insignis, mox suo loco annotabis, sive erit fabula, sive apologus, sive exemplum, sive casus novus, sive sententia, sive lepide aut alioqui mire dictum, sive paremia, sive metaphora, aut parabola. Atque ad eum modum pariter fiet, ut & altius insideant animo quæ legeris, & aduascas uti lectionis opibus. Sunt enim qui plurima teneant velut in mundo reposita, cum in dicendo scribendoque mire sint inopes ac nudi. Postremo utcunque postulat occasio, ad manum erit dicendi suppellex, certis veluti nidis constitutis, unde quæ voles petas. Porro nulla disciplina tam semota est a Rhetorica, unde non facias locos tuos locupletiores. Nam a Mathematicis, quæ remotissimæ videntur, sumuntur similitudines. Quandoquidem cum sphaera undique sui simili, cumque tetragono quocunque cadat pariter quatuor angulis nixo, confertur sapiens suis opibus felix, nec aliunde pendens, & quæcunque inciderit fortunæ procella, sua virtute firmus & immobilis. Ut ne dicam interim quod Theologi mysteriorum enarrationem frequenter a Mathematicis petunt, propter arcanam quandam rerum, ac numerorum analogiam. Nam a Physicis non solum parabola, verumetiam exempla quædam petuntur. Parabola fuerit, si dicas: Quemadmodum fulmen summos montes frequentissime ferit: Ita summa potestas gravissimis casibus est obnoxia. Item quemadmodum fulmen æs liquefacit, intacta cera: Ita Principum animus in rebelles & obsistentes favere debet, in cæteros uti clementia. Exemplo fuerint elephantum pudore in abdito cocuentes, si quis etiam in conjugatis modestiam, ac voluptatis dissimulationem desideret. Et delphini foetus adultos diutius comitantes, nec sinentes parvulos suos ingredi, nisi grandior aliquis ceu pædagogus adsit & custos,

¹ Sequuti, nempe, veteres Pythagoreos & Platonicos, & Philonem Judæum, quem vide in libro de Creatione mundi, ubi de septenario numero.

A si quis admoneat quanta cura servari atque institui debeat a parentibus prima illa & lubrica puerorum ætas. Itaque studiosus ille velut apicula diligens, per omnes auctorum hortos volitabit, floribus omnibus adfultabit, undique succi nonnihil colligens, quod in suum deferat alvearium. Et quoniam tanta est in his rerum fecunditas, ut omnia decerpi non possint, certe præcipua deliget, & ad operis sui structuram accommodabit.

B Sunt autem quæ eadem non solum ad diversos, verum ad contrarios usus quadrare possint, eoque diversis annotanda locis. Quod genus si de insanabili cupiditate hominis avari agas, recte accommodabis Charybdæ fabulam. Rursum, si de inexplebili ventris ingluvie, aut libidine mulieris inextincta, nimirum conveniet eadem. Item apologus Æsopi de hircæ ac vulpe simul in puteum descendentibus, quadrabit vel in prospicientiam, qua fit, ut non aggrediare negotium, nisi prius apud te perpenderit, qua ratione queas explicare. Vel in fictum amicorum genus, qui quum videantur amici commodis consulere, maxime tamen agunt suam negotium. Præterea ex morte Socratis non solum ducitur exemplum, mortem non esse formidandam viro bono, cum ille tam alacri vultu cicutam biberit: verumetiam virtutem invidiæ obnoxiam, neque satis tutam esse in turba malorum. Rursum inutile, vel potius perniciosum esse Philosophiæ studium, nisi te ad mores communes deflexeris. Jamque hoc ipsum factum trahi potest & in laudem Socratis, & in vituperium. Laudandus enim qui nulla sua culpa, sed sola invidia damnatus, tam fortiter mortem neglexerit. Vituperandus qui inutili Philosophiæ studio neglectuque morum communium, amicis acerbissimum luctum, uxori liberisque calamitatem, sibi exitium conciliarit, cum alii soleant utiles esse patriæ, suis præsidio simul & ornamento: eoque vere sapientis esse, relictis aliquando tetricis illis sapientiæ decretis, vulgi studiis & opinionibus accommodare sese, temporique quod ajunt servire.

C Jam si partes exempli circumspicias, quot locos licebit elicere? Accusatus per invidiam ab Anyto & Melito perditissimis civibus. Locus communis est, Veritas odium parit. Item alter. Insignis virtus conciliat invidiam. Rursum alius, Apud iudices plerumque plus valet nobilitatis ratio quam respectus honesti. Rursum alius, Nihil impudentius opulentia, si cum improbis moribus copuletur. Quid enim absurdius, quam omni facinore dedecorosos, Socratem in jus vocare? Rursum alius locus. Non quidlibet cuius decorum est. Eoque Socrates non abiecit sese ad iudicum pedes: neque enim conveniebat, ut qui per omnem vitam docuerit mortem non esse formidandam, nisi turpis esset, cum nunc veluti ob mortis metum abjecte supplicem esse. Quæ eadem causa commovit, ut neque iudicium declinaret, neque in media causa exilium eligeret, neque postremo cum liceret, e carcere vellet effugere, ne ipse a seipso discrepare videretur. Atque hæc quidem una pars est. Deinde cum moriturus tam ociose, tamque placide disputat, cum non alio vultu cicutam bibit, quam quo vinum solet, cum mox emoriturus jocatur in Phædonem, admonens ut gallum persolvat Æsculapio; Locus est, Mortem etiam optabilem esse iis, qui sibi vitæ integre actæ conscii sunt. Rursum alter locus. Cuiusmodi fuerit hominis vita, id in morte potissimum apparere. Rursum, Constantis sui que perpetuo similis exemplum est. Etenim cuiusmodi fuerat in omni vita Socratis vultus oratioque, talis erat & morituro. Tertia pars est, Dum in carcere agit Socrates interim nusquam Alcibiades, nusquam Agathon, nusquam Phædrus, sed Crito, Phædon, Simmias. Atque hic locus est, in periculis demum apparere qui sint veri amici: nam vulgares illi sibi tum consulunt, cum in officiis communibus adsunt. Quarta pars est, Cum amicis de animæ immortalitate multa disputat, uxorem ac liberos quum pauca mandasset dimittit. Locus est, Philosophum leviter tangi oportere vulgaribus affectibus, id quod mire congruit cum doctrina Christi. Quinta pars est, Statim a morte Socratis reversus est in accusatores populi furor. Socrati desiderato aurea posita statua. Locus erit, Vulgus temere odisti & amare. Rursum alius, Virtutem præsentem odimus, sublatam ex oculis quærimus invidi. Rursum alius, Fucatam gloriam una cum vita perire, virtutis splendorem a morte maxime inclarescere. Hinc arbitror liquere in quot usus idem exemplum possit accommodari.

Tom. I.

G 2

Simi-

Similiter & in parabola fiet, velut in navigatione, quot familia duci poterunt? Ut optimum gubernatorem tempestas, ita optimum Imperatorem adversa res declarant. Item, ut nemo clavum committit amicissimo, sed navigandi peritissimo: Ita nemo Reipublicæ gubernacula mandabit ei cui studeat maxime, sed quem maxime judicavit idoneum. Rursum, Quemadmodum ventis nimium secundis nautæ vela contrahunt, cum parum prosperi sunt, tum latius pandunt sinus; Ita quum res vehementer succedunt, temperandus est animus ne insolescat: contra, cum inimica est fortuna, tum fortitudine ac spe secuturæ felicitatis, dilatandus ac fulciendus. Item, quoties rectum cursum per tempestatem tenere non licet, tum obliquis flexibus eo nihilo secius, quo pervenire velimus, contendere oportebit. Item, quoties artem vincit tempestatis impotentia, tum ancorum jaciunt nautæ, velis collectis: Ita vesanti multitudini nonnunquam cedendum est, donec oratione tractabilis esse incipiat. Item, quemadmodum nauta non semper eodem modo tenet velum, verum nunc tollit in altum, nunc contrahit, nunc in hoc latus, nunc in illud transfert, utcunque ventorum ratio postulat: Ita sapiens non in omni loco, omnique tempore & negotio simili vitæ tenore debet uti, sed vultum, orationem, mores præsentibus rebus accommodare. Item, sicut in magnis tempestatibus peritissimi nautæ, vel ab imperito nonnunquam admoneri sese patiuntur, quod aliis alia soleant in his casibus in mentem venire; Ita bonus Rex in magnis Reipublicæ periculis, nullius consilium audire gravabitur. Item, ut minimo periculo navigatur, eo gubernatore, qui maximis sit jactatus periculis: Ita tutissimus est civitatis status eo Principe, qui gravissimis casibus sit exercitatus. Item, ut qui clavum regit, non satis arbitratur se suo fungi officio, nisi circumactis oculis, quid cuique faciendum, admonuerit; Ita Principem non agit, nisi qui magistratum etiam inferiorum officia moderatur ac præstat. Item, quemadmodum insanit nauta, si propter odium aliquorum, quos navi vehit, navim perire sinat, qua perdita nec ipse possit esse incolumis; Ita sanæ mentis non sit, qui ob facinorosos, patriæ incolumitatem non tueatur, quæ nisi sit incolumis, nec ipse incolumis esse possit. Item ut non nisi sævissimis tempestatibus sacram ancoram nautæ jacere solent: Ita non est, nisi in gravissimis periculis ac rebus prope desperatis, ad extrema remedia veniendum. Sed næ ego ineptus, qui ista persequar, cum jam videas aliquot similitudinum millia hinc sumi posse.

Nonnunquam eadem quoque collationis pars ad diversa trahitur. Quod genus sit, Si lunæ crebras mutationes vel ad fortunæ vices accommodes, vel ad humanæ vitæ instabilitatem, vel ad stultorum inconstantiam. Quin eadem quoque sententia varios in usus deflectitur, ut, *Facundus comes in via pro vehiculo est*. Jucundior est vita, si non solus agas, sed cum lepidis ac festivis amicis consuetudinem habeas. Rursum, semper bonus aliquis liber circumferendus, cujus lectione tædium discutias. Item, si te lætus animus committetur & bene sibi conscius, nulla pars vitæ sentiet tædium, hic optimus est viæ comes si læta narret. Sin turpium factorum memoriam tibi refricet, tædio enecat.

Eadem est proverbiorum & apophthegmatum ratio, quorum usum ostendimus in principio collectaneorum proverbialium. Proinde quædam erunt eadem diversis adscribenda locis, aut annotanda certe. Nam sat erit aliquando tribus significasse verbis adscriptis auctorum locis unde peti possunt, præsertim si paucis exponi non queant. Sed jam quo res exemplo magis fiat perspicua, sit titulus inconstantia, aut morum inæqualitas, experiamurque quot res ad hunc conferri possint. Primum e Poetarum fabulis petam Mercurium varias formas sumere solitum, ut est vaser Deus, nunc apud superos, nunc apud inferos, nunc apud mortales agentem, variis etiam fungentem officiis. Nunc Ganymedis agentem parteis, porrigendo Jovi pocula, nunc nuncia perferentem, nunc animas deducentem ad Charontem, nunc negotiatoribus ac patronis operam dantem, nunc citrara utentem, nunc voga: galero etiam bicolore, postremo variis gaudentem cognominibus. Ea sunt apud Aristophanem in Pluto: dicitur enim *εφορῶς, ἐμπολαῖος, δόλιος, ἡγεμόνιος, ἐναγώνιος*, apud Homerum, & apud Hesiodum *διαπτορος ἀρσεϊφόντης*. Dicitur & Cyllenius, & ἱριόνιος. Petam Vertumnum Deum, cui inde etiam nomen, quod subinde

vertat formam. Petam Proteum omnia vertentem sese in miracula rerum. Petam Empusam ex Aristophanis ranis, id est, dæmonis genus, identidem alia atque alia specie sese offerentis. Item Morpheæ, quoscunque velit vultus induere solitum. Item Circen veneficiis ac magica virga homines in varias ferarum formas vertentem. Nam improbi secum non constant, sed diversis agitantur affectibus. Petam *Καμπίον* volubilem Deum, nunquam sui similem, & huic similem, si videbitur Rhamnusiæ. Petam Jovem, nunc aquilam, nunc cygnum, nunc taurum, nunc aureum imbrem factum. Præterea chimæram capite leonis, ventre virginæ, cauda draconis. Ac varium illud portentum quod fingit Horatius in ipsa statim fronte artis poeticæ. Adducam & Janum bifrontem, & triformem Geryonem, & Bacchum, cui Poetæ tribuunt *ἰνύθειαν*, hoc est morum levitatem ac facilitatem, ac talem in ranis fingit Aristophanes, & si qua sunt alia apud illos, quæ prodigiosæ varietatis imaginem habent. Adducam & Ulyssem, quamlibet pro tempore personam gerentem. Unde & *πολυτροπον* statim in operis initio vocat Homerus. Deinde a Phycis petam lunæ similitudinem, nunquam eodem vultu nobis redeuntis, nunc semiplenæ, nunc plenæ, nunc emorientis, nunc renascentis, nunc pallentis, nunc rubentis, nunc albicantis, nunc antecedentis solem, nunc a tergo sequentis. Petam similitudinem coeli verni aut autumnalis, nunc nubili, nunc sereni, nunc tranquilli, nunc ventis commoti. Petam collationem maris assidue vicibus æstuariis decurrentis ac recurrentis, præcipue Euripi mira celeritate septies die ac nocte reciprocantis. Addam polypum, cujus mutabilitas etiam proverbio locum fecit. Addam chamæleontem colorem subinde mutantem. Item pantheram ac pardum versicoloribus maculis variegatum, aut si quod est aliud animal hujusmodi. Item anguillam lubricam. Adjungam pueritiæ in horas mutatum ingenium. Adjiciam mulieris peculiarem inconstantiam, vulgus levi momento mobile. Præterea argenti vivi miram mobilitatem. Arundinem ad omnem auram facile mobilem. Foliorum arentium, plumæ ramentæque levitatem. Cæræ flexibilem, ac mollem naturam. Somniorum inconstantiam, rotæ volubilitatem. Adducam laminam, quæ summis turrium, ac templorum fastigiis solet imponi, quo ventum circumactû suo indicet. Adducam bilibrum, facili momento huc atque illuc vergentem. Adducam opus vermiculatum, versicoloribus tessellis, miram varietatem ostentans. Quædam etiam ingenio finguntur. Veluti si quis comparet inconstantis hominis animum, nunc hoc nunc illud cogitantis, speculo rotundo in foro frequentissimo suspensio, quod huc & illuc discursante turba, figuris innumeris varietur, Aut vitro, quod quæcumque colorem subjeceris, eum imitari videtur. Aut pensili chalybi, quod hinc atque hinc ad motus magnetibus, quorum alter allicit ad sese, alter depellat, levi momento nunc huc nunc illuc rapiatur, nec unquam conquiescat. Aut sphaeræ in plano volubili. Jam ex historiis mutuo fumam Græcorum genuinam levitatem, quam describit Juvenalis. Lubricam Allobrogum fidem. Pœnos simili morum inconstantia. Scythas indices mutatis pascuis nullam certam incolectes sedem. Virgam Moyse subinde in aliam atque aliam verſam speciem. Aristippum quamvis agentem personam, ut quem omnis, ut inquit Flaccus, decuit color, nunc Cynico utentem pallio, nunc Regia purpura. Item *ἡμῶν* illum, de quo meminit Lucianus. Catilinam vario ingenio, ex Salustio. Hannibalem ex T. Livio. Ex Valerio Maximo, quibus alius fuit vitæ tenor in adolescentia atque in senectute. Rursum ex tertia Horatii satyra Tigellium. Nil æquale homini fuit illi, sepe velut qui curtebat fugiens hostem, per sepe velut qui Junonis sacra ferret, &c. E comœdiis exemplum sumetur muliebris inconstantia. Sostrata in Adelphis. *Ἄν, mi homo, sanus ne es? an hoc proferendum tibi videtur esse uspiam?* Ac paulo post. *Ἀβ, minime gentium, non faciam, proferam.* Amantium inconstantiam, exprimet Phædria, e rure repente rediens. Puerilem inconstantiam Antipho ex Phormione. Sed hoc persequi longum est. E tragœdiis mutabor Phædræ variatis secum sententiis, nunc volentem, nunc nolentem. Medeam item ante filiorum cædem, diversis agitatam affectibus. Ab Ovidio Biblidem, Narcissum. A Marone Didonem, jam Ænea parante discessum. Atque hoc genus innumerabiles personas passim exhibent Poetæ.

Poetæ. Ex Apologis allegabo rusticum illum, qui satyro admirante, eodem ex ore modo calidum, modo frigidum efflabat. Et si qui sunt alii. Nam in præsentia rationem duntaxat ostendimus. E proverbii mutabor *τὴν παναγκαίαν ἀρτεμιν*. Item *ἀνέμους πειδίον*, Et *ἐν μεταβολῇ κότερος κοβόρην*, Et *ὄδον ποικιλοτέρας*. Et *λεβυκὸν θηρίον*, aliaque consimilia. Nam ipsi in proverbii locos adjunximus unde ista peti possint. Et saxum quod subinde volvitur, non obducitur musco. Et arbor quæ subinde transplantatur, non grandescit. Rursum ex Apophthegmatis addam illud dictum in Ciceronem: *Duabus sedere sellis*. Et in eundem a Sallustio scriptum: *Aliud stans, aliud sedens loquitur*. Ex Homero *ἀλλοπρόσῃλλον*. Sic enim vocat Martem incertarum partium, quique nunc cum his sentit nunc cum illis. Ex Ovidio, ni fallor, *Et tantum constans in levitate sua*. Ex Horatio, *Leviore cortice*, Et, *Mutat quadrata rotundis*. Et, *Roma Tibur amo ventosus Tibure Romam*. Ex Plauto, *Tipula levior*. E Terentii Phormione, *Volo volo, volo volo*. quod dictum est, non dictum est &c. Ex Euripide *πλάγια γὰρ φρονεῖς τὰ μὲν νῦν τὰ δὲ πάλαι τὰ δ' ἀντίκα*. Jam apparet opinor, quanta hujus quoque generis supellex ex tot scriptoribus colligi possit.

Eadem est sententiarum ratio, quas non tantum ab auctoribus sumere, verum etiam pro re novas parere licet. Quibus omnibus si totidem opponas contraria, deinde subjunxeris utrimque finitima, nimirum quam immensus orationis penitus futurus sit vides. At cum tam varius sit usus, id quod diligentius ostendimus in opere de ratione conscribendarum Epistolarum, nihil erit quod non aliquo pacto possis ad locupletandam Orationem accommodare. Quandoquidem contraria quoque adhibentur vel per ironiam, vel per dissimile, vel per comparationem. Per ironiam, ut si quis hominem nunquam sui similem Socratem appellet, qui in omni vita semper eodem visus est vultu. Per dissimile, ut si dicas C. Julium Cæsarem nullius unquam facti poenituit. Hic nihil unquam decrevit, quod non mox resciderit. Per comparationem si dicas, Quam Cato ille, quem Cicero præfractum vocat, a sententia non potuit abduci, tam hic non potest in eadem retineri sententia. Porro finitima quæ sunt, facili deflexu ad vicina trahuntur. Quod genus Persianum illud: *Tecum habita*. Nam & si proprie quadrat in eum qui majora molitur, quam pro sorte sua, tamen quia non esse sua sorte contentum, cum inconstantia cognationem habet, huc torqueri poterit, præsertim cum Seneca scribat, *Plurimum argumentum composita mentis existimo, posse consistere, & secum morari*. Quin eadem simul & in laudem torqueri possunt. Ut si omnium horarum hominem, versatilique ac dextro ingenio laudes, ex inconstantia penario sumes Polypum, ad speciem subjecti soli mutantem colorem. Sumes Euripum, ac negabis mare hoc esse tam versatile, quam hujus sit ingenium. Sumes flammam stare nesciam. Sumes cœlum subinde alia facie. Sumes arundinem utcunque flaverint auræ, flectentem sese. Dices sapientis esse pro re nata, pro tempore, pro loco mutare sententiam, ac vitæ rationem. Stupida saxa, ac brutam tellurem unam non moveri. Cæterum ex animantibus ut quoque præstantissimum est, ita maxime mobile esse. In universa natura, quo quicquam præclarius est, hoc a quiete longius abesse. Infima est quæ non movetur terra. At mobilis aqua, mobilior aer, ignis hoc quoque mobilior, cœlum quam maxime mobile. Proinde mentem hominis, auram atque ignem ab antiquis vocari. Contra stultos, tardos, stupidos, lapides, plumbum. In quas res maxime cadit constantia vocabulum. Per hujusmodi locos pleraque e constantia supellectile ad vituperandum traxeris, & ex inconstantia ad laudem detorseris. Verum de his, ut modo dictum est, alias tempestivius. Nunc reliquas dilatandi sermonis rationes persequamur.

DE PARTIVM RHETORICARVM MVLTIPPLICATIONE.

Crescet oratio numero partium orationis. Ut enim qui brevissimus esse studet, quam potest paucissimis utitur partibus: Ita qui dilatare cupiet, etiam legitimis illis & arte præscriptis partibus aliquid orationis curabit adungere. Nam cum in summa tria sint Oratoris officia, docere, delectare, flectere, cui placet brevitatis, is uno contentus tantum docebit, quod sit narrando & argumentando. Cui copia, simul omnibus utetur, idque in omnibus orationis partibus non solum in peroratione aut exordio. Rursum qui studet

A brevitati, poterit narratione, aut hac quoque prætermittit, si causæ ratio patietur, esse contentus sola probatione. Atque hæc etiam ut omitti tota non potest, ita potest coarctari cohiberique. Contra qui copiam affectabit, non modo sex illis utetur, Exordio, narratione, divisione, confirmatione, confutatione, peroratione, sed & suo loco latius explicabit exordiorum locos, & in tota oratione, quoties causæ præbebit opportunitatem exordiola quædam admiscebit, quibus favorem, attentionem, docilitatem retineat atque renovet, aut tædium discutiat, aut quæ dicturus sit præmolliat. Incidunt autem hujusmodi peraspe.

B Docilitatem potissimum renovamus commodis transitionibus, quarum formulas aliquot superiore commentario proposuimus. Quod genus fuerit, Audistis largitione, corruptela, sanguine, itupro, ac foedissimis artibus paratum honorem. Nunc ostendam illud quod turpiter est adeptus, turpius administrasse. Attentio renovatur hinc ferme modis: Magna sunt hæc, sed levia præ his quæ nunc dicturus sum. Et nunc ad ipsum rei caput accedo. Proinde quæso, ut hæc animis quam maxime attentis audiat. Et, Sed his longius fortasse sum immoratus, cætera paucis ac dilucide expediam, si mihi, sicut antehac fecistis, aures atque animos præbere velitis. Et, altius paulo repetam, sed ita verba sum facturus, ut neque sine fructu, neque sine voluptate sitis audituri. Atque id genus aliis modis, nam bis mille pro rei natura fingi possunt. Tædium discutitur aut excluditur, hoc pacto, Rogo diligenter auscultetis. Prima fortasse fronte minutum videtur quod tracto, verum si paulisper attendetis, intelligetis, nimirum, sub hac specie maxima Reipublicæ pericula occultari. Et quæso patiamini paulisper, mox aperiam quorsum hæc spectent. Et, nunc rem antehac inauditam audietis. Et, rem accipietis omnium maxime ridiculam. Porro favor iisdem rationibus renovatur, quibus paratur. Insuper & argumentamur aliquoties in exordio, si quid erit amoliendum, quod aliqui sit offuturum reliqua differenti. Verum id non nisi consilio ex rei circumstantiis sumpto. Narratio vehementer locupletatur schemate, quod quidam appellant sermocinationem, qua ubi aut pluribus personis affingimus sermonem congruentem. Veluti quum Homerus Iliados & facit Priamum senem Hectorem dehortantem a prælio, post hunc Hecubam. Item Iliadis & Andromachen uxorem deterrentem a prælio, atque his respondentem Hectorem, mire servato cujusque personæ decoro. Neque quicquam est admirabilius in historicarum scriptoribus: nam Historicis hoc omnium suffragiis permixtum est, orationem personis affingere, de Ethnicis loquor: an idem liceat Christianis in dubio est, nisi quod simile factum videtur in historia septem Maccabæorum, ac præter alios qui martyrum vitas conscripserunt, idem sibi permixsisse videtur divus Ambrosius in vita beate Agnetis.

Narratio præterquam quod aliquando fusius explicatur, & omnibus argumentis atque affectibus expletur, etiam crescit *ἐπιδηγησεί*. Ea est, ut ostendit Fabius, repetita narratio, quoties res paucis, ac simpliciter exposita, denuo fusius & ornatus eadem narratur. Id quod fit vel invidia, vel miserationis causa. Præterea crescit item egressione subjecta. Quod ita demum permittit Fabius, si excursus ille sic adhaereat, ut sit quasi narrationis finis. Veluti si atrox fuerit circa finem narratio, prosequamur eam veluti spiritu protinus erumpente indignatione. Atque id quidem in causis seriis ac periculosis. Cæterum in re ad ostentationem parata nihil vetat, quo minus exposita re, in locum aliquem quam maxime plausibilem & amœnum exspatieris: quo simul & narrationis tædium abstergeas, & voluptate sermonis ad futuram probationem reddas alacriores. Hi loci cujusmodi sint, superius est demonstratum.

F Propositio dilatabitur primum, si pro simplici, duplici, aut multiplici utemur, etiam si una sit satis, propterea quod alios alia movent. Ut si fecisset, præmio magis quam supplicio dignus erat. Aut res hæc nec est honesta, nec expedit, nec sine summo periculo fieri potest. Quod si maxime sit honesta, maxime expediat, maxime sit tuta, tamen fieri non potest ut consequamur. Deinde, si non nudam omnino, sed argumentis obiter interjectis, & affectibus accensam proferemus. Qualis est illa Ciceronis pro Milone: *Hæc*

Tom. I.

G 3

sicut

1 Vide Chiliadem 11. Cent. 12, 47. &c.

2 Perperam *Ambrosio* eam tribui jam omnes fatentur. Vide Edit. *Ambrosii* Parisinam anni 1690. Tom. 2. pag. 475. in Suppositicia.

ficut exposui, ita gesta sunt, iudices. Infidator superatus, ut vi-
ta vis, vel potius oppressa virtute audacia est. Deinde miscet
affectus: Nihil dico quid Respublica consecuta sit, nihil quid vos,
nihil quid omnes boni, nihil sane id pro sit Miloni, qui hoc fato
natus est, ut ne se quidem servare potuerit, quin una Rempubli-
cum vosque servaret. Deinde argumenta congerit: Si id iu-
re non posset, nihil habeo quod defendam. Sin hoc & ratio doctis,
& necessitas barbaris, & mos gentibus, feris natura ipsa præscri-
psit, ut omnem semper vim, quacunque ope possint, a corpore, a
capite, de vita sua propulsarent: non potestis hoc facinus impro-
bum iudicare, quin simul iudicetis omnibus qui in latrones inci-
derint, aut illorum telis, aut vestris sententiis esse pereundum. Mox
redit ad affectus: Quod si ita putasset, certe optabilis Miloni
fuit jugulum dare P. Clodio, non semel ab illo, neque tum pri-
mum petisum, quam jugulari a vobis, quia se illi jugulandum non
tradidisset. Atque item in sequentibus controversiam con-
stituens, nam locus est notus, repetit summam argumentor-
um, quibus usus fuerat in exordio. Id tamen magis licuit
Ciceroni, propterea quod in exordio quæstiones aliquot tra-
ctaverat, tamen idem & alibi continget verbis commode
interjectis, maxime in enumeratione aut expositione, quæ
est altera divisionis pars, de qua supra non nihil attigimus,
cum de propositionibus ageremus. Quod genus fuerit, si
diffusurus Ciceroni ne vitam ab Antonio accipiat, exultis
Philippicis, sic proponas. Primum illud vide, mi Cicero,
num te dignum sit, ut immortalem ingenii tui famam, tot
paratam sudoribus, quaque tuos omnes illustrasti, ob tantu-
lum ævi, quod tam grandi longum superesse non potest,
exusto pulcherrimo omnium monumento repente aboleas.
Deinde num forti viro, qui semper omnia posthabuerit li-
bertati, ferendum sit, ut vitam rerum omnium optimam,
& in qua sunt omnia, debeat ei portento, cui quovis etiam
nomine obnoxius esse nemo liber velit. Postremo videat,
ne parum prudentis sit in re tanta fidem habere hosti perfid-
issimo, qui nec amicis unquam fidem servavit. Neque per-
spicere, quod vel cæco appareat, nihil aliud agere versutis-
simum carnificem Antonium, nisi ut totum exstinguat Ci-
ceronem. Nam simpliciter proponi poterat hoc modo. Pri-
mum non est tanti vita. Deinde miserum debere vitam ini-
mico. Postremo decipere cupit Antonius, non servare.
Quod si qua propositio durior videbitur, eam oportebit,
velut exordiolis præmollire. Ut si proposueris laudare Pla-
tonis dogma de uxoris communibus, ut hoc exempli
causa sumatur, dices te non fugere, quod rem omnium sen-
tentia absurdissimam polliceri videris. Verum illud orabis,
ut tantisper iudicium suum differant, donec argumentorum
summam audierint: nihil diffidere te, quin penitus exposita
re sint in diversam sententiam pedibus ituri. Tantum illud
cogitent, hoc quicquid est, non esse temere dictum a tanto
Philosopho, qui que cæteris in rebus ob excellentiam inge-
nii, divini cognomen promeruerit. Verum quod in formis
hominum, idem in rerum iudicio usu venire. Quasdam si
procul & oscitantur aspicias, nihil venustius, fuco videlicet
oculis imponente. Sin propius ac fixius contempleris, jam
quod paulo ante mire blandiebatur oculis, maiorem in mo-
dum incipit displicere. Silenis, nisi explices, quid magis ri-
diculum? Sin explices, quid augustius? Adeo veritas latet
in abdito, nec oportet in dijudicandis rebus populum aucto-
rem sequi, cui semper pessima pro optimis probari consue-
verint. Ergo seposita paulisper recepta illa & animis peni-
tus infixæ opinione, rem ipsam iudicio perpendant, nec prius
in hanc aut hanc partem flectant animum, quam totum ar-
gumentorum orbem acceperint. Quædam enim fore, quæ
per se stulta videri possint. Verum si quis inter se conjuncta
perceperit, is demum veri concentum, & harmoniam sen-
surus est. Huiusmodi præfatiuncula pro causæ natura com-
mode afficta, nonnunquam expedit auditoris animum ad
secuturam argumentum præparare. Jam vero proba-
tiones, præter eas locupletandi rationes, quas superius osten-
dimus crescant labefactione, seu præparatione & assevera-
tione.

Labefactamus autem seu præparamus duobus modis.
Propositionibus. Nunc autem voco propositiones non quæ
summam causæ complectantur, sed veluti singularium par-
tium collectiones seu conclusiones, quas Oratoribus mos
est initio argumentorum proponere, & easdem in fine ve-
hementius per affectus aut per epilogum repetere. De hoc

A genere dictum est superioribus titulis. Præterea cum ita
proponimus, ut ipsa orationis figura fidem abrogemus, aut
conciliemus. Cujusmodi est illud Ciceronis pro Milone:
*Sed antequam ad eam rationem veniam, quæ est propria nostra
quæstionis, videntur ea esse refutanda, quæ in senatu sæpe ab ini-
micis & improbis jactata sunt, & in concione etiam paulo ante
accusatoribus.* Cum inimicos & improbos nominat, jam hoc
ipso non parum fidei abrogavit adversariorum propositio-
ni. Deinde propositionem ipsam per ironiam elevat. *Ne-
gant intueri lucem fas ei, qui a se hominem occisum fassetur.*
Nam atrocitas illa verborum, *Negant intueri lucem fas,* pro
eo quod erat, puniendus est, cum irrisione pronuncianda
est. Adjunguntur huiusmodi præparationes singulis etiam
B collectionum partibus. Quandoquidem eodem in loco
Tullius exemplis refutaturus, quod erat propositum, ita
præparavit. *In qua tandem urbe homines stultissimi hoc dispu-
tant?* Deinde adjungit exemplum M. Horatii, cum foro-
rem occidisset, absoluti. His non abfimiles sunt assevera-
tiones, quæ cum argumenta non sint, tamen sæpenumero
pondus habent argumenti, si probationibus admisceantur.
Ut quis tam cæcus qui hoc non videat? Quis tam impudens,
ut neget? Et illud, Stultius est quam ut refelli debeat. Quis
enim non intelligit? &c. Et perfrica faciem, & aude nega-
re. Hæc cum ita sint, quæ tandem impudentia est, &c.

C Locupletantur & singulæ collectiones epilogis particu-
laribus, quæ summam rationum paucis comprehensam,
auditori denuo sub oculos revocant, ut majore cum fide
conclusio succedat, quæ quidem in re frequens est M. Tul-
lius, propterea quod latius explicet argumentationis aciem.
Hujus generis exemplum erit illud ex oratione pro Pom-
pejo: *Quare videte, num dubitandum vobis sit omni studio ad
id bellum incumbere, in quo gloria nominis vestri, salus sociorum,
vætigalia maxima, fortuna plurimorum civium, cum Republi-
ca defenduntur.* Denique crescunt & excursionibus per am-
plificationem, ut singulis probationibus suos affectus adji-
ciamus, ad quod proprie destinata est conclusio. Quam si
copiosam esse volumus, geminam efficiamus, ut simul &
per epilogum præcipua argumenta recenseantur, & affe-
ctuum omne genus per omnes locos tractetur. Eos ex Ari-
D stotele, & Quintiliano petere licebit. Quin & Poetæ in hoc
genere miri sunt. Vehementiores, quos Græci *παῖδες* vocant,
suppeditant Ilias Homeri ac Tragediæ: moderatiores illos
qui delectant potius quam perturbant, subministrat Odyf-
sea Homeri & comædiæ. Quamquam in Iliade, Græcorum-
que tragediis sæpe miscetur, *ῥήσις* sic enim Græci vocant
affectus comicos: Latinorum tragedia parcius hoc genere
utitur.

E Inter affectus autem ponenda delectatio, quanquam hæc
non in peroratione tantum, verum in tota oratione, cum res
feret, debet admisceri. Porro quid cuique jucundum sit,
Aristoteles in affectuum locis diligenter prosequitur, & de
facitis M. Tullius, Quintilianus de risu scripsere, traditis
jocandi rationibus. Delectatio quæ petitur & comicis affe-
ctibus, præcipue locum habet in narratione, vel quia rem
veluti subjiciunt oculis, vel quia ab omnibus agnoscuntur.
Quis enim non cum voluptate legat, quomodo apud Home-
rum ¹ Andromache Hæctori armato occurrit ad portam ci-
vitatæ, qua proditurus erat in prælium: non sola, neque
enim id decet pudicas matronas, sed comitabantur pedise-
quæ: puerum in ulnis gestans Astyanactem Hæctoris filium,
patri unice carum. Et quod addit Homerus, *pulchro Side-
ri ad similem*, quo per hunc uxor expugnaret affectus mari-
ti. Hæctor tacite arrisit conspecto puero. Andromache pro-
pius adstans, dextram porrexit, ac nominatim compella-
vit. Dein post affectam utrique congruentem orationem,
quum Hæctor infantem appeteret osculaturus: ille territus
armorum splendore, ac crista e galeæ fastigio minitante,
F clamans reflexit se in sinum nutricis. Hic risit uterque, pater
& mater. At Hæctor sublatam e capite galeam humi depo-
suit, atque ita puerum amplexus, osculatus est. Mox ei fau-
sta precatus, tradidit matri: illa eum excepit in sinum bene
olentem *δάκρυον γλαῦρα*, id est, lachrymabile ridens. Ea
res Hæctori movit misericordiam, atque uxorem manu sus-
tentans,

¹ Hoc est, pro lege Manilia, de Pompejo Mithridatico bello præfi-
ciendo.

² Elegantissimus ille locus Homeri est Iliades Rhapsodia Z. sub fi-
nem libri.

tentans, consolatur, nomine eam appellans: mox reponit galeam. Illa marito obtemperans, domum se recipit: ibi muliebri fletu complentur omnia, quod crederent eum ex eo pælio non rediturum. Ita que spirantem adhuc pro mortuo deflent. Interim non mediocrem addunt gratiam intermixta epitheta. κορυθαίολος ἔκτωρ. Et ὁ παῖς ὁρῶντο φαίδιμος ἔκτωρ. Et εὐζώνιο τιθήνης. Et λóφον ἰππιοχαίτην. Et πατὴρ τε φίλος καὶ τόνια μήτηρ. Et κόρυθα παμφανούσαν καὶ φίλον ὄν. Et ἀλόχοιο φίλης, & quod indicavimus καὶ δὲ κόλπι. Et κόρυθα ἰππυριν. Hæc virtus præcipue in causâ est, cur nemo legens Homerum saturatur, sed perpetua voluptate ducitur. Hi sunt affectus de quibus scribit Horatius. *Morata recte fabula nullius Veneris, sine pondere & arte, Valdius oblectat populum, meliusque moratur Quam versus inopes rerum nugæque canora.* Sunt huiusmodi narrationes aliquot insignes apud M. Tullium. Velut in Philippica secunda de Antonio: *Vehabatur in Esedotribunus plebis, listores laureati antecedeant: inter quos aperta lætica mimæ portabatur, &c.* nam indicasse locum satis est. Sunt in eadem oratione & aliæ, quomodo capite involuto ad amicam literas amatorias pertulerit: quomodo Consul in lupercalibus cucurrerit.

Delectant & illa, quum non actio tantum, sed agentium gestus quoque describitur. Quale est illud in Pisonem: *Ita enim sunt perscripta scite & literate, ut scriba ad erarium qui eas retulit, perscriptis rationibus secum ipse, caput sinistra perfricans commurmuratus sit: Ratio quidem hercle apparet, argentum οἷχεται.* Rursus illud: *Respondes, altero ad frontem sublato, altero ad mentum depresso supercilio, crudelitatem tibi non placere.* Quamquam hæc interim & ad fidem orationis faciunt, quum ea quæ velut extra narrationis necessitatem adjiciuntur, simplicitatis habent speciem. Fabius miratur narrationem M. Tullii pro Milone: *Milo quum in senatu fuisset eo die quo a senatu dimissus est, domum venit, calceos & vestimenta mutavit. Paulisper, dum se uxor, ut sit, comparat commemoratus est.* Sunt item & figuræ, quæ ad orationis jucunditatem pertinent, quas non magni negotii est ex artis præceptis petere, & a nobis nisi multis verbis, referri non poterant. Delectant & allusiones sed agnoscantem duntaxat. Itaque in loco sunt adhibendæ.

EPILOGVS.

Ergo cui placebit Laconica illa breviloquentia, primum Atticorum exemplo præfationibus & affectibus absteineat. Rem simpliciter ac summam exponat. Argumentis, non omnibus utatur, sed præcipuis duntaxat: eaque non explicatim, sed confertim adhibeat, ut in singulis prope verbis sit argumentatio, si quis explicare velit: sit docuisse contentus, ab amplificationibus, ab asservationibus, a similibus, exemplis, sententiis, epiphonematis, fabulis, apologis, allusionibus, facetiis temperet, nisi quid horum ita erit necessarium, ut citra flagitium omitti non queat. Item ab omnibus figuris, quæ vel amplam, vel illustrem, vel acrem, vel ornatam, vel jucundam reddunt orationem, absteineat. Rem eandem ne aliis atque aliis formis tractet, & ita singula

verbis significantibus explicet, ut multo plus intelligatur quam audiat, & aliud ex alio colligi possit. Contra qui copiam sequitur, singula dilatare studebit his ferme quas dixi rationibus.

Quid utrobique vitandum.

At caveat uterque, ne quod fere fit, affectatione in finitima vitia delabatur. Brevitatis amator videat ne tantum hoc agat, ut pauca dicat, sed ut optima quam potest paucissimis. Et cui placet Homericum illud *παῦρα μὲν*, eidem placeat & hoc quod protinus sequitur, *ἀλλὰ μάλα λιγύως*. Et cui probatur *ὁ πολύμυθος*, non prætermittat & hoc quod statim subjicitur *οὐδ' ἀφ' αμαρτοπείης*. Nam nihil æque convenit breviloquentiæ, quam verborum proprietas & elegantia. Cui si accesserit simplicitas, facile vitabitur obsecratus, vitium, quod plerumque brevitatis stadium comitari consuevit. At hic rursus videndum ne frigescat oratio, dum nullis affectibus inflammatur. Proinde res ita ponetur ante oculos, ut per se nonnullos aculeos tacite infigat animis, Tum omnia Attico lepore condienda erunt. Illud in primis cavendum, ne brevitatis studio necessaria dictu prætermittamus. Contra qui copiam petet, delectum item adhibeat oportet, & verborum, & rerum, & figurarum. Ne rationes sint fuitiles, exempla parum idonea, sententiæ frigidæ, excursus æquo longiores, parumque tempestivi, ne figuræ durius affectatæ. Quapropter ordinis ac dispositionis, summam oportet habere rationem, ne rerum indigesta turba, totus sermo perturbatus sit & confusaneus. Et ubique tædium varietate, jucunditate, risuque levandum. Varietas potissimum petitur a figuris, & ab eisdem jucunditas. Risus ab his præceptis quæ tradidit Cicero. Sunt autem & peculiare partium varietates non negligendæ. Proinde expedit plurimas exordiorum formulas in promptu habere. Sunt & narrationis complures modi, sunt argumentationum diversæ formæ, neque simplex affectuum natura, sed hæc a Rhetorum præceptis petantur, oportet. Admonendum hoc quoque, ne quovis in loco parem copiam affectemus. Sunt enim quædam sterilia. Verum relictis his quæ natura copiam non admittunt, partes maxime fecundas ac tractabiles deligamus, nisi forte periclitandi aut ostentandi ingenii causâ, libeat aliquando ex musca, quod ajunt, elephantum facere. Quemadmodum Favorinus febrim, Synefius calvitium, nos stultitiam Encomio, & ancoram Aldinam laudavimus in proverbii. Sed in exercendo detur venia, si luxuriat adolescens. Cæterum ubi non luditur, sed res seria cum periculo agitur, ibi Rhetor non stultus adhibito consilio, copiarum modum ex utilitate causæ metietur.

Peroratio.

Adjeceram exemplum Thematis in arcum contracti, & ejusdem fufius explicati, quod hic non addo, ne sarcina major videatur accessio. Liber exstat ad illustrissimum Principem juniorem Gulielmum Ducem Clivensem, titulo, de pueris statim liberaliter instituendis.

F I N I S.

THEO-

THEODORI GAZÆ

THESSALONICENSIS

GRAMMATICÆ INSTITUTIONIS

LIBRI DUO,

PER

DESIDERIUM ERASMUM

ROTTERODAMUM

In Latinam linguam conversi, ac distincti.

DESIDERIUS ERASMUS
ROTTERODAMUS
JOANNI CÆSARIO JULIACENSI,
UTRIUSQUE LITERATURÆ VINDICI, S. D.



HABENT in omni disciplina, Cæsari carissime, præceptiones natura subamarum quidam: verum hoc molestiæ, comes pensat utilitas. Proinde ut non possum non mirari quorundam fastidiosas delitias, qui quamlibet levi incommodo offensi protinus resiliunt a literis, tantam utilitatem in omnem usque vitam allaturis: ita rursus optimo jure indignor his, qui reiper se submolestæ, de suo molestiam addunt. Etenim dum ostentandæ eruditionis suæ studio, in ipso statim operis lumine perplexa quadam insulciunt, quæ post exant tradenda, nimirum, rudem discipulum odio suo retundunt & alienant, quem allici inescarique potius oportuit, commoda brevitate, luce, ordine, simplicitate, aliisque id genus illecebris. At unus omnium Gaza, vir ubique sui similis, hoc est, in quavis materia insignis artifex, non minori judicio quam fide, discentis agit negotium: non id statim captans ut ipse doctus appareat, sed ut lectorem doctum reddat. Is primo libro, Deum immortalem, quo compendio, quam miro ordine, quanta simplicitate Grammatices summam complexus est, ceu simulacro quodam nobis delineato. Nos igitur quo magis etiam quorundam tædio consuleremus, commoditatem hanc nostræ juvimus industria, eumque librum Latinum fecimus, exemplis duntaxat exceptis. Ad hæc titulis distinximus, & annotatiunculis additis nonnihil lucis addidimus, ut jam quam minimo negotio percipi possit. Mendas confessas modo sustulimus. Nam quod e doctissimis viris, qui cum Theodoro consuetudinem egerunt, quique huic interfuere negotio, olim audire memini: id liber ipse palam præ se fert, nimirum, locos aliquot a sciolis, & in alieno libro impudenter ingeniosis, perperam immutatos esse. Quod genus est illud, quod comparativum excipit in tertia nominum declinatione, quod præsens & præteritum imperfectum tanto verborum dispendio per modos omneis repetit: cum in his per omnia consentiant passiva cum mediis. Quod verborum in μ desinentium passivis additur futurum ac præteritum perfectum, cum regula præcedens negarit hæc tempora illis esse propria, quod & alias in horum declinatione miscet nonnullas voces primitivorum ac derivativorum. Atque hoc erroris Demetrio imputant Chalcondylo, viro tum probo, tum erudito: sed cujus mediocritas exactum illud ac sublime Theodori judicium haud quaquam assequi potuerit. Gratulor, mi Cæsari, nostro seculo, quo videmus passim repullulascere Græcas literas. Nam ut harum neglectus omnium bonarum disciplinarum, omnium elegantiorum auctorum $\pi\alpha\upsilon\lambda\epsilon\theta\epsilon\rho\iota\alpha\nu$ invexit, ita spes est futurum, ut his renatis & illa reflorescant. Illud aliquoties mecum soleo demirari, cum Sarmatæ, cum Scoti & Hiberni Græcas literas jampridem nec illibenter, nec infelicitè amplectantur, quo fato fiat ut una Agrippina, urbs ut vetustissima, ita celeberrima, quam conveniebat in hoc pulcherrimo negotio vel primam occupare laudem, meliores literas adeo gravatim recipiat. Etenim si studia, quibus nunc solenniter utitur, recta sunt, harum accessione non oblitterabuntur illa, sed illustrabuntur: sin secus, magis etiam optandum, ut pro nothis sincera, pro frivolis utilia succedant: & juxta Diomedis ac Glauci permutationem $\tau\acute{\alpha}\ \chi\alpha\lambda\lambda\acute{\alpha}\ \tau\acute{\omega}\nu\ \chi\rho\upsilon\sigma\acute{\omega}\nu\ \alpha\upsilon\tau\alpha\mu\epsilon\iota\sigma\tau\alpha\iota$. Quis enim sanus recuset, vel bona melioribus, vel mala bonis commutare? Hunc nostrum bidui laborem tibi visum est dicare, cum haudquaquam me fugeret, munusculum hoc longe infra tuam esse dignitatem: majora merebatur ista eruditio, ista morum integritas candorque, meliora flagitabat arētissima nostra familiaritas: verum hæc interim boni consulet humanitas tua, dum parantur tuis meritis digniora. Tu, mi Cæsari, fac pergas de literis ac seculo tuo benemereri, & istam quoque laudem Coloniensi scholæ addere. Vere generoso Comiti Hermano Novæ Aquilæ, aut (si Græce mavis) Neætio, bonarum literarum candidissimo Mecænati, multam ex me salutem dicito. Antverpiæ, Anno M D XVIII Pridie natalis Joannis Baptistæ.

1. Etena aureis mulcentur.

THEO.

THEODORI GAZÆ

THESSALONICENSIS

GRAMMATICÆ INSTITVTIONIS

LIBRI DVO,

PER DESIDERIVM ERASMV M ROTERODAMVM

In Latinam Linguam conversi, ac distincti.

LIBER PRIMVS.

SVMMA DIVISIO LITERARVM.



VATVOR & viginti literarum, vocales quidem septem, α ε η ι ο ω υ. Consonantes autem reliquæ septendecim.

Divisio vocalium.

Vocalium autem longæ quidem η ω. Breves vero, ε ο. Ancipites autem, α ι υ.

Compositio vocalium.

Ex quibus diphthongi proprie quidem αι εϝ, αυ ιαϝ, ει ιϝ, ευ εϝ, οι ιϝ, ου υϝ. Improperie vero α η ω υ.

Divisio consonantium.

Consonantium autem, Aliæ quidem semivocales, ut ζ ξ ψ λ μ ν ρ σ.

Subdivisio semivocalium.

Quarum duplices quidem, ζ ξ ψ. Immutabiles autem & liquidæ, λ μ ν ρ. Aliæ vero mutæ, ut β γ δ κ π τ θ φ χ. Quarum tenues quidem κ π τ. Aspiratæ vero θ φ χ. Mediæ autem β γ δ.

Compositio literarum.

Ex dictis autem hisce literis constant syllabæ, unde divisiones, ex quibus oratio.

PARTES ORATIONIS.

Orationis autem partes sunt, Nomen, Verbum, Participium, Articulus, Pronomen, Præpositio, Adverbium, Coniunctio.

De Accentibus.

Accentus autem sunt hi: Acutus, Gravis, Circumflexus, Aspiratus, Tenuis, Apostrophus, Hyphen & Diastole.

DE ARTICULO.

Articulus, alius quidem præpositivus, ut ὁ, id est, hic. Alius vero postpositivus, ut οὗτος, id est, qui.

Accidentia articulo.

Ac rursus, alius masculinus, ut ὁ, id est, hic. Alius vero foemininus, ut ἡ, id est, hac. Alius vero neuter, ut τὸ, id est, hoc. Habet autem & numerum, & casum accidentia. Numerum quidem singularem, dualem, pluralem. Casum autem, rectum, genitivum, dativum, accusativum.

DECLINATIO PRÆPOSITIVI.

Porro declinatio præpositivi quidem articuli sic habet.

Masculini.

Rectus ὁ. genitivus τοῦ. dativus τῷ. accusativus τὸν. Rectus & accusativus τὸ. genitivus & dativus τοῖν. Rectus οἱ. genitivus τῶν. dativus τοῖς. accusativus τοὺς.

Feminini.

Rectus ἡ. genitivus τῆς. dativus τῇ. accusativus τήν. Rectus & accusativus τὰ. genitivus & dativus ταῖν. Rectus αἱ. genitivus τῶν. dativus ταῖς. accusativus τὰς.

Neutri.

Rectus τὸ. genitivus τοῦ. dativus τῷ. accusativus τὸ. Rectus & accusativus τὰ. genitivus & dativus τοῖν. Rectus τὰ. genitivus τῶν. dativus τοῖς. accusativus τὰ.

De ὡ loco vocativi.

Cæterum vocandi casum nullus habet articulus. Siquidem ὡ non est articulus, sed adverbium vocandi.

DECLINATIO POSTPOSITIVI.

Postpositivi vero declinatio sic habet.

Masculini.

Rectus ὅς. Genitivus οὗ. Dativus ᾧ. Accusativus ὃν. Rectus & accusativus ὃ. Genitivus & Dativus οὖν. Rectus οἷ. Genitivus οὖν. Dativus οἷς. Accusativus ὅς.

In his mutatur τ in aspiratio- nem, & sunt duo accentus.

1 Hæc est recentior pronuntiatio, quæ si recta esset, & deberet pronuciari, ὅς, non οὗς.

Feminini.

Rectus ἡ. Genitivus ῆς. Dativus ῇ. Accusativus ῇν. Rectus & accusativus ἃ. Genitivus & Dativus αῖν. Rectus αἱ. Genitivus αῖν. Dativus αἷς. Accusativus αὐς.

Neutri.

Rectus ὁ. Genitivus οῦ. Dativus ᾧ. Accusativus ὃ. Rectus & Accusativus ὃ. Genitivus & Dativus οὖν. Rectus ὃ. Genitivus οὖν. Dativus οἷς. Accusativus ὃ.

DE NOME.

Nomen autem, aliud quidem proprium, ut Σωκράτης, id est, Socrates. Aliud vero appellativum, ut ἄνθρωπος, id est, homo. Aliud autem adiectivum, ut ἀγαθός, id est, bonus.

Aliud rursus relativum, ut οἷος, id est, qualis. Aliud autem interrogativum, ut ποῖος, id est, qualis. Aliud autem numerale, ut εἷς, id est, unus. δύο, id est, duo. τρεῖς, id est, tres.

Cæterum accidentia habet hæc, genus, speciem, figuram, numerum, casum, personam. Genus quidem masculinum, ut λόγος, id est, sermo. Foemininum, ut ἐπιστήμη, id est, scientia. Neutrum, ut ἀγαθόν, id est, bonum.

Speciem vero primitivam, ut πᾶς, id est, omnis. Derivativam, ut θεῖος, id est, Theon. Figuram autem simplicem, ut ἵππος, id est, equus. Compositam, ut φλύππος, id est, studiosus equorum.

Numerum vero singularem, ut θεός, id est, Deus. Dualem, ut θεῶ, id est, duo dii. Pluralem, ut θεοί, id est, plures dii. Casum autem, rectum, genitivum, dativum, accusativum, vocativum. Personas autem, tertiam, ut Σωκράτης, hic Socrates, secundam, ut Σωκράτης, id est, o Socrates.

DIVISIO DECLINATIONVM.

Declinatur autem aut paribus syllabis, ut ἀνέλας ἀνέλας, id est, Ancas Enea: aut imparibus syllabis, ut αἰας αἰαντός, id est, Ajax Ajacis. Ac paribus quidem syllabis quadrisarum: imparibus autem syllabis unico modo. Vnde & declinatio nominis, alia quidem vocetur prima, alia secunda, alia tertia, alia quarta. Porro quinta imparium est syllabarum.

PRIMA NOMINVM DECLINATIO.

Prima igitur, quæ est nominum in ας, aut ης definitum masculinorum, quorum genitivus definit in ος, dativus in α vel η, accusativus in ν, cum vocali recti.

Exemplum nominum in ας.

Rectus ὁ ἀνέλας. genitivus τοῦ ἀνέλας. dativus τῷ ἀνέλας. accusativus τὸν ἀνέλας. vocativus ὦ ἀνέλας. Rectus & accusativus τὸ ἀνέλας. genitivus & dativus τοῖν ἀνέλας. vocativus ὦ ἀνέλας. Rectus οἱ ἀνέλας. genitivus τῶν ἀνέλας. dativus τοῖς ἀνέλας. accusativus τοὺς ἀνέλας. vocativus ὦ ἀνέλας.

Exemplum nominum in ης.

Ὁ χρύσεος, τῷ χρύσει, τῷ χρύσει, τὸν χρύσειν, ὦ χρύσει, & ὦ χρύσειος. τῷ χρύσει, τοῖν χρύσειν, ὦ χρύσει. Οἱ χρύσει, τῶν χρύσειν, τοῖς χρύσεις, τὰς χρύσεις, ὦ χρύσει.

SECUNDA NOMINVM DECLINATIO.

Secunda vero, quæ est nominum in α vel η definitum foemininorum, quorum genitivus in ας vel ης definit: dativus in α vel η, accusativus in ν cum vocali recti.

Exemplum nominis in α purum.

Ἡ μαῖα, τῇ μαίᾳ, τῇ μαίᾳ, τὴν μαῖαν, ὦ μαῖα. τὰ μαῖα, ταῖν μαῖαιν, ὦ μαῖα. Λί μαῖαι, τῶν μαῖαιν, ταῖς μαῖαῖς, τὰς μαῖας, ὦ μαῖαι.

Exemplum nominis in α non purum.

Ἡ μῦσα, τῇ μύσῃ, τῇ μύσῃ, τὴν μύσαν, ὦ μῦσα. τὰ μῦσα, ταῖν μύσαιν, ὦ μῦσα. Λί μῦσαι, τῶν μύσων, ταῖς μύσαις, τὰς μύσας, ὦ μῦσαι.

Tom. I. H 2 Exem-

Exemplum nominum in η.

Ἡ τιμή, τῆς τιμῆς, τῇ τιμῇ, τὴν τιμὴν, ὡς τιμή. Τὰ τιμά, ταῖν τιμαῖν, ὡς τιμά. Αἱ τιμαί, τῶν τιμῶν, ταῖς τιμαῖς, τὰς τιμάς, ὡς τιμαί.

Annotatiuncula.

Sciendum est, quod sola nomina in α purum, aut in ρα, aut in δα, aut in θα definitia, idem finale α, servant in declinatione, ut μαῖα μαίας μαίαι. Ἡμέρα ἡμέρας ἡμέραι. Λήδα λήδας λήδαι. Κισσαῖα κισσαίβας κισσαίβαι.

TERTIA NOMINVM DECLINATIO.

Tertia vero, quæ est nominum in α definitium masculinorum, simul ac fœmininorum, & in ον neutrorum, exceptis comparativis, quorum Genitivus in υ definit. Dativus in ω, Accusativus in υ cum vocali recti.

Exemplum in α masculinorum.

Ὁ θεός, τῷ θεῷ, τὸν θεόν, ὡς θεός. Τῷ θεῷ, τοῖν θεοῖν, ὡς θεῷ. Οἱ θεοί, τῶν θεῶν, τοῖς θεοῖς, τὰς θεάς, ὡς θεοί.

Exemplum in α fœmininorum.

Ἡ ὁδός, τῆς ὁδοῦ, τῇ ὁδῷ, τὴν ὁδόν, ὡς ὁδός. Τὰ ὁδῶ, ταῖν ὁδοῖν, ὡς ὁδῶ. Αἱ ὁδοί, τῶν ὁδῶν, ταῖς ὁδοῖς, τὰς ὁδοῖς, ὡς ὁδοί.

Exemplum in ον neutrorum.

Τὸ καλόν, τῷ καλῷ, τὸν καλόν, ὡς καλόν. Τῷ καλῷ, τοῖν καλοῖν, ὡς καλῷ. Τὰ καλὰ, ταῖν καλῶν, τοῖς καλοῖς, τὰ καλὰ, ὡς καλὰ.

QUARTA NOMINVM DECLINATIO ATTICA.

Quarta declinatio, quæ est nominum in ω definitium, masculinorum ac fœmininorum, & neutrorum in ων. quorum genitivus definit in ω. dativus in ω. accusativus in ν. cum vocali recti.

Exemplum in ω masculinorum.

Ὁ μένελος, τῷ μένελω, τὸν μένελον, ὡς μένελος. Τῷ μένελω, τοῖν μένελων, ὡς μένελω. Οἱ μένελω, τῶν μένελων, τοῖς μένελω, τὰς μένελω, ὡς μένελω.

Exemplum in ω fœmininorum.

Ἡ ἄλως, τῆς ἄλως, τῇ ἄλῳ, τὴν ἄλων, ὡς ἄλως. Τὰ ἄλω, ταῖν ἄλων, ὡς ἄλω. Αἱ ἄλω, τῶν ἄλων, ταῖς ἄλως, τὰς ἄλως, ὡς ἄλω.

Exemplum in ων neutrorum.

Τὸ ἐγγεγον, τῷ ἐγγεγω, τὸν ἐγγεγον, ὡς ἐγγεγον. Τῷ ἐγγεγω, τοῖν ἐγγεγων, ὡς ἐγγεγω. Τὰ ἐγγεγω, ταῖν ἐγγεγων, τοῖς ἐγγεγω, τὰς ἐγγεγω, ὡς ἐγγεγω.

DE QUINTA NOMINVM DECLINATIONE.

Quinta declinatio, quæ est nominum masculinorum, simul & fœmininorum, ac neutrorum, quorum genitivus definit in ος. dativus in ι. accusativus in α. præter neutra.

Exemplum masculinorum.

Ὁ αἶας, τῷ αἶαντος, τῇ αἶαντι, τὸν αἶαντα, ὡς αἶας, & ὡς αἶαν. Τῷ αἶαντε, τοῖν αἶαντοι, ὡς αἶαντε. Οἱ αἶαντες, τῶν αἶαντων, τοῖς αἶασι, τὰς αἶαντας, ὡς αἶαντες.

Exemplum fœmininorum.

Ἡ τρυγών, τῆς τρυγόνος, τῇ τρυγόνι, τὴν τρυγόναν, ὡς τρυγών. Τὰ τρυγόνε, ταῖν τρυγόνων, ὡς τρυγόνε. Αἱ τρυγόνες, τῶν τρυγόνων, ταῖς τρυγόνι, τὰς τρυγόνες, ὡς τρυγόνες.

Exemplum neutrorum.

Τὸ βῆμα, τῷ βήματος, τῇ βήματι, τὸν βήμα, ὡς βῆμα. Τῷ βήματε, τοῖν βημάτοι, ὡς βήματε. Τὰ βήματα, τῶν βημάτων, τοῖς βήμασι, τὰς βήματα, ὡς βήματα.

DE NOMINIBVS CONTRACTIS.

QVINTÆ autem hujusce declinationis sunt & illa quæ contractionem patiuntur: alia quidem magis, alia vero minus. Quapropter etiam altera quidem *Multipassia*, altera vero *Paucipassia* vocentur.

Multipassiorum forma tres.

Sint autem & multipassiorum, alia quidem appellata η ε ο, quod genus sunt hæc. Ὁ Δημοσθένης, τὸ ἀληθές, τὸ τεῖχος. id est, *Demosthenes*, *verum*, *murus*. Alia vero ι, ut ὁ φῖς, σίνηπι. *serpens*, *sinapi*. Alia vero α, ut κρέας, *caro*.

Paucipassiorum forma quinque.

Porro paucipassiorum, alia quidem vocentur εν, ut βασιλεύς, id est, *rex*. Alia vero υ, βῆς, id est, *bos*. Alia vero ω, ut λητῶ, αἰδῶς. id est, *lasina*, *pudor*. Alia vero primum υ, ut ἡδύς, *asv*. id est, *jucundus*, *civitas*. Alia vero secundum υ, ut βότρυς, id est, *botrus*.

Regula aliquot.

Cæterum quibus modis, & in quibus casibus horum singula transmutentur, consideretur in his, si prius illud acceperimus. Omnium neutrorum, & omnium dualium eundem esse rectum & accusativum & vocativum: & omnium pluralium eundem esse rectum & vocativum.

PRIMA FORMA CONTRACTORVM.

Contractiones nominum η ε ο: εο contrahitur in υ. εἰ in ει. εα in η. vel in ει. εε in η vel in ει. εοι in οἱ. εω in ὦ. ut τὸ δημοσθένης δημοσθένει δημοσθένει. τὸν δημοσθένα δημοσθένει. Τὰ δημοσθένει δημοσθένει. τοῖν δημοσθένων δημοσθένων. Οἱ δημοσθένει δημοσθένει. τῶν δημοσθένων δημοσθένων. τὰς δημοσθένει δημοσθένει. Exemplum neutrorum, ut τὰ τεῖχεα τεῖχη. τὰ ἀληθῆα ἀληθῆ.

SECUNDA FORMA.

Contractiones nominum in ι. ιι contrahitur in ι. ιε in ιι. ια in ιι. ut τῷ ὄφιι ὄφι. Οἱ ὄφεις ὄφεις. τὰς ὄφιας ὄφεις. Exemplum neutri, ut τὰ σινῆπια σινῆπι.

Annotatiuncula.

Horum autem & ο genitivi, in ω transmutatur, & ι in ε, ut ὄφιος, ὄφειος, ὄφιοι, ὄφειον. Atque in totum, penultimæ in ε mutatur: proinde rursus contractiones existunt, quales in nominibus primæ formæ, ut τῷ ὄφειι ὄφει. οἱ ὄφεις ὄφεις. τὰς ὄφιας ὄφεις. σινῆπια σινῆπι.

TERTIA FORMA.

Contractiones eorum quæ habent α, αα contrahitur in ω. αἰ in α. αε in α. αοι in ὦν. αα in α longum. αο in ὦ, ut τὸ κρέας κρέας. τῷ κρέατι κρέα. τὸν κρέατι κρέα. τοῖν κρέατι κρέων. Τὰ κρέα κρέα. τῶν κρέων κρέων.

PRIMA FORMA oligopassiorum.

Contractiones nominum habentium εν. εἰ contrahitur in ει. εε in ει. εα in ει. ut τῷ βασιλεῖ βασιλεῖ. οἱ βασιλεῖς βασιλεῖς. τὰς βασιλῆας βασιλεῖς.

Annotatiuncula.

In his autem & ο genitivi in ω vertitur more Attico, ut τῷ βασιλεῖ βασιλεῖ. At rursus ε in η vertitur in singulis casibus more Jonico, ut βασιλεῖ βασιλεῖς, βασιλεῖ βασιλεῖ. &c.

SECUNDA FORMA.

Contractiones nominum habentium υ. υε contrahitur in υ. οα in υ. Οἱ βῆς βῆς. τὰς βῆας βῆς.

TERTIA FORMA.

Contractiones nominum habentium ω. οο mutatur in υ. οἱ in οα. οα in υ. ut τῷ λητόος λητός. τῇ λητοῖ λητοῖ. τῶν λητοῶ λητῶ.

Annotatiuncula.

Horum dualia & pluralia tertiæ sunt declinationis, ut τὰ λητῶ, ταῖν λητοῖν, αἱ λητοῖ τῶν λητῶν. &c.

QUARTA FORMA.

Contractiones nominum habentium prius υ. εἰ mutatur in ει. εε in ει. εα in ει. ut τῷ ἡδέϊ ἡδέϊ. Οἱ ἡδέες ἡδέες. τὰς ἡδέας ἡδέες.

QUINTA FORMA.

Contractiones nominum habentium secundum υ. υε mutatur in υ. υα in υ. υ. ut Οἱ βότρυες βότρυς. τὰς βότρυας βότρυς.

Annotatiuncula.

Fiat autem & singularis accusativus, & nominum habentium υ, & habentium utrumque υ, a recto, converso ε in υ, ut ὁ βῆς, τὸν βῆν. ὁ βότρυς, τὸν βότρυν. ὁ ἡδύς, τὸν ἡδύν. Et nominum habentium ι confimiliter, exceptis videlicet neutris, ὄφεις, ὄφιν.

Diversi inflexionum modi.

Nominaliter quidem declinetur sic, ut dictum est, quinque formis: verum secundum genera fit, velut a genere in genus transformatio, ut ὁ δίκαιος, ἡ δίκαια, τὸ δίκαιον. ὁ ἡδύς, ἡ ἡδέα, τὸ ἡδύν.

DE NUMERALIBVS.

Numeralia vero nomina, quæ unum significant, singulariter semper declinantur: porro quæ duo, dualiter: quæ autem plura, pluraliter: hoc modo: Εἷς, ἑνός, ἐνί, ἐν. Μία, μιᾶς, μιᾷ, μίαν. Ἐνός, ἐνός, ἐνί, ἐν. Δύο, δυοῖν. Τρεῖς, τριῶν, τρισί, τρεῖς. Τρία, τριῶν, τρισί, τρία. Τέσσαρες, τεσσάρων, τέσσαρες, τέσσαρες. τέσσαρα τεσσάρων, τέσσαρασι, τέσσαρα. A quatuor autem usque ad centum nullus numerus declinatur.

DIVISIO NOMINIS JUXTA ACCIDENTIA.

Inter ea vero quæ accidunt nomini, derivativorum, aliud quidem patronymicum, aliud autem comparativum, aliud superlativum, aliud diminutivum, aliud possessivum, aliud denominativum, aliud verbale.

Terminationes patronymicorum.

Est autem masculinum quidem patronymicum, aut in δης, ut πριάμος πριαμίδης. ἥλιος ἡλιάδης, πέλοψ πέλοπος πελοπίδης, ἀτρεὺς ἀτρέως ἀτρείδης. Aut in ων, ut ἀτρεὺς ἀτρείων. Fœmininum autem in ις, ut πριαμίδης πριαμίδης. Aut in ας, ut ἡλιάδης ἡλιάς.

Termini-

Terminatio comparativorum.

Comparativorum autem, aliud quidem in ερος, ut πλεσιός, πλεσιώτερος, πλεσιώτερα, πλεσιώτερον. Aliud vero in ων, καλός, καλλίων. id est, hic & hæc pulchrior. τὸ καλλίων. id est, hoc pulchrius.

Superlativorum.

Superlativum autem aliud quidem in τατος, ut πλεσιώτατος πλεσιωτάτη πλεσιωτάτον. Aliud vero in σος, ut καλλίσος, καλλίστη, καλλίστον.

Terminationes diminutivorum.

Diminutivum vero, aliud quidem in κος, ut ἀνθρωπίσκος. id est, homunculus. νεανίσκος, id est, adolescentulus. Aliud autem in ιον, ut ἀνθρωπίον. id est, homuncio: aliud in αδιον, ut πρεσβιδιον. id est, senescula: aliud in υδριον, ut λογύδριον. id est, ratiuncula: aliud in υλλιον, ut μικράκυλλον. id est, juven-culus: aliud in αριον, ut ποδριον. id est, herbula: aliud in αξ, ut λιθαξ. id est, lapillus: aliud in ις, genere foeminino, ut νηϊς. id est, infulula.

Terminationes possessivorum.

Possessivum autem aliud quidem in κος, ut ἀττικὸς, δαρικὸς, δαρικὴ, δαρικόν. Aliud vero in εος, ut αἰαντεύος, αἰαντεύα, αἰαντεύειον.

Denominativum.

Denominativum autem θείων ab hoc nomine θεός.

Verbale.

Verbale vero, ut φιλήμων, id est, amicus: ab hoc verbo πεφίλημαι. id est, amatus fui.

VERBORVM GENERA.

Porro verbum aliud quidem activum, ut τύπω. id est, verbero. Aliud autem passivum, ut τύπτομαι. id est, verberor. Aliud medium, five commune, ut βιάζομαι. id est, compello, five compellor. Aliud neutrum, ut ὑγιαίνω, id est, sanus sum. Aliud per se activum, ut μάχομαι, id est, pugno. Aliud per se passivum, ut πάσχω, id est, patior.

Terminationes verborum.

Præterea aliud in ω barytonum, hoc est, penultima acuta, ut τέρω. id est, delecto. Aliud in ω circumflexum ex contractione, ut ποιῶ. id est, facio. Aliud in μι, ut τίθημι. id est, pono.

Accidentia verbo.

Habet autem accidentia, speciem, figuram, numerum, personam, tempus, modum. Speciem quidem primitivam, ut ἀρδω, id est, rigo. Derivativam, ut ἀρδύνω, id est, rigo. Figuram autem simplicem, ut φρονῶ, id est, sapio. Compositam, ut καταφρονῶ, id est, despicio. Numerum autem singularem, ut λέγω, id est, dico. Dualem, ut λέγετον, id est, dicitis vos duo. Pluralem, ut λέγετε, id est, dicunt plures. Personam autem primam, ut γράφω, id est, scribo. Secundam, γράφετε, id est, scribitis. Tertiam, γράφει, id est, scribit. Tempus autem, five casum. Præfens, Præteritum Imperfectum, Futurum, Indefinitum, Præteritum perfectum, Præteritum plus quam perfectum. Modum autem, Indicativum, Imperativum, Optativum, Subjunctivum, Infinitum.

CONJUGATIONES QVOT?

Porro declinationes verbi, five conjugationes sunt quinque, quatuor in ω desinentium, una in μι.

PRIMA CONJUGATIO VERBORVM Juxta

congruentiam temporum.

PRIMA quidem igitur, quæ est verborum habentium β φ π λ. ut λέγω, τέρω, γράφω, τύπω. quorum futurum per ψ, præteritum perfectum per φ.

Activa.

Præfens τύπω. Præteritum imperfectum ἔτυπον. Futurum τύψω. Indefinitum prius ἐτύψα. Præteritum perfectum τέτυφα. Præteritum plus quam perfectum ἐτέτυφειν. Indefinitum secundum ἐτύπον. Futurum secundum τυπῶ.

Media.

Præfens τύπτομαι. Præteritum imperfectum ἐτυπόμην. Futurum τύψομαι. Indefinitum prius ἐτύψαμην. Præteritum perfectum τέτυπα. Præteritum plus quam perfectum ἐτέτυπειν. Infinitum secundum ἐτυπόμην. Futurum secundum τυπῶμαι.

Passiva.

Præfens τύπομαι. Præteritum imperfectum ἐτυπόμην. Præteritum perfectum τέτυμμα. Præteritum plus quam perfectum ἐτέτυμην. Indefinitum prius ἐτύφθην. Futurum primum τυφθήσομαι. Indefinitum secundum ἐτύπην. Futurum secundum τυπήσομαι. Mox futurum τεύψομαι.

Αποδο-
τα cum
quibus con-
junctio in con-
junctio-
nis.

A

SECUNDA CONJUGATIO.

SECUNDA vero, quæ est verborum habentium γ aut κ aut χ aut ψ aut σσ aut ττ aut ζ, ut, λέγω, πλέω, ἔχω, τίκω, ἀρύτω, παίζω. Quorum futurum per ξ, præteritum autem perfectum per χ.

Activa.

Præfens πλέω. Præteritum imperfectum ἔπλεον. Futurum πλέξω. Indefinitum prius ἐπλέξα. Præteritum perfectum ἐππλεχα. Præteritum plus quam perfectum ἐππλέχειν. Indefinitum secundum ἐππλεον. Futurum secundum πλάξω.

Media.

Præfens πλέομαι. Præteritum imperfectum ἐπλεόμην. Futurum πλέξομαι. Indefinitum primum ἐπλέξαμην. Præteritum perfectum ἐππλοκα. Præteritum plus quam perfectum ἐππλόκειν. Indefinitum secundum ἐππλομήν. Futurum secundum πλάξομαι.

Passiva.

Præfens πλέομαι. Præteritum imperfectum ἐπλεόμην. Præteritum perfectum ἐππλεγα. Præteritum plus quam perfectum ἐππλέγεμην. Indefinitum prius ἐππλεχθην. Futurum primum πλεχθήσομαι. Indefinitum secundum ἐππλέκειν. Futurum secundum πλάξομαι. Mox futurum πεπλέξομαι.

TERTIA CONJUGATIO.

TERTIA vero, quæ est verborum habentium δ aut θ aut τ aut ζ aut πτ aut ω purum: ut ἔδω, πλήθω, ἀνύτω, φράζω, πλάττω, αἰέω. Quorum futurum quidem per σ. Præteritum vero perfectum per κ.

Activa.

Præfens αἰέω. Præteritum imperfectum ἔκων. Futurum αἰέσω. Indefinitum prius ἤκωσα. Præteritum perfectum ἤκωκα. Præteritum plus quam perfectum ἤκωκειν. Indefinitum secundum ἤκων. Futurum secundum αἰεῶ.

Media.

Præfens αἰέομαι. Præteritum imperfectum ἤκωμην. Futurum αἰέσομαι. Indefinitum prius ἤκωσαμην. Præteritum perfectum ἤκωκα. Præteritum plus quam perfectum ἤκωκειν. Indefinitum secundum ἤκωμην. Futurum secundum αἰεῶμαι.

Passiva.

Præfens αἰέομαι. Præteritum imperfectum ἤκωμην. Præteritum perfectum ἤκωκα. Præteritum plus quam perfectum ἤκωκειν. Indefinitum prius ἤκωσθην. Futurum primum αἰεσθήσομαι. Indefinitum secundum ἤκωην. Futurum secundum αἰεήσομαι. Mox futurum ἡέσσομαι.

QUARTA CONJUGATIO.

QUARTA vero, quæ est verborum habentium quatuor immutabiles λ μ ν ρ. ut ψάλλω, νέμω, κρίνω, σπείρω. Quorum futurum quidem per eandem immutabilem circumflexum, correpta simul penultima: porro præteritum perfectum per κ.

Activa.

Præfens σπείρω. Præteritum imperfectum ἔσπειρον. Futurum σπείρω. Indefinitum prius ἔσπειρα. Præteritum perfectum ἔσπαρκα. Præteritum plus quam perfectum ἔσπαρκειν. Indefinitum secundum ἔσπαρον. Futurum secundum σπαρῶ.

Media.

Præfens σπείρομαι. Præteritum imperfectum ἔσπειρόμην. Futurum σπείρομαι. Indefinitum prius ἔσπειράμην. Præteritum perfectum ἔσπορα. Præteritum plus quam perfectum ἔσπόρειν. Indefinitum secundum ἔσπαρόμην. Futurum secundum σπαρῶμαι.

Passiva.

Præfens σπείρομαι. Præteritum imperfectum ἔσπειρόμην. Præteritum perfectum ἔσπαρμαι. Præteritum plus quam perfectum ἔσπαρμην. Indefinitum prius ἔσπαρθην. Futurum primum σπαρθήσομαι. Indefinitum secundum ἔσπαρην. Futurum secundum σπαρήσομαι. Mox futurum ἔσπαρσομαι.

QUINTA VERBORVM CONJUGATIO.

QUINTA autem, quæ est verborum in μι desinentium omnium, ut ἵστημι, τίθημι, δίδωμι, ζεύγνυμι, quæ sane cum a verbis in ω purum desinentibus deducantur, partim sunt a verbis habentibus αω, ut ἵσσω ἵστημι. partim ab habentibus ου, ut τίθω τίθημι. partim ab habentibus υω, ut ζεύγνυω ζεύγνυμι.

Tom. I.

H 3

Re-

Regula de verbis in μι.

Et in passivo ac medio, tum in duali ac plurali, horum unumquodque syllabam penultimam habet correptam in penultimam vocalem verbi originalis unde deducitur, ut *τίθημι, τίθεμαι, δίδωμι, δίδομαι, ζεύγνυμι, ζεύγνυμαι*. Atque in totum & auctus, & diminutiones in singulari, tum ab eadem propria originali vocali, tum in eandem fiunt, juxta analogiam, ut *ἴσθην, ἴσας, ἰσάντος, ἰσαίνω*. Porro futurum his proprium nullum est, Neque item præteritum perfectum, Præteritum autem imperfectum, & secundum indefinitum in *ν* definit, addita vocali præsentis penultima.

Activa.

Præfens *τίθημι*. Præteritum imperfectum *εἰτίθην*. Secundum indefinitum *εἴθην*.

Media.

Præfens *τίθεμαι*. Præteritum imperfectum *εἰτιθέμην*. Secundum indefinitum *εἰτέμην*.

Passiva.

Præfens *τίθεμαι*. Præteritum imperfectum *εἰτιθέμην*. Præteritum perfectum *τίθειμαι*. Præteritum plus quam perfectum *εἰτεθείμην*. Indefinitum *εἰτέθην*. Futurum *ἰεθήσομαι*.

Activa.

Præfens *ἴσθην*. Præteritum imperfectum *ἴσθην*. Indefinitum secundum *ἴσθην*.

Media.

Præfens *ἴσθην*. Præteritum imperfectum *ἴσθην*. Indefinitum secundum *ἴσθην*.

Passiva.

Præfens *ἴσθην*. Præteritum imperfectum *ἴσθην*. Præteritum perfectum *ἴσθην*. Præteritum plus quam perfectum *ἴσθην*. Indefinitum *ἴσθην*. Futurum *ἴσθην*.

Activa.

Præfens *δίδωμι*. Præteritum imperfectum *εἰδίδων*. Indefinitum secundum *εἰδών*.

Media.

Præfens *δίδωμι*. Præteritum imperfectum *εἰδιδόμην*. Indefinitum secundum *εἰδόμεν*.

Passiva.

Præfens *δίδωμι*. Præteritum imperfectum *εἰδιδόμην*. Præteritum perfectum *εἰδομαι*. Præteritum plus quam perfectum *εἰδεόμην*. Indefinitum *εἰδόθην*. Futurum *δοθήσομαι*.

Activa.

Præfens *ζεύγνυμι*. Præteritum imperfectum *εἰζεύγνυν*.

Media & passiva.

Præfens *ζεύγνυμαι*. Præteritum imperfectum *εἰζεύγνυμην*.

Annotationes aliquot.

Consonantes autem futuri sunt *hæ ψ ξ σ* & cum his immutabiles. Sciendum vero, quod quoties verbum incipit ab *α*, *ε*, *ο*, five folis, five in diphthongo positus, tum temporis fit augmentum in singulari præteritis, ad hunc modum. *Α* vertitur in *η*, *αι* in *η*, *αν* in *ην*, *ε* in *η* vel *ει*, *ευ* in *ην*, *ο* in *ου*, *οι* in *ου*.

Inflexio verborum juxta genera.

Atque hæc quidem est inflexio verborum juxta tempora. Sit autem & secundum genera declinatio, quæ mutato genere figuretur hoc modo: *τύπω, τύποις, τύπων*, *εἰτύπων, εἰτύπων*. *τύπω, τύποις, εἰτύπων, εἰτύπων*. Et reliqua consimiliter videlicet a singulari ejusdem nominis activis, unde derivantur: excepto præterito plus quam perfecto, & indefinito primo, & futuris passivi. Sane totum hoc simul, verbalis inflexio vocetur.

Inflexio juxta personas & modos.

Sit autem & alia quædam inflexio juxta modos, & rursus alia juxta personas, hoc pacto.

CONJUGATIO TOTIVS VERBI. ACTIVA. PRÆSENS.*Indicativum.*

τύπω, τύποις, τύποις, τύπων, εἰτύπων, εἰτύπων.

PRÆTERITUM IMPERFECTUM.

εἰτύπων, εἰτύπων, εἰτύπων, εἰτύπων, εἰτύπων, εἰτύπων.

Imperativum.

τύπε, τύπε, τύπε, τύπε, τύπε, τύπε.

Optativum.

τύποιμι, τύποις, τύποις, τύποις, τύποις, τύποις.

A

Subjunctivum.

εἰάν τύπω, εἰάν τύποις, εἰάν τύποις, εἰάν τύποις, εἰάν τύποις, εἰάν τύποις.

Infinitum.

τύπειν.

F V T V R V M.

Indicativum.

τύπω, τύποις, τύποις, τύπων, εἰτύπων, εἰτύπων.

Optativum.

τύποιμι, τύποις, τύποις, τύποις, τύποις, τύποις.

Infinitum.

τύπειν.

B

INDEFINITUM PRIMUM.*Indicativum.*

εἰτύπων, εἰτύπων, εἰτύπων, εἰτύπων, εἰτύπων, εἰτύπων.

Imperativum.

τύπων, τύπων, τύπων, τύπων, τύπων, τύπων.

Optativum.

τύποιμι, τύποις, τύποις, τύποις, τύποις, τύποις.

Subjunctivum.

εἰάν τύπω, εἰάν τύποις, εἰάν τύποις, εἰάν τύποις, εἰάν τύποις, εἰάν τύποις.

Infinitum.

τύπειν.

C

PRÆTERITUM PERFECTUM.*Indicativum.*

τέτύπων, τέτύπων, τέτύπων, τέτύπων, τέτύπων, τέτύπων.

Imperativum.

τέτύπων, τέτύπων, τέτύπων, τέτύπων, τέτύπων, τέτύπων.

Optativum.

τέτύποιμι, τέτύποις, τέτύποις, τέτύποις, τέτύποις, τέτύποις.

Subjunctivum.

εἰάν τέτύπων, εἰάν τέτύποις, εἰάν τέτύποις, εἰάν τέτύποις, εἰάν τέτύποις, εἰάν τέτύποις.

Infinitum.

τέτυπέναι.

D

PRÆTERITUM PLUSQUAMPERFECTUM.*Indicativum.*

εἰτέτύπων, εἰτέτύπων, εἰτέτύπων, εἰτέτύπων, εἰτέτύπων, εἰτέτύπων.

INDEFINITUM SECUNDUM.*Indicativum.*

εἰτύπων, εἰτύπων, εἰτύπων, εἰτύπων, εἰτύπων, εἰτύπων.

Imperativum.

τύπε, τύπε, τύπε, τύπε, τύπε, τύπε.

Optativum.

τύποιμι, τύποις, τύποις, τύποις, τύποις, τύποις.

Subjunctivum.

εἰάν τύπω, εἰάν τύποις, εἰάν τύποις, εἰάν τύποις, εἰάν τύποις, εἰάν τύποις.

Infinitum.

τύπειν.

E

F V T V R V M SECUNDUM.*Indicativum.*

τύπω, τύποις, τύποις, τύπων, εἰτύπων, εἰτύπων.

Optativum.

τύποιμι, τύποις, τύποις, τύποις, τύποις, τύποις.

Infinitum.

τύπειν.

F

MEDIA. PRÆSENS.*Indicativum.*

τύποιμαι, τύποις, τύποις, τύποις, τύποις, τύποις.

PRÆTERITUM IMPERFECTUM.

εἰτύπων, εἰτύπων, εἰτύπων, εἰτύπων, εἰτύπων, εἰτύπων.

Impera-

Imperativum.

τύπτε τυπτέσθω, τυπτέσθον τυπτέσθων, τυπτέσθε τυπτέσθασαν.

Optativum.

τυπτοίμην τυπτοίσο τυπτοίσο, τυπτοίμεθον τυπτοίσοθον τυπτοίσοθην, τυπτοίμεθα τυπτοίσοθε τυπτοίσοιτο.

Subjunctivum.

ἰάν τυπώμαι τύπη τυπῆται, ἰάν τυπώμεθον τυπῆσθον τυπῆσθην, ἰάν τυπώμεθα τυπῆσθε τυπῶνται.

Infinitum.

τυπέσθαι.

FUTURVM PRIMVM.

Indicativum.

τύψωμαι τύψη τύψεται, τυψόμεθον τυψέσθον τυψέσθον, τυψόμεθα τυψέσθε τύψονται.

Optativum.

τυψοίμην τυψοίσο τυψοίσο, τυψοίμεθον τυψοίσοθον τυψοίσοθην, τυψοίμεθα τυψοίσοθε τυψοίσοιτο.

Infinitum.

τυψέσθαι.

INDEFINITVM PRIMVM.

Indicativum.

ἐτυψάμην ἐτύψω ἐτύψατο, ἐτυψάμεθον ἐτύψασθον ἐτυψάσθην, ἐτυψάμεθα ἐτύψασθε ἐτύψαντο.

Imperativum.

τύψαι τυψάσθω, τυψάσθον τυψάσθων, τυψάσθε τυψάσθασαν.

Optativum.

τυψάμην τυψάιο τυψάιτο, τυψάμεθον τυψάισθον τυψάισθην, τυψάμεθα τυψάισθε τυψάιντο.

Subjunctivum.

ἰάν τυψώμαι τύψη τυψῆται, ἰάν τυψώμεθον τυψῆσθον τυψῆσθην, ἰάν τυψώμεθα τυψῆσθε τυψῶνται.

Infinitum.

τυψάσθαι.

PRÆTERITVM PERFECTVM.

Indicativum.

τέτυπα τέτυπας τέτυπε, τετύπαλον τετύπαλον, τετύπαμεν τετύπατε τετύπασιν.

Imperativum.

πέτυπε τετυπέτω, τετυπέτον τετυπέτων, τετύπετε τετυπέτωσαν.

Optativum.

τετύποιμι τετύποις τετύποι, τετύποιτον τετυποίτην, τετύποιμεν τετύποιτε τετύποιεν.

Subjunctivum.

ἰάν τετύπω τετύπῃς τετύπῃ, ἰάν τετύπηλον τετύπηλον, ἰάν τετύπωμεν τετύπητε τετύπωσιν.

Infinitum.

τετυπέαι.

PRÆTERITVM PLUSQVAMPERFECTVM.

Indicativum.

ἑτέλευπεν ἑτέλευπεις ἑτέλευπει, ἑτέλευπειλον ἑτέλευπείτην, ἑτέλευπειμεν ἑτέλευπετε ἑτέλευπεσαν.

INDEFINITVM SECVNDVM.

Indicativum.

ἐτυπόμην ἐτύπῃ ἐτύπῃ, ἐτυπόμεθον ἐτύπασθον ἐτυπῆσθην, ἐτυπόμεθα ἐτύπασθε ἐτύπῃτο.

Imperativum.

τυπῶ τυπῶσθω, τυπῶσθον τυπῶσθων, τυπῶσθε τυπῶσθασαν.

Optativum.

τυποίμην τυποίσο τυποίσο, τυποίμεθον τυποίσοθον τυποίσοθην, τυποίμεθα τυποίσοθε τυποίσοιτο.

Subjunctivum.

ἰάν τυπώμαι τύπη τυπῆται, ἰάν τυπώμεθον τυπῆσθον τυπῆσθην, ἰάν τυπώμεθα τυπῆσθε τυπῶνται.

Infinitum.

τυπῆσθαι.

FUTURVM SECVNDVM.

Indicativum.

τυπῶμαι τυπῇ τυπῆται, τυπῶμεθον τυπῆσθον τυπῆσθον, τυπῶμεθα τυπῆσθε τυπῶνται.

Optativum.

τυποίμην τυποίσο τυποίσο, τυποίμεθον τυποίσοθον τυποίσοθην, τυποίμεθα τυποίσοθε τυποίσοιτο.

Infinitum.

τυπῆσθαι.

A

PASSIVA. PRÆSENS.

Indicativum.

τύπτομαι τύπη τυπῆται, τυπόμεθον τυπῆσθον τυπῆσθον, τυπόμεθα τυπῆσθε τυπῶνται.

PRÆTERITVM IMPERFECTVM.

ἐτυπτόμην ἐτύπτε ἐτύπτετο, ἐτυπόμεθον ἐτύπτεσθον ἐτυπῆσθην, ἐτυπόμεθα ἐτύπτεσθε ἐτύπτοντο.

Imperativum.

τύπτε τυπτέσθω, τυπτέσθον τυπτέσθων, τυπτέσθε τυπτέσθασαν.

Optativum.

τυπτοίμην τυπτοίσο τυπτοίσο, τυπτοίμεθον τυπτοίσοθον τυπτοίσοθην, τυπτοίμεθα τυπτοίσοθε τυπτοίσοιτο.

Subjunctivum.

ἰάν τυπώμαι τύπη τυπῆται, ἰάν τυπώμεθον τυπῆσθον τυπῆσθην, ἰάν τυπώμεθα τυπῆσθε τυπῶνται.

Infinitum.

τυπῆσθαι.

PRÆTERITVM PERFECTVM.

Indicativum.

τέτυπμαι τέτυπαι τέτυπται, τετύπμεθον τέτυπθον τέτυπθον, τετύπμεθα τέτυπθε τετύπφαι.

PRÆTERITVM PLUSQVAMPERFECTVM.

Indicativum.

ἐτέτυπμην ἐτέτυπο ἐτέτυπτο, ἐτέτυπμεθον ἐτέτυπθον ἐτέτυπθην, ἐτέτυπμεθα ἐτέτυπθε ἐτέτυπτο.

Imperativum.

τέτυπο τετύπθω, τέτυπθον τετύπθων, τέτυπθε τετύπθασαν.

Infinitum.

τέτυπθαι.

INDEFINITVM PRIMVM.

Indicativum.

ἐτύπθην ἐτύπθης ἐτύπθῃ, ἐτύπθητον ἐτυπθῆτην, ἐτύπθῃμεν ἐτύπθῃτε ἐτύπθῃσαν.

Imperativum.

τύπθῃτε τυφθῆτω, τυφθῆτον τυφθῆτων, τύφθῃτε τυφθῆτωσαν.

Optativum.

τυφθῆμην τυφθῆς τυφθῆ, τυφθῆτον τυφθῆτην, τυφθῆμεν τυφθῆτε τυφθῆσαν, αὐτ τυφθῆεν.

Subjunctivum.

ἰάν τυφθῶ τυφθῇς τυφθῇ, ἰάν τυφθῆτον τυφθῆτον, ἰάν τυφθῶμεν τυφθῆτε τυφθῶσι.

Infinitum.

τυφθῆναι.

FUTURVM PRIMVM.

Indicativum.

τυφθῆσομαι τυφθῆσῃ τυφθῆσεται, τυφθῆσόμεθον τυφθῆσέσθον τυφθῆσέσθον, τυφθῆσόμεθα τυφθῆσέσθε τυφθῆσονται.

Optativum.

τυφθῆσοίμην τυφθῆσῃ τυφθῆσῃτο, τυφθῆσώμεθα τυφθῆσῃσθον τυφθῆσῃσθην, τυφθῆσώμεθα τυφθῆσῃσθε τυφθῆσῃσιντο.

Infinitum.

τυφθῆσθαι.

INDEFINITVM SECVNDVM.

Indicativum.

ἐτύπην ἐτύπῃς ἐτύπῃ, ἐτύπῃτον ἐτυπῆτην, ἐτύπῃμεν ἐτύπῃτε ἐτύπῃσαν.

Imperativum.

τύπῃτε τυπῆτω, τυπῆτον τυπῆτων, τύπῃτε τυπῆτωσαν.

Optativum.

τυπῆμην τυπῆς τυπῆ, τυπῆτον τυπῆτην, τυπῆμεν τυπῆτε τυπῆσαν, αὐτ τυπῆεν.

Subjunctivum.

ἰάν τυπῶ τυπῇς τυπῇ, ἰάν τυπῆτον τυπῆτον, ἰάν τυπῶμεν τυπῆτε τυπῶσι.

Infinitum.

τυπῆναι.

FUTURVM SECVNDVM.

Indicativum.

τυπῆσομαι τυπῆσῃ τυπῆσεται, τυπῆσόμεθον τυπῆσέσθον τυπῆσέσθον, τυπῆσόμεθα τυπῆσέσθε τυπῆσονται.

Optativum.

τυπῆσοίμην τυπῆσῃ τυπῆσῃτο, τυπῆσώμεθα τυπῆσῃσθον τυπῆσῃσθην, τυπῆσώμεθα τυπῆσῃσθε τυπῆσῃσιντο.

Infinitum.

τυπῆσθαι.

D

E

F

Infinitum.

τυπῆσθαι.

ΜΟΧ ΕΥΤΥΡΥΜ.

Indicativum.

τετύφομαι τετύφη τετύφεται, τετυφόμεθον τετύφοντο τετύφοντο, τετυφόμεθα τετύφασθε τετύφονται.

Optativum.

τετυφοίμην τετύφοιο τετύφοιτο, τετυφοίμεθον τετύφοισθον τετυφοίσθην, τετυφοίμεθα τετύφοισθε τετύφοντο.

Infinitum.

τετύφασθαι.

CONJUGATIO VERBORUM IN μι.

ACTIVA. PRÆSENS

Indicativum.

τίθην τιθῆς τίθῃσι, τίθετον τίθειον, τίθεμεν τίθετε τίθεσιν.

PRÆTERITUM IMPERFECTUM.

ἔτιθην ἐτίθῃς ἐτίθῃσι, ἐτίθετον ἐτίθειον, ἐτίθεμεν ἐτίθετε ἐτίθεσιν.

Imperativum.

τίθει τίθει, τίθετον τίθειον, τίθει τίθεισιν.

Optativum.

τιθείην τιθείῃς τιθείῃσι, τιθείητον τιθείητον, τιθείμεν τιθείτε τιθείσιν.

Subjunctivum.

ἰάν τιθῶ τιθῆς τιθῇ, ἰάν τιθῇτον τιθῇτον, ἰάν τιθῶμεν τιθῶτε τιθῶσι.

Infinitum.

τιθέναι.

INDEFINITUM SECUNDUM.

Indicativum.

ἴθην ἴθῃς ἴθῃσι, ἴθετον ἴθειον, ἴθεμεν ἴθετε ἴθεσιν.

Imperativum.

ἴθει, αὐτὸς ἴθει, ἴθειον ἴθειον, ἴθειτε ἴθεισιν.

Optativum.

ἴθειν ἴθειῃς ἴθειῃσι, ἴθειητον ἴθειητον, ἴθειμεν ἴθειτε ἴθεισιν.

Subjunctivum.

ἰάν ἴθῶ ἴθῃς ἴθῃ, ἰάν ἴθῇτον ἴθῇτον, ἰάν ἴθῶμεν ἴθῶτε ἴθῶσι.

Infinitum.

ἰθεῖναι.

MEDIA PRÆSENS

Indicativum.

τίθεμαι τίθεσαι τίθεται, τίθεμεθον τίθεσθον τίθεσθον, τίθεμεθα τίθεσθε τίθενται.

PRÆTERITUM IMPERFECTUM.

ἰτιθέμην ἰτίθεσο & ἰτίθῃς ἰτίθετο, ἰτιθέμεθον ἰτίθεσθον ἰτίθεσθον, ἰτιθέμεθα ἰτίθεσθε ἰτίθεντο.

Imperativum.

τίθεσο & τίθῃς τίθεσθαι, τίθεσθον τίθεσθον, τίθεσθε τίθεσθαι.

Optativum.

τιθείμην τίθειο τίθειτο, τιθείμεθον τίθεισθον τιθείσθον, τιθείμεθα τίθεισθε τίθειντο.

Subjunctivum.

ἰάν τιθῶμαι τιθῇ τιθῇται, ἰάν τιθῶμεθον τιθῶσθον τιθῶσθον, ἰάν τιθῶμεθα τιθῶσθε τιθῶνται.

Infinitum.

τιθεσθαι.

INDEFINITUM SECUNDUM.

Indicativum.

ἰθέμην ἰθεσο & ἰθῃς ἰθετο, ἰθέμεθον ἰθεσθον ἰθεσθον, ἰθέμεθα ἰθεσθε ἰθεντο. Et reliqua sicut ἰτιθέμην.

PASSIVA. PRÆSENS

Indicativum.

τίθεμαι τίθεσαι τίθεται, τίθεμεθον τίθεσθον τίθεσθον, τίθεμεθα τίθεσθε τίθενται.

PRÆTERITUM IMPERFECTUM.

ἰτιθέμην ἰτίθεσο & ἰτίθῃς ἰτίθετο, ἰτιθέμεθον ἰτίθεσθον ἰτίθεσθον, ἰτιθέμεθα ἰτίθεσθε ἰτίθεντο.

Imperativum.

τίθεσο & τίθῃς τίθεσθαι, τίθεσθον τίθεσθον, τίθεσθε τίθεσθαι.

Optativum.

τιθείμην τίθειο τίθειτο, τιθείμεθον τίθεισθον τιθείσθον, τιθείμεθα τίθεισθε τίθειντο.

Subjunctivum.

ἰάν τιθῶμαι τιθῇ τιθῇται, ἰάν τιθῶμεθον τιθῶσθον τιθῶσθον, ἰάν τιθῶμεθα τιθῶσθε τιθῶνται.

Infinitum.

τίθεσθαι.

PRÆTERITUM PERFECTUM.

Indicativum.

τέθειμαι τέθεισαι τέθειται, τέθειμεθον τέθεισθον τέθεισθον, τέθειμεθα τέθεισθε τέθεινται.

Imperativum.

τέθεσο τέθεισθαι, τέθεισθον τέθεισθον, τέθεισθε τέθεισθαι.

Optativum.

τεθείμην τεθείο τεθείτο, τεθείμεθον τεθείσθον τεθείσθον, τεθείμεθα τεθείσθε τεθείντο.

Subjunctivum.

ἰάν τεθῶμαι τεθῇ τεθῇται, ἰάν τεθῶμεθον τεθῶσθον τεθῶσθον, ἰάν τεθῶμεθα τεθῶσθε τεθῶνται.

Infinitum.

τεθείσθαι.

PRÆTERITUM PLUSQUAMPERFECTUM.

Indicativum.

ἑτεθέμην ἑτέθεσο ἑτέθετο, ἑτεθέμεθον ἑτέθεσθον ἑτεθέσθον, ἑτεθέμεθα ἑτέθεσθε ἑτέθεντο.

INDEFINITUM PRIMUM.

Indicativum.

ἐτέθην ἐτέθῃς ἐτέθῃσι, ἐτέθετον ἐτέθειον, ἐτέθεμεν ἐτέθετε ἐτέθεσιν.

Imperativum.

ἐτέθει ἐτέθει, ἐτέθετον ἐτέθειον, ἐτέθει ἐτέθεισιν.

Optativum.

ετέθειην ετέθειῃς ετέθειῃσι, ετέθειητον ετέθειητον, ετέθειμεν ετέθειτε ετέθεισιν.

Subjunctivum.

ἰάν ετέθῶ ετέθῃς ετέθῃ, ἰάν ετέθῇτον ετέθῇτον, ἰάν ετέθῶμεν ετέθῶτε ετέθῶσι.

Infinitum.

ετέθειναι.

FUTURUM PRIMUM.

Indicativum.

τεθήσομαι τεθήσῃ τεθήσεται, τεθήσομεθον τεθήσεσθον τεθήσεσθον, τεθήσομεθα τεθήσεσθε τεθήσονται. *Imo hoc magis apparet esse ποσὶν γινώσκοντων.*

Optativum.

τεθήσοίμην τεθήσοιο τεθήσοιτο, τεθήσοίμεθον τεθήσοισθον τεθήσοισθον, τεθήσοίμεθα τεθήσοισθε τεθήσοιντο.

Infinitum.

τεθήσεσθαι.

EXEMPLUM VERBI AB αω.

ACTIVA. PRÆSENS

Indicativum.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι. *Imo hoc magis apparet esse ποσὶν γινώσκοντων.*

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

ἵστημι ἵστης ἵστησι, ἵσταλον ἵστασθαι ἵστασθαι, ἵστασθον ἵστασθον, ἵστασθε ἵστασθαι.

MEDIA ET PASSIVA. PRÆSENS.

Indicativum δίδωμαι. Præteritum imperfectum ἰδίδω-
μην. Imperativum δίδω & δίδω. Optativum δίδωμην.
Subjunctivum ἰδίδωμαι. Infinitum δίδωσθαι.

PRÆTERITUM PERFECTUM.

Indicativum δέδωκα. Optativum δέδοικην. Subjun-
ctivum ἰδεδώκα. Infinitum δέδοσθαι.

PRÆTERITUM PLUSQUAMPERFECTUM.

Indicativum ἰδεδόμην. Imperativum δέδοσο.

INDEFINITUM PRIMUM.

Indicativum ἰδῶ. Imperativum ἰδῶ. Optativum
δοῦν. Subjunctivum ἰδῶ. Infinitum δοῦναι.

FUTURUM.

Indicativum δοθήσομαι. Optativum δοθήσοιμην. Infini-
tum δοθήσεσθαι.

INDEFINITUM SECUNDUM.

Indicativum ἰδύμην. Imperativum δῶ & δῶ. Optati-
vum δοίμην. Subjunctivum ἰδύμην. Infinitum δῶσθαι.

EXEMPLUM AB ὤ.

ACTIVA. PRÆSENS.

Indicativum ζεύγνυμι. Præteritum imperfectum ἰζεύ-
γνυν. Imperativum ζεύγνυθι. Infinitum ζεύγνυσθαι.

MEDIA ET PASSIVA. PRÆSENS.

Indicativum ζεύγνυμαι. Præteritum imperfectum ἰζεύ-
γνύμην. Imperativum ζεύγνυσθαι. Infinitum ζεύγνυσθαι.

Itaque & seorsum juxta modos declinatur verbum
hoc modo.

Indicativum τύπῳ. Imperativum τύπε. Optativum
τύποιμι. Subjunctivum ἰάν τύπῳ. Infinitum τύπειν. Et
cætera ad eundem modum.

Annotatio.

Sciendum autem, quod ex verbis in μι desinentibus, quæ
per ω faciunt penultimam, per eandem ω habent præsentis
& indefiniti temporis subjunctiva, ut ἰάν δίδῳ, δίδῳς, δίδῳ.
ἰάν δῶ, δῶς, δῶ.

Alia annotatiuncula.

Sciendum, quod ex verbis in μι, quæ penultimam fa-
ciunt per υ, nec optativum modum habent proprium, ne-
que subjunctivum.

DE VERBIS CONTRACTIS.

Sciendum, quod verba tertiæ conjugationis, in ω purum
desinentia, & α vel ε vel ο, in penultima syllaba habentia,
veluti βοάω, ποίω, χρυσάω, producta penultima syllaba,
fere faciunt futurum hoc pacto, ποιήσω, βοήσω, χρυσά-
σω. patiuntur autem & contractiones, tum in præsentī, tum
in præterito imperfecto, tot ac tales.

Tres contractorum verborum forma.

Appellentur autem aliud quidem α, aliud vero ε, aliud
véρο α.

Contractiones verborum habentium α.

PRIMA FORMA.

Αω contrahitur in ᾠ. αε in ῥ. αε in ᾠ. αο in ῶ. αη in ῷ. αη in ῷ.
ᾠ. αοι in ῷ.

Exemplum.

Βοάω, βοᾷ, βοᾷεις, βοᾷς. βοᾷέον, βοᾷέον, βοᾷέον, βοᾷ-
μέν. βοᾷσι, βοᾷσι. βοᾷ, βοᾷ. βοᾷμι, βοᾷμι.

SECUNDA FORMA.

Contractiones verborum habentium ε.

Εω contrahitur in ῃ. εε in εῖ. εε in εῖ. εο in εῖ. εη in εῖ. εη in εῖ.
εοι in εῖ.

Exemplum.

Ποίω, ποιῶ, ποίεις, ποίεις. ποίέον, ποίέον, ποίέον, ποί-
μέν. ποίεσι, ποίεσι. ποίη, ποίη. ποίημι, ποίημι.

TERTIA FORMA.

Contractiones verborum habentium ο.

Οω contrahitur in ῶ. οε in ῶ. οο in ῶ. οη in ῶ. οη in ῶ. οη in ῶ.
vel in α. οι in ῶ. οι in ῶ. οι in ῶ. οι in ῶ. οι in ῶ. οι in ῶ.

Exemplum.

Χρυσάω, χρυσᾷ, χρυσάεις, χρυσάεις. χρυσάέον, χρυσάέον, χρυσάέον, χρυσά-
μέν, χρυσάμέν. χρυσάσι, χρυσάσι. χρυσά, χρυσά. χρυσάμι, χρυσάμι. χρυσάη,
χρυσάη. χρυσάέον, χρυσάέον. χρυσάητε, χρυσάητε, vel χρυσάητε.
χρυσάειν, χρυσάειν.

Annotatiuncula.

Horum autem omnium, & optativi contracti activi præ-
sentis, finali μι in ην verfo, proferuntur: ut ποιῶμι ποιήην.
Unde fit, ut tertias personas pluralium, non solum in εν de-
sinentes habeant, verum etiam in αν, ut ποιῶν ποιήσαν.

A Est autem peculiare verbis habentibus ε, ut cum dissyllaba
sunt, in nulla prima persona contrahantur. Declinantur &
in futuro assumpto in plerisque, ut πλέω πλεύσω.

Alia annotatiuncula.

Sciendum, quod in passivorum præteritis perfectis, non
licet juxta communem formam facere tertiam personam
pluralium, quoties tertia persona singularium, ultimam ha-
bet per duas consonantes, ut τέτυπται, πέπλευται. Proinde
aut Jonico more utimur, dicentes τέτυφθαι & πεπλέχθαι,
aut in participium & verbum substantivum resolvimus, di-
centes τέτυμμένοι εἰσι, & πεπλεγμένοι εἰσι. id est, *verberati
sunt, plexi sunt.*

CONJUGATIO VERBI SUBSTANTIVI.

B Porro verbum substantivum sic declinatur ac scribitur.

ACTIVA. PRÆSENS.

Indicativum.

ἔμῃ εἰ ἐστίν, ἐσὶν ἐστίν, ἔσμεν ἐστίν.

PRÆTERITUM IMPERFECTUM

Indicativum.

ἦν ἦν, ἦτον ἦτον, ἦμεν ἦτε ἦσαν.

Imperativum.

ἴθι & ἴσο ἴσω, ἴσον ἴσον. ἴτε ἴσων.

Optativum.

ἴην ἴης ἴη, ἴητον ἴητον, ἴημεν ἴητε ἴησαν & ἴεν.

Subjunctivum.

ἴαν ἴῃς ἴῃ, ἴαν ἴτον ἴτον, ἴαν ἴμεν ἴτε ἴσιν.

Infinitum.

εἶναι.

FUTURUM.

Indicativum.

ἔσομαι ἔσῃ ἔσεται, vel ἔσαι, ἔσόμεθον ἔσεσθον ἔσεσθον,
ἔσόμεθα ἔσεσθε ἔσονται.

Optativum.

ἔσοιμην ἔσοιο ἔσοιτο, ἔσόμεθον ἔσοισθον ἔσοισθον, ἔσόμεθα
ἔσοισθε ἔσονται.

Infinitum.

ἔσεσθαι.

DE PARTICIPIO.

Participium autem dividendum quidem ut verbum, de-
clinandum vero ut nomen. Atque in totum illud accipien-
dum, quod partim nominis, partim verbi sit particeps. Ha-
bet enim eadem accidentia, & cum nomine, & cum verbo:
id autem consideretur in his.

ACTIVA.

Præsens τύπῳ. Præteritum imperfectum ἔτυπον. Ma-
sculinum participium τύπῳ. Fœmininum τύπῳ. Neu-
trum τύπῳ. Futurum primum τύψω. ὁ τύψω. ἡ τύψω. τὸ
τύψω. Infinitum primum ἔτυψω. ὁ τύψω. ἡ τύψω. τὸ
τύψω. Præteritum perfectum & plus quam perfectum τέ-
τυφα. ὁ τετυφῶς. ἡ τετυφῆ. τὸ τετυφός. Infinitum secun-
dum ἔτυπον. ὁ τυπῶν. ἡ τυπῶσα. τὸ τυπόν. Futurum secundum
τυπῶ. ὁ τυπῶν. ἡ τυπῶσα. τὸ τυπῶν.

MEDIA.

Præsens τύπομαι. ὁ τυπόμενος. ἡ τυπόμενη. τὸ τυπόμενον.
Futurum primum τύφομαι. τυφόμενος. ἡ τυφόμενη. τὸ τυφό-
μενον. Infinitum primum ἔτυφάμην. ὁ τυφάμενος. ἡ τυφά-
μένη. τὸ τυφάμενον. Præteritum perfectum τέτυπα. ὁ τετυ-
πῶς. ἡ τετυπῆ. τὸ τετυπός. Infinitum secundum ἔτυπόμην.
ὁ τυπόμενος. ἡ τυπόμενη. τὸ τυπόμενον. Futurum secundum τυ-
πῶμαι. ὁ τυπόμενος. ἡ τυπόμενη, τὸ τυπόμενον.

PASSIVA.

Præsens τύπομαι. ὁ τυπόμενος. ἡ τυπόμενη. τὸ τυπόμενον.
Præteritum perfectum τέτυμαι. ὁ τετυμμένος. ἡ τετυμμένη.
τὸ τετυμμένον. Infinitum primum ἔτυφθην. ὁ τυφθείς. ἡ τυφθεῖ-
σα. τὸ τυφθέν. Futurum primum τυφθήσομαι. ὁ τυφθῆσόμενος.
ἡ τυφθῆσόμενη. τὸ τυφθῆσόμενον. Infinitum secundum ἔτυ-
πην. ὁ τυπείς. ἡ τυπείσα. τὸ τυπέν. Futurum secundum τυπή-
σομαι. ὁ τυπησόμενος. ἡ τυπησόμενη. τὸ τυπησόμενον. Mox fu-
turum τετύφομαι. ὁ τετυφόμενος. ἡ τετυφόμενη, τὸ τετυφόμενον.

PARTICIPIA A VERBIS IN μι.

ACTIVA.

Præsens & præteritum imperfectum τίθῃμι. ἐτίθην. ὁ
τιθείς. ἡ τιθείσα. τὸ τιθέν. Infinitum secundum ἰθῆν. ὁ θείς.
ἡ θείσα. τὸ θέν.

Aliud exemplum.

Præsens ἵστημι ἵστην. ὁ ἵσας. ἡ ἵσᾶσα. τὸ ἵσάν. Infinitum
secundum ἵσθην. ὁ σῶς. ἡ σῶσα. τὸ σῶν.

Tom. I.

I

Aliud

Aliud.

Præfens δίδωμι. ἰδίδων. ὁ δίδως. ἡ δίδωσα. τὸ δίδων. Inde-
finitum secundum ἰδων. ὁ δίδς. ἡ δίδςα. τὸ δίδων.

Aliud.

Præfens ζεύγνυμι. ἐζεύγνυν. ὁ ζεύγνυς. ἡ ζεύγνυσα. τὸ ζεύ-
γνυν.

Participia a verbo substantivo.

Præfens εἶμι. ἦν. ὁ εἶν. ἡ εἶσα. τὸ εἶν. Futurum ἔσται. ὁ εἰ-
μένος. ἡ εἰσμένη. τὸ εἰσόμενον.

De generibus & declinatione participiorum.

Declinantur autem fœminina quidem omnia juxta se-
cundam nominis declinationem. Cæterum activa masculi-
na simul & neutra juxta quintam, passiva juxta tertiam: ex-
ceptis indefinitis, quæ & ipsa quintæ sunt: porro media ad
tertiam & ipsa referuntur: excepto præterito perfecto, nam
hæc quoque ad quintam pertinet.

DE PRONOMINE.

Pronomen autem, aliud quidem primitivum, aliud vero
possessivum, aliud demonstrativum, aliud relativum, aliud
compositum. Habet autem & genera & numeros & casus
accidentia. Primitiva igitur sunt tria, ἐγώ, σὺ, ἐσ. id est, ego,
tu, ille: declinantur autem in hunc modum.

Rectus ἐγώ. genitivus ἐμοί. dativus ἐμοί. accusativus ἐμέ.
Rectus & accusativus σὺ. genitivus & dativus σοί. Rectus
ἡμεῖς. genitivus ἡμῶν. dativus ἡμῖν. accusativus ἡμᾶς. Σὺ. σέ. σοί.
ἐσ. Σε. id est, vos duo, vel vos duos, σφῶν, id est, vestrum
duorum, vel vobis duobus. ὑμεῖς. ὑμῶν. ὑμῖν. ὑμᾶς. ἐσ. ἑ. οἱ. ἑ.
σφε. σφῶν. σφεῖς. σφῶν. σφῆσι. σφεῖς.

DE POSSESSIVIS.

Possessiva vero a primitivis venientia octo, ἐμός. σός. ἐός.
νώτερος. σφώτερος. ἡμέτερος. ὑμέτερος. σφέτερος. Quotum sin-
gula per tria genera variantur, ἐμός. ἐμή. ἐμόν. νώτερος. νώ-
τέρα. νώτερον: porro quomodo declinanda sint, liquet.

DE DEMONSTRATIVIS.

Demonstrativa vero duo, quæ & ipsa tribus generibus
variantur, ὅτος, αὗτος, τότο. ἐκεῖνος, ἐκεῖνη, ἐκεῖνο. & declina-
tur ad hunc modum.

Masculinum.

Οὗτος τέττι τέττι τέττον ὁ ὅτος, τέττι τέττον ὁ ὅτος, ὅτοι
τέττων τέττως τέττες ὁ ὅτοι.

Fœmininum.

Ἄυτη τάττης τάττη τάττη ὁ αὗτη. τάττα τάτται ὁ αὗται.
αὗται τέττη τάτταις τάτταις ὁ αὗται.

Neutrum.

Τότο τέττι τέττι τότο ὁ τότο, τέττι τέττον ὁ τότο, ταῦτα
τέττων τέτοις ταῦτα ὁ ταῦτα.

Aliud exemplum demonstrativum. Masculinum ἐκεῖνος
ἐκεῖνη ἐκεῖνον. Fœmininum ἐκεῖνη ἐκεῖνης ἐκεῖνη. Neu-
trum ἐκεῖνο ἐκεῖνης. & cætera juxta nominum inflexionem.

DE RELATIVO.

Relativum autem unum, quod & ipsum tribus generi-
bus variatur, αὐτός αὐτή αὐτό. Huic proprium est, quod
triplicem significat personam. Siquidem αὐτός pro ἑγώ po-
nitur, aut pro σὺ, aut pro ἐκεῖνος.

DE COMPOSITIS.

Composita vero tria nominativo carentia, ἑαυτῆ, σαυτῆ
& ἑαυτῆ, quæ tribus generibus efferuntur. Quæ primæ &
secundæ sunt personæ, hæcenus declinantur, ἑαυτῆ, ἑαυ-
τῶ, ἑαυτῶν. σαυτῆ, σαυτῶ, σαυτῶν. Quæ vero tertiæ, per
omnes casus inflectuntur. Atque hæc sane non solum com-
posite, verum etiam disjunctim declinantur in pluralibus, ut
ἑαυτῶν. & σφῶν αὐτῶν, ἑαυτῶς, & σφῆσιν αὐτῶς, ἑαυτῆς, &
σφεῖς αὐτῆς.

DE PRÆPOSITIONE.

Præpositio vero alia monosyllaba, alia plurium syllaba-
rum, alia duarum. Huic accidit quod ultimam acuit, si re-
cipit tonum. Deinde quod primam vocalem habet tenuem,
exceptis his quæ incipiunt ab υ: præterea quod penultimam
habet correptam, exceptis duabus. Id consideretur in his:
ἐν. ἐς. ἐξ. ἐν. πρὸς. πρὸ. ἀνά. κατά. διά. μετά. παρά. ἀντί. ἐπί.

περί. ἀμφί. ἀπὸ. ὑπὸ. ὑπέρ. id est, in. in. ex. cum. ad. ante. per.
juxta. pro. super. circa. circum. ab. sub. super.

DE ADVERBIO.

Adverbium aliud temporis, ut νῦν. τότε. ποτὲ. ἤδη. ἄρτι.
ἄνθις. τέως. ἕως. ἡνίκα. ἔπειτα. μετέπειτα. σήμερον. αὐριον. χθές.
πάλαι. αἰ. id est, nunc. tunc. aliquando. jam. nuper. rursus.
eouſque. donec. cum. postea. deinde. hodie. cras. heri. quondam.
semper. Aliud loci, ut ἄνω. κάτω. ἔξω. ἔσω. πόρῳ. ἐγγύς. ἐναν-
τίως. χαμαί. ἐνθα. ὅθεν. ἐπείκεινα. μακρὰν. id est, sursum. deor-
sum. foras. intro. procul. prope. contra. humi. ubi. unde. ultra.
longe. Aliud qualitatis, ut εὖ. καλῶς. id est, pulchre. ἡδέως.
id est, libenter. σοφῶς. id est, sapienter: quæ quidem & me-
diocritatis vocantur κονηδόν, βουρυδόν, ἀγεληδόν. id est, ca-
pine, botrorum in morem, hoc est dense, ἀρμενταίμ. Aliud
quantitatis, ut ἅπασι. δις. τρις. πολλάκις. ὀλίγακις. id est, se-
mel. bis. ter. sæpe. raro. Aliud congregandi, ut ἅμα. ὁμῶς. συλ-
λήδην. ἀδρόως. id est, simul. pariter. collectim. universim. Aliud
separationis, ut ἀνεν, χωρὶς, διχῇ. id est, seorsim. separatim.
σμεοῖμ. Aliud exceptionis, ut πλὴν. Aliud ordinis, ut ἐξ ἧς.
ἐφεξῆς. ἐνθὺς. ἐνθὺς. ἐξ αἰφνης. αὐτίκα. παραχρῆμα. id est, de-
inde. deinceps. protinus. mox. repente. continuo. illico. Aliud si-
militudinis, ut ὡς. ὥσπερ. καθά. καθάπερ. id est, ut. veluti.
quemadmodum. sicut. Aliud digressionis, ut ἄλλοι. id est, ita-
que. Aliud comparandi, ut μᾶλλον. ἥτις. id est, magis. mi-
nus. Aliud vehementiæ, ut λίαν. ἄγαν. μάλα. πάν. σφό-
δρα. id est, nimis. nimium. maxime. admodum. valde. Aliud
remissionis, ut ἡρέμα. ἡσυχῇ. μόγις. id est, sensim. paulatim.
vix. Aliud confirmandi, ut δηλαδὴ. δήπαθεν. πᾶντως. ὄντως.
ἦ. id est, videlicet. profecto. omnino. revera. certe. Aliud adju-
randi, ut νῆ. ναί. id est, per. Aliud affirmandi, ut ναί. id est,
etiam. Aliud abjurandi, ut μὴ. id est, non per. Aliud negan-
di, ut ἰδὲ αὐτῶς. ἡμισα. id est, nequaquam. minime. Aliud pro-
hibendi, ut μηδαμῶς. μὴ. id est, nequaquam. ne. Aliud con-
jecturæ, ut ἴσως. τάχα. τυχόν. id est, forsitan, forsitan, forte.
Aliud interrogandi, ut ποθεν. ποῖ. πῶ. πηνίκα. πῶς. id est, unde,
quo, ubi, quando, quomodo. Aliud demonstrandi, ut ἰδὲ. ἡνί.
ὅδε. ἐκεῖ. ἐνθα. ἰδὲ. id est, ecce, ἐν, hic, illic, hic. Aliud vocan-
di, ut ὅ, id est, ὅ. Aliud explicandi, ut ἡγουν. εἰδὲν. τετέστιν.
ἔτι. id est, videlicet, velut, hoc est, sive. Aliud positivum,
ut ἀναγνωστός, γραπτός. id est, legendum est, scribendum est.
Aliud optandi, ut εἴθε, ἄφελον. id est, utinam. Aliud exclā-
mandi, ut ἄ. ὦ. ἰ. εἰ. φεῦ. id est, ba. ju. hei. heu. Aliud ad-
mirandi, ut ὦ, φεῦ. id est, ὦ, heu. Aliud stuporis, ut ἄ, ἡρά-
κλεις. Aliud afflatus, ut εὐοί, εὐάν. Habet autem accidentia
hæc, speciem & figuram. Nam aliud est primitivum, ut
νῦν, id est, nunc. Aliud derivativum, ut ἐπείρῳθεν. id est,
aliunde. Et aliud simplex, ut πάλαι. id est, olim. Aliud
compositum, ut πρόσκαιρος. id est, jamolim.

DE CONJUNCTIONE.

Conjunctio vero alia copulativa, ut μὲν, δέ, τε, καί, ἀλλ-
λά, ἀλλά, ἀντά. id est, quidem, autem, quam, &, sed,
ceterum, atque. Alia disjunctiva, ut ἢ, ἥτοι. id est, aut, sive.
Alia continuativa, ut εἰ, εἴπερ, εἰδήπερ. id est, si, siquidem,
siquidem. Alia subcontinuativa, ut ἐπεὶ, ἐπειδὴ. id est, quap-
do, quandoquidem. Alia causalis, ut ἵνα, ὅπως, γὰρ, ὅτι, διότι.
id est, ut, quo, enim, quia, quapropter. Alia dubitandi, ut
ἄρα, εἴτα, μὲν, μή. id est, an, deinde, utrum, an. Alia ratio-
cinandi, ut ἄρα, ἀλλὰ, ἀλλὰ μὲν, ἔν, τοίνυν, τοιγαροῦτοι, τοιγα-
ρὲν. id est, certe, itaque, igitur, proinde, atque. Alia expleti-
va, ut δὴ, πῶ, τοί, δῆτα, πῆρ, πῶ, πῶς, μὲν, ἔν, γὰρ. id est,
jam, licet, sane. Alia potentialis, ut ἂν. quia addita verbis
optativis, potissimum facit modum potentialem. Alia dif-
cernendi sive adjiciendi, ut ἢ. id est, aut. Alia diminutiva,
ut γέν, γὰρ. id est, quidem, sane. Alia contrarietatis, ut ὅμως,
καίτοι, καίπερ. id est, attamen, tamen, licet. Habet autem
accidentem figuram: nam alia simplex est, ut ἐπεὶ. alia com-
posita, ut ἐπεὶ δὴ.

De octo igitur partibus orationis hic primi
libri finis esto.

THEODORI GAZÆ

GRAMMATICÆ INSTITUTIONIS

LIBER SECUNDUS,

DESIDERIO ERASMO

ROTTERODAMO

INTERPRETE.



OST hæc vero rursus ab initiis exorfi, dicamus de iisdem ceu locos quosdam ac sedes eorum quæ dicta sunt, constituentes, ac singulis quibusque adjicientes nonnulla, præter ea quæ superius tradita sunt.

Vocalium divisio & compositio.

Vocalium igitur aliarum præpositivæ, ut α η ε ω. Aliarum postpositivæ, ut ι υ. nam ad hunc modum inter se connexæ, constituunt diphthongos. Quamquam & nonnunquam præpositiva est, velut in dictione υός, id est, filius. ἀρχα, id est, Harppia. μῦα, id est, musca. Siquidem diphthongi sunt hæc quoque: η ω η υ α υ. licet improprie. Cæterum ων Jonum est peculiaris.

Alia vocalium divisio in augmentis verborum.

Præterea inter vocales, mutabiles sunt α ε ο. Mutantur enim in præteritis, α quidem & ε in η, ut ἀσθενῶ, ἡσθένειν. id est, infirmor, infirmabar. ἰθίλω, ἡθάλον. id est, volo, volebam. ο vero vertitur in ω, ut ὀφείλω, ὀφείλον. id est, debeo, debebam. Cæterum η ι υ ω sunt immutabiles, quippe quæ non mutantur. Nam ἡγεμονέω facit ἡγεμόνεον. id est, dux sum, dux eram. ἰξέω, ἰξέον. id est, aucupor, aucupabar. ὀφρίζω, ὀφρίζον. id est, violo, violabam. ὠφελῶ, ὠφελών. id est, juvo, juvabam. Vertitur itaque ε in η ubique: exceptis verbis quatuordecim, in quibus æssumitur, ut ἔχω, ἔχον. id est, habeo, habebam.

CONSONANTES DVPLICES.

Ex consonantibus autem duplices ζ ξ ψ. e consonantibus duabus constant ζ ex σ & δ. ξ ex κ & σ. ψ ex π & σ.

IMMUTABILES.

Cæterum λ μ ν ρ sunt immutabiles. Neque enim mutantur in formationibus verborum, neque in inflexione nominum, ut ψάλλω, ψάλλω. id est, canto, canam: νέμω, νέμω. id est, tribuo, tribuam: κρίνω, κρίνω. id est, judico, judicabo: σπείρω, σπείρω. id est, semino, seminabo: νέω, νέω. id est, ἄλλω, ἄλλω. id est, Græcus, Græci.

M V T Æ.

Porro tenues, aspiratæ, & mediæ ad hunc habent modum, ut β sono media fit inter π & φ. γ media fit inter κ & χ. δ media fit inter τ & θ.

DE SYLLABA.

Porro syllaba, alia quidem longa, alia vero brevis, alia communis. Ac rursus inter longas, alia natura longa, ut ἥρως, id est, heros. Alia vero posita longa, ut ἀπλῆς, id est, simplex. Jam dictionem quidem constituit syllaba, quum ea sane sit literarum complexio. Orationem autem constituit dictio.

ACCENTVS.

Oratio vero nunc intenditur, nunc remittitur: idque fit iis qui vocantur accentus.

ACCENTVS QVOT?

Cæterum inter accentus, Acutus, Gravis, & Circumflexus, Toni sunt. Aspiratus, ac Tenuis, spiritus dicuntur. Apostrophus & Hyphen, & Diastole, passiones.

LOCI TONORVM.

Loci, acuti accentus sunt, ultima syllaba, unde dictio oxytona vocatur: ut ἀγαθός, id est, bonus: penultima unde paroxytona, aut barytona dicitur: ut λόγος, id est, sermo. Ante penultima, unde paroxytona vocatur, ut δίκαιος, id est, justus.

LOCI GRAVIS.

Gravis autem accentus loci, sunt omnes syllabæ, quæ æquabili sono proferuntur, unde & syllabicæ appellantur to-

nus. Nec ponitur nisi tantum in iis quæ ultimam acutunt, cum perpetuo vocis cursu æquabiliter pronunciamus: ut τὸς ἀρχόντα. id est, qui principi adstant.

CIRCUMFLEXI.

Circumflexi vero locus est ultima, unde & circumflexa dicitur dictio: ut ποιῶ, id est, facio. Et penultima unde proparisipomena vocatur, ut ποιῆμαι. id est, fio.

LOCI SPIRITVVM.

Porro acuti ac tenuis, loci sunt vocales initiales, ut ἀνθρωπος, id est, homo. ὁμηρος, id est, Homerus: & inter consonantes quoties hinc incipit dictio: ut ἦμα, id est, verbum.

LOCI ΠΑΘΩΝ.

Apostrophus locus est, ubi quid eliditur: ut ἀρα ἔτος, ἀρ' ἔτος. id est, videlicet hic. Hyphen autem locus est infra ea quæ e duobus aut pluribus componuntur, ut πασιμέλουσα, id est, qua omnibus cura est. Diastoles vero locus est, sub iis in quibus oportet aliquo modo dirimere quæ composita sunt, ut ὁ, τι. id est, quod pronomen.

DE PARTIBVS ORATIONIS.

Cæterum inter partes orationis, nomen (ut iis quæ dicta sunt adjiciamus aliquid) aliud est gentile, ut φρῆξ. id est, Phryx. Aliud indefinitum, ut ὁποῖός. id est, qualiscunque. Aliud comprehensivum, ut δῆμος, id est, populus. Aliud distributivum, ut ἕτερος, id est, alter. ἑκάτερος, id est, uterque. ἕκαστος, id est, unusquisque. ἄλλος, id est, alius. Aliud contentivum, ut ἀμπέλων. id est, vinetum. Aliud factitivum, ut φλοῖστος, id est, fluctus. Aliud ordinale, ut πρῶτος, id est, primus. δεύτερος, id est, secundus. Aliud ad aliquid, ut παῖς, id est, pater. Aliud tanquam ad aliquid: ut νύξ, id est, nox. θάνατος, id est, mors.

DE PROPRIIS.

Jam propria nomina semper unico genere inflectuntur. Nempe aut masculino tantum, aut foeminino: ut ὁμηρος, καλλιόπη. id est, Homerus, Calliope.

DE APPELLATIVIS.

Appellativorum quæcunque significant animalia, fere communis sunt generis: licet nonnulla sint epicœna.

DE ADJECTIVIS.

Quæ vero proprie sunt adjectiva, trium generum sunt omnia: ut σοφός, id est, sapiens. σοφῆ, id est, hæc sapiens. σοφόν, id est, hoc sapiens. Cæterum quæ ancipitis sunt naturæ, & modo pro adjectivis usurpantur, modo pro appellativis, ut ἐνεργῆς, id est, beneficus: & πολίτης, id est, civis: & βασιλεύς, id est, rex: & id genus alia, duorum sunt generum. Hujusmodi est & τρήρων, id est, columba: & πῖλξ, id est, lepus.

INFLEXIO ADJECTIVORVM.

Quæ igitur definunt in ος purum simplicia, trium generum, foemininum deformant in α, ut δίκαιος, id est, justus. δίκαια, id est, justa. Confimiliter & ea quæ in ultima syllaba habent ε, ut ἀνδρὺς, id est, floridus: ἀνδρά. id est, florida. Cæterum σοφίη pro σοφίᾳ, & his similia, Jonica sunt. Quæ vero definunt in ος non purum, foemininum, figurant in η, ut ἐρημος, id est, desertus: ἐρήμη, id est, deserta. φρόνιμος, id est, hic prudens: φρονίμη, id est, hæc prudens.

INTERROGATIVA.

Porro interrogativa, five percontativa, trium generum sunt & ipsa τίς, id est, quis aut qua. τί, id est, quid. ποῖος, id est, qualis: ποῖα, id est, hæc qualis: ποῖον, id est, quale. Nec habent vocandicafum. Sumuntur autem aut juxta substantiam, ut τίς, id est, quis: aut juxta qualitatem, ut ποῖος, id est, qualis: aut juxta quantitatem, ut πόσον, id est, quantum, & πηλίκον, id est, quantum: & ποσόν, id est, quotum: & πότερον, id est, utrum: aut secundum locum, ut πῶς αὖτος, id est, cujus.

Tom. I.

I 2

I N

INDEFINITA.

Similiter autem & indefinita trium generum sunt, & singula in singulis interrogativorum formantur appositione literæ ο, ut ποῖος, id est, qualis: ὁποῖος, id est, qualis. πότερος, id est, uter: ὁπότερος, id est, uter.

RELATIVA.

Trium generum sunt & relativa: & aut juxta qualitatem, aut juxta quantitatem sumuntur, ut τοῖστος, id est, talis. οἷος, id est, qualis. τηλικῶτον, id est, tantum. ἥλικον, id est, quantum. τόσον, id est, tantum, ὅσον, id est, quantum.

COLLECTIVA.

Cæterum comprehensiva, sive collectiva, unius sunt generis, ut δῆμος, id est, populus. πλῆθος, id est, multitudo.

DISTRIBUTIVA.

Sane distributiva trium sunt generum, ut ἕτερος, ἑτέρα, ἕτερον, id est, alter, altera, alterum. ἄλλος, ἄλλη, ἄλλο, id est, alius, alia, aliud. Quadrisariam autem distribuuntur, sive partiuntur. Aut enim unum e duobus, ut ἕτερον, id est, alterum: aut duo singulatim, ut ἑκάτερον, id est, utrumque: aut unum e pluribus, ut ἄλλο, id est, aliud, aut multa singulatim, ut ἑκαστον, id est, unumquodque.

ORDINALIA ET MATERIALIA.

Trium generum sunt & ordinalia, ut πρῶτος, πρώτη, πρῶτον, id est, primus, prima, primum. Sicut & materialia, ut λίθινος, λίθινη, λίθινον, id est, lapideus, lapidea, lapideum. Hæc autem & ab iis formantur, quæ similitudinem sunt partium. Nam ξύλον, id est, lignum: ὀστέον, id est, os. & σῆμα, id est, caro: similitudinem sunt partium. Unde & ξύλινον, id est, ligneum: & ὀστέον, id est, osseum. & σῆμα, id est, carneum. Ad eundem modum & in cæteris. In duas autem potissimum terminationes dividuntur. Aut enim in ἰον, ut πῆλινον, id est, lutum. aut in ὠδες, ut πηλῶδες, γηῶδες, id est, lutum, terreum. Quamquam quæ a metallis veniunt, propriam habent terminationem. In εον & εν per contractionem, ut χρύσειον, id est, aurum. σιδήρεον, id est, ferrum. χαλκῶον, id est, æreum. ἀργυρεον, id est, argenteum. Quibus respondet & κεραμεύον, id est, fætile.

EPILOGVS.

In genere vero, Nomini (ut prius est dictum) accidunt quinque. E quibus genus improprie dicitur, & commune quoddam & epicœnum, id est, supercommune. Nam ubi tantum præcedit articulus masculinus, masculinum est: ubi tantum foemineus, foemininum: ubi neuter, neutrum: ubi vero uterque, nempe masculinus & foemininus, commune. Porro quod alterutro articulo appposito, genus utrumque significat, epicœnum est: ut αἰετός, id est, aquila: χελιδών, id est, hirundo.

SPECIES.

Species autem primitiva, ut πᾶς, id est, omnis. Derivata, ut λόγιος, id est, sapiens.

DERIVATIVORVM DIVISIO.

Derivativi vero septem potissimum sunt species, de quibus ante dictum est. E quibus comparativa & superlativa formantur ad hunc modum.

Formatio comparativorum & superlativorum.

In ος definitia adjectiva, trium generum nomina, mutatione ε in τ, & assumptione ερος, fiunt comparativa: ut ἑδοξος, ἑδοξέτερος, id est, gloriosus, gloriosior. Assumptione autem αλος, fiunt superlativa: ut ἑδοξος, id est, gloriosus. ἑδοξότατος, id est, gloriosissimus. παλαιός, παλαιότατος, id est, vetustus, vetustissimus. Præter καλός, id est, pulcher, & κακός, id est, malus: & alia nonnulla. Nam hæc habent καλλίων, καλλίστος, id est, pulchrior, pulcherrimus. κακίον, κακίστος, id est, pejor, pessimus. βέλλιον, βέλλιστατος, id est, melior, optimus. ἀμεινών, κρείττων, id est, melior, potior. ἀρις, id est, optimus. χειρὼν, ἐλάττων, ἥττων, μείων, id est, deterior, minor, inferior, μείων, id est, minimus. μείζων, id est, major. μέγιστος, id est, maximus. ῥᾶν, ῥᾶτος, id est, facilius, facillimus. Quod si positivum definit in ης, & inflectatur per εος, ab ejus neutro fit comparativum & superlativum, ea mutatione & assumptione, de qua dictum est, εγενής, εγενές, id est, hic & hæc generosus, a, & hoc generosum, εγενέστερος, εγενέστατος, id est, generosior, generosissimus. ἀληθής, ἀληθέστατος, id est, hic & hæc verax, hoc verax. ἀληθέστερος, ἀληθέστατος, id est, veracior, veracissimus. Sin in υς definit positivum trium generum, tum ad eundem modum formantur a neutro, ut βραχύς, βραχύς, id est, hic brevis, hoc breve. βραχύτερος, βρα-

χύτερος, id est, brevior, brevissimus. Præter ἡδύς, id est, jucundus. πολὺς, id est, multus. ταχύς, id est, velox. Nam ab his fit ἡδύν, ἡδύς, id est, jucundior, jucundissimus: & πλείων, πλείος, id est, copiosior, plurimus. Et ταχύν, ταχίς, id est, velocior, velocissimus. Etiam si hæc & aliter formare liceat, additione τερος, ας τᾶλος: excepto, πολὺς, id est, multus. ἡδύτερος ἡδύτατος, id est, jucundior, jucundissimus: ταχύτερος, ταχύτατος, id est, velocior, velocissimus. Eorum quæ definit in υς, quædam simplex comparativum & superlativum faciunt, quædam duplex. Simplex quidem, ut ἑρπύς, id est, laus: ἑρπύτερος enim & ἑρπύτατος tantum facit, id est, latior, latissimus. Duplex autem, ut ἡδύς, id est, jucundus, & γλυκύς, id est, dulcis, & ὠκύς, id est, velox. Nam hæc non solum in ἑρος ac ἑατος formantur, verumetiam in ων & in εος, ut γλυκύν, γλυκύς, ὠκύν, ὠκύς, id est, dulcior, dulcissimus, ὀσγόν, ὀσγύς. Consimiliter his & εἰσγός, id est, euperis, & ἐχθρός, id est, inimicus. Quod si non oportet prætermittere βράσσειν, id est, brevior, & θάσσειν, id est, celerior, & πᾶσσειν, id est, pinguior: erunt igitur quædam quæ triplicem habent formam. Siquidem a βράδης, id est, tardus, & βραχύς, id est, brevis, venit comparativum βράσσειν, id est, tardior, aut brevior. Et a ταχύς, id est, velox, θάσσειν, id est, velocior. Et a παχύς, id est, pinguis, πᾶσσειν, id est, pinguior. Porro quæ aliam aliquam habent terminationem, per ετερος & ετατος formant comparativa & superlativa plerumque, ut σῶφρον σῶφρονος, id est, sobrius, sobrius, σωφρονέστερος σωφρονέστατος, id est, temperatior, temperatissimus. χαρίεις, χαρίεντος, id est, venustus, venusti, χαριέστερος χαριέστατος, id est, venustior, venustissimus. Et abique ε ut ἰνους, id est, benevolus, ἰνέστερος ἰνέστατος, id est, benevolentior, benevolentissimus. Non solum autem a nominibus fiunt comparativa, quin & a participiis, ut ἐρρωμέντερος, id est, valentior. Et insuper a præpositionibus, ut πρότερος, id est, prior, & ὑπέρτερος, id est, superior. Et ab adverbis, ἐγγύτερος, id est, vicinior: πορρωτέρος, id est, longinquior. ἀνώτερος, id est, sublimior.

Formationes patronymicorum.

Cæterum patronymici formationes sunt hujusmodi: Quæcunque nomina in ος purum desinunt, masculinum patronymicum formant in αδης, ut ἥλιος, id est, sol, ἡλιάδης, id est, filius solis. Quæcunque vero in ος non purum, faciunt in ιδης, ut κρόνος, id est, Saturnus, κρονίδης, id est, filius Saturni. Quamquam quæ sunt quintæ declinationis, in his a genitivis formantur in ιδης, atque hic sane fit & Synæresis, si habeant in penultima. Quorum est & alia rursus formatio in ων, more Jonico, ut Πέλοψ, Πέλοπος, id est, Pelops Pelopis, Πελοπίδης, id est, Pelopides. Πηλεὺς, Πηλείδης, id est, Peleus Pelei. Πηλείδης quatuor syllabis, & Πηλείδης tribus, per Synæresin, & Πηλείων Jonice. Quæ vero primæ sunt inflexionis in αδης faciunt, αἰνείας, αἰνεάδης, id est, Aeneas Aeneades: Ἰφίτης, Ἰφιδάδης, id est, Iphites Iphitades.

Fœminini patronymici formatio.

Fœminina vero patronymica a propriis fiunt masculinis, abiectione syllabæ δη, ut ἡλιάδης ἡλιάς, id est, filia Solis. νεσπιδης νεσπιδης, id est, filia Nestoris. Præterea masculina primæ sunt declinationis, fœminina quintæ, ut Πριάμδης, Πριάμδης, id est, Priamides Priamide, Πριάμης, Πριάμδης, id est, Priamis Priamidis. Est & aliud patronymici genus improprie, masculinum quidem in διος definens, ut ὑπέρδιος, id est, hyperadius. Fœmininum vero in νη, ut Ἀδραστίνης, id est, Adrastine, & ἡετιώνη, id est, Ectionis filia. Atque ita trifariam fuerit, tum masculinum patronymicum, tum fœmininum.

FORMATIONES DIMINUTIVORVM.

Diminutiva vero, partim a propriis formantur, partim ab appellativis: velut a ζηνόδωρος, id est, Zenodorus ζηνῶς, id est, Zenodorus: ab ἀνθρωπος, id est, homo, ἀνθρωπίσκος, id est, homuncio.

SPECIES DIMINUTIVORVM.

Ac species quidem masculinorum sex. Prima in ων, duabus syllabis, ut βακχών, id est, Bacchius. βακχυλίδης, id est, Bacchomaster. Secunda in ων, ut, fit in penultima. μωρίων, id est, morio, αμωρός, id est, stultus. Tertia in ας, ut ῥόδαξ, id est, Rhodius, ῥόδατος, id est, Rhodius, Rhodiensis. Quarta in ας, ut ζηνῶς, id est, Zenodorus. μηλῶς, id est, metrodorus. Quinta in κος, ut ἀνθρωπίσκος, id est, homunculus. Sexta in λος, ut ναυίλος, id est, navilius, α ναύλης, id est, navita. Fœmininorum vero tres. Prima in ων, ut ὑψίπυλα, id est, hypsipyla. Secunda in ις, ut

δερα-

ῥεραπίαντις, id est, *famulula*: α ῥεράπαινα, id est, *famula*. Tertia in κη, ut παιδίσκη, id est, *puellula*: α παῖς, id est, *puella*. Neutrorum autem una in ον, ut μετράκωλλον, id est, *adole-scentulus*.

FORMATIONES POSSESSIVORVM.

Possessiva item & a propriis & ab appellativis deducuntur. Et quæ quidem in εἰον desinunt, formantur a primitivis in εὐς, ut νηλεὺς νηλεὺς, id est, *Neleus Nelei*. νηλεῖον, id est, *Neleum*. Verum non ab his solum. Quandoquidem ab αἰν-ῥωπῆς, id est, *hominis*, derivatur αἰνῥωπειον, id est, *humanum*. Quæ vero in κος desinunt, & in ωδες, veniunt a nominibus in ος, ut λόγος, id est, *ratio*. λογικός, id est, *rationalis*: sed non ab his solum, nam α βασιλείας, id est, *regis*, venit βασιλικόν, id est, *regale*. Item ἰδέλεια, id est, *imago*. δικελικόν, id est, *imaginarium*. Sane Grammatici est, nihil obstante, quod inusitata sint, has quoque tradere ambas species, a dictorum nominum singulis derivari. Ut enim ab ἀνθρώπος, id est, *homo*, ἀνθρωπικός, id est, *humanum*, & ἀνθρώπειον, id est, *humanum*: Ita & ab ὁμήρου, id est, *Homeri*, ὁμηρικόν, id est, *Homericum*, & ὁμήρειον, id est, *Homerium*: & ab αἰάντος, id est, *Ajantis*, αἰαντικόν & αἰαντειον, id est, *Ajacinum*. Et α πλάτωνος, id est, *Platonis*, πλατωνικόν, id est, *Platonicum*, & πλατωνεῖον, id est, *Platonicum*. Nonnulli vero etiam ea quæ a locorum vocabulis denominantur, possessiva, οἰκειοματικά, id est, *domestica* vocant, ut ἑράνιος, id est, *caelestis*, & θαλάσσιος, id est, *marinus*. Atque his confamilia. Itaque trifariam sumentur possessiva, aut *domestice*. ἑράνιον, id est, *caeleste*: aut *consignificative*. γραμματικόν, id est, *grammaticum*: aut *materialiter*. λιθώδες, id est, *lapideum*.

FORMATIONES DENOMINATIVI.

Porro denominativum tot modis formatur, quot sunt species nominum. At licuerit a singulis nominibus deducere. Masculinum quidem in ων unius generis, ut φίλος, id est, *amicus*. φίλων, id est, *Philo*. Fœmininum vero in οτης unius generis, ut φιλότης, id est, *amicitia*. Neutrum in ιον & generaliter in ον trium generum, ut φίλιον φιλικόν, id est, *amiciale*, sive ad amicum pertinet. Tametsi non sunt eodem modo trium generum, sed pro variis ultimæ ac penultimæ syllabæ formis. Nam ἀνθρώπιον & ἀνθρώπειον & ἀνθρώπωνδες, id est, *humanum*, & πηλινον, id est, *lutenum*, & ἀνθηρόν, id est, *floridum*. Et ut summam dicam, juxta formationem specierum nominis quam tradidimus. Considerandum autem est illud, an species tria recipiat genera. Neque enim omnia neutra in ον trium generum sunt. Proinde ζωόφιον, id est, *animalculum*, & μετράκωλλον, id est, *adolefcentulus*, & λεβήτιον, id est, *leberculus*, atque in totum diminutiva unici generis sunt. Considerare autem oportebit & reliquas denominationum formationes, juxta differentiam specierum, ut in diminutivo quidem, λιθώξ, id est, *lapillus*. ἀνθρωπίσκος, id est, *homunculus*. μητράς, id est, *Metrodorus*. In patronymico vero in δης.

FORMATIONES VERBALIUM.

Verbalia vero, ut in genere loquar, formantur a passivo præterito perfecto, vel a prima persona, vel a secunda, vel a tertia. Ac pleraque verbalia quidem deducuntur a prima, ut ποιήσασθαι, id est, *factus sum*. ποιήμας, id est, *opus*. λαλόγησθαι, id est, *consideratus sum*. λογιζομαι, id est, *consideratio*. Cæterum quæ in ις desinunt fœminina, a secunda sunt persona, ut αλέσασθαι, id est, *solutus es*: λύσις, id est, *solutio*. Quæ vero desinunt in ος, trium generum, a tertia veniunt persona, ut ἤκασθαι, id est, *auditus est*: ἀκούς, id est, *audibilis*. Insuper & appellativa in κριον, ut πίπτεται, id est, *posatus est*. ποτήριον, id est, *potculum*. Jam præter ea & quæ ante diximus, erit & figura quædam decomposita, & quæ a composita deducatur, ut φιλιππος, id est, *Philippus*, φιλιππίδης, id est, *Philippides*.

AD QVAS DECLINATIONES NOMINA

quæque referantur.

Cum nomen in quinque declinationes dividatur, ut dictum est, quomodo ad unamquamque referatur, & communiter & peculiariter, considerabitur hoc pacto.

QUÆ AD PRIMAM PERTINEANT.

Igitur quæ in ας desinunt purum, plurimum syllabarum quam duarum, simplicia barytona, hoc est, penultima acu-

A ta nomina referuntur ad primam, ut αἰνίας, id est, *Aeneas*. Præterea in ης desinentia, barytona, simplicia, unius generis, spondaica, hoc est, quæcunque penultimam habent longam, ut χρύσης. Quæcunque & non simplicia eodem pertinent, nisi a neutro in ος composita sint, ut, τελώνης, id est, *exactor tributorum*. ὀλυμπιονίκης, id est, *victor in Olympiis*. Præterea quæ in δης formata sunt, sive patronymica, sive propria, ut πριάμίδης, id est, *Priamides*: πριάμιν, id est, *Priamida*. παλαμίδης παλαμίδης, id est, *Palamides Palamida*. Exceptis iis quæ composita sunt a neutro in δος. Cæterum ὑπερείδης, id est, *Hyperides*, & ἀριστείδης, id est, *Aristides*: & alia nonnulla patronymicorum formam sequuntur. Præterea desinentia in της per Jambum, hoc est, quibus penultima brevis est, ut δεσπότης δεσπότης, id est, *dominus domini*. Excepto κράτης, id est, *Crates*; Nam κράτης, id est, *Crateris*, facit.

QUÆ SECUNDÆ.

Porro in α vel in η desinentia fœminina, ut μάα, id est, *Maja*. τιμή, id est, *honor*, ad secundam pertinent.

QUÆ TERTIÆ.

In ος masculina & fœminina, & in ον neutra, ad tertiam pertinent, ut θεός, id est, *Dens*. ὁδός, id est, *via*. αγαθόν, id est, *bonum*.

QUÆ QUARTÆ.

Quæ vero in ως desinunt, Attico more, masculina & fœminina, & in ων neutra, ad quartam pertinent. Declinantur enim ablatione consonantis finalis, ut μενέλεως μενέλω, id est, *Menelaus Menelai*. ἐγγεων ἐγγεω, id est, *ferax feracis*. Referri possunt ad hanc, & quæ Dorico more declinantur, ablatione σ, ut λάας λάα, id est, *lapis lapidis*. ποδὴς ποδῆ, id est, *pedes*.

QUÆ SINT QUINTÆ.

Jam vero quæcunque formam habent diversam ab iis quæ dicta sunt, masculina, fœminina, neutra, ad quintam pertinent. Nam genitivum omnia habent in ος, licet diversis modis. Quatenus alia quidem desinunt in syllabam puram, alia nequaquam: sed addita consonante, sive tenui, sive aspirata, sive media, sive immutabili. Vocales igitur in quas nomina hujusmodi desinunt, sunt α ι υ ω. Consonantes vero σ νς λς ξ ψ γ ρ.

Ergo quæ in α desinunt incontracta, per τ declinantur, ut βῆμα βήματος, id est, *gradus gradus*. Nisi si quod sit deformatum a masculino. Nam hoc masculini habet inflexionem, unde deductum est. μέγα μέγας, id est, *magnum magni*, quod dicatur μέγας μέγας, id est, *magnus magni*. Exceptis item propriis literarum vocabulis, ut ἀλφας, βῆτα, & quod hæc sint indeclinabilia. Quæ vero in ι desinunt, & Græca sunt, per τ declinantur, ut μέλι μέλιτος, id est, *mel mellis*. Præter ea quæ deformatur a masculino. Nam hæc inflexionem masculini, unde deducta sunt, servant: ut τί τίς, id est, *quis quis*. Quoniam dicimus τίς τίς, id est, *quis quis*. ἐυχάρι ἐυχάριτος, id est, *gratum grati*: quod dicimus ἐυχάρις ἐυχάριτος, id est, *gratus grati*. Porro barbarica per ος purum declinantur, σίνηπι σινηπίος, id est, *sinapi sinapis*. Quæ desinunt in υ, per ος purum declinantur, ut γόνυ γόνυος, id est, *genu*. At quæ penultimam habent longam, aut quæ trium sunt generum, declinantur ο converso in ε, ut πῶν πῶος, id est, *grex gregis*, ἡδὺ ἡδέος, id est, *jucundum jucundi*. ὀξύ ὀξύος, id est, *acutum acuti*. In α desinentia, per ος purum declinantur, λητώ λητός, id est, *Latona Latona*.

DE IN Σ DESINENTIBVS.

Rursum in σ desinentia, partim quidem per ος purum declinantur, partim per τ tenue, partim per θ aspiratum, partim per δ medium declinantur. Igitur in σ desinentia, per ος purum declinantur, ἀληθὲς ἀληθός, id est, *verum veri*. Ad hæc in εὐς desinentia, aut in αὐς, abjecta vocali, quæ posterior est in diphthongo, βασιλεὺς βασιλίας, id est, *rex, regis*. ναὺς ναός, id est, *navis, navis*. Item in σς desinentia, confamiliter, βῆς βοός, id est, *bos, bovis*. Excepto πῶς ποδός, id est, *pes pedis*, & ὁδός ὁδόντος, id est, *dens, demis*. Attamen quæ sunt ex contractione, ad tertiam referuntur, ut νῆς, νῆ, νῆς, id est, *mens, mentis, mentis*. Quæcunque hæc licet & incontracte declinare, νῆς νῆος, id est, *mens mentis*. Adjungantur autem iis & in ας desinentia per Synæresim, ut οἷς οἷός, id est, *ovis, ovis*, & φθοῖς φθοῖος, id est, *labes, labis*. Præterea in ον neutra, σθένος σθένος. Et quæcunque ab iis composita sunt in ης, δημοσθένης δημοσθένος, id est, *Demosthenes, Demosthenis*.

Tom. I.

I 3

Ac

I Δαίκελον, aut Δαίκελον, aut Δάκελον dicitur esse imago, aut statua, a Grammaticis. Δαίκελον & Δακελικόν iis ignota. Vide Joann. Meursium Miscel. Laconic. Lib. I. c. 6.

τινός, id est, *alicujus*. Porro κτεῖς, id est, *pelten*, geminam habet formam. Nam velut in *eis* desinens, communicat cum iis quæ geminam habent terminationem. Quatenus vero per *e* declinatur, communicat cum iis quæ desinunt in *ην*. facit enim κτενός, id est, *pelstinis*. Eorum quæ terminantur in *ων*, quædam assumunt literam *τ*, veluti circumflexa, ut ξενοφών ξενοφώντος, id est, *Xenophon*, *Xenophontis*. Præter ποσειδών, id est, *Neptunus*: nam id facit ποσειδώνος, id est, *Neptuni*. Item quæ foemina habent in *αινα*, deformata, λέων enim facit λέοντος, id est, *leo*, *leonis*: propterea quod foemininum sit *λέαινα*, id est, *leona*. Et δράκων δράκοντος, id est, *draco*, *draconis*: quoniam dicitur δράκαινα, id est, *dracena*. Tametsi ne id quidem generale est: siquidem λάκων facit λάκωνος, quamvis foemininum sit *λάκαινα*, id est, *Lacedæmonia*.

NUMERALIA.

Jam & numeralia nomina ad quintam referri possunt *εις*: id est, *unus*, *unius*. τρεῖς τριῶν, id est, *tres*, *trium*. τρεῖς, id est, *tribus*. τέσσαρες τεσσάρων, id est, *quatuor*, *horum quatuor*. τέσσαρες, id est, *his quatuor*. Præter δύο δυοῖν, id est, *duo duorum*. Nam ea figura est tertiæ inflexionis. Quod genus est & ἀμφω, id est, *ambo*, ἀμφωῖν, id est, *amborum*, vel *ambobus*. Cæterum δύο non solum dicitur in accusativo quoque, verum etiam in genitivo ac dativo.

QUÆ COMMUNIA DECLINATIONIBVS OMNIBVS INTER SE.

Est autem declinationum omnium commune, quod genitivum pluralem habent desinentem in *ων*. Et quod eundem habent rectum & vocativum in omni numero, nisi quod in singulari fit tantum Attico more. In duali vero & plurali generaliter.

Communia eorum quæ paribus syllabis declinantur.

Eorum quæ paribus syllabis declinantur, commune est, quod dativum habent in Jota non expressum desinentem, cum vocali recti, aut cum majori, illi respondente, ut ἀνείας, id est, *Aeneas*, huic *Aeneæ*. λόγος λόγῳ, id est, *sermo*, *sermoni*. Item quod accusativum habent in *ν* desinentem, cum vocali recti, ἀνείαν, id est, *Aeneam*. λόγον, id est, *sermonem*. Notentur inter nomina quartæ declinationis, ἀδών, id est, *Ashonem*. κῶ, id est, *Con*. τέω, id est, *Teon*. λαγῶ, id est, *leporem*: quæ accusativa sunt absque *ν*, more Attico.

Communia prima & secunda.

Primæ vero ac secundæ commune est, quod dativus singularis desinens in *α*, convenit in voce cum recto & accusativo duali, τῷ ἀνείᾳ, id est, huic *Aneæ*. τῷ ἀνείᾳ, id est, *hi duo Aneæ*, vel *hos duos Aneæ*. τῇ μαίᾳ, id est, huic *Majæ*. ταῖς μαίᾳ, id est, *he due Majæ*, vel *has duas*. Verum cum dativus singularis definit in *η*, tamen rectum & accusativum dualem faciunt, mutata *η* in *α*, & ablata *ι* non expressa, τῷ χρύσῃ, id est, huic *Chryse*. τῷ χρύσῃ, id est, *hi duo Chryse*, vel *hos duos*. τῇ μύσῃ, id est, huic *Muse*. ταῖς μύσῃ, id est, *he due Muse*, vel *has duas*.

Communia prima, secunda & quarta.

Primæ vero & secundæ & quartæ commune est, quod ex recto & accusativo dualium, faciunt genitivum & dativum dualium, assumptis *ι* & *ν*, τῷ ἀνείᾳ, id est, *duo Aneæ*. τοῖν ἀνείᾳν, id est, *duorum*, vel *duobus*. ταῖς μύσῃ, id est, *duæ vel duas*, ταῖν μύσῃν, id est, *duarum vel duabus*. τῷ μενέλεω, id est, *duo Menelai*. τοῖν μενέλεων, id est, *duorum*, vel *duobus*. Porro quod rectus pluralis hinc fit tantum addito *ι*, τῷ ἀνείᾳ, id est, *duo Aneæ*. οἱ ἀνείᾳ, id est, *plures Aneæ*. ταῖς μύσῃ, id est, *duæ muse*, αἱ μύσαι, id est, *plures muse*. τῷ μενέλεω, id est, *duo Menelai*. οἱ μενέλεω, id est, *plures Menelai*. Præterea quod ex recto plurali, dativus fiat pluralis assumpto *σ*. οἱ ἀνείᾳ, τοῖς ἀνείᾳς, id est, *plures Aneæ*, pluribus *Aneis*. αἱ μύσαι, id est, *plures muse*. ταῖς μύσαις, id est, *pluribus musis*. οἱ μενέλεω, id est, *plures Menelai*. τοῖς μενέλεως, id est, *pluribus Menelais*. Ejecto autem *ι*, & assumpto *σ*, faciunt accusativum. οἱ ἀνείᾳ, id est, *plures Aneæ*. τὸς ἀνείᾳς, id est, *plures Aneæ*. αἱ μύσαι, id est, *muse*. τὰς μύσας, id est, *musas*. οἱ μενέλεω, id est, *Menelai*. τὸς μενέλεως, id est, *Menelao*.

Communia prima ac tertia.

Primæ vero ac tertiæ commune est, quod declinantur ultima veis in *ς*, ut ἀνείᾳς, id est, *Aneas*, ἀνείᾳς, id est, *Aneæ*. λόγος, λόγῃς, id est, *sermo*, *sermonis*.

Communia prima & quinta.

Primæ vero & quintæ commune, quod a recto vocati-

vum faciunt, ablato *σ*, ut ὁ ἀνείᾳς, id est, *hic Aneas*, ὁ ἀνείᾳς, id est, *o Aneæ*. ὁ χαρίεις, id est, *hic venustus*, ὁ χαρίεις, *o venuste*.

Communia secunda & quinta.

Secundæ & quintæ commune est, quod omnino est eadem vox vocativi & nominativi, ἡ μαῖα, id est, *hæc Majæ*, ἡ μαῖα, id est, *o Majæ*. ὁ λάχης, id est, *hic Laches*, ὁ λάχης, *o Laches*.

Communia tertia & quarta.

Tertiæ vero & quartæ commune est, quod dativus singularis eandem habet vocem cum recto & accusativo duali, τῷ λόγῳ, id est, *sermoni*, τῷ λόγῳ, id est, *duo vel duos sermones*. τῷ μενέλεω, id est, huic *Menelao*. τῷ μενέλεω, id est, *duo Menelai*, vel *duos Menelao*. Præterea quod dativus pluralis fiat a nominativo plurali, addita *σ*. οἱ λόγοι, id est, *sermones*. τοῖς λόγοις, id est, *sermonibus*. οἱ μενέλεω, τοῖς μενέλεως, id est, *hi Menelai*, *Menelais*.

Communia tertia & quinta.

Tertiæ vero & quintæ commune est, quod a recto & accusativo dualium, genitivus & dativus dualium, τῷ λόγῳ, id est, *duo*, vel *duos sermones*. τοῖν λόγοι, id est, *duorum vel duobus*. τῷ ἀνείᾳ, id est, *Ajaces duo*, vel *duos*. τοῖν ἀνείᾳ, id est, *duorum*, vel *duobus*.

Proprium prima.

Rursum proprium est primæ, quod habentia *τ*. aut gentium vocabula, non solum ablata *σ*, faciunt vocativum, verum etiam mutato *η* in *α*. ὁ προφήτης, id est, *hic Propheta*. ὁ προφήτης, id est, *o Propheta*. ὁ πέρσης, id est, *hic Persæ*. ὁ πέρσης, id est, *o Persæ*. Hujus autem ejusdem est, quod genitivum singularem habet in *ω*, more Jonico. οἰκέτω, id est, *famuli*. οἰκέτω, id est, *famuli*. πηλείδῃ, id est, *pelide*. πηλείδῃ, id est, *pelide*. Unde interjecto *α*, fit πηλείδῃ, id est, *pelide*.

Proprium secunda.

Secundæ vero proprium est, quod assumpto *σ* declinatur, μαῖα μαίας, id est, *Majæ*, *Majæ*. ἡμῇ ἡμῇς, id est, *honor*, *honoris*. Item quod *α* manet in genitivo, si purum sit, aut si sequatur *δ*, aut *θ*, aut *ρ*. Sin secus fuerit, vertitur *α* in *η*, ut μῦσα μύσης, id est, *Muse*, *Muse*.

Proprium tertia.

Tertiæ proprium est, quod dativum singularem format a genitivo in *ω*, λόγῳ λόγῳ, id est, *sermonis sermoni*. Præterea quod vocativum habeat desinentem in *ε*, ὁ λόγῳ, id est, *o sermo*. Præterea quod ex recto, eodemque accusativo duali, fit rectus pluralis in *οι* diphthongum, τῷ λόγῳ, id est, *duo*, vel *duos sermones*. οἱ λόγοι, id est, *plures sermones*. Deinde quod ex recto plurali, fit dativus pluralis, addita *σ*, λόγοι, id est, *sermones*. λόγοις, id est, *sermonibus*. Porro accusativus in *ς*.

Proprium quarta.

Quartæ autem proprium est, abjecto *σ* declinari. μενέλεως μενέλεω, id est, *Menelays Menelai*. Item quod rectus pluralis in voce convenit cum dativo singulari.

Proprium quinta.

Quintæ vero proprium est, quod genitivum singularem habet in *ος*, αἰας αἰαντος, id est, *Ajax*, *Ajaxis*. Præterea quod a genitivo singulari, facit dativum singularem in *ι*, αἰαντος αἰαντι. Item quod accusativum singularem in *α* fingit a dativo, αἰαντι αἰαντα. Siquidem ποσειδῶ & κικεύ & ἰδρῶ, per Apocopen, proferuntur. Quod genus est & ἀπόλλω, id est, *Apollinem*. Præterea quod vocativus in iis quæ per *ν* declinantur incontracta, fiat ablatione ultimæ syllabæ genitivi, αἰαντος, id est, *Ajaxis*, ὁ αἰαν, id est, *o Ajax*. χαρίεντος, id est, *venusti*, ὁ χάρειν, id est, *o venuste*. Quanquam in πλακῆς, id est, *placenta*, & σιμῆς, id est, *Simois*, & iis adsimilibus, auferendum est & *ν*, quod in penultima, σιμῆντος, σιμῆ, id est, *Simoentis*, *o Simois*. Excipiatur tamen ἑδδς, id est, *dens*. Nam hujus idem est vocativus & rectus. Cæterum in iis quæ declinantur per *ος*, contrahunturque in *ς*, vocativus fit a recto, verso *η* in *ε*, δημοσθένης, id est, *hic Demosthenes*, ὁ δημοσθένης, id est, *o Demosthenes*. Rursum in foemininis desinentibus in *ω*, vel *ος*, fit a recto, *ω* finali verso in *οι* diphthongum, ἡ ληῶ, id est, *Latona*, ὡ λητοῖ, id est, *o Latona*, & ablato *σ* si fuerit, ut ἡ αἰδῶς, id est, *hic pudor*. ὡ αἰδοῖ, id est, *o pudor*. In iis vero quæ desinunt in *ην*, aut in *εις*, quorum neutra deformantur in *εν*, vocativus formatur a genitivo, abjecta ultima syllaba, τέρην τέρενος, id est, *tener*, *teneri*. ὡ τέρεν, id est, *o tener*. χαρίεις χαρίεντος, id est, *venustus*, *venusti*, ὡ χάρειν, id est, *o venuste*. Cæterum in iis quæ

quæ definiunt in *η*, & penultimam habent acutam, fit vocativus in *ε*, ut *μήτηρ*, id est, *hac mater*, *ῶ μήτηρ*, id est, *o mater*. Excepto *πίηρ*, id est, *Pier*. Quibus sane respondet, & inter oxytona, *πατήρ*, id est, *pater*. *άνήρ*, id est, *vir*. *δμήρ*, id est, *levir*. *σμήρ*, id est, *servator*. Etenim dicimus, *ῶ πάτερ*, id est, *o pater*. *άνερ*, id est, *o vir*. *δάερ*, id est, *o levir*. *σώτερ*, id est, *o servator*. Præterea quod in quibusdam vocativus omnino consonat cum recto, in quibusdam sine *σ* proferatur. Nam in *ευς* aut in *ης* desinentium, absque *σ* cum diphthongo proferuntur, nisi quid vetet. Nam *ῶ πῆρ*, id est, *o pes*, & *ῶ ὀδῆρ*, id est, *o dens*, tantum ne sit eadem vox cum *πῆρ*, id est, *ubi*, & *ὀδῆρ*, id est, *via*. Item in appellativis desinentibus in *ις*, quæ penultimam acunt, nec habent ultimam naturam longam, penultimam acunt, in universum in omnibus in *ις* desinentibus penultima acuta, *ὁ ὄφις*, id est, *hic serpens*, *ῶ ὄφι*, id est, *o serpens*. Similiter in iis quæ definiunt in *υς*, penultima acuta, *ὁ βότρυς*, id est, *botrus*, *ῶ βότρυ*, id est, *o botre*. Item in iis etiam quæ ultimam acunt, si sint trium generum, *ὁ ἡδῦς*, id est, *hic jucundus*, *ῶ ἡδῦ*, id est, *o jucunde*. Cæterum in nominibus masculinis, desinentibus in *ως* longum, vocativi eadem vox quæ nominativi, nec habet alteram. Atque in genere fit hoc in omnibus in *ως* desinentibus. Cæterum quæ inflectuntur, aut per *ως* purum, aut per *τ*. Exceptis vocativis pluralibus oxytonorum, ut *ὁ ἥρως*, *ῶ ἥρως*, id est, *o heros*: & nominum barytonorum in *ης* Jambicorum, atque in totum omnium, quæ sic in *ης* desinunt, & declinantur per *τ*, *ὁ Λάχης*, id est, *hic Laches*, *ῶ Λάχης*, id est, *o Laches*. Item nominum in *ως* oxytonorum: *ἡ Παλλὰς*, id est, *Pallas*, *ῶ Πάλλας*, id est, *o Pallas*. Rursum nominum in *ις* oxytonorum, *ἡ Πριάμης*, *ῶ Πριάμης*. Item oxytonorum in *υς*, *ἡ Χλαμῦς*, *ῶ Χλαμῦς*. Item nominum in *ις*, *ὁ ἄλς*, id est, *hic sal*, *ῶ ἄλς*, id est, *o sal*. Item nominum desinentium in duplicem consonantem, *ὁ ἀναξ*, id est, *rex*, *ῶ ἀναξ*, id est, *o rex*. Item in immutabilem desinentium, ut *ὁ ἄλλης*, id est, *Græcus*, *ῶ ἄλλης*, *o Græce*. Præter ea quæ superius dicta sunt. Quin & illud est proprium, quod nominativum & accusativum dualium faciunt a dativo singulari, *ἡ δίαντι*, id est, *Ajaci*, *ἡ δίαντι*, id est, *Ajaces duo*, vel *duos*. Præterea quod ex recto, eodemque accusativo duali, assumpto *ε*, fit rectus pluralis, *ἡ δίαντι*, id est, *duo Ajaces*, *ἡ δίαντι*, id est, *plures Ajaces*. Item quod dativus pluralis, fit a dativo singulari in *ε*, vel actu vel potentia, *ἡ δίασι*, id est, *Ajacibus*. *φόνιξι*, id est, *Phaniciis*. Itaque si purum fuerit *ε*, dativi singularis, tum *σ* assumitur, *δημοσθένης*, id est, *Demostheni*, *δημοσθένης*, id est, *Demosthenibus*. In nonnullis vero & *υ* additur, ut quorum nominativus desinit in *υς*, incontractum, aut in *ευς*, *βοῦς*, id est, *boui*, *βυβυς*. *πῆλεις* *πῆλεις*, id est, *Peleo*, *Peleis*. Sin in *υς* non purum, siquidem *τ* aut *θ* aut *δ* aut *ν* adjunctum fuerit, vertitur in *σ*, & *υ* eliditur, si præcedat *τ*, *δίαντι*, id est, *Ajaci*, *ἡ δίασιν*, id est, *Ajacibus*. In nonnullis vero & in hujus locum *υ* assumitur, ut quorum rectus desinit in *ων*, *λέοντι* *λέοντι*, id est, *leoni* *leonibus*. Quod si alia quæpiam fuerit consonans, aut immutabilis, aut tenuis, aut aspirata, aut media, præter dictas, rursum *σ* assumitur, *ἄλι*, id est, *salis*. *ἄλσι*, id est, *salibus*. *πέδιον*, id est, *perdicis*. *πέδιξι*, id est, *perdicibus*. *βηξι*, id est, *tussi*. *βηξι*, id est, *tussibus*. *μάστιγι*, *μάστιγι*, *flagello*, *flagellis*: nisi quod aspirata & media in sibi respondentem tenuem vertitur, & recipitur duplex. Præterea quod ex accusativo singulari, fit accusativus pluralis, addito *σ*. Porro quintæ declinationis proprie, sunt etiam ferme omnes nominum contractiones.

DE CONTRACTIS.

Cum in octo potissimum formas divisa sint nomina contractionem recipientia, nihil est, quod idem sit omnium commune. Cæterum *ι* & *ε*, & primi *υ*, commune est, quod quatuor duntaxat casus contrahuntur in *ε*. Nempe dativus singularis. Item rectus, accusativus & vocativus pluralis, exceptis neutris. Commune iis & illud, *ο* genitivi breve, in *ω* vertere, more Attico. Exceptis iis quæ ad primum *υ* pertinent. Siquidem in universum Attici casus in *ο* purum desinentes, tum obliquos, tum rectos, verso *ο* breve in longum: & vocali *α* quæ est in penultima, mutata in *ε* proferre consueverunt. *μενέλαος* *μενέλαος*, id est, *Menelaus*. *ὄφις* *ὄφις*, id est, *serpentis*. Cæterum eorum quæ ad *η* & *ο* & *α* pertinent, commune est, & quod in omnibus contrahuntur, nisi sicubi neutrum genus vetat, & quod genitivi plurales contrahuntur in *ω*. Differunt autem, quod

quæ ad primam formam pertinent, nempe *η* & *ο*, contrahuntur in *ειη* *οι*, quæ vero ad *α*, hoc est, tertiam formam polypathôn, contrahuntur in *ω* & *α*. proprium autem *ω*, hoc est, tertiæ formæ oligopathôn, quod singularia duntaxat contrahuntur. Dualia vero & pluralia incontracta declinantur juxta tertiam inflexionem. Ejusdem autem sunt contractiones, & quod singularis accusativus comparativorum, Attico more contrahitur in *ω*, *ἀμείνω* *ἀμείνω*, id est, *melio*, *melio*. Videlicet eliso *υ*, & *ο* & *α* in *ω* conflatis. Præterea quod rectus & accusativus pluralis contrahitur in *ε*, *ἀμείνο* *ἀμείνο*, id est, *meliores*. *ἀμείνο* *ἀμείνο*, id est, *meliores*. Ad hæc quod nonnulla in *ις* desinentium, & per *δ* declinatorum, tum in recto, tum in accusativo plurali contrahantur, *φθίδες* *φθίδες*, id est, *placenta*, *placenta*, *φθίδας* *φθίδας*, id est, *has placentas*. *ὄιδες* *ὄιδες*, id est, *oves*, *ὄιδας* *ὄιδας*, id est, *has oves*. Est autem Atticum hoc quoque. Atque insuper Atticum est, quod accusativi nominum in *ις*, aut in *ευς* purum contrahuntur in *α*, *ὑγιᾶ* *ὑγιᾶ*, id est, *sanum*, *sanum*. *πειραιᾶ*, *πειραιᾶ*, id est, *pireum*. Cæterum quod eliditur *δ* in hujusmodi nominibus Jonicum est, ut *παρις*, id est, *Paridis*. *θῆτις*, id est, *Thetidis*. Item eliso *τ* in iis quæ per *τ* declinantur, *κρέας* *κρέας*, id est, *carnis*. Item quod quæ habent *ι* & *ευς*, declinantur per *ε* & *η*, *πόλεος*, id est, *civitatis*, & *βασιλῆος*, id est, *regis*. Præterea quod horum nominum accusativus fiat etiam ablata ultima syllaba, & in ejus locum recepto *υ*, *παρίδα* *παρίδα*, id est, *Paridem*. *μήνιδα* *μήνιδα*, id est, *iram*. Idem fit & in iis quæ habent *ι*. *ὄφια* *ὄφια*, id est, *serpentem*: & in utroque *υ*, *ἡδέα* *ἡδῦν*, id est, *jucundum*. *βότρυς* *βότρυς*, id est, *racemum*.

De syncopen patientibus.

Quædam autem in *η* desinentium & syncopen patiuntur, velut *άνήρ*, id est, *vir*. *πατήρ*, id est, *pater*. *μήτηρ*, id est, *mater*. Nam faciunt *άνερος* & *άνδρος*, id est, *viris*. *μητρός* & *μητρός*, id est, *matris*. *πατρός* & *πατρός*, id est, *patri*: atque item in cæteris casibus, nisi quid vetet. Atque horum dativus pluralis fit quidem a singulari quemadmodum in cæteris. Verum aut a dativo syncopen jam passo, interposito *α*, ut *πατρί* *πατρί*, id est, *patri*, *πατρί*: aut a nondum passo translati ac verso *ε*, ut *πατρί* *πατρί*, id est, *patri* *patribus*. Et *άνερί* *άνδράσι*, id est, *viro* *viris*. Porro apud Poetam dictum est & *άνδρες*, id est, *viris*. Jam vero *πλῆς*, id est, *navigatio*, & *νῆς*, id est, *mens*, aliaque id genus, non sunt contractionis quintæ, sed tertiæ. Veniunt autem a *πλόος*, id est, *navigatio*, & *νόος*, id est, *mens*. Quamobrem & præfiterit inflectere juxta tertiam *νῆς*, id est, *mens*. *νῆς*, id est, *mentis*.

De varie declinatis.

Sunt autem nomina quæ non servant propriam & æquabilem inflexionem, sed varie declinantur: unde & *ἐτεράλιστα* dicta. Quod genus est *ζεύς*, id est, *Juppiter*. Nec enim facit *ζέος*, id est, *Jovis*, sed *διός*, id est, *Jovis*, accommodatum in aliam vocem. Item *μέγας*, id est, *magnus*: non enim facit *μέγαντος*, id est, *magni*: sed *μεγάλος*, id est, *magni*. Item *πολύς*, id est, *multus*, neque enim *πολέος*, id est, *multis*, facit in oratione soluta: sed *πολλῶς*, id est, *multis*. Item neutra ab iis venientia, *μέγα*, id est, *magnum*. *μεγάλη*, id est, *magni*. *πολῶς*, id est, *multum*, *πολλῶς*, id est, *multis*. Præterea *φρέας*, id est, *puteus*, & *ἥπαρ*, id est, *hepar*, ac *δέλιος*, id est, *escæ*, & *ὕδωρ*, id est, *aqua*: non enim faciunt *φρέατος*, id est, *putei*. *ἥπατος*, id est, *hepatis*. *δέλιος*, id est, *escæ*. *ὕδατος*, id est, *aquæ*: sed *φρέατος*, *ἥπατος*, *δέλιος*, *ὕδατος*. Cæterum in iis non est certam reperire formam, aut regulam, sed tantum usus & consuetudo est observanda. Rursum alia quædam Apocopen, aut aliud quippiam passâ, indeclinabilia sunt, ut *δῶ*, id est, *domus*, & *κῆρ*, id est, *hordeum*, & *λίπα*, id est, *pinguitudo*, & *κῆρ*, id est, *caro*. Ex nihil passis, indeclinabilia sunt hæc, *σέας*, id est, *decus*. *ὄφελος*, id est, *utilitas*. *ὄναρ*, id est, *somnium*. *δέμας*, id est, *corpus*. Atque in summa neutra in *ας* desinentia, quæ non habent *ας* purum, ut *σέας*, id est, *jubar*. *δέμας*, id est, *poculum*. *βρέταις*, id est, *statua*.

DE VERBO.

Verbum autem prius divisum est, & quæ haberet accidentia explicatum.

Quæ communia quatuor conjugationum.

Cum sint quinque verbi inflexiones, quas easdem & conjugationes vocamus, quatuor quidem verborum in *ω* desinentium, unius vero in *μ*. Illud primarum quatuor est commune, quod in indicativo activo, præteritum imperfectum fit

fit a praesenti, mutata ultima in *ov*, & addito augmento, vel syllabae, vel temporis. Atque in totum siquidem verbum incipit a consonante, augmentum fit syllabae, assumpto in initio, ut *τύπω*, id est, *verbero*. *ἐτυπών*, id est, *verberabam*. Sin a vocali, fit augmentum temporis, prima vocali brevi versa in longam, *ἀγαπή*, id est, *disigo*. *ἡγάπων*, id est, *disigebam*. Nisi sane κατὰ ἄξια, id est, *fregi*, temporis augmento figuratum est, & *ἰάγην*, id est, *fractus eram*, & *ἰάλων*, id est, *captus eram*, & huiusmodi. Nam in iis ne hoc quidem fuerit perpetuum. Præterea commune est & illud, quod primum futurum desinat in *ω*, & idem habeat initium cum praesenti, & quod ante *ω* habeat *σ*, vel actu, ut *αἰκίω αἰκίω*, id est, *audio*, *audiam*: vel virtute, ut *τύπω*, id est, *verbero*. *τύψω*, id est, *verberabo*. Excepta quarta, idque ex consuetudine. Quandoquidem quoad naturam, & hæc recipere *σ*, unde & *ὄρω*, id est, *mones*, *ὄρω*, id est, *mones*, & *ἔλω*, id est, *traho*, *ἔλω*, id est, *traham*, dicunt Dores. Itidem dicendum erat, & *μένω μένω*, id est, *maneo*, *manebo*, & *κρίνω κρίνω*, id est, *judico*, *judicabo*. Verum in usu non sunt, ob vocis absurditatem. Nam *βαδῶ*, id est, *ibo*, Atticum est. Siquidem verborum in *ιζω* desinentium, si plures duabus habeant syllabas, futura eliso *σ*, proferunt Athenienses. *βαδίσσω*, id est, *vadam*. *βαδῶ*, id est, *vadam*. *ἐλπίζω*, id est, *spero*, *ἐλπῶ*, id est, *spero*. Cæterum *ἀνέω*, id est, *augeo*, & *ἔψω*, id est, *coquo*, & *ἀλέω*, id est, *auxilior*: non nativa sunt, sed aliquid passa. Adhæc quod primum indefinitum fiat a futuro, mutato ultimo *ω* in *α*, accedente augmento temporis, vel syllabae, *αἰκίω*, id est, *audiam*. *ἡκίω*, id est, *audivi*. *τύψω*, id est, *verberabo*. *ἐτυψα*, id est, *verberavi*. Verum *ἰκέλεξα*, id est, *verbi*, per conduplicationem est dictum. Præterea quod præteritum perfectum a futuro fiat in *α*, & eandem habeat initialem cum præterito imperfecto secundum tempus aucto, ut *ὀμιλῶ*, id est, *confabulabor*. *ὀμίληκα*, id est, *confabulatus sum*. Porro cum est syllabae augmentum, etiam initialem praesentis vocalem assumunt, *τύψω*, id est, *verberabo*, *τέτυφα*, id est, *verberavi*. Quamquam in iis in quibus est in initio consonans duplex, aut *ε* nunquam ejusmodi consonantem assumit præteritum perfectum, ne sonus vocis sit absurdus. *ἐψαλκα*, id est, *cecini*. *ἔσπαρκα*, id est, *seminavi*. *ἔρριφα*, id est, *jeci*. Item in quibus est aspirata consonans, præteritum perfectum non assumit eandem, sed tenuem, ob modo dictam causam. *φράζω*, id est, *dico*, *πέφρακα*, id est, *dixi*. *χωρίζω*, id est, *separo*. *κεχώρικα*, id est, *separavi*. *θνήσκω*, id est, *venor*, *τεθνήσκω*, id est, *venatus sum*. In quibus autem est *α ε ο* initialis littera, in iis Attici proprium præteritum perfectum faciunt, initiales praesentis litteras communi præterito apponentes, ac tertiam corripientes syllabam, ut *ἰκεύθω*, id est, *venio*, *ἡλενκα*, id est, *veni*, *ἰλέλοκα*, id est, *veni*. *αἰκίω*, id est, *audio*, *ἡκίω*, id est, *audivi*, *αἰκήνω*, id est, *audivi*. *ὀρύσσω*, id est, *fodio*, *ὠρύχα*, id est, *fodi*, *ὀρύσχα*, id est, *fodi*. Sunt tamen in quibus initiales non apponunt, cum incipiunt ab *ο*, sed *ε* solum, itidem ut fit in præteritis imperfectis & indefinitis, *ῶσμαι ἔωσμαι*, id est, *impulsus sum*. *ὠνήμαι ἐώνημαι*, id est, *emptus sum*. *ῶρακα*, *ἔωρακα*, id est, *vidi*. *ἀνέωγα ἀνέωγα*, id est, *aperui*. Quorum quidem & præteritum imperfectum simile quippiam habet, *ἰώνημι*, id est, *emebat*. *ἰώρον*, id est, *videbam*. Ad hanc formam effertur & *οἶκα*, id est, *videor*. *ῶκα*, id est, *videor*. Cæterum *ἐνέηκε* & *προέειπε*, id est, *intellexit*, & *ἀφάτος* est, Poetica sunt juxta similitudinem efficta. Quin & illud est commune, quod a præterito perfecto fit præteritum plus quam perfectum in *ειν*, etiam cum augmento syllabico, si præteritum perfectum incipiat a consonante, *τέτυφα*, id est, *verberavi*, *ἔτετύφειν*, id est, *verberaveram*. Præterea quod a primo indefinito fit secundum in *ον*, sic ut penultima sit brevis, & ante *ον* habeat consonantem praesentis indicem conjugationis. Quod si praesens desinat in *ω* purum, pure proferitur & hoc, *ἐτυψα ἐτυπον*, id est, *verberavi*. *ἡκσα ἡκον*, id est, *audivi*, penultima correpta. Quod si praesens dissyllabum utcumque habuerit in penultima *ε*, videlicet immutabili praecedente, vel sequente: tum fere *ε* vertitur in *α*, *πέφρω*, id est, *exscindo*, *ἐπαρθον*, id est, *exscidi*. *δέρω*, id est, *video*, *ἐδαρκον*, id est, *vidi*. *σπείρω*, id est, *semino*, *ἐσπαρον*, id est, *seminavi*. *φθείρω*, id est, *corrumpo*. *ἐφθαρον*, id est, *corrupti*. Cæterum *ἡγάγον*, id est, *dux*, & *ἐπέπληγον*, id est, *percellui*, per conduplicationem dicta sunt. Atque *ἔσχον*, id est, *habui*, inter-

A posito *σ*, peculiarem habet formam. Præterea quod ab indefinito secundo fit futurum secundum in *ω* circumflexum, abjecto augmento, *ἐτυπον*, id est, *verberavi*, *τυπῶ*, id est, *verberabo*.

Formationes mediorum.

In medio vero indicativo commune est, quod singula tempora a singulis activorum ejusdem nominis formantur hoc pacto. A praesenti praesens, mutato *ω* in *ο*, & assumpta syllaba *μαι*. *βιάζω*, id est, *compello*, *βιάζομαι*, id est, *compellor*. A præterito imperfecto, præteritum imperfectum interposito *μη*, *ἐβιάζον*, id est, *compellebam*, *ἐβιάζομην*, id est, *compellebar*. A primo futuro, primum futurum verso *ω* in *ο*, & addito *μαι*. *τύψω*, id est, *verberabo*, *τύψομαι*, id est, *verberabor*. Sed tamen in quarta conjugatione peculiari modo assumitur & *υ*, *ψαλῶ*, id est, *canam*. *ψαλλῶμαι*, id est, *canam*. A primo indefinito, primum indefinitum, & a secundo secundum, assumpto *μην*. *ἐτυψα*, id est, *verberavi*. *ἐτυψάμην*, id est, *verberavi*. *ἐτυπον*, *ἐτυπόμην*, id est, *verberavi*. A præterito perfecto, præteritum perfectum habens ante *α* consonantem indicem conjugationis, aut nullam etiam consonantem, si verbum desinat in *ω* purum. Vocetur autem hoc totum Characteristicum, *τέτυφα τέτυπα*, id est, *verberavi*. *ἐψαλκα ἐψαλα*, id est, *cecini*. *ἡκκα ἡκα*, id est, *audivi*. Et si duae fuerint consonantes, siue actu, siue potentia, propter duplicem tamen commune est, ut præteritum mediam magis accipiat consonantem indicem conjugationis. *τύψω τέτυπα*. *φράζω πέφραδα*, id est, *dixi*. *πλήττω πέπληγα*, id est, *percello*, *perculi*. Et si futurum in penultima habeat *ε*, siue solum, siue cum *ι*, tum præteritum medium in penultima habet *οι*, *ε* verso in *ο*. *πέσω*, id est, *parebo*. *πέσοιθα*, id est, *parui*. *φθερῶ*, id est, *corrumpam*, *ἐφθόρα*, id est, *corrupti*. *ἔλψω*, id est, *sperabo*, *ἐόλπα*, id est, *speravi*. Huiusmodi est & *ἔιωθα*, id est, *consuevi*, & *ἔικα ἔοικα*, id est, *videor*. A præterito vero plus quam perfecto, præteritum plus quam perfectum assumpta littera conjugationis indice, *ἔτετύφειν*, id est, *verberaveram*. *ἔτετύπειν*, id est, *verberaveram*. *ἡκέκειν*, *ἡκέειν*, id est, *audiveram*. *ἐψάλκειν*, *ἐψάλειν*, id est, *cecineram*. A secundo vero futuro, secundum futurum, mutato *ω* in *υ*, & assumpto *μαι*. *τυπῶ*, id est, *verberabo*. *τυπῶμαι*, id est, *verberabor*.

Formationes passivorum.

In passivis autem commune est, quod praesens & præteritum imperfectum ab activis temporibus ejusdem nominis activis veniunt, eodem modo quo media, *γράφω γράφομαι*, id est, *scribo scribor*, *ἔγραφον ἐγραφόμην*, id est, *scribebam scribebar*. Item quod præteritum perfectum formatur a præterito perfecto, mutata ultima in *μαι*. *τέτυφα*, id est, *verberavi*. *τέτυμμαι*, id est, *verberatus sum*. *πεποίηκα πεποίημαι*, id est, *feci*, *factus sum*. Præterea quod indefinitum secundum ab eodem activo fit, mutata ultima in *ην*. *ἐτυπον*, *ἐτύπην*, id est, *verberavi*, *verberatus sum*. Præteritum autem plus quam perfectum, a præterito perfecto, cum quo convenit in consonante, ultima versa in *μην*, & addito augmento syllabae, si forte verbum incipiat a consonante, & omnino si augmentum recipiat. *τέτυμμαι ἐτετύμην*, id est, *verberatus sum*, *verberatus fueram*. Quod si a vocali incipiat præteritum imperfectum, augere oportet mediam si fieri possit. *ῶκα*, id est, *videor*. *ῶκειν*, id est, *visus fueram*. *ῶλπα*, id est, *speravi*. *ῶλπειν*, id est, *speraveram*. Primum autem indefinitum fit ab eodem præterito perfecto passivo, mutata ultima in *θην*, & abjecto syllabico augmento, nimirum in iis, in quibus est augmentum: semper autem cum augmento siue temporis siue syllabae. *τέτυπαι*, id est, *verberatus est*. *ἐτύθην*, id est, *verberatus sum*. *ῶρισαι*, id est, *definitum est*. *ῶρίσθην*, id est, *definitus sum*. Posset autem fieri & a primo indefinito activorum generaliter, si *σ* est in omni futuro, mutata *σ* in *θην*, & tenui quæ adest, versa in ejus aspiratam, *ἐτυψα*, id est, *verberavi*. *ἐτύφην*, id est, *verberatus sum*. *ἐψαλα*, id est, *cecini*. *ἐψάλην*, id est, *cantatus sum*. Præterea paulo post futurum, a secunda persona præteriti perfecti interposito *ομ*. *τέτυπαι τετύφομαι*, id est, *verberatus es*, *mox verberabor*. *πέπλεξαι, πεπλέξομαι*, id est, *plicatus sum*, *mox plicabor*. Primum autem & secundum futurum ab indefinitis primo & secundo cum quibus conveniunt in consonantibus, assumpto *ομαι*, Tom. I. K &

& sublato augmento, ἐτύφης, id est, *verberatus es*. τυφῆσομαι, id est, *verberabor*. ἐτύπης, id est, *verberatus es*. τυπήσομαι, id est, *verberabor*.

Commune prima & secunda.

Primæ vero & secundæ commune est, quod in activo futuro virtute habent σ nimirum in duplici consonante: nam omnino in futuro σ adest, & quod in præterito perfecto, finale α habet conjunctum cum consonante aspirata, quæ respondeat duplici finali futuri, ut quæ vim obtineat tenuis, τύψω, id est, *verberabo*. τέτυφα, id est, *verberavi*. λέξω λέλεχα, id est, *dicam dixi*. Et in passivo præterito perfecto ante finale μαι, mutant illam aspiratam activi in propriam mediam, τέτυφα, id est, *verberavi*. τέτυμαι, etiam si propter μ sequens profertur τέτυμαι. λέλεχα, id est, *dixi*. λέλεγμαι, id est, *dictus sum*. Atque in indefinito rursum media consonans in suam aspiratam, τέτυμαι ἐτύφην, id est, *verberatus sum*. λέλεγμαι ἐλέχην, id est, *dictus sum*. Difficunt autem quod primæ sunt hæ consonantes, ψ φ, τύψω, id est, *verberabo*. τέτυφα, id est, *verberavi*. τέτυμαι, id est, *verberatus sum*. ἐτύφην, id est, *verberatus sum*. Secundæ vero hæ, ξ χ γ, λέξω, id est, *dicam*. λέλεχα, id est, *dixi*. λέλεγμαι, id est, *dictus sum*. ἐλέχην, id est, *dictus sum*.

Communio tertia & quarta.

Tertiæ vero & quartæ commune est, quod præteritum perfectum activum κ habet conjunctum cum α finali, βασιλευκα, id est, *regnavi*. ἐψαλκα, id est, *cecini*. Quamquam hæctenus differunt, quod tertia idem habet κ verum ex σ futuri. βασιλεύσω, id est, *regnabo*. βασιλευκα, id est, *regnavi*. Quarta vero additione, ψαλῶ, id est, *canam*. ἐψαλκα, id est, *cecini*. Cæterum in quarta κ, si forte incidit ante ν, assumptum ν vertitur in γ propter κ sequens, ῥανῶ, id est, *adspersam*. ῥιραγα, id est, *adspersi*: & passivum ῥιραμαι, id est, *adspersus sum*, propter sequens μ. Tametsi indefinitum rursum habet ν, ῥιρανῶν, id est, *adspersus sum*.

Que propria.

Proprium autem tertiæ & illud quod in futuro activo, actu habet σ, ubi priores idem habent virtute, ἀκούσω, id est, *audiam*, ποιήσω, id est, *faciam*. Atque in universum, ubi in prioribus conjugationibus duplex consonans mutatur in aspiratam aut mediam, ibi aut idem σ quod est servatur, aut in κ vertitur, aut omnino deest. Vertitur enim in præterito perfecto activo in κ semper, ἤκακα, id est, *audivi*. Deest autem & servatur in præterito perfecto passivo, πεποιήμαι, id est, *factus sum*, ἤκαμαι, id est, *auditus sum*. Etenim si ω finale proprii præsentis purum fuerit, plerumque deest, βοάω, id est, *clamo*, βεβόημαι, id est, *clamatus sum*. τοξέω, id est, *jaculo*, τετόξευμαι, id est, *jaculatus sum*. In nonnullis tamen servatur, ἐλκύνω, id est, *traho*, ειλκυσμαι, id est, *tractus sum*. ἀκούω, id est, *audio*, ἤκυσμαι, id est, *auditus sum*. Item in iis quæ habent α aut ε ante ω, præcedente λ in penultima syllaba, γελῶ, id est, *rideo*, γεγέλασμαι, id est, *risus sum*. τελῶ, id est, *perficio*, τετέλεσμαι, id est, *perfectus sum*. Sed melius considerandum, quod si ω ejusmodi non fuerit purum, semper manet σ, ἄδω, id est, *cano*, ἤσμαι, id est, *cantatus sum*. πείθω, id est, *persuadeo*, πέπεισμαι, id est, *persuasus sum*. πλάττω, id est, *fringo*, πέπλασμαι, id est, *factus sum*. φράζω, id est, *dico*, πέφρασμαι, id est, *dictus sum*. Verum in quibus præteritum perfectum habet σ in iisdem, & indefinitum habeat necesse est. ἤκυσμαι, id est, *auditus sum*, ἤκισθην, id est, *auditus sum*. Contra ubi præteritum non habet, nec indefinitum habet. πεποιήμαι, id est, *factus sum*, ἐποιήθην, id est, *factus sum*. Proprium autem hujus conjugationis, & hoc quod futura verborum habentium α ε ο ante ω, sic proferantur, uti α & ε vertantur in η, ο in ω, ποιέω, id est, *facio*, ποιήσω, id est, *faciam*. βοάω, id est, *clamo*, βοήσω, id est, *clamabo*. χρυσέω, id est, *inauro*, χρυσώσω, id est, *inaurabo*. Exceptis καλέω, id est, *voco*, τελέω, id est, *perficio*, ἐπαίνέω, id est, *laudo*, φορέω, id est, *gesto*, ξέω, id est, *polio*. ἀκίομαι, id est, *medeor*, & γελῶ, id est, *rideo*. ἐλάω, id est, *argo*, ἐράω, id est, *amo*, περάω, id est, *trajicio*, ἀνιάω, id est, *molestia afficio*. ἰάομαι, id est, *sano*. κλάω, id est, *frango*, πέλω, id est, *volo*, κερῶ, id est, *misceo*, σπῶ, id est, *vello*, ἀρώ, id est, *aro*. ὀρώ,

id est, *juro*. ὀνώ, id est, *juro*. ἰνώ, id est, *moveo*, βόω, id est, *pasco*. Tametsi apud Homerum dictum sit Ionico more, & ἐπαίνήσω, id est, *laudabo*, & φορήσω, id est, *gestabo*, & περήσω, id est, *trajiciam*, & πειρήσω, id est, *tentabo*, & ἰήσομαι, id est, *sano*.

Propria quarta.

Quartæ vero proprium est, quod futurum activum ante finale ω consonantem habet præsentis, & corripit penultimam, σπείρω, id est, *semino*, σπείω, id est, *seminabo*. Quamquam φύρω, id est, *pinso*, & φυρῶ, id est, *pinsam*, & ὄρω, id est, *moveo*, & ὄρῶ, id est, *movebo*, & φθείρω, id est, *corrumpo*, φθέρῶ, id est, *corrumpam*, reperitur habere, juxta consuetudinem Doricæ linguæ. Insuper & illud est proprium, quod indefinitum primum ε habet in penultima, si futurum in penultima habuerit ε, rursum η, si illud habet α. μενῶ, id est, *manebo*, ἐμείνα, id est, *mansi*. ψαλῶ, id est, *canam*, ἐψαλκα, id est, *cecini*. Item quod in præterito perfecto activo, & secundo indefinito ε, quod erat in penultima futuri, mutet in α, σπείρω, id est, *seminabo*. ἐπαρεκα, id est, *seminavi*, φθέρῶ, id est, *corrumpam*, ἐφθαρεκα, id est, *corrumpi*, κτενῶ, id est, *occidam*, ἐκτανον, id est, *occidi*. Item quod præteritum perfectum medium αι, quæ est in penultima, vertatur in η. χαίνω, id est, *hio*, κέχηνα, id est, *hian*. φαίνω, id est, *ostendo*, πέφηνα, id est, *ostendi*. Item quod in verbis desinentibus quidem in ν, cæterum in penultima habentibus, vel ε diphthongum, non vertitur ν, sed abjicitur. κρίνω, id est, *judico*, κέκρικα, id est, *judicavi*. τείνω, id est, *tendo*, λείτακα, id est, *tetendi*. Verum in his sane præteritum perfectum passivum eodem modo non habet idem ν verum. κέκριμαι, id est, *judicatus sum*. Nec indefinitum invertebile. ἐκρίθην, id est, *judicatus sum*, ob soni absurditatem.

Propria quinta.

Quinta vero quod sit verborum in μι, venientium a verbis tertiæ conjugationis, habentium α ε ο ante ω, & quod non omnia habent tempora, dictum est prius: habet autem illud proprium, quod præteritum imperfectum fit ab activo præteriti, elisione ι, & conversione μ in ν, τίθημι, id est, *pono*, ἐτίθην, id est, *ponebam*. ἵστημι, id est, *statuo*, ἵσθην, id est, *statuebam*. δίδωμι, id est, *do*, ἐδίδων, id est, *dabam*. ζεύγνυμι, id est, *copulo*, ἐζεύγνυν, id est, *copulabam*. Præterea quod primum indefinitum ante α finale habet κ in eadem syllaba. At non in omnibus, sed in iis duntaxat quæ deformantur a verbis habentibus ε aut ο ante ω, ut τίθω, id est, *pono*, τίθημι, id est, *pono*, ἔθηκα, id est, *posui*. δίδω, id est, *do*, δίδωμι, id est, *do*, ἔδωκα, id est, *dedi*. Dictum autem & illud prius, quod verba in μι in passivis ac mediis, item in dualibus ac pluralibus corripunt penultimam. Tametsi ne hoc quidem perpetuum est. Siquidem apud Homerum dictum est τίθημαι, id est, *ponor*, & ἀκράχημαι, id est, *crucior*, & δίζημαι, id est, *queror*. Item ἐύχην, id est, *invenimus*, & βήτην, id est, *ibant duo*, & σήτην, id est, *stabant duo*. συναντήτην, id est, *occurrebant duo*. Proinde excipienda erant dualia & pluralia, quæ veniunt a prima persona secundi indefiniti. ἔστημεν enim dicimus *stabamus*, & ἔστητον. id est, *stabatis duo*. Item ἔβημεν. id est, *ibamus*. ἔβητον. id est, *ibatis duo*. Attamen hoc commune est ferme omnibus, quod si penultimam corripunt, juxta rationem consimilem. Etenim quemadmodum in verbis desinentibus in ω, ω contrahitur in ε, aut ε in ι. Ita in verbis in μι, η corripitur in ε, aut η in α, aut ω in ο, aut υ longum in υ breve. Itaque & horum correptio fit in singulis horum in propriam vocalem verbi originalis, unde deductum est verbum productum. τίθω, id est, *pono*. τίθημι, id est, *pono*. τίθεμαι, id est, *ponor*. ἵσθω, id est, *statuo*. ἵστημι, id est, *statuo*. ἵσταμαι, id est, *statuor*. δίδω, id est, *do*. δίδωμι, id est, *do*. δίδωμαι, id est, *dor*. ζεύγνυω, id est, *copulo*. ζεύγνυμι, id est, *copulo*. ζεύγνυμαι, id est, *copulor*.

Formationes verborum in μι.

Fit autem in horum passivis ac mediis præsens a præteriti activi, interjecta α ante finale, & correpta penultima. τίθημι, id est, *pono*. τίθεμαι, id est, *ponor*. Præteritum autem imperfectum a præterito imperfecto, sicut & in cæteris conjugationibus. ἐτίθην, id est, *ponebam*. ἐτίθεμην, id est, *ponebar*. Consimiliter & medii verbi primum ac secundum in-

indefinitum a cognatis, ἔθηκεν, id est, *posui*. ἐθηκεν, id est, *ponebar*. ἔθηκεν, id est, *posui*. ἐθηκεν, id est, *posui sum*. Præteritum autem perfectum passivorum ab eisdem generis præfenti fit, versa litera conduplicatitia, in ε, τίθεμαι, id est, *ponor*. τίθεμαι, id est, *posui sum*. δίδομαι, id est, *dor*. δίδομαι, id est, *datus sum*. ἵσταμαι, id est, *statuor*. ἵσταμαι, id est, *status sum*. Cæterum indefinitum formatur a præterito perfecto, sicut in tertia conjugatione. δέδομαι ἰδέσθην, id est, *datus sum*. τίθεμαι ἰδέσθην, id est, *posui sum*. Quamquam ἰδέσθην sonatur per τ, ob vocis absurditatem.

INFLEXIO PERSONALIS ACTIVORVM IN Ω.

Jam vero personalis inflexionis idem quidem est modus in quatuor conjugationibus verborum in ω. Cæterum differentia est in temporibus. Nam alia simili modo inflectunt personas, alia diverso. Tamen a quibus formentur, id omnibus commune per modos singulos. Commune est igitur præfentis & futuri primi indicativi modi, activi generis, quod secunda persona singularis fit a prima mutata ultima in εις, τῶν τῶν τῶν, id est, *verbero verberas*. τῶν τῶν τῶν, id est, *verberabo verberabis*. Tertia rursus a secunda eliso σ, τῶν τῶν, id est, *verberas*. τῶν τῶν, id est, *verberabis*. In dualibus autem secunda persona fit a secunda singulari, mutata ultima syllaba in ετον. τῶν τῶν, id est, *verberas*. τῶν τῶν, id est, *verberabis duo*. τῶν τῶν, id est, *verberabis*. τῶν τῶν, id est, *verberabis duo*. Nam prima persona dualis in nullo activo fit. Porro tertia consonat cum secunda. Plurarium autem prima persona fit a prima singularium ω mutato in ο, & addita syllaba μεν, τῶν τῶν, id est, *verbero*. τῶν τῶν, id est, *verberamus*. Secunda rursus a secunda dualium, conversione ultimæ syllabæ in τε, τῶν τῶν, id est, *verberatis duo*. τῶν τῶν, id est, *verberatis plures*. Tertia item a tertia dualium mutata ultima in ουσι, τῶν τῶν, id est, *verberant duo*. τῶν τῶν, id est, *verberant plures*. Additur autem semper & ν, τῶν τῶν. Si quidem generaliter tertiæ personæ definitis in ι aut in ε, addunt, Attico more, sive vocalis sequatur, sive consonans. Contra Jones absque ν proferunt. Argumento sunt illa, ἡτίμω ἀρετήν, id est, *contumelia affecit sacerdotem*, & ἔσθ' ὅτε, id est, *nonnunquam*. Hæc autem communia sunt, & cum futuro secundo, nisi quod illic non eliditur, secundæ personæ singularium, sed tertiæ dualium sive eliditur, sive transponitur. Nam dicimus τῶν τῶν, id est, *verberabis*, τῶν τῶν, id est, *verberabis duo*. τῶν τῶν, id est, *verberabis*. i. e. *verberabis*. At præteriti imperfecti & secundi indefiniti secunda quidem persona singularis fit a prima persona mutato ον in εις, ἐτύπον, id est, *verberabam*. ἐτύπες, id est, *verberabas*. Tertia vero a secunda, ut dictum est. Porro dualium secunda, a secunda singularium, mutata ultima in ετον. Rursus tertia a tertia addita syllaba τῶν. Plurarium vero prima quidem a prima singularium, interposita syllaba με, ἐτύπον ἐτύπόμεν, id est, *verberabam verberabamus*. Secunda rursus a secunda dualium, ad eundem modum, ut in præfenti. Porro tertia in voce non differt a prima singularium. Nam ἡλθον, id est, *veniebam*, & ἐμάθεον, id est, *discebam*, juxta Chalcidicæ linguæ proprietatem formata sunt, ad formam ἰδον, id est, *dabant*.

COMMVNIA PRIMI INDEFINITI ET PRÆTERITI PERFECTI.

Primi autem indefiniti, & præteriti perfecti commune est, quod secunda persona singularium fit a prima addito σ, ἐτύπασ, id est, *verberavi*. ἐτύπας, id est, *verberasti*. τέτυπας, id est, *verberavi*. τέτυπας, id est, *verberasti*. Tertia vero abjecto σ, & verso α in ε, ἐτύπε, id est, *verberavit*. τέτυπε, id est, *verberavit*. Cæterum dualium secunda fit a secunda singularium, mutata ultima syllaba in ατον, ἐτύπας, id est, *verberastis*. ἐτύπατον, id est, *verberastis duo*. τέτυπας, id est, *verberastis*. τέτυπατον, id est, *verberastis duo*. Porro jam tertia non convenit, sed præteriti quidem perfecti tertia eandem habet vocem cum secunda. Indefiniti autem a sua secunda fit, mutata ultima in τῶν, ἐτύπατον, id est, *verberastis duo*. ἐτύπατῶν, id est, *verberaverunt duo*. Jam plurarium prima fit utriusque a prima singularium, apposito μεν, ἐτύπασ, id est, *verberavi*. ἐτύπασμεν, id est, *verberavimus*. τέτυπας, id est, *verberavi*. τέτυπασμεν, id est, *verberavimus*. Secunda vero a secunda dualium, itidem, ut in præfenti. At tertia

A non jam convenit, sed in præterito perfecto fit a tertia dualium, ultima versa in σιν, τετύπατον, id est, *verberaverunt duo*. τετύπασιν, id est, *verberaverunt plures*. In indefinito rursus a prima singularium addita ν, ἐτύπασ, id est, *verberavi*. ἐτύπασιν, id est, *verberaverunt*. Porro præteriti plus quam perfecti, secunda persona fit a prima, verso ν in σ, ἐτετύπειν, id est, *verberaveram*. ἐτετύπεις, id est, *verberaveras*. At cætera omnia eodem modo quo in secundo indefinito, nisi quod hic nulla mutatur vocalis, & quod tertia persona pluralium fit a tertia singularium addita syllaba σαν, ἐτετύπειν, id est, *verberaveras*. ἐτετύπεσαν, id est, *verberaverant*. Liqueat igitur quod præfentis & amboz futurorum, & præteriti perfecti activi, peculiare est præ cæteris temporibus, quod secunda & tertiæ personæ dualium inter se conveniunt in voce. Quapropter & dicitur: Quoties tertiæ personæ pluralium definit in σ, secunda ac tertia dualium conveniunt. Accidit autem quod tertiæ personæ pluralium, & in numero syllabarum, & in voce conveniunt cum primis singularium in præterito perfecto & secundo indefinito. Nam generale est activis præteritis, quibus participium non definit in σ, ultima acuta, tertiæ personæ pluralis numeri finalem habere, quæ est genitivi participialis penultima syllaba, ὁ τῶν τῶν, id est, *verberans*. τῶ τῶν τῶν, id est, *verberantis*. ἐτύπων, id est, *verberabant*. ὁ τῶν τῶν, id est, *qui verberavit*. τῶ τῶν τῶν, id est, *ejus qui verberavit*. ἐτύπων, id est, *verberaverunt*.

De mediorum formatione.

Cæterum mediorum indicativorum, præteritum perfectum & plus quam perfectum, respondent activis ejusdem nominis. Præfentis autem & futuri commune est, quod secunda persona singularium fit a prima, eliso μ, & verso ο in ε, & contracto ε & αι in η, τῶν τῶν, id est, *verberor*. τῶν τῶν, id est, *verberaris*. Præter οἶμαι, id est, *puto*. βούλομαι, id est, *volo*. ὀψομαι, id est, *videbo*. Nam horum secunda fit eliso α, & ε, quod erat ex conversione, & contractis in ει diphthongum, οἶε, id est, *putas*. βούλει, id est, *vis*. ὀφεί, id est, *videbis*. Tertia vero a secunda dissolvendo contracta, & interponendo τ, τῶν τῶν, id est, *verberaris*. τῶν τῶν, id est, *verberatur*. Dualium autem prima fit a prima singularium, ultima syllaba mutata in μεθον. τῶν τῶν, id est, *verberor*. τῶν τῶν, id est, *verberamur duo*. Porro secunda & tertia conveniunt, & a tertia fiunt ultima commutata in σθον. τῶν τῶν, id est, *verberatur*. τῶν τῶν, id est, *verberamini duo*, aut *verberantur duo*. Plurarium autem prima fit a prima dualium, commutatione ultimæ in θα, τῶν τῶν, id est, *verberamur duo*. τῶν τῶν, id est, *verberamur plures*. Secunda item a secunda ultima mutata in σθε, τῶν τῶν, id est, *verberamini duo*. τῶν τῶν, id est, *verberamini plures*. Tertia vero a tertia singularium ε, quod est in penultima verso in ο, & assumpto ν, τῶν τῶν, id est, *verberatur*. τῶν τῶν, id est, *verberantur*. Quamquam hæc communia sunt & cum secundo futuro, nisi quod in eo secunda persona singularium fit etiam ν eliso. τυπῆμαι, id est, *verberabor*. τυπείαι, id est, *verberaberis*. μαχῆμαι, id est, *pugnabo*. μαχίαι, id est, *pugnabis*: & tertia fit assumpto ι in diphthongum. τυπείαι, id est, *verberaberis*. τυπείται, id est, *verberabitur*. Præterea tertia pluralium, fit versa ει diphthongo in υ, τυπούται, id est, *verberabuntur*. Porro præteriti imperfecti & secundi indefiniti commune est, quod secunda persona singularium fit a prima, eliso μ & ν, & verso η in ε, & ο & ε conflatis in diphthongum υ, ἐτύπόμεν, id est, *verberabar*. ἐτύπες, id est, *verberabaris*. ἐτύπεις, id est, *verberabaris*. Tertia rursus a secunda dissoluta diphthongo υ in εο, & interposito τ, ἐτύπεο, id est, *verberabaris*. ἐτύπετο, id est, *verberabatur*. Cæteræ vero formantur eodem modo, ut in præfenti, nisi quod secunda persona ac tertia dualium non conveniunt in voce. Sed tertia fit a secunda singularium commutatione ultimæ in σθην, aut a sua ipsius secunda. ἐτύπετο, id est, *verberabatur*. ἐτύπεσθον, id est, *verberabamini duo*. ἐτύπεσθην, id est, *verberabamini duo*. Primi autem indefiniti secunda persona singularium fit a prima eliso μ & ν, & verso η in ε, & hoc rursum ο mutato, & α & ο conflatis in ω. ἐτύπόμεν, id est, *verberavi*. ἐτύπω, id est, *verberasti*. ἐτύπω, id est, *verberasti*. Tertia vero a secunda resolvendo contracta, & interponendo τ, ἐτύπω, id est, *verberasti*. ἐτύπωτο, id est, *verberavit*. Cæ-

teræ formantur eodem modo, ut in secundo indefinito, nisi quod illic *o*, quod est in penultima, vertitur in *e*, & rursum in *o*, hic *a* ubique manet immutabile.

Passivorum formationes.

Passivorum autem præsens quidem & ambo futura cum præsentis mediorum congruunt: Præteritum autem imperfectum cum præterito imperfecto. Indefinita vero cum præterito plus quam perfecto. Præteritum autem perfectum & plus quam perfectum, propriam sortita sunt decisionem. Nam præteriti perfecti secunda persona fit a prima, mutato finali *μ* in *σ*, sive actu, sive potentia. Etenim quorum futurum fit per *ψ* aut *ξ*, horum formatio fit per eandem duplicem, *πῶλεγμα*. id est, *plexus sum*. *πῶλεξαι*. id est, *plexus es*. *τέτυμμα*. id est, *verberatus sum*. *τέτυψαι*. id est, *verberatus es*. Tertia fit a secunda, verso *σ* in *τ*, quomodo-cunque habeatur, sive actu, sive potentia. Adsunt autem actu, & quæ ante videbantur illi adesse in potentia, videlicet in duplici consonante, velut *κ* & *π*, *τέτυψαι*. id est, *verberatus es*. *τέτυπαι*. id est, *verberatus es*. *πέπλεξαι*. id est, *plexus es*. *πέπλεται*. id est, *plexus est*. *ἔσπαρσαι*. id est, *seminatus es*. *ἔσπαρται*. id est, *seminatus est*. Quin & *σ* assumitur ubi ratio postulat, si primæ personæ ultima in eadem syllaba habet *σ*, *ἤκουσαι*. id est, *auditus sum*. *ἤκουσαι*. id est, *auditus es*. *ἤκουσαι*. id est, *auditus est*. Dualium autem prima persona a prima singularium itidem ut in præsentis. Item secunda ac tertia eadem voce, a secunda mutata ultima in *σθον*, nimirum in iis in quibus actu est *σ*, *ἤκουσαι*. id est, *auditus es*. *ἤκουσθον*. id est, *audisti esis duo*, aut *sunt*. In quibus autem *σ* est potentia, non *σ*, sed aut *φ* ante *θ* ponendum est, si consonans fuerit *ψ*, ut *τέτυψαι*. id est, *verberatus es*. *τέτυφθον*. id est, *verberati estis*, aut *sunt duo*: aut *χ*, si consonans fuerit *ξ*, *πέπλεξαι*. id est, *plexus es*. *πέπλεχθον*. id est, *plexi estis*, aut *sunt duo*. Pluralium autem prima persona fit a prima dualium, ultima transfigurata in *θα*, itidem ut in præsentis, *τέτυμμεθον*. id est, *verberati sumus duo*. *τέτυμμεθα*. id est, *verberati sumus plures*. Secunda item a secunda, eliso *ν*, & *ο* verso in *ε*, *τέτυφθον*. id est, *verberati estis duo*. *τέτυφθε*. id est, *verberati estis plures*. Tertia persona pluralium juxta communem Græcorum linguam fieri non potest, ubi tertia singularium desinit in syllabam habentem duas consonantes. Cæterum Jonico more fit a tertia singularium versa consonante tenui, in quibus fuerit, in aspiratam, & interposito *α*, *τέτυπαι*. id est, *verberatus est*. *τέτυφαται*. id est, *verberati sunt*. *πέπλεται*. id est, *plexus est*. *πέπλεχαται*. id est, *plexi sunt*. Sed personæ præteriti plus quam perfecti fiant eodem modo, quo personæ præteriti perfecti, nisi quod hic est vocalis finalis *ο*, ubi illic est *αι*. Tum tertiam dualium figurare oportet in *θην* a secunda. Siquidem in genere illic duntaxat secunda ac tertia persona in voce consentiunt, ubi tertia pluralium desinit in *ι*, aut in *αι*.

Formationes quinta in μ.

Proprium autem quintæ est, quod in indicativis activis secunda persona præsentis fit a prima, sublato *ι*, & *μ* verso in *σ*, *τίθημι*. id est, *pono*. *τίθης*. id est, *ponis*. Tertia rursus a secunda, addito *ι*, *τίθης*. id est, *ponis*. *τίθεις*. id est, *ponis*. Dualium vero secunda persona ac tertia fit a secunda singularium *σ* verso in *τ*, & addito *ον*, & penultima mutata in penultimam vocalem verbi, unde ipsum formatum est verbum in *μ*, *τίθειω*. id est, *pono*. *τίθημι*. id est, *pono*. *τίθης*. id est, *ponis*. *τίθετον*. id est, *ponitis vel ponunt duo*. *ἰσάω*. id est, *statuo*. *ἰσημι*. id est, *statuo*. *ἰσης*. id est, *statuis*. *ἰσάτον*. id est, *statuitis*, aut *statuunt duo*. *διδόω*. id est, *do*. *δίδωμι*. id est, *do*. *δίδως*. id est, *das*. *δίδωτον*. id est, *datis*, aut *dant duo*. Pluralium vero persona prima fit a prima singularium, ultima mutata in *μεν*, & penultima commutata, ut dictum est. *τίθημι*. id est, *pono*. *τίθεμεν*. id est, *ponimus*. Secunda rursus a secunda dualium eliso *ν*, & *ο* verso in *ε*, *τίθετον*. id est, *ponitis duo*. *τίθετε*. id est, *ponitis plures*. Tertia item a tertia dualium, ejecto *ν*, & syllaba *το* mutata in *σι*, ac interposito *α*, *τίθετον*. id est, *ponitis duo*. *τίθέασι*. id est, *ponunt plures*. *δίδωτον*. id est, *dant duo*. *διδόασι*. id est, *dant plures*. Cæterum *ἰσάσι*. id est, *statuunt*, & *ἰᾶσι*. id est, *mittunt*, & similia per contractionem pronunciantur. Porro personæ præteriti imperfecti, & secundi indefiniti eodem modo

A formantur, quemadmodum in primis & secundis indefinitis verborum passivorum, *ἐτίθην*. id est, *ponebam*. *ἐτίθης*. id est, *ponebas*. *ἐθην*. id est, *posui*. *ἐθης*. id est, *posuisti*. nisi quod hic penultima singularium longa, corripitur in dualibus & pluralibus, ut dictum est. Verum eadem verba in *μ*, ut in genere loquar, formantur & juxta conduplicationem, ut ex consonante initiali & *ι*, nisi vocis incommoditas obstiterit, *δῶ*. id est, *do*. *δίδωμι*. id est, *do*. *δῶ*. id est, *pono*. *τίθημι*, *σῶ*, id est, *statuo*, tamen facit *ἰσημι*, ob vocis absurditatem.

Medii ac passivi formationes.

In mediis autem & passivis indicativis, secunda persona præsentis & præteriti perfecti fit a prima, mutato *μα* in *σαι*, *τίθεμαι*. id est, *ponor*. *τίθεσαι*. id est, *poneris*. *τίθεμαι*. id est, *positus sum*. *τίθεσαι*. id est, *positus es*. Porro præteriti imperfecti, & secundi indefiniti secunda persona fit, mutata ultima in *σο*, *ἐτίθεμην*. id est, *ponebam*. *ἐτίθεσο*. id est, *posuisti*. Cætera vero omnia communia habet cum tertia. Licet autem & in *η* proferre secundam personam præsentis in iis, quæ veniunt a verbis habentibus *e* vel *a*, *τίθεμαι*. id est, *ponor*. *τίθῃ*. id est, *poneris*. *ἰσάμαι*. id est, *statuor*. *ἰσῇ*. id est, *statueris*.

Inflexio activorum per modos.

Cæterum modalis inflexionis, caput est modus indicativus, ab hoc modo enim omnes cæteri formantur, hoc pacto. Indicativum *τίπλω*. id est, *verbero*. Præteritum imperfectum *ἐτύπλον*. id est, *verberabam*. Imperativum *τύπλε*. id est, *verbera*. Optativum *τύπλοιμι*. id est, *utinam verberarem*. Subjunctivum *ἰάν τύπλω*. id est, *si verberem*. Infinitum *τύπλεν*. id est, *verberare*. Futurum primum indicativum *τύψω*. id est, *verberabo*. Optativum *τύψοιμι*. id est, *utinam verberatus essem*. Infinitivum *τύψην*. id est, *verberaturum esse*. Indefinitum primum indicativum *ἐτύψω*. id est, *verberavi*. Imperativum *τύψον*. id est, *verberato*. Optativum *τύψαιμι*. id est, *utinam verberassent*. Subjunctivum *ἰάν τύψω*. id est, *si verberavero*. Infinitum *τύψαι*. id est, *verberasse*. Præteritum perfectum indicativum *τέτυφα*. id est, *verberavi*. Præteritum plus quam perfectum *ἐτέτυφον*. id est, *verberaveram*. Imperativum *τέτυφε*. id est, *verberato*. Optativum *τέτυφοιμι*. id est, *utinam verberassent*. Subjunctivum *ἰάν τέτυφω*. id est, *si verberaverim*. Infinitivum *τέτυφέναι*. id est, *verberasse*. Indefinitum secundum indicativum *ἐτυπον*. id est, *verberavi*. Imperativum *τύπτε*. id est, *verbera*. Optativum *τύπτοιμι*. id est, *utinam verberassent*. Subjunctivum *ἰάν τύπω*. id est, *si verberarem*. Infinitivum *τυπείν*. id est, *verberasse*. Futurum secundum indicativum *τυπῶ*. id est, *verberabo*. Optativum *τυπῶμι*. id est, *utinam verberatus essem*. Infinitivum *τυπείν*. id est, *verberaturum esse*.

M E D I A.

E Præsens indicativum *τύπλομαι*. id est, *verberor*. Præteritum imperfectum *ἐτυπλόμην*. id est, *verberabar*. Imperativum *τύπλον*. id est, *verberare*. Optativum *τυπλόμην*. id est, *utinam verberarer*. Subjunctivum *ἰάν τύπλωμαι*. id est, *si verberer*. Infinitum *τύπλεσθαι*. id est, *verberari*. Futurum primum indicativum *τύψομαι*. id est, *verberabo*. Optativum *τυψόμην*. id est, *utinam verberatus essem*. Infinitum *τύψεσθαι*. id est, *verberaturum esse*. Indefinitum primum: Indicativum *ἐτυψάμην*. id est, *verberavi*. Imperativum *τύψαι*. id est, *verberato*. Optativum *τυψάμην*. id est, *utinam verberassent*. Subjunctivum *ἰάν τύψωμαι*. id est, *si verberavero*. Infinitum *τύψασθαι*. id est, *verberasse*. Præteritum perfectum: Indicativum *τέτυπα*. id est, *verberavi*. Plus quam perfectum *ἐτέτυπην*. id est, *verberaveram*. Imperativum *τέτυπε*. id est, *verberato*. Optativum *τέτυποιμι*. id est, *utinam verberassent*. Subjunctivum *ἰάν τετύπω*. id est, *si verberarem*. Infinitum *τετύπηναι*. id est, *verberaturum esse*. Indefinitum secundum: Indicativum *ἐτυπόμην*. id est, *verberatus sum*: Imperativum *τυπῆ*. id est, *verberare*. Optativum *τυπόμην*. id est, *utinam verberatus essem*. Subjunctivum *ἰάν τύποιμαι*. id est, *si verberatus fuissim*. Infinitum *τυπέσθαι*. id est, *verberatum fuisse*. Futurum secundum: Indicativum *τυπῆμαι*. id est, *verberabo*. Optativum *τυποίμην*. id est, *utinam verberatus essem*. Infinitum *τυπέσθαι*. id est, *verberaturum esse*.

PAS-

P A S S I V A.

Præfens indicativum τύπτομαι. id est, *verberor*: & reliqua sicut dictum est. Præteritum perfectum indicativum τέτυμαι. id est, *verberatus sum*. Plus quam perfectum ἐτέτυμαι. id est, *verberatus fueram*. Imperativum τύπτο. id est, *verberatus esto*. Infinitum τετύφθαι. id est, *verberatum fuisse*. Indefinitum primum indicativum ἐτύφθην. id est, *verberatus sum*. Imperativum τύφθητι. id est, *verberatus esto*. Optativum τυφθείην. id est, *utinam verberatus sim*. Subjunctivum εἰάν τυφθῶ. id est, *si verberatus fuerim*. Infinitum τυφθῆναι. id est, *verberatum esse*. Indefinitum secundum indicativum ἐτύπην. id est, *verberatus sum*. Imperativum τύπηθι. id est, *verberatus esto*. Optativum τυπήειην. id est, *utinam verberatus sim*. Subjunctivum εἰάν τυπῶ. id est, *si verberatus fuerim*. Infinitum τυπήναι. id est, *verberatum esse*. Futurum primum indicativum τυφθήσομαι. id est, *verberabor*. Optativum τυφθῆσομαι. id est, *utinam verberandus sim*. Infinitum τυφθῆσθαι. id est, *verberandum esse*. Futurum secundum. Indicativum τυπήσομαι. id est, *verberabor*. Optativum τυπήσομαι. id est, *utinam verberatus sim*. Infinitum τυπήσθαι. id est, *verberandum esse*. Mox futurum indicativum τετύφωμαι. id est, *mox verberabor*. Optativum τετύφωμαι. id est, *utinam mox verberarer*. Infinitum τετύφασθαι. id est, *mox verberandum esse*.

VERBA IN μ. ACTIVA.

Præfens indicativum τίθημι. id est, *pono*. Præteritum imperfectum ἐτίθημι. id est, *ponebam*. Imperativum τίθει. id est, *pone*. Optativum τίθειην. id est, *utinam ponerem*. Subjunctivum εἰάν τίθῃ. id est, *si ponam*. Infinitum τίθεναι. id est, *ponere*. Indefinitum primum indicativum ἵδηναι. id est, *posui*: & reliqua quemadmodum in ἐτύφω. Indefinitum secundum. Indicativum ἵδην. id est, *posui*. Imperativum θίει. id est, *pone*, & θίς. id est, *pone*. Optativum θίειην. id est, *utinam posuissem*. Subjunctivum εἰάν θῷ. id est, *si posuerim*. Infinitum θείναι. id est, *posuisse*.

M E D I A E T P A S S I V A.

Præfens indicativum τίθεμαι. id est, *ponor*. Præteritum imperfectum ἐτίθεμαι. id est, *ponebar*. Imperativum τίθεο. & τίθε. id est, *ponere*. Optativum τίθειμαι. id est, *utinam ponerer*. Subjunctivum εἰάν τίθῃμαι. id est, *si ponar*. Infinitum τίθεσθαι. id est, *poni*. Indefinitum secundum indicativum ἐτίθειμι. id est, *posui*. Imperativum θίεο & θίς. id est, *posui*. Optativum θίειμαι. id est, *utinam posuissem*. Subjunctivum εἰάν θῃμαι. id est, *si positis fuerim*. Infinitum θείσθαι. id est, *positum esse*. Præteritum perfectum indicativum τίθημαι. id est, *positis sum*. Plus quam perfectum ἐτέθημι. id est, *positis fueram*. Imperativum τίθεο. id est, *positis esto*. Optativum τεθείμην. id est, *utinam positis sim*. Subjunctivum εἰάν τεθῶμαι. id est, *si positis sim*. Infinitum τεθείσθαι. id est, *positum fuisse*. Indefinitum primum, indicativum ἐτέθην. id est, *positis sum*. Imperativum τέθειτι. id est, *positis esto*. Optativum τεθείην. id est, *utinam positis sim*. Subjunctivum εἰάν τεθῶ. id est, *si positis fuerim*. Infinitum τεθείναι. id est, *positum fuisse*. Futurum primum, indicativum τεθήσομαι. id est, *ponar*. Optativum τεθήσομαι. id est, *utinam ponendus sim*. Infinitum τεθήσθαι. id est, *ponendum esse*. Mox futurum, indicativum τεθέωμαι. id est, *mox ponar*, & reliqua, ut in τετύφωμαι. id est, *mox verberabor*.

Qua modis omnibus communia.

Commune est modis omnibus, quod augmentum originis abijciunt, excepto præterito perfecto ἐτύπλον. id est, *verberabam*. τύπλε. id est, *verbera*. ἐτύπλε. id est, *verberavi*. τύπλον. id est, *verberato*. τύπλαι. id est, *utinam verberassem*. εἰάν τύπλω. id est, *si verberaro*. τύπλαι. id est, *verberasse*. At τετύφω facit, τετύφω. id est, *verberato*. τετύφωμι. id est, *utinam verberassem*. εἰάν τετύφω. id est, *si verberaverim*. τετύφέναι. id est, *verberasse*: eodem augmento manente in omnibus. Præteritum autem imperfectum conjungitur præfenti: plus quam perfectum perfectum præterito perfecto. Unde habentem quæ ab alterutris horum fiunt, etiam cum alteris habentem significationem. Illud autem liquet, quod futurum nec in imperativo formatur, neque in subjunctivo. Cæterum hujus nota est in iis quæ formantur à primis indefinitis.

Formationes imperativorum activorum.

Verborum activorum in ω. Imperativum fit a tertia persona proprii thematis, ἐτύπλε. id est, *verberabas*. τύπλε. id est, *verbera*. τετύφω. id est, *verberavi*. τετύφω, *verberato*. Tametsi primum indefinitum fit, ultima etiam in ω mutata, ἐτύφω. id est, *verberavi*. τύφον. id est, *verberato*.

Optativorum.

Optativa vero à participiali genitivo, ultima versa in μαι & εἰσιν, littera inflexiva, & assumpto, in diphthongum: aut etiam versa in diphthongo in ω, in quibus ea fuerit in penultima, τύπλοντος. id est, *verberantis*. τύπλοι. id est, *utinam verberem*. τύφοντος. id est, *ejus qui verberavit*. τύφαι. id est, *utinam verberassem*. τετύφοντος. id est, *ejus qui verberavit*. τετύφαι. id est, *utinam verberassem*. τυπόντος. id est, *ejus qui verberavit*. τυπαι. id est, *utinam verberassem*. τυπόντος. id est, *utinam verberassem*. τυπόντος. id est, *utinam verberassem*. Cæterum optativa verborum contractorum, more etiam Aeolico proferuntur, μαι verso in ην, ut dictum est prius, ἀξιοίμ. id est, *utinam digner*: ἀξιοίην. id est, *utinam digner*. Nam ἀξιοίην. id est, *digner*, & βιοίην. id est, *vivam*, Doricum est, ω diphthongo versa in ω, quin & illud Aeolicum est, τύφειας. id est, *utinam verberasses*. τύφειε. id est, *verberasset*. τύφειαν. id est, *verberassent*.

Subjunctivorum.

Subjunctiva vero a prima persona suæ originis, ultima versa in ω, ἐτύπλον. id est, *verberabam*. εἰάν τύπλω, id est, *si verberem*. ἐτύφω, id est, *verberavi*. εἰάν τύφω, id est, *si verberaro*. τετύφω, id est, *verberavi*. εἰάν τετύφω, id est, *si verberarim*.

Infinitivorum.

Infinita vero præfentis & futuri temporis primi, a tertia persona originis addito ν, τύπλειν. id est, *verberat*, τύπλειν. id est, *verberare*, τύφειν. id est, *verberabit*, τύφειν. id est, *verberaturum esse*. Item infinita præteriti perfecti, ab eadem fiunt persona, addita syllabam ναι, τετύφειν. id est, *verberavit*, τετύφέναι. id est, *verberasse*. Indefinitum autem primum, à primo fit, addito ι, ἐτύφω, id est, *verberavi*, τύφαι. id est, *si verberasse*. Secundi rursus indefiniti infinitum ab eodem mutata ultima in ει, ἐτύπον, id est, *verberavi*, τυπείν. id est, *verberasse*. Eadem sanè est forma & secundi futuri, versa ultima in ει, τυπῶ. id est, *verberabo*. τυπείν. id est, *verberaturum esse*.

Mediorum imperativa.

Media autem imperativa præteriti quidem imperfecti & secundi indefiniti, fiunt a secunda persona originis ἐτύπλε. id est, *verberabaris*. τύπλε. id est, *verberare*. ἐτύπλε. id est, *verberatus es*. τυπῆ. id est, *verberare*. Cæterum primi indefiniti fiunt a primo elisa syllaba μν, & addito ι, ἐτύφαιμην. id est, *verberavi*. τύφαι. id est, *verberato*. Aut si quo alio modo hinc fieri possit accommodatius. Cæterum imperativa præteriti perfecti temporis eodem modo formantur, quo in activis.

Optativorum.

Porro optativa fiunt a prima persona originis, versa ultima in μν, & ι in diphthongum assumpta ante μν, τύπλομαι. id est, *verberor*. τυπλοίμην. id est, *utinam verberarer*. ἐτύφαιμην. id est, *verberavi*. τυφαιμην. id est, *utinam verberassem*. Excepto præterito perfecto: nam hoc itidem formatur, ut in activo.

Subjunctivorum.

Subjunctiva vero fiunt a prima persona in μαι. sed penultima originalium, in qua est μ consonans inflexiva habente ω, τύπλομαι. id est, *verberor*. εἰάν τύπλωμαι. id est, *si verberer*. ἐτύφαιμην. id est, *verberavi*. εἰάν τύφωμαι. id est, *si verberarim*.

Infinitorum.

Infinita vero fiunt a tertia persona originis, ultima mutata in εθαι. τύπλεται, id est, *verberatur*. τύπλεσθαι, id est, *verberati*. ἐτύφωτο, id est, *verberavit*. τύφασθαι, id est, *verberasse*. Excepto præterito perfecto, quod congruit cum activo.

Passivorum imperativorum.

Passiva imperativa præsentis temporis itidem fiunt, ut in mediis. Cæterum amborum indefinitivorum, fiunt a tertia persona, assumpto $\theta\iota$, $\epsilon\tau\acute{\upsilon}\pi\eta$, id est, *verberatus est*, $\tau\acute{\upsilon}\pi\eta\theta\iota$, id est, *verberare*. Quoniam in quibus præcedit eadem aspirata, non θ , sed τ assumitur, $\epsilon\tau\acute{\upsilon}\phi\theta\eta$, id est, *verberatus sum*, $\tau\acute{\upsilon}\phi\theta\eta\iota$, id est, *verberatus esto*, ob vocis incommoditatem. Præteriti autem perfecti a secunda persona plus quam perfecti $\epsilon\tau\acute{\iota}\tau\upsilon\phi\theta\iota$, id est, *verberatus fueras*, $\tau\acute{\epsilon}\tau\upsilon\phi\theta\iota$, id est, *verberatus esto*.

Optativorum.

Optativa præsentis temporis & futuri similiter fiunt, ut in mediis: verum non item in præterito perfecto si consonans fuerit ante μ , quæ si non fuerit, nec ulla vetet diphthongus, tamen, assumpto in diphthongum cum penultima syllabæ vocali, fit optativum. $\pi\epsilon\pi\omicron\iota\eta\mu\eta\nu$, id est, *utinam factus essem*, $\mu\epsilon\mu\eta\mu\eta\nu$, id est, *utinam memor essem*. Indefinitum autem fit a genitivo participii, ultima versâ in ν , & eliso ν consonante inflexiva, & assumpto in diphthongum, $\tau\upsilon\phi\theta\epsilon\iota\nu\varsigma$, id est, *verberati*, $\tau\upsilon\phi\theta\epsilon\iota\nu$, id est, *utinam verberatus essem*.

Subjunctivorum.

At subjunctiva præsentis temporis eodem modo fiunt ut in mediis. Cæterum utriusque indefiniti, fiunt a tertia persona originis, versâ vocali finali in ω , $\epsilon\tau\acute{\upsilon}\phi\theta\eta$, id est, *verberatus est*, $\epsilon\alpha\nu\ \tau\upsilon\phi\theta\omega$, id est, *si verberatus fuero*, $\epsilon\tau\acute{\upsilon}\pi\eta$, id est, *verberatus es*, $\epsilon\alpha\nu\ \tau\upsilon\pi\omega$, id est, *si verberatus sim*. Præteriti vero perfecti subjunctivum, si habeat μ , ut mododictum est, nec diphthongus prohibeat, fieri possit & vocali penultima versâ in ω , $\pi\epsilon\pi\omicron\iota\eta\mu\alpha\iota$, id est, *factus sum*, $\pi\epsilon\pi\omicron\iota\omega\mu\alpha\iota$, id est, *si factus sim*, $\mu\epsilon\mu\eta\mu\alpha\iota$, id est, *memini*, $\mu\epsilon\mu\eta\omega\mu\alpha\iota$, id est, *si memor fuero*.

Infinitivorum.

Infinita vero præsentis & futuri temporis, itidem fiunt ut in mediis. Quin & præteriti perfecti consimilis est formatio qualis in mediis, nisi quod hic σ non assumitur. Nam a $\epsilon\tau\acute{\upsilon}\pi\lambda\alpha\iota$, id est, *verberatus est*, venit $\tau\acute{\epsilon}\tau\upsilon\phi\theta\alpha\iota$, id est, *verberatum fuisse*, videlicet, priore tenui in aspiratam versâ. Nam illud generale est, quod tenuis tenuem præcedat, aspirata aspiratam. Indefinitivorum autem fiunt a prima persona originis, addito finali $\alpha\iota$, $\epsilon\tau\acute{\upsilon}\phi\theta\eta\nu$, id est, *verberatus sum*, $\tau\upsilon\phi\theta\eta\tau\alpha\iota$, id est, *verberatum esse*.

Verborum in μ formationes.

Porro verborum in μ activa quidem imperativa, fiunt a participiali genitivo eliso ν , consonante inflexiva, & mutata ultima in $\theta\iota$, $\tau\acute{\iota}\delta\epsilon\nu\tau\omicron\varsigma$, id est, *ponentis*, $\tau\acute{\iota}\delta\epsilon\iota$, id est, *pone*, $\iota\varsigma\acute{\alpha}\nu\tau\omicron\varsigma$, id est, *statuentis*, $\iota\varsigma\acute{\alpha}\delta\iota$, id est, *statue*, $\delta\iota\delta\omicron\nu\tau\omicron\varsigma$, id est, *dantis*, $\delta\iota\delta\omicron\delta\iota$, id est, *da*. Aut a secunda indicativorum, vocali ultima versâ in penultimam originis, $\theta\acute{\epsilon}\omega$, id est, *pono*, $\epsilon\theta\eta\varsigma$, id est, *posuisti*, $\theta\acute{\epsilon}\varsigma$, id est, *pone*, $\delta\acute{\omega}\mu$, id est, *do*, $\epsilon\delta\omega\varsigma$, id est, *dedisti*, $\delta\omicron\varsigma$, id est, *da*.

Subjunctivorum.

Subjunctiva fiunt itidem ut in passivis indefinitis verborum in ω definitivum, $\epsilon\tau\acute{\iota}\delta\eta$, id est, *ponebat*, $\epsilon\alpha\nu\ \tau\acute{\iota}\delta\omega$, id est, *si ponam*. Cæterum $\delta\acute{\omega}\sigma\iota\nu$, id est, *det*, in tertia persona, & $\delta\acute{\omega}\eta\sigma\iota$, id est, *det*. Poetica sunt ad exemplar tertiæ personæ singularium. Hujusmodi sunt & $\theta\acute{\epsilon}\epsilon\iota\omega$, id est, *ponam*, $\varsigma\acute{\eta}\omega$, id est, *statuam*, $\delta\acute{\omega}\omega$, id est, *dem*. Nam cum omnia unice sint syllabæ, & circumflectantur, $\theta\acute{\omega}$, id est, *ponam*, $\delta\acute{\omega}$, id est, *dem*, $\varsigma\acute{\omega}$, id est, *statuam*: Poetæ duarum faciunt syllabarum, & penultimam acunt, apte interponentes hujusmodi syllabas. Singulis enim propriam addunt vocalem originalem productam.

Optativorum.

Optativa item eodem modo fiunt, quo passivorum in ω , optativa,

Infinitivorum.

Infinita quoque præsentis temporis a participii genitivo formantur eliso ν inflexivo, & ultima transfigurata in $\nu\mu\iota$.

A $\tau\acute{\iota}\delta\epsilon\nu\tau\omicron\varsigma$, id est, *ponentis*, $\tau\acute{\iota}\delta\epsilon\nu\alpha\iota$, id est, *ponere*, $\delta\iota\delta\omicron\nu\tau\omicron\varsigma$, id est, *dantis*, $\delta\iota\delta\omicron\nu\alpha\iota$, id est, *dare*. Cæterum $\delta\iota\delta\omicron\nu\alpha\iota$ juxta Poeticam licentiam dictum est. Media vero & passiva similiter habent, ut in verbis in ω definitivis.

Formationes personarum in cæteris modis.

Formæ igitur figurandi personarum inflexionem juxta singulos modos hujusmodi sunt.

Imperativorum.

Imperativorum activorum, tertia persona fit a propria secunda, addito $\tau\omega$, $\tau\acute{\upsilon}\pi\tau\epsilon$, id est, *verbera*, $\tau\upsilon\pi\tau\acute{\epsilon}\tau\omega$, id est, *verberet*, exceptis iis quæ definiunt in $\theta\iota$. Siquidem ea non additione, sed mutatione ultimæ ad eundem formantur modum, $\tau\acute{\iota}\delta\epsilon\tau\iota$, id est, *pono*, $\tau\acute{\iota}\delta\acute{\epsilon}\tau\omega$, id est, *ponas*, $\tau\acute{\upsilon}\phi\theta\eta\tau\iota$, id est, *verberatus esto*, $\tau\epsilon\phi\theta\acute{\eta}\tau\omega$, id est, *verberatus fit*. At primi indefiniti tertia persona fit & hoc modo, ut id quod additur in ultima σ , ubique vertatur in α , $\tau\acute{\upsilon}\phi\theta\sigma$, id est, *verberato tu*, $\tau\upsilon\phi\acute{\alpha}\tau\omega$, id est, *verberato ille*. Dualium vero secunda persona fit a secunda singularium, assumpta syllaba $\tau\omicron\nu$, $\tau\acute{\upsilon}\pi\tau\epsilon$, id est, *verbera*, $\tau\acute{\upsilon}\pi\tau\epsilon\tau\omicron\nu$, id est, *verberate duo*. Tertia rursus a tertia, assumpto ν , $\tau\acute{\upsilon}\pi\tau\epsilon$, id est, *verbera*, $\tau\upsilon\pi\tau\acute{\epsilon}\tau\omega$, id est, *verberet*, $\tau\upsilon\pi\tau\acute{\epsilon}\tau\omega\nu$, id est, *verberent duo*. Pluralium vero secunda fit a secunda singularium, assumpto $\tau\epsilon$, $\tau\acute{\upsilon}\pi\tau\epsilon$, id est, *verbera*, $\tau\acute{\upsilon}\pi\tau\epsilon\tau\epsilon$, id est, *verberate*, $\tau\acute{\upsilon}\phi\theta\sigma$, id est, *verberato*, $\tau\acute{\upsilon}\phi\acute{\alpha}\tau\epsilon$, id est, *verberato te*, mutato σ in α , sicut dictum est. Rursus tertia fit a tertia, addita syllaba $\sigma\alpha\nu$, $\tau\upsilon\pi\acute{\epsilon}\tau\omega$, id est, *verberato*, $\tau\upsilon\pi\acute{\epsilon}\tau\omega\sigma\alpha\nu$, id est, *verberanto*. Cæterum $\tau\upsilon\pi\acute{\lambda}\omicron\nu\tau\omega\nu$ pro $\tau\upsilon\pi\acute{\lambda}\omicron\nu\tau\omega\sigma\alpha\nu$, id est, *verberanto*, per syncopen factum esse videtur, & conversionem penultimæ in longam. Quod tertiæ personæ pluralium cum ultima syllaba habent τ , penultimam utcumque productam habent. Excipiantur autem Jonicum $\tau\epsilon\tau\acute{\upsilon}\phi\alpha\tau\alpha\iota$, id est, *verberati sunt*. Similiter & $\tau\upsilon\pi\acute{\lambda}\omicron\nu\delta\omega\nu$ pro $\tau\upsilon\pi\acute{\lambda}\omicron\nu\delta\omega\sigma\alpha\nu$, id est, *verberantor illi*, formabitur.

Mediorum ac passivorum.

Mediorum autem ac passivorum tertia persona singularium fit elisa e diphthongo, posteriore vocali, & σ verso in ϵ , si fuerit, & assumpto $\sigma\theta\omega$, $\tau\acute{\upsilon}\pi\lambda\epsilon$, id est, *verberare*, $\tau\upsilon\pi\lambda\epsilon\theta\omega$, id est, *verberetur*. Exceptis indefinitis in $\theta\iota$. Hæc enim semper congruunt cum activis in $\theta\iota$. Dualium secunda persona fit a tertia singularium, ultima mutata in $\sigma\theta\omicron\nu$, $\tau\upsilon\pi\lambda\epsilon\theta\omega$, id est, *verberetur*, $\tau\acute{\upsilon}\pi\lambda\epsilon\sigma\theta\omicron\nu$, id est, *verberemini duo*. Tertia vero a tertia addito ν , $\tau\upsilon\pi\lambda\epsilon\sigma\theta\omega$, id est, *verberetur*, $\tau\upsilon\pi\lambda\epsilon\sigma\theta\omega\nu$, id est, *verberentur duo*. Pluralium autem prima fit a secunda dualium, ultima mutata in $\sigma\theta\epsilon$, $\tau\acute{\upsilon}\pi\lambda\epsilon\sigma\theta\omega$, id est, *verberamini duo*, $\tau\acute{\upsilon}\pi\lambda\epsilon\sigma\theta\epsilon$, id est, *verberamini plures*. Item tertia a tertia, addito $\sigma\alpha\nu$, $\tau\upsilon\pi\lambda\epsilon\sigma\theta\omega$, id est, *verberetur*, $\tau\upsilon\pi\lambda\epsilon\sigma\theta\omega\sigma\alpha\nu$, id est, *verberentur*. $\tau\acute{\omega}\ \tau\upsilon\pi\lambda\epsilon\sigma\theta\omega\nu$ pro $\tau\upsilon\pi\lambda\epsilon\sigma\theta\omega\sigma\alpha\nu$, sic dictum est, ut indicavimus modo de $\tau\upsilon\pi\lambda\acute{\omicron}\nu\tau\omega\nu$, pro $\tau\upsilon\pi\lambda\acute{\omicron}\nu\delta\omega\sigma\alpha\nu$.

Optativorum in μ .

E Optativorum definitivum in μ , secunda persona singularium fit a prima, eliso ι , & μ verso in σ , $\tau\upsilon\pi\lambda\omicron\mu\iota$, id est, *utinam verberarem*, $\tau\acute{\upsilon}\pi\lambda\omicron\iota\varsigma$, id est, *utinam verberares*. Rursum tertia a secunda, abjecta σ , $\tau\acute{\upsilon}\pi\lambda\omicron\iota\varsigma$, id est, *utinam verberares*, $\tau\acute{\upsilon}\pi\lambda\omicron\iota$, id est, *utinam verberaret*. Dualium vero secunda fit a secunda singularium, mutato σ in τ , & assumpto $\sigma\nu$, $\tau\acute{\upsilon}\pi\lambda\omicron\iota\varsigma$, id est, *utinam verberares*, $\tau\acute{\upsilon}\pi\lambda\omicron\iota\sigma\tau\omicron\nu$, id est, *utinam verberetis duo*. Item tertia a sua secunda, ultima syllaba mutata in $\tau\eta\nu$, $\tau\acute{\upsilon}\pi\lambda\omicron\iota\sigma\tau\omicron\nu$, id est, *utinam verberetis duo*, $\tau\upsilon\pi\lambda\omicron\iota\sigma\tau\eta\nu$, id est, *utinam verberetis duo*. Pluralium prima fit a prima singularium, ultima mutata in $\mu\epsilon\nu$, $\tau\acute{\upsilon}\pi\lambda\omicron\mu\iota$, id est, *utinam verberarem*, $\tau\acute{\upsilon}\pi\lambda\omicron\mu\epsilon\nu$, id est, *utinam verberaremus*. Secunda fit a secunda dualium, ultima versâ in $\tau\epsilon$, $\tau\acute{\upsilon}\pi\lambda\omicron\iota\sigma\tau\omicron\nu$, id est, *utinam verberetis duo*, $\tau\acute{\upsilon}\pi\lambda\omicron\iota\sigma\tau\epsilon$, id est, *utinam verberetis plures*. Tertia fit a sua prima, abjecta μ , inflexiva consonante, $\tau\acute{\upsilon}\pi\lambda\omicron\mu\epsilon\nu$, id est, *utinam verberaremus*, $\tau\acute{\upsilon}\pi\lambda\omicron\iota\epsilon\nu$, id est, *utinam verberarent*.

Optativorum in ν .

Definitivum autem in ν secunda persona singularium fit a prima, finali ν verso in σ , $\tau\upsilon\phi\theta\epsilon\iota\nu$, id est, *utinam verberatus essem*, $\tau\upsilon\phi\theta\epsilon\iota\varsigma$, id est, *utinam verberatus esses*. Cætera vero omnia itidem, ut in optativis in μ definitivis, nisi quod

quod tertiæ personæ pluralium, etiam in *σαν* formantur, *τυφθείσαν*. id est, *utinam verberati sint*. In *εν* vero fiunt, cum abijciunt *η*, quod est in penultima, *τυφθείεν*. id est, *utinam verberati sint*.

Optativorum in *μην*.

In *μην* autem definitum secunda persona singularium fit a prima, ultima syllaba mutata in *ε*, *τυπτοίμην*, id est, *utinam verberarer*. *τυπτοιο*. id est, *utinam verberareris*. Tertia vero a secunda interposito *τ*, *τύπτοιο*. id est, *utinam verberareris*. *τύπτοιο*. id est, *utinam verberaretur*. Dualium prima fit a prima singularium, ultima mutata in *μεθον*. *τυπτοίμην*. id est, *utinam verberarer*. *τυπτοίμεθον*. id est, *utinam verberaretur duo*. Item secunda a secunda, ultima mutata in *σθον*, *τύπτοιο*. id est, *utinam verberareris*. *τύπτοισθον*. id est, *utinam verberaretur duo*. Tertia fit a propria secunda, mutata ultima in *σθην*, *τύπτοισθον*. id est, *utinam verberaretur duo*. *τύπτοισθην*. id est, *verberarentur duo*. Pluralium autem prima persona fit a prima dualium, ultima mutata in *θα*, *τύπτοίμεθα*. id est, *utinam verberaretur duo*. *τύπτοίμεθα*. id est, *utinam verberaretur plures*. Secunda item a secunda, ultima mutata in *σθε*, *τύπτοισθε*. id est, *utinam verberaretur duo*. *τύπτοισθε*. id est, *utinam verberaretur plures*. Tertia vero a tertia singularium, interposito *ν*, *τύπτοιστε*. id est, *utinam verberaretur*. *τύπτοιστε*. id est, *utinam verberaretur*.

Subjunctivorum.

Subjunctivorum omnes personæ similiter formantur ut in præfenti indicativorum : nisi quod ubi illa in inflexione habent *ε*, hic habetur *η*, *τύπεις*. id est, *verberas*. *ἐάν τύπης*. id est, *si verberes*. *τύπεται*. id est, *verberetur*. *ἐάν τύπηται*. id est, *si verberetur*. Rursus ubi illic habetur *ο*, hic est *ω*, *τύπωμαι*. id est, *verberor*. *ἐάν τύπωμαι*. id est, *si verberer*. Exceptis verbis quintæ conjugationis, habentibus *ω* in penultima. Nam in iisdem *ω* semper servatur. *διδωμι*. id est, *do*. *ἐάν διδώ*. id est, *si dem*. *διδῶς*. id est, *si des*. *διδῶ*. id est, *des*. Ad quintam autem conjugationem refertur & verbum substantivum *εἶμι*. id est, *sum*. Atque in universum, nullum verbum erit, quod non ad aliquam dictarum formarum pertineat. Cæterum ex verbis quintæ conjugationis, quæ in penultima habent *υ*, ut *ζευγνυμι*, duntaxat habere comperiuntur præteritum imperfectum & indefinitum secundum, *ἔφν*. id est, *natum est*. *ἔδν*. id est, *subiit* : præteritum autem perfectum, & reliqua tempora, non habent quemadmodum cætera ejusdem conjugationis. At neque modum optativum, neque subjunctivum, nisi quis dicat, *ζευγνύην*. id est, *utinam copularem*. & *ζευγνύμην*. id est, *utinam copularem*. diphthongo *η* usus in penultima, quod genus sunt *μνημήμην*. id est, *utinam meminisset*. & *πεποιήμην*. id est, *utinam factus essem*. Atque ad hanc formam licebit & *τεθήμην* dicere, id est, *utinam positis essem*.

De contractis verbis.

Cæterum verba tertiæ conjugationis in *ω* purum sic, ut ante illud habeant *α* aut *ε* aut *ο*, in penultima, quod contractionem patiantur, dictum est prius. Id vero solum accidit in præfenti & præterito imperfecto. Horum igitur commune est, quod cum præcedit una quævis harum *α* *ε* *ο*, & sequitur *ω*, semper fit contractio in *ω* : proprium autem est, quod cum præcedit *α*, & sequitur *ο*, sive per se, sive in diphthongo, contractio semper fit in *ω*, ut *βοάομαι*, *βοῶ*. id est, *clamatus*. *βοῶν*, *βοῶ*. id est, *clamare in*. *βοῶν*, *βοῶ*. id est, *utinam clamarem*. Cum vero sequitur *ε* aut *η*, sive in diphthongo, sive sola, semper contractio fit in *α*, *βοᾶις*, *βοᾶς*. id est, *clamas*. *βοᾶς*, *βοᾶ*. id est, *clama*. *βοᾶν*, *βοᾶ*. id est, *si clameris*. Unde sane fit, ut nec subjunctiva hæc, nec alia omnino contracta subjaceant iis quæ de verbis incontractis dicta sunt. Præterea cum præcedit *ε*, & sequitur *ο*, sive per se, sive in diphthongo *υ*, semper contractio fit in *υ*, *ποιέομαι*, *ποιῶ*. id est, *facimus*. Cum vero sequitur *ε*, sive per se, sive in diphthongo, semper contractio fit in *ει*. *ποιέεις*, *ποιεῖς*. id est, *facis*. *ποιέετε*, *ποιεῖτε*. id est, *facitis plures*. Cum vero sequitur *η*, sive per se, sive in diphthongo, contractio fit in *η*, *ἐάν ποιήης*, *ποιῆς*. id est, *si facias*. *ἐάν ποιήηται*, *ποιήται*. id est, *si faciat*. Cum

A vero sequitur *ο*, ut in diphthongo *οι*, contractio fit in *οι*, *ποιέοιμι*, *ποιοῖμι*. id est, *utinam facerem*. Tamen si quæ dualium sunt syllabarum in iis prima persona non contrahitur, *πλέω*. id est, *navigo*. *πλέω*. id est, *nato*. *πλέω*. id est, *fluo*. Sed *πλεῖς*. id est, *navigas*. & *πλεῖ*. id est, *navigat* : & reliqua consimiliter. Præterea cum præcedit *ο*, ac sequitur *ο*, sive per se, sive in diphthongo, præterquam in *οι*, tum contractio fit in *υ*, *χευσομαι*, *χευῶ*. id est, *inauratus*. Similiter & cum sequitur *ε*, *χευσομαι*, *χευῶ*. id est, *inauratus*. Cæterum ubi sequitur *η*, contractio fit in *ω*, aut in *υ*. *ἐάν χευσῶνται*, *ἐάν χευσῶνται*. aut *χευσοῦνται*. id est, *si inaurentur*. Rursum cum sequitur *ι*, videlicet in diphthongo, tum contractio fit in *οι*, *χευσοῖς*. id est, *inauratus*. *χευσοῖς*, *χευσοῖς*. id est, *utinam inauraretur*. *ἐάν χευσῶνται*, *ἐάν χευσῶνται*. id est, *si inauraretur*. Excepto infinito, *χευσοῖν* enim contrahitur in *χευῶν*. id est, *inaurare*. Horum autem omnium commune est, quod optativa proferuntur etiam more Æolico, ultima versa in *ην*, *ποιοῖμι*. id est, *utinam facerem*. *ποιοῖν*. id est, *utinam facerem*. *βοῶμι*, *βοῶν*. id est, *utinam clamarem*. Atque ita transeunt omnino in inflexionem optativorum definitum in *ην*.

De verbis varie declinatis.

Quemadmodum nomina alia sunt heteroclitica, hoc est, varie declinata, alia prorsus indeclinabilia, vel propter contractionem, vel alia de causa, sic & verba dici possunt heteroclitica, *πίπτω*. id est, *coquo*. *πέφω*. id est, *coquam*. *τίκτω*. id est, *pario*. *τέξω*. id est, *pariam*. *πίπτω*. id est, *cado*. *πεσῶμαι*. id est, *cadam*. *ἀλίσκω*. id est, *capio*. *ἀλώσω*. id est, *capiam*. *ἐρχομαι*. id est, *venio*. *ἐλεύσομαι*. id est, *veniam*. Sunt autem hujus generis complura, atque in iis usum observare conveniet, ut tamen in genere dicamus, verba derivativa, quæ definunt in duas consonantes diversas, nullam habent propriam inflexionem : verum formantur hæc per *τ*, aut per huic cognatum *σ*, exceptis verbis quartæ conjugationis, *ῥέπω*. id est, *jacio*. *ῥίπτω*. id est, *jacio*. *τέκω*. *τίκτω*. id est, *pario*. *ἔχω*. *ἴσχω*. id est, *habeo*. *ἔπω*. *ἴπω*. id est, *dico*. *πίτω*. *πίπτω*. id est, *cado*. *ἔσκα*. id est, *steti*. *ῥάσκω*. id est, *sto*. *βίβω*. id est, *parvi*. *βόσκω*. id est, *pasco*. *τετέλεκα*. id est, *perfeci*. *τετέλεκα*. id est, *perficio*. Volunt autem consonantem assumere a formatione, consonantem inquam secundæ aut tertiæ personæ præteriti perfecti passivi. Quare in verbis quartæ conjugationis a *μίνω*. id est, *maneo*. formatum est *μείνω*. id est, *maneo*. propterea quod *σ* non quadret in ea junctura, ac ne *ν* quidem congruat, sed suo more verti soleat in *μ*. Nihil autem retulerit, si quis velit *μ* non esse ex mutatione *ν*, sed assumi a prima persona, *μείμηναι*. id est, *mansi*. *μείνω*. id est, *maneo*. Porro hæc vocentur redundantia.

Indeclinabilia.

E Indeclinabilia sunt autem quæ contrahuntur omnia, *ποιῶ*. id est, *facio*. *βοῶ*. id est, *clamo*. quatenus contractionem passa.

Desiderativa.

Jam indeclinabilia sunt etiam desiderativa omnia, licet incontracta, *μαθητιῶ*. id est, *cupio discere*. *τομῶ*. id est, *secturio*. *βασιλειῶ*. id est, *regnatorio*. *πολεμῶ*. id est, *bellatorio*. *ὀψείω*. id est, *videre cupio*. Arbitror autem apte adjungi iis, verba quæcunque speciem habent tertiæ personæ, cum nullius sint personæ. Unde & impersonalia dicuntur, ut *δεῖ*. id est, *oportet*. *χρῆ*. id est, *oportet*. & *δοκεῖ*. id est, *videtur*, & *συμβαίνει*. id est, *contingit*. & *μίλει*. id est, *cura est*. & *ἔξει*. id est, *licet*. In summa, quæ nullam certam indicant personam. Verum in iis haud multa sunt, quæ activi verbi voce proferuntur, plurima vero quæ passivi, nimirum omnia personalia passivorum. Etenim tertia persona singularium in singulis temporibus, quoties presumitur ad significandam primam personam, neque primam, neque secundam habet personam. Id in iis liquebit, ut *λέγεται*. id est, *dicitur*. *ἔρηται*. id est, *dictum est*. *γράφεται*. id est, *scriptum est*. *ἱρῶθαι*. id est, *dictum esto*. *πεποιήσθαι*. id est, *factum esto*.

De

De participiis.

Porro participia formantur a singulis temporibus, præterquam a præterito imperfecto & plus quam perfecto, cum hæc duo adjunctitia sunt, alterum præteriti, alterum præterito perfecto. Ita communia habent ab iisdem participia. Commune autem est iis, quod in omnibus præteritis abjicitur augmentum, præterquam in præterito perfecto.

Activa præsentis & futuri.

Fit autem in verbis activis in ω desinentibus, a prima persona singularium temporis præsentis & utriusque futuri participium, assumpto ν . $\tau\acute{\upsilon}\pi\tau\omega$. id est, *verbero*. $\tau\acute{\upsilon}\pi\tau\omega\nu$. id est, *verberans*. $\tau\acute{\upsilon}\phi\omega$. id est, *verberabo*. $\delta\tau\acute{\upsilon}\phi\omega\nu$. id est, *verberaturus*. $\tau\upsilon\pi\acute{\omega}$. id est, *verberabo*. $\delta\tau\upsilon\pi\acute{\omega}\nu$. id est, *verberaturus*. Fœmininum rursus a recto masculini, ω finali verso in ϵ , & ν in σ , & assumpto α finali, $\delta\tau\acute{\upsilon}\phi\omega\nu$. id est, *hic verberans*. $\eta\tau\acute{\upsilon}\phi\omega\sigma\alpha$. id est, *hæc verberans*. $\delta\tau\acute{\upsilon}\phi\omega\nu$. id est, *hic verberaturus*. $\eta\tau\acute{\upsilon}\phi\omega\sigma\alpha$. id est, *hæc verberaturus*. $\delta\tau\upsilon\pi\acute{\omega}\nu$. id est, *verberaturus*. $\eta\tau\upsilon\pi\acute{\omega}\sigma\alpha$. id est, *verberatura*. Neutrum autem fit a genitivo, abjecta ultima syllaba, $\tau\acute{\upsilon}\pi\tau\omega\nu\tau\omicron\varsigma$. id est, *verberantis*. $\tau\acute{\upsilon}\phi\omega\nu\tau\omicron\varsigma$. id est, *hoc verberans*. $\tau\acute{\upsilon}\phi\omega\nu\tau\omicron\varsigma$. id est, *verberaturus*. $\tau\acute{\upsilon}\phi\omega\nu\tau\omicron\varsigma$. id est, *hoc verberaturus*. $\tau\acute{\upsilon}\phi\omega\nu\tau\omicron\varsigma$. id est, *verberaturus*. $\tau\acute{\upsilon}\phi\omega\nu\tau\omicron\varsigma$. id est, *hoc verberaturus*. His affinia sunt & secundi indefiniti participia. Nam masculinum fit σ , quod est in ultima, verso in ω . $\epsilon\tau\upsilon\pi\omega\nu$. id est, *verberavi*. $\delta\tau\upsilon\pi\acute{\omega}\nu$. id est, *qui verberavit*. Fœmininum autem & neutrum, ut dictum est. A primo vero indefinito masculinum participium fit assumpto σ . $\epsilon\tau\upsilon\phi\alpha$. id est, *verberavi*. $\delta\tau\upsilon\phi\alpha\sigma$. id est, *qui verberavit*. Porro fœmininum ac neutrum, ut dictum est, nisi quod hic penultima producitur, nulla vocali aliunde assumpta, $\delta\tau\upsilon\phi\alpha\sigma$. id est, *qui verberavit*. $\eta\tau\upsilon\phi\alpha\sigma\alpha$. id est, *que verberavit*. $\tau\acute{\upsilon}\phi\alpha\nu$. id est, *quod verberavit*. A præterito vero perfecto masculinum participium fit α finali mutato in ω , & assumpto σ . $\tau\acute{\epsilon}\tau\upsilon\phi\alpha$. id est, *verberavi*. $\tau\acute{\epsilon}\tau\upsilon\phi\omega\varsigma$. id est, *qui verberavit*. Fœmininum vero a genitivo masculini, abjecta ultima syllaba, & assumpto α , & eliso σ , quod est in penultima, sed assumpta diphthongo η . $\tau\acute{\epsilon}\tau\upsilon\phi\omega\tau\omicron\varsigma$. id est, *ejus qui verberavit*. $\eta\tau\acute{\epsilon}\tau\upsilon\phi\eta\alpha$. id est, *que verberavit*. Ab eodem fit neutrum elisa syllaba $\tau\omicron$. $\tau\acute{\upsilon}\phi\omega\tau\omicron\varsigma$. id est, *quod verberavit*. Cæterum $\gamma\epsilon\gamma\omega\sigma\alpha$. id est, *que fuit*. & $\theta\epsilon\theta\omega\sigma\alpha$. id est, *que iuit*. $\iota\sigma\omega\sigma\alpha$. id est, *que stetit*. aliaque id genus Poetica sunt. Siquidem Poetæ facientes syncopen, hoc est, elisis in medio literis, transfigurant fœmininum juxta contractionem. Nam a $\gamma\acute{\epsilon}\gamma\alpha\alpha$. id est, *fui*, ut fit, $\gamma\epsilon\gamma\alpha\eta\alpha$. id est, *que fui*. venit $\gamma\epsilon\gamma\omega\varsigma$. id est, *qui fuit*. unde $\gamma\epsilon\gamma\omega\sigma\alpha$. id est, *que fuit*. Atque in cæteris ad consimilem modum. Quibus responderet $\tau\epsilon\theta\upsilon\omega\sigma\alpha$. id est, *mortua*. Tametsi venit a $\tau\acute{\epsilon}\theta\upsilon\epsilon\alpha$. id est, *mortuus sum*, licet syncopen non patiat.

Media & passiva.

In mediis autem & passivis, iis sane ut in genere loquar, quæ μ habent literam conjugatoriam, participium masculinum fit ultima mutata in $\mu\epsilon\nu\omicron\varsigma$. $\tau\acute{\upsilon}\pi\tau\omega\mu\alpha\iota$. id est, *verberor*. $\delta\tau\upsilon\pi\acute{\omega}\mu\epsilon\nu\omicron\varsigma$. id est, *qui verberatur*. $\iota\tau\upsilon\phi\acute{\omega}\mu\epsilon\nu\omicron\varsigma$. id est, *verberabam*. $\delta\tau\upsilon\phi\acute{\omega}\mu\epsilon\nu\omicron\varsigma$. id est, *qui verberavit*. Cæterum iis quæ non habent μ , sed desinunt in $\eta\nu$, participium formatur, ultima mutata in $\epsilon\iota\varsigma$. $\epsilon\tau\acute{\upsilon}\pi\eta\nu$. id est, *verberatus sum*. $\delta\tau\upsilon\pi\epsilon\iota\varsigma$. id est, *verberatus*. Fœmininum & neutrum in iis quæ habent μ , fit a masculino, ultima mutata in η & $\nu\omicron\nu$, $\delta\tau\upsilon\pi\acute{\omega}\mu\epsilon\nu\omicron\varsigma$. id est, *qui verberatur*. $\eta\tau\upsilon\pi\acute{\omega}\mu\epsilon\nu\omicron\varsigma$. id est, *que verberatur*. $\tau\acute{\upsilon}\phi\omega\mu\epsilon\nu\omicron\varsigma$. id est, *quod verberatur*. Ubi vero non est μ , itidem fiunt ut in activis, nisi quod manet eadem vocalis finalis, ut est $\delta\tau\upsilon\phi\omega\epsilon\iota\varsigma$. id est, *verberatus*. $\eta\tau\upsilon\phi\omega\epsilon\iota\varsigma$. id est, *verberata*. $\tau\acute{\upsilon}\phi\omega\epsilon\nu$. id est, *hoc verberatum*. Quanquam a medio præterito perfecto, iisdem per omnia modis fiunt, quibus in verbo activo, $\tau\acute{\epsilon}\tau\upsilon\phi\alpha$. id est, *verberavi*. $\delta\tau\acute{\epsilon}\tau\upsilon\phi\omega\varsigma$. id est, *qui verberavit*. $\tau\acute{\epsilon}\tau\upsilon\phi\omega\tau\omicron\varsigma$. id est, *ejus qui verberavit*. $\eta\tau\acute{\epsilon}\tau\upsilon\phi\eta\alpha$. id est, *ea que verberavit*. $\tau\acute{\upsilon}\phi\omega\tau\omicron\varsigma$. id est, *quod verberavit*.

Verborum in $\mu\iota$ participia.

Verba autem in $\mu\iota$ passiva quidem & media, sicut dictum

A est, habent $\tau\acute{\iota}\theta\epsilon\mu\alpha\iota$. id est, *ponor*. $\delta\tau\acute{\iota}\theta\epsilon\mu\epsilon\nu\omicron\varsigma$. id est, *qui ponitur*. $\iota\theta\acute{\epsilon}\mu\eta\nu$. id est, *positus sum*. $\delta\theta\acute{\epsilon}\mu\epsilon\nu\omicron\varsigma$. id est, *qui positus est*. $\epsilon\tau\acute{\iota}\theta\eta\nu$. id est, *positus sum*. $\delta\tau\epsilon\theta\epsilon\iota\varsigma$. id est, *positus*. Cæterum activa formanda sunt, sicut prima indefinita verborum desinentium in ω . At secunda indefinita, & præterita imperfecta omnia formantur in σ , ultima acuta, at non in eandem syllabam, sed juxta rationem vocis. In singulis enim propria vocalis initialis resumitur. Ea porro anceps est, aut brevis. At anceps cum est, vertitur in longam finalem. Cum est brevis, conflatur in diphthongum, assumpto ι aut υ , $\iota\sigma\eta\nu$. id est, *statuebam*. $\delta\iota\sigma\acute{\alpha}\varsigma$. id est, *qui statuebat*. $\iota\zeta\epsilon\gamma\gamma\upsilon\nu$. id est, *conjugabam*. $\delta\zeta\epsilon\gamma\gamma\upsilon\varsigma$. id est, *qui conjugabat*. $\iota\delta\iota\delta\omega\nu$. id est, *dabam*. $\delta\delta\iota\delta\omicron\varsigma$. id est, *qui dabat*. $\iota\tau\acute{\iota}\theta\eta\nu$. id est, *ponebam*. $\delta\tau\acute{\iota}\theta\epsilon\iota\varsigma$. id est, *qui ponebat*. Fœmininum autem & neutrum eodem modo formantur, quo ea quæ veniunt a passivis in $\eta\nu$, $\delta\tau\iota\theta\epsilon\iota\varsigma$. id est, *ponens*. $\eta\tau\iota\theta\epsilon\iota\sigma\alpha$. id est, *hæc ponens*. $\tau\acute{\epsilon}\tau\iota\theta\acute{\epsilon}\nu\tau\omicron\varsigma$. id est, *ponentis*. $\tau\acute{\upsilon}\phi\epsilon\nu$. id est, *hoc ponens*. $\delta\iota\sigma\acute{\alpha}\varsigma$. id est, *statuens*. $\eta\iota\sigma\acute{\alpha}\varsigma\alpha$. id est, *hæc statuens*. $\tau\acute{\epsilon}\tau\iota\sigma\acute{\alpha}\nu\tau\omicron\varsigma$. id est, *statuentis*. $\tau\acute{\upsilon}\phi\acute{\alpha}\nu$. id est, *hoc statuens*. $\delta\delta\iota\delta\omicron\varsigma$. id est, *hic dans*. $\eta\delta\iota\delta\omicron\varsigma\alpha$. id est, *hæc dans*. $\tau\acute{\epsilon}\tau\iota\delta\acute{\alpha}\nu\tau\omicron\varsigma$. id est, *dantis*. $\tau\acute{\upsilon}\phi\acute{\alpha}\nu$. id est, *hoc dans*. $\delta\zeta\epsilon\gamma\gamma\upsilon\varsigma$. id est, *hic jugans*. $\eta\zeta\epsilon\gamma\gamma\upsilon\sigma\alpha$. id est, *hæc jugans*. $\tau\acute{\epsilon}\tau\iota\zeta\epsilon\gamma\gamma\upsilon\varsigma$. id est, *jugantis*. $\tau\acute{\upsilon}\phi\epsilon\gamma\gamma\upsilon\nu$. id est, *hoc jugans*.

Impersonalia participia.

C Sunt autem & impersonalium verborum participia impersonalia, atque hæc sane neutri generis, $\delta\acute{\iota}\omicron\nu$. id est, *oportens*. $\pi\epsilon\omicron\sigma\eta\kappa\omicron\nu$. id est, *conveniens*. $\delta\omicron\kappa\acute{\alpha}\nu$. id est, *apparens*. & $\delta\acute{\omicron}\xi\alpha\nu$. id est, *visum*. $\sigma\upsilon\mu\beta\acute{\alpha}\nu$. id est, *quod accidit*. $\alpha\upsilon\sigma\epsilon\theta\acute{\epsilon}\nu$. id est, *auditum*. $\gamma\iota\upsilon\omicron\sigma\theta\acute{\epsilon}\nu$. id est, *cognitum*. $\alpha\pi\omicron\delta\epsilon\iota\chi\theta\acute{\epsilon}\nu$. id est, *demonstratum*, aliaque hujusmodi. Cæterum quomodo formari debeant, non est obscurum: nimirum eodem modo, quo neutra personalia. Participia vero verborum personalium, omnia tertiæ personæ sunt, quemadmodum & nomina.

De articulis.

D Articuli divisi sunt prius in præpositivos & postpositivos. Nihil autem vetat quominus postpositivum articulum per $\tau\acute{\epsilon}$, $\tau\acute{\omega}$, $\tau\acute{\omega}\nu$, sic efferas, ut apponas σ , $\acute{\omicron}\tau\epsilon$ in genitivo, id est, *cujus*: & $\acute{\omicron}\tau\omega$ in dativo singulari, id est, *cui*: & $\acute{\omicron}\tau\omega\nu$ in genitivo plurali, id est, *quorum*. Eundem ad modum & nomen $\tau\acute{\iota}\varsigma$ articulo postpositivo additum declinatur, speciem mutans ad cursum articuli, ut $\acute{\omicron}\varsigma\iota\varsigma$. id est, *quisquis*. $\acute{\epsilon}\tau\iota\upsilon\omicron\varsigma$. id est, *cujuscunque*. $\acute{\alpha}\tau\iota\nu$. id est, *cuiuscunque*, & reliqua consimiliter. Hujusmodi est & $\acute{\alpha}\tau\iota\lambda\alpha$. id est, *quedam*. Sumuntur autem articuli & loco pronominum. Nam δ ponitur pro $\acute{\epsilon}\tau\omicron\varsigma$. id est, *iste*. & $\tau\acute{\omicron}\nu$ pro $\tau\acute{\epsilon}\tau\omicron\varsigma$. id est, *hunc*. Idem significat quoties conjunctioni $\delta\epsilon$ annectitur, ut $\acute{\omicron}\delta\epsilon$. id est, *hic*. $\eta\delta\epsilon$. id est, *hæc*. $\tau\acute{\omicron}\delta\epsilon$. id est, *hoc*. Nam pronominalia sunt hæc quoque. E Sed articuli præpositivi cum præponuntur adverbis, in quovis casu, in quovis numero, adjectivorum nominum vice ponuntur, sic ut adverbia maneant indeclinabilia, $\delta\pi\acute{\alpha}\lambda\alpha\iota$. id est, *priscus*. $\tau\acute{\epsilon}\pi\acute{\alpha}\lambda\alpha\iota$. id est, *prisci*. $\eta\pi\acute{\alpha}\lambda\alpha\iota$. id est, *priscæ*. $\tau\acute{\eta}\varsigma\pi\acute{\alpha}\lambda\alpha\iota$. id est, *priscæ*. $\delta\pi\acute{\epsilon}\lambda\alpha\varsigma$. id est, *propinquus*. $\delta\pi\acute{\alpha}\nu$. id est, *insignis*. $\delta\acute{\alpha}\nu\omega$. id est, *supernus*.

De pronominibus.

F Ex pronominibus autem $\iota\gamma\omega$, cum adjungit sibi conjunctionem $\gamma\epsilon$, ut $\iota\gamma\omega\gamma\epsilon$. id est, *ego sane*, translato in primam syllabam tono, profertur: & non solum diminutionem aliquam significat ob vim conjunctionis diminuentem, sed nonnunquam etiam affirmationem, quale est $\nu\alpha\iota$. id est, *etiam*. Hujus vero cognatus genitivus $\iota\mu\acute{\epsilon}$. id est, *mei*. Dativus $\iota\mu\omicron\iota$. id est, *mihi*. Accusativus $\iota\mu\acute{\epsilon}$. id est, *me*. Inflectuntur etiam abjecto ϵ , ut $\tau\acute{\epsilon}\tau\omicron\mu\epsilon\sigma\acute{\omicron}\pi\epsilon\iota$. id est, *hoc meum considera*. $\tau\acute{\epsilon}\tau\omicron\mu\epsilon\lambda\acute{\epsilon}\gamma\epsilon$. id est, *hoc mihi dic*. $\tau\acute{\epsilon}\tau\omicron\mu\epsilon\delta\iota\delta\alpha\sigma\kappa\epsilon$. id est, *hoc me doce*. De dualibus autem & pluralibus contractis dictum est prius. Incontracte autem dicimus hoc pacto, $\nu\alpha\iota$, id est, *nos duo*, vel *duos*. $\nu\alpha\iota\nu$. id est, *nostrum duorum*, vel *nobis duobus*. $\eta\mu\acute{\epsilon}\varsigma$. id est, *nos plures*. $\eta\mu\acute{\epsilon}\omega\nu$. id est, *nostrum*. $\eta\mu\acute{\epsilon}\alpha\varsigma$. id est, *nos*. $\eta\mu\acute{\iota}\nu$. id est, *nobis*, dativus semper eodem modo. Itidem & pronomina secundæ personæ,

να, σφῶι. id est, vos duo, vel duos. σφῶιν. id est, vestrum duorum, vel vobis duobus. ὑμεῖς. id est, vos plures. ὑμῶν. id est, vestri. ὑμεῖς. id est, vos. ὑμῖν. id est, vobis. Item pronomina tertiæ personæ, σφῶε. id est, illos duos, in accusativo tantum quemadmodum & σφῶν. id est, illis duobus, in dativo σφῶες. id est, illi plures. σφῶων. id est, illorum. σφῶας. id est, illos.

Solitaria pronomina.

Cæterum μιν. id est, illum. & νιν. id est, illum. & σφῆ. id est, se, peculiaris suæque formæ sunt, quod ad vocem attinet.

Possessiva pronomina.

Possessiva vero pronomina, quæ formantur a tertia persona, videlicet ὁ ἴδς. id est, hic suus. ἡ ἴη. id est, hac sua. τὸ ἴδν. id est, hoc suum : etiam absque : proferuntur, ὅς. id est, suus. ἡ. id est, sua. ὅς. id est, suum. Porro inflexio primitivorum, unde hæc veniunt juxta nullam inflectendorum casuum rationem fit, sed positive. Similiter & numerus in iisdem.

Composita.

Ex compositis vero, ἑαυτῷ. id est, sui ipsius : & sine : profertur, αὐν recipiente aspirationem in se, αὐτῷ.

Possessiva.

Generaliter autem possessiva eodem modo formantur, quo simplicia nomina in octo trium generum. Nam quemadmodum illa cum adest alia consonans, fœmininum deducunt in η, ἱρημος ἱρήμη. id est, desertus deserta. φρονίμος φρονίμη. id est, hic prudens, hac prudens. μέσος μέση. id est, medius, media. μέθυσος μέθυση. id est, ebrius ebria. At cum adest ε, formant in α, λαμπρὸς λαμπρά. id est, splendidus splendida. σοφώτερος σοφωτέρα. id est, hic sapientior, hac sapientior. sic & hæc, ὁ ἴδς. id est, meus. ἡ ἴη. id est, mea. ὁ σός. id est, tuus. ἡ σή. id est, tua. ἡμέτερος. id est, noster. ἡμέτερα. id est, nostra. σφετέρος σφετέρα. id est, vester vestra. Cæterum ἡμετέρη. id est, nostra. & σφετέρη. id est, vestra, Jonica sunt. Jam ex demonstrativis, ἐκεῖνος. id est, ille. ἐκεῖνη. id est, illa. ἐκεῖνο. id est, illud, & absque : proferuntur more Æolico. Cæterum demonstrativo secundæ personæ nonnunquam & addimus in fine. Idque in singulis casibus ac numeris, ac generibus dicentes, ἔστος. id est, iste. τῶτον. id est, hunc. Nimirum ut pronomini articulis connexis conjunctioni. Nam ὁδ. id est, hic. dicimus & τοδ. id est, hoc. Genitivus autem pronomini primitivi secundæ personæ profertur & his modis, σίο. id est, tui. & σεῖο & σέθεν & σεῦ. id est, tui, quemadmodum, videlicet, & in prima persona ἡμέο. id est, mei. & ἡμεῖο & ἡμέθεν & ἡμεῦ. id est, mei. Juxta diversas linguarum proprietates, verum de his definire, non proprie pertinet ad hoc institutum.

De præpositionibus.

Ex præpositionibus autem ἐν in Poematis reperitur & ἐν, dicta per extensionem. Quamquam ἐν. id est, translato tono non amplius est præpositio, sed in naturam verbi transit. Nimirum haud aliter, quam παρά. id est, juxta. Nam παρά pro πάρεσι. id est, adest, ponitur, & ἐπὶ pro ἐπεί. id est, superest, aut inest. Cæterum quæ eis est, eadem dicitur & ἐς. id est, in, Attico more. Et præpositio πρὸς. id est, ad. & ποτὶ dicitur & ποτὶ Dorice. Et præpositio ὑπὸ. id est, sub, & ὑπὰν dicitur, & ἀπὸ ἀπὰν. id est, ab.

De adverbis.

Adverbia vero ab omnibus orationis partibus formari possunt. Nam a nomine φρονίμων. id est, prudentium, fit φρονίμως. id est, prudenter : a verbo ἄρω. id est, tollo, fit ἄρδην. id est, funditus. A participio εἰδόντων. id est, scientium. εἰδέτως. id est, scienter. Ab articulo τῇ τῇδε. id est, hic. A pronomine τῶν. id est, horum. ἔτος. id est, sic. A præpositione ἀνά. id est, per. ἄνω. id est, sursum. Ab adverbio ἰγγύς. id est, prope. ἰγγύθεν. id est, cominus. A conjunctionibus, δὲ, πᾶ & θεν,

A δῆπρθεν. id est, profecto. Erunt autem & positiva quædam, velut ἰγγύς. id est, prope, & χαμαίς. id est, humi. Sunt temporis significativa hæc quoque, ἄψ. id est, mox. ἔτι. id est, adhuc. πάλιν. id est, rursum. μέχρι. id est, usque. Loci vero, & ἴνα. id est, ubi, & ἀπαντικρὺ. id est, ex adverso. Formæ autem localium tres. In loco, a loco, in locum, ut οἶκος. id est, domus. οἶκαδε. id est, domum. οἶκοθεν. id est, domo. Similitudinis autem ἡν. id est, velut. ἡντε. id est, velut. Congregationis autem alicujus definitæ sunt & hæc, πανδημί. id est, publicitus, & πασσυδ. id est, per universos, & πανοικ. id est, tota domo. Adhortandi vero sunt hæc quoque, ἔια. id est, eja, & ἴθι. id est, age. Præterea stuporis est & ἔα. Vocetur & aliquod adverbium præterendi, ut χρονίως. id est, tarde. ἐκταδόν. id est, lente. Alia separandi definite, ἀκοντι. id est, citra pulverem. ἀπονητι. id est, citra laborem. ἀμελητι. id est, neglecte. Et indefinite, ἀνευ. id est, seorsum. ἄτερ. id est, seorsum. Item aliud excipiendi, πλὴν. id est, præterquam. Item digressivum, ὥς. id est, itaque. Et prohibendi, ἐμποδόν. id est, impedimento. Item occultandi, λάθρα. id est, clanculum : & declarandi, ut διαίρηδον. id est, luculenter. ἀναφανδόν. id est, clare. Nam cæterorum singulis addere nomina, juxta rem significatam, primum infinitum fuerit, deinde necesse esset nova vocabula confingere. Quare præstiterit fortasse decem illa genera & in adverbis ponere. Substantiam, qualitatem, quantitatem, ad aliquid, ubi, quando, facere, pati, positus, habere. Conarique ut singula ad horum generum aliquod referamus. Velut ἐσιωδῶς. id est, substantialiter, ἐμύλως. id est, vive. φυσικῶς. id est, naturaliter, referuntur ad substantiam. εὖ. id est, bene. ἡδέως. id est, libenter. ῥαδίως. id est, facile. κυνδόν. id est, canine. ὥσπερ. id est, tanquam. ὥς. id est, ut. λίαν. id est, valde. πᾶν. id est, admodum. ἡρέμα. id est, paulatim. πάντως. id est, omnino. ἦ. id est, certe. δηλαδὴ. id est, videlicet. νῆ. id est, certe. ναί. id est, etiam. ἥμισυ. id est, minime. ἰ. id est, non. μὴ. id est, ne. μὰ. id est, non. ἴσως. id est, forte. ἰδῶ. id est, ecce. ὦ. id est, ὁ. ἀναγνωσκόν. id est, legendum est. εἴθε. id est, utinam. ἡ. id est, ἰου. φεῦ. id est, heu. ὦ. id est, ab. ἐνάν. id est, euan. ἄγε. id est, age, referuntur ad qualitatem. ἀπαξ. id est, semel. δις. id est, bis. τρίς. id est, ter, referuntur ad quantitatem. δεσποτικῶς. id est, heriliter. δουλικῶς. id est, serviliter. ἴσως. id est, æque. ὁμοίως. id est, similiter. πολλάκις. id est, sæpe. ὀλίγακις. id est, raro. μεγάλως. id est, magnopere. μάλλον. id est, magis. ἥτιον. id est, minus. ἅμα. id est, simul, referuntur ad aliquid. ἄνω. id est, sursum. κάτω. id est, deorsum. ἄδε. id est, hic. ἐκεῖ. id est, illic. ἐνθάδε. id est, hic. πόρρω. id est, procul. ἰγγύς. id est, prope. χωρὶς. id est, seorsum. ἔξω. id est, foris. ἔσω. id est, intus. ἐναντίον. id est, contra. χαμαί. id est, humi. ἄψ. id est, mox. ὅθεν. id est, unde. ἐνθά. id est, ubi. ἐπὶκαίνα. id est, ultra. πέραν. id est, ultra. μεταξὺ. id est, in medio. ἐνθεν. id est, unde. ὅθι. id est, ubi. ἴνα. id est, ubi, referuntur ad ubi. νῦν. id est, nunc. τότε. id est, tunc. αὐθις. id est, rursum. τέως. id est, consue. ἡνίκα. id est, cum. ἐπειτα. id est, deinde. σήμερον. id est, hodie. αὐριον. id est, cras. πάλιν. id est, rursum. ἐνθὺς. id est, protinus. ὕστερον. id est, postea. παραχρῆμα. id est, mox. ἐξαίφνης. id est, subito. ἀντίκα. id est, mox. ὅφρα. id est, consue. τόφρα. id est, donec, referuntur ad quando. δραστηκῶς. id est, agiler. θεωρητικῶς. id est, speculative. τμάδην. id est, scilicet, referuntur ad facere. παθητικῶς. id est, passive. πεποιημένως. id est, sicte. referuntur ad pati. συλλυθδην. id est, universim. ἀθρόως. id est, accuratim. ἀνευ. id est, separatim. χωρὶς. id est, seorsum. ἰφεξῆς. id est, deinceps. μίγδην. id est, mixte. referuntur ad positum : ἀπλισμένως. id est, armate. περιεκτικῶς. id est, complexive. σεφανοφόρως. id est, cum coronis. δαφνοφόρως. id est, cum laurea, referuntur ad habere. Cæterum horum differentiarum melius sunt expendendæ.

De conjunctionibus.

Conjunctiones copulativæ sunt hæc quoque, ἡμὲν. id est, atque. ἡδὲ. id est, atque. ἀτάρ. id est, at. ἀντάρ. id est, at. ἥτοι. id est, sive. Disjunctiva vero & ἢ. id est, vel.

Tom. I.

L

vel.

vel. Causalis autem etiam est ὅτι. id est, ut. ὅτι. id est, ut. Expletivæ vero hæc, ὅτι, quæ eadem & ὅτι dicitur: & μὴ. ὅτι. ὅτι. Adversativa vero etiam est, ἔμπης. id est, tamen. & πλὴν. id est, præterquam, aut nisi. Ac multæ quidem eadem varie significant, ut ἀλλὰ. id est, simul: & copulative, & ratiocinative. γὰρ vero expletive & diminutive & causaliter, ὅτι

A vero expletive & ratiocinative & circumscriptive, πῶς vero adversative & diminutive, ὅτι causaliter & confirmative. δὲ copulative & ratiocinative & circumscriptive.

Ac de octo quidem orationis partibus quæ ad inflexionem & formationem pertinebant, hæc accommodatè & sufficienter dicta sint, ut in secundo institutionis volumine.

THEODORI GAZÆ INSTITUTIONIS GRAMMATICÆ LIBRI SECUNDI,
DESIDERIO ERASMO ROTTERODAMO INTERPRETE,

F I N I S.



GULIELMI LILII

D E

**OCTO ORATIONIS PARTIUM
CONSTRUCTIONE**

LIBELLUS.

A

DESIDERIO ERASMO

R O T E R O D A M O

E M E N D A T U S.

JOANNES COLETUS
DECANUS SANCTI PAULI,
GUILIELMO LILIO
AD DIVUM PAVLVM LVDI MODERATORI PRIMARIO,

S. D.

HAUD aliter mihi videor affectus in novam hanc scholam nostram, Lili carissime, quam in unicum filium pater, in quem non solum gaudet universam suam substantiam transfundere, verum etiam sua viscera (si liceat) capit impartiri. Nam ut huic est parum genuisse, nisi eundem diligenti educatione ad bonam frugem provexerit, ita meo animo non satis est, quod ludum hunc institui, hoc est genui, quodque insumpto patrimonio universo, vivus etiam ac superstes solidam hereditatem cessi, nisi modis omnibus dem operam, ut piis moribus & bonis literis diligenter educatus, ad maturam frugem adolescat. Proinde libellum hunc de Constructione octo partium orationis ad te mitto, pusillum quidem, sed non pusillum utilitatis allaturum nostræ publi, si diligenter abs te fuerit traditus. Scis in præceptis breviter placere Flacco, cuius sententiam & ipse vehementer approbo. Porro si qua præterea erunt digna cognitu, tuarum partium erit, ut incident in prælegendis auctoribus adnotare. Bene vale, domi nostræ.

DESIDERIUS ERASMUS
ROTTERODAMUS
CANDIDIS LECTORIBUS

SALVTEM DICIT.


PSA re comperio verum esse, quod olim Græcorum proverbio dictum est, ἡ ἐξ ἀπορίας ἐξέρχεται διαφύλαξις. Video passim exoriri, mei nominis & quam ipse velim studiosiores, qui libros mihi asserunt, quos aut non scripsi, aut certe non in hoc scripsi, ut ederentur. Vetus hic mos studiosorum hominum, ut omnes animi affectus, chartis cum fideis, ut ait Flaccus, sodalibus committant. Neque protinus vulgari velimus, quicquid cum amiculo congerone vel stomachamur, vel nugamur. Ediderunt epigrammata, a me quidem scripta (non inficior) sed non in hoc scripta. Ea (sicuti conjicio) famulus suffragatus typographis vendidit. Alius quispiam ex pauculis paginis iisque depravatis scriptis, velut ex opere edito, dictu mirum, quam multa citet & inculcet de ratione conscribendarum epistolarum. Et ut de cæteris minutoribus sileam, nuper hunc πρὸς τοὺς ἑταίρους libellum mihi veluti postliminio vindicarunt, primitus nullius editum titulo. Quarebat Joannes Coletus, Theologus inter Anglos eximius, nova schola sue novum de constructione libellum, qui simul & compendio pueris commendaretur & perspicuitate. Eum hujus jussu scripserat Gulielmus Lilius, vir utriusque literaturæ haud vulgariter peritus, & mirus recte instituenda pubis artifex. Absolutum ab illo mihi tradidit, imo obtulit emendandum. Quid enim facerem, cum vir ille rogandi finem non faceret, tam amicus, ut nefas esse ducerem quicquam negare precanti, tanta vero auctoritatis, tam de me meritis, ut suo jure quidvis etiam imperare posset Erasmo? Quoniam autem sic emendaram, ut pleraque mutarem, nam id mihi videbam esse facilius, nec Lilius, ut est nimia quadam modestia præditus, passus est librum suo vulgari nomine, nec ego judicavi mei candoris esse, usurpare mihi, in quo quicquam esset alienum. Proinde magnopere sum interminatus cujusvis titulum ascriberem, modo ne meum. Itaque recusante utroque, libellus ἀνώνυμος prodiit, Coleti duntaxat præfatiuncula commendatus. Quem quidem libellum in presentia, nec laudaturus sum, ne cui videar arrogantior, nec vituperaturus, ne parum candidus habear. Verum hæc præfari visum est, ne posthac quisquam ut meum amplectatur, quod ipse præfatiuncula mihi non assero. Plus satis erratorum & in iis quæ publicantur a nobis, ut nemo alius edat quæ vel non scripsimus, vel non emendavimus. Bene vale lector amice, Basilica III. Kalendas Augusti M. D. XV.

Intempestiva benevolentia nihil differt ab inimicitia.

LIBELLUS DE OCTO ORATIONIS PARTIUM CONSTRUCTIONE, TUM ELEGANS IN PRI- MIS, TUM DILUCIDA BREVITATE COPIOSISSIMUS.

DE CONSTRUCTIONE VERBI.

Nominativus ante verbum.



MNE verbum antecedit nominativus agentis seu patientis, ejusdem numeri & personæ, ut, *Ego doleo. Tu gaudes. Illi rident. Nos fallimur.*

APPENDIX I.

Prima & secunda persona ferme non explicantur, nisi discretionis aut Emphasis causa, ut, *Nos accusavimus. Vos damnastis. Tu audes ista loqui.*

APPENDIX II.

Aliquoties orationis pars nominativi vice ponitur, ut, *Dolet mihi quod res non cefferint tibi ex sententia.* Item verbum infinitum, ut, *Mentiri non est meum.*

APPENDIX III.

Cum plures nominativi ad idem verbum referuntur, ad hunc fere modum efferuntur. *Pater & pater accersunt te. Ego & tu sumus in tuto. Tu & pater estis in periculo. Ego ceterique cognati periclitamur.*

APPENDIX IV.

Quæ per se multitudinem significant, aliquando numero discrepant, ut, *Pars abiere.*

EXCEPTIO I.

Excipies impersonalia, quæ nullum ante se casum habent. *Tadet, piget, pœnitet, vivitur, statur.* Item tanquam impersonalia, ut, *Lucescit, noctescit, vesperscit, diluxit, pluit, ningit, grandinat.* Quæ exponuntur per verbum sit, & est. Item hæc, *fieri potest ut fallar. Fieri solet, fere fit. Male fit. Bene fit.* Nam in bene habet, subauditur res.

EXCEPTIO II.

Verba infiniti modi pro nominativo accusativum habent, ut, *Gaudeo patrem recte valere, id est, gaudeo quod pater recte valeat.*

VTRINQUE NOMINATIVUS.

Quædam utrinque nominandi casum adiciunt, ut, *Deus est summum bonum. Hic nummus videtur adulterinus. Aristoteles habetur doctissimus. Perpusilli vocantur Nani.*

Et nomina gestus, ut, *Studes pronus. Dormis supinus. Incedis rectus.*

INFINITIVUM VARIANS.

Infinitum quoque utrinque nominativum habet, accidentibus verbis optandi, ut, *Petrus studet videri dives. Malim esse dives quam haberi.* At quoties accusativus antecedit, & lequatur necesse est, ut, *Malim me divitem esse, quam haberi.* Quædam variis modis effertur, ut, *Non licet Athenis esse probos.* Et, *non licet esse probis.* Lucanus: *Tutumque putavit jam bonus esse focer. Non vacat esse agrotum. Non vacat esse agrote. Non vacat esse agrotus.* Quamquam postremum hoc rarius est.

Genitivus post verbum.

Ordo I.

Sum genitivum postulat, quoties significat possessionem, ut, *hæc vestis est patris.* Aut ad aliquid pertinere, ut, *Regum est tueri leges. Prudentis est multa dissimulare. Non est nostræ factionis. Non est mearum virium. Non est hujus loci atque temporis.*

APPENDIX.

Item hæc duo impersonalia interest & refert, ut, *Non tam interest regis, quam totius reipublicæ. Refert omnium, animadverti in malos.*

EXCEPTIO.

Hos tamen ablativos postulant. *Mea, tua, sua, nostra, vestra.* ut, *Minus interest mea quam tua. Nostra nihil refert.* Quibus interdum adjunguntur & hi genitivi, *unius, ipsius, solius.* Et genitivi participiorum. ut, *Non tua unius refert, sed nostra omnium. Tua ipsius refert. Tua solius interest. Mea refert de vita periclitantis.*

APPENDIX.

Adduntur & hi genitivi, *Tanti, quanti, quanticunque, tan-*

tidem. Nam cætera hujusmodi adduntur per adverbium. *Magni tua refert. Minus mea refert quam tua. Maximopere refert. Nihil interest. Plurimum refert.*

ÆSTIMANDI.

Ordo II.

Verba æstimandi genitivis gaudent, ut, *Parvi ducitur probitas. Plurimi sit pecunia. Tanti eris alius, quanti tibi fueris. Maximipenditur nobilitas. Nihili vel pro nihilo penditur. Nihili vel pro nihilo habentur literæ. Nauci, flocci, pili, hujus non facio. Assis non facio. Teruncii non facio. Singulare est illud. Æqui boni consulo, id est, in bonam accipio partem.*

VENDENDI.

Ordo III.

Vendo, Revendo, Addico, Distraho, Divendo. Vendo, Venco, Prosto. Æstimo, Indico, Inficibo, Licitor, Licitor, Loco, Conduco. Emo, Coëmo, Redimo. Mercor, Commercor. Constat, Valet.

Hæc verba hos duntaxat genitivos exigunt, ut *Tanti, quanti, tantidem, quantivis, quantilibet, quanticunque, pluri & minoris.* Si non addantur substantiva. Nam cætera precii vocabula, vel in ablativo, vel per adverbium apponuntur, ut, *Minoris revendes quam emeris. Pluris conducis quam emi poterat. Quanticunque locabis, præstiterat vendidisse. Hodie boves pluris licebant quam homines. Miror tantas ades tam parvo inscriptas. Paulo, Magno, Nimio, Minimo, Plurimo, Vili, Duplo, Dimidio revendes. Assis emi, Tantiidem tibi sum traditurus. Teruncio seu vitiosa nuce non emerim. Nihilo constat. Percare locavit equum. Carius emitur oleum quam vinum. Carissimo constat quod precibus emptum est. Gratis locat ades. At magno pascit.*

APPENDIX.

Quin & quibuslibet verbis, precii nomen aut adverbium apponitur ad hanc formam, ut *magno præstis sumus, pluri cœnatori. Non minoris docet quam talento. Hic magno etiam tacet. Nimio, Minimo, Paulo vivitur Londini. Care bibis. Sed carius cacat Bassus. Nec salutat gratis.*

ACCUSANDI.

Ordo IV.

Verba accusandi, damnandi, absolvendi, & consimilia genitivum adfiscunt, qui crimen significet, ut, *Accersitus est capitis. Detulit fratrem laeæ majestatis. Postulatus est repetundarum, sive de repetundis. Accusavit male gesta rei, male obite legationis. Egis cum noverca injuriarum. Condemnatus est peculatus. Reum ogis parricidii. Damnavit incestus. Hic furi se alligat. Criminatus est adulterii, cum plagii teneretur. Arguit te mendacii. Revicit perjurii. Incusat negligentia. Appellatus est veneficii. Insimulas herum avaritiae. Sugillas perfroniam. Notas libidinis, seu delibidine. Infamas inscitia. Traducis luxuria. Suspectum habes perfidia, sive de perfidia. Taxas ambitionis. Calumniaris maleficiis. Admonuit me errati. Commonuit promissi. Commonescit se debiti. Singulare est, *Expostulavit mecum de non missis ad se literis.**

APPENDIX.

Si non fuerit proprium criminis nomen, apponitur ablativus addita fere præpositione, ut, *Utrum ambitus accusas, an sacrilegii, an utraque, sive de utroque? De plurimis simul accusaris.*

MISERET.

Ordo V.

Miseret, miserecitur mei tui. Piget te laboris. Multos vitæ tadet. Non te pudet vanitatis. Nostri nosmet pœnitet. Hæc genitivum habent cum accusativo, nisi dicamus, *Puduit est consilii. Misertum est virginis. Pertasum est conjugii.*

APPENDIX.

Sed impersonalibus loco genitivi, potest addi verbum infinitum, ut *Tadet me vita. Tadet me vivere. Piget militia. Piget militare.*

VARIANTIA QUÆDAM.

Ordo VI.

Hæc variam habent constructionem. *Misereor tui, vel tibi.*

Tom. I.

L 3

bi.

bi. Meminit tui, vel dete, id est, mentionem fecit. Memini pro recordor plerumque accusativo jungitur. Obliviscor, ni pro recordor plerumque accusativo jungitur. Obliviscor, Recordor, Reminiscor, Recolo tui, vel te. Venit in mentem ejus diei, id est, recordor. Vel, venit in mentem ille dies. Potitus est rerum, id est, vicit. Et potitus est amica, id est, affecutus est. Eget tui, vel te. Indiget auxilii, vel auxilio.

SIGNIFICANTIA ALIQUID FIERI IN LOCO.

Ordo VII.

Omne verbum admittit genitivum proprii nominis significantis locum, in quo fit actio, ut, *Vixit Roma. Studuit Oxonia. Natus est Londini.*

Pro propriis usurpantur hæc appellativa, *humi, domi, militiæ, belli.* ut, *Facet humi. Domi bellique simul viximus. Domi mea, nostra, tua, sua, vestra, aliena.* Nec alia admittit adjectiva. Nam *domi paterna*, non recte dicitur, sed *in domo paterna*. Ruri in dativo, sive rure in ablativo, verbis iisdem adjungitur. *Ruri educatus est.*

EXCEPTIO.

Si tamen fuerint pluralis duntaxat numeri, aut tertiæ declinationis, in ablativo ponuntur. ut, *Nupsit Athenis, Militavit Carthagine.* Infrequens est his addere præpositionem. *Cum essem in Mediolano*, quæ semper additur nominibus locorum majorum, & appellativis, *Cum essem in Italia. Cum agerem in suburbano.*

DATIVUS POST VERBUM.

Ordo I.

Quodvis verbum acquisitive positum exigit dativum, ut, *Non omnibus dormio. Huic habeo non tibi. Mihi istic nec scribitur, nec metitur. Mihi peccat, si quid peccat. Omnibus sapit, sibi uni non sapit.*

ACQUISITIVA.

Ordo II.

Præcipue tamen hujus ordinis sunt, quæ commodum aut incommodum significant, ut, *Do mutuo, seu mutuum, Do commodato. Mutuo. Fænero. Largior. Confero tibi, & confero in te. Prestare pro dare, pro exhibere, ut, prestare fidem, prestare pacta. Dono tibi hoc munus, & dono te hoc munere. Impartiam tibi fortunas meas, & impartiam te fortunis meis. Adspersit tibi labem, & adspersit te labe. Instravit equa penulam, & instravit equum penula. Debet tibi vitam. Suam eruditionem tibi acceptam fert. Satisfacio, solvo, resolvo, rescibo, renuero. Numero pro solvo, remetior, pendo, rependo. Refero, repono pro reddo, respondeo pro satisfacio. Nunquam tuis meritis est responsurus. Commodo pro profum. Incommodo pro noceo. Non potest mihi nec commodare, nec incommodare. Opusculor, Profum. Auxilior, Suppedito, pro subministro, suggero. Succurro, Subvenio, Adminiculor, Patrocinator, Suffragor, Adsum, Faveo. Bene volo, Bene cupio. Medecor tibi, & medebor tuo dolori. Medicor te, vel tibi. Conducit, confert tibi, id est, utile est. Conducit huic rei, sive conducit ad hanc rem. Consulo tibi. Do consilium. Consule rebustuis, id est, prospice. Consulis me, id est, consilium a me petis. Sibi cavet. Metuo, timeo, formido tibi, id est, sum sollicitus pro te. Metuote, id est, timeo ne mihi noceas. Coniungitur uterque casus. Omnia tibi timeo, quæ solent pusillis accidere.*

IMPERANDI ET NVNCIANDI.

Ordo III.

Ad hæc quæ imperandi & nunciandi significationem habent, ut, *Jubeo te abire, jubeo tibi ut abeas. Impero, præcipio. Præco, ut, iudicibus præire conatur. Prescribere leges victis. Dicta mihi iurjurandum. Edico tibi miles, mando, committo. Delegavit mihi suam vicem. Indixit mihi bellum. Designa, constitue, præstare, condicito, præfige mihi diem ac locum. Tempero tibi & te, id est, rego. Moderatur animo, ira, & moderatur Principem.*

NVNCIANDI.

Dico tibi. Scribo tibi & ad te, Loquor. Recenseo, narro, expono, explano, explico. Aperio, indico, demonstro, commonstro. Refero, id est, narro. Retulit ad senatum, id est, proposuit in senatu.

OBSEQUII ET REPUGNANTIÆ.

Ordo IV.

Quæ ad obsequium sive repugnantiam pertinent, ut, *Morigeror, morem gero. Obsequor, obsecundo, obsequio. Servire tempori. Inservio suis commodis. Subservio, Supparator, Ancillor, Assentor, Adulor, Palpor, Obedio, Milito, Pareo. Ausculto tibi, id est, obedio, Ausculto te, id est, audio. Audiens*

dicto. Obtempero, Cedo, Concedo. Consentio tibi sive tecum. Assentio sive assentior tibi. Dissentio tibi sive ab te. Subscribo tuo iudicio, Suffragor, Adstipulor, Accedo tibi sive tuæ sententiæ, id est, approbo. Hoc accessit meis malis, sive ad mea mala, id est, additum est. Accedit huic, Accedit his, & Accedit ad hæc. Convenit mihi tecum. Constat hoc nobis, sive inter nos.

Repugnantia, ut, Refragor, Obsto, Obstio, Obstrepo, Resisto, Repugno, Reluctor, Reclamo, Officio, Occurro, Obviam eo, Obviam factus est mihi. Adversor, dissideo tibi, sive tecum. Contendo tibi sive tecum. Hoc abs te contendo, id est, vehementer peto. Certat illi, sive cum illo. Noli pugnare duobus, Græce magis quam Latine dixit Catullus, pro cum duobus.

RELATIVA.

Ordo V.

Verba quæ relationem & respectum habent ad aliquid, ut, *Quæ huic est conjunx, tibi nurus est. Platoni corpus est vox, id est, juxta Platonis sententiam. Aristoteli spongia sentiant.*

RELATIVA PER COMPOSITIONEM.

Hujusmodi formæ sunt composita cum his præpositionibus præ, ad, con, sub, ante, post, ob, in & inter.

P R A E.

Ego meis præluxi majoribus. Præpollet omnibus. Prænitet, præminet, præstat omnibus, sive omnes. Præcellit omnibus, vel omnes. Præbuit mihi. Præcipuit illi. Præco, pro vinco, præcedo, præcurro, prævertio, prævenio accusativum exigunt.

A D.

Admolitus est illi manum. Accubuit, assedit mihi. Advolutus est genibus. Arrisit matri. Affixit probam orationem viro improbo. Appressit pectori codicem. Adegit gladium pectori. Adhæreo, adhærescit, adlubescit. Admovit bovi stimulos. Adjecit Aegyptio. Affulsit mihi spes. Acclamabant dicenti.

C O N.

Convixit nobis. Commigravit huic vicinia. Commori tibi cupio, sive tecum. Colludo tibi, vel tecum.

S V B.

Subjacent fortuna. Succedo. Subjicio. Subest. Subolet patri.

A N T E.

Antestat, Antepono, Antefero te omnibus. Antecedit, Antevertit, Antecellit omnibus, vel omnes. Anteco te, non tibi.

P O S T.

Posthabeo, postpono famam pecunia.

O B.

Obgamit nobis, occinit, obturbat. Oppono, objicio, oppedo, obmurmuro.

I N.

Indormis sacris. Invigilas chartis. Immoraris, immoreris, insudas studiis. Insides saxo. Illudo tibi. Insulto. Inniteris arundini. Nitor quoque simplex. Nititur suis viribus. Imminet capiti. Impendit omnibus periculum. Incessit mihi cupiditas. Inest illi vel in illo. Incidit mihi lis cum nebulone.

I N T E R.

Intermisceat vera falsis. Interferit. Interjicit. Interfuit convivio. Interveniit colloquio.

CONTINGENTIÆ.

Contingit mihi, accidit, evenit, usu venit, obtrigit, cessit, successit, obvenit, vertit, cecidit.

CONFITENDI, POLLICENDI.

Fido, confido, credo, fidem habeo, fidem facio, fidem do: Pollicor, Spondeo, Nubo. Item hæc, Liqueo, vacat, placet, displicet, dolet, licet: Succenseo, indignor, minor.

DATIVI ADVERBIALES.

APPENDIX.

Adduntur & hi dativi adverbiales. Tempori surgendum. Vesperis venit. Luci occidit hominem. Verbis aliquoties dativus festivitatis, id est, jucunditatis gratia adjungitur. Sui sibi hunc jugulo gladio.

EST PRO HABEO.

Est tibi mater. Non est tibi quod agas. Et intercedit mihi cum illo familiaritas.

GEMINI DATIVI.

Non sit tibi cura. An id sibi studio habet. Hoc tu tibi laudis ducis. Sperasti tibi laudis fore, quod mihi vitio vertis. Dedit mihi vestem pignori, dono, mutuo. Dedit mihi pecuniam fæneri.

ACCUSATIVUS POST VERBUM.

Ordo I.

Verba transitiva cujusunque generis exigunt accusativum significantem id quod patitur, ut, *Saluta patrem. Nume-*

ras

ras arenam. Bibis vinum. Loqueris mendacium. Osculatur uxorem.

Tadet, Piget, Pudet, Pœnitet, miseret metui. Decet te. Non decet senem. Dedecet virginem impudentia. Antiqui dicebant &, deceat tibi.

DVO ACCUSATIVI.

Sunt quæ geminum admittunt accusativum, ut, Docuit me literas. Dedocebo te istos mores. Poposcit me mutuum. Rogat. Orat. Flagitat, exorat te veniam. Postulo, flagito, peto abste hanc rem, frequentius quam te, sine præpositione. Exuo, induo, vestio, calceo, cingo, posteriorem, hoc est accusativum rei sæpius mutant in ablativum. Exiit se chlamydem five chlamyde. Accinxit se gladio.

ACCUSATIVUS REI ET PERSONÆ.

Quædam utrumvis admittunt, rei seu personæ, ut, Visit te, & vicit litem. Excusat se, & excusat valetudinem. Accusat te, & accusat tuam negligentiam.

MOTVS AD LOCVM.

Ordo II.

Quæ significant motum ad locum aliquem, accusativum postulant nominis proprii citra præpositionem. Eo Romam. Rediit Athenas. Navigavit Carthaginem. Item hæc, Confero me domum. Recipio me rus. Nam appellativis, five majorum locorum vocabulis fere præpositio additur. Profectus est in Hispaniam. Reversus est in provinciam. Abiit in forum.

SPATIUM TEMPORIS.

Ordo III.

Quibuslibet verbis apponitur accusativus significans spatium temporis. Potavi totam noctem. Hic totum desedi diem. Vixi annos natus est. Jam seculum te operimur. Quamquam hic aliquoties in ablativum vertitur, ut, Commoratus est apud nos, tribus horis, seu tres horas.

APPENDIX.

At quoties non spatium, sed species temporis significatur, ablativus tantum apponitur, ut, Nocte vigilas. Luce dormis. Æstate domi desides. Hyeme navigas. Superioribus diebus ad te scripsi. Anno proximo te visam. Significatur autem species, cum interrogatio fit per quando, ut, Quando venies? Horatertia. Spatium vero, cum fit interrogatio per quamdiu, ut, Quamdiu vigilasti? Duas horas.

SPATIUM LOCI.

Ordo IV.

Quibusdam & loci spatium eodem modo apponitur. Jam mille passus processerant. Patet in longum quingenta stadia. Latum cultro. Latum unguem. Latum digitum. Pedem hinc ne discesseris. Abest ab urbe sesquimilliarium. Quamquam hic quoque nonnunquam vertitur in ablativum. Abest a comitanti quingentis passuum millibus.

RECIPROCVS ACCUSATIVVS.

Ordo V.

Quodlibet verbum quantumvis intransitivum admittit accusativum nominis significantis eundem actum, ut, Quam hic visam vivitis? Endymionis somnum dormis. Hujus generis sunt illa. Longum navigavit iter. Hunc scio mea solide solum gavisum gaudia.

ACCUSATIVVS PER FIGVRAM.

Item illa, Resipit, sapit adustionem. Olet lucernam, hircum. Olet unguenta. Spirat Italiam. Vox non sonat hominem. Vincita crepat mera. Vivunt bacchanalia. Vivit Cynicum. Et quæ ponuntur adverbiorum loco. Furit indomium. Dulce sonat. Torvum tnetur, id est, indomite, dulciter, torve.

ABLATIVVS POST VERBVM.

Ordo I.

Quodvis verbum admittit ablativum significantem quæcunque instrumentum aut modum actionis. Exemplum instrumenti. Petiit me saxo. Cecidit loris. Enecas odio. Refellit argumentis. Vincit sapientia. Conciliavit humanitate multos. Concordia res parva crescunt, discordia maxima dilabuntur, id est, per discordiam. Exemplum modi. Mira celestiterem peregris. Summa eloquentia causam egit. Hic tamen apponitur aliquoties præpositio cum. Summa cum humanitate tractavit hominem. Nam instrumentis non apponitur, non enim recte dicitur. Scribit cum calamo.

APPENDIX.

His finitima sunt quæ ad Synecdochen pertinent. Agrotat animo magis quam corpore. Disfruiatur animo. Candet dentibus. Rubet capillis, id est, secundum animum, corpus, ca-

pillos. Poetæ dicunt per accusativum. Languet animum. Rubet faciem. Canet capillos.

COMPARATIVA.

Ordo II.

Quæ vim obtinent comparationis, admittunt ablativum significantem mensuram. Multo præstat cavere quam admittere. Multis, infinitis partibus te vincit. Duplo superat. Nimio excellit, antecellit.

MOTVS A LOCO.

Ordo III.

Quæ significant motum a loco, five per locum, eadem nomina admittunt in ablativo, quæ in genitivo apponebantur, cum significabatur quies in loco. Discessit Londino. Rure reversus est. Lovanio sum facturus iter. Apponitur semper præpositio per, appellativis regionum nominibus. Per forum ibis. Per Italiam eundem est Graciam petenti.

Adduntur & hi ablativi adverbiales, Hæc eundem est, illac, istac. Qua pro aliqua parte seu via, si qua licet effugere. Et relative. Qua spectat Aegyptum.

ABLATIVVS ABSOLVTVS.

Ordo IV.

Quibuslibet verbis additur ablativus absolute sumptus, Me dormiente tu bibis. Hoc me vivo non facies. Hæc sunt te rege, te consule, te pontifice. Te impulsore feci. Lilio præceptore, tantus hic evasit.

IMPLENDI, ONERANDI.

Ordo V.

Verba implendi, onerandi, & his diversa, ut, Satio, Satureo, Expleo te fabulis. Ingurgitavi se cibo. Obrui se vino. Oneras stomachum cibo. Levabo te hoc onere. Exonerabo te nummis. Nudavit, exiit, spoliavit me bonis omnibus. Emunxit senes argento.

PROSEQVOR, AFFICIO.

Ordo VI.

Item prosequor & afficio, ut, Afficit me injuria, damno, honore. Prosequor te odio, amore, benevolentia. Pluit lapidibus, Lacte, Sanguine, five lapides, lac, sanguinem.

MEREOR BENE SEV MALE.

Ordo VII.

Bene mereor & male, prius, melius, optime, pessime, interveniente præpositione adiciuntur auferendi casum. Optime de literis meritis es. De me nihil est meritis, neque bene, neque male.

PASSIVVS.

Ordo VIII.

Passivis additur ablativus agentis, sed accedente præpositione a vel ab, ut, Rideris ab omnibus. Additur aliquando datus absque præpositione. Amaris omnibus, vel ab omnibus. Accusativus patientis vertitur in nominativum. Pater castigat filium. Filius castigatur a patre. Cæteri casus fere omnes manent in passivis qui fuerant activorum. Doceris a me Grammaticam. Accusaberis furti. Haberis ludibrio. Privaberis magistratu. Quæ per se passiva vocantur, construuntur quemadmodum & illa, Venit a domino. Vapulabis a præceptore. Quid fiet ab illo?

VESCOR ET CÆTERA.

Ordo IX.

Vescor carnibus. Hic vicitur lacte. Utor homine familiariter. Invenitur &, Utor hanc rem. & Abutor operam. Fruor tuo conspectu. Et tuo fretus auxilio. De potior dictum est. Fungitur magistratu. Defunctus est vita.

APPENDIX I.

Præpositio subaudita facit, ut ablativus recte addatur. Habeo te loco parentis. Est mihi vice filii, id est, in loco, in vice. Apparuit illi humana facie. Discessit magistratu.

INFINITA.

APPENDIX II.

Quibusdam familiariter adduntur verba infinita. Solet, debet, cepit, optat, gaudet laudari. Amat videri dives. Studet metui. Nam figurate ponuntur, ut a nullo pendeant: Hæcine fieri flagitia? Et venari pro venabatur.

Diversi casus eidem additi verbo.

APPENDIX.

Nihil vetat quo minus eidem verbo diversi casus apponantur diversæ rationis. Dedit mihi vestem hanc pignori, te presente propria manu. Nam vestem, additur tanquam transitivo. Mihi, tanquam acquisitivo. Pignori, ex eorum est forma, quæ resolvuntur per ad, vel in, præpositionem, id est,

est, in pignus: *Te presente*, ablativus est absolutus; *Manu*, instrumentalis.

GERVNDIA.

Gerundia omnia eisdem ferme casus admittunt post se quos habent verba a quibus deducuntur, ut, *Ad discendum literas. Ad serviendum tibi. Ad fruendum amico.*

IN DI.

Gerundia in *di* ante se habent hæc nomina, gratia, causa, prætextu, occasione, titulo, ocium, facultas, licentia, ars, aut simile nomen substantivum, ut, *Veni huc causa visendi te. Non erat copia conveniendi hominem. Ars discendi.* Nonnunquam præcedit adjectivum. *Cupidus visendi te. Gnavus bellandi. Peritus medicandi. Certus eundi. Imperitus navigandi.*

IN DVM.

Gerundiis in *dum* præponitur præpositio *ad*, vel *inter*. *Ad colloquendum tecum. Inter cenandum, hoc mihi venit in mentem.* Reperitur & ante *damnandum*. Cum significamus necessitatem, sine præpositione usurpantur, addito substantivo verbo. *Vigilandum est ei, qui cupiat vincere.*

IN DO.

Gerundia in *do*, pendent a præpositione, *In* vel *ab*, five dictione quæ requirit ablativum, ut, *In consultando locus est eloquentiæ. In pugnando viribus est opus. Reversus avenando, five a venatu. Tacendo refellis, id est, tacens refellis. Scribendo discis scribere. Romanus sedendo vincit.*

GERVNDIA NOMINA.

Vertuntur gerundia in nomina adjectiva, ut, *Causa visendi te, & Causa visendi tui. Ad discendum literas, & ad discendas literas. Legendo libros doctus evades. Et legendis libris doctus evades.*

SUPINA IN TVM.

Prima supina sequuntur verbum, significans motum ad locum, ut, *Abiit piscatum*, id est, ad piscandum. Admittunt post se eisdem casus quos verba ipsorum.

ABSOLVTE POSITA.

Ponuntur & absolute cum verbo est: *Pugnatum est. Aletum est. Dormitum est. Cessatum est satis.*

SUPINA IN TV.

Supina in *tu* passivæ significationis ferme sunt. Adhærent nominibus adjectivis, ut, *Turpe dictu. Mirabile visu. Difficile creditu. Proclive factu*, id est, ad faciendum. Nam in his, *Surgit cubitu, redit venatu*, nomina potius censenda sunt quam gerundia.

DE PARTICIPIIS.

Participia sequuntur constructionem verborum a quibus derivantur. *Donaturus tibi vestem. Donaturus te veste. Consulens tibi. Fruiturus te. Diligendus ab omnibus.* Quanquam in his usitatio est dativus. *Diligendus omnibus.*

PARTICIPIA FACTA NOMINA.

Cum transeunt in naturam nominum genitivum postulant, ut, *Amans vini. Fugitans litium. Cupiens tui. Sitiens auri. Peritus belli.* Et sine casu, ut, *Vir potens, eloquens.* Tunc & comparisonem accipiunt more nominum in *ens*, vel in *tus* desinentia. *Cupientior fama quam auri. Cupientissimus tui. Nulli desideratior quam mihi. Desideratissimus patria.*

Participia facta nomina compositione.

Quæ compositione fiunt nomina genitivum adsciscunt. *Indoctus pila. Inexpertus belli.* Quanquam & horum simplicia simili modo usurpantur.

DE NOMINIBVS VERBALIBVS.

Ordo I.

Omnia fere verbalia genitivum admittunt, qui verbis erat accusativus, ut, *Colo agrum: Cultor, cultrix agri, cultura agri. Bibo vinum: Bibax vini. Cupio laudem: Cupidus laudis.* Item quæ sunt affinia his, ut, *Avarus laudis. Ignarus omnium. Studiosus tui. Securus amorum.*

IN BILIS.

Ordo II.

Verbalia in *bilis* accepta passive, dativo gaudent, ut participia in *us*. *Flebilis, formidabilis omnibus*, id est, flendus, formidandus omnibus.

GENITIVVS ADDITVS NOMINI.

Ordo I.

Nomina substantiva quæ significant possessorem, mensuram, five numerum, aut relationem ad aliquid, genitivum exigunt, ut, *Arma Achillis, Cyathus vini, Modus tri-*

tici, Uncia auri, Ulna panni, Uxor Petri, Comes Ulyssis, Mille nummum, Duo millia pedum, Par calceamentorum, Fugum aquilarum, Tres decades questionum, Amicus patris, Princeps patria. Vertitur hic genitivus aliquoties in dativum, accedente verbo est, ut, *Hic est tibi pater, huic socer, illi consul.*

ATTRIBUTIVA.

Ordo II.

Cum significatur aliquid inesse, five adesse cuiquam quod ad laudem, seu vituperium pertinet, trifariam efferimus. *Puer bone indolis. Vir maximi nasi. Puer bona indole. Vir maximo naso. Puer bonus indole. Vir maximus naso.* Et indolem, Poetice. Et *nasum*, Poetice.

SPECIES ET GENVS.

Ordo III.

Species subijcitur generi in genitivo, five in eodem casu per appositionem. *Nomen Catonis in te non quadrat. Crimen Iulæ majestatis. Cum essemus in terra Italia, five Italia. In urbe Roma, five Roma.*

SUBSTANTIVE POSITA.

Ordo IV.

Quædam adjectiva substantive posita genitivum admittunt, ut, *Multum lucri. Paulum pecunie. Quid habes negotii? Quantum habebis pecunie, tantundem habebis fidei. Plurimum vini. Minimum aque.* Item pronomina quædam: *Hoc negotii. Id operis. Quid illud mali?*

APPOSITIO.

In summa quoties substantivum, quacunque ratione refertur ad alterum substantivum, additur in genitivo, nisi addatur appositivum. Nam tum satis est, si concordet in casu, etiam si numero & genere dissideat: *Abstulisti Maronem meas delicias.*

DE ADJECTIVIS ET SUBSTANTIVIS.

Adjectiva, nomina, participia, pronomina concordant cum suis substantivis in numero, genere & casu, ut, *Ex malis moribus bona leges nata sunt. Istam fortunam tui mores promeruerunt.*

ADJUNCTIO.

Cum plura substantiva, diversi etiam numeri ac generis, ad unum adjectivum referuntur, his ferme modis efferri solent. *Gloria non est expetenda, neque divitiæ*, ut in medio ponas ad quod referuntur partes. *Non est expetenda gloria, neque divitiæ*, ut præponatur. *Gloria & divitiæ non sunt expetenda*, ut postpositum conveniat cum proximo. *Gloria, divitiæ, genus, non sunt expetenda*, ut subaudias ista, idque neutro genere.

RELATIVA.

Relativum *Qui*, convenit cum antecedente in numero & genere. *Placuerunt literæ, quas ad me dedisti. Nisi figurate loquamur. Quas ad me dedisti literas magnopere placuerunt.*

COMPARATIVA.

Ordo V.

Comparativa & superlativa genitivum exigunt, ut, *Sum minor fratrum, de duobus. Sum minimus fratrum, de pluribus.* Et cum exponuntur per inter. *Inter fratres, vel ex fratribus.* Nam comparativa cum exponuntur per quam, ablativum adsciscunt. *Præstantior te. Eloquentior omnibus præterquam Cicerone*, id est, quam Cicero. Additur & alter ablativus significans modum excessus. *Est major te quatuor annis. Digito lato te procerior. Multo potior. Multo & longe apponuntur & superlativis. Multo omnium doctissimus. Longe pessimus omnium.*

DISTRIBUTIVA ET PARTITIVA.

Ordo VI.

Item, nomina partitiva, aut partitive posita, velut *quisque, quisquis, quicunque, quidam, quis* interrogativum, & *quis* pro aliquis, *aliquis, uterque, neuter, utervis, uterunque, nemo, nullus, solus, unus, medius. Quisque hujus nationis. Unumquodque animantium. Provocat unumquemlibet vestrum. Utrum horum major accipe.* Exponuntur per inter, vel ex. *Unus omnium, id est, solus omnium. Mediis duorum, id est, inter duos. Et dimidium anima.* Item, *Alter, Alterius*, & his æquipollentia pronomina *hic & ille*, & adverbium *partim*.

APPENDIX I.

Quanquam in his genitivus significans totum, in alium casum sæpe vertitur: *Quis hominum vidit? Neuter Catonum. Et Neuter Cato. Et quis homo vidit? Animantium vel animantia, alia sunt volatilia, alia reptilia.*

AP-

APPENDIX II.

Ad hanc formam pertinent, *Quotus*, *quotusquisque* ordinem significantia numeralia; ut, *Quotus eras convivarum*, seu *conviva*? *Quotus regum Romanorum*, id est, inter reges. *Sapientum octavus*. Quanquam in hoc postremo, non tam ordinem significat quam numerum simpliciter, ut in illo; *Dic quotus esse velis*.

DATIVVS POST NOMEN COMMODI ET INCOMMODI.

Ordo I.

Adjectiva quæ commodum aut incommodum significant aut relationem ad aliquid, dativum exigunt, ut, *Rem mihi permolestam*, mihi jucundam, tibi perniciosam, mihi salutarem.

RELATIVA.

Aptus, *Accommodus*, *Idoneus*, *Utilis*; ut, *Inutilis bello* five *ad bellum*. *Natus gloria* & *ad gloriam*. *Obnoxius illi*. *Amicus huic* & *hujus*. *Similis*, *dissimilis huic* & *hujus*. *Diversus huic* vel *ab hoc*. *Affinis*, *cognatus huic* vel *hujus*. Nam cum hujusmodi substantivæ capiuntur, genitivo magis gaudent.

ACCUSATIVVS POST NOMEN, SPATII MENSURA.

Ordo I.

Quæ certum magnitudinis modum significant, accusativum admittunt; ut, *Longus*, *Latus*, *Altus*, *Crassus*. *Turris alta* *trecentos pedes*. *Liber crassus* *tres digitos*, five *trium digitorum crassitudine*, & *ducentorum pedum altitudine*.

CIRCUMPOSITIONIS VIS.

Ordo II.

Quædam per circumlocutionem accusativum admittunt; ut, *Non sum id nescius*, id est, non ignoro. Cujus generis sunt & illa: *Ejus rei mihi venit in mentem*, id est, recordatus sum. *Et id mihi anus indicium fecit*, id est, indicavit. *Et opus est mihi hac re*.

ABLATIVVS POST NOMEN.

Ordo III.

Dignus & *indignus*, ablativum adsciscunt. *Dignus honore*. *Dignum est illo*. Dicimus tamen, *Dignus ut honoretur*. *Dignus quem omnes honorent*. Et, *dignus honorari ab omnibus*.

Item, *Vacuus*, *Onustus*. *Vacuus curis*. *Onustus divitiis*. *Pauper*, *Dives*, *Plenus*, *Inanis*, etiam genitivum admittunt.

PRONOMINVM CONSTRUCTIO GENITIVI PRIMITIVORVM.

Mei, *Tui*, *Sui*, *Nostrî*, *Vestri*, genitivi primitivorum ponuntur cum passio significatur. Nam cum actio, adduntur possessiva, *Mens*, *Tuus*, *Suus*, *Noster*, *Vester*: ut, *Languet desiderio tui*, nempe quo tu desideraris. *Favet desiderio tuo*, quo tu desideras. Item *pars tua*, quæ tibi debetur. *Pars tui*, id est, manus aut pes, corpus, animus. *Imago tua*, quam tu possides. *Imago tui*, quæ te repræsentat. Aliquoties utrumque conjungitur, ut, *Nostratui memoria*, id est, quam nos de te habemus.

POSSESSIVA PRONOMINA.

Possessiva adjectiva sunt, & non recusant aliquando genitivum; ut, *Mea ipsius causa*. *Tua solius*, *unius*. *Meos stentis oculos*.

NOSTRVM ET VESTRVM.

Nostrum & *Vestrum*, genitivi plurales gaudent nominibus distributivis, aut partitivis; ut, *Nemo vestrum*. *Unusquisque nostrum*, id est, ex nobis. Item, comparativis & superlativis; ut, *Major vestrum*. *Maximus nam nostrum*.

RECIPROCA.

Sui, *Sibi*, *Suus*, *a*, *um*, non nisi reciproce ponuntur, hoc est, ut reflectantur ad id, quod præcessit in eadem orationis parte, aut annexa per copulam: *Ille sibi placet*. *Petrus odit suos*. *Orat*, ut suo faveas filio.

DEMONSTRATIVA.

Demonstrativa, cum substantivæ ponuntur, admittunt genitivum, ut dictum est, ut, *Hoc noctis*. *Idem temporis*. *Illud accessit mali*.

IDEM CVM DATIVO.

Idem dativum adjungit, vel ablativum, interveniente præpositione: *Idem facit occidenti*, id est, quod occidens. *Idem huic*, aut *idem cum hoc*.

NOMINATIVVS POST ADVERBIVM.

En & ecce demonstrantis, nominativo seu accusativo junguntur. *En quatuor aras*. *Ecce rem*. *En lupus in fabula*.

A *En* exprobrantis, accusativo gaudet. *En animum & mentem*.

GENITIVVS POST ADVERBIVM.

Ordo I.

Superlativa genitivum exigunt. *Pessime omnium dixit*, *Qui omnium optime fecit*.

ADVERBIA LOCI AC TEMPORIS.

Ordo II.

Adduntur adverbis loci ac temporis genitivi ferme hi, *Ubi gentium*. *Eo impudentia ventum est*. *Quo terrarum*. *Nusquam gentium*. *Hucine rerum venimus*? *Ubi vis*, *quovis terrarum*, *Eo loci redacta est*, *Tunc temporis*. Nam *minime gentium* monadicon est, genitivo festivitatis causa addito.

PRIDIE, POSTRIDIE.

Ordo III.

Pridie calendarum, five *calendarum*. *Postridie ejus diei*. *Postridie quam discesseras*. *Postridie quam venires*.

INSTAR.

Ordo IV.

Instar montis. *Instar pecudis*. Item *parum*, *multum*, *satis*, *abunde vini*, vice nominum poni videntur.

DATIVVS POST ADVERBIVM.

Quædam dativum admittunt nominum, unde deducta sunt. *Venite obviam illi*. Nam *obvius illi* dicitur. *Canis similiter huic*. nam *similis huic*. Et *sibi inutiliter*. *Sedet proxime illi*. *Propinquius tibi sedet quam mihi*.

ACCUSATIVVS POST ADVERBIVM.

Sunt quæ accusandi casum admittunt præpositionis, unde sunt profecta. *Propius urbem*, & *proxime castra*.

ABLATIVVS POST ADVERBIVM.

Ordo I.

Quæ comparantur, constructionem habent comparativorum nominum; ut, *Accessi propius te*, id est, quam tu. *Molius te dicit*, id est, quam tu. *Plus quingentis colaphis*, & *plus millies*.

PROCVL, &c.

Ordo II.

Procul dubio, & *procul ab urbe*. *Clam patre*. *Palam omnibus*. *Coram omnibus*.

ADVERBII CONSTRUCTIO.

Ordo I.

Hic, *Illic*, *Istic*, *Intus*, *Alibi*, *Ubi*, *Ubique*, *Ubiunque*, *Ubi libet*, *Ubi vis*, *Alicubi*, *Necubi*, *Sicubi*, *Ibi*, *Inibi*, *Ibidem* referuntur ad quietem in loco.

HVC, ILLVC, &c.

Ordo II.

Huc, *Illuc*, *Istuc*, *Intro*, *Alio*, *Aliquo*, *Nequa*, *Siquo*, *Eo*, *Eodem*, *Quolibet*, *Quovis*, *Quocunque*, *Foras*, *Horsum*, *Aliorsum*, *Dextrorsum*, *Sinistrorsum*, *Sursum*, *Deorsum*, *Utroque*, *Neutro*, *Quoquo versum*, referuntur ad motionem in locum.

HINC, ILLINC, &c.

Ordo III.

Hinc, *Illinc*, *Istinc*, *Aliunde*, *Alicunde*, *Sicunde*, *Necunde*, *Indidem*, *Unde*, *Undelibet*, *Undevis*, *Undecunque*, *Utrinque*, referuntur ad motum e loco.

HAC, ILLAC, &c.

Ordo IV.

Hac, *illac*, *Istac*, *Alia*, *Aliqua*, *Qua*, *Siqua*, *Nequa*, referuntur ad motionem per locum.

VARIANTIA.

Hæc variant. *Foris cenat*, & *foris venit*. *Peregre vivit*. *Peregre rediit*. *Peregre abiit*. *Nusquam apparet*. *Nusquam discedet*. Quibus modis verborum, quæ congruant adverbis.

VBI POST QVAM. CVM.

Ubi, *Postquam*, *Cum*, adverbia temporis, interdum indicativis, interdum subjunctivis verbis apponuntur; ut, *Cum aderis*, & *cum veneris*.

SIMVL, &c.

Simul, *simulac*, *simulatque* magis gaudent subjunctivis; ut, *Simulatque adolueris atas*.

VT.

Ut, pro postquam, indicativo gaudet adjungi, *Ut ventum est in urbem*.

QVEMADMODVM, &c.

Quemadmodum, *Ut*, *Utrunque*, *Sicut*, utrumque modum admittunt, ut *salutabis*, ita *salutaberis*, ut *sementem feceris*, ita *metes*.

Q V A S I, &c.

Quasi, Ceu, Tanquam, Perinde ac si. Haud secus ac si, cum proprium habent verbum, subiunctivis gaudent apponi. *Tanquam feceris ipse aliquid. Quasi non norimus inter nos.* Alias copulant confirmiles casus. *Novi hominem tanquam te.* Arridet mihi quasi amico.

N E N O N.

Ne prohibentis vel imperativis vel subiunctivis additur. Ne nega, Ne dixeris, Non, verbis imperativis non recte apponitur.

N E, A N, N V M.

Ne cum est interrogantis, indicativum amat: *Superestne, et vestitur aura.* Similiter & *An & Num.* At eadem cum accipiuntur dubitative, sive indefinite, subiunctivum postulant: *Vise num redierit. Nihil refert, feceris ne, an persuaseris.*

P E N E, E T S I M I L I A.

Pene, Prope, Propemodum, Tantumnon, Modonon, unico verbo seu alia dictione contenta sunt. *Propemodum insaniebat. Tantumnon insaniebat. Modonon montes auri pollicebatur.*

A D V E R B I V M R E L A T V M N O N A D V E R B V M.

Adverbium aliquoties refertur non ad verbum, sed aliam orationis partem. *Homo egregie impudens. Ne parum sis leno. Admodum puella. Admodum anus.* Aliquoties adverbium adhæret adverbio. *Non admodum pulchre. Parum laute.*

Q V A N Q V A M E T S I M I L I A.

Quamquam, Tametsi, Etsi, Etiam si, frequentius adiunguntur indicativis. *Quamvis & licet* subiunctivis. *Etiam si cum* utrisque coheret. Ut pro *quamvis*, semper subiunctivum flagitat. *Servi ut taceant, iumenta loquantur.* Aliquoties ad aliam orationis partem referuntur non ad verbum. *Complectitur hominem, quamvis malevolentem, etiam si pessime de se meritum.*

N I S I C V M S I M I L I B V S.

Ni, nisi, Si, Siquidem, quod, quia, & indicativis & subiunctivis adhærent. *Ni facies. Nisi feceris. Quod bene vales gaudeo. Quod redieris incolumis gaudeo. Non quia sic merui. Non quia sis pauper, sed quod sis improbus.*

Q V A N D O, &c.

Quando & Quandoquidem, quatenus, indicativum exigunt. Et frequenter sequuntur casum, cum reliquæ huius ordinis frequentius præcedant: *Quoniam mihi non credis, ipse facito periculum. Ipse periculum facito, quoniam mihi non credis.*

Q V I P P E.

Quippe item cum proprium habet verbum: *Danda est huic venia, quippe egrotat.*

Q V I P P E Q V I, V T Q V I.

Si addideris *qui*, utrumque admittit modum. Ut *qui* plerumque subiunctivis adhæret. *Non est huic habenda fides, quippe qui bis jam pejeraverit, sive pejerarit. Ut qui pejerarit.*

Q V I.

Qui cum habet vim causalem, semper adhæret subiunctivo. *Stultus es qui huic credis, id est, quod vel quia credis.*

V T V T P O T E.

Ut & Ut pote, proprium verbum nunquam habent. *Odi Petrum, ut in omnes maledicum. Ut pote in omnes maledicum.*

T V M T V M, C V M T V M.

Et *Tum tum, Cum tum,* similes modos copulant. In verbis indeclinabilibus similes casus. *Odit tum literas, tum virtutem. Amplectitur cum cruditos omnes, tum in primis Marcellum.*

P R A E P O S I T I O N V M C O N S T R U C T I O.

Præpositio versa in adverbia.

Præpositiones quæ citra casum ullum usurpantur in adverbiorum naturam transeunt. *Extra quejere. An mare quod supra memorem, quodque alluit infra?*

P R O P E A B E S T.

Quemadmodum rursus & adverbia quædam accedente casu, in præpositiones transeunt, ut, *Procul, Coram, Clam, Palam.*

C A S V S P R A E P O S I T I O N V M.

Quædam accusativum exigunt; ut, *Intra parietes. Extra vallum.* Quædam ablativum, ut *ab urbe.* Quædam utrumque, sed non in eodem sensu.

I N.

Vari casus præpositionum earundem. *In,* cum significatur actus in loco, desiderat ablativum; ut, *In animo est. In foro versatur.*

IN PRO ERGA ACCUSANDI CASVM HABET.

Optimo in te animo. Item in pro contra. In omnes maledicus. In pro ad. In hoc incumbite. In hoc natus sum. In mercatum abiit.

S V B.

Sub nocte, id est, *in nocte.* *Sub noctem*, id est, *instante nocte.* *Sub ea*, id est, *postea.* Item *sub*, additum verbo motus ad locum, accusativum exigit: *Sub umbram properemus. Sub cum verbo quietis, ablativum requirit: Sub lodice. Sub umbra.*

S V P E R.

Super numerum ingenuorum, id est, *ultra numerum.* *Super hac omnia*, id est, *præter hæc omnia.* *Super Priamo*, id est, *de Priamo.* *Super arbore fidunt*, id est, *in arbore.*

T E N V S.

Tenus gaudet ablativo singulari, genitivo plurali. *Pube tenus. Crurum tenus.* Sed hæc videntur veluti composita, quemadmodum & illa, *Hætenus, Eatenus, Quatenus.*

V E R S V S.

Postponitur & versus suo casui: *Romam versus iter est.*

U S Q V E.

Usque, raro sine altera præpositione reperitur, & significat temporis aut loci magnitudinem. *Ad multam usque noctem. Ab extrema usque India.* Usurpatur & adverbialiter, pro semper, sive continenter.

A.

A præponitur dictionibus incipientibus a consonante. *A foro. A castris.*

A B.

Ab, incipientibus a vocali. *Ab omnibus.* Nisi sunt liquida, aut J consonans. *Ab Jove. Ab Rege.*

P R A E P O S I T I O N E S S E M P E R C O M P O S I T A E.

Sunt quæ non inveniuntur extra compositionem, *Di, Dis, Re, Se, An, Con, Diduco, Dissipo, Refero, Sejungo, Ambigo, Convenio.*

C O N P R A E P O S I T I O.

Con ex quibusdam neutris facit transitiva. *Comminxit letum. Conspuit hominem. Concacavit. Compluit. Corruuntis maritum.*

D E.

Deficio, id est, *ex alto jacio.* *Deamo*, id est, *valde amo.* *Despici*, id est, *sapere desuit.* *Deferbui atas.* *Reclamat*, id est, *contra clamat.* *Repetis*, id est, *denuo petit.* *Regegit*, id est, *quod tectum est, aperit.*

D E C O N S T R U C T I O N E I N T E R J E C T I O N V M.

O.

O exclamantis, admittit vocativum, nominativum & accusativum. *O Di immortales. O vir fortis. O insignem impudentiam!* Subauditur autem frequenter, ut, *singularem impudentiam.*

H E U, P R O H, &c.

Heu pietas! Heu stirpem invisam! Proh Juppiter! & proh Deum atque hominum fidem. Heu mihi! Væ tibi! Ah tibi.

C E D O.

Cedo flagitantis exhiberi, accusativum habet. *Cedo manum. Cedo senem.*

A M A B O, O B S E C R O, &c.

Amabo & obsecro blandientis, *Sodes & sultis* hortantis verba sunt, & in interjectionis naturam versa, quemadmodum & *Age.*

LIBELLI DE ORATIONIS PARTIVM CONSTRUCTIONE,

F I N I S.

L U C I A.

LUCIANI
SAMOSATENSIS
DIALOGI ALIQUOT,
DESIDERIO ERASMO
ROTTERODAMO
INTERPRETE.

DESIDERIUS ERASMUS
 ROTERODAMUS
 REVERENDISSIMO IN CHRISTO PATRI,
 D. GULIELMO
 ARCHIEPISCOPO CANTUARIENSI,
 TOTIUS ANGLIÆ PRIMATI,
 S. D.

MITTO ad te Dialogos aliquot Luciani, partim nuper a me traductos, partim recognitos. Nugas, inquis, mittis. Nugas sane, sed literatas, nimirum ut rideas, si tamen unquam ridere potes, homo tot curis distractus, tot negotiorum fluctibus obrutus. Sed cui potius mittam, quicquid fuerit illud, seu ludicrum, seu serium, quod meæ Camænæ producerint, quam tibi unico meo Mecænati? qui solus & addis animum Erasmo, & alis ingenium, & otium suppeditas, & ornas studia. Bene vale. Londini, tertio Calendæ Majas Anno MDXII.

LUCIANI SAMOSATENSIS
 DIALOGI ALIQUOT
 DESIDERIO ERASMO
 ROTERODAMO
 INTERPRETE,
 QUORUM HISUNT TITULI:

Saturnalia.
 Cronosolon, id est, Saturnalium legum lator.
 Epistola Saturnales.
 De luctu.
 Abdicatus.
 Icaromenippus, seu Hypernephelus.
 Toxaris, sive amicitia.
 Alexander, seu Pseudomantis.
 Gallus, seu somnium.
 Timon, seu Misanthropus.

Pro tyrannicida declamatio.
 Erasmi declamatio, Lucianica respondens.
 De iis qui mercede conducti degunt.
 Dialogi amatorii XVIII.
 Hercules Gallicus.
 Eunuchus, seu Pamphilus.
 De sacrificiis.
 Convivium, seu Lapithæ.
 De Astrologia.

SATUR-

SATURNALIA LUCIANI.

DESIDERIO ERASMO

ROTTERODAMO

INTERPRETE.

PERSONÆ,

SACERDOS ET SATURNUS.

SACERDOS.

Dic mihi Saturne, quando tu quidem hoc tempore regnare videris, tibi quæ & sacrificatum, & litatum est a nobis, quid potissimum abs te pro immolatis hostiis postulare debeam, quod postulatam feram? SAT. Istud quidem tempus perpendere oportuit, quid tibi foret optandum, nisi qui princeps sit, eundem & vatem esse vis, ut norit, quid maxime collibitum sit animo tuo petere. Caterum ego, quantum facultas feret, non abnuam votis tuis. SAC. Quin istud jam olim mihi perpensum est: desidero enim vulgaria ista, ac passim obvia, videlicet opes, multam auri vim, utque viris imperem, utque multa possideam mancipia, vestes splendidas ac delicatas, tum argentum & ebur, breviter, si quid est præterea rerum preciosarum. Hæc igitur mihi da optime Saturne, ut & ipse non nihil emolumenti ex tuo sentiam imperio, neve solus per omnem vitam earum rerum sum expers. SAT. Illud vide. Jam postulas, quod non est meæ potestatis, neque enim mearum partium est ista distribuere. Quare ne graviter feras, si quæ petis, non assequeris. Quin magis ista a Jove postulato, quum ad eum imperii vices redierint, id quod brevi futurum est. Nam ipse præscriptis conditionibus, rerum administrationem ab illo suscipio. Est autem universum imperium meum, septem duntaxat dierum, quorum si jus exceßerit, illico privatus reddor, ac velut unusquilibet de plebeja multitudinem. Nec tamen in his ipsis septem diebus feriam quippiam, aut publicum tractare mihi permissum est. Verum potare, inebriari, vociferari, ludere, certare tessleris, creare reges, famulos in convivium adhibere, canere nudum, lascivo corporis motu saltitare, nonnunquam & in gelidam aquam dare præcipitem, facie fuligine oblita. Hæc uti faciam permissum est. Caterum magna illa, puta divitias & aurum, Juppiter ipse dilargitur, quibus illi visum fuerit. SAC. Imo ne ille quidem Saturne admodum facile, ac lubens id facit, adeo ut me jam vox defecerit, magno clamore hæc ab illo flagitantem. At is nihil prorsus audit, verum ægidem obvivans, ac fulmen intentans, torvumque obtuens, pavefacit instantes. Quod si quando etiam annuerit alicui, divitemque reddiderit, mirum quam id nullo delectu facit, ut aliquoties præteritis probis, ac sapientibus viris, sceleratis ac stultis hominibus opes offundat, verberonibus atque effœminatis, cujusmodi sunt isti plerique. Quanquam equidem cupio cognoscere, quænam sint ista tuæ potestati permissa. SAT. Haudquaquam parva, neque omnino contemnenda, si quis universi imperii vim expendat, nisi forte tibi parvum esse videtur, ut in tesserarum ludo vincas, cumque cæteris alea in unionem volvatur, tibi senionem semper in summo latere ostendat. Nam hinc sibi plerique victum parant, vel ad saturitatem usque, quibus propitia ac secunda aspirarit tessera. Rursum alii nudi enatarunt, nave elisa, fracta ad tam minutum scopulum, puta aleam. Adde his, potando quam maxime hilarescere, ac modulatus alio videri canere in convivio. Præterea reliquis ministranti in aquam præcipitatis (nam ea poena est parum dextre ministranti) te & victorem pronuciari, atque ei quem viceris præmia præripere. Vides nimirum quam ingens sit bonum. Quemadmodum & illud, quum talo victor solus omnibus rex præficeris, ut non solum ipse non

A feras ulla ridicula imperata, verumetiam ipse possis aliis imperare: huic ut turpe quiddam de seipso vociferetur: illi ut saltet nudus, utque sublata in humeros tibi cina, ter domum obambulet. An non hæc quoque munificentia meæ non exigua sunt argumenta? Quod si causaberis regnum hoc nec verum esse, nec stabile, inscite feceris, quum videas me ipsum, qui ista dilargior, exigui temporis imperium tenere. Ex his igitur quæ meæ facultatis est præstare, nempe de taxillis, de regnando, de canendo, deque reliquis, quæ modo recensui, audacter quæ voles petito, nihil veritus, ne te ægide aut fulmine territem. SAC. Atqui istis nihil mihi est opus, Titanum optime. Tu tamen illud mihi respondeas velim, quod maxime cupiebam cognoscere. Quod si mihi dixeris, satis magnam gratiam pro sacro persolveris, quin & reliquum tempus quæ debueris, condono. SAT. Roga modo, equidem respondebo, si forte quod rogaris sciero. SAC. Illud in primis. Num vera sunt ista, quæ de te audimus? Quemadmodum devoraris liberos tibi ex Rhea natos, utque clam illa, subducto Jove, saxum infantis loco suppositum, tibi devorandum tradiderit. Deinde puer adultus, te regno expulerit, bello superatum, mox arreptum in Tartarum præcipitavit, vinctis iniecit, tum tibi, tum omnibus copiis auxiliaribus, quæ tecum in acie steterant. SAT. Quid dixisti? Nisi festum celebraremus, essetque licitum inebriari, atque in dominos impune convivia jacere, intelligeres profecto mihi permissum esse irasci, qui quidem istiusmodi roges, nihil reveritus adeo canum ac senem deum. SAC. At ego hæc Saturne, non ex meis pro dico, quin & Hesiodus & Homerus, nolo enim dicere reliqui prope mortales omnes, eadem de te credunt. SAT. An tu putas vel pastorem illum, vel hunc ampullosum, vere quippiam de me scisse? Rem ad hunc considera modum. Est ne quisquam homo, non dicam Deus, adeo durus, ut possit ipse volens suos devorare liberos? nisi si quis esset Thyestes, qui ab impio circumventus fratre comederet. Sed finge esse qui possit, qui fiat, ut ignoret sese saxum edere vice pueri? nisi forte dentibus sit huiusmodi, ut dolere non queant. Imo neque bello confliximus, neque Juppiter per vim imperium occupavit, sed ego illi volens & ultro rerum administrationem tradidi, cessique: Porro neque vinctum esse me, neque in Tartaro esse, vel ipse vides, opinor, nisi prorsus oculis captus es, quemadmodum Homerus. SAC. Sed quid tibi accidit Saturne; ut imperium deponeres? SAT. Ego tibi dicam. In summa, senex jam & podagrosus quum essem ob ætatem (unde etiam factum est, ut plerique mihi compe-des esse finxerint) impar eram viribus ad tam multa hujus ætatis facinora punienda: nam erat assidue mihi sursum ac deorsum cursitandum obarmato fulmine, quo sacrilegos, perjuros, ac raptores exurerem. Eratque negotium plenum laboris, quodque juvenem desideraret. Itaque mihi consulens, Jovi locum dedi. Quanquam & alioqui recte facturus mihi videbar, si partitus filiis (nam erant) imperium, ipse plerumque vitam conviviis per ocium traderem, nihil necesse habens, neque vota facientibus operam dare, nec ab iis qui contraria petunt, molestia affici, neque tonare, neque fulminare, neque grandinem aliquoties immittere. Sed senilem hanc, ac jucundissimam dego reliquam, meracius bibens nectar, atque intercum cum Japeto, vitamque aquilibus Diis confabulans. At regnat quidem ille mille districtus negociis, nisi quod hos pauculos quos dixi, dies mihi visum

Tom. I.

M 3

est

est excipere, in quibus recipio principatum, ut mortalibus in memoriam reducam, cuiusmodi fuerit me regnante vita, quum citra sementem, citraque arationem cuncta illis provenirent. Haud tum quidem aristæ, sed panis paratus, carnes apparatus, ac vinum fluminum instar fluebat, tum fontes mellis, lactisque propterea quod mortales omnes probi essent, & aurei. Hæc, inquam, mihi causa fuit, cur exigui temporis imperium geram, atque ob id undique plausus, cantiones, lusus, æqualitas omnibus servis æque ac liberis, neque enim me regnante quisquam erat servus. S A C. At ego Saturne conjecturam istam ad servos, & eos qui bojas terunt, referebam, quasi ob eam causam tibi fabula tribueret erga hos humanitatem, quod memor te ipsum aliquando servitutem servisse, ac gestasse compedes, eos magnificeres, qui simili essent fortuna. S A T V R. Non tu defines istiusmodi nugari nugæ? S A C. Bene mones, itaque desino. Quin illud etiam mihi responde, talis ludere, in usu fuit tui quoque seculi mortalibus? S A T. Erat sane. At non depositis talentis, ac decem nummum millibus, quemadmodum vos facitis, verum ut plurimo nucibus, ne videlicet discrucietur qui victus esset, neve semper ploraret sese unum omnium non habere quod ederet. S A C. Et recte quidem illi. Nam quo tandem præmio certassent ipsi talis, quum ipsi toti essent aurei? Itaque te loquente, tale quiddam mihi venit in mentem, si quis unum aliquem ex aureis illis viris, in hanc nostram ætatem adductum vulgo ostenderet, quid illi tandem eveniret? Nempe miserum (sat scio) discernerent, haud aliter incurfantes, quam in Pentheum Mænades, aut in Orpheum foemina Thraciæ, aut in Actæonem canes, interque sese decertarent, quantam quisque maximam posset portionem auferre, ut qui ne in festo celebrando, a lucris studio temperent, qui ipso etiam festo ad lucris abutuntur incrementum. Itaque alii quidem tibi primitias immolant, amicos in convivio deprædantes. Alii vero tibi convitiuntur, cum nihil ad rem pertineant, tum ipsas comminuunt tesseras, perinde quasi illis sit imputandum, quod illi suapte sponte faciunt? Sed dic mihi & illud, quid tandem causæ fuit, ut Deus usque adeo imbecillis, ac senex, tempus inamoenissimum delegeris, cum jam nix omnia occupat, plurimum sævit Boreas, cumque nihil non gelu concretum est, arent arbores nudæ decussis frondibus, squalent, horrentque vacua floribus prata, cum incurvi, contractique mortales, perinde quasi extremo confecti senio, ad focum ferme desident, interea tu festum diem agis? neque enim accommodum seni tempus, neque satis idoneum genio indulgentibus. S A T. Sed heus tu permulta quidem a me sciscitaris, cum potare jam oporteat. Itaque non exiguum temporis portionem tuis rogationibus mihi de festo perdidisti, dum ista mecum philosopharis, non admodum ad rem pertinentia: quare nunc istis tandem omisissis, convivium agitemus, plaudamus, ac liberam agamus vitam. Deinde prisco more depositis nucibus, ludamus tesseras, ac reges suffragiis creemus, ipsisque ultro pareamus. Siquidem ad eum modum effecerimus, ut verum videatur proverbium, quod dicunt: senes repuerascere. S A C. Imo cui ista quæ dicis, non probantur Saturne, precor ut ei nec tum bibere liceat, cum sitit. Itaque bibamus, quandoquidem ut primo colloquio satis a te responsum est. Proinde videor mihi recte facturus, si nostram hanc confabulationem, & quæ ipse interrogarim, & quæ tu propitius responderis, literis prodita, tradam amicis legenda, si qui sunt digni, qui tua dicta accipiant.

CRONOSOLON,

ID EST, SATURNALIVM LEGVM
LATOR.

Hæc ait Cronosolon sacrificus, & idem vates Saturni, earumque legum conditor, quæ quidem ad festum pertinent. Quid pauperes facere oporteat, id alio misso libro illis ipsis præscripsi: Neque dubito quin eas leges servent, aliqui obnoxii futuri poenis, quæ gravissimæ decretæ sunt in eos, qui minus paruerint. Vos autem divites, videte ne hæc mandata prætergrediamini, neque negligatis. Nam si quis secus fecerit, is sciat se non me neglecturum legislatorem, sed ipsum potius Saturnum, qui me condendis festi sui legibus delegit. Haud ille quidem in somnis visus, sed nuper cum vigilante palam congressus. Erat autem neque com-

A pedibus vinctus, neque situ oblitus, qualem eum pictores fingunt, exemplar a deliris Poetis mutuati, verum falcem quidem tenebat præacutam. Cætera vero & hilaris erat, & validus, regioque apparatus. Atque hac quidem specie mihi visus est. Cæterum quæ locutus est, plane divina sunt, & in his hæc digna, quæ vobis prius exponam. Nam ubi me vidit animo mœstum inambulanti, mox intellexit, quippe Deus, quænam esset molestiæ causa: videlicet graviter me ferre paupertatem, ut qui non pro temporis ratione unicam vestem haberem, cum jam esset gelu, multusque flaret Boreas, glacies ac nix, adversus quæ ego minime communitus eram. Multo magis autem, quod cum festum instaret jam proxime, reliquos viderem apparentes, quæ ad victimas, quæque ad convivia requirebantur, mihi vero ipsi res non admodum ad festum instructas esse. Jam a tergo accedens, aureque prehensa, ac vellicata (Nam hac specie sese mihi consuevit ostendere) Quid istud tibi vult (inquit) Cronosolon? videre mihi sollicitus. An non æquum inquam here? cum impios ac scelestos homines opibus superfluere, & solos deliciis frui videam, ipse vero, mecumque complures alii docti, cum inopia, summaque rerum penuria vitam degimus? Ne tu quidem here, curas his rebus finem imponere, & ad æqualitatem revocare. Tum ille Cætera quidem, inquit, haud facile fuerit innovare, quæ vobis a Clothone, reliquisque Parcis accidunt. Porro paupertatis malum vobis corrigam, quatenus ad festum attinet. Sit autem hæc corrigendi ratio. Abi Cronosolon, ac mihi leges aliquot conscribo, ostendens quid observandum sit in festo, uti ne divites inter sese festum celebrent, sed vobis sua bona impertiant. At non novi, inquam, leges conscribere. Quin ego, inquit, docebo te. Moxque ingressus, ordine me docuit. Deinde cum cuncta perdidicissem: Et illud, inquit, illis dicito, nisi servarint hæc, tum ego profecto sine causa falcem hanc acutam circumfero. Alioqui ridiculus sum, si cum patrem Coelum exercuerim, non item caltraro divites istos, quicunque leges meas violaverint, ut jam evirati, Cybeli matri sese adjungant cum tibiis ac cymbalis. Hæc ille minabatur. Quare recte facietis, si leges non prætergrediamini. LEX PRIMA. Ne quis quid intra festi tempus agito, neque publicum, neque privatum nisi quæ ad lulum, ad voluptatem, animique oblectationem pertinebunt. Opsoniorum & bellariorum artifices soli in opere sunt. Æqualitas omnibus esto, servis, liberis, pauperibus, divitibus. Irasci, indignari, minari ne cui liceat. Rationem exigere ab iis, qui res curant Saturnalicias, ne id quidem fas esto. Ne quis argentum, vestemve expendito, neve inscripto solennitatis tempore, ne quis exerceatur, neve literis operam dato, aut recitato, nisi si quæ sint urbana lepidaque, quæ dicacitate respiciant, ac jocum. LEX SECUNDA. Multo ante festum divites singulorum amicorum nomina in tabella scribunto. Porro pecuniam paratam habento, ad decimam partem annuorum fructuum. Præterea quicquid illis superest vestium, & quicquid est cultus pinguioris, quam ut ipsis conveniat. Ad hæc argenteorum vim non modicam. Atque hæc quidem in promptu sunt. Cæterum ante solennitatem porcellus circumagitor, atque ex ædibus ejiciuntur sordes, avaritia & quæstus, & si quæ id genus alia sunt plerisque divitum domestica. Deinde ubi domum perpurgarint, tum rem divinam faciunt Jovi divitiarum largitori, ac Mercurio munifico, atque Apollini magna donanti. Deinde circa vesperam tabulam illam, amicorum nomina tenentem relegunt. Distributis autem pro cuiusque dignitate muneribus, ante solis occasum amicis mittunt. Porro qui deferant, ne plures tribus, quatuorve sunt, atque hi certissima ex famulis fide, jamque natu grandes. Adscribatur autem in literis, & quid mittatur, & quantum, ut ne utrique suspectos habere possint eos, qui perferunt. Atque ipsi ministri unico quisque calice epoto, domum recurrunt, neque præterea quicquam ab eis postulato. Doctis omnia dupla mittuntur. Nam hos æquum est geminam accipere portionem. De muneribus quam modestissime simul, & quam paucissima verba fiunt, neque grave quicquam in literis quicquam adscribito, nec odiose laudato quæ mittuntur. Diviti divites ne quid mittit. Neque locuples Saturnalibus æquali forte quempiam convivio accipito. Ne quid eorum quæ in hoc deprompta fuerint, ut mittantur, servanto. Neve cui muneris pœnitentia subito. Quod si quis anno su-

superiore peregre fuit, eaque causa munerum expers fuit, & illa accipito. Quinetiam pro tenuibus amicis æs alienum divites solvunt, atque etiam conductarum ædium premium, si qui forte & hoc debent, neque sunt solvendo. In summa vero, multo ante illud illis est curæ, ut cognoscant, qua re maxime sit opus. Rursum qui accipiunt, ne de missis donis ut exiguis queruntur, & quicquid mittetur, qualecunque fuerit, id magni ducunt. Vini cadus, aut lepus, aut pinguis avis, inter munera Saturnalia ne habentur. Neve Saturnalia dona in risum vertunt. Remittito vicissim diviti pauper: Si doctus est, libellum aliquem veterem, aut si quid ipse conscripsit, quod fausti sit ominis, & conviviis accommodum, qualecunque poterit. Atque id dives læto admodum, hilarique vultu accipito. Acceptum protinus perlegito. Quod si recusarit, rejeceritve, sciat se se iis quæ de falce minatus sum, obnoxium esse, etiam si miserit, quicquid alioqui mittendum erat. Porro reliqui, coronas alii, alii turis frustula mittunt. Quod si pauper, aut vestem, aut argentum, aut aurum, supra facultatem diviti miserit, id quidem quod missum fuerit, publicum esto, conflatumque in Saturni thesaurum infertor. Ipse vero pauper postridie plagas a divite, manibus ferulæ suppositis accipito, non pauciores quinquaginta supra ducentas. **LEGES CONVIVIALES.** Lavandum est, ubi linea sex erit pedum. Ante lavandum, nucibus ac talis lustrandum. Ubicunque casus cuique locum dederit, ibi accumbito. Dignitas aut genus, aut divitiæ, parum momenti habent, ut prius alicui ministraretur. Eodem de vino omnes bibunt. Neque profit diviti, si causetur vel stomachi, vel capitis dolorem, ut ideo bibat de meliore. Carnium omnibus æqua portio. Ministri ne cui quid favore dant, neque contantur, neque prætermittunt, donec ipsis visum fuerit, quæ tollenda erunt. Neque huic quidem magna, illi vero perexigua apponunt. Neve huic coxa suis, illi maxilla apponitur, sed in omnibus æqualitas esto. Pocillator, acutis oculis unumquemque observato, minus tamen herum. Acutius etiam exaudito. Calices omnis generis sunt. Ad potandum invitare si quis voluerit, jus esto. Omnes omnibus præbibunt, si libeat, ubi præberit dives. Neque quisquam bibere compellitur, qui non valeat ad computationem. Ne liceat ipsis, neque saltatorem, neque citharædum inducere, nisi qui nuper discere coeperit. Quod si cui libeat dieteris uti, liceat, sed hæcenus adhibeatur modus, ut ne sint molesta. Super omnia, pro nucibus ludunt talis. Si quis deposita pecunia talis luserit, in posterum ulque diem jejuno. Et maneto talisque, & abito cum voluerit. Porro cum dives famulos suos convivio accipiet, tum amici quoque una cum ipso ministrant. Leges hæc singuli divites, æræ columnæ inscriptas, in aulæ mediotulio habent, ac legunt. Atque id quidem sciendum est, quoad ea columna manebit, neque famēs, neque pestilentia, neque incendium, neque quicquam alioqui molestum, in illorum domum subibit. Quod si quando (id quod Dii prohibeant) tollatur, abominanda sunt, quæ illis tum eventura.

EPISTOLÆ SATURNALES.

E GO SATVRNO SALVTEM.

EQUIDEM & antea tibi scripsi, significans quoniam in statu essem, & quemadmodum ob inopiam mihi periculum esset, ne solus omnium, expers relinquerer solennitatis, quam indixisti. Addidi & illud (nam memini) iniquissimum esse, si nostrum alii opibus ac deliciis superfluerent, nihil ex suis facultatibus impertientes pauperioribus, alii rursum fame contabescerent, atque id quidem instantibus Saturnalibus. Verum quoniam tum ad meas literas nihil respondisti, operæ precium existimavi, te denuo iisdem de rebus commonefacere. Tuum erat optime Saturne, sublata hac rerum inæqualitate, bonisque in medio depositis, postea celebrandum festum edicere. Nam uti nunc res habent, formica camelus, quemadmodum ajunt proverbio. Quin magis Tragediæ histrionem animo concipe, qui altero pede præaltis cothurnis sublimis insistat, cujusmodi sunt Tragica calceamenta, altero vero sit incalceatus. Is si ad hunc modum instructus ingrediatur, vides necessario futurum, ut nunc excelsus sit, nunc humilis, prout hunc aut illum pedem vicissim promoverit. Nec minor est in vita nostra inæqualitas, dum illi cothurnis fulti, adornante fortuna, Tragedias in nos agunt. Contra magna pars pedibus, atque humi ingredimur, quum & ipsi, scias velim, nihilo deterius illis fabu-

lam agere possimus, atque ingredi, si quis nos quoque ad eundem istum modum adornarit. Atqui ex Poetis audio, nihil harum rerum inter homines fuisse olim, quum tu solus adhuc imperium teneres. Verum tellus illis citra ferendi, arandique laborem bona progignebat, cœnam, unicuique paratam, vel ad satietatem ulque. Porro flumina partim vinum, partim lac, erant autem & quæ mel manabant. Quodque est omnium maximum, ajunt illos ipsos homines aureos fuisse. Caterum paupertatem omnino procul ab illis abfuisse. Nos contra non satis idonei sumus, qui vel plumbum videri possimus, aut si quid etiam plumbo vilius, ut quorum plerisque victus labore quaeritur, ac passim paupertas, egestas, ac desperatio, & illud: Hei mihi, & unde inveniam, & o fortunam, atque id genus alia permulta, apud nos nempe pauperes abundant: quanquam his de rebus levius discruciamur, nisi divites conspiceremus tanta fructes felicitate. Qui quidem quum tantum auri, tantum argenti conditum habeant, tantum vestium possideant, tot mancipia, tot currus, familias, agros, atque harum rerum omnium magnam vim teneant, tamen adeo nobis nihil unquam de eis impertiant, ut picebos homines ne aspectu quidem dignentur. Hæc, inquam, sunt, Saturne, quæ nos enecant maxime, planeque rem intolerandam arbitramur, hunc in purpura acumbentem, tantis opum deliciis affluere, ructantem interim, & applaudentibus amicis, perpetuo festum diem agere: me vero, meique similes, somniorum conjecturas interpretari, sicunde forte quatuor oboli contingant, quo videlicet pane polentave expleti dormire queamus, nasturcium, aut porrum, cepasve aliumve opsonii vice arrodentes. Aut hæc igitur Saturne ad æquabilitatem vitæ mutes torrigasque necesse est, aut quod est postremum, illis ipsis interdicas divitiis, ne soli bonis fruantur, verum e modis auri tam multis vel heminam in omneis nos dispergant. Porro ex vestibus, si quas jam a tineis excas, citra suum incommodum dare possint, malintque hæc prorsus vetustate situque peritura, nobis dare qui induamur, quam finire ut in cubilibus ac scriniis multa carie computrescant. Præterea ut cœnent singuli, nunc quaternis, nunc quinque pauperibus ad convivium adhibitis. Haud isto quidem pacto, quo his temporibus convivia peraguntur, verum popularius, ut æqua sit omnium portio, neque ut hic opsoniis ingurgitet sese, famulo interim adstante atque operiente, donec herus vorando præfocetur. Caterum ubi ad nos venerit, quum vix etiam apparaverimus admove re manum, protinus ad alios transferatur, patina tantum ostensa, vel si quid de placenta reliquum est. Neque illatum aprum ita partiatur, ut domino totum dimidium apponat, una cum capite, reliquis autem ossa testa apponat. Utque præmoneantur pincernæ, ne contentur donec unusquisque nostrum septies poscat bibere, sed semel jussi protinus infundant, & ingentem calicem impletum tradant æque atque ipsi domino, utque unum & idem vinum convivis sit omnibus. Alioqui ubi nam ista lex scripta fuit, aut receptus mos, ut hic vino odorato generosoque temulentus sit, mihi contra musto distrumpatur alvus? Hæc si correxeris novarisque Saturne, tum demum effeceris, ut vita vere vita sit; festum vere festum: sin minus, illi quidem epulentur, nos autem interim sedentes precabimur, ut simul atque loti venerint, puer subversam amphoram rumpat, utque coquus jus adurat, ac per oblivionem muriam piscium in lentem infundat, utque canis in domum irruens opsoniorum artificibus alibi intentis, exta devoret universa, præterea placentæ dimidium: utque sus ac cervus, neque non fuculæ inter affandum idem faciant, quod Homerus de solis bobus commemorat: imo uti non serpent solum, verum etiam una cum ipsis verubus in montem abripiant sese fugiantque: utque ipsæ etiam aves pingues, jam adeptis plumis, & ad coquendum apparatus, volatu aufugiant, ne soli illis fruantur: quodque futurum est illis gravissimum, ut formicæ tales, quales feruntur Indicæ, aurum e thesauris effossim, noctu in publicum efferant: utique vestis curatorum indiligentia ita ab optimis muribus perforetur, ut cribrum videri possit, nihilque differat a casside venatorio: utque formosi illorum comatque puelli (quos Hyacinthos, aut Achilles, aut Nartissos appellare solent) dum ipsis poculum porrigunt, subito defluente coma calvi fiant, & acutam edant barbati, cuiusmodi in Comædiis induci solent Sphenopogones, quibus a

cu*

cuncata barba nomen inventum est: utque vertex illis asperis ac pungentibus pilis sit hirtus, reliqua capitis parte nuda. Hæc atque his etiam plura illis imprecabimur, nisi definant usque adeo suis privatim studere commodis, velintque in commune divites esse, nobis quoque quantum æquum est impertientes.

SATVRNVS MIHI CHARISSIMO SALVTEM.

Quid tu, obsecro, nugas istas ad me, ac de rebus huiusmodi scribis, jubesque ut de integro bonorum faciam partitionem? quod quidem alterius munus fuerit, penes quem nunc est imperium. Etenim demiror te, si solus omnium ignoras, quemadmodum jam pridem regnare destiterim, ac privatus esse cœperim, liberis partitus imperium, quamquam Jupiter præcipue rerum istiusmodi curam agit. Porro mea potestas non nisi ad taxillos usque, saltationes, cantiones, & ebrietatem valet, idque septem non amplius diebus. Itaque gravioribus in causis, de quibus scribis, videlicet de tollenda rerum inæqualitate, utque ex æquo omnes aut opibus abundent aut egeant, Jupiter vobis operam dabit. Quod si quid in iis quæ ad festum pertinent, vel fraude detractum est alicui, vel additum, id erit mearum partium judicare. Jamque scribo divitibus de cœnis, deque auri hemina, neque non de vestibus, ut vobis quoque ad celebrandum festum nonnihil mittant. Quandoquidem æqua sunt ista, decetque illos facere quemadmodum prædicatis, nisi forte habent isti quod probabiliter ad hæc respondeant. In summa tamen illud scitote pauperes, vos longe falli, neque recte judicare de divitibus. Siquidem illos felices arbitramini, solosque suavem vitam vivere, propterea quod illis liceat opipare cœnare, vino suavi inebriari, formosis frui mulieribus, vestibus uti delicatis, verum istam felicitatem cuiusmodi sit ignoratis: siquidem hæc res non mediocribus curis eos distorquent, sed singulis invigilare coguntur, ne quid rerum domesticarum dispensator fraudet, aut clanculum suffuretur, ne vinum acefcat, ne frumentum vermibus corrumpatur, ne latro tollat pocula, ne populus credat calumniatoribus, si illum dixerint affectare regnum. Atqui hæc quidem quota pars est eorum, quæ istos discruciant? Quod si nossetis metus & curas, quibus obnoxii sunt, plane fugiendas vobis esse divitias existimaretis. Alioqui creditis vel meipsum usque adeo insanum, ut si præclara res esset opulentia, aut regnum, depositurus hæc, aliisque ea cessurus fuërim, patererque ut nunc privatus alieno parerem imperio? Quin potius quum non essem ignarus huiusmodi malorum quæ plurima divitibus ac Regibus adsint necesse est, imperium deposui, idque sapienter. Nam quod tu nunc apud me Deos obtestans deplorabas, illos apris ac placentis expleri, vos contra nasturcium, porrumve aut cepe per festi tempus, opsonii loco arrodere, cuiusmodi sit considera. Etenim in præsens quidem utrumque dulce est illis, minimeque molestum. At postea res invertitur. Quandoquidem vobis deinde non accidit, ut postridie surgatis, capitis dolore gravati ob temulentiam, quemadmodum illi, neque ob immodicam ingurgitationem grave olentem, & acrem spiritum ructatis. At illi hoc quoque fructus ferunt, ut quoniam magnam noctis partem vario coitu pro libidinis arbitrio transigunt, facile sibi, vel tabem, vel tussim, vel morbum intercutem, ex intemperato voluptatum usu colligant. Alioqui quotumquemque potes ostendere, qui non plane palleat, ac faciem cadaverosam præ se ferat? Quotumquemque autem, qui cum ad senectutem pervenerit, suis ipsius pedibus ingrediatur, ac non potius a quatuor bajulis gestetur? foris quidem totus aureus, intus putris, ac pannosus, cuiusmodi sunt Tragica indumenta, ex pannis admodum vilibus confarcinata. Vos autem quum molestum est, quod de piscibus gustare non liceat, quod inedia laboratis, non illud item cogitatis, eosdem & podagræ, & tussis expertes esse, aut si quid aliud aliam ob causam illis incommodi contingit. Quanquam nec illis ipsis æque dulce est, quotidie, supraque satietatem istis vesci. Quin potius videas eos nonnunquam ita olus ac lupinum appetere, ut tu non æque leporem appetas, aut aprum. Ut de reliquis interim fileam, quæ illos discruciant, puta si filius sit luxuriosus, si uxor vel amans, vel amata a famulo, coacta magis quam ex animo cum illo dormiat. In summa multa alia sunt, quæ vos ignorantes, tantum aurum illorum ac purpuram videtis. Tum si quando videtis eos albo provehi curru, inhiatis & adoratis. Quod

A si illos contemneretis, negligeretisque, neque ad argenteum curru oculos haberetis intentos, neque inter colloquendum, smaragdum annulo inclusum respectaretis, neque vestes obiter contrectantes molliem admiraremini, sed sineretis eos ipsos sibi divites esse, haud dubie futurum sit, ut ipsi vos ultro adirent, ad cœnam rogarent, nimirum ut vobis ostendere possint lectos, mensas, ac pocula. Quorum rerum nulla sit utilitas, si sine teste possideantur. Certe reperiretis pleraque hæc illos vestra causa parare, non quo utantur ipsi, sed uti vos admiremini. Hæc ad consolandos vos scribo, utramque vitam cognitam habens. Convenitque ita festum agere, ut cogitetis omnibus brevi decedendum e vita, & illis, depositis opibus, & vobis, relicta paupertate. Quanquam & illis scribam, sicuti sum pollicitus, certum scio eos non neglecturos literas meas.

SATVRNVS DIVITIIVS S.

B Pauperes nuper ad me datis literis incusarunt vos, qui nihil ipsis ex facultatibus quas possidetis, impertimini: atque omnino postularunt, ut omnia bona facerem omnibus communia, ut ad singulos illorum sua pars rediret. Æquum enim esse, ut rerum æqualitas constituatur, neque decere, ut huic supersit, ille nullo modo sit particeps voluptatum. Ego vero respondi, hisce de rebus rectius Jovem consideraturum. Cæterum de præsentis negotio, deque injuriis, quibus sese per festos dies affici putant, videbam mei officii esse sententiam ferre, sumque pollicitus me vobis scripturum. C Sunt autem quæ postulant hæc, ut mihi quidem videtur, æqua. Nam quo pacto, inquirunt, tanto frigore horrentes, tantæque obnoxii esuritioni, postea diem etiam festum celebrare possumus? Quare si vellem & illos festi participes esse, postularunt ut cogerem vos, ut & de vestibus illis impertiamini, si quæ supersunt pinguiore, quam quæ vobis conveniant, utque de auro nonnullas guttulas in illos destilletis. Quod si ista feceritis, inquirunt, non erit amplius disceptatio inter vos de bonis apud Jovem. Sin minus, minitantur sese ad novam rerum partitionem provocaturos, ut primum Jupiter pro tribunali sedere cœperit. Atque hæc quidem facere vobis nequaquam grave fuerit, impertiri nonnihil de tantis opibus, quas possidetis, & recte possidetis. D Quin de cœnis quoque, ut vobiscum cœnarent, & hoc literis addendum putarunt, quemadmodum vos in præsentia foribus occlusis, soli deliciis frueremini. Quod si quando vobis visum fuerit, & illorum quempiam post longum tempus convivio adhibere, plus esse molestiæ in cœna, quam voluptatis, multaque illic in pauperum contumeliam fieri: velut illud, cum non eodem de vino bibant, Dii boni, quam illiberale: plane dignum, in quo & illi debeant accusari, qui non surgant potius, abeantque, toto convivio vobis solis relicto. Quanquam negant sese etiam ad satietatem ex illo qualicumque vino bibere. Propterea quod vestri pincernæ, aures habeant cera obturatas, quemadmodum olim Ulyssis socii. Porro reliqua usque adeo sunt turpia ut pigeat commemorare, quæ de carniū partitione criminantur, deque ministris, qui cum vobis assistant, donec plusquam ad plenum expleamini, ipsos prætercurrunt, aliaque huius generis permulta sordida, minimeque digna viris ingenuis. Proinde æqualitas, res est omnium jucundissima, maximeque convivii congruens. Atque hac de causa, vobis æquus ille partitor in convivii præficitur, ut æquam omnes habeant portionem. Videte igitur ne posthac vos iterum accusare possint. Quin potius honorabunt vos, & amabunt, si pauca ista a vobis acceperint, quorum impendium a vobis nec sentiretur quidem, penes illos muneris in tempore dati memoria semper mansura est. Præterea nec Rempublicam administrare possitis, ni pauperes una vobiscum in ea versentur, milleque modis felicitatem vestram adjuvent. Neque enim habituri estis, qui divitias vestras suspiciant, si soli atque apud vos ipsos in tenebris eas possideatis. Videat igitur vulgus, mireturque vestrum argentum, mensas, & quemadmodum præbidentes ad potandum invitetis. Dein illi inter bibendum poculum undique contemplantur, ac pondus expendant, manu librantes. Tum argumenti abfolutam cælaturam. Tum auri vim, vicissim artem condecorantis. Nam in istum modum, non solum illi vos probos viros & humanos prædicabunt, verum etiam invidiam illorum effugietis. Quis enim invidet impertienti, dantique quod æquum est? Quis non potius optet, ut quam diutissime

mc

me vivens, bonis suis fruatur? Verum ut nunc res vobis habent, & felicitas vestra este caret, & divitiarum invidiosae, & insuavis vita. Neque enim perinde juvat, opinor, si quis solus expleatur, quemadmodum ajunt leones facere, & ex luporum genere, quos solitarios vocant, quam si cum lepidis hominibus, ac per omnia gratificari paratis, convivatis. Qui primum non sinit convivium surdum aut mutum esse, verum consuetudine sua fabulas conviviis aptas, dictariaque minime molesta, variasque voluptates adferent. Quibus rebus tempus jucundissime transigitur. Idque gratum est Baccho, gratum Veneri, gratum etiam Gratiis. Deinde postero die, dum comitatem vestram referunt, benevolentiam vobis conciliant. Haec etiam magno fuerant emenda. Nam illud a vobis sciscitabor, si pauperes abeant taciti, sic enim fingamus, nonne vos ea res ureret, cum non haberetis, quibus ostentaretis purpureas vestes, comitum multitudinem, anulorum magnitudinem? Neque jam libet referre, necessario futurum ut pauperum insidiae atque odia in vos oriantur, si soli deliciis frui velitis. Nam quae minantur vobis imprecatores sese, prorsus abominanda sunt. Ac dii prohibeant, ne unquam ad ejusmodi imprecationes venire cogantur. Quandoquidem si id fiat, neque intestina posthac gustabitis, neque placentiam, nisi si quid canis reliquum fecerit. Praeterea lenticula saporis liquamen vobis habebit. Porro si aut cervus interim dum assantur, everu in montes aufugere parabunt. Tum aves quoque pingues absque alis fugam molientes, ad pauperes avolabunt. Denique quod est omnium gravissimum, pocillatores formosissimi repente vobis calvi fient, idque etiam fracta amphora. Super his rebus consulite, quae & festo sint digna, & vobis quam maxime tuta, atque illis paupertatis onus sublevent, exiguo vectigali illos amicos habituri, ne utique malos.

DIVITES SATVRNO S.

NVM putas, Saturne, de rebus istis ad te solum scripsisse pauperes? Quin potius Jovis ipsius aures jam obsurdierunt illorum querelis, dum haec eadem vociferantur, ac novam rerum partitionem flagitant, ac simul & fatum incusant, quod non aequaliter distribuerit, & nos, quod nihil ipsi velimus impertiri. Verum novit ille, quippe cum sit Juppiter, penes quos sit culpa, eoque illos plerumque obaudit. Nihilominus tamen purgabimus nos tibi, quandoquidem hoc certe tempore princeps noster es. Nos enim omnia ista quae scribis, ob oculos habentes quam sit honestum de magna rerum copia opitulari iis, qui indigent, quantoque sit jucundius, simul cum pauperibus versari, & convivium agitare, ad eum modum assidue facimus, adeoque in ratione vitae nos aequamus, ut nihil possit incusare is, quem ad convictum admittimus. Verum illi primum ajunt sibi paucis opus. Deinde ubi semel illis fores aperuerimus, nunquam desinunt alia super alia postulare. Quod nisi protinus omnia, simulque cum dicto acceperint, mox paratum odium, in promptu convitia, etiam si quid de nobis sit mentiendum. Porro qui audiunt, fidem illis habent, rati videlicet illos probe scire quae dicunt, propterea quod nobiscum consuetudinem habuerint. Ita fit, ut in alterutrum incidamus, ut aut si nihil demus, illos prorsus habeamus hostes, aut profusis omnibus, ipsi protinus egeamus, jamque in pauperum gregem veniamus. At caetera quidem utcumque ferenda sunt, verum inter coenas ipsas non satis habent ingurgitari cibis, atque alvum explere, sed iidem ubi plus satis adbibierint, tum vel puellae formosae cyathum porrigentis manum vellunt, aut concubinam, uxoremve sollicitant. Postremo convomito convivio, postero die nobis obtreant, narrantes quemadmodum sitierint, esurierintque. Quod si haec adversus illos mentiri videmur, vester ille parasitus Ixion in memoriam redeat, qui ad communis mensae honorem admissus, ac vobis dignitate aequiparatus, jam ebrius vir ille egregius, Junonem adortus est. Haec atque hujusmodi sunt, propter quae in posterum statuimus, quo res nostrae sint in tuto, ne posthac illis in domum aditum praebeamus. Quod si te auctore, pacto recipiant, sese moderate petitueros, quemadmodum nunc ajunt, neque quicquam flagitiose in computationibus admissuros, age, convivant nobiscum, simulque coeant bonis avibus. Ac de tunicis, sicuti jubes, mittemus, & de auro, quantum facultas patietur, ac sumptus augebimus: in summa, nihil omittemus officii nostri, modo vicissim desinant ipsi arte nobis

A cum vivere, sintque pro parasitis & adulatoribus amici. Ita nihil erit, quod in nobis desideres, si ipsi quoque suo fungi volent officio.

DE LVCTV.

OPERAE PRECIVM, sane fuerit observare ea, quae in luctu vulgo tum dicantur, tum fiant, item quae dicantur ab iis, qui eos consolantur scilicet, quamque non ferenda putent lugentes ea quae sibi acciderunt, & sibi ipsis, & iis quos sient: cum haudquaquam permoverint mala ne sint ista, ac dolenda, an contra jucundiora melioraque iis quibus accidunt: sed ex more & consuetudine dolorem accersunt. Itaque cum mortuus fuerit aliquis, faciunt ad hunc modum. Quin prius volo tibi narrare, quas habeant de morte ipsa opiniones. Sic enim palam fiet, qua gratia supervacanea ista moliantur. Vulgi quidem hominum multitudo, quos sapientes isti vocant idiotas, Homero, Hesiodo, reliquisque fabularum auctoribus, super his fidem habentes, & illorum Poesim pro lege ducentes, locum quendam subter terram profundum esse putant, quem Tartarum vocant. Eum existimant magnum & spaciosum esse, caliginosum atque opacum, qui tamen istis haud scio quo pacto illustrari videtur, quo singula quae illic sunt, introspectant. Tum regnare in hoc specu Jovis fratrem, cui nomen Plutoni, ut mihi retulit quidam harum rerum mire peritus, ob id eo vocabulo honestatum, quod mortuorum copia dives esset. Porro Plutonium hunc inferorum Rempubicam, & manium vitam constituisse in hanc formam. Nam sorte obtigisse huic, ut vita defunctis imperaret. Quos ubi demissos receperit, arreptos vinculis ineffugibilibus coercet, nulli prorsus permittens, ut ad superos redeat, praeterquam admodum paucis ex universo aëre, idque gravissimis de causis. Interluitur autem regio illius, fluviis & magnis & horrendis, vel solo nomine. Siquidem Coccyi, Phlegetontes atque hujusmodi vocabulis appellantur. Quodque est gravissimum, praeracet Acherontica palus, quae prima excipit obvios, quam non possis neque transmittere, neque transire sine vectore. Nam & profundior est, quam ut pedibus transiri possit, & spaciosior, quam ut tranari queat. In summa hujusmodi est, ut nec avium manes possent eam transvolare. In ipso vero descensu, portaque, quae quidem est adamantina, Aëacus est, regis patruelis, cui mandata est custodia, juxtaque hunc canis triiceps, asper admodum. Is advenientes satis amice, pacateque intuetur. Caeterum si quis conetur aufugere, latrat, terroresque in specum redigit. Jam qui transmissa palude ingressi sunt, eos excipit pratum ingens, asphodelo confutum, ac fluviis memoriae hostis, eoque Lethe nomen est inditum. Nam haec videlicet praeis illis mortalibus narrarunt, qui illinc redierant: nempe Alcestis & Proteus, Thestalus uterque, neque non Theseus Aegeo prognatus, & Homericus Ulysses, testes admodum graves, dignique quibus habeatur fides: qui mihi non videntur e fonte illo bibisse, alioqui non meminissent horum. Itaque Pluto & Proserpina, ut ajebant illi, Rempubicam administrant, rerumque omnium dominatum obtinent. Sed inserviunt his, & in administrando principatu adjuvant ingens turba, Furiae, Poenae, Terrores, ac Mercurius, quanquam is sane non adeo perpetuo. Praefecti autem & satrapae & iudices sedent duo, Minos & Rhadamanthus, uterque Cretensis, uterque Jovis filius. Atque hi quidem bonos ac justos viros, qui cum virtute vitam peregrissent, ubi jam multi collecti fuerint, velut in coloniam quandam emittunt in campum Elysium, vitam optimam inibi victuros. Quod si malos aliquos ceperint, hos Furis traditos, in impiorum locum ejiciunt, pro ratione malefactorum puniendos. Quis quidem in loco, quid tandem mali non patiuntur? torti, exusti, a vulturibus arrosi, rota circumacti, saxa fursum volventes. Nam Tantalus ipse ad paludem stat in periculum adductus, ne siti moriatur infelix. Rursum alii mediocri vitae, sunt autem hi complures, vagantur in prato sine corporibus jam umbrarum facti, & ad tactum ceu fumus evanescentes. Aluntur autem videlicet nostris libationibus inferiisque, quae sepulchris inferuntur. Adeo ut si cui nullus sit in terra reliquus amicus aut cognatus, hic mortuus, jejunos ac famelicus inter illos versetur. Haec usque adeo valide vulgi animos pervaserunt, ut simul atque familiaris quipiam mortuus fuerit, primum obolum illi in os imponent, trajectionis mercedem, quam vectori daturus sit: nec illud

prius expendunt, cuiusmodi nomisma legitimum sit, ambuletque apud inferos, & apud illos valeat, Atticus, an Macedonicus, an Aeginensis obolus. At ne id quidem cogitant, multo satius esse non posse naulum reddere. Sic enim fiet, ut non recipiente portitore, postliminio redeant in vitam. Post hæc lotos eos, perinde quasi tartarea palus non satis sit idonea lavandis his qui illic degunt, & unguentis optimis uncto corpore, jamque victa graveolentia, tum coronatos pulcherrimis floribus proponunt splendide vestitos: ne videlicet algeant per viam, neve nudi conspiciantur a Cerbero. Accedunt ad hæc mulierum ejulatus, omnium certe lachrymæ, pectorum planctus, comæ dilaniatio, genarum cruentatio. Aliis autem & vestis dissepitur, & pulvis capiti inspergitur, adeo ut viventes miserabiliores sint mortuo. Nam illi humi volutantur sæpenumero, capita solo allidunt. Hic vero decorus ac formosus, ac diligentissime coronatus, sublimis propositus est, & excelsus, velut ad pompam adornatus. Deinde mater, atque adeo pater quoque ex mediis cognatis progressus, ac mortuo circumfusus (Nam finge juvenem aliquem, ac formosum propositum esse, quo magis in hunc competat actio fabulæ) absurdas ac stultas voces emittit: ad quas mortuus ipse responsurus sit, si contingat vocem recipere. Ait enim pater, flebili quadam voce verbum unumquodque producens in longum: Fili jucundissime, peristi mihi, mortuus es, ante diem præreptus es, me super hæc misero solo relicto. Non duxisti uxorem, non parasti liberos, non militasti, non coluisti agros, non ad senectam pervenisti, non comessaberis posthac, non amabis filii, neque cum æqualibus in comotatione inebriaberis. Porro hæc atque id genus alia dicit, quasi putet filium adhuc rebus his egere post obitum, ac desiderare quidem, verum potiri non posse. Sed quid hæc loquor? Quot enim sunt qui equos ac concubinas, rursum alii, qui pincernas etiam in funere mactarunt, qui vestem, reliquumque mundum pariter in rogam injectum exusserunt, aut una cum cadavere sepelierunt, perinde quasi illic sit usus, & apud inferos fruiurus? At senex iste luctum agens, hæc omnia atque his etiam plura, quæ dicit, neque filii causa jactare videtur, ut quem sciat non auditurum, etiam si Stentorem clamore vincat, neque rursum sua ipsius gratia. Satis enim erat illi, cogitare & cognoscere, vel sine voce. Nihil enim opus est, ut quis apud sese clamet. Superest igitur, ut ad hunc modum deliret ob eos qui adsunt, cum nesciat neque quid acciderit ipsi filio, neque quo concesserit: imo cum ne suam quidem ipsius vitam, cuiusmodi sit perpenderit. Neque enim alioqui ceu rem acerbam graviter ferret, illum ex hac demigrasse. Filius igitur huic ita responderit, exorato Aëaco atque Orco, quo liceat tantisper e specu proferre caput, dum patrem insanientem compefcat. Homo infelix quid clamas? Quid mihi molestus es? Desine vellicare comam, ac vultus etiam cutem lacerare. Cur mihi convitium facis, ac miserum appellas, & infortunatum, qui jam sum te multo tum melior, tum felicior? Aut quid acerbi mihi putas accidisse? An quia non sum factus senex talis, qualis es tu, capite calvo, facie rugosa; incurvus genibus, segnus, in summa, totus ætate putris, multis expletis Triacadibus & Olympiadibus, denique ad istum modum delirans apud testes tam multos? O demens, quid tibi videtur in vita boni, quo posthac non sumus potiturus? Nimirum comotationes dicis, ac cœnas, vestemque & concubitus, eoque metuis, ne rerum harum inopia peream. Non cogitas autem, longe bellius esse, non sitire, quam bibere, non esurire, quam edere, non algere, quam vestibus abundare. Age igitur, quandoquidem ignarus videris, docebo te lugere verius. Jamque denuo incepto luctu, clama. Fili miser, non amplius sities, non amplius esuries, non amplius algebis. Peristi mihi infelix, quod morbos effugeris,

A qui febrem jam non timeas, non hostem, non tyrannum: non amor discruciat te, non avocabit coitus, neque hujus rei causa bis aut ter quotidie perdes impensam. Heu calamitatem. Neque contemneris factus senex, neque molestus eris juvenibus, si quando conspiciaris. Hæc si dixeris pater, an non putas te multo veriora, magisque ridicula dicturum, quam ista quæ modo? At vide ne illud te male habeat, dum noctem, quæ apud nos est, magnamque cogitas caliginem: proinde metuis, ne tibi præfocer, conclusus in monumento. Verum in his illud oportebat perpendere; oculis putrefactis, atque adeo exustis (siquidem paulopost exurere me decrevistis) nihil opus erit, nec ad tenebras, nec ad lumen inspicendum. Atque ista fortassis utcunque ferenda. Verum ejulatus iste vester quid mihi confert? aut quid ista pectorum ad tibiam modos percussio? aut quid mulierum immodica lamentatio? Quid autem saxum, quod sepulchro imponitur, coronis ornatum? Aut quid valet, quod merum infunditis? Num putatis illud ad nos destillaturum, & ad Orcum usque permeaturum? Nam de parentalibus ipsi quoque, ni fallor, videtis quod ex apparatu potissimum ad nos redire debuerat, id fumo correptum, sursum in cœlum abire, neque quicquam juvare nos, qui inferne agimus. Porro quod superest, pulvis est inutilis, nisi creditis nos cinere vesci. Non est usque adeo sterile, neque infrugiferum Plutonis regnum, neque nos destituit Asphodelus, ut a vobis cibos huc deportemus. Itaque juro pro Tisiphonen, jam pridem mihi libebat vehementer exclamare super his, quæ & faciebatis, & dicebatis, sed vetabat linteum ac lanæ, quibus mihi fauces obligastis.

Atque ita profato, mori ultima lumina clausit.

Sed dicito per Jovem, si conversus ad eos mortuus ille loquatur hæc, cubito innitens, an non videbitur rectissime dicturus? Attamen vecordes isti vociferantur, & accersito quopiam lamentorum artifice, qui multas antiquas calamitates in unum congerat, certaminis adjutore, & amentiar chorago abutuntur, ubicunque coeperit ille, ipsi ad melos ejulatu respondentes. Verum quantum ad lamentationes attinet, omnibus eadem est ineptiendi consuetudo. At deinceps sepulturæ rationem in varios dividunt modos. Nam Græcus exurit, Persa defodit, Indus vitro oblinat, Scythia devorat, muria condit Aegyptius. Atque hic quidem (rem a me visam narro) desiccatum cadaver, convivam & compotorem adhibet: fit autem frequenter, ut Aegyptium aliquem indigentem pecuniæ, levet quantum ad lamentationes pater in tempore factus. Nam libationes, pyramides, columnæ, tituli, ad breve tempus duratura, an non supervacanea, & ludicris simillima? Sunt vero qui ludos quoque constituent ad sepulchrum, ac funebres orationes habeant, perinde quasi patrocinentur, ac testimonium perhibeant defuncto apud inferos iudices. Post hæc omnia, superest exequialis cœna. Jamque adsunt necessarii, ut defuncti parentes consolentur, suadentque uti cibum capiant, quanquam illi per Jovem non illibentes ad id compelluntur, quippe perpetuum jam triduum enecti fame. Et quousque quæso flebimus? Sine quiescant Plutonis manes. Quod si tibi deliberatum est omnino flere, vel ob hoc ipsum cibus est capiendus, quo tanto luctui par esse possis. Tum denique, tum ex omnibus contextuntur duo versus Homericæ:

Nam capis meminisse cibi Niobe auricapilla.

Tum illud:

Vita defunctos flere haud finit Achiros.

At capiunt quidem illi, sed initio pudibundi, verentesque ne post carissimorum obitum videantur adhuc affectibus humanis commoveri. Hæc atque his longe magis ridicula reperiet, quisquis observarit ea, quæ sunt in luctu, propterea quod vulgo existiment mortem summum esse malum.

ABDICATUS LUCIANI,

DESIDERIO ERASMO ROTERODAMO

INTERPRETE.

Quidam Abdicatus artem Medicinæ didicit. Patrem infania laborantem, reliquis Medicis desperantibus, dato pharmaco cum sanasset, denuo receptus est in familiam. Post hæc novercam infania correptam sanare jussus, abdicatur.



HABD quaquam nova sunt hæc judices, neque miranda, quæ in præsentia facit pater, neque nunc primum ad hunc irascitur modum, verum hæc lex illi facilis est, & assuetus ad hanc causam accedit. Verum illud mihi novo calamitatis genere accidit, quod cum nullum proprium sit crimen, quod mihi possit imponi, tamen in periculum vocor, ne poenas dem artis nomine, nisi huic jubenti per omnia parere possit. Quæ quidem & quid fieri possit absurdus? uti curem ex præscripto, non jam quatenus ars valeat, sed patris arbitratu. Quare optarim equidem ut Medicorum ars, ejusmodi quoque remedium aliquod haberet, quod non modo laborantes infania, verumetiam præter æquum irascentes liberare possit, nimirum quo liceat & patris iracundiæ mederi. Nunc autem ipsa quidem infania levatus est, cæterum iracundia magis etiam exasperatur. Quodque est omnium gravissimum, erga cæteros omneis sanus est, in me unum insanit, a quo morbo fuit liberatus. Videtis igitur cujusmodi mercedem curationis feram, cum rursus ab illo abdicor, iterum alienor a familia, ceu ob id ipsum ad breve tempus receptus, ut majore infania sæpius ejicerer domo. At ego quidem in his quæ præstare queam, ne exspecto quidem patris jussus, ut qui pridem non accersitus ad opitulandum accefferim. Verum ubi res est ejusmodi, ut nulla omnino spes sit, tum nec aggredi velim. Porro in hac muliere multo etiam minus ausim, neque id temere. Siquidem reputo quæ in me facturus sit pater, si res non successerit, cum jam abdicet nondum aggressum curationem. Quare doleo Judices, novercæ vicem, graviter laborantis. Erat enim proba. Deinde patris nomine, quem hujus morbus excruciat. Maxime tamen mea ipsius causa, qui videar immorigerus patri, cum non possim quæ jubeor præstare, partim ob morbi magnitudinem, partim ob artis imbecillitatem. At sane non arbitror æquum esse ut abdicer, si quod efficere non queam, id ne recipiam quidem. Itaque quibus de causis prius abdicarit me, facile fuerit ex hoc negotio conjicere. Quanquam ad illas, opinor, satis respondi, ipsa post acta vita. Ad hæc autem quæ nunc objicit, pro virili sum responsurus, si prius de statu meo pauca vobis exposuero.

Ego intractabilis ille, & immorigerus, patrem dedecorans, & indigna genere meo patrans, id quidem temporis multa id genus vociferanti, ac sine fine oclamanti, paucis contradicendum esse duxi. Verum domo cedens, existimavi mihi gravissimi judicii instar fore, verumque calculum, ita actam deinde vitam, ut appareret me a paternis illis criminibus quam longissime abesse, sed potius honestissimis studiis dedisse operam, cumque optimis viris habuisse consuetudinem. Jam vero & ejusmodi quiddam prospiciebam, ac suspicabar fore, ut aliquando pater, qui non admodum animo constaret, mihi sine causa succenseret, falsa que in filium crimina strueret. Neque deerant qui ista morbi initium interpretarentur, minasque ac tela paulopost irruituri mali. Nempe odium absque causa, mores asperos, convitia parata, censuram severam, clamorem, iracundiam, in summa, omnia plena bilis, unde usu venturum credebam, in mihi aliquando arte Medicinæ foret opus. Proinde foras profectus, ac probatissimorum, quos in peregrinis regionibus nancisci potui, Medicorum usus doctrina, plurimo labore, vehementique animi studio artem perdidici.

Porro domum reversus, offendo patrem manifesta jam infania laborantem, & ab hujus loci Medicis desperantibus destitutum, qui non altius introspiciunt, nec admodum exacte morbos dijudicant. At ego sane sicuti par erat facere frugi filium, nec superioris abdicationis injuriam recordabar, neque ut accerserer operiebar. Neque enim erat quicquam, quod illi proprie imputare possem. Verum peccata illa omnia fuerant aliena. Nempe quemadmodum modo dicebam, ipsius morbi. Ergo cum invocatus accessissem, non sum equidem protinus medicatus: neque enim hic nobis mos est, neque id præcipit ars: verum illud omnium primum jubemur observare, sanabilis ne sit morbus, an insanabilis, atque artis terminos prætergressus. Ac tum si ejusmodi fuerit malum, ut commode possimus aggredi, aggredimur, totoque adnitimur studio, ut ægrotum servemus. Quod si viderimus jam invaluisse, superasque, nec manum admolimur omnino, idque vetustam quandam legem eorum, qui primi Medicinæ prodiderunt artem, secuti: qui negant tentandos esse morbos, qui jam invaluerunt. Itaque cum patrem adhuc intra spem esse perspicere, neque malum supra artis vires esse, diu observatis ac pensatis singulis, ita demum aggrediebar, ac pharmacum fidenti animo porrexi. Multi sane eorum qui tum aderant, suspectam habebant administrationem pharmaci, calumniantes curationem meam: jamque parabant in jus vocare me. Aderat autem & noverca pavida atque diffidens, non id quidem odio mei, sed quod metueret, utpote probe sciens illum graviter laborare. Nam sola noverat omnia, quippe familiaris & assidue convivens ægrotanti. Attamen ego nihil his rebus deterritus, sciebam enim futurum ut mihi signa non mentirentur, neque falleret ars, adhibui curam, observato tempore idoneo. Quanquam erant amici nonnulli, qui mihi consilium darent, ne fiderem, ne forte si res male successisset, majorem aliquam calumniam mihi accerserem, quasi patrem veneno ultus essem, memor injuriarum, quibus me affecerat. In summa, ille protinus convaleuit, pristinae redditus sanitati, cognovitque omnia. Familiares admirabantur: denique laudabat & noverca, ac palam omnibus utriusque nomine gaudebat, tum mihi laudem affecuto, tum illi ad sanam mentem reverso.

Atque hic quidem, nam illud de eo testari possum, neque cunctatus, neque quopiam his de rebus in consilium adhibito, simulatque rem omnem e familiaribus cognovit, irritam fecit abdicationem, ac denuo me filium fecit, servatorem ac beneficium appellans, confitens sese certum experimentum mei cepisse, deque illis ante factis semet excusans. Id factum compluribus attulit voluptatem, nimirum quotquot aderant probi. Cæterum urebat eos, quibus abdicationis filii jucundior fuerat revocatione. Proinde videbam tum non eodem modo ea re gaudentes omnes, sed erat cujus & colorem illico verti sensi, & oculos turbari, & vultum iracundum, quemadmodum ex invidia, odioque solet accidere. Nos igitur, ut est consentaneum, in complexibus & animi gaudiis versabamur, utpote utroque alteri reddito.

Cæterum noverca paulopost ægrotare protinus cepit, morbo, judices, gravi, & impotenti. Nam statim observabam, ut nascebatur malum. Neque enim simplex erat, aut levis infaniæ species, quin potius vetus quidam morbus, qui jam pridem delituerat in animi domicilio, erupit, victorque in apertum prodiit. Sunt autem nobis cum alia multa signa, insanabili laborantis infania, tum illud commune in hac ob-

servavi muliere. In cæteros placatior est, ac mitis, atque illis præsentibus conquiescit morbus. Quod si quem conspexerit Medicum, imo si vel audierit tantum de Medico, in hunc supra modum incenditur. Quod & ipsum argumentum est, illam gravi & insanabili teneri malo. Hæc cum perspicerem, equidem acerbè ferebam, miserebatque mulieris, ut debui, præter meritum tanto laborantis infortunio. Pater vero ob imperitiam, neque enim novit, vel originem mali, quo tenetur, vel causam, vel morbi magnitudinem, iussit uti medicarer, ac simile pharmacum exhiberem: arbitratus idem esse infantiæ genus, eundem morbum, eandem regrotationem, quæ similem curandi rationem admitteret. Verum ubi id quod erat verissimum dico, fieri nullo pacto posse, ut mulier servetur, fateorque me morbo imparem esse, indignatur, ac succenset, aitque me studio detrectare, ac mulierem destituere, mihi crimini vertens artis imbecillitatem. Atque huic quidem accidit, quod solet iis qui dolent. Succensent enim omnes iis, qui libere verum loquuntur.

Tamen ego sane pro viribus illi respondebo, tum meo ipsius nomine, tum artis. Ac primum quidem a lege sumam initium, per quam hic me parat abdicare, ut intelligat sibi non esse posthac eandem abdicandi facultatem, quæ prius fuit. Neque enim legislator omnibus, o pater, istam potestatem permittit, neque uti quoslibet filios, neque quoties libuerit, abdicent, neque quibuslibet de causis: Verum quemadmodum patribus concessit, certis de causis irasci, ita prospexit & liberis, ne id immerentibus accidat. Eaque gratia iussit, ne libera esset, ac citra iudicium vindicta: sed ad iudices vocat, æstimatores constituit, qui neque per iracundiam, neque per calumniam, quod iustum sit iudicent. Noverat enim frequenter accidere multis, ut ob causas iniquas ad iram commoverentur: hic quidem alicui falsæ calumniæ credens: ille famulo fidem habens, aut uxori cuiuspiam inimicæ. Quare noluit rem in iudicatam agi, neque indefensâ causâ liberos statim capi, vinciri que: verum & aquam infundit, & ratio redditur, & nihil inexcussum relinquitur. Quandoquidem solum hoc auctoritatis datur patri, ut ad iudices vocet: verum iudicandi auctoritas, an merito accuset, id penes vos, qui iudicio præsidetis ac nondum spectate crimen, quod mihi imponit, cuiusque gratia nunc indignatur: verum illud prius expendite, num posthac illi jus sit abdicandi, qui semel abdicaverit, jamque sit usus facultate, quam lex concedit, atque hanc paternam potestatem expleverit, deinde rursus in familiam receperit, ac superiorum abdicacionem irritam fecerit. Nam ego certe iniquissimum istud esse dico, ut liberorum quoque sint infinitæ poenæ, ut multæ condemnationes, ac metus perpetuus: utque lex nunc irato inserviat, mox deinde faciat irritum, quod actum est: rursus ut eodem modo valeat: in summa, ut jus sursum ac deorsum torqueatur, utcunque patribus pro tempore visum fuerit. Verum initio quidem æquum erat uti concederet, cumque indignante pariter indignaretur, ac puniendi jus faceret ei, qui genuisset. Porro ubi semel potestatem absumpserit, ac lege sit abusus, iracundiam expleverit, post hæc rursus in familiam receperit, & in hanc opinionem discesserit, ut frugi putet, in his perseveret necessum est, neque postea resiliendum, aut retractanda sententia, neque rescindendum iudicium. Neque enim scire poterat, opinor, is qui natus fuerat, frugi ne, an contra esset evasurus. Atque hanc ob causam permissum est, ut genere indignos abdicent, quos cum educabant, cuiusmodi essent futuri nesciebant. Cæterum ubi non coactus, sed suapte sponte atque auctoritate ex sese comprobatum recipit, quæ deinde ratione possit mutare factum, aut quis legis usus superest? Etenim ipse legislator hunc ad modum tecum egerit. Hic si improbus erat, dignusque quem abdicares, quid accidit uti revocares? Cur denuo in familiam reduxisti? Cur legem irritam fecisti? Nam liber eras, tibi que in manu erat ista non facere. Neque enim tibi concedendum est, ut legibus tuo arbitratu abutaris, utque iudicia utcunque mutatus sit animus tuus, eo trahantur. Neque uti nunc irritentur leges, nunc rursus valeant, iudices interim testes sedent, vel ut rectius dicam, ministri tuæ voluntatis, modo punientes, modo absolventes, quandocunque tibi visum fuerit. Semel genuisti, semel educaisti, pro his semel item abdicare potes, atque ita potes, si istud merito facere videaris: verum ut hoc

A fiat sine fine, ut perpetuo, ut frequenter, ut facile, id vero supra patris jus est.

Quare per Jovem, iudices, ne permittatis huic, ut qui sua sponte receperit, superioris iudicii sententiam irritarit, iram damnarit, rursus ad eandem provocet poenam, & ad patriam recurrat potestatem, cuius tempus jam excessit, evanuitque privilegium, nec huic uni quicquam valens, quippe antehac consumpta. Etenim illud considerate, quemadmodum in reliquis iudiciis, ubi iudices sortibus ferunt sententiam, si quis perperam pronunciatum existimat, permittitur alios adire iudices. Porro si qui ipsi suapte sponte iudices constituerint, delectisque arbitris causam commiserint, posthac non idem licet. Etenim si quis, quorum sententiis initio stare non cogebatur, hos sponte delegerit, jam æquum est boni consulere quæ statuerint. Itidem sane tu quoque, quem antea liberum erat non recipere, nisi dignus maioribus videretur, hunc si probum arbitratus esse, denuo recepisti, jam deinde non erit abdicandi jus. Siquidem indignum esse in quem ista denuo fiant, ipse testatus es, jam de integro frugi filium esse confessus. Itaque non convenit poenitere receptionis, sed firma reconciliatio sit oportet, nimirum post toties pronunciatam sententiam, ac rem bis iudicatam, primum cum abdicares, iterum, cum ipse mutasti consilium, meque in familiam revocaisti, rescissis decretis superioribus, confirmans illa quæ postea sunt placita. Proinde persevera in his quæ proxime statuisti, tuumque ipsius iudicium serva. Pater sis oportet, quandoquidem id abs te decretum, id probasti, id ratum fecisti. Ego quidem si natura non essem filius, sed adoptatum abdicare velles, ne tum quidem existimarem tibi licere. Quod enim initio liberum erat non facere, id semel factum, iniquum est rescindere. Porro eum qui primum natura sit filius, postea iudicio, sententiaque accersitus, quæso num par est rursus expellere, & eadem familiaritate privare sæpius? Age quid si forte servus essem, ac tu quidem primum improbum esse ratus, in vincula conjecisses, deinde ubi cognitum est me nihil peccasse, manumissis, num tibi liceret, utcunque contingerit irasci, rursus in eandem revocare servitutem? Minime liceret. Istiusmodi igitur acta, leges firma volunt esse, ac perpetuo valere. Ego cum pluribus etiam argumentis docere possim, non esse jus huic abdicare denuo, quem semel abdicatum, sponte sua receperit, tamen finem faciam.

Nunc spectate cuiusmodi filium parat abdicare. Atque illud nondum dicam, me tum imperitum abdicatum fuisse, nunc abdicari Medicum (nihil enim mihi in hac causâ suffragetur ars) tum juvenem, nunc ætate provectum, ut actas etiam ipsa fidem faciat, me nihil peccasse. Nam leve fortassis hoc quoque: verum tum quidem, etiam si nullo commissso peccato, ut ego quidem dixerim, sed nec benemeritis, alienabar a familia. Nunc porro cum nuper salutem dedderim, ac beneficus extiterim, exigor. Quare quid fieri potest ingratus? ut mea servatus opera, tantoque elapsus a discrimine, protinus sanationem illam huiusmodi factis perferet, nulla meritorum habita ratione, sed usque adeo facile mandavit oblivioni, atque in solitudinem abigat eum, qui iure sit obsecutus, cum præter jus ejiceretur, neque solum non meminerit injuriæ, verum etiam & salutem attulerit, & sanæ menti restituerit? Neque enim exiguo iudices, neque vulgari in hunc collato beneficio, tamen huiusmodi malis nunc videor dignus. Porro quamquam hic ignorat, quoniam in statu tunc fuerit, vos tamen omnes nostis, quid facientem hunc, simul & patientem, & quibus affectum modis, ego curandum susceperim, ac Medicis reliquis desperantibus, fugientibus familiaribus, nec propius accedere audentibus, talem reddidi, ut etiam acculare possit, ut de legibus differere. Quin magis si exemplum queris pater, cum propemodum talis esses, qualis nunc est uxor, ad pristinam sanitatem revocaui. Quare non est æquum, ut pro his officiis, huiusmodi mihi gratia reponatur, utque in me unum tantummodo sanus sis. Etenim te non mediocribus a me beneficiis affectum esse, vel ex his ipsis liquet, quibus me criminaris. Nam quem ob hoc odio persequeris, quod uxorem extremo laborantem periculo, gravissimeque affectam non sanem, qui sit, ut eundem non multo potius carissimum habeas, quum simili morbo liberarim? non gratias agas, tam acerbis creptus malis? At tu, quod quidem est ingratisimum, simul atque ad te redisti, protinus in jus trahis: salute donatus, punis,

&c

& ad vetus recurris odium, eandem recitas legem. Egre-
giam igitur mercedem persolvis arti, dignamque pro reme-
dijs refers gratiam, qui quidem adversus Medicum tantum
sanus es.

Vos autem, iudices, huic concedetis, ut de benemerito
poenas sumat, ut salutis auctorem expellat, ut eum qui sani-
tati restituerit, oderit, ut per quem revixit, ulciscatur. Haud
profecto concedetis, siquidem quod æquum est, facietis.
Etenim si maximum aliquod flagitium in præsentia com-
missem, tamen superioris beneficii nomine non mediocri-
ter mihi debebat: cuius respectu, memoriaque conveniebat
hunc præsentem injuriam negligere, & ob illa priora facile
ignoscere: maxime si tam ingens sit beneficium, ut omnia
superet, quæ postea possint accidere. Quod equidem mihi
in hunc competere puto, quem servavi, qui mihi totius vitæ
debitor est: cui præstiti ut sit, ut sapiat, ut intelligat: præ-
sertim cum cæteri omnes jam desperarent, seque morbo im-
pares esse faterentur. Nam & illud, opinor, ad meriti mei
cumulum accedit, quod cum id temporis filius non essem,
cum nihil esset causæ, quæ me cogeret curationem suscipere,
verum cum liber essem, atque alienus, a naturali causâ
solutus, tamen haud dissimulavi, sed ultroneus, invocatus,
injustus adii, succurri, adnissus sum, sanavi, restitui, meum
ipsius patrem servavi, de abdicatione me purgavi, iram be-
nevolentia sedavi, legem p. etate sustuli, magnoque benefi-
cio redditum in familiam emi, atque in tempore adeo pericu-
loso fidem erga patrem demonstravi, meque ipsi artis au-
xilium insinuavi, ac tristibus in rebus legitimus filius apparui.
Quam multa enim me fuisse passum arbitramini, quantum
& exhaustis laborum? dum adsideo, dum observo,
dum opportunitates capto, nunc cedens patris vehemen-
tiæ, nunc artem admovens ad breve tempus co. cedente
morbo. Est autem hoc omnium quæ sunt in arte
Medicorum periculosissimum, huiusmodi medicari, ac prop-
rius accedere ad hos, qui ad eum sunt affecti modum. Fit
enim non raro, ut exaltuante malo, rabiem in proximos
exerceant. Me tamen nihil horum piguit, neque gravatus
sum, verum aderam, modis omnibus cum morbo luctans,
postremo superavi pharmaco. Ne vero quisquam hoc audi-
to, protinus apud se cogitet. Quis aut quantus labor mihi
ce. re pharmaco. Etenim multa prius sunt facienda, præ-
struenda via dando pharmaco, præparandum corpus, quo
facilius recipiat medicationem, deque corporis habitu iol-
licitus sit Medicus oportet, inaniens, extenuans, cibis idole-
nicis alens, movens ad omne quod conducit, somnos accer-
sendi rationes excogitans, solitudines arte reperiens. Qui-
bus in rebus ægroti cæteri facile parcant. At qui laborant
infantia, ob animi libertatem intractabiles sunt, ac guber-
nati difficiles, ipsique Medico periculosi, neque qui facile
cura expugnentur. Proinde sapen. numero cum effecerimus,
ut jam speremus proxime adesse morbi finem, leve aliquod
erratum incidens, renovato malo, cuncta illa superiora fa-
cile subvertit, curationem impedit, artem fallit.

Eum igitur qui hæc omnia sustinuerit, qui cum morbo
tam gravi sit luctatus, qui malum malorum omnium expu-
gnatum difficillimum vicerit, huic ut iterum abdicet per-
mitteris, utque leges in benemeritum interpretetur suo ar-
bitratu concedetis, atque eum cum ipsa natura bellum ge-
rere sinetis? Ego naturæ parens, iudices, patrem mihi ipsi
fervo, custodioque, etiam si hic quidem injuria me afficiat.
Quod si filium benemeritum, leges, ut ait, secutus, perdit, &
a familia alienat: hic nimirum liberorum os oritur: ego pius
in patrem. Ego naturam amplector. Iste naturam conte-
mnit, fasque & jus violat. O patrem injuste prosequentem
odio! O filium injustius amantem! Nam mihi ipsi vitio
verto, patre compellente, quod odio habitus, cum præter
causam amo, & magis amo quam oporteat. Atqui natura
comparatum est, ut patres liberos ament magis, quam li-
beri parentes. Verum hic studio leges contemnit, quæ fi-
lios nihil comm. meritos familiæ servant, tum naturam, quæ
parentes ad vehementis natorum desiderium incitat. Non
solum enim cum plures habeat in me benevolentia cau-
sas, majorem, uti debebat, benevolentiam non adjungit
atque addit, aut quod est minus, me saltem imitatur, meum-
que amulatur amorem: sed o calamitatem, quin insuper
odit amantem, caritate prosequentem expellit, beneme-
rentem lædit, contem. centem abdicat, legesque liberis fa-

ventes, ceu liberis infensas, in me torquere conatur. O bel-
lum, quod contra naturam legibus moves, pater! Non
sunt ista, non sunt, inquam, quemadmodum tu vis: leges
bene conditas, male interpretaris, pater. Non pugnat na-
tura cum lege, in his quæ ad benevolentiam pertinent. Hic
inter sese consentiunt, & altera utrique auxilio est ad de-
lendas injurias. Contumelia afficis benemeritum. Offen-
dis naturam. Cur legibus quoque simul cum natura facis
injuriam? Quæ cum honestæ, justæ, liberorum amantes
esse cupiant, non pateris esse: quippe quas adversus unum
filium, tanquam adversus multos sæpius tentes. Nec finis
in suppliciis quietem invenire, quæ velint in benevolentia
liberorum erga parentes conquietescere: quanquam alioqui
ne positas quidem adversus eos, qui nihil peccarint. At sane
leges ingratitudinis actionem concedunt in eos, qui bene-
meritis non retulerint gratiam. At qui non solum non refert
gratiam, verumetiam punire conatur ob ea ipsa, quibus
adjutus est beneficio, considerate num quicquam facere
possit iniquius? Itaque non posse hunc jam abdicare denuo,
qui paternam potestatem semel expleverit, ac lege sit usus:
præterea non esse æquum, eum qui tanta præstiterit bene-
ficia, expellere, familiaque exigere, satis opinor demon-
stratum.

Nunc autem ad ipsam abdicationis causam veniamus, &
crimen cujusmodi sit expendamus. At rursus ad mentem
ejus qui legem condidit, recurramus necesse est. Etenim
ut istud tibi donemus ad breve tempus, licere quotiescun-
que velis abdicare, utque præterea potestatem istam tibi
largiamur, etiam adversus benemeritum, haud tamen sim-
pliciter, opinor, neque quibuslibet de causis abdicabis. Ne-
que hoc dicit legis conditor: Quicquid utcumque crimina-
tus fuerit pater abdicato, ut satis sit tantum voluisse queri.
Nam si id esset, quid opus erat iudicio? Verum vos istud
expendere jubet, iudices, num gravibus ac justis de causis
irascatur pater, necne. Hoc igitur in præsentia conside-
rate.

Exordiar autem ab iis, quæ protinus huius instantiam sunt
consecuta. Jam primum omnium quod fecit sancte menti
redditis, illud erat: Rescivit abdicationem. Ego serva-
tor, beneficus, breviter omnia erat. In his nisi fallor, ni-
hil adhuc esse poterat, quod cum criticè videretur esse
conjunctum. Deinde quid est omnium quod accusat? Quod
obsequium, quam curam filio dignam prætermisi? Quan-
do foris cubui? quas intempestivas potationes, quas come-
stationes objicis? Qui luxus? Quis leno pulsatus est? Quis
accusavit? Nemo profecto. Atqui hæc sunt, ob quæ præ-
cipue lex permittit abdicare. Cæterum coepit ægrotare no-
verca. Quid istud mihi vertis crimini? morbi que poenam a
me reposcis? Non reposco, inquit. Sed quid? Quod eam
curare jussus recusas, ob hoc dignus fueris qui abdiceris,
quippe immorigerus patri. Ast ego quidem cujusmodi sunt
ista quæ jubet, in quibus quia non possim obsequi, videor
immorigerus, paulisper differam. Sed illud prius in totum
dico. Neque lex huic concedit, ut quidvis imperet, neque
mihi necesse est in omnibus omnino parere. Quædam enim
mandata sunt huiusmodi, ut si non parueris, non sis obno-
xius poenæ. Quædam id genus, ut nisi obtemperaris, ira,
supplicioque sis dignus: veluti si ægrotes ipse, & ego non
curem. Si quid rerum domesticarum curandum sit, & ego
negligam. Si quid rem rusticam curandam mandes, atque
ego recusem. Hæc omnia atque id genus alia, probabiles
adferunt causas paternæ querelæ. Porro cætera nostri sunt
arbitrii, nempe quæ ad artes, & artium usum pertinent:
Maxime si nulla in re fiat injuria patri. Jam si cui pictori
præcipiat pater. Hæc pinge, fili, illa, nequaquam: Rur-
sum musico, hanc pulsâ harmoniam, illam ne pulsa: Tum
fabro ærario: Ista cude, illa ne cude: num quisquam hunc
patietur abdicare filium propterea, quod non ex ipsius ar-
bitrio artem exerceat? Nemo opinor. Atqui medendi ars,
quanto est honoratior, vitæque conducibilior, tanto con-
venit esse liberiores qui hac utuntur: ac justum est, ut ars
aliquo gaudeat privilegio in exercendi facultate, ut neque
cogatur usquam, neque ferat imperium, res sacra, Deorum
doctrina, virorum eruditorum cura: neque in servituti
trahatur legis: neque timori, poenisque tribunalium, ne-
que calculis, ac patris minis, & indocti hominis iræ sit ob-
noxia. Proinde si tibi palam ac simpliciter ad hunc modum

respondiſſem: Nolo curare cum poſſim, ſed artem ſoli mihi didici, ac patri, cæteris omnibus imperitus eſſe volo: quis eſt tyrannus uſque adeo ferox, ut cogat etiam nolentem uti arte? Siquidem iſtiusmodi officia blanditiis, precibusque, ni fallor, non legibus, ira, judiciis, convenit elicere: perſuadere Medico oportet, non jubere, ut velit, non ut metuat: neque ad ſanandum adigendus eſt, ſed ultro ac lubens accedat oportet, immunis a compulſione patris. Immunis eſt ars ipſa, quandoquidem civitates quoque publicitus honores, præ eminentias, immunitates, privilegia Medicis tribuunt.

Hæc igitur in genere poteram artis nomine reſpondere, etiamſi tu me illam docuiſſes, ſi multum ſtudii, multum pecuniarum inſumpſiſſes, ut diſcerem, & unam hanc curationem, etiam ſi ejuſmodi eſſet, ut præſtare poſſem, recuſaſſem. Nunc illud cogita, quam rem modis omnibus ingratiſſimam & iniquam facias, qui non ſinas me, a meipſo mihi partis libere uti. Hanc ego artem tum cum non eſſem filius tuus, perdidici, neque tuis ſubjectus legibus. Atque hanc tamen tibi didici. Huius fructum primus ſenſiſti, cum nihil adjuvanti contuleris ad eius cognitionem. Quem præceptorem mercede conduxiſti? Quem pharmacorum apparatus comparaviſti? Nullum omnino. Verum inops, ac rerum neceſſariarum indigens, a præceptoribus mei miſeritiſſimam edoctus. Nam abſte te patre huiusmodi mihi dabatur ad diſcendum viaticum, moleſtia, ſolitudo, egeſtas, familiarium odium, cognatorum averſatio. Pro iſtis itaque factis poſtulas uti arte mea, viſque earum rerum eſſe dominus, quas mihi paravi tum, cum mihi non eſſes dominus. Boni conſule, ſi quid antehac ultro, nullo provocatus officio, bene de te ſum meritis, cum nullo nomine ullam abſte gratiam poſſem repoſcere. Cæterum non convenit ſane, ut meum beneficium mihi in reliquum tempus pariat neceſſitatem: ut quod volens beneficio juvi, vertatur in occaſionem, ut poſtea nolenti præcipias: jamque in conſuetudinem trahatur, ut qui ſemel ſanaverit aliquem, ſemper deinde curet omnes quoscuſque volueritis, qui ſanatus eſt. Etenim ad iſtum modum fieret, ut quos curaremus, eos dominos nobis creaverimus, noſque metipſos illis tradiderimus, mercedis loco ſervitutem accepturi, & ad omnia quæ juſſerint obtemperaturi; Quare quid eſſe poteſt iniquius? Quoniam te graviter adeo laborantem reſtitui, ob id exiſtimas tibi jus eſſe arte utendi mea?

Atque hæc quidem dicere poteram: ſi mihi hic imperaſſet ea, quæ meæ ſint facultatis, atque ego non omnino modis omnibus, vel invitatus obtemperaſſem. At nunc tandem perpendite, cujuſmodi ſint huius imperata. Quandoquidem, inquit, me laborantem infania, ſanaſti: infanitiſſimam autem & uxor, eodemque tenetur morbo (ſic enim opinatur) & a cæteris Medicis ad eundem modum deſtituta eſt: tuque poteſ omnia, id quod re demonſtraſti: ſanato hanc quoque, ac morbo levato. Id ſi quis ſimpliciter ad hunc audiat modum, vehementer æquum videatur, præſertim illiterato, artiſque Medicinæ imperito. Sin autem me auſcultetis artis nomine reſpondentem, intelligetis nimirum nec omnia eſſe noſtræ facultatis, neque conſimiles morborum naturas, nec eandem medendi rationem, nec eadem remedia in omnibus efficaciam. Ac tum palam fiet, quantum interſit, nolis quippiam, an non poſſis. Vos interim patienter auſcultate me, hiſce de rebus philoſophantem: exiſtimantes nec inelegantem fore, nec extra cauſam, nec alienam a re, nec intempeſtivam de hiſ diſputationem.

Jam primum naturæ corporum, ac temperaturæ, haud quaquam eadem ſunt: tametſi maxime in conſeſſio eſt, iſſidem ex elementis conſtare. Verum alia de hiſ, alia de illis magis aut minus participant: idque loquor adhuc de corporibus virorum, quæ neque ſimilia ſunt omnibus, neque eadem temperatura, neque eadem conſtitutione. Unde neceſſario conſequitur, ut morbi quoque tum magnitudine, tum ſpecie differentes, hiſ accendant: utque alia ſanatu ſint facilia, atque ad curationem ſponte propenſa: alia rurſum proriſus deſperata: ut quæ & facillime corripiantur, & graviffime a morbis prehendantur. Proinde ſi quis exiſtimet, quamlibet febrem, aut quamvis tabem, aut peripneumoniam, aut infaniam, quolibet in corpore unam atque eandem eſſe genere: iſ non videatur ponendus inter ſobrios, neque doctos, neque inter eos qui in rebus huiusmodi exquirendis elaborarunt.

Quin idem malum in hoc corpore facile ſanabitur, in hoc minime. Quemadmodum videlicet triticum, ſi idem in diverſos ejicias agros: aliter proveniet in plano ſolo, profundo, irriguo, aprico, ventis ſalubribus expoſito, exculto, nimirum ubere, læto, copioſoque fructu: Rurſum aliter in montuoſa, petricoſaque terra, aliter in opaca, aliter in ſubjecta montibus. In ſumma: pro cujuſque loci diverſa natura, varie proveniet. Itidem & morbi, pro ratione corporum, in quæ inciderint, aut majores & uberiores, aut minores eveniunt. Verum hiſ omiſſis pater, nec omnino diſcuſſa re, vult quamvis infaniam in quovis corpore conſimilem eſſe, ſimilemque deſiderare curationem. Super hæc tam multa, muliebria corpora plurimum differre a virorum corporibus, vel ad morbi corruptionem, vel ad ſanandi ſpem, aut deſperationem, facile fuerit cognoscere. Siquidem virorum corpora bene compacta ſunt, nervoſa: laboribus, agitationibus, vita ſub dio acta, exercitata. Contra ſcæminarum, flaccida, male compacta, in umbra alita: Candida ob ſanguinis inopiam, caloriſque penuriam, & humoris ſupervacanei abundantiam. Quare facilius corripiuntur, quam virorum: utpote morbis expoſita, nec ferentia curationem: præcipue vero ad infaniam procliviora. Nam cum multum habeant iracundia: ac levitatis, facileque commoveantur: porro corporis exigua ſint vires: facile in hoc malum prolabantur. Proinde non convenit, in utriſque eandem a Medicis ſanandi rationem requirere: cum intelligatis, hæc ab illis longiſſimo diſtare intervallo, jam ab ipſo protinus ortu diſcreta, tum tota vitæ ratione, tum actionibus omnibus, tum ſtudiis atque exercitiis univerſis.

Quare cum dicis, Infania laborat: adde hoc quoque, laborat mulier. Neque confundas hic omnia ſub unam & eandem infaniæ referens appellationem. Verum diſcretis iis, quemadmodum & natura diſcrevit, quid in quoque præſtari poſſit conſidera. Nam nos, quemadmodum initio dixiſſe memini, illud in primis ſpectamus: ægroti corporis naturam, ac temperaturam: & cujuſ qualitatis magis ſit particeps, calidius an frigidius, vigenſ an ætate deſiciens, magnum an puſillum, craſſum an macilentum: reliquaque id genus omnia. Quæ ſi quis penitus expenderit: iſ demum erit idoneus cui fides habeatur, vel deſperanti, vel recipienti. Quandoquidem & infaniæ innumerabilia ſunt genera, & cauſæ complures: nec vocabula quidem eadem. Neque enim idem deſipere ac delirare, rabire & infanire. Verum hæc omnia nomina ſignificant magis aut minus obnoxium eſſe morbo. Porro cauſæ aliæ ſunt viris, aliæ ſcæminis. Rurſum inter ipſos viros, aliæ juvenibus, aliæ ſenibus: puta juvenibus immodica ferme repletio: ſenibus autem importuna calumnia, ira impotens, quæ ſæpenumero incidit adverſus domeſticos. Hæc initio perturbant animum: deinde paulatim vergit in infaniam. Porro mulierum corpora & multæ res infeſtant, & facile in morbum adducunt: præcipue vero ſi quem oderint vehementius, aut ſi invident inimico, ſecundis rerum ſucceſſibus utenti: aut ſi quid moleſtum ſit: aut ſi cui ſuccenſcant. Hæc paulatim ſubglicentia, multoque alita tempore, tandem in infaniam evadunt. Ejuſmodi rerum aliquid uxori quoque uſu venit pater: & haud ſcio, an nuper aliquid illi ægri tudinem aliquam attulerit. Nihil enim illa oderat, quanquam morbo ſane tenetur, neque hiſ malis ullius Medici cura poterit eripi. Quod ſi quis alius ſe facturum receperit, aut ſi quis eam liberarit: tum me oderis licet, velut injurium. Tametſi ne illud quidem verebor dicere pater: Etiamſi non proriſus eſſet, ut eſt, deſperandum: ſed adhuc aliqua ſalutis ſpes levis oſtenderetur, ne ſic quidem facile manum admoverem: neque ſtatim auderem miniſtrare potionem: videlicet veritus fortunam, ac multorum hominum obtreccationem. Vides, ut omnes arbitrantur, privignos inviſos eſſe novercis omnibus, etiam ſi probæ fuerint: eaſque hanc ceu communem quandam mulierum infaniam infanire: Quare facile ſupicatus fuiſſet aliquis, ſi malum hoc ſecus eveniſſet, neque profuiſſent remedia, perſidam ac dolofam fuiſſe curationem. Atque uxoris quidem res pater ad hunc ſefe habent modum: idque loquor, quod proriſus exploratum habeo: nunquam melius eſt habitura, etiam ſi millies biberit pharmacum: eoque non operæ precium conari, niſi me in hoc ſolum urges ut fruſtrer: idque viſ ut ſcædam mihi famam accerſam. Patere, ut mihi ejusdem artis profeſſores invident. Quod ſi me rurſum

sum abdicaris, ego quidem etiam si ab omnibus deferar, tamen tibi nihil imprecabor grave. Sed quid si (quod avertat Deus) redeat morbus: solent istiusmodi ferme mala irritata recurrere, quid erit mihi faciendum? Curabo, ut nosti, tum quoque: neque unquam defuturus sum officio, quod liberis natura præscripsit, neque generis, quoad in me fuerit, obliviscar. Deinde si resipueris, num credere debeo futurum, ut me denuo recipias, illud vide. Jam ista quum facis, accerfis morbum, pestemque refricas: heri ac nudius tertius e tantis elapsus malis, contendis, vociferaris, quodque gravissimum est, irasceris, ad odium propensus es, leges revocas. Hei mihi pater, istiusmodi fuerant superioris infantiæ tuæ procemia.

ICAROMENIPPVS, SIVE
HYPERNEPHELVS.

TER mille igitur erant stadia a terra usque ad lunam, ubi prima nobis fuit mansio. Porro hinc fursum ad solem parafangæ ferme quingentæ. Rursum ab hoc usque ad ipsum denique coelum, arcemque Jovis in edito sitam, tantum fere spaciū fuerit, quantum aquila probe succincta, atque expedita queat uno die peragere. AMIC. Dic mihi per Gratiæ, Menippe: quæ sunt ista quæ de astris loqueris, actacitus tecum supputas? Etenim jamdudum te assēctans, audio soles & lunas: præterea autem & magnifica ista, mansiones ac parafangas, peregrina quædam commemorantem. MENIP. Ne mireris amice, si sublimia, ac reaque tibi videor loqui, nam summam apud me reputo nuper actæ peregrinationis. AMIC. Nimirum Phœnicum exemplo viam stellis notaras. MENIP. Haud quaquam per Jovem: quin magis ipsis in stellis sum peregrinatus. AMIC. Papæ, longum profecto somnium mihi narras. Siquidem totas edormisti parafangas insciens. MENIP. Quid ais? Somnium tibi referre videar, qui modo ab ipso Jove ipse reverfus adsum? AMIC. Quid audio? Itane Menippus nobis a Jove delapsus adeste coelo? MENIP. Ita sane. Ego tibi ab ipso illo summo Jove hodie venio, rebus interim dictum miris, & auditis, & conspectis. Quod si non credis, equidem hoc ipso nomine supra modum gaudeo, cum supra fidem esse video meam felicitatem. AMIC. Et quo pacto, divine atque Olympie Menippe, mortalis cum sis, ac terrestris, quem non credere viro, qui nubes superarit, quique ut Homericis dicam verbis, Jam sit coelitem e numero unus? Verum illud mihi dicito, si molestum non est, quibus modis in altum subvectus es, aut unde nactus scalas tanta magnitudine? Nam quantum ad faciem ac formam attinet, non es admodum similis illi Phrygio: ut conjectare possimus, te quoque ab aquila raptum fuisse, quo pocillatoris alicubi munere fungeris. MENIP. Non me clam est te jamdudum irridere. Neque vero id omnino mirum, si narrationis novitas tibi fabulæ videtur adsimilis. Cæterum ad conscensum nihil mihi erat opus, neque scalis, neque uti pueri illius in morem ab aquila raperer: propterea quod alæ mihi essent propriæ. AMIC. Jam vero istud quod narras, vel ipsum Dædali factum superat. Siquidem præter alia, nobis inscientibus, milvius quispiam aut graculus ex homine factus es. MENIP. Recte amice, neque procul a scopo conjecisti. Etenim illud Dædali de alis inventum ipse quoque sum machinatus. AMIC. At interim omnium audacissime, non veritus es, ne tu quoque alicubi in mare delapsus, Menippeum aliquod pelagus tibi cognomine redderes: quemadmodum ille Icarium? MENIP. Nequaquam: Siquidem Icarus cum alas haberet cera adglutinatas, eaque quam primum ad solem esset liquefacta, defluxis alis, non mirum si decidit. At nobis citra ullam ceram erant pennæ. AMIC. Istud qui fieri potuit? Jam enim haud scio quo pacto paulatim me adducis, ut vera videantur, quæ narras. MENIP. Ad hunc ferme modum. Aquilam egregie magnam, tum autem & vulturem validum arripui. His cum alas una cum ipsis brachiis præsecuissim. Quin potius si vacat totius commenti rationem ordine tibi percensebo. AMIC. Mihi quidem vel maxime narratio adeo sublimis a fermento tuo pendet: jamque ad narrationis finem inhio. Ne vero me negligas, per Jovem amicitia præsidem, auribus in aere suspensum ob tuam narrationem. MENIP. Ausculta igitur. Neque enim civile fuerit, si spectem amicū ore hiantem relictum: eumque quemadmodum tu ais, ab auribus suspensum. Ego igitur cum expendens ea quæ

A sunt in vita mortalium, protinus omnes res humanas repperissem ridiculas, humiles, instabiles: nempe opes, imperia, magistratus: contemptis his, atque horum studio, adjectoque animo ad ea quæ vere sunt bona, conatus sum ab his tenebris emicare, & ad universi naturam suspicere. Atque hic mihi multam attulit hæsitacionem: primum hic ipse quia sapientibus appellatur mundus. Neque enim invenire poteram, neque quo pacto factus fuisset, neque quo opifice: neque quid esset illius vel initium, vel finis. Deinde cum particulatim contemplerer, multo etiam magis ambigere sum coactus. Quippe qui viderem stellas temere per coelum disjectas. Tum solem ipsum, quid tandem esset, scire gestiebam. Super omnia vero quæ lunæ accidebant, mihi videbantur absurda ac plane mira: putabamque causam aliquam arcanam & inexplicabilem esse, cur illa subinde speciem formamque variaret. Quinetiam fulgur emicans, tonitru erumpens, tum pluvia, nix, grando e sublimi demissa: videbantur hæc quoque omnia conjectu difficilia: quæque nullis notis deprehendi possent. Itaque cum ad eum modum essent affectus: optimum facti ratus sum, ut horum unumquodque a Philosophis istis perdiscerem. Siquidem existimabam illos veritatem omnem docere posse. Quare cum ex illis præstantissimos delegissem, quantum mihi conjectare licebat, e vultus austeritate, eque coloris pallore, ac barbæ profunditate: Miram enim ut mihi ex ipso protinus aspectu sublimiloquos quosdam, & celestium rerum peritos viros præ se ferebant: His ubi memet docendum tradidissem magna pecunia, quam partim eveſtigio præsentem numeravi, partim tum me persoluturum sum pollicitus, ubi ad Philosophiæ summam perventum esset, non gravabar erectus ad nugas doceri, & universi dispositionem discere. At illi tantum aberant, ut me pristina liberarent inscitia, ut in majores etiam dubitationes conjecissent: principia nescio quæ, ac fines, tum inſecabilia, inanitia, sylvas, ideas, atque id genus alia, mihi quotidie offundentes. Verum illud interim mihi videbatur omnium esse gravissimum: quod cum nihil inter illos conveniret, verum pugnantia, diversaque inter se omnia loquerentur: tamen postulabant, ut sibi fidem haberem, ac ad suam quisque rationem me conabatur adducere. AMIC. Rem absurdam narras, si viri cum essent sapientes, inter sese de rebus factiose dissidebant: neque de iisdem eadem probabant. MENIP. Atqui rideres, Amice, si audieris illorum arrogantiam, & in differendo prodigiosam confidentiam. Qui quidem cum humi ingrederentur, nihiloque præstantiores essent nobis, qui super terram ambulamus, ne cernentes quidem acutius quam quivis alius adſtans, nonnulli cæcutientes etiam senio atque inertia: tamen & coeli terminos perspicere sese profitebantur: solem quoque ipsum dimetientes, & ea quæ supra lunam sunt, aggredientes: Ac perinde quasi ex ipsis delapsi stellis, ita & magnitudinem illarum, & figuram explicabant. Ac sæpenumero cum forte ne illud quidem certo scirent, quot stadiis a Megara abessent Athenæ: tamen spaciū, quod interest inter solem & lunam, quot esset cubitorum, audebant pronunciare: tum aeris altitudinem, maris profunditatem, terræ ambitum dimetientes. Adhæc, circulos depingebant, ac triangulorum figuras super quadrangulos inducentes, neque non sphaeras quasdam picturatas, coelum scilicet ipsum metientes. Jam vero illud an non insulsum, & insignis arrogantia? quod cum de rebus usque adeo incertis loquantur, nihil tamen ita proponunt, quasi conjecturis ducantur: verum supra modum contendunt: neque ullum vincendi locum aliis relinquunt, tantum non jurejurando confirmantes Solem massam esse candefactam, incoli Lunam, Stellas aquam potare, idque Sole veluti situla quadam per funem demissa, vaporem e mari attrahente, atque illis omnibus ordine potum distribuyente. Nam quanta sit in dictis pugnantia, id haud difficile fuerit cognoscere. Jam mihi specta per Jovem, num illorum decreta inter se consentiant, ac non magis longissimis disticta intervallis, quandoquidem primum de ipso mundo varia est sententia, cum aliis & ingenitus, & nunquam interiturus esse videatur. Rursum alii, & opificem illius, & fabricandi modum eloqui sint ausi. Quos equidem cum primis admirabar, propterea quod cum Deum quemdam rerum omnium opificem præposuissent, non illud etiam adderent, vel unde is esset profectus, aut ubi loci confisteret cum

cum omnia fabricaretur. Nam ante universi exortum, non possis vel tempus, vel locum imaginari. A M I C. Profrus audaces quosdam Menippe homines, ac prodigiorum auctores mihi narras. M E N I P. Quid autem, si jam audias vir optime, quæ differant & de Ideis, & de incorporeis: tum quæ de finito & infinito nugantur? Nam & his de rebus acriter inter se digladiantur, dum alii sine circumscribunt universum: alii contra, finem illud nescire existimant. Quin insuper quidam ex istis complures esse mundos demonstrabant, damnantes eos, qui de hoc velut uno quopiam illorum disputarent. Rursum alius, nescio quis vir, haudquaquam amicus paci, bellum rerum omnium parentem esse censebat. Nam de diis, quid jam attinet loqui? Cum his Deus esset numerus: illi rursus, per canes & anseres ac platanos dejerarent. Deinde alii, reliquis omnibus diis expulsi, uni soli rerum omnium imperium tribuebant: ita ut mecum etiam animo discruciarer, cum tantam audirem deorum inopiam. E diverso alii liberaliores, multos deos faciebant, ac dissectis illis hunc aliquem primum Deum appellabant: his secundas aut tertias divinitatis partes tribuebant. Ad hæc alii incorporeum quiddam & informe putabant esse numen. Alii corpus esse imaginabantur. Deinde non omnes erant in hac opinione, ut putarent diis esse curæ res mortalium: verum erant nonnulli, qui eos omni cura liberantes, haud aliter atque nos consuevimus ætate defectos, a ministeriis dimittere: nihilo aliufmodi eos inducunt, quam cujusmodi in Comœdiis induci solent satellitia. Jam alii superantes hæc omnia, ne esse quidem ullos omnino deos credebant, sed mundum nullo domino, nulloque duce temere ferri sinebant. Atqui cum hæc audiebam, verebar non habere fidem viris altifremis ac probe barbatis. Neque tamen inveniebam, ad cuius dicta me verterem, ut aliquam illorum sententiam nanciscerer irreprehensam, ac nequaquam ab alio subversam. Itaque plane tandem Homericum illud mihi usu veniebat. Nam sæpenumero animus incitabat, ut huic alicui illorum crederem:

Sed me mens diversa vetabat.

In quibus omnibus cum perplexus hæsitarem, desperabam futurum, ut super his verum aliquid in terris audirem: cæterum unica tantum via, universa dubitatione liberari posse, si ipse alis aliqua ratione additis, in cœlum ascendere. Ejus rei conficiendæ spem mihi præbuit primum ipsa cupiditas, deinde fabularum scriptor Æsopus, qui aquilis ac scarabeis, interdum & camelis cœlum adiri potuisse demonstrat. Verum ut mihi ipsi alæ provenirent aliquando, id nulla ratione fieri posse videbatur. Cæterum si vulturis, aut aquilæ alas induissem, nam has solas sufficere ad humani corporis modum, futurum forsitan, ut mihi succederet experientia. Itaque correptis avibus, alteri dextram alam, porro vulturi sinistram amputavi, idque admodum scite. Deinde quum obligassem, humerisque loris validis accommodassem: tum summis pennis ansas quasdam manibus inferendis addidissem, mei ipsius periculum faciebam: primum subsiliens, ac manibus interim subserviens, & anserum exemplo paulum adhuc a terra volatu me sustollens, inter volandum summis interim pedibus ingrediens. Postea quum res ex animi sententia succederet, jam audacius etiam experimentum aggrediebar: conscensaque arce demisi meipsum per præceps, atque inde in ipsum ferebar theatrum. Mox ubi nullo periculo devolasssem, sublimia jam & ardua cogitare cœpi, ac tollens me a Parnethe sive Hymetto, ad Geraneam usque volabam: Rursum inde ad Acrocorinthum subvolavi: deinde supra Pholoen & Erymanthum ad Taygetum usque. Ergo quum tandem audax facinus satis essem meditaturs, jamque perfectus & altivolus evasissem, non amplius de pullis imitandis cogitabam, verum conscenso Olympo, quam levissimo comœtu onustus, inde recta in cœlum tendere cœpi: initio quidem oborta oculorum vertigine ob profunditatem: & postea ferebam & hoc quoque facile. Verum ubi jam ipsi lunæ vicinus essem, plurimumque nubium essem emensus, sentiebam me defatigatum, maxime in ala sinistra, nempe vulturina. Huc igitur diverti, ac super eam insidens requiescebam, in terram interim e sublimi respiciens, neque secus quam Homericus ille Juppiter, nunc bellacium Thracum regionem despicens, nunc Mysorum, mox (si libuisset) Græciam, Persidem, Indiamque: ex quibus omnibus varia quadam voluptate

A perfundebar. A M I C. Ergo ista quoque narrabis Menippe, ne ulla prorsus peregrinationis parte fraudemur: quin potius si quid obiter in itinere conspexisti, fac ut hoc quoque sciamus. Nam ego sane haud mediocria dicturum te exspecto, de terræ forma, deque omnibus quæ in terra sunt, cujusmodi tibi visa sunt ex alto contemplanti. M E N I P. At tu quidem recte conjectas Amice. Quamobrem quatenus licet, conscensa luna inter narrandum peregrinanti comes esto, simulque mecum contemplare totam terræ speciem, habitumque. Atque initio quidem admodum pusillam quandam terram mihi videre videbar, multo inquam, luna minorem: ita ut ego repente intentis oculis diu dubitarem, ubinam essent tanti illi montes, ac tantum mare: quod ni Rhodiorum Colossus conspexissem, tum Phariam turrim, haud dubie prorsus ubinam esset terra, me prorsus latuisset: verum ista quod sint sublimia, præque cæteris eminentia, præterea oceanus paulatim ad solem resplendescens, indicabant terram esse id quod videbam. Mox ubi fixius intenderem oculos, jam mihi omnis mortalium vites cœpit esse conspicua: non solum singulæ nationes atque urbes, sed plane videbam navigantes, bellantes, agricolentes, litigantes, mulieres, feras, & ut summatim dicam:

Quicquid tellus educat alma.

A M I C. Ista quæ nunc dicis, haud quaquam sunt verisimilia, ac secum pugnant. Etenim quum paulo ante Menippe terram requireres, propter ingens in medio intervallum in arctum contractam, adeo ut nisi Colossus tibi fecisset indicium, forsitan aliud quiddam videre te credidisses, qui repente factus Lynceus, cuncta quæ sunt in terra, dignoscis: homines, feras, ac propemodum etiam pulicum nidos. M E N I P. Recte tu quidem admones: nam quod maxime dictum oportuit, id nescio quomodo præterii. Siquidem quum ipsam quidem terram conspectam agnoscerem: cæterum reliqua non possem perspicere propter altitudinem, nimirum jam non pertingente oculorum acie, graviter ea res me discruciat, ac vehementer perplexum habebat. Ergo quum ad hunc modum essem sollicitus, ac propemodum etiam lachrymarer: adest a tergo sapiens ille Empedocles, ea specie ut carbonarium quempiam effediceret, cinere oppletus, atque exustus. Hunc ego quum vidissem (dicendum est enim) nonnihil perturbabar, ratus dæmonem aliquem lunarem videre me. At ille: Bono, inquit, es animo, Menippe;

Nullum ego sum niuinen, quid me immortalibus aquas?

Sum Empedocles ille Phycus: etenim ubi me præcipitem in crateras injecissem, fumus ab Aetna raptum huc subvexit. Itaque nunc lunam incolo, ærivagus plerumque ac rore victito. Adsum autem hæsitantiam istam tibi adempturus: nam illud (ni fallor) male te habet, torquetque, quod non liceat tibi perspicue terram cernere. Bene abs te factum est, inquam, optime Empedocles: ubi primum devolaro rursus in Græciam, tui memor sacrificabo tibi in fumario, atque in Noviluniis ter ad lunam inhians, nova vota faciam. Imo per Endymionem, inquit ille, haud huc accessi præmii gratia, sed affectio quædam movit animum meum, quum te viderem affectum molestia: verum scis quid facies, quo perspicax fias? Non per Jovem, inquam, nisi tu mihi forsitan caliginem amoveas ab oculis: nam in præsentia videor non mediocriter lippire. Atqui me, inquit ille, nihil erit opus. Etenim ut acute videas, id ipse tecum e terra allatum habes penes te. Quid igitur est istud, inquam, neque enim novi? An ignoras, inquit, te dextram aquilæ alam indutum esse? Scio, inquam, maxime, sed quid alæ cum oculo? Quoniam, inquit, aquila inter animantia cætera acutissimi visus est, unde sola solem adversum obtuetur, atque ita demum est rex & ingenua aquila, si non conniventibus oculis adversus radios aspiciat. Ita quidem ajunt, inquam. Quare jam me pœnitet qui non meis exemptis oculis aquilinos inferuerim, cum huc adscenderem. Nam nunc sane dimidiatus advenio, neque omni ex parte satis regaliter adornatus, quin magis adsimilis videor nothis istis & abdicatis. Attamen in te est, inquit, ut protinus alterum oculum regalem habeas. Etenim si assurges, velisque cohibita vulturis ala, alteram solam movere, juxta proportionem alæ, dextro oculo cernes acute: quominus altero cæcutias nulla ratione succurri potest, propterea quod ad partem pertineat deteriorem. Mihi, inquam, satis est, si vel dextra ex parte aq-

lino

lino more cernam. Nihil enim fuerit deterius, cum mihi non raro vidisse videar, fabros altero oculo melius etiam ad regulam exæquantur ligna. Hæc locutus, simul ea faciebam, quæ præceperat Empedocles, ille interim paulatim subducens sese, sensim in fumum evanuit. At simulatque movissem alam, ingens lumen mihi circumfulsit, adeo ut cuncta fierent in conspicuo, quæ hæcenus latuerant. Deflexis igitur in terram oculis, clare videbam, & urbes, & homines, & quæ fiebant: neque solum ea quæ sub dio, verum etiam quæ domi faciebant, rati sese a nemine videri. Ptolemæum vidi cum sorore rem habentem: Lysimachum struentem insidias filium: Antiochum Seleuci filium, novæ Stratonicæ clanculum innuentem: Theffalum Alexandrum ab uxore tolli e medio: Antigoni filii uxorem adulterio stuprantem: Attalo venenum porrigentem filium. Rursum ex altera parte Arfacem interficientem muliei culam: & Arbacen eunuchum gladium educentem in Arfacem. Porro Spartinus Medus e convivio foras protrahebatur a satellitibus, calice aureo in frontem impacto. Atque his ferme consimilia tum in Libya, tum apud Scythas ac Thraces, in regis geri licebat cernere. Nempe adulterantes, occidentes, insidiantes, rapientes, pejerantes, trepidantes, nonnullos ab intimis amicis prodi. Ac Regum quidem negotia huiusmodi mihi spectaculum exhibebant. Cæterum quæ factitabant plebei, longe magis erant ridicula. Siquidem & inter hos videbam Hermodorum Epicureum ob mille nummum pejerantem: Agathoclem Stoicum e mercede discipulum in jus vocantem: Cliniam Rhetorem ex Æsculapii fano phialam auream suffurantem: Herophilum Cynicum in fornice dormientem. Quid enim alios commemorem, qui parietes perfoderent, qui lites agitabant, qui foenerabant, qui reposcerent? Nam varium quoddam & undique mixtum erat spectaculum. A M I C. Atqui recte facies Menippe, si ista quoque retuleris. Consentaneum est enim te ex his non vulgarem cepisse voluptatem. M E N I P. Ne fieri quidem potest Amice, ut cuncta ordine recenscam, quum spectare modo ista fuerit difficillimum: verum rerum fastigia ejusmodi ferme videbantur, qualia refert Homerus in clypeo, ubi erant convivia, nuptiæque. Altera ex parte judicia & conciones. Rursum alia ex parte sacrificabat quispian. In proximo vero conspiciebatur aliquis luctum agens. Porro quum ad Geticam respicerem, videbam belligerantes Getas. Rursum ubi ad Scythas deflecerem, cernere erat errantes in plaustris. Mox ubi paululum in diversam partem flexissem oculum, spectabam agricolantes Ægyptios. Phoenix scortabatur, Cilix latrocinabatur, Lacon loris cædebat, Atheniensis causas agebat. Hæc omnia quum eodem tempore gererentur: cogita nunc cujusmodi visa fuerit rerum confusio. Non aliter, quam si quis producat multos saltatores, vel potius multas choreas: deinde præcipiat, ut omisso concentu propriam quisque cantionem canat. Deinde si certatim canat unusquisque, & peculiarem suum cantum absolvere studeat, vocisque magnitudine vicinum superare contendat: cogita tecum per Jovem, cujusmodi futurus sit ejusmodi cantus. A M I C. Modis omnibus Menippe ridiculus ac confusaneus. M E N I P. Atqui Amice, hoc genus sunt omnes qui in terris choreas agunt, omnisque mortalium vita ex huiusmodi constat discrepantia: quippe qui non modo sonent absona, verum & ornatu sint dissimili, diversaque moneant, neque quicquam idem cogitent, donec choragus omnes e scena exigat, negans diutius choreas ducere oportere. Id ubi factum est, jam omnes sunt inter se similes, taciti, nec amplius confusam illam, & inpositam canentes cantionem. Verum in vario ipso ac multiformi theatro, videlicet ridicula erant quæ gerebantur omnia: præcipue vero mihi risum movebant ii, qui de agrorum finibus contendebant, quique sibi placerent hoc nomine quod Sicyonium agrum colerent, aut quod Marathonis eam partem haberent, quæ est juxta Oenoe, aut quod in Acarnania jugerum mille possiderent. Cum universa Græcia, quemadmodum id temporis mihi e sublimi despicienti videbatur, quatuor digitorum spatium habere videretur. Attica (ni fallor) proportionem minima pars erat. Itaque perspexi quid esset reliquum, quod divitibus istis animos tolleret. Etenim is qui inter hos quam plurimum agri possidebat, vix unam ex Epicureis atomis colere mihi videbatur. Cæterum ubi ad Peloponnesum flexissem oculos: deinde terram Cynosuræ

A subjectam adspexissem, veniebat in mentem pro quantula regione, quæ nihilo esset latior lente Ægyptia, tam ingens Argivorum ac Lacedæmoniorum multitudo cecidisset uno die. Porro si quem conspexissem auro superbientem, quod anulos haberet octo, phialas quatuor, magnopere ridebam & hunc. Nam Pangæum universum, una cum ipsis metallis, vix erat magnitudine milii. A M. O te felicem Menippe, qui tam novum spectaris spectaculum. Sed age dic mihi per Jovem, civitates atque homines ipsi, quanti videbantur ex alto contemplanti? M E N I P. Equidem arbitror te sæpenumero formicarum concionem vidisse: aliquas in orbem obambulantes, nonnullas exeuntes, rursum has in civitatem redeuntes. Atque hæc quidem finum exportat: hæc alicunde raptam fabæ tunicam, aut dimidiatum frumenti granum currens apportat: consentaneum est autem pro ratione vitæ formicarum, esse apud illas & ædium fabros, & concionatores, & magistratus, & Musicos, & Philosophos. Sed urbes sane cum ipsis viris, formicarum nidis maxime videbantur adsimiles. Quod si tibi videtur humilior exemplum, viros cum formicarum Republica conferre, vetustas Theffalorum fabulæ spectat. Reperias enim Myrmidonas, gentem bellicosissimam, e formicis viros natos esse. Jam posteaquam satis spectassem omnia, satisque risissem, excussi me ipsum, subvolavi

Ad reliquos divos Jovis altitonantis in ades.

Nondum stadium adscenderam, cum Luna, foeminea sonans voce: Menippe, inquit, ita tibi contingant quæ optas. Inter vi mihi in re quapiam apud Jovem. Dic, inquam, neque enim erit molestum, nisi si quid oneris sit portandum. Nuncium, inquit, quemdam haud gravem, ac petitionem meo nomine Jovi perferes. Enecor Menippe, & multa & intoleranda ab istis Philosophis audiens. Quibus præterea nihil est negotii, nisi ut curiosi res meas exquirant, quæ sim, quanta sim, & quam ob causam dissecer, dimidiataque sim, curque utrinque gibbosa videar. Tum hi me dicunt inhabitari: illi speculi ritu supra mare suspensam esse. Alii rursus, quod quisque secum excogitarint, hoc mihi tribuunt. Postremo ipsum quoque lumen ajunt mihi & furtivum esse, & adulterinum: quodque superne a sole proficiatur, neque finem faciunt, etiam cum hoc qui mihi frater est, committere me, & factionem inter nos ferere conantes. Neque satis erat illis, quæ de ipso dixerunt sole, saxum esse illum, & massam candentem. Et tamen quam multarum rerum illis sum conscia, quas noctu patrant, turpissimas & execrandas, cum interdiu tetrici sint, & aspectu virili, habituque graves, & imperitorum oculos in se coniectos habentes. Atque eum cum ista videam, fileo tamen. Neque enim decorum arbitror, reterege atque in lucem efferre nocturnas illas diatribas: & quam quisque in operto vivat vitam. Quinetiam si quem conspicerem adulterantem, aut furantem, aut aliud facinus quam maxime nocturnum audentem, continuo contracta nube tegebam, ne vulgo ostenderem viros senes, ea gerentes, quæ neque barbæ prolixæ, neque virtutis professioni essent decora. At istis pro nihilo est oratione me discernere, modisque omnibus contumelia afficere. Adeo ut, testis est mihi nox ipsa, sapius in animo habuerim, quam possem hinc longissime demigrare quopiam, ubi liceret curiosam istorum linguam esugere. Hæc igitur memineris, ut Jovi renuncies: simulque illud addas, ne fieri quidem posse, ut hoc in loco dures, nisi Physicos illos comminuat, Dialecticos occludat, Stoam demoliat, Academiam exurat, quæ in Peripato habentur diatribas finem imponat. Siquidem ad hunc denique modum fiet, ut mihi pareatur quies, definantque me quotidie commetiri. Fient, inquam, quæ mandas, simulque recta ad ipsum coelum tendebam,

Nulli ubi comparent hominumve bonumve labores.

F Etenim paulo post ipsa etiam luna mihi perpusilla videbatur e sublimi. Tandem & terram obtexerat. Porro relicto ad dextram sole, per ipsas volans stellas, tertio die ad coelum perveni. Ac primum quidem mihi visum est, protinus ita ut eram, introire: ratus facile fieri posse ut fallerem: quippe dæmonia mei parte aquila. Porro aquilam sciebam jam olim esse Jovi familiarem. Post apud me perpendebam illos quam primum deprehensuros esse me, qui alteram alam vulturinam indutus essem. Quapropter optimum factu ratus, non temere venire in periculum, adiens pulsavi fores. At Mercurius audito pulsu, ac nomen percontatus meum,

festinato abiit, Jovi renunciaturus. Nec multo post, introsum accersitus, magnopere pavitans ac tremens. Offendoque deos omnes pariter confidentes, nec hos absque sollicitudine. Nonnihil enim animos illorum turbabat novus & inopinatus adventus meus. Et quantum antea nunquam expectabant, futurum ut mortales omnes mox advenirent, ad eundem modum alati. Porro Juppiter, admodum terribili vultu, torvoque, & Titanico me obtuens, inquit: Quisnam es, & unde venis: ubi nam urbs tibi, quive parentes? Hoc ubi audissem, propemodum metu sum exanimatus. Attamen constiti stupidus, præque vocis magnitudine attonitus. Aliquanto post ad me reversus, omnia dilucide exposui, ab ipso exorsus capite. Quemadmodum concupissem sublimia illa cognoscere. Quemadmodum accessissem ad Philosophos: Quemadmodum pugnantly loquentes audissem: Quemadmodum desperassem, distractus illorum dictis. Deinde meum inventum, tum alas reliquaque omnia, usque ad ipsum coelum. Post omnia addidi quæ Luna mandarât. Itaque ridens Juppiter exporrectis aliquantum superciliis: Quid dicas, inquit, de Oto & Ephialto, cum ausus sit & Menippus in coelum ascendere? At in præsentia quidem te ad hospitii consuetudinem invitamus. Cras, inquit, super his quorum gratia huc advenisti, dato responso dimittemus: simulque cum dicto surgens, ibat ad eam coeli partem, unde maxime omnia poterant exaudiri. Jam enim tempus erat, ut votis audiendis consideret. Atque interim inter eundem, percontabatur me super his negociis, quæ essent in terra, ac primum quidem: Quanti nunc venit triticum in Græcia: Et num superior hyems graviter vos tetigit: Et num olera egent imbre copiosiore. Sub hæc rogabat: num quis adhuc superesset e Phidiæ genere: Et quam ob causam Athenienses tot annos Jovialia intermississent: & num in animo haberent Olympium suum absolvere: Et num essent comprehensi, qui templum Dodonæum sacrilegio spoliassent. Ad ea cum respondissem: Dic mihi (inquit) Menippe, de me vero quam habent homines opinionem? Quam (inquam) ô here, nisi maxime piam? nimirum omnium deorum regem esse te. Ludis tu quidem, inquit. Cæterum ego contentionem illorum probe novi, etiam si nihil fateare. Siquidem fuit olim tempus, cum illis & Vates esse viderer, & Medicus. In summa, unus eram omnia. Tum Jovis plenæ erant, & viæ omnes, simul & mortalium conciones. Pifa ac Dodona splendide erant, ac conspiciendæ omnibus. Porro præ fumo sacrorum, nec attollere oculos mihi licebat. Verum posteaquam Apollo apud Delphos constituit oraculum: Æsculapius Medicinæ officinam Pergami, simulatque Bendi-dium natum est in Thracia: Anubis templum in Ægypto: Dianæ apud Ephesos, ad ista quidem concurrunt omnes, solennes conventus celebrant: Hecatombas offerunt, mihi vero tanquam ætate defecto, abunde magnum honorem habuisse se putant, si solido quinquennio sacrificarint in Olympia. Proinde videas aras meas frigidiores, quam sint vel Platonis leges, vel Chrysippi syllogismi. Hujusmodi quæpiam confabulati, in eum pervenimus locum, ubi confessus erat ad exaudienda vota. Erant autem ordine sitæ fenestæ, cujusmodi sunt ora puteorum, habentes opercula, juxta unamquamque sella posita erat aurea. Itaque Juppiter cum ad primam assedisset detracto operculo, præbuit sese petentibus. Optabant autem ex omni undique terra, diversa, variaque. Nam ipse quoque ad motis pariter auribus simul audiebam vota. Erant autem hujusmodi. O Juppiter, contingat mihi regnum. O Juppiter, contingat cepas & allia mihi provenire. O Juppiter utinam pater mihi brevi moriatur. Rursum alius aliquis dicit: Utinam existam hæres uxoris: Utinam nemo resciscat me struxisse insidias fratri: Contingat mihi vincere litem: Coronari Olympia. Porro ex his qui navigabant, hic optabat ut spiraret Boreas: ille Notus: Agricola optabat pluviam: contra fullo solem. At Juppiter audiens, & singula vota diligenter expendens, non omnibus pollicebatur,

Verum hoc concessit Saturnius, abnuisit illud.

Nam iusta vota per os fenestæ sursum admittebat, admissa ad dextram latuens. Rursum iniqua remittebat irrita, flatu deorsum redigens, ne possint ad coelum accedere. Super uno quodam voto videbam illum etiam ambigentem. Etenim cum essent duo, qui diversa peterent, æquales victimas pollicitantes: non inveniebat utri potius annueret.

A Itaque jam Academicon illud illi accidebat, ut nihil statuere posset. Verum exemplo Pyrrhonis suspensus hærebat etiam, ac considerabat. Porro cum jam satis vota proponentibus dedisset operam, ad proximam digressus sellam, & ad secundam fenestram, prono capite fœdera ferientibus, ac jurantibus dabat operam. Ubi his quoque responsum esset, ac Hermodorum Epicureum fulmine comminasset: ad proximam deinde sellam sese transtulit, de divinationibus, ominibus & auguriis auditurus. Hinc ad sacrificiorum fenestram transtulit, per quam fumus ascendens, denunciabat Jovi nomen uniuscujusque, qui rem divinam faceret. Rursum omisiss his ventis & horis mandabat, quæ facere deberent. Hodie apud Scythas pluito, apud Libyes fulgurato, apud Græcos ningito. At tu Borea spira in Lycia. Tu Note quiesce, Zephyrus Adriani undas concitet. Tum in Cappadociam grandinis mille modii dispergantur. Tandem omnibus ferme ordinatis, discedebamus in eum locum ubi compotant dii. Jam enim cœnæ tempus erat. Meque Mercurius arreptum jussit accumbere juxta Panem, & Corybantem, & Attim, ac Sabazium, inquilinos istos & ancipites Deos. Interea panem exhibebat Ceres, Bacchus vinum, Hercules carnes, myrta Venus, Neptunus mænides: simul interim & ambrosiam & nectar furtim degustabam. Nam optimus ille Ganymedes, ut est hominum amans, si quando conspexisset Jovem avertere oculos, nectaris cyathum unum, nonnunquam etiam duos mihi infundebat. Dii vero quemadmodum alicubi dixit Homerus, & ipse, opinor, ut ego illic conspicatus, neque frumentum edunt, neque potant nigrantia vina, verum ambrosiam apponunt, & nectare inebriantur: præcipue vero gaudent vesci sacrificiorum fumo, una cum ipso nidore, subvolante: ad hæc sanguine victimarum, quem sacrificantes aris infundunt. Cæterum inter cœnandum, & Apollo cithara canebat, & Silenus cordacem saltabat, & Musæ surgentes in medium, tum Hesiody Theogonias nobis caneant, tum primam ex Pindaricis hymnis odam: deinde omnium futuri requievimus, quo quisque federamus loco, satis uvidi potu.

At reliqui noctem divitum, hominesque per omnem Dormibant, me nequaquam sopor alius habebat:

D Verum mecum animo versabam, cum alia permulta, tum illa præcipue, qui fieret, ut Apollini tanto jam tempore non proveniret barba, aut quo pacto nasceretur nox in coelo, quum sol semper adestet, unaque convivium agigaret. Ac tum quidem pusillum obdormii. Mane vero surgens Juppiter, jussit indici concionem: mox cum adestent omnes, sic farier inquit: Ut vos convocarem, in causa fuit hospes hic, qui heri advenit: verum quum alioqui jam olim mihi fuerit animus communicare vobiscum de Philosophis, maxime vero a luna, hisque de quibus illa queritur, commotus, statui haudquaquam diutius prorogare consultationem. Est enim hominum genus, quod non ita pridem in vita fluitare coepit, iners, contentiosum, gloriæ avidum, iracundum, gulæ studiosum, stultum, fastuosum, contumeliosum: & ut verbis Homericis dicam,

Telluris inusile pondus.

E Isti igitur in sectas divisi, ac variis rationum labyrinthis excogitatis, alii sese Stoicos appellant, Academicos alii, alii Epicureos, alii Peripateticos: aliis item vocabulis, his multo magis ridiculis. Deinde ubi venerandum illud virtutis nomen induerint: tum adductis in altum superciliis, promissaque barba, fucato habitu obambulant, detestandos mores secum circumferentes, simillimi nimirum istis Tragediarum histrionibus, quibus si personas, stolamque illam auro sparsam detraxeris, quod superest, id ridiculum est: nempe homunculus septem denariis ad agonem conductus. Atqui hujusmodi quum sint, mortales quidem universos aspernantur, de diis vero absurda prædicant, contractisque coetibus adolescentulorum, quos nihil negotii sit fallere, nobilem illam virtutem ostentant, & verborum ambiguitates docent, atque apud discipulos temperantiam semper ac modestiam laudant, opes ac voluptatem execrantur: cæterum ubi soli, & apud sese esse coeperint, quid attinet dicere, quantopere sese ingurgitent, quam immodici sint ad Venerem, quemadmodum autem etiam affium fordes oblingant? Jam illud est omnium gravissimum, quod cum ipsi nihil agant, neque publicum, neque privatum, sed inutiles ac supervacanei desideant:

Nuf-

Nusquam in consiliis, nusquam numerentur in armis. Tamen reliquos accusant, ac virulentis quibusdam dictis congerentes, neque non maledicta quædam meditati, ob-
jurgant, proximisque convitiuntur. Adeo ut is inter eos primas tenere videatur, qui clamorissimus sit, & impudentissimus, & ad maledicendum audacissimus. At sane si quis istum sine fine ista facientem, vociferantem, & cæteros incusantem percontetur ad hunc modum: Tu vero quid tandem facis? Aut quid per Deos dicemus te ad vitam conferre? Nimirum respondebit, si modo recta veraque fateri volet, hoc modo: Navigare quidem, aut agros colere, aut militare, aut artem aliquam aggredi, supervacaneum mihi videtur. Cæterum clamo, squaleo, frigida lavò, incalceatus per hyemem obambulo, ac veluti Momus ille, quæ ab aliis geruntur, calumnior. Ac si quis divitum sumptuosius opsonarit, aut amicam habeat: id exquiro atque indignor. Quod si amicorum quispiam aut sodalium, morbo decumbat, curaque & obsequio egeat, id ignoro. Hoc genus sunt nobis ô dii hæc pecudes. Jam vero qui ex his vocantur Epicurei, vehementer sunt etiam contumeliosi, neque mediocriter nos mordent, affirmantes neque diis esse curæ res mortalium, neque omnino considerari a nobis quid apud illos agatur. Quas ob res tempus est, ut de his consulemus:

A propterea quod si semel valeant hæc persuadere iis, qui sunt in vita, non mediocriter esurietis. Quis enim post vobis rem divinam faciat, cum nihil inde expectet emolumenti? Nam de quibus luna hos accusat, omnes audistis heri narrantem hospitem. Super his consultate, quæ pariter & hominibus sint quam utilissima, & nobis quam minime periculosa. Hæc locuto Jove, frequens adfremebat concio: mox clamatum est ab omnibus, effulmina, exure, comminue, in barathrum, in tartarum, ut gigantes. At Juppiter rursus indito silentio, fient ista, inquit, quemadmodum vultis. Omnes comminuentur cum ipsa sua Dialectica. Quanquam in præsentia sane fas non est punire quemquam. Est enim Hieromenia, sicuti nostis, quatuor hos menses. Jamque inducias promulgavi. Itaque proximo anno, ineunte vere, mali male perdentur formidando fulmine:

Sic ait, atque superciliis pater annuit atris.

Porro de Menippo hæc mihi videntur, inquit, ut adeptis illi alis, nequando denuo redeat, a Mercurio deferatur hodie in terram. Hæc loquutus dimisit cœtum. Me vero Cyllenius dextra aure suspensum, heri circiter vespem deposuit in Ceramico. Audisti omnia, omnia inquam Amice, quæ e cœlo mecum adfero. Quare abeo jam eadem hæc renunciaturus Philosophis in Pœcila inambulantibus.

R E V E R E N D O
P A T R I A C D O M I N O
D. R I C H A R D O,
E P I S C O P O W I N T O N I E N S I,
D E S I D E R I U S E R A S M U S R O T E R O D A M U S,
S. P. D.



EPRISCORUM usque seculis mos hic in hæc nostra tempora deductus est. Amplissime Pater: ut Calendis Januariis principe ineuntis anni die, munuscula quæpiam missitentur: quæ nescio quid letioris omnis asferre creduntur: tum ad quos abeunt: tum illis ad quos redeunt. Itaque quum ego dislicerem equid tandem muneris a nobis iret ad tantum patrum, ad tam potentem amicum: neque quicquam in mea reperirem supellectile, præter meras chartulas, profecto chartaceam strenam mittere sum coactus: quanquam quid aliud potius mitti conveniebat ab homine studioso ad Præsulem, omnibus quidem fortune muneribus magnificentissime cumulatam: sed qui virtutem virtutisque comites, honestas literas infinitis calculis anteponat: quique tanquam contemptim, peneque dixerim inuitus fortune dona admittat: contra animi bonis quum sit opulentissimus, tamen semper magis ac magis cupiat ditescere? Porro nostrum hoc munusculum, si nulla alia licet, saltem Terentiani Parmenonis exemplo, hoc nomine commendabimus: quod non ex Æthiopia, verum e Samosata usque Comagenorum urbe sit profectum. Est autem Dialogus Luciani, cui titulus Toxaris, sive de amicitia, quem nos paucis hisce diebus Latinum fecimus. Qui quidem (uti spero) non omnino futurus est ingratus tuæ excellentiæ, vel ob id quod amicitiam prædicat, rem adeo sanctam, ut barbarissimis etiam nationibus olim fuerit veneranda: Nunc Christianis usque adeo in desuetudinem abiit, ut non dicam vestigia, sed ne nomen quidem ipsum exstet: quum nihil aliud sit Christianismus, quam vera perfecta que amicitia, quam commori Christo, quam vivere in Christo, quam unum corpus, una anima esse cum Christo: hominum inter ipsos talis quædam communio, qualis est membrorum inter se corporis. Neque minus tamen jucundus, quam frugifer futurus est, si quis modo decorum observet, quod in personis situm est. Nam Mnesippi Græci sermo, quam totus Græcicum quiddam sapit: comis, facetus, festivus: contra Toxaridis Scythæ oratio, quam tota Scythicum quiddam spirat, simplex, incondita, aspera, sedula, seria, fortis. Quin etiam dictionis discrimen, quasque diversum filum a Luciano de industria affectatum, pro nostra virili referre curavimus. Hanc igitur qualemcumque clientuli tui strenulam amplissime Præsul, felicibus auspiciis accipe. Et Erasmus sicuti jam pridem facis, amare, ornare, juvare perge. Vale Londini, Calendis Januariis. M D VI.

T O X A R I S S I V E A M I C I T I A:
I N T E R L O C U T O R E S,
M N E S I P P U S G R Æ C U S, T O X A R I S S C Y T H A.



QUID ais, Toxaris? Sacrificatis Orestis ac Pyladi vos Scythæ, deosque esse illos creditis? **T O X A R I S.** Sacrificamus, Mnesippe, sacrificamus inquam: haud tamen deos esse arbitrati, sed viros bonos. **M N E S I P P U S.** An vero mos apud vos, etiam bonis viris posteaquam vita defuncti sint, perinde ut diis sacra facere? **T O X A R I S.** Non istuc modo verum eosdem

Festis diebus ac celebribus conventibus honoramus. **M N E S.** Quid captantes aut sperantes ab illis? Neque enim quo benevolentiam illorum concilietis, ob id rem divinam illis facitis, quum jam sint mortui. **T O X A.** Nihil officiat, fortassis, si & eos qui mortui sunt, propitios haberemus: quanquam non ob id tantum hæc facimus: quin magis existimamus nos rem vehementer conducibilem & his, qui in vita sunt, esse facturos, si præstantium virorum memoriam celebremus, honoremque habeamus iis, qui vita defuncti sunt. Siquidem hac ratione futurum arbitramur, ut multi

215

apud nos illorum similes evadere cupiant. **MNES.** Ista quidem recte iudicatis: at Pyladem atque Orestem quo nomine potissimum suspexistis, ut diis eos æquaveritis: idque adeo quum hospites vobis essent: vel, quod gravius, hostes? Quippe posteaquam naufragio eiectioni ab iis, qui tum Scythiam incolebant, essent comprehensi, abductique, ut Dianæ immolarentur: adorti carcerarios, neque non oppressis excubiis, & regem trucidarunt, & assumpta sacerdotē, quin ipsa quoque Diana sublata, navigio sese proripuerunt, irrita publica Scytharum lege. Quod si ob istiusmodi facta honorem habetis viris: facile assecuti fueritis, ut multos illorum similes reddatis: Jamque ipsi ab hoc die usque ad prisca illa respicite, num vobis expedierit multos in Scythiam Orestes ac Pylades appellere. Nam mihi quidem isto pacto mox futurum videtur, ut religionis ac deorum expertes reddamini, diis qui reliqui sunt, ad eundem modum e regione vestra in exilium ablegatis: postea, opinor, deorum omnium vice, viros, qui illos eiectionem venerant, divinitate donabitis: & qui sacrilegi in vos fuerunt, iis tanquam diis sacrificabitis. Quod si nequaquam horum gratia Orestem ac Pyladem colitis, sed aliud quippiam, Toxaris, in vos beneficii contulerunt: qua gratia quum olim non esse deos iudicaveritis, nunc e regione, sacra illis facientes, deos esse decrevistis? & qui tum parum aberant ut victimæ fierent, iis nunc victimas offertis? Enimvero ridicula videantur ista, & quum his quæ quondam statueratis pugnantia. **TOX.** Et ista quidem, Mnesippe, præclara sunt virorum illorum facinora, quæ commemorasti: videlicet duo cum essent, tam ingentem ausum audere, ut tam procul a sua patria profecti, mare transmitterent, Græcis ad id usque temporis intactum, nisi solis his, qui Argo in Colchidem trajecerunt exercitum: nihil expavescerent, neque fabulas, quæ de illo feruntur, neque appellationem veriti, quod inhospitum vocaretur, videlicet, opinor, quod fera undique gentes accolerent: deinde quum jam capti essent, usque adeo strenue sese gesserint, neque sat habuerint, si tantum incolumes evaderent, nisi & a rege acceptam contumeliam ulti, & Diana sublata abnavigassent. Quid? an non admiranda hæc, & quæ divino quodam honore digna iudicent, quicquid est hominum, qui virtutem suspiciunt? Quanquam non ista spectantes in Oreste ac Pylade, pro heroibus illos habemus. **MNES.** Atqui jam dicēs, quidnam præter ista suspiciendum patrarint atque divinum. Nam quantum ad navigationem & peregrinationem attinet, non paucos profecto diviniore istis ostendero negociatores, atque inter hos præcipuos Phœnices, qui non in Pontum neque ad Mæotidem usque, aut Bosphorum tantum enavigant, verum quaque versus, Græcum ac Barbarum mare permetiuntur. Hi si quidem omnem oram, & omne littus (ut ita dixerim) perscrutati in annos singulos, extremo demum autumno in suam patriam revertuntur: quos scilicet ad eandem rationem pro diis habeto, idque etiam si complures illorum capones ac saluberrimos esse reperies. **TOX.** Audi nunc, o vir admirande, considera quæ quanto nos, qui barbari vocamur, rectius vobis de bonis viris sentiamus. Si quidem in Argo atque Mycenis ne sepulchrum quidem ullum insigne videre est Orestis ac Pyladis, apud nos vero & templum ostenditur, ambobus illis communiter sacrum (ita ut par erat amicis) & hostiæ offeruntur, reliquosque omnis honos. Porro quod hospites erant, non Scythæ, id vero nihil obstat, quo minus boni viri iudicentur: neque enim perpēdimus ejusmodi sint viri honesti ac probi, neque invidemus, si cum amici non fuerint, res egregias gesserunt. Quin magis admirantes ea quæ patrarunt, ab ipsis factis domesticos ac nostros illos ducimus. Quod autem potissimum stupentes in illis viris offerimus, illud est, quod nobis visi sunt amici inter sese longe optimi exstitisse, atque alius exemplo fuisse, quasque legem statuisse, quemadmodum oportet amicos omnem inter se communicare fortunam. Simulque promeruisse, ut a Scythiis, qui in amicitia laude primas tenerent, colerentur. Itaque quæcunque alter cum altero, vel alter pro altero tulit, ea majores nostri descripta in columna ærea reposita in templo Orestis: ac leges statuerunt, ut ea columna prima esset institutio disciplinaque liberis suis, si meminissent, quæ in illa essent adscripta. Itaque pene patris quisque sui nomen citius oblivisceretur, quam res gestas Orestis ac Pyladis ignoraret. Quin & in porticu templi eadem

A quæcunque in columna notantur, priscorum picturis adumbrata videntur. Nempe Orestes una cum amico navigans, deinde fracta inter abruptas cautes ipsorum nave comprehensus, & ad victimam adornatus, jamque Iphigenia initiat eos. Ex adverso vero in altero pariete idem jam vinculis exutus depictus est, ac Thoantem occidens, multosque ex Scythiis alios. Postremo solventes, abducta Iphigenia ac dea. Porro Scythæ frustra scapham adoriuntur jam nantem, hærentes gubernaculis, ac conscendere conantes. Deinde re frustra tentata, alii quidem ex eis faucii, alii vero ejus rei metu compulsi: natatu semet in solum recipiunt, ubi vel maxime liceat perspicere, quantam alter in alterum benevolentiam præstiterit in conflictu cum Scythiis. Fecit enim pictor utrumque de hostibus in semet ruentibus securum, propellentem autem eos qui in alterum feruntur, ac præ illo jaculis occurrere conantem, pro nihiloque ducentem, si intereat ipse, modo servet amicum, vel suo ipsius corpore præveniens, excipiensque ictus in illum intentos. Jam vero tantam illorum benevolentiam, atque in rebus tribus communionem, fidem, humanitatem, veritatem, denique constantiam alterius in alterum amoris, hæc haud quaquam humana putavimus esse, verum animi cuiusdam præstantioris, quam pro more vulgarium istorum mortalium, qui donec secundis ventis navigatur, amicis indignantur, nisi ex æquo participes fiant rerum lætarum: quod si vel paululum eis veni resflare cœperint, aufugiunt, solos in periculis deferentes. Enim vero ut & illud noveris, nihil amicitia melius arbitrantur Scythæ, neque est in quo Scythia magis gloriatur, quam in adiutandis amicis, communicandisque rebus acerbis: quemadmodum neque probum apud nos majus ullum, quam amicitia defertorem videri. Has ob res Orestem ac Pyladem veneramus, quod præstantes exstiterint in Scytharum virtutibus, atque in amicitia præcellentes, id quod nos omnium maxime admiramur. Appellationem quoque ex his illorum factis imposuimus, ut Coraci vocentur, quod quidem nostra in lingua perinde sonat, ac si quis dicat: dii amicitia præfides. **MNESIPPVS.** Huius Toxaris, profecto non arcu modo valuerunt Scythæ, bellicisque in rebus cæteris antecelluerunt, verum videntur & ad orandum persuadendumque omnium aptissimi: unde mihi quum dudum secus videretur, nunc eidem merito fecisse videmini, qui sic Orestem, ac Pyladem in deorum numerum retuleritis: Verum illud me fugerat vir optime, quod pictor quoque bonus esset. Admodum enim evidenter ostendisti nobis, quæ sunt in Orestis templo, picturas, pugnamque virorum, alterique pro altero suscepta vulnera. Tamen non putaram amicitiam usque adeo cultam fuisse quondam apud Scythas, magis autem quod barbari essent, atque agrestes, similitate quidem, ira, rabieque perpetuo committi: amicitiam vero, ne in familiarissimos quidem exercere solitos: idque conjiciens, quum ex aliis quæ de illis audimus, tum ex hoc, quod progenitores suos vita defunctos devorant. **TOXARIS.** An nos Græcis quum aliis in rebus, tum in his quæ ad parentum attinent cultum, sanctiores, magisque pii simus, in præsentiarum haud quaquam contenderim. Quod autem nostrates amici longe fideliores sint amicis Græcis: quodque amicitia ratio major apud nos, quam apud vos, haud difficile fuerit docere. Ac per deos Græcorum, ne tibi molestum sit audire, si quæ perspexi, dixerō, multum jam temporis apud vos versatus: vos enim mihi videmini præclarius cæteris de amicitia verba posse facere, vim vero factaque illius, adeo non solum pro sermonum dignitate non exercere; ut sat vobis sit prædicare eam, & quantum sit bonum, ostendere. At ubi usu venit, deficientes a sermonibus, nescio quomodo, e medio negotio aufugitis. Cæterum quum Tragœdi in scenam progressi, istiusmodi amicitias vobis repræsentant, plerique laudatis atque applauditis, ac pro se mutuo periclitantibus illis lachrymatis, ipsi vero nihil dignum laude pro amicis præstare audetis. Quin si quando forte accidat, ut egeat amicus, ibi protinus non secus atque infomnia, procul avolantes evanescent vobis multæ illæ Tragœdiæ, vosque similes relinquunt inanibus istis, ac mutis personis, quæ diducto ritu, atque immane hiantes ne minimum quidem loquuntur. At nos e diverso, quo sumus in dicendo de amicitia posteriores, hoc in præstantia ea præcedimus. Quare si videtur, ita in præsentiarum agamus, priscos

priscos illos amicos valere sinamus, si quos vel nos, vel vos ex his, qui olim fuere, recensere valeamus, quando ista quidem parte vos nimirum superaveritis, compluribus ac gravibus adductis testibus, nempe Poetis, qui Achilles & Patrocli amicitiam, tum Thelci Perithoique, neque non aliorum necessitudinem, pulcherrimis versibus carminibusque coartaverunt. Quin paucos quosdam in medium adferamus ex his, qui nostra ipsorum memoria fuerint, atque eorum res gestas exponamus: Ego quidem Scythicas, tu vero Græcicas. Et in his uter superarit, melioraque produxerit amicorum exempla, is & victor esto, ac suam ipsius victoriam promulgato, tanquam qui pulcherrimum honestissimumque certamen decertarit: adeo ut ego quidem non paulo malim mihi in singulari victo certamine dextram amputari (nam ea est apud Scythas victo poena) quam in amicitia quopiam inferiori iudicari, præsertim Græco, ipse Scytham quum sim. **MNESIP.** Quanquam est haud mediocris negotii, cum viro, ita ut tu es, bellatore, singulari certamine congregi, tum admodum instructo missilibus ac pænalibus narrationibus, haud tamen usque adeo ignaviter, tam cito universam deferens Græciam, tibi cessero. Etenim vehementer absurdum fuerit, quum duo illi tantum vicerint Scytharum, quantum fuisse declarant tum fabulæ, tum vetustæ vestræ picturæ, quas paulo ante scite admodum repræsentabas, Græcos omnes, tot nationes, tot civitates, nullo defendente vinci abs te. Nam istuc si fiat, non dextram, quemadmodum apud vos solet, sed linguam exsecari conveniat. Sed utrum spectare nos oportet, numerum ne eorum, quæ amice quis gesserit, an magis quo plures alteruter amicos referre poterit, hoc victoria dignior videbitur? **TOXA.** Nequaquam, imo non multitudine vis horum spectetur, verum si quæ tu narrabis facta, his quæ narrabo, videantur præstantiora, magisque penetrantia, tum nimirum etiam si numero paria sint, opportunitate magisque letalia mihi facient vulnera: Ac pene memet adictus accommodabo. **MNESIP.** Probe loqueris. Statuamus igitur quot erunt satis. **TOXA.** Mihi quidem satis fore videtur, si uterque quinque narret exempla. **MNESIP.** Itidem mihi videtur, ac prior dicito, verum adjuratus, nimirum non nisi vera dicturum, alioqui fingere ejusmodi, non admodum fuerit difficile, palam autem refelli non queant. Porro si juraris, nefas sit non habere fidem. **TOXA.** Jurabimus, si quid etiam jurejurando opus esse censēs. **MNESIP.** At quis tibi e diis nostratibus, num satis faciat Juppiter Philius? **TOXA.** Et maxime. Ego quoque tibi nostratum iurabo, meapte in lingua. **MNESIP.** Testis igitur esto Juppiter Philius, quæcunque dicturus sum apud te, ea nimirum vel quæ viderim ipse, vel quæ ab aliis, quoad fieri potuit, diligentissime perceperim, narraturum, nihil ex meipso comminiscens, allevantemque. Ac primo quidem loco, Agathoclis Diniaque amicitiam referam, quæ apud Jonas est celebratissima. Nam Agathocles hic, qui Samius fuit, non ita pridem vixit, vir in amicitia quidem præcipuus, ita ut redeclavit: cæterum reliquis in rebus vulgo Samiorum nihilo præstantior, neque genere, neque cæteris item opibus. Huic cum Dinia Ephesio, Lyfionis filio, amicitia a puero intercesserat. Porro Dinias supra modum ditatus est, & quemadmodum solent ii, qui nuper opes nacti sunt, complures & alios secum habebat, satis quidem idoneos illos, & ad comitantum, & ad voluptuariam consuetudinem, ab amicitia vero longe alienissimos. Atque inter hos interim habebatur Agathocles, convivebatque & compotabat illis, non admodum approbans eam vivendi rationem. Dinias autem nihilo hunc potiorum habebat, quam cæteros adultores. Tandem etiam offendere cepit, crebrius objurgans, molestusque videbatur, quippe qui admoneret eum majorum, præciperetque ut servaret, quæ multo labore parata, pater illi reliquisset, adeo ut ob hæc ne ad comessationes quidem illum deinceps adhiberet, sed solum cum illis comessaretur, celare cupiens Agathoclem. Demum ab assentatoribus illis misero persuasum est, quod adamaretur a Chariclæa Demonactis uxore, viri illustis, atque inter Ephesios in honoribus civilibus primarii. Jam & literulæ a muliere ad illum ventitabant, & ferta seminareida, & mala quædam admosa: denique quicquid ad hæc lenæ machinantur in adolescentes, quo paulatim illis amorem artibus quibusdam inferant, primumque hæc incendunt opinione, quod sese credant amari.

A Nam plurimum illicit & hoc, præsertim eos, qui sibi formosi videntur, donec imprudentes in castes inciderint. Erat autem Chariclæa urbana quidem & elegans muliercula, at supra modum meretricia, semperque illius, quicumque forte adisset, etiam si quis admodum leviter concupivisset: quin si vel adspexisses duntaxat, protinus adnuebat, nec ullo pacto metuendum erat, ne quando recusaret Chariclæa: admirabilis autem alioqui artifex, quavisque meretrice doctior allicere amatorem, & ambiguus quum adhuc esset, totum subigere: at quum jam teneretur, incitare, ac magis magisque accendere, nunc ira, nunc blandimentis, ac mox fastidio: deinde injecta suspicione, quasi ad alium sese deflexura esset: postremo omni ex parte egregie docta erat mulier, & absoluta, artibusque omnigenis in amantes instructa. Hanc igitur tum Dinia adultores accersiverant in adolescentulum: multa que adsimulabant, quo eum in amorem Chariclææ impellerent. Illa porro quæ complureis jam adolescentes jugularat, & innumerabiles amores fuerat mentita, domosque opulentas everterat: varium quoddam, atque inexpugnabile malum: ubi nacta manibus est simplicem, & hujusmodi artium imperitum adolescentulum, haud quaquam amittebat ex unguibus: sed undique oppugnans tentansque, ubi jam omnium esset compos, tum ipsa dum captat capta perit, tum infelici Dinia innumerabilium malorum existit causa. Nam primum quidem statim literulas illa ad illum dat: ac subinde missit ancillulam, quæ renunciaret ut fleret, ut vigilaret: postremo ut misera præ amore suffocatura esset sese: donec jam beatus ille persuasus, sibi formosus esse videretur, atque Ephesiorum uxoris præter cæteros adamabilis. Ac tandem in congressum adductus est multis precibus exoratus. Et ex eo quidem tempore facilis jam erat conjectura, fore ut caperetur a muliere formosa, ad voluptatem congregi docta, & in loco flere, & inter loquendum miserabiliter suspirare, & jam abeuntem amplecti, & adeunti obviam occurrere, & formam colere, sic ut maxime placitura esset: interdum vel voce, vel cithara canere, quibus omnibus in Diniam usa est. At ubi sensit excruciar, jamque amore illaqueatum, ac subjugum esse factum: aliud ad hæc excogitat, quo miserum subvertat, gravidam se ex eo simulat: nam hoc quoque efficax ad magis ac magis inflammandum stultum amantem. Neque postea commeabat ad illum, affirmans a viro observari sese, qui jam amorem persensisset. Hic vero rem jam non ultra ferre potis erat, neque durare quibat: quum illam non adspiceret: sed lachrymabatur, adultoresque ad sese accersibat, ac Chariclææ nomen inclamabat: imaginemque illius amplexus (candido enim lapide fecerat) ejulabat. Demum in solum abjiciens sese jactabatur: planeque res extremæ dementiæ speciem obtinebat. Siquidem munera reddita sunt mulieri, non pro malorum aut corollarum precio: sed solidæ domus, agri, famulæ, vestes florulentæ, auri quantum optaret. Quid multa? Brevi Lyfionis domus antea inter Jones nobilissima, exhausta est, atque exinanita. Deinde ubi jam exsuccus esset, eo relicto, alium quempiam adolescentulum Cretensem, bene nummatum venata est, atque ad illum descivit. Jam, videlicet, illum adamabat: atque is quidem credebatur. Itaque Dinias neglectus non a Chariclæa modo, verum etiam ab assentatoribus (nam isti quoque ad Cretensem amatorem jam desciverant) abijt ad Agathoclem, jam pridem non inficium, quam illi res misere haberent. Ac pudesce quidem initio, tamen exposuit omnia, amorem, egestatem, arrogantiam mulieris, rivalem Cretensem: in summa, non victurum sese, nisi cum Chariclæa consuetudinem haberet. Ille vero intempestivum esse ratus id temporis exprobrare Dinia, quapropter ex amicis unum sese non admisisset, sed tum quidem assentatores suos sibi anteposuisse: divendita, quam unam habebat in Samo, domo paterna, precium illi attulit talenta tria. Quæ simul atque recepit Dinias, haud clam erat Chariclæa: rursus subito formosus factus: rursus ancilla & literulæ, & exposulatio, quod jam diu sese non adisset: concurrerunt item adultores applaudentes, ut viderunt Dinia adhuc esse quod daret. Cum autem pollicitus esset sese venturum ad illam, venissetque primo fere somno, essetque intus Demonax Chariclææ maritus, sive quod alioqui præfenserat, sive de composito, proditioque uxoris (nam utrumque fertur) exsiliens velut ex insidiis, & atrium jubet occludere,

& Diniam comprehendi ignem ac flagra minitans: neque non gladium tanquam in mœchum educens. Ille porro reputans quibus in malis esset, vecte quopiam de proximo, ut jacebat, arrepto, tum ipsum occidit Demonactem, in tempus adigens: tum Chariclæam, atque hanc quidem non ictu uno, verumetiam & vecte sæpius, & postea Demonactis gladio, feriens. At famuli interea muti stabant, rei novitate attoniti. Deinde comprehendere conati, quum in hos quoque ferro infiliret, ipsi quidem aufugerunt. Dinias autem clam sese subduxit, tanto patrato facinore. Et ad auroram usque apud Agathoclem diversabatur, pariterque & quæ facta essent reputabant, & quid in posterum esset eventurum, considerabant. Ut autem diluxit, milites aderant, (jam enim res erat divulgata) comprehensumque Diniam, nec hunc inficiantem homicidium, adducunt ad præfectum, qui per id tempus Asiam moderabatur. Hic eum ad Persarum Regem remittit. Nec ita multo post relegatus est Dinias in Gyaron insulam ex Cycladibus unam, damnatus a Rege, ut in ea, quoad viveret exularet. Agathocles autem cum reliquis in rebus nunquam abfuerat, tum pariter solvit in Italiam, & amicorum solus una est in iudicium comitatus, neque usquam defuit officio. Porro ubi jam in exilium profectus est Dinias ne tum quidem desertus est ab amico. Quin potius ipse suapte sponte damnatus versabatur in Gyaro, simulque cum illo exulem agebat. At quum jam rerum necessariorum omnium inopia laborarent, locans se ipsum purpurariis, una cum aliis urinabat, quodque hinc partum est referens, Diniam aiebat. Quin & ægrotanti diutissime inservivit: & ubi vita defunctus est, noluit unquam in patriam reverti, verum inibi perseveravit in insula, pudori sibi fore ratus, si vel mortuum amicum derelisset: Hoc tibi Græci factum amici retulerim, quod quidem non ita pridem accidit, haud enim scio an angustie quinque præterierint, quod Agathocles in Gyaro mortem obiit. **T O X A.** At utinam injuratus ista Mnesippe dixisses, videlicet quo mihi fas esset, eis non habere fidem. Adeo Scythicum quendam amicum Agathoclem istum descripsisti, quin vereor ne quem & alium isti similem narres. **M N E S.** Audi jam & alium, Toxaris, Euthydicum Chalcidensem. Retulit autem mihi de hoc Simylus nauclerus Megarensis, adjurans profecto se teste rem factam esse. Aiebat enim navigasse sese ex Italia Athenas, circiter Plejadum occasum, collecticios quosdam homines veheementem, in his fuisse Euthydicum, unaque cum hoc Damonem Chalcidensem ejusdem amicum. Ac natu quidem eos æqualeis fuisse: verum Euthydicum valentem, robustumque, Damonem contra, subpallidum atque valetudinarium, quasi qui nuper (ut apparebat) ex diuturno morbo revaluisset. Itaque ad Siciliam usque feliciter aiebat Simylus navigasse ipsos. Cæterum ubi transmissio freto, in ipso jam Jonio mari navigarent, tempestatem maximam eis incubuisse. Quid autem attinet multa referre: immaneis quasdam procellas ac sinuosas, tum grandines, & si quæ alia tempestatum mala? Ut vero jam haud procul abessent a Zacyntho, nuda navigantes antenna: præterea & funes quosdam trahentes, quo nimium vim, impetumque fluctus exciperent: circiter noctis medium, Damonem, qui in tanta jactatione naufragaret, vomuisse in mare propendentem. Deinde, ut conjicio nave vehementius in eam partem, in quam ille propendebat, inclinata, simulque propellente fluctu, excidisse eum prope capite in pelagus: neque nudum tamen, videlicet ut misero vel natare commode liceret. Mox itaque succlamasse quum præfocaretur, vixque sese ab undis sustolleret. Porro Euthydicum simulatque audisset (nam forte fortuna nudus in strato tum erat) abjecisse semet in mare, arreptoque Damonem, qui jam deficiebat (diutius enim ista videri poterant, luna scilicet relucente) una juxta illum nasse, ac sublevasse. Ac voluisse quidem illis opitulari sese miseratos virorum calamitatem, verum nequisse, quod vento prævalido raperentur. Illud tamen fecisse, subera complura ad illos projecisse, tum ex contis aliquot, ut ab his suspensi natarent, si quem forte ex eis nanciscerentur, postremo scanforia quoque tabulata, quæ quidem erant neutiquam exigua. Cogita jam per deos, quod aliud gravius benevolentiae documentum quisquam edere queat in hominem amicum, qui noctu decidisset in mare, usque adeo sæviens, quam communicata morte? Jamque adeo mihi ante oculos pone im-

minentes procellas, fragorem aquæ sese adglomerantis, spumam undique effervescentem, noctem, ac desperationem. Ad hæc illum jam præfocari incipientem, vixque undis exstantem, manusque porrigentem amico: hunc autem incontanter infilientem, simulque nantem, prorsusque sollicitum, ne se prior Damon interiret. Sic enim profecto cognosces, quod haud ingenerosum hunc quoque amicum, videlicet Euthydicum, retulerim. **T O X.** Utrum perierunt viri, Mnesippe, an salus quæpiam ex insperato illis contigit? Adeo ego illis non mediocriter timui. **M N.** Bono animo es, Toxaris, servati sunt, quin hodieque Athenis agunt, ambo Philosophiæ dantes operam. Nam Simylus ea demum narrare poterat, quæ noctu videre licuit, hunc delapsum, illum defilientem, simulque nantes, quatenus per noctem dabatur adspicere. Porro quæ post hæc acciderint, Euthydicus ipse narrat. Primum quidem, subera quædam forte nactus, suspendisse de his sese, atque ita hærentes fluitasse, sane quam incommode. Deinde ubi tabulata conspexissent, jam sub auroram annasse, consensisseque illis incommode deinde nantes appulisse Zacynthum. Post hos autem, qui neutiquam mali sunt, ut ego quidem autumo, accipe jam tertium, nihilo istis inferiorem. Eudamidas Corinthius Aretæo Corinthio, & Charixeno Sicyonio amicis utebatur, & iis quidem opulentis, quum ipse pauperimus esset. Hic vita decedens, testamentum reliquit, aliis quidem fortasse deridiculum, tibi vero, haud scio, an tale sit appariturum, viro probo, & apud quem amicitia in precio sit, quique vel cum præcipuis in ea certare queas. Sic enim in eo scriptum erat: Lego Aretæo quidem matrem meam alendam, atque in senectâ fovendam: Charixeno vero filiam meam elocandam cum dote, quanta ab illo maxima dari poterit. Erat autem illi mater anus, ac filiola jam matura nuptiis. Si quid autem interim acciderit alterutri, hujus quoque partem (inquit) alter habeto. Hujusmodi lecto testamento, ii qui tenuitatem quidem Eudamidæ noverant: at amicitiam, quæ illi cum his viris intercesserat, ignorabant, rem pro ludo jocoque ducebant. Nemo certe aderat, qui non cum risu discederet, quod ejusmodi hæreditatem Aretæus & Charixenus essent accepturi, felices videlicet, atque ita aiebant: Si quidem persolverent Eudamidæ, superstitis etiam ipsi hæreditatem tradent mortuo. At hæredes quibus ista erant legata, ut audierunt, venerunt illico, agnoscens rataque facientes ea, quæ erant testamento mandata. Itaque Charixenus quinque duntaxat dies superstes, diem obiit. Aretæus autem optimus successor factus, tum illius, tum suo ipsius suscepto onere, & matrem alit Eudamidæ, & filiam non ita pridem elocavit, ex quinque talentis quæ possidebat, duobus in propriæ filiæ dotem, duobus in amici filiam erogatis: Ac nuptias ambarum eodem die fieri voluit. Quid tibi, Toxaris, Aretæus iste videtur, numnam leve amicitiae argumentum exhibuisse, adita hujusmodi hæreditate, neque deserto amici sui testamento? an hunc quoque in perfectis idoneisque calculis ponimus, ut sit unus e quinque? **T O X.** Et iste quidem egregius, quanquam equidem Eudamidam multo magis ob fiduciam admiratur sum, qua fuit erga amicos: declaravit enim, quod & ipse eadem fuisset facturus erga illos tametsi non essent ea scripta in testamento, verum ante alios venisset non scriptus talium hæres. **M N E S.** Probe dicis. Sed quartum jam tibi narrabo: Zenothemim Charmolei, Massilia oriundum. Commonstrabatur autem mihi in Italia, patriæ nomine legatum agentis, vir decorus, procerus, ac dives, ut apparebat. Assidebat illi uxor in rheda iter facienti, quum alioqui deformis, tum dimidia nempe dextra corporis parte manca, alteroque capta oculo, teterrimum quoddam & refugiendum tericulum. Deinde quum demirarer, si decorus ille quum esset, ac vultus, sustineret ejusmodi mulierem sibi adjunctam: is qui mihi eum commonstrabat, causam exponit, quare in id matrimonium incidisset: noverat enim comperte omnia, nam ipse quoque Massiliensis erat. Menecrati, inquit, hujus fœdæ patri, amicus erat Zenothemis, viro diviti ac honorato, ipse iisdem rebus par. Deinde aliquanto post, facultatibus exutus est ex condemnatione Menecrates, quo tempore pariter infamis, & ad capeffendos magistratus inidoneus est judicatus a sexcentum viris, tanquam qui sententiam iniquam pronunciasset. Ad hunc autem modum, inquit, nos Massilienses mulctamus, si quis corrupte judicet. Gravior ita-

que ferebat Menecrates: primum, quod esset condemnatus: deinde quod e divite pauper: postremo, quod ex nobili repente factus esset infamis, ac rejectus. At præter cætera cum ipsa discruciat filia jam nubilis, utpote annos nata decem & octo, quam ne cum omni quidem patris substantia, quam ante condemnationem possederat, dignatus fuisset quisquam ingenuus ac pauper facile accipere, quæ tam infelici fuerit forma. Quin & concidere dicebatur, idque circa lunam crescentem. Hæc ubi apud Zenothemim deploraret, bono, inquit, animo es Menecrates. Neque enim ipse egebis necessariis, & filia tua dignum aliquem suo genere sponsum invenerit. Atque hæc eloquutus, statim apprehensa illius dextra, deduxit domum. Ibique opes, quæ illi multæ erant, partitus est cum illo, ac coena parari iussit, convivium accepit amicos, & in his Menecratem, veluti jam e necessariis cuiuspiam persuasisset, ut puellam in matrimonium acciperet. Posteaquam autem convivium peregerant, libassentque diis, tum vero plenum illi calicem porrigens: accipe, inquit, Menecrates, a genero symbolum affinitatis poculum, nam hodie ducturus sum ego filiam tuam Cydimacham, notam autem jam olim accepi, talenta quinque & viginti. Illo vero respondente, absit ne feceris, o Zenothemis, neve ipse usque adeo insaniam, ut te neglectum, qui & juvenis es, & formosus, conspiciam cum deformi puella, ac debilitata conjugatum. Hæc, inquam, illo loquente, hic sponfam adjunctam tollens, abduxit in thalamum: ac paulopost prodiit, ea devirginata, atque ex eo tempore cum illa vivit, supra modum diligens, & quemadmodum vides, circumferens eam. Et non solum non pudet matrimonii, verumetiam perinde atque glorians de eo, sic ostentat, propterea quod negligit corporis formam ac fœditatem, ad hæc opes & famam, tantum amici rationem habet Menecratis, neque arbitratur eum sexcentum virum sententia deteriorem esse factum, quantum ad necessitudinem. Quanquam pro his jam illi gratiam retulit fortuna, ad hunc modum. Puellus enim ei formosissimus ex illa deformissima susceptus est. Neque diu est, quod tollens hunc pater intulit in curiam, frondibus oleaginis coronatum, ac pullis amictum, quo plus miserationis avo conciliaret. At infans ardebat iudiciis, manibus complodebat. Itaque curia commota super illo, remisit multam Menecrati, atque ille jam rei, famæque restitutus est, ejusmodi patrono usus apud iudices. Hæc affirmabat Massiliensis Zenothemim amici gratia fecisse, haud mediocria, sicuti vides, neque qualia passim Scythæ faciunt, qui concubinas formosissimas summa cura deligere dicuntur. Restat nobis quintus. Neque vero mihi videor alium quempiam debere dicere, Demetrio Suniensi præterito. Navigarat in Ægyptum Demetrius, una cum Antiphilo Alopecensi, qui cum illi jam inde a teneris annis fuerat amicitia, atque ephebus ephebo convixerat, pariterque fuerat eruditus, ipse quidem Cynicam disciplinam sequutus, sub Rhodio illo Sophista, Antiphilus vero medendi scientiam exercuerat. At hoc temporis forte profectus fuerat in Ægyptum, ad spectaculum Pyramidum, Memnonisque. Nam audiverat illas, quum essent sublimes, umbram non jacere: Memnonem autem vocem edere, exoriente sole. Harum igitur rerum cupiditate adductus Demetrius: videlicet ut Pyramidas intueretur, ac Memnonem audiret: sextum jam mensem adverso Nilo navigabat, relicto Antiphilo, quod is itinere atque æstu defessus esset. Huic autem interea calamitas incidit, quæ singularem quempiam amicum postularet. Nam puer ejus ut nomine, ita & patria Syrus, inita societate cum sacrilegis aliquot, una cum illis in Anubis templum irrupit: sublatoque deo, ad hoc phialis aureis duabus, tum caduceo, aureo & hoc, neque non cynocephalis argenteis, atque id genus aliis: omnia apud Syrum deposuerant. Deinde forte comprehensi, (capti enim fuerant, dividentes nescio quid) rem omnem protinus confessi sunt, districti in rota, deportatique venerunt in ædes Antiphili: ibi res furto sublatae deponebantur, sub lectæ quadam in abdito conditas. Syrus itaque illico vincetus, unaque herus hujus Antiphilus: atque is quidem interea dum præceptorem audit, avulsus. Nec opitulabatur quispiam: quin magis hi qui fuerant hæctenus amici, averfabantur hominem tanquam qui templum Anubis sacrilegio compilasset: seseque impiari credebant, si cum illo bibissent, aut edissent. Porro duo qui reliqui erant

A pueri, quicquid erat in domo, convasantes, fuga discesserunt. In vinculis igitur erat miser Antiphilus multum jam temporis: habitus interim omnium, quantum in carcere erat, fontium scelestissimus. Porro præfectus carceris Ægyptius, homo superstitiosus, ratus sese gratum facere deo, atque illius ulcisci vices, gravis Antiphilo imminerebat. Quod si quando defenderet, affirmans se nihil ejusmodi patrasse, impudens habebatur: atque hoc nomine multo etiam magis erat invisus. Subægrotabat itaque jam, maleque habebat: nec mirum, quippe qui humi cubaret, idque etiam noctu, neque crura sineretur protendere, ligno inclusa: nam per diem catasta stringebatur, altera manu vincula ferro, at noctu cogebatur totus in vinculis esse. Ad hæc insuper domicilii pendor ac præfocatio, multis ibidem vinctis, locumque angustum prementibus, adeo ut vix respirarent: tum ferri stridor, ac somnus exiguus, hæc omnia molesta erant, atque intoleranda: nimirum homini ejusmodi rerum insueti, minimeque ad tam durum vitæ genus exercitato. Quum vero jam deficeret, ac ne cibum quidem capere posset, reversus est tandem & Demetrius, nihil dum sciens eorum quæ acciderant. Ut autem cognoverat quo in loco res esset, statimque curriculo ad carcerem venisset: tum quidem admissus non est, propterea quod vespera jam esset, & carceris custos jamdudum oclusis foribus dormiebat, ministris excubias agere iussis. At mane quum esset ingressus, multis videlicet precibus admissus, accedens multo tempore quærebat Antiphilum: quippe malorum multitudine sic immutatum, ut cognosci non quiret. Circumiens igitur, e vinctis unumquemque contemplabatur, eorum more qui familiarum cadavera jam marcida facta, requirunt in stragibus. Quod nomen fuisset eloquutus, Antiphilum Denomenis filium: ne longo quidem tempore potuisset agnosci quisnam esset, usque adeo præ malis erat transfiguratus. Ut vero ad vocem agnitam respondisset, atque adeunte illo comam diduxisset, eam a vultu abigens sordidam atque impexam, ostendit sese quis esset. Hic ambo collapsi sunt, oculis oborta caligine, in tam inopinato spectaculo. Verum aliquanto post, posteaquam & ipse sibi redditus, & Antiphilum recipiens Demetrius de singulis esset illum diligenter percontatus, bono animo esse jubet. Tum dissecto pallio, dimidiato quidem induitur ipse: reliquum autem illi donat, detractis illi putribus atque detritis, quibus erat opertus panniculis, atque ex eo die modis omnibus illi aderat: curam ejus agens, interveniensque. Locans enim sese iis, qui versabantur in portu mercatoribus, a mane ad medium usque diem, oneribus gestandis non parum lucri faciebat. Deinde ab opere reversus, mercedis partem carcerario in manum dabat, quo illi mansuetum hunc, ac pacatum redderet. De reliquo autem, in amici curam assatim suppeditabat. Atque interdum quidem aderat Antiphilo, quo illum consolaretur: ubi vero nox occupasset, pro carceris foribus facto ex herbis thoro, substratisque frondibus, acquiescebat. Et in hunc quidem modum aliquandiu debebant: ut Demetrius nullo vetante ingrederetur, atque ob id mitius ferret calamitatem Antiphilus: donec extincto in carcere latrone quopiam, idque ut putabatur veneno, & custodiæ exactissime observatæ, neque deinde quisquam admissus in domicilium vinculis liber. Quas ob res dubius atque anxius, quum alia via non pateret, qua liceret amico adesse: adito præfecti collega, seipsum desert, tanquam in irruptione templi Anubis communem operam addidisset. Id simulatque confessus est, abductus est illico in carcerem, ac ductus ad Antiphilum. Nam hoc magnis precibus vix obtinuerat a carcerario, ut proxime Antiphilo, atque eadem in trabe vinciretur. Hic igitur vel maxime declaravit, quanto in illum fuerit amore, quum sua ipsius incommoda negligeret, cum & ipse interim ægrotaret: illud autem curæ haberet, quo pacto fieri posset, ut ille & quamplurimum dormiret, & minimum angeretur. Atque ita commode tolerabant, communicatis inter ipsos malis: donec aliquanto post, tale quiddam accidit, quod finis ferme eorum imponeret calamitati. Sicquidem vinctis quispiam, haud scio unde nactus limam, adjunctis conjuratis captivorum plerisque, catenam infecuit, qua seriatim erant adstricti, cyphonibus in hanc insertis, solvitque omnes. Qui quidem facile trucidatis, quippe paucis, custodibus, conglobati profiliere. Atque hi quidem illico quo quisque poterat dissipati, postea plerique sunt comprehensi. Porro De-

Demetrius & Antiphilus inibi remanserunt: Syro quoque retento, qui jam aufugere parabat. Ut autem diluxisset: Ægypti præses, cognito quod acciderat, emisit quidem qui illos insequerentur: accersitis autem iis, qui erant cum Demetrio, solvit a vinculis collaudatos, quod soli non aufugissent. At illis haud quamquam sat erat, ut hoc titulo dimitterentur. Clamabat autem Demetrius, sibi non mediocribus in rebus injuriam fieri prætendebat, si pro maleficis habiti, viderentur vel commiseratione, vel ob id laudis, quod non aufugissent, dimitti: In summa, compulere iudicem, ut causam exactius excuteret. At hic ubi repperit, nihil eos commeritos, collaudatos illos, Demetrium autem seorsum quoque admiratus, liberos esse iussit, consolatus super poena quam tulerant, præter jus in vincula coniecti. Quinetiam ambos munere prosecutus est, idque de suo: Antiphilum drachmarum decem millibus, bis tanto Demetrium. Ac Antiphilus etiam nunc quidem in Ægypto est. Demetrius autem sua quoque viginti millia relinquens amico, concessit in Indiam: profectus est ad Brachmanas, tantum hoc loquutus Antiphilo, merito sibi jam ignoscendum videri, quod tum ab eo discederet. Neque enim sibi opus fore pecunia, quoad is perseveraret esse qui erat, videlicet qui possit paucis esse contentus, neque illum amplius egere amico, quippe cui res jam feliciter haberent. Huiusmodi sunt Toxaris amici Græci. Quod ni initio notasses nos, tanquam qui verbis nos iactaremus: idem profecto relaturus eram tibi complures orationes, atque eas egregias, quas Demetrius habuerit in iudicio: quum interim pro se ipso nihil responderet: pro Antiphilo vero lachrymas funderet, atque etiam supplex esset, totamque causam in se se reciperet, donec Syrus flagris cæsus, amicos eos liberos fecit. Hos igitur paucos plurimis, quos mihi primum memoria suggessit, tibi narraverim præclaros ac firmos amicos. Quod reliquum est, jam decedens a narratione, tibi dicendi partes trado. Tu porro uti Scythas his non inferiores referas, sed longe præstantiores, tibi ipsi curæ fuerit, si quid de dextra sollicitus es, ne ea tibi præcidatur. Verum oportet strenuum præstare virum. Etenim res quædam vehementer ridicula tibi contigerit, si cum Orestem ac Pyladem admodum sophisticè laudaris, pro Scythia dicens Orator ignavus appareas. **T O X A.** Recte tu quidem, Mnesippe, qui quidem ad dicendum etiam exhortaris: perinde quasi nihil sollicitus sis, ne tibi lingua exsecetur, victo in narrationibus. Sed jam exordiar nihil quidem quemadmodum tu, verbis phalerans atque exornans (neque enim is Scytharum mos) præsertim quum res ipse longe magis loquatur, quam verba. Nihil autem ejusmodi expectaveris a nobis cuiusmodi in commemorando laudibus extulisti: puta si quis sine dote duxerit deformem mulierem, aut si quis amici filia nubenti pecuniolam donaverit, duo talenta, ac per Jovem, si quis sponte eat in vincula, quum certo sciat se paulo post esse solvendum. Admodum enim levia ista, neque quicquam inest in his, vel magni negotii, vel virile quod sit. Cæterum ego tibi referam multas cædes, bellaque & mortes, amicorum causa susceptas, ut intelligas vestra ista lufum esse, si cum Scythicis conferantur. Neque tamen istuc sine causa facitis, sed merito parva ista miramini: propterea quod non sunt vobis admodum graves occasiones declarandæ amicitia, quippe in alta pace viventibus. Quemadmodum nec in tranquillitate queas scire, bonus sit gubernator, nec ne. Tempestate enim tibi opus fuerit, ad hoc ut dignoscas. At apud nos bella perpetua, & aut invadimus alios, aut cedimus invadentibus, aut ubi forte concurrimus, pro pascuis prædaque pugnamus. Hic potissimum opus est bonis amicis, eoque quam firmissime constituimus amicitias, sola hæc arma invicta atque inexpugnabilia esse iudicantes. Prius autem volo tibi commemorare, quo ritu faciamus amicos, non ex poculis, quemadmodum vos, neque si quis æqualis sit, aut vicinus: verum ubi strenuum quempiam virum conspexerimus, quique præclara facinora patrare possit, in hunc omnes studio incumbimus, & quod vos in ambiendis conjugiiis, id nos in amicis non gravamur, diu quasi procos agentes, nihilque non facientes, ne videlicet frustremur amicitia, neve rejecti esse videamur. At ubi jam in amicitias cæteris repulsis, delectus est quispiam, protinus foedus initur, ac iusjurandum, quod sit maximum: nimirum & victuros eos pariter, & mortem appetiturum, si

fit opus, alterum pro altero. Atque ita facimus. Etenim simulatque incisus digitis, sanguinem in calicem destillaverimus, summisque intinctis gladiis, ambo pariter admoventes biberimus, non est quicquam quod deinde nos queat dirimere. Admittuntur autem ad huiusmodi foedera, ad summum tres. Nam qui multis sit amicus, is eo loco habetur apud nos, quo communes istæ atque adulteræ uxores: arbitramurque jam non perinde firmam illius amicitiam fore, posteaquam est in plures partes dissecta. Exordiar autem ab his, quæ nuper Dandamis fecit. Dandamis enim hic in confictu cum Sauromatis, quum esset captivus abductus ejus amicus Amizocas. Quin potius ante tibi iurabo nostrum iusjurandum, quandoquidem isthuc initio sum pollicitus. Non enim per Ventum & Acinacem, quicquam mentiturus sum apud te de Scythicis amicis. **M N E S I P.** Equidem tuum iusjurandum haud magnopere desiderabam: proinde recte facis, qui nullum deorum iures. **T O X A.** Quid tu narras? An non tibi videntur esse dii, Ventus & Acinaces? Adeone te fugit, quod nihil sit majus mortalibus vita ac morte? Per hæc utique juramus, quoties per Ventum & Acinacem juramus: videlicet per Ventum, tanquam qui vitæ sit causa, per Acinacem vero, ut qui mortis sit auctor. **M N E S I P.** Atqui si ista idonea causa est, profecto multos alios quoque deos estis habituri tales, qualis est Acinaces: puta jaculum, lanceam, venenum, funem, atque his consimilia. Quandoquidem varius est iste deus interitus, atque innumerabiles aperit vias, quibus ad illum sit aditus. **T O X A.** Vide quam contentiole nunc, quamque litigiose isthuc facis: dum medio sermone interpellas me, excutisque ac disturbas orationem meam. At ipse loquente te, silentium agebam. **M N E S I P.** Age, non sum isthuc posthac facturus, Toxaris. Et optimo iure objurgas: quare perge confidenter quod restat dicere: perinde quasi nec adsum dum loqueris, adeo tibi si lebo. **T O X A.** Quartus igitur agebatur dies Dandamidi & Amizocæ, ex quo amicitiam inierant, ac mutuum sanguinem pariter biberant. Venerant interea in regionem nostram Sauromatæ, cum equitum decem millibus: peditum autem ter tantum advenisse ferebatur. Ii nimirum quum in nos irruissent imparatos, neque expectantes illorum insultum, omnes quidem cedere cogunt, complures autem repugnantes occidunt, nonnullos & vivos abducunt, nisi si quis effugerat tranans in ulteriorem fluminis ripam, ubi nobis dimidium copiarum, & pars curruum erat. Sic enim id temporis castra fueramus metati, haud scio quo consilio Archiplanorum, id est, ducum nostrorum, ad utramque Tanaidis ripam. Protinus itaque & prædas abigebant, & captiva abducebant, & tentoria diripiebant, & curribus potiebantur, atque iis plerisque cum viris captis, & sub oculis nostris concubinas, uxoresque nostras constuprabant. Nos porro rem indigne tulimus. At Amizoca quum duceretur (erat enim captus) nominatim inclamavit amicum, misere vinctus, simulque calicis & sanguinis commonefecit. Quod simulatque exaudierat Dandamis, nihil etiam contatus, spectantibus omnibus, tranavit ad hostes. Ibi Sauromatæ densatis telis irruerunt in illum: jam confixuri, nisi succlamasset: **Zirim.** Hoc verbi si quis sonuerit, postea non interimunt, sed recipiunt, tanquam dedentem sese precio redimendum. Moxque ad illorum ducem adductus, reposcebat amicum: Ille redemptionis precium postulabat. Neque enim prius dimissurum sese, nisi maximum pro illo recepisset. Tum Dandamis, quæ possidebam, inquit, ea omnia a vobis direpta sunt: quod siquid est quod nudus præstare queam, id sum paratus polliceri vobis: & imperato quicquid voles. Et si ita vis, me ipsum huius in locum recipe, & abutere ad quodcunque tibi lubitum erit. Ad hæc Sauromata: Nihil, inquit, opus retinere te: præsertim quum temet dedideris. Quin tu parte eorum quæ possides tradita amicum abdicito. Rogat illico Dandamis, quidnam vellet accipere. Ille oculos postulat. Atque hic protinus exhibuit eruendos. Deinde ubi essent exfecti, jamque precium persolutum esset Sauromatis, recepto Amizoca, reversus est innitens illi: unaque tranantes, incolumes ad nos redierunt. Id factum animum reddebat Scythiis omnibus, neque jam victos esse rebantur sese, quum viderent, quod apud nos esset bonorum maximum, id nondum esse abductum ab hostibus: verum superesse egregiam mentem, & in amicos fidem. At

idem

idem Sauromatis formidinem non mediocrem incutiebat: reputantibus cum cuiusmodi viris, si se praeparassent, essent pugnaturi: tametsi tum quidem ex improvise superassent: proinde sub noctem relictis maxima ex parte pecoribus, incensisque curribus, fuga sese subdixerunt. Porro Amizoca non tulit diutius, ut videret ipse, amico caeco Dandamide, sed ipse semet exoculavit. Atque ita sedent ambo, omni- que honore a populo Scytharum publicitus aluntur. Quid tale Mnesippe vos referre possitis? Etiam si quis tibi donet, ut possis vel decem alios ad istos quinque adungere, etiam citra iurandum, si ita vis, ut & multa liceat affingere? At ego tibi rem nudam exposui. Tu vero si quem talem narra- ses, non sum nescius, quantas adornandae rei gratia phaleras narrationi fueris admixturus: quemadmodum supplicarit Dandamis: & quomodo sit excacatus, & quae dixerit, & quo pacto redierit, & quemadmodum exceperint eum Scy- thae, adgratulantur, beneque ominantes, atque id genus alia: cuiusmodi vos ad demulcendas aures soletis artificio quodam addere. Audi igitur & alium huic parem Belittam, huius Amizocae consobrinum. Is ut detractum ex equo a leone Balthen amicum conspexisset: nam forte simul erant in venatu: jamque leo circumplexus illum, jugulo admotus esset, atque unguibus laniaret, defiliens & ipse, involavit in tergum belluae, reflexitque, in sese provocans, avertensque, atque inter dentes digitos inferens, conatus quoad licuit, Balthen e rictu leonis eximere, donec leo omisso illo jam semimortuo, ad Belittam sese convertit, atque ipsum quo- que circumplexus occidit. At ille moriens (nam tanto ante- verat) acinacem in leonis pectus defixit. Itaque pariter exanimati sunt omnes: nos autem sepelivimus eos, duobus aggestis tumulis inter se vicinis: altero amicorum, altero e regione leonis. Jam tertio loco tibi referam, Mnesippe, Macentae, Lonchatae, & Arfacomae amicitiam. Hic enim Arfacomas deperibat Mazaeam Leucanoris filiam, qui re- gnabat in Bosphoro: tum quum legatione fungeretur super tributo, quod Bosphorini semper nobis pendere soliti, id temporis tertium jam mensem ultra diem legitimum distu- lerant. In convivio igitur quum Mazaeam vidisset proceram atque decoram virginem, amore captus est, graviterque di- cruciatur. Jam itaque quae de tributis agebantur, erant transacta: responderatque illi Rex, convivioque accipiebat, mox illum dimissurus. Est autem mos in Bosphoro, uti proci in convivio petant puellas, narrantes quinam sint, quibusque rebus freti, decreverint eas in matrimonium accipere. At- que id temporis forte fortuna multi aderant in convivio pro- ci, Reges, ac Regum filii, in his erat & Tigrapates Lazo- rum princeps, & Adymachus Machlynæ dux, alique cum his permulti. Oportet autem unumquemque proci, post- equam exposuit quis sit, & qua fiducia ad ambiendas nu- ptias accesserit, convivari cum reliquis, tacitumque accum- bere. Deinde peracto convivio, postulata phiala, vinum in mensam effundere, atque ita sponsam ambire, multum in- terea collaudantem sese, quo genere, quibus opibus, qua sit potentia. Ad hunc igitur modum cum multi jam libas- sent, postulascentque, regna & opes commemorantes: tan- dem Arfacoma, postulata phiala, non libavit (neque enim mos apud nos vinum effundere, quin magis contumelia ista esse iudicatur in deum) sed haustum bibens: Da mihi Rex, inquit, filiam tuam Mazaeam uxorem, qui multo sum po- tior istis, quantum ad opes ac possessiones attinet. Leuca- nore vero admirante (sciebat enim Rex pauperem Arfaco- mam, ac de plebe Scytharum esse) percontanteque quan- tum pecorum, aut quantum habes plaustrorum Arfacoma: nam iis rebus vos divites estis. Imo nec plaustra, inquit, possideo, nec armenta: verum sunt mihi duo amici, honesti, probique, quales alii Scytharum nemini. Actum quidem ista dicens, risus est, contemptuique habitus, visusque te- mulentus. Mane vero reliquis praelatus est Adymachus, jamque sponsam abducturus erat in Maotidem ad Mach- lyenses. Porro Arfacomas domum reversus, amicis indicat, quemadmodum rejectus esset a Rege, risuique habitus in convivio, quum pauper esse putaretur. Atqui dixeram, in- quit, illi quantas haberem opes: nempe vos, ô Lonchata at- que Macenta, vestramque benevolentiam longe praestare, multoque firmiorem esse Bosphorantium opibus. Verum hæc dicentem, me subfannavit, contempsitque, & Ady- macho scilicet Machlyensi tradidit asportandam sponsam,

A quod aureas phialas se diceret habere decem, præterea cur- rus quaternis sedilibus octoginta: ad hæc ovium boumque multam copiam. Sic videlicet antetulit fortibus viris peco- rum multitudinem, operosa pocula, & currus graves. Pro- inde, o amici, dupliciter excrucior: nam & Mazaeam amo, & injuria mihi inter tantum hominum illata, non mediocri- ter mordet animum meum. Arbitror autem & vos ex æquo injuria affectos esse. Etenim ad unumquemque e nobis ter- tia contumeliae pars pertinebat: si modo ita vivimus, quem- admodum coepimus quum conjungeremur: nimirum ut u- nus homo simus, iisdem dolentes, iisdemque gaudentes. Imo, inquit Lonchates, unusquilibet e nobis totus injuria afficiebatur, tum quum in te ista fierent. Quomodo igitur (inquit Macentes) his in rebus agemus? Per partes, inquit Lonchates, negotium suscipiamus. Atque ego quidem reci- pio Arfacomae me caput apportaturum Leucanoris. Tu vero sponsam ereptam huic adducas oportet. Ita fiat, in- quit. At, tu Arfacoma, inter hæc (nam his peractis veri- simile est exercitu ac bello fore opus) hic mane, quo con- trahas & appares arma, equos, atque aliarum rerum vim, quantam potes maximam. Facillime autem plurimos ad- junxeris: partim quod ipse strenuus, partim quod nobis non pauci sunt familiares: Maxime vero si defederis in tergore bovis. Hæc ubi placuissent, hic quidem quantum potuit, recta profectus est in Bosphorum, puta Lonchates: alter, id est, Macentes, ad Machlyenses, eques uterque. At Arfa- comas domi manens, & cum æqualibus contulit, & ex fa- miliaribus vim hominum armavit: Demum & in tergore bovis defedit. Consuetudo autem de sedendo in tergore bubulo huiusmodi est apud nos. Ubi quis ab alio laesus est, cupitque ulcisci, neque par esse pugnae videtur: tum bove immolato, carnes frustulatim concitas, igni torret. Dehinc ipse porrecto humi corio, sedet in eo: in tergum reductis manibus, more eorum, qui a cubitis vincti sunt. Et hoc quidem apud nos maximum est supplicandi genus. Appo- sitis autem bovis carnibus, adeuntibus domesticis: præterea si quis alius velit, quisque partem sibi sumit, ac dextro pede tergum bovis calcans, pro facultate pollicetur: hic quidem equites præbiturum se quinque suo pte cibo, suoque stipen- dio, ille decem, alius plures, alius armatos pedites quot pos- sit, atque qui pauperrimus, seipsum duntaxat. Colligitur itaque in tergo bovis, ingens nonnunquam multitudo. Et huiusmodi quidem exercitus, & certissima fide cohæret, & hostibus expugnatu difficillimus est, non aliter quam si ju- rejurando esset adactus. Nam in tergum ascendisse, instar jurisjurandi est. Arfacomas igitur his in rebus procurandis satagebat: coieruntque illi equites quidem circiter quin- quies mille: tum armati ac pedites promiscue, vicies mille. At Lonchates ubi ignotus pervenit in Bosphorum, Regem adit, tractantem quiddam de regni negotiis, aitque venire quidem sese publico Scytharum nomine, sed privatim res maximas apportare. Ille ubi dicere iussisset: De publicis, inquit, negotiis, hæc in praesentiarum denunciant Scythae: ne vestri pastores in planiciem usque transgrediantur, sed intra Trachonem pascant. Cæterum latrones de quibus ex- postulatis quod regionem vestram incurserunt: negant eos publico consilio emitti, sed privatim sui quemque lucra cau- sa prædari. Quod si quis illorum deprehendatur: tui arbi- trii esse, ut in eos animadvertas. Hæc quidem illi denunciant. At ego tibi indico, gravem in vos insultum futurum ab Ar- facoma Mariantæ filio, qui nuper legatum egit apud te, id- que (opinor) qui quum filiam tuam postularit, non asse- quutus sit abste: ob id indignatur, sedetque in tergore tau- rino septimum jam diem, contractusque illi est exercitus haud exiguus. Audi, inquit Leucanor, & ipse, cogi vim copiarum in tergum bovis. Quod autem adversum nos co- gerentur, quodque Arfacomas huius rei dux esset, id vero me fugerat. Atqui in te, inquit Lonchates, hic apparatus constituitur. Mihi autem inimicus est Arfacomas, graviter- que fert, quod sibi præferat a natu majoribus, & quod in omnibus illo videar esse præstantior. Quod si mihi spon- deris alteram filiam tuam Barcetim, alioqui nec indigno ve- stra affinitate, brevi tibi reversus caput ejus apportavero. Spondeo, Rex inquit, videlicet supra modum formidam hoc, propterea quod non ignoraret, quam ob causam iratus esset Arfacomas: nimirum ob nuptias, tum alias quo- que metuerat semper Scythas. At Lonchates: Jurato, in-

quit, te praestitutum pacta, neque inficiaturum. Id quum fieret, jamque resupinatus in coelum jurare vellet: Absit, inquit, ut hic, ne quis spectantium conjiciat, qua gratia ju-remus. Quin potius hoc templum Martis ingressi, oclusis foribus iurandum edamus, ubi nullus exaudiat. Nam si quid horum inaudierit Arfacomas, vereor ne me ante bellum immolet, manu jam nunc non parva cinctus. Introcamus, inquit Rex. Vos autem absistite quam longissime. Neque quisquam ad templum adeat, quem ego non accersivero. Posteaquam igitur ipsi quidem introgressi sunt, satellites autem procul abstiterunt, vibrato gladio, simulque altera manu obturato ore, ne vociferaretur, ictum in petus adegit. Deinde caput defectum, sub chlamyde tenens prodibat, quasi confabulans interim cum illo, brevique sese dicens adiuturum, tanquam ad negotii quippiam emitteretur ab illo. Atque ita reversus eo ubi equum victum reliquerat, conscenso illo, redequitavit in Scythiam. Porro nemo est eum insequutus, quippe diu ignorantibus Bosphorinis quod acciderat, tum ubi rescissent, factiose de regno decertantibus. Hæc itaque gessit Lonchates, praestititque promissum allato Leucanoris capite. Porro Macentes in via tactus certior super his, quæ in Bosphoro acciderant, pervenit ad Machlyenses: primusque illis nuncium attulit de Rege trucidato. At populus, inquit, te Adymache, gener cum sis, ad regnum vocat. Proinde fac ut ipse prior occupans, imperium arripas, in rebus perturbatis obortus, puella vero te sequatur a tergo in curribus. Facile enim isthoc pacto tibi conciliaveris multitudinem Bosphoranorum, ubi Leucanoris filiam conspexerint. Ego porro non solum Alanus sum, verumetiam sponsæ tuæ cognatus maternus: siquidem nostra e gente Masteram Leucanor ascivit uxorem. Et nunc tibi adsum, missus a Masteræ fratribus, qui sunt in Alania: denunciantibus ut quam potes ocysime, te recipias in Bosphorum, neque per negligentiam committas, ut imperium ad Eubiotum deveniat, qui tamen si frater nothus est Leucanoris, tamen Scytharum partibus semper favit, cum Alanis similitates gerit. Hæc quidem dicebat Macentes. Erat autem eodem cultu, eademque lingua cum Alanis. Commune enim horum utrumque Alanis cum Scythis, nisi quod non magnopere comati sunt Alani quemadmodum Scythæ. At Macentes in hoc quoque illis erat assimilis, videlicet detonsa coma: quatenus conveniebat Alanum minus esse comatum, quam Scytham. Itaque his rebus factum est, ut illi fides haberetur, putareturque Masteræ ac Mazææ cognatus esse. Et nunc, inquit, ô Adymache, ad utrumvis paratus sum: vel proficisci tecum in Bosphorum, si velis: vel manere, si sit opus, ac sponsam adducere. Isthuc equidem, inquit Adymachus, longe malim, quandoquidem cognatus es, te puellam adducere. Nam si nobiscum una proficiscaris in Bosphorum, unum duntaxat equitem numero addideris. Quod si mihi uxorem advexeris, multorum instar fueris. Atque ita factum est, & hic quidem iter ingressus est, Macentæ tradens ducendam Mazæam, quæ virgo etiam dum erat. At ille per diem quidem illam curru vehebat: verum ubi nox incubuisset, imposita equo (nam id curarat, ut alius quidam eques sese consequeretur) tum insiliens & ipse, nequam deinceps ad Maotim iter faciebat, sed deflectens ad mediterraneam, relictis ad dextram Mitræorum montibus, quum virginem interim aliquoties interquiescere iussam refocillasset, intra triduum a Machlyensibus in Scythiam usque permenus est viam: statimque equus ejus ubi destitisset a cursu, paulisper adstans exanimatus est. Porro Macentes Arfacomæ Mazæam in manum dans: Accipe, inquit, a me quoque id quod sum pollicitus. At illo ad insperatum spectaculum stupefacto, gratiasque agente: Desine, inquit Macentes, ac noli me alium a teipso putare: nam mihi profecto gratias agere ob hæc quæ feci, perinde est, ac si sinistra mea gratias agat dextræ, quod vulneratæ sibi subministravit, atque officiose curam egit ægrotantis. Ridicula nimirum & nos fecerimus, si jamdudum commissi, & quatenus licet in unum conflati, magnum adhuc esse credamus, si qua pars nostri officiose quid egerit pro toto corpore. Etenim pro seipso fecit, quum pars sit totius beneficio adjuti. Atque ad hunc quidem modum Arfacomæ gratias agenti, Macentes respondit. Cæterum Adymachus ubi sensit insidias, non perrexit ire in Bosphorum: jam enim

A Eubiotus rerum potiebatur accersitus a Sauromatis, apud quos fuerat diversatus: verum in patriam reversus, contractis ingentibus copiis, per montuosa irrupit in Scythiam, pauloque post irrumpit & Eubiotus, cum Græcos undecunque poterat secum ducens, tum Alanos & Sauromatas accersitos, utrinque vicies millenos. Conjunctis autem copiis, Eubiotus atque Adymachus nonaginta millia confecerunt, atque ex his tertia pars equites sagittarii. Nos autem (nam & ipse ad hanc expeditionem contuleram, addens iis, qui in tergum taurinum convenerant, equites in plenum instructos centum) contractis haud multo minus triginta millibus, una cum equitibus operiebamur insultum, ductore Arfacoma. Ut autem admoventes illos conspeximus, contraximus agmen praemissis in hostem equitibus. Atque ubi jam diu acriter esset pugnatum, tandem cessere nostri, interrupta phalange, postremo in duo dissectum est universum agmen Scythicum: pars subduxit sese, non omnino palam victa, verum ita fugiebat, ut locum dare videretur: adeo ut Alani ad multum tempus insequi non auderent: partem alteram, quæ eadem erat imbecillior, cingentes Alani ac Machlyenses, undequaque cadebant, confertim jaculis emissis, atque sagittis, sic ut vehementer laboraretur a nostris, qui tenebantur obsessi. Et jam plerique arma projecerant, quorum in numero forte erat Lonchates & Macentes, jamque ambo vulnus acceperant, dum ante alios sese periculis objiciunt. Hic quidem adusto femore, puta Lonchates: Porro Macentes securi fauciat capite, tum conto in humerum impacto. Quod simulatque sensit Arfacomas, quum in altero agmine esset nobiscum: turperatus, si desertis amicis non adesset, subditis equo calcaribus, cum clamore in hostes tendere coepit, sublato gladio adeo, ut Machlyenses vim animi non sustinuerint, sed viam illi fecerint, ut transiret. At ille receptis amicis, tum advocatis & aliis, impetum fecit in Adymachum, impactoque in cervicem gladio, ad zonam usque dissecuit. Quo fuso, dissipata est omnis acies Machlyensium, paulopost & Alanorum: Denique cum his Græci quoque. Atque ita redintegrato prælio, nos superiores exstitimus, diuque sumus insequuti trucidantes, donec nox finem imposuit. Postero die ab hostibus venerunt legati, qui supplices pacem atque amicitiam orarent. Bosphorani duplicatum tributum pensuros sese pollicebantur: Machlyenses obsides daturos se confirmabant: Alani ita eam invasionem compensaturos sese spondebant, ut Sindianos nostro nomine vellent aggredi, quibus cum multo jam tempore nobis fuerat simultas. His de rebus auditis suffragiis, in primis autem Arfacomæ & Lonchatae, pax inita, duobus illis cuncta pro arbitratu suo moderantibus. Hujusmodi, Mnesippe, audent Scythæ amicorum causa facere. M N E S. Tragica prorsus, ô Toxaris, fabulisque similia. Et propitius sit Acinaces & Ventus, per quos jurasti: si quis ista non credat, non admodum reprehendus esse videatur. T O X A. At vide, vir egregie, ne incredulitas ista ab invidia vestra proficiscatur. Quanquam non me deterrebit non habendo fidem, quo minus & alia his consimilia referam, quæ noverim a Scythis esse gesta. M N E S I P P V S. Tantum ne longum facias, vir optime, neque usque adeo admissis, vagisque utare sermonibus, ut nunc sursum ac deorsum Scythiam, Machlyanamque percurrentes, deinde in Bosphorum discedens: postremo rediens prorsus abutare silentio meo. T O X A. Parendum tibi & hanc praescribenti legem, dicendumque paucis, ne fatigeris una nobiscum, audiendo circumcurfantis. Quin magis ausculta, quæ in meipsum amicus Sifinnes nomine praestiterit. Quum enim Athenas relicta patria proficiscerer, idque cupiditate Græcarum literarum, appuleram Amastrim Ponticam. Ea est urbs haud procul a Carambe diffusa in promontorio, obvia iis, qui a Scythia navigant. Comitabatur autem Sifinnes, mihi a puero amicus. Nos igitur ubi res quasdam importatas in portu spectassemus, in eumque e navi subduxissemus, emimus, nihil suspicantes mali: interea fures quidam effracta sera, sustulerunt universa, adeo ut non reliquerint, quod vel in eum diem sufficere posset. Ergo quum domum essemus reversi, cognito quod acciderat, non visum est in jus vocare vel vicinos, qui plures erant, vel hospitem, veriti ne plerisque sycophantæ videremur, si dixissemus nobis ab aliquo sublatos esse Danicos quadringentos, tum vestium permultum, ad hæc ta-

petia

petia quædam, denique quicquid habueramus. Consultabamus igitur hisce de rebus, quid esset faciendum, omnium rerum egenis, idque in urbe peregrina. Ac mihi quidem ita visum est tum temporis, statim demerso in ilia acinace, vitam fugere, priusquam ignavum quippiam, aut indignum esset ferendum, vel fame, vel siti enecto. Contra Sisinnes consolabatur, obsecrans ne quid tale facerem. Aiebat enim excogitasse sese, unde nobis victus suppeteret. Et eo quidem die bajulandis e portu lignis allata mercede victum supeditavit: mane autem obambulans in foro, pompam quandam adspexit juvenum (quemadmodum aiebat) elegantium ac strenuorum. Hi nimirum viritum lecti, uti mercede proposita singulare certamen inirent, in tertium diem erant decertaturi. Ergo quum omnes hujus negotii conditiones audisset, accedens ad me: Cave posthac, inquit, Toxaris, ne te ipsum pauperem dixeris. Siquidem tertio abhinc die divitem te reddidero. Hæc ait, atque interea ægre parato victu, quum jam spectaculum esset institutum, spectabamus & ipsi: etenim assumptum me duxit in theatrum, tanquam ad jucundum aliquod, novumque spectaculum Græcorum. Ergo ubi confedissemus, spectabamus. Ac primo quidem feræ partim jaculis confixæ, atque a canibus agitæ, partim in homines quosdam victos emissæ, nocentes quospiam, ita ut conjiciebamus. Ut autem prodierunt qui erant ad singulare certamen conducti, ac producto juvene quodam prægrandi, dixisset præco: Si quispiam velit cum hoc singulari certamine congrredi, prodeat in medium, præmium pugnae accepturus drachmarum decem millia. Ibi protinus assurrexit Sisinnes desiliens, polliceturque se dimicaturum, simulque poscit arma. Tum acceptam mercedem, decem millia mihi deferens, in manum dat: Si vicero, inquit, Toxaris, una proficiscemur, suppetetque commeat: sin cecidero, sepulto me, redi rursus in Scythiam. Ego quidem his auditis singultiebam. At ille sumptis armis, reliquum quidem corpus munivit: At gleam nequaquam imposuit, sed nudo consistens capite pugnabat. Et initio quidem ipse vulnus accepit, retorto gladio, succiso poplite, ita ut multum sanguinis deflueret. Ego interim jam metu præmortuus eram. At ille confidentius invadentem adversarium observans, ferit in pectore, transfigitque ita ut protinus ad pedes illius procumberet. Ille fessus & ipse vulnere, mortuo incumberebat, parumque aberat, quin ipse quoque efflaret animam. At ego accurrens erexi, animumque reddidi. Porro ubi dimissus est, jam victor declaratus: sublatum illum, domum deportavi, multumque temporis curatus a Medicis, supervixit quidem, hodieque agit apud Scythas, ducta in matrimonium sorore mea, claudus tamen adhuc est ex vulnere. Hæc res, Mnesippe, non apud Machlyenses, neque in Alania gesta est, ut testibus careat, & ficta credi queat: verum complures exstant Amathriani, qui de pugna Sisinnæ memorant. Finem jam faciam, si tibi quinto loco factum Abauchæ retulero. Appulit aliquando Abauchas hic in Borystenensium civitatem secum adducens & uxorem, quam unice diligebat, liberos duos, alterum quidem masculum lactentem,

altera vero erat puella septem annos nata. Erat autem peregrinationis comes & hujus amicus Gyndanes, atque is quidem e vulnere laborans, quod in via acceperat a latronibus, qui eos fuerant adorti: cum quibus dum pugnaret, ictus est in femore: ita ut ne stare quidem posset præ cruciatu. Itaque noctu dormientibus illis (nam forte in coenaculo quodam diversabantur) ingens ortum est incendium, omniaque circumclusit, jamque flamma undique domum circumdedit. Ibi experrectus Abauchas, relictis liberis plorantibus, repulsa uxore, quæ inhærebat, jussaque ut ipsa sese servaret, amico in humeris sublato descendit, perumpensque evasit, ita ut nequaquam incendio læderetur. Uxor infantem bajulans consecuta est, monens puellulam, ut sese consequeretur. Ea vero semiusta, abjecto ex ulnis infante, vix exsiliit e flamma. Deinde puella una cum illa veniens, pene & ipsa exstincta est. Post hæc quum probro objectaret quispiam Abauchæ, quod desertis liberis atque uxore, Gyndanem extulisset: Imo liberos, inquit, denuo parare haudquaquam difficile: tum incertum, an hi boni sint futuri: porro amicum diu fuerit, priusquam inveniam talem, qualis est Gyndanes: cujus amor mihi multis argumentis est exploratus. Dixi, Mnesippe, e pluribus his quinque propositis, jam tempus est pronunciari, utri nostrum, aut linguam, aut dexteram oporteat amputari. Quis igitur futurus est iudex? Mnesip. Nemo. Neque enim constitueramus narrationis arbitrum. Sed scin quid agemus? Quandoquidem in præsentiarum, nullo proposito scopo, sumus jaculati, de integro delecto arbitro, alia amicorum paria apud illum referamus: deinde uter succubuerit, ei tum quidem amputetur, vel mihi lingua, vel tibi dextera. Aut si hoc crudele, quando tu amicitiam admirari visus es: ego nihilo secius puto, nullam esse mortalibus possessionem hac præstantiorem neque pulchriorem: quin ipsi quoque in unum copulati, illud approbamus, ut ex hoc die in totam usque vitam sumus amici, utrique victores, utrique maximis potiti præmiis: videlicet pro unica lingua, unaque dextra, binas uterque habituri, atque insuper oculos quoque quaternos, pedesque quaternos, in summa duplicia omnia. Eiusmodi namque quiddam est, cum duo tresque copulantur amici, qualem Geryonem scriptores depingunt, senis manibus, ternisque capitibus hominem. Siquidem (ut mea fert opinio) tres illi fuerunt, qui communiter omnia gerent, ut dignum est his, qui amicitia conjuncti sunt. Toxas. Probe dicis, atque ita faciamus. Mnesip. Verum neque sanguine opus est, Toxaris, neque Acinace, qui nobis amicitiam confirmet. Hæc enim confabulatio, & quod eadem amamus, id multo certius est calice illo quem bibitis: propterea quod hujusmodi non obligationem, sed animum postulare mihi videntur. Toxas. Placent ista, jamque amici atque hospites sumus: tu mihi hic in Græcia, ego tibi, si quando in Scythiam perveneris. Mnesip. Nimirum ut sis sciens, nequaquam me pigeat vel longius etiam proficisci, si tales amicos nancisci liceat, qualem esse te, Toxaris, ex tua oratione conjicio.

R E V E R E N D O
I N C H R I S T O P A T R I A C D O M I N O,
D. R E N A T O,
E P I S C O P O C A R N U T E N S I,
D E S I D E R I U S E R A S M U S R O T E R O D A M U S.

S. D.



*U*M multis modis compertum haberem, Ornatissime Pater, quam candide de meo ingenio, meisque nugis tum sentias, tum prædices, vir alioqui naris emunctissima: jamque ad Italicum iter accincto, per itineris comites non liceret celsitudinem tuam intervifere, ut esset tamen interim quod te tui Erasmi commonesaceret, Luciani Pseudomantem nisi sceleratissimum quidem illum, sed quo non alius sit utilior ad deprehendendas coarguendasque quorundam istorum imposturas, qui hisce quoque temporibus vel magicis miraculis, vel ficta religione, vel ad simulatis condonationibus, aliisque id genus prestigis, vulgo fucum facere solent. Eum igitur leges, uti spero, non modicum fructu aliquo, verum etiam summa cum voluptate, propterea quod intel-

Tom. I. P. 2 li.

ligam te, licet præter generis claritatem, fortune splendorem, muneris auctoritatem, seruis illis ac tetricis studiis absolutum, non solere tamen admodum ab his etiam elegantioribus Musis abhorre: & huiusmodi lusus nec inamænos nec infrugiferos arduis negotiis libenter intermiscere. Porro quicquid est, vel nigri salis, quem Momo tribuunt, vel candidi, quem Mercurio ascribunt, id omne in uno Luciano copiosissime reperias licebit. Carnutensis oppidi, tam splendidum profecto, tamque celebre fanum, fulmine conflagrasse, dici non potest quam feram acerbe. Bene vale in reditum ex Italia nostrum. Latetia, Anno M D V.

A L E X A N D E R, S E U
P S E U D O M A N T I S.



U quidem, carissime Celse, levem forte quandam ac facilem provinciam tibi mandare videris, cum iungis ut Alexandri Abonotichitæ impostoris vitam, commenta, neque non audaciam præstigiisque libro complexus, volumen ad te transmittam. Verum si quis ea conetur omnia ad plenum enarrare, id profecto non minoris sit negotii quam Alexandri ejus, cui Philippus fuit pater, res gestas literis prode: tantus fuit scelere, quantus ille virtute. Attamen si candide ignoscenterque legere voles, & quod narrationi deerit, id ex te imputare atque addere: conatum hunc te auctore capessam, & Augiæ bubile si non omne, at certe pro mea virili repurgare nitar, paucis aliquot elatis cophinis: nimirum ut ex his conjecturam facias, quantus, quamque immensus fuerit finis universus, quem ter mille boves multis annis reddere potuerint. Sed amborum interim nomine calumniam vereor, tuo pariter ac meo: tuo, qui jubeas memoriam literarumque monumentis tradi virum longe sceleratissimum: meo, qui sumam operam in huiusmodi narratione, rebusque gestis hominis, quem nequaquam oportebat ab eruditis legi, sed in frequentissimo quopiam & amplissimo theatro spectari a sumis aut vulpibus disceptum: quamquam si quis hoc crimen nobis impegit, poterimus & ipsi nos exemplo quodam simili tueri. Etenim Arrianus ille discipulus Epicteti, vir inter Romanos cum primis laudatus, ac per omnem vitam in literarum studio versatus, cum simile quiddam fecerit, pro nobis quoque responsurus est. Nam is quidem Tillibori latronis vitam describere non est gravatus: Nos vero multum crudeliorem latronem memoriam prodemus, quippe qui non in sylvis ac montibus sed ipsis in urbibus sit latrocinatus: neque qui Minyam tantum, aut Idam sit pergrassatus, neque paucas quasdam Asiæ partes, videlicet desertiores depopulatus, sed qui universam (ut ita dixerim) Romanorum ditionem suo complerit latrocinio. Ac primum tibi depingam hominem, effigiem ejus quoad potero proxime verbis adumbrans: tamen non sum admodum pingendi peritus. Corpore igitur, ut interim & hoc tibi repræsentem, procerus erat, & aspectu decorus, planeque specie divina quadam ac majestatis plena, colore candido, barba non admodum hirsuta, coma partim nativa tectus, partim appositicia: sed hac adeo scienter efficta, ut vulgus fere non sentisceret imitatum ascititiamque esse. Oculi vehementer acres ac versatiles, tum divinum quiddam relucens. Vox dulcissima pariterque clarissima. In summa quod ad has res, nulla ex parte poterat improbari, ac figura quidem hominis erat huiusmodi. Cæterum mens atque animus, o malorum depulsor Hercules, & averfor tristium Juppiter, servatoreque Dioscuri, in hostes potius contingat incidere, quam cum ejusmodi quopiam habere commercium. Siquidem ingenio, solertia, acumine longe præstabat cæteris mortalibus. Tum curiositas, docilitas, memoria, & ad disciplinas ingenii felicitas, horum unumquodque supra quam dici possit, illi suppeditabat, quibus tamen pessimam in partem est usus. Et quum haberet arma tam egregia sibi suppeditata, illico nimirum omnium qui essent sceleribus nobilitati, facile summus evasit, vel superior Cercopibus, Eurybato, Phrynonda, Aristodemo, Socrato. Nam ipse cum aliquando Rutiliano scriberet genero, modestissimeque de se loqueretur, Pythagoræ semet adsimilabat. Atqui veniam mihi dabit Pythagoras, vir ille quidem sapiens, ac mente divina: cæterum si hujus ætate vixisset, puer (sat scio) præ hoc visus fuisset. Sed heus tu per Gratiæ, cave putes hac in Pythagoræ contumeliam medicare, quasi velim eos similitudine rerum gestarum commit-

tere. Verum si quis deterrima quæque & probrosissima, quæ de Pythagora per calumniam feruntur (quibus equidem haudquaquam fidem perinde ut veris habuerim) si quis tamen conferat in unum, ea nimirum omnia, vix etiam minimam particulam adæquent Alexandrinæ veritatis. Prorsum enim imaginare mihi, & cogitatione finge, quam maxime variam ingenii temperaturam, indolemque ex mendacio, dolis, perjuriis, maleficiis confusam, promptam, audacem, versatilem, & ad efficiendum quæ cogitasset nullum refugientem laborem, appositam ad persuadendum, cuique facile fides habenda videretur: tum quæ mire simularet optima quæque, ea quæ a mente essent diversissima, præ se ferret. Primum igitur nemo cum illo congressus est, qui non hac cum opinione discesserit, ut eum mortalium omnium optimum æquissimumque, simplicissimum minimeque fallacem judicaret. Accedebat ad hæc omnia grandium rerum conatus, quum nihil pusillum cogitaret, sed ad maxima semper appelleret animum. Ita quum esset adolescentulus adhuc, formosus admodum, ætate videlicet tenera, ac velut herbescens: id quod licebat partim & stipula conjicere, partim audire ex his qui ita prædicabant: passim sese prostituere, ac mercede sui copiam faciebat iis quibus lubitum fuisset. Inter multos autem incidit in hunc amans quidam præstigiator, ex eorum numero, qui magiam & divinas incantationes profitentur, tum ille camenta ad conciliandam in amoribus gratiam, malorum immisiones in hostes, rationem eruendi reperindique thesauros, hæreditatum successiones. Hic ubi conspiceret bene ingeniaturum puerum, atque ad subministrandum arti negotioque suo propensissimum: utpote qui non minus illius adamaret maleficium, quam ipse hujus formam: erudit eum, semperque deinceps pro adjutore ministroque est usus. At is publicus quidem & apud vulgus Medicum scilicet agebat: didicerat autem apud Thoonis Ægyptii conjugem

Pharmaca mixta, salubria multa, ac noxia multa.

Quorum omnium successor hic atque hæres factus est. Porro doctor ille & idem amator natione Tyanæus erat, videlicet ex eorum numero, qui cum egregio Apollonio Tyanæo illo erant versati, totamque illius Tragediam pernoverant. Vides quam e schola tibi hominem refero? Verum ubi jam barba plenus esset Alexander, Tyanæo illo vita defuncto, in egestatem redactus, deflorescente simul & forma, unde victum parare licuisset, nihil postea parvum agitabat animo. Sed inito commercio cum Byzantino quopiam, annalium scriptore, viro qui in certamina descendunt, omnium ingenii longe sceleratissimi: Cocconas, opinor, erat cognomen: circumibant, imposturis ludificantes, ac pingues homines (sic enim illi peculiari magorum lingua vulgus appellant) detondentes. In his Macetum mulierem opulentam nacti sunt, natu quidem graviolem illam, quam ut amoribus esset idonea, sed quæ studeret etiam dum amabilis haberi. Ab hac victus copia suppeditabatur, atque hanc ex Bithynia in Macedoniam usque sunt consequuti. Nam illi patria erat Pella, qui locus olim floruit sub Macedonicis regibus: nunc a paucis, iisque obscuris & humilibus incolitur. Ibi quum conspicerent immani magnitudine dracones placidos admodum ac mansuetos, adeo ut a mulieribus alerentur, & cum pueris una cubarent, & calantes ferrent, neque commoverentur, si quis stringeret premeretque: denique perinde atque infantes lac & papilla lugerent (nam sunt id genus apud illos permulti, unde verisimile est, olim illam de Olympiæ fabulam increbuisse: quum Alexandrum conciperet, huiusmodi dracone quopiam opinor, cum ea concumbente) mercati sunt ex his serpentibus unum, qui esset pulcherrimus, obolis sane paucis. Atque (ut Thucydidis utar verbis) hinc jam bellum oritur: nimirum quum

quam duo facinorosissimi, & immani audacia praediti, neque non ad maleficia promptissimi, societatem iniissent, facile perpenderunt haec duo potissimum in hominum vita tyrannidem obtinere, spem ac metum: quorum utroque si quis ad commoditatem uteretur, fore ut is illico ditesceret. Siquidem utrique juxta, vel ei qui metu laboraret, vel huic qui spe teneretur, videbant praescientiam quam maxime necessariam esse, summeque desiderari: atque hac via Delphosolim fuisse ditatos, factosque celebres: praeterea Deum, Clarum, & Branchydas: nimirum hominibus per hos quos modo dixi tyrannos, nempe spem ac metum, ad sacra confluentibus, ac futura praediscere cupientibus, atque hujus rei gratia hecatombas immolantibus, aureosque dedicantibus lateres. Haec ubi inter sese versassent, ultroque ac citro agitassent, visum est vaticinium oraculumque constituere: etenim si res ea processisset, sperabant se protinus divites atque felices fore. Quod quidem negotium magnificentius etiam illis successit, quam expectaverant initio, & vel spe melius evenit. Hinc jam spectare coeperunt: primum quidem de loco, deinde quoniam exordio, quave ratione negotium oporteret auspicari. Cocconas igitur Chalcedonem opportunam esse censuit, utpote regionem a negociatoribus frequentatam, tum Thraciae Bithyniaeque confinem, neque longe distitam ab Asia Galatiaque, cunctis item imminentibus populis. At e diverso patriam suam praetulit Alexander: nam aiebat, id quod erat res, ad hujusmodi negotiorum auspicationem aggressionemque hominibus opus esse crassis & stolidis, & qui viderentur admitturi: cujusmodi Paphlagonas affirmabat esse hos, qui supra Aboni murum incolunt, nempe superstitiones plerosque, ac stolidos: qui si quis tantum apparuisset, tibicinem aut tympanistam, aut qui cymbala pullaret secum adducens, cribro (quod ajunt) vaticinans, illico vehementer omnes in illum inhient, & perinde ut coelitem quempiam intueantur. Hac de re quum controversiae nonnihil inter illos fuisset, tandem vicit Alexander. Itaque profecti Chalcedonem (nam id oppidum visum est hac parte habere nonnihil ipsis conducibile) in Apollinis templo, quod est apud Chalcedonios vetustissimum, aereas defodiunt tabellulas, quae dicerent, brevi admodum Aesculapium una cum patre Apolline in Pontum adventurum, atque Aboni murum inhabitaturum. Eae tabellae quum essent de industria repertae, facile effecerunt ut hic rumor in omnem usque Bithyniam ac Pontum dimanaret, multo autem ante alios in Aboni murum: nam hi protinus statuerant etiam templum erigere, jamque fundamentis locum effoderant. Hic igitur in Chalcedone relictus, Cocconas arripit quaedam atque ambigua obliquaque conscripsit responsa. Deinde paulo post diem obit, a vipera (sicut opinor) ictus: in hujus demortui locum accersitur Alexander, ac succedit jam comatus, caesarieque promissa, tunicam indutus purpuream albo intermixtam, supra eam veste amictus candida, falcem tenens exemplo Persei, a quo se matrem genus ducere praedicabat. At perditissimi illi Paphlagonas quum ambos illius noscent parentes obscuros atque humiles, tamen oraculo crediderunt ita canenti:

Persides genere gratus Phaebo iste videtur:

Dius Alexander Podaliri sanguine cretus.

Hic nimirum Podalirius libidinofus erat, ac natura mulierofus, adeo ut a Tricca ad Paphlagoniam usque in Alexandri matrem sit incitatus illectusque. Repertum est aliud oraculum, quasi Sibyllae praedivinantis:

Ad maris Euxini litus, juxtaque Sinopam

Tirside eris quidam Ansonia de gente sacerdos:

Qui prima ex monade, tribus ac decadis, referabis

Quinque alias monades, vicinamque ter repetita

Quadrorbem numerum, referentem nomina divi,

Qui veniet laturus opem mortalibus agris.

Alexander itaque multo post in patriam irruens cum ejusmodi Tragoedia, conspicuus erat ac splendidus: quum interim furor afflatus sese nonnunquam adsimulabat, ore spuma fureto: id quod ille facile efficiebat, radiculæ (ea est herba lavandis lanis idonea) radice commanducata. Cæterum illis divinum quiddam, ac formidandum spuma videbatur. At multo antea sibi finxerant, paraverantque e linteis confectum draconis caput, quod speciem quandam humanam præ se ferret, colorum fucis mire adsimulatum, quod-

A que pilis equinis os & aperiret, & clauderet. Tum lingua (sicut est draconum) bifurca atra prominebat, quæ & ipsa pilis agebatur. Porro Pellæus ille draco jam pridem erat in promptu domique alebatur: quum res postularet, tum ab illis proferendus, unaque in partem Tragoediam acturus, vel princeps potius hujus futurus fabulae. Jam vero ut erat maturum aggredi, tale quiddam machinatur, noctu veniens ad templi fundamenta nuper effossa. Constitit autem in eis aqua, sive quod ea indidem alicunde destillaverat, sive quod ex æthere deciderat: illic ovum antea excavatum deponit, quod quidem intus occultabat foetum recens editum serpentis. Id quum alte demersisset in abditas luti cavernas, rursum illinc discessit. At mane quum in forum profuisset nudus, nisi quod subligari circum pudenda tectus erat, eoque inaurato: tum falcem illam gestans, simulque solutam ventilans, jactansque comam, eorum more, qui a Cybele deorum matre afflati conveniunt, ac numine rapiuntur: consensu sublimi quapiam ara concionabatur, civitatem eam beatam esse praedicans, quæ mox Deum propalam esset ostensura mortalibus. Porro qui aderant (nam concurrerat universa prope civitas) una cum mulieribus, senibus, pueris, admirabantur, ac vota facientes adorabant. At ille voces quasdam sonans incognitas, nihilque significantes, cujusmodi sint Hebraeorum aut Phoenicum, attonitos eos reddebat, ut qui nihil intelligerent eorum quæ dicebat nisi solum hoc, quod Apollinem Aesculapiumque passim admiscebat. Sub hac ad institutum templum curriculo fugiebat, accedensque ad fossam ac fontem illum quem jam ante conditum oraculum praestruerant: ingressus aquam, magna voce canebat laudes Apollinis & Aesculapii, invitabatque Deum, uti dexter ac felix in civitatem adveniret. Deinde phialam postulat, eam porrectam a quopiam, facile immergens, una cum aqua lutoque haurit & ovum illud in quo nimirum ille deum concluderat, candida cera, cerussaue commissuram operculi ferum ruminans. Id quum manu cepisset, affirmabat jam Aesculapium tenere sese. Interim illi stupidis defixisque intuebantur oculis, expositantes quidnam esset futurum postea, jam dudum admirantes ovum in aqua repertum. Porro posteaquam fregisset idem cava vola compressum, ac serpentis illius foetum exclusum excepisset, simulatque moventem hunc sese conspicerent ii qui aderant, ac digitis circumvolventem, protinus vocem tollebant, deumque consalutabant, ac civitatem eam fortunatam esse dictitabant: singulique affatim votis implebantur, thesauros, opes, prosperam valetudinem, aliaque id genus ab illo flagitantes bona. Hic ille rursus cursim sese domum abripuit, una secum asportans, modo editum in lucem Aesculapium, bis natum scilicet, cum semel duntaxat nascantur homines: atque eum non ex Coronide per Jovem, id est, cornicula (nam id matris nomen fertur) neque ex cornice, verum ex anfore progenitum. Populus autem universus consequbatur, omnes afflati deo, atque ob spes animo conceptas furore correpti. Interdum igitur se domi continebat, sperans fore, id quod & evenit, ut fama permoti, Paphlagonum pars maxima concurreret. Ergo posteaquam urbs ita esset hominibus referta, ut jam redundaret: sed quibus omnibus jam tum cerebrum, tum cor esset exemptum, nec ulla parte similes viderentur viris pane victitantibus (ut loquuntur Poetae) verum qui praeter solam figuram nihil a pecudibus distarent, in aedulis quibusdam, in lecto residens, eo videlicet ornatu, qui vatem mire deceret: imponit in sinum Pellæum illum Aesculapium, qui quidem erat, ut dictum est, maximus pulcherrimusque. Hunc totum ubi collo circumdedit, sed, caudam foras prominere sinens (Erat autem ingens adeo, ut cum per pectus illius effunderetur, pars tamen humi traheretur) solum autem caput sub alis abditum teneret, illo nimirum omnia ferente: linteaceum illud draconis caput, altera in amictus parte contextum ostendebat, quod prorsum illius esse draconis videretur, qui a pectore prominerebat scilicet. Jam vero mihi cogita, adimulas non admodum illustres, nec ad satietatem usque ladiculis capaces: tum turbam hominum convenarum, quique aliis ex locis alii concurrissent, tumultuantes: ac prius etiam quam ista viderent, mente attoniti stupefactique, denique spebus illis sublatis: quibus ingressis, non mirum si res visa est portentosa, videlicet ex modo pusillo serpente, intra pauculos dies

tam immanem exstitisse draconem humana specie, atque eum insuper mansuetum tractabilemque. Protinus autem ad exitum properabant, & priusquam exactius essent contemplati, protrudebantur ab iis, qui novi semper ingrediebantur. Porro e regione januæ, per quam intrabatur, patefactum erat & aliud ostium, per quod exiretur. Cujusmodi quiddam & Macedonas in Babylone fecisse ferunt in Alexandri morbo, quum ille graviter jam ægrotaret: illi obsessa regia desiderarent eum intueri, ac supremum alloqui. Atque hoc spectaculi scelestus hic non semel, verum crebrius exhibuisse dicitur, maxime si qui divites advenissent recentiores ac novitii. Hoc loco, mi carissime Celse, si vera fateri volumus, æquum est veniam dare Paphlagonibus & Ponticis illis hominibus, nimirum crassus & ineruditus, si delusi sunt, quum draconem manu contingerent: nam hoc quoque largiebatur Alexander iis qui voluissent: quumque conspicerent in dubia malignaque luce imitatum illud illius caput, os scilicet nunc aperiens, nunc claudens, tanto artificio, ut res plane Democritum aliquem requireret, aut certe Epicurum Metrodorumve, aut alium hujusmodi quempiam, qui prorsus adamantinam adversus hæc, atque id genus alia, mentem obtineret: qui nullo pacto crederet, quique vel quid esset rei conjecturis colligeret, vel si viam etiam modumque prævestigare non quiret, illud tamen antea sibi persuasum haberet, fugere quidem sese modum rationemque præstigiaturæ: cæterum quicquid esset negotii, prorsus simulatum fucatumque esse, ac ne fieri quidem ulla ratione potuisse. Paucis ergo diebus confluit tum Bithynia, tum Galatia Thraciaque, eorum qui renuntiabant, unoquoque ut sit, affirmante sese primum nascentem vidisse deum, deinde paulopost eundem contrectasse jam grandem admodum factum, vultu etiam homini ad similem. Accedebant ad hæc picturæ, imagines, signa deum referentia, partim ex ære, partim argento efficta. Postremo nomen etiam inditum: nam Glycon appellatus est, idque jussu divino carmine prodito. Ad hunc enim modum eloquutus est Alexander:

Sum ille Glycon: hominum lux, ex Jove tertia proles.

Ast ubi jam maturum esset, ut cuius rei gratia hæc omnia fuerant excogitata, responsa quoque redderet iis, qui requisivissent: divinaretque, accepta videlicet ansa ab Amphilocho, qui apud Cilices vatem egerat. Nam is quoque post patris Amphiarai interitum, posteaque quam ille inter Thebanos exstare desiisset, patria pulsus, atque in Ciliciam profectus, haud incommodè rem gessit, quum Cilicibus eventura prædiceret, binos obolos pro singulis accipiens responsis. Ab hoc, inquam, arrepta ansa, prædicit Alexander omnibus qui advenerant, fore ut deus ipse responsa daret, ejusque rei diem quandam certum præloquutus est. Jussit autem ut quisque quod videretur, quodque maxime discere vellet, id in libello conscriberet, eumque funiculis obvinctum, cera argillave, aut simili re quapiam obsignaret. Se vero receptis libellis, cum subisset adyta (jam enim oraculum erat exstructum, & apparatus cortinæ) ordine per præconem ac theologum evocaturum eos qui tradidissent: dehinc ubi de singulis esset edoctus a deo, libellos redditurus, ita ut traditi fuerant obsignatos: subscripto illis responso pro cuiusque argumento, deo nimirum respondente, quacunque de re quis esset sciscitatus. Erat autem hic dolus, homini cuiusmodi tu es, aut etiam (si modo dictu non est invidiosum) cuiusmodi sum ego, manifestarius, neque difficilis animadversu: verum idiotis, quibusque nares essent mucco obstitæ, minimeque emunctæ, prodigiosum, planeque incredibile quiddam esse videbatur. Etenim quum varias esset commentus artes, quibus signa tollerentur, quæ quisque sciscitabatur, ea legebat: atque ita quæ viderentur, ad interrogata respondebat. Deinde rursus obvinctæ obsignataque reddebat, non sine summa admiratione eorum qui recipiebant. Plurimus enim hic inter illos erat sermo, qui tandem scire potuisset iste, quæ ego illi tradidi, sane quam diligenter obsignata signis, imitatu neutiquam facilibus, nisi revera deus esset quispiam, cui cuncta sint perspicua. Sed jam quibus artibus id effecerit, forsitan a me requireres. Accipe, quo videlicet imposturas ejusmodi deprehendere queas, & coarguere. Prima ratio sic habebat Celse carissime. Eam ceræ partem quæ post signum hærebat, acu candefacta liquefactam deducebat: tum ubi legisset rursus

A calefactam acu ceram, eam quæ a tergo funiculi fuerat, signo eodem manente, facile coagmentabat. Porro secundus modus constat per id quod collyrium vocant. Id conficitur ex pice Beryttia, bitumine, ac lapide perspicuo trito, cum cera & mastiche. Confectum igitur ex his omnibus collyrium igni calfactum, inuncto prius suillo pingui, signo applicabat, ac symboli figuram excipiebat. Id simulatque ficcum esset factum (ficcabatur autem protinus) commodè resignabat libellos: quibus prælectis, impositæ ceræ denovo, perinde atque e lapide signum idem imprimebat, ad archetypi similitudinem mire effictum. Post hæc jam tertiam accipe rationem: Calce in gluten injecta, quo vulgo codicillos adglutinant, atque ex his confecta ceu cera, mollem adhuc eam admovebat signo, statimque detrahebat. Nam illico siccescit, adeo ut cornu vel ferro potius reddatur solidius. Hac ad imprimendum signum uti consueverat. Sunt præter has & aliæ complures viæ, quas omnes referre nihil necesse est, ne parum videar modestus, maxime quum tu in his quos de magorum artibus conscripsisti commentariis tum pulcherrimis, tum utilissimis, quique modestos reddere queant, si quis in eis evolvendis versetur, abunde multa retuleris, longèque his nostris copiosiora. Reddebat igitur oracula, divinabatque non mediocri ad eam rem utens ingenio, arteque negotium reddens probabilius, dum aliis obliqua quædam & ambigua respondet ad ea quæ proponebantur, aliis penitus obscura. Quandoquidem & hoc oraculis ille convenire judicabat. Alios item deterrebat, alios adhortabatur, prout sibi magis conducere conjectasset. Nonnullis remedia morborum, vitæque rationes præscribebat, cum sciret (ut initio diximus) complura atque efficacia pharmaca. Majorem autem in modum Cytmides ab illo probabantur, id est, nomen confictum emplastri, urfino adipe confecti. Porro spes, rerumque successus & incrementa, neque non hæreditatum obventus semper in aliud tempus rejiciebat, illud interim addens: Cuncta hæc tum obtingent, cum ipse volam, quumque vates meus Alexander me rogabit, proque vobis vota faciet. Denique merces erat unicuique responso præstituta, nempe drachma cum obulis duobus. Ne vero pusillum aut exiguum fuisse putes, amice, hunc quæstum, quum in annos singulos ad septuaginta aut octoginta millia redierit, usque adeo avidis & insatiabilibus hominibus, ut singuli supra decem aut quindecim rogationes traderent. Cæterum ea quæ capiebat, non ipse solus solitus est insumere, nec rursus ad congerendas opes in thesaurum reponere, verum complureis & alios habebat secum adiutores & ministros, tum qui scitarentur, qui versibus oracula conderent, qui responsa servarent, qui subscriberent, qui obsignarent, qui interpretarentur, quorum unicuique prodigitate meritoque lucrum impertiebat. Ad hæc nonnullos foras & in longinquas regiones emandarat, qui famam ejus oraculi inter gentes dissiparent, affirmantes ipsum etiam prædicere revocareque fugitivos, fures ac prædones indicare, thesauros effodiendos ostendere, morbo laborantibus mederi, quosdam etiam vita defunctos in vitam revocare. Concurrebatur igitur undique, magnoque tumultu concitati adproperabant, sacrificabatur, dicabantur munera, eaque duplicata, prophetæ discipuloque dei. Jam enim & tale quoddam oraculum exierat:

Muneribus decorare mecum vatem atque ministrum

Præcipio: nec opum mihi cura, ac maxima vatis.

Verum ubi jam plerique, quibus mentis plusculum inerat, non secus atque ex alta ebrietate resipiscences, conspicerent in illum, præsertim ex his qui studebant Epicuro: jamque paulatim in oppidis deprehenderetur universa præstigiatura, fictusque fabulæ apparatus: horrendum quiddam in eos edidit, dicens impius & Christianis impleri Pontum, qui non vererentur in sese turpissime maledicere, eos jussit lapidibus pellerent, si modo vellent propitium habere deum. Porro super Epicuro hujusmodi quoddam oraculum prodidit: Sciscitanti cuiquam, quid ageret apud inferos Epicurus: plombeis, inquit, compedibus vinctus in coeno desidet. Et adhuc miraris, si magnopere crevit ejus celebritas oraculi, cum videas interrogationes adeuntium, quam sint prudentes, quamque eruditæ? Modis autem omnibus bellum erat illi cum Epicuro sævum & irreconciliabile, idque jure optimo. Nam cum quo tandem justius bel-

bellum gerat, homo præstigiator, & monstrosus ac portentis amicus, veris inimicissimus, quam cum Epicuro, viro videlicet qui rerum naturam perspectam haberet, quique unus quid in his esset verum videret? Nam Platoni, Chrysippo, aut Pythagoræ erat amicus, atque alta cum illis pax intercedebat: At intractabilis ille Epicurus (sic enim appellat eum) erat illi plurimum invisus, atque id merito: quippe qui hæc omnia ridicula ac ludicra duceret. Quam ob causam inter urbes Ponticas Amastrin in primis habebat exosam, eo quod acceperat eos, qui cum Lepido erant, alios item horum consimiles quam plurimos ea in civitate versari. Neque unquam Amastrino cuiquam oraculum reddidit: quin ubi conaretur etiam fratri proconsulis respondere, deridicule profecto discessit, cum nec ipse quemadmodum idoneum oraculum fingeret inveniret, nec haberet qui sibi in tempore posset componere. Nam cum illi de stomachi dolore conquerenti, vellet præscribere, uti suillum pedem cum malva præparatum ederet, hunc in modum ait:

Malvaca porcorum sacra cunimato Sipydno.

Crebrius autem (uti jam diximus) draconem ostendebat iis qui vellent, haud totum tamen, sed caudam potissimum, ac reliquum corpus oculis exponens: caput vero ne videri posset, abditum in sinu servabat. Verum quo magis etiam redderet attonitam multitudinem, pollicitus est sese exhibiturum ipsum deum loquentem, citraque interpretem edentem oracula. Deinde non magno negotio, gruum arteriis contextis, ac per lineum illud draconis caput, quod erat arte adsimulatum, insertis, alio quopiam per has foras insonante, respondebatur ad ea quæ proponebantur, voce nimirum per linteaceum illum Æsculapium ad aures promanante. Hujusmodi responsa *αὐτόφωνα* dicebantur, id est, ipsius voce reddita, neque quibuslibet, neque passim dabantur, verum splendidis modo atque opulentis, & qui grandia largirentur. Itaque quod Severiano redditum est super expeditione in Armeniam suscipienda, ex Autophonis erat. Adhortans enim illum ad incursum ejus regionis, sic ait:

*Parthis Armenisque citato Marte subactis,
Romam urbem repetes, & claras Tybridis undas:
Vertice fersa gerens radiis distincta serenis.*

Deinde posteaquam vecors ille Gallus persuasus, incursum fecisset, evenissetque ut una cum exercitu cederetur ab Othryade, hoc oraculum a monumentis sustulit, atque aliud in ejus locum substituit hujusmodi:

*Agmen in Armenios ne duc, neque enim expedit isthuc:
Ne tibi famineis vir amictus vestibus, arcu
Exitium immittat, vitæque ac lumine privet.*

Siquidem & hoc interim callidissime fuerat commentus, ut posterioribus substitutisque responsis, ea quæ perperam maleque evenissent, sarciret ac mederetur. Sæpius enim ægrotis priusquam morerentur, prædixerat fore ut revalescerent: quibus morientibus, alterum oraculum illico paratum erat, quod superiori diversa caneret:

*Posthac desine opem morbo petere exitiis:
Mors etenim manifesta, nec evitari licebit.*

Porro cum non ignoraret, qui in Claro ac Didymis, Malloque responsa ferebant, ipsos quoque hujusmodi quadam arte divinandi celebres haberi, eos sibi reddebat amicos, plerosque consultores ad illos remittens, his verbis:

Nunc Claron ito, mei vocem patris auditurus.

Et rursus:

Branchydica accedas adyta, atque oracula quaras.

Et iterum:

Mallon abi, Amphiloichi quarens oracula vatis.

Et hæcenus quidem de iis, quæ intra patriæ fines usque ad Joniam, Ciliciam, Paphlagoniam, Galatiamque designavit. Ut vero & in Italiam oraculi fama permanavit, inque ipsam Romanorum urbem: jam nemo omnium erat, qui non alius alium antevertere studeret, dum hi quidem eo proficiscuntur ipsi, illi vero mittunt, potissimum hi, qui potentia atque auctoritate plurimum in Republica pollebant: quibus Princeps quasque signifer exstitit Rutilianus, vir alias quidem honestus ac probus, tum compluribus in præliis Romanorum spectatæ virtutis: sed qui in his quæ ad deos pertinent, parum sane sciret, ut cui prodigiosa quædam de illis essent persuasa, adeo ut sicubi lapidem vel inun-

A que adoraret, ac diutius advolutus vota faceret, bonaque ac læta ab illo postulare. Hic igitur simulatque de oraculo inaudisset, parum aberat quin omisso quem tenebat exercitu, in Aboni murum avolarit: alios autem post alios eo legabat. Porro qui mittebantur, servuli nimirum idiotæ quidam facile decepti, domum redibant, referentes partim quæ viderant, partim tanquam vidissent, audissentque: permulta insuper accumulantes illis, quo domino fierent commendatiores. Inflammarunt itaque senem infelicem, & in vehementem insaniam impulerunt. At ille passim ad omnes amicos accedens, quos habebat quum plurimos, tum potentissimos, enarrabat, partim ea, quæ ab iis quos miserat, acceperat, partim quæ ex sese effuxerat. Et ad eum modum iste complevit urbem, concitavitque, quam plurimis item aulicis expavectis atque attonitis. Qui protinus & ipsi cupiditate flagrare cœperunt, ut aliquid suis de rebus audirent. Porro Alexander advenientes comiter excipiebat, ac xeniis, aliisque magnificis donatos muneribus, ad eum remittebat: hoc agens, uti non solum renunciarent oracula, verum etiam dei laudes canerent, ac portentosa quædam de oraculo, deque ipso mentirentur. Excogitat autem ter scelestus ille quiddam neutiquam inscitum, & ingeniosius, quam ut in vulgarem competat latronem. Etenim resignatis libellis, ac perlectis: si quid offendisset in iis, quæ proponebantur, ita scriptum, ut cum periculo ac discrimine ejus qui scripsisset, si proferretur, conjunctum videretur: apud se detinebat, neque remittebat, quo videlicet obnoxios, ac propemodum servos ob metum sibi redderet eos, qui miserant: quum in mentem illis veniret, cuiusmodi de rebus consulissent. Intelligebat autem esse consentaneum, ut qui opibus ac potentia præcellerent, ejusmodi rogationes essent proposituri. Ab his munera quam plurima ferebat: quippe qui non ignorarent sese intra castes ejus teneri. Libet autem aliquot ex his responsis commemorare, quæ Rutiliano reddidit. Huic sciscitanti de filio, ex uxore priore suscepto, qui jam per ætatem maturus esset, ut disciplinis erudiretur, quem instituendo in literis illi præceptorem deberet adhibere, ita respondit:

Pythagoram, egregieque canentem prælia vatem.

D Deinde paucis post diebus, extincto puero, ipse quidem hærebatur: nec habebat quod incusantibus responderet: oraculo videlicet ita re præienti confutato. At Rutilianus optimus ultro occupans, defendebat oraculum, affirmans hoc ipsum portendisse deum, qui jussisset neminem quidem e vivis adolescentulo deligi præceptorem, sed Pythagoram potius atque Homerum, jam olim defunctos, quibus cum credibile esset eum jam versari. Quid igitur Alexandro vitio vertere convenit, si istiusmodi homunculos dignos habuit quibus fucum faceret? Rursum eidem percontanti, cujus tandem animam esset fortitus, ait:

*Principio fueras Pelides, deinde Menander,
Deinde is qui nunc es, post fax phæbea futurus.
Ostoginta ævum ac centum produxeris annos.*

E At hic septuagenarius interit, in insaniam versus, haud expectato dei promisso, quanquam hoc quoque oraculum ex Autophonis erat. Eidem item de uxore ducenda percontanti, aliquando incunctanter ac palam respondit:

Ducito Alexandro natam, Lunaque puellam.

F Siquidem jam olim rumorem dissiparat, filiam quam habebat, e Luna sibi susceptam fuisse. Lunam enim ipsius amore captam fuisse, quum dormientem aliquando conspexisset: nam id illi familiare est, & formosos somno sopitos adamare. Porro Rutilianus vir prudentissimus, nihil cunctatus, protinus accersit virginem, nuptias conficit, sponsus jam sexagenarius, concumbitque socrum suam Lunam solidis Hecatombis placans: jamque sibi unus e cœlitum numero videbatur. At hic ubi semel in Italia rem esset aggressus, majora indies ad hæc excogitabat, & in omnes Romanæ ditionis partes, qui perferrent oracula, dimittebat, prædicens civitatibus cavendam esse pestilentiam, incendia, terræmotus, se certa remedia traditurum, ne quid horum accideret, pollicebatur. Jamque quum pestilentia increbuisse, unum quoddam tale oraculum, Autophonon & hoc, quoquo versum gentium prodiderat, unico carmine comprehensum:

Intonsus nubem pestis depellit Apollo.

Atque hunc versiculum videre erat passim pro foribus de-

descriptum tanquam adversus pestilentiam remedio futurum. Verum ea res plurimis diversam in partem evenit, propterea quod fortuna quadam sic accidit, ut eae domus, quibus hic versus esset inscriptus, potissimum defolarentur. Neque vero me putes illud dicere, carmen in causa fuisse ut interierint, verum casu quodam ad hunc modum accidit. Et haud scio, an plerique freti carmine, negligentius ac securius vixerint, nihil adversum pestem praeter oraculum adhibentes: perinde quasi syllabas pro sese pugnantes haberent, & intonsum Apollinem telis pestem propellentem: Exploratores item ex sua conjuratione quamplurimos Romae constituerat, qui sibi qua quisque mente esset, indicarent, ac priusquam oraculum adissent, illi significarent quidnam essent percontaturi, quidque potissimum cupere viderentur, ut etiam priusquam advenissent ii, qui mittebantur, ille jam ad respondendum instructus & paratus esset. Atque haec quidem & id genus alia machinamenta, adversus Italicas urbes praestruerat. Nam praeter haec & initiationes quasdam instituerat, tædarum per manus tradendarum gestationes, & sacrorum caerimonias, quae quidem tribus ex ordine diebus continenter peragerentur. Ac primo quidem die Atheniensium ritu, denunciatio fiebat huiusmodi. Si quis impius, aut Christianus, aut Epicureus mysteriorum explorator accessit, discedat. Caeterum qui deo credunt & parent, sacris feliciter initientur. Sub haec protinus exigebantur, illo praeeunte, dicenteque: Foras pellantur Christiani. Tum multitudo acclamabat universa: Foras pellantur Epicurei. Dehinc Latonae puerperium agebatur, & Apollinis nativitas: tum Coronidis nuptiae, demum nascebatur Aesculapius. Altero die Glycon in lucem emergens, deque exortus. Porro tertio die Podalirii cum Alexandri matre conjugium agebatur. Dadis autem is appellabatur, idque ex re, propterea quod faces quaedam incenderentur. Postremo loco, Lunae atque Alexandri amores, ac nascentes Rutiliani conjunx. At vero facem gestabat, mysteriaque agebat Endymion Alexander, cum hic dormiens scilicet, in medio jaceret: descenderet autem in eum e caeli fastigio, tanquam e caelo, Lunae vicem agens, Rutilia quaedam formosissima cuiusdam e Caesarea domus praefectis uxor, quae nimirum ut amabat Alexandrum, ita vicissim ab illo amabatur. Ac sub oculis perditissimi illius mariti, tum complexus agebantur, tum oscula, idque in propatulo. Quod nisi complures fuissent tædæ, forsitan non nihil & eorum quæ geri solent infra sinum, patratum fuisset. Paulopost rursum introibat ornatu sacerdotali, multo cum silentio. Deinde ipse primus clara voce sonabat, Io Glycon. Assonabant autem bene canori scilicet homines: nempe praecones aliquot Paphlagones, Carbatinis calceati, plurimum alii nidorem ructantes, Io Alexander. Porro subinde inter gestandas tædas, atque inter mysticas saltationes, femur illius de industria renudatum, aureum apparabat: pelle, sicuti conjicio, inaurata circumdata, atque hac ad tædarum fulgorem relucente. Itaque quum duobus quibusdam ex eorum numero, qui desipienter sapientes sunt, super hac re verteretur altercatio: utrum Pythagorae animum possideret, videlicet ob femur aureum, an alium Pythagorico illi consimilem, atque eam controversiam ad ipsum Alexandrum retulissent: rex Glycon oraculo litem dissolvit:

Pythagora mens emoriturque oriturque vicissim.

Vatis at est animus divina e mente profectus.

Hunc pater auxilio misit iustisque piisque.

Et rursum:

Telstra Jovis repetet, Joviali fulmine tactus.

Porro quum cunctis aliis denunciaret, ut a puerili concubitu temperarent, ceu re nefaria, vir ille egregius tale quiddam ipse machinatus est. Ponticis ac Paphlagonicis urbibus imperabat, ut tertio quoque anno mitterent, qui deo dicarentur, ejusque laudes apud se canerent. Verum mitti oportere spectatos ac selectos: nempe nobilissimos & ætate florentissimos, formaeque eximios. Quibus inclusis perinde ut emptitiis ad libidinem abutebatur, modis omnibus in eos debacchari solitus. Praeterea legem quoque condiderat, ne quis major annis octodecim sese admoto ore complecteretur, neve cum basio salutaret, sed reliquis manum duntaxat osculandam porrigens, solis ætate, formaeque floridis osculum dabat: atque his quidem inde cognomen inditum, ut intra osculum constituti dicerentur. Atque in hunc modum

A recordibus ac stupidis mortalibus illudens, perpetuo deinceps suas nequitias exercebat, passim constuprans uxores, passim liberis abutens. Quin magnum quiddam, cunctisque optandum videbatur, si cujus uxorem vel aspexisset modo. Porro si quam etiam osculo dignatus fuisset, nemo non ita putabat, quicquid esset bonarum felicitatum, id omne semel in eam domum influxurum esse. Erant insuper, atque eae non paucae, quae sese etiam peperisse ex illo jactarent, quod ita esse mariti suo testimonio confirmabant. Lubet etiam dialogum tibi referre Glyconis & sacerdotis, viri cuiusdam Tyanei, cujus sapientiam ex his quae sciscitatus est, conjicias licebit. Hunc equidem legi pridem aureis descriptum literis, Tii, in ipsis sacerdotis ædibus. Dic, inquit, mihi rex Glycon, quisnam es? Sum ille, inquit, minor Aesculapius. Num alius ab illo priore? Quid ais? Haud fas est ut isthuc audias. Sed quot annos apud nos permanisurus, atque oracula redditurus? Ad millesimum tertium. Deinde quo demigraturus? Ad Baetra, atque in eas regiones. Siquidem oportet & barbaros meo convictu, meaque praesentia frui. At reliquae sortes, puta quae in Didymis, Claro, Delphisque redduntur: utrum ab auctore proficiscuntur Apolline, an vana sunt quae illic eduntur oracula? Ne isthuc quidem scire quaesieris, nefas enim. Caeterum ego quis tandem post hanc vitam futurus sum? Camelus, deinde equus, post haec vir sapiens, ac vates non inferior Alexandro. Atque haec Glyconis cum sacerdote confabulatio. Postremo & oraculum carmine comprehensum edidit, quum non ignoraret illum amicum esse Lepido:

Ne pare Lepido, namque huic fatum instat acerbum.

Mirum etenim in modum metuebat Epicurum, sicuti superius dictum est, nimirum ut artificem ac sapientem, suis artibus atque imposturis hostem, atque infernum. Itaque ex Epicureis quempiam, ausum se multis praesentibus coarguere, propemodum in vitae discrimen adduxerat. Siquidem adiens ille, clara voce dicebat: Tu nimirum Alexander Paphlagoni cuidam persuasisti, ut servos suos apud Galatiae praefectum capitis accerferet, hoc nomine, quasi filium ipsius, qui tum Alexandriae erudiebatur, occidissent: Atqui vivit adolescens, incolumisque reverfus est, famulis jam supplicio affectis, qui tua opera bestiis traditi perierunt. Porro huiusmodi quiddam acciderat. Cum adolescentulus amne adverso in Aegyptum navigasset, ad inundationem usque subducto navigio: persuasus est, uti pariter in Indiam navigaret. Itaque dum diutius abesset, infelices illi ejus ministri rati videlicet, vel in Nilo navigantem interisse puerum, vel a latronibus (nam id temporis permulti grassabantur) esse peremptum, reversi sunt domum, renunciantes quemadmodum e medio sublatus esset. Deinde proditum oraculum, damnati servi, sub haec adest adolescentulus, peregrinationem suam enarrans. Atque haec quidem ille. At Alexander indignatione percitus, quod coargueretur, neque ferens opprobratam sibi vanitatem, jussit ut qui adest, lapidibus illum impeteret: alioqui & ipsos impios futuros, atque Epicureos appellandos. Dumque illi jam lapidare coepissent: Demonstratus quidam qui diversabatur in Ponto: primus hominem sui corporis obtegens objectu, morti subduxit: alioqui lapidibus obruendum, idque jure optimo. Quid enim oportebat unum inter tam multos insanientes, sanum esse, atque a Paphlagonum stultitia malum sibi accerere? Et illi quidem haec evenerunt. Caeterum advocatis juxta oraculorum ordinem iis qui proposuerant (nam id fiebat pridie quam responsa redderet) praecone rogante, an vaticinari vellet, si cuiquam illorum ex adyto respondisset in malam rem, huiusmodi hominem neque testis quicumque excipiebat, neque igni, aquave impertiebat: verum erat illi solum aliud alio vertendum, tanquam impio, deorumque contemptori, atque Epicureo: quod quidem probrum omnium erat gravissimum. Quapropter unum etiam Alexander quiddam designavit ridiculum. Nactus peculiares Epicuri sententias, librum (ut scis) longe pulcherrimum, summatim Epicurae disciplinae decreta complectentem, medium in forum deportavit, ac lignis ficulis exussit, tanquam auctorem ipsum exureret scilicet, ac cinerem abiecit in mare, oraculo insuper eam in rem edito:

Edico decreta senis comburere caci.

Haud perpendit scelestus ille, quantum adferret is liber commoditatum iis, qui in eo legendo versarentur, quantumque

tamque illis quietem, tranquillitatem, libertatemque pareret: propterea quod a pavoribus, spectris, ac prodigiis liberaret: tum spes inanes, atque immodicas adimeret cupiditates, mentem sanam ac veritatem infereret, plane lustraret animum, non tæda quidem, aut squilla, aut aliis id genus nugamentis: imo recta ratione, vero ac libertate. Accipe jam facinus quoddam hominis sceleratissimi, unum inter omnia multo impudentissimum. Quum jam non mediocrem in Regiam aditum sibi patefecisset, inque aulam Cæsaream, præsertim Rutiliano rem adjuvante, atque approbante: quum bellum quod in Germania gerebatur, maxime flagraret, Divo Marco cum Marcomannis & Quadis conferente, oraculum divulgavit, quo jubebat, uti duos leones vivos in Danubium immitterent, variis cum odoribus, ac sacris quibusdam magnificis, sed præstat ipsum oraculum referre:

*Gurgitibus fluvii surgentis ab imbris Istri
Immisisse duos Cybeles edicti ministros:
Monte feras alas, tum quantum alit Indicus aer
Florum atque herbarum bene olentum, moxque futura est
Et victoria, pax & amabilis, & decus ingens.*

Ea quum essent facta, quemadmodum ille præscripserat: leones quidem simulatque in hostium regionem enataissent, Barbari canes quospiam aut lupos esse rati, fustibus arcebant. At nostrorum protinus maxima strages est consecuta, viginti ferme millibus simul extinctis. His confamilia sunt ea, quæ in Aquileja contigerunt, quum parum abfuerat, ut urbs ea caperetur. At is ad id quod venerat Delphicam illam responsionem, Creætoque redditum oraculum, frigide sane detorsit, dicens deum quidem prædixisse victoriam, haud tamen explicuisse, utrum Romanorum esset futura an hostium. Tandem quum plurimi jam eam in urbem confluerent: premereturque Abonotichitarum civitas multitudinem eorum, qui ad oraculum ventitabant, neque sufficeret suppeditandis iis, quæ ad victum erant necessaria, committitur oraculorum genus quoddam id quod nocturnum appellabatur. Siquidem libellis indormire solet, ut ajebat ipse, deinde tanquam in somnio divinitus edoctus respondebat: nihil certi tamen. Sed ambigue plerumque, ac confusum: maxime si quos libellos conlaxisset, accuratius atque observantius obsignatos. Ad hunc enim modum citra ullum resignandi periculum, quicquid temere in mentem venisset, subcribebat: ratus & hoc ipsum oraculis convenire. Erant autem ad id nonnulli constituti interpretes, qui mercedem non exiguam colligebant ab iis, qui ejusmodi capiebant oracula, ut enarrarent ea, explicarentque, atque hoc illorum munus conductitum erat. Nam interpretum quique talentum Atticum pendebat Alexandro. Nonnunquam, quum neque confuleret quisquam, neque missus esset aliquis: imo quum ne esset quidem hujusmodi quippiam, tamen oraculum edebat, uti stultos mortales redderet attonitos. Quod genus illud erat:

*Hunc age quare tuam qui tectus in adibus, ac te
Clam prorsum, uxorem vultuque oculisque decoram
Stuprat adulterio, servorum ex agmine primus.
Ipse cui solus suasisi hac omnia demens.
Ejus enim florem libasti, hoc dedecus ille
Nunc tibi compensans, cum conjuge dormis herili.
Quin iidem tibi jam pridem letale venenum
(Ut neque qua faciant, possis audire, nec unquam
Cernere luminibus) teste furtimque pararunt.
Inveniesque tuo sub lecto pharmaca, juxta
Parietem, sub cervicali condita, porro
Istis conscia criminibus tua serva Calypso est.*

Quis Democritus principio non commoveretur, ubi nominatim & auctores, & loca palam audisset designari? Verum illico despuisset, simulatque cognovisset, quo hæc artificio gererentur. Insuper & Barbaris non raro respondit, si quis patria lingua sciscitaretur, puta Syriace aut Gallice, quoties difficile erat invenire conterraneos eorum, qui rogationem proposuissent: proinde receptis libellis, multum intercedere solet intervalli, priusquam oraculum redderet, quo videlicet inter periculi posset & solvere tuto libellos, & nancisci, qui cuncta possent interpretari. Quod genus erat & illud Scythæ cujusdam redditum oraculum:

Morphi ebargulis in umbram chenchicranc, relinquet lucem.

Alias rursus, quum nec adesset item quippiam, neque ta-

A le quicquam omnino contigisset, citra carmen eloquutus est: *Redito unde venisti. Siquidem is qui te misit, hodie perit, interemptus a Diocle vicino, accedentibus latronibus, Magno, Celere, ac Bubalo, qui nunc etiam comprehensi tenentur in vinculis.* Cæterum pauca nunc accipe ex his quæ mihi ipsi respondit. Sciscitato an calvus esset Alexander, quum libellos palam atque accurate obsignassem, responsum nocturnum subscribitur: *Sabar Dalachi Malach Attis alter erat.* Rursus quum diversis libellis eandem rogationem proposuisssem, puta cujatis esset vates Homerus, idque alio atque alio nomine: alteri subscripsit, videlicet deceptus a puero: qui rogatus qua gratia venit, ut remedium, inquit, peterem adversus laterum dolorem:

Cyrmide te jubeo, ac Latona rore perungi.

Alteri vero ubi sciscitanti ei dictum esset, utrum mihi fatius esset in Italiam navigio, an pedestri itinere proficisci, respondit: nihil quidem quod ad Homerum attineret:

Carpe viam pedibus, rate ne sulcaveris undas.

Multa id genus adversus illum sum machinatus, quorum de numero fuit & illud: unica rogatione proposita libello pro more inscripto talis cujusdam rogationes octo, nomen aliquid ementitus, missis drachmis item octo: præterea quod fieri solitum esset adjungens. At ille persuasus, partim missa mercede, partim inscriptione libelli, ad unam rogationem, ea erat hujusmodi, quando deprehendendus esset impostor Alexander, octo misit oracula: sed quæ neque cælum (quod ajunt) neque terram attingerent, verum absurda & intellectu difficilia omnia. Quod ille ubi in posterum persensisset, præterea quod Rutilianum a matrimonio conatus essem avertere, suavissemque ne prorsus in divinatione spes reponeret suas, oderat me videlicet, ita uti par erat, sibi acerrimum hostem judicabat. Quodam itaque tempore percontanti de me Rutiliano ita respondit:

Noctivagus gaudet scortis, spurcoque cubili.

In summa, jure optimo me invisissimum habebat. Proinde quum me in oppidum advenisse sensisset, meque Lucianum esse illum cognovisset: adduxeram autem milites duos, alterum lancea, alterum conto armatum, quos quidem a Cappadociæ præfide mihi tum amico acceperam, quo me ad mare usque deducerent, accersit illico, sane quam comiter multaque cum humanitate. Ego cum advenissem, complures apud illum reperio: porro bona quadam fortuna & milites una mecum adduxeram. Tum ille manum mihi porrigit osculandam, quemadmodum vulgo facere consueverat: ego admotus, perinde atque osculum daturus acri morfui corripio, ita ut parum abfuerit, quominus illi manum mancarn reddiderim. Itaque qui præfentes erant, præfocare me accedere conati sunt tanquam hominem sacrilegum: quippe qui jam inde ab initio graviter tulerant, quod Alexandrum illum, non autem prophetam compellasset. At ille oppido quam generose obnitens compescuit illos, pollicitusque est se facile me placidum redditurum, declaraturumque quantum posset Glycon, qui nimirum & hos qui maxime sævirent ferocirentque, sibi redderet amicos. Moxque ablegatis omnibus, mecum exposulavit, negans se clam esse quæ suavissem Rutiliano. Ecquid me læsisset ut ista in sese facerem, quum possem illius opera apud illum magnas ad res promoveri? Equidem hanc hominis humanitatem commoditatemque libenter accipio, perpendens nimirum, quo forem in periculo constitutus: pauloque post prodibam, jam illi factus amicus. Ea res profecto iis qui videbant, vehementer erat stupenda, quod tam facile fuisset commutatus. Posthæc quum jam navigare statuissem, missis xeniis ac muneribus permultis (eram autem forte solus cum Xenophonte, patre cum reliquis meis in Amastrim præmisso) pollicetur & navim præbiturum sese, & remiges qui nos acherent. Etenim arbitrabar hæc animo simplici, atque officiose fieri: verum ubi jam in medio essemus mari, videremque gubernatorem lachrymantem, & nescio quid reliquis nautis contradicentem, non optima de eventu spes me ceperunt. Erat autem illis ab Alexandro mandatum, ut tollentes nos in mare præciperent darent. Quod si contigisset, facile quod mecum gerebat bellum, illi debellatum fuisset: sed is qui lachrymabatur, effecit ne quid in nos gravius patrarent. Ac mihi quidem ita loquutus est: Annos natus, uti vides, sexaginta, quum antehac pie atque inculpate vixerim, haudquaquam velim

in hac tam grandi ætate, præsertim quum uxorem & liberos habeam, homicidio manus impiare: indicans videlicet, cuius rei gratia nos suscepisset, quæque sibi mandasset Alexander. Expositis autem nobis in Ægialos, quorum etiam egregius meminit Homerus, retro legit cursum: ibi forte nactus præternavigantes legatos quosdam Bosphoranos Eupatoris Regis nomine in Bithyniam proficiscentes, deportandi vectigalis gratia, quod in singulos pendeatur annos: cum exposuissent illis, quod me periculum circumvallaret, atque illi se mihi commodos facilesque præberent, receptus in navigium, incolumis in Amastrim perveni: tantillum abfuerat ut perierim. Ex hoc nimirum tempore & ipse adversus illum arma capiebam, omnemque (quod ajunt) movebam funem, quo hominem ulciscerem, quem jam tum ante mihi structas insidias oderam, proque summo ducebam hoste, propter morum impietatem. Jamque ad accusationem intenderam animum, non paucis mecum facientibus, maximeque qui erant ex Timocratis Heracleotæ schola Philosophi. Verum qui tum Bithyniæ Pontoque præsidebat nos cohibuit, penè supplicans & obsecrans uti desisteremus. Et enim ob necessitudinem quæ sibi cum Rutiliano intercederet, nequaquam posse supplicio afficere, nec si manifesto in crimine deprehendisset. Atque ita quidem ab iracundia destituti, meque repressi: non in tempore rem aggressurus, cum judicem haberem ad eum modum affectum. Sed quid? an non & hoc inter alia facinus audax Alexandri: a principe Romano postulare ut Aboni murus, commutato vocabulo, Jonopolis appellaretur? utque nominis novum signaret, altera quidem parte Glyconis obtinens imaginem, altera vero Alexandri, qui insignia avi Æsculapii, ac falcem illam Persei, unde maternum ducebat genus, teneret. Porro cum esset de sese vaticinatus, oraculo prodito, fatis decretum esse, ut annos viveret centum & quinquaginta, de hinc fulmine ictum, interitu maxime miserando periturum: nondum septuaginta natus annos interiit, videlicet (uti conveniebat Podalirii filio) pede ad inguen usque putrefacto,

A & vermibus scatens. Quo tempore simul & illud deprehensum est, quod calvus esset: quum Medicis caput humectandum præberet, ad mitigandum cruciatum, id quod haudquaquam facere potuissent, nisi detracto galericulo. Hunc habuit exitum Alexandri tragoedia, atque hæc fuit totius fabulæ catastrophæ, ut res videri possit providentia quadam esse gesta, quum casu nimirum ad hunc modum eveniret. Restabat illud, ut & epitaphium vita acta dignum ei constitueretur: neque non certamina quædam agerentur ab iis qui in vaticinium conjuraverant, videlicet impostoribus insignibus ac præcipuis ad Rutilianum arbitrum sese conferentibus, ut is pronunciaret, quem ex ipsis oporteret in oraculi successione capefendam eligi, atque sacerdotali propheticaque corona redimiri. Erat autem in hoc numero simul & Pætus, qui artis professione Medicus, tum canus quum esset, ista faciebat, neque Medico neque homini cano decora. At Rutilianus certaminis arbiter, incoronatos eos remittebat, ipse sibi divinandi auctoritatem servans, posteaquam inde jam demigraverat. Hæc, amice, ex plurimis pauca, quo degustamentum hominis præberem, scribenda putavi, cum uti tibi gratificarer, homini familiari atque amico, quemque ego unum omnium maxime suspicio: idque pluribus nominibus, vel propter sapientiam singularem, vel ob amorem veri, vel ob morum mansuetudinem ac moderationem, vel ob vitæ tranquillitatem, postremo comitatem atque humanitatem erga hos, qui cum vivis. Tum vero (quod quidem tibi fuerit etiam jucundius) ut Epicurum ulciscerem, virum vere sacrum, ingenioque divino, quique solus quæ vere sunt honesta & noverit, & tradiderit: quique solus exstiterit, qui liberos reddere solitus sit eos, qui secum haberent consuetudinem. Denique arbitror fore, ut iis qui in hanc lectionem inciderint, liber hic nonnihil utilitatis asferre videatur, dum quædam redarguit, quædam in opinionibus horum, qui & recte sentiunt, confirmat ac stabilis.

O R N A T I S S I M O V I R O
D. CHRISTOPHORO URSEWICO,
DESIDERIUS ERASMUS ROTERODAMUS

S. D.



EQUIDEM hæc mente semper fui, ornatissime idemque humanissime Christophore, ut a nullo prorsum vitio perinde abhorruerim atque ab ingratitude, nec unquam istos hominis vocabulo dignos judicarem, qui alieni in se meriti tempore ullo possent oblivisci. Rursus eos existimaverim beatos, quibus tantum facultatis fortunæ commoditas suppedita esset, ut bene de se meritis, possent parem remeriti gratiam: beatissimos autem quibus licuisset acceptum beneficium aliquo cum favore rependere. Proinde cum ante hac sæpenumero mecum repeterem, quantum in me nihil promeritum tua benignitas contulisset (nam collatum arbitror, quicquid ita delatum est, ut haud scio utrum per fortunam, an per meipsum, certe per te non steterit quo minus acceperim) circumspectare me quoniam argumento possem aliquam saltem erga te memoris gratique animi significationem dare: neque in tanta fortunæ meæ tenuitate quicquam occurreret, quod ulla ex parte, non dicam tuis meritis responderet, sed quod vel animo satisfaceret meo: illud denique mihi venit in mentem, ut saltem istos quosdam non inurbanos homines imitarer, qui flosculo quopiam insigni, aut alio simili symbolo misso, voluntatis propensionem, promptique animi studium testificari solent: præsertim ipsi tenues erga eos, quibus neque res, neque animus sit alienorum egens munerum. Ergo Græciani ingredienti muscicæ (nam Musarum horti vel mediis vernant brumis) statim inter multos varia adblandientes gratia, hic Luciani flosculus præter cæteros arrisit. Eum non ungue, sed calamo decerptum ad te mitto, non solum novitate gratum, colore varium, specie venustum, nec odore modo fragrantem, verum etiam succo præsentaneo salubrem & efficacem. Omne tulit punctum (ut scripsit Flaccus) qui miscuit utile dulci. Quod quidem aut nemo, mea sententia, aut noster hic Lucianus est assequutus, qui præcæ Comædiæ dicacitatem, sed citra petulantiam referens: Deum immortalem! qua vafrie, quo lepore perstringit omnia, quonaso cuncta suspendit, quam omnia miro sale perfricat, nihil vel obiter attingens, quod non aliquo feriat scommate, præcipue Philosophis inestus, atque inter hos Pythagoricis potissimum, ac Platonici ob præstigijs: Stoicis item propter intolerandum supercilium, hos punctim ac cæsim, hos omni telorum genere petit: idque jure optimo. Quid enim odiosius, quid minus ferendum, quam improbitas virtutis professione personata? Hinc illi blasphemi, hoc est, maledici vocabulum addidere, sed hi, nimirum, quorum ulcera tetigerat. Pari libertate Deos quoque passim & ridet & lacerat, unde cognomen inditum ædæi, speciosum profecto vel hoc nomine, quod ab impiis ac superstitiosis attributum. Floruit (uti putant) Trajani ferme temporibus, indignum, ita me Deus amet, qui inter Sophistas annumeretur. Tantum obtinet in dicendo gratiæ, tantum in inveniendo felicitatis, tantum in jocando leporis, in mordendo aceti, sic titillat allusionibus: sic seria nugis, nugas seriis miscet: sic ridens vera dicit, vera di-

dicendo ridet: sic hominum mores, affectus, studia, quasi penicillo depingit: neque legenda, sed plane spectanda oculis exponit, ut nulla Comædia, nulla Satyra cum hujus dialogis conferri debeat, seu voluptatem spectes, seu spectes utilitatem. Cæterum si nominatim quæras hujus argumentum dialogi, facit id quod semper facit. Pythagoram velut impostorem ac præstigiatores taxat: Stoicorum fastum & sapientem barbam ridet: divitum ac Regum vita quantis sit ærumnis obnoxia docet: contra quam expedita res paupertas hilaris, suæque contenta sorte. Quem uti legas attentius, te majorem in modum rogo, si quando tibi per tua licebit negocia frontem exporrigere. Audies enim Gallum cum hero sutore confabulantem, magis ridicule quam ullus possit γελοιοποιῆς, sed rursus sapientius quam Theologorum ac Philosophorum vulgus nonnunquam in scholis magno supercilio, magnus de nugis disputat. Vale optime atque humanissime Christophore, & Erasmmum inter tuos ascribito clientulos, amore, studio, officio cessurum nemini. Ex arce Hammenfi. Anno M D III.

S O M N I U M S I V E G A L L U S:

I N T E R L O Q U U T O R E S, G A L L U S, M I C Y L L U S.



M I C Y L L U S.
T te, scelestissime galle, cum ista tanta invidentia, voceque tam acuta ipse perdat Juppiter, qui quidem opibus affluentem me, ac dulcissimo in somnio versantem, & admirabili felicitate fruientem, penetrabile quiddam & clamorū relonans expergefeceris, adeo ut ne noctu quidem effugere liceat paupertatem, vel te ipso longe nocentiorē. Atqui si conjectandum est, tum e silentio quod etiamdum ingens est, tum e rigore frigoreque, quod nondum me quemadmodum assolet, antelucano morficat titillatque (nam hic mihi certissimus gnomon adventantis diei) ne medium quidem adhuc noctis est. Sed iste pervigil, perinde quasi velus illud aureum fervet, ab ipsa protinus vespere vociferari coepit. Verum haudquaquam impune: siquidem mox poenas de te sumam, fusteque comminuam, si diluxerit modo. Nam nunc negotium mihi faceres, subsiliens in tenebris.
G A L. Here Micylle, equidem arbitrabar me tibi gratum esse facturum, si quoad possem, alta nocte lucem antevertissimē, quo posses antelucano surgens, quam plurimum operis conficere. Etenim si priusquam sol exoritur, vel unicam feceris crepidam, isthuc laboris lucro tibi accesserit ad parandum victum. Quod si tibi magis libet dormire, equidem tuo arbitratu quietem egero, longeque magis mutus fuero piscibus. Cæterum tute videto, ne per somnium dives, esurias experrectus.
M I C Y L. O prodigiorum averter Juppiter, o malorum depulsor Hercules: Quid hoc mali est? vocem humanam sonuit Gallus.
G A L. Hoccine tandem tibi prodigium videtur, si eadem qua vos lingua loquor?
M I C Y L L. Quid? an non hoc portentum? sed avertite Dii malum a nobis.
G A L L. At tu mihi videris admodum illiteratus esse, Micylle, nec evoluisse Homeri poemata, in quibus equus Achilles, cui nomen Xanthus, posteaquam hinnitus longum valere jussisset, medio in prælio constitit, disserens, totosque versus ordine recitans: non quemadmodum nunc ego profa oratione loquens: quin etiam vaticinabatur ille, deque futuris edebat oracula, neque quicquam prodigiosum facere videbatur: neque is qui tum audiebat, malorum averterem, ita uti tu facis, implorabat, quasi rem abominandam & avertendam audisse sese judicaret. At quid tandem facturus eras, si tibi navis cui nomen apud Homerum est Argo, carina fuisset eloquuta, ita ut olim in Dodoneæ sylvæ phagus per se loquens oraculum edidit? Aut si tergora direpta serpere vidisses, si carnes boum mugire semiaffas, coctasque verubus transfixas? Ego vero quum Mercurii sim assessor loquacissimī, Deorumque omnium facundissimī: præterea contubernalis vobis & convictor, haud mirum videri debet, si sermonem humanum edidici. Quod si mihi recipias taciturnum te, haudquaquam gravabor veriorē tibi causam aperire, unde factum sit, ut eadem qua vos lingua loquar, & unde mihi suppetat hujus orationis facultas.
M I C Y L. Modo ne isthuc ipsum sit somnium, galle, quod ita mecum loqueris. Sed dicito per Mercurium, o præclare: quid etiam aliud rei tibi sit in causa, ut istam linguam sones? Nam ut taceam, neque cuiquam proferam, quid attinet te sollicitum esse? Quis enim fidem mihi sit habiturus, si cui narrem, me gallum hæc loquentem audisse?
G A L. Ausculta igitur, nam orationem ex me audies, omnium (sat scio) maxime novam atque incredibi-

A lem. Siquidem hic qui nunc tibi gallus appareo, non ita pridem homo fui. **M I C Y L.** Profecto & olim istiusmodi quiddam de vobis inaudieram: Adolescentulum quempiam fuisse Gallum, Marti adamatū, atque hunc Deo compotasse, collusitasseque, & in voluptatibus gessisse morem. Itaque cum Venerem adiret Mars cum ea cubiturus: hunc quoque Gallum una secum adduxisse. Quoniam autem Solem potissimum metueret, ne si e sublimi conspexisset Vulcanum se proderet, foris ad ostium adolescentulum semper relinquere solitum, cujus indicio certior fieret, quando Sol emergeret. Deinde Gallum aliquando somno correptum, excubias deseruisse inscientem, Solemque nullo præsentiente imminuisse Veneri ac Marti secure dormienti, propterea quod confideret Gallum indicaturum fuisse, si quis intervenisset. Itaque Vulcanum a Sole edoctum, eos deprehendisse implicitos atque irretitos iis vinculis, quæ jam olim in illos fuerat fabricatus. Porro Martem simulatque dimissus est, indignatum adversus Gallum fuisse, atque cum in avem transmutasse, iisdem armis, ut in capite pro galea cristam obtineret. Hanc ob causam quo vos Marti purgetis, quum jam nihil opus, simulatque Solem exorientem sensitis, multo ante vociferari, atque illius exortum prænunciare.
G A L L. Feruntur quidem & illa Micylle. At quod ego sum narraturus, multo aliud quiddam fuit, atque adeo nuper admodum in gallum transformatus sum. **M I C Y L.** Quonam modo? Nam isthuc maximopere cupio cognoscere.
G A L. Audisti de Pythagora quodam Mnesarchida Samio?
M I C Y L. Num Sophistam illum dicis & gloriosum: qui instituit, ne quis vel carnes gustaret, vel fabas ederet, suavissimum mihi edulium, salubre & parabile a mensa submovens? Præterea autem qui mortalibus suavit, ne intra quinquennium loquerentur?
G A L. Scis nimirum & illud, quemadmodum priusquam Pythagoras esset, Euphorbus fuerit?
M I C. Præstigiatores & prodigiorum artificem hominem ajunt fuisse, o galle.
G A L L. Ille ipse ego tibi sum Pythagoras. Quare parce, quæso, mihi convitiari, præsertim quum ignores, quibus sum moribus.
M I C Y L. At hoc rursus multo etiam quam illud portentosius: gallus Philosophus? Attamen expone, Mnesarchi gnate, qui factum sit, ut ex homine avis, ex Samio Tanagraeus repente nobis prodieris. Neque enim ista verisimilia, neque omnino facilia creditu. Quandoquidem duas quasdam res jam mihi videor in te animadvertisse, nimium alienasa Pythagora.
G A L. Quas?
M I C Y L. Alterum quidem, quod garulus es, & obstreperus, quum ille filere in solidos quinque annos (si memini) præceperit. Alterum vero plane cum illius legibus pugnat. Etenim cum non haberem quod tibi objicerem, fabas heri (sicut nosti) ad te attuli. At tu nihil cunctatus protinus ea sublegebas: unde fit ut necesse sit: aut ementitum esse te Pythagoram esse, quum aliud quiddam sis: aut si Pythagoras es, legem prætergressum esse te, justque violasse, quum fabas ederis, perinde ac si caput patris comederis.
G A L. Non cognovisti, Micylle, quæ sit harum rerum causa, neque quæ ad unumquoque vitæ genus conducant. Ego tum quidem non esitabam fabas, propterea quod Philosophus essem. Nunc contra comedurus sim, quippe avicio congruas, neque nobis repudiandum fabulum. Verum si molestum non est, audi quemadmodum e Pythagora coeperim esse id, quod sum in præsentia, quamque in multis vitæ generibus antehac vixerim, & quid ex unaquaque transformatione sim consequutus.
M I C Y L.

Tom. I. Q. 2. Nar.

Narra quæso: nam mihi quidem auditu jucundissimum fuerit. Adeo ut si quis mihi deferat optionem, utrum te ista narrantem audire malim, an rursus felicissimum illud somnium, quod paulo ante vidi, videre, haud sciam utrum electurus sim, usque adeo cognata germanaque videntur esse ista tua cum suavissimis illis visis, & ex æquo vos æstimo, te pariter ac præclarum illud insomnium. GALL. Etiamnum tu somnium illud quod dudum tibi visum est, inanimum revocas, & inania quædam observans simulacra, atque (uti loquuntur Poetæ) evanidam quandam felicitatem memoria confectaris? MICYL. Imo illud scias galle, ne ullo quidem tempore unquam visi illius mihi venturam oblivionem. Tantum mellis somnium aufugiens in oculis mihi reliquit, ut præ illo vix queam palpebras attollere, rursus in somnum coeuntes. Itaque qualem voluptatem movent pennæ in auribus versatæ, talem titillationem mihi præbent ea quæ vidi. GALL. Novum quendam Hercule mihi narras amorem insomnii, siquidem alatum quum sit (sicut ajunt) metasque volandi præscriptas habeat somnium, jamque septa transilit, in oculis etiam vigilantis obversans, adeoque mellitum sit evidens apparet. Quare pervelim audire, cujusmodi nam sit istud, quod te supra modum delectat. MICYL. Gestio narrare. Nam dulce est hoc ipsum meminisse, & commemorare de illo quippiam. Verum, heus Pythagora: quando tu narrabis de tuis transformationibus? GALL. Ubi tu, Micylle, defieris somniare, melque illud ab oculis absterferis. Interim prior dicto, uti intelligam, utrumne per portas eburneas, an per corneas tibi somnium advolarit. MICYL. Neque per has, neque per illas, ô Pythagora. GALL. Atqui duas has tantum commemorat Homerus. MICYL. Valere sinas nugatorem illum Poetam, qui nihil de somniis intellexit. Paupertina fortassis somnia per istas commeant portas, qualia videbat ille: neque id admodum perspicue, quippe captus oculis. Mihi vero per aureas quasdam portas dulcissimum hoc advenit somnium, & ipsum aureum, & aureis undique circumamictum, & auri plurimum secum adducens. GALL. Define optime Mida de auro fabulari. Nam dubio procul ex illius voto, istud tibi accidit insomnium, & solidas auri venas mihi duxisse videris. MICYL. Multam auri vim vidi Pythagora, multam, quam putas pulchri? quo fulgore coruscantis? Quid tandem Pindarus in illius laudem dicit? nam in memoriam redige, siquidem meministi, quum aquam præstantissimam dicens, postea aurum admiratur, idque jure, statim in initio carminis unius omnium bellissimi. GALL. Num illud quæris?

Aqua est illa quidem optima:

Ceterum aurum, uti candens

Ignis, ita æniens, noctibus eminet eximie unum

Ceteras supra opes: quæ

Gloriam ac decus addunt.

MICYL. Per Jovem, isthuc ipsum: perinde enim ac si insomnium meum videat Pindarus, ita prædicat aurum, sed ut tandem cognoscas quale fuerit, ausculta jam sapientissimæ galle. Meministi ut heri nullum domi cibum acceperim: siquidem Eucrates dives ille forte mihi in foro factus obviam, lotum me in tempore ad cenam venire jusserrat. GALL. Isthuc equidem plane memini. Nam totum esuriebam diem, donec mihi profunda tandem vespera domum reversus, subvidus, vinoque madens, quinque illas fabas proferres, non admodum opiparam cenam gallo, qui quondam fuerit athleta, quique Olympia non segre olim decertavit. MICYL. Ast ubi reversus a cena fabas tibi objecissem, obdormii protinus. Tum mihi, juxta Homerum, ambrosia sub nocte divinum quoddam haud dubie somnium assistens. GALL. Sed prius quæ tibi apud Eucratem acciderint Micylle narra: & cujusmodi fuerit cena, quæque super cenam acta sunt omnia. Nihil enim prohibet te denuo cenare, si veluti somnium quoddam ejus cenæ reducas, & quæ tum edersis, rursus commemoratione quasi rumines. MICYL. Credebam molestum futurum me, si hæc quoque retulissem: verum posteaquam tu desideras, en id quoque narrabo, quum nunquam antehac in vita cenassissem apud ullum divitem, ô Pythagora, heri bona quapiam fortuna in Eucratem incidi atque ego quidem simulatque dominum illum salutassissem, ita uti consueveram, subducebam me: ne pudori illi essem, si lacera in veste fuisset affectatus. At ille: Micylle, inquit, hodie

A natalicia filiarum celebros, plurimosque ad convivium amicos invitavi, verum quoniam ajunt quendam ex his incommoda esse valetudine, neque posse pariter ad convivium nostrum accedere: tu ejus loco venito lotus, nisi ipse forte qui vocatus est, semet adfuturum renunciarit. Nam nunc quidem ambigit. Hoc ubi audissem, adorato divite discedebam: omnes obsecrans deos, ut algidam febrem aliquam, aut laterum dolorem, aut podagram morbi auctarium immitterent valetudinario illi, cujus ego fellæ occupator, cenæque vicarius, & hæres eram vocatus. Interim hoc spaci, quod usque ad balnei tempus intercessit, longissimum seculum esse judicabam: dum subinde respicio, quot pedum esset linea, & quando illos jam lavisse consentaneum esset. Hic ubi tempus tandem advenisset, ocyus me corripio, atque ab eo, nitide admodum cultus: sic obverso palliolo, ut qua esset parte purissimum, ea videretur. Offendo autem ad fores, & alios complures, in quibus etiam illum (gestabatur autem a viris quatuor) cujus eram subconviva vocatus: qui male habere dictus erat, atque id etiam præ se ferebat, quod afflicta esset valetudine: nam ex alto gemebat, tussiebatque, ac screabat, velut ex abdito: quodque ægre graderetur totus pallidus ac tumens, annos natus circiter sexaginta. Ferebatur autem Philosophus quispiam esse, ex his qui apud adolescentulos nugas deblaterant. At barba mire erat tragica, id est hircina, supra quam credi posset tonforis egens. Porro increpante Archibio Medico, quamobrem quum ita esset affectus, advenisset: non oportet, inquit, promissa deferere, præsertim hominem Philosophum, etiam si mille urgeant & instant morbi. Putabit enim Eucrates sese a nobis haberi ludibrio. Haudquaquam, inquam ego: imo colaudabit te, si domi potius apud te velis emori, quam in convivio animam una cum phlegmate excreans. Atque ille quidem præ arrogantia diffimulabat sese dictum audisse. Haud multo post accessit & Eucrates jam lotus: conspectoque Thesimopolide (nam id erat Philosopho nomen) præceptor, inquit, probe quidem factum abs te, quum ipse ad nos veneris. Tamen si nihilo deterius tibi fuerat futurum. Si quidem etiam absenti omnia ordine missa fuissent. Hæc simul atque dixerat introgreditur, manus illi porrigens pariter & famulis innotenti. Ego igitur jam abire parabam: verum ille conversus ubi diu secum hesitasset, posteaquam metristem admodum videret: ades, inquit, tu quoque Micylle, ac nobiscum cœna. Nam filium in mulierum conclavi una cum matre convivium agere jubebo, quo tibi sit locus. Ingrediebar itaque, quum parum abfuerit, ut lupus frustra hians discederem, verum ingrediebar pudens, quod Eucratem subolum e convivio viderem expulisse. Ast ubi jam tempus esset ut discumberemus, primum tollentes Thesimopolim compesuerunt, haud sine negotio per Jovem, quinque (si Diis placet) proceri juvenes, cervicalia illi supponentes undique: quo nimirum in eodem habitu permanere, ac longum etiam tempus durare posset. Deinde ubi nemo jam tolerare posset, ut juxta illum accumberet, me adductum reclinant, ut eadem in mensa essemus. Deinceps cenabamus, ô Pythagora, opiparam quandam & variam cenam, multoque in auro, multo item argento. Pocula erant aurea, ministri formosi: tum cantores & concitandi risus artifices. In summa, jucundissima quæpiam erat vita: nisi quod unum quiddam me vehementer male habebat: Thesimopolis obstrepens atque obturbans, virtutem nescio quam mihi commemorans, docensque, quod duæ negationes unicam efficerent affirmationem: quodque si dies sit, nox non sit. Nonnunquam & cornua mihi dictitabat esse, atque id genus multa philosophabatur erga me, quibus ejusmodi nihil opus: planeque voluptatem interpellatione minuebat, quum non sineret exaudiri eos qui citharra, voceque canebant. Habes galle de cena. GALL. Non admodum suavi, Micylle: maxime posteaquam cum illo deliro sene sortitus eras accubitus. MICYL. Audi nunc & insomnium: Visus enim mihi Eucrates ipse, quum orbus esset liberis, nescio quomodo e vita decedere. Dehinc ubi me accersisset, ac testamentum condidisset, quo me in solidum hæredem omnium scripserat, paulo tempore superstes emori. Porro ipse videbar adire facultates: & tum aurum, argentumque ingentibus quibusdam scaphis exhaurire, perpetuo subscaturiens & affatim affluens: tum autem vestes, mensas, pocula, ministros, omnia mea, ut par erat

erat esse. Postea candido vehiculo vestabar resupinus, cunctis qui intuebantur, conspiciendus & admirandus. Accurrebant permulti, ac circumque stabant, complures sequebantur. Ego interim illius indutus vestitum, & annulos gerens circiter sedecim digitis insertos, epulum quoddam splendidum jubebam adornare, quo amicos acciperem. Jamque illi, ita ut in somnio fieri consentaneum est, aderant: jam epulae erant comportatae, jam potus ex animi sententia ministratus. In his quum versarer, & aureis phialis praeberem omnibus qui aderant amicis: quum jam inferrentur bellaria, intempestivo tuo clamore perturbasti nobis convivium, mensasque subvertisti, ac divitias illas ita dissipasti, ut in auras evanescerent. Num tibi videor injuria stomachatus in te? nam vel treis noctes perpetuas libenter adhuc somnium illud quod mihi accidit, videre cupiam. G A L. Adeone es auri cupidus, & opum avidus, Micylle: idque ex omnibus unum admiraris, ac felicitatem unicam esse judicas, si plurimum possideas auri? M I C Y L. Equidem haud solus ita cogito Pythagora: quin ipse quoque, tum quum Euphorbus esses, auro atque argento comis intexto, prodibas pugnaturus cum Achivis: idque in bello, ubi ferrum quam aurum gestare satius fuerat. At tu etiam tum voluisti calamistris auro internexis in periculum descendere. Atque ob eam (opinor) causam, Homerus comastuas Gratiis similes dixit, quod auro argentoque revincirentur. Etenim longe nimirum meliores atque amabiliore videbantur, quod essent auro religatae, unaque cum eo relucere. Neque isthuc novum est Auricoma, si tu Pantho patre prognatus, aurum in precio habuisti: quin & ipse deorum omnium hominumque pater, ille Saturno Rheaque progenitus, quum Argolicam illam puellam adamaret: ubi nihil inveniret amabilius in quod sese transformaret, neque quo Acrisii custodias posset corrumpere: audisti videlicet, ut aurum sit factus: atque ita per tegulas illapsus, potius est ea quam deperibat. Jam vero quid tibi commemorem, quam multos usus praebeat aurum? Et ut eos quibus adfuerit, formosos, & sapientes, & potentes reddat, decus & gloriam illis concilians? utque nonnunquam ex obscuris & infamibus, claros ac celebres repente efficiat? Nam nostri vicinum mihi & ejusdem artificii Simonem: qui paucis ante diebus apud me coenavit, quum legumen coquerem Saturnalibus, duasque extorum caesuras immittens? G A L. Novi Simonem illum brevem: qui fictilem ollulam, quae nobis erat unica, suffuratus, peracta coena abiit, sub ala gestans. Nam ipse vidi, Micylle. M I C Y L. Atqui quum eam sustulit, tam multos ille deos postea jurabat. Sed cur non prodebas, ac vociferabare tum, o galle, quum nos furto spoliari conspiceres? G A L. Coccizabam, quod mihi solum licebat id temporis: verum quid Simon ille? Nam videbare de illo dicturus nescio quid. M I C Y L. Ei consobrinus erat vir supra modum dives, nomine Drimylus: is quoad vivebat, ne obulum quidem donaverat Simoni: nam qui daret, quum ne ipse quidem pecunias attingeret? At simulatque mortuus est nuper: universis illis opibus juxta leges Simon ille, qui coria putria, qui patellam circumlingebat, gaudens potitur: purpura ostroque circumtectus, famulosque & currus, & aurea pocula, & mensas eburnis innixas pedibus possidet, ab omnibus adoratur: jamque nos ne aspicit quidem. Etenim nuper quum illum procedentem conspexissem: Salve, inquam, Simon. At ille indigne ferens: Edicite, inquit, mendico isti, ne vocabulum meum diminuat, neque enim Simon, sed Simonides appellor. Porro (quod est omnium maximum) mulieres etiam illius amore capiuntur. Atque is quidem eludit eas, ac fastidit: & alias quidem admittit, comemque sese praebet, aliae porro quae negliguntur, necem conficituras sibi minitantur. Vides quantas commoditates pariat aurum: quandoquidem eos qui sunt deformissimi, transfigurat, & amabiles reddit, non secus atque cestus ille Poeticus. Audis insuper & a Poetis dictum:

O aurum auspiciata res, & osentum optimum:

Et rursum:

Aurum est quod opibus imperat mortalium.

Sed quid interim risisti galle? G A L. Quoniam tu quoque per inscitiam Micylle, simili modo falleris opinione de divitiis, quemadmodum vulgus: verum (crede mihi) longe etiam erumnosior vitam vivunt, quam vos. Haec au-

tem loquor, qui ipse & pauper, & dives aliquando fuerim: atque omne vitae genus sim expertus. Porro paulo post ipse quoque haec omnia cognosces. M I C Y L. Per Jovem tempestivum jam est, ut & tu referas quemadmodum sis transfiguratus: & quid in unoquoque vitae genere perspexeris. G A L. Ausculta, hoc tantum praemonitus, me neminem feliciorem vita, quam tu sis, unquam vidisse. M I C Y L. Quam ego sim o galle? Hanc felicitatem tibi ipsi imprecor. Nam videre me tibi ridendum proponere. Verum age, narra, exordiens ab Euphorbo, quo pacto fueris in Pythagoram transformatus: Deinceps ordine ad gallum usque. Consentaneum enim est, te varias res tum vidisse, tum tulisse: nimirum tam diversis vitae formis. G A L. Quemadmodum initio ab Apolline profecta anima in terram devolarit, & corpus humanum subierit, ut illic poenam quandam deberet, id longum dictu futurum sit. Praeterea neque mihi referre fas est, neque tibi ejusmodi audire. Verum ubi Euphorbus factus essem. M I C Y L. Sed ego priusquam essem is, qui nunc sum, o praecclare, quisnam eram? hoc mihi prius dicito: numquid & ego versus fuerim itidem ut tu? G A L. Maxime. M I C Y L. Quis igitur eram? si quo modo potes dicere, pervelim enim isthuc cognoscere. G A L. Tu formica fueras Indica, ex earum genere, quae aurum effodiunt. M I C Y L. Et postea neglexi infelix, vel paucula frustra in vitam importare, quum illo essem alitus? Sed age quid post haec futurus sim dicito: quandoquidem consentaneum est scire te. Etenim si quid bonae sit rei, jam nunc suspendero me ab ista pertica, in qua nunc stas. G A L. Istuc profecto nulla ratione possis cognoscere. Caterum quum Euphorbus essem (nam ad illa redeo) in Troja pugnabam: atque a Menelao necatus, aliquanto post tempore in Pythagoram perveni. Porro eousque absque tecto perdurabam, donec Mnesarchus aliquando mihi domum aedificaret. M I C Y L. Obsecro te, num absque cibo potuque? G A L. Maxime. Nihil enim istis rebus opus, nisi corpori duntaxat. M I C Y L. Illud igitur prius dicito, ea quae ad Trojam gesta sunt, num ita se habent, qualia fuisse dixit Homerus? G A L. Quidnam ille scire potuisset, Micylle: qui quidem dum ista gererentur, ipse camelus erat in Baetris? Caterum ego tibi tantum res labor divinitus, nihil id temporis eximium fuisse, neque Ajacem usque adeo magnum, neque Helenam adeo formosam, quemadmodum arbitrantur: siquidem vidi catrida quandam & procera cervice, ut hinc cygno progeneretur esse adsimularent. Caterum vehementer animum, aequalem propemodum Hecubae. Hanc Theseus primum raptam in Aphidnis possedit. Is vixit Hercules ferme aetate. Porro Hercules prius Trojam ceperat, patrum nostrorum memoria, qui per id temporis maxime florebat. Nam haec mihi Panthus narravit, se cum esset admodum adolefcens, vidisse Herculem. M I C Y L. Quid autem Achilles? Num talis erat, nempe quavis in re praestantissimus? An & istaec fabulamenta sunt. G A L. Cum illo quidem congressus non sum: neque quicquam adeo comperte de rebus Graecorum dicere. Etenim qui scire potui, quum hostis essem? Certe Patroclum illius amicum, haud ita magno negotio peremi lancea dissectum. M I C Y L. Deinde te Menelaus multo minore negotio: verum istis de rebus satis: Nunc res Pythagoricas refer. G A L. Illud in summa Micylle: Sophista quispian eram (oportet enim videlicet fateri verum) alioqui non imperitus, neque inexercitatus in honestissimis disciplinis. Profectus sum autem in Aegyptum: quo cum Prophetis congregarer, de sapientia communicaturus. Hic adyta subit, atque ibi Ori & Isis libros perdidici. Post rursum in Italiam renavigabam, ac Graecos juxta ea quae in Aegypto didiceram, ita institui, ut me perinde ac Deum suspicerent. M I C Y L. Equidem inaudieram istaec: praeterea quemadmodum creditus fueris, defunctus in vitam rediisse, utque aureum femur illis subinde ostenderis. Verum illud mihi dicito, quid tibi venit in mentem, ut legem statueres: uti neque canibus, neque fabis velcerentur homines? G A L. Ne perconteris ista Micylle. M I C Y L. Quam ob rem o galle? G A L. Nam pudet hisce de rebus verum fateri. M I C Y L. Atqui non convenit, uti id facere graveris apud hominem contubernalem & amicum: nam herum posthac, absit ut dixerim. G A L. Nihil sani, neque praecleari quicquam erat: verum animadvertebam, si consueta modo, atque eadem quae vulgo traduntur a multis praecipissem, non fore, ut

mortales in admirationem adducerem: sed quo peregriniora, magisque aliena proposuissē, futurum, ut hoc magis novus, magisque viderer admirandus. Proinde institueram in animo, novæ quiddam rei designare, ejusmodi proposito decreto, cujus causa esset inexplicabilis, quo videlicet aliis aliud conjectantibus, omnes redderentur attoniti: quemadmodum in obscuris oraculis solet usu venire. MICYL. Illud vide ut rides me tu quoque, non minus atque Crotoniatis ac Metaponticos & Tarentinos: cumque his alios, qui muti sequuntur, tuaque adorant vestigia, quæ tu calcata reliquisti. Verum ubi Pythagoram exueas, quem post eum induisti? GAL. Aspasiā Miletensem illam meretricem. MICYL. Papæ, quid ego audio? Siquidem inter alia mulier quoque fuit Pythagoras? Ita ne fuit aliquando tempus, quo tu galle generosissime ova pariebas, cumque Pericle rem habebas, jam Aspasia videlicet: atque ex illo gravis facta es? Præterea lanam tondebas, tramamque deducebas? Postremo meretricum in morem gestiebas, vultumque componebas? GAL. Ista quidem omnia feci, tametsi non ego solus: verum & ante me, tum Tiresias, tum Elati proles Cæneus. Proinde quicquid in me convitii dixeris, tantumdem & in illos dixeris. MICYL. Age igitur, utra tibi vita erat suavior, quum vir esses, an quum Pericles tecum haberet consuetudinem. GAL. Vides cujusmodi istuc est quod percontaris? nempe cui ne Tiresiæ quidem expedierit respondere. MICYL. Atqui si minus fateare tu: tamen istuc Euripides satis explicuit, quum ait: se malle ter sub clypeo consistere, quam parere semel. GAL. Imo præmoneo te paulo post puerperam fore: siquidem & tu mulier es olim futurus, idque sæpius longo nimirum seculorum orbe atque recurso. MICYL. Non tu pendebis, ô galle, qui quidem omneis mortales Milesios aut Samios esse ducas? Nam ajunt te etiam tum quum Pythagoras esses, venusta forma decorum, sæpius Aspasiā fuisse tyranno. Verum age secundum Aspasiā, in quem virum aut mulierem denuo renatus es? GAL. In Cratem Cynicum. MICYL. O Castor, & ô Pollux, quam dissimile, ex scorto Philosophus? GAL. Deinde Rex, deinde pauper, paulo post satrapes: dehinc equus, graculus, rana, aliaque innumerabilia: per longum enim fuerit singula recensere. Postremo gallus, atque id sæpius, nam hoc vitæ genere sum delectatus. Interea & aliis diversis mortalibus servivi, Regibus, pauperibus, divitibus: postremo nunc tecum vivo, rideoque quotidie, quum video te paupertatis tædio complorantem, ejulantemque, ac divitum admirantem fortunas, propterea quod ignores quantum illis adsit malorum: alioqui si curas noris, quibus illi distringuntur, te ipsum profecto riseris, qui antea credideris eum, qui sit opulentus, statim felicissimum esse omnium. MICYL. Ergo Pythagora, aut quid maxime gaudeas appellari, ne confundam orationem, si te nunc hoc, nunc illo nomine compellem. GAL. Nihil intererit, siue Euphorbum, siue Pythagoram, siue vocaris Aspasiā, siue Cratem: quandoquidem ista omnia sum unus, nisi quod rectius feceris, si (id quod in præsentiarum esse videor) Gallum me vocas, ne avem hanc parvi ducere, contemne- reque videre: præsertim quum tam multas contineat animas. MICYL. Ergo, Galle, quandoquidem omnia pene vivendi genera jam expertus es, atque omnia cognita habes, age dilucide mihi narrato, quæ sint peculiaria divitum ad vitæ rationem, quæ pauperum propria: quo videlicet cognoscā, vere ne isthuc affirmes, me divitibus esse feliciorē. GAL. En hunc admodum interim perpende, Micylle. Te quidem non magnopere tangit cura belli, si quando rumor sit adventare hostes: neque sollicitus es, ne in agros incurstantes populentur, neve hortum proculcetur, proterantque, aut vineas vastent: sed simulatque tubam audieris, si tamen audieris, de teipso uno circumspicias, quo deflexus servari queas, ac discrimen effugere. Contra illi tum de sese solliciti sunt, tum animo discruciantur, quum de mœnibus quicquid opum possidebant in agris, id omne tolli, deportarique conspiciunt. Ac si inferendum est aliquid in ærarium, soli accersuntur: siue in prælium exeundum, periclitantur: aut peditum turmis, aut equitum alis præfecti. Tu interim vimineum gerens clypeum, expeditus ac levis, ad salutem consulendum, paratus victorale convivium agere, si quando victor exercitus sacra fecerit. Rursum pacis tempore, tu quidem quum de plebe sis, ingressus in concionem, ty-

rannidem in divites obtines: illi vero trepidant, pavitantque, ac largitionibus, choragiisque te placant: siquidem quo tibi balnea, ludi, spectacula, reliquaque id genus abunde suppeditent, ea omnia curant illi. At tu, censor & acerbis expensor perinde quasi dominus ne alloquio quidem interdum dignaris illos: quod si tibi collubitum sit, ingentibus saxis in illos degrandinas, vel facultates eorum publicas facis: ipse neque calumniatorem metuis, neque latronem, ne tollat aurum, vel ædium conscenso fastigio, vel pariete perfosso: neque necesse habes rationibus occupari, neque exactioibus, neque tibi cum sceleratis dispensatoribus conflictandum est, neque tantas in sollicitudines distraheris: verum simulatque crepidam unam perferes, mercedemque retuleris septem obolos, sero furgis crepusculo: & si libuerit, lavaris, tum empto saperda quopiam, aut mænide pisciculo, aut paucis ceparum capitulis, temetipse oblectas, canens plerumque, optimaque cum paupertate philosophans, adeo ut eas ob res salubris valentique corpore, obduruerisque adversus gelu: siquidem labores, qui te exa- cuunt, muniuntque, certatorem haud quaquam contemnendum reddunt adversum eas res, quæ compluribus inexpugnabiles esse videntur. Atque hinc nullus ex morbis illis gravioribus impetit te. Quod si quando levis cœperit febri- cula: paulo negotio eam medicatus, protinus exilis, inedia temet inde excutiens. Illa porro fugit illico: quippe metuens te, quem videat etiam frigore ali, saturumque fieri, ac Medicorum certis illis recuribus longum plorare renun- ciantem. At illi ex adverso propter intemperantiam vitæ, quid tandem mali non habent infelices? podagras, phthi- ses, pulmonum exulcerationes, aquas intercutis. Nam hæc omnia a sumptuosius illis conviviis nascuntur. Proinde qui- cunque ex his Icari in morem (ut fere faciunt) sese attol- lunt, propiusque se Soli admovent, haud cogitantes, quod alas habeant cera adglutinatas, ingentem nonnunquam stre- pitum movent. Cæterum qui Dædali exemplo non admodum sublimia, neque excelsa appetunt: verum humilia, terræque vicina, adeo ut cera nonnunquam salis aspergine madesceret, ii tuto plerumque ac citra discrimen transvola- runt. MICYL. Moderatos istos & cordatos narras. GAL. Verum aliorum, Micylle, naufragia foedissima conspicias: nempe, ubi Croesus revulsis alis risum exhiberet Persis, conscenso rogo: aut Dionysius quum abdicatus tyrannide, Corinthiorum in urbe ludi literarii magistrum ageret, post gestum tantum imperium, pueros compellens ut syllabas conne- cterent. MICYL. Dic mihi, Galle: tu quum Rex esses (nam ais te Regem quoque fuisse) cujusmodi tandem id vitæ genus experiebaris? Mirum ni tum felix eras, quan- doquidem id quod est bonorum omnium caput possidebas. GAL. Ne mihi in memoriam regeras, ô Micylle, usque adeo supra modum infelix tum eram. Nam quo ad res exter- nas, quemadmodum dixisti, plane fortunatus esse vide- bar: at intus innumerabilibus curis distringebar. MICYL. Quibus tandem curis? Nam rem prorsus absurdam neque credibilem narras. GAL. Equidem imperabam regioni neutiquam exiguae, Micylle, omnijugarum rerum feraci, tum incolarum frequentia, neque non urbium pulchritudi- ne cum primis admirandæ: præterea fluminibus navigabi- libus, ac mari portuoso commodæ. Ad hæc exercitus in- gens, equitatus spectatissimus atque excellens, satellitum haud exiguum, triremes, pecuniarum vis major quam ut posset numerari, vasorum argenteorum plurima copia, reliquaque omnis illa principatus Tragœdia, strepitusque & apparatus supra quam credi queat, exstructus atque accum- ulatus. Itaque quum prodirem, plerique adorabant, Deum quempiam intueri sese rati, alique trudentes alios concur- rebant, quo me conspicerent, nonnulli conscensis tectis, magni æstimabant, si plene contemplari licuisset quadri- gam, stragulam, diadema, tum anteambulones, & eos qui a tergo comitabantur. Ego inter hæc mihi conscius, quan- tæ me res discruciant, versarentque, illos quidem propter infcitiam venia dignos judicabam: at mei ipsius mise- rescebat, qui prægrandibus illis Colossis viderer persimilis: quales vel Phidias, vel Myron, vel Praxiteles fabricatus est. Etenim illorum quisque quo ad ea quæ foris apparent, Neptunus ipse est, aut Juppiter, mirifice decorus auro, eboreque compactus: & aut fulmen, aut fulgur, aut tri- dentem fuscina dextra sustinet. Cæterum si immisso ca-
pite

pite quæ sunt intus inspicias, videbis vinctes quosdam, paxillos, & clavos introrsum prominentes, neque non vimina, cuneosque, & picem sublitam, & aliam item id genus deformitatem intrinsecus inhabitantem. Omitto recensere muscarum, mustelarumque vim, quæ nonnunquam in eis manitant. Hujusmodi quædam res nimirum regnum quoque videtur. MICYLL. Nondum explicuisti, lutum, & clavos, & vinctes, quinam fuerint in imperio, neque sceditatem illam plurimam quænam sit: nam istum ad modum vinctari, tam multis imperare mortalibus, ac numinis instar adorari, hæcenus quidem cum Colossi exemplo quadrat. Siquidem hoc quoque divinum quiddam & admirandum: nunc autem quæ sint intra Colossus exposito. GAL. Quid primo loco tibi referam, Micylle: utrum metus, curas mortales, suspiciones, odium, quo Regem persequuntur ii, qui cum illo vivunt: insidias, atque eas ob res somnum rarum, & hunc ipsum pertinemem, ac plena tumultus infomnia, cogitationes perplexas, spes semper improbas: an ocii penuriam, & occupationes, judicia, expeditiones, edicta, fœdera, consultationes? quibus rebus sit, ut ne per somnium quidem aliqua re suavi frui liceat, verum ut omnibus de rebus solus dispiciat necesse est, milleque negocia sustineat.

*Quippe nec Atriden Agamemnona dulcis habebat
Somnus, multigenas versantem pectore curas.*

Idque quum reliqui omnes Achivi sterterent. Adde quod Lydum illum disruiat filius mutus: Persam vero, Clearchus ad Cyrum desciscens. Atque alium quempiam, Dionem cum Syracusanis nonnullis ad aurem communicans. Rursum alium quendam urit Parmenion collaudatus. Item Perdiccam Ptolemæus. Ptolemæum Seleucus. Quin illa quoque molestiam adferunt: amasius per vim non sponte convivens, concubina alio gaudens, tum si qui defectionem parare dicantur: aut duo, quatuorve satellites inter sese consufurrantes. Porro (quod est omnium gravissimum) amicissimi quique vel maxime sunt formidandi, semperque metuendum, ne quid magni mali ab illis exoriat. Nam alius a filio veneno necatus est: alius item ab amasio. Alium simile quoddam fortassis mortis genus eripuit. MICYLL. Apagesis. Atrocia, miraque sunt ista quæ narras, ô Galle. Mihi igitur multo sit tutius operæ cædonicæ primum incumbere, quam ex aurea bibere phiala comiter delatum haustum, cæterum cicuta aconitoque temperatum. Nam mihi quidem hoc unum est periculi: ut si paulum aberret smilium, defleatque a recta incisione, summum secantis digitum exiguo sanguine tingat. At isti quemadmodum narras, letifera agunt convivia, atque id innumerabilibus in malis constituti. Deinde ubi conciderint, persimiles esse videntur Tragediarum histrionibus. Nam multi sicut videre licet, quoad Cæropes sunt scilicet, aut Sisyphi, aut Telephi diademata gestant, argenteisque capulis gladios, comamque ventilant, & auro intertextam clamydem: quod si quis (qualia nimirum permulta solent accidere) impulsos illos media in scena præcipites det, risum profecto moveant spectatoribus: videlicet persona una cum ipso diademate contrita, vero autem actoris capite luxato, cruribusque maxima ex parte renudatis: ut jam interioris amictus quam miseri fiant panni fiat perspicuum, ac cothurnorum quos pedibus induxerunt, appareat deformitas, haudquaquam ad pedis modum respondentium. Vide ut me jam similitudines conferre docueris optime galle. Cæterum tyrannis talis quædam res tibi visa est esse: verum ubi equus esses, aut canis, aut piscis, aut rana, quomodo eam vitæ rationem ferebas? GAL. Istum quem nunc suscitasti sermonem & longior sit, neque hujus temporis. Illud autem unum in genere dixerim: nullam ex omnibus vitam mihi non visam tranquilliorē vitam humanā, naturalibus duntaxat cupiditatibus & usibus circumscriptam. Siquidem publicanum equum, aut sycophantam ranam, aut sophistam graculum, aut popinatorē culicem, aut cinædum gallum, atque id genus alia, quæ vos studio comminiscimini, haudquaquam inter illos videbis. MICYLL. Quæ dicis, ô galle, fortassis vera sunt: verum non me pudebit apud te fateri, quod mihi accidit. Haud unquam quivi dediscere cupiditatem illam, a puero mihi insitam, videlicet ut dives evadam. Quin nunc quoque somnium illud ob oculos versavimus, aurum ostentans: potissimum autem scelestus ille Simon excruciat, qui quidem tantas inter opes delicietur. GAL. At ego te isto levabo

A morbo, Micylle, tametsi nox etiamdum est. Surge modo, ac sequere me. Siquidem ad ipsum te Simonem adducam, atque in aliorum divitum ædes, quo nimirum videas, quomodo res habeant apud illos. MICYLL. Istuc quo pacto, clausis foribus? Num me parietes transfodere compelles? GAL. Nequaquam, verum Mercurius, cui sum sacer, hoc optanti mihi largitus est, ut si quis longissimam caudæ pennam, quæ ob molliciem inflectitur. MICYLL. Atqui duas habes ejusmodi. GAL. At dextram ex his avulsam cuicumque ego gestandam dederō, is quoad voluerō, fores omnibus poterit aperire, cunctaque videre, ipse invisibilis. MICYLL. Equidem ignorabam, ô galle, te præstigiis quoque peritum esse. Porro si mihi isthuc semel præstiteris, videbis illico Simonis universas opes huc deportatas, nam eas huc rediens transferam. At ille rursus circumrodet, ebibetque putria coria, quibus consuevit soleas compingere. GAL. Atqui nefas sit istuc facere. Siquidem Mercurius illud mihi mandavit, ut si quis pennam tenens, istiusmodi quippiam parat, vociferans furem proderem. MICYLL. Rem neutiquam verisimilem narras, nempe Mercurium quum ipse sit fur, non sinere alios, ut idem faciant. Sed tamen abeamus. Nam aurum auferam, si modo possim. GAL. Pennam prius revellito. Quid hoc rei? ambas revulsisti. MICYLL. Tutius hoc quidem ô galle, tum tibi minus fœdum sit futurum, ne altera caudæ parte mutilatus claudices. GAL. Age sane: sed utrum Simonem prius adimus, an alium quempiam divitum? MICYLL. Haud alio, imo ad Simonem, qui videlicet pro dissyllabo, tetrasyllabus esse affectet, posteaquam dives evasit. Sed jam ad fores accessimus. Quid igitur deinceps facio? GAL. Pennam feræ admove. MICYLL. Ecce autem Dii boni, ostium perinde atque clavi refiliit. GAL. Perge porro præcedens: Vides illum vigilantem ac supputantem? MICYLL. Video per Jovem & quidem ad obscuram siticulofamque lucernam. Præterea pallet, haud scio unde galle, totusque exaruit, atque extenuatus est, mirum, ni curis. Neque enim auditum est illum alioqui male habere. GAL. Ausculta quid dicat: siquidem intelliges, quibus de causis ad eum modum sit affectus. SIMON. Nimirum septuaginta illa talenta tuto admodum sub lætica defossa sunt, neque quisquam alius omnino vidit. At vero, sedecim illa Sosylus equis vidit me sub præsepi occultantem: Itaque de curando stabulo non est admodum sollicitus, quanquam nec alias admodum laboris appetens, verisimile est autem illum merito etiam his plura sustulisse. Nam unde alioqui Tibius heri tam ingens falsamentum illi opsonio proposuisset? Tum autem ajunt, illum monile emisse uxori drachmis quinque. Heu misero mihi. Hi omnia mea dissipabunt bona. Quid quod ne pocula quidem sit in tuto mihi recondita sunt, quum sint multa. Vereor enim, ne quis ea suffosso pariete tollat. Complures mihi invident, atque insidias parant. Præter cæteros autem Micyllus iste vicinus. MICYLL. Ita per Jovem. Nam tibi sum similis, ac patellas sub ala gesto. GAL. Tace, Micylle, ne protinus ipso in furto nos prodas. SIMON. Optimum igitur fuerit, ut ipse infamnis ferverem. Omnem obibo domum in orbem obambulans. Quis iste? video te per Jovem. O parietum perfosso, posteaquam es columna, bene res se habet. Pernumerabo denuo refossum argentum, ne quid forte dudum me fugerit. En rursus, obstrepuit mihi nescio quis. Nimirum, obsideo, atque insidiis appetor ab omnibus, ubi mihi gladius? Si quenquam deprehendero, rursus aurum defodiamus. GAL. Sic tibi habent ô Micylle, res Simonis. Sed abeamus ad alium quempiam donec noctis adhuc aliquantulum superest. MICYLL. O miser, cujusmodi vivit vitam? hostibus eveniat ad hunc modum divitem esse. Itaque pugno illi in maxillam illiso, volo discedere. SIMON. Quis me pulsavit? Latrocínio despolior miser. MICYLL. Plora ac vigila aurique similis corpore reddaris, quandoquidem illi affixus, deditus es. Nos autem, si videtur, Gniphonem fœneratorem visamus. Nam necis procul hinc habitat. Ipsæ nobis suapte sponte fores patuerunt. GAL. Vides hunc quoque curis invigilantem, & usurarum rationes iterantem digitis contortis? cui propediem relictis his omnibus sit in silpham, aut culicem, aut muscam abundum. MICYLL. Equidem video meliorem ac recordem hominem, ne nunc quidem multo meliorem vivere vitam, quam silphæ aut culicis. Adeo totus & hic a curis & rationibus est extenuatus. Nunc ad alium eamus.

GAL.

GALL. Ad tuum, si videtur, Eucratem. En tibi fores per se patuere. Quin introimus? MICYL. Paulo ante hæc omnia mea erant. GALL. At etiam nunc tu divitias somnias? vides igitur Eucratem ipsum quidem a famulo, virum natu grandem. MICYL. Video profecto quiddam haudquaquam virile. Porro altera ex parte ipsam item uxorem a coquo constuprari. GALL. Quid ergo? Num optaris & ho-


rum hæres existere Micylle, cunctaque possidere, quæ sunt Eucratis? MICYL. Haudquaquam galle. Imo fame citius interierim, quam id genus quippiam patrarem. Valeat aurum & convivia. Duo oboli mihi potiores divitiæ sunt, quam si a domesticis mihi domus perfodiatur. GALL. Sed jam nunc quandoquidem dies ferme diluxit, domum ad nos redeamus. Reliqua rursus alias videbis Micylle.

O R N A T I S S I M O
J U R I S U T R I U S Q U E D O C T O R I
T H O M Æ R U T H A L L O
S E C R E T A R I O R E G I O,
P O S T E P I S C O P O D U N E L M E N S I
D E S I D E R I U S E R A S M U S R O T E R O D A M U S
S. P. D.



IDE quantum audaciæ mihi suppeditet singularis quædam ingenii tui, morumque facilitas, humanissime Ruthalle: qui cum neutiquam ignorem te inter Aulicos primores, vel auctoritate, vel gratia, vel splendore, vel eruditione præcipuum esse: tamen non verear meas nugas rudes adhuc, vixque e prima scheda repurgatas ad tuam excellentiam mittere. Sed quid facerem? Jam urgebat navita, ventos & æstum nulli servire clamitans. Itaque ne nihil mei apud hominem tam nostri studiosum relinquerem, id quod tum forte erat in manibus, Misanthropum missi, nimirum ad virum unum omnium Philanthropotaton. Is est Luciani dialogus, quo vix alius lectu vel utilior, vel jucundior, versus quidem ille jam pridem ab alio nescio quo: sed ita versus, ut interpres hoc modo demonstrare voluisse videatur, sese neque Græciscire, neque Latine: nec temere adeo quis suspicetur eum interpretem subornatum esse ab iis, qui Luciano male volunt. Tu nostram hanc audaciam boni consules, & Erasmus in eorum numero pones, qui tui sunt amantissimi. Vale, Londini, Anno M D IV.

T I M O N S I V E M I S A N T H R O P U S .



JUPITER Philie, hospitalis, sodalitie, domesticæ, fulgurator, jusjurandice, nubicoge, grandistrepe: & si quod aliud tibi cognomen attoniti Poetæ tribuunt, maxime quum hærent in versu. Nam tum illis tu multinominis factus, carminis ruinam fulcis, metrique explēs hiatum. Ubi tibi nunc magnicrepum fulgur, gravifremum tonitru? ubi ardens, candens, ac terrificum fulmen? Nam hæc omnia jam palam apparet, nugas esse, fumumque Poeticum, nec omnino quicquam præter nominum strepitum. Sed decantata illa tua arma eminus ferientia expromptaque, nescio quomodo penitus extincta sunt, frigentque adeo, ut ne minimam quidem scintillulam iracundiæ adversus nocentes reliquam obtineant. Itaque citius quis ex his, qui pejeraturi sunt, extinctum ellychnium metuerit, quam flammam fulminis cuncta necantis: usque adeo titionem quempiam in sese vibrare te putant, ut incendium aut fumum ab illo proficiscens, nihil quicquam formident: verum hoc solum vulneris inferri posse judicent, ut fuligine compleantur. Quibus rebus factum est, ut jam Salmoneus tibi sit ausus etiam obtonare, neque id admodum ab re: quippe adversus Jovem usque adeo ita frigidum, vir ad facinora fervidus, audaciaque tumidus. Quid ni enim faciat, ubi tu perinde ac sub mandragora stertis: qui neque pejerantes exaudias, neque eorum qui flagitia committunt, respectum agas? Cæcutis autem lippitudine, & hallucinaris ad ea quæ sunt: auresque jam tibi obsiduerunt, instar horum, qui ætate defecti sunt. Quandoquidem quum juvenis adhuc esses, acrie animo, vehementerque ad iracundiam, per multa in homines maleficos ac violentos faciebas. Neque tum unquam tibi cum illis erant induciæ. Sed perpetuo fulmen erat in negotio: perpetuo obvibrabatur Ægis, obstridebat tonitru: fulgur continenter jaculorum in morem, densissime ex edito loco devolantium torquebatur. Terræ quassationes, cribri instar frequentes: ad hæc nix cumulatim, neque non grando saxorum in morem: atque ut tecum grandius loquar, imbresque rapidi & violenti, ac flumen quotidie exundans. Hinc tantum repente Deucalionis æ-

tate naufragium ortum est, ut omnibus sub aqua demersis, vix unica scaphula servaretur, quæ in montem Lycorem appulit, humani generis quasi scintillulas quasdam fervans, unde sceleratius etiam genus in posterum propagaretur. Nimirum igitur dignum focordia præmium ab illis reportas: quum jam nec sacra faciat tibi quisquam, nec coronas offerat: nisi si quis obiter in Olympicis, ac ita ne is quidem rem admodum frugiferam facere videatur, sed priscum quendam ritum magis referre, ac pene Saturnum, o Deorum generosissime, te reddunt, magistratu abdicantes. Ommitto loqui, quoties jam templum tuum sacrilegio compilarint: quum tibi etiam ipsi in Olympicis manus admoliti sint. Atque interea tu altifremus ille pigritabar, vel excitare canes, vel vicinos advocare: ut auxilio accurrentes illos comprehenderent, quum etiam dum ad fugam adornarentur. Sed egregius ille, gigantumque extinctor & Titanum victor sedebas, quum tibi cæsaries ab illis circumtonderetur, decemcubitale fulmen dextera tenens. Horum igitur, o præclare, quis tandem erit finis, quæ tu adeo secure despicias? aut quando de tantis maleficiis poenas sumes? Quot Phaëtones, aut Deucaliones, satis idonei sint ad expiandum tam inexhaustam morum iniquitatem? Etenim ut de communibus fileam, de iis quæ mihi acciderunt dicam: quum tam multos Athenienses in sublime evexerim, ex pauperrimis divites reddiderim: cunctisque quotquot opus haberent, suppeditarim, imo semel universas opes in amicos juvandos effuderim: simulatque his rebus ad inopiam deveni, jam ne agnoscor quidem ab illis, nec aspicere dignantur me, qui dudum reverebantur, adorabant, meoque de nutu pendebant. Quod si quando per viam ingrediens, forte fortuna in eorum quempiam incidero, perinde ut eversum hominis jam olim defuncti statuam, ac temporis longitudine collapsam prætereunt, quasi ne norint quidem. Porro alii procul conspecto me alio sese detorquent: existimantes sese inauspicatum, abominandumque visuros spectaculum, quem non ita pridem servatorem & adiutorem suum esse prædicabant. Itaque prementibus malis ad extrema redactus consilia, renone arrepto, terram exerceo, quaternis conductus obolis: atque hic cum solitudine, cumque ligone philosophor. Hoc interim lucri mihi videor fa-

sturus, quod posthac non intuebor plerosque præter meritum secundis fortunæ successibus utentes. Nam illud vel maxime urit. Jam igitur tandem aliquando Saturni Rheæque proles excusso profundo isto, gravique somno (nam Epimenidem quoque dormiendo vicisti) denuo jactato fulmine, aut ex Oeta redaccenso, ingenti reddita flamma iram aliquam strenui illius ac juvenilis Jovis ostende, nisi vera sint quæ a Cretensibus de te, tuaque sepultura feruntur. J v p. Quis hic est, Mercuri, quem audio sic vociferantem ex Attica, ad radicem montis Hymetti, horridus totus, ac squalidus, pelleque hircina amictus? fodit autem ut arbitrator, nam pronus incumbit homo loquax & confidens: mirum ni Philosophus est, neque enim alioqui adeo impia, nefariaque in nos fuerat dicturus. M e r c. Quid ais, pater, an non nosti Timonem Echecratidis filium Colyttesem? Hic nimirum est, qui nos sæpenumero in sacris legitimis convivio accepit, ille repente dives factus, ille qui totas Hecatombas, apud quem splendide Jovialia festa consuevimus agitare. J v p. Hem quænam ista rerum commutatio? hincine honestus ille? dives, quem tam frequentes cingebant amici? Quid igitur accidit ut hoc sit habitus? squalidus, ærumnolosus, flosor conductitius, uti conjicio, quum tam gravem ligonem gerat? M e r c. Ad hunc modum illum quodammodo probitas everit, atque humanitas, & in omnibus quicunque egerent misericordia. At revera vecordia potius facilitasque, nullusque in suscipiendis amicis delectus, quippe qui nequitiam intellexerit, sese corvis lupis, que largiri. Quin magis quum a vulturibus tam multis misero jecur eroderetur, ob id amicos eos necessariosque judicabat, quasi benevolentia erga sese afficerentur, quum illos epulæ magis caperent. Ergo posteaquam ossa penitus nudassent, circumfossissentque, deinde si qua medulla suberat, hanc quoque admodum diligenter exiuxissent, aufugerunt, exsuccum & radicibus defectum destituentes: adeo ut postea ne agnoscant quidem, aut aspiciant, tantum abest ut sint qui suppeditent, impertiantque. Has ob res flosor, & fago, ut vides, opertus pelliceo urbem præ pudore fugiens, mercede terram exercet, adversus ingratos atra bile stomachatur, qui quidem sua benignitate ditati, admodum fastuose nunc prætereant, ac ne nomen quidem an Timon vocetur, noverint. J v p. Atqui profecto vir nequitiam fastidiendus, neque negligendus, & jure optimo indignatur, qui iis tantis in malis agat. Quæ sceleratos istos adulatorem ipsi quoque fuerimus imitati, si eum virum neglexerimus, qui tantum taurorum & caprarum pinguißimas quasque nobis in aris adoleverit. Quarum nido: etiamdum mihi in naribus residet. Tametsi propter negocia maximamque turbam pejerantium, tum vi, non jure agentium, neque non aliena rapientium, præterea ob formidinem, quam mihi pariunt sacrilegi, qui quidem tum multi sunt, tum observatu difficiles, adeo ut ne minimum quidem nos connivere sinant. Jam pridem profecto ad Atticam regionem oculos detorsissem, maxime posteaquam Philosophia & de verbis digladiationes apud istos increbuerunt, ita ut pugnantibus inter se istis vociferantibusque ne exaudire quidem mortaliū vota liceat. Unde mihi necessum est, aut auribus obturatis sedere, aut dirumpi ab eis, conficique, qui virtutem quandam, & incorporea quædam, meraque nugæ ingenti vociferatione connectunt: hæc in causa fuerunt, ut hunc quoque neglexerim, quum haud mediocriter de nobis sit meritis. Quod reliquum est Mercuri, tu Plutū adducens, quantum potes ad istum abeas. Porro Plutus una secum ducat & thesaurum, & utrique apud Timonem perierent. Neque usque adeo facile demigrent, etiam si quam maxime rursum illos per bonitatem ex ædibus excgerit. Cæterum de palponibus illis, atque ingratitude qua in hunc sunt usi, in postero consultabo: pœnasque daturi sunt, simul atque fulmen instauravero. Nam fracti sunt in eo retusa culpæ duo e radiis maximi: quum nuper avidius in Sophistam Anaxagoram jacularer, qui suis familiaribus suadebat, nullo pacto esse ullos nos, qui Dii vocemur. Ac illum quidem errore non feriebam, propterea quod Pericles obtemperanti manu eum protexerat. Cæterum fulmen in Castoris ac Pollucis templum detortum, tum illud exussit, tum ipsum parum absuit, quin ad saxum comminueretur. Quanquam interim vel id supplicii satis magnum in istos fuerit, si Timonem conspexerint egregie locupletem factum. M e r c. Quantum

A habet momenti altum vociferari, & obstreperum audacemque esse? Idque non iis modo qui causas agunt, verum etiam qui vota faciunt conducibile. En mox e pauperrimo dives evaserit Timon, qui se in precando clamolum & improbum præstiterit, Jovemque reddiderit attentum. Quod si silentio fodisset incurvus, etiam nunc foderet neglectus. P l v r v s. At ego, Jupiter, haudquaquam ad istum rediturus sum. J v p. Quid ita non rediturus, optime Plute, præsertim a me jussus? P l v. Quoniam per Jovem injuria me affecit ejiciens, & in multa fragmenta dissecans: idque quum illi paternus essem amicus, ac me, pene dixerim, fuscinis ex ædibus extrusit, nec aliter quam ii, qui e manibus signem abijciunt. Num rursus ad istum ibo, parasitis, adulatoribus & scortis donandus? Ad eos me mitte, o Jupiter, qui munus intellecturi sint, qui amplexuri: quibus equidem in precio sim, & majorem in modum exoptatus. At hi stupidi cum inopia commercium habeant, quam nobis anteponunt, ut ab ea accepto sago pelliceo, ligoneque sat habeant, quum quatuor lucrantur obolos, decem talenta contemptim dono dare soliti. J v p. Nihil istiusmodi posthac in te facturus est Timon, quippe quem ligo abunde satis corripuerit, nisi prorsus nullum dolorem sentiunt illius ilia, te videlicet potius, quam inopiam esse præoptandam. At tu mihi querulus admodum videris esse, qui nunc Timonem incuses, quod tibi patefactis foribus libere permiserit vagari, neque includens, neque zelotypus inte. Porro alias diversa de causa in divites stomachabare, quum diceres te ab illis repagulis, clavibus, ac signorum objectaculis impressis ita fuisse conclusum, ut ne prospicere quidem in lucem tibi liceret. Id igitur apud me deplorabas, affirmans præfocari te nimis tenebris: eoque pallidus nobis occurrebas, & curis confectus, digitis etiamnum ex assiduo colligendi, coacervandique usu contractis, contortisque: quod si quando daretur oportunitas, aufugiturum quoque ab illis te minitabare. In summa rem supra modum acerbam judicabas in æreo ferreove thalamo, Danaes exemplo, virginem asservari, atque a scelestissimis educari pædagogis, scœnore & computo; proinde absurde facere a jebas hos, quod te præter modum adamarent: neque (quum liceret) frui auderent, neque quum ipsis esset in manu, amore suo secure uterentur: sed vigilantes observarent, ad signum ac seram oculis nunquam conniventibus neque usquam dimotis semper intuentes, abunde magnum fructum arbitantes non quod ipsis fruendi facultas adesset, sed quod nemini fruendi copiam facerent, non aliter quam in præsepis canis, nec ipsa vescens hordeis, nec e quum famelicum id facere sinens. Quinetiam ridebas istos, qui parcerent, asservarentque, & (quod esset absurdissimum) ipsi quidem sibi subtraherent, vererenturque contingere, non intelligerent autem fore, ut aut sceleratissimus famulus, aut dispensator, aut liberorum pædagogus furim subiret, ludibrio habiturus infelicem & inamabilem herum, quem postea sinat ad fuliginosam, & oris angustis lucernulam, ac siticulosum scirpulum usuris invigilare. Quid itaque: an non iniquum, quum hæc quondam inculaveris, nunc in Timone diversa his criminari? P l v. Atqui si rem vere perpenderis, utrumque me jure facere judicabis. Nam, & Timonis ista nimia lenitas, negligentia potius, haud benevolentia, studiumque, quod ad me pertinet, merito videatur. At e diverso, qui me ostiis ac tenebris inclusum servabant, id agentes, quo scilicet crassior saginatioque ac vehementer corpulentia onustus evaderem, quum interim neque ipsi contingerent, neque in lucem producerent, ne vel aspiiceret a quopiam, hos dementes & contumeliosos in me judicabam: quippe qui me nihil commeritum tot in vinculis cogerent situ carieque putrescere, haud intelligentes, quo mox demigrent, me alii cuiquam, cui fortuna faverit, relicturni. Nec hos igitur probo, sed ne illos quidem qui nimium facile mihi manus admovent. Sed qui (quod est optimum) mediocritate utantur, uti nec prorsus abstineant, neque penitus profundant. Etenim illud per Jovem considera Jupiter: Si quis ubi puellulam & formosam lege duxisset uxorem, postea neque observet, nec ulla omnino zelotypia prosequatur, videlicet sinens illam noctu atque interdiu quocunque libitum sit ire, & quicunque voluissent cum his habere rem, vel producat potius ultro ut adulteretur, fores aperiens, prostitutusque, & quoslibet ad illam invitans, num hic amare videbitur? profecto hoc tu ne quaquam dices

Tom. I.

R

Ju-

Jupiter, qui saepe numero amorem senseris. Rursum si ingenuam lege domum deducat, uti liberos legitimos progeneret, ceterum nec ipse contingat florentem aetate, decoramque virginem, nec alium sinat aspicere: sed inclusam, orbam, sterilemque in perpetua virginitate contineat, idque prae amore se facere praedicet, & hunc quidem praeferat, pallore, corpore exhausto, oculis refugis, num fieri potis est, ut hujusmodi non desipere videatur? quippe qui quum liberis oportuerit operam dare, fruique conjugio, puellam adeo formosam atque amabilem sinat emarcescere, per omnem vitam tanquam Cereri sacerdotem alens. Hujusmodi & ipse indigne sero: quum a nonnullis signominiose cadior calcibus, laniorque atque exhaurior: a nonnullis contra perinde ut stigmaticus fugitivus compedibus vincior. J. V. P. Quid est autem quod adversus illos indigneris, quandoquidem utrique poenas egregias luunt? Alteri quidem dum Tantali in morem, neque bibere sinuntur neque edere: sed ore sicco duntaxat inhiant auro. Alteri vero dum his ceu Phineo cibos Harpyiae ipsis e faucibus eripiunt. Sed abi jam, Timone multo post hac usus cordatiore. P. L. An ille aliquando desinet me ceu foraminoso cophino, priusquam omnino influxerim, data opera exhaurire, quasi conetur occupare, quo minus influam: veritus, ne si copiosius infundar, ipsum undis obruam? Quo fit, ut in Danaidum dolium aquam mihi videar allaturus, frustra que infusus, vase non continente liquorem: imo prius propemodum effuso quod influit, quam influxerit. Adeo latus dolii hiatus ad effusionem ac liber exitus. J. V. P. Proinde ni hiatum istum obturaverit, perpetuamque perstillationem sistere studuerit, te propediem effuso, facile rursus sagum, & lignem in dolii fece reperiet: sed interim abite, atque illum divitem reddite. At tu Mercuri fac memineris, ut rediens Cyclopes ex Aetna tecum adducas, quo fulmen cuspidem restituta resarciat. Nam eo nobis acuminato opus fuerit. M. E. R. C. Eamus, Plute. Quid hoc? Num claudicas? Equidem ignorabam o praclare: te non caecum modo, verum etiam claudum esse. P. L. V. Atqui non hoc mihi perpetuum Mercuri: verum si quando proficiscor a Jove missus ad quempiam, tum nescio quo pacto tardus sum, & utroque claudus pede, ita ut aegre ad metam pertingere queam: sene nonnunquam interim facto, qui me operiebatur. Porro quum discedendum est, alatum videbis multo avibus celeriores. Unde fit, ut vix jam amoto repagulo, ego jam praekonis voce victor pronunciet, saltu stadium transiens, ne videntibus quidem aliquoties spectatoribus. M. E. R. C. At ista quidem haud vera narras: imo ego tibi permultos commemorare queam, quibus heri ne obuius quidem erat, quo restim emerent: qui hodie repente divites facti, splendide vivant: albis quadrigis vehantur, quibus arte ne a fellus quidem suppeditarit. Hi tamen purpurati, aurumque manibus gestantes obambulant. Qui ne ipsi quidem opinor, credere possunt, quin per somnium divites sint. P. L. V. Isthac alia res est, Mercuri, neque enim tum meis ipsis ingredior pedibus, nec a Jove, sed a Dite ad istos transmittor: qui & ipse nimirum opum largitor est, ac magna donans: id quod ipso etiam nomine declarat. Itaque quoties est mihi ab alio ad alium demigrandum, in tabellas injiciunt me, ac diligenter obsignantes sarcinae in morem sublatum transportant. Interea defunctus ille alicubi in aedium tenebricola parte jacet, vetere linteo in genua injecto tectus, de quo feles digladiantur. Porro qui me speraverant obtinere, in foro operiuntur hiantes: non aliter quam hirundinem advolantem stridentes pulli. Deinde ubi signum detractum est, & lineus ille funiculus incisus, apertaeque tabellae, jamque novus dominus pronunciat, sive cognatus quispiam, sive adulator, sive servulus obscenus, qui puerili obsequio favorem emeruerit, etiam tum mento subrafo, pro variis & opiparis voluptatibus, quas illi jam exoletus suppeditaverat, ingens scilicet praemium ferens generosus quisquis ille tandem fuerit, nonnunquam me ipsis cum tabellis arreptum, fugiens adportat commutato nomine: ut qui modo Pyrrhias, aut Dromo, aut Tibius: jam Megacles aut Megabizus, aut Protarchus appelletur. Ceterum illos nequequam hiantes, seque mutuam intuentes relinquit, ac verum luctum agentes, quod ejusmodi Thynnus ex intimo fagena sinu sit elapsus, qui non parum magnam escam devoravit. At hic repente totus in me irruens, homo vitae mundioris atque elegantioris, nudis, pin-

A. gui, illotaque cute, qui compedes etiam dum horrescit: & si quis praeteriens loro increpet, arrestis stet auribus: quique pistrinum, perinde uti templum adoret, non est deinceps tolerandus iis, quibuscum vivit: verum & ingenuos afficit contumelia, & conservos flagris caedit: experiens, num sibi quoque similia liceant, donec aut scortulo cuiuspiam irretitus, aut equorum alendorum studio captus, aut adulatoribus sese permittens, dejerantibus Nireo formosiores esse, Cecrope Codrove generosiores, callidiores Ulyssae, unum autem vel sedecim pariter Crœsis opulentiores, momento temporis semel profundat infelix, quae minutatim multis ex perjuriis, rapinis, flagitiis, fuerant collecta. M. E. R. C. Ista ferme sic habent uti narras, verum ubi tuis ipsis ingredis pedibus, qui tandem caecus quum sis viam invenire soles? Aut qui dignoscis ad quosnam Jupiter te miserit, dignos illi visos qui divitiis abundent? P. L. V. Enimvero, credis me reperire istos ad quos mittor? M. E. R. C. Per Jovem haudquaquam. Neque enim alioqui Aristide praeterito, ad Hipponicum & Calliam accessisses, tum ad alios Athenienses, homines ne obulo quidem aestimandos. Ceterum quid facis quandoquidem es emissus? P. L. V. T. Sursum ac deorsum circumcurans oberro, donec imprudens in quempiam incurro: hic autem quisquis ille sit, qui forte primus me nactus sit, abducit ac possidet, te Mercuri pro lucro praeter spem objecto venerans atque adorans. M. E. R. C. Num ergo fallitur Jupiter: qui quidem credat ex ipsis animi sententia, ditari abs te hos, quos ille dignos existimavit qui ditescerent? P. L. V. Et jure quidem optimo fallitur o bone: quippe qui quum me caecum esse non ignoret, emittat vestigatum rem usque adeo repertu difficilem, & jam olim e vita sublatam, quam ne Lyaceus quidem facile inveniret, quae nimirum adeo obscura sit, ac minuta. Itaque quum rari sint boni, improbi porro in civitatibus omnia obtineant, oberrans facile in hujusmodi mortales incurro, ac retibus illorum illigor. M. E. R. C. At qui fit, ut quoties eos deseris, celeriter aufugias quum via sis ignarus? P. L. V. Tum demum acutum cerno, pedibusque valeo, ubi ad fugam tempus invitat. M. E. R. C. Jam illud quoque mihi responde, qui fit, ut quum sis oculis captus (dicendum enim est) praeterea pallidus, postremo claudus, tam multos habeas amantes, adeo ut omnes in te defigant oculos? & si potiantur, felices videantur, sin frustrentur, non sustineant vivere? Ex his equidem non paucos novi, qui sic per te te amarint, ut se aereo e scopulo piscosi in aquoris alta, praecipites abjecerint, rati fastidiri sese abs te, propterea quod illos nullo pacto respexisses. Quanquam sat scio, tu quoque fateberis, si quo modo tibi ipsi potus es, furete istos, qui ejusmodi amore sunt demerati. P. L. V. At enim credis me, qualis sum, talem istis videri, nempe claudum, aut caecum, aut si quid aliud adest mihi vitii. M. E. R. C. Quidni, o Plute? nisi forte & ipsi omnes caeci sunt. P. L. V. Haud caeci quidem, o optime, verum inscitia, errorque, quae nunc occupant omnia, illis offundunt tenebras: ad haec ipse quoque ne per omnia deformis sim, persona vehementer amabili tectus inaurata, gemmisque picturata, ac versicoloribus amictus eis occurro: at illi rati sese nativi vultus venustatem aspicere, amore capiuntur, dispereuntque nisi potiantur. Quod si quis me toto corpore renudatum illis ostenderit, dubio procul futurum sit ut se ipsi damnent, qui tantopere caecutierint, ad amantes res ne utique amandas ac foedas. M. E. R. C. Quid ergo posteaquam eo perventum est ut jam divites evaserint, jamque personam sibi circumposuerint, rursus falluntur? Adeo ut si quis illis detrudere conetur, pene caput potius, quam personam abiciant? Neque enim verisimile est etiam tum illos ignorare, auro bracteatum esse formam, quum intus cuncta inspexerint. P. L. V. Ad id non parum multae res, o Mercuri, mihi sunt adjumento. M. E. R. C. Quanam? P. L. V. Simulatque qui me primum nactus est, apertis foribus exceperit, clanculum una mecum introit elatio, vecordia, jactantia, mollicies, violentia, dolus, atque alia item innumera: a quibus omnibus posteaquam est animus occupatus, jam admiratur quae ne utique sunt admiranda, & appetit ea quae sunt fugienda, meque cunctorum illorum quae introierant, malorum patrem stupet, illorum satellitio vallatum, quidvis potius passurus, quam uti me compellatur rejicere. M. E. R. C. Ut levis ac lubricus es, Plute, retentum difficile, ac fugax, neque ullam praebens animum certam quo

quo preñsus tenere: sed nescio quomodo anguillarum ac serpentum in morem inter digitos elaberis. At e diverso paupertas, viscosa, preñsu facilis, totoque corpore mille uncōs gerit hamos, ut qui tetigerint, illico hæreant, nec facile queant avelli. Verum interea dum nugamur, rem haud parvam omisimus. P. L. Quam? M. E. R. C. Nempe, quia thesaurum non adluserimus, quo vel in primis erat opus. P. L. Isthac quidem ex parte bono sis animo. Nam non nisi in terra relicto illo ad vos adscendere soleo: jussuque intus manere foribus occlusis, neque cuiquam aperire, nisi me vociferantem audierit. M. E. R. C. Jam igitur Atticam adeamus. Tu me consequitor chlamydi adhærens, donec extremam viam attigerimus. P. L. Recte facis, Mercuri, quum me per viam ducis. Etenim si me defereres, forsitan oberrans in Hyperbolum aut Cleonem inciderem. Sed quis hic stridor ceu ferri saxo impacti? M. E. R. C. Timon hic est, qui proxime montanum & petricosum fodit solum? Papæ: adest & Paupertas, & Labor ille, tum Robur, Sapientia, Fortitudo, atque id genus aliorum turba: quorum omnium agmen Fames cogit, longe præstantius quam tui sint satellites. P. L. Quin igitur quam occyffime didicimus, Mercuri? Neque enim ullum operæ precium fecerimus cum homine ejusmodi vallato exercitu. M. E. R. C. Secus visum est Jovi: quare ne metu deterreamur. P. A. V. P. T. S. Quo hunc nunc Argicida manu abducis? M. E. R. C. Ad hunc Timonem, ad quem a Jove sumus ire jussi. P. A. V. Ita ne rursus Plutus ad Timonem? posteaquam ego hunc antea diliciis male corruptum suscepi: commendansque Sapientiæ & Labori, strenuum, multique precii virum reddidi? Adeo ne despicienda injuriæque idonea vobis Paupertas judicor, ut hunc quæ mihi unica erat possessio, eripiat, jam exactissima cura ad virtutem excultum? ut Plutus hic ubi denuo suscepit, per contumeliam & arrogantiam illi manu injecta, talem reddiderit, qualis erat dudum, mollem & ignavum, ac vecordem: rursus mihi restituat, ubi jam nihili factus erit, & rejiculus? M. E. R. C. Sic ô Paupertas, Jovi placitum est. P. A. V. Equidem abeo. At vos Labor & Sapientia, reliquique consequimini me. Porro hic brevi cognoscet, qualis in se fuerim, quam nunc relinquet: nempe adjutrix bona, & rerum optimarum doctrix. Qui cum donec habuit commercium, sano corpore, valentique animo perseveravit: virilem exigens vitam, & ad sese respiciens: supervacua autem & vulgaria ista aliena, ita ut sunt, existimans. M. E. R. C. Discedunt illi: nos ad eum adeamus. T. I. M. N. Quinam estis, ô scelesti? aut qua gratia huc advenistis homini operario mercenarioque negotium exhibituri? verum haudquaquam læti abibitis, scelesti ut estis omnes: nam ego vos illico glebis & saxis petitos comminuam. M. E. R. C. Nequaquam, ô Timon, ne ferito, neque enim feries mortales: verum ego sum Mercurius, hic Plutus. Misit nos Jupiter, votis tuis exauditis. Quare, quod bene vertat, opes accipe, desistsens a laboribus. T. I. M. N. Atqui vos jam ploraveritis, etiam si Dii sitis ut dicitis. Siquidem odi pariter omnes, tum Deos, tum homines. Sed hunc cæcū quisquis hic fuerit, mihi certum est ligone impacto comminuere. P. L. V. Abeamus per Jovem Mercuri: quandoquidem hic homo mihi videtur non mediocriter insanire, ne malo quopiam accepto discedam. M. E. R. C. Ne quid ferociter Timon: quin exue potius penitus istam ferocitatem, asperitatemque, ac manibus obviis excipe bonam fortunam: rursus dives esto: rursus Atheniensium princeps, & ingratos illos despice, quum solus florebis. T. I. M. N. Nihil mihi vobis est opus, ne obturbate. Sat opum mihi ligo: præterea fortunatissimus sum, si nemo propius ad me accesserit. M. E. R. C. Adeone quæso inhumaniter?

Hæc ego seua Jovi refero atque immania dicta?

Atqui par erat forsitan homines tibi haberi invisos, ut qui tam multa indigna in te commississent: Deos odio te prosequi nequaquam erat consentaneum, quum illi tantopere tui curam agant. T. I. M. N. At tibi Mercuri, Jovique, quod me respicis, plurimum equidem habeo gratiam: cæterum hunc Plutum nequaquam recepero. M. E. R. C. Quid ita? T. I. M. N. Quoniam pridem innumerabilium malorum hic mihi fuit auctor, quum me assentatoribus proderet, insidiatores in me invitaret, conflaret odium, illecebris corrumpere, invidiæ obnoxium redderet: denique quum repente me adeo perfide ac proditorie destituerit. Contra, paupertas

A optima, me laboribus viro dignissimis exercens, mecumque vere & libere convivens, & quibus opus erat suppediavit laboranti, & vulgaria ista docuit contemnere, effecitque ut mihi vitæ spes omnis ex me ipso penderet, demonstrans quænam essent opes vere meæ: nempe quas neque adulator assentans, neque sycophanta minitans, neque plebs irritata, neque concionator suffragiorum auctor, neque tyrannus intentus insidiis queat eripere. Itaque jam validus effectus ob laborem, dum hunc agellum graviter exerceo, neque quicquam eorum quæ sunt in civitate malorum aspicio, abunde magnum & sufficientem victum mihi ligo suppeditat. Quare tu, Mercuri, quam venisti viam remetiens, recurre, una tecum Plutum adducens ad Jovem. Illud mihi sat fuerit, si effecerit ut omnes mortales per omnem ætatem ejulent. M. E. R. C. Nequaquam ô bone, neque enim omnes ad ejulandum sunt accommodi. Quin tu iracunda pueriliaque ista missa fac, ac Plutum excipe: non sunt rejicienda munera, quæ a Jove proficiuntur. P. L. V. Vin, Timon, ut contra te partes defendam meas, an graviter feres si quid dixerō? T. I. M. N. Dicito, ne multis tamen, neque cum procemiis, quemadmodum perditissimi isti solent Oratores. Nam hujus Mercurii gratia te feram paucis dicentem. P. L. V. Atqui multis mihi potius erat dicendum, tot nominibus abs te accusato. Attamen vide, num qua in re te, quemadmodum ais læserim: qui quidem dulcissimarum quarumque rerum tibi extiterim auctor, opifexque, auctoritatis, præfidentiae, coronarum, aliarum item voluptatum: mea opera conspicuus eras, celebris & observandus. Cæterum si quid molesti ab adulatoribus accidit, non mihi potes imputare: quin ipse magis abs te sum affectus contumelia, propterea quod me tam ignominiose viris illis execratis suppeditar: qui te mirabantur, ac præstigiis dementabant, mihi que modis omnibus insidias struebant. Porro quod extremo loco dixisti, te a me proditum, desertumque fuisse: istud criminis in te possum retorquere, quum ipse sum modis omnibus a te rejectus, præceptique exactus ex ædibus. Unde pro molli chlamyde, sagum istud charissima tibi paupertas circumposuit. Itaque testis est mihi hic Mercurius, quantopere Jovem oraverim ne ad te venirem, qui tam hostiliter esses in me debacchatus. M. E. R. C. At nunc vides Plute, in cujusmodi hominem sit commutatus. Proinde audacter cum illo consuetudinem age. Tu vero fode ita ut facis. Tu interim Thesaurum sub ligonem adducito. Audiet enim si tu acceriveris. T. I. M. N. Parendum est, Mercuri, rursusque ditescendum. Quid enim facias quum Dii compellant? tamen vide, in quas turbas me miserum conjicies: qui quidem quum ad hunc usque diem felicissime vixerim, tantum auri repente sum accepturus, nihil commeritis mali, tantumque curarum suscepturus. M. E. R. C. Sustine, Timon, mea gratia, tametsi grave est isthuc, atque intolerandum, quo videlicet palpones illi præ invidia rumpantur. Ego porro superata Ætna in cælum revolavero. P. L. V. Abiit ille quidem sicut apparet. Nam ex alarum remigio facio conjecturam. Tu vero hic operire, siquidem digressus Thesaurum ad te transmittam, sed feri fortius: tibi loquor auri Thesauri, Timoni huic audiens esto, offerque temet eruendum. Fodi Timon altius impingens. Cæterum ego a vobis digredior. T. I. M. N. Age jam ô ligo, nunc mihi tuas vires explica, neque defatigare, dum ex abdito Thesaurum in apertum evocaris. Hem prodigiorum auctor Jupiter, amici Corybantes, ac lucifer Mercuri, undenam auri tantum? Num somnium hoc est? Metuo ne carbones reperturus sim experrectus. Atqui aurum profecto est insigne, fulvum, grave, & aspectu multo jucundissimum.

Pulcherrima Aurum faustitas mortalibus.

F Quippe quod ignis in morem ardes, noctesque & dies renides. Ades ô mihi charissimum desideratissimumque, nunc demum credo vel Jovem ipsum olim aurum esse factum. Etenim quæ tandem virgo non exporrecto sinu usque adeo formosum amatorem excipiat, per tegulas illapsam? ô Mida Cræseque, ac munera Delphico in templo dicata: ut nihil eratis sic cum Timone, cumque Timonis opibus conferamini: cui ne Persarum quidem Rex par est. O ligo, sagum carissimum, vos huic Pani suspendi commodum est. At ego quammaxime semotum mercatus agrum, turriculoque servandi auri gratia constructa, uni mihi affatim vixero: sepulchrum item inibi mihi defuncto parare est sententia. Hæc

Tom. I. R 2 igitur

igitur decreta sunt, placitaque in reliquum vitae: sejunctio, ignorantia, fastidium erga mortales omnes. Porro amicus, hospes, fodalis, aut ara misericordiae, meræ nugæ. Tum commiserari lachrymantem, suppeditare egentibus, iniquitas, ac morum subversio: at vita solitaria, qualis est lupis: unus sibi amicus Timon: cæteri omnes hostes, & insidiarum machinatores. Cum horum quopiam congregi, piaculum: adeo ut si quem adspexero duntaxat, inauspicatus sit ille dies. In summa: non alio nobis habentur loco, quam signa faxea, æreave: neque fœcilem ab illis missum recipiamus, neque fœdera feriamus. Solitudo terminus esto. Cæterum tribules, cognati, populares, postremo patria ipsa, frigida quædam & sterilia nomina, stultorumque mortalium gloriæ: solus Timon dives esto, despiciat omnes, solus ipse secum oblectetur, liber ab assentationibus, & onerosis laudibus Diis sacra faciat: epuletur solus, sibi ipsi vicinus, sibi particeps, excutens sese ab aliis. Ac semel decretum esto, ut unus seipsum comiter accipiat, si moriendum sit, aut necesse habeat sibi ipsi coronam admovere. Nul- lumque nomen sit dulcius, quam Misanthropi, id est, hominum osoris. Morum autem notæ, difficultas, asperitas, feritas, iracundia, inhumanitas: quod si quem conspexero incendio conflagentem, obtestantemque quo restinguam, pice oleoque restinguere: rursus si quem flumen undis abstulerit, isque manus porrigens, imploret ut retineatur: hunc quoque demerso capite propellere, ne possit emicare: hunc admodum par pari relaturus est. Hanc legem Timon tulit Echecratides Colyttensis: & concionis subscripsit suffragiis idem ille Timon. Age hæc decreta sunt: hæc fortiter tueamur. Cæterum magno emerim ut id omnibus innotescat, quod opibus abundo: nam illa res illos præfocaverit: sed quid illud? Hem quæ trepidatio? undique concurrunt, pulverulenti atque anhelii, haud scio unde aurum odorati. Utrum igitur hoc consensu colle saxi eos abigo, e sublimi dejaculans: an hac tantum in re legem violabimus, ut semel cum illis congregiamur: ut magis angantur, fastiditi, repulsi- que? Ita fatius esse duco. Itaque restemus quo illos jam excipiamus. Age prospiciam: primus eorum iste quis est? Nempe Gnatonides adulator, qui mihi nuper coenam petenti, funem porrexit, quum apud me sæpenumero solida doli vomuerit. Sed bene est quod ad me venit: nam primus omnium vapulabit. G N A T O. An non dixi Timonem vi- rum bonum non neglecturos esse Deos? Salve, Timon for- mosissime, jucundissime, convivor bellissime. T I M. Sci- licet & tu Gnatonides, vulturum omnium edacissime atque hominum perditissime. G N A. Semper tibi grata dicacitas. Sed ubi compotamus? Nam novam tibi adfero cantilenam, ex his quos nuper didici dithyrambis. T I M. Atqui elegos canes, admodum miserrabiles, ab hoc doctus ligone. G N A. Quid isthuc? Feris, ô Timon? Attestor, ô Hercules: hei hei in jus te voco apud Arcopagitas, qui vulnus dederis. T I M. Atqui si cunctere paulifer, mox cædis me reum ages. G N A. Nequaquam, quin tu plane vulnere medere, paululo auri inuncto. Mirum enim in modum præsentaneum, id est, re- medium. T I M. Etiam manes? G N A. Abeo. At tibi male sit, qui quidem ex viro commodo tam sævus factus sis. T I M O N. Quis hic est qui accedit recalvaster ille? Philia- des, assentatorum omnium execratissimus. Hic quum a me so- lidum acceperit fundum, tum filia in dotem talenta duo, laudationis præmium, quum me canentem reliquis silenti- bus omnibus solus majorem in modum extulisset, dejerans me vel oloribus magis canorum, ubi me pridem ægrotum conspexisset: nam adieram oraturus ut mei curam ageret: plagas etiam egregius ille vir impexit. P H I L I A D E S. O impudentiam, nunc demum Timonem agnoscitis: nunc Gnatonides amicus & conviva: enim vero habet ille digna se, quandoquidem immemor est atque ingratus. At nos qui jam olim convictores sumus æquales ac populares, tamen modeste agimus, ne insilire videamur. Salve here, fac ut istos adultores sacrilegos observes, qui nusquam adsunt nisi in mensa: præterea a corvis nihil differunt. Neque posthac hujus ætatis mortalium ulli fidendum est. Omnes ingrati, & scelesti. At ego quum tibi talentum adducerem, quo posses ad ea quæ velles uti, in via accepi, te summas quasdam opes esse nactum. Proinde accessi his de rebus admoniturus te, quanquam tibi forsitan me monitore nihil erat opus, vi- ro nimirum adeo prudenti, ut vel Nestori ipsi, si necesse sit,

A consilium dare queas. T I M. Ita fiet, Philia- des, sed age, accede quo te ligone comiter accipiam. P H I. Viri, caput mihi comminutum est ab hoc ingrato, propterea quod eum ea quæ in rem illius erant, admonui. T I M. Ecce tertius huc Orator Demeas se recepit, tabulas dextra gestans, aitque se mihi cognatum esse. Hic una die de meo sedecim talenta civitati dependit: nam damnatus erat, ac vincus. At quum solvendo non esset, ego misertus illum redemi. Porro quum illi sorte obvenisset, ut Erechtheidi tribui distribueret æra- rium, atque ego adiens, id quod ad me redibat poscerem, negabat se civem nosse me. D E M. Salve, Timon, præci- puum generis tui præsidium, fulcimentum Atheniensium, defensor aculum Græciæ. Profecto jamdudum te populus fre- quens, & utraque curia operitur. Sed prius decretum audi, quod de te conscripsi. Quandoquidem Timon Echecrati- dæ filius, Colyttensis, vir non modo probus & integer, ve- rumetiam sapiens, quantum alius in Græcia nemo, nunquam per omnem vitam destitit optime de Republica mereri: Tum autem in Olympicis vicit pugil, & lucta cursuque die eodem, ad hæc solenni quadriga, equestrique certamine. T I M. At ego ne spectator quidem unquam in Olympicis se- di. D E M. Quid tum? spectabis posthac, sed ista commu- nia addi fatius est. Tum anno superiore apud Acharnenses pro Republica fortissime se gessit, & Peloponnensium duas acies concidit. T I M. Qua ratione? Quippe qui nec unquam arma gesserim, neque unquam militiæ dederim nomen. D E M. Modeste tu quidem de teipso loqueris, nos tamen ingrati futuri sumus, nisi meminerimus. Præterea scriben- dis plebiscitis, & in consultationibus, & in administrandis bellis non mediocrem utilitatem attulit Reipublicæ. His de causis omnibus visum est, curiæ, plebi, magistratibus tributim, plebejis singulatim, communiter universis, au- reum statuere Timonem juxta Palladem in arce: fulmen dextera tenentem, radius tempora ambientibus, utque se- ptem aureis coronis coronetur, hæcque coronæ hodie in Dio- nyssiis per Tragedos novos promulgentur. Siquidem hodie, illi Dionysia sunt agenda. Dixit hoc suffragium Demeas O- rator, propterea quod cognatus illius propinquus, ac discipu- lus ejus sit. Nam & Orator optimus Timon: præterea quic- quid voluerit. Hoc igitur tibi suffragium, sed utinam & fi- lium meum ad te pariter adduxissem, quem tuo nomine Ti- monem appellavi. T I M. Qui potes Demea, quum ne ux- orem quidem duxeris unquam, quantum nobis scire licuit? T I M. At ducam, novo incunte anno, si Deus permiserit, liberisque operam dabo. Tum quod erit natum (erit autem masculus) Timonem nuncupabo. T I M. An uxorem tu sis ducturus, equidem haud scio, tanta me plaga accepta. D E M. Hei mihi. Quid hoc est rei? Tyrannidem Timonem occeperas? pulsasque eos qui sunt ingenui, ipse nec ingenuus plane, nec civis: verum propediem poenas daturus, quum aliis nominibus, tum quod arcem incenderis? T I M. At- qui non conflagravit arx scelestæ. Proinde palam est, te ca- lumniatorem agere. D E M. Verum effossio ærario dives effectus es. T I M. Atqui non effossus isthuc, unde ne hæc quidem probabiliter abs te dicuntur. D E M. Verum effo- dietur posthac, sed tu interim omnia quæ in eo condita, pos- sides. T I M. Alteram itaque plagam accipe. D E M. Hei sca- pulis meis. T I M. Ne vociferare, alioqui & tertiam tibi illi- dam. Etenim res plane ridicula mihi acciderit, si quum iner- mis duas Lacedæmoniorum acies fuderim, unum scelestum hominem non protrivero. Tum frustra vicerim in Olympiis, & pugil & palæstrites. Sed quid hoc? An non Philosophus Thralycles hic est? profecto ipse est, promissa barba, sub- ductisque superciliis, & magnum quiddam secum murmu- rans accedit, Titanicum obtuens, cæsariem per scapulas fluentem ventilans, alter quidam Boreas, aut Triton, qua- les eos Zeuxis depinxit. Hic habitu frugalis, incessu mode- ratus, amictu modestus, mane mirum quam multa de vir- tute disserit, damnans eos qui voluptate capiuntur, fruga- litatem laudans: at ubi lotus ad coenam venit, puerque in- gentem illi calicem porrexit, meraciore autem maxime gaudet: perinde ut Lethes aquam ebibens, a dilucularis il- lis disputationibus diversissima quæ sint exhibet, dum milvi instar præripit obsonia, & proximum cubito opposito ar- cens, mento interim condimentis oppleto, dum canum ritu ingurgitat, prono incumbens corpore: perinde atque in patinis virtutem inventurum sese speret: dumque usque ad-

eo diligenter catinos extergit indice digito, ut ne paululum quidem reliquiarum sinat adhærere, nunquam non querulus, tanquam deteriorem partem acceperit, vel si totam placentam, aut suam solus omnium accipiat, qui quidem edacitatis & insatiabilitatis est fructus, temulentus, vinoque bacchatus, non ad cantum modo, saltationemque, verum ad convicium usque, & iracundiam. Ad hæc multus inter pocula sermo (tum enim vel maxime) de temperantia, sobrietateque, atque ista quidem loquitur, quum jam a mero male affectus ridicule balbutit. Accedit his deinde vomitus. Postremo sublatum eum de convivio efferunt aliqui, ambabus manibus tibiae inhærentem. Quanquam alioqui ne sobrius quidem ulli primariorum cesserit, vel mendacio, vel confidentia, vel avaricia. Quin & inter assentatores primas tenet, pejerat promptissime, anteit impostura, comitatur impudentia. In summa prorsus admirandum quoddam spectaculum est, omni ex parte exactum, varieque abfolutum: proinde non ejulabit clarius videlicet quum sit modestus. Quid hoc? papæ, tandem nobis Thrasycles? **THR.** Non hoc animo ad te venio, Timon, quo plerique isti, qui nimirum opes admirati tuas, argenti, auri, opiparorum conviviorum adducti spe concurrunt, multa que assentatione deliniunt te, hominem videlicet simplicem, facileque impartientem id quod adest. Siquidem haud ignoras offam mihi in cenam sat esse, tum opsonium suavissimum carpe aut nasturcium, aut si quando lubeat lautius epulari, pusillum salis. Porro potum fons Athenis novem saliens venis suppeditat. Tum pallium hoc quavis purpura potius. Nam aurum nihilo magis apud me in precio est quam calculi qui sunt in littoribus. Sed tua ipsius gratia huc me contuli, ut ne te subverterit pessima ista atque insidio-

issima res opulencia: quippe quæ multis sæpenumero immedicabilium malorum exstiterit causa. Etenim si me audies, potissimum opes universas in mare præcipitabis, utpote quibus nihil sit opus bono viro, quique Philosophiæ possit opes perspicere. Ne tamen in altum, o bone, sed ferme ad pubem usque ingressus, paulo ultra solum fluctibus operum, me quidem uno spectante. Quod si hoc non vis, tute igitur eas potiore via ex ædibus ejicito, ac ne obolum quidem tibi facias reliquum, videlicet largiens iis, quicunque opus habent, huic quinque drachmas, illi minam, alii talentum. Porro si qui erit Philosophus, hunc æquum est duplicem aut triplicem ferre portionem: quanquam hoc quidem mihi non mea ipsius gratia postulo, sed quo amicis, si qui egebunt, donem: sat est si modo peram hanc largitione tua expleveris, ne duos quidem modios Æginiticos capientem. Nam paucis contentum, modestumque convenit esse eum qui philosophatur, neque quicquam ultra peram cogitare. **TIM.** Equidem ista quæ dicis probo, Thrasycles: ergo si videtur, priusquam peram expleam, age tibi caput opplebo tuberibus, posteaquam ligone sum mensus. **THR.** O libertas, o leges, pulsamur ab impurissimo libera in civitate? **TIM.** Quid stomacharis, o bone Thrasycles? num te defraudavi? Atqui adjiciam ultra mensuram Choenices quatuor: sed quid hoc negotii? Complures simul adveniunt. Blepsias ille, & Laches, & Gniphon, breviter agmen eorum qui vapulabunt. Itaque quin ego in rupem hanc conscendo, ac ligonem quidem jamdudum fatigatum, paulisper interquiescere sino? At ipse plurimis congestis faxis, procul eos lapidum grandine peto. **BLEPSIAS.** Ne jace, Timon, abimus enim. **TIM.** At vos quidem nec citra sanguinem, nec absque vulneribus.

DESIDERIUS ERASMUS ROTERODAMUS RICHARDO WITFORDO.

. BRITANNO, DOCTO,
ET CUM PRIMIS JUCUNDO AMICO,
S. P. D.



CUM annis jam aliquot totus Græcanicis in literis fuerim, Richarde carissime, nuper quo cum literis Latinis redirem in gratiam, Latine declamare cæpi, idque impulsore Thoma Moro, cujus (uti scis) tanta est facundia, ut nihil non possit persuadere vel hosti: tanta autem hominem caritate complector, ut etiam si saltare me, restimque ducere jubeat, sim non gravatim obtemperaturus. Tractat ille idem argumentum, & ita tractat, ut nullus sit omnino locus, quem non excutiat eruatque. Neque enim arbitror (nisi me vehemens in illum fallit amor) unquam naturam finxisse ingenium hoc uno præsentius, promptius, oculatius, argutius, breviterque dotibus omnigenis absolutius. Accedit lingua ingenio par, tum morum mira festivitas, salis plurimum, sed candidi duntaxat, ut nihil in eo desideres quod ad absolutum pertineat patronum. Quare non hoc animo laborem hunc suscepi, ut tantum artificem vel æquarem, vel vincerem, sed uti cum amico omnium dulcissimo, qui cum libenter soleo seria ludicraque miscere, in hac ingeniorum palestra quasi colluctarer: idque feci eo libentius, quod magnopere cupiam hoc exercitii genus, quo nullum aliud magis frugiferum, in ludis nostris aliquando instaurari. Neque enim aliud esse in causa puto, quod hac nostra tempestate quum tam multi sint, qui scriptores eloquentissimos evolvant; tam pauci tamen existant, qui non infantissimi videantur, si quando res Oratorem poposcerit. Quod si tum Ciceronis Fabique auctoritatem, tum veterum exemplum sequuti, in τοιαύταις μελέταις diligenter a pueris exerceremur, non esset (opinor) tanta dicendi inopia, tam miserranda infantia, tam pudenda balbuties etiam in his qui literas oratorias publice profitentur. Nostram declamationem ita leges, ut eam me pauculis diebus luisse cogites, non scripsisse. Hortor autem ut & Moricam conferas, itaque judices, num quid in stilo sit discriminis inter hos, quos tu ingenio, moribus, affectibus, studiis usque adeo similes esse dicere solebas, ut negares ullos gemellos magis inter se similes reperiri posse. Utrumque certe ex æquo amas, utrique vicissim ex æquo carus. Vale meum delictum Richarde festivissime. Ruri, ad Calendas Majas, M D VI.

T Y R A N N I C I D A .

A R G U M E N T U M D E C L A M A T I O N I S .

Quidam in arcem ascendit, uti Tyrannum occideret, atque ipsum quidem non reperit, verum filium ejus interemit, gladiumque in vulnere reliquit. Adveniens Tyrannus, ubi filium exstinctum conspexit, eodem ense necem sibi consciscit. Is qui adscenderat, Tyrannique filium peremerat, primum tanquam Tyrannicida petit.

D E C L A M A T I O .



VVM duos eodem die tyrannos occiderim judices, alterum quidem ætate jam affecta, alterum ævo florentem, & ad scelus successionem capeffendam paratum, unicum tamen pro amobus præmium petitum venio, qui quidem unus omnium quotquot unquam tyrannicidæ fuerunt, unico vulnere duos maleficos fuerim amolitus, necique dederim, filium videlicet ense, patrem indulgenti caritate qua filium adamabat. Itaque tyrannus pro his quæ commisit, abunde magnas pœnas nobis dependit: quippe qui & vivus aspexerit, filium prius morte sublatum, & quod est omnium maxime novum, compulsus sit denique ipse sui tyrannicida fieri. At filius illius mea quidem manu peremptus est, cæterum occisus alteram ad cædem operam mihi suam commodavit, dum qui vivo patri scelus socius fuerat, ejusdem post mortem (quatenus licuit) exstitit parricida. Ego itaque sum is qui tyrannidem sustuli, pariterque mecum gladius, quo cuncta confecta sunt, meus: tametsi cædis ordinem commutarem, ac morem modumque novarim conficiendi sceleratos: nempe hunc qui valentior erat, ac sese defendere poterat, ipse perimens, porro senem soli gladio referans. His igitur de causis & amplius quiddam a vobis me consequuturum arbitrabar, præmiaque laturum, quæ numero æquarent eos qui essent interempti: utpote qui non præsentibus modo malis vos levarim, verumetiam futurum formidine, quique stabilem pepererim libertatem, nullo relicto qui scelus capeffat successionem.

Verum interim tantis rebus strenue peractis, in discrimen adducor, ne præmio fraudatus a vobis discedam, ac ne solus non feram mercedem, quam leges a me servatæ præstittunt. At qui contradicit, is mihi videtur non Reipublicæ studio (quemadmodum ait) hoc facere, sed quod exstinctos esse illos graviter ferat, atque eum qui illis mortis auctor exstitit, ulcisci conetur. Vos igitur judices mihi paulisper attendite, dum tyrannidis mala tametsi ipsi optime nostis, commemoro. Siquidem hoc pacto futurum est, ut & beneficii mei magnitudinem intelligatis, & ipsi plus capiat voluptatis, reputantes nimirum quibus sitis levati malis.

Neque enim quemadmodum aliis quibusdam sæpenu-mero accidit, itidem & nos simplicem tyrannidem atque unicam servitutem sustinebamur, nec unius domini violentiam tolerabamus: verum soli omnium quos similis habuit calamitas, duos pro uno tyrannos habebamus, & in geminas contumelias distrahebamur infelices. Porro senex multo erat moderatior, quippe ad iras lentior, ad supplicia se- gnior, & ad cupiditates tardior: utpote cui jam ætas vehementiam impetus cohiberet, voluptatumque cupiditates refrenaret. Quin ad suscipienda maleficia filii instinctu nolens impelli ferebatur, ipse alioqui non admodum tyrannicus, nisi quod illi morem gerebat. Siquidem indulgens in filium supra quam credi queat erat, id quod re declaravit, ita ut filius illi esset omnia. Illi parebat, per vim faciebat quicquid ille jufferat: supplicio afficiebat quoscunque præceperat, ac prorsus in omnibus illi obsequundabat. In summa, filius in patrem tyrannum quandam agebat, pater filii cupiditatum satelles erat. Tametsi huic propter ætatem honorem cedebat adolescens, soloque imperii nomine temperabat, tamen res & caput tyrannidis erat ipse. Et quanquam tutamen tum præsidiumque principatui ab illo mutaretur, scelus tamen emolumentis solus fruebatur. Ille erat qui satellites continebat, qui custodias obtinebat, qui tyrannidem affectantes e medio tollebat, qui insidias formidabat, ille qui castrabat ephebos, qui conjugia violabat, illi virgines producebantur. Tum si quæ cædes, si qua exilia, si quæ pecuniarum expilationes, delationes, contumeliæ, ea omnia

A juvenis temeritate gerebantur. Porro senex illi obsequebatur, comitemque scelus sese præbebat, ac comprobabat duntaxat filii sui flagitia. Itaque quum ea res nobis erat intoleranda, propterea quod quum animi cupiditatibus ex imperio potestas accedit, nullum flagitii modum imponunt: tum illud in primis discruciat, quod prospiceremus diuturnam, vel æternam potius servitutem eam futuram, & per successionem alii post alium domino tradendam Rempublicam populumque homini scelesti hæreditatis instar obvenitum. Nam id aliis spem non exiguum facit, quod apud sese reputant, quod inter se dicunt: at mox coarcebitur, at mox demoriatur, paulopost liberi sumus futuri. Verum de his nihil ejusmodi sperabatur, quin potius jam intuebamur paratum tyrannidis hæredem. Unde factum est, ut ne agredi quidem quisquam fortium civium, & qui eadem quæ ego animo statuissem, auderet. Sed desperabatur ab universis libertas, atque inexpugnabilis tyrannis videbatur: quippe quum esset cum tam multis confligendum ac dimicandum.

B At me nihil ista deterruerunt, neque perpensa negotii difficultate refugi, neque ad suscipiendum discrimen trepidavi: verum solus, solus inquam adversus adeo validam variamque tyrannidem: vel non solus potius, sed gladio comite confcendi: quippe qui mihi sit auxiliatus, mecumque ex parte tyrannum interemerit, quum mors mihi interim ob oculos obversabatur: at e diverso perpendenti, quod publicam libertatem mea cæde redempturus essem. Ergo ubi in primam irruissem custodiam, neque mediocri negotii satellites submovissem: occidens interim, in quem incurrissem, & quicquid obfisteret amolens, ad ipsum negotii caput ferebar, ad unicum tyrannidis robur, ad nostrarum calamitatum fontem atque irrupto arcis propugnaculo, quum viderem illum fortiter tuentem sese, multisque vulneribus resistentem, tamen occidi. Et jam tum erat sublata tyrannis, jam tum mihi confectum facinus.

C Ex eo tempore liberi omnes, nisi quod reliquus adhuc erat senex solus, inermis, nudatus custodiis: jamque amisso magno illo suo satellite desertus, neque deinde dignus forti dextra. Ibi nimirum mecum ipse judices, hæc animo reputabam. Cuncta mihi pulchre habent, cuncta confecta sunt, cuncta eo quo destinaram, perducta. At eum qui reliquus est, quo tandem modo pœnas dare convenit? Me quidem meaque dextera neutiquam est dignus, præsertim si post splendidum facinus juvenile atque magnificum interimitur, priorem illam cædem dedecoraturus. Carnifex aliquis querendus est illo dignus, verum post calamitatem, ne vel hanc ipsam lucrifaciat: videat, discrucietur, appositum habeat enses, huic reliqua mando. Hæc ubi mecum statuissem, ipse quidem illinc discedo: at ille peregit id quod ego prædivinaveram, tyrannum occidit, summamque meæ imposuit fabulæ. Adsum igitur, popularem administrationem vobis adportans, cunctisque bono jam ut animo sint edicens, ac libertatem annuncians. Jam meis frui mini factis: vacua, sicut videtis, sceleratis hominibus arx: imperat nemo, quin & magistratus creare liberum est, & causas agere, & ex legibus contradicere. Atque hæc omnia vobis mea contigerunt opera, meaque fortitudine, videlicet ex una illa cæde, post quam pater jam vivere non quibat. Æquum itaque censeo, ut his pro meritis debitum mihi a vobis præmium donetur, non quod lucri avidus, aut sordidus quispiam sim, nec is qui mercedis gratia de patria benemereri statuerim: verum quod præmio cupiam officia mea comprobari, neque repudiari, aut inglorios fieri conatus meos, si velut irriti præmioque indigni judicentur.

E At hic contradicit, negatque æquum facere me, qui decorari munere, præmiumque ferre cupiam. Neque enim tyrannicidam esse me, neque quicquam a me pro legis sententia confectum esse, verum facinori meo deesse quiddam, ad hoc ut præmium postulem. Percontor igitur illum, quid præ-

præterea requiris a me? nonne volui? nonne ascendi? nonne occidi? nonne libertatem peperit? num quis imperat? num quis jubet? num quis minuitur dominus? num quis nocentium manus effugit meas? haudquaquam dixeris, sed omnia plena pacis, omnes restitutæ leges, libertas manifesta, Democratia stabilis, inviolata connubia, pueri tuti, virgines absque periculo, publicamque felicitatem solennibus feriis celebrat civitas. Quis igitur horum omnium auctor? quis est qui illa sustulit? hæc peperit? Etenim si quisquam præ me dignus honore sit, cedam præmium, desistam a petendo munere. Quod si solus omnia peregi, audens, periclitans, ascendens, interimens, excrucians, alterum ultus in altero, quid mea calumniarum officia? cur facis ut populus parum erga me gratus existat?

At enim num occidisti tyrannum? Porro lex tyrannicidæ præmium decernit. Verum dic mihi, nunquid interest utrum ipse interimas, an mortis causam ministres? Mea profecto sententia, nihil: verum hoc solum spectavit legis conditor, libertatem, Democratiam, sceleratorum sublationem. Huic honorem decrevit, hoc præmio dignum iudicavit, quod quidem inficiari non potes, quin mea contigerit opera. Etenim si occidi eum, quo occiso, ille non poterat vivere, nimirum ipse cædem peregi, ego occidi, sed illius manu. Itaque ne discepta de cædis modo, neque illud expende quemadmodum interierit, verum an jam perierit, & an quod perierit, id a me sit profectum. Quandoquidem & illud excusurus mihi videris, atque his adversus bene de Republica meritos calumniis usus. Si quis non gladio, verum lapide lignove, aut alio quovis pacto peremerit. Quid porro si fame tyrannum obsidissim, ad mortis necessitatem compellens? nam ibi quoque requisitus eras a me cædem, mea ipsius manu peractam? aut desiderari adhuc quiddam diceres, ad id ut legi factum a me satis videatur: atque id quum scelustum acerbius etiam atque atrocioris mortis genere trucidassim? Unum hoc dumtaxat specta, hoc require, hoc excute. Quis nocentium reliquus? aut quæ metus expectatio? aut quod calamitatum vestigium? Quod si purgata omnia, si pacata, profecto sycophanticum est, modum rei gestæ calumniantem præmio frustrari velle, quod iis quæ virtute confecta sunt debeatur.

Equidem & illud memini differtum in legibus, nisi forte propter diutinam servitutem oblitus sum eorum quæ ab illis dicuntur. Causam mortis esse duplicem: puta, si quis ipse occidat: aut si non ipse quidem occidit, neque manu facinus peregit, verum compulsi, præbuitque mortis occasionem. Ex æquo & hunc quoque lex censet supplicio affici oportere, idque jure optimo. Neque enim statuit minus valere oportere audaciam quam facinus: ac postea supervacaneum est cædis rationem viamque spectare. Deinde hunc qui sic occiderit, tanquam homisidam poenas oportere dare censebis, ac nequaquam absolvendum esse. At me qui per omnia consimili modo Rempublicam juvi, non censet ea capere oportere, quæ iis debentur qui beneficio juverunt. Neque enim illud dicere possis, me quidem imprudentem fecisse, sed exitum quendam commodum fortuito fuisse consequutum præter animi sententiam. Nam quid præterea jam formidassim, eo qui validior erat intercepto? Cur autem gladium in vulnere reliquissim, nisi plane quod erat eventurum, id ipsum prædivinassim? Nisi forsitan illud dices, hunc qui extinctus est, tyrannum non esse, neque hanc appellationem in illum competere: neque vos multum præmii hoc nomine, si ille fuisset occisus, decreturos fuisse. Atqui istud dicere non queas: an tyranno intercepto, ei qui cædis causam ministravit, præmium negabis? O curiositatem, de illo laboras quo pacto interierit, quum interim libertate fruaris? Aut ab eo qui Democratiam restituit, nescio quid supervacaneum præterea requiris?

Atqui lex (uti fateris) caput rei gestæ spectat. Quæ vero ad id conducunt, ea omnia missa facit, neque ultra curiosius excutit. Quid enim, an si tyrannum exegerit quispiam, non is jam tyrannicidæ præmium cepisset? cepisset opinor, idque jure optimo: siquidem & hic pro servitute libertatem peperisset. At id quod a me patratum est, non exilium habet, non in posterum instauranda tyrannidis metum: verum absolutam sublationem, totiusque generis interemptionem, omneque malum radicitus excisum. Et mihi, per Deos, jam ab initio ad finem usque (si videtur) rem to-

A tam perpendite, num quid eorum quæ ad leges pertinent sit prætermissum, & num quid in me desideretur ex his, quæ Tyrannicidæ oportebat adesse.

B Principio mentem prius oportet suppetere sortem, & amantem Reipublicæ quæque pro communibus commodis periculum adire non recuset, quæque privato suo interitu multitudinis incolumitatem ausit redimere. Num hac parte quicquam mihi defuit? Num frangebar animo? Num quum præscirem per quæ pericula mihi pertumpendum esset, per ignaviam refugii? Profecto non potes dicere. In hac interim parte tantum commorare, atque æstima, an non vel voluisse tantum ista, ac statuisse, præclarum facinus futurum fuisse videatur. Ac putato me solius animi, voluntatisque argumento præmium postulare, tanquam qui beneficio juverit. Tum si voluntati meæ facultas defuisset: verum alius post me Tyrannum occidisset, dic mihi: num absurdum aut præter æquum fuerat dare præmium? Minime. Si dicerem, cives, volui, statui, aggressus sum: voluntatis experimentum dedi, solus dignus sum qui præmium feram. Quid tum responsurus fueras? Nunc porro non hoc dico, sed insuper ascendi, periclitatus sum, atque innumerabilia priusquam juvenem occiderem, patravi. Neque enim usque adeo facilem, factumque proclivem esse rem existimetis, custodias perturbare, satellites opprimere, unumque hominem tam multos amoliri. Quin isthuc pene maximum est omnium quæ sunt in Tyrannicidio, totiusque negotii caput. Nam ipse jam Tyrannus, non magna res est, neque expugnata, neque confectio difficilis: verum ea quæ tumentur continentique tyrannidem, quæ quidem si quis superarit, is nimirum cuncta quæ destinavit, peregerit, & perpulsillum est id quod superest. Sed ad tyrannos pervenire nunquam mihi contigisset, ni prius qui illum eingunt custodes oppressissem, omnesque satellites ante debellassem. Nihil adhuc addo: verum in his rursus immoror. Custodiam oppressi, satellites superavi: tyrannum incustoditum, inermem, nudum reddidi. Utrum his rebus confectis, non tibi videor honore dignus? an adhuc cædem ipsam a me requires? Quin etiam si cædem quæris, ne ea quidem desiderabitur. Non sum incensus: verum cædem peregi, magnam ac strenuam: nempe juvenis ætate ac viribus florentis, atque omnibus formidandi, per quem ille ab insidiis erat tutus, cui uni fidebat, qui complurium satellitum instar erat. An non igitur, quæso te, præmio dignus videor, sed tantis rebus gestis honore fraudabor? Quid enim si satellitem unum, atque adeo quid si Tyranni ministrum quempiam interemissem? Quid si servum aliquem charum? an non hoc quoque magnum visum fuisset, conscendisse, mediaque in arce, mediis in armis, aliquem e tyranni familiaribus jugulare? Nunc & hunc ipsum qui occisus est, cuiusmodi sit considera. Filius erat Tyranni, vel Tyrannus potius crudelior, dominus intolerabilior, ad supplicia dirior, ad contumelias violentior, quodque est maximum, hæres ac successor omnium, qui que in longum nostras calamitates posset prorogare. Vin hoc solum mihi confectum esse? Ipsum vero Tyrannum vivere adhuc, fuga ereptum? Jam horum nomine præmium postulo. Quid dicitis? Non dabitis? An non & illum verebamini? An non dominus, an non gravis, an non intolerandus erat?

F Porro nunc negotii caput denique ipsum perpendite. Etenim quod hic a me requirit, hoc quam fieri potuit, pulcherrime confeci: Tyrannumque aliena cæde occidi, non simpliciter, nec vulnere uno, id quod fuerat optatissimum illi, videlicet tantorum facinorum sibi conscio, sed posteaquam illum prius multo dolore excarnificassim, tum quo nihil habebat carius, miserabiliter prostratum coram oculis ostendens: puta filium in ipso avi flore, tametsi scelustum quidem illum, attamen & ætate vigentem, & patri similem, sanguine taboque oppletum. Hæc nimirum sunt parentum vulnera, hi gladii verorum tyrannicidarum, hæc mors digna crudelibus tyrannis, hæc ultio tantis sceleribus congruit. Cæterum protinus interire, protinus excidere sibi, neque huiusmodi ullum spectare spectaculum, profecto nihil habet tyrannico supplicio dignum. Neque enim ignorabam, vir egrugit, non ignorabam, inquam, neque quæquam alium laurum, quanta ille caritate filium sit propequantis, adeo ut illo extincto, ne paululum quidem tempus sibi in vita morandum esse fuerit ducturus. Atqui haud scio,

scio, an omnes patres hunc admodum affecti sint erga liberos: verum hic etiam ultra reliquos habebat quiddam, idque merito, quippe qui conspiceret illum unicum esse qui curaret, servaretque Tyrannidem, quique solus pro patre pericula suscipere, & tutamen imperio adderet. Itaque si non ob caritatem, certe ob rerum desperationem sciebam illum protinus exiturum e vita: perpensurum enim, jam nihil esse cur vellet vivere, adempto tutamine, quod illi filius ministraverat. Nimirum, effeci, ut hæc omnia illum agminatim circumfisterent, forma, dolor, desperatio, formido, quique in posterum imminabant metus: his adversus illum auxiliis sum usus, atque ad id extremum illum consilium adeg. Interiit itaque vobis orbus, excruciat, plorans, lachrymans. Luxit luctum, non illum quidem diuturnum, verum qui satis magnus esset patri. Postremo quod est omnium acerbissimum, ipse sibi necem conscivit, quod quidem mortis genus, præ cæteris miserrimum, multoque atrocius, quam si per alium inferatur. Ubi mihi gladius? Num quis alius eum agnoscit? Num cujus alterius hoc gestamen erat? Quis in arcem adduxit? Ante tyrannum quis eo est usus? Quis eum ad illum misit? O ensis particeps, successorque meorum egregie factorum, post tanta pericula, post tantas cædes contemnitur, & indigni præmio judicamur. Nam si hujus tantum nomine præmium a vobis postulare: si sic dicerem iudices: Tyrannus quum mori vellet, quum id temporis inermem se deprehendisset, meus hic illi gladius inservivit, & ad consequendam libertatem auxilio fuit universis, hunc quoque laude, præmioque dignum judicassetis. Porro domino tam popularis rei non gratiam retulissetis? Nonne inter eos qui de Republica benemeriti sunt, scripsissetis? Nonne gladium inter sacra monumenta consecrassetis? Non illum secundum Deos veneraremini? Nunc mihi considerate, quæ verisimile est fecisse tyrannum, quæ dixisse, priusquam sibi mortem consciceret.

Quum juvenis a me trucidaretur, ac multis etiam vulneribus confoderetur, idque in his corporis partibus, quæ conspicuæ magis, magisque sint oculis obvia, videlicet ut quam maxime dilaceraret eum, qui genuerat, quoque primo statim conspectu perturbaret, miserabiliter inclamabat, parentem implorans non adiutorem, nec opitulatorem: quip-

A pe qui senex jam esset, atque invalidus: verum domesticarum cladum spectatorem. Nam ego interim discefferam, auctor qui fueram totius tragœdiæ, relinquens actori cadaver, scenam, gladium, reliqua quæ ad actum fabulæ pertinebant. At ille astans, ubi filium conspexit, quem habebat unicum: semivivum, sanguinolentum, cæde conpersum, tum vulnera perpetua, plurima ac letalia, hunc admodum exclamavit: Onate extincti sumus, interempti sumus, tanquam Tyranni jugulati sumus. Ubi mactator? Cui me servat? Cui me relinquit? qui quidem jam dudum propter occisum te fili sum extinctus, nisi forte me tanquam senem contemnit, ac lento supplicio me conficit: producitque mihi mortem, redditque mihi cædem longiorem. Atque hæc loquutus, ensē quærebat. Nam ipse inermis erat, propterea quod per omnia filio fideret: verum ne is quidem deerat, ut qui jam dudum fuerit a me paratus, atque ad facinus futurum relictus. Evulso igitur e cæde gladio, atque e vulnere exempto, ait: Dudum me occidisti: tunc finem malis impone gladii. Ades patri lugenti solamen, senilemque manum & infelicem adjuva, jugula. Tyrannum occide, luctu libera: utinam prior in te incidissem, utinam in cæde priorem occupassem locum. Occidissem quidem, sed tanquam tyrannus duntaxat, sed qui crederem mihi superesse ultorem: nunc autem tanquam orbus occumbo, nunc tanquam cui desit etiam mactator. Atque hæc ubi diceret, gladium adegit, tremens neque sat potens. Cupiebat quidem, verum non suppetebant vires ad facinus exigendum. Quot hic supplicia? Quot vulnera? Quot mortes? Quot tyrannicidia? Quot præmia? Postremo spectastis omnes juvenem dudum prostratum, nec exiguum profecto, neque mediocrium virium opus, ac senem huic circumfusus, atque amborum sanguinem commixtum, libertatis illam & victoriam victimam, meique gladii facinora. At gladius ipse in medio amborum: declarans quam non indignum se domino præstitit: testansque quod mihi fidam navasset operam. Id si a me ipso fuisset patratum, minus fuerat futurum. Nunc autem illustrius est ipsa novitate. Atque ego quidem sum is, qui tyrannidem sustuli. Cæterum actio in multis est distributa, quemadmodum in fabulis fieri consuevit. Ac primas quidem partes egi ipse. Secundas autem filius. Porro tertias Tyrannus ipse. Nam gladius omnibus inservivit.

D E C L A M A T I O

DESIDERII ERASMI ROTERODAMI

NON ILLA QUIDEM VERSA,

SED QUÆ SUPERIORI DECLAMATIONI, E LUCIANO VERSÆ, RESPONDEAT.



Si mihi causâ hæc, iudices, apud concionem popularem, quæ studiis potius, quam exacto rerum iudicio duci consuevit, esset agenda, ac non magis apud iudices ex honestissimis ordinibus delectos, nimirum gravissimos sapientissimosque: non nihil profecto vererer, ne omnium animis nova hæc & insperata lætitia gestientibus, atque (ut ita dixerim) exultantibus, nec satis attentos, nec dociles essem auditores habiturus. Porro faventes, benevolosque multo minus: quippe qui frontem modo, quasque personam hujus negotii intuentibus, non faciem ipsam propius contemplantibus videri fortasse possim, in communi totius civitatis gaudio, tum autem in causâ tam populari, velut importunius obstrepere atque obturbare. Enimvero quum omnis affectus inutilis est ad recte judicandum, tum ingens, intemperans, atque exundans lætitia, non solum iudicium omne funditus tollere solet, verum etiam nostri sensus non raro nobis eripere: præfertim (si quemadmodum hæc nostra) post graves diuturnasque calamitates, ac veluti tempestatem sævissimam repente præterque spem, quasi portus quidam, fuerit objecta. Quid autem tam acerbum liberæ multitudini, quam servitus? Quid tam dulce, quid tam exoptatum, quam libertas? Itaque non rebus modo ipsis, sed vel inanibus harum rerum vocabulis, plebis animus queat ad quidlibet impelli: maxi-

E me primis his aliquot diebus, dum gaudiorum adhuc velut æstus quidam impotens, omnia sursum ac deorsum miscet, dum lætitiæ temulentia, dum gratulandi dulcis quædam ebrietas pectus occupans, animum ad cogitandum institueret non sinit. Verum vestra, iudices, singularis sapientia, perspicacitasque, non hoc tantum scrupulo me levat, verum & hanc mihi fiduciam suppeditat, uti sperem futurum, ut hoc contradicendi munus, quod equidem nec invidentia, nec favore in Tyrannidem (sicut iste calumniabatur) sed solita mea, & (ut opinor) nota Reipublicæ caritate suscepi, vobis non modo non invidiosum, sed favorabile plausibileque videatur.

F Etenim postquam viderem manifesta quadam Deorum benevolentia, post diuturnam ac miserrimam illam servitutem, toties Reipublicæ votis expetitam libertatem aliquando contigisse, nihil prius curandum nobis esse iudicavi, quam ut gratos nos exhiberemus in eos, a quibus nobis tam egregia felicitas esset profecta: quo videlicet munus suum huic urbi proprium, perpetuumque facere vellent, & constabillire, tuerique quod largiri non essent gravati: meminisse-musque iisdem in manu esse, ut eriperent ingratum, quod optantibus dedissent. Sunt autem vel primæ gratitudinis partes, intelligere, videlicet, cui beneficium acceptum ferre debeas. Et hac una ratione mortales divinæ beneficentiæ gratiam referre possumus: si beneficium acceptum agnoscamus: si celebremus, si ad illos auctores referamus. Ne-

que

que mihi committendum putavi, ut dum nimium candidi in civem esse volumus, in Deos ingrati, impiique reperiamur. Neque enim isthoc nomine nunc perinde laboratur, ne hoc præmii pereat ærario, & hujus lucris accrescat (quanquam id quoque longa jam Tyrannide exhaustius est, quam ut inde temere dari præmia conveniat immerentibus) Illud agitur, ne Dii immortales qui hujus male consultata nobis verterunt bene, hoc tantum munus a nobis tanquam ingratum repescant, si quod ipsis solis debetur honoris, laudis, gratiæ, id illis fraudatis, in hominem contulerimus. At quem hominem obsecro? Nempe, qui quum privatus contra leges juvenem occiderit, atque hac temeritate sua restitutæ libertatis periculosam occasionem modo præbuerit, idque adeo imprudens (uti mox docebimus) non veretur pulcherrimum Tyrannicidæ titulum Diiseripere, sibi arrogare: Reipublicæ diem dicere, ac leges ipsas in jus vocare: civitatem ingratitudinis ream agere, nisi sibi totam hanc felicitatem ferat acceptam.

Nullum quidem, iudices, facinus speciosius Tyrannicidio, nullum Diis dignius: verum hoc impudentior, qui sibi laudem tam eximiam usurpat immeritis. Nullum præmium honestius illustriusque, quam quod Tyrannicidæ debetur. Sed hoc impensius accuratiusque spectandum, ne temere decernatur indigno. Permulta siquidem, permulta ad id requiruntur, ut hoc tam egregio titulo, ut hoc tam divino præmio dignus quis esse videatur: quorum nihil in hunc competere, paulopost evincemus. Proinde quum non tolerandæ improbitatis mihi videatur, qui legibus tum homicidii, tum temeritatis poenas debeat, eum a legibus præmium omnium maximum petere: petere dixi, imo flagitare, ut etiam si unum ex hujus arbitrio dependerint, tamen multa insuper isti creditori sunt debituræ, quæ cuncta quum postulare jure potuisset: maluit tamen homo verecundus, unico persoluto, reliqua sibi deberi: ut haberet, nimirum, quod obnoxia Reipublicæ quoties libido sit, possit impropere: Tum illud utrum risu potius, an odio dignum existimem: quod in tribunalibus, quod apud ornatiſſimum severiſſimorum judicum confessum, Thraſonem quandam nobis e Comœdia retulit? Sensistis, iudices, ut e corona plerique risum tenere nequierint, dum personatus iste Hercules tragœdiam illam suam nobis recitabat: de sese terque quaterque Tyrannicida, de sapiente illo gladio comilitone suo, qui per se prudens senem interemit: digno videlicet, qui inter sydera collocetur, domino in Deorum numerum relato. Dii boni, quibus phaleris, quibus fucis, quibus ampullis facinus illud nobis suum ornavit, jactavit, exaggeravit? quam militari jactantia, quam Stentorea voce, quam fastuoso vultu, quam arrogantibus superciliiis, quam stupidis oculis, suum ipse vobis encomium detonabat? Quæſo, iudices, ut etiam nunc hominis vultum diligenter attendatis: nonne vobis minitari videtur? nonne dicere? ni mihi præmium decreveritis, haud feretis impune, incolumi divino illo meo, ac fortissimo gladio, qui vel sine me, meas vices ubi lubebit, acturus est. Quis tandem istam ferat jactantiam, vel in eo, qui vere Tyrannum occidisset?

Hæc quoque me causa iudices (neque enim inficiandum est) commovit, ut hujus obſisterem petitioni, vel magis, ut immoderatam arrogantiam, ut odiosam hujus imputationem retunderem. Videbam jam inde ab initio, quum certatim universa civitas Diis libertatis auctoribus grataretur, ut hic sese ira tumens in medium ingesserit, quam indigne tulerit victimas Diis servatoribus immolatas. Sibi hunc honorem eripi, sese unicum esse restitutæ libertatis auctorem proclamabat, leges, aras, focos, omnia publica, privataque, suæ dextræ, suo magnifico gladio deberi. Agite quid futurum denique iudices, auguramini, si ad hujus intolerabilem jactantiam, vestra auctoritas, vestra comprobatio, si præmium quasi pignus acceſſerit? Quid, nisi ut Tyranno submoto, alter quidam huic civitati paretur, qui ventosæ linguæ, gloriæque quasi Tyrannidem quandam exerceat? Qui quotidie nobis odiosam istam suam tragœdiam ingerat, quotidie dextram istam Herculanam, & gladium prodigiosum minietur? Utrum est hoc iudices Tyrannidem liberari, an mutare Tyrannum? Videtis ipsi quam minaci fronte me jam obtueatur. Quid mihi succenses? Quid minitaris oculis? Quid terres supercilio? An mihi non licebit libertate in contradicendo (tuo scilicet munere) uti, quum

A tu sic abutare? qui liberum tibi putaris (id quod etiam in proſcenio leges fieri vetant) crimen tam atrox, tam capitale in civem impingere, tantum quia libuit, idque apud iudices iratos, in tam frequenti civium corona, quod nequeas vel levissimo confirmare argumento. Si quidem quam reliqua glorioſe, tam illud impudenter dicebas, mihi nullam fuisse causam, quare tibi contradicendi partes susciperem, nisi quo Tyranni necem, quæ me discruciet, scilicet, ulciscerer. Quo quidem tuo exemplo si vicissim in te liberet uti, mox intelligeres quam atrociam, quanto probabilius in te possint retorqueri. Nam tuum istud tam invidiosum (quemadmodum tu quidem existimabas) convicium, me longe minus etiam terribat, quam (quod vulgo dicunt) ex pelvi redditum fulgur. Etenim præterquam quod neque affinitas, neque cognatio, neque necessitudo, neque emolumentum, neque prorsus alia res ulla mihi cum Tyranno interceſſit, cur mea referret illum vivere, sine quibus rebus nullam in quenquam criminis hæere suspicionem tu quoque scires, nisi nunquam tribunalia vidisses, ac nisi hodie demum te lucelli spes fecisset Jureconsultum: equidem arbitrator, meam fidem, integritatem, pietatem, totamque meam vitam sic huic Reipublicæ spectatam esse, ut isto crimine tibi potius imp. obitatis odium, quam mihi suspicionem ullam conciliaris. Vides quam multis adductus sim causis, ut tibi obſisterem. Denique (si scire vis) bona civium pars id a me enixissime flagitavit, ut sui patrociniū adversum te capeſſerem, negantes sibi videri Tyrannide liberos sese, nisi te a Tyrannicidæ præmio dejicerem. Non quod pudeat homini debere hanc felicitatem: tamen id quoque durum, ei debere qui sic imputet. Sed debere arroganti, sane quam molestum est: at debere, cui non debeas, isthuc vero non gravissimum modo, verum etiam stultissimum. Equidem ne lenoni quidem vel verbo refrager, si modo is promereatur: sed obnoxium esse tam importuno imputatori, tum qui nihil juverit, id vero bis miserum est, bis stultum est. Nullus enim insolentius exprobat beneficium, quam qui quod non dedit, id vult dedisse videri.

Sed finge mihi nullam esse causam cur tibi me opponerem, nisi quia sic animo lubitum sit meo, profecto nihil habes quod mihi jure succenseas. Etenim quum apud iudices tam sanctos agatur: si vere præmium meruisti, non tibi honorem eripio, verum etiam vehementer illustro, quando non paulo magnificentius est tyrannicidæ præmium evicisse, quam tulisse. Sin minus, æquus æniam dabis, si boni civis fungor officio, si nullo meo emolumento Rempublicam debiti præmii ream defendo, si stultitiæ crimen, si imprudentiæ infamiam a civitate depello, si non sino, ut nostro omnium periculo hæc urbs in Deos existat ingrata. Postremo si Deorum immortalium causam ago, quibus honorem debitum tu conaris intervertere, ut vel hinc sat liqueat, quanta religione reliquam causam egeris, qui statim ingrediens tam impudenter sis calumniatus: Contradicit, igitur contra Rempublicam, favet Tyranno. Quanquam ego illud quoque liberæ civitatis esse judico, hoc loco vel Tyrannorum causas citra fraudem agere licere. Neque tamen a vobis postulo iudices, ut vel mihi profit in causa hoc meum erga Rempublicam studium, vel huic obſit tam insolens arrogantia: imo non deprecor invidentiæ suspicionem, non refugio vel atrocissimam illam, quam iste mihi conabatur impingere, invidiam, ut Tyranno fuisse videar, nisi certioribus, quam ut a quoquam refelli possint, argumentis evinco, nisi demum & adversario persuadeo, modo ne tergiverſetur, ut quam maxime civiliter quis agat, nullum ei deberi præmium: Sin exactius, severiusque, poenam etiam ab ipso deberi. Quæ quidem dum quam potest brevissime facio, quæſo, iudices, ut me attentis animis atque auribus audiatis!

Meministis, iudices, ut iste inter dicendum subinde nobis conatus sit ob oculos ponere, id unum spectare jufferit, quantis malis Tyrannide simus levati. Hoc passim inculcabat, hac re bonam orationis partem occupabat, nihil nos aliud perpendere voluit, nisi quod gravem servitutem tolerassemus, nunc optata libertate frueremur. Nimirum, id tantum vos spectare voluit, quod ad hoc judicium nihil attinebat. Neque enim hoc in quæſtionem venit, quam misera sit Tyrannis, quam optanda libertas. Sed de illo cognoscitis iudices, quum libertas huic urbi sit restituta, quan-

ta hic laudis portio hujus virtuti debeatur, & an id quod eventu cum hujus facto conjunctum est, idem cum ejus merito conjunctum videri oporteat. Relegam autem eadem vestigia, quibus ipse in causam ingressus est, quod equidem refelendi genus simplicissimum esse puto: sequarque partes illas, quibus iste rem secuit; id nimirum, agens, ut quemadmodum ingeniosi convivatores iisdem carnibus alio atque alio modo coquendis, condiendisque efficiunt, ut multa opsoniorum genera videantur, itidem iste nobis ex unico homicidio multa faciat tyrannicidia. Repetam igitur ordine gradus illos, quibus iste facinus suum sibi vilis est mirifice attollere, & in quibus identidem restitabat. Quod si me deturbante, vel in uno quolibet consistere poterit: tum ipse sese victorem pronunciet licebit.

Quot tyrannicidia, inquit, quot præmia? Primum quod volui, deinde quod conatus sum. Tum autem quod filium occidi plusquam tyrannum. Postremo quod pater ob mortem hujus sibi necem conscivit. Principio quod voluit judices, quis non levius esse videat, quam ut sit refellendum? nisi quod iste tanta voce intonabat, toties inculcabat, quod Tyrannum voluisset occidere, atque id (ut nihil jam accideret) tamen præmio dignum asseverabat. Quid autem tam ridiculum, quam nudæ voluntatis præmium a lege flagitare? quæ adeo nihil ad se pertinere putant, quid velint, aut in animo statuunt homines, ut neque poenam irrogent, si quod velis modo perperam, neque præmium ostendant, si quid officiose velis: verum id unumquemque voluisse interpretantur, quod nulla vi coactus effecerit. Ergone, inquit, non magna facti pars est voluisse, quod quidem arduis in rebus vel solum sufficere solet? Recte sane. Sed apud Deos modo: quippe quibus solis perspicuum est quid nolis aut velis, ab his præmium expectandum, si quid præclarum animo conceperis. Lex hominum vices agit, & quid in obscuris illis sinuosi cordis specubus mortales agitent, adeo sua referre nihil putat: ut non dicam abdita aut suspiciosa, sed ne ea quidem admittat, quæ populari sunt opinione fama que jactata. Postremo ut non nisi comperta recipiat, non audiat nisi quæ sunt certissimis argumentis deprehensa, probata, evicta. Cedo quod est facinus tam nefarium, cuius simplex voluntas in crimen unquam est vocata? Ista judicia Æaci, Rhadamantique tribunalibus servantur. Hic mihi non quid volueris, sed quid feceris adfero.

Quod si nulla lex ulli flagitio supplicium minatur quod in animo statueris, quæ tandem est impudentia, pro merito quod præstare volueris duntaxat, perinde quasi præstiteris, a lege quasi præmium postulare? Quæ quidem quum ad id unum sit comparata, ut maleficia vel deterreat, vel coerceat, multoque magis ad ejus partes pertineat, nocentibus irrogare poenam, quam bene merentibus largiri præmia (id quod mox copiosius demonstrabimus) posteaquam in criminibus non accipit insimulationem meræ voluntatis, quæ so te, in petendis præmiis ostentationem voluntatis admittit? Quis autem est civium vel quantumlibet ignavus, qui non velit Tyrannum occidere, si tuto liceat? Quis non vel leno, saltem emolumentum causa velit? Denique quis non facile simulare possit voluisse se: videlicet, quo præmium gratis auferat? Vis itaque dicam, quantum hoc totum habeat momenti, voluisse occidere? Nempe, perinde est, quasi te somnariis occidisse. Par pari pensari convenit. Qui præstitit beneficium, ei lex beneficium rependit: at qui bene voluit tantum, ei quid debetur, nisi ut vicissim bene velit Respublica. Inunc, & hoc in gradu nos jube consistere. Rem tam eximiam, inquit, animo versavi, statui, decrevi: an præmium negabitur? Non fraudaberis præmio, si isthoc nomine postules: verum illud interim præmii feres, velut homo nimium perfrictæ frontis, irrisus, explosus, exhibitus discedes, quem non puduerit id a lege postulare, quod ne leno quidem ausit a quoquam petere, ut rem pro voluntate auferat, nemo tam vecors qui concedat, ut voluntatem nescio quam, hoc est minus quam verba, precio redimat.

At non volui tantum, inquit: verum & periclitatus sum, adscendi, submovi satellites. Primum isthuc tu quidem consulte facis, quod de gradu illo defilisti, in quo nimis profecto incommode stabas, quanquam ne in hoc quidem multo commodius consisteris. Nam etiam si paulo minus absurdum videatur, haud ita multo minus impudens tamen est,

A quum lex palam præmium decernat ei, qui factum præstiterit, te quod conatus modo sis, præmium postulare. Ergone hoc quidem juris erit apud te legibus, quod per illas est civi privato cum cive privato? Age quid si quis civium tecum iniisset contractum, ita ut ille pecuniam stipulatus, tu conditionem pactus esses, mirum ni suo uterque periculo, atque is nondum præstita conditione, nummos his verbis abs te petat: Cedo mercedem, conatus sum, tentavi, adnissus sum: an non protinus impudenti homini respondebis: Cedo conditionem? Nam de tuo conatu quid mea refert? quandoquidem effectum abs te pactus sum, non conatum. Puta totidem verbis tibi nunc respondere legem: Agnosco contractum, non muto pacta: debeo præmium, sed si tu conditionem præstitisti, si tyrannum occidisti. Verbis aut obligantur, aut absolvuntur homines. Si conato pollicita sum præmium, non gravabor dare: si ei qui facinus peregrisset, quod tandem jus est te ferre quod es stipulatus, me non ferre quod sum pacta. In privatis ac minutis contractibus nemo tam improbus invenitur, ut lucrum conditione promissum postulet, non præstita conditione, nemo tam stultus ut det, si quis postulet: & tu a Republica maximum omnium præmium postulas, quod conatus modo sis? Nihil mihi nisi nugæ adfers, donec illud unum audiam, quod te præstare oportebat.

B Volui, inquit, ascendi, perripi custodias, submovi satellites, quantum jam est illud quod superest? Quid adhuc desideras? Nempe, nihil in te desidero præter illud, cui soli debebatur præmium. An non intellexisti in istiusmodi contractibus duplex esse periculum: quorum alterum ad hunc tantum, alterum ad illum proprie pertineat: videlicet, persolvendæ mercedis, & præstandæ conditionis. Ergo meo periculo præmii dependendi onus recipio, neque tua referre putes, neque refert quam angusta mihi res, unde corradendum quod debeam precium. Tu itidem conditionem tuo suscipis periculo, neque mea quicquam interest, quo sudore, quo periculo sit ea tibi præstanda. Totam istam curam, totum hoc negotium tibi relinquo. Quod si ego jam præstita abs te conditione, commemorem tibi in agris meis male provenisse segetes, merces naufragio periisse, nihil avelli a malis debitoribus, non sine gravi dispendio consilari posse pecuniam, quam tibi debeam, dic obsecro, nonne nugæ agere me dices, negans horum quicquam ad te pertinere? Hoc uno modo posse satisfacere tibi, si pecunia numeretur. Neque quisquam est judex tam iniquus, quin te tuo uti jure fateatur. Et mihi pulchre satisfactum existimas, si tu mihi tragœdiam adferas, quantum adieris periculi, quantum sudorum, quantum vigiliarum exhauseris, dum studes præstare conditionem? Res est (mihi crede) calumniosior, scrupulosiorque, quam ut legibus tam occupatis conveniat, alienam expendere voluntatem, alienos penicillari conatus: quorum suos quisque nimio solet æstimare, non suos difficile est adamussum perpendere. At facti, facilis est æstimatio. Proinde ea in legis cognitionem cadit: hinc reliqua omnia consuevit metiri. Tametsi non piget interdum æqui bonique rationem habere.

E Verum in his litibus, quæ de veteri illa formula pendent, inter bonos bene agere oportet: at in contractibus, quæ neque vi, neque dolo coierunt, quid est quod a præscripto recedatur, nisi quis velit omnino a pactis discedere? Quid vis? Circumspice, & si potes usquam invenire exemplum, non nego præmium. Sæpenumero in pugilum Olympicis, sæpe in certamine spectator (opinor) sedisti. Cedo, num quando vidisti quemquam tam impudentem, qui palmam sibi hoc nomine vendicaret, quod strenue certasset? Non arbitrator, atque id in re pene ludicra, certe ad voluptatem comparata. Et tu in tam serio, omniumque splendidissimo negotio, id tibi postulas, quod in Scenicis illis pudeat vel impudentissimum tentare? Age quoties & illud vidisti evenire, ut qui sese fortissime, doctissimeque gessisset in cursu, is a præmio longissime abesset, & ignavissimo faveret eventus? Habeat ille sane quod causetur, excidisse habenas, consternatum equum, fractam rotam, jactet se vel arte, vel viribus tanto præcellentior, quanto Thersitæ præstitit Achilles, nisi metam prior attigerit, profecto postulandi præmii jus nullum habebit, fortunam suam incusare licebit. Cæterum Agonothetæ non indignabitur: propterea quod hoc animo in certamen descenderit, ut ejus uteretur con-

conditione, id est, ita demum præmium ferret, si virtuti fortuna favente vicisset. Alioqui si conatui, non tantum effectui præmium deberetur, tot palmis esset opus, quot in Olympicum certamen venissent. Quamquam in huiusmodi ludis, qui solennitatis, voluptatisque gratia proponuntur, fit interdum ut victis quoque præmia statuuntur, non honoris, sed solatii gratia: verum seriis in rebus atque adeo periculosis, quamnam obsecro lex unquam mercedem statuit, nisi si quis facinus peregisset: & ita peregisset ut omnes numeros implevit? A quo tu quantum absis, mox audies: nam nunc de conatu tantum agimus. Lex igitur civicam promittit coronam ei, qui civem in bello servavit. Quis unquam ad hunc honorem vel aspiravit, quod se telis objecerit, quod non sine multis vulneribus discesserit? Profecto nisi cive servato, nemo civicam petit. Quis unquam his verbis muralem petiit. Acriter contendit iudices, ut moenia superarem. Omnia feci, sed depulsus sum. Quantumlibet enisus sit, nisi consensu muro, nemo tam inverecundus ut muralem coronam sibi debere dicat. Obsidione nemo flagitat, nisi depulsa obsidione. Postremo nullus honos petitur, nisi ab eo qui id effecerit, ad quod honor invitat. Qui navim in tempestate desertam, ad littus perduxerit, huic ex lege vendicatio est earum rerum, quæ navi vehebantur. Quorsum attinet hic tuam iactare peritiam, sudores, pericula, conatus? Nihil non feceris, quo navem in tutum reduceres, sed victus tempestate deseruisti, audebis quicquam ex his quæ sunt in navi, tibi vendicare? Aut si ausis, futurum speras, ut quisquam te vel pilum sinat attingere? Non opinor. Si quis unquam ovationem, supplicationem, triumphum obtinuit, quod ad victoriam omnibus nervis esset enisus, quod graviter se gesserit in bello, nisi superior discesserit, nisi præscriptum a lege numerum hostium fuderit, aude & tu tibi præmium promittere quod tyrannicidium sis aggressus.

Quod si nemini hominum memoria contigit, desine tibi nova spe blandiri, desine inaudito exemplo postulare, quod sperare sit impossibile, dare postulanti stultissimum. Noli nobis commemorare, quanto capitis periculo murum arcis conscenderis, qua virtute satellitum Tyrannicum peruperis, alios depuleris, alios occideris: quorum maximam partem tibi liberum est fingere. Ad obtinendum tyrannicidæ præmium, duobus duntaxat verbis est opus, Tyrannum occidi. Quantumvis conatum exaggeres, alleves, attollas, non nisi tyrannicidæ debetur præmium. Alioqui quid dices si eodem illo die, quo tu arcem conscendisti, permulti pariter aggressi, sua quisque virtute freti: quorum nemo tamen tyrannum interemisit: utrum omnes tyrannicidæ præmium potentur ex æquo, nempe quia conati? Age quid si multis strenue rem aggressis, uni cuiquam qui sit omnium ignavissimus (ut non semper virtuti respondet fortuna) eum contingat interficere, an non præteritis reliquis hic unus honorem auferet? Quamobrem tandem? Non quia plus adierit periculi, sed quoniam id confecit, cui lex honorem decrevit.

Hic tu fortasse rursus incipies deplorare, frustra sumptam operam, negabis æquum esse virtutis egregios conatus merito fraudari præmio, nisi fortunæ suffragio adjuventur. Sed quæ tandem potest esse iniqua conditio, quam nemo compellitur accipere, nisi cui cordi sit? Quantumlibet iniqua conditio proponitur, eam nimirum facit æquissimam, quisquis suapte sponte recipit. In alex ludo (si fas est hoc exemplum conferre) quid iniquius, quam vel summum artificem ab imperitissimo superari, si modo iactus commode cadat. Atque id adeo nemo tanquam iniquum causatur: propterea quod cui lusus huius lex non probatur, ei liberum erat non suscipere. Itaque lex quid præstari velit, id palam atque in medio proponit. Quid abs te præstari possit, id tibi relinquit expendendum. Illa nihil mavult, quam ut res quam optime cadat: quod si posteaquam nihil jam intentatum reliqueris, quo minus effeceris, per fortunam stetit, intelligis (opinor) nihil habere te, quod legi succenseas. Fortunam, si ita lubet, in jus voca, cum lege nihil tibi rei: quæ ut nihil promittit, ita nihil debet, nisi præstanti. Neque vero existimemus, iudices, istud a maioribus qui hanc legem tulerunt, sine summa ratione fuisse factum, ut conato præmium non esse statuendum putarint: videlicet, illud caverunt, non tantum ne ancipites istas & inexplicabiles

A huiusmodi de conatu lites invitarent, verum etiam quod intelligerent tyrannicidii conatum non posse, nisi summo civitatis periculo suscipi. Unde futurum prospiciebant, ut si conatui præmium statuisent, temeritate conantium Republica subverteretur potius quam restitueretur. Etenim tyrannis quid aliud est quam grave capitaleque civitatis ulcus? huic si quis medeatur, ei merces digna proposita est, quam ita demum ferat, si remedium præsentaneum attulerit. Verum huic malo neminem oportet admolari manum, nisi certum artificem, qui sua diligentia peritiaque fretus, non sinat hoc licere fortunæ, ut dum ipse salutem dare conatur, illa vitam penitus eripiat. Quid? utrum tu igitur in ejusmodi discrimine conatum præmio iudicas invitandum esse: an potius poena deterrendum, nisi quod conatus est quispiam, idem præstiterit?

Nec illud te sublevat, quod mihi videbare ratiocinando colligere, quum lex in maleficiis poenam irroget simplici sceleris molitioni, par esse ut multo magis in benefactis conatus habeat rationem: nam oportere legem multo propensorem videri ad compensandam virtutem, quam ad retaliendam culpam. Atque vide quam hic tota erras via. Principio non animadvertis hoc tyrannicidii facinus toto genere a reliquis discedere, propterea quod aliorum molitio cum privato molientis periculo modo conjuncta est: hujus cum publico Reipublicæ discrimine copulata, ut temere moliri tyrannicidium nihil aliud sit quam temeritate privata rem omnium prodere. Deinde lex nec in quovis crimine, nec qualemcumque conatum in questionem venire sinit, verum in paucis duntaxat, quæ vel propter insignem atrocitatem hoc odii merentur, vel ejusmodi sunt, ut prius exitum adferant, quam conatus dent significationem: quod genus paricidium, veneficium, proditio. Postremo non vides nihil esse simile, totaque natura rationeque discrepare, poenæ legitimam irrogationem, & honoris largitionem. Nam alterum quidem proprie legum munus, alterum quasi quædam de jure concessio, legisque candor (ut ita dixerim) quidam est. Hoc ita habere sic demum intelliges, si repentes quam multa sint quæ lex jubeat, addita poena ni pareas: quam multa item vetet, nisi obtemperaris supplicium minitans: contra, vix unum atque alterum esse, ad quæ præmio sollicitet. Quædam enim ejusmodi sunt, ut durum ac servile videatur ad ea metu mali adigi: quo de genere sunt, uxorem ducere, operam dare liberis. Hic lex, nimirum, urbanus ac verecundius tecum agit, patris non magistratus sumit habitum, precio ad id invitat, quod alioqui gratuito te præstare decebat. Rursus alia tametsi id genus sunt, ut a quovis non improbo cive præstari velle oporteat, tamen & fortiora videntur, quam ut a multis præstari queant: & periculosiora, quam ut multi velint suscipere: nam inhumanum videtur cuiquam vitæ suæ contemptum imperare: ad hæc igitur præmio animat, quasque calcar addit virtuti.

Proinde non oportet hanc legum indulgentiam longius trahere, quam ad quæ semel ipsa astringit. Nec mirandum est si attentior, si vigilantior, si exactior est in proprio naturalique munere suo, quam in eo in quo pro temporis ratione, in alienas partes descendit. Huic astipulatur illud, quod novis etiam criminibus exemplum, aut novum nova lege solet institui, aut a simili lege mutuo sumi. Neque tamen idem fieri consuevit, si quis quid novi facinoris cum laude patravit, ut præmium a simili constitutione decerneretur, nisi lex exstet, quæ nominatim honorem statuatur ejus facti, quod roget, vix habebit: quod postulet, haudquam. Cur enim legi necesse sit passim civium suorum officium mercede redimere? quandoquidem ne sit impunita improbitas, id publicitus omnium refert: at probus esse nemo gratis potest. Quid autem est quod non vel gratus patriæ debeat civis? cui si vel animam impenderis, quid mirandum, si quod acceperas, id restituis? Ut supplicio dignus sis, nisi parenti pietatis officium persolvas, non præmium illico tibi debeatur, si persolvas. Itidem, si quid in leges committas, non potes effugere supplicium: at non statim illæ tibi præmium debitoræ sint, si quid cum officio feceris. Nam si cives omnes sese in officio continerent, ne opus quidem esset ullis legibus: quippe quæ non ad bonos mores comparatæ, sed malis e moribus natæ sunt, id quod vere vulgo dictitant, ac pharmaci vice fungantur. Finge itaque nullas esse leges, quemadmodum de aureo Saturni

seculo fabulantur Poetae, tuo quemque sponte fungi officio: an tu hic clamabis perire benefacta, quod nulla lex primum decernat? Uti lex non minatur nisi improbis, ita non pollicetur optimis civibus. Quorsum enim opus promisso, quum virtus absoluta abunde seipsa contenta sit? Proinde petere quod illa non sit pollicita, profecto plus quam impudentissimum est: improbe flagitare quod ea candide civiliterque promiserit, civis est probitatis non satis spectatae.

Tu quid merueris, paulo post excutietur: interim finge sane praecipuam quandam utilitatem attulisse, cui tamen ex lege primum non debeatur. Utrum protinus clamitabis intrugiferum fuisse officium, civitatem in jus vocabis, plebem ingratam vociferabere, minitabere iudicibus, nisi tibi mercedem ex animi tui sententia decernant? An potius ipsam virtutem abunde magnum sui primum iudicabis? Oblectabis te conscientia recti. Hunc esse maximum fructum officii duces, quod de aliis citra tuum emolumentum benemerendo ad Deorum benignitatem videaris accedere? Nimirum haec tibi futura sunt satis, si modo civis sis optimus. Quod si non contentus istis, aliud adhuc nescio quod primum desideres, certe maximo proximum est gloria: hoc tu jam propemodum tulisti. Quanto metiris precio, volitare per ora mortalium, celebrari, laudari, digitis notari mille, oculos omnium in te coniectos circumferre? Ista, inquam, vel maxima praemii pars: nam pecunia sane quam exiguum momentum adfert.

Tu conatus duntaxat es, permagna portio, vel caput potius ipsum tuo deest facinori. At quum interim his rebus frueris, dum non occiso tyranno, tamen velut tyrannicida celebraris, quaeso te, quantula pars abest a tuo primum quod laturus eras, etiam si tyrannum occidisses? Postremo isthuc ipsum primum, pene dixerim, invidendum mihi videtur, quod jam tibi licuit toties Reipublicae tyrannicidium imputare, quod in celebri iudicio tibi contigit honestissimum primum flagitare, & in tam frequenti theatro spectante Republica magnificam istam tuam tragœdiam peragere. Mihi videtur, iudices, beneficii tulisse gratiam, quousque exprobrare beneficium potuit. Tu fortunae, tu Deorum munus imputas civitati, & sunt fortassis qui tibi libertatem acceptam ferant. An haec tanta praemia contemnitis? quae vel vero tyrannicidae sufficere debuerant, nisi lex maluisset praemio conatum ab effectu distinguere. Quanquam nulum me hercle primum magis congruit ei, qui tyrannum conatus sit occidere, nec occiderit, quam ut illi contingat tyrannicidae primum sperare, nec ferre tamen. Hicce erat ille gradus, in quo nos tecum commorari jubebas? Quanquam hoc nomine tuus conatus minus promeretur primum, quod aliorum proposito fortuna modo defuit, tibi voluntas, ut ais. Effecisti quod voluisti: id quod erat necesse, nec fecisti, nec voluisti.

Sed jamdudum alium gradum (ut video) circumspicias, in quem te recipias: nam in hoc quam citra omnem praemii spem consistas, intelligis. Age sequemur te per omnia, & aliunde alio fugitantem persequemur, nec usquam sinemus consistere. Atqui non tantum aggressus sum inquis, verum etiam occidi, nempe, filium, atque id facinus in duo secas tyrannicidia, & quod filium sustuleris plusquam tyrannum, tum tyrannidis successorem: & quod parenti, necato filio, mortis causam ministraris. De illo mox: nunc hoc cuiusmodi sit inspiciamus. Parentem ais abs te, jugulato filio, eadem occisum opera: negas enim referre, qua via peremeris, modo sustuleris: imo splendidius istuc videri vis, quod tuo quidem ense, verum ipsius dextera sit interemptus. Haec tam honesta, iudices, oratio possit parum attentum fallere, praesertim hoc rem fucus illis suis & phaleris venditante, dum nobis ob oculos ponit validum illum florentemque juvenem, sic patri adamatum, crebris vulneribus confossum: parentem senem miserum, illi circumfusus, eodem exanimatum ense, sanguinem utriusque inter se confusum. Ista quidem dictu splendida, sed quid ad tuam causam attinent? Nemo tam caecus qui non videat, nemo tam effrons qui neget, spectaculum illud multo omnium jucundissimum exstitisse civitati, quum senem tyrannum juveni videret incumbentem, exanimem exanimi, & in altero gauderet sese levatum malis praeteritis, in altero futurorum metu. Haec quum per se maxima, quum Reipublicae sint gratissima, quid attinet verbis exaggerare?

A Illud unum in hoc iudicio vertitur, utrum tibi acceptum ferri oporteat, quod pater sine controversia tyrannus occisus est, an fortunae Superumque dexteritati. Quod enim tuo gladio peremptus est, id vero quam est futile nihilque? Quid si tuo gladio ab eo qui eum utendum abs te rogasset, tyrannus esset necatus, num tu protinus tyrannicidae primum petitem venires? Lex occisori pollicetur honorem, tu eum jugulasti, de quo certe controversum esse poterat, tyranni nomine censendus esset necne, eum de quo nihil erat dubitationis reliquisti. Si prudens, prudens excidisti a primum: sin metu, multo minus etiam causae est postulandi muneris. Verum illud tute vehementer urgebas, uti prudens volensque reliquisse viderere. Sed quod tandem erat istud tuum consilium, quum tibi sic in manu esset, non toto metu liberare Rempublicam sed ultorem tui facinoris, & verum certumque tyrannum relinquere? intelligebas (ut ais) omne negotium confectum extincto juvene, propterea quod modis omnibus futurum praescires, ut senex illico sibi met eodem gladio necem conscisceret. Videte, iudices, in manifestissimo mendacio qua rima conatur elabi: nisi divinandi scientiam commentus fuisset, non poterat hinc explicare sese. Siquidem haec vel augur, vel haruspex, vel vates diceret, fortasse nonnullos invenires qui ista praedicanti fidem essent habituri. Nunc quid impudentius? quid vanius? quid veri dissimilius? quam asseverare, id certum praescisse te, quod tale sit ut quivis alius exitus potius fuerit expectandus? An conjecturis es assequutus id eventurum quod evenit? At quid aliud effici conjecturis poterat, nisi ut vel sperares, vel suspicareris? Porro in re tam ancipiti, quae dementia erat spem incertam sequi, discrimen certum negligere?

C Sed audiamus obsecro certas illas conjecturas, quibus hic noster vates praesensit inopinatum omnibus exitum. Jam aetate fessus erat, inquis, jam viribus defectus, nec obtineri jam autumabat posse tyrannidem adempto filio. Tum indulgentius amabat, quam ut filio vellet esse superstes. Nonne lentis haec adeo non esse naturae rerum consentanea, ut jam omnibus videantur esse confutata, vel priusquam refellantur? Utrum seni mentem ullam fuisse putas, an non putas? Si non putas, fieri potuit ut illi tutum videretur, quod neutiquam erat tutum, atque ita protinus toto falleretur augurio: sin putas sapuisse, cur erat quod usque adeo diffideret? Quasi vero tyrannis viribus duntaxat unius hominis, ac non multo magis ingenio, versutia, calliditate, largitione, crudelitateque contineatur: quae omnia si magis in senem quam in adolescentem competunt, cur tu in diversum torques augurium? An non illa aetas usu rerum callentior est? an non altius dissimulat? an non cavet diligentius? an non prospicit oculatus? irascitur implacabilis? tenacius injuriae meminit? meliusque in longinquum consulit? His solis rebus imperium tyrannicum administratur. In militiae duce quantum est illud momentum, quod corporis vires adferunt? at in tyrannide profecto multo minus. Cur magis illum terreret ademptus filius, quam extinctus satelles quispiam audacior? quum arx superesset approbe munita, superessent opes, arma, satellitum ingens agmen, tot in civitate factiosi potentisque, qui non solum tyranni partes adjuvabant, verum etiam tyrannos agebant: quos equidem spero nunc nobis non esse metuendos (nolim enim infausta ominari) at ita tamen, ne nimium secure negligantur. Usque adeone senem cruda viridique (quod omnes norunt) senecta callidum, animosum, ambitiosum, non stultum, una filii mors consternavit, ut rebus desperatis protinus e vita sibi migrandum duxerit? praesertim quum ille patris dominatum nihilo reddiderit tutiorem, sed multo invidiosorem, idque ob libidinem, atque aetatis insolentiam temeritatemque, adeo ut expedierit propemodum illi ad stabiliendam tyrannidem filium e medio tolli. Etenim quo propius ad justum regni speciem accesserit tyrannis, hoc minus est invidiae obnoxia, magisque tuta. Juvenis ille solum hoc augebat, quod maxime tyrannos solet evertere. Vera illa tyrannidis munimenta in callidi senis pectore erant collocata.

F Sed tenerius adamabat filium, quam ut defuncto posset supervenire. De matercula quapiam privata loqueris, an de viro senē, callido, crudeli, denique tyranno? Quid ego iudices in eo sermone argumentis coarguendo sumam operam, quem ipsa natura, quem mos, quem communis omni

um

um sensus repudiat? Quis unquam isthuc audivit? tyrannum usqueadeo pio in liberos fuisse animo, ut non dicam commori voluerit, sed convivere commode quiverit? Credite mihi, privatorum isti sunt affectus, Tyrannus neque quid natura, neque quid pietas, neque omnino quid sit officium novit. Exiit hæc omnia, simul atque tyrannum induit. Omnia commodis, omnia metu, omnia necessitate metitur. Solos hos amat (si quos tamen ille amat, qui vel Deos ipsos odit) quos aut metuit, & tollere nondum expedit, aut quorum opera ministerioque ad faciendum imperium indiget. Quod si ullos ille posset amare, similes certe sui diligeret, impios, violentos, rapaces, scelestos, quando nihil ad conciliandam caritatem efficacius morum similitudine. Atqui ne improbi quidem illi cari sunt, nisi quatenus adjuvant, adeo ut præposterum, vel perversum potius quendam Stoicum tyrannus exprimat. Neque enim quisquam tam Stoicus fuit, ut æque vacarit omnibus affectibus atque tyrannus: hoc modo illos discernit, quod Philosophus honesto metitur sua consilia, hic commodo. An ille ullum pietatis igniculum in quemquam mortalium sentire potuit, qui in patriam vitæ parentem altricemque, qui in cœlites omnium bonorum auctores tam sit impius, ut illam crudelissima opprimat servitute, horum fana despoliet, iura contemnat?

Verum ut largiamur tibi nonnihil, sinamusque te privatos affectus in tyrannicum pectus, hoc est, ignem in flumen transferre, an tandem persuadebis illud, usqueadeo indulgeret illum adamasse filium, usqueadeo in eum omnes vitæ suæ spes, voluptates, opesque semel contulisse, ut illo sublato, ne minimam quidem vitæ causam sibi reliquam esse putaret? Repete, non dicam ex hac civitate, verum ex universo mortalium genere: non ex hoc seculo, sed ab orbe condito, & ab ipso (si vis) Promethei simulacro. Quotus quisque fuit pater, quæ quæque matercula, quæ ob liberorum necem sibi fatum accersiverit? Naturalis hic dolor, & quem nemo fere non modeste ferat. Privatis parentibus vel indulgentissimis, muliercularum intemperatissimis affectibus mediocris luctus sufficit, tyranni in filium caritati non nisi solam mortem satisfacturam esse tu Lynceus providebas? Age, hoc quoque tibi donamus, vicerit homo tyrannus privatorum in liberos pietatem, vicerit indulgentes materculas omnes, qui tibi compertum esse potuit, utro se dolor paternus inclinaret? In rabiem, an in desperationem? Quo diligebat impotentius, hoc erat probabilius, ut senex naturæ ferus, civibus infensus, vel maxime vellet esse superstes, vel ob id denique quo veterem illam iram, tunc filii necis acerrime exasperatam irritatamque Reipublicæ supplicis saturaret. Quod si alias vitæ pertæsum fuisset, hæc nimirum una causa poterat illum in vita retinere. Quid autem senili animo vindictæ cupidius? An nescis quam impotentes ætas illa concipiat impetus, quo rapiatur æstu, quo flagrare soleat incendio, si quando atroci insignique contumelia laceffatur? Quæ vero potuit esse atrocior, quam filii cædes sic amati, ut tu quidem ais? Hæc nimirum quicquid in illo fuerit unquam crudelitatis, quicquid sævitæ, quicquid immanitatis: si qua sanguinis sitis, si qua suppliciorum fames, denique si quid tyrannicum, id omne semel de integro poterat excitare quasque renovare. Mitiora etiam animalia, datæ orbitatis injuria, in rabiem solet agere, & tu in tyranno (quo nullum animal immitius) nihil tale metuendum esse certissimus augur existimasti, quod in Tigris videamus evenire? Quod si tibi uni compertum erat tyranno sic in deliciis esse filium, quid igitur aliud tua fiebat opera, nisi ut sævissima illa Tigris, rapto catulo, in rabiem versa, in miseram hanc civitatem dilaniandam discerpendamque insiliret? Id si non evenit magna Diis gratia, tibi magnum debetur malum: qui quantum ad te pertinet, tam diram belluam in nostra capita fortunæque immiseris.

Elige nunc utrum malis, an verum fateri, nihil fuisse tyranno cum nostris affectibus commune, an confingere sic adamasse, ut matercularum quoque vicerit delicias. Certe neutro modo tua constabit divinitas: quæ nisi constiterit, non est quod ad ejus rei laudem aspiret, quæ fortunæ commoditate te imprudente evenerit. Postremo donemus & hoc tibi, ut præciveris, & certum præciveris, Deo videlicet quopiam te certiores faciente (nam alioqui fieri nequaquam potuit) perinde est ac si non præciveris, quum præscientiæ istius fidem legi facere non possis. Profer qui-

bus prædixeris id eventurum quod evenit: doce quis Deorum quando isthuc tibi prænunciavit, nihil habes quod dicas. Verum posteaquam rem feliciter evenisse videres, tum demum post factum vates esse cœpisti, quemadmodum vulgo tum fieri, tum dici consuevit, post eventum stultos etiam sapere: & quo fortunæ beneficium verbis in te transmove- res, tragediam istam nobis comminisci cœpisti, causas reperisti, quibus præcisse videre. Sed Dii boni, quam non bonum Poetam te præstitisti, qui tam inconsistentia, tam cum natura pugnantia finxeris, sævissimum tyrannum ob pietatem erga filium ultro vitam fugisse: ob unius capitis necem tutum sibi non putasse in vita commorari, quum omnia superessent quibus tyrannis & paratur & obtinetur, sublato eo in quo omne tyrannidis præsidium collocarat, repente rebus suis diffusum ad inferos abiisse. Age, mitto nunc argumenta, hæc omnia vera, non ficta credemus esse, tametsi ne fucum quidem ullum habent veri, si mihi ex omni hominum memoria vel unum tyrannum potes nominare, qui liberos suos sic adamarit, ut non spadones ac pallacas longe prætulit: qui sic illis indulserit, ut non suspectos haberet observaretque; qui sic illis sit filius, ut non in barbaris quibusdam latronibus, ac servis stigmaticis plus quam in illis fiduciæ posuerit. Ego tibi permultos referre possim, qui filios sic oderint, ut vivos esse pati non possent: adeo metuerint, ut ne cibum quidem una capere vellent: adeo diffiderent, ut tum demum se tutos esse putarent, si quis illos e medio submovisset. Nullus inutilior tyranni satellites quam filius. Ex extrema barbarie conductitios mavult ille sicarios, fugitivos, homicidas, sacrilegos: his vitam suam mavult committere, qui sua patria frui non possint, & alienam evertere gaudeant, qui barbaricis ferinisque viribus antecellant, & gigantes illos impios referant, qui propter animi cupiditatem non difficile ad quidvis periculi suscipiendum perducuntur, & propter ingenii feritatem a nullo facinore abhorrent. Hi sunt idonei tyrannorum ministri, hi fiducia, munimentum, præsidiumque tyrannidis multo tutissimum: hos si quis ademerit, causam videatur dedisse, cur rebus tyrannus diffidat. Nam filius qua tandem ratione dominatum sustinebat: Ætate? at utilior ætas grandior. Robore? unus erat. Prudentia? magis sapit senectæ. Custodiis quas obtinebat? at si adversus patrem obtinebat, mors illius seni etiam optanda. Si patris nomine, quid nisi unus satellites ademptus erat? Nam custodiæ quo deficerent, nisi ad eum cui alebantur? Tutior igitur erat futurus tyrannus amoto filio. Res enim tyranno suspecta, filius violentus & insolens, propterea quod reliqui illi Barbari solo lucro contenti sunt. Filius illud præmium spectat, tyrannidis successionem. Nec ullus pietati locus ubi mentem possidet dira regnandi libido. Ibi contemptis naturæ legibus, & filium horret pater, & patris interitum optat filius. Sed dicturus jamdudum nescio quid: mane, præsenfi, nihil inexpugnatum omittam: urges, Nisi præter modum adamavit filium, nisi diffusus est, cur sibi mortem conscivit? Isthuc vero merito demirandum, quippe quod præter omnium, ac tuam etiam spem evenit.

Verum ego nihil ad me pertinere puto, ut tibi rationem reddam, quid illi Dii in mentem immiserint, ut sibi vim adferret: hoc tantum evincere sat est, te nullis conjecturis hunc exitum certo præscire potuisse, quantumlibet amarit filium: tametsi causa non admodum obscura. Jam Deorum si qui fuerunt huic infensi Reipublicæ iras diuturna nostra calamitas fatiaverat. Jam propitios nostra vota, nostra sacra commoverant: aderat illud fatale tempus, quum impius ille senex Diis atque hominibus dignas admissorum poenas daturus erat. Jam aderant ultrices Erynnyes, aderant Furie, facibus & hydrys omnibus armatæ: hæc illi mentem ademerunt, hæc vanam formidinem incusserunt, hæc attonitum ad spontaneam sui cædem impulerunt. Nihil minus arbitrabatur, quam fuisse qui filium peremerat, quam una cæde contentum fore: qua quidem una in re jure potes gloriari, quod tyrannum vehementer fefelleris. Virum esse putabat, qui hoc facinus peregrisset. Credebat esse talem, quales audierat esse solere tyrannos, qui magno suæ vitæ contemptu, tyranni caput impeterent: qui non adorirentur facinus, nisi ratione probe perspecta, qua possent perficere. Hanc suspicionem Pan ille, aut si quis alius est Deus, novis terriculis exagitabat. Arbitrabatur instare sibi carnificem, sensit adesse necessitatem illam fatalem, quam nemini nocentium vi-

tare licuit. Itaque quod hujus urbis pietati, quod Deorum bonitati debetur, cur tu id phaleratis dictis in te transferre conaris? Ubi discrimen erat subeundum, ibi fugitabas: nunc ubi res præter spem pulchre cecidit, tutumque putas, fortunæ laudem in te derivas.

Sed finge diversum exitum fuisse consequutum, pone tyrannum ira percitum, passim cives ad exquisita supplicia rapere, proscribere, jugulare, in exilium agere, possessionibus exuere. Quid hic dices? non fines, opinor, eorum malorum causam in te tanquam in auctorem referri, & fortunæ argumento culpam deprecaberis. Negabis tibi imputandum esse, si quid fortuito præter propositum evenit. At nunc nonne injurium est, quod boni, fortunæ commoditate præter spem evenit, id totum in te velut auctorem velle traducere? Etenim tenihil expectasse minus, quam id quod evenit, vel ipsa res clamat. Si hoc animo conscendisses arcem, ut filium, non patrem occidisses, credi poterat te talem quandam spem animo concepisse: nunc casu nescio an metu potius in juvenem incidisti, & tum denique divina ista mens & futurorum præfaga, sed quæ non nisi post eventum sua prodatur oracula, te corripuit. Quum esset fugiendum, ibi demum judices in re tam tumultuosa, secum velut ociosus consultare cœpit, utrum senem sua dextra dignum existimaret, ibi demum prævidere cœpit, fore ut pater ipse sibi manus adferret. Et quo commentum tam impudens judices efficiat paulo probabilius, quæ nec vidit, nec videre potuit, ea perinde descripsit, nimirum (ut jactat) Poeta, quasi spectator adfuerit, quid in mentem venerit tyranno, quid dixerit, quid fecerit, quomodo ferrum strinxerit. Ejusdem profecto impudentiæ, fingere præcisse se, quod esset eventu consequuturum, & quod non videris, id ita narrare quasi videris. Quanto melius tuo commento, id est, fabulæ sua fides constitisset, si ita finxisses: te quum perempto juvene, stricto gladio ad senem ire destinasses, repente a tergo adfuisse Palladem illam Homericam, & jam euntem capillis revocasse te: vetuisse ne tam luculentum facinus senili cæde obscurares, sese citra tuam operam curaturam, ut ille suapte manu, sed tuo gladio peremptus, gloriæ tuæ nihil tenebrarum offunderet, sed multum etiam adderet lucis? dehinc abditum te per rimam contemplatum, vel (quod est te dignius) repente Deam sepsisse te nebula, ut tyrannicæ necis tutus & otiosus spectator affisteres, nec prius illinc discessisses, quam negotium omne confectum vidisses. Hæc si finxisses, paulo minus malum Poetam te præstitisses. Sed otium, opinor, non suppetebat ad omnes fabulæ parteis commodè tractandas, videlicet lucri cupiditate te protinus ad præmium postulandum rapiente. Nunc vel ipsa te prodit inconstantia figmentique coarguit. In arcem ascendisti, quo tyrannum occideres, neque tum prævidebas, quod Sole ipso clarius videri vis. In medio negotio subito nescio quis Deus oculos tibi restituit, ut videres futurum id quod accidit.

Porro si veris fidem facere voluisses, narrare debueras quemadmodum nocturnus explorator furtim arcem conscenderis, in ædes clanculum irreperis, forte fortuna obvius nemine, non dicam ut tolleres aliquid, sed ut experire, si quod tuto facinus posses designare: hæc molienti commodum favisse fortunam: itaque quum adolescentem solum atque incustoditum offendisses (ut est ea, nimirum, ætas securior, periculique minus cogitans: præterea diuturna tyrannis jam magnam metus partem exuerat) tum haud scio (ut mox illius erant) multo vino sepultum, atque immodica libidine defessum, fortiter jugulasse scilicet, & somnum illi cum morte, id est, germanum (ut ait Homerus) cum germano conjunxisse: deinde ubi jam cardines procul stridere cœpissent, exaudito videlicet morientis gemitu, ibi te metu exanimatum ita fugisse, ut non vacaret gladium e vulnere tollere, quem nec parricidæ, nec ficiarii solent relinquere ne deprehendantur: Interea domi latitasse te, jamdudum de fuga cogitantem, & longinquas aliquas, semotasque mundi latebras animo circumspicentem, in quibus abditus posses irritati patris lævitiam fallere: Jamque te ad spontaneum exilium accincto, repente in vulgus exiisse famam, liberam esse civitatem, tyrannum una cum filio jugulatum, reliquos metu fugisse, auctorem ignorari facinoris: Ibi repente ad novam tuæ fabulæ catastrophem, immutasse te animum, & qui prius de salute fueras sollicitus, protinus ad præmii spem arrectum fuisse, lucri-

A que aviditate, priusquam tibi satis esset excogitata ratio, qua totam hujus inopinati eventus laudem in te traduceres, profilisse in medium: id quod vidimus, clamitasse tuum illum esse enssem, tuum facinus, non unum præmium tuæ virtuti fore satis. Hæc nemo non credidisset, sunt enim rerum naturæ consentanea, usu comprobata, omnium opinione recepta.

At tu dum sedulo quidem, sed tamen parum ex arte, tuam nobis præscientiam niteris persuadere, quam multa comminisceris, non dicam tota facie a vero distantia, verumetiam cum sensu communi, cum more, cum natura penitus pugnantia? primum tyrannum tam materne filium adamasse, ut sine eo vivere noluerit: sic ob unius mortem metu fuisse consternatum, ut in vita manere non sit ausus: sic illi toto pectore fsum, ut ipse nullas circum se custodias haberet: adeo fracti animi fuisse, ut tam chari pignoris truculenta cæde non potuerit ad ultionem inflammari: tam invalidum, ut tua dextra fuerit indignus: tam inermem, ut ni tu illi gladium reliquisses tuum, defuturum fuisset, quo se jugularet. Non vides quam non competat tam insignis in tyrannum pietas, tam secura in eam ætatem fiducia, tantus metus in hominem, excepto filio, reliquis omnibus præfidiis munitum, tanta consternatio in hominem tot periculis exercitatisimum, tanta imbecillitas in iratum? Quid igitur erat, cur tu senem illum tantopere contempseris, ut indignum habueris, qui tua ista magnifica dextera jugularetur? Tunc indignum judicabis quem occideres, quum eum Respublica non putarit indignum quem formidaret, quem maximo suo cum dolore ferret. Non talem illum, judices, non talem sensimus, ut cuiquam contemnendus videri debuerit.

Neque tu eum unquam contempsisti, nisi forte contemnere est, misere formidare. Sciebas arcem armis refertam, sciebas superesse satellites, quorum vel unus (si seni vires deerant) sufficiebat jugulando tibi. Non ignorabas (id quod nemo nostrum nescit) quantum virium illi partim exercitatio, partim ingenii feritas etiam in illa senectâ reliquerat. Tum non te fugiebat, frigidum illud senium sic interdum acri dolore inflammari, ut juvenibus etiam validissimis sæpenumero fuerit intolerandum, si quando solitum illud robur, quod ætatis gelu velut obtorpuerat, magno aliquo animi motu recanduit. Quis autem tam invalidus est, ut non illi pudor, ira, dolor ingens vires suppediret? Hoc erat videlicet, cur tu filium quam patrem malueris occidere, quod illum inopinantem, inermem, dormientem fortuna objecit. Cum hoc pugnandum erat, armato, vallato, irato denique. Hoc erat cur gladium relinqueres, ratus ne tantisper quidem morari tutum dum reciperes, metuens videlicet ne tantillum sarcinæ te redderet in fuga tardiozem. Reliquisti invitus, quo tyranno prodi posses: sed prodi maluisti quam deprehendi.

Neque ego nunc formidinem tuam accuso, imo miror magis quod pedibus consistere, quod fugere potueris, quum audires moveri tyrannicam familiam, stridere arma: intellexeris tibi non cum puero, sed cum vigilantibus viris, accinctis, armatis, sobriis, irritatis, denique cum rabioso patre dimicandum esse: non quod illum usque adeo filii mors commoveret, sed quod arbitraretur, & haud scio an vere, se petiit fuisse, dexteram tuam errasse tantum in filio. I nunc & spera, non dicam hos judices viros omnium perspicientissimos, sed vel e media plebe quenquam esse tam mucosus naribus, cui non suboleat, imo qui non plane odoretur, perferentiatque totam hanc fabulam abs te confictam. Et quod Poetæ solent, quum hærent in explicando Tragœdiæ argumento, hanc veluti Deam divinationem arte quadam induxisti, quo præfensionem tuam judicibus probares, sine qua videbas præmium obtineri non posse.

F Sed occasionem, inquit, ministravi paternæ mortis, qui gladium quo se feriret reliquerim, atque id solum non modo satis esse putat ad petendum præmium, verumetiam meritum esse, ut ipse ensis inter arma Deorum consecratur, dominus pro Deo præfenti colatur. O hominem suavem, si has spes vere concepit: impudentem, si quum non speret, postulat! Itane tyranno gladius erat defuturus, nisi tuum illum reliquisses? Tu in arcem arma, hoc est, in sylvam ligna portanda putasti? Nisi forte tuum illud ferrum magicis precaminibus erat imbutum, ut ultro ad mortis adegerit

rit necessitatem: an vero nihil referre putas, quam præbeas occasionem, quomodo, quo animo? Primum, gladium reliquisti, quo nihil minus deest tyranno: nunquam ferrum abest, non in cubili, non in triclinio, non in sacris: reliquisti metu trepidus.

Tua quidem in re illud interim demiror, qua fronte eum gladium tuum ausis appellare, quem habueris pro derelicto. Metu, inquam, exanimatus reliquisti, quem postea receptum optabas: reliquisti rem ancipitem. Quid si tyrannus illum eundem ensen in civium jugulos distrinxisset? quid si eodem lectos aliquot ex hujus urbis juventute adulescentes filio suo inferias mactasset? Si tyrannum occidisti, quia tuo occisus est gladio, & horum omnium indigna cædes ad te pertinebit: quippe cujus ense peracta est. Id si non evenit, nihil ad te pertinet: nam anceps occasio quam in partem cadat, id Diis in manu est: si bene verterit, nihil gratiæ debetur ei qui dedit imprudens: si male, temeritas imputatur. Neque enim culpa vacat, qui periculosam ministrat occasionem: quæ si feliciter, mirentur omnes: si infeliciter, merito accensæ dicant. At quanto probabilior erat, futurum ut tyrannus tuo ense alios in usus abuteretur. Scio me, judices, hæc pluribus refellere verbis, quam necesse videatur, quippe tam frivola: verum id mihi propositum est, nullum illius argumentum non excusum, non exagitatum, non revictum prætermittere. Quare quæso ne pigeat ita ut antehac fecistis, patienter atque attente cognoscere, dum hunc ab gradu summissimo deicio.

Hic sibi vehementer fidebat, hunc acriter urgebat locum. Negabat vitari posse, quin præmium deberetur quod patri necis causam ministrasset, si non relicto gladio (nam hoc opinor argumentum jam habet pro derelicto) certe necato filio. Nam ita in legibus disertum aiebat, nihil interesse utrum manu sua quis occidat, an mortis causam præbeat. Addebat, æquum esse, ut quum in maleficiis causam datam imputarent leges ad supplicium, multo magis idem observarent in beneficiis ad præmium. Hæc aiebat meminisse sese in legibus esse disputata, illud addens Thrasonimum, nisi sibi diuturna servitus legum memoriam oblitterasset. Non tu legum oblitus propter diutinam desuetudinem, sed nunquam quid sibi velint leges inquisisse videris. Bis enim hic erras, qui neque causæ datæ rationem, neque dantis animum discernas, id quod legibus traditum est, nec animadvertis longe diversam esse rationem maleficii & beneficii imputandi. Quid ais, nove juris interpretes? Itane satis esse judicis vel ad pœnam, vel ad præmium, qualemcunque quomocunque causam dedisse? Nihil igitur refert, Hector, an Ajacem occiderit manu, an gladium illum dederit, quo se postea confodit? Atqui hanc laudem nunquam ille sibi vindicasset: tamen si probabile videri poterat, in eum usum hosti ab hoste datum fuisse ferrum. Quin ergo fabros ætarios omnes vel ad pœnam vocamus, vel ad præmium, quoties armis in eorum officina perfectis, aut jugulantur cives, aut servantur? Postremo cur hoc quod tu petis præmium, non ensis istius tui opifex petit potius? Tyrannus gladium erat habiturus, te non porrigente: tu porrigere non poteras, nisi hujus industria tibi ministrasset. Age si telo inter verandum temere misso, forte tyrannum vicinum interfecisses, clamares tibi tyrannicidæ deberi præmium, an potius nihil tibi deberetur laudis, quod imprudens & inscius jaculum torfisses? Imo in jus potius vocandus esses, qui missi teli temeritate civem (quod in te fuit) occideris: nam quod in tyrannum incidit, id nihil ad te. Quid si caupo vinum lene ac suave, quale Polyphemo dedit Ulysses, tyranno vendidisses, atque ille ejus dulcedine captus, avidius sese ingurgitasset, eaque re concepta febri decessisset, auderes ne caupo, vini titulo tyrannicidæ præmium flagitare? At quis non te cum tua flagitatione, ut temulentum, vinoque madidum exploderet? Cæterum quanto frigidior titulo nunc idem postulas? Ut-cunque conjecturis præcipi poterat: ut ætas vinosa tam illibilibi vino avidius, intemperantiusque frueretur, erapulam consequeretur morbus, præsertim in sene, morbum mors: Vulgo hæc eveniunt. Tu cam tyranno mortis causam dedisti, cujus nullum exstat in hominum memoria exemplum. Quis enim antehac ob filii necem sibi manus intulit? Accedam propius. Finge te tyrannum coquum esse: probe callere palatum domini, Medicos interdicare cibum, quo tamen il-

le oppido quam lubens vescatur, interminari morbum capitalem, ni temperet: id te non fugere, eum cibum tu arte tua, cupediisque & condimentis magis ac magis illecebrosus reddis, consequitur edentem morbus, quem prædixerant Medici: emoritur tyrannus, liberatur civitas. Hicne coquus e culina in forum profiliens, & adhuc jure madens, fuligine niger, tyrannicidæ præmium postulabis? Mortarium, tonsillum & ollas ostentabis, arma scilicet quibus tyrannidem expugnaris? Non eris (opinor) tam impudens in ea causa, qua tamen ista tua multo est absurdior. Nam illi voluntas occidendi non defuit, probabilem præbuit causam. Tu nec in hoc jugulasti filium, quo pater ultro vitam relinqueret, & causam dedisti, ad quidvis potius quam ad istud idoneam. Accipe exemplum tuo similis, quam ovum fit ovo (quod ajunt) simile. Quid si tyranni amicam, quam ille misere ac perditè deperisset, occidisses: eaque cognita re tyrannus sibi vitam abrumperet, auderes ad præmium aspirare: auderes dicere, te certum præcisisse, fore ut tyrannus sponte fugeret e vita? Certe quanquam plures amicas extinctas sequuti sunt, quam filios, nemo tamen tibi crederet, nomen tibi præmium decerneret, tuum factum periculosum & anceps dicerent: omnes fortunæ gratias haberent, cujus commoditate res ea feliciter cessisset. Tibi abunde magnum præmium existimarent, si commissi venia donatus discederes.

Primum igitur diversam imputandi maleficii, & ascribendi beneficii rationem conveniet distinguere, deinde causæ æqualitatem, postremo animum: atque ita demum liquebit, quid tibi lex debeat. Nam quod aiebas legem prolixiorē esse oportere ad reddendum præmium, quam ad infligendam pœnam, id in privilegiis, quæ in exemplum non vocantur, fortasse locum habet. In jure communi longe fecus est. Siquidem (uti superius demonstravimus) nulli nocenti lex non minatur pœnam: paucis beneficiis præmium ostendit. Tum in maleficiis etiam conatum simplicem supplicio prosequitur, in beneficiis semper exitum requirit. Nec mirum, nec iniquum, si lex est diligentior in eo negotio, ad quod unum est nata, atque instituta, quam in eo, in quo temporis ratione tanquam alienas sibi sumit partes. Ergo in utroque communiter spectat, ut causa sit idonea: deinde ut animus ad sit, non tantum casus. Hoc rursum interest, quod in beneficiis nec causa idonea, nec animus idoneus satisfacit legi, nisi his accesserit eventus item idoneus. In maleficiis, si quid nocendi animo tentes, non expenditur nec eventus, nec causa: sed ex animo factum tuum lex metitur. Sic enim judicat, tibi nihil ad scelus defuisse præter fortunam: qua te sublevare, quod tandem jus sit? In eventu simul & causam datam & animum expendit. Si animum vitiosum comperit, nihil moratur causam, quam sit idonea, putat animum & eventum ad pœnam commerendam sufficere. Sin animo simplici data est causa mali idonea, & non consequitur eventus: lex quasi connivet ad id, & non putat ad suam cognitionem magnopere pertinere. Sin eventus est consequutus, etiam si de animi vitio doceri non potest, tamen temeritatis & negligentiae nomine pœnam irrogat: partim propter suspectam dantis voluntatem, partim ut hæc latebra peccantibus eripiat, imprudens feci, discantque homines vel suo periculo cavere, quod alieno faciant periculo. Ergo qui prudens & sciens, certam atque evidentem noxæ causam dedit: eum perinde lex censet, quasi facinus manu peregerit. Veluti si quis hostem opibus, copiisque juverit, perinde est ac si ipse arma contra ferat. Siquidem id suppeditavit, sine quo bellum geri non poterat. Aut si quis inimicum suum per dolum navigio solutuli imponendum curet, ut naufragio intreat, aut in conclave pensili testudine inducat, ut ruina opprimatur: aut juxta lectulum ægroti, loco pharmaci venenum ponat, futurum sperans ut eo hausto pereat, tamen si non bibit ægrotus, tamen veneficii postulari potest qui posuit, propter vitiosam animi voluntatem. Nam vehementer erat probabile id eventurum, quod ille moliebatur. Hic si detrahas nocendi voluntatem, nihil illi cum lege reifuturum est. Si detracta nocendi voluntate, apponas eventum: non effugiet temeritatis crimen, nisi illum inculcata ignorantia absolverit. Porro si in loco non ad id destinato, puta in via publica, aut in fundo alieno, arcu temet exerceas: lex tecum non agit, nisi si quem occideris, aut vulneraris, aut si cui damnum dederis. Cæterum quod

quod facis, tuo facis periculo. Quod si quid horum confectum est, cum lege tibi res est. Neque tibi tua patrociniabitur imprudentia: quippe quæ culpa temeritatis non vacet. Siquidem in te fuerat præcavere, quod probabiliter poterat prætimeri. Vides quanto discrimine diffita sint, inter quæ tu nihil interesse dicebas. Primum non statim imputatur ad præmium, quod ad poenam, idque non a malignitate legumlatoris, sed partim ex ipsa rei natura proficiscitur, partim a legum officio. Deinde discernitur animus, causa data dijudicatur, spectatur eventus.

Age nunc si libet, tuam causam, qua tuum facinus æstimari vis, expendamus. Finge te certam, inevitabilem mortis causam tyranno dedisse, sed imprudentem, nulla tibi sit præmii petitio. Quis enim insciens benemereri dicitur? Fortibus viris præmia dantur, non fortunatis tantum. Nam evicimus jamdudum opinor, ne posthac affirmes te in hoc jugulasse filium, ut pater sibi necem conficisceret: quod eventum ne vates quidem quisquam præscire poterat, tu nec suspicari. Imo posteaquam rem plenam discriminis, fortunæ arbitrio commisisti, quia bene successit, hoc nomine lex te non postulat: at idem si male evenisset, temeritatis poenas eras debiturus. Neque enim tibi succurreret inculcata ignorantia. Quid enim æque formidandum erat, quam ne tyrannus, simulatque occiso filio se peti insidiis perensisset, omnia tyrannidis mala in nos conduplicaret? Jam ut de animo res tibi constet, causam dedisti non solum non idoneam, verumetiam periculosissimam Reipublicæ. Vin hoc tibi argumento evidentissimo demonstrari? Finge te quempiam e civibus vitio occidisse: tum extincti patrem id facere, quod modo fecit tyrannus. Utrum tu duplici cædis crimine teneberis, an simplici? Simplici opinor. At uxor & mariti mortem imputabit, qui necato filio, seni causam mortis dederis: atque his ferme tuis argumentis utetur. Indulgentissime filium adamabat, in illum omnem familiæ curam reclinaverat, illo se oblectabat: atque hæc de privato sene cum fide dicet, quæ tu de tyranno nimis dure (ne dicam ridicule) dicebas. Addet ea te scisse, prævidisse futurum ut ille vitam fugeret orbatus filio, in quo una omnia vitæ oblectamenta collocarat. Non tibi defuisse jugulandi semis voluntatem, sed hoc tantum egisse, ut miserabilius sua dextra perimeretur, ut odium tuum plenius miseri patris malis exfaturares. Ideo juvenem necasse, in hunc usum gladium in vulnere reliquisse. Vides quanto sunt hæc probabiliora in hoc, quam in tuo negotio: & tamen negabis paternam necem ad te pertinere, atque animi suspensionem, causæ qualitate purgabis. Negabis causam idoneam fuisse, cur ille sibi met manus adferret. Te nec præscire, nec timere potuisse, id quod sit consequutum: quod rarum existet exemplum patris, ob filii necem sponte fugientis e vita. Alioqui futurum fuisse, ut & mater sibi fatum accerferet: quippe quam impotentius amare sit consentaneum, ac minus adversum dolorem animi viribus valere. Hæc non dubitares tibi profutura, ad alterum crimen dehellendum, & prodesse dubio procul. Atqui quod in maleficiis valet, ne quid imputetur, id multo magis in hac causa valet, ne quid acceptum feratur. Ibi te liberaret a voluntatis suspitione, quod causas parum idoneas dederis: hic ex causis multo minus idoneis propter personam tyranni, videri vis non modo quod evenit, fuisse suspicatus, verumetiam certum præscisse. Ibi temeritatis postulari non poteris, propterea quod tamen si vitio abs te data est causa, tamen idonea non sit ad id quod evenit. Imo ipsi tota res imputabitur, & legibus poenas dabit, sepultura prohibitus, quod civitati citra causam idoneam, civem unum ademerit. Tibi non nisi unius filii mors imputabitur, etiam si mater quoque & filia, & sorores, & tota tribus hujus necem fuerit imitata. Hic poterat, nisi feliciter evenisset: quippe ubi summum Reipublicæ periculum & verteretur, & prætimeri probabiliter posset.

Venio nunc ad quartum illud præsidium, judices, quod iste tutissimum, ac pene inexpugnabile judicabat: unde ego illum ita deturbabo, ut non solum sit non habiturus quo tyrannidii & hujus laudis arcem obtineat, verum vix etiam latebram inventurus, ubi temeritatis ac maleficii poenam effugiat (ut nimirum intelligat, quam non inimice, non curiose (ut agebat) secum agam: ut quum possim in crimen ac poenam vocare, sat habeam ab honore non promerito secludere. Ait sibi deberi præmium, vel hoc uno no-

A mine, quod juvenem occiderit, jam plusquam tyrannum, tum tyrannidis paratum hæredem, etiam si hunc eventum Dii non dedissent, ut senex ipse vitam abrumperet. Odeploratam impudentiam! Tu tibi præmium peteres, si tyrannum suæ furia non essent ultæ? Dii quidvis potius dederint, quam istuc quod tu fingis. Sed tamen fingamus interim oratione, quandoquidem id tuto licet: tamen si ad solam mentionem inhorrescit animus. Tunc, inquam, occiso filio, relicto sene vivo, tyrannidæ præmium peteres? An potius nec ipse superesses, qui possis petere: nec esset Reipublica quæ dare posset? Nam tu aut exquisitis supplicis exanimareris, aut in extremis Orcadis exul delitesceres: nos pro tyranno jam immanissimum carnificem pateremur: & tuum caput ubicunque terrarum latitares, diris imprecationibus devoveremus, qui nos tua incogitantia, vel præcipiti magis lucri cupiditate in tantam malorum tempestatem conjecisses. Sed re filius erat tyrannus (inquis) patri præter inane nomen nihil erat reliquum. Quid ego audio? duos igitur hæc civitas tyrannos alebat? Nam de patre nemo unquam dubitavit, quin tyranni vocabulum mereretur. Quando autem antehac unquam fando auditum est, duos una in civitate sedisse tyrannos? id quod magis etiam natura repudiat, quam eodem in corpore gemina capita. In iisdem alvearibus duo se Reges pariter non ferunt. In armentis taurus tauro cedere cogitur. In iisdem lustris non convenit duobus inter se leonibus: & tyrannus (quo nullum animal efferatius) parem in eadem urbe patitur? Non vides necessario fieri, ut e duobus, aut alter alterum oppugnet, aut alter alteri cedat? Utrum tu fuisse mavis in patre, an in filio? Si juvenis adversus senem obtinebat tyrannidem, quid a Republica præmium postulas? Tyranni partes adjuvisti, non Reipublicæ. Sin patri cessit: quid tandem illum vocare potes, nisi tyranni vel præfectum, aut satellitem? Quandoquidem seniori tyrannicam appellationem ne tu quidem audes detrahare. Verum ut quoquo modo tyrannidem omnem in adolescentem oratione derivares, quam multa tu quidem non ex re, sed pro causæ tuæ commoditate comminisceris?

Caterum quam in his confingendis decori, quod in personis situm est, nullam habuisti rationem? Sic enim (ut memini) inducebas in fabulam senem jam ætate mitem, & qui omnem tyrannidis acerbiter ob senectam exuisset: non secus atque mala, quæ natura acerba, tempore mitescunt, & in alium abeunt succum. Porro juvenem ferocem, illo incolumi gerentem tyrannidem, jamque patri vivo succedentem. Privatus paterfamilias non fert filium se vivo successorem: & tu vis istuc credi in tyranno? Ille non finit ullum e liberis rem domesticam ex animi sui libidine moderari: & tyrannus sese veluti abdicans imperio, negotium omne in adolescentem rejecerat? Non dubito, quin & ipse videris, quam dura sint ista, & quam a communi sensu abhorrentia. Verum quid faceres, nisi tales personas induxisses, exitum invenire tragædia tua non poterat? Quæso te, an unquam auditum est tyrannum ætate mitescere? Quando tu defines ea quæ sunt privatorum, quæ bonorum principum, tyrannis tribuere? Ut eodem igne cera mollescit, limus durefcit: ita ætate plerique redduntur mitiores ac temperantiores, tyrannus magis exasperatur. Ut tempus nonnullis pomis amaritudinem adimit, ut vinis nonnullis acorem conciliat: itidem tyrannis non adimit sævitiam ætas, sed exaggerat. Vis ipsissimam tyrannici ingenii tibi demonstrarem imaginem? Spinam cogita, quæ quo magis senescit, eo pungit acrius. Echinos cogita, qui quo plus habent ætatis, hoc testa sunt asperiore. Vulgaribus ingenii fortasse nonnulla vitia senectæ vel detrahit, vel certe mitigat, etiam si plura irritat, nonnulla parit. At tyrannorum mentibus ad scelus, ad crudelitatem patris, scelere & immanitate imbutis atque educatis, præter vitiorum omnium incrementum adferre senectæ quid potest? Nisi forte libidinem adimit? Quanquam ista tyrannidis quantula tandem est portio? Sed esto fuerit sane propter ætatem ad voluptates segnior, verum erat fastidiosior: unde fit, ut imbecillior sit ad coitum, ad raptum avidior. Fortasse pauciores huic exsecrabantur ephebi, sed insigniores. Pauciores producebantur virgines, sed exquisitiores. Cur non autem & plures? videlicet quo senile fastidium optione, & varietate vinceret. Hoc ita esse, quot ego tibi testes citare possem, qui quo nobi-

biliores sunt, quo forma præstantiores habent liberos, hoc magis eis a flagitiosissimi senis cupiditate metuebant. An tu putas una cum viribus senescere libidinem? Multo secus habet. Imo quantum ætas improborum hominum facultati detrahit, tantum adjicit cupiditati. Quanquam tyrannicum animum his in rebus non tam voluptatis usus capit, quam nostra delectat contumelia. Ut frigeat in sene tyranno Venus, certe fervet vigetque malitia, sævitia, nocendi libido. Postremo totum illud vitiorum agmen, quæ propria tyrannorum sunt, cupiditas, rapacitas, improbitas, impudentia, impietas, iracundia, violentia, impotentia, suspicio, fraus, perfidia, crudelitas, implacabilitas, immanitas, perjurium: (Quid autem oportet omnia commemorare nobis omnibus heu nimium nota?) horum inquam nullum non ætate fit acerbius, propterea quod juvenia nonnunquam naturæ bonitate vincitur: præterea quædam mala nondum didicit: at senecta, si quid pudoris, si quid humanitatis, si quid melioris ingenii a natura insitum est, id omne multo ac diuturno flagitiorum usu peritus exiit, & prorsum in immanissimam quandam feram abiit. Id ita evenisse, iudices, in execratissimo illo sene, quid ego coner argumentis docere, quum sua cuique memoria abunde satis exemplum suppeditet?

Quod si juvenis sese gerebat insolentius, videlicet patris abutens imperio: num tu hunc continuo tyranni nomine donabis? Ergo ex eadem tyrannide sexcentos tyrannos facile reddideris. Nam quis est omnino in tyranni familia, vel extremum mancipium, qui non ipso pene tyranno sit ferocior, violentior, sceleratior? Filius, inquit, emolumentis imperii potiebatur: patri præter nomen nihil cessit. Quasi vero non sit istuc omni tyrannidi commune. Longe minima fructuum pars, qui solent ex tyrannide capi, ad ipsum redeunt tyrannum. Quemadmodum in latrocinio fieri consuevit: prædæ communiter in omnes distribuuntur, vel in eos potius quorum opera capiuntur. Alioqui non cohærebit cohors illa scelerata: nisi dux ille quisque fuerit, plus etiam permittat suis, quam sibiipsum. Solum nomen sibi proprie vendicat. Et in nullos est tyrannus indulgentior, quam in scelerum ministros? quippe quorum opera sentiat suum imperium contineri. Proinde sub unius umbra satellites omnis, omnis minister, familiaris, leno, Tyrannidem quandam in cives exercet. Ridicule fecero, si hoc quoque coner argumentatione probare, iudices. Vidimus, sensimus, experti sumus, nisi forte tam diutinæ calamitatis memoriam, tam pauculi dies obliteraverunt. Neque enim esset res usque adeo misera tyrannis, si unius modo foret toleranda violentia. Quot ferendilatrores, quot sacrilegi, quot ex extrema barbarie adventæ, feris quam hominibus similiores? Neque defunt, qui se simulent apud tyrannum sceleribus suis gratiam promeritos esse, quo nimium hoc nomine metuuntur a civibus. Horum igitur unumquemlibet tyrannum appellabis, & pro quolibet occiso tyrannidæ præmium petes? Non in tantum omnem exues pudorem opinor. Sed pater ætate fessus, omnem dominatum in filium transulerat, quicquid tyrannicum in urbe gerebatur, id juvenis violentia committebatur. Sed istuc quantum absit ab imagine veri, quis tam cæcus, ut non videat? quis tam obliviosus, ut non possit experimento refellere? Ego tibi complures nominare satellites possum filio insolentiores. Ad hæc, verisimillimum est nullius insolentiam minus approbasse senem quam filii, vel quod odit omnem tyrannidis affectatorem omnis tyrannus, vel quod intelligit ex illius facinoribus longe plus invidiæ, odiique sibi confari: (Callidissimi autem tyranni est, eatenus legitimum imitari regnum, quatenus obtineri tyrannis possit) vel quod pater etiam pessimus, tamen liberorum nonnihil offenditur vitiis, & ad crudelitatis ministeria alienis quam suis uti mavult. Quod si clam patre rapinas, raptus, atque id genus facinora designabat filius, profecto non tyrannum agebat, sed insolentem satellitem. Sin approbante patre, quasque per illum exercente tyrannidem, utri tandem par erat imputari commissæ, huic per quem gerebantur, an ei cujus auctoritate arbitrioque fiebant? Non arbitror obsequium, quin huic cui in manu erat nutu ne fierent vetare.

Quid autem non agunt per tyranni? Nam ipsi quidem neque pueros emasculant, neque virgines abripiunt, neque proscribunt, neque bona diripiunt, neque fana dispoliant, neque hæreditatibus manum injiciunt, neque compiliant ærarium, neque tormentis excruciant, neque quenquam

A jugulant, neque armis vicos expugnant: neque incendunt villas. Totum hunc tyrannicum ludum per ministros exercent. In unum tamen tyrannici nominis invidia competit, in unum occidendum lex præmium instituit, in unum stringendi ferri jus facit, illos suæ cognitioni reservat. Quorum ut quisque sua opera tyranno profuit, ita aliud atque aliud vocabulum imponi potest, certe tyranni vocabulum nemini congruit, nisi uni illi, sub cuius veluti clypeo, tota illa perniciosissimorum hominum colluvies latitat.

B Arbitror vobis, iudices, sæpenumero auditum esse, id quod eleganter a doctissimis viris est scriptum, tyrannis non longas modo, verumetiam plurimas esse manus, plurimos oculos, eosque acerrimos: plurimas aures, easque longissimas. Omnino prodigiosum quoddam est animal tyrannus, multoque gigantibus illis Briareo & Encelado portentosius, centenis capitibus, centenis linguis, centenis manibus, pedibusque. Quot enim habet scelerum ministros, totidem habere membra videtur. Atque ut ex membris corpus, ita tyrannis ex hujusmodi constat ministris. Verum ut illud quod corpus appellatur nihil est aliud, quam qui idam omnibus ex membris aggregatum, ita in tyrannide unum quippiam est, quod neque pes sit, neque manus, nec ullum aliud membrum, contineat autem universa: at ita contineat, ut ab iis possit separari, idque tyrannus vocatur. Proinde exaggera quantumlibet juvenis insolentiam, violentiamque, præfectum arcis voces licebit, oculum nomines licebit, aut si mavis dextram: aut si ne id quidem satis, præcipuum tyranni caput dicas licebit: Tyrannum certe vocare nequaquam potes. Unum enim illud portentum tyranni nomine cense, cujus auctoritate tituloque cuncta hæc membra velut animantur: idque unum forti civi permittit occidere. Non vult te in oculum aliquem involare: non finit ut caput aliquod amputes, ne tale quiddam eveniat, quod de Lernæa hydra fabulantur Poetæ, ut pro uno capite resecto, duo pestilentiora subnascantur: pro uno excussio oculo, plures acriorum succedant: pro una rescissa dextera, multæ robustiores subpullulent: unius vitæ te dominum, arbitrumque constituit, qui sibi sit ausus tyranni vindicare nomen, quo sublato futurum sit ut membra reliqua quasi destituta spiritu, emoriantur, aut certe sanentur.

C At quid ego tecum jam accuratis argumentationibus ago? Possum illico tuis te verbis revincere, ac veluti tuo te laqueo capere. Juvenem paulo ante magnum patris satellitem nominabas. Non inficiabere. Rursum alio loco dicebas omnem tyrannidem occupasse filium: solius appellationis honorem cessisse. Qui convenit eundem & satellitem, & tyrannum appellari? Tum si cessit, non igitur usurpavit tyranni nomen. Contractus autem verbis aut rati sunt, aut rescinduntur. Lex hac tecum formula contraxit: si quis tyrannum occiderit, præmium ferat. Quid tu mihi juvenis flagitia commemoras? Id te lex voluit occidere, quodcumque illud esset animal, quod tyrannus diceretur. Magnum (ut ipse fateris) satellitem occidisti, non tyrannum: quid tibi cum lege rei est? At rem, inquis, legis sequutus sum, non syllabas, eum interfeci qui caput erat tyrannidis, paratus hæres paterni dominatus: libertatem peperit, servitutem sustuli: hoc lex sensit, hujus rei auctori præmium præstituit. Satellitem, inquam, occidisti, nihil moror quantum, quam gravem, quam ferocem, quam scelestum: satellitem tamen occidisti tyrannidis, non caput: aut si caput, unum & pluribus. Sed hæc omnia tibi ex animi sententia largiamur: fuerit sane res tota tyrannidis filius: pater nihil nisi vocabulum quoddam inane tyranni: quemadmodum in fabulis habetur, Echo Nympham, nihil aliud quam meram quandam fuisse vocem sine corpore. Qui tibi licuit in re tanta, a verbis legis discedere? præsertim ita dilucidis, ut perspicuum magis nihil esse possit, & commentitiæ interpretationem domi tuæ natam in iudicium adferre? Ego iudices, nullum in Rempublicam exemplum perniciosius induci posse iudico, quam si consuecant homines calumniosi a præscripto legum recedere: & interpretamento, quod ad prætexendum facinus quisque suum maxime idoneum comminisci queat, id iudicibus objicere. Quis autem unquam meminit de legis sententia quæri solere, nisi quum in scripto quiddam apparet ambiguum, obscure dictum: aut quum ex verbis & eventu absurditas quæpiam exstitit, eaque manifesta? In priore non cuiusvis commentum, sed juris prudentium

tium responsa, sed iudicum sententia recipi solet. In hoc posteriore, necessitas ipsa compellit aliquantisper a legis vocibus deflectere: & æquitatem juris potius, quam verba spectare. Duplex itaque periculum videtis, iudices: alterum ne superstitiosa cavillatione literarum legis ab eo quod lex spectavit abducamur: alterum ne passim a præscripto discedendo, leges omnes & iudiciorum religionem subvertamus. Quorum illud quidem multo levius est: propterea quod vix unquam accidat, ut legislator obscure quid voluerit, explicuerit: aut absurdum quiddam exoriat. Hoc multo periculosissimum, perniciosissimumque. Etenim quæ tandem lex futura est, quam versutus calumniator, quo poenam effugiat, non facile possit aliquo commento subvertere? Neque quisquam non elabatur e iudicio vestro nocens, nisi qui sit usque adeo nullius ingenii, ut ne frivolum quidem aliquam commentatiunculam queat invenire. Atque ut cuique commodum erit, aut animi libido feret: ita pro sene juvenem, pro Tyranno satellitem, pro homicidio tyrannicidium: & passim aliud pro alio interpretabitur. Vestra interim, iudices, religio, vestrum iusjurandum, qua tandem ratione servabitur: quibus nihil futurum est certi, quod in cognoscendo sequamini: verum ambiguas, diversasque litigatorum conjecturas spectare necessum erit?

Ergo quum in omni causa maximopere cavendum est, ne sine gravissima ratione a legis præscripto discedatur: tum in hac non periculosum modo, verum etiam absurdissimum: quum legis verbis nihil possit esse dilucidius, sententia nihil æquius: interpretamento quod præter legis mentem inducitur, nihil pestilentius. An credimus legis huius auctorem usque adeo infantem, & verborum inopem fuisse, ut dicere non potuerit: qui quovis modo Tyrannidem sustulerit, huic præmium est, si modo isthuc sensisset? Neque vero fugit illum, totam tyrannidem per satellites & præfectos exerceri solere, permultosque in his esse vel Tyrannis ipsis sceleraiores, atque ut ita dixerim, Tyrannicos magis, & omnino supplicio digniores: nisi & omnium omnia ministrorum scelera Tyranno imputarentur. In unum tamen illum, qui hoc nomine censetur, tibi ferro grassandi facultas data est. In reliquos non tibi permittitur idem: non quod illos vita dignos iudicet lex, sed quod unius cæde totam tyrannidem tolli velit, non multorum cæde reddi duriorem. Tuum erat legi simpliciter parere, neque ejus verba quasi plumbeam quandam regulam ad tuum facinus accommodare, verum ad illius præscriptum factorum tuorum rationem instituire. Præsertim in hoc exemplo, quo non aliud potest admitti pestilentius, ut ex legis arbitraria interpretatione, quem velis interficiendi tibi pro tua libidine licentiam sumas. Non illud hic spectandum, iudices, quam invisus Reipublicæ sit, qui occisus est, quam majore etiam supplicio dignus: verum id etiam atque etiam perpendere oportet, exemplum præter leges jugulandi homines, semel in civitatem receptum, semel vestris sententiis approbatum, denique præmio compensatum, quo tandem licentiæ sit processurum. Quod iste sibi in tyranni filium licere voluit, hoc alius sibi volet in distissimum quemque civium licere. Quisquis pauper a locuplete contumelia afficietur, protinus tyrannum cum appellabit, & veneno aut ferro adoriatur.

Postremo si cui magistratus non placebit, si cui iudex erit invisus, non dubitabit e medio tollere. Porro ad facinoris defensionem, Sophistam quempiam aut sycophantem consulat (si ipse ingenio stupidiore fuerit) & novam legis interpretationem vobis adducet: dicet nil aliud sensisse legislatorem, quam ut huiusmodi civium genus non nomine, sed re tyrannidem agentium, ferro, igni, veneno tollatur e medio. Atque ita brevi futurum est, ut quod in uno factum semel & probavimus, & gavisi sumus: id in multis sæpius & doleamus & improbemus. Credite mihi, non mediocre discrimen, neque conniventer accipiendum, ut titulo repperito, privatus hominem indemnatum interficiat. Id ita esse facile liquebit, si quidem animadvertimus, nihil omnium esse, quod lex parcius, circumspectiusque permiserit. Etenim (si memini) tribus duntaxat temporibus lex indulget, ut quis citra iudicium hominem occidat. Primum adulterum, sed in uxore deprehensum: id quod intemperanti & insuperabili mariti dolori donatum est. At ita si corpus utrumque pariter interimat, si argumentis idoneis deprehensum fuisse doceat. Deinde in vi depellenda. At ita si de-

A monstres te mortem effugere nequuisse, nisi mortem intulisses: id lex ita interpretatur, quasi sese tueri potius sit isthuc, quam alium occidere. Uterque tamen facti sui rationem reddere compellitur, statim sese prodere, nec expectare donec in jus trahatur: atque (ut ita dicam) ultro semet reum facere cogitur. Quod si omnia constabunt argumenta: ita demum a lege dimittitur, ut venia, non laude dignus esse videatur. Postremo in tyrannicidio: ubi propter periculi suscepti magnitudinem lex præmium quoque proponit: at ita si cum quem tibi lex isto velut insigni tyrannici nominis denotavit, fortiter occideris: non si scelustum alio scelere sustuleris: neque patietur te jus occidendi permiffum, latius quam ad unicum tyranni caput trahere, nisi si quis obstitat, ut per illius necem tibi necesse sit ad illum penetrare. Jamque hoc factum tuum secunda illa ratione defenditur. Huic tertio generi fortasse proxima videatur hostem in bello ferendi facultas: quam tuæ tamen libidini lex non permittit. Nisi palam hostis sit declaratus, nisi in Imperatoris verba iuraris, nisi ille aciem eduxerit, nisi signa canere jusserit, tibi fraudi futurum est, hostem interfecisse. Tu dicturus es. Hostem occidi, nam plus quam hostilia faciebat, nomen hostis tantum aberat, re hostem agebat. Lex respondebit, suarum partium fuisse, hostem declarare, ac tuo fortasse scelere fructur: verum ne serpat exemplum, poenas de te sumet.

C Quid autem aliud abs te factum est? Unum tibi lex nominatum designaverat: tu illius vocabulum tuapte auctoritate in alium transfers, quod nisi in unum non potest competere: neque traduci debet ab eo cui lex attribuerit, ne tibi fas sit aliquando quem voles magistratum, quem voles iudicem, quem voles civem, tyrannum appellare. Neque vero sine gravissimis causis lex tot vinculis adstrinxit hanc in vitam alterius licentiam. Perpendit nihil majus eripi cuiquam posse, quam vitam: vidit in extinctum facile varias causas confingi etiam impune posse, quandoquidem ille non sit refutaturus, qui jacet. Vidit quam multis titulis suum quisque dolorem posset prætexere, si post occisum hominem ulla causa recipiatur, præter eas quæ legibus sint expressæ. Quid quod gravatim sibi quoque lex permiffisse videtur, ut homini vitam eripiat: quam comperta, quam multa requirit argumenta, quam multa concedit reo, quam maligne agit cum actore, quem non nisi suo periculo vult accusare: quantum spaci largitur ei qui dicitur: quam liberam iudicium rejectionem. Quantum igitur a mente legis abesse putas, ut cuilibet permittat, vel pro suo privato dolore, vel domestica juris interpretatione, hoc est, subversione, in cuiusquam vitam grassari? Neque ad rem pertinet, quantum criminum acervum exaggeres, quantumvis etiam verorum, addo notorum: dicas patricidam, sacrilegum, incestum, proditorem, peculatorem, veneficum interfeci. Tyrannum lex jubet occidi. Atqui hic unus multis tyrannis erat sceleratior, pestilentiorque civitati. Ad ista tam multa crimina lex tibi verbo respondebit. Nihil moror quam fuerit scelerosus qui perit: in unum tyrannum tibi jus feceram occidendi, in reliquos in jus trahendi. Si detulisses: auditus, revictus, damnatus a me palam poenas dedisset, omnique Reipublicæ salubri exemplo fuisses. Nunc tu privata libidine interficiens, pro saluberrimo exemplo, perniciosissimum in civitatem induxisti, & legum infractionem, a legis violatione auspicaris: hoc est, malis malo m ederi studes. An me clam esse putas, quam multi sunt in hac turba vita indigni, morte dignissimi? At eos meæ cognitioni, non tuis manibus servo: sunt fora, sunt tribunalia, sunt iudices, sunt carceres, secures, carnifices. Cur tu mihi præire conaris? cur nullo mandante magistratum occupas? & dum tyrannicida videri vis, tyrannum imitaris? Nam quo alio nomine tantopere mihi est invisus ille, nisi quod mihi parere recusat, & præire conatur? Ei demum ferrum tractare licebit, cujus manibus ego permifero. Si juvenem occidisses, quod non alia patuisset ad tyrannum via, darem veniam necessitati: nunc occidisti, non obfistentem, non auxilium ferentem patri, sed patris opem implorantem. Huius unius cæde contentus discessisti, tyrannum nec impetisti, in quem eadem tibi jus feceram. Meum erat expendere, utrum ex usu Reipublicæ fuerit, an juvenis occideretur: malueram illum exquisitoribus excruciatum suppliciis, exemplum omnibus edere.

Ne-

Neque hæc dico iudices, quasi parum gaudeam pariter cum patre sublatum filium: utinam eadem opera simul omnes sint oppressi, quibuscunque tyrannus placet. Sed quis prohibet, simul & gaudere, quod Deorum bonitas nobis hanc rem bene verterit, & tamen non committere, ut injustemeritas, si iudicio comprobetur, in legem atque in exemplum trahatur? Nec de juvenis injuria vindicanda nunc agitur, sed de legis violatæ majestate. Non enim par est, ut cuiquam personæ præter jus extincti odium in scelere suffragetur. Neque tam spectandum in quem commissum sit facinus, quam quo exemplo commissum. Alioqui cur non eadem opera fas sit in tyranni nepotes, pallacas, pueros, uxores, liberos, lenones grassari? Bonam tyrannidis partem uxor sæpenumero suggerit. Ad summam immanitatem nonnunquam libertus aliquis, aut vernula instigat: cur non & hos jugulas, si tibi jus est æstimatione privata meritum civem jugulare? Quid quod est aliquid tyranno nocentius, in quod tamen haudquaquam tibi jus sit occidendi. Finge esse qui totam hanc urbem, templa, domos, curiam conatus sit incendere, imo qui jam compluribus locis ignem subjecerit, sed incendium subito exorto imbri restinctum: auctorem non obsecrum, verum abditum latitare. Eum forte fortuna repertum, manu tuâ trucidas. Num lex tuum factum approbabit? Non opinor. Atqui tyranno ille quanto erat nocentior? Tanto, nimirum, quanto est atrocius civitatem semel funditus evertere, quam expilare: cives universos uno igni finire, quam in pauca quædam sævire capita. Et tamen in unum tyrannum stringendi ferri potestas privatum permittitur. Illum deferendi modo jus habes. Hic in re tam aperta legis mentem calumniari, & novo interpretamento tuum facinus palliare: quid tandem aliud est, quam legum auctoritatem evertere, atque id per cuniculos quoddam agere, quod tyrannus palam ac vi facere consuevit?

In recipienda lege fas est populo causam, æquitatemque legis excutere. Cæterum receptæ, & longo jam usu comprobatæ, simpliciter oportet obtemperare. Neque enim existimandum est majores illos nostros, viros sine controversia sapientissimos, ita sine gravissimis rationibus instituisse, ut privatim interficiendi tyranni facultas unico capite finiretur. Primum ad jugulandi licentiam, fenestram aperiendam civibus non putaverunt: deinde perspiciebant tyrannidem fatale quoddam esse Reipublicæ malum, quod minore noxa toleraretur, quam male exagitaretur: neque posse semel tolli, nisi Tyranni ipsius cæde. Quo submoto, videlicet, qui legibus imperabat, non parebat, jam nihil opus esse privata audacia, nimirum, illis in Reipublicæ administrationem vindicatis. Quod si Tyrannus in jus vocari potuisset, ne hunc quidem tuæ dextræ arbitrio permisisset. Videbant & illud: Tyrannidem nonnullam habere monarchiæ legitimæ speciem: hoc tantum interesse, quod in monarchia populus Regi paret, Rex legibus: in Tyrannide omnia unius libidini subiecta sunt. Rex publicam spectat utilitatem, Tyrannus privatim suam: unde publicitus expedit, ut Tyranno veluti principi legitimo civitas pareat donec idoneus aliquis vindex exstiterit, qui legum auctoritatem in pristinum statum restituat, atque id unius (si fieri potest) capitis jactura. Nam hac moderatione in fatalibus illis pestibus, quæ totum Reipublicæ quasi corpus corripunt, legum prudentia consuevit uti: ut exemplo magis, quam admissi talione morbo medeatur: ne dum civitatem sanare studet, magnam civitatis partem interimat. Hinc est quod in seditionibus publicis non nisi in ipsos auctores consuevit animadverti, reliquis quos tempestas illa commoverat, dari venia: aut vix etiam dari venia, qui in publico Reipublicæ tumultu quietem egissent. Quæ potest autem pestis esse fatalior, quam Tyrannis? Quæ sese latius in civitatis membra diffundit? Quota quæque urbis pars ab hoc vitio sincerâ potest esse? Omitto jam quicquid est ambitionis, ære alieno obstrictorum, scelere contaminatorum, barbarorum (nam hæc tota sentina hominum tyrannide gaudet, ut in qua nullis majora, quam sceleralis sunt præmia) bonos etiam cives hoc malum involvit, dum vel timent fortunæ suæ, vel rectum judicant servire tempori. In hoc itaque rerum statu leges non extinctæ, sed oppressæ modo, cautim & circumspicienter agunt, intelligunt hoc ulcus citra summam civitatis perniciem exasperari non posse, unius capitis dispendio commode sanari posse. Quare

A docto cuiquam Medico præmium ostendunt, digito demonstrant, quod membrum secari velint, quibus abstinere. Caput indicant illæ, tu dextram secuisti. Illæ Tyrannum, tu tyranni satellitem occidisti. Quo præmio dignus? Nempe, eo, quo qui morbo inscite exagitato, totum hominem in extremum vitæ discrimen adducat, quo qui hominem legibus vetantibus occidat.

Neque ego nunc te cædisse ago, aget alius fortassis, cuicumque lubitum erit: verum illud modo consilium fuit, ostendere tibi quam insignitæ sit impudentiæ, in ea causa tam eximiam tibi vendicare laudem, tam egregia poscere præmia, in qua nequeas obtinere, si modo tecum exactius ac severius agatur, ut graveis poenas effugias. Inunc & curiosum me voca, qui tam candide, tamque civiliter tecum agam: ut quum te possim in grave discrimen vocare, sat habeam legis & Reipublicæ causam defendere, ne circumventa præmium dare cogatur ei, qui nihil boni sit promeritus. Id quod non iudicibus modo (quibus isthuc jamdudum liquere puto) verum tibi etiam ipsi cupio persuadere: & facturum me confido, si modo tantisper animum possis attendere.

Vin' igitur, ut quemadmodum tu faciebas, itidem & nos summam totam causam ob oculos revocemus? dispiciamusque quam multa tuo in facto desiderentur ad id ut legi satisfeceris: & quantum tu sis hallucinatus, quum multa diceres etiam superesse? Tria quædam requirit lex, & ita requirit, ut si quodlibet horum desit, aut poenam te, aut certe nihil gratiæ debere se credat: Quorum ego non unum ali-quod, sed unumquodque deesse docebo. Quod si facio, utrum æquo animo cedes præmio, an impudenter petere persistes? Ergo rem accipe. Nisi tria hæc tibi constiterint, non est quod Tyrannidæ præmium petas: Animus, via, & effectus.

Animus duo quædam complectitur, vel quid speraris, vel quid proposueris. Nam si Tyrannum per imprudentiam occidisses, si præterpropositum, non magis profecto præmium tibi debeatur, quam si quis Tyranno amicissimus idem fecisset, nam idem potuit accidere. Tu porro quid propositi in arcem attuleris, ipse videris: ita demum legi persuasum erit, te voluisse occidere tyrannum, si occideris. Non occidisti, atque id etiam quum tibi in manu fuerit (ut ais) si libuisset interficere. Lex negat sua referre, utrum tyrannidæ propositum in arcem non attuleris, an allatum repente mutaris. Jam quid speraris excutiamus. Quanquam isthuc leges non ita valde curiose pensculantur: sed tamen in tam absoluto facinore partes omnes constare oportet. Quid enim si Tyrannum interfecisses, quo tyrannidem ipse occupares, utrum præmium sperares? an supplicium metueres? Quid si quo privatum animi tui dolore ulcisceris, Tyrannum occidisses, atque id esset palam, num præmium auderes poscere? Quid, si latrones Tyrannum forte fortuna obvium obtruncassent, num ad hunc honorem adspirarent? Quid si quis Tyranno privatim insensus, magna te pecunia conduxisset, quo ei Tyranno venenum dares, dedissesque, num quæso, tyrannidæ præmium postulares? Ego hic tecum non ago conjecturis: nihil dico in vitam tuam, quæ quidem obscurior est, quam ut tu aliqui tam gloriosus quicquam de ea ausus fueris dicere: illud unum affirmare non dubitem, qui Tyrannum quum tuto licuerit, non occidit, plane noluit occidere. Qui eum occiderit, cuius mors extremum exitium Reipublicæ videretur allatura, potius quam ullam commoditatem: is aut privatum dolo-rem ulcisci voluit, non libertatem publicam vindicare, aut emolumentum suum sequutus est Reipublicæ periculo, non suo periculo Reipublicæ studuit prodesse. Postremo non potest nisi gloriæ jejuniò adductus videri, qui tam insolenter se jactat. Non potest non videri lucrum sequutus, qui tam improbe præmium flagitat. An non vides igitur quantopere hac parte a tota legis mente dissentias? quem illa tuæ vitæ periculo sua causa voluit occidere, eum tu non solum volens præteristi, verum etiam periculose in Rempublicam irritasti: quem sua causa noluit occidi, eum tu maximo nostro periculo tui compendii, aut animi fortasse gratia jugulasti. Sed finge te animum tyrannidæ dignum ad facinus attulisse, lucri perinde ut vitæ contemptorem, magni tamen refert, qua ratione tyrannidem tollere aggrediaris. Jam enim omnia tibi ex animi tui libidine largior, quæ tamen nemo

alius tibi concessurus est. Te in filio jugulasse patrem, in non tyranno Tyrannum. Largior isthuc Delium aliquem tibi prædixisse, ut certum præscire potueris, quod ipse etiam vix divinus Delius potuerit. Licuisse tibi patrem occidere, si libuisset, verum hoc poenæ genus tibi magis placuisse.

Sustuleris sane Tyrannidem, idque nova quadam & inusitata ratione. Vides quam multa tibi dono. Tamen obflam tibi, nec sinam ferre præmium, propterea quod ea via sustuleris, quæ legi non probatur, quæ non expediat moribus civitatis, quæ non sit forti viro digna. Age, quid si Tyranni filium infantem in cunis jugulasses, & rursum adfuisse Delium ille, per quem certum præscire posses, fore ut necato puero pater sibi mortem accerseret, atque id evenisset, utrum te tanquam Tyrannicidam suspiceret. Respublica, an potius tanquam immanem & ferum hominem execraretur, qui in eam sævieris ætatem, cui etiam ab hoste armato parcitur, quæ leonibus etiam miseranda videatur? Quid ergo? Utetur tuo maleficio Respublica, cæterum exemplum haudquaquam probabit. Quid si tyranni uxorem, quam ille misere deamaret, per vim constuprasses, atque ille ejus impatiens contumeliæ, fugerit e vita: utrum Tyrannicidii laudem flagitabis, an raptus & adulterii supplicium potius formidabis? Res obscura non est: Conferam tuo facto propiora. Quid si Tyranni Medicus quum esses, veneno ægotanti dato, illum sustulisses, utrum ut veneficum oderit te Respublica, an ut virum fortem admirabitur? Tyrannum sublatum gaudebit, facti rationem, modumque detestabitur. Quid si quum te Tyrannus familiariter uteretur, tu in convivio prætextu necessitudinis venenum porrigeres? Denique si per magicas imagines, ac maleficas quasdam devotiones Tyranno vitam ademisses: utrum a lege præmium, an poenam exspectares?

Atqui tyrannidem utcumque sustulisti. Eventu gaudet lex. Verum exemplum tam perniciosum in Rempublicam non recipit: ut consuecant cives scelus ulcisci scelere, patrem in filio jugulare. Vides quantum momenti sit in modo, viaque, ut factum tuum approbetur? Quod lex permittit ut fiat, non statim permittit, ut id via qualibet efficias. Adulterum ferro occidere licet: veneno aut incantamenti non licet. Cur ita? Quia pestilens exemplum omnino tractare venena. Nec id ulla causa quantumvis honesta, finit in civitatem irrepere. Quid quod ne hostem quidem veneno, aut malis artibus interficere fas est? Nam nusquam non improbat malefica lex: & veneno tincta tela etiam in bellis interdicta sunt. Quod si modus facti spectatur in his in quibus nullum petitur præmium, quanto magis id fiet in his in quibus summum petitur. Lex triumphum statuit ei, qui certum hostium numerum fuderit. Fuderit aliquis non acie, sed aquis & pabulo veneno tinctis. Utrum cives hunc æquis oculis spectare poterunt triumphantem, an potius sicuti veneficum oderint, averfabuntur, execrabuntur? Quid quod privatis etiam in rebus via, modusque perpenditur: quo magis idem oportebit, tum in publico, tum in splendidissimo facinore, ut a quo conveniat omnem sceleris suspicionem abesse? Age illud tecum reputa, si Medico mercedem pactus esses, quo te morbo levaret, atque ille non pharmacis, sed maleficiis & incantamenti morbum exemisset, utrum præmium dabis, an magis hominem in jus trahes? injuriæ malis artibus data reum ages? Clamabit ille, morbo te levavi, qua via quid isthuc tua refert? Hoc tantum spectabas, ut morbo liber esses, ei rei merces est promissa. Ingratum te vocabit, qui nisi sua opera, ne esses quidem qui præmium negare posses. Tu protinus respondebis, opinor, Medico te præmium esse pollicitum, non Mago, neque debere quicquam, nisi rem malam ei qui beneficium male dedit. Quanquam ne dedisse quidem videtur, qui malum malo tollit. Id enim mutare est incommodum, non amovere. Dices enim animo nocitum, dum corpori subvenitur. Atque istam litem vinces, etiam iniquo judice. Atqui eadem, aut melior etiam & vincibilior est tecum causa legi, quam quæ tibi futura fuerat cum Medico. Nam ibi de privata mercedula disceptaretur, hic de publico honore. Ibi falsus est unus, hic legi fraus facta, per quam cautum oportuit, ne quisquam civium circumveniat. Ibi salus data, certa quidem & efficaci, sed suspecta & improbata via: hic nefario scelere (cur enim non sic appellatur homicidium, quod in civem contra

A legem admissum sit?) non libertas restituta, sed in extremum discrimen adducta Respublica, quandoquidem tuum factum perinde habet, ac si Medicus quispiam ad curam mercede conductus, venenum pro remedio ministraret: quod tamen ægotanti (ita ut non raro consuevit accidere) per occasionem morbum adimat. Qui revaluit, suis fatis acceptum feret quod vivat, tibi mortem; tametsi vitarit, imputabit. Neque sua referre putabit, utrum imperitia, an perperam, ac studiose pro pharmaco venenum porrexeris: propterea quod tui fuerat officii, aut non suscipere negotium, aut fidem simul, & artem, & industriam, ac diligentiam, & quicquid a probato artifice solet requiri, ad curam adferre.

B Sed age sinimus adhuc possidere te, quod dudum sumus largiti: ut plane ista via Tyrannum occideris, citra ullum Republicæ discrimen. Lex non approbabit facinus tuum: nisi non tantum a crimine, verum etiam ab omni criminis specie procul abfuerit: ne videlicet ea quæ in hoc potissimum adhibita est in civitatem, ut maleficcium omne secludat, incolumitatem suam, quam conveniebat aut Deo cuiquam, aut certe Diis simillimo homini, acceptam referri, sceleri debere dicatur. Non approbabit, inquam, nisi Tyrannum ipsum quem nominatum indicavit ipsa, quaque permittit via, sustuleris: ne per rimam istam periculosum exemplum in Rempublicam irrepat. Postremo nisi ferro, non clancularis ac maleficis artibus: nisi virtute, nisi manu, nisi vitæ tuæ manifesto contemptu Tyrannum trucidaris. Neque enim hoc tantum spectat lex, ut Tyrannus ipse præfens submoveatur: verum illud multo magis respicit, ut omnes mortales intelligant in ea civitate viros esse fortes, qui non vereantur vitæ suæ dispendio patriæ commodis consulere, ac præclari exemplo facinoris, omnes etiam in posterum ab affectatione Tyrannidis deterreantur: cum videant in ea civitate nullum esse Tyrannum satis tutum præsidium: quandoquidem illud nemo nescit, qui vitæ suæ sit contemptor, eam esse alienæ vitæ dominum. Nam quod omnino satellitum, quæ excubite, qui parietes, quæ arx, quæ arma adversus hujusmodi animum Tyranni caput defendant: qui patriæ libertatem sua vita bene credat emi?

D Postremo autem, ut maxime tibi constet animus, at constet via, id quod est totius negotii caput, non effecisti. Tantum enim abes ut Tyrannum occideris: ut quantum in te fuit, tyrannidem majorem in modum auxeris, interfecto Tyranni filio. Quid autem refert, malitia, an stultitia Rempublicam in discrimen adduxeris? Nam illo quod vulgo dicunt nihil verius: Intempestivam benevolentiam nihil a simultate differre. Tantum abest ut occideris Tyrannum: ut ne suspicari quidem potueris id eventum, ut ipse semet occideret. Sed juvenem occidisti patre insolentior: quid tum postea? si patri & hujus scelera lex imputat? Magnum proinde Tyranni satellitem, non Tyrannum occidisti. Sed paratum tyrannidis hæredem occidisti: in tyrannidem succedit, qui prior, qui potior est in occupando. Verum esto sane, certum hæredem sustuleris: igitur qui Tyrannus erat futurus, intremisti. Atqui quod futurum est, id nondum est. Porro lex eum qui jam Tyrannus sit, tolli jubet: non quem aliquando futurum divines. An qui statum ex pacto debeat, & rudem truncum præstiterit, fidem persolvissè videatur? Non arbitror. Ubi nunc igitur sunt illa tam multa, quæ tibi ad præmium postulandum supererant? Vides quam ne unum quidem omnium tibi constet, quorum nihil oportebat deesse. Volui, inquis: id demum voluissè te lex credit, quod effeceris. Postea e re nata propositum est commutatum. Hoc igitur præmii tibi debetur, quod ei qui in Olympiis medio e cursu, relicta meta, ad carceres reflectit habenas.

F At periclitatus es. Proinde id laudis auferes, quod is qui sudavit in Olympiis, nec vicit. Sed occidisti denique: verum eum, quem neque lex permittebat arbitrio tuo, neque ex usu publico fuerat occidi. At bene vertit civitati quod fecisti. Numini igitur gratia debetur, tali, qualem Palladem Atticis fuisse ferunt: de qua proverbium exstat, quod Atheniensium male consulta, in bonum exitumvertere consuevit. Non tu leges servasti, sed sustulisti: non libertatem restituvisti, sed numen aliquod huic urbi propitium, quod eventum tuæ temeritati debitum, sua commoditate a nobis avertit, quod tuam stultitiam nobis vertit in occasionem restitu-

sticundæ libertatis. Non ego ingratum erga te populum constituo, imo tu populum ingratum in Deos reddere laboras: quem quum semel in periculum vocaris, ne pro simplici tyrannide duplicatam pateretur, nunc rursus in discrimen trahere conaris; ne ab iratis Superis in pristinam servitutem, aut gravius aliquod infortunium retrudatur. Quid tu te fucis & phaleratis dictis in alienum meritum insinuas? Quid tibi in eo negotio laudem universam vendicas, ex quo præter poenam temeritatis, nihil ad te redire merito possit? Si Reipublicæ, si iudicibus probare potes animum tuum tyrannicida dignum, qui nullum periculum vitæ Reipublicæ causa recularit: si facinus non scelere, non pernicioso exemplo, sed legitima via peregristi, si fortuna tuis egregiis conantibus bene expeditum dedit eventum: aude tyrannicidam te vocare, aude pulcherrimum, ac pene divinum munus a Republica poscere: aude nobis servatas leges, restitutam civitatem, aude templa, aras, focos, fortunas omnibus, tutos pueros, inviolatas virgines, impolluta matrimonia, denique hoc ipsum quod hic lege & apud iudices agimus, exprobrare: aude mihi minari, quod obstiterim: aude civitatem ingratitudinis insimulare, nisi laudem promeritam persolverit, aude iudices vel iniquos, vel corruptos clamitare, nisi suis sententiis præmium tibi decreverint. Contra, si suspexit quid volueris, si periculosum, si contra leges, si cum scelere conjunctum quod feceris: sit pudor, ac desine tandem improbe præmium flagitare, quod nulla ratione promerueris: poenam, si sapias, incipe deprecari. Istud fortassis ab æquitate iudicium, a civitate Deorum munere læta, queas impetrare. Neque enim putes unum me te a præmio detertere.

Imaginare isthac in causa pariter & leges, & Rempublicam & Deos tibi adversari. Puta leges his tecum verbis agere: Si nos vero restitutas videri vis, sine nostram auctoritatem primum in hac tua causa valere. Longe plus laudis ex hoc iudicio referes, si nobis cesseris, si parueris, si tuam cupiditatem nostro submiseris arbitrio, si primum exemplum in te civibus edideris, revisisse nos, si monstraris civitati jam non ex sceleratorum libidine, sed ex nostro præscripto cuique vivendum esse. Atque altera ex parte Rempublicam hac tecum oratione uti puta. Si civem bonum mihi præstare studes, noli hanc stultitiæ notam mihi inungere: ut in

posterum recognita, dicar ebrietate quadam gaudiorum ei præmium decrevisse, cui poena magis deberetur: noli mihi Deos, quos vix denique tam diutinis votis, tot sacris, tot precibus, tot meis malis placavi, commovi, propitios reddidi, denuo per ingratitudinem iratos atque infensos reddere. Sine ut mihi per te liceat, saltem illorum beneficio frui. Quod si te neque leges, neque Respublica commovet: certe Deorum orationem vereri debes, quos ita tecum agere putato. Quid tu te in nostræ laudis possessionem ingeris? Quid honori nostro invides? Cur non sinis nos in hanc civitatem perpetuo benignos esse? Cur tu ipse tam ingratus existis? Civitas hæc semel mihi restitutam libertatem debet, tu bis debes, commoditati nostræ: & quod Rempublicam servavimus, cuius tu partes, & quod commoditate nostra tuam periculosam stultitiam, vel scelus potius, in maximam felicitatem verterimus. Etenim nisi nos dextri propitiusque adfuissimus, quid aliud tu quam perieras, & per te Respublica. Quod si plane contendis, ut præmium aliquod feras, abunde magnum præmium a nobis perolutum est, quod per nos res a te male instituta, bene verterit. A legibus merito major relata gratia, si nostræ prosperitatis respectu, temeritatis simul & sceleris veniam condonarint. A civitate satis amplam laudem feres, si ea patiat, ut in restituta libertatis historia tuum quoque nomen admisceatur. Hac laudis parte contentus desine nobis debitum velle præripere, civitati munus nostrum eripere, legibus auctoritatem adimere. Sed finem facio, nimirum exstillata jam aqua.

Quod superest, nunc vestræ partes sunt, iudices, statuere, utrum secundum leges, secundum Deos, secundum Rempublicam sententiam dicere, an secundum hunc gloriosum ostentatorem pronunciare velitis. Utrum hanc urbis felicitatem huius temeritati, huius sceleri acceptam ferre malitis, sæpius exprobrandam, & brevi fortassis a Superis iratis (id quod abominor) auferendam: an in Deos quibus sine controversia tota debetur, referre, eorundem pietate servandam, augendam, beneque fortunandam. Utrum magis ex usu sit, ut primo hoc iudicio statim leges circumventæ dicantur, an ut appareat legum restitutarum severitatem, & iudicium sapientiam adversus unius iniquam postulationem valuisse.

DESIDERIUS ERASMUS ROTERODAMUS
M. JOANNI PALUDANO,
RHETORI LOVANIENSIS ACADEMIÆ,

S. P. D.



U T intelligas, humanissime Paludane, Erasimum illum tuum tametsi per omnes terras maria-
que volitantem, tamen tui memoriam perpetuo secum circumferre: mitto quasi symboli vice La-
ciani Dialogum: cui titulus, περί τῶν ἐν τοῖς ποταμοῖς οὐρανῶν. Quem in Italiam profecturus, in ipso pe-
ne procinctu Latinum feci. In eo non sine voluptate tanquam in speculo, videbis aulicæ vitæ in-
commoda: quæ tu mihi sæpenumero commemorare solebas, nimirum expertus, & veluti nau-
fragio ejectus, ac vix isti liberæ, literariæque vitæ redditus. Idque feci eo studiosius: ut meo
exemplo te provocarem, quo jam diu Græcæ in literis versatus, incipias & ipse aliquando
audere aliquid. Cur enim non dicam audere? Quum nullum sit mea sententia facinus audacius, quam si coneris ex
bene Græcis, bene Latina facere. Vale, meque tui amantissimum mutuum ama.

L I B E L L U S
DE IIS
QUI MERCEDE CONDUCTI
IN DIVITUM FAMILIIS
VIVUNT.



E QUID tibi primum, amice, aut
quid postremum, quemadmodum vul-
go dici consuevit, recenscam, ex his
quæ tum facere, tum pati coguntur,
qui mercedis gratia sese in alienas do-
mos, convictumque tradunt alienum,
quique in locupletum istorum amicitiam
accensentur, si modo ejusmodi
illorum servitutem convenit amicitiam appellare? Novi

enim permulta, atque adeo pleraque omnia, quæ illis ibi so-
leant accidere, non per Jovem quod ipse ea experimento
cognorim, (neque enim mihi unquam experitumdi incidit
necessitas, ac ne quando incidat, Dii prohibeant) sed quod
complures qui in hoc vitæ genus inciderant, apud me soliti
sint commemorare: partim qui in ipsis etiam dum malis con-
stituti, quæ & quanta ferrent deplorabant: partim qui tan-
quam e carcere quodam profugi, non absque voluptate re-
cordabantur commemorantque ea quæ fuerant perpeffi.

Tom. I. T 3 Imo,

Imo, juvabat revocare ob oculos, quas ærumnas effugissent. Atque hi quidem digniores mihi visi sunt, quibus fides haberetur: ut qui ejus sacri ritus (ut ita dixerim) omnis omniaque mysteria perdidicissent, cunctaque ab initio ad finem atque perspexissent. Hos igitur haudquaquam indiligenter, nec oscitanter audire soleo, veluti naufragium quoddam, ac præter spem objectam salutem enarrantes. Cujusmodi sunt isti, qui in templis derafo capite, complures simul obambulantes, immanes undas, procellas, sublatos in celum fluctus, jactus, malos fractos, gubernacula revulsa narrant. In primis autem geminos Castorem & Pollucem apparentes (nam hi peculiariter ad hanc Tragœdiam pertinent) aut alium Deum quempiam repente, quemadmodum in fabulis fieri convenit, exortum: summisque antennis insidentem, aut juxta clavum adsistentem: qui navim ad littus aliquod molle dirigeret, ad quod appellens futurum esset ut & ipsa paulatim ac lente solveretur, & ipsi tuto in solum descenderent, idque ope favoreque divino. Atque isti igitur permulta id genus ad præsentem commoditatem exaggerantes, commemorant: quo videlicet a pluribus stipem accipiant: si non calamitosi modo, verumetiam Diis cari esse videantur. Porro ii dum eas quas in tectis tulerunt tempestates referrent, atque immanes illas undas, quin etiam decumanos fluctus, si fas est dicere: & quemadmodum primum a littore solverint mari tranquillo: quantumque molestiarum perpetua navigatione sint perpassi: dum sitiunt, dum nauscant, dum salo perfunduntur. Denique quemadmodum infelici navigio in caute quampiam sub undis latentem, aut in scopulum aliquem præruptum, & asperum illiso, fractoque miseri ægre enatarint, nudi, cunctarumque rerum inopes. Hæc, inquam, quum referrent, mihi quidem visi sunt permulta præ pudore subticere, volentesque ac scientes oblivisci. At ego etiam illa, præterea autem & alia nonnulla ex illorum narrationibus conjectans, deprehendi quicquid ærumnarum cum ejusmodi convictibus conjunctum est.

Quæ quidem omnia haud gravabor, optime Timocles, tibi perferre. Jam pridem enim mihi videor animadvertisse, te de capeffenda hac vitæ ratione cogitare. Nam olim quum his de rebus sermo incidisset, mox ex his qui præsentibus erant, quispiam mercenarium hoc vitæ genus laudare coepit, fortunatissimos eos affirmans, quibus contigisset horum uti familiaritate, qui apud Romanos essent optimates: tum conviviis adesse opiparis, idque immunes: præterea splendidis in ædibus diversari: tum peregrinari omnigena cum commoditate, voluptateque, alba interim in rheda (si forte libeat) resupinatos. Insuper ob hanc amicitiam, obque commoditates quibus afficiuntur, etiam mercedem capere: id vero non mediocriter videri. Istis enim haud dubie citra semetipsum ac culturam (quod ajunt) cuncta provenire. Hæc igitur atque id genus alia quum audires, animadverti quemadmodum ad ea inhiaveris, quamque avide ad escam os apertum porrexeris. Proinde ne quid mihi certe in posterum possis imputare, neque exposulare queas: quod quum te conspiceremus tantum una cum esca deglutientem hamum, non revocaremus, neque priusquam in guttur demergeretur, revulserimus, neque præmonuerimus: verum posteaquam cessassemus, donec eo jam adacto atque infixo trahi jam, ac vi duci conspiceremus, tum quum nihil opis afferri possit, frustra adesse nos atque illachrymari. Hæc inquam, ne quando possis dicere, quæ si dicantur, merito profecto dicantur, neque a nobis refelli possent, quo minus peccasse videremur, ut qui prius ista non indicassemus: audi nunc ordine omnia. Ac rete quidem ipsum cujusmodi sit, quamque nullum habeat exitum, non intus mediis in finibus involutus, sed foris tuto atque per oclum ante contemplator, unci æris aculeum, reflexam hami aciem, ac tridentis cuspides manu tentans, malaque admota experiens. Quod nisi vehementer acuta, nisi sic illigantia, ut effugiendi nulla sit facultas, nisi dira vulnera factura videantur, acriter trahentia, & inexplicabiliter retinentia, nos quidem inter formidolosos, atque ob id etiam pauperes, famelicosque adscribito: ipse vero sumpta fiducia, venatum istum, si videtur, aggreditor, Lari in morem totam escam hiatu deglutiens. Atque in universum quidem forsitan tua causa omnis hic sermo dicitur. Quanquam non solum de vobis Philosophis, aut his quicumque vitæ institutum sibi delegerunt cum vir-

tutis studio conjunctius, verumetiam de Grammaticis, Rhetoricis, Musicis, breviter de omnibus, qui in doctrinæ professione versari, quæstumque facere proposuerunt. Cæterum quum omnia sint inter istos communia, eademque prorsus accidant omnibus, palam est Philosophorum conditionem non esse a reliquis eximiam. Immo hoc illis turpius ista contingere, quum sint cum aliis communia, si ii qui conducunt, non aliis præmiis eos quam reliquos dignos judicent, nihiloque magis quam cæteros in honore habeant. Sed quicquid erit, quod narrationis series aperiet, ejus culpam potissimum in ipsos conferre par est, qui ejusmodi faciunt: deinde in eos qui talia sustinent. Ego vero culpam non debeo, nisi forte veritas & libertas in commemorando reprehensionem mereatur. Ac reliquum quidem hominum vulgus, puta palæstricos quospiam, aut adulatores imperitos, sordidoque animo, ac suoapte ingenio humiles & abjectos homines, ne operæ precium quidem fuerit ab ejusmodi convictu dehortari, quippe nequaquam obtemperaturos: neque rursum æquum sit illis vitio vertere, quod non relinquunt suos conductores, etiam plurimis ab illis contumeliis affecti. Sunt enim ad eam vitæ rationem accommodati, factique, neque ea videlicet indigni. Præterea ne habeant quidem aliud quippiam, ad quod sese convertant, & in quo sese exerceant, adeo ut si quis eam vitam illis adimat, ignavi illico, consilii inopes, desidiosus atque inutiles reddantur. Quamobrem nec ipsi rem aliquam indignam patiantur, nec illi contumeliose facere videantur: si (quod ajunt) in matellam imminxerint. Etenim ad easipsas contumelias jam inde initio præparati, conferunt sese in familiam, atque hæc sola illis ars suppetit, ferre & perpeti quicquid acciderit. Cæterum eruditorum nomine, de quibus institueram loqui, merito indignandum, enitendumque, ut quam maxime fieri potest, eos inde revocatos, in libertatem vindicemus.

Videor autem recte facturus, si quibus de causis se quidam ad hoc vitæ genus conferunt, eas causas excussero: parumque idoneas, atque efficaces esse demonstravero. Si quidem eo pacto omnis illis præripietur excusatio: summusque ille titulus, quo suam spontaneam servitutem solent obtexere. Jam igitur plerique paupertatem & rerum necessariorum inopiam proponunt: atque eam umbram satis idoneam existimant, qua suum factum prætexant, quod ultro ad eam vitam accesserint. Ac sibi sufficere credunt, quum ajunt se quiddam ignoscendum facere: qui id quod est in vita molestissimum, nempe paupertatem, studeant effugere. Postea in promptu Theognis, atque illud plurimum in ore:

Nam quemcunque virum paupertas enecat.

Et si quæ alia terribilia abjectissimi quique Poetæ de paupertate prodiderunt. Equidem si viderem ex hujusmodi convictu paupertatis effugium aliquod vere contingere, non admodum anxie cum eis de vehementer amplectenda libertate disceptarem. At posteaquam ejusmodi quædam accipiunt, cujusmodi sunt ægrotantium alimenta (quemadmodum egregius ille dixit Orator) qui queant effugere, quo minus in hoc ipsum parum recte sibi consuluisse videantur, nimirum semper illis manente eodem vitæ illius argumento? Semper enim manet paupertas, semper accipiendi necessitas, nihil quod seponatur, nihil superest quod reserveetur. Verum quicquid datum fuerit, ut detur, ut universum etiam capiatur, prorsus omne insumitur, ita tamen ut ne id quidem in usus sufficiat. Rectius autem futurum fuerat, si nequaquam causas ejusmodi comminiscerentur, quæ paupertatem servant aluntque, atque eatenus duntaxat opitulantur, verum quæ illam tandem aliquando tollant. Ac forsitan tibi hoc volebas Theogni, quum diceret eam in altum mare ac præruptis de scopulis præcipitem dari oportere. Quod si quis semper pauper, semper egens, quum semper mercede conductus mereat, hoc ipso sese arbitretur aufugisse paupertatem: non video qui fieri possit, quo minus hic ipse sese fallere videatur.

Rursum alii negant sese paupertatem formidaturos, si modo reliquorum hominum in morem possint suo labore, suaque industria sibi victum suppeditare. At nunc sibi fractas esse corporis vires, seu senio, seu morbis: eoque ad eam vitam mercenariam facilem videlicet atque commodam confugere. Age igitur, inspicimus num vera prædicent, & num ea quæ dantur ex facili illis suppetant, non multo neque adeo majore labore consent, quam vulgo suus victus.

Nam

Nam id quidem etiam votis expetendum, uti citra laborem, citra sudorem, nullo negotio paratum argentum accipias. Verum quam hæc absint a vero, istud profecto ut dignum est, ne dici quidem satis potest: tantum laborum, tantum sudorum in ejusmodi convictibus exhauriendum, ut hic ne valetudo quidem ad id par sit: quippe quum quotidie sexcenta non desint negotia, quæ corpus conficiant, adque extremam usque defectionem delassent. Verum hæc suo loco dicemus, quum etiam reliquas illorum incommoditates commemorabimus. In præsentia sat erat leviter ostendere, qui se ajunt hac de causa in servitutem addicere sese, ne istos quidem vera dicere.

Supereff jam ut eam causam referamus, quæ quidem ut est verissima, ita ab illis minime profertur. Nempe, ipsos voluptatis gratiâ, & amplis illis spebus incitatos, ultro invadere familias divitum, auri argentique vim & copiam admiratos: præterea quod felices sibi videantur ob convivium, reliquasque ejus vitæ delicias: sperantes futurum, uti mox, nemine vetante, affatim aurum bibant. Hæc nimirum sunt quæ illos adducunt, atque ex liberis servos constituunt: non rerum necessariorum usus, quem prætexebant: sed rerum non necessariorum cupiditas, atque ingentium illarum & ampliarum opum admiratio. Enimvero quemadmodum miseros istos, atque infelices amantes, callidi quidam & veteratores amassu receptant & fastidienter ducunt, lactantque videlicet quo jugiter amantes, ambiant ipsos atque intervant. Cæterum ex amoris fructu, ne summo quidem osculo impertiunt. Intelligunt enim copia facta dissolvendum amorem. Id igitur ne fiat, præcavent, diligenterque sui copiam subtrahunt. Alioqui spe semper retinent amantem: metuentes, ne desperatio minuatur cupiditatis ardorem: amantemque ab se alienet. Proinde semper arrident, pollicenturque, semper facturi sunt, semperque gratificaturi, semperque ingentium sumptuum rationem habituri: donec imprudentes ambo senuerint, atque utrique jam præterierit ætas: huic ad amandum, illi ad dandum. Atque ita omni vita nihil illis peractum est ultra spem meram. Atqui voluptatis cupiditate nihil non ferre, id quidem forsitan non usque adeo vitio vertendum: quin magis venia danda, si quis voluptate capiatur, & hanc undequaque consectetur, quo possit ea potiri: quanquam turpe forsitan ac servile, si quis ea gratia semet in jus tradat alienum: propterea quod voluptas, quæ ex libertate percipitur, multo suavior est, quam ea quam ille libertatis jactura fectatur. Attamen hoc quoque aliquo pacto ignoscendum illis sit, si modo consequantur. Verum enimvero ob solam voluptatis spem, multas perferre molestias, equidem & deridiculum arbitror, & stultum: maxime quum videant labores certos esse, manifestos, & inevitabiles: porro illud quod speratur, quod quidem nihil aliud tandem est quam voluptas, ne tam longo quidem tempore contigisse. Præterea autem, nec verisimile videri, ut contingat aliquando, si quis modo rem recta reputet via. At Ulyssis quidem focii, dulci quadam gustata loto reliqua negligebant, ac præsentī voluptate delinīti honesta contemnebant, ut non prorsus cum ratione pugnarit in illis honestatis obliquo: nimirum animo voluptatis illius sensu occupato. Verum si quis famelicus alii cuiquam loto sese ingurgitanti, neque quicquam inde impertiendi, assistat, idque solam ob spem, quod credat fore, ut & ipsi aliquando degustandam lotum porrigat: assistat, inquam, ad hunc modum, recti atque honesti oblitus, Dii boni quam hoc ridiculum, planeque verberibus quibuscumque Homericis dignum.

Ergo quæ istos ad divitum convictum adducunt, & quibus impulsī sese illis dedunt, ad quodcunque lubitum fuerit utendos, hæc sunt, aut his ferme simillima. Nisi si quis & illos commemorandos esse judicat, quos hæc una res ad id commovet, quod gloriosum arbitrantur, cum illustribus atque opulentis viris habere consuetudinem. Sunt enim qui hoc quoque præclarum ac magnificum supraque plebem esse existiment. Nam ego quidem quod ad me proprie attinet, recusarim vel cum Persarum Rege convivere duntaxat, convictorque videri, si nullus ex eo convictu fructus ad me redeat. Quum itaque causa ejus vitæ suscipiendæ sic illis habeat, age jam consideremus apud nosmetipsos: primum cujusmodi sint illis perferenda priusquam admittantur, cujusquam obtineant. Deinde cujusmodi in ipsa jam vita constituti patiantur. Postremo quæ tandem catastrophe, quis fabulæ exitus illis contingat.

A Neque enim illud dicere possunt: hæc tamen si molesta sint, tamen assuesci facile, neque ad id multo opus esse labore, sat esse si velis modo: postea reliqua omnia factu fore facilia. Imo necesse est ut primum diu sursum ac deorsum cursites, mane excitatus assidue pro foribus obverferis, ut perdures, quum protruderis, quum excluderis, quum improbus interdum atque importunus videris, cum janitori male Syristanti, ac nomenclatori Libyco subjiceris, quumque nominis tui memoriam mercede redimere cogeris. Quin etiam vestitus tibi est apparandus supra tuæ rei facultatem, pro dignitate ejus cujus convictum ambis, delegendus color, quo ille potissimum gaudeat, uti ne discrepes, neve oculos illius offendas. Postremo uti gnave affectere necesse est, vel antecedas potius, a famulis protrusus, ac veluti pompam quandam expleas. At ille interim complures jam dies ne adspicit quidem te. Quod si quando res tibi felicissime verterit, si se respexerit, si accersiverit, dixeritque quicquid illud fuerit, quod illi forte in buccam venerit, tum denique, tum plurimus sudor, tum multa oculorum caligo, tum intempestiva trepidatio, tum sannæ eorum qui adsunt, hæsitantiam tuam ac perplexitatem ridendum. Qua quidem non raro accidit, ut quum oportuerit respondere, quis fuerit Rex Achivorum, mille naves illis fuisse respondeas. Atque id si qui sunt modesti pudorem vocant: immodesti timiditatem nominant: improbi inficitiam. Ita fit, ut tu primam hanc divitis comitatem, tibi periculosissimam expertus, ita discedas, ut tantam animi tui imbecillitatem ipse condemnes.

C Porro ubi multas jam noctes infomnes duxeris: ubi plurimos dies cruentos egeris: haud quidem Helenæ gratia per Jovem, neque ob Priameia Pergama, verum spe quinque obolorum, contigerit autem & Deus quispiam tragicus qui tibi sit auxilio: jam illud restat, ut exploreris excutiantisque, num literas noris. Atque ea quidem disceptatio non injucunda est ipsi diviti: quippe qui laudatur interim, ac felix esse prædicatur. Cæterum tibi videtur, de vita ipsa, deque omni fortuna tum certamen esse paratum: propterea quod tibi venit in mentem, idque merito, futurum ut alius nemo sit admissurus, si prius ab hoc rejectus ac repudiatus videare. Integim in varias curas distraharis oportet: dum invades iis qui pariter ex æquo tecum examinantur. Finge enim & alios esse, qui ejusdem fortunæ sibi sint competitores: te vero tibi videri cuncta parum absolute respondisse, metuentem interim simul & sperantem, ac misere de illius vultu pendentem: qui si quid parum probet eorum quæ dixeris, peristi. Sin arridens auscultat, hilarescis & spe bona fultus consistis. Porro consentaneum est, esse non paucos, qui tibi adversentur, atque alios in tuum locum velint inducere. Horum unusquisque clanculum velut ex insidiis in te jaculatur. Jam vero illud considera, quale sit virum promissa barba, cana coma, examinari, nunquid bonæ rei didicerit, & aliis quidem didicisse videri, aliis secus. Superior interim vita, & omnis antea ætas tua curiosius disquiritur. Quod si quis aut civis invidia, aut vicinus levi quapiam de causa provocatus te deferat, & adulterum dicat vel pæderastem: is protinus, juxta vetus illud proverbium, ex Jovis tabulis testis. Porro si pariter omnes bene de prædicent, suspecti, leves, ac largitione redempti videbuntur. Nam admodum omnia tibi consent oportet. Nihil proptus sit, quod tibi queat obfistere. Alioqui nunquam obtineris. Age sane, hoc quoque contigit, ac bona quapiam fortuna cuncta tibi feliciter cesserunt, & probavit ipse doctrinam tuam, & amicorum præcipui, quibusque ille hujusmodi in rebus plurimam habet fidem, non dehortantur. Ad hæc vult etiam uxor. Non refragatur domus præfectus, neque item dispensator. Nemo tuam infimulavit vitam, dextra omnia & omni ex parte bene promittunt sacra.

F Vicisti igitur ô fortunate, & coronatus es Olympia. Quin Babylonem magis cepisti, aut Sardiniam arcem occupasti. Habebis copiarum cornu & gallinaceum lac emulgebis, jam sane par est, ut aliquando præmia capias, maxima videlicet, & quæ laboribus tantis respondeant, ne corona tua frondea duntaxat sit, simul ut merces haudquaquam contemnenda præstitatur, eaque commode ad usum citraque negotium persolvatur, utque reliquis item honos tibi præter ministrorum vulgus suppeditetur. Cæterum a laboribus illis, a luto, a cursitationibus, a vigiliis, in ocium te recipias,

303

pias, uti id quod vulgo solent optare mortales, porrectis pedibus dormias, nihilque jam facias præter ea sola, quorum gratia primum receptus es & in quæ conductus. Ita enim consentaneum fuerat, Timocles, neque ingens malum erat futurum, si quis subdita cervice ferat jugum, leve nimirum & portatu facile, quodque est omnium maximum, auro illitum. Atqui longe secus res habet, imo nihil horum reperietur. Siquidem in mediis ipsis id genus convictibus, sexcentæ res accidunt, viro ingenuo neutiquam tolerandæ. Quæ quum audieris, ipse tecum ordine reputato, num quisquam ea perpeti queat, cui quidem cum eruditione vel minimum commercii fuerit.

Exordiar autem si videtur a primo convivio, unde consentaneum est te consuetudinem illam auspicaturum. Primum igitur, adest tibi quispiam, qui te jubeat ad convivium accedere: famulus non incomis qui tibi prius placandus datus in manum, ne videaris incivilis, ut minimum quinque drachmis. At ille Accissans, seque quum maxime cupiat, cupere dissimulans: Apage inquit. Egone quicquam abs te? Addit & illa, absit, Dii prohibeant. Tandem flebitur atque obtemperat, ac discedit, te late diducto rictu subsannans. Tu porro nitida sumpta veste, mundissimeque cultus: lotus accedis, sollicitus interim, ne prior aliis advenias. Nam id inurbanum, quemadmodum postremum venire, grave. Proinde media inter utrumque observata opportunitate ingrederis, teque sane quam honorifice excipiunt. Tum arrepta manu te quispiam jubet accumbere, paulo supra divitem, inter duos ferme veteres amicos. At tu perinde atque in Jovis ædes veneris, nihil non admiraris, & ad omnia quæ geruntur suspensus inhias, propterea quod nova tibi atque invisâ sint cuncta. Interim familia te spectat, omnesque qui præsentibus sunt, quid agas observant. Neque vero ea res curæ non est ipsi diviti, quippe qui famulis aliquot præmonitis negotium dederit, ut oculis observent, quemadmodum te geras in pueros aut in uxorem, num subinde ex obliquo respectes. Ac reliqui quidem convivæ, simul atque te vident propter imperitiam ad ea quæ fiunt attonitum, ac stupefactum, derident clanculum, conjectantes te nunquam antea apud alium quempiam cõnasse, novumque tibi esse ut mantile apponatur. Proinde, sicuti verisimile est, præhæsitantia sudes oportet, ac neque cum sitias, audeas potum poscere, ne vinosus videare: neque variis appositis optionis, & in ordinem quandam exstructis, scire posses, cui prius aut posterius manum admoveas: Quare ad eum qui proximus accumbit respectes necesse est, atque eundem imitatus, convivii rationem & ordinem discas. Alioqui anceps sedes, & varians, animoque penitus perturbato, & ad omnia quæ illic geruntur obstupescens. Atque interim quidem, divitis admiraris felicitatem, propter auri vim & eboris, tantæque delicias. Interim tuam ipse deploras infelicitatem, qui quum nullius sis rei, tamen vivere te credas. Nonnunquam & illud in mentem venit, fore ut admirandam & expetendam quandam vivas vitam, quippe qui sis omnibus deliciis illis fruiturus, cunctorumque ex æquo futurus particeps. Arbitraris enim te semper Bacchanalia festa celebraturum. Quin & adolescentuli formosi præmistrantes, ac silentio arridentes, suavius in posterum hoc vitæ genus pollicentur, ut Homericum illud nunquam desinas in ore habere:

*Haud vitio verti debet si Troja pubes
Armatique simul Danaï, sub Marte laborum
Ponderata ferant!*

Ob tantam videlicet felicitatem. Accedunt ad hæc invitationiunculæ ad bibendum. Ac postulato perquam ingenti scypho quispiam, præbabit tibi, præceptorem, aut aliud quiddam denique te appellans. At tu recepto scypho quid vicissim oporteat respondere, propter ejusmodi morum imperitiam, ignoras, jamque rusticanus, & inelegans esse videris. Cæterum ea propinatio multorum veterum amicorum invidiam in te concitavit, e quibus nonnullos jamdudum tuus accubitus clanculum urebat, quod modo quum advenieris, iis antepone, qui multorum annorum servitutem exhausterint. Protinus itaque talia quædam de te inter illos dicta feruntur: Illud, scilicet, malis nostris deerat, ut etiam iis qui nuper in familiam commigrarunt, posthabeamur. Et solis Græculis patet urbs Romana. Et quid habent, quamobrem nobis debeant anteponi? Num mirifi-

cam quandam utilitatem adferre videntur, quum verbula quædam misera dicunt? Rursus alius, hæc: An non vidisti, quantum biberit, quemadmodum cibos appositos avidè corripens devoravit? Homo inelegans, ac fame enectus, qui ne per somnium quidem unquam fuerit albo pane saturatus, multo minus alite Numidica, aut Phasiano, e quibus nobis vix ossa reliqua fecit. Porro tertius, fatui, inquit, priusquam quinque abeant dies, videbitis hunc nihilo pluris fieri quam nos. Nam nunc quidem, non secus atque calcei novi solent, in precio est, & habetur carus: verum ubi crebro jam fuerit calcatus, lutoque deformatus, tum misere sub lecticam abjicietur, cimicibus quemadmodum nos op-pletus: Atque inter illos talia permulta de te jactantur. Ex quibus aliquot jam tum etiam ad calumniandum insimulandumque te incitantur. Omne igitur illud convivium tui plenum, ac plerique de te sermones. Tu vero propter insolentiam atque infuetudinem plus quam sat est hauris vini tenuis & acris, eoque jamdudum alvo tibi cita discruciaris: verum neque decorum tibi ante alios e convivio discedere, neque rursus manere tutum. At producta interim in longum potatione dum sermo alius ex alio nascitur, dum spectacula alia post alia proferuntur in convivium (nam universum fortunæ suæ strepitum tibi cupit ostentare) non mediocriter discruciaris, cui non liceat, neque videre quæ geruntur, neque auscultare, si quis voce, citharave canat egregie dilectus adolescentulus. At laudas tamen invitus: cæterum animo illud optas, ut aut terræ motus repens ortus ea cuncta discutiat, aut incendium aliquod renunciatur, quo simul convivium tandem aliquando dirimatur.

Habes, amice, primum illud scilicet & suavissimum convivium, quod mihi quidem haudquaquam suavius sit cepis, candidoque sale, libere quum velim ex his, & quantum velim edenti. Verum ut ne tibi commemorem ructus acidus, qui deinde sequuntur, ut ne nocturnos vomitus, mane vobis erit de mercede pacto transigendum, quantum, & qua anni parte te oporteat accipere. Ergo præsentibus duobus aut tribus amicis, accersito te, & confidere jussu, sic loqui incipit: Facultates nostræ ejusmodi sint, jam perspicere potuisti, quam nullus in his fastus, sed citra ostentationem, moderata ac popularia omnia, sed mediocria omnia ac plebeja. Sic autem animum inducas velim, ut existimes omnia nobis fore communia. Nam ridiculum profecto, si quum carissimam possessionum mearum partem, puta meam ipsius vitam, aut per Jovem, liberorum etiam (si fors illi liberi fuerint erudiendi) tibi credam, non aliarum item rerum te mecum ex æquo dominum ac possessorem existimem. Cæterum quando certi quippiam est præfinitum, equidem video vitæ tuæ frugalitatem, & animum paucis contentum. Neque non intelligo haud mercedis adductum spe te in nostram venisse familiam, verum aliarum gratia rerum: puta nostræ in te benevolentia causa, tum honoris, qui tibi præter omnes continget. Attamen præfinitum est aliquid. Quin ipse magis quod videbitur statuito, habita ratione, vir amicissime, munus etiam illorum quæ quotannis festis diebus a nobis accepturus videris. Neque enim vel ista nobis fuerint neglectui futura, etiam si nunc hæc pactione non complectamur. Scis autem complures per annum ejusmodi munus occasionem incidere. Horum igitur habita ratione, moderatius nimirum præmium nobis præscribas. Præterea decet etiam vos homines eruditos, pecuniam negligere. Hæc ille dicens, totumque te varia spe labefactans, mitem sibi ac tractabilem reddidit. Tu porro qui dudum talenta, ac multa nupmum millia somnias, solidos agros, & familias, sentis quidem tacitus apud te hominis sordes ac parsimoniam: nihilominus blanditur tibi pollicitatio tamen: atque illud, communia futura sunt omnia, ratum & verum fore arbitraris: ignarus ejusmodi dicta:

Summis e labiis, non imo e corde profecta.

Tandem præ pudore ipse statuendi jus desers. Verum ille facturum sese negat. Cæterum ex amicis præsentibus quempiam in eo negotio veluti medium intercedere jubet, qui salarii modum pronunciet eum: qui neque ipsum gravet, ut cui plurimas tum alias in res magis his necessarias sumptus sit faciendus: neque rursus ei qui laturus est, sit omnino indignus. Atque is seniculus quispiam, divitis æqualis, una cum illo a pueris adulando educatus: Eho tu inquit,

quit, num inficias ire potes, quin unus sis qui in hac urbe vivunt omnium fortunatissimus, cui primum contigerit, quod pluribus misere cupientibus, vix a fortuna dari possit: nempe ut in hujus hominis consuetudinem admittaris, ut communes penates habeas, ut in familiam inter Romanos primariam recipiaris? Id, nimirum, tum Croesi talenta, tum Midæ divitias superat, si modo modestus esse noris. Equidem non paucos novi magni nominis viros, qui cupissent, etiam si quid ultro dandum fuisset, gloriæ duntaxat causâ, cum isto vivere, & familiares apud hunc atque amici videri. Quapropter haud invenio, quibus modis tuam prædicem felicitatem, qui quidem ad hanc tam expetendam fortunam, etiam præmio addito admitteris. Proinde, mihi satis esse videtur, nisi plane es insolens, si tantum accipias, simulque pronunciat, sane minimum quiddam, præsertim ad spes illas tuas: attamen boni consulas necesse est. Neque enim jam possis effugere, quum intra retia tenearis. Frenum igitur recipis, mustitans, ac dissimulans, ac initio quidem non magnopere illi reluctans, facileque sequeris, ut quod non admodum te torqueat, neque stringat, donec illi tandem paulatim assueveris.

Tum vero ii qui foris sunt mortales, hoc ipso nomine tuam fortunam admirantur, quod te conspiciant intra cancellos versantem, ac nullo prohibente intreuontem, prorsusque præclaris illis opibus deliciisque domesticum quendam ac familiarem esse factum. At ipse nondum videre potes, quamobrem illi te felicem existiment, nisi quod gaudes tamen teque ipse fallis, semper futura meliora fore existimans. Cæterum contra atque speraris evenit, & quemadmodum adagio dicitur: juxta Mandrabuli morem negotium procedit, in singulos (ut ita dixerim) dies, deterius ac retro relabens. Unde paulatim velut in luce dubia, tum demum difficiens intelligere incipis, aureas illas spes, nihil aliud fuisse, quam ampullas quasdam inauratas, labores autem esse graves, feros, inevitabiles, ac perpetuos.

Sed quinam isti sint, forsitan me rogabis. Neque enim video, inquires, quid in hac consuetudine sit adeo molestum, neque intelligo ista quæ commemoras, gravia atque intoleranda. Audi igitur, vir egregie, non molestiam modo negotii perpendens, verum fœditatem, humilitatem, prorsusque servilitatem, vel præcipue interim considerans. Principio memineris ex eo tempore, te jam neque liberum, neque ingenuum posse videri. Noveris enim te hæc omnia, genus, libertatem, progenitores ante limen relinquere, quum in hujusmodi servitute temetipsum addicens in ædes ingrederis. Siquidem libertas tibi comes ire recusat, ad vitam tam indignam, tam humilem te conferenti. Servus itaque (tamen si nomine ipso graviter offenderis) servus inquam, velis nolis, futurus es, neque unius servus, verum complurium, operamque servilem præstare cogaris, obstipio capite, a diluculo in vespem usque, idque mercede vili atque indigna. Adde, quod ne placebis quidem admodum, neque domino satisfacies, neque ab illo magnifies, ut qui non a puero fueris ad servitium institutus, sed sero didiceris, atque ætate multum aliena cœperis ad id erudiri. Excruciat autem te pristinae libertatis memoria, animo recursans, facitque ut interdum resiliere conere, relucterisque, atque ob id ipsum fit, ut servitus tibi molestior accidat. Nisi forte illud tibi ad libertatem sufficere putas, quod non fueris Pyrrhia aut Zopyrione patre prognatus: aut quod non sicuti Bithynicum aliquod mancipium, vociferante præcone divendaris. Atqui tum vir egregie, quum instante novilunio, Pyrrhius & Zopyrionibus immixtus, manum itidem ut alii servuli protendis, capisque: quodcumque illud tandem est quod datur, hæc videlicet est auctio. Nam præcone nihil opus erat homini qui ipse sui fuerit præco, quique ipse ultro sibi multo tempore dominum ambierit. Age jam ô scelestè (cur enim non dicam præsertim in eum qui se Philosophum esse dicat?) si quis te pirata inter navigandum captum, aut si quis prædo in servitutem tradidisset, teipsum deplorares, tanquam indignam fortunæ injuriam patientem. Aut si quis manu injecta, te duceret in servitutem afferens, leges inclamares, omnia faceres, acerbè ferres, & ô terra, ô Dii, magno clamore vociferareris.

Nunc vero quum ipse te, ob paucos obolos, id ætatis in qua etiam si servus natus esses, tamen tempestivum fuisset jam ad libertatem aspirare, cum ipsa virtute ac sapientia ul-

tro adductum vendideris, nihil illa reveritus, quæ permulta ab egregio Platone, Chrysippo, Aristotele differuntur, quum libertatem laudant, servitutem damnant: an non te pudet, quum inter homines assentatores, & emptitios, ac scurras versans ex æquo cum illis æstimaris, quum in tanta Romanorum turba, solus peregrino in pallio versaris, quumque Romanam linguam perperam ac barbare sonas: præterea, quum agitas convivia tumultuosa, magna hominum turba conferta, quorum plerique collectitii, quidam sunt & improbi? Atque inter hos laudas odiose, bibisque præter modum: deinde mane ad tintinabulum expergefactus, discussa ab oculis dulcissima somni parte, una sursum ac deorsum circumcursas, hesterni luto etiamdum tibiis adhærente? Usqueadeo te lupini, aut olerum agrestium tenuit penuria? Usqueadeo tibi defuerunt fontes frigida manantes aqua, ut per desperationem ad ista devenires? Haud puto. Quin potius palam est, te, non frigidæ aquæ, neque lupini, sed bellariorum, atque opsoniorum, vinique odorati cupiditate captum eo venisse. Quæ dum lupi piscis in morem avidius appetis, tuo merito evenit, ut hamus tibi fauces transfixerit. Itaque præsto sunt hujus intemperantiæ, gulæque autoramenta. Ac perinde atque simia a trunco revinctus collo, reliquis quidem omnibus risui es: at ipse tibi deliciis affluere videre videris, cui contigerit, assatim expleri caricis. Cæterum libertas, ingenuitas, una cum ipsis gentilibus, ac tribulibus, hæc, nimirum, evanida cuncta, atque istarum rerum ne memoria quidem ulla: quanquam hoc quæ ferendum, si vita ista cum hac turpitudine duntaxat esset conjuncta, quod e libero servum videri facit, non labores etiam accederent, cum illa servorum colluvie communes. Sed vide, num quæ tibi imperantur, leviora sint his, quæ Dromoni aut Tibio mandantur. Nam doctrinæ quidem, cujus rei cupiditate simularat te in familiam suam accessisse sese, perquam exigua illi cura est. Quid enim (ut dici solet) commercii asino cum lyra? An non vides, videlicet, quam misere macerentur immodico desiderio, vel Homericæ sapientiæ, vel Demosthenicæ gravitatis ac vehementiæ, vel Platonice sublimitatis? Quorum me hercle ex animis si quis aurum, argentum, atque harum rerum curas tollat, nihil fuerit reliquum, præter fastum, molliciem, lasciviam, luxum, ferocitatem, imperitiam. Atque ad ista nihil prorsum opus te. Verum quoniam tibi barba ingens propendit a mento, quoniamque vultu ipso grave quiddam & venerandum præ te fers, tum quia pallio Græcanico decenter amictus es, noruntque jam omnes te Grammaticum esse, seu Rhetorem, seu Philosophum, pulchrum ille sibi putat, ut & ejusmodi quispiam, anteaambulorum suorum pompæ permixtus esse videatur. Futurum enim hac re ut Græcanicarum disciplinarum studiosus, reliquæque omnis doctrinæ neque negligens, neque rudis esse putetur. Unde fit ut in periculum vir egregie venias, ne non tam ob admirandas illas artes, quin magis ob barbaram palliumque conductus esse videare: proinde ut perpetuus apud illum conspiciaris oportet, neque absis unquam, verum ut diluculo relictis stratis, in famulatio temet exhibeas conspiciendum, neque locum in acie deferas. Porro ille injecta nonnunquam tibi manu, quicquid forte in mentem inciderit, de hoc tecum nugatur, obvis ostentans, quam ne per viam quidem ingrediens, incurius sit literarum, quin ut illud ipsum etiam otium, quod inter inambulandum datur, in re quapiam honesta colloget. At tu miser interim, nunc cursum, nunc gradatim, nunc scansum plerumque, nunc descensum (Nam scis hujusmodi esse urbem) obambulans, tum sudas, tum spiritum anhelus trahis.

Deinde illo intus cum amico quopiam, ad quem accessit confabulante, quum tibi interim locus desit, ubi vel assidere queas, librum videlicet stans in manum sumis, quoque fallas tædium, legis. Post ubi jejunum te sitientemque nox occupavit: incommode lotus, intempestive, puta nocte ferme concubia, ad cœnam accedis, haud perinde deinceps in precio habitus, neque conspiciendus his qui adsunt. Verum si quis advenerit recentior, tu post tergum rejiceris. Itaque in angulum aliquem abjectissimum reclusus, accumbis, testis duntaxat ac spectator eorum quæ apponuntur, canum ritu ossa circumrodens, si fors ad te perveniat, vel aridum malvæ folium, quo reliqua involvunt, si fastidiat, si aliquid supra te accumbunt, præ fame libenter arrepturus.

Audi jam & aliud contumeliæ genus. Quid quod ne ovum quidem soli tibi apponitur. Neque enim convenit, ut tu semper eadem requiras, quæ hospitibus atque ignotis ministrantur, quandoquidem hæc tua sit inficitia atque inurbanitas. Neque avis ejusmodi tibi apponitur, qualis aliis. Verum diviti illi pinguis & succulenta, tibi pullus dimidiatus, aut palumbus aliquis aridus atque insipidus, non avis videlicet, sed manifesta contumelia ludibriumque. Neque vero raro fit, ut si quando desit alibi, minister repente te inspectante submovens ea, quæ tibi erant apposita aliis apponat: illud tibi ad aurem immurmurans, tu profecto noster es. Quod si quando interim dissecetur, vel porca foeta, vel cervus, aut instructorem tibi modis omnibus propitium habebas oportet, aut certe Promethei partem feres: nempe ossa adipe circumtectæ. Nam quod ei qui supra te accumbit patina finitur adstare, quoad satiatus repudiet, te contra tam celeriter prætercurrat, quis tandem isthuc ferat qui modo sit ingenuus, cuique tantum insit bilis, quantum vel cervis adest? Atque illud equidem nondum dixi, quod reliquis suavissimum ac vetustissimum vinum bibentibus, tu solus malum quoddam & pingue bibis. Proinde illud semper curas, ut auro, argentove bibas, ne colore prodente, palam fiat, te usque adeo contemptum neglectumque esse convivam, quanquam bene tecum ageretur, si vel illud ipsum ad satietatem usque bibere liceret. At nunc ubi crebrius poposceris, minister audisse dissimulat. Adde jam multas interim & alias esse res, quæ te discrucient, imo nihil esse ferme, quod non sit acerbum, maxime quum tibi cinædus aliquis antefertur, quin pluris te sit is qui saltandi docet artem, qui jocos Jonicos contexit Alexandrinus quispiam homunculus. Nam qui tibi speres tu ut in accubitu æqueris iis, qui voluptates & amatoria subministrant? qui literulas in pectore gestant? Proinde in obscuro quopiam convivii latibulo tectus, præque pudore abstrusus, suspiras, uti conjectandum est, teque ipsum deploras, ac fortunam incusas tuam, quæ tibi ne pauxillulum quidem leporis ac venustatis asperferit.

Ac prorsus ita videris affectus, ut optes Poeta fieri, ut amatorias conscribas cantiones, aut si id non contingit, vel eam assequi facultatem, ut possis ab aliis conditas digne canere. Vides enim quibus in rebus situm est, ut quis efferatur, plurimique fiat. Quin & illud ferre queas, ut magi quoque, aut arioli personam (si necesse sit) induas, ex horum genere qui amplas hæreditates, qui imperia, qui cumulas opes pollicentur. Quandoquidem hos quoque vides non mediocriter a divitibus amari, plurimique fieri. Eoque vel unumquodlibet horum fieri percipias, uti ne prorsus rejiculus, atque inutilis appareas. Atqui ne ad ista quidem docilis es infelix: proinde submittas te oportet, mustitesque ac tacitus feras, clam apud te plorans, ac neglectui habitus. Etenim si te famulus aliquis susurro deferat, qui solus omnium non laudaris puerum heræ saltantem, aut cithara canentem, ista scilicet ex re non leve discrimen impendit. Quapropter terrestris in morem ranæ sitiens vocifereris necesse est, id operam dans, ut in laudantium numero insignis ac præcipuus appareas. Quin sæpicule, silentibus reliquis, tibi ficta quædam laus proferenda: quæque multam sapiat assentionem. Jam vero magnopere ridiculum est, cum esurias interim sitiasque, unguentis collini, ac vertice gestare coronam. Siquidem id temporis non dissimilis videre sepulchrali columnæ, vetusti cujuspiam cadaveris, quæ gestare solet ea quæ manibus inferuntur. Nam huic infuso unguento, impositaque corona, ipsi & bibunt, & edunt apparatus epulas. Porro si etiam zelotypus quispiam fuerit, sintque illi vel pueri formosi, vel uxor puella: neque tu prorsus a Venere Gratiisque fueris alienus, profecto non satis tuta res, neque periculum negligendum: propterea quod Regis plures sunt oculi, qui quidem non vera solum vident: sed semper veris aliquid addunt ad cumulum, ne convivere videantur. Quas ob res, vultu demisso tibi est accumbendum, quemadmodum in Persicis convivii fieri mos est, verito, ne quis eunuchus sentiat te in concubinam aliquam conjicientem oculos: moxque alter eunuchus, cui jamdudum arcus in manu tensus est, quia videris quæ videre nefas, inter bibendum, malam jaculo transfigat.

Jam peracto convivio, ubi paululum dormieris, ad galli cantum expergefactus: O me miserum, inquis, ô infortunatum, cujusmodi quondam convictus, quos amicos reliqui:

A tum vitam tranquillam & otii plenam, somnum quem me apte cupiditate metiri soleo, deambulationes liberas, atque ex his in quale barathrum memet præcipitem dedi? Et Deum immortalem: cujus tandem rei gratia? Aut quod nam istud magnificum præmium? At ne fieri quidem potuit, ut mihi unquam alias plures commoditates suppetrent quam tum suppetebant. Tum autem accedebat libertas, atque omnia pro meopte arbitrio faciendi facultas. Nunc porro juxta id quod proverbio jactatum est: Le chordula vincit sursum ac deorsum circumferor. Quodque omnium est miserrimum, maximeque deplorandum, neque efficere possum ut placeam, neque gratiam emereri queo: propterea quod harum rerum sum imperitus ac rudis, maxime compositus collatusque cum his qui hæc velut artem profitentur. Proinde injucundus sum, ac neutiquam aptus convivii, quippe qui ne risum quidem concitare norim. Quin etiam sentio me non raro molestum esse & importunum, quum adsum, maxime, quum ipse seipso festivior esse conatur. Nam illi tetricus videor. In summa nullam invenio viam, qua me illi accomodem. Etenim si meam ipsius auctoritatem ac severitatem tueri pergo, injucundus videor, ac propemodum horrendus ac refugendus. Contra si risero, vultumque quam possum maxime ad hilaritatem composuero, fastidit illico ille, & averfatur. Ac prorsus tale quiddam mihi videtur, quale sit, si quis in persona tragica comcediam agere tentet. Postremo quam tandem aliam vitam mihi vivam demens, posteaquam hanc præsentem alteri vixerim?

Dum hæc tecum loqueris, jam sonuit tintinabulum, jamque ad eadem tibi redeundum est, obambulandum, standum, sed ceromate inunctis ante femoribus poplitibusque, si modo velis par esse certamini, præmioque tollendo idoneus. Deinde convivium idem & eadem apparatus hora. Jamque adeo diversa vivendi ratio superiorique contraria, tum insomnia, sudor, defatigatio, paulatim quasi suffocis cuniculis inducunt vel tabem, vel pulmonis exulcerationem, vel intestini tormina, vel egregiam illam podagram: Reluctaris tamen sedulo, ac frequenter quum valetudo possit uti lecto decumbas, ne hoc quidem licet: eo quod assimulari morbus, quo munia officiaque justa defugas, existimatur. Hinc præter omneis perpetuo palles, semperque jamjam morituro videre similes. Et hæc tamen quidem de his quæ domi ferenda sunt.

Quod si quando fuerit peregrinandum (ut ne interim referam alia incommoda) sæpe fit, ut pluvio cælo, ubi postremus veneris. (Nam is locus tibi sorte contigit) vehiculum opperiaris, donec nullo jam reliquo loco ubi diverferis, proxime coquum aut heræ comptorem te reclinant, ne stipulis quidem affatim substratis. Neque vero tibi referre gravabor, quod mihi Thesmopolis iste Stoicus narravit sibi accidisse, rem profecto nimis quam ridiculam, quæ tamen eadem possit & alii cuivis accidere. Convivebat enim cum opulenta quadam ac delicata muliere, ex illustribus istis & urbanis. Eam, quum aliquando peregre proficisceretur (nam id primum agebat sibi maximopere deridiculum accidisse) in curru sibi viro nimirum Philosopho adjunxisse cinædum quempiam picatis cruribus, derafa barba. Quem illa honoris (ut conjicio) gratia secum ducebat. Quin nomen quoque cinædi commemorabat. Agebat enim Chelidonium vocari. Jam primum illud cujusmodi fuerit vide: juxta virum severum tetricumque, tum senem canoquem mento (Scis autem quam profundam ac venerabilem barbam habuerit Thesmopolis) assidere nihili hominem & effoeminatum, picturatis oculis, lubrico vultu, fracta service, non Chelidonium per Jovem, id est, hirundinem, sed vulturem magis, revulsis barbæ plumis. Quod ni magnopere illum fuisset deprecatus, ne faceret, futurum fuisse ut flammeum etiam in capite gestans assideret. Præterea autem perpetuo hoc itinere molestias innumerabiles pertulisse sese, illo cantillante garrienteque, demum (nisi idem hominem coercuisset) in rheda etiam saltante. Addebat secundo loco tale quiddam sibi fuisse mandatum. Accersito illi mulier, Thesmopoli, inquit, ita tibi Dii bene faciant, magnum quoddam officium abs te requiram, quod cave recuses, neque expectes ut quequam te sim rogatura studiosius. Atque hoc (ut est credibile) omnia se facturum pollicito: hoc inquit, te rogo quandoquidem video te virum pro-

probum, diligentem & amantem, caniculam quam nosti Myrrhinam, in vehiculum recipe, eamque mihi ferva, curans ne quid illi desit. Nam misera gravida est, atque adeo propemodum jam propinqua partui. At isti scelesti & immorigeri ministri, non dicam hujus, sed ne mei quidem ipsius magnopere rationem habent in peregrinationibus. Quare ne te putes mihi mediocri beneficium facturum, si carissimam mihi jucundissimamque caniculam servaris. Recepit Theismopolis quum illa tantopere rogaret ac propemodum etiam fleret. Porro spectaculum erat supra modum ridiculum. Canicula e pallio prominens prospectansque paulo infra barbam ac subinde immejens (tamen si hæc quidem Theismopolis reticuit) ac gracili voce latrans (hujusmodi enim catellæ jam in deliciis sunt) neque non Philosophi mentum oblingens, maxime si quid pridiani juris inhæret. Porro Cinædus assessor ille, quum non insulse super convivium dictéria quædam jecisset in eos qui aderant, ac denique & ad Theismopolim usque dicacitas pervenisset: de Theismopoleide, inquit, unum hoc possum dicere, eum e Stoico Cynicum jam nobis esse factum. Equidem audivi caniculam etiam peperisse in Theismopolidis pallio.

Hujusmodi deliciis illudunt, vel (ut verius dicam) hujusmodi contumeliis ac ludibriis tractant eos qui cum ipsis vivunt, paulatim eos cicures ac manfuetos ad ferendas contumelias reddentes. Præterea autem & Carcharorum Oratorem novi, qui jussus super coenam declamabat, neutiquam inerudite per Jovem, imo graviter & absolutissime, ac laudabatur interim ab illis bibentibus, quum non ad aquæ modum, sed ad vini amphoram oraret. Atque eam molestiam, ob ducentas drachmas perpeti ferebatur. Verum hæc quidem fortassis utcumque toleranda.

Porro si dives ipse, aut Poeticus fuerit, aut Historicus, qui sua ipsius scripta in convivio recitare gaudeat: tum vero maxime futurum est, ut discrucieris ac dirumparis. Nempe quum admirari, quum assentari, quum novos quosdam laudandi modos comminisci necesse habes. Sunt autem qui & formæ nomine studeant admirandi videri. Eos nunc Adonidas, nunc Hyacinthos appelles necesse est, etiam si illis naris nonnunquam cubitali hiet specu. Quod ni laudaris, protinus in lapidicinas Dionysiacas asportaberis, tanquam qui illi tum invidias, tum insidieris, maleque velis. Ad hæc & Sapientes & Rhetores sint necesse est. Quod si etiam rustice quippiam dixerit, tum vero juxta illud, quod dici solitum est: Atticæ atque Hymetti plenam orationem videri volunt, atque in legem abire, ut deinceps ita loquantur homines. Quanquam quæ viri faciunt, ferri forsitan queant.

At vero mulieres (nam mulieribus etiam illud studio est, ut doctos aliquot in suo convictu conductitios habeant, quique sese mercede assententur) quandoquidem hoc quoque ad reliquum cultum, elegantiamque pertinere putant, si dicantur eruditæ, si Philosophi, si carmina componere Sapphicis haud multo inferiora, ob hæc sane hæc quoque conductitios Rhetores, Grammaticos, Philosophos circumferunt. Hos autem audire solent (id quod ipsum est ridiculum) tum temporis, quum vel comuntur, aut capillos in orbem religant, vel in convivio. Nam alias non suppetit illis socium. Porro sæpenumero fit, ut interim dum Philosophus quippiam disserit, interveniens ancilla, literulas ab adultero porrigat. Ac præclari illi de pudicitia sermones intermittuntur, opperientes donec illa rescripserit adultero, atque ita redeat ad auditionem.

Porro si quando post multum temporis instantibus saturnalibus, aut panathenæis, misera quæpiam umbella tibi mittatur, aut tunicula semiputris ac detrita, tum denique plurima missitentur oportet. Atque aliquis qui statim subaufcultarit, herum id facere destinantem, præcurrit, ac primus rei index, abiensque non exiguum precium aufert qui renunciarit. At mane plus tredecim te adeunt idem apportantes nuntii: quorum quisque commemorat quam multa dixerit, quemadmodum submonuerit, quemadmodum adhortans commodiora subjecerit. Omnes itaque donati præmio discedunt, at non sine murmure tamen, qui non plura dederis. Porro salarium ipsum sex ferme obolorum. Idque si tu postules, gravis atque importunus haberis. Proinde quo illud aliquando auferas, primum ipsi hero aduleris, supplexque fias necesse est: deinde captandus & dispensatoris favor. Nam hoc quoque quoddam est servitutis genus. Ne-

A que vero negligendus is, quem in consilium adhibet: neque item amicus. Deinde quod acceperis, jamdudum debebatur vel vestiario, vel Medico, vel cerdoni cuiquam. Unde fit ut fera atque intempestiva, eoque inutilia præmia tibi accedant. Cæterum invidia ingens. Jamque etiam calumniæ quædam paulatim struuntur in te, apud hominem qui jam non invitis auribus accipiat, si quid adversum te dicatur: Quippe qui perspiciat te laboribus assiduus jam detritum, & ad obeunda munia famulatus claudicantem, atque obaudientem, ac podagra subinde gravari. Proinde posteaquam id quod erat in te florentissimum decerpit, ævique partem maxime frugiferam ac præcipuum corporis vigorem detritum, jamque te lacerum panniculum reddiderit, tum modis omnibus circumspicit in quod sterquilinum te portatum abjiciat, atque alium perferendis laboribus idoneum, in tuum substituatur locum. Ibi insimulatus, vel quod pusionem illius tentaris: vel quod homo senex uxoris ancillam virginem vitiaris: vel alio quovis imposito crimine, noctu obvolutus ac præcepsatus extruderis, discedisque desertus ab omnibus, atque omnium inops rerum optimam podagram una cum senecta comitem ducens. Quum interim quæ quondam sciveris, tanto temporis spatio dedideris, tum ventrem culeo reddideris ampliore, tibique paraveris inexplabile quoddam & implacabile malum. Etenim gula ea quibus assuevit, flagitat. Quæ cum negantur, indignatur. Adde quod præterea nemo te posthac recepturus est in familiam, utpote cujus jam præterierit ætas quique similis evaseris equis senio affectis, quorum ne pellis quidem perinde ut aliorum animantium est usui. Quin ex hoc ipso quod ejectus es, calumnia quam potest proxime ad verisimilitudinem conficta, facit ut aut adulter, aut veneficus, aut aliud quippiam tale videaris. Nam accusatori vel tacenti fides habetur. Tu vero Græculus, moribus levibus, & ad omne facinus facilis. Siquidem hujusmodi nos omnes esse ducunt, idque jure optimo: videor enim mihi causam advertisse, quamobrem ejusmodi de nobis obtineant opinionem. Nam plerique qui in familias accedunt, propterea quod alioqui nihil bonæ rei didicerunt, divinationem ac maleficia profitentur, conciliationem amorum, abductiones in hostes, atque id quum faciunt, doctos sese affirmant, palliis amicti, barbisque neutiquam contemnendis onusti. His rebus fit, ut non injuria eandem de reliquis omnibus habeant opinionem, quando eos quos præcipuos esse judicant, videant tales. Maxime vero, posteaquam animadverberint, quam sint in conviviis, reliquoque convictu adulantes, quam ad lucrum humiles ac serviles: deinde ejectos eosdem jam oderunt, neque id injuria, ac modis omnibus adnituntur, ut eos funditus perdant, si quo modo possint. Verentur enim, ne cuncta illa vitæ suæ mysteria in vulgus efferant, quippe qui nihil non exacte norint, quique illos nudos conspexerint. Ea res igitur illos male angit. Omnes enim similes sunt pulcherrimis istis libris: quorum aurei quidem umbilici, purpurea foris pellis: cæterum intus aut Thyestes est liberos in convivio comedens, aut Oedipus, matris maritus, aut Tereus cum duabus pariter sororibus rem habens. Ejusmodi sunt & illi, splendidi, conspicuique. Porro intus sub purpura varias occulunt tragœdias. Quorum unumquemque si evolveris, explicuerisque, fabulam non mediocriter longam reperies, Euripidis cujuspiam, aut Sophoclis. Contra foris nihil nisi purpura splendida, aureique umbilici. Harum itaque rerum sibi conscii oderunt illos, atque insidias parant, si quis penitus ab illis defecerit, qui eos probe cognitos depingat, qualesque sint evulget.

F Jam vero libet mihi Cebetis illius exemplo & imaginem quandam hujus vitæ tibi depingere, ut eam contemplatus scire queas, num ex usu tuo sit eam adire. Equidem magnopere cupiam vel Apellem quempiam, vel Parrhasium, vel Etionem, vel Euphranorem ad hanc depingendam tabulam adhibere. Verum quoniam fieri potis non est, ut aliquem artificem tam egregium atque absolutum nanciscamur, in præsentia tenuem quandam pro mea virili imaginem adumbrabo. Ergo pingatur vestibulum sublime atque inauratum, neque id humi situm in solo; verum procul a terra in edito collis fastigio. Præterea inaccessum ferme & abruptum, lubricoque aditu, ita ut plerumque qui se jam ad summum usque verticem penetrasse sperant, lapsa pede præcipitati cervicem frangant. Intus autem Opulenta sede-

deat, tota (sicuti videtur) aurea, maiorem in modum formosa, atque amabilis. Porro amator ubi vix tandem descendit, jamque ad fores accesserit, obstupecat, oculis in aurum defixis: deinde Spes, quæ & ipsa specioso vultu est, ac versicoloribus amicta, manu prehensa introducat, mire jam ipso ingressu attonitum. Atque ab eo quidem tempore Spes usque illum antecedit, ducatque, tum aliarum mulierum illum excipientes, puta Fallacia Servitulusque, tradant Labori. At is miserum penitus defatigatum tandem Senectutæ tradat jam morbidum, coloreque commutato. Postremo Contumelia, arreptum illum ad desperationem pertrahat. Ex hoc quidem tempore Spes avolans evanescat. Tum

A ille non per aureum illud atrium per quod ingressus fuerat, sed per posticum quoddam, & occultum exitum extrudatur nudus, ventricosus, pallidus, senex, læva quidem pudorem occultans, dextra vero seipsum strangulans. Occurrit autem exeunti Poenitudo frustra lachrymans, & miserum bis etiam conficiens. Atque hic quidem esto picturæ finis. Cæterum tu Timocles optime, ipse diligenter consideratis singulis expende, num e re tua sit ut in hanc imaginem per aureas illas fores ingressus, per illas longe dissimiles tam turpiter excutiaris. Quicquid autem feceris, memineris sapientis illius, qui dixit: Deum in culpa non esse, verum qui sua sponte delegerit.

HIERONYMO BUSLIDIANO,

PRÆPOSITO ARIENSI,

CONSILIARIO REGIO,

DESIDERIUS ERASMUS ROTERODAMUS

S. P. D.



RUMOR jampridem hic perseverat, acerbior quam ut verum esse libeat credere, sed constantior tamen, quam ut vanus credi possit, Philippum Principem nostrum e vivis excessisse. Quid querar, mi Buslidiane, quid vociferer, quem incusam, hominumve, Deumve? Quæ comploratio tam Tragica, quæ huic tam atroci vulnere sufficiat? Nimio, heu nimio constitistis Hispania, quæ quidem primum Franciscum Buslidianum Archiepiscopum Bizantinum nobis admittistis, neque tanti viri iactura contentæ, Principem etiam eam absorbistis, quo (si vivere modo licuisset) nihil unquam laudis hic Orbis, neque majus neque melius. Quanquam quid, quæso, supererat etiam adolescenti, nisi uti jam ipse sese superaret. Sed ô dirum fortune ludum, ô novam fatorum invenciam, ô mors quam iniqua, tam etiam invisa, ut semper præstantissima quæque quam occissime tollis e medio, vixque oculis ostensa protinus subducis. Cujus ego vicem hic potissimum deploram? Maximiliani ne patris, qui tali sit orbatus filio, quem unum multis etiam imperiis anteponebat? An liberorum magis, quibus etate tam immatura, tam pius sit ereptus pater? An patriæ potius, cui de carissimo Principe, tam serum gaudium, tam præproperus contigerit luctus? An Orbis demum universi, cui tam singulare lumen sit ademptum? idque tam ante diem. Hoc nimirum hoc tempestas illa fatalis, qua medio e cursu in Britanniam depulsus est, portendebat, videlicet satis illum palam ab Hispania relictis. Equidem Panegyrico qualicunque laudavi juvenem. Tum autem, bone Deus, quos mihi panegyricos, quam copiosos pollicebar? Et en repente commutatis rebus, epistaphiam paro miser. Eamus nunc nos homunculi, & fortunulis nostris fidamus, quum eos etiam pro sua libidine mors rapiat, quos quam diutissime vivere tantopere omnium refert. Sed quid ego mi Hieronyme, dum meo indulgeo dolori, tuum exulcero? Quod reliquum est, precor ut superi propitii liberis paternam quidem felicitatem, sed cum divi Frederici vivacitate copulatam largiantur. Tibi item in moderandis illis fraternos successus: sed vitam fraterna diuturniorem. Literis his, ne ad tantum, tamque doctum amicum nullo literario minusculo comitatæ venirent. Dialogos aliquot Lucieni, comites addidi: quos pauculis his diebus, dum obsidionis metu Florentiam profugeremus, Latinos feci: hoc nimirum agens, ne nihil agerem. Nam in præsentia quidem in Italia mire frigent studia, fervens bella. Summus Pontifex Julius belligeratur, vincit, triumphat, planeque Julum agit. Vale, & amplissimo patri Nicolao Ruterio Episcopo Archiepiscopo etiam atque etiam Erasmo commendato. Bononiæ xv Calendas Decembres. M D VI.

C N E M O N I S A C D A M I P P I.



HOC illud est quod vulgo dici consuevit, Hinnulus leonem. D A M. Quid istuc est, quod tecum stomachare, Cnemon? C N E. Quid stomacher rogas? Equidem hæredem reliqui quendam præter animi sententiam, videlicet astu delusus miser, iis quos maxime mea cupiebam habere præteritis. D A M. Sed istuc quoniam evenit? C N E. Hermolaum nobilem illum divitem, quum orbus esset, imminente morte captabam, affidens atque inserviens. Neque ille gravatim officium meum admittebat. At interim illud quoque mihi visum est scitum, consultumque ut testamentum proferrem, ac publicarem, quo illum rerum mearum in solidam hæredem institueram, nimirum ut ille vicissim idem faceret, meo provocatus exemplo. D A M. At quid tandem ille? C N E. Quid ille suo in testamento scripserit, id quidem ignoro. Cæterum ego repente atque insperato e vita deceffi, tecti ruina oppressus: Et nunc Hermolaus mea possidet, lupi cuiuspiam in morem ipso hamo cum esca pariter avulso. D A M. Imo non escam modo cum hamo, quin etiam te quoque piscatorem simul abstulit. Itaque technam istam, in tum ipsius caput struxeras. C N E. Sic apparet, idque adeo deploro.

ZENOPHANTÆ ET CALLIDEMIDÆ.

ZENOPHANTES.

At tu Callidemides, quo pacto interfisti? Nam ipse quem admodum Dinæ parasitus quum essem, immodica ingurgitatione præfocatus fuero, nosti, aderas enim morienti. C A L. Aderam, Zenophantes. Porro mihi novum quiddam, atque inopinatum accidit. Nam tibi quoque notus est Ptoeodorus ille senex. Z E N. Orbem illum dicis, ac divitem, apud quem te assidue versari conspiciebam? C A L. Illum semper captabam, colebamque, id mihi pollicens fore, ut meo bono quamprimum moveretur. Verum quum ea res in longum proferretur, sene videlicet vel ultra Tithonios annos vivente, compendiarium quandam excogitavi viam, qua ad hæreditatem pervenirem. Siquidem empto veneno, pocillatori persuaferam, ut simul atque Ptoeodorus potum posceret, bibebat autem prolixius, præsentius in calicem injiceret, haberetque in promptu, porrecturus illi. Quod si fecisset, jurejurando confirmabam, me illum manumissurum. Z E N. Quid igitur accidit? nam inopinatum quiddam narraturus mihi videris. C A L. Ubi jam loti venissemus, puer duobus paratis poculis, altero Ptoeodoro cui venenum erat additum, altero mihi, nescio quo modo errans, mihi venenum, Ptoeodoro porrexit innoxium. Mox ille quidem bibit, at ego protinus humi porrectum stratus sum,

sum, supposititium videlicet illius loco funus. Quid hoc? Rides, Zenophanta? Atqui non convenit amici malis illudere. ZEN. Rideo profecto, nam eleganter ac lepide tibi hæres evenit. Porro senex ille, quid interim? CAL. Primum ad casum subitum atque inexpectatum sane conturbatus est. Deinde simul atque intellexit id quod acciderat, puta pocillatoris errore factum, risit & ipse. ZEN. Recte sane. Tametsi non oportuit ad compendium illud divertere, siquidem venisset tibi populari, vulgataque via, tutius certiusque, etiam si paulo serius.

MENIPPI ET TANTALI.

MENIPPVS.

Quid ejulas, ô Tantale, aut quid tuam deploras fortunam, stagno imminens? TAN. Quoniam siti enecor. MEN. Usqueadeo piger es atque iners uti non vel pronus incumbens bibere noris, vel cava vola hauriens? TAN. Nihil profecero si procumbam: refugit enim aqua simul atque me propius ad moveri sensit: quod si quando hausero, orique coner applicare, prius effluxit, quam summa rigem labia. Atque inter digitos effluens aqua, haud scio quomodo rursus manum meam aridam relinquit. MENIP. Prodigiosum quiddam de te narras, Tantale: verum dic mihi isthuc ipsum, quorsum opus est bibere, quum corpore careas: nam illud quod esurire poterat, aut sitire, in Lydia sepultum est. Cæterum tu quum sis animus, quinam posthac aut sitire queas, aut bibere? TANT. Atqui hoc ipsum supplicii genus est, ut anima perinde quasi corpus sit, ita sitiat. MEN. Age, hoc ita habere credamus, quandoquidem affirmas te siti puniri. At quid hinc acerbi tibi poterit accidere? Num metuis ne potus inopia moriaret? At equidem haud video alteros inferos, si quis hos relinquat, neque locum alium in quem morte demigret quispiam. TAN. Recte tu quidem dicis: verum hoc ipsum supplicii genus est, sitire, quum nihil sit opus. MEN. Despis Tantale, & uti verum tibi fatear, non alio potu videris egere quam veratro mero: nam diversum quiddam pateris, iis quos canes rabiosi momorderint, ut qui non aquam, quemadmodum illi, sed sium horreas. TAN. Ne veratrum quidem recusarim bibere Menippe, si liceat modo. MEN. Bono es animo, Tantale, certum habens nunquam fore, ut vel tu, vel reliquorum Manium quispiam bibat: Nec enim fieri potest: quanquam non omnibus quemadmodum tibi, poena adjudicata est, ut sitiant, aqua illos non exspectante.

MENIPPI AC MERCVRII.

MENIPPVS.

At ubinam formosi illi sunt, ac formosæ, Mercuri? ducito me docetoeque, utpote recens huc profectum hospitem. MER. Haud mihi licet per ocium Menippe, quin tu isthuc ipso & loco dextrorsum oculos deflecte. Illic & Hyacinthus est, & Narcissus ille, & Nireus, & Achilles, & Tyro, & Helena, & Leda, breviter quicquid est veterum formarum. MEN. Equidem præter ossa nihil video, calvariasque carnis nudatas, inter quæ omnia nihil sit omnino discriminis. MER. Atqui hæc sunt quæ Poetæ cuncti mirantur ac celebrant, ossa scilicet quæ tu videris contemnere. MEN. At Helenam saltem mihi commonstra: nam ipse quidem haud queam dignoscere. MER. Hæc videlicet calvaria, Helena est. MEN. Et hujus scilicet ossis gratia, mille naves ex universa Græcia, actio delectu, sunt impletæ, tantaque tum Græcorum, tum Barbarorum multitudo confluit, tot urbes sunt everse? MER. Cæterum, Menippe, non vidisti mulierem hanc vivam, quod si fecisses, forsan diceres tu quoque, vitio dandum non esse,

Pro tali muliere diu tolerare labores.

Alioqui si quis flores etiam arefactos maridosque contempletur, posteaquam coloris decus abjecerint, deformes nimirum videantur. At iidem donec florent coloremque obtinent, sunt speciosissimi. MEN. Proinde illud jam demor, Mercuri, si Græci non intellexerunt sese pro re usqueadeo momentanea, quæque tam facile emarcesceret, elaborare. MER. Haud mihi vacat tecum philosophari, quare delecto loco ubicunque velis, prosterne temet ac recumbe, mihi jam aliæ sunt traducendæ umbræ.

MENIPPI, AMPHILOCHI, TROPHONII DISCEPTIO.

MENIPPVS.

Vos, nimirum, Trophoni atque Amphiloche, quum si-

tis mortui, tamen haud scio quonam modo sanis estis domati, vatesque credimini, ac stulti mortales Deos esse vos arbitrantur. TRO. Quid? an nobis igitur imputandum, si per insectiam illi de mortuis hujusmodi opinantur? MEN. Atqui non ista fuissent opinati, ni vos, tum quum viveretis, ejusmodi quædam portenta ostentassetis, tanquam futurorum fuissetis præscii, quasque prædicere potuissetis, si qui percontarentur. TRO. Menippe, noverit Amphilocheus hic, ipsi pro sese respondendum esse. Cæterum ego Heros sum, vaticinorque si quis ad me descenderit: At tu videre nunquam omnino Lebadiam adiisse, neque enim alioqui ista non crederes. MEN. Quid ais? equidem nisi Lebadiam fuisset profectus, ac linteis amictus, offam ridicule manu gestans, per angustum aditum in specum irrepsissem, nequaquam fieri potuisset, ut te defunctum esse cognoscerem perinde atque nos, solaque præstigiatura reliquos antecellere. Sed age per ipsam divinandi artem, quid tandem est Heros? neque enim intelligo. TRO. Est quiddam partim ex homine, partim ex Deo compositum. MEN. Nempe quod neque sit homo, quemadmodum audio, neque Deus, verum pariter utrumque. Ergo dimidia illa tui, ac divina pars, quo nunc recessit? TRO. Reddit oracula, Menippe, in Boeotia. MEN. Haud intelligo quid dicas Trophoni, nisi quod illud plane video, te totum esse mortuum.

CHARONTIS AC MENIPPI.

CHARON.

REDDE naulum scelestæ. MEN. Vociferare, siquidem isthuc tibi voluptati est, Charon. CHAR. Redde, inquam, quod pro trajectione debes. MEN. Haudquaquam auferre queas ab eo qui non habeat. CHAR. An est quisquam qui ne obolum quidem habeat? MEN. Sit ne alius quispiam præterea, equidem ignoro, ipse certe non habeo. CHAR. Atqui præfocabo te per Ditem impurissime, ni reddas. MEN. At ego illiso baculo tibi comminuam caput. CHAR. Num ergo te tam longo tractu gratis transvexero? MEN. Mercurius meo nomine tibi reddat, ut qui me tibi tradiderit. MER. Belle mecum agatur per Jovem, siquidem futurum est, ut etiam defunctorum nomine persolvam. CHAR. Haud omittam te. MEN. Quin igitur vel hujus gratia perge ut facis, navim trahere: quanquam quod non habeo, quoniam auferas? CHAR. At tu nesciebas, quid tibi fuerit adportandum? MEN. Sciebam quidem, verum non erat. Quid igitur? nam ea gratia erat mihi semper in vita manendum? CHAR. Solus ergo gloriaberis te gratis fuisse transvectum? MEN. Haud gratis, ô præclare, siquidem & sentinam exhausti, & remum arripui, & vectorum omnium unus non ejulavi. CHAR. Ista nihil ad naulum, obolum reddas oportet, neque enim fas est secus fieri. MEN. Proinde tu me rursus in vitam revehe. CHAR. Belle dicis, nimirum ut verbera etiam ab Aeaco mihi lucrifaciam. MEN. Ergo molestus ne sis. CHAR. Ostende quid habeas in pera. MEN. Lupinum si velis, & Hecatae cœnam. CHAR. Unde nobis hunc canem adduxisti, Mercuri? tum qualia garriebat inter navigandum? vectores omnes irridens, ac dictis incessens, unusque cantillans, illis plorantibus. MER. An ignoras, Charon, quem virum transvexeris: plane liberum, cuique nihil omnino curæ sit. Hic est Menippus. CHAR. Atqui si unquam posthac te recepero. MEN. Si receperis ô præclare: ne possis quidem iterum recipere.

CRATETIS AC DIOGENIS.

CRATES.

MOERICHVM divitem, noverasne, Diogenes? illum, inquam, supra modum divitem, illum Corintho profectum, cui tot erant naves onustæ mercibus, cujus confobrinus Aristæas, quum ipse quoque dives esset, Homericum illud in ore solebat habere:

Aut me confice tu, aut ego tete.

DIOG. Cujus rei gratia sese captabant invicem Crates. CRAT. Hæreditatis causa, quum essent æquales, uterque alterum captabant. Jamque testamenta publicaverant ambo, in quibus Moerichus (si prior moreretur) Aristæam omnium rerum suarum dominum relinquebat, Moerichum vicissim Aristæas, si quidem ipse prior e vita decederet. Hæc igitur quum essent in tabulis scripta illi inter sese captabant, & alter alterum adulationibus obsequiisque superare contendebat. Porro divini, haud scio utrum ex aliis id quod

Tom. I.

V 3

futu-

futurum sit conjectantes, an somniis, quemadmodum Chaldaei faciunt: quin & Pythius ipse, nunc Aristeam victorem fore pronuntiabat, nunc Moerichum, ac trutina quidem interim ad hunc, interim ad illum propendebat. **DIOG.** Quid igitur tandem evenit? nam audire est operæ precium Crates. **CRAT.** Eodem die mortui sunt ambo: cæterum hæreditates ad Eunomium ac Thrasyclem devenerunt, quorum uterque cognatus illis erat: atqui de his nihil prædixerant divini futurum, ut tale quippiam accideret. Et enim quum Sicyone Cirrham versus navigarent, medio in cursu, obliquo orto Japyge, eversa navi perierunt. **DIOG.** Recte factum: at nos quum essemus in vita, nihil ejusmodi alter de altero cogitabamus. Neque enim ego unquam optabam ut moreretur Antisthenes, quo nimirum baculus illius ad me rediret hæredem (habebat autem egregie validum, quem ipse sibi paraverat oleaginum,) neque tu, Crates, opinor desiderabas, ut me mortuo, in possessionum mearum successionem venires, puta dolii ac peræ, in qua quidem lupini choenices inerant duæ. **CRAT.** Neque enim mihi quicquam istis rebus erat opus, imo ne tibi quidem Diogenes: siquidem quæ ad rem pertinebant, quæque tu Antistheni succedens acceperisti, deinde ego succedens tibi, ea nimirum multo sunt potiora, multoque splendiora, quam vel Persarum imperium. **DIOG.** Quænam sunt ista quæ dicis? **CRAT.** Sapientiam, inquam, frugalitatem, veritatem dicendi, vivendique libertatem. **DIOG.** Per Jovem memini me in istiusmodi opum hæreditatem Antistheni successisse, tibi que eas longe etiam majores reliquissæ. **CRAT.** Verum reliqui mortales hoc possessionum genus adspernabantur, neque quisquam nos ob spem potiundæ hæreditatis obsequiis captabat, sed ad aurum omneis intendebant oculos. **DIOG.** Nec injuria, neque enim habebant quo facultates ejusmodi a nobis traditas acciperent: quippe rimosi jam, vitiatique deliciis, non aliter quam vasa carie putria. Quo fit, ut si quando quis in illos infundat vel sapientiam, vel libertatem, vel veritatem, effluat illico perstilletque, fundo quod immisum est continere non valente. Cujusmodi quiddam & Danaï filii ajunt accidere, dum in dolium pertusum haustam aquam important: at iidem aurum dentibus & unguibus, omnique vi servabant. **CRAT.** Proinde nos hic quoque nostras possidemus opes: illi simul atque huc venerint, obulum duntaxat secum ferent, ac ne hunc quidem ulterius quam ad portitorem.

NIREI AC THERSITÆ.

NIREVS.

Ecce denique vel Menippus hic judex erit, uter nostrum sit formosior. Dic, Menippe, an non tibi videor forma præstantior? **MEN.** Imo quinam sitis, prius arbitror indicandum, nam hoc opinor scito est opus. **NIR.** Nireus ac Thersites. **MEN.** Uter Nireus, uter Thersites? nondum enim vel hoc satis liquet. **THER.** Jam unum hoc vinco, quod tibi sum similis, neque tantopere me præcellis, quantopere te cæcus ille Homerus extulit, unum omnium formosissimum appellans: quin ego fastigiato vertice, rarisque & impexis capillis ille, nihilo te inferior visus sum arbitro. Jam vero tempus est uti pronuncies Menippe, utrum altero formosiores existimes. **NIR.** Mirum ni me Aglaia Charopeque prognatum:

Qui vir pulcherrimus unus,

Omnibus e Grajjs Priameja ad Pergama veni.

MEN. Atqui non item sub terram opinor pulcherrimus venisti, quippe qui reliquis quidem ossibus aliis appareas asfimis: porro calvaria hoc uno insigni a Thersitæ calvaria dignosci possit, quod tua delicata est ac mollicula: quandoquidem isthuc habes effeminatum ac neutiquam viro decorum. **NIR.** Attamen Homerum percontare, qua specie tum fuerim, quum inter Græcorum copias militarem. **MEN.** Tu quidem somnia mihi narras: at ego ea spectro quæ video, quæque tibi adsunt in præsentia: cæterum ista norunt, qui id temporis vivebant. **NIR.** Quid igitur tandem? an non ego formosior Menippe? **MEN.** Neque tu, neque quisquam alius formosus hoc loco: siquidem apud inferos æqualitas est, paresque sunt omnes. **THER.** Mihi quidem vel hoc fat est.

DIOGENIS AC MAUSOLI.

DIOGENES.

Ohe Car, quare tandem insolens es tibi que places,

ac dignum te credis, qui unus nobis omnibus antepinare? **MAV.** Primum regni nomine ô tu Sinopenfis, quippe qui Carie imperaverim universæ, præterea Lydiæ quoque gentibus aliquot: tum autem & insulas nonnullas subegerim: Miletum usque pervenerim, plerisque Joniæ partibus vastatis. Ad hæc formosus eram ac procerus, ac bellicis in rebus prævalidus. Postremo, quod est omnium maximum, in Halicarnasso monumentum erectum habeo, singulari magnitudine, quantum videlicet defunctorum alius nemo possidet, neque pari etiam pulchritudine conditum, viris scilicet atque equis, pulcherrimo e saxo ad vivam formam absolutissimo artificio expressis, adeo ut vel fanum aliquod simile haud facile quis inveniat. Num injuria tibi videor has ob res mihi placere atque efferi? **DIOG.** Num ob imperium ais, ob formam, atque ob sepulchri molem? **MAV.** Per Jovem ob hæc inquam. **DIOG.** Atqui, ô formose Mausole, neque vires jam illæ, neque forma tibi jam adest. Adeo ut si quem arbitrum de formæ præcellentia delegerimus, haudquaquam dicere potis sit, quamobrem tua calvaria mea sit anteferenda: siquidem utraque pariter tum calva, tum nuda: utique dentes pariter ostendimus, pariter oculis orbatī sumus, pariter naribus simis ac sursum hiantibus deformati. Cæterum sepulchrum ac saxa illa pretiosa, Halicarnassæis forsitan jactare licebit, & hospitibus gloriæ causa ostentare, tanquam qui magnificam quandam apud se structuram habeant: verum quid hinc commoditatis ad te redeat vir egregie nequaquam video, nisi forsā illud commodum vocas, quod plus oneris atque nos sustines, sub tam ingentibus saxis pressus ac laborans. **MAV.** Itane nihil illa mihi conducunt omnia? planeque pares erunt Mausolus ac Diogenes? **DIOG.** Imo haud pares, inquam, vir clarissime: nam Mausolus discruciatibitur, quoties earum rerum in mentem veniet, quibus in vita florere consuevit: at Diogenes interim eum ridebit: Atque ille quidem de suo illo monumento, quod est in Halicarnasso memorabit, ab uxore Artemisia atque sorore parato: contra Diogenes ne id quidem suo de corpore novit, nunquid habeat sepulchrum. Neque enim illi res ea curæ est, verum apud viros excellentissimos sui memoriam famamque reliquit, ut qui vitam peregerit viro dignam, tuo monumento Carum abjectissime celsorem, ac tutiore in loco substructam.

SIMYLI AC POLYSTRATI.

SIMYLU.

Venisti tandem, & tu Polystrate, ad nos quum annos vixeris haud multo pauciores centum, opinor. **POL.** Nonaginta octo, Simyle. **SIM.** Sed quinam triginta istos annos egisti, quibus mihi fueras superstes. Nam ipse periit te ferme septuagenario. **POL.** Quam suavissime profecto, etiam si hoc mirum tibi videbitur. **SIM.** Mirum vero, siquidem tibi primum seni, deinde invalido, postremo etiam orbo quicquam poterat esse in vita suave? **POL.** Principio nihil erat quod non possem, præterea pueri formosi complures aderant, tum mulieres nitidissimæ, unguenta, vinum mire fragrans, postremo mensæ vel Siculis illis lautiores. **SIM.** Nova narras, nam ego te plane sordidum ac parcissimum esse sciebam. **POL.** Atqui vir præclare, ex alienis arcis opes mihi subscatebant. Tum diluculo protinus quam plurimi mortales ad fores meas ventitabant, simulque ex omni rerum genere quæ terrarum ubivis pulcherrimæ reperiuntur, munera deportabantur. **SIM.** Num me defuncto regnum gessisti? **POL.** Minime, verum amantes habebam innumeros. **SIM.** Non possum non ridere: tune amantes tantus natu quum esses, vixque tibi dentes superessent quatuor? **POL.** Habebam per Jovem equidem optimates civitatis: quumque essem tum senex, tum calvus, sicuti vides, præterea lippiens etiam, ac senio cæcutiens, postremo naribus mucosis: tamen cupidissime mihi inserviebant, adeo ut is felix videretur, quemcunque vel aspexissem modo. **SIM.** Num tu quoque quemadmodum Phaon ille, Venerem aliquam e Chio transvexisti, ut ob id optanti tibi illa dederit rursus ad juventam redire, ac denuo formosum atque amabilem fieri? **POL.** Haudquaquam, quin magis quum talis essem, qualem dixi, tamen supra modum adamabar. **SIM.** Ænigmata narras. **POL.** Atqui notissimus est hic amor, quum vulgo sit frequens, nempe erga senes orbos ac divites. **SIM.** Nunc tua forma unde tibi profecta fuerit intelligo vir egregie, nimirum ab aurea illa Venere. **POL.** Veruntamen non parum

parum multas commoditates ab amantibus tuli Simyle, propemodum etiam adoratus ab illis. Porro sæpius etiam quasi procax illis illudebam, excludens interdum nonnullos eorum: interim illi inter sese decertabant, & in ambiendis primis apud me partibus, alium alius anteire nitebatur. SIM. Sed age, de facultatibus tuis quid tandem statueras? P O L. Palam quidem affirmabam, me unumquemque illorum relicturum hæredem: idque illi quum crederent futurum, certatim se quisque obsequentiorem atque adulantem præbebat. Cæterum alteras illas veras tabulas, quas apud me servaveram, reliqui, in quibus omnes illos plorare jussi. SIM. At postremæ illæ tabulæ quem pronuntiabant hæredem? num e cognatis quempiam? P O L. Non per Jovem, imo novitum quendam ex formosis illis adolescentulis, natione Phrygem. SIM. Quot annos natum, Polystrate? P O L. Vingtiseptem. SIM. Jam intelligo quibus obsequiis ille te demeruerit. P O L. Attamen multo illis dignior qui scriberetur hæres, etiam si Barbarus erat ac perditus, quem jam ipsi etiam optimates colunt captantque. Is igitur mihi exstitit hæres jamque inter patricos numeratur, subrafo mento, Barbaroque cultu ac lingua: quin eum Codro generosiorum, Nireo formosiorum, Ulyssæ prudentiorum esse prædicant. SIM. Non laboro, vel totius Græciæ sit Imperator, si libet, modo ne illi potiantur hæreditate.

VENERIS ET CVPIDINIS.

V E N V S.

Quid tandem in causa est, Cupido, ut quum reliquos Deos omnes adortus expugnaris, Jovem ipsum, Neptunum, Apollinem, Junonem, me denique matrem, ab una Minerva temperes, utque adversus hanc nec ullum habeat incendium tua fax, & jaculis vacua sit pharetra, tum & ipse arcu careas, neque jaculari noris? C V P. Equidem hanc metuo, mater: est enim formidabilis truculentoque aspectu, ac ferocitate quadam supra modum virili: proinde si quando tenso arcu petam illam, galææ cristam quatens, expavefacit me, moxque formidine tremere occipio, sic ut arma mihi e manibus excidant. V E N. Atqui Mars an non erat hac formidabilior? & hunc tamen superatum exarmasti. C V P. Imo ille cupide me recipit, atque ultro etiam invitat: Verum Minerva semper adductis superciliis observat: quin aliquando temere ad illam advolavi, facem propius admoveo: at illa, si quidem ad me accesseris inquit, per parentem Jovem, quovis modo te confecero, aut lancea te transfigam, aut pedibus arreptum in tartara dabo præcipitem, aut ipsa te discerpam. Plurima item id genus comminatur: Ad hæc acribus obstetor oculis, postremo & in pectore faciem quandam gestat horrendam viperis capillorum vice comatam, hanc nimirum magnopere formido: territat enim me, fugioque quoties eam aspicio. V E N. Esto sane, Minervam metuis ut ais, atque hujus gestamen gorgona reformidas, idque quum Jovis ipsius fulmen non formidaveris: cæterum Musæ quam ob causam abs te non feriuntur, atque a tuis jaculis tutæ agunt? num & hæ cristas quatunt, aut Gorgonas prætendunt? C V P. Has quidem revereor, mater, sunt enim vultu pudico ac reverendo, præterea semper aliquo tenentur studio, semper cantionibus animum intentum gerunt: quin ipse etiam non raro illis affisto, carminis suavitate delinitus. V E N. Esto, nec has adoriris propterea quod sint reverendæ: at Dianam qua tandem gratia non vulneras? C V P. Ut breviter dicam, hanc ne deprehendere quidem usquam sum potis, quippe perpetuo per montes fugitantem: ad hæc alterius cuiusdam sui cupidinis illa tenetur cupidine. V E N. Cujus, o gnate? C V P. Nempe venatu cervorum & hinnulorum, quos insectatur ut capiat, ac jaculo figat. Ac prorsum tota rerum hujusmodi studio tenetur: tametsi fratrem ejus, qui nimirum arcu valet & ipse, feritque eminus. V E N. Teneo gnate, eum sæpenumero sagitta vulnerasti.

MARTIS AC MERCURII.

M A R S.

Audisti, Mercuri, cuiusmodi nobis minatus sit Jupiter? quam superba, quamque dictu absurda? Ego, inquit, si voluero, catenam ex æthere demittam, unde si vos suspensi me vi detrahere conemini, hæseritis operam: nunquam enim me deorsum trahetis. Contra ego vos si velim in altum attrahere, non vos modo, verum etiam tum terram ipsam, tum mare pariter subvectum in sublime susculero. Ad hæc alia

permulta, quæ tu quoque audisti. At ego, si quidem cum uno quolibet singulatim conferatur, ita præstantiorem cum esse, viribusque superiorem, haudquaquam negaverim: verum unum tam multis pariter in tantum antecellere, ut eum ne pondere quidem vincere queamus, etiam si terram ac mare nobis adjunxerimus, id neutiquam crediderim. M E R. Bona verba, Mars. Neque enim sat tutum est ista loqui, ne quid forte mali nobis hæc petulantia conciliet. M A R S. An vero credis apud quemlibet hæc dicturum me? imo apud te solum id audeo, quem linguæ continentis esse sciebam. Sed quod mihi maxime ridiculum videbatur, tum quum hæc minitantem audirem, haud queam apud te reticere. Etenim memineram, quum non ita multo ante Neptunus, Juno, ac Pallas, mota adversus eum seditione, machinarentur comprehensum illum in vincula conjicere, quantopere formidaret, utque in omnem speciem sese verteret, idque cum tres duntaxat essent Dii. Quod ni Thetis misericordia commota, Briareum centimanum illi auxilium accersivisset, ipso pariter cum fulmine ac tonitru victus erat. Hæc reputanti mihi ridere libebat ejus magniloquentiam jactantiamque. M E R. Tace, bona verba: neque enim tutum est ista vel tibi dicere, vel audire mihi.

MERCURII ET MAJÆ.

M E R C V R I V S.

Est vero mater Deus quisquam in cælo me inferior? MAJÆ. Cave ne quid istiusmodi dixeris, Mercuri. M E R. Quid non dicam? qui quidem tantum negotiorum solus sustineam quibus delassor, in tam multa ministeria distractus? Nam mane protinus surgendum est mihi, statimque vertendum cœnaculum, ubi Dii compotant. Tum ubi curiam in qua consultant undique stravero, ac singula ita ut oportet composuero, Jovi necessum est assistere, ac perferendis illius mandatis toto die sursum ac deorsum cursitare, insuper quum redeo, pulverulentus adhuc, Ambrosiam apponere cogor. Porro priusquam novitius iste pocillator advenisset, ego nectar etiam ministrabam. Quodque est omnium indignissimum, soli omnium ne noctu quidem agere quietem licet, verum id quoque temporis necesse habeo defunctorum animas ad Platonem deducere, maniumque gregi me ducem præbere, tum autem & tribunaliis assistere. Neque enim mihi sufficiebant scilicet diurna negocia dum verfor in palæstris, dum in concionibus præconis vices ago, dum Oratores instruo, ni hæc quoque provincia accedat, ut simul etiam umbrarum res disponam. Atqui Ledæ filii alternis inter ipsos vicibus apud superos atque inferos agitant. Mihi necesse est quotidie tum hoc, tum illud pariter agere: deinde duò illi Alcmena ac Semele miseris prognati mulieribus, ociosi in conviviis accumbunt, at ego Maja Atlantide progenitus illis ministro scilicet. Quin nunc quum recens Sidone a Cadmi filia reversus essem: nam ad hanc me legarat, visum quid ageret puella: priusquam respirassem, & adhuc anhelum de via, rursus ad Argos emandavi visurum, qui cum Danaë ageretur. Rursus inde in Boeotiam profectus inquit, obiter Antiopam visito: adeo ut plane jam parituum me negarim. Quod si mihi licuisset, jubens profecto fecissem, id quod solent ii qui in terris duram servant servitutum. MAJÆ. Missa fac ista gnate: decet enim per omnia morem gerere patri, quum sis juvenis: ac nunc quo justus es, Argos contende, deinde in Boeotiam, ne si cessaris, fuerisque lentior, plagas etiam auferas: nam iracundi sunt qui amant.

VENERIS ET CVPIDINIS.

V E N V S.

Cupido gnate, vide quæ facis flagitia. Non jam de his loquor, quæ te impulfore mortales in terra vel in se quisque, vel invicem alii in alios faciunt: verum de his ago, quæ apud superos quoque designas, qui quidem Jovem ipsum cogis varias assumere formas, in quodcunque tibi pro tempore visum fuerit, eum vertens: tum lunam e cælo devocas. Quin & solem aliquoties compellis lentum apud Clymenen cessare aurigandi muneris oblitum: nam quicquid injuriæ in me matrem etiam committis, audaçter ac tanquam tuto facis. Verum tu quidem o Deorum omnium confidentissime, Rheam insuper ipsam jam anum, præterea Deorum tam multorum parentem, eo perpulisti, ut pusionem admet, atque in Phrygium illum adolescentulum depereat, ac tua jam opera insanit, junctisque leonibus, adhibitis item Coryban-

rybantibus, quippe qui & ipsi furore quodam sunt afflati, per Idam montem iursum ac deorsum oberrat, ipsa quidem Attis amore ejulans. Cæterum Corybantum alius suum ipse penem ense defecat, alius demissa coma per montes fertur infans, alius cornu canit, alius tympano tonat, alius cymbalo perstrepat: breviter, omnis undique Ida tumultus atque infantiæ plena est. Proinde cuncta timeo: metuo ne tale quid accidat, quandoquidem te produxi, malum ingens, ut si quando resipiscat Rhea, vel potius si pergat insanire, Corybantibus imperet, ut te correptum discerpant, aut leonibus objiciant. Hic me sollicitat metus, quod videam tibi periculum imminere. CVP. Ocioso animo esto mater, si quidem leonibus etiam ipsis jam familiaris sum factus, ita ut sæpenumero consensu eorum tergis, prehensaque juba, equitis ritu insidens illos agitem. At vero illi interim mihi caudis adblandiuntur, ac manum ori insertam receptant lambuntque, deinde mihi reddunt innocuam. Porro Rheæ ipsi quando tandem yacaverit, ut me ulciscatur quum in Atte sit tota? Postremo quid ego pecco, quum res pulchras ut sunt, offero ac demonstro? vos ne appetite res pulchras: quare his de rebus ne in me crimen conferte. Num vis ipsa tu mater, uti neque tu posthac Martem ames, neque ille te? VEN. Ut es pervicax, & nulla in re non superas: attamen horum quæ dixi, aliquando memineris.

DORIDIS ET GALATEÆ.

DORIS.

Formosum amantem, Galatea, nempe Siculum istum pastorem ajunt amore tui deperire. GAL. Ne ride, Doris: etenim qualis qualis est, Neptuno patre prognatus est. DOR. Quid tum postea, si vel Jove ipso sit progenitus, quum usque adeo agrestis atque hispidus appareat, quodque est omnium deformissimum, unoculus? An vero credis genus illi quicquam profuturum ad formam? GAL. Ne isthuc quidem ipsum, quod hispidus est atque agrestis, ut tu vocas, illum deformat, quin virile magis est. Porro oculus media in fronte decet etiam, quo quidem nihilo segnus cernit, quam si duo forent. DOR. Videris, Galatea, non amantem habere Polyphemum, sed illum potius adamare, sic eum prædicas. GAL. Equidem haud adamo, sed tamen insignem istam vestram insultandi opprobrandique petulantiam ferre nonqueo. Ac mihi nimirum invidentia quædam isthuc facere videmini, propterea quod ille quum forte aliquando gregem pasceret suum, nosque e littorali specula in littore ludentes cerneret in prominentibus Ætnæ pedibus, qua videlicet inter montem & mare litus sese in longum porrigit, vos ne aspexerit quidem: at ego omnium visa sum formosissima, eoque in unam me conjecerit oculum. Ea res vos male habet: nam argumentum est, me forma præstantiorem esse ac digniorem quæ amet: vos contra fastiditas esse. DOR. An istud tibi putas invidendum videri, si primum pastori, deinde lusco formosa visa sis? quanquam quid aliud ille potuit in te probare, præter candorem? Is illi placet opinor, quod caseo & lacti affueverit: proinde quicquid his sit simile, id protinus pulchrum judicat. Alioqui ubi libebit scire, qua sis facie, de scopulo quopiam in aquam, si quando tranquilla steterit despectans, temetipsam contemplare, videbis aliud nihil nisi perpetuum candorem: verum is quidem non probatur, nisi rubor admixtus illi, decus illi junxerit. GAL. Atqui ego illa immodice candida, tamen ejusmodi habeo amantem, quum interim e vobis nulla sit, quam vel pastor, vel nauta, vel portitor aliquis miretur: cæterum Polyphemus (ut alia ne dicam) etiam canendi peritus est. DOR. Tace, ô Galatea, audivimus illum canentem, quum nuper pruriret in te: sed ô sancta Venus, asinum rudere dixisses: nam lyræ corpus simillimum erat cervino capiti ossibus renudato: tum cornua perinde quasi cubiti prominebant, iis junctis, inductisque fidibus, quas ne collope quidem circumtorquebat, agreste quiddam & absorum cantillabat, quum aliud interim ipse voce caneret, aliud lyra succineret, ita ut temperare nobis nequiverimus, quin rideremus amatoriam illam cantionem. Nam Echo ne respondere quidem illi voluit balanti, quum sit adeo garrula: imo puduisset, si visa fuisset stridulum illius, & ridiculum cantum imitari. Ad hæc gestabat in ulnis amasius iste delicias suas, urfi catulum pilis hirtum, ipsi non dissimilem. Quis autem non invidet tibi amicum istum, Galatea? GAL. Quin tu igitur, Doris, tuum ipsius amicum nobis common-

Astra, qui meo sit formosior, quique doctius ac melius vel voce canat, vel cithara? DOR. mihi quidem nullus est amator, neque me hoc nomine jacto, quasi sim vehementer amabilis, veruntamen istiusmodi amicum, qualis est Polyphemus, nempe totus hircum olens, tum crudis victitans carnibus, & hospites, si qui appulerint devorans, tibi habes, cumque tu mutuum ames.

DIOGENIS ET ALEXANDRI.

DIOGENES.

Quid hoc rei, Alexander, itane defunctus es tu quoque perinde atque nos omnes? ALEX. Vides, nimirum, Diogenes: tametsi mirandum non est, si homo cum fuerim, defunctus sim. DIOG. Num ergo Jupiter ille Hammon mentiebatur, quum te suum filium esse diceret, an vero tu Philippo patre prognatus eras? ALEX. Haud dubie Philippo: neque enim obiissem, si Hammone parente fuisset progenitus. DIOG. Atqui de Olympiade etiam consimilia quædam ferebantur, puta draconem quandam cum ea fuisse congressum, visumque in cubiculo, ex eo gravidam peperisse te: porro Philippum errare fallique, qui se tuum patrem esse crederet. ALEX. Inaudieram quidem & ipse ista quemadmodum tu, at nunc video neque matrem, neque Hammonios illos vates sani quicquam aut veri dixisse. DIOG. Attamen istud illorum mendacium, Alexander, ad res gerendas haudquam tibi fuit inutile, propterea quod vulgus te verebatur metuebatque, quum Deum esse crederet. Sed dic mihi, cui nam tam ingens illud imperium moriens reliquisti? ALEX. Id equidem ignoro, Diogenes: celerius enim e vita submovebar, quam ut esset ocium de illo quicquam statuendi, præter id unum quod moriens Perdicæ anulum tradidi. Sed age, quid rides, Diogenes? DIOG. Quid ni rideam? an non meministi quid Græci fecerint, quum nuper tibi arrepto imperio adularentur, Principemque ac Ducem adversus Barbaros deligerent? nonnulli vero in duodecim Deorum numerum referrent, ac sana constituerent: denique sacra facerent tanquam Draconis filio? Sed illud mihi dicito, ubi te sepelierunt Macedones? ALEX. Etiamdum in Babylone jaceo tertium jam diem: porro Ptolemæus ille satellites meus, si quando detur ocium ab his rerum tumultibus, qui nunc instant, pollicetur in Ægyptum deportatum me, atque inibi sepulturum, quo videlicet unus fiam ex Diis Ægyptiis. DIOG. Non possum non ridere, Alexander, qui quidem te videam etiam apud inferos desipientem, sperantemque fore ut aliquando vel Anubis fias vel Osiris. Quin tu spes istas omittis ô divinitissime, neque enim fas est reverti quemquam, qui semel paludem transmiserit, atque intra specus hiatum descenderit, propterea quod neque indiligens est Æacus, neque contemnendus Cerberus. Verum illud abs te discere pervelim, quo feras animo quoties in mentem redit, quanta felicitate apud superos relicta huc sis profectus, puta corporis custodibus, satellitibus, ducibus, tum auri tanta vi, ad hoc populis qui te adorabant: præterea Babylone, Bactris, immanibus illis belluis, dignitate, gloria: deinde quod eminebas conspicuus, dum vectareris, dum amiculo candido caput haberes revinctum, dum purpura circumamictus esses? nunquid hæc te discredunt, quoties recurant animo? Quid lachrymas stulte? an non id te sapiens ille docuit Aristoteles, ne res eas quæ a fortuna proficiantur, stabiles ac firmas existimares? ALEX. Sapiens ille, quum sit assentatorum omnium perditissimus? Sine me solum Aristotelis facta scire, quam multa a me petierit, quæ mihi scripserit: deinde quemadmodum abusus sit mea illa ambitio, qua cupiebam eruditione cæteris præstare, quum mihi palparetur interim, ac prædicaret me, nunc ob formam tanquam & ipsa summi boni pars quædam esset, nunc ob res gestas atque opes: nam has quoque in bonorum numero collocandas esse censebat, ne sibi vitio verteretur quod eas acciperet. Plane præstigijs vir ille quidem erat, ac fraudulentus ô Diogenes: quanquam illud fructus scilicet ex illius sapientia fero, quod nunc perinde quasi summis de bonis excrucior, ob ista quæ tu paulo ante commemorasti. DIOG. At scin' quid facies? ostendam tibi molestiæ istius remedium. Quandoquidem his in locis veratrum non provenit, fac ut Lethei fluminis aquam avidis faucibus attrahens bibas, iterumque ac sæpius bibas: atque eo pacto desines de bonis Aristotelicis discredari. Verum enim Cle- tum etiam illum & Callisthenem video, cumque his alios com-

complureis raptim huc sese ferentes, quo te discerpant, po-
nasque sumant ob ea quæ quondam in illos commisisti. Qua-
refac in alteram hanc ripam te conferas, & crebrius, ut di-
xi bibas.

MENIPPI ET CHIRONIS.

MENIPPVS.

Equidem inaudiui, Chiron, te Deus quum esses, tamen
optasse mortem. CHIR. Vera, nimirum, sunt ista quæ
audisti, Menippe, planeque mortuus sum sicuti vides, quum
mihi licuerit immortalem esse. MENIP. At quænam te
mortis cupido tenebat, rei videlicet, quam vulgus homi-
num horreat? CHIR. Dicam apud te, virum neutiquam
stultum atque imperitum: Jam mihi defierat esse jucun-
dum, immortalitate frui. MENIP. Quid? an injucundum
erat te vivere, lucemque tueri? CHIR. Erat, inquam,
Menippe: nam quod jucundum vocat, id ego neutiquam
simplex, sed varium quiddam esse arbitror. Verum quum
ego semper viverem, atque iisdem perpetuo rebus uter,
sole, luce, cibo, tum horæ eædem recurrerent, reliqua item
omnia quæcunque contingunt in vita, reciproco quodam
orbe redirent, atque aliis alia per vices succederent, iatietas
videlicet eorum me cepit. Neque enim in eo voluptas est
sita, si perpetuo fruaris iisdem, sed omnino in permutando
posita est. MENIP. Probe loqueris, Chiron: cæterum
hæc quæ apud inferos agitur vita, quinam tibi procedit,
posteaquam ad hanc tanquam ad potiorem te contulisti?
CHIR. Haud insuaviter, Menippe: siquidem qualitas
ipsa quiddam habet admodum populare. Nihil autem in-
terest, utrum in luce quis agat, an in tenebris: præterea ne-
que sitendum est nobis quemadmodum apud superos, ne-
que esuriendum, sed ejusmodi rerum omnium egentia va-
camus. MENIP. Vide, Chiron, ne temet ipse involvas,
neve eodem tibi recidat oratio. CHIR. Quamobrem ist-
huc ais? MENIP. Nempe si illud tibi fastidio fuit, quod in
vita semper iisdem similibusque rebus utendum erat, quum
hic itidem similia sint omnia, eundem ad modum parient fa-
stidium. At de integro tibi quærenda erit vitæ commuta-
tio, atque hinc quopiam aliam in vitam demigrandum, id
quod arbitror fieri non posse. CHIR. Quid igitur faciun-
dum Menippe. MENIP. Illud nimirum, uti sapiens quum
sis, quemadmodum opinor, & vulgo prædicant, præsen-
tis rebus sis contentus, bonique consulas quod adest, neque
quicquam in his esse putes quod ferri non queat.

MENIPPI ET CERBERI.

MENIPPVS.

Heus, Cerbere, quandoquidem mihi tecum cognatio
quædam intercedit, quum & ipse sim canis: dic mihi per
Stygiam paludem, quomodo sese habebat Socrates, quum
huc accederet? Verisimile est autem te, Deus quum sis,
non latrare modo, verum etiam humano more loqui, si quan-
do velis. CER. Quum procul adhuc abesset, Menippe, vi-
sus est constanti atque interrito adire vultu, perinde quasi
mortem nihil omnino formidaret, tanquam hoc ipsum vellet
iis, qui procul a specus ingressu stabant, ostendere: verum
simul atque despexit in hiatum, viditque profundum atque
atrum antri recessum, simulque ego cunctantem etiam illum
aconito mordens pede correptum detraherem, infantium
ritu ejulabat, suosque deplorabat liberos, nihilque non fa-
ciebat, in omnem speciem sese convertens. MEN. Num
igitur fucate sapiens erat ille, neque vere mortem conte-
mnebat? CER. Haud vere: cæterum ubi vidit id esse neces-
se, audaciam quandam præ se ferebat, quasi vero volens id
esset passurus, quod alioqui volenti nolenti tamen omnino
fuerat ferendum, videlicet quo spectatoribus esset miracu-
lo. Equidem illud in totum de viris istiusmodi vere possum
dicere, ad fauces usque specus intrepidi sunt ac fortes: por-
ro intus quum sunt, nihil mollius neque fractius. MEN. Cæ-
terum ego quonam animo tibi visus sum subisse specum?
CER. Unus mortalium, Menippe, sic mihi visus es subi-
re, ut tuo dignum erat genere, & prior te Diogenes, pro-
pterea quod neutiquam ad acti subieritis, aut intrusi: verum
tum ultronei, tum ridentes, atque omnibus plorare renun-
ciantes.

PRÆFATIO, SEU HERCVLES GALLICVS.

HERCVLEM Galli lingua gentis vernacula Ogmium
vocant. Porro Deum ipsum novæ quadam atque inusitata

A figura depingunt: decrepitus est apud illos, recalvaster, re-
liquis capillis, si qui reliqui sunt, plane canis, cute rugosa,
& in aterrimum exusta colorem, cujusmodi sunt nautæ isti
senes. Charontem potius aut Japetum quempiam ex his qui
apud inferos versantur, diceres. In summa, quidvis potius
quam Herculem esse conjiceret ex imagine. Atque tali spe-
cie quum sit, tamen Herculis ornatum gerit, ut qui tum
leonis exuvium indutus sit, tum clavam dextera teneat,
tum pharetram humeris aptatam portet, tum arcum tensum
læva prætendat: denique modis omnibus Hercules est.
Hæc equidem arbitrabar in Græcanicorum Deorum con-
tumeliam perperam facere Gallos, quum eum ejusmodi fin-
gerent effigie, quo nimirum illum talibus picturis ulcisce-
rentur, quod olim in regionem ipsorum incurassent, præ-
das agens id temporis, quum Geryonis armenta vestigias,
Occidentalium gentium plerasque regiones pervastaret. At
nondum etiam dixi, id quod erat in imagine maxime no-
vum atque mirandum: siquidem Hercules ille senex, ingen-
tem admodum hominum multitudinem trahit, omnibus
ab aure revinctis: porro vincula catenulæ tennes auro ele-
ctrove confectæ, pulcherrimis istis monilibus adsimiles.
Atqui quum vinculis usque adeo fragilibus ducantur, tamen
neque de fugiendo cogitant, quum alioqui commode pos-
sint, neque prorsus obnituntur, aut pedibus adversus tra-
hentem obtendunt, sese resupinantes: verum alacres ac læ-
ti sequuntur, ducentem admirantes, ultro festinantes omnes,
& laxatis funiculis etiam antevertore studentes, perinde
quasi graviter laturo, si solverentur vinculis. Ne illud qui-
dem pigebit referre, quod mihi videbatur omnium absur-
dissimum: etenim quum non inveniret pictor unde catenu-
larum summas ansas neceret, videlicet dextera jam clavam,
læva arcum tenente, summam Dei linguam perterebravit,
atque ex hac religatis catenulis eos trahi fecit. Ipse nimi-
rum ad eos qui ducebantur, vultum & oculos convertebat,
arridens. Hæc ego quum diutius assistens essem contempla-
tus, admirans, hæsitans, indignans: Gallus quispiam, qui
propius adstabat, nostratum literarum non indoctus, id quod
declaravit, quum Græcanicam linguam absolute sonaret,
Philosophus opinor ex eo genere Philosophorum, quod
D apud illos esse fertur: Ego tibi hospes, inquit, picturæ istius
ænigma explicabo: nam videre vehementer ad eam attoni-
tus ac stupetactus. Orationem nos Galli nequaquam arbi-
tramur esse Mercurium, quemadmodum vos Græci, ve-
rum Herculi illam tribuimus, propterea quod hic Mercurio
longe robustior exstiterit: nam quod senex fingitur, nihil
est quod mirere. Siquidem una facundia consuevit in sene-
cta demum absolutum vigorem ostendere, si modo verum
vestri dicunt Poetæ:

*Obduci juvenum densa caligine pectus:
Contra senectam posse quiddam dicere,
Rudi juvenia melius ac præclarus.*

E Hinc videlicet apud vos & Nestoris lingua melle pro-
fluit, & Trojanorum concionatores lirioesiam edunt, vide-
licet floridam quandam vocem: nam liria si satis commemi-
ni, flores appellantur. Proinde quod ab auribus vinetos ad
linguam trahit senex hic Hercules, qui non aliud quam ipse
est sermo, ne id quidem debes admirari, qui quidem non
ignores linguæ cum auribus esse cognitionem. Neque vero
ad contumeliam illius illud pertinet, quod ea pertusa est:
nam memini, inquit, & Jambicos quosdam versiculos e Co-
mœdiis apud vos dicere:

*Siquidem viris loquacibus
Extrema lingua perforata est omnibus.*

F Quin de eodem hanc in summa habemus opinionem, ut
quicquid egit, id oratione facundiaque confecisse putemus,
utpote virum sapientem, ac persuadendo pleraque sibi sube-
gisse. Jam tela illius nimirum rationes sunt acutæ, missiles,
citæ, atque animam fauciantes: unde pennigera dicta vos
quoque nominatis. Hactenus Gallus. Ac mihi quidem quum
huc me conferens mecum inter eundem perpenderem,
nunc decorum jam esset, ut tam grandis natu, quique jam-
pridem ab his doctrinæ certaminibus memet abdicassem,
rursum metam multorum judicium calculis exponerem ju-
dicandum, in tempore subiit animum meum ejus picturæ
recordatio: nam antehac verebar, ne cui vestrum viderer
hæc admodum pueriliter agere, quasque præter ætatem
Tom. I. X juve-

juvenari. Proinde ne quis Homericus adolescentulus illud mihi impingeret dicens:

Ætas jam perijt tua.

Tum illud:

*Ac te corripuit cariola senecta, minister
Invalidusque tibi, & segnes tardique caballi:*

Videlicet eo scommate pedes meos notans. Verum quoties senex ille Hercules recurrit animo, ad quidvis adducor ut faciam, neque me pudet hæc audere, quum sim ipsi æqualis imagini. Itaque robur, celeritas, forma, & si qua sunt alia corporis bona, valeant, cumque his tuus, ô Teje vates, Cupido, ubi me mento subcano viderit auro rutilantibus alis, si videbitur, vel aquilas prætervolet: neque laborabit Hippoclidus, imo nunc vel maxime tempestivum fuerit, facundia repubescere, florere, vigere, & quam licet plurimos ab auribus ducere, ac sapius arcu ferire: quandoquidem periculum non est, ne quando quis præter spem pharetram inanem reperiat. Vides quibus modis ætatem meam, meamque senectutem ipse consoler animemque, adeo ut non sim veritus navim jam olim in terram subductam denuo revellere, suisque instructam armis, medium in pelagus demittere. Contingant autem a vobis ô Dii, afflatus secundi, quando nunc vel maxime, præsentem bono atque amico vento nobis est opus: quo si digni modo videbimur, in nos quoque dicat aliquis Homericum illud:

Quos profert senior pannis e vilibus armos.

E V N V C H V S S I V E P A M P H I L V S.

UNDE nobis advenis, Luciane, seu quidnam rei rides? Semper tu quidem & alias consuevisti nobis hilaris ac festivus occurrere, verum isthuc majus aliquid solito videtur esse, de quo risum nec compescere queas. L v c. E foro tibi adsum, ô Pamphile: porro mox efficiam, ut tu quoque mecum rideas, simul atque audieris cujusmodi litis adfuerim actioni, duobus Philosophis inter sese contendentibus. P a m. Jam isthuc ipsum profecto ridiculum est quod ais, Philosophos invicem lites agitare. Nam etiam si quid magni fuisset negotii, inter ipsos modeste citraque pugnam controversiam compositam oportuit. L v c. Quid ais? tranquille componant illi, qui quidem solida plaustra conviciis onusta, alter in alterum effuderint, vociferantes miraque pervicacia contententes? P a m. Videlicet de disciplinis atque opinionibus, Luciane, ita ut assolent, dissentiebant, quod erant diversæ factionis. L v c. Nequaquam, imo aliud quiddam erat hoc de quo diffidebant: nam ejusdem sectæ erant ambo, ejusdemque scholæ, & tamen orta inter eos lis erat. Porro judices qui cognoscebant, primates erant hujus Reipublicæ natuque maximi ac sapientissimi. Breviter, apud quos pudeat aliquis etiam parum apte quippiam eloquutus, nedom ad tantam provectus inverecondiam. P a m. Quin tu igitur litis argumentum exponis, quo videlicet ipse etiam cognoscam, quæ res tibi tantum risum concitavit? L v c. Scis, Pamphile, salarium, idque neutiquam exiguum ab Imperatore fuisse constitutum singulis Philosophorum generibus: puta Stoicis, Platoniceis, Epicureis: cumque his etiam Peripateticis: ita ut unicuique sectæ præmium esset æquale. Cæterum demortuo ex his quopiam, alius aliquis in ejus locum subrogandus est, qui sit optimatum calculis probatus. Porro præmium illud, neque bubula pellis erat quæpiam, quemadmodum ait Poeta, nec porcellus: verum singulos in annos decies mille nummum, quos accipiunt, uti doceant juventutem. P a m. Memini quidem ista. Quin ajunt nuper ex illis diem obiisse quempiam: alterum (ni fallor) e Peripateticis. L v c. Hæc ipsa, Pamphile, Helena, propter quam illi inter sese singulari certamine conflictabant. Et hætenus quidem nihil etiam ridendum erat in illis, præter hoc quod quum Philosophos esse se profiterentur, ac pecunias pro nihilo ducere, tamen earum gratia perinde atque pro patria in discrimen adducta, pro religione majorum, pro monumentis progenitorum decertarent. P a m. Atqui Peripateticorum istud est decretum: non admodum esse negligendas pecunias: verum eas in tertio quodam bonorum ordine esse ponendas. L v c. Recte dicis. Nam ista quidem ajunt. Proinde bellum hoc ex majorum judicio, sententiaque illis exstitit: verum quæ postea consequuta sint, jam ausculta. Primum complures quidem alii in defuncti illius funebribus ludis decertabant: sed inter hos præcipue duo viribus pares, puta Diocles ille senex, nosti

quem dicam, contentiosum illum, inquam: præterea Bagoas, qui quidem ea specie est, ut Eunuchus esse videatur. Inter hos initio de doctrina, deque Philosophiæ decretis atque opinionibus est decertatum: & uterque sui specimen ac documentum dedit, quod esset Aristotelicæ factionis, quodque ejus placita sequeretur ostendit. Ac per Jovem in hoc certamine, neuter altero superior erat. Lis igitur huc deflexit denique. Diocles definens jam eruditionis suæ periculum ac specimen ostendere, ad Bagoam descendit, ac vitam illius in primis carpere est aggressus. Bagoas itidem hujus vitam vicissim taxabat. P a m. Idque merito, Luciane. Siquidem ejus rei magis erat habenda ratio. Proinde si ego forte judex causæ sedissem, magis in hoc ut mihi videretur, futurus eram occupatus: potiusque spectassem, uter moribus esset præstantior, quam uter ad disputandum ac dicendum promptior: atque illi potius quam huic victoriam adjudicassem. L v c. Recte dicis: Equidem isti tuæ sententiæ meum & ipse calculum addo. Verum ubi jam conviciis, ubi maledictis essent satiati, tandem Diocles illud ajebat nefas esse, vel conari aut proponere Bagoam, uti cum Philosophiæ studio, cumque pulcherrimis illius præmiis commercium haberet, qui quidem Eunuchus esset. Imo hoc hominum genus non solum ab ejusmodi contubernio secludi oportere, verum ab ipsis etiam sacris, ac vasis puris, breviter ab omnibus publicis cœtibus ejici: ostendens inauspicatum quoddam & occursum inausum spectaculum fore, si quis ~~ma~~ domo egressus, vel videat istiusmodi quippiam. Atque hac de re multis verbis diserebat, affirmans Eunuchum neque virum esse, neque mulierem, sed quiddam utrinque compositum & conflatum, planeque monstrum ab hominum natura specieque alienum. P a m. Novam accusandi rationem nobis narras, Luciane. Jamque & ipse ridere compellor, crimen audiens tam inauditum. Sed alter ille quid? Num obticebat? An vicissim & ipse quiddam ausus est ad ista respondere? L v c. Initio quidem pudore ac metu (nam id est istis familiare) diutius obticebat, erubescens interim, palamque præ se ferens id quod erat. Tandem autem tenuem quandam ac muliebre edens vocem, negabat æquum facere Dioclem, qui se quod Eunuchus esset, ob id a Philosophia secluderet, cum qua foemina etiam esset commercium. Allegabantur, Aspasia, Diotima, Thargelia, quæ causam illius adjuvabant. Præterea Academicus quidam Eunuchus, natione Gallus, qui paulo ante nostram ætatem maximi nominis apud Græcos floruisse. Porro Diocles etiam illum ipsum siquidem exstaret, ac simili negotio sese misceret, prohibeturum sese respondit, nihil expavescit opinione, quam apud vulgus obtinebat. Ad hæc quum ipse quædam dicteria in illum jaciebat, tum referrebat in eum, quæ a Stoicis maximeque Cynicis dicta ad risum concitandum erant idonea, de corpore mutilo atque imperfecto. Hac in re judicum cognitio versabatur. Denique totius causæ jam illud caput esse coepit: Num Eunuchus idoneus esset censendus, qui ad Philosophiam admitteretur, quique juvenibus præfici postularet, quum alter interim formam etiam ac corporis integritatem, in Philosopho requirendam esse diceret. Maxime vero uti barbam altam ac promissam gerat, quo videlicet iis qui cupidi advenirent, vir gravis appareat, & is cui fides haberi debeat, neque indignus videatur decem illis drachmarum millibus, quæ forent ab Imperatore capiendæ. Cæterum Eunuchorum conditionem etiam quam Spadonum esse viliorum. Nam illos aliquando utile quiddam expertos fuisse, at hunc ab ipso statim ortu fuisse exsectum, planeque animal esse quoddam varium atque anceps, non aliter quam cornices, quæ neque inter columbas, neque inter corvos numerari queant. Alter contra responderet eo judicio, non de corporis agi figura, verum de animi virtute, proinde mentis qualitatem expendi oportere, deque dogmatum cognitione querendum esse. Ejus rei testis citatus Aristoteles, qui quidem Ermeam eunuchum Atarne oriundum tyrannum supra modum sit admiratus, adeo, ut illi perinde atque Diis sacra fecerit. Ausus est & illud addere Bagoas, multo magis idoneus esse eunuchum, cui adolescententes erudiendi credantur, quod ab hoc nulla in illos calumnia possit hære, neque Socraticum illud crimen in hunc competat, quod adolescentulos corrumperet. Deinde quæ ille potissimum in mentum imberbe fuerat cavillatus, ea hic facite, ut ipsi quidem videbatur, rejecit. Et enim

enim sic barbæ prolixitate, inquit, Philosophos æstimare convenit, nimirum hircus ante omnes primas tenebit. Hic tertius quidam assistens (nomen hominis filebitur) atqui, iudices, inquit, hic malis lævibus, ac fœminea voce, reliquoque corporis habitu eunuchoadsimilis, si quis vestes detrahat, egregie vir esse videbitur. Alioqui mentiuntur qui ferunt eum aliquando in adulterio deprehensum, membra in membris, ut legum tabulæ loquuntur, habentem: atque id quidem temporis ad Eunuchum confugisse, eaque reperia latebra absolutum fuisse, quum iudicibus crimen persuaderi non posset, ut qui e specie hominem iudicarent Eunuchum. At nunc mihi palinodiam canturus videtur, idque propter ostentatum præmium. Hæc quum dicerentur, omnibus, ut par erat, risus est obortus. Porro Bagoas magis etiam perturbabatur, omnem in speciem sese varians, atque in innumerabiles versus colores, tum frigido sudore fluens: ac neque decorum sibi existimabat adulterii crimen agnoscere, neque rursum eam accusationem inutilem ad præfens certamen arbitrabatur. P A M. Profecto deridicula sunt ista, Luciane, neque vulgarem vobis, uti coniectandum est, voluptatem præbuerunt. Verum quo tandem res evasit? Et quid super his pronunciarunt iudices? L V C. Non erat eadem omnium sententia. Verum aliis quidem visum est, uti nudato illo, quemadmodum in emptitiis servis fieri consuevit, inspicerent, num in iis quæ ad penem pertinent, philosophari posset. Alii vero sententiam dixere multo magis etiam hac ridiculam, nempe, ut accersitis e lustro mulieribus aliquot juberent illum cum illis congregari, ac viri officio fungi, adstante interim e iudicibus quopiam, qui quidem esset natu maximus, fideque spectatissima, qui inspiceret, num Philosophum præstaret. Hæc ubi omnium risu fuissent excepta, neque quisquam omnino adesset, cui non doleret alius risu concussus, visum est, ut integra causa in Italiam rejiceretur. Et nunc alter, ut ajunt, ad eloquentiæ ostentationem semet exercet, atque instruit, & accusationem quam elaboratissimam meditatur, adulterii crimen aggre- diens, id quod ipsi maxime adversatur. Quod quidem & hic facit, juxta malorum Rhetorum morem, quum ex ipso crimine adversarium inter viros recenset. Contra Bagoas diversa cura, quemadmodum audio, & assidue virum agit, negotiumque præ manibus habet. Postremo victurum sese sperat, si modo docere possit, se nihilo deteriore esse equas ineuntibus asinis. Id enim amice visum est optimum Philosophiæ documentum, atque una demonstratio, quæ refelli non queat. Proinde optarim, ut filius qui mihi est adhuc admodum adolescens, non animum & linguam, sed penem haberet ad Philosophiam idoneum.

DE SACRIFICIIS.

ENIMVERO si quis recensere velit, quæ stultissimi mortales faciunt in sacris, in festis diebus, in adeundis salutandisque Diis, tum quas res ab illis petant, quæ vota faciant, cujuscumque sint, quæ de illis sentiunt, statuuntque, equidem haud scio, sit ne quisquam animo curis ita confecto, usque adeo mœsto quin risurus sit, ubi perpenderit negotii tum absurditatem, tum amentiam.

At multo ante quam ridere incipiat, opinor secum illud expendet: utrum pios istos appellari conveniat, an contra Diis inimicos, atque infelices, ac Genios malos, qui quidem numen ipsum rem usque adeo humilem atque abjectam existimant esse, ut humanis egeat obsequiis, utque adulatione capiatur ac gaudeat: rursum ut stomachetur, atque iracunde ferat, si negligatur. Nam Ætolica illa mala, simulque Calydoniorum calamitates, totque hominum cædes, ad hæc & Meleagri interitum, hæc omnia a Diana auctore profecta esse prædicant, quæ videlicet graviter ferret, quod ab Oeneo non esset ad sacrificium adhibita. Usque adeo nimirum alte dolor hic animo illius infederat, quod sacris epulis esset frustrata. Quin illam jam mihi videre videor, ut erat id temporis, in cœlo solitariam, reliquis Diis ad Oenei convivium profectis foras, miseris modis gerentem sese, ac miserabiliter ejulantem, quod ab ejuscumque festo esset absutura. Contra Æthiopes illos fortunatos, ac multis modis felices quis dixerit, si modo Jupiter illis gratiam referret pro humanitate, quam in initio Poematis Homerici ipsum exhibuerant, duodecim perpetuos dies epulis acceptum, idque quum reliquis etiam Diis comitatus ad convivium veniret.

A Usque adeo nihil ut apparet, quicquid faciunt illi, gratis faciunt: verum sua bona vendunt mortalibus, atque emere quidem ab illis licet omnia, puta bonam valetudinem bucula, divitias bobus quatuor, tum regnum bobus centum. Præterea sospitem ab Troja in Pylum reditum tauris novem. Jam ex Aulide ad Ilium transmittendi facultatem regia puella. Nam alius quidam, ne id temporis urbs caperetur, a Minerva mercatus est bobus duodecim, ac peplo. Verisimile est autem, esse præterea quædam, quæ vel gallo, vel corolla, vel solo thure ab illis redimi queant. Hæc igitur quum non ignoraret, opinor, Chryses ille, utpote tum sacerdos, tum senex, divinarumque rerum egregie peritus, posteaquam re infecta redisset ab Agamemnone, tanquam qui pridem Apollini mutuum dedisset beneficium, ita nunc imputat ac reposcit vicem, quin conviciatur etiam propemodum, nempe quum sic ait: Equidem, Apollo egregie, templum tuum, quum id temporis adhuc esset incoronatum, sæpenumero coronis ornavi, deinde tam multas tibi in aris adolevi coxas taurorum, pariter atque caprarum. At tu contra, me negligis, quum hujusmodi patiar injurias, proque nihilo ducis hominem bene de te meritum. Qua quidem oratione in tantum ille pudefactus est, ut protinus arrepto arcu, ac supra navium stationem sese collocans, pestem in Græcorum copias jacularetur, ne mulis quidem & canibus intactis.

Sed quoniam de Apolline incidit mentio, referam de eodem & alia, quæ de illo sapientes isti tradunt, non illa quidem, quoties quam infelicitate amari, non Hyacinthi cædem, neque Daphnes superbiam, verum quemadmodum damnatus etiam fuerit, & ob Cyclopes interfectos in exilium exactus. Unde factum, ut e cœlo in terram demitteretur, humana jam sorte usus, nostrisque malis factus obnoxius. Præterea autem quemadmodum in Thessalia mercenariam operam suam locarit apud Admetum, tum item in Phrygia apud Laomedontem, atque apud hunc quidem haud solus, verum cum Neptuno, quum ambo propter egestatem lateres componerent, inque construendis mœnibus operam præstarent. Ac ne mercedem quidem solidam a Phryge illo tulerunt, verum debebat illis adhuc de summa, ut ferunt, plus triginta drachmas Trojani numismatis.

Quid enim? An non hæc in Deorum honorem fabulantur Poetæ? atque his etiam multo diviniora de Neptuno, de Prometheo, de Saturno, de Rhea, denique de universa ferme Jovis familia, idque invocatis, ut adsint canentibus in exordio Poematum, Musis, a quibus tandem velut afflati numine, id quod apparet, hujusmodi quædam cantant. Quemadmodum Saturnus ut primum cœlum patrem suum executisset, ipse in eo regnavit, deinde liberos suos devoravit, sicuti ferunt fecisse & Argivum illum Thyestem. Deinde quemadmodum Jupiter furtim occultatus a Rhea, factum pueri loco subiciente, in Cretam sit ablegatus, atque inibi a capella nutrice sit alitus, itidem videlicet, ut Telephus a cerva, Cyrus Persæ, is qui prior regnavit, a cane narratur enutritus. Postea quemadmodum expulso patre, atque in vincula coniecto, ipse potitus sit imperio. Duxerat autem uxores complures quidem alias: sed postremo loco Junonem germanam, idque juxta Persarum & Assyriorum institutum. Tum autem quod esset in amores propensus, atque in Venerem effusus, facile cœlum liberis expleverit. Quorum alios ex suæ sortis Deabus creavit: alios contra nothos, ex mortali terrestrique genere sustulerit. Quum interim generosus ille, nunc in aurum, nunc in taurum, nunc in cygnum aut aquilam verteretur: ac in summa plures sibi formas assumeret, quam vel Proteus ipse. Porro Minervam e suo ipsius capite progeniit, hanc plane sub ipso cerebro complexus. Nam Bacchum imperfectum adhuc (ut ajunt) e matre etiamnum conflagrante surreptum, in suum femur illatum defodit. Deinde urgente partu, excucit.

Nec his dissimilia de Junone etiam canunt. Nempe hanc citra virilem congressum, subventaneo conceptu gravidam puerum edidisse Vulcanum: atque eum quidem non admodum fortunatum, verum excusorem ac fabrum ararium: quique perpetuo tum in igni, tum in fumo versetur, ac scintillis oppletum: quippe cujus ars in fornacibus exerceatur. Tum autem ne pedibus quidem integris: claudicare enim e ruina, quum a Jove præceps datus esset e cœlo. Quod ni Lemni pro sua bonitate eum, dum adhuc ferretur in aere, suscepissent, perierat nobis Vulcanus: non aliter quam A-

styanax e turri dejectus. Quanquam quæ de Vulcano nar-
rant, toleranda videantur.

Cæterum de Prometheo, cui non cognitum est, quam
atrocia sit passus, propterea quod supra modum humanæ
gentis amans fuerit? Siquidem hunc Jupiter in Scythiam
deportatum, super Caucasum montem cruci suffixit: adhi-
bita illi aquila, quæ jecur illius assidue circumroderet. Hic
itaque poenas pendit. Porro Rheia (nam sunt hæc quoque
simul referenda) an non indecore, atque indigne facit? Jam
anus quum sit, & ætate exacta, iisque rebus intempestiva:
deinde tam multorum mater Deorum, dum pueros adhuc
adamat, eosque zelotypia prosequitur: dumque Atten ipsum
leonibus secum circumvehat, præsertim quum jam utilis
esse non queat? Itaque quinam post hac vitio vertat aliquis,
vel Veneri quod adulteretur, vel Dianæ quod ad Endymio-
nem frequenter medio e cursu divertens descendat?

Sed age missas faciamus has fabulas: atque ipsum coelum
conscendamus, Poetico illo more subvolantes: ea nimirum
via, quam unam pariter cum Homero Hesiodus common-
strat, contemplaturi, quem in modum singula apud illos
sint ordinata. Ac primum quidem quod forinsecus sit fer-
reum: vel ab Homero, qui id ante nostram ætatem dixit,
audivimus. Quod si superaris, ac sublato paulum capite sur-
sum aspexeris, ac plane in ipsum quasi dorsum perveneris,
ibi simul & lumen apparet candidius, & serenior sol, & astra
fulgentiora, nihilque usquam oculis occurrit nisi clarus dies,
ac solum undique aureum. Cæterum introgredienti, primo
loco manstant Horæ: quippe portas servant. Post eas Iris
ac Mercurius: utpote ministri Jovis & internuncii. Deinde
Vulcani fabrilis officina, omnigeno referta artificio. Postea
Deorum ædes, ac Jovis ipsius regia: quæ quidem omnia
Vulcanus pulcherrime fabricatus sit. At vero Dii juxta Jo-
vem affidentes (convenit enim opinor, ut in supernis illis
sedibus magno strepitu, fastuque vivatur) in terram despi-
ciunt: & quoquo versum intento capite, circumspiciunt,
sic unde subvolantem ignem videant, aut nidorem in aëre
furgentem, circaque fumum rotantem sese.

Quod si quis forte sacrum faciat, epulantur omnes fumo
inhiantes, ac muscarum in morem sanguinem exsurgentes
circum aras effusum. Alioqui si domi cibum capiant, ne-
ctare atque ambrosia victitant. Nam olim homines etiam
ab illis in convivium sunt adhibiti, unaque cum eis pota-
runt: nempe Ixion ac Tantalus: verum illi quoniam vinum &
raptum pararent, essentque futiles & garruli: ob id in hunc
quoque diem poenas luunt. Porro reliquo mortalium gene-
ri coelum jam inaccessum est, atque occultum.

Et in hunc quidem modum vivitur a Diis. Proinde vide-
licet & jam mortales ipsi in colendis illis consimilia quædam
atque istis consentanea moliantur. Nam primum lucos illis
attribuerunt, tum & montes dicarunt, præterea aves con-
secrarunt: deinde suam cuique arborem assignarunt. His fa-
ctis per regiones illos distributos colunt, eosque velut in ci-
vitatem suam receptant. Nempe Apollinem Delphi De-
liique: Minervam Atheniensis: quæ quidem Græcis Athe-
na dicta, vel ipso vocabulo se ei Reipublicæ familiarem esse
testatur. Argivi Junonem: Mygdonii Rheam: Venerem
Paphii.

Rursum autem Cretenses Jovem affirmant, non modo
vixisse apud sese, nutritumque fuisse: verum etiam sepul-
chrum illius ostendunt. At nos scilicet interim tam multis
jam seculis fallimur: qui quidem opinemur Jovem tonare,
pluere, reliquaque omnia peragere. Et illud nos latuit, cum
jam olim fuisse defunctum, & apud Cretenses sepultum.

Deinde vero fanis in honorem illorum erectis, ne tectis,
videlicet, aut penatibus careant, formas illorum exprimunt,
adhibito ad id vel Praxitele, vel Polycleto, vel Phidia. At hi
quidem artifices, haud scio ubinam visam, eorum effigiem
representant. Ac Jovem quidem barbaturum fingunt. Apol-
linem vero semper puerum. Mercurium jam pubescentem,

primamque ducentem lanuginem. Neptunum nigro ca-
pillitio, cæcis oculis Minervam. Attamen qui templa in-
grediuntur, non jam arbitrantur sese videre, vel ebur ab In-
dis advectum, vel e Thracum venis effossum aurum: verum
ipsum Saturni Rheæque filium a Phidia in terram hospitem
adductum, jussuque Pisatorum in solitudine custodem
ac speculatorem assistere: idque hoc contentum præmio,
bonique consulenti, si intra quinque perpetuos annos
dum Olympia celebrantur, interim obiter illi sacrificet ali-
quis. Tum autem constitutis aris, designatis sacrorum se-
ptis, puris vasis collocatis, victimas offerunt: bovem arato-
rem agricola, agnum opilio, capram caparius. Est qui
thurs, est qui placentulam offerat. At si quis pauper: is ita
Deo litat, ut dexteram duntaxat suam ipsius excolletur.

Jam vero quum immolant (nam ad illos redeo) primum
sertis coronant pecudem, multoque ante explorant, num
legitima sit & sacris idonea: ne quid forte macent ex his,
quæ religio repudiat: deinde ad aram applicant, ac sub ocu-
lis Dei jugulant, flebile quiddam emugientem, beneque
sicuti licet conjicere, ominatam: denique voce jam leviori
ad sacri tibus respondentem. Quis vero non facile conjectet
gaudere Deos, quum ista spectant? Quin & in frontispicio
posita scriptura denunciat, ne quis intra pura vasa consistat,
qui manibus sit impuris. Atqui sacrificus ipse sanguine foe-
datus, neque aliter quam Cyclops ille pecudem incidit,
intestina educit, cor revellit, cruorem aræ circum-
fundit. Et quid tandem non obiens, peragensque quod ad
pietatem, sacrorumque ritum pertineat? Post omnia de-
mum incenso igni, capram ipsam pariter cum pelle depor-
tatam imponit: ipsam item cum lanis ovem. Nidor interim
ille, sacer atque divinus sursum fertur, atque in ipsum usque
coelum subvectus paulatim diffunditur.

Jam vero Scythæ reliquis omnibus hostiis omissis, ut quas
viles atque humiles existiment, ipsos homines macant Dia-
næ, atque eo ritu Deam placant. Verum hæc fortassis mo-
desta videantur: cumque his ea quæ factitant Assyrii, quæ
Phryges, quæ Lydi. Verum, si in Ægyptum profisciscar-
is: ibi demum, ibi videbis permulta religiosa, planeque
coelo digna. Puta Jovem arietem vultu: Mercurium illum
optimum facie canina: Panem vero totum hircum. Ad hæc
alium Ibim, alium Crocodilum, alium etiam Simiam. Quod
si his quoque de rebus

Quo plane pernosa queas didicisse libebit,

complures Sophistas audies: tum Scribas, ac Prophetas,
mento raso, qui tibi narrent, (Sed prius, ut dici solet, *Fe-
res occlude profane.*) Quemadmodum videlicet quondam ea
seditione territi, quam moverant hostes atque gigantes, in
Ægyptum devenerint: ut illic in posterum tuti ab hostibus
latitarent. Et ob eam causam alius hircum induerit, alius
arietem, nimirum præ formidine, alius feram, alius avem.
Atque hinc esse, ut Dii nunc etiam eas obtineant formas,
quas id temporis assumpserant. Nam hæc diligenter man-
data literis, idque ante annos plus decies mille in adytis illo-
rum reposita servantur. Porro sacrorum peragendorum
idem ferme apud illos ritus, nisi quod hostiam luctu prose-
quuntur: jamque macatæ circumfusi membra laniant. Sunt
qui sepeliant duntaxat, posteaquam occiderint. Nam Apis
ille, qui quidem Deus apud illos est maximus, si quando
moriatur, quis usque adeo magni faciat cæsariem suam, qui
non eam detondeat, ac nudo capite luctum præ se ferat:
etiam si vel purpuream Nisi comam habuerit? Est autem
hic Apis Deus ex armento jam antea suffragiis designatus:
utpote multo formosior ac venerabilior reliquis illis privatis
& gregariis bubus. Hæc igitur quum sic habeant, & tamen
a vulgo vera, seriaque credantur: mihi quidem postulare vi-
dentur, non qui reprehendant: sed vel Heraclitum potius
aliquem, vel Democritum: quorum hic amentiam eorum
rideat, ille deploret inscitiam.

DESIDERIUS ERASMUS ROTTERODAMUS
JOANNI EUTYCHIO
S U O, S. D.



QUANQUAM hic Luciani Dialogus, Eutychi doctissime, plurimum habeat artis, ob decorum mire servatum in personis tam multis, tamque diversis: tamen aliquot repperi, qui dicerent esse premendum, quod liberius ac velut ἐξ ἀνάγκης Philosophorum omne genus laceret. At mihi videtur justius esse stomachandum in hujus seculi mores, quo videmus Philosophorum ac Theologorum scholas multo puerilius etiam inter se dissidere: nec minus atrociter digladiari, tum inter religionis professores nihilominus cruentam esse pugnam, quam in eo convivio fuisse Lucianus, vel finxit, vel retulit. Hunc igitur libellum, quoniam forte ἀδίσποτον repperi, & tamen patrono videbatur egere, Eutychio dicavi. Bene vale, καλὴν ὑγίαν, ut plane sis quod diceris. Antverpiæ, Anno M D XVII.

CONVIVIVM SEV LAPITHÆ, PHILON, LVCIANVS.



PHILON. OVAM quandam & variam disputationem, Luciane, vobis fuisse narrant, super coenam apud Aristanetum: tum philosophicos quosdam sermones dictos, ac super his summam contentionem exortam fuisse, Quod ni mentitus est Charinus, etiam ad vulnera usque rem processisse: denique sanguine confictum fuisse diremptum. L v c. Atqui undenam, Philon, ista rescivit Charinus? neque enim is nobiscum aderat in convivio. PHIL. E Dionico Medico ajebat audisse sese: Porro Dionicus etiam ipse conviviarum numero fuit opinor. L v c. Fuit maxime. Verum ne is quidem ab initio rebus omnibus fuit præsens: sed serius advenerat, media ferme pugna, pauloque ante vulnera. Proinde demiror, si quid comperti, certive referre potuit, qui non ordine spectarit illa, unde inter illos nata lis, postea ad sanguinem ulque deducta est. PHIL. Proinde, Luciane, Charinus, etiam ipse si rem compertius vellem cognoscere, & quo singula modo sint gesta doceri, te adirem jussit. Nam Dionicum etiam ipsum falsum fuisse: ne se quidem toti negotio præsentem adfuisse. Te vero quicquid esset actum, id omne comperto certoque scire: tum etiam quæ dicta inter illos fuerint, meminisse: quippe qui ejusmodi non obiter neque neglectim audire, sed per ocium quod attente auscultari sis solitus. Proinde nunquam effugies, quin nos hoc suavissimo accipias epulo: quo mihi quidem haud scio an ullum possit accidere jucundius: præsertim quod sobrii per ocium tuto ac citra sanguinem, extraqueteli, quod ajunt, jactum constituti sumus epulaturi,

*Sive senes aliquid,
Sive etiam juvenes*

} Super coenam sunt debacchati, a mero compulsi sunt, quæ neutiquam fas erat, tum dicere, tum facere. L v c. Juvenilius tu quidem Philon, atque inconsultius hæc nos jubes in vulgus efferre, eaque referre, quæ inter pocula ab ebriis sunt acta: quam hæc magis oporteat oblivioni tradere, eaque omnia Baccho Deo velut auctori imputare: qui quidem haud scio an quemquam suis non afflatum Orgiis, & Bacchanalium expertem præterierit. Proinde vide ne hominis sit parum beate morati, ejusmodi adamussim exquirere: quæ rectius erat in convivio reliquisse, atque ita discedere, Siquidem odi (sicut inquit versus Poeticus) memorem compotorem. Ne a Dionico quidem recte factum, qui hæc apud Charinum effutiverit, immo dicamque & pridianam disparit temulentiam hominum Philosophorum. Cæterum ego absit ut istiusmodi quippiam sim dicturus. PHIL. Nugas agis, Luciane, quum ista dicis. Quin haudquaquam oportebat ad istum modum apud me præsertim agere: ut qui certo sciam, te multo cupidiorum esse narrandi, quam ego sim audiendi: adeo ut mihi videaris, si desint qui te audiant, vel ad columnam aliquam, aut statum libenter accessurus, quo cuncta pariter evomas. Quod si nunc coner discedere, non fines, ni te prius audiero, abire: verum ultro aderis, confectabere, rogabis. At tum ego te vicissim lusero. Jamque adeo, si ita vis, abito ex alio quopiam hæc eadem audiri. Tu verone dicito. L v c. Age ne quid succenseas: equidem dico me, quandoquidem ulque adeo cupidus es audiendi: verum heus ea lege, ne passim in vulgus efferas. PHIL. Ni prorsus ignoro Lucianum, tute istuc potius feceris. Nam prior ipse denar-

A rabis omnibus, ut me quidem ad id nihil futurum sit opus. Sed illud mihi primo responde loco: Aristanetus, num filio Zenoni dabit uxorem, atque ita in nuptiis ejus vos accepit? L v c. Non: imo filiam suam elocavit Cleantidem, idque Eucriti nummularii filio, qui Philosophiæ dat operam. PHIL. Formoso admodum per Jovem adolescentulo: tamen et si tenero adhuc & uxoriæ rei non admodum maturo. L v c. Verum: at non inveniebat, opinor, alterum generum magis idoneum. Hunc igitur qui tum modestus videretur, tum ad Philosophiæ studium propensus: præterea autem unicus Eucriti divitis, ex omnibus delegit filia suæ maritum. PHIL. Causam neutiquam levem dixisti, nempe quia dives sit Eucritus. Verum heus Luciane, quinam erant convivæ? L v c. Reliquos illos quorum attinuerit tibi recensere? Verum e Philosophorum numero, ac litteratorum, quos potissimum opinor, audire cupis: Zenothemis erat, senex ille Stoicus: unaque cum hoc Diphilus, cui cognomen Labyrinthus: & hic quidem quod esset Zenoni Aristaneti filio præceptor. Deinde Peripateticæ factionis Cleodemus: nostri hominem, nempe, dicam illum & argutum, atque ad refellendum instructum. Discipuli gladium ac bipennem nominant. Quin & Hermon aderat Epicureus. Verum hunc quum ingrederetur, Stoici torvis obtuebantur oculis, & averfabantur, palamque perinde quasi parricidam quempiam atque impium ac funestum detestabantur. Et hi quidem tanquam Aristaneti ipsius amici, familiareque fuerant ad coenam vocati, quos comitabatur & Istiaz Grammaticus, & Dionysodorus Rhetor. Jam vero propter sponsum Chæream una cum illo ad convivium accesserant, Jonille Platonius: quod is juveni præceptor esset, vir venerandus aspectu, ac majestatis quiddam præ se ferens, multumque dignitatis ipso ostendens ore: Unde nonnulli propter animi constantiam ac rectitudinem regulam illum appellat. Huic simul ut ingrediebatur assurgebant omnes, ac veluti præcipuum quendam ac primarium hominem comiter atque officiose exceperunt: adeo ut plane numen aliquod advenire videretur, quum adesset Jon admirandus ille. Tandem vero, quum jam omnes ferme convivæ præsentesset, tempus erat ut discumberetur. Itaque ad dextram ingressus totam illam spondam mulieres (erant autem complures) occupabant. Inter quas erat & sponsa summo studio culta: hinc atque hinc stipata sceminis. Porro ex adverso ostii altera turba, pro cuiusque dignitate locis distributis. Porro e regione mulierum primo loco accumbebat Eucritus, secundo Aristanetus: sub hæc ambigi coeptum, utrum altero priorem porteret accumbere, Zenothemem ne Stoicum, quippe senem: an Hermonem Epicureum. Nam hic erat Castoris ac Pollucis sacerdos: tum autem nobilissimæ inter cives familiar. Verum eam hæsitacionem sustulit Zenothemis: si me, inquit, Aristanete, minoris ducis Hermone, viro videlicet isto, ut ne quid aliud mali dicam, Epicureo, discedo, totumque convivium vobis relinquo. Et puerum protinus advocat, discedere parans. Tum Hermon. Imo habeto, inquit, tibi priores partes Zenothemi. Quanquam etiam si nihil aliud, vel hoc nomine par erat concedi, quod sacerdos sum, ut plane contemnas Epicurum. Rideo, inquit Zenothemis, sacerdotem Epicureum. Simulque cum dicto accumbebat. Post hunc tamen Hermon. Deinde Cleodemus Peripateticus: pone hunc, Jon, proxime hunc sponsum: post eum ego, juxta me Diphilus, huic assidebat Zenon discipulus: postremo Rhetor Dionysodorus cum Istia Grammatico.

Tem. I. X 3

tico.

331

tico. PHIL. Papæ, Lucianæ, Musarum conventum quendam mihi narras fuisse istud convivium, quippe plurimis sapientibus ac doctis viris refertum. Ego vero laudo Aristænetum, qui quum optatissimam illam, ac splendidissimam solennitatem celebraret, præ cæteris sapientissimos viros adhibere voluerit: idque adeo delectis ex unaquaque Philosophiæ secta præcipuis, non hos advocans, illos præteriens: verum promiscue vocans omneis. L V C. Is vero nequaquam est e vulgari istorum divitum numero, verum & literarum est studiosus, ac maximam vitæ partem in his rebus verfatur. Coenabamus igitur initio quidem taciti & quieti, variusque erat apparatus & omnijugus. Neque enim arbitror operæ precium, ut numero recenscam etiam illa condimenta, cupedias, aromata, atque id genus illectamenta. Cuncta siquidem affatim suppetebant. Inter hæc Cleodemus, admoto ad Jonis aurem ore: non vides, inquit, senem illum, Zenothemim dicebat, (subauscultabam enim) ut sese opsoniis ingurgitat, utque jure vestem opplevit: tum quam multa puero a tergo stanti porrigit, putans interim se aliorum oculos fallere: neque meminit post sese accumbentium? Hæc igitur fac & Luciano commonitres, quo testis esse possit. Mihi vero nihil Jone monstratore opus erat: quippe qui hæc multo ante limis jam oculis prævideram. Hæc simul atque dixisset Cleodemus: irruit in convivium & Alcidas Cynicus: atque is quidem invocatus, vulgatum illud festivitatis gratia præfatus de Menelao, qui ultro ad fratris convivium accessisset. Itaque plerisque turpiter atque impudenter visus est fecisse: & quod cuique tum forte in mentem veniebat, in eum torquebant, alius illud: *Injanis Menelae. Alius rursum:*

Verum Agamemnonia menti non ista placebant.

Ad hæc alia quæ pro tempore falsæ, lepideque dici poterant, in eum obmurmurabant. Nam palam nullus audebat quicquam dicere, propterea quod metuerent Alcidas tantem, utpote convitiatorem egregium, unumque e Cynicis omnibus clamorissimum. Qua quidem re adeo visus est reliquis antecellere, ut nulli non esset formidandus. At Aristænetus collaudatum illum quod invocatus advenisset, jussit accepta sella, juxta Istiazum ac Dionysodorum accumbere. At ille: Apage, inquit, muliebre quiddam ac molledicis uti in scamno aut sella sedeam quemadmodum facitis vos, molibus in stratis pene supini recumbentes, purpura suffulti. Quin ego tibi vel stans coenavero in ipso interim convivio etiam obambulans. Quod si defatigatus fuero: tum humi substrato pallio, cubito innixus cubuero: qualem videlicet Herculem pingunt. Ita fiat, inquit Aristænetus, siquidem isthuc mavis. Sub hæc Alcidas in orbem convivium lustrans, coenabat, Scytharum ritu ad uberiora pascua subinde sese transferens, unaque cum his qui inferebant edulia, circumiens atque obambulans. Atque interim tamen dum cibum caperet, haudquaquam negotio vacabat, de virtute obiter, de vitio differens, tum in aurum atque argentum dicteria jaculans: jamque Aristænetum percontabatur, quidnam sibi vellent tam multa, tam magna pocula, quum non minus usui possent esse fictilia? Verum Aristænetus jam obturbantem, molestumque esse pergentem, in præfens quidem compescuit: ministro innuens ut ingentem calicem, infuso meracissimo vino, illi porrigeret. Atque id quidem visus est optime excogitasse: nondum etiam intelligens, quantorum malorum is calix esset auctor futurus. Hunc igitur ut accepisset Alcidas, aliquantisper silentium agebat. Ac solo sternens sese cubabat seminudus, quemadmodum facturum sese fuerat pollicitus, cubito humi fixo innitens, simulque dextra scyphum sustinens: qualem Herculem apud Pholum pictores effingunt. Jam vero & inter alios calix assidue circumagebatur, tum invitatiuncula ad bibendum, & confabulationes ortæ, demum & lucernæ illatæ. Interim ego quum puerum, qui juxta Cleodemum adstabat (erat autem is pocillator egregie formosus) subridentem vidissem (nam arbitror, quicquid obiter inter coenandum obtigit, commemorari oportere: maxime, si quid sit elegantius ac scite factum) jam admodum attentus observare coepi, quidnam rei rideret. Ac paulopost, accedebat puer tanquam calicem a Cleodemo recepturus. At ille simul & digitum illius substringebat, & drachmas puto duas una cum calice tradebat. Porro puer, ad substrictum digitum rursus ardebat. Cæterum, de pecunia, quum non sensisset opinor, eo-

que non reciperet, in terram delapsis drachimis strepitus est concitatus, moxque ambo pariter rubore suffundebantur, idque ita palam, ut nemo non animadverteret. Ambigebatur igitur inter eos qui proxime sedebant, cujusnam essent illi nummi, quum & puer negaret a se projectos, & Cleodemus item, juxta quem strepitus acciderat, sibi excidisse dissimularet. Verum ea res tum neglecta est, ac conniventer omissa, propterea quod id quod acciderat, non ita multi vidissent, præter unum (ut mihi quidem visum est) Aristænetum. Nam is paulopost puerum loco movit, clanculum ablegans, & alii cuidam innuit, uti Cleodemo pocillator assisteret, videlicet, ex exoletis illis, ac robustis, mulioni, aut equisoni cuiquam. Ad hunc modum ea res utcunque abiit, summum alioqui allatura pudorem Cleodemo, siquidem ad omnes permanisset, ac non protinus occupans Aristænetus eam sopisset, civiliter dextreque adm. dum inducta temulentia. Cæterum Alcidas (jam enim potus erat) percontatus, quidnam esset nomen puellæ nubenti, tum clara voce indicto silentio simul, & ad fœminas converso vultu: præbibo, inquit, tibi Cleanthi, Herculis Archegetæ omine. Sub hæc quum risissent omnes: Ridetis, inquit, sacrilegi, quod sponiæ, Herculis Dei mei nomine propinaverim? Imo illud scito opus est, ni scyphum a me traditum accipiat, nunquam futurum, ut illi filius obtingat talis, qualis ego sum, virtute interitus, animo liber, tum corpore adeo robusto: simulque cum dicto, sese magis etiam renudabat, etiam usque ad illa quæ sunt maxime pudenda. Ad ea quum iterum arrisissent convivæ, indignatus ille surrexit, torvis jam atque efferatis obtuens oculis, vultuque ipso testans jam neque pacem, neque quietem acturum amplius. Forsitan & baculum illisisset alicui, ni commodum id temporis placenta prægrandis fuisset illata. Nam hanc simul atque conspexit, lenior ac mitior esse coepit, ac stomachari desiit: obambulans interim ac placentam avidè vorans. Jam verò plerique temulenti esse coeperant, & clamoribus undique perstrepebat convivium. Nam & Dionysodorus Rhetorem illic agens, orationes quasdam pronunciabat, laudabatque a ministris, qui a tergo assistebant. Et Istiazus Grammaticus vicissim, qui post illum accumbebat, versuum centones quosdam recitabat, Pindari, Hesiodi, & Anacreontis carmina simul contextens atque confarcinans: ita ut ex omnibus unicam redderet cantilenam, oppido quam ridiculam, in primis autem illa, perinde quasi vaticinans, de his quæ postea acciderunt, *Commisere simul clypeos.*

Tum illud quoque,

Tum vero clamorque virum luctusque coortus.

At vero Zenothemis, libellum quempiam minutis conscriptum literulis, a puero acceptum legebat. Verum quum ii quorum partes erant edulia inferre, aliquantisper, ita ut solent, cessarent morarenturque: Aristænetus sedulo curans, ne vel id interea temporis, aut ociosum esset, aut voluptatis expers, accersitum intro Morionem jussit ridiculum aliquid vel dicere, vel facere, quo magis etiam exhilararentur convivæ. Moxque ingressus deformis quidam, de-raso capite, pauculos capillos in vertice gestans, eosque cristæ in morem erectos, hic saltabat, atque inter saltandum, quo majorem concitaret risum, rotatu sese circumagebat, distorquebatque. Tum cymbalo concussio, sonabat interim quiddam, linguam imitans Ægyptiorum. Postremo dicteria quædam jaculabatur in eos qui aderant. Ac reliqui scommate tacti ridebant. Verum ubi & in Alcidas tantem simile quiddam torfisset: catulum illum Melitæum appellans, indignatus ille (Jamdudum autem præ se ferebat, quod invideret illi, dum probaretur ac convivarum oculos retineret) abjecto pallio, ut secum luctaretur provocavit. Quod ni faceret, hunc, inquit, baculum tibi impingam. Atque ita miser ille Satyrion (nam id erat Morioni nomen) congressus cum eo, pancratio decertabat. Erat id spectaculi multo jucundissimum, quippe quum viderent hominem Philosophum cum Morione compositum, quum ferire, tum vicissim feriri. Proinde qui aderant partim pudore tangebantur, partim ridebant: donec jam ictus Alcidas, pugnam detrectaret, ab homuncione omnium plausu comprobato certamine superatus. Hæc igitur quum essent non mediocri risu excepta: ibi tandem ingressus & Dionicus Medicus haud multo post peractam concertationem: Ajebat autem in mora fuisse Polyprepontem tibicinem, dum hunc phre-

neſi correptum curandi gratia viſeret. Ac plane quiddam riſu dignum commemorabat. Dicebat enim in ædes illius veniſſe ſeſe ignarum etiam hominem jam eo morbo teneri. At illum protinus ſurrexiſſe, foribusque ocluſis, ac nudato gladio, tibias ipſas ſibi tradidiſſe, iiſque uti caneret juſſiſſe. Deinde ubi id non poſſet, illum percuſiſſe, ſcuticam ſublata manu geſtantem. Seſe porro in tanto periculo tale quiddam fuiſſe commentum. Nempe ad canendi certamen provocafſe hominem: idque ea lege ut victus præſcriptum certumque plagarum numerum acciperet. Ac ſeſe priore ceciniſſe, prave atque imperite: deinde traditis illi tibiis ſcuticam ab illo recepiſſe: gladium autem extemplo per fenestras in aream abjeciſſe. Dein quum minore jam discrimine cum illo luçtaretur, auxilio advocaſſe vicinos. Eos revulſiſſe belluam, atque ita illorum opera ſervatum ſeſe. Oſtendebat autem & plagarum veſtigia quædam: nonnullaque in facie tubera liventia. Ergo cum Dioniciſ ob hujusmodi fabulam non minus placuiſſet, quam Morio ipſe: proxime Iſtiæum reclinaſ ſeſe, de reliquis cenabat. Atque hic quidem haud abſque numine quodam nobis advenerat: Imo proriſum uſui futurus ad ea quæ poſtea contigerunt. Nam prodiens in medium convivium puer quidam, qui ſe ab Etoemocle Stoico venire diceret, epistolium quoddam adferens, ajebat ab hero ſibi mandatum, ut eo palam omnibus audientibus perlecto, ruriſ domum ſeſe recipe-ret. Hic igitur permittente Ariſtæneto, admotus ad lucernam legebat. PHIL. Num orationem, Luciane, in ſponſæ laudem compoſitam, aut carmen nuptiale: quod genus permulta faciunt? LVC. Videlicet nos quoque tale quippiam exiſtimabamus. Verum ne accedebat quidem ad id, ut ajunt. Cæterum in literis ita ſcriptum erat. Etoemocles Philoſophus Ariſtæneto. Quam non movear conviviis, omnis ante acta vita mea fuerit teſtis. Qui quidem quum quotidie mihi complures ea cauſa moleſti ſint, te multo ditiores, tamen haud unquam illis morem geſſi: perpendens nimirum, quantum ſit in ejuſmodi compotationibus tumultus, quantum licentiæ petulantiaque: verum adverſus unum te mihi videor meo jure ſtomachatus, qui tantum temporis a me officioſiſſime cultus & obſervatus, tamen indignum habueris, quem vel inter reliquos amicos tuos numerares, ſed ſolum ex omnibus præterieris, idque quum vicinus eſſem. Proinde tua cauſa magis diſcrucior, qui quidem te tamingratum præbueris. Nam ipſe felicitatem nequaquam in hoc ſtatu, ſi quis mihi impartiat, vel ſuem ſylveſtrem, vel leporem, vel placentam, quæ mihi aſſatim contingunt apud alios, qui officia norunt. Quandoquidem etiam hodie quum apud diſcipulum Pammenem cenare mihi licuerit, opiparam (ut vocant) cenam, non annui tamen vehementer obſecranti, tibi ſcilicet demens ego, memetiſum reſervans. At tu nobis præteritis, alios accipis convivio. Idque merito facis, neque enim ullo modo potes quid ſit rectius dignoſcere, nec apprehenſivam illam phantaſiam habes. Cæterum haud ſum neſcius, unde mihi iſta ſint proſecta: nempe ab egregiis iſtis Philoſophis tuis Zenothemide ac Labyrintho. Quibus equidem (abſit invidia dicto) vel unico ſyllogiſmo mihi videor os protinus obturare poſſe. Alioqui reſpondeat iſtorum aliquis quid ſit Philoſophia, aut hæc quæ inter elementa traduntur: quid habitio differat ab habitu, ut ne quid interim de perplexis illis rogationibus proponam: quid ſit ſyllogiſmus cornutus: quid acervalis, quid metens. Verum tu quidem iſtis fruaris licet. Nam ego, qui ſolum in bonis ducam quod ſit honeſtum, facile tulero contumeliæ. Atqui ne poſſis poſthac ad iſtam excuſationem confugere, ut dicas te mei oblitum fuiſſe: nimirum in tanto rerum ſtrepitu, tantiſque occupationibus: bis te hodie ſum alloquutus, primum mane domi tuæ: ruriſ in Caſtoris ac Pollucis templo rem divinam facientem. Ac his quidem de rebus hæc reſponderim. Quod ſi tibi videor cenæ gratia ſuccenſere: quid Oeneo acciderit cogitato. Videbis nimirum ipſam etiam Dianam indignanter, quod ille ſe ſolam non adhibuerit ad ſacrificium, quum reliquos Deos omneis acciperet convivio. Nam hac de re ſic alicubi meminit Homerus:

ſeu quia non norat, ſeu non ſuccurrerat illi:

Acriſter eſt offeſſa tamen.

Item Euripides:

Calydon quidem hæc Pelopeji regio ſoli:

Qua parte ſævum ſpectat adverſa fretum

Agros habens, tum divites, tum fertiles.

A Ruriſ Sophocles,

Immanis apri triſte monſtrum, in Oenei

Immiſit agros gnata Latona Dea

Doſta eminus miſſis ferire ſpiculis.

Hæc tibi e plurimis pauca citavi, ut intelligeres, cujuſmodi præterito viro Diphilum ad cenam adhibeas, cui & ipſi filium commiſeris tuum. Idque recte. Eſt enim jucundus adoleſcenti, & ita cum eo vivit, ut placeat, atque obſequatur: atque adeo ni mihi turpe dictu fuerat, addidiſſem & aliud quiddam. Quod quidem tu, ſi libebit, e Zopyro ejus pædagogo verum eſſe cognosces. Verum non convenit obturbare in nuptiis, neque accuſare quenquam: præſertim criminibus ulque adeo foedis ac pudendis. Tametſi Diphilus dignus in quem facerem: quippe qui duos jam diſcipulos a me retraxerit: ego tamen ipſius Philoſophiæ cauſa reticebo. Porro famulo huic mandavi, uti ſi quam partem dare velles, vel apri, vel cervi, vel placentæ, mihi deportandam: ut iſtuc pacto te mihi de cenâ purgares, ne reciperet, ne ad hoc ipſum a nobis miſſus fuiſſe videatur. Hæc amice quum legerentur, ſudor interim uniſque mihi manabat præ pudore: ſimulque jam illud quod vulgo dici ſolatum eſt, optabam, ut terra mihi dehiſceret: quum viderem eos qui præſentes aderant ad ſingulas Epistolæ partes inter ſe ridentes, potiſſimum autem hos, qui noverant Etoemoclem virum canum, tantumque ſeveritatis præſeferentem. Admirabantur igitur quod ejuſmodi vir eſſet, hæcenus fugiſſe ſeſe, barba videlicet ac vultus auſteritate deceptos. Cæterum Ariſtænetum mihi quidem haud videbatur hominem contemptum negligentiae præteriſſe, verum quod deſperaret, ſi fuiſſet invitatus, unquam adduci poſſe, ut annueret: utque ad ejuſmodi reſ ſe morigerum præberet. Eoque ne tentandum quidem eſſe putafſe. Ergo poſtea quum puer jam legere deſuiſſet, univerſum convivium in Diphilum ac Zenonem torquebant oculos, quod hi jam metu trepidi ſederent, ac pallidi, ipſaque vultus inconstantia ac perplexitate crimen agnoſcentes, ab Etoemocle intentum. Porro Ariſtænetus quanquam eſſet ſane perturbatus, vehementerque conſternatus animo, tamen nos jubebat bibere, conans nimirum id quod evenerat, commode vertere, ſubridens interim. Ac puerum redire juſſit, reſpondens, ea ſibi curæ fore. Paulo autem poſt ſurgens & Zeno clanculum ſeſe abduxit e convivio, ſubmonitus a pædagogo, ut diſcederet inuente, idque tanquam patris juſſu. Ibi vero Cleodemus, qui jam dudum occaſionem quaeritabat, (Nam geſtiebat omnino cum Stoicis conſlictari, verum dirumpebatur, quod non reperiret cauſam ad id ſatis idoneam) tum igitur, anſam præbente episto-la: Hujusmodi, inquit, facit egregius ille Chryſippus & Zenon ille mirabilis, neque non Cleanthes, verbula miſera, neque quicquam præter rogatiunculas, & umbras duntaxat Philoſophorum. Cæterum Etoemocles ſunt plerique omnes. Videtis quam & ipſæ epistolæ graves ſint ac ſeniles. Poſtremo Ariſtænetus hic Oeneus eſt: Etoemocles Diana, Dii boni, quam bene auſpicata omnia, quamque congrua celebrandæ feſtivitati. Ita per Jovem, inquit Hermon, ſupra hunc accumbens: inaudierat autem, ut opinor, apud quendam Ariſtæneto paratum, ut in convivio proponeretur, eoque putabat non intempeſtive factam mentionem apri illius Calydonii: per lares Ariſtænete, fac quam primum ſacri partem mittas, ne ſenex interim ille fame pereat, tanquam Meleager taboſactus. Tametſi nihil queat acerbum accidere, quandoquidem Chryſippus hæc indifferen-tia cenſet eſſe. Itane vos Chryſippum nominatis, inquit Zenothemis, erigens ſeſe, maximaque voce intonans: an ex uno homine, qui non legitime Philoſophiam exerceat, nempe præſtigiatore iſto Etoemocle, Cleanthem ac Zenonem metimini, viros ſapientes? At qui tandem eſtis ipſi vos, qui hæc dicitis: an non tu Hermon Caſtoris & Pollucis cæſariem, quam habebant auream circumtondiſti? Cujus quidem facti poenam dabis carnifici traditus. Tu porro, Cleodemus, nonne Soſtrati diſcipuli tui uxorem ſtupraſti? Nonne in adultério eo deprehenſus nefandiſſima paſſus es? An non igitur ſilebitis, quum hujusmodi dedecorum vobis ſitis conſcii? Atqui non ſum meæ ipſius uxoris leno, Cleodemus, inquit, quemadmodum tu, neque diſcipuli diverſantur apud me viaticum ſuſtuli, quod is depofuerat, eoque facto rapuiſſe me per Palladem dejerans abnegavi, neque quaternis drachmis ſcœnero, neque diſcipulos obtorto collo in vincula duco, niſi in tempore mercedem perſolverint. Verum illud, inquit Zeno-

Zenothemis, haudquaquam possis inficias ire, te Critoni venenum quo patrem necaret ministrasse. Atque interea forte bibebat, quicquid autem erat in calice reliquum (erat autem ferme semiplenus) in duos illos profundeabat. Porro conspersus est pariter & Jon, idque præmii tulit, quod illis vicinus accumberet, alioqui eo malo non indignus. Hermon igitur demisso vertice merum e capite abstergebat, eos interim qui præsentibus erant attestans, quod id genus contumeliis esset affectus. Cleodemus autem quum non haberet calicem, invadens primum conspuebat Zenothemidi: deinde læva comprehensum a barba, plagam in tempus erat illisurus: ac senem fortasse necasset, ni Aristænetus dextram sublatam retinisset. Is mox transiens Zenothemide, inter utrumque mediis assedit, ut eo veluti muro dirempti, pacem inter ipsos agerent. Hæc igitur dum gerebantur, Philon, equidem varia meo cum animo volvebam. Primum illud statim occurrebat, nullum esse operæ precium, si quis disciplinas perdiscat, ni simul & vitæ rationes, ad id quod est optimum, accommodet atque componat: quum viderem illos qui verbis alios antecellerent, quam factis ipsis sese ridiculos exhiberent. Deinde & illud venebat in mentem, ne forte verum esset, quod vulgo plerique dictarent, videlicet eruditionem a recta ratione bonisque institutis abducere istos, qui solos libros spectarent, quique sollicitudine curaque quam illi adferrent, perpetuo tenerentur. Quandoquidem quum ibi tam multi præsentibus essent Philosophi, ne casu quidem ullum erat cernere a peccando immunem. Verum alii faciebant turpia, alii dicebant turpiora. Neque enim jam poteram eorum quæ fiebant culpam, vino auctori imputare: mecum reputans cujusmodi essent, quæ Eteocles, neque cibo neque potu etiam dum gustato, scripserat. Ita rerum vices præposteræ atque inversæ videbantur: siquidem vidisses idiotas illos summa cum modestia convivium agitantes, neque vino petulantes, neque indecore sese gerentes. At ridebant dubitabat: & jam damnabant eos opinor, quos dudum suspexerant, ex habitu judicantes eos alicujus esse precii. Contra sapientes illi, & in libidinem ferebantur, & conviciis certabant, & supra modum sese potu cibisque explebant: postremo vociferabantur & ad manus usque conferendas rapiabantur. Cæterum admirandus ille Alcidas, etiam meibat sub oculis omnium, nihil reveritus foeminas. Ac mihi quidem, si quis hæc quæ in eo convivio gerebantur rectissime voluisset conferre, simillima videbantur iis quæ de Eride Dea Poetæ fabulantur: nempe hanc, quod non esset ad Pelei nuptias advocata, malum in medium convivium abjecisse, ex quo tam ingens apud Trojam bellum fuerit ortum. Itidem Eteocles mihi visus est epistola illa, quasi malo quopiam in medium projecta, non minus malorum, quam Ilias habebat, excitaſſe. Neque enim finem contentionis faciebant Zenothemis ac Cleodemus: quanquam medius inter utrumque intercesserat Aristænetus. Age, inquit Cleodemus, in præsentiarum quidem sat est, si literas nescire convincamini: sed crastino die vos ulciscar, quibus conveniet modis. Responde mihi Zenothemi, vel tu, vel elegantissimus iste Diphilus: qua tandem gratia pecuniæ possessionem inter indifferentia ponendam esse censetis: cum ex omnibus nil aliud spectetis, quam ut ipsi quam plurimum pecuniæ possideatis? Atque ob id causæ, semper apud divites hæretis: foeneratis atque usuris incumbitis, neque non mercede docetis. Rursum cur voluptatem detestemini, atque hac de causâ Epicureos in jus vocetis: quum ipsi voluptatis gratia, turpissima tum facitis, tum patimini: indigne ferentes si quis vos non vocarit ad coenam, rursum si vocemini, non sat est tantum vorare ut cibo turgeatis, nisi & famulis tantum donetis. Atque hæc quum diceret, pariter & linteum revellere conatus est, quod Zenothemidis puer tenebat, omni carniū genere refertum: planeque futurum erat, ut apertum illud ac solutum medium in solum abjiceret, nisi quia puer non omittebat e manibus gnaviter adversus trahentem retinens. Hic Hermon: Euge Cleodeme, respondeant qua gratia dampnent voluptatem: quum ipsi supra cæteros omnes studeant voluptati? Quin magis, inquit Zenothemis, tu Cleodemus respondeto, quam obrem divitias inter indifferentia numeres. Imo tu potius. Atque hunc ad modum diutius est altercatum: donec Jon capite tandem in apertum prolato, desistite inquit: Ego si libet sermonum argumenta proponam in medium, convivio nuptiisque digna. Vos porro citra contentionem vicissim, & dicite & auscultate: quem admodum & apud Platonem nostrum, alternis dicendi vici-

bus res ut plurimum agitur. Id dictum probabant, quum omnes qui aderant, tum in primis Aristænetus atque Eucritus, nimirum in spem erecti, fore ut eo pacto ab odiosis illis contentionibus discedi posset. Et Aristænetus priorem in locum sese recepit, jam partem esse pacem ratus. Jamque nobis inferebatur ea convivii pars, absolutam coenam vocant, singulæ singulis aves, carnes aprugnæ, pulpa leporina, piscis Tagenicus, placentæ, breviter illa, quæcunque liberum est, seu velis in alvum condere: seu domum asportare malis. Apponebatur igitur, non sua cuique quadrula, verum Aristæneto atque Eucrito, eadem in parte mensæ, una ambobus communis, ita ut de sua utrique parte quæ se spectaret, esset edendum, aut tollendum. Deinde altera Zenothemidi Stoico, & Hermoni Epicureo, & his item inter ipsos communis. Deinceps Cleodemo atque Joni. Post hos sponso ac mihi. Porro Diphilo duorum pars apposita, propterea quod Zeno jam discesserat. Hæc tacito, Philon, uti memoria tenear. Nam paulopost, ad intellectum narrationis erunt usui. PHIL. Meminero sane. Lvc. Tum Jon, primus igitur exordiar inquit, si quidem videtur. Deinde ubi paulisper interfuisset: Conveniebat, inquit, fortassis, ut apud ejusmodi viros de ideis, atque incorporeis substantiis, deque animi immortalitate sermo haberetur, verum ne mihi contradicant ii qui diversam Philosophiæ sectam sequuntur, de nuptiis dicam, ea quæ congruunt. Atque illud quidem optimum fuerat futurum, si nuptiis opus non haberemus, sed Platonis ac Socratis dogma sequuti a foeminarum commercio nos penitus abdicaremus. Etenim qui ita fecissent, ii demum ad absolutam illam virtutem pertingere potuissent. Quod si viris omnino ducendæ sint uxores, ut eas juxta Platoniam sententiam inter se communes habeant, videlicet quo zelotypia vacemus. Hæc quum essent risu excepta, ut quæ nimis intempestive dicerentur, tum Dionysodorus, non tu defines, inquit, barbarica ista nobis occinere? Nam ubi zelotypiam istam reperias, aut apud quem? At tu etiam hircere audes, inquit, sterquilinum? Ad hæc Dionysodorus, opinor, jam erat convicia quæ conveniebat regesturus, verum Grammaticus Istæus vir optimus ille: Desinite inquit: Ego vobis epithalamion recitabo, simulque coepit legere. Erant autem Elegiaci versus hi, si satis memini:

*Nuper Aristæneti in adibus upica summo
Nutrita est studio diva Cleanthis hera.
Virginibus cunctis reliquis præstantior una
Vel potior Phæbe, vel posior Venere.
Salve tu juvenum valdissime sponse valentum,
Nereo prior, ac fortior Æacida.
At rursum vobis hoc carmen sæpius olim,
Commune ambobus conjugiale caram.*

Hæc ita ut est consentaneum, risus est consecutus. Reliquum erat, ut cibi tollerentur. Jamque tollebant Aristænetus, atque Eucritus ex his quæ sibi fuerant proposita suam uterque partem. Tum ego quæ mihi, & Chæreas item quæ sibi erant proposita. Eundem ad modum Jon & Cleodemus. Porro Diphilus etiam Zenonis digressi partem tollere parabat: affirmans uni sibi ea fuisse proposita: atque hac de causâ cum ministris dimicabat, ac vicissim inter sese trahebant manibus utrinque in avem injectis: non aliter quam Patrocli cadaver hinc atque illinc attrahere conantes. Postremo vicit ille, atque abstulit, plurimum interim risum præbens convivis: maxime quum eam ob rem postea graviter stomacharetur: perinde quasi atroci affectus injuria. Jam vero Zenothemis atque Hermon, qui pariter ut dictum est, accumbebant: alter superius, puta Zenothemis: alter infra hunc, reliqua quidem, quoniam æqualia fuerant apposita: citra pugnam sustulerant. Cæterum avis, quæ jacebat ad Hermonis partem, erat altera paulo pinguior: idque ita casu venerat, opinor. Jamque suam uterque sublaturus erat, ibi Zenothemis (sed tu mihi nunc quam maxime fac animum advertas, jam enim ad ipsum negotii caput pervenimus) Zenothemis inquam, omiſſa ea quæ sese spectabat, eam quæ ante Hermonem jacebat tollere est aggressus: quæ quidem (uti jam diximus) erat pinguiscula. At ille contra nitens utinebat, haud finens, ut ea in re potiores foret. Inter hæc clamore coorto utrique in alterum irruentes ipsis avibus facies mutuo cadebant: ac barbis invicem prehensis auxilio vocabant: hic quidem Cleodemus, puta Hermon: ille vero, nempe Zenothemis, Alcidas tantem ac Diphilum. At cæteri quidem ad partes accesserunt, partim hujus partim illius, præter unum

unum Jonem, qui sese neutrum atque ancipitem servabat. Cæterum illi invicem conferti pugnabant. Ac Zenothemis quidem scyphum e mensa sublatum, eum qui coram Aristæneto stabat, abjecit in Hermonem,

Atque hunc haud tetigit, alio sed flexus aberrat:

Verum sponsi caput dissecuit, alto gravissimoque vulnere. Itaque mulierum coorta vociferatio, quæ medium in prælium insiliebant: cum primis autem adolescentuli mater, quum jam sanguinem ejus aspexisset: præterea & sponsa metu territa, prostravit. Inter hæc Alcidas strenuum virum præstitit, quum Zenothemidi ferret opem, & illiso suo baculo, Cleodemus quidem calvariam, Hermonis vero maxillam comminuit: ad hæc e famulis aliquot opitulari parantes vulneravit. Quamquam illi nihil his rebus territi cesserunt. Verum Cleodemus intentato digito Zenothemidi oculum effodit: tum admotus narem mordicus avulsit. Porro Hermon Diphilum Zenothemidi suppetias ferre conatum, e sponda in terram præcipitem dedit. Sauciatus est & Istæus Grammaticus, dum interventu suo eos studet dirimere: calice videlicet in dentes illius illiso: idque a Cleodemo, quum hunc Diphilum esse credidisset, non Istæum. Jacebat igitur miser ille, juxta suum ipsius Homerum, Sanguinem ab ore vomens. Præterea tumultus atque lachrymarum plena undique erant omnia: dum & mulieres ejularent Chereæ sponso circumfusæ, dumque alii has student compescere. Porro maxima malorum omnium pars erat Alcidas, posteaquam semel ad suum redisset ingenium feriens, quicumque forte in ipsum incidisset. Neque vero pauci in eo prælio cecidissent, scito, ni baculum is fregisset. Ego porro juxta parietem erectus assistens, spectabam omnia, neque me ei negotio admiscebam, nimirum Istæi jam doctus exemplo, quam esset periculosum ejusmodi conflictus velle dirimere. Laphas itaque Centaurosque vidisset, everti mensas, effundi sanguinem, projici scyphos. Demum Alcidas subversa lucerna, magnas induxit tenebras. Jamque res ut est conjectu facile, atrocior etiam multo esse cœpit, præsertim quum haud esset proclive, luminis copiam alicunde recuperare, sed multa interim ac sæva patrata sunt in tenebris. Post ubi accederet, nescio quis lucernam tandem adportans, Alcidas quidem repertus est tibicinæ vestem sustollens, vique cum illa congregi pugnans. Dionysodorus autem in alio quodam ridiculo facinore deprehensus est. Nam ut surrexerat, scyphus e sinu illius elapsus in solum decidit, postea excusans aiebat, Jonem in tumultu calicem sublatum sibi tradidisse, ne periret. Id ita factum, Jon admodum sollicitè quasi patronum agens asseverabat. His rebus dimissum est convivium, a lachrymis denuo in ridiculum exitum conversum, idque Alcidas, Dionysodori, atque Jonis gratia. Porro qui erant faucii, sublati sarcinæ ritu, foras deportabantur miseris affecti modis, maxime senex ille Zenothemis, pariter tum oculo tum nare mutilatus, enecari se præ cruciatu clamitans: adeo ut Hermon, quamquam ne ipse quidem expers malorum, nam huic duo dentes fuerant excussi, palam attestaretur: Memineris, inquit, o Zenothemis, ne posthac dolorem in mediis habendum ducas. At sponsus jam vulnere a Dionico curato, domum reductus est fasciis revincto capite, eidem impositus vehiculo quo sponsam fuerat abducturus. Atque ita miser ille nuptias acerbis celebrarat. Deinde & aliis item Dionicus pro sua virili remedium adhibuerat. Postremo postquam jam dormierant, asportati sunt, plerique mediis in viis vomentes. Cæterum Alcidas inibi remanebat. Neque enim valebant hominem extrudere, posteaquam semel sese in spondam abjecerat, atque ibi transversus accubisset. Hic erat, o bone Philon, ejus exitus convivii, de quo rectissime illud dici possit, quod in fine Tragædiarum nunquam accinitur:

Sunt fortuna variis casus.

Plurima qua haud speraveris unquam

Ea conficiunt numina divum.

Rursum qua certo speraris,

Ea frustrato non contingunt.

Siquidem & hæc plane præter expectationem atque inopinato exierunt. Præterea & illud jam didici, non esse tutum, cui non sit opus, cum ejusmodi Philosophis agitare convivium.

DE ASTROLOGIA.

De cœlo, deque astris est nobis institutus sermo. Non de ipsis quidem astris, neque ipso de cœlo, verum de divinatione

ne ac veritate, quæ ab illis in hominum vitam proficitur. Neque rursum mihi libellus hic se traditurum aut docturum profertur, quo pacto divinationem hanc assequi liceat. Sed illud queror, doctos omnes cum in cæteris omnibus exerceant sese, suisque omnibus tradant, solam Astrologiam nec habere in precio, nec exercere. Atqui hoc doctrinæ genus vetustum est, neque nuper ad nos pervenit, sed inventum est præcorum Regum, quos Dii amabant. At hujus ætatis mortales non solum inscitia socordiaque, verum etiam odio laboris, diversa ab illis sentiunt. Cumque forte inciderint in eos, qui falsa prædicunt, tum & astra culpant, & ipsam Astrologiam habent exosam, neque salutarem eam, neque veridicam arbitrantur. Sed artem magis falsam atque inanem, haud recte, sicuti mihi quidem videtur, sentientes. Neque enim ob imperitiam fabri, ars ipsa culpatur, neque ob cantoris inscitiam, ipsa musica parum est erudita: quin illi potius artium sunt ignari. Cæterum ars unaquæque suapte natura scita est.

Primum igitur Æthiopes hanc rationem mortalibus tradiderunt. In causa fuit partim gentis ejus sapientia. Nam cæteris quoque in rebus Æthiopes reliquos homines antecellunt sapientia. Partim regionis quam incolunt opportunitas, propterea quod apud eos perpetua sit cœli serenitas, tranquillitasque, neque patiuntur anni mutationes, sed eadem temperie vivunt. Itaque cum primum viderent lunam non semper eodem vultu apparentem, sed varia subinde specie, & in aliam atque aliam verti formam, visa est illis ea res admiratione atque disquisitione digna. Deinde cum inquisissent, reppererunt hanc esse earum rerum causam, quod lunæ non esset lumen proprium, sed a sole mutuatum. Invenierunt autem & reliquarum stellarum motus, harum quas nos erroneos appellamus, nam stellarum hæc solæ moventur, naturamque earum ac potestatem, & effectus, quos unaquæque præstet, nominibus quoque inditis, non illis quidem utcumque visum est, confectis: sed quæ notæ rerum essent. Hæc igitur in cœlo perspexerunt Æthiopes, mox Ægyptiis finitimis artem imperfectam tradiderunt.

Porro Ægyptii divinandi rationem, quam ab illis dimidiatam acceperant, in majus provexerunt: quippe qui mensuram etiam, ad quam unaquæque stella moveretur, indicarent. Ad hæc annorum, mensium, horarumque numerum instituerunt. Ac menses quidem illi luna metiuntur, atque ejus recursum finiunt. Annum vero sole, & hujus circuitu metiuntur. Quin his etiam majora ostenderunt. Nam ex universo cœlo reliquique stellas, & errantibus & fixis, neque simul cum cæteris sese moventibus, duodecim partes effecerunt in his quæ moverentur, & unamquamque suis animantibus repræsentarunt, partim marinis, partim homine, partim feris, partim volatilibus, partim pecudibus. Unde & sacra Ægyptiorum varie fiunt. Neque enim omnes Ægyptii, ex omnibus duodecim partibus divinabant. Sed alii aliis utebantur partibus. Itaque arietem colunt, qui ad Arietem spectabant: piscibus non vescuntur, qui Pisces annotarant. Nec hircum maculant, qui Capricornum viderant, atque alii item alia venerabantur, quæ quisque invenerat. Quin taurum etiam, ob honorem cœlestis Tauri, colunt. Nam Apis apud illos, res in primis sacra, regionem sortitus est: & qui eam incolunt partem, oraculum quoque dicarunt, signum videlicet divinationis, quam a cœleste Tauro petunt. Ac non multo post Libyes quoque artem hanc sunt aggressi. Siquidem & oraculum quod est apud illos Ammonis, ad cœlum, & hujus sententiam refertur, juxta Ammonem, quem illi arietis specie fingunt.

Calluerunt autem hæc omnia & Babylonii, atque hi quidem affirmant se primos omnium fuisse. Verum ut ego existimo, multo posterius ad hos scientia pervenit. At vero Græci nec ab Æthiopibus, nec Ægyptiis de Astrologia quicquam audierunt. Verum illis Orpheus Oeagro Calliopeque prognatus, primus ista monstravit, non ille quidem admodum dilucide, neque rem clare docuit, sed præstigiis ac mysticis involucris obtexit. Sic enim illi visum est. Nam concinnata lyra, Orgia instituit, sacrasque cantiones decantabat. Porro lyra cum septem haberet chordas concentum mobilium stellarum repræsentabat. Hæc conquirens atque hæc agitando Orpheus, omnia delinebat, omniaque vincebat. Neque enim illam hominis lyram spectabant, neque illi alterius musices studium erat, verum hæc magna illa Orphei lyra. Hisce rebus cum Græci honorem habere vellent, locum illi in ipso cœlo designarunt, & complusculæ stellæ vocantur.

Tom. I.

Y can-

cantur Orphei lyra. Quod si quando Orpheum videris vel saxo expressum, vel coloribus effictum, sedet in medio, canenti similis, manibus tenens lyram. Circum hunc ahimantium innumera multitudo, inter quæ & homo & taurus & leo. Cumque horum singula videris, fac horum mihi memineris, cujusmodi sit illius cantus, cujusmodi lyra. Cujusmodi taurus & cujusmodi leo Orpheum audiant. Quod si eorum quæ dico, causas intelligas, tum & in cælo horum unumquodque contemplator. Fertur autem & Tiresia genere Bœotius, divinandi gloria multum celebris fuisse. Hunc Tiresiam ex Græcis ajunt dixisse, stellarum erraticarum alias esse foeminas, alias mares, non tamen eadem efficere. Unde eundem ancipiti quoque sexu fuisse fabulantur, aliquando foeminam, aliquando marem.

Porro Atreo & Thyeste de regno paterno decertantibus, jam tum maximam Astrologiæ, cœlestisque doctrinæ curam fuisse Græcis, palam est. Ac publico consensu statuerunt Argivi, ut uter scientia præcelleret, is imperio potiretur. Ibi Thyestes arietem illis in cælo demonstravit, atque hinc aureum arietem Thyestæ fuisse proditum est fabulis. At Atreus de sole, deque vario illius exortu locutus est, ostendens non eodem modo ferri solem & mundum, sed contrario inter se cursu rapi. Et qui nunc videtur occasus, cum sit occasus mundi, solis exortum esse. Hæc locutum Argivi Regem crearunt, magnamque doctrinæ laudem est affecutus.

Equidem & de Bellerophonte similia sentio. Nam alatum equum illi fuisse, non admodum credo. Verum arbitror illum hanc disciplinam sectantem, sublimiaque cogitantem, & inter astra versantem, in cœlum non equo ascendisse, sed animo. Eadem de Phryxo Athamantis filio dixerim, quem aureo ariete per aerem vectum fabulantur. Quin & ipsum sane Dædalum Atheniensem, etiam si res est nova auditu, tamen haud existimo eum ab Astrologia fuisse alienum. Sed cum ipse ea maxime est usus, tum filium suum eandem perdocuit. Ast Icarus cum juventutis calore & inscitia, non ea disquiret quæ conveniebant, sed ad ipsum usque polum animo tolleretur, delapsus est a vero, totaque aberravit arte, & in mare præceps decidit rerum immensæ profunditatis. De quo Græci secus fabulantur, qui ex hujus nomine sinum ejus maris Icarium frustra vocant. Fieri potest, ut Palisphae quoque cum ex Dædalo de Tauro adisset inter stellas apparente, deque ipsa Astrologia, in artis amorem inciderit, ob id existimant factum, ut Dædalus illam tauro copularit.

Sunt autem qui scientiam in portiones partiti in singulis partibus singuli elaborarint, alii in iis quæ ad lunam, alii quæ ad Jovem, alii quæ ad solem pertinent congerentes, neque non cursum, ac motum & vim illorum. Atque Endymion lunæ rationem tradidit. Phaethon solis cursum deprehendit, non ille quidem vere, sed moriens imperfectam artem reliquit. Hæc qui ignorant, Phaethontem solis filium credunt, fabulamque de illo haudquaquam veram narrant, adisse Solem patrem, ac postulasse ab eo, ut sibi liceret lucis cursum moderari, illum id concessisse, monuisseque qua ratione foret aurigandum: Phaethontem vero consensu curru, partim ob ætatem, partim ob imperitiam ita egisse, ut aliquando esset vicinus terræ, aliquando longo semotus spacio a terrâ, interim mortales frigus atque æstus intolerabilis conficiebat. Ob hæc indignatum Jovem ingenti fulminis telo percussisse Phaethontem. Eum dejectum sorores circumstantes magno luctu prosequabantur, donec immutarent formas, quæ nunc sunt populi, ac lachrymarum vice, quibus fratrem deplorabant, electrum destillant. Haudquaquam hæc ita gesta sunt, neque pium est his habere fidem, neque Soli fuit filius, neque illi filius interiit.

Sed narrant Græci & alia permulta fabulosa, quibus ego non admodum credo. Nam qui consentaneum est credere, Æneam Veneris fuisse filium, aut Minoa Jovis, aut Ascalaphum Martis, aut Autolycum Mercurii? Verum hi homines pii Diisque grati fuerunt, eosque nascentes, hunc Venus, illum Jupiter, alium respiciebat Mars. Etenim qui patres familias sunt mortalibus, in hoc progignendi genere, ii veluti parentes sibi similia producant omnia, & colorem, & formam, & facta, & animum. At Rex quidem Minos Jovis auspiciis, Æneas formosus Veneris favore natus est. Fur Autolycus, at ea furacitas illi ex Mercurio contigit.

Jam vero nec Saturnum Jupiter conjecit in vincula, nec in

A tartara præcipitem dedit, neque cætera machinatus est, quæ putant homines. Verum Saturnus extremus movetur, proculque a nobis semotus est. Segnis illi motus, neque facilis animadversu mortalibus, atque hanc ob causam illum stare dicunt, ceu vinculis alligatum. Cæterum ingens aeris altitudo tartarus appellatur.

Sed potissimum ex Homeri Poetæ Hesiodique carminibus liceat intelligere priscorum fabulas cum Astrologia consentire. Siquidem ubi Jovis catenam narrat, ac Solis jacula, quæ quidem ego radiorum ictus esse conjicio, tum urbes quas in clypeo finxerat Vulcanus, præterea choream, & vineam: ad hæc quæcunque de Veneris ac Martis adulterio dixit, deque detectione, haud aliunde, quam ex hac scientia sunt conficta. Quandoquidem Veneris & Martis concursus, Homerica cantilenæ præbet argumentum, in aliis autem versibus utriusque diversum effectum descripsit, Veneris, cum ait illi:

Tuse Venus jucunda magis connubia cuxa.

Porro de belli negotiis:

Cuncta cito hac cura fuerint Marti atque Minerva.

Hæc cum intelligerent veteres illi, maxime divinationibus utebantur, nec eam ociosam esse putabant, adeo ut nec urbes conderent, neque mœnia circumducerent, neque quemquam occiderent, neque ducerent uxores, priusquam de singulis a vate responsum accepissent. Denique nec ipsa Deorum oracula, ab arte Astrologica erant aliena. Verum apud Delphos virgo prædicendi munus administrat, quæ cœlestem illam Virginem repræsentat: ac Draco sub tripode vocem edit, quoniam & inter stellas Draco conspicitur. In Didymis vero templum est Apollinis, & hoc, sicuti mihi videtur, ex his Didymis, id est, geminis qui cœlo sunt, appellatum. Usque adeo vero divinatio visa est illis res sacra, ut Ulysses etiam cum errando sessus vellet certo de rebus suis cognoscere, ad inferos penetrarit, non quo videret umbras & locum inamœnum, sed quod cuperet cum Tiresia colloqui. Qui simul atque in locum pervenerat, quem Circe monstrarat, foveam fodit, oves mactavit, cumque complures essent umbræ, atque inter has matris quoque, sanguinem bibere cupientes, non prius permisit ulli, ne matri quidem, quam Tiresia gustasset, coactusque esset sibi vaticinium edere: potuitque interim matris umbram videre sitientem.

Ad hæc Lycurgus Lacedæmonii omnem Reipublicæ administrationem e cœlo temperabat, ac legem illis dedit, ne quando in bellum prodirent ante plenilunium. Non enim existimabant eandem esse civitatis administrationem, crescente luna & evanescente, propterea quod omnia ab illa regerentur. Porro Arcades soli hæc non receperunt, nec in precio habuerunt Astrologiam, sed iidem ob imperitiam & stultitiam ajunt se luna antiquiores esse.

Proinde cum nostri majores usque adeo fuerint Astrologiæ studiosi, hujus ætatis homines partim ajunt fieri non posse, ut homines finem inveniant divinandi scientia, propterea quod neque certa sit, neque vera, neque Martem aut Jovem nostra causa moveri in cœlo, verum illis humanarum rerum nullam esse curam, neque quicquam esse eis cum his negotiis commercii, verum secundum hos necessitate circumaguntur: partim dicunt Astrologiam non esse quidem mendacem, at inutilem. Non enim mutari vaticinio quæcunque fati decreta instant.

At ego sane utrisque respondere possum, stellas in cœlo suo quidem motu volvi, cæterum obiter ejus motus effectum ad nos pervenire. An vis equo currente, & gallinis aut hominibus tumultuantibus, lapides subfilire, stipulasque moveri ventis cursu concitatis, syderum vero vertigine nihil præterea effici: tum ab igni exiguo calor ad nos permanat, neque nostra tamen causa quicquam erit ignis, neque illi curæ est æstus noster, ab astris autem nihil ad nos defluit? At sane fieri non potest, ut per Astrologiam ex malis bona faciamus, neque mutare quicquam earum rerum, quæ ab illis ad nos demanant. Sed hanc utilitatem ars adfert utentibus. Bona multo ante delectant eos, qui ventura præscierint: mala vero facile cum non imprudentibus venerint, accipiuntur. Neque enim in illos irruunt, sed quia meditata expectataque sunt, levia mitiaque videntur. Hæc mea est de Astrologia sententia.

D E
R A T I O N E C O N S C R I B E N D I
E P I S T O L A S
L I B E R;

P E R
D E S I D E R I U M E R A S M U M
R O T E R O D A M U M.

DESIDERIUS ERASMUS ROTERODAMUS NICOLAUS BERALDO S. P.



OSTEAQVAM Holonius ille desierat esse apud Superos, eruditissime Beralde, non putabam mihi quemquam alium metuendum, qui nœnias, quas juvenis, vel exercendi stili gratia, vel obsecundans amicorum affectibus scripsissem, in vulgus ederet, in quidvis potius, quam in hoc natus. Et ecce de repente apud Britannos exortus est alter Holonius, qui librum de Componendis epistolis excudit, quem annis abhinc ferme triginta Lutetiæ scribere coeperam, cuidam amico parum sincero, cui simili munere gratificari volebam, videlicet ut haberent similes labra lactucas. Læctioni simul & compositioni, non plus temporis tributum est, ut archetypum illi tradiderim auferendum (nam adornabat longinquam profectionem) nullo antigrapho apud me servato. Aliquanto post, amici quidam, qui, nescio quo casu, nacti, nugas eas descripserant, precibus adegerunt me, ut operis rudimentum absolverem. Erat enim non solum rude, verum etiam truncum ac mutilum. Receperam in manus, sed quum ne retractanti quidem arderet, in totum abjeci, nequaquam fore suspicans quemquam tam effrontem, qui me vivo & reclamante schedas meas evulgaret. Verum, ut video, nihil jam pudet typographos. Postea quam experiuntur nihil avidius rapi, quam nugacissimas quasque nœnias, neglectis interim prisca ac probatis auctoribus, perfricta fronte sequuntur illud e Satyra: *Lucri bonus est odor ex re qualibet*. Proinde nos tametsi sic essemus affecti, ut nunquam antehac æque senserimus, quomodo fuerit animatus Flaccus quum scriberet carmen illud: *Ut nox longa quibus*, &c. nam agnoscis reliqua: tamen sepositis operis sacratoribus, quæ ut magis decent hanc ætatem, ita magis juvant hunc animum: dies aliquot in recognoscendis quæ jam exierant, perdidimus, nescio quanta jactura studiorum graviorum, certe maximo meo tædio. Quod ne mihi sæpius accidat, etiam atque etiam te rogo, mi Beralde, effice quovis pacto, ut juvenis iste, nimium, ut apparet, amans mei, librum, quem uti scribis, a callido venditore magno emit, aut aboleat, aut certe tibi tradat ad me transmittendum, quo mihi liberum sit de eo statuere. Typographis quid imprecer, nisi mentem meliorem ipsis dari. Cæterum juventutem studiorum cultricem, libens admonuerim, ut in hisce nugis quam minimum operæ perdat. Video, discruciorque animo, bellum hoc inter Germanos & Gallos indies magis ac magis incrudescere. Quanta totius rei Christianæ calamitas, duos potentissimos orbis Monarchas, sic feralibus dissidiis inter se conflictari? Tolerabilius esset malum, si res eorum quorum interest, monomachis iniretur. Sed quid commuerere cives & agricolæ, qui spoliantur fortunis, exiguntur sedibus, trahuntur captivi, trucidantur ac laniantur. O ferros Principum animos, si hæc perpendunt, ac ferunt! ô crassos, si non intelligunt! supinos si non expendunt. ² Erat nonnulla spes in hoc novo Pontifice, primum Theologo, deinde spectatæ a primis annis integritatis. Verum haud scio quo pacto sit, ut Pontificum auctoritas longe plus valeat ad excitandum inter Principes bellum, quam ad componendum. Sed hi tumultus non dirimunt Musarum fœdera, nec hæc commercia nobis intercipere possunt bellorum leges. Non convenit Cæsarianis & Gallis, sed pulchre convenit honestissimorum studiorum sodalibus. Quare valebis vir humanissime, simulque quum dabitur opportunitas, Budæum, Deloium, Brixium, ac reliquos amicos meo nomine salutabis diligenter. Basileæ VIIII. Cal. Jun. Anno M. D. XXII.

¹ Ep. Lib. I. Ep. I. 20. & seq.

² Sedem Romanam tunc obtinebat Hadrianus VI. initio anni CIO IO XXI. electus, cum Theologus Lovanienfis fuisset, auctoritate Caroli V. Imp. cuius præceptor fuerat, ad tantam dignitatem evectus.

INDEX CAPITULI.

Cap. I. Quis Epistola Character.	345	XXV. De superstitione episthetorum.	373	XLIX. De consolatoria Epistola.	426
II. De illaborata Epistola.	346	XXVI. Quomodo dicendum, vale.	374	L. Ad consolationem responsio.	434
III. De gravitate Epistola.	347	XXVII. Vale dicendi formula aliquot.	374	LI. De petitoria Epistola.	435
IV. De perspicuitate Epistola.	347	XXVIII. Quid post vale.	375	LII. De commemorativa Epistola.	440
V. De compositione.	349	XXIX. De ordine Epistolari.	376	LIII. De monitoria Epistola.	445
VI. De habitu Epistola.	349	XXX. Mixta Epistola exemplum.	377	LIV. Qui sit modus repetenda læctionis.	447
VII. Peculiaris Epistola character.	350	XXXI. Epistolarum genera.	379	LV. De amatoria Epistola.	453
VIII. Elegancia.	351	XXXII. Tres omnium generum fontes.	379	LVI. De demonstrativi generis Epistolis.	454
IX. Exercitatio & imitatio.	351	XXXIII. Quid inter exhortationem & suasionem.	381	LVII. De judicialis generis Epistolis, & primum de criminatoria.	455
X. Quomodo proponenda materia.	355	XXXIV. De exordio Epistolarum.	381	LVIII. De expostulatoria Epistola.	457
XI. De emendando.	360	XXXV. Abruptum Epistola initium.	384	LIX. De purgatione.	459
XII. De consuetudine unum multitudinis numero compellandi.	364	XXXVI. De exhortatoria Epistola.	385	LX. Purgatoria Epistola.	461
XIII. De salutatione.	367	XXXVII. Exempla quomodo tractanda.	387	LXI. De exprobratione.	462
XIV. Simplicis salutationis aliquot formula.	370	XXXVIII. De obtestatione.	391	LXII. De Epistola invectiva.	464
XV. Novæ salutandi formula.	371	XXXIX. De lenienda exhortatione.	391	LXIII. De deprecatoria Epistola.	464
XVI. Quomodo per alium salutandum, aut resalutandum.	371	XL. Quis huic generi character proprie conveniat.	391	LXIV. Deprecatoria sylva.	465
XVII. Reddita salutatio per alios.	371	XLI. De amplificatione.	392	LXV. De extraordinariis generibus Epistolarum, & primum de nunciatione.	466
XVIII. De episthetis & nominibus adoptivis.	372	XLII. De figuris ad gravitatem facientibus.	393	LXVI. De mandatoria Epistola.	468
XIX. Principum epitheta fere sunt huiusmodi.	372	XLIII. De genere dehortatorio.	396	LXVII. De Epistola collaudatoria.	469
XX. Magistratum civilium epitheta fuerint hæc.	372	XLIV. Quibus respondendum exhortatori.	401	LXVIII. De gratiarum actione.	470
XXI. Cognatorum & affinium hæc fere sunt epitheta.	372	XLV. De Epistola suasoria.	402	LXIX. Lamentatoria Epistola.	472
XXII. Ubi, & quomodo potissimum utendum episthetis.	373	XLVI. De complexionem, & ceteris argumentationum oratoriarum generibus.	403	LXX. De gratulatoria Epistola.	475
XXIII. De transfigurandis episthetis.	373	XLVII. Exemplum Epistola suasoria.	414	LXXI. De jocosa Epistola.	478
XXIV. De adoptivis nominibus.	373	XLVIII. De genere dissuasoria.	424	LXXII. De conciliatoria Epistola.	478
				LXXIII. De officiosa Epistola.	480
				LXXIV. Disputatoria genus.	484
				DE-	

R A T I O N E C O N S C R I B E N D I

E P I S T O L A S.

CAP. I.

QVIS EPISTOLÆ CHARACTER.



VI in Epistolis unum aliquem characterem vel requirunt, vel præscribunt, id quod ab eruditionibus etiam quibusdam video factum: ii mihi nimirum de re tam multiplici, propeque in infinitum varia nimis anguste atque arte videntur agere. Neque sane ita multo minus absurde facere eos existimo, quam si sutor omni pedi ad eandem formam crepidam velit consuere: aut si pictor quodvis animal iisdem lineamentis, iisdemque coloribus conetur effingere: aut farrinator consimilem vestem pumilioni ac giganti tribuere studeat. Negant Epistolam ferendam esse, nisi quæ intra exillem dicendi figuram sese contineat: nisi quæ illaborata dissolutaque fluat, & omnibus contentions nervis careat: nisi quæ vulgo mutatis verbis contexta: nisi denique quæ brevitate ipsa Epistolæ nomen mereatur, potius quam voluminis. Hanc formam si quis suo quodam instituto sequi maluit: ut sæpenumero, pro ingeniorum varietate, aliud scribendi genus, alii magis arridet: cum hoc equidem non admodum pugnabo. Sit enim per me suum cuique pulchrum. Verum si eam nobis ita præscribit, ut vel solam vel optimam haberi velit, cum argumentorum species non minus sint innumera- biles, quam mundi illi Democritici: & nullum fere argumen- ti genus non recipiat Epistola: & nusquam oporteat orationis habitum cum argumenti genere diffidere: qui quæso potest tam infinitæ rerum varietati, simplex sermonis character accommodari? Quem quidem, ut vel maxime alioqui per se optimum deligas, fieri tamen non potest, ut idem ubique o- ptimus esse videatur. Ego tum unamquamque orationis fig- uram optimam existimo, cum maxime in loco adhibetur: tum pessimam, quoties juxta priscum Græcorum adagio- nem, τὸ ἐν φασὶν ὑπὸν, hoc est, *In lente unguentum* admiscueri- mus. Atque hæc quidem eruditis abunde satis in summa di- cta fuerint. Cæterum literatoribus istis quibusdam triviali- bus, ut multo indoctioribus, ita non paulo magis importun- nis, pinguore (quod ajunt) Minerva, & per partes satis faci- endum est. Quibus etiam si (ut solent esse pertinaces) fieri satis non poterit, tamen eos coargui vel puerorum interest, ne horum auctoritate decepti, ea rudibus annis discant, at- que imitentur, quæ grandes jam dediscere, aut pudeat aut nolint, & ut maxime velint non possint. Atqui hoc indoctum doctorum genus, & illiterata literatorum turba, literariis in ludis hodie præcipue regnat, & tanquam in sua tyrannide Phalarismum quendam exercet. Illic mihi blatero quispiam arrepta censoria virgula, Solonis leges dictabit, clamabitque defendendam esse Epistolam, quæ non intra duodecim versicu- los constituit: hanc enim Epistolari modo præfixam esse metam. Obiteremus igitur hoc censore pleraque Platonis, Ciceronis, Plinii, Senecæ, D. Hieronymi Epistolas, ὅτι τὰ ἐπιστολὰν πρὸς δέκα, & contemptis istorum limitibus, in ju- stum nique volumen porrectas. Quod si argumentum va- rium & amplum objectum erit, tu nihilo minus me corripe- bis, & circulum istum tuum magicum egredi vetabis? Age- silaus haudquaquam probum cerdonem sibi videri dicebat, qui parvo pedi magnum induceret calceum: at quanto mo- lestior, qui magnum pedem arctiore calceo stringit torquet- que. Recte Fabius scribit, absurdum fore, si quis Herculis personam, & corthurnos infanti tribuat; verum multo videtur absurdus, si infantis fasciolas calceolosque Herculi conis accommodare. Neque paulo gravius est tum flagitium, tum etiam periculum, in re copiosa contrahi, quam in re non am-

¹ *Supra effossa salite*, hoc est, egredi stadio circumfosso; quod de longio- ribus literis hic usurpat Erasmus. In Indice Chiliadum non invenio.

A pla copiosorem fieri: propterea, quod supervacua fortasse cum tædio leguntur: certe necessaria non nisi magno utrius- que dispendio prætereuntur. Porro si omnino propositum est, delicatis quorundam ingeniis consulere, quibus omnis Epistola longa est, nihil esse scribendum præcipiamus. Ne- que rursus hæc dixerim, quod eos probem, qui ridicule co- piam affectantes, emendicatis voculis & male consutis sen- tentiarum centonibus, Epistolam infarciant: quique cum omnino scribere nesciant, tamen scribendi finem invenire nunquam possunt. Nihil enim infantia loquacius. Sed ut puerorum causa, eorum stultitiam refellam, qui suam infan- tiam Laconismi nomine prætexunt, cum interim nec ipsa brevittatis ac copiar vocabula, quid sibi velint intelligant, cum unius atque ejusdem artificis sit utrumque. Etenim quemadmodum apud Platonem Socrates, cum denu opti- me verum dicere posse colligit, qui sit idem artifex mentien- di optimus: ita nemo brevittatis nomine recte laudabitur, qui non idem quam copiosissime scribere possit. Nam quid tan- dem est brevittatem præstare? Nempe maximam rerum vim, quoad fieri potest, in pauca conferre: non pauca scri- bere, quod alioqui vel indoctissimus quisque, desidiosissi- musque facillime possit. Omnem igitur ad copiose dicen- dum supellectilem in animo præpararis oportet, si Laconi- smi, hoc est, breviloquentiæ laudem auferre voles. Ea au- tem pro argumenti oblato modo: utque sese dabit ocium vel scribenti vel lecturo, ita utemur: modo rei satis fiat. Neque interim ulla Epistola non brevis videbitur, in qua præter ar- gumenti dispendium nihil adimere queas: quæ sic est scripta, ut iterum atque iterum relecta, tamen non fatiet: cum tua interim, vel intra duodecim versiculos consistens, adeo bre- vis non sit, ut Iliade quoque videatur prolixior. Quandoqui- dem in hac, tametsi longissima, nullus ex tot versuum milli- bus redundat, cum ex tuis illis undecim versiculis, septem possint refecari: atque ita sane refecari, ut reliqui quoque ob- sermonis ineptiam, immensæ prolixitatis nauseam faciant. Quare si quem in scribendis literis impendit delectat hic La- conismus, per me quidem licebit, si rei ocique modo, non chartarum spaciis, ac versiculorum numero brevittatem me- tiatur. Nec ita scr. bat paucissima, ut ex iis ipsis supersint quædam, sed ut velut e divite rerum acervo optima quæque decerpta fuisse appareat. Meminisse tamen debemus, non- nihil interesse inter volumen & epistolam, propterea quod hæc ad temporis, rerum, personarumque præsentem ratio- nem, quantum licet, est accommodanda. Volumen quo- niam omnibus scribitur, ita temperandum est, ut optimis atque doctissimis placeat.

CAP. II.

DE ILLABORATA EPISTOLA.

Sunt qui non ferant Epistolam nisi inelaboratam: & hac de causa figuratam esse nolint: ne si quid in ea phalararum fucive appareat, lucernam olere dicatur. At ego citius feram Epistolam, quæ lucernam oleat, quam quæ temetum, quæ myrothecia, quam quæ hircum. Quis porro tam iniquus cen- sor, qui non eas veterum Epistolas optimas judicet, quæ sint omni cura arteque elaboratæ? Quid unquam exquisitis ac- curatiusque scripsit Cicero, quam illam prolixam ad Lentu- lum: rursus illam, qua Curioni commendat Milonem, & pleraque ad M. Varronem: præcipue vero eam, qua Lucejo persuadere conatur, ut res ab se gestas, literis mander: quam ipse velut accurate feliciterque scriptam, Atticum ut legat hortatur? An lector his anteponat eas, quas scripsit ad Te- rentium, Ciceronem, Tironem, aut Acilium? An Plinius, dum Ariano suo scribit, quid sit autem in causa Marii Prisci: dum Gallo Laurentinum suum describit: dum Minatiano narrat, quid rerum gesserit in provincia Betica: dum Apol-

347

linari Thufcos agros suos depingit, num decem versibus absolvit Epistolam? Atqui is testatur eas potissimum a se collectas, quas scripsisset accuratius, nimirum ut posteritate digniores. Sed interim habenda ratio, cui scribas. Sunt qui neglectam & illaboratam Epistolam, sui contemptum interpretantur. Sed ut dicam in genere, quemadmodum incidere potest, ut pro personæ cui scribis, proque argumenti ratione, nullum ornamentorum aut dignitatis genus non deceat Epistolam: ita fere congruit simplicitas quædam orationis, sed elegans. Non effragito phaleras, sed idem non fero pannos. Non desidero calamistros, modo adsit mundicies. Pigmenta negas, at sordes ut absint facito. Non requiro curam anxiam ac morosam, sed rursus nolo scopas dissolutas. Postremo, si libet, scribito ex tempore, scribito quidquid in buccam venerit, sed ita, ut ad Atticum fecit Cicero.

CAP. III.

DE GRAVITATE EPISTOLÆ.

Nam istos qui nusquam volunt assurgere Epistolæ phrasim, sed quotidiano sermoni proximam esse oportere contendunt, vel una Ciceronis Epistola facile revicerit: nimirum ea, quam scripsit ad Octavium Augustum: quæ adeo non repit humi, ut non solum attollatur ad orationum procellas, verumetiam in tragœdiam exeat. Et arbitror atrocissimam ejus Epistolæ partem esse refectam ab iis, qui hoc vel Octavii, vel Ciceronis interesse putabant. Quid enim illa, quid illis interrogantibus, quid agat nunc Respublica respondebit aliquis nostrum, qui proximus in illam æternam domum discesserit? a quo accipiet de posteris suis nuntium, veteres illi Africani, Maximi, Pauli, Scipiones, quid de patria sua audierint, quam spoliis triumphisque decorarunt, & cætera quæ consequuntur. Num remissiora tibi videntur, illa Albanorum tumulorum obstinatione, qua nihil in oratione vehementius inveniri posse putat Fabius? Effervesceat igitur vel in tragicam usque vociferationem Epistola, si quando res ita postulabit, sumetque ampullas, & sesquipedalia verba. Neque de bello paceque simili stilo loquatur eruditus magnatibus, quo de macerandis fœfamentis, aut coquendis oleribus mandaret famulo. Cæterum in mediocribus argumentis, si non incidet quod aliud suadeat, non displicebit Atticissimus in Epistola: nec hic requiram fulmina aut tonitrua Periclis, si modo sermo velut e fonticulo limpidis aquis, grato lenique murmure perstreptentibus fluat, non velut mortuus, stagni in morem torpeat, omnium expers affectuum.

CAP. IV.

DE PERSPICUITATE EPISTOLÆ.

Ecce autem maxima pars eorum, qui hoc juris, vel ætatis, vel fortunæ prærogativa sibi vindicant, ut de literis quas non didicerunt, censuram agant, magnis etiam conviciis a nobis efflagitant perspicuitatem. Grave flagitium esse clamitant, si verbum ullum misceatur Epistolæ, quod legentem vel tantisper remoretur. Memini quum ipse puer annos natus quatuordecim, scripsissem tutori cuidam meo, quem magis etiam puer habueram institutorem: & ex lectione librorum, qui tum suppetebant, admiscuissem non nihil: rescripsit homo, non minus superciliosus, quam indotus, ut si posthac esset animustales Epistolas mittere, eadem opera commentarium adjungerem: *sibi semper hunc fuisse morem, clare, & punctuatim scribere*: nam his flosculis sibi placebat. Non hæc dico, quod negem in quavis oratione præcipuam esse laudem perspicuitatis. Quid enim est oratio, quæ non intelligitur? Sed quemadmodum pro re non solum probanda, verumetiam necessaria est perspicuitas, facilitasque sermonis: veluti, quoties serium quippiam petitur ab homine semidocto, moroso, aut etiam vehementer occupato: ita incidit nonnunquam, ut non aliud genus excusatiùs admittat obscuritatem: velut cum eruditus cum erudito velitur literatis jocos, quos nolit a quovis intelligi. Quemadmodum nos olim lusimus cum eruditissimo viro Thoma Linacro: cui scripsimus Epistolam metro trochaico tetrametro, sed ita temperata compositione, ut aliud agenti non suboleret esse carmen. Admonueram in Epistolæ frontispicio, ut sibi caveret: nam mihi in animo esse ipsum hac Epistola fallere: & in calce adjeci jam me fefellisse, ni falleret ipse. Non sensit homo fraudem, nisi monitus a me. Mihi

A non displicet illud Octavii Cæsaris, *non aliter in sermone fugiendum verbum insolens, quam in cursu scopulum*. Et merito ridentur hoc nostro seculo quidam Apulejani, & obsoletæ antiquitatis affectatores. Arridet usitatis verbis contexta oratio, sed ab istis lubens quæsierim, quæ tandem appellent usitata. Num e compitis, ac triviis sumpta? Recte sane si Gallice, aut Germanice scribendum erit. Verum si Græce aut Latine, quid minus convenit, quam ejus sermonis mundiciem ab his auctoribus petere, apud quos præter meras sordes nihil est? Olim hoc juris erat consuetudini publicæ, ut quasdam voces antiquaret, aliis gratiam novitatis adderet. Quanquam ne tum quidem omnia placebant doctis, quæ vulgo in conciliabulis, theatris, aut castris jactarentur: & erant in libris eruditorum, ad quæ resisteret plebejus lector. Nunc vero Latine loquendi consuetudo, non a foris aut conciliabulis idiotarum, sed a probatis auctoribus petitur. Itaque nullum verbum inusitatum videri debet, quod exstet in elegantis mundique scriptoris literis. Quid Ciceronis oratione candidius, quid apertius? At hic nonnullis videtur Cimmeriis tenebris obvolutus. Quid Terentiano sermone luculentius? At hunc ne commentariis quidem adjuti, complures intelligunt. In sordidis auctoribus versatus, si quando incidit in Quintilianum, clamat omnia sibi videri Græca, aut Arabica. Danda est opera, ut simus aperti, sed eruditus. Neque quenquam commoveat obscuritatis crimen, quod sit illi cum Cicerone, aut Tito Livio commune. Clamitas tenebricosam esse Flacci dictionem, sed eruditus vel in primis admirabilis est erudita perspicuitas. Proinde colligis, opinor, in te tenebras esse, non in auctore. Tu in quemcunque scriptorem incidis, modo laudatum, noctem istam tecum circumfers. Vociferaris spinosum esse librum, sed tui pedes spinas habent, non locus: caligas in sole, & lux ipsa tuis oculis nocturnis pro caligine est. Mutandus est, inquis, stilus: qui quoquo modo accidat, tamen non intelligitur. At quanto justius est, & tibi etiam utilius, tuum mutare vitium, quam eruditos omnes suam orationem tuo vitio accommodare. Barbare loquendi mille sunt species, ac subinde exoriuntur novæ. Itaque simplicius est ac facilius, ut unam emendate loquendi rationem discant omnes, quam ut omnes barbare dicendi formas singuli. An æquum censēs, ut docti Romanam linguam, cui tot egregiæ disciplinæ, cui Christiana religio concredita est, sinant intermori, ne quid offendant istorum indoctam arrogantiam? Num par esse judicas committere ut intereat: non dicam Cicero, Quintilianus, & hujus generis cæteri: sed Cyprianus, Hieronymus, Augustinus, ut pro his legatur Catholicon, Holcot, Bricot, & Gorra? An luscina commutabit cum cuculo modulos suos, propterea quod a fello judici planius & intelligibilius canit cuculus? At iniquius sit, si docti cogantur rectum sermonem dediscere, ut cum istis fœde balbutiant: præsertim cum eis in manu sit, imo cum eis tot nominibus expediat ea discere, quæ suo magno malo fastidiunt. Ego vero qui semper discendi sum cupidus, nec his succensere soleo, qui prisca voces & a Ciceronis etiam consuetudine semotas eruunt. Fortassis & his usus erat Cicero, si exstaret quicquid scripsit. Non indignor obiectum esse quod non intelligam, sed oblatum gaudeo quod discam. Tu contra mavis alienam eruditionem reprehendere, quam tuam ipsius incertam vel agnoscere modestè, vel mutare prudenter. Mavis solem in crimen vocare, quam lipientes oculos tonfori Licino committere. Ac vide interim, quam studiose in nos iniquus sis: tu qui tuis in literis sordidissimi sermonis portenta inculcas, quum vere tenebricosus sis, fanis etiam oculis: dilucidus tamen videri postulas, & alios obscuritatis accusas. Paria certe facere debueras: & si oculis tuis irasci non potes, saltem nostras falsas dissimulare tenebras, quum tuas, quæ teterrimæ, verissimæque sunt, cupias & laudari. Non dignatur tua prudentia Latinam linguam discere, quo possis D. Hieronymum (nam unum hunc plurimorum vice nomino) intelligere, & nos vis fecem istam sermonis in tua culina nati, perdiscere, ut te tuosque sodales delirantes, ac misere balbutientes intelligamus? Non vero hæc, optime lector, in hoc tot verbis disserimus, quod eruditam sermonis simplicitatem contemnamus: nam mea sententia, sæpenu-mero plus habet artis, quam operosa structura: sed ut veram perspicuitatem, a veris tenebris separemus. Serviendum est auribus, sed eruditus: in his duntaxat, quæ cupimus ab eruditis legi. Quod huic obscurum est, illi dilucidum est.

est. Sed hic lusciosus, ille puris oculis. Est tamen aliquid suapte natura dilucidum, ad cuius sensum repurgandi sunt oculi. Cæterum, ut ad institutum sese referat oratio: quam obscuritas quoties officit, ubique vitanda est vel dicenti, vel scribenti: tamen haud scio, an ullo in genere plus inveniatur veniæ, quam in Epistolis: modo non indocta, in quibus vel Ciceronis exemplo, licet subinde Græca miscere Latinis, obscuris allusionibus uti, amphibologiis, significationibus, paræmiis, ænigmatibus, clausulis de repente præcis. Tantum habenda ratio, qua de re, cui scribas. Non damnabitur libertas, si non destituat nos consilium, cui decet atque ubique cedere.

CAP. V.

DE COMPOSITIONE.

Porro qui compositionem in hoc genere damnant, equidem non adeo demiror, quum videam fuisse permultos, qui eam ne in orationibus quidem æquo animo tulerint. Quamquam mihi nunc cum iis potissimum res est, qui quid sit in oratione compositio, prorsus ignorant. Cæterum quum ejusdem sit artificis, orationis numerum vel adhibere in tempore, vel negligere, & hanc partem scriptoris arbitrio relinquo: nisi quod velim adolescentem, qui tantum exercendi stili gratia scribit, aliquamdiu compositionem etiam elaborare: ita fiet, ut si res postulet orationem numerosam, apte moduletur: sin neglectam, tamen vitet illud Ciceronis convitium, scopæ dissolutæ.

CAP. VI.

DE HABITU EPISTOLÆ.

Magna olim inter eruditos sententiarum varietas fuit, quod dicendi genus maxime probaretur, Atticum, Rhodiense, an Asiaticum. At Fabius existimat eum optimum dicendi genus sequi, qui pro re, pro loco, pro tempore, pro qualitate auditorum quam appositissime dicit: ut in epte faciant, qui dictionem ad certas leges adstringunt. Itidem & ego eam Epistolam optimam judico, quæ a vulgato hoc & indocto literarum genere quam longissime recedat: quæ sententiis exquisitissimis, verbis electissimis, sed aptis conficit: quæ argumento, loco, tempore, personæ, quam maxime sit accomodata, quæ amplissimis de rebus agens, sit gravissima: de mediocribus, concinna: de humilibus, elegans, & faceta: in jocis acumine delectet ac lepore, in encomiis apparatu: in exhortando vehemens sit, & animosa: in consolando blanda sit, & amica: in suadendo, gravis sit & sententiosa: in narrando, lucida & graphica: in petendo, verecunda: in commendando, officiosa: in rebus fecundis, gratulabunda: in afflictis, seria. Denique (ne quæ sunt infinita persequar) sit versipellis, ac polypus quemadmodum semet ad omnem subjecti soli habitum, ita sese ad quemvis argumenti, reliquarumque circumstantiarum habitum attemperet. Neque enim rei solum obsecundabit Epistolæ stilius, verum ut dignum est egregio quopiam Mercurio (nam nuncii vice fungitur Epistola) temporum personarumque rationem habeat: nec eadem de re quovis tempore, nec apud quosvis loquetur: alia specie sese offeret senibus, alia juvenibus, alia tetricis ac severis, alia iis qui festivo sunt ingenio, alia aulicis, alia Philosophis, alia familiaribus, alia ignotis, alia vacuis, alia negociosis, alia fidis sodalibus, alia fictis amicis, ac parum benevolentibus. Sed interim & illud spectabit, unde veniat, non solum ad quem veniat, aut quibus de rebus legata. Proinde Mercurium quandam aget, semet pro re præfenti in omnem transfigurans habitum: sed ita tamen, ut in tanta varietate unum quandam tenorem obtineat: videlicet ut semper munda sit, semper erudita, semper sana. Ab his si non fuerit recessum, nullum est præterea delictum in Epistola, cui non sit parata venia. Erit loquacior, scripta dicetur tum avido, tum ocioso. Elaboratior erit, & lucernam olens, scripta est erudito. Habebit artificium, talem decebat mittere artifici. Carebit artificio, scripta putabitur ei, cui placebat simplicitas, aut imperitiori. Laconismum habebit, occupatus scripsisti occupato. Fucatio erit, ac picturatio, scripta dicatur curioso:

Qui scribunt litteras, ab uno legendas, satis habent si ab eo intelligantur; sed qui edendas scribunt, ut plerique utiles sint, sic perspicui debent esse, ut a plerisque non omnino indoctis intelligantur. Putidus est qui ita scribit, ut ab eo non intelligatur qui Ciceronem intelligere possit, indignumque qui legatur.

A priscis verbis antiquario, blandior amico, licentior familiaris, asperior improbo, adulantior ambitioso putabitur. Denique quicquid alibi non vacasset crimine, hic vel a re, vel a persona scribentis, vel a moribus, fortunaque vel ætate ejus cui scribitur defensionem inveniet. Quin & alias damnanda phraeos, & argumentorum varietas, & inæqualitas, hic vel præcipuam habet gratiam. In Noctibus ac Miscellaneis argumento subinde novo datur venia, stilo subinde diverso non datur. In Epistolis juvat etiam videre, quantum oratio juvenilis differat a senili, quidve ætas stilo vel adjecerit, vel detraxerit. Quare qui unam quampiam formam ac faciem huic generi tribuere conantur, hi non solum inanem, verum etiam ridiculam operam sumunt.

CAP. VII.

PECULIARIS EPISTOLÆ CHARACTER.

Fortassis erunt, qui quasdam Epistolas semovebunt ab hoc ordine: quod genus sunt Epistolæ ad exercitationem, vel ostentationem ingenii confectæ: veluti Phalaridis, quas eruditi tribuunt Luciano: & amatoriaræ Philostrati, sane quam elegantes, si perinde essent castæ: ad hæc heroinarum, auctore Nasone, aliæque consimiles, quas si quis malit appellare declamatiunculas, equidem non admodum refragor. Sunt in quas magis libri nomen videtur competere: quales sunt aliquot Platonis, Senecæ omnes: præterque Hieronymi, Cypriani, & Augustini, Tertulliani paucæ. Sunt quas aliquis malit orationes appellare, nimirum quæ ad principes aut magistratus, arduis ac perplexis de rebus prolixè scribuntur. Tunc enim Epistola, non confabulationis, aut nuncii; sed oratoris vice fungitur. Quod si quis non dignatur Epistolæ vocabulo, nisi quæ privatis de rebus inter amicos obambulet: quamquam ne hic quidem certa forma præscribi potest: tamen si qua peculiaris est huic generi, videor mihi non majore compendio quæ sit indicare posse, quam si dixerò, talem oportere esse dictionem Epistolæ, quales sunt amicorum inter ipsos confabulationes. Est enim (quod scite scriptum est a Turpilio Comico) Epistola absentium amicorum quasi mutuus sermo, quem neque agrestem, aut asperum, neque fucatum esse oportet, neque una de re, neque ad fastidium usque multum. Eoque simplicitatem, candorem, festivitatem, argutiam amat hoc Epistolarum genus. In his igitur omnia leporum genera consecretamur, nisi quum res, aut personæ diversa postulabunt. Neque diu sermonem eundem urgebimus: & quod solemus cum amicis confabulantes, miscebimus, si videbitur, non solum multa, verum etiam varia. Huic generi magis congruet Atticismus, ac stilius humilior, Comœdiæ propior quam Tragœdiæ, aut si quid etiam humilior phrafi Comica, modo docta sit humilitas: meminerimusque non inferioris esse facultatis, cum laude humi serpente, quam cum Dædalo volare per aëra: & vicinum littus legere contractis velis, quam sublatiis antennis medio ferri pelago. Amica est huic generi brevitatis, maxime si vel de multis, vel de minutulis negociis agetur: & si aut ipsi qui scribimus, aut ii quibus scribitur occupatiores erunt. Cæterum quibus rationibus præstanda sit brevitatis, indicavimus in opere de Copia. Quod ad hoc institutum attinet, brevilocationem præstabimus, si quando, ita ut sit in Comœdiis, statim medium in rem aggrediemur: si præfationes supervacaneas vitabimus: si verbis quam significantissimis utemur: si rerum exitus ita proponemus, ut ex his coniciantur ea quæ præcesserunt: si Epistolæ, cui respondemus, argumentum recensere superfedebimus, quæ res nonnunquam bonam Epistolæ partem occupat: sed hoc e nostris divinandum relinquemus. Quod genus sunt illa: *Quid narras? Antonius Episcopus? Orem lupo quod ajunt. Hæc tempestas magis desiderabat Aurelium. Ille quid aliud quam nullus magnus malus piscis. Tu verbo, sed absolutius totum hominem depinxisti. Occideras de valetudine fratris: sed optimo Medico quantum debeam, brevire ipsa declarabo. Fecunditas uxoris mihi jucundior esset, si res unacum prole cresceret. Cum Laurentio homine furioso maledico, satius arbitror nullo pacto contendere. Quid enim aliud quam irritabis crabronem, aut si quid crabrone pestilentius?* Ex his enim verbis notatis perpendet lector, quid ille scripserit, cui rescribitur. Sunt qui alienam Epistolam pene totam recensent, ac propemodum verbosius, quam is qui scripsit. Si res postulet, ut repetatur argumentum, id dex-

dextra quadam ac commoda brevitate fieri conveniet. Quamquam in re Politianus mirus est artifex, qui hoc in plerisque Epistolis facere consuevit, nimirum, lectori consulens, ne quid desideraret, si forte non exstarent Epistolæ, quibus responderet: aut si tales essent, ut non liberet legere.

CAP. VIII.

ELEGANTIA.

Jam admonere, ut sermonis vitiis careat Epistola, tametsi hoc in arte sua præcipiunt Rhetores, tamen mihi vix operæ precium videtur. Nec enim tam ad rem attinet admonere ne fiat, quam dedocere nostram ætatem, quæ passim id facit. Nihil brevius præcipitur, quam ut sit elegans Epistola: at nihil majore negotio discitur: nec usquam peccatur, aut turpius, aut frequentius. Hoc vitium intolerabile reddit infelix affectatio. Quid enim tam portentosum, quam oratio: quæ quum munda non sit, tamen ornata videri velit: & quum sana non sit, tamen formosa videri gestiat, purpuris ulceribus illinens: veluti is qui nostra ætate maluit dicere, sagio quid portendas, quam sentio quid tibi velis. Multa lectione, multis præscriptionibus, accurata scriptorum observatione, multo scribendi dicendique usu paratur sermonis mundities. Erit hic igitur primus ac præcipuus labor, si suppetet orationis puritas, atque etiam ingenii sanitas. Artem in Epistola non admodum efflagitabimus: sin deerit, risum etiam movebit artis affectatio.

CAP. IX.

EXERCITATIO ET IMITATIO.

Ne illud quidem hominum genus errare sinemus, quos ipse non parum multos deprehendi, qui tribus præceptiunculis, ceu magicis verbis, recte scribendi facultatem dari posse credant, quorum stultitiæ utinam olim non obtemperassem. Talis enim erat is, in cuius gratiam ante annos viginti quinque opus hoc deliniaram, non tam ex animo, quam mea facilitate cupiens obsecundare efflagitanti: quem mox expertus sum, & ingratum discipulum, & perfidum amicum. Is in principum aulis meliorem ac majorem ætatis partem contriverat, nisi quod sacerdotiis opimis onustus, jam sero sapere cœpit, & de literis cogitare, quæ marsupium non consequuntur. Sed hujus generis non parum multos comperi, qui simul atque a profanis negotiis, & a sordidissimis coacervandæ pecuniæ curis, ad literas sese appulerint, hujusmodi quasdam compendiaras recte scribendi leges a nobis flagitare solent: quas & ita breves esse volunt, ut tertiam paginam non totam impleant: & ita efficaces, ut intra mensem non totum, e muta pecude reddant Oratorem eloquentem. Ajunt sibi opus esse omni compendio, propterea quod & sunt ignavissimi, ut quam minimum operæ sumant in rebus honestis, & ætatis bonam partem jam aliis in nugis perdiderunt: postremo quod ad sordida illa negotia redire festinant, literas igitur velut obiter secum rapere student. Hos si ridere libeat, jubebo semel ex Musarum fonticulo bibere, atque in Parnasso somnare, quo repente nobis prodeant ex asinis lusciniæ. Caterum de quibus aliqua bona spes affulgebat, hos admonendos censeo, ne errent. Neque enim committam, ut hæc præceptiones, quas studiosorum adolescentium industriæ promovendæ paramus, aliorum stultitiam augeant. Augerent autem, si quis tantum his tribueret, ut citra variam eruditionem, citra studium vigilantissimum, citra multum usum ex his sibi facultatem recte scribendi polliceretur. Cæterum delicatos istos, & indociles senes, quibus plures sunt pecuniæ, quam literæ: quibus vacavit tot annis arcas onerare nummis, nec vacavit animum onerare honestis disciplinis, in Parnassum, ut dixi, mittamus: ut postquam illic unam noctem cum Ennio somniant, magno omnium stupore, subito pro Midis redeant Cicerones. Aut certe legemus illos ad talem præceptorem, qualem Rhetorices doctorem depinxit Lucianus. Porro juvenes industrios, ac meliorem mente præditos, ad vigilias, & exercitationis assiduitatem hortabimur: quam, quum in omni re, tum in hac potissimum tenere primas: & a gravioribus auctoribus dictum est, quam ut sit dubitandum: & sæpius repetitum est, quam ut hic sit admonendum. Neque tamen inficiabor, bonam laboris partem, doctoris commoditate posse detrahi: quem ut assiduum & indefatigatum,

ita quam doctissimum esse volo: ne quod præcipit, ipse præstare non queat: & juxta proverbium, *Sus suam* docere incipiat. Quod si ob nostrorum temporum infelicitatem, non temere talis contingit, ut exquisita doctrina præpollcat, ferendus tamen erit: modo ne sit ex horum numero, qui falsa persuasionem doctrinæ turgidi, *magna* (ut inquit Fabius) *confidentia stultitiam suam perdocent*: illiteratiores, quam ut alios docere possint: elatiores, quam ut ab aliis doceri se patiantur. Cujusmodi pestes procul ex urbibus deportandas curarent ubique magistratus, si quidam aut partes agnoscerent suas, aut ulla omnino Reipublicæ cura tangerentur. Amplissimis salariis aluntur tot tibicines ac tubicines: at nemo potius erat amplissimo salario accersendus, quam eruditus ludimagister. Verum hoc salarium nolim esse certum ac perpetuum, ne magnitudo mercedis improbos invitet & indoctos, quibus semper minus est frontis, & plus audaciæ, quam eruditio. Conveniet salarium arbitrio doctorum, & spectatæ fidei virorum, pro merito ejus qui asciscitur, præstitui, atque etiam augeri, minuique, si is sua doctrina, suaque industria vinceret expectationem de se, aut contra. Alioqui periculum erit, ne usu veniat, quod in amplissimis sacerdotiis videmus accidere: quæ quo sunt magis opima, hoc ab indignioribus occupantur. Exstant apud nos, si Musis placet, etiam volumina non exigua de conscribendis Epistolis, ad unamquamque formam additis aliquot exemplis: sed, ô Deum immortalem, cujusmodi! Sed hæc prodigiosa barbaries illi sæculo imputanda est, quo prorsus extinctis omnibus bonis literis, impune regnabat inciticia, publice simul ac privatim: quum gravis & copiosus auctor esset Mammætrectus, opulentum quoddam copiarum cornu Catholicon. Jam apud Italos cœperant reviviscere bonæ literæ, quum Lovanii magno cum applausu legerentur Epistolæ Caroli cujusdam, qui multis annis moderatus est pædagogium Liliense, quas nunc nemo dignetur sumere in manus. Apud Hollandos, orbis lumen habebatur Engelbertus quidam, qui suis Epistolis nihil aliud docebat pueros, quam inepte scribere. At, nisi me fallit animi præsagium, brevi veniet ætas, quum nec his monitis erit opus, nec meis præceptionibus juvenus egebit. Sed interim ut mediocriter literatos didascalos industria nostra non nihil adjuvemus, posteaquam suis tradiderit compendio artis Rhetoricæ præcepta, studebit illos brevibus, & Epistolaribus argumentis frequenter exercere. In his delectum habebit & curam, ut ea potissimum proponat, quæ ætati illi amœnitate velut illecebæ blandiantur. In his enim pueri ut libentius, ita & utilius exercebuntur. Id fiet, si vel nova sint, vel faceta, vel alioqui puerorum ingeniis affinia. Ea vel e Poetarum fabulis, vel ab Historicis erunt petenda, nisi quid novæ rei, ut fere fit, suggererit vita mortalium. Frequenter enim & nostris temporibus eveniunt, indigna quæ nesciat posteritas. Et primi quidem generis sunt amatoriarum Nasonis, in quibus fortasse tutum non sit, rudem ætatem exerceri. Quanquam heroinarum sunt castiores, neque quicquam vetat & hoc genus caste verecundeque tractari. Veluti si procius blandis literis ambiat nuptias puellæ: si Helena Paridem ab amore non permissio deterreat. Nam Penelopes ad Ulyssem Epistola tota pudica est, quemadmodum & Acontii ad Cydippen. Si uxor marito peregre cessanti scribat, uti domum properet. Si Nestor vir natu grandis & facundus, hortetur Achillem Epistola, ut Briseida ereptam ab Agamemnone magno animo ferat: ostendens Regi etiam improbo parendum esse, tum publicum commodum privato dolori anteponendum: postremo vehementer indignum esse, Achillis vel genere clarissimo, vel animo generoso, vel factis egregiis, ob barbaræ ancillæ amorem, virtutis oblivisci. Ubi simul etiam amœnus sese locus aperit, adversus voluptatem inhonestam: rursus alter pro immortalitate gestis eximius apud posteros paranda. Si Phoenix eidem scribat, ut cum Agamemnone redeat in gratiam & periclitantibus Græcis subveniat. Aut si Antenor Priamo suadeat, ne gravetur raptam Helenam suo Menelao reddere, vel quia per se justum sit, vel quia stultissimi Regis sit, committere, ut ob turpissimum effœminati juvenis, & vix viri Paridis amorem, tot fortissimi viri dimicationem suscipiant: tot populorum fortunæ, simul & vita, in extremum discrimen pertrahantur.

¹ Propheta fuit *Erasmus*, ut vel ex ejus patria Hollandia, centum ab hinc annis, intelligere licuit.

tur. At si Agamemnon suadeat Menelao fratri, ut negligat potius Helenam, quam ut ob mulierculam vita indignam, tot procerum millia in vitæ periculum adducat: & eam totius orbis tumultu repetat, quæ etiam si ultro rediret, non esset recipienda. Aut si Linus Herculem duabus conspectis Deabus, utram potius sequatur hæsitantem, ad voluptatis contemptum, & virtutem amplectendam extimulet. Aut si Menelaus Paridi violatum hospitium exprobet. Si Amphion fratrem ad Musices studium adhortetur, contra ille ad suum invitet. In hoc genere plerique Græci non infelicitè luserunt, sed nemo felicius Luciano. Ex his tamen deligenda cenfeo, quæ non omnino sint ociosa, sed habeant aliquid ad vitam communem conducibile. Ociosa sunt illa Luciani, de Jove cerebro prægnanti, & implorante secum Vulcani. De Neptuno per Mercurium non admisso, cum recens Jupiter peperisset e cerebro Palladem. Nam hujus generis quæ sunt, ut sunt amœna, & ingenii felicitatem arguunt, ita non multum faciunt ad vitam communem. Huc propius conducunt, quæ a Comitorum argumentis ducuntur. Quod genus fuerit: si Phædræ fœdalis illi scribat, ut Thaidis amorem penitus excutiat ex animo, ac pristinae suæ severitatis memor, ineptire definat: præsertim cum magno famæ, reique dispendio sit alenda, quæ nec amet ex animo, nec uni sui copiam faciat. Si quis diviti illi Plautino suadeat, ut Euclionem pauperem probum, potius quam divitem illum procum adfiscat generum: aut contra, diviti potius collocet filiam, quam pauperi. Si Demea fratrem ad suam vitæ institutum vocet, hoc est, ab urbana vita ad rusticanam, a coelatu ad matrimonium: ab indulgenti liberorum educatione, ad severiorem. Si e diverso Mitio Demeam ad suam vitæ genus adhortetur. Et hæc quidem pueris gratiora. At illa quæ ab Historiographis sumuntur, propius etiam ad verum accedunt, eoque plus frugis adferunt, nec ita multo minus jucunditatis. Veluti si Horatius jam capitis damnatus, patris opem imploret, suamque fortunam tam repente mutatam deplorat. Si Cicero Milonem, ut forti animo ferat exilium, hortetur. Si quis Catonem a literis Græcis, quas jam senex appetebat, deterreat. Si quis Ciceroni secum deliberanti, an mortem sibi consciscat: an fuga salutem consulere properet: an exustis Philippicis, vitam ab Antonio redimat: quodlibet horum trium, vel suadere vel dissuadere conetur. Si quis Q. Curtio gratuletur, tam fortem ac pium animum, qui privatam salutem posthabuerit suæ civitatis incolumitati. Si quis Delphicis sacerdotibus suadeat, ut Phalaridis taurum recipiant. Si quis Lucretiam vi constupratam a voluntaria morte revocet. Si Jonathan Saulis filius, David amicum Regis metu latitantem, vagantemque consoletur, ut promissi divinitus imperii expectatione mentem in rebus tam afflictis fulciat. Si Plato Dionysium Regem ad Philosophiæ studium adhortetur. Rursus si alius quispiam dehortetur. Si Respublica Romana Camilli exulis virtutem, adversus Gallos extrema molientes, imploret. Si Aristoteles Calistheni ad Alexandrum Magnum proficiscenti rationem præscribat, qua debeat Regis consuetudine uti, docens, cum Regibus, aut quam rarissime loquendum, aut quam jucundissime: quo vel silentio tutior sit, vel sermone gratior. Si Calisthenes Aristoteli respondeat, consilium futurum fuisse Philosopho dignius, si potius auctor fuisset, non proficiscendi in ejusmodi Principis aulam, in qua Philosopho vel serviliter esset tacendum, vel turpiter adulandum: sibi magis curæ fore, quæ sint honesta, quam quæ utilia aut tuta. Si Alcibiades Socrati suadeat, ut uxorem rixosam ac procacem domo exigat. Aut si Callicratides, ut omisso Philosophiæ perenni studio, ad mores communes, & Reipublicæ administrationem sese conferat. Si Crito eidem suadeat, ut elapsus e carcere, vitæ suæ consulat. Hujusmodi copiosissimam vim Valerius Maximus, aliique scriptores, qui res memorabiles ex Historicorum libris decerpserunt, citra vestigandi tædium suggerent. Quin ex una quapiam historia, vel ut vita Catonis, aut Antonii, aut Julii Cæsaris, plurima themata duci possunt. Quare nos rem, & infinitam, & cuivis peremptam, non persequemur plurimis verbis. In hoc genere præter, diligenterque convenit exerceri juventutem, quod præter stili fructum, vetustas ac memorabiles historias, hac ratione velut aliud agentes imbibent, ac penitus infigent memoriæ: hominum & locorum nominibus assuescent: ad hæc decori vim, & probitatis naturam,

A præcipuas orationis virtutes ita potissimum cognoscent. Quare doctoris erunt partes, prius quam Epistolæ formam proponat, rem gestam, unde necesse erit repetitam, & quemadmodum conveniet accuratissime pueris exponere, indicatis & temporum momentis & personarum proprietatibus, reliquisque circumstantiis: ne aut aberrent a decoro scribentes, aut parum consentanea dicant. Denique ut sint parati fontes, unde ducant, vel argumenta, vel argumentorum confirmationes, quam ad rem non vulgariter adjuvat circumstantiarum cognitio. Tum locos aliquot indicabit, ubi ea tractentur apud auctores, ut ipsi verborum ac sententiarum vim inde vel colligant, vel imitentur, ex aliis similia conjectantes. Jam qualia argumenta suppeditant historiæ, talia licebit & confingere: cujusmodi pleraque sunt declamatoria, veluti Luciani de Medico abdico: & Auli Gellii de puerpera, cui suadet Favorinus, ut proprio lacte nutriet infantulum, de quo genere mox non nihil attingemus. Sed est & illud brevius, ac puerorum ingenii appositius exercitationis genus, varios locos communes, aut excogitados, aut ab auctoribus traditos, arte tractare. Hi fere sumuntur, vel ab Apophthegmatis veterum celebratis, vel a Proverbiis, vel ab Apologis, vel a Similibus, ac Metaphoribus. Siquidem ex horum unoquoque potest argumentum Epistolæ compingi. De Apophthegmate sit hoc exemplum: *Socrates bibiturus cicutam, uxori Xanthippe vociferanti, quod innocens esses moriturus: Quid ais, inquit, mulier, num me malles nocentem mori?* Id valebit in Epistola consolatoria. *Si unusquispiam esses de turba vulgi, merito graviter ferres exilium, quod longe aliter promerito contigit: sed quoniam scio te virum cordatum, ac Philosophia quoque præceptis non vulgariter institutum, hoc ipso leniter ferre debes fortunam tuam, quod indigno obiit. Ea demum gravis & acerba est calamitas, qua accidis commerito. Nunc ista fortuna procella, quid aliud quam integritatem tuam, ac in Rempublicam merita illustrat?* Sub hæc narrabitur apte, quod modo retuli de Socrate. Proverbiū exemplum esto: *Si me audies, desines cum tam multis conjuratis contendere. Nec tu Hercules es, nec res ista virtute geritur. Et tamen si proverbio credimus, ne Hercules quidem adversus duos, & tu cum tot cancri, cum tot hydris congredieris unus?* Apologi exemplum erit. Si quem admonebimus, ne periculoso negotio se temere admisceat, nisi prius perpensa ratione, qua confici possit, quod instituit, adhibebit Apologum de capro, quem siti periclitantem vulpes pertraxit in puteum, unde postea non dabatur exitus. Item si quis admonebit amicum, ne pendeat ex officio quorundam, qui magnifice polliceantur, sed ipse coram suum agat negotium, eleganter accommodabit fabulam aviculæ castiæ, quam in Noctibus suis refert Aulus Gellius. Parabola vero sit hoc exemplum. Si quem admonebimus, ne pertendat obstinate, quod per se quidem optimum esse judicat, sed præsentibus rebus semet accommodet: similitudinem adhibebimus de prudente nauclero, qui non semper eo dirigit clavum, quo recto cursu cuperet ire, sed frequenter obsecundat ætui, frequenter ventis: ac velis flexis, eum portum petit, non quo cursum instituerat, sed quem præsens tempestas concedit. Hæc mihi videntur aliquanto plus conducere ad parandam orationis facultatem, quam quædam, quæ in suis progymnasmatibus tradit Aphthonius. Cæterum quod de Apologis diximus, idem habebit locum in Poetarum fabulis, ad seriam rem vel confictis, vel detortis. Veluti si quem a negotio majore, quam ut ipsius viribus conveniat, detertere pares, Icarum, aut Phaethontis casum accommodes. Si quem a studio congerendæ pecuniæ revocare studeas, in tempore adhibetur Tantali fabula. In hujusmodi thematis præludat ætas illa rudis, ut, quod diligenter admonet Fabius, teneræ adhuc mentes, veluti sub nutricibus mollius alantur, & uberius quodam jucundioris disciplinæ cibo lacteque saginentur. Cæterum adultiores jam, ad materias vero proximas paulatim sunt abducendi. Eas præceptor vel aliunde sumptas proponet, vel ipse comminiscetur, ex omni genere causarum varias, maximeque fœcundas. Alioqui fiet, ut pueri nihil aliud discant quam inepte scribere, si quemadmodum in plerisque ludis sit, literator indoctus pro themate proponet frivolum stulti capitis somnium, in quo neque sit ulla sententia, neque quicquam cohereat, ne sermonis quidem ulla gratia. Porro in castigando tantum notantur insignes foliicifini: veluti si

Tom. I. Z. de-

deprehendant, *admoneo vobis*, pro *admoneo vos*, quum alia quæ dissimulantur, magis etiam ad rem faciant. Nam ista vitia vel usu dediscuntur: illa neglocta hærent in omnem usque vitam.

C A P. X.

QVOMODO PROPONENDA MATERIA.

AT doctor nec absolute pertractatam materiam proponet, ne nihil relinquatur inventioni puerorum: neque nudam tamen, verum circumstantiis aliquot circumscriptam, ut assuescant velut ad certum scopum dirigere sagittas, & ex his sententias, argumenta, & argumentorum probationes, amplificationes, aliasque figuras comminisci. Veluti si quis suadeat puerperæ, ut suo lacte alat quod peperit: addat, puerperam esse puellam, puerum elegantem, ac patri simillimum. Quamquam vix aliud argumentum reperies, quod alienius sit a circumstantiis. D. Hieronymus in Epistola, qua matri reconciliat filiam: nam ipse propemodum fatetur, hoc argumentum ab se scholastico lusu confectum: non nude proponit, filiam indecore divulgatam a matre, addidit matrem viduam, filiam virginem, cui frater esset monachus, filiam adolescentulam, corpore vegeto, relicta matre, contempto fratre, in monachi cuiusdam nulla propinquitate conjuncti, formosuli & adolescentis, domesticum contubernium concessisse, cum hoc conjunctissime vivere: nec aliud inculcare, quam maternorum morum difficultatem: cognatos suspectum convictum graviter ferre, fratrem in primis, nec tamen adduci puellam, ut cum matre redeat in gratiam: fratrem contemptum, ordine rem omnem Hieronymo denarrasse. Qui sic proposuit, nonne eadem opera multam orationis suppellectilem suppeditavit? Ad hanc imaginem multa licetbit confingere. Quod genus sit: *Lucius & Antonius utrique adolescentes, sed alter mediocri fortuna, alter beatissimis parentibus natus, a primis annis sese non secus ac fratres amant. In lusu, in conviviis, in comotationibus, in amoribus, aliisque voluptatibus & vitiis, quibus ea ferelaborat aetas, uterque alterum & consocium habuit, & sodalem. Natus major Lucius, re male profligata, & infamia jam divulgata, & amoris infelicitatis radio, clam patria profugit: Lucius, forte fortuna, quendam amicum paternum natum, ab eoque excitatus, simul & adjutus, bonas literas non minus ardere cepit, quam antea scortorum amoribus effluverat. Hic Antonio sodali Brugi relicto scribens, & sibi de mutato feliciter animo gratulatur, & veterem sodalem a perditâ vita ad literarum studium pertrahere conatur.* Sit hæc propositio totius argumenti, non sine circumstantiis. Mox ostendet argumenti genus, quod est suavorum. Deinde demonstratis partibus, quæ solent in hoc genus incidere communiter, quæque traduntur ab artis Rhetoricæ scriptoribus, quæ sint huic themati peculiares indicabit. Admonebit totius Epistolæ caput in hoc esse, ut corruptæ illius vitæ turpitudinem, infamiam, pericula, incommoda diligenter enumeret, atrociter exaggeret, dilucide subjiciat oculis Lucius. Tum innoxie vitæ, & honestorum studiorum commoda, cum amplificatione recenscat: quantopere hominem deceant: quam ad beate vivendum conducant: quantum item ornamenti, quantum solatii in utraque fortuna præstent: quam solæ nominis immortalitatem, ac nunquam intermorum honestæ famæ decus largiantur. Deinde per collationem doceat has veras & solas esse opes, in his vera esse vitæ oblectamenta: ex his veros honores proficisci. Et hæc erunt futuræ Epistolæ, ceu lineamenta quædam, veluti carbone denotata. Addet deinde ad unamquamque partem divitem suppellectilem, rationum, confirmationum, similitum, exemplorum, sententiarum. Ostendet qua parte possint commodè succurrere loci communes, & quomodo tractari. Siquidem hic locus communis esse potest: *Peregrinatione corrigi sæpenumero, quos patria delicia corrumpunt.* Alter: *Nihil homini felicius accidere posse, quam fidem & amicum consilium.* Deinde exordiendi rationes aliquot aperiet: Jucundissimi convictus memoriam, cum voluptate renovabit. Dicit suam caritatem ob intermissam vitæ consuetudinem neutquam refrixisse erga veterem sodalem, verum id optare se votis ardentissimis, ut ea caritas quæ puerilibus auspiciis, & ineptis voluptatibus alita fuisset, quo verior ac diuturnior esse possit, adamantinis vinculis adstringatur. Id futurum, siquam in stultis voluptatibus habuissent societa-

Atem, & conjunctionem animorum, eam in honestis studiis obtinerent. Et hic statim incidit locus communis, de vera falsaque, de firma & infirma amicitia. Negabit se satis sibi etiam felicem videri, quod ab illa infamia respuerit, quod honestissimis disciplinis pro turpissimis deliciis fruatur, nisi & alteram sui partem, e similibus malis exemptam, suæ felicitatis participem viderit. Nec id difficile futurum: siquidem ille sodalem his auribus audiat, de communi salute disferentem, quibus sæpenumero audivit de suis flagitiis pueriliter garrientem. Rem agi neque levem, neque summis auribus hauriendam, sed in intima pectoris penitus demittendam. Et hujusmodi quidem exordiendi ratio poterit indicari. Quod si quid erit causæ, cur malit obliquo ductu uti, finget se nihil dubitare, quin ille quoque totus sit immutatus: atque illi veluti ad meliorem frugem immutato pro suo in illum amore gratuletur, prædicans ab eo fieri, quicquid ab eo fieri vellet. Tum suasionis ingressus quidam, ac veluti transitus ostendetur. Negabit Lucius Antonium suum mirari oportere, si quæ nunc scribit, longissime a pristina vita dissideant: imo si frequenter in falsis bonis, verisque malis sodali gratulatus est errans erranti: nunc demum justissimam esse gratulandi causam, qui stultissimas ac pestiferas voluptates cum felicissimo studiorum amore permutarit. Deinde tanquam divisione proponet, se duo quædam in ea Epistola conari, alterum, ut prorsus illi persuadeat, quanta sit ipsi gratulandi causa, id est, quantum effugerit malorum, & quid felicitatis sit assequutus. Alterum utriusque interesse, ut Antonius, abjectis nugamentis, quibus jam nimium ætatis datum sit, ad eadem studia totum se convertat, & ipse salvis Perithoum suum tanquam ab inferis revocatum, conspiciatur. Id erit velut argumentationi vestibulum. Sub hæc propositiones indicabit argumentationum, ceu bases totius negotii. Quarum excogitatio, ut longe omnium difficillima est, ita cum primis necessaria: adeo, ut nisi his repertis, reliqua futura sint ociosa. Et non aliud est quod minus arte præscribi possit. Qua de re peculiaria quædam tradidit Fabius Quintilianus, proposita controversia Thebanorum ac Thessalorum: & nos in commentariis de Copia, rem si non erudite, certe crasse explicamus. Huic igitur argumento hujusmodi propositiones generales constituere licebit. Liberalibus studiis nihil esse pulchrius. Ea sumitur ab honesto. Nihil gloriosius, ea sumitur a laudabili, quod natura quidem ab honesto separatum non est, sed persuadendi causa separatim tractatur. Nihil suavius. Ea sumitur a jucundo. Primæ, quæ generalis est, hujusmodi secundariæ subservient. Maxime secundum hominis naturam esse scire, eoque nec hominis vocabulum mereri, qui literas nesciant. Proinde si literæ nihil adferrent momenti ad famam honestam, nihil ad vitæ jucunditatem, nihil ad opes aut dignitates parandas, tamen propter sese expetendas. Altera fuerit, ad perfectam virtutem solas literas esse duces, ac veluti pædagogas. Cujus ut femina proficiscuntur a natura, ita a literis petitur absolutio. Ab his præstari cognitionem rerum expetendarum, ac fugiendarum: has mederi morbis animorum, tranquillare mentes mortalium. Ab his compesci secundis in rebus insolentiam: ab iisdem peti lenimen ac robur in rebus afflictis. In priore propositione confirmanda adhibebitur argumenti vice, quod puelli quoque natura gaudemus, si proposito ænigmate sensum conjecimus, aut si quid novæ rei discere contigit. Contra falli moleste ferimus. A Philosophis ceu propriam notam tribui rationalem esse: at hæc non in illum competit, qui nihil ratiocinatur, sed pecudum more sensibus & usu ducitur. Esse vero, qui negent hominem a reliquis animantibus differre rationis specie, sed gradibus duntaxat: ita fieri posse, ut paulatim adjectis inscitæ stultitiæque incrementis, homo deducatur usque ad pecudem. In hoc natura finxit hominem erectum, & iniecit cognoscendistudium, ut in rebus a Deo conditis philosopharetur: simulque & Deum omnium opificem, & seipsum, & reliquam hujus mundi machinam contempleretur. Ad hæc locupletanda poterunt adhiberi, quæ Poetæ, Platonici, reliquique scriptores de hominis conditione prodiderunt. De luteo Prometheus simulacro, cui igniculus ille cœlestis inditus fingitur: de luto, quod Deus summus ille figulus afflatu suo animavit: de particula divinitatis, juxta quosdam corporibus humanis addita. Quidam enim arbitrati sunt, animam ni-

nihil aliud esse, quam scintillam ex igni, aut radiolum e luce illa divina. De mentibus e stellis petitis, aut certe e thesauro Dei. Huc pertinebit illud Platonis figmentum, de animabus in terram delapsis, quibus hic scire nihil est aliud, quam ceu per somnium reminisci eorum, quæ quondam liberæ corporibus viderunt apud Jovem. Hæc, aliaque multa, divinitatem quandam animi declarant. Declarat & illud, quod unus animus exiguo corpufculo inclusus, tot, tam varias ac difficiles disciplinas intellectu complectitur, memoria retinet. Id prodigiosum videbitur, si quis perpendat, quot hominum ac rerum vocabula tenet, qui unam modo linguam didicit: quanto prodigiosius, quod Mithridates unam & viginti linguas calluit. Et hæc est minima portiuncula mentis humanæ. Addendum his quod Plato negavit, corpus ad hominis naturam pertinere: nihil enim aliud esse, quam instrumentum, domicilium, aut vehiculum animi: animum esse totum hoc, quod hominem nominamus. Item illud quod dixit Seneca, ni fallor: *Vita sine literis mors est, & vivi hominis sepultura*. Quid minus est homo, quam hominis cadaver? Jam enim corpus, non corpus est, sed sepulchrum: animum etiam ipsum a nativo vigore cohibens: & hinc Philosophi *σῶμα* dictum putant, quali *σῶμα*, hoc est, sepulchrum. Nec alio spectat, quod Plato scripsit Philosophiam nihil aliud esse, quam mortis meditationem. Nam si abduci a corpore, dicitur animæ mori: & Philosophia abducit animum a rebus corporeis & crassis, ad res æternas & intelligibiles: jam incipit animus vivere, quum ab hoc sepulchro emicat. Ex historia sumi potest, quod Diogenes accensa in meridie lucerna, rogatus quid ageret, respondit, se hominem querere. Rursus advocata concione populi hac voce: *Audite homines, audite homines*: quum jam satis magna multitudo congregata, rogaret, quid vellet dicere, respondit, sese homines advocasse, non illos qui nihil haberent hominis. Adhiberi poterat & illud Mimi cujusdam dictum de homine crasso & indocto: *Nullus, magnus, malus, piscis*. Nullum appellabat nullius precii, nihilique: magnum, onustum obeso corpore, atque abdomine pigrum: malum, nulla virtute præditum: piscem, infantem & elinguem. Huc referri potest, quod vulgo quoque jactatis proverbiiis stupidis & indoctis adimunt hominis vocabulum. Quid enim aliud sibi vult, quod stupidum & indoctum appellant *statuam*, veluti figuram duntaxat hominis, non hominem. Item *asinum ad lyram*: *suum Bæoticum*: *asinum Antronium*: *nihil dissimilem elephantio*: *ovem, belluam, pecudem, fungum, stipitem, caudicem, plumbum, somnium hominis, monstrum hominis*. Adhibebitur & parabola: Ut avena vitio soli in lolium degenerans: ut triticum simili de causa degenerans in siliginem, nomen sui generis amittit: ita homo pecus esse incipit, si neglectis honestis studiis, ventris tantum & inguinis curam agere coeperit. Rursus alia: Et sicut materia sculpendo simulacro habilis, tamen signum non dicitur, nisi forma artificis industria accesserit: ita nativitas non facit hominem, sed humanæ naturæ capacem. Quod nascitur, ceu rudis quædam materia est: institutio formam inducit. Tertia fuerit: Ut maxime secundum naturam est surculum insitum, ejus arboris referre saporem, unde decerptus est: ita non oportet animum hominis, cujus est origo cœlestis, a suo genere degenerare. Et ut nativum est igni nostro sursum niti: trahitur enim vi genuina ad fontem originis: ita hominis ingenium quanquam est his vaporibus corporeis immersum, tamen principii non potest oblivisci. Rursus alia similitudo: Ut ursus non esset ursus, si mens hominis sub urfi figura lateret: quemadmodum nec Apulejus vere asinus erat, quum incolumi mente formam asini circumferret: ita nec homo diceretur, si mens pecudis humanam animaret figuram. Item si statua figuram hominis per omnia representans, quales ferunt fuisse Dædali, non statim homo dicitur, quod mente vacet: nimirum figura non facit hominem, sed scientia. Hinc est quod Poetæ veteres, nimirum homines prudentissimi, fabulis non ociosis prodiderant: hos, quibus nulla colendi ingenii cura fuisset, pecuinis voluptatibus sese totos dedidissent, in ferarum naturam abiisse. Contra, qui sapientia cæteris præcelluissent, eos ut Diis genitos, in Deorum consortium a morte reverti. Et Dæmones, quos illi Deos inferiores existimant, autumant dictos, quasi *δαίμονας*, hoc est, doctos, aut scientes. Et Horatius imperitum hominem appellat *corpus sine pectore*.

Hujusmodi suppellectilis variam copiam pueris suppeditabit præceptor. Nam mihi interim satis est rationem iis qui docent indicasse. Et quod nos in una propositione locupletanda tentavimus, id ille faciet in singulis: & in harum unaquaque parte, si quid erit tractabile: non ut omnes pueri reddant omnia, sed ut ex multis suo quisque ingenio consentanea rapiat: & ex his quæ tradita sunt, similia consuefcant effingere. Sed jam nunc quosdam exaudire videor, præceptiunculis meis obstrepentes. Hui, inquit, nā tu duramones, & negotii plena: tum autem puerorum animis, atque ingeniiis majora. At ego jam ab initio non asinum, sed præceptorem mihi requirebam, nec ineruditum, nec laboris fugitantem. Nam si indoctus est, qua fronte doctoris nomen ac locum occupat? Si ignavus, cur negotium tam operosum suscipit? Hæc est literatoris profectio: hæc fabula quam agendam suscepit. Nemo vinetum colendum suscipit, nisi statim animum suum ad in exhausti, & ut inquit Virgilius, in orbem redeuntis laboris circulum præparet. Pueri vero quid possunt audire, vel jucundius, vel utilius? Ab his exercitamentis prodibunt, qui facunde concionentur in templis: qui prudenti eloquentia moderentur senatum: qui cum laude obeant publicis de rebus legationes: denique qui quavis in re, & judicio valcant, & oratione. At ista, inquit, nondum illis annis sapiunt. Vestro sane vitio, a quibus bonorum auctorum loco, modos significandi, & id genus glossæmata, non minus stolta, quam proluxa didicerunt. At antiquitus pueri a nutricibus in ludum missi, statim ab optimis auctoribus, literarum studium auspicabantur, neque detinebantur decem annis in dediscendis naniis. Liceat quæso, per vos, ô molesti, vel adolescentibus discere, quod vos pueros docere debueratis: finite ut prima statim ætate hauriant, quod semper meminisse sit pulchrum. Imbibat testula recens succum purissimum, quem diu respiciat. Discant ista in promptu habere, & in varios usus, ut res hortabitur, accommodare. Quid enim docendo agitur, nisi ne semper sint docendi juvenes? Quibus si quando optima traditurus es, cur ea non statim tradis? Si nunquam, quid doces? An hoc agitur, ut tu semper doceas, illi semper sint docendi? Ne pigeat bonum virum, ac de Republica vel gratis benemereri cupientem, hujus operæ discantibus quidem necessaria, cæterum nec ipsis qui docent, steriles & infrugiferæ. Ergo posteaquam totius operis, ad hunc modum imaginem quandam, ac sylvam subministra-verit, affectus denique & epilogum ostenderit: tum indicabit idem argumentum alia quoque ratione tractari posse. Quod genus sit, ne a proposito recedamus exemplo: Si docebit omnem literarum commendationem tractari posse per comparisonem, itidem & inficitæ vituperationem. Hujus generis hæc erit propositio: Inter omnes res quas mortales tantopere mirantur, ac per fas nefasque sequuntur, nihil est quod cum eruditione sit conferendum. Nam honores istos, in quibus ambitio mortalium finem boni constituit, multo periculo peti, majore possideri, ne honores quidem veros esse: quippe qui pessimo cuique sæpenumero contingere soleant, nec esse perpetuos, etiam si veri sint: atque adeo non perennes, ut ne diuturni quidem sint: quippe quos fortunæ temeritas, ut interdum insperantibus objicit, ita frequenter inopinato tollit. Contra, literas in ocio parari, summa tranquillitate possideri, non nisi sua cuique industria contingere, verum & immortalem parare gloriam. Et hic primus differendi campus, multis locis communibus undique amœnus est: multa exemplorum, similitumque varietate fecundus. Deinde aperiendus alter: Bonam mortalium partem, aurum, argentum, gemmas, & alias hoc genus opes, per saxa, per ignes, magno capitis & vitæ periculo persequi, quum ista sint aliena bona: quippe quæ & ociosis obveniant, & a cæca fortuna passim ut dantur indignis, sic etiam dignis adimantur. Proinde extra hominem esse, nec in hominis potestate: quippe quæ infinitis casibus intereant, veluti naufragio, incendio, bello, furto, carie, situ: quorum si nihil accadat, certe usu consumi. Quod si non utaris, nihil habere pulchri, quamobrem sint expetendæ. Ad hæc ut affatim contingant, tamen non explere mentem hominis, sed tantum irritare miseram cupiditatem. Postremo nec animi, nec corporis morbo mederi posse, sed potius utrique hominis parti malorum omnium seminaria suggerere: & adeo per se non esse honestas, ut a virtute vel in primis avo-

cent: benignitate exhauriri, parsimonia putrescere: magno sudore congeri, majore cura congestas servari, maximo dolore diu servatas amitti. In literis contra hæc omnia. Nam alteram contentionis partem omitto: partim ne sim æquo longior, partim ut aliquid aliorum inventioni reliquum faciam. Atque hic secundus porrigitur campus, latissime patens & varius, nec inamœnus. Tum tertio loco proponet: Formæ dotem plerisque magnum quiddam videri, & omnibus votis expetendum: verum hanc nemini sua cum laude contingere, ut neque culpa negari. Abiis enim quæ nobis adsunt a natura, neque laudem meremur, neque reprehensionem, neque etiamnum sciri, si bona contingat: utrum ab irata natura, an propitia detur: propterea quod multis eximia species corporis perniciem attulit, & ipsis qui possident, & iis qui spectant. Nam possessori quid adfert formæ venustas, præter sollicitudinem, metum, suspicionem, rumorem parum secundum, materiam peccandi, libidinis fomitem & copiam. Quod si hac præditus, pudicus esse cupiet, hoc ipso miser est quod formosus. Multas enim pellicit in perniciem, sollicitatur ab innumeris: atque hinc est quod legimus quosdam sibi faciem cicatricibus defœdasse, quod sentirent alios sua forma periclitari. Sin impudicus est qui forma præcellit, quid tandem debet suo bono, nisi ut facilius perditusque pereat. Itaque sua forma neminem pudicum delectari: alienam qui amet, libidinosum esse. Tum ut hoc magnum sit bonum, tamen corporis esse tantum, fluxum, caducum, & adeo non perpetuum, ut vel febricula, vel macie, vel alio quovis casu, subito marcescat: certe ætatis progressu deflorescere, certe morte perire. Diversa in literis, hoc est, animi bonis omnia. Vides & hic aperiri campum mire fecundum, si quis conetur hanc partem omnibus suis numeris tractare. Quarto loco proponet, non paucos mortalium corporis voluptates, uti præcipuum quoddam vitæ bonum mire complecti: verum istas infanias esse, falso jucundas, non voluptates, nec aliud quam risum, ut ajunt, Sardonium. Cur enim, ei voluptatis bonum tribuas, qui sui sensu caret? Ad hæc obscenas esse, belluinas, ac prorsus homine indignas, quæ nos in feras transferant, tum infinceras, multo plus aloes habere, quam mellis: magno constare & rei, & famæ dispendio, quibus admixtum sit fastidium, comes poenitudo: malorum omnium escas, laudis ac virtutis inimicas: infidas his a quibus adamantur, quos tandem deserunt, etiam si non deserantur ipsæ: exhaurire loculos, offuscare famam, corporis valetudinem atterere, ebibere succum vitalem, accelerare senium, morborum omne genus adducere, sui iustissimas ultrices: denique totum hominem in tartara demergere. At longe feliciores oblectationes ex honestis studiis colligit, tanto nimirum meliores, quanto corpori præstat animus, & homo belluis antecellit: tanto honestiores, quanto virtutis decus turpitudinem superat: feliciter parari, feliciter possideri, quæ nobis nobis non eripiant, sed restituant: quæ nos non ex hominibus in feras, sed ex hominibus in Deos transformant: Ad hæc sinceras esse, nullo fermento vitiatas: quæ omnem animi, si qua resedit, amaritudinem edulcent: quæ regustando fruendoque dulcescant: quæ livorem nesciant, hoc suaviores, quo cum pluribus communes: quæ nos ad extremum usque rogi non deserant: quæ annis quibus omnia deteruntur & obsolescunt, efflorescant, nauseam, satietatem ac poenitudinem nesciant: quæ præstant, ut non uni aut alteri, sed omni sexui, omni ætati, simus jucundi: quæ præstant, ut ipsi nobis etiam voluptati simus: quæ faciunt, ut senectus etiam molestia careat: quæ nos in omnem regionem, in omnem fortunam comitantur: denique quæ delectant eam hominis partem, qua vere sumus homines. Sed parcam hæc longius persequi. Neque enim hæc sunt omnia, & innumera sunt quibus hæc locupletari possent. Neque nos aliud in præsentia, quam viam indicamus. Poterat hoc genus & alio colore tractari: videlicet ut literas aliis bonorum generibus anteponamus. Præclara res opulencia, ad quam mortales infatigabili studio contendunt: quanto par est acrioribus studiis eniti ad honestas literas, quibus ditescit animus? Et in hunc modum de cæteris partibus quas proposui, aut aliis his similibus, cujusmodi sunt, juvenus, vires, nobilitas, & si quid aliud sit, in hominum vita vehementer expetitum. Quin & per fictionem tractari poterant. Eruditionem esse rem per se præclaram ac ma-

gnificam, adeo ut si nihil etiam adferat emolumentum in hac vita, tamen sua ipsius causa sit expetenda: quod attigimus in initio. Quis enim non optet perfectam omnium rerum cognitionem, etiam si nunquam esset victurus inter homines? Nunc instrumenta sunt ad juvandam Rempublicam ac privatim amicos, ut etiam si citra doctrinam ipsi possemus feliciter vivere, tamen quoniam vir bonus non solum sibi nascitur, vel in hoc comparanda sit eruditio, ut aliis possumus esse subsidio. Verum in Epistola seria nolim has partes nimium exstare: id quod etiam in orationibus nonnunquam expedit dissimulare. Sed oportebit alia quadam Epistolari facie obduci, nonnunquam data opera perturbari: sed tamen hic ordo profuerit animo, magnam rerum ac verborum vim congerenti: ex quibus licebit optima seligere, si locus postulat brevitem. Ita fiet, ut non sit jejuna brevitatem. In hoc argumento poterit & illud admoneri, blandiorem oportere fingi Epistolam, quam adolescens adolefcenti, congero congeroni, amans scribit amanti. Tum quod qui suadet, inde sibi plusculum fidei conciliabit, quod suum errorem simpliciter agnoscat ac damnet: & veterum voluptatum memoriam ita refricabit, ut declaret animum etiam a commemoratione abhorre. Ab ætate sumet occasionem: quæ si grandior est, dicet convenire, ut plus sapiat qui vincat annis. Absurdum fore, si qui dux hujus instituti debuerat esse, nunc recuset esse comes: sin minor, dicet nullam ætatem magis idoneam disciplinis, propterea quod sanguine calente, magis ingenio vigeat, quodque tenacius hærent, quæ primis annis hauriuntur. Hoc magis esse properandum, ne pars ejus optima frustra effluat. A forma item, quæ si præstans est, dicet minime convenire, ut in formoso corpore animus inhabitet deformis: sin minus, dicet hoc magis excolendum bonis studiis animum, ut cum corporis forma paria fiant. A genere, quod si fingitur illustre, dicet olim nullos magis incubuisse liberalibus studiis, quam claro genere prognatos. In aliis aut latere, aut negligi doctrinam, fortunæque fordibus obscurari, in bene natis habere suum decus. Tum obscuri hominis literas fortunæ adminiculis destitutas, paucis esse præsidio: nobiles, quoniam fere ad civiles magistratus aut Ecclesiasticas dignitates vocentur, maximam adferre perniciem, si ad tractandam Rempublicam citra doctrinam accedant: si contra, maximam adferre publice simul ac privatim utilitatem. Sin obscuro genere fuerit, excitandus est, ut sibi suis ipsius præsidii pariat nobilitatem, non paulo veriorem, quam qua vulgo tument claris orti natalibus. Ab opibus: Si rem familiarem habebit amplam, demonstrabit illi, tanto magis enitendum ad honesta studia, ne quum fortuna cætera suppeditarit, ipse sibi defuisse videatur: magnum adjumentum ad consequendas liberales disciplinas esse divitias: sed has tum demum esse splendidas, ac salutare, si possessor his norit uti, atque hoc præstare doctrinam. Alios plerosque felicibus quidem ingeniis præditos, sed ob rei familiaris angustiam, frustra consecrari liberalia studia: ipsi ob rem amplissimam, nec ocium, nec librorum vim defuturam, & optimi cujusque præceptoris futuram copiam. Sin erit tenui fortuna, tanto enixius oportet incumbere parandis literis, quæ & rem, & famam pariunt, sed insignes. Nam divitibus satis est, vel infra mediocritatem esse doctos. Hæc quidem a nobis fusius ac loquacius dicta sunt, verum in tantum necessaria, ut verear ne multis hæc etiam tam multa non sufficiant. Fateor, ad docendum sunt perpauca, sed ad rationem ac viam indicandam, non inertem, nec indocto præceptoris arbitror fore satis. Nam his doctorem magis instruximus, quam pueritiam.

CAP. XI.

DE EMENDANDO.

JAm vero in emendandis his quæ pueri reddunt, exactissima diligentia est adhibenda. Neque enim sat habeat doctor, manifesta sermonis vitia castigare, verum si quod verbum parum elegans, si minus ornatum, si sordidum, si durum translaturum, si qua contra veterum consuetudinem orationis figura, si quid absurdius compositum, si quid asperum, si quid hiulcum, id notatum emendabit, mutabitque. Tum si quid alio loco dictum, quod alio magis quadabat: si quid additum, quod non cohæreat: si quid præ-

¹ Hæc intelligenda de studiosis, qui jam modicos profectus in literis fecerunt; non de iis, qui ita componunt ut non nisi una litura eorum conatus emendari queant, si elegans oratio ex iis conficienda sit.

teritum, quod inferi oportebat: si quod argumentum futile, vanum, translatum, aut alioqui vitiosum: si quod decus parum feliciter affectatum: si locus sit frigidior: si languidius dictum, quod acrius oportebat: si cubi a decoro fuerit recessum: si translationis color parum pudenter sit delectus: si verbosius tractatum, quod oportebat brevius: aut si brevius perstrictum, quod fufius erat tractandum. Neque simul tamen omnia reprehendet præceptor, sed alias alia, ne pueri despondeant animum. Quæ ferri non poterunt, ea non statim asperere, & cum convicio reprehendenda: & his verbis, eo vultu, quasi discipulum oderis. Nam ea res teneros animos in odium studiorum trahit, sitque ut prius oderint literas, quam norint cuiusmodi sint. Verum quæ tolerari non poterunt, ea blandius quidem, sed tamen diligenter corrigenda: quæ ferri utcumque poterunt, aut dissimulanda interim, aut ingenio collaudato vertenda in melius. Contra, quæ scite excogitata tractata videbuntur, ea nominatim probabit, & quamobrem placeant, exponet. Atque interim iubebit & reliquos omnes attentis auribus accipere thema cuiuslibet quod recitatur: ac diligenter observare, si quid animadvertant reprehendendum, aut etiam imitandum: neque illud inscite monēt Quintilianus, pueros ipsos percontationibus excitandos esse, & quid illic videant vitii, & qua ratione mutandum: & quid sequutus sit, qui feliciter affectavit. Hoc satius est, quam si non periclitante illorum iudicio, tantum indicet ipse quid damnet aut probet. At huiusmodi percontationibus, vide quantum commoditatum consequemur. Primum, audientibus securitas aberit, ut ait Fabius, neque perfluent aures quæ dicuntur, simulque perducentur ad id quod ex hac re quaeritur: nimirum ut aliquando hæc inveniant citra indicem, & intelligant ipsi. Sunt autem quædam vitia, quæ præceptoribus in adolescentulis non debeant displicere, veluti sublimior spiritus, & orationis luxuries: quod hæc indoles promittat perfectam maturitatem. Ego in nostris & alia pro tempore ferenda censeo, puta vuculas, aut etiam clausulas ex auctoribus subleatas: Poetarum versiculos, aut hemistichia subinde intertexta, translationum licentiam, apertioris artis affectationem, compositionem curiose numerosam, ac prope carmen exprimentem. Hæc enim omnia, tametsi in adulto scriptore vitia sunt, in proficientibus tamen necessaria sunt. Porro si ve quid laudes, si ve reprehendas, utrumque & cum modo, & varie faciendum. In aliis inventionis nervi, in aliis argumentandi subtilitas probanda, in aliis sanitas, in aliis gravitas: in his lepos, in illis varietas: in nonnullis dispositio, in nonnullis consilium, ut ad quamque virtutem quisque videbitur accedere. Hæc laudis ac reprehensionis dispensatio faciet, ut neque quisquam de se desperet, neque despiciat quemquam: tum æmulatio quædam inter omnes excitata, dum irritatis omnibus, alterius quisque laudem affectabit, dictu mirum, quantum calcar addet ad studium. Quorundam putidis ingeniis, & rustico pudori, privatis ac blandis admonitionibus erit succurrendum. Profuert & illud, præmiola quædam puerilia proponere iis qui primastulissent: victores collaudare modice: victos ad conandum hortari, quasi industria, non ingenio sint præteriti. Hic rursus mihi cachinnum tollet Grammatista quispiam ex isto ordine, qui Michaelem Modistam pueris solent prælegere; meque clamitabit, e ludo theatrum facere. Atqui cum ipse e suo ludo carnificinam faciat, mihi concedat, si veterum consuetudinem renovare studeo, apud quos in scholis huiusmodi concertationibus juventutem exerceri solitam, vel ipse D. Aurelius Augustinus testis est. Siquidem is in libris, quibus titulum indidit, Confessionum, narrat sibi frequenter acclamatum fuisse, ubi Junonis apud Maronem in Trojanos stomachantis, verba & affectus cæteris feliciter adumbrasset. Agnoscis theatricum verbum acclamandi in ludos literarios fuisse receptum, & tu putas scholæ nihil convenire, nisi plagas & ejulatus. Fabius haud vulgaris formandæ pueritiæ artifex, non uno in loco præcipit, juvenum studia non asperitate deterrenda, sed blandis applausibus, modestisque laudibus alenda, atque exacuenda: vultque doctorem in parentis abire affectum: contra discipulos, præceptorem non horrere ut carnificem, sed observare veluti parentem. Nec obscurum, quid sibi velit Horatianum illud:

Quondam pueris dant crustula blandi

Doctores, elementa velint ut discere prima.

At contra hic Arcadicus quispiam alinus, leonis indutus exuvio, quum & indoctior sit, quam ut admiratione sui pueros habere possit attentos: & insuavior, quam ut a quoquam possit amari, vel amare quemquam, tumultuosa carnificinamenses eximit, puerosque ingenuos, quos neque meliores potest reddere, quippe vir stultus & improbus: neque literatiores, ipse illiteratissimus, flagris excarnificat miseros, clamoribus & conviciis obsurdefacit, ut optimis illis annis sine fruge contritis, magnam crudelitatis suæ mercedem percipiat. Utinam tibi, o sacrilege: nam barbari levius ac dilutius est vocabulum: dignus tuis factis honos aliquando contingat, compellarisque pileum istum, quem ut non promeris, ita nec intelligis, cum cuculla permutare: pro veste ista laciniosa, sagum aut renonem accipere: pro soleis ac sandaleis, perones: pro ferula ligonem, aut scuticam: istoque ornatu e scholis, in quibus nihil aliud es quam canis in balneo, rus extrudaris: aut stivæ, cui natus es, alligandus: aut quod malim, in compedibus fossurus, aut si omnino sine imperio durare non potes, boves & asinos ista tua voce territaturus. Tunc audes, o clurinum pecus, ut Plauti verbis utar, docendi literas occupare munus, quum ipse nihil unquam didiceris? tunc audes stolidè carnifex, bene natos & ingeniosos, atque ingeniosos adolescentes laniare flagris, quos citius occidere possis quam docere? Tun' in eo loco, quem Græci ab ocio *scholam*, Latini a voluptate *ludum* appellandum censuerunt, plus quam Phalaridis tyrannidem exerceas? Tun' hominis monstrum ab his etiam mercedem, si superis ita placet, exigis, de quibus pejus sis meritis, quam scelestus ille Faliscorum literator de sua pube? Siquidem ille dolo peccabat, tu palam & confidentissime perdis bonæ spei pueros. Ille clementi hosti tradidit, veluti pacis obfides, a quo sunt citra fraudem restituti. Tu hosti crudelissimo, terribimoque prodis: videlicet inscitæ, a quo ferme nullus elabatur, qui semel in illius jus venerit. Sed efferrime video longius dolore iustissimo quidem, utinam perinde utili. Regnare jam passim videas plagosum hoc & indoctum Grammatistarum genus: antra illa in quibus deblaterant, ceu Furiarum regnum, misero ejulatu undique personare. Et credimus istam verberandi consuetudinem Quintiliano, viro tum prudenti, tum erudito, adde etiam castissimo, sine causa tantopere displicuisse. Et quod vir Ethnicus ut sævum ac perniciosum explosit, nos Christiani libenter recipimus, sævientes non solum in pueros, verumetiam in ætatem pene virilem. Quod si plagoso illi compotatio contigerit largior, jam pueris etiam instat vitæ periculum. Rideatur hoc, nisi nostra ætate permulta sint exempla infelicitum, quos doctoris temulenta sævitia plagis occidit. Et postea deligimus equis nostris idoneum curatorem, liberos cuiusvis asino committimus. Sed hanc cædendi, sæviendique necessitatem in puerorum ingenia transferunt, qui ceu Phrygum filii, nisi plagis concissi, non emendantur. At quo tandem ore, dic quæso bellua, tu flagris a pueris officium discipuli requiris, quum tu doctoris officium non præstes? Effice ut merito te amet grex tuus: ut miretur primum studia, deinde te quoque studiorum gratia: postremo utrumque alterius causa. Quod si nec amari potes, homo stolidus ac sævus, nec admirationem meretur trivialis ista, ne dicam, culinaria, doctrina vel inscitia potius, quid etiam in ludo sedes impudens? Sin veterem morem tuo damnas instituto, age profer istos egregios artifices, quos tu novus magister sic institueris, ut cum veterum vel infimo certare possint. Quod si qui sunt ad literas indociles pueri, præstat eos ablegare rus, ac parentibus reddere. Sed interim doctori decrescent reditus. Et ideo bonum virum oportet esse, qui suscipiat erudiendam juventutem. Sed istis non alia ratio est, quam tyrannis Principibus, qui malunt imperio, quam æquitate retinere populum: non quod illud melius sit, sed quod hoc difficilius.

Sed jam dudum tempus est, ut ad id quod instituerat, nostra recurrat oratio: jamque finis sit cum istis Boeoticis suis rixandi. Ergo præceptor idoneus, & istorum dissimilimus, posteaquam annotarit, quid in scriptis puerorum placeat aut displiceat: tum exemplar aliquod a se studiose elaboratum proponet, aut etiam dictabit, neque pigebit in laboribus quod ipse sit sequutus annotare. Indicabitur ordinis ratio, transitus commodus, si quod schema specio-

Tom. I.

Z 3

lius,

fius, si quod argumentum nove tractatum: ut in eo perinde ac speculo videant, quid ipsos suffugerit, quid assequi non quiverint, ubi dormitaverint, aut cæcutierint. Alioqui quod isti faciunt, pravam Epistolæ formam proponere, quid aliud est quam docere perperam scribere? Dicent, quotumquemque reperias, cui sit stilus? Calceolariam non docet, nisi calcifex: coquum non instituit, nisi coquus: gubernandi rationem nemo tradit, nisi nauclerus: & miraris si literas docere non queas, quas nescis? Quid docet Grammaticus, qui loqui nescit? Expediet aliquoties & nudum thema proponere, ac totum inventionis laborem, ipsorum ingenii relinquare, quo virium suarum periculum faciant. Magis autem blandiuntur etiam nobis, quæ ipsi quasi peperimus ingenio: verum id raro fieri velim.

Nos olim quum Senæ Alexandrum Archiepiscopum, titulo D. Andreæ, Jacobi Scotorum Regis filium, Rhetorum studiis exerceremus, isque qui sibi jam videbatur nonnihil profecisse, rogaret, ut tantum indicatis propositionibus summis, reliquam omnem inventionem ipsi relinquerem, parvum adolescenti ingenio, miræque spei. Adnitus est summa vi, fortasse sperans fore, ut tametsi sermonis ubertate vinceretur, tamen ob ingenii vigorem non multum esset a nobis relinquendus. Primum collaudabam hominis industriam, & passus sum illum sibi aliquamdiu placere. Mox ubi indicassem, quam multa illum fugissent, quam multa non suo loco dixisset, cristas demisit, & agnovit quantum adhuc abesset a meta.

Illud in genere meminerit doctor, ut pro sui quibusque ingenii viribus præeat. Rudibus tota erit Epistola præformanda: progressis sat erit liniamenta quædam prænotare: adultis suffecerit nudum indicare thema: ut & hac in parte parentum curam doctor imitetur, qui primum infantibus cibum præmansum in os inserunt: deinde sat habent in manum dare: mox mensis tantum admovent: postremo etiam domo extrudunt, ut suapte industria ipsi sibi querere consuecant, & quod dici solet, nare sine cortice. Conducet & illud, si jam ad mediocritatem progressis proponemus idem argumentum iterum ac tertio, aliis verbis, aliaque sermonis figura tractandum. Quæ res potissimum conferet ad parandam orationis copiam, ac felicitatem. Id autem commodius fiet in brevioribus thematis. In hoc genere Cicero nem legimus cum Roscio suo certare solitum, utrum ille sæpius eandem sententiam variatis gestibus repræsentaret, an ipse mutatis verbis efferret. Exstant etiamnum & Maronis in hoc genere progymnasmatum, veluti de aurora, & anni partibus: sed hac de re tempestivius ac pluribus dictum est in libello de Copia.

Cæterum ad inventionis facultatem pertinebit, ut palinodiis exerceantur: ut quod modo suaserint, rursus dissuadeant: quod in cælum laudibus tuleris, id vituperando ad inferos dejicias: ad quod sis adhortatus, rursus ab eo deterreas. Quæ quidem in facultate plurimum valuisse fertur Carneades. Hæc erunt propemodum similia locis, quos Rhetores communes appellant, ut pro amore, quemadmodum apud Platonem dicunt, præter Socratem multi: & contra amorem: quemadmodum apud eundem Lysias: pro literis, contra literas: pro divitiis, contra divitias: pro monastica vita, & contra: pro linguis, contra linguas: pro matrimonio, contra matrimonium: pro Monarchia, contra Monarchiam. Ejusdem generis sunt, quæ per collationem seu contentionem tractantur. Utra vita præstantior, civilis, quam præcticam vocant Græci: an contemplativa, quam Rhetoricam illi vocant. Coelibatus potior, an conjugium. Ad dicendum utrum ars plus possit, an natura? Utrum recens hoc Theologiæ genus præstantius, an priscum illud. Utrum plus valeat ad parandam famam militia, an literarum studium. Ad rem parandam, utiliorne sit Juris prudentia, an studium Medicinæ. Idem fit in personis. Uter dux melior, Hannibal, an Scipio. Uter Philosophus excellentior, Plato, an Aristoteles. Uter Poeta doctior, Virgilius, an Hesiodus. Utrius facundia mirabilior, Demosthenis, an Ciceronis. Hæc incident in consultationibus. Verum quum deliberabit aliquis, utrum Romæ citius paretur fortuna an in patria: utrum satius sit literarum gratia adire Italiam, quam Lutetiam, præter ea quæ sunt locorum communium, ex propriis circumstantiis multa ducet argumenta. Utrum expediat pueros statim admoveere studio literarum, an parcere

A tenerioribus illis annis, donec ætatis progressu nonnihil roboris collegerint. Neque semper necesse est, ut præceptor se thematis inveniendi labore fatiget. Ex Historiis, ut dixi, sumere poterit. Ex Epistolis eruditorum, si quas pueri nondum legerunt: veluti ex Epistolis Ciceronis, Plinii, Cecili, Symmachi, Apollonii, Angeli Politiani. Cur enim hunc in hoc genere non cum quolibet veterum conferamus? Sed tamen e Symmacho rem peti malim, quam phrasin. Promptissimam hujus generis vim, Epistolæ diversæ Græcorum suppeditabunt. Ex omnibus degustatis præceptor, optima quæque proponet. Semper enim ab absolutissimis exordium. Proinde Plinium illis statim objici malim, quam Franciscum Nigrum, Marium Philelphum, etiam si pater in Epistolis nonnihil habet laudis: Æneam, Gasparinum, Campanum: multo minus Carolum Virulium Lovaniensem: cujus scripta cito gratiam exuerunt. Non quod negem in his esse, quod aliquis possit imitari, sed quod mediocribus, aut tolerabilibus tantum anteferri malim eximios. Cæterum cui palma debeatur in hoc genere, non est hujus instituti pluribus verbis persequi. Si quis omisis Græcis, patiatur quemquam ullo in genere anteponi, M. Tullio, Plinio, & Politiano primas detulerim. Sed hac sane in re fruatur suo quifque judicio.

CAP. XII.

DE CONSVETUDINE UNVM MULTITVDINIS
NUMERO COMPELLANDI.

C JAM vero consuetudinem insulsissimam quidem illam, sed aliquot jam sæculis mire receptam, unum hominem multitudinis numero compellandi, non tam dedocendi sunt juvenes, quam animandi ut aufint contemnere: certe quoties cum his agitur, unde nihil sit periculi. Mea certe ætate jam hæc ineptia magna ex parte obsolevit, paulatim subolescentibus bonis literis. Quamquam super sunt & hodie non pauci *Vossifatores*, qui quod pueri male didicerunt, non solum ipsi mordicus tenent, verum etiam ab aliis exigunt. Inexpiabili contumelia se putant affici, si quis unum singulari numero saluet: ac plane rem putant injuriarum actione dignam, ac legibus vindicandam. Tu pro tua prudentia quid sit optimum dispicito. Hic mihi continuo Tragicum vociferans in re nihili: *Quid tu, inquit, me tuissas? tuissas famulos tuos. Ego sum & te, & tuis omnibus melior.* Quid ais hominis monstrum, tu sic appellari dedignaberis, quomodo olim Reges suos appellabant parasiti: quomodo fumos orbis Monarchas olim affabantur libertini, aut e plebe cerdo quilibet? Denique quomodo tu ipse Deum Opt. Max. compellas? Cur non ut unum alloquar, quum unum videam, etiam si Polyphemo major esses? An ideo Athonem montes dicam, non montem, quod ingens sit? An ideo non est mare Oceanus, quod vaste pateat? Adeo qui vix sunt homines, iis non satis est, si unius hominis loco ducantur. Cæsari totius orbis Monarchæ loquimur: Superi bene vertant quod agis Cæsar. Et hic indignatur, nisi dixeris: *Bene vertat quod agis vestra dominationes*: perinde quasi non unum hominem, sed Hecaten quampiam triformem, aut Hermetem trimegistum, aut Geryonem tricorporeum alloquamur. Hoc fortassis in muliere gravida sit tolerabilius, aut etiam, si mavis, in scropha. Cur a Grammaticis distincti sunt numeri, singularis, dualis, & pluralis, nisi ut uteremur? Honoris, inquit, gratia abutimur: apte dictum abutimur. Nam istud est plane abuti, perinde quasi quis solem utramque eidem inducat pedi. Sed quis istuc juris vobis donavit? An æquum putatis, ut honoris vestri gratia, præter veterum consuetudinem barbare loquantur homines? F Quod si tyrannidem occupatis, ut novæ etiam linguæ nobis sitis auctores, cur non saltem constatis vobis? Etenim si numerus mutatus honorem habet, cur non eadem opera videtur honorificum, plures singulari numero compellare? Cur non idem fit in tertiis personis? Honorificum est, si quis Marcolpho dicat, *gratulus vobis*: qui minus honorificum est, *salutate eos*, cum unum jubeas salutare, sed honorabilem? Cur hic honos tantum in pronomini-bus situs est? Honorificum est, *saluto vos, domine Episcopo*: qui minus, *saluto vos domini Episcopi*? honorificum est, *vidi vos ambulantes*: cur non *vidi vos ambulantes*, si uni, sed honorato loquaris? Nimirum aucta pluralitate, crescit honos. Cur in re divina, ædituus non hunc in modum respondet sacrifici-

erifico: & cum spiritu vestro? Cur is Deo loquens audet dicere, *præsta, quasumus, omnipotens Deus*. Cur nos homunculi non veremur illi dicere: *remitte nobis debita*: & ne nos inducas, si tantum honoris est in abusu numeri? Certe primus honos debetur Deo. Cur hunc tanto fraudamus honore, cur huic præferimus homuncionem? Quid hic respondunt isti? an nobis objicient heterosin? Audio, sed hac non utuntur emendate loquentes, nisi in prima persona, vel modestiæ, vel festivitatis, vel euphoniæ gratia. In secunda numquam, nisi quum genus significamus, non personam. Quale est illud Nafonis: *Quæ vestra libido est*? Taxat enim virorum genus, veluti si quis uni meretrici dicat: *Vos estis perniciës adolescentum*; non unam notans, sed totum ordinem. Huic simillimum est illud in tertia persona: *Quum ad uxores ventum est, tum sumus senes*. Unde quod olim modestiæ erat, aut invidiosum, nunc repente honorificum esse coepit? O imitatores servum pecus, ut mihi sape Risum, sape jocum vestri movere tumultus. Istos tefellit, opinor, quod veterum quispiam magistratu fungens, hunc in modum scripserit: *Consideramus, retulimus, statuimus*, nimirum munus publicum cum suis collegis communicans, & potestatis invidiam declinare volens. Hoc, ni fallor, exemplo Reges & Episcopi coeperunt & ipsi scribere: *Nos Joannes Episcopus Cameracensis: Nos Carolus Rex Gallorum*. Nec dubium quin & hoc qui primi coeperunt, modestiæ causa fecerint, videlicet quo tyrannidis speciem fugerent. Tyrannicum enim videbatur, potestatem cum nullo prorsus habere communem. Verum is scribendi mos simul atque Regius haberi coepit, a nostris honorificentiae causa certatim usurpatus est. Ridicule sane: nam si modestiæ laus est, ubi quis pro, *ego Joannes Episcopus*, scribit, *nos Joannes*: qui vos Joannes dicit, pro, *tu Joannes*, contumeliosus sit oportet. Nam se dejicere, virtutis est: alterum contemnere atque extenuare, maligni est atque invidi, si id fiat in absentem: si in præsentem, procacis & contumeliosi. Romanus Pontifex in suis diplomatis admiscet nonnunquam hanc Petri sedem, *quam indigni tenemus*. Quis ferat, si quis idem dicat illi: *Confugimus ad istam Petri sedem, quam indignus tenes*. Quod si hanc sermonis ineptiam idiotarum stulta ambitio commenta est, qui dedignentur orationem habere cum aliis communem, cur eruditi hanc ineptam ac muliebre inanitatē assentando alunt? Scio deberi honorem magistratibus, parentibus, præceptoribus. Sed hic ridiculus est honos, quem præstat solœcismus. Verum largiamur interim, ut tantum valuerit consuetudo. Neque enim me fallit, in Epistolis decimilibri, qui Plinianis per Aldum adjectus est, legi semel atque iterum sermonem hujusmodi: *Ut primum me, domine, vestra indulgentia promovis*.¹ Quamquam & hic tergiversari licuit, cas Epistolæ non esse Plinii: deinde hoc ipsum tam raro fieri illic, ut mendum videri possit. Postremo cum vestra dicit, voluit senatus auctoritatem cum Cæsaris voluntate conjungere, quod sciret hoc esse gratum Imperatori modestissimo. Sed ut omiſsa tergiverſatione, largiamur quod isti volunt: sit sane civilitatis hoc honore blandiri majoribus: sit rustici & inurbani, hoc honoris non reddere: certe novum insolentiae genus est, non esse contentum, si quis cui decedat de via: si caput aperiatur, si genua flectat, nisi ridicule etiam loquatur honoris gratia. Scripserit aliquis Trajano, *vestra indulgentia*: at idem non offenditur, cum toties repetitur, *tua pietas*, pro vestra pietas. Denique non sic illi loquitur Plinius, quum consul illius laudes prædicat: quam orationem oportuit quam maxime honorificam esse. Isti tam insolitum honorem etiam conviciis, atque adeo flagris exigunt a nobis. Domitianus Imperator, vir prodigiosæ arrogantiae, se Deum ac Dominum scribere solitus est in suis diplomatis: atque ita se compelli in aliorum instrumentis edixit. At is nemini unquam succensuit, quod singulari numero compellaretur. Ferri poterat res si modo sint unico solœcismo contenti, vix duplicatus istorum ambitio ni satis facit. Nam *oro vos*, simplex erat solœcismus, quem istorum insolentia jamdudum ut plebesum, nimirumque popularum fastidit ac reruit. *Oro vestram humanitatem*, seſquimen dum erit: nihil adhuc nisi vulgaris honor. *Oro reverendissimas*

A *humanitates vestras*, bene congemmatum vitium: mediocris honor est, & ferendus. Adde tertium solœcismum, & plenam inieris gratiam: *Oro reverendissimas paternitates vestras, domine præstantissime*. Cumulatissimam vis inire gratiam, quadrigam solœcismorum facito hunc in modum: *Oro reverendissimas paternitates vestras, domine præstantissime, domine Præsul*. Euge, euge. Iste demum honorificentissimus est sermo, dignusque quo solenniter adeantur reverendissimi Præfules, ac potentissimi Monarchæ. Magis enim ridiculum, quod quidam honoris gratia personam quoque vertunt, dicentes: *Mandaverat mihi reverentia sua*, pro, *vestra*, sive *tua*. Hujus sermonis ineptiam si quis non videt, illiteratissimus sit oportet: si quum sentiat, non exspuit, patientissimus: si tam absurdam assentationem libentibus etiam auribus haurit, gloriosissimus sit oportet. Et hæc sermonis portenta cujusquam Principis aures ferunt?

B Et hujusmodi non solum ferunt quidam, verum etiam efflagitant Christianæ modestiæ columnina: ac non parentibus homines severissimi graviter succensent: adeo ut quibusdam hac de causa dicam fuisse scriptam sciam, non de asini umbra, quod dici solet, sed de injuria non adhibiti solœcismi. Nuper etiam quidam, gravi nimirum exemplo, ultus est hujusmodi contumeliæ; ad hunc quidem modum. Ab amicis magnis studiis agebatur apud Episcopum quendam, ut quidam spectatis moribus, egregia doctrina vir, sacerdotio, quod tum forte demortuus vacuum fecerat, in-auctoraretur. Negabat vigilantissimus pastor, temere sacerdotia committi oportere inexploratis. Ipsum qui commendabatur, accersi jubet, videlicet de doctrina prudentiaque viri periculum facturus. Adest ille vir, sane antiqua literatura probe præditus, sed sincerus ac simplex, qui nondum novum hunc eloquentiæ florem attigerat: postremo qui Præfules omnes putaret didicisse literas, salutatum numero singulari: *Salve, reverende Præsul*. Quæ totam salutationem dixerat, avertit se Præsul atque abijt, indignabundus non aliter, quam si quis in faciem illius conspuisset. Admirantibus, & causam rogantibus qui salutatorem commendabant, negat se illos conspectu colloquioque dignari suo, a quibus sic in os contemneretur. Frustra quidam rem purgare nituntur, planeque surdo canitur fabula. Iratus ille, sacerdotium in alium quendam disertio rem transtulit, qui quadruplicato solœcismo *humanissimas reverentias domini domini* salutaret: & qui unum hominem in multis, rursus in uno multos videret.

C At quanto falsius isti nobis talionem reponerent, si ipsi singuli singulariter appellati, nos vicissim binos aut ternos singulari voce convenirent. Etenim si honorificum est, uni multitudinis appellationem tribuere, veluti, *πολλῶν ἀνταξίω ἄλλων*, quam erit insignis contumelia, plures singularem verbis alloqui: *Tibi, Paule, nos Abbas dicimus*, tanquam plures in unum conflati, vix efficiant hominem alicujus precii; sic erat par pari referendum. Dices optime lector: Rides tu quidem jamdudum, & nimis unciis naribus indulges. Quid aliud faciam in re tam ridicula? Nam si plane contendunt, honoris significationem esse in catachresi numeri, cur frequenter unam rem, eamque frivolum, nihilque, tricas, apinas, quisquiliæque vocamus, multitudinis numero? Cur unicum instrumentum quo verimus pavimentum, multitudinis numero scopas vocamus? Non invidendus honos istorum, quem cum quisquiliis & scopis habent communem. Hoc etiam interest, quod nisi multitudinis vocabulo, nemo scopas recte salutaverit, nisi dixerit, salvete scopæ: quum istis interim studiosa barbarie gratificemur, omnibus quidem Grammaticis, ac Grammaticorum filiis iratis. Quid quod interdum non sine periculo plurative conviciamur etiam, nimirum assueti. Quid enim si strabus quispiam, dubiique contuitus, uni e multis convicium dicat multitudinis numero: nonne quum oculis quem petit non distinguat, periculum erit, ne tanquam commune maledictum in se quisque rapiat, & pro uno omnes in miserum strabum convicia regerant? Id vero periculosius etiam fuerit cæco. Proinde genus hoc sermonis, quibus est hoc vitii, magnopere fugiendum cenſeo, ne forte oculorum morbo, plures pro singulis cernere putentur. Sic enim nuper quispiam istiusmodi salutatore aperte derisit, & aspere potius, quam uturbane: nisi forte videbitur recte, malo nodo malus quæſitus cuneus. Is enim solus cum efflet

¹ Antiquior est hæc consuetudo, quam putabat Erasmus, eum ejus non obscurum exemplum sit in Epist. Cypriani ad Cornelium, quæ est LX, in Oxoniensi ordine, in Ed. Erasmi prima.

² Cave credas aut has Epistolas non esse Plinii, aut mendose talia legi. Ad Ias. ad Ep. III. Lib. x.

367

esset in conclavi, & a strabo quodam multa cum pluralitate adiretur, iterum atque iterum circumspiciens respondit, ceteros abiisse, se solum esse: si quid vellet, opportuniore tempore rediret, dum illi adessent. Ille vero negat se quemquam præter ipsum unum quærere. Tum alter hominem percontatur, quot illic lectos videret. Quum unum duntaxat respondisset: Et quæ tandem, inquit, intemperie te agitant, aut e qua popina nobis probe potus ades, ut ego tibi non unus videar, sed multi?

Et sunt etiam qui rem tam absurdam tueri conentur rationibus Philosophicis, ut ajunt. Siquidem Aristoteles scripsit, Regem ut cæteris rebus præcellit populum, ita sermone quoque differre debere. Idem par esse, ut quos conditio, dignitas, opes, cultus, & insignia discernant, discernat & sermo. Nec prorsus alia nota rectius dignosci, a privato magistratum, quam abusu numeri, propterea quod ille unus sit e multis, hic non simplicem sustineat personam. Pape, accipio commentum: quanquam apud Græcos istud fiet commodius, quibus tres sunt numerorum differentie. Ergo cui geminus sit Episcopatus, aut cujus Episcopatum Abbatia quæpiam opima conduplicarit, huic dicemus, χαίρεται. Quod si tres sint Episcopatus, aut duobus addita Abbatia, ternarium illum sacrum ac mysticum expleat, huic dicemus χαίρεται. Hac quidem lege, si τετραδάς aut ἰσδομάδας numero sacerdotiorum sint prætergressi, æqui dent veniam, si nostram distinctionem sua ambitione confuderunt. Nec video qui minus liceat ad hunc loqui modum: Nos Episcopi, nos Abbates, cui uni plures sint Episcopæ, aut Abbatie. Sed dubitari jamdudum potest, isti ne stultiores, qui a re tam absurda, tamen abduci non queant: an ego qui in nugacissimis nugis tantum operæ sumpserim, nisi quod ut hoc facerem, plurimæ res me cohortabantur, sed duæ potissimum: tum ut istos apertius irrisos, aliquando suæ stultitiæ pudefceret: tum ut eos qui plane depuduissent, juvenes partim veterum exemplis animati, partim nostris verbis moniti, non dubitarent cum sua ambitione contemnere. Desinet offendere, posteaquam desierit esse insolens: & aliquando placebit omnibus, quod nunc placet eruditis.

CAP. XIII.

DE SALVATIONE.

NUNC ad præceptiones huic argumento peculiare revertemur: sed si paucis admonuerimus, quæ sint in salutatione fugienda, unde solemus Epistolam auspicari, ne pessimi gubernatores videamur, si statim in portu, quod ajunt, impegimus. Est enim hæc ceu prima frons Epistolæ, in qua delinquentem non solum imperitiæ dedecus, verum etiam religionis neglectæ piaculum maneat. Nam a veteribus superstitiose observatum videmus, ut e primis illis forte congrementum verbis, futuri sermonis velut omen quoddam arriperent. Eoque qui sibi forte fortuna venirent obviam, quive quæpiam de re inter sese tractaturi congrederentur, quo faustus esset occursum, ac bene ominatus sermo felicitate utrique verteret, mutuam salutem dicebant. Et sacerdotes quoties prodibat ad populum, salutabat, ac resalutabatur. Ea consuetudo e mediis hominum moribus, in Epistolam, quæ, ut dixi, colloquium est inter absentes, translata est. Eamque semper veteres a dicenda salute sunt auspicati. Idque tam a Græcis, quam a Latinis, tertia persona factitatum videmus: sive quod usus sermonis Rex, personam mutavit: sive quod studio festivitas quædam, quam adfert personæ hypallage, videtur affectata: sive quod olim salutio non adderetur Epistolæ, sed in tergo tituli vice adderetur, velut ab eo recitanda, qui literas perferret. *M. Tullius Cicero Trebatius Imperatori S. D.* Græci ferme ad hunc modum: Πλάτων τῷ Δίωνι ἐν πρᾶτλειν. Quæ verba non hoc sonant Græcis, quod quidam existimant, quasi jubeamus illos, quos ita salutamus, bene vivere, sed quod felicitatem precemur. Nam quibus res sunt secundæ, ii Græcis ἐν πρᾶτλειν dicuntur. Quidam pro ἐν πρᾶτλειν dicunt χαίρειν, quod apud nos sonat gaudere. Utrumque uno versu expressit Flaccus:

Celso gaudere, & bene rem gerere Albinovano.

Latini in hunc ferme modum salutant: *M. Tullius Cicero, M. Varroni S. D.* Plinius suo more addit, suo, opinor quod non scribat nisi amicis: *C. Plinius Sabino suo S. D.* Hebræi vulgato gentis suæ more, pacem optant salutantes, sive

A quod sentiant bellum ac discordiam esse malorum omnium compendium: sive quod pacem appellant summam rerum prosperitatem, ubi nihil est quod offendit animum. Auctor est Plinius avunculus religiosum antiquitus fuisse, nominibus salutare, ne preces, opinor, ambigue ad alienum avertantur: quemadmodum in devotionibus nomen addebatur, velut irrita futura exsecratione, nisi urbis aut gentis verum nomen apponeretur. Ergo ne dirum omen habeat Epistola, utriusque nomen in ipso statim ingressu præfandum est: priore quidem loco illius, unde venit Epistola, posteriore ejus, ad quem mittitur: etiam si longe sit honoratior cui scribitur, quam qui scribit. Puerilis mihi videtur illa nominum, honoris gratia, transpositio, nisi nobis placebit illa B Gnathonis salutio: *Parmenonem suum summum, plurima salute imperiti Gnatho.* Aut nisi si quis ad hunc modum loquatur: *Idem equus portabat Cæsarem & Augustam*, existimemus hominem lætæ majestatis reum peragendum, quod plus honoris habitum sit equo, quam Cæsari, & ejus uxori. Sed extra jocos, mihi probatur veterum simplicitas, quam utinam per nostræ tempestatis corruptissimos mores ubique liceret æmulari, ut nos invicem nudis nominum titulis salutarem: *C. Plinius Calvo suo S. D.* Quid enim erat verius aut purius? Siquidem ubi quis nomen audit, omnes pariter virtutes suas audit compendio. Habet præterea nescio quid peculiariter blandum proprii nominis appellatio, quo audito delectari videntur & animantia bruta. Quo magis istos C admiror, qui vocabulum suum quod inditum est in baptismo, non aliis auribus accipiunt, quam si atrox ingereretur convicium. Stultius, quod aulici quidam non ferunt, ut liberi patrem patris, aut matrem matris appellent vocabulo, dominus ac domina malunt audire, quum illis vocabulis neque sit quicquam honorificentius, neque carius affectibus: adeo nihil illis placet cum plebe commune. Porro nominum vocabulo, prænomina, adnomina, cognominaque completimur. Prænomina fere a majoribus mutuamur, Marcus Tullius. Cognomina pleraque gentilia sunt, Bruno Amorbachius. Agnomina solent ex eventu quopiam accrescere, Scipio Africanus, Cato Uticensis. Hodie cognomina aut gentilitia sunt, quemadmodum apud Italos, Medicum, Baptistarum, Balborum. Aut a loco ducuntur, Angelus Politianus. Nam præter veterum consuetudinem faciunt, qui paternum nomen cognominis vice subjiiciunt: ut si quis Antonium Dionysii filium, Antonium Dionysium appellet. Cæterum qui parentis vocabulum gignendi casu subnectunt, magis referunt Hebræorum consuetudinem, quam Romanorum: Jacobus Alphæi, Joannes Zebedæi, Petrus Simonis. Jam barbara, nonnunquam & sono absurda vocabula, vel hominum, vel locorum, vel familiarum, aut Latinis Græcisve vocibus reddenda sunt, aut in Latinam faciem commode despectenda, ut ab idiotis etiam vulgatum nomen agnoscat: ut quum pro *Barbir*, quod vulgo tonsoform sonat, Barbirum dicimus, pro *Bustid*, Bustidium, aut pro *Lang*, Langium. Quod idem in Græcis & Hebræis sibi permittunt eruditi: veluti cum pro *elephas*, dicunt elephantus, pro *Adam* Adamus, pro *Abraham* Abrahamus. Quibusdam religio est, cognomen gentis immutare. Sed sunt quædam adeo barbara, ut stridores sint verius, quam voces: præsertim nonnunquam apud Germanos monosyllaba quinque conferta consonantibus, quæ ne sonari quidem possint ab ejus linguæ rudibus. Quæ si molli non poterunt, in Græcas aut Latinas voces vertentur. Cognomentis quæ ducuntur a loco, vel originis, vel domini, quidam dure addunt præpositionem, *Picus de Mirandula*: Latinus est, *Picus Mirandulanus*: tolerabilius putant, *Picus a Mirandula*. Ac fortasse licebit unum aut alterum exemplum apud auctores invenire, ubi addatur, de: sed pueri quod optimum est, primum assuescant imitari. Non abhorret a veterum consuetudine, nonnunquam iis quæ diximus, magistratus, professionis, cognationis, aut etiam affinitatis cognomen annexere: idque contra recentium morem, qui honoris gratia præponunt dignitatum vocabula: *Beatissimo Papa Alexandro sexto*. Veteres contra: *Trebatius M. Tullio Cic. Imperatori. Hieronymus Damasus Papa. Budeus Copo Medico Regio. Erasmus Joanni Coeto Theologo. M. Cato Bruto Consuli. M. Tullius Quinto fratri. M. Brutus Portia uxori*. Optarim, si fieri possit, nihil adulationis admisceri titulis. Erras autem, si te laudari putas, quum Episcopus scriberis, aut Theo-

Theologus; professionis ista sunt nomina, non gloriæ. Is demum te laudaret, qui bonum Episcopum, aut eruditum Theologum scriberet. Tolerabile fuerit, si uxorem carissimam, aut liberos dulcissimos appellemus, aut patrem optimum. Porro quoties docti pluculum admiscunt honorificentia titulis, non suo serviunt ingenio, sed alienis obsecundant. Istos nemo modestus feret, opinor, qui prodigiosis assentationibus salutationem infarciunt: ac tum existimant salutationem esse mire Rhetoricam, ubi nonnunquam ipso etiam hominis nomine prætermisso, hunc solem dixerint, alium lunam: hunc luciferum, alium cynosuram, aut lucernam ardentem, speculum sine macula, turibulum odoriferum, pyxidem unguentariam, candelabrum aureum, virtutum sacrarium, disciplinarum thesaurum, omnis scibilis gazophylacium, phœnicem, aquilam, vitem, hortum, flumen, fontem, pelagus, apicem, culmen, florem, gemmam, jubar, fulmen, paradysum: denique rerum omnium laudabilem copiam cornu. Et quid non? Ita novus hic salutator juxta Comicum, venustum dat adveniēns principium. Atque etiam ne parum sint Gnathones, quemadmodum alios immodice efferunt, ita sese pari venustate dejiciunt atque extenuant, servulos a pedibus, vilissima mancipia ejus cui scribunt appellantes. Hujus salutationis exemplum hoc erit, si quis forte requireret animi causa: *Perpicacissimo domino, septem artium liberalium candelabro aureo, Radianti Theologorum apici, Religionis lucerne semper fulgenti, Dominicalis ordinis lucifero, Utriusque testamenti gazophylacio, Heresarcharum malleo, Omnium virtutum heroicarum & non heroicarum, speculo limpidissimo, Dignissimo domino meo, domino præceptor, humillimus dominationis suæ discipulus, & vilissimus servitor, oscula pedum pro salute.* Rides exemplum? Sane merito rides, sed hujusmodi non solum utuntur isti, verum etiam libris editis præcipiunt adolescentulis. Hæc nova salutandi Venus priscis incognita, tum demum nata est: ubi profligatis linguis, exactis bonis auctoribus, quos illi Poeticos vocant, in ludis literariis pro Grammatica tradebatur Michael Modista, pro Rhetorica similes nugæ. Quis tuncquam Gnatho, aut Colax, aut Gelafinus, usque adeo fuit impudens, aut in tantum efuriit, ut istiusmodi verba Regi suo ausus sit in os dicere? Qui plagas pati possunt, qui jure perfundi, qui offe peti, qui commingi sustinent: tamen non sustinent sic salutare, quemadmodum nos Christiani gravibus etiam viris adulamur. Quando Plautus ille parasitorum licentiosus & immodicus effector, ausus est talem inducere in fabula? Si Christianam simplicitatem tueri non libet, simus vel Ethnorum exemplo paulo minus impudentes. Paulus scripsit, inquit, *honore invicem prævenientes.* At Apostolus illic non de salutatione, sed de subsidio loquitur: sic enim ille solet honorem appellare. Quod si vitari non potest, quin blandius agatur cum eo cui scribitur, est verendum quoddam assentandi genus. Sunt figuratæ laudes, his Epistolam, quanta erit, expleas licebit. Verum in ipsa statim salutatione, tam impudentem Gnathonismum, obsecro quis ferat, nisi aut Mida stolidior, aut Thrasone gloriosior? Æque vitio dandum est, quod quidam in Principum literis faciunt, ejus cui scribitur, aut qui scribit titulum, trecentorum cognominum longa serie in decimum usque versum producere. *Justinianus Imperator Caesar, Flavius, Alemanicus, Gothicus, Francicus, Germanicus, Anticus, Slavicus, Vandalicus, Africanus, pius, felix, inclutus, victor, ac triumphator, semper Augustus.* An non fessus lector, Epistolam parabit abjicere, prius quam ad Epistolam pervenerit, nisi coronidem quam recensendis titulis finire non poterant, per & cætera præcidissent? Ridendum & illud salutandi genus, inepte fucatum, quod Carolo Lovanienfi quoque cum primis arrisisset: quo salutis loco, nunc hoc, nunc illud apprecamur: veluti, *Mida divitias, loco salutis.* Aut, *humillimam recommendationem vice salutis. Promptam cum debita veneratione servitutem, loco salutis.* Hæc equidem deliramenta invitus refero, sed aliter dedoceri non poterant. Et in primis hæc sunt dediscenda: tum quod salutationem verbis supervacaneis onerant, puritatemque ac simplicitatem corrumpunt: tum quod stultissimum videtur, aliquid salutis vice subijcere, quum ipsa salute nihil sit melius. Ejusdem ineptiæ sunt illa: *Quot habes calum stellas, quot habes mare guttas, tot tibi mitto salutes.* Quod si quando pietate commendati viri, secus atque nos docemus, salutarunt: præpo-

stere fecerimus, si a quibus vivendi petenda fuerant exempla, non loquendi: in his quod optimum habuerunt, negligemus: quæ pessima, ea sola nobis proponemus. Neque si quando D. Hieronymus, D. Augustinus, D. Gregorius suorum temporum consuetudini concesserunt, id nunc oportebit in ludum literarium vocare, præsertim hac tempestate, qua nihil est omnino literis cum vulgo commune. Postremo quid absurdius, quam ex magni nominis auctoribus nihil imitari, nisi quod erat contemplatione cæterarum virtutum ferendum? Post expressas reliquas Hieronymi virtutes, salutationis novitatem condonabimus. Quod si non potes, noli hujus prætextu tueri, quod temporis suo dedit ille, non judicio. Sed offendemus, inquit, si tuis præceptis parebimus. Quis enim non hanc salutem, *Petrus Tartaretus Henrico Bedæ Theologo S. D.* contumeliam interpretetur potius, quam salutem? Verum ego non in hoc hanc operam suscepi, quo docerem sermonem stultorum auribus atque animis accommodare, sed uti recte scribendi rationem traderem. Neque tamen usque adeo desperandum existimo nostrum hoc seculum, ut errorem quem corrupti mores hominum, & inscitia potuit invehere, cum bonorum & eruditorum virorum auctoritas & usus non possit revellere. Videmus quantum profectum sit paucis annis. Ubi nunc in scholis auditur Michael Modista, ubi glossæ Jacobi, ubi citatur Catholicon, Brachylogus, aut Mammatrectus, quos olim ceurorum thesaurum, aureis literis descriptos habebant Monachorum bibliothecæ? Certe semper erit ad optima conandum. Si statim sanctum erit & *ἀεινῶτον*, quicquid hic aut ille depravit in studiis, neque quod depravatum fuerit, restituere licebit, quo tandem recident literæ? Denique si istis crassis licet veterum eruditorum exemplum contemnere, nobis vicissim non licebit istorum indocilem inscitiam pro nihilo ducere? Quod si quid a veterum consuetudine libebit innovare, si videbitur aliquid dandum ejus animo cui scribitur, aut publice consuetudini, tolerabitur quidem: modo absit enorme vitium, hoc est, ne salutatio sit vel loquacitate molesta, vel assentatione parasitica, vel affectatione morosa, ne quod diximus, pessimum sit omen toti Epistolæ, si statim a vitio fecerit auspiciū.

CAP. XIV.

SIMPLICIS SALVATIONIS ALIQVOT FORMULÆ.

SALVATIONVM quæ præter indicium nihil habent formulæ sunt hujusmodi: *Pius Pontifex Romanus, ejus nominis primus, Lodovico Gallorum Regi, ejus nominis undecimo, S. D. Tiberius Caesar Senatui Romano S. D. Senatus P. Q. R. Machabeo Duci, & sociis Judæis S. D. Horatius Trib. Mil. Bruto Imperatori S. D. Henricus Angliæ Rex Maximiliano Casari S. D. Demetrius Eques Romanus Tito Lucio judici selecto S. D.* In hujusmodi nominibus officiorum plerumque hæretur a doctis, partim quod incertum quæ veterum nomina, quibus nunc respondeant: partim quod pleraque jam recepta sunt, peregrinis ac barbaris vocabulis. Siquidem quem olim Urbis Præfectum vocabant, nunc alicubi vocant *Marchionem*, alicubi *locum tenentem*: quem Tribunum plebis, nunc *civium magistrum* vocari credunt. Quem olim Quæstorem Ærarium, nunc *Redituarium* vocant, sive *Receptorem*. Quos olim Rationales, nunc, opinor, *Phinamarios* dici. Quos olim Quæstores patricii, nunc *Scultetos*. Quos olim Caduceatores, nunc *Heraldos*. Quos olim Senatores, seu selectos judices, hodie vocant *Dominos Parlamentares*. Nam *Ammiraldus* pro littorum curatore, sive maris præfecto, nescio cujus linguæ verbum est. Quod genus sunt & illa: *Marischalcus, Seneschalcus, Baro*, quæ videntur una cum barbarico imperio invasisse. Aut igitur his utendum, aut vetus aliquod vocabulum subijciendum, quod novo respondeat. Id commodius faciet, qui primum ex antiquis Historiographis, e Varrone, e Cicrone de legibus, e Jureconsultorum libris, ex libello Fenestellæ, quem ex professo scripsit, & inscripsit de Magistratibus, animadverterit singulorum, & vocabula, & functiones. Item hujus temporis officia, quibus verbis dicantur, & quibus in rebus versentur. Eandem curam oportebit adhibere, in conferendis Græcis ac Latinis officiorum vocabulis. Nam illi *ὑπατορ*, hoc est, summum vocant Consulem, *ἀνθύπατορ* Dictatorem, seu Imperatorem, quem cum-

371

dem interim & βασιλεία vocant: sed hæc res plus habet negotii, quam ut hic sit obiter tradenda. Argumentum hoc proprium volumen postulat; tantum indicabo, quibus rationibus cognitum magistratum possis circuitione notare. Qui præest describendis Epistolis, & vulgo *Secretarius* dicitur, vocabitur ab Epistolis: qui schedas citatorias scribunt, & *Notarii* vocantur, dicuntur a libellis: qui thesauro præfectus est, a thesauris: qui cubiculis, a cubiculis, quem *Cubicularium*, sive *Camararium* vocant: *Pocillator* a poculis: *Scripturarius* a *Scriniis*. Qui notant ac recitant acta in iudiciis, ab actis dicuntur, sive *Actuarii*. Atque item de cæteris.

CAP. XV.

NOVÆ SALVTANDI FORMULÆ.

Pliniano demum seculo natum videtur, ut quos familiarius amarent, eos in salute suos dicerent, blandiore scilicet pronomine, conjunctissimam necessitudinem significantes. Plinius Calpurnia sua S. D. Ebutius Hispania sua S. D. Quod si nobis permittimus a consuetudine veterum recedere, tot poterunt esse in Epistolis salutandi formulæ, quot in congressu. *Salve pater optime. Salve mater optima. Salvete liberi dulcissimi. Salve mea Terentia carissima. Salve multum. Salve plurimum. Salve etiam atque etiam. Salve quantum mereris. Salve pro tuis meritis. Antonius Licentio suo multam optat salutem: plurimam salutem, perennem salutem. Nam plurimas salutes, aut innumeras salutes, non ausim dicere, nisi sentiam a diversis allatas. Politianus Marfilio suo multam ex animo precatur salutem. Erasmus Fausto suo multam optat faustitatem. Andreas Egidio sodali jucundissimo multam optat felicitatem. Antonius Laurentius Marco fratri carissimo perpetuam optat incolumitatem. Terque quaterque salve meum præsidium. Salvere te jubet tuus Ludovicus. Salvere te jubet, qui ipse non salvet. Salutem tibi dico, quam ipse desidero. Salutem tibi mittit, qui ipse perit. Salutem tibi mittit, quam ipsa nisi tu dederis, non est habitura. Salvus sis optime focer. Ave præceptor optime. Has itaque atque hujusmodi formas, quanquam nonnihil diversas a veterum consuetudine, tamen non video cur oporteat in totum damnare, modo in loco adhibeantur. Illud genus non perinde probo: Salva sit tua præstantia, tua reverentia, tua nobilitas, tua dominatio.*

CAP. XVI.

QUOMODO PER ALIUM SALVTANDUM, AUT RESALVTANDUM.

Cæterum & hoc in Epistolis, ut per alios salutemus alios. Id apud eruditos fere fit his modis: Attico nostro multam ex me salutem dicito. Uxorem tuam ac liberos mellitissimos omnes meis verbis salvere jubebis. Generum mea causa salutabis officiose. Amicis omnibus communem ex me salutem dicito. Parentem optimum meo nomine salutabis diligenter. Fac ut amicis communibus mei vice salutem annuncies. Totam familiam tuam per te meis verbis salutam volo. Non erat ocium omnibus scribendi, sed omnibus pro me multam dices salutem. Tu mihi apud amicos omnes vicarius esto salutator. Omnibus ex me annuntiabis, me illis omnia laia precari. Gener tuus jussit, uti suis verbis tibi multam salutem adscriberem. Socrus tua optabis prosperam valetudinem meo nomine. In salutandis amicis, quoniam in præsentia mihi non vacavit scribere, fac Erasmi tui vice gnauiter obeas. Quam blandissime salutabis Antonium, sed meo titulo. Salutarem Abbatem meis literis, sed tu mihi apud illum Epistola vice fueris. Gravabo te non magna sarcina, ut meo nomine salutem perferas ad socrum meam. Quæso ut sodalitatem totam mihi salutes accurate.

CAP. XVII.

REDDITA SALVTATIO PER ALIOS.

Attica, quam illi tuis verbis dixi salutem, libenter accepit, atque vicissim per meas literas salvere jussit. Tuam salutem Attica libens accepit, ac suam remisit. Ambrosius salutem quam illi tuis verbis renunciavi, totidem verbis renumerat. Amici per me tuo nomine diligenter salutati, dederunt hoc negotii, ut te vicissim suo nomine juberem salvere. Genero tuis verbis salutem rescripsi, nam aberat, is suo nomine tibi multam salutem jussit rescribi. Socer tuis verbis per me salutatus, te vicissim meis resalutavit. Qui me per te salutant, hos omnes mea salute meis verbis imparties.

1 Potius a me, sic enim passim Cicero loquitur;

CAP. XVIII.

DE EPITHETIS ET NOMINIBUS ADOPTIVIS.

Nonnunquam urbanitatis & comitatis est, addere honoris, aut adoptiva cognomina: quorum posterius exemplum est, ut si senem bene de nobis merentem, appellemus *patrem*: juvenem nobis carum, *filium*: novercam *matrem*: sororis maritum, *fratrem*: quibus adjiciuntur & epitheta, quæ Fabius vertit, apposita. Hæc veteres parcius admiscebant titulis, etiam si recentium consuetudo diversum obtinuit: sed horum major erit usus in media Epistola. In his illud in primis erit observandum, ut si tribuenda sunt, tribuantur apposita personis, & rei, de qua agitur. Ecclesiasticis dignitatibus hæc fere congruunt: *Beatissime Papa. Pontifex maxime. Summe Pontifex. Amplissime Pater. Sanctissime Præsul. Vigilantissime Pastor. Sacratissime Pater: venerande, suspiciende, observande, integerrime, religiosissime Pater.*

CAP. XIX.

PRINCIPVM EPITHETA FERRE SVNT HVIJVS MODI.

Cæsar Auguste. Rex invictissime. Fortissime Imperator. Dux illustrissime. Clementissime Princeps. Vir generosissime, præpotens, ornatissime, clarissime, splendidissime, Opt. Maxime: quod a Jove sumptum, quidam in Christum transferunt, in quem verius competit, quam in Jovem. Nonnulli etiam ad summos Monarchas traducunt. *Divos*, ac *Deos* appellare Reges, ethnici cujusdam gnathoniismi est. *Dominos* appellare barbaricum, etiam si cœpit hoc nomen ferre Romana lingua, postquam ingenia jugum tyrannicum ferre poterant: mox Ecclesiæ Proceres, quo differrent a profanis, pro dominis, *domni* voluerunt appellari.

CAP. XX.

MAGISTRATVVM CIVILIVM EPITHETA FERUNT HÆC.

Consul vigilantissime. Senator splendidissime. Censor gravissime. *Adilis* magnificentissime. *Judex* incorruptissime. *Prætor* integerrime. Ex his vero qui literas profitentur, Theologos, graves, sinceros, absolutos, sacros, ac divinos appellabimus: Rhetores, disertissimos, suaviloquentes, facundissimos: Poetas, sacros, divinos, claros, nobiles, inclytos: Jurisperitos, juris utriusque consultiissimos, prudentissimos legum, juris utriusque juxta doctos: Dialecticos, acutos, argutos, invictos: Medicos, peritissimos, fidos, eximios: Mixte doctos, undecunque doctissimos.

CAP. XXI.

COGNATORVVM ET AFFINIVM HÆC FERRE SVNT EPITHETA.

Pater optime. Mater indulgentissima. Frater carissime. Patre observande. Soror carissima. Uxor suavissima. Nepos mellitissime. Jucundissime gener, affinis, sodalis, commilito. Ex reliquorum genere qui nulla certa nota sunt insignes, divites, & auctoritate præstantes viros appellabimus: *Optimates viros, summates, primarios, nobiles, graves, gravissimos: Ornatos, virtute aut eruditione præcellentes: Observandos, honorandos, colendos, absolutos, eximios, egregios, prudentes, suspiciendos, spectatos, perspicaces, circumspectos. Matronas nobiles, primarias, optimas, integerrimas, probas, pudicas. Puellas lepidas, bellas, amabiles, optime moratas, pudicas, jucundas, mellitas: Adolescentes ingeniosos, probos, modestos, optima spei, eximia indolis, generose indolis. Milites fortissimos, exercitatissimos. Opifices industrios, solertes, peritos, exquisitos, accuratos. Reliqua sibi quisque ex his quæ recensuimus inveniet. Atque hic quidem cautio sit oportet, non solum ne quæ aliis congruunt, in alios transferamus: veluti si quis puellam venerandam, senem jucundissimum, Regem pudicissimum, matronam invictissimam nominet: verum etiam ne quando manifesto falsa tribuamus, ut Theologum male doctum, gravissimum potius appelles, quam eruditissimum: Præfulem stupidum ac supinum quidvis potius, quam vigilantem: Regem insigniter avarum, clementem magis dicas, quam munificum. Etenim sibi quisque conficius, hæc in contumeliam rapit, non aliter, quam si deformem senem, formosum puellum appelles: aut pumilionem, egregium herosa.*

CAP.

2 Ut liquet ex Epistolis Plinii ad Trajanum.

CAP. XXII.

UBI, ET QUOMODO POTISSIMUM
VTENDVM EPITHETIS.

HÆc, ut dixi, in salutationibus optarim parcius adhiberi. Cæterum in media Epistola quum res agitur, erit his aliquando locus. Quanquam nec hic passim quævis, & sine delectu erunt adhibenda. Nam ut boni Ducis est unumquemque militem, ita boni Oratoris est, unamquamque vocem eo statuere loco, ubi quam maxime possit usui esse. Veluti Principem cui gratias ages pro accepto munere, aut a quo velis aliquid impetrare largitatis, tempestivius munificentissimum, aut benignissimum nominaris, quam fortissimum, aut invictissimum. Adhibebimus autem in loco, si dicemus: *Ignosces primo errori, Dux mitissime. Patere te exorari, clementissime Cesar. Turcarum vim a Christianorum humeris depelle, Rex invictè. Succurre periculis Ecclesie, religioissime Princeps. Restitue per calumniam oppressos, æquissime Prator. Non est meum tibi consilium impartiri, viro oculatissime. Tuo consilio nobis subveni, vir prudentissime.* Siquidem in his orationibus non sunt ociosa epitheta, sed argumenti vim obtinent. Ut enim probes non esse tuum illi dare consilium, assumis argumentum, quod ipse quum sit oculatissimus, domi consilium habeat, nec egeat mutuo.

CAP. XXIII.

DE TRANSFIGVRANDIS EPITHETIS.

TRANSFIGVRANTVR hæc appositiva nomina nonnunquam haud ineleganter in substantiva, itaque pronominum vicem gerunt: *Obsecro te, pater piissime: Obsecro tuam pietatem, pater. Gratulor tibi vir fortissime: Gratulor tue virtuti. Condone mihi hunc errorem, vir mansuetissime: Condone mihi hunc errorem tua mansuetudo. Nostra stultitia præsidio sit, queso, vir sapientissime: Nostra stultitia tua sapientia sit præsidio. Compesce improborum audaciam, vir integerrime: Improborum audaciam tua compescat integritas. Publica calamitas implorat te, Princeps clementissime: Publica calamitas implorat tuam clementiam, optime Princeps. Succurre religioni Christiana, piissime Cesar: Tua pietas Opt. Max. Cesar, succurrat religioni Christiana labanti. Non est hominis imperiti, viro prudentissimo consilium dare: Non est mea imperitia, tua prudentia consilium dare. Te, inquam, appello vir impudentissime: Tuam, inquam, appello impudentiam.* Nonnunquam vehementiæ causa rem duplicamus, sed immutata voce: *Succurrat mihi tua benignitas, liberalissime Mecenas. Te omnes execrantur, homo ignavissime: Tuam ignaviam execrantur omnes, homo formidolosissime. Demiror te homo vecordissime: Vecordiam tuam admiror, o demens.* His igitur si modice, & in loco utemur, & graviorem amplificando reddemus orationem, & argumento juvabimus sententiam, & sermonem grata varietate novabimus. Nam vulgo scriptorum in huiusmodi, neque modus est ullus, neque tempestivitas ratio. Sic enim passim: *Dominationis tua literas accepimus. Et reverendissima tua præstantia mihi literis significavit. Et nobilitas tua meo nomine salutabit uxorem suam. Et caritati tua breviter respondeo. Et nostra parvitas, dignissima paternitati tuae gratias agit.* Stultum est ita vitare personam, quasi fas non sit cauti. Et tamen fateor alicubi gratiam habere, vocabulum qualitatæ personæ loco submissum. Stultitiæ meæ prudentia tua sit præsidio. Nostram tenuitatem tua foveat liberalitas. Nostram inopiam tua copia sustineat.

CAP. XXIV.

DE ADOPTIVIS NOMINIBVS.

UT autem redeamus ad id quod superius attigimus, iisdem locis gratiam habent adoptionis vocabula: quoties potentes, quorum auctoritate sublevamur, quorum beneficentia adjuvamus, *patronos, parentes, ac præceptores* nominamus: *foeminas, patronas, ac matres*: æquales amicitia junctos, *fratres, ac sorores*: ejusdem studii sodales, aut ejusdem instituti professores, *commilitones*: adolescentes, *filios*: discipulos, *alumnos*.

CAP. XXV.

DE SUPERSTITIONE EPITHETORVM.

Fugienda est infelicitas eorum, qui se certis vocibus alligant, quas Magica, pene dixerim, superstitione vel

¹ Jam olim pravæ hæc loquutiones usurpari cœperant, ut liquet ex *Valerii Maximi* proemio, ubi hæc verba leguntur: *mea parvitas eo iustius ad fovorem tuum decurreris.*

Amutari, vel inverso proferri ordine, piaculum existimant, perinde quasi Jovem conceptis verbis evocent, aut noxios Dæmones adificiant. Quos nisi rite, certisque verbis compelles, capitis tui periculo feceris. *Beatissime Pater*, audit Romanus Pontifex: Si scripseris, *Pater beatissime*, rescinditur diploma. Audit *sanctissimus Pater*: Si quis scribat, *Pater sanctissime*, mutatur scriptum. Audit *sanctissimus Dominus noster*, nisi addas, *noster*: aut si præpostere dixeris, *noster sanctissimus Dominus*, ingens flagitium commissum putabitur. Simili superstitione receptum est, ut Cardinalibus tantum, *reverendissimas* ² *Dominationes* tribuamus; Archiepiscopos *reverendissimos* appellemus; Episcopos & Abbates *reverendos*, Priores *venerabiles*, Decanos *spectabiles*; Unum Gallorum Regem *Christianissimum*; Solum Hispaniarum Regem *Catholicum*; Angliæ Regem *Serenissimum*; Solum Cæsarem *semper Augustum*; Duces *illustrissimos*; Alios inferioris nobilitatis tantum *illustris*; alios *clarissimos*. Quis hanc titulorum superstitionem invexit in mundum? Nimirum Pharisaicum illud hominum genus, quod aliis quoque cærimonius, & falsæ doctrinæ, falsæque religionis præstigiis, diu mortalium generi nimium credulo imposuit. Huiusmodi *reverendissimis dominationibus*, & *Catholicis majestatibus*, *amplissimis paternitatibus* ⁴ subinde repetitis, bonam Epistolæ partem occupamus, & Latini sermonis gratiam perdimus. Ignosco iis, qui utuntur inviti: non ignosco, qui hæc comminiscuntur, aut qui exigunt ceu rem seriam. Quid enim si Regem pro patriæ salutis sese periculis obicientem, pro Catholico, aut Christianissimo dixerim, *patrem patriæ*; ridebit, opinor, me *crasso Calpurnius ore*? Quid si Romanum Pontificem, non ambitioni, non quæstui, non voluptatibus, non tyrannidi inhiantem, sed Christi gloriæ, Christianique gregis salutis servientem, dixerim *Pastorem Evangelicum*: an non appositius loquar, quam si dicam, *beatissime Pater*, cum *beati* cognomen quadret etiam in divitem? Si vere talis est Pontifex, tribui dignum titulum: si non est, submonui qualis esse deberet. At isti putant, aliud esse, dominus Petrus, & Petrus dominus. Et profanos honoris gratia semel dominos appellandos, Ecclesiasticos, *dominos dominos*. Cæterum Abbates aut Episcopos, *dominos*. Quod si dominici vocabuli congeminatione facit ad significationem dignitatum, quoties eos vocabimus *dominos*, qui plus quam viginti Sacerdotiis onusti sunt? Et de his tricis, doctissimi scilicet homines sudantes disputant, cum utrumque juxta sit barbarum. Conditionis nomen *dominus* est, non honoris: tyrannicum, non magnificum: barbaricum, non Romanum. Nam & lenonem cui mancipia sint, dominum recte dixeris. Itidem *magistrum nostrum* si dicas, Theologum intelligunt, præsertim Lutetiæ, & Lovanii: quum calceariorum famuli, suum patronum inter se confabulantes, *nostrum magistrum* verbis significant. Veluti quum ajunt: *ubi cessat noster magister? Temulentus est alicubi noster magister. Utinam nunquam domum redeat noster magister.* Quod si capræ loqui possent, pastori suo dicerent, *noster magister*. Tantulum interest inter caprarium abjectissimum, & idiotam, & inter sacrosanctum divinæ mentis interpretem. Dicent: Quid faciam, si quis honoris gratia me vocat *magistrum nostrum*? Ride, move caput, & desinent te sic honorare, si senserint aures tuas non delectari titulis ineptis.

CAP. XXVI.

QUOMODO DICENDVM, VALE. Uemadmodum a salutatione auspicamur Epistolam, ita dicto *vale*, claudimus. Nisi quod apud Græcos *χαίρειν* utroque loco ponitur, sed in calce rarius. Item apud Latinos *salve*. *Vale* non dicitur nisi in digressu, quemadmodum nec apud Græcos *ἔγωγε*. Hoc interest quod salutio nonnunquam sic effertur, quasi recitetur a tabellario. *Cicero Trebatio salutem dicit. Vale*, semper ad scribentis personam accommodatur. *Vale mea Terentia*. Nemo sic scribit: *Cicero Terentiam suam bene valere jubet*, quemadmodum: *Cicero Terentiam salvere jubet*.

CAP. XXVII.

VALE DICENDI FORMULÆ ALIQVOT.

Vale. Vale recte. Bene vale. Cura ut quam rectissime valeas. Etiam atque etiam cura ut valeas. Da operam ut bello

Tom. I. Aa 2 va-

² Nunc *Emingnissimas*.

³ Alii Reges dicuntur *Serenissimi*, sed peculiaris Angliæ Regis titulus est *Defensor Fidei*, ab Henrico VIII. ex quo contra Lutherum scriptum est.

⁴ Vide Præfationem *Erasmii* in Epistolas suas.

valeas. Commune valetudinem fac cures diligenter. Si tunc te vales, nos jam dudum valeamus. Valetudini tuæ, siquidem nos valere vis, omni sollicitudine fac servias. Adnitere ut quam optime vales. Sit tibi cura tua valetudo, mi Tyro. Siquidem nos amas, vales mi Cicero, meque mutuo diliges. Fac valetudinem tuam summo tueare studio. Valet. Scribam alias copiosius, interim mihi vales. Adero ad Calendas Majas, interea curabis ut vales. Da operam ut sis prospera valetudine. Age curam valetudinis tuæ. Si quid erit quod velimus ejus cui scribimus animo inherere, solet post vale subjici: Vale, nosque, quod soles, ama. Vale mi Petre, & hoc unum fac meminere, te inter venena vivere. Jam vale. Vales autem, si Philosophiam amplecteris. Vale, & quicquid acciderit, cogita te mortalem esse. Vale nostri memor. Valet, & nominis immortalitati totis nervis incumbito. Vale meum decus, & cave ne tibi excidat, quod admonuimus de fratris negotio. Nonnunquam & post dictum vale subjicimus, quod nos fugerit, aut quod ideo fingimus nos fugisse quo tenacius infideat animo. Vale, mi More. Sed heustu, propemodum praterieram, quod in primis dictum oportuit. Vale. Jam paravam obsignare literas, sed quia prater speciem nonnihil obigit, libet etiam diutius tecum garrere. Vale. Sed jam obsignaturo Epistolam, illud percommode venit in mentem. Vales. Sed mane paulisper: nunc demum occurrit animo, quod primo loco dictum oportuit. Vale. Sed o me obliviosum, pene sero soceri tui negotium mihi venit in mentem. Vale. Jam cetera admovebam anulum. Papa, quam pene me fugerat, quod omnium maxime scire te volebam. Vales, sed si illud prius admonuero, ut a fucatis amicis te subducas. Vale. Eja, de libro nunc demum sese offert memoria: ne cui credas, nisi videris meum chirographum. Vale iterum atque iterum. Equidem non possum desinere, adeo mihi dulce est cum amico jucundissimo confabulari. Vale jam tertio. Sed prius quam obsignem Epistolam, unum illud addam. Vale. Jam Epistolam complicaveram, cum adiret me gener tuus, qui te jussit salvere plurimum suis verbis. Jam obsignaram Epistolam, quum alteras tuas ad me literas reddidit veredarius. Itaque resignavi, & eadem operabini tuis respondeo. Hujusmodi figuræ non hoc tantum in loco, verum alias etiam habent gratiam, si quid Fabio credimus. Nam & amovent suspicionem fuci & artificii, & lectorem dormitabundum, velut ad rem novam expergefaciunt. Reperiuntur apud Christianos dicendi vale formulæ diversæ ab his, non tamen in totum damnandæ, mea quidem sententia. Incolumem te nobis diu servet Opt. Max. Jesus. Faxit Christus auctor omnis salutis, ut nobis & quam diutissime, & quam rectissime vales. Diute nobis ac Reipublica sospitem velit esse Dominus Jesus. Hujus generis formas si quis effingat accommodas, non arbitror reprehendendum. Cæterum alienas illas coronides, dureque affectatas, non feram. Vale in eo qui vastum cingit fluctibus orbem. Validum te servet, qui mare & terras, variisque mundum temperat horis. Quid enim terra mari cincta facit ad valetudinem tuam? Aut quid annus in quatuor partes digestus? Mollius erat: Ille qui solus sanat omnem agritudinem, donet tibi ut quam optime vales.

CAP. XXVIII.

QVID POST VALE.

Post vale continenter locum ac diem adscribunt veteres. Locum varie, his quidem modis: Datum Roma, datum e Roma. Scriptum Mantua, sive e Mantua. Aut omisso participio: Carthagine, Lutetia, Athenis. Ex arce nostra. E villa paterna. Ex nostro Formiano. E castris Casariensis. Ex regia Britannia. Ex nostro musæo. E navi. Ex pandoecho. Nam hoc quoque nonnunquam juvat discere, ubi fuerit amicus qui scribit. Et locus ac tempus nonnunquam excusat Epistolam neglectius scriptam. Tempus privatum his ferme modis adscribitur: Ruri ad multam noctem. Putcoli prima luce. Ex hortis suburbanis. Inter cœnandum, aut mox a cena. E paternis adibus crepusculo. Ex litore marino ad lunam. Ex aula Casaris, nocte concubia. Noctu, multa nocte, profunda nocte, alta nocte, plurima nocte, nocte intempesta. Sub gallicinium. Ex balneis pomeridianis. Tempus publicum his rationibus additur: Anno a Christo nato millesimo quingentesimo. Anno a Natali Jesu Christi, quingentesimo supramillesimo. Anno a Virginis partu, millesimo trecentesimo nono. Anno ab orbe redempto, post millesimum quingentesimo. Anno a Christo passo, sexagesimo sexto. Anno ab hominum genere restituto. Anno salutis humana. Quidam auspicantur annum a natali Christi, quidam a calendis Januariis, quidam

A a die Paschæ, quidam a festo Annunciationis. Atque ex hac re sæpenumero captio nascitur parum attentis: quam varietatem expediret tolli e rebus mortalium. Veteres ab orbe condito supputabant. Græci numerabant Olympiades, quemadmodum alii Indictiones. Romani primum ab Urbe Condita numerabant: mox per Consules designabant annum, quod is magistratus esset annuus. Adscribitur & mensis, & dies mensis: Roma calendis Januariis, sive Januarii. Ad calendis Januarii, vel Januarias. Nonis Martiis, vel Martii. Idibus Junii, vel Junii. Ad Idus Junias. Pridie calendarum Januarii, vel pridie calendis Januarii: quod posterius apud auctores probos est usitatum. Postridie calendis Octobres, vel calendarum Octobrium. Tertio calendis Augustas, vel Augusti: vel ad tertium calendis Augustas. Recentius est autem, quod quidam a principe mensis die supputant: Die mensis Julii vigesimo octavo. Errant autem qui præpositionem ad, additam, existimant semper tempus reddere incertum. Etenim quum M. Tullius frequenter sic adscribit diem: Ad XV. Cal. Febr. num ita potius erat, ut quo die scriberet ipse nesciret: Imo hic sermo sumptus est a Græcis, qui τῷ εἰς τὴν αὐρὰν dicunt, pro τῷ αὐρῶν. Cæterum si quando de tempore ambigit qui scribit, hoc pacto scribere licebit: Anno circiter nonagesimo supra millesimo. Anno plus minus quingentesimo. Ad annos circiter nonaginta. Annos ferme nonaginta. Dies qui calendarum diem, aut nonarum, aut iduum proxime antecedit, non est aliter designandus, quam per adverbium pridie. Pridie calendis Januarias; is enim est ultimus dies mensis Decembris. Qui proxime consequitur, duplici modo notari potest: Postridie Nonas Junias: sive, Octavo Idus Junias. Nec absurdum est, quod nonnulli nostris festis indicant dies: Natali Christi. Natalis Virginis maris. Pridie natalis Ambrosiani. Feriis Paschalibus. Die a natali Joannis Baptiste tertio. In scriptis, ubi cum periculo possit errari in tempore, profuerit eundem diem, aut annum variis notis indicare: ut, Anno a Christo nato M. D. Alexandri Pontificis decimo. Nonis Aprilis, postridie Pasche. Etenim si scriptoris vitio contigerit depravari numerum, unum ex alio poterit restitui.

CAP. XXIX.

DE ORDINE EPISTOLARI.

Ordinem in Epistolis, vel a natura, vel ab arte licebit petere, sed ab arte infrequentius. Nam si in actionibus forensibus, omnis fere dispositio a consilio sumitur, non præceptis: quanto magis id faciundum in literis quæ leguntur, non audiuntur: & leguntur a docto, non a vulgo. Postremo quæ nullum omnino nonnunquam habent ordinem: & si habent maxime, melius dissimulant, quam ostendunt. Quare superstitiose faciunt, qui libertatem illam Epistolarem, certis partibus alligant, atque ejusmodi servituti includunt, cujusmodi ne orationes quidem tenere Fabio placet. In simplicibus argumentis eum sequamur ordinem, quem consilium nobis dictaverit, non præceptiuncula. In confusaneis Epistolis, in quibus innumerabilium prope rerum acervus congeritur: aut ut quicquid in buccam venerit, ita effundemus: aut ordinem aliquem a tempore, loco, personis, aut rebus imaginabimur, eum crebris transiitunculis breviter significamus. Quas quidem vel a similibus, vel a dissimilibus, paribus, imparibus, contrariis, disparatis, relatis fingemus ad hunc modum: Habes animum monstrosum, nunc corpus accipe monstroso animo dignum. Mea in illum officia tenes, jam quam ille gratiam retulerit, cognosce. Sed hac adhuc puer, jam qua adolescens designarit referam. Verum hac tibi cum multis communia, illud tua propria laudis. Sed hoc leve, illud non tolerandum. Sed hac in suis sordibus esse fatetur, veniamus ad splendida. Sic Episcopatum est assequutus, nunc audi quomodo gesserit. Sic emit magistratum, nunc dicam ut Episcopatum administraverit. Adhuc vetera diximus, illud novum & inauditum. Sed hactenus joci sumus, veniamus ad seria. Sed tristitia mittamus, revertamur ad laetitia. Habes Britannici itineris Tragædiam, nunc Gallicas accipe Comædias. Vultus aperui, nunc remedium ostendam. Sed hoc nihil ad nos, illud vehementer mearefert. Ad primas tuas habes, nunc reliquis respondebo. Minuscula tua Epistola respondi, venio ad majorem. Prioris tua Epistola satisfactum, ad alteram accingimur. Quæ hic gerantur audisti, nunc ad literas tuas ordine. Sed hac me magnopere delectant,

1 Jam omnes norunt legendum non ad, una voce, sed a. d. hoc est, quæ de die.

lectant, illud male habet. Quid doleam, habes: nunc quid metuum, accipe. Sed hac spes tantum erat, illud jam tenebamus. Quam rem susceperis, ostendi: nunc qua ratione perficias, discite. Tuis de negotiis habes, nostra vero res sic habent. Prioribus tuis, opinor, respondimus, nunc ad posteriores accingar. Habes forensia, nunc domestica res accipe. Rusticanas res habes, nunc urbanas accipe. De tuis habes ad omnia, de meis nunc vicissim accipe. Sed jam satis diu de Republica, ad domestica veniam. Sed hac rumore tantum cognovimus, illa vidimus ipsi. Dixi ducem, nunc tibi pacis moderatorem describam. Sed hac corrigi possunt, illud ne leniri quidem ulla arte potest. Turpissima audisti, audi turpiora. Quid ingratus? sed audi etiam ingratiorem. Omnibus fere de rebus habes, illud unum addam. Consilii mei rationem habes, nunc quid te facere velim, aperiam. Sed jam nimis multa de externis, de nostris pauca commemorabo. De partu, recte: de divortio, discrucior. De affinitate nova voluptatem nuncias maximam, sed de Cassiano vita defuncto, acerbum profecto nuncium. Huiusmodi transitiunculis commode excogitatis, tanquam ansulis quibusdam inter se connecti poterunt, quæ natura non cohærebunt: pariterque fiet, ne tanquam scopæ dissolutæ, turpiter diffuset Epistola, & legetur libentius, & intelligetur facilius, & hærebit diutius. Quare connexionibus brevibus, & aptis, crebrius uti convenit: non in hoc solum genere, verum etiam in simplicioribus argumentis, quibus ea quoque, quæ natura sunt perpetua, intersecemus, quo legentis animus subinde renovetur.

CAP. XXX.

MIXTÆ EPISTOLÆ EXEMPLVM.

Mixtæ Epistolæ exempla, quanquam apud Ciceronem plurima suppetunt, maximeque ex iis, quas ad Atticum, & Q. Fratrem scripsit, tamen necubi nostram operam studiosi adolescentes desiderent, unum subjiciemus.

DOMITIUS LVCIO SVO S. D.

„Seculum exisse scribis, quod ne litera quidem a nobis adfertur, quamquam impudens *ὑπερβολή*, nam seculum istud vixdum etiam trimestre: tamen ut me sine culpa inculari doleo, ita tuo nostri desiderio majorem in modum delector. Nos vix demum post Ulyssæos errores, ad Musas rediimus, nondum satis etiam placatas. Expostulant adhuc, & queruntur sibi parum obtemperatum a nobis fuisse, qui quidem felicissimo literarum ocio relicto, tantis fluctibus memet injecerim. Lucubrationes tuæ nitidissimis formulis excusæ, nuper in vulgus exierunt, bonis, ni fallor, avibus: nam passim & a distractioribus, & a studiosa juventute rapiuntur. Neque defunt tamen Momiqueidam, qui Veneris scandalum calumniantur, ne nihil in absolutissimo opere reprehendant. Stili novitatem subaccusant, id est, antiquitatem, quod ego tamen summam laudem interpretor. Quare tu hæc æquo animo feres, ne tibi Virgilius invidet, cujus cœlestis eruditio huiusmodi Momos non potuit effugere. Nos quoque dialogum nostrum incudi redditum perpolivimus, is jamdudum in bibliopolarum est officinis, editionis aleam subiturus. Cæterum modo ab Aristotele, cujus signa a pueris sequuti sumus, descivimus, eque Lyceo, & ambulacris illis, in Platoniam familiam transmigravimus. Et adeo defectionis non poenitet, mi Luci, ut te quoque ad meam Academiam sollicitare non prius sim desiturus, quam persuasero. Verum de scholis alias, nunc ad politica. Hic omnia plausu, lætitiæque perstreperunt. Mediolanum receptum, Dux a victore in Galliam deportatus. Galli successu victoriæ sublatis, majora moliantur, & jam Italiam minantur. Nunc ad domestica veniam. Cætera ut volumus, nepotulus tuus jam mensem febricula affligitur, sed Medicus bene sperare jubet. A nobis neque pecuniæ parçitur, neque ulli rei, quæ ad illius valetudinem curandam pertineat. Ambrosium, qui tibi debet, jam tuis verbis sæpius appellavi, sed domo plane faciem perficitur: sapere aut nomen condones censeo, aut obtorto collo hominem in jus trahas. Etiam si vereor, ne oleum & operam omnem luseris. E-

„labetur aliqua Proteus, sed de hoc tute statues. Domestica res sic habent. Nunc ad tuam Epistolam. De Britannia adeunda, quid ita mihi in mentem inciderit, demirari te scribis, ita credo, quia parum feliciter evenit. Quid facerem? Orabat is, cui negare fas non erat, & per æstivos menses in Gallia desidendum erat. Putabam esse aliquid, eadem opera & amicissimo horpini gratificari, & insulam multorum literis nobilem visere. Postremo, fatebor enim, non nihil etiam nominis atque emolumenti spes sollicitabat. Consilium habes nostrum, nunc eventum accipe. Ad reditum usque secunda omnia.

Facilis descensus Averni.

Sed revocare gradum, superasque evadere ad auras,
Hoc opus, hic labor est.

„Priusquam navim conscenderemus, in littore omnis mea pecuniola naufragium fecit. Cæterum placidissima navigatione Gessoriacum appulimus. Hic denuo portitor omnes crumenæ angulos rimatur, ac Douariensem portitorem devovet, qui sibi prædam præripuerit. O scelestum, inquires, littus. Imo amicum & salutare: nam nisi me nudum Britannia remisisset, actum de nobis fuerat. Siquidem in Gallia in latronum ficas incidi, a quibus sola me nuditas servavit. Nam adversus hoc hostium genus, nullis armis melius defendimur quam inopia. Lutetiam denique reversum febris æstuantissima excepit, quæ oculos pariter & corpus exhaustit. Habes non mali consilii pessimum exitum.

„Quod mihi de novi honoris accessione tam ex animo gratularis, morem tu quidem antiquum tuum obtinere, ut amicali commodis prope vehementius, quam tuis ipsius gaudeas. De Cassii morte næ tu mihi luctum acerbum annuncias. Quod Vari nebulonis improbiissimi impudentiam fregisti, o quam factum bene. Sed quid ais? Petronium ne gladiatorio animo ad te viam affectare, & tibi tam odiole negotium facessere? An hoc quoque portentum tuæ virtuti fata destinarunt? Quod Antonius de nobis amantissime, & lo-

„quitur & sentit, novi nihil nuncias. Quod librum tam impendio carpit Zoilus, incredibile quam mihi placeam, ut illi me intelligo magnopere displicere. Fratres e turpi similitudine, te auctore in gratiam redisse serio gaudeo. Dabis operam ne quando quod sartum est, rescindatur. Nepotem tuum tam sollicitè mihi toties abs te commendari, subiracunde fero. Ignoscēs, non tibi concedo, ut ille tibi magis curæ sit quam mihi, etiam si eum amas plurimum. Quod hæreditaria pecunia es auctus, neque me vis tibi gratulari, neque gratulandum puto. Quis enim non vel Croci divitiis illiusmodi hominis consuetudinem anteposuerit? Sororem tuam filiolo auctam, te nepotulo volupe est. Eam rem spero superi bene fortunabunt. Generum tibi voluptati esse gaudeo. Ah in filium nimium sævis. Mineris facito, illum & hominem esse, & puerum, te quoque idem quod ille est fuisse. An illum vis repente nasci senem? Age mitte hanc noxam, me precatore, meoque periculo. Ad me recipio illum posthac emendatorem fore. Sed o Deum immortalem, quantos risus tu mihi nuncias? Itane Sabellius bibit, & fugit? Multum æris reliquit, sed alieni. Tandem fatearis oportet, me vatem esse optimum. Quanto ante fugam istam prospexi, & præcinui? Consilium tuum de navigando nequitiam probo. Terrent me hyberni menses: sinus naufragiis infamis: tua valetudo nondum etiam confirmata. Sed de hoc ipse videris, me certe auctore non facies. De puero amando, sanus ne es? Certe differ in reditum meum. Quod de filia nuptiis cogitas, ego tuæ sententiæ vehementer subscribo. Habes ad omnem Epistolam tuam. Sed heus tu, illud unum me fugerat, fundus tuus si est uti describis, supra modum me delectat: tum ædificium, euge quam scite abs te cogitatum. Jam isthuc gestio revolare, ut in Academiola nostra, ab omni urbano strepitu semotim pariter philosophemur, certumque utrum ego te ad Academicorum partes abducam, an tu me perfergam in Peripateticorum familiam revoces. Hæc meditare dum accurro. De ædificio te, quanquam Ar-

379

chitectum tantum, tamen hoc unum admonebo, ut
 coenaculum speciosis frequentibusque luminibus illu-
 stre fiat. In hortis platanus sit patulis diffusa ramis, &
 prope fonticulus aqua frigida subscatens, ut Musas
 quoque, si quando videbitur, possimus arcescere. Re-
 spondimus tuis: nunc quid hic agatur accipe. Nos cer-
 te hic in gravissimo æstu, tamen frigemus. Pontifex
 meus montes ille quidem aureos promittit, sed pro-
 mittit tantum, mittit nihil. Cæterum spe Crassi divi-
 tias vincimus. Ut ut res cadent, nos certe utemur fo-
 ro. Tumi N. toto pectore, id quod per te facis, in
 nominis immortalitatem incumbere. Jam orbis prope
 universus ingenii tui expectatione suspensus, nescio
 quid coeleste sibi de tua virtute promittit. Et eum in
 locum res adducta est, ut desisteret turpissimum fue-
 rit. Nos hic gloriæ tuæ propagandæ magno ardemus
 studio. Nepotulos meos ideo tibi non commendo,
 quoniam commendatissimos esse scio. Scripseram hæc
 multa quidem nocte, postridie daturus, & ecce tibi,
 ante lucem de repente Lucilius adest: vixque resalu-
 tatum ecquid abs te literarum apportet, rogo. Nega-
 bat quicquam esse scriptorum, sed multum omnino
 rerum novarum tuis verbis nunciavit. Primum navi-
 gandi te mutasse consilium, id quod ego utriusque no-
 mine vehementer gaudeo. Caminii tucatum benevo-
 lentiam in apertam similitudinem tandem erupisse, adeo
 moleste non fero, ut etiam gratuler tibi. Nam perfo-
 matus amicus damnum dare poterat: apertus hostis,
 quid tandem est quod possit nocere? Quod pro nostra
 existimatione tantam cum invidentissimis hominibus
 dimicationem suscepisti, non ego tibi tanquam pro
 novo officio gratias agam, quum id facere nunquam
 desinas. Quod de adjungenda Demetrii affinitate nos
 consulis, quanquam ipse consilio abundas, tamen in
 reditum nostrum rem proferas censeo. Coram agere
 præstabit. Plura tecum garrere libebat, quid enim fa-
 ciam libentius? Sed jamdudum accinctus tabellio li-
 teras efflagitat. Quare valebis ipse, nostrosque omnes
 valere meis verbis jubebis. Datum Aureliæ Nonis
 Decemb.

CAP. XXXI.

EPISTOLARVM GENERA.

Hujusmodi literarum genere ex variis rebus confar-
 cinato familiares invicem persape utuntur. Nunc
 simplicium genera proponemus. In præsentia ne consi-
 lio quidem est omnes Epistolarum formas recensere, id
 quod non minus infiniti negotii puto, quam Libycas a-
 renas pernumerare. Nam quod M. Tullius ad Curio-
 nem tria Epistolarum genera facit, non id agebat ut sin-
 gulas literarum species distingueret, sed ut propositæ
 complexioni serviret. Ea vero divisio quæ non ex argu-
 menti varietate, sed ex characteris conditione ducitur,
 parum mihi videtur ad docendum appositæ. Quod si
 quis ex argumentorum differentia formas commetia-
 tur, quum illorum infinita sit varietas, quis erit forma-
 rum modus? Quid enim est in rerum genere, quod lite-
 ris non committatur. In his gaudemus, dolemus, spera-
 mus, metuimus. In his stomachamur, expostulamus,
 blandimur, querimus, jurgamur, bellum denunciamus,
 in gratiam redimus, consolamur, consulimus, deterre-
 mus, minamur, excitamus, compescimus, narramus,
 describimus, laudamus, vituperamus. In his odimus,
 amamus, miramur, deliberamus, paciscimur, convi-
 vamur, nugamur, somniamus denique, ecquid tandem
 non? His tanquam certissimis ministris, omnes animi
 affectus, his publica, his privata, his domestica credi-
 mus. Quare in re per se infinita eam moderationem ad-
 hibebimus, ut neque summa tantum genera ponamus,
 neque minutissimas quasque partes frustulatim concisas
 persequamur: ne aut nimia paucitas studiosis non mul-
 tum adferat adjumenti, aut immodica diligentia id de-
 mum, quod ait Fabius assequamur, ut quum nimis multa,
 necdum tamen omnia videamur dixisse.

CAP. XXXII.

TRES OMNIUM GENERVM FONTES.

Rhetorum plerisque tria causarum genera placue-
 runt, suaviorum, encomiasticorum & judiciale. Ad

hæc tanquam ad fontes pleræque literarum formæ refe-
 runtur, ut suaviorum has fere partes subicias, Conciliatio-
 nem, reconciliationem: exhortationem, dehortatio-
 nem: suasionem, dissuasionem: consolationem, petitio-
 nem, commendationem, monitionem, amatoriam.
 In demonstrativo genere versantur descriptiones perso-
 narum, regionum, prædiorum, arcium, fontium, horto-
 rum, montium, monstrorum, tempestatum, itinerum,
 conviviorum, ædificiorum, pomparum. Ad judiciale ge-
 nus, hæc fere referuntur: Accusatio, querela, defensio,
 expostulatio, expurgatio, exprobratio, comminatio, in-
 vectiva, deprecatio. His tribus quartum genus accersere
 licebit, quod si placet, familiare nominemus. Ejus
 ejusmodi fere species esse possunt: Narratoria, qua
 rem apud nos gestam, longè positæ exponimus; Nun-
 ciatoria, qua novarum rerum quippiam annunciamus,
 sive de publicis, sive privatis; sive etiam domesticis;
 Gratulatoria, qua amicorum felicitatem nobis jucun-
 dam esse testamur; Lamentatoria, qua vel nostra, vel
 necessariorum incommoda deploramus; Mandatoria,
 qua negotii quippiam alii nostro nomine gerendum
 committimus. Est quæ gratiarum habet actionem, qua
 nobis gratum fuisse benemerentis officium declaramus;
 Collaudatoria, qua puerum, aut qui in nostro sit im-
 perio officio functum laudamus; Officiosa (sic enim vi-
 sum est appellare) qua operam ac studium ultro pollice-
 mur amico; Jocosa, qua cujuspiam animum festiva ur-
 banitate delectamus. Verum de his prudens superse-
 debat, propterea quod ut incantatores certas quasdam pre-
 culas, ita isti formulas quasdam præscriptas habent, ut ne
 apicem quidem sine summo rerum humanarum divina-
 rumque discrimine putent demutari posse. Nos eorum
 conatus, nostris præceptionibus adjutamur, qui ad opti-
 mum scribendi genus adnuntur: non qui vel arrogan-
 tissima superstitione, quod semel arripuerunt, id pro
 optimo defendunt: vel ad fordidissimum lucellum toto
 pectore inhiantes, pro optimis pessima sequi malunt.
 Quid enim iis præcipias, quibus ea demum Epistola
 optima est, quæ quaestuosissima? His disputatoriam,
 sciscitatoriam, doctrinalemque adjicias licebit. In qui-
 bus & Theologicæ, & Ethicæ contineri possunt. Ne-
 que vero me præterit, apud Græcos esse, qui Epistola-
 rum genera dividat hunc in modum, ut φιλική dicatur,
 quam amicus scribat amico. συγκατική, qua quempiam
 alteri commendamus. μεμπτική, qua desideramus in ali-
 quo officium. όνειδιστική, qua cuiquam exprobramus in-
 gratitudinem. παραμυθητική, qua consolamur afflictos in
 rebus adversis. επιτιμητική, qua increpamus aliquem la-
 psam. συμβεβητική, qua libere admonemus, quid sit agendum,
 quid non. απειλητική, qua comminamur alicui ac metum
 injicimus. ψεκτική, qua morum improbitatem alicui ex-
 probramus. επαίνετική, qua collaudamus aliquem officio
 functum. συμβουλευτική, qua consulimus, quid nobis vi-
 deatur optimum factu. αξιωματική, qua deprecatores
 intercedimus pro aliquo, qui deliquit. έρωτηματική, qua
 sciscitamur, aut percontamur ab alio quod scire cupi-
 mus. αποφαντική, qua percontanti respondemus. αλλη-
 γορική, qua tectis verbis significamus cuiquam, quod ab
 eo solo, cui scribimus volumus intelligi. αιτιολογική, qua
 reddimus causas, cur aliquid aut factum non est, aut
 non est futurum. κατηγορητική, qua quempiam incusamus.
 απολογητική, qua nos purgamus. ευχαριστική, qua gratu-
 lamur amico suam felicitatem. έπρωτική, quum diversa
 scribimus, ac sentimus. απευχαριστική, qua gratias agimus
 pro officio in nos collato. Has Epistolarum formas tan-
 tum recensent, & exemplum quaecunque subijciunt,
 nec indicant qua ratione genus unumquodque tractan-
 dum sit. Quod si maxime facerent, tamen ipsa generum
 distributio, non videtur ab ulla ratione profecta. Nam
 quod appellant φιλικόν, non ab argumento sumptum est,
 sed a persona. Alioqui quos familiariter amamus, hos
 admonemus, objurgamus, exhortamur, cum his joca-
 mur, aut expostulamus. Exstat & Philostrati præfatio,
 de characteribus Epistolæ, admonens nos, quod Episto-
 lam non oporteat nec Atticam esse plus satis, nec omni-
 no carere Atticismo: quod hoc ipso figurata sit, quod
 figurata non est: quod tamen civilis sit, tamen non ab-
 hor-

horreat a mollitudine: quod in brevioribus Epistolis liceat circulum absolvere, in prolixioribus non item, nisi vel in calce, vel in Epilogo, vel in epiphonemate: quod perspicuitas præcipue congruat Epistolæ. Hæc ut sunt ab illo festiviter Græce scripta, ita non video, quid adjuvent adolescentes ad recte scribendum. Nos igitur juventutis industriæ consulere pro virili cupientes, diversam generum distributionem sequi maluimus. Sed ecce properantem alio, me velute cursu revocat, auremque vellicat Secretariorum chorus, qui Principibus sunt ab Epistolis. Itane nostri, inquit, ὅσπερ τῶν μαθητῶν ἰδεὶς λόγος. Verum his difficile sit aliquid præscribere, quorum calamus liber non est. Sed quemadmodum præcipit Martialis, ut coquus habeat gulam Domini, itidem isti coguntur affectui Principum servire: quos illud tantum obiter admonebo, ut ubique doctam sermonis facilitatem ac perspicuitatem sectentur, ac decori cum primis meminerint. Id metiendum erit, non ab ipsorum animo, sed ab eorum fortuna moribusque, quorum nomine scribunt. Hactenus igitur Epistolarum genera quatuor proposuimus, & suas cuique generi formas subjecimus: nunc ordine de unaquaque specie præcipientur.

CAP. XXXIII.

QVID INTER EXHORTATIONEM ET SVASIONEM.

AC primum finitimæ admodum inter se sunt, exhortatio, & suasio, quas nos tamen dicendi gratia separavimus: idque fecimus neque sine exemplo, neque citra iudicium, propterea quod & veterum nonnulli in arte dicendi, exhortatorium genus a deliberativo disjuxissent, & ipsi nonnihil discriminis perspiceremus. Si quidem nec eodem tendit utrumque, neque via simili. Nam suadendo id agitur, ut velis: exhortando, ut audeas. Suasio probationibus docet: exhortatio stimulis exstimulat. Suasor sententiam mutat: exhortator animum addit. Suademus aut errantibus, aut certe hæsitantibus: exhortamur cessantes, aut etiam jam currentes. Quare si rem ad vivum excutiamus, exhortatio suasionis Epistolæ pars erit, nempe Epilogus, qui affectibus constat, non argumentis. Neque enim suadenti fat erit, quid sit optimum factu docuisse, nisi & stimulos subiciat, ne vel difficultate, vel periculo deterri, vel ignavia retardati, quod optimum esse viderimus, non sequamur. Sed ut in suasionem fere semper incidit exhortatio, ita in hac non raro continget uti suasionem. Est autem utrumque officiosum literarum genus, cuiusque usus maximis, minimisque in rebus quam latissime pateat. Atque hoc majore cura, diligentiaque nobis erit pertractandum.

CAP. XXXIV.

DE EXORDIO EPISTOLARVM.

Sed illud unum prius in genere studiosis adolescentibus præcipientur, ut Epistolam scripturi, non statim præcepta respiciant: aut ad libros, unde voculas, sententiasve aliquot mutuentur, confugiant, sed prius res, de quibus scribere constituerint, solertissima cogitatione dispiciant: tum ejus, ad quem scribitur, naturam, mores, affectusque omnes perspectos habeant: quantum etiam ipsi apud eum vel gratia, vel auctoritate, vel meritis denique valeant. Eque his omnibus diligenter pensculatis, Epistolæ tanquam vivum exemplar ducant. Quo constituto, tum demum nihil equidem morabor, quo minus locos aliquot ex auctoribus petant, unde tum verborum optimorum, tum sententiarum copiosam suppellectilem possint mutuari. Ræque omnia oportebit commode de mutata, ad rem præsentem accommodare, ne veluti male assuta, maleque conferruminata, hoc ipso furtiva deprehendantur, quod pessime cohererent. Quin Maronis ingenium potius imitemur, in alienis adsciscendis, ut non aliunde corrogata, sed domi nostræ nata videantur.

De exordiendi Epistolæ, illud etiam in universum

¹ Insuper Magaræsum nulla ratio habetur. Proverbum de quo Erasmius Chil. II. Cent. I, 79.

A trademus, hoc in genere principii rationem esse minus difficilem, quam in orationibus. Propterea, quod illic sæpe fit, ut Orator iudicis animum, & mores penitus permovere non potuerit: & quoties apud complures cognitores agitur, hoc etiam accedit difficultatis, ut quo alius conciliatur, eo propter diversum ingenium alienetur alius. At qui unicuique Epistolam mittit, non difficile potest exploratum habere, quibus ille rebus soleat commoveri: quod etiam si nulla intercessit familiaritas, id quod fere fit, tamen diligenti percontatione licebit pervestigare. Quare præter ea quæ de colligenda benevolentia, attentione, docilitate: quæque de animorum motibus, Rhetorum literis præcipiuntur, & proprii cujusque mores, vel convictu familiari, vel curiosa diligentia percepti, peculiarem quandam exordiendi materiam ministrabunt. Porro si ad parum notum scribetur, hoc commodior erit Oratoris, quam Scriptoris conditio: quod illi observatis iudicum vultibus, mutare quædam ex tempore: & si quid aliorum quam expectarat, rapi viderit, corrigere dicendo, aut si præferat, declinare liceat: quum Epistola semel reddita, neque fronti legentis possit obsecundare: & is qui lædatur scriptura, soleat relegendo dolorem suum exasperare, cui periculo conveniet exactissima cura occurrere. At quum inter senorunt, non est difficilis principii constituendi via, maximeque præterea varia. Nam in actionibus multis modis delinquitur in exordiando: si nimium longo, si vulgato, si communi, si translato, si altius petito proœmio quis utatur. At ea literarum est libertas, ut undelibet initium sumere liceat: modo id sit ejusmodi, quod illum ad id quod pares præparet. Veluti si quis pecuniam mutuam rogaturus, statim in Epistolæ initio de quopiam nunciet, quod ille ob amorem nominis ejus, singularem similitudinem, aut odium amarum cupidissime sit accepturus: vel si quis amico, quem non ignoret accurate scriptis literis impense delectari, fabellam aliquam quam lepidissimis verbis fucantam recenscat: deinde inter alia quædam ira de mutando sermonem interjiciat, ut quovis potius quam huc superiora illa spectasse videantur: nonne alienissimum initium fecerit, in oratione non ferendum, in Epistola scitissimum? Ubi illa etiam simulatio plurimum obtinet gratiæ, quando nos alio, quam destinaverimus, delabi: aut longius amore rapi fingimus, quam initio constituiissemus. Erit aliquoties a re media, aut omnino præpostere ingredendum, modo ita simulemus, non etiam obliti nostri fluctuemus, eamque ipsam erroris adumbrationem scito colore ad rei commoditatem torquebimus. Idque incredibile quadam amoris magnitudine dicemus accidere, qui neque modum noverit, neque ordinem. Calamum ab affectu duci: nos ibi denuo incipere, ubi desinendum erat: propterea quod dum scribimus, coram cum carissimis hominibus sermonem ferere nobis videamur. Quare obliquo illo proœmii genere, quod Græci φειδωλ, Latini insinuationem dicere, in actionibus non nisi tribus demum temporibus utendum putant: quum aut negotii turpitudine iudicem a nobis vehementer abalienavit: aut qui ante dixit, admodum persuasit: aut oratione nimis longa, auditoris animum defatigavit. At in Epistola, quoties videbitur, oblique ingredi licebit, & quamlibet longe repetere, & quamlibet alienum assumere principium, dum quacumque via tamen ad rem conferat. Neque hoc, ut in dictionibus, ita & in literis vitiose videbitur fieri, eo quod illic auditor unum quiddam expectat: ad quod dum festinat, fastidiat necesse est, quicquid alio ducere videatur. At in Epistola, quia contra fit, id quod per dissimulationem assumitur, non ingressus vitiosus, sed separata quædam Epistolæ pars videbitur. Rectum vero exordium, his omnino rationibus constituitur, quas in judiciali genere tradiderunt ii, qui de arte conscripserunt. Sed oportebat eadem præcepta, quæ illi recte ad forenses causas accommodarunt, ad proprietatem Epistolarem deflectere. Alioqui quid tandem erat vel fructus, vel negotii, quæ fuissent a veterum per multis accuratissime, optimeque perscripta, denuo vel eadem, vel deterius scribere: id quod ab omnibus, qui de hoc genere tractaverunt,

383

verunt, factum video. Repetunt e Cicerone, quomodo exordium: quot narrationum genera: quomodo partitione constituenda controversia: quemadmodum narratione aperienda causa: quibus argumentis vel communienda nostra, vel adversariorum coarguenda: quot epilogorum species: deinde quid in compositione fugiendum aut sequendum: de sermonis elegantia, de luminibus. Sed Deum immortalem, quid hæc proprie ad Epistolam? Aut si maxime ista discenda sunt, ita uti sunt, quanto rectius a Cicerone petentur, aut Fabio, eloquentiæ fontibus, quam e corruptis istorum lacunulis? Ut omitram interim quædam etiam illic præcipi, quæ ad Epistolam pertinere ne possint quidem: puta de persona litigatoris, & Oratoris: de circumstantium persona: de subijcienda re pro homine: de homine pro re submittendo: de constituenda quæstione. Nisi forte quædam ex his in criminatorem Epistolam incidere videbuntur: sed etiam si incidunt eadem, tamen incidunt aliter.

Ergo si quando res hortabitur, ut ejus ad quem scribimus benevolentiam, aut conciliemus, si dubius sit animus: aut redimamus, si læsus: aut augeamus, si res erit durior: aut excitemus, propter diutius intermissam necessitudinis consuetudinem: a personis his fere modis favorem captabimus, si nostris parentibus cum illis majoribus, arctissimam caritatem, copulatissimam consuetudinem intercessisse dicemus, plurima utrinque stitisse officia: & si eam benevolentiam nobis tanquam per manus, & hæreditaria successione traditam, nunquam neglectui fuisse dicemus. Verum amorem, quem veluti cum nutritis lacte imbibissemus, una cum ipsis annis accrevisse, & primum quidem fatalem potius fuisse, quam judicio constitutum: nunc consuetudine, officiis plurimis sic esse confirmatum, ut nullo prorsus casu convelli possit. Præterea quanta semper patris illius, aut patris, aut matris fuerit in nos caritas, aut nostrorum in illum, & quam nos illos invicem studiose, quam observanter coluerimus, aut ille nostros. Quod si avitam, paternamque amicitiam, quia nulla fuerit, commemorare non licebit, dicemus eos solere majorum suorum necessitudines repetere, qui ipsi nullis amicitiae vinculis essent conjuncti: quemadmodum avita facinora narrat, qui nihil ipsi memorabile gesserint. Hanc necessitudinem non tanquam hæreditaria sorte temere obvenisse, sed a nobis ipsis & natam, & educatam: initio quidem, ingeniorum studiorumque similitudine pueriles animos mira caritate conciliante: deinde convictu conjunctissimo, mutuis officiis: postremo mutua virtutum utriusque admiratione sic coaluisse, adolevisse, maturuisse, ut jam nihil accedere posse videatur, vel ad beneficiorum cumulum, vel ad amorum magnitudinem. Tum nominatim, quo in loco, & quemadmodum, quibus communibus studiis pueritiam, aut etiam ephebiæ transegerimus, quas voluptates, quæ incommoda, quæ pericula communiter tulerimus. Hæc omnia jucunda commemoratione refricabimus. Solemus enim grandes hujusmodi rerum, mutua recordatione mire delectari: & consuevit plerumque ex his inter pueros inita benevolentia, in seram usque senectam, multa cum voluptate perseverare. Porro si qua propinquitas, si qua affinitas intercedet, sic natura conjunctissimos fuisse dicemus, ut longe tamen mutua caritate conjunctiores. Sin nulla erit, affirmabimus nulla esse cognationis vincula, quæ nostros animos arctius aut jucundius, aut etiam tenacius alligent, quam necessitudinis: sine his cognationem aut affinitatem molestam quoque haberi: ubi hæc adsunt, illa non magnopere requiri. Nullum esse præstantius firmissimumque necessitudinis genus, quam quod a virtute pulcherrimisque studiis coeperit initium. Affinitatis copulam divortio dirimi, cognatorum caritatem similitate rescindi: beneficiis conflata benevolentiam, alterutrius ingratitudine in odium verti solere: tum contractum amorem temere evanescere: eam demum copulam quam virtutis admiratio conjunxit, quemadmodum virtutem ipsam, immortalem esse. Proderit & illius in nos merita, cum gratitudinis significatione vehementer exaggerare: nostra vicissim in illum, multa cum vere-

cundia ac figurate significare. Qui nostri de illo sermones, quam penitus infixæ memoria: quantopere illius literis delectemur: ut illius commodis gloriaque magis etiam ex animo gaudeamus, quam nostris: quodque incommoda illius non paulo acerbius quam propria feramus: quantam pro illius dignitate, fortunaque, curam studiumque præstiterimus: quam acrem contra malevolentium improbitatem, dimicationem sustineamus. Postremo vel eruditionem, vel virtutem quampiam in eo laudemus: nostra si qua erunt laude digna, verecunde commemoremus. A miseratione benevolentiam captabimus, si nostram fortunam aut eorum quos commendamus flebiliter exponemus. Ab adversariorum persona, favorem aucupabimur, si quas minas, si qua convicia: si quam contumeliam illius causa nos pertulisse narrabimus, ab iis qui & ipsum & ejus nomine nos quoque habent invidiosos. Contra quid nos in illos, aut fortiter contumelioseve dixerimus, aut inimice fecerimus. Sed hæc suis in locis. A re præparatiores reddemus, si negabimus ulla ex parte ad nos pertinere quo de scripturi sumus, ad illum magnopere: nobis illic neque feri, neque meti, nisi quod amici carissimi commodis haud secus atque nostris commovemur: si præterea negotii magnitudine, periculo, novitate, antiquitate, utilitate, jucunditate, necessitate aut hujusmodi quampiam commendatione excitabimus. Si jubebimus animo minime oscitanti legere, propterea quod longe plus momenti sit in re, quam præ se ferat. Si quantopere cum nobis, tum iis quos illum plurimi facere cognovimus curæ sit, quantique referat aperiemus. Quod si res ipsa durior esse videbitur, blandimentis præleniemus: prudentiam illius obtestabimur: ut quæ nos optimo amantissimoque studio dicturi sumus, ea pro sua vetere mansuetudine, in optimam partem accipiat. Rem ejusmodi negabimus esse, cujusmodi primo statim occursum videatur: tum si maxime dura sit, tamen admonebimus quantum amaritudinis, summa utilitate compenset. Sed hæc quoniam neque proprie exordii sunt, neque in genere commode præcipi possunt, in suum quæque locum transferemus. Neque omnino eam exordii formam improbaverim, quam video neotericis scriptoribus nimio plus placuisse, ut a pervetusta quapiam sententia factove memorabili in Epistolam ingrediamur. Quod genus sit: Scio non temere scriptum esse Flacco: *Quem cui commendes, etiam atque etiam aspice, ne mox Incursant aliena tibi peccata pudorem.* Nec ignoro judicium tuum exactum, cui non temere quivis probatur. Sed tamen tot modis exploratum habeo hujus juvenis ingenium, ut illum non dubitem tibi vel meo periculo commendare. Item: Hercules olim adversus hydram Lernæam & cancrum congressurus, coactus est alienam opem implorare, qui solet opitulari cæteris. Ego unus cum tot monstris dimicans, iisque subinde novis exorientibus, quid faciam?

CAP. XXXV.

ABRUPTVM EPISTOLÆ INITIVM.

Satyrice illa & veluti ex abrupto principii species, in jocosis & familiaribus mire decet, qualis est illa Ciceronis: *Itane præter litigatores istos nemo ad se venit? & Deum immortalem, quid ego audio? Sic est, inquam, uti scribis. Siccine igitur veterem amiculum negligis? Ergo mutabimus sententiam, quando tu quidem hoc tantopere censes. Quin ego igitur tibi gratulor? Quin tu igitur huc revolas, sic isthac ut scribis res habet. Hui quiste tam esse virum credidisset? Eho, quid ais obsecro? Ringitur Zoilus? Ne tu mihi album apportas nuncium.* Hujusmodi figuris id assequimur, ut non mutam Epistolam Epistolæ, sed vivo sermoni vivum item sermonem referre videamur. Et quoniam utrimque missæ acceptæque literæ mutuum alloquium imaginantur, pulcherrimum fuerit, quam rem repræsentant, eam quam appositissime adumbrare. Porro solennes illas commendationes, quas jam ex more præsuunt, aut prorsus omittendas, aut in Epistolæ calcem censeo traducendas. Quanquam ubi vis etiam imperite videtur fieri, ut nos ipsos cuiquam commendemus, sed offerimus magis, ac dedicamus operam nostram.

nostram. Alios commendamus, id est, laudamus, ut beneficio digni videantur.

CAP. XXXVI.

DE EXHORTATORIA EPISTOLA.

Quoniam exhortatorium genus, quod Græci *παραινέσις* vocant, affectibus fere constat, quos juxta sapientum multorum sententiam, natura nobis, tanquam stimulos quosdam ad virtutem perfectam ac pædagogos addidit, animadversum nobis penitusque perspectum esse debet, quæ sit humani animi natura: quæ varietas ingeniorum: quem quæque res affectum pariat: quibus quisque rebus maxime ducatur, a quibus abhorreat. Qua quidem in parte proprie facultas oratoria dominatur. Sed hæc e Rhetorum præceptionibus haurienda. Nos tantum breviter attingemus, quantum ad hujus generis Epistolam conficiendam satis esse putabimus. Ergo ex his potissimum locis exstimulandi animi rationes petemus, A laude, spe, metu, odio, amore, miseratione, æmulatione, exspectatione, exemplis, obsecratione.

A LAUDE.

A laude bifariam exhortabimur, ut tum rem ipsam laudemus, tum hominem. Re laudanda excitabimus, si piam, si magnificam, si gloriosam, si raram, si novam, si arduam, si hætenus intentatam dicemus. Quanquam hanc partem in suadendo diligentius tractamus. Personæ collaudatio in exhortando plurimum habet usus. Nam & honos unice virtutem excitat, alitque. Et ita mortalium animos natura finxit, ut vix quisquam adeo demisso sit pectore quin laudibus erigatur. Quare studiosæ cohortationis monita multa cum laude miscbimus: id quod Cicero & facit, & factum a se refert, ut exhortandi artificium quoddam indicare voluisse videatur. Ergo ab hac parte commovebimus, si ante ab eo bene gesta artificiosa laude dilatabimus: idque tum a modo, tum a loco, a tempore: tum a persona, a difficultate rei: per collationem, per fictionem, aliisque amplificandi modis, de quibus suo loco non nihil attingemus: propterea quod quum plerisque in generibus plurimum valent, tum ad hoc proprie præcipueque pertinent. Si quæ pulcherrime adhuc perfecit, ab omnibus in cælum tolli dicemus, ut quæ feliciter & strenue coepta, pari aut majori etiam animi magnitudine pergat, hortabimur: nihil illius immortalitati, præter extremam manum deesse: eam imponere non tam esse arduum, & negotiosum, quam ad tuendam, quæ jam virtute parta sit gloriam, necessarium, ut qui eatenus omnes reliquerit in hoc tanquam extremo actu bonus artifex, seipsum superet. Si generis claritatem, si fortunæ splendorem, si nobilitatem, si dignitatem, si imperii præstantiam, si ingenium, si vires, si sapientiam, si virtutem, si ætatem, si rerum usum extollemus, ac ne quid his indignum admittat admonebimus. Itaque rei dilatata præstantiam cum ejus virtutis amplitudine commetiemur: dicemusque illius divinam virtutem huic tam præclaro muneris unam parem inveniri. Ac rei quidem securior est amplificatio: personam vero quemadmodum laudes, non nihil refert. Sunt enim alii paulo inaniiores, qui laudem etiam apertiore facile agnoscunt. Est alius morosior natura, cui male si palpere, recalcitrat undique tutus. Quare illi plenius, hic laudandus figuratus. Tantum ad mores attinet. Neque nihil in ætate discriminis. Siquidem juvenus quoniam & ætatis vitio, & rerum imperitia tumet, apertiore laude tanquam applausu clariore, cristas attollit: & senectus decrepita ob deficientis ætatis infirmitatem, laudationem libenter accipit. At matura illa, & virilis ætas, quo magis suis confidit viribus, quoque longius, vel a puerorum ineptia, vel a senum deliramentis abest, eo tectius minusque scenice laudari debet. Ergo apud viros natura severiores, laudandi inanitatem figuris obtexere conveniet: ut aut occupatione laudem dissimulemus, aut contrario ductu orationis tanquam objurgantes, majore fide laudem: aut in alteram quamvis personam laudationem eam transferamus. Quovis demum artificio apertum Gnathonismum effugiamus.

A SPE, ET METU.

Peracres utraque calcar habet, tum ad excitandos animos mortalium, tum ad sustinendos, ne rerum magnitudine defatigentur, spes præmiorum, & incommodorum metus: quorum alterius quidem in adhortando propriæ sunt partes, alterius in deterrendo. Utrumque in genere deliberativo late tractatur: hoc in genere eatenus adhibetur, ut tanquam suasorio epilogo, commodorum, incommodorumque summam, breviter & non sine amplificationibus, tanquam in conspectu ponamus, immortalitatem, beatitudinem, decus, gloriam, honores, opes, voluptates, tranquillitatem, aut aliud emolumentum: diversa ex parte, inferos, æternos cruciatus, turpitudinem, ignominiam, egestatem, dolores, tumultus. Quod si utriusque partibus uno in genere, id quod plerumque fit, utemur, per Antithesim commoda dilatata cum incommodis item exaggeratis conferre oportebit. Et quibus quemque rebus maxime duci senserimus, eas res studiosius ampliatas, frequentius ingeremus: puta ambizioso honores, avaro emolumentum, seni vitæ tranquillitatem: itemque de reliquis contra, ut quidquid maxime invisum esse cognoverimus, ita quam atrocissime, ac creberrime proponendum. Deinde laborem, quo vel tanta commoda petuntur, vel incommoda vitantur, per depressionem oportebit extenuare, ac postea per contentionem componere.

AB AMORE, ODIO, MISERATIONE.

Vehementer commoverimus, si eorum, quorum nomine pericula subeuntur, caritatem, commemoratione renovabimus, & artificio allevabimus: ut in patriam, parentes, in liberos a natura insitam pietatem, in benemeritos amorem, in amicos necessitudinem, in præstantes virtute viros observantiam. Rursus si odium & atrocitatem, in eos contra quos dimicatio suscipitur, quam gravissime exaggerabimus. Neque enim amanti solum, quod antiquitus dictum est, nihil est difficile, verum idem & odium præstat. Quare utrumque calcar admovebimus, & hinc amicorum gratiam, hinc inimicorum atrocitatem cornibus adversis conferemus: ut pro sanctissima Christi religione, contra teterrimam Turcarum superstitionem: pro conjugibus, pro liberis, contra nefarios parricidas: pro fidelissimis sociis, contra crudelissimos hostes: pro carissimo, honestissimoque amico, contra maledicentissimum sycophantam. Idem & iisdem rationibus efficiet commiseratio. Si amicorum solitudinem, inopiam, luctum, squalorem: e regione inimicorum potentiam, ferociam, audaciam, insolentiam proferemus. Sed hos affectus, quemadmodum oporteat suscitare, & augere suscitatos, a Fabio plenissime traditum est, in exordii, & conclusionis præceptis. Hoc tantum a nobis admonebitur, gravissimos animi motus excitaturum, qui consequentis temporis imaginem graphice repræsentabit: quantum commodorum sequatur si res bene geratur: sin contra, quantum malorum. Et qui per prosopopœiam, rebus ipsis vocem dabit, uti patriæ, religioni, templis, mœnibus, sepulchris, manibus e monumento excitis: hisque affectus, & sermonem convenientem, ac decorum accommodaverit.

AB ÆMULATIONE.

Hic locus ab invidia sumitur, non illa ignava & excruciata, quæ quum ipsa nihil præclari machinetur, alienis tamen virtutibus uritur: sed illa generosa, quam animis nostris in sevit natura prudens; ut æmulatione contra certantium, tanquam acerrimis quibusdam stimulis, incitemur ad fortiter agendum: quæ nobis persuasit gloriosum esse, & quantivis periculis redimendum quam plurimos præcedere: contra turpissimum, & quavis mercede fugiendum, in simili certamine posteriores tulisse. Verum non simplex est ab æmulatione exhortandi ratio. Utrumque enim accrescent animi, si æmulum virtutem, gloriam, studium, conatum, opes, improbitatem, cum amplificatione ante oculos ponemus. Sed cavendum obiter: ne contra certantium laudem usque adeo exaggeremus, ut ejus animum, quem erigere conamur, in desperationem abjiciamus. Unde commi-

Tom. I.

Bb

nisci

387

nisci quippiam oportebit, ut æmulos, vel fortunæ vi, vel huius lentitudine nonnihil præterisse dicamus, haud virtute eoque acius annitendum, ut id dispendii, quod fortunæ culpa sit acceptum, studio nostro sarciamus: & pudorem, quem negligentia contraximus, vincamus industria, sive eorundem ignaviam, infirmitatem, inopiam per elevationem proferemus: hac quidem moderatione, ne quem hortamur, ad securitatem, & oscitationem trahamus. In superiori modo erectior reddetur, ubi intelliget, tanto gloriosior futuram victoriam, quanto virtute gloriaque præcelluerint ii, quibus cum certatum est, quum ab egregiis viris vel superari non indecorum haberi soleat. In altero sic facilem esse victoriam ostendemus, ut tamen haud negligendam arbitremur, incertos esse rerum humanarum exitus. Et multo magis pudendum esse, ab ignavis æmulis superari. Hortabimurque ut jam non cum illis, quos longo intervallo post se reliquerit, sed ipsi secum certamen esse putet.

AB EXPECTATIONE DVPLICI.

Expectatio quidem geminum habet calcar: nam haud mediocrem iniecerimus sollicitudinem, si quanta sit omnium amicorum, & benevolentium publica privataque de illius virtute expectatio: nominatim quantum sibi promiserint ii, quorum ille iudicium, & auctoritatem plurimi facere videbitur, quorumque causa facturus omnia putabitur, ostendemus: non illius unius interesse, sed omnium necessariorum, sed posterorum, in quos ea sit gloria transfundenda. Expectationem quam maxime probabilem efficiemus, a generis nobilitate, ab indole palam spectata, ab educatione, a loci celebritate, ab antea actis, & ante dictis, ab omnibus, somniis & vaticiniis, atque aliis item id genus circumstantiis.

AB INIMICORVM EXPECTATIONE.

E diverso malevolentiam & invidorum expectationem, & studia perversa atrociter exaggerabimus, e quibus nominatim referre quosdam fuerit efficacissimum, quos illi præter cæteros invidiosos atque infestos novimus: & quid quisque aut invidie dixerit, aut inimice fecerit referre. Horum omnium qui nunc præsentis gloria ejus uruntur, si quod ipsi vix ausint sibi promittere, res parum feliciter evenierit, quam insolens sit futurum gaudium: quanta in bene cupientes insultatio, quæ scommata, qui risus: quanta ferocitas descriptione ante oculos ponemus. Ita ejus unius virtutem, in editissimo frequentissimoque theatro omnium oculis expositam: unde necesse sit, aut cum summa benevolentium gratulatione & plausu recedere, aut invidiosissimorum hominum sibilis cum summo nostro nostrorumque pudore exigiatque explodi.

AB EXEMPLIS.

Jam nulla perinde re ad virtutem inflammescimus, ut eorum quos admiramur exemplis, maximeque illustribus, pervetustis, ac domesticis. Illa enim auctoritate, hæc affectu commendantur, propterea quod priscorum virtutes, quoniam ab invidia longe absunt, & audit quisque libenter, & miratur impensius: & natura fit, ut quisque finitimis exemplis acius tangatur, veluti majorum nostrorum, affinium, præceptorum, & eorum quibus cum nobis vel patria, vel ordo, vel professio communis sit.

CAP. XXXVII.

EXEMPLA QVOMODO TRACTANDA.

In his ergo tractandis, ut summa est utilitas, ita studii curæque plurimum erit adhibendum. Primo quos proponemus imitandos, eorum vocabula cum laude statim aliqua, & honorifica præfatione proferemus, hunc ad modum: Socrates vir bonus divino testimonio sapiens judicatus. *Perspexit hoc Plato Philosophia parens. Egregie Phocion Græcorum longe incorruptissimus. Vidis hoc Alexander ille Macedo, vir gloria natus. David de quo dubites, utrum Rex gloriosior, an Propheta sanctior. Præstanti vir animo Camillus. Imperio & triumphis genitus Scipio. Nunquam satis laudatus Æmilius.* Oportebit autem hujusmodi præfatiunculas ad rem esse accommodas:

etiam si quæcunque laus exempli auctoritatem adjuvat, tamen alieniorem adhibere infantis est hominis: ut si quis eum unde fortiter dicendi duxerit exemplum, divitem appellaret aut studiosum.

DE CONTRARIIS EXEMPLIS.

Diversum in contrariis exemplis fieri convenit, ut, *Que posteritas Dionysii sacrilegi tyranni nomen non execrabitur? Nobilitas crudelitatis Nero. Sardanapalus vir muliere corruptior. Cleopatra Regina meretrix. Catilina impiissimus patria proditor. Sibi felix, patria funestus L. Sylla.* Nam hujusmodi exemplorum non in dehortando modo, verum & in exhortando frequens est usus, propterea quod quemadmodum virtutis imagine allicimur, ita vitiorum simulacris ad honesti amorem accendimur. Neque raro usu venit, ut eadem opera pariter & adhortemur, & deterreamus, veluti qui ad capeendam Rempublicam exhortetur, idem utique a privato ocio deterreat.

DE INÆQUALITATE EXEMPLORVM.

Et quoniam exemplorum multa varietas est: nam alia ex parte, alia in totum similia, aut dissimilia, alia contraria, alia majora, minora, paria: ostendit in Topicis Cicero, ad exhortandum efficaciora esse inæqualia. Quod ego quidem in hunc accipio sensum, ut semper a majore ad minus descendat exhortatio. Nam etiam si aut persona, aut res minor esse videatur, tamen complexus rerum & verborum facit, ut majus sit, quod assumitur. Exempli causa, si propter matrimonia violata urbes everse sunt, quid fieri adultero par est? Hoc Fabius recte putat a majore ad minus. Illud huic adversum existimat; *Tibicines quum ab urbe discessissent, publice revocati sunt, quanto magis Principes civitatis viri, & de Republica bene meriti, cum invidia cesserint, ab exilio reducendi.* At hic tamen si tibicinum persona sit Principum

Exhortatio
omnis
ab inæquali-
bus.

condicione inferior, tamen hoc ipsum tibicines fuisse publice revocatos majus est, ob complexum, quam si Principes ab exilio reducantur. Quod si hic intellectus non placet, qui mea quidem sententia verissimus est, negationem observemus necesse est, id quod a neotericis dialecticis utcumque præcipitur. Sed hæc inæqualitas erit per collationem aperienda, quæ fere exemplis subijci consuevit. Infinitum vero traditu, unde ea ducatur.

Nam non modo ab una qualibet circumstantiarum, sed etiam ab aliis quibuslibet differentiis sumitur. Omnia tamen ad personam, & rem referuntur. A persona ad hunc quidem modum: *Formica brutum & minutum insectum, & vix animal, hyberno victui æstate consulit, & homo senectæ non prospiciet in adulescentia? Hoc ausa est mulier, quid se virum oportet? Hoc virguncula intellexit, te animum quid par est sapere? Ille Eschicus, tu Christianus. Ille Barbarus, tu Romanus. Ille profanus, tu sacris initiatus. Ille privatus, tu magistratus. Ille Tribunus militum tantum, tu Consul. Ille Tyrannus, tu Philosophus. Ille obscurus, tu patricius. Alienus ille, tu patruus. Ille omnis expertus doctrina, tu a puero Philosophia rationibus optimis institutus.*

A persona.

Rudis ille, tu multo rerum usu exercitatus. At re autem hoc pacto: Vitam ille contempsit, tu voluptatem non contempsit? Ut corpus valeat, ferrum patieris & ignes: & ut animo valeas, salutarem objurgationem non feres? Ope caduca & sordida, per tanta pericula petuntur, & a sapientia quidvis incommodi deterret? Unus ille, nos multi non idem faciemus? Ille inermis, imparatus, vos instructi. Regnum ille sperabat, tibi immortalitas certa proposita. Toties ille, tu semel. Ille in tanta rerum difficultate, tibi omnia expedita. A persona & a re pariter: Puella vitam pro nihilo habuit, tu vir, & vir eruditus, voluptatulas nescio quas non quibus contemnere? Erit hoc artis, quæ natura paria sunt, ea dicendo imparia facere, & artificiosa collatione, altera exaggerare, deprimere altera.

A re
fæ
negotio.

Ab u-
troque.

DE VARIETATE ET ORDINE
EXEMPLORVM.

Quoniam autem appellatione propria id demum exemplum dicimus, quum res gesta aut perinde ut gesta exhortandi causa proponitur, tamen illustrium viro- rum graviter dicta, Philosophorum paradoxa, Poetarum fragmenta, auctorum nobilium sententiæ, paræmiæ vulgo

Exem-
pla ab
inani-
mis.

vulgo receptæ, allegoriæ, parabolæ: breviter quicquid similitudinibus est affine, id exempli vim habet, & a Fabio huic generi subijcitur. Neque primum illud genus, quod retulimus, simplex est. Nam quædam ab inanimis ducuntur, uti: *Sol Christo moriente luxit, quid hominem oportet facere? Saxa mors illius scindere potuit, humanam mentem non permolliet? Orbes cælestes perpetua vertigine parent Imperatori Deo: nec ullum fidus e tot stellarum millibus ordinem deserit, aut in officio cessat, & mortales quid facere par est? A mutis rebus: Tigris pro catulis præcepit sevit in pradonem, & pro liberis conjugeque carissima virum fortem quid facere oportet? Leo in victos & abjectos non sevit, & non idem faciet Imperator? Apis non solum mutum, verumetiam exiguum animal, in commune laborat, & homines Rempublicam negligunt? Elephantus numen agnoscit, & negligunt mortales? Quæcunque autem ab inanimis ducuntur & mutis, imparia fere sunt. Siquidem ut similia, non ut paria proponuntur: sicut & illa, quæ a spiritualibus trahuntur, quod genus est: Cæcodæmones credunt, & contremiscunt, quo magis oportet hominem immortale Numen veneri. Cælestes illa mentes, & immortales, nocturni diurnique vitæ nostræ custodes, perpetuo nobiscum obambulant: quanto studio par est, nos ipsos pro nostra salute vigilare? Deus ipse, cui liberum est diffingere pro arbitratu quod arbitrio suo finxit, ad ulciscendos fontes lentissimus, ad ignoscendum promptissimus est, & Re-*

Require gem mortalem cujusmodi esse convenit? Jam quæ ab hominibus ad homines transferuntur, ea tribus modis imparia fieri ostendimus, a persona, a negotio, ab utroque. Ergo ut primi generis exempla copiose suppetant, omnium rerum, maximeque insignium naturæ, vires, miracula, & ex auctorum monumentis, nostræ observatione, comparata esse debent: fontium, fluminum, marium, montium, gemmarum, arborum, herbarum, florum, atque ex his quam plurimæ similitudines jam præparatæ, atque repositæ: ut si quando usus fuerit, velut e proximo depromantur. Secundi vero generis, divitem suppellectilem accumulaverimus: si quæ veterum erudita curiositas, de volatilibus, de quadrupedum, de ferarum, de serpentium, insectorum, piscium ingenii memoriam prodidit: quæque quotidie mortalium experientia deprehendit, eorum omnium quam densissimam multitudinem in memoria, tanquam in procinctu paratam habeamus: maxime si qua sunt, quæ a certis auctoribus prodigiose facta referuntur. Quod genus est illud, de Delphino amatore, & puero adamato apud Aul. Gellium: & de dracone, qui nutrium suum, jam a latronibus in sylva jugulandum servavit: deque leone, qui hospiti ob os exemptum, gratiam venatum aggerendo retulit. Et de Arione ac Delphino, cujusmodi permulta a Plinio referuntur: quorum & in inanimis nonnullus est usus. Verum hæc quoniam ad fabularum speciem proximè accedunt, auctoritas erit gravitate, & multitudine, tum etiam sermonis commoditate fulcienda, denique præfatiunculæ etiam munienda. Porro eorum quæ ab humana personâ ducuntur, minime frugalem, maximeque variam copiam conflare oportebit: tum ex præfatis historiis, atque annalibus: tum ex his, quæ nostra fere memoria gesta memorantur: eaque cum sit expeditior, magisque ad manum copia, de quaque virtute, de quoque vitio, de quaque re illustri aliquot exempla sunt edificanda, aut præmeditanda: neque id ab unico historico, aut unica gente, sed a Græcis, Latinis, Hebræisque scriptoribus omnibus, ex his quæ apud Ægyptios memorabiliter sunt acta, quæ apud Lacedæmonios, quæ apud Thebanos, quæ apud Atticos, quæ apud Syros, quæ apud Persas, apud Romanos, apud Gallos, apud Britannos, apud Judæos, apud Scythas. Nam habet sua quæque gens miracula, suos ritus, sua quædam instituta. Narrant hodieque nautæ & negotiatores, qui per omnes terras ac maria nautæ studio rei circumvolitant, quædam non minus prodigiosa quam præfata vetustas finxisse creditur. Horum omnium duplex esse ordo poterit, ut ad efficaciora sensim increpuit series: qui quidem non tam est vulgatus, quam utilis: aut ut ab antiquissimis, maximeque externis, per gradus ad no-

Ordo
exem-
plorum.

stratia, & proxima demum veniamus, ut ab Ægyptiis, Phrygiisque ad Persica, a Persicis ac Syriacis ad Græca, a Græcis ad Hebræa: ab his ad Romana, a Romanis ad Barbara, ab Ethnicis ad Christiana, a Peregrinis ad Nostratia: tum a veteribus ad recentiora, ab iis, ad ea quæ nostra sunt gesta memoria descendamus, a quibus ad gentilitia, postremo ad domestica perveniamus.

DE FABULOSIS EXEMPLIS.

Proxime sunt huic generi veterum Poetarum fabulæ, & Prophetarum allegoriæ. Sed fabularum hic erit usus, ut aut fabulas esse negemus: fuisse antiquitus permulta, & his incredibilia, quæ tamen a certissimis auctoribus sunt literis prodita: aut Poetæ laudem præfati, quid sibi eruditissimi, prudentissimique homines ejusmodi figmentis voluerint probabiliter aperiri, hoc pacto: *Nimirum, hoc sentiebat divina mens Homeri, non Poescos modo, sed omnis etiam Philosophia parentis, quum & in Iliade Ulysses, plerisque belli negotiis admisceret, & in Odyssea tot casibus alterum decennium fecerit jactari, arduum, perque durissimos labores esse virtutis iter. Neque temere profecto, neque aniliter erudita finxit antiquitas Herculem, tam multis exanilatis laboribus, consumpro igni corpore, in Deorum contubernium fuisse relatum. Id enim erat prisca illis sapientibus institutum, sanctissima Philosophia mysteria, ne passim evulgarentur, hujusmodi doctis fabellis obtexere. Significavit autem immortalitatem non contingere nisi his, qui perpetuam ætatem honestis laboribus exegissent, & inexhausto virtutis ardore, cum omnium vitiorum monstris indefatigati bellum gessissent. Sub hoc genere, & mysticos veterum sacrorum ritus, superstitionesque nationum præscarum cærimonias complectimur, in primisque Hebraicarum literarum mysteria: in quibus quidem interpretandis, utinam tam essemus circumspècti, quam sumus frequentes, & audaculi. Mirabor enim, si quisquam illa scite interpretabitur, omnis antiquitatis ignarus: ita ut fere sunt isti, qui tantum versantur in plus quam mutis literis, ac spinosis quæstionculis. Eodem referenda sunt (nam eundem habent usum) quæ a tragicis comicisque personis mutuamur, & eorum qui in dialogis, & item historiis, non ad fidem rei gestæ, sed ad imitationem compositis inducuntur. Huc quoque pertinere Fabius autumat apologos Æsopicos, & Aniani, quos ille λόγος μυθικός, id est, sermones fabulosos appellat. His enim vehementer duci animos, præcipue simplices & imperitos, cum tantum valuerit ille Menenius Agrippæ, de membris humanis adversus ventrem conjuratis, sermo, ut graviter irritatam plebem Patribus reconciliaret. Quod si quem deterreas, ne cum potentiore contendat, miros habebit stimulos apologus Horatianus, de rana sese inflante. Neque leviter interdum movent excellentium virorum dicta, itidem ut facta: qualia nonnulla Plutarchus collegit, & veterum sapientum paradoxa. Ut, *Rex est qui metuit nihil*. Et Poetarum & illustrium scriptorum insignes sententiæ, ut Enniana illa:*

Fortes fortuna adjuvat.

Et Virgiliana:

Nate Dea, quo fata trahunt, retrahuntque sequamur.

Quicquid erit, superanda omnis fortuna ferendo est.

Aut vulgo receptæ, quas adagia nominant. Sunt & a nobis animosæ quædam, & plenæ spiritus fingendæ, ut: viri est, aut fortiter interire, aut vincere. Non moritur, quisquis pro patria mortem oppetit. Ut palma contra impositum onus, ita masculus animus, contra fortunæ difficultatem debet erigi, ultroque insurgere. Virtus duris laboribus pascitur, non frangitur. Viri nihil habet, qui glorioso labori ullam voluptatem antepont. Inductiones autem Socraticæ, quas εἰσαγωγὰς vocant, non tam ad excitandum valent, quam ad persuadendum, etiam si ad utrumque sunt non inefficaces. Horum omnium miscellaneam quandam agemus, quo varia magis sit oratio.

Tom. I.

Bb 2

CAP.

1 Lege αἶνος, vel Ἄνι, sic enim habet Quintilianus, post ablatum exemplum Æsopice fabulæ ex Horatio: Αἶνος Graci vocant, & αἰσωνοποιήτης, ut dixi, λόγος μυθικός. Institutionum Orat. Lib. V. Cap. XI.

CAP. XXXVIII.

DE OBTESTATIONE.

EXhortandi locos ceu fontes fere omnes aperuimus, quod si quis epilogum etiam paræneticum quendam requireret: is non incommode per obtestationem sumitur, ut eum per inclytas majorum imagines, quibus plus lucis attulerit, quam acceperit: per egregia gentis decora, quæ sua virtute non mediocriter illustraverit: per gloriam bene gestis partam: per egregia facinora, quibus quotidie seipsum vincat: per immortale nomen, cuius jam æterna jacta sunt fundamenta: per felicissimam indolem: per ingenium immortalitati & pulcherrimis rebus natum: per incredibilem sapientiam, prudentiam singularem, doctrinam raram, animi magnitudinem prope divinam, virtutem absolutam, a qua nihil sit tam arduum, quod aut præstari non queat, aut non ab omnibus expectetur: per majorum manes, qui se a sua posteritate benefactorum gloria superari gaudeant: per liberorum, & nepotum pietatem, ad quos decus hoc una cum patrimonio sit hæreditaria traditione transiit: per amicorum & benevolentium vota: per invidiorum studia: per odia execrata malevolentium, quos optime sic demum ulturus sit, si invidentissimas aures illorum, & oculos, virtutum splendore & pulcherrimis rumoribus perstringat, atque obruat, obtestabimur, atque obsecrabimus, ut se digna velit & audeat.

CAP. XXXIX.

DE LENIENDA EXHORTATIONE.

Verum si quando periculum esse judicabimus, ne quid offendant vehemens, & importunior exhortatio: nam habet hæc nescio quid monentis, præcipientisque, aut etiam diffidentis: & quorundam ingeniorum ea est insolentia, & securitas sui, ut ne moneri quidem patiantur. Id igitur ubi metuemus, multis rationibus exhortationis molestiam leniemus: ut aut negemus nos oratione nostra languentem velle accendere, sed currentem incitare: ac ne incitare quidem, ut ea gerat, quæ jamdudum sua sponte facit, sed nos pro nostro singulari in illum studio ita gerenti gratulari: orabimusque ut importunitati nostræ det veniam, quæ non aliunde proficiatur, quam ab immodico quodam gloriæ illius studio. Nihil esse tam magnificum, quod illius virtus non sit abunde præstatura: sed tamen qui in certaminibus spectant, tametsi nihil opus esse sciunt, tamen non possunt non applaudere, cui valde favent: quumque is qui certat, suæ virtutis probe conficius, securus sit ab animo: tamen fautor ille securus esse non potest, donec certam victoriam viderit. Aut longe aliud a nobis institutum fuisse simulabimus, sed præter consilium huc calamum esse delapsum, transversum scilicet agente nos incredibili quodam amore, ut eum exhortaremur, qui non tam calcaribus egeat, quam freno. Denique virtuti ejus omnia secunda præcibimus.

CAP. XL.

QUIS HVIC GENERI CHARACTER PROPRIE CONVENIAT.

EX multis stili generibus, grave illud, & acre atque cardens, & incitatum exhortationi præcipue convenit. Nam florida, concinna, ac festiva, alibi gratiam habent, hic ma:culus, & ut ita dicam, robustus debet esse character, amplius, & nervosus. *Gravitas* autem est, quam *delivus* Fabius nominat, eamque inter præcipuas orationis virtutes ponit. Sed in his quæ ad concitandos affectus potissimum valent, his fere rationibus constare videtur, rebus, verbis, amplificatione, figuris, & compositione. Rebus gravitatem consequemur, si quam optimis sententiis, e sublimibus, gravibus, ac magni nominis, & per vetustis auctoribus petitis: si exemplis exquisitissimis, si priscis, si illustribus, si neutiquam vulgaribus utemur. Verbis rerum gravitatem augebimus, si voces sonantissimas, si amplas, si quam maxime graviter translatas, significantes deligemus. Sonantes, ut: *Bellicos tumultus divina prope virtute profugasti*. Amplas: *Immortalia virtutum tuarum monumenta, nulla unquam*

Gravitas qui-
bus re-
bus con-
stat.

A *seculorum series obliterabit. Significantia, ut: Fratrem ne desere frater.*

Egregiam vero laudem, & spolia amplius referis, Una dolo divum si semina vitta duorum est.

Hanc virtutem sermonis Fabius *energiam* appellat, quod nos actionem, aut efficaciam vertere possumus. Ea præstat, ne quod verbum tota oratione sit ociosum, quemadmodum in hoc carmine Virgiliano:

Tunc in triviis indocte solebas

Stridenti miserum stipula disperdere carmen.

Nam in posteriore vericulo, singulæ quæque voces novum pondus addunt. Hoc modo, gravitatis laudem assequemur, si sermonem perpetuum, argumentis, amplificationibusque infarcimus, eaque singulis vocibus includemus. Augent orationem & epitheta, id est, apposta, maximeque translata, ut cruentis manibus sacratissimorum Deorum &c. Hujus tamen modum requirit Fabius, & ociosa sunt vitanda, quibus ad voluptatem, non ad usum utuntur Poetæ.

CAP. XLI.

DE AMPLIFICATIONE.

In affectibus autem permovendis, præcipue atque adeo prope sola dominatur amplificatio: cuius quidem vis omnis, in allevando, deprimendoque consistit. Ea sumitur a circumstantiis omnibus, a quibus & probationes ducuntur. His autem rationibus licebit amplificare. Primum quidem commutato rei nomine: ut si, qui cæsus sit, eum dicamus occisum: & qui sit improbus, eum *latronem* nominemus. Si quod nobis molestum est, id *enecare*, aut *ad restim adigere* dicemus. Contraque si, qui pulsarit hominem, *atrigisse*, qui vulnerarit, *lasisse* dicetur. Si impudica quæ sit, *meretrix*: si audaculus, *gladiator* nominabitur. Alter est modus nihil a superiore diversus: nisi quod illic sola ponuntur quæ amplificant, hic per collationem efferuntur etiam illa, quæ recta erant, ut magis emineat atque increseat amplificatio. Quod genus est Ciceronis in Verrem: *Non enim forem, sed raptozem: non adulterum, sed expugnatorem pudicitia: non sacrilegum, sed hostem sacrorum, religionumque: non facinorosum, sed crudelissimum carnificem civium, sociorum, in vestrum iudicium adduximus*. Tertius amplificandi modus, incrementum vocatur: quum non statim quod est atrocissimum ponimus, sed per gradus plures, aut etiam unum pervenitur, interdum ad limum, interdum ad id quod supra summum est quodammodo. Sic oratio increvit Ciceroni: *Facinus est, vincere civem Romanum: scelus verberare: parricidium necare: quid dicam, in crucem tollere?* Hic ultra summum perventum est. Ad summum sic: *Matrem tuam cecidisti, quid dicam amplius? occidisti*. Increvit & citra distinctionem oratio, dum cursu quodam gravius, graviusque semper aliquid insequitur: ut, *pecuniam, honores, regnum, vitam denique patriam caritate contempsit: & de vomitu Antonii: In cætu vero populi Romani, negotium publicum gerens, magister equitum &c.* Est & hoc incrementi genus, quum tanquam per fictionem, inferiora quæ sunt augemus, ut illa majora videantur: ut, *hanc rem tam equam, si quislibet ignotus abs te peteret, tamen ignoto recusare non debebas: nunc orat pater, & pater sic meritis*. Si tamis officiis nullam gratiam reposuisses, ingratis eras: nunc pro summo beneficio, maleficium summum retulisti. Si liberorum & conjugum salus defendenda tantum esset, tamen nullum erat periculum non subeundum: nunc pro totius Christiani orbis incolumitate, dignitate, capiuntur arma. Confine est huic, quum id quod tanquam exempli causa propositum est augemus, eoque aliud majus etiam esse ostendimus: ut, Cicero mulieris facinus, quod medicamentis partum abegisset exaggerat: ac merito rei capitalis damnatam dicit, quæ quidem *spem parentis, memoriam nominis, subsidium generis, hæredem familia designatum, Reip. civem sustulisset*. Deinde Opianici culpam, cuius par noxa videbatur, hunc ad modum exaggerat per collationem: *Quanto est Opianicus in eadem injuria majore supplicio dignus. Siquidem illa quum suo corpori vim attulisset, seipsam cruciavit. Hic autem idem effecit per alieni corporis vim, atque cruciatum*. Gravius augeat illud comparationis

Amplificatio unde sumitur & quanta ejus vis.

Modus amplificandi in elevando. Deprimendo.

Incrementum.

tionis genus, quum utrinque plura pluribus redduntur. Quod genus est illud M. Tullii in Catil. *An vero vir amplissimus P. Scipio Pontifex Maximus, Tib. Gracchum mediocriter labefactantem statum Reip. privatus interfecit, Catilinam orbem terra cade atque incendio vastare cupientem, nos Consules perferemus?* Hic & Catilina Graccho, adolescens perditus viro ornatissimo, status Reipublicæ orbiterarum, & mediocris labefactatio cædi, atque incendiis, vastationi, & privatus Consulibus comparatur. Per ratiocinationem ampliamus, quum alibi sit, alibi valet amplificatio, id quod non simpliciter accidit. Amplificantur enim & ex antecedentibus consequentia, & ex consequentibus antecedentia. Prioris exemplum hoc erit:

*Ille cavum conversa cuspide montem
Impulit in latus, ac venti velut agmine facto,
Qua data porta ruunt.*

Ex his sic amplificatis apparet quanta sit tempestas consequutura. Et Christiani judicii supremi horrorem exaggeramus, amplificatis his monstris, quæ feruntur antecessura. Posterioris erit illud Ciceronis in Antonii vomitum, quem *tantum ais vini in Hippia nuptiis hausisse, ut postridie cogere in conspectu populi Romani vomere, & frustis esculentis subsellia complere.* Mire significavit, quanta præcesserit ingurgitatio, quum eo in loco vomeret, neque casu, neque volens, sed necessitate: neque recens, ut fere solet, cibis refunderetur, sed qui in posterum usque diem redundasset. Est alia hujus generis species, quum aut ea quæ per se gravissima sunt, consulto deprimimus, quo magis, magisque attollantur, quæ sequutura sunt: aut diversa attollimus, ut augeamus ea quæ præferuntur. Prioris exemplum erit illud in Verrem: *Levia sunt hæc in hoc reo. Mactum virgarum Nauarchus nobilissima civitatis, preciore demit: humanum est. Alius ne securi feriretur, pecuniam dedit: usitatum est.* Ex his quæ gravissima non videri non possunt, sic elevatis, necesse est atrocissimum quiddam colligi, atque expectari. Sic amplificavit Terentianus Hegio, ubi Demæ de virgine viatiæ questus, facinus hoc veluti vulgatum jam, & humanum contemnit, jubetque gravius adhuc accipere, quum pater nihil hoc gravius, neque fieri, neque dici posse crederet. Posterioris generis illud est, quum Virgilius Æneæ laudes ex amplificata Turni virtute adauget: aut quum Hannibalis bellicis laudibus crescit virtus Scipionis: aut quum Germanorum, aut Gallorum fortitudo, Cimbrorum immanitas augetur, ut major sit victoris gloria. Sed infinitæ prope sunt, ex relatione ad aliquid, amplificandi formæ: veluti si clades a Trojanis, Græcisque acceptas amplifices, quo videatur Helenæ species admirabilior, ob quam non piguerit sapientissimos viros, tot mala perpeti, utque in Platonis symposio, & Alcibiadis forma, & toties oblata copia, Socratis continentia singularis colligitur. Reliquum est ultimum augendi genus, quod *συνάφιστον*, id est, congeriem appellant, qua rem eandem aliis atque aliis modis efferimus. Nam nisi summa fiat varietate, vitiosa erit iteratio: veluti Ciceronis pro Ligario: *Quid enim tuus ille Tubero districtus in acie Pharsalica gladius agebat? cuius latus ille mucro petebat? qui sensus erat armorum tuorum? quæ tuâ mens, oculi, manus, ardor animi? quid cupiebas? quid optabas?* Sed plus habet gravitatis, quum paulatim series increfcit, ut: *Aderat janitor carceris, carnifex pratoris, mors, terrorque sociorum, & civium Romanorum licitor Sextius.* Jam vero extenuandi eadem sunt rationes, quæ amplificandi, neque diversus usus. Optimæ extenuationis exemplum erit illud comicum: *Hæc verba una, me hercle, falsa lachrymula, quam oculos terendo misere vix vi expresseris, restinguet.* Hic vitiosissimum fuerit ad leviora a gravioribus orationem proficisci, ut vitam, sanguinem, pecuniam pro te effundere non dubitem. Plurimum vero ponderis orationi accedat necesse est, quoties hinc amplificata, hinc elevata inter se componuntur.

CAP. XLII.

DE FIGURIS AD GRAVITATEM
FACIENTIBUS.

IN hoc genere potissimum consuetabimur ea sermone schemata, sive tropos, quæ reddunt acrem & ar-

dentem orationem. Hujusmodi sunt ex his quæ in verbis sita sunt, membra, articuli, comparia, repetitiones, contentiones, interrogationes, dubitationes, metaphoræ, prosopopœia, apostrophæ, demonstrationes, quæ rem oculis subjiciunt cum exaggeratione. Eandem vim habent asseverationes, si quis tamen has inter schemata numerat: epiphonemata, quas acclamationes recte verteris. De quorum singulis non est hujus instituti prolixius differere: qui Rhetoricen hic non docemus, sed indicamus duntaxat, quod ad scribendas epistolas attinet. Cæterum totius hujus generis supellectilem, ac vim copiosam colligere licebit, quum ex aliis scriptoribus, tum præcipue ex Historiographis: apud quos reperire licet crebras orationes, quibus dux exercitum, aut miles militem, aut magistratus populum ad fortiter agendum cohortatur. Profuerit & ea meminisse, quæ Philosophi & facundi scriptores, de fortitudinis natura memorie prodiderunt. Nos tamen interim, quo quæ præcipimus juventuti ceu digito commonstremus, unicum subjiciemus exemplum.

EXEMPLVM EPISTOLÆ COHORTATORIÆ.

„Dici non potest, jucundissime nepos, quanta tum
„me, tum tuos omnes voluptate affecerit pulcherrimus
„rumor, nuper hic de rebus fortiter abs te gestis, exor-
„tus. Jacta sunt perpulchra immortalitatis tuæ funda-
„menta. Quid autem hortari incipiam, ut rem divini-
„tus coeptam, perficias: qui eo animo sis natus, ut ni-
„hil unquam humile, aut sordidum cogitaris: utque
„non tam calcaribus, quam frenis egere te putem? Sed
„tamen incredibili quodam erga te studio, compellor
„currentem (quod ajunt) incitare. I, bone, quo virtus
„tua te vocat, i pede fausto: perge absolvere, quod
„summa cum laude coepisti, te natalibus tuis, quibus
„hæc urbs nihil unquam vidit illustrius, patre tuo cla-
„rissimo, ista tua indole, ista eruditione, isto animo di-
„gnum præstare. Impone summam manum immorta-
„libus monumentis, a quorum absolute non multum
„abes: quod maximum ac difficillimum est præstitisti:
„quod desideratur, plus habet decoris, quam difficulta-
„tis. Certasti cum majorum tuorum imaginibus, qui-
„bus tuapte virtute, plus lucis attulisti, quam accepe-
„ris. Vicisti ætatem, quacum prope adhuc impubes ha-
„bearis, nihil tamen non forti viro dignum vel gessisti,
„vel cogitas. Antevertisti majoribus tuis virtutum ma-
„gnitudine: vicisti hætenus, & tui studiorum exspe-
„ctationem, & æmulatorum invidentiam. Sed postquam
„omnia superasti, unum etiam certamen reliquum esse
„puta: nempe ut te ipsum imiteris, tui similis esse stu-
„deas: tu te ipsum præire contendas. Nam vinci a te
„ipso, tam fœdum fuerit, quam pulchrum fuerit reli-
„quos superasse. Ita si semper tibi instes, non deerit,
„qui cum laudibus certare possis. Cogita te eum in lo-
„cum, ipsius fortunæ manibus esse deductum, ut neces-
„se sit, aut summa cum laude peragere fabulam, aut
„summo cum probro defatigari. Ardua quidem & dif-
„ficilis est virtutis via, sed amplissima tibi præmia pro-
„pone. Decus, immortalitas, imperium, opes, dignitas,
„felicitas, in manu sunt, si pertenderis. At si (quod omen
„Dii avertant) defatigeris, non solum pristinae gloriæ
„tenebras offuderis, verumetiam in posterum omnem
„dignitatis spem tibi recideris. Labores neque diutur-
„ni sunt, neque ita magni: præmia tum æterna, tum
„amplissima proponuntur. Multa jam pars exhausta,
„annus duntaxat est tibi perdurandus: in quo facito, ut
„tanquam in conclusione, & extrema muneris tui par-
„te, perfectissimus atque ornatissimus fuisse videaris.
„Fac ut veterum heroum pulcherrima facta tibi ob o-
„culos assidue versentur. Hercules ille, totius Græciæ
„facile Princeps, quot laboribus sibi iter in cœlum ape-
„ruit, quot monstra superavit, qui ad inferos etiam ipsos
„legitur penetrasse? Quæ tibi si ficta de illo videbun-
„tur, non pugno quidem, sed tamen divinitus a sapien-
„tissimis, doctissimisque viris excogitata sunt, quo no-
„bis hericæ virtutis exemplum absolutum proponen-
„rent, & ad immortalitatem nominis ostende-
„rent. Nam quoniam alio consilio Homerus, cui ma-
„gno doctissimorum hominum consensu, divinitas
„„quæ-

Principium a laude.
Exhortatio cum laude mixta.
Laus a bene coepta.
A genere.
A patre.
Ab indole.
Ab eruditione.

A spe meaque.

A metu.

Ab exemplo.
Exemplum Poeticum.
Tractatio fabulosa.

Laus auctoris.

395

Exemplum
Gracum
ex histo-
ria.
Exem-
plum
Macedo-
nicum.
Exem-
plum
Roma-
num.
Exem-
plum
Hebra-
um.
Exem-
plum sa-
mine-
um.
Transi-
tus.
Exem-
plum do-
mestici-
um.
Exem-
plum
avi.
Exem-
plum
patri-
ae.
Repeti-
tiones.
Distin-
guenda
famili-
arum.
Ab ex-
specta-
tione.
Ab ex-
specta-
tione
malevo-
lorum.
Conten-
tiones.
A certa
persona.

quædam tribuitur, Ulysses quem nobis ut sapientis
viri simulacrum proposuit, tam diuturnis laboribus
jactatum scripsit, nisi ut significaret hanc unam esse
viam, ad æternum nominis decus parandum apud po-
steros. Hac Epaminondas, hac Alcibiades clarissimi
Græciæ Imperatores, sibi immortalē apud posteros
laudem pepererunt. Quid aliud Alexandrum Ma-
gnum cogitasse credis, cum se tantis periculis objice-
ret? Quem tu laborem Decios illos recusaturos fuisse
unquam credis: quorum alter ut æternam sibi laudem
compararet, Diis Manibus se devovit, alter in medios
hostes se præcipitem dedit? Quæ non ætas Macha-
bæorum nomen celebrabit, quorum unus elephanti
ventre perfoſſo pulcherrimam oppetens mortem, cla-
rissimo facinore immortalē gloriam est consequu-
tus. Quid hodie vel celebrius, vel plausibilis Judith,
Deborahæ, & Rachab memoria? quæ quoniam sexu
suo majores masculinæ animi robur præstiterunt, non
inter fœminas, sed inter heroas commemorantur. Sed
quid nos externa atque antiqua repetimus? domi ha-
bes, qui te ad hujusmodi virtutem debeant incitare,
& quidem eo vehementius, quo genere conjunctiores.
Nam cæteros quidem egregios viros imitari, laudi
ducitur: at tuorum sine summo dedecore dissimilis
esse non potes. Vivit adhuc recens, & posteritate ipsa
crescit avi tui viri fortissimi memoria. Quanto ille ani-
mo jam inde a teneris annis ad nominis immortalita-
tem contendit? Honestos ille labores, pro ludo ha-
buit: voluptatem & ocium non secus ac pestem te-
rribilissimam fugiebat. Sæpe ipse adolescens ex eo jam
natu admodum grandi audivisse memini, se haud lon-
giorem vitam a Superis optare, quam ut patriæ sua in-
dustria posset usui esse, cui se potius quam sibi ipsi na-
tum dicebat. Ad propiora veniam, tibi magis, quam
mihi ipsi nota: Pater tuus vir fortissimus, atque opti-
mus, quid unquam durum, aut difficile judicavit, quod
vel ad gloriæ incrementum vel Reipublicæ commo-
dum pertinere putasset? Quot ille, quamque difficiles
legationes adoleſcens, non sine summa laude obiit?
Quot hyemes sub pellibus egit? E quantis angustiis sua
se vigilantia expedivit? Quem ille magistratum non
petiit? Quid autem petivit, quod non obtinuit? Quid
obtinuit, quo non summa cum laude sit perfunctus?
Debent pectori tuo paternæ illa monita infixæ federe.
Sæpe enim te adolescentulum, ut memini, Virgilia-
no illo carmine consuevit excolans hortari: Disce
puer virtutem ex me, verumque laborem, Fortunam
ex aliis. Nec raro me audiente, hunc usurpare sermo-
nem solebat, sibi prorsus videri nihil interesse inter
eos, qui nunquam nati essent, & eos qui nulla re me-
morabili gesta, obscuri ex hac vita migrassent. Qua-
re quum ab his sis majoribus ortus, hujusmodi præce-
ptis foris, domique institutis, obscurum tibi esse non
debet, quid tui, vel patriæ potius ipsa abs te expectet:
præsertim cum isti generi, isti indoli, egregiam quo-
que doctrinam adjunxeris: quum jam istiusmodi rudi-
menta edideris. Cogita tuorum omnium, non ami-
corum modo, sed civium etiam quotquot sunt oculos
in te unum coniectos, omnium in te suspensos animos:
quorum jam expectationi vix satisfacturus videris, si
tantum a natalium tuorum virtute nihil degenerave-
ris. Nescio quid majus sibi de te pollicentur: quorum
si votis tua virtus responderit, quid si etiam vicerit,
quantus erit tuorum omnium triumphus, quanta pa-
triæ gratulatio? Quantum autem Trebonii viri, ut
scis, tui amantissimi, & judicio de te, & amoris in te ac-
cesserit? Sin rem indiligenter gesseris (quod omen
Deus avertat) malevolentissimi homines, qui tuæ ha-
bitus invident virtuti, quosque rerum tuarum
splendor exerceat, continuo verticem tollent, eri-
musque & tu, & tui omnes ludibrio, & risui nebulo-
sibus invidentissimis. Amici obmutescunt, inimici
insultant, benevoli frigidi, malevoli feroces. An
hæc feret ista tui pectoris celsitudo? Zoili in te odium
nostri. Nullo commodiore modo pestem illam ulcisc-
re potes, quam ut gloriæ tuæ invidia contabescat. Va-
rum autem virulentissimum hominem plane ad sus-

A pendium adgeris, si nobis victor redieris. Codrus
jam nunc suspendio trabem delegit. Si nihil te, ne-
que tua gloria, neque nostra expectatio moverit, hoc
certe tanti fuerit, ut hæc monstra conficias. Quare
te Carissime nepos, unica spes, & idem decus tuæ gen-
tis, per luculentissimas majorum tuorum imagines, nem.
per egregiam indolem, per sapientiæ laudem cui sem-
per studuisti, per nostram, patriæque expectatio-
nem, per bene auspiciata laudum tuarum initia, obse-
cro, atque obtestor, ne committas, ut quum hæcte-
nus cæteros viceris, a teipso superatus videaris. Dii tua
cœpta secudent, & felicibus utere fati. Vale decus
nostrum. Est & inter Hieronymianus Epistolæ, ex-
hortatoria ad Heliodorum, quæ universum ejus ge-
neris artificium complectitur.

CAP. XLIII.

DE GENERE DEHORTATORIO.

O Peræ precium non putavi, dehortationis exem-
plum subijcere, quod eadem sit utriusque generis
ratio, quum vix unquam exhortemur, quin eadem ope-
ra dehortemur. Exempla eorum quibus cæres infelici-
ter cessit accumulabimus. Deinde rei turpitudinem,
probrum, convicia, damnum, incommoda diligenter
colligemus, quæ per exhortationem, quam Rhetores
descriptionem appellant, ante oculos ponemus. Sed
hæc aliaque studiosorum industriæ relinquenda putavi-
mus. Nunc ad singulas cujusque generis partes, non
quidem ex omnibus, sed optimis auctoribus sylvam
quandam verborum, ac sententiarum subministrabi-
mus: quibus ex nostris non nihil adjiciemus, quo scri-
pturi, hæc semper tanquam penum ad manum habeant,
& imitandi studio, similia discant effingere.

EXEMPLUM DE PROMPTUM EX PRIMA
CICERONIS AD Q. FRATREM EPI-
STOLA.

Quare, quoniam in istis urbibus cum summo imperio & Ab ex-
potestate versaris, quibus virtutes tuas consecras, & specta-
in Deorum numero collocatas vides, in omnibus rebus, quas tione
statues, quas decernes, quas ages: quid tantis hominum opi- bono-
nionibus, tantis de te judiciis, tantis honoribus debeas cogita- rum.
bis. Quod si in mediocri laude sermonis, ac predicationis, A metu,
res nostræ essent, nihil a te eximium, nihil præter aliorum
consuetudinem postularem. Nunc vero propter earum re-
rum, in quibus versati sumus, splendorem, & magnitudi-
nem, nisi summam laudem ex ista provincia asequimur, vix
videmur summam vituperationem posse vitare. Ea nostra
ratio est, ut omnes boni tum faveant, tum etiam a nobis Ab ex-
omnem diligentiam, virtutemque postulent & expectent: tione
omnes autem improbi, quod cum his bellum suscipimus sem- mala-
piternum, vel minimare ad reprehendendum contenti esse vi- rum.
deantur. Quare cum ejusmodi theatrum est totius Asiæ cele-
britate refertissimum, magnitudine amplissimum, judicio
eruditissimum, natura autem ita resonans, ut Romam usque
significationes vocesque referantur, contende quas, atque
elabora, non modo ut his rebus dignus fuisse, sed etiam, ut
omnia illa tuis artibus superasse videaris. Simul & illud co-
gita, nos non de reliqua & sperata gloria jam laborare, sed
de parta dimicare, quæ quidem non tam expetenda fuit,
quam tuenda nobis est: quod reliquum est, id non tam diffi-
le, quam præclarum.

Exhortationem mitigat hoc modo: Atque hæc non
eo dicuntur, ut te dormientem oratio mea excitasse, sed po-
tius ut currentem incitasse videatur: facies enim perpetuo, Mitiga-
tio ex-
horta-
tionis.

F Tu quanquam consilio non eges, vel abundas potius, tam-
men hoc animo esse debes, ut nihil cures, quam ut ante factum Alau-
aliquid egregium audiamus quam futurum putarem. Te de.
vero admonco tum beneficiis tuis, tum amore incitatus meo,
ut omnem gloriam ad quam a puero inflammatus fuisti, omni
cura atque industria consequare, magnitudinemque animi,
quam ego semper admiratus sum, semperque amavi, constan-
ter obsineas, nec unquam inſectas cujusquam injuria. Illud
te ad extremum & oro & hortor, ut tanquam Poeta boni, Obſe-
& auctores industrii solent; sic tu in extrema parte, & con-
clusionem muneris, ac negotii tui diligentissimus sis.

Quamobrem si me amas, quantum profecto amas: si dor- plinius:
mis

mis expersgiscere, si stas, ingredere: si ingrederis, curre: si curris, advola. Hoc sit negotium tuum, hoc otium, hic labor, hac quies: in his vigilia, in his etiam somnus reponatur. Effinge aliquid, & excude quod sit perpetuum. Nam reliqua rerum tuarum post te, alium atque alium dominum sortientur, hoc nunquam tuum desinet esse, si semel ceperit. Scio quem animum, quod horret ingenium. Tu modo enitere, ut tibi ipse sis tanti, quanti videberis aliis si tibi fueris. Quod te quoque ut facias, & hortor & moneo: memento quibus imaginibus oneraris, quae nomina, & quanta sustineas. Proinde dum suppetit vita enitatur, ut mors quam paucissima quae abolere possit, inveniat. Lusus vocantur, sed hi lusus non minorem interdum gloriam quam seria consequuntur.

Confugit in sinum tuum Respublica. Ac mihi intuenti sapientiam tuam, minus mirum videtur, quod mortales istos caducosque titulos, aut deprecis aut temperes. Scis enim ubi vera Principis, ubi sempiterna sit gloria: ubi sint honores, in quos nihil flammis, nihil senectuti, nihil successoribus liceat. Arces enim & statuas templaque demolitur, & obscurat oblivio, neglegit carpitque posteritas. Contra contemptor ambitionis, & potestatis domitor, ac frenator animus, ipsa vetustate floreat, nec ab ullis magis laudatur, quam quibus minime necesse est. Quod ego titulis omnibus speciosus reor, quando non trabibus aut saxis nomen tuum, sed monumentis aeterna laudis inciditur. Ibit in secula fuisse Principem, cui florenti & incolumi nunquam nisi modici honores, sapius nulli decernerentur.

EXHORTATIO.

Cicero. Sed praesta te cum, qui mihi a teneris (ut Graci dicunt) unguiculis es cognitus. Magna est hominum opinio de te, magna commendatio liberalitatis, magna memoria Consulatus tui. Hec profecto vides quanto expressiora, quantoque illustriora futura sint, cum aliquam tuam ex provincia, atque ex imperio laudis accesserit. Quanquam te ita gerere volo, quae per exercitum atque imperium gerenda sunt, ut hac multo ante meditare, huc te pares, hac cogites, ad hac te exerceas, sentiasque id, quod quia semper sperasti, non dubito quin adeptus intelligas, te facillime posse obtinere summum atque altissimum gradum civitatis: quae quidem mea cohortatio ne tibi inanis aut sine causa suscepta videatur, &c. Teque ad studium summae laudis cohortabor. Est enim tibi gravis adversaria constituta, & parata incredibilis quadam expectatio, quam tu unare facillime vinces, si hoc statueris, quarum laudum gloriam adamaris, quibus artibus ea laudes comparantur, in iis esse laborandum. Lib. IX. Epistola, Duabus tuis, locos habet hortatorios, & item gratulatorios, circa medium & finem. Quam indicare malui, partim ne volumen oneretur, partim quod gratiora sunt quae nobis ipsi decerpimus. Epistola lib. X. Quum ipsum

Cicero ad Atticum.

Dehortatio.

Adhortatio.

Furnium, aliquot habet locos exhortatorios. Item παυτοῖς ἀγέρῃς μὴ μὴ ὀκνῶ. curaque & effice, ut ab omnibus & laudemur, & amemur. Per fortunas tuas, Cicero, per liberos te oro & obsecro ne quid gravius de salute, & incolumitate tua consulas. Nam Deos hominesque amicitiamque nostram testificor, me tibi dixisse, neque temere monuisse. Quare si tibi tu, si filius unicus, si domus, si spes tua reliqua tibi cara sunt, si aliquid apud te nos, si vir optimus gener tuus, valemus, eorum fortunam non debes velle conturbare, ut eam causam, in cuius victoria salus nostra est, odisse, aut relinquere cogamur, aut impiam cupiditatem contra salutem tuam habeamus. Etiam atque etiam Cicero cogita, ne te, tuosque omnes funditus evertas: nec te sciens, prudensque eo demittas, unde exitum nullum vides esse.

Quare quid est quod ego te hortor, ut dignitati & gloria servias? Proponam tibi claros viros, quod facere solent qui hortantur? neminem habeo clariorem, quam te ipsum. Te imitere oportet: tecum ipse certes, ne licet quidem tibi iam tantis rebus gestis, non tui similem esse. Quod cum ita sit, hortatio non est necessaria, gratulatione magis utendum est. Contigit enim tibi, quod haud scio, an nemini, ut summa severitas animadversionis, non modo non invidiosa, sed etiam popularis esset: & cum bonis omnibus, tum infimo cuique gratissima. Hoc si tibi fortuna quadam contigisset gratularer felicitati tuae, sed contigit magnitudine tum animi, tum etiam ingenii, atque consilii. Quo facto, intelligere debes, in te positam esse Rempublicam, tibi non mo-

A do tuendos, sed etiam ornandos illos viros, a quibus initium libertatis profectum est. Tu quoniam Rempublicam nosque conservas, fac ut diligentissime te ipsum, mi Dolabella, custodias.

Nunc, mi Attice, tota mente incumbere in hanc curam, magna enim res est. Quamobrem advola obsecro, atque eam Rempublicam quam virtute, atque animi magnitudine, magis quam eventis rerum liberaisti, exitu libera: omnis omnium concursus ad te futurus est. Fortem & liberum animum, quod & Consul, & nunc Consularis Rempublicam vendicasti, sine constantia, & aequabilitate nullum esse putaris. Nihil enim per se amplum est, nisi in quo iudicii ratio exstat: quia neminem magis decet, quam te Rempublicam amare, libertatis defensorum esse, vel ingenio, vel rebus gestis, vel studio, atque efflagitatione omnium: Tute exsuscita, ut eam civitatem, in qua maxima gessisti, liberam atque honestam fore putes, si modo sint populo duces, ad resistendum improborum consiliis. Quare magnum fac animum habeas, & spem bonam. Cessator esse noli, & illud γυῖδι σεαυτὸν noli putare ad arrogantiam minuendam solum esse dictum, verum etiam ut bona nostra norimus.

Præterea meminimus, quanto majori animo honestatis Plinius fructus in conscientia, quam in fama reponatur. Sequi enim gloria, non appeti debet: nec si casu aliquo non sequatur, idcirco quod gloriam promeruit, minus pulchrum est. Is vero qui bene facta sua verbis adornant, non ideo predicare, quia fecerint, sed ut predicarent, fecisse creduntur. Sic quod magnificum referente alio fuisset, ipso qui gesserat recensente, vanescit. Homines enim quum rem destruere non possunt, jactationem ejus incessunt. Ita si silenda feceris, factum ipsum si laudanda, quod non fileas ipse culparis. Multo deformius amittere, quam non assequi laudem. Item lib. II. tota Epistola, cujus initium: Hominem te patientem. Huiusmodi sententiis exstimulamus animum laudis cupidum, εἰς οἰωνὸς ἀγίους ἀμύνεσθαι περὶ πάσης.

Ἀλλ' ἄγε ἴδωμεν ἵνα τις σε καὶ ψυχρόν ἐν εἴπῃ Ἄνερες ἐστὶ Φίλοι, μὴ σε αὖθις δὲ θύρεδρος ἀλλῆς. I, bone, quo virtus tua te vocat, i pede fausto. Nate Dea, quo fata trabunt, retrahuntque sequamur. Tu ne cede malis, sed contra audemior iso, Quam tua te fortuna sinat. Fac aliquid dignum promissis. Difficilia quae pulchra. In magnis & voluisse sat est. Maeste hac gravitatis gloria Caesar.

DEHORTATIO.

Sed ego te ut ad certam laudem adhortor, sic a dimicatione Cicero deterreo: redeoque ad illud, quod initio scripsi, totius facti Epistola tui iudicium non tam ex consilio tuo, quam ex eventu hominum esse facturos.

COMMENTITIA MEA.

Non est affectanda gloria forti viro, suapte virtute contento: sed hæc benefacta non aliter quam umbra corpus consequitur. Non appetit laudem, sibi bene conscia virtus eximia, sed hoc contingit illustrior ac verior. Splendidus titulus, pater patriæ: sed hunc promeruisse pulchrius est, quam possedisse. Inter omnia tua, gentisque tuæ decora, si mihi credis, erit hoc præcipue gloriosum. Tot egregius facinoribus summa cum laude gestis, fac istum ceu colophonem addas. Arduum facinus ad quod te hortor, sed tuo genere, tuoque animo dignum. Ab ista familia, ab ista indole, ab istis factis, nihil expectatur plebejum, aut mediocre. Omnia summa præstes oportet, si velis majorem tuorum ornamentis, si tuæ pristinae gloriae, si omnium de te expectationi respondere. Cogita te verari in theatro longe frequentissimo, omnium oculos in te coniectos: quibus nunquam satisfacies, nisi summa cum laude peregeris ceptam istius pulcherrimi facinoris fabulam. Ipsa virtus abunde magnum sui præmii est. Non vivit, qui vivit inglorius. Non perit, qui moriens, honestam sui memoriam relinquit posteris. Ut omnia mors tollat, certe nominis honesti decus a rogo redditur illustrius. Erexis, mihi crede, tibi monumentum ære perennius, quod non livor edax, non aquilo impotens, possit diruere, aut innumerabilis annorum series, aut fuga temporum. Onerant te tuorum

„ima-

399

„imagines, non illustrant, nisi quibus factis illi sibi nobilitatem pepererunt, iis tu tuearis & alas. Huc te vocat generis tui claritas, huc patriæ pietas, huc civium tuorum nunc in tua virtute sita salus: tantum exeras istum vere magnum animum tuum, aderunt fortibus ausis Superi faventes. Audaces adjuvat ipse Deus. In re honesta, suus cuique animus Deus est. Nunc delibera, utrum malis majorum tuorum ornamentis, tuisque laudatissimis factis hoc decus ac veluti summam manum addere, an generi tuo tenebras offundere: & quicquid hætenus tot egregiis laboribus partum est gloriæ semel amittere. Nulla possessio difficilius aut tardius paratur, quam honestæ famæ, nulla citius amittitur. Si te nulla movet tantarum gloria rerum, certe liberis tuis nullam possessionem relinquere potes, vel speciosiore, vel preciosiore, quam huius facti nunquam intermorituram gloriam. Ut leones & aquilæ, non cum quibuscumque feris belligerantur, sed quasdam prædas, ut suis unguibus indignas contemnunt: ita tuum est hoc facinus, quo majus est, ac difficilius, hoc majore cum animo suscipere, velut eximiam gloriæ materiam, eximiæ virtuti servatam. Scio difficillimum esse ad quod hortor: nec ignoro verum esse quod dici solet, *ἡ παρὰ τὸν ἀνδρὸς ἀλὶ*: quando graviora præstitisti, nec alius animus par tanto negotio. Si palma dedignatur cedere ponderi imposito, sed magis adversus impositum nititur, sursum erigens sese; quanto magis oportet fortissimi viri animum, ex ipsa negotii difficultate crescere. Non hæc scribo, quo te cessantem exstimulem, sed quo sponte currenti calcar (quod ajunt) addam. Non tam hortor ut ista facias, quam gratulor ultro properanti, quo nostra vota tuam virtutem volebant invitare. Penum cogita, quid deceat Germanum, deinde quid Saxonem, deinde quid Alberti nepotem, postremo quid Philippum. Duplicem sustines expectationem, nimirum, ut laudatissimo patri Philippo Philippus, & eximio fratri, cui succedis, respondeas. Nobilitas vera, non aliunde quam ex egregiis factis nascitur. Hanc ipse tibi præstare potes. Quid suspicis vetusta stemmata? Quin ipse tibi paras imagines, pulchrius erit decus, cujus auctor fueris, quam cujus hæres. Quanto pulchrius est, te tuis majoribus, tua virtute præluere, quam in alienæ laudis hæreditatem venisse? Probrum ignavia quorundam nuper acceptum, tua virtus, tuaque vigilantia farciat oportet. Proxime acceptam, eadem omnes fortunæ imputabunt, si nunc declararis, quantum in bello valeat fortis & infractus ducis animus cum eximia prudentia conjunctus. Nihil magis nostrum est quam quod nobis nostra paratur industria. Hoc tibi præstat ista pectoris virtus, ut audeas: hoc patriæ pietas, ut velis: quod reliquum est dabunt Superi, & pietatis fautores, & honestæ virtutis promotores. Macte istius animi esto. Istiusmodi studiis ad nominis æternitatem grassare. Eja, macte virtute. Sic itur in cælum. Age fortissime juvenis, ne defatigare, ne conquesce, donec pulcherrimis gestis honestissimum finem imposueris. Maxima studii pars tibi jam decursa est: hoc alacrius ad metam propera, quo propior es. Nihil est tam arduum in rebus humanis, quod non efficiat, si tibi imperarit animus, ut magno opere velit. Quæ res primum Deos, ac divos fecit? nonne præclara in Rempublicam merita? Quid enim Deo similis, quam excelsus animus, vel gratis de universo mortalium genere bene mereri studens? Magnificentius est, amplissimos honores promeruisse, quam obtinuisse. In magnis & voluisse magnum est. In rebus præclaris etiam conatus in magna laude ponitur. Quum hætenus in campo gloriæ præcurrens omnes, hic tui similis sis oportet. Si quid in te generosæ mentis, si quid paternæ indolis, si qua scintilla pietatis in patriam, si quid consilii, si quid constantis animi, si quid masculi roboris, si quid heroicæ virtutis, id totum nunc expromas oportet. Non poteris in hoc laudis cursu defatigari, si spectes quæ præmia tibi sunt proposita. Perge infracto animo, qua cepisti, nomenque tuum immortalitati commenda. Verum

A „decus non in opibus, sed in virtute positum est. Bene collocavit, qui patriæ vitam impendit. Te unum spectant oculi civium tuorum. Tuis humeris innixa est patria. Illi despondebunt animum, nisi eum præstiteris, quem semper esse judicarunt. Hæc ruitura est, si te subduxeris. Cogita laborem esse brevem, felicitatem ad quam properas esse perennem. Ardua est, juxta Hesiodum, via, sed in vertice manet inestimabile præmium. An aliquid durum videri debet, quo paratur æterna felicitas? Ne specta, quid hic aut ille interrim de te loquatur, sed quid tota posteritas semper sit loquutura. Vere Regium, magnique animi est, male audire, quum bene feceris. Invidiam malevolorum, gloria benefactorum obrue. Pulcherrimum vindictæ genus est, inimicum benefactis ad suspendium adigere. Invidorum latratus, velut ignavorum canum negligere. Illud vide, quo te bonorum consensus provocat. Malis placuisse tam turpe est, quam ob turpia. Enitere ut his placeas, qui bonis placent omnibus. Afina per medios ignes succurrit suo foetui, & vir fortis destituet patriam periclitantem: cujus pars sunt & liberi? Parva & exilia sidera, validiorum exortu obscurantur, sed tu non potes magis illustrare progenitorum tuorum gloriam, quam si ad istum modum famam illorum obscures. Eo perge, non quo te revocat mundus, sed quo te vocat Christus. An te remoratur difficultas, ubi cælum promittitur? An diffidis, ubi fautor & adiutor est Christus? An dubitas de præmio, ubi promissor est Deus? Non agnoscat beneficium tuum ætas tua. Atqui istud demum est animo excelso dignum. Nullum beneficii genus heroicis animis dignius, quam quod erogatur in posteros. Sudoribus emuntur literæ, sed pariunt immortalitatem. Vigiliis parantur, sed semel partæ nunquam amittuntur. Serius contingunt, sed ubi contigerint tutissima simul & perennis est possessio. In aliis egregiis gestis, magna laudis portio fortunæ deciditur, nonnullam & hi sibi vendicant, quorum opera res peracta est: huius facti gloria in solidum tua erit. Summam de te spem concitasti, non est tibi committendum ut hanc fessellisse videaris. Genus, indoles, prudentia, animi sublimitas, pristina decora, miram quandam de te concitarunt apud omnes expectationem: hanc fallere turpissimum fuerit, æquare necessarium, vincere pulcherrimum. Si voles cogitare, quid te dignum sit, sic te geras in ista provincia, ut qui in eadem ante te, non mediocri cum laude versati sunt, tui comparatione magnam laudis partem amittant: neque quisquam exoriat, qui tibi ausit succedere. Fac ita te geras in isto magistratu, ut & auctoritate tua successoris tradas augustiorem, & integritate vigilantique difficilior. rem. Cogitato tecum, quicquid est istud laboris, quod percipiendæ Juris prudentiæ datur, tribus, aut ad summum quatuor annis absolvi: cæterum honorem in omnem usque vitam te comitaturum. Labor abit, honestas manet: labor brevis, gloria immortalis. Alii tot annos defudant, per terras, mariæque volitant, ut rem familiarem augeant, te pigebit ad paucos annos honestissimis studiis incumbere, quo tibi simul & rem, & dignitatem pares? Honos alit artes, ut scripsit Cicero: & hoc tibi calcar non mediocre debet addere, quod is Princeps nobis contigit, sub quo nemo gratis virtutem colit. Quidam ita propagant nominis tui memoriam; at nullum monumentum fidelius custodit hominis famam, quam si benefactis nomen tuum insculpas animis hominum: hoc est, si ingenii monumentis, non solum de tua patria, verumetiam de cunctis nationibus: non solum de tuæ ætatis hominibus, verumetiam de posteris bene merearis. Vide etiam, atque etiam necubi dormites in hoc opere: magni refert, unde famam aspiceris. Expediit omni cura perpolitum esse, per quod primum innotescere vis populo. Posteaquam semel bonarum literarum patrocinium suscepisti, non oportet de gradu cadere.

F „Vides cum cujusmodi monitis res est: prorsus Hercule quopiam est opus. Eum nemo melius præstabit uno te. Obtestor te per nostram amicitiam, per utriusque

Debor.
ratio.

que salutem: nam mea, nisi te incolumi non constiterit, ne te periculoso negotio admisceas. Vel hircus Æsopicus te doceat, ne te conicias temere in negotium, unde quum voles, non possis temetipsum extricare. Facilis descensus Averni, sed revocare gradum, perdifficile est. Si tibi vilis est tua vita, uxoris ac liberorum te moveat calamitas. Sine his tu perire non potes, quum ex te uno pendeant omnes. In te omnis domus inclinata recumbit. Hanc tua prudentia, tua vigilia, tua fortitudine fulcias oportet, alioqui colapsuram. Tu invicto animo, quod honestissimum judicabis sequere. Optimæ causæ favebunt & numina.

EXHORTATIO MEA.

Cogita quanta factum istud laus & gratulatio sit, consequutura. Quid multis? sic te numeris omnibus virtutum absolutum præsta, ut inimici vituperare te non possint, nisi simul laudent. Illud noctes diesque tecum cogita, quo te quoque possis Tollere humo, victorque virum volitare per ora. Quis non exosculatur istam eximiam indolem? Quare te etiam atque etiam hortor, ut quod tibi majores prætulerunt, tu posteris præferas. Tu vel unus efficere potes, ne prorsus verum sit, quod vulgo jactatur, nobiles nostros, nihil habere in domibus suis pulchrum, nisi imagines. Hortantur te uno ore amici omnes, ut magno sis animo, utque omnia summa speres. Hoc utilissimum judicato, quod est cum honestate conjunctum.

DEHORTATIO MEA.

Sic habeto rationem dignitatis, ut memineris salutis. Fama ægre quidem restituitur, sed restituitur tamen. Vita semel amissa nunquam recuperatur. Stultum est cum eo contendere, cui par esse non possis. Qui certat cum eo, quem non potest vincere, quæso, quid aliud quam irritat crabrones? Frustra nitendo, nihil aliud quam odium quærere, an non extremæ demeritæ est? Si adversus naturam tuam niteris, nihil aliud quam cum Diis pugnaveris: & scis quomodo res ea successerit gigantibus. Quanto cum periculo tentantur ea quæ vires nostras superant, Phaëtonis, Icaris, & gigantum fabula te docere poterit. Quam non tutum sit audacem esse erga potentes & armatos, Andonidis interitus docere nos debet.

CAP. XLIV.

QUIBUS RESPONDENDVM EXHORTATORI.

Cum ego idipsum destinasset, addidisti calcar sponte currenti. Video quam faveas gloriæ meæ. Itaque dabo operam, ut non solum iudicio de me tuo, verum etiam studio satisficiam. Quanquam ipsa res jamdudum inflammavit animum meum, tamen non mediocre calcar addidit tua tam amica exhortatio. Utinam fortuna, & meo animo, & tuo studio respondeat. Non alia ratione poteris me magis detertere, quam qua me conatus es incitare. Ais quicquid præscripsero, omnes habituros oraculi vice. Absit ut in negotio tam periculoso, meam auctoritatem quisquam sequatur. Strenue tu quidem suffundis aquam, quod ajunt, sed mihi magis opitulatore opus est, quam hortatore. Quin ipse capessis ad quod me instigas? Si videres vires meas esse pares negotio, nihil esset opus, qui adderet animum. Animi satis est, si tantundem esset virium. Næ tu equum, quod ajunt, in campum provocas. Te quidem auctore nihil non audebo. Iste tuus animus tam feliciter ominans, mihi fuerit auspicii vice. Nutantem animum, tua exhortatio totum impulit in curam hujus negotii. Omnis jacta sit alea. Nostuis auspiciis, rem fortiter aggrediemur. De exitu viderint Superi. Nos quod in nobis est, fortem & erectum animum præstabimus. Age, nos vela ventis pandemus. Tantum ut fortibus ausis adspirent Superi. Utinam, quemadmodum addis animum, ita possis & successum rei dare. Tanti est apud me tua auctoritas, ut te auctore non dubitem vel in medio saltare foro. Quis tam est Theristes, quem ista tua tam ardens oratio non faciat virum? Acres stimulos addidit tua exhortatio, sed jam currenti, ut ajunt. Quod mea sponte faciebam, id tuo hortatu multo faciam alacrius. Ut forti militi tubæ sonitus ad prælium addit animos, ita

tua exhortatio me satis jam animatum, reddidit alacriorem. Ut qui monet quasi adjuvat, quemadmodum ait Plautus, ita qui hortatur, qui acclamat, qui applaudit.

CAP. XLV.

DE EPISTOLA SVASORIA.

Jam ad suasorium genus veniamus: quod quidem ab illo superiori non admodum abhorret. Nam ut illic, ita hic quoque laudem, spem, expectationem, cohortationi nonnunquam admisceamus. Complectitur autem hoc genus varias Epistolarum species, quas separatim tractabimus. Nam & qui petit suadet, & qui commendat, & qui consulit, & qui monet, & qui consolatur. Suasoriam igitur Epistolam hoc pacto licebit instituire. Si res postulabit captanda paucis est benevolentia. Id quemadmodum fieri conveniat, a Rhetoribus diligenter monstratum est. Deinde narrationem subjiciemus, in qua omnia ad suadendum accommodabimus, & tanquam argumentorum semina jaciemus. Deinde si res ipsa partes in se continebit, eas cum divisione proponemus. Quod si simplex erit, ipsi nostro ingenio divisionem faciemus, & rationum capita, a quibus potissimum sumus suaturi, sub distributione, ut diximus, enumerabimus. Deinde singulas rationes varie, copioseque tractabimus. Si quid vehementer nostræ rationi videbitur officere, id statim in principio destruemus: aut ut quicquid inciderit, ita confutandum erit. Sed de rationum inventione prius, postea de earum tractatione præcipiemus. Sumuntur autem rationes ab his potissimum partibus, honesto, utili, tuto, jucundo, facili, necessario. Honestum autem dividitur in rectum & laudabile. Rectum in virtutem & officium. Virtus in prudentiam, justitiam, fortitudinem, temperantiam. Prudentia, in intelligentiam, memoriam, providentiam. Justitia in naturam, consuetudinem & legem. Natura in religionem, pietatem, gratiam, vindictionem, observantiam, veritatem, pactum, par, judicium. Fortitudo, in patientiam, magnificentiam, fidenciam, perseverantiam. Temperantia, in continentiam, clementiam, modestiam. Honestum est, quod propter se est expetendum. Rectum, quod cum virtute fit & officio. Virtus est animi habitus, rationi consentaneus. Officium est virtutis, ad unamquamque personam accommodatio. Id sumitur ab ætate, scientia, dignitate, professione, aliisque circumstantiis: ut aliud est officium militis, præceptoris, discipuli, Consulis, Prætoris, nobilis, plebei, obscuri, senis, juvenis, docti, indocti, viri, feminae, conjugati, cœlibis. Quæ quidem officia pro loco, tempore, & rerum conditione variantur. Prudentia est rerum multarum memoria, & usus complurium negotiorum. Memoria est, per quam animus præterita repetit. Intelligentia est, per quam ea quæ sunt, perspicimus. Providentia est, per quam futurum aliquid videtur, ante quam fiat. Justitia est æquitas, jus unicuique tribuens, pro dignitate cuiusque. Natura jus est, quod nobis non opinio, sed quædam vis innata inservit. Religio est vis insita quæ Deorum metu, & cærimoniis hominem ducit. Pietas est in parentes, aut patriam aut alios sanguine junctos officium. Gratia est officiorum, honorum, & amicitiarum memoria, & remuneratio. Vindictio est quæ vim, & contumeliam defendendo aut ulciscendo propulsat, per quam peccata punimus. Observantia est, per quam ætate aut sapientia, aut dignitate aliqua antecedentes veneramur. Veritas est, quæ nos movet ut rem sicuti est & sicuti scimus dicamus. Consuetudo jus est, quod sine lege propter vetustatem, æque ac si legitimum sit, usitatum est. Pactum est, quod inter aliquos convenit. Par est, quod inter aliquos commune & æquale est. Judicium est, de quo alicujus, vel aliquorum sententia jam constitutum est. Lex jus est, quod aut populi, aut Imperatorum jussu constitutum est. Fortitudo est rerum magnarum appetitio, & rerum humilium contemptio, & laborum cum utilitatis ratione perperatio. Magnificencia est rerum magnarum, cum ampla animi cogitatione administratio. Fidentia est per quam animus in magnis & honestis rebus multum in se fiduciæ certa cum spe collo-

Tom. I. Cc cavit.

Patientia.
Perseverantia.
Temperantia.
Continencia.
Clementia.
Modestia.

Laudabile.

Utile.

cavit. Patientia est rerum arduarum, ac difficilium honestatis, ac utilitatis causa, voluntaria, & diuturna persistio. Perseverantia est in ratione bene considerata, stabilis & perpetua persistio. Temperantia est rationis in libidinem, atque alios non rectos impetus, animi firma, ac moderata dominatio. Continentia est, per quam cupiditas, consilii gubernatione regitur. Clementia est, qua animi temere in odium concitati, comitate retinentur. Modestia est, per quam pudor honestus, clara & stabilem comparat auctoritatem. Hæc sunt quæ honesta appellantur, propter se expetenda. Quæ his autem contraria sunt, turpia nominantur, & propter se sunt fugienda. Et quoniam virtutibus vitia sunt finitima, non difficile erit, quamvis rem vel ad laudem, vel ad reprehensionem retrahere: idque vel a nominis depravatione, vel ab aliqua circumstantiarum. Sed hæc Rhetorum sunt, & ex eorum præceptis mutuanda. Laudabile est, quod conficit honestam & præsentem, & sequentem commemorationem. Id ex officio & virtute nascitur, neque unquam ab honesto separatur. Utilitas in conservatione præsentium & comparatione sequentium commodorum, & in eorum quæ his sunt contraria, evitacione consistit. Commodorum vero, quæ & bona appellantur, quædam sunt corporis: ut forma, vires, facultas, & ejusmodi: quædam animi, ut docilitas, celeritas ingenii, memoria felix, bonitas naturæ & indolis. Ad hæc quæ nostra paramus industria, eruditio, magnanimitas, temperantia, ac cæteræ virtutes: quædam fortunæ, ut honores, magistratus, opes, amici, & ejusmodi. Horum, ut quicquid tractandum sit, ne sim prolixior, a Rhetoribus peti jubebo. Tantum argumentandi formas annotabo, quæ Rhetori convenient: nam eas quas in tres figuras digessit Aristoteles, magna ex parte frigent, etiam in Philosophorum scholis. Quamquam hanc partem non repperi in exemplari, quod apud me fuit manu descriptum. Atque inter recognoscendum plane comperi, hoc ab alio quoque assum fuisse, qui nactus sit hæc in schedis meis, ex Rhetorum præceptionibus, in alium quempiam usum decepta. Non refecimus tamen, quod in his magis desideraremus aptam tractationem, quam utilitatem.

C A P. XLVI.

DE COMPLEXIONE, ET CÆTERIS ARGUMENTATIONVM ORATORIARVM GENERIBVS.

Exempla.

Complexio est, in qua utrumvis concesseris, reprehenditur. Vare, si tibi bonus præceptor fui, quid insectaris bene meritum? sin malus, cur revocas? Poetas desine calumniari, quos si ipse didicisti, cur in aliis reprehendis, quod ipse feceris? sin, quod magis credo, non didicisti, cur quod ignoras calumniaris? Pater si maritum improbum noveras, cur me illi collocaisti? si probum, cur distrahis? Gabinium admonendum non censeo: nam si probus est, non est reprehendendus: sin improbus, admonitionem tuam contemnet. Miserum est habere uxorem: nam si formosa sit, metu angeris: sin deformis, hoc ipso misereris, quod deformem habes. Si meministi, obtundam: sin obliti estis, quum renihil egerim, quid verbis efficere possim? Stultum est, cuiquam absenti obrectare: nam si amicus est, cur præsentem potius non admones? sin inimicus, cur odium ejus irritas, & illi nihil noces? De futuris eventis angimur: non debemus: etenim si bona sunt, frustra metumus: sin adversa, infelicitatem duplicamus.

De falsa complexione.

Depravata autem complexio dicitur, quum aut utraque pars, aut altera converti potest, & in adversarium retorqueri: ut illud apud Aul. Gellium: Intendo tibi litem: si persuasero me nihil debere, non reddo mercedem, quia persuasi: sin minus persuasero, nihil debeo: neque enim didici artem. Sic utraque pars convertitur: Si persuaseris te nihil debere, dabis, quia didicisti artem: sin minus persuaseris, rursus accipiam, quia non persuasisti. Accusandus omnino non est: nam si veretur, quid eum accusas, qui probus est? si non veretur, quid eum accusas, qui id parvi aestimet? Inverte partem priorem: Immo si veretur, maxime est accusandus, ut corrigatur.

A Inverte posteriorem: sic: Immo si non veretur, hoc ipse est accusandus, quia improbus. Complexio, quæ ex oppositis partibus constabit, refelli non poterit, ut hæc: Non sum accusandus, si aliter evenit quam putavi. Nam si sciebas id non profuturum, tu potius es accusandus, qui quod Republicæ utile videbas, præsens conticuisse: sin nesciebas, nec hic sum accusandus, cum & te ejusdem futurorum incertæ reus sis.

B Enumeratio est, in qua pluribus rebus expositis, ac cæteris infirmatis, una reliqua necessario confirmatur, hoc modo: Si illum ab hoc dicis occisum, quum sine causa nunquam suscipiatur maleficium, necesse est, aut metu, aut odio, aut spe alicujus commodi, aut amici alicujus gratia ab hoc esse occisum: sed neque odium, neque metum, neque spei intercessisse, neque ad amicum aliquem mortem ejus pertinere, probare poteris. Relinquitur: ergo ab hoc non esse occisum.

A L T E R V M E X E M P L V M.

C Quoniam hunc fundum constat meum fuisse, quem tu nunc possides, necesse est aut hereditate tibi obvenisse, aut te vacuum occupasse, aut hunc emisisse, aut usum tuum fecisse, aut certe me inde vi decessisse. Me vivo, mea res hereditate tibi obvenire non potuit. Emptio nulla profertur. Vacuum, quod meum fuisse constat, possidere non potes: usum tuum non fecisti. Relinquitur igitur, ut vi mea mea possessione dejeceris: Hæc argumentatio confutatur, si aut unum aliquod membrum, quod ab adversario præteritum erat, profertur: aut si unum quippiam ex his quæ prolata sunt, falsum ostenditur. Ut si dicat eum agrum sibi datum esse, quod ille in enumeratione præterierat: aut si emptionem proferat, quod alter in enumeratione negat.

D Simplex conclusio, est argumentatio, in qua ex eo quod antecedit, aliquid consequi necesse est, hoc modo: Si hunc hominem in provincia constat fuisse occisum, ab hoc qui tum Romæ fuit, occidi non potuit. Item: Spirat, igitur non est mortuus. Peperit, igitur cum viro concubuit. Cum viro concubuit, igitur virgo non est. Homo est, igitur animal est. Poetas novit, igitur didicit. Hæc argumentatio confutatur, si non coherere consequens ostenditur: ut, Si mater est, diligit filium. At Medea (dicit adversarius) filium interfecit. Poeta est, igitur lascivus. At Prudentius continentissimæ vitæ fuit. Sunt enim quædam, quæ probabiliter quidem, ac juxta sensum commune, sed neque necessario, neque perpetuo consequuntur. Fere fit ut juvenes illaqueentur amoribus, sed reperiatur castissimæ moribus præditos. Aut si quod antecedit negabitur: ut si in primo exemplo dicat adversarius, eum non Romæ, sed in provincia fuisse.

E Subjectio est argumentatio, in qua quærimus, quid pro adversario, aut contra nos dici possit. Deinde per singulas interrogationes, propere subijcimus rationes, quibus id quod dictum est, non ita esse ostendimus, hoc modo: Quæro igitur, unde iste ex tenui, tam pecuniosus sit factus? patrimonium amplum relictum est? At patris bona venierunt. Hereditas aliqua obvenit? At a suis exhæredatus est. Ex mercatura quam agere constituit, quæstum maximum consequutus est? At ex ea re, quæ habere videbatur, omnino amisit. Quare si his rationibus locupletatus non est, aut illi aurum domi nascitur, aut unde non oportuit, surripuit. Numeratur hæc argumentatio & inter exornationes. Nam quatenus aliquid colligimus, argumentatio est: quatenus ornata conficit orationem, exornatio putatur. Neque tantum ad concludendum adhibetur, quum non minus habeat dignitatis, hoc modo: Quid faciam miser? ta-ceam? instigem? purgem me? laterem lavem. Reprehenditur hæc argumentatio, ut enumeratio: a qua non multum differt, si aut aliquid præternissum ostenditur, aut infirmatur aliquid ex enumeratis.

F Oppositio est argumentatio, in qua ex opposito propositionis ad ipsam propositionem revertimur, hoc modo: Si eo tempore, quo hunc hominem in provincia occisum dicitis, Romæ fui, relinquitur a me occisum non fuisse. Hæc propositio est, cujus oppositum sequitur. Nam si eo tempore, quo hunc hominem in provincia oc-

occisum dicitis, in provincia fuissem, a me occisum suspicari poteratis: nunc autem, quum eo tempore in provincia non fuero, nihil est quod hominem a me occisum suspicemini.

ALIVD EXEMPLVM.

Oportet novo exemplo contra Cimbros Cajum Marium imperium continuare. Nam si pax esset, & nullus nos ad novas cogitationes cogeret, liceret autem facere quæ volumus, nunquam nobis Quirites novandum aliquid dicerem contra exempla atque instituta majorum. Contentus enim essem moribus his, legibus, eaque consuetudine, quæ nobis a patribus tradita est. Nunc autem cum bellum acerrimum sit, & hostes Italiam devastent, quotidieque propius veniant, ac jam urbi imminere videantur, is qui omnibus Imperatoribus antecellit Cajus Marius, vel contra instituta civitatis (silent enim leges inter arma) ut nos liberet, novo quodam exemplo, hoc etiam anno consulatum ac imperium contra Cimbros accipiet. Etenim quæ non faceremus, si pax esset, hæc nobis cum bellum sit, necessario suscipienda videntur.

ALIVD EXEMPLVM.

Non ab insignibus modo, verumetiam a levissimis vitiis nobis temperandum est. Nam si nulli nobis essent inimici, facile istis vitiis ignoscerem, quæ & humana sunt, & ipsa ætate pene excusantur. Nunc autem quum in dignitate vitæ constitutus, a pluribus invidis & malevolis observeris, dandam tibi operam censeo, ne vel in minima culpa deprehendi queas.

ALIVD EXEMPLVM.

Gravissime omnino istam injuriam feram necesse est, quæ si mihi ab alieno quopiam, de quo nihil essem bene meritis, objecta esset, æquiore animo ferrem, liceret enim inimicum ulcisci, & simplex vulnus esset. Nunc autem quum ab eo hanc contumeliam acceperim, qui cum summa mihi familiaritas fuit, & in quem tantum officiorum contuli, quantum in alium neminem, non molestissime ferre non possum. Duplicatur enim vulnus, quum injuriæ ingratitudo summa additur, & eum, quo amico sum usus, sine summa turpitudine non licet ulcisci.

ALIVD EXEMPLVM.

Haud æquum est, ut tibi meam operam sine fructu commodem. Nam si referendi facultas tibi deesset, voluntas prompta adesset, voluntate contentus essem. Nunc autem quum sis opulentissimus, & id tibi supersit, quod mihi deest, haud par est, te gratis meum officium postulare.

Violatio, quam Græci βίασις appellant, est argumentatio, in qua ex adversariorum ratione, non id quod ipsi volunt, sed quod nobis utile est, sequi demonstramus. Hæc in confutatione solum adhibetur.

EXEMPLVM.

Non est ducenda uxor: Ratio, eo quod ex connubio, in orbitatem & luctum incidamus. Imo eo maxime est uxor ducenda, quæ filiis aliis procreatis, luctum orbitatis a nobis expellit.

ALIVD EXEMPLVM.

Non sunt legendi Poetæ, demulcent enim legentis animum, & alliciunt. Imo ob id ipsum sunt legendi, quia demulcent animum.

ALIVD EXEMPLVM.

Nihil est magni tentandum cuiquam, eo quod brevis sit hominis vita. Imo tanto magis aliquid egregii tentandum erit, ut quum diu vivere non possumus, aliquid relinquamus, quo nos vixisse testemur. Et iterum: Dammandus est, occidit hominem: imo præmio donandus, quia tyrannum hominem occidit.

Inductio est argumentatio, quæ rebus non dubiis concessis, propter similitudinem, rem quæ dubia erat, comprobatur. Dic mihi Prætor, variis sententiis pugnamus, necne, si illo die inter nos dissensissemus, utrius sententiæ staretur? Non est dubium, inquis, quin Consul. Quod si diversa fuissent auspicia, & mea quidem pugnamus eo die significassent: tua, quiescendum: meine auspicii pugnamus fuisset, an tuis quiescendum? Meis scilicet, quia Consul fui, parendum dices.

Age vero, si meis auspiciis, mea sententia, pugnatum prospere est, æquumne tibi videtur, eum honorem ex ea re assequi, cujus nec sententia, nec auspiciis quicquam actum est?

ALTERVM EXEMPLVM.

Dic mihi senex ingratisime, si nihil in te beneficii collocassem, num tu me injurium vocasses? Non, inquires. Neque enim injuria videri potest, si nihil de eo bene merearis, cui nihil debes. Nunc igitur quum ultro plurimum in te officii contulerim, non æquum est te mihi succensere, quod bene facere desierim, quod succensere non poteras, etiam si nunquam bene facere coepissem.

Collectio est argumentatio, quæ rationibus & expositione absolvitur. Hæc in quinque partes distributa est: propositionem, rationem, rationis confirmationem, explicationem, & conclusionem. Propositio est, per quam summam ostendimus, quid sit, quod probare volumus. Ratio est, quæ demonstrat verum id esse, quod proposuimus uno aut pluribus argumentis. Rationis confirmatio, quæ rationem expositam corroborat. Expolitio est, quæ rei locupletandæ & honestandæ causa sumitur. Conclusio est, quæ postremo diffusius dictas breviter colligit partes argumentationis.

EXEMPLVM.

Quoniam breviter docui, judices, quæ de causa semper Ulysses Ajacem extinctum voluerit, nunc quid vobis impedimento sit, quin eum ab hoc interfectum vel hac luce clarius videatis: potuisse quoque quod voluerit facile perficere, quam brevissime ostendam. Nam is quum sine sociis acerrimum virum videret, tum demum cogitavit posse eum incautum opprimi. Etenim quum arborum frequentiam prospectum omnem eripere videret, tum eum securum, aliis cogitationibus occupatum, non ante quicquam adversi suspicaturum arbitrabatur, quam ei gladium occultus infigeret. Itaque solitudo loci, obscuritas, insidiæ præparatæ ac dolus, acerrimi, & capitalis inimici nihil metuentis, solitudo & securitas, potestatem interimendi fortissimum virum, deterrimo omnium atque perfidissimo præbuerunt. Non credat hoc quisquam nisi constet nihil esse Ulyssis animo sceleratius, atque improbius. Cujus rei indigna mors Palamedis præclarum testimonium est, quum singularis prudentiæ virum dolo atque insidiis confusus, vel publico judicio superare posse speraverit. Quod si non in sylvis, neque in solitudine, sed celeberrimo loco, cunctis spectantibus, publico judicio, sapientissimum hominem superare posse credidit, quanto magis solum, atque incautum, idque in latebris interimere posse speravit? præsertim quum Palamedis injusta nex animi ad majus facinus audendum accenderit. Quare si sylvam, si solitudinem, si illum inermem, incautum, hunc præmeditatum hæc omnia, paratumque fuisse intellexistis, nolite amplius dubitare, judices, Ajacem ab Ulyssæ occidi potuisse.

ALIVD EXEMPLVM.

Nihil dementius est, quam de improbo homine bene mereri. Quisquis enim id facit, suo officio, suoque sumptu hostem sibi facit eum, quem neque amicum, neque inimicum habere licuit. Nam si eum suis officiis nullis devinxisset, nihil cum improbo commercii fuisset. Nunc quum is ei se devinctum sentiat, cui gratias referre nolit, cui debitorem videri pudeat, necesse est, ut ejusmodi hominem extinctum velit, ne sit, cui debere superbissimus simul, & ingratisimus homo videatur. Id si cui obscurum videtur, Trebonii hominis innocentissimi casu, liquido poterit intelligere: qui quum Varum senem, omnium quos terra sustinet, ingratisimum, amicum etiam habere potuisset, si nihil de eo meritis esset, eum suis summis beneficiis acerrimum effecit inimicum. Itaque quanto se devinctiorem illi intelligit, cui homo superbissimus minime velit, tanto diligentius in ejus perniciem incumbit. Quis eum hominem sanæ mentis judicaret, qui latroni gladium quo ipsum jugularet, ultro ministraret? Nihil plus sapientis, qui improbum & ingratum demerens, causa illi præbet, cur se perditum velit. Quare cum nostro beneficio

summum malum nobis parari intelligamus: & quemadmodum amico nostro cesserit, videamus, ipso Oreste videbimur infaniores, si posthac improbum hominem nostris beneficiis demereri velimus.

ALIVD EXEMPLVM.

Proposio. Sapiens est famæ suæ longe diligentius, quam opibus suis, non minus vero diligenter quam vitæ consuleret. *Ratio.* Minus siquidem damni, & incommodi accipit, qui pecuniam, aut etiam vitam amittit, quam qui famam. *Confirmatio.* Pecunia enim amissa sarciri potest, fama semel amissa, in integrum restituitur nunquam. Et vita quidem corporis, quum certos a natura terminos acceperit, in longum tempus extendi nequit. Fama vero hominis quæ est altera, & potior vita nostra, etiam post cineres, & rogum superest. Vitam igitur quisquis eripit, rem adimit, qua nullo etiam auferente, diu frui non poteramus. At famam qui eripit, re immortalis, & pulcherrima nos spoliatur. *Expositio.* Quod veteres recte intellexisse mihi videntur, qui non pecuniam modo, verum etiam vitam ipsam effundere non dubitabant, quo nomen suum quam maxime prorogarent. Multos fuisse eo animo legimus, ut postquam se fama spoliatos viderent, ne causam quidem esse putarent, cur diutius in vita manerent. Adeo gravius famæ, quam vitæ dispendium iudicabant. Quod si homines iis rebus maxime timere videmus, quæ cum sint preciosissimæ, facillime tamen perduntur, ac difficillime restituuntur: sapiens existimandus non est, qui famæ, quæ neque restitui potest semel amissa, & qua nihil habet homo preciosius, non multo diligentius consulendum putat quam pecuniæ, aut etiam vitæ. Potest etiam tribus duntaxat, aut quatuor partibus confici collectio: si vel confirmatio, vel expositio, vel utraque omittitur.

Derratiocinatio. Ratiocinatio est argumentatio perfectissima, quæ accommodatione assumptionis, ad id quod propositum est, elicit conclusionem. Hæc quoque sicut collectio paucioribus partibus constare potest, tamen ea quæ perfectissima putatur, quinque partibus consumitur: Propositione, ratione, propositionis assumptione, assumptionis ratione, & complexione. *Proposio.* Propositio est per quam breviter is locus proponitur, ex quo omnis emanat vis argumentationis. Ratio est, quæ demonstrat verum esse, quod proposuimus uno, pluribusve argumentis. *Assumptio.* Assumptio est oratio per quam id quod ex propositione ad ostendendum pertinet, assumitur. Assumptionis ratio est, per quam id quod assumptum est, confirmatur. Complexio est, per quam id quod ex tota argumentatione conficitur, exponimus hoc modo. Omnes qui causam habent ad suscipiendum facinus, si vita eorum a maleficio non abhorret, libenter maleficio suscipere solent. At Ulysses interficiendi Ajacis summam causam habuit: nec est homicidium ab ejus vita alienum. Ulysses igitur interficiendi Ajacis maleficio suscepit. Hæc est ratiocinatio tripartita, omittis rationibus.

Proposio. Hanc quinque partibus hoc pacto tractabimus. Omnes homines, iudices, quorum vita per consuetudinem a scelere non abhorret, odio sic moventur, ut vehementer exoptent suas inimicitias, quovis explere facinore. *Ratio.* Nam ejusmodi homines, qui manus semper injusto sanguine cruentas habere consueti sunt, quum non possint a vitio animi recedere: non solum, quum aut ita accidit, ut commodum consequantur, aut incommodum maleficio vitent, moventur ad facinus: verum etiam ipsi causas quærunt, quibus socio injurias manus adferant. Etenim si boni viri cavendum putant, ut ne causam quidem habeant, qua prætermittere officium compellantur, hos crudeles viros, hos iniquos, qui semper sanguine gaudent, non mirum est interficiendi hominis causam quærere. Præterea, si boni nonnunquam metu, aut inimicitias a recta via qua semper vixerunt depulsi sunt, quis non credat homines pravos commodo suo moveri, ut conservare consuetudinem suam velint? Illi virtutem sibi solitam utilitate decepti omittunt: hi officium quod nunquam observaverunt, quum utilitatem scelere adipisci se posse intelligunt, observabunt? Videlicet ignoratis, iudices, quanta vis sit iræ: quid ini-

Al. micitiæ possint, quid odium pariat? Non dico hic belluas ira & odio moveri, ut alteri noceant. Non dico multos sapientissimos viros, odio atque ira permotos, temperare sibi non potuisse. Præterire melius est, quot urbes, quot regna, quot gentes infectæ odio jacent. Quare iudices, si etiam bonos inimicitias corrumpi videris, hujusmodi homines qui per consuetudinem a maleficio abesse non possunt, odio motos, obtruncare inimicum voluisse dubitatis? At Ulysses acerrimus inimicus, capitalique odio ab Ajace dissidebat. Scitis enim omnes, *Assumptio.* scitis: nec opus est, ut altius rem vobis aperiam, quem in illum animum gessit, post iniquissimam illam contentionem armorum. Scitis timidum hunc hominem, qui nihil unquam virtute animi, omnia fraude egerat, fortissimum hominem, acerrimum hostem, inimicorum persecutorem, injuria lacessitum vehementer extimuisse. Intelligebat enim nisi vitam illi eriperet, se incolumem esse non posse: consueverat, si manifeste non poterat, quovis modo adversarios aggredi: cui rei Palamedis indigna mors testimonio est, quem quum prudentia omnes superare videbat, non ignoratis qua prodicione, quibus insidiis, qua invidia motus, occiderit. Atque ex illo nullum periculum metuebat. Ajacis metu conficiebatur. Hac in re invidia, odium, ira, & metus simul concurrunt. In Palamedem invidia solum movebatur. Quare iudices, hujusmodi homines, vel parva de causa maleficia suscipere solent. Hic autem odio acerbo Ajacis, ac metu percussus erat. Non est audiendus, si neget se Ajacem interficere voluisse. *Complexio.* Propositiones autem, a principalibus causarum locis inveniuntur, ut in conjecturali statu, a petitione testium, hoc modo: Sine testibus non est audiendus adversarius. In negotiali constitutione, a lege hoc pacto. Non oportet aliquid innovari contra leges. His contraria, ut non sunt omnis rei petendi testes: plurima enim flagitia occulte committuntur. Et hoc tempore contra leges aliquid innovare oportet. Si vero id quod ab adversariis propositum est, aut proponi poterat refellere voluerimus, tum utendum erit, propositione, sublatione, appositae propositione, solutione. Propositio est, sublationis pollicitatio. Exemplum: Nec me clam est, quid callidissimus senex calumniatur. Sublatio est adversarii. Exemplum: Non debuisse me contra factionem discedere. Opposita propositio est, solutionis pollicitatio. Ut, verum id quam frivolum sit, non est difficile ostendere. Solutionem secundariis locis confirmabimus, hoc modo: Ridicule enim mihi factionem allegat, quam ipse prior solvit. Convenerat, ut biennium abs me doceretur, fateor: verum ea lege, ut ille mores in melius mutaret. Nunc quum ex malo factus sit pessimus, ab utro nostrum est pactio violata? nempe ab isto.

ALIVD EXEMPLVM.

E. Nec audiendos Theologos puto, qui Poetas legendos negent, quod verborum nitore legis animum vehementer alliciant. Quid enim magis pro Poetis dici potest? Nam si, ut fatentur, Poetæ mira quadam dicendi politie, venustateque delectant: quum ea voluptas non modo a turpitudine absit, verum etiam summam adferat utilitatem, causa est ostensa, cur maxime Poetas legere debeamus. Rationes porro, quibus propositiones confirmantur, inveniuntur a circumstantiis, quæ sex numerari solent: Persona, res, causa, locus, tempus, modus: quibus additur a nonnullis septima, materia. Persona est, quæ ad aliquam rem confirmandam, vel infirmandam capitur, hominis conditio. Persona est duplex. Una extra causam, ut majorum aliorum judicum, auditorum. Alia in causa, ut accusatoris, rei, judicis, testium. Persona in decem partes distribuitur: Nomen, naturam, victum, fortunam, habitum, adfectionem, studia, facta, casus, orationes. Additur & consilium. Nomen proprium, ut Cato Sapiens, Aristides Justus, Metellus Numidicus Pius, Pomponius Atticus, Melanius Polynices, Petrus Candidus. Nomen commune civitatis, aut gentis, aut provinciae, ut Poenus perfidus, Græcus levis, Athenienses studiosi, Romani bellaces. Ab his sæpe rationem ducimus, maxime in genere demonstrativo, nomen fortuito impositum.

tum in calumniam trahentes. Ut, Hic vero nomine Nig-
ger, nomen ex re habet. Credo hoc nomen non for-
tuito, sed præfagio quodam & omine contigisse. Aut
invertimus nomen: ut, falso nomine Innocentius, quum
nihil sit eo nocentius. Candidus quum præter nomen
nihil habeat candidi. Aut per antiphrasin, ut, Vigilantius dictus, quum Dormitantius merito debeat appellari. Fingimus & ipsi nomina, de quo suo loco dicemus.

**Natur-
ra.** Nihil enim ad rationum inventiones ea res attinet. Natura aut divina, aut humana, & mortalis est. Divina sumitur ex auguriis, extis, ominibus, prodigiis, oraculis, divinitus dictis. Mortalis natura dividitur in sexum, ut vir, mulier. Nationem, ut Græcus, Barbarus. Patriam, ut Romanus, Atheniensis. Cognationem, ut nobilis, ignobilis. Ætatem, ut puer, juvenis, senex. Dignitatem, quæ in commoda animi & corporis distribuitur, sive etiam incommoda. Animi autem commoda, & incommoda sunt, ut acutus, hebes, memor, obliivius, prudens, stultus, timidus, audax: dum hæc insunt a natura, non industria comparata. Corporis autem sunt, valetudo, imbecillitas, longitudo, brevitās, formositas, velocitas, tarditas, candor, fuscudo: item & nascutus, hirsutus, glaucus, & huiusmodi. Victus distribuitur in educationem, apud quos, quo modo, & cætera. In usum, ut quo in negotio, quo quaestu sit occupatus, & cætera. In mores, ut libidinosus, anfrugi, avarus, an liberalis, & ejusmodi. In Fortuna considerandum est, servusne sit, an liber, pecuniosus, an tenuis: exul, abdicatus an secus: privatus, an cum potestate: fortunatus, an infortunatus. Adfectio est animi, & corporis ex tempore aliqua mutatio, ut vultus, lætus, tristis, cupiditas, metus, titubatio, pallor, rubor, tremor, oculorum suffusio, gestus insolitus, incessus modo citus, modo tardus, quæ inter signa conjecturalia numerantur. Habitus virtutes, & vitia corporis & animi complectitur, quæ non insunt a natura, sed industria sunt comparata, ut velocitas, robor, ingenium, memoria, probitas, eruditio, facundia & huiusmodi. Studium est vehemens animi ad rem quampiam applicatio, ut Medicus, Orator, Poeta, Theologus, miles, vel equorum studiosus, & ejusmodi. Facta, casus, & rationes, ex tribus temporibus considerantur. Ex præterito quid fecerit, quid illi acciderit, quid dixerit. Ex præsentis, quid faciat, eveniat, quid dicat. Ex futuro quid facturus sit, quid illi eventurum sit, quæ dicturus sit, aut ipse aut ejus socii, cives, majores, amici, inimici. Consilium est faciendi excogitata ratio. Res est totius negotii certis signis conflata complexio, quæ potissimum in epilogis adhiberi solet. Causa dividitur in impulsione, rationationem. Impulsio est temerarius impetus animi ad aliquid faciendum, aut non faciendum, ut ira, cupiditas, violentia, timor, furor, & omnis animi perturbatio. Ratiocinatio est quæ commodorum comparatione, aut incommodorum vitiatione, ad rem hortatur. Ea consistit in commodorum adeptione, retentione, augmento, aut incommodorum evitacione, rejectione, diminutione. Est autem duplex causa, principalis & accessoria. Principalis, ut occidit hominem ex quo pecunie maximam summam sperabat. Accessoria, præterea non ignorans se Clodio, huius inimico acerrimo rem gratam facturum. Locus opportunus, an importunus, angustus, amplus, nemorosus, montuosus, longinquus, an propinquus, celebris an desertus, sacer an profanus, publicus an privatus. Modus, clam an vi, palam an occulte: persuasione an sponte: audacter an captiose: insciens an prudens: amore an odio. Materia, fuste an gladio, arcu, veneno, incantationibus. Nunc quomodo rationes a circumstantiis inveniantur, exempla subijciamus. Proditor es patriæ Catilina, nisi huius rei testes Cicero produxerit, non est audiendus. Ea enim nobilitate, his majoribus natus sum, ut sine testibus, id de me suspicari non debeatis. Atque ideo magis expellendus est Cicero, quum hæc sine testibus dicat, quod mihi semper inimicus fuerit, & nobilitati (utpote novus homo) infestus. Nam vestra prudentiæ, ne fides est eam potestatem, talibus viris non concedere, ne fides argumentis nobiles homines circumveniant. Non enim

A tanti sceleris suspicionem sine testibus approbare debetis. Præsertim in hac Republica, in qua leges sanctissime semper sunt conservatæ. Atque ideo magis expellendus, ne si fideis argumentis locus dabitur, multos nostrum, hi novi homines invadere conentur. His præsertim temporibus, quibus ignobilium animi, in nobilitatem sunt accensi: & ea licentia vivitur, ut nemo falsa crimina non excogitet. De circumstantiis hætenus, unde rationes propositionum inveniuntur. Nunc de confirmationum inventionem. Profuit autem omnis confirmatio ab iis locis. Ab exemplo, minori, majori, æquali & contrario.

E X E M P L V M.

B Oportet tempore belli ob civitatis emolumentum aliquid innovare. Et maxime nobis Romanis id licet, qui semper ad utilitatem Reipublicæ aliquid novi solemus excogitare. Majores enim nostri ex commodo Reipublicæ Reges expulerunt, & Decemviros continuare imperium passi sunt: & Tribunos plebis sacrosanctos constituerunt. Scipionem ante tempus Consullem creaverunt. Si paterfamilias multa e re sua, innovare non veretur, Senatus ob Reipublicæ commodum quippiam innovare non audebit? Si tempore pacis innovare quicquam solemus, tempore belli, quum res postulat, est innovandum. Profuit expolitio a circumstantiis, unde & rationes. Est autem expolitio, quidam ex ratione, confirmationeque conflatus, hoc modo. Continuare Scipioni imperium, vel contra leges oportet. Nam & majores nostri ex utilitate Reipublicæ Decemviros facile continuare imperium passi sunt. Atque illi tunc in pace, nos coacti bello quid faciemus? Et illi ad ornandam Rempublicam nos ad defendendam libertatem faciemus. Et illi Decemviros continuare imperium simul passi sunt, nos unum solummodo non patiemur? Et illi Appium Claudium hominem, ut res docuit, libidine perditum, atque tyrannicum, nos Scipionem, qui ea continentia exempla dedit Numantia, ut omnium probatissimus videretur. In exornationibus vero longe aliter de expolitione præcipitur. Hoc monendus est studiosus, sicut ad unam propositionem confirmandam, plures rationes adferri possent, ita unamquamque rationem pluribus confirmationibus posse muniri: & item ad confirmandas singulas, plures expolitiones posse adhiberi. Verum quemadmodum rationes propositionibus brevitate causa nonnunquam admiscuntur, ita confirmatio rationi, confirmationi expolitio intextitur. Est igitur hoc loco expolitio, sive Enthymema, oratio quæ a circumstantiis ad confirmationem non sine collatione fertur. Epenthymema est quædam addita enthymemati acuta excogitatio. Exempli causa, Coriolani factum plusquam hostile nobis videri debet: tyrannicum enim est patriam expugnare. Hostes enim oppugnandi non sunt, quibus hic majori odio est prosequendus, quod illi alienam, hic suam patriam oppugnat. Et cui plurimum debet, hanc evertere conatur. Fluit quidem comprehensio a circumstantiis, sed approbatur a quadam, aut totius in minora, vel pauciora, incisione, aut similibus enumeratione, aut fictoria ratione, quæ oppositum rei confingat.

E X E M P L V M.

F Stimulat non amat puella, quæ si virum quempiam amaret, non ego te beneficii accusarem. Site ipsum arderet, artes tuæ mihi suspectæ non essent. Si alium quendam furorem fureret: si alia ægritudine laboraret, non te accusarem. Pater tres semel interfecit filios, si duos interfecisset, si unum solum, si non filium, tamen moleste ferretis. Misit centum talenta Philippus Atheniensibus, quibus Demosthenes sibi traderetur. Non si mille daret, non si decem millia, non si civitates, gentes, provincias, regna simul omnia conferret, Demosthenem qui Græciæ libertatem, tum prudentia sua, tum eloquentia tutatus est, tradituros putarem. His ego talentis, non dico Hyperidem, aut Æschinem, sed ne plebejum quidem quempiam, aut opificem, aut omnino civem infimum traderem.

A L T E R V M E X E M P L V M.

Ego si tuos filios (si modo tui dicendi sunt, quos cruci-
Tem. I. Cc 3 de

delissime trucidasti) aut verberibus affecisses, aut exilio, & abdicatione notasses, moleste tamen etiam ferrem, tot pulcherrimos juvenes vel clarissimo patriæ solo privari, vel indigne verberibus cædi. Nunc vero quum non abdicatione, non exilio, non verberibus, sed morte tres simul abstuleris, non expostulem? non accufem? non graviter feram? Et qui si unum interfecisses, exclamarem, nunc tribus necatis, silebo? Inveniuntur item argumenta, & rationes a locis topicis, nempe a genere, specie, differentia, proprio, definitione, toto, partibus, causis, effectis, usibus, junctis, judicato, simili, majori, minori, pari, proportionem, oppositis, transumptione, casu, conjugatis, divisione. Genus est, quod continet speciem. Ad generis negationem, consequitur & speciei remotio, non contra, ut: virtus non est, igitur nec iustitia. Animal non est, igitur nec homo. Remota specie, non consequitur remotio generis, sed affirmata specie, sequitur affirmatio generis. Iustitia non est, igitur virtus non est, non consequitur: iustitia est, igitur virtus est, consequitur. Ad remotionem tamen totius generis, consequitur remotio cuilibet speciei. Rursus ad affirmationem totius generis, consequitur affirmatio uniuscujusque speciei, ut: omne argentum legavit, igitur & coelatum legavit. Omnibus scientiis operam dare jubemur, igitur & Poeticæ. Nulla virtus est Principi negligenda, igitur nec clementia. Removetur tamen necessario genus, si quis formas ejus omnes per enumerationem negaverit hoc modo: Nam quod nec ratione utitur, nec brutum est, id ne animal quidem est. Differentia est, qua genus diducitur in speciem. A differentia æqualiter infertur, & removetur species, quam constituit. Genus autem comprobatur, non improbat, ut supra dictum est de specie: ut: si sentit, est animal, si ratione caret, homo non est. Ratione non caret igitur & animal est. Nam si ratione caret, non statim animal non erit. Proprium est, quod soli speciei accidit, ut homini risus. Id, quemadmodum differentia, id cuius est proprium positum, infert, remotum aufert. Ut, quod risibile est, id hominem esse necesse est. Quod risibile non est, id ne homo quidem dici potest. Si tyrannicidæ proprium est tyrannum occidere, hic tyrannum occidit, igitur præmio donandus. Hoc quoniam proprium non est, sic confutabimus: Si tyrannum occidere, tyrannicidæ proprium est, carnifices, quibus tyrannos occidendos tradimus, tyrannum occidunt: carnifices igitur præmium accipiant. Definitio est cujusque rei breviter, & absolute potestatem complectens oratio. Hæc cum re definita convertatur, necesse est: ut, Si animal rationale est, igitur & homo: Quod nec animal est nec rationale, id homo non erit. Si homo est, ergo & animal rationale. Si homo non est, igitur ne animal quidem rationale. Definitio confutatur, si aut verum proprium, aut differentia vera, aut genus verum positum non est: si quid in altero continetur, aut excluditur, quod non idem in altero contineatur, aut excludatur hoc modo: Monetam omnem uxori legavit, coelatum autem argentum moneta est: argentum igitur coelatum omne legavit. Neque enim omne coelatum argentum moneta dicitur. Nam patera, & hujusmodi coelatum argentum est, nec tamen ista monetam vocant. Constituuntur & definitiones ex accidentibus, quæ si hujusmodi sint, ut cum re definita convertantur, valet consequutio: ut homo est animal bipes, erectum, sine pennis. Psittacus avis est viridis, rostro adunco, collo rubro, torque insigni in senectæ, quæ altero pede cibum tenens vescitur. Constituuntur & definitiones ex enumeratis absolute partibus, speciebus, sive formis: ut, Respublica est, quæ unius, aut paucorum, aut populi potestate regitur. Hoc genus facile confutatur, si qua species in enumeratione præterita additur. Exemplum. Injurie sunt, quæ aut pulsatione corpus, aut convicio aures afficiunt. Confutatur. Quid si quis filiam tuam rapiat, injuria non erit? Etymologia est nominis interpretatio, sive notatio: ut, hic Chryfogonus est appellatus, quod aurum undecunque pariat. Nam χρυσός Græce aurum, γένος foetum significat. Fingit, igitur Poeta. De Deo disputat, igitur Theo-

logus. Medetur, ergo Medicus. A toto inferuntur partes, non remouentur, hoc modo: Si tota Respublica consilio gubernanda est, ergo & domus, & unusquisque civium. Non tamen quoniam tota Respublica fortunæ committenda non est, idcirco nec tu te casui committes. Neque enim quia tota domus redintegranda non est, igitur nec paries unus. Verum partes si universæ colligantur, totum inferunt: si universæ removeantur, totum auferunt. Considerantur autem partes, a tempore, a quantitate, a loco: ut, Si neque in cælo, neque in terra invenitur, nusquam igitur inveniri poterit. Causa & effectum convertuntur, si modo ejusmodi sit causa, ut ab ea una fluat effectus, & ea sola sit idonea ad producendum effectum. Ea quadrifariam dividitur, in efficientem, materialem, formalem; & finalem. Ab efficiente causa: ut, Non potest non esse dies, exorto sole. Nec virgo est, si cum viro concubuit. Si sapientia virum bonum facit, & ipsa bona est. Corpus in lumine est, ergo facit umbram. Voluptas infamiam gignit, igitur fugienda. Virtus honorem adfert, igitur appetenda. Coloratus est, igitur fuit in sole. Pulverulentus est, igitur in itinere fuit, non est consequens: harum enim rerum plures possunt esse causæ. Sublata materia, & effectus necessario aufertur: ut, Lignum nullum habuit, nec naves igitur potuit fabricare. Ferrum cum deit, qui possunt gladios cudere? A forma: ut, Aperte mentiuntur Poetæ volasse Dædalum: nam quod natura negat, nemo potest facere. A fine ducuntur argumenta: ut, Felicitas est expetenda, igitur & virtus. Non malum est vivere, igitur nec comedere. Bona est medicina, nam & salus bona est. Bona est pax, igitur & bellum utile. Hæc argumentatio in conjecturali statu potissimum adhibetur. Ab usibus: ut, Equitare oportet, igitur & equi habendi. Navigare convenit, igitur & naves parare convenit. Tueri vitam licet, igitur & gladium ferre licet. Veterem Theologiam scire pulchrum, ergo & Poetas didicisse pulchrum erit. A generatione ad corruptionem: ut, Malum est extinguere Rempublicam, igitur bona est Respublica. Concordia civium optima, cur non igitur & civitas? Ab adjunctis: ut, Cæsarem sapientissimum fuisse constat, quem nullius unquam rei poenituerit. Stultus Antonius, qui nihil unquam gessit, cujus non postea poenituerit. Pallet, cogitabundus sedet, subinde animum mutat, igitur amat. Expalluit, titubavit, trepidavit, igitur conficius sibi fuit. Si tibi famam meam contaminare licuit, mihi expurgare non licebit? Quem quis amat, non lædit: quem hæredem facit, carum habuit. Orbæ inservit, igitur hæreditatem captat. Si Poeta est, igitur lascivus. Si Dialecticus, igitur contentiosus. Si Theologus, morosus. Si Medicus, avarus. Quæ tamen facile confutari possunt, præsertim si ejusmodi sint, ut sæpenumero non consequantur. Ab judicio, vel auctoritate: ut, Optima statim discenda sunt. Sic enim Quintilianus institutor optimus faciendum existimavit. A simili sic: Ut in tempestate, quum maximum periculum, mare, ventique minantur, tum peritus naucleus minime a clavo decedit, oculos & manus ad omnia intentas habet. Ita vir sapiens, quum maxime sævit fortuna, & quum res sunt maxime dubiæ, tum maxime consilio uti, & vigilare ad omnia debet. Locus autem a simili confutatur, si aut dissimile esse doceamus, quod alter simile dixit, aut aliam commodiorem similitudinem adducemus, hoc modo: Ut picem nemo tractat, nisi contaminetur, ita Poetas nemo potest legere, quin ad libidinem incitetur. Negabimus simile quippiam Poesim divinam scientiam cum pice habere, aut commodiorem similitudinem dabimus, hoc modo: Imo quod apes facere videmus, ut ex unoquoque flosculo, quicquid est optimum, id excerpant, si quid veneni, id aranæ exsugendum relinquunt: Ita nos in Poetis, quod est eruditionis, & bonæ doctrinæ, id nobis rapiemus, si quid obscenitatis occurrerit, id relinquemus: Ut, Neque equus indomitus quamvis natura bonus, ad eas utilitates, quæ ab eo desiderantur, idoneus est: Ita nec homo indoctus, quamvis ingeniosus, is est a quo virtutis fructum possis elicere. Non enim, ut qui currenti ad cursum succedit, velocior est: sic

sic qui Imperatori, ad regendum exercitum melior.

*A ma-
jori.*

Necut navis, ita amicitia nova fidelior. A majori, hoc

modo: Parenti non obtemperat, & audiet alienum?

Hujus mortem tam fert familiariter, quid mihi hic fac-

*A mi-
nori.*

ciet patri? Si adulterum occidere licet, ergo & loris

A pari.

cadere. A minori vero sic: Si furem cadere licet, licet

& latronem. Si puer ista potuisti, vir non poteris? A

*Ab ex-
emplo.*

pari: Si lex parricidam damnat, & matricidam. Si patri

in filium jus est, igitur & in filiam. Si fratrem domi alis,

cur me ejicias? Porro exemplum, aut simile est, aut

contrarium, aut majus, aut minus. Simile exemplum:

ut, Jure occisus Saturninus, quoniam & Gracchus. Con-

trarium: ut, Brutus filios prodicionem molientes, occi-

dit. Manlius virtutem filii morte multavit. Marcellus

ornamenta Syraculanis hostibus restituit. Verres eadem

focius abstulit. Majus: ut, Si propter matrimonium vio-

latum Troja funditus excisa est, quid fieri adultero par-

est? Minus: ut, Tibicines, quum ex urbe recessissent,

publice sunt revocati, civitatis Principes, qui bene de

Republica meriti sunt, quum invidia cessissent, ab exi-

lio non sunt revocandi? Simile ostenditur, a genere,

natura, vi, magnitudine, multitudine, tempore, loco,

causa, persona, opinione, modo. A genere sic: Ex-

tingitur intellectus, quoniam & visus. Confutatur,

sed visus materialis, non item intellectus. A vi: Infit ju-

ventuti severitas quaedam, quoniam & senibus. Confu-

tatur, sed jucunditas juventutis propria. A magnitudi-

ne: Si forte non electione fit gubernator navis, nec Im-

perator classis. Confutatur, at majori majus ratione ge-

rendum est. A multitudine: Nostre ne, an hostium hæ-

oivitates sint, dijudicemus: sic enim & majores de dua-

bus fecerunt. Confutatur, sed in pluribus majus pericu-

lum. A tempore: Continuet Pompejus imperium, quo-

rum & Marius. Confutatur, sed ille atrocissima Reipub-

licæ tempestate, quum nunc urgeat nemo. A loco &

causa: Quum in Italia bellum sit, non trajiciuntur in

Africam copiae, ne simile quid cum Atheniensibus pa-

tiantur. Confutatur, sed longius illi: & ignota in loca,

propius nos, & in cognita, & ea ex re alios quoque hos-

tes illi attraxerunt, nos hostem Hannibalem ab Italia

expellemus. A persona: Continuet Marius imperium,

quoniam & Scipio. Confutatur, at sanctus ille vir, hic

non æque. Ab opinione: Qui Cereris sacra stupravit

obeuntem, ea poena plectatur, qua qui Vestæ obeun-

tem corrumpit. Confutatur: sed quæ majori conatu susci-

piuntur peccata, atrocius punienda sunt. Possunt autem

multa horum ad ejusdem eversionem concurrere. Locus

a proportionem, hoc differt a simili, quod ibi a simili simile

ducitur, hic similitudinis, ac proportionis fit collatio.

Per simile sic effertur argumentum: Nam ut navis gu-

bernator non forte, sed judicio eligitur, ita in Republi-

ca magistratus sunt eligendi. Per proportionem sic:

Ita se habet ad navem gubernator, ut ad Rempublicam

magistratus. At judicio, non forte gubernator eligi-

tur. Oportet ergo & magistratus, judicio, non forte

eligere. Locus a proportionem eodem modo reprehendi-

tur, quo locus a simili. Locus ab oppositis quinque par-

tibus dividitur. A privative oppositis sic: Cæcus est,

igitur nunquam videbit. Item: Non est solus cæcus,

qui caret oculis, nam multos tametsi oculis habent, ta-

men cæcos adpellare non dubitamus. A negatione: Pa-

cem contemplare Carthaginenses: In Hispania enim

nostros socios sollicitant. A relative oppositis: Carthagi-

nenses Romanis subiectos esse conceditis? constat igitur

Romanos Carthagini imperasse. Si tu me præcepto-

rem appellas, cur ego te non appellem discipulum? Si

fateris a me tibi creditam pecuniam, tu mihi debes. Si

me pro filio non habes, nec tu mihi pro patre habebis.

Sinos pro tuo exercitu non habes, nec te pro Impera-

tore ducemus. A contrarie oppositis: Si sanus non es,

ægrotare constat. Si amandus, qui bene meretur, odio

prosequendus, qui male. Si præmio dignus, qui tyrannum

occidit: supplicio afficiendus, qui tyrannum juvat.

In contrariis, quæ mediata vocantur, non consequitur

necessario: ut, Si niger non est, igitur albus est, nam vi-

ridis, aut ruber esse potest. A disparatis: Disparata ge-

neris, vel propriis separantur. Quamquam etiam quæ ge-

neris distant, disparata possint vocari: ut, Si homo est,

igitur nec asinus, nec Deus &c. Tu quum decem pon-

do argenti deposueris, qua fronte auri tantundem repe-

ris? Marmoream domum diruisti, & reponis latericiam?

A transumptione: Philosophus non invidet, quoniam

nec sapiens. Distinguitur hic locus ab interpretatione,

quoniam hic nihil exponitur, sed a verbo notiori, minus

notum infertur, illic nominis ratio affertur, hoc modo:

Sapiens non invidet, Philosophus amator est sapientiæ:

igitur non invidet. A conjugatis: Si Rhetorice virtus

est, Rhetorem studiosum esse necesse est. A casibus:

Si ingratitude turpis est, turpiter igitur facis, qui bene

merito gratiam non referas. A divisione: Divisio fit, aut

per negationem, aut partitionem. Per negationem hoc

modo: Aut utile est bellum indicere, aut non: sed non

est utile bellum inferre, igitur quiescere utile est. Par-

titio autem aut est generis in species: ut, Animalium

quædam ratione participant, quædam sunt rationis ex-

pertia, aut totius in partes, aut vocis in significata, aut

subjecti in accidentia, aut accidentis in subjecta, aut ac-

cidentis in accidentia. Sed de his hæcenus satis, jam ad

partes suas oratio generi proprias redeamus. Tutum, quod

ad incolumitatem pertinet. Jucundum, quod voluptatem

aut animi, aut corporis, aut utriusque adfert. Fa-

cile, quod sine periculo, aut negotio fieri possit. Ne-

cessarium, quod aliter fieri nequit. Cætera a Rhetor-

um præceptis petantur. Nemo putet omnibus his par-

tibus semper in suadendo utendum esse, quod perlongum

foret, præsertim in Epistola. Sed quot incident, &

quanta ex parte, eatenus attingere sat fuerit. Concili-

atio igitur ejus animo, cui scribimus: deinde si incide-

rit, subjecta narratione: tertio loco id quod suadere, aut

dissuadere volumus, cum amplificatione quadam est

proponendum. Deinde post divisionem, aut etiam om-

missa divisione: ratio, aut multæ rationes sunt subden-

dæ: rationibus confirmationes subjungendo. Confir-

mationi ipsi nonnunquam altera confirmatio firmamen-

ti causa apponitur. Deinde rem locupletabimus, exem-

plo, auctoritate, proverbio, sententia, simili, dissimi-

li, contrario. Quæ ita inter se miscemus, ut nunc a

ratione ad simile, a simili ad exemplum, ab exemplo

rursus ad rationem, vel eandem aliis verbis vestitam, vel

aliam veniamus. Nam ab exemplis rationes nonnun-

quam nascuntur. Item auctoritati, sententiæque ratio-

nem convenit subicere. De exemplorum varietate jam

diximus. Similia ex omni rerum genere petuntur, quæ

plurimorum animantium, herbarum, aliarumque rerum

species & naturas cognitatas, & perfectas habere

conducet: auctoritates quoque alias Philosophorum,

alias Oratorum, Theologorum, Historicorum. Quæ

si scite intermiscemus, nunquam deerit quod dicamus,

& varietatem varietate facile vitabimus. In hac varietate,

expositione, & collectione Rhetorica diligenter ut-

temur. Hujus præcepti unculæ hoc erit exemplum.

CAP. XLVII.

EXEMPLUM EPISTOLÆ SVASORIÆ.

Quamquam pro tua singulari sapientia, ipse abunde

per te sapias affinis jucundissime, nec alienis e-

ges consiliis, tamen hoc vel veteri nostræ amicitiae, quæ

ab ipsis prope cunabulis una cum ætate nobis accrevit,

vel tuis summis in me officiis, vel arctissimæ denique af-

finitati debere me putavi, si is esse vellem, quem tu me

semper existimasti virum & amicum, & gratum, ut id

quod ad tuam tuorumque salutem ac dignitatem pluri-

mum interesset judicarem, te libenter ac libere admo-

nerem. Aliena nonnunquam rectius quam nostra perspi-

cimus. Tuum consilium meis in rebus persæpe sum secu-

tus, neque minus felix mihi comperi, quam erat amicum.

Nunc si vicissim in tuis meum sequi voles, futurum ar-

bitror, ut neque me suavis, neque te poeniteat paruisse.

Cœnavit apud me sexto Idus Apriles, cum in villa Mon-

tana essem, Antonius Baldus homo, ut scis, tuarum re-

rum studiosissimus, generique tuo jam inde ab initio

conjunctissimus. Triste plenumque lachrymarum con-

vivium. Nunciabat mihi magno utriusque dolore, ma-

gnamque

græm

rum se-
mina. trem tuam foeminam integerrimam, e vivis concessisse: fororem tuam luctu ac desiderio victam, sterili dicatarum virginum choro adscriptam esse: ad te unum spem stirpis tuæ redisse: amicos summo consensu tibi puellam summo genere natam, forma præstanti, optime moratam, postremo tui amantissimam, summa cum dote obtulisse. Te vero nescio qua seu doloris impotentia, seu religione, ita coelibatum decrevisse, ut nec generis studio, nec sobolis amore, nec amicorum ullis, aut monitis, aut precibus, aut lachrymis abduci possis a sententia.

Propo-
sio. Tu tamen vel meauctore, mentem istam mutabis, & coelibatu relicto, sterili ac parum humano vitæ instituto, sanctissimo conjugio indulgebis.

Disquisi-
hoc est,
limen
argu-
menta-
tionis. Qua in re neque tuorum caritatem, quæ tamen aliquin animum tuum vincere debebat: neque meam auctoritatem quicquam mihi prodesse cupio, nisi clarissimis rationibus ostendero: id fore tibi longe tum honestius, tum utilius, tum jucundius. Quid quod etiam hoc tempore necessarium.

Ab ho-
nesto
primum
ratioci-
natur. Nam primum hac in re, si te honesti ratio movet, quæ apud probos viros plurimum valere debet, quid matrimonio honestius, quod ipse Christus honestavit, qui nuptiis, una cum matre, non solum interesse dignatus est, verumetiam nuptiale convivium miraculorum suorum primitiis consecravit? Quid sanctius, quod ipse rerum parens instituit, adjunxit, sanctificavit: quod ipsa sanxit natura? Quid eo laudabilius, quod qui reprehendit hæreseos damnetur? Tam est honorificum matrimonium, quam est infame vocabulum hæretici. Quid æquius, quam id reddere posteris, quod ipsi a majoribus accepimus? Quid inconsideratius, quam id sanctimoniz studio, perinde ut profanum fugere, quod Deus ipse totius sanctimoniz fons ac parens sanctissimum haberi voluit? Quid inhumanius, quam hominem ab humanæ conditionis legibus abhorre? Quid ingratus, quam id negare minoribus, quod ipse nisi a majoribus accepisses ne esses quidem qui negare posses? Quid si matrimonii quærimus auctorem, non a Lycurgo, non a Mose, non a Solone, sed ab ipso summo rerum omnium opifice conditum & institutum est, ab eodem & laudatum, ab eodem honestatum consecratumque. Si quidem initio cum hominem e limo finxisset, miseram prorsus & inamcenam ejus vitam fore intellexit, nisi sociam Evam adjungeret. Quare uxorem non e luto illo quo virum, sed ex Adæ cratibus eduxit, quo prorsus intelligeremus nihil nobis uxore carius esse debere, nihil conjunctius, nihil tenacius adglutinatum. Idem ille post diluvium mortalium generi reconciliatum hanc primam legem divulgasse legitur, non uti coelibatum amplecterentur, sed ut crescerent, ut multiplicarentur, ut terram implerent. At quo pacto, nisi conjugio darent operam? Et ne hic vel Mosæica legis libertatem, vel tempestatis illius necessitatem causamur, quid aliud sibi vult illud in Evangelicis quoque literis repetitum comprobatumque Christi suffragium? propter hoc, inquit, relinquet homo patrem & matrem, & adhærebit uxori suæ. Quid parentum pietate sanctius? At huic tamen conjugalitatis præfertur fides. Quo auctore? nempe Deo. Quo tempore? non Judaismi tantum, sed Christianismi quoque. Deseritur pater, deseritur mater, & adhæretur uxori. Filius emancipatus incipit sui juris esse. Filius abdicatus desinit esse filius: At sola mors dirimit conjugium, si tamen illa dirimit. In his modo dirimitur, qui conjugium repetunt. Quamdiu perseverat conjugalitatis affectus, non videtur diremptum matrimonium. Jam si cætera sacramenta, quibus ecclesia Christi potissimum nititur, religiosa quadam veneratione coeuntur, quis non videt huic plurimum religionis deberi, quod & a Deo, & primum omnium est institutum? Et cætera quidem in terris, hoc in paradiso: cætera ad remedium, hoc ad consortium felicitatis: cætera naturæ collapsæ sunt adhibita, unum illud conditæ datum est. Si leges a mortalibus institutas sanctas habemus, non erit conjugii lex sanctissima, quam ab eodem accepimus, a quo & vitam, quæ una prope cum ipso hominum genere nata est? Denique ut legem exemplo confirmaret, adole-

Alaudabili.

Ab a-
quo.

Rationes
per con-
firmationem.

Confir-
matio-
nes cum
laude ab
origine
rei.

Homo
primum
condi-
ditus,
mox
uxori
junctus.

Post di-
luvium
renova-
ta ma-
trimonii
lex.

Quod
natura
lege su-
is pro-
ditum
Evange-
lica com-
proba-
vit au-
thoritatis.

Ab im-
puri.

Confu-
sio. A scens, ut dictum est, ad nuptiale convivium vocatus, una cum matre libens adfuit: nec adfuit modo, verumetiam prodigioso munere honestavit, haud alibi miraculorum suorum initium auspicatus. Cur igitur, inquires, Christus ipse a conjugio abstinuit? Quasi vero non plurima sint in Christo, quæ mirari potius quam imitari debeamus, sine patre natus, sine parentis dolore processit, clauso monumento prodiit. Quid in eo non supra naturam? Sint hæc illi propria. Nos intra naturæ legem viventes, suspiciamus illa quæ supra naturam sunt: quæ pro modulo nostro sunt æmulemur. Sed e virgine nasci voluit. E virgine quidem, sed conjugata. Virgo mater, Deum decebat: conjugata, nobis quid esset agendum significavit. Virginitas eam decebat, quæ coelestis afflatu numinis illibata pareret illibatum. Sed Joseph sponsus, nobis casti conjugii leges commendat. Qui magis conjugalem societatem potuit commendare, quam quod arcanam illam, & Angelicis quoque mentibus stupendam, divinæ naturæ cum humano corpore animaque conjunctionem: quod ineffabilem illum & æternum in ecclesiam suam amorem declarare volens, se sponsum illius, illam sponfam suam appellat? Magnum, inquit Paulus, matrimonii sacramentum est, in Christo, & in ecclesia. Si qua fuisset in rerum natura sanctior copula: si quod fœdus religiosius, quam conjugium, profecto ab eo sumpta fuisset imago. Quid simile usquam de coelibatu legis in arcanis literis? Honorandum connubium, & thorus immaculatus prædicatur apud Apostolum Paulum, coelibatus hic ne nominatur quidem. Nec excusatur quidem nisi compensatione majoris boni. Alioqui si quis naturæ legem sequutus, det operam liberis, præferendus est illi, qui perseverat in coelibatu, non ob aliud, nisi ut sibi liberius vivat. Vere continentes, ac virgines laudatas legimus, coelibatus ex se nullam habet laudem. Jam vero Mosæica lex sterile conjugium execratur, atque ob id a communibus aris quosdam submotus legimus. Quamobrem tandem? nempe ideo, quod tanquam inutiles, & sibi duntaxat viventes, populum nulla sobole augerent. In Deuteronomio præcipuum benedictionis argumentum proponitur Israelitis, quod nullus esset inter illos futurus sterilis, nec mas nec foemina. Et Lya dicitur despecta a domino, quod non pareret. Quin & in Psalmis inter præcipuas beatitudinis partes refertur, uxoris fecunditas. Uxor, inquit, tua sicut vitis abundans, filii tui sicut novellæ olivarum in circuitu mensæ tuæ. Quod si lex damnat ac notat sterile matrimonium, coelibes multo amplius damnavit. Si natura poenam non effugit, ne voluntas quidem effugiet. Si damnantur quorum voluntati natura defuit, quid commenterentur ii, qui ne operam quidem dederunt, ne steriles essent? Hebræorum leges hoc honoris habebant matrimonio, ut qui sponfam duxisset, eodem anno non cogeretur in bellum exire. Periclitatur civitas, nisi sint qui eam armis tueantur. At certum exitium est, nisi sint qui conjugii beneficio juventutem, semper mortalitate deficientem sufficiant. Quin & Romanæ leges eos qui coelibes essent, damno etiam multabant, a Reipublicæ muneribus secludebant. At qui liberis Rempublicam auxissent, eis tanquam bene meritis præmium e publico statuebant. Priscæ leges poenas constituerant adversus coelibes, quæ tamen per Constantinum Cæsarem temperatæ sunt in favorem Christianæ religionis, tamen arguunt quam non sit e Republica vel minui civitatem amore coelibatus, vel spuris impleri. Quin Cæsar Augustus Censor, inquisivit in militem, quod in ducenda uxore non parvisset legibus, & periclitabatur ni docuisset se trium liberorum parentem. Declarant & in hoc Cæsarum leges favorem erga conjugium, quod indictas viduitates a Miscella inductas sustulerunt, ac sublatis poenis hujusmodi pacta, tanquam præter æquum & bonum inita pro irritis haberi voluerunt. Adde quod Ulpianus declarat dotis causam semper & ubique præcipuam, quod haud quaquam fuisset, nisi præcipua quædam utilitas ex matrimonio proficeretur. Habitus est honos conjugio, sed major fecunditati. Simul atque contigisset nomen patris, hæreditatis & omnis legati, atque etiam caduci capax redde-

Altera
confusio.

Ab im-
puri.

Laus
conjugii
a præ-
missis.
A necessitate
farin

batur: id liquet etiam ex Poeta Satyrico: per me scriberis haeres, Legatum omne capis, nec non & dulce caducum. Plus etiam commodorum adferebat jus trium liberorum, in his est immunitas a publicis legationibus. Quinque porro liberi vacationem impetrant a personilibus quoque muneribus, quod genus est tutela. Et cui tredecim liberi contigissent Julianus Imperator non modo vacationem indulgit a Decurionatu, sed simpliciter ab omnibus muneribus. Nec silent hujus tanti favoris causam sapientissimi legum conditores. Quid immortalitate felicius? Hanc natura negatam, matrimonium arte quatenus licet largitur Reipublicae. Cui non optabilis est apud posteros memoria? Haec nullis fornicibus, nullis pyramidibus, titulive certius propagatur, quam liberorum procreatione. Apud Adrianum Imperatorem causam vicit Albinus, non alia commendatione, quam quod Reipublicae dedisset numerosam sobolem. Proinde dispendio filii, passus est liberos in paterna bona in solidum succedere, quod intelligeret imperium magis fulciri propagatione juventutis, quam pecuniarum accessione. Postremo ceterae leges nec omnibus regionibus, nec quibuslibet temporibus congruunt, sola conjugii lex ad omnes orbis nationes, ad omne tempus pertinet. Lycurgus leges tulit, ut qui uxores non ducerent, hi & aestate arcerentur a ludis ac spectaculis, hyeme vero nudi forum circuirent, ac semetipsos execrati, iusta pati dicerent, quod legibus non paruisent. In summa, vis scire quantum matrimonio tribuerit antiquitas, violati matrimonii poenam perpende. Graeci quondam violatum matrimonii jus, decenni bello vindicandum censuerunt. Ad haec non Romanis modo, verumetiam & Hebraeis, & Barbaricis legibus, adulteris poena capitalis statuebatur. Furem quadrupli poena abolvebat, adulterii scelus securis expiabat. Apud Hebraeos autem populi manibus lapidabatur, qui id violasset, sine quo populus non esset. Nec hoc contenta legum severitas, illud etiam permisit, deprehensum adulterum sine iudicio, sine legibus confodere: nimirum id donans dolori maritali, quod gravate concedit vim a capite propellenti: quasi laedat atrocius, qui conjugem adimat, quam qui vitam. Profecto sanctissimam quandam rem conjugium videri necesse est, quod violatum humano sanguine sit expiandum: cuius ultio, nec iudicem exspectare cogitur, quod jus nec in parricidio est.

Sed quid de scriptis legibus agimus? Naturae haec lex est, non in tabulis aereis exarata, sed animis nostris penitus insita: cui qui non paret, ne homo quidem sit existimandus, nedum bonus civis. Nam si, ut Stoici homines acutissimi disputant, recte vivere, est naturae ductum sequi, quid tam naturae consentaneum, quam matrimonium? Nihil enim tam a natura, non hominibus modo, verumetiam reliquo animantium generi insitum est, quam ut suam quodque speciem ab interitu vindicet, & propagatione posteritatis, tanquam immortalem efficiat. Quod sine conjugali conjunctione fieri non posse quis ignoret? Turpissimum autem videtur muta pecora naturae parere legibus, homines gigantum more naturae bellum indicere. Cujus opus, si oculis haud caecutientibus inspiciamus, intelligemus in omni rerum genere conjugii speciem quandam inesse voluisse. Ommitto enim jam de arboribus, in quibus Plinio auctore, cum primis gravi, adeo manifesto sexus discrimine conjugium invenitur, praesertim in palmis, ut nisi marita arbor in foeminas circumstantes ramis incumbat, tanquam concubitu appetens, haec plane steriles mansurae sint. Idem indicat, auctores esse, qui credunt in omnibus quae gignit tellus, inesse sexum maris & foeminae. Taceo de gemmis, in quibus sexum inveniri scripsit idem auctor, at non solus. Nonne Deus ita res cunctas vinculis quibusdam connexit, ut aliae aliis egere videantur? Quid caelum perpetuo motu versatile, nonne dum tellurem omnium parentem subjectam, vario rerum genere foecundat, velut infuso semine, mariti fungitur officio? Sed singula percurrere nimis longum arbitror. Quorum autem haec spectant? eo videlicet, ut intelligamus conjugali societate & constare, & contineri

omnia: sine ea dissolvi, interire, collabi cuncta. Fingunt veteres illi ac sapientissimi Poetae, quibus studium fuit Philosophiae praecepta fabularum involucris tegere, Gigantes anguipedes terrae filios, exstructis in caelum montibus bellum Superis intulisse. Quid haec sibi vult fabula? Nimirum immanes quosdam ac feros homines & obscuros, a conjugali concordia vehementer abhorruisse, eoque fulmine praecipitatos, hoc est, funditus interisse, cum id vitarent, quo solo constat humani generis incolumitas. At iidem Orpheum Poetam, ac Citharcedum saxa durissima cantu movisse commemorant. Quid significantes? Nempe virum & sapientem & facundum, homines saxeos & ferarum ritu viventes, a vago concubitu prohibuisse, atque ad matrimonii sanctissimas leges adduxisse. Apparet igitur, qui concubii amore non tangitur, eum non hominem, sed saxum videri, hostem naturae, numini hujus rebellem, suapte stultitia sibi perniciem accerere. Crudelior enim est, qui generi suo, quam qui uni sibi molitur exitium. Age vero, quandoquidem in fabulas minime fabulosas incidimus, idem Orpheus, cum apud inferos Plutonium ipsum, manesque permovit, ut Eurydicen suam liceret abducere: quid aliud Poetas cogitasse putamus, quam ut nobis conjugalem amorem commendarent, qui apud inferos quoque sanctus, ac religiosus haberetur? Eodem pertinet, quod antiquitas conjugio Jovem Gamellium praefecerat, Junonem pronubam, Lucinam, quae parturientibus adesset: superstitiose quidem errans in Deorum nominibus, at non errans in hoc, quod matrimonium rem sacram ac dignam, quae Diis curae sit, iudicaret. Diversi quidem apud diversos populos ac nationes, ritus legesque fuere. Nulla unquam gens tam fuit barbara, tam ab humanitate omni aliena, apud quam conjugii nomen non sanctum, non venerandum sit habitum. Hoc Thrax, hoc Sarmata, hoc Indus, hoc Graecus, hoc Latinus, hoc vel extremus orbis Britannus, aut si qui sunt his quoque semotiores, religiosum habuit. Quid ita? quia necesse est omnibus esse commune: quod communis hominum parens in sevit: & adeo penitus in sevit, ut hujus rei sensus non solum ad turtures & columbos, verum etiam ad immanissimas feras pertingat. Si quidem leones in uxorem mites sunt, pro catulis dimicant tigrides. Asinos per obstantes ignes agit prolis tuendae pietas. Atque hoc sane jus naturae vocant, ut efficacissimum, ita latissime patens. Ut igitur diligens cultor non est, qui praesentibus rebus contentus, arbores adultas satis quidem accurate tractat: ceterum neque propagandi, neque inferendi curam agit, propterea quod necesse est, paucis annis eos hortos quantumvis diligenter excultos interire: Ita parum diligens in Republica civis censendus, qui praesenti turba contentus, de propaganda civium multitudine non cogitat. Nemo igitur unquam egregius civis habitus est, qui non liberis gignendis, recteque instituendis operam dederit. Apud Hebraeos & Persas laudi in primis erat, quam plurimas habere uxores, tanquam ei patria plurimum deberet, qui eam numerosissima sobole locupletasset. Num tu Abraham ipso sanctior videri studes? Is pater multarum gentium non esset appellatus, idque Deo auspice, si uxoris contubernium refugisset? Num tu Jacob religiosior haberi quavis? Is Rachelis amplexus tam diuturna servitute edimere non dubitavit. Num Solomone sapientior? At quantum ille uxorum gregem domi aluit? Num Socrate castior, qui Xanthippen foeminam etiam morosam domi pertulisse legitur: non tam ut ille suo more jocabatur, quo domi diceret tolerantiam, sed ne in naturae officio claudicasse videretur. Intellexit enim vir unus Apollinis oraculo sapiens iudicatus, hac lege se genitum, ad hanc natum, hoc se debere naturae. Nam si recte a veteribus Philosophis dictum est: si non temere a nostris Theologis comprobatur: si merito, velut adagionis vice ubique decantatum, neque Deum, neque naturam quicquam frustra facere: cur haec membra tribuit, cur hos stimulos, hanc gignendi vim addidit, si caelibatus per se laudi ducitur? Si quis te magnifico munere donaret, arcu, veste, aut gladio, indignus accepto videberis, si uti eo aut noles, aut nescies.

Tom. I. D d Cum

*Fabula
& ejus
expositio.*

*Ab auctoritate
& exemplis.*

*Pietas
& in
feris.
Simile.*

*Hebraei
Persae.*

419

Confu-
ratio.Confu-
ratio.Confu-
ratio.

Cum cætera omnia tanta ratione sint constituta, haud
verisimile videri debet, hac una in re naturam dormi-
tasse. Nec audio qui mihi dicat foedam illam & obsec-
nam pruriginem & Veneris stimulos non a natura, sed a
peccato profectam. Quid tam dissimile veri? Quasi ve-
ro matrimonium, cujus munus sine his stimulis peragi
nequit, non culpam præcesserit. Jam in cæteris ani-
mantibus unde illi stimuli? a natura, an a peccato? Mi-
rum ni a natura. Nam in corporis affectionibus mini-
mum interest inter hominem & reliquas animantes.
Postremo nos imaginatione foedum reddimus, quod
suaapte natura pulchrum ac sanctum est. Alioqui si res
non opinione vulgi, sed ipsa natura velimus expendere,
qui minus foedum brutorum animantium more, edere,
mandere, concoquere, excernere, dormire, quam lici-
ta permissaque Venere uti? At virtuti potius quam natu-
ræ parendum. Perinde quasi virtus sit ulla dicenda,
quæ cum natura pugnet: unde nisi proficiscatur, ne esse
quidem poterit, quæ cultu & disciplina perficiatur. Sed
Apostolorum te institutum delectat, qui & ipsi cæliba-
tum sunt secuti, & alios ad id vitæ genus sunt cohorta-
ti. Imitentur sane Apostolos viri Apostolici, quorum
cum sit muneris & docere, & instituere plebem, non
queunt simul & gregi, & uxori satisfacere. Quanquam
& Apostolis aliquot uxores fuisse constat. Episcopis
cælibatum concedamus. Quid tu Apostolicum institu-
tum sequeris, ab Apostolico munere longe alienissimus,
homo nimirum & profanus, & privatus? Illis hoc veniæ
datum est, ut vacent a conjugii munere, quo magis va-
caret copiosior prolem Christo gignere. Sit istud
Sacerdotum ac Monachorum privilegium, quos appa-
ret in Essenorum institutum successisse: Tui status alia
ratio est. At ipse Christus, inquit, beatos pronuncia-
vit, qui sese castrarunt ob regnum Dei. Non reicio au-
thoritatem, sed sententiam interpretor. Primum arbi-
tror hoc Christi dogma, ad ea tempora potissimum perti-
nere, quibus oportebat Ecclesiasten ab omnibus mundi
negociis quam maxime expeditum esse. Cursumandum
erat per omnes terras, imminabat undique persequutor.
Nunc is est rerum ac temporum status, ut nusquam re-
perias minus inquinatam morum integritatem, quam
apud conjugatos. Exaggerent quantumlibet suum in-
stitutum Monachorum ac Virginum examina: jactent
quantum volent caerimonias, cultusque suos, quibus
potissimum inter cæteros eminent: sanctissimum vitæ
genus est, pure, casteque servatum conjugium. Præ-
terea non is modo sese castrat, qui vivit cælebs, sed qui
caste, sancteque colit conjugii munus. Atque utinam
vere castrati sint, quicunque suis vitiis magnificum ca-
strationis prætexunt titulum, sub umbra castitatis tur-
pius libidinales. Neque enim mei pudoris esse puto,
commemorare, in quæ dedecora sæpe prolabantur, qui
naturæ repugnant. Postremo ne præcipit quidem Chri-
stus ulli cælibatum, at idem divortium palam inter-
dicit. Mihi sane videtur, non pessime consulturus re-
bus ac moribus hominum, qui Sacerdotibus quoque
ac Monachis, si res ita ferat, jus indulgeat conjugii:
præsertim quum ubique tam ingens sit Sacerdotum
turba, quorum quotusquisque castam agit vitam?
Quanto satius concubinas in uxores vertere, ut quas
nunc habent cum infamia, cum irrequieta conscien-
tia, habeant palam cum honesta fama: ac liberos
gignant, quos ut vere legitimos ament, sancteque
intituant, quibus & ipsi pudendi non sint, & vicissim ab
illis cohonestentur. Atque id, opinor, jam pridem pro-
curassent Episcoporum officiales, nisi proventus am-
prior esset ex concubinis, quam ex uxoribus. Sed divina
quædam res est: angelica res est virginitas. At humana
quædam res est conjugium. Ego nunc homo loquor
homini, plebejus plebejo, infirmus infirmo. Laudanda
quidem res est virginitas, at ita, si non hæc laus ad quam
plurimos transferatur. Quam si vulgo usurpare homi-
nes incipiant, quid virginitate dici, cogitarive possit
exteriorius? Tum si in cæteris maxime laudem mereatur
virginitas, in te certe reprehensione carere non potest,
per quem stabit, quominus optimum illud genus & im-
mortalitate cum primis dignum obliteretur. Postremo

Confu-
ratio.

minimum abest a virginitatis laude, qui jus illibatum
conjugii servat, qui uxorem gignendæ proli, non libidi-
ni habet. Si frater fratris sine liberis defuncti semen ex-
citare jubetur, tu universi tui generis spem interire si-
nes, præsertim cum ad te unum reciderit? Neque vero
me clam est, magnis voluminibus priscorum patrum de-
cantatas virginitatis laudes: quorum Hieronymus adeo
miratur eam, ut non multum absit a contumelia matri-
monii, & ab Episcopis orthodoxis ad palinodiam sit in-
vitatus. Verum donetur hic ardor illis temporibus, nunc
optarim, ut isti qui passim sine delectu, ad cælibatum
ac virginitatem adhortantur ætatem, quæ sibi nondum
est nota, hoc operæ collocarent in describenda imagi-
ne casti purique matrimonii. Atqui his ipsis quibus tan-
topere placet virginitas, non displicet bellum adversus
Turcarum gentem, qui numero tot partibus nos supe-
rant: quorum si rectum est judicium, consequetur, ut
in primis rectum & honestum habeatur, pro virili libe-
ris gignendis operam dare, & juventutem in belli usum
sufficere. Nisi forte bombardas, tela, naves, ad hoc
bellum apparatus putant, viris opus esse non putant.
Iidem probant ut Ethnicorum parentes ferro trucidemus,
quo liceat filios etiam inscientes baptizare. Id si
verum est, quanto mitius est idem efficere conjugio-
rum officio? Nulla natio tam immanis est, quin exse-
cretur infanticidium. Principum leges pari propemo-
dero severitate puniunt provocatum abortum, & ac-
censitam pharmacis sterilitatem. Cur ita? Quia mini-
mum interest inter eum, qui quod nasci cœperit, inter-
cipit: & eum, qui procurat, ne quid nasci possit. Hoc
quod in tuo corpore vel arefcit, vel magno etiam salutis
periculo corrumpitur: quod in somnis elabitur, homo
erat, si modo tu esses homo. Exsecrantur Hebræorum
literæ, virum qui jussus congregari cum uxore fratris de-
functi, ne quid nasceretur, projecit semen in terram: &
vita judicatus est indignus, qui vitam invidit nascituro
fœtui. At quantum ab hoc differunt, qui sibi perpetuam
sterilitatem indicunt? An non videntur tot ho-
mines occidere, quot erant nascituri, si liberis gignen-
dis dedissent operam? Quæso, si cui sit fundus soli na-
tura feracis, quem incultum sinat perpetuo sterilem
esse, nonne legibus poenas daret, eo quod Reipublicæ
interferit, ut suam quisque rem bene tractet? Si punitur
is, qui negligit agrum, qui ut maxime colatur, nihil
aliud fert, quam tritum, aut fabas, aut pisca: qua poe-
na dignus est, qui recusat eum fundum colere, qui cultus
fert homines? Atque illic diutino molestoque labore
est opus, hic brevem culturam etiam voluptas veluti
paratum præmium invitat. Quare si quid naturæ sen-
sus, si honestum, si pietas, si religio, si officium, si vir-
tus te movet, cur ab eo abhorres, quod Deus instituit,
natura sanxit, ratio suadet, divinæ pariter & humanæ
literæ laudant, leges jubent, omnium gentium consen-
sus approbat, ad quod optimi cujusque exemplum ad-
hortatur. Quod si pleræque res etiam acerbæ, viro bo-
no sunt expetendæ, non alio nomine, quam quod honestæ
sunt, matrimonium profecto multo maxime expe-
tendum; de quo quis dubitare possit, plusne habeat hone-
statis, an voluptatis. Quid enim dulcius, quam cum
ea vivere, cum qua sis non benevolentia modo, verum
etiam corporum mutua quadam communione arctissi-
me copulatus? Si magnam quandam animi delectatio-
nem ex reliquorum necessariorum benevolentia capi-
mus, quam dulce in primis sit habere, qui cum animi tui
secreto affectus communices: qui cum perinde ut te-
cum loquaris: cujus fidei te tuto committas, qui tuas
fortunas suas esse ducat: quid tu credis habere felicitatis
mariti uxorisque conjunctionem, qua nulla possit in
rerum natura inveniri, neque major, neque firmior?
Cum cæteris enim amicis animorum duntaxat benevo-
lencia jungimur, cum uxore & summa caritate, &
corporum permixtione, & sacramenti foedere, & fortu-
narum omnium societate copulamur. Præterea in cæ-
teris amicitias quanta simulatio? quanta perfidia? Sed ii
quos nostri amantissimos existimamus, sicut hirundi-
nes, exacta æstate devolant, ita fortuna reflante defi-
ciunt. Nonnunquam recentior amicus veterem ejcit.
Pau-

Ex lege
Mosaica
Confu-
ratio.A con-
sequen-
tibus.A pari
& im-
pari.A simi-
li.Epilogus
superio-
rum ar-
gumen-
tationum.A ju-
cundo.Ratio-
net.Confu-
ratio
ex colla-
tione.

Paucos audivimus, quorum fides usque ad vitæ finem confiterit. Uxoriam vero caritas non perfidia corrumpitur, nulla simulatione obscuratur, nulla rerum mutatione convellitur: denique sola morte, imo ne morte quidem distrahitur. Illa parentum, illa sororum, illa fratrum pietatem, tui amore contemnit: te unum respicit, ex te pendet, tecum emori cupiat. Res est? habes quæ tueatur, habes quæ augeat. Non est? habes quæ quærat. Si res secundæ sint, duplicatur felicitas: sin adversæ, erit quæ te consoletur, quæ assideat, quæ inserviat, quæ tuum malum suum esse cupiat. An tu voluptatem ullam cum hac tanta conjunctione conferendam censes? Si domi agis, adest quæ solitudinis tædium depellat: si foris, est quæ discedentem osculo prosequatur, absentem desideret, redeuntem læta excipiat. Dulcis juventutæ tuæ sodalis, gratum senectutis solatium. Natura quidem homini dulcis est vel quævis societas, quippe quem ad benevolentiam atque amicitiam genuit. Hæc igitur quomodo non erit dulcissima, in qua nihil non commune est? Contra autem, si feras quoque solitudinem horre-re, societate delectari videmus, mea sententia, ne homo quidem sit existimandus, qui ab hac societate omnium & honestissima, & jucundissima abhorreat. Quid enim eo homine odiosius, qui tanquam sibi uni natus, sibi vivat, sibi quærat, sibi parcat, sibi sumptum faciat, neminem amet, ametur a nemine? An non istiusmodi portentum dignum censebitur, quod cum Timone illo ex universo hominum confubernio in medium mare projiciatur? Neque hic ausim illas tibi voluptates proponere, quibus cum natura nihil voluerit esse homini dulcius, nescio tamen quo pacto a magnis ingeniis dissimulantur potius, quam contemnuntur. Quanquam quis adeo se-vero, ne dicam stupidus, sit natus ingenio, qui ejusmodi voluptatum genere non capiatur: præsertim si citra numinis, aut hominis offensam, citra famæ detrimentum possit contingere? Equidem eum non hominem, sed plane saxum dixerim. Etiam si minima bonorum, quæ habet conjugium, pars est ea corporum voluptas. Sed fac te istam ut viro indignam contemnere: quanquam ne viri quidem vocabulum sine his meremur: ponatur, si vis inter extrema conjugii commoda: jam quid casto amore esse potest amabilius, imo quid sanctius atque honestius? Accrescit interim dulcis affinium turba. Duplicatur parentum, fratrum, sororum, nepotum numerus. Natura enim unam duntaxat matrem, unum patrem tribuere potest. Conjugio pater alter, altera mater accedit, qui te, ut cui sua viscera commiserint, singulari pietate non prosequi non possunt. Jam vero quanti illud æstimabis, ubi pulcherrima conjunx pulchra faciet te prole parentem? Ubi quis tibi parvulus aula luserit, Aeneas, qui tuos, tuæque conjugis vultus referat, qui te blanda balbutie patrem appellitet? Jam accesserit conjugali caritati vinculum adamantinum, quod ne mors quidem ipsa queat abrumpere. Felices, inquit Flaccus, ter & amplius, Quos irrupta tenet copula, nec malis Divulfos querimoniis, Suprema citius solvet amor die. Habes qui senectutem tuam oblectent, qui oculos claudant, qui iusta persolvant, in quibus renatus videaris, quibus superstitibus tu ne occidisse quidem puteris. Non abeunt ad alienos hæredes, quæ tibi parasti. Ita tanquam omnibus perfuncto vitæ munis, ne mors quidem ipsa acerba videri poterit. Omnibus, velimus nolumus, senectus imminet. Hac ratione natura prospexit, ut in liberis ac nepotibus repubescamus. Quis enim graviter ferat senectutem, ubi suos vultus, quos adolescens gessit, in filio conspexerit? Mors omnibus parata est. At hac una via, velut immortalitatem quandam meditatur naturæ providentia, dum sic aliud ex alio propagat, ut veluti cum planta, arbore excisa repullulat, nec interisse videatur, qui prole relicta moritur. At minime me fugit, quid inter hæc obmurmures. Beata res est conjugium, si omnia secundæ eveniant: sed quid si morosa contingat uxor? quid si impudica? quid si liberi impii proveniant? Occurrent animo tuo exempla eorum, quibus conjugium exitium attulerit. Exaggera quantum potes, sed tamen hominum ista vitia fuerint, non conjugii. Crede mihi, non solet nisi malis maritis

A mala uxor contingere. Adde quod tibi magna ex parte in manu est, ut bonam eligas. Quid si corrumpatur? A malo quidem marito, uxor bona corrumpi potest: a bono mala corrigi consuevit. Falso uxores accusamus. Nemo si quid mihi credis, unquam nisi suo vitio improbam uxorem habuit. Jam ex bonis parentibus, ferme similes nascuntur liberi. Quanquam & hi utcumque nati, fere tales evadunt, quales illos finxeris institutione. Jam vero non est quod zelotypiam metuas. Ille stulte amantium morbus est. Castus ac legitimus amor zelotypiam nescit. Quid tibi Tragedia: in mentem veniunt? Hæc maritum adultera securi percussit: hæc veneno sustulit: illa morum odio ad mortem adegit. Cur non potius Tiberii Gracchi Cornelia succurrit? Cur non Alcestis non optimi mariti conjunx optima? Cur non occurrit vel Julia Pompeji, vel Bruti Portia? Cur non æterno nomine digna Artemisia? Cur non Hypsicratea Mithridatis Pontici Regis uxor? Cur non Tertie Æmiliae comitas in mentem venit? Cur non Turie fides? Cur non Lucretia, Lentulaque succurrit? Cur non Arria illa a Plinio celebrata? Cur non innumeræ aliæ, quarum & pudicitia, & fides in maritos, ne morte quidem potuit immutari. Rara, inquis, avis in terris, mulier proba. Et tu rara uxore dignum te finge. Mulier, inquit sapiens ille, bona, pars bona. Aude tuis moribus dignam sperare. Plurimum in hoc situm est, quam diligas: quomodoingas: qualem ipse te illi præbeas. Sed dulcior est, inquires, libertas. Quisquis uxorem accipit, compedes accipit, quas sola mors possit excutere. Quid autem dulce esse homini soli possit? Si dulcis est libertas, sociam adsciscendam censeo, qua cum bonum istud tibi commune esse velis: Quanquam quid ista servitute liberius, ubi ita uterque alteri obnoxius est, ut neuter manumitti velit? Adstrictus es ei, quem in amicitiam recipis. At hic nemo libertatem adeptam clamitat. At vereris, ne liberis morte absumptis, orbus in luctum incidas. Si orbitatem times, ob id ipsum ducenda uxor est, quæ sola hoc præstare potest, ne simus orbi. Sed quid tu tam diligenter, imo anxie, omnia matrimonii incommoda disquisis, quasi cælibatus nihil habeat incommodi? Quasi vero ulla sit vita mortalium, quæ non sit omnibus fortunæ subiecta casibus. E vita migret oportet, qui nihil incommodi ferre velit. Quod si ad coelestem illam vitam respicias, mors hæc hominum vita est, haud vita dicenda. Sin intra humanam conditionem animum contineas, nihil est conjugali vita, neque tutius, neque tranquillius, neque jucundius, neque amabilius, neque felicius. Ab exitu rem specta, quatumquemque vides, qui semel expertus conjugium, non avide repetat? Mauricius meus, cujus eximia prudentia tibi non est incognita, nonne ab obitu conjugis, quam unice deamabat, altero mense duxit in thalamum novam sponfam? Non adeo libidinis impatientia, sed negabat sibi vitam videri vitam, absque conjuge rerum omnium consorte. Jovius noster, nonne jam quartam ambit uxorem? Sic adamabat vivas, ut nullam consolationem admissurus videretur. Sic una defuncta, ad faciendam thalami solitudinem properabat, quasi leviter illas amasset. Sed quid nos de honesto ac jucundo disputamus, cum non utilitas modo suadeat, verum etiam necessitas ad conjugium impellat? Tolle matrimonium, per paucis annis universum hominum genus funditus intereat necesse est. Xerxen illum Persarum Regem, cum ex edito loco ingentem illam ac vix ulli creditam hominum multitudinem intueretur, lachrymas non tenuisse dicunt, quod ex tot hominum millibus, post annos sexaginta, nullus omnino superfuturus esset. Cur quod ille de suis copiis intellexit, non etiam de universo hominum genere perspiciamus? Sublato conjugio, quotusquisque ex tot regionibus, provinciis, regnis, urbibus, cœtibus post centum annos supererit? Eamus nunc, & cælibatum miremur, qui æternam sit generi nostro cladem allaturus. Quæ pestis, aut lues a superis, aut inferis immitti possit nocentior? Quid ab ullo diluvio timeri possit acerbius? Quid tristius expectetur, etiam si Phaetontæum redeat incendium? At ex hujusmodi quidem tempestatibus multa relinquere solent incommoda.

Tarr. I.

Dd 2

lumia,

Voluptas
ab affini-
tate &
liberis.Refuta-
tio in-
commo-
dorum
matrimo-
nii.Zeloty-
pia.Libe-
tas.A spon-
sa.Orbita.
Violatio
quæ re-
torque-
tur argu-
mentum.Ab ovem-
tis.Ab nulli
ac ne-
cessario.

*Locus
communis.*

lunia, ex cœlibatu nihil reliqui fieri potest. Videmus quantum morborum agmen, quot casuum discrimina, noctes diesque hominum paucitati insidientur. Quot pestis absorbit, quot absorbet mare, quot Mavors abripit? Taceo enim de quotidianis mortibus. Circumvolat undique mors: ruit, rapit, properat quantum potest genus nostrum exstinguere, & nos cœlibatum miramur, conjugium fugimus? Nisi forte placet Essenorum institutum, aut Dulopolitarum, quorum gentem facinororum nunquam deficiens numerolitas propagat. Num expectamus, ut Jupiter aliquis nos eodem munere donet, quod apibus tribuisse dicitur, ut sine concubitu foeticemus, & posteritatis semina e flosculis ore legamus? An vero postulamus, ut sicut e Jovis cerebro Minervam progeneratam Poetæ fabulantur, ita nobis e capite liberi exsiliant? An denique ut juxta veterum fabulas, e terra veluti mures in Ægypto, e saxis projectis quod est in fabulis, e duris arborum truncis homines producantur? E terræ gremio permulta sine nostro cultu enascuntur. Plantulae sub umbra matris sæpe pullulascunt: at homini hanc unam propagandi viam natura esse voluit, ut mutua mariti, uxorisque opera mortalium genus ab interitu vindicaretur: quod si fugiant tuo exemplo mortales, ne ista quidem, quæ tu miraris, esse poterunt. Cœlibatum miraris, suspicis virginitatem? At nec cœlibes erunt, nec virgines, si conjugii usum sustuleris. Cur igitur prælata est virginitas? cur honorata, si exitium adfert mortalibus? Laudata est, sed pro tempore, sed in paucis. Voluit enim Deus hominibus cœlestis illius vitæ tanquam imaginem quandam & simulacrum ostendi, ubi neque nubent ullæ, neque nuptum dabunt ulli. Sed ad exemplum paucitas idonea est, multitudo inutilis. Quemadmodum non omnes agri, quanquam feraces, ad usum vitæ feruntur: sed pars negligitur, pars oculis pascendis colitur. At patitur hoc ipsa rerum copia, in tanta arborum amplitudine, exiguum partem sterilem relinquere. Verum si nulli serantur, quis non videat nobis ad glandes fore redeundum? Ita cœlibatus in tanta hominum multitudine, in paucis quidem laudem habet, in omnibus summam reprehensionem habiturus. Jam si maxime in aliis sit virtutis nomen habitura virginitas, in te certe vitiosa fuerit. Cæteri enim puritati studuisse videbuntur: tu generis parricida judicaberis; quod cum honesto conjugio propagare potueris, turpi cœlibatu passus sis interire. Liceat e numerosa sobole virginem Deo consecrare. Rustici frugum primitias superis immolant, non universum proventum: at te unum stirpis tuæ reliquias esse meminere oportet. Nihil autem refert, utrum occidas, an servare recuses, qui a te uno servari & poterat, & facile poterat. At sororis exemplum te ad cœlibatum adhortatur. At ista vel una re potissimum debet basæ cœlibatu deterri. Generis enim spem, quæ prius utrisque erat communis, nunc totam ad te unum revolutam intelligis. Detur hæc vena sexui, detur ætati. Puella dolore victa peccavit, stultarum muliercularum, aut stultorum Monachorum impulsu sese præcipitem dedit. Tu major natus, virum te esse meminere necesse est. Illa majoribus suis commori voluit, tu ne moriantur, operam dabis. Soror subdixit sese officio, tu duorum tibi partes obeundas esse cogita. Non dubitarunt filia Loth, cum patre temulento rem habere, fatius judicantes nefario etiam incestu generi consulere, quam pati interire. Tu matrimonio honesto, sancto, pudico, sine offensa, summa cum voluptate, non consules tuo generi alioquin intermorituro? Quare sinamus eos Hippolyti institutum imitari, sectentur cœlibatum, vel qui mariti fieri possunt, patres non possunt: vel quorum tenuitas liberis educandis non suppediat, vel quorum genus aliorum opera possit propagari: aut certe ejusmodi est, ut magis Reipublicæ conducatur intermoriri quam propagari: vel quos peculiaris quidam æterni Numinis favor, communi hominum sorte selectos cœlesti cuiusdam functioni destinavit, quorum mira est raritas. Tu vero cum teste Medico viro neque imperio, & minime mendaci, magnam posteritatem promittere videaris: patrimonium habeas am-

Confusio.

A simili.

A pari.

A maiori.

Exemplum cum collatione.

Epilogus totius declarationis.

plissimum, genus autem tum optimum, tum clarissimum, ita ut obliterari sine nefario scelere, magnoque Reipublicæ detrimento non possit, tum adit ætas integra, nec desit forma: offeratur vero conjunx puella, quæ neque integriorem, neque illustriorem ullam viderunt cives tui, pudica, modesta, pia, facie divina, cum dote amplissima: cum rogent amici, lachrymentur propinqui, instent affines, patria flagitet: ipsi majorum tuorum cineres e tumulis id ipsum te obtestentur, tu tamen adhuc contaris, adhuc cœlibatum cogitas? Si qua res parum honesta abs te peteretur, si qua difficilis, tamen vel tuorum vota, vel generis caritas animum tuum expugnare debuerat. Quanto æquius est id amicorum lachrymas, patriæ pietatem, majorum caritatem abs te obtinere, ad quod te divinæ pariter & humanæ leges hortantur, natura instigat, ratio ducit, honestas allicit, tot comoda invitant, necessitas etiam ipsa cogit? Sed jam argumentorum plus satis. Confido te jamdudum me monitore sententiam mutasse, animumque ad salubriora consilia appulisse.

Plurimum conducet in hoc suasio genere longe omnium utilissimo, diligenter exerceri. Dominatur enim fere in omnibus generibus. Primum igitur cujusmodi sit, quod persuadere cupis, attente est considerandum. Deinde quæ sunt in eo commoda omnia diligenter colligemus, & amplificabimus: contra vero si qua insunt incommoda, quæque illius animum posse deterere videntur, ea aut extenuabimus, aut removebimus, excogitatis quam plurimis rationibus, & rationum confirmationibus, ac locupletationibus. Qui loci incident communes, ad rem accommodandi sunt, velut hic incidebat, omnibus rebus insitam esse vim propagandi sui. Item mille morbis, mille casibus atteri genus humanum. Item quam nihil in hac vita jucundum sine consorte. Item senectutem ac mortem tolerabiliorem fieri, paratis liberis. Postremo vero videndum quibus argumentationum formis, aut quibus exhortationibus ea quæ excogitata sunt, quam commodissime possint explicari.

CAP. XLVIII.

DE GENERE DISSVASORIO.

IN dissuasione omnia incommoda colligemus. Hæc quemadmodum inveniri possint, mox paucis demonstrabimus, quæ quidem meditata, & tanquam ad manum habere oportebit. Proponat autem didascalus aliquod argumentum scite excogitatum, capita rationum, exempla, similitudines: & si volet dispositionem paucis ostendat, reliqua puerorum ingenii relinquant. Deinde illorum inventa castiget, mox palinodiam scribere jubeat. Nonnunquam etiam acuendi ingenii gratia, infames materias proponat. Veluti si quis suadeat paupertatem, exilium, ingratitudinem, ægrotationem, contemptum studiorum, neglectum linguarum, tyrannidem, ut vetulus vetulam ducat, ut domum ducat uxorem improbam. Nihil enim est ita natura bonum, quin ab ingenioso Oratore depravari possit. Hac exercitatione tum copia, tum promptitudo quædam, quavis de re dicendi parabitur. A me modo suatum est matrimonium, ubi pleraque ejus vitæ commoda collegi, contra autem cœlibatus incommoda exaggeravi. Incommoda vero matrimonii, quæ illic partim extenuavi, partim refelli, ea in palinodia erunt exaggeranda: contra, commoda aut vehementer deprimentur, aut commoda esse neganda.

Quonam igitur modo erit hæc palinodia instituenda? Aut hoc ipsum argumentum iisdem positis circumstantiis, in diversam partem tractabimus: aut fingemus amicum secum hæsitantem, utram vitam velit amplecti, aut jam nuptias animo destinasse. Et ut a circumstantiis discamus invenire argumenta, thema certis personis confectum proponemus, hoc pactò. Petrus adolescens, minimus fratrum suorum, summo ingenio, & jam literis imitatus, matris opera a schola revocatus, ab eadem ad ducendam uxorem sollicitatur, puellam, & divitem, & egregia forma. Pater neque uxori, neque filio refragatur, sed liberum illi permittit, ut eligat. Scribit nunc illi sodalis, æqualis, & socius studiorum, con-

De exercitatione hujus generis præcepta.

naturque illum a matrimonio detertere. Hic, ut conjugium quam miserrimum ostendat, omnes ejus vitæ ærumnas contrahet: primum ab ipsius conjugii natura. Adducet enim servitutem, & eam quidem, quam semel admissam effugere nullo modo possis. Nulla enim servitus, non misera esse potest, quum hominem natura libertatis avidum finxerit. Atque hic incidit locus communis, late tractabilis. Ad hæc, quum omnis servitus misera est, tum illa minime viro convenit, qua cogimur mulierculis inservire. Præterea quod mutua est servitus. Accedit etiam alterum incommodum, quod eam ipsam sustinere cogis & alere, cui inservis. Nam reliquis in servitutibus, servi ex dominis pendent, at illa ex te. Prius ibas, quo volebas: coenabas ubi volebas, vivebas quicum volebas, vagabaris, nugabaris, convivabaris, lufitabas, confabulabaris. Nunc domi desidendum, coenandum domi, cubandum domi, vivendum more illius. Quæ si facis, ubi dulcis illa libertas? Sin minus, lites domi paratæ, audienda jurgiosæ uxoris convitia. Resaugeri poterit per contentionem. Servus vernaculus, sive emptitius, vel precio dato, vel ex heri benignitate, sperat libertatem: hic sola mors habet jus manumittendi. At formosa est, non potest non esse voluptati. Imo si formosa est, certam miseriam effugere non potes. Nam si deformis esset, minus quidem animum voluptate oblectaret: at rursus metu minus angeret, minus procax esset.

Nunc quum formam suam non ignoret multo erit insolentior. Tum si parum pudica sit, qui tibi jucunda poterit esse vita? Sin pudica, quod haud scio an fieri possit, perpetuo metu cruciaberis, ne te non satis amet, ne corrumpatur, ne mutet animum. Nam si non ames, miserum est vivere cum ea, quam non ames. Sin ames, hæc omnia secum incommoda adfert amor, suspiciones, injurias, jurgia, rixas, & cætera. Præterea stulti est compedes suas quamvis aureas amare. Quid refert, lino, an serico fune stranguleris? Deinde extenuabis eam corporis voluptatem, qua negabis tantos dolores esse emendos. Est enim pecuina prorsus, plena fastidii, plus aloes quam mellis habens: indigna magnis ingeniis. An hæc una, tanti est, ut multo dulciores voluptates relinquant, & tot miseras adeas? Atque hic rursus incidit locus communis, adversus eam voluptatem, quæ ex coitu percipitur, quam quidam non inscite morbi comitialis speciem dixere, Plato escam malorum. Nulla res magis hebetat animi vigorem, nulla magis enervat vires corporis, nulla magis accelerat senium. Post hæc ostendat rem esse plenam periculosæ aleæ. Hic locus incidet odiosus, de vitiis fœminei sexus, quam paucæ bonæ aut pudicæ reperiantur, quam paucos non poenituerit initi conjugii. Hæc omnia quæ nimium frequenter accidunt ponet ob oculos. Uxorem rixosam, procacem, impudicam: breviter his moribus, ut quod frequenter accidit, maritum ad mortem adigat: perennes querelas, dotis exprobrationem, affinium grave supercilium, garrulam socrus linguam, suffocantem alieni matrimonii, liberos impios ac perditos, aliaque quæ plurima collegere, Juvenalis, Tertullianus, Hieronymus, & alii qui in vituperando matrimonio vires eloquentiæ deprompserunt. Atque hinc veluti gradu facto, descendet ad ea incommoda, quæ felix etiam matrimonium fere consequuntur: majorem rei domesticæ curam, studium augendarum facultatum, adipiscendorum honorum: huc enim exstimulat uxoris fœcunditas, morbum filiorum aut uxoris, mortem, luctum, orbitatem. Contra quæ voluptas sit in literis. Non posse quemquam simul, & uxori & Musis vacare. Quæ dignitas, quæque felicitas virginitatis. Hic per contentiones enumerabit, quæ relinquat, quæ subeat. Sed sine matrimonio genus humanum sustineri non potest, quasi vero desint, qui isto munere fungantur. Istuc aliis relinque, qui humanis rebus sunt nati, tu ad divina, ad cœlestia factus es. Sunt tibi fratres, quorum opera genus tuum possit propagari: tuum est illud non liberis, sed literis illustrare. Plures filios tibi parabis beneficiis tuis, quam quos possis gignere. Et sæpenumero fidelius amant, uxorem paris, quam quos genueris. Puta te tot habere filios, quot

A pueros, quot adolescentes, ad honestas literas, ac piam vitam institueris. Hi parentem non gravant sumptu, non discruciant alendi sollicitudine, imo potius alunt parentem. Et hic est locus communis, longe verius esse patrem, qui fingit, ac format animum, quam qui generat corpus. Ad horum omnium singula poterunt accommodari exempla, cæteraque quibus ostendimus orationem locupletari. Hæc indicasse suffecerit, ne plus satis oneremus lectorem.

CAP. XLIX.

DE CONSOLATORIA EPISTOLA.

Q Uum vita mortalium undique plena sit calamitas, neque multos reperire liceat, quos suæ fortunæ non poeniteat, nullum officium incidit frequentius, quam ut amicorum animos consolando subleves. Neque vero mediocre beneficium est, tempestiva & amica consolatio: qua quoties in rebus afflictis, eorum quibus bene volumus ægritudini re mederi non licet, verbis saltem lenimus dolorem. Verum scite id ipsum faciamus oportet, ne velut imperiti Medici vulnus crudum adhuc & recens exulceremus potius quam mitigemus. Proinde triplex erit ratio tractandæ consolationis: una simplex & aperta, per quam argumentis declaramus non esse causam dolendi: quum viro sapienti nihil accidere possit triste præter turpitudinem, neque a quoquam lædi possit, nisi a seipso. Hujusmodi validis pharmacis utemur, quoties nobis cum Philosopho, aut alioqui viro cordato res est. Altera per insinuationem sumenda, quoties aut animus est infirmior, aut dolor recentior, acerbiorve, quam ut aperte patiat sibi admoveri manus. Siye quum erectior est animus ejus, quem consolamur, quam ut videri velit opus habere consolatore. Nam quemadmodum sunt quidam animo tam excelsi præditi, ut quum ægrotent graviter, tamen pudeat Medicum accersere, quod ignavum, ac forti viro pudendum existiment ægrotare: ita sunt qui pudore quodam generosæ mentis, quamlibet magnum dolorem animi premunt ac dissimulant. His hac arte erit obrependum, ut negemus nos consolandi gratia scribere, quum multis modis perspectam habeamus illius eximiam sapientiam, tum infractam animi magnitudinem omnibus fortunæ procellis majorem; tamen etsi fatebimur casum esse ejusmodi, ut alium quemlibet facile possit dejicere, tamen non dubitare nos, quin homo a puero veræ Philosophiæ præceptis institutus, longo rerum usu doctus, ad hæc invicto quodam animi robore præditus, fortiter ferat, quod ex communi mortalium lege, vitari non potest: nos illius fortitudini gratulari velle potius, quam dolori mederi. Priori incommodo sic medebimur, ut ejus, quem consolari volumus affectum in nos transferamus, sic attemperantes orationem ut nostro dolori magis obsequi, quam illius ægritudinem mitigare velle videamur. Hac arte M. Tullius Milonis causam agens, sic se in se transfert, quo judicum animis metum eximat. Siquidem quos dolor adhuc totos possidet, non aliter tractandi sunt, quam isti, qui ob morbo viciatum animi iudicium, sibi videntur esse cornuti, aut naso in longum prominenti, aut mortui, aut testacei. Oderunt dissentientes, amant eos, qui per dissimulationem ipsorum imaginationi assentantur. Proinde qui his mederi student, nonnunquam simulant sese eodem teneri malo. Porro contracta benevolentia, facile persuadent remedium, ac paulatim obrepentes, tandem eximunt falsam imaginationem. Itidem agendum erit cum his, quorum animus nondum admittit manum medicantis. Dicemus nos ipsos ad consolandum parum esse idoneos, qui non minus angamur animo, quam is ipse, quem confirmare deberemus. Deinde doloris causas etiam exaggerabimus, eamque exaggerationem non solum a recipi, sed ab ejus etiam qui patitur indignitate sumemus, non sine laude quadam ejus injuriam quam plurimis bonis viris dolere dicemus. Quod ubi erit factum, tum medicamentum adhibebimus: hic omnia quæ dolorem lenire possint, diligenter colligemus. Id fiet, si ipsum malum in quod incidit, verisimiliter extenuabimus: & bonum

unde excidit, quantum licet elevemus. Malum extenuabimus, si minime diuturnum fore ostendamus. Solent enim patientius ferri incommoda, quæ brevi finem habitura putentur, præsertim si eam incommoditatem magna aliqua spes sequutura monstretur. Hic omnes rerum conjecturas diligentissime dispiciemus, quibus eam spem quam maxime probabilem efficiamus. Unde autem conjecturæ sumantur, Rhetorum de statu conjecturali præceptiones haud obscure demonstrant: & Ciceronis cum multæ, tum illa in primis ad Cecinnam Epistola, exemplo esse potest, ubi idem facete suo more, tanquam augurandi disciplinam quandam tradere videtur. His omnibus assentationem quandam admiscebimus.

*Alter
modus
extenuandi
malum.*

Quod si ejusmodi sit incommodum, ut diuturnum videri necesse sit, aliis extenuandi rationibus utemur. Aut enim non esse incommodum, aut non esse tam grave, quam apparet, nitetur ostendere. Id faciemus, si quicquid erit in eo commodi, id accurate cum amplificatione quadam indicemus. Nullum enim tam grave malum homini potest accidere, ex quo non aliquid commodi decerpi queat. Si negabimus ullum esse malum existimandum, quod citra culpam homini obtigerit, quemadmodum docet Aristoteles, jucundam esse maiorum recordationem, quæ cum honesta fama conjuncta sunt: ita levius ferimus, quæ nostra culpa contracta non sunt. Hic Philosophorum rationes & præter cæteros Stoicorum plurimum adjuvabunt: si ejusmodi calamitatem, vel famæ ejus profuturam, vel gradum quandam ad maxima commoda jactum esse ostendamus. Solent enim summa virtus, summaque felicitas a durissimis initiis plerumque proficisci: idque exemplis approbavimus, si Theologico more ejusmodi tempestatem a Superis propitiis immisissam dicemus, corpori quidem molestant, sed animæ salutarem. Nihil autem æque dolorem levat, teste Cicerone, ut communis tanquam legis humanæ conditionis recordatio: quare id mali, illi cum universo mortalium genere, vel certe cum clarissimis optimisque viris quam plurimis commune esse declarabimus. Hic illustrium virorum exempla, qui in eisdem luctus inciderunt, aut certe similes: quique eos fortissimo animo, maxima cum laude tulerunt, accumulabimus. Postremo ad exhortationem veniemus: ad pristinam animi tolerantiam, magnitudinem, sapientiam, eruditionem vocabimus. In conclusione omnem operam, studium, diligentiam, & ipsi, & ejus filii, ac necessarii deferemus. In consolando jocus erit vehementer fugiendus, nisi leve sit incommodum, ut joco possit exhilarari. Tum si modo cui scribimus, is erit, qui hujusmodi rebus capiat, quam blandissime jocandum erit, ita tamen, ut veras consolationes cum jocis permisceamus. Præterea cavendum, ne non tam amice consolari, quam præcipere videamur, nisi vehementer erit familiaris, cui scribimus: ne tanquam sani ægrotantibus imperemus: ne quid de nostra, aliorumve felicitate commemoramus: ne Tityrum illum Virgilianum rustice imitemur. *O Melibæe, Deus nobis hac ocia fecit.* Ut enim societas miseriam levat, ita alienæ immunitatis recordatio, ægritudinem exasperat. Quæ quum satis diligenter præcepta putem, exemplum adjiciemus.

*Argumentum
sive the-
ma Epi-
stola.
Epistola
consola-
toria
exilii.*

Canidius vir in Republica sua præclarus, per invdiam factionum adversarum ejectus, in longinquis regionibus exulat, relicta domi uxore, parvisque liberis, eum amicus consolatur. Officium meum tibi, ut a quo persæpe meo in luctu fuerim amantissime confirmatus, vicissim in tuo tristissimo casu deberi quidem agnosco: sed te nihilegere gaudeo. Ita enim fortiter, sapienterque exilium ferre audio, ut nos, qui tui desiderio angimur, tua potius, quam tu nostra consolatione simus sollevandi. Næ tu sane vir fortissime, nihil a tuis studiis alienum facis. Ita enim a puero, & optimis majorum institutis, & Philosophiæ rationibus animum præparasti, ut nullus te fortunæ flatus, nec secundus erigere, nec adversus possit dejicere. Non quo te tam acerbi vulneris sensu omnino carere putem: Id enim stupentis magis, quam excellentis animi videtur. Quis enim tam læxæ pectore sit, qui, quod tibi evenit, quum pro sum-

mis in Rempublicam meritis, summam contumeliam acceperit, tanta ingratitudine non permoveatur? Quis tantum oblivionis ex illo Lethæo flumine bibit unquam, ut nullo natalis terræ, amicorum, uxoris, liberorum desiderio teneretur? Non tibi doleat vulnus qui acceperis, quum multis non tuis modo, verum alienis, bonis tamen, doleat? Quare si te dolere vetem, inhumanissimus plane videar: tamen si affirmare ausim, permultas esse causas, cur tu malum moderatius ferre debeas: quod si etiam diuturnum fore videretur, tamen erat quo te sustentares. Nempe in primis tua virtute, literis, conscientia recte factorum: qua quidem nulla est in rebus adversis, vel verior, vel præsentior consolatio. Nunc certissimo augurio brevi futurum spero, ut tibi de honestissimo reditu gratulemur: omnesque existiment æmulo tuos, qui tuam salutem extinguere credebantur, dignitatem tuam vehementer illustrasse. Id quidem ego, augurium ne vanum putes, certissimis signis, partim quidem a tua virtute, & maximis in Rempublicam officiis, partim a temporum natura colligo. Eam enim in te sapientiam, integritatem, industriam, nostra Respublica domi bellicque experta est: ut & si tu pro animi tui magnitudine, patria carere facile posses, illa certe tali cive diutius carere omnino non sustineat. Cur igitur sic meritum ejecit, inquires? Rerum publicarum temperates nosti: nec vulgi animos ignoras, quibus nihil instabilius: qui procellarum in morem sursum ac deorsum fluctuant, nec quemquam constanter, aut odisse solent, aut amare. Ita est humanum ingenium, virtutis, nec præsentis fulgorem, nec absentis desiderium ferre possumus. Præsentem, ut Flaccus ait, odimus, sublatam ex oculis, quærimus invidi. Camillum virum clarissimum, cujus in pace splendorem Romana Respublica ferre non potuit, afflictis in rebus, coacta est revocare: nec prius quam expulisset, qualem civem habuisset, civitas alioqui sapiens intelligere potuit. Itaque quum absenti patriam reddidissent, & dictaturam non ambientem decrevissent, imperium quod a civibus descerebatur, ab exule defensum est. Socratem, virum omnium quos terra produxit optimum, Anyti & Meliti calumnia undecim viri veneno damnarunt: quem ubi desiderare coepit civitas Atheniensis, repente omnium converfis animis, in ipsos accusatores publicus est impetus factus. Socrati statuæ erectæ. Serius quidem illi, quam Socrati commodum erat respuerunt: tu nondum ita cecidisti, quin facile restitui possis. Jam multos quos tuus in Republica splendor urebat tui desiderium cruciat: factionis adversæ qui sunt, partim amicorum precibus victi, partim absentia tua, partim ipsa die mutati, posuerunt odium, nonnulli ad amicorum tuorum partes transfugerunt. Nemo certe est, qui non mitius oderit. Peropportune vero bellum oritur, & magnum, & periculolum, & quidem cum iis ipsis, quos aliquando tua virtute coercitos meminerunt. In quo quum vehementer Respublica tuam operam sit desideratura, in certam spem adducor fore, ut qui ab ingratis civibus fueris ejectus, a supplicibus revoceris, ut non tam acerbum fuerit ejectum fuisse, quam gloriosum sic fuisse revocatum. Habes augurium meum: quod ita meum est, ut idem amicorum tuorum nemo non speret, inimicorum nemo non metuat. Quo si quid addubitarem, non uterer ullis remediis potius, quam illis: quibus te virum fortem facile sustentari video, quibusque ipse utor quotidie, & te uti facile suspicor.

Optima consolatrix Philosophia, quæ non unum ali-
quod malum, inanibus fomentis lenire, sed ad omnes
fortunæ incursus, animum armare solet. Hujus, ut ita
dicam, lacte quum ab ipsis sis incunabulis enutritus,
quid ego sus Minervam, aut ululas Athenas? sed tamen
pro tua modestia memorem, ajunt, te moneri patieris,
videlicet ut hominis felicitatem, non in fortunæ teme-
ritate, sed in animo esse sitam memineris. Patriam, opes,
honores, cæteraque munera sua, fortuna potest eripe-
re: animum sapientem, neque dare, neque eripere po-
test. In te ipso omne præsidium tuum constitutum esse
cogites: sapienti viro, præter turpitudinem, nihil acerbi
posse accidere. Virtutem seipsa contentam, non e-

*A perso-
na.*

*Consu-
latio.*

*Exem-
pla.*

*Facit
verifi-
catis.*

*Conso-
latio
Philoso-
phorum
decretis.*

*Para-
doxa.*

ca-

casuum mutabilitate pendere. Non cruciari, sed cruciati dignum admittere, in malis est numerandum. Tuae virtute involvas oportet. Exilium dolet? Non tu miser, qui immeritus pateris: sed ii longe miserrimi, qui immerentem ejecerunt. Infelicius enim longe est, facere injuriam, quam accipere. Patriam ingratis civis eripuerunt: animi magnitudinem, virtutem, integritatem, eruditionem, honestam famam, eripere non potuerunt, nec poterunt. At hoc ipsum dolet, quod optime meritis ab ea Republica quam saepenumero tua virtute servaris, exulas. At istuc maximam ægritudinis partem levare deberet. Socrates, vir integritate laudatissimus, venenum bibiturus, uxorem ejulantem, deplorantemque quod innocens esset moriturus, objurgans: Stulta, inquit, nocentem ne mori mallets? At

Quod venit ex merito, leviter, lenteque ferendum:

Quæ venit indigno pena, dolenda venit.

Confusio.

Confusio.

Sententia mixta simili.

Apophthegma.

Exemplum fabulosa.

Exemplum confusum.

Mitigatio mali a communis.

Exemplum Graecum.

Exemplum Romanorum.

Subjunctio.

Vulgi ista sententia est, & stultitiæ plena. Sapienti vero, quæ major esse possit consolatio, quam ex recte factorum conscientia, quæ quum aderit, etiam si fractus illabatur orbis, impavidum ferient ruinae. Omne solum forti patria est. Egestas, exilium, bellum, non mala, sed materia virtutis sunt. Crescit enim, & alitur adversis rebus animi vigor, perinde ut ilex, quæ quo diligentius duris bipennibus tondetur, eo latius ramos diffundit. Darius se rebus adversis prudentiorem fieri dicebat. Ego vero ita existimo multos egregios viros, fortunæ sævitia non prudentiores modo, verum etiam clariiores evasisse. Num Hercules gloria per orbem sic emanare potuisset, nisi illi Juno tot monstra, tanquam virtutis materiam objecisset? Ulyssem equidem non tam bellicis rebus, quam tolerantia malorum, quibus decennium est jactatus, immortale nomen adsequutum puto. Cedunt ipsa interdum feliciter mala, & a superis propitiis immittuntur. Multos tibi recensere possem, quibus ita cessit exilium, ut optandum fuisse videretur: qui quum in patria, vel obscuri, vel invidiosi vixissent, apud externos, & rem amplissimam, & summos honores sunt assequuti. Claudium virum nobilissimum a civibus in exilium actum, Gallia excepit. Jam exul adeo locuples, clarisque est, ut non modo patriam non desideret, verum etiam quod non ante reliquerit, poeniteat. Petrum Aliacensem Cameracensis civitas Episcopum eiecit, Roma ex exule fecit Cardinalem. Multa apud nostros, ad gloriam virtutis via grassantibus obstant, æmulatio, invidia, postremo virtutis, & splendoris satietas quædam. Quare cum ex his rebus, quas tu semper es admiratus, & in quibus felicitatem constituendam judicavisti, nihil tibi decessit, nihil est, quod te his casibus vehementer affliges, quibus natura universum hominum genus subjectum esse voluit. Hac enim lege nascimur omnes ut omnibus fortunæ casibus subjaceamus. Sic libitum est fortunæ in rebus humanis ludenti, indignos attollere, optimum quemque dejicere, læta miscere tristibus. Quid autem acerbum videri potest, cujus conditio tibi cum omnibus est communis? Repete cogitatione, & veteres, & recentes annales. Quem tu Regem, quem Ducem, quem clarum virum ab hoc sævo fortunæ ludo immunem fuisse comperies? Quoties illa e domino servum, e Rege captivum, e Consule Rhetorem, e triumphatore exulem, ex patriæ conservatore hostem patriæ fecit? Quid unquam habuit Græcia Alcibiade vel generosius, vel fortius? At hic ubi splendore suo invidiam suscitasset, ex ea Republica quam multis victoriis illustrasset, in exilium eiectus est. Aristides ob invidiam, quod ob morum incorruptam integritatem vulgo Justus cognominaretur, ostracismo damnatus solum vertere iussus est. Quid Phocione justius? At hunc etiam venenum bibere coegit. Quid Socrate castius? At huic sua virtus exitium attulit. Quid de Scipione dicam? quid de Bruto, quid de Catone, quid de Cicero, qui ea Republica carere compulsi sunt, quam magno suo periculo ipsi servassent? At quanto animo sapientissimi viri, civium injurias tulerunt? Nimirum intelligebant virtutem suam, & gloriam bene gestis partam, non in ingrata patria residere, sed una in exilium comitari. At frustra suam operam in ingratis civibus contule-

rant. Minime. Quid ita? quia non ut in patria senescerent, ea pericula susceperant, sed ut æternam sibi famam compararent. Exules tamen erant. Minime. Quamobrem? Eam enim pro patria habere desiderant, in qua talibus viris locus non esset. Ubique bene sumus, in patria sumus. Quare non magno ejus desiderio tenebantur, ubi minus tute, quam in exilio vivendum intellexerant. Numidico Metello, qui ob summam animi constantiam eiectus erat, quum in spectaculo sedenti, literæ revocationis redderentur, ne aperendas quidem putavit, ante quam ludi finirentur. Et Metellus quidem Roma negligenter plane carebat, sed Metello Roma carere non potuit. Quam ob rem non poterat? quia cujus præsentis animi magnitudine cives invidi cruciabantur, ejus absentis industriam requirebant. Ille vero exulem se esse non meminit, ne afflictum quidem aut miserum putabat. Cur ita? Nimirum persuasum habebat eos, qui rem exilio dignitatem admittent, miseros esse: eos vero, qui ob virtutis intuitum exularent, non supplicium, sed gloriæ materiam accepisse. Secundis enim in rebus animum magnum obtinere non magni negotii est. At sæviente fortuna, animo non frangi, sed æquabilem mentis statum tenere, id vero longe pulcherrimum putatur. Tu vero quum sis istis viris, neque rerum usu, neque animi magnitudine inferior, literarum etiam peritia superior, strenuos gubernatores debes imitari, qui quum maxime adversa tempestas incumbit, tum minime a clavo discedunt. Neque enim magni artificii est, tranquillo mari, ventisque ferentibus, rectum tenere cursum, sed egregium nauclerum tempestas arguit adversa. Et quoniam mare ingressis, venti in manu non sunt, iis qui contigerunt æquo animo utendum erit. Adde fieri nonnunquam, ut venti nimium secundi, plus periculi adferant, quam adversi: cogunturque plus æquo turgentia vela contrahere. Rebus enim plus satis ex sententia procedentibus, facile præcipites in exitium ferimur: adversis vero, ut cautiores, diligentioresque, ita tutiores nonnunquam sumus.

Quapropter cordatis viris fortunæ favorem semper suspectum esse video, quæ tum maxime insidiatur, quum blanditur maxime. His ego te rationibus facile confirmassem: quanquam quale est Herculem velle consolari: nisi jam certa de reditu tuo spes omnium tuorum animos obtineret. Tu fac, ut animi virtutem domi, bellique spectatam in ista interim palæstra parem obtineas. Mihi liberorum tuorum negotia tantæ sunt curæ, ut ne tibi quidem ipsi majori esse possint. Vale.

Quanquam autem orbitati & exiliis potissimum adhiberi solet consolatio, tamen licebit & alia themata comminisci variis de rebus quæ molestiam adferunt: veluti de morbo corporis, de valetudine parum prospera aut firma, de senectute, de parum bonis avibus contracto matrimonio: cujus frustra poenitet, de Monachali instituto: de Sacerdotio, aut alio vitæ genere, cujus tædet eum, qui sese addixit: de generis infelicitate, de conditionis humilitate, de paupertate molesta, de invidia, de rebus aliquo casu ereptis: de beneficiis penes ingratum hominem depositis: de liberis improba vita dehonstantibus parentem, de pestilentia, de bello, cæterisque innumeris. Nam hos veluti fontes visum est indicare præceptoribus, unde sumant subinde novum thema.

S Y L V A.

Quapropter hoc te primum rogo, ne contrahas, aut demittas animum, neve obrui, tanquam fluctu, sic magnitudine negotii finas, contraque erigas, ac resistas, live etiam ultro occurras negotiis. Nullus dolor est, quem non temporis longinquitas minuatur, atque molliat, & cui non callum obducatur. Homines nos esse meminimus, ea lege natos, ut sub telis fortunæ proposita sit vita nostra. Neque esse recusandum, quominus ea qua nati sumus conditione, vivamus: neve tam graviter eos casus feramus, quos nullo consilio vitare possumus. Eventisque aliorum memoria repetitis, nihil accidisse nobis novi cogitemus. Homines sapientes, turpitudine non casu, & delicto suo non aliorum injuria commo-

veri

vei debent. Conscientiam rectæ voluntatis, maximam consolationem esse rerum incommodarum, nec esse ullum magnum malum, præter culpam, memineris.

Cicero. Est omnino difficile, non graviter id ferre, sed tamen animos nostros maximis in rebus gerendis, & sustinendis exercitatos, frangi & debilitari molestia non oportet. Quoniam molestissime homines ferre debent, quæ ipsorum culpa contracta sunt.

Tu fac animo magno fortique sis, speresque fore, ut fracto impetu levissimi hominis, tuam pristinam dignitatem & gloriam consequaris.

Cic. Epist. Jam. Me in summo dolore, quem in tuis rebus capio, maxime scilicet consolatur spes, quod valde suspicor fore, ut infringatur hominum improbitas, & consiliis tuorum amicorum, & ipsa die, qua debilitantur cogitationes, & inimicorum, & proditorum. Facile secundo loco me consolatur recordatio meorum temporum, quorum imaginem video in rebus tuis.

Lib. 4. Epistola: *Vehementer te esse sollicitum.* Eodem, Epist. *Postquam mihi.* Eodem, *Neque monere te audeo.*

Reliquum est, ut consoler, & afferam rationes, quibus te a molestiis coner abducere. At ea quidem facultas, vel tui, vel alterius consolandi, in te summa est, si unquam in ullo fuit. Itaque eam partem, quæ ab exquisita quadam ratione, & doctrina proficitur, non attingam, tibi totam relinquam. Quid sit forti & sapiente homine dignum, quid gravitas, quid altitudo animi, quid acta tua vita, quid studia, quid artes quibus a pueritia floruisti, a te flagitent, tu videbis.

Extremum illud est, ut te horter & obsecrem, animo ut maximo sis: nec ea solum memineris, quæ ab aliis magnis viris accepisti, sed illa etiam, quæ ipse ingenio studioque peperisti: quæ si colliges, & sperabis omnia optime, & quæ accident, qualiacunque erunt, sapienter feres. Sed hæc tu melius, vel optime omnium.

Quare non debes, aut propriam fortunam, aut præcipuam postulare, aut communem recusare.

Lib. 5. Epistola: *Et si unus ex omnibus,* tota. Eodem, *Et si egomet,* &c.

Sed ut illa secunda moderate tulimus, sic hanc non solum adversam, sed etiam funditus eversam fortunam, fortiter ferre debemus: ut hoc saltem in maximis malis boni consequamur, ut mortem, quam etiam beati contemnere debebamus, propterea quod nullum sensum esset habitura, nunc sic affecti, non modo contemnere debeamus, sed etiam optare. Tu si me diligis, fruiere isto ocio, tibi que persuade, præter culpam ac peccatum, quo semper caruisti, & carebis, homini accidere nihil posse, quod sit horribile, aut pertimescendum.

Lib. 6. Epistola: *Et si ea perturbatio,* &c.

Sin omnino interierint omnia, fueritque is exitus, quem vir prudentissimus M. Antonius jam tum timebat, cum tantum instare malorum suspicabatur: misera est illa quidem consolatio, tali præsertim civi, & viro, sed tamen necessaria: nihil esse præcipue cuiquam dolendum in eo, quod accidat universis. Quæ vis inest in his paucis verbis (plura enim committenda Epistolæ non erant) si attendes, quod facis, profecto etiam sine meis literis intelliges, &c.

Ita enim vivere, ut non sit vivendum, miserrimum est: mori autem, nemo sapiens miserum duxit, ne beato quidem.

Sed in ea es urbe, in qua hæc vel plura, & ornatiora, parietes ipsi loqui posse videantur, &c.

Ego tibi hoc confirmo, & si levis est consolatio ex miseris aliorum, nihilo te nunc majore in discrimine esse, quam quemvis aut eorum qui discesserint, aut eorum qui remanserint. Alteri dimicant, alteri victori timent. Sed hæc consolatio levis, illa gravior, qua te uti spero, ego certe utor. Nec enim dum ero, angar ulla re, cum omni vacem culpa: & si non ero, sensu omnino carebo. Sed rursus, *γλαυκά τις ἀθήνας*, qui ad te hæc.

Lib. 6. ex Epistola: *Novi quid ad te.* Ab eo loco. *Hoc loco si videor augere,* &c.

Quod reliquum est, quando tibi virtus, & dignitas tua redditum ad tuos aperuit, est tuæ sapientiæ, magni-

A tudinisque animi, quid amiseris, oblivisci, quid recuperaveris, cogitare. Vives cum tuis, vires nobiscum. Plus acquisivisti dignitatis, quam amiseris rei familiaris, quæ tamen ipsa esset jucundior, si ulla esset Respublica.

Lib. 6. ex Epistola: *Gratulor tibi, mi Balbe.* Ab eo loco: *Mihi tamen placuit, mi Balbe.*

Tua me calamitas vehementer excruciat, meis incommodis modice tangor.

Tu fac habeas fortem animum, quem semper habuisti: primum ob eas causas, quas scripsi: deinde quod ea de Republica semper voluisti, atque sensisti: ut non modo secunda sperare debeas, sed etiam si omnia adversa essent, tamen conscientia & factorum & consiliorum tuorum, quæcunque acciderent, fortissimo & maximo animo ferre deberes.

Quamobrem fac animo magno fortique sis: & si turbidissima sapienter ferres, tranquilliora late feras.

Dereliquo, ut te sæpe per literas hortatus sum, ita velim tibi persuadeas, te in hac causa nihil habere, quod timendum sit, præter communem casum civitatis: qui & si est gravissimus, tamen ita viximus, & id ætatis jam sumus, ut omnia quæ non nostra culpa nobis accident, fortiter ferre debeamus.

Vacare culpa magnum est solatium, præsertim cum habeam duas res, quibus me sustentem, optimarum artium scientiam, & maximarum rerum gloriam: quarum altera mihi vivo nunquam eripietur, altera ne mortuo quidem.

Lib. 9. Epistola: *Delectaverunt me literæ tuæ,* locos habet consolatorios.

Ac ne sis perturbatus. Novi enim te: & non ignoro, *Ad Adricum.* quam sit amor omnis sollicitus, atque anxius. Sed res est, ut spero, non tam exitu molesta, quam aditu.

Sed ad hæc omnia una consolatio est, quod ea conditione nati sumus, ut nihil, quod homini accidere possit, recusare debeamus.

Ex Lib. ad Brutum, tota, & elegans: *Fungerer officio.*

EX EPISTOLIS PLINII SECUNDI.

Quibus ex causis necesse est, tanquam immaturam mortem ejus in sinu tuo defleam: si tamen fas est aut fieri, aut omnino mortem vocari, qua tanti viri mortalitas magis finita, quam vita est. Vivit enim, vivetque semper: atque etiam latius in memoria hominum, & sermone versabitur, postquam ab oculis recessit. Volo tibi multa alia scribere, sed totus animus in hac una contemplatione defixus est. Virginium cogito, Virginium video, Virginium jam vanis imaginibus, recentibus tamen audio, adloquor, teneo: cui fortasse cives aliquos virtutibus pares, & habemus & habebimus, gloria neminem.

Ut enim crudum adhuc vulnus, medentium manus reformidat, deinde patitur, atque ultro requirit: sic recens animi dolor consolationes rejicit, ac refugit, mox desiderat, & clementer ad motus acquiescit.

Torqueor quod discipulum ut scribis, optimæ spei amiseris, cujus & valetudine, & morte impedita studia tua quid nesciam, cum sis omnium officiorum observantissimus, cumque omnes quos probas, effusissime diligas?

Isdem nunc ego te, quibus ipsum me hortor, moneo, confirmo. Et gaudium mihi, & solatium in literis: nihilque tam lætum, quod his lætius: nihil tam triste, quod non per has minus triste. Tamen in magna consolatione, ingens est sollicitudo.

CONSOLATORIÆ SYLVA MEA.

F Valeat illa vulgi sententia, ubi non sis qui fueris, non est cur vivere velis. Quæ si minus potest tota displicere, cogita non tantum qui nuper fueris, sed qui olim: neque tantum obversetur animo tuo, unde cecideris, sed etiam unde surrexeris.

Abstine a viro muliebris illa vox, dum mea me victum doceat fortuna dolere. Imo te ratio reddat adversus omnes vitæ casus invictum, ut propellas animo dolorem, non ut assuescas.

Tibi recti conscientia, & bonorum judicium pluris esse debet, quam invidiorum hominum sermo.

Magis te confirmare debet, paucorum insignium, & pro-

probatissimorum hominum grave testimonium, quam inepti vulgi fabulæ.

Levius ista ferēs, si præcipias animo, quid posteritas de te loquutura sit potius, quam tuum seculum, cui livor adimit iudicium.

Neque tantum de fortuna tua ademisse, quantum ad nominis tui gloriam addidisse æmulatorum tuorum injuria mihi videtur.

Non hic tui consolandi officium mihi sumpsi, quod minus magnifice de animi tui magnitudine sentirem: sed quemadmodum gubernatores optimi vim tempestatis, ita viri fortissimi fortunæ impetum superare interdum non possunt.

Non me fugit, quam grave vulnus acceperis ex uxoris obitu. Amisisti foeminam singularis exempli, etiam si priscis seculis vixisset. Quam illa marito verecundiam præstitit, quum ipsa summam mereretur? Quam multas quam eximias virtutes, ex diversis ætatibus, ex variis matronis collectas, ac mixtas una expressit? Tamen hoc tibi debet esse magno solatio, quod tantum bonum tam diu possederis. Vixit enim tecum annos quadraginta quatuor, sine jurgio, sine offensa. Sed hoc ægrius fero iniquos, quo tenui diutius. Nam gustatas tantum voluptates facilius obliviscimur. At vide ne ingrati sit hominis, tantum cogitare quid amiseris, non meminisse quam diu frui sis. Certe prudentiæ tuæ fuerit, non committere, ne hoc valeat apud animum tuum ratio, quod alioqui necessitas ipsa, & dies longa, & satietas doloris inducit.

Communis dolor. Tu nepotibus, ego pronepotibus orbatus sum. Sed spero futurum ut alii nati, dolorem hunc gaudio mutant, quando salva est unde hoc sperare licet.

Multum ab istis dissentio, qui in gravi dolore putant hominem sibi relinquendum, donec vulnus tempore mitius, medicam admittat manum. At ego quemadmodum primum arbitror, animum Philolophiæ præceptis, adversus omnes malorum incursum, veluti antidoto præmunitum habere: ita proximum arbitror, statim repugnare dolori, ne veluti morbus jam familiaris factus, nullis remediis possit exigi.

Scribis dolorem, quem ex uxoris obitu conceperas non solum non leniri die, sed indies etiam incrudescere.

Quo magis cenfeo velut in vetere morbo ad quælibet mutationis auxilia confugiendum. Sunt balnea, rusticatio, negotiorum cura, studia literarum, peregrinatio, spectacula, contentio cum adversariis, publici magistratus functio. Horum atque his similia, nunc hoc, nunc illud tentandum est. Fortassis incidēs tandem in aliquid, quod ægritudinem istam animi, vel sanet, vel ceu clavus clavum protrudat.

CONSOLATIO FAMILIARIS CVM OBJURGATIONE MEA.

Tene sic angī, sic animo jacere? Quorsum tandem attinet, ut te afflictes, ut te lachrymis conficias? An ista malum lenient, an non potius exacerbabunt? Quorsum attinet tam misere deplorare, quod mutari non potest? Ubi nunc est illa animi tui constantia: ubi literæ, quibus aliorum dolorem levare consueveras? Aliis mederi potuisti, tibi nihil prodes. Ipse tibi nunc Medicus sis oportet. Cur frustra & te ipsum lachrymis, & amicos querelis exanimas? Quæ est ista animi impotentia, quæ mollicies? Num te virum esse oblitus es? Itane ista tam graviter fers? quasi vero ista tibi uni contigerint, aut tanta sint, ut aliis non multo etiam acerbiora evenerint. Quid vel tuo animo vel doctrina indignius quam sic angī, sic frangi, sic te ipsum abjicere, quo modo ne mulier quidem ulla posset? Neque enim video, quem fructum adferre possint inanes lachrymæ, & querimoniæ. Nam si ejusmodi malum judicas, ut ad salutem reflecti nequeat, cur luctu duplicas incommo- dum? Si spes est, cur non ea potius te sustentas: atque id agis, qua ratione quam primum ex istis malis queas emergere? Si desperas, memineris illud, in istiusmodi rerum conditione bonum animum, dimidium adimplere mali. Sin speras: cur perinde, tanquam in re desperatissima te maceras?

Audio te tam graviter angī, ut ex luctu, mentis etiam

A errore afficiaris. Deum immortalem quid tibi vis? Quin tu potius obduras, ac servas te rebus secundis? Cur tu & amicis luctum auges: & inimicis voluptatem præbes: & te ipsum indigne conficis?

Tu contra audentior sis,

Quo tua te fortuna sinet.

Ducunt volentem fata, nolentem trahunt.

B Tu, dum ista conscientia, iste animus, ista virtus, istæ literæ, ista rerum gestarum memoria te comitabitur, cave te putes exulem ubicunque locorum, quocunque sub cælo erit vivendum, etiam si ultra Getas relegatus esses. Sed quid ego sus Minervam? Facit sane non loquacitas mea, sed benevolentia longiores Epistolæ. Vale.

CONSOLATIO JOCOSA ET FAMILIARIS.

Quod te lachrymis conficis, non miror, qui puellam amiseris, nondum totos sexaginta septem annos natam, idque relicta dote satis opima. In hoc tibi scribere visum est, ne doloris magnitudine victus tibi manus adferres. Priusquam exstilles lachrymis, fac juxta proverbium, vivorum memineris.

C Tua puella redibit nunquam. Alioqui matrem deflere videberis. Mitto tibi strophium, quo lachrymas extergeas, & succum medicum, quo lippitudini fletu contractæ medearis. Clama te miserum, sed nunquam efficies, quin istam miseriam tibi complures invidiant.

Nisi desinis macerare te, vereor ne populus in te jactat convicium illud: Πρὸς τὸν μητρὸς τὰ φρον δακρυῖ.

CAP. L.

AD CONSOLATIONEM RESPONSIO.

J Am quibus modis respondendum sit consolatori res ipsa dabit consilium. Nam ferme gratias agimus primum pro officio, deinde laudamus ingenium, quod nihil adduci potuerit ad leniendum dolorem, quod ille non summa dicendi facultate disseruerit. Postremo quod illius & prudens & erudita & gravis, denique cum primis amica oratio, aut bonam doloris partem nobis ademerit, aut totum excusserit. Aut si nobis non profuit illius consolatio, laudabimus animum, studium, & ingenium illius: quod tanquam bonus ac peritus Medicus nullum non remedii genus admovent, sed arte majus esse malum. Aut ita respondebimus imperioso consolatori, *facile quum valemus recta consilia egrotis damus. Tu si hic fies, aliter sentias:* Exemplo superfedebimus, sylvarum nonnihil suppeditabimus.

D Cic. ex famil. lib. 4. *Ego vero servi. lib. 5. Quamquam ipsa consolatio.*

Utinam illum diem videam, cum tibi agam gratias, *Ad Al-* quod me vivere coëgisti. Adhuc equidem valde me poenitet.

E Sed te oro, ut ad me Vibonem statim venias, quo ego multis de causis converti iter meum. Sed eo si veneris, de toto itinere, ac fuga mea consilium capere potero.

Si id non feceris mirabor, sed confido te esse omnino facturum.

Quod me hortaris, ut firmo sim animo, vellem posset aliquid afferre, quamobrem id facere possem.

Quod me ab hoc mœrore recreari vis, facis ut omnia, &c.

F Sed me mihi non defuisse tu testis es. Nihil enim de mœrore minuendo scriptum ab ullo est, quod ego non domi legerim. Sed omnem consolationem vincit dolor. Quinetiam feci, quod profecto ante me nemo, ut ipse me per literas consolaret, quem librum ad te mittam.

Consolari jam desine, objurgare vero noli. Quod quum facis, & ego tuum amorem & dolorem desidero, quem ita affectum mea ærumna esse arbitror, ut te ipsum consolari nemo possit.

Ad consolationem mea.

Tua quidem oratio sperare me jubet, quod improbum sit etiam optare.

Vide ne me lactes inani spe, ne doloris vorfuram fecero, mox cum fœnore recursum.

CAP. LI.

DE PETITORIA EPISTOLA.

Servius enarrans locum, in libro *Aeneidos* primo, ubi Juno supplex petit ab *Aëolo*, ut classem *Aeneas* disjiciat, indicat præcipere Rhetores in omni petitione quatuor servanda esse: *primum ut quod petimus ostendamus esse in potestate ejus, a quo petimus: præterea ut doceamus esse justum quod petimus: deinde ut modum ac viam indicemus, qua confici possit quod petimus: denique ut sequatur remuneratio.* Hunc ordinem in petitionibus Virgilio fuisse perpetuum, velut hoc in loco: *Es mulcere dedit ventos, & tollere fluitus*, ostendit facultatem. Mox: *Gens inimica mihi Tyrrhenum navigat aquor*, declarat esse justum. Justum enim quicquid molimur in hostem. Rursum: *Incute vim ventis, & disjice corpora ponto*, modum aperit & viam. Addit remunerationem: *Sunt mihi bis septem* &c. Ac recte quidem Servius & expedite. Nos tamen paulo crassiore Minerva rem aperiemus. Primum, quoniam varia est natura rerum quas petimus: & magna est varietas personarum, quæ rogant, aut rogantur, oportet & petendi rationem esse variam. Sunt enim quædam, quæ favorabiliter petimus a quovis, veluti consilium: sunt quæ pudore suffundunt rogantem, veluti quum petimus mutuum, aut rem parum honestam. Igitur in genere duplex erit petendi modus, rectus, & obliquus. Ubi causa erit favorabilis, aperte suadebimus esse præstandum, quod petimus: ubi secus, per insinuationem irrepemus in petitionem. Primum exag-gerantes, quanta nos circumstat necessitas, & quam magnum telum sit necessitas, & quam inutilis pudor viro egenti: neque fugere nos, quam sit improbum, rem tantam ab eo petere, de quo nihil unquam sumus promeriti. Post hæc paulatim per cuniculos ostendemus, nobis non mediocrem spem porrigi ab insigni illius benignitate, qua solitus sit etiam ignotis, & indignis optulari: ob eximiam ingenii bonitatem, ad sublevandas omnium miseras propensi. Hic pudor non vulgariter commendat rogantem, quemadmodum improbitas alienat animum. Nullus enim libenter in eum confert beneficium, qui ceu debitum flagitat, magisque poscit, quam petit. Profuit Hortensio, quod quum cuperet ex uxore Catonis Uticensis sustollere prolem, non ipsam petiit, sed illius filiam Portiam Bibulo nuptam, plurimas interim causas adducens, quare cuperet ex ea gente heredem. Ille cum respondisset se facile assensurum, si modo probaretur genero: tandem verecunde subindicavit, se Mariam ipsius uxorem petere, cujus copiam facere, ipsi esset in manu, qui maritus esset. Jam imprudens concesserat quod petebatur. Itaque persuaso Martiæ patre, duxit eam uxorem. Auctor Plutarchus. Ubi nihil erit opus hac insinuatione, tamen ejus a quo rem difficilem petimus, benevolentiam modis omnibus conciliabimus. A persona ipsius, cujus benignitatem quum erga cæteros, tum erga nos grate commemorabimus: dicemusque nos ei, cui jam sumus tot nominibus devinctissimi, velle fieri devinctiores: a persona nostra testificantes, quanto studio semper illum coluerimus, quodque præcipuam fiduciam in illo semper habuerimus: simul ostendentes hoc quod petimus, ut nulli nos libentius debituros, quam illi, cui debemus omnia, ita nulli facilius esse præstare. Quod etiam magis exponemus in explicando modo. Si qua erunt nostra in illum merita, ea summa cum modestia significabimus magis quam commemorabimus. A persona majorum utriusque, si docebimus inter utriusque parentem veterem atque arctissimam necessitudinem intercessisse, compluribus mutuis officiis huc usque cultam, & confirmatam. A persona adversariorum, si declarabimus nobis esse certamen cum iis, quos is etiam odit, a quo præsidia poscimus. Are, si docebimus eam piam esse, justam, honestam, nobis necessariam, illi facilem, & honorificam. Deinde si citra arrogantiam ostendemus, quid ex ea re commoditatis sit, ad ipsum etiam aliquando rediturum. Si quid inerit incommodi, quod animum illius, vel alienet a nobis vel deterreat, id vel diluemus, vel extenuabimus. Si erit opus, admiscebimus obtestationes earum

rerum, aut personarum, quibus scimus illum posse commoveri. Postremo pollicebimur memorem animum, nec habituros modo gratiam, verum etiam relatu-ros, si dabitur, cum scenore: nos ipsos totos, resque nostras omnes illi vicissim dedicabimus, ac deferemus. Facultatem nostram extenuabimus: de animo, studioque magnifice pollicebimur. Illud adjiciam, non hic solum, verum etiam aliis in rebus aliquando plus valere jocum tempestivum, & aptum, quam seriam petitionem. Tantum de præceptionibus satis esto, reliqua juvenibus, aut præceptorum animadvertenda relinquo.

EXEMPLVM PETITIONIS OBLIQUÆ.

Ingenii mei pudorem ipse non ignoras vir eximie. Sed quo non adigit mortales, vere durissimum telum necessitas? Eo in loco sunt res meæ, ut ni protinus ad manum sint ducenti angelati, tam perierit tuus Lodicus quam extrema faba, quod ajunt. Scio beneficium esse magnum & eximium: neque me fugit, quam nulla sunt mea in te officia, quorum fiducia rem tantam ausim abs te petere, præsertim quum tot, tantisque nominibus jam pridem obstrictus tibi, nondum ulla ex parte retulerim gratiam. Et tamen nisi Deus aliquis, velut *ἀπὸ πανχρύς* alicunde sese proferat, funditus interii. Quare quemadmodum in summa rerum desperatione, nautæ solent sacram jacere ancoram, ita ego dispectis omnibus ad te velut ad propitium quoddam numen confugio. Non ausim rogare, quanquam huc adigit necessitas, tamen illud volui te scire, statum rerum mearum: ut si me judicas dignum exitio, te iudice peream æquiore animo: sin tua pietas, multis jam argumentis antehac in me declarata, dignabitur me ex hoc discrimine eximere, conabor omnibus nervis, ne te unquam hujus capitis servati poeniteat.

PETITIO REI PARVÆ HONESTÆ.

Non ignorabam, quam impudens esset in causa pessima, a viro omnium optimo patrociniū rogare: Non enim conabor excusare factum meum, ne gravius peccem impudentia, quam hæcenus peccatum est stultitia, & incogitantia, ne dicam dementia. Horrescit animus, abhorrens & ab ipsa malorum meorum commemoratione, sed tamen aperiendum vulnus, si sperem medellam. Sortem satis amplam, quam pater dederat in negotiationem, nuper alea perdidit. Ingens flagitium fateor, sed utcunque succurri poterat, si solū esset. Inficio patre, cum matris pedissequa rem habui. Illa me callidior, negavit se facturam sui copiam, ni pollicerer me maritum ipsi futurum. Ibi mihi non Jupiter, ut inquit Hesiodus, dimidium mentis, sed Venus totam mentem ademittit. Polliceor demens. Nunc ajunt nulla ratione rescindi posse, quod sic actum est: ut illis sit pessime, qui leges tam iniquas condunt. Pater merito irritatus, abdicationem parat. Quod si fit, nullum video melius consilium, quam ut laqueo vitam finiam. Cur enim libeat vivere in tantis malis? Scio te nihil non posse apud patrem. Solus es qui me possis redigere in gratiam. Quod si quid te miseret mei, non ausim rogare, sed tamen vides calamitatem meam. Efficiam ut te mei servati nunquam vel pudeat, vel poeniteat. Sic admissum hoc omni officiorum genere sarciam. Ætatem vides. Sæpenumero a gravioribus commissis, juvenes sese ad bonam frugem convertere. Utinam quod factum est, fieri posset infectum. Sed quod mutari non potest, pensari potest. Maximum quidem hoc peccatum est, fateor, sed primum. Denique quid sibi vult pater? Si abdicat, nec mihi adimit uxorem, & sibi parat orbitatem: sin ignoscit, habebit hoc semper addictiorem filium. Fac brevi sciam, utrum meis malis sum omnino perendus, an tua bonitate servandus. Nihil enim miserius, quam pendere.

PETITIONIS HONESTÆ EXEMPLVM.

Improbum fortasse aliis videbitur, Præsul amplissime, cum a quo tantum beneficiorum acceperim, quantum ne sperare quidem unquam sum ausus, rursum novis precibus sollicitare. At ego ingenui, minimeque ingrati animi existimo, cui multum debeas, ei plurimum velle debere. Cui enim extremas fortunarum mearum partes potius acceptas ferre cupiam, quam ei ipsi cui primas

primas, cui medias debeo? Quid enim Lucius esset, nisi te tanquam numen quoddam propitium nactus esset? Tu me puerum, ob nescio quam in me virtutis indolem: præterea fortasse, quod putabas meas literas tibi aliquando, vel usui, vel ornamento futuras (quam utinam de me, vel existimationem, vel expectationem non omni ex parte videar fefellisse) adoptasti. Nec semel complexus, unquam fovere, juvare, ornare destitisti. Itaque si quid hodie in me, vel virtutis, vel bonarum literarum, vel dignitatis esse putatur, id omne tuæ debeo munificentiae. Sed duo mihi restare videntur, ut & tu opus tuum pulcherrime ceptum perficias: & ego efficiam, ne nullum tantorum in me beneficiorum fructum ex me cepisse videaris. Quod utrumque ut fiat, & ego maximopere cupio, & tibi in manu est. Eadem opera & tu me alumnum beaveris, & eo in loco collocaris, quo multis in rebus tibi usui esse possim. Post diuturnos, ut scis, in literis Theologicis exhaustos labores, ad calendas Majas Theologica laurea sum insigniendus: quam quidem professionem paulo splendidius vitæ genus decere, non ignoras. Præterea, quoniam hætenus amplitudini tuæ sumptui tantum fui, æquum est, ut aliquando sim & usui, & dignitati. Jam vero hoc ipso tempore vacat præpositura Corinthiensis, non maxima quidem illa, sed meo consilio commodissima: tum quod & in tua sit patria, & a mea non ita multum absit. Habebis, qui tuorum, tuæque illic negocia perinde curæ sit habiturus, ac si propria forent. Præterea quicquid unquam dignitatis mihi accessurum est, id in tuam unius gloriam accesserit, cui semel me debeo, quantus sum. Nec me latet, quam potentes sim competitores habiturus, quam hoc honore indignos, quam utrique nostrum malevolentes. Nihil me terret, modo tu velis, qui unus plus cæteris omnibus potes patrocinari. Quid enim tu audeas a Principe petere, quod ille cunctetur præstare? Quare si me non temere adoptasti: si qua unquam ex parte tuo de me iudicio respondi: si me virum gratum existimas, fac ut hæc præpositura mihi tribuatur. Id ego abs te & diligentius, & pluribus verbis contendere, nisi vereretur, ne de tua humanitate, quam ego semper in me propensissimam sum expertus, diffidere viderer. Ego vicissim modis omnibus enitar, ita me eo honore dignum præstare, ut neque te novi huius in me muneris poeniteat, & veterum tuorum erga me beneficiorum fructum aliquem percipias. Vale.

PETITORIAE SYLVA.

Cic.
Epist.
fam.

Pluribus verbis ad te scriberem, si aut tua humanitas longiorem orationem exspectaret, aut id fieri nostra amicitia pateretur, aut res verba desideraret, ac non pro se ipsa loqueretur.

Hoc velim tibi persuadeas, si rationibus meis a te provisum esse intellexero, magnam te ex eo, & perpetuam voluptatem esse capturum.

Quod si mihi tua clementia opem tulerit, omnibus in rebus me fore in tua potestate tibi confirmo.

Lib. v. Epistola: *Coram me tecum*, tota.

Cum vero ea tua sit voluntas, humanitas, benevolentia erga me, libenter amplector talem animum. Sed ita (non enim dimittam pudorem in rogando meum) si feceris id quod ostendis, magnam habebo gratiam, si non feceris, ignoscam: & alterum timori, alterum mihi te negare non potuisse arbitror. Est enim res profecto maxima. Quid rectum sit, apparet: quid expedit, obscurum est: ita tamen, ut si nos sumus, qui esse debemus, id est, studio digni, & literis nostris, dubitare non possimus, quin ea maxime conducant, quæ sunt rectissima.

Lib. vi. Epistola: *Si mihi non tecum*, tota.

Lib. ix. petitio jocosa: *Et si munus flagitare*.

Cic. ad
Attic.

Tu si me amas tantum, quantum profecto amas, expeditus facito ut sis, si in clamaro ut accurras. Sed do operam, & dabo, ne sit necesse.

Nunc mihi & consiliis opus est tuis, & amore, & fide, quare advola. Expedita erunt mihi omnia, si te habeo. Multa per Varronem nostrum agi possunt, quæ te etiam urgente erunt firmiora. Multa ab ipso Publio elici, multa cognosci, quæ tibi occulta esse non pote-

runt: multa etiam, sed absurdum est singula explicare, cum ego te requiram ad omnia. Unum illud tibi persuadeas velim, omnia mihi fore explicata, si te videro.

Quam ob rem si me amas tantum, quantum profecto amas, si dormis, expergiscere: si stas, ingredi, si ingrederis, curre: si curris, advola. Credibile non est, quantum ego in consiliis, & prudentia tua: quodque maximum est, quantum in amore & fide ponam. Magnitudo rei longam orationem fortasse desiderat: conjunctio vero nostrorum animorum, brevitate contenta est.

Quare ut Numestio mandavi, tecum ut ageret, item atque eo, si potest, acrius te rogo, ut plane ad nos advoles: respiraro si te videro.

Pluribus verbis tecum agerem, nisi pro me apud te res ipsa loqueretur.

Tantum te oro, ut quoniam me ipsum semper amasti, eodem amore sis. Ego enim idem sum. Inimici mei mea mihi, non me ipsum ademerunt. Cura ut valeas.

Tu me, ut facis, opera, consilio, gratia juva.

Quintum fratrem optimum, humanissimumque sustenta.

Omnem autem spem habeo existimationis, privatarumque rerum in tua erga me mihi perspectissima benevolentia: quam si his temporibus miseris & extremis præstiteris: hæc pericula, quæ mihi communia sunt cum cæteris, fortius feram: idque ut facias, te obsecro, atque obsecro.

Te etiam atque etiam oro, ut me totum tuendum suscipias, ut si ii salvi erunt, quibus cum sum, una cum iis possim incolumis esse, salutemque meam tuæ benevolentiae acceptam ferre.

Itaque te vehementer etiam atque etiam rogo, magis quam a me vis, aut pateris te rogari, ut hanc cogitationem toto pectore amplectare.

Quamquam hæc Epistola non suaforis est, sed rogatoris. Igitur mi Plance, rogo te, & etiam oro, sic medius fidius, ut majore studio, magisque, ex animo agere non possim, ut totum hoc negotium ita agas, ita trahes, ita conficias, ut quod sine ulla dubitatione apud Coss. obtinuimus propter summam bonitatem, & æquitatem causæ, id tu nos obtinuisse non modo facile patiari, sed etiam gaudeas. Qua quidem voluntate te esse erga Atticum, sæpe præfens & illi ostendisti, & vero etiam mihi. Quod si feceris, me, quem voluntate, & paterna necessitudine conjunctum semper habuisti, maximo beneficio devinctum habebis. Idque ut facias, te vehementer etiam atque etiam rogo.

Nunc mi Capito, scio enim quantum semper apud eos, quibus cum sis, posse soleas, eo plus apud hominem facillimum, atque humanissimum Plancum enitere, elabora, vel potius eblandire: effice ut Plancus, quem spero optimum esse, sit etiam melior opera tua.

Quod certe facies, si tu nervulos tuos mihi sæpe cognitos, suavitatemque, qua nemo tibi par est, adhibueris. Quod ut facias, te vehementer rogo.

Ignosce mihi, quod cum antea accuratissime de Buthroitiis ad te scripserim, eadem de re sæpius scribam. Non me hercle mi Plance facio, quod parum confidam, aut liberalitati tuæ, aut nostræ amicitiae, sed cum tanta res agatur Attici nostri, nunc vero etiam existimatio, &c.

Oro atque obsecro te Cicero, necessitudinem nostram, tuamque in me benevolentiam obtestans, sororis meæ liberos, obliviscaris esse Lepidi filios, meque his in patris locum successisse existimes. Hoc si a te impetro, nihil profecto dubitabis pro his suscipere.

Scribere multa ad te neque possum præ sollicitudine, ac stomacho, neque debeo. Nam si in tanta re, tamque necessaria verbis mihi opus est ad te excitandum & confirmandum, nulla spes est, facturum te quod volo, & quod oportet. Quare noli exspectare longas preces: intueri me ipsum, qui hoc a te, vel a Cicerone conjunctissimo homine privatim, vel a Consulari tali viro remota necessitudine privata impetrare debeo.

Hoc te ita rogo, ut majore studio te rogare non possim.

Tom. I.

Ec 2

Innu-

Innumerabilia sunt tua in me officia, domestica, forensia, urbana, provincialia, in re privata, in re publica, in studiis, in literis nostris: omnia viceris, si feceris, &c.

Cui enim ego potius dignitatem meam acceptum ferre cupiam, quam cui salutem & omnia debeo.

Petit. conf.

Credibile non est quantum ego in consiliis, & prudentia tua, quod maximum est, quantum in amore & fide ponam.

Te habere consiliorum auctorem, & sollicitudinum socium, omni in cogitatione conjunctum cupio.

Quod si feceris, magnus ad tua pristina erga me studia cumulus accedet.

Te auctore, mihi vel agendi, vel quiescendi ratio constabit.

Nunc mihi consilii opus est tuis, & amore, & fide, omnia mihi expedita erunt, ubi tuam sententiam accipero.

Hac in re consilium de tua sententia capiemus.

Tuum ad nos reditum, tum omnes tui vehementer desiderant, tum tempus & res tuae postulant.

Auctoritate tua nobis opus est, & consilio, & etiam gratia.

Noli pati litigare fratres, & judiciis turpibus confitari.

Sed quid tibi mando nominatim, me totum tuo amori, fideique commendo.

Sed si me amas, quod quidem jam facis, aut perbellis simulas.

Nunquam putavi fore, ut supplex ad te venirem, sed hercle facile patior, datum tempus, in quo amorem experiar tuum.

Plinius.

Quod superest, rogo ut pari simplicitate, si qua existimabitis addenda, commutanda, omittenda, indicetis.

Petit.

judicii.

A simplicitate tua peto, quod de libello meo dicturus es aliis, mihi dicas. Neque est difficile quod postulo.

Lib. III. Epistola: Assumo te in consilium, &c.

Mihi & tentandi aliquid, & quiescendi te auctore ratio constabit.

Obsequar tamen consilio tuo, cujus mihi auctoritas pro ratione sufficit.

Audisti consilii mei motus, superest alterutra ex parte judicium tuum, in quo mihi aequae jucunda erit simplicitas dissentientis, quam comprobantis auctoritas.

Politianus lib. VII. Epistola: Multo aequius fuerat.

Habes quid mihi videatur, & intelligis animi mei votum, sed tamen tuum consilium sine exceptione sequar: ad tuam voluntatem me confirmabo, a quo honeste dissentire non possum. Nihil assentor; tantum enim animi inductio, & me hercle amor in te meus, apud me valet, ut quae tibi utilia sunt, & quae tu vis, ea omnia mihi protinus & recta, & vera videantur.

Hac in re facturus sum, quicquid tu decreveris: nam hujus totius consilii, te ducem, me comitem esse decet.

Quod ut facias, non solum te rogo, verum etiam suadeo. Neque enim mihi jucundius erit, si nos inviseras, quam utile tibi.

S Y L V A M E A.

Habes rerum mearum statum. Divinas animi mei votum. Vides quid res ipsa flagitet: nam ipse nihil ausim rogare, ne videar non minus improbus, quam miser.

Improbis plane videri possem, qui te quotidianis meis postulationibus, occupatissimum interpellem: nisi eo te animo esse cognoscerem, ut quos semel tueri coeperis, non quiescas donec plane confirmes.

Ex tua unius humanitate quantus sum pendeo. In te uno omnes spes, fortunaeque meae sunt sitae.

Nihil est tam arduum, quod te patrono consequi posse diffidam.

Nihil tam amplum est, quod vel ego abs te petere non audeam, vel tu praestare nequeas.

Quam tu facile potes, tam ego vehementer cupio.

Parum recte de tua liberalitate sentit, qui rem justam verbosius abs te petit.

Adjice & hunc calculum, ad altissimos cumulos tuorum in me beneficiorum: quibus & si nihil accrescere posse videatur, tamen hoc unum desiderant, ut undique absoluti, atque exaggerati esse videantur.

A Quam plurima fiat tua in me officia, nihil tamen fuerit hoc uno, vel majus, vel jucundius.

Non dubito quin mirere, atque etiam stomachere, quod tecum eadem de re agam saepius.

Scio, perfricui faciem insigniter, qui hoc ausim abs te petere: sed hanc impudentiam me docuit non mea natura, sed dura necessitas.

Res est tam pia, tam justa, ut vir aequus eam nec hosti negare debeat. Nostra tam arcta est necessitudo, ut nihil tam iniquum sit, quod alter ab altero non debeat impetrare.

Si videor improbus, qui rem tantam abs te flagitem verius quam petam, dabis veniam. Hanc audaciam me docuit non mea natura, sed tua humanitas, qui mihi nihil negare soleas.

Res est ejusmodi, ut si tecum consideres, quod abs te peto, sum abs te potius rogandus.

Invitus onero te precibus, sed urget necessitas.

Scio tantos patronos non vocandos ad mediocrem, aut vulgarem operam, sed hoc negotium ejus generis est, ut ab uno te praestari possit.

RESPONSIO AD PETITIONEM.

Quod mecum per literas agis, unam ob causam mallem coram egisses. Non enim solum ex oratione, sed etiam ex vultu, & oculis, & fronte (ut ajunt) meum erga te amorem perspicere potuisses. Nam cum te semper amavi, primum tuo studio, post etiam beneficio provocatus, tum his temporibus Respublica te mihi ita commendavit, ut cariorum habeam neminem. Literae vero tuae, tum amantissime, tum honorificentissime scriptae, sic me affecerunt, ut non dare tibi beneficium viderer, sed accipere a te ita petente, ut inimicum meum, necessarium tuum, me invito servare nolles, cum id nullo negotio facere posses.

Cic. ad Attic.

Lib. 3. tota Epistola: Facis pro cetera reverentia.

Faciam ergo quod desideras, tam diligenter, quam libenter.

Plinius.

Quod admones, gratias ago: quod rogas, quoniam Admoneri enim debeo, ut sciam: rogari non debito, ut faciam, quod mihi non facere turpissimum est.

Excusarem me profecto vel fratri, hoc sane tempore, sed arctior est amicitia nostra, quam ut ullam patiamur exceptionem, quoties alterutrum serua resagitur.

Men.

DE COMMENDATITIA EPISTOLA.

Hic finitimum est commendatitium genus. Quam enim commendamus aliquem, alieno nomine quippiam petimus: quare iisdem rationibus erit tractandum. Hic tres erunt considerandae personae. Nostra, ejus cui scribimus, ejus quem commendamus.

Postremo loco res ipsa cujuscumque sit erit inspicienda. A nostra persona persuadebimus, si causas, a quibus ad hunc commendandum fuerimus commoti, justas, magnas, plurimasve ostendamus: vel quod de nostris, aut nobis ipsis sit bene meritis, vel quod nobis cum ipso, aut nostris cum illius majoribus, vetus, & conjunctissima familiaritas intercesserit, aut hospitium, vel quod sanguine propinquus, patria, studiisve conjunctus, affinis, aut alioqui carus, & commendatus: vel ita denique hominem describemus, ut ob modestiam, probitatem, eruditionem, integritatem, humanitatem, nobilitatem, dignus sit, qui quum omnibus bonis, tum illi in primis debeat esse quam commendatissimus. Si qua vero vel nostra, vel illius quem commendamus, majorumve ejus in alterum merita praecesserunt, ea summa cum modestia significabimus, extenuantes quidem ipsa benefacta, benefaciendi autem animum amplificantes. Vehementer commendationem juvabit, si eum quem commendamus, de eo cui commendamus quam optime, & sentire & praedicare dicemus. Non possumus enim non benevolentia quadam commoveri erga eos, quibus nos citra assentationem intelligimus esse admirationi. Quare scite Socrates praecipuum amicitiae conciliandae initium monstravit, ut absentem laudemus, apud eos, quos renunciaturus suspicemur: si utriusque nostrum summam de eo fiduciam verisimiliter aperiemus, sollicitudinem

*A persona commenda-
mus.*

vi-

videlicet quandam injiciamus oportet, ubi ejusmodi hominem omnem spem suam in ipsius unius humanitate reposuisse intelliget, nullius præter suam unius opem implorare voluisse. Et a personis quidem hoc modo commendationem tractabimus.

A

A recomendabimus, si eam facilem, illi duntaxat cui commendamus, monstremus: si piam, si honestam, si utilem probabimus. Tum si ejusmodi erit, ut ex ea ad patronum aliquid laudis, gratiæ, auctoritatis, aut emolumenti venturum videatur, id accurate admonemus, si eodem beneficio quam plurimos devincturum dicemus. Deinde obsecrationibus uti licebit. Postremo loco & nostro, & commendati nomine pollicemur illum gratum, & memorem futurum. Nos eodem beneficio perinde ac si in nos esset collatum, perpetuo devinctos fore. In calce mutuam operam, & studium deferemus. Constat enim Epistolam commendatitiam ex duobus misceri generibus, suasio, & demonstrativo. Quum enim eum quem commendamus, cum laude describimus, in demonstrativo genere versamur: de qua rem ipsam aut honestam, aut utilem, aut facilem ostendimus, in deliberativo. Sed brevis debet esse commendatio, neque nimis accurata, præsertim si ad eum scribimus, cui sumus ipsi vehementer commendati. Testimoniis enim pondus habere debet potius quam disputationis speciem. Et hujus generis esse potest triplex tractatio: Recta, obliqua, & jocosa. Recta quum aperte doceamus eum esse dignum favore quem commendamus. Obliqua quum negabimus nos hunc commendare velle, tantum admonere ut hominem velit cognoscere: futurum enim, ut quum alii gratias agere soleant iis, qui commendationem recepissent, ille ultro gratias sit acturus, quod nostra opera contigerit nosse talem virum. Jocosa, quum intelligamus nos plus effectores sermonis jucunditate, quam seris argumentis. Non arbitror operæ precium, de singulis exempla proponere, ne nimium increpescat voluminis magnitudo. Tantum in sylva formæ aliquot annotabimus. Commendatorii generis exempla, quum apud Ciceronem fiat plurima, tum illa Epistola, cujus initium est: Notum erat auditum, universum commendandi artificium una complectitur.

HERMANNVS: THEOLOGVS ANDRONIO
BOLANO ANTISTITI, S. D.

Quamquam mihi Dionysii mei fortunæ majori propemodum, quam meæ ipsius curæ essent, Præful humanissime, idque non modo propter vetustissimam arctissimamque, quæ mihi cum ejus familia fuit necessitudinem, verumetiam propter admirabilem hominis & modestiam, & probitatem, tamen eum tibi pluribus verbis commendandum non putavi, ne vel de nostra amicitia, vel de hominis virtute parum fides videretur. Id enim nostra necessitudo, qua nihil arbitror inveniri conjunctius, postulare videtur, ut quemcunque benevolentia complectendum statuissem, idem tibi quoque & carissimus, & quam commendatissimus debeat haberi. Tanta rursus est hominis tum probitas, tum modestia, tum eruditio, ut vel citra meas literas quum optimo cuique, tum tibi ejusmodi viro quum amantissimo non possit non esse quam commendatissimus, nisi utrumque parum novi, præsertim quod tibi ipsi cum patre hujus, viro, ut scis, omnium, qui unquam fuerunt gratissimo vetus hospitium fuerit. Non eguit quidem illi nostra commendatione, quamquam commendari plane voleat, & uni adeo tibi voluit. Mirum enim dictu fuerit, quantum fiduciæ, in tua unius humanitate reposuerit, quam amanter de te & loquatur, & sentiat. Neque enim quæ essent a mente diversa, loqui consuevit. Nec errat mea quidem sententia. Cui enim obscurum est, quantum pro tua auctoritate, & apud illustrissimum Principem, & populum valeas? Tum quantum studiois viris semper faverit tua benignitas, sæpe majorum suorum antehac nunc & mea prædicatione didicit. Res est autem ejusmodi, ut tibi non multum negotii, huic plurimum commoditatis sit allatura. Debet huic Abbas Syrus ex agris nescio quibus, jam multorum annorum fructus, homo, ut scis, & pecuniosus, & calumniosus, cujus quidem prædecessores, sunt illi controversiæ constantè solverunt. Hic si-

Brevis
huius
generis
compra-
hensio.

mal atque insatiabilem habendi. sitim, una cum mitra est assequutus, debitum inficiatur, in jus, imo potius, injuriam vocat. Pudet dicere, quas Proteus ille optimo adolescenti tergiversationes nectat, quam astutas elabendi vias quærat; hominem nosti. Quod quidem cum semper molestum esse debeat, quia iniquum, tum hoc tempore Dionysio meo incommodissime sane obicitur, hoc in tempore negari pecuniam, quum ea sic est opus, ut quum maxime. Proximo vere erat doctoris insignia consequuturus, quo majore cum auctoritate possit Reipublicæ commodis inservire. Est enim juris utriusque mire peritus. Vido autem quam iniquum sit hujus Midæ causificationibus studiosissimum juvenem, e medio studiorum suorum cursu, ad injustas lites vocari, & jam multis sudoribus promeritum honorem, pene e manibus extorqueri. Rem jam partim ex me cognovisti, reliqua ex ipso coram agente disces. In te uno utriusque nostrum spes sita est. Quare te per nostram benevolentiam, & paterni hospitii memoriam, majorem in modum oro, ut ei in causa æquissima præsidio velis esse. Abbatem istum vel odio, vel auctoritate, vel metu ad solvendum compellas, a litibus quibus maxime pascitur, deterreas. Et magna & multa sunt tua in me officia, hoc tamen ita mihi erit gratum, ut pro omnium summo sim habiturus. Apud juvenem ita beneficium collocaris, ut nunquam antehac apud quemquam rectius. Bene vale.

Est vulgare ac frigidum commendationis genus, quum hoc officium extorquetur a nobis.

Si tibi molestus sum huic imputa. Nam mihi fuit molestior.

Tu pro tua prudentia, ubi ex ipso jam cognito quid sibi velit cognoris, dispicies, quid sit factu optimum.

Commodabis illi mea causa, si modo id potes abique tuo incommodo: sin minus, quovis ablega hominem potius quam ut ad me redeat.

Est & jocosa commendatio, quæ nonnunquam plus efficit quam seria. Exemplum est in Epistolis Joannis Campani, qui Monachum quendam importunum commendat suo Cardinali: & nos aliquando sic pusillum quendam, & recalcitrantem ac macilentum commendavimus Mecænati nostro, qui per eum miserat pecuniam, & in literis calvum appellarat, solitus & me joco calvum dicere, quod essem raro capillitio. Commendavimus autem in hanc ferme sententiam. Calvus ille calvo pecuniam bona fide reddidit. Verum si pernosces quo in statu sit iste calvus, haudquaquam admiraberis, hominem sic esse macilentum, ut vix ossibus hæreat: sic esse raro capillitio, ut vix tres pili supersint in capite. Est illi longa lis apud tuum tribunal. Ea res sic expilat, sic exsugit hominem, ut ni tua succurrat bonitas, ne pilum quidem nummorum sit usquam habiturus, & periculum sit, ne proffusus fame pereat. Causa pia est, pro matre litigat, neque quicquam superest, nisi ut suprema sententia pronuncietur. Bene volo homini. Cur enim non fa-veat similis simili? Eodem beneficio tibi duos calvos, duos magnos viros, obligabis. Hæc frivolum videretur admonere, nisi conduceret ad hoc, ut præceptor ex his facile reperiat varias thematum formas.

COMMENDATITIAE SYLVA.

Epistola lib. Epist. fam. I. cujus initium: Aulo Tre-

bonio, tota hujus generis est.

Lentulum nostrum eximia spe, summæ virtutis adolescentem, cum cæteris artibus quibus studuisti semper ipse, tum in primis imitatione tui, fac erudias. Nulla enim erit hac præstantior disciplina. Quem nos, & quia tuus, & quia te dignus est filius, & quia nos diligit, semperque dilexit, in primis amamus charumque habemus.

Lib. 2. Fabio viro optimo. Tota.

L. Valerium Jurisconsultum valde tibi commendo, sed ita etiam si non est Jurisconsultus. Melius enim ei cavere volo, quam ipse aliis solet. Valde hominem diligo, est ex meis domesticis atque intimis familiaribus. Omnino tibi agit gratias, sed idem scribit, meas literas maximum apud te pondus habituras. Id cum ne fallat, te etiam atque etiam pongo.

Atque ipsum tibi Pomponium ita commendo, ut

Tom. I.

Ec 3

quan-

quanquam ipsius causa confido te facturum esse omnia, tamen abs te hoc petam, ut si quid residet in te amoris erga me, id omne in Pomponii negotio ostendas. Hoc mihi gratius facere nihil potes.

Lib. 6. *Cum A. Cecinnatanta*. Tota & elegans.

Hunc mihi Cæsar sic velim omni tua comitate complectere, ut omnia, quæ per me possis adduci, ut in meos conferre velis, in unum hunc conferas: de quo tibi homine hoc spondeo, non illo vetere verbo meo quod cum ad te de Milone scripsissem, jure lusisti, sed more Romano, quomodo homines non inepti loquuntur, probiorem hominem, meliorem virum, prudentiorem esse neminem. Accedit etiam, quod familiaritatem inducit, in jure civili singularis memoria, summa scientia. Huic ego neque tribunatum, neque præfecturam, neque ullius beneficii certum nomen peto: benevolentiam tuam & liberalitatem peto. Neque impedio, quo minus, si tibi placuerit, etiam hisce eum omnes gloriæ insignibus. Totum denique hominem tibi trado de manu (ut ajunt) in manum tuam istam & victoriam & fide præstantem. Sumus enim putidiusculi, quanquam per te vix licet. Verum, ut video, licebit. Rufum istum amicicum tuum, de quo iterum ad me scribis, adjuvarem quantum possem, etiam si ab eo læsus essem, cum te tantopere viderem ejus causa laborare. Cum vero & ex tuis literis, & illius ad me missis intelligam, & judicem magnæ curæ ei salutem meam fuisse, non possum ei non amicus esse: neque sola tua commendatione quæ apud me, ut debet, valet plurimum, sed etiam voluntate, ac judicio meo.

Lib. 11. *Permagni interest*. Tota, & elegans.

Item proxima. *Lamia uno omnium*. Item eodem lib. *Cum Appio Claudio*.

Lib. 13. *Et si non satis*. Eodem. *Gajo Aviano*. Item proxima. *Aulum Fusum*.

Item multæ sequentes Epistolæ sunt ejusdem generis. Eodem. Non dubito. Quin totus hic liber nihil habet præter Epistolas commendatitias. Lib. 15. *Marcum Fabium*.

Quare cæteris in rebus, tantum ei tribues quantum humanitas tua amicitiaque nostra postulat.

De Tullia mea tibi antiquissimum esse video, idque ita ut sit, te vehementer rogo.

Ego autem mihi Plance, & si non dubitabam, quin & S. C. & lex & Coss. decretum, ac literæ apud te plurimum auctoritatis haberent, teque ipsius Attici causa velle intellexeram, tamen hoc pro conjunctione, & benevolentia nostra mihi sumpsi, ut id a te peterem, quod tua singularis humanitas, suavissimique mores, a te essent impetraturi. Id autem est, ut hoc, quod te tua sponte facturum esse certo scio, honore nostri causa libenter non prolixè, sed celeriter facias. Mihi nemo est apicior, nec jucundior, nec carior Attico, cujus antea res solum familiaris agebatur, eaque magna, nunc accessit etiam existimatio: ut quod consecutus est magna & industria, & gratia vivo Cæsare, mortuo id, te adjuvante, obtineat. Quod si a te erit impetratum, sic velim existimes, me de tua liberalitate ita interpretaturum, ut tuo summo beneficio me affectum judicem.

Ego etiam mihi Cicero proprie, familiariterque te rogo, ut Veterem ames, velisque esse quam amplissimum, qui & si nulla re deterreri a proposito potest, tamen excitari tuis laudibus, indulgentiaque poterit, quo magis amplectetur, ac tueatur judicium suum, & mihi gratissimum erit.

Filiam meam, & tuam, Ciceronemque nostrum quid ego mihi frater tibi commendem? Quin illud mæreo, quod tibi non minorem dolorem illorum orbitas affert, quam mihi. Sed te incolumi orbi non erunt.

Itaque cum tibi commendo majorem in modum, hominem domi splendidum, gratiosum etiam extra domum, quem fac ut tua liberalitate tibi obliges. Est Tribunus militum in exercitu nostro. Gratum hominem observantemque cognosces. Trebatium ut valde ames, vehementer te rogo.

Quare ut instituisi complectere adolescentem.

Ex libro ad Brutum. Tota Bibulus, Item Epist. Multos tibi.

Omnibus rebus ita cum tractes, ut intelligat nostram commendationem non vulgarem fuisse.

COMMENDATORIAE AD NVPTIAS EXEMPLVM.

Tota Epist. lib. 1. *Petis ut frat.* Tota.

Elegans exemplum commendationis, erit tota illa Epist. lib. 2. cujus initium: *Et tu occasiones obligandi me avidissime amplecteris.*

Lib. 3. Epist. *Quod ipse amicis tuis.*

Lib. 4. *Calvisium nepotem.*

Eodem lib. *Si quid omnino*. Rursum lib. 6. *Atilium Crescentem*.

Obliga me, oblige ante, quam dicat, nam cum dixerit gratias ages. Spondeo sollicitudini tuæ, spei meæ, magnitudini causæ suffecturum.

Est indolis optimæ, brevi producturus alios, si hic interim provectus fuerit a nobis.

Accepisse te beneficium credes, cum propius inspereris hominem, omnibus honoribus, omnibus titulis (nihil volo elatius de modestissimo viro dicere) parem.

Videor ergo demonstrare tibi posse Julium Genitorem: amatur a me, judicio tamen meo non obstat caritas hominis, quæ ex judicio nata est. Vir est emendatus & gravis, paulo etiam horridior, & durior, ut in hac licentia temporum: quantum eloquentia valeat, pluribus credere potes. Nam dicendi facultas aperta, & exposita statim cernitur. Vita hominum altos recessus, magnasque latebras habet, cujus pro Genitore me sponso-rem accipe. Nihil ex hoc viro filius tuus audiet, nisi profuturum. Nihil discet, quod nescisse rectius fuerit: nec minus sæpe ab illo, quam a te, meque admonebitur, quibus imaginibus oneratur, quæ nomina, & quanta sustineat. Proinde faventibus Diis, trade eum præceptoris, a quo mores primum, mox eloquentiam discat, quæ male sine moribus discitur.

Lib. 5. Epist. *Videam quam molliter tuos habeas.*

Claudius amari a te cupit, dignus hoc ipso quod cupit, deinde quod ipse te diligit. Neque enim fere quisquam exigit istud, nisi qui facit, vir alioqui rectus, integer, quietus, ac pæne ultra modum, si quis tamen ultra modum, verecundus.

Hunc hominem appetentissimum tui, mihi crede, complectere, adprehende, imo & invita, ac sic amantissimam gratiam referas. Neque enim obligandus sed remunerandus est in amoris officio, qui prior cepit.

COMMENDATIO MEA.

Multis in illum beneficiis conferendis reddidisti te quodammodo obnoxium. Ita enim nunc moribus comparatum est, ut posteaquam multa præstiteris, hoc tantum meminerint quod negatum est.

Posteaquam hominem cepisti benefaciendo tuum facere, beneficia beneficiis cumulanda sunt.

Non decet stare semel incitatum liberalitatem, cujus pulchritudinem usus ipse commendat.

Cur hunc hominem tibi tanto studio commendandum putarim, mirari defines, ubi eum propius nosse coeperis.

Huic persuasum est: & te apud Principem, & me apud te plurimum valere: & de te quidem haud fallitur, de me fallatur, non tam promeritus sum, quam cupio.

Pluribus hanc rem abs te contenderem, ni vererem, ne cui de tua humanitate viderer diffidere.

Scio non sine causa dictum Horatio: Quem cui commendas etiam atque etiam aspice. Sed hujus hominis integritas sic mihi multis argumentis est explorata, ut non dubitem illum tibi vel capitis mei periculo commendare. Quem si complecteris, gratias agam, quod mihi credideris. Sed tu mihi magis ages gratias, quod tibi tradiderim hominem in manum, qui tibi fuerat etiam e longinquo arcessendus.

RESPONSIO AD COMMENDATIONEM.

Numerium Numestium libenter accepi, in amicitiam: & hominem gravem & prudentem, & dignum tua commendatione cognovi.

Plinius lib. 6. Epist. *Commendas mihi*. Rursum Epist. *Rogas ut agam.*

Quid ego audio? Vis tibi ignosci, quod me tuis com-
men-

Respon-
sio ad
com-
menda-
tionem.

Cic. ad
Attic.

Com-
menda-
tio præ-
ceptoris.

mendatitiis literis oneras. Imo sic interpretor, ingens beneficium abs te datum, qui tali viro me conciliaris.

Quid possim tu videris. Quis sit exitus rei futurus, fortunæ in manu est. Illud efficiam ut Antonius intelligat nostram amicitiam haudquaquam vulgarem esse.

Et tu diligenter commendas hominem, & ille mihi visus est dignus cui tantopere faveas. Sed temporum iniquitas in causa fuit, quo minus licuerit illi tantum præstare quantum volebamus.

CAP. LIII.

DE MONITORIA EPISTOLA.

Monitoriæ Epistolæ duplex est officium. Et vitium, si quod mutari volumus, docte indicare, & quæ sint agenda, ea nescienti tanquam scienti ostendere. Et quoniam vix quisquam æquo animo sua discit vitia, ideo reprehensionis acerbiter laude mitigabimus. Cum multa in eo sint egregia, negabimus passuros nos, ut tot virtutes unius vitii nævo obducantur, neque commissuros ut tantus amicus cum exceptione laudetur. Deinde ipsum vitium vel ab ætate, vel ab imprudentia extenuabimus, vel maximis quoque viris idem fuisse ostendemus: aut certe ipsum quidem esse mutandum, sed tamen ab animi liberalitate, aliave virtute proficisci, haud magno negotio mutari posse. Nos hæc præcipuo in illum amore scribere dicemus, aliis non idem facturos. Orabimus ut pari libertate in nos utatur, nisi forte minus amet. Id enim proprium amicitiae munus, ut libera sit admonitio ac mutua, & similia, quæ ad hanc sententiam pertinebunt. Quod si Tyranno, Regi, aut alioqui potenti scribimus, cujus aures nullam omnino sint reprehensionem admissuræ, cum falso laudantes reprehendimus. Quum enim multas in eo virtutes prædicamus, a quibus est alienissimus: quum item in aliis quædam abominanda excēramur vitia, a quibus illum immunem esse dicimus, tacite admonemus agnoscentem, quid mutare, quid sequi debeat. Hoc equidem consilio laudationes illas Principum repertas fuisse auguror, ut sub laudis specie suorum vitiis sine offensa, sine pudore admonerentur. Alioqui quid ea assentatione foedius? Ubi vero sine reprehensione quid agendum sit, ostendemus, auctoritatem quandam nobis constituamus oportet, sine ejus, quem monemus injuria. Idque vel ab ætate, qua illum longe præcedimus, vel a multarum rerum usu, qui in eo tantus per ætatem nondum esse potuit: vel a diuturno studio in quo nos sumus plurimis annis versati, illo nunc ingrediente: pollicebimur nos amantissime, simulque fidelissime consulturos. Demum gravitate quadam sermonis, quid quo modo fieri conveniet, ostendemus.

Probatissimorum auctorum dictis & exemplis crebris utemur, præsertim eorum quorum auctoritas gravis est apud eum quem admonemus, & quid quemque laudis, aut infamiae consequutum sit, ostendemus. Ad prius illud admonendi genus quo amicum vel blandius vocamus ad meliora consilia, vel liberius objurgamus, pro personarum aut rerum varietate, multum conducet liber Plutarchi, quem scripsit de discernendo adulatorum ab amico. Ad posterius hoc quod tantum docet, non objurgat, conferent Epistolæ, imo libri omnes Senecæ, Cypriani, Hieronymi & aliorum qui vivendi formam diversis præscripserunt. Sed præcipue Plutarchi libelli, qui morales appellantur. In priore reperientur hujusmodi ferme themata. Admonendus amicus submorosus, ut magis sese accomodet ad mores omnium. Sit magis comis in uxorem, mitior in liberos, clementior erga famulos, obsequentior erga amicos. Item qui linguæ sit liberioris, admonendus, ut circumspectius loquatur, quod non eodem candore ab omnibus excipiantur, quæ dicuntur. Item amicus plus satis addictus studiis admonetur, ut parcat valetudini, ut se partiat studiis ac necessariis negociis, ut se magis accomodet ad sensum communem. Ita qui simplicioris erit ingenii admonetur, ne quid fidat fictis amicis. Qui deditus erit aleæ, revocabitur ad alios lusus. Qui profusior, ad frugalitatem, qui ferocior, ad modestiam, qui incogitantior, ad vigilantiam. Atque item de cæteris, nam

A sunt innumera. Hoc genus minimum differt a sua forio. In posteriore licet hujusmodi themata fingere. In studio literarum quo modo versandum. Stilus quibus modis potissimum parandus. Quibus rebus concilianda fama. Quibus artibus vitari possit invidia. Quo pacto colenda amicitia. Quid vitandum, aut sequendum in matrimonio, qua de re scripsit Plutarchus. Quibus modis instituendi liberi. Quid faciendum ludimagistro. Quid ei, qui decreverit in aula Principum vivere. Quod officium boni Medici, Principis aut Episcopi, Ducis aut militis, boni Concionatoris. Ex his similia licebit similesque materias comminisci. Sæpe miscetur utrumque genus, cujus accuratissimum exemplum si quis quaerit, legat Ciceronis ad Q. Fratrem Epistolam, cujus initium: *Et si non dubitabam quin hanc Epistolam.* Præstabit in hujusmodi thematibus exerceri, unde præter phrasim paratur & prudentia potius, quam in frivolis & anilibus materiis. In re tam varia, non magni referebat exemplum subicere, sed tamen hoc faciemus, ne prorsus exemplo careat præceptio.

EXEMPLVM EPISTOLÆ MONITORIÆ.

B Quoniam ex Italia reversus, inter tuos vivere decrevisti, critque tibi & pro tua eruditione, & natalium splendore, & vitæ dignitate in omnium oculis summa cum expectatione vivendum, oras ut senex juveni optimam quandam vivendi formam commonstrem, quo possis & malevolorum reprehensionem effugere, & optimi cujusque judicio probari, denique & animi tranquillitati & corporis valetudini consulere. Incredibile dictu est, quantum jam nunc ista animi tui maturitate delecter, qui juvenis adhuc, ea quæ senes plerique negligimus mediteris. *Optima*, inquit Cicero, *est vitæ eligenda ratio, quam jucundam reddet consuetudo.* Quare quanquam singularis tua, & eruditio, & præmatura quædam animi magnitudo, monitore non egeat, tamen quantum ætate, qua sola te vincimus: quantum longo rerum usu, qui prudentes efficere solet: quantum multorum amorum studio consequi potuimus, institutum quam optimum præscribemus. Quod & veterum plerosque tenuisse video, me quoque, quantum potui, sequutum esse gaudeo, ne te quidem sequutum fuisse pœnitebit olim. Principio, quod semper fecisti, cum animum obtine, qui nihil acerbum, nihil durum existimet, quod sit honestum. Qui nullo vel metu deteritus, vel spe captus, ab officio deflectatur. Quam optimos tibi adjungito. Malos ne laceffito: tua ne jactes: aliena ne carpas. Fac quum omnibus sis antefendus ipse te præferas nemini. Amicum ita ames, tanquam aliquando osurus: inimicum ita oderis, tanquam olim amaturus. Cum bonis officiis certa: nemini adverferis: omnibus te affabilem præbeas: domi hilaris, foris compositus. Nemini tua arcana committas, memor quam fallax sit multorum amicitia. Beneficium confer libenter, invitus accipe. Morositatem in primis fuge. Officiorum diutissime meminisse oportet, injuriarum facile oblivisci. Gloriam si contemnes, ultro te sequetur: sin sequeris, fugiet sequentem. Ne capta laudari, sed fac laudanda. Cum præpotentibus, aut nulla sit consuetudo, aut comis. Nullus sumptus tibi sit preciosior tempore: diem in operas partire. Jejunus stude, aut scribe: pransus, hilariora quædam agito, cessa nunquam. His rationibus si diligenter uteris, & animi tranquillitati consules, & carus quam plurimis, nemini odiosus esse poteris. Corpus vero moderatis agitationibus exerce, ne ignavia torpescat, neve immodicis laboribus frangatur. Cibis sit temperatus, ac tempestivus: prande liberalius, cœna parcius, potus non quantum libidini, sed quantum naturæ satis est, sume. Vale.

A LIVD EXEMPLVM.

C Dum te incredibili quodam ardore literarum flagrare minime dubitarem, Christiane non vulgaris amice, hortatore nihil opus esse putavi, sed ejus quam ingressus esses, vitæ duce modo, ac tanquam indice. Id quod mei officii esse judicavi, videlicet ut tibi homini non modo multis modis copulatissimo, verumetiam jucundissimo, vestigia, quibus ipse a puero essem ingressus, commemorarem. Quæ si tu pari cura accipies, atque ego dictu-

Docet agenda.

cturus sum, futurum confido, ut neque me monuisse, neque te paruisse poenituerit. Prima igitur cura sit, ut præceptorem tibi deligas quam eruditissimum. Neque enim fieri potest, ut is recte quenquam erudiat, qui sit ipse in-eruditus. Quem simul atque nactus eris, fac modis omnibus efficias, ut ille patris in te, tu filii vicissim in illum induas affectum. Ad quod quidem cum ipsa honesti ratio nos debet adhortari, quod non minus debeamus iis, a quibus recte vivendi rationem, quam a quibus vivendi initia sumpsimus: tum mutua ista benevolentia tantum ad discendum habet momenti, ut frustra sis literatum præceptorem habiturus, nisi habueris & amicum. Deinde ut te illi & attentum, & assiduum præbeas. Contentione enim immodica nonnunquam obruuntur ingenia discendum. Assiduitas vero, & mediocritas sua perdurat, & quotidianis incrementis maiorem opinione acervum accumulat. Satieta cum omnibus in rebus, tum in literis nihil perniciosius. Laxanda est igitur aliquoties illa literarum contentio, intermiscendi lusus, sed liberales, sed literis digni, & ab his non nimis abhorrentes. Imo mediis ipsis studiis perpetua quædam voluptas est intermiscenda, ut ludum potius discendi, quam laborem existimemus. Nihil enim per quam diu fieri potest, quod non agentem aliqua voluptate remoretur. Optima quæque statim, ac primum discere. Extrema est demeritæ, discere dediscenda. Quod in curando stomacho solent præcipere Medici, idem tibi in ingeniis servandum puta. Cave ne aut noxio, aut immodico cibo ingenium obruas: utroque enim juxta offenditur. Ebrardum, Catholicon, Brachylogum, cæterosque id genus, quos percensere, neque possum, neque operæ precium est, iis relinquo, quos barbariem immenso labore discere juvat. Initio non quam multa, sed quam bona percipias, refert. Sed jam rationem accipe, qua possis non solum rectius, sed etiam facilius discere. Hoc enim in homine artificis præstare solet artis ratio, ut tantumdem operis, quum rectius, expeditiusque, tum levius etiam efficiat. Dicam tibi in operas partire, id quod & a Plinio Secundo, & a Pio Pontifice Maximo viris præstantissimis, factitatum legimus. Principio, quod caput est, præceptorem interpretantem, non attentus modo, sed & avidus auscultato. Non contentus impigre sequi differentem, aliquoties prævolare contendere. Omnia illius dicta memoriæ, præcipua etiam literis mandabis fidelissimis vocum custodibus. Quibus rursus ita confidas cave, ut dives ille ridiculus apud Senecam: qui sic animum induxerat, ut se tenere crederet, quicquid fervorum quisquam meminisset. Noli committere, ut codices habeas eruditos, ipse in-eruditus. Audita ne effluant, aut apud te, aut cum aliis retracta. Nec his contentus, aliquam temporis partem tacitæ cogitationi tribuere memento: quam unam D. Aurelius, tum ingenio, tum memoriæ in primis conducere scripsit.

Constitatio quoque & tanquam palæstra ingeniorum, nervos animi præcipue tum ostendit tum excitat, tum adauget. Nec sciscitari, si quid dubitabis: nec castigare, si quid errabis, sit pudor. Nocturnas lucubrationes, atque intempestiva studia fugito: nam & ingenium extinguunt, & valetudinem vehementer offendunt. Aurora musis amica est, apta studiis. Præsum, aut lude, aut deambula, aut hilarius confabulare. Quid quod inter ista quoque studiis locus esse potest? Cibi non quantum libidini, sed quantum valetudini satis sit, sumito. Sub cœnam paulisper inambula: cœnatus, idem facito. Sub somnum, exquisiti quippiam, ac dignum memoria legito. De eo cogitantem sopor opprimat: id experrectus, a te ipso repositas. Plinianum illud semper animo infideat tuo: Omne perire tempus, quod studio non impertias. Cogita juvenia nihil esse fugacius: quæ ubi avolarit semel, redit nunquam. Sed jam hortator esse incipio, indicem pollicitus. Tu suavissime Christiane, hanc formam, aut si quam poteris meliorem, sequere, ac bene vale.

CAP. LIV.

QUI SIT MODUS REPETENDÆ LECTIONIS.

Quibusdam prima ac unica fere cura est, statim ad verbum ediscere: quod equidem non probo, est

A enim tum magni laboris, tum fructus prope nullius. Quorsum enim attinet, psittaci more, verba non intellecta reddere? Commodiorem igitur viam accipe. Lectionem quidem auditam continuo relege: ita, ut universam sententiam paulo altius animo infigas. Deinde a calce rursus ad caput redibis, & singula verba excutere incipies: ea duntaxat inquirens, quæ ad Grammaticam curam attinent. Videlicet, si quod verbum obscurum, aut ancipitis derivationis, si heteroclitæ conjugationis: quod supinum, quod præteritum faciat: quos habeat majores, quos nepotes, quam constructionem: quid significet, & huiusmodi nonnulla: hoc ubi egeris, rursus de integro percurrito: ea jam potissimum inquirens quæ ad artificium Rhetoricum spectant. Si quid venustius, si quid elegantius, si quid concinnius dictum videbitur, annotabis indice, aut asterisco appposito. Verborum compositionem inspicias, orationis decora scrutabere. Auctoris consilium indagabis, quæ quidque ratione exierit. Ubi quid te delectaverit vehementius, cave præter casam, quod ajunt, fugias. Fige pedem, ac abs te ipso rationem exige, quare tantopei sis ea oratione delectatus: cur non ex cæteris quoque parem ceperis voluptatem. Invenies te acumine, aut exornatione aliqua oratoria, aut compositionis harmonia: aut, ne omnia persequar, simili quapiam causa commotum fuisse. Quod si aliquod adagium, si qua sententia, si quod proverbium vetus, si qua historia, si qua fabula, si qua similitudo non inepta, si quid breviter, acute aut aliqui ingeniose dictum esse videbitur, id tanquam thesaurum quendam animo diligenter reponendum ducito ad usum, & ad imitationem. His diligenter curatis, ne pigeat quarto iterare. Nam hoc habent eruditorum virorum, summo ingenio, summis vigiliis elucubrata scripta, ut millies relecta, magis, magisque placeant, semperque admiratori suo novum miraculum ostendant, id quod tibi in tabula tua sæpenumero nec sine causa laudata evenire solet, quod antea non animadvertisses. Idem tibi multo amplius in bonis auctoribus eveniet. Releges igitur quarto, ac quæ ad Philosophiam, maxime vero Ethicam referri posse videantur, circumspicias, si quod exemplum, quod moribus accommodari possit. Quid autem est, ex quo non vel exemplum vivendi, vel imago quædam, vel occasio sumi queat? Nam in aliorum pulchre ac turpiter factis, quid deceat, quid non, juxta videmus. Hæc si facies, jam vel edidiceris, quanquam aliud egisti. Tum demum, si libet, ad ediscendi laborem accedito: qui tum aut nullus erit, aut certe perquam exiguus. Quid deinde? Restat, ut cum studiosis congregiaris, tuas annotationes in medium proferas, vicissimque illorum audias, alia laudabis, alia reprehendes: tua partim defendes, partim castigari permittes. Postremo quod in aliis laudasti, tuis in scriptis imitari conaberis.

E Secreta studia a doctis laudantur: at ita, ut postea e latebris in arenam prodeamus, virumque nostrarum periculum faciamus. Id quod sapientissime a Socrate est dictum. Experiamur utrum partus ingeniorum vitales sint, nimirum obstetricum industriam imitati. Quare alternatim utrisque utetur, qui non vulgariter volet evadere doctus. Vale.

ALIUD EXEMPLUM DE VITA AULICA.

F Scribis te nolentem ac reluctantem, voluntate parentum rapi, protrudique in aulam Principis. Quando igitur necessitas vinci non potest, superest ut commode utendo perficias, ut aliquando te isthinc explices quam minimo malo. Nec enim omnibus infelicitate cessit, hanc adisse Laidem. Et ne tibi videar non satis gravis admonitor, scito me ab ipsa pueritia ad annum usque quinquagesimum in aulis Principum militasse. Primum illud tecum statuito, ne quid cui credas, quantumvis in speciem amico, quantumvis arridenti, complexanti, pollicenti, dejeranti. Nec quenquam existimes tibi ex animo amicum, nec tu sis cuiquam amicus ex animo: tamen perinde quasi neminem non ames, ita blandus & comis esto singulis. Esto largissimus eorum officiorum, quæ tibi nihil adferunt impendii. Saluta blande, complectere, cede viam, aperi caput, subinde repete hono-

ris

ris & caritatis titulos, lauda affatim, pollicere benigniter. Prius igitur domi vultum composito, ut is tibi paratus sit ad omnem fabulae partem, ne quid veri affectus in facie subluceat. Meditanda domi est actio, ut oratio vultui, ut vultus ac totius corporis gestus, orationi fucatae subserviat. Haec sunt aulicae Philosophiae rudimenta: ad quae nullus erit idoneus, nisi prius omnem pudorem absterferit, ac vultu nativo domi relicto, quasi personam sumpserit. Proximum erit, ut factiones totius aulae subdoreris, sed ita, ne cui te facile admisceas. Si quos, aut si quas videris nihil non posse apud Principem, vide ut te semper inflectas ad latus navis felicius. Nec pudeat, aut pigeat assentari morionibus etiam, quos animadverberis esse gratos Jovi. Sed hunc ipsum omnibus technis captabis. Quoties in illius conspectu confistes, arte praeter te feres simplicem quandam alacritatem, quasi gaudio gestias quoties illi datur adesse. Et postea quam comperisti, quibus rebus offendatur, quibus oblectetur, non multum erit negotii apud illum quamvis magnam inire gratiam. Commodè subservies, ad orationem arridebis: si loqui non dabitur, applaudas velut admirabundus. Sed apud alios plenis, ut ajunt, tibi illius laudes decantabis. Aliqui certe perferent, si passim praedicaveris. Nunc hic, nunc ille tibi captandus erit munusculo, sed eleganti & apto magis, quam precioso, ne videaris aureo piscari hamo. Precium addes oratione. Excusabis tenuitatem fortunae. Ubi illa contigerit opulentior, polliceberis montes aureos. Si qua praeda affulserit, cave quisquam Deorum aut hominum tibi tam carus sit, ut illi cedas. Semper tibi proximus esto. Quoties de re agitur, vel patri verba danda sunt. Non semper in aula spirant venti secundi: ubi spirant, arripienda est occasio. Nullius iurijurandi tam sancta sit tibi religio, ut hujus gratia patiaris opimam praedam elabi de manibus. Si quibus Principem senseris vehementer infensum, ac diversam factionem gestire victoria, semper accomoda te felicioribus, sed ita, ut alteram partem non laedas capitaliter, nisi id fiat tuo magno, certoque bono. Solent enim Principum favores, ventorum in morem subinde reflare in diversum. In summa, ubique venare commodum tuum. Ne quem aperte laedas. Cave mensam habeas domi, ea res exhauriet te sumptibus. Longe praestat convivam esse, quam convivatorem. Noli supputare, quanti constet una coena domi data, sed subducito rationem, ad quantam summam post annum ea res tibi sit reditura. Proceres aliquot cole. Horum mensiste adjungito, sed ita, ne crebrius ad eundem. Hic comis & commodus esto conviva, sic festivus ac lepidus, ut ne quem offendas. Si quid in te dictum erit petulantius, in lusum, jocumque vertito, etiam si seria res sit. Ab omnibus tanquam ab hostibus caveto. Ne cui concedas, unde te possit laedere. Si quos senseris tibi parum amicos, fac artificio summo dissimules, & communibus officiis hoc magis apud illos amicum agas. Lauda apud eos, quos suspicaris renunciaturos, hac arte aut fient amici, aut mitius erunt inimici. Tantum cave, ne qua detur ansa laedendi. In caeteris nugis aulicorum esto lepidus congerro. Tantum ab alea temperato: siquidem ad hunc scopulum multi fecere naufragium, sic, ut vix licuerit enatare nudos. Da operam, ut quam minimum inquineris. Ad rem augendam & constabiliendam ubique vigila. Ubi satis pingueris, excogitanda ratio, ut quod paucis contigit, feliciter ab aula te subducas, tibi que vivas. Neque perpetuus ad sis Principi, neque nimium diu absis: quorum alterum parit tedium, ac satietatem, alterum oblivionem. Ut autem etiam commodo tuo absis, ambi legationes, sed favorabiles, minimique negotii, ita subinde redibis novus ad Principem tuum. Semper esto querulus ac petax, & quemadmodum callidae meretrices, variis nominibus ac modis, semper aliquid auferunt ab amatoribus, ita tibi studio sit, semper aliquid auferre a Principe. Sed ea potissimum petenda, quae ille sine suo sumptu largiri potest. Quod genus sunt, Sacerdotia, Praepositurae, Abbatiae. Si quid erit tale, cujus tu capax non sis, suborna qui petant suo nomine, sed tuo commodo. Haec arbitror esse satis pro primis elemen-

tis: posthac ubi te profecisse videro, abstrusiora quaedam impartiam. Vale.

EXEMPLUM EPISTOLAE, QUAE HABET
ADMIXTAM OBJURGATIONEM.

Contigit tibi genus cum primis honestum: contigit res satis ampla, contigit ingenium, contigit eruditio non vulgaris, nec deest judicium. Quid multis? felix eras, nisi unum quiddam tibi deesset, ut hoc tua pace dixerim. Nam haec qui scribit, tibi ex animo bene vult, ut si quis alius. Quid istuc? inquires. Ut animo imperes tuo, mi Saxon. Quid conferunt literae, si nescias uti? Non hercle plus, quam cithara ei qui nesciat canere. Ad hoc discitur Philosophia, ut ne quid agatur ex affectuum arbitrio, sed ex rationis judicio. Et unum hoc quod deest ad felicitatem, ipse tibi praestare potes: praestiteris enim illico, si magnopere velis. Quid tibi cum istis litibus? Sit interim levis momenti, quod & rem dederis, & temporis iacturam facis, animi tranquillitate cares, & minus jucundus es uxori, liberis, amicis, minus adeo tibi ipsi: vides toties periclitari valetudinem tuam. Ut belli, sic litis incertus eventus. Sed finge certam victoriam: quæso te, totum hoc quod evinces, tot incommodis emendum putas, etiam vitae discrimine? Scio, non facis ista tuo ingenio, quo nihil est ad pacem, & amicitiam propensius. Instigat te lippus ille veterator, homo factus ad lites. Sed obsecro te per nostram amicitiam, qui magis libet isti uni auscultare, quam optimo parenti, quam his amicis, qui tibi non minus bene volunt, quam sibi? Tu quidem pro tuo candore alios aestimas e tuo ingenio: at vereor ne consulor iste sibi consulat, non tibi. Mihi vultus ipse hominis impostorem clamat. Atque utinam hic mihi sit læva mens: sed vereor ne sero sapias, meque vatem fuisse dicas. Rejice nebulonis venenatam blandiloquentiam. Patrem virum & singulari prudentia præditum, & tui plus quam paterne amantem: imo tuum ipsius ingenium, tuam eruditionem in consilium adhibe. Rem per arbitros cum affine transige, vel parum æquis conditionibus: fortasse capies aliquod rei dispendium. Crede mihi, si rerum omnium rationem subduxeris, istud dispendium summum erit compendium, etiam si in solidum pereat, quo de lis est. Vale.

MONITORIAE SYLVA.

Nam neque pugnandum arbitrarer contra tantas *Cic. E. opes, neque delendum, etiam si id fieri posset, summorum civium principatum, neque permanendum in una sententia, conversis rebus, ac bonorum voluntatibus mutatis, sed temporibus assentiendum. Nunquam enim præstantibus in Republica gubernanda viris laudata est in una sententia perpetua permanens: sed ut in navigando tempestatum obsequi artis est, etiam si portum tenere non queas: cum vero id possis mutata velificatione assequi, stultum est eum tenere cum periculo cursum, quem ceperis, potius quam eo commutato quo velis tandem pervenire. Sic cum omnibus nobis in administranda Republica propositum esse debeat id, quod a me sæpissime dictum est, cum dignitate ocium: non idem semper dicere, sed idem semper spectare debemus.*

Et si eo te adhuc consilio usum intelligo, ut id reprehendere non audeam, non quin ab eo ipse dissentiam, sed quod ea te sapientia esse judicem, ut meum consilium non anteponam tuo, tamen & amicitiae nostrae vetustas, & tua summa erga me benevolentia, quæ mihi jam a pueritia tua cognita est, me hortata est, ut ea scriberem ad te, quæ & salutis tuæ conducere arbitrarer, & non aliena esse ducerem a dignitate.

Sed quoniam quod mihi placeret ostendi, reliqua tu pro tua prudentia considerabis.

Scribam aperte, sicut & mea natura, & nostra amicitia postulat.

Oro, obtestorque te, pro nostra veteri conjunctione, ac necessitudine, proque summa mea in te benevolentia, & tua in me pariter, te ut nobis, parenti, conjugii, tuisque omnibus, quibus es, fuisti que semper carissimus, saluum conserves: incolumitati tuæ, tuorumque, qui ex te pendent, consulas. Quæ didicisti, quæque ab adolescentia pulcherrime a sapientissimis viris tradita

Tom. I. Ff me

memoria, & scientia comprehendisti, iis hoc tempore utare: quos conjunctos summa benevolentia, plurimisque officiis amasti: eorum desiderium si non æquo animo, at forti feras.

Nunc tantum significandum putavi, ut potius amorem tibi ostenderem meum, quam ostentarem prudentiam.

Adhuc enim patitur tua summa humanitas, & sapientia, me quod sentiam, libere dicere.

Lib. x. Epistola: *Qua loquutus est Furnius noster.*

Cic. ad Attic.

Ut enim gubernatori cursus secundus, Medico salus, Imperatori victoria; sic huic moderatori Reipublicæ beata civium vita proposita est, ut opibus firma, copiis locuples, gloria ampla, virtute honesta sit. Hujus enim operis maximi inter homines, atque optimi illum esse effectorem volo.

Vehementer a te Brute dissentio, neque clementiæ tuæ concedo, sed salutari severitas vincit inanem speciem clementiæ. Quod si clementes esse voluerimus, nunquam deerunt bella civilia.

Hæc ex oraculo Apollinis Pythii edita tibi puta, nihil potest esse verius.

Nunc Cicero, nunc agendum est, ne frustra oppressum esse Antonium gavili simus, neu semper primi cuiusque mali excidendi causa sit, ut aliud renascatur illo pejor.

Etiā illud admoneo, ne quid ullis literis committas, quod si prolatum sit, moleste feramus. Multa sunt, quæ ego nescire malo, quam cum aliquo periculo fieri certior.

Cic. Epist. Fam.

Nec te tam longæ navigationi & viæ per hiemem nisi bene firmum committas, neve naviges, nisi explore. Qui cupide profecti sunt, multi naufragia fecerunt. Solent nautæ festinare quæstus sui causa, cautus sis mi Tiro.

Accepi tuam Epistolam vacillantibus literulis, nec mirum tam gravi morbo.

Audio te animo angī, & Medicum dicere, ex eo te laborare. Si me diligis, excita ex somno tuas literas, humanitatemque propter quam tu es mihi carissimus.

Nunc opus est te animo valere, ut corpore possis. Id quum tua, tum mea causa facias, a te peto.

Mihi crede, tuis literis perlectis, exilui gaudio.

Quid est enim negotii, continere eos quibus præsis, si te ipse contineas? Nam ut quisque est vir optimus, ita difficillime esse alios improbos suspicatur.

Multis enim simulationum involucris tegitur, & quasi velis quibusdam obducitur uniuscujusque natura. Frons, oculi, vultus, persæpe mentiuntur, oratio vero sapissime.

Quid enim ei præcipiam, quem ego in hoc præsertim genere intelligam prudentia non esse inferiorem me, usu vero etiam superiorem.

Quapropter incumbere toto animo, & studio omni in eam rationem qua adhuc usus es, ut eos, &c.

At ille quidem princeps ingenii & doctrinæ Plato, tum denique fore beatas Respublicas putat, si aut docti, ac sapientes eas regere cœpissent, aut qui regerent omne studium in doctrina ac sapientia collocassent.

Mitigatio monitionis.

At ea quidem quæ supra scripta sunt, non ut te instituerem scripsi, (neque enim prudentia tua cuiusquam præcepta desiderat) sed me in scribendo commemoratio tuæ virtutis delectavit: quanquam in his literis longior fui, quam aut vellem, aut me fore putavi.

Sed te illud admoneo, ut te ante compares, quotidieque meditare resistendum esse iracundiæ, quum ea maxime animum movet, tum diligentissime linguam esse continendam: quæ quidem mihi virtus, non interdum minor videtur, quam omnino non irasci.

Mitigatio monitionis.

Nihil enim nec temere dicere, nec astute reticere debeo. Apud Xenophontem est Cyri & Agesilai, summo imperio, nullum unquam verbum asperius auditum fuisse.

De sorore quod scribis, testis erit tibi ista, quantæ mihi curæ fuerit. Utinam fratris in eam animus esset is, qui esse deberet. Quem quum esse offensorem arbitraret, eas literas ad eum misi, quibus & placarem ut fra-

atrem, & monerem ut minorem, & objurgarem ut errantem.

Tu pro tua prudentia, quid optimum factu sit videbis. Nisi mihi fortuna proprium consilium extorsisset, &c.

At vide quanto diligentius homines metuant quam meminerint.

Pecunia omnium dignitatem exæquat.

Nunc te objurgari patere.

Neque enim tantopere mihi considerandum est, quid vir optimus, in præsentia velis, quam quid semper sis probaturus.

Quo magis te, cui vacat, hortor, cum in urbem proxime veneris, venias autem ob hoc maturius, illi te expoliendum limandumque permittas. Neque enim ego, ut multi, in video aliis bonum, quo ipse careo, sed contra sensum quandam voluptatemque percipio, si ea quæ mihi denegantur, amicis video superesse.

Quod tibi scripsi, ut te fortitum provinciam præmonerem, plurimum tibi credas, nec cuiquam satis fidas: deinde scias, si quis forte te, quod abominor, fallat, paratam ultionem; qua tamen ne sit opus, etiam atque etiam attende. Neque enim tam jucundum est vindicari, quam decipi miserum.

Possum ego, quod pluribus verbis, pluribus etiam voluminibus Philosophi docere conantur, ipse breviter tibi mihi que præcipere, ut tales esse sani perseveremus, quales nos futuros profitemur infirmi.

Lib. i. Tota Epistola cujus initium: *Consulis an existimem.*

Quorsum hæc? ne tibi optimæ indolis juveni, quorundam immensa luxuria, specie frugalitatis imponat. Convenit autem amor in te meo, quoties tale aliquid inciderit, sub exemplo præmonere quid debeas fugere. Igitur memento nihil magis esse vitandum, quam istam luxuriæ & sordium novam societatem, quæ cum sint turpissima, discreta ac separata, turpius junguntur.

Lib. iii. Tota. *Cum patrem tuum.*

Quomodo Principes sub specie laudis excitandi sunt ad honesta, docet Plin. lib. iii. Epist. *Officium consulatus.*

Rursum lib. vii. Epist. *Terret me hac tua.*

Eodem lib. *Quæris quemadmodum, de Ratione studii.*

Item eodem lib. *Deliberas mecum.*

Rursum Epist. *Gaudeo quidem.* Rursum lib. viii. *Amor in te meus cogit, non ut præcipiam, (neque enim præceptore egēs) admonet tamen, ut quæ scis teneas, & observes, aut scias melius.* Nam tota usque ad finem, hujus argumenti est, & elegans.

MONITIO MEA.

De malo Principe tacendum censeo, nam si male loquaris ingens periculum est, si bene, grave flagitium est.

Non te cuiusquam auctoritas abducatur a recto. Est quidem consultum inhærere majorum vestigiis, siquidem illi recto itinere præcesserunt. Alioqui quid interest, inter hunc imitatore, & gregem, ducem illum suum, quoquo se conferat sequentem?

Hoc ipso mihi places, quod ipse tibi displices. Nam verissime dixit Plinius: Magis in studiis homines timor, quam fiducia decet.

Ede tandem aliquod indolis tuæ specimen. Ostende te aulæ, ostende Reipublicæ, patere te assignari famæ. Scis illud, occultæ musices, &c.

Ostendi, quid in te, hoc est in opere pulcherrimo considerem.

Quem si sine exceptione laudassent, & fide caruisset laudatio, quæ in nullum competit mortalem, & tibi nihil profuisset. Nunc omnes intelligunt, & intelligis ipse, mihi cætera vere placere, quum non dissimularim, quæ mihi displiceant.

Sciebam tibi nihil opus esse monitore, sed tamen libuit admonere, ut quod facis, faceres.

Quod transactum est revocari jam in integrum non potest, quid in posterum oporteat fieri consulendum est.

Nunc monere te ferum est, objurgare inhumanum: utinam aut ego possim te ex istis malis eximere, aut tu monitis meis obtemperans, in ista non incidisses.

Quid faciam? Objurgabo te qui toties admonitus ut

ca-

claveres, velut obstinato devotoque animo temet in istas calamitates conjeceris? Sed ærumno in amicum objurgare, crudele est. Admonebo? serum est: utinam serum non esset. Scio quam tu frustra soleas admoneri. Complorabo tuam infelicitatem? quid aliud quam plagam exacerbavero. Unum illud superest, si quid tamen superest, ne doloris impatientia, malis per se gravissimis, gravius aliquid adjungas, & omnes ingenii consilii-que tui nervos excites, ut temet isthinc evolvas.

Etiā atque etiam cura valetudinem tuam. Et quamquam est hiems, tamen memento te Avenione vivere.

Deliberationem tuam ad amicos retuli, quorum una omnium est sententia, ut relictis istis nugis Oratorum ac Poetarum, te totum ad jus Pontificium conferas.

Cicero id Epistolæ proprium esse putavit, ut cui scribitur de iis quæ ignorat certior fiat. At ego ad te ea quæ melius meipso tenes.

Quare aut amori meo concedas oportet, aut hanc Epistolam esse neges.

RESPONSIO AD MONITIONEM.

Raras tuas quidem (fortasse enim non perferuntur) sed suaves accipio literas, vel quas proxime acceperam, quam prudentes, quam multi & officii, & consilii. Et si omnia sic constitueram mihi agenda, ut tu admonebas, tamen confirmantur nostra consilia cum sentimus prudentibus, feliciterque suadentibus idem videri.

CAP. LV.

DE AMATORIA EPISTOLA.

A Matoriarum Epistolæ non omnes eodem in genere versantur. Aliæ enim petunt, aliæ exposcunt, aliæ queruntur, aliæ blandiuntur, aliæ purgant. Quare commode de his arte præcipi non poterat. Hujus generis duas species nonnullos fecisse video, honestam & turpem. Nos honestam, conciliatoriam appellamus, alteram amatoriam. Conciliatoria est, qua nos in benevolentiam antea ignoti infinuamus. Eam sic instituemus: Principio causas, quibus ad ambiendam illius amicitiam sumus accensi, probabiliter exponemus. Id quamquam vix citra assentationem fieri potest, tamen assentationis suspensionem accurate amovebimus. Deinde si quid in nobis erit, quod illum ad nos mutuo amandum provocabit, id sine arrogantia significabimus, hoc modo.

SANTERANVS FAVSTO S. D.

Exemplum
Epistolæ
concilia-
torie.

Tua carmina quæ passim apud nos incredibili omnium admiratione leguntur, jam pridem me accenderunt, ut in amicorum tuorum numerum adscribi vehementer arderem. Neque enim divinam modo ingenii quandam vim, verumetiam probitatem modestiamque præ se ferunt. Incitavit me currentem (ut ajunt) Antonius, qui per sæpe mecum, & amantissime, & facundissime de tuis moribus collocutus, ultro etiam hortatus est, ut ad te scriberem, te eum esse, qui non solum oblatas amicitias diligenter coleres, verumetiam sponte tua soleas alios provocare. In te quidem cum omnia summa ac divina suspiciam, de me nihil adfirmare possum, nisi hoc unum, nempe traditurum me tibi hominem, tui observantissimum, parum quidem eruditum, eruditorum tamen candidissimum admiratorem, & prædicatorem simplicem: simulandi ac dissimulandi, juxta ignarum, & pertinacissimum amicorum cultorem: re quidem parum beatum, sed animo beatissimum, liberum, apertum, facilem, denique tui cupidissimum. Hunc si tu vicissim amplecti potes, vel ob hoc ipsum, quod te tam perdit amat, fac eum in tuum gregem recipias. Quod si feceris, rem palmariam me hodie arbitror adsecutum. Tu porro ut cæteris rebus omnibus superes, non committam ut amoris magnitudine tibi concedam. Vale ac nos ama.

De amatoria
preceptio.

Quod si puellæ animum ad mutuam amorem sollicitabimus, duobus potissimum arietibus utemur, laude, & misericordia. Laude enim cum omnes homines, tum puellæ imprimis gaudent, potissimum autem a forma, in qua summum bonum constituunt, tum ab ætate, moribus, genere, cultu, & rebus consimilibus. Deinde quod molli sit animo id genus, & facile ad misericordiam

A commovetur, quam maxime supplices videri studebimus. Quæ illius sunt vehementer amplificabimus, nostra extenuabimus, aut certe summa cum modestia proferemus. Summum amorem, cum summa desperatione conjunctum ostendemus. Nunc lamentabimur, nunc blandiemur, nunc desperabimus: nunc rursus nos ipsos callide laudabimus, pollicebimur: exemplis utemur illustrium, & honestarum mulierum, quæ ingenuo amori indulserunt, & juvenum ipsarum fortunis longe inferiorum. Amorem nostrum, quam honestissimum conabimur ostendere. Denique quam poterimus verecundissime orabimus, ut si amantem redamare nequitiam dignetur, saltem amari se citra incommodum, æquo animo ferat: quod nisi impetremus, decretum esse apud nos quovis modo crudelem abrumpere vitam. Exemplum hujus præceptionis, ab Ovidio cæterisque Poetis petent, quibus ea res curæ est. Quamquam est genus amatoriarum Epistolarum quod abest a nequitia, veluti quum adolescentens probus probam, ac bene educatam puellam ambit uxorem ducere; quamquam hoc quoque blanditias habet, habet lachrymas, querimonias, suspiria, somnia, cæteraque non turpia quidem illa, sed ineptiora tamen, & ad aliquam nequitiae speciem accedentia, quæ nescio an expediat adolescentibus proponere. In his erit plus difficultatis, & uberius exercendi ingenii materia, quoties pauper divitis, obscurus claro genere natæ, deformis formosæ nuptias ambit: denique quoties senex puellæ. Omnes hæ formæ, quamquam ad genus suavorum pertinent, tamen multum admiscetur ex genere demonstrativo, quod amor laude potissimum conciliatur. Hic ingenii fuerit excogitare rationes, quibus se ipsum prædicet aliquis, citra speciem arrogantiae, aut stoliditatis. Nisi personæ tales fingentur, ut hoc ipsum sit affectandum. Qualis est apud Virgilium Corydon, apud Terentium Thraso.

AMATORIAE SYLVA.

Audi igitur me hoc ἀποκρίσεις dicentem. Ne vivam mi Attice, si mihi non modo Tusculanum, ubi certe sum libenter, sed *μακάριον ἔσσι*: tanti sunt, ut sine te sim totos dies.

D Nihil enim est (mihi crede) virtute formosius, nihil pulchrius, nihil amabilius. Semper amavi, ut scis, M. Brutum, propter ejus summum ingenium, suavissimos mores, singularem probitatem atque constantiam: tamen Idibus Martii tantum accessit ad amorem, ut mirarer locum fuisse augendi in eo, quod mihi jam pridem cumulatam etiam videbatur. Quis erat qui putaret ad eum amorem, quem erga te habebam, posse aliquid accedere? Tantum accessit, ut mihi nunc denique amare videar, antea dilexisset.

Lib. 6. Epist. *Nunquam sum magis.* Rursum: *Scribis de absentia mea.* Plinius.

Angeli Politiani Epistola lib. 9. *Cum superioribus diebus.*

CAP. LVI.

DE DEMONSTRATIVI GENERIS EPISTOLIS.

GENUS demonstrativum raro quidem per se adhibetur, frequenter autem in aliis generibus incidit. Exempli causa, si quem commendare nitimur, in personæ demonstranda laude versari necesse est, quod idem accidit in consolatione, petitione, exhortatione, admonitione. Præterea in criminatione, defensione, investiva & consimilibus generibus. Quod si cui suademus, ut in aliam urbem aut villam commigret, demonstratione ejus loci faciē ante oculos ponimus. Quoties autem per se adhibetur, totum est ad delectationem accommodatum. Quare ut in pictura, ita in demonstratione conveniet adhibere sermonis varietatem, verborum apparatus, exornationum festivitatem, annominationes, membra, comparia, contraria, verba Poetica. Si personam describimus, ut Regis, Reginae, Principis, alteriusve, ei cui ea sit ignota, Rhetorum super hac re notissimas præceptiones ignorare non oportebit. In Epistola satis erit vultus, totiusque corporis habitum, figuram, gestum, motumque tanquam pictura exprimere.

Tom. I.

Ff 2

mare:

455

mere: deinde ad animi, fortunæque commoda venimus. Quod satis luculenter a Rhetoribus præceptum, neque cognitu difficile, prudens prætereo. Si locum quempiam describimus, perinde ac si hominem manu in eum duceremus, primum tanquam procul intuenti universam loci faciem cogitationi subijcimus. Situm tanquam depingentes describimus. Num in edito an humili, an declivi. In plano, an monte, nemoroso, an secus. Quo flumine, mari, aut lacu alluatur, aut cingatur. Quantum passuum in longum, in latum, in ambitu contineat. Hic consideratis cœli plagis, quem prospectum, quas urbes, quos agros, quos montes, quæ nemora in unamquamque partem habeat. Quo sole illustretur, quibus ventis trudatur, cui cœli portioni subjaceat, cujusmodi cœlum habeat, salubre, an pestilens, amœnum, an secus exponemus. Deinde tanquam propius accedentes, singula accuratius ostendimus: & ut quicquid advenientibus sese consuevit offerre, ita primum exponemus. Si villam aut amplum ædificium demonstrabimus, a primo ingressu exordiemur, cujusmodi atrium, quantum, qua figura, quo lapide, quot habeat cubicula, & in quam partem vergentia, quem in quamque partem habeat prospectum. Deinde arcem, vestibulum, penetralia, conclavia, triclinia, breviter totum ædificium lustrabimus, situm cujusque rei sine confusione exprimentes, ut is qui legit, cum locum videre se oculis putet. Si flumen aut lacus erit, quam amplum, quam rapidum, quo colore, unde nascatur, unde augeatur, qua præterfluat, quo influat, diligenter exponemus, quos sinus faciat, quas insulas, quos agros, quæ nemora irriget, quod piscium genus, quæ piscandi, ac navigiorum forma. Si ager erit, quid ferat, quantum, quo ritu colatur, cujusmodi cultores, quod arborum genus, cujusmodi vinum proferat. Si mons, a radicibus usque ad cacumen omnia diligenter perlustrabimus: & si quid habeat novum, prodigiosum, aut aliqui memorabile: qualis est apud Pomponium Melam descriptio montis Atlantis, apud Plinium Ætnæ. Ad hæc pertinet amphitheatrorum, animantium, pomarum, tabularumque descriptio. Vocabulorum idoneorum vim, ex eorum libris qui de situ orbis Latine scripserunt, quique de Architectura, facile comparabimus. Et incidit hoc genus persæpe, quum peregrinantes ex itinere de novis rebus transcribimus. Si quem locum insignem, principem nobilem, si quod animal inusitatum vidimus, id his rationibus, summa cum legentis voluptate describemus. Loci describendi exemplum erit, Tusculorum, ac Laurentis apud Plinium, & Regiæ Pŷches apud Apulejum, & alias descriptiones crebræ apud Poetas & Historicos: veluti domus Sōmni & Famæ apud Ovidium; Cleopatrz Cydno advectæ apud Plutarchum; picturarum apud Philostratum. Si genus hominum describimus, a corporum descriptione exordiemur, deinde ad vestium genus, ad animorum habitus veniemus. Postremo vivendi ritum omnia ante oculos ponemus. In hoc demum genere, sive laudemus, sive vituperemus, hypotyposim, effictionem, imaginem, & exornationem quam notationem appellat Cicero, & si quod aliud schema, quod ad energiam facit, scite exhibebimus. Itaque de hoc genere hæc præcepisse fat erit. Nam exemplis singula demonstrare, per longum sit, & undecunque magna vis exemplorum sapet.

CAP. LVII.

DE JUDICIALIS GENERIS EPISTOLIS,
ET PRIMVM DE CRIMINATORIA.

SI quem accusare volumus, & causæ statum, & confirmationes, confutationesque, argumentandi rationes, & quibus rem verisimilem, aut dissimilem faciamus, quibus exaggeremus, quibus extenuemus, ea omnia e Rhetorum præceptis percepta habere convenit. Neque enim alio artificio scribitur Epistola, quam Oratio. Tamen quoniam in Epistola brevitatis esse debet, & singulos locos persequi non licet, ea quæ potissimum ad rem spectant excerpemus, multa in suspitione relinquimus. In criminatoria igitur Epistola nonnunquam ab abrupto principio conveniet exordiri, quo statim &

nostrum dolorem, & rei atrocitatem indicemus. Id erit, si vel a conquiescente, aut dubitatione, vel ab exclamatione, aut aliqui figurata oratione initium capiemus. Quanquam idem apud iudices fieri vetant Rhetores. Deinde rem verisimiliter narrabimus, argumentationes, & amplificationes eidem brevitatis causa admiscentes. Mox probabilibus argumentis rem docebimus. Postremo epilogum, aut aliquid epilogi loco subijciemus.

EXEMPLVM.

Pudet me, ita me Deus amet, Præfectori justissime, de mei hospitis, tui civis, insigni contumelia queri. Quid autem dixi contumeliam? Non occurrit vocabulum, quo rem atrocissimam satis digno explicam: neque ulla Tragedia nefario scelere par inveniri poterit. Quod ubi acceperis, quæ tua est æquitas, innocentiaque, & mee conditionis miseresce, & civis tui vehementer pudebit: si tamen ejusmodi nebulones pro civibus tuis sint habendi. E tempestate illa, omnium quas, vel vidimus, vel audimus, savissima, quæ pridie Id. Octobr. sexaginta onerarias naves, omni mercium genere repletissimas, in mari Adriatico oppressit, Varus Saxonius inter multa hominum millia, quæ naufragio periere, solus, aut certe cum perpauca emerfit, homo omnium quos terra sustinet impiissimus. Credo vel in meam perniciem a Neptuno mihi irato servatum, vel certe quod maris elementum, pestem talem, sub Tartara potius præcipitandam exhorruerit. Excepi hominem nudum, egentem, squalidum, confectum, seminecem. Cur, inquires, tale partentum in domum tuam vocabas? Irato genio, Diis iratis, mente lava. Fateor, neque enim postulo ut hanc appelles humanitatem & misericordiam, attamen ut hominem excepi, movebat me hominis miseranda conditio, & eo magis, quod ipse ejusmodi calamitatis rudis non essem. Perperit multorum commendatio, hortabatur patria, quam tamen mea non est, tamen non secus ac meam semper sum amplexus. Vinea barfucatissimi nebulonis, mira quadam, sed dissolutissima specie probitatis, oratione, lachrymis, ipsa domique canicie. Hæc vel quamvis astutum hominem fallere poterant. Nunc quid ego commemorem, quæ mea fuerit in illum comitas, liberalitas, hospitalitas? In intimam familiaritatem admissi demens. Omnes fortunas communes feci: familiam, & rem domesticam ejus manibus concredidi. Ita duos ferme menses apud me est humanissime habitus. Hic ego dictum illud nimium vorum esse sum expertus, non minus esse periculosa malis benefacere, quam bonis male. Nam ille bonus vir, repente, ex hospite prædo, ex senefactus est stuprator. Cum famula domestica, clam rem habuit, ac gravidam mihi reliquit. Indignum facinus clamabis, scio. Sed mane, nondum Tragediæ audisti argumentum. Nam hæcenus Comœdia videri potest. Quum jam foedissimam fugam constitisset, sacratissima ea nocte, quæ Christo est natalis (vide, ut scite foeloris artifex tempus delegerit) quum jam uxor cum reliqua familia, ecclesiasticis vigiliis operam daret, me præter morem, & illo insperante domi relicto, eo quod subito dolore correptus essem, jam intempesta nocte, in proximo filiz cubiculo strepitum audio, nescio quem, deinde stridorem, tantum ferro effringentis. Miror quid sit; puerum excitum, jubeo visere, offendit hominem. Mentitur se ab uxore missum ut preculas, quas filia reliquerat, adferat. Paulopost clariori etiam strepitu exit. Post horam fere uxor anhelans domum accurrit. Percontor quid novæ rei sit? ait filiam inter frequentem turbam e suo comitatu dilapsam nusquam apparere. Oboritur utrique certa suspicio, mihi quidem e strepitu, uxori vero multo amplius, quod cum aliquoties antea furtim cum ea confabulantem comperisset, tum ea nocte, nescio quid confutationis animadvertat. Mihi quoque tot res conjecturam facere poterant, nisi talpa cæcior fuisset. Pallescebat mihi canus amator, macies vultum obduxerat. At ego illum aqua maris, non igni fenili pallere putabam. Cubiculum ingressi, scrinium effractum offendimus, arma relicta, sublatum & vestium & pecuniarum annulorum, ut quicquid occurrerat furto fugæque commo-

Verisimile facit.

disimulatum. Quid facerem, & spoliatus hospes & plufquam orbis pater? Et nox, & hiema, & solitudo urbis, denique & ipsa diu religio prædoni favebat. Illic animi mei curas facilius fuerit tibi æstimare, quam mihi narrare. (Cives aliquot uigre contumelia, exilio, percontor, vestigo, audio una cum puella conspectum, via quam obliquam vulgo nominant, suffraginatum, & admodum properantem. Intellego infelix. Itum est ad portum, quo ea ducit via, nihil invenio præter scalmum ulteriori insipia, in citioris zozam, que tumultuanti filie exciderat. Sedeo exanimatus, orta luce, quæ mihi tristissima longe, omniumque funestissima illuxit. Ubi res in vulgum emanavit, passim querelæ fervent. Ab aliis mutuum acceperat, aliis imposuerat: alius ex illius convitio aliquid desiderabat, nemini non aliquid adfuerat mali. Sed quid me confoletur? communis cum multis injuria? Audio, sed hæu sero audio, hujusmodi flagitia apud illum nova non esse. His artibus, ita a puero tuis se exercitum, his rudimentis coepisse, ut se ipsum ne senex quidem unquam vincere potuerit. Nulla unquam honesta Venere delectatum: ne a cognatis quidem solitum abstineret. Nihil unquam sacrum illi fuisse: hominem semper fuisse alieni appetentissimum, suorum proforem: simulandi ac dissimulandi mirum artificem. Quid enim ego hic optime viri, vel incam calamitatem, vel illius solus verbis exaggerem? Rem vides, quæ quid unquam auditam est tædium? Hospitium pollicit, fidem perfide violavit, pro summis beneficiis suamum malefium reddidit, familiam perdidit, vernaculam per nefas illecebram contumax: fornia compilavit, filiam puellam, & unicam rapuit, me nudum, orbem, senem reliquit, a quo fuerat nudus, egenusque receptus. Quid illi posthac sceleratum videri poterit, quem neque hospitii religio, neque tanta in ipsum mea benignitas, neque legum metus, neque humanis illius reverentia, neque ætatis pudor, aut canities, neque tam sacræ modis pietas a tam nefario flagitio potuit deterrere? Quod portenta sunt, si quando in tuas manus incidit, non erandus es, ut meo nomine penitus tua severitas sumat, sed ut optatam patriam totorima peste liberet, quam funditus exstingui, & Deorum interit, & hominum. Vale.

Quum hæc recognoscerem, optime lector, manifeste deprehendi me, quum illa scriberem, quod libro utcumque absoluto, satisfacere amico parum amico, quicquid veniebat in buccam, charis illevisse. Alioquin nihil erat negotii aliud argumentum excogitare, Epistolis accommodatis. Dicit aliquis, quid Epistolæ cum tribunalibus? Imo frequenter & hoc genus incidit, veluti quum nostram, aut amici famam purgamus, & tuemur adversus obtrectatorum calumnias, nonnunquam recriminantes eos, qui crimen impingunt. Nonne D. Hieronymus, quum a se depellit inentatam stupri cum Paula suspitionem, totus versatur in conjecturalibus argumentis, & locum communem tractat, a questionibus? Sed quoniam de nullo genere diligentius præceptum est ab artis scriptoribus, & hoc non admodum accommodatum est pueris exacerandis, quibus hoc quicquid est operis potissimum paratur, pergemus ad alia, quæ magis congruunt huic instituto.

CAP. LVIII.

DE EXPOSTYLATORIA EPISTOLA.

Expostulatio inter amicos sæpe fieri solet, quoties officium eorum requirimus. Eane quidam amicitiam exasperet, mitiganda est, vel laude, vel joco, vel dissimulatione, nisi talis erit cui scribimus, ut apud illum nihil non liceat. Ipsam quidem rem damnabimus, sed voluntatem quantum licebit, excusabimus. Mirari nos dicemus, quid in causa fuerit, quidvis suspicari malle, quam illum ab officio cessasse.

EXEMPLVM.

Centenas jam ad te literas dedi, tunc unas quidem reddidisti. Quid conjectem? quid divinem? Vivere te, an sepultum esse? Sed vivere, atque etiam valere, nuper mihi gener tuus nuntiavit. Quoniam vetus ille tuus in me animus evanuit? Itane potuit ob diuturnam absentiam Gulielmo Lucius excidere? Potuit nec illa tam ve-

hemens flamma languescere? Potuit exstingui tantum amoris incendium? Et quo nostri tibi cura recessit? Ego, mirum est dictu, quanto tui desiderio macerer: & tu fortassis nostri securus, novis amoribus te oblectas. Ne mihi veteres illas excusationes protuleris: non fultocium, non erat tabellarii copia. Quæ nam ista tam importuna negocia, ut nec semihoram amico operam dare non sinant? Atqui hoc saltem scribe: Distineor occupatione, non licet scribere. Vale. An me plane vacuum credis? Quot noctes jucundis susurris consumpsimus, & nunc tantulum somni defraudare, dum unum aut alterum versiculum amico scribas, piget? An vero tot jam mensibus nemo unquam oblatus est, cui literas committeres, præsertim familiares? Nemo cui aliquid manderes, per quem me salvere juberes? Omnes isthuc abeunt, isthinc nemo emergit? Sed audio te nuper nova dignitate auctum, fortassis superbior nobis es factus, postquam esse coepisti pecuniosior. Quod si commodum tuo sit, modestius silentium feram tuum: sin vel oblivione nostri, vel aliquo incommodo detentus, taces, graviter, ut par est, patiar. At ego quidvis suspicari malo, quam te officio tuo functum non esse. Utique tamen res est, fac me hoc scrupulo quam primum leves. Nolim hac in re te causam habere nimium bonam. Malo jure questus de te videri, quam tibi valetudinem adversam, silentii causam fuisse.

ALIVD EXEMPLVM.

Hem isti mandes, si quid recte curatum velis. Tene ita dormitasse in rebus amici tam feriis? Sed ego tibi non succenseo, mihi succenseo, qui tibi mea curanda mandam, non ignarus, quam in tuis ipsius negociis soleas esse indiligens.

ALIVD EXEMPLVM.

Librum relegens, quum tot mendas offenderem, tamen non contemnendas, mi Scriboni, non potui non desiderare in te fidem illam, & veterem nostram necessitudinem, & tuis pollicitis, & mea de te fiducia dignam.

Magnifice receperas, & ego majus quiddam expectabam, quam tu pollicebaris. Ut id sperarem, fecit ista tua modestia, tuique mores ab omni furo, levitateque visi semper alienissimi. Cur hic tui dissimilis fueris, magnopere demiror: nisi quod res ipsa clamitat, non vulgariter abs te cessatum esse. Neque enim potes in alium rejicere culpam, quum in hoc præfectus sis edendo operi, ne liceret alius operis depravare librum. Atqui nulla in re magis erat præstandum officium amico. Si nullo salario, aut iniquo provinciam suscepisses, tamen amici causa par erat advigilare, cujus famæ periculo oras cessaturus. Si parum apud te ponderis habebat amicitia nostra ratio, tamen hoc officii studiosis omnibus largiri conveniebat, quorum utilitati parabatur opus. Nunc quum larga etiam mercede typographus penset operam tuam: quum scires hoc amici non vulgaris summo opere referre: quum non ignorares esse boni viri, vel gratis de bonis literis, atque harum cultoribus bene mereri, non possum satis admirari, quod in re tanta, tanto opere sit dormitatum. Qui literas tractat, rem tractat non modo publicam, verum etiam sacram. Non potest esse leve commissum, quo læduntur tam multi: & quod aliis in rebus incuria nomine damnatur, hic impietas est. Iniquum est non ejus satisfacere animo, a quo mercedem, plus quam æquam accipis. Inhumanum, negligere famam amici: infidum, non præstare quod promiseris: impium, oscitanter agere in negotio Musarum. Vide igitur mi Scriboni, quot modis abs te peccatum est. Sed hæc nobis sera est querela, tantum obtestor per omnia quæ tibi sancta sunt, ut quod hic admisum est incogitantia, in cæteris cura, diligentiaque pensetur.

EXPOSTYLATORIAE SYLVA.

Epistola famil. lib. v. Si vult bene est.

Lib. v. Epist. Proposito habes tabellarios.

Sed abste ipso, qui me accusas, unas scito mihi literas redditas esse, cum & ocii ad scribendum plus, & facultatem dandi majorem habueris.

Tu velim ad nos sæpe scribas. Si rem nullam habebis, quod in buccam veneris scribito.

Tom. I.

Ff 3

Tu

Tu mihi, etiam si nihil erit quod scribas (quod fore ita video) tamen id ipsum scribas velim, te nihil habuisse quod scriberes, dummodo ne his verbis.

Cicero.

Verberavi te cogitationis tacito duntaxat convitio. Quod fasciculus alter ad me jam sine tuis literis perlatum est, non potes effugere hujus culpæ poenam te patrono. Marcus est adhibendus: isque diu & multis lucubrationibus commenta oratione, vide ut probare possit, te non peccasse.

Non possum te negligentiae non accusare, quod tanta de re, tam breviter, tam indiligenter scripseris.

Aut desidiosus, aut vehementer distentus sis necesse est, qui in tam copioso argumento Epistolæ tuæ brevis sis.

Brutianum Laconismum mihi tibi proposuisse videris, qui Epistolam vix tribus versibus scripseris.

Vix adduci possum, quod mihi de te ab auctoribus alioquin minime vanis adfertur: Est enim & a mea de te existimatione, & a tuis moribus pristinis longe alienum.

Is ne ut nos tanta impensa derideat?

Plinius.

Lib. I. Epist. *Olim nullas mihi Epistolas.* tota.

Lib. II. Epist. *Irascor.* tota.

Lib. I. Expostulationis jocosæ exemplum, tota Epistola cujus initium: *Heus tu promittis.*

Politianus.

Lib. II. Epist. *Ex literis, & sermone multorum.*

Eodem lib. Epistola: *Dederam commodum.*

EXPOSTULATIO MEA.

Antonius tibi diem dicit, & sponsores appellat. Non enim præstas quod receperas, te frequenter ad se scripturum.

Ego vero tibi vehementer etiam irascerer, qui toties tam accurate monitus a nobis, non auscultaris, nisi parum esset humanum, irasci calamitoso.

Arcanum quod nuper tibi commisi, utpote ei quem nihil unquam celare solebam, id audio jam prolutum in lucem, quotidie ad plures serpere. Te rumoris hujus auctorem esse necesse est, quando ipse mihi sum conscius, nemini illud præter te unum mortalium communicasse. Quod si falso est mihi obnuntiatus, est quod vehementer gaudeam. Malim enim in illis vanitatem accusare, quam in te amici fidem desiderare: sin vere, haud te dignum fecisti. Quid enim tam perfidum, quam amicorum arcana prodere? Res est non tam expostulatione, quam acri reprehensione digna. Sed nondum de tua fide diffido. Tu fac hoc scrupulo me quam primum leves.

Carior mihi es, quam ut tibi possim irasci. Sed tamen vehementer & miror, & doleo, quod contempto meo consilio, & fideli, & salutari, in tantam turbam te ipsum conjeceris.

Tantus in te meus amor, ut nulla exoriri possit injuria, sed tamen non commoveri non possum.

Absolvi non potes, ne Cicerone quidem patrono in culpa tam manifesta. Ubi nam sunt tui fasciculi literarum, ubi farcinæ ingentes, quas tu mihi abeunti promiseras, homo hominum qui vivunt vanissime? at nunc isthinc adfertur nihil.

Hæc ad te scripsi liberius, fretus conscientia officii mei, benevolentiaque quam a me certo judicio susceptam, quoad tu voles conservabo.

CAP. LIX.

DE PURGATIONE.

Expostulationem purgatione diluimus, ita ut nos ea expostulatione non modo nihil offensos, verum etiam vehementer delectatos ostendamus. Deinde suspicionem objectam graviter abominabimur. Postremo rationes quam maxime probabiles, quibus eam purgemus, proferendæ sunt. Quanquam huic generi mire vario, vix ulla certa ratio præscribi potest. Ex re, ex tempore, ex personis consilium sumamus oportet.

EXEMPLUM.

Non tam molestum fuit me abs te immerentem accusari, quam jucundum officium meum requiri. Est enim immodici amoris argumentum, temere de amico suspicari. Quanquam tu meum tam diuturnum silentium, non sine causa miraris. Hic enim mensis est pro-

pe decimus, ex quo nihil ad te literarum dedi. Sed Dii prohibeant quæ tu scribis, ut Lucius Gulielmi oblivisci unquam possit. Unquam ne Gulielmi possit Lucius non meminisse? Egone novis me oblectem amoribus? Egone successibus rerum elatus, te minoris faciam? Quasi vero ulla mihi fortuna sine te dulcis aut fuerit unquam, aut esse possit? Cave vero credas ulla negocia tanti apud me esse, quæ non facile posthabeam, si quando ad te scribendum erit. Cur igitur, inquires, nihil adfertur scriptorum? Audies. Scripseram bis, primum per Stilbonem affinem tuum Idibus Majis: deinde per focerum meum Petronium Cal. Julis. Priores quidem tibi non esse redditas scio. Ait enim reversus Stilbon, sibi eas in itinere excidisse, ideoque veritum te convenire. Socer quum istuc iter instituisset, consilium in profectioe mutavit. Post hos nemo mihi contigit, cui recte committerem. Ne tuas quidem omnes accepi. Cæterum hoc tibi etiam atque etiam persuadeas velim, neminem vivere, aut tui amantorem, aut æque memorem, siue scripsero, siue non scripsero. Vale.

Hoc in genere quoniam frequenter incidit inter amicos, variis thematis exerceri conveniet. Expostulatur enim cum amicis, quod in officio scribendi cessaverint, quod mandata non peregerint, aut serius, secusve peregerint, quam oportuit. Quod per incogitantiam aliquid effutiverint, quod præstiterat tacuisse. Quod parcius aut neglectius scripserint, aut acerbius: quod in re seria non consuluerint amicum, quem non oportebat quicquam ignorare, quod de animo amici parum magnifice sensisse visi sint, qui quum egerent ope, dissimularint. Hoc genus minimum abest a monitione, quæ objurgationem habet. Huic finitimum est illud, quoties querimur apud alios de quopiam.

PURGATORIA SYLVA.

Si esset in his fides, in quibus esse debebat, non laboraremus.

Cic. & pist. Jam.

Lib. III. Epist. *Es si quantum ex literis.*

Quod si rarius fiet, quam tu expectabis, id erit causæ quod non ejus generis meæ literæ sunt, ut eas audeam temere committere. Quoties mihi certorum hominum potestas erit, quibus recte dem, non prætermittam.

Sed tamen significatur in tuis literis, suspicio quædam, & dubitatio tua, de qua alienum tempus est mihi tecum expostulandi, purgandi autem mei necessarium.

Quereres tecum, atque expostularem, nisi (ut supra scripsi) purgare me tibi hoc tuo tempore quam accusare te malle, idque putarem esse rectius. Itaque nihil de te, quod credideris de me, quamobrem non debueris credere, pauca dicam.

Non oblivione amicitiae nostræ, neque intermissione consuetudinis meæ, superioribus temporibus ad te nullas literas misi, sed quod priora tempora in ruinis Reipublicæ nostrisq; jacuerunt: posteriora autem me a scribendo tuis injustissimis, atque acerbissimis incommodis retardarunt.

Peto a te, ne me putes oblivione tui rarius ad te scribere quam solebam, sed aut gravitate valetudinis, qua tamen jam paululum videor levare, aut quod absum ab urbe.

Habes Epistolam verbosiorē fortasse, quam velles: quod tibi ita videri putabo, nisi mihi longiorem remisseris. Ego, si quæ volo, expediero, brevi tempore te, ut spero, videbo.

Quapropter eo animo sumus inter nos, quo semper fuimus. Quod de te sperare, de me præstare possum.

Lib. II. Epist. *Quanquam me nomine.*

Lib. V. Epist. *Si tu exercitusque valetis.* tota.

Lib. XII. Epist. *Itane præter litigatores.*

Lib. XIII. Epist. *Quam antea capiebam.*

Sed est quod abs te mihi ignosci pervelim.

Cic. ad Attic.

Abs te peto, ut mihi hoc ignoscas, & me existimes humanitate esse prohibitum, ne contra amici summam existimationem, miserrimo ejus tempore venire: cum is omnia sua studia, & officia in me contulisset. Quod si voles in me esse durior, ambitionem mihi putabis obtinuisse. Ego autem arbitror, etiam si id sit, mihi ignoscendum esse. *Θείον γὰρ ἀγαθὸν ἡ τιμή.*

Non

Non committam posthac, ut me accusare de Epistolarum negligentia possis.

Tu modo videto in tanto ocio, ut par in hoc mihi sis.

Nimum raro nobis abs te literæ afferuntur, cum & multo tu facilius reperias, qui Romam proficiscantur, quam ego, qui Athenas: & certius tibi sit me esse Romæ, quam mihi te Athenis. Itaque propter hanc dubitationem meam, brevior hæc ipsa Epistola est.

Ideo sum brevior, quod, ut spero, coram brevi conferre quæ volumus licebit.

Si fortiterarius tibi a me, quam a cæteris literæ redantur, peto a te, ut id non modo non negligentia mea, sed ne occupationi quidem tribuas, quæ & si summa est, tamen nulla esse potest tanta, ut interrumpat iter amoris nostri, & officii mei.

Quare voluntatis meæ me nunquam poenitebit, consilii poenitet.

Ex lib. ad Brutum. Tota. *Clodius Trib. pleb.*

Meæ oburgationes fuerunt amoris plenissimæ, sed vero ne hoc quod infectum est serpat longius.

Plinius. De literarum missione sine causa abs te accusor.

Excusatio proximioris Epistola. Longius me provexit dulcedo quædam tecum loquendi, sed jam finem faciam, ne modum, quem etiam orationi adhibendum puto, in Epistola excedam.

Lib. ix. Epist. *Facis jucunde. tota.*

Habes Epistolam, si modum Epistolæ cogites, libris, quos legisti, non minorem. Sed imputabis tibi, qui contentus libris non fuisti.

Lib. i. Epist. *Quod ad te jam diu.*

Politianus. Lib. iiii. Epist. *Salve Politiane mi.*

Lib. iiii. Epist. *Utinam quas circa medium.*

Lib. iv. Epist. *Neque desidia mea.*

Lib. v. Epist. *Quanto tu erga. Eodem Epist. Non tu nova.*

Eodem Epist. *Herculem me vocas.*

Lib. viii. Epist. *Non causam dico.*

Lib. xi. Epist. *Grate mihi omnino. Lib. xii. Epist. Offendit ut video.*

CAP. LX.

PURGATORIAE EPISTOLÆ.

SCio te quæ facis, optimo animo facere. Quid enim mihi exploratius esse potest, quam animus tuus erga me? Sed tamen ut ingenue dicam quod sentio, videris mihi quædam facere, non ausim dicere inconsultius, virorum prudentissimus, non dicam inimice, vir sincerissimæ fidei, sed tamen parum circumspecte.

Non dubito quin ista facias amico animo, sed tamen mihi gratulor, inimicis meis non esse tantum ingenii ad lædendum.

Ais te fecisse amico animo: sed mea quid refert, utrum me amice jugules, an inimice?

Libet ex universo hominum contubernio in extremas fugere solitudines, quoties istorum linguacissimorum hominum mores in mentem veniunt, qui ad hoc unum se natos arbitrantur, ut alienam innocentiam, sua putida mendacique lingua contaminent.

Quod si toties sim tibi literis purgandus, quoties illi falso insimulabunt, & ego scribendo, & tu legendo defatigaberis.

Quid ego istis maledicentissimis nebulonibus, qui nostræ benevolentia invident, ac semper aliqua comminiscuntur, quo eam vel exstinguant, vel diminuant, imprecet, nisi ut penitus obmutescant.

Quod mandata tua ita ut tu iusseras, & ego receperam, nondum peregi, facultas mihi hæcenus defuit, non voluntas.

Literis consequi nequeam, quam vehementer meis negociis, vel potius fatis indigner, quorum culpa nondum, neque meo studio, neque tuis votis, licuit satisfacere.

Et ipse mallet, & tu promerituses, ut officio potius, quam purgatione apud te uterer, nisi utrique nostrum fortuna mea invideret.

In hoc tibi Jovem lapidem jurare non dubitem, me inficiente ista facta omnia.

Tibi quidem fama publica refragatur, verum ego,

vel sacramento contendebam, abste rem tam illepidam profectam non esse.

Sancte tibi deiero, vel juranti crede.

Credulitas enim error est magis, quam culpa, & quidem in optimi cujusque mentem facillime irrepit.

AD PURGATIONEM RESPONSIO.

Politianus lib. 2. Epist. *Et si literarum tuarum.*

Lib. 12. Epist. *Literas accepi tuas. Eodem Epist. Tu vero.*

Tantum mihi dolorem cruciatumque attulerunt errata ætatis meæ, ut non solum animus a factis, sed aures quoque a commemoratione abhorreant.

Et si iusta & idonea usus es excusatione, intermissio- nis literarum tuarum, tamen id ne sæpius facias rogo.

Quare quum in primis tuas desiderem literas, noli committere, ut excusatione potius expleas officium scribendi, quam assiduitate literarum.

AD PURGATIONEM RESPONSIO MEA.

Antea tibi non nihil irascebar, nunc sum vehementer iratus, nec injuria. Hæc tua tam diligens purgatio effecit, ut videaris, aut parum nosse meum ingenium, aut certe de amicissimo homine, non amicissime sentire.

Offensum me suspicaris, quod de vocula nescio qua, in meis scriptis fueris cavillatus.

Egone tam ferox sim, ut id ab amico moleste feram, quod si faciat æmulorum quispiam, non injuria, sed officio me affectum putem.

Tu vero vel omnia mea scripta, me amico reprehendas licebit.

Cæteri quos purgas, debent mihi probati esse, si tibi sunt.

Nihil est quod vereare: ego enim ne pilo quidem minus te amabo. Hac de re, ut soles, scribe fraterne.

Ad hoc genus pertinent omnes illæ mitigationes, quibus excludimus suspicionem, vel arrogantia, vel odii, vel sævitia, vel cujuscunque rei, quæ videbatur offensura. Quum præpostero ordine respondemus conveniet illud *ὅτι πρὸς τὸν ὁμιλικὸν*, quo usus est Cicero ad Atticum.

Sed quid ago? pene oblitus eram, me Epistolam scribere.

Quo rapior? pene exciderat, cui viro scriberem.

CAP. LXI.

DE EXPROBATIONE.

UT cum amicis expostulamus, ita inimicis & ingratissimis exprobramus. Quare illam mitigari debere docuimus, hanc exaggerandam monemus. Et quoniam omnis exprobratio ab humanitate videtur recedere, coactos nos id facere dicemus, vel ob nulli tolerandam illius ingratitudinem, vel ob insignem stoliditatem hominis: vel quod nos maledictis quotidianis ad id compulerit: vel quod cum impudentissimis hominibus impudentius sit agendum, & malo nodo, malus quærendus cuneus, & id ab optimis viris sæpe factitatum admonebimus. Et reliqua quæ ad hanc sententiam faciunt, proferemus: aut certe per dissimulationem ad exprobrationem veniemus. Conscientiam ipsius subinde testabimur. Rem ipsam artificiosa narratione ante oculos ponemus: in qua perpetuo & nostram in illum beneficentiam, & illius in nos ingratitudinem amplificabimus.

EXEMPLVM.

Non tandem pudebit te tui, senex omnium, qui vivunt, ingratisime? Cupiebam, ita me Deus amet, & meorum in te meritorum oblivisci, & tuam ingratitudinem silentio dissimulare, si quoquo modo patereris. Sed vincit meam modestiam tua improbitas. Audes hominis monstrum, tantam meam in te beneficentiam expertus, ultro etiam te iactare impudens, tanquam aliquid de nobis sis promeritus? Audes me ultro ingratum vocare, quum tu pro summis officiis, quantum potuisti maleficiorum reposueris? Hic ego tuam ipsius conscientiam appello, tuam inquam illam conscientiam, quam tu tot sceleribus pollutam intra te gestare cogis, eandem ingratitudinis tuæ, & testem, & carnificem. Dic mihi scelestissime senex, nunquam ne tibi

suc-

fuccurrit quam supplex apud me ambieris, ut vel aliqua ex parte apud me haereres, ut aliquid tibi mearum literarum impartirem? Percam ni meipsum tui pudet, quoties oris tui speciem illam arte sceleratissima compositam, cogitationis oculis intueor. Te hominem canum, rugosum, tantum blanditiarum, lachrymas etiam effudisse? Me quidem referre pudet. At quorsum attinet narrare memori? Narret tibi conscientia quae feceris, quae dixeris, quae promiseris, quae juraveris. Ultro benignus obtuli, quod homo alioqui impudentissimus, ne petere quidem audebas. Scis post ipse quam fraterno sum te animo complexus, quantum laborum, vigiliarumque tua causa susceperim. Ego meis posthabitis rebus, asinum ad lyram duxi. In eo docendo (si Diis placet) tantum mensum trivi demens. Dic mihi omnium, quos sol videt, ingratus, quis istos mores, vel unum diem pati posset? Quis istud os, vel quantavis mercede videre sustinuisset? Jam nunc animo meo ingens oboritur nausea, & tibi oboriretur, si faciem istam monstruosissimam meis oculis videre posses. Sedeabas puer pulchellus, bos ad palæstram exercendus, & me præceptorem oculis illis refugis, ac ferinis, per hirta, canaque supercilia intuebare, defluente interim in canescentem barbam saliva. Adde intractabile, spinosumque ingenium, caput plusquam marmoreum, sensum stupidum. Ego ista, quae ne ipse quidem interdum ferre poteris, ipsis quam patienter tulerim, devorari, decorerim. Quid a me præteritum est, quo tarditatem tuam vincerem? Audes inficiari homo frontis perfritæ? Testabantur laborum meorum apud te monumenta. Non rubore perfunderis, quoties librum a me multis sudoribus evigilatum intueris? Non exhorrescis, non te ipsum refugis, si quando ad te redis, id est, si quando ab ista phoenici paululum resipiscis? Tu hominem sic de te meritum non amare, non venerari potes? Tu putida ista lingua insectaris, cujus tu linguam tam officiosam es expertus? Quid ego hic te tibi ostendam? Scis quod virus, quam foeditatem ex ista contaminatissimi pectoris tui cloaca evomueris. Quum omnis ingratitudo sit execrabilis, nulla tamen detestabilior, quam in præceptorem. Qui si parum officiosus fuisset, tamen tuum erat, ut parentis, ita præceptoris vitia, vel te gere, vel commode interpretari. Nunc talem ipse fuisse fateris, ut nunquam sis parem habiturus, & pro officiis ea reponis ingratis, quae hostis non faceret hosti. Philippus Rex Macedonum, duci cuidam, qui possessionem ejus a quo naufragus fuerat humanissime exceptus, a Rege flagitatum acceperat, frontem ferro candenti hoc elogio insigniit: Holpes ingratus. An non tu dignior es, cujus fronti cauterio titulus hic inuratur, discipulus ingratus? Sanctius est præceptoris nomen, quam hospitis. Et sceleratius incessere famam, quam eripere prædium. Promittis satisfactionem, si redeam: minitaris atrociora, si non redeam. Quid insanis? Nunc tibi prædicor omnium eruditissimus: rursus eodem ore prædicor omnium qui vivunt indoctissimus. Quid delirius? Hac an non palam arguunt insignem animi tui perversitatem, qui sciens, dataque opera pessime facias illi, qui tibi fecit optime? Et audes istis cum factis solem intueri? Audes in hominum venire coetus? Audes in templis ad aras sacras istas manus, istos oculos ostendere? Audes ista viperea lingua, quam in hominem beneficentissimum toties vibrasti, precari superos ingratitudinis ultores? Num tu superos, aut inferos ullos esse credis? Sed ego exprobrandi finem faciam, quum tu laceßendi finem facias nullum. Vale ut mereris.

EXPROBRATIONIS SYLVA.

Hujus generis exemplum erit illa Ciceronis ad Octavianum cujus initium est: *Si per tuas legiones*, &c. Et illa Hieronymi ad Julianum. Apud Ovidium item Medæ Epistola ad Jasonem.

Cicero. Epist. famil. lib. v. *Et si statueram.*

EXPROBRATIO MEA.

Quando aliam pro meis in te officiis abs te gratiam expectabam, indignor non tibi, qui es omnium ingratus, sed mihi ipsi, qui hominem ingratum, & improbum devinxerim.

A Ego ea quæ ne sperare quidem unquam es ausus, in te contuli.

Ego te nihil promeritum officiis cumulavi, tu me sic meritum contumeliis oneras.

Desperatis etiam Hippocrates vetat adhibere Medicinam.

CAP. LXIII.

DE EPISTOLA INVECTIVA.

Invektivarum scribendarum artificium partim ex demonstrativo genere sumitur, partim e judiciali. Nam in hominis vituperio versari necesse est, in quo notationibus frequentibus utimur. Præterea & objecta diluimus, & fortiter regerimus crimina: quod ad judiciale genus pertinet. Ea a Rhetoribus didicisse debemus. Nos solum hic admonendum putavimus, ut in ipso statim invektivæ exordio, non tolerandam stoliditatem, superbiam, importunitatem, maledicentiam adversarii demonstramus. Nos præter ingenium ac morem nostrum, coactos id facere dicimus. Nos illum non imitatos, ut confictis criminibus agamus, sed a convitiis temperantes, objecta tantum diluamus. Deinde ex hominis descriptione verisimile efficiemus, eum vel odio, vel innata maledicendi libidine, ea commentum esse. Unum ex objectis, quod quam rectissime dilui possit, proponemus. Id ubi diligenter refellerimus, cum recriminatione dicemus hominis impudentiam, vanitatem ex eo uno spectari oportere. Tum ea ipsa, quæ nobis conatus est ingerere, in ipsum retorquebimus, & aut eadem, aut graviora admisisse ostendimus. Multa in suspitione relinquimus: vel quod tam sint obsecra, ut ab homine verecundo, nec adversario laceßenti debeant obijci: vel quod ob multitudinem flagitiorum, e plurimis pauca duntaxat dicere voluerimus: ex uno, aut duobus facinoribus, reliquam ejus vitam facile posse aestimari. Deinde ubi incanduerimus, orationis progressu, scommatis, salibus, dictis hominem eludemus. Et non odiosum modo, sed & ridiculum ostendimus: nec minus contemnendum ob insignem stultitiam, quam detestandum, ob inauditam improbitatem. Multam ironiam adhibebimus. In fine tanquam ipsi nosmet reprimamus, hortabimur, ut aliquando resipiscat, ne cogamur & nos aliquando modestiam relinquere. Exemplum qui quærit, legat mutuas illas invektivas Demosthenis, & Æschini: Ciceronis, & Sallustii: Hieronymi, & Ruffini: Poggii, & Vallæ: Politiani, & Scalæ. Nos quoniam hoc in genere minime sumus exercitati, veremur ne hujus scripti artificio parum possimus satisfacere. Atque utinam liceat semper esse rudem. Neque vero nos hic artem maledicendi docere volumus: tametsi nihil est vitii, telum habere paratum, quo te defendas, si quis improbe laceßerit: nec ad hanc rem admodum sit opus arte, quum nulli fere non sint ad maledicendum disert.

INVECTIVÆ SYLVA.

Politianus lib. 12. Epist. *Herculem factitium.*

Item Epistola: *Urrum pugnancia.*

Literas tuas legimus simillimas edicti tui contumeliosas, minaces, minime dignas, quæ a te nobis mitterentur.

CAP. LXIII.

DE DEPRECATORIA EPISTOLA.

Nunc ad deprecationem transeamus. Deprecamur, quum culpam manifestam fatemur, & tamen ignosci vel nobis, vel aliis oramus. Hic supplices erimus, culpam ingenue fatebimur. Extenuabimus postea, vel ab imprudentia, vel ab ætate, vel hinc quod nunc primum deliquit, vel ab ipso commissi genere, solitam culpæ partem in alios transferemus. Eum qui peccavit, sic affligi pudore, metu, poenitentiaque dicemus, ut dignus sit misericordia. Ejus, quem placare conamur, clementiam laudabimus, & implorabimus. Spem melioris vitæ ostendemus. Eam ex illius indole per se proba, aliisque ejus qui peccavit benefactis reddemus probabilem. Sic enim agit suorum nepotum causam apud Terentium Mitio. Interponemus auctoritatem, & pro reconciliando fidejubebimus.

EXEM-

EXEMPLVM.

Lachrymas excussit mihi filius tuus, adolescens non tam desperandus, quam instituendus. Venit ad me, macie & squalore confectus. Rogo quid haberet. Statim lachrymæ obortæ, singultim vix narrat, perisse se, quod patrem optimum amiserit sua stultitia. Rogo quid flagitii. Fatetur se sortem, quam ad negotium acceperat, in amicam insumpsisse: te offensum, animum paternum abjecisse. Advolutus est genibus meis, fleuit, promisit omnia se digna. Quid multa? fecit mihi poenitentiae fidem. Confido hoc malo edoctum, posthac diligentior futurum. Quare quando ille ad se rediit, te quoque in patrem redire convenit. Satis jam graves hujus flagitii poenas luit: ita graviter fert iram tuam, ut prorsus hanc lucem cupiat effugere, nisi in gratiam recipiatur. Ego illum objurgavi acerrime. Quid multa? ipse si vidisses, nec iratus lachrymas tenere potuisses. Quod reliquum est, clementer corrigi potest; immodica severitate, ne frangatur animus imbecillis, cavendum est. Ne commiseris, ut te gravius in posterum poeniteat tuæ sævitiae, quam illum nunc poenitet suæ incogitantiae. Ignosce vel ætati. Puer est, rerum imperitus, ab improbis convictoribus impulsus est: lapsus est, & quidem nunc primum: culpam fatetur, orat, pollicetur, noxæ dedit sese. Quid quaeris amplius pater a filio? Cogita & illum puerum esse, & te fuisse: atque ita quod pater es, utere: ut memineris te hominem esse, & hominis patrem. Nunquam ne tu ista ætate lapsus es? Nunquam commisisti, quam ob rem pater tibi iure debuerit irasci? Non dubito quin commiseris, & fortasse graviora. Hoc merito vulgo jacitur in nos, quod obliiti quales ipsi fuerimus olim pueri, filios nostros volumus illico nasci senes. Hæc inter nos tuto, ac libere loqui licet. Multis profuit etiam lapsos esse. Erit posthac hoc malo doctus, cautior. Habebis filium, si hujus delicti gratiam feceris addictiorem. Et hunc puerilem errorem officii abunde pensabit. Amat, ac veretur unice patrem: indolis est probæ, pudicum ingenium, animus minime stupidus. Multa in eo signa video, quæ mihi certam spem faciunt, illum posthac talem futurum, qualem utrique volumus. Adolescentem igitur tibi in manus restituo, totam causam ad me recipio, pro illo fidei iussorem me constituo: quod si noxam addiderit, utrumque abdicet libebit, & filium, & amicum. Vale.

ALTERVM EXEMPLVM EX CICERONE.

Si quid in te peccavi, ac potius quoniam peceavi, ignosce. In me enim ipsum peccavi vehementius. Nunquam putavi fore, ut supplex ad te venirem, sed me hercule facile patior datum tempus, in quo amorem experirer tuum. Amabo te, da mihi & hoc: obliviscere mea causa illum aliquando suo familiari, adversario tuo voluisse consultum: hoc ignoscere est humanitatis tuæ. Volo te, quum fortissimus sis vir cognitus, etiam clementissimum existimari. Magno erit tibi ornamento, nobilissimum adolescentem tuo beneficio esse salvum.

ALIUD EXEMPLVM EX EPISTOLIS PLINII.

Castigabat quidam filium suum, quod paulo sumptuosius equos & canes emeret. Huic ego, juvene digresso, heus tu, nunquam ne fecisti, quod a patre corripisset? Fecisti dico, non interdum facis, quod filius tuus, si repente pater ille, tu filius, pari gravitate reprehendat? Non omnes homines aliquo errore ducuntur? Non hic in illo sibi, in hoc alius indulget? Hæc tibi admonitus immodicæ severitatis exemplo pro amore multo scripsi, ne quando tu quoque filium tuum acerbius, duriusque tractares. Cogita & illum puerum esse & te fuisse, atque ita hoc, quod es pater, utere, ut memineris hominem te esse, & hominis patrem. Vale.

CAP. LXIV.

DEPRECATORIAE SYLVA.

Cic.
Epist.
fam.

TU tuas inimicitias, ut Reipublicæ donares te vicisti, alienas ut contra Rempublicam confirmes, adducis?

Hæc syl-
va per-
tinet ad
consola-
tionem,

Quantum dolorem acceperim, & quanto fructu sim privatus, & forensem & domesticum, Lucii fratris nostri morte, in primis pro nostra consuetudine tu existimare

potes. Nam mihi omnia quæ jucunda ex humanitate alterius & moribus homini accidere possunt, ex illo accidebant. Quare non dubito, quin tibi id quoque molestum sit, cum & meo dolore moveare, & ipse omni virtute, officioque ornatissimum, tuique, & tua sponte, & meo sermone amantem affinem, amicumque amiseris.

Nunquam putavi fore, ut supplex ad te venirem, sed hercule facile patior datum tempus, in quo amorem experirer tuum. Atticum quanti faciam scis. Amabo te, da mihi & hoc: obliviscere mea causa, illum aliquando suo familiari adversario tuo voluisse consultum, cum illius existimatio ageretur. Hoc primum ignoscere est humanitatis tuæ. Suos enim quisque debet tueri. Deinde si me amas, omitte Atticum Ciceroni tuo, quem quanti facias, præ te soles ferre. Totum hoc, ut, quod semper existimavi, nunc plane intelligam, me a te multum amari.

Ad reconciliationis argumentum faciet Epistola Plinii lib. 8. cuius initium: *Nosti ne hos.*

Lib. 9. Epist. *Libertus tuus*, tota, elegans deprecationis exemplum.

RESPONSIO.

Epistol. famil. lib. 5. Epist. *Si vales bene est. Sed huiusmodi vos clientes*, &c.

Orat, confitetur, purgat, poenitet. Quid quaeris? quod factum est, infectum fieri non potest. Non tam tibi hoc factum displicet, quam ipsi qui fecit. De reliquo futurum illum emendatum ego in me recipio; meo periculo, pro illo fidei iubeo. Si rursum peccaverit, vel me ipsum ad supplicium deposcito. Ut iure peccanti succensebas, ita poenitenti æquum est ignoscere, præsertim puero, & aliena malitia ad delictum impulsio. Non quid hujus stultitia, sed quid tua clementia postulet, tibi considerandum puto. Eja ne nimium durus sis pater. Nihil ne tu peccas vel senex? & puero nihil vis condonare? Vin' tuos continuo senes nasci? Adeone excidit, qualis in ista ætate fueris?

CAP. LXV.

DE EXTRAORDINARIIS GENERIBVS EPISTOLARVM, ET PRIMVM DE NVNCIATIONE.

Quæ sub aliquo trium generum, suavorio, demonstrativo, judiciali contineri videbantur, hæcenus absolvimus. Nunc ad reliquas Epistolarum species veniemus: quæ quanquam Rhetorici artificii, non ita multum desiderant, tamen frequentius fere incidunt, quam illæ superiores. Referetur igitur in primis ea species, qua significamus amico, si quid novæ rei gestum sit apud nos, quod illius referat scire, aut quod illi voluptatem sit allaturum, sive privatum sit illud, sive publicum. Privatum, ut quum absentem certiores facimus, qua valetudine simus, quid agamus in studiis, quid rure, quid in aula, quid in ædificiis, quid in litibus successerit, aut si quid alioqui novæ rei moliamur, usque ad conviviorum, & colloquiorum nugas. Publicum, ut de pace, de bello, de Regum gestis, aut foederibus, de pestilentia, aut inundationibus, terræ motibus, tempestatibus, aliisque similibus. Nec hujus generis, quoniam varium est, certa ratio præscribi potest. Tantum illud in genere dicam, quod nuntiatio simplex, & lucida esse debet, brevis præterea & distincta, interdum gratulationem, aut consolationem habet admixtam. Narratione confecta, de qua paulo inferius præcipientur.

EXEMPLVM.

Quoniam jam annum fere a nobis abes, quicquid hic interim novorum est ortum, puto & me tibi debere scribere, & te scire vehementer cupere. Audies igitur ex me nova quidem permulta, haud omnia læta tamen. Non ignoras rerum mortalium conditionem, nihil tam beatum in humanis negociis, quod non aliqua incommoditate temperetur. Patruus tuus incredibile est, quantum te amet, quantum tua gloria delectetur. Vetus, inquires, est illud. Audi igitur, quod novum dices. Antiquus ille compotor tuus, ille, inquam, quem nosti, Nebridius, tantus amator, tam elegans, tam nitidus homo, tam mulierosus. Ille strenuus aleator, invictus potor, ille gurgis, ille heluo, ille undequaque perditus.

Tom. I.

G g

tiffi-

tissimus. Quid fecit, inquit, an uxorem duxit? Imo repente mutatus, omnibus nugis vale dixit, funigero-
rum institutum professus est. Jocari me dices, scio, sed
ita rem esse comperies. Quid hoc? an tibi vetus videtur?
Quis nunc non exclamet illud *ἄνω πτομήν*. Quis neget
ovem e lupo fieri posse? Accipe quod magis mirere. Va-
rus ille tuus carnifex, Varus esse desiit. Jam te amat,
quod nunquam antehac: te laudat, tuos colit, tuum ad-
ventum exoptat. Bene dicere discit, homo maledicen-
tissimus, Verum dicere incipit, homo vanissimus. Fi-
dem servat, nebulo perfidissimus. Eamus nunc, &
Poeticas transformationes rideamus, quum tantam re-
rum mutationem brevi factam videamus. Avunculus
tuus Pontificium Idibus Januariis evicit, non sine maxi-
ma quidem contentione. Nosti competitoris & impro-
bitatem, & factiones, evicit tamen. Id te quam primum
scire volui, ut illi per literas diligenter gratuleris. Hæ-
reditas ea, quæ tibi e manibus pene erat extorta, mea
tibi est opera restituta. Ne mihi pro hoc officio gratias
egeris. Facio enim tuis in rebus, quod tu in meis sole-
bas. Voluptatem tibi ingentem nunciabo: postri-
die Non. Mart. soror tua peperit marito filium, patri ti-
bique nepotulum. Jam quid muneris abs te feram, si
rem tibi aperiam multo festiviorem? Dii te omnes dili-
gunt. Absenti tibi, ne expectanti quidem Sacerdotium
accessit, & amplum, & in primis honestum. Ad v. Idus
Febr. Cornelius vir integerrimus, e vivis migravit. Hic
ægotans, quum competitorum non placerent: olfecit
enim jam tum inhiare, te successorem nominavit. Men-
sem supervixit. Hujusmodi thynnos dormienti tibi for-
tuna rebus tuis implicat. Tuum erit curare, ne quod
incidit elabatur. Non enim desunt, qui prædæ inhiant.
Habes de rebus privatis: de publicis credo isthuc rumo-
rem nostras literas prævertisse. Cal. Jul. Regis unctio in-
credibili cum apparatu celebrata est. Calendis Augustis
ipse urbem Parisiorum inventus est. Ad quartum Non.
Septemb. nuptiæ Regia pompa peractæ, Legati multo-
rum Regum nomine auditi: nemo non magnifice dona-
tus discessit. Britannii nescio quid tumultus ostenderant,
sed res æquis conditionibus composita est. Audisti de
statu publico. Quod reliquum est, non indicarem, nisi
te scire tua magnopere interesset. Pestis menses jam
aliquot apud nos sævit. Ea cum permultos ex amicis,
tum focrum tuam, foeminam, omnium quas in vita vide-
rim, optimam absumpsit. Frater eodem morbo cor-
ruptus, recreatus est. Sic visum est illi, qui res humanas e
duobus illis doliis, pro arbitrio suo temperat. Æquo
animo feras oportet, quod mutari non potest. Quid hac
in re te facere conveniat, tu tecum statues. Habes fere
quæ te scire volebam. Si quid interea novi emerferit,
faciam te quam primum certiorem. Tu cura, ne quid
ignoremus rerum tuarum. Vale.

N U N C I A T O R I Æ S Y L V A.

Quæ gerantur accipies ex Pollione, qui omnibus
negociis non interfuit solum, sed præfuit.

Cic. E-
pist.
jam.

A nobis agentur omnia diligenter: ut neque, si quid
obtineri poterit, non contendamus, nec si quid non ob-
tinerimus, repulsi esse videamur.

De omnibus rebus quæ ad te pertinent, quid actum,
quid constitutum sit, quid Pompejus susceperit, optime
ex Emplatorio cognosces: qui non solum interfuit his
rebus, sed etiam præfuit: neque ullum officium erga te
hominis amantissimi, prudentissimi, diligentissimi, præ-
termisit. Ex eodem de toto statu rerum communium
cognosces, quæ quales sint, non facile est scribere.

Hic tui omnes valent, summaque pietate te deside-
rant, & diligunt, & colunt. Tu & cura ut valeas, & te
isthinc ne temere commoveas.

Lib. 4. Epist. *Es si scio non jucundiss.*

Lib. 7. *Si te dolor aliquis.*

Lib. 8. Epist. *Tanti non fui ar.*

Lib. 9. *Caninius noster me tuis.*

Nos de Dolabella quotidie quæ volumus audimus,
sed adhuc sine capite, sine auctore, rumore nuncio.

Narro tibi plana. Relegatus mihi videor, postquam
in Formiano sum.

Isti puero, quem ad te jussi recurrere, da ponderosam

aliquam Epistolam, plenam omnium non modo acto-
rum, sed etiam opinionum tuarum.

L. Julio Cæsare, C. Martio Figulo Consulibus, filio-
lo me auctum scito, salva Terentia &c. Quanquam hu-
jus operis omnes ferme sunt hujus generis, ut illa, cujus
initium: *Quæris ex me.* Ad As-
ticum.

Hæc res quemadmodum ceciderit, & tota res quo
loco sit, velim ad me scribas, & ita, ut institui. Nam
ista veritas, etiam si jucunda non est, mihi tamen gra-
ta est.

Hæc tibi scripsi, quia æquum erat, te pro amore mu-
tuo, non solum omnia mea facta, dictaque, verum etiam
consilia cognoscere.

Lib. 1. Epist. cujus initium: *Ridebis, & licet rideas.* Polio-
nus.

Lib. 3. Epist. *Solet esse gaudium tibi.* Ex item pro-
xima.

Lib. 3. Epist. *Rem atrocem. Reiatrocis.*

Lib. 4. Epist. *Thyrsi grandine excussit.* Rustificationis.

Lib. 4. Epist. *Causam per hos dies.* Actionis. Ac mox
Epistola: *Audisti ne Val.*

Lib. 5. Epist. *Es tu rogas.* tota.

Habes acta mea tridui, quibus cognitis, volui tantum
te voluptatis absentem, & studiorum nomine, & meo
capere, quantum præsens percipere potuisses.

Hæc tibi scripsi, quia de omnibus quæ me vel dele-
ctant, vel angunt, non aliter tecum, quam mecum lo-
qui soleo. Deinde quod durum existimabam, te aman-
tissimum me fraudare voluptate, quam ipse capiebam.
Neque enim sum tam sapiens, ut nihil mea interfit, an
iis, quæ honeste fecisse me credo, testificatio quædam,
& quasi præmium accedat.

Lib. 6. Epistola: *Petis ut tibi.* Rursum huic proxima.
Mox Epistola: *Ais te adductum.*

Lib. 7. Epist. *Es mihi discendi & tibi do.* De spectro.

Lib. 6. Epist. *Quam multum interest.*

Lib. 8. Epist. *Vidisti ne aliquando.* Descriptio fontis.

Eodem lib. Epistola: *Num isthic quoque.* Descriptio
inundationis.

Eodem lib. Epistola: *Ad qua noscenda.* Descriptio
lacus prodigiosi.

Invicem tu si quid Epistola dignum, ne gravare scri-
bere. Nam cum aures hominum novitate lætantur, tum
ad rationem vitæ exemplis erudimur.

Lib. 9. Epist. *Incidit in materiam.* De Delphino præ-
derasta.

Eodem, Epist. *Quæris quemadmodum.* Quid agat to-
to die ruri.

Lib. 4. Epistola: *Vulgare est.*

Lib. 4. Epist. *Accepi Epistolam tuam.*

N U N C I A T O R I A M E A.

Scriberem ad te pluribus de rebus, sed vereor ne vel
mea diligentia tibi sit molesta vel veritas acerba.

Scribito ad me, quem nosti curiosum, non solum
quid gestum sit, aut geratur isthic, verum etiam quid
divines futurum.

Ad hanc formam pertinet & percontatoria, quoties
nihil aliud agimus in Epistola, quam ut sciamus, quid
rerum agat amicus. Hujus exemplum illa Plinii lib. 2.

Studes an piscaris? Item lib. 3. *Rectene omnia?*

Quum rem quampiam ridiculam nunciaturi sumus
absolutis aliquot narrationibus, conveniet illud ex Ho-
mero, *ἴσμεν μοι νῦν πάσαι.* Excitatur enim hujusmodi
transitiunculis lector, & mire conveniunt familiaribus
Epistolis.

C A P. LXVI.

DE MANDATORIA EPISTOLA.

Epistola mandatoria nihil habet artificii, præter fer-
monis elegantiam, & brevitatem.

E X E M P L V M.

N. LIBERTO SVO S. D.

Ut præsens multum diuque te admonui, cave quic-
quam meo injussu tentaveris. Si quid existet novi, nec
per literas consules. Agrum de quo scribis, emendi tibi
jus permitto, modo ne pluris trecentis scutatis veneat.
Petronium impudentissimum debitorum, semel atque
ite-

iterum appellatum, in jus vocabis. Si inficiabitur, chirographum tibi mitto, dies jam pridem excessit. Ab Afonio creditam pecuniam meo nomine repetes, eamque si reddet, recipies. De permutando Sacerdotio, fac Stilbontem, virum, ut scis, & consultissimum, & nostri amantissimum in consilium adhibeas. Is quod censuit factum opus, id perinde ac si ego auctor essem, exsequitor. Antequam domum ædificandam cæmentariis locaveris, prius cum Phidia communicato, deinde ejus hac de re sententiam ad me scribito. Hos libros una cum Epistolis, Trebatii mei manibus reddendos curabis & diligenter, & quam primum. Strabonio verbis meis gratias ages quam maximas. Genero meo meis verbis gratulaberis. Lucium contubernalem meum plurimum salvere jubebis. Sed heus tu, pene præterieram, quod minime præteritum oportuit. Nepotem meum fac ut quam primum ab isto præceptore tam inepto abducas, ac eruditiori committito. Cave te pecuniæ ratio offendant, si modo idoneum doctorem nancisci poteris. Si qua unquam in re sedulo tuo functus es officio, in lite Verulana fac omnem fidem, industriam, diligentiam, ingenium expedias. De villa instauranda quiesce, donec meam sententiam acceperis. Vestes meas omnes una cum anulis ad XI. Calend. Julii transmittito. Non pluribus te monebo. Tu fac ut quemadmodum & soles, & æquum est, tuo officio fungare. Erit apud me diligentia tua præmium. Vale.

MANDATORIÆ SYLVA.

Cic. ad Attic.

Epistola. fam. lib. 16. Sunt aliquot hujus generis.

Pœtus, ut antea ad te scripsi, omnes libros quos frater suus reliquisset, mihi donavit. Hoc illius munus in tua diligentia positum est. Si me amas, cura ut conserventur, & ad me perferantur. Hoc mihi nil potest esse gratius. Et tum Græcos, tum vero Latinos diligenter ut conserves velim. Tuum esse hoc munusculum putabo.

Sed omnia ut voles. Ego enim quicquid feceris, id tum recte, tum etiam mea causa factum putabo.

Plinius.

Peto autem ut pictorem quam diligentissimum assumas. Nam cum est arduum similitudinem effingere ex vero, tum longe difficillima est imitationis imitatio. A qua rogo ut artificem, quem elegeris, ne in melius quidem finas aberrare.

Est apud Horatium in Epist. exemplum mandatoriæ jocosæ, ut proficiscentem monui te sæpe, diuque. Hoc genus minimum abest a petitorio. Mandamus enim cum auctoritate. Petimus ab iis, in quos nobis mandandi jus non est.

MANDATORIÆ MEÆ.

Filium quantus est, tuæ fidei trado. Totam meam sollicitudinem in te transfero. Tu pater esto, ego me sic geram quasi patruus sim non pater.

CAP. LXVII.

DE EPISTOLA COLLAUDATORIA.

Epistola collaudatoria patris ad filium.

Collaudatio est, qua filium, filiamve, militem, servum, libertum, famulum, uxorem, aut alios in quos nobis jus est, ut officio suo functos laudamus. Exemplum. Nihil ex omni rerum genere potuit mihi nunciari jucundius, quam te iis moribus agere, qui & te ipso, & tuo genere sint digni. Nunc ego te filium agnosco meum, quum te audio toto animo literis incumbere: fugitare consuetudinem cessatorum: parcere rei paternæ, si modo non id falso est mihi nunciatum. Tu perge in officio mi fili, hocque persuasum habe, si te qualem volo præstiteris filium, me benigniorem etiam quam voles habebis patrem. Vale.

ALTERVM EXEMPLVM.

Epistola domini ad servum.

Facis ut merito te & amem, & collaudem, qui non ut vulgus servorum solet, absentes domini negocia impedias, sed omni cura, vigilantia, opera coneris expedire. Eum ego demum frugi ministrum, & bene spectatum judico, qui absente domino, quum impune cessare possit, in officio se continet. Audi vi qua fide, qua industria mandata peregeris. Tu fac cætera eodem animo persequaris, ut qui nunc merito te amo, perpetuo possim amare. Officio bene cepto, strenue perfungere. Domini negocia, tua ipsius, ut sunt, esse

A credito. Tu si frugi ministri officio functus eris, ego domini liberalis partes haud præteriero. Vale, ac vigila.

CAP. LXVIII.

DE GRATIARVM ACTIONE.

Gratias agimus iis, in quos nobis nullum est mandandi jus. Hæc forma subjici poterat petitoriæ, aut consolatoriæ, aut monitoriæ. Hic beneficium quod accepimus, erit modis omnibus amplificandum. Nam sæpe gratiam retulisse videtur, qui bene gratias egit. Amplificatur autem his ferme rationibus: si ultro collatum est, si incontanter, si cito. Bis enim dat, qui cito dat. Si in tempore: si uberius, quam alter ausus sit petere, si nihil promerito, si ne expectanti quidem, si ab eo cui libenter debemus, hoc est, ab eo quem amamus ex animo, aut si in eum collatum est, cui magis ex animo volumus, quam nobis ipsis. A genere quoque beneficii sumemus amplificationem: veluti si quis fideli consilio juit, dicemus illi plus debere, qui consilio juit, quam qui pecunia. Neque raro majus beneficium præstat, qui objurgat, quam qui donat. Contra si quis pecunia juit, dicemus vulgare officium esse, verbis opitulari: qui pecuniam prompte impartit, non potest non certissimus amicus videri. Sunt & aliæ circumstantiæ, quibus exaggeramus beneficii magnitudinem: veluti si nos simus prælati iis, quibus ille ob affinitatem erat obnoxius: si nostra causa contempsit etiam simultatem aliquorum potentium. His commemorandis, declarabimus nos scire beneficii magnitudinem. Est autem bona gratitudinis pars, & scire quantum debeas, & debere libenter. Ostendemus etiam, si poterimus, quam multos eodem beneficio devinxerit: quodque ejus beneficii utilitas, non tantum ad unum hominem pertineat, sed ad Reipublicæ commodum. Deinde pollicebimur citra jactantiam, nos aut parem, aut uberiorem etiam gratiam relatuuros. Si nulla referendi facultas erit, certe animum memorem & gratum pollicebimur, precabimurque ut superi cumulate referant gratiam bene merito, quod nobis ob fortunarum tenuitatem non licet. Et hujus generis erit tractatio duplex, recta, & obliqua. Nam aliquoties non agendo gratias, maxime gratias agimus, quum ostendimus aut beneficium esse majus, quam ut vulgari more verbis oporteat gratias agere: aut amicitiam nostram esse majorem, quam ut alterum alteri oporteat gratias agere.

Quod in negotio meo rogari te passus non es, sed ultro studium tuum, operam, diligentiam & obtulisti, & præstitisti, veterem tuam in me, meosque, humanitatem libens agnosco. Et facis tu quidem non meis meritis, quæ hætenus in te nulla exstiterunt, sed tua virtute dignum, qui nullis a me provocatus officiis, tam prompto in me sis animo, ut beneficium accepisse videaris, quum præstiteris. Quare quum tuo officio plurimum adjumenti meis rebus attulisti, tum isto animo ita delector, ut dictu sit incredibile. Vere negant referre quantum beneficium, sed quam amico animo præstiteris. Ex ejus modo potius, quam rei, officium est metiendum. Meum erit, quod referre nequeo, perpetuo meminisse. Nam quid ego tibi multis verbis gratiam agam? An hoc passurus es, qui ne moneri quidem te passus es? Utinam eam mihi facultatem aliquando concedant superi, ut possim hunc animum tui ardentissimum, re potius, quam verbis declarare. Interim si quid erit, in quo mea vicissim opera utendum putabis, cave rogaveris, sed ut tuo mancipio præcipito: invenies ad quid vis & promptum, & alacrem. Vale.

ALIVD EXEMPLVM.

Accepi munus tuum, re quidem magnificum, sed te auctore longe mihi tum preciosissimum, tum jucundissimum. Recte enim a Nasone tuo scriptum est: Sic acceptissima semper Munera sunt auctor quæ preciosa facit. Quo quidem quid me tibi devinctum esse fatear, quum sim jam olim devinctissimus? Totus in are tuo sum: arctioribus vinculis me tibi adstringere pon potes. Quod referam, vel isto munere, vel potius tuo isto in me animo, qui mihi munere ipso longe est suavior, dignum, nihil habeo nisi meipsum: quem si alicujus esse precii

Tom. I.

Gg 2

pu-

putas, totum peculio tuo adscribito. Crede mihi, nihil habes in omni genere possessionum tuarum, quo tu tam proprie possis & uti, & abuti, quam Nicolao tuo. Vale.

ALIVD EXEMPLVM.

Multa sunt tua erga me officia: at nullum omnium mihi fuit aut opportunius, aut iucundius, quam quod fratrem meum in causa difficillima tuo patrocinio iuveris. Qui ut est mihi propemodum me ipso carior, ita quicquid in illum contulisti, id mihi gratius etiam videri debet, quam si in me ipsum esset collatum. Sed ne diligentius tibi gratias agam, nostra familiaritas flagitare videtur. Neque enim tu novi quicquam fecisti, & ego re quam verbis beneficium rependere malim. Vale.

AGENDI GRATIAS SYLVA.

Cic. E-
pist.
fam.

Multum enim interest, utrum laus minuatur, an salus deferatur: me mea tamen ne nimis poeniteret, tua virtute perfectum est. Curasti enim ut plus additum ad memoriam nominis nostri, quam ademptum de fortuna videretur.

Amoris quidem tui quoquo me verti, vestigia vel proxime de Tigellio. Sensi enim ex literis tuis, valde te laborasse. Amo igitur voluntatem. Immortales ago tibi gratias, agamque dum vivam: nam relaturum me affirmare non possum. Tantis enim tuis officiis non video mihi respondere posse, nisi forte, ut tu gravissime, disertissimeque scripsisti, ita censurus es, ut me referre gratiam putes, cum memoria tenebo. Facere non possum, quin in singulas res, meritaque tua, tibi gratias agam. Sed me hercle facio cum pudore. Neque enim tanta necessitudo, quantam tu mihi tecum esse voluisti, desiderare videtur gratiarum actionem. Neque ego lubenter pro maximis tuis beneficiis tam vili munere defungor orationis: & malo praesens observantia, indulgentia, assiduitate memorem me tibi probare. Quod si mihi vita contigerit, omnes gratas amicitias, atque etiam pias propinquitates in tua observantia, indulgentia, assiduitate vincam. Tantum me tibi debere existimo, quantum persolvere difficile est.

Jam non ago tibi gratias. Cui enim re vix referre possum, huic verbis non patitur res satisfieri.

Te tamen, mi Brute, sic amo, ut debeo, quod istuc, quicquid esset nugarum, me scire voluisti. Signum enim magnum amoris dedisti.

Lib. XIII. Epistola: *Et si libenter petere a te.*

Cic. ad
Attic.

Grata mihi tuae literae sunt, quibus accurate perscripsisti omnia, quae ad me pertinere arbitratus es.

Noli expectare dum tibi gratias agam. Jam pridem hoc ex nostra necessitudine, quae ad summam benevolentiam pervenit, sublatum esse debet.

Studium tuum, curaque de salute mea, nulla me nova voluptate affecit. Non solum enim usitatum, sed etiam quotidianum est aliquid audire de te, quod pro nostra dignitate fideliter atque honorifice dixeris, aut feceris.

Neque enim mihi in omni vita res tam erit ulla proposita, quam ut quotidie vehementius te de me optime meritum esse sceler.

Plinius.

Certatim ergo tibi gratias agimus. Ego quod illam mihi, illa quod me sibi dederis, quasi invicem elegeris.

Lib. V. Epistola: *Accepi pulcherrimos. tota.*

Cum plurima officia tua mihi grata & iucunda sunt, tum vel maxime quod me celandum non putasti, fuisse apud te de versiculis meis multum copiosumque sermonem, eumque diversitate iudiciorum longius processisse.

Amavi curam & sollicitudinem tuam, quod cum audisses me astate Tuscos meos petiturum, ne facerem suasisi, dum putas insalubres.

Bene fecisti, quod libertum aliquando tibi carum reducentibus Epistolis meis, in domum, & in animum recepisti. Juvabit hoc te. Me certe juvat: primum quod te talem video, ut in ira regi possis: deinde quod tantum mihi tribuis, ut vel auctoritati meae pareas, vel precibus indulgeas. Igitur & laudo, & gratias ago, simul in posterum moneo, ut te erroribus tuorum, & si non fuerit qui deprecetur, placabilem praestes.

Ad agendas gratias pro liberalitate, qua aliquis usus est in tenuem, & a quo non speretur mutua liberalitas,

A faciet Epistola Plinii lib. IX. cujus initium: *Laudes mihi.*

Lib. I. Epistola. *Tu vero, Hermolae.*

Politia.

Lib. XI. Epist. *Ain' vero.* Eodem, Epistola. *Ago tibi gratias.*

M E A.

Quid tibi, quid inquam pollicear? num me ipsum quantus sum dedam? At exiguum est iis me dedere, qui nisi fuissent, ipse non essem.

Pergratum mihi est, quod crebro certior per te fio de rebus quae isthic geruntur, & tuam erga me benevolentiam facile perspicio.

Ceteris omnibus vinci me patiar, certe benevolentia mutua non cedam. Nam ut recte dixit Plinius: Vincti in amore turpissimum est.

Quod audio te isthic pro mea dignitate fortiter digladiari, nihil quidem adfertur novi, sed tamen hoc audio libentius, quo sapius.

Quod referre gratiam, ita ut volebam, non possum, fortunae debes imputare.

Hoc quod mihi reliquum est, te amabo, te colam, te venerabor.

Mea enim mihi fortuna eripere potuit, me ipsum non potuit. Mea enim, non me ipsum mihi fortuna ademit.

Quid ego te hortor, ut tui similis esse pergas, quum indies te ipsum ultro benignitate superes? quid tibi gratias agam, id quod neutiquam expectas?

C Quod non modo non negabo, sed etiam semper & meminero, & praedicabo libenter.

Non est alius quisquam, cujus officiis me tam esse devinctum, non solum fatear, verum etiam gaudeam.

AD GRATIARVM ACTIONEM RESPONSIO.

Quod autem grata tibi mea erga te studia scribis esse, facis tu quidem abundantia quadam amoris, ut etiam grata sint ea, quae praetermitti sine nefario scelere non possunt.

Cic.
Epist.
fam.

Officium meum erga Rhodonem, caeteraque mea studia, quae tibi ac tuis praestiti, tibi homini gratissimo, grata esse vehementer gaudeo: mihi que scito indies majori curae esse dignitatem tuam, quae quidem a te ipso integritate, & clementia tua sic amplificata est, ut nihil addi posse videatur.

D Quamquam gratiarum actionem a te non desiderabam, cum te re ipsa, atque animo scirem esse gratissimum, tamen (fatendum est enim) fuit mihi perjuranda. Sic enim vidi, quasi ea quae oculis cernuntur, me a te amari. Dices, quid antea? Semper quidem, sed nunquam illustrius.

EX PLINIO

Gratiarum actio pro libera admonitione.

Epistolarum quas mihi, ut ais, aperto pectore scripsisti, oblivisci me jubes: at ego nullarum libentius meminero. Ex illis enim vel praecipue sentio, quantopere me diligas, cum sic egeris mecum, ut solebas cum tuo filio. Nec dissimulo hoc mihi iucundiores eas fuisse, quod habebam bonam causam, quum summo studio curassem, quod tu curari volebas. Proinde etiam atque etiam te rogo, ut mihi semper eadem simplicitate, quoties cessare videor, nunquam enim cessabo, convitium facias. Quod & ego intelligam a summo amore proficisci, & tu non meruisse me gaudeas.

C A P. LXIX.

LAMENTATORIA EPISTOLA.

F Inter commoditates, quas multas adfert amicitia, commemoratur & illud, quod si quid dolet, licet in amici sinum effundere: quae res solet bonam aegritudinis partem adimere. Genus hoc affine est consolatorio: sed in hoc nihil opus est arte, quum unumquemlibet dolor soleat reddere disertum.

Exemplum
lamentationis.

Non possum tibi, quales uterque volumus, Epistolas mittere, quum mihi nihil rerum omnium ex sententia procedat. Sed quid ego, mi Laurenti, te meis querelis exanimo? nisi quod juvat apud familiarissimum amicum graves animi mei curas deponere. Credo omnes & superos, & inferos in meam perniciem conjurasse: ita ubi hoc malum vix effugi, succedit aliud multo acerbius. In morbum jam iterum atque iterum incidi, decidi, peccidi.

di. Multo vix sumptu recreatus, en senex ille Sogdianus, pestis omnium quas unquam irati Dii mortalibus immisere, longe teterrima, se mihi erudiendum dedit. Quid ibi miseriarum non vidi? Quantum luctus, quantum lachrymarum summis meis laboribus mihi conscivi? Id monstrum jam biennium me exercet. Fugio, quando vinci non potest. Jam Deorum aliquem mihi propitium factum arbitrabar, quod Antonium, hominem candidissimum essem nactus, cujus humanitas illius feritatem leniebat. Invidit mihi rursus, nescio quod numen, jucundissimi sodalis convictum, distrahitur invitus ab invito. Inde solus, & destitutus, dum omnia tento, nihil non exerior, Deum immortalem, in quos fluctus, in quæ monstra incidi? His tantis tam perpetuis malis, vel Hercules ipse, aut si quid Hercule fortius, vinci poterat. Obduri tamen, sic mecum cogitans, adversam fortunam, & si infesta esset, aliquando malis meis satiatam, æquiorum futuram. Nemini perpetuo acerbum aut fuisse unquam, aut esse posse. Et ecce de integro morbo capitali corripior miser: qui quod erat diuturnus, & corpus & loculos penitus exhaustit. Nec erat cui meus doleret dolor: quos juvaret, permulti. Sogdianum autem illum, præter cæteros, delectabat malum meum, cui molestissimum ut esset, eram meritis. Ne tum quidem animum dejeci, non quod sperarem quicquam, sed ne teterrimo illi seni voluptatem augerem. Servatus sum, sed superis, opinor, iratis, si miseris ferendis servatum esse voluerunt. Quid enim postea vel maximis, vel minimis in rebus a me tentatum est, quid tam dextro consilio institutum, quod non infelicissime eveniret? O me omnium qui sunt, quique fuerunt, infelicitatissimum. Egone unus ex universo hominum numero, præposterus ille Polycrates exstiti, cui omnia adversarentur, cui nihil unquam obtigerit optatum? Hic tu me, scio, veris, ut ajunt, bonis commemorandis, nimirum literis, & ingenio consolari incipies. Tolle mihi inanes istas consolationes, quæ ægritudinem meam exasperant etiam, tantum abest ut leniant. Odi jam ego meum hoc ingenium: odi literas, quibus si carerem, minus miser essem, minus sentirem, minus angerer. Sed querelarum plus satis. Tu cura ut recte valeas, quando nos Dii noluerunt.

LAMENTATORIAE SYLVA.

Lib. v. Epistola: *Omnis amor tuus.*Cic. E-
pist.
fam.

Si liber exisset, quando non tam interest, quo animo scribatur, quam quo accipiat, ne ea res inepte mihi noceret, cum præsertim adhuc stili poenas dem: quæ quidem in re, singulari sum fato. Nam cum mendum scripturæ litura tollatur, stultitia fama multetur, meus error exilio corrigitur, cujus summa criminis est, quod armatus adversario maledixi. Rempubicam lugebam quæ non solum suis erga me, sed etiam meis erga se beneficiis erat mihi carior: & hoc tempore, quanquam me non ratio solum consolatur, quæ plurimum debet valere, sed etiam dies, quæ stultis quoque mederi solet, tamen doleo ita communem rem esse dilapsam, ut ne spes quidem melius aliquando fore relinquatur.

Lib. ix. Epistola: *Vel meo ipso interitu.*Lib. xiv. *Ad Terentiam pleraque.*Cic. ad
Attic.

Quantum dolorem acceperim, & quanto fructu sim privatus, & forensi & domestico, Lucii fratris nostri morte, in primis pro nostra consuetudine tu existimare potes. Nam mihi omnia quæ jucunda ex humanitate alterius, & moribus, homini accidere possunt, ex illo accidebant. Quare non dubito, quin tibi quoque id molestum sit, cum & meo dolore moveare, & ipse omni virtute officioque ornatissimum, tuique & sua sponte, & meo sermone amantem affinem, amicumque amiseris.

Quod me ad vitam vocas, unum efficis, ut a me manus abstineam. Alterum non potes, ut me non nostri consilii utique perniteat. Quid enim est quod me retineat, præsertim si ea spes non est, quæ nos proficiscentes prosequatur.

Premor cum luctu, tum desiderio omnium rerum, quæ mihi me cariores semper fuerant. Cura ut valeas.

Velim pro tuo in me amore, hanc inanem meam dili-

gentiam, miserabilem potius, quam ineptam putes.

Ita sunt res nostræ, ut in secundis, fluxæ: ut in adversis, bonæ. In re familiari valde sumus, ut scis, perturbati.

Amifimus mi Pomponi, non omnem modo succum, ac sanguinem, sed etiam colorem, & speciem pristinam civitatis.

Ego vero, quem fugiam, habeo: quem sequar, non habeo.

Sollicitum esse te, cum de tuis communibusque fortunis, tum maxime de me, ac dolore meo sentio: qui quidem dolor meus, non modo non minuitur, cum socium sibi adjungit dolorem tuum, sed etiam augetur omnino. Pro tua prudentia sentis, qua consolatione levare maxime possim. Probas enim meum consilium, negasque mihi quicquam tali tempore potius fugiendum fuisse.

Qui sit omnium rerum status noster vides. Nihil est mali, quod non & sustineam, & expectem. Quarum rerum eo gravior est dolor, quo culpa major.

Omnia tamen sunt feliciora, quam peccati dolor, qui & maximus est, & æternus. Cujus peccati si socios essem habiturus ego, quos putavi, tamen esset ea consolatio tenuis. Sed habet aliorum omnium ratio exitum, mea nullum.

Quam ob rem, quoniam neque consilii tui, neque consolationis cujusquam spes ulla mihi ostenditur, non quæram hæc a te posthac: tantum velim, ne pristinum hoc officium intermittas. Scribas ad me quicquid veniet tibi in mentem, cum habebis cui des, & dum erit ad quem des, quod longum non erit.

Quid restat, nisi ut miser fiam?

O rem perditam, ô facinus indignum, ô me infelicem, quid hoc statu vel desperatius, vel foedius! O me afflictum!

Cicero.

De prædio per calumniam erepto, graviter angerer, nisi jam animus diuturna desperatione ad novum dolorem obduruisset.

Ita animus multis malis obstupuit, ut sensu etiam molestiæ carere cœperit, quod ipsum est omnibus miseriis miserius.

Quid quæris? nihil me infortunatius. Nostamen in his etiam miseriis, erecto animo, & minime perturbato sumus, honestumque, & dignitatem nostram magna cura tuemur.

Plura scribere non possum, ita sum animo perculso, & dejecto.

Non faciam ut enumerem miseras omnes, in quas incidi propter summam injuriam, & scelus, non tam inimicorum meorum, quam invidorum, ne & meum mœrorem exagitem, & te in eundem luctum vocem.

Ego & sæpius ad te, & plura scriberem, nisi mihi dolor meus, cum omnes partes mentis, tum maxime hujus generis facultatem ademisset.

Itaque quum meus me mœror quotidianus lacerat & conficit, tum vero hæc addita cura, vix mihi vitam reliquam facit.

Nec tam miserum quicquam est, quod non in fortunam nostram cadere videatur. Quare quando me afflictum & confectum luctu audies, existimato me stultitiæ meæ poenam ferre gravius, quam eventui, quod ei crediderim, quem esse nefarium non putaram.

Nos non inimici, sed invidi perdiderunt. Nam quod me tam sæpe & vehementer objurgas, & animo infirmo esse dicis, quæso ecquod tantum malum est, quod in mea calamitate non sit? Ecquis unquam ex tam amplo statu, tam bona causa, tantis facultatibus, ingenii, consilii, gratiæ, tantis præfidiis bonorum omnium concidit? Possū oblivisci qui fuerim, non sentire qui sum? Quo caream honore, qua gloria, quibus liberis, quibus fortunis, quo fratre? Quem ego ut novum genus calamitatis attendas, quum pluris facerem, quam me ipsum semper fecissem, vitavi ne viderem, ne aut illius luctum, squaloremque adspicerem: aut ne me, quem ille florentissimum reliquerat, perditum illi, afflictumque offerrem. Mirro cætera intolerabilia, etenim fletu impediō.

Lamen-
tarii
gravi-
ssima.

Dies autem non modo non levat luctum huic, sed

Tom. I.

Gg 3

etiam

475

etiam auget. Nam ceteri dolores mitigantur vetustate, h c non potest, & sensu præsens miseria, & recordatione præteritæ vitæ, non continuo augeri. Desidero enim non mea solum, neque meos, sed me ipsum. Quid enim sum? Sed non faciam, ut aut tuum animum angam querelis, aut meis vulneribus sæpius manus adferam.

Magis opto quam spero, ut ægroto dum anima est, spes esse dicitur.

Non medius fidius præ lachrymis possum reliqua nec cogitare, nec scribere.

Aut quis me non solum infelicio, sed jam etiam turpior.

Plinius. Lamentationis exemplum erit tota illa Epistola lib. i. *Facturam gravissimam*. Rursus lib. iiii. Epist. tota. *Modo nunciatus est*. Rursus: *Audio Valerium Martialem*.

Lib. v. Epist. *Tristissimus hac tibi*. tota.

Lib. viii. Epistola: *Omnia mihi studia*.

Mihi autem videtur acerba semper, & immatura mors eorum, qui immortale aliquid parant. Nam qui voluptatibus dediti, quasi in diem vivunt, vivendi causas quotidie finiunt: qui vero posteros cogitant, & memoriam sui operibus extendunt: his nulla mors non repentina est, ut quæ semper inchoatum aliquid abruptat.

Triste illud, quod Julius Valens graviter jacet: quam ne hoc quidem triste, si illius utilitatibus æstimeretur, cujus interest quam maturissime inexplicabili morbo liberari. Illud plane non triste solum, verum etiam luctuosum, quod Julius Avitus decessit, dum ex quaestura redit: decessit autem in navi, procul a fratre amantissimo, procul a matre, a fororibus. Nihil ista ad mortuum pertinent, sed pertinuerunt, cum moreretur. Pertinet ad hos, qui supersunt. Jam quidem in flore primo tantæ indolis juvenis extinctus est, summa consecutus, si virtutes ejus maturuissent. Quod ille studiorum amore flagrabat: quantum legit, quantum etiam scripsit, quæ nunc omnia cum ipso sine fructu posteritatis abierunt? Sed quid ego indulgeo dolori, cui si frenos remittas, nulla materia non maxima est? Finem Epistolæ faciam, ut facere possim etiam lachrymis, quas Epistola expressit.

Est enim quedam etiam dolendi voluptas, præsertim si in amici sinum defleas, apud quem lachrymis tuis vel laus sit parata, vel venia.

Lib. 8. Epist. *Et gaudium mihi*.

LAMENTATORIA MEA.

Si in malum hoc fortunæ iniquitate incidissem, honestior esset plaga: nunc nostra culpa videmur accessisse, quod commode vitari poterat.

Res meæ in eum locum deductæ sunt, ut si velis officiosus esse, epitaphium pares tuo Lucilio.

C A P. LXX.

DE GRATULATORIA EPISTOLA.

Quemadmodum in rebus afflictis, amici dolorem consolatione mitigamus, ita si quid accidit lætæ rei, voluptatem amici gratulatione conduplicamus. His modis omnibus exaggerabimus animi nostri voluptatem, quam ex amici successu cepimus, cujus omnia vel commoda, vel incommoda pro nostris ducamus: imo cujus rebus pro incredibili quadam erga illum benevolentia, magis etiam commoveamur, quam nostris ipsorum. Deinde dignitatem, aut si quid aliud obtigit, variis rationibus attollemus: sive quod per se sit eximia: sive quod a multis frustra ambita: sive quod ultro non ambienti delata sit: sive quod bonorum judicio contigerit, non cæco favore fortunæ: sive quod ejusmodi Principis favore, qui non solet nisi spectatos magnis honoribus ornare: sive quod totum hoc, quicquid est boni, nulli ferat acceptum, nisi suæ ipsius industriæ, ut hinc nihil laudis sibi vindicare possit fortuna: sive quod præter spem obtigit, nam hæc solent esse gratiora. Mox ubi rem satis auxerimus, ostendemus tamen si sit amplissimum quod obtigit, tamen inferius esse meritis illius. Hunc tantum esse gradum ad majora, si modo fortuna velit hominis virtutibus re-

spondere. Postremo loco bene ominabimur, beneque precabimur, ut quod obtigit, bonis avibus sit ipsi, amicis, ac Reipublicæ perpetuo faustum, ac felix. Est & obliqua gratulandi ratio, quando negamus nos amico gratulari honorem qui contigit, sed ipsi honori talem virum, qui tum demum videbitur splendidus ac magnificus, posteaquam ei delatus est, qui suis virtutibus & ornamentis sit dignitati, quam suscepit, multum dignitatis allaturus. Quemadmodum enim magistratum obscurat, qui gerit indignus, ita illustrat vir omni decorum genere clarus & illustris. Aut negabimus nos illi gratulatos dignitatis accessionem, quam ille nec ambit, nec miratur: utpote vir prudens, qui intelligat, quanto cum onere honor ille sit conjunctus: præterea modestus, qui nihil minus affectet, quam populares glorias: sed tamen gaudere, quod illi seges ac materia data sit exercendæ virtutis suæ, ut qui antehac semper voluerit prodesse quam plurimis, nunc etiam possit ob auctoritatis accessionem. Licebit utramque rationem adhibere, per occupationem, quum prius narrabimus, quid alii essent illi gratulaturi: nos non eadem gratulari, sed ea potius, quæ jam diximus in obliqua gratulatione dici solere. Frequenter hic incidit genus encomiasticum, veluti in his, quæ modo recensuimus: aliquando non incidit, veluti quum amico gratulamur, qui incolumis domum rediit ex itinere longinquo, quum amico gratulamur filium natum, nisi forte dicemus hoc Reipublicæ interesse, ut optimi quique viri, & probissimæ quæque matronæ, quam maxime sint fecundæ, quod ex bonis fere nascantur boni. Porro felicitatem civitatis non hinc pendere, si quam plurimos habeat cives, sed si quam optimos. Exemplum. Incredibilem animo cepi lætitiā, quum te summo Principum, collegiique consensu, miro populi applausu Præsulem creatum esse intelligo. Gaudeo aliquando eum honorem tibi ultro delatum esse, quo tu te semper dignissimum præstitisti. Nec tibi tantum gratulor, qui honore isto (quanquam tuis moribus, tuæ eruditioni debito) non multum delectaris, sed multo magis patriæ gratulor, quæ talem sit Pontificem habitura, qualem antehac habuit nunquam. Gratulor tuis omnibus, quos quum semper morum innocentia decoraris, nunc etiam honoris claritate, & muneris auctoritate illustrabis. Gratulor mihi ipsi, te amplissimis honoribus esse auctum, cujus omnes fortunas semper meas esse duxi: Sacerdotio quidem isto, in universa Etruria neque honestius aliud, neque magis opimum, neque tuis rebus commodius contingere poterat. Tu tibi qua es modestia, onus, haud honorem objectum dices. At ego sic existimo, superos & patriæ per te consultum esse voluisse, & tibi virtutis materiam illustrandæ paratam. Quæ res precor ut primum tibi, deinde gregi tuo, denique & nobis omnibus vertat bene. Me totum quantus quantus sum, ad tuum obsequium offero. Vale.

GRATULATORIÆ SYLVA.

Libro 2. Epist. *Sera gratulatio*. Eodem, Epistola: *Cic. R. Primum tibi ut de.*

Lib. 3. Epist. *Quasi divinarem*. tota.

Qua in re gratulor tibi ita vehementer, ut te quoque mihi gratulari, quam gratias agere malim: alterum non omnino desidero, alterum vere facere poteris.

Gratulor tibi mi Balbe, vereque gratulor. Nec sum stultus, ut te usura falsi gaudii frui velim: deinde frangi repente, atque ita cadere, ut nulla res te ad æquitatem animi postea possit extollere.

Sapienter hæc reliquisti, si consilio: feliciter, si casu. Gratulor tibi affinitatem viri, medius fidius optimi.

Lib. 15. Epistola: *Te & pietatis in nos*. Et plurimæ sequentes.

De Cicerone quæ scribis, jucunda mihi sunt, velim sint prospera. *Cic. ad Attia*

Et si contentus eram, mi Dolabella, tua gloria, satisque ex ea magnam lætitiā, voluptatemque capiebam, tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus.

Sum enim avidior, etiam quam satis est gloriæ, & ta-

tamen non alienum est a dignitate tua, quod ipsi Agamemnoni Regi Regum fuit honestum, aliquem in consiliis capiendis Nestorem habere: mihi vero gloriosum, te juvenem Cos. florere laudibus, quasi alumnus disciplinæ meæ.

Lib. 4. Epist. *Magnam cepi voluptatem.*

Lib. 5. Epist. *Concefferam in municipium. tota.*

Eodem, Epist. *Bene est mihi.*

Lib. 9. Epist. *Magna me sollicitudine. tota.*

Lib. 1. *Explicare non possum.*

Politi-
nus.

GRATULATIO MEA.

Lucium tibi generum obtigisse, majorem in modum gaudeo: speroque & opto, istam conjunctionem tibi & voluptati, & ornamento fore.

Neque nobis Præful optatior, neque tibi manus magis optandum potuit obtingere.

Nuncius neque optatior, neque jucundior adferri potuit, quam qui nuper est de nova dignitate tua allatus.

Ex tuis literis, quibus te Consulem declaratum significas, tantum cepi voluptatis, quantum te semper amavi.

Ofactum bene, rem voluptariam nuncias, pulchre nuncias, præ gaudio vix me capio.

Voluptatem incredibilem mihi tuis literis nuncias.

Literæ tuæ suavissimæ, quibus te novis honoribus ornatum nuncias, tanta me lætitia impleverunt, ut prorsus dubitem, cui potissimum gratulari debeam: tibi, cui tanta dignitas nec petenti, nec cogitanti contigerit: an patriæ, quæ talem sit Præfulem habitura: an Principi: qui talem Consiliarium: an mihi potius, qui tuis fortune perinde ac meis delector.

Scio te istiusmodi ornamenta nec desiderasse, nec delectari, & ita prorsus existimare, onus, non honorem tibi injectum. At tanto es isto honore dignior, quo delectaris minus, eoque magis virtuti tuæ gratulor.

Natum tibi bellum puerum, uxore salva, vehementer gaudeo.

Quod ex itinere difficillimo, & diuturna peregrinatione patriæ sis redditus incolumis, tuo nomine ex animo gaudeo.

Rem tibi ex sententia tua evenisse, incredibile dictu quantum læter.

Cave putes te ipsum ex ista tua fortuna, plus cepisse voluptatis, quam ego ex tuis literis ceperim, quæ me de nova dignitate tua certiore fecerunt.

Quod novis honoribus sis auctus,

Quod magistratum assequutus,

Quod legatio tam splendida delata,

Quod doctoris titulo ornatus,

Familiam tibi feliciter domi crescere,

Hæreditatem amplissimam obvenisse volupe est: te tam certis, tam caris amicis orbatum non nihil doleo.

Ego abfuisse te tam diu a nobis & doleo, quod carui fructu jucundissimæ consuetudinis tuæ: & lætor, quod absens omnia cum maxima dignitate es assequutus, quodque in omnibus tuis rebus meis optatis fortuna respondet.

Gratulor, quod qui semper Episcopus fuisti, nunc etiam videberis.

RESPONSIO AD GRATULATIONEM.

Gratulatio tua & si mihi probatissima, quod ab optimo fit animo, tamen hoc mihi multo jucundius est, & gratius, quod in summa paucitate amicorum, propinquorum, ac necessariorum, qui vere meæ salutis faverent, te cupidissimum mei, singularemque mihi benevolentiam præstitisse cognovi.

GRATULATIO MEA.

O diem lætum, non tibi solum, sed tuis etiam omnibus candidissimo notandum calculo.

Si quid esset in rebus meis unione vel candidius, vel preciosius, hac nota, signarem eum diem, quo mihi nunciatum est, te nobis e periculossimo bello redisse: non solum incolumem, verum etiam victorem, & quidem summa cum laude.

O diem terque quaterque lætum, nec unico margarito mihi signandum.

A Precor superos, ut hoc gaudium, quod nobis omnibus largiti sunt, perpetuum esse velint.

Si casu te contulisti in aulam, gratulor fortunæ tuæ: sin judicio, magis etiam gratulor tuæ sapientiæ.

CAP. LXXI.

DE JOCOSA EPISTOLA.

IN unoquoque Epistolarum genere, quoties respicitur, jocus admiscere debemus. Quo in genere & Ciceronem plurimum valuisse, & Joannem Campanum fere immodicum, ac solum esse videmus, sæpe proximum scurrilitati. Argutius jocatur Aufonius. Cujusmodi vero debeat esse jocus, Cicero in libris de Oratore, & Quintilianus capite de risu monstravit. Exemplum suppeditabit Macrobius & Athenæus. Primum illud curandum, ut tempestivus sit jocus, ut liberalis, ut decori meminerit. Qui si apte adhibebitur, plus sæpenumero habet momenti, quam oratio quamlibet ferria. Sed cavendum erit, ne quando nobis eveniat, quod Asino Æsopico catelli lusus infelicitè æmulato.

JOCOSÆ SYLVA.

Lib. 7. Epist. *In omnibus meis.*

Nam de Cornelio nihil audeo dicere, cujus tu periculo stultus es, quando te ab eo sapere didicisse profiteris, quin tu urges istam occasionem & stultitiam, quæ melior nunquam reperietur.

Lib. 7. Epist. *Legi tuas literas.*

Eodem, Epist. *Nisi ante Roma. proxima: Mirabar quid esset.* Ac cæteræ pleræque ad Trebatium.

Lib. 9. Epist. *Num tu homo ridiculus es?* Et aliquot sequentes ad eundem. Eodem Epist. *Accubneram.*

Tui desiderium, spe tuorum commodorum color.

Nos plane divites sumus, sed ne erres, Stoico more, qui omnes divites putant, qui cælo & terra frui possunt.

Lib. 1. Epist. *Na tu homo es. Item proxima: Pisi.* Politi-
nus.

Lib. 5. Epist. *Ita respondebo. Item Epist. Si tu edentulus.*

Lib. 7. Breves aliquot Epistolæ sunt, partim jocosæ, partim argutæ. Quin & Aufonius multus est in jocando, nec minus Gulielmus Budæus, Gallus & hic.

CAP. LXXII.

DE CONCILIATORIA EPISTOLA.

EST genus Epistolarum non dissimile commendatorio, quod nobis visum est appellare conciliatorium. Nam ut commendatione conciliamus aliis favorem, ac benevolentiam apud amicos, ita quum studemus nobis conciliare viros, quibuscum antehac nulla intercessit notitia, aut amicitia, quodammodo nosmetipsos commendamus. Hoc argumentum frequens est inter eruditos, dum aliquoties totis regionibus disjuncti, tamen mutuis Epistolis sese provocant ad soliditatem literariam, ac fœdera Musarum. Et nescio quomodo vix unquam abest hic lenocinium assentationis, a quo tamen nec sanctimonia probatos viros videmus abhorruisse. Illud erit observandum, ut ita laudemus eum cujus ambimus amicitiam, ne vel adulari, vel fingere, vel insidiari, vel nostrum negotium agere videamur. Rursus ita laudemus nos ipsos, ut ne nobis ob arrogantiam pro benevolentia conciliemus odium. Dicemus similitudinem esse conciliatricem amicitia. Nos illius eximiiis dotibus ad amandum inflammatos, quas partim celebri fama, partim ex prædicatione laudatissimorum hominum, partim ex ipsius libris cognoverimus. Nos tamen multum absimus ab illius virtutibus, tamen semper huc annixos, ut quod in illo suspicimus assequeremur, & aliorum judicio aliquousque progressos esse. Suspicionem assentationis subinde deprecabimur. Obtestabimur illius modestiam, ut amoris nostro ignoscat, cui temperare non possumus: etiam non ignari, quantopere vir omni laude superior, prædicatione suarum virtutum offendatur. In nobis rem attenuabimus, animi, studium, amorem optimarum rerum exag-

gerabimus. Orabimus, ut nos in suorum numerum ascribat. Pollicebimur, nos tametsi novos amicos, nulli veterum cessuros, studio certe, ac fide, quantumvis reliquis in rebus impares. Nos ipsos, opes nostras, & quicquid opera nostra præstari poterit, totum illi deferemus, amicos etiam communes pollicebimur. Poterat hoc genus amatorio subijci, quo quidem loco non nihil attigimus. Nonnunquam & alios invicem conciliamus, ac tum quidem hoc intererit inter commendationem, & conciliationem, quod qui commendat, petit nonnihil: qui conciliat, nihil petit officii, sed tantum conglutinat amicitiam. Ad hoc genus pertinet laudatio certæ personæ. Sylvam modo subiiciemus, nam & in descriptione nonnihil hac de re meminimus.

LAUDATORIE SYLVA.

Cic. E-
pist.
fam.

Mihi quidem humanitas tua, vel summa potius sapientia, non jucunda solum, sed etiam admirabilis visa est. Virum enim excellentem, & tibi tua præstanti in eum liberalitate devinctum, nonnihil suspicantem, propter aliquorum opinionem cupiditatis suæ, te ab se abalienatum illa Epistola retinuiisti.

Plinius.

Sed nimirum, quæ sunt in manu hominum, & mihi, & multis contigerunt. Illud vero, ut adipisci arduum, sic etiam sperare nimium est, quod dari non nisi a Diis potest.

Ego vero Rufum nostrum laudo, non quia tu ut ita facerem, petisti, sed quia est ille dignissimus. Legi enim librum omnibus numeris absolutum, cui multum apud me gratiæ amor ipsius adjecit: judicavi tamen. Neque enim soli judicant, qui maligne legunt.

Lib. 1. Epist. cujus initium: *Si quando urbs nostra.* Laus hominis.

Eodem, Epist. *Amabam Pompejum.*

Lib. 2. Epist. *Post aliquot annos.*

Eodem, Epist. *Magna Isaac fama.*

Lib. 3. Epist. *Nescio an ullum jucundius.*

Eodem lib. Epist. *Annotasse videor.* Laus Poetæ.

Lib. 6. Epistola: *Sum ex his.*

Lib. 9. Epist. *Unice probo.*

Lib. 1. Epistola: *Mirum est.* Laus vitæ rusticæ.

Lib. 2. Epistola: *Assen para.* Vituperatio personæ.

Politi-
anus.

Lib. 1. Epist. *Tanti mihi sunt.*

Lib. 3. Epist. *Et si magnum te.*

Eodem: *O decus Italia.* Laus puellæ.

Lib. 4. Epistola: *Scribis Marianum.* Laus concionatoris.

Lib. 12. Epist. *Quam vellem.* Laus pueri.

RESPONSIO AD LAudem.

Cic. E-
pist.
fam.
Plinius.

Lib. 15. Epist. *Latus sum laudari.*

Si laudatus a te, laudare te cœpero, vereor ne non tam proferre iudicium meum, quam referre gratiam videar. Omnia scripta tua pulcherrima existimo, maxime tamen illa, quæ de nobis. Accidit hoc una eademque de causa. Nam & tu quæ de amicis optime scribis, & ego quæ de me, ut optima lego.

Laudem pariter & gratias agam? Neutrum satis possum, & si possem timerem, ne adrogans esset ob ea laudare, ob quæ gratias agerem. Unum illud addam, omnia mihi tanto laudabiliora visa, quanto jucundiora: tanto jucundiora, quanto laudabiliora erant.

Politi-
anus.

Lib. 1. Epist. *Quod proximis literis.*

Item Epist. *Quod ex secundis rebus.*

Item Epistola: *Lucretium Petrejo.*

Lib. 2. Epist. *Legit Epistolam.* Rursum: *Non tu mihi.*

Eodem, Epist. *In Epistola quadam.*

Lib. 3. Epist. *Et si video.* Eodem, Epist. *En ad te revertitur.* Rursum Epist. *Misit ad me.* Eodem, Epistola: *Utinam quas.*

Lib. 4. Epist. *Ignosce occupationibus.*

Lib. 5. Epist. *Incalce.* Lib. 7. Epist. *Legit Epistolam.*

A Eodem, Epist. *Honorifica mentio.* Item proxima.

RESPONSIO AD LAudem MEAM.

Laudes istas quas affatim in me congeris, sic equidem interpretor, quasi non me depingere volueris qualis sum, sed optimum exemplar præscribere, qualis esse debeam.

Hoc effecit ista tua tam magnifica laudatio, ut jam mihi minus incipiam placere, qui plane videam, quantum absim ab ista perfectæ virtutis imagine.

Dum istam imaginem pingeres, nova me, sed abs te ipso sumebas exemplum.

B Sentio quid agas, falsis istis laudibus nostram ignaviam extimulare voluisti.

Aut plane falleris, aut nobis blanditur tua laudatio. Sed blandiatur sane, dummodo mihi mea studia commendet. Nec enim alio consilio te blandiri scio.

Ideo summa tribuis, non quod ea sim assequutus, sed quod huc me summis viribus velis eniti.

Hoc agis laudando, ut aliquando videar laudandus. Ipse summis ac maximis virtutibus abundet oportet, qui in aliis paucas ac mediocres sic amat.

C Quod in laudando me plus quam immodica benignitate es usus, non ignoscerem, nisi jam olim ex Homericæ lege, Poetis mentiri liceret. Ait enim, πολλὰ φέρωνται αἰδοί. Cic. E-
pist.
fam.

Non est mihi cornea fibra, quemadmodum ait Persius: nec apud me sane incredibile est esse verum, quod scripsit Xenophon, ἡδίστον ἄσµα ἔπαινον εἶναι, utique si promerear. Nunc nihil aliud quam ridere me puto. Est hoc fere solenne inter eruditos, ut sese mutuis laudibus quasi scabant. Nec in totum damandas arbitror has assentatiunculas, quibus alitur benevolentia, & excitantur studia.

CAP. LXXIII.

DE OFFICIOSA EPISTOLA.

D Nec infrequens est & illud Epistolarum genus, quo amicis, etiam si nihil petant, operam nostram ultro offerimus, propterea quod sunt quos pudet rogare, quum egeant amicorum subsidio. Hos oportet ultro delato officio, ad postulandam operam amici provocare, & ea causa genus hoc officiosum vocare placuit.

OFFICIOSÆ SYLVA.

Ego omni officio, vel potius pietate erga te, cæteris satisfacio omnibus, mihi ipsi nunquam satisfacio. Tanta enim magnitudo est tuorum erga me meritorum, ut quoniam tu nisi perfecta re de me non conquiesci, ego quia non idem in tua causa efficio, vitam mihi esse acerbam putem.

E Nostram fidem omnes, & amorem tui absentis, præsentis tui cognoscent. Si esset in his fides, in quibus esse debebat, non laborarem.

De cæteris rebus quicquid erit actum, scribam ad te: & ut quam rectissime agantur omnia, mea cura & opera, diligentia, gratia providebo.

Ego neque de meo studio, neque de nonnullorum animo mihi scribendum arbitror. Quid enim aut me ostentem, qui si vitam pro tua dignitate profundam, nullam partem videar tuorum in me meritorum assequutus: aut de aliorum injuriis querar, quod sine summo dolore facere non possum? Ego tibi in hac præsertim imbecillitate magistratuum præstare nihil possum: at ea excepta, possum confirmare, te & Senatus, & populi Romani summo studio amplitudinem tuam retenturum.

F De Alexandrina re, causaque regia, tantum habeo polliceri, me tibi absenti, tuisque præsentibus cumulate satisfacturum.

A nobis agentur omnia diligenter, ut neque, si quid obtineri poterit, non contendamus, nec, si quid non obtinuerimus, repulsi esse videamur.

A me nullum tempus prætermittitur, de tuis rebus & agendi & cogitandi, utorque ad omnia Q. Sclicio.

cio. Neque enim prudentiorem quenquam ex tuis, neque fide maiore esse iudico, neque amantiorem tui.

A me omnia summa in te studia, officiaque exspecta. Non fallam opinionem tuam.

Tu velim tibi ita persuadeas, nullam rem esse minimam, quæ ad te pertineat, quæ mihi non carior sit, quam meæ res omnes: idque cum sentiam, sedulitate mihi met ipse satisfacere possum, re quidem ipsa, ideo mihi non satisfacio, quod nullam partem tuorum meritorum, non modo referenda, sed ne cogitanda quidem gratia, consequi possum.

Cætera quæ ad te pertinebunt, cum etiam plus contenderimus, quam possumus, minus tamen faciemus, quam debemus.

Omnia volo a me & postules, & exspectes, vincam meis officiis cogitationes tuas.

In hoc toto genere plura faciam, quam scribere audeo. Cætera, quæ tibi a multis prompta esse certo scio, a me sunt paratissima. Nihil in re familiari mea est, quod ego malim meum esse, quam tuum. Hac de re, & de hoc genere toto, hoc scribo parcius, quod te id, quod ipse confido, sperare malo, te esse usurum tuis.

Ego quæ pertinere ad te intelligam, studiosissime omnia, diligentissimeque curabo, tuorumque tristissimo meo tempore meritorum erga me memoriam conservabo.

De mea autem in te voluntate, sic velim iudices, me quibuscunque rebus opus esse intelligam, quanquam videam, quis sim hoc tempore, & quid possim, opera, tamen & consilio, studio quidem certe rei, famæ, salutis tuæ præsto futurum.

Quam ob rem tu, quantum tuo iudicio tribuendum nobis esse putes, statues ipse: & ut spero, statues ex nostra dignitate. Ego vero tibi profiteor, atque polliceor eximium & singulare meum studium, in omni genere officii, quod ad honestatem & gloriam tuam spectet, in quo etiam si multi mecum contendunt, tamen cum reliquis omnibus, tum Crassis tuis iudiciis, omnes facile superabo.

Quam ob rem velim ita & ipse ad me scribas de omnibus, minimis, maximis, mediocribus rebus, ut ad hominem amicissimum: tuis præcipias, ut opera, consilio, auctoritate, gratia mea sic utantur in omnibus, publicis, privatis, forensibus, domesticis, tuis, amicorum, hospitum, clientum tuorum negociis, ut quoad ejus fieri possit, præsentis tuæ desiderium meo labore minuatur.

Tu tamen ei velim scribas, ut nullam rem neque tam magnam, neque tam parvam putet, quæ mihi aut difficilis, aut parum me digna videatur. Omnia quæ in tuis rebus agam, & non laboriosa mihi, & honesta videbuntur.

Tu si quid ad me forte scripseris, perficiam ne te frustra scripsisse arbitrare.

Quotiescunque filium tuum video, (video autem fere quotidie) polliceor ei studium quidem meum, & operam sine ulla exceptione aut laboris, aut occupationis, aut temporis, gratiam autem atque auctoritatem cum hac exceptione, quantum valeam, quantumque possim.

Lib. vi. Epistola: Vereor ne desideres, multos habet locos consolatorios.

Singula persequi non est necesse: universum studium meum & benevolentiam ad te defero.

Tibi gratulor, mihi gaudeo, te amo, tua tueor, a te amari, & quid agas, quidque agatur, certior fieri volo.

De me autem sic velim iudices, quantum ego possim, me tibi, salutis tuæ, liberisque tuis summo cum studio præsto semper futurum.

Ego quid possim, nescio, vel potius me parum posse sentio. Illud tamen tibi polliceor, me quæcunque saluti, dignitati que tuæ conducere arbitrabor, tanto studio esse facturum, quanto semper tu & studio, & officio in meis rebus fuisti. Hanc meam voluntatem, ad matrem tuam optimam sceminam, tuique amantis-

A simam detuli. Si quid ad me scripseris, ita faciam ut te velle intellexero. Sin tu minime scripseris, ego tamen omnia quæ tibi utilia esse arbitrabor, summo studio, diligenterque curabo.

Interim velim sic tibi persuadeas, mihi cum Republicæ quam semper habui carissimam, tum amoris nostri causa, maxime curæ esse tuam dignitatem. Da operam ut valeas.

Sed ego tuis neque desum, neque deero, qui si ve ad me referunt, si ve non, mea tibi tamen benevolentia, fidesque præstabitur.

Injuriam enim fieri putabam, quum rogabar.

B Quæ ad me de tuis rebus domesticis scribis, quæque mihi commendas, ea tantæ mihi curæ sunt, ut me nolim admoneri.

Illud profecto cognosces, mihi te neque carior, neque jucundior esse quenquam.

Perficiam profecto, ut longi temporis usuram, qua caruimus, intermissa nostra consuetudine, gratia, & caritate, & officiorum meorum magnitudine faciam.

Perficiam profecto, ut neque Respublica civis in me animum, neque tu amici desideres.

C Sed hæc fors viderit ea, quæ talibus in rebus plus quam ratio potest. Nos autem id videamus, quod in nobis esse debet, ut quicquid acciderit, fortiter, & sapienter feramus & accidisse hominibus meminerimus: nosque cum multum literæ, tum non minimum Idus quoque Martiæ consolentur.

Ego quæ te velle, quæque ad te pertinere arbitrabor, semper sine ulla dubitatione summo studio faciam. Hoc velim tibi penitus persuadeas.

Ego quæ te velle, quæque ad te pertinere arbitrabor, studiose, diligenterque curabo. Da operam ut valeas.

Nec vero ulla res erit unquam, in quæ ego non vel vitæ periculo ea dicam, ea que faciam, quæ te velle, quæque ad te pertinere arbitrabor.

Lib. III. Deprehenderunt me.

D Lib. x. Quanquam nec fortuna.

Non me hercle tam mea sunt, quæ mea sunt, quam quæ tua. Hoc tamen differunt, quod sollicitius, & intentius tui me, quam mei excipiunt. Idem fortasse eveniet tibi, si quando in nostra diverteris, quod velim facias. Primum, ut perinde nostris rebus, ac nos tuis, perfruaris: deinde, ut mei expergiscantur aliquando, qui me secure ac prope negligenter expectant.

Lib. VII. Calestrum Tironem familiarissimum.

Nihil est quod verearis, ne sit hoc illi molestum, cui orbem terrarum circumire non erit longum mea causa. Proinde nimiam istam verecundiam pone, teque quid velis, consule: illi tam jucundum, quod ego, quam mihi, quod tu jubes.

OFFICIOSÆ MEÆ.

E Nihil mihi magis in votis est, quam ut primum abs te ipso, deinde a cæteris omnibus quam gratissimus esse cognoscar. Sed ejusmodi sunt tempora, ut & tuis in me meritis, & meo in te animo, satisfacere velim magis quam possim.

Me incolumi, nullam accipies injuriam: & si mavis me verbis Homericis tibi meum patrocinium polliceri:

Οὐ τις ἐμὲ ζῶντος, καὶ ἐπὶ χθονὶ δευρομένοιο.

Σοὶ κοίτης παρὰ νηυσὶ βαρείας χεῖρας ἐπόσει.

F Pollio videtur in te offensior. Hoc quanti æstimes ubi cognoro, tum eadem opera sciero quid mihi sit elaborandum.

Cæteri solent operam polliceri in licitis & honestis, & in his quæ præstare possint. Ego vero tibi omnem meam in omni re sine exceptione polliceor, qua possis tuo arbitratu vel uti, vel abuti. In his quæ perfici non poterunt, tamen efficiam, ut intelligas nec studium, nec fidem usquam defuisse.

Si officiosus est, ultro polliceri opem, aut operam, multo officiosius est, ultro mittere pecuniam. Hujus argumenti, tametsi rari, exemplum reperies apud Plinium lib. vi. Epistola: Quamvis & ipse.

Sum quidem studiorum laboribus ita districtus, ut

Tem. I.

Hh

nemo

nemo magis : sed mihi nihil erat in studiis tam cordi, quod non postpositurus sim, si tali amico præstandum erit officium.

Non omnibus dormio, ita non omnibus vaco. Tibi nunquam non ero ociosus, si quid per me fieri voles.

Non æquum arbitror, ut literarum prætextu me excusam amico : quum hoc ipsum me doceant literæ, non esse deferendum amicitiae officium, quo nihil oportet nobis esse antiquius, aut religiosius.

Hoc unum tibi etiam atque etiam persuadeas velim, nihil existere posse tam durum, tam periculosum, quod non sim tua causa libenter etiam subiturus.

Nihil erit tam arduum, tam asperum, quod non sit jucundum futurum tua causa.

Opes quas tibi polliceor, nec mihi adsunt, nec tibi desunt.

Hoc corpusculum, hunc animum tibi totum quantus est devoveo.

Hoc tibi spondeo mi Lucilli, neque animum, neque diligentiam mihi defuturum.

Nec animo, nec studio, nec benevolentia, nec patientia cujusquam pro vobis cedam.

A

CAP. LXXIV.

DISPUTATORIE GENVS.

Est Epistolarum genus non infrequens inter eruditos, quo studiorum suorum inter se agunt commercia, quum aut sciscitantur de re quapiam, aut respondent sciscitanti : aut si qua de re parum convenit disputant. Hujus generis, quoniam varium est, certa ratio reddi non potest. Tantum exempla quædam indicabo.

DISPUTATORIE SYLVA.

Lib. VII. Epistola : *Illuseras heri inter.*

Cic. E. pist.

Lib. IX. Epistola : *Amo verecundiam.*

Plinius.

Lib. I. Epistola, cujus initium est : *Frequens mihi fam. disputatio.* tota.

Lib. IV. Epistola : *Attuli tibi.*

Lib. I. Epistola : *Offendet plenum.*

Politianus.

Lib. II. Epistola : *Dictata illa tua.*

Lib. III. Epistola : *Irasceris obrectatoribus.*

Lib. V. Epistola : *Et tui mihi.*

Lib. IX. Epistola : *Ego quidem mi Hermolae.* Item proxima.

Lib. XII. Epistola : *Quantopere me semper.*

LIBRI DE RATIONE CONSCRIBENDI EPISTOLAS

F I N I S.



D E-

DECLAMATIO

D E

P U E R I S A D V I R T U T E M

A C

L I T E R A S

L I B E R A L I T E R I N S T I T U E N D I S

I D Q U E

P R O T I N U S A N A T I V I T A T E ;

P E R

D E S I D E R I U M E R A S M U M R O T E R O D A M U M ,

ILLUSTRISSIMO PRINCIPI
G U L I E L M O
D U C I C L I V E N S I,
J U L I A C E N S I, M O N T E N S I,
C O M I T I M A R C H I Æ,
E T
I N R A V E N S P U R G, &c.
DESIDERIUS ERASMUS ROTERODAMUS
S. D.



CONRADUS Heresbachius, vir ad unguem factus, qui magno Reipublicæ bono, pueritiæ tuæ formator contigit, Clarissime Princeps, indolem tuam eruditioni pariter ac pietati natam ita mihi suis literis frequenter depinxit, ut si complures menses tecum domesticam habuissem consuetudinem, non esse posses notior. Idem pro singulari quodam erga te amore, quem undique spirant illius Epistolæ, magno studio, multisque argumentis illud agebat, ut aliquo monumento literario, & tibi in isto longe pulcherrimo stadio strenue currenti, calcar, ut ajunt, adderem, & alios adolescentes generis imaginibus claros ad æmulationem tam felicitis exempli provocarem. Ab hoc officio, adeo mihi non abhorrebat animus, ut beneficii loco ducerem admonitum fuisse. Verum quod ipse annos aliquot distulimus officium, nihil aliud, mihi crede, fuit in causa, nisi quod non obtigit argumentum, quod tuæ magnitudini aliqua ex parte respondere videretur. Nam ille sic temperavit orationem suam, ut appareret non quolibet munere fore contentum. Quum igitur non occurreret quale volebam, cepit tandem me pudere promissi mei, visumque est tenues quosdam, sed callidos clientes imitari, qui cum ingentem summam debeant patronis suis, nec adhuc solvendo sint, hortensibus quibusdam munusculis eos deliniunt, quo patientius ferant recastrenatam solutionem, hoc pacto testantes non animum facultatibus, sed facultates animo deesse. In Italia delinearam opus de verborum rerumque copia. Adjeceram exemplum ejusdem argumenti, quam potuit in compendium contracti, & ejusdem fusius copiosiusque tractati. Is cui Romæ tradideram describendum, reddidit hanc partem mutilam, ac vix dimidiatam, ut quod supererat, mihi frustra superesset. Deinde quum ab eruditis amicis subinde rogarer, ut excitandis studiis, quæ jam refrigescere videbantur, opus illud absolverem: animum vehementer abhorrentem, tamen huc perpuli, ut inspecta divisione, quæ totius argumenti propositiones ceu columnas habebat, denuo receptum in manus pertexerem. Puta hoc esse munusculum aliquod cerasacum. Adjeci duos libellos nunquam antebac editos, puta hæc esse duo mala Cydonia ex horto paupere selecta. Quæ rusticana munuscula non in hoc damus Adolescens generosissime, quod his fidem nostram liberatam velimus, sed ut liberandi voluntatem adesse testemur. Solent autem humani creditores minus appellare eos, qui subinde veluti seipsos appellantes profitentur æs alienum. Quod qui dissimulant, meditari videntur inficiationem. Quanquam hæc causa mihi potius agenda fuerat cum Heresbachio, qui me ex stipulatione poterat in jus vocare. Sed apud te malui, quem mihi sciebam æquorem fore in negotio proprio, quam ille foret in alieno. Sic enim ille te deamat, sic favet, commodis, honori dignitati que tuæ, ut si usquam possit, in his procurandis videatur ab illa genuina verecundia posse recedere. Age Princeps ornatissime, perge in isto pulcherrimo certamine, ut ille tuam Celsitudinem optimis disciplinis, tu illius doctrinam, fortunæ ac dignitatis accessione illustres. Libellum non laborabo tibi commendare, nisi hoc nomine quod & novus est, & totus meus. Deinde quod docet multa paucis complecti, quod dictionis genus nullos magis decet quam summos Principes. Unicum exemplum a nobis proditum est, ex divo Augustino plura suppetunt, qui nonnunquam Psalmum mira brevitate complectitur, quem mox largissima rerum ac verborum copia disserit. Postremo quod hæc instituenti ratio Principum liberis potissimum est accommoda, quippe qui quum maxime omnium egeant recta institutione, tamen non convenit secus, quam liberaliter erudiri. Bene vale. Apud Friburgum Brisgoiæ Calend. Julii. Anno M. D. XXIX.

P U E R O S
AD VIRTUTEM AC LITERAS
LIBERALITER INSTITUENDOS,
I D Q U E
PROTINUS A NATIVITATE,
DECLAMATIO,
CONTRACTI THEMATIS EXEMPLUM,
P E R
DESIDERIUM ERASMUM ROTERODAMUM.

Propo-
sio
absque
exordio
proximus
ad argu-
menta.



ME QUIDEM AVDIES, vel
Chrysippum potius Philosophorum a-
cutissimum, infantem tuum illico bo-
nis literis instituendum curabis, dum
adhuc vacuum curis ac vitiis ingenium,
dum mollis ac tractabilis aetas, dum ad
quidvis sequax & habilis animus, inter-
rim & tenacissimus perceptorum. Ni-

hil enim perinde meminimus senes, atque ea quæ rudibus
annis imbibimus.

Diviso
confusa-
tionis.

Neque vero te quicquam commoveant istorum vo-
ces, qui dicitant istam ætatem partim non esse discipli-
narum satis capacem, partim ferendis studiorum labori-
bus imparem. Primum enim literarum initia memo-
ria potissimum constant, quæ parvulis, ut dixi, vel tenacis-
sima est. Deinde quoniam natura nos ad cognitionem ge-
nuit, non potest esse præproperum ejus rei studium, cujus
femina quædam nobis ipsa rerum parens insecvit. Adde quæ-
dam esse grandibus etiam cognitu necessaria, quæ peculiari
quadam naturæ propensione multo tum citius tum facilius
percipit aetas tenera quam robustior. Veluti literarum ele-
menta, linguarum peritiam, apologos ac fabellas Poeticas.
Postremo cur existimetur ea aetas ad literas inidonea, quæ
sit jam ad mores discendos apta? Aut quid alioqui potius fac-
iant pueri jam fandi potentes, quandoquidem aliquid fac-
iant necesse est? Quanto utilius aetas illa ludit in literis,
quam in nugis? Dices, perquam leve momentum est quod
primis illis annis efficitur. Cur ut pusillum contemnitur,
quod ad rem longe maximam necessarium est? Deinde cur
lucrum illud quantulumcunque, lucrum tamen, studio ne-
gligitur? Jam si pusillum pusillo frequenter apponas, acer-
vus oritur haudquaquam asperandus. Interim & illud per-
pende, si minora discit infans, majora discet adolescens, iis
annis, quibus illa minora fuerant discenda. Denique dum
hæc agit, saltem a vitiis illis arcebitur, quibus eam ætatem
fere videmus infici. Nulla enim res melius occupat totum
hominis animum, quam studia. Hoc certe lucrum contem-
ni non debet. Cæterum ut demus his laboribus aliquid de-
cedere robori corporis, mihi damnum hoc pulchre pensatum
videtur ingenii lucro. Nam animus moderatis labori-
bus redditur vegetior. Et si quid hic periculi est, potest no-
stra cura vitari. Adhibendus est teneræ ætati doctor, qui
blanditiis illiciat, non qui sævitia deterreat. Tum autem
sunt quædam & cognitu jucunda, & puerilibus ingeniis
quasi cognata, quæ discere ludus est potius quam labor.
Quanquam non est adeo imbecillis puerorum aetas, quæ
vel ob hoc ferendis laboribus magis est idonea, quod labo-
rum sensu caret. Proinde, si cogitaris quam non sit homo,
qui literarum expers est, quam sit fugax hominum vita,
quam lubrica in malum adolescentia, quam occupata ju-
ventus, quam sterilis senectus, tum quam paucis mortalium
hæc contingat, non sines infanti tuo, in quo veluti renatus
superstes eris, ullam ævi partem incultam abire, in qua pa-
rari queat aliquid, quod vel in omnem vitam magnum bo-
num adferat, vel a malis arceat.

IDEM ARGUMENTVM LOCUPLETATVM
COPIA.

Post diu desperatam uxoris foecunditatem, audio te pa-
trem esse factum, & quidem prole mascula, quæ miram
quandam, hoc est plane parentum indolem præ se ferat,
quæ si modo quicquam ex hujusmodi notis indicis que licet
augurari, virtutem absolutam polliceri videatur. Itaque
tibi in animo esse, puerum tantæ spei, simul atque grandiu-
sculus erit factus, curare bonis literis initiandum, hone-

stissimisque disciplinis erudiendum, saluberrimis Philoso-
phiæ præceptis formandum & instruendum: Nimirum vis
totus esse pater, & illum vis vere tuum esse filium, qui te non
solum oris figura, corporisque lineamentis exprimat, ve-
rum etiam ingenii dotibus referat. Equidem ut amici non
vulgaris felicitati ex animo gratulor, ita prudentiæ tuæ pro-
positum magnopere probo.

Unum illud audacter quidem, sed tamen amanter admo-
nuerim, ne vulgi vel judicium vel exemplum sequutus, *Propo-*
committas, ut prima infantuli tui aetas citra omnem insti-
tutionis frugem effluat, ac tum demum ad discenda literarum
admoveas elementa, quum jam & aetas minus tractabilis, &
ingenium ad vitia propensius, ac fortassis vitiorum tenacissi-
morum vepribus occupatum. Quin tu mihi jam nunc vi-
rum aliquem circumspice, ut moribus incorruptis & com-
modis, ita doctrina neutiquam triviali præditum, cui puel-
lum tuum veluti teneræ mentis nutritio in gremium tradas,
quo literarum nectar, una cum ipso lacte combibat, pariter-
que filio curam ex æquo nutritibus ac præceptoris partia-
ris, ut illa corpusculum quam optimo vegetet succo, hic
animum salubribus opinionibus & honestissimis imbuat di-
sciplinis.

Neque enim arbitror convenire, ut vir unus omnium do-
ctissimus, & idem prudentissimus, mulierculas istas audias,
aut viros etiam excepta barba mulierculis simillimos, qui
crudeli quadam misericordia, & inimica benevolentia, pue-
ros ad ipsam usque pubertatem inter matricularum oscula,
nutricum blanditias, ancillarum ac famulorum lusus ine-
ptiasque parum castas, detinendos censent, ac profusa lite-
ris tanquam a venenis arcendos existimant, dicitantes pri-
mam ætatem, & rudiorem esse, quam ut disciplinarum sit
capax, & teneriorem, quam ut studiorum laboribus sit ido-
nea. Postremo levioris esse momenti, ætatis illius profectum,
quam ut ea gratia sit aut faciendus sumptus, aut ve-
xanda puerorum imbecillitas. Horum singula dum refello,
quæso ut mihi paulisper animum attentum accommodes,
reputans id quod res est, hæc scribi primum ab homine quo
vix habes alium tui amantiorem, tum ea de re, qua non alia
magis ad te pertinet. Quid enim filio carius, præsertim u-
nico, in quem etiam vitam nostram cupiamus transfundere
si liceat, non modo facultates? Proinde quis non videat eos
perverse simul ac præpostere facere, qui in colendis agris,
extruendis ædificiis, alendis equis summam adhibent cu-
ram, ac viros prudentes multoque rerum usu callidos in con-
siliis adhibent: in educandis formandisque liberis, quo-
rum gratia cætera parantur omnia, tam nihil habent pensi,
ut nec suum ipsorum consulant animum, nec cordatorum
hominum exquirant sententias, sed perinde quasi ludicra res
agatur, ineptis mulierculis, & e plebe quibuslibet homun-
cionibus auscultant? Quod non minus absurde fit, quam si
quis de calceo magnopere sollicitus, pedem ipsum negligat,
aut summo studio curet, ne quid vitii sit in veste, de corpo-
ris valetudine securus.

Non hic te remorabor vir optime locis communibus,
quantum naturæ vis, quantum pietas, quantum divina lex,
quantum humanæ constitutiones parentes debere volunt li-
beris, per quos quatenus licet effugimus mortalitatem, ac
reddimur immortales. At quidam sibi parentis officium pul-
chre videntur implese, si genuerint tantum, quum hæc sit
minima portio pietatis, quam exigit patris cognomen. Ut
vere sis pater, totus tibi curandus est filius, eique parti debe-
tur prima ac præcipua cura, qua pecudibus antecellit, & ad
numinis similitudinem proxime accedit. Quantam sollicitu-
dinem matrum vulgus adhibet, ne infans evadat strabus aut

Tom. I. Hh 3 præ-

pætis oculis, ne buccis fluentibus, ne cervice inflexa, ne protuberantibus scapulis, ne tibiis varis, ne pedibus distortis, ne parum concinna corporis totius symmetria, quam ad rem præter alia fasciis etiam solent uti, ac mitellis quibus succingunt buccas. Habetur interim & lactis, & ciborum, & balneorum, & motus ratio, quibus prosperam corporis valetudinem pueris parari multis voluminibus Medici docuerunt, nominatim autem Galenus: nec hanc sedulitatem differunt in septimum aut decimum annum, sed mox exceptum ex uteri latebris ad hanc curam vocant. Et recte faciunt, siquidem neglecta infantia frequenter homines tradit morbidæ & afflictæ senectuti, si tamen huc pervenisse contingat. Quinetiam nondum edito foetu, matrum tamen vigilat cura, non vescuntur quibuslibet cibis gravidæ, cavent ab incommodo corporis motu: & si quid forte in faciem inciderit, protinus avulsum manu ad secretam corporis partem applicant. Eo remedio fieri multis experimentis compertum est, ut deformitas quæ in conspicua corporis parte erat futura, lateat in occultis.

Nemo vocat hanc curam præproperam, quæ deteriori hominis portioni adhibetur: cur igitur ea pars qua proprie hominis vocabulum sortiti sumus, tot annis negligitur? An non absurde faciat, qui pileum exornet, neglecto impexo & scabioso capite? At multo absurdus est justam curam impendere corpori mortali, nullam habere rationem immortalitatis animi. Age si cui domi natus est pullus equinus, aut catulus aliquid generosioris indolis præ se ferens, an non protinus incipit illum ad usum fingere, quod eo magis facit ex animi sui sententia, quo sequacior est ad formantis voluntatem ætas tenera. Mature doces pſittacum humanas sonare voces, non ignarus quo plus acceſſerit ætatis, hoc minus esse docilem, admonente hoc etiam vulgi proverbio: Pſittacum vetulum negligere ferulam. Quale est autem vigilare in ave, cessare in filio? Quid agricolæ non inertes? Nonne protinus plantulas etiamnum teneras inſitione docent exuere sylvestre ingenium, nec expectant donec jam robur induruerit? Neque solum cavent ne surgat incurva, ne quid aliud vitii contrahat arbuscula, verum etiam si quid contractum est, emendare festinant, dum adhuc flexilis est, ac fingentis sequitur manum. Quod autem animal aut quæ planta respondet possessorum aut agricolarum votis & usibus, nisi nostra industria naturam adjuverit? Id quo fit tempestivius, hoc succedit felicius.

Mutis quidem animantibus plus præsidii ad genuinas functiones natura rerum parens adjunxit, at quoniam numinis providentia uni animantium homini rationis vim indidit, maximam partem reliquit institutioni: ut rectissime scripserit quidam, primum, medium, ac tertium, hoc est totius humanæ felicitatis caput ac summam esse, rectam institutionem ac legitimam educationem. Quo quidem elogio Demosthenes commendavit rectam pronuntiationem, non ille quidem falso, sed recta institutio longe plus habet momenti ad sapientiam, quam pronuntiatio ad eloquentiam. Fons enim omnis virtutis est diligens ac sancta educatio. Quemadmodum ad stultitiam ac malitiam primum, secundum, ac tertium est indiligens corruptaque institutio. Hæc præcipue nobis relicta est. Eadem est ratio cur cæteris animantibus natura tribuerit celeritatem, volatum, aciem oculorum, molem ac robur corporis, squamas, villos, pilos, laminas, cornua, ungues, venena, quibus & incolumitatem suam tueri queant, & sibi de victu prospicere, suosque foetus educare: solum hominem mollem, nudum, & inermem producit, verum pro his omnibus mentem disciplinis habilem indidit, quod in hoc uno sint omnia, si quis exerceat. Et quo quodque animal minus est aptum disciplinis, hoc plus habet naturæ prudentiæ. Apes non discunt condere cellulas, colligere succum, conficere mel. Formicæ non instituuntur, ut æstate congerant in cavum, unde per hiemem victitent, sed hæc omnia naturæ aguntur instinctu. At homo nec edere, nec ingredi, nec fari novit, nisi doctus. Ergo si foetus, aut nullos, aut insipidos gignit arbor citra curam inſitionis, si canis nascitur inutilis ad venatum, si equus ineptus ad usum equestrem, si bos ineptus ad arandum, nisi nostra acceſſerit industria, quam efferum, quam inutile animal evadet homo, nisi studiose simul ac mature fingatur institutio?

Non hic recinam tibi nulli non decantatum exemplum

A Lycurgi, quo producente in spectaculum, catulus alter generosi generis, sed male educatus, cucurrit ad cibum, alter ex parentibus ignavis ortus, sed diligenter educatus relicto cibo ad feram insiliit. Efficax res est natura, sed hanc vincit efficacior institutio. Vigilant homines, ut habeant probum canem ad venatum, ut habeant strenuum equum ad proficiscendum, atque hic nulla videtur præcox diligentia: cæterum ut filium habeant, qui parentibus & ornamento sit & usui, in quem bonam domesticarum curarum partem transferant, cujus pietas ingravescentem ætatem foveat fulciatque, qui generi fidum patronum, qui uxori probum conjugem, qui Reipublicæ fortem & utilem civem præſter, aut nullam, aut feram adhibent curam? Cui conferunt? cui arant? cui exſtruunt? cui terra marique venantur opes? Nonne liberis? At ista quid habent vel usus, vel decoris, si is cui hæc omnia cedunt, nesciat uti? Immo dico studio paratur possessio, possessoris nulla est cura. Quis parat citharam ignaro mulices? Quis adornat insignem bibliothecam literarum rudi? Et tot opes parantur ei, qui rationem utendi nunquam didicit? Si ista bene educato comparas, instrumenta virtutum subministras, sin inculto agrestique ingenio, quid aliud quam nequitiae scelerumque materiam suppeditasti? Quid hoc patrum genere vecordius cogitari potest? Curant ut filii corpus careat vitio, reddaturque ad vulgares actiones habile, at animum, cujus moderatione constet omnis honesta actio, negligunt. Ne commemorem interim, quod opes, dignitatem, auctoritatem, atque etiam prosperam valetudinem, quæ tam anxiiis votis optant liberis suis, nulla res magis parit homini quam probitas & eruditio. Optant illis prædam, nec dant venabulum quo capiant. Quod est omnium præstantissimum, filio dare non potes, at his artibus potes illum instruere quibus ea parantur, quæ sunt optima. Jam hoc insigniter absurdum est, sed absurdus etiam quod domi canem habent vigilanter institutum, quod equum habent magna cura domitum atque edoctum, filium habent nulla honesta instructum disciplina. Agrum habent pulchre cultum, filium turpiter incultum. Domum habent ornamentis omnibus decoratam, filium habent ab omnibus veris ornamentis vacuum.

D Ad hæc, qui juxta popularem existimationem, videntur eximie sapere, mentis excolendæ sollicitudinem, aut differunt in ætatem indocilem, aut prorsus non adhibent, & de fortuitis externisque bonis mire solliciti sunt, etiam priusquam edatur is, quem omnibus illis destinaverunt dominum. Quid enim non videmus illos facere? Uxoris utero tumente jam tum accersitur genethliacus, sciscitantur parentes, masculus ne proditurus sit, an foemina. Exquirunt fatum. Si Astrologus ex horoscopo dixit prolem belli fore felicem, hunc, inquit, dicabimus aulæ regiæ. Si pollicebitur dignitates ecclesiasticas, huic, inquit, alicunde venabimur Episcopem, aut Abbatiam opimam. Hunc faciemus Præpositum aut Decanum. Hæc cura non videtur illis præpropera, quum antevertat ipsam nativitatem, & præpropera videtur quæ natorum fingendis animis adhibetur? Tam cito curas, ut filium habeas belli ducem, aut magistratum, & non simul curas, ut ille sit dux aut magistratus Reipublicæ salutaris? Ante tempus hoc agis, ut habeas filium Episcopum aut Abbatem, & non huc fingis, ut recte gerat Episcopi aut Abbatis munus? Imponis curru, nec doces gubernandi rationem. Admoves clavo, nec curas ut discat quæ nauclerum æquum est scire.

F Denique in omnibus tuis possessionibus, nihil habes eo neglectius, quo nihil habes preciosius, & cui cætera parantur omnia. Nitent agri, nitent domus, nitent vasa, vestes, ac tota suppellex, belle docti sunt equi, pulchre instructi famuli, solum filii ingenium squallet, sordet, horret. Nactus es de lapide, quod ajunt, emptum mancipium, barbarum ac vile, si rude est, observas ad quem usum sit idoneum, & ad artem aliquam mature instituis, seu culinariam, seu medicam, seu agricolationis aut dispensationis, solum filium velut ocio natum negligis. Habebit, inquit, unde vivat, verum non habebit, unde recte vivat. Vulgo quo quisque ditior est, hoc minus sollicitus est de liberorum institutione. Quid opus est, inquit, Philosophia, satis habebunt. Imo quo plus habent, hoc opus est majoribus Philosophiæ præfidiis. Quo major est navis, quoque plus vehit mercium, hoc magis desiderat nauclerum probe doctum. Quanto studio

dio id agunt Principes, ut filius quam amplissimam ditionem relinquant, nec ulli minus curant eos instituendos his artibus sine quibus non potest recte geri Principatus. Quanto plus confert, qui dat bene vivere, quam qui dat vivere. Minimum debent liberi parentibus, a quibus progeniti sunt tantum, non etiam ad recte vivendum educati. Celebratur Alexandri dictum, ni Alexander essem, Diogenes esse vellem. Id optimo jure reprehendit Plutarchus, quod hoc magis optare debuerit, Diogenis Philosophiam, quo latius imperabat. Sed turpior est illorum fœcordia, qui non modo non recte instituunt liberos, verum etiam ad nequitiam corrumpunt.

Hanc absurditatem quum Crates ille Thebanus perspiceret in hominum moribus, non injuria minitabatur se consensurum editissimum urbis locum, & inde quam maxime vocali clamore exprobraturum civitati publicam dementiam, hujusmodi verbis: *Quæ vos agit dementia miseri! Tam anxiam curam impenditis parandis pecuniis, ac possessionibus, & liberorum quibus ista paratis, nullam prorsus curam habetis?* Ut vix dimidiatæ matres sunt, quæ pariunt tantum nec educant, ita vix dimidiati patres sunt, qui quum corporibus liberorum necessaria ad luxum usque prospiciant, animos eorum nullis honestis disciplinis curant expoliendos. Arbore fortasse nascuntur, licet aut steriles, aut agresti fœtu, equi nascuntur, licet inutiles; at homines mihi crede, non nascuntur, sed finguntur. Prisci mortales qui nullis legibus, nullis disciplinis, vago concubitu vitam agebant in nemoribus, feræ verius erant quam homines. Ratio facit hominem, ea locum non habet ubi affectuum arbitrio geruntur omnia. Si forma faceret hominem, & statuæ numerarentur in hominum genere.

Eleganter Aristippus Crasso cuidam ac diviti roganti, quid utilitatis adolescenti allatura esset eruditio, *vel illud*, inquit, *ne in theatro lapis lapidi insideat*. Venuiste Philosophus alter, Diogenes ni fallor, meridie lucernam gestans, obambulabat per forum hominibus differtum, rogatus quidnam rei quæreret? *Hominem*, inquit, *quæro*. Sciebat illic esse turbam, sed pecudum, non hominum. Idem quum die quodam ex editiore loco concionem advocasset, clamans: *Adeste homines*. Jamque frequens hominum turba convenisset, nec aliud ille diceret, quam, *Adeste homines*, subirati quidam reclamarunt: *Adsumus homines, dic si quid habes*. Tum ille: *Homines adeste volo, non vos, qui nihil minus estis quam homines*, eosque baculo abegit. Profecto verissimum est, hominem nec Philosophia, nec ullis disciplinis instructum, animal esse brutis aliquanto deterius. Siquidem pecudes naturæ duntaxat affectibus obsequuntur, homo nisi literis ac Philosophiæ præceptis formetur, in affectus plusquam ferinos rapitur. Nullum est animal efferatius aut nocentius homine, quem agit ambitio, cupiditas, ira, invidia, luxur, & libido. Proinde qui filium non illico curat optimis disciplinis imbuendum, nec homo est ipse, nec hominis filius.

An non abominandum ostentum habeatur animus humanus in corpore bestię? quemadmodum legimus apud Circen homines beneficiis mutatos in leones, urios, ac fues, ut in his tamen esset mens hominis, quod idem sibi usu venisse prodidit Apulejus, neque non credit D. Augustinus homines verti in lupos. Quis sustineret ejusmodi monstri pater appellari? Atqui monstrum admirabilis est, belluius animus in humano corpore, & tali prole sibi placent homines plerique, qui sibi & populo videntur admodum sapere. Urfæ dicuntur massam informem edere, quamdiu lambendo fingunt formantque: verum nullus urfæ catulus tam informis est, quam homo nascitur rudis animo. Hunc nisi multo studio fingis ac formas, portenti pater eris, non hominis. Si filius nascatur turbinato capite, aut gibbo deformatus, aut loripes, aut senis in manu digitis, quam tibi displices, quam pudet non hominis sed monstri patrem appellari, cæterum animi tam prodigiosi non pudet?

Quam dejicit parentum animos, si quem pariat uxor stupidum, brutæque mentis infantem. Non enim sibi videtur hominem genuisse, sed ostentum, & nisi legum metus obstaret, neci darent quod natum est. Inculcas naturam quæ partui tuo mentem hominis negarit, & ipse tua negligentia facis, ut filius humanæ mentis sit expertus? At præstat esse brutæ mentis, quam improbæ. Imo præstat esse suam quam hominem indoctum, ac malum. Natura quum

tibi dat filium, nihil aliud tradit, quam rudem massam. Tuæ partes sunt, obtemperantem & in omnia sequacem materiam in optimum habitum fingere. Si cesses, feram habes: si advigiles numen, ut ita loquar, habes. Statim ut nascitur infans, docilis est ad ea quæ sunt hominis propria. Itaque juxta Virgilianum oraculum: *Præcipuum jam inde a teneris impende laborem*. Mox tracta ceram dum mollissima est, finge argillam etiamnum udam: imbue liquoribus optimis testam, dum rudis est, tinge lanam dum a fullone nivea venit, nullisque maculis contaminata. Subindicavit hoc per quam festiviter Antisthenes, qui cum filium cujusdam suscepisset erudiendum, rogatus a parente quibus rebus esset opus, *libro*, inquit, *novi, stylo novo, tabella nova*. Nimirum rudem ac vacuum animum requirebat Philosophus. Non potes habere rudem massam; nisi finxeris in hominis speciem, in ferarum monstrosas effigies sua sponte depravabitur. Hoc officium quum Deo naturæque debeas, etiamsi nulla spes sit ad te redituri fructus, tuo cum animo fac reputes quantum solatii, quantum utilitatis, quantum dignitatis parentibus adferant a teneris annis recte instituti filii.

Rursum in quæ probra, in quas calamitates parentes suos conjecerint perperam educati liberi. Nihil opus est, ut hic tibi ex priscorum annalibus exempla proferam, circumfer modo cogitationem tuam per tuæ civitatis familias, quam multa sese offerent undique? Scio tibi frequenter audiri hujusmodi voces: O me felicem, si orbus essem! O me fortunatam, si nunquam peperissem. Operosa rei est recte instituere liberos, fateor, sed nemo sibi nascitur, nemo nascitur ocio. Pater esse voluisti, pius pater sis oportet. Reipublicæ, non tibi tantum genuisti, aut ut Christianus loquar, Deo genuisti, non tibi.

Paulus scribit ita demum servari fœminas, si filios genuerint, itaque educaverint, ut perseverent in studio pietatis. A parentibus exiget Deus quicquid peccaverint filii. Proinde nisi mox honestis rationibus instituis quod natum est, primum in te ipsum injurius es, qui tua negligentia hoc tibi paras, quo nihil hostis hosti posset imprecari gravius, aut molestius. Dionysius Dionis profugi filium adolescentulum, in aulam pertractum deliciis effœminavit, hoc sciebat patri fore tristius, quam si ferro necasset. Paulopost adolescens quum apatre reverso ad pristinam provitatem urgeretur, e coenaculo se præcipitem dedit. Verissime quidem dixit sapiens quidam Hebræus: *Filius sapiens latificat patrem, filius stultus mœstitia est matri suæ*. At filius sapiens non modo voluptati est patri suo, verum est & ornamento, & subsidio, denique vita est patri suo. Contra filius stultus & improbus non solum mœrorem adfert parentibus, verum & probum, & egestatem, & senium præmaturum, denique mortem conciliat iis, unde vivendi cœpit exordium. Itaque quid attinet commemorare? quotidie sunt in oculis exempla civium, quos liberorum perdit mores & divitiis ad mendicitatem redegerunt, quos filius in crucem actus, aut filia in lupanari prostrans intolerabili excruciat atque exanimat ignominia.

Novi magnates eximios, quibus ex multis liberis vix unus superstit incolumis, alius abominanda lepra quam *κακοχόριον* scabiem Gallicam vocant, tabefactus, funus suum circumferret, alius in bibendi certamine crepuit, alius dum noctu scortatur perfonatus, misere trucidatus occubuit. Quid in causa? Quoniam parentes satis habent genuisse ac ditasse, educandi cura nulla est. Leges in eos sæviunt, qui fœtus suos exponunt, & in nemus aliquod obijciunt feris devorandos. At nullum crudelius est exponendi genus, quam quod natura dedit optimis rationibus ad honesta fingendum, id belluinis affectibus tradere. Si qua Theßala mulier esset, quæ malis artibus posset & conaretur filium tuum in suum aut lupum vertere, nonne putares nullum supplicium satis dignum illius scelere? At quod in illa detestaris, tu ipse studio facis. Quam immanis fera libido, quam vorax & insatiabilis bellua luxur, quam efferata bestia temulentia, quam nocens animal ira, quam horribilis fera ambitio. His belluis exponit filium suum quisquis non a teneris statim unguiculis consuefacit amare quod honestum est, horrere turpitudinem: quin potius non solum obijcit illum

feris, 1 Aut non bene cepit *Frasimus* verba Græca, aut ea data opera in alienum sensum detorsit. Vide *Diogenem Laërtium* in Vit. Antisthenis Lib. VI. §. 3.

feris, quod solent expositores maxime crudeles, verum quod est gravius, immanem ac perniciosam belluam in suum ipsius alit exitium.

Exsecrabile cum primis genus hominum est, quod infantum corpus fascino vitiat, quid de parentibus sentiendum, qui sua negligentia pravaque educatione effascinant animum? Parricidae vocantur, qui foetus recens natos enecant, & corpus modo perimunt, quanto major impietas est necare mentem? Quid enim aliud est animæ mors quam stultitia, quam inscitia, quam malitia? Nec minus interim injurius est in patriam, cui quod quidem in ipso est tradit pestilentem civem. Impius est in Deum, a quo prolem in hoc accepit, ut ad pietatem institueret. Hinc perspicuum est, quam non leve, nec simplex flagitium admittant, qui negligunt teneræ ætatis institutionem.

Sed his quoque quemadmodum attigeram, peccant gravius, qui non solum non formant ad honesta, verum etiam teneram ac rudem infantuli testulam imbuunt ad nequitiam, doceturque vitia, priusquam norit, quid sit vitium. Quomodo modestus erit vir & fastus contemptor, qui repit in purpura? Nondum potest prima rerum vocabula sonare, & jam intelligit quid sit coccus, jam poscit conchylium, jam scit quid sit scarus & nullus, & cum fastu rejicit plebejos cibos. Qui verecundus esse poterit quum adoleverit, qui infantulus ad impudicitiam fingi cœpit? Quo pacto liberalis evadet grandis, qui tantillus nummos & aurum mirari didicit? Qui temperabit a luxu juvenis, cujus palatum prius corripimus, quam mores formare coeperimus? Si quod nuper repertum est vestis genus, ut quotidie vestiariorum ars velut olim Africa, parit aliquid novi monstri, hoc infanti addimus. Docetur sibi placere, & si tollatur, repositus iratus. Quo pacto grandis oderit temulentiam, qui infans didicit esse vinofus?

Instillant illis verba vix Alexandrinis, ut ait ille, permitenda deliciis. Hujusmodi si quid reddidit puer, osculis excipiunt. Nimirum agnoscunt suos foetus minime degeneres, quippe quum ipsorum vita nihil aliud sit quam exemplum nequitiae. Haurit infans impudicas nutricum blanditias, & quasi manu, quod ajunt, fingitur lascivis contactibus. Videt patrem eximie potum, audit dicenda tacendaque effluentem. Assidet immodicis ac parum pudicis convivis, audit domum mimis, tibicinibus & psaltriis, ac saltatricibus perstreptentem. His moribus sic assuescit puer, ut consuetudo transeat in naturam.

Sunt nationes, quæ pueros adhuc a matre rubentes ad ferociam militarem formant. Discunt tueri torvum, discunt amare ferrum, discunt infligere plagam. Ab hujusmodi rudimentis traduntur præceptoribus, & miramur, si experimur illos ad virtutem indociles, qui vitia cum ipso statim lacte combiberunt? Sed audio quosdam ita patrocinales suæ stultitiæ, ut dicant hac voluptate quæ capitur ex infantium lascivia, nutritionis pensari tædium? Quid ego audio? Gratius esse potest vero parenti, si quid exprimat puer turpiter factum, aut nequiter dictum, quam si blæsa lingua sententiam reddat salubrem, aut si quod aliud pie factum imitetur? Natura peculiariter addidit ætati primæ facilitatem imitandi, sed tamen aliquanto pronior est ad nequitiam quam ad honestatem æmulatio. An viro bono jucundior est turpitudinis, quam virtutis, præsertim in liberis? Eluis si quid sordium inciderit in cutem infantis, & tam foedis maculis inficis illius animum? Nihil autem hæret tenacius, quam quod vacuis animis instillatur.

Quid habent obsecro, materni cordis foeminae, quæ infantes suos usque ad annum pene septimum in sinu detinent, ac tantum non pro morionibus habent? Si usque adeo juvat ludere, quin simias ac Melitæas catellas sibi comparant? Pueri sunt, inquiunt, sunt, sed dici vix possit quantum habeant momenti ad totius vitæ rationem prima illa infantiae rudimenta, quamque durum & intractabilem formatori reddat puerum mollis illa ac dissoluta educatio, quam indulgentiam appellant, quum re vera sit corruptio. An non in hujusmodi matres mire competeret malæ tractationis actio? Est enim plane viciii genus, est parricidii genus. Dant poenas legibus qui pueros effascinant, aut venenis lædunt infirma corpuscula: quid merentur istæ, quæ præcipuam infantis partem pessimis venenis corrumpunt? Levius est corpus quam animum occidere. Si puer inter strabos, bal-

bos, aut claudos, educatur, contagio vitatur corpus, vitia mentis occultius quidem, sed & celerius transfiliunt, & altius insidunt animorum mala. Merito quidem Paulus Apostolus hoc honoris habuit Menandri versiculo, ut in Epistolis citarit: *Mores bonos colloquia corrumpunt mala*. Verum is nusquam est veracior quam in infantibus. Aristoteles rogatus a quodam, quibus rationibus efficere posset, ut equum haberet eximium? *Si inter generosos*, inquit, *equos educetur*.

Quod si nos nec pietas, nec ratio docere potest quantum sollicitudinis debeatur ætati primæ liberorum, saltem a brutis animantibus licebat exemplum petere. Non enim pige-re debet ab his rem tanto usui futuram discere, unde tam multa frugifera jam olim didicit humanum genus, quando venarum incisionem monstravit hippopotamus, clysteris usum quem mire probant Medicorum filii monstravit ibis avis Ægyptia. Dictamum herbam extrahendis sagittis efficacem a cervis didicimus. Iidem docuerunt cancorum esum adversus phalangiorum ictus esse remedio. Quin & lacertis magistris didicimus, dictamum adversus serpentium morsus habere solatium. Est enim huic animantium generi naturale bellum adversus serpentes, a quibus vulnerati deprehensi sunt ab ea herba medicinam petere. Chelidoniam hirundines indicarunt, & herbæ nomen dederunt. Cuni-lam bubulam contra serpentium ictus utilem docuit testudo. Mustela rutam nobis medicinis habilem commendavit. Ciconia origanum. Hederam morbis mederi monstrarunt apri. Serpentes docuere fœniculum oculorum aciem juvare. Lactucis nauseam stomachi restringi draco admonuit. Excrementa humana habere vim adversus aconitum pantheræ docuerunt, aliaque cum his innumera remedia didicimus a brutis animantibus. Insuper & artes non parum vitæ necessarias. Proscindendi arvi rationem monstrarunt fues. Luteas macerías temperare monstravit hirundo. Ne sim longior, pene nihil est ad hominum vitam utile, cujus natura nobis non proposuit in brutis exemplum, ut qui Philosophiam ac disciplinas non didicerunt, saltem ab his ad-proneantur officii sui. An non videmus quodque animal fœtus suos, non solum gignere, atque educare, verum etiam formare ad naturalem ipsorum functionem? Avis nascitur ad volatum, agnoscis huc institui fingique a parentibus. Vi-

demus domi, ut feles præcant exerceantque catulos suos, ad murium & avicularum venatum, quod hinc illis victus sit. Ostendunt prædam etiamnum vivam, docent fugientem saltu prendere, denique docent vesci. Quid cervi? Nonne fœtus editos, protinus exercent cursu, & fugam meditari docent, ad prærupta ducunt, saltumque demonstrant, quod his artibus tuti sint adversus venatorum insidias? Memoratur elephantorum ac delphinum in educandis minoribus veluti pædagogica quædam disciplina. In lusciniis deprehendimus docentis ac discantis officia, majoris præeuntis, revocantis & corrigentis, minoris reddentis & corrigentis. Quemadmodum autem canis nascitur ad venatum, avis ad volatum, equus ad cursum, bos ad aratrum; ita homo nascitur ad Philosophiam & honestas actiones: atque ut unumquodque animantium facillime discit id ad quod natum est, ita homo quam minimo negotio percipit virtutis & honesti disciplinam, ad quam semina quædam vehementia naturæ vis iniecit, modo ad naturæ propensionem accedat formatoris industria.

Quid autem absurdius, quam animalia rationis expertia scire ac meminisse suum erga fœtus officium, hominem qui rationis prærogativa a brutis seceratur, nescire quid debeat naturæ, quid pietati, quid Deo? Atqui brutorum genus nullum exspectat a sobole sua nutritionis aut institutionis præmium, nisi forte credere libet, quod ciconiæ parentes ætate defectos vicissim nutriunt, humerisque bajulant. At inter homines quoniam pietatis gratiam nulla solvit ætas, quod solatium, quod decus, quod præsidium sibi parat, qui filium recte curat instituendum? Natura tibi tradit in manus novale, vacuum quidem, sed soli felicitatu per incuriam finis hoc vepribus ac spinis occupari, vix ulla industria in posterum fructus. In exiguo grano, quam ingens later arbor, quos evellendis datura si erupit. Totus hic proventus perit, nisi semen in scrobem mittas, nisi teneram plantulam lignescentem cura foveas, nisi insitione quasi cicures. Et in planta cicuranda vigilas, in filio dormitas? Tota vero ratio felicitatis humanæ tribus potissimum rebus

rebus constat, natura ratione & exercitatione. Naturam appello docilitatem ac propensionem penitus insitam ad res honestas. Rationem voco doctrinam, quæ monitis constat & præceptis. Exercitationem dico usum ejus habitus quem natura iniecit, ratio provexit. Natura rationem desiderat, exercitatio nisi ratione gubernetur, multis periculis atque erroribus est obnoxia.

Vehementer igitur falluntur, qui satis esse putant nasci: nec minus errant, qui credunt tractandis rebus gerendisque negotiis absque Philosophiæ præceptis parari sapientiam. Dic mihi quando evadet bonus cursor, qui strenue quidem currit, sed in tenebris, aut viæ ignarus? Quando erit bonus gladiator, qui clausis oculis furum ac deorsum ventilat gladium? Philosophiæ præcepta, velut oculi sunt animi, & quodammodo prælucent, ut videas quid facto sit opus, quid secus. Multum quidem adfert utilitatis, diutius variarum rerum usus, fateor, sed sapienti, bene agendi præceptis diligenter instructo. Supputa quid fecerint, quid passi sint per omnem vitam, qui sibi rerum experientia qualemcunque providentiam licet miseram compararunt, & cogita num tantum malorum optes filio tuo. Adde quod Philosophia, plus docet unico anno, quam annis triginta quantalibet rerum experientia: & tuto docet, quum plures experiendo calamitosi evadant, quam prudentes, ut non ab re veteres eum periculum facere dixerint, & periclitari qui rem experimento tentaret.

Age si quis filium suum cuperet Medicæ rei peritum esse, utrum mallet illum evolvere Medicorum libros, an experimento discere, quæ res veneno læderet, aut remedio juvaret? Quam infelix prudentia est, quum nauclerus crebris naufragiis didicit artem navigandi, quum Princeps affiduis bellis ac tumultibus, malisque publicis didicit gerere magistratum. Stultorum ista, nimioque constans prudentia est, malo ictos demum sapere. Magno discit, qui errando discit ne erret. Graviter Philippus Alexandrum filium admonuit, ut se docilem præberet Aristoteli, atque ab eo Philosophiam perdisceret, ne multa faceret, quæ jam ipsum fecisse poeniteret. Et tamen in Philippo prædicatur insignis ingenii dexteritas. Quid igitur a vulgaribus expectandum censes? At ratio monstrat compendio, quid sequendum, quid vitandum sit, nec illa post acceptum malum monet, hoc male cessit, posthac cave, sed priusquam aggrediare, clamat: Hoc si feceris, & infamiam, & exitium tibi parabis.

Nectamus igitur hunc triplicem funiculum, ut & naturam ducat ratio, & rationem consummet exercitatio. Jam in cæteris animantibus perspicimus unumquodque hoc facillime discere, quod cujusque naturæ maxime proprium est, quodque primum est ad incolunitatis tutelam, ea sita est in vitandis ut quæ molestiam aut perniciem adferunt. Hic sensus inest & plantis, non solum animantibus. Siquidem videmus & arbores qua maris odor spirat, aut qua fiat boreas, contrahere frondes ac ramos, & se ad auram clementiorem explicare. Quid autem est hominis maxime proprium? Juxta rationem vivere, unde & rationale animal dicitur, & ab alogis secernitur. Quid autem est homini perniciosissimum? Stultitia. Nullius igitur rei docilior erit quam virtutis, nec ab ulla re facilius discet abhorre, quam a stultitia, si modo parentum industria naturam vacuum protinus occupavit. Sed audimus miras vulgi querimonias, quam puerorum natura proclivis sit in vitium, quam difficile pertrahatur ad amorem honesti. Præter meritum accusant naturam. Hujus mali pars maxima nostro vitio debetur, qui prius corrumimus ingenia vitiis quam tradimus virtutes. Nec mirum, si illos parum dociles habemus ad honesta, quum jam docti sint ad nequitiam. Quis autem nescit ut priorem, ita difficiliorem esse laborem dedocendi, quam docendi?

Porro trifariam hic peccat hominum vulgus, vel quia prorsus negligunt liberorum institutionem, vel quia serius incipiunt illorum animos ad Philosophiam fingere, vel quia tradunt his a quibus discant dediscenda. Primi generis homines parentum indignos nomine demonstratum est, eosque minimum differre ab his qui natos infantes exponunt, meritoque plectentes legibus, quæ hoc quoque diligenter præscribunt, quibus rationibus sit instituenda pueritia, mox adolescentia. Secundum genus latissime patet, cum quo mihi nunc præcipue instituta est pugna. Tertium bifariam peccat, partim ignorantia, partim incuria. Atqui cum rarum

A ac turpe sit ignorare, cui equum aut fundum curandum committas, quanto turpius est nescire, cuius fidei tradas carissimam possessionum tuarum partem. Ibi discere studium est, quod parum ex te calles, consulis peritissimum quemque, hic nihil referre credis, cui committas filium. Non sine delectu servis sua quibusque partiris munia. Exploras quem agro colendo præcias, quem rei culinariæ destines, cui parteis æconomi deleges. At si quis est prorsus inutilis ad omnem functionem, tardus, piger, insulsus, lurco, huic committitur formandus puer, & quæ res summum artificem desiderat, famulorum infimo committitur. Quid lævum est, si hic homines non habent lævam mentem?

B Sunt quos animus sordidus deterret a conducendo præceptore idoneo, & pluris conducitur equis quam filii formator. Et tamen interim indulgetur sumptuosis conviviis, noctu dieque luditur damnosa alea, multum impenditur venatibus, & morionibus. In eo solo parci sordidique sunt, cujus gratia poterat excusari cæteris in rebus parsimonia. Utinam pauciores essent, qui plus impendunt putido scorto, quam educant filio. Res, inquit Satyricus, nulla minoris constabit patri quam filius. Non absurdum fortasse fuerit hic meminisse diarii, quod olim Cratetis nomine celebrabatur. Id ad hunc refertur modum: *Posito coquo minas decem, medico drachmam, assentatori talenta quinque, consiliario fumum, meretrici talentum, Philosopho triobolum.* Quid huic præposteræ rationi deest, nisi ut addas liberorum formatori teruncium? Quanquam arbitror hic Philosophi nomine signari præceptorem. Aristippum quum quidam nummis beatus, sed mentis inops percontaretur, quantum mercedis posceret pro filio instituendo, atque ille poposcisset quingentas drachmas, immensum, inquit, postulas. Ista summa servum mercari licebit. Tum Philosophus perquam lepide: *At nunc, inquit, pro uno duos es habiturus, filium officis utilem, & Philosophum filii doctorem.*

C Jam si quis roget quempiam, velletne unius filii exitio, centum equos lucrifacere, si micam habeat sanæ mentis, respondebit, opinor, nequaquam. Cur igitur pluris constat equus, cur diligentius curatur, quam filius? Cur morio carius emitur, quam instituitur filius? Alibi sit locus frugalitati, hic esse frugalem non est parsimonia, sed dementia. Sunt rursus, qui non sine judicio deligunt liberis præceptorem, sed hoc precibus dant amicorum. Præteritur idoneus formandæ pueritiæ artifex, & ad discitur inutilis, non ob aliud, nisi quia precibus amicorum commendatus est. Quid agis demens? In navigando nihil moraris affectum commendantium, sed eum admoves clavo, qui gubernandæ navis sit callentissimus: in filio in quo non ipse solum periclitatur, sed pater ac mater, tota familia, atque ipsa etiam Respublica, non idem adhibes judicii? Laborat equus, utrum ad disciscis Medicum ex amicorum commendatione, an ex curandi peritiâ? Quid? an tibi filius equo vilior est? Imo, num tu tibi vilior es equo? Hoc quum turpe sit in mediocri fortunæ civibus, quanto turpius est in magnatibus? Unica cena in aleam, pessimum scopulum, impingentes, naufragiumque facientes perdunt triginta millia, & sumptum vocant, si formando filio impendant mille.

D Naturam nemo nec alii cuiquam, nec sibi dare potest, quanquam hic quoque non nihil habet momenti parentum cura. Prima est, ut vir sibi deligat uxorem, bonam, ex bonis prognatam, probeque educatam, tum prospera corporis valitudine. Quum enim sit arctissima corporis animique cognatio, fieri non potest, quin altera res ab altera vel adjuvetur, vel lædatur. Proximum est, ut maritus si quando liberis procreandis dat operam, nec commotus, nec temulentus id faciat. Siquidem arcano quodam contagio affectiones illæ transeunt in foetum. Non infcite id notasse videtur Philosophus quidam, qui quum conspiceret adolescentem parum sobrie sese gerentem, *Mirum, inquit, mi pater ebrius te profeminavit.* Equidem vehementer illud quoque reor ad rem facere, si pater ac mater quum omni quidem tempore, sed præcipue conceptionis ac gestationis, mentem habeant ab omni crimine liberam, beneque sibi consciam. Tali enim mente, nihil potest esse tranquillius, nihil lætius. Hinc ordini decuit educationis sollicitudinem potius quam ab anno decimo, aut ut multi faciunt, a decimo septimo. Tertium est, ut aut mater uberibus suis alac-

infantem, aut si qua necessitas inciderit, quo minus id liceat, nutrix deligatur, corpore salubri, lacte puro, moribus probis, nec temulenta, nec rixosa, nec impudica: hærent enim in adultam usque ætatem, tum corporum, tum animorum vitia ab ipsis vitæ crepundiis hausta. Hic etiam referre tradunt quos infantulus habeat collactaneos, quos collutores. Quartum, ut mature tradatur præceptori multis selecto, omnium testimonio probato, multisque modis explorato.

Semel accurate peragenda est electio. πολυπραγμὴν dæmonat Homerus, & juxta Græcorum vetus adagium: *Multitudo Imperatorum Cariam perdidit*. Nec paucis exitium attulit subinde mutatus Medicus. Nihil inutilius, quam frequenter mutare præceptorem. Ad eum enim modum Penelopes tela texitur ac retexitur. At ego novi pueros, qui ante annum duodecimum, plusquam quatuordecim præceptoribus usi sunt, idque parentum incogitantia. Nec interim cessabit cura parentum. Observabunt & præceptorem, & filium, nec sic ablegabunt ab se sollicitudinem, quemadmodum solent omnem filiæ curam in sponsum transferre, sed subinde reviset pater exploraturus ecquid profecerit, memor illorum quæ graviter simul ac prudenter dixit antiquitas, *frontem occipitis priorem esse*, & nihil citius pinguem reddere equum, quam oculum domini, nec ullum letamen agrum reddere fertiliorum, quam domini vestigium. De teneris loquor, nam adultiores expedit interdum procul ab oculis submovere, quæ res infitionis instar, potissimum cicurare solet juvenum ingenia. Interegregias Pauli Æmilii virtutes celebratur & illud, quod quoties licebat per Reipublicæ negocia, filiorum suorum exercitamentis soleret interesse. Nec Plinius nepos gravatus est subinde scholam invisere ob amici cujusdam filium, quem ad disciplinas alendum susceperat.

Jam quod de natura dictum est, non est simplex. Est enim natura speciei communis, velut hominis natura est, ratione uti. Sed est natura huic aut illi peculiaris, veluti quosdam Mathematicis disciplinis, alios Theologiæ, hos Rhetoricæ, aut Poeticæ, illos militiæ natos dicas. Tanta vi rapiuntur ad hæc studia, ut nulla ratione possint deterreri. Aut tam vehementer abhorrent, ut citius in ignem ituri sint, quam ad invisam disciplinam animum applicaturi. Domestice novi quendam Græce Latineque perpulchre doctum, & omnibus liberalibus disciplinis eleganter instructum, quem Archiepiscopus cujus benignitate alebatur huc literis adegerat, ut inciperet audire juris Professores, reclamante natura. Hanc querimoniam cum apud me exponeret, nam idem nos habebat lectus, hortatus sum hominem, ut suo patrono morem gereret, fore levius quod initio durum esset, ac saltem aliquam temporis partem ei studio daret. Quum ille protulisset aliquot loca prodigiosa infestitæ, quæ tamen illi semidei Professores, magna cum auctoritate traderent auditoribus, respondi, ut illa contemneret, & quæ recte traderent, decerneret: quumque multis argumentis urgerem hominem. Sic, inquit, *sum affectus, ut quoties ad hæc studia me verto, videatur ensis perferere pectus meum*. Sic natos non arbitror adversus Minervam compellendos, ne quod dici solet, bovem ducamus ad ceroma, asinum ad lyram. Fortassis hujus propensionis licet & in parvulis notas quasdam deprehendere. Sunt qui ex horoscopo solent talia vaticinari, quorum judicio quantum sittribuendum, æstimationem cuique suam liberam facio. Profuerit tamen hoc quam primum deprehendisse, quod ea facillime percipimus ad quæ nos natura composuit. Non arbitror prorsus esse vanum, ex oris reliquique corporis figura, habituque conjectare indolem; certe Aristoteles tantus Philosophus, non gravatus est *περί τῆ φυσιογνωμῆς* volumen edere, nec indoctum, nec inelaboratum. Ut commodior est navigatio, quum & æstus favet & ventus, ita facilius institumur his, ad quæ nos inclinatur ingenii propensio. Virgilius monstravit notas, quibus colligere possis bovem aratro idoneum, aut vaccam armento propagando aptam. Optima torvæ forma bovis. Docet, quibus signis deprehendas pullum equinum Olympicis certaminibus utilem futurum. *Continuo pecoris generosi pullus in arvis Ingressus*, &c. Nam carmen agnoscis. Errant qui credunt naturam nullas homini notas addidisse, quibus colligi possit ingenium, peccant vero, qui datas non observant. Tametsi meo quidem judicio, vix ulla est disciplina, ad quam hominis ingenium non docile nascatur, si

præceptionibus & exercitatione insisterimus. Quid enim non discat homo, quum elephantus institutione fiat funambulus, saltator versus, & morio asinus? Quemadmodum igitur natura nemini sua in manu est, ita docuimus esse, in quo naturam aliquo pacto valeamus adjuvare.

Cæterum ratio & exercitatio tota nostræ est industriæ. Quantum valeat ratio, potissimum illud declarat, quod quotidie videmus machinis & arte tolli onera, quæ nullis alioqui viribus moveri poterant. Quantum autem habeat momenti exercitatio, satis arguit illud cum primis celebre præcepti sapientis dictum, quod curæ ac meditationi tribuit omnia. Ac ratio quidem requirit docilitatem, exercitatio laborem. Sed labor, inquiunt, non convenit ætati teneræ, docilitas vero quæ tandem potest esse in pueris, qui vix dum sciunt se homines esse? Ad utrumque paucis respondebo, qui convenit, ut ætas habeatur indocilis ad literas, quæ jam moribus fingendis apta est? Verum ut sunt virtutum rudimenta, ita sunt & disciplinarum. Habet Philosophia suam infantiam, habet adolescentiam, habet maturitatem. Equinus pullus, qui jam tum præ se fert generosam indolem, non statim urgetur lupatis, ut armatum sessorem tergo vehat, mollibus exercitamentis discit meditari bellum. Vitulus aratro destinatus, non protinus oneratur veris jugis, nec urgetur acribus stimulis, sed ut eleganter docuit Maro, *Primum laxos tenui de vimine cyclos Cervici subnectunt, dehinc ubi libera colla Servitio assuerint, ipsis et torquibus aptos jungunt pares, & cogunt gradum conferre juvencos*.

*Atque illis jam sæpe rota ducuntur inanes,
Per terram, & summo vestigia pulvere signant.
Post valido nitens sub pondere saginus axis
Instrepit, & junctos temo trahit æreus orbes.*

Agricolæ norunt habere rationem ætatis in bubus, & exercitia pro modo virium attemperant, multo diligentius id faciendum est in liberis instituendis. Ad hæc naturæ providentia habilitatem quandam peculiariter iniecit parvulis. Infans nondum idoneus est cui prælegas officia Ciceronis, aut Aristotelis ethica, aut Senecæ Plutarchi morales libellos, aut Epistolas Pauli, fateor, sed interim si quid indecore facit in convivio, monetur, & monitus se componit ad commonstratum exemplar. Ducitur in templum, discit flectere genua, componere manusculas, aperire caput, totumque corporis habitum ad religionem formare, jubetur filere quum peraguntur mysteria, ad altare vertere oculos. Hæc modestiæ pictatiq; rudimenta prius discit puer quam fari novit, quæ quoniam inhaerent in grandiorum ætatem, nonnullum profectum adferunt ad veram religionem. Primum nato nullum discrimen est inter parentes & alienos. Mox matrem discit agnoscere, deinde patrem. Eisdem paulatim discit & revereri, discit obtemperare, discit amare. De discit iracundiam, dediscit vindictam, jussus osculum dare, cui indignabatur, dediscit importunam garulitatem. Discit assurgere seni, discit aperire caput ad imaginem crucifixi.

Qui putant hæc qualiacunque virtutis elementa nihil habere momenti ad probitatem, vehementer errant mea quidem sententia. Adolescens quidam reprehensus a Platone quod aleam luderet, questus est, quod ob tantillum malum tam acriter objurgaretur. Tum Plato, *ut leve malum sit*, inquit, *ludere aleam, grave tamen malum est assuevisse*. Ut igitur parvis malis assuevisse magnum est malum, ita pusillis bonis assuevisse, magnum est bonum. Atque harum rerum hoc docilior est ætas illa tenera, quod suapte natura flexilis est in omnem habitum, quod nondum ullis vitiis est occupata, quod gaudet etiam imitari, si quid præceas. Quæ ut vulgo vitiis assuecit, priusquam intelligit, quid sit vitium, ita pari fere facilitate virtutibus poterit assuescere. Optimis autem rebus, optimum est protinus assuescere. Durat is habitus in quem vacuum ac tenerum animum finxeris. *Naturam expellas furca, tamen usque recurret*, scripsit Flaccus. Scripsit, & quidem verissime, sed scripsit de arbore adulta. Proinde cordatus agricola statim plantulam in eam speciem componit, quam in arbore vult esse perpetuam. Protinus in naturam vertitur, quod omnium primum infuderis. Argilla nimium uda, formam impressam non retinet, cera tam mollis esse potest, ut inhabilis sit fingenti. At vix ulla est ætas tam tenera, quæ disciplinæ capax non sit.

Nulla,

Nulla, inquit Seneca, *etas ad discendum sra est*; hoc an verum sit nescio, certe grandior ætas ad quædam discenda dura est. Illud extra controversiam est, nullam esse ætatem tam recentem, ut non sit habilis institutioni, præsertim earum rerum ad quas natura composuit hominem. Nam in hoc ipsum infantie peculiarem quandam, ut modo dicebam, imitandi libidinem addidit, ut quicquid audierint viderintve, gestiant æmulari, gaudeantque si quid sibi videntur assequuti. Simios quosdam esse dicas. Atque hinc prima ingenii docilitatisque conjectura. Proinde ut natus est homo, statim moribus discendis aptus est. Mox ut fari coeperit, habilis fit ad institutionem literarum. Cujus prior est ratio, ad id protinus addita est docilitas. Siquidem eruditio quamquam infinitas habet commoditates, tamen nisi virtuti famuletur, plus adfert mali quam boni. Merito rejecta est a doctis illorum sententia, qui putaverunt ætatem, minorem septem annis, non admovendam literis, cujus sententiæ auctorem plurimi crediderunt Hesiodum, quamquam Aristophanes Grammaticus *ἠρογῆρας*, quo in opere id proditum est, negat esse Hesiodi. Insignis tamen scriptor fuerit oportet, qui talem edidit librum, ut eruditus etiam Hesiodum parentem referre videretur. Verum ut citra controversiam fuerit Hesiodi, nullius hominis auctoritas tantum apud nos valere debet, ut pigeat meliora sequi, si quis attulerit. Tametsi quicunque fuerint hujus sententiæ, non hoc senserunt, totum hoc temporis usque ad annum septimum, oportere vacare omni cura institutionis, sed ante id ætatis pueros non esse vexandos labore studiorum, in quibus omnino tædia quædam devoranda sunt, velut ediscendi, reddendi, scribendique. Vix enim reperias ullum tam docile, tamque tractabile ac sequax ingenium, quod his rebus prorsum absque stimulis assuescat. Chrysippus nutricibus tribuit triennium, non ut interim vacetur ab institutione præsertim morum & linguæ, sed ut blandioribus rationibus virtuti literisque præparetur infans, vel a nutricibus vel a parentibus, quorum mores plurimum adferre momenti ad formandos pueros extra controversiam est.

Quoniam autem prima puerorum institutio est, ut discant explanate emendateque loqui, hic olim nutrices, ac parentes non mediocri erant adjumento. Hoc initium non modo plurimum habet momenti ad eloquentiam, verum etiam ad judicandum, & ad omnium disciplinarum cognitionem. Linguarum enim inscitia disciplinas universas aut extinxit, aut depravavit, atque adeo Theologiam quoque, Medicinam, & Jurisprudentiam. Admirabilis fuit olim Gracchorum eloquentia, sed quam bona ex parte Corneliæ matri debebant, M. Tullii iudicio. *Apparet, inquit, filios non tam in gremio educatos, quam in sermone matris: gremium igitur illis maternum, erat prima schola.* Quin & Lælia Caji patris elegantiam dictione referebat. Quid mirum? Rudis adhuc inter parentis complexus illius sermone tincta fuerat. Idem evenit hujus duabus sororibus Mutiæ & Liciniæ Caji neptibus. Nominatim autem laudatur Liciniæ in dicendo elegantia, quæ fuit L. Crassi filia, Scipionis cujusdam, ni fallor, conjunx. Quid multis? Tota domus, totaque gens usque ad nepotes ac pronepotes sæpe retulit majorum in dicendo elegantiam. Q. Hortensii filia sic exprimebat paternam eloquentiam, ut olim existerit illius oratio apud triumviros habita, non tantum, ut ait Fabius, in sexus honorem. Ad emendate vero loquendum non leve momentum habent & nutrices, & pædagogi, & collusores pueri. Quod enim ad linguas attinet, tanta est illius ætatis docilitas, ut intra paucos menses puer Germanus discat Gallice, idque insciens & aliud agens, nec unquam ea res succedit felicius, quam annis, quam maxime rudibus. Quod si id fit in lingua barbara & abnormi, quæ aliud scribit quam sonat, quæque suos habet stridores & voces vix humanas, quanto id facilius fuerit in lingua Græca seu Latina? Mithridates Rex duas & viginti linguas sic calluisse legitur, ut cuique genti citra interpretem propria lingua jus redderet. Themistocles intra anni spacium Persicam linguam perdidit, quo commodius cum Rege colloqueretur. Si hoc præstat adulta ætas, quid non sperandum a puero?

Totum autem hoc negotium duabus potissimum rebus constat, memoria & imitatione. Imitandi naturale quoddam studium in pueris esse jam ante docuimus, memoriam porro vel tenacissimam tribuunt pueritiæ viri sapientissimi.

A Quod si diffidimus illorum auctoritati, abunde nobis fidem facit ipsa rerum experientia. Quæ pueri vidimus sic hærent animo, quasi heri vidissemus. Quæ hodie legimus senes, post biduum si denuo legamus nova videntur. Ad hæc, quatumquemque videmus, cui adulto feliciter successerit linguarum cognitio? Et si quibus successit cognitio, sonus & pronuntiatio germana aut nullis, aut quam paucissimis contingit. Neque enim ad communem regulam vocanda sunt illa rarissima exempla. Nec ideo debemus pueros post exactum annum decimum sextum, ad linguarum cognitionem vocare, quod Cato senior sero didicit Latinas literas, Græcas vero septuagesimum agens annum. At Uticensis ille Cato superiore multo tum doctior, tum eloquentior, puer adhæsit pædagogo Sarpedoni.

B Atque hic eo magis advigilandum, quod ætas illa, quoniam naturæ sensu potius quam iudicio ducitur, pari facilitate, aut fortassis majore imbibit prava atque recta. Quin & recta facilius veniunt in oblivionem, quam dediscimus vitiosa. Deprehenderunt hoc, & admirati sunt Ethnicorum Philosophi: nec potuere causam pervestigare, quam Christiana Philosophia nobis prodidit, quæ docet hanc ad mala pronitatem insedissee nobis ex humanæ gentis principe Adamo. Quod ut falsum esse non potest, ita verissimum est maximam hujus mali partem manare ex impuro convictu pravaque educatione, præsertim ætatis teneræ, & in omnia flexilis. Proditum est literis, Alexandrum Magnum a Leonide pædagogo vitia quædam imbibisse puerum, quæ nec adultum jam atque etiam imperio sublimem deseruerunt. Proinde quamdiu apud Latinos vixit illa prisca morum integritas, puerilis ætas non committebatur mercenario formatori, sed ab ipsis parentibus & agnatis instituebatur, velut a patruis, avunculis, & avis, auctore Plutarcho. Existimabant enim hoc ad gentis decus in primis pertinere, si quam plurimos haberet eruditione liberali præstantes, quum hodie tota fere nobilitas sit in pictis sculptisque stemmatis, choreis, venatu, & alea. Primus omnium Sp. Carbilus, homo libertinæ conditionis, cujus patronus Carbilus omnium primus induxit exemplum divortii, traditur aperuisse scholam literariam.

D Antehac hoc præcipuum habebatur pietatis officium, si cognatos quisque suos ad virtutem & eruditionem institueret. Nunc unum hoc curæ est, ut puero quæratu uxore bene dotata. Hoc perfectio, credunt se nihil jam debere pietati. Verum ut res humanæ pronæ sunt in deterius, delitiae persuaserunt, ut hoc muneris pædagogo domestico committeretur, & ingenuus servo tradebatur instituendus. Quia quidem in re si delectus habebatur, hoc minus erat periculi, quod formator non solum in oculis parentum viveret, sed in illorum esset potestate, si quid delinqueret. Qui erant cordatissimi, aut emebant servos literatos, aut curabant literis erudiendos, ut liberorum suorum pueritiæ formandæ præficerent. At quanto consultius si ipsi parentes in hoc literas discerent, ut liberos suos doceant. Hac certe ratione duplex esset utilitas, quemadmodum duplex commoditas est, si Episcopus se pium virum præbeat quo possit quam plurimos ad pietatis studium inflammare.

E Non omnibus vacat, inquit, & piget tanti laboris. Sed agedum vir præclare reputemus nobiscum, quantum temporis nobis pereat alea, computationibus, spectaculis, & morionibus, & pudebit opinor, causari deesse ocium ei rei, quæ cæteris omnibus omisissæ erat agenda. Sufficit ad omnia munia tempus, si qua decet frugalitate dispensetur. Nobis vero brevis est dies, cujus majorem partem perdimus. Jam illud expende, quanta temporis portio datur amicorum frivolis interdum negociis. Si minus licet omnibus morem gerere, priores sane parteis debentur liberis. Quid autem laboris refugimus, ut liberis luculentum patrimonium, pulchreque constabilitum relinquamus, ut illis paremus quod his omnibus præstantius est, piget capere laborem, præsertim quum naturæ pietas, & profectus eorum qui nobis sunt carissimi, dulcet omnem molestiam? Id ni esset quando matres ferrent tam longa gestationis & nutritionis tædia? Leviter amat filium, quem piget erudire filium. Verum instituendi ratio fuit hoc nomine facilius prisca, quod eadem esset lingua literas callentium, & imperitiæ multitudinis, nisi quod eruditi emendatius, elegantius, prudentius & copiosius dicebant. Fateor, ac plurimum compendii fo-

rer ad eruditionem, si idem maneret hodie. Nec defuerunt qui priscum exemplum revocare conati sunt, velut apud Phrygios Canterii, apud Hispanos Elisabeta Regina Ferdinandi uxor, e cuius familia complures prodire foeminae eruditione juxta ac pietate mirabiles. Apud Anglos, vir clarissimus Thomas Morus, quem licet regis negotiis occupatissimum, non piget uxori filiabus ac filio praestare praepceptorem, primum ad pietatem mox ad utriusque literaturae peritiam. Id certe curandum erat, in his quos eruditioni destinavimus. Nec est periculum, ne populi linguam ignorent, eam perdiscent velint nolint hominum commercio. Quod si nemo sit domi qui literas norit, statim ad discendum est artifex, sed exploratus tum moribus, tum eruditione. Stultum est in filio velut in Care, quod ajunt, periculum facere, sciat ne literas, & sit ne vir probus quem adhibuisti. In rebus aliis sit vena dormitanti, hic Argus sis oportet, atque oculis omnibus advigilandum est. In bello, ajunt, bis peccare non licet, hic ne semel quidem peccare fas est. Porro quo maturius puer tradetur formatori, hoc felicius succedet institutio.

Secun-
da pro-
positio
confu-
sanda.

Hic scio causari quosdam, esse periculum ne studiorum labor reddat teneri corpusculi valetudinem imbecilliorum. Hic respondere poteram, etiamsi quid decederet robori corporis, hoc incommodi belle pensari tam eximiis animi bonis. Nec enim athletam fingimus, sed Philosophum, sed Reipublicae gubernatorem, cui satis est adesse prosperam valetudinem, etiamsi non adsit Milonis robur. Fateor tamen non nihil indulgendum aetati, quo vegetior evadat, verum multi stulte metuant suis infantibus a literis, qui non metuant multo gravius periculum ab immodico cibo, quo non minus laeduntur ingenia parvulorum, quam corpora, ab eduliorum potusve generibus, quae non congruunt aetati. Admovent infantes suos variis ac prolixis conviviis, nonnunquam & in multam noctem productis, explent illos falsis & calidis usque ad vomitum interdum. Stringunt & onerant tenera corpuscula vestibus incommodis ad ostentationem, quemadmodum nonnulli fumos ornant humano cultu, aliisque modis effoeminant liberos suos, nec usquam tenerius metuitur illorum valetudini, quam quum de literis, hoc est de re maxime omnium salutifera, necessariaque coeptum est agi.

Quod de valetudine dictum est, idem pertinet ad formae curam, quam ut fateor non omnino negligendam, ita nimis anxie curari parum viro dignum est. Nec huic aliunde morosum metuiamus, quam a studiis, quum ea longe magis corrumpatur, ingurgitatione, temulentia, intempestivis vigiliis, pugnis ac vulneribus, postremo scelerata scabie, quam vix quicquam effugit adolescens intemperantius vivens. Ab his rebus potius arceant liberos suos quam a literis, qui tam misere metuant illorum valetudini ac formae. Quanquam id quoque nostra cura provideri potest, ut quam minimum sit laboris ac proinde minimum dispendii. Id fiet si nec multa, nec quae libet inculcentur teneris, sed optima tantum & aetati congrua, quae jucundis capitur potius quam subtilibus. Deinde blanda quaedam tradendi ratio faciet, ut ludus videatur non labor. Hic enim lenociniis quibusdam fallenda est aetas illa, quae nondum intelligere potest quantum fructus, quantum dignitatis, quantum voluptatis in posterum sint allaturae literae. Id partim praestabit formatoris lenitas, comitasque, partim & ingenium ac solertia, qua varias artes comminiscetur, quibus puero reddat jucundas literas, & a sensu laboris avocet. Nihil enim est inutitius, quam quum praepceptoris mores efficiunt, ut prius odisse incipiant studia, quam intelligere possint quare sint amanda. Primus discendi gradus est praepceptoris amor. Progressu temporis fiet, ut puer qui prius literas amare coeperat, propter doctorem, post doctorem amet propter literas. Nam quemadmodum munera pleraque vel hoc nomine gratissima sunt, quod ab his proficiantur quos egregie caros habemus, ita literae, quibus nondum judicio placere possunt, his tamen doctoris affectu commendantur. Rectissime dictum est ab Isocrate, eum plurimum discere, qui discendi cupidus est. Libenter autem ab his discimus quos diligimus. Sunt vero quidam tam inamcenis moribus, ut nec ab uxoribus amari queant, torvo vultu, tetrico convictu, irati videntur etiam tum quum sunt propitii, nihil possunt blande dicere, vix etiam arridere ridentibus, dicas plane Gratias

A iratis natos. Hos vix idoneos judico, quibus equos indomitos formandos committas, tantum abest, ut imbecillum ac pene lactantem aetatem illis prodendam existimem. At hoc hominum genus quidam vel maxime credunt ad movendum formandae primae aetati, dum torvitatem putant esse sanctitatem. Atqui non tuto fronti creditur, sub illa tetrica persona saepenumero latent eviratissimi mores, nec inter pudicos commemorandum est, ad quae dedecora nonnunquam illi carnifices terrore puerorum abutantur. Ne parentes quidem recte possunt educare liberos, si tantum metuantur. Prima cura est amari, paulatim succedit non terror, sed liberalis quaedam reverentia, quae plus habet ponderis quam metus.

B Quam igitur belle prospicitur his pueris, qui vix dum quadrimi mittuntur in ludum literarium, ubi praesidet praepceptor ignotus, agrestis, ac moribus parum sobriis, interdum ne cerebri quidem sani, frequenter lunaticus, aut morbo comitiali obnoxius, aut lepra, quam nunc vulgus scabiem Gallicam appellat. Neminem enim hodie tam abjectum, tam inutilem, tam nullius rei videmus, quem vulgus non existimet idoneum moderando ludo literario. Atque illi se regnum nactus rati, mirum quam ferociant, quod habeant imperium, non in beluas, ut inquit Cornicus, sed in eam aetatem, quam oportebat omni lenitate foveri. Dicas non esse scholam, sed carnificinam, praeter crepitum ferularum, praeter virgarum strepitum, praeter ejulatus ac singultus, praeter atroces minas nihil illic auditur. Quid aliud hinc discant pueri, quam odisse literas? Hoc odium ubi semel infedit teneris animis, etiam grandes facti abhorrent a studiis.

C Multo etiam stultius est, quod quidam filios suos mittunt ad ebriosam mulierculam, ut legendi scribendique parent facultatem. Praeter naturam est, foeminam in masculos habere imperium, tum nihil immitius eo sexu, si qua ira commoverit animum, & incalcescit facillime, vix autem conquiescit, nisi vindicta satiata. Jam & monasteria, & fratrum, ita se vocant, collegia, quae sum hinc aucupantur, & in latebris suis erudiunt rudem aetatem, per homines fere parum doctos, seu potius perperam doctos, ut jam donemus illos esse pudicos & cordatos. Hoc institutionis genus utcumque probant alii, me quidem auctore nullus id faciet, quisquis cupiet suum puerum liberaliter educatum. Oportet scholam aut nullam esse, aut publicam. Compendiarium quidem hoc est, quod vulgo fit. Facilius enim plures ab uno metu coguntur, quam unus ab uno liberaliter instituitur. Atqui non magnum est asinus aut bubus imperare, liberos liberaliter institueret, ut difficillimum est, ita pulcherrimum. Tyrannicum est metu premere cives, benevolentia, moderatione, prudentiaque continere in officio regium est. Diogenes quum ab Aegnetis captus produceretur venum, praeco rogavit hominem, quo titulo vellet commendari emptoribus? *Dis*, inquit, *si quis velit mercari hominem, qui sciat imperare liberis*. Ad hoc insolitum praeconium risere multi. Quidam cui liberi parvuli erant domi, congressus est cum Philosopho, sciret ne vere quod profiteretur. Ait se scire. Brevi colloquio sensit non esse vulgarem quempiam, sed sub sordido pallio praecalam latere sapientiam. Emptum duxit domum suam, eique liberos suos formandos commisit.

F Gallis literatoribus secundum Scotos nihil est plagiosius. Hi moniti respondere solent, eam nationem, quemadmodum de Phrygia dictum est, non nisi plagis emendari. Hoc an verum sit, alii viderint, fateor tamen non nihil in natione discriminis esse, sed multo magis in singulorum ingeniorum proprietate. Quosdam occidas citius, quam verberibus emendes, at eosdem benevolentia blandisque monitis ducas quocumque velis. Hac indole fateor me puerum fuisse, quumque praepceptor cum praeteris eram carus, quod diceret se nescio quid magnae spei de me concipere, magis advigilaret, velletque tandem experiri, quam effem virgarum patiens, objecit commissum, de quo nec somniam unquam, ac caecidit. Ea res omnem studiorum amorem mihi excussit, adeoque dejecit puerilem animam, ut minimum abfuerit quin dolore contabescerem, certe moerorem eum excepit febris quartana. Is ubi tandem intellexit errorem suum, deplorabat apud amicos: *Ilud*, inquit, *ingenium peris prius*

prins perdidit quam nossem. Erat enim vir nec stupidus, nec indoctus, nec, ut arbitror, malus. Respuit ille, sed mihi sero. Jam hunc mihi conjecta vir egregie, quam multa felicissima ingenia perdant isti carnifices indocti, sed doctrinæ persuasionem tumidi, morosi, vinolenti, truces, & vel animi gratia cædentes, nimirum ingenio tam truculento, ut ex alieno cruciatu capiant voluptatem. Hoc genus homines lanios aut carnifices esse decuit, non pueritiæ formatores.

Nec ulli crudelius excarnificant pueros, quam qui nihil habent quod illos doceant. Hi quid agant in scholis, nisi ut plagis ac jurgiis diem extrahant? Novi Theologum quendam, & quidem domesticæ, maximi nominis, cujus animo nulla crudelitas satisfacerebat in discipulos, quum magistros haberet strenue plagosos. Id existimabat unice & ad deiciendam ingeniorum ferociam, & ad edomandam ætatis lasciviam pertinere. Nunquam agitabat convivium apud gregem suam, nisi quemadmodum Comœdiæ exeunt in lætam catastrophem, ita post cibum sumptum, unus aut alter protraheretur virgis lacerandus, & interim sæviebat & immergitur, nimirum, ut assuescerent plagis. Ipse quondam adfuit proximus, quum a prandio ex more puerum evocarant, annos natum, ut opinor, decem. Recens autem a matre venerat in eam gregem. Præfatus est, illi matrem esse cum primis piam foeminam, ab ea sibi puerum studio se commendatum, mox ut haberet occasionem cædendi coepit objicere nescio quid ferociae, quum nihil minus præ se ferret puer, & innuit illi cui collegii præfecturam commiserat, huic ex re satelles erat cognomen, ut caderet, ille protinus dejectum puerum, ita cæcidit, quasi sacrilegium commisset. Theologus semel atque iterum interpellavit, *satis est, satis est.* At carnifex ille fervore surdus, peregit suam carnificis pene usque ad pueri syncopen. Mox Theologus versus ad nos, *nihil commiserat, inquit, sed erat humiliandus*, nam hoc verbo est usus: Quisquam ad eum modum eruditur mancipium, imo quis asinum? Generosus equus melius poppymate & palpo domatur, quam scutica aut calcaribus. Quem si durius tractes, fit refractarius, fit calcitro, fit mordax, fit retrogradus. Bos, si nimium urgeas stimulis, jugum excutit, & stimulatorem impetit. Sic tractandum est generosum ingenium, quemadmodum tractatur leonis catulus. Elephas sola domat ars, non violentia, nec ullum animal tam ferum est, quod non mansuescat officio: nec ullum tam cicur, quod immodica sævitia non exasperetur. Servile est metu mali castigari, atqui publica consuetudo filios appellat liberos, quod hos deceat liberalis educatio, servili multum dissimilis: tamen si qui sapiunt hoc agunt potius, ut servi lenitate ac beneficiis exuant mancipii capillum, memores & illos esse homines non belluas.

Commemorantur admiranda exempla servorum in dominos, quos profecto tales non comperissent, si tantum verbis subegissent. Servus si sanabilis est ingenii, melius emendatur monitis, pudore & officiis, quam plagis: si infamabilis, ad extremam malitiam indurefcit, & aut fuga compilat herum, aut necem illius aliqua molitur arte. Nonnunquam & suæ vitæ jactura domini sævitiam ulciscitur. Nullum autem animal formidabilius, quam homo, quem atrox injuria docuit suæ salutis contemptum. Proinde quod proverbio jactatur, unumquemque tot hostes habere quot servos, si verum est, dominorum iniquitati potissimum arbitror imputandum. Artis enim est, non fortunæ, imperare servis. Quod si cordatior heri id dant operam, ut servos ita habeant ut serviant liberaliter, malintque pro servis habere liberos, quam absurdum est e natura liberis educatione reddere servos? Nec ab re Comicus ille senex putat multum interesse inter patrem ac dominam. Dominus tantum cogit, pater pudore ac liberalitate consuefacit filium, ut sua sponte recte faciat, potius quam alieno metu, præfens atque absens sit idem, hoc qui nequit, inquit, fateatur se nescire imperare liberis. Atqui plus aliquanto discriminis esse debet, inter patrem ac dominum, quam inter Regem ac Tyrannum. Tyrannum submovemus a Republica, & filius vel tyrannos adsciscimus, vel ipsi in eos tyrannidem exercemus. Quanquam in totum hoc vile servitutis nomen e vita Christianorum sublato esse oportuit. Beatus Paulus Onesimum Philemoni commendat,

non jam ut servum, sed ut pro servo fratrem carissimum. Et Ephesius scribens monet heros, ut in servos remittant austeritatem ac minas, memores se potius conservos esse quam dominos, quod utrique communem dominum habeant in coelis, qui non minus poenas sumpturus est de dominis si quid peccent, quam de servis. Apostolus nec minaces vult esse dominos, nedum plagosos: non enim dicit, remittentes flagra, sed, remittentes minas: & nos liberos nostros nihil aliud quam cædi volumus, quod vix triremium præfecti, aut piratæ faciunt in remiges. De liberis autem quid præcipit idem Apostolus? Adeo non vult illos cædi serviliter, ut & a monitis atque objur-gatione jubeat abesse sævitiam & amarulentiam. *Vos, inquit, patres nolite ad iracundiam provocare filios vestros, sed educate illos in disciplina & correptione Domini.* Qualem autem sit disciplina domini, facile perspicitur, qui considerarit, qua lenitate, qua mansuetudine, qua caritate Dominus Jesus erudierit, tulerit, foverit, ac paulatim provexerit discipulos suos.

Humanæ leges patriam potestatem temperant, eadem & servi in heros permittunt actionem malæ tractationis, & unde hæc immanitas inter Christianos? Olim Auxon quidam eques Romanus filium dum virgis emendat immoderatus, occidit. Ea indignitas adeo commovit populum, ut hominem in forum protractum parentes ac liberi stilis confoderent, nihil reveriti dignitatem equestrem, quem Octavius Augustus ægre periculo subduxit. At quam multos hodie videmus Auxones, qui sævitia plagarum, lædunt puerorum valetudinem, elusant eos, debilitant, nec raro necant. Virgæ nihil faciunt ad quorundam sævitiam, inversis virgis cædunt manubrio, colaphos ac pugnos impingunt teneris, aut quicquid forte proximum est arripiunt & illidunt. Narrant Jurisperitorum literæ, suturem quendam dum discipulo ligneam calceorum formam impingit in occipitium, alterum oculum excussisse, obque id factum poenas dedisse legibus. Quid de illis dicendum est, qui cruciatibus addunt abominandam contumeliam?

Nunquam eram crediturus, nisi & puerum & crudelitatis auctorem de proximo nossem. Puerum annos vix dum duodecim natum, cujus honestissimi parentes fuerant de præceptore benemeriti, tam immanibus modis tractantur, ut vix Mezentius aut Phalaris ultus posset crudelius. Stercoris humani tantam vim impegerunt in os parvuli, ut exspuere non posset, sed bonam partem devorare cogeretur. Quis tyrannus unquam adhibuit hoc contumeliæ genus? *παιδαγωγὸς ἐν τράχυντι*, habet Græcum proverbium. Post tales epulas exercetur imperium. Puer nudus fimbriis sub alas immixtus suspenditur, ut infame furti supplicium repræsentarent, quo non aliud apud Germanos execrabilis. Mox in pensilem sævitur undique virgis, propemodum usque ad necem. Nam quo magis inficiabatur puer, quod non commiserat, hoc magis intendebatur carnificina. Adde jam ipsum tortorem, pene supplicio formidabiliorem, oculi viperini, os angustum & corrugatum, vox acuta qualis fertur umbrarum, facies lurida, caput vertiginosum, minæ & convitia, quæ illi suggererebat splendida bilis, Tisiphonem quampiam diceres. Quid consequutum est? Mox puerum a suppliciis excipit morbus, magno & mentis & vitæ periculo. Ibi carnifex ultro occupat expostulationem, scribit patri, quamprimum abducatur filium suum, se medicinam omnem consumpsisse frustra in deploratum puerum. Ubi corporis morbus utcumque remediis depulsus est, tamen animus adhuc sic erat attonitus, ut metueremus ne nunquam ad pristinum mentis vigorem rediturus esset. Neque hæc fuit unius diei sævitia, quamdiu vixit apud illum pueffus, nullus præteribat dies, quo non semel atque iterum crudeliter vapularet. Scio, jamdudum suspicari, lector, enorme fuisse commissum, cui tam atrox adhibita est medicina. Dicam paucis. Reperti sunt & illius qui cæsus est & aliorum duorum libri atramento conspurcati, vestes conficæ, & caligæ excrementis humanis contaminatæ. Is qui lufum hunc fudebat, puer erat ad omne scelus natus, qui post aliis facinoribus fidem fecit priorum, infami doctoris ex sorore nepos: jam tum præfudens ad ea quæ facere solent in bello aut latrocinio milites, apud hospitum quendam educto

e vase embolo, passus est vinum in solum defluere, ac velut officiosus admonuit se sentire vini odorem: cum a pro sodali puero quotidie gladio decertabat, non joco, sed serio, ut jam agnosceres latronem, aut sicarium, aut quod his simillimum est, mercenarium militem futurum. Huic tamen si faveret ille formator, tamen metuens ne se mutuo confoderent pueri, cognatum ablegavit. Nam ex altero luculentam capiebat mercedem, erat autem ex isto numero Evangelicorum, quibus nihil dulcius est pecunia. Persuasum erat optimo viro parenti, puerum agere apud præceptorem sanctum amicum ac vigilantem, quum viveret apud fucatum carnificem, ac homini semi infano perpetuoque ægrotanti ministrum & assessorem ageret. Quum igitur æquior esset in eum qui sanguine propinquus erat, atque item in alterum unde luculenta messis, in innoxium inclinavit suspicio, cui tantum tribuebatur malitiæ, ut suas ipsius vestes laceraret, conspurcassetque, quo vitaret suspicionem. Atqui puer ex utroque parente optimo natus, nullum unquam tam illiberalis ingenii specimen dederat, & hodie nihil est illius moribus ab omni malitia alienius, qui nunc omni metu liber rem omnem ut gesta est narrat ordine.

Talibus pædagogis honesti cives tradunt filios suos, quibus nihil habent carius, tales queruntur non reponi sibi mercedem opera dignam. Neque non senserat carnifex errorem suum, sed maluit constanter insanire, quam culpam agnoscere: & adversus hujusmodi non instituitur malæ tractationis actio, nec in tam immanem sævitiam vigorem habet legum severitas. Nullis est ira implacabilior, quam iis qui morbo comitali sunt affines. Quam multæ res irreperunt in vitam Christianorum, nec Phrygiis nec Scythiis dignæ, e quibus unum indicabo, non prorsus abhorrens ab hoc argumento. Qui primum ad eunt scholas publicas, coguntur beanum exuere, barbaræ rei repertum est æque barbarum vocabulum. Missus est adolescens ingenuus ad discendas artes liberales. Verum quam illiberalibus contumeliis initiatur? Primum macerant illi mentum veluti barbam derafuri, ad id adhibetur lotium, aut si quid lotio foedius. Is liquor impingitur in os, nec licet exspuere. Molestis ictibus detrahuntur cornua, scilicet, interdum coguntur multam acetum, aut salis vim ebibere, aut si quid aliud libuit effreni juvenum petulantia. Nam aggressuri ludum exigunt iurjurandum, illum omnibus imperatis paritum. Tandem sublimem rapiunt, & dorso quoties libuit arietant in postem. Has tam agrestes contumelias nonnunquam excipit febris, aut spinæ dolor immedicabilis. Certe lusus insulsum exit in temulentum convivium. A talibus exordiis auspicantur liberalium artium studia. Atqui talibus auspiciis initiari decuit carnificem, tortorem, aut lenonem, aut animæ venalis Carem, aut remigem, non puerum Musarum & Gratiarum sacris destinatum. Mirum est ad eum modum insanire juvenes liberalibus studiis deditos, sed magis mirum est hæc a juventutis moderatoribus approbari. Tam foedis, tamque crudelibus ineptiis prætexitur nomen consuetudinis, quasi malæ rei consuetudo quicquam sit aliud, quam error inveteratus, hoc majore studio revellendus, quod jam ad plures serpsit. Sic durat & apud Theologos vesperiarum mos, nam rem absurdam absurdo signant nomine, scurris dignam citius quam Theologis. Verum eorum qui liberales profitentur disciplinas, oportet & jocos esse liberales.

Sed ad pueritiam redeo, cui nihil inutilius quam plagis assuescere, quarum enormitas facit, ut indoles generosior fiat intractabilis, abjectior veniat in desperationem, assiduitas facit, ut & corpus occalleat ad verbera, & animus obdurescat ad verba. Immo nec acrior objurgatio frequenter est admovenda. Pharmacum sinistre adhibitum exacerbat morbum, non levat, & assidue adhibitum paulatim definit esse pharmacum, nec aliud efficit, quam quod solet cibus insuavis parumque salubris. Hic quidam occinent nobis Hebræorum oracula: *Qui parcat virga, odit filium suum: & qui diligit filium suum, assiduus illi flagella.* Rursum: *Curva cervicem filii in juventute, & tunde latera illius dum infans est.* Ejusmodi castigatio fortasse congruebat olim Judæis. Nunc oportet Hebræorum dicta civiliter interpretari. Quod si quis nos literis & syllabis urgeat,

A quid absurdius quam inflectere cervicem pueri, & tundere latera infantis, nonne credas taurum aratro, aut asinum clitellis institui, non hominem virtuti? Quod autem nobis præmium pollicetur? *Ne palpet*, inquit, *proximorum ostia.* Metuit filio paupertatem, ut extremum malorum. Quid hac sententia frigidius? Nostra virga sit liberalis admonitio, nonnunquam & objurgatio, sed mansuetudine condita, non amarulentia. Hoc flagellum assidue filiis nostris, ut recte instituti, domi habeant bene vivendi rationem, nec cogantur in rebus gerendis a vicinis emendicare consilium. Lycon Philosophus ostendit duos acerrimos stimulos excitandis puerorum ingeniis, pudorem ac laudem: pudor est iusti probi metus, laus autem est omnium artium altrix. His stimulis urgeamus liberorum ingenia. Jam si placet ostendam & fustem, quo tundas tuorum latera. *Labor omnia vincit improbus*, ait Poetarum optimus: advigilemus, urgeamus, instemus, exigendo, repetendo, inculcando, hoc fuste tundamus infantium nostrorum latera. Primum discant amare mirarique probitatem ac literas, horrere turpitudinem & inficitiam. Audiant alios ob recte facta prædicari, alios ob male facta vituperari, ingerantur exempla eorum quibus eruditio summam gloriam, opes, dignitatem, & auctoritatem peperit. Rursus eorum, quibus improbi mores, nullique disciplinis excultum ingenium, infamiam, contemptum, egestatem & exitium attulit. Hi nimirum sunt fustes digni Christianis, mansuetissimi Jesu discipulis.

C Quod si nihil proficitur, nec monitis, nec precibus, nec æmulatione, nec pudore, nec laudibus, nec cæteris artibus, ipsam etiam virgarum castigationem, si res ita demum postulet, oportet & liberalem esse & verecundam. Nam hoc ipsum nudari ingenuorum corpora, præsertim multorum oculis, contumeliæ genus est. Tamen Fabius in universum damnat receptam cædendi pueros ingenuos consuetudinem. Dixerit aliquis, quid fiet iis, qui nisi plagis ad studia compelli non possunt? Respondeo numero, quid faceres asinis ac bubus, si in scholam veniant? nonne rus abigeres, & alteros pistrino, alteros aratro dederes? Sunt enim homines non minus stivæ & pistrino nati, quam boves & asini. Sed interim, inquit, decrescit grex. Quid tum postea? Simul & quæstus. Hoc durum. Hinc igitur illæ lachrymæ. Carius est illis lucrum, quam puerorum profectus. Sed hujusmodi ferme est literatorum vulgus.

D Fateor, quemadmodum Philosophi describunt sapientem, Rhetores Oratorem, qualem vix usquam invenias, ita longe proclivius esse præscribere qualem oporteat esse præceptorem, quam multos invenire qui ad præscriptam formam respondeant. Verum hanc oportebat esse publicam & profani magistratus, & ecclesiasticorum procerum curam, ut quemadmodum instituuntur, qui navent operam in bello, qui cantent in templis: ita multo magis instituantur, qui recte ac liberaliter forment liberos civium. Vespasianus e fisco suo dabat annua centena Latinis, Græcisque Rhetoribus. Plinius nepos etiam de privato suo in eundem usum ingentem summam erogavit. Quod si cessat publica cura, certe suæ quisque domi vigilare debet.

E Quid facient, inquis, tenues, qui vix alunt suos liberos, tantum abest, ut talem educatorem possint conducere? Hic nihil habeo quod respondeam, nisi illud e Comædia, *ut possumus, quando ut volumus non licet.* Nos instituenti rationem optimam tradimus, fortunam dare non possumus. Nisi quod hic quoque divitum benignitas debet benenatis ingeniis, sed angustia rei familiaris non valentibus exercere vim naturæ, succurrere.

F Fateor præceptoris comitatem ita temperatam esse oportere, ne pudorem ac reverentiam excutiat familiaritatis comes contemptus, qualem fuisse prædicant Sarpedonem Catonis Uticensis pædagogum, qui comitate morum, summam gratiam, probitate parem auctoritatem apud puerum sibi conciliaret, nullo virgarum metu. Verum isti qui nihil aliud norunt, quam cædere, quid facerent si Cæsar aut Regum liberos suscepissent instituendos, quos cædere fas non est? Dicent heroum filios eximendos ab hac formula. Quid ego audio? An civium filii minus sunt homines quam Regum? An suus cuique filius non æque carus esse debet, ac si e Rege natus esset? Si fortuna est hu-

milior, hoc magis opus est institutionis ac literarum praefidio, quo se tollant humo. Sin ampla, ad rem probe administrandam necessaria est Philosophia. Quid quod non pauci ex humili loco vocantur ad Principatum, interdum & ad summum Pontificiae dignitatis culmen. Non omnes huc evadunt, tamen omnes huc educandi sunt.

Cum plagis rixari definam, si unum hoc adjecero. Eas leges ac magistratus a sapientibus viris daminari, qui tantum terrent poenis, non etiam alliciunt praemiis, quique puniunt admissa, non item cavent ne quid admittatur puniendum. Idem sentiendum de vulgo paedagogorum, qui tantum verberant ob commissa, non instituunt animum ut nolit peccare. Exigitur lectio, si quid fallit puer, caeditur, id quum fiat quotidie, quo magis assuescat parvulus, existimant sese pulchre functos officio praceptoris. Atqui prius huc erat invitandus puer, ut amaret literas, ut vereretur formatoris animum offendere. Verum hisce de rebus fortasse plus satis alicui videbor differuisse, & jure viderer, nisi tam graviter hic peccaretur fere ab omnibus, ut nunquam satis dici possit.

Porro non parum adferet adjumenti, si qui puerum suscepit instituendum, animi inductione parentis affectum induat. Hoc pacto fiet, ut & puer discat libentius, & ipse minus sentiat ex labore tedium. Siquidem in omni negotio magnam difficultatis partem admittit amor. Quoniam autem juxta vetus proverbium: *Simile gaudet simili*, praceptor quodammodo repuerescat oportet, ut ametur a puero. Non placet tamen, quod extremae ac pene decrepitae aetatis senibus pueros tradunt in sinum literarum rudimentis imbuendos. Nam hi vere pueri sunt, non simulant, nec fingunt balbutiem, sed vere balbutiunt. Optarim aetatem virentem, a qua non abhorreat puer, & quam non pigeat quamvis personam sumere. Hic idem aget in formando ingenio, quod parentes ac nutrices facere solent in fingendo corpore. Quomodo docent primum infantem humanas sonare voces? Blasia lingua sermonem ad puerilem balbutiem accommodant. Quomodo docent edere? Praemandunt ipsae lacteam pulsem, & commansam paulatim in os infantis inferunt. Quomodo docent ingredi? Inflectunt corpus, & suos passus ad infantis modulum contrahunt. Nec quovis pascunt cibo, nec plus infundunt, quam capere possit, ac sensim cum aetatis profectu ad solidiora provehunt. Primum cognata quaeritur alimentia, non multum abhorrens a lacte, quae tamen ipsa si copiosius immergatur in os, aut praefocat infantem, aut effusa vestem contaminat. Sensim ac paulatim infusa, juvat. Quod idem usu venire videmus vasculis angusti oris, si multum infundas, rebullit quod infunditur. Sin minutum, atque ut ita loquar stillatim, paulatim quidem ac sensim, sed tamen implentur. Ut igitur exiguis cibis ac subinde datis aluntur tenera corpuscula, itidem ingenia puerorum cognatis disciplinis, sed sensim ac ceu per lulum traditis, paulatim assuescunt majoribus, nec interim sentitur lassitudo, quod minutae accessiones sic fallant laboris sensum, uti nihilo secus ad profectus summam conferant: quemadmodum narratur de quodam athleta, qui quotidie vitulum per aliquot stadia gestare assuetus, jam taurum factum nullo negotio gestavit. Non enim sentiebatur incrementum, quod unusquisque dies addebat oneri. Verum sunt qui postulant, ut illico pueri fiant senes, dum non habent rationem aetatis, sed ex suis viribus illorum ingenia metiuntur. Protinus instant acerbe, protinus exigunt plenam operam, protinus corrugant frontem, si minus puer expectationi respondeat, & sic moventur, quasi cum adulto rem habeant, videlicet obliti se fuisse pueros. Quanto humanius est quod Plinius admonet quendam severiorem litteratorem: *Memento, inquit, & illum adolescentem esse, & te fuisse*. At complures ita ferociter in aetatem imbecillam, quasi nec se, nec discipulos meminerint homines esse.

Rogabis ut tibi commonstrem illa cognata aetatis genio, quae statim instillanda sint parvulis. Primum linguarum usus, qui citra stadium omne contingit infantibus, quum adultis ea facultas vix ingenti studio comparatur. Et huc, ut diximus, invitat infantulos nativa quaedam imitandi voluptas, cujus vestigium aliquod videmus & in sturnis ac pittacis. Quid Poetarum fabulis amentius? quae sic voluptatis illecebra blandiuntur puerorum auribus, ut adules-

A quoque non modo ad linguae cognitionem, verum etiam tum ad judicandum, tum ad dictionis copiam non parum adferant utilitatis. Quid libentius audiat puer, quam apologos Aesopicos, qui tamen per risum jocumque tradunt seria praeccepta Philosophiae, qui fructus est & in caeteris veterum Poetarum fabulis. Audit puer socios Ulyssis arte Circes verfos in suae aliasque formas animantium. Ridetur narratio, & tamen interim discit puer, quod in morali Philosophia praecipuum est, eos qui non gubernantur recta ratione, sed affectuum arbitrio rapiuntur, non homines esse, sed belluas. Quid Stoicus diceret gravius? Et tamen idem docet ridicula fabula. In re manifesta, non te remorabor pluribus exemplis. Jam quid Bucolico carmine facietus? Quid Comedia dulcius? quae quum 19^{ma} constet, movet & imperitos, & pueros. At hic quanta Philosophiae pars per lulum discitur? Adde his rerum omnium vocabula, in quibus mirum quam hodie caecutiunt etiam ii, qui pro praecclare doctis habentur. Postremo sententias breves ac lepidas, quod genus fere sunt proverbialia, & illustrium virorum apophthegmata, quibus olim solis Philosophia tradi solita est populo.

Jam apparet in ipsis interim infantibus, peculiaris quaedam ad certas disciplinas proclivitas, velut ad Musicam, aut Arithmeticam, aut Cosmographiam. Nam ipse sum expertus, qui ad Grammatices, Rhetoricesque praecceptiones vehementer tardi, ad subtiliores illas disciplinas valde dociles reperti sunt. In eam igitur partem est adjuvanda natura, in quam suapte sponte prona est. Minimis autem est in declivi labor, quemadmodum contra, *Nihil invita dices faciesve Minerva*. Novi puerum nondum fandi potentem, cui nihil erat dulcius, quam explicato volumine, legis speciem representare. Idque quum interdum multis horis faceret, nullo tadio capiebatur. Nec unquam tam acriter flebat, quin oblato volumine placaretur. Ea res parentibus spem bonam ostendebat fore ut aliquando vir doctus evaderet. Addebat & nomen nominis laeti omnis. Nam Hieronymus dicebatur. Qualis autem nunc sit, nescio. Nam adolescentem non vidi.

D Ad linguae cognitionem plurimum habebit momenti, si inter bene loquaces educetur. Fabulas & apologos hoc dicet libentius ac meminerit melius, si horum argumenta scite depicta pueri oculis subjiciantur, & quicquid oratione narratur, in tabula demonstretur. Idem aequale valebit ad edificanda arborum, herbarum, & animantium nomina, simul & naturas, praesertim eorum, quae non ita passim sunt obvia, veluti rhinoceros, tragelaphus, onocrotalus, asinus Indicus, elephantus. Tabella habet elephantum, quem draco suo complexu stringit, primoribus pedibus caudam involutis. Arridet parvulo nova picturae species, quid hic faciet praceptor? Admonebit ingens animal Graecis dici *ελεφαντα*, Latine similiter, nisi quod interdum ad Latinam inflexionis formam dicimus elephantus elephantum. Ostendet quam Graeci vocant *περὶ κορυδα*, Latini manum, quod ea sibi porrigat cibum. Admonebit illud animal non respirare ore, quemadmodum nos, sed proboscide: ostendit dentes utrinque prominentes, unde ebur quod apud divites in precio est, simulque proferet pectinem eburneum. Deinde docebit apud Indos esse tam ingenti corpore dracones. Draconem autem esse vocem Graecam cum Latinis communem, nisi quod nos eam nostro more inflectimus, quum Graeci dicant *δράκοντες*, quemadmodum *λεόντες*, unde foemina Dracena, sicuti Leona. Admonebit inter hos dracones & elephantos esse genuinum atroxque bellum. Quod si puer erit discendi avidior, poterit alia multa commemorare de natura elephantorum ac draconum. Plerique gaudent pictis venationibus, hic quot species arborum, herbarum, avium, quadrupedum, per lulum disci possunt? Nec hic te remorabor exemplis, quum proclive sit ex uno conjicere omnia.

F In deligendis his vigilabit institutor, ut quod judicabit maxime gratum pueris, maximeque cognatum & amabile, ac, ut ita dicam, florulentum, id potissimum proponat. Primae aetatis ceu veris proventus flosculis blandum ardentibus, & jucunde virentibus herbis constat, donec virilis aetatis autumnus, maturis frugibus rumpat horrea. Ut igitur absurdum sit in vere maturam uvam querere, in autumno rosam, ita praepceptis observandum est, quid cui-

cuique congruat ætati. Jucunda & amœna pueritiæ conveniunt. Quanquam in totum a studiis oportet abesse tristitiam ac truculentiam. Fallor ni id veteres quoque significare voluerunt, qui Musis virginibus, formam insignem, citharam, cantus, choreas, ac lusus per amœna vireta tribuerunt, hisque Charitas addidere sodales: Studiorum profectum mutua animorum benevolentia potissimum constare, unde & humanitatis literas appellavere prisca.

Nihil autem vetat quo minus voluptati comes sit utilitas, & jucunditati juncta sit honestas. Atque hæc omnia tam frugifera nullo tædio discit puer. Quid enim obstat quo minus eadem opera discat aut lepidam ex Poetis fabellam, aut festivam sententiam, aut insignem historiolum, aut eruditum apologum, qua cantionem ineptam, plerumque & scurrilem, qua ridenda delirantium anicularum fabulamenta, qua meras muliercularum imbibunt & edificunt nugæ? Quantum somniorum, quantum inanum ænigmatum, quantum inutilium nœniarum de lemuriis, spectris, larvis, strigibus, lamiis, ephialtis, sylvanis ac demogorgonibus, quantum inutilium mendaciorum ex vulgaribus historiis, quantum deliramentorum, quantum nequiter dictorum, etiam viri memoria tenemus, quæ puelli a thattis, aviis, mammis, ac puellis colo assidentes, & inter complexus ac lusus audivimus?

Quantus autem esset ad eruditionem factus gradus, si pro his Siculis, ut ajunt, gerris vanioribus, nec frivolis tantum, sed noxiis quoque, ea quæ modo commemoravimus statim imbibissemus? Dices, quis doctus ad hæc tam minuta sese demissurus est? Atqui Aristoteles tantus Philosophus, non gravatus est in Alexandro fingendo literatoris obire munus. Chiron Achillis formavit infantiam, cui successit Phoenix. Heli sacerdos puerum Samuelem educavit. Et sunt hodie, qui vel lucelli, vel animi gratia, prope plus operæ sumunt in formando corvo aut psittaco. Sunt qui pietatis ergo longinquas juxta ac periculosas professiones suscipiunt, alioque labores propemodum intolerabiles. Quin ad hanc functionem, qua nihil potest esse Deo gratius, invitat nos pietas? Quanquam in his ipsis tradendis quæ commemoravimus, nec instantem, nec severum esse oportet formatorem, sed assiduum magis quam immodicum. Non offendit assiduitas, si moderata sit, si varietate simul & jucunditate conditur, denique si sic tradantur hæc, ut absit laboris imaginatio, sed puer existimet omnia per lulum agi.

Hic ipse sermonis cursus nos admonet, ut paucis aperiamus, quibus modis fiat, ut puero dulcescant literæ, quod ante nonnulla ex parte cœpimus attingere. Sermonis facultas, ut dictum est, citra fastidium usu comparatur. Huic succedit scribendi legendique cura, quæ per se nonnihil habet tædii, cæterum id magna ex parte doctoris artificio tollitur, si blandis quibusdam illecebris conditur. Reperias enim quosdam, qui diu hærent sudantque in nofcitandis & connectendis literis, ac primis illis Grammatices rudimentis, quum ad majora sint celeri docilitate. Horum fastidio arte medendum est, cujus rei rationes aliquot commonstrarunt veteres. Quidam literarum formas, crustulis pueritiæ gratis exprimebant, ut ita quodammodo literas devorarent. Reddenti literæ nomen, præmiolum erat ipsa litera. Alii figuras elementorum ebore effingebant, ut his puellus luderet, aut si quid aliud esset, quo solet ætas illa peculiariter capi. Britanni jaculandi studio præcipue ducuntur, nec aliud prius suos docent infantes. Quidam itaque solertis ingenii pater, animadvertens in filio miram jaculandi voluptatem, bellissimum arcum ac sagittas perpulchras paravit, in omnibus tum arcu, tum sagittiserant depictæ literæ. Deinde scoporum vice, Græcarum primum, deinde Latinarum literarum figuras proposuit: ferienti ac literæ nomen pronuncianti, præter applausum, præmiolum erat cerasum, aut aliud quo gaudent parvuli. Ex eo lusu fructus est uberior, si duos tresve pares ad certaminis consortium adhibeas. Hic enim attentiores & alacriores facit victoriæ spes, ac metus ignominie. Eo commento factum est, ut puer intra pauculos dies ludendo, literarum omnium formas & sonos probe calluerit, quod literatorum vulgus, flagris, minis, & convitiis suis vix triennio possunt efficere. Mihi tamen non probatur in hujusmodi rationibus, quorundam nimis,

A operosa industria, qui hæc per ludum lateruncolorum aut aleæ adumbrant. Quum enim ipsi lusus superent puero- rum captum, quomodo per eos discant literas? Hoc non est sublevare puerorum ingenia, sed labori laborem addere. Quemadmodum sunt machinæ quædam tam operosæ, ut moram adferant negotio peragendo. Hujus generis ferme sunt, quæ de arte memoriæ quidam ad quæstum aut ostentationem potius quam ad utilitatem excogitarunt. Nam ista memoriæ corrumpunt potius. Optima memoriæ ars est, penitus intelligere, intellecta in ordinem redigere, postremo subinde repetere, quod meminisse velis. Et insitum est parvulis vincendi studium, & invidentiæ seminarium quoddam, deinde metus ignominie & laudis amor, præsertim iis qui sunt erectioris ingenii ac vividæ indolis. His affectibus abutetur formator ad studii profectum. Ubi nihil proficiet, precibus ac blandimentis, neque puerilibus præmiolis, ac laudibus, certamen cum æqualibus erit simulandum. Laudetur audiente segni sodalis. Acuet æmulatio, quem non potuit sola adhortatio. Non tamen expediet sic victori deferre palmam, quasi perpetua sit, sed interim ostendet victo spem, eam ignominiam vigilantia farciendi, quod facere solent in bello duces. Nonnunquam permittendum est, ut puer existimet se vincere quum sit infrior. Postremo vicissitudine laudum ac vituperiorum alet in illis utilem, ut ait Hesiodus, contentionem.

C Fortasse pigebit aliquem severioris ingenii, sic inter pueros ineptire. Sed eundem interim nec piget, nec pudet bonam diei partem cum catellis Melitæis, aut cum cercopithecis ludere, aut cum corvo psittacoque fabulari, aut cum morione nugari. His ineptiis res maxime seria agitur, & mirum est bonis viris hinc esse minus voluptatis, quum pietas ac spes amplissimi fructus & illa solet jucunda reddere, quæ per se sunt austera. Fateor Grammatices præceptiones initio subausteras esse, magisque necessarias esse quam jucundas. Verum his quoque bonam molestiæ partem adimet præcipientis dexteritas. Optima tantum primum ac simplicissima præcipienda sunt. Nunc quibus ambagibus ac difficultatibus excruciantur pueri, dum ediscunt literarum nomina, priusquam agnoscant figuras, dum in nominum ac verborum inflexionibus coguntur ediscere, quot casibus, modis ac temporibus eadem vox respondeat: veluti, musæ, genitivo & dativo singulari, nominativo & vocativo plurali. Legeris a legor, a legerim, & a legero. Quæ carnificina tum perstrept in ludendo, quum hæc a pueris exiguntur? Nonnulli literatores, ut ostentent eruditionem suam, solent his studiose nonnihil difficultatis addere. Quod vitium reddit omnium pene disciplinarum initia perplexa molestaque, præsertim in Dialectica. Quibus si commonstres commodiorem docendi viam, respondent se ad eum modum institutos, nec patiuntur quicquam melius esse pueris, quam ipsis pueris accidit. Vitanda est igitur omnis difficultas vel non necessaria, vel intempestiva. Mollius fit quod suo tempore geritur. Verum ubi jam devoranda est necessaria difficultas, ibi formandæ pueritiæ artifex, quantum potest probos & amicos Medicos studebit imitari, qui absinthiatum pharmacum porrecturi, ut inquit Lucretius, poculorum oras melle prælinunt, quo puer illectus dulcedinis voluptate salutiferam amaritudinem non reformidet, aut ipsi etiam pharmaco faccarum, aut aliud grati saporis admiscunt. Quin & dissimulant esse pharmacum. Nonnunquam enim horrorem adfert sola imaginatio. Denique facile vincitur hoc tædium, si non simul & immodice, sed paulatim & ex intervallis tradantur. Quanquam non oportet plus satis diffidere puerorum viribus, si quid forte laboris si exhauriendum. Non valet robore puer, at valet assiduitate, valet habilitate naturæ. Non valet ut taurus, at valet ut formica. In quibusdam & elephantus a musca superatur. In eo quidque valet ad quod natura compositum est. An non videmus pueros tenellos mira agilitate totum cursitare diem, nec sentire lassitudinem? Idem si faciat Milo, fatigaretur. Quid in causa? Quia lusus ætati cognatus est, & lulum imaginantur, non laborem. Est autem in re quavis maxima molestiæ pars, imaginatio, quæ mali sensum adfert interdum, etiam ubi nihil est mali. Proinde quum hanc naturæ providentia parvulis ademerit, ut

ut quantum deest viribus, tantum hac parte subleventur, præceptoris, ut ante diximus, partes erunt, eandem multis rationibus excludere, studioque lusus personam inducere. Sunt & lusu species non indignæ liberis, quibus subinde laxanda est studiorum intentio postquam eo perventum est, ut ad majora vocentur, quæ sine cura, laboreque percipi non possunt: quod genus sunt, tractare themata,vertere Latina Græce, aut Græca Latine, aut Cosmographiam ediscere. Sed omnium maxime contulerit, si puer consuerit diligere ac revereri præceptorem, amare mirarique literas, metuere ignominiam, capi laude.

Tertia
propositio.

Restat unus ille scrupulus, quem objicere solent ii, qui dicunt minorem esse profectum, qui tribus illis aut quatuor annis acquiritur puero, quam ut operæ precium sit, vel tantum capere laboris in docendo, vel tantum sumptus impendere. At isti quidem mihi videntur non tam consulere pueris quam facultatibus, aut doctori parcere. Verum ego patrem esse negarim, qui quum de formando filio res vertitur, anxiam sumptus rationem habet. Tum ridicula quædam clementia fuerit, quo præceptor non nihil operæ lucri faciat, aliquot annorum jacturam in filio facere. Sit sane verum, quod non negat Fabius, post uno anno plus effici, quam primis illis tribus aut quatuor, quid est cur hoc qualecunque lucrum contemnamus in re multo preciosissima? Donemus esse perpessillum, tamen hoc præstabat agere puerum, quam aut omnino nihil, aut aliquid dediscendum discere. Quibus curis melius occupabitur illa ætas, simul atque fari cœperit, quæ non potest esse prorsus ociosa? Deinde quantulumcunque est quod prior ætas contulerit, majora tamen aliqua discet puer, eo ipso anno, quominora forent discenda, nisi illa prius occupasset. Hoc, inquit Fabius, *per singulos annos prorogatum in summam proficit, & quantum in infantia præsumptum est temporis, adolescentia acquiritur.* Ne repetam quod primis illis annis quædam facile discuntur, quæ a grandioribus majore negotio percipiuntur. Facillime enim discitur quod suo tempore discitur. Demus illa esse pusilla, modo fateamur esse necessaria. Tamen si mihi quidem non adeo videtur exiguus ad eruditionem gradus, utriusque linguæ si non peritiam certe gustum assequutum esse, tum tot rerum vocabula, denique prompte legendi scribendique facultatem auspiciatum esse. Non piget in rebus multo vilioribus occupare quicquid possumus quantumvis exigui lucelli, quod Græci, ni fallor, vocant *πρὸ ὀφθ.* Vigilans negociator, non assis aut teruncii compendium negligit, sic suo cum animo reputans, per se quidem exiguum est, sed accrescit ad summam, & pusillum pusillo frequenter additum cito reddit ingentem acervum. Fabri ærarii surgunt antelucano, quo dici partem veluti lucrifaciant. Agricola quædam diebus festis agunt domi, quo plus operæ cæteris diebus absolvant. Et nos in liberis quatuor annorum dispendium pro nihilo ducimus, quum neque tempore sit ullus sumptus preciosior, neque literis sit ulla melior possessio? Nunquam satis mature incipitur, quod nunquam absolvitur. Semper enim discendum quamdiu vivimus. Atqui cæteris in rebus, lucrum cessatione prætermissum, vigilantia sarciri potest. *Ætas ubi semel avolarit, avolat autem quam ocyssime, nullis incantamentis revocari potest.* Nugantur enim Poetæ, qui fontem memorant, e quo veluti repubescant grandævi: fallunt Medici, qui per nescio quam quintam essentiam pollicentur senibus repubescantiam. Hic igitur oportebat adhibere summam parsimoniam, quod ætatis jactura nulla ratione pensari queat.

Adde quod prima quæque vitæ pars optima creditur, quo parcius hæc est dispensanda. Hesiodus nec in summo, nec in imo probat parsimoniam, quod pleno dolio videatur præpropera, exhausto sera, proinde in medio parci jubet. At ætatis non oportet usquam abjici parsimoniam, & si ob id parcendum semipleno dolio, quod vinum in medio sit optimum, maxime parcendum est teneris annis, quæ vitæ pars est optima, si exerceas, sede ad eam fugacissima. Agricola paulo diligentior, non committit ut ulla pars agrorum omnino cesset, & quæ gignendis frumentis apta non est, eam ut virgultis consertit, aut pascuis relinquit, aut oleibis instruit. Et nos optimam ævi partem, citra frugem omnem literariam effugere patiemur? Novalis recens vel in hoc aliqua fruge occupandus est, ne incultus ex se gignat

A zizania. Nam omnino aliquid gignat oportet. Itidem tenera mens infantis, nisi protinus frugiferis disciplinis occupetur, vitiis obducitur. Testa liquoris odorem, quo primum imbuta fuit diu reddit, atque ægre dediscit. Sed testam recentem ac vacuum, fervare licet cui voles liquori. Mens aut bonam frugem gignit, si bonum semen injicias, aut si negligas, inutilibus ac mox revellendis occupatur. Non parum lucri fecit, qui damnum effugit. Nec exiguum ad virtutem momentum attulit, qui vitium excludit.

Sed quid plura? Vis videre quanti referat, mature quis formetur ad eruditionem an secus? Contemplare, quantum prisce virenti etiamnum ætate præstiterint, & quam hodie nihil possunt qui in studiis consenuerunt. Elegias amorum admodum adolescens scripsit Ovidius. Quis idem nunc possit senex? Lucanus qualis fuerit adolescens, declarant illius monumenta. Unde id? quoniam non major sex mensibus, Romam deportatus, illico traditus est duobus clarissimis Grammaticis, Palæmoni & Cornuto. Sodales studiorum habuit, Salejum Bassum, & A. Persium, alterum historia, alterum satyra nobilem. Hinc nimirum illa in juvene tam omnibus numeris absoluta cyclopædia, tam admirabilis eloquentia, qui in carmine non minus Oratorem summum præstat, quam Poetam. Nec desunt hoc seculo felices institutionis exempla, tametsi rariora, idque in utroque sexu. Cassandræ virginis ingenium celebravit Politianus. Quid autem Urfino puero undecim annos nato mirabilis? Nam hujus memoriam vir idem Epistola sane quam eleganti, seculorum memoriæ commendavit. Quotumquemque nunc reperias virum, qui duas Epistolas eodem tempore totidem notariis dictare possit, ut & in singulis quadrent sententiæ, nec usquam excidat solocismus? Puer ille id præstitit in quinque, quum ex tempore darentur argumenta, & imparatus id faceret. Nonnulli quum hæc vident, existimantes rem esse viribus humanis majorem, tribuunt ea magicis artibus. Plane magicis artibus fit, sed efficax incantamentum est, mature tradi, docto, probo, & vigilant præceptor. Ingens pharmacum est, ab eruditis & inter eruditos optima statim discere. Talibus magicis artibus Alexander Magnus adolescens etiamnum, præter eloquentiam omnes Philosophiæ partes absolverat, & nisi bellorum amor ac regnandi dulcedo ingenium hoc abrupisset, poterat inter summos Philosophos esse præcipuus. Iisdem artibus C. Cæsar tantum adolescens eloquentia Mathematicisque disciplinis valuit, tantum Imperatores plerique, tantum M. Tullius, Virgilius, & Horatius ætate virenti, tum doctrina, tum facundia præstiterunt, quod linguarum elegantiam apud parentes ac nutrices, disciplinas liberales, veluti Poeticen, Rhetoricen, Historiam, Antiquitatis notitiam, Arithmetican, Geographiam, Ethicen, Politicen, ac rerum naturas rudibus statim annis ab eruditissimis didicerunt.

E Quid nos porro? Pueros nostros ultra pubertatem domi detinemus, ac ocio, luxu, deliciisque corruptos, vix tandem in scholam publicam mittimus. Illic ut res bene cedat, de gustant aliquid Grammatices, mox simul atque norunt inflectere voces, & suppositum appposito recte jungere, perdidicere Grammaticam, & ad perturbatam Dialecticem admoventur, ubi si quid etiam recte loqui didicerunt, dediscant oportet. Sed infelicio erat ætas, quæ me puero modis significandi, & quæstiunculis ex qua vi, pueros excarnificabat, nec aliud interim docens, quam perperam loqui. Nimirum, præceptores illi, ne puerilia docere viderentur, Grammaticen, Dialectices ac Metaphysices difficultatibus obscurabant, nimirum ut præposcere jam provectiores post majores disciplinas Grammaticen discerent: quod nunc videmus aliquot Theologos evenire cordatioribus, ut post tot laureas, post omnes titulos, ut jam illis liberum non sit quicquam nescire, ad eos liberos redire cogantur, qui pueris solent prælegi. Non illos inflector, præstat sero quam nunquam discere, quod cognitu necessarium est. Deum immortalem quale seculum erat hoc, quum magno apparatu disticha Joannis Garlandini adolescentibus, operosis ac prolixis commentariis enarrabantur? Quum ineptis versiculis, dictandis, repetendis, & exigendis magna pars temporis absumebatur? Quum edisceretur Florista & Floretus? Nam Alexandrum inter


Tom. I. Kk tole-

tolerabiles numerandum arbitror. Deinde quantum temporis peribat in Sophistica, in supervacaneis Dialecticorum labyrinthis? Ac ne sim prolixior, quam perturbate tradebantur omnes disciplinæ, quam moleste, dum quisque Professor ostentandi sui gratia, statim in initio ea infulciret discipulis, quæ sunt difficillima, nonnunquam & frivola. Nec enim statim præclarum quod difficile, veluti sinapis granum e longo mittere per foramen acus, difficillimum quidem est, sed ineptum: & nec tere aut solvere nodos Cassioticos, res est operosæ quidem, sed ociosæ subtilitatis. Adde quod hæc traduntur interdum ab indoctis, aut quod deterius est, a perperam doctis, nonnunquam ab ignavis & improbis, quibus merces longe prior est discipulorum profectu. Huiusmodi quum sit vulgaris institutio, miramur paucis ante senectutem contingere plenam eruditionem? Optima pars ævi perit ocio, perit vitiis, quibus infecti minimam temporis portionem impendimus studiis, maximam amoribus, conviviis & lusibus. Et ad malam materiam adhibetur nihilo melior artifex, aut frivola docens, aut dediscenda. Et post hæc causamur ætatis imbecillitatem, nondum docile ingenium, exiguum profe-

ctum, aliaque permulta, quum re vera quicquid hoc est mali, sinistra institutioni sit imputandum.

Non te traham sermone longiore. Tantum istam tuam prudentiam cæteris in rebus perspicacissimam, appellabo. <sup>Epila-
gui.</sup> Consideret quam cara sit possessio filius, quam varia, quamque operosa res eruditio, sed eadem quam præclara, quanta puerilis ingenii ad omnem institutionem habilitas, quanta humanæ mentis agilitas, quam facile discuntur quæ sunt optima quæque naturæ consentanea, præsertim si a doctis & comibus per lulum traduntur. Deinde quam tenaciter hæreant ea quibus vacuos ac rudes animos primum imbui-
mus, quæ eadem provectior ætas & percipit difficilior, & obliviscitur citius. Ad hæc quam carus & irreparabilis sumptus sit tempus, quantum valeat mature coepisse, quantum suo quidque tempore agere, quantum possit assiduitas, quam bene minimorum accessione crescit acervus Hesiodius, quam fugax ætas, quam occupata juvenia, quam indocilis senectus. Hæc si tecum expendes, nunquam committes, ut in filiolo, non dicam septennium, sed ne triduum quidem prætereat, in quo ad eruditionem qualicumque profectu vel præparari, vel instrui possit.

D I X I.



D E-

DESIDERIUS ERASMUS

ROTTERODAMUS

DE

STUDIO

BONARUM LITERARUM.

DESIDERIUS ERASMUS
 ROTTERODAMUS
 PETRO VITERIO,
 LIBERALIUM DISCIPLINARUM PROFESSORI
 EXIMIO,

S. D.



*N*E Tu remissum, mi Petre, suavis, & perspicit acute, & graviter verèque iudicas, plurimum referre, qua ratione, quoque ordine quid instituas, idque maximum habere momentum, cum ceteris in rebus omnibus, tum vero præcipue in bonarum studiis literarum. An non videmus ingentia pondera, si artem adhibeas, minimo tolli negotio, quæ nullis alioqui viribus moveri poterant? Quemadmodum & in bello non perinde refert, quantis copiis, quantisque viribus hostem utroriaris, ut quam probe instructo exercitu, quo consilio, quoque ordine pugnam capeffas. Ac multo celerius quo tendunt, perveniunt ii, qui semitas compendiaras norunt, quam qui amnem, ut ait Plautus, ducem sequuntur, & vel contempto Pythagora τῆς λεωφόρου ingrediuntur, vel variis etiam errorum ambagibus circumaguntur. Proinde rogas, ut tibi studiorum ordinem, ac viam, formamque præscribam, quam tu, velut Thesei filium secutus, & in auctorum labyrinthis citra errorem versari queas, & ad eruditionis summam celerius emergere, vel magis aliorum studiis consulere, quos bonis literis instituis, quandoquidem ipse jam propemodum ad eruditionis fastigium pervenisti. Equidem pro mea certe virili non gravatim parebo homini tam amico, ut nefas sit quidvis etiam flagitanti negare, nedum rem tam honestam, tamque frugiferam. Quod si senseris nostrum hoc consilium tibi commodum fuisse, tui candoris eris, & illis ad bonas literas eductis, digito viam indicare.

DE

R A T I O N E S T U D I I.



P RINCIPIO duplex omnino videtur cognitio, rerum ac verborum. Verborum prior, rerum potior. Sed nonnulli dum *avilios*, ut ajunt, *prose* ad res discendas festinant, sermonis curam negligunt, & male affectato compendio, in maxima incidunt dispendia. Etenim cum res non nisi per votum notas cognoscantur, qui sermonis vim non callet, is passim in rerum quoque judicio cæcutiat, hallucinetur, deliret necesse est. Postremo videas nullos omnium magis ubique de vöculis cavillari, quam eos qui jactitant sese verba negligere, rem ipsam spectare. Quapropter utroque in genere statim optima, & quidem ab optimis sunt discenda. Quid enim stultius, quam magno labore discere, quæ postea majori cogaris dediscere? Nihil autem facilius discitur, quam quod rectum ac verum est. At prava si semel inhæserint ingenio, dictu mirum quam non possint revelli.

Primum igitur locum Grammatica sibi vindicat, eaque protinus duplex tradenda pueris, Græca videlicet ac Latina. Non modo quod his duabus linguis omnia ferme sunt prodita, quæ digna cognitu videantur, vetumetiam quod utraq; alteri sic affinis est, ut ambæ citius percipi queant conjunctim, quam altera sine altera, certe quam Latina sine Græca. A Græcis auspiciari nos mavult Quintilianus, sed ita, si his litteris perceptis, non longo intervallo Latine succedant, sane utraq; pari cura tuendas esse monet, atque ita futurum, ut neutraq; alteris officiant. Ergo utriusque linguae rudimenta, & statim, & ab optimo præceptore sunt haurienda: qui si forte non contingat, tum (quod est proximum) optimis certe utendum auctoribus, quos equidem perpaucos, sed delectos esse velim. Inter Græcos Grammaticos, nemo non primum locum tribuit Theodoro Gaza; proximum, mea sententia, Constantinus Lascaris sibi jure suo vindicat. Inter Latinos vetustiores Diomedes. Inter recentiores haud multum video discriminis, nisi quod Nicolaus Perottus videtur omnium diligentissimus, extra superstitionem tamen. Verum ut hujusmodi præcepta fateor necessaria, ita velim esse quantum fieri possit, quam paucissima, modo sint optima. Nec unquam probavi litteratorum vulgus, qui pueros in his inculcandis complices annos remorantur.

Nam vera emendatæ loquendi facultas optime paratur, cum ex castigate loquentium colloquio convictuque, tum ex eloquentium auctorum assidua lectione, e quibus ii primùm sunt imbibendi, quorum oratio præterquam quod est castigatissima, argumenti quoque illecebra aliqua discendibus blandiat. Quo quidem in genere primas tribuerim Licitiano, alteras Demostheni, tertias Herodoto. Rursum ex Poetis primas Aristophani, alteras Homero, tertias Euripidi. Nam Menandrum, cui vel primas daturus eram, desideramus. Rursum inter Latinos quis utilior loquendi auctor quam Terentius? purus tersus, & quotidiano sermoni proximus, tum ipso quoque argumenti genere jucundus adolescentiæ. Hæc si quis aliquot selectas Plauti Comedias putet addendas, quæ vacent obscenitate, equidem nihil repugno. Proximus locus erit Virgilio, tertius Horatio, quartus Ciceroni, quintus C. Cæsari. Sallustium si quis adjuvandum arbitrabitur, cum hoc non magnopere contenderim, atque hos quidem ad utriusque linguae cognitionem satis esse ducō. Neque enim mihi placent, qui in evolvendis hunc in usum auctoribus, etiam quibullibet, vitam omnem conterunt, prorsus infantem existimantes eum, quem ulla chartula suffugerit.

Ergo parata sermonis facultate, si non luxuriosa, certe casta, mox ad rerum intelligentiam conferendus est animus. Tamen si ex his etiam scriptoribus, quos expoliendæ linguae gratia legimus, non mediocriter obiter rerum quoque cogni-

tio percipitur, verum ex instituto omnis fere rerum scientia a Græcis auctoribus petenda est. Nam unde tandem haurias vel purius, vel citius, vel jucundius quam ab ipsis fontibus? Sed quo ordine disciplinæ discendæ sint, & ex quibus potissimum præceptoribus, id alias fortasse rectius ostendemus. Interim ad primæ ætatis studia revertamur. Ut igitur ex his auctoribus unde linguae copiam petendam esse diximus, fructum capias & maturius, & uberiorem, Laurentium Vallam tibi censeo diligenter evolendum, qui de Latini sermonis elegantia scripsit elegantissime. Hujus adjutus præceptionibus, ipse per te non pauca annotabis. Neque enim te velim per omnia velut additum, Laurentianis servire præceptis. Adjuvabit hoc quoque, si figuras Grammaticas a Donato ac Diomede traditas edidiceris, si Carminis leges ac formas omnes tenueris, si Rhetorices summam, hoc est, propositiones, locos probationum, exornationes, amplificationes, transitionum formulas in promptu habueris. Conducunt enim hæc non solum ad judicandum, verumetiam ad imitandum.

His itaque rebus instructus, inter legendum auctores, non oscitanter observabis, si quod incidat insigne verbum, si quid antique aut nove dictum, si quod argumentum, aut inventum acute, aut tortum apte, si quod egregium orationis decus, si quod adagium, si quod exemplum, si qua sententia digna quæ memoriæ commendetur. Isque locus erit apta notula quapiam insigniendus. Notis enim non solum variis erit utendum, verumetiam accommodatis, quo protinus quid rei sit, admoneant. Ad hæc si quis Dialecticæ addendam statuet, non admodum refragabor, modo ab Aristotele eam discat, non ab isto loquacissimo Sophistarum genere, neque rursus ibi desideat, & velut ad scopulos (ut inquit Gellius) Sirenæos consenscat.

Verum illud interim mentineris, optimū dicendi magistrum esse stilum. Erit hic igitur in carmine, in oratione libera, in omni argumenti genere diligenter exercendus. Neque negligenda memoria, lectionis thesaurus. Eam tamen si locis & imaginibus adjuvari non inficior, tamen tribus rebus potissimum constat optima memoria; intellectu, ordine, cura. Siquidem bona memoriæ pars est, rem penitus intellexisse. Tum ordo facit, ut etiam quæ semel exciderint, quasi postliminio in animum revocemus. Porro cura omnibus in rebus, non hic tantum, plurimum valet. Itaque quæ meminisse velis, ea sunt attentius, ac crebrius relegenda, deinde sæpius a nobis ipsis exigenda, ut si quid forte suffugerit, id restituatur. Illud minutius, sed tamen haud indignum quod admoneatur. Adjuvabit non mediocriter, si quorum necessaria quidem, sed subdificilis erit memoria, veluti locorum quos tradunt Cosmographi, pedum metricorum, figurarum Grammaticarum, Genealogiarum, aut si qua sunt similia, ea quam fieri potest brevissime simul & luculentissime in tabulas depicta, in cubiculi parietibus suspendantur, quo passim & aliud agentibus sint obvia. Item si quædam breviter, sed insigniter dicta, velut apophthegmata, proverbia, sententias in frontibus atque in calcibus singulorum codicum inscribes, quædam annulis, aut poculis insculpes, nonnulla pro foribus, & in parietibus, aut vitreis etiam fenestris depinges, quo nusquam non occurrat oculis, quod eruditionem adjuvet. Hæc enim tamen si singula per se pusilla videntur, tamen in unum collata acervum, doctrinæ thesaurum lucro augent, haudquam negligendo *ταῖς ἀφ' οὗ καὶ πρὸς τὸν οὐρανὸν ἀναβαίνοντες*, id est, his opibus properanti ditescere. Postremo illud non ad unum aliquid, sed ad omnia simul plurimum conducet, si frequenter alios quoque doceas. Nusquam enim melius deprehenderis quid intelligas, quid non. Atque interim novæ quædam occurrunt commentanti, differuntque, nihil non altius insigitur animo.

DE RATIONE INSTITVENDI DISCIPVLOS.

Sed video te cupere, ut de docendi quoque ratione non nihil attingamus. Agemus geratur Viterio, quamquam video Fabium hisce de rebus diligentissime præcepisse,

Tom. I.

Kk 3

adeo

i. Simile monitum de Aristophane addendum fuit, qui haud paulo obscenior est quam Plautus, cuius Capiti scilicet solæ a pueris legi debent potest.

adeo ut post hunc de iisdem scribere prorsus impudentissimum esse videatur. Ergo qui volet instituere quempiam, dabit operam, ut statim optima tradat, verum qui rectissime tradat optima, is omnia sciat necesse est: aut si id hominis ingenio negatum est, certe uniuscujusque disciplinæ præcipua. In hoc non ero contentus decem illis, aut duodecim auctoribus, sed orbem illum doctrinæ requiram, ut nihil ignoret etiam qui minima parat docere. Erit igitur huic per omne scriptorum genus vagandum, ut optimum quemque primum legat, sed ita, ut neminem relinquat ingustatum, etiam si parum bonus sit auctor. Atque id quo cumulatione fructu faciat, ante locos & ordines quosdam, ac formulas in hoc paratas habeat, ut quicquid usquam inciderit annotandum, id suo adscribat ordini. Sed hoc qua ratione fieri oporteat, in secundo de copia commentario demonstravimus. Verum si cui vel ocium, vel librorum copia defuerit, plurima Plinius unus suppeditabit, multa Macrobius & Athenæus, varia Gellius. Sed in primis ad fontes ipsos properandum, id est, Græcos & antiquos. Philosophiam optime docebit Plato, & Aristoteles, atque hujus discipulus Theophrastus, tum utrinque mixtus Plotinus. Ex Theologis secundum divinas literas, nemo melius Origene, nemo subtilius aut jucundius Chrysostomo, nemo sanctius Basilio. Inter Latinos duo duntaxat insignes in hoc genere, Ambrosius mirus in allusionibus, & Hieronymus in arcanis literis exercitissimus. Quod si minus vacabit immorari singulis, omnes tamen cenfeo degustandos, quorum in præsentia catalogum texere, non est ratio. Certe propter Poetarum enarrationem, quibus mos est, ex omni disciplinarum genere sua temperare, tenenda est fabularum vis, quam unde potius petas, quam ab Homero, fabularum omnium parente? Tametsi Metamorphosés, ac Fasti Nasonis non leve momentum adferent, quanquam Latine scripti. Tenenda Cosmographia, quæ in historiis etiam est usui, nedum in Poetis. Hanc brevissime tradit Pomponius Mela, doctissime Ptolemæus, diligentissime Plinius. Nam Strabo non hoc tantum agit. Hic præcipua pars est observasse quæ montium, fluminum, regionum, urbium, vulgo recepta vocabula, quibus antiquis respondeant. Eadem debet esse cura in arborum, herbarum, animantium, instrumentorum, vestium, gemmarum nominibus, in quibus incredibile dictu, quam nihil intelligat literatorum vulgus. Horum notitia partim e diversis auctoribus, qui de re rustica, de re militari, de architectura, de re culinaria, de gemmis, de plantis, de naturis animantium conscripserunt, colligitur. Quanquam Julius Pollux ex professo de rerum vocabulis tradidit, quæ utinam tam accurate distinxisset, quam congeffit copiose: partim ex etymologiis, partim ex his linguis, quæ præciis sermonis & incorrupti manifesta vestigia servant in hanc usque ætatem, cujusmodi lingua Constantinopolitanorum, Italarum, & Hispanorum, nam Gallorum oratio longius degeneravit. Tenenda antiquitas, quæ non modo ex vetustis auctoribus, verumetiam e nominis præciis, e titulis saxisque colligitur. Ediscenda & Deorum Genealogia, quibus undique refertæ sunt fabulæ, eam post Hesiodum feliciter quam pro suo seculo tradidit Boccatus. Non ignoranda Astrologia, quod hanc passim suis figmentis aspergunt Poetæ, præsertim Hygini. Tenenda rerum omnium vis, atque natura, propterea quod hinc similia, epitheta, comparationes, imagines, metaphoras, atque alia id genus schemata solent mutuo sumere. In primis autem omnis tenenda est historia, cujus usus latissime patet, non tantum in Poetis. Jam si quis Prudentium, unum inter Christianos vere facundum Poetam volet enarrare, literas etiam arcanas calleat oportet. Postremo nulla disciplina est, nec militiæ, nec rei rusticæ, nec Musices, nec Architecturæ, quæ non usui sit iis, qui Poetas, aut Oratores antiquos susceperint enarrandos. Sed video jam dudum frontem contrahis. Næ tu inquis, immensum onus imponis etiam literatori. Onero sane, sed unum, ut quam plurimos exonarem. Volo ut unus evolvet omnia, ne singulis universa sint evolvenda.

Jam vero de formando puerorum ore, deque tradendis, ceu per lulum, jocumque literarum figuris, satis præcepit Fabius. Equidem post tradita elementa prima,

malim ad usum loquendi statim vocari puerum. Etenim cum intra pauculos menses, quamvis barbaram linguam ætas ea sonet, quid vetat quo minus idem fiat in lingua Græca sive Latina? Verum id nec in magno puerorum grege locum habet, & domesticam præceptoris consuetudinem requirit. Quanquam in ludo quoque dabit operam, ut sive pluribus loquatur, sive seorsim uni, quam potest emendatissime dicat. Quædam obiter interpretetur, & ut imitentur, admoneat. Loquentes illos aliquoties collaudet si quid dictum erit aptius, aut emendet, cum errabunt. Ea res efficiet, ut illi quoque consuecant circumspicius & accuratius loqui, & præceptorem loquentem attentius observent. Juvabit & illud, si propositis præmiolis, aut poenis, velut ex lege provocentur, ut ipsi quoque inter sese alius alium emendent. Porro præceptor eruditiores aliquot deliget, qui controversiam finiant. Neque fuerit inutile, ceu formulas aliquot proponere pueris quibus orationibus in lusu, quibus in congressu, quibus in conviviis uti debeant. Has sic oportet esse doctas, ut simul & faciles sint & jucundæ. Porro doctor ille diligens & doctus, acrique judicio, non gravabitur, collatis omnibus Grammaticorum præceptis, excerpere quædam, & simplicissima, quod quidem fieri potest, & brevissima, tum ordine quam maxime commodo.

Posteaquam ea tradidit, statim ad auctorem aliquem ad id accommodatissimum, ac loquendi scribendique consuetudinem vocentur. Hic præceptiones ante traditas ut incident, exempla quoque diligenter inculcabit, quibus etiam addet nonnihil, velut jam tum ad majora præparans. Hinc jam thematis exerceri debent. In quibus illud in primis cavendum, ne (quod fieri solet) aut sensu sint inepto, aut sermone infuso, sed argutam aliquam, aut venustam habeant sententiam, quæ tamen ab ingenio puerili non nimium abhorreat, ut interim aliud agentes, simul & aliquid discant, in gravioribus studiis ului futurum. Habeat igitur thema, quod pueris proponet, aut historiam memorabilem. Quod genus sunt illa: Mercelli præcepta calorem Romanam subvertit, Fabii prudens cunctatio restituit. Quanquam hic subest etiam sententia, nimirum præcipitata consilia parum feliciter evenire solere. Item, difficile judicatu sit, uter altero fuerit stultior, Crates qui aurum abjecit in mare, an Midas qui existimavit nihil auro melius esse. Item, Demostheni ac Ciceroni immodica eloquentia exitio fuit. Rursum, nulla laus Codri Regis meritis par esse potest, qui civium salutem propriæ vitæ dispendio redimendam putavit. Sed non magni negotii fuerit hujusmodi vim ex Historiographis, præcipue Valerio Maximo, colligere. Aut fabulam habeat, ut illud: Hercules expugnandis monstris immortalitatem sibi paravit. Musæ fontibus ac nemoribus unice gaudent, a fumosis urbibus abhorrent. Aut apologum, ut: Recte docuit cassita non esse committendum amicis negocium, quod per te possis conficere. Item: Manticam pectore propendentem vident omnes, eam, quæ a tergo pendet, videt nemo. Item: Sapiebat vulpes, quæ maluit muscas jam prope saturas retinere, quam his expunctis, vacuas ac sitientes admittere, quæ quicquid reliquum esset, sanguinis, epotarent. Aut apophthegma, ut: Longe distentebat a vulgo nostræ ætatis, qui maluit virum absque pecunia, quam pecuniam sine viro. Item: Jure Socrates contemnit eos, qui non edunt ut vivant, sed vivunt ut edant. Merito non probavit Cato eos, qui plus sapiunt palato, quam animo. Aut proverbium, ut: Ne sutor ultra crepidam. Et: Non cujuslibet est hominis Corinthum navigare. Ac nos quidem editis tot Chiliadibus, effecimus, ne difficilis esset horum inventio. Aut sententiam, ut: Nihil carius constat, quam quod precibus emittitur. Et: Obsequium amicos, veritas odium parit. Et: Amici, qui procul absunt, amici non sunt. Aut rei cuiuspiam insignem naturam, ut: Magnes ad sese ferrum attrahit, Naphtha ignem. Item: Palmæ ea est natura, ut pondere imposito, non modo non deprimatur ad terram, verumetiam sursum nitatur, & altius erigat sese. Item mirum Polyphi ingenium, qui ad speciem subjecti soli mutat colorem, quo fallat insidias piscatoris. Aut figuram eximiam, puta gradationem. Divitiæ luxum pariant, luxus saturitatem, saturitas ferociam, ferocia odium multorum,

torum, odium perniciem. Aut similitudinem, ut: Quem admodum ferrum si exerceas, usu atteritur: si non exerceas, exeditur rubigine. Ita ingenium si exerceas, labore absuitur: si non exerceas, magis ocio, situque laeditur. Aut allegoriam, ut: Non est addendus ignis igni, non est addendum oleum incendio. Aut commutationem, ut non ideo te talem judico, quod vehementer amem, sed ideo vehementer amo, quod talem judicari. Aut distributionem: Stultior est, quam ut possit tacere, infanrior, quam ut possit loqui. Simplicior est, quam qui possit mentiri: gravior, quam ut velit. Sed mihi sat est indicasse tantum. Aut exquisitam aliquam elegantiam. Cujus rei non est necesse ponere exemplum. Nihil autem obstat, quo minus plures commoditates in eandem incidant orationem, veluti sententia, historia, proverbium, & figura. Ergo praeceptor, quem oportet assidue in bonis auctoribus obversari, hujusmodi ceu flosculos undique colliget, eosque delectos proponet, aut etiam in eam formam demutabit, ut puerorum ingeniis sint accommodati.

Postquam his rebus ad aliquantam sermonis peritiam provectus erit puer, tum si videbitur, ad majora Grammatices praecepta revocetur, quae per locos & ordines quosdam ita tradenda sunt, ut primo loco simplicissima proponantur, eaque paucis. Deinde utcunque adolescunt discentium ingenia, ita majora suis quaeque locis oportebit subijcere. Is ordo cujusmodi sit, e Theodori Gazae Grammatica exemplum sumas licebit. Nec in his tamen velim eos detineri longius, sed illico ad auctores graviore revocari. Praesertim si prius summam illam, de qua dixi, Rhetorices, ac figuras, & carminum formas teneant. Interim thematis quoque difficilioribus si ut exercendi, in quibus delegendis ac narrandis, diligentem ac doctum praeceptorem requiram. Qui si sit mediocris, modo sit idem modestus, non gravabitur haec ab alio doctiore petere. Thematum autem formae hujusmodi fere possunt esse. Nunc Epistolae brevis argumentum, sed argutum, lingua vulgari proponat, Latine Graeceve, aut utroque sermone tractandum. Nunc apologum, nunc narrationem non inspidam, nunc sententiam ex quatuor constantem partibus, utrique duarum simili aut ratione subiecta. Nunc argumentationem quinque tractandam partibus, nunc dilemma duabus, nunc expolitionem quam vocant, septem partibus explicandam. Aliquando tanquam ad Rhetorica praesudentes, unum aliquod membrorum seorsum tractent. Cujusmodi progymnasmata scripsit Aphthonius. Aliquando laudem, vituperationem, fabulam, similitudinem, comparisonem. Aliquando figuram, vel descriptionem, distributionem, sermocinationem, subjectionem, notationem. Aliquoties jubentur carmen aliquod solvere. Aliquoties solutam orationem pedibus alligare. Interim Plinianam aut Ciceronis Epistolam, verbis ac figuris imitentur. Nonnunquam eandem sententiam variatis verbis ac figuris saepius efferant. Nonnunquam eandem Graece simul ac Latine metro & oratione profa variant. Nonnunquam eandem quinque aut sex carminum generibus, quae doctor praescripserit, explicent. Nonnunquam sententiam eandem per locos quam plurimos ac schemata diffingant. Plurimum autem fructus est in Graecis vertendis. Quare convenit eos, hoc in genere saepissime ac diligentissime exerceri. Nam simul & exercetur ingenium in deprehendis sententiis, & utriusque sermonis vis ac proprietates penitus inspicitur, & quid nobiscum Graecis commune sit, quid non, deprehenditur. Denique ad reddendam Graecanicam emphasim, omnes Latinae linguae opes excutias oportet. Haec si initio pueris difficilia videbuntur, tum usu fient faciliora, tum praeceptoris ingenium, ac studium, bonam negotii partem pueris adimet, indicatis quae putet esse supra vires illorum.

Atque iis interim exercitamentis crebrae praelectiones auctorum misceantur, ut suppetat quod imitentur. Quamquam is, qui docet, proposito themate, simul verborum quoque & figurarum copiam debet indicare. Sub haec ad inveniendi quosque laborem provocentur, ita propositis nudis argumentis, ut suo quisque Marte reperiat, quae pertinebunt ad rem tractandam, ornandam, locuple-

trandam. Et hic delectum ac varietatem requiram a praeceptoris eruditi diligentia, gustum interim exhibebo. Saepius argumentum Epistolae propehet suasoriae, dissuasoriae, exhortatoriae, dehortatoriae, narratoriae, gratulatoriae, expostulatoriae, commendatoriae, consolatoriae. Et uniuscujusque generis naturam locos ac formulas quasdam communes, dein argumento proposito, etiam peculiare indicabit. Aliquando ceu declamatorium thema dabit, in diversis generibus, puta si jubeat eos vituperare Julium Caesarem, aut laudare Socratem, in genere demonstrativo. Item statim optima discenda. In opibus non esse felicitatem. Matrem proprio lacte nutrire debere quod peperit. Literis Graecis non esse dandam, aut esse dandam operam. Uxorem esse ducendam, aut non esse ducendam. Peregrinandum esse, aut non esse peregrinandum, in genere suasorio. Item M. Horatium indignum esse supplicio, in genere judiciali. Verum hanc palastram primum ingredientibus non gravabitur is, qui docendi provinciam suscepit, primum indicare, quot propositionibus id argumentum tractari possit. Praeterea propositionum ordinem demonstrabit, & quo pacto alia ex alia pendeat. Deinde quot rationibus unaquaeque propositio fulciri debet, quot confirmationibus unaquaeque ratio. Tum circumstantias ac locos, unde ista peti possint. Deinde quibus similibus, dissimilibus, exemplis, collationibus, sententiis, proverbis, fabulis, apologis unaquaeque pars locupletari queat. Ostendat & schemata, si qua insigniter videbuntur incidere posse, quae vel acriore, vel ampliore, vel magis dilucidam, vel jucundioram reddant orationem. Si quid erit amplificandum, rationem demonstret, si per locos communes, si per eas rationes, quas in quatuor formas distribuit Quintilianus. Quod si qui inciderint affectus, hi quoque quo pacto tractandi sint, admonebit. Quin & connectendi rationes praescribat, quis sit optimus futurus transitus. Ab exordio ad narrationem, a narratione ad divisionem, a divisione ad argumentationem, a propositione ad propositionem, a ratione ad rationem, ab argumentatione ad epilogum, aut perorationem. Ostendat & formulas aliquot, quibus ibi commode possint exordiri, aut etiam perorare. Postremo, si potest, locos aliquot in auctoribus indicet, unde valeant aliquid imitandum sumere, propter rerum affinitatem, id ubi septies, aut octies erit factum, jam incipient (quod ait Horatius) *sine cortice nare*, & satis erit nudum thema ministrasse, nec necesse fuerit, semper velut infantibus cibum praemanum in os inferere.

Nec mihi displicet illud exercitationis genus, quod apud antiquos in usu video fuisse, ut ex Homero, Sophocle, Euripide, Virgilio, aut etiam ex historiis aliquando legantur themata. Puta, ut Menelaus apud Trojanam concionem repetat Helenam. Aut, Phoenix suadeat Achilli, ut redeat in praedium. Aut, Ulysses suadeat Trojanis, ut Helenam reddant, potius quam bellum experiantur. Quo in genere exstant aliquot Libanii & Aristidis declamationes. Praeterea, uti suadeat aliquis amicus Ciceroni ne conditionem ab Antonio oblatam accipiat, quod argumentum est apud Senecam; uti Phalaris suadeat Delphis, ut taurum aeneam Deo suo consecrent. Ad hoc genus pertinent Epistolae, quae Phalaridis, ac Bruti nomine circumferuntur. In emendando collaudabit, si quid felicius inventum, tractatum, aut imitatum videbitur: si quid praetermissum, aut non suo loco positum, si quid nimium, aut remissius, si quid obscurius, aut etiam si quid parum eleganter dictum erit, admonebit. Et quo pacto mutari possit ostendet, ac mutari, & saepius jubebit. Estimulabit autem praecipue discentium animos, comparisone profectus, velut aemulatione quadam inter ipsos excitata.

Jam in praelegendis auctoribus nolim te facere, quod prava quadam ambitione vulgus professorum hodie facit, ut omni loco coneris omnia dicere, sed ea duntaxat, quae explicando praesenti loco sint idonea, nisi si quando delectandi causa digrediendum videbitur. Quod si hujus quoque rei rationem a me requiris, haec mihi quidem videbitur optima. Primo loco ad conciliandos auditores, laudes ejus, quem praelegendum sumit, paucis explicet. Deinde argumenti jucunditatem, utilitatemque ostendat.

Mox

527

Mox vocem argumenti, si forte (ut faciunt plerique) varios habeat usus, explicet, ac distinguat. Veluti Comœdiam (ut hoc exempli loco sumamus) Terentianam interpretaturus, in primis de auctoris fortuna, de ingenio, de sermonis elegantia paucis disserat. Deinde quantum habeat & voluptatis, & utilitatis Comœdiarum lectio: deinde quid significet ea vox, & unde ducta, & quot sint Comœdiarum genera, & quæ sint Comœdiæ leges. Deinceps quam potest & dilucide, & breviter summam explicet argumenti. Carminis genus diligenter indicet. Post ordinet simplicius, deinde singula fufius explicet. Ad hæc, si qua insignis elegantia, si quid prisce dictum, si quid novatum, si quid Græcanicum, si quid obscurius, aut longius redditum, si durior aut perturbatior ordo, si qua etymologia, si qua derivatio aut compositio scitu digna, si qua orthographia, si qua figura, si qui loci Rhetorici, si qua exornatio, si quid depravatum, diligenter admonet. Tum loca similia ex auctoribus conferat, si quid diversum, si quid affine, si quid imitatum, si quid allusum, si quid aliunde translaturum, aut mutuo sumptum, ut sunt pleraque Latinorum a Græcis profecta, ne id quidem taceat. Postremo ad Philosophiam veniat, & Poetarum fabulas apte trahat ad mores, vel tanquam exempla demonstret, ut Pyladis & Orestis, ad amicitia commendationem, Tantalii fabulam ad avaritiæ detestationem. In his non mediocriter adjuvabit docentem Eustathius, Homeri interpres. Atque ita fiet (si modo sit ingenii dextri præceptor) ut etiam si quid inciderit, quod inficere possit ætatem illam, non solum non officiat moribus, verum etiam utilitatem aliquam adferat, videlicet animis partim ad annotationem intentis, partim ad altiores cogitationes avocatis. Veluti si quis prælecturus secundam Maronis Eclogam, commoda præfatione præparet, vel potius præmuniat auditorum animos ad hunc modum, ut dicat: Amicitiam non coire nisi inter similes, similitudinem enim esse benevolentia mutua conciliatricem, contra dissimilitudinem odii dissidiique parentem: quoque major ac verior stabiliorque similitudo fuerit, hoc firmiorem atque arctiorem esse amicitiam. Id nimirum sibi velle tot apud auctores proverbia. Boni ad bonorum convivia & invocati accedunt: & simile gaudet simili: &, æqualis æqualem delectat: & æqualem tibi uxorem quære: & ut semper similem ducit Deus ad similem: & semper graculus affidet graculo: & similes habent labra lactucas: & pares cum paribus facillime congregantur: & casus cascam ducit: & balbus balbum rectius intelligit: & cicada cicadæ cara, formica formicæ: & Cretensis cum Ægineta. Contra tot dissimilitudinis adagia, nihil aliud sibi velle, quam inter eos, qui dissimili sunt fortuna, dissimili vitæ instituto, dissimilibus studiis, aut omnino non coire amicitiam, aut si coierit, non coherere, citoque dirimi: atque ob id fieri, ut idiota studiosum literarum oderit, profanus sacerdotem, rusticus aulicum, juvenis senem. Atque in eodem genere, Epicureus Stoicum, Philosophus Jurisconsultum, Poeta Theologum, balbus eloquentem. Hinc geminorum gratiam fratrum, Amphionis & Zeti pene dissimile, quod alter lyrae studiosus esset, alter agris colendis gauderet: ac dissimile, nisi Amphion abjecta lyra, fratris ingenio cessisset. Ob eandem causam insincera fuit Castoris & Pollucis amicitia, neque caruit infamia tentati parricidii, cum uterque eodem ex ovo essent prognati, ut jam magis esse gemelli non possent, quod alter pugil esset, alter equis delectaretur. Hinc male convenisse Remo cum Romulo, quod alter tristioribus ac severis esset moribus, alter blandior: unde & Romulo, pro Romo, mutatum nomen. Pessime convenisse Cain cum Abel, quod diverso vitæ genere caperentur. Summam autem amorem summæ similitudinis esse comitem, atque ideo fictum a Poetis, quemadmodum Narcissus, ante ab omni abhorrens consortio, simulatque suam ipsius imaginem in limpidissimo fonte conspexisset, protinus amore flagrantissimo coepit ardere. Quid enim nostri similis, quam ipsa imago? Ergo cum doctus doctum amat, sobrius sobrium, modestus modestum, probus probum, nihil aliud amat uterque, quam suam ipsius in altero imaginem, hoc est seipsum, sed alio modo. Verum ea similitudo, siquidem sita est in bonis animi, quæ vere sunt bo-

na, hoc est pietate, justitia, temperantia, tum ejusmodi nascitur amicitia, cujusmodi sunt cæ res, quibus amicitia conciliatur, hoc est honesta, vera, sincera, stabilis, æterna. Contra si in rebus corporeis ac fluxis, aut etiam turpibus, eam nec vere esse amicitiam, nec jucundam, nec diuturnam ostendet. Proinde Platonem duas finxisse Veneres, alteram cœlestem, alteram terrestrem. Duos item Cupidines, suæ utrumque matri respondentes. Cœlestem veras gignere formas, & hujus filium veros & honestos immittere amores. Inter bonos semper amorem esse mutuum, inter vulgares plerumque alterum amare, alterum odisse, alterum persequi, alterum fugitare. Id accidit fere propter ingeniorum vitæque dissimilitudinem. Quod quidem eleganter significat apud Poetas Cupido, qui nonnunquam hunc aurea cuspide figit, illum plumbea, illum ut amet, hunc ut abhorreat, atque hoc amicitia genere nihil esse potest infelicius. Ejus igitur amicitia male coherens, quasi simulachrum quoddam, in hac Ecloga proponit Virgilius. Corydon rusticus, Alexis urbanus. Corydon pastor, Alexis aulicus. Corydon indotus (nam hujus carmina vocat incondita) Alexis eruditus. Corydon ætate provectus, Alexis adolescens. Corydon deformis, hic formosus. Breviter dissimilia omnia. Quare prudentis est amicum suis moribus aptum deligere, si velit amari mutuum. Hæc, inquam, si præfetur, tum autem locos demonstratorios, perperam & bucolice a rustico affectatos indicet, nihil opinor turpe veniet in mentem auditoribus, nisi si quis jam corruptus accesserit. Nam iste venenum non hinc hauserit, sed huc secum attulerit. Hoc exemplum verbosius exposui, quo facilius in cæteris item sibi quisque similia reperiat.

Jam in aggressu cujusque operis conveniet in genere demonstrare, quæ sit argumenti natura, & quid in eo potissimum sit spectandum. Velut in epigrammatis argutam brevitem laudari. Tum jocandi rationes, quas Fabius & Cicero tradunt, indicabit. Hoc genus præcipue gaudere epiphonematis, commode in fine adjectis, quæ cogitationem velut aculeatam in animo lectoris relinquant. In Tragœdia præcipue spectandos affectus, & quidem fere aciores illos. Hi quibus rebus moveantur, paucis ostendet. Tum argumenta veluti declamantium. Postremo descriptiones locorum, temporum, rerum aliquoties, & argutas alterationes incidere, quæ nunc distichis, nunc singulis versibus, nunc hemistichis absolvantur. In Comœdia cum primis observandum esse decorum, & vitæ communis imitationem, affectus esse mitiores, & jucundos magis quam acres. Decorum autem in primis spectari, non solum illud commune, ut adolescentes ament, lenones pejerent, blandiatur meretrix, objurget senex, fallat servus, jactet se miles, atque id genus alia, verum peculiare quoddam quod suo arbitratu aliis aliud affingit Poeta. Velut in Andria duos inducit senes, longe diverso ingenio. Simonem vehementem, ac submorosum, haud stultum tamen, nec improbum. Contra Chremetem civilem, ac semper placidum, ubique sibi præsentem, omnia quantum potest pacantem, at ita tamen lenem, ut minime stupidum. Duos item adolescentes dissimili natura, Pamphilum cordatum pro ratione ætatis, & consultabundum, sed acriorem, ut Simonis filium possis agnoscere. E diverso Charinum puerilem, ineptum, consilii inopem. Rursum servos duos diversis moribus. Davum, vafrum & consiliis abundantem, ac sperandi pertinacissimum auctorem. E regione Byrriam nullius consilii, tantum perpetuum desperationis auctorem hero. Ad eundem modum in Adelphis. Mitonem etiam in objurgando mitem, ac festivum. Demeam etiam in blandiendo amarulentum. Rursum Æschinum propter urbanæ vitæ consuetudinem, & Mitonem fiduciam nihil non audentem, sed ita ut probum ingenium deprehendas, officiosum in fratrem, fidum in puellam. E diverso Ctesiphontem subrusticum ac timidum, propter earum rerum insolentiam. Syrum callidum, & audacem, nihilque non simulantem, ac dissimulantem, adeo ut sola ebrietas detexerit illius fucos. Dromonem stupidum, atque hebetem. Sed ista persequi non hujus est instituti, in præsentia satis est viam indicasse. In Eclogis admoneat esse auri seculi, ac prisce illius vitæ imaginem. Proinde quicquid illic

illic est sententiarum, similitum, ac comparisonum, a vita pastoralis sumi: affectus sunt simplices, cationibus, sententiis, ac proverbii delectantur, superstitione & auguriis capiuntur. Ad eundem modum, quid proprium habeat carmen heroicum, quid historia, quid dialogus, quid apologus, quid satyra, quid oda, quid reliqua scripti genera curabit admonere. Tum quæ sint singulorum auctorum in singulis argumentis dotes, aut etiam vitia, non gravabitur indicare, quo jam tum assuescant adolescentes ei quod est in omni re præcipuum, iudicio. Atque in hac parte præceptorem, præter artem & ingenium, adjuvabit etiam libellus Ciceronis de Claris Oratoribus, & Quintiliani, Senecæ, atque Antonii Campani de scriptoribus censuræ, neque non veteres interpretes, præcipue Donatus hac in re peculiariter occupatus.

Huc pertinet & consilii ratio, veluti quare M. Tullius in defensione Milonis sinxit sese timere. Et quare Virgilius tantopere laudibus vehat Turnum hostem Æneæ, & quare abdicatus Medicus apud Lucianum non lædit novercam, sed magis laudat, & in patrem acrior est quam in novercam. Sed id quoque in immensum patet. At iudicabit aliquis hæc nimium habere negotiū. Equidem præceptorem eruditum, longoque usu exercitatum volo esse. Is si continget, hæc etiam facile percipient pueri. Quod si qua initio erunt duriora, progressu & assuetudine mollescent. Optima certe sunt, nisi fallor, & optimis convenit statim assuescere, quanquam hæc non ubique omnia sunt inculcanda, ne tædio graventur ingenia discendum, sed ut inciderint insigniora. Neque vero minorem adhibeat

A' curam præceptor in exigendo quæ commisit, quam in prælegendo. Est omnino labor hic docenti gravissimus, sed discipulis utilissimus. Nec ordinem exigat duntaxat, sed quicquid scitu dignum fuerit creditum, id assuescant bona cum fide reddere. Neque vero deterreat ab hac re difficultas, quæ vel menstruo temporis spacio vincitur. Mihi nunquam placuit, ut omnia dictata scribant adolescentes, sit enim hoc pacto, ut memoriæ cultus negligatur, nisi si qui pauca quædam notulis velint excipere, idque tantisper donec usu confirmata memoria, scripti non desiderent adminiculum.

B Postremo tantum arbitror esse momenti in commoda docendi ratione, si modo diligens & eruditus contigerit præceptor, ut non dubitarim meo recipere periculo, me minore negotio, ac paucioribus annis adolescentes ad utriusque linguæ mediocrem etiam eloquentiam perduciturum, modo dentur ingenia non omnino infelicia, quam isti literatores ad qualemcunque illam suam balbutiem vel infantiam potius provehant suos. His igitur rudimentis puer in prima imbutus schola, deinde bonis avibus ad altiores disciplinas conferat sese, & quocunque se verterit, facile declarabit, quantopere referat ab optimis auspiciis fuisse. Hæc habui in præsentia mi carissime Petre, quæ tibi de Studii Ratione scriberem, ea si placent, utere: sin minus, sedulitatem certe nostram pro tuo candore boni consules. Tu modo perge ita ut instituisti, in bonas literas incumbere, ac Galliam tuam alioqui florentissimam, honestis etiam studiis illustra. Vale.



DESIDERII ERASMI
ROTTERODAMI
DE
LAUDE ARTIS
MEDICÆ
DECLAMATIO.

DESIDERIUS ERASMUS
 ROTTERODAMUS
 D. HENRICO AFINIO
 LYRANO,
 INSIGNI MEDICO,
 S. D.



NUPER dum bibliothecam recenseo, doctissime Afni, venit in manus oratio quædam, olim mihi nihil non experiēti in laudem artis Medicæ declamata: continuo visum est orationem non optimam optimo dicare Medico, ut vel tui nominis lenocinio studiosorum centurijs commendetur. Erit hoc interim mei in te animi qualescunque documentum, donec dabitur aliud, nostra necessitudine dignius. Bene vale, Lovanii tertio Idus Mart. Anno M D XVIII.

DECLAMATIO

IN LAUDEM MARTIS

MEDICÆ



Uo sæpius est ars Medicinæ, meditatibus atque elaboratis orationibus hoc ex loco, apud plerumque vestrum prædicata, idque a viris singulari facundia præditis, auditores celeberrimi, hoc mihi sane minus est fiduciæ, me vel tantæ rei, vel aurium vestrarum expectationi satisfacturum. Neque enim rem prope divinam, nostra facile assequetur infantia, neque vulgaris oratio de re toties audita, tædium possit effugere. Verum tamen ne salutari majorum instituto videar deesse, qui solenni encomio juventutis animos ad hujus præclaræ scientiæ studium, admirationem, amorem, excitandos, accendendos, inflammandosque censuerunt, experiar & ipse pro mea virili (siquidem me dicente adjuvabit vestra tum attentio, tum humanitas, favore candido prosequens, quem ad hoc muneris vestra adegit auctoritas) Medicæ facultatis dignitatem, auctoritatem, usum, necessitatem, non dicam explicare, quod prorsus infiniti fuerit negotii, sed summam modo perstringere, ac veluti confertissimas locupletissimæ cuiuspiam Reginæ opes, per transfennam (ut ajunt) studiosorum exhibere conspectibus.

Laus
per
com-
paratio-
nem.

Cujus quidem ea vel præcipua laus est: primum, quod nullis omnino præconiis indiget, ipsa abunde per se vel utilitate vel necessitate commendata mortalibus: deinde, quod toties jam a tam præclaris ingeniis prædicata, semper tamen novam laudum suarum materiam ingeniis etiam parum foecundis ex sese suppeditat, ut nihil necesse sit eam vulgato more invidiosis illis contentionibus, non sine cæterarum disciplinarum contumelia deprædicare. Quin illud magis metuendum, ne domesticas illius dotes, ne germanam ac nativam amplitudinem, ne majestatem humana conditione majorem, mortalis oratio non assequatur. Tantum abest, ut vel aliena contumelia, vel ascitis Rhetorum fuscis, aut amplificationum præstigiis sit attollenda. Medicorum est formarum, deformiorum comparatione, aut cultus lenociniis commendari. Res per se vereque præclaras, satis est vel nudas oculis ostendisse.

Fides.

Jam primum enim (ut ad rem festinemus) reliquæ artes, quoniam nulla non magnam aliquam vitæ commoditatem attulit, summo quidem in pretio fuere, verum Medicinæ quondam tam admirabilis fuit humano generi inventio, tam dulcis experientia, ut ejus auctores, aut plane pro diis habiti sint, velut Apollo, & hujus filius Æsculapius (sic enim refert Plinius, singula quosdam inventa Deorum numero addiderunt) aut certe divinis honoribus digni sint existimati, velut Asclepiades, quem Illyrici numinis instar receptum, Herculi in honoribus æquarunt. Non quidem proba quod fecit antiquitas, affectum sane ac judicium laudo, quippe quæ recte & senserit & declararit, docto fidoque Medico nullum satis dignum præmium perfolvi posse.

Laus ab
origine.

A diffi-
cultate.

Etenim si quis secum reputet, quam multiplex in corporibus humanis diversitas, quanta ex ætatibus, sexu, regionibus, cælo, educatione, studiis, usu varietas, quam infinita in tot millibus herbarum (ne quid interim dicam de cæteris remediis) quæ alibi aliæ nascuntur discrimina, tum quot sint morborum genera, quæ trecenta nominatim fuisse prodita scribit Plinius, exceptis generum partibus, quarum omnium quam nullus sit numerus, facile perpendet, qui tantum norit quot formas in se febris vocabulum complectatur, ut ex uno cætera æstimentur, exceptis his qui quotidie novi accrescunt, neque secus accrescunt, quam si de composito cum arte nostra bellum suscepisse videantur: exceptis venenorum plus mille periculis, quorum quot species sunt, tot sunt mortis genera, totidem remedium differencias flagitantia: exceptis casibus quotidianis, lapsuum, ruinarum, ruptionum, adustionum, luxationum, vulnorum, atque his consimilium, quæ prope cum ipso morborum agmine ex æquo certant. Denique qui cogitet, quanta sit in corporum cœlestium observatione difficultas, quæ nisi cognitis, sæpenumero venenum erit, quod in reme-

dium datur. Ne quid interim commemorem, sæpe fallaces morborum notas, sive coloris habitum spectes, sive lotii signa rimeris, sive pulsus harmoniam observes, velut hoc agentibus malis, ut hostem Medicum fallant & imponant. Tantum undique sese effundit difficultatum, ut mihi difficile sit omnes vel oratione prosequi. Sed ut dicere cœperam, has omnes rerum varietates studio persequi, obscuritates ingenio assequi, difficultates industria pervincere, ac penetratis terræ fibris, excussis undique totius naturæ arcanis, ex omnibus herbis, fruticibus, arboribus, animantibus, gemmis, ex ipsis denique venenis, cunctis humanæ vitæ malis, efficacia quærere remedia, atque horum opportunum usum, ex tot auctoribus, tot disciplinis, imo & ab ipsis sideribus petere: hæc, inquam, tam abdita rimari cura, tam ardua viribus animi adipisci, tam multa memoria complecti, tam necessaria ad salutem universi mortalium generis in commune proferre, nonne prorsus homine majus ac plane divinum quiddam fuisse videtur? Absit invidia verbis. Liceat id quod vero verius est ingenue prædicare.

Non me jacto, sed artem ipsam effero. Etenim si dare vitam proprium Dei munus est, certe datam tueri, jamque fugientem retinere, Deo proximum fateamur oportet. Quamquam ne prius quidem illud, quod nos soli Deo proprium esse volumus, Medicorum arti detraxit antiquitas, ut credula, ita gratissima. Nam Æsculapii quidem ope Tyndaridam, & post eum complures ab Orco in lucem reddisse credit. Asclepiades hominem exanimatum, elatum, comploratumque ab rogo domum vivum reduxisse legitur. Xanthus Historicus catulum leonis occisum, præterea & hominem, quem draco occiderat, vitæ redditum fuisse posteris prodidit, herba quam halin nominant. Ad hæc Juba in Africa quendam herba revocatum ad vitam testis est. Neque vero laboraverim, si sint apud quos hæc fide careant. Certe (quod agimus) admirationem artis tanto magis implem, quanto magis supra fidem veri sunt, & immensum esse fateri cogunt, id quod vero super sit. Quamquam quantum ad eum attinet, qui vitæ redditur, quid refert, utrum anima denuo in artus relictos divinitus reponatur, an penitus in corpore sepulta, morbi que victoris oppressa viribus, arte cura que Medici suscitetur atque eliciatur, jamque certo migratura retineatur? An non pene paria sunt, mortuum restituere, & mox morituum servare? Atqui permultos nominatim recenset Plinius libro Historiæ mundanæ septimo, qui jam elati partim in ipso rogo, partim post dies complurimos revixerint. Miraculum est, quod paucis dedit casus. Et non magis mirandum, quod quotidie multis largitur ars nostra? Etiam si hanc Deo Opt. Max. debemus, cui nihil non debemus, ne quis hæc a me putet arrogantius dicta quam verius. Complurium morborum ea vis est, ut certa mors sint, nisi præsens adsit Medicus, veluti stupor is, qui mulieribus potissimum solet accidere, veluti syncopis profunda, paralytis, apoplexia. Neque desunt ulli vel seculo, vel genti sua in hanc rem exempla. Hic qui mortem ingruentem arte sua depellit, qui vitam subito oppressam revocat, nonne ceu numen quoddam dextrum ac propitium semper habendus est? Quot censet homines ante diem sepultos fuisse, priusquam Medicorum solertia, morborum vires & remedium naturas deprehenderat? Quot hodie mortalium millia vivunt valentque, qui ne nati quidem essent, nisi eadem hæc ars, & tot nascendi discriminibus remedia, & obstetricandi rationem reperisset? Adeo statim in ipso vitæ limine, & pariens simul & nascens salutarem Medicorum opem miserabili voce implorat. Horum arti vitam debet, & qui nondum vitam accepit, dum per eam prohibentur abortus, dum mulieri seminis recipiendi retinendique vis confertur, dum pariendi facultas datur. Quod si vere dictum est illud: *Deus est juvare mortalem*, profecto mea sententia, aut nusquam locum habebit illud nobile Græcorum adagium: *ἀνθρώπος ἀνθρώπου δαίμωνιον*, aut in Medico fido proboque locum habebit, qui non juvat modo, verum etiam servat.

An non igitur ingrati tudine ipsa videatur ingrator, ac

Tom. I.

L1 3

ipsa

ipsa prope vita indignus, qui Medicinam alteram secundum Deum vitæ parentem, tutricem, servatricem, vindicem, non amet, non honoret, non suspiciat, non veneretur? Cuius præfidiis nunquam ulli non est opus. Nam reliquis quidem artibus, nec semper, nec omnes egemus. Hujus utilitate mortalium omnis vita constat. Nam fac abesse morbos, fac omnibus prosperam adesse valetudinem, tamen hanc qui poterimus tueri, nisi Medicus ciborum salutarium ac noxiorum discrimen, nisi totius victus, quam Græci diætā vocant, rationem doceat? Grave mortalibus est onus senectæ, quam nihilomagi licet effugere, quam mortem ipsam. Atque ea Medicorum opera multis contingit, tum ferius, tum multo etiam levior. Neque enim fabula est quinta, quam vocant, essentia, senio depulso hominem velut abjecto exuvio rejuvenescere, cum existent aliquot hujus rei testes. Neque vero par est, ut artem improbemus, quod hujus professione quidam imponunt incautis.

Præfer-
vatiua.

Jam non corporis tantum, quæ vilior hominis pars est, curam gerit, imo totius hominis curam agit, etiam si Theologus ab animo, Medicus a corpore sumit initium. Si quidem propter arctissimam amborum inter se cognationem & copulam, ut animi vitia redundant in corpus, ita vicissim corporis morbi animæ vigorem aut impediunt, aut etiam extinguunt. Quis æque pertinax suavor abstinentiæ, sobrietatis, moderandæ iræ, fugiendæ tristitiæ, vitandæ crapulæ, amoris abjiciendi, temperandæ veneris, atque Medicus? Quis efficacius suadet ægroto, ut si vivere velit, & salutarem experiri Medici opem, prius animum a vitiorum colluvie repurget? Idem quoties vel diætetica ratione, vel ope pharmaceutica bilem atram minuit, labantes cordis vires reficit, cerebri spiritus fulcit, mentis organa purgat, ingenium emendat, memoriæ domicilium largit, totumque animi habitum commutat in melius, nonne per exteriorem, ut vocant, hominem, & interiorem servat? Qui phreneticum, lethargicum, maniacum, fideratum, lymphatum restituit, nonne totum restituit hominem? Theologus efficit, ut homines a vitiis resipiscant: at Medicus efficit, ut sit qui possit resipiscere. Frustra ille Medicus sit animæ, si jam fugerit anima, cui paratur antidotus. Cum impium hominem subito corripit paralytis, apoplexia, aut alia quædam præsentanea pestis, quæ vitam prius adimat, quam vacet de castiganda cogitare vita, hunc qui restituit, alioquin infeliciter in suis scelibus sepeliendum, nonne quodammodo tum corpus, tum animum ab inferis revocat? In eum certe locum reponit hominem, ut ei in manu jam sit, si velit, æternam mortem fugere. Quid sua dabit lethargico Theologus, qui suadentem non audiat? Quid movebit phreneticum, nisi Medicus prius atram bilem repurgarit? Pietas cæteræque virtutes, quibus Christiana constat felicitas, ab animo potissimum pendet, haud inficior. Cæterum quoniam is corpori illigatus, corporeis organis velit nolit utitur, fit ut bona pars bonæ mentis a corporis habitu pendeat. Per multos homines infelix corporis temperatura, quam Græci modo *ὑπερθερμότητα*, modo *ὑποθερμότητα* vocant, velut invitos ac reclamantes, ad peccandum pertrahit, dum animus infestior frustra moderatur habenas, frustra subdit calcarea, sed equum ferocientem in præcipitium sequi cogit. Animus videt, animus audit, sed si oculos occupavit glaucoma, si aurium meatus crassius humor obsederit, frustra vim suam habet animus. Odit animus, irascitur animus, sed plerumque vitiosus humor mentis organa obsidens in causa est, ut oderis quem amore dignum iudices, irascaris cui nolis irasci. Philosophiæ summam in hoc sitam esse fatetur Plato, si rationi pareant affectus: atque ad eam rem præcipuus est adiutor Medicus, hoc agens, ut ea pars hominis vigeat sapiatque, cujus arbitrio geruntur, quæcunque cum laude geruntur. Si hominis vocabulo censentur indigni, qui pecudum ritu rapiuntur cupiditatibus, hujus nominis dignitatem bona ex parte debemus Medicis. Id cum maximum sit in singulis ac privatis, quanto præclarius est beneficium, cum id præstatur in Principe? Nulla fortuna magis est obnoxia malis hujusmodi, quam felicissimorum Regum. Quos autem rerum tumultus ciet unius homunculi vitium cerebrum? Frustra reclamant qui sunt a consiliis, furis o Princeps, ad te redi, ni Medicus arte sua neque volenti, neque sentienti suam mentem reddiderit. Si Caligulæ fidus adfuisset Medicus, non usque ad pugionum ac venenorum scrinia in pernici-

ciem humani generis insanisset. Atque ob eam sane causam publica consuetudine receptum est apud omneis orbis nationes, ne Princeps usquam gentium agat absque Medicis.

Proinde cordati Principes nulli unquam arti plus honoris habuerunt, quam Medicinæ. Quandoquidem Erasistratus (ut reliquos taceam) Aristotelis ex filia nepos, ob Antiochum Regem sanatum centum talentis donatus est a Ptolemæo hujus filio. Quin & divinæ literæ jubent Medico suum haberi honorem, non tantum ob utilitatem, verum etiam ob necessitatem, ut in cæteros benemeritos ingratitudo sit, si quis non agnoscat beneficium, in Medicum impietas: quippe qui tanquam beneficii divini adiutor, id arte sua tuetur, quod optimum nobis & carissimum largitus est Deus, videlicet vitam. Parentibus nihil non debemus, quod per hos vitæ munus accepisse quodammodo videmur. Plus mea sententia debetur Medico, cui toties debemus, quod parentibus semel duntaxat debemus, si tamen illis debemus. Pietatem debemus ei, qui hostem a cervicibus depulit: & Medico non magis debemus, qui pro nobis servandis cum tot capitalibus vitæ hostibus quotidie depugnat? Reges ceu Deos suspicimus, quia vitæ necisque jus habere creduntur, qui tamen ut possint occidere, certe vitam non aliter dare possunt, nisi quatenus non eripiunt, quemadmodum servare dicuntur latrones, si quem non jugulent, nec aliam tamen vitam dare possunt, quam corporis. At quanto propius ad divinam benignitatem accedit Medici beneficium, hominem jam inferis destinatum, arte, ingenio, cura, fideque sua, velut ex ipsis mortis faucibus retrahentis? Aliis in rebus profuisse sit officium, cæterum in certo corporis animique periculo servasse, plusquam pietas est.

Adde his quod quicquid in homine magnum est, eruditio, virtus, naturæ dotes, aut si quid aliud, id omne Medicorum arti acceptum feramus oportet, quatenus id servat, sine quo ne reliqua quidem queant subsistere. Si omnia propter hominem, & hominem ipsum servat Medicus, nimirum omnium nomine gratia debetur Medico. Si non vivit, qui vivit morbis obnoxius, & vitam salubrem aut reddit, aut tuetur Medicus, an non convenit hunc ceu vitæ parentem agnoscere? Si res exoptanda est immortalitas, hanc Medicorum industria quoad licet meditatur, quæ vitam in longum prorogat. Quid enim hic notissima referam exempla, Pythagoram, Chrysippum, Platonem, Catonem Censorium, Antonium Castorem, cumque his innumerabiles, quorum plerique Medicinæ observatione, vitam ab omni morbo liberam, neque fatisciente ingenii vigore, neque concussa memoriæ soliditate, neque fractis aut labefactis sensibus, ultra centesimum annum prorogarunt? An non isthuc est immortalitatis quam speramus, hic jam nunc imaginem quandam exhibere? Christus ipse immortalitatis auctor ac vindex unicus, corpus assumpsit: mortale quidem illud, sed tamen nullis morbis obnoxium. Crucem non horruit, morbos horruit. An non pulcherrimum fuerit, nos Principem nostrum in hoc quoque pro viribus imitari? Apostolos, quorum nemo fere non multam vixit ætatem, cæcos legimus, interfectos legimus, ægrotasse non legimus. Quocunque pacto hoc illis contigit, certe præstat idem ars Medicorum, quod illis præstitit sua felicitas. Nec enim audiendus arbitror, qui nobis non minus indocte, quam impudenter solent illud obijcere: *Virtus in infirmitate perficitur*, somniantes Paulum gravi capitis dolori fuisse obnoxium, cum ille infirmitatem, vel animi tentationem, vel quod vero propius est, improborum hominum molestam infestationem appellet. Atque idem ille Paulus, inter Apostolicas dotes donum curationis recensuit.

Jam auget & illud non levi argumento Medicinæ gloriam, quod & Cæsarearum legum majestas, & Pontificiarum auctoritas sese ultro Medicorum judicio submittit, velut in quæstionibus pubertatum, partuum ac veneficiorum. Item in quæstionibus aliquot ad matrimonium facientibus. O nova dignitas Medicinæ! Agitur de capite hominis, & judicis sententia pendet ex Medici præjudicio. Summi Pontificis pietas, si quid indulget in nonnullis, non aliter indulget, nisi Medicorum accedat calculus. Atque in decretis Romanus Pontifex, Episcopum eum qui delatus fuerat, tanquam foedo immanique morbo obnoxius, ex Medicæ rei judicio censet aut amovendum dignitate, aut suo loco restituendum. Divus autem Augustinus ex Medicorum consilio

Exem-
pla.

lio fieri jubet quod faciendum est, etiamsi nolit ægrotus. Idem honorem Medico debitum, hoc est artis & industriæ præmium, recte eripi scribit ab eo qui detinet, velut ab injusto possessore, & quod alienum est mala fide occupante. Quia si quoque qui conceptis precaminibus, Dæmones impios e corporibus humanis exigunt, Medicos non raro in consilium adhibent, velut in his morbis, qui secretis rationibus, quædam sensuum organa spiritusque vitiant, & adeo Dæmoniacam speciem imitantur, ut nisi a Medicæ rei peritissimis discerni non queant, siue sunt crassiores aliqui Dæmones, ut fertur illorum varia natura, qui Medicam etiam opem sentiant, siue morbus adeo penitus intimis animi recessibus insidet, ut a corpore videatur alienus.

In cuius rei fidem dum ex innumeris mihi compertum exemplum refero, quæso ut me patienter audiat. Panaceum celeberrimi nominis Medicum adolefcens colui; is, me teste, quendam restituit, nomine Phylarium, patria Spoletanum, qui ex veribus in novum mania genus inciderat, ita ut in morbo probe Teutonice loqueretur, quod (uti constabat) sanus nunquam potuerat. Quis imperitus rei Medicæ, non hunc Dæmoniacum vel dejerasset etiam? At is hominem facili paratoque remedio menti reddidit. Redditus sibi Teutonice nec loquebatur, nec intelligebat. Quod si quis hunc vere Dæmoniacum fuisse contendat, ea sane res vel maxime Medicorum illustrat artem, cui compertum est & Dæmones impios parere, quemadmodum in restituenda vita, ita & in exigendis spiritibus Divinæ virtutis tum ministræ, tum æmulæ. Neque vero deerant, qui factum hoc magicis artibus tribuebant, quorum ego calumniam, arti nostræ gloriæ laudique verto, per quam ea præstantur, quæ vulgus hominum humanis viribus præstari posse non credit.

Optimo igitur jure, prisca seculis, cum nondum sordidi quæstus & spurcæ voluptates vitiaissent omnia, medendi ars inter omnes una, divinis ac summatibus viris, opulentissimis Regibus, clarissimis senatoribus præcipue cordi fuit, nec alia mortalium generi gratior. Siquidem Moses ille magnus, non alia ratione, quam artis Medicæ, cibos suos distinxisse creditur. Orpheus Græcorum vetustissimus, de viribus herbarum nonnulla prodidisse legitur. Homerus ipse, citra controversiam unicus ingeniorum fons, plurimus est, & in herbarum commemoratione, & in laude Medicorum. Is & Moly nobis depinxit, herbarum omnium, teste Plinio, laudatissimam, efficacem adversus veneficia. Cujus inventionem Mercurio tribuit, hac Ulysses suum adversus Circes pocula præmunivit. Idem Nepenthes indicat in conviviis adhibendum, quod mœrorem tristitiamque discutiat. Porro Machaonem, Pæonem, Chironem, Podalirium, ut hac arte præstantes, sæpissime non sine honore commemorat, quorum arte non solum heroibus, verum ipsis etiam Diis subventum esse fingit. Illud videlicet subindicans, summis etiam Principibus Medicorum præsidii opus esse, atque horum vitam Medicis in manu esse, qui in cæteros omnes jus vitæ ac necis habere videntur. Quid quod idem Poeta, libro Iliados undecimo, hujus artis professionem longe pulcherrimo nobilitavit elogio? cum ait, unum Medicum pluris habendum, quam cæterorum hominum permultos. Rursum alibi Medicum ita notat, ut dicat eum eruditum in omnibus, palam testans id quod res est, hanc artem non una aut altera disciplina, sed omnium artium cognitione circuloque, tum præter exactum judicium, multo etiam rerum usu constare. Pythagoras ille Samius, cui divinitatem quandam tribuebat antiquitas, de naturis herbarum nobile volumen reliquisse legitur. Atque ut Platonem, Aristotelem, Theophrastum, Chrysippum, Catonem Censorium, Varonem præteream, quibus studio fuit, hanc artem suis vel studiis, vel negociis admiscere, Mithridatem Ponti Regem, non perinde regnum aliqui locupletissimum, non tam unius & viginti linguarum miraculum, quam rei Medicæ peritia nobilitavit, vereque magnum virum declaravit, qui artis hujus commentationes, & exemplaria, effectusque in arcanis reliquit, ut auctor est Plinius. Cujus & hodie nobile Theriacæ genus nomine celebratur. Nunc fere regum habetur, aleam ludere, venari, nugas agere. At olim populi Romani Principibus nihil magis erat curæ, quam ut ex longin-

A quo novis importandis herbis rem Medicam adjuvarent, neque populo illi tum orbis domino aliud erat munus gratius.

B Quid quod Christus ipse disciplinarum omnium & auctor & princeps, sese non Jureconsultum, non Rhetorem, non Philosophum, sed Medicum professus est, dum de se loquens negat opus esse Medico is, qui bene habeant, dum Samaritanus vulneribus oleum ac vinum infundit, dum sputum terræ mixtum illinit oculis cæci? Quid quod idem, hac potissimum commendatione, cum adhuc orbi esset ignotus, sese paulatim in animos atque affectus hominum insinuavit? Non auro, non imperiis, sed morborum remediis. Quod ille nutu fecit, nempe, Deus; hoc Medicus, pro virili sua, cura imitatur. Neque deest his quoque divina vis, nimirum medendi viribus in hunc usum rebus a Deo inditis. Nec alio viatico magis instruxit Apostolos, mandans, ut hoc protinus officio sibi devincerent hospitem, *medentes, inquit, morbis illorum, & ungentes oleo*. Paulus ille magnus, dum Timotheo suo modicum vini præscribit usum, ad fuscendam stomachi imbecillitatem, nonne palam Medici partibus utitur? Sed quid hoc mirum in Apostolo, cum Raphael Angelus, Tobia cæcitati medicans, hinc nomen etiam invenit, apud arcanarum rerum studiosos? Occultum, vereque sacram disciplinam, cujus cognomento divina illæ mentes insigniuntur.

C Inter mortales alii alias artes vel discunt, vel profitentur, hanc unam oportebat ab omnibus disci, quæ nulli non est necessaria. Sed heu perversissima hominum judicia! Nemo nescire sustinet, quis nummus legitimus sit, quis adulterinus, ne quid fallatur in re vilissima: nec scire studio est, quibus modis id quod habet optimum taceatur. Innumismate non credit alienis oculis, in negotio vitæ ac sanitatis clausis quod dicitur oculis, sequitur alienum judicium. Quod si totius artis absoluta cognitio non potest nisi paucis contingere, qui totam vitam huic uni studio dedicarunt; certe partem eam, quæ ad tuendam valetudinem pertinet, non conveniebat quemquam nescire. Etiam si bona pars difficultatis, non ab ipsa arte, sed ab improborum Medicorum vel inscitia, vel ambitione proficiscitur.

D Semper apud efferas etiam ac barbaras nationes sanctum ac venerabile fuit amicitia nomen. Atque is egregius habetur amicus, qui se fortunæ utriusque comitem sociumque præbet, quod vulgus amicorum velut hirundines æstate, rebus secundis adsint, rebus adversis, quemadmodum illæ ingruente bruma, devolant. At quanto sincerior amicus Medicus, qui Seleucidum avium exemplo, quas narrant nusquam a Cassii montis incolis conspici, nisi cum illarum præsidio est opus adversus vim locustarum fruges vastantium, rebus integris ac lætis nusquam sese ingerit: in periculis, in his casibus, in quibus uxor ac liberi sæpe deferunt hominem, velut in phrenesi, phthiriasi, in peste, solus Medicus constanter adest, & adest non inutiles officio quemadmodum plerique cæterorum, sed adest opitulaturus, adest pro capite periclitantis cum morbo dimicans, nonnunquam suo quoque periculo. Et o plusquam ingratos, qui talis amici officio servati, jam depulso periculo Medicum odisse possunt, ac non potius parentis vice colunt veneranturque. Vulgarem amicum, qui subinde salutat obvium, ad coenam rogant, qui latus claudit, officio pensant, & talem amicum ubi defuerint egere, averfantur? & ob hoc ipsum averfantur, quod intelligant illius officio nullam meritis parem gratiam rependi posse.

E Quod si is optimus vir est, qui maxime prodest Reipublicæ, ars hæc optimo cuique viro discenda est. Siquidem inter munia profani magistratus non minima portio est, & haud scio an præcipua, dare operam, ut corpora civium bene habeant. Quid prodest depulisse hostem a moenibus, si pestilentia intus grassans, plures tollit quam sublaturus erat gladius? Quid refert curasse ne cui pereat census, si perit prospera corporis valetudo? Prisci qui bonorum ordines digesserunt, primas tribuunt bonæ valetudini. Quid enim prodest incolumis possessio, nisi valet possessor? Proinde leges priscorum, cum nondum quæstus & ambitio corrupisset omnia, potissimum huc spectabant, ut corpora civium essent valida, robusta, beneque temperata. Ea res partim pendet a nativitate, partim ab educatione, partim ab exercitamentis, & victus ratione, nonnihil etiam ab ædificiorum modo. Nimirum Medici fungebantur officio, qui bene temperata

Simili

¹ Fabula est, quam more Declamatorum fingit Erasmus: Declamatoribus enim, non multo minus quam Pictoribus & Poetis, quidlibet audendi quendam suis æquæ potestas.

corpora jungebant matrimonio, qui nutrices adhibebant integræ valetudinis, qui balnea publica, qui publica gymnasmata instituebant, qui ferebant leges sumptuarias, qui mutatis ædificiis, qui siccatis paludibus pestilentiam excludabant, qui in hoc vigilabant, ne quid esculentum aut poculentum venderetur, quod læderet corporum incolumitatem. Et hodie Principes fere nihil ad se pertinere credunt, si pro vinis vendantur venena, si tritico vitiatum, si putribus piscibus tot morbi invehantur in publicum. Adeo nulla vitæ pars est, quæ citra Medicinæ præsidia recte possit administrari.

Ab uir-
di.

Jam vero si qui sint, qui rerum præcia malint utilitate quæstusque metiri (licet hæc ars diviniore est, quam ut hujusmodi rationibus sit æstimanda) ne hac quidem parte cuiquam aliarum cedit artium. Neque enim ulla magis fuit frugifera, & ad rem subito parandam æque præsentanea. Erastriatus cujus ante memini, a Rege Ptolemæo, Critobulus ab Alexandro Magno, præmiis ingentibus ac vix credendis donati leguntur. Quanquam quod tandem præmium non exiguum videatur, repensum servatori capitis, pro cuius unius salute tot hominum millia depugnabant? Quid ego nunc commemorem Cassios, Carpitanos, Aruncios, Albutios, quibus Romæ tum apud Principem, tum apud populum immodicum quæstum fuisse refert Plinius. Atque adeo quid nos hæc ex prisca ætate repetimus, quasi non hodie cuique complures succurrant, quos hæc ars ad Cræsi opes evexerit? Rhetorica, aut Poetica non alit, nisi insignem. Musicus ni præcellat, esurit. Jureconsulto tenuis proventus est, ni sit eximius. Sola Medicina quomodocunque doctum alit, ac tuetur. Innumeris disciplinis, infinita rerum cognitione constat res Medica, & tamen frequenter unum aut alterum remedium alit idiotam. Tantum abest, ut hæc ars sterilitatis damnari possit. Adde quod cæterarum artium non ubique paratus est quæstus. Rhetor frigeat apud Sarmatas. Juris Cæsarei peritus apud Britannos. Medicum quoquo terrarum sese contulerit, suus comitatur honos, suum sequitur viaticum, ut in nullam disciplinam verius competat vulgatissimum illud Græcorum proverbium: *τὸ τίχνην ἢ πᾶσα γῆ τρέφει*. Sed hoc ipsum indignatur Plinius, aut certe apud hunc alii, quæstum esse Medicinæ professionem. Major est, fateor, hæc facultas, quam ut quæstui lucroque serviat. Sordidarum, id est artium. Sed nimis ingratum est, eam solam sua fraudare gratia, cui nulla par gratia rependitur. Egregius Medicus ceu numen quoddam terreat gratis, servat & invitos. Sed impietas est, non agnoscere Numinis beneficium. Nihil ille moratur mercedem, tu tamen dignus, qui legibus mulctis ob insignem ingratitudinem.

Confer-
ratio.

Jam haudquaquam me fugit, hanc egregiam artem & olim apud veteres audisse male, & hodie apud indoctos quosdam male audire. Catoni non placuit, non quod rem damnaret, sed quod ambitiosam Græcorum professionem non ferret homo mere Romanus. Isque tantum tribuit experientia, ut artem esse voluerit, sed idem universam Græcorum Philosophiam ex Urbe pellendam censuit. Existimabat homo durus, ad purgandum hominis corpus sufficere brassicam & crebros vomitus, & tamen ille ipse Medicorum hostis, observatione Medicinæ, in extremam usque senectutem robur infractum tutatus scribitur. Solis, inquit, Medicis summa occidendi impunitas est. At hoc nomine magis suspiciendi boni Medici, quibus cum in manu sit, non solum impune, verumetiam mercede occidere, tamen servare malunt. Quod possunt, facultatis est: quod nolunt, probitatis. Decantatur jam passim inter pocula temulentorum adagium: *Qui Medice vivit, misere vivit*. Quasi ve-

ro felicitas sit, distendi crapula, rumpi venere, turgescere cerevisia, sepeliri somno. Sed istos Sycophantas quid opus est oratione refellere, cum ipsi petulantia suæ fati magnas poenas dent arti, mox podagra contorti, paralyti stupidi, desipiscientes ante tempus, cæcutientes ante senectutem, jamque prius vituperatæ Medicinæ, exemplo Stefichori, seram canunt palinodiam miseri. Et tamen his licet indignissimis, artis bonitas non gravatur esse præsidio quantum licet. Sunt qui mutuo ex vetere Comoedia scommate, vocent Medicos *κατοφάγους*. Quasi vero non isto nomine vel præcipue laudari mereantur, qui quo subveniant hominum calamitatibus, ex illa sua sublimitate sese ad hæc sordida dejiciant. Quod si Medicis tantum esset supercilii, quantum istis est procacitatis, liceret passim impune mori. Verum habet hoc ars nostra cum bonis Regibus commune, ut bene faciat, ac male audiat.

Quod si maxime sunt, ut sunt in hoc ordine, qui se pro Medicis gerunt, cum nihil minus sint, quam Medici; Si sunt, qui pro remediis venena ministrant, si sunt qui ob quæstum aut ambitionem ægrotis male consulunt, quid iniquius est, quam hominum vitia in artis calumniam detorquere? Sunt & inter Sacerdotes adulteri, inter Monachos homicidæ ac piratæ, sed quid hoc ad religionem per se optimam? Nulla tam sancta professio est, quæ non alat sceleratos aliquot. Votis quidem omnibus optandum, omnes Principes ejusmodi esse cuiusmodi decet esse, quique censeantur hoc digni nomine. Nec tamen ideo damnandus est Principatus, quod nonnulli sub eo titulo prædones, Reique publicæ hostes agant. Optarim & ipse Medicos omnes vere Medicos esse, nec in his locum dari Græcorum proverbio: *ἰ πολλοί βεβήνται, παῦροι δὲ τε γῆς ἀροτῆρες*. Optarim ab omnibus eam præstari sanctimoniam, quam Hippocrates sacramento verbis solennibus concepto a Professoribus exigit. Neque tamen huc non enitendum est nobis, si a plerisque negligi conspicimus. Sed quoniam hujus argumenti tanta est ubertas, viri præstantissimi, ut difficillimum sit in eo dicendi finem invenire, ne non præstem, quod initio sum pollicitus, tempestivum arbitror, universas ejus laudes summam complecti.

Etenim si permultas res sola commendat antiquitas, hanc Epila-
artem primam omnium reperit necessitas. Si scientiam auctores illustrant, hujus inventio semper Diis attributa est. Si quid auctoritatis addit honos, non alia tam passim ac tam diu divinos honores meruit. Si magni fiunt, quæ summis viris probantur, hæc summos Reges, hæc Primates, non solum delectavit, verumetiam illustravit. Si difficultia quæ sunt, ea sunt & pulchra, nihil hac operosius, quæ tot disciplinis, tantarum rerum per investigatione usuque constat. Si dignitate rem æstimamus, quid excellentius, quam ad Dei benignitatem proxime accedere? Si facultate, quid potentius, aut efficacius, quam totum hominem certo exitu periturum ipsi posse restituere? Si necessitate, quid æque necessarium atque id, sine quo nec vivere, nec nasci licet? Si virtute, quid honestius, quam servare genus humanum? Si utilitate, nullius usus neque major est, neque latius patet. Si compendio, aut hæc in primis frugifera sit oportet, aut ingratiissimi mortales. Vobis igitur magnopere gratulor, eximii viri, quibus contigit in hoc pulcherrimo genere professionis excellere. Vos adhortor, optimi juvenes, hanc toto pectore complectimini, in hanc nervis omnibus incumbite, quæ vobis decus, gloriam, auctoritatem, opes est conciliatura, per quam vos vicissim amicis, patriæ, atque adeo mortalium generi, non mediocrem utilitatem estis allaturi. D I X I.

1 Multi qui bonis aculeo pungunt, pauci vero aratores.

DE LAVDE MEDICINÆ

F I N I S.

D E

DECLAMATIO

LIBANII SOPHISTÆ

SUB PERSONA MENELAI

PRO CONCIONE TROJANORUM

HELENAM

REPETENTIS, NI REDDANT,

ARMIS INJURIAM ULTURUM

SE DENUNCIANTIS;

Latina facta

DESIDERIO ERASMO ROTERODAMO

INTERPRETE.

REVERENDO IN CHRISTO PATRI NICOLA O RUTERIO,

Episcopo Atrebatensi, insignis ac florentissimæ Lovaniensis Academix Cancellario, Illustrissimi
Archiducis Austriæ Philippi Consiliario, S. D. Desiderius Erasmus Roterodamus.



Nestor
in confi-
liis
liber &
gratio-
sus.

UM nuper essem Declamationes aliquot Græcas nactus, Præsul amplissime, eisque vertendis periculum de me ipso facere statuissem, quantum in utriusque linguæ facultate fecissem operæ precium, circumspicienti mihi, cui potissimum hoc progymnasmatibus consecrarem, tu primus, atque adeo solus, occurristi. Cui enim potius, etiam si nihil aliud, convenit studiorum nostrorum proventus appendere, quam hujus florentissimæ scholæ Cancellario, id est omnium studiorum moderatori, ac principi perpetuo: Huc igitur sponte eunti, multum & fiducia, & animi addidit, cum passim per ora mortalium volitans tuarum virtutum fama, tum præcipue hospitii mei Joannis Paludani, hominis doctissimi atque humanissimi pene quotidiana prædicatio, qui mihi totius animi tui simulachrum quoddam absolutum ita depinxit oratione, ut nullus Apelles corporis figuram penicillo exprefferit evidentius. Atque inter innumera tua decora, illud in primis memorabile, quod cum perpauca mortalium contigerit uni Principi diu placuisse, tu singulari quadam sapientia, raraque morum dexteritate, quatuor jam Burgundionum Ducibus, aliis post alium, sic perpetuo placuisti, placesque, ut nullus inter Aulicos proceres tantundem gratia floreret, auctoritate polleteret, sapientia prospiceret, consilio prodesset. Quum interim usu tam longo nihil unquam de tua sinceritate aula detrivisset, tu semper aliquid de illius moribus emendaris. Nec minus insignis illa tua laus, quam ea quam iam Nestori tribuit Homerus, quod incorrupta tua in agendo integritas, simplex in dicendo libertas, semper fuit Principibus gravior, multitudini popularior, quam aliorum obsequiosa assentatio. Quid ego jam referam, toties obitas summa cum laude legationes, quæ quidem faciunt, ut apud externos quoque longe lateque, solis instar, tui nominis splendor sit propagatus? Quid amplissimos honores, non tam fortune munera, quam virtutum tuarum præmia, quos omnes ita gessisti, gerisque, ut longe plus illis per te, quam tibi per illos, dignitatis accesserit: neque tam tu honoribus, quam te honores felices esse videantur? Verum hæc quidem quia sunt amplissima, detertere poterant, nisi me illa rursus invitarent, quod audio te, ut literis ac pietate insigniter esse præditum, ita omnes, in quibus egregium aliquod probitatis, aut doctrinæ specimen eluceret, singulari semper amore complecti, effusissima beneficentia solere prosequi. Neque profus alium multis jam seculis existisse, qui pari, atque tu, studio, libertate, dimicatione, invidia contemptu, tum ecclesiæ, tum studiorum dignitatem, fortunasque tueretur. Adeo quicquid facultatis, vel tua tibi fortunalarigita est, vel peperit industria, id totum ad ornandos, juvandos, provehendosque probos, ac doctos viros conferre gaudes. Hæc quidem, & cum his alia plurima ubi cognovissem, Pater humanissime, cum uliro mihi jamdudum ardebat animus, tum hospitii adhortatio, quasi currenti calcas accessit, ut tuam amplitudinem mihi quoquo modo demererer. Auxit insuper fiduciam, quod recorder olim, ut refert Plutarchus, tenuem quandam ac plebejum hominem, donato prægrandi malo, magnam ab Artaxerxe Rege gratiam inisse. Tum Maronem Augusti benevolentiam unico distichore demisse: neque raro alias, summos viros exiguis munusculis impendio fuisse delectatos. Postremo quod eleganter scripsit Plinius, numinibus ipsis falsa mola litare eos, qui thura non habent. Quibus rebus fretus, ausus sum & ipse tuæ præcellentiæ, hos quasi tres flosculos, strenuæ vice, dono mittere, de Græcorum rosariis decerptos. Quandoquidem hoc nomine vel Pestanas delicias vincunt Nisarum hortuli, quod nullo mense non vernant. At primus quidem longe bellissimus, ac fragrantissimus in Latinum sermonem transplantatus est, de cultissimis areolis Libanii Sophistæ, cui doctorum hominum calculus, inter Atticistas præcipuus locus tribuitur. Ejus ille seminarium, hoc est argumentum, ab omniparis Homeri campis desumpsit, idque ex Antenoris oratione, libro Iliados tertio. Ubi refert Menelaum, atque Ulyssen, quum ad res repetendas Trojam venissent, apud se fuisse diversatos, & utriusque speciem ac dictionem, a se diligenter animadversam describit, confertque. Dialectos Attica est, quanquam nihil omnino Veneris Atticæ deest. In Menelai persona decorum mire servavit. Nam & Spartanam illam in dicendo simplicitatem libertatemque, quæ proverbio quoque locum fecit, scite adumbravit: tum velut ex Homericæ archetypo, Regi summam animi magnitudinem appinxit, sed summa cum moderatione, neque non animi jucunditate conjunctam. Nam Triamum etiam laudat, a populo vero omnem criminis invidiam in unum Paridem confert: ac ne in hunc quidem quicquam atrocius aut rabiosius dicit. Porro bellum ita dissuadet, ut ipse jam de victoria securus, tantum ipsorum rebus consulere videatur. Denique brevilloquentiam nominatim etiam effinxit, quam quidem, præterquam quod homini Laconi quasi gentilitia est, peculiariter in Menelao, cum subtilitate, elegantia, jucunditateque fuisse conjunctam Cicero, Fabius, & Gellius testantur, sed omnes eundem auctorem Homerum sequuti: cujus hæc verba sunt in eo loco, quem modo retulimus:

Ἄλλ' ἔτε δὴ μῦθος, καὶ μῆδεα πᾶσιν ὕφαινον
Ἡ τοὶ μὲν μεγέλαος ἐπιτροχάδην ἀγόμευε
Παῦρα μὲν, ἀλλὰ μάλα λεγέως, ἐπεὶ ἔ πολὺ μῦθος
Οὐ δ' ἀφαιμαρτοεπής, εἰ καὶ γένοιτο ὕστερος ἦεν.

Quæ nos utcunque vertimus ad hunc modum:

Pene ad
ver-
bum.

Verum ubi consilia, & sermones texere cunctis
Cœpere, strictim est Menelaus pauca locutus,
Pauca, sed argute nimium: neque multiloquus, nec
In verbis errans, quamvis natu minor esset.

Porro altera Declamatio e Tragœdia sumpta est: tertia ex Iliados ultimo, ubi in comploratione Hecctoris fere similialamentatur Andromache: utraque autem ut incerto auctore, ita notæ multo inferioris. Quanquam res totalevicula est, sed in hac placuit primam hujus laboris aleam experiri, ne videlicet juxta Græcam paræmiām ἐν τῷ πιδῷ τὴν κεραμείαν, id est, In dolio figulariam, sed potius ἐν καρὶ τὸν κίνδυνον, id est, In Care periclitarer. Secutus sum veterem illam M. Tullii regulam, ut in vertendo, sententias modo mihi putarim appendendas, non annumeranda verba. Tametsi novus interpret, religiosior esse malui, quam audacior. Verum quantum nostro conatu sumus assecuti, aliorum esto judicium. Illud unum testamur, nimirum experimento docti, nihil esse difficilius, quam ex bene Græcis, bene Latina reddere. Quod si cognoverimus hæc nostra præludia, & quasi primitias, tibi non displicuisse: tum tuo judicio, tuaque auctoritate freti magno animo ad majora accingemur, jamque non flosculos, sed fruges de literariis segetibus collectas mittere audebimus. Vale Pater, ac Præsul amplissime, ac me, meaque studia in tuam clientelam adscribere dignare. Lovanii, Anno a Christo M D III. XV. Calendas Decembris.

P R I

PRIMA EXPERIENTIA IN VERTENDIS GRÆCIS.

DECLAMATIO

LIBANII SOPHISTÆ

SUB PERSONA MENE LAI,

Pro Concione Trojanorum Helenam & res repetentis, ne reddant, armis injuriam ulturum se denunciantis, Latina facta, Desiderio Erasmo Roterodamo interpyete.



SI QUIDEM Paris, viri Trojani, vel ullam æqui bonique rationem habere voluisset, nihil in præsentis opus erat, neque concione, neque armis, neque legatione: sed tum nos domi rebus omnibus integris versaremur, tum vestra vobis fortuna in tuto consisterent. At posteaquam ille rectum posthabuit voluptati, appulimus, Trojani, non quo quempiam injuria violemus, sed uti quæ nostra ipsorum sunt recipiamus, utique si licebit.

Itaque Græcorum quidem exercitum e mœnibus, nimirum, conspiciatis, ac multitudinem oppido quam ingentem, & apparatus haud mediocrem: nos tamen adeo cavendum nobis, prospiciendumque putavimus, ne quid præter æquum committeremus, ut quum ¹ arma in promptu sint, verbis prius uti maluerimus: ut si quod jus est, id postulatione consequimur, protinus hinc facessamus: sin minus, tum vero quæ proxima sunt experiamur. Neque enim nostri est instituti, illico ad manus venire: neque rursus fieri potest, ut irrita legatione dimissi conquiescamus. Vobis jam in manu est, utrum malitis Paridis voluptatem vestrae ipsorum anteponeere incolumitati, an cum Helena simul & bello liberari. Nam ad hunc usque diem raptorem uni Paridi imputamus: neque ullam injuriarum in nos partem, ad ² communem Trojanorum populum auctorem referimus. Quamquam mox concilii præsentis exitus, aut hanc nostram confirmabit opinionem, aut certepalam faciet, facinus quidem proprium illius esse, cæterum consilium commune omnium. In hoc enim apparebit vos Alexandri factis communicare, si indicendis sententiis illi ad gratiam obsecundabitis. Sin vero præter illius sententiam, quod æquum rectumque est, id statuere voletis, ita demum in eo crimen omne circumscribetur.

Brevi-
loquen-
tia Me-
nelai
Trojanorum

Ac mihi quidem ea semper fuit consuetudo, ne quibus omnino de rebus orationem in longum proferrem, idque adeo mihi recte videor facere. Nam pro causa minus æqua, ne exordiar quidem dicere. Bonis autem causis, & brevem orationem sufficere arbitror. Reor autem, etiam si alias verbosior esse consuevissem, tamen in præsentis negotio oportere ad quam paucissima sermonem contrahi. Hoc enim vel ex omnibus unum est hujusmodi, ut nihil operosum, nihil magnum postulet, quum liceat adversarium simplici nudaque rogatione convincere.

Constitu-
tio
causa.

Attingit
statum
in-
fiam-
lem.
Tractat
jurisdi-
ctionem.

Ac mihi jam per Jovem hospitem, responde, Paris, an non tulisti, quæ ad te non pertinebant? Igitur restitue. Tulisti per injuriam? Igitur & pœnam debes. Videlicet e duobus alterum necesse est, aut doceas te nihil abstulisse, aut si fateris istud, desinas etiam velle defendere. Quod autem me spoliaris iis, quæ mihi erant carissima, & ne dignaberis quidem inficiari. Audio enim te ex malefactis laudem quoque querere. Id quum ita habeat, æqui honestique ratio dictabat, ut ab nostris temperares. Ad quæ tu quidem communi hospitum lege admissus, plus quam hostilia reposuisti. Neque enim existimetis eum palam in nostris

* Est Declamatio 1. quæ est T. 1. Libanii p. 189. Ed. Parisiensis anni 1606. ubi etiam edita est hæc Erasmi interpretatio. ¶

¹ Habet Libanius ἡ πᾶσα παρὰ τὸν Πάριον, hoc est, ad motus armis.

² Pithagoras Erasmi, communis Trojanorum populus non est Latina, sed merus Belgicisms. Libanius habet ἀπὸ τοῦ κοινῆ τοῦ Τροῶν, hoc est, a Republica Trojanorum; qui, nimirum, publico consilio, rapiendam Helenam censuissent.

³ Οὐκ ἀξιόνομον ἀπειροδαι, non putabis tibi negandum esse. Etymologiam verbi ἀξιόνομον frustra hic reddere voluit Erasimus.

A infidiis rem tantam potuisse. Neque vero aut illum usque adeo strenuum esse, aut nos in tantum oscitabundos, ac supinos, ut ille cum denunciatione talia facturus fuerit, nos autem si præscissemus ea fuerimus passuri. Sed quemadmodum res acta sit, audite. Paris enim eam, non ut habet, sed quatenus sibi judicavit conducere, eatenus forsitan vobis retulit, mendacio maleficium tegens. Nemo siquidem eorum qui peccarunt, culpam agnoscit. Quin potius modis omnibus verum pervertunt, pariter agentes, ut tum ex scelere plus commodi ferant: tum ex inficiatione probi, frugique habeantur.

B Res igitur ex præparato confecta est ad hunc modum. Appulit in Laconicam Paris, cultu quidem ac specie non illiberali visendus: tum famulitium adducens, unde conjiceret eum haud quaquam de plebejorum esse sorte. Ut vero Spartam ingressus est, præter alia, præcipue mira in obvium quemque comitate utebatur, non mediocrem probitatem, atque modestiam adsimulans. Desiderabat autem hospitium. Quæ simul atque audissem, meas, inter alios, partes, potissimum esse ducens, & hospiti omnia suppeditare, familiam aperui, & ad ea quæ mihi sunt carissima, volens lubensque induxi, nempe uxorem & ⁵ filiam, nihil dum horum cogitans, Trojani, quæ post mihi acciderunt. Ratus enim Jovem ejus negotii præsidem, & conciliatorem esse, persuaseram mihi pari erga Deum religione futuros, & qui hospitem excepisset, & qui excipientis humanitatem fuisset expertus, multoque adeo majore hunc qui fuisset acceptus: nimirum quo plus commodi cepit is, qui beneficio adjutus est, præ hoc qui beneficium præstitit. Velut & in præsentia quanto putatis animo suspicimus & observamus Antenorem hunc virum excellentissimum, cui quam optime & cupimus & precamur, nihilque minus velimus quam ejusmodi quippiam in sua illi familia contingere. Itidem & tum hospitem justa comitate benignitateque prosequabar.

Narratio.

Antenori famulatus.

D Prodeat ⁶ Paris, dicatque num qua re opus habuit, quam non acceperit: num quando diuturnam ipsius consuetudinem molestius ferre visum sumus: ⁷ nunquid seu magnum, seu parvum, non præbere sensit: nunc ubi parsimoniam nostram aut sordes animadvertit, quam damnarit: num quam in sese injuriam deprehendit. Si quid omnino his de rebus incusat, eloquatur, doceat, & nos vix millesimam partem eorum quibus eramus digni passos esse fatebimur. Verum haudquam possit, eoque nec assurgit. Nos itaque quum incustodite atque inobservanter ageremus, videlicet tanquam cum amico jam & familiari, nobisque nostra fiducia securitatem attulisset: id quod & reliquis erga quemlibet consuevit accidere: quod his in rebus tas jusque suadet, id omne, Trojani, diversam in partem transtulit: proque humanitate maleficium, pro hospitalitate malevolentiam, proque hospitio rapinam, pro honore contumeliam, pro fide crudelitatem reposuit: neque Deos metuens, neque eos quorum erat expertus benignitatem reveritus, ne vestra quidem causa pudefcent, aut Priami patris, quem audimus religionis ac Numinum egisse curam, ac plane sollicitum fuisse, ut ne quid delinquere videretur.

Tom. I.

Mm 2

Hæc

⁴ Τῷ ἑνὶ Διὶ πάντα ὑπακούειν, o'sequi per omnia Jovi hospitali.

⁵ Ἐπὶ παῖδας, ad liberos, quod dicunt Græci & Latini de uno.

Vide A. Gellium Lib. II. c. 13.

⁶ Τῷ ἑνὶ πρῶτῳ, omisum ab Erasmo.

⁷ ἢ μικρὸν, ἢ μὲν ὅτι ἀποσπασθέντος, hoc est, cum nulla in re aversatos sensit.

Hæc omnia, atque his etiam plura, pro minimo ducens, uxorem meam rapuit, insuper & pecuniæ vim asportavit: ut de famulis interim, multisque præterea dicere superfedeam. Quorsum enim attinet, hæc persequi ad longum, apud eos qui ipsi liquido norunt? Namque ex iis quæ huc deportavit, satis ostendit, quantum rerum a nobis abstulisset: ne nunc quidem aliunde quam nostris damnis dives est. Quod si quis velit palam indignitatem negotii pernoscere, nihil alio quopiam mortalium egerit, tantum ipsius Alexandri domum adeat, tumque ad hunc percontetur modum: Mulierculam istam, cedo, undetandem nactus possides? Num quemadmodum pater tuus matri tuæ convixit, itidem tu quoque Helenam domi habes conjugii jure ductam? Nimirum aut factipudens mentietur, aut vera loquens, maleficio confitebitur. Neque vero quenquam vestrum oportet offendi, si libera nostra videtur oratio. Primum: neque nos, quæ par est, consequemur, neque vos quæ oportet cognoscetis, nisi negotium, ut gestum est, ita narretur. Deinde hinc vel maxime licebit perpendere quantum habeant indignitatis, quæ facta sunt. Etenim si ubi quispiam quæ passus est, ea palam exponit, commemoratione offenduntur ii qui fecerunt, quomodo consentaneum est eos affectos esse, qui rebus ipsis læsi sunt? Ad hæc autem ne fieri quidem potest, ut postulationem suam quis æquam esse demonstraret, nisi facinoris auctorem nocentem ostendat. Videte igitur quam expedita, quamque æqua proponimus. Nam dux profecto res sunt, quæ reum a causâ liberant, aut si nihil omnino patravit, aut si quæ fecit, jure sunt facta. Quod si neque raptionem inficiari potis est, neque justam docere sustinet, profecto quod superest, per se liquet.

Quæ tandem igitur honesta ratio? Cæpi, inquit, ac teneo, molestus ne sis. Atqui non satis est cepisse, neque tenere, Pari. Fit enim, ut & tollat quis unde non deceat, & possideat non sua. Neque enim ideo protinus jure quis possidet, quia rem nactus est, sed ita demum, si citra culpam. Eoque non simpliciter spectari convenit, si quid capiatur, sed longe magis quibus rationibus capiatur. Hinc enim & illud perpenditur. Vides impune non esse sacrilegis, res Deorum sustulisse. Cæterum si possidisse per se efficax esset ad defensionem, oporteret quicumque rem penes se esse fateantur a negotio liberari. Nunc, ut opinor, solum isthuc, ac præterea nihil, crimini vertendum est, si quis teneat in quæ jus non habet. Itaque non satis est per se manum injecisse, sed accedat necessum est, citra injuriam. Neque enim si nunc Paris, exacto patre, & arrepto imperio, vestris fortune dominari contenderet, rem honestam, aut tolerandam aggredi judicaretur. Imo neque Priamus hic tacite ferret, contumelia affectus, neque vos ejus rei testes: quin protinus omnes dignum qui lapidibus obrueretur haberetis, tanquam nefaria molientem. Proinde ne tu sic defende quia ceperis, sed injuriæ nihil esse admissum doce. Nam æquitas, sive meo, sive Priami nomine consideretur, parem vim obtinet.

At hostes, inquit, sumus, nos qui hanc orbis partem incolimus, & vos qui alteram. Res autem hostium jus est abigere, asportare, diripere sine vitio. Verum num & jus est, Pari, apud hostes hospitem agere, & accipere xenia, & humanitate juvari? Tu, scilicet, quæ tum desiderabas, ea consecutus es. At oportebat, vir egregie, te jam tum initio vitasse domum hominis, quicum tibi inimicitia intercedebant, ac nequaquam ab hostibus beneficia accipere, neque contubernalem fieri iis, quibus cum jam olim, ut tu quidem ais, similitudine mutua dissidebas. An tum quidem, ut pro tempore commodis amicis utebaris, paulo vero post ut hostibus? Atqui medio quidem tempore nihil a nobis ortum est, quod animum tuum offenderit, neque quicquam habes quod expostules. Ergo si ab initio nos pro hostibus habe-

bas, quin istud dicebas? Cur aliud tu præ te ferebas, quam habebas in animo? Sin postea mutato animo visum est nos laedere, dic 3 per Deum, quo nostro merito? Profecto nihil habes quod adferas: sed facinus omnium sceleratissimum, cum animo corcepisses, ut hostes quidem ingressus es, discessisti vero tanquam hostis.

Deinde fraudem occultans speciosa vocabula maleficiis imponis. Verum haud ulli mortalium persuaseris. Qui sic? Non enim 1 verbanatura consentanea sunt. Deceat autem ut quæ dicuntur, cum natura respondeant. Si cum longis navibus, cumque armis relucenti exercitu advectus Lacedæmonem, si inimicitia palam denunciata, si manum contra tollens, si telo emissio, si arrepta lancea, fecit impetum experiens, vel fortuna, vel virtute favente vincere, cepit civitatem, corporum positus est, eique in prædæ partem Helena cessit, habeat, fruatur. Desipimus nos, qui bellipræmia crimina faciamus. Porro autem si omnia pacata, præ se ferens classem, apparatum, orationem, vultum, convictum, consuetudinem, finem intulit longe ab initio diversum, sciat multum a furto distare victoriam, a bellica virtute, arte compositam fraudem. Illa enim virum præstantiorem declarat, hæc autem inferiores esse arguit eos, qui dolis assequi conentur, quod virtute nequeant. Atque ut inferiorum fortunæ ad eos qui sunt præstantiores transcant, neque ratione fortasse vacat, & belli jus permittit. Verum qui inimicitiam ac fatem quidem sunt ausi, eos ultro meliorum fortunas invadere, hoc profecto cum injuria conjunctum est, & supplicio dignum.

Quod igitur indignissima passi exercitum in agros vestros induximus, neque injuriæ auctores, sed ultiores, & quod Paridi nihil superest, præter impudentiam, multis ex rebus perspicuum esse patet. Nos tamen lingua prius quam manibus utimur, idque plurimis de causis. Primum enim non statim ad arma ruere, magis autem verbis experiri, possis ne quod jus est obtinere, id est profecto homine dignum. Deinde non æquum arbitramur, quæ unus peccavit, horum nomine, ab universis poenam sumere, quod tamen bello constituto necesse est accidere. Non enim ibi 4 vacat infortibus parcere, sed intereat necesse est, quisquis ceciderit. Hoc uti ne contingeret, neve quispiam in eas res præcipitaretur, quibus gravari nollet, non recusamus legatione, & suffragiis controversiam dirimere. Ad hæc autem non mediocre momentum in rebus bellicis adferre credimus, divinum favorem. Hunc vero videmus adesse, non iis qui plus audent, sed qui causa sunt meliore. Eamque ob rem animo moderantes, a legatione fecimus initium, ut siquidem hæc ad finiendam controversiam suffecerit, nulla præterea re sit opus: sin aliter, divino auxilio propter causæ æquitatem freti, ita demum ad secunda convertamur.

Utraque igitur considerate, atque conferentes cum disceptatione prælium, cum verbis arma, simul & ad præsentem felicitatem respicientes, & quæ ex illis incommoda proficiisci soleant, perpendentes, id quod potius est eligite. Oportet enim, Trojani, in hujusmodi negotio ne utiquam indiligenter consultare: cum illud non ignoretis, si semel peccatum sit, non fore vobis iterum de integro statuendi facultatem. Etenim ante susceptum bellum, integrum est, in illud omnino non incidere, atque utiliore consilio præsens incommodum evitare. At simul atque ad manus ventum est, ipsa sese mala in immensum propagant. Ac finem denique certantibus non moderatæ conditiones, sed victoria imponit. Videte igitur.

1 Πότε θῶν, per Deos.

3 Οὐ γὰρ τοῖς ῥήματι ἐπιτεταὶ τῶν πραγμάτων ἡ φύσις: τὰς ῥήματι ἐνὶ τῇ φύσει οὐκ ἐστὶν ἡ φύσις: hoc est, facta dissensum a dictis.

4 Οὐ γὰρ ἐνὶ τῇ πρὸς τὴν ἀντιπρὸς καὶ τῇ φαντασίᾳ κρίνεται: non licet enim illinc distinguere infortes a nequicibus. Nam nequus est hic pro διακρίναι, ut sæpe alibi.

1 Quare non venit ταύτην τῇ ἡμετέρῃ, hanc continentem?

igitur, ne cum in praesentia licet decernere utilia, bellum decernatis, mox autem belli incommodis admoniti, rursus ad consultationem redire capiat, cum jam licere defierit. Maxime vero, etiam si nulla instaret dimicatio, nihilque periculi impenderet, tamen oportebat ipsum per se justum rectumque sequi. Nam qui hoc sunt animo, illis res solent ex sententia succedere. Nunc si verè rem reputaveritis, ne si velitis quidem, liberum sit vobis secus facere. An non videtis Achivorum copias per latus campumque effusas tanto numero, ut capiendae multitudini, & regio ipsa videatur angusta? Hi quamquam pluribus ex oppidis delecti sunt, una tamen omnibus mens est, ad extremum usque injuria lacessitis adeste ad ultionem. Et tanta quidem sunt animi promptitudine ad rem gerendam, ut nullo iurjurando sit opus: tanta rursus iurjurandi religione sunt astricti, quanta, vel si nolint, ad graviter agendum queant impelli. Jam quis usqueadeo vecors sit, qui non malit citra incommodum ea restituere, quae tamen cum infortunio sit dependens? An per Jovem, quod anceps sit eventus belli? Non per Deos, non est ullo modo incertus hujus exitus belli: quando ne illud quidem in dubio est, potiusne praemium aequitatis, quam iniquitatis: & an illam colentes honos, hujus vero auctores diversa consequantur. Etenim si de neutro istorum ambigitur, protinus indubitatum est & illud, utrorum melior sit causa, eos in certamine fore superiores. Porro de iis, qui vobis auxilio futuri sunt, auguror enim sic cogitare nonnullos, quasi non paucos auxiliares scitis habituri, illud dico, quod etiam si reliquos excutitis, omnis in ocio se contineret, vel unus hic Ulysses auxilia vestra in ludibrium verterit, multitudinem inopis solertiaque reprimens.

Hæc neque bellum detestans, neque negotiorum cupiens dixerim. Plurima vero dicere proclive quidem, sed supervacaneum sit. Nam si his mentem non adhibebitis, nihil retulerit plura dixisse. Testor autem Jovemque hospitalem, cunctosque simul & Deos, & Dæmones, quicumque hæc incolunt regionem, quod & injuria priores lacessiti illam appropinquamus, & nunc quoque præoptamus verbis negotium conficere, neque nisi ab aliis adacti bellum sumus inituri.

D I X I.

* QVÆ DIXERIT MEDEA SVOS
MACTATVRA FILIOS.

DECLAMATIO.

FVIT & mihi mea ars auxilio, ut accepta contumelia, non tantum angerer, sed & poenas sumerem. Non amplius Rex Jason, non amplius Corinthiorum potitur. Omnes opes subvertit corona, omnia velum perdidit, omnia conflagrarunt incendio. Et accedit ad calamitatis cumulum dementiae genus, quod illi de me nihil etiam subolet. Quid igitur? Sufficere hæc putabimus, ac præterea nihil requiremus? Minime gentium, imo superest alia vindicandi ratio, superiore atrocior, nihil egens beneficiis, aut arte clancularia, verum animo præsentis, virilique, & dextera quæ facinus nullum refugiat. Sunt liberi mortalium omnium impiissimum, & vocatur pater. Hoc e filiis solatium, una cum ipsa appellatione illi adimamus. Haudquaquam me finit quæ justa sunt expendere, meorum malorum, tum multitudo, tum magnitudo. Sed rationem ineunti mihi, pro quibus factis quem fructum receperim, omnia ad poenam minora videntur. Aetæ mihi pater erat, isque Scytharum Rex: tum virginitas & fama egregia, ac multi inter finitimos proci: denique spes praesentibus bonis potiores. Appulit scelestus iste, neque Deos me-

* Est 1. Ethopoeia quæ est apud Libanum p. 138. ejusdem Voluminis.

1 Καρηδίων ἱπαιρόματος πλάτων, superbis divitiis Corinthiorum.

2 Τῶν ἐν τέλει, primorum, optimatum, non finitimum, nam τέλος non est ὅρος.

tuens, neque homines reverens. Atque erat omnibus malis circumvallatus, & necesse habebat invincibilia vincere, tauros ignem efflantes, armatam aciem e terra profilientem, Draconem pervigilem. Ac dignus quidem erat, qui in his omnibus vinceretur, ut isto cadente victoria penes patrem meum esset potius, quam Aetæ regnum ludibrio haberet unius navigii dominus. At ego quicquid est proditorum scelere præcurrens, quicquid amentium stultitia superans, familiares pro hostibus, hostes familiarium loco habui. Et contra patriam, ab alienigenis stabam. Porro artem opposui naturae ferarum. Exstinctus est ignis. Tauri jugum duxerunt. Cessit aratro solum longe durissimum. Sopitus apparuit Draco, id quod antea nunquam. 3. Manu tenebam adhuc trementem Jasonem. Ego porro super hæc omnia navem conscendi, multis magnisque persuasa pollicitationibus, sacramentis, meis ipsius beneficiis. Accepit benevolentiae meae argumentum & Jolcus, ubi Rex Pelias inimicus senex, ab iis quas genuerat disceptus est, juventutis spe, ultro se fraudi tradens. Et hujusmodi quidem mea in Jasonem, partim domi, partim in Græcia beneficia extiterunt. Gratia vero cujusmodi? Corinthum vidit, & Creontis imperium, ac de Glaucæ audivit. Cæterum nulla habita ratione eorum quæ feceram, uxorem duxit, quum ex me liberos haberet. Me viva vidit nuptias. Atque illa omnia exciderunt animo, præque imperii cupiditate, mea merita neglecta sunt. Atqui ne ista quidem sufficiebant, insuper expulsa sum, contumelia affecta sum, & minis onerata sum. Hæc quidem justam indignandi causam præbuerunt. Artem vero effugii tantum gratia tenebam, & hæcenus suffecit. Incedamus jam & per reliqua, quaque licet eamus. Feri Medea filios, macta filios Jasonis, viri scelerati, impii patris, hospitis mali. Ne quid te rerum omnium revocet, non natura, non gestatio, non partus recordatio, non nutritio, non vox, non forma. 4. Plectatur Jason in filios: hi vero hostium nomine plagam recipiant. Non arripiant eos cognati Glaucæ, neque iram in illos evomant. Atrox quidem facinus, sed ad prius illud consequens. Contra naturam impiæ agemus? At istud olim ausæ sumus. Fratris cædes ad liberorum cædem deducit. Ejusdem est & hoc animi, ejusdem dexteræ. Obscuro filii, sub ense venite, 6 hic in vos per me adigendus est. Enim vero si probus ille fuisset, nihil horum. Bonæ formæ, bona figura corporum, sed patris imaginem referunt. Id facit ut occidam lubentius. Si quidem igitur mox jacebunt. Ego vero e sublimi medioque aere, scelestum aspiciam. Atque ille, gemens, & nihil non faciens, vociferabitur quidem, me vero nequaquam attinget. Ejusmodi draconum jugo freta vehar. Supra Athenarum vero urbem ingrediens, inde cruciatum spectabo.

F I N I S.

QVÆ DIXERIT ANDROMACHE
INTERFECTO HECTORE.

DECLAMATIO.

EVENIT quod timebam, & verba mea despiciens Hector ad optima hortatam esse cognovit. Admonueram ut sibi parceret. Ille vero contra, suam salutem vilem habuit. Ergo exstinctus est non meis, prohi Dii, in manibus, verum ab Achille. Quod ille occubuit, hoc est, interisse Priamum, Hecubam, fratres, hunc ipsum puellum, me, civitatem. Tom. I. Mm 3 omnem.

3 Ἐν χερσὶν ἦν τὸ δέρας τῷ τρέμοντι, in manibus erat pellis tremantis; hoc est, in manibus tremantis adhuc Jasonis, propter magnitudinem periculi, quod evaserat.

4 Πρωτολακίζουσα, ludibrio affecta sum, non minis onerata.

5 Ζημιώσθαι μὲν Ἰάσονα τοῖς παῖσιν οἱ δὲ τὴν παρὰ τὸν Ἰχθέον διαφρονεῖσθαι αἰκίαν: multatus quidem Jason iactura liberorum, hi vero fugiant contumeliam ab hostibus inferendam.

6 Τῷτο εἰς ὑμᾶς ὁ πατήρ αὐτοῦ δι' ἐμῆ: hunc in vos pater per me adigit. Opuscula autem hæc cum Græcis conferre obiter volumus ut intelligat Lector, Erasmo non esse per omnia fidendum, quod in aliis etiam ejus versionibus facere licuisset. Sed nimis operæ res esset.


355

omnem. Ille tuebatur Ilium. A quo igitur posthac servabitur? Interierunt, occiderunt omnia, facta sum mulierum infelicissima. Quanta me felicitate, cum gustum modo dederat, fortuna spoliavit. Erant mihi in Regiis pater ac mater, tum fratrum chorus, nitidaque ac lauta omnia. Accedebat ad hæc aliud maximum omnium, conjunx Hector, bellator insignis. Spectabar, beata dicebar. Et si quis adiens me Andromachen appellabat, cognominis vice adjiciebat, Imperatoris, victoris, fortunatam. Oportebat igitur in eadem fortuna pariter convescere. At non passus est sævus iste Achilles, quem quidem in meum exitium produxit Thetis, patrem mihi ademit, trucidavit fratres, servitutem matri injecit. Deinde restituta est. Ac ne ea quidem superest. Et hæc gravia quidem, verum tu tolerabiles reddebas ærumnas Hector, atque unus præstabas omnia.

A Et quibus eram orbata, ea rebar adesse per te. Sed occisus es, accepisti vulnus. Nos rapimur, perdimur, instant tristitia. Impendet periculum, imminet incendium. Videre mihi videor Trojanos cædi, uxores per vim indigne tractari, liberos trahi, videre ferrum, videre flammam. Aperta est hostibus Troja, te haud amplius pro portis propugnante. Ah puer, forte prehensum te quispiam hostium, ad turrim adiget. Strenuus erat pater, a te pœnas repetent Græci. Me forsitan occidet alia vis. Atque in hoc quidem fortunatæ erimus. At nondum continget. Servitus me manet, & famulatus, plagæ, & in extremum usque ævi lachrymæ. Haud etiam scio an visura sim terram unde nobis hostis iste advenit. Mox etiam, quod acerbissimum est, concubitus cogar pati ejus qui interemit Hectorem.

LIBANII SOPHISTÆ DECLAMATIONVM

F I N I S.



D E

D E
P A R A B O L I S
S I V E
S I M I L I B U S.

E X
S E L E C T I S Q U I B U S D A M A U C T O R I B U S
C O L L E C T I S
L I B E R;
A U C T O R E
D E S I D E R I O E R A S M O
R O T E R O D A M O.

DESIDERIUS ERASMUS ROTERODAMUS
CUM PRIMIS ERUDITO
PETRO ÆGIDIO
CELEBRATISSIMÆ CIVITATIS ANTVERPIENSIS A LIBELLIS,

S. D.



VULGARE quidem & crassum istud amicorum genus, Petre amicorum candidissime, quorum ut omnis vitæ, ita necessitudinis quoque ratio in corporibus sita est: si quando procul sejunctos agere contigerit, annulos, pugiunculos, pileolos, atque alia id genus symbola crebro solent invicem missitare: videlicet ne vel consuetudinis intermissione languescat benevolentia, vel longa temporum ac locorum intercapedine prorsus emoriatur. Nos vero quibus animorum conjunctione, societateque studiorum, omnis amicitiae ratio constat, cur non potius animi xeniolis & literatis symbolis identidem alter alterum salutemus? Non quod ullum sit periculum, ne propter interruptam vitæ consuetudinem, frigus aliquod obrepit, neve tantis regionum intervallis semota corpora, copulam ac nexum solvant animorum: qui vel hoc arctius sibi conglutinari solent, quo vastioribus spatiis illa fuerint dirempta: verum ut si quid ex amicitiae fructu detrudere videatur absentia, id hujusmodi pignoribus literariis, non sine fœnore sarciamus. Proinde nihil quidem vulgare xeniorum ad amicum adeo non vulgare, sed plurimas in uno libello gemmas mitto. Cur enim non sic appellem has *ομαίωτες*, ex opulentissimo summorum auctorum mundo selectas? Nuper enim dum Aristotelem, Plinium ac Plutarchum locupletandis Adagiorum Chiliadibus relego, dum Annæum Senecam a mendis, quibus ille non contaminatus erat, sed prorsus exstinctus, repurgo, has obiter annotavi tibi munusculum haudquaquam ingratum futuras: sic enim augurabar, quod & te perspicerem ad orationis elegantiam natura compositum esse: & intelligerem non mitorem modo, sed universam prope sermonis dignitatem a metaphoris proficisci. Nihil autem aliud est *παράβολον*, quam Cicero collationem vocat, quam explicata metaphora. Cæterorum ornamentorum singula suam quandam ac peculiarem adferunt gratiam & commoditatem dictioni: metaphora sola cumulativè præstat universa, quam exornationes reliquæ singula. Delectare vis? nulla plus habet festivitatis. Docere studes? non alia probat vel efficacius, vel apertius. Flectere paras? nulla plus addit acrimoniæ. Studes copiæ? nusquam supellex locupletior. Placet Lacomismus? nulla plus cogitationi relinquit. Sublimitatem affectas? hæc quidvis quantumvis attollit. Est quod velis extenuare? nulla magis deprecatur. *ινεργειαν* captas ac lucem? nulla melius rem ob oculos ponit. Hac fere conduntur Adagia, huic gratiam suam debent Apologi, hæc commendat Apophthegmata, hujus accessione conduplicatur sententiæ dos, adeo ut Solomôn ille vir divinus, oracula sua non alio magis quam parabolarum titulo voluerit commendari. Tolle metaphoræ supellectilem ex Oratoribus, jejuna erunt omnia. Tolle parabolas e Prophetis & Evangelicis literis, magnam gratiæ partem detraxeris. At fortasse dicet aliquis: Belle hic munus suum ornat verbis: quasi vero magni sit negotii, similitudines nusquam non obvias adducere: verum nos non passim obvias sumpsimus, nec lapillos in littore sparso collegimus: sed exquisitas aliquot gemmas ex abstrusis Musarum thesauris deprompsimus. Neque enim hæc a tonstrinis aut sordidis fori conciliabulis petuntur, quæ doctorem aures & oculos morentur. Ab intimis naturæ arcanis, e penitissimis disciplinarum adytis sunt eruenda, ab eloquentium Poetarum eruditis fabulis, a nobilium Historicorum monumentis. Qua quidem in re, ut duplex est difficultas, ita gemina laus debetur. Primum illud ipsum non nihilest; pervestigasse quod sit egregium. Neque vero minus est, quod deprehenderit, id concinniter accommodare. Quemadmodum est aliquid, primum insignem reperisse gemmam: deinde nonnulla laus est, repertam apte sceptris aut annulis addidisse. Addam exemplum, quores fiat dilucidior. Cicutæ venenum est homini, vinum cicutæ: quod si cicutæ vinum admisceas, jam venenum multo præsentius & prorsus immedicabile reddis, propterea quod vis & impetus vini, veneni noxam citius ad vitalia membra perferat. Jam hoc ipsum rem naturæ tam abstrusam tenere, nonne pars est eruditionis, nec inelegans, nec injucunda? Age jam, si quis ad hunc usum accommodet ut dicat, adulationem amicitiae præsentaneum esse venenum: verum ei rursus veneno venenum esse libertatem admonendi, quam Græci vocant *παρρησίαν*: quod si libertatem prius inficias, & ita commisceas cum adulatione, ut tum maxime aduleris amico, cum maxime videris objurgare, jam immedicabile malum esse: nullane hic ingenii laus esse videbitur? Non mediocris opinor: neque velim tamen aucupari gratiam, ubi nihil promerear. Quibus hic titulus præfertur ex Aristotele, Plinioque, in his mea est collationis inventio. Porro quæ ex Plutarcho, Senecaque desumpta testatur inscriptio, in his nihil mihi vindico, præter colligendi explicandique laborem, & si quid laudis meretur commoda brevis. Neque vero me clam est, quantum similium pelagus possit e rerum omnium naturis, e tot disciplinis, e tot Poetis, e tot Historiographis, e tot Oratoribus aggregari. Verum quæ dementia sit, quod infinitum est, velle persequi? Gustum duntaxat dare volumus, ut ingenia juvenum ad his similia conquirenda excitaremus. E Plutarcho complura recensuimus, partim quod is auctor Græcus est, partim quod in hoc genere sic excellit, ut cum hoc nemo vel eloquentissimorum jure conferri queat. E Seneca, quoniam in eo tum aliud agentes versabamur, non ita multa decerpimus. Non alienum fuerit, hunc libellum Adagii, aut si marvis, Copiæ commentariis, ceu coronidem adjungere, quod cum illis plurimum habeat affinitatis, & ad hanc vel in primis faciat. Epithalamium tuum, quo minus & absolutum sit & editum, famulus meus in causa fuit, qui Lovanii, me quidem imprudente, reliquit exemplum. Bene vale. Basileæ Anno a Christo nato MDXIII. Idibus Octobris.

PA-

EX PLUTARCHI MORALIBVS.



Ut adhortantur, & excitant ad Philosophiam, nec docent nec tradunt eam: perinde faciunt, ut ii qui præmunt lucernam, nec infundunt oleum.

Ut quibus domi nihil est boni, in foro plerumque versantur, & obambulant: Sic quidam, quia nihil habeant quod privatim agant, ad publica administranda conferunt sese.

Ut qui animi causa navim ingreditur, ut spectet, aut in ea inambulet: deinde repente soluta, atque in altum revulsa, nauseans ac vomens frustra foras prospectat: Sic qui leviter, & quasi lusus gratia attingunt Rempublicam sed a semel suscepta non possunt sese explicare, negotiorum undis secum hominem & invitum trahentibus.

Ut qui personatus in theatrum procedit histrio: Sic qui ad Rempublicam administrandam accedit, non ut civibus profit, sed sibi gloriam comparet.

Qui sensim ac volentes descendunt in puteum, nihil læduntur: qui casu incidunt, valde turbantur: Sic qui certo consilio accedunt ad Rempublicam moderate ferunt: qui sese temere injiciunt, eos poenitet.

Ut vinum primum servit, ac paret bibenti: at paulatim admixtum venis, rapit hominem, ac tradit in suos mores: Ita qui Rempublicam administrat, initio se populi moribus accommodat, post sensim eum ad sua trahit instituta.

Qui captat aves, earum voces imitatur, ut alliciat in laqueos: Sic ut multitudinem in tuam adducas sententiam, illius ingenio obsecundes & obsequias oportet.

In facie plus offendit nævus, aut verruca, quam in reliquo corpore grandes maculae, aut cicatrices: Sic exigua delicta magna videntur in Principe, cujus vita in conspectu est.

Ut mulieres laborantes citta, aut stomacho nauseantes, malos quosdam cibos ingerunt, ac paulo post revomunt: Sic populus per stultitiam, aut inopiam meliorum, quosvis etiam creat magistratus, ac eosdem paulo post abjicit.

Ut optimum vinum, si in vas sordidum & impurum infusum sit, perdit gratiam: Ita bona sententia, si a malo viro proficiscatur, aut si doctrina in malum virum inciderit.

Ut non satis est clavus, neque frenum, nisi adsit qui arte moderetur: Ita non sufficit eloquentia ad moderandum populum, nisi accesserit sermonis moderatrix ratio.

Diffimile. Qui navem gubernant, aliena voce, jussuque utuntur. Sed qui Rempublicam gubernant, in seipsis sapientiam habeant oportet, ut non sit opus aliena voce.

Ut qui obruso freno conatur equum domare, excutitur, equo contemnente frenum: Sic qui populum vincere conatur, non satis instructus potentia, ab imperio deturbatur.

Qui plebem ludis, epulis, largitionibus regunt, similes sunt iis, qui bruta animalia pascunt, aut venantur. Musici levi chordarum tactu demulcent, non gravi pulsu. Sic oratio placida, citius quam aspera movet populum.

Ut longiore via potius utendum est, si modo sit tutior, quam brevior & periculosa: Sic ad opes, ad gloriam enitendum, ut serius contingant tuto, potius quam statim cum periculo.

Ut ignis non reddit fumum, si statim emicet flamma: Sic nec gloria est obnoxia invidiæ, si protinus elucescat: sed eos qui paulatim crescunt, sequitur invidia.

Ut hedera adhærens arborum ramis, ope aliena in altum erigitur: Sic obscuro, consuetudine potentium crescunt: deinde præfocant eos, a quibus sunt evecti in altum.

Quædam corpora lumen solis exceptum suo fulgore vicissim augent atque illustant: Ita quidam aliorum favore commendati, vicissim suis dotibus eos commendant.

Non quævis arbor patitur complectentem se vitem, sed quædam præfocant eam, & extinguunt: Ita ambitiosi quidam, juvenes ob invidiam premunt, ne quando emergant.

Gubernator optimos quærit nautas. Architecton doctissimos quærit ministros. Ita Princeps eos adsciscet amicos,

A qui ad Rempublicam administrandam maxime sint idonei. Musicus chordas dissonantes non statim abjicit atque incidit: sed sensim intendens, aut remittens, ad concentum adducit: ita Princeps leniter debet emendare peccantes, non protinus tollere.

Jaculum, si in solidum aliquid inciderit, nonnunquam in mittentem retorquetur: Ita convicium in fortem & constantem virum tortum, recidit in convicium facientem.

Ut Rex mundi magna curat, parva relinquens fortunæ, quemadmodum dicit Euripides: Ita Princeps non nisi in gravibus & arduis negotiis exercebitur.

Alexander Bucephalum jam senem ab aliis equis gestandum curare solebat, donec ad hostem ventum esset, ut integer ad pugnam veniret: Ita senum magistratum utendum opera, ut eis adimatur quantum potest laboris, ad necessitatem usus illorum reservetur.

B Gubernator quædam suis manibus facit, quædam per alios: & aliquando aliis ad clavum admittit, ipse in proram demigrat: Sic in Republica non debet unus occupare omnia munia, sed aliis vicissim dare locum. Rectius enim fieri, quæ multorum manibus peragantur.

Histrio, sic affectus ac mores addet fabulæ de suo, ut præscriptum tamen, & numeros non prætereant: Ita qui magistratum gerit, sic administret, ut præscriptum Regis non exeat.

Non est infirmior manus, quod in digitos sit dissecta, sed ad operandum agilior: Ita negotia multis communicata, in Republica plenius conficiuntur.

C Ut qui non consueverunt neque coenare, neque lavare, nisi ex præscripto Medici, ii nec sanitate fruuntur: Sic qui omnia ad Principis judicium refert, reddit eos dominos plus quam vellet civitas, ut nihil jam nec recte fieri possit, nisi Principis arbitrio.

Medici morbos quos non possunt prorsus tollere, ad summa corporis in apertum evocant: Sic magistratus si clam civitatis vitis mederi non potest, ut quam minime Medicis ac pharmacis, hoc est, suppliciis egeat.

Medicus multo educto sanguine corrupto, paulum innoxii cibi ministrat: Sic Princeps sublati multis malis ac nocentibus, levi gratia, & humanitate molestiam eam mitigabit.

Ut qui præternavigatis sirtibus, juxta portum frangit navem, nihil magni fecit: Ita qui uno, atque altero magistratu recte gesto, in summo naufragium facit.

Ut Colossi seu statuæ male libratae, sæpius subvertuntur: Ita nimis honor per invidiam evertit collus.

D Ex alvearium strepitu ac tumultu, colligunt apes recte valere: contra ex quiete Rempublicam.

Ex festuca incensa, aut lucerna neglecta domi, nonnunquam conflagrat urbs tota: Sic ex privatis odiis ac diffidiis publica perniciēs oritur.

Aer qui est in auribus, nisi tranquillus sit, & carens propria voce, sed tinnitu fuerit ac tumultu plenus, non exacte recipit ea quæ dicuntur: Sic ea pars, quæ Philosophia dicta, judicat, si quid intus obstrepat, & obtinniat, non recte judicabit, quæ foris accipiuntur.

Morbi corporis pulsu, & colore deprehenduntur: eorumque adventum calor & lassitudo prænunciant: At animi morbos plerique non intelligunt esse morbos.

Ut est initium sanitatis, sensus morbi: Ita correctionis initium, agnoscere culpam.

E Ut difficillime sanantur, qui sui sensu carent in morbo, velut lethargici, ac phrenetici: Ita difficillime revocantur ad bonam mentem, qui non agnoscunt sua vitia.

Ut periculosior est tempestas, quæ non finit in portum appellere, quam quæ vetat navigare: Ita graviore animi motus, qui non sinunt hominem consistere, ratione perturbata, sed præcipitem auferunt in tempestates.

Qui corporis morbo laborant, quieti se tradunt, Medicum accerunt, abstinent: sed qui ægrotant animo, quo gravius ægrotant, hoc magis abhorrent a quiete, & a Medico.

Ut ex igni & terra veluti necessariis, compositus est mundus, juxta Platonem, terra soliditatem conferente, igni

calorem ac formam: Ita magna imperia non parantur, nisi misceatur cum fortuna virtus, & altera alteri sit auxilio.

Ut mundus non erat mundus, minutionibus corporibus adhuc sparsim volantibus, & elabentibus: solidioribus vero inter se depugnantibus, sed tempestatibus, erroris, tumultus plena erant omnia: donec terra ex his accepta magnitudine, seipsam figeret, aliisque in se stabilem præberet sedem: Sic magna imperia plena tumultus, donec aucta potentia, etiam finitimis rebus stabilitatem præstat, ut terra cæteris elementis circumferentibus sese.

Ut navis multis ictibus compingitur, clavis, paxillis: deinde ad tempus aliquantum relinquitur, donec coherescant clavi commissuræque: deinde tuto sulcat maria: Sic civitas multis sudoribus conditur, donec aucta tempore, tutam ac tranquillam vitam præbeat civibus.

Qui venantur bestias, induunt extivium cervi: qui aucupantur aves, plumatis utuntur tunicis, caventque ne tauris appareant in veste purpurea, rubra, aut alba elephantis, quod hoc colore irritentur: Sic qui velit feram nationem cicurare, domareque, moribus ac vestitu semet illi ad tempus accommodet, necessum est.

Ut aeris circumfusi temperies elicit terræ fertilitatem: contra coeli inclementia vitiumque premit atque exstinguit: Ita favor & benignitas Principis, excitat honesta studia. Rursum tenacitas, & odium exstinguit artes.

Ut cervis frustra sunt ingentia cornua, cum desit animus: Ita non satis est opibus pollere, nisi fortitudo accesserit.

Ut Cyclops exoculatus manus quoquo versum porrigebat, nullo certo scopo: Ita magnus Rex, cui desit prudentia, quidvis aggreditur ingenti rerum tumultu, sed nullo iudicio.

Quemadmodum imperiti artifices, cum stavis exiguis magnas subdunt bases, magis conspicuam reddunt illarum exiguitatem: Ita fortuna si pusillo animo munus amplum addat, indicat & arguit magis animi humilitatem.

Ut ferrum si non utaris, obducitur rubigine: Sic animi vigor, nisi negotiis tractandis exerceas.

Qui simul & Rempublicam tractat, & artem exercet sedentariam, perinde facit, atque ille qui mulierem ingenuam ac probam, detracta stola, datoque præcinctorio, in officina detineat.

Ut Herculem parum decebat, exuto leonis exuvio, vestis Milesia, cum ferviret Omphalæ: Sic parum decorum civili viro, deposita quam gessit persona, ad ociosam, ac voluptariam vitam se conferre.

Ignis semel accensus facile servatur, exstinctus haud facile redaccenditur: Ita famam tueri facile est, exstinctam non facile est restituere.

Delicium navigium, dum subinde sarcitur, & reconcinnatur, veluti perpetuum in multa secula redditur: Sic famæ semper aliquid adjiciendum, ne collabatur.

Canis ignotos allatrat, erga notos mitior, secundum Helicium: Sic invidia novos homines, & nuper evectos potissimum infestat, in notos jam mitior.

Flammam primum emicantem multus comitatur fumus: qui quidem evanescit, jam invalescente & explicante se flamma: Sic res egregias aggredientem initio multa premit invidia, donec aucta gloria invidiæ fumum discutiat. Nam fumus gloriæ invidia est.

Ut stultus qui adversis ventis & undis navigat, orta tranquillitate portum petit: Sic qui tum negotium relinquit, cum diu jam cum invidia luctatus, deinceps citra invidiam vivere possit.

Ut difficillimum ac periculosum est annosas arbores, quæ jam late spargere radices, revellere loco, & alio transplantare: Ita Rempublicam longo tempore suis inveteratam institutis, ad aliam vitæ rationem traducere non licet citra maximos rerum motus.

Ut ferrum, aut æs usu splendet: Sic exercendis negotiis enitescit animi vigor.

Ut gaudent, quia furiosis dominis aufugerunt: Sic gaudere debent senes, qui ætatis beneficio libidine non infestantur.

Ibin ajunt, ubi consenuit, jamque quod erat turbidum, expirant, magis aromaticè olere: Sic gloria senum tranquillior, & consilia sedatiora.

Ut aqua vino admixta, reddit illud moderatius, & fo-

Abriæ Nymphæ Deum temulentum compescunt: Sic in Republica senes admixti, juvenum temeritatem & ambitionem reverentia sui reddunt moderatiorem.

Ut in scena *δρῶν ὁρῶντα* tantum ostenditur, nec loquens quicquam, nec agens: Sic Princeps, qui vestitus, & titulus tantum Principem agit, nihil autem curat eorum, quæ vere sunt Principum officia.

Ut arcus tensus rumpitur: Sic animus remissus frangitur.

Ut cantor senex non omittit artem, nec abjicit lyram, sed leviores sequitur harmonias, & vocis fugiat contentio-
sum.

Athletæ abstinent a laboribus necessariis, ut in non ne-
cessariis valeant, nobis contra faciendum.

Qui equos domant, primum blandiuntur, ac mollissime tractant, ut assuecant freno: Sic populus lenitate subeundus.

Vestalibus tempus erat præstitutum: Primum, in quo discerent: Alterum, in quo exercerent: Tertium, in quo docerent. Idem fiebat in Sacerdotibus Ephesiæ Dianæ. Idem faciendum iis, qui Rempublicam gerunt.

Arbores invidiæ, vetulæque subnascentes arbusculas um-
*bra sua premunt, nec sinunt efflorescere. Non sic facien-
dum senioribus magistratibus, sed invitandi potius, & adju-
vandi juvenes.*

Remedia statim mordent vel offendunt, postea conferunt salutem & voluptatem: Ita salubria monita initio sunt nonnihil amara, postea correcto jucundissima.

Infantia alendi equos, non consequitur lenticulam, sed arva frumentifera: Sic adulatio non infestat pauperes, atque humiles, sed magnarum familiarum ac fortunarum ruina morbusque est.

Pediculi corpora exanima deferunt, utpote defecta sanguine quo alebantur: Sic adulatores rebus prosperis ac facibus adsunt, aridas & steriles non attingunt.

Ut nummum exploras, num sit adulterinus, priusquam eo sit opus: Sic amicus probandus antequam eo sit opus.

Ut qui prægustando lethale venenum, in exitium conjiciunt sese: Sic qui amicum admittit, priusquam cognoverit, suo malo discit qualis sit.

Ut ignis omnium condimentorum est suavissimum, velut inquit Euentis: Ita amicitia omnem vitam conducat, si admisceatur.

Ut adulterina splendorem ac nitorem tantum auri imitantur: Sic adulator gratiam, obsequium & hilaritatem amici.

Ut sylvestria semina, quæ spacio ac magnitudine accedunt ad triticum, haud facile repurgantur, nam per angusta foramina non excidunt, per ampla simul excidunt: Sic adulatio, quæ amicitiam imitatur, non facile ab amicitia rejicitur ac separatur.

Obsoniorum egregii artifices condimentis nonnihil austeri admiscunt, quo dulcedinis tollant satietatem: Sic adulatores fictam quandam libertatem ac severitatem admiscunt, ut nunquam magis adulentur, quam cum videntur objugare ac libere loqui.

Ut difficile deprehenduntur bestię, quæ ad loci similitudinem mutant colorem: Sic eos assentatores haud facile deprehendas, qui ad omne vitæ institutum omnesque affectus sese accommodant.

Qui alunt belluam, primum accommodant se illius ingenio, & animadvertunt quibus rebus offendatur aut placetur, donec assuefacta fiat tractabilis: Sic adulator omnibus amici studiis & affectibus sese accommodat.

Ut præterfluens aqua nullo certo colore est, sed semper refert colorem subjecti soli: Ita adulator sui dissimilis est, pro re nata sese adaptans.

Simia dum hominem imitari conatur, sæpe capitur: Ast
dissimilis.

Ut Circes poculis homines subito transformabantur in feras: Sic affectus repente alium reddunt hominem.

Ut speculum quicquid objicitur imitatur: Sic adulator.

Ut umbra quicquid agas, respondet & adest: Sic adulator quoquo te veritas sequitur.

Cha-

Chamaeleon omnem imitatur colorem præterquam album: Sic adulator in turpibus nihil non imitatur, solum quod honestum est, imitari non potest.

Ut imperiti pictores, cum pulchra non queant assequi, rugis & verrucis exprimunt similitudines: Sic adulator refert intemperantiam, iracundiam amici.

Bene olet unguentum, bene olet & pharmacum: verum illud ad nihil utile, nisi ut delectet, hoc præter odorem majorem habet utilitatem: Sic adulator tantum jucundus, amicus etiam utilis & necessarius.

Pictura colores habet jucundos, sunt & pharmaca grati coloris: Sic amicus ideo delectat, ut juvet, adulator tantum delectat.

Medicus si res postulet, aliquando crocum & nardum injicit, & lavat suaviter, & pascit humaniter: Sic amicus aliquando blandus est.

Quidam tauris oestrum, canibus crotonem in aures immittunt: Sic adulator in aurem admittit, haud facile excutitur, sed transversum agit quolubet.

Pictores illustrant lucida appositis umbris & obscuris: Sic adulator laudans diversa vitia in aliis in amico nutrit ac fovet quæ adsunt.

Ut Oratores aliquoties aliam personam loquentem faciunt vel fidei causa, vel ut invidiam fugiant: Sic adulator narrat, quæ ab aliis de amico audierit, etiam si non audiit.

Palæstritæ corpus humiliant, ut alios dejiciant: Ita quidam seipfos vituperant, ut videantur admirari familiares.

Ut pictura est tacita Poesis: Ita silentio quoque laudat adulat, nempe vultu nutuque & obsequiis.

Ut qui venantur, facilius fallunt feras, si aliud agentes, hoc est, iter facientes, aut agricolantes, id faciant: Ita maxime laudat adulator, cum non apparet eum laudare.

Si ager laudando redderetur fertilior, non minus laudandus esset quam arandus aut stercorandus: Sic amicus si redditur laude melior, expedit aliquando laudare: sin minus, quorsum pertinet inutilis palpatio?

Ut Patroclus, in bellum proditurus, reliqua quidem Achilles arma sibi sumpsit, solam hastam, ut gravem ac prævalidam non attigit: Ita adulator omnia veri amici symbola imitatur, præter solam admonendi libertatem.

In Menandri Comœdia inducitur falsus Hercules, clavam gestans, non robustam, sed inanem ac levem: Sic adulatoris libertas mollis est & blanda.

Ut pulvinaria mulierum quanquam videntur reniti, ac resistere capitibus, cedunt magis & accommodant sese: Sic libertas adulatoris tumet quidem, sed in se recipit inclinantem.

Ut mel exulcerata mordet ac purgat, alioquin utile & dulce: Sic amici libertas non mordet, nisi si quid est vitiosum & corrigendum.

Qui in levibus nugis objurgat amicum, in gravibus rebus tacet, idem facit quod aliptes, sinens athletam inebriari & libidinari, circa lecythum duntaxat difficilis ac morosus.

Item quasi præceptor puerum de stilo ac tabula objurget, barbarissimum aut solœcissimum committentem dissimulet.

Item quasi malus Orator, nihil ad argumenta respondens: vocem aut codicillos indiligenter scriptos calumniatur.

Item perinde ac si quis hominis tuberibus ac fistulis laborantis, Medici smilio pilos & ungues secet: Ita adulator libertate utitur in iis, in quibus non est opus.

Ut sit quis merum, alioqui conferens adversus cicutam, admisceat illi, venenum reddit immedicabile, quod calore vim veneni protenus devehat ad cor: Ita adulator, intelligens libertatem esse remedium adversus adulationem, eam ipsam adulationi admiscet, quo magis sit noxia.

Uti Medicus dat operam, quo sanitatem tueatur & augeat: Ita facit amicus, at adulator ulcerosas titillat partes.

Sunt cibaria, quæ neque sanguini conferunt, neque spiritibus, neque nervis, neque medullis: sed pudenda tantum movent, ventrem inflant, corpus turgidum red-

A dunt: Talis est adulatoris oratio, vitiosa tantum auget, & irritat, alioquin infrugifera.

Ubi corpus vitiosis inflatum humoribus, ibi adsunt bubones: Sic ubi irascitur, amat, odit amicus, id premit adulator.

Ut Tragoediarum histrionibus choro opus & amicis continentibus, theatroque applaudente: Sic qui gaudent adulatoribus, nihil agunt nisi sint qui applaudant.

Quemadmodum juxta Mathematicos superficies & lineæ nec inflectuntur, nec producantur, neque moventur per se, cum res sint intelligibiles, sed inflectuntur, producantur & migrant pariter cum ipsis corporibus: Ita adulator suoapte quidem affectu non movetur, sed cum irato amico irascitur, cum gaudente ridet.

Animal in intimis vires habet maxime proprias: Sic amicus nihil ostentat, sed tum celat, cum maxime juvat.

Ut Medicus & non sentientem sanat: Sic amicus etiam si ignoretur, amicum juvat.

Ut mala pictura, fractis vestibus, rugis & angulis rem repræsentat: Sic adulator sudoribus, clamoribus amicum imitatur, nihil exhibens sincerum.

Simia cum nec domum possit servare more canis, nec onera gerere quemadmodum equus, nec arare sicuti boves, parasitatur ac risum movet: Sic adulator cum in seriis ac gravibus rebus nesciat esse usui, voluptatum minister est.

C Quidam male pinxerat gallos gallinaceos, jussitque puer, ut veros gallinaceos procul abigeret a tabula, ne collatione deprehenderetur: Sic adulator veros amicos pro viribus abigit, ne ex illorum comparatione deprehendatur fictus amicus.

Pharmacum non adhibitum in loco, dolet absque fructu: Sic objurgatio non ut debet admota: Atque idem facit amicus cum molestia, quod adulator cum voluptate. Lædit enim uterque.

Qui lignum ob imperitiam rectum facere nesciunt, distorquent in diversam partem: Sic quidam fuga vitii in aliud vitium incidunt gravius.

Ut Medico carnem secante, manus concinnitatem quandam & elegantiam servat, abest autem saltatoria gesticulatio: Ita libertas admittit urbanitatem, servata gravitate. Adulator risibus, scurrilibusque jocis libertatem, veluti malis condimentis edulcat.

Ignavi canes apud mensam audent, in venatu minime: Sic ingenerosum est, cum sobrius libere loqui non audeas, inter pocula id facere.

Aqua delabatur ubicunque cavum ac declivem locum reperit: Sic adulator vehementer urget, si quid lapsus est amicus.

Ut pituita paulatim collecta, tum maxime apparet ac vincit, cum natura vincitur: Sic quidam amici potentes admonere non audent, nisi labantur, sed simulatque commutata fortunæ aura sunt humiles facti, tum objurgant.

E Sanus fert si exprobres intemperantiam, libidinem, luxum, eadem non ferret ægrotans: Sic admonendus amicus cum desierit irasci, aut amare.

Nutrices pueros lapsos non objurgant ac puniunt, sed accurrentes erigunt, deinde objurgant: Sic amicus cum affigitur adjuvandus est & erigendus, postea monendus, & objurgandus, quod suo vitio in eam calamitatem inciderit.

Ut rupturæ & spasmodica, tum demum moventur, cum corpus aliquo malo corripitur: Sic amici non ingenui felicitibus adulantur, lapsos objurgant, & illorum infortunio fruuntur.

Oculo lippienti non est admovendum lumen: Nec animus affectu laborans, admittit gravem admonitionem, sed admiscenda laus est, ac sic medendum.

F Qui in rebus leviculis acriter objurgat amicum perinde facit, ac si Medicus amarum & acre pharmacum ac sumptuosum in levissimis morbis passim admoveat.

Veluti si qui laborat hepatis vitio, Medico ostendat ungues exulceratos, inepte faciat: Ita qui gravibus laborans malis, de nugis consulat amicum.

Ferrum prius calore solutum ac mollium, postea frigida durefcit ac solidatur aqua: Sic amicus prius laude delinitus, mox libere admonebitur.

Ut bonus Medicus mavult morbo mederi somno cibo-

Tem. I. N n 2 que

que quam scammonio, aut castorio: Sic amicus, pater, A præceptor, magis studet laude corrigere, quam objurgatione si liceat.

Quemadmodum Medicus ubi secuit carnem, non statim deferit sectum, sed rigat ac lenit: Sic qui acius objurgavit, debet reliqua vitæ consuetudine lenire eam molestiam.

Ut statuarii primum ictibus incidunt lapidem, postea poliunt atque æquant: Sic amicus objurgationem lenitate mitigabit.

Ut custos assidens puero, cavet & admonet, ne quid peccet: Sic ratio semper animo præsens non finit usquam labi aut peccare.

Ut imperiti statuarii pulchram existimant statuam, quæ sit vastissima mole: Sic Reges nonnulli fastu & asperitate se egregios Principes videri putant.

Ut Colossi foris insignes, Deum aliquem repræsentant, intus pleni luto, clavis, sordibus: Ita Rex purpura, equis, auro, satellitio magnificus, in animo nihil habet, præter sordidos affectus & incitiam.

Statuæ magnitudine moleque sua librantur, & consistunt: at Reges stulti subvertuntur.

Regula primum recta sit oportet, deinde quæ applicentur corrigat: Ita Princeps, primum ipse vitiis careat necesse est, deinde aliis leges præscribat.

Ut lapsus non potest erigere lapsum: Ita malus & stultus Princeps non potest emendare populum.

Ut Deus in cælo pulcherrimum ac jucundissimum sui simulacrum constituit solem: Sic in Republica Principem, qui prudentia, justitia, benignitate se erga omnes repræsentet.

Ut Deus irascitur, qui fulmen ac tonitru imitantur, eoque in tartara præcipitat, ut Salmoneum: Sic superbis & elatis indignatur, qui magnitudinem æmulantur, non expriment bonitatem.

Ut canes ovium custodes excubias agunt, non sibi timentes, sed ovibus: Ita Rex non tam sibi debet timere, quam populo.

Sol jucundissimus est iis, qui ipsum possunt intueri: Ita Princeps iis qui amant justitiam.

Ut in magna tempestate, validissimo clavo, optimo gubernatore, plurimis fulturis opus est: Ita magnas & turbuléntas res administranti summa opus est sapientia.

Ut in malis somniis nonnulla turbat animum ægritudo, sed præterea nihil efficiunt: Sic mali, sed impotentes non admodum lædunt.

Quemadmodum fulgur prius emicat, quam audiat tonitru, quod sonitus auribus excipiat, lumini visus occurrat, & sanguis prius apparet quam vulnus: Sic Princeps aliquando prius condemnat quam redarguatur delator.

In magno fluctu non sistitur navis, nisi pondus anchoræ retineat alto infixæ vado: Sic in magnis rerum procellis, summa ratio debet animum cohibere, ne ab affectibus auferatur.

Sol cum maxime tollitur in altum, arduus ad polum septentrionalem, tum minimum movetur: Ita quo major est potestas, hoc magis coercenda est animi temeritas.

Qui morbo comitali sunt obnoxii, frigore deprehenduntur. Nam illico capitis vertigine laborant: At indotos si paululum evexerit fortuna, protinus arguit cujusmodi sint.

Ut non queas cognoscere vas integrum sit, nec ne, nisi liquorem infuderis: Sic nec hominem, nisi imperium commiseris.

Ut Medicus libentius sanat oculum, qui pro multis videt, multosque custodit: Sic Philosophus libentius Principis animum instruet, qui pro multis sollicitus est.

Non fodit puteos, qui fontes habet, aut novit: Sic non petit aliunde quaecunque consilium, qui ipse didicit Philosophiam.

Ixion Junonem amans, in nubem incidit: Sic quidam dum veram expetunt amicitiam, vulgarem ac falsam amplectuntur.

Inter Agathallos, & Acanthylides tantum est odium, ut si sanguis eorum vi misceatur, continuo separent se rur-

sus, ac dissiliant: Sic inter patritios & plebem, etiam si quando pro rerum usu conjunguntur, durat tamen usque odium naturale.

Ut cantharides maxime læto tritico immascuntur, & rosis florentibus: Sic invidia maxime comitatur eos, qui virtute florent.

Uti sol si immineat hominis vertici, aut prorsum tollit umbram, aut minimam reddit: Sic ingens gloria exstinguit invidiam.

Ubi nullum lumen, ibi nulla umbra: Ita ubi nulla felicitas, ibi nulla invidia.

Qui invident amicorum felicitati, nolunt eos prorsus subverti, sed tamen gravantur illorum excellentia: ut qui vicini domum nolint omnino demoliri, sed satis habent, si detrahatur quod obscurat proximas.

Ut unguentum non solum delectat olfactum, verum etiam remedio est adversus male olentia: Sic in malis bonorum memoria consolatur.

Ut semel admissum intro hospitem, non facile expellas: Ita luctum receptum tua sponte non possis cum velis depellere.

Qui lippiunt aut alioqui laborant oculis, non sinunt alios dissimulati manum: At qui lugent, quibusvis sese tractandos exhibent, ut malum quo laborant, exacerbetur.

Ut mœstis conducit, si se ad lucem conferant e tenebris: Ita lugentibus, si a tristibus cogitationem ad læta transferant.

Quidam Homeri versus acephalos, id est, capite diminutos, & paucos, id est, cauda diminutos excerpunt, tam multa integra pulcherrimaque prætermittentes: Idem faciunt qui de paucis vitæ malis queruntur, dissimulatis tot commoditatibus.

Avari cum multa congerant, non fruuntur præsentibus, sublata deplorant: Sic qui lugent extinctos, vivis non fruuntur.

Ut avis capta, si diutius alatur in carcere, etiam si dimittatur, studet eo redire: Sic animus diu versatus in hoc corpore, non facile revellitur: At puerorum animus lubentius evolat.

Quemadmodum igni si extinctam subito facem admoveas, statim redaccenditur: Sic animus si statim evolet a corpore, facile redit in suam naturam.

Ut vestes videntur addere calorem homini, cum per se sint frigidae, non addunt autem, sed eum qui est in corpore tumentur: Sic opes videntur dare jucundam vitam, cum ea proficiatur ab animo, non a rebus externis.

Ut qui febris laborant, e diversis diversa capiunt, hoc est e calidis frigescent, e frigidis calefunt: Sic & divitiæ molestiam adferunt stultis, & paupertas gaudium sapienti.

Ut fonti non deest humor, semper ex eo scatens: Sic probo viro semper adest gaudium, etiam si res externæ mutantur.

Ut honoratior est domus, si luceat ignis, quemadmodum inquit Homerus: Sic fortunæ commoda splendidiore, jucundioraque, si animi gaudio condecorentur.

Ut aromata pannos, ac laceras vestes, odoratas reddunt, contra byssus sudore infecta male olet: Sic quæ vis vita jucunda, si virtus acceperit: contra malitia etiam quæ splendida videntur, molesta reddit & intoleranda.

Quidam in foro felices videntur, domi moribus uxorum cruciantur: Sic divites foris felices apparent, intus malitia noctes diesque discruciat.

A prava uxore facile divortium feceris, malitia visceribus infidet, nec potes illi repudium scribere.

Ut ii quos dolentes sopor occupavit, tristitia somniant: Ita qui invidia, superstitione, avaritia laborant.

Ut uxor mala foris ob pudorem est modestior, domi sui similis est: Sic malitia apud alios premit sese, in somnis aperit. Nam tum incestat matrem, aut sororem, aut veneno tollit amicum.

Ut corpus non est capax voluptatum, nisi bene temperatum: Ita animus non capit veram voluptatem, nisi liber metu, ac ceteris affectibus.

Quemadmodum agricola sylvestribus securim aut ignem admoveat, ac funditus extirpat: vineas vero, atque oleas amputat cautim ac circumspecte, ne forte supervacua refecans, lædat & id quod sanum est: Sic Philosophus ex animo

mo juvenum libidinem, avaritiam, invidiam, penitus revellet. Cæterum pudorem immodicum cautim emendabit, ne simul omnem evellat verecundiam.

Nutrices sæpius extergentes fordes puerorum, aliquando carnem evellunt: Ita dum quædam vitia nimis anxie conamur emendare, lædimus.

Ut qui demoliuntur ædes templis vicinas, quæ contigua sunt ea sinunt, ne quid sacri quoque demoliantur: Sic quædam vitia caute sunt corrigenda, quæ cum virtutibus proximè cohærent.

Ut locus supinus ac mollis nihil expellit quod inciderit, nec potest avertere: Sic animus vitiosa præditus verecundia nulli pervius est, nisi turpibus affectibus.

Ut qui lucernam non ferunt, multo minus ferrent solem: Sic qui mediocribus rebus perturbantur, multo magis obstupescunt in magnis.

Ut amphoræ facile circumaguntur auribus: Ita quidam quovis sermone huc aut illuc impelluntur.

Viator qui semel in saxum impegerit, aut gubernator in rupem, non solum horret eadem, verumetiam similia: Sic qui vitium agnoscit suum, etiam a confinibus cavebit.

Ut manus eadem in varios dissecta digitos: Sic multorum caritas, eos unum reddit, discretos tamen.

Ut in corpore ex humidi, frigidi, calidi, ficci temperatura, optima fit constitutio: Sic ex fratrum concordia maxime floret genus.

Ut morbus in corpore non admittente quod proprium est, multarum noxiarum & absurdarum rerum gignit appetentiam: Ita calumnia suspicioque adversus cognatos & domesticos, malas & noxias aliorum necessitudines inducit.

Qui rejectis cognatis, peregrinos adsciscit amicos, perinde facit ac si quis amputato pede carneo, ligneum pedem addat.

Ut infaniam, qui fratris imaginem veneretur, corpus pulset ac verberet: Ita stultum sit amare in adoptivis nomen, verum fratrem abdicare, aut odisse.

Diffimile. Ut quæ glutino commissa sunt, si solvantur, facile reglutanantur; at si corpus rumpatur, haud facile coit: Sic inter alios amicitia dirupta facile coit, in fratribus semel dirupta, aut non coit, aut cicatricosa coit.

Armis perditis aut instrumentis, licet alia parare, corpus aliud parare non queas: Sic amicos alios invenies, fratres non item.

Ex eadem materia prima natura sunt elementa inter se diversissima pugnantissimaque: Sic aliquoties ex iisdem parentibus nascuntur fratres ingenii dissimilimi.

Subduc materiam, exstinguetur ignis: Subduc occasionem, conquiescit odium sive invidia.

Ut civiles seditiones rectius in hostes transferimus: Sic rectius invidemus alienis, quam fratribus: etiam si sit optimum, omnino non invidere.

Ut in bilance, altera surgente, altera cedit ac deprimitur: Ita frater evecto ad majora fratri cedere debet, submittens sese, non repugnans.

Ut in numeris minores additi majoribus eos multiplicant, & vicissim multiplicantur ipsi: Sic frater observiens fratri evecto ad honores, & auget illius dignitatem, & vicissim ornatur illius splendore.

Ut in digitis, etiam qui scribere, aut canere nesciunt, tamen una cum illis moventur, & obsequuntur: Sic fratres fratribus magi stratum administrantibus adesse convenit.

Ut feris bellum est cum iis quæ iisdem aluntur, cum cæteris pacem agunt: Sic invidia & æmulatio inter ejusdem artis professores. Nam pugili cum cursore convenit.

Ut convenit amantibus diversas amicas, in eandem depereuntibus male convenit: Sic dissident qui eadem ex re gloriam affectant.

Diffimile. Qui diversam ingrediuntur viam, non possunt sibi mutuo prodesse: At qui diversa vitæ ratione utuntur, adimunt invidiam, ac magis sibi invicem sunt auxilio.

Ut macula statim eluenda ne inhærescat, & difficilior eximatur: Ita dissensio fratrum illico tollenda, ne gignat odium.

Ut si buboni accedat febris, nihil est periculi: verum si sublato illo tamen morbus perseveret, videtur altius egisse radices: Sic fratrum dissensio, quæ cessat lite finita, causæ erat, non ipsorum: at si manet etiamdum negotio conse-

A Et, jam negotium prætextus erât, non causâ, sed exulceratus animus in causâ fuit.

Ut aqua in locos hiantes ac diductos influit, ac magis eos divellit: Ita quidam irritant fratrum dissidia.

Ut amici detestantur saxum, aut canem incurrentem qui eos dirimat: Sic execrari deberent homines caninos, qui maledicentia sua dirimunt necessitudinem, mutuamque benevolentiam.

Cassiteros, id est, stannum aut plumbum album, æs ruptum ferruminat, utrumque contingens propter affinitatem quam habet cum utroque: Ita amicus amicitiam ac benevolentiam diruptam reconciliare debet, utrique sese accommodans ex æquo.

B Ut non impletur vas quod semper effundit, nihil accipit: Ita non accipit sapientiam, qui semper loquitur, nunquam auscultat.

Erat porticus in Olympia, quam Septivocam vocant, quod pro una voce multas redderet: Ita locutulei quidam, vel uno provocati verbo sermonem immensum referunt.

Vascula inania maxime tinnunt: Ita quibus minimum inest mentis, hi sunt loquacissimi.

Ajunt semen quod statim effunditur, inutile esse ad genituram: Ita sermo garrulorum ad nihil conducit.

Ut ædium ostio carentium, & crumenarum absque vinculis nulla est utilitas: Ita multo magis oris claustro carentis, nullus est usus.

C Ut triticum inclusum in vase, mensura auctum invenitur, sed vitiatum: Sic garrulus accepto sermoni semper addit, & majorem eum reddit, sed fide jam carentem.

Qui abigat homines cesto Veneris, a Venere videatur alienus: Sic qui oratione molestus est, & reddit inimicos, a Musis est alienus, & utendi ignarus. Quandoquidem oratio ad conciliandos homines est reperta.

Uti monas non exit suum finem, sed semper in uno manet, unde & nomen habet. Dyas autem initium differentiarum infinitum, protinus enim per se duplicatur ad multitudinem: Ita sermo donec apud unum manet, vere arcanus est & secretus: quod si ad alterum transierit, jam spargitur in famam.

D Ut proclive non est avem e manu amissam recipere aut cohibere: Ita nec dictum semel ab ore profectum, propterea quod ab aliis volat ad alios.

Non ut navem arseptam fluctibus, anchora licet sistere: Ita verbum e portu velut in altum emissum.

Ut vas experiamur, aquam non vinum infundimus: Ita frivolum quiddam aliquando committendum amicis, quo silentii fidem experiamur, ut si effutiant, nihil sit periculi.

Ut puer glaciem nec retinere potest, nec vult amittere: Ita garrulus nec tacere potest quod accepit, nec potest oblivisci.

Jaculos & vipers proprii rumpunt foetus: Sic garrulus vel cum sua perniciæ premit arcana.

E Egroti ob odium amari & grave olentis pharmaci, ipsum etiam cyathum oderunt: Sic qui tristitia nunciant, & ipsi habentur invisi.

Ut pars corporis vitiata, attrahit etiam a vicinis vitiosos humores: Sic garruli lingua semper ardens & inflammata, secretorum aliquid undique colligit ad sese.

Ut rupes objicitur flumini ne se effundat: Ita ratio linguæ objicienda, ne temere disfluat.

Grues cum ex Cilicia devolant, lapillos in os sumunt, atque ita Taurum montem aquilis plenum tuto transvolant, idque noctu, ne vox prodât: Ita tutissimum ubique silentium.

F Ut egregius artifex jaculandi statim scopum petit: Ita sapiens, qui pauca loquitur, sed ad rem.

Celtiberi ita ferrum temperant ac durant, ut infosso in terram quod est terreum auferatur ac repurgetur: Sic Laconicus sermo sublatione supervacui fit penetrantior.

Ut singula hastilia facile frangas, conjuncta non possis: Ita dissidentes facile superantur, concordēs haud facile.

Non idem finis sermonis qui cursus, juxta Sophoclem: *Diffimile.* nam illic vincit qui prævenit, hic qui magis ad rem dixit, non qui celerius: imo vincit sæpe, qui posterior dicit.

Qui aliis interrogatis, ipsi præcipiunt responsum: Perinde faciunt ac si quem ab alio volentem osculari, priores occupent.

571

Ut ubi dolet, ibi manum habemus: Ita si quid delectat, ibi linguam habemus, id est, libenter ejus rei facimus mentionem.

Ut canes, si iram effuderint in lapidem aut saxum, mitiores sunt erga homines: Sic qui bilem in alienos evomerit, placidior est erga suos.

Qui de natura queritur, quod quædam genuerit homini noxia, dissimulatis tot bonis: Perinde facit ac si quis Nilum calumniatur alioqui frugiferum Ægypto, quod crocodilum habeat aut aspidem: nec postea velit frui prognatis frugibus, sed tantum queratur de venenis quæ nutrit. Aut si quis in copiosa Oratoris oratione, quæ multis exuberet virtutibus, de pauculis voculis temere elapsis cavil- letur.

Plato vetat aquam a vicinis petere, nisi prius domi foderis usque ad terram, quam Ceramitidem vocant, repererisque non esse spem venæ: Ita prius excutiendum, ut parsimonia, aliave via tibi suppedites, priusquam a mensariis pecuniam mutuam petas.

Templum Ephesæ Dianæ tutos reddebat obæratos a creditoribus: At multo magis frugalitas & parsimonia præbet asyllum.

Lepus simul parit, & aliud alit, & rursus superfoetat: Ita foenerator. Sic æs alienum, priusquam conceperit, parit. Nam dantes statim petunt, & ponentes tollunt & foenerant, quod pro foenore accipiunt.

Ut ignis invalescens, alia post alia corrumpit: Sic usura.

Ut equus semel accepto freno, sessorem alium post alium fert: Sic qui semel inciderit in æs alienum, nunquam explicatur.

Qui in lutum inciderit, cum oportet aut surgere, aut manere: nam si se volvat, magis etiam inquinatur: Sic qui rem habet cum foeneratoribus.

Cholerici qui purgari nolunt sub tempus, collecta indies majore bile, postea graviter discruciantur: Sic qui sinunt foenus accrescere, cum adest dies, graviter e capite laborant.

Qui dicunt, carebo domo, carebo famulatio ne debeam: Perinde faciunt ac si hydropicus dicat Medico, ego gracilis fiam & inanis: nam nihil refert quam gracilis sit, modo sanus.

Ut pedem aut manum, si computruerit, data mercede rescamus: Ita domus aut famulitium abijciendum, ut liberemur ære alieno, hoc est, ut liberi fiamus.

Ut in calamitatibus firmissimi, atque optimi amici ad- sunt utiliter: Sic & sermones optimi.

Ut nandi imperiti, dum volunt succurrere iis, qui præ- focantur, ac merguntur, una cum illis merguntur, & nocent magis quam profunt: Sic amici qui in rebus adversis tantum collachrymant amico.

Non quemadmodum in Tragædiis: Ita nobis in calami- tatibus opus est, qui compleret, & collachrymet.

Corpus oneris pondere premitur: at animus ex sese sæ- penumero pondus addit rebus.

Quæ natura sunt amara, his admixtis quibusdam dulci- bus gratiam addimus: Ita res per se tristes ratione sunt al- levandæ.

Ut Cochleæ semper domum suam secum circumferunt: Ita quidam horrent peregrinas regiones.

Ut pueris cum terrentur personis, damus eas in manus, & versatas ostendimus inanes, ut discant non timere: Ita conveniet adhibita ratione, res specie terrificas excutere, ut cum viderimus non esse quod apparet, contemnamus.

Quemadmodum formicæ si semel antro, & apes si semel alvearibus ejici contingat, peregrinantur: Ita quidam si semel patriam exeant, exules se putant.

Ut navis cui firma est anchora, in quovis portu potest con- quiescere: Ita animus si accedat recta ratio, quovis in loco tranquille vivet.

Qui eos felices ducunt, qui per omnia vagantur maria terraque: perinde faciunt, ac si quis stellas erroneas judi- cet fortunatiores fixis, quanquam illis quoque suus orbis est, in quo volvantur, nec soli licet suos egredi fines.

Ut qui decretum inferunt ad populum, adscribunt bona fortuna, ne nihil de suo videantur addidisse: Ita quidam alienis libris nugæ adscribunt, quæ nihil ad rem pertinent.

Qui vinum habet acre & vapidum, nec ut vinum potest

reddere, nec ut acetum: Ita Zenoni τὰ προσηµένα nec bona sunt, nec mala.

Primum homines invaserunt animalia noxia, post & o- ves & boves, postremo a nullo genere temperatum est: & Athenis primum calumniator aliquis supplicio affectus est, & recte, post hunc unus & alter, postremo nec a bonis est temperatum: Ita cum aperitur jus in malos, cavendum, ne postea in bonos recidat.

Pueri ludentes petunt ranas saxis, at illæ tactæ serio emo- riuntur: Sic nos animi causa venamur, sed feræ serio occi- duntur.

Ut non æque cernunt cicadæ & accipitres, neque simi- liter volant aquila & perdix: Ita non omnia, quæ rationis participia sunt, æque valent ratiocinandi acumine.

Ut os non secatur trama, nisi prius cinere & aceto præ- mollium, nec ebur inflecti potest nisi zutho prius mollescat: Sic fortuna non potest reddere vulneratos animo, nisi ac- cesserit malitia.

Ut Medica terra diu retinet semina propter asperitatem, ut sero emergant: Ita morborum, ac dolorum causæ in hominibus aliquoties diu latent, donec voluptas in febrem erumpat.

Ut sapiens gubernator in tranquillitate tempestatem ex- spectat: Ita rebus tranquillis ad dolorem aliquem præpa- randus est animus.

Ut periculosa est secundum Hippocratem, summe bo- na corporis valetudo: Ita rebus maxime prosperis, metuen- da diversa fortuna.

Ut deciduæ stellæ subito exstinguuntur: Ita quos for- tuna subito in summa provexit, repente solent corrui.

Ut Scarabei, ac vultures offenduntur unguentis, & Scy- tha juravit se malle equum hinnientem audire, quam citha- rædum canentem: Ita non omnibus placent optima.

Ut Mathematici centro, ac spacio: Ita quidam omnem voluptatem ventre circumscribunt.

Ut Polypi non extendunt sua flagella, nisi ad esculenta: Sic quidam omnem felicitatem cibo, potuque metiuntur.

Ut major dolor obscurat minorem: Sic animi voluptas corporis delectationem.

Ut qui vehementi laborant fame, nec est quod edatur, suis ipsorum artubus vesci coguntur: Ita quidam præ fame gloriæ, seipsum laudare coguntur, si desit a quo laudentur.

Quemadmodum a piscibus Hyrcanis, nec boni quippiam exspectatur, nec mali: Sic Epicurei, nec turbati nos vo- lunt Deorum metu, nec delectari benevolentia.

Si fieri potest, lippitudinem auferimus ab oculis, si id non licet, non tamen erimus oculum: Ita si superstitio tolli pro- fus non potest, non tamen protinus credendum, nullos esse Deos.

Ut Principem simul & metuimus & amamus, ut infe- rum malis, bonis placidum: Sic & Deum.

Non quemadmodum quoties cum truculento agimus ty- ranno, animo sumus anxio: Sic in sacris mysteriis anxium, ac diffidentem oportet esse.

Qui navem fregit, tamen spe vehitur: nam fieri potest, ut corpus natans in terram deferatur: At qui excidit a Philo- sophia, totus perit.

Ut athletæ non ferunt coronam, nisi vicerint: Sic bonis viris præmia felicitatis non ante contingunt, quam peracto hujus vitæ certamine.

Ut austeria remedia, sed necessaria, levant quidem æ- grotantes, sed offendunt & inficiunt sanos: Sic acris objur- gatio vitio medetur, probos offendit.

Stoici qui se dicunt invictos, improhibitos, & cætera, cum omnia secus patiantur, similes sunt navibus, quibus inscriptum est, ἐν πλοία, καὶ πρόνοια σώζεται, καὶ θεραπεία, hoc est, splendidi ac magnifici tituli: at nihilo secius interim jactantur fluctibus, comminuuntur, ac subvertuntur.

Scarabei fugiunt unguenta, delectantur foetoribus: Sic nonnullis pessima pro optimis placent.

Ut pauperiores aliquando donant munuscula ditioribus, quo plus recipiant: Sic indoctiores provocamus nonnullos, ut eruditiora vicissim illi respondeant.

Accensam lucernam nemo moleste fert, extinctam do- lent omnes: Ita nasci jucundum, mori inamabile.

Ut non satis est soli bonitas, nisi accedat & cultor idoneus, & semina: Ita non sufficit ingenii felicitas, nisi

nisi accedat doctor, & institutor egregius, & præcepta idonea.

Ut stilla cavat affiduitate saxum, ut ferrum contractione atteritur: Ita assiduitas etiam durissima vincit.

Ut curruum rotæ vi inflexæ, nunquam ad pristinam rectitudinem queunt revocari, itidem histrionum baculi: Ita quædam ingenia sic consuetudine & institutione depravantur, ut corrigi non queant.

Ut terra quo melior est natura, hoc magis corrumpitur, si negligatur: Ita ingenia, nisi recte excolantur, quo sunt feliciora, hoc pluribus vitiis obducuntur.

Est terra quædam asperior, duriorque, quæ tamen culta protinus ferax reddatur: Sic ingenia duriora natura, institutione mansuescunt.

Nulla fere est arbor, quæ non sterilecat, ac tortuosa fiat, si cultura desit: Ita nullum tam felix ingenium quod non degeneret, citra rectam educationem.

Nullus equus recte sessori paret, nisi arte domitus: Ita nullum ingenium non ferox, nisi præceptis cicuretur, & educatione.

Nulla tam fera bellua, quæ non mansuescat cura: Ita nullum tam agreste ingenium, quod institutione non mitescat.

Ut molli materiæ facile sigillum imprimitur, si durecat, non item: Ita puerorum ingenia facile quamvis recipiant disciplinam: sin ætate durecant, non item.

Ut agricolæ vallos apponunt arbusculis, quo recte crescant: Ita qui instituit, addit monita, & præcepta ingenii salubria, ne devaricent in vitia.

Qui diu in vinculis fuerunt, cum solvuntur, tamen claudicant adhuc, nec ingredi possunt: Ita diu vitiis assueti, etiam cum ea deferunt, quædam retinent vestigia.

Non satis est habere corpus sanum, verum & bonæ habitudinis, ac robustum sit, oportet: Sic ratio non solum pura debet esse, & a vitiis immunis, nisi sit & robusta.

Ut plures urbes præternavigasse pulchrum est, sed expedit unam incolere optimam: Ita quamplurima sunt cognoscenda, sequenda retinendaque optima.

Quemadmodum proci cum Penelope potiri non possent, stuprarunt illius ancillas: Ita qui Philosophiam non possunt assequi, aliis literis se contaminant.

Nutrices vagientibus pueris rursus apponunt papillam: Sic discipulus offensus correptione, rursus est laude sublevandus, ne deficiat.

Plantæ mediocri aqua aluntur, immodica suffocantur: Sic animus moderatis laboribus adjuvatur, immoderatis obruitur.

Ut sunt vices somni & vigilæ, noctis & diei, tempestatis & serenitatis, belli & pacis: Ita labores levandi ocio & lussibus.

Lyram & arcum remittimus, quo melius possint tendi: Ita recreandus ocio animus, ut ad labores reddatur vegetior.

Ut Hierophantæ, quatenus licet, aperiunt mysteria: Sic de rebus arduis cautim & circumspecte judicandum.

Ut mysteria cum silentio spectantur: Ita quædam melius laudantur silentio, quam oratione.

Ut in lance momentum in utramque partem æque propensum est, & neutram inflectitur: Ita dubius animus.

Medici pharmacis amaris, dulce nonnihil admiscunt, ut alliciant: Ita parentes objurgationis asperitatem lenitate debent mitigare.

Auriga non semper adducit habenas, sed aliquando remittit: Ita pueris nonnihil indulgendum.

Ut asparagus spinosus dulcissimum fert fructum: Ita ex duris initiis magna voluptas nascitur.

Qui prima virginum dissidia non ferunt ad tempus, idem faciunt quod ii, qui offensi labruscis, uvas maturas alius relinquant.

Sponsæ quæ statim offensæ moribus virorum, eos deserunt: perinde faciunt, ac si quis ictus ab apibus mel relinquat.

Vasa initio quavis occasione dissolvuntur, at tempore commissuris compactis, vix igni ferroque dissecantur: Ita prima conjugatorum consuetudo levi momento dirumpitur: sin coaluerit, longe firmior est.

Ignis facile accenditur in paleis, & pilis leporinis: sed idem mox exstinguitur, si nihil addas: Sic iræ amantium, aut nuper conjugatorum, si nemo se admiscuerit,

Qui venenis piscatur, facile interimit, & colligit piscem, sed corruptum & malum: Sic quæ philistris captant maritos, stupidos habent & inutiles.

Ut Circe non fruebatur iis, quos verterat in fœces aut iocones, sed Ulyssæm sanum ultra omnes dilexit: Ita quæ veneficiis nactæ sunt maritos, insuavem cum illis vitam agunt, ob dimentiam.

Quæ malunt dominari dementibus maritis, quam sanis ac prudentibus parere: perinde faciunt, ac si quis in itinere malit ducere cæcum, quam sequi videntem, & viæ gnarum.

Ut Pasiphae maluit tauri congressum, cum uxor esset Minois: Sic quædam nuptæ moderatis, ac severis viris, ad intemperantium amorem devertunt.

Ut qui in equum infilire non possunt ob imbecillitatem, docent ipsum inflectere genua: Sic quidam generosas ac potentes nacti uxores, non dant operam, ut ipsi meliores fiant, sed illas deprimunt.

Pro equi magnitudine temperamus frenas: Ita pro uxoris dignitate moderanda gubernatio.

Luna cum soli conjungitur, tum obsecratur, & occultatur: cum abest, lucet: Contra proba uxor præseste marito, maxime conspici debet: eodem absente, maxime condici latere.

Duabus vocibus simul sonantibus, gravior fit concentus: Ita quicquid fit in familia, fit quidem utriusque consensu, sed tamen arbitrio mariti.

Cum spirat Boreas, conatur vi vestem revellere, at homo magis astringit pallium: quod si sol tepido vento demulserit, jam sponte & tunicam abjicit: Sic uxor conans conviciis maritum a luxu revocare, magis irritat: si placide ferat & roget, magis efficit.

Ut inutile speculum auro gemmisque adornatum, nisi representet similem imaginem: Ita inutilis uxor quantumvis opulenta, si viro mœsto sit hilaris, hilari mœsta.

Ut Geometrae negant moveri lineas & superficies sine corpore, sed una cum corporibus moveri: Sic uxor & in seriis, & ludicris, & risu, & lætis & tristibus, accommodabit se marito.

Ut qui non ferunt uxores secum edere, aut bibere, docent eas ingurgitare, maritis absentibus: Ita qui non communi-cant lusus, & jocos cum uxore, faciunt, ut alibi quaerant, in seipsis viris.

Ut Rex Musicæ studiosus complures reddit Musicos, literarum studiosus doctos, aleator aleatores, rapax rapaces: Ita vir comptus similem efficit uxorem, voluptarius incontinentem, castus & sobrius castam & sobriam.

Ut sinistrarum partium ictus redundant in dexteris: Ita virum oportet uxoris incommodis commodisque commoveri, & contra.

Ut vincula ex commissura vires accipiunt: Sic ex consensu viri & mulieris, familiæ status.

Ut corpus nihil potest absque animo, nec animus recte valet, nisi corpore incolumi: Sic inter uxorem & maritum omnia sunt communia.

Ut vinum appellatur, etiam si major aquæ pars sit admixta: Ita domus mariti dicitur, etiam si mulier plus conxulerit. Ita nemo sentit qua parte stringat calcæus, nisi qui indutus est: Ita nemo novit ingenium mulieris, nisi qui duxit uxorem.

Quemadmodum febres ex occultis causis, ac sensim collectæ, magis metuuntur, quam quæ ex manifestis & gravibus causis sunt ortæ: Ita occultæ ac pusillæ, cotidianæque offensæ magis dirimunt benevolentiam conjugatorum.

Qui pronubæ Junoni rem divinam faciebant, exemptum fel abjiciebant ad altare: significantes a matrimonio bilem omnem procul esse oportere.

Ut vinum sic austerum, ut idem tamen sit utile ac jucundum, non amarum, velut aloë: Sic erit & mater familias.

Quæ veretur ridere apud virum, ne videatur lasciva, nec agere quicquam ne audax: perinde facit, quasi nec ungere-tur, ne videretur unguentis uti, nec lavaret faciem, ne fucis uti putetur.

Ut Orator neglectis fucis ac theatricis cultibus, rebus ipsis magis movet auditorem: Sic uxor non meretricio corporis cultu, sed moribus commendatur viro.

Ut tibicen per alienam vocem sonat: Ita mulier quædam non gravabitur per virum loqui.

Ut Philosophi colentes Principem, se reddunt nobiliores,

575

res, non illum: Sic uxores subdentes se viro, laudem consequuntur: conantes autem imperare, deterius audiunt, quam quæ subjiuntur.

Imperium viri in uxorem non erit, cuiusmodi est domini in rem possessam: sed cuiusmodi est animi in corpus.

Ut humida miscantur omnibus partibus: Sic inter conjugatos omnia debent esse communia.

Ut ælurus unguentis efferatur, & in rabiem agitur: Ita quædam uxores insaniant, si senserint in viris unguenta.

Qui ministrant elephantis, non sumunt lucidam vestem: qui tauris, purpuream non induunt: nam his coloribus efferrantur. Tigrides tympanorum strepitum non ferunt: Ita uxor ab iis debet abstinere, quibus senserit maritum vehementer offendi.

Ut apicula per omnia circumvolans, id quod est utile, domum adducit: Ita studiosus ex unoquoque quod ad mores confert, excerpit.

Ut corporis vitia graviora sunt, quæ faciunt ulcus: Ita quædam animi vitia ob id sunt graviora, quod vehementius perturbant: minus enim cruciat, si quis non credat esse Deos, quam si quis superstitiose timeat esse Deos.

Diffimile. Comicus venuste dixit de iis, qui lectos inaurant, ac deargentant, cum Dii nihil nobis gratis dederint, nisi somnum, cur id sibi magno volunt constare: At cum Dii somnum nobis dederint curarum, & laborum delinimentum, superstitiosus sibi illum reddit carnificinam.

Heraclitus dixit, vigilantibus unum communem esse mundum, sopitos in suum quemque discedere: At superstitiosus ne vigilans quidem communi cum aliis mundo fruitur, semper somniant cogitatione.

Diffimile. Polycrates tyrannus non erat formidabilis nisi Sami, Periander Corinthi. Desinebat metueri, qui illinc in liberam civitatem emigrasset: At superstitiosus non habet quo confugiat, ut metu liberetur.

Diffimile. Licet servis, quibus spes non est libertatis, ad Principis statuum confugere, venditionem postulare, mutare dominum si durius habiti sunt quam ferre possint: Superstitiosus nec hoc licet.

Si miserum est servire, multo miserrimum est servire iis, quos non possis effugere.

Diffimile. Latrones aut fugitivi, si aram aut statuam apprehenderint, in tuto sunt: At hic maxime trepidat superstitiosus.

Ut tigrides circumstrepentibus tympanis aguntur in rabiem: Ita quæ bonas mentes compescunt, feras & agrestes irritant & efferant.

Ut quibusdam minus mali fuit, non omnino videre, quam perperam videre, velut Herculi, qui filios videns pro hostibus occidit: Ita levius malum est, Deos omnino non credere, quam credere noxios.

Bion inquit, quemadmodum quicquid paxillo appendis, id accipit sustinetque: Ita quibusdam quicquid suasoris admittunt, quicquid imposueris ferunt.

Diffimile. Gubernator videns insurgere tempestatem, Deorum auxilium implorat, nihilo segnius interim clavum moderans & antennam detrahens, at superstitiosus despondet animum.

Ut Arithmeticorum digiti aliquando valent multis milibus, aliquando nihil: Sic Regum amici aliquoties quidvis possunt, rursus mutata in fastidium gratia, nihil possunt.

Ut frequentius convenitur ad spectaculum ubi nonnihil theatrae stipis confertur: Ita disciplinæ a pluribus coluntur, quæ præter voluptatem ac dignitatem, emolumentum etiam & commoditatem adferunt.

Ut in tranquillitate corpus expeditum redditur adversus imminentem tempestatem: Ita tenui victu parcaque, ut Medici loquuntur, diæta utendum, ut si incidat opiparum convivium, possis enatare.

Ut in conviviis temperamus ab appositis cibis, quo locus sit lautitii, quas expectamus: Ita quotidiana parsimonia præmuniendi sumus.

Ut qui sacrum exhibent, ipsi nihil inde gustant: Ita quidam alios accipiunt, ipsi abstinentes.

Ut qui sacram pecuniam vertunt in usum belli, voluptatem transferunt ad necessitatem: Ita qui ad usum edunt ac bibunt.

Quidam fastiditis propriis uxoribus & formosis & amantibus, cum scorto mercede coeunt, gloriæ causâ magis

A quam voluptatis: Ita quosdam cibi delectant vel ob id ipsum quod rari sint, ac magno empti.

Ut axillarum titillatio risum gignit, sed insuavem & spasmo similem: Ita voluptates injucundæ, quas corpus ab animo exstimulatum non sponte capit.

Abominamur foeminas utentes beneficiis in nos, & amplectimur ciborum artifices.

Ut membrum scabiosum semper opus habet frictu: Ita cupiditas animi nunquam satiatur.

Ut Athenienses nunquam de pace consultabant nisi pulati, quemadmodum dicebat Demades: Ita nobis non venit in mentem moderatio victus, nisi jam febri æstuantibus, & admotis pharmacis.

B Lyfimachus ob sitim coactus se dedere Scythiis, deinde cum frigidam bibisset aquam, Dii boni, inquit, quam brevis voluptatis causâ quantam deposui felicitatem? Ita nobis cogitandum, postquam ob potatiunculam intempestivam aut Venerem, in longum morbum incurrimus.

Ut cicatrix admonet cavendum esse vulnus: Ita memoria præteritorum malorum reddit cautiore.

Ut pueriles querimonias facile conquiescunt: Ita leves cupiditates subdita materia facile sedantur.

Flosculorum odores per se parum efficaces, admixti oleo majorem vim habent: Ita morborum causæ, si in corpus incidunt, jam humoribus collectis abundans.

Qui male affecto corpore, vitæ ratione morbum accersunt, ii quasi cœnum commovent.

C Ut nautæ nimium onerantes navem, deinde in exhausta sentina laborant: Ita qui corpus onerant cibis, ac deinde clysteribus inaniant.

Qui corpus ægre affectum ad balneas ac voluptates trahit; quasi putrem ac laceram navem deducit in mare.

Si ebrii comessatores irrumpant in domum luctu functam, non solum nihil adferent hilaritatis, sed ejulatum potius excitabunt: Ita voluptates in corpore ægro offendunt quoque.

Ut nautæ sereno cœlo nonnihil laxant vela, cum est suspicio tempestatis, contrahunt: Ita corpori recte affecto nonnihil permittendum: contra si quid timebitur morbi, cautius agendum.

D Homines tantum pingues, ac robusti durique, similes sunt gymnasiarum columnis, ut dixit Aristot.

Ut navibus sentinæ plenis onus detrahendum: Ita corporibus aggravatis subducendus cibus ac potus.

Qui ita corpus exinaniant pharmacis, ut peregrinis rebus expleant, ac magis noxiis: perinde faciunt, ac si quis expulsus e civitate Græcis, inducat Persas aut Scythas.

Vestes quæ nitro similibusque rebus lavantur, magis atteruntur: Ita vomitus pharmacis extorti, magis offendunt.

Ut scelestæ mulieres abortum provocant, ut rursus impleantur ac voluptentur: Ita quidam in hoc ipsum corpus evacuant pharmacis & clysteribus, ut denuo liceat ingurgitare.

E Qui a præscripta vitæ ratione ne tantulum quidem auferunt discedere, ii ostrei vel stipitis potius vitam vivunt.

Ut ferrum crebris immersionibus consumitur: Ita corpus crebris permutationibus viciatur, hoc est, si nunc immodicis laboribus intendatur, nunc voluptatibus liquefiat ac molliatur.

Nautæ a navigandi labore turpiter conferunt se ad voluptates, rursus a voluptatibus ad navigationem redeunt: Ita quidam a deliciis ad labores, a laboribus ad delicias summa vitæ inconstantia sese vertunt.

Qui viro malo addit opes & gloriam, is febricitanti ministrat vinum, bilioso mel, coeliacis obsonia, quæ morbum animi, hoc est, stultitiam augeant.

F Ut qui morbo laborant, cibos purissimos & lautissimos fastidiunt & recusant, si quis edere compellat, iidem restituti bonæ valetudini, caseo quoque, aut cepe lubenter vescuntur: Ita stultis magnifica fortuna injucunda, sapientibus etiam humilis ac tenuis fortuna suavis.

Qui cibi duntaxat causâ ad convivium accedunt, quasi vas adducunt implendum.

Qui in eadem vehuntur navi, & in iisdem militant tentoriis, sese mutuo ferant oportet: Sic qui versantur in Republica, at in conviviis non idem est necesse, nam illic periculum est commune, hic non item.

Qui

Qui rogant quid simus facturi, si non edamus, bibamus, & huiusmodi rebus utamur: perinde faciunt, quasi Danaides essent sollicitæ quid facturæ sint, si dolium impleatur.

Qui e servitute manumissi sunt, quæ dominis solent facere cum servirent, ea faciunt sibi ipsis, suoque arbitrio & præsidio: Sic nunc anima alit corpus multo labore, multis curis: postea facta libera, seipsam alet contemplatione veri, nec ab ea poterit avelli.

Ut corpus est instrumentum animæ: Sic anima est instrumentum Dei.

Ut graviora corporis vitia quæ in vulnus & in tumores erumpunt: Ita animi affectus, qui gravibus curis vitam reddunt molestant: ut vitium est ex atomis omnia nata credere: at non angit animum quemadmodum avaritia.

Diffimile. Non timet mare qui non navigat, non bellum qui non bellat, non latrones domi manens, non calumniatorem pauper, non invidiam privatus, non terræ motum qui est in Galatia, non fulmen qui est in Æthiopia: At superstitiosus omnia timet, terram, mare, aerem, coelum, tenebras, lumen, strepitum, silentium, somnium.

Diffimile. Servi cum dormiunt, non timent heros, vincti oblivisuntur compedum in somno, ulcera, carcinomata, & gravissimi etiā cruciatus conquiescunt: Sola superstitio etiam dormientem infestat.

Diffimile. Tyrannum mutato solo licet effugere: qui Deum timet non est quo fugiat, quandoquidem nusquam non est Deus.

Diffimile. Licet servis postulare distractionem & mutare dominum: idem non datur superstitiosis, cum omnes Deos metuant.

Si miseri sunt qui duos nacti sunt dominos, quanto infeliciores, qui dominis serviunt vitiis, a quibus non possunt aufugere?

Sunt aræ servis, sunt statuae, sunt asylæ latronibus, ad quæ confugiant, & ubi tuto sint: at hic maxime timet superstitiosus.

Ut tigrides, si quis tympanis circumsonet, in rabiem agi dicuntur, adeo ut seipsas denique disceptant: Ita quosdam offendit, quod aliis addit animum, puta Musica, Eloquencia, &c.

Cum nauta videt imminere tempestatem, primum quidem Deos invocatur, ut incolumi liceat in portum appellere, mox contrahit vela, atque omnia nihilo secius parat, quibus est opus: Ita nos debemus auxilio divino fidere, sed sic ut nostram quoque industriam adhibeamus.

Item arator ab Hesiōdo iubetur Diis sacrificare, deinde aggredi: & miles primum invocatur opem divinam, deinde armatur.

Ut tremunt, qui urforum aut draconum lustra adeunt: Sic superstitiosi cum tractant divinam, existimantes Deos semper paratos ad nocendum.

Qui Divos colunt metu alicujus mali, perinde faciunt ut ii qui tyrannos venerantur, ne noceant, quos oderunt animo.

Quidam dum stulte fugiunt latrones aut feras, in avia incidunt & in barathra, aut præcipitia: Sic quidam superstitionem ita fugiunt, ut incidant in impietatem, cum in medio sit pietas.

Ut qui e vinculis emittuntur, licentius vagantur, quam ii qui nunquam fuerunt in vinculis: Sic pueritia cum a præceptoris gubernatione solvitur.

Qui dimissa pædagogis, suo relinquuntur arbitrio, non abjiciunt imperium, sed mutant principem, nam pro pædago jam rationi parent.

Qui in civitatem adscripti sunt, & hospites, multa damnant, ac moleste ferunt: at qui in ea a pueris sunt educati, quique assueverunt, probant: Sic qui Philosophiam a pueris imbibebant.

Ut athletis amphotides adduntur contra plagas: Ita pueris focalibus magis est opus adversus pestilentem orationem.

Ut pejus sentiunt de homine, qui dicunt eum esse iracundum, perniciosum, quam qui negant eum vivere: Ita minus male sentiunt de Diis, qui negant ullos esse, quam qui dicunt esse morosos, noxios, irritabiles, ut faciunt superstitiosi.

Ut ager si non colatur, non solum infrugiferus manet, verumetiam multa sylvestria producit: Ita adolescens rationis capax, nisi præceptis honestis exerceatur, non solum non evadet bonus, sed ad multa vitia deflectetur.

Diffimile. In ludo sphaeræ simulæ prius est & mittere & excipere commode: at in doctrina prius est bene accipere, quam

A mittere, quemadmodum concipere prius est, quam parere.

Ut aves subventaneos concipiunt foetus: Sic inutilis oratio accepta, nec inhaerens, sed protinus in auras dispergitur.

Vasa ad excipiendum quod infunditur, accommodant & inclinant sese: Sic qui discit, debet accommodare sese, ne quid effluat eorum, quæ utiliter dicuntur.

Vasorum malorum & putrium aures quibuslibet implentur potius quam necessariis: Ita quidam stultissima protinus discunt.

Qui equos recte alunt, eos docent parere freno: pueros qui volet instituere, primum assuefaciat ut dicto sint audientes.

Si quid in utres velis infundere boni, ventum atque aerem emoveas, oportet: Sic fastum ac tumorem eximas oportet ab animo ejus, quem velis docere.

Malus consiliarius omnia depravat assidens: Sic invidia nulla magis damnat, quam quæ sunt optime dicta.

Ut lumen: ita nec oratio ulli prodest, nisi volentibus accipere.

Ut æconomicis & amici prosunt & inimici, quemadmodum dixit Xenophon: Sic vigilans auditor & cordatus non solum bene dictis, verumetiam erratis aliorum sit eruditior.

Ut in alienis oculis nosmetipsos conspiciamus: Sic in aliena dictione quid nos deceat aut dedecet, contemplandum est.

Ut ad sacrum epulum, sic ad auditionem oportet placidum ac benevolum accedere, ut benedicta probes candidi: aut si parum recte dicat, tacitus notes quam ob rem erraverit, & animi conatum certe probes.

Facile est demoliri, quod alius exstruxit: at difficillimum, idem aut melius aliquid exstruere: Ita aliorum orationem reprehendere in proclivi est, at eodem modo meliusve dicere, non est perinde facile.

Ut multa belli inania, juxta proverbium: Ita & auditionis, puta supercilium, acclamatio, strepitus, & id genus alia.

Quemadmodum in iis, quæ ad tibiam canuntur, multa fallunt ac suffugiunt auditorem errata: Ita in oratione phalerata, multa inepte dicta fallunt auditorem ob phaleras, & fucos orationis.

Qui coronas necunt, bellissima quærent, non utilissima: At apes etiam amarissimo thymo insidunt, atque inde mellificium colligunt: Sic oportet auditorem non flosculos orationis, voluptatis causa sectari, sed vim sententiarum, & utilitatem.

Non oportet hoc animo ad audiendum accedere, quo ad spectaculum, puta ut tantum delectemur, sed ut meliores efficiamur. *Diffimile.*

Non convenit, ut in tonstrina surgens, ad speculum contempleris teipsum, num recte sis curatus: Ab oratione discedens, non expendas, num melior sis factus, aut deterior ex auditione.

Ut balnei non purgantis: Ita nec sermonis ulla est utilitas. Non sic ad audiendum est accedendum, ut velis inungi & oblini fucis, quo nitidior fias, sed gratiam habeas, si velut alveare acri fumo, sic ipse mordaci sermone purgeris animo, qui cæcutientiæ & lipitudinis est plenus.

Qui bibunt, ubi jam desiderint sitire, tum poculi sculpturam contemplantur: Sic in oratione, primum animadvertendum, quam salutare sit quod dicitur, deinde si vacat, quid sit elegans aut nitidum, considerare licet.

Qui statim orationis ornatum requirit, perinde facit, ac si quis nolit antidotum bibere, nisi vas sit adductum ex Atticæ Veneris figulina: nec in hieme vestem induere, nisi quæ lanam habeat ovium Atticarum.

Ut qui ad convivium accessit, utitur apposis, nec aliud requirit: Ita discentem tacite audire oportet, donec qui dicit, perorarit, tum si lubeat, utilem aliquam quæstionem proponere.

Ut apud Homerum Ulysses ridetur a procis, quod panis frustula peteret, non enses, neque lebetes: Ita magis ridendi sunt, qui differenti minutulas ac frivolas quæstionulas objiciunt.

Ut qui clave velit secare ligna, securi aperire ostium, utriusque usu sese privat: Sic qui dicentem alienis ac friuolis quæstionculis perturbant, non solum nullum capiunt fru-

fructum ex his quæ dicuntur, verumetiam mali viri opinionem, atque odium lucrifaciunt.

Ut morbus non celandus est, sed in publicum effendus, quo sanari possit, ut dixit Heraclitus, sic inscitia non est tegenda.

Ut Tragoedia in theatris: Ita Philosophus in scholis est audiendus, nempe ad finem usque.

Dissemi-
Qui pecuniam dat, quantum impartit alii, tantum sibi detrahit: At non idem fit in laude, & tamen hoc imaginantur maligni quidam, parcius impartientes laudem, quam pecuniam.

Ut qui maligne dant aliis, videntur ipsi parum habere: Ita qui parce & maligne laudant alios, videntur adhuc suas esurire ac sitire laudes.

Judex in causa nihil tribuens amori, tantum rem perpendit, ac secundum eam pronunciat: At in audiendis Philosophis, multis lapsibus candide favendum est. Unde veteres juxta Mercurii statum, Gratiarum item ponere soliti sunt.

Ut juxta vias asperas ac salebrosas violæ flosculique nonnunquam occurrunt: Ita in oratione infacunda nonnunquam & sententiæ & figuræ incidunt dignæ quæ laudentur.

Ut hædera undevis ex se invenit, quo se alliget: Ita amor etiam iis capitur, quæ non amantem offendunt.

Ut amantes candide interpretantur vitia quædam: Ita debent & auditores dicentium.

Bonus conviva non existimat hoc tantum suarum esse partium, ut suaviter accipiatur, cura sumptuque alieno: sed debet commodum vicissim exhibere convivam: Sic auditor non tantum audit ociosus, dicente sollicito: sed vultu; oculis, applausu, favore, juvare oportet dicentem.

Ut in ludo sphaeræ alterius est commode mittere, alterius scite excipere: Sic in audiendo convenit utrumque suo fungi officio, tum eum qui differit, tum eum qui auscultat.

Qui castam ac Philosophicam orationem meretriciis ac sophisticis laudibus prosequuntur: perinde faciunt atque ii, qui athletam liliis aut rosis coronant: non lauro aut oleastro.

Ut non quævis corona quemvis decet victorem: Ita non quævis laus aut quivis honos quemcunque hominem.

Ut ridiculus sit cantor, qui rem gravem Lydiis efferrat modis: Ita ridiculus qui de Diis, aut recte vivendo verba faciens, Rhetoricis lasciviat flosculis.

Non quemadmodum parasitus convicio tactus ab iis, a quibus alitur, ridet, ac nihil commovetur: Ita a Philosopho reprehensus, debet esse affectus, sed nec offendi oportet, nec impudenter negligere.

Ut caro quæ callo obduruit, non accipit vibices plagarum: Ita animus assuetudine peccandi non commovetur correptione licet acri.

Qui correptus statim fugit exosus admonitorem: perinde facit, ac si sectus a Medico continuo offensus aufugiat, non expectans, ut obligetur, & oblinatur vulnus ac mitigetur. Nam is quod dolet jam passus, quod confert, non vult experiri.

Ut Telephi vulnus eadem hasta sanatum est, quæ vulnus infllexerat: Ita vulnus objurgationis ab eodem sanabitur, qui fecit.

Ut qui sacris initiantur, perferunt primos illos insultus, spe fecuturæ dulcedinis, ac lucis: Idem faciendum iis, qui a Philosopho objurgantur.

Ut priusquam assuevimus, multa nos offendunt in homine, quæ postea assuetis sunt etiam jucunda: Sic in literis, in Philosophia, prima illa tædia toleranda sunt, donec usu fiant facilia jucundaque.

Ut vasa angusto ore difficilius recipiunt, sed retinent certius liquorem: Ita ingenia quæ tardius percipiunt, fere meminerunt tenacius.

Ut pulli involucre semper hiantes pendent de ore alieno: Sic quidam molesti sunt docenti, quod necessarium sit eis omnia mansa in os inferere, nihilque tradant ipsi sibi.

Ut quidam crebris diviticulis viam brevem reddunt longam: Sic nonnulli docentem crebris quæstiunculis nihil ad rem pertinentibus interpellantes, perpetuam interrumpunt doctrinam.

Quemadmodum ignavi, cibique avidi canes, domi ferarum pelles mordent, ac villos vellunt, feras ipsas in venatu non attingunt: Sic quidam præpostere studiosi, de augis agunt, caput disciplinæ non attingunt.

A Non ut vasa, iidem ingenia desiderant repletionem: sed satis est accensio, velut incitamentum in materia, quo vis inveniendi, & cupiditas veritatis incitetur. *Dissemi-*

Veluti si quis ignem petat a vicino, deinde illic luculento reperto fœco desideat, maneatque: Ita quidam semper assident præceptoribus, nec accendunt ingenium suum, ut domi suo fruantur igni.

Quemadmodum juxta Philoxenum, suavissimæ sunt carnes, quæ non sunt carnes: & jucundissimi pisces, qui non sunt pisces: Ita maxime delectat admixta Philosophiæ Poësis, & Poësi admixta Philosophia.

Ut in obsoniis non solum sequimur voluptatem, sed etiam salubritatem: Sic in audiendis & legendis auctoribus.

B Frustra clauduntur portæ civitatis, si una relinquatur aperta, per quam hostes irrumpant: Ita non satis est in cæteris temperatum esse, si auditus pateat perniciosus sermonibus.

Ut diligentius servanda est ea porta, quæ via sit ad regiam: Ita cautius servandus auditus, quod maxime sit cum rationali animi parte conjunctus, & quod per eam admittitur, maxime potest vel juvare vel lædere.

Quidam amethystum adhibent in comotationibus adversus ebrietatem: Multo magis in audiendis Poëtis præcepta sunt adhibenda ne quid inficiant animum.

Ut in his locis ubi multæ nascuntur herbæ ad remedium efficaces, in iisdem multæ nascuntur letales: Sic in Poëtis, multa præclara, multa pestifera.

C Ut Simonides dixit, stupidiore esse Thessalos, quam ut a se decipi possent: Ita qui feliciore sunt ingenio, citius a Poëtis corrumpuntur.

Quemadmodum Ulysses auribus cera obturatis, Sirenum periculum præternavigavit: Ita nos si quid incidit blande fœdum in auctoribus, prætervchi oportebit.

Si multi inebriantur vino, non ob id incidendæ vites, ita ut fecit Lycurgus, sed propius admovendi fontes: Ita si multi abutuntur Poëtica, non protinus abjicienda, sed adhibenda cautio, ut fiat salutaris.

Ut mandragora juxta vites nascens, vinum reddit lenius: Ita Philosophiæ ratio admota Poëticiæ, moderatiorem efficit ejus cognitionem.

D Quemadmodum in picturis plus movet color quam lineæ, propterea quod propius hominis formam repræsentet ille, magisque fallit: Ita mendacium admixta veri similitudine, magis allicit movetque, quam simplex oratio, quæ nihil habeat fuci.

Non ut invenire licet sacra sine tibiis & choro: Ita Poësim absque mendacio licet invenire. *Dissemi-*

Venenum admixtum cibis, pestilens sententia admixta rebus utilibus ac jucundis.

Ut fœdis animantibus scite effectis delectamur: Ita in Poësi, quia est rerum adumbratio, etiam mala recte effecta delectant.

E Ut in parricidio, aut incestu depicto, artem modo laudamus ejus qui pinxit, rem ipsam detestamur: Itidem in Poëtis elocutionem imitabimur, rem execrabimur.

Quædam per se non pulchra, quibusdam ob id bona sunt, quod apta: Ita laudantur in Poëtis quædam, quod congruunt personæ, tametsi alioqui fœda. Demonides claudus precabatur, ut crepidæ, quas furto amiserat, quadrarent ad pedes ejus qui sustulisset.

Ut periculum sit, si omnes in idem inclinent latus navis, sed aliis alio inflectentibus, navis optime libratur: Sic seditio & dissensio inter Rhetores tutiorem reddit statum civitatis. Item dissensio Poëtarum inter se facit, ut minus inficiant opinionem lectoris.

F Quemadmodum Medici cantharidis, quæ letale venenum est, pedibus tamen & aliis ad remedium utuntur: Ita licet ex eadem Poësi decerpere, quo medearis illius veneno. Nam semper aliquid admiscant, quo significant se dammare quod narrant.

Qui omnia student exprimere: multa prava imitantur imprudentes, quemadmodum Aristotelis balbutiem, & Platonis siccum humeros familiares exprimebant.

Non quemadmodum omnia religiose metuemus, ac reveremur in sacris: Ita oportet in auctoribus omnia venerari, sed audacter adhibito judicio probare quædam, quædam improbare. *Dissemi-*

Non sic est parendum Poëtis aut Philosophis, quemadmodum-

modum pueri obtemperant pædagogis, sed quemadmodum Cato puer parebat quidem pædagogo iubenti, sed rogabat quam ob causam id iuberet: Ita fides habenda auctoribus, si causam idoneam reddiderint.

Quemadmodum in vite luxuriantibus foliis ac palmitibus sæpe fructus occultantur: Ita in Poematibus, figuris ac fabulis luxuriantibus, multa cognitu utilis allunt adolescentem.

Quemadmodum in eisdem pascuis apibus florem sequitur, capra fruticem, sus radicem, quadrupedia fructum: Sic in Poetis alius aliud quærit, hic historiam, ille sermonis ornamenta, ille probationes, ille præcepta vivendi.

Ut equis non in ipso cursu frenum injicimus, sed ante cursum: Sic qui propensi sunt ad iram aut libidinem, ante rationibus ac monitis refrenandi sunt, prius quam in periculum ventum.

Ut apes ex amarissimis floribus, & asperissimis spinis mel suavissimum ac lenissimum colligit: Sic ex turpibus ac sceleratis fabulis utcumque decerpi potest aliquid utilitatis.

Ut freno circumagitur equus, ut clavo navis: Ita oratione ducuntur homines.

Quemadmodum Medici pharmacum, ad unicum morbum repertum, ad omnes similes ac finitimos accommodant: Ita convenit auctorum dicta ad varios usus accommodare.

Ut qui vestes flagellant, corpus non attingunt: Sic qui generis vitium aut paupertatem exprobrant, non propriè tangunt ipsum hominem, sed externa calumniantur.

Ut qui subito e summis tenebris in lucem educitur, magnopere perturbatur, nisi paulatim lumini assueverit: Sic in Poetis prælegendis, Philosophorum opiniones inspergendæ in animos puerorum, ne postea ad tam diversas doctrinæ rationes perturbentur.

Frustra suber appenditur retibus ut natent, si plumbum annexum deorsum trahat, & in æquo teneat: Ita frustra præceptis bene vivendi instituimur, si malitia addita non finit e stultitia emergere.

Ut in curatione non sentitur morbi levamen, nisi sincerus habitus inducatur: Sic in Philosophia non proficitur, nisi paulatim aliquid decedat de stultitia, donec in alium mentis habitum proficiat.

Diffimile. Non ut Cæneus subito e muliere factus est vir optando tantum: Sic repente ex improbo viro, probus evadit quispiam, ut qui cubitum abiit stultus surgat sapiens.

Ut ad lineam applicandus est lapis, non ad lapidem linea: Sic vita ad Philosophorum decreta corrigenda est, non ea sunt ad mores nostros trahenda.

Ut paulatim umbra remissa sentimus nos magis esse in lumine: Ita sensim imminuta stultitia, in sapientia proficimus.

Ut qui in immenso navigant mari, ex ipsa ventorum vi cursusque tempore conjiciunt se promovisse, etiam si nondum appareat portus, nusquam tamen consistunt, donec portum attigerint: Ita non conquiescendum in Philosophia, donec ad perfectum illum sapientis habitum perventum sit.

Ut qui paulum addit paulo, idque frequenter facit, ingentem acervum accumulatur: Ita assiduitas ad bonam mentem parandam plurimum valet.

Diffimile. Qui subinde subsistit in via, minus proficit: At in Philosophia etiam relabimur in malitiam, intermisso ad honesta cursu, cum navis retroacta æstu.

Diffimile. Planetæ juxta Mathematicos cum desinunt procedere figuntur: At in Philosophia subsistere non licet, sed assidue est progrediendum.

Ut statera non potest consistere, sed aut in hanc aut in illam vergit partem: Sic in Philosophia, qui non proficit ad bonam mentem, is revolvitur ad malam mentem.

In bello nunquam remittendæ sunt excubiæ: Ita semper adversum vitia nobis dimicandum.

Ut culmus primum in altum surgit impetu, deinde crebris geniculis intersecatur, postremo in summo venti flatibus laborat: Sic quidam initio fervent, deinde subinde subsistunt & offenduntur, in extremo deficiunt defatigati.

Ut qui leviter amant, gaudent quidem amico præsentente, absentis facile obliviscuntur: at qui penitus amant, non finunt abesse quod amant: Sic quidam facile avocantur a studio Philosophiæ negotiis; at qui vere amant, omnium præ-

A illa obliviscuntur, nihilque illis sine illa dulce esse potest.

Non quemadmodum unguentis cum adsunt delectamur, cum non adsunt non discruciamur: Ita oportet erga Philosophiam esse affectum.

Ut qui vehementer esurit aut sitit, nulla re potest avel- li, donec sedaverit appetentiam: Sic omnia posthabenda sitienti sapientiam.

Quemadmodum grave est navim ingressis, cum terra discedit quam agnoscunt, & nondum apparet ad quam navigant: Sic Philosophantibus initio molestum a consuetis discedere commodis, cum nondum videant ad quam felicitatem Philosophia sit perductura.

B In Philosophiæ studio ceu per metamorphosin quandam, quidam velut aves facti conferunt se ad contemplationem naturæ, quidam ceu catellæ ad rixas & morsus iophismatum & quæstiuncularum.

Quemadmodum Anacharsis dixit, Athenienses ad nihil aliud uti nummis, nisi ad numerandum: Ita quidam utuntur Philosophiæ præceptis tantum ut ostentent.

Ut apicula ex flosculis succum mellis colligit, cum alii non delectentur nisi colore & odore: Sic Philosophiæ studiosus & ex Poetis invenit, quod ad bene vivendum conducatur, cum alii tantum voluptate deliniantur.

C Qui in Platone & Demosthene nihil quærunt nisi puritatem Attici sermonis, quid aliud agunt quam ii, qui in pharmacis nihil amant nisi fragrantiam & nitorem, vim purgandi servandique negligunt?

Ut non medentur qui vendunt pharmaca: Ita non sunt Philosophi, qui quicquid e Philosophia sumpserint, id transferunt ad ostentationem.

Ut avis quicquid pabuli nacta est, in pullos transfert protinus, ipsi nihilo melius est: Ita quidam ideo discunt, ut statim doceant, ipsi nihilo meliores evadunt.

Ut verus amor erga mulierem non desiderat testem, sed sat habet si clam ea potiatur: Ita vir sapiens recti conscientia contentus. At qui fecte amant, ostentant & jactant.

Ut agricolæ lubentius vident spicas inclinatæ quam erectas in altum: nam illas onustas fructu intelligunt, has inanes: Sic adolescentes priusquam profecerunt in Philosophia, tument: ubi doctrinæ fructum perceperint, submitunt sese.

Ut e vasis cum explentur liquore, aer expellitur: Sic qui profecerunt in Philosophia, veris implentur bonis, ac minus jam gloriuntur barba & pallio, minusque severi sunt in alios, in seipsos duriores.

Ut initiantur homines clamore ac tumultu, deinde cum sacra fiunt, taciti ac venerabundi auscultant: Ita initia Philosophiæ tumultuosa sunt, tranquilla mysteria.

Ut in tempestate apparentibus geminis, nautæ in spem eriguntur: Ita post primam illam in Philosophia desperationem, lux veritatis oborta discutit eam diffidentiam.

E Menedemus aiebat multos navigare Athenas, qui primum essent sapientes, deinde fieri Philosophos, id est, sapientiæ studiosos, deinde Rhetores, postremo idiotas: Sic in Philosophia quo magis profeceris, hoc minus turgebis fastu.

Qui dentibus laborant, protinus Medicum adeunt, malum exponunt, qui febre tenentur, accersunt, at phreneticus, nec accersit, nec admittit, ob morbi vehementiam: Ita qui vitia sua celant, nec admonentem patiuntur, de his nulla salutis spes est.

Ut qui laborant, non affectant haberi ulcerosi, sed magis fugiunt esse quam videri: Ita non est affectandum, ut videaris malus, sed magis abominandum ne sis talis, quam ne videaris.

F Diogenes videns adolescentulum quendam in popina, ei pudore intro fugienti, quo interius, inquit, fugeris, hoc magiseris in popina: Ita vitiosi quo magis abduunt sese intra seipsos, hoc magis sunt id quod sunt, foras prodeant oportet, si cupiunt effugere seipsos.

Ut qui egent, hoc magis ac molestius egent, quo magis dissimulant egestatem: Sic qui vitiosi sunt, ac dissimulant ob fastum & arrogantiam, pejores sunt.

Ut equi jam mansuefacti, etiam si auriga non utatur habenis, tamen suapte sponte rectam pergunt ire viam: Sic affectus a ratione jam pridem domiti & assuefacti, nec in somnis, nec in morbis sopita ratione, quicquam tentant turpe.

383

Ut corpus affuefit, ne conniveant aut lachrymentur oculi, ne palpitet cor: Ita multo magis animus ne phantasiis commoveatur.

Quemadmodum cum morbus in corporis partibus non suas transfertur, signum est morbi parantis abire: Sic cum offendimur, quibus consuevimus delectari, indicium est futuræ sanitatis.

Ut non est verus amor, qui caret zelotypia: Ita non amat vehementer virtutem, nisi qui ardet æmulatione recte factorum ab aliis.

Ut acer equus suapte sponte facile currit: Ita qui ardet amore virtutis, non eget admonitore.

Ut amanti omnia placent in amato: Sic in eo, in quo virtutem amamus, etiam gestum, incessum, & adpectum imitari gaudemus.

Ut qui vere amant, etiam balbutiem ac pallorem adamant in amatis: Sic admirator virtutis, non horret Aristidis exilium, nec Socratis paupertatem, ne Phocionis condemnationem.

Ut qui se comunt, adhibent speculum: Sic gesturus negotium proponit sibi laudatorum virorum exempla.

Olim ediscebant nomina digitorum, iisque adversus terrores veluti remedio utebantur, singulis lente recitatis: Sic adversus omnes animi perturbationes, exempla quædam optimorum virorum habenda sunt in promptu.

Ut qui desperat se fore divitem, largius impendit: at qui jam spe vicinus est opulento, is nec pusillum contemnit lucellum, & minimis parcat: Ita qui confidit se fore bonum virum, & minima vitia studet corrigere, & nihil negligit, quod aliquo modo conducatur ad bonam mentem.

Qui sepem, aut aggerem construunt quævis congerunt, lignum, saxum, aut columnam a sepulchro delapsam. At qui regiam ædificat, nihil temere componit: Sic vir bonus nullam vitæ partem negligit incompositam.

Dissemi-

Licet invenire regionem, ubi venena non sint, quemadmodum affirmant de Creta: At non licet invenire Rempublicam, quæ non alat invidiam, contentionemque.

Ut priscis satis erat si a feris non læderentur, posteriores etiam in suum commodum vertere coeperunt, pellibus vestiri, carnibus vesci, felle mederi: Sic nobis agendum est, ut ab inimicis non solum non lædamur, verum etiam adjuvemur.

Non potest quævis arbor mitescere, neque quælibet fera cicurari, proinde hæc quoque qua possunt in suum vertunt usum: Sic qui ad amicitiam adduci non possunt, horum odio ad nostrum commodum abutemur.

Aqua maris inutilis potui, sed alit pisces, servit navigantibus: Sic in unaquaque re quod inest commoditatis, excerptum est.

Prometheus, Satyrum cum primum videns ignem vellet amplecti, admonuit eum exurere contingentem, at oculis præbere lumen, calfacit, inquit, & servit artibus. Sic eadem res, utrinque utilis, ita perniciofa est, aut utilis.

E corporis morbo quidam hoc excerptum commodi, quod vacant negotiis, quibus distringebantur: & quosdam labores obiecti reddidere validos: Sic quibusdam exilium, paupertas, naufragium, occasio fuit Philosophandi.

Quemadmodum qui stomacho valent, & animantia famisura, saxa, ferrum, serpentes, & scorpiones concoquunt, eaque in nutrimentum vertunt: contra valetudinarii, etiam pane & vino offenduntur: Sic stulti & amicitias perdunt, sapientes etiam inimicitias recte norunt uti.

Lyneus per quercum videt, inimicus etiam per famulum, per amicum perspicit, quid agas.

Ut vultures ad extincta corpora odore feruntur, sana non sentiunt: Sic inimicus, si quid deliqueris, statim olfacit, atque eo confestim accurrit, ad recte facta stupidus.

Ut hostis semper imminens muris, in causa est ut vigilet, ac sobria sit civitas: Sic inimicus observans, quid agas, facit ut nihil agas, dicatve temere.

Dionysiaci sæpe negligenter inter se canunt in theatris, verum cum certatur, tum multo diligentius agunt omnia: Sic accuratius gerit rem, qui scit vitam suam ab adversario observari.

Ab absurdum existimant obprobare cuiquam corporis vitium, a quo non sis ipse immunis: At multo magis ridiculum, animi vitium in alterum conijcere, quod in te recidat.

Quemadmodum Telephus, quoniam lædebat amico, cæcatus est ab hoste petere remedium ac medelam vulnere: Ita qui non habent liberos amicos, a quibus admoneantur, sæpenumero ab inimicis audiunt sua vitia.

Item ut Telephus non respexit hostem, cujus erat hasta, sed salutem quam adferebat: Ita non oportet offendi inimici convicio, sed si verum admonet, vertendum est ad vitæ correctionem.

Ut ille Theſſalum Prometheus volens occidere, gladio dissecuit tuber, ac sanavit: Ita sæpenumero convitium per iracundiam dictum ab inimico, vitium animi vel ignotum nobis, vel neglectum sanatur.

Ut qui luctantur, non abstergunt suum pulverem, sed se mutuo contaminant ut mutuo cadant: Sic quidam accepto convicio, non id purgant, sed observant quid vicissim in illos possit torqueri.

Ut si vel inimicus ostendat lutum adhærens vesti non rejicit in illum, sed abstergit: Ita si quis ostendat maculam vitæ, non regerendum est convitium, sed abstergenda labes.

Ut inveterata consuetudo etiam si lædat, tamen haud facile propellitur: Ita simulas invidiam, zelotypia maliamemoriani in animo relinquit.

Quemadmodum a feris exorti, didicimus & homines jugulare: Sic affueti inimicis male facere (quod iustum existimatur) nisi cavemus, discimus paulatim & erga quosvis eadem facere.

Ut non est Corydalis absque crista: Ita non est ingenium absque invidia innata.

Ut cupimus cloacas quam longissime ab ædibus nostris abesse: Ita in inimicos vitiorum purgantia rejicere profuerit.

Ut Onomademus noluit omnes tolli, qui diversarum fuissent partium, ne sublatis inimicis omnibus, cum amicis, inquit, incipiamus digladiari: Ita consumptis in hostes huiusmodi affectibus, magis comes sumus erga amicos.

Ut agricolæ juxta allia & cepas, ferunt rosas, quod quicquid est in illis molesti odoris, in hæc tranſeant: Sic inimicus, si quid est in nobis mali animi, id totum in se recipiens, ac consumens, reddit nos amicis jucundiores.

Perinde ac si mutilus, ac cæcus metuat, ne Bruteus fiat centimanus, aut Argus centoculus: Ita quidam metunt, ne plurium sint amici, cum nec unum adhuc verum habeant amicum.

Ut mulier impudica cum multis se commiscens, nullum certum habet amatorem: Ita qui multorum appetit amicitiam.

Ut puella in pratis alium post alium flosculum decerpens, semper novis ardentibus capitur, priores negligit: Sic qui multas instituit amicitias, ac mox saturatus alias querit.

Ut fluvius in multos ductus rivos, fluit tenuis ac languidus: Sic benevolentia in multos distracta languescit, & evanescit.

Ut animantia quæ unicuique pariant sortem, vehementius amant: Sic erga unum ardentior est benevolentia.

Quemadmodum muscæ in popinis non manent, si desit nidus: Ita vulgares divitum amici non perseverant si non adsit utilitas.

Veluti qui nummum adulterinum: Ita qui unicuique habet non exploratum, ubi senserit improbum esse, cum privatur eo, gaudet: cum habet, optat effugere.

Ut malum cibum nec retinere possis citra noxam, nec rejicere sine molestia: Ita malum amicum, si teneas, lædit, nec tamen absque inimicitia, ac tumultu veluti bilem potes abjicere.

Ut rubo, spiritusque complectentibus nos discussis, ad vitem aut oleam tendimus: Ita non quemvis obvium oportet in amicitiam admittere, sed ad idoneos, rejectis aliis, cundum est.

Ut Zeuxis lente pingebat, quod diu duraret: Ita diu explorandus amicus, qui sit perpetuus futurus.

Ut diligenter compingitur navis, quæ sit in tempestatibus præsidio futura, & agger variis casibus opposita: Ita diligenter probandus amicus, quæ sis usus ad omnia.

Quemadmodum hæc coagulo concreſcit: Sic homines compinguntur, & unam fiunt amicitia.

Ut alius venti secundi sunt, aliis adversi: Ita alius fortuna favet, aliis adversatur.

Ut

Ut Briareus centum manibus quinquaginta pascens ventres, nihilo felicius erat nobis, qui duabus unum administramus: Sic tantundem commoditatis capies e paucorum amicitia, quantum e multorum: pensatur enim incommodum, si pauci inserviunt, paucis est inserviendum.

Uti Creon filiam nihil adjuvit, sed eam complexus una cum illa periit incendio: Sic quidam felicibus amicis non fruuntur, cum infelicibus pereunt.

Ut bruta si vi commisceantur diverso generi, discedunt indignantia, & graviter ferentia: Sic inter similes placide coit, & cohaeret amicitia.

Diffimile. Musica symphonia constat e diversis, puta gravibus & acutis inter se ratione compositis: At amicitia constat similibus.

Diffimile. Non ut Polypus se quibuscumque locis: Ita nos debemus nos quorumlibet moribus accommodare.

Diffimile. Polypus superficiem, & colorem dumtaxat mutat: At amicus vere similis esse debet amicis, & moribus, & affectibus, & studiis.

Diffimile. Non ut Proteus praestigiis sese in omnes vertebat formas, nec ullam habebat certam ac propriam: Sic oportet nullo certo vitae instituto, cum studioso legere, cum palaestra colluctari, cum venandi studiosis venari, cum bibosis simul inebriari, cum ambizioso ambire magistratum.

Ut qui propriam domum non habet, per multas domos vagatur: Ita qui certum vitae institutum non sequitur, nunc in horum, nunc in illorum mores transit.

Ut prima materia quibuscumque formis variatur, cum propriam non habeat: Ita animus multorum amicitiae subiectus.

Erungium herbam si uni caprae in os inferas, cum ipsa sistitur, tum omnes consistunt, donec pastor herbam eximat: Ita Principis mores mira vi in populum transfunduntur.

Ut Ixion Junonem persequens, in nubem incidit: Sic multi in fucam, & vulgarem amicitiam incurrunt.

Ut lumen magis prodest iis qui vident, quam qui videntur: Sic gloria magis confert iis qui eam sentiunt, quam quibus contingit.

Ut gravius puniendus, qui letiferum venenum non in unum calicem, sed in fontem, unde bibunt omnes, injicit: Sic magis peccant, qui Principis corrumpunt ingenium, quam qui privati hominis.

Ut sacrificis honorem habet civitas, quod commune omnium bonum a Diis petant: Ita multo magis honorandus Principis praceptor bonus, qui talem fingit, ut omnibus sit utilis futurus.

Ut artifex libentius faciat lyram, qua sciat Amphionis arte Thebanorum urbem condendam, quam eam qua Thales Lacedaemoniorum seditionem composuit: Ita Philosophus libentius formabit ingenium Principis orbi profuturum.

Ut mendum quod induruit, ac diutius inhæsit, difficile tollitur: Ita vitia inveterata non facile corriguntur.

Ut liber post lituras iterum infectus non facile emaculatur, quod altius imberberat atramentum: Ita animus saepe in eadem relapsus vitia.

Velut si quis caecus in quempiam incidat, illum caecum appellet, qui non vitaverit: Sic nos fortunam facimus caecam, in quam nostrapte incidimus caecitate.

Ut quemadmodum si sol non sit, per reliqua astra noctem ageremus: Ita quantum ad reliquos attinet sensus, nihil differemus a brutis, nisi ratio adsit.

Ut pictor ille spumam equi, quam arte nequibat exprimere, impacta in os equi spongia variis imbuta coloribus, casu expressit: Sic quaedam casus conficit, quæ providentia, curaque nostra non possunt effici.

Ut non debet sumere citharam, qui canendi sit imperitus: Ita non debet imperium sumere, qui non sit prudentia praeditus.

Ut Medici in vehementi fluxu pituitæ, non statim succurrunt pharmacis, sed foris admovent, quod tempore concoquat humorem, actum medentur: Ita in recenti dolore tacendum, donec tempore mitior contingat consolationem.

Ut in Democratia, cui forte contigit imperium, eum oportet imperare: cui non contigit, eum oportet æquo animo ferre: Sic in vita hominum quod fors dederit, boni consulendum est.

Ut terræ foetus aliquando copiose proveniunt, aliquando

A maligne. Et in animantibus aliquando foetura felix, aliquando sterilitas est: Et in mari aliquando tempestas, aliquando tranquillitas: Sic in vita varii fortunæ casus.

Ut suus cuique arbori fructus: Ita luctus non est alius fructus, quam lachrymæ.

Ut nemo miratur liquefactum, quod potuit liquecere, sectum quod erat sectile, exustum quod exustibile: Ita mirandum non est mortuum esse, qui erat mortalis.

Quemadmodum ex eodem luto licet fingere animantia, ac rursum confundere, atque continenter aliud ex alio facere: Sic natura ex eadem materia genuit majores nostros, his extinctis, nos, deinde alios atque alios.

B Quemadmodum mutua pecunia æquo animo reddenda est: Sic vitæ munus, quam mutuo accepimus a Diis, citra querimoniam est reponendum.

Ut non qui multum cecinit, aut Rhetoricatus est aut gubernavit, laudatur, sed qui scite: Sic non qui diu vixit, sed qui bene.

Quemadmodum quod in tesseriis cecidit, id arte & ratione quam potest optime disponendum: Ita quod in vita accidit, in optimam vertendum partem.

Sicut mensarii non gravatim reddunt deposita pignora, ut quæ in hoc ipsum acceperint, ut restituant: Sic nos quod a Diis accepimus.

Quemadmodum araneæ ex se telas texunt: Ita quidam ex seipsum comminiscuntur fabulas ac mendacia, cum nihil subest veri.

C Quemadmodum iris nihil aliud est quam relucencia solis refracti in nubibus: Ita fabula quaedam est veri representatio.

Fumus initio ingens, facile evanescit: Sic gloria falso parta.

Ut fugitivis ab altaribus ac templis revulsis, nihil superest præter mortuorum sepulchra: Sic qui vera suaque gloria destituti, majorum imaginibus esserunt sese.

Non utimur aqua turbata nisi confiteri: Multo minus utendum est animo commoto, priusquam ad se redierit: Ita Socrates.

D Si qua terra referta sit saltibus, feris & herbis sylvestribus, multoque limo, protinus displicet imperito colono: At peritus agricola ex iis ipsis coniectat soli molliciem ac feracitatem, tantoque impensius dat operam ut eam repurget: Sic magnis ingeniis magna vitia solent innasci, quæ non convenit statim tollere, sed potius mederi: expectanda ætas, donec ad frugem bonam reducat.

Quemadmodum Egyptii lege jubeantur expectare, donec peperisset si qua gravida morbo fuisset correpta: Ita non facile abjicienda spes in hominum erratis.

Ut hyenæ fel, & phocæ coagulatum, atque aliæ pessimarum ferarum partes adversus magnos morbos efficax habent remedium: Sic Deus pessimis tyrannis utitur nonnunquam ad correctionem vitiorum.

E Quemadmodum agricola non incidit spinam priusquam alparagum inde ceperit, & Libyes non ante incendunt famentum quam thus collegerint: Ita Deus non excidit genus Regum pestilens, priusquam hinc fructus aliquis bonus contigerit.

Cantharides & scorpiones in se circumferunt sui veneni remedium: At ipsi peccato inest sua poena suppliciumque.

Ut pueri quidam admirantur ac felices judicant nebulones miseros cum in scena saltant, aureis induti: Sic stulti felices existimant divitiis onustos.

Ut qui diutina tæbe conficiuntur non effugiunt mortem, sed lente moriuntur: Sic qui non statim puniuntur, non effugiunt poenam, sed longa ducuntur poena.

F Ut qui in carcere detinentur unde non sit effugium, tamen aliquando ludunt tesseriis: Sic qui in vita voluptatibus utuntur cum sint scelerati.

Ut amnes quidam repente se condunt sub terram, nihilominus eo perferuntur quo tendunt: Ita numinum iræ licet occulte, tamen in extremas calamitates auferunt aliquando nocentes.

Ut qui æstuant febribus, æque calent, siue unam infra-veris vestem, siue plureis, tamen in solatium illorum multitudo vestium tollitur: Sic observandum, quibus mederi non possis.

Quemadmodum ischiacis Medici pollicem inurunt, & cum

587

cum alibi doleat, alibi admovent remedium: Sic Deus nonnunquam ut patres sanet, sævit in filios.

Ut scorpius non tantummodo putandus est habere aculeum cum ferit, sed semper est observandus: Ita malis prognati, etiam si non peccent, tamen venenum habent.

Ut Medici quibusdam morbis occurrunt priusquam appareant: Ita Deus quædam punit ne fiant.

Qui vincit in certaminibus, præconem adhibet quo victor pronuncietur: Multo magis vera virtus alieno debet ore laudari, non suo.

Quidam fame coacti, cum deest quod edant, suis ipsorum artibus turpiter vescuntur: Sic quidam siti gloriæ, cum deest qui laudet, ipsi laudant seipso non sine dedecore.

Ut qui inambulantes attollunt sese ac dilatant, fastuosi vocantur: at laudantur qui itidem faciunt in pugilum certamine aut in pugna, & vocantur fortes & invicti. Sic qui in rebus adversis erigit animum, fortis habetur & insuperabilis.

In tempestate qui confugiunt sub arborem, serenitate facta, ramos illius vellunt fugientes: Sic in rebus afflictis utimur præsidio quorundam, quos eosdem per invidiam affligimus in rebus prosperis.

Qui observant ne molesti sint lippientibus, umbram aliquam admiscunt lumini: Sic quidam laudibus suis aliquid æratorum aut vituperationis adspargunt, ut invidiam effugiant.

Ut non invidetur his qui domum aut agrum magno emeunt, sed quibus gratis contigit: Ita nemo his invidet, qui gloriam magno sibi paraverunt, sed quibus fortunæ favore contigit.

Quemadmodum jubemur aut omnino cavere locum pestilentem, aut si in eo sis, circumspicere agere: Sic aut omnino vitandum ne laudes te ipsum, aut id cautim & circumspicere agendum.

Qui esuriunt, magis irritantur si conspexerint alios edentes: Sic magis inflammantur ad gloriam, qui gloriæ sunt avidi, cum alios audiunt laudari.

Non oportet titillare, qui natura proclives sunt ad risum: Ita non oportet laudare, qui gloriæ suapte sponte sunt appetentiores.

Pictores seponunt ad tempus opera sua, tum ex intervallo rectius judicant: nam assiduitas in causa est quo minus bene judicent: Sic nos rectius judicamus amicos, quos ex intervallo revisimus. Ac de nobis ipsis quoniam adsumus assidue, minus recte judicamus.

Qui se una cum ipsis ædibus incendunt, omnia intus tumultu complent, ut nec videre possint, nec dispicere quid sit utile: Sic ira commotus animus.

Diffini-
la.

Navis desertat recipit gubernatorem, si quis velit in portum reducere: At animus ira percitus non admittit gubernatricem rationem aliunde, nisi intus ratio clavum arripiat.

Quemadmodum qui expectant obsidionem, colligunt ac deponunt pecuniam, atque omnia parant sub hostium adventum: Ita adversus assaultum iracundiæ præceptis Philosophiæ muniendus & instruendus est animus.

Ut in tumultu non audimus quid nobis dicatur: Ita irati non admittimus alienum consilium, nisi ratio loquatur intus, quæ tumultum animi compescat.

Ut munita tyrannis ab alienis tolli non potest, a familiaribus potest: Ita concitatus animus ex se præbet, quo solvatur ira.

Ut ferrum tenue & infirmum si denuo fodiatur, facile frangitur: Sic animus sæpe commotus ira, qualibet de causa commovetur.

Ut non magno negotio flamma exstinguitur in pilis leporinis, aut scyris, aut stipulis accendi cœpta, at non item si solida corripuerit: Sic ira primum gliscens facile vel joco, vel risu compescitur, cum videmus fumantem adhuc: quod si processerit, vix ullo negotio possit exstingui.

Ut nautæ præsentientes tempestatem, anchoris firmant naves: Ita priusquam ingruat tempestas iracundiæ, ratione firmandus est animus, & in diversum nitendum.

Amor levatur cantu, corollis, osculis. At ira si indulgeas exasperatur.

Ut prima tyrannidis solutio est, si reclametur, si non pareatur: Sic iræ statim est reclamandum.

Ut juxta sententiam Hippocratis morbus est periculo-

ssimus, in quo ægrotus subinde mutat oris habitum, ac sui dissimillimus redditur: Ita nullus est animi morbus ira periculosior, quæ vultum, vocem, incessum sic immutat, ut idem alius esse videatur.

Lotis adducunt speculum: Id multo magis adhibendum irato.

Mare commotum cum algam & spumam eiecit, purgari dicitur, etiam si littus contaminat: At qui commotus ira, verba effundit amara, contumeliosa, primum inquinant ipsum a quo dicuntur, & famæ labem aspergunt.

Ut in febre, sic & in morbo linguam habere lenem ac teneram, bonæ spei signum est.

In febris linguæ scabries ac sordes, signum est mali, non causa: In ira linguæ durities, malorum maximorum est causa.

Ut tumor potissimum accidit ex plaga carnis: Sic molles & imbecilles animi maxime intumescunt ira, ut mulierum ac senum.

Barbari quidam ferrum inficiunt veneno, ut bis noxium sit: Sic quidam dictis instigant commotos.

Ut nutrices pueris dicunt, ne plora & accipies: Ita dicendum animo commoto, ne clama, ne festina, ac melius quæ vis consequeris.

Ut pater videns puerum volentem incidere quippiam, ipse arrepto ferro id facit: Ita ratio vindictam eripiens iræ, utiliter castigat.

Ut puer se vulnerat ob imperitiam, dum alium ferro querit lædere: Ita iracundia sibi nocet sæpenumero, cum aliis nocere studet.

Qui nos docuit sagittare, non vetuit jaculari, sed vetuit ne aberremus a scopo: Ita non est interdicta punitio, sed in tempore & apte facienda.

Ut primis nunciis non statim creditur, quemadmodum Phocion Atheniensis, nuntiata Alexandri morte, Si hodie, inquit, mortuus est, & cras & perendie mortuus erit: Ita non statim iræ fidendum dicenti, ille mihi fecit injuriam, sed proferenda fides in dies aliquot.

Ut per nebulam corpora: Sic per iracundiam res majores videntur.

Pigri remiges sereno coelo desident in portu, deinde coguntur flantibus ventis navigare cum periculo: Sic qui non punit, cum est animo sedato, cogitur aliquando vel iratus punire.

Cibo juxta naturam utitur is qui esurit: At vindicta debet uti, qui nec sinit eam, nec esurit.

Ut assidua tussi concutitur & quassatur corpus atque exulceratur: Ita crebra ira animum exulcerat.

Ut luxur deprehenditur e cantu tibicinæ, e coronis projectis, ac similibus indicis: Ita iracundum intelliges e servorum vultibus inustis.

Ut qui per inane ingrediuntur, quo magis innituntur, hoc magis peccant: Ita qui sui amantes sibi fidunt.

Non ut Medici bili medentur amaris: Ita oportet iracundiam medicari iracundia.

Ut minutæ literæ, si quis intendat, offendunt oculos: Sic qui res minutulas iracunde curat, morosior redditur ad majores.

Quemadmodum in œconomicis inquit Xenophon, suum habent locum vasa sacris parata, suum quæ cœnis, alibi quæ agriculturæ, seorsum quæ bello: Ita quisque inveniet in animo suo mala ab invidia profecta, a zelotypia, ab ignavia, ab avaritia.

Ut Lamias fabulæ narrant foris oculatas esse, domi oculis in vase reconditis, nihil videre: Ita quidam in alienis perspicaces sunt, ad sua cæcutiunt.

Ut quibus domi multum est malorum, gaudent apud alios versari: Ita animus sibi male conscius, sua horrens de alienis agit, & malitiam suam apud alios pascit.

Gallina sæpenumero pabulo apposito, in angulo scalpens ac verrens scobem, e stercore hordei granum unum depromere mavult: Sic curiosi prætermittis aut interruptis sermonibus innoxii, si quid malum in cujusquam familia occultum est, id proverunt in medium.

Ut taxatur in comœdiis Cleon, quod alibi manus haberet, alibi mentem: Ita multis in locis est curiosi hominis animus, nec habitat in domo.

Ut Sicyæ, quod est in corpore pessimum, id attrahunt: Sic

Sic curiosorum aures, quod est in hominum vita vitiosissimum, id libentissime audiunt.

Civitates portas habent quasdam nefastas, per quas educuntur nocentes ad supplicium capitis, ejiciuntur purgamenta, nihil autem inferitur sacrum aut purum: Sic aures curiosorum non transeunt nisi homicidia, adulteria.

Ut nemo ferret, si quis Medicus, vel Æsculapius ultro accedens ad alienum morbum, percontaretur, num haberet fistulam in ano, aut num mulier haberet cancerum in pudendis, cum hæc curiositas sit salutifera, quod invocatus accederet. Multo magis ejiciendus curiosus, qui aliena mala non curat, sed reteggit tantum, idque non accersitus.

Diffimili. Portitoribus indignamur, quod aliena scrutantur vasa, cum id lex eis permittat, & ni faciant, damnum facturi sint: Multo magis succensendum iis, qui suis omisiss negotiis aliena perscrutantur.

Ut coci optant pecorum proventum, piscatores piscium: Sic curiosus malorum, novarum rerum commotionem, ut habeat quod venetur.

Ut sele prætercurrente, tollunt e medio obsonia: Ita apparente curioso, vertunt institutum sermonem, donec abierit, ut minus jam norit rerum quam cæteri.

Ut quidam infana libidine, neglectis formosissimis mulieribus quæ prostant, ad inclusam & sumptuosam penetrant etiam deformem: Sic curiosus contemptis præclaris spectaculis ac fabulis tam multis, alienas scrutatur Epistolas, alienas domos, non absque periculo nonnunquam.

Ut Simonides gratiarum scrinium semper inane reperit, mercedis semper plenum: Ita si curiosus post aliquantum tempus suam aperiat penam, inutilibus & insuavis rebus plenam inveniet.

Quidam e Poetis eligunt deterrima, ut ex Homericis versibus acephalos, & *μεινους*, tragicos syllogismos, & ab Archilcho obscene dicta in mulieres: Sic curiosus pessima & insuavissima e cujusque vita decerpit.

Ut Philippus ex deterrimis hominibus conditam civitatem *πονηρόπολιν* appellavit: Sic curiosus malis undique congestis, thesaurum quandam inamabilem & inamocenum sibi in memoria construit.

Ut quidam neglectis pulchris picturis, prodigiosas ac monstrosas mirantur imagines, ut trioculos, carentes suris, cynocephalos: Sic curiosi malis alienis magis delectantur, quam honestis.

Ut venatores non sinunt canes quidvis olfacere, aut mordere, sed integros eos servant feræ: Sic oportet aures & oculos non sinere quovis vagari, sed rebus necessariis reservare.

Quemadmodum aquilæ & leones cum ambulant, introrsum vertunt ungues, ne conterantur, ac servant in prædam illorum aciem: Sic animi vigorem non convenit alienis rebus noscendis absumere, sed servare ad usum necessariorum.

Ut turpe est ingredi domum alienam, aut introspicere: Ita turpius est scrutari quid alii suæ domi faciant.

Ut admonuit Socrates cavendum ab iis eduliis, quæ illicerent ad edendum etiam non esurientes, & a potu qui ad bibendum invitaret etiam non sitientes: Sic fugienda sunt spectacula, sermonesque qui pelliciunt sui desiderio eos, ad quos nihil attinent.

Ut ulcus cruentat seipsum, dum scalpitur: Ita curiositas & sua mala studet cognoscere, & dolorem accersit cognoscendi libido sive pruritus.

Quemadmodum admonet Xenophon, ut in rebus prosperis maxime meminerimus honorare Deos, quo si quando inciderit necessitas, audacter eos possimus accersere, ceu jam benevolos & amicos: Sic dicta quæ morbis animi queant mederi, multo ante comparanda sunt: ut cum opus est, facile succurrant, jam familiaria.

Ut canes feroces ad omnem vocem irritantur, ad solam notam, ac familiarem mansuescunt: Sic animi morbi cum sæviunt, compesci non possunt, nisi dicta adsint nota familiariaque, quæ commotos corripiant.

A Qui nauseant inter navigandum, existimant se melius habituros, si ex scapha in liburnicam, aut in triremem demigrarint: At nihil agunt, cum secum circumferant timiditatem ac bilem: Ita frustra vertunt genus vitæ, qui morbos animi secum adferunt.

Qui laborant adversa valetudine, iis omnia sunt molesta, fastidiunt cibos, inculant Medicos, succensent amicis, at restituta sanitas omnia reddit jucunda: Sic animo ægroto quævis vita insuavis, animo sano nullum vitæ genus non jucundum.

Ut calceus ad pedis formam torquetur, non contra: Sic vitæ genus cuique est ejusmodi, cujusmodi sunt animi affectus.

B Ut frustra puro haurias vase e fonte turbido: Ita non potes aliis jucundus esse, aut rebus obeundis accommodus, nisi purgaveris animum malis affectibus.

Plato confert hominis vitam ludo tesserarum: quid jactu cadat, non est in nobis situm: at quod cecidit, recte disponere in nobis est: Sic eventus in nobis non est, quod obvenit, id in bonum vertere nostri muneris est.

Ut corpus ægrotum nec æstum ferre potest, nec frigus: Ita animus ægrotus prosperis atque adversis rebus juxta offenditur.

Ut apis ex amarissimo thymo, suavissimum mel colligit: Ita sapiens ex tristissimis rebus aliquid excerpit utilitatis.

C Ut qui canem lapide petens, novercam percussit, ne sic quidem, inquit, male: Ita quod præter expectationem evenit, in bonam partem vertendum est.

Ut Medicus curans eos qui dentibus cruciantur, non tam contristatur aliorum malis, quam sua bona valetudine gaudet, sed placidus eis apparet: Sic qui cupit alienæ mederi iracundiæ, non debet ipse simul commoveri, sed placide tractare animum ægrotum.

Febriticantibus amara videntur omnia, at ubi conspexerimus alios eadem non fastidientes, jam non cibum, sed nos ipsos incipimus accusare: Sic desinemus incusare negocia, si viderimus alios eadem hilariter ac lubenter obeuntes.

D Sicyæ quod est pessimum attrahunt: Sic quidam suis bonis non fruuntur, sed malis expendendis discruciantur.

Ut Chius ille vina optima emebat aliis, ipse vappam potabat: Sic qui omnia sua depravant, nec suis ipsorum bonis fruuntur. Hujus servus interrogatus, quid ageret dominus, cum adsint inquit bona, querit mala.

Si pueris unum lusum auferas, reliquis omnibus abjectis plorant: Sic quidam si quid obtigerit dispendii, protinus irati, reliqua omnia commoda sibi reddunt injucunda.

E Ut quidam alienas picturas, statuas, poemata diligenter aspiciunt, ac singula excutiunt per ocium, sua neglectui habent: Sic multi alienas fortunas magis admirantur, suas oderunt.

Quemadmodum adulteri alienas uxores adamant, suas contemnunt: Sic quidam aliorum bonis magis delectantur, sua elevant, aut etiam negligunt.

Ut vincti beatos judicant solutos, soluti liberos, liberi cives, hi rursum divites, hi Satrapas, Satrapæ Reges, Reges Deos, tonare propemodum ac fulgurare cupientes: Sic qui semper expendit, quanto sit aliis inferior, nunquam sua contentus est sorte.

In Olympiis non licet vincere, delecto adversario: Sic in vita quæcunque obtigit fortuna, cum ea luctandum est.

F Ut floridum aulæum aliquando multa tegit fordida: Sic splendor & strepitus potentum multas obteggit calamitates.

Ut quibusdam cum foris, in foro, aut in curia conspiciuntur splendidi, domi morosa uxor contristat omnem vitam: Sic regno, ac divitiis multa adsunt occulta mala.

Ut velis utendum pro navis magnitudine: Ita cupiditates pro facultate sunt moderandæ.

Qui bove venatur leporem, & aratro jaculatur, & sagena captat cervos, si non assequitur, non potest accusare fortunam, sed suam ipsius stultitiam: Sic qui conantur quod non queant efficere, non debent incusare fortunam, sed suam dementiam.

Bos

591

Bos ad aratrum adhibendus, equus ad currus, ad venatum canis, ut inquit Pindarus: Sic quisque debet eam vitæ rationem capeßere, ad quam natura fit appositus.

Qui studeat Plato esse doctrina, dormire cum beata vetula, ut Euphorion: cum Alexandro potare, ut Medius: dives esse, ut Ismenias, virtute præcellens, ut Epaminondas, doleatque quod unus non sit hæc omnia: perinde facit, ac si moleste ferat, quod non sit leo montanus, & idem Melitæa catella in sinu viduæ divitis.

Ut qui cursu certant, non discruciantur, cum vident coronas athletarum, sed suis oblectantur: Ita te non oportet aliena felicitate discrucari, sed tua gaudere sorte.

Ut plures sunt qui lavare velint, quam qui velint inungi: Ita ad magis ardua, magisque præclara pauciores confluunt.

Qui dolent, quod non excellent in omnibus, etiam diversissimis: perinde faciunt, ac si quis moleste ferat, quod vinea non ferat ficus, quodque olea non ferat botros.

Ut feris aliis aliunde victus: Sic hominibus aliis aliunde vivendi ratio, alius philosophatur, alius militat.

Ut muscæ a levibus locis veluti speculis dilabuntur, asperis & cavis insident: Sic quidam bonorum obliti, tristitiam memoriam urgent, ac premunt.

Ut est locus in Olyntho Thraciæ, in quem si scarabeus inciderit, non possit exire, sed distorquens sese immoritur: Sic quidam malorum suorum memoriæ immoriuntur.

Ut in pictura quæ splendida sunt, oculis sunt obijcienda, celanda si qua mala quædeleri non queant: Sic in vita, bonorum contemplatione, obscuranda malorum memoria.

Ut in Musica graves acutis sic miscentur, ut concentum efficiant: Ita bonis & malis utendum in vita, ut ex utrisque vivendi ratio temperetur.

Ut Grammaticus non solum vocalibus utitur, sed & consonantibus, tenuibus, aspiratis, gravibus, longis, ut modulata sit oratio: Sic in vita nihil purum.

Ut Musici duriores harmonias aliis obscurant modulationibus: Sic in vita si quid accidit præter animi sententiam, meliorum collatione est obscurandum.

Ut flamma excitata vento, major est ac vehementior, sed parum durabilis ac constans: Sic vehemens cupiditas ob metum adjunctum, incertam habet voluptatē.

Gubernator etiam si multum conducit tamen non potest sedare ventos & undas: At ratio, ac mentis habitus non solum animi motus componit, verum & corporis morbos sæpe levat.

Ut qui per febrim aut epialum, horrent atque æstuant, gravius afficiuntur iis, qui eadem foris patiuntur: Sic fortunæ res, quod foris adveniant, minus discruciant, quam ea quæ sunt animi.

Ut si fons ipse turbidus sit, quicquid inde fluxerit non potest esse purum: Sic animus si sit infectus malis affectibus, omnia vitiat quæ accedunt, contra si purus & tranquillus.

Ut qui thustundunt, etiam si purgentur, tamen odorem in multum tempus referunt: Ita animus diu diversatus in honestis negotiis, diu servabit jucundam memoriam, qua fretus, contemnet eos, qui vitam ut miseram deplorant.

Ut multa agrestia subnascencia in agro, mala quidem ipsa sunt, sed tamen signa felicitatis atque uberis soli, si quis excolat: Sic animi affectus per se mali, arguunt ingenium non malum, si accedat recta institutio.

E X S E N E C A.

Ut qui se meminerunt inquilinos esse, & in conducto habitare, & modestius se gerunt, & minus gravatim exeunt: Ita qui intelligunt domicilium corporis ad breve tempus a natura commodatum esse, & vivunt temperantius, & libentius moriuntur.

Ut feliciore est, quem ventus acrior cito in portum pertulit, quam quem venti segnes, & longa tranquillitas

lentissimo tædio delassant: Ita fortunatior, quem festinata mors statim his vitæ malis eximit.

Quemadmodum navigantibus terræque urbesque recedunt: Sic rapidissimi temporis cursu primum pueritiam abscondimus, deinde adolescentiam, deinde senectutis optimos annos.

Ut qui serius exivit, cursus celeritate penset ac farciat oportet: Ita qui serius ad bonam vitam aut literas accessit, diligentia reparet necesse est, superioris cessationis jacturam.

Animalia quædam circa cubilia confundunt vestigia, ne queant inveniri: Sic nobis celandum bonum nostrum, quo tutius sit.

Ut in aperto posita & exposita negliguntur ac prætereuntur, abstrusa petuntur insidiis: Ita qui valde latet, & a vulgo semotus est, in hujus vitam inquirunt homines.

Demetrius vitam perpetuo tranquillam, & sine ullis fortunæ incursionibus, mare mortuum vocavit.

Ut sol minora obscurat lumina: Ita ad virtutem reliqua commoda nihil habent momenti.

Ut nihil adfert momenti nimbus in mare decedens: Ita fortunæ incommoda nihil movent sapientem.

Poma quædam suaviter acerba sunt, & in vino nimium veteri delectat & ipsa amaritudo: Sic amicorum defunctorum memoria mordet animum, sed non sine voluptate.

Supra modum deditus vino, fecem quoque exforbet: Sic admodum vitæ avidus, qui ne extrema quidem senecta vult mori.

Ut in eundem amnem nemo bis descendit: Sic ob rapidum cursum vitæ homo ad singula momenta alius est.

Ut latropon genus, quod Ægyptii Philistas vocant, in hoc amplectuntur ut strangulent: Sic voluptates dum blandiuntur necant.

Jumenta quorum in aspero indurata est ungula, quamlibet patiuntur viam, in palustri pascuo faginata cito subteruntur: Sic animus duris rebus assuetus, minus offenditur.

Ut alia vestis magis sapientem decet quam alia, cum nullam oderit: Sic magis congruit hoc aut hoc loco vivere.

Alia remedia cum administrantur, tristitia, post sanationem denique delectant: Philosophia pariter salutaris est & dulcis.

Robora in rectum quamvis flexa revocabis. Curvatas trabes calor explicat, & aliter natæ in id finguntur, quod usus noster exigit. Quanto magis animus accipit formam flexibilis, & omni humore obsequentior?

Quemadmodum stultus est, qui equum empturus, non ipsum inspiciat, sed stratum ejus ac frenos: Sic stultissimus, qui amicum adsciturus, eum e vestitu aut opibus æstimat.

Ut grandio illisæ testis dissultat, magno quidem fragore, verum nulla noxia: Sic insultus fortunæ nihil potest in sapientem.

Ut præstigiatorum fraudes fallunt & cum voluptate: Sic sophisticis argutiis capi ridiculum est, non periculosum.

In labyrintho properantes ipsa implicat velocitas: Sic qui vitæ commodis student, magis involvuntur incommotis.

Navis in fluvio magna, in mari parva est: Sic mediocres alibi, alibi videntur insignes.

Avis quæ pluma tantum tenetur, minimo dispendio potest aufugere: Sic opes non debent nos remorari a studio sapientiæ.

Serpens etiam pestifera dum frigore torpet, tute tractatur, non quod desit venenum, sed quod non possit explicare: Sic quibusdam ad eximiam malitiam virescunt, non animus.

Ut Phoenix non nisi quingentesimo anno nascitur: Ita insignium virorum rarus est proventus.

Non faciunt equum meliorem aurei freni: Nec florem meliorem fortunæ ornamenta.

Radix solis etiam contingunt terram, tamen ibi sunt unde mittuntur: Sic sapientis animus, tametsi versatur hic, tamen apud suam originem est.

Qui

Qui nimium incitatus fertur, non ubi vult sistit sese, sed longius effertur quam velit: Sic nimia in dicendo celeritas temere rapitur.

Ut segetem nimia sternit ubertas, rami onere franguntur: Sic animos immoderata rumpit felicitas.

Flamma nec premi potest, nec quiescere: Sic animus nativo impetu fertur ad honesta.

Semen licet exiguum, tamen locum nactum idoneum vires suas explicat, & ex minimo in maximos actus diffundit: Sic ratio sapientiae paucis constat verbis, in opere crescit.

Vinum quod in dolio placuit, non fert aetatem, quod recens durum est & asperum, postea placet: Sic adolescentia durior maturefcit, & ad frugem pervenit.

Qui multis negociis distrahitur, veluti lacus est ad quem a multis concurrunt, qui eum & exhauriunt & turbant.

Non est admirationi una arbor, ubi sylva tota in altum surrexit: Sic non animadvertitur una sententia, cum passim omnia referta sunt sententiis, sed si raro incidat.

Ignis qui valentem materiam occupavit aqua, & interdum ruina extinguendus est: ille qui alimentis deficitur, sua sponte subsidit: Sic facilis est mors senum.

Gladiator tota pugna timidissimus, cum moriendum est, fortiter adversario jugulum praestat, & errantem gladium sibi attemperat: Sic mors admota etiam imperitis animum dedit, ut praesentem fortiter ferant, qui cum procul abesset, formidabant.

Magnus gubernator & scisso navigat velo, & si exarmavit, tamen reliquias navigii aptat ad cursum: Sic in corpore parum felici ac deficiente, tamen fortis animus sui similis est.

In navi quae sentinam trahit, uni aut alteri rimae obfistitur: sed ubi pluribus locis laxari coeperit, succurri non potest navigio dehiscienti: Ita in senili corpore aliquatenus fulciri potest imbecillitas: verum ubi totum collabi coeperit, nihil agitur remediis.

Ut putri & ruinam minanti aedificio non adhibentur fulurae, sed circumspiciendum ut exeat: Ita defecto corpore demigrandum e vita.

Ut si quis varia spargat, necesse est ut aliqua proveniant: Sic omnia tentanti quaedam succedunt.

Una rursus non facit phthisim, sed in morem adducta: Ita error non statim gignit animi morbum.

Ut aegrotus non quaerit Medicum disertum, sed sanandi peritum: Sic a Philosopho non requirimus orationem phalaratam.

Philosophus etiam eloquens, perinde est quasi si bonus gubernator etiam formosus sit.

Ut in corporibus morbus segnicie & lassitudine praesentitur: Sic infirmus animus, priusquam opprimatur malis, praesumptione quatitur.

Ut femina bona, si in solum bonum inciderint, similia origini proveniunt, eadem humus sterilis ac palustris necat: Sic Philosophiae praepcepta, si in bonum aut pravum animum inciderint.

Non continuo melior gubernator, cui pulchrius aut majus sit navigium: Ita non est melior vir, cui fortuna splendidior.

Diffini- Ex congiario epulo, aut visceratione, tanto minus reddit ad singulos, quanto in plures distribuitur: non idem accidit in bonis animi, quae tota ad singulos perveniunt, nec communicatione minuuntur.

Ut plus debet Neptuno, qui merces preciosissimas deportavit: Sic plus debet Principi, qui tranquillitatem, & pacem publicam non in voluptatibus, sed honestissimis studiis consumit.

Canis quicquid exceperit, protinus devorat, & semper ad spem futuri hiat: Ita quod expectantibus fortuna proiecit, id sine ulla voluptate demittimus, statim ad rapinam alterius erecti.

Ut libri quos non evolvas, situ cohaerescunt: Ita memoria evanescit, nisi subinde renoves.

Lana quosdam colores statim imbibit, quosdam non nisi saepius macerata & recocta: Sic alias disciplinas inge-

nia cum accipere, protinus praestant: Philosophia nisi alte descendit, & diu sedit, non colorabit animum.

In aquam demissa quaedam, cum sint rectissima, speciem curvi, praefractaque visentibus reddunt: Ita si de rebus perperam judicamus, nostrum est vitium, non rerum.

Quaerimus nonnunquam eos, quibuscum stamus: Ita quidam quod sciunt, se scire nesciunt.

Quemadmodum perniciosior hostis fugientibus: Sic gravius est incommodum si cedas, ac des terga.

Quomodo fabula, sic vita: non quam diu, sed quam bene acta sit, refert.

Ut ictum quem praevideris, commodius excipis: Sic praecogitatum malum minus offendit.

Ut histrio non est felicius, quod in scenis adornatus, Rex aut Deus videatur: Sic nec homo fortunae muneribus, quandoquidem suis bonis aestimatus, nihil est.

Ut pumilio, etiam si in monte consistat, pusillus est, Colossus etiam in puteo magnus: Ita sapiens in quacunque fortuna suis bonis magnus est, stultus & in summa fortuna humilis.

Quemadmodum reus paribus sententiis absolvitur: Sic sapiens ubi paria maleficiis merita sunt, magis meminit benefactorum, quam injuriarum.

Illud venenum quod serpentes sine sua pernicie continent, in alienam effundunt: At malitia maximam sui veneni partem bibit ipsa.

Creditori praeter sortem extra ordinem numeramus, *Diffini-* beneficiorum autem usum esse gratuitum judicamus, & illa crescunt mora, tantoque plus solvendum est, quanto tardius.

Ut post malam etiam segetem serendum, ut post naufragium tentantur maria, ut foeneratorem a foro non fugat coactor: Ita beneficium denuo collocandum etiam si semel incideris in hominem ingratum.

Fucata facies nec diu nec multis imponit: Ita simulatio, non nisi ad tempus, & paucos decipit.

Ut umbra nos vel invitos comitatur: Ita gloria virtutem sequitur, etiam fugientem.

Ut umbra aliquando antecedit, aliquando sequitur: Sic quibusdam statim contigit fama, quibusdam post mortem, denique ea quo longius sequitur, hoc major esse solet.

Ut nec mundus crescit, nec sol, nec luna, nec mare: Ita pares sunt omnes sapientes.

Ut oculi diutino morbo difficiles facti, quovis solis radio offenduntur: Sic vitia, multa & assidua contracta temulentia durant & sobriis.

Ut dolium effervescente vino rumpitur, & quod in imo est, eruitur in summa: Sic ebrietas abditissima peccatoris profert.

Quemadmodum onerati mero, non continent cibum: Ita nec arcanum redundante vino.

Ut aequae mortuus est, qui conditus est in odoribus, & qui trahitur unco: Ita aequae sunt infelices, & qui voluptatibus indulgent, & qui ambitiosis negociis vacant.

Ut bonus artifex e quavis materia simulacrum fingit: Ita sapiens quamvis fortunam sapienter administrabit.

Ut initia morborum quamvis levia serpunt: Ita si vitia & affectus vel levissimos semel admittas, crescunt & auferunt.

Ut quaedam ferae etiam domitae, tamen subito ad feritatem nativam recurrunt: Ita nunquam bona fide vitia mansuescunt.

Ut nullum animal nec mite, nec ferum paret rationi, qua caret: Sic nullus affectus.

Qui sibi comparatione deteriorum bonus videtur, perinde est ac si quis ad claudos respiciens suam miretur velocitatem.

Ut e diversis vocibus constat chorus: Ita variarum disciplinarum mixtura constat eruditio.

Qui imitatur auctores, dabit operam, ut similis illis sit, quemadmodum filius similis est patri, non quemadmodum imago picta.

Ut e diversis numeris constat unus, summam illorum in se complectens: Sic e diversis conflatur eruditio, jam tua, non aliorum.

Tom. I. Pp Cibus

Cibus innatans stomacho, onus est, non cibus, idem mutatus, in vires & sanguinem transit: Sic quæ legeris, si solida durant in memoria, aliena manent: si abeunt in ingenium, tum reddunt eruditorem.

Apes e variis varios colligunt succos, sed eos suo spiritu mutant ac digerunt, alioquin non facturæ mel: Sic ævolvendi sunt auctores omnes, sed quod legeris in tuos usus transformandum.

Alibi diligenter expenditur, non quid habeat quisque, sed quid habeat suum: Itidem hominem suis propriis bonis oportet æstimare.

Ut egregius artifex, non in una materia artifex est: Sic sapiens in quavis fortuna se bene gerit.

Quemadmodum fures alienis poculis anfas mutant, ne possint agnosci: Ita nonnulli de alienis inventis paululum quiddam immutant, ac sibi usurpant, & detractis aut additis pauculis verbis, existimant suum videri posse, quod est alienum.

Ut sydera contrarium mundo iter intendunt: Ita sapiens adversus opinionem omnium vadit.

Cum potentes imperio editi, & consensu servientium validi, nocere intentent: tam citra sapientem omnes eorum impetum deficient, quam quæ nervo tormentisve in altum exprimuntur, cum extra visum exierunt, citra coelum tamen flectuntur.

Adjice illos, qui non aliter, quam quibus difficilis somnus, versant se, & hoc atque illo modo componunt, donec quietem lassitudine inveniant, statum vitæ suæ formando, subinde in eo novissime manent, in quo illos non mutandi odium, sed senectus ad novandum pigra deprehendit.

Nihil ergo magis præstandum est, quam ne pecorum ritu sequamur antecedentium gregem, pergentes non quo eundum est, sed quo itur.

Ut in magna strage alius alium trahit in ruinam: Ita in publico errore, alius alium secum trahit ad perniciem.

Ut qui in ludo versantur gladiatorio, cum iisdem vivunt ac pugnant: Ita vulgus hominum inter sese dimicat, & alius alium spoliat vel amicum suum.

Ut feræ mutuo laniatu vivunt: Ita quisquis potentior malo inferioris ditescit ac crescit.

Ut qui per spinosa ingrediuntur loca, suspensis pedibus eant necesse est: Ita de rebus frivolis, aut molestis loquenti, breviter est transiliendum ad uberiora, gratioraque.

Ut qui spinas habet in pedibus, ubique spinas calcant: Ita sterili ingenio omnis materia sterilis est.

Ut qui in alieno habitant, multis anguntur incommodis, semperque de aliqua domicilii parte queruntur: Ita animus nunc de capite, nunc de pedibus, nunc de stomacho, nunc aliud de alio queritur, significans se non esse in suo domicilio, sed unde brevi sit emigrandum.

Ut montium proceritas minus apparet procul intuitibus, ubi accesseris, tum apparet quam sint in arduo: Ita nemo prospicit quam excelsus sit animus Philosophi, quantumque supra res omnes humanas emineat, nisi propius contempleris, & imitatione ad illum accesseris.

Quemadmodum spiritus noster clariorem sonum reddit, cum illum tuba, per longi canalis angustias tractum, patenti ore novissime effudit: Sic sensus nostros clariore arcta carminis necessitas efficit, eadem negligentius audiuntur, minusque percipiunt, quamdiu soluta oratione dicuntur. Potest trahi & huc, ut si quis dicat famam virtutis clariorem existere, si diu rebus adversis oppressa, tandem emerferit.

Ut qui in solem venit, licet non in hoc venerit, coloratur: & qui in unguentaria taberna refederunt, & paulo diutius commorati sunt, odorem loci secum ferunt: Ita qui cum sapiente consuetudinem habent, etiam si non hoc agant, tamen redduntur meliores.

Tempestas minatur antequam surgat, crepant ædificia antequam corruant, prænunciat fumus incendium: At subita est ex homine perniciēs, & eo diligentius tegitur, quo propius accedit.

Ut in corpore latet animus, unde vim & impetum sumant omnia: & mysteria, quæ est sacrorum pars optima, non patent nisi initiatis: Ita Philosophiæ præcepta nota sunt omnibus, id vero quod in ea est optimum, latet.

Ut quidam uxor magno ambitu ducta torquet: Ita quidam magnis laboribus accersunt, magno futura malo.

Ut puerorum, dum primum discunt scribere, digiti tenentur, & aliena manu per literarum simulacra ducuntur, post jubentur imitari propositum: Sic primum animus ad præscriptum adjuvetur oportet, donec incipiat per se philosophari.

Ut minuta quædam animalia, cum mordent, non sentiuntur, tumor indicat morsum, & in ipso tumore nullum vulnus apparet: Ita bonorum consuetudinem prodesse non deprehendis, sed profuisse.

Ut primum est expurganda bilis, unde nascitur infania, deinde monendus homo, alioqui qui furiosum admoneat, quomodo debet procedere, quomodo se gerere in publico, furiosior sit ipso furioso: Sic primum animus est liberandus falsis opinionibus, postea tradenda præcepta Philosophiæ.

Ut qui ex claro sole recidunt in umbram, his caligant oculi: Ita qui a divinorum contemplatione, ad humana recidunt.

Ut Medici vetant admovent remedia, cum morbus in accessu est, ac sævit, sed cum se remittit: Ita ad primos illos iræ aut doloris motus, non est adhibenda consolatio, vel admonitio, sed ubi tempore coeperint esse leviores.

Ut apparatus scenæ, quia commodato datus est, statim redditur, & sine querela: Ita quicquid in vita contigit magnificum, sive serius, sive mox a fortuna repetatur, æquo animo reddemus, si his tanquam commodatitiis utimur.

Ut qui variis tempestatibus, huc & illuc jactatus est, nec tamen pervenit, non multum navigavit, sed multum jactatus est: Sic qui diu vixit, nec profecit ad bonos mores, non diu vixit, sed diu fuit.

Generosus equus melius gestabit sarcinam quam ignavum jumentum, nemo tamen imponit: Ita magna ingenia sunt quidem & ipsa idonea functioni munium, sed indigna quæ tam sordidis occupationibus onerentur.

Ut sydera mundi, si vel paulum subsistant, aut aberrant, summo id omnium malo fiat: Ita Principi cessare non licet, quod si facit, magna rerum humanarum perniciēs fit.

Ex LVCIANO, XENOPHONTE, AC DEMOSTHENE.

Ut histriones Herculem in scenis, aut Agamemnonem representantes personati, auro amicti, torvum tuentes, & late hiantes, tenuem & exilem edunt vocem: Ita quidam in dialogis faciunt Platonem, aut magnos viros loquentes, quorum pondus non possint ingenio tueri.

Bona fabula aliquando exhibetur, vitio histrionis male agentis: Ita bona oratio displicet, si quis parum apte referat.

Ut Momus tauri opificem Deum carpsit, quod non præposuisset oculos cornibus, ubi maxime erat opus: Ita perperam faciunt, qui coronas in vertice ponunt, cum sub naribus magis adponi conveniat, ut plurimum voluptatis ex odore possint haurire.

Ut non omnes insaniunt, qui Phrygiam audiunt tibiam, sed hi duntaxat, quos Rhea corripuit: Ita non commoventur Philosophiæ laudibus, nisi qui ad eam natura sunt propensi.

Quod tibiæ sunt ignaris Musices: hoc opes his, qui nesciunt uti.

Ut qui primo Musicen discunt: citharas aliquot perdunt & obterunt: Ita magno Reipublicæ malo administrat magistratum, qui rudis accedit & imperitus.

Ut bilanx in eam vergit partem, unde plus accipit: Sic quidam nunc huic, nunc illi favent, qui plurimum det, non cujus causa sit optima.

Ex ARISTOTELE, PLINIO, THEOPHRASTO.

Ex omni genere curiositas hominum signa collegit instantis tempestatis: At multo magis conveniebat hac uti diligentia in consultationibus, ut observatis experimentis coniciant, quid malorum ex unoquoque perperam instituto consequatur.

Ut cælo quamvis sereno, nubecula quamlibet parva ventum procellosum dabit: Sic rebus admodum pacatis, ex minimo dissidio, gravissimi rerum motus subito exoritur.

Ut

Ut ranæ ultra solitum vocales tempestatem significant imminentem : Ita cum plurimum valet apud Principes oratio malorum, bonistacentibus, tum instat rerum perturbatio.

Echinus præsentens tempestatem, aut affigit sese, aut arena saburra: Ita cum imminet fortunæ tumultus, animus est Philosophiæ præceptis confirmandus.

Ut imperiti tempestatem non sentiunt nisi sero, suoque malo, contra prudentes agricolæ prospiciunt, caventque: Ita vulgus hominum improvidum suo malo discit, cum interim vir sapiens procul prævisum malum vitet: ut Democritus metente fratre ardentissimo æstu, monuit ut reliquæ segeti parceret, raperetque defecta sub tectum, paucis mox horis sævo imbre vaticinatione approbata.

Quemadmodum non raro fit, ut cœlo maxime sereno sævus imber subito cooriatur: Ita rebus maxime prosperis ac lætis, sæpenumero gravissima rerum incidit perturbatio.

Cum æstate vehementius tonuerit quam fulserit, ut inquit Plinius, ventos denunciat: Ita ubi quis vehementer inclamat in aliorum vitia, ipse non perinde lucens morum integritate, indiciū est animi magis ambitionis vento tumescens, quam solidi pii.

Delphini tranquillo mari lascivientes, flatum qua veniunt parte denunciant: Ita cum exultant improbi, tolluntque sese, rerum humanarum tempestatem instare significant.

Diffimile. Sol, luna, stella, mare, terra, arbores, herbæ, bruta, & in his apes, formicæ, conchæ, denique lucernæ, tempestatem præsentunt: Solus homo sua mala non præsentit, neque prospicit.

Cum bruta solitum naturæ morem relinquunt, tempestatis indicium est, hoc est cum mergi fugiunt maria aut stagna, cum absconduntur formicæ aut ova progerunt, lumbrici e terra fugiunt, tempestatis præsagium est: Ita cum audent facinorosi, tacent integri, sapit vulgus, desipiunt Principes, Sacerdotes pro terrenis digladiantur, perniciem humanæ vitæ significat.

Ut Pyrites gemma non aperit vim igneam, nisi si atterat, tum enim digitos adurit: Ita quorundam malitiam non sentias, nisi cum illis consuetudinem aut commercium habueris: aut non sentias Philosophiæ vim, nisi exercueris: Ita succina attritu vim attrahendi & odorem producit.

Ut scarabeum, aut viperam, aut araneam in gemma redditam & imitatum a natura (nam id videmus esse factum in nonnullis) non horremus, sed amplectimur, effigie delectati: Sic vitiorum erudita pictura delectamur in Historicis ac Poetis.

Quemadmodum gemma Chalazias, etiam si in ignem conjiciatur, tamen nativum frigus suum retinet: Ita quidam sic frigent ad literas ac virtutem, ut nullis exemplis aut hortatibus inflammare possis.

Sicut Alexander Magnus vetuit ne quis se pingeret præter unum Apellem, aut ne quis se fingeret ære præter Lysippum, aut gemma sculperet præter Pyrgotelem, summos videlicet artifices: Ita non convenit Christum a quovis prædicari, aut virtutem a quovis laudari.

Ut gemma minutula quædam res est, sed ingentibus tamen faxis anteponitur: Sic homo pusillus, sed ingenio valens: aut sic Philosophia seu virtus ostentatione minimum quiddam est, sed precio maximum.

Ut æra Corinthia casus fecit, & pictoribus illis, equi & canis spumam, quas ars assequi non potuit, casus expressit: Ita multa forte obtingunt, quæ nullo consilio potueris efficere.

Nemo tam infanus, ut vele Neronis capedine, quam Plinius trecentis sestertiis æstimat, venenum bibere malit, quam e Samio vasculo vinum innoxium: Ita qui sapit, malit salubria præcepta vivendi qualicunque sermone proposita, quam pestiferas opiniones ab eloquentissimo scriptore haurire.

Vitrum mire crystallum imitatur, res vilissima, rem longe preciosissimam: Ita assentatio amicitiam imitatur, res pessima longe optimam.

Ut crystalli fragmenta farciri nullo modo possunt: Ita difficillimum eos reconciliare, qui ex arctissima familiaritate in mutuum odium venerint.

A Ut natura gemmas altissime recondidit, vilia passim obvia sunt: Ita quæ sunt optima, paucissimis nota sunt, nec nisi summo studio eruuntur.

Ut succina palcas ad se trahunt, magnes ferrum, chrysocola aurum: Ita quisque adiscit sibi suis aptum moribus.

Ut indomita vis adamanti, unde & nomen additum gemmæ, adeo ut nec caleseat igni, nec ferro cedat: quin magis ictum ita respuens, uti ferrum simul & incudes diffiliant: Sic sapientis animus adversus omnem fortunæ sævientis impetum invictus.

Quemadmodum adamas adversus omnia invictus, hircino sanguine, eoque calido ac recenti maceratus, malleo frangitur: Ita quædam ingenia nulla vi pervincas, blanditia emollienda sunt.

Adamas una re mollescit ad ictus ferri, alias indomitus: Ita nullum est ingenium tam ferum, quod non aliqua ratione queat expugnari.

Quemadmodum si ferrum inter adamantem ponas & magnetem, diverso nisu nunc huc, nunc illuc fertur: Ita dubius animus nunc ad honesta rapitur, nunc ad diversa trahitur affectibus.

Ut adamas si juxta magnetem ponatur, non patitur abstrahi ferrum, aut si admotus magnes apprehenderit, adamas e diverso rapit atque aufert: Ita pecuniæ studium diffidet cum Christiana pietate, & modis omnibus avocatur, nec sinit adhærescere Christo.

Sicuti Nero Princeps gladiatorum pugnas smaragdo spectabat: Ita quidam malunt divorum imagines quam ipsos divos animo contemplari.

Ut ferrum aut chalybs cætera quidem duritie rigoreque superat, ab adamante vincitur: Ita res quidem potens est amor in liberos, sed hunc quoque superat pietas in Deum.

Ut adamas si frangi contingat malleis, in minutissimas diffilit crustas, adeo ut vix oculis cerni queant: Ita arctissima necessitudo si quando contingat dirimi, in summam vertitur simultatem: & ex arctissimis foederibus, si semel rumpantur, maxima nascuntur diffidia. Aut supra modum incandescit semel victa lenitas.

Sicut animantia quædam etiam corporis partes amputant, ob quas periclitari sese sciunt, veluti fiber: Ita sapientis est aliquando facultatum jactura, vitæ consilere.

Quemadmodum in opalo gemma, multarum gemmarum dotes eminent, nempe carbunculi tenuior ignis, amethysti fulgens purpura, smaragdi virens mare, cunctaque hæc pariter incredibili mixtura lucentia, ita multorum virtutes in uno hoc eminent: aut in Sacris Literis simul invenitur, quicquid apud ullos Ethnicos scriptores placere potest.

Opalum gemmam indiscrète similitudine adulterant Indi, experimentum in sole tantum: Ita virtutes quædam vitia sic imitantur, ut difficillimum sit dignoscere, nisi ad summam lucem proferantur.

Carbunculi ignis & nomen & speciem habent, cum ignem non sentiant, unde & apyroti dicti: Ita quidam pietatis opinionem & imaginem obtinent, cum a re sint alienissimi.

Anthraciti carbuncolorum generi peculiare est, ut coniectus in ignem, velut intermortuus exstinguatur, contra aquis perfusus, exardescat: Ita quosdam contraria movent: si exhorteris, magis languefcunt: si dehorteris, magis accenduntur: si bene merearis, redduntur inimici: sin male, pluri te faciunt.

Iris gemma non nisi in opaco reddit colores arcus cœlestis, nec ita ut ipse habeat in se, sed parietibus illidat, in sole coloribus caret: Ita quidam varia virtutum simulacra præ se ferunt, sed in obscuro, & quod in se non habent, tamen in aliorum animis veluti repræsentant ac gignunt.

Ut his gemmis summum est precium, quæ non modo varietate colorum delectant oculos & nares odore, verum etiam ad remedia sunt efficaces: Sic his libris summum est precium, qui non solum habent orationis illecebras, verum & salubribus præceptis nos liberant animi vitis.

Ut quidam gemmas quasdam secum ubique circumferunt adversus morbos, maleficia, ebrietatem, tonitrua,

ruinas, cæteraque mala: Ita quædam Philosophiæ decreta semper ad manum habenda adversus incursum animi morbos, libidinem, iracundiam, ambitionem, avariciam, & his consimiles.

Draconites nec poliri potest, nec artem admittit, aliqui elegans ac translucens: Ita Divina Scriptura suum habet nitorem, nec artificium Philosophiæ aut Rhetorices admittit.

Quædam gemmæ aceto macerata nitescunt, pleræque melle decoctæ: Ita quosdam meliores reddit acris objurgatio, quosdam admonitio blandior.

Facilius insculpes gemmis quæ voles, si terebra ferveat: Ita magis movebit Orator, si non solum acriter dicas, seu ferveat, & amet id quod laudat, oderit quod vituperat.

In Chio Dianæ facies est in sublimi posita, cujus vultus intrantibus tristis, exeuntibus exhilarata videtur: Ita fordidum quidam adeuntem amicum tristes accipiunt, timentes ne quid petat, aut ne sumptum id ferat conviva: at alacres dimittunt abeuntem.

Ut ingentes obelisci magno quidem negotio statuuntur & collocantur ob immensum molis pondus, sed collocati semel, infinitis durant seculis: Ita arduum est virtutis aut sapientiæ parare famam, sed parata nunquam intermoritur.

Ut ingentia pondera, quæ nullis hominum viribus tolli possunt, machinis facile tolluntur: Ita quod vi nequeas efficere, ratione & arte facile efficias.

Ut obeliscis prægrandibus tantum ferme substernitur intra terram, quantum exstat, ut immoti consistent: Ita semper mansuræ famæ magna firmaque fundamenta sunt oportet.

Stulte Reges Ægyptiorum operam populi ac pecunias in substruendis pyramidibus consumeant, quæ nihil habebant præter stultam & ociosam ostentationem, cum idem in rebus utilibus fieri potuerit: Ita quidam elaborant in difficillimis cæterum infrugiferis, hoc ipsum præclarum existimantes, quod in laborioso negotio versantur.

Sicut pyramis quam Rhodope meretricula Æsopi conserva construxit pecunia corporis quæstu collecta, majori miraculo famæque fuit quam cæteræ Regum pyramides: Ita vehementius miramur, si quid recte faciunt, a quibus tale nihil expectabatur: veluti si quis Hollandum videat peritum equitem: aut frugalem Anglum, aut Theologum eloquentem.

Ut labyrinthos non oportet ingredi sine filo, quo securus possis redire: Ita non est suscipiendum negotium, nisi prius perspecta ratione, qua te possis inde rursus explicare.

Ut in admirandis operibus, sed inutilibus, major est laus artificis, cujus arte res confecta est, quam Regis, cujus impendio: Ita belli gloria maxima ex parte penes militem est conductitium, quorum industria geritur res, minima pars ad Reges redit, qui aliena etiam pecunia militem conducunt.

Ut Dianæ Ephesiæ templum viginti annis a tota Asia tot Regum impendio, tot artificum ingenium confectum, Herostratus obscurus homo nocte una poterat exurere: Ita facillimum est urbes egregias bello demoliri, at ædificare difficillimum.

Quemadmodum ædificia in palustri solo posita, nec terræ motu quatuntur, nec hiatu absorbentur: Ita humilis fortuna non est maximis malis obnoxia.

Sicut echo non sonat nisi cum reddit acceptam vocem: Ita nonnulli quicquid in ipsos dicitur, in alterum regerunt, aut non habent quod dicant, nisi dicta referant aliena.

Ut Olympiæ porticus vocem acceptam arte septies reddat, unde heptaphonon oppidani vocant: Ita quosdam si uno tangas convitio, sexcenta regerunt: aut si paucis ad loquendum provocas, garriendi finem non faciunt.

Ut magnes non quidvis ad se trahit, sed ferrum duntaxat, cum sint alia multo leviora: Ita quorundam oratio non movet omnes, sed jam propensos ad id quod illi suadent.

Ut quidam magnetes ferrum attrahunt, at theame-

A des, qui in Æthiopia nascitur, ferrum abigit, respuitque: Ita est Musices genus, quod sedet affectus, est quod incitet.

Ut magnes occulta quadam & incognita vi ferrum ad se trahit: Ita sapientia secreta quadam ratione trahit ad se animos hominum.

Ut equus strigosus imputatur non equi culpæ, sed equisonibus: Ita populus male moratus Episcopis aut Principibus.

Ut magnes ad se trahit omne ferrum, sed Æthiopicus magnetem quoque alium ad se rapit: Ita Rex populum quo lubet, cogit: At ingens aliquis Rex etiam Regibus cæteris vim facit.

B Gagates aqua infusa incenditur, oleo restinguitur: Ita quidam quo magis roges, magis frigescent: si negligis, ultro cupiunt. Aut sunt quos officiis alienes, neglectu provocas ad amorem.

Ut lapis e Scyro fluctuat integer, sedit comminutus: Sic res discordia pessum eunt, concordia sustentur.

Siphnius lapis oleo excalfactus durescit, alioqui molissimus: Ita quosdam benefactis reddas deteriores.

Quemadmodum de Carthagenensibus dictum est, quod ad tecta pice, ad vina calce uterentur: Ita quidam præpostere rebus utuntur, amicis asperi, supplices inimicis. Carthagenenses pice linebant parietes, cum vasa picari soleant, & musta calce condiebant. Auctor Plinius.

C Calx aquis accenditur: Ita quosdam contraria movent.

Gypso madido statim utendum, quod celerrime siccat: Ita statim fingenda literis ac moribus ætas rudis, priusquam durior non admittat fingentis manum.

Gypsum etiam si jam induruit, tamen tundi rursum & in farinam resolvi potest: Simulatque semel induruit ingenium adolescentis ætate vitis, non potest refingi.

Ut vitrum quia pellucidum, nihil celat: Ita quidam nihil tegere, nihil dissimulare norunt, quicquid in animo est, id protinus omnibus palam est.

D Ut iis qui cæcutientibus sunt oculis, quivis locus obscurus est, propterea quod caliginem secum in oculis circumferunt: Ita parum eruditus, omnis liber, ac stilus difficilis est, & obscurus.

Sicut ignis in omnibus officinis omnium artium & operum est instrumentum: Ita sine caritate nihil recte geritur.

Ut vitrum copia viluit, alioqui nec auro nec argento cessurum: Ita Sacerdotes ob turbam minoris fiunt, magno in precio futuri, si singulæ civitates singulos haberent Sacerdotes, ut olim.

E Sicut primum pictura cœpit ab umbris & lineis, deinde monochromata, mox accessit lumen & umbræ una cum colorum varietate, donec ad summam artificii pervenit admirationem: Ita virtus in nobis non statim absoluta nascitur, sed paulatim quotidianis ausibus ad summum perducitur.

Ut non est optima imago, quæ materia testatur opes locatoris, aut artem pictoris, sed quæ rem proxime repræsentat: Ita optima est eloquentia quæ non ostentat ingenium dicentis, sed rem aptissime ostendit.

Ut Zeuxis picturus Junonem, Agrigentinis omnibus virginibus inspectis, quinque præcipuas elegit, ex quibus quod esset in unaquaque præcipuum, imitaretur: Ita e plurimis optimi nobis ad exemplum vitæ, aut dicendi proponendi sunt, nec in his tamen reddenda sunt omnia, sed optima.

F Ut non quivis pictor quavis in parte artis valet, sed hic in Diis exprimendis præcipuus, alius in vultibus reddendis, alius in lineis excelluit, alius in colorum mixtura, alius in symmetria: Sic qui virtutem profitentur, aliis dotibus entent alii, item in eloquentia seu literis.

Qui ex balneo calent, vehementius frigescent, & aqua frigidior esse solet, quæ prius caluit: Ita vehementius sese oderunt, qui prius fuerunt amici, & sceleratiores sunt qui a pia vita ad impiam se transfulerunt.

Ut hieme media Alcyones summa fruuntur tranquillitate,

tate, & hanc etiam aliis communicant : Ita cum maxime sævit fortuna, tum maxime animi tranquillitate fruntur pii, & hanc in alios quos possunt transfundunt.

Cum asinus ipse sit *ἀμφοτέρω*, ex ossibus tamen huius optimæ sunt tibiæ, ut ait *Æsopus* apud *Plutarchum* : Ita divites quidam ipsi indocti, tamen pecunia sua suppeditant ingenium studiosis.

Plutarchus testatur se vidisse in *Africa* corvos, qui lapillos in aquam aggrefferint, donec aqua eo surgeret, ut contingi posset : Idem narrat de cane conjiciente lapillos in amphoram oleariam : Ita nobis quod viribus diminutum erit, ingenio suppleendum est.

Formicæ triticum arrodunt ea parte, qua germinare incipit, ne sibi reddatur inutile : Sic potentes quo ministris perpetuo utantur, premunt, ne si emerferint tædio servitus, relinquunt aulam.

Bucephalus Alexandri Magni equus, quoties nudus esset, equisonem in tergum admittebat, ornatus Regiis phaleris neminem ferebat nisi Regem ipsum, in reliquos omnes ferociebat : Ita quidam tenues quemvis ferunt, divites facti despiciunt vulgares.

Ut *Timanthes* qui *Iphigeniam* pinxit, cæterorum affectus expressit, *Agamemnonis* autem vultum velo obtexit : Ita quædam melius relinquuntur suo cuique iudicio æstima-
manda, quam verbis explicantur.

Ut laudatur in hoc *Timanthes*, quod in omnibus ejus operibus plus semper intelligitur, quam pingitur : Ita optimum orationis genus, in quo plurima cogitationi relinquuntur, pauca narrantur, & plus inest sensuum, quam verborum.

Notatus Protogenes, alioqui summus in pictura artifex, quod nesciret manum tollere de tabula : Ita quidam scriptores immodica diligentia peccant, quibus nihil unquam satis emendatum videtur.

Quemadmodum *Protogenes* pictor *Apellem* ex unica linea cognovit, nunquam alioqui visum : Ita ex unico responso ingenium & prudentiam viri deprehendit, qui sit ipse sapiens.

Ut *Apelles* pictor queri solitus est, perisse diem in quo non duxisset lineam : Ita *Christianus* dolebit, si quo die non evasis seipso melior in pietate.

Ut signa quædam argillacea summo in pretio fuerunt, ob admirationem artis : Ita nonnunquam res humiles ac nihili, ingenium *Oratoris* commendat.

Ut gypsum, aut argilla dum est uda, in quamvis imaginem facile sequitur fingentis manum : Ita rudes animi ad omnem disciplinam sunt idonei.

Ut quod majore negotio chalybi aut marmori insculperis, durat diutius : Ita quod majore studio discimus, nunquam obliviscimur.

Ut illud opus est laudatissimum, in quo simul & ars commendat materiam, & materia vicissim artem : Ita liber est optimus, in quo & argumenti utilitas commendat eloquentiam, & auctoris facundia commendat argumentum.

Accius Poeta cum esset ipse admodum brevis, tamen in æde *Camænarum* maxima forma statuam sibi posuit : Ita quidam re viles & humiles ambitione fucisque dilatant sese.

Ut *Perillus* qui *Phalaridi* taurum donavit æneum suo perit invento : Sic aliquoties malum consilium in caput auctoris redundat.

Ut *Philosophus* missa lingua victimæ, rem simul & optimam & pessimam misit : Sic opes optimæ sunt si recte utaris, pessime si secus.

Ut non ipse solum magnes attrahit, verumetiam aliud ferrum ad se trahit ferrum magneti affictum : Ita contagio vis virtutis, aut improbitatis pernicies, ab alio in alium transit.

Ut a *Scribis* mollissima vellera, & ab iisdem durissimum ferrum mittitur : Sic a quibusdam diversa proficiuntur.

Ut carboni semel exusto suffocatoque, si denuo flagret, major est vis : Ita semel sopitum odium, si rursum exardescat acrius est.

Sicuti terra quæ auri aut argenti venas habet, in cæteris fere sterilis esse consuevit : Ita qui congerendo student

Asauro, ejusque metalla jam conceperunt in animo, nullam bonæ rei frugem producere consueverunt.

Raro auri & argenti vena reperitur, nisi alia non procul sit, unde & *Græci* nomen indidere : Ita nulla virtus solitaria est, sed alia aliam adjungit.

Argentum cum sit candidum, nigras tamen ducit lineas, ut stannum : Ita quorundam alia species est, alia facta.

In argento vivo omnia natant, excepto auro, nam hoc unum ad se trahit : Ita nihil incidit animo avari, præter lucrum : disciplinæ, literæ, probitas in summo fluitant, non descendunt in pectus.

Ut rem eandem diversa specula varie reddunt, pro forma speculorum diversa : Sic idem factum, diversi varie interpretantur, pro animorum varietate, quod huic magnum est, illi parvum : quod huic pulchrum, illi foedum erit.

Ut speculum non reddit imaginem, nisi subternas vitro stannum, aut æs, aut aurum, aut simile quippiam solidum, quod imaginem non sinat perfluere : Ita non nisi in animis solidis, & vera virtute nixis, relucet imago veri.

Ut sunt quidam fontes, qui potu pecudum, atque etiam hominum cutem & pilos tingunt albo, nigrove : Ita relucet etiam in ipso hominis vultu & fronte, quod ajunt, quibus præceptis imbutus sit, & quibus ex auctoribus hauriat vitæ rationem.

Gallus Phrygiæ fluvius, si modice bibas, medetur corporis malis, si immodice, lymphatum animum agit : Ita si *Philosophiæ* literas modice attingas profunt, sin totum te illi addixeris studio, sanitatem mentis auferunt, & inanis gloriæ furore quodam præcipitem agunt.

In *Bœotia*, ad *Trophonium* Deum juxta flumen *Orchomenon*, duo sunt fontes, quorum alter memoriam, alter oblivionem adfert : Ita fere magno alicui bono magni mali periculum est vicinum.

Ut qui sapiunt, non statim e quoque bibunt fonte, propterea quod alii salutem adferunt, alii perniciem, nonnulli furorem : Ita non est tutum quemvis librum evolvere, quod ex aliis haurias affectum animi bonum, ex aliis libidinem aut ambitionis insaniam trahas.

Qui bibunt ex *Clitorio* lacu, iis vini tedium oboritur : Ita qui semel gustarint *Pœticen*, abhorrent a *Philosophiæ* præceptis, aut contra : siue qui se mundanis voluptatibus ingurgitant, abhorrent ab honestis illis, ac veris oblectamentis.

Apud *Troglodytas* lacus est, qui ter in die fit amarus aut salus, ac rursum dulcis, totiesque etiam nocte, unde & infans dictus : Sic quidam inæquales, nunc asperi, nunc sunt blandi, aliquando profusi, mox sordidi, jam vehementer amant, jam supra modum oderunt.

Periculosiores sunt fontes, qui *lympidis* aquis blandientes oculis, tamen perniciem adferunt, minus formidandi, qui ipsa specie testantur aquas esse fugiendas : Ita difficilior vitantur mala, quæ boni prætextu fallunt.

Sicuti terra quæ venas aquarum occultat, nebulam quandam exhalat ante solis ortum, longius intuentibus : Ita qui vere boni sunt & eruditi, etiam si non ostentent, tamen semper aliquid ex se produnt, unde qui observet, deprehendere possit subesse vim boni.

In *Narniensi* agro terra imbre fit siccor, æstu humescit, unde *Cicero* jocatur illic ex imbre pulverem, ex siccitate fieri lutum : Ita quosdam admonitio reddit deteriores.

Garus ambusta & infusa medetur malis, sed si interim *Garum* non nomines : Ita quædam beneficia, beneficia non sunt, si commemores.

Terra quæ gignit salem, nihil aliud gignit : Sic ingenia fecunda in literis, in cæteris fere rebus non perinde valent.

Fons in quo nitrum nascitur, nec aliud quicquam gignit, nec alit : Ita sapientiæ studium, totum hominis animum sibi vendicat.

Spongiis adeo tenues sunt sensuum notæ, ut multi dubitent animalia sint, nec ne : Ita quorundam is cultus est, is sermo, ea vita, ut dubites *Christiani* sint, an *Ethnici* ci.

603

Sicut sal modice cibis aspersus condit, & gratiam saporis addit: Ita si paulum antiquitatis aut joci admiscueris, oratio fiet venustior, si plus satis, nihil insuavius.

Quemadmodum echeneis sive remora piscis perpulsus (est autem magnæ limaci similis) quamvis magnam navim velis ac remis incitatam subito sistit: Ita scortulum aliquoties adamatum ingentes animi ad honesta impetus retinet alligatque.

Torpedo piscis haud nocet nisi contactu, sed virus suum etiam ab aere per linum, & arundinis internodia ad piscatoris manum mire transmittit: Sic improbi ac pestilentes haud nocent, si nihil cum illis habeas commercii, verum quacunque consuetudine contacti morum venena afflant.

Lepus piscis homini certissimum est venenum, & homo vicissim illi, adeo ut vel digitulo contactus, statim emoriatur: Ita hostes mutuam utrinque perniciem dant, & accipiunt.

In nassam facilis illapsus est, sed exitus difficilis: Sic declive iter in vitia, reditus ad meliorem frugem non perinde facilis.

Murena fuste non potest interimi, ferula protinus: Ita quoddam leve incommodum exanimat, ut convicium, qui gravissimas fortunæ procillas infracto tulerunt animo.

Murena non in capite, sed in cauda animam habet: Ita quod carissimum est, non ibi recondendum, ubi statim periculis sit obnoxium.

Ut pisces in mari nati educatique, nihil tamen sapiunt salis marini: Ita quidam inter barbaros geniti & educati, longe absunt ab omni barbarie.

Ut Magi, verbis etiam non intellectis, prodigiosa quædam efficiunt: Ita Sacerdotes nonnulli precibus non intellectis, bona tamen fide pronunciatis, Deum conciliant ac movent.

Ut Apion Homerum ab inferis evocatum, nihil aliud interrogavit, quam quibus parentibus genitus esset: Sic quidam gravissimorum virorum concilio convocato, de meris nugis consulunt.

Ut Magi prodigiosa quædam promittunt, iisque promissis vulgus credulum alliciunt: Ita Principes maximarum rerum spes ostendant, ut sibi reddant addictos.

Ut in Magicis artibus vulgus hoc magis admiratur, quo minus percipiunt rationem, cur illa aut illa tam absurda præscribantur: Ita quidam magis admirantur stilum aut carmen quod non intelligunt.

Quemadmodum Medici quo doctiores videantur, diversas rerum species ex diversis mundi partibus petitas, inter se commiscunt: Ita quidam ostentatores orationem parum eruditam videri credunt, nisi jus Cæsareum ac Pontificum, Poetas, Oratores, Philosophos, Sophistas simul commiscuerint, & pluribus auctoribus ac literis confarcinaverint, quam Mithridaticum ferunt fuisse concinnatum. Id constabat quinquaginta quatuor diversis rerum generibus.

Ut periculosum est Dæmones evocare, propterea quod si quid erratum fuerit, magno conantis discrimine fiat. Nam ajunt Tullum Hostilium ictum fulmine, quod ex Numæ libris Jovem devocare conatus, quædam parum rite fecisset: Ita periculosum est cum Principibus habere commercium, aut cum morosis potentibus, quod offensi re qualibet levi, funditus subvertant hominem.

Quemadmodum Magi sibi conscii fucum esse quod promittunt prodigiis quibusdam ac præscriptis cæimoniis dementant ac territant infirmiores: Ita quidam Sacerdotes cum procul absint a vera pietate, cæimoniis involvunt indoctos, quo plebem sibi magis habeant obnoxiam.

Ut auguria & auspicia non valent nisi iis, qui quærent & observant: Ita præcepta Philosophiæ non mutant nisi hos qui meliores fieri student, & hoc animo ad legendum accesserint.

Crocodilus invictum alioqui & perniciosum animal, tamen Tentyritas adeo metuit, ut ad vocem etiam expavescat: Ita tyranni cum omnes contemnant, tamen eruditorum literas subtimet.

Ut quorundam hominum etiam aspectus fascinum

habet: Ita sunt quorum omnis vitæ consuetudo mores inficit.

Ut Psylli non solum ipsi non læduntur a serpentibus, verum ex aliis venenum exsugunt: Ita vere Philosophus non modo ipse non tangitur vitiis, sed aliorum quoque morbis, oratione, vitæque sua medetur.

Semel icti a scorpio, nunquam postea vespis, crabronibus, aut apibus feriuntur: Ita nullum est incommodum, quod non commoditatis aliquid habeat adjunctum.

Ut qui a cane rabido morfi sunt, non solum rabiunt ipsi, verum etiam alios contagio inficiunt: Ita qui pestilentem alicunde imbiberint opinionem, & alios suis inficiunt colloquiis.

Ut efficacissima remedia nata sunt ex morbis pessimis: Ita bonæ leges ex malis prognatæ sunt moribus.

Sicut ex vipera, crocodilo, cæterisque nocentissimis bestis Medici remedia quædam adversus venenorum noxam ac morbos efficacia quærent: Ita animadversio in nocentes, multos vel arcet, vel revocat a facinoribus.

Crocodilus anceps animal, nunc in terris agit, nunc in aquis: in terra ponit ova, in aqua prædatur & insidiatur: Ita quidam simul & aulici sunt, & ecclesiastici, utrobique pestilentes.

Chamæleon quia pavidissimum animal, subinde colorem mutat: Ita qui viribus non pollent, ad varias artes confugiant necesse est.

Lynces clarissime omnium animantium cernunt, sed mira illis oblivio rei ab oculis semotæ: Ita quidam acri ingenio, sed obliviosi.

Quædam remedia tristiora sunt ipso morbo, ut satius sit oppetere mortem, quam his aucupari salutem: velut sugere sanguinem e vulnere recenti gladiatorum morientium: Ita quandoque satius est ferre injuriam, quam majore incommodo ulcisci: ferre pacem, etiam si parum commodum aut æquam, quam bellum cum immensis malis suscipere.

Scorpius letale venenum habet, aconitum letalius, tamen hoc in potu datum adversus scorpiorum ictus remedium habet: Ita dum venenum cum veneno colluctatur, servatur homo: Itidem duorum pestilentium civium discordia, nonnunquam Reipublicæ salutis est.

Aconitum etiam contactu necat: Ita quorundam convictus protinus inficit, aut si vel tantillum cum illis inceptes commercii.

Olim in Capitolio certabant quadrigæ Latinis feriis, victor absinthium bibebat: Ita salubria magis quærenda sunt quam jucunda.

Sorba quæ magis blandiuntur specie, venenum habent: Ita blandiores amici magis cavendi, quam tristes atque asperi.

Empetron herba, Latine calcifraga, quo propius abest a mari, hoc minus est salia: quo longius, hoc amarior est: Ita quidam apud Gallos Germaniam spirant, apud Germanos Galliam, & quo longius absunt hoc magis referunt eam gentem.

Ut optima remedia maxime perniciem adferunt, nisi apte sumantur: Ita Christi Sacramenta salutaria recte summentibus, letalia indigne accipientibus.

Herbæ salutes consuetudine perdunt medendi vim: Ita admonitio si assidua sit, non emendat assuetum jam obijurationibus.

Ut qui ante venenum sumunt antidotum, non læduntur veneno: Sic qui salubribus opinionibus ac decretis confirmant animum, non inficiuntur oratione malorum, si forte in eos inciderint.

Ut Mithridati quotidie sumenti venenum, consuetudine factum est innoxium: Ita mala quibus assueveris, non offendent.

Ut suus cuique morbus videtur atrocissimus: Ita suum cuique incommodum maxime dolet.

Ut herba moly difficile quidem effoditur, sed ad remedia præter cæteras efficax est: Ita quæ præclara sunt non contingunt nisi magno negotio.

Ut inter salutes herbas nascuntur & venena: Ita ex auctoribus quæ recte dixerint sunt excerpenda.

Ut elleborum concitatis intus omnibus, ipsum in primis

mis exit: Ita dux fortis adhortatus suos inter primos pro-
dit in hostem, velut inquit Herophilus, auctore Plinio.

Ut elleborum si parcus sumas, magis offendit quod
inhæreat visceribus, inficiatque corpus: sin copiosius, erum-
pat celerius: Ita non est objurgandus amicus, nisi ea
vehementia, quæ vitio liberet illius animum. Nam le-
vior expositulatio contristat amicitiam nullo fructu.

Uti elleborum tametsi efficax, tamen Medici vetant
dari senibus, aut pueris, aut exilibus: Ita admonitio sic
est temperanda, ut ferre possit quem velis emendare, nec
solum spectandum est vitium, sed natura quoque ejus cu-
jus vitio studeas mederi.

Ut vulgus ineptum magno labore, magnoque impen-
dio remedia ab extremis Indis, aut Æthiopibus petunt,
cum in hortis nobis nascatur, quo morbis mederi possi-
mus: Ita præsidia beatæ vitæ magno molimine foris
querimus, in imperiis, in opibus, in voluptatibus, cum
in animo sit, quod nos beatos efficiat.

Climenos herba ita morbo medetur, ut sterilitatem
adferat etiam in viris: Ita quidam malum aliquod ita pro-
fligant, ut aliud diversum admittant.

Minor vis inest in radicibus herbarum salubrium cum se-
men maturefcit: Ita deterior fit ingenii naturæque vis, quo-
ties liberis gignendis datur opera.

Herbam canariam canis ita mandit, ut homo non cernat
nisi depastam & percussam a serpente aliam quandam petat,
sed eam non decerpit inspectante homine: Ita quidam di-
sciplinas se repertas celant, ne profint & aliis.

Lotos quam Latini fabam Græcam vocant, ramenta li-
gni habet amarissima, fructum dulcissimum: Ita conatus
ad summam virtutem durus est, fructu nihil suavius.

Ut vitis refugit brassicam, quercus abhorret ab olea,
multo magis autem a nuce juglande. (Nam vitis cum om-
nia complectatur, solam brassicam declinat, quercus si
in scrobem oleæ depasta fuerit, emoritur: eadem & juxta
nucem juglandem inarescit.) Sic inter quasdam nationes
naturale dissidium est, ut nullo pacto queant coalescere
concordia: ut inter hos fere, quos Mare aut Alpes direme-
runt.

Ut Damocrates Medicus Confidæ mulieri, omnem cu-
rationem austeram recusanti, lac caprarum dedit, quas len-
tisco pascebat: Sic iis qui prorsus a tetricis Philosophiæ
præceptis abhorrent, fabellæ quædam amoeniores propo-
nendæ, sed quæ Philosophiam respiciant.

Ferula solis asinis gratissimum est pabulum, cæteris ani-
mantibus præsentaneum venenum: Ita sæpe quod alios of-
fendit, aliis voluptati est.

Hedera pota nervis nocet, eadem foris adhibita prodest:
Sic Philosophiam si penitus imbibas, nocet ad pietatem, si
leviter & veluti foris admoveas, prodest ad eruditionem.

Arundinis radix contrita & imposta, filicis stirpem cor-
pore extrahit. Item arundinem filicis radix: Ita vicissim &
pecuniæ studium eximit animis amorem sapientiæ, & sa-
pientia studium pecuniæ.

Rhododaphnes arboris folia quadrupedibus venena sunt,
hominibus præsidia adversus serpentes: Ita divinæ literæ
sobriis ac prudentibus salutarem præbent alimoniam, stul-
tis autem & impiis hæreseos, & majoris impletatis mini-
strant occasionem.

Ut quod nulla vi efficias, id aliquoties fit herbæ succo,
si modo quam oportet adhibeas: Ita quosdam magis per-
moveris apta quam violenta oratione.

Vino modico nervi & oculi juvantur, eodem copiosiore
læduntur: Sic literis modice gustatis adjuvatur vita, ea-
dem læditur, si quis immodice incumbat.

Sicuti vina & poma subacerba, vetustate mitescunt, dul-
cescuntque: Sic ætatis insolentia longo rerum usu mitigatur.

Chamæleon herba mutat foliorum colores, cum terra
in qua nascitur: hic nigra, illic viridis, alibi cyanea, alibi
crocea, & aliis, aliisque coloribus: Ita convenit hominem
pro loco, in quo agit, vitæ habitum commutare.

Quemadmodum heliotropium herba, semper in eam
spectat partem, qua sol est, & eo condito, florem contra-
hit: Sic nonnulli ad Regis omnes nutus obsecundant, & in
quodcumque viderint illum esse propensum, in id ferun-
tur & ipsi.

Adianton herbam etiam si perfundas aqua, aut immer-

A gas, tamen sicca similis est: Ita in virum bonum non hæ-
ret contumelia, aut infamia, etiam si quis infamare conetur.

Ut in rerum natura quæ spectatissime florent celerissime
marcescunt, veluti rosæ, lilia, violæ, cum alia durent: Ita
in hominum vita quæ florentissima sunt, citissime vertuntur
in diversum.

Ut rosa, flos unus omnium longe gratissimus, de spinis
nascitur: Sic tristibus, & asperis laboribus fructus capi-
tur jucundissimus.

Crocum gaudet calcari, premendoque melius provenit:
unde juxta semitas, & fontes latissimum est: Ita virtus ad-
versis exercita rebus, latius emicat.

Ut nihil insidiosius melle venenato: (nam sunt quædam
hujusmodi) Ita nihil magis cavendum quam blandus hostia.

Urtica sine aculeis adurit, ac vulnerat sola lanugine, so-
loque contactu: Ita quidam non aperta vi, sed clanculum
nocent.

Quemadmodum urtica, si contanter attingas ac timide,
adurit: sin prenas tota manu, non adurit: Ita pecunia, si
cautim circumspicimque tractes, inficiet: sin contemptim
ac neglectim innoxia est.

Ut radix, quam Medici vulgo Rebarbarum vocant, cum
sit biliosa, tamen peculiari quadam vi bilicam pellit: Ita fit
nonnunquam, ut amor pellat amorem, cen clavus clavum,
ira iram, & dolor dolorem.

Ut est quædam venenorum contraria natura, sic et sæ-
per numero venenum veneno pellatur: Sic vitium vicio pel-
latur, & malus malo objicitur.

Ut tutissimum est in trifolio cubare, quod in hac herba
negent serpentem aspici: Ita in his verlandum libris, in
quibus nulla venena timentur.

Quemadmodum panace herba, una contra morbos
omneis habet remedium: Ita Christi mors una adversum
omneis cupiditates noxias efficax est.

Ut nepentes herba, ab Homero prædicata, addita po-
culis, omnem convivii tristitiam discutit: Ita bona mens
infusa nobis, omnem vitæ sollicitudinem abolet.

Ut acetum acre quidem gustu, sed adversus serpentium
ictus mire valet: Ita præcepta Philosophiæ austera quidem
illa, minimeque blanda, sed contra pestiferas animi capi-
ditates remedium adferunt præsentaneum.

Medici vetant uti Halicacabo, quantum dentibus fir-
mandis prodest, si ejus succo colluantur: propterea quod
periculum est, ne si diutius id fiat, delirationem gignat,
& plus adferat incommodi quam commodi: Ita non est
utendum his literis, quæ sic linguam expoliunt, ut mores
inficiant: aut non convenit sequi, quæ sic augent rem, ut
famam lædant.

Sicuti nasciturium ad Venerem quidem reddit segnio-
rem, sed animi vim acuit: Ita Philosophiæ studium cor-
poris curam ac vigorem traducit, ut hoc plus sapiat homo
in rebus æternis, quo magis stupet ad ista corporea,
crassaque.

Quemadmodum in superioris Libyæ populis, quoniam
mulieres communes sunt, ut in Politicis testatur Aristote-
les, filios juxta similitudinem formarum partiuntur: Ita
confusis operum titulis, stili similitudinem, & orationis
phrasin oportet spectare.

Ut qui Comædos audiunt, non ob hoc audiunt, ut ipsi
Comædi fiant, sed ut voluptatem capiant: Ita nunc per-
multi concionantem audiunt, non ut imitatione meliores
fiant, sed uti delectentur.

Ut Pharmacopolæ bracteis aureis tegunt remedia quæ-
dam, quo pluri vendant: Ita quidam lenocinio verborum
nihil ad rem pertinentium, rem commendari putant.

Sicut unda undam perpetuo propellit: Ita dies diem tru-
dit.

Ut a currente flumine tantum habes, quantum hauris:
Ita ex annis semper euntibus nihil accipis, nisi quod in res
duraturas collocaris.

Luna semel exstincta subinde renascitur, & ubi con-
sensit rejuvenescit: At homo nec renascitur mortuus, nec le-
repuescit senex.

Post hiemem denuo recurrit ver: At post senectam nul-
la recurrit juvena.

Sol post occubitum redit novus, homo non item.

Ut stultum sit relictis fontibus consecrari rivulos: Ita in-
eptum

eptum est, relictis Euangelis, Lyræ, & similibus somnia sequi.

Ut maximi Medici, minores quoque morbos optime sanant: Ita doctissimi præceptores, & minima optime docent.

Ut laminae domi cæcutientes, foris nihil non vident: Ita quidam in alienis negociis plus satis oculati, in suis parum perspiciunt.

Ut impendio malignus sit, qui fontem scatentem obtegat, aut solem obradiantem prohibeat, aut lumen recuset de suo lumine accendere, aut viam monstrare gravetur: Ita vehementer sit inhumanus, qui prodesse nolit citra ullum suum incommodum.

Ut equæ conspecta in aquis forma sua, aguntur in rabiem, auctore Columella: Ita quidam nimium admirantes sua, ad insaniam usque redduntur insolentes.

Ut bonaso cornua oneri sunt tantum, nulli autem usui, adeo sunt in se reflexa: Ita Sophistæ Dialecticæ habent, sed qua neminem revincere possunt, adeo est intorta.

Pardus odoris gratia allestas feras invadit, atque occidit: Ita quidam blandiloquentia irretitos fallunt, ac perdunt. Sic Principum aulae habent, nescio quid blandum, quod invitet in perniciem.

Qui tigridis catulos rapuit, bene secum agi putat, si vel unum insequenti matri auferat impune: Ita qui alienam invasit possessionem, etiam si cogatur reddere, lucrum tamen facit, si vel portionem aliquam retineat.

In pantheris quod speciosissimum esse oportuit, idcelandum est, ut placeat, reliquo corpore maculis picturato: Ita in quibusdam omnia placent, præter vitam, quod est totius negotii caput.

Ut Tarandi cutis ferro impenetrabilis: Ita quosdam nihil queas dictis lædere.

Hyene sicut & Ichneumon, nunc mas est, nunc foemina: Ita quidam sui dissimiles, nunc fortia loquuntur, nunc mollia, nunc Philosophi sunt, nunc nepotes, nunc amici, nunc inimici.

Ut Aspalacus non nisi apud Boeotios vivit ubi nascitur, alio translatus perit: Ita quidam peregre vivere non possunt, nulla instructi arte.

Chamaeleon quoniam aura pascitur non cibo, semper hianti est ore: Ita qui gloriolis & auris aluntur popularibus, semper aliquid captant quod famam augeat.

Amphisbena serpens utrinque caput habet, & utralibet corporis parte pro cauda utitur: Ita quidam ancipites, nunc hac, nunc diversa ratione se tuentur, & cum est commodum ad ecclesiasticam libertatem confugiunt, cum visum est, Principum prætextu rem gerunt, canonum obliiti.

Porphyrus serpens venenum habet, sed quoniam edentulus est, sibi habet: Ita quidam male cogitant, sed quod desit facultas, nemini nocent.

Ut palma quia cortice sit cultellato, difficilis quidem est adscensu, sed fructum habet dulcissimum: Itidem eruditio & virtus aditum habent difficilem, sed fructum dulcissimum.

Sicuti mundus undique teres, ac rotundus sibi constat: Ita sapiens nihil extra se querit, seipso contentus.

Ut stultissimum est, cum hujus mundi, in quo nati sumus, naturam cognoscere non possimus, alios innumerabiles mundos foris querere: Ita absurdum est neglectis rebus domesticis, de alienis esse sollicitum & curiosum.

Sicuti Deus cum nihil non videat, nihil tamen videnti similis est: Ita Princeps nihil ignorare debet, multa dissimulare.

Ut Deus plurimum sapiens, & intelligens minimum loquitur: Ita sapiens non nisi necessaria loquitur.

Sicut ex contrariis elementis mira harmonia temperatus est mundus: Ita diversis hominum studiis constat Respublica.

Ut Deus quo nihil est melius, minime apparet: Ita quod est in homine optimum, nempe mens bona, maxime latet.

Ut unus Deus administrat universa, sed qui sit optimus ac sapientissimus: Ita Monarcha res sit saluberrima, si datur Deo similis.

Ut orbium diversus in contraria natus, motum omnium temperat: Ita senum contatio, juvenum in Republica fervorem, ac præcipitantiam moderatur.

Ut sol non alius est pauperi, alius diviti, sed omnibus

communis: Ita Princeps personam spectare non debet, sed rem.

Ut idem sol ceram liquefacit, & lutum indurat: Ita eadem oratio alios reddet meliores, alios deteriores, pro ingeniorum varietate.

Quemadmodum Luna quo propior est Soli, hoc minus habet luminis: Ita plus fructus ac dignitatis est iis, qui procul absunt a magnis Principibus.

Uti Solis defectus magnam mortalium perniciem trahit: Ita Regis error etiam levis, magnam tamen in rebus humanis gignit perturbationem.

Sicut Mercurius quam minimo spacio discedit a Sole, licet alioqui vagus & errabundus: Ita non oportet longius ab honesto discedere sapientem.

Ut cometes novus apparens, aut magnum bonum, aut ingens malum portendit mortalibus: Ita novus Princeps salutem adfert rebus humanis si bonus est, maximam pestem, si malus.

Ut plures apparere Soles prodigium est: Ita plures esse Monarchas, aut Imperatores.

Ut Luna quod luminis accepit a Sole, mundo refundit: Ita donum a Deo acceptum, in commodum aliorum est conferendum.

Ut Castoris & Pollucis faces si solitariae appareant, dirum est ostentum: sin geminae, salutare: Ita non oportet potentiam esse sejunctam a sapientia, alioqui pestilentem.

Ut Saturnus qui ex septem erronibus summum tenet locum, tardissime circumagitur: Ita qui in summa constituti sunt potestate, quam minime præcipientes oportet esse.

Ut stellæ subito natae, subito item evanescent, aut decidunt: Ita qui repente subvehuntur ad summos honores, cito præcipitari solent.

Ut canicula pestilens est omnibus sydis: Ita Principis mali potestas omnibus nocet.

Luna præcipue movet inferiora, non quod efficacior, sed quia propior: Ita multum habet momenti ad res conficiendas vicinitas.

Ut bruta fulmina montes feriunt irrita ictu: Ita stulta potentia suas vires, in quod nihil opus est consumit.

Ut Africae Auster serenus est, Aquilo nubilus, præter aliarum regionum naturam: Ita quidam cum regione mutant ingenium ac mores.

Sicuti nec Aegyptus ob calorem, nec Scythia ob rigorem sentit fulmina: Ita vel ingens potentia, vel extrema fortunæ humilitas, tutum reddit a contumeliis.

Ut autumno aut vere maxime fulgurat, minus hieme aut æstate: Ita mediocris fortunæ celsitudo, ictibus obnoxia est.

Ut quædam fulmina æs ac ferrum liquefaciunt, ne cera quidem confusa: Ita Divina vis, aut Regia potestas in obistentes sævit, mollibus parcat & cedentibus.

Ut non solum stultum est, verumetiam periculosum evocare fulmina: Ita dementia est Reges ad se accerere, qui non nisi magno nostro malo provocantur.

Uti fulmen quodcumque animal protinus occidit excepto homine: Ita fortunæ procellæ indoctos, ac brutos protinus animo dejiciunt, sapientem non item.

Qui in altis sunt specubus, a fulmine non feriuntur: Ita infima fortuna tutissima est.

Sicut aliquando tonat sine fulgetris, idque tonitru terrorem habet, periculo vacat: Ita quorundam minæ terrent, non nocent.

Hypanis fluvius, Scythicorum amnium princeps, per se purus & dulcis, circa Callipodas Exampeo fonte amaro inficitur, atque ita dissimilis sui in mare conditur: de quo quidem est illud Solini elogium: Qui in principis eum norunt, prædicant: qui in fine experti sunt, non injuria execrantur: Ita quidam initio blandi & amici, postea longe dissimiles sui reperiuntur.

Ut attragen alias vocalis, captus obmutescit: Ita quibusdam servitus adimit vocem, qui liberi loquebantur. Aut sponte loquuntur, aut canunt nonnulli, si cogas, reticescunt.

Memoria similis reti, quod majora continet, minuta transmittit.

Ut arbor excisa repullulat, evulsa non refrutitur: Ita malum si penitus tollatur, non renascitur.

Ut a vibus pennas accidimus, ne longius avolent: Ita quibusdam opes & auctoritatem, ne se tollant in altum.

Ut

Ut accisæ pennæ tempore renascuntur: Ita nisi assidue premas, renascitur potentia.

Ut qui Chirurghi manus horrent, diæta curantur: Ita qui asperiora non ferunt remedia, levioribus remediis sunt corrigendi.

Ut si Venerem suam Apelles, aut si Protogenes Hialysum illum suum cæno oblitum videret, magnum acciperet dolorem: Ita si quis conspiciat eum corruptum, quem ad bonos mores instituisse: aut ignominii affectum, quem ornasset honoribus, iniquo animo ferret.

Ut mulieres ob hoc ipsum bene olent, quia nihil olent, & in quibusdam delectat cultus neglectus: Ita Theologica oratio hoc ipso videtur ornatio, quod ornamenta neglexit.

Ut magis est probanda Medicina, quæ vitiosas corporis partes sanat, quam quæ exurit: Ita melior est magistratus qui cives improbos corrigit, quam qui tollit e medio.

Ut apud Jureconsultos etiam qui frigidam suffundunt, simili notantur infamia: Ita culpandus qui ad turpia hortatur, non is solum qui turpia facit.

Ut qui parant statuam facere: prius rude quoddam simulacrum fingunt e trunco: postea dolant ac poliunt: Ita qui orationem aut librum instituit.

Ut callus tempore factus adimit sensum: Ita diutina mali consuetudo facit, ut levius feramus.

Ut natura non est eadem omnibus locis, neque flatuum, nec maris, nec pluviae, nec arborum, nec animantium: Ita non oportet hominem ubivis eundem esse, sed cum loco ac tempore variari.

Ut Euripus in Eubœa septies in die defluit, ac toties refluxit mira celeritate. At idem tribus diebus unoquoque mense stat immotus, septima, octava, nonaque luna: Ita quidam inæquales sibi, aut nimium præcipientes sunt, aut nimium lenti, in utramque partem plus satis vehementes.

Ut æstum maris, auctus aut detrimenta lunæ magis sentiunt imbecilliora corpora: Ita rebus contrariis vehementius commovetur animus, minus sibi constans, & affectibus vitiat.

Ut conchyliya crescente luna auferunt, decresciente auferunt: Ita stultus a fortuna pendens, nunc magnus est, nunc pusillus, nunc elatus, nunc supplex, utcumque Rhamnusia mutaverit sese.

Ut aqua maris in imo dulcior est quam in summo: Ita quo altius penetres in Philosophiam, hoc minus habet amaritudinis.

Tradunt Phisici veteres, solem marinis aquis pasci, lunam dulcibus: Ita sapientes amara quærent, modo utilia: stulti quæ delectant modo, sectantur.

Quidam fluvii per medios lacus erumpunt, ut illis non misceantur, sed iidem eadem aquarum magnitudine post multa passuum millia exeunt, qua fuerant inveterati: Ita si in vitiosam incideris civitatem, ita ad tempus utendum hospitio, ut idem exeat qui veneris.

In Asphaltite Judææ lacu, item in Aritissa Armeniæ Majoris nihil mergi potest: Ita quidam quicquid commiseris, in propatulo gerunt, neque quicquam celare possunt.

Ut aqua marina ad potum inutilis, melius sustinet navem quam fluvialis dulcis & potui aptior: Ita suum unaquæque res usum habet, si quis utatur ad id quod oportet.

In Dodona Jovis fons cum sit gelidus, & immerfas faces exstinguat, si admoveris exstinctas, accendit: Ita Christus si cupiditatibus flagrantem attigerit, sedat ac refrigerat: si dejectum & exanimatum, erigit & animosum reddit.

Lyncestis aqua, quæ vocatur Acidula, non secus ac vinum temulentos reddit: Ita quosdam etiam sua paupertas & inscitia reddit feroces & improbos. Eadem enim vitia e diversis nascuntur causis, ut ex scientia arrogantia, eadem ex ignorantia.

Tirrhenus lapis quamvis grandis innatat, comminutus fidit: Ita concordia sustinemur, discordia pessum imus.

Ut oleum infusum tranquillat mare, & lucem addit: Ita Philosophia componit animi motus, & ignorantiae caliginem discutit.

Ut ad naphtham (id est, bituminis genus) etiam procul visam ignes transfiliunt ob naturæ cognitionem: Ita ingenia literis nata, statim eas arripiunt.

Ajunt ignem Chimææ montis semper ardentis, aqua accendi, fœno restingui: Ita quosdam quo ma-

gis ores, minus commoveas: si dehorteris, ultro volunt.

Ut aquæ salinæ, pluvia incidente, dulciores sunt cæteris aquis: Ita meliores solent esse, quos e diversa vita mutaverit divinæ gratiæ influxus, veluti Paulus.

Ut canes Melitæi potissimum in deliciis sunt opulentis ac potentibus fœminis: Ita Principes effœminati deliciis, plurimi faciunt adulatorem, & ad gratiam omnia tum loquentes, tum facientes.

Ut sunt flumina quædam, quæ cum eadem sint, diversis locis diversa fortiuntur nomina: Ita quædam res in alio homine, variis nominibus mutantur: velut fastus in Principe splendor appellatur, in privato superbia.

Sicuti quo directius nos ferit sol radiis suis, hoc minor est umbra nostri: quo obliquius, hoc magis incrementum umbrae corporis: Ita quanto plus quisque assequitur est veræ sapientiæ, hoc minus magnifice de se sentit: quo longius abest ab ea, hoc se magis dilatat stultissima persuasione sapientiæ.

Ut inter tot hominum millia nullæ facies sunt per omnia similes, nec ullæ voces: Ita suum cuique ingenium est, suus cuique mos.

Tradunt in Albania nasci homines glauca oculorum acie, qui nocturnarum ritu, plus noctu quam interdiu cernant: Ita quidam plus sapiunt in rebus facinorosis, quam in bonis ac præclaris: aut in fordidis potius quam in egregiis.

Ut Psylli in Africa, Marfi in Italia, non solum ipsi non læduntur a serpentibus, verumetiam contrectatu ac saliva mendentur aliis periclitantibus: Ita Philosophis non satis esse debet, si ipsi non corrumpantur vitiosis affectibus, verum oportet oratione aliis quoque cupiditates noxias eximere.

Ut homini semper adest remedium adversus serpentium virus, nempe saliva, qua contacti ceu ferventi perfusi aqua, fugiunt, emoriuntur etiam si in fauces penetraverit: Sic adversus omnes pestiferas cupiditates præfens remedium semper nobiscum circumferimus, si modo noverimus uti. Id ab animo petatur oportet.

Qui fascino utuntur, laudando necant arbores, fata, pueros: Ita adulator laudando perdit.

Sunt qui ad spectu effascinant hominem: Ita invidus oculus perniciem adfert rebus lætis: Nec satis tutus Regum oculus, si quid habeas egregie pulchrum.

Qui effascinant, in oculis geminam habere pupillam dicuntur: Ita qui uruntur invidia alienæ felicitatis, non eam intuentur oculo simplici, sed quicquid vident, sinistre interpretantur.

Est Indiæ gens dicta Pandorum, quæ in pueritia cano sit capillitio, in senectâ nigrescunt capilli: Ita nonnulli primis annis sobrii ac modesti, grandiores jam ad nugas & ineptissimas voluptates abiciunt sese, & quasi pueralescunt.

Sicuti fœminæ quæ maturius pariunt, citius senescunt, velut in Calingis Indiæ gente, quinquennies pariunt, sed octavum non excedunt annum: Ita præcocia ingenia cito deficiunt.

Ut Androgyni sic utrosque imitantur, ut neutrum sint nec mares, nec fœminæ: Ita quidam dum & Theologi volunt esse & Rhetores, a neutris agnoscuntur.

Ut mare gravis, minus laborat & in gestatione, & in partu: Ita si rem honestissimam animo conceperimus, minore negotio consequemur, quam stulta quædam oblectamenta. Et qui mundi præmia sequuntur, minore dolore maritum illud Evangelicum sibi parare poterunt.

Agrippæ qui vocantur, quoniam præpostere nascuntur: hoc est, pedibus primum emergentibus, malis auspiciis in vitam ingredi creduntur, magnoque humani generis malo, ut Marcus Agrippa, & Nero: Ita qui per nefas ac simoniam irrumpunt in imperium, aut episcopatum (uti vocant) magnam pestem adducunt sibi suisque.

Ut nonnullæ mulieres ex viris quibusdam non concipiunt, aliis adjunctæ, fœcundæ fiunt. Ita sunt qui apud quosdam præceptores indociles, aliis traditi doctoribus proficiunt: quod sint ut corporum, ita & ingeniorum cognationes, ac diffidia.

Ut horologii umbram progressam sentis, progredientem non sentis, & fruticem aut herbam crevisse apparet, non apparet crescere: Ita & ingeniorum profectus, quoniam minutis constat auctibus, ex intervallo sentitur.

Tom. I. Qq Ut

Ut elephanti cum mare non possint, tamen amnis impense delectantur, circaque illos vagari gaudent: Ita quidam cum literas nesciant, tamen inter eruditos versari gaudent.

Dracones exfugientes sanguinem elephantorum, occidunt eos, & ipsi vicissim inebriati opprimuntur ac commoriuntur: Ita sapenumero in bello, pars utraque & perimit & perit, damnum dat & accipit.

Bonafus animal, quoniam cornibus inutiliter implexis non potest ledere, fugiens summum reddit: cujus contactus infrequentes ut ignis aliquis comburit: Ita nonnulli quoniam eorum non audent congregari, a tergo sparsis probris contaminant hominem.

Sicuti leo citius saevit in virum quam in foeminam, pueros non nisi summa fame coactus attingit, simplicibus ac prostratis parcit: Ita potentes infirmioribus debent ignoscere, vires in alios experiri, quos vincere pulchrum sit.

Ut lascivia sumiarum febrem excutit leoni: Ita inimici convitium aut contumelia, nonnunquam excussa desidia, veterumque, ad honesti studium nos acuit.

Leonis catuli informes nascuntur, vix ingrediuntur semestres, non moventur nisi bimestres: Ita quæ egregia futura sunt, sero proveniunt, & lentis auditibus absolvuntur.

Leo cunctis formidatum animal, tantum ac cristam galli formidat: Ita summi Principes infirmorum convicia nonnunquam timere coguntur.

Injecto in oculos sago, leo sine ullo negotio capitur, alioqui inexpugnabilis: Ita facillimum est potentissimum etiam domare, modo cognitum sit illius ingenium.

Camelus non gaudet potu, nisi prius obturbata conculcatione aqua: Ita quibusdam nihil placet in luteris, nisi barbaria conspurcatum.

Ut camelopardalis sive nabis, collo refert equum, pedibus & cruribus bovem, capite camelum, maculis tigrim, aut pardum: Ita quidam inæquales sibi varias hominum formas expriment: si cultum inspicias, sanctum aliquem existimes, si orationem audias, Satrapam loqui putes: si vitam expendas, nebulonem invenies: si scripta, bubulcum.

Rhinoceros cornu gerit in naribus: Ita quorundam sales dentati sunt & aculeati.

Catoblepas & basiliscus solo adpectu necant, maxime si oculos intueare: Ita tyranni nonnulli solo oculorum coniectu nonnullos ad laqueum adigunt. Aut formosa mulier & impudica perimit intuitu.

Ut basiliscus sibilo fugat omnes serpentes: Ita quidam adeo sunt pestilentes, ut alii ad illos collati, boni videantur, atque ultro cedant.

Lupis quos cervarios vocant, etiam in fame surrepit oblivio cibi, si modo respexerint, ac protinus alium quaerunt: Ita nonnullis mox excidit, quod modo instituerant narrare, si interjectis verbis aliquot animum illorum alio devocaris.

Aspis pestilentissimum malum non vagatur, nisi cum compare, ea interfectorem pertinacissime persequitur: Ita tyranni filium, aut alium tyrannidis successorem adiungunt, ne desit ultor, si quid acciderit.

Crocodylus patitur Trochilum aviculam carpere escam e faucibus suis, non illius amore, sed sua ipsius causa. Repurgat enim rostro suo os illius: Ita tyranni etiam si quid alicui concedunt, semper ad suum referunt commodum.

Crocodylus terribilis est in fugaces, fugax contra infrequentes: Ita quidam si concedas ac metuas, tum ferociunt: si strenue contemnas & obstitas, statim concedunt.

In aspidis ictu nullum est remedium, nisi ut partes contactæ amputentur: Ita quædam vitia sola morte sanari possunt.

Inevitabile malum esset aspis, nisi natura hebetes addidisset oculos: Ita quidam essent pestilentissimi, si pravæ cupiditati accederet & ingenii vis, ut rationem quoque nocendi possint excogitare.

Dictamum herba sagittas educit e corpore, hanc cervi monstrare: Ita Philosophiæ ratio, fortunæ jacula eximit animo.

Diffini- Cervi pascu dictami excutunt corpore sagittas, a phalangio percussu cancerorum escu sibi medentur: lacertæ a serpentibus icti, herba quadam se refovent: hirundines vexatis pullorum oculis chelidonia succurrunt: testudo cunilæ pascu vires adversus serpentes reficit: mustela in murium

A venatu rufa se confirmat: ciconia origano, hedera apri sibi medentur in morbis, item cancerorum escu: anguis foeniculi succo abiecit exuvium: draco vernam nauscam sylvestris lactuca succo restinguit: pantheræ adversus aconitum, hominis excrementis sibi medentur: elephas chamæleonte fronde (nam similis est animanti color) devorata: ursi cum mandragoræ mala degustare, formicas lambunt: cervus venenatis pabulis herba cynare reficit: palumbes, graculi, merulae, perdices, lauri folio annum fastidium purgant: Idem faciunt columbae, turtures, gallinacei, herba quæ vocatur helixine: anates, anseres, catæque aquaticæ, herba sidentæ, grues & similes, junco palustri: corvus occiso chamæleonte, qui etiam victori nocet, lauro infectum virus extinguit, breviter nullum est animal, quod non intelligat sua remedia. Solus homo nescit, unde vel corporis vel animi remedia petere debeat.

B Hyæna vocem humanam imitatur, & nomen alicujus ediscit, quem evocatum lacerat: Ita quidam obsequio blandiuntur, donec in perniciem trahant.

Panthera sic avida est excrementorum hominis, ut si in vase suspendantur altius quam ut possit attingere, enecet se, defatigati porrectu corporis: Ita nonnullis quod est foedissimum, id dulcissimum est.

Fibri Pontici genitalia sibi ipsis amputant membra in venatu, quod ob hoc se peti intelligant: Ita prudentis est aliquando abicere rem, ob quam periclitatur.

C Cervicum atroxere aures, acerrimi auditus sunt, cum remifere, surdi: Ita Principes si quid est quod placeat, id procul etiam percipiunt: si quid secus, quantumvis clamet, non intelligunt.

Cervi cum sua cornua cogantur abicere, tamen occultant ea, præcipue dextrum, ne medicamenti vis aliis sit usui: Ita divites nonnulli, cum ipsi divitiis uti non queant, haud tamen sinunt alios frui.

Uti chamæleon non alio pascitur alimento, quam aeris, & idcirco ore est semper hiante: Ita quosdam aura popularis alit, neque quicquam captant præter inanes laudes & gloriam.

D Chamæleon qui subinde mutat colorem, omnem imitatur, præter rubrum & candidum: Ita adulator nihil non imitatur in amico, præter ea quæ honesta sunt.

Tarandus omnium arborum & fruticum, locorumque in quibus latitat, colorem villis etiam imitatur: Ita tutior erit, qui ad quamcunque gentem se contulerit, ejus ritus ac mores imitetur.

E Hystrix non jaculatur spinas suas, nisi cum provocatur, aut urgetur: At scurra in quem vis sua dicta torquet.

Ursus informes gignit catulos, eos lambendo format: Ita rudem ingenii foetum diutina cura expoliri convenit.

Uti canis properans in enitendo, cæcos parit catulos: Ita præcipitata opera non possunt esse absoluta.

Ut ignavi canes omnibus ignotis allatrant: Ita barbari quicquid non intelligunt, carpunt ac damnant.

Ut muti quidam canes, prius mordent quam latrant, sunt enim & hujusmodi, quos aliquot ipse vidi: Ita quidam prius lædunt quam exposculent.

F Asina per omnem gignunt vitam: cum homo tam mature desinat parere: Ita facilius ac perpetuus proventus rerum vilium, egregia raro contingunt.

Nullum est animal quod impensius amet suos foetus, quam asinus & simia: Ita indocti suas commentatiunculas præter alios amplectuntur.

Mulus ex equo & asina conflatus, nec equus est, nec asinus: Ita quidam dum & aulici esse volunt, & ecclesiastici, neutrum sunt.

F Muli calcitratus vino crebro inhibetur, mulieris petulantia vino provocatur.

Simia catulos fere complexu necat: Ita nonnulli parentes immodico erga liberos affectu, & indulgentia corrumpunt illos.

Ut est regio quæ careat venenis, veluti Creta: Ita non est Respublica aut aula, quæ careat invidia.

Creta nullum habet venenum, præter phalangium, id est aranei genus: Ita non est monasterium tam sanctum, quod immune sit ab obsecrationis & invidentiæ malo.

Augues in Syria erga indigenas venenum non habent, nec eos petunt, externos cum cruciatu examinant: Ita infu-

lares in suos satis humani, in alienigenas immitissimi sunt.

Indicæ testudines, meridiano tepore blandiente, gaudent toto dorso per tranquilla fluitare, donec oblitis sui, solis vapore siccetur cortex, ut mergi nequeant, jamque invitæ natent opportunæ venantium prædæ: Ita quidam spe magnarum rerum allecti, in Principum aulas sese conjiciunt, & adeo deliniuntur aulæ deliciis, donec imprudentes eo redigantur, ut non possint etiam si velint, in suum ocium sese recipere.

Mugiles si caput condiderint, putant se totos occultari: Ita quidam si sua vitia dissimularint ipsi, putant ab aliis non animadverti, qui mos idem & pueris est.

Alutarium piscem semper sequitur piscis nomine sargus, qui illo coenum fodiente excitatum devorat pabulum: Ita sunt qui se misceant alienis negociis, ut eis laborantibus, fructum ipsi præripiant.

Scomberi in aquis sulphureum habent colorem, extra aquas similem cæteris: Ita divites in suo regno Diis pares, & cæteris longe præstantiores videntur, in morte nihil ab aliis differunt.

Ut echeneis licet exiguis piscis, navem velis citatam remoratur: Ita animum ad honesta properantem puella quæpiam nonnunquam revocat, ac retardat affixa.

Sicuti Polypus quicquid brachiis attigerit, suctu tenet & attrahit: Ita difficillimum est evellere de manibus quorundam, si quid nacti fuerint.

Polypus stupidum alioquin animal, in captandis conchis incredibili utitur solertia: Ita quidam ad solum quæstum suum sapiunt, alibi pecudes meræ.

Uti sæpenumero Polypus dum conchæ carnem captat, ipse capitur ac tenetur: Ita sæpius dum aliis nocere studemus, nos ipsos in periculum adducimus.

Ut echinus semper in spinis ingreditur, quod spinas secum circumferat: Ita quibusdam in omni negotio acerbitas est, propterea quod animo secum adferant asperitatem, etiam si res ipsa nihil habeat incommodi.

Ut cancri in metu utroque versus pari celeritate ingrediuntur: Ita cum res exigit, vertendi sunt in diversum mores.

Mimimi cancri, quos pinnoteras vocant, quo tutiores sint, inanium concharum testis se condunt, & cum accreverint, migrant in capaciores: Ita quidam majorum suorum titulis tuentur sese, cum suis diffidant virtutibus.

Ut uniones tametsi in mari nascuntur, tamen plus habent cognationis cum coelo, cujus faciem reddunt: Ita pius ac generosus animus magis a coelo pendet, unde ducit originem, quam a terra, in qua vivit.

Rhombus, & squatina, & rhaia, & pastinaca cum tardissimi sint piscium, tamen sæpe reperiuntur habentes in ventre mugilem omnium velocissimum, solertia & ingenio capientes: Ita quidam arte superant longe potentiores opibus aut viribus.

Trochus piscis ipse se init, & ex sese concipit: Ita quidam ingenii felicitate ipsi literarum semina infundunt sibi, quos *autodidactos* vocant Græci.

Struthiocamelus avium maxima, sed stolidissima: Nam ubi collum occultarit frutice, latere sese existimat: Ita quidam ingenti mole corporis onusti, minimum habent ingenii.

Ut Phoenix nunquam est nisi unica, & ea vix credita cuiquam: Ita rerum optimarum summa raritas est.

Aquila avium rapacissima, non oppetit morbo, neque senio, sed fame: Ita avarus quo magis accedit ætas, hoc magis cruciatur habendi studio, & minus potest uti partibus.

Aquilarum pennæ quoque aliarum avium pennis admixtæ, eas devorant: Ita tyrannis penitus insita vis est spoliandæ plebis, ut mortui quoque aliquid auferant.

Vultures triduo futura cadavera præsentiant, eoque advolant: Ita quidam captatores, multis etiam annis mortis divitum imminet.

Vultures ipsi nihil occidunt, sed ab aliis occisa invadunt: Ita nonnulli alienis fruuntur sudoribus.

Cybindus avis bellum internicinum gerit cum aquila, adeo ut coherentes sæpenumero prendantur: Ita fit aliquoties, ut dum mutuum in se odium pertinaciter exercent

Principes, utrique subvertantur, tertio quopiam invadente.

Coccyx ova subdit in nidis alienis: Ita quidam alienas uxores faciunt matres.

Coccyx pullus ubi adoleverit cum sit nothus, tamen legitimos devorat, unaque matrem ipsam: Ita quidam magna indulgentia, stultoque amore quorundam educati subvertunt eos.

Pavo non explicat pennas nisi laudatas: Ita quidam putant se non habere quod habent, nisi sint qui mirentur.

Galli sæpius in pugna commoriuntur: Ita quidam mutuis diffidiis conficiunt sese.

Gallus victor illico cantu superiorem sese testatur: Ita quidam sua facinora jactant ipsi, & suarum laudum ridiculi sunt tibicines.

Uti ciconias nemo advenire sentit, sed advenisse: nemo discedere, sed discessisse, quod noctu clanculumque faciant utrumque: Ita juventutem nemo intelligit discedere, sed discessisse: & senectutem non sentimus advenire, sed advenisse.

Apud Thessalos capitale est occidere ciconiam, non ob aliud nisi quod serpentes interficit: parcutur & apud Britannos milviis, quod urbem raptis extis pecudum repurgent: Ita quibusdam honos habendus, non quod ipsi digni sint, sed quod illorum opera nobis sit usui.

Ciconia tametsi demigrat, tamen reversa, semper eodem repetit nidos: Ita non oportet amicorum ob intermissam vitæ consuetudinem oblivisci, sed memoriam illorum semper nobiscum circumferre.

Ciconiæ quoties convolant in campum, quem Pythonis comen vocant (is est locus in Asia) quæ ultima omnium advenerit, eam lacerant, atque ita discedunt in una omnium cessatione castigata: Ita multitudinis vitia, unius insigni supplicio sunt vel sananda, vel arcenda.

Coturnici veneni semen gratissimum est cibus: Ita quidam maledicentia & virulentis dictis impendio delectantur.

Ut hirundines sub hominum tectis nidulantur, & tamen non assuescunt nec fidunt homini: Ita quidam amicos semper habent suspectos, præsertim insulares.

Hirundo ætate advolat, instante hieme avolat: Ita infidus amicus rebus lætis præsto est, commutata fortuna deserit amicum.

Seleucides aves nunquam conspiciuntur a Casii montis incolis, nisi cum illarum præsidio est opus, adversus locustas vastantes fruges, nec unde veniant, quoque abeant cognitus: Ita quidam nunquam apparent, nisi cum nostro egent auxilio: nec visunt amicos, nisi cum urget necessitas aliqua.

Lusciniis tantum est canendi studium, ut certantes emoriantur, spiritu citius deficiente quam cantu: Ita nonnulli literarum immodico amore valetudinem extinguunt, & dum a nullo vinci volunt eruditione, pereunt in ipso conatu.

Ut halcyones etiam media hieme mare tranquillum præstant, non sibi solum, sed aliis quoque: Ita sapiens turbatissimis rebus non solum ipse tuebitur animi tranquillitatem, sed alios concitatos componet ac sedabit.

Ut halcyones videre rarissimum est, sed quoties apparent, tranquillitatem vel faciunt, vel denunciant: Ita Abbates & Episcopi raro deberent prodire in Principum aulas, sed rerum motus, & bellorum tempestates auctoritate sua composituri.

Columbo in volatu pernecitas, sed dum plaudit in aere sibi placens, implicatis strepitu pennis, capitur ab insidiante alicubi accipitre: Ita multi dum ostentant suas vires magis quam utuntur, oblitii sui, præda fiunt inimicis.

Apodes aviculæ, aut pendent volatu, aut jacent, propterea quod pedibus careant: Ita quidam in utramque partem nimis vehementes, aut nimium tumultuantur negociis, aut toti torpent ocio: nil medium est.

Taurus avis cum sit pusilla, tamen boum vocem imitatur: Ita nonnulli cum re sint exigui, tamen loquuntur Reges ac Satrapas.

Arrodunt hominis cibum mures, vivunt sub eodem tecto, nec tamen assuescunt homini: Ita quidam amici pa-

rum sinceri, nec relinquunt cibi commodique causa, nec amant tamen aut fidunt.

Sicuti picis mirum est studium imitandi verba hominis, adeo ut in conatu nonnunquam emoriantur: Ita nonnullis dulce edificare preculas & psalmos, eosque subinde sonare, cum non intelligant.

Ut ova plena fidunt, inania fluitant: Ita qui veris virtutibus aut literis est præditus, minus ostentat se quam qui secus.

Si foemina inter aves saliat foeminam nascuntur quidem ova, sed ex quibus nihil nascatur: Ita consilium quod animo conceperis, non accedente ratione, frivolum est & inutile. Ova sic nata, Hyponemia, hoc est, subventanea vocant: dicuntur & Zephyria, quæ vento concipiuntur: Sic evanidum est, quicquid imaginatione, non certo iudicio instituitur.

Serius eduntur, quæ diutius victura sunt: Ita diu premdendum opus, quod semper legi velis.

Quo majus est animal, hoc minus est foecundum, minuta numerosi foetus sunt, adeo ut Acanthis minima avicula duodenos pariat pullos: Ita quæ minus valent pondere, numero sunt pensanda.

Salamandra non nisi magnis imbribus provenit, serenitate deficit: Ita quidam non apparent, nisi statu civitatis bello aut seditione turbato, iidem rebus pace compositis emoriuntur.

Salamandræ tantus est rigor, ut ignem contactum non aliter quam glacies exstinguat: Ita quidam citius hominem ad torporem adduxerint, quam ipsi ad honesta inflammentur.

Ut talpæ quod parum aut nihil cernant, liquidius audiunt: Ita natura paria facit, dum quibus corporis formam negavit, his animi vigorem confert.

Uti culices ad dulcia non advolant, sed acria petunt: Ita quidam maledicis & infestis sermonibus vehementius delectantur.

Non omnem escam amant pisces, sed alius alia delectatur: unde piscatores gnari quam quisque maxime appetit, fallunt ea potissimum objecta: Ita adulator deprehensio hominis ingenio, quibus rebus deliniatur, a quibus abhorreat, quod illi gratissimum esse intellexerit, hoc potissimum cum captat.

Sicuti capræ & coturnices venenis saginantur: Ita quidam aluntur maledictis & obtreptionibus.

Ut inter animantium genera occulta quædam sunt dissidia, cum nulla appareat dissidii ratio, velut araneæ & serpenti, formicis ac soricibus, trochilo & aquilæ, aliisque compluribus: Ita sunt qui illam aut illam oderint gentem, cum nesciant quamobrem oderint. Quidam odere Rhetoricen, aut Græcas literas, cum hoc ipsum ignorent quod oderunt.

Ut in culice non minus admiranda naturæ vis est quam in elephante: Ita sapiens in maximis pariter ac minimis negociis, magnum virum ostendit: aut ingenii vis etiam in ludicro atque humili argumento elucet.

Apis cum minimum sit insectum, tamen admirabile facit opus, & mira ratione politiam moderatur. Ita in pusillis corporibus summa nonnunquam ingenii vis.

Apes exteriora tectoria faciunt ex succis amarioribus, quod dulcissimum est, in intimis recondunt: Ita Theologia insipidis quibusdam allegoriarum corticibus obtegit sapientiam, quo profanos arceat.

Ut apes non quidvis ex omnibus colligunt, sed aliunde Metyn, aliunde Pissoceron, aliunde Propolin, aliunde Rhythacen, aliunde sobolem, aliunde mel: Ita non omnia petenda ex eodem auctore, sed ex unoquoque sumendum, quod habet utilissimum: Ex Poetis & Oratoribus, verborum splendor: E Dialecticis, argutia differendi: E Philosophis cognitio naturæ: E Theologis, præcepta vivendi.

Cum ad omnia advolent apes, tamen nullis nocent floribus: Ita virtus, & literæ sic ab aliis sumuntur, ut nihilo deterior sit is, qui communicavit.

A floribus marcidis apes abstinent: Ita non attingendus liber, qui putidas habet sententias. Aut nihil attingendum, quod non sit elegans & succulentum.

Apes fucis, ad opus & foetum calore confovendum, utun-

tur, ubi ceperint mella maturefcere, tum expellunt ac trucidant: Ita ab inimicis quoque sumendum, si quo pacto per occasionem prodesse possint.

Si fucis alas ademeris, & in alveum rejecias, is cæteris item fucis alas adimit: Ita qui in Monachorum tractu nascam, semel amiserint vitæ libertatem, alios quoque quos possunt pertrahunt, ne melior sit aliorum conditio.

Apes peragunt opus suum non statis diebus, sed quoties coeli commoditas invitat: Ita suo quæque tempore rapienda est occasio.

Rex apum solus aculeum non habet, aut certe non utitur, ad hæc grandior est corpore, & specie decentior, sed aliis quam cæteræ minoribus: Ita Principem oportet esse clementissimum, & a sua civitate nusquam avolare longius.

Rex ipse quidem non operatur, sed obambulans, ac circumvolans alios velut exhortatur: Ita Princeps non opera, sed consilio & iussu prodesse debet suis.

Ut fuci cum ipsi non mellificent, tamen illarum insidiantur laboribus: Ita sunt qui nihil ipsi excudant, sed aliorum vigiliis elaborata furto sibi vendicant.

Ut apis amisso aculeo, jam nec nocere potest, exarmata, nec prodesse ad mellificium: Ita mortales qui nocere norunt, iidem norunt prodesse.

Cum maxime fervent apum inter se prælia, tum iactu pulveris, aut fumo tota res componitur: Ita gravissimi rerum motus inter Principes, affinitate aut similitudine quapiam nugacissima finiuntur.

Ter novenis crabronum ictibus interfici hominem existimant: Ita offensa tametsi per se non capitalis, tamen sæpius iterata capitalem parit inimicitiam.

Damnatur bombicina vestis seu multitium, quod pellucens non tegat corpus, cum in hunc usum sit reperta vestis: Ita ridenda facundia, quæ rem non explicat, sed involvit, cum in hoc repertus sit homini sermo.

Ut aranearum telas corvi percurrunt, muscæ implicantur: Ita leges plebeculam vexant, a potentibus violantur impune.

Scorpius venenum in cauda gerit, & oblique ferit: Ita quidam in fine virus effundunt suum, & dissimulanter lædunt.

Muta cicada pro miraculo est, quod ipsum genus sit garulum, sunt autem huiusmodi in agro Rhegino: Sic magis admiramur constantiam & silentium in foemina, quod ipsum genus mutabile sit & loquax.

Muscæ & alia nonnulla insecta suctu vivunt, ideoque eis pro lingua est fistula: Ita quosdam videas bibones, qui potu vivant, a cibo abhorreant.

Ut lampyrides non sunt conspicuæ, nisi noctu aut in obscuro: Ita quidam non sunt illustres, nisi inter humiles & idiotas, obscurantur autem inter egregios.

Industrium animal formica, sed non laborat nisi sibi: Ita nonnulli mortales sibi duntaxat consulunt, & suum modo negocium agunt.

Ut Indicæ formicæ aurum e cavernis erutum servant tantum, non fruuntur: Ita dives avarus nec fruitur ipse suis opibus, & aliis invidet illarum usum.

Hirudo & quoddam pediculi genus cui non est exitus cibi, quod insatiabile sit, suctu sanguinis intumescens rumpitur denique: Sic avarus copia sua præfocatur.

Uti pyralis ultro advolans lucernis, adustis alis collabatur, ac perit: Sic quidam ipsi sibi accersunt perniciem.

Ut cochleæ lente ingrediuntur, nec quicquam attingunt aut usquam sese movent, nisi cornibus prætentant: Ita sapientem oportet esse contabundum, minimeque præcipitem, & pedetentim aggredi, gustu quodam prius sumpto.

Quemadmodum apud Myconios non est indecorum calvitium, quod illic omnes calvi nascantur: Ita apud Italos (ut hos exempli causa nominem) non est turpe pecuniæ studium, quo nemo non tenetur apud illos.

Sunt qui propius admota non cernunt, quæ longius absunt, vident: Ita nonnulli plus sapiunt in rebus alienis, quam in his quæ ad se pertinent.

Quibus majora sunt corda, timidissima sunt, maximeque bruta: Nam asino maximum est, & in Paphlagonia perdicibus bina sunt corda, cum animi sit conceptaculum

culum & fons: Ita quidam quo magis abundant insignibus, hoc minus habent rei: veluti si doctor indoctus latissimo utatur pileo aut eponide.

Animantia quibus longa sunt crura, iisdem longum sit collum oportet: Ita qui magno strepitu student vivere, longius rapiant necesse est, unde suppetat sumptus.

Chamaeleon maximum habet pulmonem, & nihil aliud intus: Ita quidam præter ostentationem, & ventosam jactantiam, nihil habent.

Simia cum imitetur hominem, tamen animal est omnium deformissimum: Ita si quis affectet quod optimum est, nisi feliciter affectet, incidit in id, quod est pessimum.

Ut a vitiis corporis quidam invenere cognomen, velut a distortis cruribus Vari, a tumidis labris Chilones, a naso prægrandi Nasones: Sic nonnulli malefactis sibi famam pariunt, ac nobilitantur.

Infantes qui celerius loquuntur, tardius ingredi incipiunt: Ita qui ad dicendum promptior est, ad rem gerendam minus est paratus.

E voce agnoscimus hominem, facie non conspecta, nam sua cuique vox: Ita ex oratione licet hominis vitam conjectare.

Vultures unguentorum odore fugantur, ad cadavera advolant: Ita quidam a rebus honestis abhorrent, ad foeda rapiuntur.

Sicut unguentis & vinis: ita & libris precium addit antiquitas.

Ex majoribus cedris, quæ florent, non ferunt fructum: quæ frugiferae sunt, non florent: Ita nonnunquam quibus adest dicendi lepos, non adest sapientia, quibus suppetit rerum utilium cognitio, deest eloquii venustas.

Ut palmæ arboris ramus, imposito onere non deflebitur in terram cæterarum more, sed renititur, & ultro adversus sarcinæ pondus erigit sese: Ita viri fortis animus, quo plus negotiis premitur, quoque magis sævit fortuna, hoc est erectior.

In Campania vites populos amplexæ, ipsa æquabant cacumina, adeo ut vindemiator rogum ac tumultum exciperet: Ita qui in arduis versantur negotiis, periculi meminisse debent.

Quemadmodum vitis tametsi arbor omnium nobilissima, tamen arundinum, aut vallorum, aut arborum infrugiferarum eget sustentaculis: Ita potentes & eruditi inferiorum egent opera.

Ut vallis aliquoties frondibus suis vitem amplexam strangulat: Ita nonnunquam adminiculi gratia obiter asciti, subvertunt & opprimunt potentiores.

Ut vitis nisi amputes, late sese spargit, brachiis suis omnia complectens & implicans: Ita Princeps ambitiosus semper aliquid e proximis suo adjungit imperio, nisi subinde vindicetur.

Sicut Aminæa vina senio fiunt meliora: Ita quidam in juvenia solutiores aut asperiores, ætate & usu rerum fiunt mitiores.

Contra Apiana vina, & alia quædam initio dulcia, austeritatem accipiunt ab annis: Ita quidam ætate fiunt inhumaniores.

Sicuti Maroneum vinum, cujus meminit Homerus, vices tanto aquæ mixtum, tamen vigorem suum servat: Ita sapiens nullis solvitur voluptatibus.

Ut vino non est aliud corporis viribus utilius, si recte utaris: nec eodem est quicquam perniciosius, si modus absit: Ita Philosophia salutaris res est, si modice adhibeas, pestilentissima, si ejus studio temulentus, a communis vitæ muniis reddaris alienus.

Sicuti vina languidiora vappescunt ætate: Ita desipiunt ingenia vulgaria, eximia etiam ad extremam durant ætatem.

Vina non modo soli sui referunt saporem, verumetiam arborum aut fruticum vicinorum: Ita non solum exprimimus eos, unde progeniti sumus, sed & eos quorum consuetudine sumus usi.

Sicuti imitativa vina, quæ frugibus conficiuntur apud quosdam, hæcenus assequuntur vini vim, quod inc-

brant, non tamen perinde reficiunt cordis vigorem: Ita quidam quod in Poetis est vitii, id assequuntur, nempe obscenitatem, cæterum eloquentiam, venustatem, eruditionem non possunt exprimere.

Oliva sero provenit, sed fructum habet egregium. Salix statim adolescit, sed sterilis est: Ita præcox ingenium.

Negant ullum animal veneratum fame aut siti emori: Ita pestilentes homines domi habent, unde se pascant, & suo aluntur veneno.

Perfica ob id ipsum pluri venibant, quod non durarent, nisi in triduum: Ita avidius rapiendum, quod cito prætervolat, ut juvenia.

Caprifici ficus nunquam maturefcit, sed tamen gignit vermiculos, qui devolantes ad veram ficum, perfosso ficorum cortice, maturitatem illis tribuant: Ita sunt qui ipsi nihil queant egregium facere, sed tamen aliquo pacto stimulant alios, ut id faciant.

Ut aquæ laus est, si nihil sapiat (nam vitiosæ signum est sapor aut succus:) Ita a cæteris quidem requirimus eloquentiam: Theologus hoc ipso laudatur, quod infans est, & a Musis alienus.

Fere non convenit odori & sapor, ut ficis quibus nihil dulcius, nullus est odor, & cotoneis plurimum odoris, sapor autem asperimus: Ita vix in eodem invenias homine blandiloquentiam, & beneficentiam, ac fidem.

Ut laurus tota viret perpetuo: Ita doctrinæ fama non senescit, neque marcescit. Lauri baccæ amaræ quidem sunt, sed salutem conferunt: Ita Philosophiæ præcepta, salutaria magis quam blanda sunt aut jucunda.

Vina vasis infusæ taxo factis, mortifera sunt: Ita salutaris alioquin eruditio, si inciderit in hominem pestilentem, moribus illius redditur noxia.

Fraxinum campestem in tantum horrent serpentes, ut nec matutinas, nec vespertinas illius umbras quamvis longissimas, unquam attingant: & si gyro frondibus hujus arboris claudatur ignis, & serpens, citius in ignem fugiet, quam in fraxinum: Ita nihil convenit vitiis & studio sapientiæ, sed cujus umbra quisquis se continuerit, tutus erit ab hujus vitæ venenis.

Tilia cum habeat corticem ac folia dulcia, tamen fructum ejus nullum animal attingit: Ita quorundam oratio blanda, grataque & composita, sententiarum nullus fructus.

Uti buxus semper quidem viret, sed alioqui & odore noxia, & semen habet omnibus invisum animantibus: Ita quidam præter orationis gratiam, nihil adferunt non fugiendum.

Rhododendri frondes jumentis, capris, & ovibus venenum est, idem homini contra serpentium venena remedio: Ita quod stultis perniciem adfert, ut res adversæ aut eruditio, id sapiens vertit in suum bonum.

Ut arborum aliæ gaudent montibus, aliæ vallibus, aliæ siccis locis, aliæ riguis & aquosis: Ita non omne vitæ genus homini convenit. Sunt quæ quovis proveniunt locis: Ita sunt horarum omnium homines, accommodati ad mores omnium.

Sunt arbores aliquot, quæ post solstitium invertunt sua folia, ut ulmus, tilia, olea, populus alba, salix: Ita vulgus procerum, simul atque Princeps vitæ genus diversum commutarit, vertunt & ipsi vultum, cultum, orationem, & omnia.

Sorbo folia universa decidunt, cum cæteris arboribus paulatim id accidat: Ita quidam subito nudantur, aut profundunt, aut genus vitæ commutant, cum sensim id fieri oporteat.

Ficus non floret, cum fructus habeat dulcissimos: Ita quidam benefaciunt nihil pollicitantes.

Morus novissima omnium germinat, & tamen parit inter primas: Ita qui tempus idoneum opperitur rei conficiendæ, etiam si serius coeperint, tamen maturius conficiunt.

Ut arbores quædam belle florent, verum nullum adferunt fructum: Ita quorundam puerorum indoles magnam vitæ frugem pollicetur, qui simulatque adole-

Tom. I. Qq 3 rint,

rint, ad ineptissimas conversi voluptates, fallunt expectationem omnium.

Salix ante maturitatem abjicit semen, unde & Homerus frugiperdā vocat: Ita quædam ingenia præcōcia citius profiliunt ad docendum, aut scribendum, quam oportet.

Cupressi semina adeo minuta sunt: ut quædam oculis cerni non possint, & tamen in eo tanta est arbor tam procera: Ita ratio minimum quiddam est & occultum, sed eadem maxima est, si prodeat, & vim suam explicet.

Stolonibus amputatis, omnia celerius adoleſcunt in arbore, nimirum alimentis in unam collatis stirpem: Ita animus levatus supervacuis negociis, plus efficit in studiis honestis, tota mentis vi in idem intenta.

Vitis nisi subinde amputetur, ipsa sua fecunditate gracileſcit & perit: Ita cohibendum est immoderatum studium felicibus ingeniis, ne parum moderato labore consumantur.

In vite quicquid per amputationem adimitur materiæ, id fructibus additur: Ita qui reciderit curas supervacaneas rerum sordidarum, plus valebit in rebus seriis & gravibus: Aut quo minus est verborum, hoc gravioreſ sententiæ.

Ut in inferendo calamus altius depressus, tardius fert, sed durat fortius: Ita præstat sic rem aggredi, ut firmior sit ac durabilior, potius quam ut præſens spectes lucellum.

Arbor per se infrugifera, tamen insitione discit ferre fructus: Ita pravum ingenium institutione ad bonam frugem potest demutari.

Arbor suapte natura non nisi unicum foetum gignit, insitione eadem diversi generis fructibus oneratur: Ita qui naturam suam sequitur, semper idem est: qui arte ducitur, sui similis est.

Ut noctuæ aves inauspicatæ noctu gementes (nam hæc illis vox est) mortalium invident quieti: Ita virulenta lingua semper aliquid spargit, quo concordiam hominum disturbet.

Ut ager ferax, sed quem oporteat multo impendio colere, non multum juvat colonum: Sic homo quæstuosus, sed idem sumptuosus, haud multum reponit hæredi profuturum.

Ut in re rustica non satis est teipsum bonum esse colonum, sed magni refert cuiusmodi habeas & vicinum: Sic in vita non satis est, si teipsum integrum virum præſtes, sed refert cum quibus habeas consuetudinem.

Ut in loco pestilenti quoque qui assuevere, durant: Ita incommoda parum lædunt assuetos.

Ut loci salubritas incolarum colore deprehenditur: Ita muneris sanctitas eorum arguitur vita, qui in eo versantur: veluti qui versantur in caerimoniis, cum sint nequissimæ vitæ, declarant eas ad pietatem nihil conducere.

Ut nihil minus expedit, quam agrum optime colere: Ita sæpenumero inutilissimum est, nimis esse in negotio diligentem.

Diligentes agricolæ terram prius notulis quibusdam deprehendunt & explorant, priusquam illi credant sementem: Ita explorandus amicus, ante quam committas arcanum.

Uti faba & lupinum non exhaurit, sed stercoreat agrum in quo alitur: Ita gratus meliorem reddit fortunam ejus a quo beneficio adjuvatur, & refert quod accepit.

Fœtum Græcum, quo tractatur pejus, hoc provenit melius: Ita liberi quidam, quanto habueris indulgentius, tanto minus valent: neglecti vero & vexati evadunt in viros.

Uti falicis semen ante maturitatem abjectum, non solum ipsum nihil gignit, verumetiam fœminis sterilitatis est medicamentum, hoc est, efficit ne concipiant: Ita sermones istorum qui prius docent quam vere sapiant, non solum ipsos non reddunt meliores, verumetiam auditores suos inficiunt & reddunt indociles.

Novella vitis copiosius gignit vinum, sed vetustior melius: Ita plura loquuntur juvenes, sed utiliora senes.

A Ex arboribus quæ vehementer fecundæ sunt, eo celerius senescunt: Ita raro sunt vivaces egregio præditi ingenio, & optima quæque mortalium fugacissima sunt.

Solent arbores protinus emori, si quando præter solitum fecundæ fuerint: Ita fortuna præter morem blanda ac favens exitium imminere sæpenumero significat.

Est apud Indos herba quædam præcipui odoris referata minutis serpentibus, quarum ictu protinus moriendum sit: Ita habent Principum quorundam aulæ quod allecet, sed occultant letale venenum, ni caveas.

B Apud eosdem est spina, cujus succus inspersus oculis, cæcitatem adfert omnibus animantibus: Magis autem excæcat homines, si quid adspergas de pulvere auri in oculos.

Ut in arboribus robustiores sunt partes Aquiloni oppositæ, quam quæ Austrum aut Zephyrum spectant: Ita fortiores ac firmiores sumus in his, in quibus nos duris casibus exercuit fortuna.

Cedrus & juniperus si oleo perungas, nec tineas sentiunt, nec cariem: Ita semel imbutus divini Spiritus succo animus, nullam hujus mundi sentit corruptelam.

Arbores infœcundæ firmiores sunt fecundis: Ita robustius est corpus his qui nihil pariunt in literis, quam qui sese laboribus exhauriunt.

C Ut quercus & aliæ quædam arbores sub terra defossæ duriores redduntur ac durabiliores: ita qui diu premuntur adversa fortuna, diutius florent.

Cupressi non innascuntur cerastæ propter amaritudinem, nec buxo propter duriciem: Ita pestis adulationis fugit severa ac tristia ingenia, mollia captat & facilia.

Juglans crepitu prænunciat se frangi, ut fugere liceat priusquam fiat ruina: Ita quidam non lædunt, nisi prius ostendant se infensos: alii prius læserunt quam exposculent.

D Abies adeo cohæret glutino, ut prius scindatur qua solida est, quam qua glutino ferruminata: Ita post reditum in gratiam firmior debet esse amicitia, & arctius cohærent, quos copulavit mutæ benevolentiae glutinum, quam quos natura conjunxit.

Hedera complexu necat arbores: Ita fortuna prospera dum blanditur, strangulat & perdit.

Ut quædam terræ mergam (ea est candida medulla) in se continent, qua stercorentur ac pinguescant: Ita ingenium probum secum habet, unde fiat melius.

Nihil projectius excrementis animantium, & tamen in stercorendis agris præcipuum habent usum: Ita nulla res est tam nihili, quæ non aliqua proſit, si noris uti.

E Cracca leguminis genus est adeo gratum columbis, ut ea semel gustata, negent illos postea ab eo loco profugere: Ita qui semel aulæ mel & honorem degustarint, nunquam ab aula possunt avelli.

Orobanchæ ciceri infesta est & ervo, ut æra tritico, hordeo festucaque vocatur ægilops, lenti securidaca: atque hæc quidem omnes complexu necant: Ita quorundam amicitia pestilens est magis quam inimicitia.

Ajunt Asiæ & Græciæ balneatores, cum velint turbam pellere, carbonibus injicere semen æræ, quod id faciat vertigines: Ita Philosophi quoties volunt a suis libris submovere vulgus indoctum, Mathematicos quosdam numeros & figuras admiscant, ut ex iis oborta vertigine capitis librum abjiciant.

Arator nisi incurvus sit, prævaricatur, ut dicebant antiqui: Ita miles nisi impius sit, parum est miles.

F Uti boni agricolæ est nosse terram suam quam colit: Ita præceptor diligens in primis studeat cuiusque indolem & ingenium cognoscere: neque enim eadem sunt omnibus adhibenda.

Uti novalis licet alternis interquiescant annis, tamen eam cessationem ubertate compensant: Ita relaxatio ingeniorum mediocris facit, ut ad studia reversi, plus efficiamus vigore animi, licet brevioris temporis spacio.

Nilus famem adfert Ægyptiis, si vel parum exunda-

darit, hoc est minus duodecim cubitis, vel plus satis, hoc est ultra octodecim: Ita pariter obstat ad bonam mentem fortuna vel nimium secunda, vel nimium maligna, hic egestate vexans, illic deliciis avocans ab honesto.

Ut Heliotropium ac lupinum circumaguntur cum sole, & quocunque se moverit ille, eodem deflectunt & hæc cacumen: Ita proceres aulici quocunque Regis ingenium vergit, eo propendent omnes.

Sicuti quasdam arbores fecunditas & luxuries enecat: Ita quosdam perdit immoderatus rerum successus.

Ager nimium stercoreatus aduritur, non stercoreatus alget: Ita moderata lectione vegetandum erit ingenium: nam lectione saginatur animus non aliter quam ar-
vum stercore.

Sicuti utilis est crebro stercoreari agrum quam multum: Ita plus habet fructus assidua lectio quam avida.

Ut pullegium ipso brumæ die floret, cum marcent omnia: Ita rebus pessime vexatis, regnant mali: quorum in pace nullus est respectus.

Ut cibi, potus, coelique novitas offendit, etiam si mutes in paria, aut in aliquanto meliora: Ita præstat ferre Principem, aut magistratus pristinos, quam novos adfiscere, quod omnis rerum novatio non careat perturbatione.

Ut hominem vehementer ægrotum, vel lunæ deliquium, vel ventus asperior, vel maris decessus, aut huiusmodi quæpiam levis rerum commutatio tollit e medio: Ita animos imbecilles & affectibus corruptos quævis offensa perturbat, cum qui firmis sunt animis, istiusmodi non sentiant.

Ut plus est periculi corporibus nostris vere & autumnino ob mutationem: Ita novitas omnis offendit ac lædit Rempublicam.

Ut qui coguntur secare, malunt ære secare quam ferro, quod hoc pacto vulnus sit sanabilius: Ita qui cogitur objurgare quempiam, ita moderabitur orationem, ut ipsa in se nonnihil admisceat occultæ medelæ.

Ut pternionibus & ambustis frigida pariter atque calida aqua medetur: Ita quædam errata diversa ratione tolli possunt, severitate & lenitate, subducta benignitate, & addita beneficentia.

Ut pterniones & facit, & tollit frigus: item ignis ambusta sanat: Ita amici objurgationis oratio, dolori quem fecit, eadem medetur.

Sicuti scorpius si post ictum admoveatur vulneri, venenum ad se retrahit: Ita nihil est tam noxium, quin secum adferat remedium sui mali, si quis modo uti noverit.

Ut celerius inebriantur, qui dilutum bibunt, quam qui merum: Ita citius inficiunt animum, quæ sobrietatis aliquid habent admixtum, quam quæ simpliciter obscena sunt. Nam a vehementer obscenis refugit animus: contra illa blandiuntur aliqua virtutis specie.

Ut qui vino cæcutiunt, aut alioqui laborant oculis, plures se videre res credunt, cum unam videant: Ita qui ob imperitiam verum non perspiciunt in auctoribus, multas ac varias inducunt sententias: unde illud apud juris male consultos, vel dic, toties repetitum.

Sicuti vinum alios hebetiores reddit, alios acutiores, alios elingues facit, alios loquaculos pro corporum habitu: Ita eadem stultitia & ignorantia veri quosdam incitat ad studium pecuniæ, quosdam ad voluptates.

Ut sol lutum indurat, ceram liquefacit: Ita eadem oratio ab eodem dicta, hunc emolliet ad penititudinem erratorum, hunc irritabit ad contumaciam.

Ut vinum dilutius magis provocat vomitum quam vel aqua simplex, vel vinum merum: Ita intolerabilior est nequitia pietatis simulatione condita, quam simplex & aperta malitia.

Ut magis humectat ventrem, magisque sitim pellit humor, qui sensim infunditur, quam qui universim hauritur: Ita magis cohibent a petendo, munera paulatim data dispensataque, quam si semel dones universa.

Sicuti laboriosius est inanem jactare manum, quam faxo aut plumbo libratam: Ita molestius est in nihili re-

A bus operam sumere, quam in arduis versari negociis.

Ut qui locis æqualibus ambulant, magis defatigantur quam qui inæqualibus: Ita laboriosius est semper eadem aut similia repetere, quam in variis versari negociis.

Ut citius fatigatur, qui quam longum sit iter nescit: Ita minore tædio rem gerit, cui negotii ratio modusque præcognitus sit.

Ut morbus ad vicinum serpit contagio, sanitas ad ægrotantem non item: Ita ex consuetudine malorum facile boni corrumpuntur, at non contra.

Ut oscitant permulti quod oscitantem conspiciant, & micant quod moventem viderint: Ita quidam nullo certo iudicio ad suscipienda negocia permoventur, sed quidvis in aliis imitantur ac referunt.

Ut aromatum, florum, similiumque odor gratior sentitur e longinquo quam e proximis: (offendunt enim nonnunquam naribus admota, quæ procul delectabant) Ita sunt, quæ si leviter attingas, placeant: sin excutias accuratius, & propius inspicias, gratiam amittunt: quod genus sunt Poetarum fabulæ, aut Gentilium historiarum.

Ut aromata tum vehementius fragrant, cum moventur ac teruntur franguntur: Ita virtutis fama latius spargitur cum exercetur negociis & rebus adversis.

Ut cibi male olentes, non videntur male olere his qui ederint: Ita spurcæ Scotistarum & Sophistarum literæ cum alios melioribus imbutos literis vehementer offendunt, ac nauseam moveant, eos qui nugis istiusmodi imbiberunt, nihil offendunt, imo bellæ videntur & elegantes.

Ut panthera bene olet, sed non nisi bestiis, quas ad se trahit, hominibus non item olet: Ita Scotus bonis ingeniiis gravis est, stupidis istis & bardis quovis aromatæ gratior.

Ut qui hircosi sunt, gravius olent, cum se unguentis obleverint: Ita foedior est nequitiae fama, si eam doctrinæ celebritas reddat magis conspicuam, latiusque traducat in hominum fabulas.

Ut diameter five dimetlens sic ab angulo ad angulum mediam figuram dividit, ut utrinque spacium relinquat æquale: Ita iudex in neutram partem debet esse propensior.

Ut sol quo magis in alto est, hoc minores jactat umbras, quo terræ propinquior, hoc majores, puta mane ac vesperi: Ita virtus quo major est & excelsior, hoc minus videri cupit, minusque sese ostentat, contra qui minus ipsa re valent, magisque sese dilatant ostentatione.

Ut majore cum voluptate cantionem audimus notam quam ignotam, etiam si melior sit: Ita iis literis impensius vulgus delectatur, quas didicit.

Ut in Diapason tantus est concentus, ut vox eadem esse videatur: Ita veri amici unus sunt animus. Aut sic adulator per omnia subservit ad orationem divitis, ut unum loquentem dicas, non duos.

Ut suavius est antiphonum, quam si vox omnino sit eadem: Sic jucundior amicus, ita concors, ut tamen nonnihil dissideat, quam adulator per omnia observiens.

Ut vasa paria quorum alterum plenum sit, alterum inane, pullata concentum faciunt *δια πᾶσιν*: Ita bene convenit inter divitem benignum, & pauperem indigum.

Ut quæ præclara sunt, vix multo cultu proveniunt, contra cepe, allium, & quædam huiusmodi vilia, etiam reposita, aut suspensa proferunt sese: Ita quæ sunt egregia non nisi multo contingunt labore: quæ mala, passim obvia sunt.

Sicuti vulgo dicunt aquilonem noctu exortum, nunquam ad tertium durare diem: Ita rerum motus qui non ex altis initiis, sed facili causa subitaque proficiunt, facile sedantur & conquiescunt in Republica.

Ut venti desituri vehementissime spirare solent: Ita mortales cum maxime efferunt sese, veluti Julius Pontifex, tum proximi exitio solent esse.

Sicuti aquilo initio vehemens, desinit lenior: contra auster initio lenior, desinit vehementior: Ita qui præcipi-

623
cipites magno impetu rem aggrediuntur, frigesunt in
progressu. Contra qui consilio suscipit, magis ac magis
accenditur operis progressu.

Ut qui acrius cupiunt perspicere, alterum occludunt
oculum: Ita iudex rectius intelliget justum, si nullius
personæ respectu devocetur.

Sicuti lusciosi non cernunt nisi proxime admota, con-
tra senes non nisi longiuscule diffita: Ita quidam diverso
laborant morbo. Nam hic negligit amicorum res neque
curat, nisi quod proprie ad suum pertinet negotium, con-
tra alii suarum rerum negligentes, in alienis tantum sa-
piunt.

Ut eodem habitu, sed aliter emissio calfacimus, ac re-
frigeramus: Ita eadem oratione aliter pronunciata mo-
vebitur affectus, aut frigebit.

Sicuti vehementius titillat tactus, & jucundius movet
frictus alienus, quam noster: Ita jucundius est laudari ab his

qui nobis nulla cognatione aut familiaritate conjuncti sunt.

Non ut ex sapientissimis parentibus stultissimi plerum-
que nascuntur filii: Ita a doctis præceptoribus indocti di-
scipuli, a probis educatoribus alumni improbi. Nam illic *Diffi-*
corporum est propagatio, hic animorum.

Quod oleum est muscis, formicis, fereque reliquis in-
sectis: id est, adulatio stultis Principibus. Siquidem oleo
peruncta moriuntur illa: hi assentatione & obsequio pal-
ponum in exitium trahuntur ipsi & trahunt Rempubli-
cam.

Uti sol hominem tingit nigrore, cum linum cande-
faciat: Ita factum idem huic infamiam conciliabit, illi
gloriam & laudem pariet.

Sicuti qui morbo laborant regio, iis mel cæteris
dulcissimum, amarum est: Sic sapientiæ præcepta
piis jucunda, tristia sunt iis qui pravis affectibus cor-
rupti sunt.

DESIDERII ERASMI ROTERODAMI PARABOLARVM SIVE SIMILIVM, EX PLVTARCHI MORA-
LIBVS, SENECA, LVCIANO, XENOPHONTE, DEMOSTHENE, ARISTOTELE, PLINIO,
THEOPHRASTO,

F I N I S .



COL-

COLLOQUIA

FAMILIARIA;

AUCTORE

DESIDERIO·ERASMO

ROTTERODAMO.

DESIDERIUS ERASMUS ROTERODAMUS.
OPTIMÆ SPEI PUERO
JOHANNI ERASMO
FROBENIO
S. D.



Icit libellus tibi dicatus expectationem nostram, Erasmi mellitissime: tuum erit videre, ne fallas expectationem nostram. Ille sic adamatur, sic rapitur, sic teritur manibus studiosæ juventutis, ut & patri tuo fuerit subinde typis excudendus, & mihi novis accessionibus identidem locupletandus; dicas & illum *Εράσμιον quempiam esse, deliciasque Musarum sacra colentium. Quo magis adnitendum erit, ut tu quoque sis, quod diceris, hoc est, ut literis & morum probitate sis omnibus bonis carissimus. Vehementer autem pudendum fuerit, si, cum tam multos hic libellus & Latiniore reddiderit, & meliores, tu commiseris, ut ad teipsum non redierit eadem utilitas, quæ per te pervenerit ad omnes. Cumque tam multi sint adolescentes, qui tibi nomine Colloquiorum gratias agunt; nonne merito censeatur absurdum, si tua culpa factum videatur, quo minus mihi possis eodem nomine gratias agere? Accrevit libellus ad justam voluminis magnitudinem; tibi quoque conandum est, ut quantum accrescit ætas, tantum accedat & honestæ eruditioni & morum integritati. Sustines non vulgarem expectationem: cui respondere necessarium, vincere pulcherrimum fuerit: certe fallere sine summo dedecore non potes. Nec hoc dico, quod hactenus poeniteat profectus tui, sed ut currenti calcar addam, quo curras alacrius; præsertim cum eam ætatem ingressus sis, qua non alia continget felicius, ad imbibenda literarum ac pietatis semina. Fac igitur, ut hæc colloquia vere tua dici possint. Dominus Jesus servet istam ætatem tuam puram ab omnibus inquinamentis, semperque ad meliora provehat. Vale. Basileæ Kalend. August. Anno M D XXIV.

*Εράσμιον] Hoc est, amabilem: simul allusum ad nomen Auctoris.

I N D E X
C O L L O Q U I O R U M.



Abatis & Erudita.
Absurda.
Αγαμος γάμος.
Adolescens & Scorti.
Alcumistica.
Amicitia.
Apotheosis Reuchlini Capnionis.
Απεσδιόνυσα.
Ars notoria.
Ασεργασμός.
Charon.
Colloquium senile.
Concio seu Merdardus.
Confabulatio pia.
Conjugium.
Convivium dispar.
Convivium fabulosum.
Convivium Poeticum.
Convivium profanum.
Convivium religiosum.
Convivium sobrium.
Copia compendium.
Coronis Apologetica pro Colloquiis Erasmi.
Cyclops Euangeliphorus.
Diluculum.
Diversoria.
Domestica confabulatio.
Echo.
Ementita nobilitas.
Epicureus.
Epithalamium Pet. Aegidii.
Euangeliphorus Cyclops.
Euntes in ludum literarium.
Exsequia Seraphica.
Exorcismus seu Spectrum.
Formula varia. 629. usque ad 631. &
Franciscani πτωχοπλαῖστοι.
Fusus.
Γεροντολογία.
Gratiarum actio.
Γυναικοσυνέδειον.
Herilia iussa.
Hippoplanus.
Impositura.

744	Inquisitio de Fide.	728
834	Ἰππεὺς ἀνίππος.	834
826	de Itinere formula.	633
718	Ἰχθυοφύλα.	787
752	Ludus globorum missilium. 647. & sphaera per annulum fer-	
873	reum.	647
689	Lusus pueriles.	645
834	Mandandi form.	638
849	Merdardus seu Concio.	850
838	Militaria.	641
822	Militis & Carthusiani.	708
732	Monitoria pedagogica.	644
850	Naufragium.	712
648	Νηφάλιον συμπόσιον.	847
702	Opulentia sordida.	862
818	Ὀχημα, γεροντολογία.	732
759	Percontandi varia formula.	631
720	Peregrinatio religionis ergo.	774
659	Philodoxus.	837
672	Pietas puerilis.	648
847	Πολυδαυτία.	818
667	Primi congressus varia formula.	629
493	Problema.	879
831	Proci & puella.	692
844	Pseudochæi & Philetymni.	710
715	Πτωχολογία.	757
635	Πτωχοπλαῖστοι, Franciscani.	739
817	Puerpera.	766
834	de Rebus ac Vocabulis.	820
882	de Sacerdotiis capiendis.	640
746	Salus.	648
831	Salutandi ratio & formula.	631
654	Scorti & adolescentis.	718
866	Senatulus.	842
749	Spectrum seu Exorcismus.	749
672	Synodus Grammaticorum.	824
739	Talorum lusus.	838
810	Thalia & Barbarici consiliatus.	890
732	Valetudinis formula.	632
638	Venatio.	653
842	Virgo μισόγαμος.	697
643	Virgo panisens.	701
756	Votum temere susceptum.	639
830	Uxor μεμφίγαμος.	702

D E.

DESIDERII ERASMI ROTERODAMI COLLOQUIA FAMILIARIA.



In primo congressu.

On temere docet: quidam, ut salu-
mus libenter. Comis enim & blanda
salutatio saepe conciliat amicitiam, ini-
micitiam diluit; certe mutua bene-
volentiam alit augetque. Quidam uf-
que adeo: Demea sunt, ingenioque
agresti, ut vix salutati resalutent.

Nonnullis hoc vitii conciliavit edu-
catio verius, quam natura.

Urbanitatis est salutare obvios, aut eos qui nos adeunt,
aut quos adimus ipsi colloquendi gratia. Item operis ali-
quid agentes, coenantes, oscitantes, singultientes, sternu-
tantes, tussientes. In ructu crepitue ventris salutare, ho-
minis est plus satis urbani.

Sed incivilius etiam cum salutare, qui reddit urinam,
aut alvum exonerat.

Salve pater, salve matercula, salve mi frater, salve præ-
ceptor observande, salve multum mi patruæ, salve dulcissi-
me nepos.

Urbanum est, addere cognationis aut affinitatis titulum,
nisi cum habent aliquid odii: tum enim præstat abuti mi-
nus quidem propriis, sed plausibilibus: Veluti cum no-
vercam salutamus matrem: privignum, filium: vitricum,
patrem: sororis maritum, fratrem: fratris uxorem, foro-
rem. Idem in ætatis aut officiorum titulis faciendum.
Gratius enim fuerit, si senem, patrem, aut virum eximium
salutes, quam ætatis cognomine: etiam si olim honoris
causa dicebatur, & ὁ γέρον. Salve præfekte, salve tribune.
Non autem, salve caligarie, aut calcearie. Salve adoles-
cens, salve juvenis. Senes ignotos adolescentulos filiorum
cognomento salutant, adolescententes vicissim illos patres aut
dominos.

Blandior salutatio inter amantes.

Salve { mea Corneliola.
mea vita.
mea lux.
meum delictum.
meum suavius.
mel meum.
mea voluptas unica.
meum corculum.
mea spes.
meum solatium.
meum decus.

Honoris gratia, aut secus.

Salve here. Ohe, salve tu quoque bone vir. Salve vir
ornatissime, clarissime. Salve etiam atque etiam literarum
decus. Salve plurimum amicorum optime. Salve mi Mæ-
cenas. Salve patrone singularis. Salve vir spectatissime.
Salve unicum hujus ætatis ornatum. Salve Germaniæ
delictum. Salvete quotquot estis una salute omnes. Salve-
te pariter omnes. Salvete belli homunculi. Salve, conger-
ro lepidissime. Salve vini pernicies. RESP. Salve & tu,
gurgēs, helluoque placentarum. Salve multum, virtutis
omnis antistes. RESP. Salve tantundem totius probitatis
exemplar. Salve anicula annos nata quindecim. RESP.
Salve puella annorum octoginta. Bene sit tibi cum tuo cal-
vitio. RESP. Bene tibi cum lacero naso. Ut salutaris,
ita resalutaberis. Si male dixeris, pejus audies. Salve ite-

¹ Quidam] In præceptis Dionysii. Catonis ad Filium.

² Demea sunt] Demea, Terentio senex, durus, ac difficilis: unde
proverbialiter austeros, Demeas vocamus.

³ Idem] Quod ab Hor. in Sat. præcipi videmus: Frater, pater ad-
de: Ut cuique ætatis, ita quæque facetus adopta.

⁴ ὁ γέρον] Honorificum est, quando munus sonat senatoris. non
meram ætatem provectionem.

⁵ Mæcenas] Gr. Μακεννας. Vir equestris ordinis, ortus sanguine Re-
gio, familiarissimus fuit Augusto Cæsari, & singularis fautor doctorum
viro, & imprimis Poetarum: inde factum ut nomen ejus in prover-
bium abierit pro litterarum patrono. Marialis:

Sint Mæcenates, non desunt Flacce Marones.
Adi Mæcenatis vitam a J. Henr. Meibomio conscriptam,

A rum atque iterum. RESP. Et tu salve perpetuum. Salve
plus millicies. RESP. Equidem malim salvere semel. Salve
quantum vis. RESP. Et tu quantum mereris. Salvere te
jubeo. RESP. Quid si nolim? Equidem ægrotare ma-
lim, quam tua salute salvere.

Salva sit tua { Sanctitas.
Amplitudo.
Celsitudo.
Majestas.
Beatitudo.
Sublimitas. } magis vulgo recepta sunt,
quam probata doctis.

In tertia persona.

Sapidus Erasmo suo salutem dicit.
Sapidus Beatum suum plurima salute impartit.

Alia Forma.

Salvus sis Crito. Benetibi sit vir optime. RESP. Et ti-
bi melius. Pax tibi frater: Christiana salutatio est, a Ju-
dæis profecta, neque tamen repudianda. Similis est, Bo-
navita. Ave præceptor. RESP. Equidem malim habere,
quam avere. 7 Χαίρε. RESP. 8 Memento te Basileæ esse,
non Athenis. RESP. Cur tu igitur audes Romane loqui,
quum Romæ non sis?

Bene precandi Formula.

Et bene precari, salutationis genus est.

Gravida.

Faxit Deus ut feliciter parias: ut maritum pulchra pro-
le facias parentem. Faxit illa Virgo mater, ut feliciter fias
mater. Precor ut hic tumor uteri feliciter subsidat. Velint
superi, ut non majore molestia elabatur, quam illapsus est,
quicquid hoc est, oneris quod gestas. Donet tibi Deus fel-
lix puerperium.

Convivis.

Sit felix convivium. Bene sit universo coetui.
Precor omnia læta vobis omnibus.
Deus bene fortunet vestrum convivium.

Sternutanti.

Sit faustum ac felix. Servet te Deus. Sit salutiferum.
Bene vertat Deus.

Auspicianti quippiam.

Sit felix & faustum Reipublicæ. Bono sit omnibus quod
instituis. Bene vertat quod agis. Bene fortunet Deus tuos
labores. Faveant superi tuis conatibus. Quæso ut quod in-
stituis, superis bene fortunantibus, feliciter absolvās.
Bene fortunet Christus opt. max. quod in manibus est. Fel-
iciter cedat quod instituis. Feliciter exeat quod aggressus
es. Rem sanctam aggressus es, precor ut felix sit exitus,
ac prosperum numen aspiret pulcherrimis cœptis. Christus
bene cœpta secundet. Prospere succedat quod auspiciatus
es. Deum opt. maximumque precor, ut istud consilium
quam est honestum, tam sit & felix. Bonis avibus cœpta
res, melioribus exeat. Precor ut bonis avibus Italiam adeas,
melioribus redeas. Opto tibi felicem cursum, & recursum
felicitem. Faxit Deus, ut itinere hoc feliciter peracto,
brevi tibi prosperum reditum gratulemur. Contingat tibi
feliciter & navigare, & renavigare. Sit iter lætum, redi-
tus lætior. Utinam ista profectio tibi succedat ex animi tui
sententia. Utinam tibi tam jucunda sit ista profectio, quam
nobis erit interim molestum tui desiderium. Bonis auspiciis
solvas ancoram. Precor ut ex utriusque votis succedat hoc
iter. Precor ut hic contractus commodo, bonoque sit ut-
riusque. Precor ut hoc matrimonium voluptati sit omnibus
nobis. Sospitet te Jesus opt. max. Superi propitii te nobis
incolumem restituant. Servet te Deus animæ dimidium

Tom. I. Rr. 2 mæc.

⁶ Pax tibi] Hebræi alique populi orientales hac formula salutandi &
bene precandi utebantur: qua omne prosperitatis genus iis exoptabant,
quos salutabant. Jud. 19. 20. 1 Sam. 25. Est etiam locutio qua timentibus
animum addimus. Gen. 43. 23.

⁷ Χαίρε.] Imperativus a χαίρω, gaudeo, delector: aliquando est sa-
lutaris, aliquando valedictio.

⁸ Memento te Basileæ esse, &c.] Allusum est ad id quod refert Cicero ex
Lucilio de Scævola ridente Albius gratizantem Romæ, libro 1. de
finibus.

mea. Opto tibi reditum indolumentum. Precor ut hic anhus tibi latis auspiciis ineat, latoribus procedat, latissimis exeat, ac saepius recurrat semper felicior. **RESP.** At ego vicissim tibi multa secula felicissima precor, ne tu gratis sis nobis bene precatus. Precor ut hic dies tibi candidus illuxerit. Precor ut hic sol tibi felix surrexerit. **RESP.** Tantundem tibi reprecor. Sit felix exortus hujus diei, & sit utrique nostrum prosperrimus. Opto tibi noctem prosperam pater. Precor tibi noctem placidam. Contingat tibi felix somnus. Det Deus placidam quietem. Det somnum absque somniis. Faxit Deus, ut aut placide dormias, aut feliciter somnies. Sit tibi fausta nox. **RESP.** At ego tibi, quando gaudere soles lucro, pro una fausta mille precor faustissimas.

Vale, in digressu.

Valete omnes. Bene vale. Cura ut quatuor rectissime valeas. Valetudinem tuam cura diligenter. Jubeo te bene valere. Jam me tempus alio vocat, tu valebis. Valetio quam optime. Vale pancratice, aut si mavis athleticce. Vale ut dignus es. Vale ut meritis. In hoc biduum valebis. Si me dimittis, valebis in crastinum. Numquid vis? Est aliud quod me velis? **RESP.** Nihil, nisi ut prospere valeas. Da operam ut sis prospera valetudine. Age curam valetudinis tuæ. Habe curam salutis tuæ. Fac ut proximo congressu te lætum ac nitidum videamus. Jubeo te curare cuticulam. Cura ut sis mens sana in corpore sano. Da operam, ut totus valeas, tum corpore, tum animo. **RESP.** Dabitur quidem opera. Valebis tu quoque. Tibi vicissim precor prosperam valetudinem.

Salutare per alium.

Frobenium jubebis meo nomine salvere plurimum: Erasmiolum item mea causa salutabis diligenter. Tum matri Gertrudi quam potes officiosissime ex me salutem dicito. Dic me omnibus omnia læta precari. Salutabis mihi sodalitatem diligenter. Amicos omnes meis verbis salutato. Uxori salutem ex me annunciabis. Fratri tuo in literis tuis meo nomine salutem adscribes. Mei vice salutabis affinem meum. Num quid tuis mandas per me? **RESP.** Ut recte valeant. Estne quod velis ad tuos perferri me nuncio? **RESP.** Multam salutem omnibus, sed præcipue patri. Sunt quos per me tuo nomine velis salutatos? **RESP.** Omnes qui de me percontabuntur. Salutem quam mihi ab amicis attulisti, illis multo cum fœnore referes. Quorum nomine mihi salutem attulisti, hos omnes mea gratia vicissim salutabis accurate: In amicis salutandis sis quæso mihi vicarius. Salutassem generum meum per litteras, sed tu mihi apud illum Epistolæ vice fueris. Heus heus, quo properas? **RESP.** Recta Lovanium. **RESP.** Resiste paulisper, est quod tibi mandem. **RESP.** Atqui pediti non convenit sarcina. Quid rei est? **RESP.** Ut Goclenium, Rutgerum, Joannem Campensem, totumque chorum trilinguem mihi salutes. **RESP.** Si nihil aliud imponis sarcinæ præter salutes, facile perferam. **RESP.** Atqui ne gratis istud facias, precor ut tibi quoque eunti ac redeunti salus sit comes.

Reducem quomodo salutare oporteat.

Salvum te advenire gaudemus. Sosipitem adesse volupe est. Te nobis redditum esse, voluptati est. Gratulamur tibi felicem reditum. Gratia superis quod nobis incolumis redieris. Quo molestius fuit nobis tui desiderium, hoc redditus conspectus tui jucundior est. Gratulamur & tibi, & nobis, quod vivus ac valens nobis restitutus sis. Hoc reditus tuus est nobis jucundior, quo minus expectatus. **RESP.** Ego vicissim lætor, quod incolumis vos incolumes offenderim. Quod te salvum repererim, vehementer gaudeo. Non viderer mihi redisse salvus, nisi vos salvos reperissem. Nunc demum mihi videor sospes, cum vos incolumes ac pulchre valentes conspicio.

Percontandi forma in primo congressu.

GEORGIVS, LIVIVS.

GE. EX qua tandem corte aut cavea nobis ades? LI. E. Quid ita? GE. Quia male saginatus. Quia macie

1 *Pancratice*] Pro eo, quod est firma esse valetudine: nam in *Pancratistis* robur corporis potissimum spectabatur: sic dicit. *Ἀνδρῶν πᾶντα ἀπ᾽ αὐτοῦ, ἀ νικῶντο* scil. cursu, disco, saltu, luctu & pugilatu, vel quia utebantur παντὶ ἀπ᾽ αὐτοῦ, omni genere virium.

2 *Athletice*] Athletice valere, est optime & firmissime valere, ut Athleta seu luctator, & ad luctationem institutus, qui athletico robore contra adversarios exercendo se munit. Vide adhortationem Menodoti ad bonarum artium studia, in hoc Tom. 1. Operum Erasmi.

3 *Trilinguem*] Græce, Latine, Vernacule scientem.

pellaces totus, ariditate cæpit. Unde prodix? LI. E. collegio 4 Montis acuti. GE. Ergo ades nobis onustus literis. LI. Imo pediculis. GE. Pulchre comitatus advenis. LI. Sane, nec tantum est nunc viatorem ire in comitatum. GE. Agnosco sodalium scholasticum. Ecquid novarum rerum adfers e Lutetia? LI. Illud in primis, quod scio, tibi videbitur incredibile: Lutetiæ Beta sapit, & Quercus concionatur. GE. Quid tu narras? LI. Hoc quod audis. GE. Quid ego audio? LI. Hoc quod narro. GE. Monstri simile. Oportet illic fungos & lapides esse auditores, ubi tales concionentur. LI. Atqui sic res habet. Nec audita narro, sed comperta. GE. Oportet igitur illic plurimum sapere homines, si sapit Beta & Quercus. LI. Recte conjectas.

Alia.

GE. Valesne? LI. Contemplare vultum. GE. Quin potius lotium jubes? An me putas medicum? Non rogo, quid valcas, nam facies ipsa loquitur te belle valere, sed quomodo tibi placeas. LI. Corpus quidem belle habet, sed animo male est. GE. At non valet, qui isthac parte laborat. LI. Sic res habent meæ: Corpus valet, sed ægrotat crumena. GE. Facile isti morbo medebitur mater. Ut valuisse usque? LI. Varie, ut sunt res mortalium. GE. Satin' recte vales? Salvane res? Satin' salvæ res? Fuisse semper prospera valetudine? LI. Prosperrima, gratia superis. Ego Dei beneficio perpetuo bellissime valui. Semper prospera valetudine sum usus. Hactenus bona valetudine fui, fausta, incolumi, felici, prospera, secunda, integra, & basilica, athletica, pancratice valetudine. GE. Faxint superi ut isthuc sit perpetuum ac proprium. Lætus isthuc audio. Voluptatem mihi nuncias. Est isthuc mihi auditu perquam jucundum. Sermonem istum ex te audire supra modum gaudeo. Isthuc haud invitatus audio. Oppido lætor isthuc audire ex te. Ut idem semper facias, opto. Ut ad istum modum quam diutissime valeas, opto. Tibi gratulor, mihi gaudeo. Gratia superis. Gratiam habeo superis. LI. Equidem pulchre valeo, si tu vales. GE. Nihil interim molestiæ fuit? LI. Nihil, nisi quod vestra consuetudine frui non licuit. GE. Quo pacto vales? LI. Recte, pulchre, belle, perbelle, bellissime, perpulchre, feliciter, commode, minime male. Valeo ut volo potius, quam ut mereor: 6 basilice, pancratice, athleticce. GE. Expectabam ut diceres etiam, taurice.

Male valere.

GE. Rectene vales? LI. Vellem quidem. Non admodum ex sententia. Equidem utcunque valeo. Sic satis. Valeo ut possum, quando ut volo non licet. Ut soleo. Ita ut superis visum est. Non optime sane. Sic ut antehac pejus nunquam. Valeo ut solitus sum. Valeo ut solent, quibus cum medicis res est. GE. Ut vales? LI. Secus quam vellem. GE. Qua valetudine es? LI. Haud sane commoda, incommoda, perquam incommoda, infelici, parum prospera, parum secunda, mala, adversa, infausta, imbecilli, dubia, mediocri, vix mediocri, longe alia quam vellem, tolerabili, qualem optem hostibus meis. GE. Rem mihi sane quam acerbam narras. Prohibeant superi. Avertat Deus. Bona verba. Hic cupiam te vanum esse. Bono sis animo oportet. Forti infractoque sis animo. Multum juvat animus in re mala bonus. Fulciendus est animus spe fortunæ secundioris. Quid morbi est? Quod mali genus est? Quis te morbus habet? Quo morbo teneris? Quid habes morbi? Quis te tenet morbus? LI. Nescio, & hoc laboro periculosius. GE. Verum. Nam ad sanitatem gradus est, novisse morbum. Nullo sine consuliisti medicos? LI. Equidem permultos. GE. Quid respondent? LI. Id quod 7 advocati Demiphoni apud Comicum, alius negat, alius ait, alius deliberandum censet. In hoc consentiunt omnes, me miserum esse. GE. Quam pridem habet te hoc mali? Diu est quod teneris isto morbo? Quantum temporis est quod te malum hoc corripuit? LI. Dies plus minus viginti. Ferme mensis est. Jam tertius est mensis. Mihi quidem seculum videtur, quod ægrotare cœpi. GE. Adnitendum censeo ne mor-

4 *Montis acuti*] Gall. *Montaign*, hoc est Belg. *Scherpen-beuvol*.
5 *Basilica*] Regalis, excellens, splendida. Quid sit *pancratica* & *athletica*, dictum supra.

6 *Basilica*] Id est, magnifice, splendide, ut Reges, qui diligentius curant valetudinem. Vox Plautina.

7 *Advocati Demiphoni*] Vid. *Terent. Phorm. Act. 11. l. 4*

morbus fiat familiaris. L. I. Jam nimium affuevit. G. E. Num est hydrops? L. I. Negant. G. E. Num dysenteria? L. I. Non arbitror. G. E. Num febris? L. I. Opinor febris esse speciem, sed novam, ut nunc novi subinde morbi exoriuntur, antehac incogniti. G. E. At plus satis erat veterum. L. I. Ita visum est naturæ nimium novæ. G. E. Quoto die recurrit dolor? L. I. Quoto die narras? imo quotidie, sæpius: quam Euripus. G. E. Papæ! malum abominandum. Unde contraxisti morbum? Unde suspicaris hoc esse collectum mali? L. I. Ex inedia. G. E. At non soles usque adeo superstitiosus esse, ut te jejunio maceres. L. I. Non erat religio, sed inopia. G. E. Quænam? L. I. Quia non dabatur cibus. E frigore natum arbitror. E putribus ovis morbum ortum suspicor. E vino plus satis diluto. E crudis malis contracta est stomachi cruditas. G. E. Vide ne ex immodico aut intempestivo studio conciliaris hoc mali, aut ex potatione largiore, aut Venere parum moderata. Quin accersis medicum? L. I. Timeo ne citius morbum augeat, quam adimat. Metuo ne pro remedio det venenum. G. E. Deligendus est igitur cui tuto fidas. L. I. Si moriendum est, malo semel mori, quam tot pharmacis excarnificatus. G. E. Faciatur ut ipse tibi sis medicus. Si diffidis homini medico, precor ut sit tibi medici vice Deus. Sunt qui tecti cuculla Dominicali aut Franciscana revaluerunt. L. I. Idem fortassis evenisset, si lenonis pallio tecti fuissent. Verum ista diffidenti nihil conducunt. G. E. Fide igitur, ut revivifcas. Alii morbo levati sunt, nuncupatis alicui divo votis. L. I. At ego cum divis non pacifcor. G. E. Proinde tu vel a Christo, cui fides, pete sanitatis beneficium. L. I. At ego, an beneficium sit, nescio. G. E. Annon beneficium est, liberari morbo? L. I. Nonnunquam mori felicius est. Ab illo nihil peto, nisi ut, quod scit optimum esse, mihi largiatur. G. E. Sume quod alvum deiciat. L. I. Jam sua sponte cita est. G. E. Ciendus est alvus. Movendus est alvus. L. I. Imo sistendus est magis, nam plus satis profluit.

Alia.

G. E. Fuitne tibi hoc iter faustum & commodum? L. I. Sic satis: nisi quod nihil usquam tutum est a latronibus. G. E. Hic est belli ludus. L. I. Est, sed sceleratissimus. G. E. Pedes advenis, an eques? L. I. Partim pedestri itinere, partim vehiculo, partim equo, partim navigio. G. E. Quo in statu sunt res Gallicæ? L. I. Sane turbulento. Magnæ bellorum minæ sunt. Quid mali allaturi sunt hostibus, nescio: certe Galli jam ipsi non dicendis malis affliguntur. G. E. Unde proficiuntur isti bellorum tumultus? L. I. Unde, nisi ex ambitione Monarcharum. G. E. At horum prudentia conveniebat sedari rerum humanarum tempestates. L. I. Sedant illi quidem, sed ut Auster mare. Persuadent sibi se Deos esse, suæque causa mundum hunc esse conditum. G. E. Imo princeps Reipublicæ gratia constituitur, non Respublica principis causa. L. I. Imo non desunt Theologi, qui a frigidam suffundant, & ad hos tumultus a classicum canant. G. E. Istos ego statuerem in prima acie. L. I. At illi sibi cavent a post principia. G. E. Ista publica fatis curanda relinquamus. Tuæ res quo tandem in statu sunt? L. I. Optimo, felici, mediocri, tolerabili. G. E. Quo pacto se res habent tuæ? num ex voto? L. I. Imo supra votum, supra meritum, supra spem. G. E. Satin' ex sententia? Satin' salva omnia? Satin' prospera omnia? L. I. Res in pejore statu esse non potest. Pejore in loco negocium non potest esse. G. E. Non cepisti igitur quod captabas? non contigit præda quam venabaris? L. I. Venabar equidem, sed irata Delia. G. E. Nihil reliquum est spei? L. I. Spei permultum, sed rei nihil. G. E. Episcopus nihil ostendit spei? L. I. Tota plaustra, totasque spei naves, sed præterea nihil. G. E. Nihil adhuc misit? L. I. Promisit qui-

1 Euripus] Rapidum frenum inter Eubœam & Boeotiam, alterno cursu, septies die, & septies nocte, fluctibus invicem versis, adeo immodice fluens, ut ventos etiam, & plenis velis navigia frustraretur. Hinc Euripus homo, adag. in inconstantes & qui moribus inæqualibus sunt. Vide Chil. 1. Cent. ix, 62.

2 Frigidam suffundere] Est clanculum instigare. Translatum ab officinis ærariis, ubi fabri subinde frigidam in ignem aspergunt, quo ignis sit vehementior. Vide Chil. 1. c. x, 51.

3 Classicum canere] Pro dissidium excitare. Nam classicum canere, est signum dare, quo milites pugnam ineant.

4 Post principia] Quasi extra telorum iactum. Sumpsum a bello: ubi summum periculum est illi, qui in prima stant acie.

5 Delia] Diana venationis Dea.

6 Tota plaustra] Græci ὅλας ἀμαξας. Nam plaustrum est, quo onera & moles vehuntur. Vide Chitad. 1. cent. 8. prov. 7.

dem largiter, at ne teruncium quidem misit. G. E. Ergo spe alendus est animus. L. I. Sed hac non faginatur venter. Qui spe aluntur, pendent, non vivunt. G. E. Attamen hoc eras ad iter expeditior, quod nihil esset oneris in 7 zona. L. I. Fateor; atque etiam tutior. Nulla enim sunt arma certiora adversus latrones. Sed ego malim & onus, & periculum. G. E. Nihilne tibi ademptum est in via? L. I. Mihi ne? Quæso, quid eripias nudo? Aliis citius periculum erat a me. Licuit mihi a vacuo viatori per totum iter canere & esurire. Num quid vis? G. E. Quo nunc hinc abis? L. I. Recta domum, salutaturus penates jamdiu non visos. G. E. Precor ut illic offendas omnia læta. L. I. Utinam ita velint superi. Nihil interim exstitit novi domi nostræ? G. E. Nihil, nisi quod reperies auctam familiam. Nam tua catulla peperit tibi catulum absenti. Tua gallina peperit tibi ovum. L. I. Bene nuncias. Grata nuncias. Atego tibi pro isthoc nuncio polliceor, & evangelium. G. E. Quodnam? secundum Matthæum? L. I. Non, sed secundum Homerum. En, accipe. G. E. Tibi serva tuum evangelium. Mihi saxorum satis est domi. L. I. Ne sperne munusculum: Aëtites est, qui gravidis admotus in nixu, maturat partum. G. E. Quid ais? Est mihi sane gratissimum. Dispiciam unde possim hoc donum pensare. L. I. Abunde pensatum puta, si boni consulueris. G. E. Imo nihil accidere potuit magis in tempore: nam uxori meæ jampridem tumet uterus. L. I. Illud igitur abs te stipulabor, ut si masculum ediderit, me susceptorem asciscas. G. E. Polliceor; ac tuum indetur puero nomen. L. I. Quod utrique bene vertat. G. E. Imo nobis omnibus.

Persona:

MAURITIUS, CYPRIANUS.

M. A. R. Edisti nobis obefior solito. Redisti procerior. C. Y. At equidem mallem prudentior, aut doctior. M. A. Imberbis abieras, redisti barbatulus. Contraxisti tibi absens nonnihil senii. Quid sibi vult hic pallor? quid macies? quid frons caperata? C. Y. Ut est fortuna, sic est corporis habitus. M. A. Num adversa? C. Y. Nunquam mihi quidem alias secunda, sed nunquam, quam nunc, refflavit odiosius. M. A. Dolso vicem tuam. Dolet mihi tua calamitas. Sed quid isthuc mali est? C. Y. Universæ pecuniæ naufragium feci. M. A. In mari? C. Y. Non, sed in litore nondum navem ingressus. M. A. Ubinam? C. Y. In litore Britannico. M. A. Bene habet quod ipse nobis vivus enatasti. præstat pecuniæ jacturam facere, quam vitæ. Levius est pecuniæ dispendium, quam famæ. C. Y. Vita famæque incolumi, periit pecunia. M. A. Vita sarciri nullo pacto potest, fama ægre potest, pecunia facile alicunde sarcietur. Qui malum hoc accidit? C. Y. Nescio, nisi quod sic erat in fatis meis. Sic visum est superis. Sic libuit genio meo malo. M. A. Vides igitur, doctrinam ac virtutem tutissimas esse divitias, quæ nec cripi possunt, nec gravant circumferentem. C. Y. Pulchre tu quidem philosopharis, sed interim ego ringor.

Alia. Persona:

CLAUDIUS, BALBUS.

C. L. G. Ratulor tibi reduci, Balbe. B. A. Et ego tibi superstiti, Claudii. C. L. Gratulor tibi in patriam reverso. B. A. Imo gratulare magis e Gallia profugo. C. L. Quid ita? B. A. Quia illic bellis fervent omnia. C. L. Quid Musis cum Marte? B. A. Atqui illic ne Musis quidem parcitur. C. L. Tu igitur feliciter elapsus es. B. A. At non sine periculo. C. L. Totus alius nobis redisti. B. A. Qui sic? C. L. Ex Hollando versus es in Gallum. B. A. Quid? an capus eram quum hinc abirem? C. L. Vestis indicat te mutatum ex Batavo in Gallum. B. A. Hanc metamorphosin malim, quam in gallinam. Sed ut cuculla non facit monachum, ita nec vestis Gallum. C. L. Jam ne calles Gallice? B. A. Sic satis. C. L. Quo pacto didicisti? B. A. A magistris haudquaquam mutis. C. L. Quibus? B. A. A mulierculis.

Tom. I.

Rr 3

quo-

7 Zona] Ζώνη, cingulum, a ζώνω, cingo. In specie est zona lata, & ea quæ capacitatem habet, in qua æra seu pecuniam ferebant veteres, viatores, milites, &c.

8 Vacuo viatori] Allusum ad illud Juvenalis:

Canabis vacuus coram latrone viator.

9 Evangelium] Jocus est in ambiguo: nam Evangelium dicitur munus quod datur rem lætam nuntians.

10 Genio meo malo.] Hunc Græci Ἀλάστορα nuncupant. Adito Plautarchum, de Animi Tranquillitate, & Steph. Glossarum, Quæstione Scra. v.

quovis : torture loquacioribus. CL. In tali ludo facile discimus loqui. Sonasne probe sermonem Gallicum? BA. Imo & Latinum sono Gallice. CL. Numquam igitur scribes bona carmina. BA. Cur ita? CL. Quia perit tibi syllabarum quantitas. BA. Mihi satis est qualitas. CL. Quid? estne Lutetia immunis a pestilentia? BA. Non est, sed perpetua non est: aliquando remittit sese, mox recrudescit, nonnumquam intermittitur, deinde recipit sese. CL. Non fat erat malorum ubi bellum est? BA. Erat, nisi secus esset visum superis. CL. Annonæ caritatem istic esse oportet. BA. Imo penuriam. Omnium rerum illic inopia est, præterquam sceleratorum militum. Bonorum virorum illic est mira vilitas. CL. Quid accidit Gallis, ut bellum suscipiant cum Aquila? BA. Quia movet illos exemplum, & scarabæi, qui non cessit aquilæ. In bello nemo sibi non videtur Hercules. CL. Non te remorabor diutius. Alias latius nugabimur, quum erit utrique commodum. Nunc alio me vocant negociola quædam.

Domestica Confabulatio. Persona:

PETRUS, MIDA puer, JODOCUS.

PE. **H**eus heus puer, nemon' huc prodit? MR. Hic opinor effringet fores. Familiarem oportet esse. Olepidum caput! Quid adfers mi Petre? PE. Me ipsum. MR. Næ tu rem haud magni precii huc attulisti. PE. Atqui magno confiti patri meo. MR. Credo pluris quam revendi possis. PE. Cæterum Jodocus estne domi? MR. Incertus sum; sed visam. PE. Quin tu potius abi, & roga ipsum an velit nunc esse domi. MR. Abi tu potius, sisque tibi ipsi; Mercurius. PE. Heus Jodoce, num es domi? JO. Non sum. PE. Impudens, non ego audio te loquentem? JO. Imo tu impudentior. Nuper 4 ancillæ tuæ credidi te non esse domi, & tu non credis mihi ipsi? PE. Equum dicis, par pari relatum. JO. Equidem ut non omnibus dormio, ita non omnibus sum domi. Tibi posthac semper ero. PE. Sed tu mihi videre 6 cochleæ vitam agere. JO. Qui sic? PE. Quia perpetuo domi latitas, nec usquam prorepis. Non secus atque 7 claudus futor, jugiter domi desides. Tu tibi domi situm contrahis. JO. 8 Est quod agam domi; foris nihil est negocii. Et si quid esset, tamen hoc coelum me dies aliquot a publico cohibuisset. PE. At nunc sudum est, & invitat ad deambulandum. Vide ut blanditur. JO. Si prodeambulare lubet, non recuso. PE. Plane videtur hoc utendum cælo. JO. Asciscendus est unus aut alter congerro. PE. Fiet, modo dicas quos velis. JO. Quid si Hugonem? PE. Haud multum interest inter Hugonem & nugonem. JO. Age, Placet. PE. Quid si Alardum? JO. Homo minime mutus est. Quod auribus diminutum est, lingua pensat. PE. Si videtur, Nevi-um adjungemus. JO. Si quidem dabitur illius copia, nunquam erit fabularum inopia. Placent confabulones, superest ut locum dispicias amœnum. PR. Ego vero tibi locum ostendam, ubi nec nemoris umbram, nec pratorum smaragdinum virorum, nec fontium vivas scatebras desiderabis. Dices dignam Musis sedem. JO. Magnifice polliceris. PE. Nimium affixus es libris. Nimium affides libris. Immodico studio te ipsum maceras. JO. Malim studio macrescere, quam amore. PE. At non ideo vivimus, ut studeamus: sed ideo studemus, ut suaviter vivamus. JO. Mihi vero vel immori chartis dulce est. PE. Equidem immorari probo, im-

1 *Torture loquacior.* Adag. in garrulos impendio loquaces. Vide Chil. 1. Cent. v. 30.

2 *Scarabæus* Belg. een schalbyster, torr. Insectigenus, teneras habens pennas crusta testas, stercore potissimum sese alens. Proverbium est, *scarabæus aquilam queris*: cum scilicet imbecillior longe potentiori malum molitur.

3 *Mercurius* Id est, nuntius & interpres.

4 *Ancilla credidi* Allusum est ad id, quod Cicero refert de Ennio & Nafica. Lib. 11. de Oratore.

5 *Non omnibus dormio* Non omnibus dormire dicuntur, qui non omnibus inserviunt, neque per omnia gerunt morem. Hinc nanum Adag. cum Galba quispiam convivio Mæcenatem excepisset, sentiretque jam e nutibus hominem inflammatum in uxorem suam; sensim dimisit caput, perinde quasi dormiret: at cum interea famulus quispiam ad mensam accedens, vinum clam tolleret, ibi jam vigil & oculus: *Inselix*, inquit, *an nesciebas me soli Mæcenasi dormire*. Vide Chil. 1. Cent. vi. 4.

6 *Cochleæ vitam* Cochleæ vita, de iis, qui ut plurimum domi sedent. Vide Chil. 1v. Cent. 1v. 57.

7 *Claudus futor* Plautinum est Aulul. sc. 1. act. 1.

8 *Est quod agam domi* Allusum est ad carmen Homeri, Hymn. in Mercur.

Οἷος βέλτερον εἶναι. Ἐπεὶ βέλτερον τὸ δύρησι.
Domi melius est esse: quoniam noxiam quod foris.

A mori non probo. Ecquid voluptati fuit hæc deambulatio? JO. Me quidem vehementer oblectavit.

Alia. Persona:

ÆGIDIUS, LEONARDUS.

ÆG. **Q**uo noster Leonardus? LE. Ad te ibam. ÆG. Istud quidem facis in solens. LE. Quam ob rem? ÆG. Quia jam annus est, quod nos non inviseris. LE. Malo in hanc peccare partem, ut desiderer, quam ut obtundam. ÆG. Imo boni amici nulla est apud me satietas. Imo quo crebrius venies, hoc mihi venies gravior. LE. Quid interim agitur domi tuæ? ÆG. Multa sane quæ nolum. LE. Non miror. Sed jamne peperit uxor? ÆG. Jamdudum, & quidem gemellos. LE. Quid ego audio? ÆG. Sic res habet: atque illi jam denuo tumet uterus. LE. Isthoc pacto solet augeri familia. ÆG. Sed utinam fortuna sic augeret pecuniam, ut uxor familiam. LE. Jamne elocasti filiam? ÆG. Nondum. LE. Vide ne parum tutum sit virginem tam grandem detinere domi. Quærendus est gener aliquis. ÆG. Nihil opus. Jam proci complures illam ambiunt sponsam. LE. Quid igitur superest, nisi ut e multis deligas, qui tibi maxime sit commodus? ÆG. Omnes ejusmodi sunt, ut nesciam quem cui præferam: sed abhorret a nuptiis filia. LE. Quid ais? Atqui, ni fallor, jamdudum nubilus est. Jamdudum est apta viro, matura conjugio. Jam pridem est tempestitiva viro. ÆG. Quidni, annum egressa jam decimum septimum? Major annis duodeviginti. Annum jam agens undevigesimum. Annos nata decem & octo. LE. Cur abhorret igitur a matrimonio? ÆG. Ait se velle Christo nubere. LE. Sane multas habet ille sponfas. An malo genio nupit, quæ caste vivit cum marito? ÆG. Mihi quidem non videtur. LE. Quis Deus hunc affectum afflavit filiæ? ÆG. Nescio, sed abduci ab hoc proposito nullis rationibus potest. LE. Vide ne sint incantatores, qui instigent & allectent. ÆG. Novus ego istos plagarios. Sedulo arceo hoc hominum genus ab aedibus meis. LE. Quid igitur est in animo? Morem geres animo puellæ? ÆG. Equidem obluclabor quoad licebit. Nihil non experiar, quo mutem illius sententiam. Quod si pertendet, ut coepit, non pugnabo cum illius animo, ne forte videar 9 *Θεομαχῆν*, vel potius 10 *μοναχομαχῆν*. LE. Religiose tu quidem loqueris. Sed etiam potes etiam fac explorare virginis constantiam, ne post facti poeniteat, cum mutare non erit integrum. ÆG. Equidem adnitar pro mea virili. LE. Quid rerum gerunt filii? ÆG. Natu maximus jamdudum maritus est, brevi pater futurus. Minimum ablegavi Lutetiam. Nam hic nihil aliud quam ludebat. LE. Quid eo? ÆG. Ut Magister nobis redeat stultior, quam exierat. LE. Bona verba. ÆG. Medius jam coepit initiari sacris. LE. Precor ut bene vertat omnibus.

Alia. Persona:

MOPSUS, DROMO.

Mo. **Q**uid fit? Quid agitur Dromo? DR. Sedetur. Mo. Video. Sed quomodo se res habent tuæ? DR. Ut solent iis, quibus superi sunt parum propitii. Mo. Istud ominis avertat Deus. Quid agis? DR. Equidem ocium ago. Id quod vides, nimirum nihil. Mo. 11 Præstat ociosum esse, quam nihil agere. Ego te fortassis occupatum seriis negociis interpello. DR. Imo maxime vacuum. Jam enim me ceperat oculi tædium, & congerronem desiderabam. Mo. Fortassis impedio, interrompo, interturbo tua negocia. DR. Imo tædium oculi discutis. Mo. Da veniam si te parum in tempore interpellavi. DR. Imo ipso in tempore advenis. Opportune te huc attulisti. Optatus ades. Interventus tuus est mihi vehementer gratus. Mo. Fortassis aliquid seriæ rei inter vos agitur, cui nolum esse impedimento. DR. Imo 12 lupus, quod ajunt, ades in fabula. Nam de te sermo erat. Mo. Facile crediderim: nam mihi huc venienti mire tinniebat auris. DR. Utra? Mo. Læva. Unde conjicio nihil magnifice de me fuisse prædicatum. DR. Imo nihil non honorificum. Mo. Vanum igitur fuerit oportet. Sed quid est bonæ rei? DR. Ajunt te venato-

9 *Θεομαχῆν* Id est, cum Deo pugnare.

10 *Μοναχομαχῆν* Id est, cum Monachis pugnare. Finxit ad formam verbi *μοναχῆν*, quod est singulari certamine congressi.

11 *Præstat ociosum* Amiliū facete dictum apud Plin. lib. 1. Epist. *Ociosum esse*, est esse in ocio literario, quod honestum, jucundum & fructuosum est; *Quam nihil agere*, quam multis rebus inanibus implicari.

12 *Lupus ades in fabula* Prov. cum de improvviso intervenit is, de quo mentio. Vide Chil. 111. Cent. vii. 57. & Chil. 1v. Cent. v. 50.

natorem esse factum. Mo. Imo jam intra casses meos est præda quam venabar. Dr. Quænam? Mo. Lepida puella quam perendie ducturus sum: vosque oro ut meas nuptias vestra præsentia dignemini honestare. Dr. Quænam est sponsa? Mo. Aloisia Chremetis filia. Dr. Egregium spectatorem formarum! Tuis oculis adlubuit illa, nigro capillitio, firmis naribus, ore prælargo, ventre prominulo? Mo. Desinite. Mihi eam duxi, non vobis. Non fat est, quod a suo regi pulchra est regina? Ita demum mihi illa placebit, si vobis non admodum placeat.

Alia.

S Y R U S, G E T A.

Sy. Opto tibi multam felicitatem. Ge. Et ego tibi conduplicatum opto, quicquid optas mihi. Sy. Quid agis rei? Ge. Confabulor. Sy. Quid? confabulare solus? Ge. Ut vides. Sy. Fortasse tecum. Proinde tibi videndum, ut cum homine probo fabuleris. Ge. Imo cum lepidissimo congerrone confabulor. Sy. Quo? Ge. Apulejo. Sy. Istud quidem nunquam non facis. Sed a amant alterna Camcenæ. Tu perpetuo studes. Ge. Non est ulla studiorum fatis. Sy. Verum, sed est tamen modus quidam. Non omittenda quidem sunt studia, sed tamen intermittenda nonnunquam. Non abijcienda sunt, sed relaxanda. Nihil suave quod perpetuum. Voluptates commendat rarior usus. Tu nihil aliud quam studes. Perpetuo studes. Continenter incumbis literis. Indefinenter inhæres chartis. Studes noctes ac dies. Nunquam non studes. Assiduus es in studio. Jugiter intentus es libris. Nullum facis studendi finem, neque modum. Nullam studiis tuis requiem intermiscis. Nunquam studiendi laborem nec intermittis, nec remittis. Ge. Age, tuo more facis. Rides me ut soles. Nunc ludis tu quidem me. Salte me rides. Satyricum agis. Naso me suspendis adunco. Non me fallit tuum scomma. Nunc plane joco mecum agis. Sum tibi risui. Rideor abs te. Pro delectamento me habes. Nunc me ludos deliciasque facis. Eadem opera assue mihi auriculas asini. Ipsi codices pulvere situque obducti loquuntur, quam sim immodicus in studio. Sy. Emoriar, si loquor ex animo. Dispercam, si quid fingo. Ne vivam, si quid simulo. Loquor id quod sentio. Quod res est dico. Serio loquor. Ex animo loquor. Non secus sentio, quam loquor.

Cur non visis?

Ge. Quid causæ est, quod tam diu nos non inviseris? Quid rei est, quod nos tam raro visis? Quid accidit, quod tanto tempore nos non adieris? Quare tam rarus es saluator? Quid sibi vult, quod nos tam diu non conveneris? Quid obstitit quo minus visas nos frequentius? Quid impedimento fuit, quo minus jam diu feceris nobis tui videndi copiam?

Non licuit per occupationes.

Sy. Non licuit per ocium. Volui quidem, at non licuit mihi per mea negocia. Hactenus non sinebant negocia, ut te viserem. Non patiebantur undæ negotiorum, quibus involvebar, ut te salutarem. Occupatio fui, quam ut potuerim. Tam variis distringebatur curis, ut mihi non fuerit liberum adire te: vix ipsi mihi fuit copia mei, sic me totum molesta quædam negocia possidebant. Negociis meis imputabis, non mihi. Non defuit voluntas, sed vetuit necessitas. Hactenus non vacavit. Hactenus non contigit ocium. Hactenus non fuit vacuum. Non licuit per valetudinem. Non licuit per tempestatem. Ge. Equidem accipio tuam excusationem, sed hac lege, ne sæpius utaris. Excusatio tua justior est, quam vellem, si quidem valetudo fuit in causa. Hac lege mihi purgatus eris, si quod cessatum est, officio sarcias: si superiorem cessationem crebra visitatione penes. Sy. Tu nihil moraris istiusmodi officia nimium vulgaria. Amicitia nostra firmiter est, quam ut sit officiis istis vulgaribus alenda. Satis crebro visit, qui constanter amat. Ge. Male sit istis curis quæ te nobis adimunt. Quid imprecer istis negociis, quæ talem amicum nobis invident. Pessi-

¹ *Intra casses*] Alludit ad Ovidianum: *Incidis in casses præda petita meos.*

² *Suo regi pulchra*] Vid. proverb. *Summ cuique pulchrum.*

³ *Amans alterna Camcenæ*] Hemistichium Eclogæ Virgilianæ. 3. 59.

⁴ *Est tamen modus*] Sic Horatius:

Est modus in rebus, sunt certi denique finis.

Quos ultra citraque nequis consistere rectum.

⁵ *Voluptates commendat*] Horatianum est.

⁶ *Naso suspendere*] Persius de Horatio, qui valse teceque rideat:

Callidus extorpo populum suspendere naso.

me sit isti febris, quæ nos tam gravi desiderio torset tui. Male pereat ista febris, te quidem incolumi.

Mandandi ac pollicendi.

J A C O B U S, S A P I D U S.

Ja. Quæso ut hæc res tibi cordi sit. Etiam atque etiam rogo ut hoc negotium tibi sit curæ. Hac in re velim ut totum Sapidum exferas. Si me amas, causam hanc tractabis diligenter. Hac in re quæso ut advigiles. Curabis hanc rem mea causa diligenter. Si vere is es, quem semper esse te mihi persuasi, fac ut sentiam hac in causa quanti me facias. Sa. Desine, ego tibi hoc effectum reddam, & quidem propediem. Eventum præstare non possum: illud polliceor, mihi nec fidem, nec studium defuturum. Curabo diligentius, quam si mea res ageretur: quamquam meam esse duco, quæ sit amici. Faciam ut in me quidvis desideres citius, quam fidem ac diligentiam. Tu fac in utramque dormias aurem: ego tibi hoc confectum dabo. Tu quietus esto, in me recipio provinciam omnem. Gaudeo, mihi datam occasionem, qua declarem animum in te meum. Equidem oratione nihil polliceor, sed re præstabo, quicquid est amici sinceri, & ex animo benevolentis. Nolum te lactare vana spe. Illud efficiam, ut dicas hoc negotii mandatum amico.

Successus.

Sa. Res successit opinione melius. Fortuna votis utriusque favit. Si fortuna tibi nupisset, non potuisset esse obsequentior. Res tua & ventis, & amne secundo processit. Vicit etiam vota nostra fortunæ faventis afflatus. Opinor te litasse Rhamnusiæ, cui sic ex sententia cadunt omnia. Plus impetravi quam fuisset ausus optare. Ventis per omnia secundis hic cursus nobis peractus est. Res omnis cecidit ex sententia. Pulchre nobis cecidit hæc alea. Opinor volasse noctuam, adeo feliciter exiit nobis parum sapienter institutum.

Gratiarum actio.

Ja. Equidem & gratiam habeo, & habiturus sum, quoad vivam, maximam. Pro isto tuo in me officio partes agere gratias vix possim, referre nequaquam. Video quantum debeam tuo in me studio. Nihil miror, neque enim tu quicquam novi fecisti, & hoc magis debeo. De isthoc tuo in me officio, amo te mi Sapide, ut par est, maxime quod hac in causa præstiteris amicum minime aulicum, & habetur a me gratia, & semper habebitur. Quod meum negotium tibi cordi fuerit, amo te, & habeo gratiam. Isthoc officio gratiam inisti apud me maximam. Pergratum est, quod causam meam egeris bona fide. Ex omnibus officiis, quæ tu plurima in me contulisti, hoc est longe gratissimum. Referre gratiam parem nequaquam possum: agere accuratius inter nos supervacaneum sit: quod unum possum, habeo dum vixero. Isthoc beneficio fateor tibi me magnopere devinctum esse. Hoc nomine plus tibi debeo, quam unquam solvendo esse queam. Hoc beneficio artius me tibi devinxisti, quam ut possim dissolvere. Obligationem me tibi reddidisti, quam ut nomen meum e tuo diario possim unquam expungere. Hoc officio me sic tuum reddidisti, ut nullum mancipium æque sit in rebus heri sui. Hac re me tibi devinctiorem reddidisti, quam ut unquam æs alienum possim resolvere. Plurimis nominibus tibi debeo, sed non alio plus quam hoc. Pro mediocribus beneficiis agendæ sunt gratiæ: hoc majus est, quam ut conveniat verbis gratias agere.

Responsio.

Sa. Aufer mihi ista. Major est nostra necessitudo, quam ut vel tu mihi, vel ego tibi pro ullo officio debeam gratias agere. Non contuli hoc in te beneficium, sed retuli. Mihi quidem abunde relatam gratiam arbitror, si gratum est quod feci sedulo. Non est cur mihi gratias agas, si pro tot tuis in me beneficiis non vulgaribus hoc officioli rependi. Equidem nihil laudis mereor: ingratus habendus, si defuissim amico. Quicquid est in rebus meis, quicquid mea cura præstari potest, hoc tam tuum esse ducito, quam id quod est maxime tuum. Videor mihi beneficium accepisse, quod nostrum officium boni consulis. Pro tantillo officio mihi tam accurate gratias agis, quasi non multo majora tibi debeam. Sibi bene facit, qui bene facit amico. Qui bene meretur de amico, non dat beneficium, sed foenerat. Si ex animo probas officium in te meum, fac utare sæpius. Ita credam tibi gra-

gra-

gratum esse quod feci, si quoties desiderabis operam meam, non roges, sed imperes quod voles.

Alia in congressu.

ARNOLDUS, CORNELIUS.

AR. S Alve multum, Corneli, jam toto seculo desiderate. Co. Salve & tu, sodalis exoptatissime. AR. Jam desperabamus reditum tuum. Ubi tamdiu peregrinatus es? Co. Apud inferos. AR. Non admodum veri dissimile dicis, adeo nobis redisti squalidus, macilentus ac pallidus. Co. Imo ab Hierosolymis adsum tibi: non a profundis Manibus. AR. Quis Deus, aut quis ventus te illic adegit? Co. Quæ res adigit alios innumeros? AR. Stultitia, ni fallor. Co. Igitur hoc convicii non in me solum competet. AR. Quid illic venabare? Co. Ut miser essem. AR. Isthuc licebat domi. Estne illic, quod tu putes spectatu dignum? Co. Ut ingenue fatear tibi, propemodum nihil. Ostenduntur quædam monumenta vetustatis, quorum mihi nihil non videbatur commentitium, & excogitatum ad alliciendos simplices & credulos. Imo nec hoc arbitror illos certo scire, quo loco sita fuerit olim Hierosolyma. AR. Quid igitur vidisti? Co. Magnam ubique barbariem. AR. Nihilo sanctior redis? Co. Imo multis partibus deterior. AR. Nummator ergo? Co. Imo nudior leberide. AR. An non poenitet igitur tam longinquæ peregrinationis frustra susceptæ? Co. Nec pudet, quia tam multos habeo stultitiæ meæ sodales: nec poenitet, quia frustra jam sit poenitere. AR. Nihil ergo fructus refert e tam difficili peregrinatione? Co. Multum. AR. Quid tandem? Co. Quia posthac vivam suavius. AR. An quia jucundum est meminisse laborum actorum? Co. Est isthuc quidem nonnihil, sed non in hoc sunt omnia. AR. Estne aliud præmium? Co. Est sane. AR. Quod? effare. Co. Magna voluptate, quoties libebit, & ipse me afficiam, & alios mentiendo, quoties itinerarium meum recitabo in conciliabulis aut in conviviis. AR. Profecto non tu procul aberras a scopo. Co. Deinde non minus capiam voluptatis, quum alios audiam mentientes de rebus, quas nec audierunt unquam, nec viderunt. Idque faciunt tanta confidentia, ut quum narrent Siculigerris vaniora, tamen sibi etiam persuadeant se vera loqui. AR. Mira voluptas. Non omnino tibi periit oleum & opera, quod ajunt. Co. Imo hoc arbitror aliquanto consultius, quam quod faciunt isti, qui paulo pecuniæ conducti proficiscuntur in militiam, omnium scelerum scholam. AR. Sed illiberalis est voluptas, ex mendaciis voluptatem capere. Co. Verum hoc aliquanto liberalius, quam oblectatione vel delectare, vel delectari, aut alea tempus & rem perdere. AR. Cogor equidem a pedibus in tuam ire sententiam. Co. Verum est & alius fructus. AR. Quis? Co. Si quis erit amicus egregie carus, affinis huic insanix, eum admonebo domi maneat: ut nautæ solent ejecti naufragio, monere navigaturos, quid periculi sit vitandum. AR. Utinam mihi monitor adfuisset in tempore! Co. Quid? num similis morbus te quoque corripuit? Num afflavit & te hujus mali contagium? AR. Vili Romam & Compostellam. Co. Deum immortalem, quanto mihi solatio est, te contigisse stultitiæ meæ socium! Quæ Pallas isthuc tibi misit in mentem? AR. Non Pallas, sed ipsa Moria, præsertim cum domi haberem uxorem integra adhuc ætate, liberos aliquot, & familiam, quæ pendebat ex me, & opera mea quotidiana alitur. Co. Oportuit fuisse serix rei quippiam quod te a carissimis tuis distraxerit. Narra obsecro. AR. Pudet dicere. Co. Non apud me, qui, ut scis, eodem tenear malo. AR. Compotabamus aliquot vicini. Ubi vino incaluerat animus, erat qui prædicabat, sibi esse in animo salutare divum Jacobum: erat alter qui divum Petrum. Illico non defuit unus aut alter, qui sponderent se comites fore. Tandem visum est, ut omnes irent simul. Ego, ne viderer parum commodus compotor, pollicitus sum & ipse. Mox agitari coeptum, utro potius iremus, Romam, an Compostellam. Factum est senatusconsultum, ut bonis auspiciis utroque postredie proficisceremur omnes. Co. O grave decretum, dignius quod vino inscriberetur quam æri. AR. Ac mox ingens

1 Siculis gerris vaniora] Siculæ gerræ seu nugæ, res leviculæ dicuntur. Antonius: missi itaque ad te frivola, gerris Siculis vaniora. Vide Festum, in Gerra.

2 Pedibus in sententiam tuam ire] Hoc est, sententiam illam comprobare. Vide Adag. Chil. 2. Cent. 7. prov. 12.

obambulat patera, quam ubi suo quisque ordine ebibisset, votum factum est inviolabile. Co. Nova religio, sed num omnibus contigit reditus incolumis? AR. Omnibus præterquam tribus, quorum unus in professione moriens, mandavit nobis ut suis verbis salutem diceremus Petro & Jacobo. Alter periit Romæ, iussitque ut suo nomine salutarem uxorem ac liberos. Tertium reliquimus Florentiæ, valetudinis plane deploratæ. Opinor jam esse apud superos. Co. Adeone pius erat? AR. Imo nugator maximus. Co. Unde igitur isthuc suspicare? AR. Quia peram habebat indulgentiis largissimis distentam. Co. Audio: sed iter est longum in cœlum, nec satis, ut audio, tutum, oblatrunculos qui obsident regionem aeris mediam. AR. Verum: sed ille sat erat munitus diplomatibus. Co. Quæ lingua descriptis? AR. Romana. Co. In tuto est igitur? AR. Est, nisi forte incidat in genium aliquem qui Latine nesciat, tum esset illi redeundum Romam, & novum diploma impetrandum. Co. Bullæ venduntur illic & mortuis? AR. Maxime. Co. Sed interim illud mihi monendus es, ne quid effutias incogitantius: jam enim corycæis plena sunt omnia. AR. Ego vero nihil elevo indulgentias, sed combibitis mei stultitiam rideo, qui quum esset alioqui nugator nugacissimus, salutis suæ proram, ut ajunt, ac puppim in membrana collocavit potius, quam in correctis affectibus. Sed quando fruemur illa voluptate quam modo prædicabas? Co. Quum erit commodum, adornabimus compotatiunculam aliquam, vocabimus nostri ordinis homines, ibi certabimus mentiando, nosque affatim mutuis mendaciis oblectabimus. AR. Age fiat.

Alia. Persona:

PAMPHAGUS, COCLES.

PA. A Ut parum prospiciunt oculi, aut Coclitem veterem compotorem meum video. Co. Imo nihil te fallunt oculi tui: vides sodalem ex animo tuum. Nulla cuiquam erat spes reditus tui, qui tot annos abfueris, ignaris omnibus quæ te terrarum haberet regio. Sed unde? dic, quæso. PA. Ab Antipodibus. Co. Imo ab insulis, opinor, Fortunatis. PA. Gaudeo quod agnoveris sodalem tuum: nam verbar ne sic domum redirem, quemadmodum rediit Ulysses. Co. Quonam pacto rediit ille? PA. Nec ab uxore est agnitus. Solus canis jam vetulus, mota cauda dominum agnovit. Co. Quot annos ille domo abfuerat? PA. Viginti. Co. Tu plures abfuisti, nec tamen fefellit me tua facies. Sed quis isthuc narrat de Ulysse? PA. Homerus. Co. Oh, ille, ut ajunt, pater est omnium fabularum. Fortassis uxor interim adsciverat taurum alium, & idcirco non agnovit Ulysses suum. PA. Imo nihil illa castius: sed Pallas addiderat Ulyssi senium, ne posset agnosci. Co. Qui tandem agnitus est? PA. E tuberculo, quod habebat in digito pedis: id animadvertit nutrix jam admodum anus, dum illi pedes lavat. Co. O curiosam lamiam! Et tu miraris, si ego te agnovi ex isto tam insigni naso? PA. Nihil me poenitet hujus nasi. Co. Nec est cur poeniteat, cum organum tibi sit ad res tam multas utile. PA. Ad quas? Co. Primum ad extinguendas lucernas erit cornu vice. PA. Perge. Co. Deinde si quid hauriendum erit e cavo profundiore, fuerit loco promuscidis. PA. Papæ! Co. Si manus erunt occupatæ, licebit uti vice paxilli. PA. Etiam ne amplius? Co. Conducat excitando foculo, si defuerit follis. PA. Belle narras. Quid præterea? Co. Si lumen officiat scribenti, præbebit umbraculum. PA. Ha ha he: est præterea quod dicas? Co. In bello navali præbebit usum harpagonis. PA. Quid in bello terrestri? Co. Erit loco clypei. PA. Quid deinde? Co. Findendis lignis erit cuneus. PA. Probe. Co. Si præconem agas, erit tuba: si classicum canas, cornu: si fodias, ligo: si metas, falx: si naviges, ancora: in popina fuerit fulcina: in piscando hamus. PA. O me felicem! nesciebam me circumferre tam ad multa conducibilem fustilem. Co. Sed quis interim terrarum angulus te habuit? PA. Roma. Co. At qui fieri potuit, ut in tanta luce nemo te sciret vivum? PA. Imo nusquam magis latent boni viri, adeo ut sæpe clarissima luce neminem videas in frequenti foro. Co. Redis igitur nobis onustus sacerdotiis. PA. Venatus equidem sum sedulo: at parum favit Delia. Nam complures illic piscantur hamo, quod dici solet, aureo. Co. Stultum piscandi genus. PA. Et tamen pulchre

3 Corycæis] Id est, observatoribus. Vide proverb. Corycæus auscultavit. Ubi scilicet quis id quod agit, conatus distumulare, tamen a curiosis deprehenditur.

succedit nonnullis. Sed non omnibus feliciter cadit hæc alea. Co. An non insigniter stulti sunt, qui plumbum commutant auro? PA. Sed non intelligis, in plumbo sacro venas auri subesse. Co. Quid igitur? redisti nobis nihil aliud quam Pamphagus? PA. Non. Co. Quid igitur? PA. Lupus hians. Co. Felicius redeunt, qui asini redeunt sacerdotiorum sarcina graves. Cur mavis sacerdotium, quam uxorem? PA. Quia mihi placet ocium. Arridet Epicurea vita. Co. At mea sententia suavius vivunt, quibus est lepida puella domi, quam complectantur quoties libet. PA. Sed adde, nonnunquam quum non libet. Amo voluptatem perpetuam. Qui ducit uxorem, uno mense felix est: cui contigit opimum sacerdotium, in omnem usque vitam fruitur gaudio. Co. Sed tristis est solitudo; adeo ut nec Adam suaviter victurus fuerit in Paradiso, nisi Deus illi adjunxisset Evam. PA. Non deerit Eva, cui sit opulentum sacerdotium. Co. Sed voluptas non est voluptas, quæ cum mala fama, malaque conscientia conjuncta est. PA. Verum dicis: & idcirco mihi in animo est, confabulatione librorum, solitudinis tædium fallere. Co. Istis quidem sodalibus nihil jucundius. Sed rediſne ad tuam piscationem? PA. Redeo, si liceat parare novam escam. Co. Aureamne, an argenteam? PA. Utramlibet. Co. Bono animo es: pater suppetabit. PA. Nihil illo tenacius. Nec crediturus est denuo, quum intellexerit, mihi sortem etiam periisse. Co. Verum ista lex est aleæ. PA. Sed ille non delectatur hac alea. Co. Si pernegabit ille, commonstrabo tibi unde possis, quantum voles pecuniæ sumere. PA. Tu vero mihi voluptatem narras: age monstra, jam cor mihi salit. Co. In promptu est. PA. Nactus es thesaurum aliquem? Co. Si nactus essem, mihi nactus essem, non tibi. PA. Si queam corrādere centum ducatos, revixerit spes. Co. At ego tibi commonstro unde possis haurire centum millia. PA. Quin tu igitur me beas? Ne diutius eneca. Dic, unde? Co. Ex Asie Budæi. Illic reperias innumeras myriades, sive auream malis monetam, sive argenteam. PA. Abi quo dignus es cum tuo joco: illinc tibi resolvam, quod debuero pecuniæ. Co. Resolves, sed quod illinc tibi numeraro. PA. Age, novi 3 nasum tuum. Co. At mihi præ te nasus est nullus. PA. Imonihil te nasutius. Nihil es nisi nasus. Co. Ludis in reſeria. Hac in re ringi possum citius, quam ridere. Res gravior est quam ut ridere libeat. Tu si hic esses, non luderes. PA. Sum tibi ludibrio. Illudis mihi, & illudis me. Joco me tractas in re neutiquam jocosa. Co. Minime rideo; id, quod res est, dico. Non rideo quidem; imo rem ipsam dico. Serio loquor. Ex animo loquor. Simpliciter loquor. Vera loquor. PA. Ita tibi semper 4 stet in capite pileum, ut ista tu simpliciter loqueris. Sed cesso abire domum, cogniturus quo in statu sint illic omnia? Co. Offendes nova permulta. PA. Credo; sed utinam omnia ex animi sententia. Co. Istiuc optare licet omnibus; sed hætenus obtigit nemini. PA. Hoc quoque commoditatis adferet utrique nostrum sua peregrinatio, quod dulcior erit posthac domus. Co. Nescio: nam video, quosdam septies illo recurrere. Adeo scabies illa sine fine solet prurire, si quem semel invaserit.

Alia. Militaria.

HANNO, THRASYMACHUS.
HA. Unde redis nobis 6 Vulcanus, qui Mercurius hinc abieras nobis? TH. Quos Vulcanos aut quos Mercurios mihi narras? HA. Quia alatus videbare quum abires, nunc claudicas. TH. Sic a bello rediri solet. HA. Quid tibi cum bello, homo quovis 7 dama fugacior? TH. Spes prædæ reddiderat fortem. HA. Multum igitur refers manubiarum? TH. Imo 8 zonam inanem.

1 Ex asse Budæi] Est liber, præfixum habens hunc titulum.
2 Myriades] Myrias, Græcum est, & est numerus decem millium.
3 Nasum] Nasus hic sumitur pro sagacitate, acrimonia & dicacitate: ita Habere nasum eum dicimus, qui venusta quadam & scita irrisione alium deridet. Hinc & Nasutus, dicuntur dicaces, & qui docte alios norunt irridere. Martialis: Nasutus sis usque licet, sis denique nasus.
4 Stet in cap.] Proverb. est in eos qui diversum sentiunt ab iis quæ dicunt, id est, præpostere stet pileum. Belg. Soe moet u de muus slaan.
5 Thrasymachus] Id est, audax in pugna, nomen apum militi, ex Spauris, audax, & μάχης, pugna.
6 Vulcanus] Fingitur claudus: Mercurius alatus.
7 Dama] Genus capræ sylvestris, animal timidum; quod licet vera fera non sit, raro tamen, teste Plin. mansuecit. Virg. Cum canibus timidi veniens ad pœula dama.
8 Zonam inanem] Vide proverb. Zonam perdidit. Milites enim quidquid haberent, in zona secum portabant.

HA. Tanto minus gravare sarcina. TH. Atqui sceleribus onustus redeo. HA. Gravis profecto sarcina, si verum dicit 9 Propheta, qui peccatum appellat plumbum. TH. Plus illic scelerum & vidi, & patravi, quam unquam antehac in omni vita. HA. Ecquid igitur arridet vita militaris? TH. Nihil neque scelestius, neque calamitosius. HA. Quid igitur in mentem venit istis, qui nummo conducti, nonnulli gratis, currunt ad bellum, non aliter quam ad convivium? TH. Ego nihil aliud conjectare possum, quam illos agi malis furis, seseque totos malo dæmoni, ac miseræ devovisse, nec aliud quam hic 10 manes suos anticipare. HA. Ita quidem videtur. Nam ad res honestas vix ullo precio conducitur queant. Sed expone nobis, quomodo gestum sit prælium, & utro sese inclinavit victoria. TH. Tantis erat strepitus, tumultus, tubarum bombi, cornuum tonitrua, hinnitus equorum, clamor virorum, ut neque videre potuerim quid gereretur, adeo ut vix scirem ubi essem ipse. HA. Unde igitur cæteri, qui ex bello veniunt, sic depingunt singula, quid quisque dixerit aut gesserit, quasi nusquam non adfuissent ociosi spectatores? TH. Ego credo istos mentiri splendide. In tentorio meo quid gestum sit, scio: quid in prælio, prorsus ignoro. HA. An ne hoc quidem scis, unde tibi venerit claudicatio? TH. Vix; ita me Mavors posthac male amet: suspicor aut saxo, aut equi calce læsum genu. HA. At ego scio. TH. Scis? an tibi narravit aliquis? HA. Non, sed divino. TH. Dic igitur. HA. Quum fugeres pavidus, collapsus humi offendi in silicem. TH. Dispercam, nisi rem acu tetigisti. Adeo verisimile est quod divinaſti. HA. Abi domum, & uxori narra tuas victorias. TH. Illa mihi occinet haud suave encomium, qui nudus redeam. HA. Sed unde restitues, quod rapuisti? TH. Jam pridem restitui. HA. Cui? TH. Scortis, 11 œnopolis, & iis qui me vicerunt alea. HA. Satis militariter. Par est, ut quod male partum est, pejus dispareat. Verum a sacrilegiis, opinor, temperatum est. TH. Imo illic erat 12 sacrum nihil. Nec profanis partitum est, nec fanis. HA. Quo pacto sarcies? TH. Negant oportere sarciri, quod in bello commissum sit: jure fit, quod illic fit. HA. Jure belli fortassis. TH. Tenes. HA. At istud jus summa est injuria. Te non patriæ pietas, sed prædæ spes pertraxit in bellum. TH. Fateor; & arbitror paucos illuc ire sanctiore proposito. HA. Est aliquid, insanire cum multis. TH. Concionator e suggesto pronuntiavit, bellum esse justum. HA. Suggestum illud non solet mentiri. Sed ut justum sit Principi, non continuo justum est tibi. TH. Audi ex 13 Rabbini, quod licet sua cuique arte vivere. HA. Præclara ars, incendere domos, diripere templa, violare sacras virgines, spoliare miseros, occidere innoxios. TH. Lanii conducuntur ad mactandum bovem; cur nostra ars reprehenditur, quod conducimur ad mactandos homines? HA. Non eras sollicitus, quonam esset migratura anima tua, si contigisset in bello cadere? TH. Non admodum. Bona spes habebat animum meum. Nam divæ Barbaræ me semel commendaram. HA. Receperat illa tutelam tui? TH. Sic mihi visa est annuere capite aliquantulum. HA. Quando istiuc tibi visum est? mane? TH. Non, sed a cœna. HA. Sed tum, ut arbitror, etiam arbores tibi visa sunt ambulare. TH. Ut hic divinat omnia! sed præcipua spes erat 14 in divo Christophoro, cujus imaginem quotidie contemplantur. HA. In tentoriis? Unde illic divi? TH. Carbone pinxeramus illum in velo. HA. Nimirum haudquaquam 15 ficulnum, ut ajunt, præsidium erat carbonarius ille Christophorus. Sed extra jocum, non video qui possis expiari a tantis flagitiis, nisi te conferas Romam. TH. Imo novi viam brevior. HA. Quam? TH. Ibo ad Dominicales; illic paullo transigam cum commissariis. HA. Etiam de sacrilegiis?

Tom. I.

Sf

TH.

9 Propheta] Vide Ezech. 22. 18, 20. Zach. 5. 7, 8.
10 Manes anticipare] Mortem sc. ante occupare & prævenire.
11 Œnopolis] Id est, vinorum venditoribus, cauponis.
12 Nihil sacrum] Allusum est ad prov. Οὐδὲν ἵσον, tametsi deflexerit in alium sensum.
13 Rabbini] Rabbinos vocant Hebræi, quos nostri Magistros nostros. Itaque eo nomine intelligendi Theologi.
14 In D. Christophoro] Dicitur Christophorus humeris gestasse Christum per aquas. Christophoros cum hoc disſicho sæpe dicte videas: Christophori sancti faciem quicumque tuetur, illo, nemp̄, die non morte mala morietur.
15 Ficulnum præsid.] Id est, parum utile & validum, nullius momenti & contemnendum. vide Chivades.

T. H. Etiam si Christum ipsum spoliasset, ac decollasset etiam; tam largas habent indulgentias, & auctoritatem componendi. H. A. Bene habet, si vestram compositionem Deus ratam habuerit. T. H. Imo magis metuo, ne diabolus non habeat ratam. Nam Deus natura placabilis est. H. A. Quem tibi sacerdotem deliges? T. H. Cui cognovero quam minimum esse frontis ac bonae mentis. H. A. Ne non habeant similes labra lactucas. Ab illo purus abibis ad corpus dominicum? T. H. Quid ni? Postquam semel effudero sentinam in illius cucullam, ego me exoneravero sarcina: ipse viderit, qui absolvit. H. A. Qui scis, an absolvat? T. H. Scio. H. A. Quoniam indicio? T. H. Quia manum imponit capiti, admurmurans nescio quid. H. A. Quid si reddat tibi omnia peccata tua, quum manum imponit, hæc admurmurans: *Absolve te ab omnibus beneficiis, quæ nulla in te comperio: & restituo tuis moribus, talemque dimitto, qualem accepi.* T. H. Viderit ille quid dicat: mihi satis est, quod me credo absolutum. H. A. Sed isthuc tuo periculo credis. Fortasse non fuerit satis Deo, cui debes. T. H. Unde tu mihi obvis, qui mihi conscientiam e serena, nubilam redderes? H. A. Felix occurfus: Bona avis est obvis amicus, qui bene moneat. T. H. Nescio quam bona, certe parum suavis.

Herilia.

3 RABINUS, SYRUS.

R. A. Heus heus furcifer, jamdudum raucesco clamore, nec tu tamen expergisceris: videre mihi vel cum gliribus certare posse. Aut ocus surge, aut ego tibi fuste somnum istum excutiam. Quando crapulam hesternam edormieris? Non te pudet, somnium hominis, in multam lucem itertere? Qui frugi sunt famuli, solent exortum foliis antevertere, curaque ut herus surgens reperiat omnia parata. Ut ægre divellitur a nidotepefacto cuculus! Dum scalpit caput, dum distendit nervos, dum oscitat, tota abit hora. S. Y. Vixdum diluxit. R. A. Credo; tibi. Nam tuis oculis adhuc multa nox est. Tibi nox adhuc est concubia. S. Y. Quid me jubes facere? R. A. Fac ut luceat focus: verre pileum ac pallium: exerge calceos & crepidas. Inverfas caligas primum intus purga scopis, mox foris. Deinde suffutum aliquem facito purgando aëri. Accende lucernam. Muta mihi lineum indusium, ac ad ignem fumi expertem, sicca lotum. S. Y. Fiet. R. A. Atqui move te ocus. 5 Jam hæc fecisse oportuit. S. Y. Moveo. R. A. Video; sed nihil promoves. 6 Ut incedit testudo! S. Y. Non possum 7 simul forbere & flare. R. A. Etiam sententias loqueris, carnifex? Tolle matulam. Compone lecti stragulas, revolve cortinas. Verre pavimentum. Verre solum cubiculi. Adfer aquam lavandis manibus. Quid cessas, asine? Annus est priusquam accendas candelam. S. Y. Vix reperio scintillam ignis. R. A. Sic heri condidisti. S. Y. Nec follem habeo. R. A. Ut respondat nebulo, quasi qui te habeat, careat folle. S. Y. Quam imperiosum habeo dominum! vix hujus jussis decem expediti famuli fecerint satis. R. A. Quid ait cessator? S. Y. Nihil; omnia recte. R. A. Non ego te audio murmurantem? S. Y. Equidem precor. R. A. Credo, Pater noster inversum, precationem, opinor, Dominicam præpostere. Quid gannis de imperio? S. Y. Precor tibi ut fias Imperator. R. A. Et ego tibi, ut fias homo ex caudice. Sequere me ad templum usque. Mox domum recurrito, lectos concinnato. Hæc confusa suo quæque loco digerito. Fac ut niteat tota domus. Matulam defricato. Hæc fordida submoveto ab oculis, fortassis invisent me quidam aulici. Si quid sensero prætermisum, vapulabis largiter. S. Y. Hic sane novi benignitatem tuam. R. A. Proinde cave, si sapias. S. Y. At interim de prandio nulla mentio. R. A. Vah, ut hic mentem habet fur-

1 *Similes labra lact.*] Ubi similia similibus contingunt. Natum adagium ab asino carduos pascente, quæ lactuca, asiniais labris digna fuit. Adi Chiliadas.

2 *Effudero sentinam*] Metaphora a navibus desumpta: pro, omnia facinora.

3 *Rabinus*] Syrus servi nomen, ex omnibus Comœdiis: & Cicero, Judæorum & Syrorum gentem servituti natam, adserit. Rabbi tamen, aut Rabbinus, non herum, sed magistrum Hebraice sonat, nec eam vocem Erasmi adhibuit, nisi *καταχρησάμενος*.

4 *Cum gliribus*] Alludit ad proverb. *gliris somnolentior.* Hinc Martialis. *Tota mihi dormitur hiems, & pinguior illo Tempore sum, quo me nil nisi somnus alit.*

5 *Jam hæc fecisse*] Terentianum est.

6 *Ut incedit testudo*] Alludit ad proverb. *Testudine tardior.*

7 *Simul forbere & flare*] Commode utemur hoc adagio; si quando significabimus negotia quadam id genus esse, ut simul tractari non queant. Plautinum est.

A. eifer: Non prandeo domi. Itaque subhoram decimam ad me transcurrito, deducturus me eo, ubi sum pransurus. S. Y. Tibi quidem prospectum, sed hic interim nihil est quod edam. R. A. Si non est quod edas, est quod esurias. S. Y. Nemo fit esuriendo satur. R. A. Est pax. S. Y. Est, sed ater, & furfuraceus. R. A. Delicias hominis! Te quidem fœnum esse oportuit, si pabulum detur te dignum. An postulas, ut te asinum, tantum placentis saginem? Si fastidis panem citra obsonium, adde porrum, aut si majoris, cepe.

Alia.

R. A. Est tibi abundum in forum. S. Y. Tam procul? R. A. Non sunt nisi sex passus; tibi pigro sunt bis mille. Consulam autem tuæ pigritiæ. Eadem legatione multa conficies negocia: tu supputa indigotos, ut memineris. Primum defleces ad vestiarium, ac thoracem 8 undulatum, si jam perfectus est, ab eo recipies. Hinc quæres Cornelium 9 veredarium. Is plerumque est in Cervo; ibi potitat. Rogabis, si quid habet literarum ad me, & ad quem diem sit profecturus. Deinde convenies mercatorem pannarium: rogabis meis verbis, ne quid sollicitus sit quod pecuniam non miserim ad diem præscriptum; numerabitur propediem. S. Y. Quando? 10 ad calendas Græcas? R. A. Rides ganeo; imo ante calendas Martias. In reditu defleces ad lavam, & ex bibliopolis disces, si quid advectum sit novorum libellorum e Germania. Cognosce qui sint, & quanti venales. Post hæc rogabis Goelenium, ut mihi dignetur esse conviva, alioqui coenaturo soli. S. Y. Etiam convivas vocas? non habes domi unde vel murem pascas. R. A. Proinde tu, confectis cæteris, abi ad macellum, & erue nobis armum ovillum: cum curabis eleganter assium. Audin' hæc? S. Y. Plura quam vellem. R. A. At vide, ut memineris. S. Y. Vix potero dimidium. R. A. Etiam hic stas, cessator? Jam redisse oportuit. S. Y. Quis possit unus tot rebus obeundis sufficere? Deduco ac reduco. Sum illa scopis, a matula, a pedibus, a manibus, a poculis, a libellis, a rationibus, a jurgiis, a legationibus: postremo non videor illi sat occupatus, nisi sim & coquus.

Alia.

R. A. Profer ocreas: nam equitandum est. S. Y. Enadsum. R. A. Probe quidem abs te curatæ: totæ alben sit. Opinor nec extersas, nec unctas hoc anno, adeo rigent præ siccitate. Exterge subvido panno: mox unge ad ignem diligenter, ac macera, donec mollescant. S. Y. Curabitur. R. A. Ubi calcaria? S. Y. Adsum. R. A. Verum, sed obducta rubigine. Ubi frænum & ephippia? S. Y. Sunt in promptu. R. A. Vide ne quid desit, aut ne quid ruptum, aut mox rumpendum, ne quid nobis sit in mora, cum erimus in cursu. Propera ad sellarium, & hoc solum cura sarcinendum. Reversus inspicere soleas, si ve calceos equorum, num qui clavi desint, aut vacillent. Quam macilentis sunt equi, quamque strigosi! Quoties absterges, aut pectis illos in anno? S. Y. Imo quotidie. R. A. Nimirum res ipsa loquitur. Jejuntant, opinor, nonnunquam totum triduum. S. Y. Minime. R. A. Negas tu quidem, sed aliud dicturi sint equi, si loqui liceat: quamquam satis loquuntur ipsa macie. S. Y. Curo sedulo. R. A. Cur igitur tu habitior equis? S. Y. Quia non pascor fœno. R. A. Hoc igitur restat. 11 Adorna manticam celeriter. S. Y. Fiet.

Monitoria Pedagogica.

PÆDAGOGUS, PUER.

P. A. T. U mihi videre non in aula natus, sed in caula, adeo moribus es agrestibus. Puerum ingenium decent ingenui mores. Quoties alloquitur te quispiam, cui debes honorem, compone te in rectum corporis statum, aper caput. Vultus sit nec tristis, nec torvus, nec impudens, nec protervus, nec instabilis, sed hilari modestia temperatus: oculi verecundi, semper intenti in eum, cui loqueris: juncti pedes, quietæ manus. Nec vacilles alternis tibiis, nec sint gesticulosæ manus, nec mordeto labrum, nec scabito caput,

8 *Undulatum*] Sic dicti quod ad undularum similitudinem sit pictus: ut & cymatilis, a fluctu.

9 *Veredarium*] Quem vulgo cursorem, aut postam vocamus, quod a *veredo*, equo cursus velocissimi.

10 *Ad calendas Græcas*] Id est, nunquam: quia Græci calendas non habent ut Latini, sed *νενεμίας*, seu novilunia: & ad lunæ recursus Græci solabant usuras. Huc itaque respexit Augustus, cum diceret, ad Græcas calendas soluturos; quos nunquam reddituros mutuum significabat.

11 *Adorna Manticam*] Mantica, perula viatoria, qua scilicet iter facientes, viaticum, aliæque necessaria, circumferunt.

put, nec fodito aures. Vestis item ad decorum componatur, ut totus cultus, vultus, gestus, & habitus corporis ingenuam modestiam, & verecundam indolem præ se ferat. P. u. Quid si mediter? P. æ. Fac. P. u. Siccine satis? P. æ. Nondum. P. u. Quid si sic? P. æ. Propemodum. P. u. Quid si sic? P. æ. Hem satis est; isthuc tene. ne sis inepte loquax aut præceps. Nec vagetur animus interim, sed sis attentus quid ille dicat. Si quid erit respondendum, id facito paucis, ac prudenter, subinde præfatus honorem, nonnunquam & addito cognomento honoris gratia: atque identidem modice flectas alterum genu, præsertim ubi responsum absolveris. Nec abeas, nisi præfatus veniam, aut ab ipso dimissus. Nunc age, specimen aliquod hujus rei nobis præbe. Quantum temporis abfuiſti a maternis ædibus? P. u. Jam sex ferme menses. P. æ. Addendum erat, domine. P. u. Jam sex ferme menses, domine. P. æ. Non tangeris desiderio matris? P. u. Nonnunquam sane. P. æ. Cupis eam revifere? P. u. Cupio, domine, si id pace liceat tua. P. æ. Nunc flectendum erat genu. Bene habet. Sic pergito. Cum loqueris, cave ne præcipites sermonem, aut hæſites lingua, aut palato immurmures, sed distincte, clare, articulate consueſcito proferre verba tua. Si quem præteribis natu grandem magistratum, sacerdotem, doctorem, aut aliqui virum gravem, memento aperire caput, nec pigeat inflectere genu. Itidem facito cum præteribis ædem sacram, aut imaginem crucis. In convivio sic te præbebis hilarem, ut semper memineris quid deceat ætatem tuam: postremus omnium admoveto manum patinæ. Si quid datur lautius, recusat modeste: si instabitur, accipe, & age gratias: mox decerpta portiuncula, quod reliquum est, illi reddito, aut alicui proxime accumbenti. Si quis præbibet, hilariter illi bene precator, sed ipse bibito modice. Si non sis, tamen admoveto cyathum labiis. Arride loquentibus: ipse ne quid loquaris, nisi rogatus. Si quid obscœni dicetur, ne arride, sed compone vultum, quasi non intelligas. Nec cui obtreſcato, ne cui temet antepoſito, ne tua jactato, ne aliena despicio. Esto comis etiam erga tenuis fortunæ sodales. Neminem deserto. Ne sis lingua futili. Ita fiet, ut sine invidia laudem invenias, & amicos pares. Si videris convivium esse prolixius, precatus veniam, ac salutatis convivis, subducito te a mensa. Vide ut horum memineris. P. u. Dabitur opera, mi præceptor. Nunquid aliud vis? P. æ. Adito nunc liberos tuos. P. u. Fiet.

De Lusis.

NICOLAUS, HIERONYMUS, COCLES,
PÆDAGOGUS.

N. i. J. Amdudum & animus, & coelum, & dies invitat ad ludendum. H. i. Invitant quidem hæc omnia, sed solus præceptor non invitat. N. i. Subornandus orator quispiam, qui veniam extorqueat. H. i. Aptè quidem dictum, extorqueat. Nam citius i clavam extorſeris e manu Herculis, quam ab hoc ludendi veniam. At olim illo nemo fuit ludendi avidior. N. i. Verum; sed jam olim ille oblitus est, se fuisse puerum. Ad verbera facillimus est & liberalis; hic parcissimus, idemque difficillimus. H. i. Attamen protrudendus est aliquis legatus, non admodum verecundæ frontis, quem non illico protelet suis sævis dictis. N. i. Eat qui volet, ego carere malo, quam rogare. H. i. Nemo magis accommodus ad hanc legationem, quam Cocles. N. i. Nemo profecto. Nam perfrictæ frontis est, ac bene linguax. Deinde sensum hominis pulchre callet. H. i. I Cocles, ab omnibus magnam initurus gratiam. Co. Equidem experiar sedulo. Verum si non successerit, ne conferte culpam in oratorem vestrum. H. i. Bene ominare: si te satis novimus, impetrabis. Abi orator, redibis exorator. Co. Eo. Benefortunet legationem meam Mercurius. Salve præceptor. P. æ. Quid sibi vult nugamentum hominis? Co. Salve præceptor obſervande. P. æ. Infidiosa civilitas. Satis jam salveo. Dic quid velis. Co. Totus discipulorum tuorum grex orat ludendi veniam. P. æ. Nihil aliud quam luditis, etiam absque venia. Co. Scit tua prudentia, vigorem ingeniorum excitari moderato lusu, quemadmodum nos docuisti ex Quintiliano. P. æ. Sane ut isthuc tenes, quod pro te facit. Laxamento opus est iis, qui vehementer laborant: vobis qui se-

A gniter studetis, & acriter luditis, fræno magis opus est, quam laxatis. Co. Adnitimur pro viribus. Et si quid hætenus cessatum est, post diligentia farcietur. P. æ. Oh factores! Quis erit fidejussor aut sponſor, isthuc futurum? Co. Ego capitis mei periculo non dubitem esse sponſor. P. æ. Imo culi periculo potius. Scio quam non sit tutum tibi credere, tamen hic periculum faciam, quam sis bonæ fidei. Si dederis verba, posthac nequicquam mecum egeris. Ludant, sed gregatim in campis. Ne divertant ad compotationes, aut alia nequiora. Mature se recipiant domum ante solis occubitum. Co. Fiet. Exoravi, quamquam ægre. H. i. O lepidum caput; omnes amamus te plurimum. Co. Sed interim cavendum ne quid peccemus, alioqui de meo tergo dependendum foret. Fidejussi vestro omnium nomine. Quod si quid accidat, non est quod me posthac utamini legato. H. i. Cavebitur. Sed quod lusus genus potissimum placet? Co. De hoc in campo consultabimus.

Pila.

N. i. Nulla res melius exercet omnes corporis partes, quam pila palmaria, sed aptior hiemi, quam æſtati. H. i. Nullum anni tempus nobis parum accommodum est ad ludendum. N. i. Minus sudabitur, si ludamus reticulo. H. i. Imo reticulum piscatoribus relinquamus; elegantius est palmauti. N. i. Age, nihil moror: sed quanti certabimus? H. i. Talitro; sic parceretur pecuniæ. N. i. At ego malo fronti parci, quam pecuniæ. H. i. Et mihi frons carior est pecuniæ. Aliquo periculo certandum est, alioqui friget ludus. N. i. Sic res habet, ut dicis. H. i. Utra pars prior evicerit tres lusus, ei victa pendet sextam drachmæ partem: sed hac lege, ut quicquid e victoriis collectum fuerit, infumatur in convivium, ad quod pariter vocentur omnes. N. i. Placet lex, & rata esto. Superest igitur, ut sortiamur partes. Nam sumus ferme pares omnes, ut non admodum referat, quis cui conjungatur. H. i. Tu tamen me longe peritior es. N. i. Ut sim, sed tu felicior. H. i. Etiam hic valet fortuna? N. i. Illa nusquam non regnat. N. i. Age, fiat sortitio. Euge, bene cecidit: contigere quos volebam. N. i. Et nos nostræ sodalitatis non pœnitet. H. i. Agedum, sumus viri. Amat victoria curam. Suum quisque locum graviter tueatur. Tu mihi consiste a tergo, excepturus pilam si me transvolet. Tu isthic obſerva repulsurus huc ab adversariis revolantem. H. i. Ne mulca quidem hæc prætervolarit impune. H. i. Agite bonis avibus; mittite pilam in tectum. Qui miserit nihil præfatus, frustra miserit. N. i. Hem, accipe igitur. H. i. Mittito. Si miseris extra lineas, aut infra suprave tectum, vestro damno fuerit, aut certe nobis fraudi esse nolim. Tu sane parum commode mittis. N. i. Tibi quidem, at nobis commode. H. i. Ut miseris, ita remittam. Par pari referam. Sed præstat ingenue legitimeque ludere. N. i. In ludo pulchrum est arte vincere. H. i. Fateor, atque etiam in bello. Sed habet utraque pars suas leges. Et sunt artes illiberales. N. i. Credo, plures septem. Signa terminum testula, aut rudere, aut, si mavis, pileo tuo. H. i. Tuo malim. N. i. Rurſus accipe pilam. H. i. Mitte. Pone notam. N. i. Habemus duos terminos satis longinquos. H. i. Utrumque; sed tamen vincibiles. N. i. Plane vincibiles, si nemo repugnet. H. i. Euge priorem metam prætercurrimus. Vicimus quindecim. Heus, præbete vos viros: viceramus & hic, si tu tuo constitisses loco. Sumus igitur pares. N. i. Non diu futuri. Vicimus triginta, vicimus quadraginta quinque. H. i. Sestertia? N. i. Non. H. i. Quid igitur? N. i. Numeros. H. i. Quo pertinent numeri, si nihil est quod numeres? N. i. Noſter hic ludus est. H. i. Præpropere tu quidem ante victoriam canis triumphum. Vidi qui vincerent ab hoc numero qui nihil habebant. Varia est ut Martis, ita lusus aleæ. Habemus triginta. Jam rurſum pares sumus. N. i. Nunc serio res agitur. Euge, successit; habemus potiores. H. i. Non diu habituri. Dixin? Rurſum æquali fortuna sumus. N. i. Diu nutat fortuna, velut anceps, utris velit addicere victoriam. O fors fortuna, si nobis faveris, dabimus tibi maritum. Euge, audivit votum. Penes nos est hujus certaminis victoria. Pone notam cretaccam, ne excidat. H. i. Jam appetit vespere, & sudatum est satis: præstat a ludendo deſistere, ne quid nimis. Supputemus luctum. N. i. Nos evicimus tres drachmas, vos duas. Restat igitur una ad compotationunculam. Sed interim quis solvet precium pilarum? H. i. Omnes

Tom. I.

Sf 2

cx

1 Clavam extorſeris] Proverbium de re difficillima.

2 Quintiliano] Verba sunt Quintiliani lib. 8. Inst. Orator. Alenda ingenia atque indulgentia quadam emulanda.

ex æquo, pro sua quisque portione. Nam lucrum exilius est, quam ut inde possit aliquid decidi.

Ludus Globorum Missilium.

ADOLPHUS, BERNARDUS, ARBITRI.

AD. **T**U toties apud me gloriatus es, te mirum quendam esse artificem in certamine mittendorum globorum. Age, libet experiri, qui vir sis. BE. Nihil detrecto: huc si quid libet. Nunc tu plane, quod dici solet, in planiciem provocas equum. AD. Et tu senties me non esse asinum. BE. Placens monomachia, ut unus cum uno congregiatur, an mavis adjungi socios periculi? AD. Malo ^{μονομαχίῃ}, ne qua pars victoriæ decidatur alteri. BE. Isthuc & ipse malo, ut laus in solidum sit mea. AD. Hi spectatores erunt, & arbitri. BE. Recipio. Sed quod erit victori bravium, aut quæ victo poena? AD. Quid si victo amputetur auricula? BE. Imo testium alter exsecetur potius. Non est magnificum certare pro pecunia. Tu Germanus es, ego Gallus, decertemus pro luxu uterque gentis gloria. Si viceris, tu ter exclamabis, *Floreat Gallia*: si victus, quod absit, fuero, totidem verbis celebrabo tuam Germaniam. AD. Age, placet conditio. BE. Adsit fortuna. Quando periclitantur hoc ludo duæ maximæ nationes, sint æquales sphaeræ. AD. Nosti saxum illud prominens, haud procul a porta? BE. Novi. AD. Ea erit meta, & hæc linea. BE. Esto: sed sint, inquam, pares globi. AD. Minus discernas ovum ab ovo, aut ficum a ficu. Sed mea non refert, utrum malis; elige. BE. Mitte. AD. Heus, tu mihi non brachium, sed ² balistam habere videris, ita torques globum. BE. Satis momordisti labrum, satis rotasti brachium; tandem mitte. O vires Herculeas! sed tamen vinco. AD. Nisi sceleratus ille laterculus obstitisset, præverteram te. BE. Consisce in sphaeræ tuæ vestigio. AD. Non utar tanto malo. Cupio virtute, non fraude vincere, quandoquidem de gloria certamen est. Bene vertat. BE. Ingens profecto jactus. AD. Ne ride, prius quam viceris. Adhuc pene sumus pares. BE. Nunc res agitur. Uter prior metam contigerit, is vicerit. AD. Vici, canta. BE. Sed definiendum erat, quoto ludo constaret victoria. Nam primo nondum incaluerunt vires. AD. Definiant arbitri. AR. Tertio. BE. Placet. AD. Quid ais? Agnosces ne victorem? BE. Tibi fortuna magis aspiravit: viribus & arte non tibi cessero. Sed quod arbitri pronuntiaverint, id sequar. AR. Germanus vicit, & hoc gloriosior est victoria, quod talem artificem vicerit. AD. Nunc canta, Galle. BE. ³ Sum raucus. AD. Hoc Gallis novum non est: sed tamen cœcycssa. BE. Floreat Germania ter. AD. Imo ter hoc erat canendum. BE. Contraximus siticillam; carius ad compotatunculam: ibi perficietur cantio. AD. Non recuso, si ita videtur arbitris. BE. Ita commodius est. Melius canet Gallus colluto gutture.

Ludus sphaera per anulum ferreum.

GASPAR, ERASMIUS.

GA. **A**Ge, nos auspicabimur. Victo succedet Marcolphus. ER. Sed quod erit victori præmium? GA. Victus ex tempore faciet & recitabit distichon in laudem victoris. ER. Accipio legem. GA. Vis ne fortiamur uter prior incipiat? ER. Esto tu Prior, si libet; ego malim esse Abbas. GA. Hoc tua conditio potior est quod tibi nota est area. ER. ⁴ Versaris in tua arena. GA. In hac exercitatio sum, quam in libris. Tamen istud perquam exigui momenti est. ER. Æquum est, ut tantus artifex, in hoc certamine mihi largiari non nihil. GA. Imo isthuc abs te peterem justius: sed parum est honesta precaria victoria. Is demum vincit, qui suo Marte vincit. Ita sumus pares, ut non melius commissus fuerit olim: cum Bitho Bacchius. ER. Tua sphaera commodior est mea. GA. Et tua vola vincit meam. ER. Ludito legitime, absque technis, ac

¹ Singularem certaminis congressi.

² Balista] Vel potius ballista, ἀβάλλα, jaculator: est machina seu instrumentum, quo lapides aut telum aliquod βάλλομαι, seu ejaculamur.

³ Sum raucus] Alludit ad gallos gallinaceos, quibus natura adest vox rauca, qui proprie dicuntur cœcycssare, unde & Galli vulgo vocant gallum, non cœcyc.

⁴ Versaris in tua arena] Id est, in tua ipsius arte. Sumpsum a gladiatoribus solitis in arena digladiari. Neque vero parvi referebat horum, nota an ignota dimicarent arena.

⁵ Cum Bitho Bacchius] Bithus & Bacchius nobile par gladiatorum fuit, pares arte, pares audacia. Proinde quoties duo æqualiter improbi contendunt inter sese, ita ut neuter alteri velit concedere, dicimus Bacchium cum Bitho commissum, Horat.

dolo malo. GA. Dices, tibi rem esse cum homine probo. ER. Sed prius audire cupio hujus sphaeristerii plebiscita. GA. Quaternio ludum absolvit. Qui hanc lineam præterierit, in damno est, reliquos limites si transilias, sine fraude fiet. Qui globum suo loco moverit, perdit jus ferendi. ER. Intellego. GA. En oclusi tibi portam. ER. Sed isthinc te excutiam. GA. Id si feceris, cedam tibi hujus certaminis palmam. ER. Bona fide? GA. Optima. Non enim potes alia via, nisi sic mittas sphaeram tuam in parietem, ut refiliat in meam. ER. Id experiar. Quid ais, bone vir? Nonne depulsus es? GA. Fateor: utinam tam sapiens esses, quam es felix. Sed isthuc centies tentanti, vix semel successerit. ER. Imo si quid audes deponere pignoris, nisi tantio quoque experimento successerit, vinces. Sed interim redde pactum præmium. GA. Quodnam? ER. Distichon. GA. Reddam. ER. Et quidem ex tempore. Quid arrodas unguem? GA. Habeo. ER. Recita clare. GA. Clarissime.

Plaudite victori juvenes hic quotæque adestis:

Nam me qui vivit, doctior est nebula.

Nonne distichon habes? ER. Habeo: sed quale abs te allatum est, tale tibi referetur.

Saltus.

VINCENTIUS, LAURENTIUS.

VI. **L**ibet ne decertare saltu? LA. Ludus iste non convenit pransis. VI. Quam ob rem? LA. Qui ventris saburra gravat corpus. VI. Non admodum: sane, qui pransi sint in paedagogio. Nam ibi plerumque cœnati sunt, prius quam absolverint prandium. LA. Quod igitur salendi genus placet? VI. Auspicemur ab eo quod est simplicissimum, a saltu locustarum, sive magis ranarum, utraque tibia, sed junctis pedibus. Qui longissime promoverit cingulum, coronam feret. Hujus ubi erit satietas, aliud atque aliud genus experiemur. LA. Equidem nullum recusabo genus, nisi quod geritur cum periculo tibiarum: nolim mihi rem esse cum chirurgis. VI. Quid si certemus unica tibia? LA. Iste ludus est ⁶ Empusa, valeat. VI. Hæst in nixum salire, cum primis est elegans. LA. Liberalius est certare cursu. Siquidem hoc certaminis genus apud Virgilium proposuit & ⁷ Æneas. VI. Verum; sed idem proposuit & cæstum certamen; quo non delector. LA. Designa stadium. Hoc loco fit carcer, quercus ista sit meta. VI. Sed utinam adestet Æneas, qui proponat & præmia victori. LA. Victori abunde magnum præmium est gloria. VI. Victo potius dandum erat præmium, solatii gratia. LA. Sit igitur victo præmium, ut lappa coronatus redeat in urbem. VI. Equidem non recusarim, si tu præcedas tibia canens. LA. Est ingens æstus. VI. Nec mirum, quum sit solstitium æstivum. LA. Præstiterat natare. VI. Mihi non placet ranarum vita. Animal sum terrestre, non amphibion. LA. Sed tamen hoc exercitamenti genus olim cum primis habebatur liberale. VI. Imo etiam utile. LA. Ad quid? VI. Si fugiendum sit in bello, ibi potissimum valent, qui sese cursu pedum & natatu exeruerunt. LA. Artem narras haudquaquam aspernam. Neque enim minus laudis est aliquando bene fugere, quam fortiter pugnare. VI. Sum plane rudis & imperitus natandi, nec sine periculo versamur in alieno elemento. LA. Sed assuescere oportet: nemo nascitur artifex. VI. At ego istius generis artifices permultos audio natasse, sed non enatasse. LA. Experieris primum innixus suberi. VI. Nec suberi fido magis quam pedibus: si vobis cordi est natatio, spectator esse malo, quam certator.

Confabulatio Pis.

ERASMIUS, GASPAR.

ER. **U**nde nobis prodixit? E popina quapiam? GA. Bona verba. ER. E sphaeristerio? GA. Ne hoc quidem. ER. Ex œnopolio? GA. Nequaquam. ER. Quando non assequor divinando, dic ipse. GA. Ex æde Virginii matri sacra. ER. Quid illic tibi negotii est? GA. Salutem dixi nonnullis. ER. Quibus? GA. Christo, ac divit aliquot. ER. Religiosior tu quidem es, quam pro ætate. GA. Imo nullam ætatem non decet religio. ER. Si cupiam esse religiosus, patiar mihi injici cucullam. GA. Atque ego idem facerem, si, quantum calor adfert, tantumdem pietatis adferret cuculla. ER.

Ajunt

⁶ Empusa] Spectrum est apud Aristophanem quod apparet unica tibia, unde & Græci nomen dedere. Belg. *hinckelen*. Galli *sauter a clochepied*.

⁷ Æneid. Lib. v. v. 67. & seqq.

Ajunt vulgo, pueros angelicos in satanam verti, ubi consenuerint. G. A. Sed ego proverbium isthuc ab auctore Satana natum arbitror. Imo vix existimo, senem esse vere pium, nisi qui a teneris annis affuerit. Nihil felicius dicitur, quam quod ab ipsa statim pueritia discitur. E. R. Quid igitur est religio? G. A. Est purus cultus numinis, & observatio præceptorum illius. E. R. Quæ sunt ista? G. A. Longum est, sed ut in summa dicam, in rebus quatuor est sita. E. R. In quibus? G. A. Primum, ut recte pieque sentiamus de Deo, de scripturis divinis: atque ut illum non vereamur modo, tanquam dominum, verum etiam amemus ex intimis affectibus, ut patrem beneficentissimum. Secundum, ut summa cura tueamur innocentiam; ea est, ne quem lædamus. Tertium, ut teneamus caritatem, hoc est, ut de omnibus, quantum datur, bene mereamur. Quartum, ut servemus patientiam. Ea præstat, ut mala nobis illata, si mederi nequeamus, patienter toleremus, non ulciscentes, nec malum malo referentes. E. R. Næ tu probus es concionator. Sed præstas ista, quæ doces? G. A. Equidem adnor pro mea virili. E. R. Qui potes pro virili, cum sis puer? G. A. Meditor pro viribus, & quotidie mecum in eo rationem: si quid cessatum fuerit, corrogo: illud præter decorum, hoc dictum petulantius, hoc factum incircumspectius, hoc taceri præstiterat, illud omisum. E. R. Quando subducitur ista ratio? G. A. Ferme sub noctem, aut si quando magis vacat. E. R. Sed age, dic mihi, quibus studiis totum transigis diem? G. A. Nihil celabotam fidum sodalem. Mane, simul atque sum expergefactus, (id fere fit ad sextam, aut quintam,) pollice signum crucis pingo in fronte & in pectore. E. R. Quid deinde? G. A. Auspicio initium diei, in nomine Patris, & Filii, & Spiritus Sancti. E. R. Pie sane. G. A. Mox paucis saluto Christum. E. R. Quid illi narras? G. A. Ago gratias, quod eam noctem mihi voluerit esse prosperam, precorque ut diem itidem illum totum mihi bene fortunet, ad ipsius gloriam, & animæ meæ salutem: utque is, qui est vera lux occasum nesciens, sol æternus, omnia vivificans, alens, exhilarans, dignetur illucescere menti meæ; ne usquam impingam in ullum peccatum, sed ipsius ductu perveniam ad vitam æternam. E. R. Haud inauspicatum diei exordium. G. A. Deinde salutatis parentibus, quibus secundum Deum primam debeo pietatem, cum tempus est, confero me ad ludum literarium, sed ut per templum, si commodum est, sit mihi transitus. E. R. Quid illic? G. A. Rursus tribus verbis saluto Jesum, ac divos divasque omnes, sed nominatim Virginem matrem, tum eos quos habeo mihi peculiare. E. R. Næ tu mihi probe legisse videris illud Catonis; *Saluta libenter*. Non sat erat mane salutasse, nisi mox denuo salutare? An non vereris ne molestus sis immodico officio? G. A. Amat Christus subinde appellari. E. R. Sed ineptum videtur alloqui, quem non vides. G. A. Nec eam mei partem video, qua illi loquor. E. R. Quæ? G. A. Animo. E. R. Sed ociosum est salutare non resalutantem. G. A. Resalutat frequenter arcano afflatu. Denique abunde resalutat, qui dat quod petitur. E. R. Quid hic ab illo flagitas? Nam video tuas salutationes esse petaces, cuiusmodi fere sunt mendicorum. G. A. Sane non procul aberras a scopo. Precor enim ut, qui puer duodecim annos natus, sedens in templo docuit ipsos doctores, cuique pater cælitus emissâ voce dedit auctoritatem docendi mortalium genus, quum diceret: *2 Hic est filius meus dilectus, in quo mihi complacuitum est, ipsum audite*: quique est æterna sapientia summi patris, illustrare dignetur ingenium meum ad perdiscendas honestas literas, quibus utar ad ipsius gloriam. E. R. Quos autem habes divos tibi peculiare? G. A. Ex apostolis Paulum, ex martyribus Cyprianum, ex doctoribus Hieronymum, & virginibus Agnetem. E. R. Quæ res istos tibi conciliavit? electio, an calus? G. A. Sortito obvenerunt. E. R. Atqui istos nihil aliud quam salutis? An ab his quoque mendicas aliquid? G. A. Precor ut me suis suffragiis Christo commendent, efficiantque ut illius munere aliquando contingat in ipsorum venire contubernium. E. R. Sane rem non vulgarem petis. Quid tum postea? G. A. Ad ludum propero, & quod is locus postulat, toto ago pectore. Sic enim imploro Christi præsidium, quasi citra illius opem nihil efficiat

A nostrum studium: sic studeo, quasi ille nihil auxilii sit laturus nisi gnaviter laboranti. Ac modis omnibus do operam, ne merito vapulem, ne quid dicto factove vel præceptorum offendam, vel sodales meos. E. R. Probus es, quum ista cogitas. G. A. Quum dimissus a ludo domum propero, rursus, si licet, per ædem sacram iter facio, rursusque tribus verbis saluto Jesum. Si quid est obsequii præstandum parentibus, obeo. Quod si quid etiam superest temporis, mecum aut eum sodali repeto quod prælectum est in schola. E. R. Næ tu perparcus es temporis. G. A. Nec mirum, si parcus sum rei, ut multo preciosissimæ, ita irrecuperabilis. E. R. At Hesiodus docet, in medio parcendum esse: in principio præproperam, in fine seram esse parsimoniam. G. A. Recte Hesiodus, de vino; sed ætatis nulla est intempestiva parsimonia. Dolium si sinas, non exhauritur. At ætas nunquam non defluit, si dormias, si vigiles. E. R. Fateor: sed quid deinde rei geritur? G. A. Adornata parentibus mensa, recito consecrationem; deinde prandentibus ministro, donec jubeor & ipse prandium sumere. Actis gratias, si quid vacat, lusu quopiam honesto laxo animum cum sodalibus, donec hora revocat in ludum a lusu. E. R. Ac rursus salaturus Jesus? G. A. Salutatur, si commodum est. Sin est cur aut non vacet, aut non sit tempestivum, tamen præteriens templum, cogitatiuncula saluto. Rursus in ludo totis viribus hoc agitur, quod locus postulat. Domum reversus, idem ago quod ante prandium. A cœna si avibus fabulis memet oblecto: mox prosperam noctem precatus parentibus ac familiaribus, mature me confero ad nidum: illic flexis ante lectum genibus, mecum, ut dixi, reputo, quibus studiis is dies peractus sit. Si quid est gravioris admissi, Christi clementiam imploro ut ignoscat, polliceorque meliora: si nihil est, ago gratias illius beneficentiæ, quod me servarit ab omni vitio. Deinde me totum illi toto pectore commendo, ut me protegat ab insidiis mali genii, & ab obscenis somniis. His factis, lectum ingressus, frontem ac pectus signo crucis imagine, ac me compono ad somnum. E. R. Quo pacto te componis? G. A. Nec pronus cubo, nec supinus, sed primum lateri dextro innitens, brachiis ita transversum seu decussatum complicatis, ut pectus muniant figura crucis, dextra manu sinistro admota humero, læva dextro. Ita dormio suaviter, donec aut expergiscar ipse, aut exciter. E. R. Sanctulus es, qui ista possis. G. A. Imo stultulus es, qui ista dicas. E. R. Laudo institutum, si quæam assequi. G. A. Velis tantummodo. Nam ubi assueveris pauculos menses, erunt hæc etiam de sua via, adeo vertentur in naturam. E. R. Sed nihil audio de sacris. G. A. Nec hæc parte mihi defum, diebus præcipue festis. E. R. In his quomodo te geris? G. A. Primum omnium excutio meipsum, num qua labe peccati sit animus contaminatus. E. R. Id si comperias, quid tum? subducis te ab altari? G. A. Nequaquam corpore, sed animo me submoveo, ac veluti procul stans, nec audens attollere oculos ad patrem Deum quem offendi, tundo pectus meum, dicens illud ex Evangelio cum publicano: *4 Domine propitius esto mihi peccatori*. Deinde, si sensero quempiam offensum a me, cum curo placandum e vestigio, si licet: sin minus, statuo in animo, mihi, cum primum licebit, reconciliare proximum. Si quis offendit me, remitto vindictam, doque operam, ut qui læsit, agnoscat errorem suum, & resipiscat. Sin ejus rei nulla spes est, vindictam omnem Deo relinquo. E. R. Istuc durum est. G. A. An hoc durum, condonare levem noxiam fratri tuo, cujus ignoscencia tibi mutua sit frequenter opus: quum Christus omnia commissâ nostra nobis semel condonarit, & quotidie condonet? Imo mihi videtur hæc non esse liberalitas in proximum, sed sceneratio apud Deum: perinde quasi confervus ex pacto remittat confervo tres drachmas, ut ipsi dominus condonet talenta decem. E. R. Perpulchre tu quidem philosopharis, si modo certum sit quod ais. G. A. An postulas aliquid certius Evangelica cautione? E. R. Non est æquum. Sed sunt qui se non credant esse Christianos, nisi quotidie Missam, ut appellant, audierint. G. A. Horum institutum equidem non damno; præsertim in his qui abundant ocio, quive totos dies occupantur profanis negociis. Tantum illos non approbo, qui superstitione sibi persuaserunt, diem fore parum faustum, nisi fuerint eum auspicati

Tom. I.

Sf 3

a Missa:

3 Oper. & Dier. v. 368.

4 Domine. Lucæ 18. cap. 4.

1 Monium & institutum hoc fuit Pythagoreorum, de quo vide Aurea Carmina y. 40. & seqq. ad quos versus lege quæ habet Hierocles. Si transferatur ab Ethica Ethnica ad Religionem Christianam, longe est utilissimum.

2 Hic est filius meus dilectus] Matth. 3. vers. 17. & Matth. 17. vers. 5.

a Missa: & statim a sacro se conferunt, vel ad negociationem, vel ad prædam, vel ad aulam: ubi si, quod per fas nefasque gerunt, successerit, Missæ imputant. E. R. Suntne qui sic desipiant? G. A. Magna pars hominum. E. R. Sed redi ad sacrum. G. A. Si licet, adito vicinus altari sacro, quo percipere quæam ea quæ sacrificus recitat, præsertim Epistolam & Evangelium. Ex his aliquid conor decerpere, quod infigam animo meo: id mecum aliquamdiu rumino. E. R. Nihil interim oras? G. A. Oro, sed cogitatione magis quam strepitu labiorum. Ex his, quæ recitat sacerdos, arripio precandi occasionem. E. R. Dic istud explanatius: nam non satis assequor quid velis. G. A. Dicam. Finge recitari Epistolam, ¹ *Expurgate vetus fermentum, ut sitis nova conspersio, sicut estis azymi.* Ad hæc verba sic mecum loquor Christo: Utinam vere sim azymus, purus ab omni fermento malitiæ. Sed tu, Domine Jesu, qui solus es ab omni malitia purus ac sincerus, largire ut indies & ipse magis ac magis expurgem vetus fermentum. Rursum, si forte legatur Evangelium ² de seminante semen suum, sic oro mecum: Felix ille, qui meretur esse terra bona: precorque, ut me ex terra parum frugifera, sua benignitate faciat terram bonam, sine cuius beneficio nihil omnino bonum est. Sint hæc exempli causa dicta: nam singula persequi prolixum sit. Sed, si contingat sacrificus mutus, quales multos habet Germania; aut non detur adesse propius altari, fere libellum paro, in quo descriptum sit ejus diei Evangelium & Epistola; inde ipse aut pronuncio, aut oculis lego. E. R. Intelligo: sed quibus cogitationibus potissimum transmittis hoc tempus? G. A. Ago gratias Jesu Christo pro ineffabili caritate, quod genus humanum sua morte redimere dignatus est; & oro, ne patiatum suum sacrosanctum sanguinem pro me frustra fustum esse, sed suo corpore semper pascatur animum meum, suo sanguine vivificetur spiritum meum, ut paulatim adolescens virtutum auctibus, efficiar idoneum membrum corporis illius mystici, quod est ecclesia: nec unquam deficiam ab illo sanctissimo fœdere, quod in extrema cœna distributo pane, & porrecto poculo, pepigit cum discipulis suis electis, & per hos cum omnibus, qui per baptismum in societatem illius insiti sunt. Quod si sensero vagari cogitationem, lego psalmos aliquot, aut aliud quippiam pium, quod animum ab evagando cohibeat. E. R. Habes in hoc psalmos certos? G. A. Habeo; sed quos non ita mihi ipsi indixi quin omittam, si cogitatio quæpiam incidat, quæ magis reficiat animum meum, quam illa psalmorum recitatio. E. R. Quid de jejunando? G. A. Cum jejuniis mihi nihil est negotii. Sic enim me docuit Hieronymus, non esse valetudinem atterendam jejuniis, donec corpus ætate robur justum collegerit. Nondum autem egressus sum annum decimum septimum. Sed tamen si sensero opus, prandeo, cœnoque parcius, quo me præbeam alacriorem studiis pietatis per diem festum. E. R. Postquam coepi semel, expiscabor omnia. Quomodo affectus es erga conciones? G. A. Optime. Ad has non minus religiose accedo, quam ad sacram synaxim. Et tamen deligo, quos audiam. Sunt enim quos præstat non audisse. Quod si talis contingit, aut si nemo contingit, tempus hoc transigo sacra lectione: lego Evangelium & Epistolam cum interpretatione Chrysostomi aut Hieronymi, aut si quis alius occurrit pius ac doctus interpretes. E. R. Sed magis afficit viva vox. G. A. Fateor; & audire malo, si detur concionator tolerabilis: sed non videor omnino caruisse concione, si Chrysostomum aut Hieronymum scripto loquentem audiero. E. R. Non opinor. Sed quid te delectat confessio? G. A. Magnopere: nam confiteor quotidie. E. R. Quotidie? G. A. Sic est. E. R. Alendus est igitur tibi proprie sacerdos. G. A. Sed illi confiteor, qui vere solus remittit peccata, cui est potestas universa. E. R. Cuiam? G. A. Christo. E. R. An istud fat esse putas? G. A. Mihi quidem fat esset, si fat esset Proceribus ecclesiæ & consuetudini receperet. E. R. Sed quos tandem appellas ecclesiæ Proceres? G. A. Pontifices, Episcopos, Apostolos. E. R. Et inter hos annumeras Christum? G. A. Is est omnium sine controversia: colophon. E. R. Et hujus receptæ confessionis auctor?

A G. A. Is quidem auctor est omnis boni: sed an ipse instituerit hanc confessionem, qualis nunc est in usu ecclesiæ, Theologis excutiendum relinquo: mihi puero & idiotæ sufficit majorum auctoritas. Hæc est certe præcipua confessio: nec est facile confiteri Christo. Non confitetur illi, nisi qui ex animo irascitur suo peccato. Apud illum expono, deploroque, si quid admisi gravius; clamo, lachrymor, ploro, meipsum exsecror, illius imploro misericordiam: nec finem facio, donec sensero peccandi affectum penitus expurgatum e medullis animi, & succedere tranquillitatem aliquam & alacritatem, condonati criminis argumentum. Atque ubi tempus invitat, ut ad eam sacrosanctam mensam corporis & sanguinis dominici, confiteor & sacerdoti, sed paucis, & non nisi ea quæ certo videntur crimina: aut ejusmodi, ut vehemens suspicio sit crimen esse. Neque vero protinus arbitror esse piaculum, hoc est, enorme crimen, quod admittitur adversus quaslibet constitutiones humanas, nisi contemptus accesserit malitiosus. Imo vix arbitror crimen capitale, cui non sit adjuncta malitia, hoc est, perversa voluntas. E. R. Laudo, quod sic es religiosus, ut tamen superstitiosus non sis. Hic quoque puto locum esse proverbio, ⁴ *Nec omnia, nec passim, nec quibuslibet.* G. A. Deligo mihi sacerdotem, cui credam arcana pectoris. E. R. Isthuc est sapere. Sunt enim permulti, quod comperitum est, qui, quod accipiunt in confessionibus, effutunt. Sunt improbi quidam & impudentes, qui percontantur a confitente, quæ præstiterat tacuisse. Sunt indocti & stolidi, qui ob sordidum quæstum præbent aurem verius quam animum, cum nec dijudicent inter noxiam & recte factum, nec docere possint, nec consolari, nec consolare. Hæc sic habere, frequenter audivi ex multis, & ipse partim expertus sum. G. A. Et ego nimium. Proinde deligo mihi virum non indoctum, gravem, spectatæ integritatis, linguæ continentis. E. R. Profecto felix es, qui ita mature sapere ceperis. G. A. Denique illa prima mihi curarum est, ne quid committam, quod cum periculo credam sacerdoti. E. R. Nihil melius, siquidem possis cavere. G. A. Nobis quidem difficultum est, sed, auxiliante Christo, facile est. Primum est, ut addit bona voluntas. Eam mihi subinde renovo, præsertim diebus dominicis. Deinde subduco meipsum pro viribus ab improborum consortio; & sodalibus integerimis me adjungo, quorum convictu fiam melior. E. R. Recte tibi consulis. ⁵ *Corrumpunt enim mores bonos colloquia prava.* G. A. Ocium ceu pestem quandam fugio. E. R. Nec mirum: nam nihil malorum non docet ocium. Sed ut nunc sunt hominum mores, solus vivat oportet, qui velit abesse a malorum consortio. G. A. Non omnino vanum est quod dicis. ⁶ *Plures enim mali,* ut Græcus ille sapiens dixit. Sed ex paucis optimos deligo. Et probus sodalis nonnunquam sodalem reddit meliorem. Vito lusus, qui provocant ad nequitiam: utor innoxiiis. Comem me præbeo omnibus: sed familiarum non nisi bonis. Quod si quando incidero in malos, aut corripo blande monendo, aut dissimulo, toleroque: si videror non profecturus, certe cum primum licet, memet ab illis suffuror. E. R. Nunquamne titillavit animum tuum libido capiundæ cucullæ? G. A. Nunquam; sed crebro sollicitatus sum a quibusdam, ab hoc seculo, velut a naufragio, ad portum monasteriorum vocantibus. E. R. Quid ego audio? Captabant prædam? G. A. Miris technis adorti sunt & me, & parentes. Sed mihi stat sententia, non addicere me vel matrimonio, vel sacerdotio, vel instituto monachorum, aut ulli vitæ generi, unde post me non queam extricare, priusquam mihi fuero pulchre notus. E. R. Quando isthuc erit? G. A. Fortasse nunquam. Sed ante annum vigesimum octavum nihil statuetur. E. R. Cur ita? G. A. Quia audio passim tam multos sacerdotes, monachos, & maritos deplorantes, quod sese temere præcipitarint in servitutem. E. R. Cautus es, qui capi nolis. G. A. Interim tria mihi curæ sunt. E. R. Quænam ista? G. A. Ut proficiam in probitate morum.

De-
riam illi pollicerentur, quibus Colophonius accessisset equitatus, & ideo summam & suam significat.

⁴ *Nec omnia, &c.* Oύτε πάντα, ὅτε πάντα, ὅτε παρά πάντων. Admonet Adag. in muneribus accipiendis, non solum verecundiam adhibendam esse, verum etiam delectum. Sunt enim quædam, quæ neutiquam decorum sit accipere. Est item locus, est tempus, quo pulchrum sit recusare munus oblatum.

⁵ Interpretatio est senarii Menandri: Φθίσιον ἦν χροὸν ὀμύλιον κακόν, quem Paulus ipse habet 1 Cor. xv. 33.

⁶ Bias, de quo vide *Laertium* in ejus vita, Lib. 1. §. 87.

¹ *Expurgate vetus fermentum* Verba Pauli sunt 1 Cor. 5. 7.

² *De seminante* Luc. 8. 5.

³ *Colophon* Præcipuus & caput. Α Κολοφόν, *fastigiū, apex.* summa manus, finis. A Colophone Jonica urbe vox orta existimatur, quod, quum imprimis equestribus certaminibus excelleret, certum sibi victo-

Deia, si id nequeam, certe meae illibata innocentiam ac famam. Postremo, paro mihi bonas literas ac disciplinas, in quovis vitae genere futuras usui. *Er.* Sed interim a poetis abstinere? *Ga.* Non intorram, sed castissimos quosque potissimum lego. Quod si quid iaciderit parva verecundum, praetercurro, quemadmodum Ulysses obturatis auribus Sirenas praeternavigavit. *Er.* Sed qui interim studiorum generi te potissimum addicis? Medicinam, Juri Caesareo aut Pontificio, an Theologiae? Nam linguae, bonae litterae, Philosophia, pariter conducunt ad omnem professionem. *Ga.* Nondum ulli me plane addixi, sed ex omnibus gustum aliquem capio, ne cuiusquam plane sim rudis: utque, degustatis singulis, certius eligam, cui sum accommodus. Medicina ubi vis totarum certissimum viaticum est: Juris prudentia viam aperit ad dignitates: Theologia mihi cum primis placeret, nisi me mores quorundam, & morose inter ipsos contentiones offenderent. *Er.* Non facile labitur, qui sic pederent incoedit. Complures huic temporibus abstinent a Theologia, quod vereantur, ne vacillent in fide catholica, cum videant nihil non vocari in quaestione. *Ga.* Ego, quod lego in sacris literis & in symbolo, quod dicitur Apostolorum, summa fiducia credo, nec ultra scrutor. Caetera permitto Theologis disputanda ac definienda, si velint. Si quid tamen receptum est usu populi Christiani, quod non plane pugnet cum sacris literis, haecenus servo, ne cuiquam sim offendiculo. *Er.* Quis Thales te docuit istam Philosophiam? *Ga.* Fuit mihi admodum puero consuetudo domestica cum integerrimo viro: Joanne Coleto. Nostis hominem? *Er.* Quidni? tanquam te. *Ga.* Is eam aetatem huiusmodi praeceptiunculis inquit. *Er.* Non invidebis, si me praebeam exemplum instituti tui? *Ga.* Imo isthoc nomine mihi futurus multo carior. Scis enim similitudine morum conglutinari familiaritatem ac benevolentiam. *Er.* Verum, sed non inter competitores ejusdem magistratus, quum simili laborent morbo. *Ga.* Nec inter ejusdem sponsae procos, quum pariter laborent amore. *Er.* Sed extra jocum, experiam imitari rationem istam. *Ga.* Precor ut tibi vertat quam optime. *Er.* Fortassis assequar te. *Ga.* Utinam & praecurras. Sed interim non operiar te, quin ipse quotidie meipsum superare contendo: sed tamen adnitere, si potes, ut antevertas.

Venatio.

PAULUS, THOMAS, VINCENTIUS, LAURENTIUS, BARTHOLOM.

PA. 2 *T*rabis sua quaeque voluptas. mihi placet venatio. *Th.* Placet & mihi: sed ubi canes, ubi venabula, ubi casset? *Pa.* Valeant apri, ursi, cervi & vulpes, nos insidiabimur cuniculis. *Vi.* At ego laqueos injiciam locustis. Insidiabor gryllis. *La.* Ego ranas captabo. *Ba.* Ego papiliones venabor. *La.* Difficile est sectari volantia. *Ba.* Difficile; sed pulchrum: nisi pulchrius esse ducis sectari lumbricos aut cochleas, quia carent alis. *La.* Equidem malo insidiari piscibus; est mihi hamus elegans. *Ba.* Sed unde parabis escam? *La.* Lumbricorum ubique magna est copia. *Ba.* Est, si tibi velint proripere e terra. *La.* At ego mox efficiam, ut multae myriades prosiliant. *Ba.* Quo pacto? incantamentis? *La.* Videbis artem. Imple hanc titulam aqua. Hos juglandium summos cortices viuentes confractos, immitto. Hac aqua perfunde solem. Nunc observa paulisper. Vides emergentes? *Ba.* Rem prodigiosam video. Sic olim, opinor, exhibebant armati ex satis serpentis dentibus. Sed plerique pisces delicatioris & elegantioris sunt palati, quam ut esca tam vulgari capiantur. *La.* Novi quoddam insecti genus, quo talibus insidiari soleo. *Ba.* Tu vide an possis imponere piscibus, ego ranis facellam negotium. *La.* Quomodo, reti? *Ba.* Non; sed argu. *La.* Novum piscandi genus. *Ba.* At non injucundum. Videbis, & fateberis. *Vi.* Quid si nos duos micemus digitis? *Pa.* Ignavum est ac rusticum lusus genus. Ad focum desidentibus magis convenit, quam in campo versantibus. *Vi.* Quid si certemus nucibus? *Pa.* Noces admodum pueris relinquamus; nos grandiusculi sumus. *Vi.* Et tamen nihil aliud adhuc, quam pueri sumus. *Ra.* Sed quibus decorum est ludere nucibus, iidem non indecorum est equitare in arundine longa. *Vi.* Tu igitur praescribito lusus genus, sequar quod

A cunque vocaris. *Pa.* Et ego futurus sum omnium horarum homo.

Euntes in ludum literarium.

SYLVIVS, JOHANNES.

SY. *C*Ur adeo curris, Johannes? *Jo.* Cur lepus, ut ajunt, pro canibus? *Sy.* Quid hoc proverbii est? *Jo.* Quia nisi aduervo in tempore, ante recitatum catalogum, actum est de pelle mea. *Sy.* Hac quidem ex parte nihil est periculi. Modo praeterita est quinta. Inspice horologium, manus nondum attigit punctum, quod horam ab hora aequis spatius dirimit. *Jo.* At ego vix habeo fidem horologii: mentiuntur nonnunquam. *Sy.* At mihi fide, qui campanae vocem audivi. *Jo.* Quid loquebatur? *Sy.* Horam esse quintam. *Jo.* Sed est & aliud, unde magis etiam timeam. Reddenda est memoriter hesternae lectio, satis prolixa. Vereor ut possim. *Sy.* Commune periculum narras. Nam & ipse vix satis teneo. *Jo.* Et nostri praceptoris saevitiam. Omnis illi noxia capitalis est. Nec magis parcat nostris natibus, quam si corum esset bubulum. *Sy.* Verum is non aderit in ludo. *Jo.* Quem igitur vicarium constituit? *Sy.* Cornelium. *Jo.* Strabum illum? *Vz.* Nostris natibus. Is vel Orbilio plagosior est. *Sy.* Verum dicis; & ideo non raro sum illius brachio precatus paralyfin. *Jo.* Non est pium, imprecari praepetori. Nobis potius cavendum, ne incidamus in illius tyranni manus. *Sy.* Reddamus inter nos vicissim, altero recitante, altero codicem inspiciente. *Jo.* Pulchre mones. *Sy.* Fac praesenti sis animo. Nam metus officit memoriae. *Jo.* Facile deponerem pavorem, si non adesset periculum. At in tanto discrimine quis possit esse securus animo? *Sy.* Fateor; attamen non agitur de capite, sed de parte diversa.

Alia.

CORNELIVS, ANDREAS.

Co. *S*Cite tu quidem pingis, sed charta tua perfluit. Charta subhumida est, ac transmittit atramentum. *An.* Quaeso ut appares mihi pennam hanc. *Co.* Deest mihi gladiolus scriptorius. *An.* En tibi. *Co.* Huius quam obtulus! *An.* Accipe coticulum. *Co.* Utrum amas scribere cuspidem duriusculam, an molliorem? *An.* Attenua ad manum tuam. *Co.* Ego molliore soleo. *An.* Quaeso ut mihi describas ordine figuras elementorum. *Co.* Graecas an Latinas? *An.* Latinas primum conabor imitari. *Co.* Suppedita chartam. *An.* Accipe. *Co.* Sed meum atramentum dilutius est, subinde infusa aqua. *An.* At meum lintecolum prorsus exaruit. *Co.* Immunge; nisi mavis immergere. *An.* Imo potius rogabo alicunde. *Co.* Praestat habere domi, quam rogare commodato. *An.* Quid est scholasticus absque calamo & atramento? *Co.* Quod miles absque clypeo & gladio. *An.* Utinam mihi essent articuli tam celeres. Equidem non possum distantis vocem scribendo assequi. *Co.* Prima cura sit, ut bene scribas: proxima, ut celeriter. *Sat cito, si sat bene.* *An.* Belle: sed istam cationem cane praepetori, quum dixerat, *Sat cito, si sat bene.*

Agendi gratias, Formula.

PETRVS, CHRISTIANVS.

Pe. *G*Ratum mihi fecisti, quod aliquoties ad me scripsisti. Habeo gratiam, quod ad me crebrius scripsisti. Amo te, quod intendum ad me literas dare non dedignatus es. Habeo gratiam, quod crebris literis me videris. Ago tibi gratias, qui literarum fasciculis nos operaris. Maxima tibi a me habetur gratia, qui nos aliquando literis lacessiveris. Pergratum mihi fecisti, quod nos dignatus sis tuis literis. Debeo tibi pro tuis humanissimis ad me literis. Magni beneficii loco duco, quod non es gravatus ad me scribere.

Responsio.

Ch. Imo meum est deprecari culpam impudentiae, qui non veritus sum tibi homini tum occupatissimo, tum doctissimo, meis illiteratis literis obstrepere. Agnosco solitam tuam humanitatem, qui meam audaciam boni consuleris: Verebar ne quid offendsent te meae literae, quod nihil omnino responderes. Non est quod agas gratias; mihi plus satis est, si sedulitatem meam accepisti in bonam partem.

Nova rogandi, Formula.

Pe. Nihilne novarum rerum adfertur e patria? Num quid novi de nostratibus accepisti? Quid novi? Ecquid novarum

1 *Joh. Coleto* Plurimae ad hunc Erasmi Epistolae extant; ut & illius ad Erasmus. Fuit autem natione Anglus.

2 *Trabis sua* Hemistichium Virg. ex Bucol. Ecl. 11.

varum rerum apportas? Num quid novi fertur? Num quæ res novæ e patria nunciantur?

Responsio.

CH. Novi quidem permultum, at nihil veri. Novarum quidem rerum satis, at nihil comperti. Nova permulta, at explorati nihil. Non parum novi; at veri non multum. Nihil adfertur novi. Novarum rerum nihil prorsus accepi. Certi nihil, novi nonnihil. Rumores adferuntur permulti, sed dubii. Plurima est fama, at rerum nihil, firmi nihil. Si vana te capiunt, adferunt tota plaustra mendaciorum. Fabularum totos modios apporto. Tantum mendaciorum adfero, quantum vix una navis vehat. PE. Exonera te quamprimum, ne succumbas tanto oneri. CH. Nihil habeo præter ea quæ jactantur in tonstrinis, in vehiculis, & in navibus.

An accepisti literas? Formula.

PE. Nihilne literarum accepisti? Num aliquas e patria recepisti literas? Nullæ tibi sunt redditæ literæ? Num quid scriptorum accepisti? Num quas accepisti epistolas? Ecquas ab amiculis accepisti literas? Nihil epistolarum advolavit e Gallia?

Responsio.

CH. Literarum nihil accepi. Ne pilum quidem literarum accepi. Ne tantulum quidem adfertur literarum. Nemo literam ad me. Ne verbum quidem a quoquam redditur. Tantum literarum accepi jam diu, quantum vides in oculo meo. Equidem pecunias, quam literas malim. Argentum accipere malim, quam epistolas. Nummos recipere malim, quam epistolia. Nihil moror literas, modo veniat argentum. Equidem numerari malo mihi, quam scribi.

Credo, Formula.

PE. Facile credo. Haud difficile creditu est. Credi istud perfacile potest. Istud tibi quis non credat? Admodum incredulus fuerit, qui hoc non tibi credat. Profecto habeo tibi fidem. Istius rei mihi facile fidem facis. Credo tibi vel injurato. Verisimile dicis. Adferunt tamen nonnihil solatii literæ. At ego alterutrum malim, quam neutrum.

Utilitatis, Formula.

CH. Quorsum spectant literæ sine pecunia? Ad quid tandem inanes conducunt literæ? Quorsum valent, ad quid conferunt, faciunt, profunt, proficiunt literæ vacuæ? Cui gratæ, cui acceptæ literæ sine nummis? Quid emolumenti adferunt literæ inanes? Cui bono sunt ociosæ literæ? Quid juvant? Cui sunt usui? Ad quid conducibiles sunt? Quid secum adferunt momenti? Cui rei sunt utiles inanes epistolæ?

Responsio.

PE. Podici tergendis utiles, idoneæ, accommodæ. Conducunt natibus tergendis. Si usum nescis earum, ad anum expurgandum valent. Ad nates tergendas. Ad posticum purgandum. Conferunt ad eam corporis partem mundandam, quæ semet identidem inquinat. Valent convestientis scombris. Involvendo thuri sunt accommodæ. Quid valentne amiculi? Quid uxor agit tua? CH. Recte: eam apud matrem reliqui, & quidem prægnantem.

Bene precandi.

PE. Bene & tibi & illi vertat: tibi, quod pater: illi, quod mater futura sit. Adsit Deus. Ut utrique vestrum faustum, felixque sit, precor, optoque. Quæso, oro superos omnes, ut incolumis prolem vobis dignam pariat, & pulchra te faciat prole parentem. Laudo te, quod virum te præstiteris. Gaudeo te virum præstitisse. Gallum te esse declarasti, at non Cybeles. Abi, virum te judico. CH. Ludis, idque facis tuo more. Age age, est tibi jus apud me loquendi quælibet. Audio, te patriam nuper revisisse. PE. Sic est factum. Nam diutiuscule jam abfueram; non ferebam tam diuturnum patriæ desiderium. Non poteram a parentum conspectu abesse diutius. Torquebat me diutinum amicorum desiderium. CH. Pie fecisti: humanus es, qui ista cogites. Ducimur enim omnes admirabili quodam amore ejus regionis, quæ nos aluit atque edidit. Et,

Nescio qua natale solum dulcedine cunctos

Ducit, & immemores non finit esse sui.

Dic, quæso, quonam in loco illic offendisti omnia?

Nova omnia, Formula.

PE. Nihil non novum. Mutata omnia. Novata singula. Univerſa nova. Vide quam repente tempus res mutet hu-

manas. Videbar mihi in alium venire mundum. Vixdum decennium abfueram, & non secus omnia admirabar, quam Epimenides somniatorum princeps, vix tandem expergefactus. CH. Quænam ista est fabula? Quid isthuc est fabulæ? PE. Dicam equidem, si vacat. CH. Nihil fuerit jucundius. PE. Sellam igitur una cum pulvino mihi poni jube. CH. Recte admones; nam sedens commodius mentieris. PE. Fabulantur historici de Epimenide quodam Cretensi, qui deambulandi gratia solus urbem egressus, cum, subita pluviae vi compellente in quandam speluncam ingressus, obdormisset, quadraginta septem perpetuos annos somnum continuavit.

Non credo, Formula.

CH. Quid narras? incredibile dictu. Non verisimile dicis. Somnium mihi narras. Non fit mihi simile veri. Monstri simile narras. Non pudet tam improbæ vanitatis? Digna fabula quæ addatur veris narrationibus Luciani. PE. Imo rem narro a gravissimis proditam auctoribus: nisi forte tibi parum spectatæ fidei est Aulus Gellius. CH. Mihi vero quæ scribit ille, folia Sibyllæ sunt omnia. PE. Quid tandem Theologum tot annos somniasse reris? Nam Theologum fuisse proditum est. CH. Audire gestio.

Responsio.

PE. Quid aliud, quam quæ postea prodidit Scotus, & hujus farinae sodales? Sed bene cum Epimenide actum est, qui vel tandem ad se redierit: multi Theologi nunquam expergiscuntur a suis somniis. CH. Age, facis ut poeta dignum est: sed perge mentiri. PE. Epimenides igitur somno solutus, e spelunca prodit, circumspicit, mutata videt omnia, sylvas, ripas, flumina, arbores, agros, breviter nihil non novum. Accedit ad urbem, percontatur, manet illic aliquandiu, neque novit quenquam, neque a quopiam agnitus est. Alius hominum cultus, nec idem vultus, mutatus sermo, diverſi mores. Nec miror hoc Epimenidi post tantum annorum evenisse, cum mihi idem propemodum evenierit, qui pauculos annos abfuissem. CH. Quid uterque parens, vivuntne? PE. Vivunt ambo, & valent utcumque, senio, morbo, denique bellorum calamitate confecti. CH. est humanæ vitæ comœdia. Hæc est fatorum lex inevitabilis. PE. Cœnabis hodie domi? CH. Foris cœnaturus sum. Foris cœnandum est mihi. PE. Apud quem? CH. Apud socerum meum, apud generum meum, apud nurum meum, apud affinem meum. Affines dicuntur qui non sanguinis, sed matrimonii conjunctione copulati sunt. PE. Quæ sunt igitur usitata vocabula affinitatum? CH. Maritus & uxor, nota sunt nomina.

Socer uxoris meæ pater est mihi.

Gener filiarum mearum maritus.

Socrus uxoris meæ mater.

Nurus filii mei uxor.

Levir mariti frater.

Levir dicitur

ab uxore, ut Helena Hectorem levirum vocat, quod esset nupta Paridi.

Fratræ Fratris mei uxor.

Glos mariti soror.

Vitricus matris meæ maritus.

Noverca patris mei uxor.

Privignus uxoris aut mariti filius.

Privigna filia alterutrius.

Rivalis qui amat eandem.

Pellex quæ amat eundem: ut, Thraſo rivalis est Phædriæ, & Europe pellex est Junoni.

Cras mecum prandeas.

PE. Ago gratias. Laudo te. In crastinum igitur te ad cœnam voco. Cras ergo ut mecum cœnes, oro. Cras igitur mecum prandeas, rogo. Cras igitur te mihi convivam volo.

Timeo ne non possim.

CH. At vereor, ne non licuerit. Ut possim, metuo. Veniam, si quidem licebit. At metuo, ne non queam.

Quare.

PE. Cur non licebit? Qui sic? Quid ita? Quam ob rem? Quo pacto? Quid causæ? Quid obstitit, quo minus possis? *Domini*

Folia Sibyllæ Eandem vim obtinet Juvenalis illud:

Credite me vobis folium recitare Sibyllæ.

Id est, rem indubitam. Duſtum Adag. a Cumana Sibylla, cujus oracula cum primis celebrantur.

Domi me esse oportet.

CH. Tum quidem mihi domi manendum est. Ut domi nocte sim, necesse est. Tum certe foris esse non licebit. Cras mihi quoquam ire foras, liberum non erit. A prandio abesse mihi integrum non erit. Aliquot ipse convivas eo die operior. Aliquot amici constituere ea nocte domi nostræ cenare. Ipsi mihi convivæ sunt ea nocte tractandi, alioqui lubens venirem. Ni id esset, haud gravatim facerem. Quod ni esset, haud me tibi difficilem præberem. Non excusarem, si liceret. Non paterer bis rogari, si queam. Parce rogare; vel invocatus adesset, si quo pacto liceret. Haud gravate tibi obsequer, si possim. Frustra rogas cum, cui non est liberum; frustra item rogaturus, si liberum esset. Nunc ut maxime cupiam, non possum: tunc supervacaneum esset rogare volentem. PE. Vel perendie apud me sis, oportet. Saltem perendino die ad cenam venias, necesse est. Quarto abhinc die non gravaberis mihi præbere convivam. Die Jovis proximo non potes effugere, quin venias.

Non possum promittere.

CH. Non possum polliceri. Affirmare istud tibi non possum. Promittere certum nequeo. Veniam, ubi utrique nostrum videbitur commodissimum.

Diem dicere debes.

PE. Diem igitur mihi constituas volo, ad quem mecum sis cenaturus. Diem igitur assignes, oportet. Diem igitur promittas, necesse est. Diem certum mihi præfiniri, præscribi, præstitui, constitui cupio. Ad certum diem condico. Diem mihi dicas velim.

Nolo te præscire.

CH. Equidem non soleo dicere diem amicis. Cum quibus mihi parum convenit, iis soleo diem dicere. Præscium te esse nolum. Præscire te nolo. De improvviso te opprimam. Inopinato te opprimam. Te nec opinantem oppressero. Te nihil suspicantem oppressurus sum. Non expectatus adfuero. Adoriar te nec opinantem. Veniam ultroneus, & insperatus conviva.

Præscire volo.

PE. Biduum præscire volo. Biduum præscius esse cupio. Præmoneto biduo prius, quam venias. Fac me biduo ante certiore. CH. Si me urges, dico tibi diem Sybariticum, ne desit apparandi spaciū. PE. Quid hoc verbi est? CH. Sybaritæ convivas invitabant in annum proximum, ut utrinque esset justus apparatus. PE. Valeant Sybaritæ cum suis molestis conviviis: ego congerronem voco, non fatrapam.

Tuo malo optas.

CH. Equidem tuo detrimento. Tu opte quidem malo. In damnum tuum istud optas. Incommodo istud precaris tuo. PE. Quid ita? Quam ob rem? CH. Ego instructus accedam. Ego munitus veniam. Aggrediar te paratus. Instructus multa fame accedam; tu vide ut vulturem expleveris. Parabo ventrem, ac dentes exacuam; tu vide quibus modis lupum exfatures. PE. Age ad hoc certamen te provoco. Age fac pro viribus, pro virili, si quid potes. CH. Veniam, sed non incomitatus. PE. Tanto venies gratior. Sed quo comite venies? CH. Umbra. PE. Nec secus possis, si modo luce venias. CH. Sed umbram adducturus sum dentatam unam atque alteram, ne tu me vocaris impune. PE. Age ut libet, modo ne larvas adducas. Sed explana, si libet, quid sibi velit *umbra* vocabulum. CH. Apud eruditos *umbra* vocantur, qui ipsi non vocati comitantur eum, qui vocatus est ad convivium. PE. Talium umbrarum adduc quantum voles.

Ea lege promitto.

CH. Veniam quidem, at hac lege, ut tu postredie ejus diei vicissim apud me coenes. Faciam eo quidem pacto, ut deinde mihi quoque sis conviva. Ea lege cenam condico, ut tu rursus mihi sis conviva. Spondeo futurum, sed hac exceptione, si tu postero die itidem apud me sis. Recipio tibi facturum me. Do fidem futurum, his quidem legibus, ut tu mecum postredie prandeas. PE. Age fiat. Esto. Sit ita ut vis. Si jubes, faciam. Novi Gallorum magnificentiam. Non vis gratis apud me cenare, nisi vires retuleris. At isto quidem pacto redire solent in orbem convivia. Sic nascitur conviviorum longa periodus. Hac vicissitudine fiunt sine fine reciproca convivia. CH. Nihil suavius, si minimum

A accedat apparatui quotidiano. Cæterum ego te detineo, alio fortassis iturum. PE. Imo ego te, opinor. Sed cras latius & familiarius confabulabimur. Verum crastino die plura nugabimur. Interim fac valeas. Interim cura ut bene valeas. Interim valebis.

Quo is? Formula.

CH. Quo tu nunc abis? Quo tu nunc properas? Quo tu tam celeri gradu tendis? Quoniam te confers? Quo nunc iter est?

Eo domum, Formula.

PE. Domum me recipio. Domum revertor. Domum repeto. Domum me confero. Viso quid domi agatur. Accerso medicum. Rus hinc concedo. Constitui ad hanc horam cum viro quodam gravissimo colloqui. Statui hac hora congrredi cum viro gravissimo. CH. Quoniam? PE. Cum Curione multiloquo. CH. Precor igitur tibi præsentem Mercurium. PE. Quid opus Mercurio favente? CH. Quia res erit cum linguaci. PE. Atqui hac gratia magis conveniebat, mihi Memoriam precari propitiam. CH. Quid ita? PE. Quia patientissimis auribus opus erit potius, quam strenua lingua. At auris Memoriam dicata est. CH. Quanam iturus es? Quibus? PE. Hac ad sinistram, hac, illac, per forum. CH. Comitabor igitur te. Assectabor, ac deducam te ad diverticulum usque. PE. Non patiar te circumagi. Nolim te tantum laboris mea causa capere. Isti officii serva cum erit usus, nunc nihil opus est. Ne mea gratia facias viæ tuæ dispendium. CH. Mihi quidem compendium est, frui tantisper amico. Nihil habeo quod agam, & non sum piger, ni tibi sim molestus comes. PE. Nemo jucundior assecla. At non sinam, ut mihi claudas lævum latus: non admittam, ut mihi sinister ambules. Hic te superis commendando. Nolo te longius comitem. Ulterius nolo me comiteris.

Commendandi Formula.

CH. Tu me Curioni magnopere commendato. Fac me Curioni multiloquo quam commendatissimum facias. Me Curioni commendatum quam diligentissime curato. Jube ut me sibi commendatissimum habeat. Ego me illi per te commendatum facio. Me tibi etiam atque etiam commendando. Me tuæ humanitati quam possum diligentissime commendando. Recommendo pro commendo, barbaris relinquito. Vide ne pauca cum multiloquo loquaris. Vide ne cum multiloquo sis pauciloquus.

Obsequii.

PE. Vis me tibi morem gerere? Vis me tibi obsequi? Vis tibi obsecundem? Te igitur imitari me jubes? Quandoquidem ita vis, faciam libentissime. Ne sis mihi diutius in mora, imo ne uterque alteri. CH. Sed priusquam abeas, quaeso te, ne graveris me docere quo pacto his sit utendum, in mora, in causa, in culpa; qui soles elegantiae studiosus esse. Quare age, doce obsecro, disserere amabo.

In culpa, In causa, In mora.

E PE. Mos gerendus est tibi. Non est culpa in me, non est culpa in te. Mora est in te. In te causa est, grammaticæ quidem dicitur, at multo elegantius.

In culpa.

Non sum in culpa. Culpa non est mea. Vaco culpa. Quod nihil proficis, tua desidia in causa fuit, non præceptor, non pater tuus. In culpa omnes estis. Utrique in culpa estis. Utrique culpandi estis. Ambo accusandi estis. Ambo in culpa estis. Incidisti in morbum tuo ipsius vitio, tua ipsius culpa. Itidem dicuntur in vitio esse, quibus culpa debet imputari: & in crimine esse, qui culpandi sunt: & in damno esse, qui damno afficiuntur. Hoc genus sermonis non temere licet invertere, Damnum in illo est, vitium in illo est.

In causa.

Quo minus ad te scripserim, morbus in causa fuit. Quod rarius ad te scripserim, mea negocia in causa fuerunt, non negligentia. Quid in causa fuit? Quid causæ fuit? Ego non sum in causa. Quod nullas a me literas acceperis, tabellarius in causa fuit. Quod tam macilentus es, amor, non studium, in causa est. Hoc est causæ.

Tom. I. Tt In

1 Curione multiloquo] Respicit ad Curionem Tribunum plebis, quem ad dicendum paratissimum Cæsari in civile bellum Pompejanum, non solum stimulus addidisse Lucanus notat, ut & ejusdem loquacitatem: Hæc signa petentes audax venali comitatur Curio lingua.

In mora.

Non ero vobis in mora. Quidnam nobis in mora fuit? Tu nobis in mora fuisti. Tu semper in mora es. Quid te remoratum est? Quis te remoratus est? Habes quod petebas; tuum est, memoriae insculpere. Habes affectatiunculae tuae premium. Vale, mi Christiane. CH. Vale in crastinum & tu, mi Petre.

In occurfu.

CH. Salve multum, jucundissime Augustine. AV. Salve tantundem, mi humanissime Christiane. Felix sit tibi huius diei exortus. Prosper sit tibi hic dies. Quid tandem agitur? CH. Suaviter, ut nunc res nostrae sunt. Et cupio omnia quae vis. AV. Merito te amo. Amo te. Amandus es. Benigne dicis. Comis es. Habeo gratiam.

Iraſcor tibi, formula.

CH. At ego nonnihil tibi succenseo. At ego tibi subiraſcor. Verum ego tibi sum subiratus. Atqui ego sum in te stomachosior. Atqui nonnihil est, vel habeo, quod tibi succenseam.

Qua causa? formula.

AV. Quidnam est istud, obsecro? Quid ita? Quam ob rem tandem, oro? Quid admisi sceleris? Quid commerui? Promereor bona, aut laudem: Commereor mala, aut poenam: illud in bonam hoc in malam partem sumitur. Deme-remur cum, quem nobis beneficio reddimus obnoxium.

Quia non curas me.

CH. Quod nulla mei tibi cura sit. Quod nihil nos respiciſ. Quod tam raro nos revisas. Quod nihil nos cures. Quod me plane negligis. Quod nostri curam videris abjeciſſe. AV. At nihil est causae, cur succenseas. At praeter meritum meum. At immerito succenses. Neque enim mea culpa accidit, quod te rarius viſam. Dabis veniam occupationibus meis, per quas mihi non licet toties, quoties cupio, te revifere. CH. Ita demum tibi ignoſcam, ſi hodie apud me coenes. Ea conditione purgatus mihi eris, ſi veſper ad coenam venias. AV. Haud iniquas pacis leges praſcribis Christiane; quare haud invitus faciam. Equidem faciam volens. Istud quidem fecero perlubenter. Haud gravate faciam. Hic ſane non me praebibo difficilem. Nihil hac re fecero libentius. Animo faciam lubenti. CH. Laudo tuam facilitatem, & hac in re, & in ceteris omnibus. AV. Sic ſoleo amicis obſequi, praſertim non iniqua petentibus. Ridiculum: an tu me recuſaturum putabas oblatum, quod ultro etiam erat rogandum?

Ne fallas me, formula.

CH. Age, at cave ne me deluſeris. Cave fallas. Cave ſpem fruſtra foveam. Cave luſeris exſpectantem. Cave mihi verba dederis. Vide ne me fruſtra habeas. Vide ne me vana ſpe laeſes. AV. Nihil opus iurejurando. In ceteris, in aliis time perfidiam; hac in re non fallam. Sed heus tu, cave quicquam paraveris praeter quotidiana: mea cauſa diem feſtum nolo. Scis me convivam minime edacem, bibacem multo minus. Noſti enim me convivam non multi cibi, ſed joci plurimi. CH. Curabitur diligenter. Ego te Pythagorica coena excipiam, aut fortasſe frugaliore. AV. Imo Diogenica, ſi me delectare voles. CH. Certe Platonica coena te excipiam, in qua multum ſit literatarum fabularum, cibi minimum, cujus voluptas duret etiam in poſterum diem: alioqui qui prolixo fuerit acceptus, fortasſis eo die ſuaviter afficitur, ſed poſtridie dolet caput, crudus eſt ſtomachus. Apud Platonem qui coenabat, unam voluptatem capiebat ex apparatu facili, fabulisque philoſophicis: alteram poſtridie, quod nec capitis gravedinem, nec ſtomachi cruditatem ſentiret. Ita prandebat etiam ſuaviter ex condimento coenae pridianae. AV. Placet, fiat ut mones. CH. Tu vide omnes curas tuas, ac rugas etiam iſtas domi relin- quas. Huc praeter nugas & riſum nihil adferas: & ut inquit Juvenalis,

Protinus ante meum, quicquid dolet, exue limen.

AV. Quid? literas mecum venire non viſ? Muſas meas mecum adducam, niſi quid aliter cenſes. CH. Tetricas Muſas una cum negociis domi claudas. Blandas Camoenas omnes, deinde ſales tuos, dicteria, ſcommata, facetias, lepores, ridicula omnia tecum adducito. AV. Ita fiet. Exporrige- mus frontem. Bellos homunculos agemus. Ridebimus aſ-ſatim. Curabimus cutem. Indulgebimus genio. Geniali-

1 Platonica coena] Timothei verba ſunt: τὸν Πλάτωνα δὲ δεκτικὴν μὴλ-
λον εἰς ὑπερίπαιον, ὃ τὴν περιπλοκὴν ἡμίρει.

ter coenabimus. Epicureos agemus. Bonum vultum facimus, & erimus boni focii, inelegantium elegantiae ſunt, qui ſuam habent linguam ſibi peculiarem. CH. Quo nunc properas? AV. Ad generum meum. CH. Quid illuc? quid eo? quid illo? AV. Audio neſcio quid turbae inter eos natum, ut redigam eos in gratiam, ut reducam in concordiam, ut pacem inter eos componam. CH. Benigne facis, quanquam nihil te opus eſſe arbitror: nam ipſi inter ſe melius hoc bellum compoſuerint. AV. Fortasſis & induciae jam indiſtae ſunt: noctu de pacis legibus agetur. Sed nunquid me aliud viſ? CH. Vocabo te per puerum meum. AV. Ubi voles, dormi ero. Bene vale. CH. Bene ſit tibi. Fac hic ad quintam horam adſis. Heus Petre, accerſe ad coenam Auguſtinum, qui mihi hodie, ut ſcis, coenam condixit. PE. Eo. Salve Poeta. Coena jamdudum parata eſt, te herus exſpectat domi; ubi voles, accedas. AV. Venio. Salve, mi Christiane. CH. Bene factum quod veniſti. Gaudeo te advenſiſſe. Gratulor mihi quod veniſti. Nondum quinta ſonavit, credo. PE. Imo jamdudum praeterita eſt. Haud longe ſexta abeſt. Inſtat hora ſexta. Mox ſextam audies. AV. Parvi refert, an poſt quintam venerim, nec ne, modo ne poſt coenam. Nam poſt feſtum venire, miſerum eſt. At quorſum tantus apparatus? Quorſum tot epulae? Num me lupum exiſtimas? Num tibi lupus videor? Num me vulturem putas? CH. Non vulturem, ſed tamen neccicadam, ut rore vivas. Nihil eſt luxus. Mundities mihi ſemper placuit, ſordes deſtor. Nec Apitius mihi placet, nec Diogenes. Praeſtat ali- quid ſupereſſe, quam deeſſe. Si praeter cicer nihil appone- retur, & fuligo forte illapſa in ollam coadiret legumen, quid tum ederetur? Nec omnia ſapiunt omnibus. Itaque mihi placet moderata varietas. AV. Non tu metuis leges ſumptuarias? CH. Imo peccavi frequenter in diverſum. Nihil nobis opus lege Faunia. Satis nos docet frugalitatem ipſa tenuitas. AV. Haud ita convenerat. Longe aliter pol- licitus es. CH. Age, inepte, nec ipſe conventa ſervas. Con- venerat enim, ne quid praeter nugas inferres. Quin haec miſſa faciamus. Lavemus, ac diſcumbamus. Heus tu puer, cape guttum ac patinam, linteum ex humero ſuſpende, mi- niſtra aquam, quid ceſſas? Lava, Auguſtine. AV. Lava tu prior. CH. Bona verba: hoc anno perpetuo illotus coenare mallem. AV. Ridiculum: non honoratori, ſed turpiori an- te alios lavandum eſt: lava igitur ut immundior. CH. Tu es urbanus plus ſatis. Es urbanior quam ſat ſit, quam par eſt. Quorſum attinet iſta urbanitas? Huiusmodi caerimonias ineptas mulierculis relinquamus, quae nunc & ab aulicis ſa- ſtidiuntur, unde tamen olim proſectae ſunt. Lavetis terni aut quaterni ſimul. Ne teramus tempus huiusmodi moris. Ego nulli deſignabo locum; ſumat ſibi quiſque quem volet. Qui delectatur igni, hic commodius accumbet. Qui offen- ditur luce, deligat hunc angulum. Quem delectat proſpec- tus, hic ſedeat. Agite, ſatis morarum. Accumbite. Ego domi ſum; vel ſtans coenabo, ſi lubeat, vel obambulans. Ceſſatis? At interim coena corrumpitur. AV. Vivamus nunc, curemusque cuticulam. Simus nunc Epicurei. Ni- hil nobis cum fronte Stoica. Valeant curae. Abſit omnis li- vor, exulet obſectatio. Sit mens laeta, frons hilaris, ſermo lepidus. CH. Quinam ſunt iſti Stoici atque Epicurei, Au- guſtine? AV. Stoici Philoſophorum quoddam genus eſt tri- ſte, ſeverum, jejunum, qui hominis ſummum bonum, ho- neſto neſcio quo, metiuntur. Epicurei his longe diverſi, felicitatem hominis voluptate terminant. CH. Tu igitur cu- jas es tandem? Stoicus, an Epicureus? AV. Zenonem lau- do, at Epicurum vivo. CH. Quod tu joco dicis, Auguſtine, id ſerio faciunt hodie non pauci, pallio tantum & barba Philoſophi. AV. Imo iſti vel Aſotos ſuperant luxu. CH. Heus, Dromo, ades huc. Tuo munere fungere, conſecra coenam. PE. Quidquid appoſitum eſt, & quidquid apponetur, felix ac ſacrum eſſe jubeat, qui ſua benignitate paſcis univerſa. Amen. CH. Appone epulas. Quid cunctamur capum hunc diſcer- pere? quid trepidamus hunc gallum lacerare? AV. Ego Her- culem praſtabo, ac belluam hanc conſiciam. Utrum mavis de ala, an de poplitibus? CH. Utrum viſ, nihil mea refert. AV. In hoc genere alis primae partes tribuuntur, in ceteris poplites lautiores putat vulgus. CH. Tu multum laboris mea cauſa capis. Tu permultum laborem mea cauſa ſumis. Tu omnibus miniſtras; ipſe nihil edis. Ego tibi hanc alam miniſtrabo: at ea lege, ut dimidium mihi reſtituas. AV. Ita-

ac

ne agitur? At istud est tibi ministrare, non mihi. Tibi serva: ego enim sum impudentior, quam cui ministrari quicquam debeat. CH. Probe facis. AV. Eho, tu lupo cibum ministras? Vulturem invitas? CH. At jejunas, non coenas. AV. Imo me uno nihiledacius. CH. Imo mendacius nihil. Proinde agito ac si domi sis tuæ. AV. Istud jam plane mihi persuasi. Istud jam in animum induxi. Sic stat sententia. Consilium est istud facere. CH. Quid tibi hoc vinum placet? Quid hoc villi delectat? AV. Mihi quidem perplacet. Me certe vehementer juvat. Me satis delectat. Me non mediocriter juvat. CH. Utrum mavis? rubrum, an candidum?

Non refert, quo sit colore.

AV. Equidem utroque juxta delector. Nihil refert quo sit colore, modo sapor placeat. Non laboro quantum oculis placeat vinum, modo palatum juvet. Nihil me movet aspectus, si sapor placeat. Parvi refert quo sit colore, quem habeat colorem, si sapiat bene. Non cupio oculos pascere, si palato satisfacere queat, modo palatum juvare possit. Nihil moror colorem, modo gratus sit sapor. CH. Credo. At qui sunt coenaticæ Philosophiæ cum primis periti, qui negant vinum esse probandum, nisi quod placeat quatuor sensibus: oculis, colore: naribus, odore: palato, sapore: auribus, fama & nomine. AV. Ridiculum; quid fama conducit ad potum? CH. Tantum, ut multi non stupidi palati, vehementer probarint villum Lovanio vernaculum, quum crederent esse Belnense. AV. Fortasse jam larga potatione palatum obscuruerat. CH. Imo nondum attigerant poculum. Tamen judicium tuum audire cupio, hominis his in rebus peritissimi. AV. Album nostrates rubro præferunt, quod rubrum paulo sit acerbius, & alterum exilius quidem, sed illud mitius, & ut arbitror, salubrius. CH. Habemus & subrubrum, & flavum, & purpureum. Hoc mustum est hominum. Hoc bimum est, si quem capit vetustas. Habemus & quadrimum: sed jam vapescit ac despiscit senio. Etate vigor evanuit. AV. Luculli divitias audio. CH. Heus puer, ubi cessas? Nos hic plane negligis: non vides quanta sit hic siccitas? Quid si hoc rerum statu incendium contingeret, quo restingeremus? Dato singulis plenos cyathos. Augustine, quid habes, quod parum es hilaris? Quid accidit tibi quod sedes tristior? Quid est tibi, quod minime gaudes? Aut doles, aut carmina condis. Tu nunc Chrysippum agis, Melissa tibi opus est. AV. Quam hic mihi fabulam narrat? CH. Chrysippus adeo fertur intentus fuisse suis argutis logicis, ut ad mensam etiam fame periturus fuerit, nisi ancilla Melissa cibum in os ingessisset. AV. Ille vero indignus erat, qui servaretur. Sed si te offendit taciturnitas, placetque convivium vocalium, est quo id efficias. CH. Memini. Recte admones: liberalius bibendum: largius, copiosius, meracius oportet bibere.

Rem attigisti.

AV. Rem acu tetigisti. Recte judicas. Scopum attigisti. Nam; 2 *Fecundi calices quem non fecere disertum?* CH. Perdocte tu quidem, Augustine, ut omnia, sed quoniam in sermonem vinarium, quando in mentionem incidimus vinorum, libet interrogare, quoniam consilio veteres illi Bacchum, quem vini auctorem videri volebant, Poetarum deum dixerint. Quid enim illi temulento deo cum Poetis, Musarum virginum cultoribus? AV. Quæstio, ita me Bacchus amet, poculis digna: verum quorum tuæ quæstiones spectent, satis intelligo. CH. Quorsum, amabo? AV. Astute de vino disputationem injicis Gallica techna, quam didicisse Parisius te suspicor, nimirum quo minus interim absumatur vini. Abi, virum te judico; non frustra in tanta schola versatus es. CH. Accipio tua dicta; referam paria scommata ubi erit commodum. Sed ad rem. AV. Dissolvam ubi bibero: siquidem absurdum fuerit sicco palato de quæstione vinosa disputare. Præbibo tibi, Christiane. Propino tibi hunc scyphum dimidiatum. CH. Accipio abs te libenter. Sit saluti. Prosit. AV. Jam accingor, ut me missum facias. Ego meo more præpostere faciam. Quod Baccho pueritiæ effigiem tribuerint, id habet mysterii, quod vinum potum curas & sollicitudines animis nostris eximit, hilaritatemque quandam inducit. Quare senibus quoque ipsis juventam quandam reddere videtur, dum & hilariiores facit & formosiores: id quod Horatius, cum multis in locis, tum præcipue his versibus aperte testatur:

1 *Belnense*] Gallice *vin de Beaune*, quæ urbs est Ducatus Burgundiae.
2 *Fecundi*] Horat. Lib. 1. Epist. 5.

3 *Ad mare cum veni, generosum & lene requiro,*
Quod curas abigat, quod cum spe divite manet.
In venas animumque meum, quod verba ministrat,
Quod me Lucana juvenem commendet amica.

Nam quod huic Poetas dicarunt deo, id significatum voluisse suspicor, quod vinum & ingenium excitat, & facundiam ministrat: quæ duo Poetæ sunt aptissima. Unde frigent carmina quæ scribuntur aquæ potioribus. Est quidem igneus suapte natura Bacchus, sed adhibitis Nymphis redditur temperantior. Habes quod quærebas? CH. Nihil unquam audivi verisimilius dici ab homine Poeta. Dignus es qui bibas gemma. Heus puer, tolle hanc patinam, atque appone cætera. AV. Puerum habes admodum inurbanum. CH. Est veterator nequissimus. AV. Cur non instituis alio pacto? CH. Difficile est, canem vetulum loris assuefcere. Difficillimum est, veteratoris mutare mores. Vetulus canis non facile assuefcit loro. Me quidem dignus est. Dignum patella operculum.

Si cognoscerem quid te oblectet, tibi ministrarem. Formula.

AV. Decerperem tibi quidpiam, si palatum tuum tenerem. Ministrarem tibi, si gula tua mihi satis cognita esset. Apponerem tibi, si, quid potissimum juvaret, scirem. Si nossem ingenium palati tui, essem tibi structor. Equidem tantundem palato, quantum animo sapio. CH. Palatum habes eruditissimum. Nihil tuo palato doctius. Nec eo te puto inferiorem, de cujus singulari peritia testatur Satyricus:

4 *Offrea callebat primo deprendere morsu,*

Et semel aspectu dicebat lictus echini.

AV. Et tu mihi, Christiane, ut par pari referam, ipsum audivisse Epicurum, aut in schola Catiana institutus videris. Quid enim tua gula aut sapientius, aut fastidiosius? CH. Si oratoriam æque artem ut culinariam callerem, nec Cicero ipse me vinceret. AV. Equidem si alterutra carendum esset, culinariam, quam rhetoricam mallet. CH. Subscribo tuo judicio: graviter, acute, vereque judicas. Quid enim oratorum confert loquacitas, nisi quod aures ociosas inani voluptate demulcet? Culinaria tum palatum, tum ventrem, tum totum hominem, quantus est, pascit, ac reficit. *Concedat laurea lingua*, inquit Cicero: at utraque concedat culinæ. Nunquam mihi Stoici illi magnopere placuerunt, qui omnia ad suum, nescio quod, *honestum* referentes, cutis ac palati nullam rationem habendam putant. Dicit non potest, quanto Diogene sapientior Aristippus mihi fuisse videtur. AV. Ego Stoicos cum suis jejuniis contemno. Epicurum magis laudo ac proba, quam Diogenem illum Cynicum, qui crudis oleribus, ac simplici aqua victitabat. Quare nihil miror, si Alexander rex fortunatissimus, se Alexandrum, quam Diogenem esse maluit. CH. Nec ego sane, quamlibet vilis homuncio, cum Diogene meam Philosophiam commutarem: fortassis & Catus tuus facere recusaret. Melius nostri temporis Philosophi sentiunt, qui contenti Stoicorum more disputare, vivendo ipsum etiam Epicurum vincunt. At ego quidem rem in primis præclaram Philosophiam puto, si parce adhibeatur. Nimum philosophari non laudo. Est enim res perquam jejuna, sterilis atque tristis. Ubi in calamitatem, aut ægritudinem incidi, tum demum ad Philosophiam, tanquam ad medicam confugio. Ubi convalui; rursum illi vale renuncio. AV. Tuam rationem proba. Belle philosopharis. Salve igitur Philosophæ non e Stoa, sed e culina. CH. Quid tandem habes, Erasmi, quod parum sis hilaris? Quid tibi vult corrugata frons? quid silentium? An mihi succenses, quod te frugaliore cœna acceperim? ER. Imo tibi sum iratus, quod tantum impendii mea causa sit factum. Interminatus erat Augustinus, ne sua causa diem festum faceres: vis nos posthac redire nunquam. Nam talenti cœnam dare solent ii, qui unam duntaxat dare constituissent. Quos tandem convivas videris accepisse? Non amiculis; sed satrapis cœnam parasse videris. An nos helluones esse credis? Hoc non est dare cœnam, sed triduanam saturitatem. CH. Etiam tu pergis esse Demea? Cras ut lubet disputa; hodie Mitionem te præbeas, oro. De impendio cras sobrii disputabimus: nunc nil nisi meras nugas audire libet. AV. Christiane, utrum de bubulis an de ovilibus

Tom. I.

Tt 2

lis

3 *Ad mare cum veni*] Versus sunt Horatii lib. 1. Epist. xv. ad Valam.

4 *Offrea*] Juvenalis Sat. IV. §. 143.

5 *In schola Catiana*] Catus Epicureus fuit, sub cujus persona præcepta culinaria tradit Horatius lib. 11. Serm. Sat. IV.

lis carnibus mavis? CH. Bubulis quidem magis delector, at ovillas magis salutare arbitror. Ita ingenium est hominum, ut perniciosissima quæque appetant vehementissime. Av. Galli fuillas carnes mirum in modum amant. CH. Galli amant, quæ parvo constant. Av. Hac una in re Judæus sum: nam nihil æque odi atque carnes fuillas. CH. Nec injuria, quid enim infalubrius? Ego in hoc non cum Gallis, sed cum Judæis sentio. ER. At ego ovillas pariter amo, & fuillas: sed diversa ratione. Nam ovillis, quod amem, libenter vescor. Suillas præ amore non attingo, ne quid offendam. CH. Bellus homo es, Erasmi, ac festivus. Equidem mirari mecum soleo, unde tanta in palatis humanis diversitas. Nam, ut Horatiano carmine utar:

*Tres mihi convivæ prope dissentire videntur,
Poscentes vario multum diversa palato.*

ER. Quamquam, ut ait Comicus, *Quot homines, tot sententia, & suis cuique mos*; tamen nemo me adduxerit, ut credam plus ingenius inesse varietatis quam palatis. Ita vix duos reperias, quos eadem juvent. Permultos vidi, qui butyri ac casei ne olfactum quidem ferrent. Sunt quibus carnes nauseæ sint: alius elixis, alius assis abstinet. Multi aequam vino præferunt. Et quod incredibile est, vidi hominem, qui nec pane, nec vino uteretur. CH. Et quibus tandem miser ille victitabat? Quibus vesceretur? ER. Cæterorum nihil fastidiebat, non carnes, non pisces, non olera, non poma. CH. Vis ut istud tibi credam? ER. Si lubet. CH. Credo, at ea lege, ut vicissim mihi mentienti fidem sis habiturus. ER. Age faciam: modo verecunde mentiaris. CH. Quasi vero sit quicquam tuo commento impudentius. ER. Quid dicet frons tua, si hominem tibi commonstrem? CH. Macilentum quempiam ac monogrammum esse oportet. ER. Imo diceres Athletam. CH. Polyphemum potius. ER. Hoc tibi mirum videri demiror, cum multi sint, quibus pisces vento durati sint panis loco: nonnullis hoc præstent herbarum radices, quod nobis panis. CH. Credo; sed perge mentiri. ER. Quendam in Italia, cum illic agerem, videre memini, qui nullo neque cibo, neque potu adjutus, somno saginabatur. CH. Ut nihil pudet? Non possum illud Satyricum non dicere:

Tunc immensa 3 cavi spirant mendacia folles.

Tu Poetaris. Tu nunc Poetam agis. Nam, Mentiris, dicere, mihi religio est. ER. Mentiar, si non Plinius auctor certissimus scripsit, ursum quatuordecim dies solo somno mirum in modum saginari: quo tamen ita alte premitur, ut ne vulneribus quidem queat excitari. Imo, quo magis mireris, addam quod Theophrastus scribit, per id tempus urforum carnes coctas quoque, si asserventur, reviviscere. CH. Vercor ne Parmeno ille Terentianus ista non contineat: *Mihi facile fidem facis*. Ministrarem tibi de cervinis carnibus, si satis essem urbanus. ER. Unde tibi nunc venatio? Unde ferina? CH. Midas, homo hominum, qui vivunt, liberalissimus, nostrique amantissimus, mihi misit dono: dono quidem, sed sic ut ego minoris emam sæpenumero. ER. Qui sic? CH. Quia famulis plus dandum, quam daretur in macello vendenti. ER. Quæ res cogit hoc facere? CH. Tyrannus omnium violentissimus. ER. Quis iste? CH. Mos. ER. Profecto tyrannus iste frequenter iniquissimas leges obtrudit mortalibus. CH. Idem suo more nudius tertius hunc cervum venatus est. Quid tu, qui soleas istius studii esse amantissimus? Av. Equidem hoc studio plane relicto, jam præter literas nihil venor. CH. At mihi videntur literæ quovis cervo fugaciores. Av. Duobus tamen potissimum canibus assequimur, admiratione scilicet, atque improbitate laboris. Nam & admirari plurimum, discendi ardorem ministrat; & ut facundissimus Poeta scripsit,

Labor omnia vincit Improbus.

CH. Amanter admones, Augustine, ut soles: propterea non desistam, non conquiescam, non defatigabor donec conseqvar. Av. Carnes cervinæ sunt nunc admodum tempestivæ. 6 Meminit Plinius de hoc animante quiddam admirabile. CH. Quidnam, obsecro? Av. Quoties arrexere aures, acerrimi esse auditus: at contra cum remiscere, sur-

dos. CH. Istud ipsum mihi sæpenumero evenit. Nam si quando fiat sermo de recipiendis aureis, nihil tam auritum. Hic enim cum Pamphilo illo Terentiano aures arrigo. Ubi de numerando verba fiunt, illico demitto. Av. Laudote, facis ut te decet. CH. Vis de his leporinis clunibus. Av. Tibi fumito. CH. An de tergo mavis? Av. Hoc animal præter ilia & clunes nihil habet appetendum. CH. Vidistine unquam leporem candidum? Av. Sæpenumero. Plinius in Alpibus candidos reperiri scribit, quibus hibernis mensibus nivem pro cibatu esse sit creditum. An verum sit, 7 Plinius ipse viderit. Quod si leporis cutem candidam reddit nix, stomachum habeat candidum necesse est. CH. Mihi verisimile non fit. Av. Accipe magis admirandum, at fortasse tibi non inauditum. Idem utramque vim singulis inesse testatur, maris & foeminae, ac foemellas sine mare æque gignere. Istud ipsum multi asseverant, præsertim venandi studiosi. CH. Est ita ut dicis. Sed hos cuniculos, si placet tentemus, quia pinguiusculi sunt ac tenelli. Ministrarem illi Nymphæ, si propius affiderem. Augustine, istius tibi vicinæ curam age, si libet: calles enim quo gettu sit ministrandum istis Veneribus. Av. Teneo quid dicas, nasute. CH. Quid te anserinæ carnes delectant? Av. Me quidem non mediocriter juvant, ut sum minime fastidiosus. At hic anser, nescio quo pacto, nihil me juvat: nihil enim in vita vidi siccior: siccior est pumice, aut etiam noverca Furii illius, in quem 8 Catullus multum jocatur. Ligneus mihi videtur. Et, me hercule, quantum suspicor, veteranus miles immodicis excubiis sese maceravit. Ajunt enim anserem inter omnia animalia longe esse vigilantissimum. Et profecto, nisi conjectura fallor, hic anser ex eorum numero est, qui, canibus una cum excubitoribus somno sopitis, Romanum olim Capitolium defenderunt. CH. Verisimile (ita me Deus amet) dicis: nam ex eo seculo relicto arbitror. Av. Hæc quoque gallina aut parcum saginatorem habuit, aut amavit, aut certe zelotypa vixit; quo quidem morbo hoc animantis genus maxime laborat. Hic capus longe melius pinguit. Vide curæ quid faciant. Quod si ex Theodorico nostro Gallo, faceremus capum, multo citius pinguesceret. TH. Non sum gallus. Av. Fateor, non es gallus Cybeles, neque gallus gallinaceus, at forte Gallus gallaceus. CH. Quid hoc verbi est? Av. Hoc ænigma tibi conjectandum relinquo, ego Sphingem præstati, tu Oedipus esto. CH. Dic mihi bona fide, Augustine, nulla tibi cum Gallis unquam fuit necessitudo? Nihilne affinitatis tibi cum Gallis contraxisti? Nullum fuit commercium? Av. Nihil, nihil sane. CH. Tanto es nequior. Av. Sed cum Gallabus non nihil. CH. Libetne de 9 jecore anserino, quod apud veteres in deliciis cum primis habebatur? Av. Non sum rejecturus, quod a tua manu venerit. CH. Non est quod expectes Romanas delicias. Av. Quas? CH. Carduos, cochleas, testudines, colubros, fungos, boletos, tubera. Av. Istis omnibus ego vel rapam præferam. Liberalis es, benignus es, Christiane. CH. Has perdicis nemo attingit, ne columbos quidem. Cras est dies jejunii ab Ecclesia indicti, adversus hanc efuriem munite vos. Onerate saburra navim adversus imminentem tempestatem. Bellum instat; instruite ventrem commeatu. Av. Utinam isthuc verbi tacuisses, hilariores surrexissemus a cena. Miseros nos reddis ante tempus. CH. Quid ita? Av. Quia minus anguem odi, quam pisces. CH. At non tu solus. Av. Quis hoc tædii nobis invexit? CH. Quis commonstravit aloën, absinthium, & scammonium dare in remediis? Av. Sed ista dantur ægrotis. CH. Sic hæc dantur nimium recte valentibus. Aliquando præstat ægrotare, quam plus satis valere. Av. At mihi videtur minus oneris olim impositum Judæis. Equidem ab anguillis & porcis facile temperarim, modo liceat capis & perdicibus expleri. CH. In plerisque non res, sed animus nos discernit a Judæis. Illi manum abstinebant a certis cibis, velut ab immundis & animum inquinaturis. Nos cum intelligamus omnia munda esse mundis, tamen carni lascivienti, velut equo ferocienti pabulum subducimus, quo magis dicto sit audiens spiritui. Nonnunquam immoderatum suavium rerum usum abstinentiæ molestia castigamus. Av. Audio: sed eadem opera defendi posset circumcisio præputii.

1 Ep. II. Ep. II, 61.

2 Phorm. Act. II. S. IV, 14.

3 Cavi spirant mendacia folles] Juvenalis Sat. VII, 135.

4 Plinius Lib. 8. cap. 36.

5 Virgilius Georgic. I, 145.

6 Meminit Plinius Lib. 8. cap. 32.

7 Plinius Libro eodem, c. 55.

8 Catullus In epigrammate, cuius initium, *Furi omi neque sereno*, &c.

9 Jecore anserino Vide Plin. lib. 10. cap. 22.

tii. Moderatur & illa coitus pruritum, & cruciatum adfert. Si omnes itidem abhorrent a piscibus atque ego, vix a paricida tam atrox supplicium exigere. CH. Quorundam palato gravior est piscium, quam carniū esus. AV. Congruunt igitur his, qui gulæ serviunt, non valetudini. CH. Equidem audivi quondam apud Æsopos & Apitios præcipuum luctum in piscibus fuisse. AV. Qui conveniunt igitur deliciae cum supplicio? CH. Non omnibus sunt muræ, aut scari, aut acipenseris. AV. Ergo tenues soli discruciantur, quibus satis male est, etiam cum vesci licet carnibus. Fit enim non raro, ut cum licet vesci per Ecclesiam, non liceat per crumenam. CH. Durum, me hercle, interdictum. AV. Quod si interdictus carniū esus divitibus, vertitur in delicias; & si pauperibus sæpe non licet vesci carnibus, etiam cum licet, ac ne piscibus quidem, qui fere carius emuntur, cui igitur bono erit interdictum? CH. Omnibus: nam tenuibus cochleis aut ranis licebit vesci, aut cepe, porrumve arrodere. Mediocres detrahent nonnihil quotidianis obfoniis. Quod si quid divites deliciabuntur hac occasione, suæ gulæ imputent, non incusent Ecclesiæ constitutionem. AV. Pulchre dixi: sed interim a tenuibus, qui summis sudoribus alunt familiam, & procul ab sunt ab amnibus ac lacubus, exigere carniū abstinentiam, est indicere famem, aut ² *βυλιμῖαν* magis. Atqui si quid Homero credimus, longe miserrimum mortis genus est, perire fame. CH. Sic visum est Homero cæco, at apud Christianos miser non est, qui bene moritur. AV. Esto sane: sed tamen durum est a quoquam exigere, ut moriatur. CH. Nec hoc animo Pontifices interdicunt esum carniū, ut intereant homines, sed ut vel affligantur moderate, si deliquerunt; vel subducto latiore pabulo, corpora minus ferociant adversus spiritum. AV. Istuc ipsum efficiet moderatus carniū esus. CH. Sed in tanta corporum varietate certus carniū modus præscribi non potest, cibi genus potest. AV. Sunt & pisces, & qui multum addantimenti: sunt carnes, quæ minimum. CH. Sed in genere plus alunt carnes. AV. Age dic mihi, si quo tibi foret iter, utrum mallet equum alacriorem ac sublacivum, an morbidum, qui subinde collabens sefforem dejiciat in terram? CH. Quorsum istud? AV. Quia piscium esus, corruptis humoribus, corpora nostra reddit magnis morbis obnoxia, ut jam spiritui non possint subservire. CH. Quibus morbis? AV. Podagræ, febri, lepræ, morbo regio. CH. Qui scis? AV. Credo medicis: id malim, quam experiri. CH. Id fortassis in paucis accidit. AV. Equidem arbitror in pluribus. Porro, quoniam animus agit per organa materialia corporis, quæ malis aut bonis humoribus afficiuntur, vitiatis instrumentis, non potest, ut vult, exere vim suam. CH. Scio medicis magnopere damnatum esse piscium esum, sed secus visum est majoribus nostris, quibus obtemperare religiosum est. AV. Religiosum erat & olim, non violare sabbatum: sed prius erat, & servare hominem sabbato. CH. Suæ quisque salutis consulat. AV. Imo, si Paulo volumus auscultare, nemo, quæ sua sunt, quærat, sed quisque quæ alterius. CH. Sed unde hic novus Theologus in convivio? Unde novus hic ac subitus Magister noster? AV. Quia mihi male convenit cum piscibus. CH. Quid igitur? An non abstines a carnibus? AV. Abstineo, sed obmurmurans, nec sine meo magno malo. CH. ⁶ Charitas omnia suffert. AV. Verum; sed eadem quam minimum exigit. Si suffert omnia, cur non ferunt nos his vesci cibis, quos ⁷ indulgit libertas Evangelica? Cur hi, a quibus Christus toties amorem sui stipulatus est, patiuntur tot hominum & corpora periclitari morbis capitalibus, & animas æternæ damnationis periculo, ob rem nec interdictam a Christo, nec per se necessariam? CH. Ubi aliud suadet necessitas, cessat humanæ constitutionis vigor, cessat & voluntas nomothetæ. AV. At non cessat offendiculum infirmorum. Non cessat scrupulus meticulosæ conscientiæ. Postremo non satis constat, quibus limitibus finiatur ista necessitas. An quum cœperit ichthyophagus agere animam? Sero morienti porriguntur carnes. An cum totum corpus habet epialus? Non tanti erat cibo-

rum delectus. CH. Quid igitur tu velles præscribi? AV. Scio, si quis mihi credat Ecclesiasticæ rei dictaturam. CH. Quid isthuc verbi est? AV. Si summus essem Pontifex, hortarer omnes ad perpetuam vitæ sobrietatem, sed præcipue sub diem festum. Cæterum jus facerem cuique vescendi quibus vellet, pro corporis salubritate, dum moderate & cum gratiarum actione: daremque operam uti hoc, quod detraheretur observationibus hujusmodi carnalibus, accresceret ad studium veræ pietatis. CH. Nimirum istud mea quidem sententia tanti est, ut te faciamus Pontificem. AV. Rides: sed tamen cervix hæc sufficeret vel triplici coronæ sustinendæ. CH. At interim vide, ne ista scribantur inter articulos Parisiensium. AV. Imo quicquid dictum est scribetur in vino, sicuti par est, dicta inter pocula. Sed satis jam Theologiæ in convivio. In cœna sumus, non in Sorbona. CH. Quid vetat dici Sorbonam, ubi bene forbetur? AV. Sorbeamus igitur, non disputemus; ne nobis a sorbis dicatur Sorbona, non a forbendo. CH. Agite, hospites humanissimi, quæso ut cœnulam nostram, licet tenuem, æqui bonique consulatis. Præbete vos hilares, ac lubentes, quamvis convivium tenue sit & frugale: ego vestra facilitate fretus, familiariter vos vocare sum ausus. Et est sane vester mihi adventus, conspectusque non modo gratissimus, verumetiam jucundissimus. CONVIVÆ. Cœna tua, Christiane optime, multis modis elegans, lautaque nobis videtur. Quod excusas, id unum habet accusandum. Non magnificentior fuit, quam sat est. Siquidem hoc convivium opiparum in primis ac lautum judicari, quod primum simplicibus epulis, deinde hilaritate, risu, jocos, salibus sit conditum: quæ omnia nostro convivio non defuerunt. CH. Verum de convivarum numero hic mihi quiddam in mentem venit; quos neque pauciores tribus, neque plures novem esse oportere scripsit Varro. ⁸ Tres enim sunt Charites, id est, Gratiæ, humanitatis ac benevolentiae prædices: & novem sunt Musæ, honestiorum studiorum duces. At hic decem convivas esse video, virginibus exceptis. AV. Nihil convenientius accidere potuit. Nos sumus Varrone ipso paulo sapientiores. Nam tres puellas lepidissimas, tanquam tres Charites adhibuimus. Deinde quia a novem Musarum choro Apollo abesse nunquam credendus est, jure decimum adjecimus convivam. CH. Poetice dixisti. Si mihi laurus adesset, laurea corona caput tuum cingerem, fieretque Poeta laureatus. AV. Si malva coronatus essem, malvatus. Tantum honoris mihi non arrego. Honor hic major est, quam ut mihi conveniat. Haud equidem tali me dignor honore. CH. Vultisne singuli tantundem mea causa facere, quantum vestra sum facturus? CO. Volumus, ac lubentes quidem. CH. Ebibetis igitur ordine suum quisque calicem; a me exemplum capietis. Tibi hoc primum propino, Mida. MIDA. Accipio abs te libenter. Pro quo vulgus, præstolor, dicit. Equidem non recuso. Nihil tua causa recusabo. CH. Tu inde cæteris propina. MR. Erasmi, præbibo tibi dimidiatam pateram. ER. Precor ut sit tibi bono. Sit tibi bonum atque commodum. Profit tibi. Proficiat, durius dicitur. CH. Sed cur cessat patera? Cur non obambulat? Defecit nos vinum? Ubi sunt oculi tui, furcifer? Vola, adfer ejusdem generis sextarios duos. PUER. Erasmi, salve; quidam pro foribus tæ conventum expetit. ER. Quisnam est? PV. Mori famulum se dicit; herum ejus ex Britannia advenisse; cupere ut se visas, quandoquidem prima luce iter parat in Germaniam. ER. Christiane, subducatur ratio: nam mihi quidem abeundum. CH. Rationem, Erasmi doctissime, hujus cœnæ ego confecero. Non est quod calculum frustra teras: gratiam habeo, qui dignatus sis nostro adesse convivio. Sed avocari te molestum est, nondum peracta fabula. ER. Quid superest, nisi ut dicam, Valet & plaudite? CH. Age, boni consulemus, quando tu non ab equo ad asinos, sed ab amicis ad amicissimos properas. ER. Ego pariter tibi gratias ago, quod pro tua humanitate ad hoc convivium longe suavissimum me vocaris. Valet, sodales optimi. Bibite non segniter, & vivite suaviter. CH. Heus Dromo. Sedetis jamdudum ociosi omnes.

Tom. I.

T t 3

Li-

⁸ Tres enim sunt Char. Citat Gell. libro 13. cap. 18. ex Satyris Menipæis M. Varronis, Convivarum numerum incipere oportere a Gratiarum numero, & progredi ad Musarum: id est, profici a tribus, & consistere in novem. ut cum paucissimi convivæ sunt, non pauciores sint tribus: cum plurimi, non plures quam novem. Nam multos, inquit, illa non conveniunt, quod turba plerumque est turbulenta.

¹ Æsopos] Vide Horatium Sat. Lib. 11. 3.

² Βυλιμῖαν] Βυλιμῖα est ingens famis.

³ Homero] Ὀδυσσ. M.

⁴ Servare hominem] Verba habentur Luc. vi. 9.

⁵ Vide 1 Cor. x. 24.

⁶ Charitas omnia suff. Verba habentur 1 Corinth. 13. 7.

⁷ Indulgit libertas] Vide Paul. 1 Corinth. 6. Et 1 Cor. 10. 25, & Col. 2. 16.

Libetne cuiquam quicquam amplius? Con. Nihil omnino. Strenue munus nostrum administravimus. CH. Tolle igitur hæc, ac bellaria appone. Muta quadrulas, atque orbis. Tolle cultrum meum, qui humi decidit. Pyra vino perfunde. Adfunt mora præcoqua, etiam domi nostræ nata. Co. Tanto erunt suaviora, quod vernacula. CH. En pruna cerea, en Damascena, rarum apud nos spectaculum. En mitia mala. En mali novum genus, cujus matrem ego hisce manibus confeci. Nuces, castaneæ, omne deliciarum, quas horti nostri benigne effundunt, genus. Av. Sed flosculi defunt. CH. Isti Gallici sunt apparatus, qui magnificentiam eam potissimum amant, quæ minimo constat. Nobis non est ea mens, aut ingenium. Av. Non apud Gallos tantum reperies, quibus ea placeant quæ minimo constant. CH. Sed heus tu, Augustine, num tu credis te hic immunem bibisse? Egone te meis immunem tinxero poculis? At interim propinatori tuo dimidium scyphi debes. Av. Is jamdudum me missum fecit. Is mihi hujus debiti gratiam fecit. CH. Unde ille sibi vindicat tantum auctoritatis? Vix Romanus Pontifex hoc vinculi relaxet. Nosti priscam conviviorum legem, ¹ *ἡ πρῶτη, ἡ ἀπὸ πρῶτου*. Av. Remittendi jurisjurandi jus habet, cui factum est, & cujus intererat servari. CH. Sed omnium convivarum interest, servari leges inviolabiles. Av. Age, quando hæc est Germanorum religio, exforbebo quod reliquum est. Sed quid tibi rei mecum est? CH. Impendium reddas oportet unus nomine omnium. Quid expalluisti? Ne verere, perfacile poteris. Fac quod sæpe fecisti, ut aliqua elegantia doctiores a cœna surgamus: neque enim clam te est, veteres illos in secundis mensis hilariora quædam disputare solitos. Age igitur, quibus & quot modis hæc oratio potest enunciarī, *Indignum auditu?*

Indignum Auditu, Formula.

Av. Dixti pulchre. per posterius supinum: Auditum minime est dignum. Indignum est audiri. Haud dignum est quod audiat. Et, ut audiat, indignum. Levius est, quam quod audiri debeat. Vix operæ precium est referre. Non tanti est ut audiat. Ineptius est, quam quod audiat. Non est operæ precium narrare. CH. Quot modis hæc sententia verti potest, *Magno mihi constat?*

Variandi ratio hanc orationem, Magno mihi constat.

Av. His verbis, impendo, infumo, impertio, constat. ut: Multum in te docendo infumpsi laboris. Plurimum ea in re operæ infumpsi. Non minus pecuniæ quam curæ in eam rem impendi: Non parum infumpsi pecuniæ, temporis permultum, laboris plurimum, ingenii nonnihil. Multum luctationis impendi. Multis vigiliis hæc res mihi constat, multo sudore, multa opera, plurimo labore, sumptu ingenti, pecunia magna. Pluris mihi constat quam credas. Minoris mihi constat uxor, quam equus meus. CH. At quid sibi vult, Augustine, quod verbo isti, *Constat*, modo ablativum, modo genitivum casum apponis? Av. Quæstionem perutilem ac late patentem movisti. Verum ne convivas loquacitate mea premam, paucissimis absolvam. Sed cupio singulorum hac de re audire sententiam, ne cuiquam, ut dixi, sim molestus. CH. Quidni cupiant idem vel puellæ? Av. Illæ sane nihil aliud quam audient. Accingar igitur, grammatica bene fortunante. Scis verba emendi, ac vendendi, aliaque esse consimili significato, quibus apponantur hi genitivi soli, tanti, quanti, pluris, minoris, tantidem, quantivis, quanticunque: at ita, si substantiva non apponantur: quæ si accedant, utraque in ablativum casum vertuntur. Quod si precium certum apponatur, pones in ablativo. Si per adjectivum substantive positum, in ablativo pones, nisi per adverbium loqui malis. CH. Quænam verba sunt, de quibus præcipis? Av. Hæc fere sunt, emo, mercor: redimo, id est, aut captum, aut perditum: vendo, venundo: revendo, id est, rursus vendo, quod mihi venditum erat. Veneo, id est, vendor: cujus præteritum venivi vel venii: supinum, venum: hinc venalis, & id est, vendo, vendibilis manat. Mereco, pro infervio, & stipendium facio. Comparo, id est, emo vel committo. Commuto, muto, permuto. Cambire ² penitus barbarum in hoc sensu. Æstimo, taxo, indico, pro æstimo, cenfeo. Liccor, liceris: licitor, licitaris: addico. Distrahor, id est, circumferor ut veneam. Metior pro æstimo, aut taxo. Con-

¹ Aut bibe, aut abi.

² Unde barbare *littera cambi*. Est Italicum verbum *cambiare*, hoc est, permutare.

stat, pro emitur. Conducere, locare. Foenero, ad foenus do. Foeneror, ad foenus accipio. Pacifcor, pactus sum. Pango, pepigi, id est, pactum facio. CH. Da exemplum.

Vendendi & emendi, Formula.

Av. Quanti istum agrum in singulos annos locas? Respondedimus: Vigenis libris Francicis. Hui, nimio locas. Imo locavi olim multo pluris. At ego tanti non conducam. Si conduxeris minoris, peream. Imo jam vicinus tuus Chremes agrum obtulit, ac rogat. Quanti? Tantidem quantum tu petis. At multo meliorem. Mentiris. Facio, ut solent qui licentur. Tu ipse tanti posside. Quid liceris, vel licitaris, quum nihil sis empturus? Quanticunque addixeris, solvam optima fide.

Alterum exemplum.

Congrum istum, Syra, quanti vendis? Decem obolis. Nimio, turpissima. Imo minimo: nulla tibi vendet minoris. Emoriar, si non tanti mihi constat, aut certe non multo minoris. Mentiris venefica, quoniam duplo vis vendere, aut triplo. Et centuplo, si queam: sed fatuos non invenio. Quid si liciter teipsam? Quanti æstimas te? Ut lubet. Quanti me liceris? Quanti indicas te? Dic, quanti te taxas? Quanti teipsam inscribis? Decem scutatis. Hui, tanti? Eho, an tu minoris me æstimas? Ego olim non semel pluris in unam noctem sum conducta. Credo; at nunc non paulo minoris æstimo quam piscem. Abi in malam rem, ganeo; tantidem te æstimo, quanti tu me. Qui te teruncio emerit, nimio emerit. Aut pluris emar, aut non vendar. Si magno venire cupis, larva tibi opus est, nam rugæ istæ non sinunt, ut carius vendaris. Ei, qui tanti me nolit, non sum venalis. Ego ne culmo quidem te emero. Constiti pluris.

Tertium exemplum.

Auctioni hodiernæ interfui. Ain' tu? Licitatus sum vectigalia. Quanti tandem? Decem millibus. Hui, tanti? Ne mireris; erant qui multo pluris licitarentur, pauci qui minoris. Cui tandem addicta sunt vectigalia? Chremeti uxoris tuæ summo & maximo amico. Sed divina, quanti sunt addicta. Decem. Imo quindecim. Deus bone, ego mihi hominem ipsum cum tota familia dimidio addictum nolim! At ille uxorem tuam duplo emptam cupit. Animadvertistine in his orationibus, ubicunque adsit substantivum precii, id in ablativo poni, cæteris aut in genitivo positum, aut in adverbium mutatis? Comparativum nunquam audisti sine substantivis, exceptis illis duobus, pluris & minoris. Sunt & alia verba, de quibus sumus loquuti, non admodum dissimilia, sum, facio, habeo, duco, æstimo, pendo, quæ idem fere significant: fio itidem. Junguntur autem his fere genitivis, multi, parvi, magni, pluris, plurimi, minoris, minimi, maximi, tanti, quanti, flocci, pili, nihili, nauci, hujus, & si qua sunt his similia. CH. Da exempla.

Æstimandi formula.

Av. Scis quanti te semper fecerim. Tanti fies apud homines, quanti virtutem facies. Præceptores meos semper feci plurimi. Aurum hac tempestate magni venditur, literæ nihili, sive pro nihilo ducuntur. Aurum minoris habeo, quam credas. Tuas minas flocci facio. Promissa tua duco minimi. Non pili te facio. Si tanti sapientia penderetur, quanti pecunia, nemo auro egeret. Pluris apud nos fit aurum sine sapientia, quam sapientia sine auro. Hoc pluris te habeo, quod doctus sis. Minoris hic fies, quod mentiri minime calleas. Hic multi fiunt, qui nigrum in candida vertunt. Hoc mihi pluris es, quod literas amas. Tanti apud omnes eris, quantum possidebis. Tanti ubique habebis, quantum habebis. Non quanti habearis, sed quanti sis, interest. Tanti Christianum meum facio, quanti alium neminem. Inveniuntur & alia verba cum his genitivis & ablativis, quæ natura sua non significant emtionem, aut aliquid simile. Petrus osculum puellæ scutato emit. Sit illi faustum; nolim ego basiare tanti. Quanti luditis? Quanti coenastis? Quosdam sexcentis sestertius coenasse legimus: at Galli sæpenumero liardo coenitant. Faustus quanti docet? Parvo: at pluris, quam Delius. Quanti igitur? Undeviginti aureis. Non discam mentiri tanti. Phædria apud Terentium & rem & seipsum perdidit. At nolim ego amare tanti. Quidam magno dormiunt. Demosthenes pluris siluit, quam alii loquebantur. Æqui bonique consulas oro. Est & aliud verborum genus, quæ accusativum una cum genitivo aut ablativo casum exigunt: quæ sunt: Accuso, id

id est, obijcio crimen, aut culpo etiam absentem. Inculso, culpo extra iudicium. Arguo, reprehendo. Insimulo, impingo suspicionem culpæ. Postulo, in jus voco. Accerso, defero, damno, condemno, pronuncio illum esse in culpa. Admoneo, commonefacio. CH. Exempli causa.

Accusandi Formula.

Av. Scipio accusatus est ambitus, aut de ambitu. Arguis me impudentiæ, ipse impudentissimus. Lepidus postulat est repetundarum. Accersitus est capitis. Si hominem in simularis avaritiæ, male audies. Admoneto eum pristinæ fortunæ. Mortales ipso vocabulo suæ conditionis admonentur. Commonefacito Lepidum promissi. Sunt pleraque quæ accusativum geminum admittant: Doceo te literas. Exorat te veniam. Dedocebo te istos mores. Poposcit me mutuum. Hic ejus rei mihi admonendus es, quod in his secundum accusativum etiam passiva obtinent, in aliis genitivus manet. A me doctus est literas. Postulant me furti. Postulor furti. Accusas me sacrilegii. Accusor sacrilegii. Scio te nondum expletum. Scio animo tuo nondum esse satisfactum. Quando eorum tantus elegantiarum belluo fatietur? Sed convivis parcendum est, quos hæc non omnes perinde delectant. A cœna inter deambulandum, id quod rationi deerit, persolvemus, nisi quid aliud censes. CH. Fiat ex tua sententia. Agamus gratias benignitati divinæ, deinde paulisper deambulaturi. M. Pulebre dicis. Nihil enim hoc vespertino coelo amoenius, nihil salubrius. CH. Petre, adesdum. Tolle suo quæque ordine, ac vinum cyathis infunde. PE. Jubesne agi gratias? CH. Age. PE. Græce mavis, an Latine? CH. Utroque modo. PE. Gratias agimus tibi Pater cœlestis, qui tua ineffabili potentia condidisti omnia, tua inscrutabili sapientia gubernas universa, tua inexhausta bonitate cuncta pascis ac vegetas: largire filiis tuis, ut aliquando tecum bibant in regno tuo nectâr illud immortalitatis, quod promissisti ac præparasti vere diligentibus te, per Jesum Christum: Amen. CH. Dic eadem Græce, ne cæteri, quod dicas, intelligant. PE. Εὐχαριστοῦμεν σοι, πάτερ ὑψίστη, ὁ τῇ ἀρχῇ σου δύναμει κτίσας τὰ πάντα, ὁ τῇ ἀνέξερυντῳ σου σοφίᾳ κυβερνῶν ἀπαράστατα, ὁ τῇ ἀνέξαν- τῳ σου χρηστότητι ἑκάστα τρεφόμενος καὶ αὐξάνων· χαρίζου καὶ τοῖς υἱοῖς σου τὸ μετὰ σε ποτε πίνειν τὰς ἀθανάσιος νίκτας, ὁ ὅτι σὺ καὶ ἡμεῖς αὐτοὺς τοῖς ἀληθεῖς ἀγαπήσει, διὰ Ἰησοῦ Χριστοῦ, τὸ ὅτι καὶ τὸ καὶ ἡμεῖς, τὰ μετὰ σε ζήντες, καὶ βασιλεύοντας ἐν ἰνέ- τητι τῇ πνεύματος αἰνῇ, εἰς τὰς αἰῶνας· ἀμήν. CH. Habeo vobis, hospites candidissimi, gratiam, quia hoc convivium venire dignati sitis, oro, æqui bonique consulatis. Co. Nos vicissim gratiam referre volumus, non tantum habere. Proinde ne multis agantur gratiæ. Quin potius surgamus, & exspatiemur. Av. Ducamus nobiscum virgines; nam eo minus molesta erit deambulatio. CH. Recte sentis. Ne desint nobis flosculi, si forte locus flores non habebit. Utrum mavis nostris in hortis a more Poetico reptare, an foris ad ananem exspatiari? Av. Habent quidem horti tui amenitatis permultum, verum eam voluptatem matutinis deambulationibus serva. At sole inclinato annuum aspectus oculos mirum in modum juvat. CH. Antecede igitur, Augustine, ut Poeta dignum est: latus tuum claudam. Av. Bone Deus, quantum comitum, quantum pompam nobiscum ducimus! Dicit non potest, Christiane, quantum mihi placeam. Satrapes mihi videor. CH. Age, nunc promissum præsta. Solve quod recepisti. Av. Quid me potissimum vis dicere? CH. Ego quondam in Pollionis oratione cum multa, tum illud in primis solebam admirari, quod tam facile, tam crebro, tam venuste orationem verteret: quæ res non modo singularis ingenii, verum etiam multi usus mihi videtur. Av. Haud injuria istud in Pollione admiratus es, Christiane. Ille enim tum hac in re divinam quandam vim obtinet, quam quidem illi cum ingenii dexteritate quadam, tum plurimo & dicendi, & legendi, & scribendi usu contigisse opinor, potius quam ratione aliqua, aut præceptione. CH. At ego rationem aliquam istius rei, si fieri potest, exspecto.

1 Latine: Gratias agimus tibi, Pater Cœlestis, qui nullis verbis exprimens potentia tua omnia condidisti, qui cuncta prorsus inscrutabili tua sapientia gubernas, qui singula, inexhausta tua bonitate alis & augeas. Largire filiis tuis ut aliquando tecum bibamus immortalitatis nectâr, quod promissisti & præparasti vere amantibus te, per Jesum Christum Filium tuum, Dominum nostrum, qui tecum vivis & regnas in unitate Spiritus Sancti, in sæcula: Amen.

2 More Poetico reptare] Alludit ad carmen Horatii in Epist. ad Tibullum: An tacitum sylvas inter reptare salubres.

Av. Ita ut dixi, res habet. Verum quia te tantopere video velle, quantum potero morem geram, easque ratiunculas, quas in Pollionis orationibus mihi visus sum animadvertere, ut potero, reddam. CH. Age percipio.

Brevis de copia præceptio.

Av. Accingor. Principio res ipsa puris, electis ac Latinæ verbis efferenda est: quod ipsum posse, non mediocri artificis est. Sunt enim permulti, qui nescio quo modo copiam & varietatem orationis affectant, cum ne semel quidem rem possint apte explicare. Isti, tanquam semel balbutis se sit parum, balbutiem suam aliis atque aliis modis reddunt balbiorem, tanquam ipsi secum certamen suscepissent, ut, quam barbarissime dici possit, dicant. Itaque inepti synonyma quædam congerunt, adeo interdum inter se dissidentia, ut ipsa mirentur, quo pacto convenerint. Quid enim absurdius, quam hominem pannosum, cui ne una quidem, quam sine pudore possit induere, sit vestis, eum tamen subinde suos pannos mutare, ac mendicitatem suam pro opibus ostentare? At nihilo minus ridiculi videntur isti varietatis affectatores, qui cum barbare semel dixerint, repetunt idem multo barbarius, demum iterum atque iterum indocilius. Hoc est non oratione, sed solocisimis abundare. In primis igitur, ut dixi, res ipsa aptis atque electis verbis est explicanda. Deinde mutatoris verbis utendum, si quæ idem efficiant, reperiantur: reperiuntur enim permulta. Demum ubi propria deficient, translatitis erit utendum, si modo verecunda sit translatio. Ea quoque ubi deerunt, si per activa dixisti, ad passiva revertendum erit, quæ nobis totidem orationes reddunt, quot ex activis constabant. Postea verba, si licebit, aut in nomina verbalia, aut in participia commutabimus. Postremo, ubi modo ad verba in nomina, modo nomina in alias atque alias partes commutaverimus, per contrarium dicemus: aut affirmativam orationem in negativam commutabimus, aut retrorsum: aut certe quod pronuntiative dictum, per interrogationem efferemus. Nunc exempli causa hanc sententiam sumamus.

Littera tua magnopere me delectaturum.

Littera.

D Epistola, epistolium, scripta, schedæ, literæ.

Magnopere.

Mirum in modum, miris modis, majorem in modum, mirandum in modum, supra modum, plurimum, non mediocriter, summo, maximo.

Me.

Animum meum, pectus meum, oculos meos, cor meum, Christianum.

Delectaturum.

Voluptate affecerunt, recreaverunt, exhilararunt, voluptati fuerunt, oblectarunt, voluptate perfuderunt, melitissimæ fuerunt, jucundissimæ, &c. Habes materiam, tuum erit componere. Experiamur igitur. Faciamus periculum. CH. Tuæ literæ magnopere me delectarunt. Tua epistola mirifice nos exhilaravit. Av. Verte activum in passivum, alia erit facies: ut: Dicit non possit, quam tuis sine scriptis exhilaratus.

Item per alia verba idem efficiantia.

Tuis ex literis incredibilem cepi voluptatem. Ex epistola celsitudinis tuæ plurimum voluptatis accepi. Non mediocrem lætitiā tua mihi scripta attulerunt. Gaudio tuæ me scripta, quantus eram, perfuderunt. Hic non ita liceret mutare in passiva, nisi in illo postremo, perfusus gaudio, quod usitate dicitur; Capiebatur a me voluptas, allatum est gaudium, non perinde usitate dixeris.

Per Afficere.

F Singulati voluptate literæ tuæ me affecerunt.

Muta in Passivum.

Tuis scriptis incredibili sum affectus voluptate. Non parum gaudiorum tuum nobis epistolium peperit.

Per Sum, & Nomina Adjectiva.

Tuæ mihi literæ multis modis jucundissimæ fuerunt, Fuit tua illa epistola sane quam gratissima.

Per Nomina Substantiva.

Ineffabili voluptati tua nobis epistola fuit. Incredibili jucunditati fuerunt tuæ literæ.

Com

Commuta in Negationem.

Tua scripta non mediocri lætitiæ fuisse. Nihil in vita tuis literis accidit jucundius.

Quamquam hac ratione aliquoties jam usi sumus, quæ non est negligenter prætereunda. Nam quoties multum, plurimum, singulariter, significare volumus, per contrarium verbum idem efficiemus: ut, Vehementer te amat Henricus. Haud vulgariter te amat. Multum me juvat vinum: haud parum juvat. Est vir singulari ingenio. Est vir ingenio non vulgari. Est homo doctrina admiranda. Est homo non contemnenda doctrina. Thomas est summo apud suos loco natus: Non infimo loco natus. Augustinus eloquentissimus fuit: Non ineloquens fuit. Carneades orator fuit nobilis, non ignobilis, non obscurus. Et id genus similia, quæ nunquam non usu veniunt: sed admonuisse rem clarissimam satis est. Nec te lateat, bifariam nos hujusmodi orationum genere uti, modestiæ causa, præsertim si de nobis ipsis loquamur. Tum etiam amplificandi gratia. Nam non ingratum, pro valde grato: non vulgariter, pro singulariter, recte & venuste dicimus.

Modestæ causa.

Ego literis meis nonnullam doctrinæ sum opinionem consecutus. Semper curavi, ut in literaria gloria non postremas partes tenerem.

De amplificatione superiora sunt exempla; nunc ad nostra revertamur. Nihil tua epistola unquam evenit gratius. Nulla res majori unquam voluptati fuit, quam tua scripta. Nulla unquam ex re tantundem cepi voluptatis, quantum ex tuis literis amantissimis.

Hoc modo singulæ orationes superiores poterunt variari per interrogationem. Quid tuis literis in vita jucundius esse potuit? Quid epistola illa tua nobis evenit dulcius? Quid ita oblectavit unquam, ut proximæ tuæ literæ?

Hoc modo rursum singulas fere orationes variare licebit. CH. Quid deinde fiet? AV. Jam paulo liberius totam orationem vertemus, ut unam dictionem pluribus verbis circumloquamur. CH. Dic exempli causa. AV. Quod modo per nomen incredibile, modo per adverbium incredibiliter, dictum erat, unam dictionem aliquot verbis commutabimus. Literis consequi nequeam, quantum tuis literis sum delectatus. Et mihi scriptu, & tibi creditu perdifficile fuerit, quantæ jucunditati tua mihi scripta fuerint. Explicare profum nequeo, quam sum tuis literis gavisus. Et item in infinitum. Rursum alio pacto. Nam hæcenus & per negationem, & per interrogationem, postremo per infinitas orationes variavimus. Nunc per subjunctivas sive conditionales variabimus, hoc modo: Moriar, si unquam quicquam fuit tuis literis aut optatius, aut dulcius. Peream, si ulla res majori voluptati fuit, quam tuæ literæ. Ita me Deus amet, ut nihil in vita tuis literis accidit jucundius. Et item alia multa in hunc modum excogitare licebit. CH. Quid deinde? AV. Nunc ad translationes, similitudines, & exempla fugiendum est.

Translatio est in his.

Accepi literas tuas, quæ mellitæ fuerunt. Nihil nisi melle delicæ tua mihi scripta videntur. Mera voluptas sunt tuæ literæ. Et hujusmodi plurima. Sed cavendum ne obsoletis aut durioribus translationibus utamur, quale est illud:

1 Jupiter hibernas cana nive conspuat Alpes:

2 Et quale est illud: Cana tuorum scriptorum me suavissimis epulis refecit.

Comparatio a simili.

Tua scripta omni vel ambrosia, vel nectare suaviora fuerunt. Literæ tuæ quovis melle mihi fuere dulciores. Epistola humanitatis tuæ, & siliquam omnem, & mel Atticum, & saccharum omne, nectar ambrosiamque Deorum longe superavit. Hic quidquid dulcedine nobilitatum est, in medium adduci potest.

Ab exemplo.

Nunquam adducar, ut credam Hero Leandri sui literas aut majore voluptate, aut pluribus osculis accepisse, quam tuas accepi. Vix crediderim, aut Scipionem everfa Carthagine, aut Paulum Æmilium capto Perseo, magnificentiorem egisse triumphum, quam ego, simulac suavissima tua scripta tuus mihi tabellarius reddidit. Hujusmodi tum ex fabulis, tum ex historiis infinita possunt inveniri. E. Phy-

1 Horat. Sat. Lib. II. S. V. 41.

2 Et quale] Apud Furium, de quo Gell. lib. 18. cap. 11.

Afica vero sumuntur rerum similitudines, quarum quam plurimarum naturas memoriter tenere necesse est. Nunc si libet, in alia sententia tentemus.

Nunquam dum vivam tui ero immemor.

Semper, dum vivam, tui meminero. Quoad vivam, nunquam me tui capiet oblivio. Prius vivere desinam, quam tui meminisse.

Per comparisonem.

Si umbram corpus poterit effugere, & hic animus tui quibit oblivisci. Tui memoriam ne Lethæus quidem amnis poterit abolere.

Præterea per advariorum, aut more Poetico, per contraria.

Dum juga montis aper, fluvios dum piscis amabit: Ante leves ergo, &c. quæ non est multi negotii excogitare. Verum ne immodici videamur his in præsentia contenti sumus. Alias, si voles, copiosius hac de re colloquemur. CH. Ego te, Augustine, jam plane exhaustum putabam: sed tu præter expectationem novum thesaurum indicasti, quem si pergas explicare, nox ante occupaverit, quam tibi eadem de re desint verba. AV. Si ego hoc, mediocri & doctrina & ingenio præsto, quantum Ciceronem ipsum valuisse credis, qui cum Roscio histione certasse legitur? Sed sol nos relinquit. Humescit cælum, præstat imitari aviculas, tectoque ac lecto nos condere. Proinde vale, mi Christiane suavissime, in crastinum. CH. Tu itidem bene valeas Augustine omnium doctissime.

Convivium Religiosum.

EVSEBIUS, TIMOTHEUS, THEOPHILUS, CHRYSOGLOTTUS, URANIUS.

CUM omnia nunc vement & rideant in agris, demorror esse, qui fumosis urbibus delectentur. TI. Non omnes capiuntur aspectu florum, aut pratorum vernantium, aut fontium amnumve: aut, si capiuntur, est aliud quod magis juvet. Ita voluptas voluptate, veluti clavus clavo, pellitur. EV. Tu mihi fortasse foeneratores narras, aut his simillimos negociatores avaros. TI. Istos quidem, sed non solos, ô bone, imo cum his innumeros alios, usque ad ipsos sacerdotes ac monachos, qui fere quæstus gratia malunt in urbibus, iisque frequentissimis, versari, dogma secuti non Pythagoricum aut Platonium, sed cæci cuiusdam mendici, cui dulce erat premi turbis hominum, quod diceret, illic esse quæstus, ubi esset populus. EV. Valeant cæci cum suo quæstu: nos Philosophi sumus. TI. Et Socrates Philosophus urbes præferebat agris, quod esset discendi cupidus, & urbes haberent unde disceret. In agris esse quidem arbores & hortos, fontes & amnes, qui pauciores oculos, cæterum nihil loquerentur, ac proinde nihil docerent. EV. Est nonnihil quod dixit Socrates, si solus obambules in agris. Quamquam mea sententia non est muta rerum natura, sed undique loquax est, multaque docet contemplantem, si nacta fuerit hominem attentum ac docilem. Quid aliud clamat illa tam amœna naturæ vernantis facies, quam opificis Dei sapientiam bonitati parem? Sed Socrates, in eo secessu, quam multa docet Phædrum suum, ac vicissim ab eo discit? TI. Si tales adefsent aliquot, nihil esse possit amœnius rusticatione. EV. Libet igitur hujus rei periculum facere? Est mihi prædium suburbanum, non amplum, sed nitide cultum; eo vos in crastinum diem ad prandium voco. TI. Plures sumus; exederemus totum prædium tuum. EV. Imo totum convivium apponetur herbarum, ex dapibus, ut inquit Flaccus, inemptis apparatus. Vinum ipse locus suppeditat; pepones, melones, ficos, pira, mala, nuces, ipsæ pene arbores porrigunt, quemadmodum fit in insulis Fortunatis, si Luciano credimus. Accedet fortassis e corte gallina. TI. Age, non recusamus. EV. At suam quisque umbram secum adducat, quam volet. Ita cum sitis quatuor, æquabimus numerum Musarum. TI. Fiet. EV. Unum illud vos præmonitos volo, sibi quisque condimentum suum adferet. Ego cibos duntaxat apponam. TI. Quod condimentum narras? piper an saccharum? EV. Imo aliud vilius, sed suavius. TI. Quodnam? EV. Famem. Eam dabit hodie cœna tenuis; cras acuet stomachum ambulatiuncula. Et hoc quoque commodi ruscule meo debebitur. Verum ad quam horam libet prandere? TI. Ad decimam, prius-

3 Vide Macrobius, Lib. III. Saturnaliū Cap. 14.

4 Inquit Flaccus] In Epod. 11, 48. Dapes inemptas apparet.

5 Si Luciano] In vera historia.

priusquam invaleſcat æſtus ſolis. Ev. Curabitur. Pu. He-
re, adſunt convivæ pro foribus. Ev. Bonæ fidei eſt, quod
veniſtis; ſed bis gratum eſt quod veniſtis mature, una cum
umbris veſtris longe gratiſſimis. Sunt enim quidam incivi-
liter civiles qui convivatorem mora ſua torquent. Ti. Eo
maturius venimus, ut eſſet ocium luſtrandi, viſcendique re-
giam iſtam tuam, quam audimus undique miris deliciis va-
riam, nuſquam non teſtari domini ſui ingenium. Ev. Re-
giam ſpectabitis tali dignam Rege. Mihi certe nidulus eſt,
quavis regia gravior. Et ſi regnat, qui libere vivit ex animi
ſui ſententia, hic plane regno. Sed præſtat, opinor, inte-
rim, dum culinæ præfecta parat oluſculum, & adhuc mo-
deratus eſt ſolis calor, viſere hortos noſtros. Ti. Eſt alius
præter hunc? Nam hic ſane mire cultus blandiſſimo aſpectu
ſtatim ingredientiſ ſalutat, & comiter excipit. Ev. Hinc
igitur decerpas ſibi quiſque ſoſculos ac frondes aliquot, ne
quid offendant domus pædor. Non idem odor æque gratus
omnibus. Quare ſibi quiſque deligat. Ne parcite. Nam
quicquid hic naſcitur, pene publicum eſſe patior. Neque
enim unquam clauditur oſtium huius veſtibili, niſi noctu.
Ti. Entibi in oſtio Petrus. Ev. Hunc ego malo janitorem,
quam Mercurios, Centauros, aliaque portenta, quæ qui-
dam pingunt in foribus ſuis. Ti. Iſthuc homine Chriſtiano
dignius eſt. Ev. Nec mutum habeo janitorem; tribus lin-
guis alloquitur ingredientem. Ti. Quid loquitur? Ev. Quin
ipſe legis? Ti. Intervallum aliquanto longius eſt, quam ut
proſpectus oculorum aſſequatur. Ev. En tibi perſpicillum,
quod te vel Lynceum reddet. Ti. Latina video: *ſi viſi ad vi-
tam ingreſſi, ſerva mandata*. Matthæi cap. xix. Ev. Nunc
lege Græca. Ti. Græca video quidem, at illa non vident
me: quare lampadem hanc trado Theophilo, qui nun-
quam non cantillat Græca, Th. *Μετανοήσατε, καὶ ἐπι-
σπύσατε*. Ch. Hebræa mihi ſumam; *וְהָיָה לְכָל הָעָם* 2 Ev.
An vobis videtur incomis janitor, qui ſtatim monet ut aver-
ſamur a vitis, & convertamur nos ad ſtudium pietatis? De-
inde vitam non contingere ex operibus Moſaicis, ſed per
fidem Euangelicam? Poſtremo, ſervandis Euangelicis
præceptis iter eſſe ad immortalē vitam? Ti. Et ecce
mox ad dextram ingreſſus oſtendit ſacellum perquam ele-
gans. In altari Jeſus Chriſtus, ſuſpiciens in cælum ad Pa-
trem & Spiritum ſanctum illinc proſpicientes, atque eodem
dextram porrigens, læva velut invitat & alleſtat præter-
euntem. Ev. Nec is elinguis nos excipit: vides Latinæ? *Ego
ſum via, veritas, & vita*. Græca: *ἐγώ εἰμι τὸ ἄλφα καὶ τὸ ὰμέ-
γα*. Hebr. *אֲנִי הָאֵלֶּף וְהָאֵת* 3 Ti. Læto
nimirum omine nos ſalutavit dominus Jeſus. Ev. Sed ne vi-
deamur inciviles, fortassis par eſt, ut illum reſalutemus, pre-
cæmurque, ut, quando ex nobis ipſi nihil poſſumus, ille ſua
inæſtimabili bonitate non ſinat nos unquam aberrare a via
ſalutis, ſed, abjectis 4 umbris Judaicis, & huius mundi
præſtigis, per veritatem Euangelicam perducatur nos ad vi-
tam æternam: hoc eſt, ipſe per ſe trahat nos ad ſe. Ti. Æ-
quiſſimum eſt, & ipſa loci ſpecies nos invitat ad præcandum.
Ev. Multos hoſpites allicit huius horti amœnitas: ſed ita
ſere apud omnes invaluit conſuetudo, ut nemo prætereat
Jeſum inſalutatum. Hunc ego, vice ſœdiſſimi Priapi, cu-
ſtodem poſui, non ſolum horti mei, ſed omnium quæ poſſi-
deo, denique corporis pariter atque animi. Adeſt, ut vide-
tis, fonticulus ſaluberrimis aquis non inamœne ſcatens, ut-
cunque repræſentans unicuique 5 illum fontem, qui cœleſti
latice refocillat omnes laborantes & oneratos, & ad quem
anhelat anima deſaſſata malis huius mundi, non aliter quam
juxta 6 Pſalmiſtam, cervus æſtuans ſiti, guſtatis ſerpen-
tium carnibus. Hunc gratis haurire licet, quiſquis ſitit. Non-
nulli & religionis gratia ſeſe adſpergunt. Quidam etiam
bibunt, non ſitis, ſed religionis cauſa. Video vos invitos
avelli ab hoc loco. Sed interim hora monet, ut viſamus hunc

1 *Μετανοήσατε*] Id eſt, reſpiciſcite, convertite vos. Act. 3. verſ. 19.

2 *וְהָיָה לְכָל הָעָם*] Id eſt, Juſtus autem in fide ſua vivet. Abacuc. 2. verſ. 4.
& Gal. 3. 11.

3 *אֲנִי הָאֵלֶּף וְהָאֵת*] Id eſt, venite filii, obedite mihi, timorem Domini docebo vos,
Pſal. xxxiv. 12.

4 *Umbris Judaicis*] Idem intelligit ac quod antea *opera Moſaica* voca-
vit; hoc eſt, meros ritus ſine ulla animi ſanctimonia.

5 *illum fontem*] Reſpicit ad id quod Chriſtus mulieri Samaritanæ ſug-
geſſit: Joh. 4. verſ. 14. *Quisquis biberit ex aqua quam ego ei dabo, non ſi-
ties in æternum: ſed aqua illa quam ego, &c.*

6 *Pſalmiſtam*] Pſal. 42. verſ. 2.

A cultiorem hortum, quem in quadrum eingunt muri regiæ
meæ. Si quid erit viſendum intus, a prandio ſpectabitis,
quum ſolis æſtus nos, veluti cochleas, domi cohibebit ho-
ris aliquot. Ti. Papæ, Epicureos hortos mihi videre videor.
Ev. Totus hic locus voluptati dicatus eſt, ſed honeſtæ; pa-
ſcendis oculis, recreandis naribus, reſciciendis animis. Ni-
hil hic naſcitur præter odoratas herbas, nec eas quaſlibet,
ſed eximias duntaxat. Unumquodque genus ſuas habet a-
reas. Ti. Nec herbæ mutæ ſunt apud te, quantum video. Ev.
Probe dicis: alii domus habent opulentas, ego loquaciſſimam
habeo, ne quando ſolus videri poſſim: id magis etiam dices,
ubi totam videris. Ut herbæ ſunt velut in turmas digeſtæ,
ita ſingulæ turmæ ſingula habent vexilla cum inſcriptione.
B Velut Amaracus hic, *Abſtine*, inquit, *ſus, non tibi
ſpiro*. Cum enim ſit ſua viſſimæ fragrantia, ſues tamen hoc
odore vehementer offenduntur. Itidem ſingula genera ha-
bent ſuos titulos, aliquid indicantes, quod ad peculiarem
ejus herbæ vim pertinet. Ti. Nihil adhuc vidi hoc fontic-
ulo feſtivirus, qui medius velut arridet herbis omnibus, ac
refrigerium illis pollicetur adverſus æſtum. Sed alveolus
hic, qui tanta gratia totam aquam oſtendit oculis homi-
num, hinc atque hinc æquis ſpatiis hortum dirimens, in
quo ſeſe utrinque herbæ velut in ſpeculo contemplari ge-
ſtiant, num marmoreus eſt? Ev. Bona verba; unde huc
marmor? E contuſiſcæmentis factitium marmor eſt: co-
loris candor additus eſt incruſtamento. Ti. Quo tandem
ſeſe condit tam amabilis rivus? Ev. Vide incivilitatem hu-
manam. Poſteaquam hic ſatis exhilaravit oculos noſtros,
proluit culinam, ejusque ſordes ſecum deſert in cloacam.
Ti. Crudele, ita me Deus bene amet. Ev. Crudele, ni &
in hunc uſum paraſſet æterni numinis benignitas. Tum
crudeles ſumus, cum fontem Divinæ ſcripturæ longe hoc
amœniorem, recreandis ſimul ac purgandis animis noſtris
datum, conſpurcamus vitis noſtris, praviſque cupiditati-
bus, abutentes tam ineffabili dono Dei. Nam hac aqua non
abutimur, ſi partimur in varios uſus, in quos illam dedit is,
qui nihil non affatim ſuppeditat uſibus humanis. Ti. Veri-
ſſima ſunt quæ narras: ſed cur tibi virent etiam horti ſepta
manu facta? Ev. Ne quid hic non vireat. Quidam rubra
malunt, quod is color additus virentibus gratiam adjungat.
D Hic mihi magis arridet, ut eſt ſua cuique ſententia, etiam
in hortis. Ti. Sed horti per ſe amœniſſimi jucunditatem
propemodum obſcurant ambulacra tria. Ev. In his vel ſtu-
deo, vel obambulo ſolus, aut cum amiculo conſabulans,
vel cibum capio, ſi videtur. Ti. Columnæ paribus inter-
vallis ſuſtinentes ædificium innitens, miraque colorum va-
rietate blandientes, ſuntne marmoreæ? Ev. Ex eodem mar-
more, quo factus eſt hic alveus. Ti. Lepida proſecto im-
poſtura. Vel deſeraiſſem eſſe marmor. Ev. Quare cave, ne
vel credas, vel deſeres quicquam temere. Non raro fallit
ſpecies. Quod opibus deſt, arte ſarcimus. Ti. Non tibi
ſat erat hortus tam nitidus, tam excultus, niſi pingeres in-
ſuper alios hortos? Ev. Non capiebat omnes herbarum
ſpecies unus hortus. Præterea bis delectamur, cum pictum
florem cum vivo decertantem videmus, & in altero mira-
mur artificium naturæ, in altero pictoris ingenium, in utro-
que benignitatem Dei, qui in uſum noſtrum largitur hæc
omnia, nulla in re non mirabilis pariter & amabilis. Poſtre-
mo non ſemper viret hortus, non ſemper vivunt ſoſculi.
Hic hortus etiam media bruma viret, & adblanditur. Ti.
At non ſpirat. Ev. Sed ruſum non eget cultura. Ti. Tan-
tum paſcit oculos. Ev. Verum; ſed hoc perpetuo facit.
Ti. Habet ſuum & pictura ſenium. Ev. Habet, nobis ta-
men eſt vivacior, & illi ſere gratiam addit ætas, quam nobis
detrahit. Ti. Utinam hic vanus eſſes. Ev. In hoc ambula-
cro, quod ſpectat occidentem, ſole fruor oriente: in hoc,
quod ſpectat orientem, apricor interdum: in hoc quod ſpe-
ctat auſtrum, ſed patet ad ſeptentrionem, recreor ab æſtu
ſolis. Obambulabimus, ſi videtur, quo ſpectetis propius.
En vernat ipſum etiam ſolum: habent enim & teſellæ co-
lorum gratiam, & ſoſculis pictis adblandiuntur. Hoc ne-
mus quod videtis hoc toto pariete depictum, exhibet mihi
varium ſpectaculum. Primum quot videtis arbores, tot
videtis arborum genera, ſingulis ad nativam imaginem non
peſſime expreſſis. Quot cernitis aves, tot videtis avium ſpec-
ies, præcipue ſi quæ ſint rariores, & inſigni re quapiam
nobiles. Nam anſeres, gallinæ, & anates quid attinet pin-
Tem. I. Vv ge.

gere? Infe sunt quadrupedum species, aut earum avium, quæ vivunt humi, more quadrupedum. Ti. Mira varietas, nec quicquam est otiosum. Nihil est quod non aut agat, aut loquatur aliquid. Quid nobis narrat noctua, pene latitans sub frondibus? Ev. Attice loquitur Attica. *ἡ οὐφρόνη* inquit, *ἡ πᾶσιν ἡγήνηται*. Jubet nos consulto agere, quod non omnibus feliciter cedat inconsulta temeritas. Hic aquila discerpit leporem frustra obestante scarabeo. Adstat scarabeo trochilus, & ipse capitalis inimicus aquilæ. Ti. Hæc hirundo quid gerit ore? Ev. Herbam chelidoniam. Nam hac restituit pullis ex oculatis visum. Agnoscitis herbæ figuram? Ti. Quodnam hoc novum lacertæ genus? Ev. Non est lacerta, sed chamæleon. Ti. Est hic ille longo nomine celebratus chamæleon? Bellum esse credidi leone majorem, quem vincit etiam vocabulo. Ev. Hic ille est semper hians, & semper jejunos chamæleon. Hæc arbor est caprificus, apud quam solam sævit, alias innoxius. Nam venenum habet, ne contemnas hiantem bestiolam. Ti. At non mutat colorem. Ev. Verum; quia non mutat locum: ubi mutavit locum, videbis & colorem alium. Ti. Quid hic sibi vult tibicen? Ev. Nonne vides in proximo camelum saltantem? Ti. Video novum spectaculum, camelus cinædus est, & simius choraules. Ev. Sed his singulatim ac per otium contemplandis alias dabitur vel totum triduum; nunc satis erit veluti per transfennam vidisse. In hac regione depictum est ad nativam effigiem, quicquid est insignium herbarum: quodque jure miremini, hic venena quantumvis præsentanea, tuto non solum spectantur, verum etiam contrectantur. Ti. En scorpium, rarum in hisce regionibus malum, sed frequens Italiæ. Quamquam color mihi parum respondere videtur in pictura. Ev. Qui sic? Ti. Quia magis nigrent apud Italos, iste pallidior est. Ev. An non agnoscis herbam in cujus folium incidit? Ti. Non satis. Ev. Nec mirum. Nec enim nascitur in hortis nostratibus. Aconitum est. Ei veneno tanta vis est, ut scorpium ad hujus contactum stupefcat, pallefcatque, seseque vinci patiat. Sed offensus veneno, a veneno petet remedium. Videtis in propinquo utrumque genus hellebori. Si scorpium sese potuerit explicare a folio aconiti, & album helleborum contingere, recipiet pristinum vigorem, diversi veneni contactu solvente torpore. Ti. Actum est igitur de isto scorpio; nam is se nunquam explicabit ab aconiti folio. Etiam loquuntur hic scorpium? Ev. Et quidem Græce. Ti. Quid ait? Ev. *ἡ εὐφροσύνη* *θεός τὸν ἀλλοτρίον*. Hic præter herbas videtis omne serpentium genus. En vobis basiliscus, oculis igneis, ipsis etiam nocentissimis venenis formidabilis. Ti. Et is loquitur aliquid. Ev. *Οδεντ*, inquit, *δὲν μετῴκει*. Ti. Plane regia vox. Ev. Imo nihil minus regium, sed tyrannica vox est. Hic pugnat lacerta cum vipera. Hic diplas infidiatur, tecta putamine ovi struthiocameli. Hic videtis politiam totam formicarum, ad quarum imitationem nos vocat ³ Hebræus ille sapiens, atque etiam Flaccus noster. Hic videtis formicas Indicas, quæ aurum egerunt, ac servant. Ti. Deum immortalem, cui possit obrepere tedium in hoc theatro versanti? Ev. Alias, inquam, licebit vel ad fatietatem usque spectare. Nunc procul tantum spectate tertium parietem. Is habet lacus, amnes & maria, & in his quicquid est insignium piscium. Hic est Nilus, in quo delphinum illum videtis, hominum amatorem, cum crocodilo depugnantem, quo non alius hostis homini capitalior. In ripis ac littoribus videtis ea quæ sunt *ἀμφίβια*, ut cancri, phocæ, fiber. Hic est polypus ⁴ captator, captus a concha. Ti. Quid loquitur? *ἡ αἰσῶν αἰσῶμαι*. Mire pictor fecit aquam pellucidam. Ev. At hoc erat illi faciendum, aut nobis opus erat aliis oculis. In proximo est alter polypus, summa æquoris aqua velificans, liburnicarum gaudens imagine. Videtis torpedinem prostratam in arena concolori, quam hic tuto vel manu contigeris. Sed alio properandum est. Hæc pascunt oculos, at ventrem non explent: properemus ad reliqua. Ti. Etiamne amplius? Ev.

¹ *Εὐφροσύνη*] Id est, *prudens esto, non omnibus volo*. Vide proverb. de noctua Atheniensium.

² *Εὐφροσύνη*] Id est, *reperis Deus nocentem*.

³ *Hebræus*] Ait nempe Salomon Prov. 6. vers. 6. *Abi ad formicam o piger, aspice vias ejus & saps*, &c.

⁴ *Polypus*] Adscribitur polypo pisci rapacitas, tenacitasque: quod quicquid brachiorum flagellis nactus fuerit, suctu attrahat ac retineat. Hinc Plant. Aulul. *Novi ego istos polypos, qui ubi quicquid tetigimus, tenent*.

⁵ *Αἰσῶν αἰσῶμαι*] Id est, *captans capior*.

Mox videbitis quid nobis præbeat posticum. Hic videtis hortum satis spatiosum, in duas divisum partes: in altera est quicquid est herbarum esculentarum, in qua regnant uxor & famula mea: in altera, quicquid est medicarum, præsertim insignium. Ad lævam est pratum liberum, præter virorem graminum nihil habens: septum est sepe perpetua, & spinis implexis, sed vivis, contexta: illic nonnunquam vel ambulo, vel lufito cum sodalibus. Ad dexteram est pomarium, in quo cum erit otium, videbitis plurimas arbores peregrinas, quas paulatim doceo nostro coelo assuescere. Ti. Papæ, næ tu vincis vel ipsum ⁶ Alcinoium. Ev. Hic aviarium est in confinio adhærens ambulacro superiori, quod videbitis a prandio: videbitis formas varias, variasque linguas audietis. Nec minus varia sunt ingenia. Inter quasdam cognatio est & mutus amor, inter nonnullas simulas irreconciliabilis. Sunt autem omnes adeo cicures & mansuetæ, ut si quando cæno illic, aperta fenestra, devolent in mensam, cibumque vele manibus capiant. Si quando ingredior, in ponticulo pensili, quem videtis, fabulans cum amico, assident, auscultant, insident humeris aut brachiis, adeo dederunt timere, quia sentiunt nomen lædere. In extremo pomario apum regnum est. Nec illud sane spectaculum inamœnum. In præsentia non sinam vos amplius contemplari, quo sit quod vos posthac revocet tanquam ad novum spectaculum. A prandio cætera vobis ostendam. Puer. Uxor & famula clamitant, corrumpi prandium. Ev. Jubeto illas esse æquanimis; nos jam accurremus. Lavemus, amici, ut puris manibus & animis ad mensam accedamus. Etenim si ethnicis quoque religiosa erat mensa, quanto magis oportet esse sacram Christianis, quibus habet imaginem quandam illius sacrosancti convivii, quod dominus Jesus postremum egit cum suis discipulis. Et ob id receptum est, abluere manus, ut si quid odii, livoris, aut turpitudinis alicui forsitan resideat in animo, id ejiciat ante, quam accedat ad cibum capiendum. Sic enim opinor & corpori salubriores esse cibos, si sumantur animo defæcato. Ti. Istud verissimum esse credimus. Ev. Quoniam hoc exemplum nobis ab ipso Christo traditum est, ut ab hymno cibum auspicaremur (nam id arbitror, quod frequenter in Evangelio legimus, illum ⁷ benedixisse, aut gratias egisse Patri, prius quam cibum frangeret: & rursum hymno finiremus: si videtur, recitabo vobis hymnum quem divus Chrysostomus miris laudibus prædicat in Homilia quadam, dignatus etiam interpretari. Ti. Imo ut velis, rogamus. Ev. *Benedictus Deus qui me pascis a juventute mea, qui cibum præbes omni carni; reple latitias & gaudio corda nostra, ut assatim quod satis est habentes, abundemus in omne opus bonum, in Christo Jesu Domino nostro; cum quo tibi gloria, honor & imperium, cum sancto Spiritu, in omne ævum*. Ti. Amen. Ev. Nunc accumbite, ac suam quisque umbram sibi adjungat. Canicie tuæ debetur primus locus, Timothee. Ti. Verbo dignitatem universam meam complevus es. Hoc solo nomine sum cæteris anteponendus. Ev. Cæterarum dotium æstimator est Deus; nos ea sequimur, quæ videmus. Sophroni, adhære corpori tuo. Tu Theophile & Eulali, dextrum mensæ latus occupate. Chrysoglossus & Theodidactus occupabunt lævum. Uranius & Nephalius, quod superest. Ego hunc angulum tuebor. Ti. Non patiemur: hospiti debetur primus locus. Ev. Tota domus hæc mea est, simulque vestra: quod si mihi permittitur jus in regno meo, is locus debetur hospiti, quemcunque sibi delegerit. Nunc utinam Christus ille exhilarator omnium, & sine quo nihil vere suave est, dignetur huic nostro interesse convivio, suæque præsentia exhilarare animos nostros. Ti. Spero dignabitur. Sed ubi sedebit jam omnibus locis occupatis? Ev. Utinam ille se misceat omnibus & patinis, & poculis, ut nihil illum non sapiat, sed potissimum illabatur animis nostris. Id quo magis dignetur, & nos tanti hospitis reddamur capiores, si molestum non est, auscultabitis paululum e sacra lectione.

⁶ *Alcinoius*] Alcinoi Regis horti, apud Homerum commendantur: qui fuit Rex Phæacum, diligens cultor hortorum: nam de eo Hom. ait, quod haberet:

Ὀρχη ἰν' ὕλην γυράσσει, μέλαν δ' ἐπὶ μέλαν, αὐτὰρ ἐπὶ σαφύλῃ σαφύλη, σῦκοι δ' ἐπὶ σῦκοι.

⁷ *Benedixisse*, &c.] Ita inter alia de Christo legitur, Matth. 15. vers. 36. *Acceptis septem panes & pisces, & gratias agit*, &c. Hinc Paulus Rom. 14. *Qui edis, Domino edis: gratias enim agit Deo*.

lectione, sed ita, ut interim nihilo secius admoveatis manus ovis & lactucis, si libet. **TI.** Id faciemus libenter, sed auscultabimus libentius. **EV.** Is mos mihi multis nominibus videtur amplectendus, quod hac ratione vitentur inanes fabulae, praebeaturque materia confabulationis frugiferæ. Multum enim ab illis dissentio, qui putant non esse lætum convivium, nisi quod scateat ineptis ac lascivis fabulis; quod perstrepat obscœnis cantiunculis. Vera hilaritas nascitur e pura sinceraque conscientia: atque hi sermones vere læti sunt, quos semper & dixisse juvet, aut audisse, & semper delectet meminisse: non quorum mox pudeat, quique conscientiam poenitudine discrucient. **TI.** Utinam ista tam perpenderemus omnes, quam sunt vera. **EV.** Hæc præterquam quod certam & insignem habent utilitatem, etiam jucunda fiunt, ubi vel mensum unum assueveris. **TI.** Nihil igitur consultius, quam optimis assuescere. **EV.** Recita, puer, distinde & clare. **PUER.** *Sicut divisiones aquarum, ita cor Regis in manu Domini: quocunque volueris, inclinabit illud. Omnis via viri recta sibi videtur, appendit autem corda Domini. Facere misericordiam & iudicium, magis placet Domino, quam victima.* **EV.** Sit hoc lætis. Præstat enim pauca avide discere, quam multa cum tædio devorare. **TI.** Præstat sane, sed non hic tantum. Plinius scripsit, Officia Ciceronis ¹ nunquam de manibus deponenda: & sunt sane digna, quæ cum ab omnibus, tum præcipue ab his qui destinati sunt administrandæ Reipublicæ, ad verbum ediscantur, mea quidem sententia: sed hunc Proverbiorum libellum semper dignum arbitratus sum, qui semper nobis circumferatur. **EV.** Quoniam sciebam prandium fore dilutum & insipidum, idcirco hanc procuravi nobis condituram. **TI.** Nihil hic est non lautissimum; & tamen si nihil esset præter ² betas, absque pipere, vino & aceto, talis lectio condiret omnia. **EV.** Mihi tamen plus adderet gratiæ, si, quod audio, penitus intelligam. Atque utinam adesset aliquis vere Theologus, qui ista non intelligeret solum, verum etiam saperet. Nobis idiotis nescio an fas sit hisce de rebus confabulari. **TI.** Ego vero puto vel nautis esse fas, modo absit definiendi temeritas. Fortasse & Christus, qui pollicitus est sese adfuturum, ubicunque duo convenirent de ipso tractantes, adspirabit nobis tam multis. **EV.** Quid si igitur partiamur inter nos novem tres sententias? **CONVIVÆ.** Non displicet, modo a convivatore incipiat ordo. **EV.** Non detrectarem provinciam sed vereor ne hic vos pejus accipiam, quam cibus accipio. Age, necubi videar difficilis convivator, omnis variis conjecturis, quæ in hunc locum congrunt interpretes, mihi videtur hic esse sensus moralis: alios mortales posse flecti monitis, increpationibus, legibus ac minis: Regis animum, quoniam neminem metuit, si repugnes, magis irritari. Et idcirco quoties principes vehementer contendunt aliquid, suo animo relinquendos: non quod semper velint optima, sed quod illorum stultitia malitiave Deus nonnunquam abutatur ad emendandos eos qui deliquerunt. Quemadmodum vetuit resisti ³ Nabuchodonosori, quod illius ministerio decrevisset castigare populum suum. Fortassis illud est quod ait Job cap. xxxiv. *Qui regnare facis hominem hypocritam, propter peccata populi.* Atque huc fortasse pertinet quod ait David, deplorans peccatum suum Psalm. li. *Tibi soli peccavi, & malum coram te feci.* Non quod Reges non peccent ingenti populi malo, sed quod non habeant hominem, cujus auctoritate condemnentur; quum Dei iudicium nemo, quamlibet potens, possit effugere. **TI.** Non displicet interpretatio. Sed quid sibi volunt *divisiones aquarum*? **EV.** Adhibita est similitudo, quæ rem explanet. Violenta res & impotens est Regis animus concitatus, nec huc aut illuc duci potest, sed impetu suo fertur, velut cæstro divino percitus: quemadmodum mare sese spargit in terras, ac subinde cursum mutat, contemptis agris, ædificiis, & quicquid obstat, alicubi se condit sub terras: cujus impetum si coneris inhibere, aut alio deflectere, nihil agas. Idem accidit in magnis fluminibus, veluti fabulæ quoque narrant de Acheloo. Minus au-

tem mali capitur, si commode obsecundes, quam si violentè repugnes. **TI.** Nihil igitur remedii adversus malorum Regum impotentiam? **EV.** Fortasse primum fuerit, leonem in civitatem non recipere: proximum, sic auctoritate senatus, magistratuum ac civium moderari potentiam illius, ut non facile erumpat in tyrannidem. Sed omnium potissimum, dum adhuc puer est, & se principem esse nescit, sanctis præceptis formare pectus illius. Profunt & preces ac monita, sed blanda ac tempestiva. Extrema ancora est, votis fatigare Deum, ut Regis animum inclinet ad ea, quæ Christiano Rege digna sunt. **TI.** Quid ais, idiota? Si baccalaureus essem Theologiæ, minime puderet istius interpretationis. **EV.** An vera sit, nescio; mihi satis est, quod sensus non sit impius, aut hæreticus. Morem gesti voluntati vestræ. Nunc, ut decet in convivio, vicissim audire cupio. **TI.** Si quid desertis his quoque canis, mihi videtur hoc dictum & ad abstrusorem sententiam accommodari posse. **EV.** Credo; & audire cupio. **TI.** Rex intelligi potest vir perfectus, qui domitis carnis affectibus, solo Divini spiritus impetu ducitur. Porro qui sit huiusmodi, hunc non convenit fortassis humanis legibus in ordinem cogere; sed suo domino, cujus spiritu agitur, relinquendus est: nec iudicandus est ex hisce rebus, quibus imbecillitas imperfectorum utcumque provehitur ad veram pietatem: sed si quid secus facit, dicendum est cum Paulo Rom. xiv. *Dominus assumpsit illum: domino suo stat, aut cadit.* Item illud: *Spiritualis homo omnia dijudicat, ipse vero a nemine iudicatur.* **CORINTH. II.** Talibus igitur nemo præscribat, sed Dominus qui præscripsit terminos mari & amnis, habet cor sui Regis in manu sua, & quocumque voluerit, inflectit illud. Quid enim opus est præscribere illi, qui suapte sponte præstat meliora, quam exigunt humanæ leges? aut quæ temeritas sit, illum hominem constitutionibus adstringere, quem certis argumentis constat Divini spiritus afflatu gubernari? **EV.** Tu vero, Timothee, non solum canos habes capillos, sed pectus etiam habes eruditionis canitie venerabile. Atque utinam inter Christianos, quos omneis oportebat esse Reges huiusmodi, plures reperiretur hoc digni cognomine. Sed jam satis est ovatum, & oleribus prælusum: jubete hæc tolli, & apponi quod superest. **TI.** Nobis affatim satisfactum est hac ovatione, etiam si nihil præterea successerit vel supplicationis, vel triumphi. **EV.** Verum, quoniam, adspirante Christo, sicut opinor, successit res in prima sententia, velim ut umbra tua nobis enarret alteram, quæ mihi videtur aliquanto obscurior. **SOPHRON.** Si boni voletis consulere quicquid dixerò, sedulo dicam quod mihi videtur. Alioqui qui fieri potest, ut rebus obscuris lucem adferat umbra? **EV.** Equidem recipio futurum omnium nomine; & tales umbræ lucem suam habent aptiorem oculis nostris. **SOPH.** Idem docere videtur quod Paulus. Diversis vitæ rationibus contenditur ad pietatem. Alii placet sacerdotium, alii cælibatus, alii conjugium, alii secessus, alii respublica, pro varietate corporum & ingeniorum. Rursus alius vescitur quibuslibet, alius distinguit inter cibum & cibum; alius iudicat inter diem & diem; alius iudicat omnem diem. In his Paulus vult unumquemque suo frui affectu citra contumeliam alterius. Nec oportet quemquam ex huiusmodi iudicare, sed iudicium deferre Deo, qui expendit corda. Fit enim sæpenumero, ut vescens gratior sit Deo, quam non vescens, & diem festum violans acceptior sit Deo, quam is qui videtur observare: & matrimonium huius gratius sit oculis Dei, quam multorum cælibatus. Dixi umbra. **EV.** Utinam mihi sæpe contingat cum talibus umbris colloqui. Rem, ni fallor, non acu, quod ajunt, sed lingua tetigisti. Sed adest qui cælebs vixit, non de numero beatorum, qui se castraverunt propter regnum Dei: sed hic castratus est vi, quo magis placeret ventri, donec & hunc & escas destruxerit Deus. Capus est ex corte nostra. Elix magis delector. Jus est non inelegans: quod in eo natat, lactucæ sunt selectissimæ. Sumat sibi quisque, quod gratum est animo. Sed ne quid vos fallam, succedet huic, assi nonnihil, mox bellaria, deinde fabulæ catastrophæ. **TI.** Sed interim excludimus uxorem & convivio. **EV.** Ubi vos venietis comitati vestris, accumbet & mea. Nunc quid aliud esset, quam muta persona? & illa suavius garrit mulier inter mulieres, & nos liberius philosophamur. Alioqui periculum sit, ne nobis accadat, quod

¹ *Sicut divisiones aquarum*] Locus desumptus ex Salomonis Proverbiis, cap. 21. vers. 1. 2. 3. Agitur ibi primo de Divina providentia circa ea, quæ a voluntate humana pendunt.

² *Nunquam de manibus*] Vide Plinium in præfatione ad Vespasianum Cæsarem.

³ *Betas*] Alludit ad illud Martialis: *Ut sapient satia subrorum prandia bota: O quam sape petes, vina pipere coquens.*

⁴ Apud Jerem. xxvii. & xxviii.

accidit Socrati, cui quum essent convivæ Philosophi, quibus magis placerent huiusmodi fabulæ, quam cibus, & in longum proferretur disputatio, Xanthippe commota, mensam subvertit. **Tr.** Nihil minus a tua metuendum arbitror. Est enim mulier moribus placidissimis. **Ev.** Mihi certe talis, ut commutare non cupiam, etiam si liceat: atque hoc nomine mihi vel præcipue videor fortunatus. Nec enim mihi placet eorum sententia, qui fortunatum putant, uxorem habuisse nunquam: magis arridet quod ait sapiens Hebræus, *ei bonam sortem obtigisse, cui obtrigit uxor bona.* **Tr.** Sæpe nostro vitio malæ sunt uxores, vel quia tales deligimus, vel quia tales reddimus; vel quia non, ut oportet, formamus & instituimus. **Ev.** Vera prædicas: sed interim exspecto tertiae sententiae enarrationem, & jam mihi dicturum videtur *θεοφιλος* Theophilus. **Th.** Imo mihi animus erat in patinis; dicam tamen, quando licet impune. **Ev.** Etiam cum gratia licebit errare; vel sic, præbebis occasionem inveniendi. **Th.** Mihi videtur eadem sententia, quam protulit Dominus apud Osce Prophetam cap. vi. *Misericordiam volo, & non sacrificium, & scientiam Dei plus quam holocausta.* Cujus vivus & efficax interpretes est dominus Jesus in Evangelio Matthæi c. ix. Quum enim convivium agigaret in domo Levi, qui erat publicanus, isque multos sui ordinis, sui que quæstus homines invitasset ad convivium, Pharisei qui tuebant religione Legis, cum ea præcepta negligerent, unde tota Lex pendebat & Prophetæ; quo discipulorum animos alienarent a Jesu, rogabant illos, cur Dominus admisceret se convivio peccatorum; a quorum consortio abstinebant Judæi, qui volebant haberi sanctiores, & si quando contigisset cum ejusmodi congregari, reversi domum, abluebant corpus. Quumque discipuli rudes adhuc non haberent quod responderent, Dominus & pro se & pro discipulis respondit: *Non est opus, inquit, medico valetibus, sed male habentibus.* Eunt autem dicite, quid est, *Misericordiam volo, & non sacrificium.* Non enim veni vocare justos, sed peccatores. **Ev.** Pulchre tu quidem collatione locorum rem explicas, id quod in divinis literis præcipuum est: sed discere velim, quid appellet *sacrificium*, quid *misericordiam*. Nam qui consistit, ut aversetur sacrificia Deus, quæ sibi tot præceptis jussu erant exhiberi? **Th.** Quomodo Deus aversetur sacrificia, docet ipse nos apud Esaiam cap. i. Sunt enim quædam præscripta Judæis in lege, quæ significant magis sanctimoniam, quam præstant: quod genus sunt, dies festi, sabbathismi, jejunia, sacrificia. Et sunt quæ semper præstanda sunt, quæ suapte natura bona sunt, non quia iussa. Judæos autem aversetur Deus, non quod observarent legis ritus, sed quod his stulte tumidi, negligerent ea quæ Deus maxime vult præstari a nobis: ac madentes avaritia, superbia, rapinis, odio, livore, cæterisque vitis, existimabant Deum ipsis multum debere, quod diebus festis versarentur in templo, quod immolarent victimas, quod abstinerent a cibis vetitis, quod illi nonnunquam jejunarent: umbras amplectebantur, rem neglegebant. Quod autem ait, *Misericordiam volo, & non sacrificium*, opinor ex idiomate sermonis Hebræi dictum, pro eo quod erat, *misericordiam volo potius quam sacrificium*: quemadmodum illud interpretatur Salomon, quum ait: *Facere misericordiam & judicium, magis placet Domino quam victimæ.* Porro, omne officium, quod impenditur sublevando proximo, Scriptura *misericordiam* vocat, & *elemosinam*, quæ & ipsa nomen duxit a *miserendo*. Victimæ appellari puto, quicquid pertinet ad cærimonias corporales, & aliquid habet affine cum Judaismo; quod genus sunt delectus ciborum, vestitus præscriptus, jejunium, sacrificium, preces veluti pensum absolutæ, quies diei festi. Hæc enim ut pro tempore non sunt omnino negligenda, ita Deo fiunt ingrata, si quis observationibus huiusmodi confusus, negligat misericordiam, quoties fratris necessitas exigit officium charitatis. Habet speciem sanctimoniam etiam, colloquia vitare malorum. Sed hoc cessare debet, quoties aliud suadet caritas proximi. Obedientia est, quiescere diebus festis, sed impium sit, ob religionem dici, sinere fratrem perire. Itaque servare diem dominicum, vi-

¹ Salomon] Prov. 21. idem loquendi modus. ² Sam. 15. 22. dixit Samuel: *an iam delectatur Jehova holocaustis, & sacrificiis, quam quum auditur vox Domini?* Ecce obedire præstat sacrificiis, & auscultare præstat arietum adipi. Sic & Jerem. 7. 22. Non prohibet quidem Deus sibi offerri victimas, eas enim præceperat; sed non solas.

Alia est, ut ita loquar: reconciliari fratri, misericordia est. Porro judicium, quamquam potest ad potentes referri, qui frequenter vi opprimunt imbecilles, tamen mihi videtur non absurdum, si respondeat illi quod est apud Osce: *Es scientiam Dei plus quam holocausta.* Non servat legem, qui non servat juxta mentem Dei. Judæi sublevabant asinum in foveam collapsum sabbathis; & Christum calumniabantur, qui servaret totum hominem in sabbatho. Hic erat præposterum judicium, & aberat scientia Dei; nesciebant enim, quod ista propter hominem essent instituta, non homo propter illa. Sed hæc impudenter dicere viderer, nisi vestro jussu dicerem. Malim ex aliis rectiora discere. **Ev.** Ista mihi videntur adeo dicta impudenter, ut existimem dominum Jesum loqui per organum oris tui. Sed interim dum largiter pascimus animos nostros, ne negligantur collegæ. **Th.** Quinam? **Ev.** Corpora nostra, nonne collegæ sunt animorum? Hoc enim malim, quam instrumenta, vel domicilia, vel sepulcra. **Tr.** Hoc nimirum est affatim refici, ubi totus homo reficitur. **Ev.** Video vos segniter attingere: quare, si videtur, jubebo proferri assa, ne pro lauto convivio longum præbeam. Videtis hujus prandioli summam. Armus est ovillus, sed exquisitus, capus, & perdicæ quatuor. Has solas a mercatu sumsi, reliqua suppeditat hoc prædium. **Tr.** Epicureum prandium video, ne dicam Sybariticum. **Ev.** Imo vix Carmeliticum. Sed quale quale est, boni consuletis. Animus certe purus est, si parum lautum est convivium. **Tr.** Adeo non est muta tua domus, ut non solum parietes, sed & cyathus loquatur aliquid. **Ev.** Quid tibi loquitur? **Tr.** *Nemo, nisi a seipso, laditur.* **Ev.** Cyathus patrocinator vino. Nam vulgus febrim, aut capitis gravedinem e potu contractam, imputare solet vino, quum ipsi sibi malum accersierint, immodice bibendo. **Soph.** Meus Græce loquitur: *ἵν' οἶνον ἀλάττω.* **Ev.** Admonet non esse tutum sacerdotibus aut Regum famulis, indulgere vino, quod vinum fere transferat in linguam, quicquid latebat in corde. **Soph.** Apud Ægyptios, olim nefas erat sacerdotibus bibere vinum, cum nondum illis mortales sua committerent arcana. **Ev.** Nunc licet quidem omnibus bibere vinum; an expediat nescio. Eulali, quid libelli proferes et crumena? perquam elegans videtur; nam foris etiam totus aureus est. **Eulalius.** Sed idem intus plus quam gemmeus est. Sunt epistolæ Paulinæ, quas ut unicas delicias meas semper mecum circumfero: quas ideo profero, quod ex occasione sermonis tui, venit in mentem locus quidam, qui me nuper diu torfit, nec adhuc fatis sibi facit animus. Is est in epistolæ prioris ad Corinthios cap. vi. *Omnia mihi licent, sed non omnia expediunt. Omnia mihi licent, sed ego sub nullius redigar potestatem.* Primum, si Stoicis credimus, nihil est utile, quod non idem honestum. Quomodo igitur Paulus distinguit id quod licet, ab eo quod expedit? Certe scortari aut inebriari non licet, quomodo igitur licent omnia? Quod si Paulus de certo genere rerum loquitur, quarum omnium vult esse licentiam, non possum satis ex ipso loci tenore divinare, quodnam sit illud genus. Ex iis quæ mox huic loco subjiciuntur, conicere licet cum loqui de ciborum delectu. Quidam enim abstinebant ab idolothytis, quidam a cibis per Moysen interdictis. Et de idolothytis agit cap. viii. Rursum cap. x. velut explicans hujus loci sententiam, ait: *Omnia mihi licent, sed non omnia expediunt: omnia mihi licent, sed non omnia edificant. Nemo quod suum est quarat, sed quod alterius. Omne quod in macello venit, manducate.* Hoc quod hic subjicit Paulus, congruere videtur cum eo quod supra dixerat, *Esca ventri, & venter escis, & hunc & has destruet Deus.* Quod autem respexit hic etiam ad Judaicum ciborum delectum, indicat clausula cap. x. *Sine offensione estote Judæis & Gentibus & ecclesie Dei, sicut & ego per omnia omnibus placeo, non querens quod mihi utile est, sed quod multis, ut salvi fiant.* Nam quod ait, *Gentibus*, pertinere videtur ad idolothytum: quod ait, *Judæis*, referri videtur ad delectum ciborum: quod ait, *ecclesia Dei*, pertinet ad infirmos ex utraque gente collectos. Licebat igitur vesci quibuslibet cibis, & omnia munda mundis. Verum vscidi casus, ut non expedit. Quod omnia licebant, libertatis erat Evangelicæ: sed caritas ubique spectat quid con-

² Propter illa] Sabbathum, respondit Phariseis Christus, propter hominem factum est; non homo propter sabbatum. Marc. 2. ver. 4.
³ ἵν' οἶνον ἀλάττω] Id est, in vino veritas.

conducatur ad salutem proximi, eoque frequenter abstinere & a licitis, malens obsecundare commodo proximi, quam sua uti libertate. Sed hic mihi geminus obstreperit scrupulus: primum, quod in sermonis contextu nihil præcedat aut sequatur, quod cum hoc sensu cohereat. Nam objurgat Corinthios, quod essent seditiosi, quod scortationibus, adulteriis, atque etiam incestis impuri, quod litigarent apud iudices impios. Cum his qui coheret, *Omnia mihi licent, sed non omnia expediunt*? Et in his quæ sequuntur, redit ad causam impudicitiae, quam repetierat & ante, intermisso negotio litium. *Corpus autem, inquit, non fornicationi, sed Domino, & Dominus corpori.* Verum hunc quoque scrupulum possum utcumque discutere, quod paulo superius in catalogo vitiatorum meminisset & idololatriæ: *Nolite errare; neque fornicariis, neque idolis servientes, neque adulteri.* Porro efusus idolothytorum vergebat ad speciem idololatriæ. Et ideo mox subdit. *Esca ventri, & venter escis:* significans pro necessitate corporis, pro tempore licere vesci quibuslibet, nisi aliud suaserit caritas proximi: sed impudicitiam semper & ubique detestandam esse. Quod vescimur, necessitatis est, quæ tollitur in resurrectione mortuorum: Quod libidinamur, malitiæ est. Sed alterum scrupulum non queo dissolvere, quomodo ad hæc quadret illud, *Sed ego sub nullius redigar potestatem.* Ait enim, sibi potestatem esse omnium, se tamen in nullius potestate fore. Si is dicitur esse in potestate aliena, qui ne offendat, abstinere, idem capite non de se prædicat: *Quum liber essem ab omnibus, omnium me servum feci, ut omnes lucrifacerem.* Hoc, opinor, offensum scrupulo, sanctus Ambrosius, putat hunc esse germanum Apostoli sensum, ut viam præstruat illi, quod ait cap. ix. sibi quoque potestatem esse faciendi, quod cæteri faciebant vel Apostoli, vel pseudopostoli, sumendi victum ab his, quibus prædicabat Evangelium. Sed ab hoc, tametsi licebat, temperabat, quod sic expediret Corinthiis, quos de tam multis & insignibus vitiis objurgabat. Porro quisquis accipit, sit quodam modo obnoxius ei a quo accipit, & aliquid decedit de vigore auctoritatis. Siquidem qui accipit, minus libere objurgat: & qui dedit, non perinde fert objurgari ab eo, cui benefecit. In hoc igitur Paulus abstinit ab iis quæ licebant, ut consuleret Apostolicæ libertati, quam in hoc volebat nulli esse obnoxiam, ut liberius, ac majore cum auctoritate reprehenderet illorum vitia. Mihi sane non displicet Ambrosiana sententia. At tamen si quis mallet hunc locum ad cibos accommodare, mea sententia, quod ait Paulus, *Sed ego sub nullius redigar potestatem*, sic accipi posset: Tametsi nonnunquam abstinere a cibis immolatis, aut lege Mosaica vetitis, ut consulam saluti proximi ac profectui Evangelico; tamen animus meus liber est, qui scit sibi licere vesci cibis quibuslibet pro necessitate corpusculi. At pseudopostoli conabantur hoc persuadere, quosdam cibos per se impuros esse, nec abstinendum per occasionem, sed semper ab his temperandum, tanquam natura malis, nec aliter quam abstinemus ab homicidio, & adulterio. Hoc quibus erat persuasum, redacti erant sub alienam potestatem, & exciderant ab Evangelica libertate. Solus, quod quidem meminim, Theophylactus sententiam inducit ab his omnibus diversam: *Licet vesci quibuslibet cibis, sed non expedit immodice. Nam ex luxu nascitur impudicitia.* Hic sensus, quamquam impius non est, tamen mihi non videtur hujus loci germanus esse. Ostendi quæ me torqueant: vestra caritatis erit, me ex his scrupulis eximere. Ev. Næ tu probe tuo respondes nomini. Qui sic novit proponere quæstiones, non opus habet alio qui dissolvat. Sic enim proposuisti dubitationem tuam, ut ego dubitare desierim. Tametsi Paulus in ea epistola, quoniam multa simul decrevit agere, sæpe ab uno argumento in aliud devolvitur, & rursum quod intermiserat, repetit. Ch. Nisi vereretur, ne vos mea loquacitate avocem a capiendi cibo, & si crederem fas esse tam sacris colloquiis admiscere quicquam ex profanis auctoribus, proponerem, & ipse quiddam, quod hodie legentem me non torset, sed unice delectavit. Ev. Imo profanum dici non debet, quicquid pium est, & ad bonos mores conducens. Sacris quidem literis ubique prima debetur auctoritas, sed tamen ego nonnunquam offendo Poetas, vel dicta, tam sancte, vel scripta ab ethnicis, etiam quædam, tam caste, tam sancte, tam divinitus, ut mihi non possim persuadere, quin pectus

A illorum, cum illa scriberent, numen aliquod bonum agita-
verit. Et fortasse latius se fundit spiritus Christi, quam nos
interpretamur. Et multi sunt in confortio sanctorum, qui
non sunt apud nos in catalogo. Fateor affectum meum apud
amicos: non possum legere librum Ciceronis de Senectute,
de Amicitia, de Officiis, de Tusculanis quæstionibus, quin
aliquoties exosculer codicem, ac venerer sanctum illud pec-
tus, afflatum cœlesti numine. Contra, cum hos quosdam
recentiores lego de republica, œconomica, aut ethica præ-
cipientes, Deum immortalem, quam frigent præ illis, imo
quam non videntur sentire quod scribunt, ut ego citius pa-
tiar perire totum Scotum, cum aliquot sui similibus, quam
libros unius Ciceronis, aut Plutarchi: non quod illos in to-
tum damnem, sed quod ex his sentiam me reddi meliorem,
cum ex illorum lectione surgam, nescio quomodo, frigidius
affectus erga veram virtutem, sed irritior ad contentio-
nem. Quare ne verere, quicquid istuc est, proponere. Ch.
Cum plerique libri M. Tullii, quos scripsit de Philosophia,
divinitatis quiddam spirare videntur, tum ille quem senex
scripsit de Senectute, plane mihi videtur *ῥόνησιον ἄσκη-
μα*, quemadmodum Græcis est in proverbio. Eum hodie rele-
gi, atque hæc verba, quoniam præ cæteris aridebant, edi-
dici: *Quod si quis Deus mihi largiatur, ut ex hac ætate re-
puerascam, & in cunis vagiam, valde recusem: nec vero velim
quasi decurso spacio, a calce ad carceres revocari. Quid enim ha-
bet hac vita commodi, quid non potius laboris? Sed non habeat
sane: habet certe tamen aut satietatem, aut molestiam. Non li-
bet enim mihi deplorare vitam, quod multi, & hi docti, sæpe fe-
cerunt. Nec me vixisse pœnitet, quoniam ita vixi, ut frustra me
natum non existimem. Et ex vita ista discedo, tanquam ex hosi-
tio, non tanquam e domo. Commorandi enim natura diversorum
nobis, non habitandi dedit. O præclarum illum diem, quum ad
illud animorum concilium cœtumque proficiscar, & cum ex hac
turba & colluvione discedam.* Hactenus Cato. Quid ab ho-
mine Christiano dici potuit sanctius? Utinam talia essent
colloquia monachorum omnia, vel cum sacris virginibus,
quale fuit illud ethnici senis colloquium cum ethnicis ado-
lescentibus. Ev. Jam aliquis causabitur colloquium esse con-
fictum a Cicerone. Ch. Istuc mea non magni refert, si-
ve hoc laudis tribuatur Catoni, qui talia senserit, dixeritque:
si-ve Ciceroni, cujus animus sententias tam divinas cogita-
tione complexus sit, cujus calamus res egregias pari faci-
litate depinxerit. Quamquam equidem arbitror, & Cato-
nem, etiam si non dixit eadem, tamen similia dicere solitum
in colloquiis. Nec enim tam impudens erat M. Tullius, ut
aliud Catonem finxerit, quam fuerit: & in dialogo parum
meminerit decori, quod in primis spectandum est in hoc
scripti genere, & præsertim quum ejus viri memoria recens
adhuc hæreret animis ejus ætatis hominum. Th. Vhe-
menter probabile est quod narras: sed dicam quid mihi ve-
nerit in mentem, te recitante. Sæpenumero mecum admi-
ratus sum, quum omnes optent longævitatem, & mortem
exhorreant, tamen vix quenquam comperiri tam felicem,
non dico senem, sed provectioris ætatis hominem; quin ro-
gatus, an si detur, velit repuerascere, usus per omnia iis-
dem bonis ac malis, quæ illi jam contigissent in vita, re-
sponderit idem quod Cato dicit; præsertim si recolat ani-
mo, quicquid annis retroactis seu triste, seu lætum obtigis-
set. Nam frequenter & suavium rerum recordatio, vel cum
pudore vel cum conscientia molestia conjuncta est, ut ani-
mus ab his etiam recolendis non minus abhorreat, quam
a tristibus. Id opinor nobis indicarunt sapientissimi Poe-
tæ, qui scribunt, tum demum animas capi desiderio
corporum relictorum, posteaquam ex amne Lethæo longa
biberint obliviam. Ur. Est istuc profecto dignum admira-
tione, & mihi quoque compertum in nonnullis. Verum
illud quam mihi blandiebatur; *Nec me vixisse pœnitet!* At
quotusquisque Christianorum sic moderatur vitam suam,
ut hujus senis vocem sibi possit usurpare? Vulgus homi-

Tom. I. Vv 3 num

1 *ῥόνησιον ἄσκημα* Id est, *Cygnus cantio*. Vide Chilades. Senilem atque jam morti vicinam eloquentiam significat, quæ nonnullis singula-
ris obvenit atque eximia. Vel convenit in eos, qui extrema senectute
facundius scribunt.

2 Caveant adolescentes ne propterea putent significari Catonem il-
lum Prætorium, æqualem Ciceroni. Vel sola inscriptio libri Ciceronis
doceat agi de Catone Censorio. Quod non monerem, nisi hac in re,
ut in aliis multis, errasset consarcinator notarum, quæ Varrorum dicun-
tur. Recens memoria Catonis Censorii dicitur, ævo Ciceronis, inter cu-
jus natales & mortem Catonis non intercellerat sæculum.

num existimat, se non frustra vixisse, si per fas nefasque congestas divitias relinquant morientes. At Cato ideo non putat se frustra natum, quod integrum & sanctum civem præstiterit reipublicæ, quod incorruptum magistratum, quod posteritati quoque virtutis & industriæ suæ monumenta reliquerit. Jam illo quid dici potuit divinius? *Discedo tanquam ex hospitio, non tanquam e domo.* Hospitio tantisper uti licet, donec hospes jubeat exire. E domo sua nullus facile pellitur. Et tamen hinc quoque sæpenumero propellit vel ruina, vel incendium, vel alius casus quispiam. Ut horum nihil accadat, tamen senio collabens ædificium, admonet esse demigrandum. NEPHALIVS. Non minus elegans est quod apud Platonem loquitur Socrates, *animam humanam in hoc corpore velut in præsidio positam esse, unde fas non sit discedere injussu Imperatoris, nec diutius in eo immorari, quam visum sit ei qui collocavit.* Illud significantius est in Platone, quod pro domo dixerit *præsidium*: siquidem in domo tantum commoratur, in præsidio destinati sumus functioni, quam nobis delegavit Imperator noster: non abluens a nostris literis, quæ vitam hominis nunc militiam, nunc certamen esse dicunt. UR. At mihi quidem oratio Catonis pulchre congruere videtur cum oratione Pauli, qui scribens Corinth. 2. cap. v. cœlestem mansionem, quam expectamus post hanc vitam, οἰκίαν vocat, & οἰκὸς κτήριον, hoc est, domum, sive domicilium. Cæterum hoc corpusculum appellat *tabernaculum*, Græce οἶκος. Nam & qui sumus, inquit, in hoc tabernaculo, ingemiscimus gravati. NEPH. Nec abludit a sermone Petri 2. 1. *Justum autem, inquit, arbitror, quamdiu sum in hoc tabernaculo, suscitare vos in commonitione; certum quod velox est depositio tabernaculi mei.* Quid autem aliud clamat nobis Christus, Matth. xxiv. Marc. xiii. & Luc. xxi. quam ut sic vivamus ac vigilemus, tanquam illico morituri? sic incumbamus honestis rebus, tanquam semper victuri? Jam illud quum audimus, *O præclarum diem!* nonne videmur audire Paulum ipsum Philipp. 2. loquentem, *Cupio dissolvi, & esse cum Christo?* CH. Quam felices sunt, qui tali animo mortem expectant! Sed in oratione Catonis, quamquam præclara est, tamen fiduciam aliquis taxare posset, ut ab arrogantia profectam, quam multum oportet abesse ab homine Christiano. Proinde mihi nihil unquam legisse videor apud Ethnicos, quod aptius quadret in hominem vere Christianum, quam quod Socrates paulo post bibiturus cicutam, dixit Critoni: *An opera, inquit, nostra sit probaturus Deus, nescio: certe scdulo conati sumus, ut illi placeremus. Est mihi tamen bona spes, quod ille conatus nostros sit boni consulturus.* Vir ille sic diffidit factis suis, ut tamen ob animi propensam voluntatem obtemperandi voluntati divinæ, bonam spem conceperit, fore, ut Deus pro sua bonitate, boni consulturus esset, quod studuisset bene vivere. NEPH. Profecto mirandus animus in eo qui Christum ac sacras literas non noverat. Proinde quum hujusmodi quædam lego de talibus viris, vix mihi tempero, quin dicam, *Sancte Socrates, ora pro nobis.* CH. At ipse mihi sæpenumero non tempero, quin bene ominer sanctæ animæ Maronis & Flacci. NEPH. At ego quot vidi Christianos, quam frigide morientes! Quidam fidunt in his rebus, quibus non est fidendum: quidam ob conscientiam scelerum & scrupulos, quibus indocti quidam obstrepunt morituro, pene desperantes exhalant animam. CH. Nec mirum, eos sic mori, qui per omnem vitam tantum philosophati sunt in cærimoniis. NEPH. Quid isthuc verbi est? CH. Dicam, sed illud etiam atque etiam præfatus, me non damnare, imo vehementer probare sacramenta & ritus Ecclesiæ; sed quosdam vel improbos vel supersticiosos, vel, ut mollissime dicam, simplices & indoctos, qui docent populum hisce rebus fidere, prætermittis his quæ nos vere reddunt Christianos. NEPH. Nondum satis intelligo quorsum eas. CH. Faxo ut intelligas. Si vulgus Christianorum spectes, non præprora & puppis vitæ illis in cærimoniis est? In baptismo quanta religione repræsentantur præsciti ritus Ecclesiæ? Commoratur infans extra fores templi, peragitur exorcismus, peragitur catechismus, suscipiuntur vota, abjuratur Sata-

1 Eximius, ut opinor, sententiis moralibus, quæ in utriusque Scriptis occurrunt, permotus bene ominatur hic Erasmus, de salute Virgilii & Horatii, sed, ne alia memorem, turpissimorum utriusque & versuum & amorum erat oblitus, nec recordabatur utrumque fuisse Epicureum; quorum hominum si sancta anima dicenda sunt, nescio quis non erit sanctus.

nas cum pompis & voluptatibus suis; tandem ungitur, consignatur, salitur, tingitur; datur negotium susceptoribus, ut puerum curent instituendum. Illi dato nummo redimunt libertatem. Et jam puer Christianus dicitur, & est aliquo modo. Mox rursus ungitur, tandem discit confiteri, sumit Eucharistiam, consuecit quiescere diebus festis, audire sacrum, jejunare nonnunquam, abstinere a carnibus. Et hæc si servat, habetur absolute Christianus. Ducit uxorem, accedit aliud sacramentum: initiatur sacris, rursus ungitur & consecratur, mutatur vestis, dicuntur preces. Atque hæc quidem omnia, quod fiunt, probō: sed quod hæc fiunt magis ex consuetudine, quam ex animo, non probō: quod nihil aliud adhibetur ad Christianismum, vehementer improbo. Siquidem magna pars hominum dum his fidei, nihilo secius interim per fas nefasque congerit opes, servit iræ, servit libidini, servit livori, servit ambitioni: sic tandem venit ad mortem. Hic rursus cærimoniæ paratæ. Adhibetur confessio semel atque iterum, additur unctio, datur Eucharistia, adfunt cerei sacri, adest crux, adest aqua sacra, adhibentur indulgentiæ; expromitur, aut illic etiam emittitur morienti diploma Pontificis; ordinantur parentalia magnifice celebranda, fit rursus stipulatio solennis; adest qui clamat ad aurem morientis; imo nonnunquam occidit ante tempus, si contingat, ut sæpe fit, vocalior, aut bene potus. Hæc ut recte adhibentur, præsertim quæ nobis tradidit Ecclesiastica consuetudo, ita sunt alia quædam reconditiora, quæ nobis hoc præstant, ut cum alacritate spiritus, ut cum Christiana fiducia migremus hinc. Ev. Pieti quidem ista vereque concionaris, sed interim nullus admovet manum cibis. Caveat quisque ne se fallat. Ego prædixi, nihil expectandum præter secundas mensas, easque rusticanas; ne quis sibi promittat Phasides aves, aut Attagenas, aut Attica bellaria. Hæc amoveto, puer; & quod restat, apponito. Videtis non copiam, sed inopiam nostræ cornu. Hic est proventus hortulorum quos vidistis. Ne parcite, si quid arridet. TI. Tanta varietas est, ut vel ipso recreemur adspectu. Ev. Atqui ne plane contemnatis frugalitatem meam, hæc patina exhilarasset Hilarionem monachum Euangelicum, comitatum vel centum monachis illius seculi. Paulo vero atque Antonio, vel mensibus commeatu esse potuisset. TI. Imo nec Petrus ille princeps Apostolorum fastidisset, opinor, cum apud Simonem coriarium diversaretur. Ev. Imo nec Paulus opinor, cum coactus egestate, sutoriam nocturnis horis exerceret. TI. Debemus benignitati divinæ. Sed ego malim esurire cum Petro ac Paulo, modo quod deesset corporis alimoniam, abundaret in deliciis animi. Ev. Imo discamus a Paulo, & abundare, & penuriam pati. Cum deerit, gratias agamus Jesu Christo, qui nobis suppediet & frugalitatis & patientiæ materiam. Quum supererit, gratias agamus illius munificentiae, qui nos sua liberalitate invitet ac provocet ad amorem sui: ac modice parceque fruenteis, quæ largiter præbuit divina benignitas, pauperum memores simus, quibus Deus deesse voluit, quod nobis superest; ut utrisque per alteros sit occasio virtutis. Siquidem nobis largitur, unde subvenientes egestati fraternæ, misericordiam ipsius promercamur: & illi nostra liberalitate recreati, gratias agunt Deo pro bona mente nostra, nosque precibus suis illi commendant. Et recte venit in mentem. Heus, puer; dic uxori, ut ex assis, quæ superant, mittat Gudulæ nostræ. Est vicina quædam gravis, tenui fortuna, sed animo beatissima. Maritus nuper decessit, homo profusus & ignavus, qui nihil uxori reliquit, præter liberorum gregem. TI. Christus jussit dare omni petenti; id si facerem, intra menssem ipsi mihi mendicandum esset. Ev. Opinor Christum sentire de his, qui petant necessaria. F. Nam qui petunt, imo qui flagitant, vel extorquent potius magnas summas, quibus exstruant cœnationes Lucullianas, aut, quod pejus est, quibus alant luxum ac libidinem suam, iis negare, quod petunt, eleemosyna est: imo rapina est largiri male usuris, quod debebatur præfenti necessitati proximorum. Unde mihi videtur vix excusari posse a peccato capitali, qui sumptibus immodicis aut exstruunt, aut ornant monasteria seu templa, quum interim tot viva Christi templa fame periclitentur, nuditate horreant, rerumque necessariarum inopia discrucientur. Quum essem apud Britannos, vidi tumbam divi Thomæ gemmis innumeris sum-

summique precii onustam, præter alia miracula divitiarum. Ego malim ista quæ superflua sunt, elargiri in usus pauperum, quam servare satrapis, aliquando semel omnia direpturis; ac tumbam ornare frondibus ac flosculis: id opinor gratius esset illi sanctissimo viro. Cum essem apud Insulubres, vidi monasterium quoddam ordinis Cartusiani, non ita procul a Papiæ: in eo templum est, intus ac foris, ab imo usque ad summum, candido marmore constructum, & fere quicquid inest rerum, marmoreum est, velut altaria, columnæ, tumbæ. Quorsum autem attinebat tantum pecuniarum effundere, ut pauci monachi solitarii canerent in templo marmoreo, quibus ipsis templum hoc oneri est, non usui, quod frequenter infestentur ab hospitibus: qui non ob aliud eo se conferunt, nisi ut spectent templum illud marmoreum. Atque illic cognovi, quod stultius etiam est, illis legata in singulos annos tria millia ducatorum in structuram monasterii. Et sunt, qui putent esse nefas, eam pecuniam in pios usus avertere, præter mentem testatoris: maluntque demoliri, quod instaurent, quam non ædificare. Hæc quoniam insignia sunt, visum est commemorare: quanquam sunt passim in templis nostris exempla permulta similia. Hæc mihi videtur ambitio, non eleemosyna. Divites ambiunt sibi monumentum in templis, in quibus olim nec divus locus erat. Curant se sculpendos ac pingendos, additis etiam nominibus ac beneficii titulo: atque hisce rebus bonam templi partem occupant, olim opinor postulaturos, ut ipsorum cadavera in ipsis reponantur altaribus. Dicit aliquis, An horum munificentiam existimas rejiciendam? Nequaquam, si templo Dei dignum sit, quod offerunt. Sed ego si Sacerdos aut Episcopus essem, hortarer crassos illos aulicos, aut negotiatores, ut, si vellent sua peccata redimere apud Deum, ista clanculum effunderent in subsidium eorum, qui vere pauperes sunt. Isti putant perire pecuniam, quæ sic frustulatur, & clanculum in præsentem egestatem tenuium sublevandam dissipatur, cujus nullum existet apud posteros monumentum. Ego puto nullam melius collocari ea, quam ipse Christus sibi vult imputari certissimus debitor. Ti. An non putas recte collocari, quod datur monasteriis? Ev. Et his darem non nihil, si dives essem, sed darem ad necessitatem, non ad luxum: tum his, inter quos sentirem vigere studium veræ religionis. Ti. Multi judicant non admodum belle collocari, quod datur istis mendicis publicis. Ev. Et istis non nihil dandum est aliquando, sed cum delectu. At mihi consultum videatur, si singulæ civitates suos alerent, nec ferrentur erronee huc & illuc circumcursitantes, præsertim validi, quibus opus suppeditandum sentio potius, quam pecuniam. Ti. Quibus igitur potissimum dandum censēs, quantum, & quatenus? Ev. Hoc mihi ad unguem describere difficillimum sit. Primum animum adesse oportet, qui cupiat omnibus subvenire. Deinde pro mea tenuitate, quod possum, impertio, quoties sese offert occasio: præsertim his, quorum & paupertas & integritas mihi nota est: hortor & alios ad beneficentiam, si me defecerint facultates. Ti. Sed permittisne nobis hic in tuo regno libere loqui? Ev. Imo liberius quam si domi vestræ sitis. Ti. Non probas in templis sumptus immodicos, & has ædes multo minoris ædificare poteras. Ev. Equidem arbitror, has intra mundiciem consistere, aut, si mavis, elegantiam: certe absunt a luxu, ni fallor. Edificant magnificentius, qui mendicato vivunt. Et tamen hi ipsi horti mei quales quales sunt, vectigal pendunt egenis: & quotidie sumptibus aliquid detraho, in meo frugalior, quo possum esse in pauperes munificentior. Ti. Si istum animum obtinerent omnes, permulti melius haberent, quos nunc egestas gravat indignos & ex adverso multi minus essent obelli, digni quos egestas doceat sobrietatem ac modestiam. Ev. Fortasse sic res habet. Sed vultisne ut hæc insipida bellaria, re quapiam suavi condiamus? Ti. Plus satis est delectiarum. Ev. At ego hinc depromam, quod ne saturi quidem fastidiatis. Ti. Quid est? Ev. Codex est Evangeliorum, ut, quod lautissimum habeo, vobis depromam in fine convivii. Recita, puer, ab eo loco, ubi proxime destitisti. PUER. 2. Nemo potest duobus Dominis servire: aut enim unum odio habebit, & alterum diliget: aut unum sustinebit & alterum contemnet. Non potest

A is Deo servire & mammona. Ideo dico vobis, ne solliciti sitis anima vestra quid manducetis, neque corpori quid induamini. Nonne anima plus est quam esca, & corpus plus quam vestimentum? Ev. Redde codicem. In hoc loco mihi Jesus Christus videtur bis idem dixisse. Etenim pro eo quod prius dixit, odio habebit, mox ponit, contemnet: & pro eo quod prius posuerat, diligit, mox vertit, sustinebit: commutatis personis existit eadem sententia. Ti. Non satis assequor quid velis. Ev. Demonstramus igitur ratione mathematica, si videtur. In priore parte pro uno pone A, pro altero B: rursus in posteriore pro uno pone B, pro altero A, verso ordine. Aut enim A odio habebit, & B diligit: aut B sustinebit, & A contemnet. Nonne hic palam est, A bis odio haberi, & B bis diligi? Ti. Perspicuum est. Ev. Atqui hæc conjunctio, aut, præsertim repetita, habet emphasim sententiæ contrariæ, aut certe diversæ. Alioqui nonne absurde diceretur, Aut Petrus me vincet, & ego cedam, aut ego cedam, & Petrus me vincet? Ti. Lepidum, ita me Deus amet, sophisma. Ev. At tum demum mihi videbitur lepidum, si hoc ex vobis didicero. TH. Animus somniat ac paratur mihi nescio quid: si jubetis, quicquid est, proferam in medium, vos eritis vel onirologi, vel obstetrices. Ev. Quanquam vulgo mali ominis habetur, somniorum meminisse in convivio, & parum sit verecundum, coram tot viris, scetum eniti: tamen nos istud somnium, si ve mavis partum animi tui, libenter excipiemus. TH. Mihi videtur in hoc sermone res commutari potius, quam persona. Et hanc vocem, unum & unum, non referri ad A & B, sed utraque pars refertur ad utrumlibet, ut utrumcunque delegeris, ei jam opponatur, quod significatur per alterum. Quasi dicas: aut excludes A, & admittes B: aut A admittes, & excludes B. Hic videtis manente persona, rem esse translatam. Atque hoc ita dictum est de A, ut nihil referat, si idem enunciis de B, hoc pacto: aut B excludes, & admittes A; aut admittes B, & excludes A. Ev. Sane argute tu quidem problema nobis explicuisti, neque quisquam mathematicus melius depinxisset in pulvere. SOPH. Illud me magis movet, quod prohibet esse sollicitos de crastino, quum Paulus ipse laborarit manibus, victus parandi causa; atque idem acriter increpet ociosos, & ex alieno vivere gaudentes, admonens ut laborent, ac manibus operentur quod bonum est, ut sit unde tribuant aliquid necessitatem patienti. An non pii sanctique labores sunt, quibus maritus tenuis alit uxorem sibi carissimam, dulcesque liberos? Ti. Ista quæstio, mea sententia, variis modis dissolvi potest. Primum, ut ad illa tempora potissimum pertineat: Apostolis ob Evangelii prædicationem late vagantibus, eximenda erat sollicitudo victus undecunque suppeditandi, quibus non vacabat opera manuarum cibum querere, præsertim cum nullam artem scirent, præter piscationem. Nunc alia ratio temporum est, & ocium amplectimur omnes, laborem fugimus. Altera dissolvendi ratio est: Christus non interdixit industriam, sed sollicitudinem. Et sollicitudinem intellexit, juxta vulgarem hominum affectum, qui nulla de re magis anxius sit, quam de parando victu, ut omnibus rebus omis- sis, hoc solum agant, huic uni curæ sint addicti. Id prope- modum indicat ipse Dominus, cum negat eundem duobus dominis servire posse. Servit enim qui totopostore addictus est. Præcipuam igitur curam vult esse Evangelii propagandi, non solam. Ait enim: Primum querite regnum Dei, & hæc adjiciuntur vobis. Non dicit solum, querite, sed, priusquam querite. Cæterum in voce 4. crastini, puto hyperbolen esse, quum significet, in longinquum, qui mos est avaricie hujus mundi, ut posteris etiam anxie parent & querant. Ev. Accipimus tuam interpretationem: sed quid sibi vult, quod ait, Ne solliciti sitis anima vestra, quid cedatis. Corpus veste tegitur, at non edit anima. Ti. Animam, ut opinor, hic vitam appellat. Ea periclitatur, si cibum subduxeris: non item,

3 Laborant manibus] Verba Pauli exstant 2 Thess. 3. 8. 11. 12. Neque gratis panem edimus acceptum a quoquam, sed cum labore & arummo nocte dieque operantes, ne cui vestrum oneri essemus. Et paulo post: Audimus quosdam ambulare inter vos inordinato, nihil agentes, sed inanis satagentes. His autem qui sunt istiusmodi mandamus & precamur per dominum nostrum Jesum Christum, ut cum quiete operantes, suo pane vescantur.

4 Vers. 34. ejusdem cap. vi. Matthæi. Ostenderunt interpretes vocem 4. mabhar, quæ solet verti augur, cras, non diem tantum crastinum, sed quodvis tempus futurum significare. Vide præsertim H. Grotium ad Matth. vi. 11.

1 Christus sibi vult imputari] Respicit auctor ad verba Christi, Matth.

2 Nemo potest, &c.] Locus Matth. 6. vers. 24.

item, si vestem detraxeris, quæ magis datur pudori, quam necessitati. Et si quem affligit nuditas, non statim occidit: at inedia certissima mors est. Ev. Non satis video, quomodo cohæreat cum hac sententia, quod adjecit: *Nonne anima plus est quam esca? & corpus plus est quam vestimentum?* Nam si vita magni precii est, tanto magis advigilandum ne pereat. Ti. Hoc argumentum non adimit nobis sollicitudinem, sed auget. Ev. At non hoc sentit Christus, quod interpretaris, sed hoc argumento nobis addit fiduciam de Patre. Si Pater benignus gratis & de suo dedit id quod carius est, etiam adjiciet id quod vilius est. Qui dedit animam, non negabit alimoniam: qui dedit corpus, adjiciet alicunde vestem. Illius igitur benignitate freti, non est quod discruciemur sollicitudine curaque rerum infimarum. Quid igitur superest, nisi ut utentes hoc mundo, tanquam non utamur, totam curam ac studium nostrum transferamus in amorem rerum coelestium, atque rejecto mammona, imo toto Satana cum omnibus suis præstigiis, uni Domino, toto & alacri pectore serviamus, qui non destituet filios suos. Sed interim nullus attingit bellaria. His certe cum gaudio vesci licet, quæ non magna cura nobis domi proveniunt. Ti. Abunde satisfactum est corpusculo. Ev. Vellem equidem & animo. Ti. Atque uberius etiam animo. Ev. Hæc igitur tolle, puer; ac labrum appone. Lavemus, amici; ut si quid forte commissum est in hoc convivio, purgati, canamus hymnum Deo. Perficiam, si videtur, quod coeperam ex Chrysostomo. Ti. Rogamus. Ev. *Gloria tibi, domine; gloria tibi, sancte; gloria tibi, rex; quoniam dedisti nobis escam, imple nos gaudio & latitia in Spiritu sancto, ut inveniamur in conspectu tuo acceptabiles; nec pudeamus, quando reddes unicuique secundum opera sua.* PUER. Amen. Ti. Profecto pius & elegans est hymnus. Ev. Hunc divus Chrysostomus non dedignatur etiam interpretari. Ti. Quoniam loco? Ev. In Matthæum, homilia LVI. Ti. Non omittam quin hodie legam. Sed illud unum interim ex te cupio discere, cur ter optamus Christo gloriam, idque triplici cognomine, *domini, sancti, & regis?* Ev. Quoniam illi debetur omnis gloria. Sed nobis triplici nomine potissimum est glorificandus: Quod suo sacrosancto sanguine redemerit nos a tyrannide Diaboli, sibi que asseruerit; unde & dominum illum vocamus. Deinde, quod non contentus gratis condonasse nobis omnia peccata, per spiritum suum contulit nobis & justitiam suam, ut sectemur ea quæ sunt sanctimoniz. Atque ob id *sanctum* eum vocamus, quod sit sanctificator omnium. Postremo, quod ab eodem speramus præmium regni coelestis, ubi ille jam sedet ad dexteram Dei Patris, & hinc nobis *rex* dicitur. Atque hanc totam felicitatem illius erga nos, gratitæ bonitati debemus, quod pro domino, vel tyranno potius Diabolo, Dominum habemus Jesum Christum: pro immunditia & sordibus peccatorum, innocentiam ac sanctimoniam: pro gehenna, gaudia vitæ coelestis. Ti. Pia profecto sententia. Ev. Quoniam nunc primum vos hic accepi convivio, non dimittam vos absque xeniis, sed talibus, qualis fuit apparatus. Heus, puer; profer apophoreta nostra. Sive fortiri placet, sive sibi quisque malit deligere, minimum refert; ejusdem fere precii sunt omnia, hoc est, nullius. Non enim sunt fortes Heliogabali, ut huic obveniant equicentum, illi totidem muscæ. Sunt libelli quatuor, horologia duo, lucernula, & theca cum calamis Memphiticis. Hæc arbitror magis convenire vobis, quam opobalsamum, aut dentifricium, aut speculum, si vos novi satis. Ti. Adeo bella sunt omnia, ut nobis difficilis sit electio: ipse magis pro tuo arbitratu distribuito; sic gratius etiam erit quicquid obtigerit. Ev. Hic libellus in membranis habet proverbialia Salomonis: sapientiam docet, & auro pictus est, quod aurum habeat sapientiz symbolum. Hoc dabitur cano nostro, ut, juxta doctrinam Evangelicam, habenti sapientiam detur sapientia, & exuberet. Ti. Certe curabitur ut minus egeam. Ev. Sophronio congruet horologium, huc ex extrema Dalmatia profectum, ut vel sic commendem munusculum meum. Novi enim, quam ille sit parvus temporis, quam nullam omnino portionem rei preciosissimæ sinat abire sine fructu. SOPH. Imo pigrum admones diligentiz. Ev. Hic libellus habet in membranis Evangelium secundum Matthæum; gemma tegi merebatur, nisi nullum esset illi scrinium aut theca carior, quam pectus hominis. Illic igitur recondito, Theophile, quo magis hoc sis, quod di-

ceris. TH. Efficiam ne prorsus male collocasse videaris tuum munus. Ev. Hic sunt epistolæ Pauli, quas tu lubenter tecum circumfers, Eulali; qui Paulum semper habere soleas in ore: nec haberes in ore, nisi esset in pectore: posthac commodius erit etiam in manibus oculisque. EVL. Istuc non est dare munus, sed dare consilium. Porro bono consilio nullum est munus preciosius. Ev. Lucernula conveniet Chrysoglotto, anagnostæ insatiabili, & ut M. Tullius inquit, librorum helluoni maximo. CH. Bis habeo gratiam: primum pro munere non vulgariter eleganti: deinde, quod somnuculosum admones vigilantiz. Ev. Theca calamaria debetur Theodidactō, felicissime *πολυγράφου*: atque hos ego calamos felicissimos esse judico, quibus celebrabitur gloria Domini nostri Jesu Christi, tali præferim artifice. THEODIDACT. Utinam & pectus suppeditare possis, quemadmodum suppeditas instrumenta. Ev. Hic codex habet aliquot Plutarchi libellos de moribus, sed selectos, & a quodam Græcæ literaturæ peritissimo non inficite descriptos; in quibus tantum reperio sanctimoniz, ut mihi prodigio simile videatur, in pectus hominis ethnici, tam Evangelicas potuisse venire cogitationes. Hic dabitur Uranio juveni & φιλέλαλῳ. Superest horologium; id cedat nostro Nephelio, paratissimo temporis dispensatori. NEPH. Habemus gratiam, non solum pro munusculis, verum etiam pro testimoniis. Nam isthuc non tam est distribuere xenia, quam elogia. Ev. Imo ego vobis habeo gratiam duplici nomine. Primum, quod nostram exilitatem boni consulitis. Deinde, quod eruditis juxta ac piis sermonibus refecistis animum meum. Ego vos quomodo acceptos dimittam, nescio; certe vos relinquam melior ac doctior. Scio, vobis non esse cordi fistulas, aut moriones, ac multo minus aleam. Quare, si videtur, sallemus horulam spectandis reliquis regiz mez miraculis. Ti. Istuc eram abs te flagitaturi. Ev. Apud bonæ fidei promissorem, non est opus flagitatore. Hanc aulam æstivam opinor vos jam satis contemplatos. Habet triplicem prospectum, & quoquo versum deflectas oculos, occurrunt viror hortorum gratissimus. Vitreis fenestris volubilibus, si videatur, licet excludere cælum, si nebulis aut ventis sit incommodius: licet & densis valvis foris adventis, ac tenuibus intus, excludere solem, si quid offendant æstus. Hic quum prandeo, videor in horto prandere, non in domo. Nam & parietes virentes, suos habent inperfos flosculos, sunt & picturæ non invenustæ. Hic Christus supremam computationem agit cum electis discipulis. Hic natalitia celebrat Herodes: funesto convivio. Hic Evangelicus ille dives epulatur splendide, mox descensurus ad inferos. Lazarus repellitur a foribus, mox excipiendus sinu Abrahæ. Ti. Hoc argumentum non satis agnoscimus. Ev. Cleopatra est cum Antonio luxu decertans: jam unionem ebibit, alteri manum admovit detractura. Hic pugnant Lapithæ. Hic Alexander Magnus hasta transverberat Clitum. Hæc exempla nos admonent sobrietatis in convivio, & a crapula luxuque deterrent. Nunc adeamus bibliothecam, non illam quidem multis instructam libris, sed exquisitis. Ti. Locus hic plane divinitatem quandam præ se fert, adeo nitent omnia. Ev. Hic videtis præcipuam partem opum mearum. Nam in mensa nihil vidistis nisi vitreum ac stanneum; nec est in tota domo vas ullum argenteum, præter unum poculum inauratum, quod ob amorem ejus, qui dono dedit, religiose servo. Hæc sphaera pensilis totum orbem ponit ob oculos. Hic in parietibus singulæ regiones fusiore spacio depictæ sunt. In reliquis parietibus videtis insignium auctorum imagines; nam omneis depingere fuerat infinitum. Christus primum habet locum, porrecta manu sedens in monte. Capiti: imminet Pater, dicens: *Ipsum audire*. Spiritus sanctus expansis alis multa luce completitur illum. Ti. Opus, ita me Deus bene amet, Apelle diligam. Ev. Adjunctum est bibliothecæ musæon quoddam angustum, sed elegans, quod submota tabula ostendit foveculum, si quid offenderit frigus. In æstate videtur solidus paries. Ti. Hic mihi gemme videntur omnia. Est & mira odoris gratia. Ev. Hoc mihi præcipue studio est, ut nitescat domus, & bene oleat. Utraque res minimo constat.

Ha-

1. Matth. xiv, 6.

2. Luc. xvi, 1.

3. Matth. xvi, 5.

Habet bibliotheca suum ambulacrum pensile, spectans in hortum, & huic adhæret sacellum. **Tr.** Locus numine dignus. **Ev.** Nunc adeamus illa tria ambulacra, quæ imminent iisque vidistis ad hortum domesticum spectantia. In his superioribus utroque prospectus est, sed per fenestras, quæ possunt occludi, præsertim in his parietibus qui non spectant hortum interiorem, quo domus sit tutior. Hic ad lævam, quia plus est lucis, & paries raris fenestris interruptus, ordine depicta est tota vita Jesu, ex narratione quatuor Evangelistarum, usque ad missum Spiritum sanctum, & primam prædicationem Apostolorum ex Actis. Additæ sunt & locis notæ, ut agnoscat spectator, juxta quod stagnum, aut in quo monte res gesta sit. Additi sunt tituli, paucis verbis subnotantes totum argumentum: velut illud quod dicitur a Jesu, *Volo, mundare*. Ex adverso respondent figuræ & vaticinia Veteris Testamenti, præsertim e Prophetis & Psalmis, qui nihil aliud habent, quam Christi vitam, & Apostolorum, aliter narratam. Hic nonnunquam obambulo mecum fabulans, & animo contemplans illud ineffabile consilium Dei, quo per Filium suum restituere voluit genus humanum. Nonnunquam adest uxor comes, aut amicus quispiam, qui rebus piis delectetur. **Tr.** In hac domo cui posset obrepere tædium? **Ev.** Nulli qui didicerit secum vivere. In summa ora picturæ, velut extra ordinem, addita sunt capita Pontificum Romanorum cum suis titulis. Ex adverso capita Cæsarum, ob memoriam historiæ. In utroque cornu prominet pensile cubiculum, ubi liceat interquiescere, & unde spectare liceat pomarium, & aviculas nostras. Hic in extremo angulo prati, videtis aliud ædificiolum, ubi cenamus nonnunquam æstivis mensibus, & ubi curatur, si quem forte e familiaribus corripuerit morbus, ob contagium formidabilis. **Tr.** Quidam negant hujusmodi morbos esse vitandos. **Ev.** Cur ergo vitant foveam, aut venenum? An hoc minus timent, quia non vident? Nec basilisci venenum videtur, quod afflat oculis. Ubi res poscat, non dubitem pro necessariis venire in vitæ discrimen. Sine causa subire vitæ periculum, temeritas est: alios in vitæ periculum adducere, crudelitas. Sunt & alia quedam non injucunda spectatu: ea mandabo uxori, ut ostendat. Manete hic vel totum triduum, & hanc domum putate esse vestram. Pascite oculos, pascite animos. Nam me negotia quedam alio vocant. Est equitandum in pagos aliquot vicinos. **Tr.** Ob rem pecuniariam? **Ev.** Ego tales amicos non relinquerem pecuniæ gratia. **Tr.** Fortassis venatio parata est alicubi. **Ev.** Plane venatio est: sed aliud venor quam apros aut cervos. **Tr.** Quid igitur? **Ev.** Dicam. In uno pago decumbit amicus quidam non sine periculo vitæ. Nam corpori metuit medicus, ego magis metuo animæ illius. Si quidem mihi videtur parum recte compositus ad emigrandum, sicut dignum est Christiano: huic adero meis hortatibus, ut sive moriatur, sive revalescat, bono ipsius fiat. In altero dissidium acre natum est inter duos, non malos quidem illos, sed tamen pervicacis ingenii viros. Quod si exasperetur, vereor ne plures secum trahat in consortium similitatis. Adnitar totis viribus ut hos redigam in gratiam. Nam utrique sum veteri necessitudine junctus. Hæc sunt quæ venor. Quod si venatio successerit ex animi sententia, simul hic celebrabimus *trivium*. **Tr.** Pia venatio. Precamur, ut tibi pro Delia, Christus adspiret. **Ev.** Hanc prædam ego malim, quam obvenire mihi hæreditate bis mille ducatos. **Tr.** Mox rediturus? **Ev.** Non nisi tentatis omnibus: quare certum tempus non possum præscribere. Vos interim meis perinde ac vestris fruamini, & valete. **Tr.** Dominus Jesus te feliciter deducat, ac reducat.

De incomparabili heroe Johanne Reuchlino in divorum numerum relato.

POMPILIUS, BRASSICANUS.

Po. Unde nobis petasatus? **Br.** E Tubinga. **Po.** Nihilne istic rei novæ? **Br.** Equidem demiror usque adeo mortales omnes teneri siti quadam rerum novarum. At ego Lovanii a Camelum quendam audiui concionantem, fugiendum quicquid esset novum. **Po.** Vocem Camelo dignam. Dignus erat calo, si tamen homo fuit, qui nunquam mutet veteres calceos, aut putre subligar, semper

¹ *Pro Delia*] Respicit ad adagium *Delia annuente vel irata venari*. Diana vero cognominata *Delia* a patria, Delo, ubi Latona mater eam pepererat.

² *Camelum*] Camelum dixit decepta litera pro Carmelita

vescatur putribus ovis, nec aliud bibat quam vappam. **Br.** At idem, ne sis inficius, non usque adeo delectatur rebus veteribus, ut malit jus pridianum quam recens. **Po.** Sed omissio Camelo, dic si quid adfers novi. **Br.** Adfero quidem, sed, ut ille ajebat, malum. **Po.** Atqui istuc ipsum olim erit vetus. Ita fieri necesse est, ut si omnia vetera sint bona, omnia nova mala, quæcunque nunc bona sunt, fuerint olim mala; & quæ nunc sunt mala, sint olim futura bona. **Br.** Ita videtur juxta decretum Cameli. Immo consequitur, ut qui olim adolescens fuit malus fatuus, quia recens; idem nunc sit bonus fatuus, quia senuit. **Po.** Sed age prome quicquid est. **Br.** Egregius ille trilinguis eruditionis phoenix Joannes Reuchlinus vita defunctus est. **Po.** Rem certam naras? **Br.** Certiorem quam vellem. **Po.** Sed quid istuc mali, relicta posteris honestissimi nominis immortalis memoria, ab hujus vitæ malis demigrare in consortium beatorum? **Br.** Quis istuc tibi indicavit? **Po.** Res ipsa. Nec enim potest aliter mori, qui sic vixit. **Br.** At magis etiam isthuc diceret, si scias, quod ego. **Po.** Quidnam, obsecro? **Br.** Non est fas referre. **Po.** Quam ob rem? **Br.** Quia qui credidit, stipulatus est arcani silentium. **Po.** Eadem lege committe & mihi: recipio tibi silentium optima fide. **Br.** Quamquam ista fides me jam sæpenumero fefellit; tamen age, commitam: præsertim cum res sit ejus generis, ut expediat etiam esse notam bonis omnibus. Est Tubingæ quidam instituti Franciscani, vir omnibus habitus eximie sanctimonie, præterquam ipsi. **Po.** Magnum dicis argumentum veræ sanctimonie. **Br.** Agnosceres hominem, & fatereris verum, si nomen ederem. **Po.** Quid, si divinem? **Br.** Licet. **Po.** Admove aures. **Br.** Quid opus, cum simus soli? **Po.** Ita mos est. **Br.** Is ipse est. **Po.** Est homo certissimæ fidei. Mihi Sibyllæ folium erit quicquid ille dixerit. **Br.** Audi igitur totum dialogum bona fide. Ægrotabat noster Reuchlinus, satis quidem periculose, sed ita ut bona spes esset fore, ut revalesceret; vir dignus qui nunquam senesceret, ægrotaret aut moreretur. Mane visebam meum Franciscanum, ut animi mei molestiam oratione sua leniret. Nam ægrotabam una cum ægrotante amico, quem amabam ut patrem. **Po.** Phy! quis illum usquam non amavit, nisi vir pessimus? **Br.** Hic Franciscanus meus, Brassicane, inquit, emove penitus ex animo mororem omnem: Reuchlinus noster desit ægrotare. Quid? inquam, an subito revaluit? nam ante biduum non admodum læta promittebant medici. Tum ille, Revaluit, inquit, sed ita, ut posthac non sit illi formidanda valetudo adversa. Noli flere, (nam videbat erumpentes lacrymas,) prius quam audias rem omnem. Sex dies sunt, quod hominem non inviseram, sed tamen quotidianis precibus illius salutem Domino commendabam. Hodierna nocte cum me a matutinis hymnis in strato composuissem, blandus quidam minimeque gravis somnus obrepit. **Po.** Nescio quid læti mihi prælagit animus. **Br.** Non est tibi læva mens. Visus sum mihi, inquit, consistere ad ponticulum quendam, per quem transitus erat in pratum quoddam longe amoenissimum. Adeo blandiebatur oculis graminum & frondium plus quam smaragdinus viror, sic arridebant incredibili colorum varietate flosculorum stellulæ; sic spirabant omnia, ut quod erat pratorum citra rivum, quo dirimebatur felicissimus ille campus, nec vivere, nec virere videretur, sed mortua, inamœna, putidaque omnia. Atque interim dum totus sum in eo spectaculo, commodum præterierat Reuchlinus, præteriens Hebraice precatus est pacem. Jam medium pontis transierat prius quam sentirem: parantem accurrere, respiciens vetuit. *Nondum fas*, inquit. *Quinto ab hinc anno nos sequeris. Interim eorum qua aguntur, testis ac spectator assistis.* Heic ego: Nudus erat, inquam, Reuchlinus, an vestitus? solus, an comitatus? Vestium, inquit, nihil habebat, præter unam candidissimam: Damascenam esse dixisses, candore mire lucido: pone sequebatur puer incredibili specie, alatus: suspicabar, illius esse genium bonum. **Po.** Sed nullusne comitabatur genius malus? **Br.** Imo aliquot, ut Franciscanus ille arbitrabatur. Procul, inquit, a tergo sequebantur aves aliquot pennis cætera nigris, nisi quod explicatu alarum gilvas verius, quam candidas plumas ostenderent. Picæ, inquit, videri poterant colore &

Tom. I. Xx vo-

³ *Reuchlinus*] Est hic Joannes Reuchlinus, teste Gualterio, discipulus Joannis a Lapide, Professor Tubingensis, dñq; Phorœnsis, vixit circa annum 1500.

voce, nisi quod singulae sedecim picas æquarent magnitudine corporis, nihilo minores vulturibus, cristam gestantes vertice, rostris & unguibus aduncis, ventre prominente. Harpyiæ videri poterant, si tres modo fuissent. Po. Quid moliebantur istæ furæ? Br. Procul, inquit, obstrepebant heroi Reuchlino, & impetituræ videbantur, si licuisset. Po. Qui minus licuit? Br. Quia versus Reuchlinus, objecta manu crucis imaginem exprimens, Abite, inquit, quod dignum est, malæ pestes. Satis sit vobis negotium facessere mortalibus: in me jam, immortalibus adscriptum, nihil habet juris vestra dementia. Vix ea dixerat, inquit Franciscanus, mox aberant foedissimæ volucres, sed relicto foetore, ad quem collatum oletum videri posset famucinum, aut foliatum. Dejerabat se citius vel ad inferos descensurum, quam sustineret iterum afflari tali thymiamate. Po. Male sit illis pestibus. Br. Sed audi cætera quæ narravit mihi Franciscanus. Dum hæc intentus contemplor, inquit, jam ponti vicinus erat divus Hieronymus, qui Reuchlinum hîce verbis compellabat: *Salve, collega sanctissime. Datum est hoc mihi negotium, ut te exceptum deducam in consortium cælitum, quod tuis sanctissimis laboribus destinavit divina benignitas.* Simulque vestem protulit, qua Reuchlinum induit. Tum ego, Dic, inquam, mihi, quo cultu, quæve specie videbatur Hieronymus? Eratne tam senilis, quam illum pingunt? aut cucullam habebat, aut galerum, ac pallium cardinalitium, aut leonem comitem? Ad hæc ille: Nihil, inquit, istiusmodi. Species erat amœna, quæ sic ætatem testabatur, ut nihil haberet squaloris, dignitatis plurimum. Quorsum autem illic opus erat comite leone, quem illi pictores adjunxerunt? vestem gerebat ad talos usque demissam; crystallum diceret pellucidum. Eiusdem erat formæ, quam Reuchlino tradidit. Tota undique picta erat linguis triplici colorum varietate. Quædam pyropon præ se ferebant, nonnullæ smaragdum, tertiæ sapphirum. Pellucebant omnia, nec mediocrem gratiam addebat ordo. Po. Conjectio id fuisse insigne trium linguarum, quas calluerunt. Br. Non est dubium. Nam & fimbriæ, ut ajebat, trium linguarum literis, triplici colore distinctis, viscebantur inscriptæ. Po. Num incomitatus aderat Hieronymus? Br. Incomitatus, inquis? Totus ille campus obsidebatur myriadibus Geniorum, nec aliter opteplerant aerem totum, quam videmus in solis radiis, volitare minuta corpuscula, quæ vocant *ἀρούρα*, si tamen a re tam humili huc ducenda est comparatio. Neque cœlum videre licuisset, neque campum, nisi pellucerent omnia. Po. Euge, Reuchlino gratulor. Quid deinde factum est? Br. Hieronymus, inquit, honoris gratia complexus dextrum Reuchlinum, deduxit in medium pratum. Ibi collis erat in medio prominens. In hujus vertice uterque alterum blando osculo complexus est. Atque interea vasto hiatu cœlum superne diduxit sese, majestatem quandam inenarrabilem exhibens, sic ut ad eam speciem, cætera pene forderent, quæ tamen antea videbantur esse mirifica. Po. Non possis aliquam imaginem nobis depingere? Br. Qui possim ego, qui non vidi? Is qui vidit, negavit se ullis vocibus vel somnium rei posse depingere: tantum hoc ajebat, se vel millies mori paratum, si liceat iterum eo spectaculo, quamlibet exiguo momento frui. Po. Quid tandem? Br. Ex hiatu cœli demissa est ingens columna igne pellucido, sed amœno: per eam in complexu duæ sanctissimæ animæ subvectæ sunt in cœlum, choris angelicis tanta melodia delinientibus omnia, ut Franciscanus neget, se unquam ejus voluptatis meminisse posse, quin erumpant lacrymæ. Secuta est mira fragrantia. Ubi somnus reliquit hominem, si tamen ille somnus dicendus est, erat dementi similis; non credebat, sese esse in cellula sua; requirebat pontem ac pratum suum; nec aliud loqui, nec aliud cogitare poterat. Seniores ejus collegii, ubi senserunt rem non esse fabulosam, (nam compertum est eadem hora terris excessisse Reuchlinum, qua visio viro illi sanctissimo apparuit;) concordibus animis egerunt gratias Deo, qui benefacta piorum præmiis amplissimis remuneratur. Po. Quid igitur superest, nisi ut sanctissimi viri nomen adscribamus calendario sanctorum? Br. Id ego facturum eram, etiam si nihil tale vidisset Frag-

¹ Imperiti, nimirum, non ita multum ante Erasmi ætatem, ex putidis fabulis, existimabant Hieronymum fuisse Romanæ Ecclesiæ Cardinalem; quod commentum non semel rixit Erasmus, in scholiis ad Hieronymi Opera.

A ciscanus, & quidem aureis literis, proxime divum Hieronymum. Po. Emoriar, nisi idem facturum sum in codice meo. Br. Quin & in meo latario stabit aureus inter divos selectos. Po. Stabit & in meo vel gemmeus, si suppetat animos facultas. Br. Ponetur & in bibliotheca, Hieronymo proximus. Po. Addetur & meæ. Br. Immo si grati volent esse, idem facient omnes, qui colunt & amant linguas ac bonas literas, præsertim sacras. Po. Dignus est videlicet. Sed nihil te movet ille scrupulus, quod nondum relatus est in numerum divorum, auctoritate Romani Pontificis? Br. Quis canonizavit (sic enim vocant) divum Hieronymum? quis Paulum? quis Virginem matrem? Utrorum memoria sanctior apud pios omnes? horum quos insignis pietas, quos ingenii, vitæque monumenta commendant affectibus omnium; an Catharinæ Senensis, quam in divarum numerum retulisse fertur Pius, ejus nominis secundus, in gratiam ordinis & urbis? Po. Vera prædicas. Ille demum verus cultus est, qui sponte cœlo dignis meritis defunctorum exhibetur, quorum beneficia perpetuo sentiuntur. Br. Quid igitur? Putas tu hujus viri mortem deplorandam? Diu vixit, si quid ea res facit ad felicitatem hominis. Reliquit nunquam intermoritura virtutis suæ monumenta. Benefactis consecravit nomen suum immortalitati. Nunc exemptus malis, cœlo fruitur, & cum Hieronymo confabulatur. Po. At multa passus est in vita. Br. Sed plura passus est divus Hieronymus. Felicitas est, ob bona pati a malis. Po. Fateor certe; ob optima a pessimis multa perpassus est Hieronymus. Br. Quod olim fecit Satanas per Scribas & Phariseos in Dominum Jesum, hoc & nunc facit per Phariseos quosdam in optimos quosque viros, ac de genere mortalium suis vigiliis bene merentes. Nunc ille metit optimam messem pro semine, quam fecit. Interim nostræ partes erunt, illius memoriam habere sacrosanctam; illius nomen ferre laudibus; ac subinde illum salutare verbis hujusmodi: *O sancta anima, sis felix linguis, sis felix linguarum cultoribus, faveo linguis sanctis, perdisce malas linguas, infectas veneno gehennæ.* Po. Ita faciam, ac sæculo prædicabo cæteris, ut idem faciant. At non dubito, multos futuros, qui precatiunculam aliquam desiderent, quandoquidem hoc receptum, qua sanctissimi herois memoriam celebrent. Br. Hoc dicis, quod isti *Collectam* appellant? Po. Scilicet. Br. Hanc paraveram & ante mortem. Po. Recita, quæso. Br. *Amator humani generis Deus, qui domum linguarum, quo quondam Apostolos tuos ad Evangelii prædicationem per Spiritum tuum Sanctum cælitus instruxeras, per electum famulum tuum Joannem Reuchlinum mando renovasti: da, ut omnibus linguis, omnes ubique prædicent gloriam Filii tui Jesu, ne confundas linguas pseudoapostolorum, qui conjurati substruunt impiam turrim Babel, tuam gloriam obscurare conantes, dum suam stident accollere: cum uni tibi debeatur omnis gloria, cum Jesu Filio tuo unigenito, Domino nostro, & Spiritu Sancto, in æterna sæcula, Amen.* Po. Elegans profecto & pia precatio: dispeream nisi mihi quotidie dicetur. Et hunc occursum mihi felicem duco, qui rem tam lætam ex te didicerim. Br. Isto gaudio diu fruiere, ac vale. Po. Vale tu quoque. Br. Valebo, sed non coquus.

Proci & Puella.

PAMPHILUS, MARIA.

PA. Salve crudelis, salve ferrea, salve adamantina. MA. Salve tandem & tu Pamphile, quoties & quantum voles, & quocunque libet nomine. Sed interim mihi videris oblitus nominis mei; Maria vocor. PA. At Martiam dici oportuit. MA. Quid ita, quæso? Quid mihi cum Marte. PA. Quia quemadmodum illi Deo pro ludo est, homines interficere; ita & tibi: nisi quod tu Marte crudelior, occi-

* 2 Valebo, sed non coquus. Quum candidatus quidam, qui roci filius habebatur, coram Cicerone ab alio quopiam suffragium peteret, Cicero cavillans, *Ego quoque*, inquit, tibi favebo. Jocus autem est in dictione ambigua *quoque & cœce*: quod ad pronunciationem attinet. Unde liquet olim aliquam fuisse sonum harum literarum q & c quam nunc est. Quod si fuisset diversus, non erat jocus ex voce plura significante. Nunc litera c aliud sonat præcedens a, o, u, quam e, i, y, quod idem sit in Græcis, quum ejus varietatis nulli vetusti grammatici meminerint, quod equidem sciam. Et Fabius in primo libro disputat, q & k, redundare; non redundarent autem, si quid aliud sonarent quam c, nisi quod c apponitur respiratio, quam rejiciunt q & k. Ceterum u adjunctum q, evanescit; alioqui cotidie & quotidie non solum differrent scriptura, verum etiam sono, quod secus esse, licet ex Fabii verbis colligere cap. de orthographia. Porro jocus Ciceronis ad quem hic alluditur, referunt apud Quintilianum libro sexto, capite De ritu.

occidis etiam amantem. MA. Bona verba. Ubinam strages ista mortalium, quos ego occidi? Ubi sanguis interfectorum? PA. Unum cadaver vides exanimem, si modo me vides. MA. Quid ego audio? Mortuus loqueris, & obambulas? utinam mihi nunquam occurrant umbræ formidabiliores! PA. Ludis tu quidem; tamen interim miserum exanimas, & crudelius occidis, quam si confoderes telo. Nunc longo cruciatu excarnificor miser. MA. Eho, dic, quot gravidæ ad tuum occursum abortierunt? PA. Atqui pallor arguit exsanguem magis, quam ulla sit umbra. MA. Atqui iste pallor tinctus est viola. Sic palles ut cerasum maturescens, aut uva purpurascens. PA. Satis procaciter rides miserum. MA. Atqui si mihi non credis, admove speculum. PA. Non optarim aliud speculum; nec arbitror esse clarius ullum, quam in quo me nunc contempior. MA. Quod speculum mihi narras? PA. Oculos tuos. MA. Argutor, ut semper tui similis es! Sed unde doces esse exanimem te? An cibum capiunt umbræ? PA. Capiunt, sed insipidum, qualem ego. MA. Quibus igitur vescuntur? PA. Malvis, porris, & lupinis. MA. Atqui tu non abstines a capis & perdicibus. PA. Verum; sed interim nihilo plus sapiunt palato meo, quam si malvis vesceretur, aut betis absque pipere, vino & aceto. MA. O te miserum! & tamen interim obesus es. An & loquuntur exanimæ? PA. Sic ut ego, voce perquam exili. MA. Atqui nuper cum audirem te conviciantem rivali tuo, vox non erat admodum exilis. Sed obsecro te, num etiam ambulant umbræ? num vestiuntur? num dormiunt? PA. Etiam coeunt, sed suo more. MA. Næ tu suavis nugator es. PA. Sed quid dices, si argumentis Achilleis evincam, & me esse mortuum, & te esse homicidam? MA. Absit omen, Pamphile, sed aggredere sophisma. PA. Primum illud mihi donabis, opinor, mortem nihil aliud esse, quam abductionem animæ a corpore. MA. Largior. PA. Sed ita, ut ne reposcas, quod dederis. MA. Non fiet. PA. Tum haud inficiaberis, eum qui alteri adimit animam, homicidam esse. MA. Accedo. PA. Concedes & illud, quod a gravissimis auctoribus dictum, tot seculorum suffragiis comprobatum est, animam hominis non illic esse ubi animat, sed ubi amat. MA. Istuc explana crassius; non enim satis assequor quid velis. PA. Et hoc sum infelicior, quod istuc non æque sentis atque ego. MA. Fac ut sentiam. PA. Eadem opera fac ut sentiat adamas. MA. Equidem puella sum, non lapis. PA. Verum; sed adamante durior. MA. Sed perge colligere. PA. Qui corripuntur afflatu divino, nec audiunt, nec vident, nec olfaciunt, nec sentiunt, etiam si occidas. MA. Audi vi sane. PA. Quid conjectas esse in causa? MA. Dictu, Philosophe. PA. Nimirum, quoniam animus est in cœlis, ubi habet quod vehementer amat, & abest a corpore. MA. Quid tum postea? PA. Quid tum, dura? Illud consequitur, & me esse mortuum, & te esse homicidam. MA. Ubi est igitur anima tua? PA. Illic ubi amat. MA. Quis autem ademit tibi animam? Quid suspiras? Dic libere; dices impune! PA. Crudelissima quædam puella, quam ego tamen, ne mortuus quidem odisse possum. MA. Humanum ingenium. Sed cur illi vicissim non adimis suam animam, par pari, quod ajunt, referens? PA. Nihil me felicius, si quidem liceat facere permutationem, sic ut illius animus vicissim demigret in pectus meum, quemadmodum meus animus totus demigravit in corpus illius. MA. At licetne mihi tecum vicissim sophistam agere? PA. Sophistram. MA. Num fieri potest, ut idem corpus sit animatum, & exanimem? PA. Non eodem quidem tempore. MA. Cum abest anima, tum mortuum est corpus? PA. Est. MA. Nec animat nisi cum adest? PA. Esto sane. MA. Qui fit igitur, ut cum ibi sit ubi amat, animet tamen corpus unde demigravit? Quod si animat, etiam cum amat alibi, quomodo vocatur exanimem corpus, quod animatum est? PA. Argutare tu quidem satis sophistice; sed me talibus pedicis non capies. Anima quæ moderatur utcumque corpus animantis, improprie dicitur anima, cum revera sint tenues quædam animæ reliquæ, non aliter quam odor rosarum manet in manu, etiam rosâ submotâ. MA. Difficile est, ut video, vulpem capere laqueo. Sed illud responde, Nonne agit, qui occidit? PA. Maxime. MA. Et patitur qui occiditur? PA. Scilicet. MA. Qui fit igitur, ut cum qui amat, agat; quæ amatur, patiatur; occidere dicatur, quæ amatur, cum amans potius occidat seipsum? PA. Immo contra;

qui amat, patitur: quæ amatur, agit. MA. Istuc nunquam evinces apud Areopagitas Grammaticos. PA. At evincam apud Amphictyones Dialecticos. MA. Verum ne graveris & illud respondere. Volens amas, an nolens? PA. Volens. MA. Cum igitur liberum sit non amare, videtur homicida sui, quisquis amat; præterque jus accusat puellam. PA. Atqui puella non ideo occidit, quod amatur, sed quod non amat mutuum. Occidit autem quisquis servare potest, nec servat. MA. Quid si juvenis amet inconcessâ, hoc est, uxorem alienam, aut virginem Vestalem, num illa amabit mutuum, ut fervet amantem? PA. Sed hic juvenis amat, quod amare fas piumque est, atque etiam æquum & bonum, & tamen occiditur. Quod si leve est homicidii crimen, & veneficii ream peragam. MA. Istuc prohibeant superi. An Circen quampiam ex me facies? PA. Aliquid & ista crudelius. Nam porcus aut ursus esse malim, quam id quod nunc sum, exanimis. MA. Quo tandem veneficii genere perdo homines? PA. Fascino. MA. An igitur vis, ut posthac abs te defleat noxios oculos? PA. Bona verba. Imo magis affleat. MA. Si mihi sunt oculi fascinatores, qui fit, ut non contabescant & cæteri, quos obtueor? Itaque suspicor, fascinum istud esse in tuis oculis, non in meis. PA. Non sat tibi erat jugulare Pamphilum, ni insultes insuper? MA. Olepidum mortuum! Sed quando parabuntur exsequiæ? PA. Opinione tua celerius, ni tu succurras. MA. Egon' rem tantam possum? PA. Potes vel mortuum ad vitam revocare, idque minimo negotio. MA. Si quis mihi porrigat panacem. PA. Nihil opus herbis, tantum redama. Quid autem facilius, imo quid æquius? Non aliter absolveris ab homicidii crimine. MA. Apud quod tribunal peragat rea? Areopagitarum? PA. Non; sed apud tribunal Veneris. MA. Ajunt Deam esse placabilem. PA. Imo nullius ira perinde formidabilis. MA. Habet fulmen? PA. Non. MA. Habet tridentem? PA. Nequaquam. MA. Habet hastam? PA. Minime; sed est Dea maris. MA. Non navigo. PA. Sed habet puerum. MA. Non est formidabilis ætas. PA. Vindicem ac pervicacem. MA. Quid is mihi faciet? PA. Quid faciet? Prohibeant omnes superi. Nolim enim illi malum ominari, cui bene volo. MA. Tamen effare; nulla mihi superstitio est. PA. Dicam ergo. Si hunc spreveris amantem, non omnino mutuo indignum amore, nisi fallor, ille fortasse jussu matris, immittet tibi pessimo veneno tinctum jaculum, ut in fordium aliquem deperas, qui te tamen non redamet. MA. Supplicium narras abominandum. Ego sane vel mori præoptarim, quam perditæ amare deformem, nec amore mutuo respondentem. PA. Atqui nuper hujus mali fuit exemplum insigniter editum in puellam quandam. MA. Ubi locorum? PA. Aureliæ. MA. Quot anni sunt? PA. Quot anni? Vix sunt menses decem. MA. Puellæ quod erat nomen? Quid hæres? PA. Nihil; novi tanquam te. MA. Quin igitur edis nomen? PA. Quia non placet omen. Utinam alio quovis nomine dicta fuisset! Idem habebat nomen, quod tu. MA. Pater quis erat? PA. Vivit adhuc inter Jureconsultos præcipui nominis, re splendida. MA. Adde nomen. PA. Mauricius. MA. Cognomen. PA. Aglajus. MA. Vivitne mater? PA. Nuper reliquit superos. MA. Quo morbo periit? PA. Quo morbo rogas? morore. Et pater, tametsi vir cum primis fortis, periclitabatur. MA. Licetne scire matris quoque nomen? PA. Maxime. Sophronam nemo non novit. Sed quid sibi vult ista percunctatio? An me putas apologum comminisci? MA. Egon' de te suspicarer hoc? Hæc suspicio pronior est in sexum nostrum. Sed narra, quid acciderit puellæ. PA. Puella erat honesto loco nata, ut dixi, re lauta, forma perquam eleganti: quid multis? digna principe marito. Hujus nuptias ambiebat procus quidam, illi non dissimili. MA. Quo nomine? PA. Hei mihi, offendor omine; Pamphilus & ille dictus est. Illa nihil non tentantem pertinacissime sprexit. Juvenis dolore contabuit. Nec ita multo post, illa deperire coepit in quendam, simium verius quam hominem. MA. Quid ais? PA. Adeo perditæ, ut satis dici non queat. MA. Tam elegans puella, tam deformem? PA. Vertice acuminato, raro capillitio, eoque lacero & impexo, furfure ac lendibus oppleto: plerumque cranii cutem nudaverat alopecia; oculis refugis, naribus simis ac fursum hiantibus, ore sparso, dentibus putridis, balbutiente lingua, mento scabioso; scapulas deformabat gib-

bus; venter prominulus, crura vara. MA. Therpsiten quem-
piam mihi depingis. PA. Imo ajunt illi non fuisse nisi unam
auriculam. MA. Altera perierat illi fortasse in bello. PA.
Imo in pace. MA. Quis hoc ausus est? PA. Dionysius car-
nifex. MA. Fortasse formæ infelicitatem pensabat res am-
pla domi. PA. Imo decoxerat, ac plus quam animam debe-
bat. Cum hoc marito tam insignis puella nunc degit æta-
tem, ac subinde vapulat. MA. Rem miseram narras. PA.
Sed veram. Sic visum est Nemefi, juvenis spreti contume-
liam ulcisci. MA. Ego citius optarem exstingui fulmine,
quam talem ferre maritum. PA. Ergo ne provoca Nemefi-
m, & amantem redama. MA. Siquidem istuc satis est,
redamo. PA. Sed optarim istum amorem esse perpetuum ac
proprium conjugem ambio, non amicam. MA. Neque me
id fugit; sed diu deliberandum est in eo, quod semel cœ-
ptum rescindi non potest. PA. Apud me quidem nimium
diu deliberatum est. MA. Vide autem, ne tibi imponat a-
mor, non optimus consultor. Nam cœcum esse ferunt. PA.
Sed oculatus es, qui ex judicio nascitur. Non ideo mihi ta-
lis videris, quod amem te, sed ideo te amo, quod talem te
conspexerim. MA. At vide ne non satis me perspectam ha-
beas. Si calceum induisses, tum demum sentires, qua par-
te te urgeret. PA. Jacienda est alea, quanquam ego multis
auguriis colligo, rem melius cessuram. MA. Etiam augur
es? PA. Sum. MA. Quibus igitur auguriis colligis? An
volavit noctua? PA. Illa volat stultis. MA. An a dextris
advolavit jugum columbarum? PA. Nihil istiusmodi. Sed
mihi jam annis aliquot perspecta est probitas tuorum paren-
tum: ea primum avis est non pessima, e bonis pro-
gnatam esse. Neque me clam est, quam salubribus mo-
nitis, quam sanctis exemplis apud hos sis instituta. Et
plus est bene institui, quam bene nasci. Habes alterum au-
gurium. Ad hæc meis majoribus non omnino malis, ni fal-
lor, jam olim cum tuis, amicitia non vulgaris intercedit:
quin & nos inter nos a teneris, quod ajunt, unguiculis noti
sumus, nec male convenit geniis nostris. Jam ætas inter
nos, res, dignitas, nobilitas, inter utriusque parentes pene
paria sunt. Demum, quod est in amicitia præcipuum, tui
mores mihi videntur non pessime quadrare ad meum inge-
nium. Potest enim per se præclarum esse, quod tamen non
sit aptum. Quam mei vicissim tuo congruant, nescio. Hæc
videlicet aves (mea lux) mihi promittunt fore inter nos
felix, perpetuum, ac lætum jucundumque connubium,
modo ne tuus animus mali ominis cantionem nobis occinat.
MA. Quam cantilenam optas? PA. Ego præcinam; Sum
tuus: tu succine; Sum tua. MA. Brevis quidem cantiuncu-
la; sed longum habet epiphonema. PA. Quid refert, quam
longum, modo lætum? MA. Adeo mihi es invisus, ut no-
lim te committere, cujus in posterum poeniteat. PA. Desi-
ne male ominari. MA. Fortassis alia tibi videbor, ubi mor-
bus aut ætas hanc formam immutarit. PA. Nec hoc cor-
pus, ô bona, semper erit æque succulentum. Sed ego non
contemplor tantum istud undique florens & elegans domici-
lium; hospitem magis adamo. MA. Quem hospitem?
PA. Animum istum tuum, cujus decor semper cum ætate
crescit. MA. Næ tu plusquam lynceus es, si istum perspi-
cis per tot tectoria. PA. Animum animo perspicio. Ad hæc,
in communibus liberis subinde repubescemus. MA. Sed
interim perit virginitas. PA. Verum. Sed cho, dic mihi, si
tibi esset elegans pomarium, optares illic nihil unquam gi-
gni præter flores: an malle, delapsis floribus, videre arbo-
res maturis pomis gravidas? MA. Ut argutatur! PA. Sal-
tem illud responde, utrum est elegantius spectaculum; vi-
tium humi jacens, & computrescens; an amplexa palum aut
ulmum, eamque purpureis uvis degravans? MA. Respon-
de tu mihi vicissim; utrum spectaculum amcenius: rosa ni-
tens & lactea in suo frutice; an decerpta digitis, paulu-
latim marcescens? PA. Ego rosam existimo feliciorē, quæ
marcescit in hominis manu, delectans interim & oculos &
nares, quam quæ senescit in frutice: nam & illic futurum
erat, ut marcesceret: quemadmodum felicius est vinum,
quod bibitur ante quam acescat. Quanquam non statim
marcescit flos puellæ, si nupserit: imo video multas, quæ
ante nuptias pallebant, languebant, ac velut extabescabant,
ex congressu viri sic enituisse, ut tum demum florere cœpe-
rint. MA. Attamen favorabilis ac plausibilis apud omnes

est virginitas. PA. Elegans quidem res puella virgo; sed
quid juxta naturam prodigiosius anu virgine? Nisi matri-
tux defluxisset flos ille, nos istum flosculum non habere-
mus. Quod si, ut spero, non sterile fuerit nostrum conju-
gium, pro una virgine multas dabimus. MA. Attamen a-
junt, rem Deo gratissimam esse castitatem. PA. Et ideo ca-
stam puellam mihi cupio nubere, ut cum illa caste vivam.
Magis erit animorum quam corporum conjugium. Gigne-
mus Reipublicæ, gignemus Christo, quantulum aberit
hoc matrimonium a virginitate? Et fortasse olim sic convi-
verimus, quemadmodum vixit cum Maria Joseph. Sed in-
terim discemus virginitatem. Non enim statim pervenitur
ad summum. MA. Quid ego audio? Violanda virginitas,
ut discatur? PA. Quid ni? Quemadmodum paulatim bi-
bendo vinum parcus, discimus esse abstemii. Uter tibi vi-
detur temperantior, qui in mediis deliciis accumbens ab-
stinet, an qui semotus ab his, quæ provocant intemperan-
tiam? MA. Arbitror eum fortius temperantem, quem pa-
rata copia non potest corrumpere. PA. Utri verius debetur
laus castitatis? eine qui semet exsecat; an qui membris inte-
gris, tamen abstinet a Venere? MA. Equidem posteriori, meo
calculo, tribuerim laudem castitatis, priori dementia. PA.
An qui voto adstricti abjurant matrimonium, nonne quo-
dam modo exsecant sese? MA. Videtur. PA. Jam non est
virtus non coire. MA. An non est? PA. Sic accipe. Si per
se virtus esset, non coire, vitium esset coire. Nunc incidit,
ut vitium sit non coire, coire virtus. MA. Quando hoc in-
cidit? PA. Quoties ab uxore jus suum petit maritus, præ-
sertim si proli amore querit complexum. MA. Quid, si la-
sciviat? non est fas negare? PA. Fas est monere, vel rogare
potius blandius, ut temperet: pernegare instanti, fas non
est. Quanquam hac quidem in parte, raras audio querelas
maritorum de suis uxoribus. MA. At dulcis est libertas.
PA. Imo gravis est sarcina virginitas. Ego tibi rex ero, tu
mihi regina: imperabimus familiæ, nostro arbitrata: an tibi
videtur ista esse servitus? MA. Vulgus conjugium capistrum
vocat. PA. Sed ipsi vero capistro digni sunt, qui sic vocant.
Dic mihi quæso, an non animus tuus est alligatus corpori?
MA. Videtur. PA. Non aliter quam avicula caveæ. Et
tamen consule illum, an cupiat esse liber. Negabit, opi-
nor. Quam ob rem? Quia libenter est alligatus. MA. Res
est utrinque modica. PA. Tanto tutior. Eam tu domi auge-
bis parsimonia, quæ non sine causa dicta est, *magnum viti-
gal*; ego foris industria. MA. Innumeras curas secum ad-
ferunt liberi. PA. Sed iidem innumeras voluptates, ac sæpe-
numero multo cum scenore reponunt parentibus officium.
MA. Misera quædam res est orbitas. PA. An nunc orba
non es? Quid autem opus in re dubia male ominari? Dic
mihi, utrum malle nunquam nasci, an nasci moritura?
MA. Equidem malim nasci moritura. PA. Sic miser est
orbitas, quæ prolem nec habuit, nec habitura est: quemad-
modum feliciores sunt, qui vixerunt, quam qui nec nati
sunt, nec nascentur unquam. MA. Qui sunt isti, qui non
sunt, nec erunt? PA. Quanquam qui recusat ferre casus
humanos, quibus omnes ex æquo sumus obnoxii, sive ple-
beii sumus, sive reges, is e vita magret oportet; & tamen
quidquid acciderit, tu non feres nisi dimidium, ego majo-
rem portionem in me transferam. Ita si quid acciderit læti,
gemina fiet voluptas: si quid mali, societas adimet dimi-
dium ægritudinis. Mihi vero, si fata vocent, dulce fuerit
vel immori tuis complexibus. MA. Facilius ferunt homi-
nes, quod juxta communes naturæ leges accidit, sed video,
quanto plus molestiarum adferant nonnullis parentibus, li-
berorum mores, quam mortes. PA. Istius rei ne quid acci-
dat, maxima ex parte in nobis situm est. MA. Qui sic? PA.
Quoniam fere boni nascuntur ex bonis, quod ad indolem
attinet. Neque enim e columbis nascuntur milvii. Dabi-
mus igitur operam, ut ipsi boni simus. Deinde curabimus
liberos nostros ab ipso statim lacte, sanctis præceptis & opi-
nionibus imbuendos. Plurimum refert, quid infundis rudi
testulæ. Ad hæc curabimus, ut domi habeant exemplum
vitæ, quod imitentur. MA. Difficile est quod narras. PA.
Nec mirum; quia pulcrum est: atque ob hoc ipsum, tu
quoque difficilis es. At tanto studiis acrioribus huc emite-
mur. MA. Habebis sequacem materiam; tu vide, ut me
formes, fingasque. PA. Sed interim pronuncia tria verba.
MA. Nihil facilius; sed verba simul atque semel evolvant,
non

2 Si calceum: Alludit ad dictum Pauli Æmilii, repudiata uxore,

non revolant. Dabo consilium utrique commodius. Ages cum tuis ac meis parentibus, ut utrorumque voluntate res transigatur. PA. Ambire me jubes; tu potes tribus verbis rem certam reddere. MA. An possim, nescio: mei juris non sum. Nec sine majorum auctoritate olim coibant conjugia. Verum, utcumque est, arbitror auspiciatus fore nostrum conjugium, si parentum auctoritate coeat. Et vestrum est ambire, nobis decorum non est. Gaudet enim rapi virginitas, etiamsi nonnunquam vehementius amemus. PA. Non pigebit ambire, modo ne me frustretur tuum unius suffragium. MA. Non frustrabitur, bono animo esto, mi Pamphile. PA. Tu mihi heic religiosior es, quam vellem. MA. Imo tu tuum ipsius suffragium apud te prius expende. Nec affectum istum tuum adhibe in consilium, sed rationem. Quod affectus decernit, temporarium est: quod autem dicat ratio, perpetuo solet placere. PA. Næ tu pulcre philosopharis; itaque parere certum est tuis consiliis. MA. Non poenituerit obsequii. Sed heus tu, incidit interim scrupulus, qui meum animum male habet. PA. Valeant scrupuli. MA. Vin' me nubere mortuo? PA. Nequaquam; sed revivexero. MA. Amovisti scrupulum. Bene vale, mi Pamphile. PA. Istuc tu cura. MA. Precor tibi lætam noctem. Quid suspiras? PA. Lætam noctem ais? Utinam largiari quod precaris. MA. Ne quid præpropere; adhuc tua messis in herba est. PA. Nihilne tui mecum auferam? MA. Hunc pastillum, qui tibi cor exhalaret. PA. Adde saltem osculum. MA. Cupio tibi virginitatem integram & illibatam tradere. PA. An osculum aliquid decerpit virginitati? MA. Vis igitur ut aliis quoque largiar oscula? PA. Nequaquam: mihi servari volo mea oscula. MA. Tibi servo. Quanquam est aliud, cur in præsentia nec ausim dare osculum. PA. Quid istuc? MA. Ais tuum animum pene totum demigrasse in corpus meum; in tuo quam minimum superesse: vereor itaque ne in osculo hoc ipsum, quod in te superest, transfiliat in me, tuque jam totus has exanimis. Accipe igitur dextram, mutui amoris symbolum, ac bene vale. Tu gnaviter rem gere. Ego instrum Christum comprecabor, ut, quod agitur, utrique nostrum velit esse felix ac faultum.

Virgo: Μυρίανας.

EUBULUS, CATHARINA.

EV. GAUDEO tandem finitam esse cœnam, ut liceat hac frui deambulatione, qua nihil amœnius. CA. Et me jam tædebat sessio. EV. Quam vernat, quam aridet undique mundus! Hæc nimirum est illius adolescentia. CA. Sic est. EV. At cur tuum ver non æque aridet? CA. Quam ob rem? EV. Quia subtristis es. CA. An videor alio vultu quam soleo? EV. Vis ostendam te tibi. CA. Maxime. EV. Vides hanc rosam, sub imminentem noctem, foliis contractioribus? CA. Video. Quid tum postea? EV. Talis est vultus tuus. CA. Bella collatio. EV. Si mihi parum credis, in hoc fonticulo contemplare teipsam. Quid sibi tandem volebant & inter cœnandum ista tam crebra suspiria? CA. Desine percunctari, quod tua non refert scire. EV. Imo mea refert maxime, qui non possum esse hilaris, nisi te quoque videam hilare. Ecce autem iterum suspirium, hui quam ex imo pectore ductum! CA. Est quod angat animum, sed effari non est tutum. EV. Mihi non dices, qui te cariorem habeo sorore propria? MEA Catharina, ne verere quidquid est rei; tuto depones his auribus. CA. Ut tuto dicam, vereor ne frustra dicam non auxiliaturo. EV. Qui scis? Si non re ipsa, fortassis consilio consolandoque juvero. CA. Non possum eloqui. EV. Quid istuc est rei? Odisti me? CA. Sic odi, ut mihi minus carus sit meus germanus; & tamen animus non fert ut eloquar. EV. Fateberis igitur, si divinatio? Quid tergiveraris? Promitte, alioqui non omittam urgere. CA. Age, promitto. EV. Prorsus ego non video quid tibi desit ad summam felicitatem. CA. Utinam vera prædicares! EV. Primum adest ipse flos ætatis. Nam, nisi fallor, agis annum jam decimum septimum. CA. Sic est. EV. Nondum igitur, ut opinor, discruciat te metus senectæ. CA. Nihil minus. EV. Adest forma nulla parte non felix; est & istud præcipuum Dei donum. CA. De forma qualis qualis est, nec gloriatur, nec queror. EV. Tum color & habitudo corporis indicat te esse prospera valetudine, nisi quid est morbi occultioris. CA. Nihil istiusmodi, gratia Deo. EV. Famæ est integra. CA. Ita confido. EV. Adest

ingenium isto dignum corpore, felicissimum, & quale mihi optem ad liberales disciplinas. CA. Si quod est, Dei munus est. EV. Nec deest morum amabilis gratia, quam in felicissimis etiam formis non raro desideramus. CA. Optarim equidem mores me dignos. EV. Multorum animos deiecit generis infelicitas: tibi parentes sunt & bene nati, & probi, & re lauta, & tui amantissimi. CA. Hinc nihil queror. EV. Quid multis? Ego mihi ex omnibus puellis, quas habet hæc regio, non delegerim aliam sponsam, quam te, si quod sidus mihi prosperum affulgeret. CA. Nec ego delegerem alium sponsum, si placeret ullum conjugium. EV. Et tamen magnum quiddam esse debet, quod sic discruciat animum tuum. CA. Est omnino non leve. EV. Non ægre feres, si divinam? CA. Jam pollicita sum. EV. Expertus novi, quanta crux sit amor. Age fateri; nunc promissisti. CA. Amor est in causa, sed non ejus generis, cujus tu suspicari. EV. Quod genus tu mihi narras. CA. Divina. EV. Equidem consumpsi omnem divinationem meam. Et tamen non omittam hanc manum, donec extorsero quid sit. CA. Ut violentus es! EV. Deponere in sinum meum, quidquid istuc est curæ. CA. Quando sic urges, dicam. Jam inde a teneris annis me mirus quidam affectus habebat. EV. Quis, obsecro? CA. Ut adjungerer collegio sacrarum virginum. EV. Ut fieres monacha? CA. Sic habet. EV. Hæm! pro thesauro carbonem. CA. Quid ais, Eubule? EV. Nihil, mea lux; tussiebam: sed perge dicere. CA. Huic animo meo semper pertinacissime resistere parentes. EV. Audio. CA. Ego contra precibus, blanditiis, lacrymis oppugnabam parentum pietatem. EV. Res mira. CA. Tandem cum ego nullum facerem finem orandi, obsecrandi, obtestandi, lacrymandi, polliciti sunt, ubi pervenissem ad annum decimum septimum, sese obtemperaturos voluntati meæ, si modo tum idem perstaret animus. Venit is annus, manet idem animus, parentes tamen contra promissum pernegant: hoc est quod discruciat animum meum. Aperui morbum meum: tu nunc medicum age, si quid potes. EV. Primum illud dabo consilium, suavissima virgo, ut modereris affectibus tuis; & si id non continget quod vis, id velis quod possis. CA. Emoriar, nisi, quod volo, assequar. EV. Et unde cepisti istum fatalem affectum? CA. Olim admodum puella, ducta sum in quoddam virginum collegium; circumducebamur, ostendebantur omnia: placebant virgines vultibus nitentibus, videbantur angelæ: in templo nitebant omnia, atque etiam fragrant, nitebant horti cultissimi. Quid multis? nihil non ardebat, quocumque vertebam oculos. Accedebant ad hæc blandissima virginum colloquia. Unam atque alteram illic reperi, quicum olim infantula lustrare consuevi. Ex eo tempore coepit animus ardere ejus vitæ desiderio. EV. Non sum improbaturus sacrarum virginum institutum: quamquam non omnia conducunt omnibus: sed habita tui genii ratione, quem mihi videor ex vultu, moribusque tuis collegisse, suaserim, ut nubas marito tui simili, tuæque domi novum instituas collegium; cujus maritus agat patrem, tu matrem. CA. Emoriar citius, quam virginitatis propositum deseram. EV. Res est egregia virginitas, si pura sit: sed nihil necesse est, ut hac gratia dedas te in collegium, unde non possis postea eximi. Licet apud parentes virginitatem tueri tuam. CA. Licet, at non perinde tuto. EV. Imo, ut ego arbitror, aliquanto tutius, quam apud illos crassos, semper cibo distentos monachos. Nec enim castrati sunt, ne tu sis insciens. Patres vocantur, ac frequenter efficiunt, ut hoc nomen vere eompetat in ipsos. Olim nusquam virgines honestius vivebant, quam apud parentes, nec alium habebant patrem, quam Episcopum. Sed obsecro, dic mihi, quod tibi collegium ex omnibus delegisti, cui te addicas in servitutem? CA. Chrysercium. EV. Agnosco, ædibus paternis vicinum. CA. Recte. EV. Atque pulcre novi totum hoc sodalitium, dignum vero ob quod patrem, ac matrem, & cognatam tibi honestamque familiam repudies! Nam ille patriarcha jam pridem & ætate, & vino, & natura delirus est, nec illi quidquam jam sapit præter vinum. Habet duos sodales se dignos, Joannem & Jodocum. Quorum Joannes, ut fortasse vir malus non est, ita nihil habet viri, præter barbam; eruditionis ne pilum quidem, prudentiæ non multo plus. Jodocus adeo stupidus est, ut nisi veste sacra commendaretur, obambulet publicitus in

Tom. I. Xx 3 cu

1 *Μυρίανας*] Abhorrens a nuptiis: a *μῦρις*, odi, & *γάμος*, nuptiæ.

2 *Gaudanum*.

cuculla fatui, cum auriculis ac tintinnabulis. CA. Mihi videntur viri boni. EV. Melius istos novi, quam tu, mea Catharina. Isti fortasse sunt tibi patroni apud parentes, ut efficiant te profelytam suam. CA. Jodocus maxime favet. EV. O fautorem! sed fac istic nunc esse viros doctos ac bonos, cras erunt indocti ac mali; & quicunque obtigerint, tibi erunt ferendi. CA. Offendunt me in ædibus paternis crebra convivia; nec semper virginea sunt quæ illic dicuntur inter conjugatos. Et aliquoties fit, ut osculum negare non possim. EV. Qui vitare studet quidquid offendit, is e vita migret oportet. Ita sunt aures assuefaciendæ, ut audiant omnia, nec tamen nisi bona transmittant in animum. Parentes, opinor, permittunt tibi cubiculum peculiare. CA. Maxime. EV. Eo te subducas licebit, si quod convivium acciderit turbulentius: & dum illi potant ac nugantur, tu confabulare cum sponso tuo Christo, ora, psalle, gratias age. Non te inquinabit domus paterna, sed tu reddes eam puriorem. CA. Attamen tutius est esse in sodalitie virginum. EV. Non improbo castum sodalitium, nolim tamen te falli falsa imaginatione. Ubi illic versata fueris aliquandiu, ubi propius inspexeris, fortassis non perinde nitebunt omnia, ut tibi quondam nitere videbantur. Nec omnes virgines sunt, mihi crede, quæ velum habent. CA. Bona verba. EV. Imo bona verba sunt, quæ vera sunt: nisi fortasse elogiū, quod nos hæcenus judicavimus esse Virgini matri proprium, ad plures transit, ut dicantur & a partu virginis. CA. Abominor. EV. Quin insuper, nec alioqui inter illas virgines sunt omnia virginea. CA. Non? Quam ob rem, obsecro? EV. Quia plures inveniuntur, quæ mores æmulentur Sapphus, quam quæ referant ingenium. CA. Istuc quid sit, non satis intelligo. EV. Atque ideo hæc verba facio, ne quando intelligas, mea Catharina. CA. Attamen animus eo fertur: atque hinc colligo hunc spiritum a Deo proficisci, quod tot jam annis perseverat, & indies fit acrior. EV. Imo mihi hoc nomine suspectus est iste tuus spiritus, quod sic repugnant optimi parentes. Afflasset & illorum animos Deus, si pium esset, quod moliris. Sed istum spiritum hausisti ex illis nitoribus, quos admodum puella vidisti, ex blandis virginum alloquiis, ex affectu erga veteres sodales, ex cultu sacro, ex cærimoniis sane quam speciosis, ex improbis hortatibus stultorum monachorum: & qui in hoc te venantur, ut largius potent. Sciunt patrem esse liberalem, ac benignum: aut illum habebunt convivam, sed hac lege, ut secum adferat vinum, quod decem strenuis potioribus sat sit: aut ipsi potabunt apud illum. Quare tibi fuerim auctor, ne quid novi tentes invitis parentibus, in quorum potestate nos Deus esse voluit. CA. In hoc negotio pium est contemnere patrem, & matrem. EV. Christi causâ pium est alicubi negligere patrem, & matrem: neque enim pie faciat, qui Christianus patrem ethnicum, cuius omne vitæ præsidium pendeat a filio, deserat, sinatque perire fame. Si nondum es es professâ Christum in baptismo, & parentes vetarent te baptizari, pie faceres, si Christum præferres impiis parentibus. Aut si nunc parentes adigerent ad impietatem aut turpitudinem, contemnenda esset illorum auctoritas. Sed quid hoc ad collegium? Et domi Christum habes. Natura dicit, Deus approbat, Paulus hortatur, leges humanæ faciunt, ut filii obediant parentibus: & tu te subduces ab auctoritate parentum optimorum, ut pro vero patre, te dedas facticio; & pro vera matre, tibi adsciscas alienam: aut potius, ut pro parentibus tibi dominos ac dominas adsciscas? Nam parentibus ita es obnoxia, ut tamen te liberam esse velint. Unde & liberi vocantur filii familias, quod absint a conditione servorum. Nunc te pro libera tendis ultro servam reddere. Christiana clementia maxima ex parte submovit omnem illam veterum servitutem, nisi quod in paucis regionibus adhuc residet vestigia. At inventum est sub prætextu religionis, novum servitutis genus, ut nunc sane in plerisque monasteriis vivitur. Nihil ibi licebit, nisi ex præscripto: quidquid obvenerit tibi, illis accrescet: si quo pedem moveris, retraheris e fuga, perinde quasi parentem veneno necaveris. Quoque sit evidentior servitus, commutant vestem, quam dedere parentes, & ad exemplum priscum eorum, qui olim servos essent mercati, commutant nomen in baptismo inditum, ac pro Petro sive Joanne, vocant Franciscum aut Dominicum, aut Thomam. Petrus dedit nomen Christo, & Dominico initiandus, vocatur

A Thomas. Si militaris servus abjiciat vestem a domino datam, videtur abdicasse dominum; & nos applaudimus illi, qui vestem accipit, quam Christus omnium Dominus non dedit: & ob hanc mutatam gravius punitur, quam si centies abjiciat vestem imperatoris ac domini sui, quæ est mentis innocentia. CA. Atque hoc ipsum ajunt eximii meriti, si quis se sponte dedit in hanc servitutem. EV. Ista vero doctrina Pharisaica est. Paulus contra docet, ut qui liber vocatus sit, ne velit fieri servus, sed potius operam det, ut fiat liber. Atque hoc infelicior est servitus, quod pluribus dominis tibi serviendum sit, quod plerumque stultis & improbis, quod incertis, ac subinde novis. Illud mihi responde. Emancipant te leges a jure parentum? CA. Nequaquam. EV. Licetne igitur tibi emere aut vendere fundum invitis parentibus? CA. Minime. EV. Unde igitur tibi jus, ut te ipsam dedas nescio quibus, invitis parentibus? An non tu illis carissima, maximeque propria es possessio? CA. In negotio pietatis cessant naturæ leges. EV. Negotium pietatis potissimum agitur in baptismo: heic tantum agitur de veste mutanda, deque genere vitæ, quod per se neque bonum est, neque malum. Jam illud mihi considera, quantum commoditatum simul amittas cum libertate. Nunc tibi liberum est in tuo cubiculo legere, orare, psallere, quantum & quando gratum est animo tuo. Quod si tædet cubiculi, licet audire cantiones ecclesiasticas, adesse sacris, audire sacras conciones: & si quam videris matronam, aut virginem egregie probam, ex ejus colloquio fieri meliorem: si quem virum insigni probitate præditum, ex eo discere, quod te reddat meliorem: licebit & concionatorem deligere, qui purissime Christum doceat. Has res omnes, ex quibus præcipuus est profectus ad veram pietatem, amittis semel addicta collegio. CA. Sed interim non ero monacha. EV. Adhuc te movent nomina? Rem ipsam perpendito. Illi jactant obedientiam. Nunc ea laus tibi deerit, si obedias parentibus tuis, quibus Deus jubet obediri? si Episcopo tuo, & pastori tuo? Num paupertatis, cum in parentum manibus sint omnia? Quamquam olim in sacris virginibus præcipue laudabatur a sanctis viris liberalitas in pauperes: eam præstare non poterant, si nihil possidebant. Porro castitati tuæ nihil decedet, etiam si vivas apud parentes. Quid igitur superest? Velum, linea vestis ex intima versa in extimam, cærimoniæ quedam quæ per se nihil faciunt ad pietatem, neque quemquam commendant oculis Christi, qui spectat animi puritatem. CA. Nova prædicas. EV. Sed verissima. Cum non sis emancipata a jure parentum, cum tibi jus non sit vendendi vestem aut agrum, quo modo tibi jus facis dedendi te in servitutem alienam? CA. Jus parentum, ut ajunt, non impedit ingressum religionis. EV. In baptismo nonne professâ es religionem? CA. Sum. EV. Nonne religiosi sunt quicunque sequuntur præcepta Christi? CA. Maxime. EV. Quæ est igitur ista nova religio, quæ facit irritum, quod & naturæ lex sanxit, & vetus lex docuit, & Evangelica lex comprobavit, & Apostolica doctrina confirmavit? Istuc decretum non est a Deo proditum, sed in monachorum senatu repertum. Sic definiunt quidam & matrimonium esse ratum, quod inficiis, aut etiam invitis parentibus inter puerum & puellam per verba de præfenti (sic enim illi loquuntur) contractum est. Atqui istud dogma nec naturæ sensus approbat, nec veterum leges, nec Moyses ipse, nec Evangelica, aut Apostolica doctrina. CA. An igitur putas mihi non esse fas nubere Christo, nisi comprobantibus parentibus? EV. Jam, inquam, nupsisti Christo, & illi nupsimus omnes. Quæ bis nubit eidem viro? Tantum agitur de loco, de veste, de cærimoniis. Ob has res non arbitror esse contemnendum jus parentum. Et videndum est, ne, dum paras nubere Christo, nubas aliis. CA. At isti prædicant nihil esse sanctius, quam heic contemnere parentes. EV. Ab istis igitur doctoribus exige, ut proferant aliquem e sacris libris locum, qui hoc doceat, quod si non poterunt, jubeto eos ebibere calicem vini Belnensis: hoc poterant. Ab impiis parentibus ad Christum confugere potuerunt. Sed a piis ad monachismum, hoc est, (quod non raro usui venit) a probis ad improbos, quæ, rogo, pietas est? Quamquam & olim ad Christum a paganismo conversus, idololatri parentibus de-

1 Vini Belnensis] Belna Burgundiz urbs, vulgo Beaulne, amniacolis Boursoize adjacet. Quibusdam Cesaris Bibracte. Ager ejus pinguis & optimæ notæ; vites habet toto orbe nominatissimas & vino haud vulgari nobilissimas.

debebat obsequium, quatenus citra pietatis iacturam fieri poterat. CA. Damnas igitur hoc totum vitæ institutum? EV. Nequaquam. Verum quemadmodum nemini suadere velim, ut quæ se in hoc vitæ genus coniecit, luctetur emergere: ita non dubitem hortari puellas omnes, præsertim indolis generosæ, ne se temere eo præcipitent, unde post sese non possint explicare; præsertim cum in ipsius collegiis sæpe gravius periclitetur virginitas, ac domi præstare valeas, quidquid ibi præstatur. CA. Urges tu quidem multis ac magnis argumentis, tamen hic affectus meus exim non potest. EV. Si non persuadeo, quod tamen optarim, saltem illud fac memineris, Eubulum monuisse. Interim pro meo in te amore precor, ut tuus iste affectus felicius sit meo consilio.

Virgo penitens.

EUBULUS, CATHARINA.

EV. **T**ales janitricæ mihi semper optarim. CA. Et ego semper tales pulsatores. EV. Sed vale, Catharina. CA. Quid ego audio? Valebo prius quam salveam? EV. Non huc veni, ut te viderem lacrymantem. Quid sibi vult, quod protinus me conspecto, lacrymis suffusi sunt oculi? CA. Quo fugis? mane, mane, inquam, sumam alium vultum, & ridebimus affatim. EV. Quas aves heic video? CA. Est illius collegii patriarcha. Ne subducito te; jam perpotarunt; accumbe paulisper; illo digressio confabulabimur nostro more. EV. Age obtemperabo tibi, quæ mihi noluisse. Nunc soli sumus, narra totam fabulam, malim enim ex te cognoscere. CA. Ex tot amicis, quos putabam sapere plurimum, nunc sentio nullum fuisse, qui mihi prudentius ac senilius consilium dederit, quam tu omnium natu minimus. EV. Dic quo modo expugnasti parentum affectum? CA. Primum improbis hortatibus monachorum, ac monacharum: deinde etiam meis precibus ac blandimentis labefactus matris est animus: pater nullo pacto quibat percelli. Tandem omnibus admotis machinis, & hic victus & oppressus est potius, quam assensit. Id factum est inter pocula: minitabantur homini malum exitium, si Christo suam sponfam pernegaret. EV. O improbitatem stolidorum! Quid fit deinde? CA. Servor triduo domi clam: interim semper aderant mulieres aliquot ejus collegii, quas illi *Conversas* vocant, hortatibus suis addentes animum, ut peristerem in sancto proposito; ac sollicitæ caventes, ne qua cognatarum, aut sodalium adiret me, quæ mentem videretur mutatura. Interim adornabantur vestes, aliaque quæ ad convivium attinebant. EV. Tibi quid interim erat animi? Num vacillabas? CA. Non, sed passa sum quiddam tam horrendum, ut malim emori decies, quam iterum perpeti. EV. Quæso, quid istuc erat? CA. Non possum effari. EV. Quod mihi dixeris, amico tuo dixeris. CA. Promittis silentium? EV. Id præstiturus eram, etiam si nulla fuisset stipulata. Quasi vero me nondum noris? CA. Apparuit mihi spectrum horribili specie. EV. Is nimirum erat genius tuus malus, qui te eo instigabat. CA. Prorsus opinor fuisse cacodæmonem. EV. Dic mihi, quæ species erat? Estne talis, qualis pingitur? rostro adunco, longis cornibus, harpyiarum unguibus, prælonga cauda? CA. Tu ludis. At ego malim mihi terram dehiscere, quam denuo tale videre spectrum. EV. Interim aderant illæ mulieres hortatrices? CA. Non; nec unquam illis indicavi; tametsi valde sciscitantibus quid esset mali, cum me totam exanimatam offenderent. EV. Vis tibi dicam quid fuerit? CA. Si quidem potes. EV. Illæ mulieres incantaverant te, vel potius excantaverant tibi cerebrum. Sed interim tu persistebas in ea sententia? CA. Maxime; nam aiebant id multis accidere, qui se consecrant Christo: verum si primo illo congressu superetur tentator, post tranquilla fore omnia. EV. Qua pompa producta es? CA. Adornant me toto mundo meo: demittunt capillos: itaque non aliter quam nuptura sponso. EV. Crasso monacho: hem! male sit huic tussi. CA. Ex ædibus paternis clara luce deducor ad collegium, multis ad spectaculum concurrentibus. EV. O scitos histriones, ut norunt agere suas fabulas simplici popello! Quot dies egisti in illo sancto virginum collegio? CA. Ferme duodecim. EV. Sed quæ res verterat animum tuum tam pertinacem? CA. Non dicam quid sit, sed aliquid magni fuit. Post sex ab ingressu dies, accerit matrem, obtestans, obsecrans, si me vivam vellet, ut me eximeret ab eo collegio. Illa reluctatur ani-

A mo meo, & hortatur ad constantiam. Post accerso patrem. Ille etiam objurgat, addens se ægre vicisse suos affectus; ut vicissim nunc vincerem animum meum, nec hoc dedecus conciliarem sibi, quod resiliissem ab instituto. Tandem ubi video me nihil proficere, respondeo parentibus, me, si ita jubeant, in gratiam illorum morituram. Nam hoc mihi certum esse, nisi mature eximerer. Hoc audito, reduxerunt domum. EV. Bene habet, quod mature resilieris, prius quam servitutem æternam esses professæ. Sed nondum audio, quæ res mutavit animum tuum tam subito. CA. Hoc nemo mortalium ex me scit hætenus, nec tu scies. EV. Quid si divinem? CA. Nec divinabis, fat scio: & si divines, non dicam. EV. Tametsi conjecto. Verum interim perii sumtus. CA. Plus quam quadraginta coronati. EV. O comestatores nuptiales! Gaudeo tamen periisse pecuniam te nobis incolumi: posthac ausculta melioribus consiliis. CA. Ita faciam, & cum piscatore, icta sapiam.

Uxor: Μεμφύλαμος sive conjugium.

EULALIA, XANTHIPPE.

EV. **S**alve multum, exoptatissima mihi Xanthippe. XA. Salve tantundem, mihi carissima Eulalia. Videre mihi solito formosior. EV. Itane statim me scommate excipis? XA. Non profecto, sed ita mihi videris. EV. Fortasse nova vestis commendat formam. XA. Recte conjectas. Nihil jam diu vidi elegantius. Suspicio pannum esse Britannicum. EV. Lana Britannica est, tinctura Veneta. XA. Mollities byssum superat. Quam vero blandus purpuræ color! Unde tibi tam egregium munus? EV. Unde decet honestas matronas accipere, nisi a maritis suis? XA. O te felicem, cui talis contigit sponsum! At ego vellem me nupsisse fungo, cum meo nuberem Nicolao. EV. Quid ita quæso te? tam cito male convenit inter vos? XA. Nec unquam conveniet cum tali. Vides quam sim pannosa; sic patitur uxorem suam incedere: dispeream, nisi sæpe puder me prodire in publicum, cum video quam cultæ sint aliæ, quæ multo pauperioribus nupsere maritis. EV. Matronarum ornatus non est in vestibus, aut reliquo corporis cultu, quemadmodum docet: divus Petrus Apostolus, (nam id audiui nuper in concione,) sed in castis ac pudicis moribus, & in ornamentis animi. Meretrices coluntur oculis multorum. Nos satis cultæ sumus, si placeamus uni marito. XA. Sed interim ille bonus vir, tam in uxorem parvus, strenue prodigit dotem, quam ex me non mediocre accepit. EV. Quibus rebus? XA. Quibus ipsi visum fuerit; vino, scortis, alea. EV. Bona verba. XA. Atqui sic res habet. Deinde cum mihi temulentus ad multam noctem redit domum diu expectatus, destitit noctem totam, nonnunquam & lectum convomens, ut ne quid addam. EV. St! teipsam dehonestas, cum dehonestas maritum. XA. Emoriar, nisi mallem dormire cum scropha, quam cum tali marito. EV. Non tu tum illam excipis jurgio? XA. Ita ut dignus esset: sentit me non esse mutam. EV. Quid ille contra? XA. Initio reclamabat sævissime, credens fore ut me sævis verbis protelaret. EV. Nunquamne rixa incruduit usque ad verbera? XA. Semel duntaxat eo incaluerat utrinque contentio, ut minimum res abfuerit a pugna. EV. Quid ego audio? XA. Librabat fustem, sævis interim clamoribus intonans, ac dira minitans. EV. Non ibi metuebas tu? XA. Imo ego vicissim corripiebam tripodem: si contigisset me digito, sensisset mihi non deesse manus. EV. Novum clypei genus. Deerat colus lanceæ vice. XA. Sensisset sibi cum viragine rem esse. EV. Ah mea Xanthippe, non ita decet. XA. Quid decet? Si ille me non habet pro uxore, nec illum habitura sum pro marito. EV. At Paulus docet, uxores oportere subditas esse viris cum omni reverentia. Et Petrus nobis exemplum proponit Saræ, quæ maritum suum Abraham *dominum* appellabat. XA. Audivi ista. Sed idem Paulus docet, ut viri diligant uxores suas, sicut Christus dilexit sponsam suam Ecclesiam. Meminerit ille officii sui, ego meminerò mei. EV. Sed tamen ubi res in eum statum devenit, ut alteri cedendum sit, æquum est uxorem marito cedere. XA. Si modo ille maritus est appellandus,

1 Μεμφύλαμος] Conquerens de conjugio. Μέμφης questus vel ipsa querendi actio; μέμφομαι queror, γάμος nuptia.

2 Divus Petrus Apostolus] 1 Petr. 3. 3.

3 At Paulus docet] Eph. 5. Col. 3.

4 Petrus] 1 Petr. 2.

5 Christus] Eph. 5. 25.

landus, qui me habet pro ancilla. Ev. Sed dic, mea Xanthippe, post desit minitari verbera? XA. Desit, & sapuit, alioqui vapulasset. Ev. Sed tu non desisti rixari cum illo? XA. Nec desinam. Ev. Quid ille interea? XA. Quid? nonnunquam dormit, somnium hominis; interdum nihil aliud quam ridet; aliquoties arripit testudinem, in qua vix tres habet fides; eam quantum potest pulsans, mihi vociferanti obstrepat. Ev. Ea res male urit te? XA. Sic ut dici vix possit. Aliquando vix tempero a manibus. Ev. Mea Xanthippe, permittis mihi ut liberius loquar apud te? XA. Permitto. Ev. Idem jus erit tibi apud me. Hoc certe postulat nostra necessitudo, ab ipsis pene incunabulis inter nos inita. XA. Vera narras, nec ulla fodalium unquam carior fuit animo meo. Ev. Qualisqualis est tuus maritus, illud cogita, non esse jus permutandi. Olim immedicabilibus diffidiis remedium extremum erat divortium: nunc hoc in totam ademtum est; usque ad extremum vitæ diem ille tuus sit maritus oportet, & tu illius uxor. XA. Superi male faxint, qui jus hoc nobis ademerunt. Ev. Bona verba: sic visum est Christo. XA. Vix credo. Ev. Sic habet. Nunc nihil superest, nisi ut uterque ad alterius mores, & ingenium accommodando sese, concordia studeatis. XA. An ego possum illum refingere? Ev. Non minimum momenti est in uxoribus, quales sint mariti. XA. Pulcre convenit tibi cum tuo? Ev. Nunc tranquilla omnia. XA. Ergo turbarum non nihil erat initio. Ev. Nihil unquam tempestatis; sed tamen, ut sit inter homines, nonnunquam nubecula quædam oboriebantur, quæ poterant gignere tempestatem, nisi commoditate morum fuisset occursum. Habet suos quisque mores, & est sua cuique sententia: & si verum fateri volumus, sunt sua cuique vitia: quæ si usquam, certe in matrimonio novisse oportet, non odisse. XA. Recte mones. Ev. Fit autem frequenter, ut dissiliat benevolentia mutua inter maritum & uxorem antequam alter alteri satis notus sit. Id est in primis cavendum. Semel enim orta similitudine, ægre sarcitur gratia, præsertim si res ad atrociam convicia processerit. Quæ glutino committuntur, si statim concutias, facile distrahantur: cæterum ubi siccato glutino semel cohæserint, nihil firmius. Proinde in initio nihil non faciendum, ut inter uxorem & maritum coalescat confirmeturque benevolentia. Id maxime fit obsequio, morumque commoditate. Nam benevolentia quæ sola formæ gratia conciliatur, ferme temporaria est. XA. Sed narra nobis, obsecro, quibus artibus pertraxeris maritum ad tuos mores. Ev. Dicam in hoc, ut imiteris. XA. Si queam. Ev. Facillimum erit, si velis, nec adhuc serum est. Nam & ille juvenis est, & tu puella; ac nondum annus, opinor, expletus est a nuptiis. XA. Vera prædicas. Ev. Dicam igitur, sed taciturnæ. XA. Maxime. Ev. Illa prima mihi cura fuit, ut in omnibus essem jucunda marito, ne quid esset quod illius animum offenderet: observabam affectum ac sensum illius; observabam & tempora, & quibus rebus deliniretur, quibus irritaretur; quemadmodum facere solent ii, qui elephantos ac leones cicurant, aut similia animantia, quæ vi cogi non possunt. XA. Tale animal mihi domi est. Ev. Qui adeunt elephantos, non gestant vestem candidam; nec puniceam, qui tauros: quod his coloribus compertum sit ea animantia efferari. Quemadmodum & tigres tympanorum sonitu sic aguntur in rabiem, ut seipsas dilanient. Et qui tractant equos, habent voces, habent poppysmata & palpum, aliaque quibus ferocientes mitigent. Quanto magis decet nos his artibus uti erga maritos, quibuscum nobis, velimus nolimus, per omnem vitam est lectum ac lectus communis? XA. Perge quod cœpisti. Ev. His animadvertis, attemperabam me illi, cavens ne quid offensæ nasceretur. XA. Quinam id poteris? Ev. Primum in cura rerum domesticarum, quæ peculiaris est provincia matronarum, advigilabam, non solum cavens, ne quid esset prætermisum, verum etiam ut omnia congruerent ad illius sensum, in rebus etiam minutissimis. XA. Quibus? Ev. Puta, si maritus hoc aut illo cibo peculiariter delectetur, si cibis placeat hoc aut illo modo coctus, si lectus hoc aut illo modo stratus. XA. At quo pacto attemperares te ei, qui domi non esset, aut esset ebrius? Ev. Mane; isthuc ibam. Si quando maritus videbatur admodum tristis, nec esset appellandi

¹ Sic visum est Christo] Christus Matth. 19. 8. Divortia Israelitarum quæ levibus & variis de causis fiebant, Deo non quidem præcipiente sed tolerante, placet abrogari.

A tempus, nequaquam ridebam ac nugabar, quemadmodum nonnullæ mulieres solent; sed fumebam & ipsa vultum submœstum ac sollicitum. Quemadmodum enim speculum, si probum est, semper reddit imaginem intuentis: ita decet matremfamilias ad affectum mariti congruere, ne sit alacris illo mœrente, aut hilaris illo commoto. Quod si quando commotior erat, aut blando sermone leniebam, aut silentio concedebam iracundiæ, donec ea refrigerata tempus se daret vel purgandi, vel admonendi. Idem faciebam, si quando plus æquo potus redibat domum, nec id temporis nisi jucunda loquebar illi; tantum blanditiis pertrahebam ad lectum. XA. Infelix vero uxorum conditio, si iratis, ebriis, & quidquid libet patrantibus maritis tantum obsequuntur. Ev. Quasi vero hoc non sit mutuum obsequium. Coguntur & illi multa ferre in moribus nostris. Est tamen tempus, cum in re seria fas est uxori monere virum, si quid est alicujus momenti: nam ad levia præstat connivere. XA. Quod tandem? Ev. Cum erit animo vacuo, nec commotus, nec sollicitus, nec potus, tum absque testibus blande monendus vel rogandus potius, ut in hoc aut illo melius consulat rei, aut famæ, aut valetudini suæ. Atque hæc ipsa admonitio leporibus ac facetiis erit condienda. Nonnunquam præfatione ab illo stipulari soleo, ne mihi succenserit, si quid stulta mulier admonerem, quod ad illius honorem, aut valetudinem, aut salutem facere videretur. Ubi monuissem quæ volebam, amputavi sermonem illum, & ad alia jucundiora deflectebam. Est enim fere hoc nostrum vitium, mea Xanthippe, ut semel exorsæ loqui, finem facere nequeamus. XA. Ajunt. Ev. Illud in primis cavebam; ne præsentibus aliis, maritum objurgarem, aut ne quid querelarum domo efferrem. Facilius sarcitur, si quid inter duos commissum est. Quod si quid existerit ejus generis, ut nec ferri possit, nec uxoris admonitione sanari, civilius est, ut uxor querelam deferat ad parentes & cognatos mariti, quam ad suos, & ita querelam temperet, ne videatur odisse maritum: sed vitium potius mariti. Nec tamen effutiat omnia; ut hic quoque tacitus agnoscat, & amet uxoris civilitatem. XA. Philosopham esse oportet, quæ ista præstet. Ev. Imo talibus factis maritos ad similem civilitatem invitabimus. XA. Sunt quos nulla civilitate corrigas. Ev. Equidem non arbitror, sed fac esse. D Primum illud cogita; maritus ferendus est, qualisqualis est. Præstabilius igitur est ferre vel sui similem, vel paullo commodiorem factum nostra civilitate, quam nostra sævitia pejorem indies. Quid si proferam maritos, qui simili civilitate correxerunt sponas suas? Quanto magis decet nos idem præstare adversus maritos? XA. Narrabis igitur exemplum meo marito dissimillimum. Ev. Est mihi familiaritas cum homine quodam nobili, docto, singularique morum dexteritate. Is duxerat puellam virginem, annos natam decem & septem, ruri in parentum ædibus perpetuo educatam, ut nobiles fere gaudent habitare ruri, ob venatum & aucupium. Rudem volebat ille, quo facilius illam ad suos mores fingeret: cœpit eam instituere literis ac musica, paulatimque assuefacere, ut redderet ea quæ audisset in concione, cæterisque rebus formare quæ post essent usus futuræ. Hæc quoniam erant nova puellæ, quæ domi suæ fuerat in summo otio, & inter famulorum colloquia lususque educata, coeperunt esse tædio. Detrectabat obsequium, & cum maritus urgeret, illa sine fine flebat, nonnunquam & in terram abjiciebat sese, occipitum illidens solo, quasi mortem optans. Earum rerum cum nullus esset finis, maritus dissimulato stomacho, invitabat uxorem, ut animi relaxandi gratia una proficiscerentur rus ad ædes soceri. Ibi lubens obtemperabat uxor. Eo cum ventum esset, maritus reliquit uxorem apud matrem & sorores, ipse cum socero prodibat venatum. Ibi submotis testibus denarrat socero, se sperasse jucundam vitæ sociam; nunc habere perpetuo lacrymantem, ac sese discruciantem, nec ullis monitis sanabilem: orat, ut sibi adsit in medendo filiam morbo. Socer respondet; Se semel illi tradidisse filiam: quod si illa non obtemperaret verbis, uteretur suo jure, & verberibus eam emendaret. Tum gener, Novi, inquit, jus meum; sed malim eam tua vel arte, vel auctoritate sanari, quam ad hoc extremum remedium venire. Socer pollicitus est se curaturum. Post unum atque alterum diem captat tempus ac locum, ut solus esset cum filia: ibi vultu

ad

ad severitatem composito, incipit commemorare, quam illa esset infelici forma, quam non amabilibus moribus, quam saepe metuisset, ne nullum illi posset invenire maritum. At ego meo maximo labore, inquit, talem inveni tibi, qualem nulla non optaret sibi, quantumvis felix. Et tamen tu, non agnoscens quid pro te fecerim, nec intelligens, te talem habere maritum, qui, nisi esset humanissimus, vix te dignaretur habere in ancillarum numero, rebellas illi. Ne longum faciam, sic incanduit patris oratio, ut vix videretur manibus temperare. Est enim vir ingenio mire vasro, qui citra personam omnem posset quamvis agere comœdiam. Ibi puella partim metu, partim veritate commota, accidit ad patris genua, rogans ut præteritorum vellet oblivisci, se in posterum memorem fore officii sui. Ignovit pater, pollicitus se quoque fore patrem amantissimum, si, quod polliceretur, præstaret. **XA.** Quid deinde? **Ev.** Puella digressa a colloquio parentis, rediit in cubiculum, offendit maritum solum; accidit illi ad genua, & ait: Marite, hætenus non novi neque te, neque me ipsam, posthac videbis me aliam factam; tantum obliviscere superiorum. Hanc vocem maritus excepit osculo, & omnia pollicitus est, si illa persisteret eo animo. **XA.** Quid? perstitit? **Ev.** Usque ad mortem: neque quidquam erat tam humile, quod illa non alacris ac volens obiret volente marito. Tantus amor inter eos natus est & confirmatus. Post annos aliquot puella crebro sibi gratulata est, quod contigisset tali marito nubere, qui nisi contigisset, eram, inquit, omnium mulierum peditissima. **XA.** Talium maritorum non minus rara est copia, quam alborum corvorum. **Ev.** Jam si molestum non est, referam tibi quiddam de marito, commoditate uxoris correcto, quod nuper accidit in hac ipsa civitate. **XA.** Nihil est quod agam, & perquam grata mihi est tua confabulatio. **Ev.** Est vir quidam non postremæ nobilitatis; is, ut solet hoc hominum genus, plerumque venabatur. Ruri incidit in puellam quandam pauperrimæ mulierculæ filiam: in eam coepit deperire, homo jam provectioris ætatis. Atque hujus gratia frequenter pernoctabat foris. Prætextus erat venatio. Uxor hujus, mulier insigni probitate, nescio quid suspicans, pervestigavit furta mariti sui: & eo profecta, nescio quo, adiit casam illam rusticanam; expiscata est de toto negotio, ubi dormiret, unde biberet, quis esset apparatus convivii. Nihil erat ibi suppellectilis, sed mera paupertas. Abiit matrona domum, ac mox rediit, secum adducens lectum commodum & apparatus; vasa aliquot argentea; addidit pecuniam, admonens, ut si quando rediret ille, tractarent eum civilius, dissimulans interim sese uxorem esse, ac forem esse simulans. Post dies aliquot redit eo furtim maritus; videt auctam suppellectilem, & apparatus lautiorum. Rogat unde is nitor insolitus: ajunt, matronam quandam honestam illi cognatam hæc advexisse, ac mandasse ut honestius posthac acciperetur. Illico tetigit animum illius suspicio, uxoris hoc esse factum. Reversus domum, rogatum illic fuisse: illa non negat. Rogavit, & quo tandem consilio misisset eo suppellectilem. Mi vir, inquit, assuetus es vitæ commodiori. Videbam illic te durius accipi; putabam esse officii mei, ut quando ita tibi cordi est, lautius illic habereris. **XA.** O matronam nimium bonam! Ego citius pro lecto subtravisssem illi fasciculum urticarum ac tribulorum. **Ev.** Sed audi finem. Vir, perspecta tanta probitate, tantaque mansuetudine conjugis suæ, nunquam deinde usus est furtivo concubitu, sed domi semet oblectavit cum sua. Scio tibi notum esse Gilbertum Batavum. **XA.** Novi. **Ev.** Is, ut scis, florenti ætate duxit uxorem jam provectiorem ac vergenti ætate. **XA.** Dotem fortasse duxit, non uxorem. **Ev.** Sic est. Is fastidians uxoris, adamabat mulierculam, cum qua se subinde oblectabat foris. Raro domi prandeat, aut coenabat. Quid tu heic eras factura? **XA.** Quid? Ego illi adamatæ involassem in capillos, & maritum exeuntem ad illam, perfudisssem lotio, ut sic unctus iret ad convivium. **Ev.** At quanto hæc prudentius? Invitabat mulierculam domum suam, comiter accipiebat. Ita maritum quoque sine veneficiis domum pertraxit. Et si quando foris coenabat cum illa, misit eo missum aliquem elegantiorum, jubens ut suaviter viverent. **XA.** Ego malim mori, quam esse lena mei mariti. **Ev.** Verum interim rem ipsam expendere. Nonne hoc multo satius erat, quam si sævitia sua prorsus alienasset maritum, ac totam ætatem in jurgiis exegisset?

A set? **XA.** Fateor minus esse mali, sed ego non possem. **Ev.** Unum adjiciam, atque ita discedam ab exemplis. Hic vicinus noster, vir probus & integer, sed paulo iracundior, quodam die pulsaverat uxorem suam, foeminam laudatissimam. Ea se recepit in intimum conclave, atque illic lacrymans, atque singultiens, decoquebat animi ægritudinem. Aliquanto post per occasionem eodem ingressus est maritus; reperit uxorem flentem. Quid, inquit, heic lacrymas, ac singultis, puerorum more? Tum illa prudenter; Quid? inquit, an non hoc satius, ut heic deplem malum meum, quam si in via vociferer, quemadmodum solent aliæ mulieres? Hoc dicto tam uxorio, fractus ac victus hominis animus, data dextra pollicitus est uxori, se posthac nunquam in illam conjecturum manus: nec fecit. **XA.** Ego idem impetravi a meo diversa ratione. **Ev.** Sed interim est inter vos bellum perpetuum. **XA.** Quid igitur velles me facere? **Ev.** Primum mussanda est tibi omnis injuria mariti, & animus illius officiis, comitate, mansuetudine paulatim est conciliandus: aut vinces tandem, aut certe multo commodiore uteris, quam nunc uteris. **XA.** Ille ferocior est, quam ut ullis officiis mansuescat. **Ev.** Eja, ne dixeris. Nulla est fera tam immanis, quin officiis cicuretur; ne desperes in homine. Fac periculum menses aliquot; me accusa, nisi senseris consilium hoc tibi fuisse bono. Sunt etiam quædam vitia, ad quæ tibi connivendum est. Illud ante omnia tibi cavendum censeo, ne quid rixæ moveas in cubiculo, aut in lecto: sed curandum est, ut illic omnia sint festiva ac jucunda. Etenim si is locus, qui diluendis offensis, sarcindæque gratiæ consecratus est, lite aut ægritudine quapiam profanetur; jam sublatum est omne remedium benevolentiae reconciliandæ. Sunt enim foeminæ quædam tam morosæ, ut in ipso etiam coitu querantur ac rixentur, eamque voluptatem, quæ diluere solet ex animis virorum, si quid inerat molestiæ, morum fastidio reddant inluavem; pharmacum ipsum vitiantes, cum licuisset mederi offensis. **XA.** Istud mihi frequenter accidit. **Ev.** Atqui tamen si semper est cavendum uxori, ne qua re molesta sit viro, tamen id maxime studere debet, ut in eo congressu se viro præbeat modis omnibus commodam & jucundam. **XA.** Viro! mihi cum bellua res est. **Ev.** Mitte male loqui: fere nostra culpa viri mali sunt. Sed ut ad rem redeam: qui versantur in pricis fabulis Poetarum, narrant Venerem (eam faciunt deam connubii præsidem) habere cestum arte Vulcani confectum: in eo intextum esse quiddam est amatorii medicamenti: eo se cingit, quoties congressura est cum marito. **XA.** Fabulam audio. **Ev.** Verum: sed audi, quid sibi velit fabula. **XA.** Dic. **Ev.** Illud docet, uxorem omnem curam adhibere oportere, ut in congressu connubiali jucunda sit marito, quo recalescat ac redintegretur amor ille maritalis; & discutatur ex animo, si quid erat offensionis aut tædii. **XA.** Sed unde nobis cestus ille? **Ev.** Nihil opus veneficiis aut incantamentis. Nullum incantamentum efficacius, quam morum probitas cum suavitate conjuncta. **XA.** Ego tali marito blandiri non possum. **Ev.** At hoc tua refert, ut desinat esse talis. Si Circes artibus posses maritumvertere in suum aut ursum, faceres? **XA.** Nescio. **Ev.** Nescis? An malles habere suum maritum, quam hominem? **XA.** Equidem malim hominem. **Ev.** Age, quid si Circes artibus posses ex temulento reddere sobrium, ex prodigo frugalem, ex cessatore diligentem; nonne faceres? **XA.** Plane facerem; sed unde mihi istæ artes? **Ev.** Atqui istas artes habes in te, si modo velis adhibere. Tuus, velis nolis, sit oportet. Quo meliorem eum reddideris, hoc magis consulueris tibi. Tu tantum oculos habes defixos in illius vitia; eaque tibi exaggerant odium; & hac ansa tantum arripis illum, qua teneri non potest. Illa potius contemplare, quæ bona sunt in illo; & hac ansa prehendere illum, qua teneri potest. Antequam illi nuberes, tempus erat expendendi, quid haberet malorum. Oportebat enim non oculis solum, verum etiam auribus maritum deligere: nunc mendedi tempus est, non accusandi. **XA.** Quæ mulier unquam auribus cepit maritum? **Ev.** Oculis capit, quæ nihil aliud spectat, quam corporis formam: auribus, quæ diligenter observat, quid fama de illo prædicet. **XA.** Pulcre mones, sed sero. **Ev.** At non serum est studere corrigendo marito. Ad eam rem conducet, si quid pignoris ex te natum fuerit viro. **XA.** Jam natum est. **Ev.** Quando? **XA.** Jam pridem.

Tom. I.

Yy

Ev.

Ev. Quot menses sunt? XA. Ferme septem. Ev. Quid ego audio? Tu nobis trimestris foetus jocos renovas? XA. Nequaquam. Ev. Ita necesse est, si tempus a nuptiarum die supputas. XA. Imo ante nuptias fuerat mihi cum eo colloquium. Ev. An ex colloquio nascuntur pueri? XA. Forte solam nactus, coepit alludere, titillans axillas, ac latera, quo me provocaret ad risum. Ego non ferens titillationem, me resupinabam in lectum; ille incumbens figebat oscula, nec satis scio quid egerit praeterea: certe paucis post diebus uterus coepit intumescere. Ev. I nunc, & maritum contemne; qui si lufitans gignit liberos, quid faciet cum serio rem agat? XA. Suspitor & nunc me gravidam esse. Ev. Euge contigit felici fundo bonus cultor. XA. Hac in parte plus praestat, quam vellem. Ev. Ista querela tibi cum paucis uxoribus est communis. Sed inter vos intercesserat pactum connubiale? XA. Intercesserat. Ev. Levius igitur peccatum est. Estne proles mascula? XA. Est. Ev. Illa vos rediget in gratiam, si tu vel paullulum temet accomodes. Quid alii praedicant de tuo marito sodales, & quibuscumque habet commercium foris? XA. Praedicant eum esse moribus commodissimis, comem, liberalem, amicum amico. Ev. Et ista mihi bonam spem faciunt, illum fore qualem volumus. XA. At mihi uni talis non est. Ev. Sed tu te illi praebeto, qualem dixi, meque pro Eulalia, voca Pseudolaliam, nisi tibi quoque talis esse coeperit. Quin & illud cogita, illum adhuc juvenem esse, nondum opinor egressum annos viginti quatuor: nondum novit, quid sit esse patremfamilias. Jam non est tibi cogitandum de divortio. XA. At frequenter cogitavi. Ev. Verum ea cogitatio, si quando tibi inciderit in mentem, primum reputa tecum quam nihili res sit foemina divulgata viro. Summum decus matronae est, morigeram esse suo conjugii. Ita natura comparatum est, ita voluit Deus, ut mulier tota pendeat a viro. Tantum cogita id quod res est: maritus est, alius non potest obtingere. Deinde veniat in mentem puellus ille duobus communis. Quid de illo statues? Auferes tecum? fraudabis maritum sua possessione? Relinques apud illum? spoliabis te ipsam eo, quo nihil habes carius? Postremo dic mihi, habesne quae tibi male velint? XA. Habeo novercam germanam, praeterea socrum huic simillimam. Ev. Adeo tibi male volunt? XA. Cuperent exstinctam. Ev. Et istae tibi fac ut in mentem veniant. Quid enim illis possis facere gratius, quam si videant te divulgatam a marito, viduam, imo plus quam viduam vivere? Nam viduis licet alteri nubere. XA. Equidem probo tuum consilium, sed tædet diutini laboris. Ev. At reputa quantum laborum sumseris prius, quam hunc plittacum docueris quaedam humana verba sonare. XA. Plurimum profecto. Ev. Et piget operam sumere in fingendo marito, qui cum perpetuo suaviter degas aetatem? Quantum laboris sumunt homines, ut equum sibi commodum reddant? & nos pigebit adlaborare, ut maritis utamur commodioribus? XA. Quid faciam? Ev. Jam dixi. Cura ut domi niteant omnia, ne quid sit molestiae, quod illum exigit ex ædibus. Tu te illi comem praebeto, semper interim memor reverentiae cuiusdam, quam uxor debet marito. Absit tristitia, sed absit & petulantia: nec putida sis, nec lasciva. Sit apparatus domi lautus. Nosti palatum mariti: quod illi suavissimum est, id coquito. Quin etiam iis, quos ille amat, comem & affabilem te praebeto. Hos frequenter ad convivium voca. In convivio facito, ut læta plenaque hilaritatis sint omnia. Denique si quando ille vino lætior pulsabit suam testudinem, tu voce accinito. Sic assues facies maritum manere domi, & minues impensas. Sic enim ille cogitabit tandem; Næ ego insigniter insanio, qui foris magna rei famæque jactura victitem cum scorto, cum domi habeam uxorem multo lepidiorem, meique amantiorem, apud quam nitidius ac lautius accipileat. XA. An credis successfulurum, si tentem? Ev. Me vide. Ad me recipio. Interim & maritum tuum aggrediar; admonebo & illum sui

1 Trimestris foetus] Alludit ad proverbiale versum, qui est apud Suetonium: τοῖς ἱεροῦσιν καὶ τοῖς ἱεροῦσιν. Felicibus etiam trimestres filii. Verba Suetonii sunt: Patrem Claudii Caesaris Drusum, olim decimum, mox Neronem praenomine, Liviam, cum Augusto gravidam nupsisset, intra mensem tertium peperit: fuitque suspicio ex vitriculo per adulterii consuetudinem procreatum. Sciam coram vulgus est verus: τοῖς ἱεροῦσιν, &c.

2 Mulier tota pendeat] Eph. 5. 22. 23. 24. Uxores propriis viris subijcite vos ut Domino: quoniam vir est caput uxoris, ut Christus est caput ecclesia. Itaque sicut ecclesia se subijcit Christo, ita & uxores se suis viris subijciunt in omnibus.

A officii. XA. Laudo consilium: at vide ne quid huius rei suboleat ipsi; & misceret coelum terræ. Ev. Ne metue. Ita per ambages temperabo sermonem, ut ipse mihi narret, quid inter vos sit turbatum. Hoc facto, meo more tractabo illum blandissime, & ut spero, tradam eum tibi commodiorem. De te per occasionem mentiar, quam amanter de illo sis locuta. XA. Christus bene fortunet quod agimus. Ev. Aderit, modo ne desis tibi.

MILITIS, ET CARTHUSIANI.
MI. Salve, mi frater. CA. Salve & tu, germane carissime. MI. Vix te agnosco. CA. Adeone consenui intra biennium? MI. Non: sed caput rasum, nova vestis faciunt, ut mihi videaris aliud quoddam animal. CA. Itane non agnosceres uxorem tuam, si tibi occurreret induta nova veste? MI. Non, si tali. CA. At ego te probe agnosco, cui non solum vestis mutata est, verum etiam facies, totusque corporis habitus. Quot coloribus pictus es? Nulla avis aequae variat plumas suas. Tum quam omnia secta, quam nihil iuxta naturam aut morem communem! Adde tonsum verticem, barbam semiralam, silvam, quæ supra labrum superius est, perplexam, nec aliter hinc & hinc prominentem, quam solent in felibus pili longiores. Nec una cicatrix foedavit vultum; ut Samius quispiam literatus videri possis, de quo locus est proverbii. MI. Sic decet redire e bello. Sed dic mihi erat heic tanta bonorum medicorum inopia? CA. Quam ob rem? MI. Quia nulli commiseris sanandum cerebrum tuum prius, quam in hanc servitutem te praecipitem dares. CA. Itane videor insanisse? MI. Maxime. Quid erat necesse heic te sepeliri ante tempus, cum esset unde commode viveres in mundo? CA. An nunc non videor tibi in mundo vivere? MI. Non, per Jovem. CA. Dic quam ob rem? MI. Quia non licet ambulare quo velis. Huic loco velut caveæ includeris: adde rasuram, vestem prodigiosam, solitudinem, piscium perpetuum esum, ut mirer te ipsum non verti in piscem. CA. Si verterentur homines in omnia quibus vescuntur, tu jam pridem porcus esses. Nam suilla soles delectari. MI. Non dubito quin jam dudum poeniteat te instituti: paucos enim comperio, quos non capiat poenitudo. CA. Hoc illis usu venit, qui se in hoc vitæ genus velut in puteum praecipitant: ego descendendi sensum & consulo, prius explorato me ipso, perspectaque tota huius vitæ ratione, jam annos natus viginti octo, qua ætate sibi quisque notus esse potest. Quod ad locum attinet, tu quoque loco angusto concluderis, si totius mundi consideres amplitudinem. Nec refert quam spatiosus sit locus, modo nihil desit ad vitæ commoditatem. Multi raro aut nunquam exeunt civitatem, in qua nati sunt: qui si vetarentur exire, magnopere sibi displicerent, & incesceret illis mira libido relinquendæ civitatis, hic affectus vulgaris est; quo ego careo. Imaginor, heic totum esse mundum, & hæc tabula mihi totum terrarum orbem repræsentat, quem ego cogitatione jucundius simul & tutius perambulo, quam is qui navigavit ad novas insulas. MI. Heic tu propemodum dicis verum. CA. Rasuram damnare non potes, qui volens tondearis, utique commoditatis gratia. Mihi illura, si nihil aliud, certe reddit caput purius, ac fortasse salubrius. Venetiae quam multi patricii totum etiam caput radunt? Quid autem habet prodigiosum vestis? Nonne tegit corpus? Ad duplicem usum adhibetur vestis, ut depellatur injuria coeli, eaque velet quæ pudor jubet tegi. An non hos usus præbet hæc vestis? Sed offendit color; quis color magis decet omnes Christianos, quam is qui datus est omnibus in baptismo? Dictum est tibi quoque; Accipe vestem candidam. Hæc itaque vestis admonet me, quid promiserim in baptismo; nimirum innocentiae perpetuum studium. Porro solitudinem si vocas turbæ fugam; hoc exemplum est non nostrum, sed veterum Prophetarum, atque etiam Philosophorum Ethnicorum, & quibuscunque bonæ mentis cura fuit; imo Poetæ, Astrologi, ac similibus artibus dediti,

3 Misceat coelum terra] Proverbialis hyperbole est, pro eo, quod est: Omnia perturbaret. De vehementi perturbatione dictum est proverbium. Juvenalis:

Licet & mare caelo confundas, homo sum.

4 Samius] Proverbium in cicatriculos & stigmatum plenos convenit. Inde autem dictum, quod quum Samii captivi Atheniensium inuissent noctuam, Athenienses vicium Samiis inurebant Samænam, quam in collectaneis opinor dictam esse. Id erat genus navis lato ventre, a proca veluti suillum rostrum præferens. Alii tamen aliam originem ostendunt. Vide Chiliades.

ti, quoties aliquid magni ac supra vulgus hominum moliuntur, secessum quaerere solent. Cur autem voces hanc solitudinem? Unius amicali confabulatio pellit solitudinis tedium. Heic habeo sodales omnium rerum plus quam sedecim. Ad hæc intervifunt amici crebrius quam vellem, aut expedit; & tibi videor in solitudine vivere? Mr. At non semper licet cum his confabulari. CA. Nec semper expedit. Atque hoc jucundior est confabulatio, quod voluptatis gratiam augeat interrupta copia. Mr. Non pessime conjectas. Nam mihi quoque suaviores sunt carnes revoluta Pascha post quadragesimam. CA. Nec interim tamen, cum maxime videor solus, defunt mihi confabulones, longe festiviores ac suaviores istis vulgaribus congerronibus. Mr. Ubi sunt? CA. Vides heic codicem Evangelicum? in hoc mecum fabulatur ille, qui, olim additus facundus comes in via duobus discipulis proficiscentibus in Emauntem, effecit, ut non sentirent itineris laborem, sed sentirent dulcissimum cordis ardorem, inhiantes mellitis illius sermonibus. In hoc mihi loquitur Paulus, in hoc Elaias, cæterique Prophetæ. Heic mecum confabulatur dulcissimus ille Chrysostomus, heic Basilus, heic Augustinus, heic Hieronymus, heic Cyprianus, cæterique non minus eruditi quam facundi doctores. An nosti ullos tam amœnos confabulones, quos cum his conferas? An in tali sodalitia, quod mihi nunquam non adest, reputas obrepere posse solitudinis tedium? Mr. Mihi frustra loquerentur non intellecturo. CA. Jam quid refert quibus rebus hoc corpusculum alatur? cui minimo satis sit, si juxta naturam vivamus. Uter nostrum habitior? tu, qui vesceris perdicibus, phasianis, & capis; an ego, qui vivo piscibus? Mr. Si tibi esset uxor, ut mihi est, minus haberes succi. CA. Et ideo sufficit quilibet cibus, & quantumvis exiguus. Mr. Sed interim agitas vitam Judaicam. CA. Bona verba: Christianam, si non assequimur, certe sequimur. Mr. In veste, cibo, preculis, cæterisque cærimoniis ponitis fiduciam, neglecto studio pietatis Evangelicæ. CA. Quid alii faciant, non est meum judicare: ego his rebus nequaquam confido, minimumque tribuo; sed in animi puritate & in Christo colloco fiduciam. Mr. Cur igitur observas? CA. Ut mihi pax sit cum fratribus meis; & ne cui quoquo modo sim offendiculo. Nolim autem offendere quenquam ob hujusmodi res leviculas, quas nihil est negotii fervare. Ut sumus homines quacunque veste tecti, minutissimarum etiam rerum similitudo aut dissimilitudo conciliat aut dirimit concordiam. Rasum caput, aut vestis color, per se quidem non commendat me Deo. Sed quid diceret populus, si comam alerem, aut tuam istam vestem fumerem? Reddidi tibi rationem mei consilii: nunc quaeso ut mihi vicissim tui consilii rationem reddas, dicasque, ubi cessarint omnes boni medici, cum relicta domi uxore juvencula & liberis, proficisceris in militiam, vili salario conductus ad jugulandos homines, idque tui quoque capitis periculo. Neque enim tibi res erat cum fungis aut papaveribus, sed cum armatis viris. Utrum vero putas infelicius, jugulare Christianum hominem ob mercedulam, a quo nunquam sis læsus, an te ipsum simul, & corpus, & animam, in æternum exitium mittere? Mr. Fas est occidere hostem. CA. Fortassis est, si impetari patriam tuam. Tum pium videri potest, pugnare pro liberis & uxore, pro parentibus & amicis, pro aris & focis, pro tranquillitate publica. Quid istuc ad tuam militiam mercenariam? Ego, si perissem in hoc bello, non redemissem animam tuam vitiosa nuce. Mr. Non? CA. Non, ita me Christus bene amet. Jam utrum existimas durius, obedire bono viro, quem nos *Priorem* vocamus, qui vocet ad preces, ad sacram lectionem, ad doctrinam salutarem, ad psallendum Deo: an obedire barbaro cuiquam Centurioni, qui sæpe magnis ac nocturnis itineribus vocet quo lubet, ac revocet; qui bombardarum ictibus objiciat, qui jubeat te stare loco aut occisurum, aut occidendum? Mr. Minus narras, quam res habeat, malorum. CA. Si quid ego deflexero a disciplina hujus instituti, poena est admonitio, aut aliud leve quiddam: tibi, si quæ committas adversus leges imperatorias, aut pendendum est, aut nudo inter intentatas in te lancearum cuspides eundum. Nam plesti capite, beneficium est. Mr. Non possunt refragari veris. CA. Jam cultus iste satis indicat, te non multum nummorum referre domum. Mr. Nummorum mihi jam pridem ne pilus quidem fuit, uno multum æris alieni

A conflavi. Proinde huc deflexi, ut me instruas viatico. CA. Utinam huc deflexisses, cum properares in sceleratam istam militiam! Sed unde tanta nuditas? Mr. Rogas unde? Quidquid ex salario, quidquid ex prædationibus, sacrilegiis, rapinis, furtis parare licuit, id totum absumebatur in vina, scorta, & aleam. CA. O te miserum! Et interim uxorecula, cujus gratia Deus jussit relinqui patrem & matrem, domi moerebat deserta cum parvis liberis. Et interea tibi videbaris vivere in tantis miseris, in tantis sceleribus? Mr. Hoc fallebat sensum malorum, quod innumeros haberem malorum socios. CA. Quin illud vereor, ne uxor te non agnoscat. Mr. Qui sic? CA. Quia sic cicatrices pinxerunt tibi novam faciem. In fronte quam fossam habes? Videtur tibi exsectum fuisse cornu. Mr. Imo si rem nosset, grulareris mihi hanc cicatricem. CA. Quam ob rem? Mr. Minimo minus aberat, quin perierim. CA. Quid erat mali? Mr. Cuidam tendenti rupta est baliista chalybea; ejus fragmentum infiluit in frontem. CA. Et in bucca cicatricem habes palmo longiorem. Mr. Hoc vulnus accepi in pugna. CA. Bellica? Mr. Non: inter aleam ortum est dissidium. CA. Jam & in mento video nescio quid gemmarum. Mr. Nihil est. CA. Suspicio tibi contractam scabiem, quam vocant Hispanicam. Mr. Recte divinas, mi frater. Tertium ea laboravi usque ad vitæ periculum. CA. Unde hoc mali accidit tibi, ut sic incurvus incedas, quasi esses nonagenarius, aut quasi meslor quispiam, aut quasi delumbatus esses fuisse? Mr. Morbus ita contraxit nervos. CA. Næ heic magnificam passus es metamorphosin. Antehac eras eques, nunc ex centauro factus es animal semireptile. Mr. Hæc nimirum est alea Martis. CA. Imo hæc est infania tuæ mentis. Quas vero manubias uxori tuæ, liberisque tuis referes domum? lepram? Nam ista scabies nihil aliud est, quam lepræ species; nisi quod ideo non vitatur, quia multorum est communis, præcipue nobilium: at ob hoc ipsum magis debebat vitari. Nunc istud malum adfricabis iis, qui tibi debuerant esse carissimi: & ipse per omnem vitam putre cadaver circumferes. Mr. Quaeso te, frater, ut definas: satis malorum est, etiam si non accedat objurgationis molestia. CA. Quotam autem malorum partem commemoravi? Ista corporis duntaxat sunt. Jam animam vero qualem reportas, quanta scabie putrem, quot vulneribus sauciam? Mr. Tam puram refero, quam est *cloaca* Parisiis in via, quæ dicitur vulgo *Mauberti*, aut latrina publica. CA. Vereor ne multo pejus oleat apud Deum & angelos ejus. Mr. Sed jam rixæ satis est; dic aliquid de sarciendo viatico. CA. Mihi nihil est quod dem, experiar quid velit Prior. Mr. Atqui si quid daretur, essent tibi paratæ manus: nunc multæ obstant difficultates, quando numerandum est aliquid. CA. Quid alii faciant, ipsi viderint: mihi nec ad accipiendum, nec ad dandum sunt manus. Verum de his a prandio, nunc tempus monet, ut accumbamus.

PSEUDOCHEI, ET PHILETYMI.

PH. U Nde tibi scatur tanta mendaciorum vis? Ps. Unde suppetunt araneæ fila? PH. Non est igitur artis, sed naturæ. Ps. A natura profecta sunt semina; ars & usus auxere facultatem. PH. Non te pudet? Ps. Non magis quam coccycem suæ cantionis. PH. At tibi in manu est mutare cantionem tuam; & in hoc est homini data lingua, ut vera prædicet. Ps. Imo ut conducibilia. At non semper expedit vera dicere. PH. Ita nonnunquam conducit habere manus furaces. Et hoc vitium esse tuo cognatum, testatur etiam popolare proverbium. Ps. Utrumque vitium honestis nititur auctoribus: illud habet Ulysses tantopere laudatum ab Homero; hoc Mercurium etiam Deum, si Poetis credimus. PH. Cur igitur vulgus execratur mendaces; fures etiam subiguntur in crucem? Ps. Non ideo quod mentiantur, aut furentur, sed quod infcite mentiantur aut furentur; vel quia præter naturam, vel quia non satis callentes artem. PH. Estne scriptor quispiam, qui tradit artem mentiendi? Ps. Bonam artis partem monstrare tui Rhetores. PH. Hi quidem tradunt artem bene dicendi. Ps. Verum; sed bona pars bene dicendi est, scite mentiri. PH. Quid est scite mentiri? Ps. Vis definiam? PH. Volo. Ps. Est ita mentiri, ut lucro sit, nec deprehendi possis. PH. At quotidie deprehenduntur multi. Ps. Isti non sunt artifices absoluti. PH. Es igitur tu absolutus artifex? Ps. Propemodum. PH. Experire an me possis mentiando fallere. Ps. Et te quo-

Tom. I.

Y y 2

que

que possim, vir optime, si libeat. PH. Dic igitur aliquod mendacium. PS. At jam dixi. Non deprehendisti? PH. Non. PS. Age, fac sis attentus. Nunc incipiam mentiri. PH. Sum attentus: dic aliquid. PS. At jam iterum mentitus sum, te non deprehendente. PH. Equidem nihil adhuc audio mendacii. PS. Audisses, si calleres artem. PH. Proinde demonstra tu. PS. Primum appellavi te virum optimum. An non istuc est insigne mendacium, cum ne bonus quidem sis; & si bonus esses, optimus dici non possis, cum sint innumeri te meliores. PH. Heic plane fefelleras. PS. Jam fac periculum, an possis alterum mendacium ex te deprehendere. PH. Non possum. PS. Heic desidero ingenium, quod alibi praestas. PH. Fateor; ostende tu. PS. Cum dicerem, nunc incipiam mentiri, nonne magnifice mentiebar, cum tot annos assueverim mentiri, & paullo ante quam hoc dicerem, essem mentitus? PH. Mirum praestigium. PS. Sed nunc saltem monitus arrige aureis, ut deprehendas mentientem. PH. Arrexi; dic. PS. Imo jam dictum est, & tu meum mendacium es imitatus. PH. Tu mihi persuadebis, quod nec aures habeam, nec oculos. PS. Cum homini sint aures immobiles, ut nec arrigi possint, nec demitti, mentiebar te arrexturum aures. PH. Talibus mendaciis plena est omnis hominum vita. PS. Non talibus tantum, ô bone. Nam hæc ludicra sunt: sunt quæ rem adferant. PH. Turpius est lucrum ex mendacio, quam ex lotio. PS. Verrum est, inquam; sed iis qui mentiendi nesciunt artem. PH. Quam igitur tu calles artem? PS. Non æquum est, ut te gratis doceam: numera; & audies. PH. Non emo malas artes. PS. Donas igitur gratis fundum tuum? PH. Non sic infanio. PS. At ago ex hac arte mea certiores capio fructus, quam tu ex tuo fundo. PH. Manebit tibi ars tua; tantum profer specimen, ut intelligam non omnino vanum esse quod dicis. PS. Accipe igitur specimen. Multis multorum negotiis memet admisceo: emo, vendo, recipio, fumo mutuo, accipio depositum. PH. Quid tum postea? PS. Atque heic potissimum capto eos, a quibus non facile deprehendar. PH. Quos? PS. Stupidos, obliviosos, incogitantes, longe semotos, & mortuos. PH. Certum est mortuos neminem redarguere. PS. Si quid cui vendo in diem, diligenter annoto in libellis rationum. PH. Quid deinde? PS. Ubi reddenda est pecunia, plus imputo mercium emptori, quam acceperit. Is si incogitans est, aut obliviosus, mihi certum est lucrum. PH. Quid si deprehendat? PS. Profero librum rationalem. PH. Quid si is doceat & evincat, se non accepisse quod imputas? PS. Reclamo quantum possum. Nam in hac arte prorsus inutilis est pudor. Denique extrema ancora est, ut aliquid comminiscar. PH. Quid palam deprehensus? PS. Nihil est facilius, erravit famulus; aut, ipse lapsus sum memoria. Scitum est, multas simul miscere rationes: heic facilius est imponere. Exempli causa: sunt quædam dispuncta, quod soluta sit pecunia: sunt alia pro quibus nihil numeratum est. Hæc in posterioribus codicillis misceo, sic ut nihil dispungam. Ubi supputatur, contendimus, & vincō plerumque, vel perjurio. Est & hoc artis: fere rationem in eo cum accincto ad iter, & imparato. Nam mea mihi semper parata sunt. Deponitur aliquid apud me, servo clam apud me, nec reddo. Longum est prius quam resciscat ille, ad quem res missa est. Tandem si non licebit inficiari, dico mihi perisse: aut contendo me misisse, quod non mihi: incuso aurigas. Postremo, si vitare non possum, quin reddam, reddo accisum. PH. Bella vero ars! PS. Nonnunquam eodem nomine bis accipio pecuniam, si liceat: primum domi, deinde illic quo proficiscor: & nusquam non sum. Interim tempus inducit oblivionem, confunduntur rationes, aliquis moritur, aut suscipit longinquam peregrinationem: ut omnia pessime cadant, saltem interim usus sum aliena pecunia. Nonnullos etiam capto specie benignitatis, ut favcant mentienti, sed semper de alieno: de meo nec matri darem teruncium. Quanquam autem in singulis videatur lucrum exiguum, ex multis tamen (multis enim memet, ut dixi, misceo) nascitur acervus haud quamquam poenitendus. Porro ne deprehendar, cum multæ sint technæ, tum illa præcipua: omneis omnium epistolas, quas possum, intercipio, refugio ac lego. Si quid obfuturum suspicor, premo: aut si reddo, reddo meo tempore. Ad hæc inter longo semotos intervallo, mendaciis meis fero similitatem. PH. Quis istinc usus? PS. Geminus. Primum, si

A non præstatur quod alterius nomine promisi, & quo nomine munus etiam accepi; nam fumos huiusmodi magno vendendo: fingo, per illum aut illum stetit, quò minus perfectum sit. PH. Quid sineget ille? PS. Is procul abest, puta Basileæ; ego polliceor in Angliā: deinde fit, ut orta similitate neuter alteri credat, si quid incuser. Habes specimen artis. PH. At istam artem, nos crassiores, solemus vocare *furtum*, qui ficum vocamus ficum, & scapham scapham. PS. O hominem juris Cæsarei rudem! An licet intendere actionem furti ei qui suppressit depositum, aut qui abjurat mutuum, aut simili technā imposuit? PH. Oportuit. PS. Proinde vide prudentiam artificum. Ex his plus est lucri, aut certe tantundem; & minus est periculi. PH. Male sit tibi cum tuis technis ac mendaciis. Non enim libet dicere, Vale. PS. Tu ringere cum tua pannofa veritate; ego interrim suaviter agam cum meis furtis ac mendaciis, dextro Ulyssæ ac Mercurio.

Naufragium.

ANTONIUS, ADOLPHUS.

AN. **H**Orrenda narras. Est istuc navigare? Prohibeat Deus, ne mihi quidquam unquam tale veniat in mentem. AD. Imo quod hæcenus memoravi, lusus merus est, præ his quæ nunc audies. AN. Plus satis malorum audiivi: inhorresco te memorante, quasi ipse periculo interfissem. AD. Imo mihi jucundi sunt acti labores. Ea nocte quidam accidit, quod magna ex parte spem salutis ademit nauclero. AN. Quid obsecro! AD. Nox erat sublustris, & in summo malo stabat quidam e nautis in galea, sic enim vocant, opinor; circumspiciens, si quam terram videret: huic coepit adfistere sphaera quædam ignea: id nautis tristissimum ostentum est, si quando solitarius ignis est; felix, cum gemini. Hos vetustas credidit Castorem & Pollucem. AN. Quid illis cum nautis, quorum alter fuit eques, alter pugil. AD. Sic visum est Poetis. Nauclerus qui clavo affidebat, Socie, inquit, (nam eo nomine se mutuo compellant nautæ;) videfne, quod sodalitium tibi claudat latus? Video, respondit ille; & precor ut sit felix. Mox globus igneus delapsus per funes, devolvit sese usque ad nauclerum. AN. Num ille exanimatus est metu? AD. Nautæ assuevere monstris. Ibi paullisper commoratus, volvit se per margines totius navis: inde per medios foros dilapsus evanuit. Sub meridiem coepit magis ac magis incrudescere tempestas. Vidistine unquam Alpes? AN. Vidi. AD. Illi montes verrucæ sunt, si conferantur ad undas maris. Quoties tollebamur in altum, licuisset lunam digito contingere: quotias demittebamur, videbamur, dehiscente terra, recta ire in Tartara. AN. O infanos qui se credunt mari! AD. Nautis frustra luctantibus cum tempestate, tandem nauclerus totus pallens nos adiit. AN. Is pallor præfagit aliquod magnum malum. AD. Amici, inquit, desii esse dominus navis meæ; vicere venti; reliquum est ut spem nostram collocemus in Deo, & quisque se paret ad extrema. AN. O vere Scythicam concionem! AD. In primis autem, inquit, exoneranda est navis; sic jubet necessitas durum telum: præstat consulere vitæ, dispendio rerum, quam simul cum rebus interire. Persuasit veritas: projecta sunt in mare plurima vasa plena preciosis mercibus. AN. Hoc erat vere iacturam facere. AD. Aderat Italus quidam, qui legatum egerat apud Regem Scotiæ; huic erat scrinium plenum vasis argenteis, anulis, panno, ac vestimentis fericis. AN. Is nolebat decidere cum mari? AD. Non; sed cupiebat aut perire cum amicis opibus suis, aut simul cum illis servari. Itaque refragabatur. AN. Quid nauclerus? AD. Per nos, inquit, liceret tibi cum tuis perire solum: sed æquum non est, ut nos omnes tui scrinii causa periclitemur, alioqui te una cum scrinio dabimus in mare præcipitem. AN. Orationem vere nauticam. AD. Sic Italus quoque iacturam fecit, multa mala precans & superis & inferis, quod suam vitam elelcam tam barbaro credidisset. AN. Agnosco vocem Italicam. AD. Paulo post venti nihilo mitiores facti nostris muneribus, rupere funes, disjecere vela. AN. O calamitatem! AD. Ibi rursus nos adiit nauta. AN. Concionaturus? AD. Salutat: Amici, inquit, tem-

1. *Refaire in Tartara*] Alludit ad versum Ovidii Trist. Lib. 1. El. 2.

Me miserum quanti montes voluntur aquarum?

Ita jam saturas sidera summa putas.

Quanta diducto subsidunt aqore vallas?

Ita jam saturas Tartara nigra putas.

tempus hortatur ut unusquisque Deo se commendat, ac morti se præparet. Rogatus a quibusdam nauticæ rei non imperitis, ad quot horas se crederet posse tueri navem, negavit se posse polliceri quidquam, sed ultra tres horas non posse. AN. Hæc concio durior etiam erat priore. AD. Hæc ubi locutus est, jubet incidi funes omnes, ac malum usque ad thecam, cui inferitur, incidi ferra, ac simul cum antennis devolvi in mare. AN. Cur hoc? AD. Quoniam sublato aut lacero velo erat oneri, non usui: tota spes erat in clavo. AN. Quid interea vectores? AD. Ibi vidisses miseram rerum faciem: nautæ canentes, Salve Regina, implorabant matrem Virginem, appellantes eam stellam maris, reginam cœli, dominam mundi, portum salutis, aliisque multis titulis illi blandientes, quos nusquam illi tribuunt sacræ literæ. AN. Quid illi cum mari, quæ nunquam, opinor, navigavit? AD. Olim Venus agebat curam nautarum, quia nata¹ credebatur ex mari: ea quoniam desuit curare, suffecta est huic matri non virgini, Virgo mater. AN. Ludis. AD. Nonnulli procumbentes in tabulas, adorabant mare, ² quidquid erat olei effundentes in undas, non aliter illi blandientes, quam solemus irato principi. AN. Quid agebant? AD. O clementissimum mare, ô generosissimum mare, ô ditissimum mare, ô formosissimum mare; mitesce, serva, hujusmodi multa occinebant³ surdo mari. AN. Ridicula superstitio. Quid alii? AD. Quidam nihil aliud quam vomebant; plerique vota nuncupabant. Aderat Anglus quidam, qui promittebat montes aureos Virgini Walsamgamicæ, si vivus attingisset terram. Alii multa promittebant ligno crucis, quod esset in tali loco; alii rursum quod esset in tali loco. Idem factum est de Maria virgine, quæ regnat in multis locis; & putant votum irritum, nisi locum exprimas. AN. Ridiculum: quasi divi non habitent in cœlis. AD. Erant qui se promitterent fore Carthusianos. Erat unus qui polliceretur se aditurum divum Jacobum, qui habitat Compostellæ, nudis pedibus & capite, corpore tantum lorica ferrea tecto, ad hæc cibo emendicato. AN. Nemo meminit Christophori? AD. Unum auidi non sine risu, qui clara voce, ne non exaudiretur, polliceretur Christophoro, qui est Luteriæ in summo templo, mons verius quam statua, cereum tantum, quantus esset ipse. Hæc cum vociferans quantum poterat, identidem inculcaret, qui forte proximus assistebat illi notus, cubito tetigit eum, ac submonuit: *Vide quid pollicearis: etiam si rerum omnium tuarum auditionem facias, non fueris solvendo.* Tum ille voce jam pressiore, ne videlicet exaudiret Christophorus: *Tace, inquit, fatue; an credis me ex animi sententia loqui? Si semel contigero terram, non daturus sum illi candelam sebaceam.* AN. Ô crassum ingenium! suspicor fuisse Batavum. AD. Non; sed erat Zelandus. AN. Miror nulli in mentem venisse Paulum Apostolum, qui ipse olim navigaverit, & fracta navi⁴ desilierit in terram. Is enim haud ignarus mali, didicit miseris succurrere. AD. Pauli nulla erat mentio. AN. Precabantur interim? AD. Certatim. Alius canebat, *Salve Regina*; alius, *Credo in Deum*. Erant qui peculiarias quasdam preculas habebant, non dissimiles magicis, adversus pericula. AN. Ut afflictio facit religiosos! rebus secundis, nec Deus, nec divus quisquam nobis venit in mentem. Quid tu interea? Nulli divorum nuncupabas vota? AD. Nequaquam. AN. Cur ita? AD. Quia non paciscor cum divis. Quid est enim aliud quam contractus juxta formulam, ⁵ *Do, si facias*: aut, *Faciam, si facias*: *Dabo cereum, si natem*: *Ibo Romam, si serves*. AN. At implorabas alicujus divi præsidium? AD. Ne id quidem. AN. Quam ob rem autem? AD. Quia spaciosum est cœlum. Si cui divo commendaro meam salutem, puta sancto Petro, qui fortasse primus audiet, quod adflet ostio: prius quam ille conveniat Deum, prius quam

A exponat causam, ego jam periero. AN. Quid igitur faciebas? AD. Recta adibam ipsum patrem, dicens, *Pater noster, qui es in cœlis*. Nemo divorum illo citius audit, aut libentius donat quod petitur. AN. Sed interea non reclamabat tibi conscientia? Non verebaris appellare *Patrem*, quem tot sceleribus offenderas? AD. Ut ingenue dicam, deterrebat nonnihil conscientia; sed mox recipiebam animum, ita mecum cogitans: *Nullus est pater tam iratus filio, quin si videat eum periclitantem in torrente aut lacu, capillis arreptum ejiciat in ripam*. Inter omneis nullus se tranquillius agebat, quam mulier quædam, cui erat infantulus in sinu, quem lactabat. AN. Quid illa? AD. Sola nec vociferabatur, nec flebat, nec pollicitabatur: tantum complexa puellum precabatur tacite. Interea dum navis subinde illideretur vado, nauclerus metuens ne tota solveretur, rudentibus eam cinxit a proa & a puppi. AN. O misera præsidia! AD. Interim exoritur quidam sacrificus senex, annos natus sexaginta; nomen erat Adamus: is abjectis vestibus usque ad indusum, abjectis etiam ocreis & calceis, jussit ut omnes itidem pararemus nos ad natandum. Atque ita stans in medio navis, concionatus est nobis ex 7 Gersoni quinque veritates de utilitate confitendi; hortatus omneis ut se quisque præpararet & vitæ & morti. Aderat & Dominicanus quidam: His confessi sunt qui volebant. AN. Quid tu? AD. Ego videns omnia plena tumultus, tacite confessus sum Deo, damnans apud illum meam injustitiam, & implorans illius misericordiam. AN. Quo migraturus, si sic perisses? AD. Hoc committebam judici Deo. Neque enim volebam esse mei ipsius judex: tamen bona quædam spes interim habebat animum meum. Dum hæc aguntur, redit ad nos nauta lacrymabundus. Paret, inquit, se quisque; nam navis non erit nobis usui ad quartam horæ partem. Jam enim locis aliquot convulsa, hauriebat mare. Paulo post nauta renunciat nobis, se videre procul turrim sacram, adhortans, ut divi, quisquis esset ejus templi præses, auxilium implorarem. Procumbunt omnes, & orant ignotum divum. AN. Si nomine compellassetis eum, fortassis audisset. AD. Erat ignotum. Interim nauclerus quantum potest, eo navim dirigit jam lacram, jam undique combibentem undas; ac plane dilapsuram, ni rudentibus fuisset succincta. AN. Dura rerum conditio. AD. Eo provecti sumus, ut ejus loci incolæ prospicerent nos periclitantes; ac procurentes catervatim in extremum litus, sublatis togis, & galeris in lanceas impositis, invitabant ad sese; ac jactatis in cœlum brachiis, significabant se deplorare nostram fortunam. AN. Exspecto quid evenerit. AD. Jam mare totam navim occuparat, ut nihilo tutiores essemus futuri in navi, quam in mari. AN. Heic ad sacram ancoram confugiendum erat. AD. Imo ad miseram. Nautæ scapham exonerant aqua, ac dimittunt in mare. In hanc omnes sese conantur conjicere, nautis magno tumultu reclamantibus, scapham non esse capacem tantæ multitudinis; arriperet sibi quisque quod posset, ac nataret. Res non patiebantur lenta consilia: alius arripit remum, alius contum, alius alveum, alius situlam, alius tabulam; ac suo quisque præsidio nitentes, committunt se fluctibus. AN. Quid interim accidit illi mulierculæ, quæ sola non ejulabat? AD. Illa omnium prima pervenit ad litus. AN. Qui potuit? AD. Imposueramus eam repandæ tabulæ, & sic alligaveramus, ut non facile posset decidere: dedimus illi tabellam in manum, qua vice remi uteretur: ac bene precantes exposuimus in fluctus, conto protrudentes, ut abesset a navi, unde erat periculum: illa læva tenens infantulum, dextra remigabat. AN. O viraginem! AD. Cum jam nihil superesset, quidam avulsit ligneam statuam Virginis matris, jam putrem atque excavatam a foricibus; eamque complexus, coepit natare. AN. Scapha pervenit incolumis? AD. Nulli prius periere. Porro triginta sese in eam coniecerant. AN. Quo malo fato id factum est? AD. Prius quam posset se liberare a magna navi, illius vacillatione subversa est. AN. O factum male! Quid tum? AD. Ego, dum aliis consul, pene perieram. AN. Quo pacto? AD. Quia nihil supererat aptum natationi. AN. Illic subera fuissent usui. AD. In eorum articulo maluisse

¹ Credebatur ex mari] Vide Theogoniam Hesiodi. Eodem spectat Ausonii carmen:

*Orta solo, suscepta solo, patre edita caelo,
Ænendum genitrix hic habito alma Venus.*

² Quidquid erat olei] Ea natura est olei, ut lucem adferat, ac tranquilliet omnia, etiam mare, quo non aliud elementum implacabilius. Plin. l. 2. c. 103.

³ Surdo mari] Respicit ad proverbium, *surdo narrare fabulam*.

⁴ Desilierit in terram] De Pauli e mari ejectione in insulam Melitam legatur cap. 27. Act. Apost.

⁵ Haud ignarus] Respicit auctor ad Virgilianum illud:

Non ignarus mali miseris succurrere disco.

⁶ Do si facias] Formulæ sunt contractuum, quos Jureconsulti vocant, *innominatæ*.

Tom. I. Yy 3 vi-
⁷ Gersono] Est hic ille Joannes Gerso, Universitatis Parisiensis Cancellarius, Petri Alliaceus discipulus, qui Concilio Constantiensi interfuit, & inter alia librum de utilitate confitendi composuit. Lugduni in Galliis obiit anno 1429.

yile suber, quam candelabrum aureum. Circumspicienti tandem venit in mentem de ima mali parte: eam quoniam solus eximere non poteram, adscisco socium: huic ambo innixi, committimus nos mari, sic ut ego dextrum cornu tenerem, ille laevum. Dum sic iactamur, sacrificus, ille concionator nauticus, medium iniecit se in humeros nostros. Erat autem ingenti corpore. Exclamamus, *Quis ille tertius? Is perdet nos omnes.* Ille contra placide, *Sitis, inquit, bono animo; sat spaciis est. Deus aderit nobis.* AN. Cur ille tam sero cepit esse natator? AD. Imo futurus erat in scapha, una cum Dominicano: nam omnes hoc honoris illi deferabant; sed quanquam erant invicem confessi in navi, tamen obliti nescio quid circumstantiarum, rursus ibi in ora navis consentunt, & alter alteri manum imponit: interim scapha perit: nam hæc mihi narravit Adamus. AN. Quid actum est de Dominicano? AD. Is, ut idem narrabat, implorata divorum ope, abjectis vestibus, nudum se commisit natationi. AN. Quos divos invocabat? AD. Dominicum, Thomam, Vincentium, & nescio quem Petrum, sed in primis fidebat Catharinæ Senensi. AN. Christus illi non veniebat in mentem? AD. Ita narrabat sacrificus. AN. Melius enataisset, si non abjecisset sacram cucullam: ea deposita, qui potuit illum agnoscere Catharina Senensis? Sed perge narrare de te. AD. Dum adhuc volveremur juxta navim, arbitrio fluctuum huc & illuc se volventem, clavus illis fregit femur ejus qui tenebat laevum cornu. Sic ille revulsus est; sacrificus precatus illi requiem æternam, successit in locum illius, adhortans me, ut magno animo tuerer cornu meum, ac strenue moverem pedes. Interim potabamus multum aquæ falsæ. Adeo Neptunus nobis non balneum tantum falsum, sed potionem etiam falsam temperarat, quanquam sacrificus ei rei monstraret remedium. AN. Quod, obsecro? AD. Quoties unda nobis occurreret, ille opposuit occipitium, ore clauso. AN. Strenuum senem mihi narras. AD. Ubi jam aliquandiu sic natantes nonnihil promovissemus, sacrificus, quoniam erat miræ proceritatis, Bono, inquit, es animo; sentio vadum. Ego non ausus tantum sperare felicitatis, Longius, inquam, absumus a litore, quam ut vadum sperandum sit. Imo, inquit, sentio pedibus terram. Est, inquam, fortassis e scriniis aliquid, quod huc devolvit mare. Imo, inquit, sculptu digitorum plane sentio terram. Cum adhuc aliquandiu natassemus, ac rursus sentiret vadum, Tu fac, inquit, quod tibi videtur factu optimum, ego tibi cedo malum totum, & vado me credo, simulque expectato fluctuum decessu, pedibus sequutus est quanto potuit cursu. Rursus accedentibus undis, utraque manu complexus utrumque genu, obnitebatur fluctui, occultans sese sub undis, quemadmodum solent mergi & anates: rursus abeunte fluctu promicabat & currebat. Ego videns hoc illi succedere, sum imitatus. Stabant in arena, qui porrectis inter se prælongis hastilibus, fulciebant sese adversus impetum undarum, viri robusti, & fluctibus assueti, sic ut ultimus hastam porrigeret adnatanti. Ea contacta, omnibus in litus se recipientibus, tuto pertrahabatur in siccum. Hac ope servati sunt aliquot. AN. Quot? AD. Septem: verum ex his duo soluti sunt tepore, admoti igni. AM. Quot eratis in navi? AD. Quinquaginta octo. AN. O sævum mare! saltem decimis fuisset contentum, quæ sufficerent sacerdotibus. Ex tanto numero tam paucos reddidit? AD. Ibi experti sumus incredibilem gentis humanitatem, omnia nobis mira alacritate suppeditantes, hospitium, ignem, cibum, vestes, viaticum. AN. Quæ gens erat? AD. Hollandica. AN. Ista nihil humanius, cum tamen feris nationibus cincta sit. Non repetes, opinor, posthac Neptunum. AD. Non, nisi mihi Deus ademerit sanam mentem. AN. Et ego malim audire tales fabulas, quam experiri.

Diversoria.

BERTULPHUS, GUILIELMUS.

BE. CUR ita visum est plerisque biduum aut triduum commorari Lugduni? Ego semel iter ingressus, non conquiesco donec pervenero, quo constitui. GV. Imo ego admiror quenquam illinc avelli posse. BE. Quam ob rem tandem? GV. Quia illic locus est, unde non poterant avelli focii Ulyssis, illic Sirenes. Nemo domi suæ tractatur melius, quam illic in pandocheo. BE. Quid fit? GV. Ad

mensam semper adstibat aliqua mulier, quæ convivium exhilararet facetiis ac leporibus. Et est illic mira formarum felicitas. Primum adibat materfamilias, quæ salutabat, jubens nos hilares esse, & quod apponeretur, boni consulere. Huic succedebat filia, mulier elegans, moribus ac lingua adeo festiva, ut possit vel ipsum Catonem exhilarare. Nec confabulantur ut cum hospitibus ignotis, sed veluti cum olim notis ac familiaribus. BE. Agnosco Gallicæ gentis humanitatem. GV. Quoniam autem illæ non poterant adesse perpetuo, quod essent obeunda munia domestica, reliquæ convivæ consalutandi, continenter adstibat puellula quædam ad omnes jocos instructa: una satis erat omnium jaculis excipiendis: hæc sustinebat fabulam, donec rediret filia. Nam mater erat natu grandior. BE. Sed qualis erat tandem apparatus? Nam fabulis non expletur venter. GV. Profecto lautus, ut ego mirer, illos tam vili posse accipere hospites. Rursus peracto convivio, lepidis fabulis alunt hominem, ne quid obrepat tædii. Mihi videbar domi esse, non peregre. BE. Quid in cubiculis? GV. Illic nusquam non aderant aliquot puellæ, ridentes, lascivientes, lustrantes: ultro rogabant, si quid haberemus vestium sordidarum: eas lavabant, ac lotas reddebant. Quid multis? Nihil illic vidimus præter puellas ac mulieres, nisi in stabulo: quanquam & huc frequenter irumpebant puellæ. Abeuntes complectuntur, tantoque affectu dimittunt, ac si fratres essent omnes, aut propinquæ cognationis. BE. Fortassis isti mores decent Gallos; mihi magis arrident Germaniæ mores, utpote masculi. GV. Mihi nunquam contigit videre Germaniam: quare te quæso, ne gravere commemorare, quibus modis accipiant hospitem. BE. An ubique sit eadem tractandi ratio, nescio: quod ego vidi, narrabo. Advenientem nemo salutatur, ne videantur ambire hospitem. Id enim sordidum & abjectum existimant, & indignum Germanica severitate. Ubi diu inclamaveris, tandem aliquis per fenestellam æstuarii (nam in his degunt fere usque ad solstitium æstivum) proferit caput, non aliter quam e testa prospicit testudo. Is rogandus est, an liceat illic diversari. Si non renuit, intelligis dari locum. Rogantibus ubi sit stabulum, mota manu commonstrat. Illic licet tibi tuum equum tractare tuo more. Nullus enim famulus manum admoveat. Si celebrius est diversorium, ibi famulus commonstrat stabulum, atque etiam locum equo minime commodum. Nam commodiora servant venturis, præsertim nobilibus. Si quid causeris, statim audis; *Si non placet, quare aliud diversorium.* Fœnum in urbibus ægre ac perperæ præbent, nec multo minoris vendunt, quam ipsam avenam. Ubi consultum est equo, totus commigras in hypocauftum, cum ocreis, fartinis, luto, id est unum omnibus commune. GV. Apud Gallos designant cubicula, ubi sese exuant, extergant, calfaciant, aut quiescant etiam, si libeat. BE. Heic nihil tale. In hypocaufto exuis ocreas; induis calceos; mutas, si volles, indusium; vestes pluvia madidas suspendis juxta hypocauftum; ipse te admoves, ut siccieris. Est & aqua parata, si libeat lavare manus, sed ita munda plerumque, ut tibi post alia quærenda sit aqua, qua lotionem eam abluas. GV. Laudo viros nullis deliciis effœminatos. BE. Quod si tu appuleris ad horam a meridie quartam, non cenabis tamen ante nonam, nonnunquam & decimam. GV. Quam ob rem? BE. Nihil apparant nisi videant omnes, ut eadem opera ministretur omnibus. GV. Quærunt compendium. BE. Tenes. Itaque frequenter in idem hypocauftum conveniunt octoginta aut nonaginta, pedites, equites, negotiatores, nautæ, aurigæ, agricolæ, pueri, feminae, sani, ægroti. GV. Isthuc vere cœnobium est. BE. Alius ibi peccit caput, alius abstergit sudorem, alius repurgat perones aut ocreas, alius eructat allium. Quid multis? Ibi linguarum ac personarum non minor est confusio, quam olim in turri Babel. Quod si quem conspexerint peregrinæ gentis, qui cultu dignitatis nonnihil præ se ferat, in hunc intenti sunt omnes defixis oculis, contemplantes, quasi novum aliquod animantis genus adductum sit: ex Africa; adeo ut postea quam accubuerint, reflexo in tergum vultu, continenter adspiciant, nec dimoveant oculos, cibi immemores. GV.

1 Ex Africa] In proverbium abiit: semper Africa novi aliquid apportat. Quod quidem ideo dicebatur, quod in siticulosa regione ad unum aliquem rivum plurimæ ferarum species bibendi gratia convenire coguntur: inibique varia mixtura violentæ Veneris, varias monstrorum formas, subindeque novas nasci.

Gv. Romæ, Lutetiæ ac Venetiæ nemo quidquam miratur. Be. Nefas est interim tibi quidquam petere. Ubi jam multa est vespere, nec sperantur plures adventuri, prodit famulus senex, barba cana, tonso capite, vultu torvo, fordido vestitu. Gv. Tales oportebat Cardinalibus Romanis esse a poculis. Be. Is circumactis oculis tacitus dinumerat, quot sint in hypocaufto, quo plures adesse videt, hoc vehementius accenditur hypocauftum, etiam si alioqui sol æstu sit molestus. Hæc apud illos præcipua pars est bonæ tractationis, si sudore diffuant omnes. Si quis non assuetus vaporibus, aperiat rimam fenestræ, ne præfocetur, protinus audit, *Claude*. Si respondeas, *Non fero*: audis, *Quære igitur aliud diversorium*. Gv. Atqui mihi nihil videtur esse periculosius, quam tam multos haurire eundem vaporem, maxime refoluto corpore, atque heic capere cibum, & horas complures commorari. Jam enim omitto rufus aliatos, & ventris flatum, halitus putres: multi sunt qui morbis occultis laborant, nec ullus morbus non habet suum contagium. Certe plerique scabiem habent Hispanicam, sive, ut quidam vocant, Gallicam, cum sit omnium nationum communis. Ab his, opinor, non multo minus esse periculi, quam a leprosis. Jam tu divina, quantum discriminis sit in pestilentia. Be. Sunt viri fortes, ista ridet ac negligunt. Gv. Sed interim multorum periculo fortes sunt. Be. Quid facias? Sic assueverunt: & constantis est animi non discedere ab instituto. Gv. Atqui ante annos viginti quinque, nihil receptius erat apud Brabantos, quam thermæ publicæ: eæ nunc frigent ubique. Scabies enim nova docuit nos abstinere. Be. Sed audi cætera. Post redit ille barbatus Ganymedes, ac linteis insternit mensas, quot putat esse satis illi numero. Sed o Deum immortalem, quam non Milefis! cannabea diceret ex antennis detracta. Destinavit enim unicuique mensæ convivas, ut minimum octo. Jam quibus est notus mos patrius, accumbunt, ubi cuique libitum fuerit. Nullum enim discrimen inter pauperem & divitem, inter herum ac famulum. Gv. Hæc est illa vetus æqualitas, quam nunc e vita submovit tyrannis. Sic opinor vixisse Christum cum suis discipulis. Be. Postquam accubuerunt omnes, rursus prodit torvus ille Ganymedes, ac denuo dinumerat sua sodalitia: mox reversus apponit singulis pinacium ligneum, & cochleare ex eodem argento factum, deinde cyathum vitreum, aliquanto post, panem: cum sibi quisque per otium repurgat, dum coquuntur pultes. Ita nonnunquam sedetur ferme horæ spacio. Gv. Nullus hospitum interim efflagitat cibum? Be. Nullus, cui notum sit regionis ingenium. Tandem apponitur vinum, Deus bone, quam non fumosum! Non aliud oportebat bibere Sophistas; tanta est subtilitas & acrimonia. Quod si quis hospes, etiam oblata privatim pecunia, roget ut aliunde paretur aliud vini genus, primum dissimulant, sed eo vultu, quasi interfecturi: si urgeas, respondent; Heic diversati sunt tot Comites & Marchiones, neque quisquam questus est de vino meo: si non placet, quære tibi aliud diversorium. Solos enim nobiles suæ gentis habent pro hominibus, & horum insignia nusquam non ostentant. Jam igitur habent offam, quam objiciant latranti stomacho: mox magna pompa veniunt disci. Primus ferme habet offas panis madefactas jure carniū, aut, si dies est pisculentus, jure leguminum. Deinde aliud jus: post aliquid carniū recoctarum, aut salsamentorum recalsactorum. Rursus pultis aliquid, mox aliquid solidioris cibi, donec probe domito stomacho, apponant carnes assas aut pisces elixos, quos non possis omnino contemnere: sed heic parci sunt, & subito tollunt. Hoc pacto totum convivium temperant, quemadmodum solent actores fabularum, qui scenis admiscunt choros; ita isti alternis miscunt offas ac pultes. Curant autem, ut extremus actus sit optimus. Gv. Et hoc est boni Poetæ. Be. Porro piaculum sit, si quis interim dicat, *Tolle hunc discum: nemo vescitur*. Desidendum est usque ad præscriptum spacium, quod illi clepsydri, ut opinor, metiuntur. Tandem prodit ille barbatus, aut pandochæus ipse, vestitu minimum a famulis differens; rogat, ecquid animi nobis sit. Mox adfertur vinum aliquod generosius. Amant autem eos qui bibunt largius, cum nihilo plus solvat ille, qui plurimum hauserit vini, quam qui minimum. Gv. Mirum gentis ingenium. Be. Cum nonnunquam sint, qui duplo plus absumant in vino,

A quam solvant pro convivio. Sed antequam finiam hoc convivium, dictu mirum quis sit ibi strepitus ac vocum tumultus, postquam omnes coeperunt incalescere potu. Quid multis? Surda omnia. Admiserunt se frequenter ficti moriones; quo genere hominum cum nullum sit magis detestandum, tamen vix credas, quantopere delectentur Germani; illi cantu, garritu, clamore, saltatione, pulsu faciunt, ut hypocauftum videatur corrui turum, neque quisquam alterum audiat loquentem. At interea videntur sibi suaviter vivere: atque illic desiderandum est volenti nolenti, usque ad multam noctem. Gv. Nunc tandem absolve convivium. Nam me quoque tædet tam prolixi. Be. Faciam. Tandem sublato calceo, qui vix illis placet, nisi putris ac vermibus scatens; prodit ille barbatus, adferens secum pinacium escarium, in quo creta pinxit aliquot circulos ac semicirculos: id deponit in mensa, tacitus interim ac tristis; Charontem quempiam diceret. Qui agnoscunt picturam, deponunt pecuniam, deinde alius, atque alius, donec expleatur pinacium. Deinde notatis qui deposuerunt, supputat tacitus: si nihil desit, annuit capite. Gv. Quid si quid super sit? Be. Fortasse redderet, & faciunt hoc nonnunquam. Gv. Nemo reclamatur iniquæ rationi? Be. Nemo qui sapit. Nam protinus audiret, *Quid tu es hominis? Nihil plus solves quam alii*. Gv. Liberum hominum genus narras. Be. Quod si quis ex itinere lassus, cupiat mox a cœna petere lectum, jubetur expectare, donec cæteri quoque eant cubitum. Gv. Videor mihi videre civitatem Platoniam. Be. Tum suus cuique nidus ostenditur, & vere nihil aliud quam cubiculum: tantum enim ibi lecti sunt, & præterea nihil quo utaris, aut quod fureris. Gv. Illic mundities est. Be. Eadem quæ in convivio: linteæ forte lotæ ante menses sex. Gv. Quid interim fit de equis? Be. Ad eandem disciplinam tractantur, ad quam homines. Gv. Sed est eadem ubique tractatio? Be. Alicubi civilior est, alicubi durior quam narraui: verum in genere talis est. Gv. Quid si ego tibi nunc narrem, quibus modis hospites tractentur in ea parte Italiæ, quam Longobardiam vocant, rursus in Hispania; deinde in Anglia, & in Walia? Nam Angli partim Gallicos, partim Germanicos mores obtinent, ut ex his duabus gentibus mixti. Wali se prædicant ¹ *aurōx dōvas* Anglos. Be. Quæso te, ut narres. Nam mihi nunquam contigit eas adire. Gv. In præsentia non est otium. Nam nauta iussit, adesset ad horam tertiam, nisi vellem relinqui; & habet sarcinulam: alias dabitur opportunitas ad satietatem usque garriendi.

Adolescentis, & Scorti.

LUCRETIA, SOPHRONIUS.

Lv. Euge mi lepidissime Sophroni, tandem nobis reditus es? Nam mihi videris abfuisse sæculum. Prima fronte vix te agnoscebam. So. Quam ob rem, mea Lucretia? Lv. Quia pro imberbi nobis redisti barbarulus. Quid rei est, meum corculum. Nam videre solito torvior. E So. Cupio tecum seorsim colloqui familiarius. Lv. Au, au, non solæ sumus, ² mea mentula? So. Secedamus in locum secretiorem. Lv. Age, concedamus in cubiculum interius, si quid libet. So. Nondum hic locus mihi videtur satis secretus. Lv. Unde iste novus pudor? Est mihi museion, ubi repono mundum meum, locus adeo obscurus, ut vix ego te visura sim, aut tu me. So. Circumspice rimas omnes. Lv. Rima nulla est. So. Nullus est in propinquo, qui nos exaudiat? Lv. Ne musca quidem, mea lux. Quid cunctaris? So. Fallemus heic oculos Dei? Lv. Nequaquam: ille perspicit omnia. So. Et angelorum? Lv. Illorum oculos non licet effugere. So. Qui fit igitur ut non pudeat homines id facere coram oculis Dei ac testibus sanctis angelis, quod puderet facere in conspectu hominum? Lv. Quid hoc novæ rei est? venisti huc concionaturus? Indue cucullam Franciscanam, conscende suggestum, & audiamus te, barbarule. So. Nec istud gravarer facere, si te queam ab isto vitæ genere revocare, non solum turpissimo, verum etiam miserrimo. Lv. Quam ob rem, o bone? victus alicunde parandus est, sua quemque alitars, hoc est nostrum opificium, hic fundus noster. So. Optarim, mea Lucretia, ut excussa paulisper ista animi temulentia, rem ipsam mecum con-

¹ *Aurōx dōvas* Id est, indigenas.

² Defenditur hic locus in Dissertatione de Colloquiorum utilitate, quæ eorum calci subjecta est.

consideres. Lv. Serva concionem tuam in aliud tempus; nunc vivamus, mi Sophroni. So. Tu quæstus gratia facis, quidquid facis. Lv. Non multum aberrasti a scopo. So. Nihil decedet tuo lucro; dabo quadruplum, ut auscultes tantum. Lv. Dic quæ voles. So. Primum illud mihi responde: Habesne, quæ tibi male volunt? Lv. Non unam. So. Et quas tu vicissim odisti? Lv. Ut merentur. So. Proinde si possis illis facere rem gratam, faceresne? Lv. Citius miscerem illis toxicum. So. Atqui cogita nunc, an illis quidquam potueris facere gratius, quam quod vident te vivere hanc vitam dedecorofam, ac miserrimam. Quid autem poteris facere molestius iis, qui tibi bene volunt? Lv. Sic erat fatum meum. So. Jam quod esset solet omnium difficillimum iis, qui deportantur in insulas, aut relegantur ad extremos orbis barbaros, hoc tu tibi tuapte sponte sumisti. Lv. Quidnam est istud? So. An non sponte renuntiasti omnibus affectibus, patri, matri, fratribus, sororibus, amicitæ, materteræ, cæterisque quoscunque tibi natura conjunxit? Nam & illos tui pudet, nec tu sustines in illorum venire conspectum. Lv. Imo feliciter commutavi affectus meos: pro paucis enim nunc habeo plurimos, quorum tu es unus, mihi fratris loco semper habitus. So. Mitte jocos, ac rem ipsam, ut habet, expende serio. Quæ tam multos habet amicos, ea nullum habet amicum, mihi crede, Lucretia. Nam qui ad te commeant, non habent te pro amica, sed pro matula potius. Vide quo te ipsam dejeceris, misera. Christus te tam caram habuit, ut te suo sanguine redemerit, ut te cœlestis hæreditatis consortem esse voluerit; & tu te facis cloacam publicam, ad quam commeant quilibet fordidus, impuri, scabiosi, suamque spureitiam in te repurgant. Quod si nondum ejus lepræ contagium, quam vocant scabiem Hispanicam, attigit te, non diu poteris effugere. Quod si fiat, quid te infelicius, etiam si cætera essent secunda, puta res & fama? quid aliud eris, quam vivum cadaver? Matri gravabaris esse morigera; nunc servis lenæ turpissimæ. Parentis audire monita tædebat, heic sæpe tibi vapulandum est ab ebriis & insanis scortatoribus. Pigeat aliquid operis facere domi, quo victum quæreres; heic quos tumultus, quæ pervigilia sustines! Lv. Unde nobis hic concionator novus? So. Jam mihi & illud fac cogites; Iste formæ flos, qui tibi conciliat amatores, brevi defluerit. Quid tum facies, misera? Quod sterquilinum te fuerit abjectius? Fies ex meretrice lena. Non omnibus contingit ista dignitas: & si contingat, quid sceleratius, aut quid diabolicæ malitiæ vicinius? Lv. Vera sunt, mi Sophroni, propemodum, quæ dicis, omnia. Sed unde tibi ista nova sanctimonia, qui soleas esse nugator omnium nugacissimus? Nemo te uno frequentius aut intempestivius huc commeabat. Audio te fuisse Romæ. So. Fui. Lv. Atqui inde solent redire deteriores. Quo pacto tibi diversum accidit? So. Dicam: quia non eodem animo, modoque Romam adii. Cæteri fere ideo eunt Romam, ut redeant deteriores: & ad eam rem ibi suppetunt assatim occasiones. Ego cum probo viro profectus sum, cujus hortatu pro lagena, libellum mecum attuli, Novum Testamentum ab Erasmo versum. Lv. Ab Erasmo? Ajunt illum esse sesquihæreticum. So. Num & huc pervenit illius viri nomen? Lv. Nullum celebrius apud nos. So. Vidisti hominem? Lv. Nunquam; sed optarim vidisse, de quo tam multa audivi mala. So. Fortassis a malis. Lv. Imo a viris reverendis. So. A quibus? Lv. Non expedit dicere. So. Quam ob rem? Lv. Quia si tu effutires, & res permaneret ad illos, meo quæstui non minima portio decederet. So. Ne metue; lapidi dixeris. Lv. Admove aurem. So. Inepta, quid opus est admota aure, cum simus soli? an, ne Deus exaudiat? Pro Deum immortalem, video te piam meretricem, quæ mendicos subleves elemosyna. Lv. Atego ex istis mendicis plus capio lucri, quam ex vobis divitibus. So. Spoliant matronas bonas, ut effundant in meretrices malas. Lv. Sed perge de libro. So. Faciam, & præstat. Ibi me docuit Paulus, qui nescit mentiri, quod nec scorta, nec scortatores regni cœlestis hæreditatem consequuntur. Hoc ubi legissem, sic cœpi co-

gitare apud me: modica res est, quam exspecto ex hæreditate paterna, & tamen malim renuntiare scortis omnibus, quam a patre exhæredari: quanto magis cavendum est, ne me exhæredet pater cœlestis? Et adversus exhæredantem aut abdicantem patrem, aliquod præsidium porrigunt humanæ leges: adversus exhæredantem Deum, nihil est suffragii. Itaque mihi protinus interdixi omnem scortorum usum. Lv. Si quidem possis continere. So. Bona continentia pars est, ex animo continentem esse velle. Postremo superest extremum mali remedium, uxor. Romæ in poenitentiarum sinum totum Augiæ stabulum effudi: is multis prudenter hortatus, ad puritatem animi & corporis, ad sacram lectionem, ad crebras preces, ad vitæ sobrietatem: pro poena nihil aliud indixit, quam ut flexis genibus ad summum altare dicerem psalmum, *Miserere mei Deus*: & si mihi superpetere pecunia, darem egenti cuiquam Carolinum unum. Admiranti mihi quod pro tot scortationibus tantillum poenæ infligeret, satis facite respondit, *Fili*, inquit, *si vere poenitet, si vitam commutas, nihil moror poenam: sin perges, ipsa libido tandem abs te plus satis poenarum exiget, etiam si sacerdos non indicat. Me vide lippum, tremulum, incurvum: at olim talis eram, qualem te hæcenus fuisse prædicas*. Sic ego resipui. Lv. Ergo, ut video, perdidisti meum Sophronium. So. Imo lucrificasti. Nam ante perierat, nec sibi amicus, nec tibi. Is nunc te vere amat, ac tuam sitit salutem. Lv. Quid igitur suades, mi Sophroni? So. Ut quam primum te subducas ab ista vita. Adhuc puella es; quod contractum est labi, potest elui. Aut nube marito; nos aliquid ad dotem conferemus; aut confer te in collegium aliquod sacrum, quod lapsas recipit: aut commutato loco, dedas te in familiam alicujus honestæ matronæ. Ad horum quodlibet offero tibi operam meam. Lv. Amabo te, mi Sophroni, circumspicito; sequar tuum consilium. So. Sed interim hinc te submoveto. Lv. Hui tam cito? So. Cur non potius hodie quam cras, si dilatio damnum habet, mora periculum? Lv. Quo me vertam? So. Colliges omnem mundum tuum; eum trades mihi vesperi: famulus clam deferet ad fidelem matronam: aliquanto post ego te producam, veluti deambulandi gratia; apud eam matronam latitabis meo sumtu, donec tibi prospexero: id fiet brevi. Lv. Age mi Sophroni, trado me totam in tuam fidem. So. Gaudebis olim facto.

Convivium Poeticum.

HILARIUS, LEONARDUS, CRATO, CONVIVÆ, MARGARETA, CARINUS, EUBULUS, SBRULIUS, PARTHENIUS: Mus servus Hilarii.

Hi. *L*ewis apparatus, animus est lautissimus. LE. *Canam* *sinistro es auspicatus omine*. Hi. *Imo absit omentis*. Sed cur hoc putas? LE. *Jambi cruenti baud congruunt convivio*. CR. Euge, certum est adesse Musas, effluunt carmina imprudentibus.

Hi. *Si rotatiles trochaos mavelis, en accipe*:

Vilis apparatus heic est, animus est lautissimus.

Quamquam & jambi olim ad rixas ac pugnas nati, post dicerunt omni servire materiæ. O pepones! habetis pepones in horto nostro natos. En lactucas seffiles, succo tenerimo, suo nomine respondentes. Has delicias quis sanus non præferat apris, murænis, & attagenis? CR. Si licet in convivio Poetico vera loqui, quas tu lactucas vocas, betæ sunt. Hi. Hoc omen avertant superi. CR. Sic res habet, vide figuram. Tum ubi succus lacteus? ubi molles aculei? Hi. Facis ut addubitem. Heus accersere huc famulam. Margareta, Tisiphone, quid tibi venit in mentem, ut pro lactucis nobis apponeres betas? MA. Data opera feci. Hi. Quid ais, venefica? MA. Volebam experiri, an inter tot Poetas esset, qui lactucam dignosceret a beta: nam scio te non posse dignoscere. Dicite mihi bona fide, quis animadvertit esse betas? Co. Crato. MA. Facile divinabam non fuisse Poetam. Hi. Si quid tale posthac designaris, ego te pro Margareta vocabo Bliteam. Co. Ha ha hæ. MA. Ista nomenclaturæ nec obesiorem me reddunt, nec macilentiorum, sæpe vicies in die mihi commutat nomen: ubi quid cupit eblandiri, vocat me Galateam, Euterpen, Calliopem, Callirhoen, Melissam, Venerem, Minervam. Quid non? Ubi quid stomachatur, repente fio Tisiphone, Megæra, Alecto, Medusa, Baucis, aut aliud, quidquid illi suggeste-

¹ Inde solent redire] Hinc Baptista Mantuanus:

Roma vale, vidi: satis est vidisse: revertar,
Cum leno aut meretrice, scurra, cinadus ero.

² Quod nec scorta] Verba Pauli sunt Eph. 5. vers. 5. Nam hoc nostis nullum scortatorem aut impurum habere hæreditatem in regno Christi & Dei.

gesserit, splendida bilis. Hi. Abihinc cum tuis betis, Bli-
tea. MA. Quorsum attinebat huc evocare? Hi. Ut redires
unde veneras. MA. Vetus dictum est, *Proclivius est evoca-
re cacodæmonem, quam abigere*. Co. Ha ha hæ, apposite.
Ut tibi res habet, Hilari, opus est aliquo carmine magico,
quo illam hinc abigas. Hi. Habeo in promptu:

² Φεύγετε; καθάραιδες· λύκος ἄγριος ὑμῶς διώκει.

MA. Quid ais, Æsopē? Cr. Cave tibi, Hilari: impin-
get colaphum. sic abegisti tuo Græco carmine. O ma-
gum egregium? Hi. Quid tu credis, Crato, esse hanc? E-
go tali carmine abegissēm decem magnos cacodæmones.
MA. Pili non facio tuos versus Græcanicos. Hi. Adhi-
bendus est igitur, ut video, 3 bombus magicus, aut, si
nec hic sufficiet, Mercurii caduceum. Cr. Mea Marga-
reta, scis Poetarum genus esse afflatum, non ausim dicere
furiosum: rogo te, ut istam rixam in aliud tempus pro-
roges: nosque hac cœna, vel mea caussa, suaviter tra-
ges. MA. Quid mihi cum istius versiculis? Sæpenumero cum
est eundem ad macellum, non habet quod numeret, &
interim cantillat versiculos. Cr. Sic sunt Poetæ. Sed age
fac fodes, quod dico. MA. Equidem faciam in tuam gra-
tiam, quoniam novi te probum, qui nunquam contrive-
ris cerebrum tuum in ejusmodi deliramentis: ac demiror,
quo fato in hunc incideris chorum. Cr. Unde id conje-
ctas? MA. Quia natus obsecro, & oculi nitentes, & cor-
pus succulentum. Nunc mihi hujus nasum contemplare,
& risum Sardonium. Cr. Sed obsecro, meum suavium,
ut istam iram mihi condones. MA. Abeo; nec postulo,
ut quisquam cæterorum hoc nomine mihi gratias agat. Hi.
Abiitne jam? MA. Non tam procul, quin audiat te. Mv.
Jam est in culina, secum nescio quid murmurans. Cr. Fa-
mulam habes minime mutam. Hi. Ajunt bonam famulam
oportere tribus dotibus esse præditam, ut sit fidelis; ut sit
deformis; ut sit ferrox, quam vulgo *malam* vocant. Fide-
lis non diminuit rem, deformem non ambiunt proci, ferrox
facile tuetur jus heri sui. Nam aliquoties opus est non solum
lingua, verum etiam manibus. Hæc mea e tribus duas ha-
bet virtutes, deformis juxta ac mala; de fide dubito. Cr.
Linguam audivimus, sed ego metuebam tibi a manibus. Hi.
Admovete magis peponibus, de lactucis actum est. Etenim
si nunc juberem apponi lactucas, fat scio carduos appone-
ret. Sunt & melones, si quis hoc genere magis capitur. En
fici recentes: modo decerptos a matre, testatur lac in pedun-
culo. A ficis solet aqua fumi, ne quid obliunt stomachum.
en habetis e limpidissimo fonticulo vivam ac frigidissimam,
utilem & vino diluendo. CH. At ego nescio, utrum utro
diluam, vinum aqua, an aquam vino; adeo mihi hoc vinum
videtur haustum ex eodem fonticulo Musarum. Hi. Tale
vinum conducit acuendis ingeniis Poetarum, vos crassi cras-
sis delectamini. Cr. Utinam Crassius essem ille beatus! Hi.
Ego malim esse Codrus, aut Ennius. Quandoquidem mi-
hi contigit habere convivas tam multos, tamque insigniter
eruditos, non committam, ut nihilo doctior eos dimittam.
Est locus in prologo Eunuchi, qui multos torquet. Nam
plerique codices sic habent:

Sic existimet, sciat.

Responsum, non dictum esse, quia læsit prior,

Qui bene vertendo, & eas describendo male. &c.

In his verbis desidero sensum argutum, ac Terentio dig-
num. Nec enim ideo læsit prior, quia male vertit Græ-
cas fabulas: sed quia Terentianas carpsit. Ev. Juxta
vulgo jactatum proverbium, *Qui pessime canit, primus
incipiet*. Cum essem Londini apud 4 Thomam Linacrum,
virum sic in omni genere Philosophiæ doctissimum, ut ni-
hilo secius has Grammaticorum minutias ad unguem cal-
leat, ostendit mihi codicem mira vetustate, in quo sic ha-
beatur scriptum:

Sic existimet, sciat,

Responsum, non dictum esse, quale sit: prius

¹ *Splendida bilis*] Alludit ad illud Horat. *Sive aliud nomen, jussit quod
splendida bilis*, id est, infania.

² Φεύγετε] Hoc carmen *Plinius* indicat usurpari solere in magicis re-
mediis, id est, *Fugite cantharides, lupus crudelis vos persequitur*. Can-
tharis, insecti genus, venenum habens lethale.

³ Legendum *rhombus*, quæ figura in Magicis adhibebatur, ut doce-
bit vel *Rob. Stephani* Thesaurus Linguae Latinae. Ineptiunt qui *bombum*
conantur interpretari.

⁴ *Thomam Linacrum*] Linacer hic sub Henrico VIII. Angliæ Rege
felicissime medicinam professus, etiam in grammaticalibus admodum de-
sudavit. Exstat ipsius opusculum de Emendatione structurae.

Qui bene vertendo, & eas describendo male,

Ex Græcis bonis, Latinas fecit non bonas:

Idem Menandri phasma nunc nuper dedit.

Sic autem ordinandus est sermo, ut 5 *quale sit*, indicet
subjiciendum exemplum prioris dicti. Minitabatur se vi-
cissim reprehensurum aliquid in fabulis ejus, a quo fuerat
reprehensus. Atque hic negat videri debere *convicium*, sed
responsum. Qui *laceffit*, jacit dictum; qui regerit *laceffi-
tus*, *respondet*. Hujus rei promittit exemplum, *quale sit*,
quod Græcis dicitur, οἶον. Latinis, *quod genus*, aut *veluti*,
five *videlicet*, aut *puta*. Deinde subjicit reprehensionem,
in qua, *prius* adverbium, respondet ad alterum adverbium
veluti *diversum*, quod sequitur, *nuper*: quemadmodum
pronomen, *qui*, respondet ad dictionem, *idem*. Veteres
enim Lavinii fabulas in totum damnat, quoniam jam exci-
derant ex hominum memoria. In his quas nuper dedisset,
certa notat loca. Mihi videtur hæc germana lectio, verus-
que Comici sensus, nisi quid dissentit senatus populusque
Poeticus. Co. Imò pedibus omnes in tuam discedimus sen-
tentiam. Ev. At ego vicissim a vobis quiddam leve ac fa-
cillimum discere cupiam; quo pacto metiendus sit hic ver-
siculis:

Ex Græcis bonis, Latinas fecit non bonas.

Micate digitis. Hi. Opinor more veterum elidi, 6, ut se-
cundo loco sit anapæstus. Ev. Accederem, nisi casus aufe-
rendi defineret in, 7, natura longam. Itaque submota con-
sonante, nihilo minus manet longa vocalis. Hi. Vera præ-
dicas. Cr. Si quis illiteratus & ignotus ingrederetur, pla-
ne crederet nos inter nos micatione digitorum, rusticorum
ludum renovare. LE. Nos, quantum video, frustra mica-
mus digitis: tu, si potes, expedi. Ev. Videte, quantula res
nonnunquam torquet homines etiam eruditos; præposi-
tio, *ex*, pertinet ad finem carminis præcedentis:

Qui bene vertendo, & eas describendo male, ex

Græcis bonis, Latinas fecit non bonas.

Ita nihil est scrupuli. LE. Sic est, per Musas. CA. Quando-
quidem cœpimus micare digitis, velim ut aliquis mihi ver-
sum hunc ex 6 Andria, digerat in suos pedes:

Sine invidia laudem invenias, & amicos pares.

Nam mihi sæpe tentanti non successit. LE. *Sine in*, jambus
est: *invidia*, anapæstus: *laudem in*, spondeus: *venias*, anapæ-
stus: & *ami*, rursus anapæstus. CA. Habes jam pedes quin-
que, & supersunt tres syllabæ, quarum prima est longa: ut
nec jambum facere possis, aut tribrachyn. LE. Profecto
vera prædicas. Hæremus in vado; quis nos expediet?
Ev. Nemo melius, quam qui induxit in hoc vadum. Age
Carine, ne cela, si quid habes inter candidos amicos.
CA. Nisi me fallit memoria, videor mihi quiddam tale le-
gisse apud Priscianum, qui docet apud Latinos Comicos, 8,
consonantem perinde elidi ut vocalem, quemadmodum
frequenter in hac dictione, *enimvero*, sic ut pars *enie*, faciat
anapæstum. LE. Itaque metire nobis. CA. Faciam. *Sine
invidi*, proceleusmaticus est: nisi mavis elidi, 9, per synære-
sin: ut cum Virgilius, *aureo*, ponit in fine carminis heroici,
pro *auro*. quod si placet, erit primo loco tribrachys. *dialau*,
spondeus est; *d'inveni*, dactylus: *as* & *a*, dactylus: *micos*,
spondeus: *pares*, jambus. Sb. Carinus nos explicuit ex hoc
sane vado. Sed est in eadem scena 7 locus, quem haud scio
an quisquam animadverterit. Hi. Obsecro profer. Sb. Illic
hunc in modum loquitur Simo:

Sine ut eveniat, quod volo,

In Pamphilo ut nihil sit mora, restat Chremes.

Hi. Quic heic te offendit? Sb. Cum, *Sine*, sit minitantis,
nihil heic sequitur, quod faciat ad minas: Proinde suspicor
a Poeta scriptum fuisse,

Sin eveniat quod volo;

ut *Sin*, respondeat ad *Si*, quod præcessit,

Si propter amorem uxorem nolis ducere.

F Proponit enim senex duas partes inter se diversas: Si Pam-
philus ob amorem Glycerii recusat nuptias, erit quod cum
illo expostulem: sin ille non recusarit, tum mihi restat expo-
ratus Chremes. Porro hyperbaton longius ferat interpo-
latio Sofiæ, & stomachus Simonis in Davum. Hi. Mus,
porrige mihi codicem. Cr. Committis tu muri codicem?

Tom. I. Zz Hi.

⁵ At recentiores, eademque accuratiores Editiones habent *quid*, 10,
seundumque quis sit loci sensus; quas & de sequentibus consulte.

⁶ Act. 1. Sc. 1, §. 39.

⁷ Vers. 138.

723

Hi. Tutius, quam vinum. Disperam nisi verum dixit Sbrulius. Pv. Trade mihi codicem, ut ostendam alium scrupulum. In prologo Eunuchi versus hic non constat:

Habeo aliam multa, quae nunc condonabuntur.

Quaquam enim Comici Latini praecipue sumunt sibi multam libertatem in hoc genere carminis, tamen nusquam memini illos sctarium claudere spondeo: nisi forte legendum est, *condonabitur*, *ἀποδοῖται*, aut *condonabimus*, mutato numero personae. MA. O mores vere Poeticos! In ipso limine convivii micant digitis, & librum adhibent. Lusus & literas praestat servare in mensas fecundas. CR. Non omnino pessimum consilium dat Margareta; obtemperabitur: placato stomacho revocabimus lusum, interim digitis micabimus in disco. Hi. Videte luxum Poeticum. Habetis triplex ovorum genus, elixa, asfa, frixa: omnia recentissima sunt, intra biduum nata. PA. Ego butyri esum non fero: si frixa sunt oleo, perplacebunt. Hi. Abi, puer, disce ex Margareta, in utro frixa sint. Mv. In neutro, inquit, Hi. Nec in butyro, nec oleo? In quo igitur? Mv. In lixivio, ut ait. CR. Qualis percunctatio, talis responsio. Quid negotii est dignoscere butyrum ab oleo? CA. Praesertim his, qui tam facillime discernunt lactucam a beta. Hi. Habetis ovationem, sequetur aliquando triumphus. Heus, puer, circumfer oculos. Nihilne vides heic deesse? Mv. Permulta. Hi. Haec ova desiderant condimentum, quo temperetur calor. Mv. Quod vis? Hi. Dic ut ex confusis vitis claviculis mittat nobis succum. Mv. Dicam. Hi. Quid huc redis inanis? Mv. Negat e clavis succum exprimi sole. LE. Ofamulam! Sb. Certe fabulis condicimus ova nostra. In Epodis Horatianis offendi locum quendam, non depravatam, quod ad scripturam attinet, sed depravate interpretatum, nec a Mancinello solum, ceterisque recentioribus, verum etiam ab ipso Porphyryone. Locus est in carmine, quo canit palinodiam: Canidiae veneficae:

*Tusque venter Pactumejus, et tuo
Cruore rubros obstetrix pannos lavit,
Uscunque fortis exilis puerpera.*

Existimant enim omnes heic, *exilis*, nomen esse, cum sit verbum. Adscribam verba Porphyryonis, si tamen illius esse credendum est: *Exilem autem, inquit, sub illa specie, quasi puerperio facta sit deformis: per exilitatem corporis maciem naturalem dicit.* Pudendus lapsus, si vir tantus non sensit metri legem reclamare huic sensui. Neque enim quartus locus admittit spondeum. Verum Poeta jocatur illam vere peperisse, quaquam non diu languisset, ac decubuisse a partu, sed statim exiliisset e lecto, quemadmodum solent quaedam fortes puerperae. Hi. Habemus tibi gratiam Sbruli, qui tam laute condieris ova nostra. LE. Isti non dissimile est, quod legitur in primo Odarum libro, 7 odæ initium est: *Tunc quæsieris.* Sic autem habet constans lectio: *Neu Babylonios Tentaris numeros, ut melius quidquid erit pati.* Hunc locum ita transiliunt veteres interpretes, quasi nihil habeat scrupuli: solus Mancinellus sentiens orationem imperfectam, jubet addi, *possis*. Sb. Habes aliquid de hac re compertius? LE. Nescio, sed mihi videtur Horatii Græci sermonis idioma reddidisse, quod nullus Poetarum facit libentius aut frequentius: nam Græcis est familiare, & aparemphaton adungere huic dictioni *ὡς* & *ὥς*. Sic Horatius, *ut pati, pro, ut patiaris.* Quaquam quod divinat Mancinellus, non est prorsus absurdum. Hi. Mihi vehementer arridet quod dicis. Curre, Mus, & adfer si quid est reliquum. CR. Quid istud est novarum deliciarum? Hi. Hic

1 Vers. 17.

2 Impersonaliter.

3 *A Mancinello*] Est hic Antonius Mancinellus Veliternus, cujus lucubrationes & commentaria in plures Historicos & Poetas adhuc existant: in quibus licet quandoque errores committat, in eo nihilominus laude sua non est fraudandus quod aliis glaciem frerit, industria non poenitenda.

4 *Palinodiam*] Palinodiam canere, est diversum ab his, quæ prius dixeris dicere, & in contrarium vertere sententiam. Transilium a Stesichori Lyrici Poetae factio. Is enim, cum Helenam carmine vituperasset, oculis orbatu est. Intelligens autem ex Achille, Helenæ iussu nunciant, cæcitatis causam, protinus Palinodiam cecinit, Helenamque prius vituperatam laudavit: itaque visum recepit. Sonat Græce *παλινωδία*, quasi dicas recantationem.

5 Vers. 50.

6 *Pactumejus*] Vide Lubini in hos versus Paraphrasin. Bontius vero ultimum versum sic explicat: Quotiescunque tu exilis, & lecto surgis fortis puerpera, id est, nunquam.

7 Od. xi. Lib. i.

8 Infinitivum.

est cucumis sectus in laminulas: hoc est, jus ex coctis intestinis cucurbitæ, conducit lubricandis intestinis. Sb. O coenam vere medicam! Hi. Boni consulite. Mox aderit galatina ex corte nostra. Sb. Commutabimus tibi nomen, & pro Hilario vocabimus Apicium. Hi. Age nunc, ridete quantum voletis, cras fortasse serio laudabitis hanc coenam. Sb. Qui sic? Hi. Cum senseris tibi probe conditum esse prandium. Sb. Fame? Hi. Scilicet. CR. Scis, Hilari, quid provinciae te vellem suscipere? Hi. Sciam, si dixeris. CR. Chorus canit hymnos quosdam non indoctos, sed per indoctos multis locis depravatos: eos cuperem tua opera nobis restituui. Ut autem exemplum proferam, ita canimus:

Hostis Herodes impie,

Christum venire quid times?

Ordo dictionis unius inversus, geminum vitium invexit carmini. Nam *hostis*, cum trochæum efficiat, nullum habet locum in carmine jambico: & *Hero*, spondeus, non recipitur in sede secunda. Nec dubium est quin versus ita primum scriptus sit: *Herodes hostis impie*. Jam epithetum, *impie*, mollius cohæret cum *hostis*, quam cum *Herodes*. Porro quoniam *Herodes* dictio Græca est, & vertitur in *ε*, in casu vocandi, ut, *Ἡρώδης*, *ὁ Σάβωας*: quemadmodum & in *Ἀγάμεμνον*, *ω* mega, recti casus, vertitur in *ο* micron. Rursum ita canimus hymnum:

*Jesu corona virginum,
Quem mater illa concepit,
Quæ sola virgo parturit.*

Dubium non est, quin, *concepit*, sit pronuntiandum. Nam temporis hypallage gratiam etiam addit sermoni. Ridiculum autem est nos offendi in *concepit*, cum sequatur, *parturit*. Hi. Istius generis & ipse permulta offendi, nec pigebit olim huic rei aliquot dierum opellam dare. Nam mihi videtur Ambrosius in hoc carmine non parum habere gratiæ: adeo fere finit dimetrum dictione trisyllaba, & cæsura fere collocat in fine dictionis. Id crebrius apud eum fit, quam ut casus videri possit. Si quaeritis exemplum: *Deus creator*, heic est pentemimeris, accinitur, *omnium*: *Polique rector*, accinitur, *vestiens*: *Diem decoro*, accinitur, *lumine*: *Noctem soporis*, accinitur, *gratia*. Sed adest gallina satis obesa, quæ mihi totis decem annis peperit ova, & exclusit pullos. CR. Indigna erat quæ necaretur. CA. Si licet aliquid admiscere de studiis severioribus, habeo, quod proponam. Hi. Modo ne nimium sit tetricum. CA. Non est. Cæpi nuper legere Senecæ epistolas, & in ipso statim portu, quod ajunt, impegi. Locus est in prima epistola: *Et si volueris, inquit, attendere, magna vita pars elabitur male agentibus, maxima nihil agentibus, tota aliud agentibus.* In hac sententia affectat nescio quid argutiæ, quod ego non satis assequor. LE. Divinabo, si voles. CA. Maxime. LE. Nemo perpetuo peccat. Et tamen luxu, libidine, ambitione, cæterisque vitiis, magna vitæ pars perit: sed multo major vitæ portio perit nihil agentibus. Porro *nihil agere* dicuntur, non qui vivunt in otio, sed qui rebus frivolis & nihil ad felicitatem conducentibus occupantur. Inde proverbium, *Satis est cessare, quam nihil agere*. Sed tota vita perit aliud agentibus. *Aliud agere* dicitur, qui non est attentus ad id, quod agit. Perit igitur tota vita, quoniam dum vacamus vitiis, aliud agimus: dum vacamus frivolis, aliud agimus: dum studemus Philosophiæ, quoniam id facimus supine & oscitanter, aliud agimus, parum attenti, velut ad rem minime seriam. Hæc interpretatio si parum arridet, numeretur hæc sententia Senecæ inter eas, quas in hoc scriptore damnat.

A. Gellius, ut frivole argutas. Hi. Mihi sane satis arridet: (Sed interim strenue ad gallinam. Nolim vos falli, nihil præterea parati est.) quadrat enim ad id quod præcessit: *Turpissima est jactura, quæ per negligentiam fit.* Id autem declarat hac trimembri sententia. At paulo post videor mihi videre mendum: *Mortem non prospicimus.* Magna pars ejus jam præterit. Nam legendum arbitror, *Mortem prospicimus*.

9 *A. Gellius*] Verba A. Gellii sic sonant: *de Anna Senecæ partim existimans, ut de scriptore minime utili, cujus libros attingere nullum opera pretium sit: quod oratio ejus vulgaris videretur, & propterea res atque sententia aut inepto inanique impetu sunt, aut ut levi & quasi dicaci argutiâ; eruditio autem vernacula & plebeja, nihilque ex veterum scriptis habens neque gratia neque dignitatis. Alii vero elegantia in verbis parum esse non inficiantur; sed & rerum, quas dicat, scientiam doctrinamque ei non deesse dicunt, & in vitiis morum obviandis severiorum gravitatemque non inveniunt.* Nōt. Antic. Lib. xii. c. 2.

mus. Prospicimus enim quæ procul absunt, cum mors magna ex parte præterierit nobis. LE. Si sibi permittunt Philosophi, ut aliquando divertant in prata Musarum, fortasse non videbitur absurdum, si nos aliquando vel animi gratia divertamus in illorum regionem. HI. Quid ni? LE. Cum nuper relegerem librum Aristotelis, quem inscripsit περί τῶν ἐλέγχων, quorum argumentum est Rhetoribus cum Philosophis magna ex parte commune, comperi insignes errores interpretum. Neque dubitandum est, quin heic qui Græce nesciunt, in multis locis egregie delirant. Aristoteles enim proponit hujusmodi genus ambigui, quod nascitur ex voce, quæ eadem declarat diversa: ὅτι μανθάνουσιν οἱ ἐπιστήμιοι. τὰ γὰρ ἀποσοματιζόμενα μανθάνουσιν οἱ γραμματικοί· τὸ γὰρ μανθάνειν ὁμῶς μὲν, τὸ, τε ξυνίεναι χρώμενον τῇ ἐπισήμῃ, καὶ τὸ λαμβάνειν τὴν ἐπισήμην. Id verterunt in hunc modum: Quoniam discunt scientes: Nam secundum os grammatici discunt: Discere enim æquívocum, ad intelligere cum qui utitur disciplina, & accipere disciplinam. HI. Visus es mihi nunc Hebraice loqui, non Latine. LE. Estne quisquam vestrum, qui audit heic ullam vocem æquívocam? HI. Nullam. LE. Quid igitur stultius, quam, id velle vertere, quod verti non poterat? Neque enim quemadmodum Græcis μανθάνειν, sonat, μάθειν, & μαθητεύειν ita Latinis discere, doctrinam accipere, aut tradere, quamquam an hoc sit verum, nescio: magis arbitror sic, μανθάνειν esse anceps apud Græcos, quemadmodum cognoscere apud Latinos. Cognoscit enim qui novit; & cognoscit iudex, qui dicit causam. Sic, opinor, Græcis μανθάνειν dicitur præceptor, qui exigit prælecta pueris, & pueri quibus prælegitur. Quam vero venuste reddidit, τὰ γὰρ ἀποσοματιζόμενα μανθάνουσιν οἱ γραμματικοί. Nam secundum os grammatici discunt, cum vertere debuerit, Nam grammatici qua dicant, docent. Hic interpretis erat aliud exemplum supponere, quod non eadem verba, sed eandem rei speciem exhiberet. Quamquam hoc loco suspicor etiam in Græca scriptura non nihil esse mendæ; scribendum autem, ὁμῶς μὲν τὰ τε ξυνίεναι καὶ τὰ λαμβάνειν. Paulo post subjicit aliud exemplum ambigui, quod nascitur non ex vario vocis ejusdem significato, sed ex diversa connexionione: τὸ, βάλειν καὶ λαβεῖν με τὴν πολεμίαν, Velle me accipere pugnantes. Sic enim vertit, pro eo quod erat, Velle me capere hostes. Et, si legas βάλειν, sermo fit dilucidior: Vultis me capere hostes? Nam pronomen potest præcedere verbum, capere, & potest sequi. Si præcedat, hic erit sensus: Vultis ut ego capiam hostes? Si sequatur, erit hic: Vultis ut hostes me capiant? Subjicit ejusdem generis aliud exemplum, ἅρα ὁ τις γινώσκει, τὸτο γινώσκει, id est, An quod quis novit, hoc novit: Ambiguitas est in τὸτο. Id si sumatur accusandi casu, sensus erit: Quidquid alicui cognitum est, id illi cognitum esse. Sin nominandi casu, sensus hic erit: Quam rem quis intelligit, ea intelligit, quasi cognosci non possit, nisi quod vicissim cognoscat. Rursus aliud subjicit, ἅρα ὁ τις ὁρᾷ, τὸτο ὁρᾷ; ὁρᾷ δὲ τὸν κίον· ὥς ὁρᾷ ὁ κίον. an quod quis videt, id videt? sed videt columnam; columnam igitur videt. Rursus in τὸτο est ambiguitas, quam prius indicavimus. Verum hæc utcunque reddi poterant Latinis auribus: quod sequitur, nullo modo reddi poterat: ἅρα ὁ σὺ φῆς εἶναι, τὸτο σὺ φῆς εἶναι; φῆς δὲ λίθον εἶναι· σὺ ἅρα φῆς λίθος εἶναι. Quod illi sic reddiderunt: Putas quod tu dicis esse, hoc tu dicis esse? dicis autem lapidem esse, tu ergo lapis dicis esse. Obsecro, quis omnino sensus humanus ex his verbis percipi possit? Ambiguitas enim partim pendet ex idiomatice Græci sermonis, quæ est in majore ac minore: quamquam in majore est & alia ambiguitas, in duabus dictionibus ὁ & τὸτο, quæ si capiuntur nominandi casu, sensus erit: Quidquid te dicis esse, hoc tu es. Sin accusandi, sensus erit: Quamcunque rem tu dicis esse, eam dicis esse. & ad hunc sensum subsumit, λίθον φῆς εἶναι. Sed ad priorem colligit, σὺ ἅρα φῆς λίθος εἶναι. Græci sermonis proprietatem semel auius est imitari: Catullus:

Phælus iste, quem videtis, hospites,

Ait fuisse navium celerissimus.

Sic enim ferabatur hic versu in antiquioribus editionibus. Hoc innotato, necesse est multis modis delirare eos, qui in hæc loca scribunt commentarios. Ne id quidem quod inibi continenter sequitur, Latino potest esse perspicuum: καὶ ἅρα ἐστὶ σιγῶντα λέγειν; διτλὸν γὰρ ἐστὶ, τὸ σιγῶντα λέγειν.

1 Carm. IV.

τὸ, τε τὸν λέγοντα σιγῶν, καὶ τὸ τὰ λεγόμενα. Id reddiderunt hunc in modum: Et putas, est tacentem dicere? Duplex enim est, tacentem dicere, & hunc dicere tacentem, & qua dicuntur. An non hæc Sibyllæ foliis obscuriora? MI. Mihi nec Græca satis liquent. LE. Exponam pro mea divinatione: An possibile est tacentem dicere? Hæc interrogatio duplicem habet sensum; quorum alter est falsus & absurdus, alter esse potest verus. Nam fieri non potest, ut qui loquitur, non dicat ea quæ loquitur, hoc est, ut loquendo taceat: sed fieri potest, ut is qui loquitur, taceat cum qui loquitur. Quamquam hoc exemplum recidit in alteram formam, quam paullo post subjicit. Rursus illud admiror: quod mox in genere ambiguitatis, quæ nascitur ex pluribus dictionibus conjunctis, mutarint Græci vocem sæculi in litteras, ἐπιστᾶναι τὰ γράμματα. cum Latini codices habeant, scire sæculum. Heic enim duplex sensus nascitur, vel ut ipsum sæculum sciat aliquid, vel ut aliquis sciat sæculum. Verum hoc mollius est in αἰῶνα sive in χρόνον, quam in γράμματα. Nam literæ dicuntur absurde scire quippiam. Verum nihil absurdi sit, si quis dicat, aliquid nostro sæculo notum esse; aut aliquem nosse suum sæculum. Jam aliquanto post, ubi proponit exemplum ambigui ex accentu, non veritus est interpres pro verbis Homeri supponere Virgiliana, cum eadem fuerit necessitas in illo exemplo, Quidquid dicis esse, hoc est. Ex Homero refert Aristoteles, & καταπύεται ὄμβρος. Si & adspiretur ac circumflectatur, sonat, Cujus compitrescit pluvia: sin & sit exile & acutum, sonat, Non compitrescit pluvia. Atque hoc quidem fumum est ex Iliad. ψ. Alterum est, Διδόμεν δὲ οἱ εὐχος ἀρίσθαι. accentu collocato super penultimam, sonat, concede illi: sin super primam, δίδομεν, sonat, damus. At Poeta non sentit Jovem dicere, concedimus illi: sed Jupiter mandat ipsi somnio, ut illi, ad quem mittitur, concedat potiri voto. Dictum est enim δίδομεν pro δίδοναι. Pro his duobus Homericis subjecerunt hæc ex nostris Poetis, velut illud ex Odis Horatii:

2 Me tuo longas pereunte noctes

Lydia dormis.

Etenim si accentus sit in, Me, correpto: & Tu sit grave, unica dictio est, Metuo, id est, timeo. Quamquam hæc ambiguitas pendet non solum ex accentu, verum etiam ex compositione. Alterum supposuerunt ex Virgilio:

Heu quia nam tanti cinxerunt athera nimbi!

Quamquam hæc quoque ex compositione nascitur ambiguitas. HI. Sunt ista quidem arguta, dignaque cognitu, Leonarde: sed interim vereor, ne cui convivium hoc philosophicum videatur magis, quam poeticum: alias, si videbitur, vel totum diem venabimur Elenchos in Elenchis. LE. Hoc est, in luco ligna, in mari quæremus aquam. HI. Ubi est meus Mus? MV. Adest. HI. Mone Margaretam, ut tradat bellaria. MV. Adeo. HI. Rursus ades vacuus? MV. Negat se de bellariis cogitasse, & ait satis diu fessum esse. HI. Vereor ne si diutius heic philosophemur, illa nobis mensam subvertat, quemadmodum Xanthippe Socrati: consultius est igitur ut bellaria sumamus in horto: ibi simul & ambulabimus & liberi nugabimur. Interea sibi quisque decerpit ex arbore quod lubet. CO. Placet consilium. HI. Est illic fonticulus quovis vino suavior. CA. Qui fit, ut hortus tuus magis niteat, quam aula? HI. Quia heic verfor frequentius. Si quid aridet hic, ne parcite nostris opibus hortensibus. Jam sic satis videtur deambulatum, quid si considamus huc sub tilia, & Musas cieamus? PA. Age fiat. HI. Thema suppeditet hortus ipse. PA. Si præcesseris, sequemur. HI. Age faciam. Præposere facit, cui variis deliciis niteat hortus, cum animum habeat nullis disciplinis, nullis virtutibus excultum. LE. Credemus adeste Musas, si reddideris eandem sententiam carmine. HI. Hoc mihi longe proclivius, profam orationem vertere carmine, quam argentum commutare auro. LE. Dic igitur.

HI. Cui remidet hortus undique flosculis,

Animumque nullis expolitum dotibus

Squalere patitur, is facit præposere.

Habetis carmen Musis & Apolline nullo. Sed elegans fuerit, si singuli hanc sententiam diverso genere carminis redderent.

Tom. I.

Zz 2

da-

2 Me tuo longas] Exstant versus libro 1. Carm. Od. 25.

3 Et Apolline nullo] Alludit ad illud Marcial. Musis & Apolline nullo, quod scribis versus, hoc Ciceronis habes.

727
 datis. LE. Qui vicerit, quid præmii feret? HI. Hunc calathum onustum malis, aut prunis, aut cerasis, aut mespilis, aut piris, aut si quid aliud magis adblanditur? LE. Quis erit arbiter certaminis? HI. Quis nisi Crato? Et idcirco solus non certabit, quo magis auscultet. CR. Vereor ne talem sitis habituri judicem, qualem olim habebant coccyx & lusciniæ, inter se de canendi gloria decertantes. HI. Sat est, si places omnibus. CO. Placet arbiter; incipe Leonarde.

LE. Cui tot deliciis renidet hortus,
 Herbis, floribus, arborumque fetu,
 Et multo & vario; nec excolendum
 Curat pectus & artibus probatis,
 Et virtutibus, is mihi videtur
 Lævo iudicio, parumque recto. DIXI.

HI. Carinus arrodit unguem; expectamus aliquid elaboratum. CA. Nulla adest Musa:

Cura cui est, ut niteat hortus flosculis ac fetibus,
 Negligenti excolere pectus disciplinis optimis:
 Hic labore, mihi ut videtur, ringitur præpostero.

HI. Non frustra arrosus est unguis. EV. Quoniam ordo me vocat, ne nihil adferam:

Qui studet, ut variis niteat cultissimus hortus
 Deliciis, patiens animum squalere, nec ullis
 Artibus expoliens, huic est præpostera cura.

HI. Non est, cur exstimulemus Sbrulium. Nam ille sic scattet versibus, ut plerumque vel imprudens effundat carmina.

SB. Cui vernat hortus cultus & elegans,
 Nec pectus ullis artibus excolit,
 Præpostera is cura laborat.

Sit ratio tibi prima mentis.

PA. Quisquis accurat variis ut hortus
 Floribus vernet, neque pectus idem
 Artibus sanctis colit, hunc habet præpostera cura.

HI. Nunc experiamur, cui hortus suppeditet plures sententias. LE. Quid ni faciat tam dives? Vel hoc rosetum mihi suggeret quod dicam. Ut brevis est rosæ nitor, ita fugax est juvenus: properas carpere rosam, prius quam marcescat: magis adnitendum est, ne sine fructu tibi effluat juvenus. HI. Thema satis aptum carmini. CA. Ut inter arbores suos cuique fetus est, ita inter homines suæ cuique dotes sunt. EV. Ut terra si excolatur, varias opes gignit in usus humanos, neglecta spinis ac vepribus obducitur: ita hominis ingenium si excolatur optimis studiis, plurimas edit virtutes: sin negligas, variis occupatur vitiis. SB. Hortus quotannis colendus est, ut niteat: animus semel excultus honestis studiis, perpetuo floret ac vernat. PA. Ut amoenitas hortorum non advocat animum ab honestis studiis, sed ad hæc invitat potius; ita querendi sunt lusus ac joci, qui non absunt a literis. HI. Euge, video examen sententiarum. Nunc adversus: sed antequam id aggrediamur, mea sententia, fuerit exercitatio nec inelegans, nec infrugifera, si primam sententiam toties reddamus Græcis versiculis, quoties reddidimus Latinis. Heic auspicabitur Leonardus, jam olim familiaris Musis Græcanicis. LE. Ineptiam, si jubes. HI. Jubeo atque impero.

LE. Ὁ κηρός ἐστὶν ἀνθρώπων γελῶν καλοῖς,
 Ὁ δὲ νῦν μάλα ἀνθρώπων τοῖς καλοῖς μαθήμασιν,
 Οὐκ ἐστὶ κήρυξ, ἄτος ἐκ ὁρῶν φρονεῖ,
 Περὶ πλείονος ποιῶν τὰ φαῦλ' ἢ κρείττονα.

Ego præfulem egi; succedet qui volet. HI. Carinus. CA. Imo Hilarius. LE. Sed video Margaretam intervenire: adfert nescio quid deliciarum. HI. Si id fecerit, me fefellerit mea furia. Quid adfers? MA. Sinapi, quo conditiis vestra bellaria. An non pudet heic garrere in multam noctem, & postea vos Poetæ multa blateratis in loquacitatem foeminarum? CR. Haud male monet Margareta: jam tempus est, ut suum quisque nidum adeat, alias in hoc pulcerrimo certaminis genere, vel solidum diem consumemus. HI. Sed cui addicis præmium? CR. In præsentia quidem mihi ipsi addico. Nullus enim venit præter unum me. HI. Qui viciisti, qui non certaveris? CR. Vos certastis, at non decertastis. Ego, quod nemo vestrum potuit, vici Margaretam. CA. Hilari, æquum postulat; auferat calathum.

Inquisitio de fide.

AULUS, BARBATUS.

AV. Puerorum est cantilena, Saluta libenter: Verum haud scio, an mihi fas sit tibi dicere salutem. BA. Equidem malim qui det salutem, quam qui dicat. Sed quam ob rem istuc ais, Aule? AV. Quam ob rem? Quia, si scire vis, oles aut sulphur, aut fulmen Jovis. BA. Sunt & Vejoves, sunt bruta fulmina, multum etiam origine dissidentia a fatidicis. Nam, ut suspicor, tu de anathemate sentis. AV. Rem conjectas. BA. Audivi quidem horrenda tonitrua; fulminis ictum non sensi. AV. Qui sic? BA. Quia nihilo pejus concoquo, neque irrequietius dormio. AV. Sed hoc periculosius solet esse malum, quia non sentitur. Verum hæc bruta fulmina, quæ tu vocas, feriunt & montes & maria. BA. Feriunt, sed irritis ictibus. Est & fulgure vitro, seu vase æreo. AV. Certe territat & hoc. BA. Verum, sed pueros. Solus Deus habet fulmen, quo feriat animam. AV. Quid si Deus est in suo vicario? BA. Utinam sit! AV. Imo multi demirantur te jam dudum non esse quovis carbonatiorum. BA. Finge me talem. Atqui tanto magis erat optanda salus perditio, si placet Evangelica doctrina. AV. Optanda quidem, at non dicenda. BA. Cur ita? AV. Quo pudeat ictus fulmine, ac respiciat. BA. Si sic nobiscum egisset Deus, perieramus omnes. AV. Quam ob rem? BA. Quia cum essemus inimici Dei, cultores idolorum, militantes in castris Satanæ, hoc est, modis omnibus excommunicatissimi, tum ille maxime nobiscum confabulatus est per Filium suum, suoque colloquio nos restituit in vitam, cum essemus mortui. AV. Ista quidem vere narras. BA. Imo male ageretur cum omnibus ægrotis, si medicus fugeret alloquium, quoties ingens morbus gravat miserum: imo cum maxime conveniebat adesse medicum. AV. At ego metuo, ne tu mihi citius adfles aliquid tui mali, quam fiat ut tuo morbo medear; nonnunquam usu venit, ut pro medico fiat palæstrites, qui visit ægrotum. BA. Ita quidem usu venit in corporum morbis; verum in animi malis est tibi parata antidotus adversus omne contagium. AV. Quænam? BA. Adamantinum propositum, non divelli a sententia semel infixæ. Deinde cur palæstram metuis, ubi res verbi agit? AV. Est aliquid quod dicis, si modo spes sit profectus. BA. Proverbio dicitur, Donec spirat homo, sperandum esse: Et juxta Paulum, & Caritas nescit desperare, quia sperat omnia. AV. Non pessime mones, atque hac spe puto mihi fas esse tecum miscere sermonem aliquantisper: ac, si pateris, medicum agam. BA. Licet. AV. Vulgo sunt invisi percunctatores. Et tamen in medicis probantur, qui percunctantur de singulis. BA. Percunctare a cælo usque ad terram, si libet. AV. Experiar; modo fidem des te responsurum ex animo. BA. Do, modo sciam qua de re velis percunctari. AV. De symbolo Apostolorum. BA. Audio militare verbum, nec recuso haberi pro hoste Christi, si quid heic fefellerit. AV. Credis in Deum Patrem omnipotentem, qui condiderit cælum & terram? BA. Et quidquid cælo terraque continetur, atque etiam mentes angelicas. AV. Cum Deum dicis, quid sentis? BA. Sentio mentem esse quandam æternam, quæ nec initium habuerit, nec finem sit habitura, qua nihil esse potest nec majus, nec sapientius, nec melius. AV. Ista quidem satis pie. BA. Quæ nutu suo omnipotenti condidit quidquid est rerum visibilibus aut invisibilibus: quæ sapientia mirabili moderatur ac gubernat universa, sua bonitate pascit ac servat omnia, atque hominum genus collapsum gratuito restituit. AV. Sunt quidem ista tria præcipua in Deo: sed quid fructus capis ex istorum cognitione? BA. Cum omnipotentem cogito, me totum illi submitto, ad cuius maiestatem nihil est hominum aut angelorum sublimitas. Deinde plena fiducia credo, quod ab illo factum tradunt sacræ literæ, simulque futurum, quidquid ille promissit, quando nutu, quidquid vult, potest, quantumvis homini videatur impossibile. Ita fit, ut meis viribus diffusus, totus ab illo pendeam, qui potest omnia. Ubi sapientiam illius intueor, nihil tribuo meæ sapientiæ, verum credo omnia rectissime justissimeque ab eo fieri, etiam si juxta sensum humanum videantur absurda aut iniqua. Cum bonitatem con-

1 In præceptis Dionysii Catonis.

2 Montes & maria, &c.] Refert Plinii verba ex Lib. II. c. 43.

3 Vide 1 Cor. xii. 7.

considero, video nihil esse in me, quod illius gratuita beneficentiae non debeam: & nullum arbitror esse tantum crimen, quod ille nolit ignoscere resipiscenti: neque quidquam esse, quod ille non sit largiturus cum fiducia petenti. Av. Num satis esse putas, quod credis illum esse talem? Ba. Nequaquam, sed sincero affectu totam fiduciam ac spem in illum unum transfero, detestans Satanam omnemque idololatram, & quidquid est artium magicarum. Illum solum adoro, nihil ille nec praeferebat, nec aequans; non angelum, non parentes, liberos, non uxorem, non principem, non opes, non honores, non voluptates: paratus & vitam illius causam perdere, si jusserit; certus eum non posse perire, qui se totum illi tradiderit. Av. Nihil igitur colis, nihil times, nihil amas, nisi unum Deum? Ba. Si quid veneror, si quid metuo, si quid amo praeter eum, ejus causa amo, metuo, colo, omnia ad illius gloriam referens, semper illi gratias agens, sive laeta contingunt, sive tristia: sive mori datur, sive vivere. Av. Sana quidem est haec tua oratio. De secunda persona quid sentis? Ba. Sciscitare. Av. Credis Jesum fuisse Deum & hominem? Ba. Maxime. Av. Qui fieri potuit, ut idem sit Deus immortalis, & homo mortalis? Ba. Istud illi facile fuit efficere, qui quidquid vult, potest. Et ob divinam naturam, quam eandem habet cum Patre, quidquid magnitudinis, sapientiae, & bonitatis attribuo Patri, idem tribuo & Filio: quidquid debeo Patri, debeo & Filio: nisi quod ita visum est Patri, ut per Filium conderet ac donaret nobis omnia. Av. Cur igitur sacrae literae Filium frequentius appellant *Dominum*, quam *Deum*? Ba. Quia, *Deus*, auctoritatis, hoc est, principatus est nomen, quae Patri praecipue convenit: qui simpliciter principium est omnium, atque ipsius etiam Deitatis fons. *Dominus*, redemptoris & assertoris vocabulum est. Quanquam & Pater redemit per Filium, & Filius Deus est, sed ex Deo Patre. Solus autem Pater a nullo est, & in personis divinis principem locum obtinet. Av. Ergo & in Jesu collocas tuam fiduciam? Ba. Quidni? Av. Sed Propheta me dictum dicit, qui fidei in homine. Ba. Sed huic uni homini? data est omnis potestas in caelo & in terra: ut in nomine ejus flectatur omne genu, coelestium, terrestrium, & inferorum. Quanquam nec in hoc fiduciae speique meae sacram, ut ajunt, ancoram figerem, ni Deus esset. Av. Cur eum Filium appellat? Ba. Ne quis somniet esse creaturam. Av. Cur unicum? Ba. Ut discernat naturae Filium, a filiis adoptivis, cujus cognominis honorem nobis etiam impartit, ut neminem praeter hunc alium expectemus. Av. Cur eum qui Deus erat, hominem fieri voluit? Ba. Ut homines homo reconciliaret Deo. Av. Credis conceptum citra virilem operam, opificio Spiritus sancti, ac natum ex incorrupta Virgine Maria, de illius substantia sumto mortali corpore? Ba. Maxime. Av. Cur sic nasci voluit? Ba. Quia sic decebat nasci Deum; sic decebat nasci, qui nostrae conceptionis ac nativitatis sordes purificaret. Hominis Filium nasci voluit Deus, ut nos in illum renascentes, efficeremur Filii Dei. Av. Credis illum versatum in terris, & gessisse miracula, ea docuisse, quae prodita sunt literis Evangelicis? Ba. Certius quam te credo esse hominem. Av. Non sum inversus Apulejus, ut suspiceris asinum latere sub hominis specie. Sed credis hunc eundem esse Messiam illum, quem delineant figurae legis, quem promiserant oracula Prophetarum, quem tot saeculis expectarant Judaei? Ba. Nihil habeo persuasius. Av. Credis hujus doctrinam ac vitam sufficere ad perfectam pietatem? Ba. Admodum. Av. Credis eundem vere comprehensum a Judaeis, vinctum, colaphis & alapis caesum, consputum, irrisum, flagellatum sub Pontio Pilato, ac denique suffixum in crucem, atque inibi mortuum? Ba. Maxime. Av. Credis illum ab omni lege peccati cujuscunque fuisse immunem? Ba. Quidni? Agnum absque macula. Av. Credis illum sua sponte haec omnia perpassum? Ba. Imo libenter, atque etiam sitienter, sed ex voluntate Patris. Av. Cur Pater Filium suum unicum, innocentem, sibi que carissimum, haec tam atrocia pati voluit? Ba. Ut hac victimam nos nocentes tibi reconciliaret, in illius nomen collocantes fiduciam ac spem nostram. Av. Cur Deus passus est sic collabi totum humanum genus? Et, si passus est, non patuit alia via faciendi ruinam nostram? Ba. Hoc mihi

A persuasit, non humana ratio, sed fides, nulla ratione potuisse fieri melius, neque ad salutem nostram utilius. Av. Cur hoc mortis genus illi potissimum placuit? Ba. Quia juxta mundum erat probrosissimum: quia diri lentique cruciatus: quia conveniebat illi, qui porrectis in omnem mundi plagam membris, omneis orbis nationes invitaret ad salutem, & homines terrenis curis affixos evocaret ad coelestia. Denique ut referret nobis serpentem aeneum, quem Moses suspenderat in stipite, ut quicumque defigerent in illum oculos, sanarentur a vulnere serpentum: fidemque Prophetae liberaret, qui praedixerat, *3 Dicite in nationibus, regnavit a ligno Deus*. Av. Cur & sepeliri voluit, idque tam accurate, oblitus myrrha & unguentis, inclusus novo monumento e solido vivoque fano exciso, obsignato ostio, adhibitis etiam custodibus publicis? Ba. Quo magis constaret, esse vere mortuum. Av. Cur non statim revixit? Ba. Hac ipsa de causa. Etenim si mors fuisset ambigua, fuisset & ambigua resurrectio: sed hanc voluit esse certissimam. Av. Credis hujus animam descendisse ad inferos? Ba. Hanc particulam non fuisse quondam additam, nec in symbolo Romano, nec in symbolo Orientalium ecclesiarum, & testis est Cyprianus, nec recensetur apud Tertullianum vetustissimum scriptorem: Ego tamen & hoc firmiter credo: Vel quia congruit cum prophetia Psalmi; *5 Non derelinques animam meam in inferno: & rursus, Domine, eduxisti ab inferno animam meam*: Vel quia Petrus Apostolus in epistola prioris (de cuius auctore nunquam fuit dubitatum) capite tertio scripsit hunc in modum; *Mortificatus quidem carne, vivificatus autem spiritu*: in quo & his, qui in carcere erant, spiritu veniens praedicavit. Verum, ut credo descendisse ad inferos, ita non credo illic aliquid esse passum: descendit enim, non ut illic cruciaretur, sed ut nobis frangeret regnum Satanarum. Av. Nihil adhuc impium audio: sed mortuus est, ut nos peccato mortuos revocaret ad vitam. Caeterum cur revixit? Ba. Tribus potissimum de causis. Av. Quibus? Ba. Primum, ut nobis certam spem faceret resurrectionis. Deinde, ut sciremus, eum immortalem esse, nec unquam moriturum, in quo praesidia salutis nostrae collocavimus. Postremo, ut nos quoque per poenitentiam mortui peccatis, per baptismum una cum illo sepulti, per gratiam ejus revocemur ad vitae novitatem. Av. Credisne, quod idem corpus, quod mortuum fuit in cruce, quod revixit in sepulcro, quod visum & contrectatum est discipulis, subvenerit in caelum? Ba. Maxime. Av. Cur voluit relinquere terras? Ba. Ut illum omnes spiritualiter amaremus, neque quisquam in terris sibi Christum proprie vindicaret, sed omnes ex aequo tolleremus animos in caelum, scientes illic esse caput nostrum. Etenim, si nunc homines tantopere sibi placent ob vestis colorem ac figuram, cumque sic quidam ostentent sanguinem, aut praeputium Christi, & lac matris Virginis: quid credis futurum, si mansisset in terris vestitus, comedens, loquens? Quae dissidia parassent ista corporis pecularia? Av. Credis illic immortalitate donatum, affidere dextrum Patri? Ba. Quidni? ut rerum omnium dominum, & totius regni paterni consortem. Hoc ipse discipulis promiserat futurum, atque hoc spectaculum exhibuit Stephano martyri suo. Av. Cur hoc exhibuit? Ba. Ne nos ulla in re trepidaremus, gnari quam potentem patrum ac dominum habeamus in caelis. Av. Credis illum eodem corpore rediturum, ut judicet vivos & mortuos? Ba. Quam habeo certum, esse haecenus peracta, quae Prophetae de Christo praedixerant; tam habeo certum, fore, quidquid in posterum voluit nos expectare. Prior adventus exhibitus est juxta vaticinia Prophetarum, quo venit humilis, ut nos institueret ac servaret. Exhibebitur & secundus, quo veniet sublimis in gloria Patris: ante cujus tribunal sibi cogentur omnes homines cujuscunque nationis, cujuscunque status, sive reges, sive plebei, sive Graeci, sive Scythae: nec solum hi, quos adventus ille deprehendit vivos, verum etiam omnes, qui ab initio mundi usque ad illud tempus mortui fuerint, subito reviviscunt, & suo quisque corpore conspiciet iudicem. Aderunt & Angeli beati,

Tom. I. Zz 3 tan-

³ Respicitur ad Psalm. xcv. 10. Quemadmodum citatur a *Jussino* Martyre Apol. 11. & aliis Patribus. Sed jam omnes norunt addita esse verba *a ligno*, ab aliquo male feriato Christiano.

⁴ Cypriano olim tribuebatur explicatio Symboli, quae est *Ruffini* Aquilejensis, extatque & 14 Tomo Operum Hieronymi.

⁵ *Non derelinques*, &c.] Pl. xvi.

¹ *Data est omnis*] Locus est Matthei 28. vers. 18.

² *Ut in nomine*] Vide Philipp. 2. versiculis. 10, 11.

731

tanquam famuli fideles : aderunt & dæmones judicandi. Tum e sublimi pronuntiabit illam inevitabilem sententiam, quæ diabolum, cum his qui illi adhæserunt, tradet æternis suppliciis, ut postea nulli possint nocere : pios transferet in consortium regni cœlestis, tutos ab omni molestia : quamquam hujus adventus diem nobis ignotum esse voluit. Av. Nihil adhuc audio morbi. Veniamus igitur ad tertiam personam. BA. Ut videtur. Av. Credis in Spiritum sanctum ? BA. Credo hunc esse verum Deum, una cum Patre & Filio. Credo hoc Spiritu afflatus fuisse, qui nobis Veteris ac Novi Testamenti libros tradiderunt, sine cujus ope nemo pervenit ad salutem. Av. Cur appellatur *Spiritus* ? BA. Quia quemadmodum corpora nostra vivunt halitu, ita tacito sancti Spiritus afflatu vivificantur animi nostri. Av. An non licet Patrem vocare *Spiritum* ? BA. Quid ni ? Av. An non igitur confunduntur personæ ? BA. Non. Nam Pater *Spiritus* dicitur, quod sit incorporeus, id quod omnibus personis est commune juxta naturam divinam ; sed tertia persona dicitur *Spiritus*, quod alicunde spiret, & per animos sese transfundat insensibiliter, velut a terra seu fluviis spirant auræ. Av. Cur personæ secundæ tribuitur nomen *Filii* ? BA. Ob perfectam naturæ & voluntatis similitudinem. Av. Est Filius similior Patri, quam Spiritus sanctus ? BA. Non, juxta naturam divinam ; nisi quod hoc magis refert proprietatem Patris ; quod ab ipso quoque procedat Spiritus sanctus. Av. Quid igitur prohibet Spiritum sanctum appellari Filium ? BA. Quia cum divo Hilario nusquam hunc lego genitum, nec hujus lego Patrem ; Spiritum & procedentem lego. Av. Cur in Symbolo solus Pater dicitur Deus ? BA. Quod hic, ut dixi, simpliciter sit auctor omnium quæ sunt, ac totius Deitatis fons. Av. Dic clarius. BA. Quoniam nihil nominari potest, cujus origo non maneat a Patre. Siquidem hoc ipsum quod Filius ac Spiritus sanctus Deus est, Patri acceptum referunt. Præcipua igitur auctoritas, hoc est, originis ratio, est in Patre solo, quod unus ille a nullo est. In Symbolo tamen sic accipi potest, ut Dei nomen non sit personæ proprium, sed in genere positum, quod mox per Patris, Filii, & Spiritus sancti vocabulum distinguatur in unum Deum : quæ naturæ vox comprehendit Patrem, Filium, & Spiritum sanctum, hoc est, tres personas. Av. Credis in sanctam Ecclesiam ? BA. Non. Av. Quid ais ? non credis ? BA. Credo sanctam Ecclesiam, quæ est corpus Christi, hoc est, congregatio quædam omnium per universum orbem, qui consentiunt in fide Evangelica, qui colunt unum Deum Patrem, qui totam suam fiduciam collocant in ejus Filio, qui eodem hujus Spiritu aguntur ; a cujus consortio refectatur quisquis admittit crimen lethale. Av. Cur horres dicere, *Credo in sanctam Ecclesiam* ? BA. Quia sic me docuit divus Cyprianus, in solum Deum esse credendum, in quo simpliciter omnem fiduciam reponimus. Ecclesia vero proprie dicta, quamquam non constat nisi ex bonis, tamen ex hominibus constat, qui ex bonis possunt fieri mali, qui falli possunt & fallere. Av. Quid sentis de communione sanctorum ? BA. Hic articulus omnino non attingitur apud Cyprianum, cum ille nominatim indicet, quid in quibus Ecclesiis plus habeatur aut minus. Sic enim ille connectit ; *Sequitur namque post hunc sermonem, sanctam Ecclesiam, remissionem peccatorum, hujus carnis resurrectionem.* Ac nonnullis videtur hæc pars non esse diversa a superiore, sed explicare & infigere quod modo dictum erat, sanctam Ecclesiam : ut nihil aliud sit *Ecclesia*, quam unius Dei, unius Evangelii, unius fidei, unius spei professio, ejusdem Spiritus, eorundem Sacramentorum participatio : breviter, talis quædam communio bonorum omnium inter omnes pios, qui fuerunt ab initio mundi usque ad finem, qualis est membrorum corporis inter ipsa societas ; sic ut aliorum benefacta subveniant aliis, donec viva sunt membra corporis. Cæterum extra societatem hanc ne propria quidem benefacta conducunt cuiquam ad salutem, nisi reconcilietur sanctæ congregationi : & ideo sequitur ; *Remissionem peccatorum* : quia extra Ecclesiam non est ulla peccatorum remissio, quantumvis homo maceret se poenitentia, aut exerceat opera misericordiarum. In Ecclesia, inquam, non hæreticorum, sed sancta ; hoc est, Spiritu Christi congregata, est remissio peccatorum per baptismum : & , post baptismum, per poenitentiam & claves Ecclesiæ datas. Av. Ista sunt

adhuc sani hominis. Credisne futuram carnis resurrectionem ? BA. Frustra crederem cætera, si hoc, quod est omnium caput, non crederem. Av. Quid sentis, cum dicis *carne* ? BA. Corpus humanum, humana anima animatum. Av. Num unaquæque anima recipiet suum corpus, quod exanime reliquerat ? BA. Idem hoc, unde demigrarat. Et ideo in symbolo Cypriani additum est, *Hujus carnis*. Av. Qui fieri potest, ut corpus jam toties ex aliis in alia versum, possit idem reviviscere ? BA. Qui potuit quidquid vult, ex nihilo creare ; an huic difficile sit, quod ex sua forma mutatum est, in pristinam naturam restituere ? Non anxie disputo, quibus modis id fiat : mihi satis est, quod qui promissit hoc futurum, sic verax est, ut mentiri non possit ; sic potens est, ut quidquid velit, nutu valeat efficere. Av. Quid opus erit tum corpore ? BA. Ut totus homo glorificetur cum Christo, qui heic totus afflictus erat pro Christo. Av. Quid sibi vult, quod addit ; *Et vitam æternam* ? BA. Ne quis suspicetur nos sic revicturos, quemadmodum sub vernum tempus reviviscunt ranæ, rursus morituræ. Nam heic duplex mors est : corporis, bonis ac malis omnibus communis ; & animi. Mors autem animi peccatum est. At post resurrectionem piis erit æterna vita, tum corporis, tum animi. Nec enim corpus erit amplius obnoxium morbis, senio, fami, siti, dolori, lassitudini, morti, aut ulli incommodo ; sed spirituale factum, spiritus arbitrio movebitur : nec animus deinceps ullis vitiis aut doloribus sollicitabitur, sed sine fine fruetur summo bono, qui est Deus. Contra, impios mors æterna possidebit, tum corporis, tum animi. Nam & corpus habebunt ad æternos cruciatus immortale, & animus peccatorum stimulis semper afflictum absque spe veniæ. Av. Credis hæc ex animo, ac serio ? BA. Sic, inquam, ut mihi minus certum sit, te mecum colloqui. Av. Ego cum essem Romæ, non omnem reperi æque sincere credentes. BA. Imo si excutias, reperies & alibi multos, quibus hæc non æque persuasa sunt. Av. Cum istam multis & arduis consentias nobiscum, quid obstat quo minus totus sis noster ? BA. Istud ex te audire cupio. Nam ipse mihi videor orthodoxus, etiamsi vitam meam nolim præstare, tametsi sedulo conor, ut professioni respondeat. Av. Unde igitur tantum bellum inter vos & orthodoxos ? BA. Exquire. Sed heus medice, si non poenitet hujus proemii, sumes nobiscum prandiolum, & a prandio per otium percunctaberis de singulis ; præbebo brachium utrumque : inspicies excrementa, tum crassiora, tum liquidiora. Denique facies, si videbitur, totius hujus pectoris anatomiam, quo certius de me judices. Av. At religio est tecum mensam habere communem. BA. Atqui id solent medici, quo melius observent, quid affectent aut peccent ægroti. Av. Sed vereor ne videar favere hæreticis. BA. Imo nihil est sanctius, quam favere hæreticis. Av. Qui sic ? BA. Nonne Paulus optavit anathema fieri pro Judæis plusquam hæreticis ? An non favet ille, qui studet ut quis ex malo fiat bonus, ex mortuo vivus ? Av. Maxime. BA. Sic igitur favere nec erit quod metuas. Av. Nunquam audivi ægrotum commodius respondentem. Age, duc me ad prandium. BA. Medice accipieris, & ut decet apud ægrotum ; & sic curabimus corpuscula cibo, ut nihilo secius animus idoneus sit ad disputandum. Av. Fiat bonis avibus. BA. Imo malis piscibus fiet : nisi forte nunc oblitus es esse diem Veneris. Av. Id quidem est præter symbolum nostrum.

4 Γερωντολογία, five ὄχημα.

EUSEBIUS, PAMPIRUS, POLYGAMUS, GLYCION.

Ev. Q uas novas aves heic ego video ? Nisi me fallit animus, aut parum prospiciunt oculi, video tres veteres congerrones meos confidentes, Pampirum, Polygamum, & Glycionem. Certe ipsi sunt. PA. Quid tibi vis cum tuis vitreis oculis ; fascinator ? Congredere propius, Eusebi. Po. Salve multum exoptate Eusebi. GL. Bene fit tibi vir optime. Ev. Salvere vos omnes una salute, pariter mihi carissima capita. Quis Deus, aut casus Deo felicior, nos conjunxit ? Nam nemo nostrum vidit alium annis,

1 Aut potius *Ruffini*, ut antea diximus.

2 *Spiritus arbitrio movebitur*] Respicit auctor ad locum Pauli 1 Cor. 15. 44. *Servitur corpus animale. suscitatur corpus spirituale. Est corpus animale & est corpus spirituale.*

3 *Paulus optavit anathema*] Locus est ad Rom. 9. vers. 3.

4 *Γερωντολογία*] Id est, senile colloquium ; ὄχημα, vehiculum.

nis, opitor, jam quadraginta. Mercurius caduceo suo non potuisset melius nos in unum contrahere. Quid heic agitis? P. Sedemus. Ev. Video; sed qua de causa? Po. Operimur currum, qui nos devehat Antverpiam. Ev. Ad mercatum? Po. Scilicet, sed spectatores magis, quam negotiatores: quanquam aliis aliud est negotii. Ev. Et nobiscodem est iter. Verum quid obstat, quo minus eatis? Po. Nondum convenit cum aurigis. Ev. Difficile genus hominum. Sed vultisne, ut illis imponamus? Po. Libaret, si liceret. Ev. Simulemus nos velle simul abire pedites. Po. Citius credant cancores voluturos, quam nos tam grandes; pedibus hoc iter confecturos. GL. Vultis rectum verumque consilium? Po. Maxime. GL. Illi potant: id quo faciunt diutius, hoc plus erit periculi, necubi nos dejiciant in lutum. Po. Admodum diluculo venias oportet, si sobrius aurigam velis. GL. Quo maturius perveniamus Antverpiam, nobis quatuor solis currum stipulemur. Contemnendum censeo tantillum pecunie. Hoc damni multis commodatibus pensabitur, sedebimus commodius, ac mutuis fabulis suavissime transigemus hoc iter. Po. Recte suadet Glycion; ut in vehiculo quoque jucundus comes pro vehiculo sit. Quin & juxta Græcorum proverbium, liberior loquimur, non de plauistro, sed in plauistro. GL. Transigi; conscendamus. Vah, nunc mihi libet vivere, posteaquam ex tanto intervallo videre contigit mihi carissimos olim sodales. Ev. Ac mihi videor repubescere. Po. Quot annos supputatis, ex quo Lutetia conviximus? Ev. Arbitror haud pauciores quadraginta duobus. P. Tum videbamur omnes æquales. Ev. Ita ferme eramus, aut si quid erat discriminis, perpusillum erat. P. At nunc quanta inæqualitas! Nam Glycion nihil habet senii, & hujus avus videri queat Polygamus. Ev. Profecto sic res habet. Quid rei in causa? P. Quid? aut hic cessavit ac restitit in cursu, aut ille antevertit. Ev. Ohe, non cessant anni, quantumvis cessent homines. Po. Dic bona fide, Glycion, quot annos numeras? GL. Plures quam ducatos. Po. Quot tandem? GL. Sexaginta sex. Ev. O vere 2 Τιβων ἡγῆρας, quod ajunt. Po. Sed quibus tandem artibus remoratus es senectutem? Nam neque canities adest, neque rugosa cutis: vigent oculi, nitet utrinque dentium series, color vividus est, corpus succulentum. GL. Dicam artes meas; modo tu vicissim narres nobis artes tuas, quibus senectutem accelerasti. Po. Recipio, me facturum. Dicigitur, quote contulisti relicta Lutetia? GL. Recta in patriam. Illic commoratus fere annum, dispicere cœpi de deligendo vitæ genere; quam ego rem non leve momentum habere credo ad felicitatem: circumspiciebam quid cuique succederet, quid secus. Po. Miror, tibi tantum fuisse mentis, cum Lutetia nihil fuerit tenugacius. GL. Tum ferebat ætas. Et tamen, ô bone, non heic meo Marte rem omnem gessi. Po. Mirabar. GL. Prius quam quidquam aggrederer, adii quandam e civibus natu grandem, longo rerum usurpudentissimum, totiusque civitatis testimonio probatissimum, ac meo quidem judicio etiam felicissimum. Ev. Sapiebas. GL. Hujus usus consilio, duxi uxorem. Po. Pulcre dotatam? GL. Dote mediocri, ac plane, juxta proverbium, 3 τὴν κατ' ἐπαύριον. Nam & mihi res erat mediocris. Ea res mihi plane cessit ex animi sententia. Po. Quot annos tum eras natus? GL. Viginti ferme duos. Po. O te felicem! GL. Non totum hoc fortunæ debeo, ne quid erres. Po. Qui sic? GL. Dicam. Alii prius diligunt quam deligant, ego judicio delegi quam diligerem: & tamen hanc magis duxi ad posteritatem, quam ad voluptatem. Cum ea vixi suavissime annos non plures octo. Po. Reliquit orbem? GL. Imo superest quadriga liberorum; Filii duo, Filia totidem. Po. Privatufne vivis, an Magistratu fungeris? GL. Est mihi munus publicum; poterant contingere majora: verum hoc mihi delegi, quod tantum haberet dignitatis, ut me vindicaret a contentu; cæterum minime molestis negotiis ob-

A noxium. Ita nec est, quod quisquam objiciat, memihi vivere; & est unde nonnunquam & amicis dem operam. Hoc contentus, nihil unquam magis ambii. Verum sic gessi magistratum, ut illi ex me dignitas accreverit. Hoc ego pulcrius ducō, quam ex muneris splendore dignitatem mutuo sumere. Ev. Nihil verius. GL. Sic inter cives meos confenui, carus omnibus. Ev. Isthuc vero difficillimum est, cum non abs re dictum sit; *Qui neminem habet inimicum, cum nec amicum habere quemquam: & felicitatis semper invidiam esse comitem.* GL. Insignem felicitatem comitari solet invidia: mediocritas tuta est. Et hoc mihi perpetuum studium fuit, ne quid mei commodi ex aliorum incommodis compararem. Illam quam Græci vocant 4 ἀμπαζίαν, quantum licuit, amplexus sum. Nullis negotiis ingessi memet; sed præcipue continui me ab his, quæ sine offensa multorum suscipi non poterant. Itaque si juvandus erit amicus, sic illi benefacio, ut hac de causa nullum mihi parem inimicum. Et si quid ortum fuerit simultatis alicunde, aut purgatione lenio, aut officiis exstinguo, aut dissimulatione patior intermori: a contentione semper abstineo: quæ si inciderit, malo rei, quam amicitia facere jacturam. In cæteris Mitonem quendam ago: nulli lædo os, ardeco omnibus, saluto ac resaluto benigniter: nullius animo repugno, nullius institutum aut factum damno, nemini me præfero: patior suum cuique pulcrum esse. Quod taceri velim, nemini credo. Aliorum arcana non scrutor; & si quid forte novi, nunquam effutio. De his qui præsentibus non sunt, aut taceo, aut amice loquor, ac civiliter. Magna pars simultatum inter homines nascitur ex linguæ intemperantia. Alienas simultates nec excito, nec alo; sed ubicunque datur opportunitas, aut exstinguo, aut mitigo. His rationibus hæcenus vitavi invidiam, ac benevolentiam civium meorum alui. P. Non sensisti gravem cælibatum? GL. Mihi quidem nihil accidit acerbius in vita unquam uxoris morte; ac vehementer optassem illam una mecum conefcere, liberisque communibus frui: sed quando aliter visum est superis, judicavi sic magis expedire utrique: neque causam putavi, cur me inani luctu cruciarem, præsertim cum is nihil prodesset defunctæ. Po. Nunquamne incesit libido repetendi matrimonii, præsertim cum istud tibi feliciter cessisset? GL. Incesit: sed liberorum causa duxeram uxorem, liberorum causa rursus non duxi. Po. At miserum est cubare solum totas noctes. GL. Nihil est difficile volenti. Tum cogita, quantas etiam habeat commoditates cælibatus. Quidam omni ex redeerpunt si quid est incommodi; qualis fuisse videtur Crates ille, cujus titulo fertur epigramma, vitæ mala colligens. Nimirum his placet illud, 5 *Optimum non nasci.* Mihi magis arridet 6 Metrodorus, unde quaque decerpens si quid inest boni. Sic enim fit vita dulcior. Et ego sic induxi animum, ut nihil vehementer vel oderim, vel expetam. Ita fit, ut si quid obtingat boni, non efferar, aut insolescam: si quid decedat, non admodum crucier. P. Næ tu Philosophus, vel ipso Thalete sapientior, si quidem istud potes. GL. Si quid ægritudinis obortum est animo, ut multa fert hujusmodi vita mortalium, protinus ejicio ex animo, sive sit ira ex offensa, sive quid aliud indigne factum. Po. At sunt quædam injuriæ, quæ vel placidissimo moveant stomachum: tales sunt frequenter & famulorum offensa. GL. Nihil ego patior residere in animo meo. Si mederi queam, medeor: sin minus, sic cogito; Quid proderit meringi re nihilo melius habitura? Quid multis? Patior, ut hoc mox impetret a me ratio, quod paullo post tempus esset impetratum. Certe nullus est tantus animi dolor, quem patiar mecum ire cubitum. Ev. Nihil mirum, si tu non senescis, qui tali sis animo. GL. Atque adeo ne quid reticcam apud amicos, cum primis cavi, ne quid flagitii committerem, quod vel mihi, vel liberis meis probro esse posset. Nihil enim inquietius animo sibi male conscio. Quod si quid culpæ ad-

1 De plauistro] De plauistro loqui dicitur, qui quælibet in quemvis opprobria facit, palam ac libere conviciando: nam libertas veteris comœdiæ, non solum civium primates, verum etiam Deos nominatim taxabat. Quoniam autem hujusmodi fabulæ in plauistris agebantur, inde natum adagium est. Vide *Chiliades*.

2 Τιβων ἡγῆρας] Id est, Tithoni senecta: de longæva, sed florida senectute. Vide proverbium.

3 Τὴν κατ' ἐπαύριον] Id est, pro mea sorte. Vide proverbium Pittaci: *Æqualem tibi ducto.* Adagium monet, ne quis cupiditate aut ambitione affectus, se potentiora ducat uxorem: nam ejusmodi ferme connubia inauspicato cedens.

4 *Ἀμπαζία*] *Ἀμπαζία* est otium, sive abstinentia a negotiis. Hinc versus proverbialis: *Ἀνθρώποις ἔστι τὴν κατὰ ἀμπαζίαν.*

5 *Optimum non nasci*] Vide proverbium. Respicit auctor ad cælebrata duo epigrammata Græca; unum Posidippi, vel ut aliis placet, Cratetis Cynici, quo vitæ humanæ innumerabilia incommoda recenset: alterum Metrodori, quo e diverso ejusdem commoditates proponit. Ausonii autem versus hac spectant: *Optima Græjorum sententia, quippe homini ajunt; Non nasci esse bonum, aut natum cito mori se perire.*

6 *Metrodorus*] Qui e diverso respondet Crateti, & vitæ humanæ elogium composuit.

735

admissum est, non eo cubitum prius, quam me Deo reconciliaro. Veræ tranquillitatis seu, ut Græce dicam, ¹ εὐθυμίας fons est, bene convenire cum Deo. Nam qui sic vivunt, his nec homines magnopere nocere possunt. Ev. Num quando te cruciat metus mortis? GL. Nihil magis quam macerat dies nativitatis. Scio moriendum: ista sollicitudo fortassis adimat mihi aliquot vitæ dies, ² certe nihil possit adjicere. Itaque totam hanc curam superis committo: ipse nihil aliud curo, quam ut bene suaviterque vivam. Non potest autem suaviter, nisi qui bene. PA. At ego senescerem tædio, si tot annos degerem in eadem urbe, etiam si, Romæ contingat vivere. GL. Habet quidem loci mutatio voluptatis nonnihil: longinquæ vero peregrinationes, ut prudentiam addunt fortassis, ita plurimum habent periculorum. Mihi videor tutius totum orbem obire in tabula geographica, neque paulo plus videre in historiis, quam si viginti totos annos, ad Ulyssis exemplum, per omnes terras mariaque volitarem. Habeo prædiolum, quod abest ab urbe non plusquam duobus millibus passuum: ibi nonnunquam ex urbano fio rusticus: atque ibi recreatus, redeo novus hospes in urbem: nec aliter saluto ac salutor, quam si renavigassem ex insulis nuper inventis. Ev. Non adjuvas valetudinem pharmacis? GL. Nihil mihi rei cum medicis. Nec incidi venam unquam, nec devoravi catapotia, nec hausi potiones. Si quid oboritur lassitudinis, moderatione victus, aut rusticatione propello malum. Ev. Nihil ne tibi cum studiis? GL. Est. Nam in his est præcipua vitæ oblectatio: verum his oblecto me, non macero. Siquidem vel ad voluptatem studeo, vel ad utilitatem vitæ, non autem ad ostentationem. A cibo sumto aut pascor literatis fabulis, aut lectorem adhibeo: nec unquam incumbo libris ultra horam: tum surgo, & arrepta testudine, paulisper obambulans in cubiculo, vel cantillo, vel repeto mecum quid legerim: & si in promptu est congerro, refero: mox ad librum redeo. Ev. Dic mihi bona fide, nullane sentis incommoda senectutis, quæ feruntur esse plurima? GL. Somnus aliquanto deterior est, nec perinde tenax memoria, nisi si quid infixero. Liberavi fidem meam. Exposui vobis magicas artes meas, quibus alo juventutem meam: nunc referat nobis pari fide Polygamus, unde tantum collegerit senii. Po. Equidem nihil celabo tam fidos sodales. Ev. Narrabis etiam taciturnis. Po. Cum agerem Lutetiæ, quam non abhorruerim ab Epicuro, noctis ipsi. Ev. Sane meminimus, sed arbitrabamur te mores eos una cum adolescentia Lutetiæ relicturum. Po. Ex multis quas illic adamaram, unam mecum abduxi domum, eamque gravidam. Ev. In ædes paternas? Po. Recta, sed mentitus eam esse conjugem cuiusdam amici mei, qui mox esset venturus. GL. Id credit pater? Po. Imo rem olfecit intra quatrimum. Mox sæva jurgia. Nec tamen interim temperabam a conviviis, ab alea, cæterisque malis artibus. Quid multis? Cum pater non faceret objurgandi finem, negans se tales gallinas alere velle domi, ac subinde minitans abdicationem, verti solum, & cum gallina mea gallus alio demigravi: ea mihi genuit aliquot pullos. PA. Unde res suppetebat? Po. Nonnihil furtim dabat mater, ac præterea conflatum est aris alieni plus satis. Ev. Reperiebantur tam fatui, ut tibi crederent? Po. Sunt qui nullis credant libentius. PA. Quid tandem? Po. Tandem ubi pater serio pararet abdicationem, intercesserunt amici, ac bellum hoc his legibus composuerunt, ut nostratem uxorem ducerem, cum Galla divortium facerem. Ev. Erat uxor? Po. Intercesserant verba futuri temporis, sed acceperat congressus præsentis temporis. Ev. Qui licuit igitur ab illa divertere? Po. Post rescitum est, meæ Gallæ Galium esse maritum, unde pridem se subdlexerat. Ev. Ergo nunc habes uxorem? Po. Non, nisi præter hanc octavam. Ev. Octavam? Non sine augurio dictus es Polygamus. Fortassis steriles omnes decessere. Po. Imo nulla non reliquit aliquot catulos domi meæ.

¹ Εὐθυμία] Εὐθυμία est animi tranquillitas.
² Certe nihil possit adjicere] Matth. 6. 27. quis ex vobis sollicitus cogitando potest addere ad statum suum cubitum unum.
³ Roma contingat] Magnum quippe hoc in orbis capite. Hinc Horatius: Roma nutrir mihi contigit atque doceri.
⁴ Totum orbem obire] Secundum illud Propertii:
 Cogor & e tabula pictos edificere mundos,
 Quales & hac docti sit positura Dei.
 Que tellus sit lenta geli, que putris ab astu:
 Ventus in Italiam qui bene vela rigas.
⁵ Multarum nuptiarum.

Ev. Ego malim totidem gallinas, quæ mihi ponerent ova domi. Non tædet Polygamia? Po. Adeo tædet, ut si hæc octava moreretur hodie, perendie ducerem nonam. Imo hoc me male habet, quod non liceat habere binas, aut ternas, cum unus gallus gallinaceus tot gallinas possideat. Ev. Equidem haud miror, gallinaceæ, si parum pingui, quoque tantum senii tibi collegeris. Nihil enim æque accelerat senectutem, quam immodicæ atque intempestivæ computationes, impotentes amores mulierum, & salacitas immoderata. Sed quis alit familiam? Po. Ex obitu parentum accessit res mediocris, & gnaviter laboratur manibus. Ev. Descivisti igitur a literis? Po. Plane ab equis, quod ajunt, ad asinos; ex ⁶ heptatechno factus ⁷ monotechus faber. Ev. Miser, toties tibi ferendus erat luctus, toties cælibatus? Po. Nunquam vixi cælebs ultra dies decem, semperque nova nupta veterem luctum expulit. Habetis bona fide vitæ meæ summam. Atque utinam Pampirus narret nobis suæ quoque vitæ fabulam, qui satis belle portat ætatem. Nam, ni fallor, me duobus aut tribus annis est grandior. PA. Dicam equidem, si vobis audire vacat tale somnium. Ev. Imo volupe fuerit audire. PA. Ubi domum redissem, statim Pater senex urgere cepit, ut aliquod vitæ genus amplecterer, unde nonnihil quæstus accederet rei familiari: ac post longam consultationem placuit negotiatio. Po. Miror hoc vitæ genus arripisse potissimum. PA. Eram natura sitiens cognoscendi res novas, varias regiones, urbes, linguas ac mores hominum. Ad id maxime videbatur apposita negotiatio. Quibus ex rebus nascitur & prudentia. Po. Sed misera, videlicet quæ plerumque magnis malis sit illis emenda. PA. Sic est. Itaque Pater numeravit sortem satis amplam, ut dextro Hercule, ac bene fortunante Mercurio negotiationem auspicarer. Simulque ambiebatur uxor cum amplissima dote, sed ea forma, quæ vel indotatam commendare poterat. Ev. Succesit? PA. Imo priusquam redirem domum, perit & fors & usura. Ev. Naufragio fortassis. PA. Plane naufragio. Nam impegimus in scopulum quavis ⁸ Malea periculosiorum. Ev. In quo mari occurrit iste scopulus, aut quod habet nomen? PA. Mare non possum dicere, sed scopulus plurimorum infamis exitiis, Latine dicitur *alea*; quo modo vos Græci nominetis, nescio. Ev. O te stultum! PA. Imo stultior Pater, qui tantam summam crederet adolescenti. GL. Quid deinde factum est? PA. Nihil actum: sed cæpi cogitare de suspensio. GL. Adeo erat Pater implacabilis? Nam res fusciri potest, & venia datur ubique ⁹ protopiro? multo magis ¹⁰ Pampiro debebatur. PA. Verum fortasse narras; sed interim miser excidi ab uxore. Nam parentes puellæ, simul atque cognoverunt hæc auspicia, renuntiaverunt affinitatem. Et amabam, ut qui perditissime. GL. Miseret me tui. Sed quid interim consilii tentatum est? PA. Id quod solet in rebus desperatis. Pater abdicabat, perierat res, perierat uxor; undique audiebam, gurgēs, nepos, heliū. Quid plura? Serio mecum deliberabam, an suspenderem me, an aliquo conjicerem memet in monasterium. Ev. Crudele consilium. Scio utrum elegeris, mitius mortis genus. PA. Imo quod mihi tunc visum est crudelius; adeo mihi displicebam totus. GL. Atqui complures eo se dejiciunt, ut suavius vivant. PA. Corrafo viaticulo, furtim me subdixi procul a patria. GL. Quo tandem? PA. In Hiberniam. illic factus sum Canonicus ex horum genere, qui extime linci sunt, intime lanci. GL. Apud Hibernos igitur hibernasti? PA. Non, sed duos menses apud hos veritatus, navigavi in Scotiam. GL. Quid te offendit apud illos? PA. Nihil, nisi quod institutum illud mihi videbatur mitius, quam pro meritis ejus, qui non uno suspensio dignus erat. Ev. Quid in Scotia designatum est? PA. Illic ex lineo factus sum pelliceus apud Carthusios. Ev. Homines plane mundo mortuos. PA. Ita mihi visum est, cum audirem illos canentes. GL. Quid? canunt etiam mortui? Quot menses apud

⁶ Heptatechno] Id est, septem artium perito: tot enim numerantur artes liberales.
⁷ Monotechus] Unius tantum artis peritus.
⁸ Malea periculosiorum] De Malea promontorio naufragiis infami vi se proverbium, Maleam legens.
⁹ Protopiro] Vide proverb. τυπώσις πρῶτον πῦρ, id est, primum experienti ignoscendum. Vel *venia primum experienti*, hoc est, ignoscendum iis, qui rudes novo quodam in negotio incipiunt, si quid per imperitiam peccarint.
¹⁰ Pampiro] Alludit ad nomen, nam Græce significat, omnia expertus.

apud illos egisti Scotus? PA. Propemodum sex. GL. O constantiam! Ev. Quid illic offendit? PA. Quia mihi visa est vita segnis ac delicata. Deinde multos illic reperi non admodum sani cerebri, ob solitudinem, ut arbitror. Mihi parum erat cerebri; verebar ne totum periret. Po. Quo deinde devolasti? PA. In Galliam. Illic reperi quosdam totos pullatos, ex instituto divi Benedicti, qui colore vestis testantur se lugere in hoc mundo; & inter hos, qui pro summa veste cilicium ferrent reti simile. GL. O gravem corporis macerationem! PA. Heic egi menses undecim. Ev. Quid obtitit, quo minus illic maneres perpetuo? PA. Quia plus illic reperi caerimoniarum, quam veræ pietatis. Præterea audieram esse quosdam his multo sanctiores, quos Bernardus ad severiorem disciplinam revocasset, pul- la veste mutata incandidam, apud hos vixi menses decem. Ev. Heic quid offendeat? PA. Nihil admodum. Nam hos reperi sat commodos sodales. Sed movebat me Græcorum proverbium; ¹ οὐδὲ τὰς χελώνας ἢ φάγαν, ἢ μὴ φάγαν. Ita- que decretum erat aut non esse monachum, aut insigniter esse monachum. Acceperam esse quosdam Brigiden- ses, homines plane coelestes; ad hos me contuli. Ev. Quot men- ses illic egisti? PA. Biduum, nec id sane totum. GL. Us- que adeo placuit hoc vitæ genus? PA. Non recipiunt, nisi qui mox obstringat se professioni. At ego nondum adeo insaniebam, ut facile me præberem capistro, quod nun- quam liceret excutere. Et quoties audiebam canentes vir- gines, cruciabat animum uxor erepta. GL. Quid deinde? PA. Ardebat animus amore sanctimoniarum, nec usquam satis fiebat animo meo. Tandem obambulans incidi in quos- dam præferentes crucem. Hoc signum mihi protinus arri- sit; sed remorabatur electionem, varietas: alii gestabant albam, alii rubram, alii viridem, alii versicolorem, alii sim- plicem, alii duplicem, nonnulli quadruplicem, alii alia at- que alia figura variatam. Ego ne quid intentatum relin- querem, omnes ferme formas gessi. Verum ipsa re com- peri, longe aliud esse circumferre crucem in pallio seu tu- nica, quam in corde. Tandem fessus inquirendo sic mecum cogitabam: ut semel omnem sanctimoniam assequar, pe- tam terram sanctam, ac redibo domum sanctimoniarum on- stus. Po. Num eo profectus es? PA. Maxime. Po. Unde suppetebat viaticum? PA. Demiror istud nunc denique tibi venire in mentem ut rogares, ac non multo ante percuncta- tum fuisse. Sed nosti proverbium, ² τὸ τέχνην πᾶσα γῆ τέ- φει. GL. Quam artem circumferebas? PA. ³ Chiroman- ticam. GL. Ubi eam didiceras? PA. Quid refert? GL. Quo præceptore? PA. Eo, qui nihil non docet, ventre. Prædi- cebam præterita, futura, præsentia. GL. Et sciebas? PA. Nihil minus: sed divinabam audacter, idque tuto, videlicet prius accepto pretio. Po. An ars tam ridicula poterat alere te? PA. Poterat, & quidem cum duobus famulis. Tantum est ubique fatuorum & fatuarum. Attamen cum Hieroso- lymam adirem, addideram me in comitatum cujusdam ma- gnatis prædixit, qui natus annos septuaginta, negabat se æquo animo moriturum, nisi prius adisset Hierosolymam. Ev. Ac domi reliquerat uxorem? PA. Atque etiam libe- ros sex. Ev. O senem impie pium! Atque illinc redisti sanctus? PA. Vis verum fatear? Aliquanto deterior, quam iveram. Ev. Sic, ut audio, excusis est religionis amor. PA. Imo magis incanduit. Itaque reversus in Italiam, ad- dixi me militiæ. Ev. Itane religionem venabaris in bello? quo quid esse potest sceleratius? PA. Erat sancta militia. Ev. Fortassis in Turcas. PA. Imo sanctius quiddam, ut tum quidam prædicabant. Ev. Quidnam? PA. Julius secundus belligerabatur adversus Gallos. Porro militiam mihi com- mendabat etiam multarum rerum experientia. Ev. Multa- rum, sed malarum. PA. Ita post comperi. Et tamen heic durius vixi, quam in monasteriis. Ev. Quid tum postea? PA. Jam mihi vacillare coepit animus, utrum ad negotia- tionem intermissam redirem, an religionem fugientem per- sequerer. Interim venit in mentem, utrumque alteri posse conjungi. Ev. Quid? ut simul esses & negotiator & mona- chus? PA. Quid ni? Nihil religiosius ordinibus mendican-

atium: & tamen nihil similis negotiationi. Volitant per omnes terras ac maria, multa vident, multa audiunt: pe- netrant omnes domos, plebejorum, nobilium, atque re- gum. Ev. At non cauponantur. PA. Sæpe nobis felicius. Ev. Quod genus ex his delegisti? PA. Omnes formas ex- pertus sum. Ev. Nulla placuit? PA. Imo perplacuerant omnes, si licuisset statim negotiari. Verum perpendebam mihi diu sudandum in choro, priusquam crederetur mi- hi negotiatio. Jamque cogitare coepi de venanda Abba- tia: sed primum, non omnibus heic ⁴ favet Delia, & sæpe longa est venatio. Itaque consumtis hunc in modum annis octo, cum esset nuntiata mors patris, domum reversus, ex consilio matris duxi uxorem, & ad veterem negotiatio- nem redii. GL. Dic mihi, cum tam subinde novam vestem sumeres, ac velut in aliud animal transformareris, qui po- tuiisti servare decorum? PA. Qui minus quam hi qui in ea- dem fabula nonnunquam aliam atque aliam sumunt perso- nam? Ev. Dic nobis bona fide, qui nullum vitæ genus non expertus es, quod omnium maxime probas? PA. Non omnibus omnia congruunt: mihi nullum magis arridet, quam hoc quod secutus sum. Ev. Multa tamen incommo- da habet negotiatio. PA. Sic est. Sed quando nullum vitæ genus omnibus caret incommodis, hanc Spartam, quæ contigit, orno. Verum nunc superest Eusebius, qui non gravabitur apud amicos vitæ suæ scenam aliquam expli- care. Ev. Imo totam fabulam, si videtur: nam habet actus non multos. GL. Erit magnopere gratum. Ev. Ubi re- dissem in patriam, annum apud me deliberavi quodnam vitæ genus amplecti vellem; simulque me ipsum explora- vi, ad quod genus essem propensus aut idoneus. Interim oblata est *Præbenda*, quam vocant, satis opimi proventus: accepi. GL. Vulgo male audit hoc vitæ genus. Ev. Mihi, ut sunt res humanæ, satis exoptandum videtur. An medio- crem felicitatem esse putatis, subito velut e cælo dari tot commodam, dignitatem, ædes honestas, beneque instructas, annuos redditus satis amplios, fodalitium honorificum, de- inde templum, ubi, si libeat, vaces religioni? PA. Illic me luxur offendebat, & concubinarum infamia; tum quod ple- rique istius generis odere literas. Ev. Ego non specto quid agant alii, sed quid mihi sit agendum: & melioribus me adjungo, si non possum alios meliores reddere. Po. In isto genere vixisti perpetuo? Ev. Perpetuo, nisi quod interim quatuor annos primum egi Patavii. Po. Quam ob rem? Ev. Hos annos ita partitus sum, ut sesquiannum darem studio Medicinæ, reliquum tempus Theologiæ. Po. Cur id? Ev. Quo melius & animum & corpus meum moderarer, non- nunquam & amicis consulere. Nam & concionor non- nunquam, pro mea sapientia. Sic hæcenus satis tranquille vixi, contentus unico sacerdotio, nec præterea quidquam ambiens, recusaturus etiam si offeratur. PA. Utinam lice- ret discere, quid agant cæteri nostri sodales, quibuscum- tum familiariter viximus? Ev. De nonnullis possum com- memorare quædam, sed video nos non procul abesse a civi- tate: quare, si videtur, conveniemus in idem diversorium: ibi per otium de cæteris conferemus affatim. *Huiusmodi au- riga*. Unde tam miseram sarcinam nactus es, luscæ? *Henri- cus auriga*. Imo quo tu defers istud lupanar, ganeo? *Hug.* Debueras istos frigidos fenes alicubi effundere in urtica- tum, ut calefcerent. *Hen.* Imo tu istum gregem cura ut præcípites alicubi in profundam lamam, ut refrigerentur, nam calent plus satis. *Hug.* Non soleo præcipitare sarcinam meam. *Hen.* Non? Atqui nuper vidi te sex Carthusienses dejecisse in coenum sic, ut pro candidis emergerent nigri: tu interim, quasi re bene gesta, ridebas. *Hug.* Nec injuria, dormiebant omnes, ac multum ponderis addebant currui meo. *Hen.* At mei fenes egregie sublevarunt currum meum, per totum iter perpetuo garrientes. Nunquam vidi melio- res. *Hug.* Non soles tamen talibus delectari. *Hen.* Sed hi feniculi boni sunt. *Hug.* Qui scis? *Hen.* Quia per eos ter- bibi per viam cerevisiam insigniter bonam. *Hug.* Ha ha hæ. Sic tibi boni sunt.

Tom. I. Aaa , ΠΤΩΧΟ-

¹ Oportet testudines edere, aut non edere. Vide Chilliades.

² Τὸ τέχνην πᾶσα, &c.] *Artem quævis alis terra*. Proverbialis sen- tentia, qua significatum est certissimum viaticum esse eruditionem, aut ar- tificium aliquod. Nam hæc neque eripi possunt a latronibus, neque gra- vant circumferentem, quocunque terrarum abeat te comitantur.

³ *Chiromanticum*] *ἡ χηρομαντεία*, divinatio ex inspectione ma- nus.

⁴ *Favet Delia*] Alludit auctor ad adagium, *irata Delia venari*. Allegoria sumta a venatoribus, quibus, secundum Ethnicorum opi- nionem, pulchre succedebat venatio, si faveret illis Delia, sive Dia- na: (Delia nomen gentile, a patria Delo) minus autem, si iisdem irascetur.

ΠΤΩΧΟΠΑΟΥΣΙΟΙ.

CONRADUS, BERNARDINUS, PASTOR,
PANDOCHEUS, UXOR.

Co. **A** Tqui pastorem decet hospitalitas. Pas. Pastor sum ovium; non amo lupos. Co. At non perinde fortassis odisti lupos. Sed quo tandem merito sic abhorres a nobis, ut ne tecto quidem digneris? Neque enim te gravabimus cœna. Pas. Dicam, quia si conspiceretis in ædibus meis gallinam aliquam, aut pullos gallinaceos, cras in concione traduceret apud populum. Hanc soletis referre gratiam communicati hospitii. Co. Non omnes sumus istiusmodi. Pas. Sitis cuiusmodi voletis; ego vix sancto Petro fiderem, si tali cultu veniret ad me. Co. Si ita stat sententia, saltem indica diverforium aliud. Pas. Est in hoc vico diverforium publicum. Co. Quod habet signum? Pas. In tabula pensili, videbitis canem os inferentem in ollam: hoc agitur in culina. Ad abacum rationalem sedet lupo. Co. Signum inauspicatum. Pas. Fruamini. Be. Quod genus Pastoris hoc est? per illum liceret perire fame. Co. Si non melius pascit oves, quam nos, oportet esse parum obesas. Be. In malis rebus, opus est bono consilio. Quid fiet? Co. Perfricanda frons est. Be. Nimirum inutilis est pudor, cum urget necessitas. Co. Admodum; sanctus Franciscus aderit nobis. Be. Pro fortuna. Co. Non expectabimus? Pandochei responsum pro foribus, sed recta irrumpemus in ipsum vaporarium, nec facile patiemur nos ejici. Be. O facinus impudens! Co. Hoc satius, quam noctem agere sub dio, ac perire frigore. Interim depone pudorem in sacculo, cras resumpturus, ubi videbitur. Be. Scilicet, sic res ipsa suadet. PAN. Quod animantium genus hic video? Co. Servos Dei, filios sancti Francisci, vir optime. PAN. An Deus talibus servis delectetur, nescio: ego mihi nolim multos esse domi. Co. Quam ob rem? PAN. Quia ad edendum & bibendum pliusquam viri estis, ad laborandum nec manus habetis, nec pedes. Ohe vos estis filii sancti Francisci? Soletis prædicare eum esse virginem, & ille habet tot filios? Co. Spiritus filii sumus, non carnis. PAN. Infelix genitor ille. Nam quod in vobis pessimum est, animus est: corpore nimium valetis; planeque melius habetis ista parte, quam expedit nobis, qui alimus uxorem, & filias. Co. Tu forte suspicaris nos esse ex eorum genere, qui degenerant a progenitoris instituto: nos sumus Observantes. PAN. Ego igitur observabo, ne quid adferatis detrimenti. Nam istud genus ego odi pessime. Co. Quam ob rem, te quaeso? PAN. Quia circumfertis dentes, nec circumfertis pecuniam. Hoc genus hospitum mihi est ingratiissimum. Co. An laboramus vobis. PAN. Vultis ostendam vobis quo modo laboretis? Co. Ostende. PAN. Inspicite picturam vobis proximam ad lavam: illic videtis vulpem concionantem, sed a tergo aufer collum profert e cuculla. Rursum videtis lupum absolvertem confectum, sed prominet pars ovis occultata sub veste. Videtis simiam asidentem ægroto in veste Franciscana; altera manu præfert crucem, alteram habet in crumena ægrotantis. Co. Non inficiamur hac veste nonnunquam tegi lupos, vulpes, ac simias; sed fatemur etiam sæpe tegi porcos, canes, equos, leones, ac regulos: quin eadem vestis tegit multos bonos viros. Vestis ut neminem reddit meliorem, ita nullum reddit deteriore. Proinde iniquum est, quenquam ex veste æstimare: alioqui tua vestis, qua nonnunquam uteris, esset exsecranda, quæ multos tegit fures, homicidas, veneficos & adulteros. PAN. De veste cedam, si numeretis. Co. Rogabimus Deum pro te. PAN. Ego vicissim pro vobis, operam opera pensans. Co. Atqui non ab omnibus accipiendum. PAN. Cur vobis religio est contingere pecuniam? Co. Quia pugnat cum professione nostra. PAN. Itidem cum mea professione pugnat, admittere gratuitum hospitem. Co. At nos cogit regula, non contingere pecuniam. PAN. At mea regula diversum præcipit. Co. Ubi est tua regula? PAN. Lege versus istos:

Hospes, in hac mensa fuerint cum viscera tensa,

Surgere ne properes, ni prius annumeres.

Co. Nos non erimus tibi sumtui. PAN. At qui mihi non sunt sumtui, ne quaestui quidem sunt. Co. Deus abunde pensabit, si quid officii nobis præstiteris. PAN. Istis verbis

1 ΠΤΩΧΟΠΑΟΥΣΙΟΙ] Quasi dicas divites mendicos; a πτωχός mendicus & πλούσιος dives.

2 Pandocheus] Caupo. A Pandochium, diverforium seu taberna, quæ hospites quosvis recipit, a πᾶς, omnis, & δέχομαι, recipio.

A non alo familiam. Co. Abdemus nos in angulum vaporarii, neque cuiquam erimus molesti. PAN. Non fert tales homines hoc vaporarium. Co. Itane nos ejicis, fortassis hac nocte devorandos a lupis? PAN. Lupus lupinam non est, ut nec canis caninam. Co. Crudelis esses, si hoc faceres Turcis: quales quales sumus, homines sumus. PAN. Surdo canitis. Co. Tu molliter foves corpus tuum, nudus recubans post vaporarium; & nos extrudis frigore nocturno perituros, etiam si parcant lupi. PAN. Sic vixit Adam in paradiso. Co. Vixit, sed innocens. PAN. Et ego innocens. Co. Fortassis detracta syllaba prima. At vide, si tu nos nunc extrudis e paradiso tuo, ne Deus te non recipiat in suum. PAN. Bona verba. Ux. Mi vir, tot tua malefacta saltem hoc beneficio pensa: patere hos hac nocte tecto nostro uti: sunt viri boni, senties quaestum hinc fieri uberiores posthac. PAN. Ecce deprecatricem; suspicor convenire inter vos; nec admodum lubens audio hoc elogium a muliere, viri boni. Ux. Hau: non ita est, sed cogita quoties peccaris alea, temulentia, rixis, pugnis; saltem hac elemosyna redime tua peccata, nec ejicias hos, quos optaris tibi adesse morienti. Scuras & sanniones recipis sæpenumero; & hos extrudis? PAN. Unde ista concionatrix nobis? Abi tu, & cura rem culinariam. Ux. Id quidem fiet. Be. Mitefcit, & sumit indusium lineum, spero fore recte. Co. Et mensam insternunt pueri. Bene habet, quod nulli veniunt hospites; alioqui nobis erat exsulandum. Be. Feliciter cecidit, quod e proximo oppidulo retulimus nobiscum lagunculam vini, & agni coxam asiam: alioqui hic, ut video, ne fœnum quidem impartisset nobis. Co. Jam accubere pueri: adjungamus nos in mensæ partem, sic tamen, ne cui incommodemus. PAN. Vobis imputandum arbitror, quod hodie nullum habeo convivam, præter domesticos & vos inutiles. Co. Nisi frequenter hoc accidit, imputa nobis. PAN. Frequentius quam vellem. Co. Noli laborare; vivit adhuc Christus, qui non deseret suos. PAN. Audivi vos dici Evangelicos: & Evangelium prohibet per viam circumferri peram aut panes: vos manicas habetis pro pera, ut video: nec panes modo circumfertis, verum etiam vinum, & delicias carniarum. Co. Fruere nobiscum, si libet. PAN. Meum vinum ad istud collatum, vappa est. Co. Gusta & de carnibus; nobiscum superest. PAN. O felices mendicos! uxor mea nihil hodie coxit, præter caules & laridum rancidum. Co. Communicemus, si videtur, nostros apparatus. Nam nostra nihil refert, quibus vescamur. PAN. Cur igitur non circumfertis caules & vappam? Co. Quoniam hæc nobis obtrudere maluerunt, apud quos hodie pransi sumus. PAN. Gratis pransi? Co. Maxime. Imo gratias etiam egerunt, & abeuntes his apophoretis onerarunt. PAN. Unde venitis? Co. E Basilea. PAN. Hui, e tam longinquo? Co. Sic est. PAN. Quod tandem genus hominum estis vos, qui sic oberratis sine jumento, sine crumena, sine famulatio, sine armis, sine comœatu? Co. Vides quaecunque vestigium Evangelicæ vitæ. PAN. Mihi videtur errorum vita, qui vagantur cum reticulo. Co. Tales erronei erant Apostoli: talis erat & Dominus Jesus. PAN. Nostis artem chiromanticam? Co. Nihil minus. PAN. Unde igitur suppetit victus? Co. Ab eo, qui promissit. PAN. Quis ille? Co. Qui dixit, *Nolite esse solliciti, hæc omnia adjicientur vobis*. PAN. Promissit, sed quaerentibus regnum Dei. Co. Id facimus pro virili. PAN. Apostoli clarebant miraculis, sanabant ægrotos: proinde non mirum illis ubique suppetisse victum: vos nihil tale potestis. Co. Possemus, si similes essemus Apostolis, & si res posceret miraculum. At miracula data sunt ad tempus incredulis; nunc nihil opus, nisi pia vita. Et sæpe felicius est ægrotare, quam valere: sæpe felicius mori, quam vivere. PAN. Quid igitur vos facitis? Co. Quod possumus, pro sua quisque dote divinitus donata consolamur, exhortamur, admonemus, corripimus; ubi se dederit occasio: nonnunquam & concionamur, sicubi comperimus Pastores mutos: si non datur prodesse, damus operam ne quem lædamus moribus & lingua. PAN. Utinam cras velis nobis concionari! Nam dies est apud nos festus. Co. Cui divo? PAN. Antonio. Co. Fuit is quidem vir bonus; sed unde dies festus? PAN. Dicam: Abundat hic vicus subulcis, propter vicinum nemus glandiferum. Et persuasum est, Antonio delegatam curam ejus pecoris: & ideo colunt illum, ne

3 Nolite esse solliciti] Verba Christi sunt Math. 6. 25.

sæviat neglectus. Co. Utinam vere colerent illum! PAN. Quo pacto? Co. Sanctissime coluit divos, quisquis imitatus est. PAN. Totus hic vicus cras perstrepet compotationibus, saltationibus lufibus, rixis & pugnis. Co. Sic Ethnici quondam colebant Bacchum suum. Miror autem, si sic cultus Antonius, non sævit in homines ipso pecore stultiores. Qualem habetis Pastorem? mutum, ac malum? PAN. Qualis sit aliis, nescio: mihi optimus est: nam hic potat totos dies: neque quisquam plures adducit, aut meliores comibones, magno meo bono. Atque adeo demiror illum nunc abesse. Co. Nos experti sumus parum commodum. PAN. Quid audio? salutatis hominem? Co. Ambivimus apud illum hospitium; ille non aliter quam lupos abegit a limine, & huc jussit abire. PAN. Ha, ha, nunc intelligo. Hinc est, quod noluit adesse, quod sciret vos heic futuros. Co. Estne mutus? PAN. Mutus? Nemo illo vocalior in vaporario; ac strenue boāt in templo: concionantem nunquam audiui. Sed quid pluribus opus? vos ipsi sensistis, ut intelligo, non esse mutum. Co. Estne peritus sacrarum litterarum? PAN. Ait se peritissimum: sed quidquid talium rerum didicit, didicit in secreta confessione, sic ut fas non sit proferre apud alios. Quid multa? Dicam in summa, qualis est populus, talis est Sacerdos, & plane nata est suum patella operculum. Co. Fortasse non dabit locum concionaturo. PAN. Dabit, ad me recipio; sed hac lege, ne quid in illum jaculere, quemadmodum plerique soletis. Co. Rei mala assueverunt, qui hoc solent: ego clam admonco Pastorem, si quid offendit: quod superest, Episcoporum est munus. PAN. At tales aves huc raro devolant. Equidem video vos esse viros bonos. Sed quid sibi vult ista vestium varietas? Nam plerique hoc ipso judicant vos esse malos, quod sic vestiamini. Co. Unde id? PAN. Nescio, nisi quod tales multi comperiantur. Co. Multi hoc ipso judicant nos esse sanctos, quod sic vestiamur: peccant utrique; sed tamen humanius peccant, qui ex veste bene de nobis suspicantur, quam qui male. PAN. Esto sane. Sed quæ tandem utilitas tot discriminum? Co. Quid tu censēs? PAN. Mihi quidem nulla videtur, nisi in pompis, aut in bellis; in pompis enim circumferuntur variae personæ, Sanctorum, Judæorum, Ethnicorum: has ex diverso cultu dignoscimus. In bellis autem hoc præstaret cultuum varietas, ut suum quæque vexillum copiae sequerentur, neque fieret ordinum confusio. Co. Pulcre dicis, & hæc vestis est militaris: alius alium ducem sequimur; sed omnes militamus sub uno Cæsare Christo. Verum in veste tria spectanda sunt. PAN. Quæ? Co. Necessitas, usus & decorum. Cur sumimus cibum? PAN. Ne pereamus fame. Co. Sic aliquando fumenda vestis, ne pereamus frigore. PAN. Fateor. Co. Hoc melius præstat hæc vestis, quam tua: tegit enim & caput, & collum, & scapulas, unde plurimum est periculi. Usus postulat varia vestium genera. Equitaturum convenit brevis, quiescenti longa; in æstate tenuis, in hieme densa. Sunt Romæ, qui singulis diebus ter commutant vestem: mane sumunt duplicatam pellibus, sub meridiem accipiunt simplicem, rursus sub noctem aliquanto crassiorum. Verum non omnibus suppetunt mutatoria: proinde hæc vestis reperta est, una ad plurimos usus accommodata. PAN. Qui sic? Co. Si fiat Boreas, aut si fervet Sol, adducimus cucullam: si calor offendit, demittimus in tergum: si quiescendum est, demittimus vestem: si ambulandum, subducimus, aut succingimus etiam. PAN. Non pessime sapuit, quisquis hoc invenit. Co. Est autem hoc ad bene vivendum præcipuum, ut homo consuescat esse paucis contentus, alioqui si deliciis aut affectibus indulgere cœperimus, nullus erit finis. At nulla vestis inveniri potuit, quæ una tot commoditatibus subserviret. PAN. Assentior. Co. Nunc decorum inspiciamus. Dic mihi bona fide, si tu sumeres uxoris tuæ vestem, nonne dicerent omnes te facere præter decorum? PAN. Dicerent me insanire. Co. Quid tu diceres, si illa sumeret vestem tuam? PAN. Fortasse nihil mali dicerem, sed contunderem eam bonis fustibus. Co. Atque nihil refert, quia veste utaris. PAN. Heic plurimum refert. Co. Nec mirum. Nam & Ethnicorum leges puniunt virum ac foeminam, si diverſi sexus cultum sumserint. PAN. Nec injuria. Co. Age, quid si senex octogena-

rius sumeret sibi vestitum adolescentis quindecim annos nati; aut contra, si juvenis sumeret vestem senis, nonne dicant omnes, rem esse fustuario dignam? Aut si anus coleretur ad modum adolescentulæ, & contra? PAN. Admodum. Co. Itidem, si laicus sumat cultum sacerdotis, contra sacerdos laici. PAN. Uterque faceret indecore. Co. Quid si privatus sumeret ornamentum Principis, aut sacerdos privatus Episcopi, num faceret indecore? PAN. Scilicet. Co. Quid si civis sumeret cultum militis; plumas, cæteraque stultitiæ Thraconicæ insignia? PAN. Rideretur. Co. Quid si inter milites, Anglus gestaret crucem albam, Helvetius rubram, Gallus nigram? PAN. Faceret impudenter. Co. Quid itaque miraris nostrum hunc cultum? PAN. Quid interfit inter privatum & Principem, inter virum ac foeminam, scio: quid interfit inter monachum ac non monachum, nescio. Co. Quid interest inter pauperem & divitem? PAN. Fortuna. Co. Et tamen indecorum esset, si pauper imitaretur cultum divitis. PAN. Verum, ut nunc ferme coluntur divites. Co. Quid inter fatuum & sapientem? PAN. Aliquanto plus quam inter divitem & tennem. Co. Nonne moriones aliter vestiuntur, quam qui sapiunt? PAN. Nescio quid vos deceat, attamen vester cultus non multum abest ab illorum cultu, si quis addat aurículas & tintinnabula. Co. Hoc plane deest: & sumus hujus mundi moriones, si modo vere sumus quod profitemur. PAN. Quid vos sitis, nescio: illud scio, multos esse moriones, gestantes aurículas & tintinnabula, qui plus sapiant iis, qui gestant pilæ suffulta pellibus, epomides, reliquaque sapientum insignia. Itaque mihi stultissimum videtur, sapientiam profiteri veste potius, quam ipsa re. Vidi quendam plusquam morionem, qui gestabat vestem usque ad talos demissam, epomidem Magistri nostri: aderat & vultus, qui videri posset gravis Theologi: disputabat apud omnes non sine specie gravitatis: magnatibus autem non minus erat jucundus, quam quivis alius morio, cum stultitiæ genere superaret omnes. Co. Quid igitur tu postulas? ut Princeps, qui ridet morionem, commutet cum illo vestem? PAN. Fortassis hoc postulare aliquando decorum, quod tu proponis, si libeat repræsentare vestem quidquid est in animo. Co. Urges tu quidem, sed tamen arbitror non sine causâ vestem suam additam morionibus. PAN. Ob quam? Co. Ne lædantur a quoquam, si quid imprudenter dixerint, aut fecerint. PAN. Non dicam interim, quod ista res quovis irritat potius ad lædendum, adeo ut frequenter & stultis fiant infani. Nec video cur, cum bos corrupta, qui occiderit hominem, aut canis, aut sus, qui occiderit infantem, afficiantur supplicio; morio qui scelera tiora commiserit, præsidio stultitiæ sinatur vivere: illud expeto, cur vos distinguamini cultu a cæteris? Nam si quævis causâ sufficit ad diversum cultum, oporteret pistorem aliter vestiri quam piscatorem, calcearium aliter quam vestiarium, aliter pharmacopolam quam œnopolam, aliter aurigam quam nautam. Vos, si sacerdotes estis, cur secus vestimini quam reliqui sacerdotes? Si laici, cur a nobis differtis? Co. Olim monachi nihil aliud eramus, quam purior pars laicorum: & hoc intererat inter monachum & alium laicum, quod nunc interest inter frugalem & probum virum, suis manibus alentem familiam, & inter 2 Snaphanum ex prædationum redditu jactantem sese: post Romanus Pontifex addidit nobis suos honores: vestis ex nobis nata est dignitatem, quæ nunc nec laicorum est, nec sacerdotum; sed tamen hujus, qualis qualis est, non pudit aliquando Cardinales & summos Pontifices. PAN. At tandem decorum illud unde sumitur? Co. Nonnunquam ex ipsa rerum natura, nonnunquam ex consuetudine mortalium & opinione. Nonne judicarent omnes absurdum, si quistergore bubulo sic vestiretur, ut cornua prominere in capite, & cauda traheretur humi? PAN. Ridiculum sane. Co. Rursum si quis vestem haberet, quæ faciem ac manus tegetet, pudenda ostenderet? PAN. Multo absurdus. Co. Ob id notati sunt ab Ethnicis quoque scriptoribus, qui multicia sumerent foeminis etiam indecora. Verecundius enim est nudum esse, qualem te offendimus in vaporario, quam uti veste pellucente. PAN. Ego puto totum hoc de cultu pendere a consuetudine ac persuasione mortalium.

Tom. I. Aaa 2 Co.

1 *Diverſi sexus cultum*] Ita & Tiberius apud Tacitum Annal. libro 111. Damnabat vestes viris & mulieribus promiscuas. Imo Deusipse Deut. 22. 5.

2 *Snaphanum*] Sic Germani vocant prædonum genus subito ex arcibus adorientium viatorem, mitigato vocabulo. Dicti autem a scloporum genere quod facile nitrato pulvere oneratur & explodiatur, ideoque ad suas excursions aptissimum; Belg. een Snaphaan.

Co. Qui sic? PAN. Non multi sunt dies, quod heic diver-
fati sunt, qui se prædicarent peragrasse varias regiones nu-
per inventas, & quas in priscorum cosmographorum pictu-
ris desideramus. Hi se narrabant pervenisse ad insulam quan-
dam cæli temperatissimi, ubi summi dedecoris loco habe-
batur tegere corpus. Co. Isti fortassis belluarum ritu vive-
bant. PAN. Imo, ut agebant, humanissimam agebant vi-
tam. Degebant sub Rege; cum comitabantur ad opus ma-
ne, non amplius quam horam, etiam singulis diebus. Co.
Quid operis faciebant? PAN. Evellebant radicum genus,
quod illis tritici loco est, & tritico cum gratius, tum salu-
brius, quo peracto redeunt ad suum quisque negotium, &
quod cuiusque libitum est animo, faciunt. Sancte educant
liberos, vitant & puniunt flagitia, sed nullum acerbius quam
adulterium. Co. Quo supplicio? PA. Fœminis ignoscitur;
datur hoc sexui: cæterum viris adulterii convictis hæc
pœna est, ut per omnem vitam in publicum prodeant,
membro pudendo velo obtecto. Co. O grave supplicium!
PA. Atqui consuetudo persuasit illis, hoc esse quovis sup-
plicio gravius. Co. Ubi contempler quid possit persuasio,
propemodum assentior tibi. Etenim si quis vellet furem,
aut homicidam afficere extrema ignominia, nonne satis ef-
fet, si præcideret illi interulam supra nates, si partes puden-
das turpiter prominentes lupinis pellibus convestiret; cali-
gas diversis coloribus variegaret: vestem, quæ thoracem
tegit ac brachia, totam conscinderet, veluti rete faciens e
veste, scapulas & pectus nudaret; barbam partim demete-
ret novacula, partim dmitteret, partim intorqueret; ca-
pillos tonderet, adderet pileum undique sectum, cum in-
genti fasciculo plumarum, ac sic juberet prodire in publi-
cum? Nonne magis traduceret hominem, quam si morio-
nis cucullam adderet cum auriculis prælongis ac tintinna-
bulis? Et tamen sic ultro sese ornant milites, ac sibi pla-
cent: & reperiunt quibus hoc pulchrum videatur, cum nihil
possit esse infamius. PA. Imo non desunt honesti cives, qui
hoc pro viribus æmulentur. Co. Atqui si quis nunc conetur
Indorum æmulari cultum, qui plumis avium vestiuntur,
nonne pueris omnibus videretur insanire? PA. Prorsus.
Co. Atqui quod nos miramur, etiam longe infamius est il-
lo. Proinde ut verum est, nihil esse tam absurdum quod
non commendat assuetudo: ita negari non potest, in vesti-
bus esse quoddam decorum, quod apud sanos & cordatos
semper decorum est: ac rursus indecorum, quod apud om-
neis qui sapiunt, indecorum videri debet. Quis enim non
ridet, quoties videt fœminas onustas longa vestis coronide,
quæ nobilitatem generis caudæ longitudine metiuntur?
Quamquam hoc non pudet imitari quosdam Cardinales
duntaxat in palliis. Et tamen res est adeo violenta, *consue-
tudo*, ut non sit huic aut illi liberum mutare quod receptum
est. PA. Satis de consuetudine. Sed dic tu mihi quid sen-
tias, utrum existimes satius, monachos non differre a cæte-
ris cultu, an differre? Co. Equidem arbitror simplicius &
Christianius, non æstimari quemquam ex cultu, modo sit
honestus ac decorus. PA. Cur igitur vos non abjicitis cu-
cullas? Co. Cur Apostoli non statim vescebantur cibis qui-
buslibet? PA. Nescio: dic tu. Co. Quoniam obstabat in-
victa consuetudo. Quod enim penitus infixum est animis
hominum, multoque usu confirmatum inveteravit, ac vel-
ut in naturam abiit, subito tolli sine magna perniciæ tran-
quillitatis humanæ non potest: sed ita paulatim submoven-
dum est, quemadmodum ille revulsit pilos caudæ equinæ.
PAN. Tolerarem, si monachorum omnium esset unus cul-
tus: tot discrimina quis ferat? Co. Hoc malum usus inve-
xit, qui nihil non invehit. Benedictus non commentus est
novum cultum, sed is quo tum utebatur cum suis, erat cul-
tus laici simplicis ac probi. Nec Franciscus invenit novam
formam, sed hæc erat vestis pauperum ac rusticorum. Po-
steriores additis quibusdam verterunt rem in superstitionem.
Nonne videmus & hodie quasdam anus tenentes sui
seculi cultum, qui magis est diversus a cultu horum tempo-
rum, quam meus cultus abest a tuo? PAN. Videmus. Co.
Itaque cum hunc cultum alius, vides reliquias prisce seculi.
PAN. Ergo nihil habet aliud sanctimonix cultus vester? Co.
Nihil prorsus. PAN. Quidam jactant istos cultus præmon-
stratos divinitus a diva Virgine matre. Co. Ista sunt homi-
num somnia. PAN. Sunt qui desperent se posse a morbo re-
valescere, si vestiantur cultu Dominicano: imo, qui ne

1 Ne sepeliri quidem velint] Vide & Erasmi librum de Lingua.

A sepeliri quidem velint, nisi in veste Franciscana. Co. Ista
qui suadent, aut captatores sunt, aut fatui: qui credunt, su-
perstitiosi. Deus non minus dignoscit nebulonem in veste
Franciscana, quam in militari. PAN. At minor est pluma-
rum varietas in avibus, quam in vobis cultus. Co. An non
itaque pulcrum est imitari naturam? sed pulcrius vincere.
PAN. Utinam vineeretur & rostrorum varietate! Co. Sed
age, varietati quoque patrocinator, si pateris. Nonne ali-
ter vestitus Hispanus, aliter Italus, aliter Gallus, aliter
Germanus, aliter Græcus, aliter Turca, aliter Saracenus?
PAN. Scilicet. Co. Et in eadem regione quanta varietas ve-
stium, etiam in ejusdem sexus, ætatis, & ordinis homini-
bus? Quanto alius cultus Veneto, alius Florentino, alius
Romano? Atque hæc intra unam Italiam. PAN. Credo.
B Co. Hinc nata est & nostra varietas. Dominicus sumsit
cultum a probis agricolis ejus Hispaniæ partis, in qua vixit:
Benedictus a rusticis ejus Italiæ partis, in qua vixit: Fran-
ciscus ab agricolis diversæ partis: atque idem de cæteris.
PAN. Proinde quantum video, vos nihilo estis sanctiores
nobis, nisi sanctius vixeritis. Co. Imo pejores vobis, qui
parum pie viventes, gravius offendamus animos simplici-
um. PAN. Est igitur aliqua spes de nobis, qui nec patro-
num habemus, nec cultum, nec regulam, nec professio-
nem? Co. Habes, ô bone; vide ut serves: quære a susce-
ptoribus tuis, quid professus sis in baptismo, quam vestem
illic acceperis. Et humanam regulam desideras, qui regu-
lam Evangelicam professus sis? Desideras hominem Patro-
num, qui Patronum habeas Jesum Christum? Cum duce-
res uxorem, nihil professus es? Cogita quid debeas conju-
gi, quid liberis, quid familiæ; & senties, te plus habere far-
cinæ, quam si Francisci regulam professus esses: PAN. Cre-
disne ullum Pandocheum ingredi coelum? Co. Quid ni?
PAN. Multa fiunt, ac dicuntur in hac domo, quæ parum re-
spondent Evangelio. Co. Quæ? PAN. Alius bibit plus fa-
tis, alius obscene loquitur, quidam rixantur, quidam ob-
trectant: denique an cætera sint casta, nescio. Co. His oc-
currendum est, quantum potes: si non potes, certe ne alas
quæstus causâ hæc mala, neve accersas. PAN. Nonnunquam
parum bonæ fidei sum in vino. Co. Qui sic? PAN. Ubi sen-
sero illos plus satis incalescere, largiter aquam admisceo.
Co. Istud quidem levius est, quam si quibuslibet vendas vi-
num periculosis medicamentis infectum. PAN. Dic mihi
serio, quot dies fuisti in hoc itinere? Co. Mensem ferme.
PAN. Quis interim vos curat? Co. Nonne bene curantur,
qui habent uxorem, liberos, parentes, & cognatos? PAN.
Sæpenumero. Co. Tu non habes nisi unam uxorem, nos
centum: tu non nisi unicum patrem, nos centum: tu non
nisi unicam domum, nos centum: tu non nisi paucos libe-
ros, nos innumeros: tu non nisi paucos cognatos, nos infi-
nitos. PAN. Qui sic? Co. Quia latius se porrigit cognatio
Spiritus, quam carnis. Et ita nobis pollicitus est Christus,
& experimur verum quod pollicitus est. PAN. Næ tu mihi
præbuisi sat lepidum convivium: emoriar, nisi malim hanc
confabulationem, quam Pastoris mei computationem. Cras
dignaberis aliquid dicere populo. Et si posthac continget te
hac facere iter, scito tibi heic paratum locum. Co. Quid si
alii veniant? PAN. Non erunt ingrati, modo tui similes.
Co. Meliores, uti spero. PAN. Verum inter tam multos
malos, quomodo dignoscam bonos? Co. 2 Dicam paucis,
sed in autem. PAN. Dic. Co. PAN. Meminero; & faciam.

Abbas & Erudita.

3 ANTRONIUS, MAGDALIA.

AN. Quam heic ego supellestem video? MA. An
non elegantem? AN. Nescio quam elegantem,
certe parum decoram & puellæ, & matronæ. MA. Quam
ob rem? AN. Quia librorum plena sunt omnia. MA. Tu
tantus natu, tum abbas, & aulicus, nunquam vidisti libros in
ædibus heroinarum? AN. Vidi, sed Gallice scriptos: heic
video Græcos, & Latinos. MA. An soli Gallice scripti libri
docent sapientiam? AN. Sed decet hoc heroinas, ut habeant
quo delectent otium. MA. An solis heroinis licet sapere,
& suaviter vivere? AN. Male connectis, sapere & suaviter
vive-

2 Dicam paucis] Simili joco Reuchlinus claudit opus de verbo miri-
fico.

3 Antronijs] Alludit ad proverbium, ἀντρίος ὄνος. Olim dicebatur,
qui deformi prægrandique mole corporis esset, cæterum ingenio stupido
baroque. Antron autem civitas erat Thessaliæ, nomen inde sortita, quod
cavernis & specubus abundaret. Illic ajunt asinos insigni magnitudine quo-
dam fuisse, unde proverbium increbuit.

vivere: non est muliebre sapere: heroinarum est suaviter vivere. MA. Nonne omnium est bene vivere? AN. Opinor. MA. Qui potest autem suaviter vivere, qui non vivat bene? AN. Imo qui potest suaviter vivere, qui vivat bene? MA. Ergo tu probas eos, qui vivunt male, modo suaviter? AN. Arbitror illos bene vivere, qui vivunt suaviter. MA. Sed ista suavitas unde proficiscitur; e rebus extrariis, an ex animo? AN. E rebus extrariis. MA. O subtilem Abbatem, sed crassum Philosophum! Dic mihi, quibus rebus tu metiris suavitatem? AN. Somno, conviviis, libertate faciendi quæ velis, pecunia, honoribus. MA. Verum, si istis rebus Deus addiderit sapientiam, num vives suaviter? AN. Quid appellas sapientiam? MA. Hoc est, si intelligeres hominem non esse felicem, nisi bonis animi; opes, honores, genus, neque feliciorum reddere, neque meliorem. AN. Valeat ista quidem sapientia. MA. Quid si mihi suavius sit legere bonum auctorem, quam tibi venari, potare, aut ludere aleam; non videbor tibi suaviter vivere? AN. Ego non viverem. MA. Non quæro, quid tibi sit suavius, sed quid deberet esse suave. AN. Ego nolim meos monachos frequentes esse in libris. MA. At meus maritus hoc maxime probat. Sed quam ob rem tandem non probas hoc in monachis tuis? AN. Quoniam ex prior illos minus morigeros: responsum ex Decretis, ex Decretalibus, ex Petro & Paulo. MA. Imperas igitur quæ pugnant cum Petro & Paulo? AN. Quid illi doceant, nescio: sed tamen non amo monachum responsorem: neque velim quenquam meorum plus sapere, quam ego sapiam. MA. Istud ita vitari possit, si tu des operam, ut quam plurimum sapias. AN. Non est otium. MA. Qui sic? AN. Quia non vacat. MA. Non vacat sapere? AN. Non. MA. Quid obstat? AN. Prolixæ preces, cura rei domesticæ, venatus, equi, cultus aulae. MA. Itane ista tibi sunt potiora sapientia? AN. Nobis sic usu venit. MA. Jam illud mihi dicito, si quis Jupiter hanc potestatem tibi daret, ut possis & monachos tuos, & te ipsum vertere in quodcumque animal velles, an illos in porcos verteres, te ipsum in equum? AN. Nequaquam. MA. Atque sic vitares, ne quis plus te uno saperet. AN. Mea non magni referret, quod genus animantis essent monachi, modo ipse essem homo. MA. An hominem esse censeres, qui nec sapiat, nec velit sapere? AN. Mihi sapio. MA. Et sibi sapiunt sues. AN. Videre mihi sophistria quæpiam, ita argutaris. MA. Non dicam quid tu mihi videaris. Sed cur hæc displicer supellex? AN. Quia fufus & colus sunt arma muliebria. MA. Nonne matronæ est, administrare rem domesticam, erudire liberos? AN. Est. MA. An rem tantam existimas administrari posse sine sapientia? AN. Non arbitror. MA. At hanc sapientiam docent me libri. AN. Ego domi habeo sexaginta duos monachos, tamen nullum librum reperies in meo cubiculo. MA. Bene itaque prospectum est monachis illis. AN. Feram libros, non fero Latinos. MA. Quapropter? AN. Quia non convenit ea lingua foeminis. MA. Exspecto causam. AN. Quia parum facit ad tuendam illarum pudicitiam. MA. Ergo nugacissimis fabulis pleni libri Gallice scripti, faciunt ad pudicitiam? AN. Aliud est. MA. Dic istud, quidquid est, aperte. AN. Tutiores sunt a Sacerdotibus, si nesciant Latine. MA. Imo isthinc minimum est periculi vestra opera. Quandoquidem hoc agitis sedulo, ne sciatis Latine. AN. Vulgus ita sentit, quia rarum & insolitum est, foeminam scire Latine. MA. Quid mihi citas vulgum, pessimum bene gerendæ rei auctorem? Quid mihi consuetudinem, omnium malarum rerum magistrum? Optimis assuescendum: ita fiet solitum, quod erat insolitum: & suave fiet, quod erat insuave: fiet decorum, quod videbatur indecorum. AN. Audio. MA. Nonne decorum est, foeminam in Germania natam discere Gallice? AN. Maxime. MA. Quam ob rem? AN. Ut loquatur cum his, qui sciunt Gallice. MA. Et mihi putas indecorum, si discam Latine, ut quotidie confabuler cum tot auctoribus, tam facundis, tam eruditis, tam sapientibus, tam fidis consultoribus? AN. Libri adimunt multum cerebri foeminis, cum alioqui parum illis superfit. MA. Quantum vobis superfit nescio; certe mihi quantumcumque est, malim in bonis studiis consumere, quam in precibus sine mente dictis, in

¹ Libri Gallice scripti. Sic est, plurimos Galli libros obtulerunt orbi, fabulis amatoris refertos, lascivoque stylo conscriptos. Illi sua lingua Romani, de quorum origine extat elegantissimus P. D. Huetii libellus, indignant.

A pemoctibus conviviis, in exhaustiendis capacibus pateris. AN. Librorum familiaritas parit insaniam. MA. An colloquia combibendum, securarum & sannionum tibi non pariant insaniam? AN. Imo depellunt tedium. MA. Qui fiat igitur, ut tam amœni contabulones mihi pariant insaniam? AN. Sic ajunt. MA. At aliud ipsa loquitur res. Quanto plures videmus, quibus immodica potatio & intempestiva convivia, quibus temulenta pervigilia, quibus impotentes affectus pepererunt insaniam? AN. Ego sane nollem uxorem doctam. MA. At ego mihi gratulor, cui contigerit maritus tui dissimilis. Nam & illum mihi, & me illi cariorem reddit eruditio. AN. Immenfis laboribus comparatur eruditio, ac post moriendum est. MA. Dic mihi, vir egregie, si cras tibi moriendum esset, utrum malles mori stultior an sapientior? AN. Si citra laborem contingeret sapientia. MA. Sed nihil homini citra laborem contingit in hac vita: & tamen quidquid paratum est, quantivis laboribus comparatum est, heic relinquendum est: cur pigreat nos in re omnium pretiosissima sumere vitam aliquid, cujus fructus nos in alteram quoque vitam comitatur? AN. Frequenter audivi vulgo dici, foeminam sapientem, bis stultam esse. MA. Istuc quidem dici solet; sed a stultis. Foemina quæ vere sapit, non videtur sibi sapere, contra, quæ, cum nihil sapiat, sibi videtur sapere, ea demum bis stulta est. AN. Nescio quomodo fit, ut quemadmodum clitellæ non conveniunt bovi, ita nec literæ mulieri. MA. Atqui negare non potes, quin magis quadrent clitellæ bovi, quam mitra asino, aut sui. Quid sentis de Virgine matre? AN. Optime. MA. Nonne versabatur in libris? AN. Versabatur; at non in istis. MA. Quid igitur legebat? AN. Horas canonicas. MA. Ad quem usum? AN. Ordinis Benedictini. MA. Sit ita sane. Quid Paula & Eustochium? nonne versabantur in sacris libris? AN. Verum istuc nunc rarum est. MA. Sic olim rara avis erat Abbas indoctus, nunc nihil vulgatius: olim Principes & Cæsares eruditione non minus quam imperio præminebant. Neque tamen usque adeo rarum est, quam tu putas: sunt in Hispania, sunt in Italia non paucæ mulieres adprime nobiles, quæ cum quovis viro queant contendere: sunt in Anglia Moricæ, sunt in Germania Bilibaldicæ & Blaurenicæ. Quod nisi caveritis vos, res eo tandem evadet, ut nos præsideamus in scholis Theologicis, ut concionemur in templis, occupabimus mitras vestras. AN. Ista Deus avertat. MA. Imo vestrum erit hoc avertere. Quod si pergetis ut cœpistis, citius anseres concionaturi sunt, quam vos mutos pastores ferant. Videtis jam inverti mundi scenam: aut depnenda est persona, aut agenda sunt suæ cuique partes. AN. Unde incidi in hanc foeminam? Si quando vises nos, ego te suavius accipiam. MA. Quibus modis? AN. Saltabimus, bibemus affatim, venabimur, ludemus, ridebimus. MA. Mihi quidem jam nunc ridere libet.

Epithalamium Petri Agidii.

E A L Y P I U S, B A L B I N U S, M U S Æ.
AL. D Eum immortalem! quod ego novum spectaculum heic video? BA. Aut tu vides quod nusquam est, aut mei parum prospiciunt oculi. AL. Atqui mirum spectaculum est & amabile. BA. Enecas: dic, ubi vides? AL. Ad lævam in hoc colle nemoroso. BA. Collem video. AL. Non vides puellarum chorum? BA. Quid tibi venit in mentem, ut nos ad istum modum ludos facias? Ego ne & muscam quidem puellam usquam conspicio. AL. Tace: prodeunt e nemore. Papæ, qui nitor, quæ gratia! non humanum est hoc spectaculum. BA. Quæ hunc agitant intemperie? AL. Agnosco; novem sunt Musæ, cum tribus Gratiis; demiror quid agant, nunquam vidi cultiores aut magis alacres: omnes sunt redimitæ lauro, & suum quæque gerit organum. Porro Gratiæ quam amabiliter sibi hærent! quam decet nullo adstricta cingulo vestis, ac liberis diffuens laciniis! BA. At ego nunquam audivi quemquam magis delirantem, quam te. AL. Imo neminem vidisti me feliciorum. BA. Cur heic solus habes oculos? AL. Quia non bibisti ex fonte Musarum: nam his solis conspicuæ sunt Musæ. BA. Ego affatim hausi e fonte Scoti. AL. Non ille fons est Musarum, sed lacus ranarum. BA. Non potes efficere, ut & ipse videam hoc spectaculum? AL. Possem, siquidem adesset laurus: nam

Tom. I. Aaa 3 li-

² Imitatio est Plauti, apud quem legimus Truculentum Act. 11. S. 11. 29. musca nulla foemina est in adibus.

747

liquor e fonte limpido, ramo lauri adpersus, oculos reddit
hujusmodi spectaculorum perspicaces. BA. Ecce laurus:
ecce fonticulus. AL. Commodum profecto. BA. Adper-
ge. AL. Intende: videlicet? BA. Quantum antea. Adper-
ge rursus. AL. Jamne vides? BA. Tantundem. Adperge
copiosius. AL. Jam vides, opinor. BA. Imo vix te video.
AL. Miser, quam penitus oculos tuos obsedit τὸ σκότος! Hæc
ars vel aurigæ daret oculos. Verum non est quod crucieris:
præstiterit fortasse non videre, ne tali præmio videas Mu-
sas, quali Actæon vidit Dianam. Periculum enim esset, ne
te vertant in histricem, aut aprum silvestrem, aut porcum,
aut camelum, aut ranam, aut graculum. Efficiam tamen
ut audias, modo ne obstrepas. Jam huc deflectunt viam:
occurramus. 1 Χαίρετε, τριπλόητοι θεοί. Mv. 2 Καὶ σὺ μά-
λα χαίρε, φιλόμουσε. AL. Quid vellicas? BA. Non præstas
quod promiseras. AL. An non audis? BA. Audio; sed velut
asinus lyram. AL. Loquar igitur Latine. Quoniam est iter
tam cultis, tamque alacribus? Num invisitis Lovanien-
sium Academiam? Mv. Bona verba. AL. Quam ob rem?
Mv. Quis nunc illic nobis locus, ubi tot porci obgrunniunt,
obrudunt asini, obblactiunt cameli, obstrepunt graculi,
obgarriunt picæ? AL. Atqui sunt & illic quibus vestrum
numen est venerandum. Mv. Scimus: eoque post annos ali-
quot illuc commigrabimus. Nondum revoluta seculorum
periodus diem illum fatalem advexit. Erit enim qui illic no-
bis amœnum exstruet domicilium, vel templum potius,
quo vix alibi magnificentius ac sanctius. AL. Non est fas
scire quisnam tantum decus investurus sit nostræ ditioni?
Mv. Tibi fas est, nostrorum sacrorum mystæ. Non du-
bium est, quin tibi notum sit toto orbe celebre Buslidiano-
rum nomen. AL. Heroicum genus nominasti, & ornandis
summorum Principum aulis natum. Quis enim non vene-
ratur magnum illum Franciscum Buslidium Besfontinæ Ec-
clesiæ præfulem, qui unus non unum Nestorem præstitit
Philippo maximi Maximiliani filio, Caroli, qui major
futurus est, patri? Mv. O felices nos, nisi fata virum il-
lum terris invidissent! Quantus erat ille Mæcenas hone-
storum studiorum, quam candidus fautor ingeniorum! Sed
reliquit fratres duos, Ægidium, admirabili judicio pruden-
tiæque virum, & Hieronymum. AL. Hieronymum novi-
mus, omni literarum genere perpolitum, omni virtutum
genere decoratum. Mv. Nec cum fata longævum esse pa-
tientur, tametsi nemo dignior est immortalitate. AL. Unde
ista nostis? Mv. Apollo nobis denarravit. AL. Quænam
est ista fatorum invidia, ut optima quæque protinus sub-
ducant? Mv. Id quidem non est hujus temporis philoso-
phari: sed & Hieronymus hæc summa cum laude moriens,
universas opes suas destinabit instituendo Lovanii colle-
gio, in quo gratis & publicitus tres linguas eruditissimi viri
profitebuntur. Ea res magnum ornamentum adjunget &
studiis, & Caroli gloriæ. Tum non illibenter versabimur
Lovanii. AL. Quo nunc igitur est iter? Mv. Antverpiam.
AL. Musæ & Gratiæ ad mercatum? Mv. Nequaquam;
imo ad nuptias. AL. Quid virginibus cum nuptiis? Mv. Ad
tales nuptias non est indecorum ire virgines. AL. Quas
igitur nuptias narras? Mv. Sanctas, puras, castas, ad quas
non puderet ipsam adire Palladem, & arbitror adfuturam.
AL. Non est fas scire sponsi nomen & sponsæ? Mv. Ar-
bitror tibi non ignotum esse candidissimum illum & juve-
nem & omnibus politionis literaturæ deliciis expolitissi-
mum, Petrum Ægidium. AL. Gemmam nominasti, non
hominem. Mv. Ei nubet Cornelia, virguncula vel ipso
digna Apolline. AL. Ille quidem vestri cultor eximius a te-

1 Χαίρετε] Id est, Ave te optatissimæ Deæ.

2 Καὶ σὺ] Id est, Et tu multum salve, Musarum amator.

3 Philippo maximi Maximiliani filio] Est hic Philippus vigesimus no-
mus Hollandiæ Comes, filius Maximiliani Cæsaris & Mariæ, Caroli Bellico-
si filiz. In Hispania Joannam Ferdinandi Regis filiam uxorem duxit: &
ita jure matrimonii regni Hispanici, administrationem adeptus, anno sexto
decimi quinti sæculi in civitate Burgenfi obiit, relictis duobus filiis Carolo
& Ferdinando & quatuor filiabus.

4 Hieronymus] Hieronymus hic Buslidius in oppido Arlunensi, vulgo
Arton, ducatus Luxemburgici natus est.

5 Instituendo Lovanii] Præter celeberrimum omnium artium & facul-
tatum Lovanii sunt supra viginti præclara collegia a diversis illustri fama
viris, optimis legibus instituta. Excellunt autem inter hæc Pædagogia Li-
lîi, Castri, Porci, Falconis, ubi philosophiam studiosi docentur. Nec ce-
dit his Collegium Trilingue, ita dictum quod peculiariter in tribus prima-
riis linguis Latina, Græca & Hebraica infunduntur, ab Hieronymo Bu-
sidio institutum.

6 Ad eum multæ exstant Erasmi Epistolæ.

neris annis fuit. Mv. Huic igitur canemus Epithalamium.
AL. Et saltabunt Gratiæ? Mv. Non modo saltabunt, verum
etiam duo candidissima pectora, indissolubilibus mutæ be-
nevolentiae nodis copulabunt, ut nihil unquam inter illos
possit incidere vel iræ, vel tædii. Illa perpetuum nihil audiet,
nisi, *Mealux*: ille vicissim nihil, nisi *Anime mi*. Atque huic
jucunditati ne senectus quidem quidquam detrahet, imo
potius adjunget aliquid. AL. Demirarer, si, qui sic vivunt,
possint senescere. Mv. Recte mones: nam maturitas erit
potius, quam senectus. AL. Atqui novi permultos, quibus
intra menses treis, istæ verborum blanditiæ longe in diver-
sum versæ sunt, & in convivio pro lepidis jocis volitabant
disci & quadrulæ: Maritus pro, *Anime mi*, audiebat,
Fungus, *lagenæ*, *spongiæ*: uxor, *Scrophæ*, *Acco*, *Vomica*.
Mv. Vera prædicas: sed istiusmodi nuptiæ Gratiis iratis
coerant; heic perpetuo morum jucunditas alet mutuam
benevolentiam. AL. Narras tu quidem raram matrimonii
felicitatem. Mv. Tam raras virtutes, rara decet felicitas.
AL. Quid? coibunt nuptiæ absque Junone & Venere? Mv.
Juno quidem nonaderit, rixosa Dea, & cui raro bene con-
venit cum suo Jove. Ne Venus quidem illa terrestris & e-
briosa; verum altera illa cœlestis, quæ conciliat formas
animorum. AL. Proinde sterile matrimonium mihi narras.
Mv. Nequaquam; imo felicissime fecundum. AL. Quid
illa cœlestis gignit, nisi animos? Mv. Imo addit & corpora,
sed ipsis animis morigera, perinde quasi gemmeo myrothe-
cio indas opobalsamum. AL. Ubinam est ea? Mv. En tibi
procul adventat. AL. Video: Deum immortalem, qui ful-
gor, quæ formæ majestas! ad hanc quidem altera Venus
invenusta est. Mv. Vides quam modesti Cupidines, nequa-
quam cæci, quemadmodum illi, quibus altera dementat
animos mortalium, sed oculatissimi: nec habent infanas
faces, sed ignes placidissimos; nec habent plumbeas cuspi-
des, quibus immittunt odium amantis, ac miseros animos
amore non mutuo discruciant. AL. Plane matrem referunt.
O felicem illam domum, & superis egregie caram! Cæte-
rum licetne audire Epithalamium carmen, quod illi desti-
nasti? Mv. Imo rogamus, ut libeat audire.

C L I O.

*Candida laurigero nubis Cornelia Petro,
Auspiciis adsint numina dextra bonis.*

M E L P O M E N E.

*Contingat illis turturum concordia,
Cornicula vivacitas.*

T H A L I A.

*Ille caritate Gracchum Tiberinum præcessit,
Qui sua vitam anteposuit conjugis Cornelia.*

E U T E R P E.

*Ille caritate superet conjugem Admeti ducis,
Qua volens mortem mariti morte mutavit sua.*

T E R P S I C H O R E.

*Ille non flagret levioze flamma,
Attamen satis meliore, quam olim*

*7. Plancius rapta socia gravatus
Esse superstes.*

E R A T O.

*Ille non flagret levioze flamma,
Attamen longe meliore fato,*

Castæ quam sanctum decemavit olim

Porcia Brutum.

C A L L I O P E.

*Sponsum moribus undiquaque sanctis,
Nec Nasica probatus antecellat.*

U R A N I A.

*Uxor moribus undiquaque castis
Vincat & Sulpitiam Paterculanam.*

P O L Y H Y M N I A.

*Laudetur simili prole puerpera,
Accrescat domui res simul & decus,
Sed livore vacet, si fieri potest,
Factis egregiis debita gloria.*

AL. Prorsus inviderem illi Petro Ægidio, nisi tantus esset
hominis candor, ut ipse nemini possit invidere. Mv. Sed
jam tempus est, ut ceptum carparamus iter. AL. Nunquid
est

7 Vide Valer. Maximum Lib. III. c. 6.

8 Sulpitia] Sulpitia Paterculi filia, uxor Fulvii Flacci, quæ ob pud-
icitiam e cenam matronis lecta fuit ad dedicandum Romæ Veneris simul-
lacrum. Meminit T. Livius.

est quod interim velitis renuntiare Lovanium? Mv. Ut nostro nomine salutes amicos omnes candidos, ac nostri studiosos, sed præ cæteris vetustissimum nostri chori cultorem Joannem Paludanum, Jodocum Gaverium, Martinum Dorpium, & Joannem Borsalum. AL. Id quidem fiet diligenter. Quid cæteris? Mv. Dicam in aurem. AL. Res non est magni sumtus, itaque fiet quam primum.

Exorcismus, sive Spectrum.

THOMAS, ANSELMUS.

TH. Quid est bonæ rei, quod tecum rides tam suaviter, quasi thesaurum nactus sis? AN. Non procul aberrat a scopo tua divinatio. TH. At non imparties sodali quidquid istuc est boni? AN. Imo jam dudum optabam mihi dari quempiam, in cuius sinum effunderem hoc meum gaudium. TH. Age igitur, imparti. AN. Audivi modo fabulam lepidissimam, quam jures esse comicum figmentum, nisi mihi locus, personæ, totaque res esset tam nota, quam tu notus es mihi. TH. Audire gestio. AN. Nostine Polum Fauni generum? TH. Maxime. AN. Is est & auctor, & actor hujus fabulæ. TH. Facile crediderim. Nam ille vel absque persona possit quamvis agere fabulam. AN. Sic est. Nosti, opinor, & prædium quod habet non ita procul a Londino? TH. Ph: Non semel illic compotavimus. AN. Agnoscis igitur viam utrinque arboribus pari digestis intervallo septam. TH. Ad lævam ædium partem, altero fere baliæ jactu. AN. Tenes. Alterum viæ latus habet alveum siccum, dumis ac vepribus oblitum: e ponticulo iter est in apertam planiciem. TH. Memini. AN. Jam pridem vagabatur rumor ac fabula per ejus loci rusticos, juxta ponticulum hunc observari spectrum quoddam, cujus subinde exaudirentur miserandi ejulatus: suspicabantur animam esse cuiuspiam, quæ diris cruciatibus torqueretur. TH. Quis auctor erat istius rumoris? AN. Quis, nisi Polus? Hoc procemium præstruxerat suæ fabulæ. TH. Quid isti venit in mentem, ut ista confingeret? AN. Nescio, nisi quia sic est hominis ingenium; gaudet hujusmodi commentis ludere stultitiam populi. Dicam quid nuper designarit hujus generis. Simul equitabamus aliquamulti Richemondam; inter quos erant quos tu diceres cordatos homines. Cælum erat mire ferenum, nec ulla usquam nubecula suffuscatum. Ibi Polus intentis in cælum oculis, signavit totam faciem ac scapulas imagine crucis; & vultu ad stuporem composito, ita secum: *Deum immortalem, quid ego video?* Rogantibus qui proxime equitabant, quid videret, rursus obliquans se majore cruce: *Avertat, inquit, clementissimus Deus hoc ostentum!* Cum instarent aviditate cognoscendi, ille defixis in cælum oculis, ac digito commonstrans cæli locum, *Nonne, inquit, videtis illic immanem draconem, igneis armatum cornibus, cauda in circulum retorta?* Cum negarent se videre, atque ille jussisset, oculos intenderent, ac locum subinde commonstraret, tandem unus quispiam, ne videretur parum oculatus, affirmavit se quoque videre. Hunc imitatus est unus item atque alter: pudebat enim non videre quod tam esset perspicuum. Quid multis? Intra tri-duum rumor hic totam Angliam pervaserat, tale portentum apparuisse. Mirum autem, quantum fama popularis addidit fabulæ. Nec deerant qui, quid sibi vellet hoc ostentum, interpretarentur serio. Horum stultitia ille qui commentus fuerat argumentum, magna cum voluptate fruebatur. TH. Agnosco hominis ingenium. Sed redi ad spectrum. AN. Interea commodum divertit ad Polum Faunus quidam sacerdos, ex eorum genere, quibus non satis est appellari Latine regulares, nisi Græce cognomen idem accinatur, parochus vici illic alicunde vicini. Is sibi non vulgariter videbatur sapere, præsertim in rebus sacris. TH. Intelligo; repertus est actor fabulæ. AN. Super cœnam ortus est sermo de rumore spectri. Cum Polus sentiret Fauno rumorem hunc non solum auditum esse, verum etiam creditum; coepit hominem obtestari, vir doctus ac pius succurreret animulæ tam dira patienti: & si quid dubitas, inquit, explora rem, obambula ad decimam juxta ponticulum illum, & audies miserum ejulatum: adjuge tibi quem voles comitem; ita & tutior audies, & certior. TH. Quid dein-

1 Richemondam] Designat auctor primariam urbem comitatus Richmondschire, qui pars Eboracensis agri, solstitialiæ occasum spectantis.

2 Nisi Græce] Ludit: alioqui Canonici non dicuntur a regula, sed a præbenda, quam nunc vocant. Nam canon aliquando est certus cibi potusve modus, qui dabatur militibus.

de? AN. Cœna peracta, Polus ex more abijt venatum, aut aucupatum. Faunus obambulans, cum jam tenebræ sustulissent certum de rebus judicium, tandem audit miserandos gemitus: hos Polus artifex mire effingebat, abditus illic in vepreto, adhibita ad id olla fictili: quo vox e cavo red-dita, lugubrius quiddam sonaret. TH. Hæc fabula, ut video, vincit a phasma Menandri. AN. Magis istuc dices, si totam audieris. Faunus domum se recepit; narrare cupiens quid audisset. Polus alia via compendiarie jam anteverterat. Ibi Faunus narrat Polo, quod erat actum, & aliquid etiam affingit, quo res esset admirabilior. TH. Poterat interim Polus tenere risum? AN. Ille ne? Vultum habet in manu. Dixisses rem serio agi. Tandem Faunus vehementer obtestante Polo, suscepit negotium exorcismi, ac totam eam noctem agit insomnem, dum dispicit quibus modis rem aggredere-tur tuto: nam sibi quoque misere metuebat. Primum itaque congesti sunt exorcismi efficacissimi, & additi novi nonnulli per viscera beatæ Mariæ, per ossa beatæ Werenfridæ. Deinde delectus est locus in planitie vicina vepreto, unde vox exaudiebatur: circumductus est circulus satis amplus, qui crebras haberet cruces, variæque notulas. Hæc omnia peragebantur verbis conceptis. Adhibitum est vas ingens, plenum aquæ consecratæ. Ad-dita est in collum sacra stola, quam vocant, unde pendebat initium Evangelii secundum Joannem. In loculis habebat cerulam, a Romano Pontifice quotannis consecrari solitam, quæ vulgo dicitur *Agnus Dei*. His armis olim se muniebant adversus noxios demones, prius quam illis Francisci cuculla coepit esse formidabilis. Hæc omnia procurata sunt, ne, si spiritus malus esset, impetum faceret in exorcistam. Nec tamen ausus est se solum huic circulo committere: sed decretum est, adhibendum esse sacerdotem alterum. Ibi Polus metuens, ne, si nasutior adjunctus fuisset, proderetur fabulæ mysterium, adjungit parochum quandam ex vicinia, cui rem totam aperit: sic enim postulabat actio fabulæ; & erat is qui a tali ludo non abhorreret. Postridie rebus omnibus rite præparatis, sub horam decimam Faunus cum parochio circulum ingreditur. Polus, qui præcesserat, e vepreto gemit miserabiliter. Faunus auspicatur exorcismum. Interim Polus clam per tenebras subducit se in villam proximam. Illinc adducit aliam personam fabulæ: nec enim poterat nisi per multos agi. TH. Quid faciunt? AN. Conscendunt equos nigras, ignem occultum secum ferunt. Ubi non procul abessent a circulo, ignem ostentant, quo metu Faunum abigerent e circulo. TH. Quantum operæ sumsit Polus ille, ut falleret? AN. Sic est homo. Verum ea res propemodum pessime cesserat illis. TH. Qui sic? AN. Nam equi subito prolato igne consternati, parum abfuit quin & se præcipitarent, & sessores. Habes primum actum fabulæ. Ubi reditum est in colloquium, Polus velut ignarus omnium, rogat quid esset actum. Ibi Faunus narrat sibi conspectos duos terribiles cacodæmones, in nigris equis, oculis igneis, ac naribus spirantes ignem; qui tentassent ingredi circulum; verum efficacibus verbis abactos in malam rem. His rebus cum accrevisset animus Fauno, postero die summo cum apparatu redit in circulum: cumque diu multis obtestationibus provocasset spectrum, Polus rursus cum collega suo procul ostendit sese ex equis atris horrendo fremitu, quasi cuperent irrumpere in circulum. TH. Nihil habebant ignis? AN. Nihil; nam id male cesserat. Sed audi aliud commentum. Ducebant longum funem: eo leviter per humum tracto, dum hinc atque hinc uterque se proripit, velut abacti exorcismis Fauni, Sacerdotem utrumque, una cum vase quod habebant aquæ sacræ plenum, provolvunt in terram. TH. Hoc præmii tulit pro sua actione parochus? AN. Tulit: & tamen maluit hoc perpeti, quam deferere coëptam fabulam. His ita gestis, ubi

re-

3 Phasma Menandri] Donati verba sunt: Phasma est nomen fabule Menandri in qua noverca superdusta adolescenti, virginem quam ex vicino quodam conceperat, furrim eductam, cum haberet in latebris apud vicinum proximum, hoc modo secum habebat assidue nullo conscio. Pariter qui medius inter domum mariti & vicini fuerat, ita perfodit, ut in ipso transitu sacrum locum esse simularet. Cumque transitum intenderet fertis & fronde felici, rem divinam sepe faciens, evocabat ad se virginem. Quod cum animadvertisset adolescens, primum aspectu pulchre virginis, velut matris visum percussus, exhorruit: unde Phasma est nomen fabule. Deinde paulatim re cognita exarsit in amorem puella: ita ut remedium tante cupiditatis, nisi ex nuptiis non reperiretur. Ita ex commodo matris ac virginis & ex voto amatoris consensuque patris, nuptiarum celebratione finem accipit fabula.

751

reditum est ad colloquium, deprædicat apud Polum Faunus, quanto fuisset in periculo, & quam fortiter utrumque cacodæmonem suis verbis profligasset: jamque certam conceperat fiduciam, nullum esse tam noxium aut impudentem dæmonem, qui posset in circulum irrumpere. TH. Faunus ille non multum abest a fatuo. AN. Nihil adhuc audisti. Hucusque progressa fabula, commodum supervenit Poli gener: nam ejus filiam duxerat natu maximam, juvenis, ut scis, ingenio mire festivo. TH. Scio, nec abhorrens ab hujusmodi jocis. AN. Abhorrens? Nullum ille vadamonium non desereret, si talis vel spectanda, vel agenda esset fabula. Huic focer rem omnem denarrat; atque illi delegat partes, ut animam agat. Sumit ornatum, ac lubens; convolvit se linteo, quemadmodum apud nos solent funera: habet prunam vivam in testa, quæ per lin-teum reddebat speciem incendii. Sub noctem itum est ad locum, ubi hæc agebatur fabula. Audiuntur miri gemitus. Faunus expedit exorcismos omnes. Tandem procul inter vepretum ostendit sese anima, subinde ostentans ignem, ac misere suspirans. Hanc cum Faunus obtestaretur, ut eloqueretur quisnam esset, subito profiliit e vepreto Polus ornatu cacodæmonis, fictoque fremitu: Nihil, inquit, tibi juris est in hanc animam; mea est: ac subinde procurrit usque ad oram circuli, velut impetum facturus in exorcistam; moxque velut submotus verbis exorcismi, & vi aquæ sacræ, quam illi multam adspersit, retrocessit. Tandem abacto pædagogico dæmone, nascitur dialogismus Fauni cum anima. Percunctanti, & obtestanti, respondit se esse animam hominis Christiani. Rogata, quo nomine vocaretur, respondit, Faunus; Faunus, inquit, idem mihi nomen est. Jamque ex communi nomine res cœpit illi magis esse cordi, ut Faunus Faunum liberaret. Cum Faunus multa percunctaretur, ne diutina confabulatio proderet fucum, subducebat sese anima, negans sibi fas esse diutius colloqui, quod tempus urgeret, quo cogeretur abire, quo liberet dæmoni: pollicita tamen est sese postridie redit-ram, hora qua fas esset. Rursus convenitur in ædibus Poli, qui choragus erat fabulæ. Ibi denarrat exorcista, quid esset gestum, nonnulla etiam admentiens, quæ sibi tamen persuadebat esse vera. Adeo favebat negotio quod agebatur. Jam hoc compertum erat, scilicet, animam esse Christianam, quæ sub inclementissimo dæmone diris cruciatibus vexaretur. Huc omnis conatus intenditur. Verum in exorcismo proximo ridiculum quiddam accidit. TH. Obsecro, quidnam? AN. Cum Faunus evocasset animam, Polus, qui dæmonem agebat, prorsus sic affiliit, quasi intra circulum irrupturus: cumque contra Faunus pugnaret exorcismis, multamque vim aquæ aspergeret, tandem exclamat dæmon, se ne pili quidem facere ista omnia: Rem, inquit, habuisti cum puella; mei juris es. Id cum Polus joco diceret, tamen forte fortuna verum dixisse visus est: nam exorcista hoc dicto tactus, illico recepit se in centrum circuli, & nescio quid immussavit in aurem paracho. Id Polus sentiens, recepit sese; ne quid audiret, quod audire fas non esset. TH. Sane Polus religiosum ac verecundum agebat dæmonem. AN. Sic est; reprehendi poterat actio, quod parum meminisset decori. Exaudivit tamen parochi vocem, indicentis satisfactionem. TH. Quam? AN. Ut æter diceret precationem Dominicam; ex hoc conjiciebat, illum ter habuisse rem eadem nocte. TH. Hoc sane regularis ille præter regulam. AN. Homines sunt, & lapsus erat humanus. TH. Perge; quid deinde factum? AN. Jam Faunus ferocior redit ad oram circuli, & ultro provocat dæmonem. At ille jam timidior refugiebat. Fetellisti me, inquit: si sapuisssem, non monuisssem te. Persuasum est hoc multis, quæ semel Sacerdoti confessus sis, prorsus abolita esse e memoria dæmonis, ne possit opprobare. TH. Jocum plane ridiculum narras. AN. Sed, ut aliquando finiam fabulam, diebus aliquot hunc in modum colloquium habitum est cum anima. Summa huc evasit. Roganti exorcistæ, num qua via posset e cruciatu liberari; respondit illa, posse, si pecunia, quam reliquisset fraude partam, restitueretur. Ibi Faunus, Quid, inquit, si per bonos viros dispensaretur in pios usus? Respondit, & hoc profuturum. Heic exhilaratus exorcista, summa diligentia percunctatus est,

1 Respicit ad alterum nomen Fauni, qui non minus *Fatunus*, quam *Faunus* vocabatur. Vid. *Ger. Juv. Vossius* in *Etymologico*, ad voces *Fatunus* & *Faunus*.

A quanta esset summa. Illa dixit ingentem; quod illi erat bonum atque commodum. Indicavit & locum, sed procul diffitum, ubi thesaurus heic defossus esset. Præscripsit in quos usus vellet impendi. TH. In quos? AN. Ut tres susciperent peregrinationem, quorum unus adiret limina Petri, alter iret salutatum Jacobum Compostellanum, tertius oscularetur pectinem Jesu, qui est Treviris. Deinde per aliquot monasteria magna vis psalteriorum, ac missarum perageretur. Quod superesset, ipse pro suo arbitratu dispensaret. Jam totus erat in thesauro Fauni animus; illum toto pectore devorarat. TH. Vulgaris morbus est, quamquam hoc nomine peculiariter male audiunt Sacerdotes. AN. Ubi nihil esset omisum, quod ad pecuniæ negotium pertineret, exorcista submonitus a Polo, cœpit animam de curiosis artibus percunctari, de alcumistica, deque magia. Et ad hæc anima quædam respondit pro tempore, cæterum pollicita, se plura indicaturam, simul atque illius opera liberata fuisset a pædagogo dæmone. Sit hic, si videtur, tertius fabulæ actus. In quarto Faunus cœpit ubique serio prædicare rem prodigiosam, nihil aliud crepare in colloquiis, in conviviis, polliceri monasteriis magnifica quædam: & omnino nihil jam humile loquebatur. Adit locum, reperit signa, non ausus tamen est effodere thesaurum, quod anima injecisset scrupulum, ingenti periculo facturum, si prius, quam essent peractæ missæ, thesaurus attingeretur. Jam multis nasutionibus subolebat fucus. Cum tamen ille nusquam non deprædicaret suam stultitiam, clam admonitus est ab amicis, præsertim ab Abbate suo, ne qui hæctenus habitus esset vir prudens, nunc diversum de se specimen daret omnibus. Ille tamen nullius oratione potuit commoveri, quo minus crederet rem esse seriam: adeoque penitus hæc imaginatio occupavit animum hominis, ut præter spectra & malos genios nihil somniaret, nihil loqueretur. Abierat mentis habitus in ipsam faciem, quæ sic pallebat, sic erat extenuata, sic dejecta, ut larvam esse diceret, non hominem. Quid multis? minimum aberat a vera dementia, ni celeri remedio succursum fuisset. TH. Nimirum hic erit extremus actus fabulæ. AN. Eum tibi reddam. Polus & hujus gener hujusmodi technam commenti sunt. Effinxerunt epistolam raris literis descriptam; idque non in chartis vulgaribus, sed in his, in quibus aurifices reponunt bracteas auri, subrubentibus, ut scis, luto. Epistola sententia hæc erat: *Faunus dudum captivus, nunc liber, Fauno liberatori suo optimo salutem æternam. Non est, mi Faune, cur te diutius in hoc negotio maceres; respexit Deus animi tui piam voluntatem; & illius merito me liberavit a suppliciis: ego nunc feliciter ago inter Angelos. Te manet locus apud Divum Augustinum, qui proximus est Apostolorum choro. Ubi veneris ad nos,agam tibi gratias coram. Interim cura ut vivas suaviter. Datum e caelo empyreo, Idibus Septembribus, anno millesimo quadringentesimo nonagesimo octavo, sub sigillo anuli mei.* Hæc epistola clam posita est in altari, ubi facturus erat rem divinam Faunus. Ea peracta subornatus est, qui eum submoneret de re, quasi casu deprehensa. Nunc eam circumfert epistolam, & ostentat ceu rem sacram: nihilque credit certius, quam eam e caelo perlatam ab Angelo. TH. Istud non est liberasse hominem infania, sed mutasse infaniæ genus. AN. Sic est profecto, nisi quod nunc insanit suavius. TH. Antehac non soleo multum tribuere fabulis, quæ vulgo feruntur de spectris; sed posthac multo minus tribuam: suspicor enim ab hominibus credulis, & Fauni similibus, multa pro veris prodita literis, quæ simili artificio sunt adsimulata. AN. Ego pleraque hujus generis esse credo.

Alcumistica.

PHILECOUS, LALUS.

PH. Quid est novæ rei, quod sic Lalus apud se ridet, ac pene in cachinnos solvitur, subinde signans se cruce? Interpellabo felicitatem hominis. Salve multum, amicissime Lale. Videre mihi admodum felix. LA. Atqui felicior ero, si te impartiam hoc gaudio. PH. Fac igitur quam primum me bees. LA. Nosti Balbinum? PH. Senem illum eruditum, ac vitæ etiam laudatæ? LA. Sic est ut dicis; sed nullus est mortalium, qui sapiat omnibus horis, aut qui sit undique perfectus. Habet hoc vir ille inter multasegregias dotes nævi; jam olim insanit in artem, quam vocant alcumisticam. PH. Haud tu quidem nævum narras, sed

sed insignem morbum. LA. Utcunque est, ille toties delusus ab hoc hominum genere, tamen dudum mirifice passus est sibi dari verba. PH. Quo pacto? LA. Adiit illum Sacerdos quidam: salutavit honorifice: mox sic exorsus est: Doctissime Balbine, mirabere fortassis, quod ignotus sic interpellem te, quem scio nunquam non sanctissimis studiis occupatissimum. Annuit Balbinus: qui mos est illi, nam verborum est mire parcus. PH. Prudentiæ narras argumentum. LA. Verum alter prudentior sic pergit. Ignosces tamen huic meæ importunitati, si cognoris causam, cur te adierim: Dic, inquit Balbinus, sed paucis, si potes. Dicam, inquit ille, quanto potero compendio. Scis, vir omnium doctissime, esse varia mortalium fata: ego nescio, utro in numero me ponam, felicium an infelicium. Etenim si meum fatum altera ex parte contemplor, videor mihi pulcre felix; sin ex altera, nihil me infelicius. Urgente Balbino, ut rem conferret in compendium; Finiam, inquit, doctissime Balbine. Id erit mihi facilius apud virum, cui totum hoc negotium sic notum est, ut nulli notius. PH. Rhetorem mihi depingis, non alcumistam. LA. Mox audies alcumistam. A puero mihi, inquit, contigit hæc felicitas, ut artem omnium maxime expetendam discerem: illam, inquam, totius Philosophiæ medullam alcumisticam. Ad nomen alcumistices non nihil experrectus est Balbinus, gestu duntaxat: cæterum gemitu iussit ut pergeret. Tum ille: Sed ô me miserum, inquit, qui non inciderim in eam viam, quam oportuit. Cum Balbinus rogasset, quasnam vias diceret: Scis, inquit, optime, (quid enim te fugit, Balbine, virum undique doctissimum?) duplicem esse huius artis viam, alteram, quæ dicitur *longatio*: alteram, quæ dicitur *curtatio*. At mihi malo quodam fato contigit in longationem incidere. Balbino sciscitante, quod esset discrimen viarum: Impudentem me, inquit, qui hæc apud te loquar, cui sciam hæc omnia sic esse nota, ut nulli notiora. Itaque supplex huc ad te accurri, ut misertus nostri, digneris impartire nobis viam illam felicissimam curtationis. Quo peritior es huius artis, hoc potes minore negotio communicare nobis. Noli tantum Dei donum celare fratrem dolore periturum. Ita te Jesus Christus semper majoribus locupletet dotibus. Cum hic non faceret obtestandi finem, Balbinus fateri coactus est, se prorsus ignorare, quid esset *longatio* aut *curtatio*; jubet exponat ipse vim harum vocum. Tum ille, Quamquam, inquit, scio me loqui peritiori; tamen, quando ita jubes, faciam. Qui totam ætatem in hac arte divina contriverunt, duabus rationibus vertunt rerum species; altera, quæ brevior est, sed plusculum habet periculi: altera quæ longior est, sed eadem tutior. Ego mihi videor infelix qui hæcenus sudarim in ea via, quæ meo animo non aridet, neque quemquam nancisci potui, qui alteram, cuius amore depereo, vellet indicare. Tandem Deus immisit in mentem, ut te adirem, virum non minus pium quam doctum. Doctrina tibi præstat, ut facile possis dare quod peto: pietas commovebit, ut velis opitulari fratri, cuius salus tibi in manu est. Ne longum faciam, cum huiusmodi sermonibus veterator ille amovisset a se suspensionem fuci; fidemque fecisset, sibi viam alteram esse perspectissimam: jam pridem pruriebat Balbino animus. Tandem non temperans sibi, Valeat, inquit, illa *curtatio*, cuius ego ne nomen quidem unquam audivi, tantum abest ut teneam: dic mihi bona fide, *longationem* tenes exacte? Phy, inquit ille, ad unguem; sed displicet longitudo. Cum Balbinus rogasset, quantum temporis requireretur: Nimium, inquit; totus pene annus; sed interim tutissima est. Ne labora, inquit Balbinus, etiam si toto biennio sit opus, modo fidas arti tuæ. Ut rem in pauca conferam, convenit inter eos ut negotium aggredierentur clam in ædibus Balbini: hac lege, ut ille suppeditaret operam, Balbinus sumtum; lucrum ex æquo ac bono divideretur: quanquam impostor modestus, ultro totum lucrum, quod provenisset, Balbino defererebat; utrinque juratum est de silentio, quod faciunt qui mysteriis initiantur. Jam illico numeratur pecunia, unde artifex mercaretur ollas, vitra, carbones, reliquaque quæ ad instruendam officinam pertinent. Ibi noster alcumista suaviter in scorta, aleam & computationes decoquit eam pecuniam. PH. Hoc nimirum est vertere rerum species. LA. Urgente Balbino, ut rem aggredieretur: An non tenes, inquit, illud, *Dimidium facti*,

A qui bene capit, habet? Magnum est bene præparare materiam. Tandem coepit adornari fornax. Hic rursus erat opus novo auro, velut illecebra venturi auri. Siquidem ut piscis non capitur absque esca, ita aurum alcumistis non provenit, nisi pars auri admisceatur. Interea Balbinus totus erat in supputationibus: subducebat enim, si uncia pareret quindecim, quantum esset lucri redditurum ex uncis bis mille: tantum enim decreverat infumere. Cum hanc quoque pecuniam decoxisset alcumista, jamque mensem unum atque alterum multum operæ simulasset circa folles & carbones, roganti Balbino, ecquid procederet negotium; primum obmutuit: urgenti tandem respondit, *Sicut solent res præclara, quæ semper difficiles habent aditus*. Causabatur erratum in emendis carbonibus: quernos enim emerat, cum abiegnis esset opus, aut columnis. Ibi perierant aurei centum; nec eo segnius redditum est ad aleam. Data nova pecunia, mutati carbones. Jamque majore studio res coepta est, quam antea; quemadmodum in bello milites, si quid secus accidit, quam vellent, virtute farciunt. Cum menses jam aliquot ferbuisset officina, & expectaretur scetus aureus, ac ne mica quidem auri esset in vasis, (jam enim & illud omne decoxerat alcumista) inventa est alia causatio, nimirum vitra, quibus usus fuerat non fuisse temperata sicut oportuit. Etenim ut non ex quovis ligno Mercurius fingitur, ita non quibuscumque vitreis conficitur aurum. Quo plus erat impensum, hoc minus libebat desistere. PH. Sic solent aleatores; quasi non multo satius sit hoc perdere, quam totum. LA. Sic est. Dejerabat alcumista, nunquam sibi sic impositum fuisse: nunc errore deprehensa cætera fore tutissima, & hoc dispendii, magno cum scœnore farturum sese. Mutatis vitreis, tertia instaurata est officina. Admonebat alcumista, rem feliciter successuram, si Virgini matri, quæ, ut scis Paralys colitur, mitteret aliquot aureos dono: artem enim esse sacram, nec absque favore numinum rem prospere geri. Id consilium vehementer placuit Balbino homini pio, ut qui nullum prætermitteret diem, quin perageret rem divinam. Suscepit religiosam professionem alcumista, nimirum in proximum oppidulum, atque illic votivam pecuniam decoxit in ganeis. Reverfus domum, nunciat sibi summam esse spem, negotium ex animi sententia successurum, adeo divam Virginem votis suis visam annuere. Ubi multo jam tempore sudatum esset, ac ne mica quidem auri nasceretur usquam, expositulanti Balbino respondit, sibi nihil unquam tale accidisse in vita, toties artem experto, nec satis posse conjectare quid esset in causa. Quum diu divinatum esset, tandem illud venit in mentem Balbino, num quo die prætermisisset audire sacrum, aut dicere preces horarias, quas vocant: nam nihil succedere his omisissis. Ibi impostor, rem, inquit, acu tetigisti. Me miserum, semel atque iterum id admisissum est per oblivionem, & nuper a prolixo convivio surgens, oblitus sum dicere salutationem Virginis. Tum Balbinus, Non mirum, inquit, si res tanta non succedit. Recipit artifex se pro prætermisissis sacris duobus, duodecim auditurum, & pro unica salutatione, decem repositurum. Cum alcumistam prodigum subinde defecisset pecunia, nec suppeterent petendi causæ, tandem hanc technam commentus est: reddi domum admodum exanimatus, ac voce lamentabili, Perii, inquit, funditus, Balbine, perii; actum est de capite meo. Obstupuit Balbinus, & tanti mali causam aiebat cognoscere. Subodorati sunt, inquit, aulici quod egimus; nec aliud exspecto, quam ut mox deducar in carcerem. Ad hanc vocem expalluit etiam serio Balbinus. Nam scis, apud nos capitale esse, si quis alcumisticam exerceat absque Principis permisso. Pergit ille: Non, inquit, metuo mortem; utinam illa contingat! metuo quiddam crudelius. Roganti quid hoc esset: Rapiar, inquit, aliquo in turrim: illic per omnem vitam cogar his laborare, quibus non libet. An ulla mors est, quæ non potior esse debeat, quam talis vita? Ibi res ventilata est consultatione. Balbinus, quoniam callebat artem Rhetoricam, pulsavit omnes status, si qua periculum vitari posset. Non potes, inquit, inficiari crimen? Nequaquam, ait ille. Inter regios satellites res sparsa est: & habent argumenta, quæ dilui non possint. Ne defendi quidem factum poterat ob legem manifestam. Cum multis in medium adductis, nihil videretur firmi præsidii, tandem alcumista, cui jam opus erat præfenti pecunia: Nos,

Tom. I.

Bbb

in-

755

inquit, Balbine, lentis consiliis agimus; atqui res poscit præsens remedium. Jam arbitror adfuturos, qui me abripiant in malam rem. Denique cum nihil occurreret Balbino, tandem alcumista, Nec mihi quidquam occurrit, inquit, nec quidquam superesse video, nisi ut fortiter peream: nisi forte hoc placet, quod unum superest, utile magis quam honestum, nisi quod durum est telum necessitas. Scis, inquit, hoc hominum genus avidum esse pecuniæ; eoque facilius corrumpi posse, ut fiant. Quamvis durum sit illis furciferis dare quod profundant, tamen, ut nunc res sunt, nihil video melius. Idem visum est Balbino; ac numerat aureos triginta, quibus redimeret silentium. PH. Miram Balbini liberalitatem mihi prædicas. LA. Imo in re honesta citius dentem extudisses ab eo, quam nummum. Sic prospectum est alcumistæ, cui nihil erat periculi, nisi quod non haberet quod daret amicæ. PH. Demiror Balbino in tantum nihil esse nati. LA. Heic dumtaxat naso caret, in cæteris nasutissimus. Rursum nova pecunia instruitur foras, sed præmissa ad Virginem matrem precatiuncula, ut cæptis faveret. Jam totus exierat annus, dum, illonunc hoc, nunc illud caussante, luditur opera, & perit impensa. Interim existit casus quidam ridiculus. PH. Quisnam? LA. Alcumista furtivam consuetudinem habebat cum uxore cuiusdam aulici: maritus concepta suspicione cœpit hominem observare. Tandem cum illi nunciatum esset, sacrificum esse in cubiculo, præter expectationem rediit domum, pulsat ostium. PH. Quid facturus homini? LA. Quid? nihil suave: aut occisurus erat, aut exsecturus. Ubi maritus instans minitaretur, se vi effracturum ostium, ni aperiret uxor, magnopere trepidatum est, & circumspicitur præsentaneum aliquod consilium. Nec erat aliud, quam quod ipsa dabat res. Abiecit tunicam, ac per fenestram angustam deiecit sese, non absque periculo, nec sine vulnere, ac fugit. Scis tales fabulas illico spargi. Itaque permanavit & ad Balbinum. Neque id fore non divinarat artifex. PH. Heic itaque medius tenetur. LA. Imo felicius elapsus est hinc, quam e cubiculo. Audi technam hominis. Nihil expositulabat Balbinus, sed nubilo vultu satis indicabat se non ignorare, quod vulgo ferebatur. Noverat ille, Balbinum esse virum pium, in nonnullis, pene dixerim superstitionum. Et qui tales sunt, in quamvis magno peccato facile condonant supplici. Itaque data opera injicit mentionem de successu negotii, queritans non perinde succedere, ut solet, aut vellet: addebat se vehementer mirari, quid esset in causa. Ibi per occasionem commotus Balbinus, qui alioqui videbatur destinasse silentium, & erat qui facile commoveretur: Non est, inquit, obscurum quid obftet; peccata obstant, quo minus succedat, quod a puris pure tractari convenit. Ad hanc vocem artifex procubuit in genua, subinde tundens pectus, & vultu voceque lacrymabili: Verissimum, inquit, dixisti, Balbine: Peccata, inquam, obstant: sed mea peccata, non tua: non enim pudebit me turpitudinem meam apud te, velut apud Sacerdotem sanctissimum, confiteri. Vicerat me carnis infirmitas, pertraxerat me Satanas in laqueos suos. Et ô me miserum! e sacrificio factus sum adulter. Non tamen omnino periit hoc munus, quod misimus Virgini matri. Perieram certo exitio, ni illa succurrisset. Jam maritus effringebat fores, fenestra erat arctior quam ut possem elabi: in tam præsentaneo periculo venit in mentem sanctissimæ Virginis; procidi in genua, obtestatus sum, si gratum fuisset munus, ut opitaretur. Nec mora, repeti fenestram (sic enim urgebat necessitas) & satis amplam reperi ad effugium. PH. Credidit ista Balbinus? LA. Credidit? Imo etiam ignovit, & admonuit religiose, ne se præberet ingratum beatissimæ Virgini. Numerata est rursum pecunia danti fidem se posthac rem sacram pure tractaturum. PH. Quis tandem finis? LA. Perlonga est fabula: sed ego paucis absolvam. Cum ejusmodi commentis diu lusisset hominem, neque mediocrem pecuniarum vim ab eo extorsisset, tandem venit illo qui nebulonem a puero noverat. Is facile divinans illum idem agere apud Balbinum, quod nusquam non egerat, clam aggreditur illum, exponit qualem artificem domi suæ foveret, monet ut quam primum ableget hominem, ni mallet ipsum aliquando compilatis scriniis fugere. PH. Quid heic Balbinus? videlicet curavit hominem conjiciendum in carcerem? LA. In carcerem? Imo numeravit viaticum, obtestans per omnia fa-

A cra, ne, quod accidisset, effutiret. Et sapuit, mea quidem sententia, qui hoc maluerit, quam esse fabula conviviorum, & fori, deinde venire in periculum confiscationis. Nam impostori nihil erat periculi, artis tantum tenebat, quantum asinus quivis; & in hoc genere favorabilis est impostura. Quid si furti crimen intentasset, a suspendio tutum reddebat unctio; neque quisquam lubens gratis alat talem in carcere. PH. Misereceret me Balbini, nisi ipse gauderet deludi. LA. Nunc mihi properandum est in aulam: alias referam his etiam multo stultiora. PH. Cum vacabit, & audiam lubens, & fabulam fabula pensabo.

HIPPOPLANUS.

AULUS, PHÆDRUS.

Av. **D**Eum immortalem, & *ὁς ἐμνηστεύεται* noster Phædrus, & subinde in coelum suspicit! Adoriar. Quid accidit novæ rei Phædre? PH. Quam ob rem istud interrogas, Aule? Av. Quoniam e Phædro mihi videris factus Cato; tanta est in vultu severitas. PH. Non mirum, amice; modo confessus sum peccata mea. Av. Phy, jam desino mirari: sed dic age, bona fide confessus es omnia? PH. Omnia quæ quidem in mentem veniebant, unico dumtaxat excepto. Av. Cur unum hoc reticuisisti? PH. Quia nondum potuit mihi displicere. Av. Oportet esse peccatum suave. PH. An peccatum sit, nescio: sed tamen, si vacat, audies. Av. Audiam equidem lubens. PH. Scis quanta sit impostura apud nostros in his qui vendunt, aut locant equos? Av. Plus scio quam vellem, non semel ab illis delusus. PH. Nuper incidit mihi iter, cum satis prolixum, tum etiam accelerandum. Adeo quandam ex illis, quem dixisses ejus generis minime malum; & intercedebat mihi cum homine nonnihil etiam amicitiae. Narro mihi rem esse seriam; opus esse præstrenuo equo: si unquam præbuisset se mihi bonum virum, nunc præstaret. Ille pollicetur sese sic mecum acturum, ut ageret cum fratre suo carissimo. Av. Fortassis & fratri impositurus. PH. Inducit in stabulum, jubet ut eligam ex omnibus equis quemcunque vellem. Tandem unus plus cæteris arridebat. Ille probat judicium meum, dejerans eum equum frequenter a multis expetitur esse; se cum maluisse servare amico singulari, quam ignotis addicere. Conventum est de pretio: numeratur pecunia præsens, conscendo. Mira alacritate gestiebat equus in egressu; dixisses feroculum esse: nam erat obesus & pulchellus. Ubi jam equitassei sequehoram, sensi plane lassum, ne calcaribus quidem impelli posse. Audieram tales ab illis ad imposturam alii, quos e specie judicares insignes, cæterum laboris impatientissimos. Ego continuo mecum, Captus sum. Age, par pari referam, ubi rediero domum. Av. Quid heic consilii capiebas eques absque equo? PH. Id quod res dabat: deflexi in proximum vicum, illic clam apud quendam mihi notum deposui equum, & conduxī alterum: profectus sum quo destinarem; reversus sum, reddo conductitium equum, reperio meum sophistam, ut erat, obesum & pulcre requietum: eo vectus, redeo ad impostorem; rogo ut in stabulo suo alat dies aliquot, donec repetiero. Percunctatur quam commode me gesserit: Ego vero dejero per omnia sacra, me nunquam in vita conscendisse tergum equi felicioris; volasse potius quam ambulasse, nec tam longo itinere unquam sensisse lassitudinem, nec pilo factum ob laborem macriorem. Hæc cum illi persuasissem esse vera, tacitus secum cogitabat, equum illum alium esse, quam hæcenus suspicatus esset. Itaque priusquam abirem, rogabat num mihi venalis esset equus: primo negabam: quod si incideret iter denuo, non facile fore nancisci similem: attamen nihil esse mihi tam carum, quod non esset venale pretio largo, etiamsi quis me ipsum, inquam, cuperet emtum. Av. Næ tu pulcre Cretensem agebas cum Cretensi. PH. Quid multis? Non dimittit me, nisi pronunciata equi indicatura. Indicavi non paulo pluris quam emeram. Digressus ab homine, mox suborno, qui mihi partem agat hujus fabulæ, pulcre instructum atque edoctum: is ingressus domum, inlclamat locatorem, ait sibi opus esse insigni equo, & laboris egregie patienti. Alter ostendit multos, & pessimum quemque maxime prædicat; solum illum quem mihi vendiderat, quoniam existimabat vere talem qualem prædicaveram, non laudat. At alter illico rogat, num & ille venalis esset, nam descripturam illi formam

1 HIPPOPLANUS] Qui imponit in vendendis equis.
2 *ὁς ἐμνηστεύεται*] Id est, severitatem vultu præferens.

mam equi, & locum indicaram. Locator primum obtice-
scere, atque alios ambitiose prædicare. Cum iste cæteris ut-
cunque probatis, semper ageret de uno illo, tandem locator
apud se; Plane fefellit me iudicium de illo equo, siquidem
hic peregrinus statim agnovit hunc inter omnes. Cum in-
staret ille, tandem hic, Venalis est, inquit, sed pretio for-
rasse deterreberis. Non est, inquit ille, magnum pretium,
si rei dignitas respondeat: indica. Indicavit aliquanto pluri,
quam indicaram ipsi, captans & hoc lucri. Tandem conve-
nit de pretio, datur arrha satis magna, nempe regalis aureus,
ne qua suspicio incideret simulata: emtionis. Emtor jubet
equo dari pabulum, se mox ait rediturum, & abducturum,
dat etiam stabulario drachmam. Ego simul atque cognovi,
pactionem esse firmam, sic ut rescindi non posset, rursus o-
creis & calcaribus armatus redeo ad locatorem, anhelus
clamo. Adest ille, rogat quid velim. Illico, inquam, ador-
netur equus meus: Nam e vestigio proficiscendum est ob
rem maxime feriam. Atqui modo, inquit, mandabas ut ali-
quot dies alerem equum tuum. Verum, inquam, sed præ-
ter expectationem objectum est negotium, idque regium,
quod nullam patitur dilationem. Heic ille: eliges ex omni-
bus quem voles; tuum habere non potes. Rogo quam ob
rem? Quoniam venditus est, inquit. Ibi ego simulata ma-
gna perturbatione: Prohibeant, inquam, superi, quod di-
cis. Hoc objecto itinere non venderem eum equum, etiam
si quis numeret quadruplum. Incipio rixam, clamo me per-
ditum. Tandem incaluit & ille; Quid opus, inquit, his jurgi-
is? Indicasti equum, ego vendidi: si numero pretium, ni-
hil habes quod mecum agas, sunt in hac urbe leges: ad ex-
hibendum equum me non potes compellere. Cum diu cla-
massem, aut equum exhiberet, aut emtorem, tandem ira-
tus numerat pretium. Emeram quindecim aureis, æstima-
ram viginti sex. Ille æstimarat triginta duobus. Cogitabat
apud se, præstat hoc lucri facere, quam equum reddere. Ab-
eo dolenti similis, ac vix placatus etiam data pecunia. Il-
le rogat ut boni consulam, se aliis in rebus pensaturum hoc
incommodi. Sic impositum est impostori. Habet equum
nullius pretii. Exspectat ut, qui arrham dedit, veniat nume-
ratum pecuniam. At nemo venit, nec unquam venturus.
Av. Interim nunquam tecum exposulavit? Ph. Qua fron-
te, aut quo jure id faceret? Convenit quidem semel atque
iterum, conquestus est de fide emtoris. Verum ego ultro
exposulavi cum homine, dicens illum eo malo dignum,
qui præpropere venditione tali equo me spoliavit. Hoc
est crimen tam bene collocatum, mea sententia, ut non
possim inducere animum confiteri. Av. Ego mihi sta-
tuam poscerem, si quid tale designassem? tantum abest,
ut confessorus sim. Ph. An ex animo loquaris, nescio;
mihi tamen addis animum, quo magis lubeat talibus face-
refucum.

Π Τ Ω Χ Ο Λ Ο Γ Ι Α .

IRIDES, MISOPONUS.

IR. Quam ego huc novam avem video advolare? A-
gnosco faciem, sed vestis non convenit. Aut ego
prorsus hallucinor, aut hic est Misoponus. Audendum est:
compellabo hominem, quamlibet pannosus. Salve, Misop-
pone. Mr. Iridem video. IR. Salve, Misopone. Mr. Tace,
inquam. IR. Quid? an salvere non vis? Mr. Non isto qui-
dem nomine. IR. Quid accidit? an non es idem qui fueras?
An cum veste mutatur & nomen? Mr. Non; sed verus re-
ceptum est. IR. Quis tum eras? Mr. Apitius. IR. Ne te
pudeat veteris sodalis, si quid melioris obtigit fortunæ: non
diu est quod eras ordinis nostri. Mr. Concede huc fodes, &
audies rem omnem. Non pudet ordinis vestri, sed pudet
primi ordinis. IR. Quem ordinem narras? Franciscanorum?
Mr. Nequaquam, o bone, sed decoctorum. IR. Næ tu
istius ordinis sodales habes quam plurimos. Mr. Eram re-
lauta; prodegi strenue; ubi res defecit, nullus agnoscebat
Apitium. Profugi pudore, verti me ad vestrum collegium:
hoc malui quam fodere. IR. Sapiisti. Sed unde subito no-
vus nitor corporis? Nam de veste mutata non perinde mi-
ror. Mr. Quam ob rem? IR. Quia Dea Laverna multos fu-

1 Πτωχολόγος] Id est, sermo de mendicis; a πτωχός, mendicus,
& λόγος, sermo.

2 Irides] Irides vox patronymica, quasi dicas Iri filium. Nota autem
est Iri Ithacensis mendici, assecræ procorum Penelopes pauperis: ita ut
in proverbium abierit, Iri pauperior. Ab Ulysse domum reverso interfectus
est pugno.

3 Misoponus] Ostor laborum; ex μῦθος, odi, & πόνος, labor.

bito ditat. Mr. An suspicaris me furto parasse rem? IR. Hoc
fortassis ignavius. Rapina igitur. Mr. Non per vestram Pe-
niam, neque furto, neque rapina. Sed de nitore corporis
prius expediam, quod tibi videtur mirabilius. IR. Nam apud
nos eras totus ulcerosus. Mr. Nimirum sum usus amicissimo
medico. IR. Quonam? Mr. Non alio quam me ipso, nisi si
quem arbitraris mihi me ipso amiciorem. IR. Atqui nescie-
bam te callere rem medicam antehac. Mr. Totum illum
ornatum ipse pigmentis affixeram, thure, sulphure, resina,
visco, linteis, cruore. Ubi visum est, quod affixeram, de-
traxi. IR. O impostorem! nihil te videbatur miserabilius.
Poteris in tragœdia sustinere personam Job. Mr. Sic tum
ferebat egestas; quanquam fortuna nonnunquam & eutem
mutare solet. IR. Dic igitur de fortuna. Repertus est the-
saurus aliquis? Mr. Non; sed repertus est quæstus vestro
paulo commodior. IR. Qui potuisti facere quæstum, cum
non suppeteret fors? Mr. Artem quævis terra alit. IR. In-
telligo. Dicis artem incidendi loculos. Mr. Bona verba.
Dico artem alcumificam. IR. Vix quindecim dies sunt,
quod nos reliquisti, & artem assequutus es, quam alii vix
multis annis perdiscunt? Mr. Nactus sum viam compendia-
riam. IR. Quam, obsecro? Mr. Ars vestra conflaverat mi-
hi quatuor ferme aureos; bona quadam fortuna incidi in ve-
terem congertonem, qui nihilo felicius rem administrarat
quam ego. Compotabamus: coepit, ut fit, narrare suas for-
tunas: paciscor hac lege, ut ille biberet immunis, mihi com-
municaret artem. Communicavit bona fide: ea nunc vesti-
gal est mihi. IR. Non licet discere? Mr. Tibi vel gratis im-
partiam, ob pristinum sodalium. Scis nusquam non inve-
niri plurimos hujus artis avidissimos. IR. Audi vi, & credo.
Mr. In horum familiaritatem quacunq; occasione memet
insinuo, jacto artem. Ubi sensero larum hiantem, escam
paro. IR. Quo pacto? Mr. Ultro eos moneo, ne temere
credant ejus artis professoribus. Nam plerisque esse impo-
stores, id agentes præstigiis suis, ut exhauriant loculos in-
cautorum. IR. Istuc procemii parum accommodum tuo
negotio. Mr. Imo illud etiam addo, ne quid mihi ipsi cre-
dant, ni rem certam oculis ac manibus deprehenderint. IR.
Miram artis fiduciam mihi narras. Mr. Jubeo illos adesse,
dum peragitur metamorphosis: jubeo attentos esse: quo-
que minus dubitent, jubeo ut ipsi manibus rem omnem
peragant, me procul spectante, nec digitum admove-
te: liquefactam materiam jubeo ut purgent ipsi, aut au-
rifici purgandam deferant: prædico quantum argenti auri-
ve sit eliquandum: denique quod eliquatum est, jubeo ut
pluribus aurificibus deferant ad Lydium lapidem exploran-
dum. Reperiunt pondus prædictum, reperiunt purgatissi-
mum aurum aut argentum: nihil enim refert, nisi quod mi-
nore periculo mihi quidem restentatur in argento. IR. Pro-
inde nihil habet ars tua fuci? Mr. Imo merus fucus est. IR.
Nondum video præstigium. Mr. Paxo ut videas. Primum
paciscor de mercede; eam nolo mihi numerari, nisi prius e-
dito artis experimento. Trado illis pulvisculum, quasi hu-
jus vi conficiatur totum negotium. Rationem conficiendi
pulveris non communico, nisi magna mercede redemerint.
Exigo jusjurandum, ne proferant arcanum artis intra sex
menses cuiquam mortalium aut immortalium. IR. Non-
dum audio fucum. Mr. Fucus omnis est in uno carbone
in hoc parato. Excavo carbonem; in eum infero liquefa-
ctum argentum, quantum prædico reddendum: post infu-
sum pulverem, sic instruo vas, ut non solum inferne & a la-
teribus cingatur prunis, verum etiam superne: persuadeo
hoc esse artis. Inter carbones, qui superne imponuntur, u-
num admisceo, qui tegit argentum, aut aurum. Id vi calo-
ris liquefactum defluit in reliquam materiam, quæ liquefcit,
puta stannum, aut æs: repurgatione facta invenitur quod
admixtum est. IR. Ars expedita: sed quomodo fallis, si al-
ter rem agat suis manibus? Mr. Cum is me præscribente
perfecit omnia, priusquam moveatur vas alcumificum,
accedo tandem, & circumspicio, ne quid forte sit omis-
sum. Ajo mihi videri superne deesse unum atque alterum carbo-
nem, clam appono meum; fingo me eum tollere ex acer-
vo reliquorum, aut illic ante sic positum, ut nulli possit a-
gnosci, & illum fallere. Tollo. IR. Cæterum cum illis ab-
que te periculum facientibus non succedit, quid adfers?

Tom. I. Bbb 2 . Mr.

4 Penia] Paupertas. Dea apud Aristophanem.

5 Larum hiantem] Larus hians dicebatur, ubi quis avidus inhiaret
prædæ. Est enim larus avis avida, voraxque.

759

MI. Mihi nihil est periculi, jam numerata pecunia. Aliquid comminiscor, aut ollam fuisse insinceram, aut carbones vitiosos, aut ignem parum scite temperatum. Denique pars est artis, quam profiteor, non diu harere in eodem loco. IR. An tantus est proventus istius artis, ut te possit alere? MI. Et quidem splendide: posthac tu quoque, si sapias, relinques istam miseriam, & nostro accedes ordini. IR. Imo citius illud agam, ut te revocem in nostrum ordinem. MI. Ut volens repetam quod semel effugi, ac deseram bonum, quod inveni? IR. Habet hoc nostra professio, dulcescit assuetudine. Proinde cum multi sint, qui deficiant ab instituto divi Francisci, aut Benedicti; quem unquam vidisti, qui diutius versatus in ordine nostro defecerit? Nam tam paucis mensibus vix gustare poteris, quid esset mendicitas. MI. Is gustus me docuit, esse rem omnium miseriam. IR. Cur igitur nemo deficit? MI. Fortasse quia natura miseri sunt. IR. Ego hanc miseriam ne cum regum quidem fortuna commutarim. Nihil enim regno similis, quam mendicitas. MI. Quid ego audio; nihil ni-vi similis, quam carbo. IR. Dic mihi, qua re potissimum beati sunt reges? MI. Quia faciunt quod animo collubatum est. IR. Ista libertas, qua nihil suavius, nemini regum magis adest, quam nobis. Nec dubito, quin multi reges sint, qui nobis videantur. Sive bellum est, sive pax, nos tuto vivimus: non describimur ad militiam, non vocamur ad munia publica, non censetur: cum populus expilatur exactionibus, nullus inquit in vitam nostram: si quid admissum est etiam atrocius, quis dignetur in jus vocare mendicum? Etiam si pulsamus hominem, pudet pugnare cum mendico. Regibus nec in pace, nec in bello licet suaviter agere: & quo majores sunt, hoc plures metuunt. Nos, veluti Deo sacros, etiam religione quadam metuit vulgus offendere. MI. Sed interim fordescent in pannis, & calulis. IR. Quid ista faciunt ad veram felicitatem? Extra hominem sunt, quæ narras. His pannis debemus nostram felicitatem. MI. At vereor ne vobis brevi peritura sit felicitatis istius bona pars. IR. Qui sic? MI. Quia jam hoc mussant civitates, ne mendicis liberum sit quo libet evagari, sed unaquæque civitas suos alat mendicos, & in his, qui valent, adigantur ad laborem. IR. Cur hoc moliantur? Quia comperiunt ingentia facinora sub mendicitatis prætextu perpetrari. Deinde non minimam perniciem ex vestro ordine nasci. IR. Istiusmodi fabulas frequenter audiui. Id fiet ad Calendas Græcas. MI. Fortasse citius, quam velles.

Convivium Fabulosum.

POLYMYTHUS, GELASINUS, EUTRAPELUS, ASTÆUS, PHILYTHLUS, PHILOGELOS, EUGLOTTUS, LEROCHARES, ADOLESCHES.

PO. UT non decet civitatem bene institutam esse sine legibus ac principe, ita nec convivium oportet, *ἀναρχον εἶναι καὶ ἀνομόν*. GE. Istuc vero perplacet, ut unus totius populi nomine respondeam. PO. Heus puer, adfer huc tales; horum suffragiis decernetur regnum, cuicumque favorit Jupiter. EV. Euge, Eutrapelo favit Jupiter. Non fuere sortes cæcæ; non poterat magis idoneus eligi, etiam si per singulas tribus viritum collecta fuissent puncta. Vulgo jactatur proverbium non tam vanum, quam parum Latinum, *Novus Rex, novus Lex*. 2. *Νομὸς τίς γάρ, ὃ βασιλεὺς*. EV. Quod felix faustumque sit huic convivio: Primum edico, ne quis heic proferto præter ridiculas fabulas. Cui deerit fabula, drachma multator; ea pecunia in vinum infumitor. Atqui in legitimis fabulis etiam ex tempore conficta habentur, modo servetur 3. *τὸ πιθανόν, καὶ τὸ πρέπον*. Si nulli defuerit fabula, duo, quorum alter lepidissimam, alter frigidissimam fabulam dixerit, vini pretium pendunt. Convivator a vini sumtu immunis esto; ciborum sumtum unus suppeditato: hujus rei si quid inciderit controversiæ, Gelasinus arbiter ac judex esto. Hæc si vos sciveritis, rata sunt. Qui legi parere noluerit, abito: sic tamen ut postridie ad computationem redire jus fasque sit. GE. Legem a regem nostris suffragiis ratam esse volumus. Sed unde proficiscetur fabularum circulus? EV. Unde, nisi a convivatore? AS. Licetne, rex, dicere tria

verba? EV. An tu credis nefastum esse convivium? AS. Jureconfulti negant legem esse, quæ non sit æqua. EV. Assentior. AS. At tua lex æquat optimam fabulam pessimæ. EV. Ubi voluptas quæritur, ibi non minus laudis promeretur, qui pessime dixit, quam qui optime, eo quod non minus delectet. Velut inter cantores nemo voluptati est, nisi qui aut insigniter bene cecinerit, aut egregie male. Nonne plures ridet audito coccycæ, quam audita lusciniæ? Heic mediocritas laudem non habet. AS. At cur plectuntur qui laudem auferunt? EV. Ne nimia felicitas provocet illis Nemefim aliquam, si simul & laudem auferrent & immunitatem. AS. Per Bromium, Minos ipse nunquam tulit legem æquiorum. PHILY. Nullam ferēs legem de modo bibendi? EV. Dispecta re, sequar exemplum Agefilæ Lacedæmoniorum regis. PHILY. Quid is fecit? EV. Is cum tempore quodam symposiarchus talorum arbitrio delectus esset; rogante architriclino, quantum cuique vini juberet apponi: Si largior, inquit, vini copia parata est, dato cuique quantum poposcerit: si malignior, omnibus ex æquo distribuito. PHILY. Quid sibi voluit Lacon ille cum hæc diceret? EV. Hoc agebat, ut neque temulentum, neque rursum querulum esset convivium. PHILY. Qui sic? EV. Quia sunt qui gaudent largius bibere, sunt qui gaudent parcius: reperiuntur & abstemii, qualis dicitur fuisse Romulus. Itaque si nulli datur vinum nisi poscenti, primum nemo compellitur ad bibendum; & tamen nihil desiderant, quibus grata est largior potatio. Ita fit ut nemo tristis sit in convivio. Rursus, si parcius copia vini distribuitur æquis portionibus in singulos, satis habent qui bibunt moderatus: neque quisquam in æqualitate potest obmurmurare, quando qui largius erat haustus, æquo animo componit sese ad temperantiam. Hoc exemplum si placet, utar. Volumus enim hoc convivium fabulosum esse, non vinosum. PHILY. Quid igitur bibebat Romulus? EV. Idem quod bibunt canes. PHILY. An non istud indignum rege? EV. Nihilo magis quam quod Reges spirant aere cum canibus communi: nisi quod illud interest; Rex non bibit eandem aquam, quam biberet canis: sed aerem quem efflavit rex, haurit canis; & vicissim quem efflavit canis, haurit rex. Plus gloriæ tulisset Alexander ille magnus, si cum canibus bibisset. Nihil enim pejus regi, qui tot hominum millibus vigilat, quam vinolentia. Cæterum Romulum abstemium fuisse, declarat apophthegma non infestiviter ab illo dictum. 4. Etenim cum quidam, videns illum abstinere a vino, dixisset: *Vinum vile futurum, si omnes biberent quemadmodum ille*: Imo, inquit, tum arbitror fore carissimum, si biberent omnes vinum quemadmodum ego. Bibo enim quantum libet. GE. Utinam heic adesset noster Joannes Botzemus Canonicus Constantiensis, qui nobis Romulum quendam referret! nam & is abstemius non minus est, quam dicitur; alioqui comis ac festivus conviva. PO. Age, si simul potestis, non dicam sorbere & flare, quod 5. Plautus ait esse difficile, sed edere & audire, quod est perfacile, bonis avibus auspicabor fabulandi munus. Si parum erit lepidæ fabula, scitote Batavam esse. Opinor aliquot vestrum auditum Macci nomen. GE. Non ita diu est quod periit. PO. Is cum venisset in civitatem quæ dicitur Leydis, ac vellet novus hospes innotescere joco quopiam, (nam is erat homini mos;) ingressus est officinam calcearii: salutat. Ille cupiens extrudere merces suas, rogat nunquid vellet. Maccus conjiciente oculos in ocreas ibi pensiles, rogat futor num vellet ocreas. Annuente Macco, quærit aptas tibiis illius; inventas alacriter protulit, & ut solent, inducit illi. Ubi jam Maccus esset eleganter ocreatus, Quam belle, inquit, congrueret his ocreis par calceorum duplicatis soleis. Rogatus an & calceos vellet, annuit. Reperti sunt, & additi pedibus. Maccus laudabat ocreas, laudabat calceos. Calcearius tacite gaudens, succinebat illi laudanti, sperans pretium æquius, posteaquam emptori tantopere placeret merx. Et jam erat nonnulla contracta familiaritas. Heic Maccus: Dic mihi, inquit, bona fide, nunquamne usu venit tibi, ut, quem sic ocreis & calceis ad cursum armasses, quemadmodum nunc armasti me, abierit non numerato pretio? Nunquam, ait ille. Atqui si forte, inquit, veniat usu,

1. *Sile magistratu & sine lege.*2. *Leges fer, ὁ Rex.*3. *Τὸ πιθανόν*. Id est, *verisimile, τὸ πρέπον*, id est, *decorum.*4. *A Gelbi Noct. Anticis L. XI, c. 14.* Sed hinc liquet Romulum abstemium quidem a nimio vini potu, cum voluit, sed non fuisse prorsus abstemium.5. *Mostellariz Act. III. S. II, v. 104.*

usu, quid tu tum faceres? Consequeretur, inquit calcearius, fugientem. Tum Maccus, Serione ista dicis, an joco? Plane serio, inquit alter, loquor, & serio facerem. Experiar, ait Maccus. En pro calceis præcurro, tu cursu sequere. Simulque cum dicto coniecit se in pedes. Calcearius e vestigio consecutus est, quantum poterat: clamitans, Tenete furem, tenete furem. Ad hanc vocem cum cives undique proflissent ex ædibus, hoc commento cohibuit illos Maccus, ne quis manum injiceret; ridens ac vultu placido, Ne quis, inquit, remoretur cursum nostrum; certamen est de cupa cervisiæ. Itaque jam omnes præbere sese certaminis spectatores. Suspiciantur autem calcearium dolo clamorem eum fingere, ut hac occasione anteverteret. Tandem calcearius cursu victus, sudans & anhelus domum rediit. Maccus tulit brabeum. GE. Maccus iste effugit quidem calcearium, at non effugit furem. PO. Quam ob rem? GE. Quia furem ferebat secum. PO. Forte tum non erat ad manum pecunia, quam postea resolvit. GE. Verum erat actio furti. PO. Ea quidem post intentata est, sed jam magistratibus aliquot innotuerat Maccus. GE. Quid attulit Maccus? PO. Quid attulit, rogas? in causâ tam vincibili? Magis periclitatus est actor, quam reus. GE. Qui sic? PO. Quia gravabat illum actione calumniæ, & intendebat legem Rhemiam, quæ dicitur, ut, qui crimen intenderit, quod probare non possit, poenam ferat quam laturus erat reus, si convictus fuisset. Negabat se contrafactis rem alienam invito domino, sed ultro deferente, nec ullam pretii mentionem intercessisse. Se provocasse calcearium ad certamen cursus; illum accepisse conditionem; nec habere quod queratur, cum esset cursu superatus. GE. Hæc actio non multum abest: ab umbra asini. Quid tandem? PO. Ubi satis risum est, quidam e iudicibus vocavit Maccum ad coenam, & numeravit calceario pretium. Simile quiddam accidit Daventriæ me puero. Erat tempus illud, quo regnant piscatores, frigent lanii. Quidam adstabat ad fenestram fructuariæ, sive Græce mavultis, *operapolidis*, foeminae vehementer obefæ, oculis intentis in ea quæ propolita venum erant: illa ex more invitavit, si quid vellet: & cum videret hominem intentum fisis: Vis, ait, ficos? sunt perquam elegantes. Cum ille annuisset, rogat quot libras vellet: Vis, inquit, quinque libras? Annuenti, tantum fisorum effudit in gremium. Dum illa reponit lances, ille se subducit, non cursu, sed placide. Ubi prodisset acceptura pecuniam, vidit emptorem abire, insequitur majore voce, quam cursu. Ille dissimulans pergit quo coepit ire: tandem multis ad foeminae vocem concurrentibus, restitit. Ibi in populi corona agit causâ: risus oboritur: emptor negabat se emisisse, sed quod ultro delatum fuisset, accepisse: si vellet experiri apud iudices, se compariturum. GE. Age, narrabo fabulam, tuæ non admodum dissimilem fortasse, nec inferiorem, nisi quod hæc non habet auctorem perinde celebrem atque est Maccus. Pythagoras totum mercatum dividebat in tria hominum genera: quorum alii prodissent ut venderent, alii ut emerent: hoc utrumque genus aiebat sollicitum esse, proinde nec felix: alios non ob aliud venire in forum, quam ut spectent quid illic proferatur, aut quid agatur: hos solos esse felices, quod vacui curis, gratuita voluptate fruenter. Atque ad hunc modum dicebat Philosophum versari in hoc mundo, quemadmodum illi versarentur in mercatu. Verum in nostris emporiis quantum hominum genus obambulare solet, qui nec emunt, nec vendunt, nec otiosi contemplantur; sed observant solliciti si quid possint involare. Atque in hoc genere reperiuntur quidam mire dextri, dicas esse Mercurio favente natos. Convivator dedit fabulam cum coronide, ego dabo cum procemio. Nunc accipite quod nuper accidit Antverpiæ. Sacrificus quidam receperat illic mediocrem summam pecuniæ, sed argenteæ. Id impostor quidam animadverterat. Adiit sacrificum, qui gestabat in zona crumenam nummisturgidam: salutat civiliter; narrat sibi datum negotium a suis, ut vici sui pa-

rocho mercaretur novum pallium sacrum, quæ summa vestis est Sacerdoti, rem divinam peragenti. Rogat, hac in re commodaret sibi tantillum operæ, ut secum iret ad eos, qui vendunt hujusmodi pallia, quo videlicet ex modo corporis ipsius, sumeret majus aut minus; nam sibi videri staturam ipsius cum parochi magnitudine vehementer congruere. Hoc officium, cum leve videretur, facile pollicitus est sacrificus. Adeunt ædes cujusdam. Prolatum est pallium, sacrificus induit, venditor affirmat mire congruere. Impostor cum nunc a fronte, nunc a tergo contemplatus esset sacrificum, satis probavit pallium; sed causatus est a fronte brevius quam par esset. Ibi venditor, ne non procederet contractus, negat id esse pallii vitium, sed crumenam turgidam efficere, ut ea parte offenderet brevitas. Quid multa? Sacrificus deponit crumenam: denuo contemplantur. Ibi impostor averso sacrificio, crumenam arripit, ac semet in pedes conjicit. Sacerdos cursu insequitur, ut erat palliatus, & Sacrificum venditor. Sacrificus clamat, *Tenete furem*: venditor clamat, *Tenete Sacrificum*: impostor clamat, *Cohibete Sacrificum furem*: & creditum est, cum viderent illum sic ornatum in publico currere. Itaque dum alter alteri in mora est, impostor effugit. EVR. Dignus qui non simplici suspensio percat, tantus artifex. GE. Nisi jam pender. EVR. Utinam non solus, sed una cum illo qui talibus portentis favent in perniciem Reipub. GE. Non favent gratis. 2 Catena est, quæ demissa in terras pertingit ad Jovem. EVR. Ad fabulas redeundum. C. AS. Ad te redit ordo, si fas est regem in ordinem cogere. EVR. Non cogar; imo volens veniam in ordinem; alioqui tyrannus essem, non rex, si leges, 3 quas aliis præscribo, recusem. AS. Veruntamen ajunt principem esse supra leges. EVR. Istuc non omnino falso dictum est, si principem accipias summum illum principem, quem tum vocabant *Cæsarem*. Deinde si sic accipias superiorem legibus, quod alii coacti utcumque fervant, illum suapte sponte multo cumulatius præstare. Quod enim animus est corpori, hoc est bonus princeps Reipublicæ. Quid opus erat addere, *bonus*, quando malus princeps non est princeps: quemadmodum spiritus impurus, qui invasit corpus hominis, non est animus. Sed ad fabulam; & arbitror convenire, ut rex regiam fabulam adferam. 4 Ludovicus Galliarum rex, ejus nominis undecimus, cum rebus domi turbatis peregrinaretur apud Burgundiones, occasione venationis nactus est familiaritatem cum Conone quodam homine rustico, sed animi simplicis ac sinceri. Nam hoc genus hominibus delectantur monarchæ. Ad hujus ædes frequenter diverterat rex ex venatu; & ut plebeis rebus nonnunquam delectantur magni principes, apud eum magna cum voluptate vescabatur rapis. Mox ubi Ludovicus restitutus, jam rerum potiretur apud Gallos, submonuit Cononem uxorem, ut regem veteris hospitii commonefaceret; adiret illum, & rapas aliquot insignes illi dono adferret. Tergiversatus est Conon, se lufurum operam: principes enim non meminisse talium officiorum. Sed vicit uxor. Deligit Conon rapas aliquot insignes, accingitur itineri. Verum ipse per viam captus illecebra cibi, paullatim devoravit omnes, una dumtaxat excepta insigniter magna. Ubi Conon prorepisset in aulam, qua rex erat iturus, statim agnitus est a rege, & accersitus. Ille magna cum alacritate detulit munus; rex majore cum alacritate accepit; mandans cuidam e proximis ut diligenter reponeretur inter ea, quæ haberet carissima. Cononem jubet secum prandere: a prandio egit Cononi gratias; & cupienti repetere rus suum, jussit pro rapa numerari mille coronatos aureos. Hujus rei fama cum ut fit, per omne regis famulitium esset pervagata, quidam ex aulicis dono dedit regi equum non inelegantem. Rex intelligens illum provocatum benignitate quam præstiterat Cononi, captare prædam; vultu majorem in modum alacri, accepit munus; & convocatis primoribus consultare coepit, quo munere pensaret equum tam bellum; tamque pretiosum. Interim, qui donarat equum, spes opimas animo concipiebat, sic cogitans:

Tom. I.

Bbb 3

Si

1 *Ab umbra asini*] Vide Chikades. Origo adagii ad Demosthenem refertur: qui defendens quendam in causa capitali coram iudicibus parum attentis, hujusmodi fabulam intertextit. Juvenis iter faciens, cum aulicis æstium meridianum effugeret, sub asino refedit. Cæterum id agaso non sinebat, clamans asinum locatum non asini umbram. Alter asseverabat esse conductam. Post acerrimam rixam in jus ambulant. Demosthenes hæc proloquutus repente e tribunalibus descendit. Rogatus a iudicibus ut reliquam fabulam enarraret, respondit: De umbra asini libet audire, viri causam de vita periclitantis audire gravamini.

2 *Catena est*] Alludit ad catenam auream Homerii, de qua Iliados 9, sub initium.

3 *Quas aliis præscribo*] Hinc Pittacus apud Aufonium: *Pareto legi quisquis legem sanxeris*.

4 *Ludovicus Galliarum*] Est hic Ludovicus, qui patri Carolo in imperium successit, homo callidus & insidiosus. Obiit apud Turones Plesiaci ann. 1483.

763

Si sic pensavit rapam donatam a rustico; quanto munificentius pensaturus est equum talem, oblatum ab aulico? Cum regi veluti de re magna consultanti, alius aliud responderet, diuque vana spe lactatus esset captator; tandem rex: Venit, inquit, in mentem, quod illi donem: & accersito ex proceribus quopiam, dicit in aurem, ut adferat id quod reperiret in cubiculo (simulque locum designat) serico diligenter obvolutum. Adfertur rapa: eam, ut erat obvoluta, rex sua manu donat aulico; addens, sibi videri bene pensatum equum cimelio, quod sibi constitisset mille coronatis. Digressus aulicus dum tollit linteum, pro thesauro reperit, non carbonem, quod ajunt, sed rapam jam subaridam. Ita captator ille captus, risui fuit omnibus. As. Jam si permittis, rex, ut plebejus loquar regalia, referam quod ex tua fabula venit in mentem de eodem Ludovico. Nam ut ansa ansam, ita fabula trahit fabulam. Quidam famulus, cum vidisset pediculum repentem in veste regia, flexis genibus, ac sublata manu, significat, se nescio quid officii præstare velle. Ludovico præbente se, sustulit pediculum, & clam abiecit. Rogante rege quid esset, puduit fateri. Cum instaret rex, falsus est fuisse pediculum. Lætum, inquit, omen est; declarat enim me esse hominem, quod hoc genus vermiculorum peculiariter infestet hominem, præsertim in adolescentia. Jussitque pro officio numerari coronatos quadraginta. Post dies aliquam multos alter quidam, qui viderat illi feliciter cessisse tam humile officium; nec animadvertens, plurimum interesse, ex animo facias quid, an arte; simili gestu aggressus est regem, ac rursus illo se præbente, simulabat se tollere quiddam e veste regia, quod mox abiceret. Cum urgeret rex tergiversantem, ut diceret quid esset, mire simulato pudore, tandem respondit esse pulicem. Rex intellecto fūco, Quid, inquit, an tu me facies canem? Jussit tolli hominem, ac pro captatis quadraginta coronatis, infligi quadraginta plagas. PHILY. Non tutum est, ut audio, cum regibus facetiis ludere. Quemadmodum enim leones se nonnunquam placide præbent fricanti, iidem, ubi lubitum est, leones sunt, & jacet collusor; itidem favent principes. Sed adferam tuæ fabulæ fabulam non dissimilem, ne recedamus interim a Ludovico, cui pro delectamento erat, ¹ corvos hiantes fallere. Dono acceperat alicunde decem millia coronatorum. (quoties autem principibus obtingit nova pecunia, venantur omnes officarii, & captant aliquam prædæ partem; id non fugiebat Ludovicum.) Cum igitur ea pecunia exprompta esset in mensa, quo magis irritaret spem omnium, sic loquutus est circumstantibus: Quid? an non videor vobis rex opulentus? Ubi collocabimus tantam pecuniæ vim? Donatitia est, donari vicissim convenit. Ubi nunc sunt amici, quibus pro suis in me officiis debeo? Adfint nunc, priusquam effluat hic thesaurus. Ad hanc vocem accurrere permulti: nemo non sibi sperabat aliquid. Rex cum vidisset aliquem maxime inhiantem, & jam oculis devorantem pecuniam; ad eum conversus, Amice, inquit, quid tu narras? Ille commemorabat se diu aluisse falcones regios, summa fide, nec sine gravibus impendiis: alius aliud adferebat; suum quisque officium verbis quantum poterat exaggerabat, idque non sine mendaciis. Rex omnes benigne audiebat, & singulorum orationem comprobabat. Hæc consultatio dilata est, in longum tempus, quo diutius spe metuque torqueret omnes. Adstabat inter hos primus Cancellarius; nam & hunc jusserat acciri. Is cæteris prudentior, non prædicabat officia sua, sed agebat spectatorem fabulæ. Ad hunc tandem conversus rex: Quid, inquit, narrat meus Cancellarius? Solus ille nihil petit; nec prædicat officia sua. Ego, inquit Cancellarius, plus accepi a benignitate regia, quam promeruerim: nec ulla de re magis sollicitus sum, quam ut regiæ in me munificentia respondeam; tantum abest ut velim flagitare plura. Tum rex: Unus igitur, inquit, omnium non egres pecunia? Ne egerem, inquit alter, jam tua præstitit benignitas. Ibi rex versus ad alios: Næ ego sum, inquit, regum omnium magnificentissimus, qui tam opulentum habeam Cancellarium. Heic magis accensâ spes est omnibus, futurum ut pecunia cæteris distribueretur, quandoquidem ille nihil

A ambiebat. Ad hunc modum, ubi satis diu lussisset rex, coegit Cancellarium, ut totam eam summam domum auferret. Moxque versus ad cæteros jam mœstos, Vobis, inquit, erit alia expectanda occasio. PHI. Fortasse frigidius videbitur quod narraturus sum; proinde deprecor doli mali suspicionem, fucive; ne videar de industria ambuisse immunitatem. Adit eundem Ludovicum quidam, petens ut munus, quod forte vacabat in eo pago in quo habitabat, juberet in ipsum transferri. Rex audita petitione, expedite respondit, *Nihil efficies*; videlicet amputans omnem spem impetrandi quod petebatur. Petitor item, mox actis regi gratias, discessit. Rex ex ipsa fronte colligens hominem esse non omnino finistri ingenii, suspicansque illum non intellexisse, quid respondisset, jubet eum revocari. Redit. Tum rex, Intellexeras, inquit, quid tibi responderem? Intellexi. Quid igitur dixi? *Me nihil effecturum*. Cur igitur agebas gratias? Quoniam, inquit, est, domi quod agam: proinde magno meo incommodo persequutus eram heic spem ancipitem: nunc beneficium interpretor, cito negasse beneficium; meque lucratum quidquid eram perditurus, si vana spe lactatus fuisset. Ex eo responso rex conjectans hominem minime segnem, ubi pauca percunctatus esset, Habebis, inquit, quod petis, quo mihi bis gratias agas; simulque versus ad officarios, Expediantur, inquit, huic sine mora diplomata, ne heic diu suo damno hæreat. EVG. Non deest quod referam de Ludovico, sed malo, de nostro Maximiliano: Qui ut nequaquam solitus est defodere pecuniam, ita clementissimus erat in eos, qui decoxerant; modo nobilitatis titulo commendarentur. Ex hoc hominum genere cum cuidam juveni vellet opitulari, mandavit illi legationem, ut a civitate quadam, titulo nescio quo, peteret centum millia florenorum. Talis autem erat titulus, ut si quid impetratum esset dexteritate legati, pro lucro duci posset. Legatus extorsit millia quinquaginta; Cæsari reddidit triginta. Cæsar lætus insperata prædâ, dimisit hominem, præterea nihil inquirens. Interea quæstores & rationales olfecerant plus acceptum fuisse quam exhibitum. Interpellant Cæsarem, ut accerferet hominem. Accitus est: venit illico. Tum Maximilianus: Audio, inquit, te accepisse millia quinquaginta. Falsus est. Non exhibuisti nisi triginta millia. Falsus est & hoc. Reddenda est, inquit, ratio. Promisit se facturum; ac discessit. Rursum cum nihil esset actum, interpellantibus officiariis, revocatus est. Tum Cæsar, Nuper, inquit, jussus es reddere rationem. Memini, inquit ille; & in hoc sum. Cæsar suspicans, illi rationem nondum satis esse subductam, passus est illum sic abire. Cum sic eluderet, officiarii vehementer instabant; clamitantes, non esse ferendum, ut ille tam palam illuderet Cæsari. Persuaserunt, ut accersitus juberetur ibi præsentibus ipsis exhibere rationem. Annuit Cæsar. Accitus venit illico, nihil tergiversatus. Tum Cæsar, Nonne, inquit, pollicitus es rationem? Pollicitus, respondit ille. Jam, inquit, opus est: en adfunt qui excipiant; nec est diutius tergiversandi locus. Assidebant officiarii, paratis ad id codicillis. Ibi juvenis sat dextre; Non detrecto, inquit, rationem, invictissime Cæsar, verum hujusmodi rationum non sum admodum peritus, ut qui nunquam reddiderim: isti qui assident, talium rationum sunt peritissimi, si vel semel videro quemadmodum illi tractent hujusmodi rationes, ego facile imitabor. Rogo jubeas illos vel exemplum edere, videbunt me docilem. Cæsar sensit dictum hominis, quod non intelligebant hi, in quos dicebatur, ac subridens, Verum, inquit, narras; & æquum postulas. Ita juvenem dimisit. Subindicabat enim, sic illos Cæsari solere reddere rationem, quemadmodum ipse reddiderat; nimium ut bona pecuniæ portio penes ipsos remaneret. LZ. Nunc tempus est, ut ab equis, quod ajunt, ad asinos descendat fabula; a regibus ad Antonium sacrificum Lovaniensem, qui Philippo cognomento Bono fuit in deliciis. Hujus viri feruntur multa vel jucunde dicta, vel jocose facta, sed pleraque sordidiora. Nam plerisque lusus suos condire solitus est unguento quodam, quod non admodum eleganter sonat, sed pejus olet. Deligam unum ex mundioribus. Invitarat unum atque alterum bellum homunculum forte ob-

¹ *Corvos hiantes fallere*] Horatius de Corano Nasice socero, qui, spe testamenti ostentata, moriens nihil nisi plorare reliquit, hunc versum habet: *Plerumque recollus Scriba ex quinque viro corvum delusit hiantem*. Corvum autem deludit hiantem, qui captatorem suum arte trahitur.

² *Cæsar lætus insperata*] Est hic ille Maximilianus, qui vivente patre Frederico III. Romanorum Rex factus, eidem successit. Ex Maria Burgundâ Philippum patrem Caroli V. suscepit. Anno uno sexagenario minor Neofiadii obiit anno 1519.

obvius in via. Cum redisset domum, reperit culinam frigidam, nec erat nummus in oculis; quod illi nequaquam erat insolens. Heic opus erat celeri consilio. Subdixit se tacitus: & ingressus culinam foeneratoris, quicum illi erat familiaritas, quod frequenter ageret cum illo; digressa famula, subdixit unam ex ollis aeneis una cum carnibus jam coctis, ac veste testam deferre domum: dat coquæ: jubet protinus effundi carnes & jus in aliam ollam fictilem, simulque foeneratoris ollam defricari donec niteret. Eo facto mittit puerum ad foeneratorem, qui deposito pignore drachmas duas a foeneratore sumat mutuo, sed accipiat chirographum, quod testaretur talem ollam missam ad ipsum. Foenerator non agnoscens ollam, utpote defricatam ac nitentem, recipit pignus, dat chirographum, & numerat pecuniam; ea pecunia puer emit vinum. Ita prospectum est convivio. Tandem cum appareretur prandium foeneratori, desiderata est olla. Heic jurgium adversus coquam. Ea cum gravaretur, constanter affirmavit, neminem eo die fuisse in culina præter Antonium. Improbum videbatur hoc suspicari de sacrificio. Tandem itum est ad illum exploratum, an apud illum esset olla: nemus quidem olla reperta. Quid multis? Serio flagitata est ab illo olla, quod solus ingressus esset culinam, quo tempore desiderata est. Ille fassus est summisse commodato ollam quandam, sed quam remisisset illi, unde fumerat. Id cum illi pernegarent, & incaluisse contentio; Antonius adhibitis aliquot testibus, Videte, inquit, quam periculosum est cum horum temporum hominibus agere sine chirographo: intenderetur mihi prope modum actio furti, ni manum haberem foeneratoris. Et protulit syngrapham. Intellectus est dolus: fabula magno cum risu per totam regionem dissipata est, ollam oppignoratam ipsi cujus erat. Hujusmodi dolis libentius favent homines, si commissi sint in personas odiosas, præsertim eos qui solent aliis imponere. Ad. Næ tu nobis mare fabularum aperuisti, nominato Antonio: sed unam dumtaxat, eamque brevem referam, quam audiui nuperrime. Agitabant simul convivium aliquot belli, ut dicunt, homunculi; quibus nihil prius in vita, quam ridere. Inter hos erat Antonius, atque alter item, & ipse celebris hoc genere laudis, ac velut æmulus Antonii. Porro quemadmodum inter Philosophos, si quando conveniunt, proponi solent quaestiuiculae de rebus naturæ; ita heic statim nata est quaestio, quænam esset hominis pars honestissima. Alius divinabat oculos, alius cor, alius cerebrum, alius item aliud: & suæ quisque divinationis rationem adferebat. Antonius jussus dicere sententiam, dixit os sibi videri partem omnium honestissimam; & addidit causam nescio quam. Tum alter ille, ne quid ipsi conveniret cum Antonio, respondit, eam partem qua sedemus, sibi videri honestissimam. Cum id videretur omnibus absurdum, attulit hanc causam, quod is diceretur vulgo honoratissimus, qui primus consideret: hoc honoris competere parti quam dixisset. Applausum est huic sententiæ, & risum est affatum. Placuit homo sibi de hoc dicto; visusque est in eo certamine victus Antonius. Dissimulavit Antonius, qui non ob aliud detulerat ori primam honestatis laudem, nisi quod sciret illum velut æmulum suæ gloriæ, diversam partem nominaturum. Post dies aliquot cum rursus uterque vocatus esset ad idem convivium, ingressus Antonius offendit æmulum cum aliis aliquot confabulantem, dum adornatur cœna: & aversus emisit clarum ventris crepitum ante faciem alterius. Ille indignatus, Abi, inquit, scurra, ubinam didicisti mores istos? Tum Antonius, Etiam indignaris inquit? Si te salutarem ore, resalutasses: nunc te saluto parte corporis, vel te iudice, omnium honestissima, & scurra vocor. Sic recuperavit prius amissam gloriam Antonius. Diximus omnes, nunc superest ut pronuntiet iudex. Ge. Id faciam, sed non prius, quam suum quisque cyathum eberit. En auspico: sed lupus in fabula. Po. Haud lævum omen adfert. Levinus Panagathus. Levi. Quid actum est inter tam lepidos congerrones? Po. Quid aliud? Certum est fabulis, donec lupus intervenires. Levi. Huc igitur adsum, ut perficiam fabulam: volo vos omnes cras apud me prandere prandium Theologicum. Ge. Scythicum pro-

1 Prava imitatio loci Plautini, quem attulimus ad Epithalamium P. Egidii.

2 Levinus Panagathus] Levinus seu Livius Belgis Lieven quasi dicas, dilectus, adamas. Flandris præcipue & Zelandis familiare nomen. παναγας, autem Græcis omnino bonus, optimus: a πᾶς omnis & αγαθός bonus.

A mittis convivium. Levi. 3 Αὐτὸ δείξαι. Nisi fatebimini hoc fuisse vobis fabuloso convivio jucundius, non recuso dare poenas in cœna. Nihil jucundius, quam cum serio tractantur nugæ.

PUERPERA.

EUTRAPELUS, FABULLA.

Ev. Salva sit optima Fabulla. FA. Salve multum, Eutrapele. Sed quid tandem novæ rei accidit, quod nunc saluator insolens adveneris, quem hoc tricario toto nemo nostrum vidit? Ev. Dicam, forte præteriens has aedes, vidi cornicem obvinctam candido linteo: demirabar quid esset causæ. FA. Adeone hospes es in hac regione, ut ignores hoc esse symbolum puerperii in ædibus? Ev. Eho, annon prodigium est videre cornicem albam? Sed extra jocum: sciebam maxime: verum suspicari non potui, te puellam vixdum ingressam decimum sextum annum, tam mature didicisse difficillimam artem gignendi liberos, quam ægre discunt quædam ante annos triginta. FA. Ut tu semper es quod diceris, & Eutrapele? Ev. Ut nunquam deceat Fabullæ fabula! Demiranti igitur commodum occurrit Polygamus. FA. Is qui nuper extulit uxorem decimam? Ev. Is ipse; sed quod te fugit, opinor, nunc tam ambiciose proci agit, quasi hæcenus vixerit cælebs. Hic percunctanti quid accidisset novæ rei, Muliebri corpus, inquit, in his ædibus per medium sectum est in duo. Ob quod, inquam, facinus? Si verum est, inquit, quod rumore populari jactatur, heic materfamilias sustinuit deglubere maritum suum: simulque cum risu subdixit sese. FA. Homo crasse factus. Ev. Ego me protinus intro conjicio, tibi felicem partum gratulaturus. FA. Salutem mihi gratulare, si voles, Eutrapele; felicem partum tum gratulaberis, cum quod enixa sum videris de se præbere specimen boni viri. Ev. Pie tu quidem & vere, mea Fabulla. FA. Nullius Fabulla sum, nisi Petronii. Ev. Uni quidem Petronio paris, at non uni vivis, opinor. Cæterum hoc quoque gratulor, quod puerum enixa es. FA. Sed quas ob causas feliciter judicas peperisse masculum, quam foeminam? Ev. Quin tu potius, Fabulla Petronii, (jam enim vereor, mea, dicere) illud mihi expedis, quas ob causas vos magis gaudetis peperisse masculos, quam foeminas? FA. Quid aliæ sentiant, nescio; ego nunc me gaudeo peperisse masculum, quia sic visum est Deo: si maluisset ille puellam, maluisset & ipsa. Ev. An putas Deo tantum esse otii, ut etiam parturientibus obsecraretur? FA. Quid agat ille potius, Eutrapele, quam ut propagatione servet quod condidit? Ev. Quid agat, o bona? Imo, ni Deus esset, non arbitror suffecturum tot negotiis. Exsulat Christiernus Danorum rex, pius Evangelii fautor: 6 Franciscus Galliarum rex hospes est Hispaniarum, nescio quam ex ipsius animi sententia, vir certe dignus meliore fortuna: 7 Carolus molitur monarchiæ proferre pomœria: 8 Ferdinandus rerum suarum satagit in Germania: 9 Bulimia pecuniarum urget aulas omnes: periculosos motus 10 concitant agricolæ, nec tot stragibus ab infestis deterrerentur: populus meditatatur anarchiam: periculosis factionibus collabitur ecclesiæ domus: hinc atque hinc distrahitur illa Jesu tunica inconsutis. Vineæ Domini non ab uno jam aperto vastatur; simulque periclitatur sacerdotum cum decimis auctoritas, Theologorum dignitas, monachorum majestas: nutat confessio, vacillant vota, labascunt leges Pontificiæ: vocatur in discrimen eucharistia, exspectatur An-

3 Αὐτὸ δείξαι] Id est, ipsa res indicabit.

4 Eutrapele] Ab εὐτραπέδος, factus, dicax, ab εὖ & τράπω, verro.

5 Christiernus Danorum] Est hic Christiernus seu Christianus secundus, qui anno 1523. cum uxore Isabella Caroli V. sorore & quinque parvis liberis thesauro regio secum ablato Hafniæ navem conscendit & viginti navibus se in Hollandiam contulit, cum tamen regnum facile ueri posset: plebs enim illi addictissima. Reversus in Daniam a Frederico primo quatuordecim annos captivus detentus in insula Alsen: postmodo jure suo cedens privatus obiit anno 1559.

6 Franciscus Galliarum] Cum captus esset a Carolo V. in Paviensi prælio.

7 Carolus molitur monarchia] Certe a longo tempore non major Carolo V. princeps: utpote qui maximorum regnorum & nobilissimarum provinciarum possessor per Europam, Africam & Asiam victicia arma circumtulit.

8 Ferdinandus rerum] Est hic Ferdinandus Caroli V. frater primum annitente fratre in Regem Romanorum electus, postmodo & hoc mortuo Cæsar.

9 Bulimia] Summa fames.

10 Concitant agricolæ] Rusticorum ille tumultus, præcipuo instigatore Thoma Münzaro, in Franconia, Suevia vicinisque regionibus, quo omne & infandum nefas perpetratum, refertur ad annum 1525.

767

Antichristus, totus orbis parturit nescio quid magni mali. Interim superant & imminet Turcæ, nihil non popularuri, si successerit quod agunt: & tu rogas quid agat potius? Imo tempus arbitror, ut suo quoque regno prospiciat in tempore. FA. Quod hominibus videtur maximum, id fortasse videtur Deo nullius momenti. Sed ab hac fabula Dei personam, si vis, secludamus. Dic quæ te causæ moveant, ut felicius existimes peperisse catulum, quam catellam. Ev. Piæ mentis est, hoc judicare optimum, quod dedit Deus contra controversiam optimum. Verum si Deus tibi daret poculum crystallinum; nonne maximas ageres gratias? FA. Agerem. Ev. Quid si idem daret vitreum; num pares ageres? Sed vereor ne tibi molestiam adferam pro solatio, hæc apud te philosophans. FA. Imo Fabullæ nihil est jam a fabulis periculi. Jam quartam hebdomadam decumbo: fabulis valeo velad luctam. Ev. Quin igitur e nido provolas? FA. Vetuit rex. Ev. Qui rex? FA. Imo tyrannus. Ev. Qui quæso? FA. Syllaba dicam, mos. Ev. Heu quam iste rex multa præter æquum exigit! Pergamus igitur philosophari de crystallo, & vitro. FA. Marem, uti conjicio, naturam præstantiorem, ac firmiorem judicas, quam sceminam. Ev. Sic arbitror. FA. Nimirum viris auctoribus. Num igitur viri vivaciores sunt, quam sceminæ? Num a morbis immunes? Ev. Nequaquam, sed in genere viribus antecellunt. FA. Sed ipsi rursus superantur a camelis. Ev. Imo prior creatus est masculus. FA. Prior conditus est Adam, quam Christus. Et solent artifices in posterioribus se ipsos vincere. Ev. At Deus mulierem viro subjecit, non statim melior est qui imperat: & nuptam subijcit, non sceminam: ac rursus nuptam ita subijcit, ut cum utrique sit potestas alterius, mulierem tamen velit viro morem gerere, non ut præstantiori, sed ut ferociori. Dic, Eutrapele, uter infirmior, qui cedit alteri, an cui ceditur? Ev. Tibi quidem heic cedam, si mihi declararis, quid senserit Paulus, scribens Corinthiis, cum viri caput dicit esse Christum, ¹ mulieris caput virum: rursus, cum virum dicit imaginem & gloriam Dei; mulierem gloriam viri. FA. Istud expediam, si mihi declararis, an solis viris datum sit esse membra Christi. Ev. Absit: id quidem datum est omnibus hominibus per fidem. FA. Qui sit igitur, ut caput unum cum sit, non habeatur omnibus membris commune? deinde, cum Deus hominem fingeret ad imaginem sui, utrum hanc imaginem expresse- rit in corporis figura, an in animi dotibus? Ev. In animi dotibus. FA. At in his quid tandem habent viri nobis præcellentius? In utro sexu plures sunt temulentia, rixæ, pugnae, cædes, bella, rapinae & adulteria? Ev. At soli viri bellum gerimus pro patria. FA. Sed iidem sæpius deserto loco turpiter fugitis: nec semper pro patria, sed frequentius pro fordido salariolo deseritis uxorem, & liberos, & peiores gladiatoribus, ultro corpora vestra traditis in servilem necessitatem vel moriendi, vel occidendi. Jam ut maxime jactes mihi virtutem bellicam; nemo vestrum, si semel esset expertus quid sit parere, non mallet decies in acie stare, quam subire semel, quod nobis toties est experiendum. In bello non semper venit ad manus, & si venit, non in quavis exercitus parte discrimen est. Tui similes disponuntur in acie media, alius est in subsidiis, alius tuto sedet: post principia; denique plurimos servat deditio & fuga: nobis communis cum morte conficiendum est. Ev. Ista non nunc primum audio; verum suntne hæc vera quæ dicuntur? FA. Nimirum vera. Ev. Visne igitur, Fabulla, ut marito tuo persuadeam, ne posthac te contingat? Nam eo pacto tuta fueris ab isto discrimine. FA. Equidem nihil malim, si possis. Ev. Quid præmii feret otator hic, si persuaserit? FA. Dabo decem linguas bubulas fumo duratas. Ev. Istas malim, quam decem linguas luscinarum. Non rejicio conditionem: verum contractum hunc ratum esse nolim prius, quam inter- cesserit stipulatio. FA. Addatur, si libet, & si qua est alia cautio. Ev. Id fiet ex animi tui sententia post mensem exactum. FA. Quin potius nunc sit ex animi mei sententia? Ev. Dicam: quia vereor ne post mensem non sit eadem præmi- um tui sententia. Itaque & tibi solvendum esset duplex præmium, & mihi duplex esset sumenda opera, persuadendi, ac dissuadendi. FA. Age, fiat ut voles. Sed interim perge demonstra- re, quare viri sexus sit præstantior scemineo. Ev. Video te

A meditatam hanc monomachiam: quam ob rem in præsen- tia quidem consultius arbitror tibi concedere. Congrediar alias, sed armatus, nec absque subsidiario milite. Nam ubi lingua res geritur, ne septem quidem viri pares sunt uni sceminae. FA. Nimirum hoc telo armavit nos natura: quan- quam ne vos quidem elingues estis. Ev. Fortassis: sed ubi puellus? FA. In conclavi proximo. Ev. Quid illic? coquit olus? FA. Nugator, apud nutricem est. Ev. Quam mihi nutricem narras? an est alia nutrix, quam ea quæ mater est? FA. Quid ni? vulgo fit. Ev. Pessimum mihi nominas au- ctorem rei bene gerendæ vulgum, Fabulla. Vulgo peccant, vulgo luditur alea, vulgo committitur ad fornices, vulgo fraudatur, potatur, insanitur. FA. Sic amicis visum est: cen- suerunt enim, parcendum huic ætati tam teneræ. Ev. At- qui si natura dedit vires ad concipiendum, haud dubie dedit & ad lactandum. FA. Probabile quidem est. Ev. Dic mi- hi, nonne sentis, esse dulcissimum matris vocabulum? FA. Sentio. Ev. Itaque si fieri posset, patereris aliam mulierem esse matrem tui partus? FA. Minime gentium. Ev. Cur igitur volens plusquam dimidiatum matris nomen transfers in sceminam alienam? FA. Bona verba, Eutrapele; non di- vido filium; sola, totaque sum mater. Ev. Imo heic tibi, Fabulla, reclamationem in os ipsa natura. Cur terra dicitur omni- um parens? an quod gignat tantum? imo multo magis quod nutriat ea quæ genuit. Quod aqua gignit, in aquis educa- tur. In terra nullum animantis aut plantæ genus nascitur, quod eadem terra succo suo non alat: nec est ullum animan- tis genus, quod non alat suos foetus. Ululæ, leones, & vi- peræ educant partus suos; & homines suos foetus abijciunt? Obsecro te, quid crudelius iis qui prolem educationis tædio dicuntur exponere; FA. Abominanda dicis. Ev. Atqui non perinde factum abominantur homines. An non expo- sitionis genus est, infantulum tenerum, adhuc a matre ru- bentem, matrem spirantem, matris opem ea voce implo- rantem, quæ movere dicitur & feras, tradere mulieri, for- tassissimè nec corpore salubri, nec moribus integris, denique cui pluris sit pecuniæ paucillum, quam totus infans tuus? FA. Delecta est mulier salubri corporis temperatura. Ev. Hoc medici certius judicent, quam tu. Sed finge heic illam tibi vel parem, vel aliquanto, si vis, superiorem: an nihil inter- esse censeres, utrum infans tenellus cognatum illum & fami- liarem hauriat succum, & calore jam assueto foveatur, an alienis cogatur assuefcere? Triticum in aliud solum jactum, degenerat in avenam, aut siliginem: vitis in alium collem translata, mutat ingenium: plantula revulsæ a parente terra, flaccescit, ac velut emoritur; eoque quantum fieri potest, cum terra nativa transferunt. FA. Imo narrant plantas trans- latis. & insitas, exuere silvestre ingenium, & fructus edere generosiores. Ev. At non protinus ut natæ sunt, o bona. Veniet & olim hoc tempus, si Deus voluerit, ut adolescen- tem tuum ableges ab ædibus, literis jam ac severioribus disciplinis imbuendum, quæ functio patris est potius, quam matris. Nunc ætas tenera fovenda est. Porro cum ad salu- britatem firmitatemque corporis plurimum refert qualis sit alimonia, tum vero præcipue quo succo tenerum illud ac molle corpusculum imbuatur. Nam heic quoque locum habet illud Flacci dictum, *Quo semel est imbuta recens serva- bit odorem Testa diu*. FA. De corpore non ita multum labo- ro, modo sit animus qualem optamus. Ev. Pie tu quidem, sed parum Philosophice. FA. Quam ob rem? Ev. Cur tu igitur quoties concidis olus, quæris aciem cultri retusam esse, & jubes exacui? Cur acum rejicis obtusa cuspidem, cum ea res non adimat artem? FA. Non deest ars, sed obstat in- strumentum parum idoneum. Ev. Cur quibus est opus ocu- lorum acie, vitant lolium & cæpas? FA. Quia vitiant ocu- los. Ev. Nonne animus est qui cernit? FA. Est; nam nihil vident exanimes. Sed quid agat faber, vitiata securi? Ev. Agnoscis igitur corpus esse mentis organum? FA. Apparet. Ev. Et fateris, vitiato corpore non agere animum, aut in- commodius agere? FA. Non dissimile veri dicis. Ev. Age

1 Mulieris caput virum] Exstat locus Pauli 1 Cor. 11. vers. 3-7.
2 Post principia] Alludit ad dictum Thraconis in Eunuchio Terentii, Act. 4. Scen. 7.

3 An non expositio] Apud Gellium lib. 12. cap. 1. Favorinus Philoso- phus ita differit de hac materia matri puerperæ inter alia: Oro te, inquit, mulier sine eam totam integram esse matrem filii sui: quod est enim hoc com- tra naturam imperfectum atque dimidiatum matris genus. peperisse, ac fla- trim ab se abjecisse: alius in utero sanguine suo nescio quid, quod non vide- ret; non alere nunc suo lacte quod videat, jam viventem, jam botumem, jam matris officia implerantem? An tu quoque, inquit, putas naturam fo- minis mammarum ubera quasi quosdam nebulos venulosiores, non liberorum alendorum, sed ornandi peccoris causa dedisse?

videor mihi nactus ingenium Philosophicum. Finge igitur animum hominis demigrare in corpus galli gallinacei; num ederet vocem quam nunc edimus? FA. Nequaquam. Ev. Quid obfaret? FA. Quia defunt labra, dentes, & lingua similis: nec epiglottis, nec tres adfunt cartilagine, a tribus motæ musculis, ad quos pertinent nervi a cerebro demissi, nec fauces, nec os simile. Ev. Quid si in corpus suis? FA. Grunniret fuillo more. Ev. Quid si in corpus cameli? FA. Caneret, ut canit camelus. Ev. Quid si in corpus asini, quod evenit Apulejo? FA. Ruderet, opinor, ut asinus. Ev. Nimirum fatetur hoc ille, cum cuperet inclamare Cæsarem, contractis quantum potuit labris, vix O sonuit; Cæsarem nullo pacto potuit exprimere. Idem cum fabulam auditam, ne excideret, describere cuperet, damnavit cogitationem tam asininam, cum ungulas intueretur solidas. FA. Et merito. Ev. Ergo lippientibus oculis, minus videt anismus: oppletis sordibus auribus, minus audit: ubi cerebrum occupat pituita, minus olfacit: ubi stupet membrum, minus sentit: ubi malis humoribus vitata est lingua, minus gustat. FA. Negari non potest. Ev. Non ob aliud, nisi quia vitiatum est organum. FA. Arbitror. Ev. Nec inficiaris, plerumque vitari cibo potuque. FA. Fateor; sed quid istuc ad bonam mentem? Ev. Proinde quid lolium ad perspicaces oculos? FA. Quia vitiat organum animi. Ev. Probe respondes. Verum illud expedi: unde fit quod alius alio celerius intelligit, ac tenacius meminit? alius alio citius irascitur, aut moderatius odit? FA. Sic conditus est animus. Ev. Non sic elaboris. Unde fit, ut qui prius fuit ingenio celeri, felici memoria, postea fiat obliviosus ac tardus, sive plaga, sive casu, sive morbo, sive senio? FA. Tu nunc mihi videre sophistam agere. Ev. Proin tu contra fac agas sophistram. FA. Opinor hoc te velle dicere; quod animum quemadmodum cernit & audit per oculos & aures, ita per organa quædam intelligit, meminit, amat, odit, irascitur & placatur. Ev. Recte conjectas. FA. Quæ tandem sunt ista organa? & ubi sunt? Ev. Oculos ubi sunt vides. FA. Et aures, & nares, & palatum ubi sit, scio. Et toto corpore contactum esse video, nisi cum stupor occupat membrum. Ev. Amputato pede, tamen intelligit animus. FA. Intelligit; itidem & manu. Ev. At qui vehementem plagam accipit in tempus capitis, aut in occipitium, concidit mortuo similis, omnique sensu suo vacat. FA. Istuc aliquoties vidi. Ev. Ex hoc colligis, intra cranium esse intellectus, voluntatis ac memorie organa, minus quidem crassa, quam sunt aures & oculi, sed tamen materialia. Quandoquidem & spiritus, quos habemus in corpore subtilissimos, corporales sunt. FA. An ista quoque vitantur cibo potuque? Ev. Maxime. FA. Cerebrum procul abest a stomacho. Ev. Ita summa fumarii pars abest a foco; tamen illi si infideas, senties vaporem. FA. Non experiar. Ev. At si mihi non credas, sciscitare ecconiis. Itaque refert qui spiritus, qui vapores a stomacho subvolent in cerebrum & in organa mentis. Nam hi si crudi sint ac frigidi, recidunt in stomachum. FA. Næ tu mihi metam distillatoriam describis, qua ex floribus herbisque succum exhalantem excipimus. Ev. Haud ita male conjectas. Nam hepar, cui fel adheret, ignis loco est; stomachus patella; cranium summæ metæ colophon, atque adeo, si vis, nasus fistulæ plumbeæ vice fungatur. Itaque ex hoc mutuo fluxu ac refluxu humorum, nascitur fere quidquid est morborum, ut varie delabatur varius humor, nunc in oculos, nunc in stomachum, alias in scapulas, interim in cervicem, aliove. Quoque magis intelligas; Cur, qui vino immodico sese ingurgitant, sunt male memores? Qui cibis aluntur subtiliorum spirituum, minus torpent ingenio? Cur coriandrum memoriam emendat? Elleborus mentem purgat? Cur expletio vehemens epilepsiam adducit, quæ stuporem adfert simul omnibus sensibus, quemadmodum & somnus profundus? Denique, ut immodica sitis aut inedia ingenii memorieque vim elidit in pueris; ita cibus immodicus in pueris gignit ingenii stuporem, si credimus Aristoteli, nimirum igniculo mentis velut obruto ingesta materia. FA. Estne igitur corporeus animus, ut a rebus corporalibus afficiatur? Ev. Animi rationalis natura non corrumpitur quidem ipsa, sed organis vitatis impeditur illius vis & actio: velut artifex frustra valet arte, si destituatur idoneis instrumentis. FA. Quanta, quave specie est animus? Ev. Ridicule percunctaris de magnitudine aut figura, cum fatearis

incorporeum. FA. Ego corpus intelligo, quod sentitur. Ev. Imo quæ non sentiuntur, perfectissima sunt, veluti Deus & Angeli. FA. Audio Deum & Angelos spiritus appellari; at spiritum sentimus. Ev. Hac voce literæ Sacræ ob rudes homines balbutiunt, mentem significantes puram ab omni commercio rerum sensibilem. FA. Quid igitur interest inter Angelum & animum? Ev. Hoc ipsum quod inter limacem & cochleam, aut, si mavis, testudinem. FA. Corpus igitur domicilium est animi magis, quam instrumentum. Ev. Nihil vetat instrumentum, adjunctum dici domicilium. Atque hac quidem de re variant Philosophorum sententiæ. Sunt qui dicant corpus esse vestem animæ, sunt qui domicilium, sunt qui instrumentum, sunt qui harmoniam. Horum quodcumque dixeris, consequitur actiones animi, corporis affectionibus impediri. Primum, si quod vestis est corpori, idem corpus est animo; quantum ad corporis valetudinem faciat vestis, declaravit Hercules: ne quid de coloribus, aut pilorum pelliumque generibus referam. Cæterum an eadem anima sufficiat pluribus corporibus deterendis, quemadmodum corpus multas deterit vestes, viderit Pythagoras. FA. Non incommodum foret, si juxta Pythagoram liceret, ut vestibus, ita corporibus mutatoris uti: sic ut mensibus hibernis sumeretur corpus obesum, crassæque texturæ; æstivis, rarius & gracilius. Ev. Atqui parum, opinor, esset commodum; si quemadmodum multis vestibus detritis, tandem & corpus deterimus; ita multis corporibus detritis, tandem & anima senesceret, deficeretque. FA. Non sane. Ev. Jam quemadmodum ad corporis salubritatem, agilitatemque refert, qua veste sit amictum; ita refert quod corpus circumferat anima. FA. Profecto si corpus vestis est animæ, video multos homines admodum varie cultos. Ev. Sic est. Et tamen nonnulla pars huius rei sita est in nobis, quam commode vestiatur anima. FA. Valeat igitur vestis, dic aliquid de domicilio. Ev. Atqui ne, quod dico, tibi videatur commentum, Fabulla, ipse dominus Jesus suum corpus *templum* appellat: Et Petrus Apostolus suum corpus *tabernaculum* appellat. Nec defuerunt, qui corpus dixerunt *anima sepulcrum*, *σῆμα* dictum arbitantes quasi *σῆμα*: alii *carcerem* mentis appellarunt, nonnulli *praesidium*, velut arcem munitam. Quorum animus est undequaque purus, in templo habitat. Qui non tenentur amore rerum corporalium, horum animus agit in tabernaculo, libenter exsiliturus, si vocet Imperator. Qui prorsus excæcati sunt vitii spurcissimis, ut nunquam adspirent ad auram libertatis Evangelicæ, horum animus jacet in sepulcro. Cæterum, qui moleste luctantur cum vitiiis, nec adhuc possunt quod volunt, horum animus habitat in carcere, subinde clamans ad liberatorem omnium, *5 Educ de carcere animam meam, ut confiteatur nomini tuo, Domine*. Qui graviter pugnant cum Satana, vigilantes & excubantes adversus insidias illius, qui circumit, ut leo, quærens quem devoret; horum animus versatur in praesidio, unde injussu Imperatoris non licet discedere. FA. Si corpus est animi domicilium, plurimos video, quorum animus male habitat. Ev. Sic est, videlicet in ædibus perstillantibus, opacis, ventis omnibus obnoxii, fumosis, pituitosis, laceris, ac ruinosis, denique putribus & infectis. Et tamen Cato primam felicitatis partem judicat, bene habitare. FA. Tolerabilis res, si liceret in aliud immigrare domicilium. Ev. Emigrare non licet, nisi cum evocat locator. Verumtamen si non licet emigrare, licet arte curaque nostra domicilium animi commodius reddere, quemadmodum in ædibus mutantur fenestæ, attollitur solum, incrustantur aut conveſtiuntur tabulatu parietes, situs igni suffituque purgatur. Id in senili corpore jamque ruinam minitante difficillimum est. Plurimum autem conducit, si puerile corpus ab ipso protinus ortu, sicut oportet, curetur. FA. Tu quidem matrem ac nutricem medicam esse jubes. Ev. Plane jubeo, quod attinet ad delectum ac moderationem cibi, potusque, motus, somni, bal-

Tom. I. Ccc neo-

1 *Suum corpus templum*] Verba Christi inter alia ubi corpus vocat templum allegorica hac responsione, existant Joan. 2. vers. 19. *Deſtruiſe templum hoc & intra triduum excitabo illud.*

2 *Tabernaculum*] Quam ſciam cito futurum, ut deponam tabernaculum meum. Verba Petri 2 Epistol. 1. versu 13. 14.

3 Vid. *Clementem Alexandrinum Stromat. Lib. 111. p. 433.*

4 *Adi Senecam Cap. xi. ad Helviam, & Epist. cxx.*

5 *Educ de carcere*] Verba sunt Davidis Saulum fugientis & speluncæ se abdemis, Psalmo 142. vers. 8.

neorum, unctionum, frictionum, vestitus. Quam multos esse censes, qui gravissimis morbis ac vitiis obnoxii sunt, epilepsiae, gracilitati, imbecillitati, surditati, fractis lumbis, distortis membris, infirmo cerebro, stupori mentis, non ob aliud, nisi quod a nutricibus indiligenter curati sunt? FA. Demiror, te non pro pictore factum fuisse Franciscanum, qui tam belle concioneris. Ev. Ubi te Claranam video, tum ego tibi Franciscanus concionabor. FA. Ego sane libens scire cupiam, quid sit anima, de qua tam multa audimus, dicimusque, cum nemo viderit. Ev. Imo nemo non videt, cui sunt oculi. FA. Video pictas animas infanti speciei. Verum cur non adduntur alae, quemadmodum Angelis? Ev. Quoniam delabentibus e caelo fractae sunt alae, si qua Socraticis fabulis habenda fides. FA. Quo modo igitur subvolare, dicuntur in caelum? Ev. Quoniam fides & caritas faciunt, ut illis renascantur alae. Has alas petebat ille, pertaesus domicilium sui corporis, dum clamat, *1 Quis dabit mihi pennas sicut columbae, & volabo & requiescam?* Nec enim alias alas habet anima, cum sit incorporea; nec ullam habet speciem, quae corporis oculis sit conspicua; sed certius cernuntur ea quae videmus animo. Credidne Deum esse? FA. Maxime. Ev. At nihil minus videri potest, quam Deus. FA. Videtur in rebus conditis. Ev. Idem videtur animus ex actione. Si quaeris, quid agat in corpore vivo, contemplare corpus exanime. Cum vides hominem sentire, cernere, audire, moveri, intelligere, meminisse, ratiocinari; certius vides animam adesse, quam nunc vides hunc cantharum: potest enim falli sensus unus; tot argumenta sensuum non fallunt. FA. Proinde, si non potes ostendere animam, sic illam notis quibusdam pinges, quasi mihi velis describere Caesarem, quem nondum vidi. Ev. Aristotelis definitio in promptu est. FA. Quae? Nam ajunt istum esse probum rerum omnium depictorem. Ev. Anima est actus corporis organici, physici, vitam habentis in potentia. FA. *2 Cur actum vocat potius, quam iter aut viam?* Ev. Non heic cavetur aurigis aut equitibus, sed animae ratio definitur. Et *actum* vocat formam, cujus natura est agere, cum materiae ratio sit pati. Omnis autem corporis motus naturalis ab animo proficiscitur. Est autem varius corporis motus. FA. Intelligo. Sed cur addit organici? Ev. Quoniam anima nihil agit, nisi per organa, hoc est, instrumenta corporis. FA. Cur addit *physici*? Ev. Quia Daedalus frustra fingeret tale corpus. Ideoque addit, *vitam habentis in potentia*. Forma non agit in quidvis, sed in materiam capacem. FA. Quid si Angelus immigraret in corpus hominis? Ev. Ageret quidem, sed non per organa naturalia, nec vitam daret corpori, si abesset anima. FA. Habeone jam totam animae rationem? Ev. Habes Aristotelicam. FA. Equidem accepi celebrem esse Philosophum; & vereor ne sapientum centuriae mihi scribant haereos dicam, si quid refrager. Alioqui quidquid adhuc dixit de anima hominis, competit in asinum & bovem. Ev. Imo in scarabeum quoque & limacem. FA. Quid igitur interest inter animam bovis & hominis? Ev. Qui dicunt animam nihil aliud esse, quam harmoniam qualitatum corporis, faterentur non ita multum interesse, videlicet harmonia soluta, perire animas utriusque. Ne ratione quidem distinguitur bovis ab hominis anima, sed quod boum minus sapit, quam hominum? quemadmodum videre est & homines, qui minus sapiunt quam bos. FA. Nae isti bubulam habent mentem. Ev. Attamen illud ad te pertinet, quod pro testudinis qualitate, modulatio est harmonia. FA. Fateor. Ev. Nec parvi refert ex quo ligno, quave figura sit facta testudo. FA. Verisimile dicis. Ev. Nec ex quorumlibet animantium intestinis fiunt canora fides. FA. Audivi. Ev. Atque haec quidem ex aëris circumfusi madore aut siccitate laxantur, contrahuntur, nonnunquam & rumpuntur. FA. Istuc vidi non semel. Ev. Hic igitur potes opem praestare non vulgarem infantulo tuo, ut animus illius testudinem habeat bene temperatam, minimeque vitiatam, ne laxa sit segnitie, ne stri-

dula sit iracundia, ne rauca sit temulentia. Nam hos affectus inferit in nobis nonnunquam educatio, victusque ratio. FA. Admonitionem accipio; sed exspecto quo pacto tuearis Aristotelem. Ev. Ille quidem descripsit in genere animam animantem, vegetantem ac sentientem. Anima dat vitam, sed non protinus animal est, quod vivit. Vivunt enim & senescunt, & emoriuntur arbores, at non sentiunt: quamquam his quoque nonnulli sensum tribuunt stupidum. In adhæsis vix deprehenditur sensus, in spongia deprehenditur ab avulsoribus, in arboribus materiarum caesores sensum comperiunt, si quid illis credimus. Ajunt enim, si palma ferias truncum arboris, quam velis cadere, quemadmodum fere solent materiarum, difficilius arbor inciditur, ut semet contraxit metu. Quod autem vivit, ac sentit, animal est. Nihil autem prohibet esse vegetabile, quod non sentit, veluti fungi, betæ, caules. FA. Ista si vivunt utcunque, si sentiunt utcunque, si moventur cum adolescent; quid prohibet eadem dignari animalis cognomine? Ev. Non ita visum est majoribus, neque nobis istas est ab illorum phacitis discedere, ac ne refert quidem ad hoc, quod nunc agimus. FA. Atqui non feram eandem esse animam scarabei & hominis. Ev. Non est eadem, o bone, sed ratio quadatenus communis est. Animat, vegetat, sensibile reddit corpus tuum anima tua. Idem agit scarabei anima in suo corpore. Nam quod quadam aliter, aut aliud agit anima hominis, quam scarabei, partim in causa est materia. Non canit; non loquitur scarabeus, quia caret organis ad hæc idoneis. FA. Illud igitur dicis, si anima scarabei demigraret in corpus hominis, idem ageret quod agit anima humana. Ev. Imo ne si mens quidem angelica, quemadmodum dixi. Nihil autem interest inter Angelum & animam humanam, nisi quod hominis anima in hoc condita est, ut agat corpus humanum naturalibus organis instructum; quemadmodum anima scarabei non movet, nisi corpus scarabei: Angelus non in hoc conditus est, ut animet corpus, sed ut abique corporalibus organis intelligat. FA. Num idem potest anima? Ev. Potest quidem a corpore semota. FA. Non est igitur sui juris, dum est in corpore. Ev. Non profecto: nisi si quid accidat præter communem naturæ cursum. FA. Verum tu mihi pro una anima plures animas effudisti, animantem, vegetantem, sensibilem, intelligentem, memorem, volentem, irascentem, concupiscentem. Mihi satis erat una. Ev. Eiusdem animae diversae sunt actiones: ex his varia sortiuntur cognomina. FA. Non satis assequor quod dicis. Ev. At faciam ut assequaris. Tu in cubiculo es uxor; in officina es textrix aulæorum, in taberna es aulæorum venditrix, in culina es coqua, inter famulos & famulas es domina, inter liberos es mater: & tamen hæc omnia es eadem in domo. FA. Satis tu quidem pingui Minerva philosopharis. Sic igitur est animus in corpore, quemadmodum ego in domo? Ev. Sic. FA. Atqui dum ego texo in officina, non coquo in culina. Ev. Neque enim tu es anima tantum, sed anima corpus circumferens: corpus autem non potest simul pluribus inesse locis: anima quoniam est forma simplex, sic est in toto corpore, ut in singulis corporis partibus sit tota, quamvis non idem agat per omnes partes, nec eodem modo per quomodolibet affectas. Nam sapit ac meminit in cerebro, irascitur in corde, concupiscit in hepate, audit in auribus, cernit in oculis, olfacit in naribus, gustat in palato & lingua, sentit in omnibus partibus corporis, quæ nervaceum aliquid habent adjunctum. Neque enim sentit in pilis, nec summis unguitibus: ac ne pulmo quidem per se sentit, nec hepar, fortasse nec lien. FA. Proinde in quibusdam partibus animat tantum ac vegetat. Ev. Ita videtur. FA. Si in uno homine facit hæc omnia eadem anima, consequitur, ut foetus in utero materno statim ut augefcit, quod est vitæ signum, simul & sentiat, & intelligat; nisi forte unius hominis initio plures sunt animæ, deinde de cæteris cedentibus, una peragit omnia. Ita ut primum homo fuerit planta, mox animal, postremo homo. Ev. Quod dicis, fortasse non absurdum videatur Aristoteli. Nobis probabilius est, simul cum vita infundi rationalem animam, sed quæ, velut igniculus, immerfa materiz supra modum humidæ, nondum queat exferere vires suas. FA. Animus igitur illigatus est corpori, quod agit movetque? Ev. Non aliter quam testudo domui, quam circumfert. FA. Eam movet quidem, sed sic, ut simul moveatur, quemadmodum

¹ Pl. IV. 7.

² Cur actum? Actus Graecis est hoc loco *irrelexia*, vocabulum Philosophis peculiare: sed Fabulla detorquet ad Jurisconsultos, qui distinguunt inter iter, actum & viam. Actus enim illis spatium in agris. Minimus actus, teste Boethio, quatuor pedibus in latitudinem, centum & viginti in longitudinem protenditur. Quadratus ex omni latere centum viginti pedibus concluditur: duplicatus ducentos quadraginta pedes explicat. Adito de significatu & discrimine vocum *actus*, *iter* & *viam*, *Egid. Magnanum*, de Aponenitatibus Juris Civilis, c. xxxvi.

gubernator flectit navem quo vult, sed ipse interim cum navi movetur. Ev. Imo quemadmodum sciurus volvit caveam rotatilem, mobilis interim & ipse. FA. Sic & afficit anima corpus, ac vicissim afficitur? Ev. Sane quod ad operationes attinet. FA. Ergo quod ad naturam pertinet, par est anima morionis, animæ Solomonis. Ev. Nihil absurdum. FA. Itaque pares sunt & Angeli, quandoquidem carent materia, quæ parit, ut ais, inæqualitatem. Ev. Jam satis philosophiæ. Quin potius hæc Theologos torqueant: nos hoc agamus, quod coepimus. Si tota mater esse vis, cura corpusculum infantuli tui, quo posteaquam sese explicuit ex vaporibus mentis igniculus, bonis & commodis organis utatur. Quoties audis puerum tuum vagientem, crede illum hoc abs te flagitare. Cum vides in pectore duos istos veluti fonticulos turgidos, ac lacteo liquore vel suapte sponte manantes, crede naturam admonere te tui officii. Alioqui cum infans jam fari meditabitur, ac blanda balbutie te mammam vocabit, qua fronte hoc audies ab eo, cui mammam negaris, & ad conductitiam mammam relegaris, perinde quasi capræ aut ovi subiecisses? Ubi jam erit fandi potens, quid si te pro matre vocet semimatrem? Virgam expudies, opinor. Atqui vix semimater est, quæ recusat alere, quod peperit. Potior genituræ pars est nutritio teneri puelli. Alitur enim non solum lacte, sed & fragrantia materni corporis; requirit eundem liquorem jam notum & familiarem, quem hausit in corpore, & unde coauluit. Atque ego quidem sum in hac sententia, ut existimem in pueris ex lactis natura & indolem vitari, non aliter quam in frugibus & plantis, terræ succus mutat ingenium ejus quod alit. An putas temere vulgo dici, *Iste malitiam cum lacte nutritis imbibit*? Ne illud quidem opinor, quod a Græcis dici solet, *Ut nutrices*: cum significant aliquem male pasci: paullulum enim præmansu in os inferunt infantis, maximam partem deglutit ipsæ. Proinde ne peperit quidem, quæ quod enixa est, mox abjicit. Istuc enim abortire est, non parere. Et in tales foeminas mihi competere Græcorum videtur etymologia, qui *μῆτις* dici putant a *μη* τῆς *μη* hoc est, a non *servando*. Nam prorsus conductitiam nutricem infantulo adhuc a matre tepenti adsciscere, genus est expositionis. FA. Accederem, ni delecta esset mulier, in qua nihil desideres. Ev. Ut nihil referat, quod lac bibat mollis infantia, quam salivam cum præmanso cibo deglutiat, ut talis contigerit nutrix, qualem haud scio an ulla reperitur, an putas ullam esse, quæ nutritionis omne tedium devorare possit, quemadmodum mater? sordes, affectiones, vagitus, morbos, servandi nunquam satis diligentem curam? Si est quæ pariter amet ut mater, erit quæ pariter curet. Quin & illud fiet, ut segnius amet te filius, nativa illa caritate velut in duas matres distracta: nec tu simili pietate ducaris erga filium, ut jam grandior minus libenter sit obtemperaturus iussis tuis, & tu frigidius illius curam habitura, in cuius moribus fortasse videbis nutricem. Præcipuus autem discendi gradus est, mutuus inter docentem ac discitentem amor. Ergo si nihil decesserit illi nativæ pietatis fragrantia, facilius illi instillabis præcepta recte vivendi. Neque enim heic parum valet mater, vel ob hoc, quod materiam tractet mollissimam, & in omnia sequacem. FA. Ut video, non tam facilis est res peperisse, quam vulgus existimat. Ev. Si mihi parum habes fidei, en tibi Paulus aperte de muliere loquens: *Salva*, inquit, *1 fiet per liberorum generationem*. FA. Salva est igitur quæ peperit? Ev. Nequaquam; sed addit, *si liberi permanserint in fide*. Nondum absolvisisti genitricis munus, nisi primum tenerum corpusculum filii, mox animum æque mollem, recta educatione finxeris. FA. Atqui istuc matribus in manu non est, ut filii perseverent in pietate. Ev. Fortassis, sed tantum habet momenti vigilans admonitio, ut Paulus existimet matribus imputandum, si liberi degenerent a piis moribus. Denique, si præstiteris quod in te situm est, Deus opem suam conjunget cum tua diligentia. FA. Mihi quidem, Eutrapele, tua persuasit oratio, si queas idem persuadere parentibus & marito. Ev. Istuc ad me recipio, modo tu me tuo juves suffragio. FA. Polliceor. Ev. Sed licetne videre puellum? FA. Licet maxime. Heus Syrisca, voca nutricem una cum infante. Ev. Scitus admodum puer. Vulgo dicitur, *veniam debere primum experienti*. At tu prima statim experientia summam artis expressisti. FA. Non est sculptilis imago, ut arte sit opus. Ev. Verum; sed fusile sigillum est. Utcunque res ha-

1. *Fiet per liberorum generationem*] Locustat 1 Tim. 2. 15.

bet, felicissime cecidit: utinam pari felicitate cadant imagines, quas intexis aulæis! FA. At tu contra felicius pingis, quam gignis. Ev. Sic visum est naturæ cum omnibus paria facere. Quam sollicita est natura, ne quid pereat! Duos homines in uno repræsentavit: nasus & oculi patrem referunt, frons ac mentum matrem exprimunt. An tu posses hoc tam carum pignus alienæ fidei concedere? Mihi bis crudeles videntur esse, quæ id facere sustinent. Quandoquidem non solum faciunt id infantis, quem ablegant, periculo; verum etiam suo, propterea quod in his lac averfione corruptum, sæpenumero periculosos morbos pariat. Itaque fit, ut dum unius formæ corporis consulunt, parum consulant duorum corporum vitæ: dumque cavent, ne contingat præproperum senium, conjiciunt sese in mortem præproperam. Quod est inditum puero nomen? FA. Cornelius. Ev. Hoc erat nomen avi paterni. Utinam virum integerrimum & moribus nobis referat! FA. Dabitur opera, quod quidem in nobis erit. Sed heus Eutrapele, unum quiddam obnix te rogarim. Ev. Imo puta me tuum esse mancipium, imperabis & impetrabis quæ voles. FA. Proinde non prius te manumittam, quam hoc mihi beneficium coeptum absolvas. Ev. Quodnam? FA. Ut præscribas mihi primum, quibus rationibus queam infantis valetudini consulere: deinde cum erit firmior, quibus rudimentis ad pietatem præparandus sit rudis animus. Ev. Id faciam lubens, pro mea quidem sapientia; sed proximo colloquio: nunc orator adeo maritum ac parentes. FA. Preeor exorator ut fies.

Peregrinatio Religionis ergo.

MENEDEMUS, OGYGIUS.

ME. Quid hoc novæ rei? Nonne Ogygium vicinum meum video, jam totos sex menses non visum cuiquam? Interisse rumor erat. Ipsus est, nisi prorsus hallucinor. Adibo ac salvere jubebo. Salvus sis, Ogygi. Og. Salve & tu, Menedeme. ME. Quæ regio te nobis reddidit incolumem? Nam tristis rumor heic sparserat, te navigasse Stygiam paludem. Og. Imo, gratia superis, sic interim valui, ut vix unquam antehac melius. ME. Ita semper vanitatis coarguas ejusmodi rumores. Sed quid istuc ornatus est? obsitus es conchis imbricatis, stanneis ac plumbeis imaginibus oppletus undique, culmeis ornatus torquibus, brachium habet ova serpentum. Og. Visti divum Jacobum Compostellanum, & hinc reversus, Virginem Parathalasiam apud Anglos percelebrem: quin potius hanc revisi: nam ante annos tres inviseram. ME. Animi gratia ut arbitrator. Og. Imo religionis causa. ME. Istam, opinor, religionem docuerunt te Græcæ literæ. Og. Mater uxoris voto sese obstrinxerat, ut si filia peperisset masculum vitalem, ego divo Jacobo præfens præfenti salutem dicerem & gratias agerem. ME. Salutasti divum tuo dumtaxat, & socrus nomine? Og. Imo totius familiæ verbis. ME. Equidem arbitrator nihilo minus salutis futurum fuisse familiæ, etiam si Jacobum in salutatum reliquisses. Sed obsecro, quid respondit agenti gratias? Og. Nihil, sed offerenti munus, visus est arridere, & capite leviter annuere, simulque porrexit hoc imbricatum putamen. ME. Cur ista potius donat, quam alia? Og. Quoniam his abundat, suggerente vicino mari. ME. O benignum divum, qui & obstericatur parturientibus, & operam dat hospitibus! Verum quodnam istuc novum vovendi genus, ut otiosus aliis laborem imponat aliquis? Si tu te voto adstringeres, ut si quod ageres feliciter cederet, ego jejunarem bis in hebdomade, an credis me facturum quod vovisses? Og. Non credo, etiam si tu ipse tuo nomine vovisses. Nam tibi divis os oblinere ludus est. At socrus est; mos gerendus erat. Nosti mulierum affectus, & mea quoque referebat. ME. Si non præstitisses votum, quid erat periculi? Og. Non poterat me divus vocare in jus, fateor: sed poterat in posterum esse surdus ad vota mea, aut tacitus aliquid calamitatis immittere in meam familiam. Nosti principum mores. ME. Dic mihi, quid valet agitur vir optimus Jacobus? Og. Multo frigidius solito. ME. Quid est in causa? senium? Og. Nugator, scis divos non senescere. Verum hæc nova persuasio, quæ late per orbem divagatur, facit infrequentius salutetur solito: & si qui veniunt, salutant tantum, nihil aut quam minimum donant, dictitantes eam pecuniam rectius collocari in egenos. ME. Impia persuasio! Og. Itaque tantus Apostolus, qui solebat totus gemmis & auro fulgere,

Tom. I.

Ccc 2

nunc

nunc stat ligneus, vix sebaceam habens candelam. ME. Si verum est, quod audio, periculum est, ne reliquis divi idem veniat usu. OG. Imo circumfertur epistola, quam hac de re scripsit ipsa Virgo Maria. ME. Quae Maria? OG. Quae cognomen habet a lapide. ME. Apud Rauracos, ni fallor. OG. Ea est. ME. Lapidem igitur divam mihi narra. Sed cui scripsit? OG. Nomen ipsa indicat epistola. ME. Per quam missa est? OG. Haud dubie quin per Angelum, qui posuerat scriptam in suggesto, unde concionatur is ad quem scripta est. Et ne quid fraudis suspiceris, videbis epistolam: *αὐτοῦ γράφον*. ME. Itane agnoscis manum Angeli, qui est virgini ab epistolis? OG. Quid ni? ME. Quo tandem argumento? OG. Legi Epitaphium Bedae, quod ab Angelo inculptum est: elementorum figuræ per omnia congruunt. Legi & syngrapham divo Agidio missam: congruunt. An non hæc latis arguunt rem? ME. Fasne est inspicere? OG. Fas, si dejeris te taciturnum. ME. Oh! lapidi dixeris. OG. Jam sunt & lapides hoc nomine infames, quod nihil celent. ME. Muto igitur dicito, si lapidi parum fidis. OG. Hac lege recitabo: tu fac utramque arrigas aurem. ME. Arraxi. OG. Maria mater Jesu Glauco-pluto S. D. Quod Lutherum sequutus strenue suasdes, supervacaneum esse invocare divos, a me quidem isto nomine bonam magnamque inisti gratiam, scito. Nam antehac tantum non enecabar improbis mortalium opprobriationibus. At una postulabantur omnia, quasi filius meus semper infans esset, quia talis fingitur, pingiturque in sinu meo, ut ex nutu matris adhuc pendeat, neque quidquam ausit negare petenti, videlicet metuens, ne si quid neget roganti, ego vicissim ipsi negem mammam sitiienti. Et nonnunquam ea petunt a Virgine, quæ verecundus juvenis vix auderet petere a lena, quæque me pudet literis committere. Interim negotiator lucris causa navigaturus in Hispaniam, committit mihi pudicitiam suæ concubinæ. Et virgo Deo sacra, abjecto velq. fugam adornans, deponit apud me famam integritatis suæ, quam ipsa tendit prostituere. Occlamat mihi miles impius, & ad lanienam conductus, *Beata virgo da prædam optimam. Occlamat aleator, Fave diva; pars lucris tibi decidetur*. Et si parum faveat alea, me convitius lacerant, maleque precantur, quæ non adfuerim sceleri. Occlamat, quæ quæstui turpi semet exponit, *Da proventus uberem*. Si quid negem, illico reclamat, *Ergo ne sis mater misericordiae*. Aliorum vota non tam impia sunt, quam inepta. Clamat innupta: *Maria, da mihi formosum ac divitem sponsum*. Clamat nupta: *Da mihi bellos casulos*. Clamat gravida: *Da mihi facilem partum*. Clamat anus: *Da diu vivere sine tussi sitique*. Clamat senex delirus: *Da repubescere*. Clamat Philosophus: *Da nodos insolubiles nectere*. Clamat sacerdos: *Da sacerdotium optimum*. Clamat Episcopus: *Serva meam ecclesiam*. Clamat nauta: *Da prosperos cursus*. Clamat præfectus: *Offende mihi filium tuum antequam moriar*. Clamat aulicus: *Da vere confiteri in mortis articulo*. Clamat rusticus: *Da tempestivam pluviam*. Clamat rustica: *Serva gregem & armentum incolumem*. Si quid renuo, illico sum crudelis. Si relego ad filium, audio: *Vult ille quidquid tu vis*. Itane ego sola & mulier, & virgo, dabo operam navigantibus, belligerantibus, negotiantibus, ludentibus aleam, nubentibus, parturientibus, satrapis, regibus & agricolis? Atqui quod dixi, minimum est præ his quæ patior. Sed his negotiis nunc multo minus gravior: quo quidem nomine tibi gratias agerem maximas, nisi commodum hoc, incommodum majus secum traheret: plus est otii, sed minus est honorum; minus est opum. Ante salutabar: *Regina calorum, Domina mundi*: nunc vix a paucis audio, *Ave Maria*: Ante vestiebar gemmis & auro, abundabam mutatoris, deferebantur aurea gemmeaque donaria: nunc vix teger dimidiato palliolo, eoque corroso a muribus. Proventus autem annui vix tantum est, ut alam miserum adituum, qui accendat lucernulam aut candelam se-

baccam. Atque hæc tamen poterant ferri, ni majora etiam moliri dicereris. Huc tendis, ut ajunt, ut quidquid usquam est divorum, exigas ex ædibus sacris. Etiam atque etiam vide quid agas. Non deest aliis divis quo suam ulciscantur injuriam. Ejectus e templo Petrus potest tibi vicissim occludere regni coelestis ostium. Paulus habet gladium. Bartholomæus cultro armatus est; Gulielmus sub pallio monachi totus armatus est, non sine gravi lancea. Quid autem agas cum Georgio, & equite & cataphracto, hasta simul & gladio formidabili? Nec inermis est Antonius; habet sacrum ignem. Sunt item & cæteris sua vel arma, vel mala, quæ quibus volunt, immittunt. Me vero quantumvis inermem, non tamen ejicies, nisi simul ejecto filio, quem ulnis teneo. Ab hoc non me patiar divelli: aut hunc una mecum extrudes, aut utrumque relinques, nisi mavis habere templum sine Christo. Hæc te scire volui: tu cogita, quid mihi respondendum censeas. Nam mihi plane res cordi est. Ex æde nostra lapidea, Calendis Augusti, anno filii mei passi 1524. Virgo lapidea mea manu subscrispsi. ME. Minax profecto ac formidabilis epistola. Cavebit, opinor, Glauco-plutus. OG. Si sapit. ME. Quam ob rem non eadem de re scripsit huic optimus ille Jacobus? OG. Nescio, nisi quod longius abest, & his temporibus interceptiuntur omnes epistolæ. ME. Sed quis Deus te redegit in Angliam? OG. Ventus illuc invitabat mire secundus, atque id propemodum eram pollicitus divæ Parathalassiae, me post biennium ipsam revisurum. ME. Quid petiturus ab illa? OG. Nihil novi, nisi illa vulgaria, familiam incolumem, rem uberio-rem, longævam lætamque vitam in hoc seculo, & perennem felicitatem in futuro. ME. Non poterat eadem præstare Virgo mater apud nos? Habet Antverpiæ templum longe augustius, quam in Parathalasso. OG. Haud nego posse, verum alius in locis alia largitur, sive sic visum est animo illius, sive, ut est benigna, semet in hoc, nostris affectibus accommodat. ME. De Jacobo frequenter audi: sed obsecro te, describe mihi regnum istius Parathalassiae. OG. Equidem expediam quam potero paucissimis. Celebrerrimum nomen est per universam Angliam, nec temere reperias in insula, qui speret res suas fore salvas, qui illam quotannis aliquo municulo pro facultatum modulo salutari. ME. Ubi habet? OG. Ad extremum Angliæ finem, inter Occidentem & Septentrionem, haud procul a mari, passuum fere tribus millibus: Vicus est vix alia re victians, quam commeantium frequentia. Collegium est Canonico-rum, sed quibus a Latinis *regula* cognomen additur; medium genus inter monachos, & canonicos, quos *seculares* appellant. ME. Amphibios mihi narra; quod genus est fiber. OG. Imo & crocodilus. Sed omittis cavillis, tribus verbis expediam quod vis. In odiosis canonici sunt, in favorabilibus monachi. ME. Adhuc mihi quidem ænigma refert. OG. Quin addam Apodixim mathematicam. Si Romanus Pontifex fulmine feriat omnes monachos, tum canonici fuerint, non monachi: Sin idem permittat omnibus monachis uxorem ducere, tum fuerint monachi. ME. O novos favores: utinam abducant & meam! OG. Sed ut ad rem: Collegium hoc vix alios habet proventus, quam ex liberalitate Virginis. Nam majora quidem donaria servantur. Cæterum si quid est nummonum, aut levioris pretii, cedit in alimoniam gregis & præfecti, quem illi *Priorem* vocant. ME. Probæ vitæ? OG. Non illaudatæ; pietate ditiores, quam annuo censu. Templum est nitidum & elegans; verum in eo non habitat Virgo, sed illud honoris gratia cessit filio. Illa suum habet templum, ut dextra sit filio. ME. Dextra? Quo igitur spectat filius? OG. Bene mones. Cum occidentem spectat, dextram habet matrem: ubi se vertit ad Solis exortum, sinistra est. Nec hec tamen habitat; nondum enim ædificium est absolutum, & locus est undique perflabilis, patentibus ostiis, patentibus fenestris; & in propinquo est Oceanus ventorum pater. ME. Durum ubi igitur habet illa? OG. In eo templo, quod in absolutum dixi, est sacellum angustum, ligneo tabulatu constructum, ad utrumque latus, per angustum ostiolum admittens salutantes. Lumen est exiguum, nec fere nisi ex certis; fragrat odor naribus gratissimus. ME. Hæc omnia congruent religioni. OG. Imo si introspicias, Menedeme, dicas divorum esse sedem, adeo gemmis, auro, argentoque nitent omnia. ME. Accendis animum, ut eo me conferam. OG.

1 *Αὐτοῦ γράφον*] Id est, ab ipsa scriptam: quemadmodum oracula dicuntur *αὐτοῦ φωνῆ*, ab ipso Deo reddita voce. Virgil. *Ipse canas oro*.

2 *Epitaphium Bedae*] Beda hic natione Britannus, ob eruditam modestiam Venerabilis cognominatus. Exstant ejus plurima ingenii monumenta insignia. Sub Joanne sexto Pontifice claruit. Corpus, Volaterrano teste, Genue conditum: Ibidemque Epitaphium, secundum quosdam, ab Angelo inculptum.

3 *Agidii missam*] Narratur de Carolo Magno, qui quum desperaret veniam admittorum, S. Agidius impetravit syngrapham ab Angelo, continentem hunc versiculum:

Agidii merito Caroli peccata remittit.

Og. Haud poenituerit itineris. Me. Nihil est illic olei facri? Og. Inepte. Oleum istud non refudat nisi e sepulcris divorum, velut Andreae & Catharinae. Maria sepulta non est. Me. Erravi, fateor. Sed absolve fabulam. Og. Quo latius se spargat religio, alia aliis locis ostenduntur. Me. Et fortasse ut uberior sit largitio, juxta illud. *Fis cito per multas pradapetita manus.* Og. Et nusquam non praesto sunt mystagogi. Me. Ex canonicis? Og. Nequaquam: illi non adhibentur, neque per occasionem religionis alienentur a religione, ac dum observant virginem, parum ipsi confulant suae virginitati. Tantum in intimo sacello, quod dixi conclave divae Virginis, adstat altari canonicus quidam. Me. In quem usum? Og. Ut recipiat fervetque quod datur. Me. An dant qui nolint? Og. Minime; sed nonnullos pius quidam pudor huc adigit, ut dent adstante quopiam, non daturum si testis abesset: aut largius dant aliquanto, quam erant daturi. Me. Affectum humanum dicis, & mihi non inexpertum. Og. Imo vero sunt quidam adeo dediti sanctissimae Virgini, ut dum simulant sese munus imponere altari, mira dexteritate suffurentur, quod alius posuerat. Me. Fac nullum additare, an non in tales illico fulminaret Virgo? Og. Qui magis id faceret Virgo, quam ipse Pater aethereus, quem non verentur nudare suis ornamentis, vel perfosso templi pariete? Me. Non satis mihi constat, utrum magis debeam admirari, illorumne impiam confidentiam, an Dei lenitatem. Og. Ad latus itaque Septentrionale, porta quadam est, non templi, ne quid erres, sed septi, quo tota clauditur arca templo adiacens. Ea ostium habet perpustillum, quale videmus in valvis nobilium, ut qui velit ingredi, primum tibiam periculo exponere cogatur, deinde caput etiam submittat. Me. Profecto tutum non fuerit ad hostem ingredi per tale ostium. Og. Recte conjectas. Narrabat mystagogus olim virum equestris ordinis, equo insidentem, per hoc ostium elapsam & manibus inimici, qui jam fugienti imminabat. Ibi miser desperans sui, subita cogitatione salutem suam commendavit divae Virgini, quae erat in proximo. Nam ad hujus aram fugere decreverat, si valva patuisset. Et ecce rem inauditam. Subito totus equus erat intra septa templi, altero frustra foris insaniente. Me. Et faciebat tam admirandae narrationis fidem? Og. Maxime. Me. Id quidem non admodum facile apud te hominem Philosophum. Og. Ostendebat in ostio laminam cupream clavis affixam, quae habebat imaginem equitis servati, eoque cultu quo tum Anglica gens utebatur, quem & in vetustioribus picturis videmus: quae si non mentiuntur, frangebant id aetatis tonfores, & qui pannos tingunt ac texunt. Me. Quis? Og. Quia barbatus erat non aliter quam caprae; & universa vestis nullam habebat rugam, adeoque non erat major corpore, ut strictu corpus ipsum redderet angustius. Erat & altera lamina, cellae figuram ac magnitudinem referens. Me. Jam dubitare fas non erat. Og. Subter ostium erat cratis ferrea, quae peditem tantum transmitteret. Non conveniebat, ut equus post eum calcaret locum, quem prior equus Virgini consecrasset. Me. Et merito. Og. Hinc ad Orientem est sacellum prodigiis plenum: eo me confero. Excipit alius mystagogus. Illic oravimus paullisper. Mox exhibetur nobis articulus humani digiti, e tribus maximi: ex osculo: deinde rogo, cujus sint reliquiae. Ait, Sancti Petri. Num Apostoli, inquam? Aiebat. Deinde contemplans magnitudinem articuli, qui gigantis videri potuerit: Oportuit, inquam, Petrum fuisse virum praegrandi corpore. Ad hanc vocem e comitibus quidam in cachinnum solutus est: id certe moleste tuli. Nam si is siluisset, aedituus nos nihil celasset reliquorum. Eum tamen utcunque placavimus, datis aliquot drachmis. Ante aediculam erat tectum, quod aiebat hiberno tempore, cum nix obtexisset omnia, eo subito fuisse delatum e longinquo. Sub eo tecto putei duo ad summum pleni: fontis venam ajunt esse sacram divae Virgini; liquor est mire frigidus, efficax medicando capitis stomachique doloribus. Me. Si frigida medetur doloribus capitis & stomachi, posthac & oleum exstinguet incendium. Og. Miraculum audis, o bone: alioqui, quid esset miraculi, si frigida sedaret sitim? Me. Et ista sane est una pars fabulae. Og. Affirmabant eum fontem derepente profluisset e terra jussu sanctissimae Virginis. Ego cuncta diligenter circumspiciens, rogabam quot essent anni, quod ea domuncula fuisset eo deportata: dixit aliquot secula. Alio-

A qui parietes, inquam, non praeseferunt aliquid vetustatis. Non repugnabat. Ne columnarum quidem has lignearum: Non negabat esse nuper positas, & res ipsa loquebatur. Deinde haec, inquam, tecti culmea arundineaque materia videtur esse recentior. Assentiebatur. Ac ne trabes quidem haec, inquam, transversae, nec ipsa tigna quae culmos sustinent, videntur ante multos annos posita. Annuebat. Atqui cum jam nulla caesae pars superesset; unde igitur constat, inquam, hanc esse casulam illam e longinquo delatam? Me. Obsecro quomodo sese ab hoc nodo expediebat aedituus? Og. Scilicet incunctanter ille ostendit nobis pervetustam urfi pellem tignis affixam; ac propemodum irrumpit nostram tarditatem, qui ad tam manifestum argumentum non haberemus oculos. B Itaque persuasi, & tarditatis culpam deprecanti, vertimus nos ad coeleste lac beatae Virginis. Me. O matrem filii simillimam! ille nobis tantum sanguinis sui reliquit in terris; haec tantum lactis, quantum vix credibile est, esse posse uni mulieri uniparae, etiamsi nihil bibisset infans. Og. Idem causantur de cruce Domini, quae privatim ac publice tot locis ostenditur, ut si fragmenta conferantur in unum, navis onerariae justum onus videri possint; & tamen totam crucem suam bajulavit Dominus. Me. An non tibi quoque mirum videtur? Og. Novum fortasse dici possit, mirum nequaquam, cum Dominus, qui haec auget pro suo arbitrio, sit omnipotens. Me. Pie tu quidem interpretaris: at ego vereor ne multa talia fingantur ad quae sum. Og. Non arbitror Deum passurum, si quis ipsum ad istum irrideat modum. C Me. Imo cum a sacrilegis spoliatur & mater & filius & pater & spiritus, ne tantulum quidem sese commovent interdum, ut vel nutu, vel crepitu deterreant scelestos. Tanta est numinis lenitas. Og. Sic est: sed audi reliqua. Id lac servatur in altari summo; in cujus medio Christus, ad dextram mater, honoris gratia. Lac enim matrem repraesentat. Me. Conspicuum est igitur. Og. Videlicet inclusum crystallo. Me. Liquidum igitur. Og. Quid liquidum mihi naras, cum fustum sit ante annos mille quingentos? Concretum est; dicas cretam tritam, alboque ovi temperatam. Me. Quin igitur nudum ostentant? Og. Ne contaminetur virorum oculis lac virginium. Me. Probe dicis. Nam sunt, opinor, qui os admoveant nec purum, nec virginium. D Ubi nos videt mystagogus, accurrit, lineam vestem induit, sacram stolam addidit cervici, procubuit religiose, & adoravit: mox nobis lac sacrosanctum osculandum portexit. Hic in extremo altaris gradu religiose procubimus & ipsi; Christoque primum salutato, Virginem oratiuncula tali, quam in hoc ipsum paratam, appellavimus: *Virgo parens, quae tuis virginibus uteribus lactare meruisti, celsi terraeque dominum filium tuum Jesum, optamus, ut illius sanguine purificati, proficiamus & nos ad felicem illam infantiam columbinae simplicitatis; quae nescia malitiae, fraudis ac doli, lac Evangelica doctrina concupiscit assidue, donec proficiat in virum perfectum, in mensuram plenitudinis Christi, cujus felici consortio fruamur in aeternum, cum Patre & Spiritu Sancto Amen.* Me. Pia sane deprecatio. Quid illa? Og. Visus est uterque annuere, nisi me fallebant oculi. Nam subilire videbatur sacrum lac, & candidior aliquanto affulgebat eucharistia. Interim mystagogus ad nos accessit, tacitus quidem, sed tabellam porrigens, qualem apud Germanos afferunt, qui in pontibus telos exigunt. Me. Equidem saepenumero male precatus sum illis petacibus tabellis, cum per Germaniam iter facerem. Og. Dedimus drachmas aliquot, quas ille obtulit Virgini. Mox per interpretem ejus linguae pulcre peritum, & juvenem blandae cujusdam eloquentiae (nomen erat, ni fallor, Robertus Aldrisius) percunctatus sum, quam potui civilissime, quibus argumentis cognitum haberet, hoc esse lac Virginis. Id ego sane pio studio scire cupiebam, quo possem impiis quibusdam haec omnia ridere solitis, os obturare. Primum mystagogus obducta fronte obtulit: jussi ut interpret instaret; sed blandius etiam. Ille vero blandissime, adeo ut si matrem ipsam nuper puerperam talibus verbis appellasset, non fuerit aegre latura. At mystagogus tanquam afflatus numine quopiam, nos intuens oculis stupentibus, ac velut horrore vocem blasphemam exsecrantibus. Quid opus, inquit, ista omnia percunctari, cum habes tabulam authenticam? Et omnino videbatur nos ut haereticos ejecturus, nisi drachmae delinissent hominis fa-

Tom. I. Ccc 3

1 Telos] Τίλος. Id est, tributum, sive vestigal. Belg. Tel.

rociam. ME. Quid vos interim? OG. Nos? quid censet? Non aliter quam fuisse icti, aut fulmine tacti, nosmet illinc subduximus, suppliciter audacia veniam comprecati: sic enim convenit in rebus sacris. Inde proficiscimur ad ædiculam, hospitium divæ Virginis. Huc euntibus aperit sese quidam hierophanta ex illis Minoribus; nosque veluti noscitantintuetur: aliquantulum progressis occurrit alius, itidem contemplans nos: post etiam tertius. ME. Fortasse cupiebant te pingere. OG. At ego longe diversum suspicabar. ME. Quid istuc? OG. Sacrilegum quempiam supplicasse non nihil ex mundo sacræ Virginis, & in me suspicionem intentam esse. Itaque facellum ingressus, tali precatuncula saluto matrem Virginem: *O sola feminatum omnium mater & virgo, mater felicissima, virgo purissima, nunc te puram impuri visimus, salutamus, donariolis nostris utrumque colimus: utinam donet nobis Filius tuus, ut sanctissimos tuos mores imitantes, mereamur & nos per Spiritus Sancti gratiam spiritualiter Dominum Jesum intimis animi visceribus concipere, semelque conceptum nunquam amittere. Amen.* Simulque exosculatus aram, deposui drachmas aliquot, & abii. ME. Quid heic Virgo? Nullone nutu dedit signum auditæ precatiunculæ? OG. Lumen, ut dixi, erat ambiguum, & illa stabat in tenebris ad dextrum latus altaris. Postremo me sic deiecerat oratio prioris mystagogi, ut non auderem oculos attollere. ME. Istius igitur protectionis non erat admodum lætus exitus. OG. Imo multo lætissimus. ME. Reddidisti animum: nam mihi quoque cor in genua deciderat, ut tuus loquitur Homerus. OG. A prandio repetimus templum. ME. Audebas, suspectus sacrilegii? OG. Fortasse; sed ipse mihi suspectus non eram. Nescit pavorem mens sibi bene conscia. Trahebat me tabulæ visendæ cupiditas, ad quam mystagogus nos relegarat. Eam diu quæsitam tandem invenimus: verum in alto defixam, ut non a quibuslibet oculis legi posset. Mihi tales sunt oculi, ut nec lynceus dici possim, nec omnino lusciosus. Itaque legentem Aldrisum oculis obiter affectatus sum, nec illi satis fidens in re tanta. ME. Excussa est omnis dubitatio? EV. Pudit me mei, qui subdubitaſsem; adeo res tota illic ponebatur ob oculos, nomen, locus, res ut erat ordine gesta: breviter, nihil omisſum. Dictus est Gulielmus Lutetiæ natus, vir pius cum alias, tum præcipue religiosus in conquirendis toto orbe divorum reliquiis. Is peragratis regionibus plurimis, monasteriis ac templis undique lustratis, tandem pervenit Constantinopolim. Nam hujus Gulielmi frater illic agebat Episcopum. Is jam adornantem reditum, admonuit esse virginem quandam Deo dicatam, quæ lac haberet virginis matris: abunde felicem futurum si vel precario, vel pretio, vel arte portionem aliquam posset nancisci. Nam cæteras reliquias omnes, quas hæcenus collegerat, nihil esse ad tam sacrum lac. Ibi Gulielmus non conquevit, donec exorat dimidium ejus lactis. Eo thesauro plus quam Cæresus sibi videbatur. ME. Quid ni? & quidem præter spem. OG. Recta domum properat: in itinere morbus occupat. ME. Ut nihil est in rebus humanis, nec diu, nec undiqueque felix! OG. Ubi videt periculum, accersit clam Gallum, fidissimum ejus peregrinationis comitem. Et religiose stipulatur silentium: committit illi lac, ea lege, ut si incolumis domum redeat, deponat eum thesaurum in ara divæ Virginis, quæ colitur Lutetiæ in Augusto templo, utrinque Sequanam præterlabentem intuens: & amnis ipse videtur honoris gratia decedere numini Virginis. Ut rem in pauca conferam, sepultus est Gulielmus; alter properat, & hunc morbus corripit. Is desperans sui, tradit Anglo comiti lac, sed multis obtestationibus adstricto, ut faceret quod fuerat ipse facturus. Moritur hic; recipit ille, & in aram deponit lac, canonicis ejus loci presentibus, qui tum

1 Cor in genua] Ex illa loca, τὰς γυναικας. πῶς δὲ πρὸς τοὺς ἁγίους. Id est, Expaverunt: omnibus autem in pedes decidit animus.

2 Lutetia in Augusto] Designat auctor templum cathedrale Lutetiæ, Mariæ sacrum, cujus descriptionem Merula exhibet, Cathedrale D. Virginis, jactis a Philippo Augusto fundamentis anno 1191. serio ædificari ceptum est anno 1257. Joanne Kalendi Latomo, regnante Ludovico ex Gallia miraculis præcipuum, columnis 130. sustinetur. Longitudo passuum 174. Latitudo 60. altitudo 100. Chorus lapide cinctus; historiis ex V. & N. T. inculptis, quas anno 1351. absolutas inscriptio loquitur. In ambitu habet facella 45. ferreis calathis munita. Universum portæ 11. In fronte tres biforæ statuis 28. Regum insignes. Ad latera turres videntur seu moles veteris campanariæ, altitudinis 35. cubitorum. Campana maxima, cui a Maria Virgine cognomen, viginti viros flagitat pullanda: sonitus sereno caelo per septem leucas auditur.

A temporis adhuc dicebantur *Regulares*, quales adhuc sunt apud Divam Genoveſam. Ab his impetravit lactis dimidium. Id delatum in Angliam, tandem in Parathalaſſum detulit, huc vocante mentem illius afflatu spiritus. ME. Pulcre certe sibi constat hæc narratio. OG. Imo ne qua residence posset dubitatio, adscripta erant nomina Episcoporum a suffragiis, qui lac illud invisentibus non absque munusculo, tantum impartierunt relaxationis, quantum ex suo dimenso largiri possunt. ME. Quantum id est? OG. Dierum quadraginta. ME. Etiam apud inferos dies est? OG. Certe tempus est. ME. Ubi totum hoc dimensum semel fuerint elargiti, non superest quod largiantur? OG. Minime. Subſciet enim subinde quod dent, ac plane defecum quiddam accidit heic atque in dolio Danaidum. Illud enim cum continenter impleatur, semper tamen inane est: hinc si semper haurias, nihilo tamen minus est in dolio. ME. Si centum hominum millibus largiantur quadraginta, singuli tantundem habent? OG. Tantundem. ME. Et si qui ante prandium acceperunt quadraginta, rursus sub coenam poscerent quadraginta, præſtone eſſet quod daretur? OG. Imo si hora eadem decies. ME. Utinam mihi tale ſcrinolum eſſet domi; non optarim niſi tres drachmas, modo ſic ſcantent. OG. Quin optas ut totus ſias aureus, tantundem accipietur ex voto. Verum ad fabulam redeo. Addebatur & illud pii cujuſdam candoris argumentum: lac Virginis, quod aliis compluribus in locis oſtendebatur, ſatis quidem eſſe venerandum; hoc tamen cæteris eſſe venerabilius; quod illa abraderentur a faxis, hoc ex ipsis Virginis uberibus effluxiſſet. ME. Unde id conſtabat? OG. Oh! narrarat hoc Virgo Conſtantinopolitana, quæ lac dederat. ME. Et illi fortasse communicarat divus Bernadus. OG. Sic arbitror. ME. Cui natu grandi contigit guſtare lac ex eadem mamma, quam ſuxit puer Jeſus. Unde miror, illum mellifluum dici potius, quam lactifluum. Sed quomodo lac Virginis dicitur, quod non fluxit ex uberibus? OG. Fluxit & illud, ſed ſaxo, cui forte lactans inſidebat, exceptum concrevit; deinde volente Deo ſic multiplicatum eſt. ME. Recte. Perge. OG. His itaque peractis, dum paramus abiturum, obambulantes interim, & ſi quid offerretur ſpectatu dignum circumſpectantes, rursus adſunt myſtagogi, limis intuentur, digito ſubnotant, accurrunt, abeunt, recurrunt, mutant, videbantur compellatur ſi fuiſſet audaciæ ſatis. ME. Nihil ibi metuebas? OG. Imo faciem illis obverti, ſic aridens & intuens, quaſi ad compellandum invitarem. Tandem unus aggreſſus, rogat quod mihi nomen eſſet: edo. Num is eſſem qui ante biennium affixiſſet votivam tabellam literis Hebraicis? Fatebar eſſe me. ME. Scribis Hebraice? OG. Minime; ſed iſti quidquid non intelligunt, Hebraicum vocant. Mox accerſitus, ut conjicio, venit illius collegii & πρῶτος ὑψος. ME. Quod iſtuc dignitatis nomen eſt? Non habent Abbatem? OG. Non. ME. Cur ita? OG. Quia neſciunt Hebraice. ME. Non Episcopum? OG. Nequaquam. ME. Quam ob rem? OG. Quia Virgo pauperior etiamnum eſt, quam ut emat pedum ac mitram nimio venalem. ME. Non ſaltem Præpoſitum? OG. Ne id quidem. ME. Quid obſtat? OG. Quia Præpoſitus dignitatis eſt nomen non ſanctimoniarum. Et ideo canonicorum collegia nomen Abbatis rejiciunt, Præpoſiti libenter amplectuntur. ME. Atqui πρῶτος ὑψος ante hac audivi nunquam. OG. Næ tu magnopere rudis es grammatices. ME. ὑψος πρῶτος novi in tropis. OG. Tenes. Hic qui Priori proximus eſt, Prior eſt poſterior. ME. Subpriori dicis. OG. Is me ſalutavit ſatis humaniter. Narrat quantopere ſudatam ſit a multis, ut verſus eos legerent: quot fruſtra externa perſpicilla. Quoties adveniſſet aliquis vetuſtus Theologus, aut Juris doctor, adductus eſt ad tabellam: alius dicebat eſſe literas Arabicas, alius ficticias: tandem reperi-tus eſt qui legeret titulum. Is deſcriptus erat verbis ac literis Romanis; ſed majusculis. Græci verſus erant deſcripti Græcis majusculis; quæ prima ſpecie videntur referre majusculas Latinas. Rogatus deſcripſi ſententiam carminum Latine, verbum verbo reddens. Hujus opellæ cum præmio-

3 Divam Genoveſam] Digium intendit Eraſmus in templum Petri & Pauli, quod Lutetiæ videre eſt, anno 499. a Clodoveo ædificatum, hor-tum Genoveſæ, quæ ibi ſepulta anno 521. prius Canonicorum Secula-rium, poſt a Ludovico Craſſo Regularium factum. Turris anno 1483. fulmine conflagravit.

4 Πρῶτος ὑψος] Id eſt, primus & poſternus.

miolum oblatum constanter recusarem, affirmans nihil esse tam arduum, quod in Virginis sanctissimæ gratiam non essem cupidissime facturus, etiamsi literas juberet illinc perferre Hierosolymam. ME. Quid opus te grammatophoro, cum illi tot Angeli adsint a manibus atque a pedibus? OG. Ille protulit e crumena ligni fragmentum defectum e trabe, in qua Virgo mater visa est consistere. Odor mirus, protinus arguebat esse rem oppido sacram. Ego vero tam insignem munus pronus & nudato capite, summa cum veneratione terque quaterque exosculatus, reposui in crumenam. ME. Licetne videre? OG. Per me quidem licebit. Cæterum si jejunos non es, aut si nocte proxima fuit tibi res cum uxore, non suasirim ut videas. ME. Ostende: nihil periculi. OG. Entibi. ME. O te beatum isto munere! OG. Ego, ne sis insciens, non permutarim hoc tantillum fragmentulum cum universo auro Tagi: includam auro, sed sic ut per crystallum pelluceat. Tum Hysteroprotus ubi me videt tam religiose gestientem eo munusculo, judicans non indignum, cui majora quoque committerentur? rogat, num quando vidissem secreta Virginis. Ea vox me nonnihilo commovit; non tamen ausus sum percunctari, quæ diceret secreta Virginis. Siquidem in rebus tam sacris, etiam linguæ lapsus non vacat periculo. Nego me vidisse, sed videndi cupidissimum esse dico. Inducor jam velut afflatus numine: accenditur una atque altera tæda cerata: ostenditur imaguncula, nec magnitudine, nec materia, nec opere præcellens, sed virtute pollens. ME. Moles non multum habet momenti ad adenda miracula. Vidi Christophorum Lutetiae, non hamaxium aut colossæum, sed monti iusto parem; nullis tamen illic miraculis nobilem, quod quidem audierim. OG. Ad pedes Virginis est gemma, cui nondum apud Latinos aut Græcos nomen inditum: Galli a buffone dederunt nomen, eo quod buffonis effigiem sic exprimat, ut nulla ars idem possit efficere. Quoque majus est miraculum, pusillus est lapillus; non prominet buffonis imago, sed in ipsa gemma velut inclusa pellucet. ME. Fortassis imaginantur buffonis similitudinem, quemadmodum in secta filicis stirpe imaginamur aquilam. Et quemadmodum pueri, quid non vident in nubibus? dracones ignem spirantes, montes igni candentes, armatos concurrentes. OG. Imo ne sis nesciens, nullus buffo vivus, evidentius exprimit seipsum, quam illic erat expressus. ME. Hactenus pertuli fabulas tuas; posthac alium quære, cui persuadeas de buffone. OG. Nihil mirum est, Menedemæ, te sic affectum esse. Nec mihi quisquam persuasurus erat, etiamsi totus ordo Theologorum asseverasset, nisi his oculis, hisce, inquam, oculis vidissem, intuitus essem, comperissem. Sed interim mihi videris satis incurius rerum naturalium. ME. Quam ob rem? Quia non credo volare asinos? OG. An non vides, quam ludat artifex natura in omnium rerum coloribus ac formis exprimendis, cum aliis quidem in rebus, sed præcipue in gemmis? deinde quam admirandas vires gemmis illis indiderit, prorsus incredibiles, ni cominus experientia faceret nobis fidem? Dic mihi, crediturus eras chalybem intactum a magnete attrahi, & rursus ab eodem depelli sine contactu, nisi vidisses oculis? ME. Perfecto nunquam, etiam si decem Aristoteles mihi dejerassent. OG. Ne protinus igitur fabulosum clames, si quid audis nondum experimento comperitum. In ¹ ceraunia fulminis videmus imaginem, in ² pyroppo vivum ignem; in ³ chalazia grandinis & speciem & rigorem, etiamsi conicias in medium ignem: in ⁴ smaragdo profundas ac pellucas maris undas: ⁵ carcinias, canceri marini speciem imitatur: ⁶ echites, viperæ: ⁷ scarites, scari piscis; ⁸ hieracites, accipitris; ⁹ geranites, gruis

- ¹ Ceraunia] Seu Ceraunius lapis, λίθος κεραύνιος, qui a fulmine distringitur. Belg. Blixem, of Dendersteen.
² Pyroppo] Pyroppo, sic dictus, ab igneo flammeove rubore. Gr. πυροπός. Belg. Robijn.
³ Chalazia] Chalazias, gemma, quæ grandinum colorem & figuram habet, adamantinæ duritiæ, αχάλαζα, grando.
⁴ Smaragdo] Smaragdus, gemma est, virore oculos satians. Belg. Esmaraude.
⁵ Carcinias] Carcinias, gemma, sic dicta, a καρκίνος, cancer.
⁶ Echites] Echites, gemma colore viridi subobscura, quandam viperæ similitudinem referens. ab ἑχίς, vipera.
⁷ Scarites] Scarites, gemma, scari piscis refert colorem. Plinius lib. 37. cap. 10, 11.
⁸ Hieracites] Gemma a colore accipitris sic dicta. a Gr. ἱέραξ, accipiter.
⁹ Geranites] Lapis, a gruis collo sic dictus. a Gr. γέρανος, gruis.

A collum effictum exhibet; ¹⁰ agophthalmus, caprinum oculum ostendit: est qui suillum, est qui tres simul hominis oculos: ¹¹ lycophthalmus, lupi pingit oculum, quatuor coloribus, rutilo & sanguineo, in medio nigrum candido cingitur: ¹² cyameam nigram si aperias, fabam in medio reperies; ¹³ dryites, truncum arboris effingit, & ligni in modum ardet quoque: ¹⁴ cissites & ¹⁵ narcissites hederam pingit: ¹⁶ astrapias, fulminis radios e medio candido seu ¹⁷ cyaneo jaculatur; ¹⁸ phlegontites, incendium intus ostendit, quod non exeat: in ¹⁹ anthracitide videas scintillas quasdam discurre: ²⁰ crocias, croci colorem reddit; ²¹ rhodites rosæ; ²² chalcites, aeris; ²³ ætites, aquilam exprimit, cauda candicante: ²⁴ taos, pavonis picturam habet; ²⁵ chelidonia, aspidis: ²⁶ myrmecites, innata habet formicæ repentis imaginem: ²⁷ cantharias, scarabeum totum exprimit: ²⁸ scorpites, scorpionis mire depingit. Sed quid ego hæc persequor, quæ sunt innumera; cum nulla sit naturæ pars vel in elementis, vel in animantibus, vel in plantis, quam illa veluti lascivians non expresserit in gemmis? Miraris in hac gemma buffonem expressum? ME. Miror naturæ tantum esse otii, ut sic ludat omnium rerum imitatione. OG. Voluit exercere curiositatem humani ingenii, nosque vel sic ab otio propellere. Et tamen quasi nihil sit, quo fallamus tædium temporis, insanimus in moriones, in alcas, in præstigiæ ludibria. ME. Verissima prædicas. OG. Addunt quidam non leves, hoc gemmarum genus si admoveas aceto, innatare motis etiam membris. ME. Cur buffonem addunt Virgini? OG. Quia hæc spurcitiem omnem, virulentiam, fastum, avaritiam & quidquid est terrenarum cupiditatum, vicit, calcavit, extinxit. ME. Væ nobis, qui tantum buffonem geramus in pectore! OG. Puri erimus, si sedulo colamus Virginem. ME. Quomodo gaudet coli? OG. Gratissimum illi cultum præstiteris, si fueris imitatus. ME. Numero dixisti, sed istuc perdifficile est. OG. Est sane, sed idem pulcherrimum. ME. Age, perge quod coepas. OG. Deinde commonstrat aureas argenteasque statuas. Hæc, inquit, mere aurea est, hæc argentea inaurata: addit singulis pondus, pretium, ac doni auctorem. Cum ad singula mirabundus gratularer Virgini tam beatam opulentiam; mystagogus, Quoniam, inquit, video te pium spectatorem, non arbitror æquum, ut te quidquam celem; videbis quæ Virginis sunt secretissima; simulque depromit ex ipso altari mundum rerum admirabilium; causus singulas partes si pergam recensere, dies hic non sufficerit narrationi. Sic illa sane peregrinatio mihi felicissime cessit. Expletus sum assatim spectaculis & hoc inestimabile donum mecum aufero, pignus ab ipsa Virgine datum. ME. Nullumne fecisti periculum, quid valeat lignum tuum? OG. Feci: in diversorio quodam ante triduum, reperi quendam mente captum, cui jam parabantur vincula; lignum hoc suppositum est illius cervicali, clam ipso; obdormit somno profundo pariter ac prolixo: mane surrexit integræ mentis. ME. Non fuerat phrenesis, sed ²⁹ parcenia fortasse. Huic malo solet mederi somnus. OG. Cum libebit jocari, Menedeme, fac aliam tibi quæras materiam; in divos jocos ludere, nec pium est, nec tutum. Imo vir ipse narrabat sibi in somnis apparuisse mulierem admiranda specie, quæ poculum ipsi porrexerit. ME. Elleborum opinor. OG. Istuc incertum est; illud certissimum, hominem mentis esse com-

- ¹⁰ Agophthalmus] Gemma, ab ἀγέ, capra, & ὀφθαλμός, oculus. Τὰ ὀφθαλμοὶ, video.
¹¹ Lycophthalmus] Ex λύκος, lupus, & ὀφθαλμός.
¹² Cyamea, gemma sic dicta, a κύαμος, faba.
¹³ Dryites] Lapis seu gemma, sic dicta, a δρῦς, quercus, seu arbor.
¹⁴ Cissites] Gemma sic dicta, a κισσός, hederæ.
¹⁵ Narcissites] Gemma quæ narcissi colorem habet, venis hederæ distincta.
¹⁶ Astrapias] Gemma sic dicta, ab ἀστράπη, fulgure.
¹⁷ Cyaneus] Idem quod cæruleus, quod scilicet cyanigemmæ colorem referat.
¹⁸ Phlegontites] Seu phlegontis, gemmæ species, a φλέγω, ura.
¹⁹ Anthracitis] gemma sic dicta, ab ἀνθράξ, carbō.
²⁰ Crocias] A croco herba. Belg. Safran.
²¹ Rhodites] ῥόδον, rosa.
²² Chalcites] Α χαλκός, es.
²³ Aetites] Ab αἰτός, aquila.
²⁴ Taos] A Gr. ταῖος, pavō.
²⁵ Chelidonia] Gemmæ nomen, a χελιδόν, hirundo.
²⁶ Myrmecites] Α μύρμηξ, formica.
²⁷ Cantharias] Α κάνθαρος, scarabæus.
²⁸ Scorpites] Gemma, a σκορπίος, scorpius.
²⁹ Parcenia] Id est, deliratio ex vino.

potem. Me. Præteristi Thomam Cantuariensem Archiepiscopum? Og. Minime gentium. Nulla peregrinatio religiosior. Me. Audire gestio, nisi molestum est. Og. Imo te quæso, ut audias: Cantium dicitur ea pars Angliæ, quæ Galliam & Flandriam spectat. Hujus metropolis est Cantuaria. In ea sunt duo monasteria pene contigua; utrumque Benedictinos habet. Id quod habet divi Augustini titulum, videtur antiquius: hoc quod nunc appellatur divi Thomæ, sedes Archiepiscopi fuisse videtur, ubi cum paucis electis monachis vitam ageret; quemadmodum & hodie præfules habent ædes ecclesiæ contiguas, sed ab ædibus reliquorum canonicorum semotas. Olim enim fere tum episcopi, tum canonici monachi erant. Id arguunt manifesta rerum vestigia. Templum autem divo Thomæ sacrum, tantam majestate sese erigit in cœlum, ut procul etiam intuentibus religionem incutiat. Itaque nunc suo splendore vicini luminibus officit, & locum antiquitus religiosissimum velut obscurat. Turres sunt ingentes duæ, procul veluti salutes advenas, miroque nolarum ænearum boata longe lateque regionem vicinam personantes. In vestibulo templi, quod est ad Austrum, stant saxo sculpti tres armati, qui manibus impiis virum sanctissimum trucidarunt: addita sunt gentis cognomina, Tusci, Fusci, Berri. Me. Cur tantum honoris habetur impiis? Og. Videlicet idem honoris habetur iis, quod habetur Judæ, Pilato, Caiphæ, cohorti militum sceleratorum, quos operose sculptos vides in auratis altaribus. Adduntur cognomina, ne quis posthac ufurpet gloriæ causâ. Ingeruntur oculis, ne quis aulicus posthac injiciat manus vel in episcopos, vel in possessiones Ecclesiæ. Nam tres illi satellites a peracto facinore, versi sunt in rabiem; nec reddita mens est, nisi implorato Thomæ sanctissimi favore. Me. O perpetuam martyrum clementiam! Og. Ingressis aperit sese spatiosa quædam ædificii majestas. Ea pars quolibet recipit. Me. Nihilne illic visendum? Og. Nihil præter structuræ molem, & libros aliquot columnis affixos, in quibus est Evangelium Nicodemii, & sepulcrum nescio cuius. Me. Quid deinde? Og. Cancelli ferrei sic arcent ingressum, ut conspectum admittant ejus spatii, quod est inter extremam ædem & chori, quem vocant, locum. Ad hunc conscenditur multis gradibus, sub quibus testudo quædam aperit ingressum ad latus Septemtrionale. Illic ostenditur altare ligneum divæ Virginis sacrum, pusillum, nec ulla re visendum, nisi monumento vetustatis, luxum hisce temporibus exprobrante. Illic vir pius dicitur extremum vale dixisse Virgini, cum mors immineret. In ara est cuspis gladii, quo præfectus est vertex optimi præfulis, ac cerebrum confutum, videlicet quo mors esset præsentior. Hujus ferri sacram rubiginem amore martyris religiose sumus exosculati. Hinc digressi subimus cryptoporticum: ea habet suos mystagogos: illic primum exhibetur calvaria martyris perforata, reliqua tecta sunt argento, summa cranii pars nuda patet osculo. Simul ostenditur plumbea lamina, Thomæ Acrensis titulum habens insculptum. Pendent ibidem in tenebris indusia cilicina, cingula, subligariaque, quibus antistes ille subigebat carnem suam, ipso adspectu horrorem incutientia, nobisque molliorem ac delicias nostras exprobrantia. Me. Forassis & monachis ipsis. Og. Istac de re nec affirmare possum, nec negare; nec refert quidem mea. Me. Vera naras. Og. Hinc redimus in chori locum. Ad latus Septemtrionale referantur arcana: dictu mirum, quantum ossium illinc prolutum sit, calvaria, menta, dentes, manus, digiti, integra brachia: quibus omnibus adoratis, fiximus oscula; nec erat futurus finis, nisi qui mihi tum comes erat ejus peregrinationis parum commodus, interpellasset ostentandi studium. Me. Quis iste? Og. Anglus erat, nomine Gratianus Pullus, vir eruditus ac pius, sed minus affectus erga partem hanc religionis, quam ego volebam. Me. Vilevita quispiam, opinor. Og. Non arbitror; etiamsi libros illius legerat, incertum unde nactus. Me. Is offendit mystagogum? Og. Prolutum est brachium adhuc carnem habens languinolentam, hujus osculum exhorruit, ac vultu quoque triduum quoddam præ se ferebat. Mox sua recondidit mystagogus. Hinc spectavimus altaris tabulam & ornamenta, mox quæ sub altari fuerant recondita, opulen-

1 *Thomam Cantuariensem*] Designat Thomam, ab Angliæ Rege exilio multatum & postmodo circa annum 1164. capitali supplicio affectum: dein inter Divos relatum. Ejus festum semper recurrit III. Kal. Januar.

ta omnia: diceres. Midam & Cræsum fuisse mendicos, si spectares vim auri atque argenti. Me. Heic nihil osculorum? Og. Non, sed aliud votorum genus tetigit animum meum. Me. Quodnam? Og. Suspirabam domi meæ nihil esse talium reliquiarum. Me. Sacrilegum votum. Og. Fateor; & supplex veniam precatus sum a divo, priusquam pedem efferrem templo. Post hæc ducimur in sacrum. Deus bone, quæ illic pompa vestium holosericarum, quæ vis candelabrorum aureorum! Ibidem vidimus pedum divi Thomæ. Videbatur arundo lamina argentea obvestita, minimum erat ponderis, nihil operis, nec altius quam usque ad cingulum. Me. Nulla crux? Og. Nullam vidi. Ostensum est pallium, holosericum quidem, sed crasso filo, nullo auro gemmivæ insignie. Aderat & sudarium, sudoris ex collo contracti, manifestæque sanguinis notas retinens. Hæc vetustæ frugalitatis monumenta libenter sumus exosculati. Me. Ista non ostenduntur quibuslibet? Og. Nequaquam, ô bone. Me. Unde tibi tantum est habitum fidei, ut nihil arcani celaretur? Og. Erat mihi nonnihil notitiæ cum R.P. 2 Gulielmo Waramo Archiepiscopo, is me tribus verbis commendavit. Me. Ex multis audio virum singulari præditum humanitate. Og. Quin potius dicas ipsam esse humanitatem, si noris. Jam ea doctrina, ea morum sinceritas, ea vitæ pietas, ut nullam absoluti præfulis dotem in eo desideres. Ab his igitur deducimur ad superiora. Nam post altare summum, rursus velut in novum templum ascenditur. Illic in sacello quodam ostenditur tota facies optimi viri inaurata, multisque gemmis insignita. Heic casus quidam inopinatus pene totam illam felicitatem interturbavit. Me. Exspecto quid mali dicas. Og. Heic minimum iniiit gratiæ comes meus Gratianus. Isa precatiuncula rogavit mystagogum afflorem: Heus, inquit, bone pater, verumne est quod audio, Thomam dum viveret, fuisse benignissimum erga pauperes? Verissimum, inquit ille; coepitque multa de illius erga tenues beneficentia commemorare. Tum Gratianus: Non arbitror eum affectum in illo mutatum esse, nisi forte in melius. Assensus est mystagogus. Rursus ille: Cum igitur vir sanctissimus tam liberalis fuerit in egenos, cum & adhuc pauper esset, & ipse præfidiis pecuniarum egeret, ob corpusculi necessitatem, an non putas æquo animo laturum nunc, cum tam opulentus sit, nec ullius egeat, si qua mulier paupercula, domi habens liberos famelicos, aut filias ob dotis inopiam de pudicitia periclitantes, aut maritum morbo decumbentem, omnibusque præfidiis destitutum, precata veniam, detrahat ex his tantis opibus aliquam particulam sublevandæ familiaræ, velut a volente sumens vel dono, vel mutuo? Ad hæc cum nihil responderet affessor capitis aurei; Gratianus, ut est vehemens, Ego, inquit, plane confido sanctissimum virum etiam gavisurum, quod mortuus quoque suis opibus sublevaret inopiam pauperum. Ibi mystagogus corrugare frontem, porrigere labra, Gorgoneis oculis nos obtueri: nec dubito, quin sputo, conviciisque nos eieciturus fuerit e templo, nisi cognovisset nos ab Archiepiscopo commendatos. Equidem utcunque placavi blandis verbis iram hominis, negans Gratianum quidquam horum ex animo loqui, sed suo more ludere, simulque drachmas aliquot deposui. Me. Ego sane tuam pietatem vehementer adprobo. Verum mihi nonnunquam serio venit in mentem, quo colore possint excusari a crimine, qui tantum opum insumunt templis extruendis, ornandis, locupletandis, ut nullus omnino sit modus. Fateor in sacris vestibus, in vasis templi, debere cultui solemni suam dignitatem: volo & structuram habere majestatem suam. Sed quorsum attinent torbap-

2 *Gulielmo Waramo*] Vixit hic Gulielmus Warham tempore Henrici octavi Angliæ Regis, cui cum aliquot aliis a secretis fuit. Angliæ Cancellarius & Cantuariensis Archiepiscopus, summo in honore defunctus est anno 1532. xi. Kal. Sept. paulo antequam Henricus clandestinas nuptias cum Anna Bullenia celebravit. Ei dicavit Erasmus suum Hieronymum, laudesque ejus in præfationibus, non semel deprædicat.

3 *Adhuc pauper*] Erat enim hic Thomas Becketus patre Gisberto Becketto, matre peregrina e Syria oriunda, Londini natus, parentibus admodum tenui re constitutus. Irresperat vero in familiam Theobaldi Cantuariensis Archiepiscopi: ab hoc (nescitur ob quas causas) ad Archidiaconatum Cantuariensem promotus, & tandem etiam liberorum Regiorum, ejusdem opera, institutor factus & mox Cancellarius, postremo Archiepiscopus Cantuariensem post obitum Theobaldi est adeptus. Occisus est anno 1171. die 29. Decembris.

4 *Præfidiis pecuniarum*] Quippe apud Pontificem Romanum biennium, apud Regem Galliarum quinquennium, cum ex Anglia discessisset, quasi ex elemosinis sustentatus est.

stria, tot candelabra, tot statuae aureae? quorum organorum, quae vocant, immensi sumtus? nec unicis interim contenti fumus: quorsum ille musicus hinnitus, magno censu conducendus, cum interim fratres & sorores nostrae, vivaque Christi templa situ fameque contabescant? Og. In his quidem nemo vir pius ac prudens modum non desiderat: verum quoniam hoc vitium ex immodica quadam pietate nascitur, favorem promeretur, praesertim quoties in mentem venit diversus morbus istorum, qui templa suis opibus spoliunt. Ista fere donantur a potentibus ac Monarchis, deterius peritura in aleam ac bellum. Et si quid hinc alienes, primum habetur pro sacrilegio: deinde contrahunt manus suas qui dare solent, insuper & invitantur ad rapinam. Igitur harum rerum magis illi custodes sunt, quam domini. Denique malim videre templum sacra suppellectile luxurians, quam, ut sunt quaedam, nuda, sordida, stabulis equorum similiora quam templis. Me. At legimus olim laudatos Episcopos, quod vasa sacra divendiderunt, eaque pecunia subvenerunt egenis. Og. Laudantur & hodie, sed laudantur tantum; imitari nec licet, nec libet, opinor. Me. Rememor tuam narrationem. Nunc exspecto fabulae catastrophem. Og. Accipe; paucis expediam. Inter haec prodit summus ille mystagogus. Me. Quisnam? Abbas loci? Og. Mitram habet, census habet abbatikos; solo nomine caret, & Prior dicitur, ob id, quod Archiepiscopus Abbatis loco est. Nam antiquitus quisquis erat ejus ditionis Archiepiscopus, idem erat & monachus. Me. Equidem vel camelius appellari sustineam, si census esset Abbate dignus. Og. Mihi quidem visus est vir pius juxta & prudens, neque Scoticæ Theologiae rudis. Is nobis aperuit thecam, in qua reliquum sancti viri corpus quiescere dicitur. Me. Vidisti ossa? Og. Id quidem fas non est; nec liceret, nisi admotis scalis: sed auream thecam theca contegit lignea: ea funibus sublata, opes nudat inestimabiles. Me. Quid audio? Og. Vilissima pars erat aurum: gemmis raris ac praegrandibus collucebant, nitebant ac fulgurabant omnia: quadam superabant ovi anserini magnitudinem. Ibi multa cum veneratione circumstabant aliquot monachi: sublato tegumento adoravimus omnes. Prior candida virga demonstrabat contactu singulas gemmas, addens nomen Gallicum, pretium & auctorem dono. Nam praecipuas Monarchae dono miserant. Me. Oportuit illum esse praeditum insigni memoria. Og. Recte conjectas, quamquam juvat & exercitatio; frequenter enim hoc agit. Hinc reducit in cryptoporticum. Illic domicilium habet Virgo mater, sed subobscurum, semel atque iterum ferreis cancellis circumsepta. Me. Quid metuit? Og. Nihil, opinor, nisi fures. Nec enim unquam vidi quidquam a divitiis onustius. Me. Caecas mihi divitias narras. Og. Admotis lucernis vidimus plusquam regale spectaculum. Me. Vincit opibus Parathalassiam? Og. Specie longe superat, abstrusa novit ipsa. Haec non ostenditur nisi magnatibus aut praecipuis amicis. Postremo reducitur in sacrarium: illic detractum est scriptum nigro contectum corio, depositum est in mensam; apertum est; mox omnes flexis genibus adorarunt. Me. Quid inerat? Og. Fragmenta quaedam linteorum lacera, pleraque mucci vestigium servantia. His, ut aiebant, vir pius extergebat sudorem a facie sive collo, pituitam a naribus, aut si quid esset, similitum sordium, quibus non vacant humana corporacula. Ibi meus Gratianus rursus non optimam iniit gratiam. Huic & Anglo, & noto, nec mediocris auctoritatis viro, Prior benignus unum e linteolis obtulit dono, credens se munus longe gratissimum offerre. Sed Gratianus heic parum gratus, non sine fastidii significatione, digitis contrectavit unum, & contemtum reposuit, porrectis labiis, veluti poppyfinum imitans. Nam hic illi mos erat, si quid offenderet, quod

1 *Dono miserant*] Inter alios Ludovicus VII. Galliarum Rex eo peregrinatum veniens anno 1179. septennium post Thomae trucidationem, gemmam ingentis pretii, quam Regalem Franciam appellabant, (auctor ad id respicit cum dicit, *addens nomen Gallicum, pretium & auctorem domini*) obtulit cum scypho aureo magni ponderis. Eodem tempore idem centum vini dolia monachis annuatim concessit. Postea Henricus Octavus, cum Pontificiam religionem aboleret, praedictam gemmam anulo infertam pollice gestavit.

2 *Quidquam divitiis onustius*] Cum Henricus Octavus Angliae Rex a. 1538. res Ecclesiasticas invaderet ex spoliis solius monumenti Thomae Cantuariensis arcae duas replevit sumi, tam capaces, ut singulis effundendis vix octo robusti homines sufficerent, cum nihil auro vilius inde exportaretur.

tamen contemnendum esse judicaret. Meum animum simul & pudor, & timor discruciant. Prior tamen, ut est homo non stupidus, dissimulabat hoc factum, nosque post oblatum vini poculum humaniter dimisit. Cum rediremus Londinum. Me. Quid oportuit, cum jam non procul abesses a littore tuo? Og. Sic est: sed ego littus illud perquam lubeas fugi, magis infame fraudibus ac rapinis, quam ullae sunt Maleae naufragii. Dicam quod proxima vidi traiectione. Complures a littore Caletensi scalmo devehebamus ad navem majorem. In his erat Gallus quidam juvenis, pauper ac pannosus. Ab hoc exigunt dimidium drachmae. Tantum enim extorquent a singulis ob brevissimam uestationem. Ille excubabat paupertatem: isti per jocos explorant scilicet, ac detractis calceis inter suppastas soleas reperiunt decem aut duodecim drachmas: eas eripiunt palam, ridentes, & convicii ludentes in sceleratum Gallum. Me. Quid juvenis? Og. Quid aliud? Flebat. Me. Num ex auctoritate faciebant ista? Og. Prorsus eadem, qua furantur farcinas hospitum, qua tollunt crumenas, si quando datur opportunitas. Me. Mirum est istos tantum audere facinus, tot testibus consciis. Og. Sic assueverunt, ut recte fieri putent. Spectabant e majore navi complures, in cymba aderant aliquot Angli negotiatores, qui frustra obmurmurabant. Illi velut in re faceta gloriabantur, deprehensum sceleratum Gallum. Me. Ego istos maritimos fures ludens ac jocans subigerem in crucem. Og. Atqui talibus scater utrumque littus. Heic mihi conjecta, *Quid domini faciant, ausim cum talia fures?* Proinde posthac quilibet ambages malim, quam illud compendium. Ad haec quemadmodum ad inferos facilis descensus, sed reditus difficilissimus; ita per hoc littus ingressus non admodum facilis, exitus difficilissimus est. Haerebant Londini nautae aliquot Antverpienses: cum illis decreveram me mari committere. Me. Habet ea regio nautas adeo sanctos? Og. Ut simia semper est simia, fautor, ita nauta semper est nauta: verum si ad hos confers qui raptu vivere didicerunt, angelifunt. Me. Meminero, si quando me quoque libido ceperit eam insulam invivendi. Sed in viam redi, unde te deduxi. Og. Ergo Londinum petentibus haud procul a relicta Cantuaria, occurrat via vehementer cava simul & angusta, praeterea declivis, sic utrinque abrupto aggere, ut non possis effugere: nec vitari potest, quin hac facias iter. Ad ejus viae laevum latus, est mendicabulum aliquot seniculorum: ab iis procurrit aliquis, simulatque sentiunt advenientem equitem: conspergit aqua sacra, mox offert calcei summam partem obvinctam aereo circulo, in quo vitrum est gemmae speciei. Exosculati dant nummulum. Me. In ejusmodi via malim mendicabulum seniculorum, quam gregem valentium latronum. Og. Gratianus equitabat mihi sinister, propior mendicabulo: conspersus est aqua, tulit utrumque. Ubi porrigeretur calceus, rogabat quid sibi vellet. At calceum esse S. Thomae. Incanduit homo: & ad me versus. Quid, inquit, sibi volunt haec pecudes, ut osculemur calceos omnium bonorum virorum? Quin eadem opera porrigunt osculandum sputum, aliaque corporis excrementa? Miserebat me seniculi, datoque nummulo consolatus sum tristem. Me. Mea sententia, non omnino praeter causam incenduit Gratianus. Si calcei soleaeque servarentur, ut argumentum frugalitatis vitae, non improbarem: ceterum impudens mihi videtur, soleas, calceos, & subligaria cuiquam osculanda obtrudere. Nam si quis id sua sponte faciat ex ingenti quodam pietatis affectu, venia dignum arbitror. Og. Praestabat ista non fieri, ne quid dissimulem: verum ex his rebus quae subito corrigi non possunt, soleo si quid inest boni decerpere. Delectabat interim animum meum illa contemplatio, virum bonum esse similem ovi; malum, noxiae bestiae. Vipera posteaquam perit, mordere quidem non potest, odore tamen sanieque inficit: ovis cum vivit, lacte nutrit, lana vestit, foetura dicit: mortua porrigit utile corium; totaque esculenta est. Itidem viri feroces, & huic mundo dediti, dum vivunt, omnibus incommodi sunt, mortui strepitu notarum, ambitiosa sepultura molesti sunt vivis, nonnunquam & successorum inaugurationibus, hoc est, novis exactionibus: probi vero nulla non ex parte magnam omnibus de se praebent utilitatem. Velut hic divus, dum in vivis esset, exemplo, doctrina, monitis ad pietatem invitabat, consolatur.

787

batur destitutos, sublevabat egenos: ac mortui pene major utilitas. Exstruxit hoc locupletissimum templum, sacerdotum ordini per universam Angliam plurimum auctoritatis conciliavit. Hoc denique calcei fragmentum alit egenorum conventiculum. ME. Est quidem ista pia contemplatio, sed demiror te, cum isto sis animo, nunquam invisisse antrum Sancti Patricii, de quo prodigiosa quædam vulgo jactant, nec mihi satis verisimilia. OG. Imo nulla heic tam prodigiosa potest esse narratio, quin res ipsa superet. ME. Ergo illuc quoque penetraſti? OG. Enavigavi paludem vere Stygiam, descendi in fauces Averni: vidi quidquid apud inferos geritur. ME. Bearis me si non gravaberis referre. OG. Sit hoc colloquii nostri procemium, satis, ut arbitror, prolixum. Eo domum, ut jubeam adornari coenam: nam adhuc impransus sum. ME. Cur impransus? num religionis gratia? OG. Minime: sed invidiæ causa. ME. Num invides ventri tuo? OG. Imo rapacibus cauponibus qui cum nolint quod æquum est apponere; tamen non verentur ab hospitibus quod iniquum est exigere: eos sic ulcisci soleo. Si spes datur cœnæ lautioris vel apud notum, vel apud pandocheum paullo minus fordidum, in prandio laborat mihi stomachus. Sin prandium obtulit fortuna quale volo, sub cœham incipit dolere stomachus. ME. Non pudet videri parcum ac fordidum? OG. Menedeme, qui talibus in rebus pudoris impendium faciunt, crede mihi, male collocant sumtum. Ego meum pudorem aliis usibus servare didici. ME. Jam sitio reliquum fabulæ, quare me in cœna expecta convivam; ibi narrabis commodius. OG. Equidem habeo gratiam, quod ultro temet offers convivam, cum multi vehementer rogati pernegent: sed hæc tibi conduplicabitur gratia, si hodie domi coenes. Nam mihi tempus hoc sumetur salutandæ familiæ. Cæterum habeo consilium utrique nostrum commodius. Cras mihi, uxori quæ domi tuæ adornato prandium, tum vel usque ad coenam proferentur fabulæ, donec te fatearis jam esse saturum: & si voles, ne in cœna quidem te destituemus. Quid scabis caput? Tu para; nos bona fide veniemus. ME. Malim inemtas fabulas. Verum age, prandiolum dabitur, sed insipidum, nisi tu bonis fabulis condias. OG. Sed heustu, nonne titillat te animus, ut has peregrinationes obeas? ME. Fortasse titillabit, ubi tu peroraveris: nunc ut affectus sum, sat habeo stationes obire Romanas. OG. Romanas, qui Romam nunquam videris? ME. Dicam. Sic domi obambulo, ingredior conclave, curoque ut salva sit filiarum pudicitia. Rursus hinc in officinam; contempler quid agant famuli famulæque: inde in culinam, circumspiciens si quid opus sit admonitu: hinc alio atque alio, observans quid agant liberi, quid uxor, sollicitus ut omnia sint in officio. Hæc mihi sunt stationes Romanæ. OG. At ista pro te curaret divus Jacobus. ME. Ut ipse curem ista, præcipiunt Sacræ literæ; ut divi committam, nusquam legi præceptum.

2 I X Θ T O Φ A Γ I A.

L A N I O, S A L S A M E N T A R I U S.

LA. D I c mihi, insulsiſſime Salsamentarie; nondum emisti restim? SA. Restim, Lanio? LA. Ita, restim. SA. Cui tandem rei? LA. Cui, nisi suspendio? SA. Emant alii; me nondum usque adeo tædet hujus vitæ. LA. At brevi tædebit. SA. In vatem ipsum ista vertat Deus aliquis potius. Sed quid est mali? LA. Si nescis, dicam. Instat tibi tuique plane Saguntina, quod ajunt, fames, ut res prorſus sit vobis ad laqueum reditura. SA. Bona verba, Lanio. Ista sint hostibus nostris. Unde nobis ex Lanio repente prodisti Pythius quispiam, ut divines tantam calamitatem? LA. Non est divinatio; ne tibi blandiaris; res ipsa adest in foribus. SA. Enecas: ede rem, si quid habes. LA. Edam tuo magno malo. A Romano senatu venit edictum, ut posthac liberum sit cuique vesci quibus velit. Quid igitur tibi tuoque ordini restat, nisi bulimia cum putribus salsamentis? SA. Per me quidem vel limacibus, vel urticis vescatur, qui volet. At num interdictum est cuiquam ne vescatur piscibus? LA. Non, sed data potestas vescendi carnibus, quibus fuerit col-

1 Antrum [sancti Patricii] Hic ille Patricius Hibernorum Apostolus, qui anno 430. circa Honorii Augusti tempora in Hiberniam venit, regnante apud Hibernos Lagerio Nelli filio. Erat autem natione Britannus in Cluydsalia natus, Martino Turonensi affinitate conjunctus, & Germani discipulus, a Cælestino surrogatus defuncto Palladio. Tanto successu Evangelium prædicavit, ut longe maximam partem ad Christianismum converterit.

2 ἰχθυόφωγος] Id est, Piscium esum, ab ἰχθύς, piscis, & φάγω, comedo.

A libitum. SA. Sive vana prædicas, tu potius dignus es iussu: sive vera, tibi potius parandus funis. Nam mihi posthac spero quæstum uberiores. LA. Imo proventum uberimum, sed esuritionis usque ad saturitatem: aut, si mavis audire lætiora, posthac longe mundius vives, neque, quod soles, cubito nasum emunges pituitosum, & scabie fruticantem. SA. Ohe, venimus ad summum; cæcus convicia jacit in luscum: quasi vero quidquam apud laniones purius sit ea parte corporis, quæ dicitur semper lotione superior. Utinam verum esset quod annuncias; at vereor, ne me conjicias in falsum gaudium. LA. Tibi quidem nimium vera nuncio. Sed unde tibi quæstum promittis uberiores? SA. Quoniam eo video recidisse mores hominum, ut quod vetitum sit, impotentius appetant. LA. Quid tum postea? SA. Quia plures abstinebunt ab esu carniū, ubi permessa est vescendi potestas, nec ullum erit lautum convivium absque piscibus, quemadmodum apud præscos fieri consuevit. Itaque carniū esum permissum gaudeo; utinam & piscium esus esset interdictus! avidius his vescerentur homines. LA. Pium me hercule votum? SA. Hoc optarem, si, quod tu facis, nihil aliud spectarem quam pecuniæ lucrum, cujus amore tu crassam istam & carnivoram animam diis manibus devovisti. LA. Salsus es totus, cum insulsa sit oratio. SA. Quæ ratio commovit Romanos, ut tot sæculis observatam legem carnariam relaxarint? LA. Nimirum hoc ipsa res jam dudum illis persuasit. Repurant id quod est, per salsamentarios inquinari civitatem, insicci terram, flumina, aerem, & ignem, & si quod aliud est elementum: corrumpi corpora mortalium: ex piscium enim esu corpus impleri putribus humoribus: hinc febres, tabes, podagræ, epilepsies, lepræ, & quid non malorum? SA. Dic igitur mihi, Hippocrates, cur in civitatibus bene institutis vetitum est intra mœnia mactare tauros ac sues? Rectius etiam consuleretur saluti civium, si nec pecudes jugularentur. Cur lanies describitur certus locus; ne si passim vivant, totam urbem reddant pestilentem? An est ullum foetoris genus corrupto animantium cruore sanieque pestilentius? LA. Aromata mera sunt, si ad piscium putorem conferas. SA. Tibi quidem, opinor, aromata mera sunt: at non idem visum magistratibus, qui vos urbe submovent. Porro quam suaviter oleant vestra istæ lanienæ, declarant ii qui nariibus obturatis prætereunt: declarant vulgo, qui malunt habere vicinos decem lenones, quam unum lanionem. LA. At vobis ad abluenda putria salsamenta, nec lacus, nec amnes toti sufficiunt: vereque, quod dici solet, inaniter aquam consumitis. Semper enim piscis piscem olet, etiam si unguentis oblinas. Quid autem mirum, mortuos sic olere; cum plerique vivi mox, ut capti sunt, oleant? Carnes muria conditæ servantur multis in annos, adeo non putentes, ut aromaticum quiddam redolant. Rursus vulgari sale conditæ, durant absque foetore. Duratæ fumo ventove nihil molesti odoris contrahunt. Hæc omnia si pariter adhibeas pisci, nihil aliud quam piscem olebit. Vel hinc conjice, nullum esse putorem cum piscium foetore conferendum; quod ab his putrefit etiam ipse sal, in hoc a natura datus, ut a rebus arceat putrefactionem, dum genuina vi claudit constringitque, simul & excludens quod extrinsecus noxam afferre possit, & humores intus, unde putrefactio poterat oriri, desiccans: in solis piscibus sal non est sal. Nostras ades fortassis aliquis delicatior prætereans obturat nares; at nemo sustinet in cymba sedere, in qua vestra sunt salsamenta. Viatori si quando occurrunt plaustra onusta salsamentis, quæ ibi fuga? quæ narium obturatio? quæ sputa? quæ excreatio? Et si qua fieri possit, ut salsamenta pura in urbem adveherentur, quemadmodum nos mactatorum boum carnes apportamus, lex non dormiret: nunc quid facias iis, quæ putria sunt etiam cum comeduntur? Et tamen quoties videmus ab Agoranomis damnatas merces vestras conjici in flumen, vobis indicta multa? Id vero sæpius etiam fieret, nisi illi corrupti per vos magis spectarent privatum commodum, quam publicam salutem. Nec hac tantum parte nocetis reipublicæ, sed impia conspiratione vetatis, ne aliunde pisces recentiores viderent multa percussim lanionem, quod porcum infincerum, & linguæ maculis lepræ vitium profitentem venderit, aut quod ovem aquis cœnovæ suffocatam, aut aliqui verminantes arnos,

10-

lotione & circumlito recenti cruore vitium dissimularit. LA. Atqui nullum ex nobis tale exstat exemplum, quale nuper ex vobis: ex unica anguilla crusto panis incocta, periere novem convivæ. Talibus obsoniis vos instruitis mensas civium. SA. Casum narras, qui nemini vitari possit, si fortuna velit. At vobis pene quotidianum est pro cuniculis altiles feles vendere; pro leporibus canes, si per aurículas & pedes hirsutos liceret. Quid autem commemorem artocrea ex humanis carnibus confecta? LA. Tu quod in me damnas, casus & hominum vitia, mihi opprobras; tueantur ista qui committunt: ego quaestum cum quaestu confero. Alio qui damnentur & olitores, quod interdum imprudentes pro caule vendant cicutam, aut aconitum: damnentur & pharmacopolæ, quod interdum pro remediis, porrigunt venena. Nulla est ars tam inculcata, quin isthæc incidant mala. Vos cum omnes officii numeros impleveritis, venenum est quod venditis. Si torpedinem, si hydrium, si leporem marinum rebus admixtum cum cæteris venderetis, casus esset, non crimen: nec magis imputari poterat vobis, quam medico, qui nonnunquam occidit ægrum, quem curat. Ferri poterat hoc malum, si mensibus dumtaxat hibernis extruderetis vestra purulenta, rigor temporis mitigaret pestilentiam. Nunc æstatis incendio putrem additis materiam; autumnum, per se nocentem, redditis nocentiorum. Cumque jam se renovat annus, & humoris conditi sese rursus proferunt, non absque corporum periculo, ibi vos totos menses duos tyrannidem occupatis, & anni renascentis infantiam, accersito senio vitiatis. Cumque hoc meditetur natura, ut corpora succis insalubribus repurgata, novis succis repube-
fiant, vos ingeritis meros putores, mersæque sanies; & si quid est in corporibus vitii, augetis, malum malo adjicientes, & bonos insuper corporis succos corrumpentes. Tolerari poterat hoc quoque, si tantum corpora vitaretis: nunc quoniam ex ciborum differentiis vitiantur animorum organa, fit, ut ipsi vitentur animi. Tales fere videas homines istos pisculentos, quales sunt ipsi pisces; pallent, olent, stupent, muti sunt. SA. Onovum Thaletem! Quid igitur sapiunt qui betis viciant? nimirum quantum ipsæ betæ? Quid sapiunt qui boves, & oves, & capras devorant? nimirum quod boves, oves, & capræ? Vos hædos pro deliciis venditis, & tamen hoc animal, ut est morbo comitali obnoxium, ita gignit eundem morbum in his qui gaudent esu carniæ. An non præstabat falsamentis placare latrantem stomachum? LA. Quasi solum hoc mentiti sint rerum naturalium scriptores. Et si maxime verum sit, quod narrant; corporibus morbo obnoxii sæpe quæ per se optima sunt, pessima sunt: Hæctici ac phthifici vendimus hædos, non vertiginosis. SA. Si piscium esus tantam perniciem adfert rebus mortalium, cur nobis præsulum ac principum sententia licet toto anno nostras merces divendere, vobis bonam anni partem indicæ sunt feriae? LA. Istuc quid me refert? Fortassis hoc procuratum est a malis medicis, quo quaestus ipsis esset uberior. SA. Quos malos medicos mihi commemoras, cum nulli sint piscibus hostes æque capitales? LA. Ne quid erres, bone, non faciunt hoc studio vestri, nec amore piscium, cum ab his nulli religiosius abstinere: suum agunt negotium. Quo plures tussunt, languent, ægrotant, hoc illis annona benignior est. SA. Medicis heic non patrocinabor; ipsi suam vicem ulciscuntur, si quando in casses illorum incideris. Mihi pro mea causâ sufficit veterum sanctimonia vitæ, probatissimorum auctoritas, Episcoporum majestas publica Christianarum gentium consuetudo; quos omnes si damnabis insaniam, malo cum illis insanire, quam cum laniis esse sobrius. LA. Tu recusas patronus esse medicis; ego nolim esse criminatorem aut censor veterum, publicæque consuetudinis. Ista venerari soleo, non incescere. SA. Isto quidem nomine cautus es verius, quam pius lanius; nisi te prorsus non novi. LA. Meo iudicio sapiunt, qui cavent, ne quid habeant rei cum his, qui fulmen habent in manibus. Attamen quid ex meis Bibliis, quæ populari lingua versâ nonnunquam lego, sentiam, non tacebo. SA. Ut nunc fies ex lanione Theologus! LA. Arbitror primos illos homines simul atque ex uda argilla prodierunt, fuisse corpore salubri ac succulento. Id declarat illorum vivacitas. Deinde Paradisum fuisse locum multo commodissimum situ, coeloque saluberrimo. Tali loco talia corpora, vel aëris haustu, herbarum, arborum acflo-

rum undique adspirantium fragrantia, citra cibum ullum potuisse vivere; præsertim cum ultro citra sudorem hominis affatim tellus effunderet omnia, nec morbus esset ullus, nec senium. Cultus enim talis horti voluptas erat verius, quam labor. SA. Adhuc verisimilia prædicas. LA. Ex tam vario horti feracissimi proventu, nihil interdictum est præter unicam arborem. SA. Verissimum est. LA. Idque non ob aliud, nisi ut per obedientiam agnoscerent dominum & conditorem suum. SA. Recte. LA. Quin & illud arbitror, recentem terram omnia progenuisse feliciora, meliorisque succi, quam nunc gignit senescens ac propemodum effæta. SA. Esto. LA. Idque præcipue in Paradiso. SA. Haud dissimile veri. LA. Illis igitur vesci, voluptatis erat, non necessitatis. SA. Audivi. LA. Et abstinere a laniandis animantibus, humanitas erat, non sanctitas. SA. Nescio. Animantium esum a diluvio permissum lego, prius interdictum non lego. Quorsum autem attinebat permittere, si jam permissus erat? LA. Quare non vescimur ranis? Non quia vetitæ, sed quoniam abhorremus. Qui scis, an Deus illic admonuerit, quem cibum requireret humana fragilitas, non quem permitteret? SA. Non sum ariolus. LA. Atqui in ipso statim conditi hominis initio legimus; *Dominemini piscibus maris, & volatilibus celi, & universis animalibus quæ moventur super terram.* Quis usus domini, si vesci non licet? SA. Ocrudelem herum! Itane devoras servos & ancillas, tuos liberos & uxorem? Quin eadem opera vesceris matula tua, cujus dominus es? LA. Sed audi vicissim, insulse falsamentarie: E cæteris usus est, nec est inane domini nomen. Equus vehit me tergo, camelus gestat sarcinas: e piscibus vero quis usus, nisi vescaris? SA. Quasi vero non sint innumera ex piscibus remedia. Deinde multa sunt in hoc tantum condita, ut delectent hominem contemplantem, & in conditoris admirationem rapiant. Forte non credes delphinos hominem tergo vehere. Denique sunt pisces, qui nobis prædicant imminere tempestatem, velut echinus. An non talem servum optares domi tuæ? LA. Verum ut hoc largiamur, ante diluvium non fuisse fas vesci cibis, præterquam terræ frugibus; nihil magni erat abstinere ab iis quæ non requirebat corporis necessitas, & habebant laniandi crudelitatem: illud fateris, animantium esum initio permissum ob humanorum corporum imbecillitatem. Frigus induxerat diluvium: & hodie videmus in regionibus frigidis nasci homines cæteris edaciores: ac terræ proventum vel exstinxerat, vel corruerat inundatio. SA. Esto. LA. Et tamen a diluvio præteribant annum ducentessimum. SA. Crædo. LA. Cur igitur Deus, quod illis robustis citra exceptionem permisit, post imbecillioribus ævi-
que contractioris adstrinxit ad certa animantium genera, quemadmodum præcepit Moyses? SA. Quasi meum sit eorum quæ Deus gerit, rationem reddere! Arbitror tamen hoc tum fecisse Deum, quod solent heri, qui contrahunt indulgentiam in servos, ubi vident illos abuti lenitate dominorum. Sic equo plus satis ferocienti subducimus fabas & avenam, parcoque fœno pascimus, frenoque & calcaribus asperioribus subigimus. Excusserat hominum genus omnem reverentiam, in tantamque licentiam sese effuderat, quasi nullus omnino Deus esset. Hic inventi sunt legis cancelli, cærimoniarum repagula, minarum ac præceptorum frena, quo vel sic resipiscerent. LA. Quin igitur manent hodie legis illius repagula? SA. Quia sublata est carnalis servitutis asperitas, posteaquam per Evangelium adoptati sumus in filios Dei: detractum est præceptum, ubi contigit uberior gratia. LA. Cum Deus appellet suum testamentum sempiternum, cumque Christus a negarit se solvere legem, sed consummare, qua fiducia posteriores ausi sunt bonam legis partem abrogare? SA. Gentibus ea lex data non erat; & ideo visum est Apostolis, eas non onerare circumcisionis molestia, ne, quod Judæi faciunt & hodie, in corporalibus observationibus constituerent salutis spem potius, quam in fiducia & caritate erga Deum. LA. Omitto gentes. Quæ scriptura manifeste docet, Judæos si professionem Evangelicam fuerint amplexi, manumissos esse a Mosaicæ legis servitute? SA. Quoniam id fore prædictum erat a Prophetis, qui promittunt testamentum novum, &

Tom. I.

Ddd 2

&c

1. Legimus] Locus exstat Genes. 1. vers. 28.

2. Negaris se solvere] Verba Christi exstant Matth. 5. vers. 17.

& cor novum, inducuntque Deum abominantem festos Judæorum dies, averfantem illorum victimas, detestantem jejunia, rejicientem donaria, desiderantem populum circumciso corde. Confirmavit illorum promissa Dominus ipse, qui porrigens discipulis corpus & sanguinem suum, appellat testamentum novum. Si nihil aboletur de veteri, cur hoc dicitur novum? Ciborum Judaicum delectum, non exemplo quidem, sed sententia sua abrogavit Dominus, cum negat hominem inquinari cibis qui mittuntur in stomachum, & per secessum repurgantur. Docet idem Petrus inspecta visione; imo Petrus ipse cum Paulo cæterisque vescens cibis communibus, a quibus lex præceperat temperari. Agit hoc ubique & Paulus in suis epistolis; nec dubitatur, quin quod hodie sequitur populus Christianus, ab Apostolis veluti per manus traditum ad nos denique pervenerit. Itaque non tam manumissi sunt Judæi, quam a legis superstitione velut a lacte consueto quidem & familiari, sed jam intempestivo depulsi. Neque lex abrogata est, sed ea pars jussa est cedere, quæ jam erat otiosa. Frondes & flores pollicentur fructum exoriturum: is ubi gravat arborem, nemo flores desiderat. Neque quisquam deplorat perisse filii sui pueritiam, ubi jam ad ætatem maturam pervenit. Neque quisquam requirit lucernas & funalia, ubi se terris deprompsit sol. Nec habet quod queratur pædagogus, si filius jam puer suam libertatem sibi vendicat, ac pædagogum in sua vicissim habet potestate. Pignus definit esse pignus, ubi promissa sunt exhibita. Sponsa priusquam deducatur ad sponsum, epistoliis ab illo missis sese consolatur; exosculatur munuscula ab illo venientia, picturas illum referentes amplectitur: cæterum ubi jam ipsius sponsi data est copia, præ hujus amore negligit illa prius adamata. At Judæi primum ægre divellebantur a consuetis, velut si puer assuetus lacti, jam grandis mammam inclamet, cibum solidum fastidians. Itaque propemodum vi depulsi sunt ab illis vel figuris, vel umbris, vel temporariis solatiis, quo se jam totos convertant in eum, quem lex illa promiserat & adumbrarat. L. A. Quis expectarat tantum Theologiæ a falsamentario? S. A. Soleo pisculentum comneatium suppeditare nostræ civitatis Dominicano collegio: itaque fit, ut illi frequenter prandeant apud me, ego nonnunquam apud illos. Ex eorum conflictationibus hæc decerpsi. L. A. Næ tu dignus es, qui ex falsamentario fias piscium recentium venditor. Verum illud expedit: Si Judæus esses, (neque mihi satis liquet an sis) & immineret ex fame certum vitæ periculum, vescereris carne suilla, an mortem præoptares? S. A. Quid facturus essem, scio: quid mihi faciendum esset, nondum intelligo. L. A. Deus utrumque vetuit, non occides, & non vesceris carne suilla. In tali casu, utrum præceptum utri par est cedere? S. A. Primum non constat, an hoc animo Deus vetuerit vesci suilla, ut mortem vellet oppeti potius quam esu vitæ consuli. Nam ipse Dominus excusavit David, qui contra Legis præceptum comederit sacros panes. Et in exsilio Babylonico multa non observata sunt a Judæis, quæ Lex præscripserat. Proinde censerem eam legem, quam ipsa quoque natura tulit, eoque perpetua est & inviolabilis, debere potius haberi ea, quæ neque semper fuit, & post erat abroganda. L. A. Cur igitur laudati sunt 6 fratres Mac-

1 Per secessum] Verba Christi leguntur Matth. 15. vers. 11. 16. 17. Non quod ingreditur in os polluit hominem, sed quod egreditur ex ore polluit hominem. Jesus autem dixit, adhuc & vos intelligentia caretis? Nondum intelligitis, quicquid ingreditur in os in ventrem cedere & in latrinam ejici?

2 Idem Petrum] De hac visione, in qua Petrus conspexit cælum apertum & vas descendens ad se continens quævis quadrupedia terræ, feras, reptilia & volucres cœli, mentionem facit Lucas Actor. 10. vers. 10. 11. 12. 13. 14. 15.

3 Paulus in suis epistolis] Vide Rom. 14. vers. 14. 20. 1 Cor. 10. vers. 25. Col. 2. v. 16. 17. 20. 21. 22. 1 Tim. 4. v. 3. & sequent. Tit. 1. v. 15. 1 Cor. 8. v. 8.

4 Vesceris carne suilla] Exstat interdictum Lev. 11. vers. 7. Et suem ne comeditote, quia habet quidem scissam ungulam, & bifida est fissura ungulæ, sed ruminis cibum non ruminat. Imunda est vobis. Idem repetitur Deut. 14. vers. 7.

5 Legis præceptum] Licebat enim illis sacris seu faciei, facierum & propositionis & propositiis panibus vesci solis sacerdotibus. Exod. 29. vers. 33. Lev. 8. v. 31. Num. 23. v. 9. Matt. 12. v. 4. nempe ad innuendum solos credentes vivo illo pane Christo ad vitam æternam pasci. David tamen quique cum illo erant, quando fame laboraret, & alii panes desiderarentur, porrigente Achimelecho sacerdote, comederunt. Urgens necessitas factum excusavit. 1 Sam. 21. v. 3. 4. 5. 6. Matth. 12. v. 4.

6 Fratres Macchabæi] Historiam legere est 1 Macchab. 7. v. 1. 2. 3. 4. 5. 6. 7. 8. 9. 10.

chabæi, qui maluerunt duris cruciatibus exanimari, quam carnem gustare suis? S. A. Opinor, quoniam hic esus a Rege præscriptus complectebatur totius patriæ legis abnegationem, quemadmodum circumcisio, quam Judæi gentibus obtrudere conabantur, continebat totius legis professionem, non aliter quam arrha data ad universum contractum præstandum obligat. L. A. Itaque si crassior illa Legis pars post exortam Evangelii lucem recte sublata est, quo consilio nunc videmus vel eadem, vel his graviora revocari, præsertim cum Dominus jugum suum appellet suave, & Petrus in Actis Apostolorum, Judæorum Legem appellet duram, quam nec ipsi ferre potuerint, nec patres ipsorum? Sublata est circumcisio, sed successit baptismus, durior prope dixerim condicione. Illa differebatur in octavum diem, & si quis interim casus interceptisset puerum, votum circumcisionis pro circumcisione imputabatur: nos pueros vixdum a latebris uteri materni egressos, in frigidam aquam, quæque diu in alveo faxeo constitit, non enim dicam, computruit, totos immergimus, & si vel primo die, atque adeo in ipso partus ostio perierit, nulla parentum aut amicorum culpa, deditur miser æternæ damnationi. S. A. Sic ajunt. L. A. Sublatum est sabbatum; imo non sublatum est, sed translatum in diem dominicum. Quid refert? Paucorum dierum jejunia indixit Lex Mosaica; nos illis quantum addidimus numerum! In delectu ciborum quanto liberiores Judæi nobis, quibus licebat vel totum annum vesci ovibus, capris, perdicibus & hœdis? Illis nullum vestis genus erat interdictum, præter eam quæ esset lana linoque contexta. Nunc præter tot vestium præscriptas, & interdictas formas & colores, accessit capitis rasura, eaque varia: ne commemorem interim confessionis onus, & constitutionum humanarum sarcinas, decimationes non simplices, adstrictum arctioribus vinculis matrimonium, novas affinitatis leges, aliaque permulta, quæ faciunt, ut hac parte non paullo commodior videatur fuisse Judæorum, quam nostra conditio. S. A. Erras tota via, Lano: Christi jugum non æstimatur ad istam regulam, quam imaginaria. Pluribus adstringitur Christianus & adstringitur ad difficiliora, denique ad poenam graviorem: sed his adjuncta copiosior vis fidei & caritatis, facit ea suavia, quæ natura sunt gravissima. L. A. Atqui cum olim Spiritus, specie linguarum ignearum e cœlo delapsus, copiosissimo dono fidei & caritatis locupletaret credentium pectora, cur detractum est legis onus, velut imbecillibus ac sub iniqua sarcina periclitantibus? Cur Petrus jam afflatus Spiritu, vocat onus intolerabile? S. A. Detractum est ex parte, ne Judaismus, ut coeperat, obrueret Evangelii gloriam, & ne Legis odio, gentes alienarentur a Christo; inter quas erant infirmi plurimi, quibus instabat duplex periculum: alterum, ne crederent, sine legis observatione neminem posse salutem consequi: alterum, ne potius haberent in paganismo manere, quam Mosaicæ legis jugum accipere. Horum imbecilles animos oportebat velut esca quadam libertatis allicere. Rursum quo mederentur illis, qui negabant ex Evangelii professione salutis esse spem, citra legis observationem, circumcisionem, sabbatismos, delectus ciborum, aliaque id genus aut prorsus sustulerunt, aut in aliud verterunt. Porro quod Petrus negat se Legis onus portare potuisse, non est referendum ad eam personam, quam tum gerebat, cum illi jam nihil esset intolerabile, sed ad crassos & infirmos Judæos, qui non sine tædio arrobebant hordei tunicam, nondum gustata spiritus medulla. L. A. Satis tu quidem crasse differis. Atqui mihi videtur & hodie non minus esse causarum, cur observationes istæ carnales hætenus tolli debeant, ut arbitrarie sint, non obligatorie. S. A. Qui sic? L. A. Nuper in linteo quodam amplissimo vidi totum orbem depictum: illic didici quantula esset mundi portio, Christi religionem pure sincereque profitens: nimirum Europæ particula vergens ad Occidentem: rursus altera, vergens ad Septemtrionem: tertia tendens, sed procul, ad Meridiem: ad Orientem vergentis quartæ postrema videbatur Polonia. Reliquus orbis aut Barbaros habet, non ita multum a brutis animantibus differentes, aut schismaticos, aut hæreticos, aut utrumque. S. A. At non vidisti totum illud litus Austrinum, & sparsas insulas Christianis insignibus notatas? L. A. Vidi; didicique illinc avectas prædas; Christianismum inductum non audiui. Cum igitur

tam

tam ampla sit messis, videtur hoc esse consultissimum ad religionem Christianam propagandam; quemadmodum Apostoli sustulerunt onus legis Mosaicæ, ne gentes resili-
rent: ita nunc ad illiciendos etiam imbecilles, tolli quarundam rerum obligationes, sine quibus initio servatus est or-
bis, & nunc servari posset, modo adsit fides & caritas Euangelica. Rursus audio videoque plurimos esse, qui in locis, vestibus, cibis, jejuniis, gestulationibus, cantibus, sum-
mam pietatis constituunt; & ex his proximum judicant, contra præceptum Evangelicum. Unde fit, ut cum omnia referantur ad fidem & caritatem, harum rerum supersti-
tione exstinguatur utrumque. Procul enim abest a fide Euangelica, qui fudit huiusmodi factis, & procul abest a caritate Christiana, qui ob potum aut cibum, quo recte quis uti potest, exasperat fratrem, pro cuius libertate mortuus est Christus. Quam amarulentas contentiones videmus inter Christianos? quam inimicas calumnias ex veste aliter cincta tinctave, ex cibo quem porrigunt aquæ, & quem porrigunt pascua? Hoc malum si ad paucos serpsisset, contemni poterat. Nunc videmus universum orbem ob hæc diffidiis exitialibus concuti. Hæc & huiusmodi si tollerentur, & nos majori concordia viveremus, neglectis caerimoniis, ad ea tantum contendentes quæ docuit Christus, & reliquæ nationes citius amplecterentur religionem cum libertate conjunctam. SA. Extra Ecclesiæ domum non est salus. LA. Fateor. SA. Extra Ecclesiam est, quisquis non agnoscit Pontificem Romanum. LA. Non reclamo. SA. Sed hunc non agnoscit, qui illius præscripta negligit. LA. Atque ideo spero futurum, ut hic Pontifex nomine Clemens, animo pietateque clementissimus, quo magis omnes nationes ad Ecclesiæ sodalitatem alliciat, omnia mitiget, quæ hactenus visa sunt aliquot populos a Romanæ sedis foedere alienare; potiusque habeat Evangelii lucrum, quam suum in omnibus jus persequi. Audio quotidie veteres querimoniae de annatis, de condonationibus, de dispensationibus, de reliquis exactionibus, de gravatis Ecclesiis: sed arbitror hunc ita moderaturum omnia, ut posthac impudens sit, qui pergat queri. SA. Utinam idem facerent omnes Monarchæ! Nihil addubito quin res Christiana nunc in arctum coacta, felicissime sit proferenda, si gentes barbaræ senserint se vocari non ad servitutem humanam, sed ad libertatem Evangelicam; nec ad rapinam expeti, sed ad felicitatis & sanctimoniae consortium. Ubi coaluerint, & in nobis mores vere Christianos compererint, ultro plus offerent, quam ab eis ulla vis queat extorquere. LA. Id brevi futurum auguror, si pestilens Ate, quæ duos potentissimos orbis Monarchas funesto bello commisit, abierit ² & ³ *ut speramus*. SA. Arque ego demiror jam dudum non esse factum, cum Francisco nihil fingi possit humanius, & Carolo Cæsari arbitror a præceptoribus instillatum, ut quo per fortunam plus accesserit imperii finibus, hoc ipse plus addat clementiæ benignitatisque. Ad hæc, habere solet & ætas ea peculiarem facilitatis ac mansuetudinis dotem. LA. Nihil est quod in utroque desideres. SA. Quid igitur remoratur publicum orbis votum? LA. Adhuc jureconsulti de finibus ambigunt: & scis, comœdiarum tumultus semper desinere in nuptias: itidem principes suas finiunt tragœdias: sed in comœdiis subito coeunt nuptiæ, hic inter magnos magnis moliminibus res agitur. Et præstat aliquanto serius obduci cicatricem, quam mox interim ulcus erumpere. SA. An credis istas nuptias esse firma concordiae vincula? LA. Vellem quidem: sed ex his video fere nasci maximam bellorum partem; & si quod bellum ortum fuerit, dum affinis adest affini, latius se spargit incendium, & difficilior componitur. SA. Fateor, & agnosco verissimum esse quod dicis. LA. Sed æquumne tibi videtur, ut ob Jureconsultorum rixas & contractuum moras, totus orbis tantum perpetiatur mali? Nunc enim nihil usquam tutum est, & pessimis licet plurimum, dum neque bellum est, neque pax. SA. De principum consiliis non est meum dicere. Verum si quis nunc faciat Cæsarem, scio quid sim facturus. LA. Eja, facinus te Cæsarem, simulque Romanum Pontificem; si

libet. Quid facis? SA. Fac me potius Cæsarem & Regem Galliarum. LA. Age, esto utrumque. SA. Protinus concepto pacis voto, edicerem per universam ditionem meam inducias, dimissis copiis, denuntians poenam capitis, si quis vel gallinam alterius attigerit. Ita pacatis rebus meo commodo, vel, ut melius dicam, publico, transigerem de ditionis finibus, aut de conjugii conditionibus. LA. Habesne firmiora foederis vincula, quam matrimonium? SA. Arbitror. LA. Imparti. SA. Si Cæsar essem, sic absque mora transigissem cum Rege Gallorum: Frater, malus quispiam genius bellum hoc inter nos excitavit; neque tamen inter nos certamen fuit de capite, sed de ditione. Tu quod in te fuit, fortem ac strenuum bellatorem præstitisti. Fortuna mihi favit, teque ex Rege fecit captivum. Quod accidit tibi, mihi potuit accidere; & tua calamitas omnes nos admonet humanæ conditionis. Experti sumus, quam hoc certaminis genus utrique sit incommodum. Age, diverso genere inter nos conflictemur. Dono tibi vitam, dono libertatem; pro hoste recipio te inamicum. Sit omnium præteritorum malorum oblivio; redi ad tuos gratis ac liber; habe tibi tuam, esto bonus vicinus; & posthac geratur unum hoc certamen inter nos, uter alterum fide, officiis ac benevolentia vincat, neque certemus uter altero latius regnet, sed uter sanctius administret suam ditionem. In priori conflictu fortunati laudem tuli: heic qui vicerit, longe splendidius auferet decus. Mihi quidem hæc clementiæ fama plus adferet veræ laudis, quam si universam Galliam meæ ditioni adjunxissem. Et tibi gratitudinis opinio plus decoris conciliabit, quam si me tota Italia depulisses. Noli invidere mihi laudem quam affecto; ego vicissim tuæ sic favebo, ut huic amico libenter sis debiturus. LA. Profecto sic possit adstringi Gallia, imo totus orbis. Etenim si conditionibus iniquis, ulcus hoc obducatur verius, quam sanetur, vereor ne mox per occasionem rupta cicatrice, pus vetus erumpat majorem malo. SA. Quam magnificam, quamque plausibilem gloriam hæc humanitas per universum orbem pararet Carolo? Quæ natio se non lubens tam humano, tamque clementi principi submitteret? LA. Egisti Cæsarem sat feliciter; nunc age Pontificem. SA. Perlongum sit singula persequi: dicam compendio. Sic agerem, ut universus orbis intelligeret esse principem ecclesiæ, qui nihil aliud staret quam Christi gloriam, & salutem omnium mortalium. Ea res vere mederetur invidiæ pontificii nominis, & solidam ac perennem pararet gloriam. Sed interim ab asino, quod ajunt, delapsi, multum aberravimus ab instituto. LA. Ego te mox reducam in viam. Ais igitur obligare Pontificum leges, omnes qui sunt in ecclesia? SA. Ajo. LA. Ad poenam gehennæ? SA. Ajunt. LA. Etiam Episcoporum? SA. Sic arbitror; in sua cujusque ditione. LA. Etiam Abbatum? SA. Hæreo: nam hi certis conditionibus accipiunt administrationem; nec possunt suos gravare constitutionibus, nisi ex auctoritate totius ordinis. LA. Quid si Episcopus iisdem conditionibus accipiat suam functionem? SA. Addubito. LA. Quod Episcopus constituit, Pontifex potest rescindere? SA. Opinor. LA. Quod Pontifex decrevit, nemo potest abrogare? SA. Nemo. LA. Unde igitur audimus rescissas Pontificum sententias, hoc titulo, quod parum recte fuerint edocti; & priorum constitutiones a posterioribus antiquatas, quod a pietate delirarent? SA. Ista subrepticia sunt ac temporaria. Nam & in Pontificem, ut hominem, cadit ignorantia personæ factive. Cæterum quod ex auctoritate concilii universalis proficiscitur, cœleste oraculum est, & pondus habet par Evangelii, aut certe proximum. LA. Licetne de Evangeliiis dubitare? SA. Bona verba; ne de conciliis quidem rite in Spiritu Sancto congregatis, peractis, editis & receptis. LA. Quid si quis dubitet, an hæc competant in concilium, quod objicitur, quemadmodum audio Basilienſe concilium a nonnullis rejici, nec omnibus probari Constantienſe? loquor de his, qui nunc habentur orthodoxi; ne quid dicam de proximo concilio Lateranenſi. SA. Dubitent qui velint, suo periculo; ego nolo dubitare. LA. Petrus igitur habuit auctoritatem condendi novas leges? SA. Habuit. LA. Habuit & Paulus cum cæteris Apostolis? SA. Habuerunt in suis quisque ecclesiis, a Petro, seu Christo commissis. LA. Et Petri successoribus par est potestas cum ipso Petro? SA. Quid ni? Successoribus tandem igitur honoris debetur rescripto Romani Pontificis;

Tom. I. Ddd 3 quan-

¹ Ate] Dea Homerica, quæ diffidia ferit inter Deos & homines. Litæ tardæ, Ate velox.

² Et speramus] Id est, in malam rem.

³ Cum Francisco] De diuturno bello inter Carolum V. Cæsarem & Hispaniarum Regem ac Franciscum Valesium ejus nominis primum Galliarum Regem consulatur Thuanus, Berthault, Paulus Jovius, Mariana, Paradinus, Alonso de Ulloa alique neoterici.

quantum epistolis Petri, & tantundem constitutionibus Episcoporum, quantum epistolis Pauli? SA. Equidem arbitror etiam amplius deberi, si præcipiant, & legem ferant cum auctoritate. LA. Sed fasne est dubitare, an Petrus & Paulus scripserint afflatu Divini Spiritus? SA. Imo, hæreticus sit qui dubitet. LA. Idem censes de rescriptis & constitutionibus Pontificum & Episcoporum? SA. De Pontifice censeo; de Episcopis ambigo, nisi quod pium est, de nullo perperam suspicari, ni res ipsa palam clamat. LA. Cur Spiritus citius patitur errare Episcopum, quam Pontificem? SA. Quia gravius est a capite periculum. LA. Si tantum valent præfulum constitutiones, quid tibi vult quod Dominus in Deuteronomio tam rigide comminatur, ne quis quid addat aut adimat legi? SA. Non addit legi, qui latius explicat quod latebat, qui ea suggerit quæ spectant ad legis observationem: neque detrahit, qui pro viribus audientium legem dispensat, alia promens, alia celans pro ratione temporis. LA. Num obligabant Phariseorum ac Scribarum constitutiones? SA. Non arbitror. LA. Cur ita? SA. Quia docendi habebant auctoritatem, non condendi leges. LA. Utra potestas videtur amplior, condendi leges humanas, an interpretandi divinas? SA. Condendi humanas. LA. Mihi secus videtur. Etenim cui jus est interpretandi, hujus sententia pondus habet legis divinæ. SA. Non satis assequor quod dicis. LA. Dicam explanatius. Lex divina jubet subvenire parenti; Phariseus interpretatur hoc esse datum patri, quod missum est in corbonam, eo quod Deus sit pater omnium. Nonne huic interpretationi cedit lex divina? SA. Ista quidem falsa interpretatio est. LA. Sed posteaquam illis semel tradita est interpretandi auctoritas, unde mihi constabit, cujus sit vera interpretatio, maxime si ipsi inter se dissentiant? SA. Si minus satisfecit tibi sensus communis, sequere præfulum auctoritatem; id tutissimum est. LA. Ergo Phariseorum & Scribarum auctoritas devoluta est ad Theologos & Concionatores? SA. Est. LA. Sed nullos audio frequentius inculcantes, Audite, ego dico vobis, quam eos qui nunquam versati sunt in palæstris Theologicis. SA. Audies omnes candide, sed cum judicio, modo ne simpliciter infaniant. Tum enim oportet populum cum sibilo surgere, quo suam agnoscant dementiam. Cæterum quibus contigit titulus Doctoris, his oportet fidere. LA. Verum in his quoque comperio nonnullos multo rudiores ac stultiores illis, qui prorsus sunt illiterati, & inter doctissimos miram video controversiam. SA. Elige quæ sunt optima, inexplicata aliis relinquito, ea semper amplectens, quæ procerum & multitudinis consensus approbavit. LA. Scio istuc esse tutius. Sunt igitur & constitutiones iniquæ, quemadmodum sunt interpretationes falsæ? SA. An sint, alii viderint; arbitror esse posse. LA. Annas & Caiphas habebant potestatem condendi leges? SA. Habebant. LA. Num horum quavis de re constitutiones obligabant ad poenam gehennæ? SA. Nescio. LA. Puta Annam constituisse, ne quis reversus a foro sumeret cibum, nisi loto corpore: qui illotus caperet cibum, num crimen gehenna dignum admitteret? SA. Non arbitror, nisi contemptus publicæ potestatis crimen exacerbaret. LA. An omnia præcepta Dei obligant ad poenam gehennæ? SA. Non opinor. Nam Deus prohibuit omne peccatum, quamlibet veniale, si Theologis habenda fides. LA. Fortassis & veniale pertraheret in gehennam, nisi Deus sua misericordia sublevaret imbecillitatem nostram. SA. Non est absurdum dictu, affirmare non ausim. LA. Cum Israelitæ exfularent in Babylone, præter alia plurima quæ lex præscripsit, in multis fuit omissa circumcisio. An omnes hi perierunt? SA. Deus novit. LA. Si Judæus clam fame periclitans vesceretur carne suilla, committeretne crimen? SA. Mea quidem sententia, necessitas excusaret factum: quandoquidem ore Domini defensum est David, quod contra legis præceptum comederit panes sacros, quos appellant *propositionis*: nec solum comedit ipse, sed & fugæ comites profanos iisdem pavit. LA. Si quem ea necessitas constringeret, ut aut pereundum sit fame, aut furtum committendum, utrum eligeret, mortem an furtum? SA. Forsitan in eo casu furtum futurum non esset. LA. Hem quid audio? ovum non est ovum? SA. Præsertim si caperet animo reddendi, placandique dominum, cum primum liceret. LA. Quid si pereundum esset homini, nisi falsum testimonium ferat adversus proximum? utrum eligendum?

A SA. Mors. LA. Quid si commissio adulterio, possit servare vitam? SA. Potior erit mors. LA. Quid si simplici stupro possit effugere mortem? SA. Moriendum potius, ut ajunt. LA. Cur heic ovum non definit esse ovum, præsertim si nulla fiat vis aut injuria? SA. Fit injuria corpori puellæ. LA. Quid si perjurio? SA. Moriendum. LA. Quid si simplici nullique noxio mendacio? SA. Docent præoptandam mortem. At ego crediderim gravi necessitate, aut ingenti proposita utilitate mendacium hujusmodi aut nullum esse crimen, aut levissimum, nisi quod aperta fenestra periculum est, ne discamus & perniciosus mendacius assuescere. Finge incidisse casum, ut innoxio mendacio possit servare & corpora & animas totius patriæ suæ: utrum eliget vir pius? fugiet mendacium? LA. Quid alii sint facturi, nescio: ego vel quindecim Homericæ mendacia non verear dicere, moxque labeculam illam abstergerem aqua sacra. SA. Idem ego facerem. LA. Igitur non quidquid Deus præcipit aut interdicit, obligat ad poenam gehennæ. SA. Non videtur. LA. Modus igitur obligationis non est ab auctore legis tantum, sed ex materia. Quædam enim cedunt necessitati, quædam non cedunt. SA. Sic videtur. LA. Quid si sacerdos periclitetur de vita, servandus, si ducat uxorem, utrum eliget? SA. Mortem. LA. Cum divina lex cedat necessitati, cur hæc lex humana? Terminum agit, nulli dignans concedere? SA. Non lex obstat, sed votum. LA. Quid si quis vovisset visere Hierosolimam, nec id posset, nisi certo vitæ dispendio? non ibit? an morietur? SA. Morietur, ni voti relaxationem impetrarit a Pontifice Romano. LA. Cur alterum votum relaxatur, alterum minime? SA. Quia alterum solemne, alterum privatum. LA. Quid est solemne? SA. Quod solet fieri. LA. An non igitur solemne & alterum quod quotidie fit? SA. Fit, sed privatim. LA. Proinde monachus si privatim apud Abbatem profiteretur, non esset votum solemne? SA. Nugaris. Ideo facilius relaxatur votum privatum, quia minore offendiculo solvitur, & is qui facit, hoc animo facit, ut si commodum sit, mutet sententiam. LA. Hoc igitur animo vovent, qui privatim profitentur perpetuam castimoniam? SA. Deberent. LA. Perpetuum igitur, & non perpetuum? Quid si Carthusianum monachum hic constringat casus, ut aut vescendum sit carnibus, aut moriendum? utrum eliget? SA. Docent medici, nullas esse carnes tam efficaces, quin idem efficiatur potabile & gemmæ. LA. Utrum igitur conducibilis, gemmis & auro succurrere periclitanti, an earum rerum pretio multos de vita periclitantes servare, & ægroto dare pullum gallinaceum? SA. Hæreo. LA. Atqui piscium aut carniū esus, non est ex eorum numero, quæ vocant substantialia. SA. Carthusianos suo iudici relinquamus. LA. Dicamus in genere. Diligenter, frequenter, multisque verbis inculcatur in lege Moysis sabbatismus. SA. Verum. LA. Utrum igitur succurrat urbi periclitanti, violato sabbato, an non? SA. At interim me vis esse Judæum? LA. Volo, & quidem recutitum. SA. Istum nodum secuit ipse Dominus: Sabbatum enim hominis causa est institutum, non contra. LA. Ista lex igitur valebit in omnibus humanis constitutionibus? SA. Valebit, nisi quid obstat. LA. Quid si conditor legis non hoc animo ferat legem, ut quemquam obliget ad poenam gehennæ, imo ne ad reatum quidem ullum, sed constitutionem nihilo plus velit habere ponderis, quam exhortationem? SA. Obone, non est in manu conditoris, quantum obliget lex? Usus est sua potestate ferendo legem; cæterum ad quid obliget, aut non obliget, id Deo in manu est. LA. Cur igitur audimus quotidie parochos nostros e suggesto clamantes, *Cras jejunandum sub pena damnationis æternæ*; si nobis non constat, quomodo lex obliget humana? SA. Id faciunt, quo magis terreant contumaces: nam ad hos arbitror ea verba pertinere. LA. Sed interim an contumaces talibus dictis terrent, nescio: certe infirmos vel in scrupum, vel in periculum conjiciunt. SA. Difficile est utrisque consulere. LA. Eadem autem est vis consuetudinis & legis? SA. Aliquanto major est consuetudinis. LA. Proinde tametsi non adest animus consuetudinem inducentibus, injiciendi laqueum cuiquam, tamen ob-

¹ Terminum] Ex Ovidii lib. 2. Fastorum aliisque nota est fabula, quomodo nempe Terminus, Dei loco habitus, quia post exactum Saturnum litigia rusticorum diremisset, solus cunctorum Deorum pater Jovi quidem cedere voluerit.

obligat volentes nolentes? SA. Arbitror. LA. Onus imponere potest, tollere non potest? SA. Admodum. LA. Jam itaque vides, opinor, quantum sit periculi, novas leges ab hominibus ferri, si nulla necessitas urgeat, aut nulla magna invitet utilitas. SA. Fateor. LA. Dominus cum ait, *Nolite omnino jurare*; num quemvis jurantem obnoxium facit gehennæ? SA. Non arbitror. Consilium est enim, non præceptum. LA. At istud unde mihi liquet, cum vix aliud accuratius aut severius interdixerit, quam ne juremus? SA. Diffices a doctoribus. LA. Et Paulus cum dat consilium, non obligat ad gehennam? SA. Nequaquam. LA. Cur ita? SA. Quia non vult injicere laqueum infirmis. LA. Est igitur in manu condentis legem, obstringere ad gehennam, aut non obstringere. Et sanctum est cavere, ne quibuslibet constitutionibus illaqueemus imbecilles. SA. Est. LA. Et, si Paulus heic cautionem adhibuit, multo magis sacerdotibus adhibenda; de quibus incertum, quo spiritu agantur. SA. Fateor. LA. Atqui paulo ante negabas esse in manu conditoris, quatenus obstringeret lex. SA. Jam consilium est, non lex. LA. Nihil est facilius, quam commutare vocabulum. Noli furari, præceptum est? SA. Est. LA. Noli omnino resistere malo? SA. Consilium est. LA. At hoc posterius magis habet speciem præcepti, quam illud prius. Saltem hoc est Episcopis in manu, utrum velint esse præceptum, quod instituunt, an consilium? SA. Est. LA. At istud paulo ante fortiter negabas. Etenim qui non vult suam constitutionem quemquam ad ullum crimen adstringere, nimirum vult eam esse consilium, non præceptum. SA. Verum; sed non expedit hoc scire vulgus, ne protinus clamitent esse consilium, quod servare non libet. LA. At quid interim facies tot infirmis conscientibus, tam misere confusis tuo silentio? Verum age, dic mihi, nullisne notis docti deprehendere possunt, utrum consilii vim habeat constitutio, an præcepti? SA. Possunt, sicut audiui. LA. Non licet scire mysterium? SA. Licet, nisi velis effutire. LA. Ah pisci dixeris. SA. Cum nihil audis, nisi hortamur, ordinamus, mandamus, consilium est: cum audis, jubemus, districte præcipimus, præsertim si accedant minæ excommunicationis, præceptum est. LA. Quid si debeam pistori meo, cumque solvendo non sim, fugere malim quam conjici in carcerem; num pecco criminaliter? SA. Non arbitror: nisi desit solvendi voluntas. LA. Cur igitur excommunicari? SA. Istud fulmen territat improbos, non adurit innocentes. Scis enim & apud præfatos Romanos fuisse leges diras ac minaces, sed in hoc ipsum tantummodo latas; qualis illa fertur e duodecim tabulis, de diffecando corpore debitoris: 3 cujus ideo nullum exstat exemplum, quod non in usum, sed ad terrorem esset prodita. Jam ut fulmen non agit in ceram aut linum, sed in æs: ita tales excommunicationes non agunt in miseros, sed in contumaces. Et tamen, ut ingenue dicam, in hujusmodi frivolis adhibere fulmina Christo traditum, propemodum esse videtur, quod veteres dicebant, in lente unguentum. LA. Num idem jus patrifamilias in sua domo quod Episcopo in sua diocesi. SA. Arbitror, pro portione. LA. Eius præscripta similiter obligant? SA. Quid ni? LA. Edico, ne quis vescatur cæpis: quomodo periclitatur apud Deum, qui non paruerit? SA. Ipse viderit. LA. Posthac non dicam meis, præcipio; sed admoneo. SA. Sapiens. LA. Verum perspicio vicinum meum proximum esse periculo, & arripere clam admono, ut sese subducatur ab ebrisorum & aleatorum commercio: ille monitorem aspernatus, perditius incipit vivere, quam antea: num heic illum obstringit admonitio? SA. Videtur. LA. Igitur neque consulendo, neque exhortando fugimus laqueum. SA. Immo non adfert laqueum admoni-

tio, sed admonitionis argumentum. Etenim si frater admonitus, ut crepidis uteretur, negligeret; nullo crimine teneretur. LA. Non heic percunctabor, quantum obligent præscripta medicorum. Votum obstringit ad poenam gehennæ? SA. Maxime. LA. Omne? SA. Omnissimum; modo sit licitum, legitimum ac liberum. LA. Quid appellas liberum? SA. Quod nulla extorsit necessitas. LA. Quid est necessitas? SA. Est metus cadens in constantem virum. LA. Etiam in Stoicum? quem si fractus illabatur orbis, impavidum ferient ruinae. SA. Istum Stoicum mihi ostende, & respondebo. LA. Sed extra jocos; num famis aut infamiæ metus, cadit in constantem virum? SA. Quid ni? LA. Si filia nondum emancipata clam nubat insciis parentibus, ne passuris si sciant; legitimum erit votum? SA. Erit. LA. An sit, nescio: certe si qua sunt, hoc est unum ex illorum numero, quæ licet vera sint, tamen ob scandalum imbecillium silenda sunt. Quid si virgo quæ ex auctoritate parentum contraxit matrimonium cum sponso, clam & invitis parentibus, voto semet addicat collegio sanctæ Claræ; eritne licitum & legitimum? SA. Si fuerit solemne. LA. Num solemne est, quod in agro sit in obscuro monasterio? SA. Sic habetur. LA. Si eadem domi, paucis testibus voto profiteatur perpetuam corporis integritatem, non erit legitimum? SA. Non. LA. Quam ob rem? SA. Quia sanctius votum obstat. LA. Eadem puella si vendat agellum, valebit contractus? SA. Non opinor. LA. Et valebit si seipsam dederit in potestatem alienam? SA. Si se Deo dicaverit. LA. An non & votum privatum dicat hominem Deo? Et qui suscipit sanctum conjugii sacramentum, nonne se dicat Deo? Et quos Deus jungit, dicant se diabolo? De solis conjugibus dixit Dominus, *Quos Deus junxit, homo ne separet*. Ad hæc, cum adolescens vix dum pubescens, aut puella simplex, minis parentum, sævitia tutorum, improbis instinctibus monachorum, blanditiis & odiis protruditur in monasterium; num liberum est votum? SA. Si sint doli capaces. LA. Ea ætas maxime capax est doli, ut cui facillime possis imponere. Quid si proponam in animo, diebus Veneris abstinere a vino, perinde obstringit propositum ut votum? SA. Non arbitror. LA. Quid igitur interest inter certum propositum, & votum tacita cogitatione conceptum? SA. Animus obligandi. LA. Negabas ante, heic valere animum. Propono si queam; & voveo, si ve queam, si ve non queam? SA. Habes. LA. Habeo nebulas in pariete depictas, hoc est, nihil. Est igitur & in proposito dispicienda materiæ ratio? SA. Opinor. LA. Et ut illic a legis, ita heic a voti nomine cavendum? SA. Recte. LA. Si Romanus Pontifex statueret, ne quis jungat matrimonium intra septimum propinquitatis gradum, admitteret crimen, qui duceret cognatam gradu sexto? SA. Opinor, certe periclitaretur. LA. Quid si Episcopus suis ediceret, ne quis haberet rem cum uxore, nisi die Lunæ, Jovis & Sabbati; committeret crimen, qui clam aliis diebus uteretur uxore? SA. Arbitror. LA. Quid si ediceret, ne quis bulbis vesceretur? SA. Quid istuc ad pietatem? LA. Quia bulbi provocant libidinem. Quod de bulbis dico, idem dictum puta de erucis. SA. Hæreo. LA. Quid hæres? Unde est humanis legibus obligandi vis? SA. Ex dictis Pauli, *Obedite præpositis vestris*. LA. Hinc igitur obligat omneis Episcoporum ac magistratuum constitutio? SA. Modo sit æqua, justa, & legitime lata. LA. Sed istius rei quis erit judex? SA. Ipse qui condidit. Nam ejus est interpretari, cujus est condere legem. LA. Ergo citra delectum est obediendum quibuslibet constitutionibus? SA. Opinor. LA. Quid, si præpositus stultus & impius, ferat legem impiam & iniquam? ipsius iudicio standum erit; & populus, cui nullum est iudicandi jus, obtemperabit? SA. Quorsum attinet ea somnare, quæ non fiunt? LA. Qui subvenit parenti, non subventurus nisi lex cogeret, num implevit legem? SA. Non arbitror. LA. Qui sic? SA. Primum non satisfacit animo ejus, qui condidit legem: deinde voluntati impiæ addit hypocrisin. LA. Qui jejunit, non jejunaturus nisi præciperet ecclesia, num satisfacit legi? SA. Mutæ & auctorem legis, & materiam. LA. Confer igitur Judæum sic jejunantem diebus præscriptis, ut, si lex hunc adigat, non sit jejunaturus, cum Christiano servante jejunium ab hominibus indictum, haud

qua-

1 Math. v. 34.

2 1 Cor. vii. 25.

3 Cujus ideo nullum] Verba Agellii sunt lib. 20. cap. 1. Tertiis mundinis capite poenas dabant debitores, qui trans Tiberim peragra venum ibant. Sed eam capitis poenam sancienda fidei gratia, horribilem atrocitatis ostentum novisque terroribus metuendam reddiderunt. Nam si plures forent, quibus reus esset iudicatus, secare si vellet atque partiri corpus addicti si bi hominis permiserunt. Et quidem verba ipsa legis dicam, ne existimes invdiam me istam forte formidare. TERTIIS, inquit, NUNDINIS. PARTIS. SECANTO. SI PLUS MINUS. VE. SECUERUNT. SE. FRAUDE. ESTO. Nihil profecto immisitius, nihil immanius, nisi, ut reipsa appareret, eo consilio tanta immanitas poena denunciata est, ne ad eam unquam perveniretur. Addici namque nunc & vinciri multos videmus; quia vinculo poenam deserri homines consentiunt. Difficem esse antiquitus neminem equidem neque legi neque audiri. Quoniam sævitia ista poena contenti non quiescit.

4 Si fractus illabatur orbis] Retulit verba ex Flacci Carm. Lib. 111. Od. 111. 8.

5 Obedite præpositis vestris] Verba Pauli exstant ad Rom. 13. vers. 1.

quaquam servaturo si legem tollas: aut si mavis, Judæum abstinenter a carne suilla, & Christianum abstinenter a carnibus & lactariis die Veneris. SA. Infirmi nonnihil reluctanti legi, puto paratam esse veniam; certo propositio legem averfanti & obmurmuranti non item. LA. Atqui fateris leges divinas non semper obligare ad poenam gehennæ? SA. Quid ni fatear? LA. Nec audes fateri esse legem humanam, quæ non obligat ad eandem poenam, sed hominem relinquit in ancipiti? Videris igitur aliquanto plus tribuere legibus hominum, quam Dei. Mendacium & obtreptatio suapte natura sunt mala, & a Deo prohibita; & tamen fateris esse aliquod mendacii & obtreptationis genus, quod non obliget ad poenam gehennæ; nec audes eum qui quomodocunque vescitur carnibus in die Veneris, liberare a poena gehennæ. SA. Non est meum quemquam absolvere aut damnare. LA. Si divinæ leges & humanæ pariter obstringunt, quid igitur interest inter has & illas? SA. Nimirum quod qui violat legem humanam, immediate peccat adversus hominem, (si mihi concedis scholasticorum flosculis uti) mediate adversus Deum; qui violat legem divinam, contra. LA. Quid refert, utrum prius miscueris actum, an absinthium, cum mihi utrumque sit ebibendum? Aut qui refert, utrum lapis a me vulnerato percussus feriat amicum, an ordine verso? SA. Hoc didici. LA. Et si ex materia circumstantiisque sumitur obligandi modus in utrisque legibus; quid interest inter auctoritatem Dei, & hominum? SA. Impia percunctatio. LA. Attamen multi credunt plurimum interesse. Deus tulit legem per Moysen, nec licet violare: idem fert leges per Pontifices, aut certe Concilium; quid interest inter has & illas? Lex Moysis per hominem, leges nostræ per homines. Et videtur minus ponderis habere quæ Deus tulit per unum Moysen, quam quæ Spiritus Sanctus edit per frequens Episcoporum & Eruditorum concilium. SA. De Spiritu Moysis dubitare non licet. LA. Paulus in Episcoporum vicem venit. Quid igitur interest inter Pauli præcepta, & cuiuslibet Episcopi? SA. Quia sine controversia Paulus scripsit afflatus Spiritu. LA. Hæc scriptorum auctoritas quousque se porrigit? SA. Arbitror non ultra Apostolos, nisi quod conciliorum est inviolata auctoritas. LA. Quare de Pauli Spiritu dubitare non licet? SA. Quia obstat Ecclesiæ consensus. LA. De Episcopis dubitare licet? SA. De his nihil temere suspicandum, nisi res ipsa palam clamitet quæstum, aut impietatem. LA. Quid de conciliis? SA. Non licet, si fuerint rite & per Spiritum Sanctum congregata, peractaque. LA. Est igitur aliquod concilium, in quod ista non competunt? SA. Esse potest. Quod ni esset, Theologi nequaquam adderent hanc exceptionem. LA. Videtur igitur & de conciliis dubitari posse. SA. Non arbitror, posteaquam fuerint Christianarum gentium iudicio consensuque recepta comprobataque. LA. Posteaquam excessimus pomceria, quibus Deus voluit circumscribi sacrosanctam illam & inviolabilem Scripturæ auctoritatem, videtur mihi & aliud esse discrimen legum divinarum & humanarum. SA. Quod? LA. Leges divinæ sunt immutabiles, nisi si quæ sunt ejus generis, ut significandi coercendive gratia videantur ad tempus datæ, quas & Prophetæ desituras juxta carnalem sensum prædixerunt, & Apostoli jam omittendas docuerunt. Deinde, inter leges humanas existunt nonnunquam iniquæ stultæque & pestilentes; unde & abrogantur vel auctoritate superiorum, vel consentiente neglectu populi. Tale nihil est in legibus divinis. Rursus humana lex suapte sponte cessat, ubi cessarit causa propter quam lata est: veluti si constitutio juberet singulos quotannis aliquid conferre in structuram templi, templo absoluto cessat rigor legis. Ad hæc, lex ab hominibus lata, non est lex, nisi fuerit utentium consensu comprobata. Lex divina nec expendi debet, nec potest abrogari. Quamquam & Moses legem laturus, suffragia populi collegit, non quod hoc esset necesse, sed ut illos magis haberet obnoxios. Impudens enim est, legem contemnere, quam tuo suffragio comprobatis. Postremo cum leges hominum, quæ fere corporalia præscribunt, pædagogici sint ad pietatem, cessare videntur, ubi quis profecit ad spiritus robur, ut jam talibus cancellis non egeat, modo pro virili vitetur scandalum infirmorum, non malitiose supersticiosiorum. Velut si pater præscribat filiæ impuberi, ne bibat vinum, quo tutior sit illius virginitas usque ad nuptias; cum adoleverit, jamque viro tradita fuerit, non

tenetur præcepto patris. Multa leges habent instar pharmacorum, ea vero mutantur & cedunt pro re nata, ipsis etiam medicis approbantibus; qui si semper iisdem uterentur remediis a veteribus proditis, plures occiderent quam sanarent. SA. Multa tu quidem congeris, quorum nonnulla placent, aliqua displicent, quædam non intelligo. LA. Si lex Episcopi quæstum evidenter oleat, hoc est, statuat, ut singuli parochi bis in anno emant aureo ducato jus absolvendi a casibus, quos vocant Episcopales, quo plus extorqueat a suis; obtemperandum censet? SA. Censeo, sed interim clamandum adversus legem iniquam, exclusa semper seditione. Sed unde hic mihi percunctator lano? Tractent fabrilis fabri. LA. Hujusmodi quæstionibus sæpe torqueur in conviviiis, interdum diatriba fervescit ad pugnam & sanguinem. SA. Pugnent qui volent: ego censeo leges majorem esse reverentiam suscipiendas, & observandas religiose, velut a Deo profectas; nec esse tutum, nec esse pium, de potestate publica sinistram concipere aut serere suspitionem. Et si quid est tyrannidis, quod tamen non cogat ad impietatem, satius est ferre, quam seditiose reluctari. LA. Ista quidem ratione fateor bene consultum rebus eorum, qui dignitate pollent; & tecum sentio, nec illis invideo. Ceterum lubens audiam rationem, qua consulatur & populi vel libertati, vel commodis. SA. Deus non destituet populum suum. LA. Verum ubi interim illa libertas Spiritus, quam Apostoli promittunt ex Evangelio, quam Paulus toties inculcat clamans, *Regnum Dei non est escæ & potus; & quod filii non sumus sub pædagogis, nec amplius serviamus elementis hujus mundi*; aliaque innumera: si tanto pluribus constitutionibus onerantur Christiani quam Judæi, & si actius obligant hominum leges, quam pleraque a Deo tradita præcepta? SA. Dicam, Lano. Non in hoc est Christianorum libertas, ut liceat illis facere quæ velint, liberis a constitutionibus humanis: sed quod ex fervore Spiritus ad omnia prompti, lubentes & alacres ea faciunt quæ præscribuntur, nimirum, filii potius quam servi. LA. Expedite: sed erant & sub lege Moysi filii, & sunt sub Evangelio servi; atque adeo vereor ne maxima pars hominum; siquidem servi sunt, qui lege coacti suum officium faciunt. Quid igitur discriminis inter novam & veterem? SA. Meo iudicio, multum interest. Quod vetus sub involucri docuit, nova sub oculis posuit: quod illa sub ænigmatibus prædixit, hæc dilucidius ostendit: quod illa subobscurè promisit, hæc exhibuit maxima quidem ex parte: illa tradita erat uni genti, hæc ex æquo docet omnes salutem: illa paucis Prophetis & eximius viris impertit insignem illam & spirituales gratiam; hæc omne donorum genus largiter effudit in omnium ætatem, sexuum & nationum homines, linguas, sanationes, prophetias, miracula. LA. Ubi nunc igitur ista? SA. Cessarunt, non interierunt: vel quia non est opus, jam evulgata Christi doctrina; vel quia plerique titulo tantum Christiani, fide, quæ est miraculorum architectrix, caremus. LA. Si propter incredulos ac diffidentes opus est miraculis, talium nunc plena sunt omnia. SA. Est incredulitas simpliciter errans, qualis erat Judæorum & obmurmurantium Petro, quod Cornelii familiam recepisset ad Evangelii gratiam: qualis erat gentium, quæ religionem, quam a majoribus acceperant, putabant esse salutiferam, & Apostolorum doctrinam esse superstitionem peregrinam: hi conspectis miraculis conversi sunt. Nunc qui diffidunt Evangelio, tanta luce per universum orbem coruscante, non simpliciter errant, sed excæcati malis affectibus nolunt intelligere, ut bene agant: hos nulla miracula reducerent ad mentem meliorem. Et sanandi tempus nunc est, puniendi post futurum est. LA. Quamquam multa dixisti satis probabiliter, tamen mihi propositum est, non fidere salamentario; sed adibo Theologum quendam eximie doctum: quidquid is de singulis pronuntiaverit, celestis oraculi vice fuerit. SA. Quis iste? Pharetrius? LA. Ille simpliciter delirat & ante annos, dignus qui concionetur delirantibus. SA. Bliteus? LA. An ego tam loquaci sophistæ credam? SA. Amphicolus? LA. Nunquam ei credam in.

1 Et quod filii] Vide Paulum ad Galat. 2. v. 4. 5. & Gal. 3. v. 23. 24. 25.

2 Obtemperandum] Historia extat Actor. 11. v. 1. 2. 3.

3 Legendum videtur *amphibolus*, *ἀμφιβολος*, hoc est, *ambiguus*, qualis solvendis quæstionibus parum apud; nisi forte scripserit *ἀμφιβολος*, *ἀμφιβολος*, quod metaphoricè idem sonat; nam *ἀμφιβολος* quid hic esse possit, nescio.

in solvendis quaestionibus, cui meo malo credidi carnes meas. An ille bona fide solvat problemata, qui pessima fide nondum solvit pecuniam? SA. Lemantius? LA. Non utor cæcis ad indicandam viam. SA. Quis igitur? LA. Si scire vis, Cephalus est, vir trium linguarum, & omnis politionis literaturæ perpulchre gnarus, tum in sacris voluminibus & vetustis Theologis diu studiosèque versatus. SA. Dabo rectius consilium. Eas ad inferos; illic invenies Rabbinum Druinum, qui Tenedia bipenni dissecabit omnes tuas quaestiunculas. LA. Tu præci, quo mihi viam appares. SA. Sed extra jocum: Estne verum, quod narras, datam potestatem vescendi carnibus? LA. Ludebam, te ut urerem. Et, si Romanus Pontifex id vellet maxime, ordo falsamentariorum moveret seditionem. Deinde mundus est plenus Pharisaicis hominibus, qui non alia re sibi possunt vindicare sanctimoniam, nisi talibus observatiunculis: hi nec paterentur sibi detrahi jam partam gloriam, nec sinerent minoribus rem esse libertatis quam ipsis fuit. Ne in lanionum quidem rem esset, permitti liberum quarumlibet rerum esum. Tum enim varius esset eventus nostræ negotiationis; nunc certius est lucrum, & minus alexæ, minusque laborum. SA. Verissima prædicas; sed eadem incommoditas ad nos rediret. LA. Gaudeo tandem inventum aliquid, in quo falsamentario cum lanione conveniat. Jam ut incipiam & ipse seriloqui, quemadmodum fortassis expediret populum Christianum paucioribus constitutiunculis obstringi, præsertim si quæ non multum, aut nihil conducunt ad pietatem, ne dicam officium: ita non libet ab istis stare, qui omnes omnium hominum constitutiones rejiciunt, neque flocci faciunt. Imo ob hoc ipsum multa faciunt, quia præceptum est ne faciant. Attamen demirari non possum in plerisque rebus præpostera mortalium judicia. SA. Idem nec ego satis admirari possum. LA. Cælum terræ miscemus, si quid periculi suspicamur, ne quid decedat ponderis sacerdotum constitutionibus auctoritatie: & dormitamus, cum imminet evidens periculum, ne tantum tribuamus hominum auctoritati, ut auctoritati Divinæ minus tribuatur quam oportet. Sic a Scylla declinamus, ut non metuamus Charybdim, malum exitius. Debetur Episcopis suus honos; quis negat? præsertim si agunt quod dicuntur. Sed impium est, honores soli Deo debitos, transferre in homines, & dum impense reveremur hominem, parum revereri Deum. Honorandus Deus in proximo, venerandus in proximo; sed interim adhibenda cautio, ne Deus per hanc occasionem suo fraude tur honore. SA. Itidem videmus multos in tantum fidere corporalibus cæremoniis, ut his freti; negligant ea quæ sunt veræ pietatis; suis meritis arrogantes quod est divinæ largitatis, & ibi consistentes, unde gradus erat ad perfectiora, & ex his rebus proximum calumniantes, quæ per se nec bonæ sunt, nec malæ. LA. Quin in eadem re cum duo sunt, quorum alterum altero præstantius, semper deterioris est nobis potior ratio. Corpus, & quæ corporis sunt, ubique plures fiunt, quam ea quæ sunt animi. Et hominem occidisse, pro gravi crimine ducitur, ut est: at pestifera doctrina, vipereis instinctibus corrupisse mentem hominis, ludus est. Si sacerdos alat capillitium, aut vestem sumat hominis profani, rapitur in carcerem, acriter punitur: si bibat in lupanari, si scortetur, si ludat aleam, si vitiet alienas uxores, si nihil attingat sacræ lectionis, tamen columna est ecclesiæ. Non excuso mutatam vestem, sed excuso præpostera iudicium. SA. Imo si non persolvat pensum precum horariorum, paratum est anathema; si sceneretur, si simoniam admittat, impune est. LA. Si quis videat Carthusianum aliter vestitum, aut vespertem carnibus, quam exsecratur, quam horret, quam timet, ne terra dehiscens & spectatorem & spectatum absorbeat! idem si videat eum temulentum, mendacibus verbis in famam aliorum debacchantem, manifestis dolis imponentem tenui vicino, nemo perinde abominatur. SA. Veluti si quis videat Franciscanum enodi cingulo cinctum, aut Augustinensem non corio, sed lana cinctum, aut discinctum Carmelitam, aut cinctum Rhodiensem: rursus si percalceatum Franciscanum, aut semicalceatum Cruciferum: nonne concitaret Tyria (quod dici solet) maria? LA. Imo nuper apud nos ex duabus foeminis, quarum utramque dixisses prudentem, altera

1. Fictum nomen ἀπὸ τοῦ λίπης, hoc est, a lipitudine.

A abortiit, altera concidit syncope, quod conspicerent Canonicum quendam sacris virginibus præfectum, in propinqua vicinia, sed tamen in publico, obambulare, qui vestem lineam non haberet tectam nigro pallio. At eadem crebro viderant aves ejusmodi comellantes, cantillantes, saltitantes, non addam cætera, nec ullam sentiebant nauscam. SA. Sexui fortasse debetur venia. Opinor tibi notum Polythrescum. Is ægrotabat periculose: phthisis erat. Medici diu suaserant, ut vesceretur ovis & lactariis; sed frustra: eodem cohortabatur Episcopus. Ille cum esset vir non indoctus, & Theologiæ baccalaureus, videbatur citius emoriturus, quam utriusque medici consilio morem gesturus. Ita visum est medicis & amicis ut falleretur; parata est forbitio ex ovis & lacte caprino: dictum est lac amygdalinum. Ille lubens comedit, & idem aliquot diebus faciens, coepit habere meliuscule, donec puella quædam fucum prodidit. Ibi coepit quod comederat revomere. At idem superstitiosus in lacte, nulla religione commotus est, quo minus abjuraret pecuniam mihi debitam. Nam chirographum simpliciter exhibitum clam ungui sciderat. Delatum est iusjurandum; ego illi cessi. Is vero tam non gravatim recepit, ut optare videretur quotidianas ejusmodi delationes. Quid hoc iudicio perversius? Peccabat adversus mentem ecclesiæ, qui heic non obtemperavit sacerdoti & medicis: & in perjurio manifesto firmam habebat conscientiam, tam infirmus in lacte. LA. Heic mihi succurrit fabula, quam nuper Dominicanus quidam narravit in concione frequentissima, quo sermonis amaritudinem (nam in die parasceves exponebat mortem Domini) jucundiore narratione dilueret. Virginem sacram oppresserat adolescens: uteri tumor arguit factum, convocatus est virginum chorus, præfedit Abbatisa. Accusata est. Inficiali statui non erat locus. Argumentum erat necessarium. Confugit ad statum qualitatis, nisi mavis translationis. Oppressa sum a valentiore. At saltem exclamasses. Fecissem, inquit, sed in dormitorio nefas est solvere silentium. Sit hæc fabula; modo fateamur hoc stulticia geri per multa. Nunc dicam quod his oculis vidi. Nomen hominis locique silebitur. Habebam affinem Priorem, Abbati proximum, ordinis Benedictini, sed ex eorum numero qui non vescuntur carnibus, nisi extra locum, quem appellant magnam refectorium. Habebatur doctus, & ipse volebat haberi, annos natus fere quinquaginta. Certare poculis, & hilarescere vino, erat illi quotidianum. Duodecimo quoque die adibat thermas publicas: illic dabatur opera purgandis renibus. SA. Erat unde id fieret? LA. Possidebat annuos sexcentos florenos. SA. O paupertatem optabilem! LA. Ex vino & Venere incidit in phthisin. Desperantibus medicis, Abbas imperabat esum carniū, addens illud terribile verbum, *sub pena inobedientia*. Ille vix adigi potuit, ut moriens gustaret carnes, a quibus tot annis non abhorruerat. SA. Prior tali Abbate dignus. Divino tamen, quos dicas: nam eandem fabulam & ab aliis audire memini. LA. Divina. SA. Nonne Abbas est prægrandi obesoque corpore, lingua subblæsa? Prior humiliore statura, sed erecta, gracili vultu? LA. Divinasti. SA. Accipe par pari relatum. Audies quod nuper ipse vidi, cuique non interfui solum, verum etiam propemodum præfui. Erant duæ monachæ, quæ vivebant cognatos suos. Ubi venissent quo volebant, famulus per oblivionem reliquerat codicem precum iuxta consuetudinem ordinis & loci in quo vivebant. Deum immortalem, quanta illic perturbatio! Non audebant cœnare, nisi dictis precibus vespertinis, nec sustinebant ex alio codice dicere quam ex suo. Interim tota domus cœnaturiebat. Quid multis? Cantherio recurrit famulus: sub multam noctem adfert relictum codicem. Dicuntur preces, vixque ad decimam cœnavimus. LA. Hactenus nihil audio quod sit magnopere reprehendendum. SA. Nimirum dimidium dumtaxat audisti fabulæ. Inter cœnandum coeperunt illæ virgines hilarescere vino: tandem risu soluto, jocis parum pudicis perstrepuerunt convivium; sed nemo licentius egit, quam illæ, quæ nisi dictis ex ordinis forma precibus, cœnare noluerunt. A convivio, lusus, choreæ, cantilenæ, reliqua non audeo commemorare. Sed plane vereor, ne quid ea nocte patratum sit parum virgineum, nisi me fallebant proemia, lascivi lusus, nutus & suavia. LA. Istam perveritatem non tam imputo virginibus, quam sacerdotibus, earum curam gerentibus. Sed age, fabulam fabula pensa-

Tom. I. Ecc bo,

bo, quin potius audies oculatam historiam. Hisce diebus aliquot coniecti sunt in carcerem, quod ausi sint die Dominico panem coquere, cum forte deesset. Equidem non damno factum, sed excutio iudicium. Aliquanto post die Dominico, qui vulgo *Palmarum* dicitur, forte erat cur vicus propinquus mihi esset adeundus. Ibi tum ad horam diei ferme quartam a prandio, obvium habeo ridiculumne dicam, an miserandum spectaculum; arbitror nulla Bacchanalia plus habuisse turpitudinis. Alii vacillabant huc illuc vino, non aliter quam navis destituta rectore jactatur ventis & fluctibus. Erant qui complexi brachium alterius sustinebant lapsantem, sed ipsi parum firmi: alii subinde cadebant, ægreque surgebant: nonnulli quernis frondibus erant coronati. SA. Magis conveniebat pampineis; tum addendi thyrsi. LA. Senior quidam Silenum agens, sarcinæ in morem sublimis gestabatur humeris, eo gestu quo solent olim efferrî cadavera, pedibus eo porrectis quo ibant, nisi quod pronus bajulabatur, ne vomitu præfocaretur supinus. Is misere convomebat furas & calcaneos extremorum bajulorum. Nec inter bajulos quisquam erat sobrius; plerique ridebant, sed sic, ut facile diceret mentem abesse. Bacchi furor habebat omnes. Atque hac pompa civitatem ingressi sunt, idque clara luce. SA. Unde collegerant eam infamiam? LA. In vico propinquo vinum paulo vilius venditur, quam in urbe: eo se contulerant aliquot combibones, quo vilius infanirent, sed largius. Non enim minus impensum est pecuniæ, sed plus contractum est dementia. Hi si gustassent ovum, velut admissio parricidio pertracti fuissent in carcerem: cum præter omisam sacram concionem, præter neglectas preces vespertinas, in die tam sacro, tantum intemperantiæ publicitus esset admissum, nemo punit, nemo detestatus est. SA. Atqui ne istuc tantopere mireris, in mediis urbibus, in popinis templo proximis, diebus quamlibet festis potatur, cantatur, saltatur, pugnatur tanto strepitu, tantoque tumultu, ut nec sacrum peragi, nec sacra concio possit exaudiri. Idem si eodem tempore consuissent calceum, aut si in die Veneris gustassent fuillam, capitis accerferentur. Et tamen dies Dominicus ob hoc potissimum est institutus, quo vacaret audire doctrinam Evangelicam: & ideo vetitum consuere calceos, ut sit otium concinnandis animis. An non hæc mira iudiciorum perversitas? LA. Prodigiosa. Jam in ipso jejunii præscripto, cum duo sint, alterum abstinentia cibi, alterum delectus cibi, nemo nescit prius illud præcepti divini, aut certe juxta præceptum divinum esse; alterum vero non solum humanum, verum etiam propemodum pugnans cum Apostolica doctrina, utcumque hoc excusamus: tamen heic quoque præpostero iudicio cœnare vulgo impune est, gustasse cibum ab homine vetitum, a Deo permisum, & item ab Apostolis, capitale est. Jejunium tamen non constat esse certo præceptum ab Apostolis, tamen illorum exemplis ac literis commendatum est: at interdictum ciborum esum, quos Deus creavit: ad vescendum cum gratiarum actione, ut tuamur apud iudicem Paulum, quot lemmatis est opus? Et tamen toto passim orbe cœnatur affatim, nullus offenditur: si valetudinarius gustet pullum gallinaceum, periclitatur Christiana religio. In Anglia vulgus Quadragesimæ tempore, justam cœnam apparat alternis diebus, nemo miratur: si febris periclitans tenter attingere jus pulli, plus quam sacrilegium admissum videtur. Apud eisdem in Quadragesima, quo jejunio ut nihil sanctius habitum est apud Christianos, impune cœnatur, ut dixi: si tentes idem extra Quadragesimam die Veneris, nemo feret. Si quæras, quam ob rem? allegant patriæ consuetudinem. Exsecrantur eum qui regionis negligit consuetudinem: & ipsi sibi ignoscunt, qui negligant vetustissimam totius ecclesiæ consuetudinem. SA. Nec probandus est, qui sine causa negligit consuetudinem patriæ, in qua vivit. LA. Nec ego criminor eos, qui Quadragesimam cum Deo ventreque partiuntur, sed indico præpostera de rebus iudicium. SA. Cum dies Dominicus præcipue legatur institutus, quo populus simul conveniret ad audiendum sermonem Evangelicum: qui non audit missam, abominabilis est: qui negligit concionem, malens pila ludere, purus est. LA. Quantum flagitium admissum existiment, si quis sumat Eucharistiam illotis faucibus? quam nihil trepidant, cum idem faciunt

1 *Ad vescendum* Locus exstat apud Paulum 1 Tim. 4. 3. 4. Ubi hanc ciborum prohibitionem doctrinam Dæmoniorum nuncupat.

A illoto animo, perversisque cupiditatibus sordidato? SA. Quam multi sunt sacerdotes, qui citius mortem oppetant, quam sacrificent calice & patina nondum ab Episcopo consecrata; aut quam sacrificent veste quotidiana? At inter hos qui sic affecti sunt, quam multos videmus, qui non ventur ad sacram mensam accedere, noctis proximæ crapula adhuc temulenti? Quanta trepidatio, si forte contingerint corpus Domini, ea manus parte, quæ sacro oleo contracta non fuit? Quin eadem religione dispicimus, ne profanus animus offendat Dominum? LA. Vasa sacra non attingimus, & piaculum admissum arbitramur, si id forte acciderit; & interim viva templa Sancti Spiritus, quam securi violamus? SA. Humana constitutio vetat, ne nothus, claudus, aut luscus recipiatur ad sacra ministeria. Hic quam sumus difficles? & tamen interim passim recipimus indoctos, aleatores, temulentos, milites & homicidas. Dicunt, Latent nos animorum morbi. De occultis non loquor, de his loquor quæ magis in propatulo sunt, quam vitia corporis. LA. Sunt & Episcopi, qui ex functionibus nihil sibi vindicant, præter rationes, aliaque sordida: concionandi munus, quæ prima dignitas est Episcopi; cedunt quamlibet sordidis; haudquaquam facturi, nisi præpostero iudicio teneantur. SA. Qui festum diem violat ab Episcopo quopiam institutum, rapitur ad poenam. Et satrapæ quidam, qui tot constitutionibus Pontificum & conciliorum, tot fulminibus fortiter contemptis, impediunt canonicas electiones, opprimunt immunitates Ecclesiasticorum, ne his quidem parentes domibus, quæ fovendis senibus, ægrotis & egenis ex priorum hominum elemosynis institutæ sunt: abunde Christiani sibi videntur, si sæviant in levissimarum rerum prævaricatores. LA. Præstat satrapas missos facere; loquique de salsamentis & carnibus. SA. Assentior; redeamus igitur ad jejunium & pisces. Audi vi Pontificum leges nominatim excipere pueros, senes, ægrotos, invalidos, gravem laborem sustinentes, gravidas, lactantes, ac vehementer tenues. LA. Idem & ipse frequenter audi vi. SA. Rursus audi vi præcellentem quandam Theologum, opinor Gersoni nomen esse, hoc addere, si quis exstiterit causæ paris momenti, cum his quæ Pontificum leges nominatim excipiunt, similiter cessare vigorem præcepti. Sunt enim corporum peculiare habitus, qui reddunt capitaliorem in ediam, quam morbus evidens; & sunt vitia, morbi, qui non apparent, cum revera plus habeant discriminis. Proinde qui sibi notus est, nihil opus habet consulere sacerdotem; quemadmodum infantes non consulunt sacerdotem, quia causa eximit illos a lege. Et qui pueros, aut vehementer senes, aut alioquin invalidos adigunt ad jejunium, aut esum piscium, bis peccant, primum adversus fraternam caritatem; deinde adversus mentem Pontificum, qui nolunt eos involvi lege, quibus observata perniciem adferret. Christus quidquid instituit, ad sanitatem animi & corporis instituit. Nec ullus Pontifex sibi vindicat tantam potestatem, ut sua constitutione quemquam adigat ad vitæ discrimen. Veluti, si quis ex inedia vespertina contrahat insomniam, & ob insomniam periclitetur paraphrenesi, simul & adversus Ecclesiæ mentem, & adversus Dei voluntatem homicida est sui. Principes quoties commodum est, edita lege minantur supplicium capitale. Quid illis liceat, non definio: illud dicam, tutius facerent, si non infligerent mortem corporis, nisi ob causas in Divinis literis expressas. In odiosis Dominus longius avocatur ab extrema linea, velut a perjurio, vetans omnino jurare, in homicidio prohibens irasci: nos ob humanam constitutionem ad extremam homicidii lineam impellimus, quam vocamus necessitatem. Imo quoties apparet causa probabilis, caritatis est ultro hortari proximum ad ea quæ postulat corpusculi imbecillitas. Et, si nulla apparet causa, tamen Christianæ caritatis est benigne interpretari, quod recto animo fieri potest, nisi qui comedit, præ se ferat manifestum Ecclesiæ contentum. Contumaciter ac seditiose vescentes, recte punit magistratus profanus: at quid quisque domi suæ pro corpusculi sanitate comedat, medicorum est curare, non magistratuum. Quod si quorum improbitas hinc quoque concitet tumultum; ipsi seditionis accersantur, non is qui servivit valetudini, nec divina, nec humana lege violata. Heic certe non in loco præteximus auctoritatem Pontificum, quorum tanta est humanitas, ut ubi cognorint causam

fam haud absurdam, ultro invitent ad ea quæ postulat va-
letudo, diplomatis arment adversus malorum obtrectatio-
nes. Denique per universam Italiam patiuntur in certis mac-
cellis vendi carnes, nimirum illorum saluti consulentes,
quos illa lex non adstringit. Quin & in concionibus sacris
audivi Theologos paulo minus Pharisaicos dicere, Nihil est
quod vereamini cœnæ tempore sumere panem unum, &
hemina vini cervisæve, propter imbecillitatem huma-
ni corporis. Si tantum sibi sumunt auctoritatis, ut pro cœ-
na cœnulam indulgeant validis, idque contra præceptum
ecclesiæ, quæ jejuniū indixit, non cœnulam; cur non au-
dent justam cœnam permittere iis, quorum imbecillitas hoc
requirit, & Pontifices expressis causis declararunt sibi pla-
cere? Dicatur zelus, si quis durius tractet corpus suum:
nam sibi quisque notus est: at ubi pietas, ubi caritas istorum,
qui contra legem naturæ, contra legem Dei, contra sensum
legis Pontificiæ, fratrem imbecilem, spiritu promptum,
corpusculo infirmum, ad mortem adigunt, aut morbum
morte duriorē? LA. Sugerit mihi tua commemoratio
quiddam, quod ante biennium vidi. Erotem nosti, virum
jam natu grandem, videlicet sexagenarium: valetudine plus
quam vitrea, tum quotidianis morbis, iisque atrocissimis,
gravissimisque studiorum laboribus sic afflicta, ut vel Milo-
nem possint dejicere: ad hæc occulta quadam naturæ pro-
prietate, vel a puero sic & abhorrens a piscium esu, & im-
patiens inediæ, ut nunquam id tentarit absque capitis disci-
mine: postremo diplomatis Pontificum abunde communi-
tus adversus Pharisaicas linguas. Is nuper eo vocantibus ami-
cis, inviserat civitatem Eleutheropolim, non omnino suo
nomini respondentem. Erat autem Quadragesimæ tempus:
datus est unus atque alter dies amicorum affectibus. Inter-
rim vesceretur piscibus, ne quem offenderet, cum haberet
præter necessitatem a Pontifice diploma, per quod licebat
vesci quibuslibet. Jam præsentiebat morbum imminentem,
quem habebat familiarem, sed morte crudeliorem: parat
abitus, & res urgebat, nisi maluisset ibi decumbere. Ibi
quidam suspicantes illum hoc maturius abire, quod non fer-
ret esum piscium, effecerunt, ut Glaucoplutus vir apprime
doctus, & primæ in ea Republica auctoritatis, Erotē in-
vitaret domum suam ad jentaculum. Eros jam turbæ fatur,
quam in publico diversorio vitare non poterat, assensus est;
sed hac lege, ne quis esset apparatus præter ova duo; quæ
stans ubi comedisset, equum conscenderet. Promissum est
ita fore. Ubi eo venit, paratus erat pullus gallinaceus. Eros
indigne ferens, præter ova nihil attigit, & abruptus con-
vivium, conscendit equum, deducens eruditus aliquot.
Ejus pulli nidor nescio quo modo pervenerit ad sycophan-
tas. Ab his rumor sparsus est tam atrox, ac si decem homi-
nes fuissent veneno necati. Nec ea civitas modo perstrepsit
hac fabula; sed eodem ferme die rumor ad alias civitates
transvolarat, quæ aberant itinere tridui. Atque, ut fit, ru-
mor aliquid veris addiderat, Erotē, ni propere fugisset,
accersendum fuisse ad magistratum. Hoc ut erat falsissi-
mum, ita verum erat, Glaucoplutum magistratui exposu-
lanti satisfecisse. Jam Eros sic affectus, ut dixi, si vel in pu-
blico carnibus vesceretur, quis deberet offendi? Et tamen
in eadem civitate totam Quadragesimam, sed præcipue die-
bus festis, bibitur usque ad insaniam, clamatur, saltatur, pu-
gnatur, luditur alea proxime templum, ut sacra concio non
possit audiri, & nullum est offendiculum. SA. Mira judicio-
rum perversitas. LA. Accipe fabulam huic non dissimilem.
Jam ferme biennium est, quod idem Eros valetudinis ergo
viseret Ferventiam; ego officii gratia comitatus sum. Di-
vertit in ædes veteris amici; cujus crebris literis fuerat evo-
catus. Is est vir præpotens, & illius ecclesiæ procerum unus.
Ventum est ad pisces; rursus Eros cœpit periclitari: agmen
morborum erat, febris, cephalalgia, vomitus, calculus.
Hospes tamen videret graviter periclitantem amicum, non
ausus est tamen carniū micam dare amico. Quam ob rem?
Videbat tot causas cur liceret, viderat diploma, sed metue-
bat linguas hominum. Et jam eo profecerat morbus, ut fru-
stra daturus fuerit. SA. Quid Eros? Novi hominis inge-
nium: emoriatur citius, quam amicum ulla gravet invidia.
LA. Inclusit se cubiculo, triduum vicitavit suo more. Præn-
dium erat ovum unum, potus aqua facchar decocta. Sim-
ulatque se vomiserat febris, nescit quid fecerit equum, secum de-
ferens commeatum. SA. Quem? LA. Lac amygdalinum

A in laguncula, & uvas passas in crumena. Ubi domum rediit,
tum aperuit sese calculus, totumque mensem decubuit.
Et tamen hunc quoque abitus, sævus, sed vanus carniū
rumor sequutus est, & Lutetiam usque perlatus, non sine
frequenti splendorum mendaciorum comitatu. Quod tu
remedium arbitraris idoneum talibus offendiculis? SA. Ut
in illorum capita cuncti suas matulas effundant, & si forte
occurrant, obturatis naribus prætereantur, quo vel sic agno-
scant suam vesaniam. LA. Certe hanc Pharisaicam impietatem
oportebat acris Theologorum conviciis flagellari.
De hospite vero illo quid censet? SA. Mihi vir prudens vi-
detur, qui norit quam frivolis de causis, quantas tragœ-
dias interdum excitet populus. LA. Sit hoc sane pruden-
ter factum, & boni viri metum civiliter interpretemur: at
B quam multi sunt, qui cum in simili casu fratrem mori pa-
tiantur, ecclesiæ consuetudinem & populi scandalum præ-
texunt: cæterum in vita palam dedecorosa, quam agunt
in comestationibus, in amoribus, in luxu, in otio, in sum-
mo contemptu sacrorum studiorum, in rapinis, simoniis &
fraudibus, nihil formidant populi scandalum! SA. Omnino
tales sunt quidam. Quod isti pietatem appellant, immanis
& impia crudelitas est. Sed illi mihi videntur crudeliores,
qui non ex occasione relinquunt hominem in periculo, sed
C inventis periculis veluti laqueis, impellunt multos in cor-
poris animique manifestum discrimen, præsertim nulla pu-
blica auctoritate pollentes. LA. Exspecto quid dicas. SA.
Ante annos triginta vixi Lutetiæ in collegio, cui cognomen
3 ab aceto. LA. 4 Sapientiæ vocabulum audio. Quid
vero narras? Vixit falsamentarius in eo collegio tam acido?
Non mirum igitur, si tantum tenet quæstionum Theolo-
gicarum. Nam illic, ut audio, parietes ipsi mentem habent
theologicam. SA. Sic est, ut dicis; ego tamen præter cor-
pus pessimis infectum humoribus, & pediculorum largissi-
mam copiam, nihil illinc extuli. Verum ut pergam, quod
cepi. In eo collegio tum regnabat Joannes Standoneus,
vir in quo non damnales affectum, sed iudicium omnino
desiderasses. Etenim quod ipse memor adolescentiæ, quam
cum extrema paupertate transfegerat, rationem habebat
pauperum, vehementer probari debet. Et si juvenum inopi-
am hæcenus sublevasset, ut honestis studiis suppetere
rerum usus, non ad lasciviam exuberaret copia, laudem
merebatur. Cæterum quod rem aggressus est cubitu tam
D duro, victu tam aspero parcoque, vigiliis ac laboribus tam
gravibus, ut intra annum prima experientia multos juve-
nes, felici indole præditos, ac spem amplissimam præ se
ferentes, alios neci dederit, alios cæcitate, alios dementiae,
nonnullos & lepræ, quorum aliquot ipse novi, certe nullus
omnium non periclitatus est; quis non intelligat esse cru-
delitatem in proximum? Nec his contentus, addidit pal-
lium & cucullam, ademit in totum esum carniū. Et hu-
jus generis plantaria transtulit in longinquas regiones. Quod
si quisque tantum permittat suis affectibus, quantum ille
permisit, futurum est ut istorum similes totum occupent
mundum. Siquidem a talibus initiis primum orta sunt mo-
nasteria, quæ nunc minitantur Pontificibus & Monarchis.
E In proximi ad pietatem resipiscantis lucro gloriari pium
est; in veste aut cibo gloriam quærere, Pharisaicum est:
proximorum inopiam sublevare, pietas est; prospicere ne
liberalitate bonorum abutantur ad luxum, disciplina est.
Cæterum in morbos, in delirationem, in mortem his re-
bus impellere fratrem, crudelitas est, parricidium est. Ab-

Tom. I. Eec 2 est

1 *Aperuit sese calculus*] Hic Eros ipse Erasmus: & procul dubio, ut
& ex vita ipsius liquet, vera sunt, quæ hic sub ficto nomine narrantur.
Quod ad pisces attinet, solebat solo illorum odore offendi. Porro tenerrimæ
valetudinis, sæpius cephalalgia, febris & calculo laborabat.

2 *Vixi Lutetia in collegio*] Eadem narratiuncula sub falsamentarii no-
mine se ipsum designat Erasmus: utpote qui, ut in vita ejus offendes, ab
Episcopo Cameracensi Henrico a Bergis Lutetiam studiorum gratia, pro-
nuissio annuo stipendio, est amandatus, ante annos triginta circuncirca quam
hæc scriberet. Colloquia enim hæc exaravit jam senex.

3 *Ab aceto*] Designat procul dubio collegium Montis-acuti Lutetiæ,
ubi diu vixit. Sed quandoquidem promissum stipendium ab Episcopo
Cameracensi non transmitteretur, Bergas ad Episcopum per reverfus est.
Postmodo denuo reversus Lutetiam, ob sævientem per aliquot annos
continuum pestem, identidem in Belgicam reverti coactus est. Labo-
rabat enim Lutetia, cum Erasmus ibi studiis operam daret, peste, ut di-
ctum. Præterea ex putridis ovibus & infecto cubiculo in dicto Montis-
acuti collegio gravem morbum conceperat, a quo tandem Bergis re-
valuit.

4 *Sapientiæ*] Alludit ad jocum Plautinum, *Habebat acetum in pello-
re*? De acris ingenio dicimus.

est fortasse voluntas occidendi, at non abest homicidium. Quæ igitur istis debetur venia? Nimirum quæ medico, qui per insignem imperitiam occidit ægrotum. Dicit aliquis; Nullus illos cogit ad hoc vitæ genus: sponte veniunt, rogant admitti, & liberum est abire pertæsis. O Scythicam responsum! Itane postulant, ut adolescentes rectius perspiciant quid ipsis conveniat, quam vir doctus, rerum usutritus, & ætate provectus? Sic sese excuset lupo, qui famelicum ostensa ei ca pellexit in retia. An qui vehementer esuriienti apponat cibum insalubrem aut lethiferum etiam, ita semet excusabit pereunti? Nemo te coëgit edere, volens ac lubens devorasti quod erat appositum. Nonne is jure respondeat? Tu non cibum dedisti, sed venenum. Telum ingens necessitas, grave tormentum fames. Auferant igitur illa magnifica verba, *Libera erat electio*. Imo magnam vim admovet, quisquis talibus utitur tormentis. Nec ea sævitia tantum perdidit tennes; sustulit non paucos divitum filios, & generosam indolem depravavit. Ætatem lascivientem moderatis rationibus cohibere, paternum est. Cæterum in medio hiemis rigore datur postulantibus paululum panis, potus jubetur & puteo peti, qui aquam habet pestilentem, pestiferam alioqui, etiam si nihil haberet præter rigorem matutinum. Novi multos, qui valetudinem ibi contractam, nec hodie possunt excutere. Erant aliquot cubacula humili solo, putri gypso, viciniæ latrinarum pestifera. In his nullus unquam habitavit, nisi aut mors, aut morbus capitalis fuerit consequutus. Omitto nunc miram flagrorum carnificinam, etiam in innoxios. Sic ajunt dedisci ferociam; ferociam appellat indolem generosiorum, quam studio frangunt, ut eos reddant habiles monasteriis. Quantum ibi devorabatur ovorum putrium! quantum vini putris hauriebatur! sunt fortassis hæc jam correctæ, sed sero, videlicet iis qui perierunt, aut corpus circumferunt infectum. Neque vero hæc commemoro, quod male velim illi collegio, sed operæ pretium esse judicavi monere, ne sub umbra religionis, humana sævitia corruptat ætatem imperitam ac teneram. Jam quantum ibi discatur civilitatis aut veræ pietatis, in præsentia non excutio. Quod si viderem malitiam exuere quicumque cucullam induunt, hortarer omnes ad cucullam. Nunc alia res est; proinde non sunt ad hoc vitæ genus frangendi spiritus suppullulantis ætatis, sed animus magis ad pietatem educandus. Mihi vix contigit ullum ingredi monasterium Carthusianorum, quin illic offenderim unum atque alterum aut simpliciter mente captum, aut delirantem. Verum jam dudum tempus est, ut a tam longa digressionem redeamus ad institutum. L. Imo nullum est digressionis dispendium; rem ipsam egimus: nisi si quid tibi forte succurrit, quod adjiciendum putes iis, quæ disserta sunt de constitutionibus humanis. S. Mihi quidem nec humanum præceptum implere videtur, qui negligit hoc præstare, quod spectavit is qui præcepit. Etenim qui festis diebus tantum abstinere ab operibus manuariis, nec interim vacat sacris, aut audiendis concionibus, violat festum diem, negligens id, cujus gratia festus dies institutus est. Ideo enim interdictum est opus bonum, ut fieret melius. Jam vero qui pro solitis operis vacant popinis, scortis, temulentia, pugnis & aleæ, bis violant idem festum. L. Opinor & precum sacrarum pensum, in hoc præscriptum sacerdotibus & monachis, ut hac exercitatione consuescerent sustollere mentem in Deum; & tamen qui pensum hoc non absolvit, periclitatur. Qui tantum ore demurmurat voces, nec curat animum ad ea quæ sonat colligere, imo ne literas quidem studet discere, sine quibus quæ sonat, intelligi non possunt, vir bonus habetur, ac sibi quoque videtur. S. Ego multos novi sacerdotes, qui piaculum inexpressibile putant, aliquam partem precum omisisse, aut per errorem dixisse de diva Virgine, cum dicendum esset de sancto Paulo. At iidem pro nihilo ducebant aleam, scortum ac temulentiam, quæ divinis pariter & humanis legibus vetita sunt. L. Nec paucos ego comperi, quicquid mortem oppetissent, quam vel casu gustato cibo, aut dum os proluunt delapsis in stomachum aliquot aquæ

¹ *Frangendi spiritus*] Digitum videtur auctor intendere in tutorem Petrum Winkeliū ejusque fratrem, qui re non admodum bene gesta adolescentem Erasmus, abhorrentem a monachatu, in monasterium Canonicorum Regularium juxta Delfos vulgo dictum *Syon* detrudere studuerant. Quod cum nec minis nec precibus possent perficere, tandem per Cornelium quendam, quicum Daventria commune habuerat cubiculum Erasmus, eo adductus est, ut monasterium in *Erasmus* sive *Steyn* prope Goudam intraverit.

guttis sacrificassent: at iidem fatebantur esse sibi cum quibusdam similitudinem, quos, si daretur opportunitas, occiderent; nec verebantur cum hoc animo ad sacram Christi mensam accedere. S. Atqui ut jejuni sacrificent, hominis præceptum est: ut deponant iras priusquam accedant ad sacram mensam, Dei præceptum. L. Jam vero de perjurio quam præpostere judicamus! Infamis habetur, qui jurejurando confirmavit se dissolvissse res alienum, si convincatur non dissolvissse: nec perjurium objicitur sacerdoti, qui palam impudice vivit, cum jurejurando publice professus sit castitatem. S. Quin istam cautionem canis Episcoporum vicariis, qui coram altari dejerant, se comperissse omnes, quos offerant initiandos, idoneos ætate, scientia & moribus, cum aliquoties inter hos vix duo treve sint tolerabiles, plurimi vix ad stivam idonei? L. Vocatur ad poenam, qui commotus aliqua causa pejerat; & non puniuntur, qui tertio cuique verbo admittunt perjurium. S. Isti non jurant ex animo. L. Eodem colore patrocineris licebit ei, qui hominem occidit non ex animo. Pejerare nec joco, nec serio fas est. Et atrocius crimen foret, si quis joco necaret hominem, quam si commotus ira. S. Quid si quis ad eandem trutinam expendat jusjurandum Principum, quo inaugurantur? L. Et ista cum sint maxime seria, tamen quoniam velut ex more fiunt, non habentur pro perjuriis. Eadem est querimonia de votis. Matrimonii votum est juris sine controversia divini; & tamen dirimitur per monasticæ vitæ professionem ab hominibus repertam. S. Cum nullum votum religiosius sit, quam baptismi; tamen qui vestem mutat aut locum, perinde quasi patrem veneno necarit, perquiritur, rapitur, stringitur, nonnunquam & occiditur propter honorem ordinis. At quorum tota vita pugnat ex diametro cum professione baptismi, quippe qui toti serviunt mammonæ, ventri, & hujus mundi pompis, habentur in pretio, nec his objicitur voti violati crimen, nec exprobratur, nec vocantur apostatæ, sed habentur pro Christianis. L. Simile vulgi judicium est de benefactis ac malefactis, deque prædiciis beatitudinis. Quanta infamia sequitur puellam lapsam? at longe gravius crimen est lingua mendax & obtrix, & animus odio livoreque corruptus. Ubi non gravius puniuntur quamvis leve furtum, quam adulterium? Nemo lubens cum eo consuetudinem habet, qui semel furti adpersus est infamia: cum eo qui cooperus est adulteris, pulchrum est habere familiaritatem. Spiculatori publico, qui stipendio conductus servit legibus, quemadmodum & judex ipse, nemo dignetur locare filiam, & non detestamur affinitatem militis, qui toties invitis parentibus, & vetante nonnunquam magistratu, subduxit sese ad bellum mercenarium, tot stupris, tot raptibus, tot sacrilegiis, tot homicidiis, aliisque facinoribus impurati, quæ vel in ipsa militia, vel in professione ad bellum, & reditu a bello committunt solent: hunc generum adfiscimus, hunc quovis carnifice pejorem adamat virgo, & interpretamur etiam nobilitatem, quæ sita scelere. Qui nummum tollit, pendet; qui fraudata moneta publica, qui monopolis, qui usuris, qui mille technis ac fraudibus tam multos spoliant, inter præcipuos habentur. S. Qui uni cuiquam venenum porrigunt, ut venefici dant poenas legibus; qui vinis infectis, aut oleo vituato, populum inficiunt, impune faciunt. L. Novi quosdam monachos adeo supersticiosos, ut existiment sese esse in manu diaboli, si vel casu sacra vestis absit: nec metuunt ab unguibus diaboli, si mentiantur, si calumniantur, si inebriantur, si invident. S. Istiusmodi licet inter nos idiotas complures videre: non credunt domum tutam a violentia cacodæmonis, nisi paratam habeant aquam consecratam, frondes sacras ac cereum, & non metuunt suis ædibus, in quibus quotidie tot modis provocatur Deus, & colitur diabolus. L. Quam multi sunt qui magis fidunt præsidio Virginis matris, aut Christophori, quam ipsius Christi! Matrem colunt imaginibus, candelis, & cantuiculis; Christum impia vita fortiter offendunt. Nauta cum periclitatur, Christi matrem, aut Christophorum, aut quemvis divorum citius invocat, quam ipsum Christum. Et Virginem se credunt habere propitiam, quod illi sub noctem cantuicula non intellectam canunt, *Salve regina*, ac non potius metuunt, ne illa se putet irrideri talibus cantuiculis; cum totus dies, magnaue noctis pars, illis trans-

igatur obscenis sermonibus, temulentis, & factis non referendis. SA. Ita militi periclitanti citius in mentem venit Georgius aut Barbara, quam Christus. Porro cum nullus sit cultus divi gratior, quam imitatio factorum, quibus ipsi Christo placuerunt, hanc partem fortiter contemnimus. Et Antonium nobis egregie faventem fore credimus, si illi porcos aliquot sacros alamus, sique ipsum cum suo porco, igni & tintinnabulo pictum habeamus in foribus ac lateribus ardiū: nec metuimus quod magis erat metuedum, ne ille male velit adibus, in quibus regnant ea vitia, quæ vir sanctus semper fuit detestatus. Virgini annueramus rosariola, & salutatiunculas; quin potius annueramus in illius gratiam coercitum animi tumorem, repressam libidinem, condonatum injuriam? Hujusmodi cantuunculis delectatur Christi mater, his officiis demerueris utrumque. LA. Itidem morbo periclitanti citius in mentem venit sanctus Rochus aut Dionysius, quam Christus unica salus hominum. Quin & hi qui Sacras literas interpretantur e suggesto, quas nemo sine Spiritus afflatu vel intelligere recte, vel docere potest utiliter, malunt invocare Virginis matris auxilium, quam ipsum Christum, aut Christi Spiritum. Et in hæreseos suspicionem vocatur, qui mutire audet adversus hanc consuetudinem, quam vocant laudabilem. Atqui laudabilior erat veterum consuetudo, quam obtinuerunt Origenes, Basilus, Chrysostomus, Cyprianus, Ambrosius, Hieronymus, Augustinus, qui Spiritum Christi identidem invocant, Virginis auxilium nusquam implorant. Nec in eos stomachantur, qui tam sanctam consuetudinem, & ex Christi & Apostolorum doctrina, & sanctorum Patrum exemplis desumptam ausi sunt immutare. SA. Similis error habet complures monachos, qui sibi persuadent, Benedictum esse propitium, donec gestent illius cucullam & pallium; quamquam non arbitror cum virum unquam gestasse tam laciniosam, magnoque emtam velum; nec verentur illius iram, quod in vita nihil habeant cum illo commune. LA. Francisci germanus est, qui vestem cinericiam & canabeum cingulum non abjicit: vitam confer; nihil pugnantius. De plerisque loquor, non de omnibus. Atque hic sermo per omnes ordinum & professionum formas circumferri potest. Ex corruptis judiciis nascitur præpostera fiducia, & ex iisdem nascuntur præpostera scandala. Prodeat Franciscanus coriacea zona cinctus, qui casu funem suum perdidit: aut Augustinensis lancem gestans cingulum: aut discinctus, qui cingi solet: quæ futura est abominatio! quantum periculum, ne mulieres ad hoc spectaculum abortiant! Et ex hujusmodi nugis, quanta fraternæ caritatis ruptura? quam acerba odia? quam virulentæ obtreptiones? Adversus hæc clamat Dominus in Evangelio, nec minus graviter Paulus Apostolus; adversus eadem clamandum esset Theologis & Concionatoribus. SA. Eset sane; sed in his multis sunt, quibus expedit talem esse populum; imo tales esse Principes, tales Episcopos. Et sunt rursus, qui nihilo plus sapiunt in his, quam populus; aut si quid sapiunt, dissimulant, suo ventri consulentes potius, quam Jesu Christo. Itaque fit, ut populus undique corruptus præposteris judiciis, ibi fidat, ubi præsens est periculum; ibi trepidet, ubi nihil est periculi, ibi conqueascit unde progrediendum erat; eo proficiat unde erat recedendum. Ab his male structis si quid tentes convellere, clamant excitari seditionem: quasi seditio sit, si quis vitiosum corporis habitum, quem imperitus medicus diu foverit, ac prope modum verterit in naturam, conetur eximere pharmacis melioribus. Verum abruptum est querimonia, quæ finem non habet. Et periculum sit, si senserit populus hoc nostrum colloquium, ne novum suscitent proverbium, quod hæc curæ sint salsamentario & lanioni. LA. Iste ego regeram vetus proverbium; *Sape etiam est olitor valde opportuna loquutus.* Nuper cum ista differerem super cenam, malis auspiciis aderat quidam pannosus, pediculofus, luridus, vietus, exsuccus, facie cadaverosa; cranium vix habebat tres pilos: quoties loquebatur, claudebat oculos: agebant Theologum esse. Is me vocabat discipulum Antichristi, aliaque permulta balbutiebat. SA. Quid ibi tu? mutus? LA. Ego illi precabar micam sobriæ mentis in tam putred cerebri, si tamen ullum habebat cerebrum. SA. Putaret & istam audire fabulam dicit. LA. Audies, si die Jovis veneris ad prandium. Habebis vitulinam crusto in-

A coctam, contusam, adeoque teneram, ut possis vel exfugere. SA. Polliceor, hac lege, si die Veneris apud nos prandeas: efficiam ut intelligas salsamentarios non semper velci putribus salsamentis.

F U N U S.

MARCOLPHUS, PHÆDRUS.

MA. U Nde nobis Phædrus? num ex antro Trophei? PH. Cur istuc rogas? MA. Quia præter morem tristis, horridus, squalidus, torvus; in summa, nihil minus quam quod diceris. PH. Si, qui diutius versatur in officinis fabrorum ærariorum, aliquid nigroris sibi contrahunt; quid miraris, si ego tot dies versatus apud duos ægrotantes, morientes, & sepultos, solito sum moestior; præsertim cum uterque mihi fuerit egregie carus? MA. Quos mihi narras sepultos? PH. Nosti Georgium Balearicum? MA. Nomine dumtaxat, de facie non novi. PH. Alterum scio tibi prorsus ignotum esse. Is erat Cornelius Montius, quicum mihi plurimis jam annis intercessit arctissima necessitudo. MA. Mihi nunquam contigit adesse morienti. PH. Mihi sæpius quam vellem. MA. Sed estne mors res tam horrenda, quam vulgo prædicant? PH. Iter ad mortem durius, quam ipsa mors. Quod si quis horrorem illum & imaginationem mortis excutiat animo, magnam mali partem sibi detraxerit. Breviter, quidquid est cruciabile, vel in ægrotatione, vel in morte, longe tolerabilius redditur, si quis se totum tradat voluntati divinæ. Nam quod attinet ad sensum mortis, cum jam animus distrahitur a corpore, arbitror aut nullum esse, aut perquam stupidum esse sensum, quod natura, priusquam huc veniatur, consopiat, ac stupefaciat omnes partes sensibiles. MA. Nascimur absque sensu nostri. PH. Sed non absque sensu matris. MA. Cur non itidem emorimur? Cur Deus mortem voluit esse tam cruciabilem? PH. Nativitatem voluit esse gravem ac periculosam matri, quo carius haberet quod peperisset: mortem autem unicuique voluit esse formidabilem, ne passim homines sibi mortem consciscerent. Etenim cum videamus & hodie tam multos sibi manus adferre; quid censes futurum, si mors nihil haberet horribile? Quoties vapulasset servus, aut etiam filius adolescens, quoties uxor indignaretur marito, quoties perisset res, aut aliud accidisset, quod ægre esset animo, protinus ad laqueum, ad gladium, ad flumen, ad præcipitium, ad venenum currebant homines. Nunc mortis acerbitas vitam nobis reddit cariorem; præsertim cum medici non queant mederi semel vita defuncto. Quanquam ut non omnibus eadem est nascendi fors, ita non est eadem omnibus mortis ratio. Quoddam cita mors protinus liberat; alii lenta morte contabescunt. Lethargici, quemadmodum & ab aspide percussi, somno consopiti, citra sensum sui moriuntur. Illud observavi, nullum esse mortis genus tam acerbum, quin perferatur, si quis obfirmato animo decrevit exire. MA. Utrius mors visa est Christianior? PH. Mihi quidem Georgii visa est honorificentior. MA. Etiamne mors habet ambitionem suam? PH. Ego nunquam vidi duos tam dispari morte morientes. Si vacat audire, depingam excessum utriusque: tuum erit judicare, utra mors sit optabilior homini Christiano. MA. Imo te rogo, ne graveris narrare. Nam ipse nihil audiero cupidius. PH. Ergo de Georgio prius audi. Ubi mors jam certa sui signa dederat, medicorum chorus, qui diu curant ægrotum, dissimulata vitæ desperatione, coeperunt mercedem poscere. MA. Quot erant medici? PH. Aliquando decem, interim duodecim, cum paucissimi, sex. MA. Satis erat ad occidendum vel valentem. PH. Numerata pecunia clam submonuerunt proximos, non procul abesse mortem: curarent ea, quæ pertinerent ad animæ salutem; nam de corporis incolumitate nihil esse spei. Per amicos intimos blande submonitus est & ægrotus, ut corporis curam Deo committeret; ea tantum curaret, quæ pertinerent ad feliciter hinc emigrandum. His auditis, mira torvitate Georgius oculos intendit in medicos, velut indigne ferens, quod ab illis destitueretur. Illi responderunt, se medicos esse, non deos; quod artis erat, præstitisse: cæterum adversus fatalem necessitatem nullam valere medicinam. His actis abeunt in proximum cubiculum. MA. Quid? morantur etiam accepta mercede? PH. Inter illos nihil convenit de morbi genere: alius agebat hydropem, alius tym-

Tom. I.

Ecc 3

pau-

1 Nihil minus] Quia Phædrus Græcis sonat hilarem.

panitem, alius apostema in intestinis, alius aliud atque aliud malum: totoque hoc tempore, quo tractabant ægrotum, acerrime disceptarunt de morbi genere. MA. O felicem interim ægrotum! PH. Eam litem ut tandem finirent, per uxorem postularunt, ut sinerent exanimati corporis anatomiam fieri: id esse honorificum, & solere vel honoris gratia fieri in magnatibus: deinde rem eam fore saluti multis, idque ad meritum ipsius cumulum accessurum: postremo pollicentur suo sumtu se commercaturos triginta missas, cessuras in commodum mortui. Id ægre quidem, sed tandem blanditiis uxoris ac propinquorum impetratum est. His actis subduxit sese statio medicorum. Negant enim fas esse, ut qui vitæ solent opitulari, mortis sint spectatores, aut exsequiis interfint. Mox accitus est Bernardinus, vir, ut scis reverendus, Franciscanorum custos, qui confessionem exciperet. Vix peracta est confessio, jam aderat in ædibus turba quatuor ordinum, quos vulgus appellat Mendicantium. MA. Tot vultures ad unum cadaver? PH. Deinde vocatus est parochus, qui hominem inungeret, sacrumque symbolum corporis Dominici porrigeret. MA. Religiose. PH. Verum ibi minimum abfuit, quin inter parochum & monachos cruenta pugna fuerit orta. MA. Apud lectum ægroti? PH. Et quidem spectante Christo. MA. Quid excitavit tantos tumultus subito? PH. Parochus ubi cognovit ægrotum fuisse confessum Franciscano, negavit se vel unctionis sacramentum, vel eucharistiam, vel sepulturam impartiturum, ni suis auribus audisset ægroti confessionem: se parochum esse, sibi pro sua ovicula reddendam Domino rationem: id non posse, si solus ignoraret arcana conscientiae. MA. Nonne visus est æquum dicere? PH. Non illis quidem. Nam strenue reclamabant omnes, præsertim Bernardinus & Vincentius Dominicanus. MA. Quid adferebant? PH. Magnis conviciis inessebant parochum, subinde vocantes eum asinum, dignumque qui pastorem ageret porcorum. Ego, inquit Vincentius, sum sacrae Theologiae baccalaureus formatus, mox licentiandus, atque etiam doctoris titulo insigniendus; tu vix legis Evangelium; tantum abest, ut possis excutere secreta conscientiae. Quod si libet esse curiosum, exquire, quid agat uxor & manzares tui domi, aliaque per multa, quæ me pudet referre. MA. Quid ille? mutus ad hæc? PH. Mutus? Imo diceret cicadam ala correptam. Ego, inquit, baccalaureos multo te meliores nec tam e stipulis fabarum. Auctores & principes ordinum vestrorum, Dominicus & Franciscus, ubi didicerunt Philosophiam Aristotelicam, aut argumenta Thomæ, aut speculationes Scoti? aut ubi donati sunt titulo baccalaureorum? Irrepistis in mundum adhuc credulum, sed pauci, humiles, quidam etiam docti ac pii: nidulabamini in agris ac vicis, mox in opulentissimas qualque civitates, & in florentissimam civitatis partem demigrastis. Tot sunt agri qui pastorem alere non possunt; ibi locus erat vestrae operæ: nunc nusquam adestis, nisi in ædibus divitum. Jactatis nomen Pontificum; at vestra privilegia nihil valent nisi cum cessat Episcopus, pastor, aut hujus vicarius. In meo templo nullus vestrum concionabitur, me pastore incolumi. Non sum baccalaureus: nec sanctus Martinus erat, & tamen agebat Episcopum. Si quid mihi deest doctrinæ, a vobis non petam. An creditis, etiamnum mundum esse tam stupidum, ut ubicunque viderit vestem Dominici aut Francisci, putet adeste illorum sanctimoniam? Num vestra refert, quid agam domi meæ? Quid vos agatis in latebris vestris, quomodo tractetis sacras virgines, etiam populus novit. Jam quam nihilo sint vel feliciores vel puriores divitum domus, quas frequentatis, omnibus & lippis & tonsoribus notissimum est. Cætera, Marcolphe, non audeo referre: omnino patres illos reverendos minime reverenter tractavit. Nec erat futurus finis, ni Georgius manu mota signum dedisset, se velle quidpiam dicere. Ægre impetratum est, ut rixa tantisper consilesceret. Tum ægrotus, Sit pax, inquit, inter vos; tibi parcho denuo confitebor. Deinde pro strepitu nolarum, pro cantionibus funeralibus, pro cenotaphio, pro sepultura numerabitur tibi pecunia, priusquam exeas hanc domum, neque committam ut ulla in parte de me queri possis. MA. Num parochus recusavit tam æquam conditionem? PH. Non; tantum obmurmuravit nonnihil de confessione, quam ægrotus remisit. Quid opus est, inquit, iisdem repetendis fatigare tum ægrotum, tum sacerdotem? Si in tempore mihi confessus,

fuisse, fortassis sanctius condidisset suum testamentum: nunc vos videritis. Hæc æquitas ægroti pessime habebat monachos, indigne ferentes eam prædæ partem decidi parcho. Et tamen intercessi, fecique ut lis sopiretur. Parochus unxit ægrotum, dedit corpus Domini, & numerata summa discessit. MA. Sequuta est igitur eam tempestatem tranquillitas? PH. Imo tempestatem hanc sævior tempestas protinus excepit. MA. Obsecro quid causæ? PH. Audies. Confluxerant in ædes quatuor ordines Mendicantium; his adjunxit sese quintus Cruciferorum. Adversus hunc ceu nothum, quatuor illi magno tumultu coorti sunt: rogabant ubi vidissent unquam plaustrum quinque rotarum? aut qua fronte vellent esse plures Mendicantium ordines, quam sint Evangelistæ? Eadem, inquit, opera adducite huc mendicos omnes e pontibus ac triviis. MA. Quid ad hæc Cruciferi? PH. Vicissim rogabant quomodo tum incesisset plaustrum ecclesiæ, cum nullus esset ordo Mendicantium; deinde cum unus esset, postea tres? Nam Evangelistarum, inquit, numerus nihilo plus habet affinitatis cum nostris ordinibus, quam cum alca, quæ undique quatuor ostendit angulos: Augustinenses quis allegit in ordinem Mendicantium, aut quis Carmelitas? Quando mendicavit Augustinus, aut quando Helias? Nam hos faciunt suorum ordinum auctores. Hæc aliaque multa fortiter quidem illi detonabant; sed soli, quatuor exercituum impressionem non ferentes, cesserunt, dira tantum minantes. MA. Heic saltem effulsit tranquillitas. PH. Imo syncretismus ille in quantum ordinem versus est in pugnam gladiatoriam. Franciscanus ac Dominicanus contendebant, nec Augustinenses, nec Carmelitas esse germane mendicos, sed nothos ac supposititios. Hæc rixa sic incurruit, ut plane vereretur, ne veniretur ad manus. MA. Hæc cinerebat ægrotus? PH. Non hæc acta sunt apud lectum: sed atrio, quod cubiculo adhærebat: voces tamen omnes ad ægrotum permanabant: neque enim mussabant, sed plenis tibiis res agebatur: & scis, alioqui in ægrotis aurium sensum esse acutius. MA. Quis tandem exitus belli? PH. Ægrotus per uxorem denunciavit ut silerent paulisper, se compositurum hoc dissidium. Itaque rogavit, ut tum quidem temporis Augustinenses & Carmelitas discederent; hoc illos nullo suo damno facturos. Nam tantundem, inquit, cibi mittetur eis domum, quantum heic daretur remanentibus. In funere vero iussit omnes ordines adeste, etiam quintum, atque ut æqua pecuniæ portio divideretur singulis; ad commune tamen convivium non adhiberentur, ne quid turbæ posset oriri. MA. Virum æconomicum mihi narras, qui vel moriens norit tot rerum undas componere. PH. Phy! multis annis gesserat militiæ ducem. Ibi quotidianum est hujusmodi tumultus suboriri inter cohortes. MA. Erat igitur resplendida? PH. Admodum. MA. Sed male parta, ut fit, rapinis, sacrilegiis, extorsionibus. PH. Ita quidem vulgo faciunt duces; nec ausim dejerare, hunc fuisse ab illorum moribus alienum. Si tamen satis hominem novi, magis auxit rem, ingenii dexteritate, quam violentia. MA. Qui sic? PH. Callebat arithmetica. MA. Quid tum postea? PH. Quid tum? apud Principem supputabat militum triginta millia, cum vix essent septem millia. Deinde multis militibus nihil numerabat. MA. Næ tu mihi magnificam narras arithmetica. PH. Deinde bellum arte ducebat, solitus simul & ab hostium & amicorum vicis & oppidis pecuniam stipulari mensuram: ab hostibus, ne paterentur hostilia: ab amicis, ut illis liceret cum hoste pacisci. MA. Agnosco morem vulgatum militum. Sed absolute narrationem. PH. Bernardinus igitur & Vincentius cum aliquot sui ordinis sodalibus remanserunt apud ægrotum; ad reliquos missus est comiteatus. MA. Satin' inter eos conveniebat, qui remanserunt in præsidio? PH. Non usquequaque. Grunniebant nescio quid, de prerogativis diplomatum: sed ne non perageretur fabula, dissimulatum est. Heic jam proferuntur cautiones testamentariæ, finitque stipulationes accitis testibus, de iis, quæ inter ipsos ante transegerant. MA. Istæc audire gestio. PH. Dicam summam: nam perlonga est fabula. Superest uxor annos nata duodequadraginta, mulier sane proba cordataque: filii duo, alter annum natus undevigesimus, alter decimum quintum: filia totidem, sed impubes utraque. Testamento sic cautum erat, ut uxor, quoniam per-

perpelli non poterat ut fieret monacha, fumeret pallium Beghinæ, id est, medium genus inter monachas & laicas: filius natus major, quoniam nec is induci potuit, ut fieret monachus; MA. Vulpes anus non capitur laqueo. PH. Mox ab exsequiis patris properaret Romam, ibique ex relaxatione Pontificis factus ante legitimam ætatem sacerdos, totum annum singulis diebus sacrificaret in templo Vaticano pro anima patris; & sacros gradus in Laterano, singulo quoque Veneris die, genibus perreptaret. MA. Suscepit hæc libenter? PH. Ne dicam dolo, ut afini solent farcinas impositas. Filius minor dicaretur S. Francisco, filia major S. Claræ, minor Catharinæ Senensi. Hoc tantum potuit obtineri: nam Georgii mens erat, quo magis sibi Deum haberet obnoxium, quinque superstites partiri in quinque Mendicantium ordines: & acriter quidem adlaboratum est; sed ætas uxoris, filique majoris, nec minis, nec blanditiis cessit. MA. Exhæredandi genus. PH. Universa hæreditas sic erat divisa, ut detractis de solido impendiis funeralibus, uncia cederet uxori, cujus dimidia victitaret ipsa, dimidium cederet loco, cui se foret addictura; unde si mutato consilio recederet, tota pecunia resideret penes eum gregem; altera uncia decideretur filio, cui tamen statim numeraretur viaticum, & quod satis esset emendo diplomati, parandoque viæ annuo Romæ. Qui si mutata sententia recufaret initia sacris ordinibus, illius uncia divideretur inter Franciscanos, & Dominicanos. Et id ne fiat, vereor; adeo videbatur adolescens a sacris abhorrere. Duæ uncie cederent monasterio, quod exceperet filium natu minorem: binæ item monasteriis, quæ exceperet puellas; sed hac lege, ut si illi detrectarent eam vitam profiteri, omnis tamen pecunia penes illos maneret incolumis. Jam una rursus uncia decideretur Bernardino, tantundem Vincentio: dimidium uncie Carthusianis, pro communione bonorum operum omnium, quæ toto fierent ordine. Uncia & semis quæ superaret, distribueretur occultis pauperibus, quos beneficio dignos judicasset Bernardinus, & Vincentius. MA. Debebas Jureconsultorum more dicere, quos vel quas. PH. His igitur verbis stipulati sunt, recitato testamento: Georgi Balearice, vivus & sanæ mentis approbas hoc testamentum, quod dudum ex animi tui sententia condidisti? *Approbo.* Et hæc est tua suprema, & immutabilis voluntas? *Est.* Meque, & hunc Vincentium baccalaureum, instituis ultimæ tuæ voluntatis exsecutores? *Instituto.* Jussus est denuo subscribere. MA. Qui potuit moriens? PH. Bernardinus rexit ægroti manum. MA. Quid subscripsit? PH. *Sanctum Franciscum, & sanctum Dominicum iratos habeat, qui tentavit hinc aliquid immutare.* MA. At non metuebant actionem testamenti inofficiosi? PH. Ista actio non habet locum in his quæ Deo dicantur; neque quisquam libenter cum Deo litem suscipit. His peractis uxor & liberi, datis dextris ægroti, jurant se servaturos quod receperant. Post hæc cœptum est agi de pompa funerali, non sine contentione. Tandem hæc vincit sententia, ut ex quinque ordinibus singulis adesset novem, in honorem quinque voluminum Moïsis, & Angelorum in novem choros digestorum. Suam quisque ordo crucem præferret, canerentque funebres nœnias. Ad hæc præter cognatos confunderentur triginta (tot nummis erat venditus Dominus) daduchi pullati, & honoris gratia ploratores duodecim (hic est numerus ordini Apostolico sacer) comitarentur: a feretro sequeretur equus Georgii pullatus, sic ad genua alligata cervice, ut herum humi requirere videretur. Stragula hinc atque hinc ostenderent insignia. Similiter & unaquæque tæda & pulla vestis haberet insignia. Reponeretur autem corpus quidem ipsum ad dextram altaris summi in tymbo marmoreo, qui promineret a solo pedes quatuor; ipse in summo recumberet, Pariò sculptus marmore, totus armatus a vertice usque ad calcaneum; nec deesset galeæ sua crista: crista erat onocrotali collum: nec clypeus lævo brachio, in quo insignia hæc erant, tria capita apri silvestris aurea, in planitie argentea: nec lateri gladius inaurato capulo, nec baltheus inauratus ac gemmeis distinctus bullis, nec pedibus aurea calcaria: erat enim eques auratus: sub pedibus haberet leopardum. Oræ sepulcri titulum haberent tali viro dignum. Cor autem separatim recondi volebat in sacello divi Francisci. Intestina mandavit paracho, honorifice sepelienda in sacello quod est Virgini matri sacrum. MA. Funus nimirum honorificum, sed nimio con-

stans. Venetiæ vel cerdoni cuiquam plus haberetur honoris minimo impendio. Feretrum elegans dat sodalitas, & unum comitantur aliquando sexcenti monachorum, tunicis palliisve vestiti. PH. Vidimus & nos, risimusque istas pauperum ineptas glorias. Incedunt fullones & coriarii superne, inferneque cerdones, & medio monachi; chimæras esse dices: nec heic alia res erat, si vidisses. Cautum est & illud Georgio, ut Franciscanus, & Dominicanus, inter sese forte decernerent, utris primus cederet locus in pompa: post hos cæteri quoque fortirentur, ne quid hinc oriretur tumultus. Parochus & hujus clerici locum tenerent infimum, hoc est, primum. Nec enim aliud erant passuri monachi. MA. Non acies tantum, sed & pompas ille callebat ordinare. PH. Cautum est & illud, ut funebre sacrum, quod apud parochum fieret, modulato musicorum concentu perageretur, honoris gratia. Dum hæc aliaque tractantur, inhorruit ægrotus, deditque signa certissima, supremum tempus adesse. Adornatur igitur extremus fabulæ actus. MA. Nondum finis? PH. Recitatur diploma Pontificis, in quo promittebatur criminum omnium abolitio, totiusque purgatorii metus adimebatur. Ad hæc justificabantur omnia illius bona. MA. Rapto parta? PH. Certe jure belli ac more militari. Sed forte aderat Philippus Jureconsultus uxoris frater: is in diplomate notavit locum secus positum, quam oportuit, & iniecit suspicionem falsi. MA. Haudquaquam in tempore dissimulandum erat, etiamsi quid inesset erroris, & nihilo pejus habuisset ægrotus. PH. Assentior. Et ægrotus sic hac re perturbatus est, ut minimum abesset a desperatione. Ibi Vincentius fortem virum præbuit; jussit Georgium quieto esse animo, sibi esse potestatem corrigendi supplendique, si quid in diplomatibus vel erratum esset, vel omissum. Quod si te, inquit, fefellerit diploma, ego jam nunc hanc animam pro tua suppono animam, ut tua petat coelos, mea dedatur orco. MA. Accipitne Deus tales animarum permutationes? Et, si accipit, num satis cautum videbatur Georgio tali pignore? Quid, si Vincentii anima vel absque permutatione debebatur inferis? PH. Quod gestum est, narro. Hoc certe perfecit Vincentius: ægrotus visus est animum recipere. Mox recitantur cautiones, quibus Georgio promittebatur societas omnium operum, quæ fierent per quatuor ordines, & quintum Carthusiensium. MA. Ego metuerem, ne deprimerer ad inferos, si tantum farcinæ bajulandum esset. PH. De bonis operibus loquor: ea non aliter gravant animam subvolaturam, quam plumæ avem. MA. Mala igitur opera sua quibus legant? PH. Militibus Germaniæ conductitiis. MA. Quo jure? PH. Jure Evangelico: Habenti dabitur. Simulque recitatus est numerus missarum & psalteriorum, quæ defuncti animam essent comitatura. Erat autem immensus. Post hæc iterata est confessio, dataque benedictio. MA. Ita efflavit animam? PH. Nondum. Strata est humi storea juncis contexta, sic ut ab initio convoluta cervicalis speciem ex sese faceret. MA. Quid nunc futurum est? PH. Eam conspicerent cinere, sed raro; ibi deposuere corpus ægroti. Infracta est tunica Franciscana, sed prius consecrata preculis & aqua lustrali. Cuculla supposita est capiti: nam tum indui non poterat: una cum illa suppositum est diploma cum cautionibus. MA. Nova mortis species. PH. Atqui confirmit, dæmoni nullum esse jus in eos qui sic moriuntur. Sic ajunt præter alios mortuum S. Martinum & Franciscum. MA. Sed huic morti illorum vita responderat. Obsecro quid tum postea? PH. Porrecta est ægroti crucis imago & candela cerea. Ad crucem porrectam dixit ægrotus: Soleo in bellis tutus esse meo clypeo; nunc hunc clypeum opponam hosti meo: & exosculatus admovit humero lævo. Ad ceream vero sacram, Olim, inquit, hasta valui in bellis: nunc hanc hastam vibrabo adversus hostem animarum. MA. Satis militariter. PH. Has postremas voces edidit. Nam mox linguam mors occupavit, simulque cœpit animam agere. Bernardinus a dextris imminet morienti; Vincentius a sinistris, uterque pulcre vocalis. Alter ostendebat imaginem sancti Francisci, alter Dominici. Cæteri sparsi per cubiculum demurmurabant psalmos aliquot voce lugubri. Bernardinus magnis vociferationibus percellibat aurem dextram, Vincentius sinistram. MA. Quid oclamabant? PH. Hujusmodi ferme Bernardinus: Georgi Balearice, si nunc quoque probas ea quæ sunt acta inter nos, *Re.*

flecte caput in dextrum: flexit. Vincentius contra; Ne quid trepides, Georgi; habes Franciscum & Dominicum propugnatores. Esto securus. Cogita quantum habeas meritorum, quod diploma; denique memineris meam animam pro tua oppignoratam, si quid esset periculi; hæc si sentis & probas, flecte caput in lævum: flexit. Rursus simili clamore, Si hæc sentis, inquit, preme manum meam: tum manum pressit. Ita huc & illuc flectendo capite & premendis manibus tranfactæ sunt horæ ferme tres. Cum jam inciperet oscitare Georgius, ibi Bernardinus erectus pronuntiavit absolutionem: quam perficere non potuit, quin Georgius efflasset animam. Hæc sub noctis medium: mane peracta anatomia. MA. Quid mali repertum est in corpore? PH. Recte mones; nam exciderat. Fragmentum plumbi inhærebat diaphragmati. MA. Unde id? PH. Uxor narrabat, illum quondam ictum sphaerula bombardica. Hinc conjectabant medici plumbi liquefacti particulam resedisse in corpore. Mox corpus lacerum utcunque constitutum est amictu Franciscano. A prandio sepultura peracta est, ea pompa qua decretum erat. MA. Nunquam audivi mortem operosiorē, nec funus ambiciosius. Verum istam opinor fabulam nolis evulgari. PH. Quam ob rem? MA. Ne quid irriterentur crabrones. PH. Nihil est periculi. Etenim si pia sunt quæ narro, etiam ipsorum interest hæc scire populum: sin minus, quotquot inter illos boni sunt, mihi gratias agent, qui hæc prodiderim, quo, pudore correcti quidam, desinant similia facere; deinde simplices caveant, ne in similem pertrahantur errorem. Sunt enim & apud istos cordati vereque pii, qui frequenter apud me questi sunt, paucorum vel superstitione, vel improbitate totum ordinem reddi apud bonos invidiosum. MA. Recte tu quidem, & fortiter. Sed nunc aveo scire, quomodo decesserit Cornelius. PH. Ut vixit nulli molestus, ita mortuus est. Habebat febrem anniversariam, quæ statis temporibus singulis annis recurrebat. Ea tum, sive quia gravabat ætas (nam annum exceperat sexagesimum:) sive aliis de causis, solito magis urgebat hominem, & visus est ipse præsentire diem fatalem imminere. Itaque, quadriduo prius, quam moreretur, erat Dominicus dies; templum adiit, confessus est suo parcho, audivit publicam concionem & sacrum: a sacro, reverenter accepto pignore corporis Domini, domum se recepit. MA. Non usus est medicis? PH. Unicum duntaxat consuluit, sed non minus bonum virum, quam bonum medicum: ei Jacobo Castrutium nomen est. MA. Novi. Nihil illo sincerius. PH. Is respondit, suam quidem operam amico non defuturam, sed sibi videri plus esse præsidii in Deo, quam in medicis. Cornelius hanc vocem non minus alacriter accepit, quam si certissimam vitæ spem ostendisset. Itaque tametsi semper pro suis facultatibus fuisset perbenignus in pauperes, tum quidquid decidi poterat uxoris & liberorum necessitati, impartiebatur in egenos; non istos ambiciose mendicos, & nusquam non obvios, sed in probos, qui pro viribus industria laborandi cum paupertate pugnabant. Rogabam hominem ut decumberet, & sacerdotem ad sese accerseret potius, quam tenue corpusculum defatigaret. Respondit, hoc sibi semper studio fuisse, ut amicos suos sublevaret potius, si posset, quam gravaret officiis, nec se sui dissimilem esse velle in morte. Ne decubuit quidem nisi postremum diem, & noctis partem, qua reliquit terras. Interim ob corpusculi lassitudinem baculo nitebatur, aut sedebat in cathedra; raro componebat se lectulo, sed vestitus & erecto capite. Hoc tempore aut mandabat aliquid de curandis egenis, maxime notis aut vicinis, aut legebat e libris sacris, quæ provocant hominis erga Deum fiduciam, quæque illius in nos caritatem declarant. Si per lassitudinem ipse minus poterat, audiebat amicum prælegentem. Frequenter miro affectu hortabatur familiam ad mutuam amorem & concordiam, atque studium veræ pietatis; sollicitosque de morte ipsius amantissime consolabatur. Identidem admonebat suos, ne quid æris alieni præteriretur indissolutum. MA. Non condiderat testamentum? PH. Jam pridem sanus ac valens id curarat. Negabat enim esse testamenta, quæ fierent ab agentibus animam, sed deliramenta potius. MA. Nihil legarat monasteriis aut egenis? PH. Ne teruncium quidem. Ego, inquit, pro mea portione dispensavi facultatulas meas; nunc ut earum possessionem aliis trado, ita trado &

A dispensationem. Et confido meos sanctius dispensaturos, quam ipse feci. MA. Non accersebat ad sese pios homines, quemadmodum fecit Georgius? PH. Ne unum quidem: præter familiam & duos intime amicos nullus aderat. MA. Demiror quid senserit. PH. Negabat se morientem pluribus molestum esse velle, quam fuisset nascens. MA. Exspecto finem istius fabulæ. PH. Mox audies. Venit dies Jovis. Ille stratum non reliquit, sentiens extremam corpusculi lassitudinem. Accitus parochus impartit extremam unctionem ac rursus porrexit corpus Domini sed citra confessionem. Negabat enim quidquam scrupuli resedisse in animo. Ibi parochus agere coepit de sepultura, qua pompa, quove loco sepeliri vellet. Sepeli, inquit, me, quomodo sepelires infimæ sortis Christianum: nec mea refert, ubi seponas hoc corpusculum, æque inveniendum in extremo die ubicunque condideris. Pompam funeris nihil moror. Mox injecta mentio de sonitu campanarum, de tricenariis, & anniversariis, de diplomate, de communione meritorum emenda. Tum ille; Mi pastor, nihilo pejus habeo, etiam si nulla sonet campana. Si me vel uno funebri sacro dignaberis, plus satis erit. Aut si quid aliud est, quod ob publicam ecclesiæ consuetudinem citra scandalum infirmorum omitti vix potest, id tuo permitto arbitratui. Nec est animus, cujusquam vel preces commercari, vel meritis quemquam suis spoliare. Satis meritorum exuberat Christo: & confido totius ecclesiæ preces ac merita mihi, si modo vivum sum membrum, profutura. In duobus diplomatibus mihi tota spes est. Alterum est peccatorum meorum, quod princeps pastorum Dominus Jesus abolevit, affigens illud cruci; alterum quod ipse suo sacro sancto sanguine scripsit & obsignavit, quo nos certos reddidit de salute æterna, si totam fiduciam nostram in ipsum transferamus. Absit enim ut instructus meritis ac diplomatibus provocem Dominum meum, ut in iudicium veniat cum servo, certus quod in conspectu ejus non justificabitur omnis vivens. Ergo ab illius iustitia appello ad ejusdem misericordiam, quoniam immensa est & ineffabilis. His dictis abiit parochus. Cornelius, veluti magna spe salutis concepta, gaudens & alacer, jubet sibi quædam recitari e sacris voluminibus, quæ confirmant spem resurrectionis & præmia immortalitatis: velut illud ex Esaia de morte Ezechiae dilata, una cum cantico: deinde cap. 15. epistolæ Pauli ad Corinth. prioris: de morte Lazari ex Joanne: sed præcipue historiam Christi passi ex Evangeliiis. Quam hic animo devorabat singula, ad quædam suspirans, ad alia compositis manibus gratias agens, ad quædam hilarescens ac gestiens, ad nonnulla preculas quædam breves ejaculans! A prandio cum paululum temporis obdormisset, jubet recitari caput ex Evangelio Joannis duodecesimum, usque ad historiam finem. Hæc dixisset hominem plane transfigurari, affarique novo spiritu. Jam dies vergebat ad vespem; accersit uxorem ac liberos: ibi erecto quantum licuit corpusculo, sic affatus est suos: Carissima conjux, quos Deus ante conjunxerat, idem nunc separat, sed corporibus duntaxat, idque ad breve tempus: curam, caritatem, pietatem, quam antehac partiri soles in me & dulcissima pignora, totam in istos transfer. Ne putaris, te ullis modis posse magis demereri vel Deum, vel me, quam si istos, quos Deus dedit nobis conjugii fructum, sic educes, foveas & instituas, ut Christo digni habeantur. In hos igitur conduplica pietatem tuam, & meam portionem in te translatam existima. Id si feceris, ut facturam confido, non erit cur videantur orphani. Quod sit repetas matrimonium. Ad hanc vocem uxor erupit in fletum, coepitque dejerare, se nunquam de repetendis nuptiis cogitaturam. Hæc Cornelius: Soror in Christo mihi carissima, si Dominus Jesus largiri dignabitur tibi propositum istud ac robur spiritus, ne desis dono cœlesti. Erit enim hoc tibi pariter ac liberis commodum. Sin alio vocabit carnis infirmitas, scito, quod mors mea te liberat a jure conjugii, sed non liberat a fide, quam meo tuoque nomine debes curandis communibus liberis. Quod ad matrimonium attinet, utere libertate quam tibi permisi Dominus. Tantum hoc te rogo moneoque, ut virum tibi deligas iis moribus, tuque te illi talem præbeas, ut possit vel suapte bonitate ductus, vel tua commoditate provocatus, amare privignos. Proinde cave, ne cui voto te obstringas. Serva te liberam Deo

nucibus imponunt quartam: in singulis sit aliud atque aliud cibi genus, quo quisque quod libet eligat. Sp. Placet. Sed quoties mutabo patinas? Ap. Quot partibus constat oratio Rhetorica? Sp. Quinque, ni fallor. Ap. Quot actibus constat fabula? Sp. Apud Horatium legi, *Ne sit quinto productior actu*. Ap. Toties mutabis patinas, ut proemium sit iusculentum, conclusio vel epilogus ex variis bellariorum generibus conflatus. Sp. Quem probas in patinis ordinem? Ap. Eundem quem Pyrrhus in acie. Sp. Quid ais? Ap. Quemadmodum in oratione, ita nec in convivio decet proemium esse elaboratum. Rursus epilogus varietate commendetur potius, quam apparatus. In tribus itaque mediis fervenda Pyrrhi disciplina, ut in utroque cornu sit aliquid eximium, in media acie vulgarior apparatus. Hoc pacto fiet, ut nec sordidus videare, nec fastidiosa copia sis molestus. Sp. Satis expedite de cibis; superest, ut, quomodo bibendum, doceas. Ap. Nulli omnium cyathum appones, sed pueris dato negotium, ut ubi percunctati didicerint, quo quisque vini genere delectetur, alacriter ad nutum cuique quod volet porrigant. Ea ex re duplex erit commodum. Nam & parcius bibetur, & jucundius; non solum ob id, quia subinde recens dabitur potus, verum etiam quod nemo bibit nisi sitiens. Sp. Optimum profecto consilium. Sed qui fieri poterit, ut hilarescant omnes? Ap. Id ut fiat, partim in te situm est. Sp. Quinam? Ap. Tenes illud: *Ante omnia vultus accessere boni*. Sp. Quorsum istud? Ap. Ut convivas comiter excipias, fronteque hilari compelles, sermonem ad cuiusque aetatem, affectum, ac mores attemperans. Sp. Accedam, ut dicas melius. Ap. Nosti linguas. Sp. Propemodum omnium. Ap. Ut sua quemque lingua subinde appelles, utque convivium fabulis amcenioribus hilarescat, varias misce materias de rebus, quarum quisque libenter meminit, & nullius dolore audiuntur. Sp. Quas dicis huiusmodi materias? Ap. Sunt peculiare ingeniorum differentiae, quas ipse melius perspicies; ego generatim attingam aliquot. Senes gaudent ea memorare, quae multorum fugiunt memoriam, admiratores temporum, in quibus ipsi floruerunt. Matronis dulce est reficari memoriam ejus temporis, cum a prociis ambirentur. Nautae, quique diversas ac longinquas mundi regiones inviserunt, libenter ea narrant, quae, quia nemo vidit, mirantur omnes; est & ante actorum malorum, juxta proverbium, jucunda recordatio, si modo ejus sint generis, ut cum probro conjuncta non sint, veluti militiae, professionum, naufragiorumque discrimina. Postremo, de sua cuique arte grata est confabulatio, deque hisce rebus, quarum usu callet. Haec sunt ferme generalia; peculiare affectus singulatim describi non queant: sed exempli causa: Est aliquis laudis appetentior, alius vult haberi doctus, alius gaudet videri dives: est hic loquacior, ille pauciloquus, nonnullos reperies tetricos, alios contra blandiores. Sunt qui nolint videri senes, cum sint: sunt rursus qui volunt haberi grandiores quam sint: affectantes hoc esse mirandi, quod belle portant aetatem: sunt foeminae quae sibi de forma placent, sunt aliae putidulae. His cognitis affectibus, haud difficile est miscere sermones unicuique gratos, vitatis his quae moerorem afferunt. Sp. Nae tu perpulcre tenes artem convivoriam! Ap. Phy! si tantumdem temporis & operae mihi consumptum esset in utroque Jure, Medicina ac Theologia, quantum impensum est huic arti, jam dudum & inter Jureconsultos, Medicos ac Theologos doctoris & titulum & lauream tulissem. Sp. Credo. Ap. Sed heus tu, ne quid erres, heic cavendum est, ne fabulae sint nimium prolixae, aut ne exeant in temulentiam. Quemadmodum enim vino nihil jucundius, si modice sumseris; contra nihil molestius, si supra quam sat est hauseris: ita usu venit in fabulis. Sp. Vera praedicas. Sed huic incommodo quodnam ostendis remedium? Ap. Ubi senseris suboriri *τὴν αἰὼν μίθην*, per occasionem interfecta sermonem, & argumentum diversum interfere. Frustra opinor, te monerem, ne cui suus dolor in convivio refricetur; utcumque Plato judicat, in conviviis, quibusdam vitiis esse medendum, vino discutiente tristitiam, & offensae memoriam abolente. Verum illud te monitum oportuit, ne nimium crebro salutes convivas; tametsi probro, ut interdum obambulans, nunc hos, nunc illos comiter appelles: oportet enim convivatorem bonum, motuam agere fabulam. Nihil autem incivilius, quam ibi com-

τὴν αἰὼν μίθην Id est, sine vino ebrietatem.

A memorare, quod cibi genus sit, qua coctum arte, quanti emptum. Idem de vino dictum puta. Quin extenuandum etiam modice quod apponitur. Alioquin nimis diligens extenuatio apparatus, idem agit quod ostentatio. Satis est bis aut ad summum ter dixisse, *Boni consule*. Si parum lautus est apparatus, animus certe lautissimus est. Interdum sales adspargendi sunt, sed qui nihil habeant dentis. Profuerit & illud, subinde sua quemque compellare lingua, sed paucis. Dicendum erat initio, quod mihi nunc tandem venit in mentem. Sp. Quidnam? Ap. Si non placet sortito dare locos, cura ut tres ex omnibus eligas natura festivos, minimeque mutos, quorum unum collocabis in capite mensae, alterum e regione, tertium in medio, qui silentium ac tristitiam ceterorum discutiant. Quod si perpexeris convivium vel silentio tristius esse, vel clamoribus tumultuosum, aut etiam ad rixas tendere. Sp. Hoc crebro fit apud nos: quid tum faciendum? Ap. Accipe rem mihi multo usu compertam. Sp. Exspecto. Ap. Inducito duos mimos, sive *γελωτοποιούς*, qui sine voce ridiculum aliquod argumentum gestikulatione repraesentent. Sp. Cur sine voce? Ap. Ut par sit omnium voluptas, aut nihil loquantur, aut lingua loquantur omnibus aequae ignota, gestibus loquentes, omnes pariter intelligent. Sp. Quod argumentum mihi narras, non satis intelligo. Ap. Sunt innumera, puta uxorem decertantem cum marito de principatu, aut simile quippiam e media vita. Quo magis erit ridicula saltatio, hoc plus erit omnibus voluptatis. Hos oportet esse semifatuos; alioqui qui plane fatui sunt, quaedam interdum effutunt imprudentes, quae laedunt. Sp. Ita tibi precor semper propitium Comum, ut mihi dedisti fidele consilium. Ap. Addam coronidem, quin potius repetam, quod initio dixeram, ne nimium sis anxius, ut placeas omnibus, non heic tantum, sed in omni vita; atqui ita fiet, ut citius placeas omnibus; optimum enim in vita, *Ne quid nims*.

De Rebus ac Vocabulis.

BEATUS, BONIFACIUS.

BE. **S** Alvus sit Bonifacius. Bo. Etiam atque etiam salvus sit Beatus. Sed utinam essemus uterque quod dicimur, tu dives, ego formosus. BE. Itane parum tibi videtur, habere nomen magnificum? Bo. Mihi quidem minimi momenti, nisi res adsit. BE. At plerique mortales aliter affecti sunt. Bo. Fieri potest ut mortales sint isti, homines esse non credo. BE. Et homines sunt, o bone, nisi putas etiam nunc sub humana specie camelos & asinos obambulare. Bo. Hoc citius crediderim, quam homines esse, qui pluris nomen faciant, quam rem. BE. In certis rerum generibus, fateor, plerique malunt rem quam nomen; in multis contra. Bo. Hoc quid sit, non satis assequor. BE. Atqui penes nos ipsos exemplum est. Tu Bonifacius diceris, & habes quod diceris: sed si esses alterutro spoliandus, utrum malles habere malam faciem, an pro Bonifacio dici Cornelius? Bo. Equidem malim vel Therfites dici, quam habere prodigiosam faciem: an bonam habeam, nescio. BE. Item ego si dives essem, & aut res, aut nomen esset deponendum, malim Iru dici, quam res spoliari. Bo. Affertior vera loquenti. BE. Idem usu venit, opinor, in his qui sunt prospera valetudine, aut aliis corporis praediti commodis. Bo. Probabile est. BE. At quam multos videmus, qui mallent nomen eruditi pique viri, quam esse docti bonique! Bo. Plurimos istiusmodi novi. BE. An non apud hos plus habet momenti nomen, quam res? Bo. Videtur. BE. Jam si quis nobis adesset Dialecticus, qui scite definiret, quid sit Rex, quid Episcopus, quid Magistratus, quid Philosophus; fortassis & heic inveniremus, qui mallent nomen, quam rem. Bo. Ita profecto, si Rex est, qui legibus & aequitate populi commodum spectat, non suum: si Episcopus, qui totus invigilat gregi Dominico: & si Magistratus est, qui ex animo consulit Reipublicae, & si Philosophus est, qui neglectis fortunae commodis, tantum studet bonae menti parandae. BE. Heic vides, quod sanum hujus generis explorum possim aggerere. Bo. Sane plurimum. BE. An hos omnes negabis esse homines? Bo. Vereor, ne nos ipsi citius nomen hominis amittamus. BE. At si homo est animal rationale; quantum abest hoc a ratione, ut in corporis commodis verius quam bonis, & in externis, quae fortuna dat simul & eripit cum libet, rem malimus, quam nomen:

men: in veris animi bonis nomen pluris faciamus, quam rem? Bo. Præposterum mehercule iudicium, si quis attendat. Be. Eadem autem est ratio in contrariis. Bo. Exspecto quid dicas. Be. Idem iudicandum de nominibus rerum fugiendarum, quod dictum est de vocabulis expetendarum. Bo. Apparet. Be. Magis enim horrendum est esse tyrannum, quam tyranni nomen: & si malus Episcopus, iuxta sententiam Evangelicam, fur est & latro, non tam hæc nomina sunt nobis detestanda, quam ipsa res. Bo. Convenit sane. Be. Tu de cæteris similiter colligito. Bo. Prorsus intelligo. Be. Nonne fatui nomen averlantur omnes? Bo. Et quidem maxime. Be. Nonne fatuus esset qui aureo piscaretur hamo, qui vitrum anteponeret gemmis, qui cariores haberet equos quam uxorem ac liberos? Bo. Is esset quovis Coræbo stultior. Be. An non tales sunt qui procurant in militiam, spe lucri non admodum magni, corpus & animam exponentes periculo: qui student congerendis opibus, cum animum habeant omnium bonarum rerum egenum: qui vestes & aedes exornant, cum animus neglectus ac squalidus jaceat: qui corporis valetudinem anxie tuentur, animam tot capitalibus morbis laborantem negligunt: denique qui fugacissimis hujus vitæ voluptatibus, cruciatus merentur æternos? Bo. Ipsa ratio fateri cogit, plusquam fatuos esse. Be. Atqui his fatuis cum plena sint omnia, vix invenias qui ferre possit fatui vocabulum, cum adeo non abhorreant a re. Bo. Sic est profecto. Be. Age, scis quam sint apud omnes invisa vocabula mendacis ac furis. Bo. Sunt invisissima, nec sine causa. Be. Fateor. Sed cum stuprare conjuges alienas sit furto sceleratius, tamen adulteri cognomine quidam etiam gloriantur, ad furti convicium illico stricturi gladium. Bo. Ita res habet apud complures. Be. Ita cum multi scortis vinoque perditissimi sint, & sint libenter ac palam; tamen ad ganeonis nomen offenduntur. Bo. Hi, nimirum, rem sibi gloriæ ducunt, cum vocem rei debitam horreant. Be. Sed vix aliud nomen auribus nostris videtur intolerabilius, quam mendacis. Bo. Novi qui hoc convicium cæde sint ulti. Be. Sed utinam pariter abominentur rem! Nunquam accidit tibi, ut, qui promiserat se mutuum ad certum diem redditurum, falleret? Bo. Frequenter; etiam cum id dejerasset, neque id semel, sed iterum atque iterum. Be. Fortasse non erant solvendo. Bo. Imo erant, sed commodius esse ducebant non reddere creditum. Be. An hoc non est mentiri? Bo. Planissime. Be. Auderes istiusmodi creditorem sic compellere; *Cui mihi toties mentiris?* Bo. Non; nisi paratus essem ad pugnam. Be. Annon simili modo quotidie verba dant latomi, fabri, aurifices & vestiarii, pollicentes ad certum diem, nec tamen præstantes, etiam si magni referat tua? Bo. Mira impudentia! sed adde his advocatos pollicentes operam. Be. Potes addere sexcenta nomina: nemo tamen horum laturus sit mendacis vocabulum. Bo. Hoc genere mendaciorum plena sunt omnia. Be. Itidem furis nomen nemo tolerat, cum a re non perinde omnes abhorreant. Bo. Exspecto ut dicas clarius. Be. Quid interest inter eum, qui rem tuam tollit e scrinio, & inter eum qui depositum abjurat? Bo. Nihil, nisi quod sceleratior est, qui spoliatur etiam fidentem. Be. At quam pauci sunt, qui depositum reddunt; aut si reddunt, non dant integrum? Bo. Opinor esse perpaucos. Be. Nemo tamen istorum ferat furis vocabulum, cum rem non horreant. Bo. Admodum. Be. Jam mihi reputa, quid vulgo fiat in tractandis pupillorum bonis, in testamentis ac legatis, quantum hæreat digitis tractantium? Bo. Frequenter totum. Be. Furtum amant, vocabulum detestantur. Bo. Maxime. Be. Quid agant, qui res fisci tractant, qui monetam publicam cudunt deteriore, qui nunc aucta, nunc diminuta nummorum æstimatione, privatorum rem accidunt, fortasse nobis non admodum liquet: de his, quæ quotidie experimur, loqui fas est. Qui sumit mutuum, aut qui constat æs alienum hoc animo, ut reddat, si liceat, nunquam; quantum abest a fure? Bo. Cautior fortasse dici potest, melior nequaquam. Be. At horum cum ingens ubique sit numerus, nemo tamen tolerat furis nomen. Bo. Animum solus Deus novit: proinde apud homines obærat vocantur, non fures. Be. Quantuli refert, quo nomine dicantur apud homines, modo sint fures

1 *Coræbo stultior*] Proverbialis hyperbole in stupidos & vecordes. Coræbi enim stultitia vulgi fabula celebrata est, qui maris undas numerare sit conatus. Vide *Chilindæ*.

apud Deum? certe suus cuique notus est animus. Ad hæc, qui, cum debeat multum, quod obtigit pecuniæ, nequiter prodigit; qui, posteaquam decoxit in una civitate, delusis creditoribus, fugit in aliam, hospites quærens quibus imponat, idque facit crebrius; nonne satis declarat quo sit animo? Bo. Satis superque. Sed tamen isti solent hoc fucare colore, quod faciunt. Be. Quonam? Bo. Multum multisque debere, prædicant sibi cum magnatibus, atque adeo Regibus esse commune; eoque qui sunt hoc ingenio præditi, fere nobilitatis opinionem affectant. Be. In quem usum? Bo. Dictu mirum, quantum equiti licere velint. Be. Quo jure? quibus legibus? Bo. Haud aliis, quam quibus præfecti maris vindicant sibi quidquid ejectum est naufragio, etiam si extet dominus: quibus alii suum esse volunt, quidquid apud furem aut prædonem deprehenderit. Be. Istiusmodi leges possent ipsi fures condere. Bo. Et facerent, si queant tueri; & haberent quod excusarent, si bellum indicant prius, quam furentur. Be. Quis hoc juris dedit equiti potius, quam pediti? Bo. Militiæ favor. Sic enim exercentur ad bellum, quo promptiores sint ad spoliandum hostem. Be. Sic, opinor, Pyrrhus exercebat suos ad bellum. Bo. Non, sed Lacedæmonii. Be. Abcant in malam crucem cum suo exercitio. Sed unde nomen hoc tantæ prærogativæ? Bo. Quibusdam obvenit a majoribus, alii mercantur ære, quidam adsciscunt. Be. An licet adsciscere cuilibet? Bo. Licet, si mores respondeant. Be. Qui? Bo. Si nihil bonæ rei gerat, si splendide vestiatur; si incedat annulatus; si gnaviter scortetur; si aleam ludat assidue; si certet chartis; si comportionibus ac voluptatibus ætatem absumat; si nihil loquatur plebejum, sed arces, pugnas, ac bella mera crepet, Thraconica omnia. Isti sibi permittunt bellum, cui velint, indicere; etiam si pedem ubi ponant, non habeant. Be. Equites mihi narras equuleo dignos. Atqui tales habet non paucos Sicambria.

C H A R O N.

CHARON, GENIUS, ALASTOR.

CH. Quid ita properas gestiens, Alastor? AL. Oppor-
tune tu quidem, ô Charon. Ad te properabam.
CH. Quid novæ rei? AL. Nuntium fero, tibi Proserpinæque lætissimum futurum. CH. Effer igitur quod fers, teque exonera. AL. Furis non minus gnaviter quam feliciter gesserunt suum negotium, nullam orbis partem non infecerunt malis tartareis, dissidiis, bellis, latrocinis, pestilentis, adeo ut plane jam calvæ emissis colubris sint, & exhaustæ venenis obambulent, quærentes quidquid usquam est viperarum & aspidum, quando tam glabræ sunt quam ovum, & pilum non habent in capite, neque quidquam in pectore succi efficacis. Proinde tu fac, cymbam ac remos appares. Mox enim ventura est tanta umbrarum multitudo, ut verear ne non sufficias omnibus transmittendis. CH. Ista nos non fugerant. AL. Unde rescieras? CH. 2 Ossa pertulerat ante biduum. AL. Ut illa Dea nihil est velocius! Sed quid tu igitur heic cessas relicta cymba? CH. Ita nimirum res ferebat. Huc profectus sum, ut mihi compararem validam aliquam triremem. Nam mea cymba jam vetustate putris ac futilis, non suffecerit huic oneri, si vera sunt quæ narravit Ossa. Quanquam quid opus erat Ossa? Res ipsa compellit. Nam naufragium feci. AL. Nimirum totus distillas; suspicabar te redire e balneo. CH. Imo enatavi e Stygia palude. AL. Umbras ubi reliquisti? CH. Natant cum ranis. AL. Sed quid narravit Ossa? CH. Tres orbis Monarchas capitalibus odiis in mutuum exitium ruerre, nec ullam orbis Christiani partem immunem esse a belli furis; nam tres illi, reliquos omnes pertrahunt in belli consortium. Omnes esse talibus animis, ut nemo velit alteri cedere: nec Danum, nec Polonium, nec Scotum; nec vero Turcam interim esse in otio; moliri dira: pestilentiam ubique sævire, apud Hispanos, apud Britannos, apud Italos, apud Gallos. Ad hæc novam esse luem ex opinionum varietate natam, quæ sic vitiavit omnium animos, ut nulla usquam sit sincera amicitia, sed frater fratri diffidat, nec uxori cum marito conveniat. Spes est, hinc quoque nascituram olim magnificam hominum perniciem, si res a linguis & calamis ad manus pervenerit. AL. Hæc omnia verissime narravit Ossa. Nam ipse plura vidi his oculis, assiduus comes & adjutor furiarum, quæ nullo tempore magis decla-

Tom. I. Fff 2 rarunt

2 *Ossa*] Fama Dea est, apud Homerum.

rarunt se suo dignas nomine. CH. Atqui periculum est, ne quis dæmon exoriat, qui subito adhortetur ad pacem; & tunc mortalium animi mutabiles. Nam audio apud superiores esse Polygraphum quendam, qui calamo suo non desinit insectari bellum, & ad pacem cohortari. AL. Ille jam pridem surdis canit. Olim scripsit pacis profligatæ querimoniam; nunc eidem extinctæ scripsit epitaphium. Sunt alii contra, qui non minus juvent rem nostram, quam ipsæ furia. CH. Quinam isti? AL. Sunt animalia quædam pulvis & candidis palliis, cinericiis tunicis, variis ornata plumis, hæc nunquam recedunt ab aulis Principum: instillant in aurem amorem belli, hortantur eodem proceres ac plebem: in Evangelicis illis concionibus clamitant bellum esse justum, sanctum, ac pium. Quoque magis mireris hominum fortem animum, clamitant idem apud utramque partem. Apud Gallos concionantur Deum stare pro Gallis, nec vinci posse qui Deum habeat protectorem. Apud Anglos & Hispanos, hoc bellum non a Cæsare geri, sed a Deo; tantum præbeant se viros fortes; victoriam esse certam. Quod si quis interciderit, eum non perire; sed recta subvolare in cælum, sicut erat, armatum. CH. Et habetur istis tanta fides? AL. Quid non potest simulata religio? Accedit huc juvenus, rerum imperitia, gloriæ sitis, ira, animus ad id, quo vocatur, natura propensus. His facile imponitur, nec difficile perpellitur plaustrum suapte sponte propendens ad ruinam. CH. Ego istis animalibus lubens aliquid boni fecero. AL. Appara lautum convivium. Nihil potes gratius. CH. Ex malvis, lupinis, & porris. Nam apud nos non alia est, ut scis, annona. AL. Imo ex perdici-bus, capis, & phasianis, si vis esse gratus convivor. CH. Sed quæ res istos movet, ut tantopere promoveant bellum? aut quid hinc metunt commodi? AL. Quia plus emolumentum capiunt e morientibus, quam ex vivis. Sunt testamenta, parentalia, bullæ, multaque alia non aspernanda lucra. Denique malunt in castris versari, quam in suis alvearibus. Bellum multos gignit Episcopos, qui in pace ne teruncii quidem fiebant. CH. Sapiunt. AL. Sed quid opus est trirēmi? CH. Nihil, si velim in media palude rursus naufragium facere. AL. Ob multitudinem? CH. Scilicet. AL. Atqui umbras vehis, non corpora. Quantulum autem ponderis habent umbræ? CH. Sint tipulæ, tamen tipularum tanta vis esse potest, ut onerent cymbam. Tum scis & cymbam umbratilem esse. AL. At ego memini videre me cum esset ingens turba, nec cymba caperet omnes, a clavo tuo tria millia umbrarum pendere nonnunquam, nec tu pondus ullum sentiebas. CH. Fateor tales esse animas, quæ paulatim demigrarunt e corpore, phthisi aut hæctica tenuato. Cæterum quæ subito revelluntur e crasso corpore, multum corporeæ molis secum ferunt. Tales autem mittit apoplexia, synanche, pestilentia, sed præcipue bellum. AL. Non opinor Gallos aut Hispanos adferre multum ponderis. CH. Multo minus quam cæteri: quanquam & horum animæ non omnino veniunt plumæ. Cæterum e Britannis, e Germanis belle pastis, veniunt aliquoties tales, ut nuper periclitatus sim, decem dumtaxat vehens, & nisi iacturam fecissem, perieram una cum cymba, vectoribus & naulo. AL. Ingens discrimen. CH. Quid interea censes fieri, cum accedunt crassi Satrapæ, Thralones & polymachæoplacidae? AL. Ex his qui pereunt in iusto bello, nullos arbitror ad te venire. Nam ajunt eos recta subvolare in cælum. CH. Quo subvolent, nescio: unum illud scio, quoties bellum est, tot ad me veniunt faucii lacerique, ut demirer ullum superesse apud superiores. Nec solum veniunt onustæ crapula & abdomine, verum etiam bullis, & sacerdotiis, aliisque rebus plurimis. AL. At ista non deferunt secum, sed nudæ veniunt ad te. CH. Verum; sed quæ recentes veniunt, somnia talium rerum secum adferunt. AL. Itane gravant somnia? CH. Gravant cymbam meam; quid dixi, gravant? jam demerserunt. Postremo tot obolos putas nihil habere sarcinæ? AL. Equidem arbitror, si ferant æreos. CH. Proinde certum est mihi prospicere de navi, quæ sufficiat oneri. AL. O te felicem! CH. Quid ita? AL. Quia propediem ditescis. CH. Ob multitudinem umbrarum? AL. Næ. CH. Si quidem suas opes secum adferant. Nunc qui in cymba deplorant se apud superiores reliquisse regna, præfulatus, abbatias, auri talenta innumera, ad me nihil adferunt præ-

¹ Polygraphus] Qui multa scripsit. Sic autem seipsum vocat hic & alibi.

ter obolum. Itaque quod jam annis ter mille mihi corrasum est, id totum est effundendum in unam trirēmem. AL. Sumtum faciat oportet, qui quærit lucrum. CH. Atqui mortales, ut audio, felicius negotiantur, qui favente Mercurio ditescunt intra triennium. AL. Sed iidem decoquunt nonnunquam. Tuum lucrum minus, sed certius? CH. Nescio quam certum: si quis Deus nunc exoriat, qui res Principum componat, fors hæc tota mihi perierit. AL. Ista quidem de re, jubeo ut me sponse, in utramque aurem dormias. Intra decennium totum nihil est quod pacem metuas. Unus Romanus Pontifex sedulo quidem hortatur ad concordiam, sed laterem lavat. Murmurant & civitates tædio malorum: conferunt susurros, populi nescio qui, ditantes iniquum, ut ob privatas iras aut ambitionem duorum triumve res humanæ sursum deorsum misceantur: sed vincent, mihi crede, quamlibet recta consilia Furia. Cæterum quid opus erat hac gratia petere superiores? An apud nos non sunt fabri? Certe Vulcanum habemus. CH. Pulcre, si quæram navim æream. AL. Minimo accersetur aliquis. CH. Ita est, sed deficit nos materia. AL. Quid audio? nihil illic silvarum? CH. Etiam nemora, quæ fuerant in campis Elysiis, absunta sunt. AL. In quem tandem usum? CH. Exurendis hæreticorum umbris; adeo ut nuper coacti simus e terræ visceribus carbonem effodere. AL. Quid? an istæ umbræ non possunt minore sumtu puniri? CH. Sic visum est Rhadamantho. AL. Ubi trirēmem mercatus es, unde remiges parabuntur. CH. Meæ partes sunt tenere clavum; remigent umbræ, si velint trajicere. AL. At sunt quæ non didicerunt remum agere. CH. Apud me nullus est eximius, remigant & Monarchæ, remigant & Cardinales suam quisque vicem, non minus quam plebei tenues, si ve didicerint, si ve non didicerint. AL. Tufac dextro Mercurio feliciter mercere trirēmem. Ego non te remorabor amplius. Orco lætum adferam nuntium. Sed heus, heus, Charon. CH. Quid est? AL. Fac matures reditum, ne te mox obruat turba. CH. Imo jam plusquam ducenta millia offendes in ripa, præter illas quæ natant in palude. Properabo tamen quantum licebit. Dic illis me mox adfuturum.

SYNODUS GRAMMATICORUM.

ALBINUS, BERTULPHUS, CANTHELUS,
DIPHYLUS, EUMENIUS, FABULUS, GADITANUS.

AL. Estne quisquam in hoc numero, qui didicit Arithmetica? BE. Cui tandem rei? AL. Qui certum doceat, quot convenerimus Grammatici. BE. Istuc quidem citra calculos, vel digiti nostri nobis dicere poterunt. Te pono in pollice, me in indice, Canthelum in medio, Diphyllum in anulari, Eumenium in minimo. Nunc ad lævam transeo; illic in pollice pono Fabullum, in indice Gaditanum. Itaque, ni fallor, septem sumus. Sed quorsum attinet istuc scire? AL. Quoniam audio septenarium reddere legitimum concilium. BE. Quod concilium mihi narras? AL. Est res seria quæ me diu multumque torset; neque me tantum, verum multos etiam viros neutiquam indoctos. Eam proponam in medium, ut hujus synodi auctoritate semel finiatur quæstio. CA. Eximium quiddam sit oportet, quod tu velignores, Albine, vel animum tuum perspicacissimum diu multumque torserit. Quare cupimus & ipsi nosse quid istuc sit rei. Nam unus omnium nomine respondeo. AL. Ergo heic estote omnes, aures simul adhibentes & animos. Plus vident oculi quam oculus. Estne quisquam vestrum, qui nobis explanare possit, quid significet hæc vox ² Anticomarita? BE. Nihil facilius. Sonat enim betæ genus, quam prisca natatilis appellabant, caule contorto nodosaque, mire fatua, tætri odoris si contingas; posset cum Anagyri contendere. CA. Natatilem narras betam, imo catatilem bestiam. Quis unquam audivit aut legit antehac nomen natatilis betæ? BE. Imo hoc dilucide docet Mammetrectus vulgo corrupte dictus, cum vero nomine dicitur Mammothreptos, quasi dicas, avizæ alumnus. AL. Quid istuc est tituli? BE. Ut intelligas in libro nihil inveniri præter meras delicias; quod *mammoth*, hoc est, avizæ soleant

² Mendosa hæc vox est, in antiquioribus editionibus libri *Augustini* de Hæresibus inventa, quæ nonneminem, tempore *Erasmii*, negotium facillime videatur, qui eum hic irridet. Legendum vero erat in *Augustino*, *Antidicomarita*, hoc est, *adversarius Mariæ*, ut est in melioribus Editionibus.

indulgentius habere nepotes, quam matres liberos suos. AL. Plane delictum opus mihi narras. Nuper enim cum in hunc codicem incidissem, minimum abfuit, quin risu dissilierim. CA. Ubi tu nactus es eum codicem, qui rarissimus inventu est? BE. Abbas divi Bavonis, nomine Livinus, a prandio Brugis duxit me in bibliothecam suam peculiarem, quam homo senex, cupiens aliquod sui monumentum posteris relinquere, non mediocri sumtu parabat. Nullus erat liber, qui non esset manu descriptus, idque in membranis, nullus qui non variis picturis ornatus, ac foris bysso auroque testus. Quin & ipsa codicum spatiosa moles, nescio quid maiestatis præ se ferebat. AL. Quinam erant? BE. Oh præclari omnes, Catholicon, Brachylogus, Ovidius per allegorias expositus, alique innumeri; inter quos & lepidissimum Mammothreptum reperi. Inter eas delicias inveni Natatitem Betam. AL. Cur vocant natatitem? BE. Referam quod legi: penes auctorem fidei periculum esto. Quoniam, inquit, provenit in locis humidis putribusque, nec usquam feliciter provenit, quam in cœno aut sterquilino; honos sit auribus. AL. Itane graviter olet? BE. Sic ut nec oletum ullum pejus oleat. AL. Estne istius oloris ullus usus? BE. Imo in deliciis est. AL. Fortasse porcis, aut asinis, aut bubus Cypriis. BE. Imo hominibus, & quidem delicatis. Pelinorum gens est, apud quam convivia vicissim in longam ducuntur periodum: extremam computationem vocant sua lingua *Resumiam*, quasi nos dicamus bellaria aut tragemata. AL. Quam bella bellaria! BE. Ejus computationis hæc lex est, ut liberum sit convivatori quidquid volet apponere: nefas autem sit convivis quidquam rejicere, sed omnia boni consulere. AL. Quid si apponeret cicutam, aut cramben recoctam? BE. Quidquid apponitur devorandum ibi est tacite. Domi tamen licet quod ederint revomere. Nam heic fere ponunt natatitem Betam, sive Anticomaritam: nihil enim refert utro nomine dixeris, res eadem est. Admiscent aliquid querni corticis, & alii plurimum. Ita moretum absolvunt. AL. Quis persuasit legem tam barbaram? BE. Consuetudo; quovis tyranno potentior. AL. Tragicam periodum mihi narras, quæ tam inamœnum habeat exitum. BE. Dixi meam vicem, nulli præjudicans, si quis quid habet rectius. CA. At ego comperi priscis fuisse piscem, quem vocarunt Anticomaritam. BE. Dic auctorem. CA. Codicem exhibere possum; nomen auctoris non possum dicere. Scriptus est Gallice, sed formulis Hebraicis. BE. Quam speciem habet piscis Anticomarita? CA. Cætera nigris squamis est, solus venter albet. BE. Palliatum quempiam Cynicum, opinor, nobis ex pisce facies. Qui sapor? CA. Nihil insuavius. Quin pestilens est. Nascitur in putribus lacunis, interdum & in cloacis, iners, limosus: solo gustu pituitam gignit gravem, quam vix vomitu leves. Frequens est in regione quam Celtithracen appellant. Nam illic in deliciis est, quod gustasse carnes detestabilis sit homicidio. AL. Infelix regio cum suo Anticomarita. CA. Tantum habeo quod dicam: nemini præjudicatum velim mea sententia. DI. Quid opus est hujus vocis enarrationem ex Mammothreptis aut Hebraeis schedis petere, cum ipsa dictionis etymologia præ se ferat Anticomaritas dici puellas parum feliciter conjugatas, utpote maritis vetulis. Nec enim novum est quod scribatur *quo* verterunt in *co*, cum sint literæ cognatæ, *c, q, & k*. EV. Erat aliquid quod dixit Diphylus, si constaret dictionem esse Latinam. Mihi videtur esse Græca, e tribus conflata, ex *ἀντι*, quod est *contra*, & *κόμη*, quod sonat *pagum*, & *ὄαρι*, quod est *muliebris garrire*: hinc per synalœphen elisa, *o*, dictus est Anticomarita, qui rusticana garrulitate cunctis obstreperit. FA. Sedulo quidem meus dixit Eumenius. AL. At mihi videtur ex tot dictionibus conflata vox, quot habet syllabas. Nam *ἀν* sonat *ἀντι*, *τι*, *τίλλων* *κα*, *κύνει* *μα*, *μάλα* *ρ*, *ῥυπαρά*. (perperam enim scribitur per *i*.) *τα*, *τάλας*. Ex his conficitur *amens*, *ac miser*, *vellens pilos putrium tergorum*. AL. Tali opificio cibus congruit beta natatilis, de qua modo dixit Bertulphus. BE. Nimirum anticomarita anticomarita.

1 Divi Bavonis] Bavo hic, teste Miræo, etiam *Alcuvinus* est dictus, Agilulfus in Hasbania Comitum filius, abdicata sæculari militia per Amari-dum Trajectensem Episcopum ad monasticam vitam adductus, Gandavi, cujus urbis & Patronus est, in monasterio Petri a se fundato anno 630. obiit secundum Sigebertum, aut anno proxime sequenti, ut vult Theodoricus Abbas S. Trudonis.

ritæ. GA. Sedulo quidem dixistis omnes; at mihi videtur uxor viro male morigera, dici anticomarita per synco-pen, anticomarita; quod semper adversetur marito. AL. Si recipimus tales tropos, facile ex foria fient fora, & cuc-niculus fiet cuculus. BE. Atqui Albinus, qui consul est in hoc senatu, nondum dixit quid ipse censeat. AL. Ex me quidem quod adferam non habeo; haud tamen gravabor in medium adferre, quod ab hospite meo nuper didici ho-mine linguacissimo. Sæpius variabat in loquendo sermo-nem, quam luscina cantionem. Is asseverabat vocem esse Chaldaicam, e tribus compositam. Apud illos enim, ut aiebat, *anti* sonat perversum ac cerebrosum, *comar*, pe-tram: *ita*, sutoriam. BE. Quis unquam petræ tribuit cere-brum? AL. Nihil absurdi, si modo mutes genus. CA. Pro-rusus in hac synodo evenit, quod vulgo dici solet, Quot ho-mines, tot sententiæ. Quid igitur actum est? sententiæ nu-merari possunt; dividi non possunt ut pars major vincat mi-norem. AL. Vincat igitur melior deteriore. GA. Atqui ad hoc ipsum opus esset alia synodo. Nam sua cuique spon-sa videtur pulcherrima. AL. Istuc si verum esset, minus haberemus adulteriorum. Sed habeo consilium expeditum. Fabis fortiamur, ex hoc numero cui jus sit, ut ex omnibus suffragiis probet quod volet. CA. At istæ in te cedetur fa-ba. Num vera dixi? AL. Mihi prima & postrema magis arridet. CA. Assentimur omnes, ut unus pro omnibus re-spondeam. AL. Age, sit igitur hoc inter ea, de quibus du-bitare fas non est. CA. Maxime. AL. Si quis dissentiat, quid erit poenæ? CA. Majusculis scribetur hæreticus in gram-matica. AL. Adjiciam bonis avibus, quod mihi non negli-gendum videtur. Id ex medico quodam Syro acceptum a-micis communicabo. BE. Quid istuc? AL. Si natatitem betam, gallam e quercu, & sutorium atramentum in morta-rio contuderis, deinde aspersis copri sex uncis miscueris in malagma, præsentaneum esse remedium adversus caninam scabiem, & porcorum pruriginem. BE. Sed heus, Albine, qui nobis omnibus de Anticomarita negotium faceffis; in quo tandem auctore legitur istuc vocabulum? AL. Dicam, sed in aurem, & uni. BE. Accipiam, sed hac lege, ut ego vicissim unus uni in aurem dicam. AL. At repetita 2 henas, tandem sit chilias. BE. Verum dicis, ubi semel ex henade reddideris 3 dyadem, jam non est tibi in manu sistere fluxum dyadis. AL. Quod pauci norunt, celari potest; quod multi, nequaquam: trias autem ad multitudinem pertinet. BE. Probe qui tres simul haberet uxores, multas habere diceretur: sed qui tres haberet pilos in capite, aut dentes in ore, multo sine an paucos habere diceretur? AL. Sophista, admove aurem. BE. Quid ego audio? Istuc non minus ab-surdum est, quam si Græci civitatem, cui expugnandæ tot classes ducebant, suo nomine non possent nominare, pro Troja dicentes Sutrium. AL. Atqui hic Rabinus est nuper e cœlo delapsus, qui nisi præfens numen succurrisset rebus humanis; jam dudum quæreremus ubinam essent homines, ubi pietas, ubi philosophia, ubi literæ. BE. Næ iste inter Moriarum proceres primas meretur, dignus qui posthac vocetur 4 Archimorita, cum suis Anticomaritis.

5 Ἀγάμος γάμος, sive CONJUGIUM IMPAR.

PETRONIUS, GABRIEL.

PE. U Nde nobis Gabriel tam tetra fronte? Num 6 ex antro Trophonii? GA. Imo a nuptiis. PE. Nunquam vidi vultum minus nuptialem. Nam qui nuptiis interfuerunt, totos postea sex dies solent hilariores amcenioresque videri, senes etiam rejuvenescere ad annos decem. Quas igitur tu mihi nuptias narras? Mortis, opinor, cum Marte? GA. Imo juvenis generosi cum puella fedecim annos nata, in qua nihil desideres, sive formam

Tom. I. Fff 3 spe.

2 Unitas sit millenarius numerus.

3 Binarium.

4 Archimorita] Princeps stultorum.

5 Ἀγάμος γάμος] Ἀγάμος γάμος invenitur apud Sophoclem in Oedip. tyr. γάμος seu γάμος nuptia & ἄγας calobis.

6 Ex antro Trophonii] Dicitur de homine vehementer tristi tetrico-que; propterea quod olim creditum est, eum qui in Trophonii specum descendisset, postea nunquam ridere. Oraculum vero hoc Jovis Trophonii in Lebada, Boeotiae, in hiant subterraneo, horrido, angusto, tetra fuit, in quem scalis descendebatur. Descendentes autem vel nudi vel veste alba vel lineo induti aut purpureo amiculo placentas Lemuribus offerebant, haustoque oraculo per alium hiantum ad superiora enieban-tur. Hac de re vide non tantum Chiliadas, sed & Ant. van Dale in libro de Origine & Auctoribus Oraculorum, Cap. VIII.

species, five mores, five genus, five fortunam. Quid multis? Jove marito digna videri poterat. PE. Hui! tam tenebram puellam tam vetulo? GA. Reges non senescunt. PE. Unde igitur istæc tristitia? Fortasse sponso invides, qui tibi captatam prædam victor præripuit. GA. Phy! nihil minus. PE. Num tale quid accidit, quale memorant de convivio Lapitharum? GA. Nequaquam. PE. Quid? an defuit Bacchi liquor? GA. Imo supererat. PE. Non aderant tibicines? GA. Et fidicines, & lyricines, & tubicines & utricines. PE. Quid igitur? Non aderat Hymenæus? GA. Frustra tot vocibus ciebatur. PE. Nec Charites? GA. Ne musca quidem Charis. Nec pronuba Juno, nec aurea Venus, nec Jupiter Gamelius. PE. Næ tu mihi nuptias loqueris prorsus inauspicatas & ^{adversas}, seu potius ^{ἀνταρὰν γάμον}. GA. Magis dicas, si vidisses. PE. Non igitur saltatum est? GA. Imo misere claudicatum. PE. Nullum ergo numen prosperius istas hilarabat nuptias? GA. Nul- lum omnino illic aderat præter unam Deam, quæ Græcis dicitur Pîora. PE. Pruriginosas, opinor, nuptias dicis. GA. Imo rubiginosas & purulentas. PE. Sed quid est, mi Gabri- el, quod hæc commemoratio tibi lacrymas etiam excu- tit? GA. Hæc res, Petroni, vel filici possit extundere la- crymas. PE. Credo, si filex vidisset. Sed obsecro te, quid- nam est hoc tantum mali? Ne cela, nec meum animum diutius suspendito. GA. Nosti Lampridium Eubulum? PE. Quo non alius in hac urbe vir melior aut beator. GA. Quid, ejus filiam Iphigeniam? PE. Florem hujus ætatis nominasti. GA. Sic est. At scis cui nupserit? PE. Sciam, si dixeris. GA. Nupsit Pompilio Blenno. PE. Eine Thra- soni, qui neminem non solet occidere suis gloriosis fabulis? GA. Huic ipsi. PE. At is jam olim celebris est in hac urbe, duabus potissimum rebus: mendaciis ac scabie, quæ non- dum suum habet nomen, quum ipsa tam multorum habeat nomina. GA. Superbissima scabies est, quæ nec lepræ, nec elephantiasis, nec lichenibus, nec podagræ, nec men- tagræ cedat, si res veniat in certamen. PE. Ita prædicant medicorum filii. GA. Quid ego nunc, Petroni, depingam puellam tibi non incognitam, quanquam plurimum gratiæ addidit ornatus nato decori? Mi Petroni, dixisses Deam quampiam esse. Nihil illam non decebat. Interim prodiit nobis beatus ille sponso, trunco naso, alteram trahens ti- biam, sed minus feliciter quam solent Suitseri; manibus scabris, halitu gravi, oculis languidis, capite obvincto; fan- nies & e naribus, & ex auribus fluebat. Alii digitos habent, anulatos, ille etiam in femore gestat anulos. PE. Quid pa- rentibus accidit, ut talem filiam tali portento committe- rent? GA. Nescio, nisi quod hodie plerisque videtur adema- mens. PE. Fortasse prædives est. GA. Est affatim, sed ære alieno. PE. Si puella veneno sustulisset ambos avos & avias, quod gravius supplicium de illa sumi poterat? GA. Si minxisset in patrios cineres, satis poenarum datura fuerat, tali monstro vel osculum dare coacta. PE. Accedo. GA. Mihi sane factum hoc crudelius esse videtur quam si illam nudam objecissent uris, aut leonibus, aut crocodilis. Nam aut feræ pepercissent tam insigni formæ, aut subita mors finisset cruciatum. PE. Vera prædicas. Mihi plane vide- tur hoc factum Mezentio dignum: *qui mortua*, ut inquit Maro, *jungebat corpora vivis, Componens manibusque manus, atque oribus ora*. Quanquam nec Mezentius, ni fallor, tam immanis erat, ut tam amabilem puellam cadaveri jungeret; nec ullum cadaver est, cui non jungi malis, quam tam pu- tido cadaveri. Siquidem hoc ipsum quod spirat, merum est venenum; quod loquitur, pestis est; quod contingit, mors est. GA. Jam tu mihi cogita, Petroni, quid voluptatis ha- bitura sint illa suavia, illi complexus, illi nocturni lusus, ac blanditiæ? PE. Theologos nonnunquam audiivi loquentes de impari conjugio. Istuc demum optimo jure dici potest impar conjugium, quasi gemmam inseras plumbo. Sed in- terim demoror teneræ virginis audaciam. Solent enim tales puellæ ad lemuris aut larvæ conspectum tantum non exani- mari; an hæc audebit tale cadaver amplecti noctu? GA. Ha- bet puella quod excuset auctoritatem parentum, importu- nitatem amicorum, ætatis simplicitatem. Ego parentum vesaniam satis mirari non possum. Quis enim filiam habet tam infelici forma, quam collocare velit homini leproso? PE. Nullus, opinor, modo vel uncio lam habeat sanæ men- tis. Mihi si lufca esset, eademque clauda, nec minus defor-

Sine Diis.

A mis, quam fuit Therites Homericus, postremo indotata, reculare istiusmodi generum. GA. At hæc lues est omni lepra tum tetrior, tum nocentior. Nam citius serpit, & subinde recurrit, ac frequenter occidit; cum nonnunquam lepra sinat hominem ad extremam usque senectutem vive- re. PE. Fortasse latebat parentes sponso morbus. GA. Imo pulchre noverant. PE. Si tam male volebant filia, quin potius insitam culeo projecerunt in Scaldam? GA. Profecto levior fuisset infania. PE. Quæ dos commendabat illis spon- sum? præcellit arte quampiam? GA. Per multis: strenuus est aleator, potator invictus, scortator improbus, nugandi mentiendique artifex maximus, prædator non segnis, deco- ctor eximius, comessator perditus. Quid multis? cum scho- læ non profiteantur nisi septem artes liberales, hic habet plus quam decem illiberales. PE. Aliquid tamen fuerit o- portet, quod illum commendaret parentibus. GA. Nihil aliud quam gloriosum equitis nomen. PE. Qualis eques, cui per scabiem vix in sella sedere licet? Sed fortasse habet luculentas possessiones. GA. Habuit mediocres; sed ex pro- tertia, quam fecit, nihil superest præter unam turriculam, unde excurrere solet ad prædam, eamque tam belle instru- ctam, ut nolis illic porcos tuos ali. Sed interim nunquam non habet arces in ore, & feuda, aliaque magnifica nomina, nusquam non affigit sua insignia. PE. Clypeus quid habet symbolum? GA. Tres elephantos aureos, in spacio phœni- ceo. PE. Scilicet elephas elephanti congruit. Oportet au- tem hominem esse sanguinarium. GA. Imo vinarium. Nam rubro vino mirum in modum delectatur; sic tibi sanguino- lentus est. PE. Ad hauriendum igitur utilis est illi proboscis. GA. Maxime. PE. Itaque insignia declarant magnam ac stolidum nebulonem, vini gurgitem. Neque enim ille co- lor sanguinis est, sed meri: & aureus elephas indicat, quid- quid auri nactus est, vino absumi. GA. Sic est. PE. Quid igitur dotis hic Thrafo conferet ad sponfam? GA. Quid? maximam. PE. Qui? maximam decoctor? GA. Sine me loqui; maximam, inquam, pessimamque scabiem. PE. E- moriar: ni malim filiam meam equo nuptam, quam tali e- quiti. GA. At ego vel monacho nuptam malim. Imo hoc non est homini nubere, sed hominis cadaveri. Hoc specta- culum si vidisses, dic mihi tenuissesne lacrymas? PE. Qui potuisses, qui vix ista sine lacrymis audio? Adeon' pa- rentes ad omnem naturalis pietatis affectum obscuruisse, ut filiam unicam, puellam tali forma, tali indole, tam ama- bilibus moribus, tali monstro in servitute traderent, pro- pter mendacem clypeum? GA. Atqui facinus hoc, quo ni- hil invenias nec immanius, nec crudelius, nec magis im- pium, hodie magnatum etiam ludus est; quum expediat eos qui Reipublicæ tractandæ nascuntur, esse quam pro- sperrima valetudine. Corporis enim habitus, animi vim afficit. Certe hic morbus quidquid est homini cerebri so- let exhaurire. Ita fit ut Reipublicæ præfideant, qui nec animo bene valeant, nec corpore. PE. Non solum integræ mentis ac prospera valetudine convenit esse qui Reipublicæ gubernaculis assident, verum etiam forma dignitateque corporis præcellentes. Quanquam enim prima principum commendatio sint sapientia & integritas; tamen non nihil refert, qua specie corporis sit, quicæteris imperat. Nam si sævus est, multum invidiæ addit corporis deformitas: Sin probus & pius, *Gravior est pulcro veniens e corpore virtus*. GA. Recte. PE. Nonne deplorant eorum infelicitatem, quarum conjuges post peractas nuptias in lepram aut mor- bum incidunt comitalem? GA. Merito sane. PE. Quæ igitur dementia est, ultro filiam plusquam leproso trade- re? GA. Plusquam dementia est. Si satrapes paret tollere catulos, quæso num ad generosam forminam admittet sca- biofum & ignavum canem? PE. Imo magna cura dispice- ret, ut undiquaque generosum adjungeret, ne nascantur hybridæ. GA. Et si dux augere velis equitatum, num ad eximiam equam admitteret morbidum aut degenerem? PE. Ne in commune quidem stabulum reciperet morbi- dum, ne qua serpat malum ad alios. GA. Nec interim re- ferre putant, quem admittant ad filiam, & unde nascantur liberi, non tantum in hæreditatem omnium facultatum successuri, verum etiam reipublicam moderaturi? PE. Ne rusticus quidem quemvis taurum admittit ad juvencam, nec quemvis equum jungit equæ, nec quemvis porcum scrophæ; quum taurus gignatur aratro, equus rhedæ, por-

porcus culinae. GA. Vide quam perversa sint hominum iudicia. Si quis plebejus patriciae puellae osculum obtrudat, injuriam putant bello vindicandam. PE. Acerrimo. GA. Et ipsi volentes, scientes, prudentes, id quo nihil habent carius, dedunt abominando portento, & privatim impii in suam gentem, & publice in civitatem. PE. Si sponsus subclaudicat alioqui sanus, quam abhorretur a conjugio? hoc tantum malum non imputatur in sponsalibus. GA. Si quis filiam elocavit Franciscano, quanta abominatio, quanta deploratio male collocatae virginis! at illa veste detracta virum habet membris validis: ista totam aetatem transigit cum semivivo cadavere. Si qua nubit sacerdoti, ludunt in unctum; at hæc pejus uncto nupsit. PE. Vix hoc faciunt hostes puellis bello captis, vix piratae faciunt scelere abductis; & hoc faciunt parentes unicae filiae, nec illis datur a magistratu curator? GA. Quomodo medicus succurret phrenetico, si ipsum habeat phrenesim? PE. Atqui mirum est, a Principibus, quorum munus est prospicere Reipublicae duntaxat in his, quae ad corpus pertinent: cum in hoc genere nihil prius ac potius sit bona valetudine, heic nullum excogitari remedium. Tanta pestis bonam orbis partem occupavit, & illi interim stertunt, quasi nihil ad rem pertineat. GA. De Principibus, Petroni, religiose loquendum est. Sed admove aurem; insufurrabo tria verba. PE. O miseriam! utinam falsa praedicares? GA. Quot morborum genera nasci putas ex vinis corruptis ac mille modis infectis? PE. Innumera, si qua medicis fides. GA. Num heic vigilant aediles? PE. Plane vigilant in exigendis vestigalibus. GA. Quae sciens nubit morbo, fortasse digna est suo malo, quod adscivit ipsa sibi: quanquam si principatum gererem, utrumque semoverem ab urbano commercio. Cæterum si qua nupisset huic obnoxio lui, qui se sanum mentitus esset, si quis mihi summum Pontificium deleget, dirimerem hoc conjugium etiam si sexcentis tabulis sponsalibus contractum esset. PE. Quo colore? Nam conjugium rite contractum, ab homine non potest dirimi. GA. Quid? tibi videtur rite contractum, quod dolo malo contractum est? Non valet contractus, si puella decepta servo nupsit, quem putabat liberum. Hic cui nupsit, servus est miserimae dominae Pforae; atque hoc infeliciores est servitus, quod illa neminem manumittit, ut servitutis miseriam aliqua libertatis spes consolari possit. PE. Sane colorem reperisti. GA. Adhæc non est conjugium, nisi inter vivos. Heic mortuo nubitur. PE. Repertus est alter color. Sed fineres, opinor, scabiosas nubere, juxta vetus illud adagium, ὁμοίον πρὸς ὁμοίον. GA. Si hoc mihi liceret, quod expediret Reipublicae, finerem quidem jungi, sed junctos exurerem. PE. Tum tu quidem Phalaridem ageres, non Principem. GA. Antibi Phalaris videtur medicus, qui fecat digitos aliquot, aut inurit corporis partem, ne totum pereat? Mihi non videtur ista crudelitas, sed misericordia. Quod utinam initio nascentis mali fuisset factum! Tum enim paucorum exitio, totius orbis saluti consuli poterat. Et hujus facti reperimus exemplum in Gallorum analibus. PE. At mitius erat illos castrari, ac summove. GA. Fœminis porro quid faceres? PE. Adderem fibulas. GA. Ita quidem prospectum esset, ne ex malis corvis nascantur mala ova, sed fatebor hoc esse mitius, si tu fatearis illud esse tutius. Nam pruriunt & exsecti; nec uno modo transilit malum, sed osculo, sed colloquio, sed contactu, sed computatiuncula serpit ad alios. Et videmus huic malo fatalem quandam malitiam adjunctam, ut quisquis eo tenetur; vel nullo suo commodo gaudeat quam plurimis suam affricare scabiem. Jam submoti possunt fugere, possunt vel noctu, vel ignotis imponere: a mortuis vero nihil est periculi. PE. Tutius fateor; sed haud scio, an conveniat Christianae mansuetudini. GA. Dic age mihi: unde plus periculi, a simplicibus furibus, an ab istis? PE. Fateor pecuniam multo viliores, bona valetudine. GA. Et tamen nos Christiani suffigimus in crucem; nec appellatur crudelitas, sed justitia, & si Reipublicam spectes, pietas est. PE. Verum ibi plectitur qui damnum dedit. GA. Hi scilicet lucrum adferunt! Sed demus hoc malum multis nulla sua culpa contractum, quod tamen paucos reperias, quibus eam lucem non conciliarit nequitia? Jureconsulti docent interdum innoxios recte occidi, si id magnopere inter sit Reipublicae. Quemadmodum Græci post everfam Trojam occiderunt

1 Ὅμοιον] Id est, simile simili gaudet.

A Astyanactem Hectoris filium, ne per illum bellum instauraretur. Nec putant impium, post extinctum tyrannum, & liberos innoxios trucidari. Quid quod nunquam non bellamus Christiani; neque tamen nescimus in bellis maximam malorum partem ad eos redire, qui nihil commeruerunt? Idem usu venit in repressalibus, quæ vocant. Qui læsit, in tuto est; & spoliatur negotiator; qui ne factum quidem audivit, tantum abest ut in culpa fuerit. Quod si talibus remediis utimur in rebus non ita magni momenti, quid censes faciendum in re omnium atrocissima? PE. Vincor veris. GA. Tum illud mihi perpende. Apud Italos ut primum scintillare coepit pestilentia, occluduntur aedes: qui laboranti inserviunt, submoventur a publico. Hoc quidam appellant inhumanitatem, cum summa sit humanitas. Siquidem hac vigilantia fit, ut paucis funeribus sopiatur malum. At quanta est humanitas, tot millium vitæ consuli? Sunt qui parum hospitale putant, quod Itali in rumore pestilentiae, tempore vespertino hospitem portis submovent, cōguntque sub dio noctem agere: at pietas est, paucorum incommodo, maximo Reipublicae bono prospicere. Quidam sibi valde fortes videntur & officiosi, quod ausunt ad quemvis pestilentia laborantem accedere, etiam si nihil illic habeant negotii. At dum reversi domum inficiunt uxores, liberos ac totam familiam, quid ea fortitudine stultius, quid officio inofficiosius, ut salutes alienum, tibi carissimos in praesens vitæ discrimen adducere? Heic tamen quanto minus est periculi a pestilentia, quam ab hac scabie? Rarius afflat propinquos, nec fere senes attingit; & quos attingit, aut cito liberat, aut restituit sanitati, puriores etiam quam antea fuerant. Hæc quid aliud quam perpetua mors est, vel, ut verius dicam, sepultura? Obvolvuntur linteis & unguentis more cadaverum. PE. Verissima narras. Saltem idem curæ dandum erat huic tam exitiali malo, quod datur leprosis. Aut si hoc quoque nimium est, nemo barbæ silvam patitur sibi demeti, aut sibi quisque tonsorem praestet. GA. Quid, si uterque claudat os? PE. Afflant naribus malum. GA. Est & isti malo remedium. PE. Quodnam? GA. Ut quod solent Alcumistici, addant personam, quæ per vitreas fenestellas præbeat lumen oculis, ori naribusque respirationem, cornu a persona per axillas in tergum porrecto. PE. Belle, si nihil metuendum est a contactu digitorum, linteorum, pestinis, & forficis. GA. Optimum igitur, barbam usque ad genua demittere. PE. Ita videtur. Deinde fiat edictum, ne quis idem sit tonsor & chirurgus. GA. Ad famem relegas tonsores. PE. Minuant sumtus, & aliquanto pluris radant. GA. Esto. PE. Tum feratur lex, ne quis cum alio poculum habeat commune. GA. Istam vix recipiat Anglia. PE. Neve duo misceantur eodem lecto, præter uxorem & maritum. GA. Placet. PE. Ad hæc in diversoriis ne quis hospes indormiat linteis, in quibus alius indormiit. GA. Quid facies Germanis, qui vix lavant in anno? PE. Exstimulent lotrices. Præterea tollatur mos quamvis vetustus salutandi osculo. GA. Etiamne in templis? PE. Tabellæ suam quisque opponat manum. GA. Quid de colloquio? PE. Vitetur illud Homericum, ἄλχι σχῶν κεφαλῇ, & vicissim qui auscultat, comprimat labra. GA. Vix istis legibus suffecerint duodecim tabulae. PE. Sed quid consulas interim infelici puellæ? GA. Quid? nisi ut libenter sit misera, quo sit minus misera; & suavio conjugis opponat manum; tum armata cum illo dormiat. PE. Quonam hinc properas? GA. Recta in museum. PE. Quid facturus? GA. Pro epithalamio, quod postulant, scripturus epithaphium.

IMPOSTURA.

PHILIPPUS, LIVINUS.

PH. S Alve, Livine. LI. Salvebo, si vis ita; sed a me tibi cave. Nam est animus imponere tibi, nisi caves. PH. Non est admodum metuendus hostis, qui periculum denuntiat. Sed age, falle, si potes. LI. Ecce jam fefelli, nec sentis adhuc. Iterum cave. PH. Cum praestigiarium, opinor, artifice mihi res est. Nihil enim sentio imposturae. LI. Rursus adverte mentem tuam, ni velis decipi, sicuti falsus es non semel. PH. Heic sum; incipe. LI. Jam dudum mihi quod jubes peractum est. PH. Quid actum, aut quid peractum? Nihil sentio doli. LI. Jam toties admonitus, saltem adhibe attentum animum. PH. Novum praestigiarium

1 ἄλχι σχῶν κεφαλῇ] Id est, propius admovens caput, ὁ δὲ σπ. α.

831

rum genus. Ludor, ut ais, neque quidquam artis sentio, cum observem & oculos, & manus, & linguam tuam. Sed age, rursus incipe. Li. Iterum atque iterum incipio, atque adeo toties facio, neque tu assequeris laqueos. Ph. Qua re mihi laqueos tendis? Li. Hæc tibi, inquam, lingua dolos parat, nec auribus sentis, nec oculis vides. Nunc saltem habe attentos oculos & aures. Ph. Non possum magis, etiam si de capite ageretur. Sed falle rursus. Li. Iterum ecce fecelli, neque deprehendis artem. Ph. Enecas. Quæso dic, quodnam est hoc præstigiæ genus? Li. Hæcenus sum tibi locutus carmine, atque adhuc loquor. Ph. Nihil minus sensi quam istuc. Li. Primum tibi respondi duobus trimetris jambicis: deinde trochaico tetrametro catalectico. Mox meris creticis sum locutus. Post hæc Phalæcio hendecasyllabo. Deinde meris choriambis. Ad hæc meris anapestis. Rursus tribus Sapphicis. Mox Sotadico. Postremo trochaico tetrametro. Ph. Deum immortalem! quidvis suspicabar potius, quam istud. Si vixero, aliquando vicem reponam. Li. Huc, si quid potes. Ph. Ecce bis par pari retuli nec dolum percipis. Li. Hui tam cito? Ph. Minatus sum tibi jambico trimetro catalectico; mox addidi creticos quinque. Li. Prorsus accidit, ut video, quod dici solet, Cretenfis incidit in Cretensem. Ph. Sic est; sed illud precor utrique nostrum, ne nobis unquam occurrat impostura nocentior.

CYCLOPS, SIVE EVANGELIOPHORUS.

CANNIUS, POLYPHEMUS.

CA. Quid hic venatur Polyphemus? Po. Quid vener, rogas, sine canibus & venabulo? CA. Fortenympham aliquam hamadryadem. Po. Pulchre divinaisti. En tibi rete venatorium. CA. Quid ego video? 1 Bacchum in exuvio leonis, Polyphemum cum codice? 2 γαλή κροκωτόν. Po. Non croco tantum pinxi libellum, sed etiam minio lasurioque. CA. Non loquor de croco, sed Græce dixi quiddam. Militaris videtur libellus; nam nodis, laminis & circulis æreis armatus est. Po. Introspecte. CA. Video. Sane perquam bellus est: sed nondum ornasti satis. Po. Quid deest? CA. Addere debebas tua insignia. Po. Quæ? CA. Sileni caput e dolio prospiciens. Sed quid tractat? artem staticam? Po. Vide ne quam imprudens effutias blasphemiam. CA. Quid igitur? estne sacri quippiam? Po. Est, quo nihil sacratius, Evangelium. CA. 3 Ἡράκλεις! Quid Polyphemo cum Evangelio. Po. Quin ita rogas, quid Christiano cum Christo? CA. Nescio, nisi quod te talem magis decet 4 halbardacha. Nam si quis mihi ista specie ignotas occurreret in mari, piratam esse crederem, si in nemore, sicarium. Po. Atqui hoc ipsum nos docet Evangelium, ne quem iudicemus juxta faciem. Quemadmodum enim sæpenumero sub tunica cinerica latet animus tyrannicus, ita nonnunquam attonsum caput, circumtorta barba, torva supercilia, truces oculi, vertex plumam ventilans, sagum militare, caligæ intersectæ, tegunt Evangelicum animum. CA. Quid ni? nonnunquam & sub pelle lupina latet ovis; & si qua fides apologis, sub exuvio leonis latet asinus. Po. Imo ego novi qui ovem gestat in vertice, vulpem in pectore: cui libens optarim, ut quam habet nigros oculos, tam habeat candidos amicos, tamque probe inauratur, quam colorem habet inauraturæ congruum. CA. Si ovem gestat in vertice, qui pileum gestat ovillum, quam tu incedis onustus, cum ovem simul & itruthiocamelum gestes in capite? Tum an non absurdus facit, qui avem portat in capite, asinum in pectore? Po. Mordes. CA. Sed belle res habuerit, si, quam tu decorasti variis ornamentis Evangelium, tam te vicissim exornet. Ornasti coloribus, utinam exornet te bonis moribus! Po. Curabitur. CA. Ut soles. Po. Sed omisisti conviciis. Itane damnas eos qui circumferunt codicem Evangelicum? CA. Minime gentium. Po. Quid? antibi videor minimus gentium, vel asinino ca-

1 Bacchum in exuvio leonis.] Dicitur in eos, qui suscipiunt negotium majus facultate, quique se magnificentius gerunt, quam propria conditione.

2 γαλή κροκωτόν.] Id est, Fili crocotum. Subaudiendum das. Dicitur solitum, quoties honos additur indignis, & quos haudquaquam decet.

3 Ἡράκλεις.] Id est, Hercules, admirandi adverbium apud Græcos; & sæpe etiam jurantis.

4 Halbardacha.] Nescio quid halbardacha sit, si non vox barbarica, quæ Belgisem Hellebard. Gallis Halebarde, Italis & Hispanis Alabarda, Latinis securis Romana, seu Amazonia. Voce hac tutius utitur hic Polyphemus, utpote insulsius.

pite te procerior? CA. Non arbitror tanto, si asinus arrigat auriculas. Po. Certe bubalino. CA. Placet collatio; sed ego minime dixi, non minime. Po. Quid interest inter ovum & ovum? CA. Quid interest inter medium digitum & infimum? Po. Medius est longior. CA. Scite. Quid interest inter asininas auriculas, & lupinas? Po. Lupinæ sunt breviores. CA. Rem tenes. Po. At ego longa brevique palmo & ulna metiri soleo, non auribus. CA. Age, qui Christum gestavit, dictus est Christophorus: tu qui Evangelium portas, pro Polyphemo dicendus es Evangeliphorus. Po. An sanctum non putas portare Evangelium? CA. Non, nisi tu fatearis esse sanctissimos asinos. Po. Qui sic? CA. Quia unus sufficit gestandis tribus istiusmodi codicum millibus; nec te crediderim futurum imparem oneri, si probe sis clitellatus. Po. Nihil absurdi sic asino tribuere sanctimoniam, quia gestavit Christum. CA. Istam sanctimoniam tibi non invideo. Et, si vis, donabo tibi reliquias illius asini, cui Christus insedit, ut exosculeris. Po. Papis munus gratissimum. Nam asinus ille contactu corporis Christi consecratus est. CA. Sane Christum contigerunt, & qui illi impeerunt alapas. Po. Sed age dic serio; nonne pium est circumferre codicem Evangelicum? CA. Pium, si absit hypocrisis, si vere id fiat. Po. Abeat hypocrisis ad monachos; quid militi cum hypocrisis? CA. At primum expedi mihi quid sit hypocrisis. Po. Cum aliud præ te fers, quam lateat in animo. CA. Sed quid præfert circumlatus Evangelii codex? Nonne vitam Evangelicam? Po. Opinor. CA. Ergo ubi vita non respondet codici, nonne hypocrisis est? Po. Videtur. Sed quid est, vere codicem Evangelicum circumferre? CA. Quidnam circumferunt manibus, quemadmodum Franciscani Francisci regulam: idem possunt & bajuli Lutetiani, & asini, & cantherii. Sunt qui circumferant ore, nihil crepantes nisi Christum & Evangelium: hoc est Pharisaicum. Quidam circumferunt animo. Proinde vere circumfert, qui & manibus, & ore, & corde portat Evangelium. Po. Ubi sunt isti? CA. In templis diaconi, qui portant codicem, pronuntiant populo, & tenent corde. Po. Tametsi non omnes sancti sunt, qui animo gestant Evangelium. CA. Ne mihi sophistam agas. Non gestat animo, nisi qui medullitus amat. Nemo penitus amat, nisi qui moribus exprimit Evangelium. Po. Istas subtilitates non assequor. CA. At dicam crassiore Minerva. Si lagenam vini Belnensis gestes humeris, quid aliud est quam onus? Po. Nihil aliud. CA. Si teneas faucibus, ac mox expuas? Po. Haud profuerit; quamquam id quidem non soleo. CA. Sin, ut soles, assatim haurias? Po. Nihil divinius. CA. Concalescit omne corpus, rubescit facies, hilarescit frons. Po. Prorsus. CA. Tale quiddam est Evangelium: in animi venas demissum, innovat totum hominis habitum. Po. Videor igitur tibi parum Evangelice vivere? CA. Istam quæstionem nemo te dissolverit rectius. Po. Si bipenni res agatur. CA. Si quis in os te vocet mendacem aut ganeonem, quid facias? Po. Quid faciam? sentiret pugnus meos. CA. Quid si quis tibi impingat colaphum? Po. Amputarem illi collum pro colapho. CA. Atqui codex tuus docet, ut pro convicio, referas benignum sermonem, & ferienti maxillam dextram, porrigas & sinistram. Po. Legi, sed exciderat. CA. Oras, opinor, frequenter. Po. Istuc est Pharisaicum. CA. Pharisaicum est, prolixè precari, sed fucate. At tuus codex docet semper orandum, sed ex animo. Po. Attamen oro nonnunquam. CA. Quando? Po. Cum venit in mentem, semel aut bis in hebdomade. CA. Quid tum oras? Po. Precationem Dominicam. CA. Quoties? Po. Semel. Nam vetat Evangelium 6 battologiam eadem iterantem. CA. Potes attentus absolvere precationem Dominicam? Po. Nunquam id tentatum est. An non satis quod voce pronuntio? CA. Nescio, nisi quod Deus non audit nisi cordis vocem. Crebro jejunas? Po. Nunquam. CA. At tuus codex probat precationem & jejunium. Po. Probarem & ego, nisi aliud flagitaret venter. CA. At Paulus negat eos servire Jesu Christo, qui ventri serviunt. Vesceris carnibus quovis die? Po. Cum dantur. CA. Atqui ista gladiatoria laterum firmitas vel fœno arborumque corticibus poterat alii. Po. Sed Christus dixit, non coinquinari hominem his quæ intrant in os. CA. Ita, si modice, si præter offendiculum. At Paulus Christi discipulus mavult fame

5 Ferienti.] Verba Christi habentur Math. 5. v. 39.

6 Battologia.] Battologiam damnat Christus nominatim apud Math. 6. 7.

fame mori, quam fratrem infirmum offendere suo cibo, nosque ad suum hortatur exemplum, ut omnibus per omnia placeamus. Po. Paulus est Paulus; ego sum ego. CA. At ²Ægonis est capras pascere. Po. Malim esse. CA. Pulchre tibi precaris; caper citius fies, quam capra. Po. Esse dixi, pro edere. CA. Eleganter. Libenter succurris pauperibus? Po. Non est quod dem. CA. At esset, si sobrie viveres, si gnauiter laborares. Po. Dulce est otium. CA. Servas præcepta Dei? Po. Grave est. CA. Agis admissorum poenitentiam? Po. Christus pro nobis dependit. CA. Unde igitur declaras te amare Euangelium? Po. Dicam. Franciscanus quidam apud nos non desinebat e suggesto deblaterare in Novum Testamentum Erasmi: conveni hominem privatum, lavam injeci capillis, dextra pugilem egi, fuggillavi illum magnifice, totamque faciem tuber reddidi. Quid ais? non est hoc favere Euangelio? Deinde absolvi illum a commissis, hoc ipso codice ter in verticem impacto, fecique tria tubera, in nomine Patris, & Filii, & Spiritus Sancti. CA. Satis quidem Evangelice. Istuc nimirum est Euangelium Euangelio defendere. Po. Occurrit alter ejusdem sodaliti, qui nullum neque modum, neque finem faciebat debacchandi in Erasmus. Accensus Evangelico zelo, minis hominem adegi, ut utroque genu flexo rogaret veniam, fatereturque, se, quæ dixerat, instigante Diabolo dixisse: ni fecisset, jam halbardacha erat in cervicem vibrata. Vultus erat qualis esse solet Martis irati. Hoc gestum est coram aliquot testibus. CA. Miror hominem non fuisse protinus exanimatum. Sed ut pergamus. Vivis caste? Po. Id fortasse fiet, ubi senuero. Sed vis tibi verum fatear, Canni? CA. Non sum sacerdos: si confiteri libet, alium quære. Po. Deo soleo confiteri, sed tibi fateor, me nondum esse perfectum Evangelicum, sed unum e populo. Habemus quatuor Evangelia, nos Evangelici quatuor res potissimum venamur: ut ventri bene sit; ne quid desit iis, quæ sub ventre sunt: tum ut sit unde vivamus; postremo ut liceat, quod lubet, agere. Hæc si suppetant, inter pocula clamamus; Io triumphæ, io Pæan; vivit Euangelium, regnat Christus. CA. Ista quidem Epicurea vita est, non Evangelica. Po. Haud inficior. Sed scis, Christum omnipotentem esse; potest repente vertere nos in alios homines. CA. Potest & in suos; quod quidem proclivius arbitror, quam in bonos viros. Po. Utinam non essent peiores in mundo suis, bubus, asinis, & camelis! Multos videas leonibus truculentiores, lupis rapaciores, passeribus falaciores, canibus mordaciores, viperis nocentiores. CA. At jam tempus est, ut ex animante bruto in hominem incipias verti. Po. Recte mones. Nam horum temporum prophetæ dicunt instare supremum mundi diem. CA. Tanto magis properandum. Po. Exspecto Christi manum. CA. Vide ut tu manui ceream præbeas materiam. Sed unde colligunt, in propinquo esse mundi finem? Po. Quoniam, inquit, idem nunc faciunt homines quod faciebant imminente diluvio: epulantur, potant, comedantur, ducunt, nubunt, scortantur, emunt, vendunt, scenerant & scenerantur, ædificant: Reges belligerantur, Sacerdotes student augendis censibus, Theologi nectunt syllogismos, Monachi per orbem cursitant, populus tumultuatur, Erasmus scribit colloquia: denique nihil malorum abest, fames, sitis, latrocinia, bellum, pestilentia, seditio, rerum bonarum inopia. An non hæc arguunt adesse finem rerum humanarum? CA. Ex hoc malorum accervo, quod tibi est molestissimum? Po. Divina. CA. Quod crumenam tuam obfident araneæ. Po. Dispeream, nisi rem acu tetigisti. Nunc venio recens a comotatione: alias sobrius tecum disputabo, si voles, de Evangelio. CA. Quando te videbo sobrium? Po. Cum fuero. CA. Quando eris? Po. Cum videris. Interim, mi Canni, sis felix. CA. Tibi vicissim opto ut sis & quod diceris. Po. Ne me vincas officio, precor ne Cannium unquam destituat, unde cognomen sortitus est.

¹ Offendere suo cibo] Verba exstant 1 Corinth. 8. v. 13.

² Ægonis] Respicit ad Virgilian. id: Non, verum Ægonis: nuper mihi tradidit Ægon.

³ Esse] Id est, edere: alter a sum derivat.

⁴ Quod diceris] Πολύφημος enim celebrem designat, de quo multa narrantur, a πολλός multus & φημί dico.

⁵ Cannium] Jocoſe: iuſerat quippe Cannius in voce Polyphemi, ergo alter & in voce Cannii. Vult Polyphemus, ut nunquam Cannius deſtituatur poculis & trullis viniſ cerevitiariſque. Poculum enim Germanis Belgique cen Kanne dicitur.

Ἀπορριόνον, sive ABSURDA.

ANNIUS, LEUCIUS.

AN. **A**udio te interfuisse nuptiis Pancratii & Albinæ. LE. Nunquam antehac infelicius navigavi, quam hoc tempore. AN. Quid ais? tantam fuisse hominum frequentiam? LE. Nec unquam mihi vilior fuit vita, quam id temporis. AN. Vide quid faciant opes. Ad meas nuptias pauci convenirent, idque tenues. LE. Vix fueram ingressi pelagus, ortus est ingens turbo. AN. Narras Deorum cœtum. Totne aderant viri principes, tot matronæ nobiles? LE. Boreas dissecuit velum, dissecitque dissipavit. AN. Desponsam novi. Nihil fingi potest venustius. LE. Mox fluctus revulſit clavum. AN. Idem videtur omnibus. Nec sponsus admodum illi cedit, ut ajunt, formæ gratia. LE. Quid animi censes nobis illic fuisse? AN. Sane rarum nunc est virgines nubere. LE. Remigandum nobis erat. AN. Dotem vix credibilem narras. LE. Ecce mox aliud malum. AN. Cur puellam impuberem commiserunt tam feroci? LE. Apparuit piratarum navis. AN. Profecto sic est; in multis nequitia supplet ætatem. LE. Ibi nobis gemitum fuit bellum, alterum cum mari, alterum cum prædonibus. AN. Huius tantum donariorum? Interim pauperibus nemo dat festucam. LE. Quid? cederemus? Imo desperatio vitæ addebat animos. AN. Vereor ne sint steriles nuptiæ, si vera prædicas. LE. Imo injecimus harpagones. AN. O rem novam! ante nuptias gravida? LE. Si spectasses eum conflictum, fatereris me non esse fœminam. AN. Ut audio, conjugium hoc non solum ratum est, sed etiam consummatum. LE. Inſilimus in navim piraticam. AN. At demor te vocatum alienum, me præterito, qui tertio propinquitatis gradu sponsæ patrem contingo. LE. Ipsos in mare præcipites dedimus. AN. Vera prædicas; infelicius nulli sunt affines. LE. Quidquid erat prædæ, inter nos partiti sumus. AN. Expostulabo cum puella primo quoque tempore. LE. Mox exorta est subita tranquillitas: dixisses esse Alcedonia. AN. Si illi res est, mihi est animus. Nihil moror illius benevolentiam. LE. Ita pro una duas naves in portum deduximus. AN. Indignetur qui alit. LE. Quo eam, rogas? in templum, veli partem dicaturus divo Nicolao. AN. Hodie non est liberum mihi, nam ipse domi convivas exspecto; alias non excusabo.

⁶ ἵππους ἀνίππος, sive Ementita Nobilitas.

HARPALUS, NESTORIUS.

HA. **P**otes me tuo levare consilio? Senties me hominem non immemorem, nec ingratum. NE. Dabo expeditum, ut sis, quod esse velis. HA. At nobis in manu non est, ut nascamur nobiles. NE. Si non est, enitere benefactis, ut a te initium capiat nobilitas. HA. Perlongum est. NE. Exigua summa tibi vendet Cæsar. HA. Vulgo rideatur emptitia nobilitas. NE. Cum nihil sit magis ridiculum quam ementita nobilitas, quid est ut tantopere affectes nomen equitis? HA. Sunt causæ, nec leves; quas tibi non gravabor indicare, si mihi commonstraris rationes, quibus nobilitatis opinionem mihi parem apud vulgus. NE. Nomen absque re? HA. Atqui cum res abest, proximum est opinio. Sed age, consule, Nestori, ubi causas audieris, fateris operæ pretium. NE. Quando ita vis, dicam. Primum fac procul te abducas a patria. HA. Memini. NE. Ingere te in convictum juvenum vere nobilium. HA. Intellego. NE. Hinc primum orietur suspicio, te talem esse cum quilibet victitas. HA. Sic est. NE. Vide ne quid habeas plebeum. HA. Quidnam? NE. De cultu loquor. Ne vestis sit lanea, sed aut serica, aut, si deest qui emas, fustanea, denique vel canabea potius, quam panneæ. HA. Recte. NE. Vide ne quid sit integrum, sed disſeca pileum, thoracem, caligas, calceos, ungues, si potes: neve quidquam humile loquaris. Si quis ex Hispania veniat hospes, roga quomodo conveniat ⁷ Cæsari cum Pontifice, quid agat affinis tuus

Tem. I.

Ggg

Co-

⁶ ἵππους ἀνίππος] Id est, eques sine equo. ἵππους vel ἱππότης Græcis eques, ἀνίππος equo carens vel equo non insidens. Quandoque etiam sumitur pro equitandi imperito vel inequitabili.

⁷ Cæsari cum Pontifice] Gravia enim dissidia Erasmi tempore alebat Carolus Cæsar cum Pontifice Romano Clemente VII. Ita quidem ut ille ductu Barbouii Romam armata manu cepit captamque misere diriperit, & Pontifex a Germanis Hispanisque militibus summis probris affectus fuerit.

Comes a Nassauen, quid ceteri congerrones tui. HA. Fict. NE. Sit anulus in digito cum gemma signatoria. HA. Si quidem oculi ferant. NE. At parvo constat anulus aureus inauratus cum gemma factitia. Sed adde clypeum cum insignibus. HA. Quenam mihi suades deligam? NE. Duo mulctra, si velis, & cantharus cerevisiarum. HA. Ludis: age dic serio. NE. Nunquam fuisti in bello? HA. Ne vidi quidem. NE. At interim, opinor, decollasti anferes & capos rusticorum. HA. Persape, & quidem fortiter. NE. Pone macharam argenteam, tria anserum capita aurea. HA. In quo solo? NE. Quo? nisi sanguinolento, monumentum fortiter effusi cruoris. HA. Quid ni? rubet sanguis anserinus æque atque humanus. Sed perge, obsecro. NE. Hunc igitur clypeum pro foribus omnium diverforiorum, in quibus forte versatus es, affigendum curato. HA. Quid addetur galeæ? NE. Recte submones. Eam facies ore dissesto. HA. Quam ob rem? NE. Ut spires, deinde ut congruat vestitui. In vertice quid eminebit? HA. Exspecto. NE. Caput canis demissis auribus. HA. Vulgatum est. NE. Adde duo cornua: rarum hoc est. HA. Placet. Sed quæ bestiae festinebunt clypeum? NE. Cervos, canes, dracones, gryphes occuparunt Principes; tu ponito duas harpyias. HA. Optime consulis. NE. Restat cognomen. Heic istud in primis cavendum, ne plebejo more te patiaris vocari Harpalum Comensem, sed Harpalum a Como: hoc enim Nobilium est, illud sordidum Theologorum. HA. Sic memini. NE. Habesne quidquam cuius te posses appellare dominum? HA. Ne haram quidem. NE. In urbe celebri natus es? HA. In obscuro pago; non enim fas est ei mentiri unde petis medicinam. NE. Recte est. Sed ei pago nullus est vicinus mons? HA. Est. NE. Et habet alicunde rupem? HA. Habet præruptam. NE. Ergo sis Harpalus eques ab aurea rupe. HA. Atqui mos est magnatum, ut suum quisque symbolum habeat vocale, quemadmodum 2 Maximilianus habebat, *Tene mensuram*: 3 Philippus, *Qui volet*: 4 Carolus, *Uterius*: item alius aliud. NE. Tu adscribito, *Omnis iacta sit alea*. HA. Næ tu percommode dicis. NE. Jam quo firmior sit hominum opinio, fingito literas a magnatibus ad te missas, in quibus identidem appelleris Eques clarissimus, magnarumque rerum fiat mentio, de feudis, de arcibus, de multis florenorum millibus, de præfecturis, de matrimonio opulento. Curabis, ut huiusmodi literæ tibi velut elapsæ, aut per oblivionem relictæ veniant ad aliorum manus. HA. Istud quidem erit mihi commodum: nam & literas novi, & hanc facultatem multo usu paravi, ut cuiusvis manum facile effingam. NE. Interdum insue vestii, aut relinque in crumena, ut quibus fariendi negotium dederis, illic reperiant. Illi non silebunt; & tu, simul ac resciveris, compones vultum ad iracundiam ac mœstitiam, quasi doleat casus. HA. Et istuc jam pridem meditatus sum, ut faciem tam facile mutem, quam perforam. NE. Ita fiet, ut nec fucus suboleat, & res cum fide spargatur. HA. Curabitur sedulo. NE. Deinde sodales aliquot adfiscendi sunt, aut etiam famuli, qui tibi cedant loco, & apud omnes te Joncherum appellent. Nec est, quod heic sumtum metuas, sunt plurimi juvenes, qui vel gratis cupiant hanc agere fabulam. Adde huc, quod hæc regio scatet juvenibus eruditulis, qui mira tenentur scribendi libidine, ne dicam scabie. Nec desunt famelici quidam typographi, nihil non audentes, si spes quæstus affulserit. Ex his aliquot suborna, qui in libellis suis te prædicent patriæ procerem, idque subinde repetatur literis majusculis. Hac via vel in Bohe-

1 *Comes a Nassauen*] Notissimi comites hi, præcipue bello Belgico proximo: quod tam stupendis successibus, Federatæ Belgicæ Ordines auspiciis Nassaviæ Comitum Gulielmi, Mauriti & Frederici Henrici cum Hispanis gesserunt. Bertius Nassau quasi *Nas Gau*, id est, humidis paludibus & campis cinctam regionem, dictam vult. *Nas* enim vel *Nas* madidum & *Gau* vel *Gow* regionem vel specialius latam viam aquas dirimentem designat.

2 *Maximilianus*] Designat auctor Maximilianum Austriæ Ducem post Regem & tandem Cæsarem Romanum, qui in uxorem duxerat Mariam Caroli Audacis unicam filiam: ex qua suscepit Philippum & Margaretam.

3 *Philippus*] Philippus hic dicti Maximiliani filius, matrimonium iniit cum Joana Ferdinandi Castiliæ Regis filia: quæ ipsi peperit Carolum cognomento Quintum, & Ferdinandum. Jure hereditario hujus Joannæ Hispaniarum regnum ad Philippum hunc Burgundiæ Ducem, Comitem Hollandiæ &c. devolutum est.

4 *Carolus*] Carolus ergo Philippi filius Maximiliani nepos fuit. Ipsius res gestas fuscè perscripsit Alonso de Ulloa satis grandi volumine. De symbolis autem his vide Baudartium in *Apophthegmatibus*.

5 *Joncherum*] Joncherus vox Germanica & Belgica, idem designans quam juvenem Dominum, composita ex *Jong* juvenis & *Heer* Dominus. Vulgo autem nobilium filii ita dicuntur.

ma celebrabunt procerem patriæ. Et citius enim & latius discurrunt libelli, quam voces, aut quamlibet loquaces famuli. HA. Nec ista displicet ratio. At famuli sunt alendi. NE. Sunt: at non ales famulos 6 *axipus*, & ob id *axipus*. Mitantur huc & illuc, invenient aliquid. Scis varias esse talium rerum occasiones. HA. Define; teneo rem. NE. Superfunt artes. HA. Aveo scire. NE. Nisi sis bonus aleator, probus chartarius, scortator improbus, potator strenuus, profusus audax, decoctor & confiator æris alieni, deinde scabie ornatus Gallica, vix quisquam te credet equitem. HA. In istis quidem jam pridem exercitatus sum: sed unde sumtus? NE. Mane; istuc ibam. Est tibi patrimonium? HA. Perpusillum. NE. Postquam apud multos confirmata fuerit nobilitatis opinio, facile reperies fatuos qui tibi credant; quosdam etiam pudebit negare, quidam metuent. Jam ut ludas creditores, millesunt artes. HA. Earum quidem rudis non sum. Sed tandem urgebunt, ubi perspexerint nihil esse nisi verba. NE. Immo nulla est commodior ad regnum via, quam debere quamplurimis. HA. Qui sic? NE. Primum creditor observat te non aliter quam obligatus magno beneficio, vereturque ne quam præbeat ansam amittendæ pecuniæ. Servos nemo magis habet obnoxios, quam debitor suos creditores; quibus si quid aliquando reddas, gratus est, quam si dono dones. HA. Animadverti. NE. Illud tamen caveto, ne cum tenuibus habeas commercium. Nam hi ob parvulam summulam ingentes excitant tragedias. Placabiliores sunt, quibus laetior est fortuna; cohibet illos pudor, lætat spes, deterret metus, norunt quid possint equites. Postremo, cum inundaverit æris alieni magnitudo, fictis causis alio demigra, atque inde rursus alio. Nec est, quod huius rei te pudeat. Nulli magis obæratum sunt, quam magni Principes. Si quis rusticus urgeat, finge offensum improbitate animum. Interdum tamen aliquid reddito, verum nec totum, nec omnibus. Illud ubique curandum, ne cui suboleat tibi prorsus exhaustos loculos. Semper ostenta. HA. Quid ostentet qui non habet? NE. Si quid amicus apud te deposuit, ostenta pro tuo; sed artem dissimula, cura ut casus videatur. In hunc usum interdum sumito pecuniam commodato, quam mox reddas. Ex loculo nummis æreis distento, profer aureos duos ibi sepositos. Cætera ex te ipso conjicito. HA. Intellego. At tandem obruar oportet ære alieno. NE. Scis quantum apud eos liceat equitibus. HA. Nihil non, & quidem impune. NE. Ergo famulos ale non segnes, aut etiam sanguine propinquos, qui alioqui forent alendi. Occurreret negotiator quem obvium spoliarent. Reperient aliquid in diverforiis, aut in arcebus, aut in navibus incustoditum. Tenes? Meminerint non frustra datos homini digitos. HA. Siquidem tuto. NE. Cura ut habeas pulchre vestitos, cum insignibus. Committe literas fictitias ad summates. Si quid clam sustulerint, nullus audebit illos insimulare: etiam si quid suspicerint, timebunt equitem dominum; sin vi prædam extorserint, bellum vocabitur. His progymnasmatibus ad bellum præluditur. HA. O felix consilium! NE. Jam illud equestre dogma semper erit tuendum, *Jus fasque esse equis plebejorum viatorem exonerare pecunia*. Quid enim indignius, quam ignobilem negotiatorem abundare nummis, cum interim eques non habeat, quod impendat scortis & alæ? Fac semper te adjungas magnatibus, vel ingeras potius: ne quid pudeat, perfricanda frons est, sed præsertim hospitibus: eoque præstat in celebri quopiam loco vitam agere, puta in thermis, frequentibus diverforiis. HA. Istuc ipsum erat in animo. NE. Heic sæpenumero fortuna prædam obijcit. HA. Qui? rogo. NE. Puta, hic aut ille reliquit crumenam, aut oblitus reliquit clavim in fera promptuarii. Cætera tenes. HA. At. NE. Quid metuis? de sic culto, de tam magnifice loquente, de equite ab aurea rupe, quis audebit suspicari? Et, si quis forte tam improbus exstiterit, quis erit tam audax, ut te appelleret? Interim suspicio derivabitur in aliquem hospitum, qui pridie discesserit. Turbabitur famulitia cum pandocleo. Tu tranquillus tuam personam agito. Hoc si acciderit homini modesto, cordatoque, silebit, ne simul cum damno lucrificatui pondorem, qui rem suam indiligenter servaverit. HA. Non absurde dicis: nam nosti, opinor, Comitem a vulture albo. NE. Quid ni? HA. Apud hunc diversatus est, ut accepi Hispanus quidam, specie cul-

6 *Axipus*] Id est, sine manibus; *axipus*, inutilis.

cultuque sane quam liberali. Is abstulit florenos sexcentos: nec unquam Comes ausus est queri. Tanta erat hominis majestas. NE. Habes exemplum. E famulis tuis interdum aliquem amandes, in bellum scilicet. Is spoliatis templis aut monasteriis quibuscumque, redibit onustus præda bello parta. HA. Hoc quidem est tutissimum. NE. Est & alia ratio conflandæ pecuniæ. HA. Narra, obsecro. NE. In bene nummatis finge causas irarum, præsertim in Monachos aut Sacerdotes, qui nunc apud omnes fere summa laborant invidia. Alius iriserit aut conspuerit clypeum tuum, alius parum honorifice de te sit locutus, alius scripserit aliquid, quod in calumniam detorqueri valeat. His per faciales tuos ¹ ἀσπονδον πόλεμον denuntia. Sparge minas atroces, exscidia, exitia, ² πανολεθρίας meras: territi venient ad componendam litem. Ibi fac magno æstimes tuam dignitatem, hoc est, iniquum petas, ut æquum feras. Si postules tria millia, pudebit minus offerre, quam ducentos aureos. HA. Aliis minitator leges. NE. Istud propius quidem accedit ad sycophanticam: sed tamen juvat & hoc in partem. Sed heus, Harpale, pene exciderat, quod dictum in primis oportuit; puella quæpiam bene dotata in matrimonii nassam illaqueanda est. Habes apud te philtrum, juvenis es, candidulus es, lepidus nugator es, rides blandum. Sparge, te magnis promissis adscitum in aulam Cæsaris. Amant puellæ Satrapis nubere. HA. Novi quibus hoc bene cesserit. Cæterum quid si fucus tandem erumpat, & infiliat undique creditores? Irridebor personatus eques. Nam id apud istos turpius est, quam sit templum sacrilegio spoliis. NE. Heic oportet meminisse perfrictæ frontis. Illud in primis, quod nullis unquam temporibus magis licuit audacia pro sapientia uti, quam hodie. Communiendum est aliquid quod excuset. Deinde nunquam deerunt candidi, qui faveant tuæ fabulæ; nonnulli civiliores dissimulabunt intellectum fucum. Postremo, si nihil aliud, profugiendum est aliquo in bellum, in tumultum. Quemadmodum ³ κλύζει θάλασσα πάντα τ' ἀνδράπων κακὰ ita bellum operit omnium scelerum sentinam. Nec enim habetur hodie bonus belli dux, nisi tali tirocinio præparatus accesserit. Hoc erit extremum asylum, si cuncta fefellerint. Verum omnis movendus erit tibi lapis, ne huc veniatur. Vide ne te securitas opprimat; oppidula minuta fuge, in quibus ne pedere quidem licet, ni populus sciat: in magnis ac frequentibus civitatibus plus est licentiæ, nisi si qua sit Massiliæ similis. Dissimulanter expiscare quid quisque de te loquatur. Ubi senseris hujusmodi voces increbrescere: Quid agit? cur heic tot annos moratur? cur non revertis patriam? cur negligit arces suas? unde ducit imagines? unde tanta profusioni facultates? Hoc genus, inquam, voces, ubi coeperint magis ac magis gliscere, tum mature tibi de migrando cogitandum est: sed sit fuga, leonina, non leporina. Adsimula te vocari in aulam Cæsaris ad res magnas, brevi te adfuturum cum exercitu. Non audebunt in absentem hircere, quibus est quod nolint amittere. Sed in primis tibi censeo cavendum genus istud hominum poeticum, irritabile, nigrumque. Illinunt chartis, si quid illos habet male: subitoque per orbem spargitur quidquid ille verint. HA. Dispeream, ni mihi vehementer placeat tuum consilium. Efficiam, ut intelligas te nactum docile ingenium, & juvenem minime ingratum. Equum quem primum te dignum nactus in pascuis fuero, tibi dono mittam. NE. Nunc superest, ut quod pollicitus es, vicissim præstes. Quid est, cur tantopere affectes falsam opinionem nobilitatis? HA. Nullam aliam ob causam, nisi quod his omnia licent impune. An hoc tibi leve videtur momentum? NE. Ut pessime cedat, mors una debetur naturæ, etiam si vixisses in Carthusia. Et levius moriuntur in rota, quam qui moriuntur calculo, podagra aut paralyfi. Nam militare est, credere, nihil hominis superesse post mortem, præter cadaver. HA. Sic opinor.

¹ Ἀσπονδον πόλεμον] Id est irreconciliabile bellum.

² Πανολεθρίας] Id est, omnium rerum destructiones.

³ Κλύζει, &c.] Id est, eluit mare omnium hominum mala.

⁴ Massilia] Nempe non adiret Massiliam aut Massiliæ similem urbem frequentem quidem & magnam, sed severam nec istius farinae homines ferentem. De severitate Massiliensium multa memoriarum prodiderunt fide digni auctores. Inter alios Valerius Maximus testatur, nullos mimos in scenam admisisse, ne parum pudicis fabularum argumentis, civium mores inficerentur, nec eos, qui religionis prætextu vitam inertem & ociosam sectarentur, intra portas recepisse. Itaque nequaquam accommoda esset istiusmodi urbs huic Harpalo, utui spatiosa. Vide Ciceronem pro Flacco & Strabonem.

Ἀσραγαλισμός, sive TALORUM LUSUS.

CAROLUS, QUIRINUS.

QV. D Isce, inquit Cato, sed a doctis. Cupio itaque, mi Utenhovi, te magistro discere; quam ob rem prisca illi religionis antistites edixerint, ut clerici talaribus tunicis uterentur, hoc est, usque ad talos demissis. CA. Duae, opinor, de causis. Primum verecundiæ gratia, ne quid nudi pateret oculis. Nam olim nec hoc caligarum genus fuit repertum, quod nunc ab ilibus usque ad imos pedes corpus tegit, neque subligaribus aut femoralibus vulgo utebantur. Eadem de causa turpe est foeminis brevioribus uti vestimentis, quo magis consultum sit sexus pudori. Deinde ut non solum moribus, verum etiam habitu differrent a populo, in quo ut quisque est profanissimus, ita brevissimis tunicis uti gaudet. QV. Non dissimile veri est quod narras. Cæterum ex Aristotele, Plinioque didici, nulli hominum esse talos, sed tantum quadrupedibus, non tamen omnibus, sed bisulcis plerisque, nec rursus his nisi in tibiis posterioribus. Unde igitur vestis dici talaris potest, quam gestat homo, nisi fuerint homines olim quadrupedes, juxta fabulam Aristophanis. CA. Imo, si credimus Oedipo, & quadrupedes, & tripedes, & bipedes inveniuntur homines: nec raro nobis e bello redeunt unipedes, interdum apodes: sed quod ad tali vocabulum attinet, rectius mireris, si legas Horatium, qui fabulis quoque talos attribuit. Sic enim opinor, scribit in Arte poetica:

Securus, cadat, anrecto stet fabula talo.

QV. Poetis licet, ut libet, loqui: apud quos Tmolus habet aures, & naves loquuntur, & saltant quercus. CA. Quin & 7 Aristoteles tuus hoc te docere poterat, esse talos dimidiatos, quos ille vocat ἡμισαράγλους, quales tradit esse lyncum generi. Addit, leonibus inesse quiddam vice tali, sed amfraetuosum, quod ille vocat λαβρινθῶδες, Plinius vertit tortuosum. Denique ubicunque committuntur ossa ossibus ad flexus commoditatem, cava prominentibus inter se respondent, utrinque lubrica cartilagine communitis, ac velut incrustatis partibus, ne mutuo attritu sese lædant, ut idem docet Aristoteles. In his fere est aliquid quod a tali similitudine pariter & usu non discrepat; velut in ima tibia juxta calcaneum, ubi totius pedis flexus est, prominet quiddam talo simile, quod Græci σφυρὸν appellant. Rursus in flexura genu, quod, ni fallor, ισχίον appellant, quiddam vertebrium. Simile quiddam videmus in coxendicibus, in humeris, postremo in commissuris digitorum, pedis, ac manus. Quod ne tibi mirum videatur, Græci tradunt ἀσραγάλους vocabulum apud probatos auctores tributum etiam ossibus, quibus spina connectitur, præsertim in cervice. Citant enim hoc carmen:

Ἐκ δὲ μοι αὐχὴν ἀσραγάλων ἰάγῃ.

Quoniam autem Aristoteles tradit priores tibias animanti datas ad celeritatem, & ob id carere talis; posteriores ad stabilitatem, quod in eam partem vergat pondus corporis, quemadmodum ad robur iis, quæ calcibus ferunt: Flaccus dum significare vult fabulam non ejectam, sed ad finem usque peractam, dicit illam stetisse fixo talo: nec aliter tribuit fabulæ talum, quam nos libro tribuimus calcem, & volumini umbilicum. QV. Næ tu probe Grammaticum agis. CA. At quo magis id credas, Græci literatores ἀσράγλον dici volunt a σπέρῳ, & a particula privativa, quod minime flectatur, sed immobilis sit. Quanquam alii malunt ἀσράγλον, interjecta litera ε, dictum pro ἀσράγλον, quod lubrica volubilitate stare nesciat. QV. Ad istum modum licet plura divinare. Simplicius erat dicere, Nescio. CA. Non usque adeo videbitur absurda divinatio, si cogites quantam habeat caliginem vocum primitiva origo: tum in re nullam esse contrarietatem; quod apparebit, si propius inspicias: Volubilis est talus, sed ita volubilis, ut eam partem cui innectitur, reddat ad standum firmiorem: deinde os ossi connectit, ne facile luxari queat. QV. Tu vel sophistam agere possis, quantum video, si libeat. CA. Sed nihil est, Tale si, quod nos torqueat etymologia vocis. Nam quod hodie

Tom. I. Ggg 2 Græ-

⁵ Ἀσραγαλισμός] Ἀσραγαλισμός talorum lusus.

⁶ Utenhovi] Utenhoviorum genus apud Gandavenfes nobilissimum. Hic autem Carolus Utenhovius, cui cum Erasmo magna intercedebat familiaritas, fuit vir apprime doctus, Gandavenfis, Dominus Merhegemii.

⁷ Hist. Animalium Lib. 1. c. 1. cum quo confer & Lib. 14. c. 10.

⁸ Ἐκ δὲ μοι] Id est, effracta mihi cervice est extra talos.

839

Græci vocant ἀσράγαλον, prisci quorum est Callimachus, dixerunt ἀσρίον, cuius hoc refertur hemistichium; ¹ Δέκα δ' ἀσρία αἰνυτο λυτρον. unde quemadmodum ἀσραγαλίζειν, ita & ἀσρίζειν dicebant talis ludere. Qv. Quale est igitur illud quod proprie talum vocant? CA. Est id quo nunc ludunt pueila: olim puerorum erat lusus, quemadmodum nuces. De quo est illud Græcorum; ² Ἀμφ' ἀσραγάλοις χολωθείς, cum iram levi de causâ susceptam indicant. Rursus Horatius in Odis: *Nec regnavini fortiter talis*. Item in Sermonibus: *Te talos Aule, nuceſque, &c.* postremo dictum illud Lacedæmonii, ni fallor, *Pueros esse fallendos talis, viros ju-rejurando*. Hunc talum negant in ullo animante inveniri, quod sit μώνυχον, hoc est, ungula solida, excepto asino Indico unicornio: aut quod sit πολυχιδής, hoc est, pede in multos digitos ungulaſve fisso; quod genus sunt leo, panthera, canis, simius, homo & avis, aliaque permulta. Quæ vero δίχyla sunt, hoc est, ungula bifurca, pleraque talum habent, idque, ut recte dicebas, in posterioribus cruribus. Uni homini duplici de causâ tali non sunt; primum quia bipes, deinde quia quinque digitis fisos habet pedes. Qv. Ista frequenter audivi. Cæterum pervelim mihi situm ac formam tali describi. Nam istud lusus genus etiam masculos hodie fastiditum est; sed aleam, chartas aliosque masculos lusus affectant. CA. Non mirum, cum affectent & Theologiam. Verum etiam si mathematicus sim, aut pictor, aut etiam plastes; non possim tibi melius tali formam exhibere, quam ipso talo: nisi mavis, ut tibi describam per literas, ut illi solent. Qv. Habesne talum? CA. En tibi ovillum e dextro crure. Vides quatuor duntaxat latera, cum in cubo, & alea, seu tessera sint sex; in ambitu quatuor, in summo & imo duo. Qv. Sic est. CA. In talo, quoniam summa pars & ima curvatur, non sunt nisi quatuor latera: quorum unum vides velut in dorsum intumescere. Qv. Video CA. Quod est e regione, cavum habere. Illud Aristoteles vocat πρᾶνις, id est, primum; hoc, ὕπλιον, id est, supinum. Velut in congressu uxoris & mariti, cum dant operam liberis, mulier supina est, vir pronus; & manus si vola spectet terram, prona est, si invertas, supina. Quamquam oratores & poetæ nonnunquam his verbis abutuntur, quod ad hanc rem nihil attinet. Qv. Istuc quidem eleganter oculis subieciſti. Inter reliqua duo latera quid est discriminis? CA. Alterum modice cavatum est, ut ossi, cui innectitur, congruat: alterum propemodum nihil habet concavi, minusque armatum est cartilaginea tunica, sed tantum nervo & pelle tegitur. Qv. Video. CA. Pronum latus nihil habet nervorum, sed supinæ partis concavo adhæret nervus, quemadmodum dextri lateris summo, lævi imo. Qv. Pulchre narras: sed unde dignoscam dextrum a sinistro? CA. Recte admones. Nam perperam docui, nisi dextri cruris talum intelligas. Dicam igitur melius, simulque, quod volebas, situm indicabo. Talus est in ipsa suffragine cruris infra coxam. Qv. Complures arbitrantur juxta pedem esse. CA. Errant. Is qui proprie dicitur talus, est in suffraginibus, quas Græci καμπᾶς vocant, sed crurum, ut dixi, posteriorum. Inter pedem tuum & genu tibia est. Qv. Sic opinor. CA. Post genu καμπή. Qv. Assentior. CA. Nam qui flexus est homini in brachiis, idem est quadrupedibus in cruribus posterioribus; simiam excipio femihominem. Itaque quod genu est in cruribus, id cubitus est in brachiis. Qv. Animadverto. CA. Itaque flexus flexui respondet. Qv. Illud dicis crurum posteriorum & priorum. CA. Tennes. In ea igitur suffragine, quæ respondet suffragini, quæ est post genu, stat talus erectus, cum stat quadrupes, cuius summa & ima pars leniter incurvatur, quamquam non prorsus eodem modo. Nam superior replicatur in cornua quædam, quas Aristoteles appellat καγαίας, ³ Theodorus vertit *antennas*, juxta quas se submittit pronum latus; ima, tale nihil habet. Qv. Plane video. CA. Illud ergo latus quod spectat tibias priores, Aristoteles vocat *supinum*: quod illi adversum est, *prorum*: Rursus sunt duo latera, quorum

¹ Δέκα δ' ἀσρία] Id est, decem vero talos capis primum. Vide fragmentum cccxxviii. in iis quæ collegit Rsc. Bensleyus, in Ed. Callimachi Ultrajectina.

² Ἀμφ', &c.] Id est, ob talos iratus.

³ Theodorus] Intelligit Theodorum Gazam: qui Victorino Flectrensi magistro usus, usque adeo copiose & diligenter, teste Jovio, Latinas literas didicit, ut longe omnium Latinissime scriberet, nec plane dignosci posset, an exactius & certius ab eo Latina Græce an ipsa Græca Latine viderentur, Sacerdotium in Magna Græcia commendante Bessarione adeptus, tandem plane senex obiit.

alterum intus spectat tibiam posteriorem, puta levam aut dextram, alterum spectat foras. Quod intorsum spectat, Aristoteles appellat κύλον, quod foras, ισχίον. Qv. Proflus oculis ream video. Jam superest ut nobis indices, quæ fuerit olim talis ludendi ratio. Nam qui lusus nostra memoria dicitur in usu fuisse, nihil convenit cum iis quæ comperimus apud priscos auctores de hoc ludendi genere. CA. Ac sane fieri potest, ut quemadmodum hodie chartis ac tessellis ad varias ludendi formas abutimur, ita non fuerit eadem apud veteres talis luditandi ratio. Qv. Probabile est quod dicis. CA. Theodorus Gaza, sive ut alii malunt appellare, ⁴ Theſſalonicensis, vertens Aristotelis librum: *De Historia animalium secundum*, ait, tali latus, quod foras transverſum spectat, *Canem* vocari, quod intorsum ad alterum crus, *Venerem*. Cæterum hoc quidem de suo addidit. Nam Aristoteles hæc tantum ponit: ⁵ τὸ μὲν πρᾶνις ἐξω, τὸ δὲ ὕπλιον εἰςω, καὶ τὰ μὲν κύλα ἐντὸς ἐστραμμένα πρὸς ἀλλήλα, τὰ δὲ ισχία καλόμενα ἐξω, καὶ τὰς κεραίαις ἄνω. Cæterum quando constat ab aliis, *Veneris jactum* appellari, quoties ex quatuor talis nullus est qui summam faciem habet cum alio congruentem, demiror quid sequutus Theodorus, unum latus appellet *Venerem*. Erasmus noster, quem communem habemus amicum, hujusmodi observationum non admodum curiosus, in proverbii aliquot ex auctoritate veterum, indicat quædam de ludo talorum, velut in proverbio, *Non Chius, sed Cous*: refert, *Coum & Senionem*, eundem esse quem Græci ἐχίτην dicunt. Idem tradit in proverbio, *Chius ad Coum*, (addens *Chium* eundem esse cum *Cane*) *Cai* jactum fuisse felicem, *Canis* infelicem, teste Persio:

— Quid dexter senio ferret:

Scire eras in votis, damnoſa cunicula quantum

7 Raderet. —

Idem Propertius:

8 Semper damnoſi subſilvere canes.

Et Ovidius libro de Tristibus secundo, *damnoſos* 9 *Canes* appellat. Addit ex Martiale, *Senionem* videri per se felicem: cæterum infelicem fieri, si accedat Canis. Sic enim loquitur:

Senio nec noſtrum ¹⁰ *cum Cane quaſſat ebur.*

Jam Veneris jactum esse ut rarum, ita felicissimum, indicat Martialis in ¹¹ Apophoretis:

12 *Cum ſeteris vultu nullu tibi talu eodem,*
Munera me dicet magna dedisse tibi.

Tot autem talis ludebatur, quot quisque habet latera. Nam tessellis non plus tribus ludi solet. Sed propius ad ludendi rationem facit, quod scribit Suetonius in Octavio Augusto, recitans ex illius quadam ad Tiberium epistola, hæc: *Inter canam lufimus* ¹³ *γερωνικῶς ὁ βερί ὁ ἡodie*. Talis enim jactitatis, ut quisque canem aut senionem miserat, in singulos talos, singulos denarios in medium conferebat, quos tollebat universos, qui Venerem jecerat. Qv. Docuisti felicissimum esse jactum, cum omnes tali quatuor, ostenderint diversum latus, quemadmodum in tesserarum ludo fortunatiffi-

⁴ Theſſalonicensis] Erat enim Gaza Theſſalonice honesto loco natus; Amurathæ Græciam omnem armis victicibus quætiens in Italiam venit, acuminis & fertilitate ingenii nemini secundus, quam Græcos omnes lingue peritia eruditoque judicio superaret.

⁵ De Historia] De versione Gaze ita testatur Jovius: *Historias Aristotelis de Animalibus & Theophrasti de Plantis, in Latinas fecit, ut Romana Lingua facultatem, quam nova vocabula solenter effingeret, audaci sed generosa translatione locupletavit. Tanta porro felicitate librum M. Tullii de Senectute Græcum reddiderit ut peritissimi præter adequatos sensus, ipsam quoque Ciceronis eloquentia majestatem, scite & graviter representatam admirentur. Transſulſit etiam Problemata Aristotelis & Hippocratis Aphorismos, ut præstantissimis auctoribus ad perspicuam fidem, nec obscure ad salutem humani generis sua dignitas redderetur.*

⁶ τὸ μὲν, &c.] Hoc est, atque illud quidem, quod primum est, foras: quod vero supinum, intus, & cetera quidem intus ex adverso inter se: *Ischia* autem quæ vocat foras, supra vero *antenna*.

⁷ Raderet] Versus Persii exstant Satyr. 1. ad quam vide Jf. Casaubonum & Theod. Marcilium.

⁸ Semper damnoſi] Propert. lib. 4. Eleg. 9.
At quoque per talos Venerem quaerens secundos.
Et tum subnectit hoc pentametrum.

⁹ Canes appellat] Etiam lib. 2. de Arte Amandi:
Damnoſi facito ſtent tibi ſepe canes.

¹⁰ Cum Cane] Martialis l. 13. Epig. 1.
Non mea magnanimo depugnat tessera talo.

Et tum adnectit hoc pentametrum.

¹¹ Apophoretis] Martialis libro 14. Apophoreta nomen indit.

¹² Cum ſeteris] Exstat Epigramma lib. 14. Epig. 14.

¹³ γερωνικῶς] Id est seniliter.

tissimus est, qui dicitur *Midas*; at nondum declarasti hunc jactum dici *Venerem*. CA. Illud expediet tibi Lucianus, ita loquens in Cupidinibus: *Καὶ βαλὼν μὲν ἐπὶ σκοπῇ, μάλιστα δὲ εἰπότε τὴν θεὸν αὐτὴν εὐβολήσεις, μηδενὸς ἀστραγάλι πεισνόντος ἰσὺ σχήματι προσκύνει, τῆς ἐπιθυμίας τεύξεσθαι νομίζον.* Loquitur autem illic de Venere. Qv. Si falsus est Theodorus, duo tantum latera suis vocabulis designantur. CA. Fortassis alicujus auctoritatem ille secutus est, quæ nos fugit: quod apud auctores compertum est, afferimus in medium. Nam sunt qui meminerunt de numero Stesichorio in talis, quem putant ² ogdoadem esse: item de Euripideo, qui continebat quadraginta. Qv. Restat ut lusus leges præscribas. CA. Non arbitror pueros iisdem usos legibus, quibus se usum fuisse scribit Octavius. Nec probabile est, hoc ludendi genus quod commemorat, fuisse publicum. Id si fuisset, satis erat dixisse, *Inter cænam lusimus talis*. Sed mihi subindicare videtur novam ludendi conditionem inter illos repertam, velut aptam senibus, minimeque torquentem animos sollicita cogitatione, quemadmodum faciunt hodie complures lusus, ut levius sit intendere studiis. Qv. Profer, obsecro te, reliquos talos, ut experiamur. CA. Sed deest nobis; turricula volvendis talis, deinde tabula. Qv. Suffecerit hæc mensa ad quaecunque specimen exhibendum. Pro turricula suffecerit cyathus aut pileum. CA. Imo complexus carvarum manuum. Jactus sæpius ostendit supinam partem, quam pronam, & pronam sæpius, quam senionem, aut canem. Qv. Videtur. CA. Si inter quatuor talos exstiterit unus canis, expones nummum; si duo, duos; si tres, tres; si quatuor, quatuor. Item quoties jeceris senionem, toties recipies unum e nummis. Qv. Quid si senionem cum cane? CA. Si vis, uterque nummum addet, neuter tollet; cui primum obtigerit Venus, is auferet acervum. Qv. Quid si talus ostendat partem supinam aut pronam? CA. Is jactus erit irritus, & aut tu jactum repetes, aut jaciendi jus ad me devolvetur. Qv. Placet devolutio. CA. Nunc appone fortem. Qv. Experiamur absque periculo. CA. Vis tu tantam artem discere gratis? Qv. Verum impar certamen est inter artificem & rudem. CA. Atqui spes lucri, & damni metus, reddet te attentorem. Qv. Quanti certabimus? CA. Si vis cito ditescere, centum ducas. Qv. Utinam sint quos deponam! Tutius est paullatim ditescere. En tibi solidum assem. CA. Age, addemus pusillum pusillo, quemadmodum monet Hesiodus; sic quoque fiet *ingens acervus*. Convolve, ac mitte. Felix auspiciu canem habes; appone nummum, & posthac agnosce damnosum latas. Da talos. Qv. Felicius auspiciu; treis habes canes; appone. CA. Insidiatur tibi fortuna; mitte, sed circumvolutos, ô bone. Labor irritus; pronum habes, & supinum. Succedo; tradetalos. Qv. O factum bene! rursus treis video canes. CA. *Μὴ πρό τῆς νίκης ἐγκώμιον.* Illeceat, inquam, te fortuna. Sed heustu, ad hunc quidem modum edoctus sum. At mea sententia fecus lusi Octavius. Qv. Quomodo? CA. Qui canem jecerat, apponebat denarium, ut diximus; qui senionem, nihil quidem auferebat, sed alter ponebat. Qv. Quid si plures seniones existerent? CA. Totidem nummos alter addebat. Bene cumulatam acervum semel tollebat Venus. Et illud addas licebit: Cui nec senio obtigerit, nec canis, nihil aliud quam mittendi vicem perdet. Qv. Non recuso. CA. Mihi videtur & hoc elegantius, si tertio quisque jactu defungatur, qui talos tenet, & mox alteri tradat vices. Qv. Placet: sed quota Venus finiet ludum? CA. Tertia, si videtur. Deinceps liberum erit de integro pacisci. Siquidem cum raro, tum paucis favet Venus. Nunc aggrediamur bonis avibus. Qv. Fiat; sed præstat occludere fores, ne nostræ culinæ regina videat nos puerorum more ineptientes. CA. Imo seniliter potius. Adeone loquacem habes famulam? Qv. Tam futilem, ut si desint homines quibus narret quidquid domi geritur, longo sermone gallinis narret ac felibus. CA. Heus puer, claude ostium, & obde pessulum, ne quis subitus interveniat spectator, quo liceat ad satietatem usque ludere.

¹ Καὶ βαλὼν, &c.] Id est, *ἔσ' ἵαχνος quidem ad scopum, maxime vero si quando ipsam Deam feliciter jactasset, nullo scilicet talorum aqua- li figura cadente; adorabat, arbitratus se desiderio suo fruisurum.*

² Ogdoadem] A Græco ὀγδοάς, octonarius.

³ De hac turricula, ludoque tesserarum & aliis huc pertinentibus, multis egit Claud. Salmasius ad Flavii Vopisci quadrigam Tyrannorum. Eum adeant harum rerum studiosi.

⁴ Μὴ πρό] Μὴ πρό, id est, *ne ante victoriam encomion.*

A SENATULUS, *sive* ὁ γυναικοσυνέδριον.
CORNELIA, MARGARETA, PEROTTA,
JULIA, CATHARINA.

Co. Q Uod felix faustumque sit huic ordini, totique Reipublicæ formineæ, & frequentes hodie convenitis & alacres; unde spem optimam concipio, futurum, ut Deus propitius cuique ea suggerat in animum, quæ ad communem omnium & dignitatem, & utilitatem pertinent. Scitis, opinor, omnes, quantum hinc commodis nostris decesserit; quod, cum viri quotidianis conventibus suum agant negotium, nos colo telæque assidentes, causam nostram deserimus. Itaque res huc devenit, ut nec inter nos sit ulla Reipublicæ disciplina, & viri nos pene pro delectamentis habeant, vixque hominis vocabulo dignentur. Quod si, qua coepimus, pergamus; divinate vos ipsæ, quo tandem res sit evasura, vereor enim verba finitri ominis eloqui. Ut dignitatem nostram negligamus, certe incolumitas debet esse curæ. At sapientissimus ille Rex scriptum reliquit, *ibi demum esse salutem, ubi multa consilia*. Habent Episcopi suas synodos, habent Monachorum greges sua conciliabula, habent milites suas stationes, habent fures sua conventicula, denique habet & fornicarum genus suos congressus. Solæ omnium animantium mulieres nunquam coimus. MA. Sæpius quam decet. Co. Nondum interloquendi tempus est; finite me perorare, dabitur singulis dicendi locus. Neque novum est quod facimus, vetus exemplum revocamus. Siquidem ante annos mille trecentos, ni fallor, Heliogabalus, Cæsar laudatissimus. PE. Qui laudatissimus, quem unco tractum in cloacam projectum esse constat? Co. Rursus interpellor. Si quem hac ratione probamus aut improbamus, malum dicemus Christum, quod in crucem suffixus sit: pius Domitius, quod domi sit mortuus. Atqui nihil obijcitur Heliogabalo atrocius, quam quod sacrum ignem, qui a Vestalibus servabatur, in terram abjecerit: quodque domi in larario Mosen habuerit & Christum, quem illi contumeliæ causa 7 Chrestum vocabant. Is igitur Heliogabalus instituit, ut quemadmodum Imperator cum suis habebat senatum, in quo de rebus communibus consultaret: ita haberet & mater illius Augusta senatum suum, in quo de formineæ gentis negotiis tractaretur; quem viri vel jocandi, vel discernendi gratia, *Senatum* vocabant. Hoc exemplum tot jam sæculis intermissum, res ipsa jam dudum monet nos instaurare. Nec ullam moveat, quod Paulus Apostolus vetat mulierem loqui in coetu, quam ille vocat Ecclesiam: de coetu virorum loquitur, hic coetus est muliebris. Alioqui si semper tacendum erat foeminis, in quem usum natura dedit nobis & linguas, non minus expeditas quam sunt virorum, & vocem non minus sonoram? quamquam illi sonant raucius, ac propius referunt asinos, quam nos. Verum illud oportet nobis omnibus esse curæ, ut ea gravitate tractemus hoc negotium, ne rursus viri ⁸ Senatum appellent; aut fortasse probrosius aliquod nomen excogitent, ut solent in nos libenter esse dicaces. Quamquam si liceat illorum comitia veris æstimare, plusquam muliebria videri possint. Videmus, Monarchas tot jam annis nihil aliud quam belligerari: inter Theologos, Sacerdotes, Episcopos, & populum nihil convenire: quot homines, & tot sententiæ; & in his ipsis plusquam muliebris est inconstantia. Nec civitati cum civitate, nec vicino cum vicino concordia est. Si nobis essent traditæ rerum habentæ; aliquanto, ni fallor, tolerabilius haberent res humanæ. Non est fortasse foeminei pudoris, tantis proceribus tribuere stultitiam; at fas est, opinor recitare quod scripsit Solomon Proverbiorum capite decimo tertio: *Inter superbos semper jurgia sunt: qui autem agunt omnia cum consilio, reguntur sapientia*. Sed ne vos longiore more proemio, uti singula gerantur ordine, decenter & sine tumultu, primo loco tractandum erit, quæ debeant interesse concilio, quæ submovendæ sint. Nam immodica turba tumultus est verius, quam concilium: & paucorum confessus habet quiddam tyrannicum. Huc ego censo nullam recipiendam virginem; eo quod incident permulta, quæ non decet illas audire. Jv. Atquo signo dignoscas virgines? An

Tom. I.

Ggg 3

pro

⁵ Γυναικοσυνέδριον] Id est, *conciliabulum muliercularum.*

⁶ Ibi demum] Proverb. 12.

⁷ Vide Suetonium in Claudio cap. 25.

⁸ Senatum] Vide Lampridium in Heliogabalo.

⁹ Tot sententiæ] Terentianum est.

pro virginibus habebuntur, quæcunque coronam gestant? A Co. Non. At nuptas tantum recipiendas censeo. Jv. Et inter nuptas virgines sunt, quæ maritos habent eunuchos. Co. Sed tribuatur hoc honoris conjugio, ut nuptæ pro mulieribus habeantur. Jv. Alioqui si non excludimus nisi virgines, erit immensa turba, nec multum decrescet numero. Co. Excludentur & plus quam ter nuptæ. Jv. Quam ob rem? Co. Quoniam illis velut emeritis debetur missio. Idem censeo de septuagesimo annu egressis. Statuendum ne qua nominatim de viro suo loquatur petulantius; in genere fas sit; sed ea moderatione, ne quid nimis. CA. Qui minus hic libere de viris liceat dicere, cum ipsi de nobis nusquam non loquantur? Meus Titius si quando studet esse conviva festivior, narrat quid mecum noctu egerit, quid dixerim; neque raro multa solet affingere. Co. Si velimus fateri verum, nostra dignitas pendet a viris: eos si traducimus, quid aliud quam nos ipsas dehonestamus? Quamquam autem habemus non paucas justæ querimonie causas, tamen expensa rerum omnium summa, nostra potior est, quam illorum conditio. Illi dum quærunt rem, per omnes terras ac maria volitant, non sine capitis discrimine: illi, si bellum incidat, excitantur buccina, ferrei stant in acie, dum nos domi sedemus tutæ. Si quid committunt adversus leges, gravius in illos animadvertitur, nostro sexui parcitur. Denique magna ex parte in nobis situm est, ut commodos habeamus maritos. Restat ut de confessus ordine statuatur, ne nobis eveniat, quod frequenter usu venit. Regum, Principum ac Pontificum oratoribus, qui in Conciliis totos tres menses litigant, antequam possint confidere. Itaque censeo primum esse debere nobilium ordinem; & in his præcedent quæ quatuor habent nobilitatis partes: proximæ quæ tres: deinde, quæ duas: postremæ, quæ unam: postremo, quæ dimidia-tam. Et in singulis ordinibus locus ex antiquitate designabitur. Nothæ in suo quoque ordine extremum tenebunt locum. Alter confessus erit plebejarum. In hoc primas tenebunt quæ copiosiore sobolem enixæ sunt. Inter pares litem dirimet ætas. Tertius erit earum quæ nondum pepererunt. CA. Quo mittis viduas? Co. Commode mones. Istis locus dabitur in medio matrum, si modo liberos habent, habuerintve. Steriles extremum obtinebunt locum. Jv. Quem locum designas Sacerdotum ac Monachorum uxoris? Co. De his proximo confesſu deliberabimus. Jv. Quid de his, quæ corpore faciunt quæstum? Co. Non par-tiemur hunc senatum admixtu talium inquinari. Jv. Quid de concubinis? Co. Istarum non simplex est genus; de quibus per otium tractabitur. Adjiciendum est, quomodo fieri debeat Senatusconsultum, punctisne, an calculis, an suffragiis vocalibus, an porrectis digitis, an discessione. CA. In calculis dolus est, quemadmodum & in punctis: si pedibus eatur in sententiam, quoniam vestes longas gerimus, nimium movebimus pulveris: optimum igitur, ut voce pronunciet unaquæque quod sentit. Co. At difficile est numerare voces. Deinde cavendum ne fiat pro concilio convicium. CA. Nihil fiet absque notariis, ne quid possit excidere. Co. Ita quidem consultum est numero. Sed quibus modis excludes convicium? CA. Ne qua loquatur nisi rogata, & suo ordine. Quæ secus fecerit, e senatu movebitur. Tum si qua quid effutierit eorum, quæ heic aguntur, silentio ple-tetur triduo. Co. Hactenus de ratione tractandi. Nunc accipite quibus de rebus consultandum sit. Primam oportet esse curam dignitatis: ea potissimum sita est in cultu. Cuius rei tantus est neglectus, ut hodie vix agnoscas discrimen inter nobilem & plebejam, inter nuptam & virginem aut viduam, inter matronam & meretricem. Adeo sublatus est pudor, ut quidvis usurpent quælibet. Videre est plusquam plebejas ac loci plane fordidi, vestiri holofericis, undulatis, florulentis, virgatis, bysiniis, aureis, argenteis, pellibus Zebellinis, Madauricis, cum interim maritus domi consuât calceos. Digitos habent smaragdis & adamantibus onustos; nam uniones nunc vulgo fastidiuntur, ne quid querar de succinis & coralliis & crepidis inauratis. Satis erat tenuibus, in honorem sexus, cingulisuti sericis, ac fimbrias vestium, serico limbo decorare: nunc geminum est malum, & res familiaris extenuatur, & ordo, qui dignitatis est custos, confunditur. Si pilentis & lecticis eboratis ac bysso testis vehuntur plebejæ, quid relictum est nobilibus ac pœntibus? Et si vix equiti nupta, caudam trahit ulnarum

quindecim, quid faciet Ducis aut Comitissæ uxor? Atque hæc res hoc est intolerabilior, quod mira temeritate subinde mutamus cultum. Pridem e porrectis a vertice cornibus, pendebant linteamina. Hoc ornatu fœminæ principes discernabantur a plebejis. Illæ, ne quid conveniret, sumserunt pilea, foris ostentantia pelles albas nigris maculis variegatas. Statim vulgus arripuit. Rursus mutato cultu sumserunt flammea nigra bysso. Id fœminarum vulgus non solum ausum est imitari, verum etiam addiderunt fimbrias aureas, denique & gemmas. Olim nobilium erat, a fronte atque a temporibus revulsis pilis, in verticem capillos cogere. Non diu licuit, mox quælibet æmulatæ sunt. Tandem demiserunt crines in frontem; protinus & hoc imitaturæ sunt plebejæ. Solæ nobiles olim habebant laterones & anteambulones; & ex his unum delicatum, qui surrecturæ manum porrigeret, qui lævam incedentis brachio dextro fulciret; nec hoc honoris concedebatur nisi bene nato. Nunc ut passim id faciunt matronæ, ita quoslibet ad hoc officii recipiunt, quemadmodum ad gestandam a tergo caudam. Item olim solæ nobiles salutabant osculo, nec quemvis ad osculum recipiebant, imo ne dextram quidem porrigebant quibuslibet. Nunc qui corium olent, irruunt ad osculum fœminæ, quæ scutum habet plenæ nobilitatis. Ne in conjugis quidem habetur ulla dignitatis ratio. Patriciæ nubunt plebejis, plebejæ patriciis: ita nascuntur nobis hybridæ. Nec ulla tam obscuro loco nata est, quæ metuit adhibere fucos omnes nobilium: cum plebejis sufficere deberet, aut flos recentis cerevisiæ; aut succus recens ab arbore detracti corticis, aut si quid aliud parvo parabile: purpurissam, cerussam, stibium, reliquosque colores elegantiores oportebat claris fœminis relinquere. Jam in conviviis, in publico incessu, quam nullus ordo! Sæpe fit ut negotiatoris uxor, dedignetur utroque parente nobili cedere. Res igitur ipsa jam dudum hortatur, ut hisce de rebus aliquid certi statuamus. Atque hæc inter nos facile poterunt transigi, quoniam non nisi ad fœmineum pertinens genus. Est autem & quod cum viris agamus, qui nos summovent ab omni dignitate, ac tantum non pro lotricibus & cocis habent, ipsi res omnes pro suo gerunt arbitratu. Concedemus igitur illis magistratus publicos, ac bellicæ rei curam. Quis hoc ferat, quod in clypeo semper uxoris insignia lævam habent latens, etiam si tribus partibus superet viri nobilitatem? Deinde par est, ut in elocandis liberis etiam mater habeat jus suffragii. Et fortassis hoc quoque evincemus, ut vicissim geramus officia publica; dumtaxat, quæ intra mœnia, & sine armis geri possunt. Hæc est summa rerum, de quibus mihi videtur operæ pretium consultare. Super his apud se quæque deliberet, ut de singulis fiant senatusconsulta; & si cui vestrum aliud quippiam in mentem venerit, cras in medium conferat. Conveniemus enim diebus singulis, donec synodum absolverimus. Adhibeantur notariæ quatuor, quæ notis excipiant quidquid dicatur. Præterea quæstoræ duæ, quæ loquendi potestatem vel faciant, vel adimant. Sit hic confessus divinationis loco.

DILUCULUM.

I NEPHALIUS, PHILYPNUS.]

NE. Hodie te conventum volebam, Philypne, sed negabaris esse domi. PH. Non omnino mentiti sunt: tibi quidem non eram, sed mihi tum eram maxime. NE. Quid istuc ænigmatis est? PH. Nosti illud vetus proverbium, Non omnibus dormio. Nec te fugit ille Nasicae jocus, cui cum, Ennius familiarem invisere volenti, ancilla jussu heri negasset esse domi; sensit Nasica, & discessit. Cæterum ubi vicissim Ennius Nasica domum ingressus, rogaret puerum num esset intus, Nasica de conclavi clamavit, Non, inquit, sum domi. Quumque Ennius agnita voce dixisset, impudens, non te loquentem agnosco? Imo tu, inquit Nasica, impudentior, qui mihi ipsi fidem non habebas, cum ego crediderim ancillæ tuæ. NE. Eras fortassis occupator. PH. Imo suaviter otiosus. NE. Rursum ænigmatem torques. PH. Dicam igitur explanate, nec aliud digmam ficum quam ficum. NE. Dic. PH. Altum dormiebam. NE. Quid ais? Atqui jam præterierat octava, cum Sol hoc mense surgat ante quartam. PH. Per me quidem Soli

I Nephalius] Sobrius & vigilans. Philypnus, somniculosus, somniculidus; ex φίλος, amicus, & ύπνος, somnus.

Soli liberum est vel media nocte surgere, modo mihi liceat ad fatietatem usque dormire. NE. Verum istuc utrum casu accidit, an consuetudo est? PH. Consuetudo prorsus. NE. Atqui rei non bonæ consuetudo pessima est. PH. Imo nullus est somnus suavior, quam post exortum solem. NE. Qua tandem hora soles lectum relinquere? PH. Inter quartam & nonam. NE. Satis amplum spatium; vix tot horis comuntur Reginae. Sed unde venisti in istam consuetudinem? PH. Quia solemus convivium, lusus & jocos in multam proferre noctem; id dispendii matutino somno pensamus. NE. Vix unquam vidi hominem te perditus prodigum. PH. Mihi parsimonia videtur magis, quam profusio. Interim nec candelas absumo, nec vestes detero. NE. Præpostera sane parsimonia, servare vitrum ut perdas gemmas. Aliter sapuit ille philosophus, qui rogatus quid esset pretiosissimum, respondit, Tempus. Porro cum conflet diluculum esse totius diei partem optimam, tu quod in re pretiosissima pretiosissimum est, gaudes perdere. PH. An hoc perit, quod datur corpufculo? NE. Imo detrahitur corpufculo, quod tum suavissime afficitur, maximeque vegetatur, cum tempestivo moderatoque somno reficitur, & matutina vigilia corroboratur. PH. Sed dulce est dormire. NE. Quid esse potest dulce nihil sentienti? PH. Hoc ipsum dulce est, nihil sentire molestiæ. NE. Atqui isto nomine feliciore sunt qui dormiunt in sepulchris. Nam dormienti nonnunquam infomnia molesta sunt. PH. Ajunt eo somno maxime saginari corpus. NE. Ista glirum sagina est, non hominum. Recte saginantur animalia quæ parantur epulis: homini quorsum attinet accersere obestatem, nisi ut graviore sarcina onustus incedat? Dic mihi, si famulum haberes, utrum obesum malle, an vegetum, & ad omnia munia habilem? PH. Atqui non sum famulus. NE. Mihi sat est, quod ministrum officiis aptum malle, quam bene saginatum. PH. Plane malle. NE. At Plato dixit animum hominis hominem esse, corpus nihil aliud esse quam domicilium aut instrumentum. Tu certe fateberis, opinor, animum esse principalem hominis portionem, corpus animi ministrum. PH. Esto, si vis. NE. Cum tibi nolles ministrum abdomine tardum, sed agilem malle & alacrem, cur animo paras ministrum ignavum & obesum? PH. Vincor veris. NE. Jam aliud dispendium accipe: ut animus longe præstat corpori, ita fateris opes animi longe præcellere bona corporis. PH. Probabile dicis. NE. Sed inter animi bona, primas tenet sapientia. PH. Fateor. NE. Ad hanc parandam nulla diei pars utilior, quam diluculum, cum sol novus exoriens, vigorem & alacritatem adfert rebus omnibus, discutitque nebulas e ventriculo exhalari consuetas, quæ mentis domicilium solent obnubilare. PH. Non repugno. NE. Nunc mihi supputa quantum eruditionis tibi parare possis quatuor illis horis, quas somno intempestivo perdis. PH. Profecto multum. NE. Expertus sum, in studiis plus effici una hora matutina, quam tribus pomeridianis; idque nullo corporis detrimento. PH. Audivi. NE. Deinde illud reputa, si singulorum dierum jacturam in summam conferas, quantus sit futurus cumulus. PH. Ingens profecto. NE. Qui gemmas & aurum temere profundit, prodigus habetur, & tutorem accipit: hæc bona tanto pretiosiora qui perdit, nonne multo turpius prodigus est? PH. Sic apparet, si rem recta ratione perpendamus. NE. Jam illud expende quod scripsit Plato, nihil esse pulchrius, nihil amabilius sapientia: quæ si corporeis oculis cerni posset, incredibiles sui amores excitaret. PH. Atqui illa cerni non potest. NE. Fateor, corporeis oculis. Verum cernitur oculis animi, quæ pars est hominis potior. Et ubi amor est incredibilis, ibi summa voluptas adsit oportet, quoties animus cum tali amica congregitur. PH. Verisimile narras. NE. I nunc, & somnum & mortis imaginem, cum hac voluptate commuta, si videtur. PH. Verum interim pereunt nocturni lusus. NE. Bene pereunt quæ pejora melioribus, inhonestæ præclaris, vilissima pretiosissimis permutantur. Bene perdit plumbum, qui illud vertit in aurum. Noctem natura somno tribuit: sol exoriens cum omne animantium genus, tum præcipue hominem ad vitæ munia revocat; Qui dormiunt, inquit Paulus 1 Theff. v. nocte dormiunt: & qui

ebrii sunt, nocte ebrii sunt. Proinde quid turpius, quam cum omnia animantia cum sole expergiscantur, quædam etiam illum nondum apparentem, sed adventantem cantu salutent; cum elephante solem orientem adoret; hominem diu post solis exortum stertere? Quoties aureus ille splendor illustrat cubiculum tuum, nonne videtur exprobrare dormienti, Stulte, quid optimam vitæ partem gaudes perdere? Non in hoc luceo, ut abdihi dormiat, sed ut rebus honestissimis invigiletis. Nemo lucernam accendit ut dormiat, sed ut aliquid operis agat: & ad hanc lucernam omnium pulcherrimam, nihil aliud quam stertis? PH. Belle declamas. NE. Non belle, sed vere. Age, non dubito quin frequenter audieris illud Hesiodum; Sera in fundo parsimonia. PH. Frequentissima. Nam in doli medio vinum est optimum. NE. Atqui in vitæ prima pars, nimirum adolescentia, est optima. PH. Profecto sic est. NE. At diluculum hoc est diei, quod adolescentia vitæ. An non igitur stulte faciunt, qui adolescentiam nugis, matutinas horas semper perdunt? PH. Sic apparet. NE. An est ulla possessio, quæ cum hominis vitæ sit conferenda? PH. Ne universa quidem Persarum gaza. NE. An non vehementer odisses hominem, qui tibi vitam posset ac vellet malis artibus ad annos aliquot decurrare? PH. Illi mallem ipse vitam eripere. NE. Verum pejores ac nocentiores arbitror, qui sibi volentes reddunt vitam breviorē. PH. Fateor, si qui tales reperiantur. NE. Reperiantur? Imo id faciunt omnes tui similes. PH. Bona verba. NE. Optima. Sic tuo cum animo reputa: nonne videtur rectissime dixisse Plinius: 3 Vitam esse vigiliam, & hoc pluribus horis hominem vivere, quo majorem temporis partem impenderit studiis? Somnus enim mors quædam est. Unde & ab inferis venire fingitur, & ab Homero mortis germanus dictus est. Itaque quos somnus occupat, nec inter vivos, nec inter mortuos censentur; sed tamen potius inter mortuos. PH. Ita videtur omnino. NE. Nunc mihi rationem subducito, quantam vitæ portionem sibi rescant, qui singulis diebus tres aut quatuor horas perdunt somno. PH. Video summam immensam. NE. Nonne pro Deo haberes Alcuniam, qui posset decem annos vitæ summæ adjicere, & pro vectigal parvas adolescentiæ vigorem revocare? PH. Quid ni habeam? NE. Sed hoc tam divinum beneficium ipse tibi præstare potes. PH. Qui sic? NE. Quia mane diei est adolescentia: usque ad meridiem fervet juvenus; mox virilis ætas; cui succedit pro senectute vespere; vespere excipit occasus, velut diei mors. Magnum autem vectigal parsimonia est, sed nunquam majus quam heic. An non igitur ingens lucrum sibi adjunxit, qui magnam vitæ partem, eamque optimam perdere desit? PH. Vera prædicas. NE. Proinde videtur admodum impudens eorum querimonia, qui naturam accusant, quod hominis vitam tam angustis spatiis finierit, cum ipsi ex eo, quod datum est, sibi sponte tantum amputent. Satis longa est cuique vita, si parce dispensetur. Nec mediocris profectus est, si quis suo quæque tempore gerat. A prandio vix semihomines sumus, cum corpus cibis onustum aggravat mentem; nec tutum est, spiritus ab officina stomachi, concoctionis officium peragentes, ad superiora evocare: a coena multo minus. At matutinis horis homo totus est homo, dum habile est ad omne ministerium corpus; dum alacer viget animus; dum omnia mentis organa tranquilla sunt ac serena; dum auræ divinæ, ut ait ille, particula spirat, ac sapit originem suam, & rapitur ad honesta. PH. Eleganter tu quidem concionaris. NE. Apud Homerum audit Agamemnon, opinor, 6 Οὐ χρεὶ παννύχιον εὐδαίμων βελήφορον ἀνδρᾶ. Quanto turpius est tantam diei partem somno perdere? PH. Verum, sed βελήφορος. Ego non sum dux exercitus. NE. Si quid aliud tibi carius est, quam ipse tibi, ne quid te moveat Homeri sententia. Faber ætarius ob vile lucellum surgit ante lucem: & nos amor sapientiæ non potest expergefaccere, ut saltem solem ad lucrum inæstimabile evocantem audiamus? Medici non fere dant pharmacum nisi diluculo; illi norunt horas aureas, ut subveniant corpori: nos eas non novimus, ut locupletemur ac sanemus ani-

1 Plato] Imitatus est locum Ciceronis ex Platone l. 2. Officior. in princip.

2 Mortis imaginem] Alludit ad carmen Ovidii: Stulte, quid est somnus, gelida nisi mortis imago?

3 Verba Plinii in Præf. Hist. Nat. Sic habent: Dum ista, ut ait M. Varro, musinatur, pluribus horis vivimus, profecto enim vitæ vigilia est.

4 Iliad. E. vers. 231.

5 Horatius Lib. II. S. 11, 79.

6 Οὐ χρεὶ Id est, Haud decet in totam consilium stertere noctem; 12. B. 24.

847

animum? Quod si hæc leve pondus habent apud te, audi quid apud Solomonem, Prov. viii. vers. 17. loquatur illa coelestis sapientia: *Qui mane, inquit, vigilaverint ad me, invenient me.* Jam in mysticis Psalmis LVIII. 5. & LXXXVII. quanta matutini temporis commendatio? Mane Propheta extollit Domini misericordiam, mane exauditur vox ejus, mane illius deprecatio prævenit Dominum. Et apud Lucam Evangelistam, c. 6. populus sanitatem ac doctrinam expetens a Domino, mane ad illum confluit. Quid suspiras, Philypne? PH. Vix lacrymas teneo, cum subit, quantam vitæ jacturam fecerim. NE. Supervacaneum est ob ea discrucari, quæ non revocari, sed tamen posterioribus curis sarciri possunt. Huc igitur incumbere potius, quam ut præteritorum inani deploratione, futuri quoque temporis jacturam facias. PH. Benemones; sed me jam sui juris fecit diuturna consuetudo. NE. Phy! Clavus clavo pellitur; consuetudo consuetudine vincitur. PH. At durum est ea relinquere, quibus diu assueveris. NE. Initio quidem; sed cum molestiam diversa consuetudo primum lenit, mox vertit in summam voluptatem, ut te brevis molestia non oporteat pœnitere. PH. Vereor, ut succedat. NE. Si septuagenarius esses, non retraherem te a solitis; nunc vix decimum septimum, opinor, annum egressus es. Quid autem est, quod ista ætas non possit vincere, si modo adsit promptus animus? PH. Equidem aggrediar, conaborque, ut ex Philypno fiam Philologus. NE. Id si feceris, mi Philypne, fat scio, post paucos dies & tibi serio gratulaberis, & mihi gratias ages, qui monuerim.

Ι ΝΗΦΑΛΙΟΝ ΣΥΜΠΟΣΙΟΝ.

ALBERTUS, BARTHOLINUS, CAROLUS, DIONYSIUS, ÆMILIUS, FRANCISCUS, GYRARDUS, HIERONYMUS, JACOBUS, LAURENTIUS.

AL. V Idistine unquam hoc horto quidquam amoenius. BA. Vix opinor in insulis Fortunatis est quidquam jucundius. CA. Plane mihi videor videre Paradisum, cui custodem cultoremque Deus præfecerat Adam. DI. Heic vel Nestor, vel Priamus posset repubescere. FR. Imo vel mortuus reviviscere. GY. Adderem lubens, si quid possem, tuæ hyperboæ. HI. Profecto miris modis arident omnia. JA. Oportet hunc hortum aliqua computatiuncula dedicare. LA. Recte monet noster Jacobus. AL. Talibus mysteriis jam olim initiatus est hic locus. Verum scito nihil heic esse unde vobis merendam exhibeam: nisi placet ² *ἀσπινος* compositio, lactucas apponam absque sale, aceto & oleo: vini guttula non est, nisi quod gignit hic puteus. Ne panis quidem adest, aut poculum; & ea est anni pars, quæ magis pascit oculos, quam ventrem. BA. Sed habes tabulas lusorias, habes sphaeras; lusu dicabimus hortum, si minus licet convivio. AL. Quoniam tam belli homunculi convenimus, habeo quiddam quod vel lulum, vel convivium possis dicere, mea sententia multo dignius ad hunc hortum initiandum. CA. Quodnam? AL. Suum quisque symbolum conferat; non deerit lautum, nec minus suave convivium. ÆM. Quid adferemus, qui vacui huc venerimus? AL. Vacui, qui tantum opum circumferatis in pectore? FR. Expectamus quid velis. AL. Proferat in medium, quod quisque per hanc hebdomadam legit elegantissimum. GY. Recte mones; nihil vel hujusmodi conviviis, vel te convivatore, vel hoc loco dignius. Te hujus consilii ducem sequemur omnes. AL. Nihil recuso, si vobis ita videtur. Hodie vehementer delectavit animum meum in homine non Christiano tam Christiana sententia. Phocion enim, quo vix alius apud Athenienses fuit vir sanctior, publicæque utilitatis studiosior, cum per invidiam damnatus, esset bibiturus cicutam, rogatus ab amicis, quid vellet etiamnum mandari filiis suis, ³ *Ne hujus, inquit, injuria velint unquam meminisse.* BA. Tam insignis patientiæ exemplum vix hodie reperias inter Dominicanos & Franciscanos. Itaque simile referam, quando par non possum. Aristides Phocioni simillimus erat, moribus incorruptissimis, adeo ut vulgus illi *Justi* tribueret cognomen. Ob hujus cognominis invidiam, vir optime de Republica meritis, ostracismo populi, justus est vertere solum. Post-

A eaquam intellexerat populum non alia re offensum, ⁴ quam *Justi* cognomento, cum alioqui rem semper expertus esset sibi salutare, paruit æquo animo. In exilio rogatus ab amicis, quid precaretur ingratis civitati, *Nihil aliud, inquit, nisi tantam rerum prosperitatem, ut illis nunquam in mentem veniat Aristides.* CA. Mirum si Christianos non pudet sui, ad quamvis levem injuriam excandescere, ac vindictam per fas nefasque molientes. Tota Socratis vita nihil aliud mihi videtur, quam temperantia, ac tolerantia exemplum. Sed ne plane sim ⁵ *ἀσύνολος*, unum referam, quod mihi præ cæteris arrisit. Eunti publica via, improbus quispiam colaphum impexit. Cum id tacitus ferret Socrates, amici quidam hortati sunt ad ultionem. At ille, ⁶ *Quid percussori faciam?* inquit. *Voca, inquit, in jus. Ridiculum, inquit, si me asinus calcibus percussisset, num vobis auctoribus asinum in jus traham?* significans improbum currum nihilo potior rem asino; & infimi animi esse, non posse ferre contumeliam ab homine vecordi, quam ferret ab animali bruto. DI. Pauciora sunt in Romanis Annalibus exempla moderationis, nec ea perinde insignia; neque enim opinor magnam habere laudem tolerantia, si quis parcat devictis, & debellet superbos. Non arbitror tamen indignum memoratu quod ⁷ Cato senior, cum Lentulus quidam in os illi sputum & oris purulentiam injecisset, nihil aliud responderit, quam *Posthac habeo quod illis respondeam, qui negant tibi esse os.* Oratorem Latinis habere negantur, quos nihil pudet. Itaque jocus est ex ambiguo. ÆM. Aliis arident alia: mihi inter Diogenis dicta, præclara quidem omnia, nihil magis adblanditur, quam quod roganti cuidam quo pacto maxime posset ⁸ *ulcisci inimicum, Si te ipsum, inquit, quam maxime probum & honestum virum præstiteris.* Demiror quis Deus illis tales cogitationes miserit in mentem. Videtur autem & Aristotelis dictum valde consentaneum Paulino dogmati; qui rogatus a quodam, quid fructus sua illi Philosophia attulisset, *Ut mea, inquit, sponte ea faciam, quæ plerique legum metu coacti faciunt.* Docet enim Paulus, eos quos afflavit Christiana caritas, non esse legi obnoxios, eo quod plus præstant suapte sponte, quam lex metu pœnæ possit extorquere. FR. Christus Judæis obmurmurantibus, quod cum publicanis & peccatoribus haberet etiam mensæ familiaritatem, respondit, ⁹ *Non esse opus medico iis qui recte valent, sed qui minus prospera essent valetudine.* Non abhorret hinc quod apud Plutarchum dixit Phocion, qui cum reprehenderetur, quod homini illaudato improboque patrocinium esset in judicio, non minus festivititer quam elementur, *Quid ni, inquit, quando nemo probus indiget tali patrocinio?* GY. Et istud ¹⁰ Christianæ bonitatis exemplum est, ad exemplum æterni Patris, & probis & improbis, quantum licet, benefacere; qui solem suum oriri jubet, non solum piis, sed etiam impiis. Verum admirabilius forsitan erit in Rege moderationis exemplum. Cum Demochares Demosthenis nepos, Atheniensium nomine, legatione fungeretur apud Philippum Macedonum Regem, & impetratis quæ volebat, a Rege dimitteretur, humaniter interrogante, si quid præterea vellet; *Ut te ipsum suspendas, inquit Demochares.* Vox impotens odium arguebat; & Rex erat, & bene meritis in quem jaciebatur convicium; nec ¹¹ tamen incanduit? tantum ad collegas conversus, *Vos, inquit, hac renuntiate populo Atheniensi, quo re cognita judicet, utrum nostrum existimet præstantiorem, me qui hac patienter audierim, an istum qui hac dixit.* Ubi nunc sunt orbis Monarchæ, qui se diis pares putant, & ob verbum inter pocula dictum, atrocia bella concitant? HI. Magnos impetus habet gloriæ sitis, multosque transverfos agit hic affectus. Ex eorum numero quidam Socratem interrogabat, qua via posset sibi compendioso honestissimam comparare famam: *Sitalem,*

⁴ Quam *Justi* cognomento] Idem Nepos tradit: Cum videres Aristides reprimi concitatam multitudinem non posse, cedensque animadverteret quendam scribentem, ut patria pelleretur, quæsiit ab eo dicitur, quare id faceret, aut quid Aristides commississet, cur tanta pœna dignus duceretur. Cui ille respondit, se ignorare Aristidem, sed sibi non placere, quod cupide elaborasset, ut præter cæteros Justus appellaretur. Vide Plutarchum in ejus vita.

⁵ *Asynolus*] *ἀσύνολος*, qui nihil confert.

⁶ Ad Diogenem Laërtium in ejus vita.

⁷ Cato senior] Videatur Plutarchus.

⁸ Eundem vide.

⁹ Non esse opus medico] Matth. 9. Marc. 2. Lucæ 4.

¹⁰ Christianæ bonitatis] Matth. 5.

¹¹ Vide Senecam de Ira Lib. III. c. 23.

¹ *Νηφάλιος συμποσίον*] Id est, sobrius sive abstemium convivium.

² *Ἀσπινος*] *Sine vino.*

³ Vide *Æliani Varias Historias* Lib. XII. c. 49.

lem, inquit, *præstiteris te ipsum, qualis haberi vis.* JA. Profecto non video quid dici possit vel brevius, vel absolutius. Fama non est affectanda, sed ea virtutem ultro comitatur, quemadmodum improbitatem infamia. Vos admiramini viros; mihi puella Lacæna placuit, quæ cum in auctione venderetur, licitator quidam adiit illam, Quid? inquit, num proba futura es, si te mercatus fuero? *Etiā*, inquit illa, *si tu non fueris mercatus*: indicans, sese non in cuiusquam gratiam probitatem servare, sed suoapte ingenio virtutem ipsius gratia sectari, quod virtus ipsa sui pretium est. LA. Malculam sane vocem edidit puella. Cæterum insigne mihi videtur exemplum adversus fortunam quamlibet blandientem constantiæ, quod cum Philippo Macedonum Regi tres eximie felicitates eodem die nuntiarentur, quod in Olympiis vicisset; quod dux exercitus Parmenion, prælio superasset Dardanos; quod uxor Olympias ipsi filium esset enixa: sublati in cælum manibus præcatus est, ut Deus tantam prosperitatem pateretur levi quopiam infortunio expiari. AL. Hodie nulla est tanta prosperitas, cuius invidiam metuat quisquam; sed perinde jactant, si quid successerit, quasi vel mortua vel furda esset Nemesis. Hæc merenda si vobis placet, hic hortulus eam vobis quoties volueritis exhibebit, quem hoc colloquio non minus jucundo quam frugifero dicatis. BA. Profecto nec Apitius potuisset discum suaviorem apponere. Quare nos expectabis frequenter, modo boni consulas, quod nunc attulimus, non quæ digna erant tuis auribus, sed quæ non præmeditationis venerunt in mentem. Meditati lautiora proferemus. AL. Hoc eritis gratiores.

Ars Notoria.

DESIDERIUS, ERASMIUS.

DE. **Q**uomodo succedunt tua studia, Erasmi? ER. Musis, ut apparet, parum faventibus: sed felicius succederent, si quiddam abs te queam impetrare. DE. Nihil non impetrabis, modo sit in rem tuam; dic tantum quid rei sit. ER. Non dubito, quin nihil sit artium reconditarum quod te fugiat. DE. Utinam vera prædices! ER. Audio artem esse, quandam ² notoriam, quæ hoc præstet, ut homo minimo negotio perdiscat omnes disciplinas liberales. DE. Quid audio? Vidisti codicem? ER. Vidi, sed vidi tantum, quod non esset doctoris copia. DE. Quid continebat liber? ER. Varias animantium formas, draconum, leonum, leopardorum, variorumque circulos, & in his descriptas voces, partim Græcas, partim Latinas, partim Hebraicas, aliasque Barbaricarum linguarum. DE. Intra quot dies pollicebatur titulus disciplinarum cognitionem? ER. Intra quatuordecim. DE. Magnifica sane pollicitatio: sed nostine quemquam per istam artem notoriam evasisse doctum? ER. Nequaquam. DE. Neque quisquam alius vidit unquam aut visurus est, nisi posteaquam viderimus aliquem per alcumisticam evasisse divitem. ER. Equidem optarim artem esse veram. DE. Fortasse quod pigeat literas tantis sudoribus emere. ER. Scilicet. DE. Atqui sic visum est superis. Opes istas vulgares, aurum, gemmas, argentum, palatia, regnum, nonnunquam largiuntur ignavis & immerentibus: sed quæ veræ sunt opes, ac proprie nostræ sunt, voluerunt parari laboribus. Nec oportet nobis videri molestum laborem, quo res tanta paratur, cum cernamus plurimos homines, per horrenda discrimina, per non æstimandos sudores eluctari ad res & temporarias, & plane viles, si ad eruditionem conferantur: nec tamen semper assequuntur quod ambiunt. Et habent studiorum labores multum admixtum mellis, si paullulum in ea processeris. Jam in te bona ex parte situm est, ut magnam tædiorum partem amputes. ER. Quonam pacto? DE. Primum, ut animum inducas, amare studia. Deinde, ut ea mireris. ER. Quibus rationibus hoc fiet? DE. Contemplare quam multos ditarint, quam multos ad summam dignitatem auctoritatemque provexerint literæ: simulque tecum considera

¹ *Erasmius*] Procul dubio in colloquio hoc interloquutores facit auctor se ipsum & Hieronymi Frobenii nobilissimi apud Basileenses Typographi filium Joannem Erasmius Frobenium, cui & hæc eadem Colloquia inscripsit, quemque unice Erasmius amavit: ita quidem ut & Erasmi nomen illi indiderit.

² *Notoriam*] Designat artem memorialem, qua per imagines memoria ita adjuvatur, ut quidam mille verba semel audita eodem ordine repetere poterint. Primus artem illam invenisse dicitur Simonides Melicus, eamque excoluisse Metrodorus Scepsius. Tandem Patrum memoria tandem tenebris antiquitatis sepultam denuo eruere conatus est Raymundus Lullius, & nuper etiam Hermannus Follius.

A quantum interfit inter hominem & pecudem. ER. Probe mones. DE. Deinde cicures ingenium tuum oportet, ut possit secum consistere, atque his delectari, quæ utilitatem adferunt potius quam voluptatem. Nam quæ per se sunt honesta, etiam si initio nonnihil habent molestiæ, tamen assuetudine dulcescunt: ita fiet, ut & minus fatigēs præceptorem, & ipse facilius percipias, juxta dictum Ilocratum, aureis literis in frontispicio codicis tui pingendum, ³ *Ἐάν τις φιλομαθῆς, ἔσθ' πολυμαθῆς.* ER. Satis adeft celeritatis in percipiendo, sed mox effluit quod perceptum est. DE. Itaque pertusum mihi narras dolium. ER. Haud multum aberras a scopo. Sed quid remedii? DE. Obturanda est rima, ne perfluat. ER. Quibus rebus? DE. Non musco, neque gypso, sed diligentia. Qui voces edificat non intellecta sententia, mox obliviscitur: nam verba, ut inquit Homerus, ⁴ *πλεόνετα* sunt, facileque volant, nisi sententiarum pondere librentur. Prima igitur cura sit, ut rem penitus intelligas, dein subinde tecum versas ac repetas: & in hoc cicurandus est, ut dictum est, animus, ut quoties opus est, cogitationi possit insistere. Nam si cui mens est, adeo silvestris, ut in hoc cicurari non possit, haudquaquam est idonea literis. ER. Istuc quam sit difficile, plus satis intelligo. DE. Quisquis enim habet animum adeo volubilem, ut nulli cogitationi possit immorari, nec diu potest audire loquentem, nec infringere memoriæ quod didicit. Plumbo potest aliquid imprimi, quod maneat in loco: aquæ aut argento vivo, quoniam assidue fluitat, nihil potest imprimi. C Quod si possis in hoc ingenium tuum mansuefacere, cum assidue verferis inter eruditos, quorum confabulationes quotidie tam multa proferunt digna cognitu, minimo labore difices quam plurima. ER. Profecto sic est. DE. Nam præter sermones conviviorum, præter quotidiana colloquia, statim a prandio audis octo lepidissima dicta, ex probatissimis auctoribus selecta; totidem a coena. Jam mihi supputa quantam hæc summam conficiant in singulos menses & annos. ER. Magnificam, si possim meminisse. DE. Ad hæc cum nihil audias nisi bene Latine loquentes, quid obstat, quo minus intra paucos menses ediscas Latine, cum illiterati pueri Gallicam aut Hispanicam linguam discant exiguo temporis spatio? ER. Sequar tuum consilium, experiarque num possit hoc ingenium Musarum iugo mansuefcere. DE. Ego aliam artem notoriam non novi, quam curam, amorem, & assiduitatem.

Concio, sive Merdardus.

HILARIUS, LEVINUS.

HI. **D**eum immortalem, cujusmodi portenta gignit alitque terra! Usque adeo nihil pudere viros Scraphicos? Existimant, opinor, sese apud fungos, non apud homines loqui. LE. Quid secum murmurat Hilarius? Componit, opinor versiculos. HI. Quam libens illi blateroni os impurum obturassent oleto! LE. Compellabo hominem. Quid agis, Hilari, parum hilari? HI. Optime temet offers, Levine, in quem hanc pectoris ægritudinem evomam. LE. In pelvim evomas malim, quam in me. Sed quid est mali? & unde nobis produs? HI. E concione sacra. LE. Quid homini poetæ cum sacris concionibus? HI. A sacris non abhorreo: sed in hanc incidi ita sacram, ut Virgilius *auri famem* appellavit *sacram*. At tales rabulæ sunt in causâ, ut rarius audiam ecclesiastas. LE. Ubi habita est concio? HI. In summo templo. LE. A prandio? id temporis fere dormitant homines. HI. Utinam illi locutulejo dormissent omnes, vix digno, qui concionetur apud anseres. LE. Obstreperum est animal anser: Ferunt tamen, patriarcham Franciscum aliquando concionatum apud sorores aviculas, a quibus magno silentio sit auditus. Sed age, etiamne sabbato fit concio? HI. Fit in honorem divæ Virginis matris. Nam die Dominico Christus prædicatur. Decet autem ut priores teneat mater. LE. Quod erat thema? HI. Enarrabat canticum Virginis. LE. Argumentum vulgatissimum. HI. Nimirum aptissimum ecclesiastæ. Nam suspicor illum hoc unum thema didicisse: quemadmodum ajunt inveniri sacerdotes, qui nullam liturgiam callent, nisi pro defunctis unicam. LE. Dicatur igitur ille, concionator de *Magnifi-*

Tom. I. Hhh cas,

³ *Ἐάν*] Id est, si fueris discendi cupidus, multa addisces.

⁴ *Πλεόνετα*] Id est, alata. Huc alludit noster Poeta: *Et volas emissum semel irrevocabile verbum.*

851

eat, aut, si mavis, *Magnificatius*. Sed cuiusmodi tandem avis erat, aut quibus ornata plumis? Hi. Vulturi non dissimilis. Le. Qua tandem ex corte? Hi. Franciscana. Le. Quid audio? ex tam sancto sodalio? fortassis ex illorum degenerate genere, qui dicuntur *Gaudentes*, colore fusco, calceis integris, cingulo candente: nec horrent, (contremisco referens,) nudis digitis contrectare pecuniam. Hi. Imo e grege selectissimo istorum, qui gaudent *Observantes* nominari, colore cinericeo, cingulis canabeis, calceis fenestratibus, quique citius occiderent hominem, quam nuda cute pecuniam attingerent. Le. Nil mirum est, in rosariis nasci cynorrhodum. Sed quistalem histrionem induxit in hoc profcenium? Hi. Istuc magis etiam diceret, si vidisset personam tragicam. Corpore erat vasto, buccis rubentibus, ventre prominente, lateribus gladiatoris: dixisset athletam esse: & quantum ego divinare queo, biberat in prandio plus quam unum vini sextarium. Le. Unde tanta vini copia non tractanti pecuniam? Hi. Ex aula Regis Ferdinandi, singulo quoque die dabantur illi sextarii quatuor. Le. O male collocatam benignitatem! Fortassis erat doctus. Hi. Præter effrontem improbitatem, & linguam effrenam nihil habebat. Le. Quæ res igitur sic imposuit Ferdinando, ut bovem adduceret; ad ceroma? Hi. Ut numerodiam, pietas & regia bonitas. Commendatus erat, ille demittebat caput in dextrum humerum. Le. Sic Christus pendet in cruce. Sed erat concio frequens? Hi. Qui potuit esse infrequens Augustæ, templo celeberrimo, & in tot Monarcharum conventu, quos & Carolus Cæsar ex universa Germania, ex Italia, ex Hispaniis, ex Anglia eo contraxerat? Quin & eruditi complures aderant in ipsa concione, præsertim ex aula Regum. Le. Demiror si porcus ille quidquam adferre potuit dignum tali auditorio. Hi. At multa se digna protulit. Le. Quæ tandem, obsecro? Sed prius te quæso ut mihi nomen hominis edas. Hi. Non expedit. Le. Quam ob rem Hilari? Hi. Non libet talibus, gratum facere. Le. Aul gratificatur qui traducit? Hi. Illis pro summo beneficio est, quocunque modo innotescere. Le. Saltem mihi nomen edito, tacituro. Hi. Merdardum vocant. Le. Merdardum illum probe novi. Nimirum is ipse est, qui nuper in convivio Erasmus nostrum appellavit diabolum. Hi. Rem tenes. Sed quod in convivio dixit, tamen non omnino dixit impune, qui civiliores erant imputabant temulentia, & vino censebant inscribendum. Le. Sed quid excusationis attulit objurgatus? Hi. Negavit se dixisse ex animo. Le. Qui potuit ex animo, cui nihil erat mentis aut animi? Hi. Sed mihi ac doctis omnibus visum est intolerabile, quod publicus, quod eo in loco, quod apud tales auditores, denique quod in tam celebri Monarcharum conventu, Merdardus suas merdofas purulentias effuderit. Le. Aveo scire quid dixerit. Hi. Multa stolidissime debacchatus est in Erasmus nostrum, quorum hæc erat summa. His, inquit, temporibus existit quidam novus doctor Erasmus; lapsa est lingua, asinus volebam dicere: simulque populo interpretatus est, quid Germanice sonaret *asinus*. Le. Rem mire faciam narras. Hi. Itane facetam? imo fatuam potius. Le. An non tibi facetum videtur, talem asinum quemquam omnino vocare asinum, nedum Erasmus? Unum illud scio, si Erasmus ipse præfens fuisset, non potuisset a risu temperare. Hi. Profecto non minus refert asinum animi stupore, quam colore vestis. Le. Neque arbitror in tota Arcadia esse ullum asinum usque adeo asinum, quin hic dignior sit, qui foeno pascatur, quam ille. Hi. Prorsus inversus est Apulejus; ille sub asinina specie tegebat hominem; hic sub hominis specie regit asinum. Le. At tales asinos hodie mulso & placentis saginamus; ut mirum non sit, si mordeant quemlibet, & calcibus feriant. Hi. Is, inquit, do-

1 Cynorrhodum] *Rosacina*, q. xiv. p. 104.

2 Regis Ferdinandi] Ferdinandus Maximiliani ex Maria Caroli Audacis filius, in Regem Romanorum electus est Coloniz Agrippinæ ductu Caroli V. fratris anno 1531. quinquennium nempe ante Erasmi mortem; utpote qui 14. Id. Jul. anno 1536. Basileæ obiit.

3 Bovem adducere] Hoc est, ad id, ad quod inutilis est. Ceroma unguentum dicitur, quo olim ungebantur athletæ. Bos autem ad certamina inutilis est.

4 Carolus Cæsar] In hac urbe multa comitia celebravit Carolus. Hic autem designat Erasmus ea quæ habita, cum Cæsar ex Italia redux, anno 1530. maximo Procerum comitatu, præsentibus iidem Ferdinando fratre, proxime sequenti anno in Romanorum Regem creato, & sorore Maria Ludovici Hungarorum Regis vidua, tumultus ob religionis reformationem motos sedare tentaret. Eodem tempore a Lutheranis illi oblata est Confessio Fidei, quæ inde *Augustana* seu *Augsburgica* dicta.

ctor asinus audet corrigere *Magnificat*, cum id canticum sit a Spiritu Sancto proditum per os sacratissimæ Virginis. Le. Agnosco *παροιμίαν ἀδελφικὴν*. Hi. Atqui id verbis exaggerabat, quasi summa esset admissa blasphemia. Le. Mihi nunc cor metu palpitat. Quid erat criminis? Hi. Aiebat Erasmus pro eo quod ecclesia canit, *Quia respexit Dominus humilitatem ancilla sue*, vertisse, *Quia respexit vilitatem ancilla sue*: eaque vox odiosius sonat Germanice quam Latine. Le. Quis autem non fateatur esse blasphemiam execrabilem, si quis sacratissimam Christi matrem, etiam Angelica dignitate celsiorem, appellet vilem ancillam? Hi. Age; quid si quis appellet Apostolos, servos inutiles? Le. Pararem blasphemio fasciculos. Hi. Quid si quis eximium illum Paulum appellet indignum Apostoli nomine? Le. Clamarem, ad ignem. Hi. Atqui sic Apostolos suos loqui docuit ille doctor unus irrefutabilis Christus: *Cum omnia feceritis, quæ præcepta sunt vobis, dicite, Servi inutiles sumus*. Luc. xvi. Et hujus præcepti non immemor Paulus, de se prædicat, *Minimus sum omnium Apostolorum, atque adeo indignus Apostoli titulo*. 1 Cor. xv. Le. Verum ubi de se talia prædicant homines pii, modestia virtus est, qua nulla Deo gravior: si quis alius idem prædicet de illis, præsertim in divorum consortium relatis, gravis sit blasphemia. Hi. Pulchre nodum secuisti. Proinde si Erasmus adorandam illam Virginem dixisset vilem ancillam Domini, nemo non fateretur esse dictum impie. Cæterum quoniam ipsa ad istum modum de se loquitur, & in illius cedit gloriam, & nobis salutare modestiæ exemplum exhibetur: ut, quoniam, quidquid sumus, munificentia Dei sumus, quo quisque major est, hoc se gerat submissius. Le. Hactenus quidem inter nos convenit. Verum isti cum corrigere dicunt, sentiunt corrumpere, sive falsare. Illud itaque videndum, an *vilitatis* verbum Græcæ vocis, quam Lucas posuit, respondeat. Hi. Istam ipsam ob causam a concione mox ad codicem cucurrimus. Le. Exspecto venatum. Hi. Verba quæ Lucas afflatu Spiritus, sanctissimis digitis suis exaravit, sic habent; *ὅτι ἐπέλεξεν ἐκ τῶν ταπεινῶν τῆς δόξης αὐτῆς*. Ea sic reddidit noster Erasmus: *Quia respexit ad humilitatem ancilla sue*: Tantum addidit præpositionem, quam Lucas non omisit: nec eam respuit Romani sermonis elegantia, nec ad sensum est otiosa. Sic enim loquitur Terentius in Phormione: *Respice ad me*. In Annotationibus tamen admonet, Lucam potius dixisse, *Adspice ad me*, quam *Respice ad me*. Le. Interest igitur aliquid inter respicere & adspicere? Hi. Non ita multum, sed tamen non nihil. *Respicit*, qui flexo collo adspicit quæ a tergo sunt: *Adspicit*, qui simpliciter intuetur: velut apud Terentium Phædria adspicit Thaidem, domo prodeuntem: *Totus*, inquit, Parmeno, *tremo horreoque, postquam adspexi hanc*. At hujus frater Chærea sic loquitur; *Cum huc respicio ad virginem*. Nam ad senem sese flexerat; eo absoluto reflexit corpus ad virginem. Interdum tamen usurpant *Respiciere*, pro eo quod est rationem sive curam habere, sive rei cuiuspiam imminens, sive præsentis. Ita Satyricus:

Respiciere extrema jussit spatia ultima vita.

Mors enim velut a tergo imminens sequitur, ad quam reflectimus oculos, quoties eam animo reputamus. Et Terentius; *Respice senectutem tuam*. Proinde qui alibi intentus, non habet curam liberorum, dicitur *illos non respicere*. Rursus qui discussis aliis curis, cogitationem huc vertit, eleganter *respiciere* dicitur. At Deus unico intuitu contuetur universa, præsentia, præterita & futura; & tamen in Scriptura nobiscum humano more loquitur. *Aversari* dicitur eos, quos reprobatur; *respiciere*, quos aliquamdiu veluti neglectos, dignatur suo favore. Verum hoc magis expressisset Lucas, si dixisset, *ἀπέλεξεν*, nunc legimus *ἐπέλεξεν*. Sed utrum legas, minimum refert ad sensum. Le. At videtur otiosa præpositio repetita. Hi. Certe sic & Latini loquuntur: *Accessit ad me. Appulsi animum ad scribendum*. Heic mihi præpositio non videtur otiosa. Nam *respiciere* potest, qui in tergum flectit oculos casu quopiam, in nullam rem certam intendens intuitum: at cum audis, *Respexit ad me*, exprimitur peculiaris favor, volentis huic aut illi succurrere. Item *adspicimus* interdum casu obvia, quorum nobis nulla cura est, imo quæ videre nolumus. At quisquis ad aliquem *adspicit*, peculiariter attentus est ad id quod intuetur. Ad hæc, mul-

5 *Παροιμία ἀδελφικὴ*] Id est, proverbium fraterculorum.

ta simul adspicimus, sed non ad multa. Spiritus itaque Sanctus volens nobis exprimere singularem erga sanctissimam virgunculam favorem, sic per illius os loquutus est: *Quia respexit ad humilitatem ancilla sua*. Avertit oculos ab elatis, suoque iudicio magnis, & obtutum suum flexit ad eam, quæ in oculis suis erat infima. Nec enim dubium est, quin multi fuerint docti, potentes, divites, nobiles, qui sperabant Messiam ex ipsorum stirpe proditurum: sed illos aspernatus Deus, clementissimi favoris oculos flexit ad virginem, fama obscuram, opibus tenuem, fabro nuptam, ne sobole quidem ulla divitem. Læ. Nondum audio quidquam de *visitate*. Hæ. Ea vox sycophantæ fuit, non Erasmi. Læ. At in Annotatione forsitan meminit *visitatis*. Hæ. Nequaquam. In vocem ταπεινότητος tantum hoc modestissime notat. Ut intelligas, inquit, *parvitatē*, non animi virtutem: sitque sensus, *Esse sim infima ancilla, tamen non est aversatus me Dominus*. Læ. Hæc si vera sunt ac pietatis plena, quid est quod obrudant onagri? Hæ. Latine vocis ignorantia parit hos tumultus. *Humilitas* apud veteres emendatius loquentes, non declarat virtutem animi, quæ pugnat cum arrogantia, diciturque *modestia*, sed conditionis abjectiorem sortem: quo sensu ignobiles, tenues, idiotas, & contemptos *humiles* dicimus; quasi humi repentes. Quemadmodum igitur magnatibus loquentes dicimus, *Rogo ut tua celsitudo nobis hac in re faveat*: ita qui de se loquentes sua volunt elevare, dicere solent, *Quæso ut humilitatem nostram tua humanitate subleves*. Nam pronomini primogeniorum emphasis, interdum habet nescio quid arrogans. Quod genus est illud, *Ego dico, ego perficiam*. Bifariam itaque puella modestissima, simul & suam sortem extenuavit, & numinis in se munificentiam extulit: non contenta seipsam ancillam dicere, sed addidit *humilem* ancillam, & infimæ sortis. Quemadmodum, juxta proverbium, *servus pro servo est*, ita & inter ancillas alia est alia præstantior, nimirum pro dignitate functionis. Honestior enim contrix quam lotrix. Læ. At miror Merdardum non agnovisse sermonis formam, cum ipse frequenter audierim Franciscanos ita loquentes, *Mea parvitas agit tibi gratias pro lauta refectione*. Hæ. Quidam non multum aberrarent, si dicerent, *mea pravitatis*. Cæterum quoniam Græca vox ταπεινοφροσύνη quiddam amplius exprimere videtur, quam Latina, *modestia*: Christiani maluerunt *humilitatem* dicere quam *modestiam*: hoc est, maluerunt significantius loqui, quam elegantius. *Modestus* enim is dicitur, qui modice de se sentit; nihil sibi præter meritum arrogans. At ταπεινοφροσύνης laus non competit, nisi in eum, qui minus sibi arrogat quam habet. Læ. At periculum est ne dum *modestiam* amplectimur, incidamus in *vanitatem*. Hæ. Qui sic? Læ. Nam si verum dixit Paulus, *Non sum dignus vocari Apostolus*; & si vere se dixit Maria *ancillam humilem*, hoc est, infimæ sortis: periclitantur de mendacio, qui utrumque tam magnificis efferunt laudibus. Hæ. Nihil hic, ô bone, periculi: cum nos laudibus vehimus pios aut pias, prædicamus in illis Dei beneficentiam, cum ipsi semet abjiciunt, respiciunt vires ac merita sua, si desit favor numinis. Nec statim mendacium est, si quis sibi non vindicat quæ habet: si loquitur ex animo, fortassis error dici potest; mendacium dici non potest. At hunc errorem in nobis amat Deus Læ. At Paulus qui se negat esse dignum Apostoli titulo, alibi ² magnifice de se prædicat, commemorans sua facinora: Plus, inquit, *omnibus laboravi*; & qui videbantur esse aliquid, nihil mihi contulerunt: cum sanctissima Virgo tale nihil dixisse legatur. Hæ. Sed ista facinora Paulus appellat suas infirmitates, quibus illustrata est Dei potentia; eamque commemorationem vocat *insipientiam*, ad quam sit adactus pseudoapostolorum improbitate, ob quos fuit illi necesse sibi vindicare auctoritatem apostolicam, non quod ipse delectaretur humana gloria; sed quod expediret Euangelio, cujus dispensatio fuerat illi credita. In Virgine matre non fuit eadem ratio: non enim illi commissum erat munus prædicandi Euangelii. Tum & sexum, & virginem, denique Jesu matrem decebat summus pudor, summaque modestia. Nunc venio ad hujus erroris fontem. Qui Latine nesciunt, putant *humilitatem* nihil aliud declarare, quam insignem modestiam; cum interdum referatur ad locum, aut

A conditionem, non ad animi virtutem; interdum sic referatur ad animum, ut vitium sonet. Læ. Etiamne in sacris literis? Hæ. Maxime. En tibi locum apud Paulum ad Coloss. cap. 11. *Nemo vos seducat volens in humilitate & religionem Angelorum*. Nec heic est εν ταπεινώσει, quæ vox est in cantico Virginis, sed εν ταπεινοφροσύνη. Locus habet nonnihil obscuritatis, fateor: sed mihi videtur germanus sensus, quem accuratius docti adferunt: *Ne sitis tam humili, tamque abjecto animo, ut, cum semel dedicaveritis vos ipsos Christo salutis unico auctori, patiamini vobis persuaderi, ab Angelis sperandam esse salutem, quos quidam sibi fingunt apparuisse, sitis excelsi animo, ut etiamsi vere Angelus quispiam e celo veniens prædicet vobis aliud Evangelium, quam quod Christus tradidit, sit vobis execrabilis, velut Angelus impius & Christi adversarius*. Multo minus convenit vos esse tam demissis animis, ut istorum fictis apparitionibus patiamini vos abduci a Christo. Ab uno Christo sperare salutem, religio est; ab Angelis aut Divis idem expectare, superstitio est. Paulus igitur vult, humilis abjectique animi esse, ab illo sublimi Christo, ad commentitias Angelorum apparitiones desciscere: demissi ingenii est, quorumlibet suasu circumagi. Vides heic ταπεινοφροσύνην in vitium usurpatam esse. Læ. Quid ni videam? Hæ. Rursus in eodem capite: *Secundum præcepta & doctrinas hominum, quæ sunt rationem quidem habentia sapientia in superstitione & humilitate*. Heic iterum ταπεινοφροσύνη vitium sonat. Læ. Palam est. Hæ. Atqui i Pet. v. usurpatur pro virtute quæ contraria est superbæ, την ταπεινοφροσύνην ἐκπορεύσασθε: pro quo nos legimus, *humilitatem infirmate*. Rursum ad Phil. 11. τῇ ταπεινοφροσύνῃ ἀλλήλους ἡγάμενοι ὑπερέχοντας ἑαυτῶν. id est, *Per animi modestiam unusquisque alium se præstantiorem existimet*. Læ. Docuisti ταπεινοφροσύνην usurpari in utramque partem, cum apud Latinos modestia non usurpetur nisi in laudem. Verum potestne docere ταπεινὸς accipi pro modestia? Hæ. Nihil absurdi, si quis ad istum modum usurpet. Nam & animo tribuere submissionem aut demissionem pro modestia, nihil vetat. Cæterum, an in divinis literis ita positum reperiatur, nescio. Læ. Vide num apud divum Jacobum ita sit usurpatum, *Glorietur autem frater humilis in exaltatione sua, dives autem in humilitate sua*. Hæ. Isto quidem loco est εν ταπεινώσει, non ταπεινοφροσύνη. Quod si contendas heic humilitatem accipi pro modestia, consequens est, ut exaltationem accipiamus pro superbia, ac protinus gemina existet absurditas. Nam ut modestus non est, qui de sua modestia gloriatur ac jactitat sese; ita bis arrogans est, qui de sua superbia gloriatur. Læ. Quid igitur sibi vult Apostolus? Hæ. Commendat æqualitatem inter Christianos. Pauper dicitur humilis ob fortunam abjectiorem: dives dicitur sublimis, utique juxta mundum, ob fortunæ splendorem. Hic dives se demittit ad sortem pauperum, & pauper erigitur ad æqualitatem divitum. Uterque habet quod gloriatur: alter gaudet suis opibus sublevari pauperum inopiam: alter glorificat Christum, qui eam mentem inspiravit divitibus. Læ. Sed interim dives ille modestiæ laudem habet. Hæ. Fortasse, sed non ideo protinus ταπεινὸς significat modestiam. Sunt enim qui venantes laudem ab hominibus, multa pauperibus erogant. Quin potius uterque modestus est, si modo ad sit sincere pietas: dives, dum non gravatur ob Christum, æquari pauperi; pauper, dum ob honorem sibi habitum non insolescit, sed Christo gratias agens in illo gloriatur. Illud extra controversiam est, ταπεινὸς in divinis libris frequentissime usurpari pro demissione, sive dejectione, quæ fit per afflictionem, aut conditionis infirmitatem. Ita Paul. ad Phil. 111. *Reformabit corpus humilitatis nostræ, ταπεινώσας*. Item Psal. 1x. *Vide humilitatem de inimicis meis, ταπεινώσιν*. Rursum cxviii. *Hac me consolata est in humilitate mea, εν ταπεινώσει*, nimirum, in afflictione. Hujus generis loca sunt complura, quæ longum sit heic referre. Quemadmodum igitur μεταφορικῶς ταπεινὸς dici posset ὁ ταπεινός φρων, qui modelto sit animo, minimeque elato: ita nihil prodigii fuerit, si quis ταπεινὸς dicat ταπεινοφροσύνην: nos de Scripturæ usu loquimur. Cæterum qui contendunt in cantico Mariæ ταπεινὸς sonare modestiam animi, quin eadem opera sic interpretantur quod legimus Genes. xxix. *Vidit Dominus humilitatem meam, ταπεινώσιν*, Lia non jactat suam modestiam, sed, quod ob deformitatem

Tom. I.

Hhh

a minus

1 At Paulus] Nempe 1 Corinth. 15. vers. 9.

2 Magnifice de se prædicat] Vide inter alia 2 Corinth. 11. vers. 5.

2 Corinth. 12. vers. 11.

3 Pseudoapostolorum] Cap. xi. 2 ad Cor.

4 Jacob. cap. I. §. 9, 19.

minus esset cordi marito, humilitatem appellat. Eundem ad modum Deuteronomii cap. xxvi. *Et respexit humilitatem, & laborem, atque angustiam.* An non heic ταπεινωσιν appellat afflictionem? L.E. Unde igitur istis in mentem incidit, ut humilitatem in Cantico interpretentur animi modestiam? H. Nihil aliud video causæ, nisi quod multi Theologi neglexerint & linguarum peritiam, & Latini sermonis studium, una cum priscis ecclesiæ doctoribus, qui sine hisce præfidiis ad plenum intelligi non queunt: præterea quod difficillimum sit revellere, si quid penitus insederit animo. Porro videas quosdam tantum scholasticis placitis tribuere, ut malint ad ea detorquere Scripturam, quam ad Scripturæ regulam opiniones humanas corrigere. L.E. At istuc absurdus est, quam quod narrant de regula Lesbia. H. Beda monachus, non admodum gravis auctor, quoties ab alienis recedit vestigiis, ex occasione dictæ humilitatis meminit de superbia. At Theophylactus scriptor Græcus, qui sua fere ex probatissimis Græciæ scriptoribus hausit, negat heic ταπεινωσιν accipi posse pro virtute. L.E. Ad istud probandum quid opus est auctoritate, cum ipse sensus communis respuat eam interpretationem? H. Recte dixisti. Nam cum modestia sit quodammodo colophon ac tutatrix omnium virtutum, immodestia est, si quis eam de se prædicet. Fatemur quidem, in sanctissima Virgine virtutem hanc fuisse summam & incomparabilem; (Christum semper excipio;) sed hoc ipso ob modestiam laudabilior est, quod eam ipsa non laudat, sed agnoscens suæ conditionis humilitatem, mysterii magnitudinem adscribit misericordiæ divinæ. Maria, inquit, per modestiam meruit fieri mater Dei. Donemus hoc aliqua ex parte verum esse: verum quæ tandem modestiæ species est, puellam hoc de se prædicare? L.E. Quin & ipse cantici tenot declarat, illam de sua indignitate loqui; eoque sic orditur: *magnificat anima mea Dominum.* At qui dicit, merui fieri mater Dei per modestiam, se magnificat, non Dominum. Mox subicitur: *Ecce enim ex hoc beatam me dicent omnes generationes.* Ecce, significat rem subitam & inexpectatam. Non exspectat autem summum honorem, qui se nullo honore dignum iudicat. Nec felicitas dicitur, si contingat quod meritis debebatur. Flaccus enim negat, se hoc nomine felicem appellandum, quod a Mæcenate in amicorum numerum adoptatus esset. H. Quam ob rem? L.E. Quia iudicio fuit adscitus, non gratuito favore. Mæcenas hoc illi tribuit, quod ejus virtutibus deberi iudicaret. H. Eodem pertinet, quod sequitur, *Quia fecit mihi magna qui potens est, & sanctum nomen ejus.* Non dixit, fecit mihi magna, quia me dignam iudicavit, sed, *quia potens est*, & facit quæcunque vult, & ex indignis facit suo favore dignos; & ideo sanctum nomen ejus: *sanctum* dixit gloriosum. Quantum autem nostris meritis arrogamus, tantum detrahimus divini nominis gloriæ. Nam juxta Paulum, illius potentia per nostram imbecillitatem perficitur. Mox in eo versu, *Deposuit potentes de sede, & exaltavit humiles;* non est ταπεινώσας, sed ταπεινός, hoc est, *contemptos* juxta mundum, ut opponatur *potentibus*. Hunc versiculum juxta Prophetiæ eloquutionis morem declarat sequens, *Esurientes implevit bonis, & divites dimisit inanes.* Quos modo dixerat *humiles*, heic appellat *esurientes*, hoc est, *tenues*: quos modo *potentes*, heic *divites* vocat. Proximo versu fit mentio misericordiæ, sese per omnes orbis nationes profundentis. In extremo versu prædicat fidem Dei in promissis, *Sicut locutus est, &c.* Toto cantico prædicatur gloria, hoc est, potentia, bonitas, & veritas Dei: nulla est meritum mentio. L.E. Sed ut potentiam ac divitias comitatur superbia, ita paupertas docet modestiam. H. Non equidem infior, istuc interdum accidere; sed videas plerumque pauperes arrogantissimos: si negas, obijciam Merdardos multos. Verum demus esse quod non est perpetuum: non jam agitur qualis fuerit sacratissima Jesu mater, sed qualia de se prædicavit in hoc cantico. L.E. Demiror istorum pervaciam, qui toties moniti, frequenter etiam irrisi, non respiciant. H. Quoties moniti sunt, *declamationem* esse ficti thematis tractationem, ad exercendam dictionis facultatem adhiberi solitam; & tamen istis *declamatio* nihil aliud est, quam sacra concio. Quoties inelamatum est illis, *calibem esse*, quisquis uxorem non habet, etiam si sexcentas alat concubinas: & tamen *calibatus* istis nihil aliud

1 *Quia fecit mihi, &c.* Vide apud Lucam c. I. v. 46. & seqq.

est, quam continentia & castitas. Idem usu venit de humilitate, aliisque similibus quamplurimis. L.E. Unde stupor tam pertinax? H. De Merdardis respondeo. Non dederunt a puero operam literis; nec est illis præceptorum aut librorum copia, & si quid istiusmodi facultatis obtigit, malunt abdomini impendere. Sacrosanctam illam vestem existimant abunde sufficere & ad pietatis & ad eruditionis opinionem. Postremo putant nonnullam esse religionis partem, si cum suo Francisco ne Latine quidem loqui sciant. L.E. Profecto plurimos novi, qui ista ex parte belle referant instituti sui principem, qui *capronem* dixit pro galero, opinor & *vestimentibus* pro vestibus. At Franciscus constanter recusavit presbyteri honorem; quod idem, opinor, fecit Benedictus & Dominicus. Nunc isti cum suis vestimentibus non abhorrent a galero Cardinalicio. H. Quid ais? imo ne a corona quidem triplici; at humiles illi pauperis Francisci filii, porrigunt calceos suos summis orbis Monarchis osculandos. L.E. Jam si fuisset facta vilitatis mentio, quid erat piaculi? H. Nihil, si *vilem* intelligas, qui parvo æstimatur apud homines, aut qui sibi videtur contentibilis. Sed quid opus excusare quod dictum non est? L.E. Non puduit Merdardum ad istum mentiri modum? idque in fano tam celebri, in frequentissima Monarcharum synodo, coram tot eruditis viris, quorum plerique Erasmicas lucubrationes evolverant? H. Puduit, ais? Imo sibi visus est scurra rem palmariam ac triumpho dignam facere. Hoc est quartum Merdardorum votum, longe tribus illis religiosius, *Nihil omnino pudere.* L.E. Istius profecto plerique sunt observantissimi. H. Nec erat simplex mendacium. Primum Mariæ canticum, ut est a Luca scriptum, manet intactum. Qui vero corrigere dicitur, qui nihil mutat? Deinde vox *humilitatis* immutata non est; nec ulla usquam vilitatis mentio. Postremo non corrigit canticum, qui bona fide reddit quod scripsit Lucas, sed explicat. L.E. Video triplex mendacium effronte scurra dignum. H. Mane: Nondum audisti, quod est omnium impudentissimum. L.E. Etiamne amplius? H. Vociferabatur, doctorem illum asinum fuisse principem, auctorem & antesignanum universi tumultus, quo nunc concutitur orbis Christianus. L.E. Quid ais? H. Huic imputandum quod tot fectis disscinditur ecclesia, quod sacerdotes spoliuntur decimis, quod contemnuntur Episcopi; quod sacrosanctæ Pontificis majestati passim oppeditur; quod agricolæ, vetus & gigantum exemplum instaurarunt. L.E. Ista publicitus? H. Magnis clamoribus. L.E. Atqui longe secus existimant, qui Erasmi libros attentius inspiciunt. Horum plurimi fatentur sæx illius lucubrationibus hausisse veræ pietatis semina. Torum hoc incendium per monachos ortum; per eosdem huc usque incanduit, quod non aliter nunc quoque conantur extinguere, quam si oleum, quod ajunt, addant camino. H. Vides, 3 *οὗς καὶ αὐτὸν ὁμοίον ἔστιν ἡ γὰρ ἡμεῖς.* L.E. Rem acu tetigisti. Illi nimirum expedit, in populo Christiano superstitionis esse quam plurimum, pietatis quam minimum. Sed quid concio? ferebatne Cumanum asinum, tam insolenter rudentem e suggesto? H. Quidam mirabantur quid accidisset homini. Qui stomachi erant impatientioris, surgebant, atque e templo abibant, submurmurantes, *Venimus hic audire laudes divæ Virginis, & hic temulentus nobis evomitis meras sycophantias.* In his erat etiam non paucæ mulieres. L.E. Atqui solet hoc genus mire deditum esse isti sodalicio. H. Vera prædicas; sed cœperunt & foeminae sapere. Eruditi, quotquot aderant, plerique ringi, nonnulli etiam subfiliare. L.E. Non curat asinus sibi; oportuit talem rabulam putribus ovis aut ruderibus e suggesto deturbare. H. Non deerant qui hoc illo dignum existimarent; sed cohibebat illos loci reverentia. L.E. Sed loci religio non debet his opitulari, qui locum scelere profanarunt, veluti qui in templi septis occidunt hominem, non æquum est ut illic habeant asylum: itidem qui in sacris concionibus & loci religione, & populi patientia stolidè abutitur, huic non oportet esse præsidio, quod ipse sua temeritate profanavit. Laudatus est a priscis ille, 4 qui cum

2 *Gigantum*] Designat bellum Rusticorum in Suevia circa annum vigesimum octavum sæculi decimi quinti.

3 *οὗς καὶ αὐτὸν, &c.*] Id est, *ut pessima bestia est ventus.* Et illos qui alioquin omnia ventris gratia faciunt, lingua abutentes, Græci γλυσσογάτροι appellant.

4 *Lucius Crassus* de quo vide *Ciceronem* initio Lib. III. de Oratore.

non habuit pro Consule, cui ipse non esset Senator: nec par est, ut populus eum habeat pro Ecclesiasta, cui ipse non est concio. Hi. Metuunt fulmen Episcoporum: *Si quis instigante Diabolo, &c.* nostri legem. Le. Sed prius in tales rabulas Episcopi debebant vibrare fulmen. Hi. Metuunt & illi. Le. Quos? Hi. Illos ipsos rabulas. Le. Quam ob rem? Hi. Ob hoc ipsum, quod rabulae sunt. Le. Apostoli non metuebant Regum & praesidium minas; & isti metuunt unum mendicum? Hi. Sed ob istuc ipsum magis formidandi, quod mendici sunt; quod eripiat non habent, quo laedant habent. Abi tu sodes ad vespasum aut crabronum nidum aliquem, & unamquamlibet ex illis digito continge; ea res si tibi bene successerit, redito ad me, & Episcopos ignavos appellato, qui refugiant unum mendicum irritare. Romanum Pontificem nonne potentissimi Christianae ditionis Monarchae reverentur, fortassis & metuunt? Le. Nec mirum: est enim Christi vicarius. Hi. At Alexander sextus, vir nec stultus nec indoctus, fertur ita loqui solitus, se male e summis Monarchis aliquot offendere, quam unum quemlibet fraterculum ex ordine Mendicantium. Le. Omittite Pontifices. Cum istius sceleris rumor ad aures principum, qui tum Augustae erant, dimanasset, non est sumptum de homine supplicium? Hi. Indigne tulerunt omnes, sed praecipue Rex Ferdinandus, & hujus soror Maria, foeminarum hujus saeculi decus, Bernardus Cardinalis Tridentinus, Balthasar Episcopus Constantiensis: oburgatus est graviter ecclesiastes, sed a nullo acrius, quam a Joanne & Fabro Episcopo Viennensi. Le. Quid oburgatio? asinus non sentit nisi fustem. Hi. Praefertim si in ventrem ingeras. Sed quid illi stolido fecissent principes, longe gravioribus curis occupati? Le. Certe submovissent a concionandi munere, & suam illi benignitatem subtraxissent. Hi. At artifex ille pus suum in ipsam Concilii dissolutionem distulerat, cum jam alioqui foret abundum. Le. Isto quidem pacto dicuntur abire cacodamones, ingenti fectore relicti. Hi. Itaque dimissus est a Rege Ferdinando, sed bene passus. Nam oburgatio ne tantillum quidem detraxit hominis obesitati. Le. Franciscus dicitur concionatus fororibus avibus; iste dignus videtur qui concionetur fratribus asinis ac suibus. Sed quo se contulit? Hi. Quo nisi ad suos gregales, a quibus exceptus est ovatione ob rem strenue feliciterque gestam, & inter pocula, pro, Io triumpho, cantatum est, *Te Deum laudamus*. Le. Dignissimus est iste Merdardus, qui funem in collo gesserit potius quam in lumbis. Sed quid imprecemur isti stolido gregi, qui tales fovet pecudes? Hi. Vix invenias quod illis impreceris malum gravius, quam ipsi accersunt sibi. Siquidem his rationibus maxime traducunt sese, & in bonorum omnium conjungunt odium, efficacius quam quisquam possit hostis. Sed non est Christianae mentis, cuiquam imprecari male; illud potius optandum, ut clementissimus rerum formator & reformator (qui ex Nabuchodonosor homine fecit bovem, & rursus ex bove fecit hominem, quique asinae Balzami dedit hominis linguam) omnes Merdardi similes evadat in melius, detque illis & mentem, & linguam viris Evangelicis dignam.

PHILODOXUS.

PHILODOXUS, SYMBULUS.

PH. Felix auspiciis interpretor occursum tuum, Symbule. Sy. Utinam sit aliquid, Philodoxe, in quo tibi queam esse felix! PH. Quid auspicius, quam si quis deus occurrat homini? Sy. Equidem nihil istoc existimarem auspicius, etiam si sexcentae volitent noctuae. Sed quem mihi narras deum? PH. Te, inquam, Symbule? Sy. Mene? PH. Te plane. Sy. Ego deos cacantes nunquam

A feci pili. PH. Si non fallit proverbium, deum esse quisquis juvat mortalem, tu mihi deus esse potes. Sy. De fide proverbii viderint alii; ego certe perquam lubens amico profuturo, si queam. PH. Non est quod metuas, Symbule; haud peto mutuum; sacra res est consilium; eo tantum me juva. Sy. Atqui istuc ipsum est petere mutuum, quandoquidem hoc officii genus inter amicos ultro citroque commutare debet, quemadmodum & caetera omnia. Sed quid est rei, in quo meum desideras consilium? PH. Piget obscuritatis; cuperem esse celebris, commonstra viam. Sy. En tibi compendariam. Imitare Herostratum, qui incendit templum Dianae; aut huic simillimum Zoilum, qui laceravit Homerum; aut aliud aliquod facinus memorabile designa, & *6 Asidymos* eris cum 7 Cercopibus ac Neronibus. PH. Famam ex scelere parent alii; ego nomen ambio rumoris honesti. Sy. Talem igitur te praesta, qualis optas praedicari. PH. At multis egregia virtute praeditis, non contigit nominis celebritas. Sy. Istuc an verum sit, nescio: attamen si id eveniat, quod ais, ipsa virtus abunde magnum sui praemium est. PH. Vera praedicas, planeque philosophice. Veruntamen, ut sunt res humanae, mihi videtur gloria praecipuum quoddam ornamentum esse virtutis, quae non aliter gaudet agnosci, quam solamat lucere, vel ob hoc ipsum, ut & proficit quam plurimis & quam plurimos ad sui pellicat aemulationem. Postremo non video quam possessionem speciosior rem parentes liberis suis relinquere possint, quam honesti nominis immortalis memoriam. Sy. Ut video, gloriam expetis virtute partam. PH. Scilicet. Sy. Proinde tibi propone literis omnium celebratos, Aristidem, Phocionem, Socratem, Epaminondam, Scipionem Africanum, Catones, Seniores & Uticenses, M. Brutum, & horum similes, qui belli domique de Republica quam optime mereri studuerunt. Haec est enim feracissimus gloriae campus. PH. Verum inter istos celebres, Aristides ostracismo jussus est solum vertere; Phocion & Socrates biberunt cicutam; Epaminondas capitis est postulatus, quemadmodum & Scipio: Cato senior quadragies reus causam dixit; Uticensis sibi mortem conscivit; itidem Brutus. Ego gloriam optarem nulla invidia contaminatam. Sy. At istuc ne Herculi quidem filio concessit Jupiter. Nam post tot monstra virtute domita, cum excetra fuit extremum certamen, idque multo omnium pertinacissimum. PH. Ego Herculi suos gloriosos labores nunquam invidere. Eos demum felices duco, quibus obtigit honestum nomen nulla invidia contaminatum. Sy. Vis, ut video, suaviter vivere; eo metuis invidiam, nec id injuria, *8 κακίστος γὰρ ἐστὶ θνητὸν*. PH. Sic est. Sy. Ergo *9 λάτρε βιωσας*. PH. At istuc est mortuum esse, non vivere. Sy. Intellego quid affectes. In sole clarissimo versari gaudes, absque umbra. PH. Istuc quidem fieri non potest. Sy. At nihilo magis fieri potest, ut gloriam consequaris nulla contaminatam invidia. Recte facta ultro sequitur gloria, gloriam comitatur invidia. PH. Atqui posse gloriam absque invidia contingere, docet nos *10* senex ille Comicus; *Ita ut facillime sine invidia laudem invenias, & amicos pares*. Sy. Ista laude contentuses, quam tulit Pamphilus adolescens, obsequiis & morum commo-ditate, poteris eodem e loco petere rationes assequendi quod expetis, unde decerpisti sententiam. In omni re memento, *Ne quid nimis*; sed tamen mediocriter omnia: esto facilis in perterendis aliorum moribus, ad leviora vitia con-nivens; ne sis praefractus, tuaeque sententiae nimium tenax, sed aliorum studiis temet accommoda: nulli laedas os, sed comem te praebas omnibus. PH. Adolescentiae favent plerique, nec magni negotii sit tum istam parare laudem: ego magnificum quoddam nominis decus optarim, quod per universum orbem resonet, quodque cum aetate semper fiat illustrius, atque a funere tandem clarius elucescat. Sy. Equidem laudo generosam istam indolem tuam, Philodoxe. Caeterum si cupis gloriam virtute partam, praecipua virtus est, negligere gloriam: & summa laus est, non ambire laudem, quae magis sequitur fugientem. Videndum est igitur,

Tom. I. H h h 3 ne,

6 *Asidymos, &c.* Id est, celebratus, is proprie qui decantatur passim.
7 *Cercopibus*. Hinc proverb. *Cercopum curus*. De conciliabulo conventuque versutiorum & improborum hominum. Vide *Chiliadas*.

8 *κακίστος, &c.* Id est, *Pessima enim fera est*.

9 *λάτρε βιωσας* Id est, *Sic vive, ut nemo te sentias vixisse*.

10 *Senex ille Comicus*. Verba sunt Sigonius ad Soliam Act. 1. Scen. 14 apud Terentium.

1 *Alexander sextus* Erat natione Hispanus, patria Valentinus, Rodericus Borgia ante nominatus, Calixti Papae tertii ex sorore nepos, nonnullorum Cardinalium opera Pontificatum adeptus.

2 *Soror Maria* Maria haec filia Philippi & Joannae, soror Caroli V. & Ferdinandi, Ludovico Hungariae Regi nupta, post mariti obitum Caroli nomine Provincias Belgicas viginti quatuor annos summa cum laude rexit.

3 *Balthasar Episcopus* Fuit hic Balthasar in ordine septuagesimus sex-
tus Episcopus Constantiensis, praefuitque menses quindecim: excessit Tre-
viri. Constantia autem quibuldam a Constantio Constantini patre, aliis ab
ejus filia sic dicta, sita inter Aconium & Venetum lacum.

4 *Fabro Episcopo* Erat hic Joannes Faber ex Leukirch, natione Sue-
vus, Episcopus Viennensis nonus, Ferdinandi Regis Confessarius pro-
motus ad Episcopatum anno 1531. obiit anno 1541.

5 *Philodoxus* Amator gloria, qui famam venatur. *Symbulus*, con-
siliarius, Gr. συμβουλος.

859

ne, quo impensius ista ambis, hoc frustrare magis. PH. Non sum Stoicus¹ ἀπαθής, tangor humanis affectibus. SY. Si te profiteris hominem, nec ea reculas quæ sunt humanæ fortis, cur ea venaris, quæ nec Deo contingunt? Nosti enim a Theocriticum illud non minus vere quam scite dictum, *Jovem nec pluvium, nec serenum, placere omnibus*. PH. Non est fortassis ignis absque fumo; sunt tamen ἀκαταρῆ. Si non potest obtineri, quin aliqua livoris nubecula obscuratur hominis gloria, arbitror tamen esse rationes, quibus fiat, ut quam minimum invidiæ sit admixtum. SY. Eas igitur tibi vis commonstrari? PH. Percupio. SY. Modice virtutem exsere, & minus gravaberis invidia. PH. At gloria, nisi sit insignis, non est gloria. SY. Ecce tibi certissimam viam. Designa præclarum aliquod facinus, & morere, & citra invidiam celebraberis cum Codris, Menœceis, Iphigeniis, Curtiis ac Deciis.

Pascitur in vivis livor, post fata quiescit.

PH. Equidem, ut ingenuè quod res est fatear, cupio liberis ac nepotibus meis honesti nominis hæreditatem relinquere: verum hujus rei fructum, vivus apud vivos aliquandiu decerpere cupiam. SY. Age, non te suspendam amplius. Certissima ad illustre nomen est via, bene mereri, cum privatim de singulis, tum publicitus de universis. Id partim fit officiis, partim benignitate. Benignitas sic temperanda est, ne cogaris ab aliis rapere quod aliis suppedites. Nam ex hujusmodi largitionibus plus odii nascitur apud probos, quam favoris apud improbos. Porro ab improbis laudari, infamia verius est quam gloria. Ad hæc benignitatis fons largiendo exhauritur. Porro beneficentia, quæ constat officiis, fundum non habet: imo quo largius hinc hauritur, hoc scatet uberius. At heic multæ res sunt, quæ & invidiam mitigant, & famæ celebritatem illustant, quas nemo sibi præstare valet, sed contingunt gratuito favore numinis:

Gratior est pulchro veniens a corpore virtus.

At formam corporis sibi nemo largitur. Adfert secum dignitatis plurimum generis claritudo. At hæc quoque fortunæ munus est. Idem sentiendum de divitiis, quæ recte factis partæ ab avis atque atavis ad nos devenerunt. Ne hoc quidem quisquam sibi præstat. Hujus generis sunt & ingenii dexteritas, ac dicendi gratia, lepos & comitas non adscita, sed ingenua. Postremo decorum quoddam arcanum atque etiam felicitas, cujus effectum in multis videmus quotidie, causam reddere nemo potest. At non frequenter conspiciamus eadem geri, dicive a diversis, & magnam inire gratiam qui pejus gessit, dixitve, cum is qui melius rem egerit, pro gratia referat odium. Hoc priscei quidam ad genios referebant. Dicebant enim in ea re quemque fortunatum esse, ad quam natus esset: contra parum succedere, quod quis invita Minerva, iratoque genio tentaret. PH. Heic igitur nullus est consilio locus? SY. Vix ullus: attamen qui sagaces sunt, deprehendunt in pueris aut adolescentibus notas quasdam, quibus conjecturam facere liceat, ad quæ studia, quodve vitæ genus, quasve actiones sint idonei. Idem indicat in nobis arcanus quidam animi sensus, quo a quibusdam abhorremus, nulla evidente causa, ad quædam item miro impetu rapimur. Hinc est quod alius feliciter tractat rem militarem; alius dexter est in negotiis politicis; alium dicas ad studia natum. Quamquam & in his mira varietas; nimirum tanta, quanta est functionum diversitas. Alium natura genuit imperio, alium voluit esse fortem militem: cui plurimum indulgit, ei concessit, ut, juxta Homerum, pariter & bonus sit lancearius, & egregius dux. Itidem in rebus civilibus, alius valet in consilio, alius in agendis causis excellit, alius obeundis legationibus & gaudet, & feliciter rem gerit. De studiorum varietate quid attinet dicere? Sunt qui sic rapiantur ad institutum monasticum, nec ad quodvis, sed vel ad hoc, vel illud, ut vitam sibi putent acerbam, nisi, quod optant, assequantur. Sunt e diverso qui mirum in modum abhorrent, ut mori ducant potius, quam fieri monachum: nec id odio faciunt, aut certa ratione, sed arcano quodam naturæ sensu. PH. Ista quidem in compluribus ita, ut narras, & comperi nonnunquam, & frequenter admiratus sum. SY. In his igitur bonis, quæ nobis gratuito largitur naturæ benignitas, multo minus orietur invidiæ; si fastus ab-

fit & ostentatio. Amabilior enim est forma, aut nobilitas, aut opulencia, aut facundia, in his qui se his bonis præcellere quasi nesciunt. Comitas autem & modestia nihil immittunt hæc commoda, sed ut gratiam addunt, ita depellunt invidiam. Hæc autem comitas & morum suavitas oportet in omnibus vitæ actionibus sit perpetua, nisi prorsus repugnat Minerva. Nam frustra, ut opinor, tentaret Xenocrates, quod successit Socrati ac Diogeni: frustra moliretur Cato Censorius, quod Lælius fecit gratiosum. Attamen Demea ille Terentianus subito mutatus, satis declaravit quantum ad conciliandam benevolentiam habeat momenti, studiis & affectibus omnium obsecundare. Verum quoties a recto receditur, jam & a vera gloria ad temporarium hominum favorem degeneratur. Cæterum ea demum gloria perpetua est, quæ honesti radicibus nititur, a judicio rationis profecta. Nam affectus temporarios habent impetus; qui simul atque relanguerint, odisse coepimus, quod ante vehementer arrisit; ac proinde plausus vertitur in sibilum, laus in vituperium. Cæterum ut ingenium prorsus inverti non potest, ita potest aliqua ex parte corrigi. PH. Exspecto quid dicas. SY. Qui natura blandior est, is cavere potest, ne, dum apud omnes gratiosus esse studet, defleat ab honesto, neve dum sese quibuslibet accommodat, Polypum imitatus, sibi parum constet. PH. Tales novi permultos lubricæ fidei & erubescendæ vanitatis. SY. Rursus qui severiore sunt ingenio, dare operam oportet, ut sic affectent comitatem, ne quod agunt, videatur simulatum; aut subinde ad naturam suam recurrant; pro laude geminum dedecus sibi comparaturi, & quod interdum rigidius agant, & quod sint inconstantes. Tantam enim vim habet constantia, ut qui vitiosam naturam sunt naturam, tamen ob hoc ipsum levius ferantur, quod nusquam sunt sui dissimiles. Fucus autem simulatque suboluit, etiam in benefactis gignit odium: porro quod simulatum est, perpetuo latere non potest; aliquando erumpat oportet: quod ubi factum fuerit, semel evanescit omnis ille magnificus gloriæ fumus, atque etiam in fabulam vertitur. PH. Illud igitur, ut video, moneas, a natura minimum, ab honesto minime recedendum esse. SY. Tenes, ad hæc scis, quidquid subito inclarescit, obnoxium esse invidiæ. Inde vox odiosa νεοπλατὴ apud Græcos, apud Romanos novorum hominum cognomen, apud utrosque terræ filiorum, & e cœlo delapsorum. Cæterum fama quæ paulatim nascitur, & augetur, quemadmodum minimum habet invidiæ, ita maxime durabilis est; ut indicat hoc ille Poëtarum acutissimus Horatius: *Crescit occulto, velut arbor, ævo Fama Marcelli*. Proinde, si veram, si perpetuam, si livori quam minimum expositam gloriam expetis, ausculta Socrati, qui dixit, *Quibusdam usu venire, ut dum nimium properant initio, serius perveniant ad finem*. PH. Sed hominum vita brevis est. SY. Ergo ad benefacta properandum, non ad gloriam, quæ sua sponte consequitur. Non enim id consulis, opinor, quibus rationibus longævus fieri possis. Nam istuc Parcarum munus est, quæ fila ducunt & amputant, cum ipsis est visum. PH. Utinam istuc quoque possis! SY. Nunquam, ô Philodoxo, divi tam fuerunt benigni, ut unidarent omnia. Quod annis detrahunt, nominis splendore pensant. Quibusdam, sed paucissimis, tam indulgentiter favent, ut vivi, sibi quæ quodammodo superstitis, posteritate sua fruantur. Sed: rari sunt quos æquus amavit Jupiter. Hoc fortassis aliqui diis geniti potuere; verum ista felicitas non cadit in hanc consultationem. PH. Sæpe mecum admirari soleo, seu fortunæ seu naturæ invidentiam, quæ nihil omnino commodi largitur mortalibus, quod non aliquo temperet incommodo. SY. Quid igitur superest, amice, nisi ut homines nati, sortem humanam æquo feramus animo? Jam & illud haud mediocriter conducit ad leniendam invidiam, si penitus cures habere perspecta nationum, ordinum, & singulorum hominum ingenia, nimirum ad eorum exemplum, qui bestiis cicurandis alendisque dant operam. Siquidem horum præcipuum est studium, animadvertere quibus rebus quodque animal vel efferetur, vel delin-

4 νεοπλατὴ] Νεοπλατὸς est nuper divus factus, qui subito divitiis nactus, nusquam non ostentat.

5 Rari sunt quos] Versus Poëtæ sic habent:

— Pauci quos æquus amavit

Jupiter aut ardens evexit ad æthera virtus;

Diis geniti potuere. Æneid. vi, 129.

1 Sine affectibus.

2 Forte Theognideum. Vide Chil. 11. Cent. vii, 55.

3 Ἀκαταρῆ] Digna sunt quæ dum cremantur, fumum non faciunt.

niatur. Non jam loquor tantum de discrimine, quod est inter avem & quadrupedem, inter serpentem & piscem, aut quod est inter aquilam & vulturem, inter elephantum & equum, inter delphinum & phocam, inter viperam & aspidem, sed de innumera varietate, quæ est in singulis animantium generibus. PH. Exspecto quo sis evasurus. SY. Omnes canes sub una specie continentur: sed hæc species quam in innumeras formas distrahitur! ut dicas illos genere distinguere, non specie. Jam prorsus in eadem specie quam varii sunt canum mores, & ingenia? PH. Immensa varietas. SY. Quod de canibus dictum est, de singulis animantium generibus dictum puta: sed in nullo magis elucet discrimen, quam in equis. PH. Vera prædicas. Sed quorsum hæc? SY. Quidquid in animantium generibus, vel in formis, vel in singulis animantibus varietatis est, hoc omne puta esse in homine. Illic reperies lupos varios, canes inenarrabili varietate, elephantos, camelos, asinos, leones, oves, viperas, simios, dracones, aquilas, vultures, hirundines, hirudines; & quid non? PH. Quid tum? SY. Nullum autem est animal tam efferum, quin arte tractatum aliquam de se præbeat utilitatem, aut certe non lædat. PH. Nondum perspicio quid agas. SY. Est nonnihil discriminis inter Hispanum, Italum, Germanum, Gallum & Anglum. PH. Est plane. SY. Adhæc, est singulis in unoquoque genere peculiare quoddam ingenium. PH. Fateor. SY. Hanc varietatem si sagaciter habueris animadversam, & singulorum moribus te accommodes, per facile consequeris, ut aut omnes habeas amicos, aut certe nullos inimicos. PH. Si Polypum me fieri jubes, ubi rectum & honestum? SY. Est in rebus communibus aliquod obsequium, quod nullo pacto vitiat honestum: quod genus, apud Italos osculo salutant viri viros: in Germania si facias idem, absurdum videatur, sed pro osculo dextram porrigunt; rursus in Anglia viri salutant mulieres etiam in templo obvias: idem si fiat in Italia, flagitium habetur; item in Anglia porrigere poculum tuum intervenienti in convivio, civilitatis est; in Gallia contumeliæ est. In his & aliis hujusmodi, citra recti jacturam licet omnibus obsecundare. PH. At perdifficile sit omnium gentium mores, ac singulorum hominum ingenia nosse. SY. Verum, ô Philodoxe, si gloriam insignem quæris, eamque virtute partam, necesse est ut virtutem quoque præstes non vulgarem. Scis autem virtutem circa difficilia versari, quemadmodum ante Peripateticum illum docuit Hesiodus: proinde si mel cupis, apes feras oportet. PH. Scio, & memini: sed mitigandæ invidiæ rationem quærimus. SY. Proinde operam, ut in bello dux esse malis quam miles; & in eo bello, quod gerendum cum invisibilibus hostibus potius, quam cum civibus, aut sociis. In Republica ea potissimum munia capeffe, quæ popularia sunt & gratiosa. Velut defendere popularius est, quam accusare, honorare, quam punire. Quod si qua incidunt, sicut incidere necesse est, natura molesta, tamen ea quoque, si vitari non possunt, commoditate sunt lenienda. PH. Quo pacto? SY. Sedes iudex aut arbiter; altera pars nonnihil offendenda est; sed ea rem æquitate geras, ut, si fieri possit, etiam victus gratias agat. PH. Qui sic? SY. Puta. Intenditur actio furti aut sacrilegii: muta, si potes, actionis formulam, & fac ut sit actio rei vindicandæ. Heic protinus ita reum sublevas, ut nihil tamen decedat actori. Porro actionem omnem sic moderare, ut citra actoris dispendium reo videaris æquus. Postremo damnati poenam nonnihil mitiga. Absit interim aut vultus torvitas, aut verborum acerbitas, aut morositas; quæ res faciunt, ut quidam pejorem ferant gratiam pro dato beneficio, quam alii pro negato. Interdum monendus est amicus: sed si nulla spes emendationis, filere præstat. Si res gravior est, & spes est profectus, magni refert qualis sit admonitio. Nam sæpenumero fit, ut qui sinistre aut intempestive admonet, & morbum exasperet, & ex amico reddat inimicum. Hæc dexteritas magis etiam habet locum, si agas cum principe. Nam horum affectibus nonnunquam incidit ut sit resistendum. Quod si fit comiter ac dextre, paulo post qui obstitere, plus ferunt gratiæ, quam qui obsecun-

darunt. Quod enim cupiditati placet, temporarium est, quod recta ratione geritur, perpetuo probatur. Longe vero maxima pars invidiæ nascitur ex intemperantia linguæ. Quantum odii nonnunquam unica vox temere excidens concitat nonnullis! Quam multis dictum, aut jocus intempestivus fuit exitio! Laudabis igitur, sed dignos; idque parce: sed vituperabis parcius, si tamen omnino quispiam vituperandus est: proinde vitanda loquacitas. Difficillimum enim fit, simul & multa & opportune dicere. PH. Assentior istis omnibus. Sed mihi videtur præcipua ad parandam nominis celebritatem via, scribere libros. SY. Vera prædicas, nisi quod obstat scribentium turba. At, si ista placet ratio, cura ut exacte scribas potius, quam multa. Cum primis autem argumentum delige neque protritum, neque cum multis commune; ad hæc minime invidiosum: in id, quidquid insigne complurium annorum lectione contractum est, conferas: tractatione vero tale reddas, ut voluptatem habeat cum utilitate conjunctam. PH. Prudenter tu quidem, Symbole; meoque animo feceris satis, si unum illud adjeceris, quibus rebus effici possit, ut maturius etiam contingat gloria. Multos enim video, qui vix sub obitum inclarescunt, nonnullos a rogo, quod ajunt, demum innotescere. SY. Heic quod consulam, nihil habeo melius, quam quod tibi cen suasit tibicini. Fac ut his teipsum probes, qui gloria jam vicerunt invidiam: in horum amicitiam temet insinua, quorum honorifica de te prædicatio facile populare studium tibi conciliabit. PH. At si quando exoriatur invidia, quid ostendis remedii? SY. Fac quod solent hi qui picem coquunt: si flamma effulserit, infundunt aquam; ac tum magis effertur ac stridet incendium, ni id facias constanter ac sæpius. PH. Quid istuc ænigmatis est? SY. Invidiam oborientem beneficiis obrue potius, quam vindica. Nihil egit Hercules resectis Hydræ Lernææ capitibus; igne Græco devicit exitiabile monstrum. PH. Sed quem vocas ignem Græcum? SY. Qui ardet etiam in mediis aquis. Eum adhibet, qui laceffitus injuria malorum, non cessat tamen de omnibus bene mereri. PH. Quid ego audio? beneficentia igitur nunc aqua est, nunc ignis? SY. Quid vetat? quando Christus in allegoriis nunc sol est, nunc ignis, nunc lapis. Dixi sedulo; si quid melius eris nactus, sequitor, meumque repudiato consilium.

Opulentia sordida.

JACOBUS, GILBERTUS.

JA. U Nde nobis tam exsuccus, quasi cum cicadis interea rore sis pastus? mihi nihil aliud quam syphar hominis esse videris. GI. Apud inferos umbræ malva & porro saturantur: at ego decem vixi menses, ubi ne id quidem contigit. JA. Ubinam, te quæso? num abreptus in navem galeatam? GI. Nequaquam, sed Synodii. JA. In urbe tam opulenta, bulimia periclitatus es? GI. Maxime. JA. Quid in causa? An deerat pecunia? GI. Nec pecunia, nec amici. JA. Quid igitur erat mali? GI. Mihi res erat cum hospite Antronio. JA. Cum illo opulento? GI. Sed sordidissimo. JA. Monstri simile narras. GI. Minime; sed sic fiunt divites, qui e summa emergunt inopia. JA. Quid ita libuit tot menses apud talem hospitem commorari? GI. Erat quod alligaret: & sic tunc erat animus. JA. Sed dic, obsecro, quo tandem vivit ille apparatu? GI. Dicam, quandoquidem actorum laborum solet esse jucunda commemoratio. JA. Mihi certe futura est. GI. Illud zερανός est accessit incommodi, cum illic agerem; totos tres menses spirabat Boreas, nisi quod illic nescio quo pacto nunquam perseverat ultra diem octavum. JA. Quomodo igitur spirabat totos tres menses? GI. Sub eum diem velut ex constituto mutabat stationem, sed post horas octo migrabat in locum priorem. JA. Ibi tenui corpusculo opus erat foco luculento. GI. Satis erat ignis, si suppetisset lignorum copia. Verum ne quid heic faceret impendii hoster Antronius, ex rusticulis insularibus evelebat arborum radices ab aliis neglectas, idque fere noctu. Ex his nondum bene siccis struebatur ignis non absque fumo, sed sine flamma: non qui calefaceret, sed qui præstaret, ne vere dici posset ibi nullum esse ignem. Unicus autem ignis durabat totum diem, adeo temperatum erat incendium. JA. Illic hibernare durum erat. GI. Imo multo durius æstivare. JA. Qui sic? GI. Quoniam ea domus tantum habebat pulicum ac cimicum, ut

des

1 Illam docuit] Versus Hesiodi sic habent:

Τῇ μὲν τοι κακότητι καὶ ἰλαδίᾳ ἐστὶν ἰλιόθαι.

ῥηιδίως. ὀλίγη μὲν ὁδὸς, μάλα δ' ἐγγύθι ταῖσι.

Τῆς δ' ἀρετῆς ἰδρῶτα θεοὶ προπάρουσι ἰθὺς Ἀθάνατοι.

Id est: Ad virtutem pervenire facile est: & altissimum prope habitat. Ante virtutem autem sudorem Dei posuerunt, longamque viam & arduam.

2 Οὐρανός] Id est, calidus.

throgonus; Orthrogono assidebat Verpius, Verpio Strategus natione Græcus: Antronio sinistra assidebat filius natu major. Si quis accessisset conviva, ei locus dabatur pro dignitate. Primum de jure minimum erat vel periculi vel discriminis, nisi quod in procerum discis natabant fragmenta bubalini casei. Cæterum ex phialis vini aquæque ferme quatuor, vallum quoddam fiebat, ut nemo posset attingere quod erat appositum, præter tres, ante quos stabat patina, nisi quis sustinisset esse impudentissimus, & transilire septa. Nec tamen ea patina diu manebat, sed mox tollebat, ut aliquid superesset familiaræ. JA. Quid igitur edebant reliqui? GI. Suo more deliciabantur. JA. Qui? GI. Panem illum argillaceum macerabant vino facis vetustissimæ. JA. Tale convivium oportuit esse perbreve. GI. Frequenter hora prolixius. JA. Qui potuit? GI. Sublatis, ut dixi, mox, quæ non carebant periculo, ponebatur caseus, unde nullum erat periculum ne quisquam ullo cultello escario quidquam abradere. Manebat illa præclara fæx, & suus cuique panis. Atque inter hæc bellaria tuto miscebantur fabulæ. Interim prandebat foeminarum senatus. JA. Quid interim operæ? GI. Nihil habebant nobiscum commune; suis horis sibi prandebant ac coenabant. Sed hi cibo capiendi vix semihoram impendebant toto die. JA. Verum apparatus cujusmodi? GI. Istuc tuum est divinare. JA. At Germanis vix sufficit hora in jentaculum, tantundem in merendam, sequi hora in prandium, duæ horæ in cœnam: ac nisi affatum expleantur eleganti vino, bonis carnibus ac piscibus, deserunt patronum, & fugiunt in bellum. GI. Suus cuique genti mos est. Itali minimum impendunt gulæ, pecuniam malunt quam voluptatem; & sobrii sunt natura quoque, non solum instituto. JA. Nunc profecto non miror te nobis redisse tam exilem; sed omnino vivum redisse demior, præsertim cum antea capis, perdicibus, turturibus & phasianis assuevisses. GI. Plane perieram, nisi repertum fuisset remedium. JA. Male res agitur, ubi tot remediis est opus. GI. Effeceram ut mihi jam languescenti in singula convivia daretur quarta pars pulli elixi. JA. Nunc incipies vivere. GI. Non admodum. Emebatur pullus exiguus, ne multum impenderetur, cujusmodi sex non sufficerent uni boni stomachi Polono in jentaculum. Nec emto dabant cibum, ne quid esset impendii: itaque macie enecti ac semivivi coquebatur ala aut poples; jecur dabatur Orthrogoni filio infanti. Jus autem semel atque iterum ebibebant mulieres, subinde nova infusa aqua. Itaque poples ad me veniebat pumice siccior, & quovis putri ligno inspidior. Jus nihil erat, nisi mera aqua. JA. Et tamen audio illic avium genus & copiosissimum esse, & elegans, & vile. GI. Est prorsus; sed illis carior est pecunia. JA. Satis dedisti pœnarum, etiamsi Romanum Pontificem occidisses, aut si minxisses ad sepulchrum divi Petri. GI. Sed audi reliquum fabulæ. Scis esse in quaque hebdomada quinque dies, quibus vescimur carnibus. JA. Nimium. GI. Duos itaque pullos duntaxat emebant. Die Jovis se fingeant oblitæ emere, ne vel totum pullum eo die apponerent, vel aliquid superesset. JA. Næ iste Antronus superat etiam Euclionem Plautinum. Sed piscariis diebus quo remedio consulebas vitæ? GI. Amico cuidam dederam negotium, ut mihi meo ære in singulos dies emeret ova tria, duo in prandium, unum in coenam. Sed heic quoque foeminae pro recentibus care emtis, supponebant semiputria; ut mecum præclare crederem actum, si ex tribus unum esset quod edi posset. Tandem & utrem vini purioris mea pecunia emeram: cæterum mulieres effracta sera intra paucos dies exforbuerunt, non admodum irato Antronio. LA. Itane nullus erat illic, quem tui miseresceret? GI. Miseresceret; imo videbar illis gluto quispiam, & helluo, qui tantum ciborum unus devorarem. Itaque subinde me admonerat Orthrogonus, haberem ejus regionis rationem, meæque consulerem incolumitati: & aliquot nostrates commemorabat, quibus illic edacitas conciliaffet aut mortem, aut morbum gravissimum. Cum is me videret deliciis quibusdam, quas illic ex nucleis pineis, aut peponum, melonumque venditant pharmacopolæ, fulcire corpusculum, & assiduis laboribus, & inedia, & jam etiam morbo fractum, subornat medicum mihi amicum & familiarem, ut persuadeat victus moderationem. Egit hoc mecum diligenter. Moxque sensi subornatum, nec respondi tamen.

A Cum idem accuratius mecum ageret, nec admonendi faceret finem; Dic, inquam, mihi, vir egregie, serio isthæc loqueris, an joco? Serio, inquit. Quid igitur suades ut faciam? A cœnis in totum abstinere, & vino adde, ut minimum, aquæ dimidium. Risi præclarum consilium. Si me cupis exstinctum, huic corpusculo & raro & exili, & spiritibus subtilissimis, vel semel a cœna abstinere mors esset: id toties ipsa re compertum habeo, ut non libeat iterum experiri. Quid autem futurum censes, si sic pransus, a cœna temperem? Et tali vino jubes addi aquam? quasi non præstaret puram aquam bibere, quam sæculentam. Nec dubito, quin hæc te loqui jussit Orthrogonus. Subrisit medicus, ac mitigavit consilium. Non hæc loquor, inquit, Gilberte doctissime, quod in totum arceam te a cœnis; licebit gustare ovum, & semel bibere: sic enim ipse vivo. In cœnam coquitur ovum: inde capio vitelli dimidium, reliquum do filio; mox hausto semicyathos vini, studeo in multam noctem. JA. Num isthæc vera prædicabat medicus? GI. Verissima. Nam ipse forte per viam ambulans, redibam a sacro, & comes admonuerat illic habitare medicum; libuit videre regnum illius. Erat autem dies dominicus. Pulsavi fores: apertæ sunt; ascendi; offendo medicum cum filio, & eodem famulo prandentem. Apparatus erat duo ova, præterea nihil. JA. Oportuit esse exsangues homines. GI. Imo ambo erant pulchre habito corpore, colore vivido ac rubido, oculis lætis. JA. Vix credibile est. GI. At ego compertissima narro. Nec ille solus ad istum vivit modum, sed complures alii, & imaginibus clari & re lauta. Polyphagia & polypolia, crede mihi, consuetudinis res est, non naturæ. Si quis paulatim assuecat, tandem eo proficiet, ut idem faciat quod Milo, qui bovem eodem die totum absumsit. JA. Deum immortalem, si tam parvo victu licet tueri valetudinem; quantum impendiorum perit Germanis, Anglis, Danis, & Polonis? GI. Plurimum haud dubie, & quidem non sine gravi tum valetudinis, tum ingenii detrimento. JA. Sed quid obstabat, quo minus tibi sufficeret ille victus? GI. Quia diversis assueveram; & ferum jam erat mutare consuetudinem: quanquam me non tam offendeat ciborum exiguas, quam corruptio. Duo ova poterant sufficere, si fuissent recens nata: vini cyathus erat satis, nisi pro vino daretur fæx vapida: dimidium panis aluisset, nisi pro pane daretur argilla. JA. Adeone sordidum esse Antronium in tantis opibus? GI. Arbitror censum illius non fuisse infra octoginta ducatorum millia. Nec ullus erat annus, quo non accederet lucrum mille ducatorum, ut dicam parcissime. JA. Sed juvenes illi quibus hæc parabantur, num eadem utebantur parsimonia. GI. Utebantur, sed domi duntaxat; foris liguriebant, scortabantur, ludebant aleam: cumque pater in gratiam honestissimorum convivarum gravaretur teruncium impendere, juvenes interdum una nocte sexaginta ducatos perdebant alea. JA. Sic perire solent quæ foribus corraduntur. Verum e tantis periculis incolumis, quo nunc te confers? GI. Ad venustissimum Gallorum contubernium, sarturus quod illic dispendii factum est.

EXSEQUIÆ SERAPHICÆ.

THEOTIMUS, PHILECOUS.

PH. U Nde nobis Theotimus, nova religionis facie? TH. Qui sic? PH. Quia severa frons, oculi in terram defixi, caput in lævum humerum nonnihil inflexum, sphærule precatoriæ in manibus. TH. Si nosse cupis, amice, quæ ad te nihil attinent, e spectaculo venio. PH. An spectasti funambulū, aut præstigiarii artificem, aut aliud huic simile? TH. Fortasse non ita huic dissimile. PH. Equidem nunquam antehac vidi quenquam istiusmodi vultu redeuntem e spectaculo. TH. Sed ejusmodi fuit spectaculi genus, ut si tu interfuisses, fortassis me incederes aliquanto tristior. PH. Quin tu ergo memoras, quid te tam fecerit religiosum? TH. Redeo ab exsequiis Seraphicis. PH. Quid ego audio? Itane moriuntur & Angeli? TH. Non, sed horum sodales. Cæterum, ne te diutius suspensum habeam, nosti, opinor, heic apud Pelusios Eusebium, hominem clarum & eruditum. PH. Illumne ex principe privatum, e privato exsulem, ex exsule tantum non medicum, pene addideram sycophantam? TH. Recte divinasti quem dicam. PH. Sed quid illi accidit? TH. Hodie sepultus est: a pompa funebri redeo. PH. Admodum tristem fuisse oportet.

Tom. I. Iii tct,

tet, quæ te nobis tam tristem remisit. TH. Vereor ut sine lacrymis queam tibi quod vidi describere. PH. At ego vereor ut sine risu possim audire. Sed narra obsecro. TH. Scis Eusebium jam pridem fuisse misera valetudine. PH. Scio, ante annos aliquot evirato corpusculo. TH. In huiusmodi morbis qui lente conficiunt hominem, medici certis prælagiis solent mortis diem prædicere. PH. Maxime. TH. Hi monuerunt hominem, quidquid medicorum ars præstare posset, id omne summa cura præstitum esse, Deum quidem potentior omnino medicorum ope; sed quod humana conjectura deprehendi quiret, non superesse triduum vitæ. PH. Quid tum postea? TH. Ibi continuo præclarus Eusebius defecto corpusculo, totum sanctissimi Francisci amictum induit, raditur, accipit cucullam cinericiam, vestem ejusdem coloris, funem nodosum, fenestratos calceos. PH. Moriturus? TH. Sic est. Quin & proficitur voce jam moribunda, se Christo militaturum juxta Francisci regulam, si, quod medici desperabant, daret Deus. Ad hanc professionem adhibiti sunt testes, viri sanctimonia celebres. In ea veste moritur vir egregius ad tempus a medicis prædictum. Veniunt ex eo sodalities complures, qui funebrem pompam celebrent. PH. Utinam adfuissent isti spectaculo! TH. Il lacrymasses, si spectasses qua caritate Seraphici sodales cadaver abluerint, amictum illum sacrosanctum adaptarint, manus in crucis imaginem composuerint, pedes nudarint, & nudatos exosculati sint, faciem unguento etiam exhilararint, juxta præceptum Evangelicum. PH. Prodigiosa humilitas, Seraphicos viros agere pollinctores ac vespillones. TH. Post hæc feretro composuerunt: & juxta Pauli doctrinam, Gal. vi. *Alter alterius onera portate*: propriis humeris fratres fratrem bajularunt per viam publicam ad monasterium. Ibi solemnibus neniis sepelierunt. Cum venerabilis illa pompa per viam incederet, vidi complures invitis oculis effundere lacrymas, cum talem virum, quem prius viderant purpura byssoque vestitum, nunc conspicerent in amictu Franciscano, fune canabeo cinctum, tam religiosa specie toto corpore compositum. Nam & mortui caput erat deflexum in humerum, & manus, ut dixi decussatim composita. Cætera item omnia mirificam quandam religionem præ se ferebant. Quin ipsa turba Seraphica cervicibus inflexis, oculis in terram defixis, & neniis adeo lugubribus, ut arbitrer, ipsos manes non canere lugubrius, multis excutiebat lacrymas & singultus. PH. Sed habebatne quinque Francisci vulnera? TH. Id non ausum affirmare certo. Apparebant in manibus ac pedibus vestigia quædam sublivida, ac vestis in sinistro latere fenestellam habebat. Verum non ausus sum oculos acius intendere, quod affirmant in huiusmodi rebus curiositatem multis fuisse exitio. PH. Sed nullo sine illic sensisti ridentes. TH. Sensi: verum eos suspicor hæreticos esse, quorum hodie plenus est mundus. PH. Ut simpliciter tecum fabuler, mi Theotime, vix ipse valuissem a risu temperare, si isti spectaculo adfuissent. TH. Faxit Deus, ne tu sis istius fermenti contagio corruptus. PH. Nihil hinc periculi est, optime Theotime; ego a puero religiose beatum Franciscum, juxta mundum nec doctum nec sapientem, sed profunda mundanorum affectuum mortificatione Deo carissimum, semper animo sum veneratus; cumque hoc omnes, qui illius ingressi vestigiis, ex animo student mundo mortui, Christo vivere. Nam vestem nihil moror: sed lubens ex te didicero, quid vestis conferat mortuo? TH. Margaritas non esse porcis obijciendas, nec sanctum dandum canibus, scis ab ipso Domino præceptum esse. Proinde, si ridendi causa percunctaris, nihil ex me audies: sin simplici discendi studio, libens impartiam, quod ab illis didici. PH. Profiteor discipulum & attentum, & docilem, & benevolum. TH. Principio scis quosdam usque adeo ambitiosos, ut non sat habeant superbe & insolenter vixisse, nisi & ambitiose sepeliantur mortui. Non sentiunt exanimis, sed tamen viventes imaginatione quadam futuræ pompæ, voluptatem aliquam ac fructum præcipiunt. Hoc quidquid est, affectus abdicare, non negabis, opinor, aliquam pietatis partem. PH. Fateor, si fastus exsequiarum non valeat alia ratione devitari. Sed mihi videtur modestius, si Princeps exanimis involvatur linteo vili, ac per plebejos vespillones in vulgari cœmeterio inter plebeja cadavera sepeliatur. Nam qui sic efferuntur, quemadmodum elatus est Eusebius, nautasse fastum videntur verius,

quam vitasse. TH. Deo gratum est quidquid bono fit animo. Illius autem est judicare cor hominis. Verum quod dixi leve est; sunt alia graviora. PH. Quæ? TH. Profitentur ante mortem Francisci regulam. PH. Videlicet ut eam servant in campis Elysiis. TH. Non; sed heic, si revalescant. Et fit aliquoties ut medicorum sententiis damnati, simul ut sacrosanctam vestem induerint, ope Dei reviviscant. PH. Idem sæpenumerousu venit in his, qui vestem eam non induunt. TH. Oportet simpliciter ambulare in via fidei: si nihil esset eximii fructus in hac re, non ambirent, præsertim apud Italos, genere & literis nobiles plurimi, ut in amictu sacrosancto sepeliantur. Ac ne repudies ignotorum hominum exempla, sic sepultus est ille, cui tu merito plurimum tribuis, ¹ Rudolphus Agricola: sic nuper Christophorus ² Longolius. PH. Mea nihil refert quid delirent homines cum agunt animam; ex te doceri cupio, quid magni boni conferat, hominem metu mortis attonitum, ac certæ vitæ desperatione perturbatum, profiteri aut vestiri. Quid, quod vota sunt irrita, nisi fiant animo sano sobriorque, matura deliberatione, sublato metu, dolo, aut vi. Ut horum nihil sit, professio talis non obligat, nisi post annum probationis, quo gestare jubentur tunicam cum caperone: sic enim loquitur vir ille Seraphicus. Itaque si reviviscant, duplici nomine non tenentur, neque enim votum est, quod ab attonito fit, metu mortis ac spe vitæ, neque professio obligat ante caperone gestatum. TH. Utunque habet obligatio, illi certe putant se obligari; & illa totius voluntatis addictio non potest Deo non esse gratissima; siquidem hoc est in causa, ut bona opera monachorum, etiam si demus cætera paria, gratiora sint Deo quam aliorum, quod ex optima radice proficiantur. PH. Non excutiam heic quanti momenti sit, hominem totum se Deo addicere, cum jam sui juris non est: ego arbitror unumquemque Christianum se totum addicere Deo in baptismo, cum renuntiat omnibus pompis & voluptatibus Satanae, datque nomen Imperatori Christo, posthac illi per omnem vitam militaturus. Et Paulus agens de his qui Christo commoriuntur, ut jam sibi non vivant, sed ei qui pro ipso mortuus est, non loquitur proprie de monachis, sed de universis Christianis. TH. Opportune meministi baptismi; sed olim tingeantur, aut adspergebantur agentes animam, quibus tamen dabatur spes æternæ vitæ. PH. Quid Episcopi promiserint, non ita magni refert: quid Deus præstare dignetur, nobis incertum est. Si certum fuisset tales adspergine aquulæ repente fieri cives cœli, quæ major poterat aperiri fenestra, ut homines mundo dediti studio per omnem vitam servirent impiis cupiditatibus, ac tum demum adhererent adpersiunculam, cum jam amplius peccandi facultas non esset? Quod si tali baptismo similis est ista professio, præclare consultum est impie viventibus, ne pereant, hoc est, Satanae vivant, Christo moriantur. TH. Imo si fas est aliquid ex Seraphicis mysteriis prodere, efficacior est illorum professio, quam baptismi. PH. Quid audio? TH. In baptismo tantum prolunantur crimina; restat anima pura, sed nuda: heic qui proficitur, statim datur totius ordinis egregius meritis, nimirum insitus corpori sanctissimæ sodalitates. PH. Itane qui per baptismum inferitur corpori Christi, nihil accipit, nec a capite, nec a corpore? TH. Nihil a Seraphica massa, nisi beneficentia aut favore promereatur. PH. Quis Angelus hoc istis revelavit? TH. Non Angelus, o bone, sed ipse Christus ore proprio hoc aliaque permulta beato Francisco præfens præsentis patefecit. PH. Obsecro te per amicitiam nostram, atque obtestor, ne me graveris istis impartiri sermonibus. TH. Sunt reconditissima mysteria; nec fas est ea profanis communicare. PH. Qui profanis, amice? qui nulli unquam ordini melius vulerim quam Seraphico? TH. Sed interdum vellicas eos odiosus. PH. Hoc ipsum, Theotime, amoris argumentum est: cum eum ordinem nulli gravius lædant, quam qui sub illius um-

¹ Rudolphus Agricola] De Agricola hoc ita Jovius: *Quis non te, Rudolphus Agricola, inuistato & plane portentoso conspirantium siderum concursu natum esse fateatur; si vim celestis tamen umis radiosi luminis, non secus ac in astris cursum, certior disciplina deprehenderes? Haussisti enim Hebraicas Græcæque literas, usque adeo stupenda celeritate, ut nequaquam Graecia in ultima Frisia; sed Hierosolymis Athenisque natus ac educatus a doctissimis crederetur. Heidelbergæ defunctus, habitu Franciscano terræ mandatus est anno 1485.*

² Longolius] Est hic Christophorus Longolius, de quo vide Erasmus in Ciceroniano.

umbra turpiter vivunt: quisquis optime vult ordini, necesse est ut illius corruptoribus maxime succenseat. TH. At vero ne Franciscum iratum habeam, si quid arcanorum effutiero. PH. Quid mali metuis ab innocentissimo viro? TH. Quid? Ne me exoculet, aut ne mihi mentem adimat; quomodo multos tractasse dicitur, qui reclamarunt illius quinque vulnerum vestigiis. PH. Itane divi peiores sunt in cœlo, quam fuerint in terris? Audio Franciscum adeo fuisse miti ingenio, ut cum pueri per viam incedenti, caseum, lac, rudera & lapides immitterent in rusticam cucullam a tergo pendentem, nihil offenderetur; sed hilaris incederet, & gaudens: & nunc factus est iracundus ac vindex? Alio die cum a socio audisset fur, sacrilegus, homicida, incestus, ebriosus, & quidquid criminum in scelerosissimum quemvis congeri potest, confractus egit gratias, confessus illum nihil esse mentitum. Miranti socio cur ita loqueretur, Hæc, inquit, omnia, & his sceleratiora patraram, nisi me numinis favor servasset. Unde igitur nunc factus est vindex? TH. Sic est: divi in cœlo regnantes lædi nolunt. Quid Cornelio mitius? quid Antonio mansuetius? quid Joanne Baptista patientius, dum viverent? At nunc quam horrendos morbos immittunt, nisi legitime colantur! PH. Citius crediderim illos adimere morbos, quam immittere. Sed quod mihi dixeris, nec profano commiseris, & tacituro credideris. TH. Age, tua fretus fide dicam, quod quidem ad hanc rem attinet. Obsecro te, Francisce, ut te tuisque sodalibus propitiis sit mihi fas audita loqui. Scis Paulo fuisse sapientiam reconditam, quam non palam, sed occulte loquebatur inter perfectos. Sic habent & illi quædam arcana, quæ non evulgant apud quoslibet, sed beatis viduis, aliisque piis, & selectis, bene volentibus gregi Seraphico, privatim impartiunt. PH. Exspecto τριταγίας ἀποκαλύψεις. TH. Principio Dominus prædixit patriarchæ Seraphico futurum, ut quo grex Seraphicus magis increbresceret, hoc illi pabulum abundantius suppeditaret. PH. Heic protinus adempta est omnis querela iis, qui dicitant, hoc hominum genere in dies increbescente, gravari populum. TH. Deinde aperuit & hoc, quod quotannis, in die illi festo, omnes animæ non modo fratrum, qui sacrosanctum illum gestant habitum, verum etiam ordini bene cupientium, ac de ipsius sodalibus bene merentium, ab igni Purgatorio liberarentur. PH. Tam familiariter Christus cum illo fabulabatur? TH. Quid ni? ut cum amico & sodali, quemadmodum Deus Pater fabulabatur cum Mose. Moses a Deo traditam legem tulit ad populum; Christus legem Evangelicam promulgavit; Franciscus legem suam Angeli manibus bis descriptam, tradidit Seraphicis fratribus. PH. Exspecto tertiam apocalypsim. TH. Verebatur egregius ille patriarcha, ne bonum semen, quod seminatum erat, noctu vitaret ille malus, & ita cum zizania revelleretur & triticum. Hunc scrupulum exemit illi Dominus, promittens illi, sibi curæ futurum ne deficeret semicalceatorum ac cinctorum fune populus, usque ad extremum iudicii diem. PH. O Domini clementiam! alioqui fuerat actum de ecclesia Dei. Sed perge. TH. Quarto loco referavit illud, quod nullus impie vivens diu perseverare posset in eo ordine. PH. An non defecit ab ordine quisquis impie vivit? TH. Non: neque enim Christum statim abnegavit qui scelerate vivit; quanquam aliquo modo negant Deum, qui ore profitentes, factis negant. Sed quisquis abjicit sacrosanctum habitum, is irreparabiliter defecit ab ordine. PH. Quid igitur dicemus de tot monasteriis conventualium, qui pecunias habent, qui potant, ludunt aleam, scortantur, & palam alunt domi concubinas, ne plura commemorem? TH. Franciscus nunquam gestavit vestem tali colore nimium fusco, nec usus est cingulo e lino candido confecto. Proinde illis, ubi pulsant ostium, dicitur: *Nescio vos: eo quod non habet vestem nuptialem*. PH. Estne amplius? TH. Nihil adhuc audisti. Quinto loco patet fecit illi, quod, qui male vellent ordini Seraphico, quales heu nimium multi sunt, nunquam pervenirent ad dimidium ætatis a Deo præfinitæ, nisi mortem anticipassent; sed omnes pessima morte ocyssime perituros. PH. Vidimus istuc cum in aliis multis alias, tum nuper in 2 Matthæo

1 *Tor sanctas revelationes.*

2 *Matthæo Cardinale*] Erat hic apud Sedunum urbem humili patre genitus. In Italiam missus ad Latinam Italicamque linguam addiscendam, Comi sub Theodoro Lucino tantos progressus fecit, ut jam eruditione clarus, ad Sedunensem Episcopatum sit promotus. Cum autem suo ævo bellum inter Gallos & Julium Pontificem ingravesceret, hic Matthæus tantum

A Cardinale Sedunensi: de semicalceatis pessime & loquebatur, & sentiebat; perit prius quam opinor, attingeret quinquagesimum annum. TH. Recte quidem dicis: sed ille læserat etiam Cherubicum ordinem. Nam hujus opera potissimum effectum prædicant, ut Bernæ quatuor illi Dominicani traderentur flammis, cum alioqui Pontificis animum pecunia fuerint expugnaturi. PH. Sed ajunt illos prodigiosa impietatis orfos fabulam. Fictis visionibus ac miraculis agebant, ut persuaderent, Virginem matrem fuisse contaminatam labe originali, divum Franciscum non habuisse vera Christi vulnerum vestigia, ea verius habuisse Catharinam Senensem; sed perfectissima pollicebantur laico converso, quem ad hanc fabulam agendam subornaverant, & ad hanc imposturam abutebantur corpore Domini; postremo etiam fustibus, & venenis. Denique prædicant hanc telam non fuisse unius monasterii, sed totius ordinis procerum. TH. Utcunque ista habent, non temere dictum est a Deo, *Nolite tangere christos meos*. PH. Exspecto si quid superest. TH. Superest apocalypsis sexta, qua Dominus juravit illi futurum, ut fautores ordinis Seraphici, quantumvis impie viverent, tamen aliquando Domini misericordiam consequerentur, & sceleratam vitam beato fine clauderent. PH. Etiamne si in adulterio deprehensi occiderentur? TH. Quod Dominus promissit, non potest non esse ratum. PH. Sed quibus tandem rebus illi metiuntur favorem ac benevolentiam? TH. Oh, dubitas? qui dat, qui vestit, qui culinam instruit, jam dudum amat. PH. Non amat qui monet? qui docet? TH. Hæc ipsis domi abundant, & hujus generis beneficia solent aliis largiri, non ab aliis accipere. PH. Plus ergo Dominus promissit Francisci discipulis quam suis. Sibi quidem patitur imputari, si quid ipsius respectu benefiat cuilibet Christiano; sed non promittit male viventibus vitam æternam. TH. Nec mirum, amice: nam extremus Evangelii vigor servatus est huic ordini. Sed audi jam septimam apocalypsin, eamque postremam. PH. Heic sum. TH. Juravit illi Dominus, neminem male moriturum, qui in habitu Seraphico moreretur. PH. At quid appellas male mori? TH. Is male moritur, cujus anima relicto corpore, recta defertur ad tartara, unde nulla est redemptio. PH. Vestis igitur non liberat ab igni Purgatorio? TH. Non, nisi quis moriatur in ipso festo beati Francisci. Verum an tibi parum videtur, tutum esse a tartaro? PH. Maximum ego quidem arbitror. Sed quid de his sentiendum, quibus jam mortuis induitur sacra vestis? Non enim in ea moriuntur. TH. Si vivi hoc petierunt, voluntas habetur pro facto. PH. At ego, cum agerem Antverpiæ, adfui cum cæteris cognatis matronæ cuidam agenti animam; aderat Franciscanus, vir admodum venerabilis. Is ubi videt mulierem jam oscitantem, alterum brachium illius inseruit suæ vestis, sic ut etiam aliquam humeri partem tegeret. Ibi quidam dubitabant, utrum tota mulier esset tuta ab inferorum portis, an pars contecta. TH. Tota erat tuta, non aliter quam in baptismo pars hominis tingitur aqua, totus tamen Christianus redditur. PH. Mirum, cacodæmones tantopere horrere vestem illam. TH. Magis horrent quam crucem Domini. Cum efferretur Eusebius, vidi (non solus tamen) agmina nigrorum dæmonum, muscarum instar, assultantium ad corpus, nullus tamen audebat attingere. PH. At interim facies, manus, pedes erant in periculo, quippe nudi. TH. Ut serpentes nec umbram fraxini, licet porrectam longius, ferre possunt, ita dæmones virus illud sacræ vestis etiam procul sentiunt. PH. Proinde non arbitror talia corpora putrescere, alioqui plus animi esset vermibus quam cacodæmonibus. TH. Verisimile narras. PH. Quam fortunati pediculi qui in tam divina veste perpetuo vivunt! Cæterum cum vestis deferatur ad sepulchrum, quid est quod tuetur animam? TH. Vestis umbram secum defert; ea tutam reddit, adeo ut negent quemquam illius ordinis venire in Purgatorium ignem. PH. Næ ego istam apocalypsim, si vera narras, pluris facio, quam illam Joannis! hæc enim expeditam

Tom. I.

Iii 2

ac

effecit, ut Helvetiorum arma in Gallos incitaret. Quibus rebus non exiguam momenti Pontificiæ parti attulit. Itaque ut beneficium beneficio pensaret, afficiit illum in numerum Cardinalium. Mortuus Hadrianus VI. anno primo.

3 *Verius habuisse Catharinam*] Totam hanc historiam de quatuor illis Dominicanis fuisse tractat Johannes Stumpsius in Annalibus Helveticis.

4 *Nolite tangere christos meos*] Locus desumptus ex Psal. 105. v. 15.

5 *Patitur imputari*] Respicit ad locum Matth. 25. v. 40.

ac facilem ostendit viam, qua cuius liceat citra sudorem, citra molestiam, citra poenitentiam, mortem æternam effugere, tota vita suaviter peracta in deliciis. TH. Assentior. PH. Jam igitur mirari desino, si plerique Seraphicis sodalibus plurimum tribuant: verum non queo satis admirari, non deesse qui non vereantur illis oppedere. TH. Nimirum istos scias, quotquot videris, traditos in reprobum sensum, suaque malitia excæcatos. PH. Posthac ero cautior; daboque operam ut in sacrosancta veste moriar. Verum exstiterint hoc sæculo quidam qui docent, hominem sola fide justificari, nullo operum præsidio: maximum igitur privilegium sit, si vestis beet absque fide. TH. Non simpliciter absque fide, ne quid erres, Philecoë. Satis autem est credere, hæc quæ diximus esse promissa a Christo patriarchæ Franciscæ. PH. Vel Turcam igitur servabit vestis? TH. Vel ipsum Sathanam, si se patiatur indui, & fidem habeat Apocalypsi. PH. Jam dudum me tuum fecisti: sed unum atque alterum scrupulum mihi cupiam per te eximi. TH. Dic. PH. Audiui, Franciscum, suum appellare institutum Euangelicum. TH. Verum. PH. Sed Euangelii regulam profitentur omnes Christiani, mea quidem sententia. Quod si istorum institutum est Euangelicum; oportet quotquot Christiani sunt, eosdem esse Franciscanos: & in his primas tenebit Christus cum Apostolis & sanctissima Matre. TH. Convinceres tu quidem, nisi Franciscus quædam addidisset Euangelio Christi. PH. Quæ? TH. Vestem cinericiam, funem canabeum, & pedes nudos. PH. Istis igitur notis dignoscimus Euangelicum a Franciscano? TH. Differunt & contactu pecuniæ. PH. Verum, ut audio, Franciscus recipi vetat, non attingi. Recipit autem vel dominus, vel procurator, vel creditor, vel hæres, vel mandatarius: & si numeret chirotheca munitus, nihilominus recepisse dicitur. Unde igitur hoc novum interpretamentum, ne recipiant, id est, ne contingant? TH. Sic interpretatus est Benedictus Pontifex. PH. At non ut Pontifex, verum ut Franciscanus. Alioqui nonne, qui sunt observantissimi, cum peregrinantur, excipiunt linteolo nummos? TH. Faciunt cum urget necessitas. PH. At mori satius est, quam violare regulam plusquam Euangelicam. Deinde nonne passim recipiunt per suos procuratores? TH. Quid ni? etiamsi dentur aliquot millia, id quod non raro accidit. PH. At regula dicit, neque per se, neque per alios. TH. At non contingunt. PH. Ridiculum: Si contactus impius est, etiam per alios contingunt. TH. Verum non est illis cum procuratoribus actio. PH. Non est? Experiatur hoc qui velit. TH. Christus non legitur usquam contigisse pecuniam. PH. Esto: sed probabile est, Christum adolescentulum crebro parentibus suis emisse oleum, acetum, & olera. Sed extra controversiam Petrus & Paulus contrectarunt. Non est in contactus fuga laus pietatis, sed in contemptu. Vini contactus multo periculosior est quam pecuniæ; cur non horrent ibi periculum? TH. Quia Franciscus non prohibuit. PH. Nonne porrigunt manus suas otio molliculas, & pulchre lotas sceminis salutantibus; & nummo forte inspicendi causa oblato, resiliunt, ac se muniunt signo crucis? papæ quam Euangelice! Et quidem puto Franciscum, licet omnis literaturæ rudem, non adeo desipuisset, ut vetuerit qualemcumque pecuniæ contactum. Et tamen id sensit, quanto periculo suos exposuit, quos iussit nudis pedibus incedere? Vix enim vitari potest, quin aliquando imprudentes calcent nummum humi jacentem. TH. Verum non tangunt manibus. PH. An tactus non est sensus toti corpori communis? TH. Est; atque etiamsi quid tale usu veniat, non sacrificant nisi confessi. PH. Religiose. TH. Verum omisissis cavillationibus, dicam id quod res est. Pecunia multis est, eritque maximorum malorum occasio. PH. Fateor: sed eadem aliis est multorum bonorum materia. Divitiarum amorem lego damnatum, pecuniam damnatam nusquam lego. TH. Recte dicis. Sed quo longius absint ab avaritiæ morbo, sic prohibitus est contactus, quem admodum in Euangelio vetamur jurare, ne incidamus in perjurium. PH. Quin igitur vetitus est adspectus? TH. Quia facilius est continere manus, quam oculos. PH. Et tamen per illas fenestras ingressa est mors. TH. Et ideo qui germa-

¹ Neque per se] Capite quarto Regulæ Franciscite habetur: Firmiter omnibus fratribus injungo ne vel per se vel per alios pecuniam recipiant: attamen necessitati agrorum & vestium male vestitorum secundum regionis clima & annitempestates prospicient Ministri, prout ipsa res postulare videbitur; id tamen illibate servandum, ne omnino, ut dictum, nummos recipiant.

ne Franciscani sunt, ultra supercilia deducunt cucullam, testisque & in terram defixis oculis incedunt, ne quid videant præter viam: quod idem videmus in equis currus onustos trahentibus; utrinque corium capistro additum non sinit eos quidquam videre, nisi quod ante pedes est. PH. Verum age, dic mihi, estne hoc verum quod audio, in regula vetitum, ne quod indultum impetrent a Pontifice? TH. Est. PH. Atqui audio nullum hominum genus pluribus instructum indultis; adeo ut liceat illis homines ipsorum sententia damnatos, vel veneno necare, vel vivos defodere, citra ullum irregularitatis periculum. TH. Non est vana fabula quam audisti. Nam mihi narravit vir minime mendax Polonus, se obdormisse potum in templo Franciscanorum, in his angulis in quibus sedent sceminæ per laminas foraminosas confitentes. Experrectus cantu nocturno, non ausus est se prodere. Decantatis ex more nocturnalibus, totus fratrum chorus descendit in ædem inferiorem: ibi erat parata fossa bene lata beneque profunda. Stabant duo juvenes revinctis a tergo manibus. Habita est concio de laude obedientiæ: promissa est apud Deum omnium commissorum venia. Nonnulla etiam spes injecta, fore ut Deus fratrum animos flecteret ad misericordiam, si sponte descenderent in foveam, seque supinos reponerent. Factum est; subductisque scalis, omnes simul injecere terram. PH. Sed siluitne interim ille spectator? TH. Maxime; tum quidem nimirum, metuens, ne si se prodidisset, tertius adderetur fossæ. PH. Etiamne hoc illis licet? TH. Licet, quoties periclitatur decus ordinis. Nam ille simulatque evasisset, passim in omnibus conviviis narrabat quæ viderat, magna Seraphicæ gentis invidia. Nonne præstiterat vivum sepeliri? PH. Fortasse. Verum his subtilitatibus omisissis, qui sit, ut cum patriarcha jusserit incedi nudis pedibus, nunc maxime incedant calceis fenestris? TH. Duabus de causis præceptum hoc mitigatum est: altera est, ne per imprudentiam tangant pecuniam: altera, ne frigus lædat, aut spina, aut serpentes, aut filices, aut aliud simile, cum illis sit per universum terrarum orbem obambulandum. Cæterum ut id fiat inviolata regulæ majestatem, fenestra calcei pedem nudum ostendit per lyncædochen. PH. Prædicant se profiteri perfectionem Euangelicam, quam ajunt constare consiliis Euangelicis, de quibus inter eruditos magna digladiatio est. Et in unoquoque vitæ statu locus est perfectioni Euangelicæ. Sed quid omnium maxime perfectum tibi videtur inter Euangelii præcepta? TH. Arbitror totum illud quod prodidit Matthæus c. v. cujus hæc est clausula: Diligite inimicos vestros, benefacite his qui vos oderunt, & orate pro persequentibus & calumniantibus vos, ut sitis filii Patris vestri qui est in calis, qui solem suum oriri facit super bonos & malos, & pluit super justos & injustos. Estote ergo vos perfecti, sicut & Pater vester celestis perfectus est. PH. Commode respondisti. Sed Pater ille dives est ac munificus in omnes, nec mendicat a quoquam. TH. Munifici sunt & illi, sed opum spiritualium, hoc est, precum & bonorum operum, quibus opulenti sunt. PH. Utinam sint inter illos exempla caritatis Euangelicæ, quæ maledicta benedictis, injuriam beneficio pensat. Quid tibi vult illa tam celebris Alexandri Pontificis vox, Tuius esse Regem quemlibet potentem ledere, quam quemlibet ex ordine Franciscanorum aut Dominicanorum? TH. Ordinis læsam dignitatem ulcisci fas est: & quod uni ex minimis male fit, fit toti ordini. PH. At cur non potius quod uni bene fit, fit toti ordini? Et cur non unus Christianus læsus, totum Christianismum ad vindictam provocat? Cur toties cæsus ac lapidatus Paulus non inclamavit suppetias adversus Apostolicæ dignitatis violatores? Jam si juxta Domini sententiam, Beatus est dare quam accipere, utique perfectior est, qui bene vivens ac docens de suo dat egentibus, quam qui tantum accipit. Alioqui frustra Paulus gloriatur, quod gratis prædicaverat Euangelium. Atque heic videtur esse præcipuum illius laudatæ additionis experimentum, si conviciis impetiti non incandescant, si in male merentes, caritatis affectum obtineant. Quid magni est, si quis aliquid facultatum relinquat, de alieno victurus aliquanto lautius, cum sibi servet ulciscendi cupiditatem? Cinctorum fune, semicalceatorum, ubique est magna copia: hæc qui præstet quæ perfecta Dominus vocat, quæ Apostoli constanter exhibuerunt, inter istos nimium rara est avis. TH. Non ignoro quas fabulas impii quidam de illis spargant: sed ego sic affe-

ctus sum, ut ubicunque videro illam sacrosanctissimam vestem, putem adesse Angelos Dei: eamque domum esse felicem, cuius limen crebro teritur illorum pedibus. PH. Et ego arbitror pauciores esse steriles feminas, ubi illi agunt familiariter. Sed mihi propitius sit Franciscus, Theotime, qui hactenus tanto in errore sum versatus. Existimabam istorum vestem nihil aliud esse quam vestem, nec per se meliorem veste nautæ, aut calcearii, nisi utentis sanctimonia commendaretur, quemadmodum Christi vestis contacta sanavit hæmorrhoidiam. Alioqui dubitabam, utrum textor an vestiarius eam vim dedisset vesti. TH. Haud dubie, qui formam dat, dat vim. PH. Posthac ergo vivam suavius, nec me macerabo metu inferorum, aut confessionis tædio, aut cruciatu poenitentiae.

AMICITIA.

EPHORINUS, JOANNES.

EP. Sæpenumero mecum admirari soleo, quem Deum in consilium adhibuerit natura, cum in omni rerum genere misceret amicitias & inimicitias quasdam arcanas, nec ullis causis evidentibus probabiles, nisi quod hoc spectaculo videtur fuisse delectata, quemadmodum nos ex commissis inter se gallis gallinaceis & coturnicibus voluptatem capimus. Jo. Nondum satis percipio quid velis dicere. EP. Dicam igitur, si vis, crassiore Minerva. Scis, serpentium genus esse inimicum homini. Jo. Scio vetus inter illos & nos esse dissidium & irreconciliabile, futurumque donec meminerimus illius inauspicati pomi. EP. Nosti lacertam? Jo. Quid ni? EP. Italia magnas habet & virides. Hoc animal natura & homini amicum est, & serpentibus inimicum. Jo. Unde hoc deprehenditur? EP. Ubicunque prospicit homo, ibi congregantur lacertæ, obliquo capite diu contemplantes hominis faciem: si exspuas, elambunt salivam ore redditam: vidi & puerorum mictum exforbentes. Quin & puerorum manibus tractantur impune, atque etiam læduntur, & admotæ ori gaudent salivam lambere. Cæterum si comprehensæ inter se committantur, dictum mirum quam in sese sæviant; nec appetunt committentem. Si quis agris ambulet per viam cavam, nunc hinc, nunc illinc strepitu dimoti rubi admonent hominem; infuetus crederet serpentem esse: ubi dispexeris, lacertæ sunt, obliquo capite contemplantes, donec consistas; si pergas, sequentes. Rursus aliud agentem admonent. Diceret eas ludere, vehementerque delectari hominis aspectu. Jo. Mira narras. EP. Quodam die vidi prægrandem & mire viridem in ostio cavi decertantem cum serpente. Primum mirabamur quid esset rei: nam serpens nobis non erat conspicuus. Italus admonerat in antro esse hostem. Paulo post venit ad nos lacerta: velut ostendens sua vulnera, ac remedium flagitans, seque tantum non tangi patiebatur: quoties autem restabamus, restabat & illa, nos contemplans. Serpens alterum latus pene totum eroserat, & ex viridi rubrum fecerat. Jo. Mihi, si adfuisset, libuisset ulcisci lacertæ vicem. EP. At hostis jam se in profundum antrum abdiderat: post aliquot tamen dies pavimus oculos nostros vindicta. Jo. Gaudeo profecto. Sed quo pacto? EP. Forte inambulabamus pereundem locum: Serpens e fonte vicino biberat; erat enim æstus prodigiosus, adeo ut nos quoque aquæ inopia periclitaremur. Commodum occurrit ex agris puer natus annos tredecim, ejus domus filius, in qua tum metu pestilentie Bononia profugi, rusticabamur; gestans rastrum quo foenum demessum converrunt agricolæ; simul ut serpentem vidit, exclamat. Jo. Metu fortasse. EP. Nequaquam, imo gaudio, velut insultans deprehenso hosti. Ferit rastrum, serpens se contrahit: ille non facit ferendi finem, donec contrito capite serpens in longum porrigitur; nam hoc non faciunt nisi morientes. Inde est, quem frequenter audisti, apologus de canero, qui serpentem hospitem occidit, ubi porrectum vidit; Sic, inquit, *vivum incedere oportuit*. Jo. O factum bene! Quid tum? EP. Puer arreptum rastrum suspendit e frutice supra antrum. Ibi diebus aliquot vidimus frondes sanie tinctas. Ejus ruris agricolæ pro comperto nobis aliud quiddam mirabile referebant. Agricolæ nonnunquam festi obdormiunt in agro: atque illic interdum habent urceum lactis, in cibi simul & potus usum. Serpentes summo pere lacte capiuntur. Itaque non raro fit, ut in vas illabantur.

A Ei malo paratum habent remedium. Jo. Quod? obsecro. EP. Summum testæ os alio circumlinunt. Is odor deterret serpentes. Jo. Quid igitur sensit Horatius cum scriberet allium venenum esse? *ciculis nocentius*; cum sit, ut ais, adversus venena remedium? EP. Sed audi quod est durius; interdum clanculum adrepentes in os patens dormientis conjiciunt sese, & in stomachum sese convolvunt. Jo. An non protinus exanimatur homo talem nactus hospitem? EP. Non, sed afflictissime vivit, nec est ullum mali levamen, nisi ut lacte aliisque gratissimis serpenti cibis alant hospitem. Jo. Nihil remedii adversus tantum malum? EP. Comescum affatim allium. Jo. Non mirum igitur, si menses gaudent alio. EP. Et alias medetur delassatis labore & æstu. Verum in hoc discrimine non raro lacerta quamvis pusilla, servat hominem. Jo. Qui potest? EP. Ubi sensit serpentem insidiari, circumcurvat per collum & faciem hominis; nec finem facit, donec pruritu scalpituque unguium excitetur. Porro qui expergitur, conspecta in propinquo lacerta, mox intelligit hostem alicubi esse in insidiis, ac circumspiciens deprehendit. Jo. Mira naturæ vis. EP. Jam nullum est animal inimicum homini quam crocodilus, qui sæpenumero totos homines devorat, & arte malitiam adjuvat, hausta aqua lubricans semitas; quibus descendunt ad Nilum aquam hausturi, quo collapsos devoret. Neque te fugit, delphinum, etiam in diverso elemento natum, & *λαοφρον* esse. Jo. Audivi fabulam de adamato puero celebrem, celebriorem autem de Arione. EP. 3 Quin & in venatu 4 mugilum, piscatores delphinarum ministerio, vice canum utuntur, qui accepta prædæ portiuncula recedunt. Quin & castigari sese patiuntur, si quid in venatu deliquerint. In mari vero frequenter navigantibus apparent, gaudio gestientes, & in summis undis lufitantes: interdum adnantes ad navim, nonnunquam & tensa vela transilientes. Adeo delectantur hominum consuetudine. Verum ut hominum est studiosus delphinus, ita crocodilo capitalis est hostis. Egreditur mare, & in Nilum, in quo regnat crocodilus, audet venire, congressurus cum dentibus, unguibus & squamis ferro etiam impenetrabilibus armata bellua, ipse nec ad morsum satis instructus, quippe os habens ad pectus vergens. Sed impetu fertur in hostem, ac jam illi proximus repente submittit sese, erectisque in tergo pinnis mollia ventris percindit, alias invulnerabili. Jo. Mirum est quodque animal statim agnoscere hostem suum, etiam nunquam antea visum; scireque & cur impetatur, & quæ lædiat sese tueri possit; cum hoc homini sit negatum, qui ne regulum quidem horreret, nisi admonitus, malove doctus. EP. Scis equum animal obsequiis hominum natum. Huic capitale dissidium est cum urso, homini noxia bestia. Agnoscit hostem nunquam visum, ac protinus se parat ad pugnam. Jo. Quibus armis pugnat? EP. Arte potius quam viribus. Transiluit ursum, & in ipso saltu posteriores calces impingit in caput. Atque ursus interim unguibus scalpit equi ventris mollia. Aspishomini venenum est immedicabile; cum hac belligeratur ichneumon. Idem exitialis hostis crocodilo. Similis affectus est elephantis erga hominem: nam & viatorem simpliciter errantem clementer reducant in viam, & agnoscunt amantque doctorem suum. Feruntur & exempla devoti amoris erga certos homines: siquidem unus adamavit in Ægypto mulierculam corollas vendentem, Aristophani Grammatico caram. Alius Menandrum Syracusanum adolescentem sic amavit, ut desiderium illius, quoties non videret, inedia testatus sit. Sed ne hæc, quæ plurima commemorantur, referre pergamus, cum Bochus Rex in triginta quosdam sævire decrevisset, eos totidem elephantis objecit; stipitibus alligatos. Cumque immissi

Tom. I. Iii 3 essent

1 Epod. Od. III.

2 Amicum homini.

3 Quin & in venatu] Hoc Plinius eodem capite in stagno *Laserna* appellato, Nemaufensis agri, in provincia Narbonensi, & in Tassico sinu fieri tradit. Oppianus quoque *ἀλιευτικῶν* postremo, hanc venandi cum Delphinibus consuetudinem describit, in *Ægeo* mari circa Eubœam. Quod autem Erasmus ait, *vice canum*, id quoque per similitudinis applicationem Oppianus:

--- ἀλ' ἀδρασι θηρῶν περ

Θῆρα χύτης στυγέας ἀνοίχαις ὀλαυήτοι.

Sic pisces ad terram, inquit, pullant delphines, tanquam ad viros venatores canes mutuis lastribus feram citant.

4 Mugil] Seu capito, piscis. Vide *Plinium* H. N. Lib. IX. c. 8.5 Elephantis] Hæc omnia de Elephantis tradit Plinius. *Hist. Nat. Lib. VIII. c. 5.* & alibi alia, quæ memorat Erasmus.

essent qui inter elephantos procurfantes eos lacefferent, A nunquam efficere potuerunt, ut se regiae crudelitatis ministros praeberent. Atque huic animanti *φιλανθρωπος* bellum exitiale est cum draconibus Indicis, qui feruntur esse maximi, ut frequenter in pugna pereat uterque. Porro draco inimicus est homini, etiam non laceffitus. Simile diffidium est aquilae cum draconibus minoribus, cum homini sit innoxia, imo cum feratur etiam amatorios ignes sentire erga certas puellas. Eidem avi bellum internecinum est cum cyminde, id est, nocturno accipitre. Elephans odit etiam murem, animal homini quoque molestum: eo- que abhorret a pabulo, in quo murem conspexerit. Nec causa liquet cur oderit. Nam hirudinem merito horrent, quod ea in potu hausta gravissime discrucientur. Jam vix ullum animal amicus homini quam canis, nec inimicus quam lupus, ut quod ad speciem quoque vocem adimat: & inter haec summa discordia est, quemadmodum ovium generi lupus infestissimus; quod totum pendet a providentia hominum, quorum praecipua cura est tueri animal innoxium, & alendo homini natum: in lupum vero velut in publicum humani generis hostem armantur omnes, praecipue canum commilitio: quae res etiam proverbio fecit locum, Non magis parcemus quam lupis. ¹ Lepus marinus immedicabile est homini venenum, si quis imprudens gustaverit; at rursus hominis contactus mors est lepori. Panthera saeva est in hominem & tamen adeo terretur ab hyaena, ut ne congredi quidem sustineat. Hinc narrant, si quis quid secum gesserit decorio hyaenae, a panthera non appeti; tam sagax est naturae sensus. Addunt & illud, si pelles utriusque belluae suspendas invicem ex adverso, panthericae pilos defluere. Araneus homini domesticum est animal, ² exitiale vero serpenti, adeo ut forte conspicatus sub arbore serpentem apricantem, filo se libret, & aculeum mediae infingat fronti, tam acri vulnere, ut serpens, dolore rotans sese in gyrum, tandem emoriatur. Accepi ab iis qui spectarunt, simile diffidium esse araneo cum buffonibus; sed buffonem ictum, sibi plantagine admorsa mederi. Audies fabulam Britannicam. Scis illic conclavium solum conserni scirpis virentibus. Monachus quidam fasciculos aliquot scirporum in cubiculum congefferat, sparsurus cum esset commodum. Is cum a prandio supinus dormiret, buffo ingens erepsit, & os dormientis obsedit, infixis superno atque inferno labro quatuor pedibus. Detrahente buffonem certa mors erat; non amoveri, quiddam erat morte crudelius. Quidam suaserunt ut monachus ad fenestram deferretur supinus, in qua ingens araneus habebat telam. Factum est. Mox araneus hoste conspecto, filo se librat, & buffoni spiculum infigit, ac filo se recipit in telam. Intumuit buffo, sed non est avulsus. Repetitur ab araneo: magis intumuit, sed vixit. Tertio ictus abduxit pedes ac mortuus decedit. Hanc gratiam araneus retulit hospiti suo. Jo. Mira narras. Ep. Addam quod non legi, sed his oculis conspexi. Simius supra modum horret testudinem. Hujus rei quidam dedit nobis specimen Romae. Puero suo in verticem imposuit testudinem, & pileo contexit; dein produxit ad simium. Illico simius gaudens insiliit in humeros pueri, venaturus pediculos: sublato pileo reperit testudinem. Mirum erat spectaculum quanto cum horrore resiliit bestia, quam expaverit, quam timide respexerit, an sequeretur testudo. Additum est aliud specimen: alligavimus testudinem catenae a qua revinctus erat simius, ut effugere non posset, quin saltem adspiceret: incredibile dictum, quanto pere fuerit discruciat; tantum non metu exanimabatur; interdum aversus posterioribus pedibus, depellere tentavit haerentem bestiam. Tandem quidquid erat in alvo aut vesica oneris rejecit. Sequuta est ex eo pavore febris, ut nobis fuerit solvendus e catena, & aqua vino temperata refocillandus. Jo. Atqui nihil est quod sibi a testudine metuat simius. Ep. Fortassis aliquid est quod nos fugit, naturae cognitum. Nam cur acanthis oderit asinum, causa in promptu est, quod ille se affricat spinis, in quibus nidulatur avicula, & flores ejus depascitur. Tantus autem terror habet acanthidem, ut si quando procul asinum videntem audiat, ova dejiciat, pulli e nido decedant metu. Nec patitur ho-

¹ Lepus marinus] Hoc Plinius tradit lib. 32. cap. 1. De Pantheris & Hyenis eadem docet.

² Exitiale vero] Hoc ipsum Plinius scribit lib. 10. c. 24.

stem impunem. Jo. Sed qua tandem in re acanthis laedit asinum? Ep. Rostro fodit illius ulcera, fustibus & oneribus facta; pungit & mollia narium. Potest item aliquid causae divinari, cur inter vulpes & milvius mutua sit similitas, quod avis rapax alterius catulis insidietur, fortasse vulpes vicissim illius pullis: quae causa diffidii est inter sorices, & ardeolas. Eadem fere ratio est inter aelalon parvam aviculam & vulpem. Nam aelalon ova corvorum frangit. Eadem infestatur a vulpibus, & vicissim illas infestat, catulos earum vellicans. Quod ubi viderint corvi, vulpibus velut adversus communem hostem suppetias ferunt. At vix divinare liceat, quam ob causam inter se oderint olores & aquilae, corvus & chlorio, cornix & noctua, aquila & trochilus, nisi hoc male habet aquilam, quod ille rex avium vocetur. Cur male convenit cum noctua ceteris minoribus avibus, mustela cum cornice, turturi cum pyrali, ichneumonibus vespis cum phalangis araneis, anatibus cum gaviis, harpae cum triorchye accipitre, thoibus cum leonibus? Praeterea cur sorices formicosam horreant arborem? Unde tam irreconciliabile bellum inter scarabeum & aquilam? nam apologus ex ipsa animantium natura confectus est. Unde est quod juxta Olynthum in certo terrae spacio non vivant scarabei, si inferantur? Et inter aquatilia quam ob causam mugil & lupus mutuo odio flagrant, sicut conger & muræna, caudas inter se praerodentes? Polypum in tantum horret locusta piscis, ut si eum juxta viderit, metu emoriatur. Sic quaedam animantia mire junxit arcanus quidam benevolentiae affectus; veluti pavones columbis, turtures cum psittacis, merulas cum turdis, cornices cum ardeolis, qui sibi vicissim auxiliantur adversus vulpium genus; harpam & milvium adversus triorchyn accipitris genus, communem hostem. Balænis musculus piscis exiguus praenans monstrat viam; nec apparet quam ob rem illi velit inservire. Nam quod crocodilus fauces porrigit trochilo aviculæ, amicitia dici non potest, cum utrumque animal suo ducatur commodum: crocodilus gaudet sibi purgari dentes, & scabendi voluptatem amplectitur: avicula cibum quaerit, vescens piscium reliquiis inter dentes haerentibus. Consimili ratione corvus inequitat dorso suis. ⁶ Inter anthum & ægythum tam pertinax est odium, ut negent sanguinem illorum posse misceri; quemadmodum narrant aliarum avium pennas absumi, si aquilinis misceantur. Accipiter est infestus columbino generi, sed has defendit tinnunculus avicula; cujus conspectum & vocem mirum in modum horret accipiter; nec hoc latet columbas: ⁷ ubique tinnunculus reconditus est, ab ea sede non migrant, fiducia protectoris. Quis causam conjiciat, cur aut bene velit generi columbino tinnunculus, aut cur tinnunculum horreat accipiter? Atque ut interdum animalculum minimum praesidio est ingenti belluae, ita contra a minutissimis exitium est maximis. Est pisciculus scorpius effigie, magnitudine aranei piscis: is sub pinna affigit sese aculeo thynnus interdum magnitudinem delphini superantibus, tanto dolore, ut nonnunquam in naves insiliant: idem facit mugilibus. Quid est cur leo, animal cunctis tremendum, ⁸ expave-

³ Rostro fodit] Id Plinius lib. x. c. 74. *Ægytho* avi adscribit; *Asinus*, inquit, *spinesis* se scabendi causa atterens, *idos* *Ægythi* dissipat, quod illa adeo pavet, ut voce omnino rudentis audita, ova ejiciat, pulli ipsi metu cadant. Igitur advolans, ulcera ejus rostro excavat. Deinde testatur & acanthida ea de causa asino inimicam.

⁴ Turturi cum pyrali] De his omnibus lege Plinium lib. 10. cap. 74.

⁵ Crocodilus] Lege Ammianum l. 22. Diodorum Siculum, & Aristotelem lib. 1. cap. 6. histor.

⁶ Inter anthum & ægythum] Vide de Anthi & ægythi sanguine Plinium, & de sequentibus quoque.

⁷ Ubiunque tinnunculus] Hanc rem ita Columella lib. 1. tradidit. Tam fastidiosa columba est, ut saepe sedes suas perosa, si desit evolandi potestas, relinquat: quod frequenter in his regionibus, ubi liberos habens egressus, accideret solet. Id ne fiat, vetus est Democriti praeceptum. Genus accipitris tinnunculum vocant rustici, qui fere in adificiis nidos faciunt. Ejus pulli singuli scitilibus ollis conduntur, stipasque opercula superponuntur, & gypso lita vasa in angulis columbarum suspenduntur, quae res avibus amorem loci sic conciliat, ne nunquam deserant.

⁸ Expavecat gallicantum] Hoc Plinius habet, & Plutarchus in commentario de differentia inter odium & invidiam. Divus Ambrosius libro sexto cap. 4. Hexameron, dicit utique, quod leo vereatur gallum, sed praecipue album. Lucretius quoque Poeta dum causam hujus odii investigat, ita canit libro quarto:

Quinetiam gallum nocte explaudentibus alis
Auroram clara consuetum nocte vocare,
Quem nequeunt rapidi contra constare leones
Inque mori: ita continuo memore fugat.
Nimirum quia sunt gallorum in corpore quaedam

vescat galli gallinacei cantum? Jo. Ne sim in hoc convivio prorsus asymbolus, referam quod olim his oculis vidi in ædibus Thomæ Mori, clarissimi apud Anglos viri. Alebat domi simium prægrandem: tum forte, quo revalesceret a vulnere, solutus obambulare sinebatur. In extremo horti erant inclusi cuniculi, quibus insidiabatur mustela. Id simius procul quietus & otiosus spectabat, donec videret cuniculis nihil esse periculi. Cæterum posteaquam mustela labefactisset caveam a muro revulsam: jamque periculum esset, ne cuniculi a tergo nudati prædæ essent hosti; accurrit simius, & conscensa trabe quadam, caveam retraxit in locum pristinum, tanta arte, ut homo non posset dexterius. Ex quo perspicuum, hoc animantium genus simiis esse carum. Ipsi cuniculi non intelligebant suum periculum; sed hostem suum per cancellos osculabantur. Simius opitulatus est periclitanti simplicitati. Ep. Omnibus catulis minoribus delectantur simi, gaudentque fovere sinu & complecti. Sed pius ille simius dignus erat aliquo pietatis præmio. Jo. Habuit. Ep. Quod? Jo. Reperit illic frustum panis a pueris, ut opinor projectum: id arreptum comedit. Ep. Verum mihi videtur mirabilis, hoc genus sympathias & antipathias, sic enim Græci vocant amicitiae & inimicitiae naturales affectus, etiam in rebus anima aut certe sensu carentibus deprehendi. Omitto jam dicere de fraxino, cujus nec umbram quamvis in longum porrectam ferunt serpentes: adeo ut si locum in gyrum circumdes igni, serpens citius in flammam eat, quam ad arborem fugiat. Nam hujus generis exempla sunt innumera. 2. Erucæ cum membranis inclusæ, occulto naturæ opificio transfigurantur in papiliones, mortuis simillimæ videntur, nec ad contactum quidem sese movent, nisi transeunte araneo: hominis prementis digitum non sentiunt, & sentiunt levissimi animantis leviter incedentis pedes; ibi demum vivit. Jo. Sentit hostem capitale nondum natum insectum. Isti non omnino dissimile est quod narrat de ferro cæcis; ad quos si cæteri accedant, nihil accidere novi; sin is qui necavit, continuo profluere sanguinem, velut ex recenti vulnere: atque hoc indicio ferunt frequenter proditum cædis auctorem. Ep. Nec est vanum quod audisti. Sed ne persequamur fabulas Democriticas, nonne comperimus experimentis, tantum esse dissensionis inter quercum & oleam, ut utraque in alterius scrobe posita emoriatur? quercui autem tam male convenire cum juglande, ut in propinquo posita exstinguatur; tamen juglans cunctis fere satis & arboribus noxia est. Rursus cum vitis claviculis suis omnia complecti soleat, solam brassicam refugit, & perinde quasi sentiat, in diversam partem sese vertit. Quis admonet vitem, hostem esse in propinquo? Est enim brassicæ succus vino contrarius; eoque solet edi adversus ebrietatem. Nec deest brassicæ suus hostis; siquidem opposita cyclamino & origano exarescit. Similis affectus est inter cicutam & vinum; cicuta homini venenum est; cicuta vinum. Quod est illud arcanum commercium inter liliū & allium, ut in propinquo nascentia mutuo sibi gratificentur? Nam allio plus est vigoris, & liliū flores suavius olent. Quid heic memorem de conjugii arborum, quarum foeminae sterilescent, nisi in propinquo sit mascula? Oleum soli calci miscetur, cum utraque res pariter oderit aquam. Pix attrahit oleum, cum utrumque sit pingue. Argento vivo innatant omnia, excepto auro. Id solum ad se trahit & complectitur. Quis ille naturæ sensus, ut adamas, quamlibet duris resistens, sanguine hircino mollescat? Quin & inter ipsa venena dissidia videas. Scorpius si forte repat per aconitum, pallefcit ac torpescit. Eidem adeo noxia est herba, cui nomen cerastis, ut qui semen modo ejus tractarit digitis, impune contrectet scorpionem. Sed harum rerum, quæ sunt innumeræ, consideratio, ad rei medicæ professores pertinet. Quænam est illa vis vel amicitiae, vel dissidii, inter chalybem & magnetem, ut materia natura gravis ad lapidem currat, & inhæreat, velut osculo, & ab

eodem citra contactum refugiat? Jam cum aqua se facile misceat rebus omnibus, maxime sibi, tamen sunt, quæ tanquam odio mutuo mixturam refugiant; velut amnis qui in Fucinum lacum inVectus supermeat, in Larium Addua, in Verbanum Ticinus, in Benacum Mincius, in Sevinum Ollius, in Lemanum Rhodanus; e quibus nonnulli multorum millium transitu hospitaes suas aquas tantum, nec largiores, quam intulere; evchunt. Tigris influit in lacum Arethufam, ac per eum velut hospes fertur, sic, ut nec color, nec pisces, nec aquarum natura misceatur. Ad hæc cum cætera fere flumina properent in mare procurere, quædam tamen velut exosa mare, prius quam eo perveniant, abdunt sese in terram. Simile quiddam videmus & in ventis. Austro homini pestilens est, huic contrarius Boreas salubris; alter nubes contrahit, alter dissipat. Jam, si qua fides Astrologis, sunt & sideribus quidam amicitiae & inimicitiae affectus; quædam amica homini, quædam infesta; rursus sunt quæ homini adversus nocentium vim opulantur. Adeo nihil est in ulla naturæ parte, quod non per hæc dissidia, concordiasque, & noxam, & remedium homini suppeditet. Jo. Fortasse & ultra coelos quidquam deprehendere liceat. Etenim si Magis credimus, unumquemque mortalium duo comitantur genii, alter amicus, alter malevolus. Ep. Nobis, amice, satis est ad coelum usque pervenisse, etiam si non hoc quoque septum transiliamus. Redeamus ad boves & equos. Jo. Næ tu præclarum facis saltum. Ep. Illud nobis magis admirandum est, quod in eadem prorsus animantium specie deprehendamus amoris & odii vestigia, nulla evidente causa. Sic enim nobis persuadere conantur equifones & bubulci: in iisdem pascuis, aut eodem in stabulo, bos bovem, equus equum gaudet habere vicinum, qui alium non ferat. Equidem arbitror similes esse affectus in omni animantium genere, præter sexus favorem. Sed in nullo genere evidentius quam in homine. Siquidem in plurimis manifestum est, quod de suo in Volusum affectu proficetur Catullus: *Non amo te Volusi, nec possum dicere quare: Hoc tantum possum dicere, Non amo te.* Verum in adultis fortasse divinet alius aliam causam: in pueris, qui solo naturæ sensu ducuntur, quid est illud, quod sic hunc illi tanto amore conciliat, rursus alium ab hoc tanto dissidio separat? Ipse quum puer essem, natus annos plus minus octo, incidi in quendam meæ ætatis, aut fortassis anno majorem, prodigiosæ vanitatis, adeo ut ad omnem occasionem ex tempore, monstrosa quædam confingeret. Occurrebat mulier; *Vides, inquit, hanc? Video. Cum hac decies concubui.* Transibamus ponticulum angustum juxta molam; ubi vidit me horrescentem ad conspectum aquæ ob profunditatem nigrantis: *In hanc, inquit, aquam aliquando prolapsus sum.* Quid ais? *illic reperi cadaver hominis, accinctum crumena; in ea erant annulitres.* Quum nullus esset mentiendi finis, sic puer horruì puerum, ut viperam minus, nulla certa ratione, cum talibus mendaciis alii delectarentur, sed tantum arcano naturæ sensu. Neque vero id fuit temporarium: imo & hodie sic horreo natura vanos, ut conspectis illis sentiam totum corporis habitum commoveri. Tale quiddam in Achille notat Homerus, quum proficetur mendaces sibi æque odiosos atque ipsas inferorum portas. Hoc ingenio quum natus sim, tamen hoc contra fato natus videor, ut per omnem vitam mihi cum mendacibus & impostoribus fuerit res. Jo. At nondum video scopum, quo totus hic sermo confertur. Ep. Expediam paucis. Sunt qui felicitatem petant a magicis artibus; sunt qui ab astris: ego nullam certiore ad felicitatem viam arbitror inveniri posse, quam si quisque abstineat ab eo vitæ genere, a quo naturæ sensu tacito abhorret; ad id se conferat, quo propensus est: semper excludo turpia. Item ab eorum consuetudine se subducatur, cum quorum genii sentit suo genio non convenire; & his se copulet, ad quos arcano naturæ fertur affectu. Jo. Id si fiat, inter paucos erit amicitia. Ep. Christiana caritas se dilatat ad universos, familiaritas autem cum paucis habenda est. Et qui nullum quamvis malum lædit, gavissurus etiam si respiscat, satis, opinor, Christiane diligit omnes.

PRO.

Semina, quæ cum sunt oculis immissa leonem, Pupillas interfodiunt, acremque dolorem Præbent, ut nequeant contra durare feroces.

Et sunt qui scribunt, quos jure gallinaceorum perfuderis, hos a leonibus morfu non appeti.

1 Si locum circumdes] Hoc Plinius se expertum dicit, lib. xv. c. 12.

2 Erucæ] Auctor est Plinius libro xi. cap. 32.

3 Quercum & oleam] De his omnibus sequentibus recurre ad indices Plinii.

4 Homerus] Versus Homeri sunt Iliados 1.

*Ἐχθρὸς γὰρ μοι κείνός ἐστιν αἰδῶ πύλην,
ὅς κ' ἴτεται μὲν καὶ ἐνὶ φρεσὶν, ἄλλο δὲ βάλῃ.
Νὸν ἄλλως φάσκειν ὀδὸν ἐστὶν ἐμὴν Διὶς,
Ἀτὰρ ἐπεὶ καὶ ἐλάνθῃ ἄλλοις ὅταν ἰσχυρῶν.*

P R O B L E M A.

CURIO, ALPHIUS.

Cv. **L**ubens ex te rerum plurimarum perito, discerem quiddam, si tibi non sit molestum. AL. Age, Curio, percunctare quod voles, ne non respondeas tuo nomini. Cv. Equidem non gravabor dici Curio, modo ne addas animal illud monosyllabum, Veneri juxta ac Minervæ invisum. AL. Dic igitur quid velis. Cv. Scire cupio quid sit, quod appellamus *grave* & *leve*. AL. Eadem opera roga, quid sit *frigidum* & *calidum*. Quin tu istuc problema bajulis proponis potius, quam mihi; aut, si mavis, asinis, qui gravitatem oneris demissis auriculis indicant. Cv. At ego non asinam, sed philosophicam responsionem exspecto; præsertim ab Alphio. AL. *Grave est, quod suapte natura fertur deorsum; leve, quod sursum.* Cv. Cur igitur Antipodes, qui infra nos sunt, non decidunt in subjectum coelum? AL. Pariter illi mirantur, quam ob rem tu non decidas in coelum, non subjectum, sed imminens. Coelum enim est supra omnia, quæ intus complectitur, nec Antipodes sunt infra te, nihilo magis, quam tu supra illos: contra nos esse possunt, infra nos non possunt; alioqui justius admirareris, cur rupes, quas sustinet Antipodum terra, non decendant, coelumque percurrant. Cv. Quæ est igitur nativa sedes gravium, quæ contra levium? AL. Ad terram nativo motu deferuntur omnia gravia, ad coelum levia. De motu violento aut animali jam non loquimur. Cv. Est igitur motus aliquis, qui dicitur *animalis*? AL. Est. Cv. Quinam? AL. Is fertur juxta quatuor corporis situs, prorsum, retrorsum, ad dextram ac lævam, & in circulum: & in principio ac fine celerior est, in medio lentior; nam in initio vigor addit alacritatem, in fine propinquo spes perveniendi quo tendit animal. Cv. Nescio quid aliis accadat animalibus; sed habeo famulam, quæ lassâ est prius quam incipit, delassatâ prius quam opus absolvat. Verum redi ad id quod agere cœpisti. AL. Nativo, inquam, motu, quæ gravia sunt, feruntur deorsum. Et quo quidque gravius est, hoc celeriore motu fertur ad terram, quo levius, hoc majore impetu rapitur in coelum. Contra fit in motu violento, qui celerior in initio, paulatim segnescit; quum contra fiat in motu naturali; veluti sagitta in altum missa, & saxum ex alto decidens. Cv. Atqui ego præbui, homines sic per orbem terræ discurre, quemadmodum minutissimæ formicæ cursitant in prægrandi sphaera, hærent undique, nec ulla decidunt. AL. In causâ sunt, sphaeræ superficies non nihil habens asperum, tum scabrities quædam in formicarum pedibus, quam habent insecta fere omnia, postremo corpusculorum levitas: id si non credis, fac sphaeram vitream bene lævem & glabram, videbis solas formicas non decidere quæ in summo versantur orbe. Cv. Si quis Deus orbem terræ medium perterebret, hinc usque ad Antipodes perpendiculo per centrum demisso, quemadmodum solent Cosmographi, terræ totius situm in globis ligneis repræsentantes, tum si saxum conjicias in foramen, quo perferetur? AL. Usque ad terræ centrum; ibi quies est omnium gravium. Cv. Quid si Antipodes quoque ex adverso mittant lapidem? AL. Tunc lapis occurret lapidi circa centrum: ibi conquiescet uterque. Cv. Age; si verum est, quod dixisti, motum nativum progressu magis ac magis incitari, si nihil obstat, lapis aut plumbum conjectum in foramen, ob motus vehementiam prætercurreret centrum, jamque prætermisso centro, rursus motus erit violentus. AL. Plumbum nunquam perveniret ad centrum, nisi liquefactum; sed lapis si prætereat centrum motu tam violento, primum segnius feretur, nec aliter redibit ad centrum, quam lapis vi in altum projectus redit in terram. Cv. Sed recurrens nativo motu, rursus concitato impetu prætervehetur centrum: itaque fiet, ut nunquam quiescat lapis. AL. Conquiescet tandem, prætercurrens, ac recurrens, donec perventum fuerit ad æquilibrium. Cv. At si nihil est in rerum natura vacuum, oportet foramen illud aëre plenum esse. AL. Esto. Cv. Pendebit igitur in aëre corpus natura grave. AL. Quid ni? quemadmodum chalybs in aëre pendet, undique librantibus magnetibus. Quid autem prodigii, si unicum saxum pendeat in meditullio aëris, cum tota terra tot rupibus onusta ad istum pendeat modum? Cv. Sed ubi est terræ centrum? AL. Ubi

est circuli centrum? Cv. Id quidem est punctum indivisibile. Si tantillum est terræ centrum, quisquis perforaverit mediam terram, auferet centrum, nec habebunt gravia quo ferantur. AL. Næ tu satis otiose nugaris. Cv. Ne quæso succenseas: discendi studio loquor quiddam loquor. Si quis terræ sphaeram perterebret, non per ipsum centrum, sed a latere, puta ut absit a centro centum stadiis; quo tum feretur conjectus lapis? AL. Non feretur recta perforamen; imo potius recta, sed ad centrum: itaque prius, quam perveniet ad medium, jam conquiescet in terra quæ ad lævam est, si centrum est ad lævam. Cv. Sed quid est hoc quod reddit corpus grave aut leve? AL. Ad istuc respondeat tibi Deus, cur ignem fecerit omnium levissimum, aërem proxima levitate, terram gravissimam, proxima gravitate aquam. Cv. Cur igitur nubes aqueæ pendent in sublimi aëre? AL. Quoniam a sole attrahente concipiunt naturam igneam, quemadmodum fumus e lignis lumentibus violento calore excussus. Cv. Cur igitur tanto pondere decidunt, ut interdum montes in planitie redigant? AL. Concretio densitasque addit pondus; alioqui possunt sic videri sustineri ab aëre subjecto, quemadmodum tenuis ferri lamina sustinetur summa aqua. Cv. Sic igitur putas, quod plurimum habet igneæ naturæ, esse levissimum, quod terrenæ, gravissimum. AL. Haud procul abes a scopo. Cv. Atqui nec quivis aër pariter levis est, nec quævis terra pariter gravis: idem de aqua fortasse sentiendum. AL. Nec mirum, cum ista quæ nominasti, non sint elementa pura, sed ex variis elementis temperata. Itaque probabile est, eam terram esse levissimam, quæ plurimum habet ignis aut aëris admixtum: eam aquam esse gravissimam, quæ graviorem terram habet admixtam; qualem arbitror esse marinam, & eam unde conficitur sal: itidem aër aquæ terræve proximus, gravior est, aut certe minus levis est eo, qui procul abest a terra. Cv. Utrum habet plus terrenæ naturæ, lapis, an plumbum? Lapis. Cv. Et tamen plumbum lapide gravius est, pro ratione proportionis. AL. In causâ est densitas: lapis enim rarior est, eoque plus habet aëris, quam plumbum. Hinc est quod videmus quoddam terræ genus desiccatum, si conjiciatur in aquam, non subidere, sed natare: eadem de causâ videmus totos agros natantes: sustentur enim cavis radicibus arundinum aliarumque palustrium herbarum inter se connexis. Cv. Hinc fortassis & punicum levitas. AL. Quia pleni cavernis sunt, præterea multo igni decocti: submittuntur enim e locis ardentibus. Cv. Unde tanta suberis levitas? AL. Jam dictum est; raritas enim in causa est. Cv. Utrum est gravius, plumbum, an aurum? AL. Aurum, opinor. Cv. Aurum tamen videtur habere plus igneæ naturæ. AL. Quia noctu velut ignis lucet, ut ait Pindarus? Cv. Scilicet. AL. Sed densitas in auro major. Cv. Unde id deprehenditur? AL. Respondebunt aurifices, nec argentum, nec plumbum, nec æs Cyprium, nec ullum simile genus latius diducitur malleo, quam aurum. Eadem ratione Philosophi deprehenderunt nihil esse liquidius melle & oleo: quod si quis hæc inunctione dilatet, & latissime diffunditur humor, & siccescit serius. Cv. Sed utrum gravius est, oleum, an aqua? AL. Si de oleo lini loqueris, arbitror oleum esse gravius. Cv. Cur igitur aquæ supernatat oleum? AL. Levitas non est in causa, sed ignea olei natura, tum peculiaris omnium pinguium vis ab aqua abhorrens, quæ est in herba quæ dicitur *ἀλκα-πλος*. Cv. Cur igitur non natat ferrum igni candens? AL. Quia non est ei calor nativus; & ideo citius penetrat aquam, quod calor magnitudo dispellat obstantem liquorem. Sic cuneus ferreus citius petit ima, quam lamina. Cv. Utrum intolerabilius est, ferrum candens, an frigidum? AL. Candens. Cv. Gravius igitur. AL. Est, si commodius est gestare manu paleam incensam, quam filicem frigidum. Cv. Quid est in causa, quod lignum ligno levius aut gravius

¹ Agros natantes] Narrat id Plinius: *Quædam insula, ait, semper fluctuant, sicut in agro Cacubo, & eodem Reasino, Mutinensi, Stasi-nensi. In Vadimonis lacu & ad Cutilias aquas sylva, quæ nunquam die & noctu eodem loco visitur. In Lydia quæ vocatur Calaminæ non ventis solum, sed etiam consis quo libeat impulsæ. In Tarquinienfî lacu magno Italia duo nemora circumferunt, nunc triquetram figuram edentes, nunc rotundam, quadratam nunquam.* Lib. 11. c. 95.

² Ut ait Pindarus] In primo hymno Olympiorum: *ὁ δὲ χρυεὶς, αἰδομένη πῦρ ὅτι διαπύρειν ἔκτι, πρὸς ἄνθρωπον ἔρχεται πλάττει;* hoc est, Aurum vero tanquam lucidus ignis nocte splendet inter præcipua divitiarum.

³ Ἀλκαπλος] Id est, quæ immergi aquæ non potest.

vius est? AL. Densitas ac raritas. Cv. At ipse novi quendam e familia Regis Britanniae, qui in convivio ostendit nobis lignum ejus, ut ajebat, arboris quæ fert aloën: adeo solidum erat, ut lapis videri posset: adeo manibus libranti leve, ut arundo videri posset, & si quid sicca arundine levius: impositum vino (putabat enim ita depelli venena) mox properabat ad fundum, ut vix plumbum celerius. AL. Nec densitas, nec raritas semper in causa est, sed peculiaris & occulta in rebus cognatio, quæ facit ut quædam sese amplectantur, aut refugiant, veluti magnes attrahit chalybem, vitis refugit brassicam, & flamma etiam elonginquo ad naphtham transvolat, aliquanto inferiore loco positam, cum naphtha sit natura gravis, flamma levis. Cv. Omne genus æris innatat argento vivo, solum aurum subsidit & circumvolvitur, cum argentum vivum sit materia liquidissima. AL. Non habeo quod respondeam, nisi peculiarem naturæ cognationem: ad hoc enim natum est argentum vivum, ut purget aurum. Cv. Cur Arethusa fluvius subter mare Sicanum transit, ac non potius innatat; cum antea dixeris marinam aquam fluviali esse gravio-rem? AL. Naturale diffidium est in causa, sed arcanum. Cv. Cur natant cygni, cum homines eandem aquam ingressi pessum eant? AL. In causa est non tantum pennarum concavitas levitasque, verum etiam siccitas, quam aqua refugit: hinc est quod in panno linove vehementer sicco, si ponas aquam aut vinum, in globum se contrahit; sin in humidum, mox spargitur. Idem si infundas liquorem in cyathum siccum, aut marginibus pingui oblitis, & infundas aliquanto plus, quam cyathus capit, liquor circa medium citius colligit sese in rotundum, quam transeat margines. Cv. Cur in fluminibus naves minus sustinent oneris, quam in mari? AL. Quia subtilior est fluvialis aqua. Eadem de causa volucres facilius sese librant in aëre crassiore, quam vehementer subtili. Cv. Cur non subsidunt flo-tes? AL. Quoniam cutis sole desiccata & levior facta est, & humorem respuens. Cv. Cur ferrum diductum in amplam laminam natat, cum idem contractum fidat? AL. Partim siccitas est in causa, partim aër inter aquam & laminam mixtus. Cv. Utra res gravior, aqua an vinum? AL. Arbitror vinum non cedere aquæ. Cv. Quam ob rem ergo qui ab ænopolis emunt vinum, aquam pro vino reperiunt in imo dolio? AL. Quia vinum habet pingue quiddam, quod aquæ refugit liquorem, non aliter quam oleum. Argumentum in promptu est: Quo vinum est generosius, hoc & difficilius admiscetur aquæ, & incensum ardet vehementius. Cv. Cur in Asphaltite lacu nullum corpus animalis vivum mergitur? AL. Non est meum, ad omnia naturæ miracula respondere. Habet illa quædam arcana, quæ nos mirari voluit, scire noluit. Cv. Cur homo macilentus obeso gravior est, si cætera sint paria? AL. Quoniam ossa densiora sunt carne, & ideo graviora. Cv. Cur idem homo jejunos gravior est seipso pranso, cum corpori onus accesserit? AL. Cibo potuque spiritus augentur, & ii addunt corpori levitatem. Unde & hilaris levior est moerente, & mortuus vivo longe gravior. Cv. Sed qui fit, ut idem homo, cum vult, faciat se gravio-rem, aut levio-rem? AL. Contento spiritu reddit se levio-rem, emissio gravio-rem. Sic natat vesica inflata, & clausa pertusa fidit. Sed quando Curio desinet nobis occinere, cur? Cv. Desinam, si mihi pauca etiam dixeris, cælum utrum grave sit, an leve. AL. An leve sit, nescio; certe grave non potest esse, cum sit naturæ igneæ. Cv. Quid igitur sibi vult vetus proverbium, *Quid si cælum ruat*? AL. Quia rudis antiquitas Homerum secuta, credidit cælum esse ferreum. Sed Homerus a coloris similitudine *ferreum* dixit, non a pondere: quemadmodum nos cinericeum dicimus, quod cineris colore præ se fert. Cv. Est igitur cælum coloratum? AL. Non vere, sed tale nobis videtur propter aërem, & liquorem medium, quemadmodum sol nobis nunc rubet, nunc fulvet, nunc candicat, cum is nihil talium mutationum recipiat. Idem & iridis pictura non in cælo est, sed in aëre humido. Cv. Verum, ut finiam, fateris cælo nihil esse sublimius, quacunque tegit orbem terræ? AL. Fateor. Cv. Et centro terræ nihil esse profundius? AL. Sciret. Cv. Inter omnes rerum species quid est gravissimum? AL. Aurum, opinor. Cv. Heic abs te vehementer dissentio. AL. An scis aliquid auro gravius? Cv. Scio, & quidem

multis partibus. AL. Proinde me vicissim doce, quando scis quod me nescire profiteor. Cv. Quod igneos illos spiritus e summo cœli vertice depreffit in ima Tartari (nam ea collocant in centro terræ) nonne oportuit omnium esse gravissimum? AL. Fateor: sed quidnam fuit illud? Cv. Peccatum, quod & hominum animas, quas Maro¹ vocat *aurai simplicis ignes*, eodem demergit. AL. Si libet ad istud Philosophiæ genus demigrare, fateor & aurum, & plumbum esse plumæ levitatis, si cum peccato conferatur. Cv. Qui fiet igitur, ut qui hac sarcina sunt onusti, subvolent in cælum? AL. Profecto non video. Cv. At qui sese parant ad cursum, saltumve, non solum quidquid est oneris abiciunt, verum etiam contento spiritu sese reddunt leviusculos; & ad hunc cursum saltumque, quo ferimur in cælum, non studemus illud abicere, quod omni saxo, omni plumbo gravius est. AL. Faceremus, si vel micam sanæ mentis haberemus.

EPICURÆUS.

2 HEDONIUS, SPUDÆUS.

HE. Quid venatur meus Spudæus, quid sic totus incumbit libro, nescio quid secum murmurans? Sp. Plane venor, Hedoni, sed nihil aliud quam venor. HE. Quid voluminis est, quod habes in sinu? Sp. Dialogi Ciceronis de *Finibus bonorum*. HE. At quanto satius esset quærere bonorum initia, quam fines? Sp. Sed Marcus Tullius finem boni appellat, bonum omnibus numeris absolutum, quod qui sit assequutus, præterea nihil desideret. HE. Opus cum primis eruditum & eloquens: sed num tibi videris aliquod operæ pretium fecisse, quod ad veri cognitionem attinet? Sp. Hoc mihi videor fecisse lucri, quod nunc magis etiam ambigam de finibus, quam antea. HE. Agricolæ est ambigere de finibus. Sp. Nec satis queo mirari, de re tanta inter tantos viros tantam fuisse sententiarum pugnam. HE. Nimirum, quia fecundus est error, cum simplex sit veritas. Quoniam totius negotii caput ac fontem ignorant, divinant, ac delirant omnes. Sed quæ sententia tibi videtur esse scopo viciniore? Sp. Cum audio impugnantem M. Tullium, displicent singulæ: rursus cum audio defendentem, fio prorsus *ἰδεομένης*. Mihi tamen Stoici videntur minus aberrare a vero; quibus proximum locum tribuo Peripateticis. HE. At mihi nulla secta magis aridet, quam Epicureorum. Sp. Atqui inter omnes nulla damnatior, omnium suffragiis. HE. Missam faciamus nominum invidiam, fuerit Epicurus, qualem quisque velit, rem per se consideremus. Ille felicitatem hominis collocat in voluptate; eamque vitam judicat beatissimam, quæ plurimum habeat voluptatis, tristitiæ quam minimum. Sp. Sic est. HE. Quid dici potuit hac sententia sanctius? Sp. Imo clamitant omnes hanc esse vocem pecudis, non hominis. HE. Scio: sed isti errant in rerum vocabulis. Quod si de veris loquamur, nulli magis sunt Epicurei quam Christiani pie viventes. Sp. Cynicis propiores: nam isti se macerant jejuniis, deplorant sua commissâ, & aut sunt tenues, aut benignitas in egenos conciliat illis inopiam: opprimuntur a potentioribus, deridentur a plerisque. Si voluptas adfert felicitatem, hoc vitæ genus a voluptatibus quam longissime videtur abesse. HE. Admittisne auctoritatem Plautinam? Sp. Si quid recte dicat. HE. Accipe igitur nequissimi servi dictum, omnibus Stoicorum paradoxis sapientius. Sp. Exspecto. HE. *Nihil est miserius quam animus sibi male conscius*. Sp. Non rejicio dictum: sed quid hinc colligis? HE. Si nihil miserius animo sibi male conscio, consequitur nihil esse felicius animo sibi bene conscio. Sp. Recte quidem colligis: sed in qua tandem regione invenies istum animum nullius mali sibi conscium? HE. Malum appello, quod dirimit amicitiam inter Deum & hominem. Sp. Et ab hoc mali genere puto perpaucos esse puros. HE. Ego vero & purgatos habeo pro puris. Qui lixivio lacrymarum, ac poenitentiae nitro, aut caritatis igni maculas absterse-

Tom. I. K k k runt,

¹ Vocat *aurai simplicis*] Hemistichium est ex 6. lib. *Æneid*.

² *Hedonius*] Collatio honestæ ac turpis voluptatis. *Hedonius*, voluptarius, ἀπὸ τῆς ἡδονῆς, hoc est, a voluptate, nomen habet. *Spudæus*, σπυδαῖος, frugalis, honestus.

³ *ἰδεομένης*] Hoc est, dubitans & suspensus in opinione. Tractum a Philosophis Academicis, qui ἰσχυρίζοι dicebantur, hoc est, de nulla re pronunciantes, sed semper hærentes.

⁴ *Plautinum*] Plautus in *Mossell. Act. 111. S. 1. vers. 13.*

runt, eis non solum nihil nocent peccata, verum etiam frequenter in majoris boni materiam cedunt. Sp. Equidem nitrum & lixivium novi; igni purgari maculas, nunquam audiui. He. Atqui si adeas argentarias officinas, videbis aurum igni purgari. Quanquam & lini genus est, quod coniectum in ignem non exurit, sed nitidius splendet, quam ulla possit aqua; eoque *vivum* appellant. Sp. Næ tu nobis adfers paradoxum omnibus Stoicorum paradoxis *παράδοξον*. Vivunt illi vitam voluptariam, quos Christus appellavit ob id beatos, quod luceant? He. Mundo videntur lugere, sed re vera deliciantur, ac, quod dici solet, toti melle peruncti, suaviter vivunt, adeo ut cum his collati, Sardanapalus, Philoxenus, Apitius, aut si quis alius est voluptatum studio nobilitatus, tristem ac miseram peregerint vitam. Sp. Nova narras; sed vix credenda. He. Experire; & omnia terque quaterque dices vera fuisse mea. Efficiam tamen, ut arbitror, ne videatur usque adeo veri dissimile. Sp. Accingere. He. Faciam, si mihi prius quædam concesseris. Sp. Modo tu æqua postules. He. Lucrum annumerabo, si sortem dederis. Sp. Age. He. Primum illud; opinor, dabis, nonnihil interesse inter animam & corpus. Sp. Quantum inter cælum & terram, inter immortale & mortale. He. Deinde falsa bona non esse ponenda in bonis. Sp. Nihilo magis quam umbræ habendæ sunt pro corporibus, aut præstigiæ magorum, somniorumque ludibria, ducenda sunt pro veris. He. Hactenus commode respondes. Dabis, opinor, & illud, veram voluptatem non cadere, nisi in animum sanum. Sp. Quid ni? Nullus enim sole delectatur, si lippiant oculi; aut vino, si febris palatum infecerit. He. Nec ipse, ni fallor, Epicurus amplecteretur voluptatem, quæ longe maiorem cruciatum, multoque diuturniorem secum adduceret. Sp. Non arbitror, si quis modo sapiat. He. Nec illud negabis, Deum esse summum bonum, quo nihil pulchrius, nihil amabilius, nihil dulcius. Sp. Istud nullus iverit inficias, nisi Cyclopibus immanior. Quid tum postea? He. Jam mihi donasti, nullos suavius vivere, quam qui pie vivunt; nullos miserioribus & afflictius, quam qui vivunt impie. Sp. Plus igitur largitus sum, quam putabam. He. Sed quod recte datum est, ut ait Plato, non oportet rescindere. Sp. Age. He. Catella, quæ habetur in deliciis, pascitur lautissime, cubat molliter, ludat ac lascivit jugiter, an non vivit suaviter? Sp. Vivit. He. Optares tibi talem vitam? Sp. Bona verba, nisi pro homine velim esse canis. He. Fateris igitur præcipuas voluptates ab animo proficisci, velut a fonte? Sp. Apparet. He. Tanta enim animi vis est, ut sæpe doloris externi sensum adimat: nonnunquam quod per se est amarum, reddat jucundum. Sp. Istuc quotidie videmus in amantibus, quibus dulce est pervigilium, & hibernis noctibus excubare ad amicæ fores. He. Jam illud reputa, si tantam vim habet amor humanus, qui nobis cum tauris & canibus est communis, quanto plus valeat amor ille coelestis, a Christi spiritu profectus: cuius tanta vis est, ut mortem quoque, quam nihil terribilius, reddat amabilem. Sp. Quid alii sentiant intus, nescio; certe carent multis voluptatibus, qui adhærent veræ pietati. He. Quibus? Sp. Non ditescunt, non assequuntur honores, non convivantur, non saltant, non canunt, non olent unguenta, non rident, non ludunt. He. De divitiis & honoribus nulla erat hic facienda mentio, quæ non adferunt vitam jucundam, sed sollicitam potius & anxiam: de cæteris agamus, quæ cum primis veniunt, quibus studio est suaviter vivere. Nonne quotidie vides ebrios, fatuos & insanos, ridentes ac saltantes? Sp. Video. He. Num putas illos suaviter vivere? Sp. Hostibus contingat illa suavitas. He. Quam ob rem? Sp. Quia non adest sana mens. He. Tu igitur malles jejunos incumbere libro, quam ad eum modum delectari? Sp. Plane mallem vel agrum fodere. He. Nam inter divitem ac temulentum nihil interest, nisi

¹ Lini genus] De lino hoc *ἀρβύριον* ita Plinius lib. xix. c. 1. *Invenit jam est quoque quod ignibus non absumatur. Vivum id vocant, ardentesque in focis conviviorum ex eo vidimus mappas, sordibus exustis splendentibus magis igni, quam possent aquis. Regum inde funebres tunica corporis favillam ab reliquo separant cinere. Nascitur in desertis adustisque sole India, ubi non cadunt imbres, inter diras serpentes: assuescitque vivere ardendo, rarum inventu, difficile textu propter brevitatem.*

² Paradoxum] Admirabile, quodque contra omnium opinionem est.

³ Παράδοξον] Admirabilis.

⁴ Philoxenus] Sardanapalus & Apitius, luxu perditissimi fuere, ut passim scriptum est. Philoxeni gulositatis, potius quam deliciarum, meminit Plutarchus initio Libri, an recte dictum sit *Ἀδελφίαν*.

A quod huic insanix medetur somnus, illi vix medicorum cura succurrit. Natura fatuus nihil differt ab animante bruto, præter formam corporis; sed levius miseri sunt, quos natura genuit brutos, quam qui belluinis cupiditatibus obbrutuerunt. Sp. Fateor. He. Jam num tibi sobrii videntur aut sani, qui propter præstigiæ umbrasque voluptatum, & veras animi voluptates negligunt, & veros sibi cruciatus accerfunt? Sp. Non videntur. He. Non sunt illi quidem temulenti vino, sed amore, sed ira, sed avaritia, sed ambitione, aliisque pravis cupiditatibus: quæ longe perniciosior est ebrietas, quam quæ vino contrahitur. Syrus ille in comœdia posteaquam sedormiverat villum quod biberat, sobria loquitur: at animus vitiosa cupiditate ebrius, quam gravatè redit ad sese! quot annis urget mentem amor, ira, odium, libido, luxus & ambitio! quam multos videmus ab adolescentia ad decrepitam usque ætatem, ab ambitionis, avaritiæ, libidinis, luxusque temulentia nunquam expergisci ac resipiscere! Sp. Istiusmodi novi nimium multos. He. Largitus es, falsa bona non esse in bonis ducenda. Sp. Nec reposco. He. Nec est vera voluptas, nisi quæ ex veris bonis nascitur. Sp. Fateor. He. Non sunt igitur vera bona, quæ vulgus hominum per fas nefasque venatur. Sp. Non arbitror. He. Si vera essent bona, non contingerent nisi bonis; & beatos redderent quibus obveniunt. Quid autem voluptas? num vera videtur quæ non ex veris bonis, sed ex falsis bonorum umbris nascitur? Sp. Nequaquam. He. At voluptas efficit ut suaviter vivamus. Sp. Maxime. He. Nullus igitur vere vivit suaviter, nisi qui pie vivit, hoc est, qui veris fruitur bonis: sola autem pietas reddit hominem beatum, quæ Deum summi boni fontem homini sola conciliat. Sp. Propemodum assentior. He. Nunc mihi vide quot parasangis absint a voluptate, qui vulgo videntur præter voluptates nihil sequi. Primum animus illorum impurus est, & cupiditatum fermento vitiat, ut etiam si quid incidat dulce, protinus amarescat; quemadmodum fonte vitato non potest non esse liquor insipidus. Deinde non est vera voluptas, nisi quæ sano percipitur animo. Nam irato nihil vindicta jucundius: sed ea voluptas vertitur in dolorem, simulatque morbus animum reliquerit. Sp. Non refragor. He. Postremo voluptates illæ sumuntur ex falsis bonis: unde consequitur & illas esse præstigiæ. Quid porro diceret, si videret hominem magicis artibus delusum, vesci, bibere, saltare, ridere, plaudere, cum nihil earum rerum vere adesset, quas se videre credit? Sp. Equidem & insanum dicerem, & miserum. He. Simili spectaculo ipse nonnunquam interfui. Sacerdos erat, qui callebat artem præstigiatoriam. Sp. Eam nondidicerat eliteris sacris. He. Imo efacerimis, hoc est, exsecratissimis. Hunc aliquot aulicæ foeminae frequenter appellabant, ut acciperentur ab eo convivio, fordes & parsimoniam opprobrantes; annuit, invitavit. Venerunt jejuna, quolibet epularentur. Accubuerunt; nihil aberat, ut videbatur, lautitiarum: explerunt sese assatim; peracto convivio, egerunt convivatori gratias, ac discesserunt suam quæque domum. At mox coepit oblatrare stomachus: demirantur quid esset hoc monstrum, statim a prandio tam splendido esurire ac sitire. Res tandem erupit, & in risum abiit. Sp. Et merito: præstiterat domi kenticula placare stomachum, quam inanibus spectris deliciarum. He. At mihi videtur multo magis esse ridiculum, vulgus hominum pro veris bonis, inanes bonorum umbras amplecti; & his præstigiis delectari, quæ non exeunt in risum, sed in luctus sempiternos. Sp. Quo propius intueor, hoc mihi videre minus absurda loqui. He. Age, largiamur, ut interim in nomen voluptatis veniant, quæ revera non sunt: appellaresne mulsam dulcem, cui longe plus esset admixtum aloës quam mellis? Sp. Non dicerem, si vel triens aloës esset admixtus. He. Aut optarest tibi malam scabiem, quod scalpenti sit aliqua voluptas? Sp. Non, si compos sum mentis. He. Fac igitur tecum subducas rationem, quantum amaritudinis admixtum sit istis falso nomine voluptatibus, quas gignit amor impudicus, libido illicita, comestatio ac temulentia. Omitto nunc, quod est omnium caput, conscientia cruciatus, inimicitiam cum Deo, expectationem æterni supplicii. Quod obsecro in his voluptatibus genus est, quod non ingens externorum etiam malorum

rum agmen secum adducat? Sp. Quanam? He. Rursus omittamus avaritiam, ambitionem, iram, superbiam, invidiam, quæ per se tristia sunt mala: conferamus illa quæ præcipue delectationis nomine commendantur. Cum largiori potationi succedit febris, capitis dolor, alvi tormina, ingenii stupor, famæ macula, memoriæ detrimentum, vomitus, & ruina stomachi, tremor corporis; num vel Epicurus existimaret eam voluptatem expetendam? Sp. Fugiendam diceret. He. Cum adolescentes e scortatione novam lepram, quam nunc ¹ *ὑποκοπή* quidam ² *Neapolitanam scabiem* appellant, sibi, ut fere fit, contrahunt, per quam toties sit illis in vitam moriendum, semperque vivum cadaver circumferendum; nonne belle videntur ³ *ἡμικαὶ*? Sp. ⁴ *Ἐπὶ κατὰ θεῖον*. He. Jam finge delectationis ac doloris æquilibrium; optaresne tam diu cruciari dolore dentium, quam diu duravit potationis aut scortationis voluptas? Sp. Equidem mallet utroque carere: nam voluptatem emere dolore, non est lucrum, sed pensatio: heic sane potior est ⁵ *ἀναλγησία*, quam Cicero ausus est *indolentiam* appellare. He. At nunc voluptatis illicitæ titillatio, præterquam quod longe minor est cruciatu quem adducit, temporis etiam exigui est: lepra vero contracta, per omnem vitam misere discruciat; totiesque mori cogit, priusquam mori liceat. Sp. Tales discipulos non agnosceret Epicurus. He. Luxuriæ comes plerumque est egestas; onus & miserum & grave: libidinis immodicæ, paralytis, tremor nervorum, lippitudo ac cæcutientia, lepra: at non hæc tantum. An non egregia negotiatio, nec veram, nec sinceram, ad hæc brevem delectationem, tot tanto gravioribus ac diuturnioribus commutare malis? Sp. Ut non accedat cruciatus, mihi stultissimus negotiator esse videatur, qui gemmas vitro permutat. He. Illud dicis, qui vera animi bona ob fucatas corporis voluptates amittat. Sp. Ita sentio. He. Nunc redeamus ad exactiorem supputationem. Nec febris aut egestas semper comitatur luxum, nec nova lepra aut paralytis semper comitatur Veneris immodicum usum; sed conscientia cruciatus, quo nihil esse miserius jam inter nos convenit, semper comes est illicitæ voluptatis. Sp. Imo præcurrit interdum, & in ipsa voluptate fodicat animum. Sunt tamen quos dicit hoc sensu carere. He. Jam hoc ipso infeliciores. Quis enim non malit sentire dolorem, quam corpus habere stupidum & sensus expers? Verum ut nonnullis vel cupiditatum intemperantia, velut ebrietas quædam; vel vitiorum assuetudo, seu callus quidam, mali sensum adimat in juvenia; cum ad senectutem perventum fuerit, ac, præter innumera incommoda, quorum thesaurum superioris vitæ commissa reposuerunt, de propinquo terret mors, nulli mortalium evitabilis; tanto gravius discruciat conscientia, quanto magis per omnem vitam stupuit: tum enim, velit nolit, expergiscitur animus. Senectus autem cum per se sit tristis, quippe multis naturæ incommodis obnoxia, quanto miserior est, atque etiam turpior, si urgeat animus sibi male conscius? Convivia, comessationes, amores, choreæ, cantilenæ, cæteraque quæ juveni videbantur suavia, seni sunt amara, nec aliud habet ætas illa quo se fulciat, nisi si adsit vitæ innocenter actæ recordatio, ac spes vitæ melioris. Hi sunt duo scipiones, quibus nititur senectus. Quod si pro his subductis, imponas geminam sarcinam, vitæ perperam actæ memoriam, & futuræ felicitatis desperationem; obscuro quod animal fingi potest afflictius aut miserius? Sp. Equidem non video, etiam si quis ⁶ *τὸ ἴσως γῆρας* objiciat. He. Tum denique sero sapiunt Phryges: & illud verissime dictum, ⁷ *Extrema gaudii luctus occupat*: &

¹ *ὑποκοπή*] Hoc est, elevantes, & honesto nomine rem execrabilem & pudendam eloquentes: quamvis proprie *ὑποκοπή*, per diminutionem loqui significat.

² *Neapolitanam*] Acute Martialis ille Anglicus de hac scabie seu morbo:

Italia terra mihi patria est, Gallique parentes.

Gallicus in dubio est Italicusne vocer.

³ *ἡμικαὶ*] Epicurum agere, hoc est, voluptatibus studere.

⁴ *Ἐπὶ κατὰ θεῖον*] Hoc est, recta ad constrinas currere. Nostra tempestas qui tonsores sunt, ut plurimum simul Chirurges exerceant: posuit itaque *constrinas* pro Chirurghi domo, in qua ejusmodi pustulæ curantur. Sed interim eleganter alludit ad etymologiam τὸ ἡμικαὶ, quod ad verbum videtur sonare, ad puellas applicare, cum puellis conversari.

⁵ *ἀναλγησία*] Doloris absentia: ἀναλγής, dolorem nullum sentiens: ἀλγος dolor.

⁶ *τὸ ἴσως γῆρας*] Id est, equi senectutem.

⁷ *Extrema gaudii*] Verba Salomonis Prov. 14. v. 13. etiam ex risu dolet animus: & tandem lætitia fit inerior.

A ⁸ *Non est oblectamentum super cordis gaudium*: & ⁹ *Animus gaudens floridam ætatem facit*: Spiritus tristis exsiccat ossa: item illud, ¹⁰ *Omnes dies pauperis, mali*, hoc est, afflictis a ¹¹ *miseri*: *secura mens quasi iuge convivium*. Sp. Sapiunt igitur qui mature rem faciunt, & colligunt viaticum venturæ senectutis. He. Scriptura mystica non tam humi repit, ut fortunæ bonis metiatur hominis felicitatem; is demum eximie pauper est, qui nudus est omni virtute, & animam simul cum corpore debet Orco. Sp. Is quidem exactor est implacabilis. He. Is vere dives est, qui Deum habet propitium. Quid autem metuat, qui talem habeat protectorem? num homines? minus potest univerforum hominum potestas adversus Deum, quam culex adversus elephantem Indicum; num mortem? ea piis transitus est ad æternam beatitudinem. Num inferos? sed confidenter Deo loquitur vir pius: ¹² *Esti ambulavero in medio umbrae mortis, non timebo mala, quoniam tu mecum es*. Cur metuat dæmones, in peccatore gerens eum quem tremunt dæmones? nam hominis pii mentem, templum esse Dei, non uno in loco prædicat Scriptura, vere ¹³ *ἀντιστήριον*. Sp. Equidem non video, quibus rationibus ista queant refelli, quanquam videntur plurimum abesse a sensu communi. He. Qui sic? Sp. Nam ad tuam ratiocinationem quisvis Franciscanus vitam ageret magis voluptariam, quam alius opibus, honoribus, breviter omni genere deliciarum affluens. He. Adde Monarchæ sceptrum, si libet; adde Pontificiam coronam, eamque e triplici fac centuplicem, modo detrahas animum sibi bene conficium, audacter dicam, hunc Franciscanum, nudipedem, nodoso fune cinctum, tenuiter ac viliter amictum, jejuniis, vigiliis ac laboribus attenuatum, qui teruncium non habet in orbe, modo adsit bona mens, deliciosius vivere, quam si in unum hominem sexcentos confles Sardanapalos. Sp. Unde igitur est, quod pauperes fere conspiciamus tristiores divitibus? He. Quia bis pauperes sunt plerique. Alioqui morbus, inedia, vigilia, labores, nuditas, extenuant quidem corporis habitum, sed tamen non in hiantum, sed etiam in ipsa morte sese exerit mentis alacritas. Animus enim quanquam illigatus est mortali corpori, tamen quoniam naturæ potentioris est, corpus ipsum quodammodo transformat in sese, præsertim si ad vehementem naturæ impetum accedat ¹⁴ *ἡ ἐνέργεια* spiritus. Hinc est quod sæpenter videmus homines vere pios majore cum alacritate morientes, quam alios convivantes. Sp. Istuc profecto non raro sum admiratus. He. Atqui non est admirandum, illic esse invincibile gaudium, ubi adest omnis lætitiæ fons Deus. Quid autem novi est, animum vere pii hominis gaudere jugiter in mortali corpore, cum idem, si ad intima Tartari demergatur, nullum felicitatis detrimentum facturus sit? Ubique pura mens est, ibi Deus est: ubique Deus est, ibi paradisus est: ubi cælum est, ibi felicitas est: ubi felicitas est, ibi gaudium est verum, & alacritas sincera. Sp. Attamen suavius viverent, si absint incommoda quædam, & adestent oblectamenta, quæ vel negligunt, vel non assequuntur. He. Quæ vero mihi narras incommoda; quæ lege communi comitantur conditionem humanam? famem, sitim, morbum, lassitudinem, senectutem, mortem, fulmina, terræ motus, inundationes, bella? Sp. Et ista quoque. He. At nos de mortalibus interim agimus, non de immortalibus. Et tamen in his quoque malis, longe tolerabilior est piorum conditio, quam voluptates corporis per fas nefasque venantium. Sp. Qui sic? He. In primis, quoniam animos habent ad temperantiam ac tolerantiam exercitatos, cæteris moderatius ferunt ea, quæ vitari non possunt. Dein quoniam intelligunt illa omnia a Deo immitti, vel ad purgationem criminum, vel ad exercitationem virtutis; non modo patienter, verum etiam gaudent, tanquam obediens filii, illa de manu propitii patris accipiunt, atque etiam gratias agunt, vel pro clementi correctione, vel pro inæstimabili lucro. Sp. Sed multi sibi accerunt corporis molestias. He. Sed plures adhibent medicorum remedia, quo corporis sanitatem vel tueantur, vel recuperent. Cæterum accerere molestias, hoc est, inopiam, adversam va-

Tom. I. Kkk 2 letu-

⁸ *Non est oblectamentum*] Exstat locus in Ecclesiastico cap. 30. v. 16.

⁹ *Animus gaudens*] Prov. 17. v. 22.

¹⁰ *Omnes dies*] Prov. 15. v. 15.

¹¹ *Esti ambulavero*] Psal. 23. vers. 4.

¹² *Αντιστήριον*] Id est, cui nequit contradici.

¹³ *Ἐνέργεια*] Id est, efficacia, vis, actus spiritus operantis in nobis.

letudinem, persecutionem, infamiam, nisi cum huc impellit Christiana caritas, non est pietatis, sed stultitiæ. Cæterum quoties infliguntur ob Christum & ob iustitiam; quia ausit eos vocare miseros, cum ipse Dominus appellet eos beatos, & horum gratia gaudere jubeat? Sp. Habent tamen interim & ista sensum cruciabilem. He. Habent, sed quem facile absorbet, hinc metus gehennæ, illinc spes æternæ beatitudinis. Age, si tibi persuasum esset te nunquam ægrotaturum, aut nullam corporis molestiam sensurum in omni vita, si semel patiaris cuspide aciculæ tibi summam pungi cutem, nonne lubens & gaudens acciperes tantillum dolorem? Sp. Maxime. Imo si certo sciam mihi nunquam in vita dolituros dentes, æquo animo patiar vel altius insigi aciem, atque etiam ambas aures subula perforari. He. Atqui quidquid in hac vita accidit afflictionis, levius ac brevius est ad æternos cruciatus, quam momentaneum acus vulnusculum ad hominis vitam, quamvis longam: nulla enim analogia rei finitæ ad infinitam. Sp. Verissima prædicas. He. Jam si quis tibi persuadeat, te per omnem vitam omni molestia cariturum, si semel manu flammam divides, quod fieri vetuit Pythagoras, nonne lubens id faceres? Sp. Ego sane vel centies, modo ne me fallat promissor. He. Deus ne potest quidem fallere: sed ille flammæ sensus diuturnior est ad totam hominis vitam collatus, quam tota vita collata ad cœlestem beatitudinem, etiam si quis trium Nestorum excedat annos. Siquidem illa quantumlibet brevis manus injectio, nonnulla hujus vitæ portio est: sed tota hominis vita, nulla portio est æternitatis. Sp. Non habeo quod contradicam. He. Ad hanc igitur qui toto pectore, certa que spe properant, cum tam brevis sit transcursum, an credis eos hujus vitæ molestiis diseruciari? Sp. Non arbitror, modo adsit certa persuasio, firmaque spes assequendi. He. Venio nunc ad oblectamenta, quæ obijciendas. Abstinere a choreis, a comessationibus, a spectaculis: hæc nimirum ita contemnunt, ut fruantur multo jucundioribus, nec minus oblectentur, sed aliter. ² *Oculus non vidit, auris non audit, nec in cor hominis ascenderunt quæ solatia Deus paraverit diligentibus ipsum.* Beatus Paulus agnovit, quæ sint cantica, quæ choreæ, quæ tripudia, quæ comessationes piarum mentium, etiam in hac vita. Sp. At sunt quadam voluptates licitæ, quas isti sibi ipsis interdiciunt. He. Etiam licitarum voluptatum immodicus usus est illicitus: hunc si excipias, in cæteris omnibus superant, qui videntur asperam vitam degere. Quod potest esse magnificentius spectaculum, quam hujus mundi contemplatio? Ex eo longe plus capiunt voluptatis homines Deo cæpi, quam cæteri. Siquidem hi dum curiosis oculis contemplantur admirandum hoc opus, anguntur animo, quod multarum rerum causas non assequantur. In quibusdam etiam ceu Momii quidam obmurmurant opifici, neque raro naturam pro matre povercam appellant: quod convicium verbo tenus quidem naturam ferit, sed re vera in eum redundat qui naturam condidit, si qua est omnino natura. At homo pius, religiosus ac simplicibus oculis magna cum animi voluptate spectat opera Domini, Patrisque sui, demirans singula, nihil reprehendens, sed pro cunctis gratias agens, cum reputat hæc omnia propter hominem esse condita: atque adeo in singulis rebus adorat omnipotentiam, sapientiam, ac bonitatem conditoris, quarum vestigia percipit in rebus conditis. Jam sige mihi esse aliquod palatium re vera tale, quale Psychæ fingit Apulejus, aut si quod potes magnificentius elegantiusque: huc adhibe duos spectatores, alterum peregrinum, qui tantum visendi causa venerit; alterum, servum aut filium ejus, qui construxit hoc ædificium; uter impensius delectabitur, hospes ille, ad quem illa domus nihil attinet; an filius, qui carissimi patris ingenium, opes ac magnificentiam in ædificio magna cum voluptate speculatur; præsertim cum cogitat totum hoc opus ipsius gratia factum esse? Sp. Percunctatio tua non eget responso, sed plerique, non piis moribus, sciunt cœlum, & quæ cœlo clauduntur, hominis causa esse condita. He. Sciunt plerique omnes: sed non omnibus hoc venit in mentem, & si venit in mentem, plus tamen capit voluptatis, qui magis amat opificem: quemadmodum alacris intuitur cœlum qui ad vitam cœlestem adspirat. Sp. Veri simillima dicis. He. Jam conviviorum suavitas non est sita in lauti-

tiis palati, aut coquorum condituris, sed in prospera corporis valetudine, & stomachi appetentia. Cave igitur putes illum Lucullum coenare jucundius appositis perdicibus, phasianis, turturibus, leporinis, scaris, siluris, aut murænis, quam vir pius cibario pane, oleribus aut leguminibus, potu vel cerevisiæ tenuis, vel vini probe diluti: propterea quod hæc accipit tanquam missus a benigno Patre datos: omnia condit oratio, omnia sanctificat precatio præcedens, sacra lectio comes, magis animum reficiens, quam esca corpus, & gratiarum actio succedens: postremo surgit a mensa non distentus, sed recreatus: non oculis, sed refectione; & refectione mente pariter & corpore. An tu putas ullum istarum vulgarium cupidiarum architectum, convivari jucundius? Sp. Sed in Venere summa est delectatio, si quid Aristoteli credimus. He. Et hac in parte vincit homo pius, non minus quam in convivio; rem sic accipe: Quo vehementior est erga uxorem caritas, hoc congressus ille connubialis est jucundior. Nulli porro vehementius amant uxores suas, quam qui eas sic diligunt, sicut Christus dilexit ecclesiam: nam qui eas voluptatis gratia diligunt, ne diligunt quidem. Adde, quod quo rarior est cum uxore congressus, hoc est suavior: quæ res nec impium Poetam latuit; qui scripsit, *Voluptates commendat rarior usus*. Quanquam minima voluptatis pars in coitu sita est. Longe major est in perpetuo convictu, qui inter nullos potest esse jucundior, quam inter eos, qui se Christiana caritate sinceriter amant, & amant pariter mutuo. In aliis frequenter cum senescente voluptate, senescit amor. Christiana caritas hoc magis virefcit, quo magis delectatio carnis decrefcit. An nondum tibi persuasi nullos vivere jucundius, quam qui cum pietate degunt? Sp. Utinam itidem sit persuasum omnibus! He. Quod si Epicurei sunt, qui suaviter vivunt, nulli verius sunt Epicurei, quam qui sancte pieque vivunt. Et si nos tangit cura nominum, nemo magis promeretur cognomen Epicuri, quam adorandus ille Christianæ philosophiæ princeps. Græcis enim *ταλικυπος* auxiliatorem declarat. Cum naturæ lex esset vitis tantum non obliterata, cum Mosis lex magis irritaret cupiditates, quam sanaret, cum impune regnaret in mundo tyrannus Satanas, solus ille pereunti humanæ generi præsentaneam attulit opem. Proinde vehementer falluntur quidam, qui blaterant Christum naturæ fuisse tristem quempiam ac melancholicum, nosque ad inane æmulum vitæ genus invitasse. Imo is unus ostendit vitam omnium suavissimam, veræque voluptatis plenissimam: tantum absit lapis ille Tantaleus? Sp. Quid istuc ænigmatis est! He. Ridebis fabulam: sed hic jocus seria ducit. Sp. Exspecto jocosum serium. He. Narrant ii quibus olim studio fuit, philosophiæ præcepta, fabularum involucri tegere, Tantalem quendam adhibitum fuisse Deorum mensæ, quam volunt esse lautissimam. Cum hospes esset dimittendus, Jupiter hoc suæ dapnilitatis esse ratus, ne conviva discerneret abique xenio, permittit ut quod vellet peteret, accepturus quidquid petisset. Tantalus autem stolidus, ut qui beatitudinem hominis, ventris & gulæ delectatione metiretur, optavit, ut si per omnem vitam liceret tali mensæ accumbere. Annuit Jupiter, & ratum erat votum. Tantalus affidet mensæ omni genere deliciarum instructæ: appositum est nectar; nec desunt rosæ, nec odores, qualibus Deorum nares possint oblectari; adstat pocillator Ganymedes aut Ganymædi similis, circumstant Musæ suaviter canentes, saltat ridiculus Silenus, nec absunt moriones: breviter quidquid ullum hominis sensum possit oblectare: sed inter hæc omnia ille sedet tristis, suspirans & anxius, nehilarescens risu, nec attingens apposita. Sp. Quid in causa? He. Quoniam supra caput accumbentis de pilopendit ingens saxum, jam jam casuro simile. Sp. Ego mea tali mentis subducerem. He. Sed illi votum tranfuit in necessitatem: neque enim Jupiter tam placabilis est, quam noster Deus, qui perniciosæ vota mortalium rescindit, si modo poaniteat. Quanquam & alioqui, ne se Tantalus subducatur, vetat idem lapis, qui prohibet vesci. Metuit enim, ne si se commoverit, illico laxi ruina conderatur. Sp. Ridiculum fabulam. He. At nunc audi quod non rideas. Vulgus a rebus externis petit vitam jucundam, cum eam non præstet nisi mens secura: nam sibi male consciis, saxum multo gravius impendet, quam impendet Tantalus. Imo non impendet, sed

¹ *Eos beatos*] Respicit auctor ad locum Luc. 6. 21. 22. 23.

² *Oculus non vidit*] 1 Corin. 2. 9.

sed urget premitque mentem: nec inani metu discruciat animus; sed in singulas horas expectat, ut conjiciatur in gehennam. Obsecro quid est tam suave in rebus humanis, quod mentem tali saxo pressam, possit vere exhilarare? Sp. Nulla profecto res, nisi vel dementia, vel incredulitas. Hæc si perpenderent adolescentes, qui voluptatibus ceu poculo Circeo dementati, pro vere jucundis amplectuntur mellita venena; quanto studio caverent, ne quid per incogitantiam admitterent, quod in omnem vitam mordeat animum? Quid non facerent, ut hoc viaticum pararent senectuti venturæ, mentem sibi bene consciam, & famam nulla labe contaminatam? Quid autem illa senectute miserius, quæ cum respicit in tergum, magno cum horrore videt, quam speciosa sunt quæ neglexit, quam foeda quæ amplexa est? Rursum cum a fronte prospicit, cernit imminere diem supremum, & ab hoc protinus æterna gehennæ supplicia. Sp. Felicissimos arbitror, qui primam ætatem servarunt incontaminatam; & in pietatis studio semper proficientes, pervenerunt usque ad senectutis metam. Hæ. Proximus locus debetur iis, qui a juvenili temulentia mature resipuerint. Sp. Sed quid consilii das illi misero seni? Hæ. Nulli despe-

randum, quam diu spirat: jubeo ad Domini clementiam confugere. Sp. Sed quo fuit vita longior, hoc magis accrevit scelerum cumulus, jam arenam exsuperans quæ est in litore maris. Hæ. Sed eas arenas longe superant misericordie Domini. Arena tamen non est homini numerabilis, finito tamen est numero: at Domini clementia nec modum, nec finem novit. Sp. Sed non est spatium brevi morituro. Hæ. Quo minus est spatii, hoc clamat ardentius. Apud Deum satis longum est, quod a terris ad coelum valeat pertingere. Penetrat autem & brevis precatio coelum, modo vehementi spiritus impetu ejaculetur. Evangelica¹ peccatrix fertur per omnem vitam egisse poenitentiam; sed latro jam in ipsa morte quam paucis verbis² impetravit a Christo paradisum? Si toto pectore clamaverit, *Miserere mei Deus secundum magnam misericordiam tuam*; Dominus tollet saxum Tantalum, dabit auditui illius gaudium, & lætitiæ; & exultabunt de condonatis peccatis, ossa per contritionem humiliata.

¹ Peccatrix] Historia exstat apud Luc. 7. vers. 37. 38. 39.

² Impetravit a Christo] Verba habentur Luc. 23. vers. 44. Dixit Jesu, Domine, memento mei quum veneris in Regnum tuum.

³ Mei Deus] Psal. 51. vers. 3.

CONFLICTUS THALIAE

ET

BARBARIE.

Auctore

DESIDERIO ERASMO ROTERODAMO.

AD LECTOREM.



E quis dubitet an revera Magnus ille Erasmus, sequentis Colloquii sit Auctor, non tantum inscriptio (quæ Erasmi nomen ostendit) & stylus ipse satis evidenter evincunt; sed & ejusdem Epistola ad Cornelium Gaudanum, quæ in editis a Paulo Merula est decima septima libri secundi; & in editis Londini, M. DC. XLII. libri trigessimus primi decima septima.

Ubi hæc legere est: Tum coepere illiteratissimi quique, qui nunquam didicere, docere quod nesciebant, docere inquam, magna mercede, nil scire, stultiores reddentes discipulos, quam acceperant, imo & eo redigentes, ut se ipsos quoque nescirent. Tum, a tergo rejectis veterum præceptionibus, itum est ad recentia quædam imperitiæ præcepta, puta modos significandi, verbosa commenta, & ad ridiculas Grammaticæ doctrinæ regulas, deliramentaque innumera. Et cum jam omnia summo sudore perdidicerant, in id literarum eloquentiæque conscenderant fastigium, ut ne unam quidem orationem Latine proferre noverint. Et hæc, quantum mihi videre videor, si id Barbarum hominum genus, eo quo coeperat cursu perrexisset, nescio in quam novam sermonis speciem nostram Thaliæ vertissent. Ubi in MS. quod fuit Petri Operi, in margine adscriptum inveni, Thalia Erasmi opusculum. Ceterum ex ipsis, quæ adduximus, Epistolæ verbis, curvis clare ducet, genuinum hunc esse Erasmi factum, ac proinde ejusdem lineamenta, atque ipsissima, quæ Epistolæ inserta sunt, verba præ se ferre.

Hujus rei volebam, Lector, ne effes nescius.

P R Æ F A T I O.

Nemo putet latuisse Poetam, quantum Comœdia Tragicæque discrepent; quid hanc, quid illam deceat. Hæc enim gaudet gravitate: illa est levitatis amica. Nam quum ad scribendum animum applicuisset, quoniam nec personas Comicas satis, nec rem Tragicam satis esse perspexit, ipse pro suo digessit arbitrio: tantum hæc cogitans, auditor ut rideat. Æquis adeste animis: favete: aures arrigite: strepitum compescite.

A R G U M E N T U M.

Thalia, sacris sacrorum comitata choris, Castaliam petit: Barbariæ, æque barbaris stipata cohortibus, accurrit. Fit contentio.

P R I M U S A C T U S.

THALIA, CALLIOPE, MELPOMENE.

TH. Dii boni, quid hoc monstri est, quod eminus surge-re video? contemplamini quæso. CA. Papæ! quanta corporis moles! prope est ut vertice sidera pulset, quid sit mehercle nescio. TH. Appropinquat. En nova commixtio. Viden! Fronis virginea: quod vero sub pectore est, asino simillimum. CA. Ita est: sic Dii me ament. Sed & fronte, videsne hera, quanta sese attollant cornua? TH. Ingentia. Præterea colligisne & vicinas cornibus auriculas? CA. Colligo. Afininas scilicet, albentes mobilesque: & jam magis magisque propinquare conspicio, quid paret nescia. Ah! Vereor ne sinistram quid attulerit. TH. Avertat parens Jupiter. ME. Ego hæc (si recte audita recor-

Edor) belluam novi. TH. Obsecro. ME. Nihil est periculi. TH. Atar, inimicam audio. Itane, quæso? ME. Ita. Æmula hæc est nostra unica atque sævissima. TH. Dii illam perdant. ME. Nunquam invidere nobis, nunquam lacerare desinit. Hanc in occiduis ferunt habitare plagis, ibi subicere sibi omnia, ibi colli, amari, honorari. Quid plura? denique ut Deam supplicibus placari muneribus. TH. Audieram, ni fallor. Urbi, cui præest, quod est nomen? ME. Zwollis, si recte tenco. TH. Recte. Ipsius vere? ME. Barbariem dicunt. TH. Ipsa est: probe novi. Sed en, accelerat huc. Operiamur eam.

S E C U N D U S A C T U S.

BARBARIÆ, THALIA.

BA. Illane est Thalia, comites mei, quam e vicino conspicio, quamque extinctam jam pridem existima-ram? Ipsa certe est: laurum cerno. Revixit. Audet insuper sese conspectibus impudenter nostris ingerere, nihil me verita. Adibo, quæcum ut sentiat factura. Dii te per-

Tom. I.

Kkk 3 dant,

dant, impudentissima. TH. Haud molle salutas. In te refliat quam in me torques salutem, hera. BA. Nonne te pudet dudum victam, Thalia, rursus meis submittere oculis? TH. Rogas? Tu indigna quæ me videas: ego dignior quam quæ te videam belluam obscenam. BA. Hem, misella, & contumelias insuper? Nec dum quæ sim nosti? cave me provoces. TH. Bona verba quæso. Surdo ista canis; nemo audit. Ego te timeo scilicet, monstrum informe spurcissimum. BA. Vide in quam has torseris calumnias. TH. Gratias habeo iis qui tecum sunt. BA. His? TH. His solis. BA. His quid debeo? dic mihi. TH. Illorum te scilicet æstusatio, vel error potius, Deam effecit, non tua generatio. BA. Quin possem tibi (si tempus sinat) meam demonstrare propaginem, divino semine derivatam. TH. Egregiam, vero. Sed narra obsecro. Tempus enim patitur: & sol tibi stabit tam mira memoranti. BA. Tu parente gaudes Jove, ducem triumphas Apolline; mihi pater erat qui nec illi virtute, nec huic aut arcu, aut cythara cesserit. Si quando canens ludere solebat ore, Orphei in morem, sylvas post se montesque trahebat, denique & cursu valens, Euro pernicio. TH. Millies hæc audita sunt. Desine. BA. Quid? Tenes quem velim? TH. Statim, ubi coepisti, Chirona significas semivirum. BA. Potesne tacere, dum, quod coepi, expleam verbum? TH. Possim; tantum vera si dixeris. Sin componis aurem non commodo. BA. Quid? mendacem dicis? TH. Minime; sed, si voles, nihil verius. BA. Te autem veridicam. BA. Ubi me Chirone dicis parente natam? TH. Testes adfunt. BA. Ubi quæso? TH. Hæc ingens, quæ in calces pendet, cauda. Hæc hirsuta terga. Hæc circum tempora albicantes auriculæ Chironis te prolem clamant omnia. Ille ex Asella te miscuit, pulcrum, quo gloriaris, genus, pulcra, quæ Deam deceat forma. BA. Ut video calumniis certas; de figura contendis. Ad virtutem veniamus. De hac contende. De fama, de gloria, de clientela. Quid de corpore? TH. Nihil; nisi quod huius deformitatem deformis animus comitari solet. Sed age, ad ipsa veniamus. BA. Id omnium primum accipe. Qui te colit rarus est; me totus celebrat orbis. Tu ignota lates, ego jam in omnem mundi regionem nomen extendi. Ubique sum celebris, ubique notissima. TH. Fateor. BA. Non faceres, si tibi quod responderes esset. TH. Imo quod respondeam habeo. Cacus nosti. BA. Cacus quis nesciat? TH. Quem narrat Virgilius. BA. Novi. TH. Credo equidem, famosus enim est. Haud secus ac ille tu quoque cognita es. Dein tu tibi laudi tribuis, quod totus comitetur orbis. Non recte sapias. Ego id vituperio do magis. Rarum est omne enim quod carum est. Nihil arduum quod vulgo ignobili commune est. Me qui colit, rarus sit licet, spectabilis tamen est, & gravis. Te autem, quod plebeja & rustica comitetur turba, quid obsecro pulcri est? BA. Nescis infana. Longe alia res est. Neque enim quos plebejos invenio, plebejos relinquo; quin proveho magis, & erudio; honestos denique reddo & graves. TH. Ha, ha, he. Imo chartis gravatos, non arte; neque tam literis honestos, quam libris onustos. BA. Hem. Misera, an ego meos non graves reddere potui sum, æque ac tu tuos? TH. Admodum tui similes. Nam cum barbara sis, barbaros efficis. Quid aliud posses? BA. Nunc verum experior, quod jam olim de te audiivi; garrulam esse & loquacem. Desine, infana. Nihil omnium nosti. Nam id certum habeo. Si vel mediam scires partem, non tanta obstrepere impudentia. In meo quod Zwollis est gymnasium, quæ sit gloria, quis rigor, quis vigor, si tibi memorare incipiam, continuo rumperis invidia. TH. Nimirum. Et postes columnasque tuo rumpas grandiloquio. Verum incipe. Rumpes si potes. BA. Longum est. TH. Fac breve, ut nosti. BA. Summam complector. Ad illud itaque, quod paulo ante memoravi, gymnasium nobilissimum, ex omnibus mundi latissimi regionibus, quanto confluant agmine, nemo tibi facile explicuerit. TH. Hui! stupendum alinum illum Zwollorum (gymnasi campanam liquor) tam sonora voce rudere, cunctosque turmatim allicere. BA. Incepta. Abstine convitiis, & audi. TH. Audio. BA. Illic confestim instituuntur, erudiuntur. TH. Mirum in modum. BA. Optimis glossulis, vocabulariis argumentis, notabilibus innumeris. TH. Quam rectissime. BA. Quid nares contrahis? Imo eo perduco, ut nihil nesciant. TH. Novum. BA. Crescunt illis interea cum corpore tempora, ut exacte docti jam præfint aliis. Tum tales re-

mitto ut beati vivant, beati moriantur? TH. Ha, ha, he. Parum absuit quin cachinno rumperet; tam iis invideo scilicet. BA. Quid rides fatua? an ego risu digna fari videor? TH. Ego ista tibi rectius memorare potero. BA. Tun? TH. Ego. Si placet, nunc audies. BA. Incipe. TH. Quin ita res habet. Confluunt ad te innumeri, fateor. Qui, si quid recte in scholis prius didicerant, id continuo dediscant necessum est. Deinde his (quæ plurima enumerasti) dispendiis non tam imbuuntur, quam obruuntur, tandem ut sciant nihil. Immo eo perducis, ut & se ipsos nesciant. Crescunt interea circum tempora cornua, sibi que videntur scioli, ac qui præfint magis quam subfint idonei. Tum tales remittis, ut beati vivant, beati moriantur. BA. Tu, ut video, linguam a probris non cohibes. At cave mihi bilem moveas. Si non parvis huiusmodi in me dicta jaculari, ego ea in te retorquendo: sunt & mihi quas referam contumelias. TH. Et solas quidem. BA. Tales, inquam, remitto (si nescis miserrima) qui vatibus tuis, ne carminibus quidem (quibus apprimere triumphas) cesserint. TH. Numero fateor. Nos vero non tam versuum cumulum quam virtutem spectamus. Tibi contra quot sint, non quales curæ est. Paginas numeras, barbarissimos dissimulas. Tantum ex omni sibi consonent parte, id unum quaritur: virtus negligitur. BA. De virtute garris infana? Ego virtute nil tam inane puto quam tua poemata. Quid enim aliud quam fucata sunt mendacia, fabulis plena anilibus? TH. Satis laudas. BA. Egone tam ridicula? TH. Laudas nescia. BA. Tam mendola? Quin ludo potius, quam laudo. TH. Laudas invita. BA. Quid? TH. Dum laceras invida. Malis enim displicere, laudari est. BA. Magna vero, quibus invidet quisquam, laborata mendacia. TH. Luce clarius tuam manifestas infantiam. Nescis infelix, quam probes iis stultiloquiis Poetarum industriam; qui indignum censentes porcis, cæno & luto amicis, rosas objici, ita veritatem ipsam, peregrina fabularum specie, & quodam verborum ænigmate obtexerunt dissimularuntque: ut omnibus quidem legere liceat, intelligere autem non ita. Legunt, & tam abeunt nescii, quasi viderint nunquam. Legit peritus, & ipsas verborum penetrat imagines, (diaphanum enim sunt) deprehenditque latere ingentem sanctissimæ veritatis thesaurum, quem illi præterierant. BA. Euge, euge. Quam lepidum facinus, veris falsa miscere! confictis veritatem fabellis corrumpere! Hoccine est quod tanta laude prædicas? TH. Vis tibi ad hæc paucis respondeam? Mihi responde prior. Quid, obsecro, pulcrius duxeris, gemmasne & stercore legere, an auro intextas mirari? BA. Postremum præstantius. TH. Respondes tibi. Ita est. Tu si quid in poemate veritatis est, ita sermonis offuscas ineptiis, ut sordet potius, quam splendeat. Nos ex adverso verborum elegantia non (quomodo tu calumniaris) veritatem corrumpimus, sed quasi gemmam, auro intextam, venustamus. Speciem non tollimus, sed augemus; non ut lateat, sed pulcrior eluceat, efficitur. Denique & hoc agimus, ut, quæ suapte natura utilis est veritas, fiat & industria gratior. Hæc tui quum nesciant, lacerant, mordent, invident. Si saperent, quanto me laudarent, sublimius. . . . Elinguem reddidi. Rumpam silentium hoc. BA. Id ego rectius de tuis dixerim. TH. Rupi. BA. Qui cum nostra nesciant poemata, nil aliud norunt, quam ridere & illudere. TH. Talia sunt, quæ nec scita scium, nec inscium reddant nescita. BA. Nihil verbis opus est, ipsa res probet. TH. Res scilicet. Audire velim. BA. Hos dico, quos ea scita celeberrimos reddidere. TH. Estne quisquam? BA. Innumerabiles. TH. Hui! rectissime; quasi vero numerare eos nemo queat. Quod enim aut unum est, aut nihil, nemo numeret. Verumtamen vel numerare incipias, si enumerare non sufficias. BA. Præcipuum omnium *Floristam*, qui a Floribus sortitus est nomen. TH. Sed non bene olentibus. BA. Deinde *Papiam*. TH. Doctissimum, & quem primum diceres. BA. Deinde *Huguisonem*. TH. Eximium. BA. Deinde *Michaellem Modistam*. TH. Præclarum. BA. Deinde *Jacobum Glossarium*. TH. Mirabilem. BA. Et quem omnibus merito prætulerim *Johannem de Garlandia*, qui tanta verborum elegantia, tanta sententiarum pollet maiestate, ut pauci admodum sint qui eum capiant. TH. Imo nulli, nisi forte barbari sint & ipsi: quis enim illum facile capiat, qui ne se ipse quidem intelligat satis. BA. Infinita est hæc contentio: garrulitate vin-

vincis; sed ego non in ta consistere palmam puto. Si placet, experiri quid utraque possit, mecum vicissim contendere verficulis. Ne trepida, ne cessaris: ego parata maneo. Quæ nostrum vicerit, tum patebit. TH. Perplacet. Age experiamur. Sed tu prior incipe vates. BA. Hæc sunt quæ sæpe præsentibus viris eruditissimis cantare solebam, non sine omnium admiratione. TH. Credo. Sed incipe tandem. BA.

*Zwollenfes tales, quod eorum Theutonicales
Nomen per partes ubicunque probantur & artes,
Et quasi per mundum totum sunt nota rotundum,
Zwollenfque solo proferre Latinica solo
Discunt Clericuli nimium bene verba novelli.*

En, ii versiculi in poematibus quam sim diferta declarant. TH. Ha, ha, he. Tot Barbarissimos numero quot voces. Patria certe hæc vox est, Chironis videlicet. Quam digesta poemata! non differam iis laudes referre suas:

*Tale sonant insulsa mihi tua carmina, vates,
Quale sonat sylvis vox irrudem is onagri;
Quale boas torvus pecora inter agrestia taurus,
Qualeque testiculis gallus genitalibus orbus,*

*Concinat. Haud vocem humanam, sed disco ferinam.
Hanc celebres laudate viri, & doctissime Florum
Auctor, ades, gratos in festa nientia Flores
Colligito, meritaque coronam nectito Diva.
Urissa viridi graveolentem junge sicutam,
Talia nam tali debentur premia vati.
Annue Barbaries, tuque hanc sine cornua circum
Inter candidulas laurum tibi nectier aures.*

BA. Jam mihi nauseat animus, nec audire ineptias istas volo: cesso hinc Zwollis quid mei agant invifere. TH. Perge ocus, & vise indocta indoctas. Perquam gratus erit illis tuus adventus. Frustra, ut video, tecum mihi sermo est. Tu mutaberis nunquam. Recte Virgilianum illud de te dixerim:

Non illam nostri possunt mutare labores.

ME. Ab exordio hujus altercationis, dum monstrum hoc adspicimus, grandi interim omnes fastidio laboramus. TH. Credo equidem. CA. Abeamus, hera, & hanc linquentes bestiam, aprica Parnassi juga petamus, fontemque Heliconium. TH. Faciamus.

CORONIS APOLOGETICA P R O COLLOQUIIS ERASMI,

Ex ipsius scriptis, quantum per otium licuit, fideliter collecta a

P. S.

Accedit ejusdem

DE COLLOQUIORUM

UTILITATE DISSERTATIO.

V I R O C L A R I S S I M O
P E T R O S C R I V E R I O

A M I C O V E T E R I

D A N I E L H E I N S I U S S. D.



Uta sunt quæ pridem nos conjungunt, Vir Clarissime, imprimis autem literarum amor atque eorum admiratio quos hæc commendant. Inter quos Erasmus noster; non naturæ minus quam Bataviæ parentis tuæ decus ac miraculum; in tanta eruditionis luce ac veritatis, quam stertentibus plerisque invexit, adhuc scopulus eorum, qui hanc ferre nondum didicerunt. Quæ autem causa semper fuit, quod ad Solem, quibus firmi parum oculi, caligent; eadem futura semper est, cur Solem hunc dissimiles non ferant. Noctæ ipsa atque in tenebris exortus est, quas semper amant atque amabunt, quorum interfuerat, ne unquam generi mortaliu lucefceret: qui die medio convivent, oscitant, pandiculantur, ac per intervalla, ut somnulosi solent, ubi se attollant, lucem ipsam detestantur, quam odierant, quam defugiunt. Hesternum merum necdum edormisse dicas. Ipse, cum se totum, atque in solidum deberet sibi, eo præceptore usus, qui futurus erat publicus Europæ, hoc est, semet libertatem, pietatem, eruditionem, ita cum judicio conjunxit, ut in expugnandis publicis erroribus ac morbis totus, unum hoc cum cura ageret: solius veritatis cliens idem ac patronus, nulli, quod stupendum, supplex: nulli Reipublicæ aut Principi in terris, vitæ causa, ut plerique, aut stipendioli, addictus, ne fortunæ quidem, cujus eruditi quoque legibus imperioque haud raro ancillantur, vel obnoxius vel manceps: patrocini nullius, non judicii, non opum affectator, non culinæ. Qui ita denique egit, ita vixit, ut, cum sibi viveret, de omnibus præclare mereretur. Ipsa pars haud contemnenda universi, neque minus necessaria quam ipsa rerum elementa: sine quibus totum hoc, nec est, nec constat. Cum majori interim quam quisquam hætenus invidia commissus, eos, qui vel erudiri nollent, vel momenti optime detraberent, ridendo sapere aut plorare justit, voluit: non minus ad amœnitatem quam ad omnium cognitionem natus. Scripta Evangelica ac Apostolica Latine dedit: Paraphrasi sententiam eorum candide expressit. Scripta Patrum spuria ac illegitima a veris separavit ac distinxit. Controversias tractavit, intellexit. Alibi errasse dicent. Quod est hominis. Nec hoc de se negabit qui se hominem non diffidet. Vitam quæ plerumque vivitur, non aliter inspexit, quam qui instrumento a mechanicis reposito, eminus quæ vident, oculis subjiciunt; ac quasi cominus, ex arte intuentur; ut sic de futuris, quod prudentiæ est, judicaret. Non minus interim securus, quam qui ludos scenicos cum voluptate, extra scenam ipsi, ea lege tamen, ut sententiam mox ferant, intuentur. Et, ut medici nonnulli, recrementa ac urinam contemplantur, ut non recte affectos valetudini restituant ac sibi: ita noster sordes quoque vitiorum contrectavit, ut errori mederetur; nunquam tristis aut morosus, & ubique suus. Vere Terminus, quem cum effigie delineatum vides. Qui ut olim Diis cæteris cedentibus in templo de manubiis erecto restitisse fertur, ita hic nec statione hostibus, nec loco cessit. Nusquam tamen magis quam in lepidissimo Colloquiorum libro hanc ideam animi expressit: in quo medicum, non gravem, non morosum, sed festivum ac familiarem, agit. Quicquid luditur aut dicitur e vita media petitum est, ut hanc emendet; ita, ut eadem opera, & linguæ, quæ

quæ non paucis sordibus infecta erat, medeatur: barbaris præcipue infestus. Verus Proteus: qui ut formas quaslibet induere, ac pro persona qualibet repræsentare natus, ita similis ubique sui; hoc est, simplex candidusque, ut ii quoque, quos ad partes vocat, vel invitati, quod non omnes assequuntur, Batavum agnoscant. Sed nec ignorabat, quis Dialogi jam olim usus esset; quem Philosophiæ a Platone ceterisque sapientiæ consultis consecratum, ad theatrum Comici antiqui, ad facetias jocoseque numeris exutum, Lucianus revocarat. Nihil illi magno constat; omnia ex tempore ut nata, ita huius & occasione lepide accommodata sunt. Quæ deesse illi tempestate ea nunquam potuit, qua ludos maxime exhibebant, qui religionis pariter ac pietatis larva utebantur. Quam detractam, veritati pariter ac genio suspendit. Hoc volebam; ne quid de eo ipse iudicem nescires, de quo optime tum iudicare tum mereri soles. Quis enim nescit, quantum scripta ejus tibi debeant? Vale, & me ama.

LUGD. BATAVOR. AN. CLIO CXXXVI.

DE SYCOPHANTIIIS, ET

Imposturis cujusdam Dominicani, qui in Gallia

COLLOQUIA ERASMI

A se ridicule interpolata, edi curaverat,

ERASMI ADMONITIONUNCULA.



Rodierat Colloquiorum libellus, partim e confabulationibus domesticis, partim e schedis meis confarcinatus; sed admixtis næniis quibusdam, non tantum ineptis, verum etiam male Latinis planeque solocis; & hoc nugamentum miro applausu exceptum est, ut in his rebus quoque ludit fortuna. Coactus sum igitur hisce næniis manum admolari. Tandem adhibita paulo majore cura, non pauca adjecimus, ut esset justa libelli magnitudo; jamque vel hoc honore dignus videri posset, ut Joanni Erasmo Joannis Frobenii filio, puero tum sex annos nato, sed indole incredibili, dicaretur; id factum est an. CLIO CXXXVI. Quamquam hujus operis natura est, ut quoties visum fuerit, recipiat accessionem. Itaque in gratiam studiosorum & Joannis Frobenii, frequenter jam auctarium adjecimus; sed ita temperatis argumentis, ut præter lectionis voluptatem, ac sermonis expoliendi fructum, inesset quod ad mores quoque formandos conducere. Porro donec præter meras ineptias nihil haberet ille libellus, miro omnium favore legabatur. Ubi accesserat uberior utilitas, non potuit effugere τῶν συκοφαντῶν δίσματα. Theologus quidam Lovanien- sis mire lippiens oculis, sed multo magis ingenio, vidit illic quatuor locos Hæreticos. Accidit & aliud quiddam huic operi memorabile. Excusum est nuper Lutetiæ correctis, hoc est, depravatis, aliquot locis, quæ videbantur attingere Monachos, Vota, Peregrinationes, Indulgentias, aliaque hujus generis; quæ si plurimum valerent apud populum, uberior esset istis quæstus. Verum hoc fecit adeo stulte, adeo indocte, ut scurram quempiam e trivio fuisse jures: quum auctor tam insulsæ fabulæ feratur Theologus quidam ordinis Dominicani, natione Saxo; quorsum attinet addere nomen & cognomen, quod nec ipse cupit suppressi? nescit tale portentum pudescere; citius laudem etiam petat ex scelere. Addit Impostor novam Præfationem meo nomine, in qua fecit tres viros in uno puero instituendo sudantes; 2 Capitonem, qui tradidit literas Hebraicas; 3 Beatum, qui Græcas: me, qui Latinas. Horum utroque facit me tum literatura, tum pietate inferiorem; significans in Colloquiis inspersa quædam quæ Lutheri respiciant dogmata. Atque hic scio quosdam sublaturos cachinnum, quum legent Capitonem ab isto, qui sic odit Lutherum, optimi doctissimique viri elogio prædicatum. Hæc atque hujusmodi multa me loquentem facit, hujus audaciæ exemplo sumpto ex epistola Hieronymi, qui queritur æmulos suos ipsius nomine confictam epistolam sparsisse apud Afros in conventu Episcoporum, in qua fateretur se deceptum ex Judæis quibusdam falso vertisse Vetus Testamentum ex Hebræis. Et omnino persuasissent eam epistolam esse Hie-

1 Calumniatorum morsus.

2 Is est Wolfgangus Fabricius Capito, mortuus Argentorati anno 1541. ubi Concionatoris, apud Protestantem, munus obibat. Summus fuit amicus Oecolampadii, Erasmusque ad easdem partes trahere conatus est.

3 Beatus Rhenanus, Selestatien- sis, amicus Erasmi, cujus vitam conscripsit. Obiit Argentorati anno 1547. Sequutus est Erasmi sectam, in eo quod cum non improbare reformacionem Ecclesiæ, tamen aperte se Reformationibus non adjungit.

ronymi, si stylum Hieronymi aliqua ex parte potuissent assequi. Hoc facinus quum Hieronymus referat velut extremæ deploratæque malitiæ, tamen unum hoc arrisit isti Phormioni, quod est quovis libello famoso sceleratius. Sed defuit malitiæ voluntati facultas perficiendi quod destinaret. Stylum Erasmi quamvis incultum assequi non potuit: sic enim claudit florulentam suam Præfationem: *Ita monuit alas, ita jussit pietas, ut dum vivere datur prævius senecta scripta mea repurgem, ne functos manes, tristibus transcribant sequaces inferis.* Quum talis sit hominis sermo, tamen non veritus est suos floculos nostris coronis intexere; aut insanissime sibi placens, aut pessime sentiens de iudiciis Theologorum. Nam his ista cudit, quos omnes tam stupidos esse putat, ut non statim deprehensuri sint, infeliciter assutos hujus pannos. Tam abjecte ubique adulatur Galliæ, Lutetiæ, Theologis, Sorbonæ, Collegiis, ut nemo mendicus possit abjectius. Itaque si quid parum magnifice dictum videtur in Gallos, transfert in Britannos; si quid in Lutetiam, vertit in Londinum. Addidit quædam odiosa, velut a me dicta, quo mihi conflet invidiam apud eos quibus dolet me esse carum. Quid multis? passim suo commodo refecat, addit, mutat, veluti sus oblita ceno volutans sese in horto alieno, nihilque non conspurcans, perturbans, evellens; nec interim sentit perire captatam a nobis argutiam. Etenim quum ille cuidam dicenti, ex *Hollando versus es in Gallum*, responderetur, *Quid? an capus eram, quum hinc abirem?* ille mutavit, ex *Hollando versus es in Britannum*. *Quid? an Saxo eram, quum hinc abirem?* Rursum, quum idem dixisset, *Vestis indicat me musatum ex Batavo in Gallum*; ille ex Gallo facit Britannum: quumque ille respondisset, *hanc metamorphosin malim, quam in Gallinam*, alludens ad Gallum; ille mutavit Gallinam in *Bobemum*. Mox, quum jocatur se *Latinum sermonem sonare Gallice*, ille pro Gallice vertit *Britannice*; & tamen reliquit quod sequitur, *Nunquam igitur bona carmina facies, quia perit syllabarum quantitas*; quod in Britannos non congruit. Item, quum illic dicatur, *Quid accidit Galis, ut bellum suscipiant cum Aquila?* ille sic corrumpit jocum, *Quid accidit pardis, ut bellum suscipiant cum liliis?* quasi lilia soleant prodire in bellum. Interdum non sentit ea quæ sequuntur cum his quæ mutavit non cohærere. Velut hoc ipso in loco. Ego scripseram, *Estne Lutetia immunis a pestilentia?* ille mutat, *Estne Londinum immunis a pestilentia?* Rursum alio loco, quod a quodam dicitur, *Quid trepidamus hunc gallum lacerare?* ille gallum vertit in *leporum*; nec tamen mutavit quod sequitur, *utrum mavis de ala, an de poplitibus?* Porro quum Dominicalibus adeo tenere faveat, ut voluerit apud illos sedere Commissarios; tamen Scotum atrociter attackum æquo fert animo. Nec enim mutavit quod illic dicit quidam, *citius patiar perire totum Scotum, quam libros unius Ciceronis.* Verum ut hæc stultitiæ plena sunt, ita insunt permulta quæ parum habent stultitiæ junctam malitiam. Quidam illic irridet sodalem, qui quum esset perditæ vitæ, tamen fideret bullis indulgentiarum: hic Corrector facit illum fatentem se

se cum Luthero suo sentire Indulgentias Pontificias nihil valere; ac mox fingit eundem resipiscentem, profiteri erroris sui poenitentiam. Atque hæc videri vult a me correcta. O miros fidei Atlantes! Hoc perinde ac si quis offis sanguine imbutis vulnus mentiatur in humano corpore, ac mox idem sublati quæ admoverat, vulnere medeatur. Dicit illic puer quispiam, *confessionem qua fit Deo, præcipuam esse*; ille corripit, asseverans *confessionem qua fit Sacerdoti præcipuam esse*; ita prospexit periclitanti Confessioni. Unum hoc, exempli causa, retuli, quum in hujus generis sycophantiis creber sit. Atque hæc respondent palinodia, quam ille sub meo nomine pollicetur in falsaria Præfatione, quasi cujusquam sit canere palinodiam erroris alieni: aut quasi quicquid illic sub quacunque persona dicitur, meum sit dogma. Nihil enim me movet, quod hominem nondum sexagenarium facit prægravi senectæ. Olim capitale erat edere quicquam alieno nomine, nunc tales sycophantias in vulgus spargere, ficto ipsius nomine qui traducitur, ludus est Theologorum; nam vult Theologus videri, quum res illum clamitet ne pilum quidem teneri rei Theologicæ. Nec dubito, quin furcifer ille mendaciis suis imposuerit famelico typographo: non enim arbitror quemquam esse tam insanum, qui sciens tam indoctas nectas velit excudere. Deploratam hominis audaciam mirari desii, posteaquam intellexi illum esse pullum e nido Bernensi quondam elapsum, plane *ἡ κακία καὶ ἡ ἀνομία καὶ ἡ ἀνιστορία*. Illud demiror, si verum est quod adfertur, apud Parisios esse Theologos qui sibi plaudant, quod tandem nacti sunt hominem qui eloquentiæ suæ fulmine disjiciat universam Lutheri factionem, & Ecclesiam pristina restituat tranquillitati. Nam scripsit & adversus Lutherum, ut audio. Et postea Theologi queruntur se a nobis traduci, qui studia ipsorum tantis vigiliis adjuvamus; quum ipsi volentes amplectantur talia monstra, quæ plus dedecoris adferunt ordini Theologorum, atque etiam Monachorum, quam quivis quamlibet maledictus hostis posset. Qui tale facinus audet, idem non dubitabit incendium, aut veneficium admittere. Atque hæc excuduntur Lutetiae, ubi nefas est vel Euangelium excudi, nisi Theologorum censura comprobatum. Hoc Colloquiorum opus postremum exiit auctum coronide, anno cło lo xxiv. mense Septembri.

ERASMUS ROTERODAMUS THEOLOGIS LOVANIENSIBUS,

Fratribus in Domino Carissimis,

S. D.

Res ad me delata est, non solum rumore, sed ex amicorum haud futilem literis, & illa nominatim exprimentium quibus verbis, quo loco, apud quos mihi intentata sit calumnia per illum perpetuo sui similem; cujus etiam mores ac priora gesta faciunt, ut quod alioqui probabile futurum erat, pro comperto possit haberi. Proinde non arbitratus sum mihi dissimulandum esse: præsertim apud Vos, quorum partes erant tam effrenem hominis petulantiam, si non mea causa, certe ordinis vestri gratia coercere.

Jaetat ac vociferatur, in libello Colloquiorum quatuor esse loca, plusquam Hæretica: De *esu carnium*, & *jejunio*: De *Indulgentiis*, ac de *Votis*. Hoc quum ille fortiter & impotenter asseveret, tamen scus habere comperiet, quisquis libellum legerit integre. Quod si cui non vacat ejusmodi nugas legere, rem paucis aperiam. Id vero priusquam aggrediar, tria quædam præfari visum est.

Primum, hac in re non posse mihi objici contemptum Edicti Cæsarei, quod audio publicatum vi Maji, anno cło lo xxii. quum hic libellus multo ante fuerit excusus, idque Basilæ, ubi tamen nullum adhuc Cæsaris Edictum vel publice vel privatim fuit exhibitum.

Deinde, quod in eo libello non trado dogmata Fidei, sed formulas loquendi Latine: tamen si quædam admixta sunt obiter, quæ faciunt ad bonos mores. Quod si Grammaticus præscripto themate Germanico, Gallicove, sic doceret pueros hunc sensum Latine reddere: *Utinam nihil edant præter allia, qui nobis hos dies pisculentos invexerunt*. Aut hoc: *Utinam inedia pereant, qui liberos homines adiungunt ad jejunandi necessitatem*. Authoc: *Digni sunt ut fumo*

Ex pessimo corvo pessimum ovum.

A pereant, qui nobis Dispensationum ac Indulgentiarum fumos tam care vendunt. Aut hoc: *Utinam vere castrentur, qui nolentes arcent a matrimonio*. Quæso, num is causam dicere cogeretur, qui sententiam, licet improbam, doceret verbis bene Latinis efferre: Neminem arbitror esse tam iniquum, qui hoc censeat æquum.

Tertio, cum primis illud videndum erat, qualis sit persona cui sermonem in Dialogo tribuo. Non enim illic facio Theologum concionantem, sed bellos homunculos inter se nugantes. Quod si quis tam iniquus sit, ut nolit mihi suffragari personæ qualitatem, is eadem opera debet imputare, quod illic Augustinus (opinor) quidam contemnit honestum Stoicorum, & præfert sectam Epicureorum, qui summam boni posuerunt in voluptate. Idem imputet, quod illic miles quidam inter multa, quæ sane milititer loquitur, ait se velle quærere sacerdotem confessurum, cui quamminimam sit bonæ mentis. Idem imputaret, opinor, si in Dialogo tribuerem Ario sermonem ab Ecclesiastico dogmate dissonantem. Hæc si mihi absurde imputarentur, cur in cæteris non debet respici personæ qualitas? Nisi forte, si Turcam loquentem facerem, mihi censeant imputandum quidquid ille diceret.

Hæc præfatus, in genere de locis ab isto taxatis paucal dicam. In primo loco puer quidam, sedecim annos natus, ait se confiteri peccata dumtaxat certo capitalia, aut vehementer suspecta: quum Lutherani, sicut audio, doceant non esse necesse confiteri omnia crimina capitalia. Proinde res ipsa declarat, hunc pueri sermonem multum dissonare a dogmate quod vos damnatis. Mox puer idem rogatus, an ipsi sufficiat confiteri Christo; Respondet, satis futurum animo suo, si idem visum fuisset Ecclesiæ proceribus. Ex hoc ratiocinatur non per artem Dialecticam, sed per malitiam sycophanticam: Me videlicet auctorem esse, hanc *Confessionem*, qua nunc utimur, non esse institutam a Christo, sed ab Ecclesiæ præfulibus. Ista collectio posset videri probabilis, si Christus non esset unus e primatibus Ecclesiæ, quum juxta Petri dictum sit *Princeps pastorum*, ac juxta vocem Evangelicam, *pastor bonus*. Ergo qui proceres Ecclesiæ dicit, non excludit Christum, sed complectitur & illum cum Apostolis, & Apostolorum successoribus; quemadmodum qui præcipua corporis membra nominat, non excludit caput. Quod si cui videbitur hæc responsio non carere strophæ: age, demus puerum illum sensisse de puris hominibus, Ecclesiæ proceribus: an puero non est satis quod in confitendo sequitur auctoritatem illorum, etiam si non habeat certum, an Pontifices potuerint hoc instituire de suo, an tradiderint nobis ex institutione Christi? quum illi sit animus parere, quocunque modo tradiderint. Ne mihi quidem ipsi satis adhuc plene constat, quod Ecclesia definierit hanc Confessionem, ut nunc sit, esse ex institutione Christi. Sunt enim permulta argumenta, mihi quidem insolubilia, quæ suadent contrarium. Et tamen hunc animi mei sensum ubique submitto judicio Ecclesiæ, libenter sequuturus simul atque certum vigilans clarum illius vocem audiero. Jam, si maxime hoc expressisset Bulla Leonis, & aliquis vel nesciret, vel non meminisset, sufficeret interim (opinor) hac in re obsequi auctoritati Ecclesiæ, cum animo parendi, si & illud constaret. Neque vero recte colligi potest, *Hanc Confessionem esse ex institutione hominum, ergo non habet auctorem Christum*. Apostoli instituebant Ecclesiæ disciplinam, haud dubie, quin ex institutione Christi: instituebant Baptismum, instituebant Episcopos, sed auctoritate Christi. Et tamen negari non potest, multa hujus Confessionis pendere ex constitutione Pontificum: videlicet, quod confitemur semel in anno, quod ad Pascha, quod huic aut huic sacerdoti; quod nos quivis sacerdos absolvit a quibuslibet admittis. Ex his arbitror liquere, quam sit manifesta calumnia, quod ad *Confessionem* attinet.

Porro, non fit illic mentio de *jejunio*, ad quod nos hortatur Euangelium, & Apostolicæ literæ, *sed de defectu ciborum*, quem palam contemnit in Euangelio Christus, nec raro damnant Paulinæ literæ: præsertim Judaicum, & superstitiosum. Dicit aliquis, hoc est accusare Pontificem Romanum, qui hoc præcipiat quod damnat Apostolus. Quid doceat Euangelium, in propatulo est. Pontifex ipse declaret, quo animo jubeat quod non exigit Euangelium.

Tom. I.

LII

Quam-

Quamquam nullus illic dicit, quod nescio an doceat Lutherus, constitutiones Pontificum non reddere nos obnoxios crimini, nisi contemptus accesserit. Imo qui loquitur illic, concedit, Pontificem posse constituere: tantum quaerit, an hic fuerit animus Pontificis, obligare ex aequo omnes ad carniū abstinentiam; sic, ut qui comederit, obnoxius sit Gehennae, etiam si non accedat perversus contemptus. Et qui hoc dicit in Colloquiis, addit se non aliter odisse pisces, quam anguem. Sunt autem quidam sic affecti, ut piscis sit illis venenum, quemadmodum inveniuntur, qui similiter abhorreant a vino. Qui sic affectus est erga pisces, si prohibeatur vesci carnibus & lactariis, nonne dure tractabitur? An hunc quicumque homo velit obnoxium fieri poenae Gehennae, si pro corpusculi necessitate vescatur carnibus? Si quaevis constitutio Pontificum & Episcoporum obligat ad poenam Gehennae: dura nimium est conditio Christianorum. Si quaedam obligant, quaedam non obligant, nemo melius declarabit animum suum quam ipse Pontifex. Atque id sane declaratum esse, faceret ad tranquillitatem conscientiarum. Quid si Pontifex aliquis statueret, ut sacerdotes incederent cincti: an probabile erit eum hoc animo statuisse, ut si quis ob dolorem renum deponeret cingulum, redderetur obnoxius Gehennae? non opinor. Divus Gregorius constituerat, Ut si quis noctu cognovisset uxorem, abstinere postmodum ab ingressu templi: hic, si quis dissimulato coitu, templum fuisset ingressus, non ob aliud, nisi ut audiret Evangelicam concionem, an is obnoxius fieret Gehennae? Non arbitror virum sanctissimum fuisse tam immitem. Si quis cum aegrotante uxore vesceretur carnibus, quod aliter ad edendum non posset provocari, & valetudo posceret cibum, num Pontifex vellet illum ob id factum esse obnoxium Gehennae? Hoc tantum ibi quaeritur, nec quicquam asseveratur. Et certe ante Caesaris Edictum hisce de rebus licebat quaerere.

Jam vero nec illic, nec alibi simpliciter damno Pontificum *Indulgentias*; quamquam haecenus plus satis indultum est illis. Tantum quidam ridet congerronem suam, qui quum alias esset nugacissimus nugator (nam talis fingitur) tamen praesidio Bullae credebat se perventurum in caelum. Hoc adeo non arbitror Haereticum esse, ut existimem nihil esse sanctius, quam admonere populum, ne Bullis confidant, nisi studeant mutare vitam, & prava affectus corrigant.

Sed ridentur illic *Vota*. Imo ridentur & admonentur isti, quorum plurima turba est, qui domi relictis liberis & uxore, voto temere inter pocula concepto, cum aliquot combibonibus Romam, Compostellam, aut Hierosolimam procurant. Quamquam, ut nunc sunt mores, arbitror sanctius in totum homines a talibus *Votis* dehortari, quam adhortari.

Hae videlicet sunt execrabiles Haereses, quas ille Lynceus vidit in libello puerili. Mirum autem cur non excutiat & Catunculum meum, & Mimos Publitanos. Quis non intelligit ista proficisci a privato quodam odio? Quamquam a me quidem in nulla re laesus est, nisi quod favi bonis literis, quas ille plus quam capitaliter odit, nec scit quam ob rem. Et interim gloriatur, sibi quoque telum esse, quo se ulciscatur. Si quis illum in convivio dixerit Corcebum aut ebrium, ille vicissim in concione clamabit eum haereticum, aut falsarium, aut schismaticum. Credo, si coqua in cena poneret carnes adustas, postmodum in concione clamaret illam de haeresi suspectam. Nec pudeat, aut respicit, toties ipsa re deprehensus in manifesto mendacio.

Primum, quam stulta, quam insana blateravit in Novum Testamentum a me recognitum? Deinde, quid insanius illa voce, quam jecit in Jacobum Fabrum & me, quum ipsa res loqueretur illum non intelligere quid mihi cum Fabro conveniret, aut quid esset in controversia? Quid impudentius, quam quod in publica lectione falsi crimen & haeresim impexit, quod juxta Graecos verterim: *Omnes quidem non resurgemus, sed omnes immutabimur*. Quid furiosius, quam quod Mechlinae in publica concione monuit populum, ut caveret ab haeresi Lutheri & Erasmi? Quid enim nunc commemorem, quas voces evomat verius quam eloquatur in lautis conviviis, quoties e poculis accrescit zelus domus Dei? Nuper apud Hollandos dixit me

A apud Theologos Lovanienses haberi pro falsario; (scripsit ad me qui praesens audivit.) Rogatus, quam ob rem? Quare, inquit, toties castigat Novum Testamentum? O stolidam linguam! Hieronymus toties castigavit Psalterium, an ideo falsarius est? Denique si falsarius est, qui vel imprudens, vel ob inscitiam vertit aliquid secus quam oportet, falsarius fuit hic cujus hodie Translatione utitur Ecclesia. Quantum autem proficit istiusmodi moribus? Omnes rident ut Morychum, horrent ut ceritum, fugitant ut morosum & intractabilem. Nec possunt non bene sentire de eo, de quo ille tam odiose praedicat. Et quum omnibus displiceat, uni sibi displicere non potest.

B Hoc scilicet habet Edictum Caesaris, ut furiosa linguae petulantia in quemcunque vellet debaccharetur. Sic sustinet negotium Orthodoxae Fidei vir sapiens & gravis. Non est iste zelus Dei, laedere innoxios, sed furor est Diaboli. Semel collaudatus est Judaicus zelus Phinees, sed ita ut exemplum non transeat ad Christianos. Et tamen ille palam impias occidit. Isti, quidquid odit, Lutherum est & Haereticum. Sic opinor tenue zuthum, vapidum vinum, & jus insipidum, isti Lutherum vocabitur; & lingua Graeca, quam unice odit, opinor ob id quod hanc Apostoli tanto honore dignati sint, ut non alia scripserint, Lutherana vocabitur. Poetica, nam & hanc odit, magis amans Potaticam, erit Lutherica.

C Clamat per nos minui suam auctoritatem, seque meis scriptis ludicrum fieri; imo ipse sese propinat doctis & cordatis omnibus deridendum: nec ullum facit finem. Ego calumniam a me depello. Quod si docti bonique male sentiunt de eo qui immerenti calumniam intendit, utri par est imputare, jure depellenti, quod agnoscere non debet, an per injuriam intendenti? Si quis affirmans asinis esse alas in Brabantia, rideretur: nonne ipse faciat ridiculum? Clamat TOTUM LUTHERUM ESSE IN LIBRIS MEIS,

omnia undique scatere haereticis erroribus. Caterum ubi qui mea legunt, nihil tale reperiunt, etiam si Dialecticem nesciant, tamen facile colligunt quod consequitur. Habet auctoritatem a Caesare; rem igitur gerat ex animo Caesaris, qui nocentes sanari mavult quam puniri: certe innoxios laedi non vult. Concredit hoc muneri ignoto, ubi rescierit qualis sit homo, dubium non est quin quod credidit sit repetiturus. Nec Caesaris mitissimi, nec Pontificis integerrimi mens est, ut qui suis vigilis & ornare student & juvare Rempublicam, dedantur odiis talium, etiam si quid humani lapsus esset, tantum abest, ut bonos & integros velint alienari, & in diversam partem protrudi.

D Haec magis ad Vos pertinent, quam ad me. Nam hujus mores multum dedecoris conciliant ordini vestro, dum vulgus ex hoc uno vos omnes aestimat; injuria quidem fateor, sed sic sunt hominum mores; neque paucos a Theologiae studio alienat istius asperitas. Scio totum hominem vobis displicere, praeter duos aut tres combibones, & unum veteratorem, qui stultitia hominis ad suas cupiditates abutitur. Sed ita demum intelligerent omnes, cum vobis non probari; si, posteaquam coerceri non potest, ejeceritis e vestro contubernio. Difficillimum quidem istud erit, sat scio. Nam aegre tales avelluntur a nidore convivorum solemnium, opiparorum, & gratuitorum. Sed tamen hoc pertinet ad honorem ordinis vestri: cui merito faveo. Bene valete. Scripta anno (opinor) cIoIo xxxi.

EX EPISTOLA ERASMI

A D

JOANNEM OECOLAMPADIUM.

Ann. 1529. Id. Jul.

F Hodie mihi narravit Hieronymus Frobenius, esse, qui nescio quid sinistri suspicentur de animo in te meo, quasi te scriptis meis perstrinxerim; deinde, quasi nuper deflexerim ab itinere, ne te salutarem. Scito, utrumque esse vanissimum somnium. Nullam literam scripsi qua te perstrictum volui, aut quam scribens de te cogitavi. Quum excuderetur Colloquium *Cyclops*, quidam ex operis Frobenianis suspicati sunt, quod dicitur de *ove in capite, vulpe in pectore*, deque *longo naso*, ad te pertinere; quum constet, hoc lusum in *Nicalaumi* famulum meum, qui ambebat in Colloquiis celebrari; is talem gestat pileum, & nasum habet

habet longum, & colore est fusco, capillatio nigro. Te simili uti pileo, nunquam audieram, nisi hac occasione. Non sum tam ineptus, ut talibus nugis utar in vitiis eruditos. Ambiebat & *Polyphemus* celebrari, qui circumferebat Codicem Evangelicum belle ornatum, quum ipsius vita nihil esset inquinatius. Sic res habet de scriptis. Jam ea via soleo fere semper adire hortum Frobenii, quum coelum est commodius, quod altera sit angustior, & foeteat. Itaque si nullus adfuisset, illac tamen eram iturus. Nec te tum novi adversum, sed famulus admonuit. Itaque reflexissem iter ad te, nisi plures adfuissent mihi ignoti, quorum coetum turbare nolui. Idque tum dixi famulo. Sic habet de suspitione, &c. Adde ejusdem Epistolam Bilibaldo suo inscriptam eodem tempore.

EX ERASMI EPISTOLA

A D

JOANNEM CHOLERUM,

Præpositum Curiensem.

Ann. 1532. 5. Octob.

Lambertus Campester, qui olim Lutetiae edidit Colloquia mea velut a me emendata, persuaso typographo rem esse vendibilem, & sub nomine meo præfatus, & admixtis per totum opus miris emblematis, quibus me ipsum accusabam, omnia plena scurrilis cujusdam stoliditatis, quo peracto fugit Lugdunum; &, simulans se summum

A Erasmi amicum, reperit patronum; cui mox suffuratus trecentos coronatos fugit, & in fuga deprehensus est inter aliquot puellas, suffigendus in crucem, nisi sacra cuculla Dominici servasset eum. Is, inquam, multis aliis flagitiis ac sceleribus designatis, tandem in civitate quadam Germaniae, Zorst opinor dicitur, ditionis Juliacenſis, excussa cuculla docet Euangelium, hoc est, meras seditiones. Dux petiit, ut hominem ejicerent. Responderunt, se non posse carere suo Ecclesiasta. Et ista pestis serpit indies.

Anno 1536. 10. Kal. Majas.

B Atqui non omnia in hoc scribuntur, ut evulgentur; lusimus quædam adolescentes styli exercendi gratia: quædam aliis dictavimus sic inambulantes, nihil minus cogitantes quam de evulgando: nonnulla scripsimus discipulis tardis. Hujus generis erant Colloquia, quæ Helenius quidam haud scio unde nactus, nam apud me nullum unquam fuit exemplar, care vendidit Joanni Frobenio, simulans alios esse typographos qui empta cuperent. Hæc emendi orexis.

Erasmus in Epistola scripta Basilea.

Anno M D XXXVI. XXVII. Maji.

D Emiror Dolæ tantum posse duos Franciscanos. Colloquia & venduntur & excuduntur Lutetiae, & Dolæ exfulant. Qui dicunt in illis aliquid esse hæreticum, sive docti sive indocti mentiuntur. Id liquido perspiciet qui legerit meas Declarationes.

ERASMUS ROTERODAMUS

DE

U T I L I T A T E

C O L L O Q U I O R U M

A D L E C T O R E M.

A Deo nunc in omnes & in omnia per universum orbem graffatur comitata Furiis: *ἡ διαβολή*, ut tutum non sit ullum emittere librum, nisi satellitio munitum. Quamquam quid satis esse tutum possit adversus scycophantæ morum, qui velut aspis ad vocem incantantis, ita ad omnem purgationem quamvis justissimam, obturat aures? Prima pars hujus operis, quæ mea fuit & non mea, temeritate cujusdam erat edita. Quam cum ingenti applausu viderem exceptam a studiosis, abusus sum affectu vulgari ad profectum studiorum. Quandoquidem nec medici semper ægrotis ministrant saluberrima, sed illis nonnihil concedunt ob hoc ipsum, quod vehementer appetant. Itidem mihi visum est, hoc genus illecebris inescare teneram ætatem, quæ jucundis facilius ducitur, quam seriis aut exactis. Itaque quod editum erat repurgavi; deinde adjeci quæ moribus etiam formandis conducere, velut irreprens in animos adolescentium, quos recte scripsit Aristoteles inidoneos auditores Ethicæ Philosophiæ, dumtaxat ejus, quæ seriis præceptis traditur. Quod si quis clamet, indecorum homini seni sic pueriliter ludere, nihil moror quam pueriliter, modo utiliter. Et si laudantur literatores ætate proveccti, qui pueritiæ crustulis blandiuntur, *2 elementavelini ut discere prima*; mihi non arbitror vitio verti debere, quod simili studio juventutem illecto, vel ad elegantiam Latini sermonis, vel ad pietatem. Adde quod bonæ prudentiæ pars est, nosse stultas vulgi cupiditates & absurdas opiniones. Eas arbitror satius ex hoc libello discere, quam experientia stultorum magistra. Multis amara sunt Grammatices præcepta. Aristotelis Ethicæ non est apta pueris: Theologia Scoti minus; ne viris quidem admodum utilis ad parandam bonam mentem: & plurimum habet momenti, gustum optimarum rerum protinus in se visisse teneris animis. Et haud scio an quidquam discitur felicius, quam quod ludendo discitur. Est hoc nimirum sanctissimum fallendi genus, per imposturam dare beneficium. Laudantur enim medici qui sic fallunt ægrotos. Et tamen si ni-

D hil heic aliud quam nugatus fuisset, videbantur laturi; nunc quoniam præter linguæ politiem insperſi quædam, quæ mentem instruant ad Religionem, calumniantur, ac perinde quasi dogmata Christianæ professionis heic serio pronuntientur, ita syllabas etiam ad vivum excutunt. Id quam faciant inique, magis erit perspicuum, ubi declaro *Colloquiorum aliquot non vulgarem utilitatem*. Ut enim omittam tot serias sententias mediis jocis admixtas, tot fabulas, tot historias, tot rerum naturas dignas cognitu: in Colloquio *de visendo loca sacra* cohibetur superstitiosus & immodicus quorundam affectus, qui summam pietatem esse ducunt vidisse *Hierosolymam*; & huc per tanta terrarum marisque spatia currunt senes Episcopi, relicto grege, qui curandus erat: huc viri principes relicta familia ac ditione, huc mariti relicti domi liberis & uxore, quorum moribus ac pudicitia necessarius erat custos: huc adolescentes ac foeminae, non sine gravi discrimine morum & integritatis. Quidam etiam iterum atque iterum recurrunt, nec aliud faciunt per omnem vitam; & interim superstitioni, inconstantia, stultitia, temeritati prætexitur Religionis titulus, ac defertor suorum, contra doctrinam Pauli, sanctimoniae laudem aufert, ac sibi quoque pietatis omnes numeros expleſſe videtur. Paulus 1 Timoth. 1. 1. intrepide pronuntiat: *Si quis autem suorum, & maxime domesticorum, curam non habet, fidem abnegavit, & est infideli deterior*. Atqui heic Paulus loqui videtur de viduis, quæ liberos atque nepotes negligunt, ideoque prætextu Religionis, dum sese mactant obsequiis Ecclesiæ. Quid dicturus de maritis, qui destitutis teneris liberis, uxore juvencula, idque in re tenui, proficiſcuntur Hierosolymam; Ex multis unicum exemplum proferam, nec tam recens, ut metuenda sit invidia, nec tam vetus, quin nepotes superſint, quos damni magnitudo non finit oblivisci rei gestæ. Vir quidam præpotens decreverat ante mortem invisere Hierosolymam, pio quidem animo, sed parum felici consilio. Rebus igitur ordinatis, facultatum omnium, uxoris, quam gravidam reliquit, oppidorum & arcium curam tutelamque commi-

Tom. I.

LII 2

sit

1 *ἡ διαβολή*] Hoc est, calumnia, quæ apud Græcos hinc nomen habet, quod omnia in aliam partem trahat & conjiciat atque exstimate aut edita sunt.

2 Ex Horatio Sat. I. 25. lib. 1.

3 Obversabatur animo Erasmi elegans locus Lucretii e proœmio lib. IV.

Nam veluti pueris absinthia tetra medentes
Cum dare conantur, prius oras pocula circum
Contingunt mellis dulci flavoque liquore, &c.

fit Archiepiscopo, ceu parenti. Ubi rumor allatus est, hominem in ea peregrinatione perisse, Archiepiscopus pro parente gessit praedonem; occupavit possessiones omnes defuncti: denique & arcem munitiorem, inquam gravis confugeret, vi expugnavit: & ne superesset ultor atrocissimi facti, gravis confossa simul cum foetu periit. Nonne pium erat, tali viro dissuadere periculosam & non necessariam profectorem? Hujus generis quam multa comperiantur exempla, cæteris æstimandum relinquo. Ne quid interim dicam de sumtibus, quos, ut fateamur non omnino perire, tamen nemo prudens non fatebitur, in usus longe meliores expendi potuisse. Quod autem ad Religionem attinet, divus Hieronymus laudat Hilarionem, quod cum esset Palæstinus, & in Palæstina viveret, tamen semel duntaxat viderit Hierosolymam, ob loci viciniam, ne videretur contemnere loca sacra. Si merito laudatus est Hilarion, quod abstinerit ab Hierosolyma, tam vicinus, ne Deum angusto loco claudere videretur, semel tantum adierit, ob loci propinquitatem ne quos offenderet; quid dicendum de his qui ex Anglia & Scotia tantis impendiis per tot discrimina petunt Hierosolymam, præsertim domi relictis carissimis, quibus juxta doctrinam Apostoli debent perpetuam curam? Clamat sanctus Hieronymus: *Non magnum est Hierosolymis fuisse; sed bene vixisse magnum est.* Et tamen ætate Hieronymi probabile est, evidentiora vestigia veterum monumentorum exstitisse, quam nunc extant. De votis disputationem aliis relinquo; tantum hoc agit Colloquium, ne quis temere talia vota suscipiat. Id esse verum, declarant hæc mea verba: *Præsertim cum domi haberem uxorem, integræ adhuc ætate, liberos, & familiam quæ pendebat ex me, & operam meam quotidiana alebatur: & cætera quæ sequuntur.* De votis igitur susceptis nihil dicam, nisi quod, si summus essem Pontifex, non admodum gravate relaxarem obstrictos. In suscipiendis, quemadmodum fateor fieri posse, ut aliquis cum fructu pietatis eat Hierosolymam, ita non dubitarem, multis, ex rerum circumstantiis, dare consilium ut eas impensas, tempus, & operam infunderent in alia quæ propius conducunt ad veram pietatem. Hæc arbitror esse pia: eoque considerata multorum vel levitate vel ignorantia, vel superstitione, visum est super ea re monere juventutem: neque video quos offendere debeat hæc admonitio, nisi forte quosdam istos, quibus carior est quæstus quam pietas. Nec illic damno Pontificias Indulgentias, aut diplomata: sed taxo nugacissimum nugatorem, qui ne cogitans quidem de corrigenda vita, totam spem collocat in condonationibus humanis. Heic si quis mihi consideret, quanta jactura pietatis nata sit inter mortales; partim ex eorum vitio qui prostituunt Pontificias Indulgentias; partim eorum culpa qui illas secus quam oportet accipiunt, fatebitur operæ pretium, juventutem super hac re communitam esse. Verum hoc modo parum consultum est commissariis. Audio ò bone: si viri boni sunt, gaudebunt esse monitos simplices: sin potior est illis quæstus quam pietas; valeant.

In colloquio de captandis sacerdotiis, taxo eos, qui Romam cursitant, venanturque sacerdotia, crebro gravi jactura cum morum, tum pecuniæ: eoque deduco sermonem, ut sacerdos pro concubina, lectione bonorum auctorum semet oblectet.

In militis confessione, taxo facinora militum, & impiam militum confessionem; ut adolescentes ab ejusmodi moribus abhorreant.

In monitis pedagogicis doceo puerum verecundiam ac mores ætati decoros.

In pietate puerili, nonne piis præceptis imbuo puerilem animum ad studium pietatis? Nam quod quidam ardebant de confessione, mera fuit calumnia: cui jam pridem respondi. Doceo confessionem esse suscipiendam perinde quasi nobis esset instituta a Christo. Cæterum an id sit factum, nec refellere est animus, nec asseverare, quod nec mihi satis persuasum est, nec aliis probare possum. Quod autem admoneo de genere vitæ serio deligendo, deque seligendo Sacerdote cui committas arcana tua, judicabam adolescentibus esse necessariam, nec video cur me debeat pœnitere. At sic erunt pauciores monachi & sacerdotes. Fortassis erunt, sed meliores. Idem probabit quisquis vere monachus est. Porro qui venantur proselytos vel ad præ-

dam, vel ob superstitionem, dignissimi sunt qui omnibus omnium scriptis traducantur, quo relipiscant.

In convivio profano, non damno constitutiones Ecclesiæ de jeuniis, ac delectum ciborum; sed indico superstitionem quorundam, qui his plus tribuunt quam oportet, negligentes eorum quæ magis faciunt ad pietatem: damnoque eorum crudelitatem, qui hæc exigunt ab his, a quibus Ecclesiæ mens non exigit: item eorum præposteram sanctionem, qui ex hujusmodi rebus condemnant proximum. Heic si quis reputet quanta veræ pietatis lues hinc nata sit inter mortales, fatebitur vix aliam admonitionem esse magis necessariam; sed hac de recopiosius alias respondimus.

In convivio religioso cum omnes faciam alienos a sacris, omnes conjugatos, satis doceo quale debeat esse convivium omnium Christianorum. Ad quam formam si sacerdotes quidam & monachi conferant sua convivium, intelligant quantum absint ab ea perfectione qua conveniebat illos laicis antecellere.

In Apotheosi doceo, quantum honoris debeatur egregiis viris, qui suis vigiliis bene meriti sunt de liberalibus studiis.

Sunt inepti, quibus colloquium proci & puellæ videatur lascivum, cum nihil fingi possit castius. Si res honesta est matrimonium, & procum agere honestum est. Atque utinam omnes proci tales essent qualem heic fingo, nec aliis colloquiis coirent matrimonia! Quid facias istis ingeniis tetricis, & ab omnibus Gratiis alienis, quibus impudicum videtur quidquid amicum est ac festivum? Hæc puella negat proco discessuro osculum, quo totam virginitatem illi servet illibaram. Quid autem nunc vulgo non dant puellæ proci? Deinde non vident quam multa Philosophica sint inspersa jocis, de non præcipitando conjugio, de delectu non solum corporum, sed multo magis animorum, de firmitate conjugii, de non contrahendo matrimonio sine consensu parentum, de castæ colendo matrimonio, de sancte educandis liberis, postremo puella comprecatur Christum, ut illius auspiciis sit felix connubium. An hæc non conveniunt scire juvenes? Et qui hanc lectionem ob lasciviam putant esse noxiam pueris, patiuntur illis prælegi Plautum & facietas Pogii. Præclara judicia!

In Virgine Misogama detestor eos, qui adolescentes aut puellas invititis parentibus pellicunt in monasterium, abutentes illorum vel simplicitate, vel superstitione; persuadentes eis non esse spem salutis extra monasterium. Nisi talibus piscatoribus plenus esset mundus. Nisi innumera felicissima ingenia per istos infelicissime sepelirentur ac defoderentur viva, quæ fuissent electa vasa Domini, si judicio fuissent institutum naturæ congruens; non recte admonui. At si quando cogar in hoc argumento proferre quod sentio, sic depingam & plagarios illos, & ipsius mali magnitudinem, ut nullus non falsurus sit, me non sine causa hæc monuisse: quamquam civiliter id quidem a me factum est, ne malis daretur ansa delinquendi.

In proximo colloquio Virginitatis penitentis, non induco virginem, quæ professæ mutavit institutum, sed quæ ante peractam professionem redierit ad parentes, quos habebat optimos.

In Memphisgamo quam multa sunt Philosophica, decelandis maritorum vitiis, de non interruptenda conjugum benevolentia, de faciendis offensis, de corrigendis maritorum moribus, de obsequiis erga maritos? Quid aliud docent Plutarchus, Aristoteles, & Xenophon, nisi quod heic personæ vitam quandam addunt orationi?

In colloquio Militis & Carthusiani, simul depingo & insaniam juvenum qui procurunt ad bellum, & pii Carthusiani vitam, quæ sine studiorum amore non potest non esse tristis & inamœna.

In Pseudocæca depingo quorundam ingenia, qui nati sunt ad mentiendum, quo quidem hominum genere nihil est execrabilius, utinam esset rarius!

In colloquio Adolescentis & Scorti, nonne & lupanaria facio casta? Quid autem dici potuit efficacius, vel ad inferendam adolescentum animis pudicitie curam, vel ad revocandas ab instituto non minus ærumnosa quam verpi revoas ad quæstum expositas? Unica vox commovit quosdam, quod impudica puella blandiens adolescenti vocat illum suam mentulam, cum hoc apud nos vulgatissimum sit, etiam honestis

nestis matronis. Hoc qui ferre non potest, promissa mentis la, scribat mea voluptas, aut si quid aliud mavult.

In *Convivio Poetico* doceo, cuiusmodi debeat esse convivium inter studiosos, parum, sed festivum & hilare, conditum literatis fabulis, sine rixis, sine obtreptione, sine turpiloquio.

In *Inquisitione* doceo summam Catholicæ professionis, idque aliquanto vividius ac liquidius quam docent Theologi quidam magni nominis, inter quos pono & Gersonem, quem interim honoris causa nomino. Ideo porro fingo personam Lutherani, quo facilius redeant in concordiam, inter quos de præcipuis articulis Orthodoxæ professionis convenit; etiam si reliquam Inquisitionis partem non addidi, propter hæc exulceratissima tempora.

In *Sensili colloquio* quam multa voluit in speculo exhibentur, quæ, vel fugienda sunt in vita, vel vitam reddunt tranquillam! Hæc præstat adolescentes ex festivis colloquiis quam experimentis discere. Socrates Philosophiam e coelo deduxit in terras: ego Philosophiam etiam in lusus, confabulationes, & computationes deduxi. Oportet enim & ludicra Christianorum sapere Philosophiam.

In *Prochoplusis* quam multa sunt, ad quæ pastores rustici, rudes & indocti, nihilque minus quam pastores possint suam vitam corrigere? prætereaque ad tollendam stultam gloriam vestium, rursus ad coercendam illorum insaniam, qui Monachorum cultum execrantur, quasi per se mala sit vestis. Et obiter describitur forma, quales debeant esse Monachi, qui per vicos obambulant. Neque enim admodum multi tales sunt, quales heic describo.

In *Erudita Puella*, simul & Paullæ, Eustochii, Marcellæ, vetus exemplum renovo, quæ cum integritate morum conjunxerunt studium literarum, & Monachos Abbatesque sacrorum studiorum otores, luxui, otio, venationibus, aleæque deditos, puellæ conjugatæ exemplo exstimulo ad aliud studiorum genus ipsis magis congruens.

In *Spectro* detego technas impostorum, qui credulis simplicium animis solent illudere, fingentes apparitiones demonum & animarum, voceque divinas. Quantam vero pestem hæc præstigiæ invexerunt pietati Christianæ! Quoniam autem rudis ac simplex ætas huiusmodi fraudibus potissimum est obnoxia, visum est exemplo non inamœno depingere modum imposturæ. Sic impostum fuit Cælestino Pont. Romano. Sic Bernæ delusus juvenis a Monachis. Sic commentitiis oraculis & hodie plurimi deluduntur.

Nec minima pars humanarum calamitatum est *Alcumifia*: quæ doctis etiam & cordatis viris imponit, adeo morbus hic adlubescit, si quem corripuerit. Huic affinis est *Magia*, eodem nomine sed cognomine blandiens, *naturalis*. Similes imposturas taxo in *Hippoplano* & *Prochologia*, rursus in *Convivio fabuloso*. Ex his si nihil aliud discerent pueri, quam Latine loqui, quanto plus laudis mea mereretur industria, qui per lulum ac voluptatem id facio; quam illorum, qui miseræ juventuti Mammetreptos, Brachylogos, Catholicos, & significandi modos obtrudebant?

In *Puerpera*, præter naturalium rerum cognitionem, quam multa sunt moralia de cura matrum erga liberos, primum infantes, mox grandiores.

In *Peregrinatione religionis ergo*, taxo istos, qui per tumultum ejecerunt omnes imagines & templis: rursus eos, qui insaniunt in peregrinationes, quæ suscipiuntur prætextu religionis; unde jam & sodalitates inventæ sunt. Qui Hierosolymæ fuerunt, Equites aurati vocantur, seque Fratres vocant, & in die Palmarum serio rem agunt ridiculam, fune trahentes asinum, ipsi non multum differentes ab asino ligneo quem trahunt. Id imitati sunt qui Compostellam adierunt. Dentur hæc sane, dentur affectibus hominum: at non ferendum, quod hinc sibi vindicant pietatem. Notantur & ii, qui reliquias incertas pro certis ostendunt, qui his plus tribuunt quam oportet, qui quæstum ex his fordide faciunt.

In *Ichthyophagia* tracto quæstionem de constitutionibus humanis, quas quidam prorsus rejiciunt, multum aberrantes a recta ratione: quidam propemodum anteponunt divinis legibus: rursus alii abutuntur & divinis, & humanis constitutionibus ad quæstum ac tyrannidem. Conor itaque partem utramque ad moderationem temperare; inquirens unde natæ sint, & quibus gradibus huc usque progressæ constitutiones humanæ: quos & quatenus obligent, ad quid

A conducant, quantum distent a divinis; obiter indicans præpostera mortalium judicia, quibus jam olim mundus plenus est, & unde totus hic orbis tumultus natus est. Hæc ideo quoque tractavi copiosius, quo doctis suppeditarem occasionem accuratius hisce de rebus scribendi. Nam quæ adhuc prodierunt, non satisfaciunt curiosis. Traducere scortationem, temulentiam, adulterium, non perinde ad rem pertinebat; quandoquidem hæc mala nullum fallunt: sed ex his est periculum veræ pietatis, quæ vel non sentiuntur, vel sanctimoniz fallaci specie blandiuntur. Quod si quis calumnietur, personis sordidis affingi Theologicam disputationem; ab his talia nunc in omnibus conviviis disputantur; & huiusmodi personis opus erat familiaris crassiusque rem tractaturo.

B In *Fuere*, quoniam mors arguere solet Christianam fiduciam, in duobus idiotis depinxit diversum mortis genus, velut imagine viva ponens ob oculos dissimilem excessum eorum qui fidunt rebus commentitiis, & qui spem salutis fixerunt in misericordia Domini: obiter taxans divitum stultissimam ambitionem, qui luxum ac superbiam suam & ultra mortem proferunt, quam mors saltem debebat auferre: simul eorum perstringens vitium, qui sui compendii gratia, stultitia locupletum abutuntur, quam ipsi potissimum debebant corrigere. Quis enim audebit libere monere potentes ac divites, si Monachi, qui se profitentur mundo mortuos, palantur illorum vitiis? Si nulli tales sunt, quales descripsi, tamen ostensum est exemplum quod oportet vitari: sin vulgo referuntur longe his quæ proposuimus execrabiliora, qui sunt æqui, meam agnoscant civilitatem, suumque vitium corrigant: & si vitio vacant ipsi, alios peccantes vel emendent, vel coerceant. Nullum ordinem perstringimus, nisi forte totum Christianismum infamat, qui quidquam monendi gratia dixerit in corruptos Christianorum mores. Quos tantopere movet honos ordinis, eos in primis compefcere debebant qui palam factis suis dehonestant ordinem. Nunc cum illos ut germanos sodales agnoscant, foveant ac tueantur, qua fronte causantur a bene monente lædi estimationem ordinis? Quamquam quæ ratio dicat, sic habendam hujus aut illius humanæ sodalitatis rationem, ut publicam Christianorum utilitatem negligas?

C In *Differentia verborum ac rerum*, taxo præpostera quorundam judicia.

In *Convivio vario*, commonstro rem civilitati congruam.

In *Charonte* detestor bellum inter Christianos.

In *Synodo Grammaticorum* rideo studium cuiusdam Carthusiani, suo iudicio doctissimi, qui cum in Græcas literas solent stolidissime debacchari, nunc libro suo indiderit Græcum titulum, sed ridicule, *Anticomaritas* dicens, quos appellare poterat *Antimarianos* vel *Antidicomarianos*.

In *Cyclope* taxo quosdam qui Euangelium semper habent in ore, cum in vita nihil sit Euangelicum.

In *Conjugio impari*, pono ob oculos vulgi stultitiam, qui in sponsalibus supputant dotis modum, nec ad rationem vocant sponsum scabiem lepra deteriorem. Atque id hodie fit tam passim, ut nemo miretur, cum nihil sit in liberos crudelius.

In *Ementia nobilitate* depingo genus hominum, qui sub umbra nobilitatis existimant sibi nihil non licere, quæ præcipua pestis est Germaniæ.

In *Senatulo* traducturus etiam vitia quædam mulierum, sed civiliter, ne quis expectet tale quippiam quale habet Juvenalis: verum hoc agenti, obortus est quidam *interdixit* *divinorum* lupus, ut ajunt, in fabula. Reliqua fere comparata sunt ad voluptatem, sed non illiberalem. Non hoc est dehonestare ordines, sed erudire. Quapropter omnibus ordinibus, & privatum, & publice rectius consultum fuerit, si deposita quidvis calumniandi rabie, candidis animis amplectamur omnes quidquid pio studio in publicam utilitatem adfertur. Aliis aliæ sunt dotes, & alios alia capiunt, milleque modis homines trahuntur ad pietatem. Laudatum est Juvenci studium, qui sacram Evangeliorum historiam carmine prodidit. Nec sua laude fraudatus est Arator, qui idem fecit in Acta Apostolorum. Adversus Hæreticos tubam intecit Hilarius, ut argutatur Augustinus, Hieronymus dialogis pugnat, Prudentius vario metri genere dimicat, Thomas & Scotus dialectices ac philosophiæ prædiciis pugnant. Simile studium omnium, sed dissimilis singulorum ratio. Non reprehenditur diversitas, quæ scopum eundem petit. Prælegitur pue. is

Petrus Hispanus, quo dociliores veniant ad Aristotelem. Multum enim promovit, qui gustum dedit. Atqui hic libellus, si teneræ pubi prælegatur, tradet illos ad multas disciplinās magis habiles, ad poëticen, ad rhetoricen, ad physicen, ad ethicen: demum ad ea quæ sunt pietatis Christianæ. Stulti personam suscepi, factus ipse mearum rerum encomiastes: sed me compulit partim quorundam improbitas nihil non calumniantium, partim Christianæ juventutis utilitas, in quam oportet omnes omnibus studiis incumbere.

Hæc ita cum habeant, omnibusque qui literas didicerunt perspicua sint, est tamen quoddam hominum genus mirebliteo. Deputatos appellant Galli; opinor quod male putati sint, aut certe plus satis putati, qui sic pronunciant de meis Colloquiis, opus esse fugiendum, præsertim monachis, quos illi Religiosos appellant, & adolescentibus; eo quod jejunia & abstinentiæ ecclesiæ parvi penderentur: beatæ Virginis & Sanctorum pro ludibrio haberentur suffragia, virginitas si conjugio conferatur, nullius esse aut parvi momenti, religionis etiam dissuaderetur omnibus ingressus: quodque in eo arduæ difficultesque Theologiæ quæstiones Grammaticulis proponantur, contra statuta per magistratus in artibus jurata. Agnoscis, mi lector, Atticam eloquentiam. Ut ad postremum primo loco respondeam, quid artium Magistris proponant Grammaticulis, nescio: quæ tractantur in Colloquiis, de symbolo, de missa, de jejniis, de votis, de confessione, nihil habent Theologiæ difficultatis, sed ejus generis sunt ut non oporteat ea quemquam nescire. Et si pueris præleguntur epistolæ Pauli, quid periculi est, si gustus quidam illis præbeatur Theologiæ disputationis? Ad hæc cum non ignorent pueris Sophisticæ candidatis perplexas de personis Divinis statim quæstiones summæ difficultatis proponi, ne dicam otiosæ subtilitatis, cur nolunt pueros hoc discere, quod ad communem vitam pertinet; Jam si putant nihil referre, quid sub qua persona dicatur, intelligunt, opinor, quam multa comperiantur in Evangelicis & Apostolicis literis, quæ, secundum hanc legem, manifestam habent blasphemiam. Multis locis approbo jejunium, nusquam damno. Qui secus asseverat, eum declarabo impudentissime mentiri. Sed in *pietate puerili*, inquit, leguntur hæc verba: Cum jejunio mihi nihil est negotii. Finge hæc verba dici sub persona militis aut temulenti, num protinus Erasmus damnat jejunia? Non opinor. Nunc dicuntur ab adolescente nondum adulto; quam ætatem lex non obstringit ad jejunandum: & tamen is adolescens præparat se ad justa jejunia. Sic enim subjicit; sed tamen si sensero opus, prandeo cœnoque parcius, quo me præbeam alacriorem studiis pietatis per diem festum.

Abstinentias vero quam damnam, declarant hæc verba, quæ sunt in *Convivio profano*: In plerisque non res, sed animus discernit nos a Judæis. Illi matum abstinebant a certis cibis, velut ab immundis & animum inquinaturis; Nos cum intelligamus omnia munda esse mundis; tamen carni lascivienti, velut equo ferocienti, pabulum subducimus, quo magis sit audiens dicto spiritui. Nonnunquam immoderatum suavium rerum usum abstinentiæ molestia castigamus. Paullo post reddit rationem quare Ecclesia interdixit esum quorundam ciborum. Omnibus, inquit, conducet. Nam tenuibus, cochleis aut ranis licebit vesci, aut cæpas, porrumve arrodere; mediocres detrahent nonnihil quotidianis obsoniis; quod si quid divites deliciantur hac occasione, suæ gulæ imputent, non incusent Ecclesiæ constitutionem. Mox loquor his similia. Rursus aliquanto post; Scio medicis magnopere damnatum esse piscium esum: sed secus visum est majoribus nostris, quibus obtemperare religiosum est. Inibi protinus doceo heic vitandum etiam offendiculum infirmiorum.

Æque falsum est, in colloquiis irrideri suffragia beatæ Virginis, & aliorum Sanctorum; sed illos irrideo qui petunt a sanctis quæ non audent a bono viro petere; aut hoc animo petunt a certis divinis, quasi hoc aut illud, hic aut ille citius velit aut possit præstare, quam alius, aut quam ipse Christus. Imo in *puerili pietate* sic loquitur puer: Salutem dixi nonnullis. Quibus? Christo ac divinis aliquot. Et aliquanto post: Rursus tribus verbis saluto Jesum, ac divos divasque omnes; sed nominatim Virginem matrem; tum eos quos

habeo mihi peculiare. Et infra commemorat nominatim quos divos salutet quotidie.

Mirum vero si procius amans laudat nuptias, dicitque castum conjugium non multum abesse a laude virginitatis, cum Augustinus patriarcharum polygamiā anteponat nostro cælibatui.

Quod objiciunt de ingressu religionis, quam sit manifestæ vanitatis, & declarant mea verba in *virgine misogamo*. Sic enim loquitur virgo: Damnas igitur hoc totum vitæ institutum? Respondet juvenis; Nequaquam: verum quemadmodum nemini suadere velim, ut quæ se in hoc vitæ genus conjecerit, luctetur emergere, ita non dubitem hortari puellas omnes, præsertim indolis generosæ, ne se temere eo præcipitent, unde post sese non possint explicare. Hæc est illius colloquii conclusio, utcumque certatum est argumentis. Obsecro, an hoc est omnibus dissuadere ingressum religionis: Non damnatur ingressus, sed præcepte temeritatis damnatur. Hæc igitur malitiose detorquent ad calumniam. At non perpendunt quam multa illic discant Grammaticuli, qui pugnant cum decretis Lutheranorum.

In *Puerili pietate* traditur ratio bene & utiliter audiendi missam. Docetur ratio bene & efficaciter confitendi. Admonetur puer ut antequam sumat eucharistiam, confessione purget animum. Ibidem docentur Grammaticuli, quæ recepta sunt usu populi Christiani, cum tamen in sacris literis non habeantur, hæc tamen esse servanda, ne cui simus offendiculo.

In *Profano convivio* docentur, magis obtemperandum Pontificum constitutionibus, quam medicorum consiliis: tantum admonentur, in necessitate cessare vigorem constitutionis humanæ, & mentem legislatoris. Ibidem probat quispiam benignitatem in monachorum collegia, modo detur ad usum, non ad luxum, & potissimum detur religionis disciplinam observantibus.

De constitutionibus humanis hæc pronuntiantur in colloquio *ixθvov ayia*. Pugnant qui volent, ego censeo leges majorum reverenter suscipiendas & observandas religiose, velut a Deo profectas; nec esse tutum, nec esse pium, de potestate publica sinistram concipere aut ferere suspensionem. Et si quid est tyrannidis, quod tamen non cogat ad impietatem, satius est ferre quam seditiose reluctari. Hujusmodi permulta Grammaticuli discunt ex meis colloquiis, quibus sic obmurmurant isti. Sed indecorum est, Theologum joci, saltem hoc mihi concedant apud pueros, quod ipsi permittunt sibi viri apud viros in vespertiis, ut vocant, rem insulsum insulso vocabulo.

Insulas calumnias, quas in Hispaniis objecere quidam, ostendi mera esse somnia hominum nec sobriorum, nec Latine scientium. Nec minus indoctum est, quod quidam pronuntiavit hæretice dictum, quod in Symbolo Pater dicitur simpliciter auctor omnium. Verum is deceptus inscitia Latini sermonis, existimat auctorem nihil aliud quam creatorem aut fabricatorem significare. Atqui si consulat eos, qui calant elegantiam Romani sermonis, si evolvat Hilarium, aliosque vetustos auctores, comperiet auctoritatem accipi pro eo quod Scholastici vocant rationem perfectissimam principii, eoque Patri peculiariter tribuunt, & auctoris nomine sæpe designant Patrem, cum personas inter se conferunt. An Pater recte dicatur causa Filii, nihil mea refert, cum nunquam eo verbosum abusus, nisi quod illud est verissimum, nos de Deo non posse loqui nisi verbis impropriis; nec magis proprium verbum est fons aut principium, aut origo, quam causa.

Jam hinc mihi perpende lector, quales sint interdum qui suis sententiis homines pertrahunt ad incendium. Nihil turpius, quam reprehendere quod non intelligas. At ista quidvis calumniandi febris quid aliud gignit quam amarulentiam ac dissidia? Quin potius aliena candide interpretemur, nec statim nostra pro oraculis haberi velimus; nec eorum judicia pro oraculis ducamus qui quod legunt non intelligunt. Ubi in consilio est odium, ibi cæcum est judicium. Pacificator univerforum Spiritus, qui suis organis variis utitur modis, faciat nos omnes concordēs, & unanimēs in sana doctrina, sanctisque moribus: quo contingat pariter ad cœlestis Hierosolymæ, quæ nescit ulla dissidia, consortium pervenire. Amen. Anno clō Io xxvii. xii. Calend. Junias. Basileæ.

D I A L O G U S
D E
RECTA LATINI GRÆCIQUE
S E R M O N I S
PRONUNCIATIONE.
A U C T O R E
DESIDERIO ERASMO
R O T E R O D A M O.

G E N E R O S I S S I M O A D O L E S C E N T I
MAXIMILIANO A B U R G U N D I A,
 D E S I D E R I U S E R A S M U S R O T E R O D A M U S,
 S. D.



Q UO tanto affectu nostras literas desideraris Maximiliane carissime, vehementer quidem grata mihi fuit amoris erga me tui testificatio, nec hac in re gravate morem gessi tuæ voluntati. Nam licet obrutus verius quam occupatus negociis, tamen epistolam αὐτόγραφον ad te miseram, quod facile conjectarem, eam ita tibi fore cariorem. Cæterum quod interceptam ægrius tuleris, quam si quid earum rerum perisset, quæ tibi maxime sunt in delitiis, magnam, ut ingenue dicam, ex tuo dolore voluptatem cepi, non dubiis argumentis perspicuens, te quum in Annæ clarissimæ sceminæ, aviæ tuæ, tum in ornatissimi patris Adolphi Principis Veriani, non vulgarem affectum, quem a teneris unguiculis in me conceptum, constanter, perpetuoque retinuit, velut hæreditario jure succedere. Verum ut dolorem istum, quem tibi nescio quorum infixit perfidia, mea civilitate leniam, pro epistola mitto libellum. De recta pronuntiatione, quam hodie maxima ex parte corruptam habemus in Græcis juxta ac Latinis. Hoc argumentum tibi dicare visum est, non tantum eo, quod ætati, studiisque tuis videretur accommodum, verum etiam quod magnam exemplorum partem ex Batavorum, Brabantorum & Gallorum populari sermone produximus, quas linguas omnes tibi non incognitas esse sciebam. Ut autem materiam, quoniam de rebus minutis subtiliter differit, per se minus amœnam, aliqua voluptatis illecebra lenocinioque commendaremus, dialogo rem tractavimus, subinde nonnihil adspergentes quod lectionis satietatem vel recreet, vel excludat. Porro quanquam audio te Lovanio in aulicam vitam avocari, nihil eo rumore deterritus sum a dedicationis instituto, sciens & in aula, præsertim Cardinalitia, dari locum studiis. Nam pietatis affectum, quem una cum literis ex Joanne Borsalo, Decano Veriensi, viro cum egregie docto, tum singulari morum integritate sanctitateque prædito, jam pridem hausisti, non oportet nec in aulis nec in castris deponere. Ita fiet, mi Maximiliane, ut & laudatissimum Cæsarem, quem nomine refers, ornamentis exprimas, & clarissimis majorum tuorum imaginibus, plurimum decoris ac lucis apponas: postremo aula Cæsareæ, totique patriæ, non vulgarem adferas utilitatem. Si libellus hic placebit, pro tuo candore communicabis adolescenti divina indole prædito Maximiliano ab Iselstein, reliquisque fodalibus tuis, quibuscum tibi non tam generis, opum aut dignitatis, quam eruditionis ac probitatis longe pulcherrimum certamen susceptum est. Bene vale, Datum Basileæ. Anno a Christo nato M D XXVIII.

G E R. J O A N N E S V O S S I U S

Aristarchi Lib. I. c. XXVIII.



E Rasmus qua occasione ad scribendum de Recta Pronuntiatione fueris impulsus, paucis cognitum arbitror. Itaque visum hac de re adjicere quod in scheda quadam habeo, scripta olim manu Henrici Coracopetræi, viri egregie docti, doctissimeque per familiaris. Ea ita habet. Audivi M. Rutgersum Reschium, Professore Linguæ Græcæ in Collegio Bullidiano, apud Lovanientes, meum piæ memoriæ præceptorem narrantem se habitasse in Liliensi Pædagogio, una cum Erasmo plus minus biennio, eo superius, se inferius cubiculum obtinente, Henricum autem Glareanum Parisiis Lovanium venisse, atque ab Erasmo in Collegium vocatum fuisse ad prandium; quo cum venisset, quid novi adferret interrogatum, dixisse (quod in itinere commentus erat, quod sciret Erasmus plus satis novarum rerum studiosum, ac mire credulum) quosdam in Græcia natos Lutetiam venisse, viros ad miraculum doctos, qui longe aliam Græci sermonis pronuntiationem usurparent; quam quæ vulgo in hisce partibus recepta esset. Eos, nempe, sonare pro B vita, ΒΕΤΑ; pro E ita, ΕΤΑ; pro αἰæ, ΑΙ; pro οἰ I, ΟΙ; & sic in ceteris. Quo audito, Erasmus paullo post conscripsisse Dialogum de recta Latini, Græcique sermonis pronuntiatione, ut videretur hujus rei ipse inventor, & obtulisse Petro Alosteni typographo imprimendum; qui cum, forte aliis occupatus, renueret, aut certe se tam cito excudere, quam ipse volebat, non posse diceret; misisse libellum Basileam ad Frobenium, a quo mox impressus in lucem prodiiit. Verum Erasmus, cognita fraude, nunquam ea pronuntiandi ratione postea usum; nec amicis, quibuscum familiariter vivebat, ut eam observarent præcepisse. In ejus rei fidem exhibuit M. Rutgers ipsius Erasmi manu scriptam, in gratiam Damiani a Goës Hispani, pronuntiationis formulam (cujus exemplar adhuc apud me est) in nullo diversam ab ea, qua passim docti & indocti in hac Lingua utuntur. Henricus Coracopetræus Cuccensis. Neomagi cIo Io LXXIX. pridie Simonis & Juda.

Videri hac quæcant, subjicit Vossius, alicui non tam adjutum, quam oppugnatum ire causam nostram; quippe qui statuamus optimo jure seculo nostro immutatam esse vulgarem Græcæ Lingua pronuntiationem. Verum cum Achillea sint pleraque omnia, quibus ab Erasmo atque aliis refellitur vulgaris isthac loquendi ratio; neusquam in animum inducere possum, quod Erasmus eam retinuerit, nec amicos ab ea deterruerit, id eo factum, quod editi libelli pœniteret; verum magis mihi verisimile fit, cum meliora videret probaretque, deteriora tamen sequuntur; sive quia a puero sic loqui adsuevisset: sive quod desperaret suo se exemplo alios ad imitationem provocare posse: sive quod loquendum putaret cum vulgo, sapiendum cum paucis, ut præcipit τῷ ἀνδρείῳ Philosophus. Hactenus Vossius. Monendi etiam sunt harum rerum studiosi, ut, lecto Erasmi Dialogo, legant etiam Joan. Rodolfi Wetstenii orationes pro Græcæ & genuina Lingua Græcæ pronuntiatione, quibus Erasmi sententiam oppugnavit, editas Basileæ anno cIo lbc LXXXVI.

DESIDERII ERASMI ROTERODAMI
D E
RECTA LATINI GRÆCQUE SERMONIS
P R O N U N C I A T I O N E
D I A L O G U S.

P E R S O N Æ,
U R S U S, E T L E O.



URSUS. Sit felix occurfus, optime Leo, nam totos sex menses te non vidi. **LEO.** Istuc non temere precaris, Urse, neque enim quibuslibet bene cessit occurrisse Leoni. **VR.** Næ venuste, Leo, Imo ne Urfo quidem. **LE.** Istuc sane malo tibi credere quam facere periculum, tamen legimus Leonem inter bestias fortissimum ad nullius occursum expavescere. Cæterum Divinæ literæ testantur esse formidabilem occursum Urse, cui sint erepti catuli. **VR.** Quæso quid loquuntur de Urfa? **LE.** Liber Regnorum secundus sic habet: *Viros fortissimos et amaro animo, veluti si urfa raptis catulis in sylva sæviat.* **VR.** Quid præterea? **LE.** Solomon parcemiographus hunc in modum loquitur: *Expedit magis occurrere urse, raptis fœtibus, quam stulto confidenti.* Et apud Osee Prophetam ita minitatur Deus: *Occurrat eis quasi urfa raptis catulis.* **UR.** Sit igitur impavidus Leo, quum bestia bestiis occurrit. Nam si qua fides apologis, Leo bestia fassus est formidabilem hominis occursum. Nunc seculum est aureum, quo Leonis Urfo, Urfi Leoni lætus ac faustus est occurfus. Opportune vero catulorum facta mentione mihi redigis in memoriam, ego tibi magnopere gratulor. **LE.** Quo tandem nomine? **UR.** Quod tibi catulus domi natus est. **LE.** Hoc omen avertant Superi, ut mihi catulus dominetur. **UR.** Ajo domi natum; audis accentum acutum in priore voce, in posteriore circumflexum. **LE.** At istud magis etiam abominandum. An tibi videor canis? **UR.** Minime, Leonem esse te non potes inficiari. Habent autem & Leones catulos. **LE.** Habent profecto, verum habent & Urfi. **UR.** Vera prædicas. Nam Urfula mea parit mihi plures catulos & catulas quam velim. **LE.** Quot tandem? **UR.** Quot? Examen est, jam pridem desii numerare. **LEO.** Cur igitur mihi gratularis, quod in te ipso deploras? **UR.** Quia soles frequenter optare, ut tua Leæna pareret tibi leunculum. Nunc habes optata. Nos votorum compoti gratulamur. **LE.** At hic leunculus me jam nunc sollicitum habet. **UR.** Quid est rei? Num puer habet male? **LE.** Nequaquam. Sed meditor efficere, ut vere catulus hominis videri possit. **UR.** Num forma prodigiosa fœtus est? **LE.** Nequaquam. Imo si videas, dicas scitum infantem. At forma non facit hominem, quam habemus communem cum stutis. Animo sumus, vel homines, vel bestiae. **UR.** Unde quæso isthæc incessit animo tuo cura? **LE.** Quia Galenus me docuit, hominem a cæteris animantibus, quæ vocamus *ζῷα*, discerni non ratione, sed oratione. **UR.** Intellego, metuis ne tuus infans, semper sit infans. **LE.** Nequaquam. Videtur enim satis linguax futurus, adeo nunc garrit, nimirum matrem referens. **URS.** Quid igitur metuis? **LEO.** Quia video complures non humana voce loqui, sed latrare cum canibus, hinnire cum equis, grunnire cum suis, mugire cum bubus, gannire cum vulpibus, stridere cum cicadis, blaterare cum camelis, barrire cum elephantis, frendere cum apris, fremere cum pardis, gemere cum urfis, rudere cum asinis, balare cum ovibus, strepere cum anseribus, garrire cum picis, cornicari cum cornicibus, crocicare cum corvis, crepitare cum ciconiis, sibilare cum anseribus: denique quodvis animal referre potius quam humano more loqui. **UR.** Næ tu, per anserem, voces animantium probe tenes, nec prorsus abhorrent a vero quæ prædicas. **LE.** Ad hæc perspicio, quantum recta pronuntiatio commendat orationem, adeo ut interdum duobus eadem lingua pronuntiationibus, alter veluti Citharædus quispiam modulatissime canens, aures omnium habeat intentas, alter molesto latratu tædium moveat omnibus, nec alia videatur pronuntiatio, sed alia prorsus oratio, imo quidvis potius quam oratio. **UR.** Quod dicis, sæpenumero comperi experimento.

A Sed tu, mi Leo, præpropere curam istam suscipis. Tuus enim infans nondum vagire desiit, & tu sollicitus es quomodo loquatur? **LE.** Ego nullam ætatem ad discendum arbitror immaturam, præsertim in his quibus discendis statim natura composuit, & ut ita loquar, finxit hominem. Quorum de numero cum primis fermo est. Nec enim magno negotio canum fœtus discunt adulari, aut leporem cursu petere. Mox ut natæ sunt simiæ incipiunt gesticulari, protinus ut nati sunt aquilæ pulli, ad prædam gestiunt, & fœlium catuli muribus insidiantur, equorum filii statim ad cursum properant, ut aves ad volatum: non perinde successura re, si bovi clitellas imponas, aut bubalum ducas ad certamen equestre. Provida natura primum earum rerum docilitatem inserit, quæ cuique animanti propriæ sunt, & ad vitam tuendam necessariæ. Dum enim repit puer, dum nihil humanæ vocis edit, quadrupedi videtur ad similes, nec agnoscimus hominem. Verum ubi jam nostra verba meditari coeperit, tum demum ut ex nobis prognatum exosculamur. Et videmus in pueris recens natis, velut in psittacis, studium quoddam nativum, ac voluptatem etiam æmulandi, reddendique quod audierint tanta docilitate, ut prius auribus agnoscant consuetas voces, quam oculis dignoscant vultus. **UR.** Isthuc ego in meis catulis magna cum voluptate frequenter animadverti, risique. **LE.** Præterea nihil videmus in omnem ætatem hæere tenacius, quam quod rudibus illis annis, & cum lacte, quod dici solet, nutricum imbibimus. **UR.** Sic est profecto. **LE.** Proinde si cura fingimus tibias infantum ad gressum, si buccas, os, faciem, ac reliquum corpus vincituris quasi formamus ad decorem, oculis etiam studio prospicientes, ne peti, strabive, aut alio quopiam vitio deformes evadant, quanto magis curandum est, ut lingua studio nostro formetur, quum non aliud membrum sit volubilius, & in omnia sequacius, tum ex hoc pendeat totius hominis decor ac felicitas, in summa, ut homo sit non bellua. **UR.** Id satis declaravit noster Erasmus, qui nuper de lingua hominis linguacissime scripsit. **LE.** Proinde jam nunc circumspice, si quem nancisci queam bonum Poetam, cui mox catulum meum, dum adhuc uda est argilla, tradam in sinum, ut fari discat. **UR.** Quorsum tandem opus est Poeta, nisi forte computationem insituis, ad quam si non adhibebis nisi bonos Poetas, habebis admodum rarum convivium? **LE.** Equidem sequor monitorem Horatium, apud quem legi, *Os tenerum pueri, balbumque Poeta figurat.* **UR.** Possunt quidem & istuc boni Poetæ; verum Horatius, opinor, non adeo contempsit Poetas, ut eos infantulis erudiendis vellet occupari, quod Literatorum & Grammaticorum est munus. Sed quoniam Poetarum scripta primum omnium ætati rudi proponebantur, unde ceu per lusum & lectionem & pronuntiationem & electissima quæque rerum vocabula discerent, sic a Poeta dixit os pueri figurari, quemadmodum Demosthenes diceretur me Græce docere, si quis Græce peritus mihi Demosthenem prælegeret. **LE.** Hic tecum non contendero. Nam parvi refert. Quanquam arbitror Philippum Regem sapuisse, quum Alexandrum suum statim, ut natus est, tanto Philosopho traderet in gremium. Bonum igitur Grammaticum mihi quæro. **UR.** Nec isti minus rari sunt hodie, quam boni Poetæ. **LE.** Ridiculum, quasi Grammaticorum non plena sint omnia. **UR.** *Πολλοὶ βέλντας, παῦροι δὲ τὴν γῆν ἀροτῆρας.* **LE.** Imo tam vilis est ubique Grammaticorum annona, ut tres minoris liceant, quam unus cantherio. **UR.** Rursus audies illud e Græcorum triuis, *πολλοὶ τοὶ μαθητικοὶ, παῦροι δὲ τὸ βάκχοι*, nisi forte tu Grammaticum esse putas, qui salutatus Latine, citra solæcismum norit resalutare, nec in numero peccans, nec in casu, nec in genere vocis. **LE.** Hoc nunc vulgo putant.

Tom. I.

Mmm

tant

¹ Multi pungunt boves, pauci vero terra matores.

² Multi quidem ferunt thyrsum, sed pauci a Baccho afflati.

tant esse Grammaticum. Ur. Atqui Quintilianus, præter illas notissimas præceptiones, a Grammatico exigit enarrationem Poetarum, cognitionem historiarum, peritiam antiquitatis, scientiam utriusque linguæ, copiam emendandi lectique sermonis. Super hæc omnia, non satis est illi Grammaticæ dicere, nisi & Latine dicat, quorum illud e præceptionibus & analogiis petitur, hoc ex Latine loquentium consuetudine. Le. Eadem opera exigit a Grammatico cognitionem omnium disciplinarum, quandoquidem in Poetis frequenter incidunt, quæ ad Musices, Geometricas, Arithmeticas, Astrologiæ, Medicinæ mysteria pertinent: adde his si libet Magicen. Nam absque rerum naturalium & Cosmographiæ scientia, quis est locus in Poetis, quem recte possit exponere Grammaticus? Ur. Ut civiliter agas cum Grammatico, nec exigas exquisitam harum rerum scientiam, certe rudem earum non oportet esse, quem dignum censeas cui pueritiam credas instituendam. Nec enim quoniam Grammatici est enarrare *Arma virumque*, protinus exigemus ut sit Pyrrhus, aut Annibal, aut quoniam enarranda Maronis Georgica, sit peritus agricola, aut quoniam exponenda Æneæ navigatio, sit absolutus nauclerus, non magis quam si tractet locum de re culinaria, flagitamus ut sit Apitius. Attamen quid dicet Grammaticus, qui prorsus nescit telorum machinarumque formas & usus, qui non intelligit figuras in ordinem digesti exercitus? His quidem rebus interfuisse, non parum contulerit, id si non contigit, ex libris auctorum, ex eorum qui interfuerunt narratione, ex picturis, quantum Grammatico satis est, discere licebit. Ad eandem rationem de cæteris sentiendum arbitror. Le. Istud Grammaticorum genus fortassis olim fuit, nunc obsolevit. Ur. Prorsus, & ideo liberi nostri postea quam apud istos pene consenuerunt, tales redeunt nobis domum, ut vix arboris, aut piscis, aut herbæ verum nomen possint edere. Verum si seria nobis esset Reipublicæ cura, nihil vetat quo minus & hæc secula sint habitura Servios, Donatos, Victorinos, Terentianos, Asperos, Cornutos, celebriora nomina, quam sint aliquot Cæsares. Nunc Grammatici cognomen pene sordidius est quam pellionis aut aurigæ. Ur. De reliquis nescio, certe asperos & cornutos non deesse scio. Et tamen ex huius disciplinæ neglectu scatet orbi tam pudenda disciplinarum & optimorum auctorum internecio, tamque fœda balbuties. Le. Ad quos ista cura pertinet? Ur. Ad quos, nisi ad Principes ac Magistratus, aut certe ad Præsules? Le. Quam aliam ab his curam exigit? Nonne passim habent ludos literarios? Nonne magnis prærogativis & immunitatibus Principes ornant Academias, designatis etiam iustis salariis? Lutiæ quot sunt collegia pueris erudiendis dicata? Ista Præfulum est liberalitas. Fuiſti ne unquam apud Anglos? Ur. Insulam omnem lustravi. Le. Quam illic vides regias collegiorum structuras, nec defunt ampli census provocandis, alendisque juvenum ingeniis. Ista Principum ac Præfulum est munificentia. Quid ultra flagitas? An expectas ut ipsi sedeant in ludo docturi pueros? Ur. Nequaquam, etiam si summum illum Præsulem Gregorium non puduit ludimagistrum agere. Duo quædam ab illis requiro, delectum magistris, & præmii pro merito docentis moderationem. Le. Non satis assequor quid tibi velis. Ur. Dicam crassiore Minerva. Ad huius aut illius commendationem quemvis ludo præficimus, fere indoctum, interdum & moribus improbis: non huc spectantes, ut rei carissimæ, civium liberis omnibus consulamus, sed ut unius famelici ventriculo prospiciamus, accuratius circumspicientes cui committamus unum equum, aut canem venatorem, quam cui credamus totius civitatis pignora. Le. Haud multum aberras a scopo. Ur. Jam si quem nacti fuerimus dignum ea provincia, nulla habetur hominis ratio, neque pilo fit plurius quam quivis alius e plebe. Imo malunt bellum compotorem, quam vigilantem pueritiæ formatorem. Le. Quid hic tu facturum sis, si tibi delegemus magistratum? Ur. Utinam delegetur. Le. Creamus te Musis faventibus studiorum Dictatorem, cura ne quid Respublica literaria capiat detrimenti. Ur. Primum ex omni civium numero deligam mihi virum ætatis non quidem decrepitæ, sed tamen provectæ, vigilantem, industrium, bonæque fidei, qui maximam ætatis partem in hoc literarum genere non infelicititer transegerit. Le. Quid si talem inter tuos non inve-

nias? Ur. Accersam vel a Gadibus, ut ajunt. Huic non præscribam certum salarii modum, verum ea formula paciscar cum eo, quæ convivor ille, cujus meminit Aristoteles; cum Clitharædo, sed fide meliore: quo diligentius fideliusque docueris, hoc plus feres a nobis præmii. Si felleris expectationem nostram, te ipsum magis quam nos fefelleris: Sin responderis, efficiam ut dicas tibi cum Republica nequaquam ingrata rem esse. Si porro quod optamus, etiam superaris, non patiemur, quod quidem in nobis erit, nostram benignitatem officiis tuis superari. Ad hoc certamen accingere bonis avibus. Le. Quis istum deliget? Ur. Quis alius quam ego Dictator? Le. Verum de arte negant recte judicare quemquam nisi artificem. Ur. Fateor. Le. At quid faciet Dictator ipse literarum rudis, ut fere sunt qui Magistratum gerunt? Ur. Ex eruditorum suffragiis rem geram. Le. Atqui hic rursus fallit delectus, si vel imperitus sit, vel prave doctus, vel malæ fidei, is cujus iudicio niteris. Ur. Eum deligam quem fama potissimum commendavit. Le. Famam mihi narras? At paucissimis, ô bone, tutum fuit famæ credere. Ur. Colligerem eruditorum puncta. Le. Eodem relabitur quæstio. Quid si pro eruditis deligas eruditionis ostentatores, quid si impostores, quid si finitri iudicii homines? Nosti palliatos istos sine quibus nihil rerum geritur. Improbis, fuci, præstigiis, quæstus omnia vitians, faciunt ut delectus sit difficillimus. Ur. Veris vincor, optarim te vana loqui. Le. Sed ut feliciter eligas, & in his quos selegeris sint aliquot vere docti, utri parti subscribes variantibus sententiis? Ur. Majori. Le. Sed nunquam ea fuit, aut est, aut erit felicitas rerum humanarum, ut quod optimum est, pluribus approbetur. Ur. Non mentiuntur omnia. Et vir qui sapit, quique, ut Plautus ait, ætatem habet in pectore, ex multis conjecturis aliquanto certius divinat, quam quivis augur, aut aruspex ex avibus præpetibus, & oscinibus, aut solistimis tripudiis, aut extorum fibris. Postremo in re tam seria, non gravabor comprecari divos, ut suo favore rem bene fortunent. Le. Cassianum opinor. Ur. Imo Christum ipsum. Nec enim illorum curam posuit, opinor, quos semel complexu suo dignatus, iussit ad se perferri, beneque precatus est illis, qui quod precatur, idem præstare valet. Le. Sed quas tandem conjecturas mihi narras augur & aruspex? Ur. Exquiram num bonis prognatus, num liberaliter educatus, num proborum convictu delectetur, num ipse probatis hominibus carus sit & amicus, num magis delectetur libris, quam computationibus aleæ, observabo mores, gestum ac sermonem hominis, an neque segni demissioque sit ingenio, neque rursus iracundo ac jactabundo. Denique contemplantur vultum, frontem & oculos hominis. Le. Jam ex augure fies physiognomus. Ur. Dispiciam quales evaserint, quos ille formandos susceperat. Le. Homini cordati sermonem audio. Nemo statuat faciendam locat artifici, nisi prius inspectis aliquot signis, quæ ex illius officina prodierint, & nos citra specimen omne liberos formandos temere cuivis committimus, diligentiores in ære marmoreve credendo, quam in his quæ nobis cariora sunt, quam sumus ipsi nobis. Ur. Recte dicis. Ex tot igitur rebus an dubitas hominem non omnino stultum, & usu rerum edoctum, posse certo divinare? Le. Certius, opinor, quam ipse Calchas Homericus. Verum in re non magna videberis magnam operam sumere, sic Literatorem deligens, quasi deligas Præsulem. Ur. Aliud sonant chordæ tui pectoris, vir egregie, aliud linguæ plectrum. An tu credis minus referre civitatis, ut sit probus pueritiæ formator, quam ut sit probus Episcopus? Eadem est utriusque functio, nisi quod hic fingit ætatem teneram, ille jam adultam, atque ut par sit ars, Literatoris operosius est negotium, & ob hoc utilius, quod materiem fingit magis obsequentem digitis. Le. Quid igitur superest, nisi ut Grammaticum iisdem ornes insigniis, quibus Episcopum, unctiōne, chirothecis, mitra, gemmis, pedo, pallio? Ur. Nihil absurdi fuerit, ô vir præclare, utcunque rides. Quamquam quid refert? Habet ille pro pedo ferulam, & si magis placet regalis collatio, habet pro folio cathedram, pro fascibus & sceptrō virgam & ferulam. Le. Adde pro satellitū pediculos. Ur. Leges figit ac refigit pro suo arbitratu, penas fumit ac remittit, & quod est regali potestate sublimius, perpetuam agit dictaturam. Nam illis dictare quotidianum est. Le. Dictant nimirum usque ad ravim interdum, capitique

tisque vertiginem. Sed extra jocum, plane fateor nihil esse regno similis quam agere ludi literarii magistrum. Nec aliud spectabat Nero, si contigisset excuti regno, nisi ut alicubi ludo præfectus Musicam doceret & literas. Nec moriturus aliud deplorabat, quam quod tantus artifex periret. Nec Dionysius sibi videbatur prorsus regno spoliatus, postea quam Corinthi ludi præfecturam esset adeptus. UR. Utinam plerique non sint Tyranno similiores quam Regi. LE. Habes igitur Grammaticum ex animi tui sententia, libet enim hoc fingere, quomodo tractas hominem? UR. Non finam esse inter fordidos, sed optimis & honoratissimis quibusque civibus eum tradam, ut intelligat se vivere in civitate, in qua virtuti recteque factis habeatur honos. Nec tamen ad aliud munus vocari patiar, quam suscepit. Sola ætas ingravescens impetrabit illi rudem, sic tamen, ut fruatur sua virtute, & consiliis adsit, si minus queat opera. Currenti adhibebo antagonisten, qui citra contentionis amarulentiam vicissim & excitetur & excitet. LE. Quid si gaudeat commutare locum, ut fere est hoc hominum genus? UR. Alligabo catenas aureis. LE. Tui collegæ non patiuntur tanti constare Ludimagistram. UR. Verum tu videris oblitus, quod mihi paulo ante tradideris Dictaturam. LE. Sic est profecto. Exciderat, sed reddo Dictaturam. UR. Imo, si vis, jam pono magistratum, & collegis meis persuasurus sum ut alibi potius quam hic sint frugales. LE. Quibus rationibus id efficias? UR. Primum ostendam ex hoc fonte potissimum manare salutem, aut perniciem civitatis. Commemorabo quantum ex ærario depromatur in respene nihili. LE. Omitti poterat istud pene. UR. Ad hæc, quot Canonicos alit una nonnunquam ecclesia, quorum singuli quotannis capiunt aureos quadringentos? LE. Et eo amplius apud nos. UR. Non hæc eo dico quod illis invidiam. Dignos arbitror uberius præmiis, si suo fungantur officio. Sed illud mihi dicas, velim, uter plus adfert momenti ad commoda Reipublicæ unus Canonicus, an unus Ludimagister? LE. Ludimagister si modo probus sit, plus adfert utilitatis, quam tres Canonici, quam libet in templi stationibus assidui. UR. Cur igitur alter clarus, alter fordidus habetur: alter cum dignitate capit census uberes, alter vix tantum, ut famem effugiat? LE. Vis igitur, ut Ludimagistro duplum & dignitatis & census decernamus? UR. Minime. LE. At promeretur plus quam triplum. UR. Dignitas ac præmium paratum digno pariter atque indigno, invitet improbos ad prædam, quemadmodum nunc contemptus & mercedis exiguitas alienat probos. LE. Quid ergo facies? UR. Ego hæc nolim muneri conjuncta esse, sed meritis & officio tribui, ac dispensari verius quam dari. LE. Perdifficilis est provincia, & ad ocium proclives sumus omnes. UR. Eoque crebris adhortationibus ac munusculis excitarem hominis industriam, nec omnino committerem eam provinciam, nisi diligenter edocto, quam arduum munus susciperet. Quin & sanctissimo jurejurando adigerem, quemadmodum olim Magistratus tradebatur Consulibus, prærem formula: Devoeo me meosque omnes, si quid sciens fefellerero. LE. Adjunge & Jovem lapidem. UR. Quidni? Et si quid hoc etiam firmitus. LE. Quid si incidisses in postorem? UR. Eum pro suis ornare virtutibus, ut ne quis alius facile sciens idem auderet in posterum. LE. At novi civitates non in postremis celebres, ubi conducti Professores insigniter eruditi, non inveniunt qui vel gratis audire dignentur. UR. Ignavum hominum genus mihi narras, quod nuper sub umbra pietatis cœpit exoriri. Hos ego veluti fucos ab alvearibus abigerem. Quanquam & hujus rei bona pars in Professoribus sita est. Non enim minus est accendere studium adolescentiæ, quam alere. Facile multa discit, qui discendi est avidus. Proinde non parum promovit, qui docuit amare literas. LE. Istiusmodi Doctorem optare proclivius est, quam nancisci. UR. Verissima prædicas. Atque istud ipsum frequenter apud me demirari soleo. Multos incitat pietas, ut ex ultimis terræ finibus proficiantur Hierosolymam, magno rerum dispendio, non nullo item vitæ periculo, quidam nudis pedibus, nonnulli etiam lorica ciliciove cutem affricantes Romam aut Compostellam adeunt. Multis hic incescit affectus, ut relictis omnibus quæ possident, dedant semet in arctissimum vitæ genus, puta Cartusianorum, Gulielmitarum, aut Brigensium. Nec desuerunt qui sese in speluncam abdiderint,

A nunquam inter homines prodituri, nec solem hunc communem adspecturi. Ex tot hominum millibus mirum est tot seculis neminem existere, qui gratis suoque sumptu pueros formandos suscipiat. Si labor quæritur, hic laboris abunde est: Sin utilitas, quibus obsecro modis queas uberem utilitatem adferre rei Christianæ: Sin pietas, quod tandem sacrificium Deo gratius offerre possis? Si benefacta metimur caritate, quid confert proximo, si Compostellam, Romam, aut Hierosolymam curras? Eos labores arbitror Deo gratissimos, qui cum plurimorum utilitate conjuncti sunt. Hi quum nusquam desint, quid attinet alios accersere? qui, si quid conducunt, uni conducunt, aut certe paucis, & his ad quæstum verius quam ad pietatem. Reperiuntur qui suas opes largiter effundant extruendis templis. Fateor pium esse sumptum. Verum ex tot millibus demiror adeo paucos exoriri, quos juvet hic esse benignos. LE. Satis feliciter ageretur cum rebus humanis, si vel pretio conducì queant. UR. Quid causæ? LE. Quid, nisi plerique in rebus præposita cæcæque mortalium judicia? UR. An his non putas esse medendum? LE. Medere mari, si potes, ut dulcescat. Sic sunt res & ingenia mortalium. UR. Huc certe adnendum, ut minus habeant mali, si ut bene, perfici non potest. LE. Licet quidem optare. UR. Quid vetat, quo minus & efficere? LE. Nihil facilius, modo queas efficere, ut sapiant homines. Nunc maxima pars mortalium amat falli: adeo ut si desit qui id faciat, ipsi imponant sibi. UR. Nimum vera loqueris. LE. Quin & illud observatum est mihi, vix unquam usu venire, ut fidelis pueritiæ formator operæ præmium ferat ex suis discipulis, quum norim multos pueritiæ corruptores, hoc est, qui non minus male studiis illorum prospexerint, quam moribus, hoc quæstu magnifice locupletatos. Sane id fato quodam fit, si ve ætatis illius inscitia, si ve ingratitude, ut jam non temere videatur Græcorum proverbio dici, *Beneficium non esse conferendum, nec in puerum, nec in senem*: in hunc quia perit antequam gratiæ referendæ detur opportunitas: in illum, quia non meminit. Ad dendum autem erat, quia non intelligit, & si intelligit, odit hoc beneficii genus. UR. Ætas adferre solet judicium. LE. Fateor, in nonnullis, in plerisque malitiam adfert. UR. Sic est, sed tamen nonnullis in tractanda ætate tenera deest dexteritas. Non enim satis est præceptorem esse doctum ac probum virum: comitas quædam & commoditas adit oportet, qua & ferat ætatis, quam tractat, inscitiam, & semet ad illius naturam accommodet; nutricum, videlicet, exemplo. Quemadmodum medico non satis est nosse, quod pharmaci genus sit præscribendum, nisi sit artifex administrandi. Nam & fallendus interdum est ægrotus, ut beneficium imprudens accipiat. LE. Unde tanta rerum humanarum infelicitas? Pueri nec sentiunt beneficium, nec meminerunt, juvenes non ferunt habenas, senes non referunt gratiam. Et ajunt, *quod mulieri benefeceris, fere perire*. UR. Unde, nisi ut Christianæ caritati nusquam deesset exercendæ benignitatis materia? Quæ si desit, nihil effecerit humana providentia. Quin potius sæpenumero fit, ut quæ sunt summa cura summaque ratione constituta, vergant in partem deterrimam. Quod enim ad scholas attinet, nihil olim videtur prætermisum, quod hominis consilio prospici quiret. Institutæ sunt scholæ, quas ob omnium disciplinarum publicam professionem vulgus appellat *Universitates*. In has & Romani Pontifices, & Principes contulerunt quicquid potuerunt vel dignitatis, vel munificentiæ, extructa collegia, digestæ disciplinæ, designati Professores, addita salariæ, distincti incipientium, proficientium, consummatorum gradus, honores, & emolumenta. Prospectum est & tenuibus, qui illic plerique ditescunt. Habent Rectorem, Sceptringeros, Cancellarios, Conservatores, Decanos, aliosque Magistratus. Quid quæris? Regnum quoddam esse dicas literarium. Jam de minoribus scholis non segnius est habita cura. Harum cura majorum providentia bifariam partita est, ut præcipua sit penes Sacerdotum collegium, altera penes Magistratum; additus est peculiaris hujus negotii Præfectus, quem Scholasterem vocant (Scholarchus dici poterat) sub hoc Ludimagistri. Et tamen tam sollicita providentia non potuit efficere, quo minus in omnibus fere scholis seculis aliquot regnarit operosa barbaries. Proinde Joannes Coletus, vir æterna dignus memoria, quum templo divi Pauli scholam puerilem addidisset, nulla cura magis

torquebatur, quam in quos ejus rei Præfecturam delegaret. Episcopi judicant hanc rem indignam sua sollicitudine. Scholasteres censibus recipiendis se potius quam scholæ curandæ datos arbitrantur, & pulchre sibi videntur suo functi officio, si Ludimagistros non deciment. In collegiis Canonicorum fere semper deterior pars superat. Magistratus vel judicio carent, vel indulgent privatis affectibus. LE. Quid tandem consilii reperit? UR. Hominem conjugatum, & liberis divitem scholæ præfecit. Provisionem delegavit aliquot civibus laicis, quorum probitatem habere sibi videbatur exploratam, ut ab his in hæredes proximos derivaretur. LE. Num ea providentia securum reddidit? UR. Minime. Sed hic agebat sibi videri minimum esse periculi, ut tum habebant res humanæ. LE. Unde nunquam illorum judicio potui subscribere, qui vitiis hominum offensi, protinus tollendum censent quod institutum est: veluti monasteria quidam censent abolenda, quod in quibusdam collapsa sit vera religio: Præfulum & Canonicorum ordinem postulant abrogari, quod nonnulli secus quam decet vivant. Idem decernunt de ludis & pædagogis, quia displicet quorundam institutio, quasi statim quod in horum locum fuerit substitutum, aut cariturum sit omni crimine, aut in vitium non facile possit degenerare. Quanto satius est id, quod recte fuit institutum, sarcire, ad quædam interim conniventes, id quod eo facilius erit, si reputemus rerum humanarum conditionem, in quibus ut sint prosperrimæ, nihil est ab omni parte beatum, semper erit quod desideres, quod facias, quod instaures. LE. Est igitur aliquid perspicere fontes unde scatet malum, deinde qua ratione liceat mederi. UR. Ne recedamus ab instituto, hujus mali præcipua pars mihi videtur oriri ex publicis scholis, quas ambizioso vocabulo, ut dixi, nunc appellant *Universitates*, quasi nihil absit bonæ disciplinæ: tum ex Monasteriis, præsertim iis, in quibus instituuntur ad doctrinam Evangelicam, quod genus sunt Dominicanorum & Franciscanorum & Augustinen-sium. In his enim adolescentes vix trimestri studio Grammaticæ dato, protinus rapiuntur ad Sophisticen, Dialecticem, suppositiones, ampliaciones, restrictiones, expositiones, resolutiones, ad gryphos & quæstionum labyrinthos, hinc recta in adyta Theologiæ. Tales, ubi ventum est ad eos auctores, qui utriusque linguæ facundia præcelluerunt, Deum immortalem! ut cæcutiunt, ut delirant, ut sibi videntur in alio prorsus esse mundo! Quoniam autem semel sumpto leonis exuvio pudet inficiam fateri, simul autem & pudet & piget neglecta discere, bellum indicunt rectoribus studiis, & horum Professores odio plusquam Vatiniano persequuntur. LE. Istiusmodi multos nimium cognitos habeo. UR. Parentibus imperitis instillant in aurem, ne sinant liberos suos frivolis studiis ætatem perdere, persuadentes in his & bonis moribus, & Christianæ fidei, subesse naufragia. LE. Nihil fingis. UR. Jam in collegiis, sive pædagogis quibusdam magna in hac recessatio est. LE. Qui sic? UR. Si non reciperent nisi jam Grammaticæ rei peritos, nec aliud profiterentur quam Philosophiæ disciplinas, & eruditiores nobis darent, & ipsi minus haberent negotii. LE. Verum, sed & compendii minus. UR. Rem acu tetigisti. Nunc quo quæstus sit uberior, quamlibet elementarios ac propemodum *ἀναγκαῖους* recipiunt. Tolerari poterat hoc, si digestis ordinibus & classibus, in singulas artifices idoneos præficerent, tum huic disciplinæ, cui veluti fundamento nituntur omnes, justam curam, justumque tempus darent. Nunc Sophisticis argutationibus plus æquo datur, & hæc disciplina, qua non alia magis est necessaria, velut obiter & in transcursum gustatur verius quam discitur. Moxque pueri rapiuntur ad titulos honoratioris, unde Magistris plusculum accedit lucri. LE. Ita, nimirum, fit, ut qui plus æquo properant in initio, serius perveniant quo volunt. UR. Nec huic professioni suus habetur honos, quemadmodum cæteris. Aliis enim honoris causa titulus additur a baculo, aliis a licentia, alii salutantur Magistri artium, Doctores Medicinæ, Doctores Juris Cæsarei, Doctores Juris Pontificii, Doctores utriusque, traduntur insignia, prærogativæ, dignitas. At Grammaticus nihil aliud est quam Grammaticus, quemadmodum calcearius nihil aliud est quam calcearius. LE. Quos tu credis a baculo cognomen habere, equidem accepi a bacca lauri dictos. UR. Si res hæc tibi curæ est, dicam quod ex quodam hierophanta seu mystagogo talium rerum didi-

ci. LE. Percupio. UR. Is attulit triplicem hujus cognominis etymologiam, mea sententia, non absurdam. A baculo, inquit, dicuntur bacularii, vel quod adhuc in pistino laborantes, baculis impellantur jumentorum ritu: vel quod nondum in disciplinis absoluti, opus habeant rectore baculo. LE. Probabile narras. UR. Scis autem lauro baccas esse nigras & amaras, porro quoniam id temporis etiamnum arrodentes amarum sapientiæ corticem, nondum ad nucleum dulcissimum penetrarunt, baccalaureos appellari placuit. LE. Istud etiam probabilius. UR. Verum mystagogus ille tertiæ sententiæ palmam tribuebat. LE. Quam tertiam adferebat? UR. Arbitrabatur dictionem compositam a vacca & laro, vaccalarius. LE. Bella mixtura vaccæ cum avi. UR. Imo probabis si cognoris rem omnem. Scis aliquot nationes pro b, sonare v, consonantem, & contra. LE. Novi. UR. Et vacca lac porrigit. LE. Ajunt. UR. Et larus avis est avidissima. LE. Istud me docuerunt Erasmi proverbia. UR. Jam de amabili illo sapientiæ Principe dictum est: *Mel & lac sub lingua ejus*: unde quos vehemens quidam ardor hujus lactis agit rapitque, vaccalarii dicuntur. LE. Quin igitur capralarii dicuntur potius, quum lac caprinum a Medicis præferatur bubulo? UR. Quia plus lactis reddit una vacca, quam capræ tres, præsertim apud Phrysiis. LE. Pulchre quidem hoc expediti. Sed unde licentiæ vocabulum? UR. Et hoc me docuit ille mystagogus. Qua quidem in re vulgus errat periculose, credens illis jam licere quod libet, velut ab omni honesta functione dimissis, eoque nonnulli tum se dedunt ocio, quum maxime sint suscipiendi labores. LE. Idem error & me, fateor, hæcenus habuit. UR. Atqui seculus habet. Hæc licentia non ducitur a licet verbo impersonali, sed a licere, quod est ex eorum numero, quæ Græci vocant *αὐτοπαθητικά*, quod genus est vapulo, unde deductum licitari. LE. Quis hoc divinasset? UR. Tum enim plurimi fiunt, & velut a licitantibus accersuntur, alius ad aulam, alius ad curam pastorem, alius ad Abbatiam, alius ad opimam Præbendam: in summa, alius alio. Longum est enim omnia commemorare præmia. LE. Scite tu quidem hæcenus. Sed unde magistri nostri? UR. Honoris causa Græce dicuntur Theologi, Hebraice Rabbini, quod Latine sonat Magistri nostri. LE. Intellego. Talibus igitur cognomentis honorandum censet & Grammaticum? UR. Quid ni tales, quales fuerunt Donatus & Servius, dicantur Doctores Grammatices, quam proclivius sit vel in triplici jure Doctoris nomen, quam semel boni Grammatici titulum, promeruisse? LE. Da Servios, dabimus honores. UR. Imo tu da honores, ego dabo Servios. Honos enim non solum alit, verumetiam gignit artes. Adderem Dictator & locum honoratum in consensu, & insignia, reliquaque debita viris præclaris ornamenta. LE. An tibi parum est, si literatores insigniti literis incedant ut Samii, quemadmodum ajunt? UR. Adderem & scholis ipsis mundiciem ac dignitatem, quum nunc vix sit ara porcorum sordidior. LE. Pueris ne tantum honoris? UR. At hi pueri templa sunt Spiritus Sancti, in his plantariis latent Senatores, Magistratus, Doctores, Abbates, Episcopi, summi Pontifices & Cæsares. Quo infirmior est ætas, hoc plus addendum est honoris, juxta Pauli doctrinam. Postremo hi parvuli sunt, quorum unius cujuslibet offensionem Christus voluit atrocissimo supplicio puniri, & asinis male docentibus molam asinariam alligari, itaque demergi, non in arenam ripæ proximam, unde possent enatare, sed in profundum pelagus. Nunc quod est injuriarum genus, cui non patimur imbecilem ætatem obnoxiam esse? Nullus fere tam abjectus, tam ineptus, tam insulsus, tam excors, tam indoctus est, quin videatur idoneus formandæ pueritiæ, cujus levior esset calamitas, si tantum aleret ejusmodi belluas, nisi pateretur & Tyrannos. Nulli sunt enim plagosiores, quam qui nihil habent liberalis disciplinæ. LE. Sic & Monarchæ si ratione careant, qua Rempublicam administrant, ad vim ac tyrannidem confugiunt. Operosiores est imperare liberis, & compendiosa Philosophia est dicere, sic volo. UR. Jam illud in pædagogis pene solenne est, ut aut tenues, quibus non est unde vivant, aut puerum aliquem nudius tertius Magistrelli nomine donatum, pueris Grammaticen docendis præficiant, tantum in hoc ut vivat. LE. An non pium existimas destitutis opitulari? UR. At ista quidem humanitas in unum famelicum, in tot pueros magna est inhumanitas

tas. Impia est eleemosyna quæ de rapina confertur: & ingratum sacrificium quod ex prædatione datur. Malefica est beneficentia, quæ cum multorum injuria conjuncta est. Ut est interdum Principum crudelis clementia, quum unicuique condonant facinus plurimorum malo. Sunt innumera viæ, quibus famelicis consuli possit. Læ. Nascuntur interdum humillimo loco generosa ingenia, quæ rei familiaris angustia submovet a liberalibus disciplinis. An non humanitatis est hæc evehere? Ur. Maxime, sed cum delectu & citra cuiusquam injuriam. Nunc fere adisciscuntur ad hoc munus non alia commendatione, nisi quia cognatus est, aut conterraneus, aut compotor, aut aliqui notus, aut denique, quod est pietati proximum, quia miserabilis. At interim non miseret tot puerorum. Læ. Plerique turpe putant, quemquam semper in Grammatices professione manere. Ur. Qui nam id turpius, quam pictorem nihil aliud profiteri quam pictorem? Quanquam fieri non potest, ut Grammaticus nihil sit quam Grammaticus, etiam si in cæteris disciplinis non perinde excellat. Nam ut unus in omnibus emineat, nec a Superis datum est, nec expedit vitam mortalium, utcunque Græci jactant suum Hippium. Tum enim cum rebus humanis felicissime agitur, quum distributis varie dotibus, amicitia, juxta proverbium, facit omnia communia. Quid enim stultius, quam dicere manui, nihil aliud es quam manus; aut ventri, nihil aliud es quam venter; aut tibie, nihil aliud es quam tibia; aut naso, nihil aliud es quam nasus? Et pulchrum est probri causa dicere Grammatico, nihil aliud es quam Grammaticus? Est aliquid & ventre contemptius, per quod ejiciuntur crassiora corporis excrementa. Contemnat hoc qui volet, & videat quam floreat cætera membra. Læ. Ista sunt evidentiore, quam ut possim refellere. Sed ut ad profitemdi rationem sese nosse recipiat sermo, non probas scholas publicas? Ur. Imo cum Fabio probo maxime, modo videntur ea quæ vir ille non minus integer quam eruditus vitanda commonstrat. Nec enim istos probo, qui obscuro ipsi, in obscurum angulum contrahunt pueros, ac docent impune quod libet. Læ. Laudantur in hoc genere quidam, qui non ita pridem exorti, medium genus inter Monachos & Laicos, domi suæ docendis pueris quæstum uberem facere dicuntur, quanquam hoc aucupium & a Monachis quibusdam affectari cœpit. Ur. Sua cuique sententia est, mihi displicent in hisce rebus latebræ, lucem amo. Tum id genus Doctores fere sunt *αὐτοδιδάκτοι*, nonnunquam indocte docti, nec sui juris, & illiberaliter educati: ad hæc alieniores a moribus sensuque communi. Quibus rebus fit, ut apud hos nativus ille vigor & alacritas ingeniorum frangatur, ac deiciatur ad habitum quendam Pharisaicum, qui liberalem & ingenuam indolem corrumpit, servile quiddam & illiberale inferens teneris animis. Quin & illud non raro videmus, eos qui ex talibus nidis emergunt, evadere cæteris insolentiores, minus sinceros, magis fucatos, minusque liberales. Læ. Quid utilius quam ut prima statim ætas formetur ad pietatis disciplinam? Ur. Recte, si pietas in raris, cingulis, palliis, piscibus & fabis, morumque tristitia, sita est. At vera pietate nihil est hilarius. Jam ut hodie talis sit Monachismus, qualis olim fuit, non omnes huc aluntur, nec expedit imbecillum velutique lactentem adhuc indolem immodica tristitia corrumpere, quæ gignit servile quiddam, & nativam ingenuitatem vitiat. Paulus non temere monet parentes, ne liberos suos amarulentia contristent. At istorum morosis moribus scio quædam ingenia felicissime nata, fuisse perditæ. Nam his potissimum imminent dejiendis, quum ut in equis, ita in pueris, sæpe felicissima sint ingenia, quæ gravatim ferunt imperia. Itaque refingunt in afinos, quoniam equis imperare nequeunt. Adde his & gravius malum. Si quem puerum viderint indole candida, aut etiam re lauta, hunc studiosius frangunt ac dejiunt, veluti generosum pullum ad suæ vitæ institutum prædomantes, nec patiuntur abire, sed blanditiis, minis, terculamentis, obtestationibus, horrendis narrationibus instant, urgent, obtundunt, donec vel ad se pertrahant, vel, si id nequeant, in alium protrahant gregem. Quid autem facilius, quam simplicem ætatem ac rerum imperitam vel fallere, vel terrere? Læ. An istud faciunt? Ur. Non refero somnium, meum ipsius periculum narro. Læ. Quod obsecro? Num quando in discrimen venisti, ne fieres vir bonus? Ur. Educabar

A apud hos Deventurii, nondum egressus annum decimum quintum. Ejus sodaliti Præfectus omnia moliri cœpit, ut meipsum instituto addicerem. Et eram aliqui puer ad pietatem propensus. Ibi pro mea puerili sapientia, excusabam ætatem, sed præcipue voluntatem parentum, quorum iram serio metuebam, si quid illis inficiis tentassem. Hic ille vir egregius, ubi se videt nihil eloquentia proficere, admovet exorcismum. Læ. Quid fiet obsecro? Ur. Admovet imaginem crucifixi: ac mihi jam flenti vultu eptheo, Agnoscis ne, inquit, hunc pro te passum? agnosco, inquam. Per hunc, inquit, te obtestor, ne committas ut frustra pro te sit mortuus, sed obtemperans meis consiliis, consulas animæ tuæ, nisi velis in æternum perire cum mundo. Læ. Non dejecit puerum tanto ariete? Ur. Plane dejecisset, ni me parentum terror alio retraxisset. Læ. Ista quidem vis est. Ur. Quod mihi accidit refero, alii narrent quid ipsis acciderit. Nec dubito quin innumeri sint qui similia pericula de se narrare queant. Accedit ad hæc quod hujusmodi fere nihil habent commercii cum Ethnicis auctoribus. Cæterum quanquam non cenfeo Martialem, Catullum, Tibullum, aut si qui sunt horum similes, prælegendos ætati lubricæ, tamen ad antiquitatis & venustæ dictionis cognitionem expedit præceptorem in omni veterum genere diligenter fuisse versatum. Sacratior quidem est liber Psalmorum, quam Odarum Horatii; sed ex his, quam ex illis, rectius discitur sermo Latinus. Læ. Verum hoc hominum genus unde velles parare victum? Ur. Si nihil aliud, unde egregius ille Paulus sibi parabat: consuebat coria. Quanquam aliud est unum alere, aliud ditare multos. Læ. Prohibet Sacerdotii dignitas. Ur. Sacerdotes sunt qui populo Christi ministrant Evangelium. Quid si omnes fiant Sacerdotes, num omnes vivent in ocio? Læ. At sunt viri boni. Ur. At non meliores Paulo. Verum agnoscamus dignitatem, num ocium adfert dignitatem? Scurrarum igitur & ludionum mira dignitas est. Ocium laudem habet in Episcopis & Clericis, quanquam id nihil minus est quam ocium, quum assidue vacent ediscendis ediscendisque Scripturis, cognoscendis causis, componendis litibus, increpandis improbis, consolandis afflictis. Nul- lum est honestum ocium, tantum in negotiis genere discrimen est. An tibi justa videtur ab operis manualis excusatio, quod Hypodiaconus sis aut Diaconus, quum nullam operam præstes Ecclesiæ, nec huc te pares ut præstare queas? Olim certe proprium erat Monachorum operari manibus. Quod si causantur sordidum opificium: si non sordidarunt Paulum coria, non est quod illi metuant sordidum opificium. Læ. Quod narras, idem frequenter audivi a viris insigniter cordatis. Sed isti vacant precationibus. Ur. Vacent, labor non multum officit precationi. Læ. Illos certe probas qui constitutis sodalitiis alunt in studia tenues, quibus aliqui cum remo, stiva & rastro res erat futura. Ur. His rebus quidam fortasse magis congruebant. Verum ægredum, piæ mentis arbitrator, sublevandis pauperibus indulgere: Ad literas accersi nolim, nisi vigilantibus cum delectu. Læ. Cur ita? Ur. Fateor ex subulco nonnunquam nasci regno dignum ingenium, sed ut paria sint ingenia, plurimum habet momenti liberalis educatio. Nec parvi refert inter quos verferis a puero. Ad liberales autem disciplinas præsci non admittebant, nisi bonis prognatos, hic periculum est, ne yenter illeceat ad studia literarum, quos natura genuit aliis rebus. Jam si quorum indoles meretur ad hoc honoris vocari, simul accedere debet liberalis educatio, sic ut frugalitas adsit, non absit mundities. Nec oportet benignitatem esse sordidam, aliqui hoc non est alere, sed torquere. Sed de suis quisque liberis statuet quod videbitur, tuum qua ratione vis institui? Læ. Primum discet expedite sonare, deinde prompte legere, mox eleganter pingere. Deinde deligetur morum & ingenii formator, deligentur sodales proba indole. Alibi parcus ero, non hic. Utriusque linguæ peritiam exacte perdiscet teneris statim annis. Dialectices non patiar esse rudem, nolim tamen ludicris illis argutiis ad ostentationem repertis torqueri. Rhetoricis aliquanto quidem diligentius, sed tamen citra superstitionem exercebitur, scribendi dicendique potius usu quam anxia præceptorum

Tom. I. M m m 3 rum

1 Hoc est, Deventriæ, ubi studiis operam dedit *Frasinus*, ut ex ejus vita intelligere est. Hic enim describit partem quod sibi contigit, quamvis & de res agnoscat, muret circumstantias.

923

rum observatione. Sed prius Geographiam perdiscet accurate: Arithmetici, Musicam & Astrologiam degustasse fat erit. Medicinæ tantum addetur, quantum tuendæ valetudini sat erit. Nonnullus & Physices præbebitur gustus, non tantum ejus quæ de principiis, de prima materia, de infinito ambitiose disputat, sed quæ rerum naturas demonstrat. Quæ res agitur in libris de anima, de meteoris, de animalibus, de plantis. UR. Nihil ne de moribus? LE. Hoc Aphorismis instillabitur, præsertim ad pietatem Christianam & officia vitæ communis pertinentibus. UR. Tot disciplinis oneras ætatem teneram? LE. Faxo ut hæc omnia ludens discat priusquam attingat annum decimum octavum. UR. Fortasse per artem notoriam. LE. Nequaquam. UR. Qui potest alioqui? LE. Nihil est necesse, quemadmodum vere dictum est, ut puer omnes disciplinas exacte discat. Quasdam gustasse sat est. Id magno fructu parvoque negotio fiet, si ex singulis præcipua quædam redigantur in compendium. Neque quicquam facilius discitur quam quod optimum est. UR. Pulchre narras. Sed unde compendiorum artifex? LE. Jam hoc ago, nec ab uno petam omnia, sed in quo quisque præcellit, in eo deposcam illius operam. Ita meus catulus non ludet operam & impensam in frivolis, aut dediscendis, in quibus hodie Deum immortalem! quanta pars ætatis perit? Ubi jactis hujusmodi fundamentis pervenerit ad annum decimum septimum aut octavum, ipse sibi deliget studiorum ac vitæ genus, ad quod se senserit natura magis compositum. Vix enim feliciter cedit, ad quod quis reluctante genio protruditur. UR. Utinam istam rationem amplectantur publicæ scholæ. Nihil esset juventute felicius. LE. Arbitror tibi frequenter ex majoribus auditum, fuisse tempus quo pueri multis annis discruciantur modis significandi, & quæstiunculis ex quavi, & aliis indotissimis neniis; magnaue ambitione dictabatur, ediscabatur, exponebatur Ebrardus & Florista, quod supererat temporis, ridiculis versiculis transigebatur: Joannis Garlandini Græcolatina disticha prælegebantur a sudantibus, Catholicon in omnibus templis habebatur. UR. Infelix profecto seculum. LE. An tu credidisses unquam fore, ut apud Britannos aut Batavos pueri Græce garrirer, Græcis epigrammatis non infeliciter luderent? UR. Citius credidissem ruiturum cælum. LE. Tanta rerum mutatio mihi spem facit fore, ut unaquæque professio, repurgatis his quæ magis faciunt ad quæstum & ostentationem quam ad eruditionem, tantum ea compendio doceat, quæ digna sint cognitu. UR. Isthuc equidem vehementer opto. Nam nunc video quosdam adeo propensos in has politiores literas, ut fastidiant liberales disciplinas, quasi summa studiorum sit, emendate loqui. LE. Vera narras. Verum hæc est rerum humanarum conditio, quum ad summum pervenerint, non corriguntur, nisi in diversum detorqueas, ac propemodum vitio vitium emendes. Cæterum arbitror hanc pravitatem aliquando in suum statum redituram. UR. Nihil existimo desperandum, posteaquam scenam rerum usque adeo mutatam video. Tantum vereor, ne nobis quidem sero contingant ista. Verum hic sermo nobis propemodum extra causam feritur, optime Leo. LE. Qui sic? UR. Quoniam nobis hæc, ut dicebam, præproperea cura est. Nos enim de publico juventutis formatore loquimur, tuus infantulus adhuc inter matris ac nutricum sinus repit. LE. Verum, sed ab his initiis prima facundiæ rudimenta Rhetores auspicantur. Nam Quintilianus, ut Gracchorum admirandam eloquentiam nonnulla ex parte acceptam refert Cornelie feminæ supra sexus modum eloquenti, ita Lælii & Q. Hortensii filiam scribit in dicendo paternam elegantiam retulisse. UR. Hæc illis temporibus recte præcipiebantur, quum Latine Græceque loquerentur, etiam infimæ plebis opifices, æque atque docti, nec sermonis genere differebant, sed sermonis elegantia. Nunc a parentibus ac nutricibus quid discere possunt infantes, nisi vulgatam suæ gentis linguam, puta Gallicam, Hispanicam, Germanicam, Britannicam, aut Sarmaticam? LE. Recte mones. Utinam universum mortalium genus duabus duntaxat linguis uteretur. UR. Quibus? LE. Græca & Latina. UR. Quid de lingua Hebraica? LE. Eam, quoniam nec admodum late patet, & ut apparet, nec ab ipsis Hebræis satis tenetur, Judæis ac Theologis relinquerem. Simulque vereor ne quid Judæismi cum literis imbibat puer. UR. Eadem opera verere,

A ne quid Paganismi combibat ex Homero, Demosthene, Virgilio & Cicerone. LE. Et hoc pro viribus curabitur. Verum unde quæso, nobis tot linguarum myriades? UR. Non novum hoc malum est, ô præclare: Nam olim a diluvio, quod Noe temporibus accidit, prisca mortales, ne simili calamitate dissiparentur, coctilibus lateribus & bitumine vice calcis adhibito, civitatem exstruere adorti sunt, & in hujus medio turrim immensæ molis, quæ pertingeret usque ad cælum. LE. Unde tanta bituminis vis? UR. Non coquebatur ex animantium pellibus cornibusve, ne quid erres, sed in ea regione lacus immensi scatent bitumine. Jam structura penetrarat nubes. Erat autem hominum immensa vis, neque quisquam omnium vacabat operis portione. Illic prorsus evenit quod habet Græcorum proverbium, *ἰσχυρὸς ἀνὴρ, οὐδ' ἀνθρώπου σκέλεος*. LE. Qui nam? UR. Aliquis e longinquo petebat obsonium, alter adferebat lateres. Rursus alius inclamabat sitiens, adferte potum, alter deferebat bitumen: priusquam ille recurreret, hic fame sitive perierat. Rursus alius postulabat ignem, deferebatur aqua. Hic petebat trullam, ille ferebat cucurbitam. Tandem fatigati tædio structuram omiserunt, dumque se sibi mutuo ludibrio esse crederent, alii alio demigrarunt, ut quosque jungebat lingua communis. LE. Isti narrationi concinit Oedipodis, opinor, ænigma, de animante, quod primum quadrupes est, deinde bipes, tandem tripes, quodque vocibus omnium animantium sonet, perque omnia voliter, UR. Eandem ob causam Homerus homines *ἄνθρωποι* appellat, ob vocis varietatem. LE. De linguarum igitur, ut video, diversitate nulla spes est. UR. Nec expedit quidem vulgo committere, quod sincerum ac perpetuum esse velis. Olim bona pars Europæ & Africæ, cum Asia minore Latine Græceque loquebatur. Quot barbaricas linguas nobis vulgus ex una Latina reddidit? Quot discrimibus sectus est Italiæ sermo? quot Galliarum? quot Hispaniarum? Præstat igitur has linguas, quibus maxima ex parte commissa sunt disciplinæ, tantum ab eruditissimis servari, quarum integritas non a populo, pessimo rerum bonarum custode, sed e libris eloquentum scriptorum petatur. Verum illud explica, cur ea quoque sollicitudo tenet animum tuum, ut leuculus tuus prompte legat, nec incite scribat? LE. Quoniam id video Fabio quoque cum primis fuisse curæ, & simul utrumque disci potest. Nam utraque res alteri auxilio est. Scripturam enim ineptam eadem sequuntur incommoda, quæ malam pronuntiationem. Vel Ciceronis orationem scribe literis Gothicis, solæcam dices ac barbaram. Fit igitur, ut aut gratiam amittat quod scriptum est, aut omnino rejiciatur, aut lectorem defatiget tædio. Consequitur autem ut nec doceas non intelligentem, nec delectes ægre legentem, nec persuadeas enecto molestia. Et scis quam sint morosa quorundam ingenia, præsertim si scribas occupatis, aut de re per se parum amœna lectori. Quis enim diu possit auscultare balbutientem, cujus sermonem ægre percipias?

E Contra vix credi queat, quantopere commendet rem, elegans, dilucida, distinctaque scriptura, Latinis elementis Latina verba repræsentantibus. Olim in scholis pleraque dictabantur excipienda discipulis, ita fiebat ut celeriter scriberent pueri, sed incommode, notulis & abbreviaturis compendium aucupantes. Nunc Typographorum ars facit, ut eruditi quidam ne scribant quidem omnino. Nam si quid suarum lucubrationum literis mandare visum est, tam belle pingunt, ut ipsi nonnunquam non possint legere quod scriptum est, & ab amanuensi flagitent ut legat, agnoscatque, quod ipsi non agnoscunt. Quin & in epistolis, Principum exemplo, complures utuntur amanuensium opera.

F Sed quid illi facient in epistolis arcanis, quales frequenter incidunt etiam Regibus? ut omittam quod interdum ad auctoritatem, interdum ad gratiam facit agnita manus. Non nihil habebat momenti, quod Paulus Apostolus Galatis epistolam totam *αὐτοῦ γράφει* misit. Quis non reveretur si Rex sua manu descriptam mittat epistolam? Quomodo autem exosculamur, quoties ab amicis aut eruditissimis viris literas accipimus ipsorum articulis depictas? Tum demum ipsos coram audire, coram intueri videmur. Quid multis? Epistola digitis alienis scripta, vix epistolæ nomen promeretur. Multa de suo addunt amanuenses. Et si dicēs ad verbum,

¹ *Falces petebam, & hi ligones denegant.* Sed est alia ratio commodior, qua ostendere licet quæ lingue multiplicatæ sint. Vide quæ dicuntur ad Gen. xi. hæc de re.

bum, tamen abest illud secretum, & quædam aliter pronuncias, nonnulla suppressis, ne conscium habeas quem nolis. Non est igitur hoc liberum cum amico colloquium, ne quid interim loquar de fide scripti. Subscriptionem effingere facillimum est, totam epistolam perdifficile est. Habet enim singulorum ut vox, ita manus quoque quiddam suum ac peculiare. UR. Quod dicis ut mirum, ita verissimum esse fateor. LEO. An parum interesse censēs, utrum ore suo quis referat tibi mentem suam, an per internuncium demandet? UR. Plurimum refert, meo quidem animo. URs. Mandatarius ille fieri potest ut mentiat, ut quædam prætermittat, ut aliter referat quam accepit: postremo, ut optima fide referat omnia, oculorum, frontis, vultus & vocis energiam non potest exprimere. UR. Persuastisti, plurimum ad rem facere si puer statim discat quam optime scribere, non solum ob causas quas tu quidem gravissimas commemorasti, verumetiam ob id quod facilius ac libentius scribit qui scite didicit scribere. Habet enim elegans scriptura non aliter quam insignis pictura suam oblectationem, quæ tum scribentem in opere, tum legentem in studio remoratur. Verissimum est autem hic & illud quod dicitur, recte scribendo fieri ut celeriter scribamus, non multum scribendo ut bene. LEO. Superest igitur ut inquiramus, qua ratione fieri possit, ut puer & bene & celeriter discat scribere. UR. Eadem cura me quoque jam pridem torquet. Nam optarim ex tot urfinis catulis unum atque alterum sic educari, ut ex homine prognati videri possint. LE. Ergo communica si quid habes. UR. Ex me quidem nihil habeo, cæterum quod ex aliis accepi, si voles, quaecunque est, proferam in medium, sed hac lege, ne tu celes vicissim, si quid habes rectius. LE. Polliceor. UR. Nuper interfui convivio Grammaticorum, opinor fuisse plures duodecim, diceret non modo justum, sed & frequentem senatum. Ibi de rebus hujusmodi ferebantur suffragia. LE. Conveniebat inter illos? UR. Adco, ut rem pulchre gestam arbitrarer, si *divisum* dimissum fuisset concilium. Nunquam vidi calidiorem de re frigida concertationem. Longa rixa fuit, quot essent orationis partes, aliis octo in quindecim proferentibus, aliis ad pentadem, aliis ad dyadem contrahentibus. In præliis quamlibet acribus nox ingruens solet conflictum dirimere, hi medio conticinio fortissime vociferantur ad ipsum usque gallicinium. Nec satis omnium memini, si jubes, referam quantum hæsit memoriæ. LE. Mihi quidem pergratum feceris. UR. Aggrediar, & quidem præpostere. Nam sonare primum est, proximum legere, tertium scribere, de quo primo dicam loco. LE. Hic quidem nihil refert. UR. In primis aiebant curandum, ut puero statim exemplum quam absolutissimum proponatur, quod effingat. Nec quicquam vetat, quo minus idem sit imitatu facillimum. Nam vulgus scribarum flexibus, connexionibus, appendicibus, similibusque frivolis ductibus, quibus velut animi gratia lasciviunt, multum difficultatis addunt scripturæ, fructus omnino nihil. An non vides, quanto Gottorum manus olim fuerit operosior Romana, & hodie Gallorum ac Germanorum quam Italorum? LE. Atqui Græcis successit ista literarum connexio, in minusculis duntaxat. UR. Quid enim istis non succedit? quanquam & hanc affectatam esse nolim, multo minus feram scripturam crebris notulis decurtatam. LE. Ne Latini quidem prisci notulis hujusmodi caruerunt. Qua de re Probus Grammaticus etiam librum reliquit. UR. Fateor, sed in paucis dictionibus, numerorum, ponderum, mensurarum, & aliorum quæ solent identidem in sermone recurrere. Quanquam hoc quoque compendium, multum invexit dispendii studiis. Nam in hujusmodi notulis, ut est proclivis notariorum lapsus, ita restitutio perdifficilis, quod idem usu venit in Mathematicis, qui formis elementorum signant suas *αποδείξεις*. LE. Perge. UR. Primum igitur erit singulas elementorum figuras effingere, minusculas simul & majusculas. LE. Quidam in elementis affectant obsoletam antiquitatem, velut e duodecim tabulis petitam, aut si quid his antiquius. UR. Isti non minus absurde faciunt quam faciunt ii, qui verbis jam olim desitis delectantur: perinde quasi cum priscis Aboriginibus, aut Evandri matre loquantur. LE. Etenim si rem ab Assyriis ac Phoenicibus Cadmoque repetas, nec formas, nec sonos eosdem comperies. Sunt & qui suum quoddam scripturæ genus affectant, ita scri-

A bentes Latina, ut parum exercitato Græca videri possint. UR. Ridendos mihi narras, non imitandos, nisi forte placent Apuleji & Sidonii, aut, ut recentiores attingam, Baptistæ Pii, qui, quum suppetant probata, splendida, accommodaque vocabula, tamen confictis impudenter novis malunt suo more loqui, perinde quasi nihil possit esse præclarum quod sit usitatum. LE. At quod tandem formularum genus maxime probas? UR. Majuscularum absolutissimum exemplum est in nomismatis Romanorum, quæ temporibus Augusti, & aliquot post hunc seculis excusæ sunt, præsertim apud Italos. Nam in provinciis artificum imperitia non perinde respondent. Minusculas undelibet suppeditat Italia, nisi quod ex omnibus eligendæ, quæ & simplicissimæ sunt, nec ita multum recedunt a majusculis. B Tantundem de Græcis præceptum esto. LE. Quibus in rebus potissimum situs est literarum decor? UR. In quatuor, in figura, contextu, serie, & proportionem. LE. Figuram ostendisse satis est? UR. Non est. Proderit & partium ductum ostendere, & quomodo parti pars adaptetur indicare. LE. Dic, oro te, clarius quod mones. UR. Perlongum sit, LEO, de singulis disserere, dabo specimen unde cætera conjicias. LE. Exspecto. UR. Alpha majusculum Græcis ac Latinis simili figura signatur. Hujus sinistra linea paulo subtilior, calamo transverso ducenda a summo ad imum: dextra crassior, plano, quemadmodum & transversa, quæ videtur addita, ne nullum sit discrimen inter Alpha & Lambda Græcum. Hæc admonitus puer facilius imitabitur, quam si tantum ostendas figuram. LE. Sane recte. UR. Alpha minusculum varie pingitur, sed commodissime si primum pingas o oblongum, dorso superne veluti gibbo nonnihil prominente ad dextram, deinde ab illius summo in gyrum commode flexo calamo, mollem addas semicirculum, inferne nonnihil inflexum o, α. Item b minutulum si velis pingere, ducenda est ex alto recta linea, id primum est, huic annectendus semicirculus, hoc est, inversum α, quod si inferne hiet, fiet h adspirationis nota. Eadem columnæ si addideris lineam infractam, erit k. Rursus eadem si inferne promineat extra versum, & addideris ad dextram inversum c. fiet p. Si ad lævam rectum c, erit q. Si nihil annectas lineæ sursum prominenti, erit l, nisi quod inferne paululum inflectitur, quod differat ab I majusculo. LE. Sat est, habeo specimen, reliqua per me coniecto. UR. Superest formularum varietas, quæ major est in Græcis minutionibus. Deinde notulæ decurtatarum dictionum, quæ res magis pertinet ad prompte legendum quam ad recte scribendum. Sed primis initiis magis congruunt simplicia. Huic exercitationi succedit contextus, refert enim quam literam cui jungas. Quædam enim se non sustinent contingere, quædam gaudent contactu, quædam sibi met implicantur, veluti p & o refugiunt contactum, f, g, t, & fortassis aliæ nonnullæ, quibusdam annecti gaudent, ut grande facinus, flagitium, traxit: nec tamen hæc miscentur quibuslibet. Græci in pingendis minusculis feliciter lasciviunt, literas aliquot invicem complicantes. Idem & in majoribus tentatum, sed apud Græcos non temere nisi in notis numerorum, veluti quum signantes quinquaginta, delta minusculum includunt pi, πλ. Apud Latinos tentatum a multis, non successit. Profuerit igitur novo scribæ, si has formarum varietates non solum pictas, sed & pingi conspiciat. LE. Super his, utcumque minuta sunt, admoneri gaudeo. UR. Post hæc de serie disputabant, ut intra rectas lineas decurrant versus, ne scriptura sit similis Sibyllæ foliis, & juxta Plautinum jocum, litera literam scandat. Nihil hac inæqualitate deformius. LE. Ad istum sane modum scribit uxor mea. UR. Jam bona pars artis est in proportionem. Ea sita est, partim in partibus figurarum, partim in prominentiis, partim in intervallis. LE. Ista non satis assequor. UR. Nihil aliud accipies quam specimen rei. A majusculum constat tribus lineis: Itaque ad symmetriam pertinet, ut transversa æquali spatio distet & a summo & ab imo. Rursus indicandum quanto spatio distet imum sinistra lineæ ab imo dextræ. Finge triangulum æquis lateribus, si detrahas imam lineam, camque certa portione decurtatam transferas in medium, habebis Alpha. LE. Intellego. UR. Item in B, erectæ lineæ ceu columnæ,

1 Sidonium Apollinarem intelligit, ad quem vide Præfationem Joannis de Woweren.

927

lumnæ, duo veluti ventres annectuntur, sed inæquali tumore, cui si desit sua symmetria, offendit figura. Læ. Sic est profecto. Ur. Eadem est ratio in partibus quæ prominent, aliæ sursum, aliæ deorsum, videlicet ut l sursum eminens, & p deorsum, tantum habeant longitudinis extra versus spaciū, quantum intra: c, verbi causa, implet rectum spaciū, huic annexa linea ut fiat q, duplicet illud, aut certe minimo superet. Hic enim non artem tradimus, sed exemplum adducimus. Læ. Mihi quidem satis est. Ur. Porro intervallum bifariam consideratur. Alterum est quod dirimit versum a versu, alterum quod literam a litera: addo si velis tertium, quod dictionem a dictione, quod comma a commate, colon a colo, periodum a periodo, simul adscriptis notulis quibus distinguuntur. Ut autem observata symmetriæ ratio non hic tantum plurimum confert ad decorem, ita recta distinctio credi vix potest quantum adferat lucis ad intelligendam sententiam, ut non incite dixerit eruditus quidam, aptam distinctionem, commentarii genus esse. Expedit igitur & huic rei statim assuescere puerum, ita consuetudo vertetur in naturam, ut vel aliud cogitans, servet tamen in scribendo notulas huiusmodi non aliter quam literas ipsas. Læ. Audio priscos illos nullis intervallis diremissee dictiones, sed perpetuo contextu produxisse versus. Ur. Fateor, at nec apices olim adhibebant Hebræi, ne Græci quidem, arbitror, sua puncta: nos tamen non usque adeo morosi sumus, ut si quid bonæ rei repertum sit a recentioribus, gravemur accipere. Hæc diligentia etiam illud adduxit commoditatis, quod scripturam apicibus, notulis, intervallisque distinctam, minus in proclivi sit depravare. Læ. Apparet tamen veteres apicibus usos. Ur. Istud qui coniectas? Læ. Quia narrant Cadmum literas a Phœnicibus primum invexisse. Eam rem fabula notatam, quæ fingit illum serpentis extincti dentes in terram seminasse, ex hac semente subito exilisse duas galeas & hastas armatas acies, quæ se mutuis vulneribus contecerint. Atqui demiror quid hæc fabula faciat ad literas. Ur. Dicam, nisi molestum est. Læ. Imo percipio, si grave non est. Ur. Inspectisti ne unquam os serpentis? Læ. Ne cupio quidem. Ur. Mortui, inquam? Læ. Ne mortui quidem. Ur. Quis unquam audivit Leonem timidior? Si tamen inspicias, numereque supernos & infernos dentes, tot reperies, quot literas primum attulit Cadmus. Læ. Quot? Ur. Sedecim, ni fallor. Ociosæ sunt autem sic ut natæ sunt ordine positæ, dissipantur, seminantur, atque ita demum plures numero varique digestæ, vivunt, agunt, pugnant. Id si non credis, considera qua strage se vicissim conficiunt hodie, qui literas profitentur. Læ. Veriora veris narras. Ur. Quid est autem scriptura, nisi mutus sermo, perinde quasi nutibus inter se colloquantur elingues? Læ. Nihil aliud. Ur. Et sermonem a ferendo dictum ajunt Grammaticorum filii. Habes Cadmæ sementis allegoriam. Nunc excutiam scrupulum qui, uti coniecto, urit te. Tonorum ac spirituum notulas, imaginariis esse lanceas & galeas exercitus. Læ. Recte divinas. Ur. Imo partes elementorum sursum eminentes talium rerum speciem præbent, & si diligentius contemplare, videbis illic non solum lancearios ac levis armaturæ milites, verum etiam cataphractos, clypeis, ensibus, ac balistis instructos. Verum harum rerum imagines melius exhibent Hebræorum elementa, a quibus profectas fuisse literas nostras una cum ipsis figuris, non absurde quibusdam videtur. Læ. Istam fabulam, mihi crede, non narraſti furdo. Cæterum illud adjungas velim, quibus modis puerum oporteat istis assuescere noscitantis. Ur. De agnoscendis elementorum figuris mox dicetur. Agimus enim, ut dictum est, ordine præpostero. Ad exprimendum pictura singulas, primum est exemplar, deinde commonstratus ipse linearum ductus, præterea manus docentis imposita manui pueri, eamque regens ac moderans. Indicavit aliud adminiculum Fabius, ut eburnæ tabulæ primum literæ simplices, mox syllabæ ac dictiones, deinde versus aliquot quam scitissime insculpantur, per eos sulcos puer consueſcet stylum ducere, donec juxta Philosophos, actio frequenter iterata gignat habitum. Nam hac arte didicimus & cæcos nonnullos prompte scribendi facultatem sibi parasse. Eadem opera fiet, ut nec divariet a recta linea, nec usquam peccet ab harmonia proportionis. Olim stilo scribebatur in tabulis ceratis, nunc quoniam calamis aut pennis scribitur, in chartis aut membranis pingitur, alia scri-

Abendi ratio est. Læ. Et antiquitus foliis, arborum codicibus, aut linteis ceruſſatis, aut alioqui leviter incruſtatis inscribebant. Ur. Et nunc sunt qui in tabellis pulvere oblitis stilo æreo argenteove scribant. Sed præclarus artifex varias rationes comminiscetur, quibus puerili studio subveniat. Quarum una est, si perfectum exemplar membranæ pellucidæ supponatur, super quam puer calamum ducat sequens subjectas lineas. Altera est, si scribendi peritus stilo argenteo cupreove vestigia literarum imprimat chartæ, deinde puer per eadem lineamenta ducat calamum, aut penam atramento madentem. Eadem erit utilitas si succo ligni cujusdam figuras præscribas, leviter purpureas, quas puer tegat atramento. Hic prioris scripturæ vestigia coarquant, quantum sit aberratum a præscripto. Jam quidam utuntur tabulis, in quibus fila, fides ve glutino affixæ, linearum vestigia chartis admotis imprimunt. Ea res ad figurarum speciem non ita multum confert, plurimum tamen conducit ad rectitudinem versus, & ad harmoniam partium superne inferneve prominentium. Id commodissime fiet, si singuli versus signentur quatuor lineis, æqualibus intervallis inter se distantibus, intra duas medias ducentur ipsa literarum corpora: quæ vero prominent sursum ac deorsum, intra suum modum cohibebunt extremæ duæ. Eadem arte licebit æqualibus spaciis dirimere versum a versu. Verum ut his adminiculis prodest exerceri puerum, ita non expedit semper his niti, sed ubi jam profecerit, consueſcat absque cortice nare, nec semper linearum ductum desideret. Læ. De scribendo videor mihi propemodum satis instructus. Ur. Unum illud addam hæc ita tradenda pueris, ut se ludere putent, non studere. Quidam enim hæc tanta docent acerbitate, ut pueri prius discant odisse literas quam nosse. Ad hæc juvabit ad picturam interim non nihil exerceri puerum, ad eam artem plerique sua sponte feruntur, dum gaudent & exprimere quod agnoscunt, & agnoscere quod ab aliis expressum est. Ut autem qui Musices periti sunt, rectius pronunciant etiam non cantantes: ita qui ducendis in omnem formam lineis digitos habet exercitatos, mollius ac felicius pinget literas. Si quid super his requiras subtilius exactiusque, exstat liber Alberti Dureri, Germanice quidem, sed eruditissime scriptus, in quo priscos hujus artis heros imitatus, nominatim Pamphilum natione Macedonem, cum omnium literarum, tum Geometricæ & Arithmetices egregie peritum. Nam sine his disciplinis artem absolvi posse negabat: ad hæc, Apellem, qui & ipse ad Perseum discipulum de arte sua conscripsit, multa præclare tradit de mysteriis graphices, ex Mathematicorum petita disciplinis, & in his non pauca de figuris elementorum ac ductibus symmetriaque literarum. Læ. Dureri nomen jam olim novi, inter pingendi artifices primæ celebritatis. Quidam appellant horum temporum Apellem. Ur. Equidem arbitror si nunc viveret Apelles, ut erat ingenuus & candidus, Alberto nostro cessurum hujus palmæ gloriam. Læ. Qui potest credi? Ur. Fateor Apellem fuisse ejus artis principem, cui nihil obijci potuit a cæteris artificibus, nisi quod nesciret manum tollere de tabula. Speciosa reprehensio. At Apelles coloribus, licet paucioribus minusque ambitiosis, tamen coloribus adjuvabatur. Durerus quanquam & alias admirandus, in monochromatis, hoc est nigris lineis, quid non exprimit? umbras, lumen, splendorem, eminentias, depressiones: ad hæc, ex situ, rei unius non unam speciem sese oculis intuentium offerentem. Observat exacte symmetrias & harmonias. Quin ille pingit, & quæ pingi non possunt, ignem, radios, tonitrua, fulgetra, fulgura, vel nebulas, ut ajunt, in pariete, sensus, affectus omnes, denique totum hominis animum in habitu corporis relucens: ac pene vocem ipsam. Hæc felicissimis lineis iisque nigris sic ponit ob oculos, ut si colorem illinas, injuriam facias operi. An non hoc mirabilius, absque colorum lenocinio præstare, quod Apelles præstituit colorum præſidio? Læ. Non arbitrabar esse tantum eruditionis in arte pingendi, quæ nunc vix alit artificem. Ur. Non novum hoc est, insignes artifices tenui re esse. At olim inter artes liberales numerabatur graphice, nec hanc discere licuit nisi claris, mox honestis quidem concessa, cæterum vitium ne servitiis traderetur. Principum est ignominia, non artis, si caret suis præmiis. Læ. Sentio quantum ad omnem facultatem parandam habeat momenti, statim optimis præ-

De recte
prom-
ptaque;
legendo.

ceptionibus admonitum esse. UR. His conjuncta est legendi cura, cujus celeritas, nisi primis statim annis pareretur, non temere contingit homini, quantumvis adnitatur. Vix autem fieri potest, ut lectione delectetur, qui legendo hæret ac laborat. Proinde, ut qui parum expedite scribunt, ad dictandi compendia confugiunt: ita qui difficulter legunt, aut in totum abstinent a libris, aut si quid coguntur scire, lectorem accerunt: utrobique perit illud secretum quod præcipue alit ingenium, five tuas cogitationes mandare literis pares, five magnorum virorum cogitationes velis cognoscere. Ut autem puer statim per lulum agnoscere discat literarum figuras, rem adfero dictu humilem, sed tamen a summis viris traditam: profuerit eas crustulis exprimere, ut divinanti nomen elementi, præmium sit ipse cibus. Hoc Flacci consilium est. Fabius aliud indicat huic simile, ut ex ebore fingantur literarum formæ, atque ex his lusus aliquis pueris gratus proponatur, qualis est nuncum, aut talorum, aut si quod aliud genus, quod nisi cognitis ac nominatis elementorum vocabulis peragi non queat. Quam ad rem accommodatissimus latunculorum ludus, quem hodie *Scacorum* vulgus appellat, sic ut hinc Græcæ, hinc Latinæ literæ inter se concurrerent, nisi quod operosior est, quam ut ætati primæ conveniat, adultioribus aptissimus. Idem efficiunt munuscula, quæ puerorum vestibus ornatus gratia affiguntur, aut in manum dantur, ut cum voluptate intueantur, contrectent ac nominent. Videmus ætatem illam affici voluptate, si in pieturis agnoscant hominis, aut animantis, alteriusve rei figuram, ac nomen reddant. Simili illecebra poterunt & ad literas agnoscendas irritari. Mox ad syllabarum connexionem progrediendum, hinc ad dictionum complexum, postremo ad orationis structuram. Eares fere constat memoria, quam volunt esse certam, eoque negant primæ fidentium, sed nunc recto, nunc inverso, nunc confuso literarum, syllabarum ac dictionum ordine repetenda subinde eadem & inculcanda, donec certam legendi facultatem & expeditam paratam esse constiterit. Nec ante tempus affectanda celeritas, quo fit, ut multum adferat moræ lectioni incogitans festinatio, dum auditor dubitat quid legerit, dum auribus non assequitur lingua properantem, dum quædam intermittuntur, quædam perperam sonantur, unde dum vel aliis revocantibus, vel ipse tibi diffidens repetis multa, non parum dispendii secum adfert male captatum compendium. Prima cura sit, ut attente, ut emendate legamus: cæterum ut idem faciamus expedite, nec cogitantes ac velut aliud agentes, dabit usus. Id quod scite præcepit Fabius: *Certa sit, inquit, in primis lectio, deinde conjuncta, & diu lentior, donec exercitatione coningat emendata velocitas.* LE. Ista præceptio non hic tantum valet. UR. Adjiciebant & illud, dum legis, in dextrum flectendos oculos, & quomodo præcurrendum, diducta in duas res animi intentione, ut aliud agatur voce, aliud prospectu, quemadmodum qui facit iter, non hoc intuetur quod calcatur, sed quod calcaturus est: sic huic posteriora intuitu priora recitanda sunt. LE. Demiror cur hoc natura inviderit homini, ut altero oculo prospiceret in dextrum, altero in lævum. Nec video quorsum opus sit duobus, quum fabri & balistarii, si quando maxime intendunt prospectum, alterum occcludant oculum. UR. Dicam, si quis te casus altero orbaret oculo, nonne gauderes alterum superesse? LE. Verum si legas Hebræa, in lævum flectendus prospectus. UR. Nimirum ut in scribendo manus. Verum id minimo negotio docet paucorum dierum usus. Novi qui & pedum digitis expedite sciteque scriberent. Quibusdam ea prospectus celeritas est, ut oculis prævolantibus deprehensa sententia, bene legant etiam perperam scripta. Quædam enim nisi cognito prius sensu recte sonari non possunt, etiam si bene scripta sint. LE. Credo, sed plures sunt, qui recte scripta legant perperam. UR. Quod dicam prodigii simile est. Vivit adhuc quidam de procerum aulicorum numero, qui nunquam legit ipsum quod scriptum est, sed loci sententiam aliis reddit verbis. Rogatus a me num sciret se id facere, fatebatur se frequenter hujus

1 Instit. Oratoriz. Lib. 1. c. 1.

rei admonitum. Quærebam num sciens ac volens id faceret, negabat, imo non dissimulavit se sibi hoc nomine displicere. Addebam quam occasione venisset in eam consuetudinem. Num puer habuisset præceptorem, qui parandæ copiæ gratia jussisset illum aliis verbis efferre quod legeret, aut num quid aliud accidisset simile. Negavit. Nam est hujusmodi musices genus apud Britannos, ut multi inter se concinant, quorum nullæ eas sonat voces quas habent codicum notulæ. LE. Habet natura suas quasdam arcanas causas, quas frustra scrutantur homines. Et ipse novi puerum annos natum duodecim, cætera perfectum, hoc tantum habebat prodigiosum, quod omnia verba præpostere loqueretur, quod in nostrate lingua scis esse absurdissimum. Nam Latine loquentibus, quanquam ad decorum compositio plurimum facit, tamen ad sensum fere nihil refert, five dicas, honora patrem tuum, five, patrem tuum honora: nihil autem absurdius, quam si quis nostrate lingua dicat, patrem tuum honora. UR. Sic est ut dicis. Ad dunt autem præceptiunculam, mea sententia, non aspernandam, quæ pariter & ad legendum & ad scribendum pertinet, non nihil etiam ad mores. LE. Audire gestio. UR. Moris est ut post agnitas formulas, & contextas syllabas incipiant scribere nomina, mox & oratiunculas. LE. Sic est. UR. Hoc operæ nolunt infumi in vocabulis inanibus ac nihil significantibus, aut vulgo notis. LE. Exspecto ut melius dicas. UR. Scis bonam eruditionis partem esse, scire rerum vocabula. Hic supra modum cessatur a Grammaticis vulgaribus, quorum vitio sit, ut adolescentes post multos annos in Grammatica contritos, vix norint ullius arboris, piscis, volucris, quadrupedis, aut leguminis verum nomen. Ne domi quidem ullam suppellectilem Latine nominare possunt, adeo ut quum volunt sibi dari mantile, dicant, *da mihi rem*, & aut indice digito est opus, aut vulgatæ linguæ subsidio. Idem usu venit si producantur in officinam cujuslibet artificis, tantum generales rerum voces utcunque tenent, species prorsus ignorant. LE. Istud mihi sane usu venit, ac mecum aliis quam plurimis. Arborem, legumen, herbam, equum & canem ostendere possum, at si quis exigit ut ostendam alnum, aut fraxinum, aut ilicem: silurum, scarum aut pectinem: ervum aut milium: scolopendram, viverram aut felem, hæreo. UR. Sic in Dialecticis pueri nihil audiunt, nisi *Socrates currit, Plato disputat. Si asinus volat, asinus habet pennas, & Socratem currere est possibile.* LE. Quid igitur hic consilii? UR. Eadem opera licebit pueris præscribere, vulgo non obvia rerum vocabula, aut voces exquisitas, nonnunquam & bonæ rei quippiam admonentes. Tam facile discitur quid sit lacerta, aut stello, aut pectunculus, quam quid sit canis aut vacca, nec difficilior scribitur, *Tempori parce*, quam *vasca mingit*, aut *canis latrat*. Interdum unica vox continet perfectam sententiam, ut *σωφρονες*; id multo magis convenit observari posteaquam eo profecit puer, ut integri versus jam sint ad imitationem præscribendi. Cur enim non potius illis præscribitur hoc carmen: *Quo semel est imbuta recens servabit odorem Testa diu*, quam illud: *Aut pluit, aut ningit, aut nostra pedessequa mingit?* In hunc usum valebunt celebrium virorum apophthegmata, exquisitæ brevæque sententiæ, proverbia, ac lepide dicta, cujusmodi supellex ad omnem dicendi facultatem plurimum habet momenti. Quorum si quis singula contemnit, huic occinam illud Hesiodium, *Pusillum pusillo si addideris, cito nasci magnum acervum*. Et hæc inter lulum licet ediscere, nulla rerum memoria tenacius ad ipsam usque senectutem hæsuræ animo, quam quæ sic infixæ sunt. Vides igitur quanta nobis hic pereat utilitas. LE. Video sane quanta pars ætatis nobis instituentium vitio præterfluat. UR. At vereor ne te delassem, quæ de pronuntiando disserta sunt referam. LE. Imo quando

De recte
pronun-
ciando.

Tom. I.

N n n nescio

De.

nescio qua rerum humanarum infelicitate, citius prope reddidit prava quam recta. Ac mire fit, ut semel infantibus arrepta vitia in adultam ætatem sic prosequantur, ut ægre queant dedisci. Sunt autem oris ac linguæ diversa vitia, quorum aliquot nonnullis affixit natura, sed plura peculiaris cuique vel negligentia vel affectatio: bonam autem huius mali partem affert ipsa natio, ut in sonis suum quæque quiddam habent, Hispania, Italia, Gallia, Germania, Britannia, ac bene nobiscum ageretur, nisi singulæ nationes in varias vitiorum species essent distractæ. Si labdacismus est impotentia sonandi carinam literam, multis vitium hoc adnascitur, nonnullis delicia loquendi conciliant. Etenim quam cæteris animalibus lingua sit absoluta, homini tot venis adstricta est, ut quibusdam necesse sit interdicti. Nec hoc succedit omnibus. Nam aliis deterius accidit vitium, aliis lingua nihilo secius manet inexplanata. Memoriam proditum est Demosthenem eloquentiæ principem, primam artis suæ literam sonare non potuisse. Metellum Pontificem lingua adeo impedita fuisse narrat, ut mensibus aliquot sese torferit, dum meditatur in dedicanda æde verbis solennibus dicere, opiferæ Cereris. Nam labdacismum quem scriptores notant in Alcibiade, delicis non naturæ tribuendum arbitror. Læ. Ab istis ortum arbitror, quod pellucidum dicimus pro perlucidum, & pellicere pro perlicere, & pellegere pro perlegere. Ur. Haud male conjectas. Huius literæ difficilior est sonus in initio & sine dictionis, tum in medio duplicatæ, mollior si simplex incidat inter duas vocales. Exempla sunt, regula, motor, carrus, oro: Durior etiam apud Græcos, qui posteriori addunt aspirationem, ut χειμῶν. Hanc asperitatem quidam mitigant supposito σ, ut θάρσεν pro θάρσιν. Idem faciunt hodie mulierculæ Parisiæ, pro Maria sonantes Masia, pro ma mere, ma mese. Etiam si non defuerint apud Latinos, qui contra Furios ac Valerios venterint in Furios ac Valerios, atque ediverfo, qui honos, labos, vapos & clamos dicere maluerint, quam honor, labor, vapor, & clamor. His contrarii Eretrienes, σ, vertunt in ς, dicentes σκληρότης pro σκληρότης, atque hinc proverbii jocus in Eretrienium ς. Læ. Isto vitio novi plurimos qui laborent. Verum, est ne remedium huic incommodo? Ur. Est, si intercidas pleetritinacula, nisi quod non vacat periculo tangere venas, hoc est, juxta proverbium, τὰ δεινὰ κινεῖν. Læ. Quum animantibus quibusdam tam mobiles & expeditas linguas natura dederit, demiror homini datam tot adstrictam retinaculis. Ur. Multis expediebat nullam omnino linguam esse datam. Nunc neque venarum retinacula, neque vallum duplex dentium, neque labiorum oppositi muri satis cohibere possunt membrum hoc nimium volubile. Læ. Nihil verius. Ur. Rursus aliis tam est docilis, ut animalium omnes voces indistincta similitudine reddant, ut si tantum audias, credas vagire puerum, rixari foeminam, tuffire senem, grunnire porcum, canere lusciniam, hinnire equum, latrare canem. Cæterum adversus omne linguæ vitium valebit difficultatibus exerceri, quo studio Demosthenes fertur triplex naturæ vitium expugnasse. Nam ad exprimendum ῥ linguam habebat inexplanatam, & spiritosus erat, & vox infirmior multitudinis fremitu intersecabatur. Itaque tophis subter linguam impositis, versus complures adverso monte continuato spiritu resonabat, & in litore nonnunquam quum maxime fremeret mare, dictionem exercebat, ut populi fragorem afflueret contemnere. Ita verum esse docuit, quod a Sapiente quodam dictum est, ὁ μελέτη πάντα δύναται. Huic simillimum est quod indicat Fabius. Læ. Quod nam. Ur. Existimat os puerorum reddi firmitus, ac sermonem expressiorem, magisque, ut ita loquar, articulatum, si ab his exigatur, ut nomina ac versus affectatæ difficultatis ex pluribus asperime inter se coeuntibus syllabis catenatos ac veluti confragosos quam citissime volvant. Huiusmodi versus Græci χαλεπὸς dicunt. Difficultas autem syllabarum aut dictionum, partim nascitur ex natura literarum, partim ex connexione, partim ex turba concurrentium consonantium, par-

1 Immobiles morare.

2 Exercitatio omnia potest.

tim ex his omnibus. ς, ζ, ψ, & nostrum f, durioris sunt soni, unde rerum rex, ξένος, psittacus & effero, non admodum facile sonantur. Quemadmodum & μῆν, πέν, θέν, non quod in his postremis difficultas sit in singulis, sed quod parum sibi congruant. Turba gignit difficultatem, quum dicimus glans, & mons. Nam in his sunt duæ literæ, l & n, omnium suavissime sonantes. Ex multis simul nascitur difficultas, quum dicimus ferum, fervor, fragor, πνύξ, trabs, Thrax, Xerxes, Artaxerxes, αἰσχροκερδής. Numerus autem literarum in eadem syllaba non excedit senarium, qui tamen apud Græcos ægre reperitur. Fraus constat quinque literis, sed unam absorbet diphthongus, strix habet quinque sine diphthongo, quemadmodum frons. Scrobs & stirps apud nos sex literis constant, soluta duplici: si Græce scribantur, quinque duntaxat: si strirps sonetur, eadem syllaba septem literas complectetur. Apud Græcos una dictio profertur, cujus altera syllaba sex literas complectitur, αἰσχρος, sed ita ut diphthongus initialis separaretur a consonantibus sequentibus, & οὐ diphthongus pro duabus supputetur. Versuum, quos a Græcis χαλεπὸς appellari diximus, hoc exemplum fingi poterit:

Γραὺν χθονίαν αἰσχροὺς φθόνους ἐρραγεν, οὐ ξίφος ἐχθρῶ.

Item:

Arx stridens rostris, sphinx, prester, torrida seps, strix.

In huiusmodi difficultatibus exercitatio reddet linguam ad cætera tum expeditiorem, tum explanationem. At hodie fati esse credunt, si facillimas quasque syllabas tradant, ba, be, bi, bo, bu, & harum similes, quum difficiliore magis sint inculcandæ, μνα, πνα, βδε, τλα, αὖν, κνα, χνο, θνα, πνα, χνα, χθα, φθι, πτη, τμη, θμυ, θλα, σμα, σφρα, velut in μνημοσύνῃ, πένω, βδεῖω, τλάω, γράω, κνάω, χνός, θνητός, πνέω, γνάμνη, χθές, φθείρω, κτήμα, τμήμα, τμήλος, θμῶς, θλάω, σμαρμίδος, σφραγίς, & huius generis aliis, quibus exprimendis, nisi protinus afflueat os tenerum, vix unquam feliciter sonabit. Læ. Animadverti quosdam esse, qui laborent in exprimendo, s, maxime si adhæreat illi consonans, ut est. Ur. Hoc est, ut opinor, quod nos blæsum vocamus. Læ. Ab hoc vitio tam absunt Hispani, quam Eretrienes absunt a Demosthenis vitio. Galli contra solent vel elidere, vel obscurare literam hanc, lingua vulgari scribentes est, & sonantes σ, producta vocali, Græci ψελισμὸν appellant teste etiam proverbio ψελλῇ ἢ πλιτεῖν. Ur. Vitium hoc levius est, & a nonnullis affectatur, qui blandiores videri student. Illa deformis linguæ hæsitantia, & oris tremor, spasmis species, easdem syllabas iterans. Id aliis accidit in principio dictionis, aliis in fine, vitium inemendabile si in ætatem paulo adultiorem duraverit, præcipuusque labor est in k, q, c, p, & t, veluti quum κυνὸς dicunt pro κύριε, & pepepedi pro pepedi, cacacave pro cave, Tuttilius pro Tullius, rursus, Romama pro Roma. Læ. Utriusque mali possum exempla non illepidam narrare. Ur. Libet audire. Læ. Sacrifico cuidam insigniter hoc vitio laboranti, quum adomaret immolare, contigit mimister pariter eidem obnoxius malo, ubi ventum est ad κύριε ἐλέησον, quod apud nos alternis dicitur, multum temporis absumptum est, prius quam ter absolvent kyrie eleeson. Tandem Sacrificus, ut hoc hominum genus dicitur iracundius esse, quid fiet, inquit, tun' me derides, an ego te? Et exutus amictu sacro, reliquit aram, magno risu nostro. Ur. Eodem malo laborare videntur ranæ, nunquam absolventes suum illud κεκεκεκεξ. Læ. Apparet. Alio quodam die audiui Medicum in frequentissima schola disputationi præfidentem, alioqui doctum ac vocalem, nec inexplanatæ linguæ, tantum geminabat extremam syllabam omnium dictionum, pro Avicenna pronuncians, Avicennana: pro scriptor, scriptortor, pro dicitur, diciturtur: pro pharmaca, pharmacaca. Id Græci, nisi fallor, appellant τραυλισμὸν, aut βατλαρισμὸν: fortassis & βαττολογίαν, nisi quod battologia repetit orationem. Sic enim apud Ovidium Battus, In illis Montibus, inquit, erant, & erant in montibus illis. Quem imitatus Mercurius respondet, Et me mihi perfide prodidis, Me mihi prodjis. Nos forte non inepte dixerimus

ti-

titubantiam oris, cui cognatum est vitium hæsitantiæ, quam Græci, ni fallor, vocant *μυγιλαν*. Hæc omnia graviora facit ira & pudor, aut alius vehemens affectus, quumque alioqui, juxta Fabium, pectus soleat facere disertos, his diversum quiddam accidit ut obmutescant. Novi qui Austro flante sic hæsitabat, ut vix duo verba posset eloqui. LE. Unde hæc mala? UR. Partim a natura, sed multo major pars a consuetudine prava, præsertim primis annis hausta. LE. Ecquod habes his vitiis remedium? UR. Præsentissimum. LE. Obsecro quodnam? UR. Ut taceant. LE. At nulli minus id posunt. UR. Ergo mittantur ad exemplum Demosthenicum, ac dictum illud sapientis, *μελέτη πάντα δύνανται*. LE. Indica rationem. UR. Accipe. Qui laborant in k, recitent subinde carmen in laudem Calviti, concinnatum ex dictionibus continenter literam hanc primo loco habentibus. Qui in t, tales versus repetant:

O Tite tute Tati, tibi tanta tyrannus tulisti.

Aut tales:

At tuba terribili tonitru, taratantara trufit.

Nihil negocii fuerit alios confimiles effingere. Profuerit & singulas dictiones, & orationis membra lente distincteque pronunciare, per silentia quodammodo redintegratis linguæ viribus, voce nonnihil ad cantum deflexa. Novi siquidem viros ad prime doctos, qui privatis colloquiis deformiter titubabant, e cathedra clarius loquentes, nihil ejus vitii præ se ferebant. LE. Nihil hic valet Medicorum ars? UR. Arbitror posse nonnihil si nosset omnes musculos, quorum opificio vox promitur. Qui si fallant, habemus hic Divam opiferam. LE. Quam ais? UR. Eulaliæ. LE. Ad Divos confugere extrema quidem est ancora, & fausti ominis nomen est. UR. Quoniam autem Grammatici excipiunt vocabulorum controversiam, labdacismus fortassis erit, ubi quis literam l, nimium operose sonat, veluti si quis pro luceat, dicat *ellucet*, aut pro salva *sallava*, quod vitium in magnis aliquot viris deprehendi, sed quod affectationi potuit imputari, non naturæ. Dum enim plus iusto studerent articulate loqui, in hoc malum deflexerunt. Idem faciebant in litera r, sonantes *serava* pro *serva*, *veraba* pro *verba*. Cui simillimum videri potest, quod Græci vocant Jotacismus. Id mihi video in quibusdam genere Græcis animadvertisse, nominatim in Georgio Heronymo, qui se Spartanum prædicabat, docebat autem Lutetiæ, recenti memoria plurimis adhuc notissimus. Et apud Latinos sentias quosdam inquirere os, quoties hanc student nimium exprimere. Alii quoties sequitur vocalis in eadem syllaba, pro, i, propemodum sonant, g, ut *gecit* pro *jecit*, *egicio* pro *ejicio*. Quanquam enim jota transit apud Latinos in consonantem, si præcedat in eadem syllaba vocalem, tamen sonus debet esse medius inter vocalem & consonantem. Sunt qui simili loco pro, i, sonant fere, z, ut pro *janna*, *zanna*: pro *Jesus*, *zesus*, pro *jecur*, *zetur*. Rursus alii sic sonant tibiis, Virgilii, ut ante secundum, i, videaris audire, j, consonantem, & pro duabus efferrunt treis. Sunt rursus qui pro, e, sonant i, quemadmodum pro a, o, de quibus suo loco dicitur convenientius. Addunt & Metacismus dum plus æquo exprimitur m, incidens in finem dictionis sequente verbo, cuius prima sit vocalis, ut *plurimum audeat*, hic volunt m, evanescere ut fones *plurim audeat*. Sicut in illo Ciceronis: *Quousque tandem abutere. Tandem abutere* dici volunt. Quod ut nolim refellere, ita credo nonnihil interesse inter sonos, quum dicimus, animam agit, & quum, anima agit. Nam in priore nifus sentitur volentis exprimere m. Unde Fabius admonet m, in talibus syllabis, neque prorsus audiri, neque tamen non audiri. Idem inter oris vitia commemorat *ισχυρήλα*, quam *exilitatem* sive *angustiam* possis dicere, quæ quibusdam adest natura, aliis morbo seniove, nonnullis accersita, dum arctatis artetriæ circa imas fauces musculis, vox semiclusis labiis promitur. Cui contrarium est, *πλατυσμός*, quum nimium diductis faucibus, & ore plus satis patulo sermo promitur. Quorum illud si natura contingat, Aristoteles timidæ mentis argumentum interpretatur, hoc stolidæ. Hollandiæ vulgus fere summis labiis loquitur,

A Germani superiores contra, pene ab umbilico voces ducunt. Unde mihi videntur hæc duo non solum ad vocis exilitatem, verumetiam ad oris indecoram vel contractionem vel diductionem pertinere. Nam in multis utrumque vitium deprehenditur, in quibusdam etiam nationibus ut peculiare ridetur. In non paucis autem deprehendas *κοιλοσμίαν*, quum vox velut e cavo specu, eque recessu oris resonat. Et hoc vitium quibusdam addidit natura, quæ linguam dedit prima sui parte nimis adstrictam, alioqui latiore; unde fit ut vox fundatur in latera faucium, atque hinc repercussa resonet, qualis umbrarum vox esse fertur, eoque qui simulant hujusmodi spectra ex olla fictili verba promunt. B Quidam habent corvinum quiddam, quidam stridulum, quidam balbum ac senile, qualis est edentulorum oratio. Nonnullis totus sermo crassior est. Sunt qui voluta intus lingua nescio quid Hebræorum resonant. Sunt qui syllabas extremas audiri non sinunt, verum eas quodammodo devorant deglutuntque. Quod pueri metu faciunt, ne deprehendantur inemendate loqui indicio postremæ syllabæ, ita quibusdam popolare est. Hos Græci peculiari vocabulo dicunt *κολοβάτας*, id est, decuratores. Rursum sunt, qui postremas omnes acuant Hebræorum ritu. Sunt cornicines, quibus sonus per nasum erumpit potius quam per os, ut omittam quorundam gargalisimum, ructum, singultum, crepitum inter loquendum, stridores, sibilos, gemitus, screatus, tussis, risus, quibus sermonis tenor interciditur. Denique innumera sunt vitia, quibus a recta pronuntiatione disceditur, quam Græci *ὀρθόφωνίαν* appellant. De quibus incidet postea locus, ut aliquid dicamus. Hæc in hoc tantum admonui, ut infantem ab eorum convictu submoveamus, qui vitiis hujusmodi sunt obnoxii, & si quid vel natura traxit, vel consuetudine contraxit hujusmodi vitiis, id mature corrigatur. Jam est peculiaris quidam cuique genti oris sonus, quem propriis vocabulis notare difficile sit. Quanquam enim Latini & Græci iisdem pene literis utuntur, tamen agnoscas Græcum etiam Latina sonantem, & contra Græcus agnoscit Latinum Græca sonantem. Hanc ob causam Fabius suadet quidem ut prius Græcis imbuatur, non vult tamen diutius in his hæerere, ne peregrinus oris sonus prosequatur etiam Latine loquentem. Fædum est enim hominem in ea lingua videri hospitem, in qua natus est. Quod si negligentia acciderit, desidæ crimen est: si affectatione, stultitiæ tribuitur. Nec desunt tamen qui hoc ceu bellum & elegans affectent, sic redeunt nobis ex Gallis, ut Latine sonantes vix intelligantur, & si quid habeat ea gens in dicendo vitii, puta volubilitatem linguæ, confusos accentus, aut voces nihil significantes, interjectionum vice subinde mixtas Latinis, id studiose repræsentent, quo valde Galli videantur. Nos quoniam Græca fere discimus in hoc ut veterum libros evolamus, potius quam ut cum vulgo Græcorum fabulemur, præstiterit utriusque linguæ rudimentis semel traditis, in Latinis potissimum exerceri, donec confirmatus adolescens junctis utriusque literaturæ studiis tuto progredi possit. LE. Et istam fabulam Urse, haudquaquam surdo canis. UR. Nunc si non est molestum audire, restat commemorare quid illi de sonandis singulis elementis tradiderint. LE. Audiam per quam lubens. UR. Atque operæ pretium est, nunc enim tota fere pronuntiatio depravata est, tum apud Græcos, tum apud Latinos. LE. Quid audio? UR. Sic est. LE. Undenam id accidit? UR. Partim ex corruptela vulgati sermonis, partim hinc quod soni vocum scribi non queunt. Et scis quam nihil apud populum stabile, nihil diuturnum. Verum hoc interim mihi credas velim, mox demonstraturo, si pauca de sonis elementorum perstrinxero. Ordiam autem a vocalibus, quas Latinis esse quinque notissimum est, a, e, i, o, u, Græcis septem, α, ε, η, ι, ο, υ, ω. Et apud Latinos omnes ancipites esse, apud Græcos duas natura breves, ε, ο, totidem longas η, ι, tres ancipites, α, ι, υ. Ex his A. diducto largiter ore profertur, lingua recta suspensa, hoc est, nec ad palatum superius afflexa, nec in anterior dentium vallum impacta, nec in latera dentium illi-

Tom. I. N n n a fa,

935

sa, nec inter dentium hiatum inferta, voxque prodit ex arteria profundiore, feriens superius palatum. Cur autem vocales dicantur, a Grammaticis jam olim reddita est ratio, vel quod elegantius sonent, vel quod per se sonent, vel quod aliis, quæ consonantes vocantur, vocem tribuant alioqui mutis, nisi si quid edant stridoris, aut strepitus, unde & femivocalibus nomen. Sed cur Alpha inter vocales primas teneat difficilior est quæstio. Quidam ajunt Cadmum ob hoc primum locum tribuisse alpha, quod Phœnicum lingua *bos* appelletur *alpha*. At Hesiodus in paranda re familiari, primo loco secundum domum & uxorem ponit *βοῦν ἀροτῆρα*. Hæc ratio per me, Casca Cascis arrideat licebit, mihi probabilis videtur, ideo prælatam apud Græcos inter ancipites, quod hæc in compositione syllabarum præcedit, i & y, quum ipsa nullam sequatur vocalem in eadem syllaba. Nam in vaco, & jaceo, prima migravit in vim consonantis. Nec adversatur huic rationi, quod adfertur ab aliis, hoc esse naturale minimeque operosum loquendi exordium. In loquendo siquidem nihil est prius, quam diducere labia, mox nullo alio vel dentium vel lingue vel labiorum adminiculo, vocem edere, quam primam audimus in pueris nascentibus. L. E. Nec dissimilem in ovibus balantibus. U. E. simili modo profertur, nisi quod ore parcius diducto, vox non erumpit sursum in coelum oris, sed in linguam infimam, quæ leviter ferit utrinque dentes molares, reductis introrsum labiis. Inter hæc duo elementa, medium est, Græcorum, quod effertur rictu minus diducto quam in *a*, hiantiore tamen ac minus in ima depressio sono quam in *e*. Cognationem arguit primum, quod apud Græcos, *a* frequenter vertitur in *η*, & contra ut *πρίπτος* pro *πρίατος*, & *ἱητρός* pro *ἱατρός*. Contra *ταῖν* pro *τῆν*. Apud Latinos ferre vertitur in *e* longum, ut *κῆρες* Cretes, & *σπλῆν* splen. Id si crassiore Minerva tibi demonstrari cupis, L. E. Crassissima si potes, atque adeo, si libet, adipali. U. Justum est *a*, quod sonant Itali. Immodice diducto vel rotundato magis ore sonant Westphali, referentes Jonicum quiddam, qui pro alpha sonabant *a* mega, dicentes *θαῦμα* pro *θαῦμα*, & *αὐτός* pro *αὐτός*: ut alii contra, *a* vertunt in alpha, pro *τῶν νυμφῶν* dicentes *τῶν νυμφῶν*, *μεσῶν* pro *μεσῶν*, *πρῶτος*, pro *πρῶτος*. Item *e* vertitur in *η*, ut *ἡγεμέγασε*, & pro *ἑβλόμην*, *ἡβλόμην*. Hæc nimirum arguunt his literis vicinitatem quandam in sono fuisse, *η* vero sonuisse videtur apud Græcos, quod nunc sonat *a*, Scotorum, aut Hollandorum quorundam: neque enim omnes eodem modo promunt, ac de vulgo nunc loquimur, ne quis eruditus existimet hæc ad se pertinere. Quum enim hi dicunt *ama* & *eme* Italorum more pronuntiata, quemadmodum alii, quos diximus Jonicum quiddam referre, pene sonant *omo*. Nunc fac ut oculis os, auribus sonum observes, dicam primum Italice, mox Scotice, postremo Westphalice. L. E. Isthic sum. U. *Ama*, *ama*, *ama*, *Fama*, *fama*, *fama*, *Janua*, *janua*, *janua*. L. E. Crassissime profecto dicis, sed tamen ad docendum apposite. Verum age dic, discernuntur ne hæc apud Græcos? U. Vix sentias, sed jam admonui pronuntiationem esse corruptam. Siquidem quam nunc habent eruditi, non aliunde petunt quam a vulgo, scis quali magistro, verum de his mox. Jam in *e* pronuntiando non leviter peccat vulgus. L. E. Quid ita? U. Quia literam eandem aliter atque aliter sonant, nunc ore contractiore, nunc diductiore, de nostratibus loquor. Nam Italorum hic, ut in aliis plerisque, correctior est enunciatio. L. E. Exspecto exemplum. U. Dicam in genere. Quum *e*, finit syllabam, sat recte sonant: quum adhæret illi consonans, vel *a* sonant pro *e*, vel *η*, hoc est, a Scoticum. *Demo* probe sonant & *pero*: at *perago*, *pervia*, *sperma*, diductius resonant quam par est, & in lego contractius efferunt quam in lex, in rego quam in rex, in rebus quam in res. Verum id potissimum accidit, quum *e* excipitur a consonante *r*: quum enim dicunt *adspergo*, secunda syllaba nihil aliud sonare videtur, quam in *sparta* prior, & in *pervius* prima minimum aut nihil discernitur ab ea quæ præcedit in *parvo*. Item in *perundo* & *pariu*, *erro* & *arra*, *verro* &

varro. Idem vitium sequi solet etiam Græca sonantes, ni fuerint diligenter admoniti. Vix enim in *πρίπα*, & *πρίπτος* discernunt primas syllabas. Quanquam hæc felicissime distinguunt Itali. Vix in alia litera magis errat Gallorum vulgus, a pro *e* sonantium, si quando vocalem excipiat *n*, aut *m*. Nam pro *quandam* sonant *quandam*, pro *valens valens*, pro *redemptus redemptus*, pro *emblemata emblemata*, pro *vendo vando*, pro *ventosus ventosus*, pro *tempus tempus*. Hunc errorem subinde deprehendimus etiam in todicibus Gallorum manu descriptis aut excusis. Hic tamen emendatior est Picardorum enunciatio, nec ulli magis peccant, quam qui sibi mire Gallice videntur loqui. Quod non in aliud monemus, nisi ut hæc protinus dediscant pueri, ne pravus usus hæreat Latina Græcave sonantibus, neve pro *ἐμπόρος* enuncient *ἐμπόρος*, pro *ἱερός*, *ἱερός*. L. E. Profectus ita res habet. U. Jam *i*, minus etiam diducto rictu sonatur, ac pene cocuntibus dentibus, quibus sensim lingua illiditur, qua parte sunt genuini, sic ut labia nihil adjuvent sonitum, sed reducuntur potius aliquantulum, ut in *e*. L. E. Teneo. U. Et hic bifariam peccatur a multis. Siquidem apud Brabantos, campestres quidam pro *i*, sonant diphthongum Græcam *ei*, quam evidenter audis quum nostrate lingua dicis *ovum*, & quum Latine dicis, *hei mihi*, veluti quum pro via dicunt *veia*, pro pia *peia*. Rursus Scoti quidam pro *e* sonant propemodum *i*, dicentes pro *faciebat*, *faciebat*. Ea consuetudo sic a puero inhæserat Joanni Coeto, viro alioqui facundo & erudito, ut nec in pronuntiando, nec in scripto vitaret, quamlibet admonitus ab amicis. Ne is quidem novus est error. Siquidem Victorinus Afer objurgat discipulos suos, quod *e*, verterent in *i*. Et rursus *i*, scriberent pro *e*. Ac prisci Grammatici, cumque his Fabius, ostendunt esse quandam sonum medium inter *e* & *i*, unde factum est, ut alii hanc, alii illam usurparent in eisdem dictionibus, velut *heri* & *here*, adverbium sono vocalis discernebatur, ab *heri* & *here* nomine. Ejusdem arbitror esse generis, *tempore* & *tempore*, *luci* & *luce*, *vesperi* & *vespere* adverbia. Hæc interdum transit in consonantem, quam nonnulli, sicut ante monuimus, plus satis sonant, sic dicentes *jecit*, quasi dicant *gecit*, & *majestas*, quasi sit *magestas*. Idem usurpant in Græcis dictionibus, quum *i*, apud Græcos semper sit vocalis, nec unquam præcedat alteram vocalem in eadem syllaba, ut *ἱατρός*, *ἱαμβος*: unde perperam quidam *jambus* sonant dissyllabum, quum vox *ἀμφίβραχυν* reddat. Sequitur *o*, similiter ex arteria prodians, quemadmodum *a*, lingua recta quidem, sed introrsum modice reducta, nisi quod ore non solum diducto, verum etiam rotundato, quod ipsa elementi figura videtur admonere: quemadmodum *i*, sua forma monstrat vocis exilitatem: & *e*, labiorum reductionem nobis veluti pingit. Item *A*, patens inferne, rictus diductionem pingit. Peccatur & hic a vulgo, nostrate dumtaxat. Nam Græci Italique recte sonant. L. E. Quo pacto? U. Primum Batavi literam hanc promunt ore contractiore quam opus est. Deinde eandem non eodem modo promunt. Rotundius enim sonat in *nos*, quam in *non*: in *nono*, quam in *nonne*: in *omen*, quam in *omme*. In posterioribus enim nostri pene sonant pro *o*, u Westphalicum. L. E. Plane sic habet. U. At faciam ut clarius etiam rem perspicias. Quod discrimen vulgo facimus inter *on*, quod est in *sondere* & inter *un*, quod est in *tundere*? Nec aliud sonat *o*, in *rhombus* quam *u*, in *tumbo*. Item in *funto*, & *fontes*. Atqui *o* diductiore rictu pronuntiandum erat. L. E. Quam multa peccamus imprudentes. Vel ab afinis discere poteramus hujus literæ pronuntiationem, unde illi apud Græcos nominis initium, *ὄνος* & ipsi sono *ὄνημις*. U. Item *a* mega nihil differt ab *o*, nisi quod *a* longum differt ab *a* brevi. Nam plenior sono profertur, de quo suo dicetur loco. Pro *u* vero formabis v Gallicum, si labia paululum exprotracta junxeris. Eandem literam rotundiore mugitu sonant Germani, immodico Westphali. Nec desunt tamen apud Italos, qui Gallorum more sonent, veluti Bergomates. Nonnulli contra labiis ad trium digitorum spatium indecore porrectis, nimirum Batavis contrarii. Romani modi-

modice. Nec omnibus feliciter cedit hujus vocis affectatio. Nostrates enim quum affectant Westphalorum imitari mugitum, non possunt id perpetuo facere, subinde lingua relabente ad inolitam, velutque nativam consuetudinem. Hanc inaequalitatem frequenter animadverti in Sacrificis Britannis. Nos in hac pronuntianda parum etiam nobis ipsis constamus, nonnunquam in eadem dictione, velut in *nullum*, *mullum*, & *Tullium*. In prima siquidem audis u Gallicum, in postrema u Westphalum. Idem sentire licet in hoc & hunc, in illud & illum. Sona Batavice *fontes*. LE. *Fontes*. UR. Sona *fundere*. LE. *Fundere*. UR. Quod discrimen audis inter utriusque dictionis primam syllabam? LE. Nullum. UR. In *rhombo* & *plumbo*, quid interest inter u & o? LE. Profecto nihil. UR. Nunc mihi considera ejusdem literæ sonum, non eundem. Sona, *sunt*. LE. *Sunt*. UR. Tolle n, & dic *sutor*. LE. *Sutor*. UR. An non sentis longe diversum sonum? LE. Quid ni? UR. Rursus, sona *plumbum* Batavice. LE. *Plumbum*. UR. Abjice liquida & dic *pluma*. LE. *Pluma*. UR. Quid simile huic u, cum illo? LE. Nihil. UR. Idem senties, si ex *tundere* facias *tundi*, ex *fundere* *fudi*. Verum in his fortassis aliquantulum patrocinabitur antiquitas, quæ *font* & *dicon*, quam *sunt* & *dicunt* scribere maluit. Apparet enim & apud illos paulo sonantius fuisse u sequente liquida n & m, quam in aliis dictionibus, quemadmodum contra in nonnullis medium sonum obtinebat inter u & i, ut in *optimus*, *peffimus*, unde veteres has voces per u scribendas putabant, *optumus*, *peffumus*, quod in his aliud quiddam sonaret i quam quod in *optimus* & *finus*. LE. Probabile est quod narras. UR. Tantum de inconstantia. Nunc ad cætera propero. UR. v Gallico respondet v Græcorum, vel ipsa teste figura, quæ nobis cum illis communis est, nisi quod nos sinistram lineam inferne protraximus v. u Westphalico respondet Græca diphthongus ov. Argumentum est, quod in usurpandis Græcorum vocibus, veteres frequenter v Græcum verterunt in u nostrum, velut in *us* & *ius*, in *mūs* & *mus*, in *super* & *super*, *superbus* & *superbus*. Quin & Latini ex Sylla Sullam faciunt, ex *αφύα* apua. Idem arguit quod Galli vulgo pro *θύειν* dicunt *tuer*, id est, mactare, usurpata voce Græca, nisi quod abijciunt adspirationem. LE. Poteramus istud vel ab avi ridicula discere, cui Græcis a cantu nativo vocabulum *κόρυξ*, quæ in *θύειν* cantus non i, sonat, sed u Gallicum, & hanc Latini cuculum, ni fallor, vocant. UR. Qui scis an avis hæc non eodem modo canat apud Græcos, quo apud nos? Sed ad rem. Rursus ov, vertunt in u productum, ut *μοῦσα* *musca*. Hoc adeo verum est, ut prisci Latini, si quando volebant syllabam haberi longam, addere soleant, o, *lumen* scribentes pro *lumen*, *novum* & *flumen* pro *novum* & *flumen*. Habet autem omnis syllaba longa sonum vegetiorem brevi. Nam producta vocalis, quemadmodum & diphthongus, gemina quodammodo vocalis est. Atque ex hujus rei neglecta distinctione gravissimus error, cum apud Græcos, tum vero apud Latinos existit. Apud Græcos enim, ut dixi, sunt natura longæ u & o, cumque his omnes diphthongi, breves e, i, o, apud Latinos vocales omnes sunt ancipites, licet non in iisdem syllabis. Quanquam autem Græcus pronuntiando confundit longarum ac brevium discrimen, tamen scriptura distinguit. Apud Latinos non idem fit. Qua de re post referam quod accepi. Illud notissimum est, u literam apud Latinos frequenter transire in naturam consonantis, interdum elidi, nonnunquam sic admisceri consonantibus, ut propemodum evanescat, at non quibuslibet. Consonans fit, quoties præponitur vocali, vel sibi, vel alteri in eadem syllaba, ut *vanus*, *venor*, *vinum*, *voceo*, *vulnus*, *servus*. Eliditur sequens m vel n, ut in *enimvero* & *invidia*. Docent hoc versus PARENTIANI: *Sine invidia laudem invenias, & amicos pares*. Et: *Enimvero Dave, nil loci est segnicia neque sordida*: In quorum priore nisi primo loco sit tribrachus, *sinirvi* non constat senarius trimeter, sic ut secundo sit spondeus *dia-laundia*, contractis in unam syllabam: quam potest & proceleumaticus accipere in posteriore nisi primus locus habeat anapæstum, non constat versus

A tetrameter. Neutrum autem fieri potest, nisi illic elidas u, hic u cum m, quæ inter consonantes ferme solet elidi præcedens vocalem. Admiscetur autem his consonantibus, q, c, g, & s, ut qui, cui, æquor, sanguis, anguis, lingua, consueco, & suavis, si adsit synæresis, & faciat dissyllabum: nec tamen hic prorsus evanescit. Vulgaris lingua idem facit in pluribus, velut quum dicit fatuum, u admiscetur d. Item quum sonant duo, conjungunt, t. Græci vero quemadmodum pro nostro f, ut cunque sonant φ, ita v nostrum consonans, quo reddant non habent, nisi quod recentiores in hoc abutuntur β, de quo paulo post dicetur. Si quando coguntur nostra suis literis scribere, pro *Valentinus* faciunt *οὐαλαντινός*, pentasyllabum. In hunc opinor usum Æoles repererant digamma, quod medium esset inter v, consonans nostrum & φ. Item quoties expriment *Quintus*, non aliter possunt quam *κοιντος*, quod eam literam velut evanescentem nesciant. Apud illos enim v, nullam præcedit vocalem in eadem syllaba, præterquam in diphthongo abusiva, y. Indicavit hoc Quintilianus, in *aquor*, & *aquum* reddi sonum quem Græci nullo modo possint exprimere. Hæctenus, de vocalibus aliquot. Nunc ad diphthongos accingor. LE. Ut lubet. UR. Primum illud manifestius est, quam ut vel ab eruditis Græcis negari possit, pronuntiationem, quæ nunc vulgo Græcorum cum doctis est communis, perperam sonare diphthongos aliquot, & simplices item aliquot vocales. LE. Quas? UR. Nonne η, ι, υ, υ, ε, ι, ε, indistincto sono pronunciant? LE. Ita mihi videtur, aut si quid est discriminis, vix aures percipiunt. UR. Frustra igitur sunt distinctæ literæ, si sono nihil differunt. LE. Apparet veteres aliter pronuntiasse. UR. Rursus aliquot ideo dicuntur propriæ diphthongi, quod duæ vocales ut scribuntur, ita sonantur, quod idem in his non fit quæ dicuntur abusive diphthongi. LE. Sic est. UR. Atqui in αι, οι, ει, quid audis nisi simplicem vocalem, in prima e, in cæteris i. LE. Nihil prorsus. UR. Ne quid jam discipulem de αυ, & ευ, in ε quid audis, nisi u, Westphalicum? Non enim aliud sonat prima hujus vocis *αἰρω* quam prima hujus *ἰρώ*. Nec aliud sonat ultima in *θαυμαστός*, quam ultima, in *ἐλληνιστί*, aut *ἀκονιστί*. Nec aliud penultima in *ἀλθία* quam in *σοφία*. Proinde aut frustra discernuntur a diphthongis improprie dictis, aut alio sono proferebantur quam hodie proferuntur. LE. Non habeo quod refellam. UR. Rursus, quid aliud audis in ultima *γραμματικῆς*, quam in ultima, *ἐλμικῆς*: Quid aliud sonat penultima in *μῦα* pro una, quam in *μῦα* pro musca, & *αῖψα* pro pisce? LE. Aut omnino nullum, aut perquam tenue discrimen est. UR. Et tamen extra controversiam est, literas tota natura diversas esse. LE. Demiror. UR. Et quid movit Latinos, ut tanto aliter sonarent αυ & ευ, quam Græci? Quid enim simile *παῦλος* & *Paulus*, *εὖος* & *Evius*. Et tamen opinor, hic Latinorum pronuntiationem emendatiorem esse quam Græcorum. Apud nos enim utraque vocalis auditur in *audio* & *euge*: a quo sono Græcorum aures in tantum abhorrent, ut quum nostra sonare conantur, *αῦδιο* dicant tetrasyllabum pro trisyllabo, *αῦδιο*: & *κλαῦδος* trisyllabum pro *κλαῦδος* dissyllabo: pro *θεῖν* monosyllabo, *θεῖν* dissyllabum. Atqui si Græci recte sonant αυ & ευ, servandus erat idem sonus υ, in *οὔτος* & *λόγυς*. At in his nihil auditur quod ullo modo vergat ad sonum f, aut v, consonantis. Porro quum sua efferunt, in diphthongo propemodum sonant f, aut v consonans, veluti medians adherere sequenti vocali, ut *ἰσφῆς*, *βασιλεὺς*, *βασιλεύς*, *εὐαγγελίον*. Atqui diphthongus non conflatur ex vocali & consonante. LE. Quo sono credis hæc veteres extulisse? UR. Referam quod in senatu Grammaticorum audiui. LE. Sat erit. UR. Conjecturam faciebant ex linguis popularibus, in quibus utcunque corruptis resident antiquæ pronuntiationis vestigia. ο. diphthongus Gallis quibusdam est familiarissima, quum vulgari more dicunt, *i mibi*, *tibi*, *sibi*: aut quum pronunciant, *i fidem*, *legem*, ac *regem*. Hic enim audis evidenter utramque vocalem o, & i. LE. Sic est profecto. UR. Ad eum propemodum sonuisse veteres arbitror, *μοι*, *σοι*, *δοι*, *τοῖς*, & *κύριοις*. Alio-

Tom. I.

N 3

qui

1 *δοι*, *τοι*, *φοι*. 2 *φοι*, *λοι*, *ροι*.

939

qui quorsum appellantur diphthongi propriæ, nisi eadem syllaba geminæ vocalis sonum edat? Atque ob id producit & diphthongus omnis, ut utraque possit audiri. Læ. Probabile narras. Ur. Jam æ diphthongum evidenter audire licet in lingua Germanorum, quum nominant * *Cesarem*, quanquam hic Batavi propius accedunt ad sonum e, vel ita, quod pene faciunt, ut dictum est, perpetuo in a vocali. Neque non sentitur apud nos diphthongus ei, si Hollandice dicas, *ovum*, *paratus*, *versutia*, *Majus*, *facinus*, *seductus*, *caro*. Apud Gallos hæc rarius auditur, ov vero arbitror priscis fere sonuisse, quod Batavi sonat, ¹ *senex*, *frigidus*, & *aurum*, aut eam *tunica* partem quæ tegit brachium. Rursum Latinam diphthongum æ audis, quum sonat ² *malus*, *vadis*, *consilium*, *sapor*. Oe vero quum sonat ³ *panem*, *nudum*, & *rubrum*, *callidum*, & *fragile* aut *necessitatem*: aut si dicas Gallice, *tribus vicibus*, Britannice, *nix*. Quanquam in his linguis deprehendas & alias diphthongos a Græcis pariter ac Latinis dissonantes, veluti quum Gallus dicit, ⁴ *melius*, *parum*, aut *fastidiosum*, aut *periculosum*. Item quum Batavi dicit, ⁵ *mentum*, aut *periculosum*. Item quum Batavi dicit, ⁶ *men-* *dacium*, *cervical*, aut *januam*, aut *Judaum*, quum Galli, *storem*, aut *honorem*. Cui non dissimilem habent Hebræi. In nonnullis audias tres vocales, ut quum Galli dicunt ⁷ *formosum patrem*, in formoso audis, e, a, & u, quum dictio sit monosyllaba. In aliis diphthongum inverfam, ut quum Batavi sonat ⁸ *arundinem*, aut *Margaritam* pro femina, audis enim i, ante e. Item quum Coloniensis dicit ⁹ *salutem*, audis u ante e. Rursum quum Hollandice dicis, ¹⁰ *dulce*, aut *bonum*, audis diphthongum novam, nullis literis exprimendam, sed sonum quendam medium inter o & u. Quum dicis, ¹¹ *domum* aut *murem*, audis i post u in eadem syllaba. Aut quum Gallus sonat ¹² *famam* aut *fructum*. Verum hæc persequi non est hujus instituti, præsertim quum nationes quædam nihil omnino sonent absque diphthongo. Ex his autem quæ retulimus satis est intelligi, & diphthongos posse sonari, & olim sonari solitas. Læ. Quæ res abiecit eas? Ur. Nihil aliud, opinor, quam loquendi delicia. Nam mulierculæ quondam elegans habebant, semiclusore ore, vixque motis labiis sonare verba, sic ut vix audiretur exitus. Diphthongi vero ferre torquent os, multumque resonant, quod nunc habetur indecorum, & ut rusticanum ridetur: inde primum apparet exortas diphthongos improprie dictas, deinde paulatim idem in aliis nonnullis ausæ sunt illiteratorum delicia. Læ. Non levis incommoditas si quid cui dictes scribendum, aut si quis ex alterius recitatione suum emendet codicem. Ur. Maxima. Quinam scietis qui excipit, quum audit vulgato more sonari *olivos*, an scribere debeat aut *ivos*, *ivos*, *ivos*, *ivos*, aut *ivos*. Læ. Nequaquam nisi sit eruditus. Ur. At non semper nobis cum eruditus res est, & quædam voces hujusmodi sunt, ut doctus etiam possit hæsitare, velut in *ὑμῶν* & *ὑμῶν*: quod si *ὑμῶν* sonet, per u Gallicum aut propemodum, & *ὑμῶν* per a Scoticum, hoc est, per e diductus, sublatum est error. Habes de diphthongis. Jam longarum breviumque syllabarum discrimen, magna ex parte sublatum est, & in Græcorum & in Latinorum pronunciatione, quum olim plebes imperita explosit atque exsibilavit histrionem, qui paululum se movisset extra numerum, aut si versus pronunciatus esset una syllaba brevior aut longior, quod a Cicerone literis proditum sciunt omnes, qui literas sciunt. Ex quo colligitur, & recitatore servasse spatia syllabarum, & illiteratam multitudinem, præsertim urbanam, aurium sensu dijudicasse. Nunc quis offenditur vel apud Græcos, vel apud Latinos, nisi si quid arguat accentus, quod in multis non potest: imo frequenter accentus ducit in errorem, dum facit videri longam quæ brevis est, & contra. Qui vero docti nunc discernunt an dicas *plâne* impostori, an *plâne*, aperte, an *plâne*, affirmans, quum in prima dictione sit pyrrhichius, in secunda trocheus, in tertia spondeus? Rursum an dicas *malo* pro vitioso, an *malo* pro potius habeo, an *malo* pro arbore, sive pomo, quum in prima voce sit iambus, in secunda trocheus, in tertia spondeus. Læ. Non satis assequor, quæ fuerit

illa ratio, saltandi ad vocem alienam. Ur. Audita referam, judicii periculum penes alios esto. Læ. *Θαύμα*; non hic agitur apud Prætores. Ur. Scis quosdam dictos Mimos, inter quos celeberrimi fuere, Publius & Laberius. Læ. Scio. Ur. Hi simul & recitatoris & histrionis officio fungebantur, pronunciantes versus sibi cognomines, hoc est, mimi mimos, & ad propriam vocem gesticulantes. Erat aliud histrionum genus, qui muta gestikulatione repræsentabant Poetarum longas fabulas, sic ut spectator intelligeret argumentum saltationis. Quo de genere diligenter tradidit Lucianus. Rursum erat recitatorum genus omnium honoratissimum, qui sua recitabant populo sine gestikulatione corporis, nisi quantum Oratori conceditur, vocem, oculos, vultum, & corporis motum sententiis accommodare, sic ¹ Virgilius, sic Horatius, sic Plinius sua recitabant populo, sic & Philemon suam ipsius fabulam populo recitasse legitur, quum nemo saltaret. Læ. Quatenus isthuc Oratori conceditur? Ur. Si vino lapsantem ac balbutientem narres, indecorum fuerit eam rem corporis gestu referre, aut si mulieris, pueri, senis, Germani, Galli, Britanni verba referas, ridiculum fuerit ipsa pronunciatione mulierem, puerum, senem, Germanum, Gallum, aut Britannum exprimere. Læ. Jucundum quidem esset. Ur. At non protinus bono viro decorum est, quod delectat. Plato & Fabius concedunt, ut modice vox loquentis ad ea quæ narrantur accommodetur: veluti si recites ex historia, lugentem, minuantem, blandientem, lascivientem, satis est aliquam rei similitudinem apparere in oratione. At sit interdum, ut aliquid loco additum ex vocis aut gestus alieni faceta imitatione gratiam habeat. Postremum genus est, quum unus recitat fabulam, & ad hujus vocem histriones personati, gestus attemperant. Hujus generis erat Roscius, quem accepimus cum M. Tullio decertasse, utrum ille sæpius verbis aliis eandem efferret sententiam, an ipse sæpius variatis gestibus repræsentaret. Læ. Unde colligis hoc fuisse genus histrionum? Ur. Primum ex ipsis Terentianis fabulis, in quarum calce recitator dicit: *valere & plaudite*, ² *Calliopius recensuit*. Si singulæ personæ suas voces promunt, quis est locus Calliopio? Læ. Dicis nonnihil. Ur. Accipe gravius argumentum. Ex Hecyræ prologo liquet eum qui præfatur solere fabulas ³ emere, easque recitaturum edificere. Alioqui si singuli suam portionem sonabant, cur unus hæc præfatur: Rursum qui præfatur in *ἰαυτὸν τῆς ὑμῶν*, queritur non haberi rationem suæ senectutis, ad quem deferrentur fabulæ turbulentæ. Nam nunc, inquit, *novas qui scribunt, nihil parcunt seni*. Si qual laboriosa est, ad me curritur: si lenis est, ad alium deferretur gregem. Quod si quis contendit hæc ab eo dici, qui suo periculo fabulam emere ac proferre, quique præcipuas fabulæ partes agere soleret, non inficiet & illud fabularum fuisse genus, quo singuli personati sua verba sonabant appolite gesticulantes. Quod accepi refero. Nunc ad id quod intermissum est redeo. Quum audis, *legi*, qui scis an prior longa sit, an brevis? Rursum quum audis *ῥοφίῳ*, nonne Latinus credat penultimam productam, nimirum accentu Latino deceptus? Læ. Prorsus. Ur. Accentus igitur incertus est index spatii syllabici, præsertim in Latinis polysyllabis. Læ. Est igitur alia ratio dignoscendi? Ur. Erat olim sine controversia, nunc ea prope in totum obsolevit. Læ. Quod aliquando fuit, potest instaurari. Ur. Sunt quidam adeo crassi, ut non distinguant accentum a quantitate, quum sit longe diversa ratio. Aliud est enim acutum, aliud diu tinnire: sic aliud intendi, aliud extendi: quanquam

¹ Constat quidem Virgilium, Horatium & Plinium amice privatim aliquando e libro, recitasse scripta sua, & populo in theatro nunquam. Privatas recitationes miscuit Erasmus cum publicis. Vide Inst. ad Sat. 1. Juvenalis, & Theod. Marcellum ad 1 Persii, ac præsertim Just. Lipsium Epist. ad Belgas Cent. 11. Ep. XLVIII. in 2 Tomo ejus Operum, p. 447. aut Ger. Joann. Vossium, in Lib. de Imitatione.

² Calliopius fuit Grammaticus, qui exemplaria Terentii recensuerat, quorum calci nomen suum addiderat; non histrio. Nec sunt hæc verba histrionis in theatro prolata, sed subscriptio Grammatici. Vide Inst. Terentii, & Gerard. Joan. Vossium in Aristarcho Lib. 1. c. 6.

³ Prætor, aut Aedilis emebat fabulam, non histrio, qui & ipse mercedem a Prætores accipiebat. Vide Inst. Terentii.

nihil vetat eandem syllabam & acutum habere tonum, & productum tempus, velut in *vidi*, & *legi*, præteritis. At eruditos novi, qui quum pronunciarent illud *ἀντίχρῳ* καὶ ἀντίχρῳ, mediam syllabam, quoniam tonum habet acutum, quantum possent producerent, quum sit natura brevis, vel brevissima potius. Et fere qui Græca legunt, accentus observatione confundunt spatium moræ, sic enunciantes *μενέλαος*, quasi penultima sit brevis, & *μενέδημος*, quasi duæ postremæ sint breves, quemadmodum in *θεόδωρος*, *παράκλητος*, *εἰδωλὰ*, aliisque innumeris. Nec ita multis contingit sonare Græca, ut accentum simul & morarum rationem observent, vel in carmine. Loquor autem non jam de vulgo, sed de eruditissimis quoque. Minus est erroris in Latinis, sed tamen illic quoque tonus acutus ac inflexus obscurat cæterarum sonum, ut in *videbimus*, congruit accentus cum quantitate, at in *legebamus*, sola penultima videtur esse producta, quum secunda sit æque longa: in amavérimus sola antepenultima, quum ea sit brevis, secunda producta. LE. Omnino sic obtinuit usus, quem dediscere difficillimum est. UR. Atqui qui degustarunt Musicam, nullo negotio distinguunt inter longam, brevem, & inter acutam & gravem. Nihil enim est aliud pronuntiatio, quam modulatio quædam vocum numerosa. Est enim & in oratione soluta pedum ratio, licet non perinde certis adstricta legibus ut in carmine: quæ si confundatur, non magis erit oratio quam cantio cantio, in qua graves cum acutis, longæ cum brevibus temere confunduntur. Unde quidam priscorum Grammaticorum non in scite dixerunt, accentum esse *animam dictionis*. Et tamen hodie talis est etiam eruditorum pronuntiatio, qualis esset illa ridicula cantio. Scis opinor canere cithara. LE. Utcunque. UR. Nonne frequenter imam chordam pulsans producis sonos, & summam tangens brevibus insonas aut contra? LE. Frequenter, quanquam hoc discrimen evidentius est in flatili Musica. UR. Unde igitur nos sumus usque adeo *ἀμύμοι*, ut omnes acutas syllabas sonemus productiore mora, graves omnes corripimus? Vel ab afinis licebat hoc discrimen discere, qui rudentes corripunt acutam vocem, imam producant. LE. Idem propemodum facit cuculus. UR. Quatuor enim rationibus curatum est a priscis, ut omnes syllabæ, quantum licet, clarius audiantur, ne qua suffugiat aures, aspiratione, tono, productione & diphthongo. Clarius enim auditur prima in *hero*, quam in *ero*. Et magis auditur *li* in *ligo*, quam in *intelligo*. Et sonantior est prior in *μῆμος* quam in *μόvos*. Itidem in *amavérimus*, sonantior esse deberet ma secunda, quam a, prima, ut in *amā* sit jambus, *verimūs* tribrachus, nisi quod prima trium acuitur, & ob hoc sonantior, quasi Musicus per brevem longam & tres breves sonet, *re re fa re re*, *amavérimūs*. In hac dictione sonantiores sunt secunda, quia producta, & proxima tono acuto, licet brevis. Quoniam autem vocales principes sunt sonorum, diphthongum audibiliorum faciunt duæ res, gemina vocalis, & productio moræ. Sonantior enim est prima in *audio*, quam in *adeo* & *udus*, in *oivos* quam in *ovos* & *idū*. Horum si nihil observatur, quid est oratio, nisi in compositis vocum strepitus? Jam intentio vocis & productio percipi non potest, nisi ex aliarum comparatione. Potest enim eadem esse brevis & longa, gravis & acuta, si ad alias atque alias comparetur, veluti vox pueri gravis, acutior est voce viri acuta, & syllaba brevis sic pronunciantis ut Cartusiani pronunciant psalmos festis diebus, productior est longa, volubili lingua pronunciantis, quemadmodum Sacrifici quidam expediunt preces solennes, dum ad alia quæ magis sunt cordi festinant. LE. Intelligo. UR. Quin & idem inter dicendum nunc lentius pronunciat, nunc celerius, nunc demissius, nunc clarius, utcunque sermonis ratio postulat. Nam & Oratores in exordiis, in quibus oportet sedatam esse dictionem, longiore mora pronunciant syllabas, quam in affectibus ubi jam incaluit oratio. Atque adeo in hac oratione: *Primum optimam spem de se præbebat, sobrius, quietus, placidus erga socios, observans officiosus erga majores, mox in diversum versus, capis amare, potare, rapere, prodigere turpiter omnia.*

A prior pars lentius sonatur quam posterior. LE. Fit idem a Musicis. UR. E proximis igitur petenda est & tonorum & morarum differentia. LE. Quæ ratio est brevis ad longam? UR. Dupla, ut ajunt Grammatici, verum in dicendo non est necesse tam exacte rationem observare, veluti fit in concentu musico, aut veluti si quis salter ad citharam. Sat est si longa, sensibili mora distinguatur a brevi. Nam fieri potest ut una longa respondeat duabus brevibus, aut amplius: rursus ut respondeat uni brevi & dimidio. Jam sunt dictiones duriores, quæ plus spatii postulant quam aliæ, præsertim monosyllabæ. Diutius enim sonat, *stant tristes*, quam *stant acies*, non solum ob consonantes in eandem syllabam coeuntes, verum etiam ob sequentem syllabam, quæ excipit, difficiliorem. Item plus moræ desiderat prima in *structus*, quam prima in *legro*, quum utraque sit longa. LE. Liberaſti me magno scrupulo. UR. Imo qui exactius super hisce rebus conscribere, docent in quibus syllabis sufficiat unicum tempus, in quibus unum semis, in quibus duo semis, in quibus tria. LE. Audio novam Musicam. UR. Haud tamen absurdum est, quod adferunt. Si vocalis, inquiunt, natura brevis est, & sequitur unica consonans, eaque simplex, unicum tempus obtinebit, ut caput, *λόγος*. Rursus ubi vocalem naturam brevem, muta cum liquida sequens, aut alioqui geminata, reddit ancipitem, tempus erit unum semis, ut *lachryma*, *recludo*, *cynus*, *Atlas*, *τέκνον*, *τέκμενος*, *ἀναμύσσω*: quod a quibusdam observatur etiam in diversis dictionibus, ut, *Tribulaque trabeaque*. Item, *Terrasque tractusque maris*. Sed potissimum si tres sint consonantes, aut prior sit f, habeatve inclusam, ut præmia scribe, a produci poterat, nec aliter produci volunt quidam quam elisione f, & *littora Xerxes*, quia sequitur duplex. Jam quæ natura vel positu longæ sunt, harum duo sunt tempora, ut *dos*, *mors*. Rursus si vocali natura longæ adhæreat unica consonans in eadem syllaba, in his tribuunt moræ tempora duo semis, hoc est, duo brevía, & semibreve, ut *sol*. Porro tria tempora volunt esse, quum vocalem naturam longam duæ consonantes sequuntur, aut una duplex, ut *mons*, *Rex*. Hujusmodi multa referebant ex auctore Prisciano, cujus auctoritas si cui parum gravis est, habet simile quiddam Quintilianus libro nono, tractans de Compositione. Testatur enim non omnes breves ac productas esse pares, sed esse breves, breviores, ac brevissimas: contra longas, longiores, ac longissimas: exempli gratia producit versiculum Maronis ex Tityro:

Agrestem tenui Musam meditaris avena.

Quamquam hic nostri codices habent *Sylvestrem* pro *Agrestem*, verum id nihil ad rem: in *Agrestem* duæ primæ syllabæ natura breves sunt, & tamen *gre*, secunda, facit priorem longam. *Dat igitur*, inquit, aliud ex suo tempore. *Quomodo dat, ni habet plus quam quæ brevissima, qualis ipsa esset detractis consonantibus? nunc unum tempus accommodat priori, & unum accipit a sequenti, ita duæ natura breves, positione sunt temporum quatuor.* Concursum igitur mutæ & liquidæ in *gre*, tardiorum redderet syllabæ pronuntiationem, etiam si nulla consonans sequeretur: nunc quia sequitur *st*, duplicatur tarditas, vel triplicatur potius, cujus portionem transfert in primam naturam brevem: tamen si Priscianus non tribueret primæ duo tempora, sed tempus unum semis, nec secundæ tribueret amplius, nisi ob vocalem utrinque cinctam gemina consonante. Verum hæc minutiora sunt, potuisset enim omnibus brevibus geminum tempus assignari, si placuisset senatui populoque Grammatico, ita nihil opus fuisset temporis unius sectione. Aliquanto post Fabius non inficiatus a scriptoribus traditum, finalem brevem pro longa accipi, *aurēs tamen*, inquit, *consulens meas intelligo multum referre, utrumne longa sit quæ cludit, an pro longa. Neque enim tam plenum est dicere, incipientem timere, quam illud, ausus est confiteri. Atqui si nihil refert, brevis an longa sit ultima, idem pes erit. Verum nescio quomodo sedebis hoc, illud subsistet. Quo moti quidam, longæ ultimæ tria tempora dederunt, ut illud tempus quod brevis ex longa accipit, huius quoque accederet.* Nec

ſc:

solum, inquit, *refert quis cludat, sed quis antecedit*. Vides Quintilianum sensisse discrimen inter longam & longiorem, brevem & breviorē etiam in finali commatis clausula, quanto magis id sensurus in cursu perpetuo vocum, aut in media dictione. Quod si veterum literarum nullum indicassent discrimen, tamen ipse naturalis aurium sensus non sineret aliter judicare. Quis enim non omnino stupidis auribus non intelligat, *κν* minus habere difficultatis in *κύν* quam in *κύνλωψ*, quum utraque sit brevis: rursus tardiorē esse sonum in *κύνλωψ* quam in *κύν*, quum utraque sit natura longa, sed illi moram addunt, quibus cingitur, consonantes a fronte duæ, a tergo duplex: huic additum, non difficultatem addit, sed jucunditatem. Præterea quis non sentit *ων* facilioris esse soni, quum dico, *κύνων ἐρᾷ*, quam quum dico *κύνων τρέχει*. Item tardius sonare *κύνλωψ*, quum dico *κύνλωψ στρατηγεί*, quam *κύνλωψ ὄρεᾷ*. In *κύνων ἐρᾷ* sex sunt tempora, in *κύνων τρέχει* sex semis. In *κύνλωψ ὄρεᾷ*, septem tempora, in *κύνλωψ στρατηγεί*, novem semis, ut *κύνλωψ*, syllabæ dimidium temporis accedat ob moram, quam adfert consonantium collisio. L. E. Haud proclive sit ista discernere. U. R. Nihil facilius. Atque adeo miror hoc homini musico videri, qui noris quomodo vocem, quam hodie maximam vocant, dividant in longam. Rursus quomodo longas in breves, breves in semibreves, semibreves in minimas, & has insuper secant in plusquam minimas: tum non ignores quomodo proportionibus, quas illi *modos* hodie vocant, varie producant aut accelerent pronunciationem, nunc ad rationem duplam, nunc ad triplam. Quanquam hac subtilitate nihil est opus. Res fuerit evidens, si, juxta Musicos, brevem feces in semibreve, ita in *καρπυ* prima, erit brevis: in *lachryma*, brevis cum semibreve: in *da & fle*, duæ breves: in *sol*, duæ breves & semibrevis: in *stirps & Rex*, tres breves. L. E. Intelligo. U. R. Verum hanc exquisitam varietatem negant observari in carmine pronunciando, sed in oratione prosa nihil vetat. At ego multo minus arbitror observari posse in multorum concentu, præsertim imperitorum. Hinc enim, ni fallor, natum est, quod chorus Ecclesiasticus nec in Psalmis recitandis, nec in Canticis solennibus, ullum habet brevium aut longarum delectum, ne tonorum quidem admodum magnam rationem, sed omnes pari temporis mora sonant, ne dum alius aliud sonat, inæqualitas vocum pariat indecoram confusionem. Et in cantu, si quando vocibus imparibus utuntur, inæqualitatem eam non ex natura syllabarum, sed ex suo arbitratu metiuntur. Quanquam hoc genus cantionis non recipiunt, qui religionis sunt austerioris, sed spondeis pronunciant omnia. Non dubito tamen, quin Ambrosius suos hymnos observatis syllabarum modulis canendos instituerit, eamque consuetudinem arbitror valuisse, donec crassior literarum inficitia, & inconditus vocum tumultus compulit ad hanc inæqualem æqualitatem confugere. Quin audiui Concionatores ex hoc genere, qui quo pluris habeantur a populo, novum aliquid ac prodigiosum comminiscuntur, eodem tono, pari mora pronunciantes syllabas omnes, paribus etiam intervallis, quasi singulæ syllabæ singulas absolverent dictiones, magna quidem admiratione plebis imperitæ, sed æque magno tum risu, tum tædio doctorum hominum. Hoc enim vere est, quod ait Cicero, *latrare, non loqui*. Verum ut ad institutum nostra recurrat oratio: quemadmodum in productione syllabarum plurimum habet momenti facilitas aut difficultas literarum unde conflantur, neque quicquam vetat, quo minus in eodem sermone, nunc citatior, nunc lentior sit pronuntiatio, modo in cursu verborum, quam Græci *συνέπειαν* appellant, inter vicinas proportio discernat moras temporum, ita in modulandis tonis non est eadem ac perpetua ratio, ut omnes acutas fones iisdem chordis, seu graves, aut circumflexas: licet enim pro sensuum & affectuum varietate, nunc intensiore, nunc depresso lingue sonari: ex proxime præcedentibus ac proxime sequentibus distinguere vocis modulationem fat erit. Non enim semper pari spatio vox acuta ultra gravem intenditur, sed utcunque commodum est, aut ut ser-

monis natura postulat remissior aut ardentior. Interdum enim ad semitonium, interdum ad tonum, nonnunquam ad ditonum, alias ad *τὴν διὰ τεσσάρων*, aut *διὰ πέντε* tollitur. Quidam etiam altius, & ultra *τὴν διὰ πέντε*, sed jam indecore, nec citra speciem insanix, quæ hoc est evidentior, quo id faciunt crebrius, maxime quum sensus nullam vocis mutationem postulet. Tota hæc modulandi ratio intra heptachordi modos consistit. Rursus in depressione vocis eadem est ratio, nec anxie servandum est, ut omnes, quemadmodum dixi, syllabæ eodem tenore, velut eadem sonentur chorda, præter eam quæ acuitur: quod genus si dicas *legeramus, abominanda, horrenda, non referenda*, prima legeramus potest sonari in nete (singamus enim hanc esse, quæ gravissimam edit vocem) secunda in paranete, tertia in paramefe, quarta rursus in paranete. Rursum in abominanda, primæ duæ sonari possunt in paramefe, tertia in mese, quarta in parypate, quinta in mese. Item horrenda, prima sonari potest in lichano, secunda in hypate, tertia in parypate. Denique, non referenda, primam fones licebit in paramefe, proximam in paranete, antepenultimam in nete, penultimam in paramefe, ultimam in nete. L. E. Hic desidero meam citharam. Sed age dic quo pacto discernitur acutus tonus a circumflexo? U. R. Duplici nota, productione temporis & intensione vocis, ut lentiore, ita remissiore. Non huc accersam Musicorum subtilitates, qui distinguunt tonum ac semitonium, dividunt per apotomas, dieses, commata, schisinata, & diaschismata. Nobis ad hanc rem sufficit discrimen toni, semitonii, si vis & ditoni. Sit igitur hoc discrimen inter acutum & inflexum quod inter tonum & semitonium, aut si hoc videtur obscurius, quod inter tonum & ditonum. Et hoc discrimen Latini prorsus negligunt, quum quoties penultimam naturam longam excipit ultima brevis, in priorē loco sit circumflexus accentus, non acutus. *Vidi*, primam habet acutam, *vidit*, primam habet circumflexam: illud perinde sonat, quasi dicas *fa re* (nam docendi gratia, crassius est loquendum) hoc quasi dicas *fa mi*, aut si syllabam, cui tonus additur, conferas cum præcedente, acutus perinde sonabit, quasi dicas *re mi*, perfecto tono: circumflexus, quasi dicas *mi fa*, quia semitonium est. Quod si cujus aures sunt hebetiores quam ut hanc sentiant differentiam, sit acutus *fa ut*, aut *ut fa*, circumflexus *fa re*, aut *re fa*, prout syllabam intendendam cum præcedenti aut sequenti conferes. Hæc quum discreverint veteres & usu & præceptis, an non piaculum est nos hoc discrimen in totum negligere? Quis enim nunc discernit pronuncians inter has *crēta, mīsa, Rōma, mēta, vēna*, nominandi vocandive casu, & *crēta, mīsa, Rōma, mēta, vēna*, auferendi casu? L. E. Certe nemo. U. R. Rursus inter *lūctus* recto casu, & *lūctus* paterno casu? Atqui in prioribus est trocheus, & prior syllaba tonum habet circumflexum, ob ultimam brevem, in altera prior habet acutum, propter sequentem productam. L. E. Audi veteribus ultimam semper habitam pro ancipiti. U. R. Verum ultimam carminis, non cuiuslibet dictionis, & quod veniæ datur in carmine, fortasse dabitur & in colis, aut periodis, tametsi ne illic quidem, nisi ut pro brevi fones longam, non contra. In synepia vero nequaquam idem licuerit. Et quamquam evidentius brevis ac longæ discrimen est, vocalem excipiente consonante, ut fructus & fructus, ut post docebimus: tamen apud veteres finalis vocalis nulla sequente consonante manifesto discrimine signabatur. Id esse verum liquet ex Diomede Grammatico, qui docet o in fine verborum solere produci Græcorum exemplo, qui ut *λίγω* dicunt & *τίναίω*, ita illi *dico* & *cédo*: Post, inquit, *usus in tantum obtinuit, vocalem hanc haberi pro ancipiti, ut ridiculus esset qui non corripere*. At unde deprehendebat hoc irrisor ille, si tum pronuntiabant ut nos pronunciamus hodie? Nimirum ex accentu, & mora temporis, præsertim in cursu. Qui producebat, dicebat *dico tibi*. Jam duæ dictiones habebant sex tempora, & syllaba prior in utraque tantum habebat acutum. Qui corripiebat, ita sonabat, *dico tibi*, & eadem dictiones non habebant nisi quinque tempora. Itidem si dicas,

amo pecuniam, facile dignoscant aures an sonos jambos duos & pyrrhichium, an tribrachum & dactylum. L. E. Monitus sentio. U. R. Nuhe aliam accipe fabulam, quæ rem candem doceat. Quintilianus libro 1^o duodecimo narrat rusticum quendam testem interrogatum an nosset *Amphionem*, negasse. At cujus intererat illum nosse hominem, quum esset minime stultus, suspicatus est id quod erat, rusticum, hominem quidem nosse, sed non agnoscere vocem parum rustice pronunciatam. Itaque veluti de altero percontans, rogavit an nosset *Amphionem*, videlicet adpiratione sublata, & secunda syllaba breviate: protinus agnovit *Amphionem*, qui *Amphionem* non noverat. Hic accentus quoniam anteit penultimam, non indicat discrimen quantitatis syllabarum: quum enim penultima sit brevis, in antecedenti tonus sit oportet, sive corripitur illa, sive porrigatur. Unde igitur rusticus ille discernebat a longa brevem? Nec enim refert ad dignoscendi facultatem, quod apud rusticos vitiose corripiebatur. Sic esse pronunciatum existimabat, hoc mihi satis est, quod aurium iudicio fecerit brevem a longa. Unde inquam? Non accentu, ut modo dicebam, sed mora temporis. Quum enim urbane pronunciaret *Amphionem*, Ionicus erat *ἀμφίονος*, hoc est, spondeus cum pyrrhichio: quum *Amphionem* more rusticorum, trocheus erat cum pyrrhichio. Suetonius indicat Neronem Cæsarem mortuo Claudio stultitiam exprobrare solitum, unius vocalis productione. Quoties enim incideret, ut diceret illum esse mortuum, ita loquebatur: *Defuit inter vivos morari*, porrecta prima syllaba. Quis autem erat hic joco locus, si quemadmodum nunc loquimur, ita tum quoque nullum longæ brevisque discrimen sentiebant auditorum aures? Num hæc tibi videntur satis aperta. L. E. Non habeo quod contradicam. U. R. Accipe quod his omnibus evidentiuss est. Tot auctores apud Græcos scriptores de numeris orationis conscripserunt, inter quos sunt Aristoteles ac Theophrastus, si Rhetores contemnimus: tot apud Latinos, præsertim M. Tullius & Quintilianus. At oratio numerosa, quibus rebus constat? L. E. Pedibus opinor. U. R. Recte, nam iisdem pedibus constat oratio soluta quibus carmen, nisi quod non æque certis legibus inter se junguntur. At pedes unde constant? L. E. Ex brevium ac longarum syllabarum inter se connexionem. U. R. Rursus qua re discrepat a brevi longa? L. E. Porrectiore mora pronunciandi. U. R. Si tum confundebar longarum ac brevium discrimen, quemadmodum hodie facimus, quorum attinebat celebres & graves viros tot voluminibus præcipere de numerosa dictione? Ac Romæ quidem, quoniam Democratia, propter Senatus auctoritatem temperata erat Aristocratia: multa apud populum, nonnulla etiam in Senatu agebantur. Athenis autem quod esset Democratia pura, omnia agebantur apud populum. Quod si plebes imperita non discernebat longas a brevibus, quorsum opus erat Demosthenem olei simul & somni iactura hac sollicitudine discrucari? Sin indocta multitudo bene modulatis delectabatur, rursus male compositis offendebar, qua fronte nos nobis loqui videmur, qui præter accentus nullum in syllabis discrimen facimus, atque hic ipse accentus frequenter in causa est, ut pro brevi sonemus longam. Frustra tam operose præcipitur, qui pedes congruant initiis & clausulis, incisorum, membrorum, & periodorum, si nostri arbitrii est pro brevibus longas, pro longis sonare breves. Cur in mediis vitabant immodicam syllabarum celeritatem, quæ sic offendebar aures, ut puerilium crepitaculorum strepitus, unde Aristoteles ejusmodi compositionem chordecem appellat, si ubicunque tonus est, licet sonare productam? ut mulier, faciat dactylum non tribrachum, & temeritas faciat dijambum, non pæonem quartum, qui constat pyrrhichio & jambo. *Animula misera perii*, si pronuncies ut oportet, offenduntur aures eruditæ concursu brevium, quasi tu τὴν χόρδα καὶ saltant canas, aut τὴν τρετανολό. At nos hic sonamus dijambum in *animula*, duos dactylos in *misera perii*. 2 Cur quibusdam visum est durius, quod Marcus Tullius in clausula

1 Non est in eo Quintilianus libro, nec vacat diutius querere.

2 Vide Quintilianum lib. 12. c. 4.

posuerit, *balneator* & *archipirata*, Demosthenes, πᾶσι τοῖς πῶσαις, qui finis est jambici Scazontis, constans ex Trochæo & Molosso, si nobis licet, *balneator*, tribrachio & spondeo, *archipirata* dactylo & spondeo sonare? Rursus cur laudatur hæc ejusdem compositio, *iisdem in armis fui*, quod, *in armis fui*, spondeus jambo præponitur, aut quod *iisdem in armis fui*, sint duo cretici, si nobis licet, ut fere facimus, sonare dactylum, & dichoreum, in *iisdem in*, & *armis, fui*? Siquidem tono decepti, priorem in *fui*, producimus. Aut qua ratione probatur illa Ciceronis clausula, criminis causa, quia spondeum præcedit creticus, si nobis permittimus creticum vertere in dactylum, quod improbat ab artis scriptoribus? Idem dicere possum de clausula Ciceronis, verumetiam nota, in qua spondeus succedit anapæsto, si nobis liberum est pro anapæsto sonare dactylum, ut fere nunc vulgo sonant etiam docti. Cur illa Ciceronis clausula doctis olim visa est felix: *patris dictum sapiens, temeritas filii comprobavit*, quod ultima dictio dichoreum absolvat, si tum liberum erat pro dichoreo sonare pæonem tertium, hoc est pyrrhichium ac trochæum? Sed exemplorum plus satis. Vides quantam sylvam adferre queam, sed hæc declarandæ rei abunde, ni fallor, sufficiunt. L. E. Mihi sane supersunt etiam. Cæterum nunc aures ista non dijudicant. U. R. Quid causæ, nisi quod aures habemus asininas? quibus non placet lusciniæ cantio modulatissima. Et tamen istæ aures in Musarum donis plus quam asinina, in saltationibus ineptis, in ebriis cantionibus sentiunt longæ, brevis, acutæ, demissæ, mediæque vocis discrimen. L. E. Sic est: ubi intenderis animum, ibi valet. Si hæc sunt vera quæ narras, ut sunt profecto verissima, nullus hoc tempore sonat Latine. U. R. Adde, ne Græce quidem, utcunque nobis placemus. L. E. Multi quærun in vocibus Græcis, quas usurpatione, sui juris fecerunt Latini, quæ ratio accentuum sit observanda. U. R. Istud expedire per facile est. Si vox deflexa est ad normam Latinæ declinationis, fervetur accentus Latini regula. Id præterquam quod justius est, etiam commodius est. L. E. Quamobrem? U. R. Quia apud Latinos perpetua ratio est, Græci variant, eo quod Latini fere spectant penultimam in polysyllabis: in dissyllabis tonus prope semper est in priore, nec aliunde alio migrat, quemadmodum apud Græcos. L. E. Exemplo rem feceris dilucidiorum. U. R. Quidam malunt dicere *Grammaticæ*, *Grammatices*, *Grammaticen* Græco more, quam Latino. Atqui Latine si dicas, tonus semper erit in ea quæ tertia est ab ultima, alioqui *Grammatica*, ultimum habebit acutam: *Grammatices* paternus casus, & *Grammaticæ* dativus circumflexus: rursus *Grammatica* acutam, quanquam in septimo casu cogeris esse Latinus. Item qui *Timotheus* dicit Latine, semper acuit antepenultimam, & hæc tunc convenit cum Græcis quoties ultima corripitur. Cæterum quoties ultima sit longa, tonus migrat juxta Græcos in penultimam, ut *Timothei*, *Timotheo* in *Timotheum* remigrat in locum suum. L. E. Expeditius itaque dicemus *sophia* prima acuta, & *Philosophia* antepenultima acuta? U. R. Sic opinor. Nam quod Christiani quidam tantum tribuerunt accentui Græco, ut in metro quoque syllabam naturam longam corripuerint, velut in *idola*, & *paracletus*, *ecclesia*, & si qua sunt alia, condonandum arbitror pietati potius quam imitandum. L. E. Explana, quæso, crassius, quo sono discernatur natura longa vocalis a brevi. U. R. Id ne putes rem novam, dilucide patet in linguis vulgaribus, quæ & sono & scriptura discernunt longam a brevi, longam aut geminata vocali scribentes, aut addita vocali vertentes in diphthongum. Dic Batavice 1 *album*, sentis unicum 1 *Wia* 2 *Wijn* 3 *Wijn* 4 *Wijn* 5 *Wijn* 6 *Wijn* 7 *Wijn* 8 *Wijn* 9 *Wijn* 10 *Wijn* 11 *Wijn* 12 *Wijn* 13 *Wijn* 14 *Wijn* 15 *Wijn* 16 *Wijn* 17 *Wijn* 18 *Wijn* 19 *Wijn* 20 *Wijn* 21 *Wijn* 22 *Wijn* 23 *Wijn* 24 *Wijn* 25 *Wijn* 26 *Wijn* 27 *Wijn* 28 *Wijn* 29 *Wijn* 30 *Wijn* 31 *Wijn* 32 *Wijn* 33 *Wijn* 34 *Wijn* 35 *Wijn* 36 *Wijn* 37 *Wijn* 38 *Wijn* 39 *Wijn* 40 *Wijn* 41 *Wijn* 42 *Wijn* 43 *Wijn* 44 *Wijn* 45 *Wijn* 46 *Wijn* 47 *Wijn* 48 *Wijn* 49 *Wijn* 50 *Wijn* 51 *Wijn* 52 *Wijn* 53 *Wijn* 54 *Wijn* 55 *Wijn* 56 *Wijn* 57 *Wijn* 58 *Wijn* 59 *Wijn* 60 *Wijn* 61 *Wijn* 62 *Wijn* 63 *Wijn* 64 *Wijn* 65 *Wijn* 66 *Wijn* 67 *Wijn* 68 *Wijn* 69 *Wijn* 70 *Wijn* 71 *Wijn* 72 *Wijn* 73 *Wijn* 74 *Wijn* 75 *Wijn* 76 *Wijn* 77 *Wijn* 78 *Wijn* 79 *Wijn* 80 *Wijn* 81 *Wijn* 82 *Wijn* 83 *Wijn* 84 *Wijn* 85 *Wijn* 86 *Wijn* 87 *Wijn* 88 *Wijn* 89 *Wijn* 90 *Wijn* 91 *Wijn* 92 *Wijn* 93 *Wijn* 94 *Wijn* 95 *Wijn* 96 *Wijn* 97 *Wijn* 98 *Wijn* 99 *Wijn* 100 *Wijn* 101 *Wijn* 102 *Wijn* 103 *Wijn* 104 *Wijn* 105 *Wijn* 106 *Wijn* 107 *Wijn* 108 *Wijn* 109 *Wijn* 110 *Wijn* 111 *Wijn* 112 *Wijn* 113 *Wijn* 114 *Wijn* 115 *Wijn* 116 *Wijn* 117 *Wijn* 118 *Wijn* 119 *Wijn* 120 *Wijn* 121 *Wijn* 122 *Wijn* 123 *Wijn* 124 *Wijn* 125 *Wijn* 126 *Wijn* 127 *Wijn* 128 *Wijn* 129 *Wijn* 130 *Wijn* 131 *Wijn* 132 *Wijn* 133 *Wijn* 134 *Wijn* 135 *Wijn* 136 *Wijn* 137 *Wijn* 138 *Wijn* 139 *Wijn* 140 *Wijn* 141 *Wijn* 142 *Wijn* 143 *Wijn* 144 *Wijn* 145 *Wijn* 146 *Wijn* 147 *Wijn* 148 *Wijn* 149 *Wijn* 150 *Wijn* 151 *Wijn* 152 *Wijn* 153 *Wijn* 154 *Wijn* 155 *Wijn* 156 *Wijn* 157 *Wijn* 158 *Wijn* 159 *Wijn* 160 *Wijn* 161 *Wijn* 162 *Wijn* 163 *Wijn* 164 *Wijn* 165 *Wijn* 166 *Wijn* 167 *Wijn* 168 *Wijn* 169 *Wijn* 170 *Wijn* 171 *Wijn* 172 *Wijn* 173 *Wijn* 174 *Wijn* 175 *Wijn* 176 *Wijn* 177 *Wijn* 178 *Wijn* 179 *Wijn* 180 *Wijn* 181 *Wijn* 182 *Wijn* 183 *Wijn* 184 *Wijn* 185 *Wijn* 186 *Wijn* 187 *Wijn* 188 *Wijn* 189 *Wijn* 190 *Wijn* 191 *Wijn* 192 *Wijn* 193 *Wijn* 194 *Wijn* 195 *Wijn* 196 *Wijn* 197 *Wijn* 198 *Wijn* 199 *Wijn* 200 *Wijn* 201 *Wijn* 202 *Wijn* 203 *Wijn* 204 *Wijn* 205 *Wijn* 206 *Wijn* 207 *Wijn* 208 *Wijn* 209 *Wijn* 210 *Wijn* 211 *Wijn* 212 *Wijn* 213 *Wijn* 214 *Wijn* 215 *Wijn* 216 *Wijn* 217 *Wijn* 218 *Wijn* 219 *Wijn* 220 *Wijn* 221 *Wijn* 222 *Wijn* 223 *Wijn* 224 *Wijn* 225 *Wijn* 226 *Wijn* 227 *Wijn* 228 *Wijn* 229 *Wijn* 230 *Wijn* 231 *Wijn* 232 *Wijn* 233 *Wijn* 234 *Wijn* 235 *Wijn* 236 *Wijn* 237 *Wijn* 238 *Wijn* 239 *Wijn* 240 *Wijn* 241 *Wijn* 242 *Wijn* 243 *Wijn* 244 *Wijn* 245 *Wijn* 246 *Wijn* 247 *Wijn* 248 *Wijn* 249 *Wijn* 250 *Wijn* 251 *Wijn* 252 *Wijn* 253 *Wijn* 254 *Wijn* 255 *Wijn* 256 *Wijn* 257 *Wijn* 258 *Wijn* 259 *Wijn* 260 *Wijn* 261 *Wijn* 262 *Wijn* 263 *Wijn* 264 *Wijn* 265 *Wijn* 266 *Wijn* 267 *Wijn* 268 *Wijn* 269 *Wijn* 270 *Wijn* 271 *Wijn* 272 *Wijn* 273 *Wijn* 274 *Wijn* 275 *Wijn* 276 *Wijn* 277 *Wijn* 278 *Wijn* 279 *Wijn* 280 *Wijn* 281 *Wijn* 282 *Wijn* 283 *Wijn* 284 *Wijn* 285 *Wijn* 286 *Wijn* 287 *Wijn* 288 *Wijn* 289 *Wijn* 290 *Wijn* 291 *Wijn* 292 *Wijn* 293 *Wijn* 294 *Wijn* 295 *Wijn* 296 *Wijn* 297 *Wijn* 298 *Wijn* 299 *Wijn* 300 *Wijn* 301 *Wijn* 302 *Wijn* 303 *Wijn* 304 *Wijn* 305 *Wijn* 306 *Wijn* 307 *Wijn* 308 *Wijn* 309 *Wijn* 310 *Wijn* 311 *Wijn* 312 *Wijn* 313 *Wijn* 314 *Wijn* 315 *Wijn* 316 *Wijn* 317 *Wijn* 318 *Wijn* 319 *Wijn* 320 *Wijn* 321 *Wijn* 322 *Wijn* 323 *Wijn* 324 *Wijn* 325 *Wijn* 326 *Wijn* 327 *Wijn* 328 *Wijn* 329 *Wijn* 330 *Wijn* 331 *Wijn* 332 *Wijn* 333 *Wijn* 334 *Wijn* 335 *Wijn* 336 *Wijn* 337 *Wijn* 338 *Wijn* 339 *Wijn* 340 *Wijn* 341 *Wijn* 342 *Wijn* 343 *Wijn* 344 *Wijn* 345 *Wijn* 346 *Wijn* 347 *Wijn* 348 *Wijn* 349 *Wijn* 350 *Wijn* 351 *Wijn* 352 *Wijn* 353 *Wijn* 354 *Wijn* 355 *Wijn* 356 *Wijn* 357 *Wijn* 358 *Wijn* 359 *Wijn* 360 *Wijn* 361 *Wijn* 362 *Wijn* 363 *Wijn* 364 *Wijn* 365 *Wijn* 366 *Wijn* 367 *Wijn* 368 *Wijn* 369 *Wijn* 370 *Wijn* 371 *Wijn* 372 *Wijn* 373 *Wijn* 374 *Wijn* 375 *Wijn* 376 *Wijn* 377 *Wijn* 378 *Wijn* 379 *Wijn* 380 *Wijn* 381 *Wijn* 382 *Wijn* 383 *Wijn* 384 *Wijn* 385 *Wijn* 386 *Wijn* 387 *Wijn* 388 *Wijn* 389 *Wijn* 390 *Wijn* 391 *Wijn* 392 *Wijn* 393 *Wijn* 394 *Wijn* 395 *Wijn* 396 *Wijn* 397 *Wijn* 398 *Wijn* 399 *Wijn* 400 *Wijn* 401 *Wijn* 402 *Wijn* 403 *Wijn* 404 *Wijn* 405 *Wijn* 406 *Wijn* 407 *Wijn* 408 *Wijn* 409 *Wijn* 410 *Wijn* 411 *Wijn* 412 *Wijn* 413 *Wijn* 414 *Wijn* 415 *Wijn* 416 *Wijn* 417 *Wijn* 418 *Wijn* 419 *Wijn* 420 *Wijn* 421 *Wijn* 422 *Wijn* 423 *Wijn* 424 *Wijn* 425 *Wijn* 426 *Wijn* 427 *Wijn* 428 *Wijn* 429 *Wijn* 430 *Wijn* 431 *Wijn* 432 *Wijn* 433 *Wijn* 434 *Wijn* 435 *Wijn* 436 *Wijn* 437 *Wijn* 438 *Wijn* 439 *Wijn* 440 *Wijn* 441 *Wijn* 442 *Wijn* 443 *Wijn* 444 *Wijn* 445 *Wijn* 446 *Wijn* 447 *Wijn* 448 *Wijn* 449 *Wijn* 450 *Wijn* 451 *Wijn* 452 *Wijn* 453 *Wijn* 454 *Wijn* 455 *Wijn* 456 *Wijn* 457 *Wijn* 458 *Wijn* 459 *Wijn* 460 *Wijn* 461 *Wijn* 462 *Wijn* 463 *Wijn* 464 *Wijn* 465 *Wijn* 466 *Wijn* 467 *Wijn* 468 *Wijn* 469 *Wijn* 470 *Wijn* 471 *Wijn* 472 *Wijn* 473 *Wijn* 474 *Wijn* 475 *Wijn* 476 *Wijn* 477 *Wijn* 478 *Wijn* 479 *Wijn* 480 *Wijn* 481 *Wijn* 482 *Wijn* 483 *Wijn* 484 *Wijn* 485 *Wijn* 486 *Wijn* 487 *Wijn* 488 *Wijn* 489 *Wijn* 490 *Wijn* 491 *Wijn* 492 *Wijn* 493 *Wijn* 494 *Wijn* 495 *Wijn* 496 *Wijn* 497 *Wijn* 498 *Wijn* 499 *Wijn* 500 *Wijn* 501 *Wijn* 502 *Wijn* 503 *Wijn* 504 *Wijn* 505 *Wijn* 506 *Wijn* 507 *Wijn* 508 *Wijn* 509 *Wijn* 510 *Wijn* 511 *Wijn* 512 *Wijn* 513 *Wijn* 514 *Wijn* 515 *Wijn* 516 *Wijn* 517 *Wijn* 518 *Wijn* 519 *Wijn* 520 *Wijn* 521 *Wijn* 522 *Wijn* 523 *Wijn* 524 *Wijn* 525 *Wijn* 526 *Wijn* 527 *Wijn* 528 *Wijn* 529 *Wijn* 530 *Wijn* 531 *Wijn* 532 *Wijn* 533 *Wijn* 534 *Wijn* 535 *Wijn* 536 *Wijn* 537 *Wijn* 538 *Wijn* 539 *Wijn* 540 *Wijn* 541 *Wijn* 542 *Wijn* 543 *Wijn* 544 *Wijn* 545 *Wijn* 546 *Wijn* 547 *Wijn* 548 *Wijn* 549 *Wijn* 550 *Wijn* 551 *Wijn* 552 *Wijn* 553 *Wijn* 554 *Wijn* 555 *Wijn* 556 *Wijn* 557 *Wijn* 558 *Wijn* 559 *Wijn* 560 *Wijn* 561 *Wijn* 562 *Wijn* 563 *Wijn* 564 *Wijn* 565 *Wijn* 566 *Wijn* 567 *Wijn* 568 *Wijn* 569 *Wijn* 570 *Wijn* 571 *Wijn* 572 *Wijn* 573 *Wijn* 574 *Wijn* 575 *Wijn* 576 *Wijn* 577 *Wijn* 578 *Wijn* 579 *Wijn* 580 *Wijn* 581 *Wijn* 582 *Wijn* 583 *Wijn* 584 *Wijn* 585 *Wijn* 586 *Wijn* 587 *Wijn* 588 *Wijn* 589 *Wijn* 590 *Wijn* 591 *Wijn* 592 *Wijn* 593 *Wijn* 594 *Wijn* 595 *Wijn* 596 *Wijn* 597 *Wijn* 598 *Wijn* 599 *Wijn* 600 *Wijn* 601 *Wijn* 602 *Wijn* 603 *Wijn* 604 *Wijn* 605 *Wijn* 606 *Wijn* 607 *Wijn* 608 *Wijn* 609 *Wijn* 610 *Wijn* 611 *Wijn* 612 *Wijn* 613 *Wijn* 614 *Wijn* 615 *Wijn* 616 *Wijn* 617 *Wijn* 618 *Wijn* 619 *Wijn* 620 *Wijn* 621 *Wijn* 622 *Wijn* 623 *Wijn* 624 *Wijn* 625 *Wijn* 626 *Wijn* 627 *Wijn* 628 *Wijn* 629 *Wijn* 630 *Wijn* 631 *Wijn* 632 *Wijn* 633 *Wijn* 634 *Wijn* 635 *Wijn* 636 *Wijn* 637 *Wijn* 638 *Wijn* 639 *Wijn* 640 *Wijn* 641 *Wijn* 642 *Wijn* 643 *Wijn* 644 *Wijn* 645 *Wijn* 646 *Wijn* 647 *Wijn* 648 *Wijn* 649 *Wijn* 650 *Wijn* 651 *Wijn* 652 *Wijn* 653 *Wijn* 654 *Wijn* 655 *Wijn* 656 *Wijn* 657 *Wijn* 658 *Wijn* 659 *Wijn* 660 *Wijn* 661 *Wijn* 662 *Wijn* 663 *Wijn* 664 *Wijn* 665 *Wijn* 666 *Wijn* 667 *Wijn* 668 *Wijn* 669 *Wijn* 670 *Wijn* 671 *Wijn* 672 *Wijn* 673 *Wijn* 674 *Wijn* 675 *Wijn* 676 *Wijn* 677 *Wijn* 678 *Wijn* 679 *Wijn* 680 *Wijn* 681 *Wijn* 682 *Wijn* 683 *Wijn* 684 *Wijn* 685 *Wijn* 686 *Wijn* 687 *Wijn* 688 *Wijn* 689 *Wijn* 690 *Wijn* 691 *Wijn* 692 *Wijn* 693 *Wijn* 694 *Wijn* 695 *Wijn* 696 *Wijn* 697 *Wijn* 698 *Wijn* 699 *Wijn* 700 *Wijn* 701 *Wijn* 702 *Wijn* 703 *Wijn* 704 *Wijn* 705 *Wijn* 706 *Wijn* 707 *Wijn* 708 *Wijn* 709 *Wijn* 710 *Wijn* 711 *Wijn* 712 *Wijn* 713 *Wijn* 714 *Wijn* 715 *Wijn* 716 *Wijn* 717 *Wijn* 718 *Wijn* 719 *Wijn* 720 *Wijn* 721 *Wijn* 722 *Wijn* 723 *Wijn* 724 *Wijn* 725 *Wijn* 726 *Wijn* 727 *Wijn* 728 *Wijn* 729 *Wijn* 730 *Wijn* 731 *Wijn* 732 *Wijn* 733 *Wijn* 734 *Wijn* 735 *Wijn* 736 *Wijn* 737 *Wijn* 738 *Wijn* 739 *Wijn* 740 *Wijn* 741 *Wijn* 742 *Wijn* 743 *Wijn* 744 *Wijn* 745 *Wijn* 746 *Wijn* 747 *Wijn* 748 *Wijn* 749 *Wijn* 750 *Wijn* 751 *Wijn* 752 *Wijn* 753 *Wijn* 754 *Wijn* 755 *Wijn* 756 *Wijn* 757 *Wijn* 758 *Wijn* 759 *Wijn* 760 *Wijn* 761 *Wijn* 762 *Wijn* 763 *Wijn* 764 *Wijn* 765 *Wijn* 766 *Wijn* 767 *Wijn* 768 *Wijn* 769 *Wijn* 770 *Wijn* 771 *Wijn* 772 *Wijn* 773 *Wijn* 774 *Wijn* 775 *Wijn* 776 *Wijn* 777 *Wijn* 778 *Wijn* 779 *Wijn* 780 *Wijn* 781 *Wijn* 782 *Wijn* 783 *Wijn* 784 *Wijn* 785 *Wijn* 786 *Wijn* 787 *Wijn* 788 *Wijn* 789 *Wijn* 790 *Wijn* 791 *Wijn* 792 *Wijn*

947

audis geminum, nisi *ma*vis hic esse peculiarem diphthongum. Item dic Anglice *panem*, audis ebreve, dic Batavice *latam*, audis ee geminum. Dic *obesum* Batavice, audis ebreve: dic *simultatem*, audis porrectum. Dic Batavice *rotam*, audis a breve. Dic *consilium*, audis diphthongum *æ*. Idem fit in *foramine*, & *vadite*: in *balneo*, & *lucro*. L.E. Jam mihi succurrunt istius generis exempla innumera. Ur. Quo magis mirum est nos hæc omnia confundere seu Græce, seu Latine loquentes. *ἤ* vox natura longa excepta prima litera, quid aliud sonat hodie quam apud Latinos *vir*? quæ natura brevis est. Item *πῦρ*, nos sequuti Græcos; male pronunciamus, quum Germani vocem eam a Græcis sumptam recte sonent, nisi quod tenuem vertunt in aspiratam, Batavi in v consonans. *πᾶς* nos male sonamus, Galli recte, quum *humile* dicunt aut *passum*. L.E. Sic est profecto. Ur. Jam in *ἤ*, quod ipsum ad nos fluxit a Græcis, Batavica lingua dum sonat *dier*. *θ* mutato in *δ* declarat quid sonuerit apud Græcos *ἤ*. Ad hæc quid aliud sonat syllaba *mus* in animante longa, quam in dictione *minus* brevis? L.E. Nihil prius. Ur. Atqui discrimen docet Batavus sonans animantis vocabulum, in quo audis geminum u: si fones simplex, nullus quid velis intelliget Latine nesciens. Tantum est discriminis in mora syllabæ, quod nos, perinde ac si nullius sit momenti, plane negligimus. Nihil enim aliud sonat nobis hodie *las* in *puellas*, quam in *Pallas*: *es* in *res*, quam in verbo *es*: *lis* in *facilis*, quam in *lis*, unde *litis*: or in *extor*, quam in *vincor*: *lus* in *nullus* quam in *palus* & *salus*. Atque item de cæteris, nec ullo modo dubitandum quin veteres distinxerint manifesto vocis discrimine. Ne quis autem existimet hoc usque adeo barbaricum esse, de quo loquimur, præter alios Grammaticos & Quintilianus ipse prodidit, Latinos usque ad Accii Poetæ tempora & ultra, vocalem productam, per eandem geminatam notare solitos, veluti si scribas, *vanus* pro *vanus*, *turbas* pro *turbas*, *rees* pro *res*, *lis* pro *lis*, *doos* pro *dos*, *saluus* gemina vocali pro *salus*. Si nullum erat discrimen, unde priscis tanta huius rei cura? Nunc vero quid interest inter priorem syllabam in *mala* adjectivo, & *mala* substantivo quod illis erat *maala*? Inter finalem *is*, huius verbi legis, & finalem *audis*, quod illi scribebant *audiis*? Inter *legi* a *legor*, & *legi* a *lego*, quod illis erat *leggi*? Inter *vivis* verbum & *vivis* nomen, quod illi *viviis*, inter *dos* Græcum verbum, & *dos* *dotis*, quod illi *doos*? Inter ultimam, *manus* genitivi, & ultimam, *vulnus*? L.E. Deum immortalem, quantum a recta pronuntiatione degeneravimus. Ur. In Græcis prope gravius etiam aberratum est. Quis enim distinguit inter *τύπτοις* indicativum, & *τύπτοις* subjunctivum? Aut quis inter *ας* in *αἰνίας*, & *ας* in *λαμπάς*: inter *καλός* nomen, & *καλός* adverbium: inter *κύριος* & *κύριος*, si tonum tollas, quum ipsum *α* ex duobus *ο* pusillis constatum admonere nos debuerit & productionis & soni? Quod si nihil aliud sonabat *ο* quam *α*, quid sibi vult quod Grammatici tantopere prædicant *α*, veluti grandius quiddam resonans e speculis? Quid autem facilius quam eandem vocalem duplicatam, non ictu vocis, sed productione sonare? Id facillime percipiet, qui primum pro una sonarit duas, quemadmodum solent non absoluti Musici, quo certius canant ad ictum manus, longam diducunt in duas breves: rursus eadem mora, perpetuo sono pronunciant eandem longam, animo tantum imaginantes geminum vocis ictum. Simili ratione, periti complures breves, aut etiam longas continuo sono pronunciant, nec errant in moris, animo supputantes intervalla, non voce. Sic apud Latinos ex tibiicen factum est tibiicen. Igitur ut recte fones *legi* præteritum a *lego*, primum fac vocem trisyllabam, & dic *leggi* prima acuta, deinde pari mora, sed voce continua *legi*, ut hæc vox quatuor temporibus extendatur, quum *legi* a *legor* constet tribus. Ut recte fones *lege* a *lex*, dic *lege*, mox inflexa priore, *lege*, ut dictio constet tribus temporibus, quum *lege* verbum constet duobus. Item dic *luctus* trisyllabum, mox *luctus* extento u. Dic *mala*, mox *mala*, quum arboris fructum indicas. L.E. Tu quidem crassissime doces. Ur. Nimirum crassis tradenda.

1 Vide Instituta, Orator. Lib. 1. c. 4.

Al Idem qui volat affuocere pronunciandis diphthongis, primum dividat, deinde contrahat in eandem vocem: primum sonet *musai*, deinde *musia*: primum *foetum*, mox *fanum*: primum *audio* tetrasyllabum, mox *audio* trisyllabum: primum *euge* trisyllabum, mox *euge* dissyllabum, sic ut utramque vocalem liceat agnoscere, quamvis sono confuso. Idem in diphthongis Græcis, ut *παῖς*, *δημοσθένης*, *δημοσθένης*, *οἶνος*, *οἶνος*, *μούσα*, per u Gallicum, *μούσα*. Similis in Græcis productis est exercitatio. Primum dic *αἰνέας*, mox conflato sono in longam *αἰνέας*. Item *η*, divide in duo *ee* ore diductiore, aut in duo *a*, Scotica, & dic *γραμματομαίης*, mox perpetua voce grammaticus, memor prioris soni, ut *ἡς* id sonet quod apud Gallos sonat, *sed*, apud Zelandos *casens*. Similiter *μῦς* per u Gallicum, deinde *μῦς*. Item *καλός*, *καλός*, mox *καλός*. L.E. Video facillime discerni vocalem longam a brevi, si consonans finiat syllabam, ut in *audis*, *legis*: at non perinde facile, quoties vocalis claudit syllabam. Quum enim dico *is* ab *eo*, sic enuncio quemadmodum Batavi *glaciem*: quum *lis* unde *litis*, sic effero quemadmodum Gallus sonat *lilia*. At minus est evidens discrimen in *colo* verbo, & *colo* nomine: in *mala* substantivo & *mala* adjectivo: in *pūet* a *pūto*, & *pūet* a *pūto* verbo. Accentus enim obscurum habet discrimen, nisi mora prolationis accesserit, nec ea facile sentitur, nisi in contextu, quam, ut dixi, Græci vocant *συνέπαιον*, veluti si dicas, *da bona mala*, ex duabus brevibus præcedentibus & una sequente, sentitur *a*, productum in *mala*. Item ex *bo*, acuto sentitur *ma* circumflexum. Hinc jocus ille Plautinus, quum Sosia heræ minanti magnum malum, mutato accentu responderet *prægnanti potius esse dandum malum, ut quod obrodas sit, animo si male esse occæperis*. Verum his in rebus emendatior est Germanorum lingua quam Gallorum, qui finales syllabas omnes fere producant, nisi si qui vulgatam pronuntiationem dediderunt: ita sonant *capus*, quasi geminum haberet u, & *audis*, *dicis*, similiter, maxime vero quum dictio definit in s. Itaque recte pronunciant *salus*, *virtus* & *fructus* gignendi casu, quæ nos confundimus: at non recte eodem sono pronunciant, *dominus* & *servus*: *mus* & *Jesus* recte sonant, at non recte *minus* & *lesum*. Recte sonant *audis*, *venis*, *vescis*: at non recte, *audis*, *venis*, *vescis*, aut non recte, *scribis*, *legis*, *dicis*. Bene sonant, *os*, *mas*, *flos*: at non bene *σοφός*, *καλός*, *κύριος*. Est igitur hic quod discamus a Gallis, est quod illi vicifim discant a Germanis. In mediis item ac primis syllabis amant porrigere vocales, velut quum dicunt, *arma*, licet *a*, sit positum longa, tamen perinde sonant quasi sit geminum *a*, *arma* sono continuo. Id quod possint commodius, elidunt e duabus sequentibus mutis alteram, sonantes *mama* pro *materna*, & *abimus* pro *alium*, *aduco* pro *adduco*, *atere* pro *atere*, *valo* pro *vallo*, *annus* pro *annus*. L.E. Suggestis animo quiddam, de quo frequenter addubitavi. Grammatici distinguunt vocalem natura longam, & positu longam. At apud Latinos quum omnes sint ancipites, eoque dicantur natura longæ quæ positu longæ non sunt, estne ratio qua per sonum possum dignoscere? Ur. Et hoc te docebit vulgata Gallorum pronuntiation, qui omnes fere sonant ut natura longas, duas consonantes aut unam geminam voce separantes a vocali præcedenti. Nos enim *vidisti*, sonamus, ut penultima syllaba desinat in *i*, ultima incipiat à *i*: Gallus penultimam finit in *i*, & ultimam incipit à *st*. *Rex*, *lex*, *fex* & *pax* & natura & positu longas Galli recte sonant: at *fax* tantum positu longam non item. L.E. Sed præter discrimen soni, unde liquet positum an natura sit longa vocalis? Ur. Ex cognatis dictionibus hoc elucebit, in quibus abest altera consonantium, velut in *amasti*, *a*, natura longum esse declarat, quod & in *amare* sit longum, & in *amati*, quum absunt consonantes. Idem apparet in *Regis*, *legis*, *fecis* & *pacis*. Contra in *face*, in *naceo*, unde *noxa*, in *Arabe* & *trabe* declaratur vocalis recti esse positu non natura longa. Rursus in *τέτυφα* & *τύφος*: manifestum est *υ* positu non natura longum esse in *τύφω*, *τύψω* & similibus. Eadem est ratio in *κύριος* priore ancipite: proinde qui duas consonantes separat a præcedenti vocali, si producte pronunciat, declarat na-

natura longam esse: fin alteram partitur priori vocali, alteram posteriori, significat positu longam. Qui in *κῶνος* sonat priorem brevem, consonantem utramque jungit posteriori vocali. Sic Horatius *Donatura cygni si libeat sonum*: & *Forma captiva dominum Tecmessa: cmes*, separandum est a *te*. Quanquam est nonnullis sua quædam pronunciandi ratio, quæ jubet consonantes posterioribus vocalibus annectere, seu diducere, velut in *Atlas*, & *aruspex*, quoniam prius compositum est a *τλάω*, & *α*, particula vehementiæ: rectius *τλ*, separatur a prima vocali, quemadmodum in *ἀσχυς*. Posterius compositum ex *α* & *specio* sive *specio*, *sp* rectius annectitur vocali sequenti. Contra est in abstemio, quoniam dictum est ab *abstinentia temei*, *i*, melius annectitur primæ syllabæ. Quanquam hæc magis pertinent ad orthographiam quam ad pronunciationem. Læ. De vocalibus & accentibus, videor mihi satis instructus. Superest ut de cæteris item consonantibus nobis edisseras. Ur. Referam quod memoria suggerit. Tres sunt mutarum ordines, primus est *p* tenuis, *b* mediæ, *ph* adspiratæ, quam Græci propriam habent *φ*: secundus *c* tenuis, *g* mediæ, & *ch* sive *χ* adspiratæ: tertius *t* tenuis, *g* mediæ, & *th* sive *θ* adspiratæ. Atque hæc potissimum mutæ dicuntur, quod ne sibilum quidem, aut stridorem, aut strepitum ullum edere possint, nisi vocalis addita sonum expediat. *p*. sonatur dum compressis labiis, spiritus ex arteria prorumpens diducit os addita vocali, quæ si præcedat mutam, vocalis velut obmutescit: exempla sint, *pa*, *ap*: unde Fabius hoc tribuit felicitati lingue Græcicæ, quod nullam habeant vocem definentem in ullam mutam, nec in *m*, quæ & ipsa velut obruit vocem ore compresso. Consimili ratione promitur *b*, nisi quod leniore compressu labiorum vox exit, sed paulo largiore spiritu: largissimo *φ* sive *ph*. Evidens discrimen senties, si continenter pronuncies, *pe*, *be*, *phe*. Cvero reducta introrsum lingua, & hinc atque hinc ad molares illis, hærentem intra os sonum propellit in palatum superius: nec aliter sonatur *g*, nisi quod lenius exit, & paulo largiore spiritu, quum *chi* plurimo flatu profertur: discrimen senties si sonueris *co*, *go*, *cho*. Tsonabis, si summa lingua pulsaris supernos & infernos dentes, eos quos Græci, ni fallor, *τομείς* appellant, modice diductos. D crassius erumpit: *th* crassissime. Eadem est sonandi ratio in duplicibus, ut *ψάλλω*, *ξένος*, *γάλα*: aut in compositis, velut in *πίνω*, *πνέω*, *φράζω*. Item in *ἀάομαι*, *κῆμα*, *κρίσσα*, *γνώμαι*, *χναύς*, *τλάω*, *βδέω*. Rursus in *τμήμα*, *τμήλος*, *δμάες*, *θλάω*, *θνητός*, & aliis hujus formæ. Nunc expendamus quantum in his a germano sono degeneraverimus: Græci pro *π* sonant *b* Latinum, si *m* litera præcedat, ut *ἐμπορος* *emboros*, *συμπαίζομαι* *symbazoma*, *συμπόσιον* *symposion*. Id durius fit, quum idem faciunt in diversis dictionibus, mutato etiam sono *v* in *μ*, ut *ἐμπύριον* *embrote*, *ἐμπύριον* *embryri*. Et hoc mutuamur a vulgi deliciis. Nec enim hujuscerei ulla mentio fit apud veteres, usque adeo in cæteris minutis tradendis pene dixeram superstitiosos. Rursus pro *β* sonant *v* nostrum consonans, *βάτραχος* *vatrachos*, *ἀμβρόσιος* *ambrosios*, quum probabile sit *β* apud priores Græcos idem sonuisse quod apud Latinos sonabat *b*. Læ. Quibus in hanc sententiam duceris argumentis? Ur. Primum est, quod ex tot Grammatices scriptoribus nemo varietatis hujus facit mentionem. Hoc si leve est, dicam aliud. M. Tullius in epistola quadam ad Pætum, ut demonstret eandem vocem apud alios obscenam esse, quæ apud alios sit verecunda: nec in verbo turpitudinem esse, sed in sensu loquentis, producit *bini*, & *βίνοι*, quæ Latinis sit pudica, Græcis obscena. Atqui si *βίνοι* sonabat cum Græcis, quod vulgo sonat hodie, non erat vox eadem apud utramque gentem, nihilo magis quam apud Latinos *bini* & *vini*. Læ. Probabile est quod narras. Urs. Arguit idem Græcarum vocum usurpatio. Quod enim Græci dicunt *βῆς*, nos dicimus *bos*: & quod illi *βοῶν*, nos *boare*: quod illi *τurbῶν*, nos *turbare*: quod illi *βαλανεύον*, nos *balneum*. Quid autem infinita persequor? Et si quid detorqueamus, in diversam partem id facimus citius, veluti quum pro *βαβαί* dicimus *papa*. Hic peccant &

A' eruditi, vulgus autem, & qui vulgatam pronunciationem non dediderunt, interdum pro *b* pronunciant *v* consonans, & contra, ut *bibi* pro *vivi*, & *vivi* pro *bibi*. Id peculiare dicitur cuidam Hispaniarum regioni. Audivimus & Gallos aliquot ad eundem modum sonantes. Sunt & apud Germanos, qui pro *b* sonent *p*, & contra, ut *pipere* pro *bibere*, & *biper* pro *pipere*. Læ. Frequenter istiusmodi voces audisse memini. Ur. Imo & in libris manu descriptis hujus pronunciationis vestigia sæpe deprehendimus, ut *pabismus* pro *baptismus*, & *vella* pro *belle*, & *bictus* pro *pictus*, *βῶτος* pro *πῶτος*. Sed plus etiam est erroris in *c*, cui respondet apud Græcos *κ*. Aliud enim sonat Latinis quum præcedit *e*, *i*, *y*, *a*, *æ*, quam cum antecedit *a*, *o*, *u*, ut in *ceres*, *cinis*, *cynicus*, *calum*, *cacus*, aliud in *canis*, *colo* & *curo*. Nam in illis vulgus nostratum pene nihil discernit inter *c* & *κ*, ut vix aures dijudicent *cana* dicas a *cana*, an *sene* a *senex*: & utrum *silicem* pro lapide, an *Cilicem* pro gente: *citum* a *cio*, an *sium* pro *positum*. In Sicilia, primæ syllabæ, sonum ægre dignoscas a sono proximæ. Qua quidem in re minus peccant Itali, præsertim Romani, qui tamen non proflus eodem modo sonant *c*, ante vocales omnes, tamen ita pronunciant, ut manifesto discrimine dignoscas *c* literam ab *s*, linguam in latius dentium lævum in torquentes quum sonant *Cicero*, *Caesar*, & *Cyrus*: in aliis tamen minus est crassitudinis, ut in *canis*, *colo* & *cura*. C Difficilior autem est hujus literæ distinctio, quoties præcedit *f*, ut in *scio* & *Scythia*, *refecit* *adfecit*, quam tamen evidenter ac feliciter exprimunt Romani, nos mire confundimus. Nos hic & alio peccamus modo, spiritum addentes *c*, quoties antecedit *s*, & sequitur: a vel u *schando* sonantes pro *scando*, & *schutum* pro *scutum*. Quin & Græci *κ* suum crassius sonant, quasi vergens ad *γ*, ac sibili nonnihil medians, quoties præcedit vocales aut diphthongos *ε*, *ι*, *η*, *υ*, *αι*, *ει*, *οι*, *υι*, quam in cæteris. Nec dubium quin hæc differentia profecta sit a vulgo, quando nemo veterum id scripto prodidit, quum tamen aliis de rebus minutissimis plurima conscripserint. Ex linguis autem popularibus, quas constat olim lingua Græca permixtas fuisse, conjicere licet, *κ* ante vocales quasilibet perpetuum suum obtinuisse sonum. Sic Germani vulgo sonant *Casarem*, Batavi *silicem*, sic Picardi *ici*, quod imitatum est a Græco *ικει*. Nec me fugit hæc Galliæ partem ob pronunciationem rideri a cæteris, retinet tamen manifestiora Græcæ Latinæque lingue vestigia. Rursus si quis audiat Anglum petentem *osculum*, agnoscat Græcum *κῶσαι*, in qua voce nos pro *v* Græco sonamus u Gallicum. Et in nostrate lingua, quoties illud tenue volumus exprimere, pro *c* scribimus *k*, non aliter sonantes eam in *k*, quam in *ka*, veluti quum diminutive dicimus *puellam*, aut *puerum* non diminute, aut *noſſe*, aut *peſſere*, aut *mentum*. Et quum Angli dicunt *jugulo*, aut *Regem*, aut *servum*. Nec defuere Latini, qui non patiebantur *c* præponi *a*, ut *ca*, sed *ka* scribendum censuerunt, quod ab eruditis rejectum est, negantibus hic opus esse litera Græcorum commodatitia, quum *c* suum nativum sonum ad omnes vocales deferat. Probabile est igitur & apud Græcos, & apud Latinos *c*, eodem fuisse sono, quacunque vocali sequente. Nam Latini *k* propemodum pro superflua duxerunt, quemadmodum & *q*, quibus vix utebantur, nisi quum unica litera signarent totam dictionem, ut *Q* pro *Quinto*, *K* pro *kalendis*. Atqui supervacanea non est, si nostrum *c*, crebro proxime accedit ad vocem *f*. Postremo vel a ranis discere licet quod narro. Nam his hæc litera peculiaris est, quum audimus illas quotidie modulantes illud suum *βρεκεκεκεκαοαοαοαο*, in quo non percipitur illud crassius, & ad *γ* sibilumque vergens, quod nunc audimus in vulgata Græcorum pronunciatione. Læ. Certum est argumentum. Nam ranæ non mutant cantionem suam tot jam seculis, quum homines nihil finant esse diuturnum. Ur. Non absurde dicis, siquidem ranis lingua summa religata est, postrema quæ fau-

Tom. I. Ooo 2 ces

1 Vascones, nimirum, de quibus facere Jof. Scaliger, *ſilices*, in- quiebat, *populi*, quibus bibere est vivere!

5 Non modo veteres Mſ. Codices, ſed & veteres Inſcriptiones ab *Fraſmo* diſſentiunt, ut quivis Gruterianum Theſaurum aperiendi liquebit.

ces spectat libera, ut aliter sonare non possint. Jam mediam quæ est γ, vel g, Latini non semper eodem enunciant sono. L^E. Qui sic? U^R. Quum dicis *vaga, vago, exiguus*, nonne aliud audis, quam quum dicis, *vage, vages*? L^E. Prorsus. Nam in *ga & go & gu*, audio nescio quid crassius ac spirantius. U^R. Item aliud audis in *lego* quam in *legis, legit*, in *longas* quam in *longis*. L^E. Sentio. U^R. Similiter in Græcis aliud audis, quum dicitur, *θεολόγω, θεολόγῃ, θεολόγῃς*, quam cum *θεολόγῃς, θεολόγοι*. L^E. Ut nos quidem sonamus. U^R. Huic malo succurrit Germanorum pronuntiatio, qui sono per omnia simili dicunt, *lego, legis, legit*. L^E. Video quemadmodum ex corruptis libris, itidem ex linguis quamlibet vitiatas posse quædam depravata restitui. U^R. Atqui nos Batavi ridemus hic Germanos, quasi vitiosum sit, quicquid diversum est. L^E. Ad istam rationem nihil non esset vitiosum inter homines. Verum ut hic recte sonant g, ita perperam sonant quum dicunt, *caudeo* pro *gaudeo*, & *caedes* pro *Gades*. U^R. Ita sane sonant quidam, qui vulgatam pronuntiationem dediscere aut non potuerunt, aut neglexerunt. Verum ex malis si quid inest boni, decerpere sapientis est. Nos tamen gravius peccamus in adspirata γ, five ch. L^E. Tantum ne peccatorum? Exspectandus est annus Jubileus. U^R. Fortassis excusabitur ab aliquibus, quod pro *mī* sonamus *mīhi*, rursus pro *mīhi michi*, quo jure veteres in Hebræis usi sunt, quo sonus sit vegetior, ut in *Joachim*, & *Joachim*. Verum quod pro *ὑπόχρυσον ὑπὲρ χρυσόν*, pro *Christe* sonamus *crisse*, pro *chrisma crisma*, quis feret? L^E. Nemo, nisi qui nescit discrimen inter *Christum* & *cristas*. U^R. Sunt ex adverbo qui adspiratum pronunciant etiam *cribrum*. L^E. Isto nomine Germani superiores male audiunt, quum & id si quod est, vitii multis modis compensent, & ab Italis profectum videatur. U^R. Scio quid dicas. Arrium sentis quem epigrammate ridet Catullus, qui pro *commodis* dicebat *chommoda*, pro *infidiis hinfidias*, ex cuius immodico flatu tantum erat discriminis, ut Poeta timuerit, ne posteaquam ille Syriam petens navigasset *Jonium* mare, jam non *Jonium* diceretur, sed *Hionium*. Et olim fuerunt apud Græcos, qui vitabant adspirationem, Jones opinor: & apud Latinos priscos. Et ne quid existimemus sub sole novum esse, sunt hodie qui spiritum addunt ubi nihil opus, & spiritum adimunt ubi erat addendus. Quorum hoc posterius Flandriæ parti gentilitium est, qui mira constantia spiritum addunt tenuibus, & adimunt adspiratis. Is error velut agnatus hæret illis etiam Latine Græceve sonantibus. Quemadmodum enim vulgata lingua

1 *Eer.* dicentes *herum*, subtrahunt spiritum, & sonant *hono-*
2 *Haer. rem*, ita quum dicunt *honorum*, addunt: Latine loquentes ululam vocant *hululam*, & humilem *umilem*. L^E. Pulchre pensant vitium vitio. U^R. Audiui Florentiæ in Professione publica constanter pronunciantem, *chorpus, chelidus, & champus*, quum tamen ea civitas procul absit a mari, etiam si plus satis ventorum immitit imminens Appennini dorsum. Arbitror tamen non fuisse Florentinum. Contra cæteri Itali vix distinguunt *hominem* ab *omine*, quod nos ingenue distinguimus, & utrique alteros ridemus, quum peccemus utrique. Ac ne soli nos in pronunciando labi videamur, sunt apud Italos, qui ex publico sermonis usu pro *laudo* sonant *laldo*, pro *audio aldio*. Rursus qui pro *deus degus*, pro *eum egum*, five *echum*: ad hæc, qui more Hebræorum pleasque syllabas extremas acuto sono pronunciant, Bergomates, ni fallor. Mentior nisi his auribus audiui Romæ Sacrificos ad hunc modum pronunciantes, quumque narrarem in convivio quid audissem, existimans id inscitæ vitium esse, risere quidam, & protinus agnovere cujates essent qui sic pronunciasent. L^E. Equidem arbitrabar nos solos barbaros sonare barbære. U^R. Hodie vulgus nusquam non est barbarum. Quin & *chi* non prorsus idem sonat in *χαίρε, βραχὺ, χαίρεος, χην, χερίον, εος*, quod in *χαρά, χαρὸς, & εὐνοῦχος*. Illic enim audis nescio quid *xiara*, quod in posterioribus non audis. L^E. Num id recte? U^R. Non ulla ratio, sed delitiæ morem hunc invexerunt, meâ quidem sententiâ. L^E. Apparet. U^R. Quod dicam a priscis traditum est, γ si seque-

A tur adspirata χ, aut alterum γ, aut ξ, sonat medium quiddam inter γ & χ, ut *ἡχιστός, ἡχός, ἡχέλας, λυγέ, σφίγγε, enchiridion, rhonchus, angelus, λυγέ, σφίγγε*. Adeoque non convenit his literis in eadem dictione, ut si prior syllaba desinat in γ, vertatur in χ. Nam ab *ἡχέ* compositum est *ἡχιστός*. Quod si post γ succedit α, utriusque literæ sonus mutatur, velut in *ἀνάγκη, λυγέος*. Nam in his γ propemodum sonat, & α propemodum γ: propemodum dixi, quod non ad plenum exprimitur, & γ, sed medium quiddam inter utrumque. Simile quiddam auditur & apud Latinos, si literæ g, succedat n, aut alterum g, aut c, aut q, velut in *magnus, agnus, pignus, cygnus, magnes, agger, aggero, ancora, anquiro*. Ac veteres, quorum est Victorinus, adeo putabant nobis hic deesse literam, medio sono inter g & n, ut pro *aggerem* & *suggerum*, scribendum existimarint, *anggerem*, & *funggerum*. Rursus pro *ancora*, *agcora*: pro *ancylia*, *agecylia*. Verum n, litera nostris auribus blandiori vicit. Illud certe constat, Italos emendate loquentes, aliter sonare *magnus, agnus*, quam nos sonamus. Nec enim sonant agnus, ut a per se sonet, nec *ag, nus*, ut g hæreat priori vocali, verum pro g, audis quiddam quod neque sit prorsus n, neque prorsus g, sed e duobus medium quiddam. Ex eodem fonte nascitur, quod quiddam scribere maluerunt *anquiro* quam *acquiro*, quod q, vim obtinet eandem cum c & k. Ea varietas declarat illos, nec prorsus sonuisse g, nec prorsus n, sed medium quiddam. Idem censebant de *ecquid, nunquid, nanque, tanquam, quanquam*, & similibus. Vis enim literæ q, sic m, vertit in n, ut g, sonum admisceat. L^E. Hæc mihi videntur argutiora, quam pro nostra regione. U^R. Simile quiddam tradunt de sono medio inter m & n, si sequatur p, b, aut ph, ut in *ampullis, Lycambes & Amphimachus*. Ausculta ut sonos auribus dijudices. Quid audis quum sono *Lycambes*. L^E. n. U^R. Quid quum *Lycambes*? L^E. Prorsus m. U^R. Quid nunc? *Lycambes*. L^E. Nec m, nec n, sed quiddam utrinque mixtum. U^R. Bene habet quod hæc inter nos aguntur lingua: nam calamo non possint exprimi. L^E. Nisi vocalis esset calamus, quales erant illi plus satis loquaces, qui Midæ auriculas sic traduxerunt, ut hodie quoque proverbio celebrentur. U^R. Sic est. Sed ut pergamus, in t, d, & th five θ, vide quot modis peccetur. Germani superiores th subinde sonant & scribunt pro t, *protheus* pro *proteus*. Contra nos sonamus t pro th, ut in *Theologus, Timotheus, & Phæthos, Phlegthos*, aliisque innumerabilibus, sed multo magis quum adspirata adhæret consonans alia, ut *θνήσκος* sonamus *tnhōs*, pro *etna, etna*, pro *θρέψω, τρέψω*, pro *thracæ, tracas*: & in totum ægre assuecimus huic adspirata sonanda, quam feliciter exprimunt Angli in initio, quum sua lingua dicunt *furum*: in fine, quum dicunt *fabrum*, *Thief* *ferriarium*. Nam his vocibus velut inimitabilibus solent hospitem provocare. Qui crasse docent, monstrant θ propemodum sonare, quod nobis sonat t, quum syllabam nostram lingua facillime sonat in *tho*, quum duabus syllabis dicimus, *simul*. L^E. Agnosco. U^R. Quin frequenter d & t, differentiam confundimus, veluti quum *men* pro *David* sonamus *Davit*, & ad *Petrum*, ad te, at *Petrum*, at te: quod idem facimus in b, nonnunquam sonantes pro *abste, apste*, quum d & b crassius sint sonanda. Porro quod Græci τ sonant, ut nos d Latinum, quoties præcedit γ, in *ἐντὸς & ἐντορε*, arbitror eos eodem jure facere, quo pro π sonant b Latinum in *ἐμπροπες*. Nam quod pro π, sonamus ci, quoties excipit vocalis, fortassis veterum auctoritate probatum est in *Laurentius, & patientia*, quum idem apud Græcos nequaquam fiat. De duplicibus duobus ξ & ψ, jam per occasionem diximus, quas Galli ægre pronunciant, dumtaxat in initio dictionis, *salmus* sonantes pro *psalmus*, & *senia* pro *xenia*: nos hic certe sumus feliciores. Et Gallorum quorundam vulgus hic addere solet e, *exenia* pro *xenia*, *epsallo* pro *psallo*. Idem faciunt in z β, ψ, pro *ste*, sonantes *esto*, pro *specto espetto*. L^E. Isthuc non in Gallia tantum

1 Non sunt hæc idem, nam *anquiro* compositum est ex *an-* *Thief* *propositione* inseparabili *an* & *quero*, verum *acquiro* ex *ad*, & *quero*. Nec eadem est significatio, posterius enim est *compro*, prius *quero* quod *ignoro*.
2 Aquitanis & Gallis Narbonensis populi ita pronunciant.

animadvertere licet. Ua. Scio & ante dictum esse, cum quibusdam Hispanis hoc illis esse commune. Et una tantum Galliarum pars habet quod dico, ne totam in me concites. Tertia duplicium est ζ , complectens in se ϵ & δ , si δ crasse pronuncies. Unde Græci quidam pro $\gamma\alpha\zeta\alpha$ scribunt $\gamma\alpha\delta\alpha$, pro $\mu\alpha\zeta\epsilon\upsilon\mu\alpha\iota\sigma\delta\epsilon\upsilon$. Alii rursus $\delta\alpha$ vertunt in $\zeta\alpha$: inde nobis etiam $\zeta\alpha\beta\alpha\lambda\alpha\varsigma$ pro $\delta\alpha\beta\alpha\lambda\alpha\varsigma$. Hanc literam, quoniam non reperitur in Græcia dictionibus, Latini fere vertunt in geminum ss , ut in *prisso patri*, & in *musso mû*. Eam Germani & feliciter & frequenter usurpant lingua vulgata, quemadmodum & Sarmatæ: videntur ea delectari. Nos tamen loquentes interdum usurpamus illius sonum ubi nihil opus, id fere perpetuo quoties ζ , incidit inter duas vocales, pro *laza* dicentes *laza*, pro *vise vize*, pro *illuso illusa*, pro *rifi rizi*: quod unde venerit in nostram consuetudinem non satis quoque conjectare, quum Romani non varient in huius literæ pronunciatione, nec causam video mutationis, nec ab ullo veterum tale quicquam sit traditum. Nec enim *sa* debet aliud sonare in *musa*, quam sonat in *salus*: nec *so* aliud in *viso*, quam in *solus*: nec *se* aliud in *vise* quam in *sedeo*: nec *si* aliud in *rifi* quam in *filio*. Nec huiusmodi rei quicquam est apud Græcos, quibus ϵ sonum suum perpetuo obtinet locis omnibus. Læ. Atqui quosdam audio pro simplici ζ , sonare geminum. Ua. Atque adeo scribunt quoties antecedit longa vocalis, ut in *causæ* & *lassio*. Ad eum modum scribere solitum ferunt M. Tullium. Ls. Fortassis hinc nata est varietas. Ua. Fieri potest, quamquam reclamat Romanorum consuetudo: at nos idem facimus, etiam si correpta vocalis præcedat, ut in *missi* & *missi*. Quibus autem hic usus a pueris innotuit est, similiter peccant & in Græcia, sonantes *missi* pro *missi*, & *mû* pro *mûsa*. Læ. Video rem operosiorem esse, quam putaram, emendate pronunciare. Verum nondum explicuisti quo pacto sonandum sit ζ . Ua. Recte mones, nam exciderat. ϵ lingua ponere dentes superiores appressa profert lenem sibilum, qualem edit serpens minitans & erectus, ubi quis imprudens propius ad nidum accesserit, unde litera S figuram habet ejus animantis sibilum edentis & inflexo corpore deterrentis. Unde & *exsibilandi* verbum deductum. Huic sibilus accedit sonus δ , sed crassior aut lenior potius, quemadmodum in cæteris duplicibus sibilum antecedit habitus oris quo sonatur, aut c. Demiror autem cur hæc litera tantopere displicuerit Dionysio Rhethori, qui tradit eum ferarum esse sonum, & vix homine dignum, quum Græci in plerisque dictionibus ζ vertant in ϵ , sicut attingimus supra: rursus quoties incidit ζ geminum, malunt in geminum $\epsilon\epsilon$ vertere, pro *γῆρας γῆρας*, pro *δῖπλος δῖπλος*, pro *τὸν ὄν* sonantes. Nam si ideo displicet, quod hunc sonum a serpentibus didicerunt homines, displicere debet & k, quæ ranarum est & coccycis: & b, quæ est ovium: & m, quæ est boum: & o, quæ est asinorum: & g, quæ est canum rixantium: & a, quæ est puerorum vagientium. Ls. Atqui ne desit omnino patronus Dionysio, præci Latini videntur illam elidere soliti. Quod genus illud ex epigrammate quod refert Plinius in historia naturæ, *Regina Junonis supremi conjugi templum*. Item illud ex Ennii versibus quos adducit Aul. Gellius: *Doctus, fidelis, suavis homo, facundus, suo contentus, atque beatus, scitus, secunda loquens in Tempore*. Ua. Quid mihi narras Ennios, quali non idem hodie faciant in oratione soluta Galli, quod Ennius fecit in carmine: prorsus elidentes ζ , quum incidit inter vocalem & consonantem: in fine vero sic obscurantes porrecta in immensum vocali, ut vix sentias, velut in *est* & *dominus*, in quorum priore, eliso ζ , sonant geminum, aut triplex potius eee: in posteriore, u trium vocalium habet spatium. Læ. At mihi videntur viri iusti pariter ac prudentes Hispani, qui quod Galli peccant in ζ , abunde pensant, nihil sine hac litera pronunciantes, ac sæpius eam in eandem dictionem infulcientes. Ua. Vera narras. Læ. Si ludere vacaret, dicerem Gallos, quoniam

1 Lib. xii. c. 4. ubi sic versus distinguuntur:

— doctus, fidelis

Suavis homo, facundus, suo contentus, beatus,

Scitus, secunda loquens in tempore, &c.

A non assueverunt sibilis ob serpentium illic raritatem, metu ac religione vitare literam, ne provocatum cognato sibilu noxium animal frequentius eo demigret. Contra Hispanos, ut viros fortes, & serpentium sibilis aduertos, adeo contemnere illos, ut etiam obsibilent, quo absterceant, quomodo solent quidam oppedere tonitruis. Quod si nunc in re etiam seria fas esset jocis indulgeret, poteram & illud adversus Dionysium proferre, quod matres ac nutrices hac litera quam ille viperam vocat, somnos accersunt infantibus. Sed mittamus & jocos, & recentiorum delicias ac fastidia, quot homines tot sententiarum. Magis me movet, quod præcis illis tantopere displicuerit, qui parce literam hanc admiscuerunt, in tantum ut quidam totas odas conscripserint *ἀσίζωνες*, hoc est, nusquam admixto ϵ . Quin & Pindarus fertur hanc literam infamasse versu, $\mu\epsilon\upsilon\eta\pi\epsilon\upsilon\sigma\chi\alpha\iota\sigma\tau\epsilon\upsilon\eta\phi\alpha\upsilon\eta\eta\tau\alpha\delta\iota\delta\upsilon\rho\alpha\mu\epsilon\lambda\epsilon\upsilon\kappa\alpha\iota\tau\omicron\varsigma\sigma\alpha\mu\iota\delta\alpha\lambda\alpha\lambda\omicron\nu\alpha\delta\iota\theta\upsilon\omega\mu\epsilon\iota$. Jam & illud admiror, quum ζ respondeat gemino sigma, in hoc enim vertunt Latini, cur tantopere probetur eruditus, ut Quintilianus homo minime surdus, vix aliam putet spirare suavius, ut in *zephyris* & *zopyris*. Læ. Dicam quod venit in buccam. Ua. Ut lubet. Læ. Ipsa se molliat, ut quædam si modice sumas lædunt: si copiose, profunt, ut de lactucis & testudinibus est proditum: quemadmodum n, in *manna* jucundius sonat quam in *maneo*: & m in *manna* mollius est, quam in *Lama*. Tum vis literæ δ , admixta temperat asperitatem sibili. Læ. Nihil absurdi loqueris. Superest ζ , de qua superius per occasionem nonnihil attigimus. Sed plenior explanationem, data opera, in hunc distulimus locum. Et hanc quidam judicarunt supervacaneam, scribentes *philius*, *phacio*, *phacies*: mox *ph*, servata est Græcis dictionibus, *phama*, *Phaethon*, *Phabus*, *Philippus*, *Pamphilus*: Latini dicata ζ , *felix*, *facio*, *fibra*. Quanquam ne hic quidem satis constantes sumus. Nam *sanam*, *fugam* & *furam* per ζ scribimus, quum Græcis sint $\phi\acute{\alpha}\mu\eta$, $\phi\upsilon\gamma\eta$, $\phi\acute{\alpha}\rho$. Quod si prorsus idem sonat ζ , quod *ph*, sive ϕ , constat literam esse supervacaneam. Rursus si nihil interest in sono, qui convenit ut ϕ numeretur inter mutas, ζ locus datus sit inter semivocales? Ad hæc quid opus erat Æolibus digamma, quum haberent ϕ : aut nobis quum suppetere? Fatentur enim omnes Claudium Cæsarem jure addidisse digamma Æolicum, quod nostro ζ , inverso notabatur η , utcunque vicit consuetudo. Ad hæc, quum auctores quidam tradant apud nos v, consonans, eam habere vim, quam apud Æoles habet digamma: sequitur has literas sono variasse, quandoquidem constat v, consonans, sonare diversum quiddam ab ζ . Læ. Sic apparet. Ua. Jam Priscianus non omnino malus auctor, scripsit nonnihil esse discriminis inter *ph* & ζ . Quod evidenter facit Quintilianus libro primo, & referens jocum Ciceronis ex oratione pro Fundanio, testem Græcum opinor irridentis, quod primam ejus nominis literam sonare non posset, *phundanius* dicens pro *fundanio*. At M. Tullius magis erat irridendus, si Græcum ϕ , & Latinum ζ , nihil sono discrepant. Idem Fabius libro, ni fallor 12. commemorat hanc literam Latinorum inter eas, quæ parum felices sunt soni, quod inter dentes effletur, unde fieri putat, ut sermo Latinus ne possit quidem ad jucunditatem Græcæ pronunciationis aspirare. Atqui si in hac litera paria faciunt Latini cum Græcis, ridiculum est quod Fabius hoc argumento persuadere conatur, nos Græcis inferiores esse vocum suavitate. Adde his quod Terentianus docens huius literæ pronunciationem, evidenter indicat discrimen inter *ph*, & ζ , quum enim docet aspirationem in initio vocalibus additam, aut consonantibus quatuor a tergo adjectam, non mutare literæ sonum, sed tantum adpirationis gratiam addere, Sotadeo metro sic rema explicat:

Quia non adsoit litterulis novum sonorem,

Sed Græcula quadam scholastica miscela vocis.

Def, longe aliter loquitur, referam enim illius carmen:

Tam. I.

Ooo 3

Immo

2 Id est: Prorsus quidem exciderant exiles vocales *Dispharabdis*, & adulterinum sigma, & homines. De quo Pindari loco, vide animadvertiones Isaci Casauboni in *Athenis* Lib. x. c. 21.

3 Lib. xii. c. 10. Institut. Oratoriz.

4 Cap. 19.

*Imum superis dentibus apprimens labellum,
Spiramine leni, velut hirta Graia vites,
Hanc ore sonabis, modo qualocata prima est.*

An non hic duplici nota discernit ϕ ab f ? primum quod in f , labium inferius apprimitur superioribus dentibus, deinde quod spiritu leniore profertur, veluti studio vitandi Græcam adspirationem, quæ est in ϕ , cujus sono labiis utrisque diductis spiritus vehementior erumpit. Et haud scio an probabile sit, percontatorem illum qui ex *Amphione* sustulit adspirationem de quo supra meminimus, ex *Amphione* fecisse *Amfionem*, quemadmodum alter ille Græcus ex *Fundanio* fecit *Qundanium*. Quæ si vera sunt triplici varietate distincta sunt, ph , f , & v consonans. **LE.** Qua ratione possunt auribus discerni? **UR.** In ph , magis stringuntur labia, priusquam erumpat spiritus, is erumpit vehementior labiis ac dentibus latius diductis: in f lenius, dentibus pene coeuntibus, & inferiore, ut dictum est, labro superioribus dentibus affixo, ut inter hæc litera velut efflatur: in v consonante, multo etiam mollius effertur adspiratio, quam vel in ϕ , vel in f , diductis & labiis, & dentibus in exitu vocis. Nunc auribus observa sonos, & oculis os meum intueri. *Dicopha, fa, va.* Rursum *phama, facio, vado.* **LE.** Papæ manifestum video discrimen. **UR.** Superest scrupulus, quid *Æolibus* sonuerit digamma, tum autem an hodie recte sonemus v , consonans. Primum ubi jacco sonamus conflatis primis vocalibus, præter ja nihil audimus in sono novi. At quum idem facimus in *vadis, velo, vino, volo, vulnus*, aliud quiddam sentiunt aures. Sona *ia*, duabus syllabis. **LE.** *ia*. **UR.** Contrahe. **LE.** *ja*. **UR.** Fac idem in *uâ*. **LE.** *uâ*. **UR.** Contrahe simili modo. **LE.** Sentio sonum primæ syllabæ in nostratibus verbis, quum dicimus, ¹ *vigilare, molle, vinum, & habitare.* **UR.** Una igitur nobis deest, si recta est horum temporum pronuntiatio. **LE.** Dic clarius. **UR.** Inter ph & f , non nihil interesse in confesso est. **LE.** Est. **UR.** Inter *fuero* & v consonans multum interesse res ipsa loquitur. **LE.** Ut nos quidem sonamus. **UR.** Atqui cum Batavus sonat, ² *album*, aut *latum*, aliud audis *vi*, quam quum Latine dicis, *vide*: rursum aliud quum Batavus dicit ³ *percontari*, aliud quum ⁴ *ulcisci*, aut *stringere*. **LE.** Recte. Verum id scribunt per geminum *vv*. **UR.** Nimirum differentia causa. Nam & illis est v consonans eo sono quo Latine loquentes efferimus, veluti cum dicunt, *spinguem*, aut, *similitatem*. Contra quum dicunt, ⁵ *scito*, aut *legem*. Alioqui quæ vocalis duplicatur initio dictionis, nisi mutet naturam? Nunc accipe & illud argumentum. **LE.** Hic sum. **UR.** Quum Grammatici diligenter indicent affinitatem literarum inter ipsas, veluti quum pro i , ponitur u , ut in *optumus*: pro adspiratione f , ut in *fordeo* pro *hordeo*: pro t , ut in *mentare* & *pultare*: pro u , o , ut in *diconi* pro *dicunt*, ac similibus innumeris, nusquam mentionem faciunt affinitatis inter f & v consonans, tanta est soni vicinitas, ut si paulo lenius sonet f , fiat v : si paulo pressioribus labris v , fiat f . **LE.** Non leve, per Musas, argumentum. **UR.** Ad hæc apud Aulum Gellium libro XIV. cap. V. Grammaticus ubi præscripsisset legem, per quam nomina desinentia in us , si proxime antecederet i , vocandi casum inflecterent in i , non in e , ut *egregius egregi*, quemadmodum *Virgilius Virgili: divus, rivus & clivus* & hujus generis alia hoc lemmate excepit a regula, quoniam non simpliciter desinerent in us , quemadmodum *Virgilius*, sed in eam quæ per duplex u scribitur, ad cujus literæ sonum declarandum repertum esset digamma *Æolicum*. Quod si id tum sonabat, vus in *rivus & clivus*, quod hodie nobis, nihilo magis erat opus exceptione in *rivus* quam in *Rufus*, quum esset manifestus consonantis sonus ante u posterius. **LE.** Persuades alium fuisse sonum. Quid igitur censet? **UR.** Censor esse non ausim, at divino veteribus propemodum sonuisse f , quod Græcis sonat ϕ , & quod hodie f , sonat Phrysonibus, sonant enim asperius quam nos, qui & v , consonans propemodum sonant uti nos f , veluti quum dicunt, ⁷ *muscam, volare, metuere*, quæ nos per v consonans sonamus lenius. Porro v consonans sonuisse quod

¹ *Waken, zweck, win, wonen.*

² *Wit wijt.*

³ *Vraegen.*

⁴ *Wraeken, wringen.*

⁵ *Vet, Veet.*

⁶ *Wet, wet.*

⁷ *Fliech Fliegen, Fressen.*

A que propemodum sonuisse, quod apud nos hodie sonat w geminum. Nam quod in vulgata pronuntiatione, v consonans sonamus aliquanto lenius quam f , apparet ex iisdem delitiis ortum, quæ pro *emporos* sonant *emboros*, & pro *ßivi, vini*. **LE.** Quibus indicis isthuc colligis? **UR.** Ex iis quæ jam commemoravi, tum ex linguæ nostratis vestigiis, quam constat Græco Romanoque sermone permixtam esse. Innumera sunt locorum vocabula a *vico* dicta, ut cum dicimus, ⁸ *comitis vicum, pastorum vicum, fontium vicum*, in quibus ultima scribitur per w duplex, unde colligere licet quid olim sonuerit Latinis v consonans in *vicus, vanus, & rivus*. **LE.** Verisimillimum est quod narras. **UR.** Item quum vulgata lingua nominas *vinum*, deprehendis quid in vino sonuerit prima syllaba. Idem arbitror esse quum dicimus ⁹ *violentiam*, quanquam corruptis, ut solet literis aliquot. Rursum quum pro *vacare* dicimus *vigilare*, & quum sonamus *ventum & ventosum*. Similiter quum apud nos velut evanescit v , illi scribunt per geminum w ut quum dicunt ¹⁰ *grave, jurare, vexare, fatuum, duos*. Nam apud nos pluribus literis additur, quam apud Latinos. Contra quum apud Latinos habetur f , Phrysones & Angli quidam vertunt in f , nos in v consonans, ut hodie sonant Latini, veluti in ¹¹ *fluere, fluctu, pisce*, & similibus innumeris. Nam in *pisce* & hinc derivatis p , tenue mutavimus in ph , pro qua scribebant f , nos rursus f , vertimus in v consonans, ut nunc quidem profertur. **LE.**

⁸ *Com-wijck, Harder-wijck, Brunn-wijck.*

⁹ *Ge-welt, waken, wint, win-dich.*

¹⁰ *Swaer, Sweren, Qua-len, Drwaet, Twae.*

¹¹ *Vloet, Vloet, Vloet.*

C Certa narras, mira tamen, & haud scio an omnibus credenda. **UR.** Hinc est quod Germani spirantiores, Latine loquentes confundunt interdum has literas, v consonans & f , quum efferunt *convidis* pro *confidis*, & *fideo* pro *video*. Nec mirum videri debet, si quod tradidimus non est perpetuo verum, sed fallit in quibusdam dictionibus, quum non ignores quanta sit sermonis vulgo crediti volubilitas & inconstantia. **LE.** Cætera facile corrigerentur, nimirum ut aliquo discrimine sonemus f , in *filius*, & ph , in *Philippus*. Cæterum illud durum, si quis pro *vanus* sonet *Wanus*, aut pro *rivus, rivus*, atque item in cæteris, quæ per v consonans efferuntur. **UR.** Nec est necesse, ut prorsus exprimamus vulgatam Germanorum pronuntiationem: satis est si paulo longius recedamus a sono f , & aliquanto propius accedamus ad sonum u , vocalis. Nam inter f , & v consonans fuisse dissonantiam evidentior quam nunc est & illud arguit, quod nusquam altera in alterius vicem succedit, quod tamen in cæteris fit passim, inter quas vel tenuis intercedit cognatio, velut in *βύλοις & volo*: rursum in eo quo veteres, teste Fabio, pro *hædo* dicebant *fa-dus*, pro *hordeo* *fordeum*. Verum non occurrit ubi vel f , mutarint in v consonans, vel v consonans in f . **LE.** Nondum animum omnibus scrupulis liberaasti. Veteres qui meminerunt de digamma *Æolico*, veluti Quintilianus, Priscianus, Aulus Gellius, & ni fallor, Victorinus, exempla proferunt, in quibus v antecedit seipsam, ut in *vulgus & servus, rivus & divus*. Quod si litera *Æolica* non alibi locum habet, quid sonabit v , in *vanus, Venus, vino, & volo*? Et in his eundem sonum indicat epigramma, quod Joannes Tortellius, vir suo seculo magnus, Romæ sibi visum fuisse testatur, in quo bis *fixit*, scriptum erat pro *vixit*. **LE.** Nil miror, fortasse Germanus quispiam aut Phryso posuit: quasi nos Romæ non deprehenderimus in hujusmodi monumentis insignes solocismos. **UR.** Atqui non sic elaberis, ô bone, Terentiani versus audi:

*Ut vade, veni, vota refer, teneto vultum:
Crevisse sonum perspicis & coisse crassum:
Unde Æoliis litera fingitur digammos.
Qua de numero sit magis una consonantium,
Vocalis in istum magis quam versa sit usum.*

F Audis hic in exemplis *va, ve, vu*? quo minus autem posuerit, *vi*, metrum obstitit, quanquam dicere poterat, *videto vultum*, atque in his v mavult esse novam literam *Æolicam*, quam ex vocali mutatum. **LE.** Nondum exemisti scrupulum. Præ A. Gellio & Quintiliano contemnere possem Terentianum, & quod ait de digammo, potest ad ultimum exemplum pertinere, videlicet vultum. Nam epigramma nihil me movet. A. Gel-

959

aliis atque aliis modis effingi, veluti quum Græce dicis *χαίω*, Latine *hio*, Batavice *châpen*, in singulis sentis expressam oris diductionem. LE. At cur *μακρόν* & *μικρόν*, quum diversa significant, eandem habent consonantem? UR. Affinitas inter contraria poscebat hoc, sed pera, quod ample sonat: & i, quod exiliter, notatur discrimen. Ad hæc quoniam ejusdem rei multæ sunt qualitates, satis est si ab una quapiam harum sumatur vocabulum, nec absurdum sit, si res eadem lingua pluribus vocabulis signetur. Verum satius est ut hanc disputationem in aliud tempus rejiciamus, vel quia vix habet exitum argutio, vel quia ad id quod instituimus nihil habet momenti: Alias dabitur ocium, si libebit. LE. Tuo arbitratu, sed absolve quod orsus es. UR. De L, dicam, itaque si linguam valide tendas in eam palati partem quæ dentibus supernis est proxima, moxque diducas os, erumpit blandus ille tinnitus, sonantior tamen in medio ac fine quam in initio dictionis, ut sol, mel, volo, lego, nisi quum finit syllabam, ut solvo, salvus. M, vero compressis inter se labiis, mugitum quandam intra oris specum attractis naribus edit, sonantissima in medio duplicata, ut mamma: in fine prorsus obmutescens, unde *μῦζεν* dicuntur Græcis, & Latine muffle, qui tacite loquuntur, nec audent vocem claram edere. Hinc & mutum dixerunt Latini. Superest N, quæ ad palati convexum inhærente lingua, gemino naris & oris spiritu vocem explicat, maxime tinniens in medio geminata, & in fine dictionis, aut syllabæ, ut in manna, mandragora & nomen. Unde & tinniendi verbum Latinis, elementi vocem exprimens, fortassis & ganniendi. Docet autem Fabius, olim diu fuisse rarum semivocales duplicare, ut in *allius*, *lallare*, *Tullius*, *manna*, *sanna* & *curre*: & probabile est veteres sic fuisse loquutos ut scribebant. Nam eam rationem Quintilianus indicat optimam, ut ita scribantur dictiones, quemadmodum sonantur. Contra vocales, ut dixi, productas geminabant. LE. Isto pacto Gallos video posse defendi, qui *pallium* dicunt pro pallio, *mama*, pro mamma, *sana*, pro fanna, *anum* pro anno, *panum* pro panno, *torrens* pro torrens. Quanquam hoc non in liquidis tantum faciunt. Ex concursu quarumlibet consonantium aliquam elidunt, aut certe obscurant, dum *cappa* dicunt pro cappa, *lipus* pro lippus, *batus* pro battus. UR. Ridiculum sit nunc in nostram pronuntiationem adsciscere, quæ Ciceronis etiam ætate erant obsoleta. Nec minus tamen peccant, licet diverso vitio, qui pro simplicibus sonant geminatas, *comma* pro coma, *commedo* pro comedo, *comminus* pro cominus, *collo* pro colo, *bonus* pro bonus, *curo* pro curo, *rippa* pro ripa, pro *penepenne*, pro anus *annus*, *camellus* pro camelo, *mustella* pro mustela, *suadella* pro suadela. Si vetustas patrocinator error, antiquum est & hæc ita sonari. Etenim ni fuisset hic error, Victorinus non rixaretur cum suis discipulis, quod in his dictionibus consonantem perperam geminarent. Quanquam idem auctor indicat, consonantem duplicandam Sicilica notula signari solere, quæ cujusmodi fuerit, nec mihi satis liquet, nec refert quum is scribendi mos jam olim exoleverit. Nihil, opinor, superest præter Y, qua Latini non utuntur, nisi in Græcis dictionibus. Sonum illius fuisse medium inter i & u Gallico more pronuntiatum jam indicavimus. Unde non defuerunt, quorum est Victorinus, qui y literam nobis necessariam esse judicarunt, in *gyla*, *mysera*, *proxymus*, *optymus*, *Sylla*: pro quibus nos *gula*, *mysera*, *proximus*, *optimus*, & *Sulla* sonamus, quanquam *Sylla* est usitatus. LE. Utinam libeat & illud addere, quod solent literarum doctores. UR. Quidnam? LE. Ut exemplo proposito præceptiones, velut in speculo nobis ostendas, exigasque, num satis vel intellexerim, vel meminerim quæ tam multa differuisti. UR. Nihil gravabor, verum id lingua fieri non potest, nec est unde petamus calamus, atramentum, & chartas. LE. Imitabimur veteres pastores, qui teneris arborum corticibus inscribebant suos amores, spina, opinor, utentes pro stylo. UR. Non commitemus ut cuiquam in nos damni dati sit actio. Est mihi vagina recens, ac versuum aliquot capax, & stylus adest, quanquam non in hunc usum paratus. LE.

Utinam sic abuterentur omnes suis armis. UR. En, scribo:

*Optimâ quæque diēs miseris mortuilibus ævi
Prima fugit, subeunt morboi, tristisque senectūs,
Et labor, & dirai rapit inclementia mortis.*

Nunc audi pronuntiantem, oculis in vaginam difixis, auribus ad vocem attentis. LE. Adsum, sona. UR. Vides & audis in *optima* primam longam & acutam. LE. Naturane, an positu? UR. Id hoc loco nihil refert, quandoquidem tonus est in antepenultima. LE. Recte. UR. In secunda syllaba *ti*, audistine sonum medium inter i, & u Gallicum, quemadmodum in *heri*? LE. Plane. UR. Tertiam vides brevem, addita, veluti semicirculino, sursum porrectis cornibus, ne putetur auferendi casus. LE. Video, sed cur media non habet notam? UR. Quoniam accentus arguit illam esse brevem, Latinis duntaxat, LE. Cur in *quæque*, prior habet circumflexum? UR. Quoniam natura longa est, nimirum, diphthongus, & syllaba sequitur natura brevis. LE. Quin hic addis notam productionis? UR. Quoniam tonus ipse demonstrat esse porrectam, qui nisi in longis non habet locum, idque vel in fine, vel in proxima finali. Eadem de causa, quæ, nullam habet notam, quoniam inflexus accentus in eadem dictione non antecedit nisi natura brevem. LE. Sed præstat ut tu me perconteris. UR. Agam, si lubet, Grammaticum, tu discipuli personam sustine. LE. Hoc sane malebam. UR. *Diēs* cur priorem acuit? LE. Quia sequitur natura longa. UR. Adde, & præcedit brevis. Quoties enim ultima natura longa est, non refert qualis syllaba præcedat, secus esset si prior esset longa, non positione, sed natura. Nunc sona mihi posteriorem syllabam, *es*. LE. *Diēs*. UR. Probe, quasi sit geminum *ee*, & sono Gallico. Atqui vulgus non discernit *es* in eo unde est *aris*: in *diēs* & *fames*, ab *es a sum*. Cur in *miseris* prima acuitur? LE. Quia penultima natura brevis est, eoque notam non habet. UR. Rursum sona mihi *miseris*. LE. *Miseris*. UR. Sentis ne te hic bis peccasse? LE. Qui. UR. Primum *se*, non oportebat aliud sonare inter duas vocales, quam sonat in *sedere*. LE. Exciderat. UR. Deinde *ris*, sonandum erat veluti duplicato *ii*, quemadmodum sonas Batavice *glaciem*. Nunc denuo sona. LE. *Miseris*. UR. Pluchre. Sequitur *mortuilibus*. In *mor*, quam vides notam? LE. Brevis, & ejus notula dimidium. UR. Quid sibi vult? LE. Quia syllaba *mor*, positu longa est, non natura. UR. Unde id doces? LE. In promptu est, quum dicimus *emori*. UR. Quid in *ta*? LE. Virgulam jacentem, quæ doceat natura longam. UR. Cur præterea nihil? LE. Quoniam syllaba non definit in consonantem, eoque non habet nisi duo tempora. UR. *Li*, cur nullam habet notam? LE. Quoniam accentus præcedens, indicat esse brevem. UR. Quid si dicas *mortalis*? LE. Circumflectam *ta*, natura longam, sequente *lis* natura brevi. UR. Quomodo sonas *bus*? LE. Non u Westphalico, sed Gallico, nisi quod non itidem porrigo labra, neque profero sonum. UR. Docilem agis discipulum. *Ævi*, cur priorem non circumflectit, sed acuit? LE. Quoniam sequitur ultima natura longa. UR. Quid si positu tantum esset longa? LE. Circumflecteretur. UR. Da exemplum. LE. Ut si dicas *ævum*. UR. Hic natura brevis est posterior, ut in *Sorex*, *Sôrex*. *Prima*, cur inflectit tonum? LE. Quoniam natura longa sequentem habet natura brevem. UR. Quid si dicas, *prima luce*? LE. Acuum primam, & *mā* addam virgulam, *prīmā*. UR. Quanquam & hoc supervacuum æquo atque in brevi, sed *fugit*, cur acuit priorem? LE. Quoniam brevis natura brevem præcedit. UR. Quid si dicas *fugit heri*? Inflectam *fū*. UR. Cur? LE. Quoniam natura longa proximam habet natura brevem. UR. Cur prior in *morbi*, caret nota brevis? LE. Quia producit. UR. Quin igitur addita est nota porrectæ, sed brevis & semis? LE. Quia positu longa est, non natura. UR. Cur prior acutum habet potius quam inflexum? LE. Quia & ipsa positu longa est, & sequitur natura longa. UR. Unde scis esse positu longam? LE. Quia deduci videtur a moriendi verbo. UR. Quid sibi vult diphthongus in posteriore? LE. Ut

Ut discernatur a genitivo singulari. UR. *Tristisque*, cur priorem habet circumflexam? LE. Quoniam natura longa est. UR. Verum, sed sequitur longa. LE. Positu, non natura. UR. Unde tonus alter? LE. Ex *que* conjunctione, quæ proximam e gravi facit acutam, quod idem faciunt *ne*, & *ve*. UR. *Senectus*, vides longe aliud sonare ultimam quam in *mortalibus*. LE. Quid ni videam? Hic Gallos imitor excepto tono. UR. Et, cur nullum habet accentum? LE. Opinor quod ut conjunctione adhæret illi quod connectit, quod idem accidit in nonnullis præpositionibus, quæ sic annectuntur suis casibus, quasi sit unica dictio, ut *in armis*, *in bello*, *ex adibus*. Item in dissyllabis, ut *super omnia*, *præter omnes*, *antediem*. Nam in vetustis codicibus etiam scriptura conjungit hæc. UR. Commodus es discipulus qui vicissim & doces. Quid si *labor inflexibilis*? LE. Jam ex nomine fecissem verbum. UR. *Dirai*, cur acuit priorem? LE. Quia longa natura præcedit longam. UR. Qui fit igitur ut Græci circumflectant *μῆρας*? LE. Quia *ai*, & *oi* in fine dictionis, pro brevibus habentur, duntaxat quod ad accentus rationem attinet. Ea lex non est apud Latinos. UR. Cur igitur non scribunt *μῆρας* inflexe? LE. Obstat addita consonans. UR. Cur in *dirai* pro æ scriptum est *ai*? LE. Ut distingueres genitivum a nominativo plurali. UR. Quum *mortis* longam habeat ante brevem, cur non inflectitur prior? LE. Quia positum longa est, non natura. UR. Unde id conjectas? LE. Quoniam a Græco *μῆρος*, & inde mori, ut ante dictum est. UR. Nunc rursus si libet auscultam me sonantem hos versus:

*Optima quaque dies miseris mortalibus ævi,
Prima fugit, subeunt morbi tristisque senectus,
Et labor, & dirarapit inclementia mortis.*

LE. Auscultavi non oscitanter. UR. Primum, animadvertisne quasdam productas sonare tono acuto, ut *ævi*: quasdam inflexo, velut in *prima* & *tristis*. LE. Sensi discrimen. UR. Deinde breves aliquot acuto tono, ut *dies*, *miseris*, *fugit*, *labor*, *rapit*. LE. Quia in peccant Latini quum Græca pronunciant. UR. Nec illud te fugit, me aliquanto productius sonuisse natura quam positum longas. LE. Sensi, verum admonuisti, subtile discrimen hoc non servari in metris, quæ suis currunt legibus. UR. Et in *quaque*, sensisti elidi u, licet non penitus. LE. Sensi & hoc. UR. Jam in *ævi*, duo sensisti, & diphthongi vestigium, & sonum Æolicæ literæ. LE. Sensi tenuè quoddam. UR. In *prima fugit*, arbitror animadvertisse te discrimen inter inflexum tonum & acutum. LE. Non hic tantum. UR. Quin in *subeunt*, non te latuit, opinor, aliud sonare u, quam in *mortalibus* & *senectus*. LE. Videbar audire *ov* diphthongum. UR. Itidem audis in *sunt*, *legunt*, *audiunt*. Evidentius erit discrimen, si tollas liquidam, & *sunt* veritas in *sutor*, & *cunt* in *uter*. LE. Papæ, quantum interest! UR. Verum hoc ut ante dictum est fortassis excusabit vetustas quæ in hujusmodi *ont* pro *unt* solet scribere, *legont*, *cupiunt*. Rursus in *optima*, deprehendisti o semoveri a pt. Sic efferunt Itali, nec liquet quam ob causam, quum sint duæ mutæ. Et incertum an ab opto deducta vox sit, nec satis constat naturane producat prima, an positum. LE. Quid igitur? UR. Eas in quibus nec ipsa vocalis, nec diphthongus, nec cognatio dictionum dissolvit ambiguitatem pro natura longis habemus, quemadmodum in *tristis*. LE. Pergratum feceris, Urse, si Græcum distichum tantum, ad eundem modum excusseris. UR. Est disticho locus, en tibi carmen Hesiodi:

Λιδὼς δ' ἐκ ἀγαθῆς κακῆς κερήμενον ἄνδρα κομίζει.

Λιδὼς ἦτ' ἄνδρας μέγα σίνεταί, ἢ δ' ὀνίσι.

Nunc oculis observa scripturam, vocem auribus. LE. Istic sum. UR.

Λιδὼς δ' ἐκ ἀγαθῆς κακῆς κερήμενον ἄνδρα κομίζει.

Λιδὼς ἦτ' ἄνδρας μέγα σίνεταί, ἢ δ' ὀνίσι.

LE. Novum pronunciandi genus. UR. An non alium audis sonum in *ai* quam in *æ*, aut in *μ*? LE. Quidni audiam, ni furdus sim? UR. Audis propemodum eam vocem, quam edunt Suevi sonantes *Cæsarem* sua lingua. LE. Maxime. Nec a prorsus, nec i prorsus, sed tamen utramque agnosco literam. UR. Deinde in *δὼς*, audis *δ*, aliquanto sonare crassius quam *d*, vulgo sonat os quod in *δὼς*. LE. Audio longam ex duabus oominutis conflata. UR. Quid in *ai* audisne Gallicum u? LE. Minime. UR. Italicum? LE.

A Non. UR. Westphalicum? LE. Propemodum, nisi quod o magis resonat, ut quum nos dicimus frigidum. UR. Quid in *δῆ*? LE. *δ* feliciter adspiratum, & pro *η*, propemodum a Zelandicum. UR. Cur *δῆ* gravatur potius quam acuitur? LE. Quoniam sensus nullam ibi concedit interspirationem. Alioqui transisset gravis in acutum. UR. Quid in *æ*? LE. Idem fere sonat *æ* quod in *κομίζει*, nisi quod lingua nonnihil lentescere videtur ad *γ*. UR. Tantulum sane dare fas est consuetudini. Nec te fugit hic *æ* præter naturam suam porrigi, quod a muta liquidaque excipitur. LE. Teneo. UR. Nec ideo produci *μ*, quod habeat tonum acutum. LE. Utramque corripis, *μῆρας* priorè clarius sonante, posteriore summissius. UR. Cur in *ἀνδρα* prior acuitur potius quam inflectitur *ἀνδρα*? LE. Quoniam positum longa est, non natura. UR. Atqui Homero est anceps. LE. Sat est alicubi corripitur, ut hanc legem effugiat. Nam in *ἀνδρα* a breve est. UR. Jam in *κομίζει*, nonne aliud sonat vocalis penultima, aliud diphthongus ultima? LE. In *ζ*, audio sonum ex *ε* & *ζ*, conflatum. UR. Atqui nostro vulgo nihil distinguitur inter *δῆ*, *χρῆ*, *μ* & *ζῆ*. LE. Sic est. UR. In altero carmine, in *ῆτ'* rursus audis a Scotticum & in *ὀνίσι*, præter *η* & jota quod suo utrunque sono dignoscitur, quum nos confundere soleamus, *ei* nihil aliud sonat quam in *σίνεταί*, aliis sonaturis *ὀνίσι*. LE. Memini. UR. Nec ideo corripio penultimum *η*, quod præcedat acuta brevis, quemadmodum nec in *μῆρας* priorem porrigo, quod tono intendatur, non extendatur. LE. Nihil evidentius, si quis assuescat. Jam ne satis disertum est, quod attinet ad rectam pronunciationem? UR. De Rhetorica pronunciatione non institueramus dicere, de Grammatica non ita multum arbitror superesse, si junxerimus distinguendi rationes. Nam & in his peccat vulgatus usus. Nec jam loquor tantum de incisio, quæ commata vocant Græci, deque membris, quæ cola nominant, & de periodis, quæ conclusiones aut circumacta dicat licebit, deque *potis* horum si scribas: silentii modis, si pronuncies: verum etiam de morulis respirationum, quæ tradi arte non possunt: quandoquidem nec in illis tradendis admodum consentiunt Grammatici, nec perpetuum est quod tradant. Nec enim semper æquale silentium dirimit comma a commate, nec colon a colo. Nec quamvis periodum sequitur æque proluxa respiratio. Quoties enim articuli constant singulis verbis *ἀνδρῆτας*, neque nihil, & minimum moræ debet interponi, ut, *veni, vidi, vici*. Sin duabus ac pluribus vocibus, plusculum interponitur moræ, ut, *rem familiarem prodegit, famam profecit, genus dehonestavit, amicos alienavit, patriam prodidit*. Hic commatum cursus quidam, & congeries est. Rursus quum prius comma proponitur velut a percontante, & posterius accinitur velut a respondente, paulo longius silentium intercedet, ut: *Qua tandem spes est illum fore frugi? Num pudor corrigit? Jampridem depuduit: Amicorum consilia? Ne parentibus quidem unquam auscultavit: Aetas grandior? Ea semper addidit nequitiam*. Interdum ipsa incisio habet levem incisionem, velut in illo Musonii dicto: *Si quid turpe feceris cum voluptate, voluptas abis, turpitudine manet: Si quid honeste feceris cum labore, labor abis, honestas manet*. Hic quanquam in utroque membro, post *voluptate* & *labore* est diastole, tamen post *feceris*, & post *abis*, & *manet*, nonnihil est respirationis, quo magis sentiatur *invariabilis*. Rursus idem fit in secundo membro. Subtilius est autem quod indicat Fabius in, *Arma, virumque cano*: Primam dictionem *arma*, per hypodiatolen separandam a sequentibus, quum uterque casus referatur ad idem verbum *cano*, cæterum quoniam virum refertur ad sequentia: nimirum hæc, *Troja qui primus ab oris*, brevissima interspiratiuncula monendus est auditor, sic ut minimum accedat silentio, minimum decedat brevi syllabæ. Unde & *ὑποσυστολή* dicitur, quod brevi quoque nonnihil detrahitur. Quoties enim ex longa fit brevis, ut, *urbemque Fidenam*, systolen vocant Grammatici hoc hyposystolen appellat Fabius, quæ dimidium temporis detrahit syllabæ, & addit silentio. Rursus post hanc clausulam, *Atque alta mania Roma*, quatuor aut quinque temporum spatio vocem suspendere licebit, ut velut novo exordio subjicias: *Musa mihi causas memora*. Interdum & vox nonnihil immutatur, ubi particulam a sensu divulgat interferri, ut: *Hos illi, quod nec bene veritas, missis hados: quod nec bene veritas*, voce nonnihil immutata sonatur. Obscurius est in illo, *Qui malum*, alii. Malum enim, quoniam in-

terjectionis vicem obtinet, levi submissione vocis distinguendum est, nec non morula, sed brevissima. Cæterum in Adelphis Mitio quum dixisset, *Storax*, clariore voce sonuit, nimirum accersiens servum, interposito iusto silentio, reliqua mutata voce veluti secum loquitur. Verum hæc persequi non est hujus instituti, & exstant auctores unde hæc qui vollet possit petere: quod hic agimus illud est, pueros arcendos a more quorundam, qui totum sermonem perpetua linguæ volubilitate, & ut Græci dicunt, *ἀνευσι* pronunciant, quod in Gallis potissimum mihi videor animadvertisse, nonnullis etiam hoc, ceu virtutem, affectantibus. Rursus alii singulas pene voces longa interpiratione, aut etiam tussi gemituve dirimunt, nec ullum tam leviter incisum occurrat, ubi non diutius interfilescant. Sunt autem voces quæ se nullo silentio interposito patiuntur conjungi, ut *cumprimis*, & *homo pradiues*, *oratio bene longa*, *vir male sanus*, quasi compositæ sint. Rursus aliæ non patiuntur, ut *uxor jussit suo nomine tibi salutem dicerem*: *uxor a jussit*, tenui discrimine separandum est, atque etiam *jussit* a pronomine suo, ob collisionem consonantium: *suo nomine*, probe sibi coherent. At id magis faciendum in duplicibus, duplicatis, aut concursu duplicatarum, ut *sincera pax xenia non moratur*, & *pons fruendus*: inter *pax* & *xenia*, inter *pons* & *fruendus* distinctio vere duo requirit tempora. Et, *Declarant studium in nos suum*: Inter *declarant* & *studium*, vix sufficit interposuisse tempus unum. Læ. Deum immortalem, quam operosa res est emendate loqui! U. Ex his conjicias licebit cætera: Nam, ut diximus, innumeræ sunt causæ quæ vel continuationem suadent, vel incisionem dictionum & partium. Læ. Haud proflus alienum sit ab hoc argumento, de distinctionum notis nonnihil attingere. U. Optarim in his typographos consentire. Nunc variæ feruntur, nec pares tamen varietati distinguendæ vocis. Theodorus Gaza eodem puncto distinguunt triplicem pronunciationem, perfectam puncto in medio spatii posito, imperfectam in imo, mediam in summo. Verum hic ut facilis est scribarum lapsus, ita & pronunciantium falli possunt oculi. Malim notulas variam habere figuram, ut minima interspiratiuncula, qualis est post vocandi casum interdum, signetur puncto inflexo, ad imum dictionis: paulo major distinctio duobus punctis, quorum alterum ad latus additum modice flectatur deorsum: principale vero comma quod secatur orationem notetur duobus punctis, quorum superius inferiori immineat. Cæterum ubi jam non pendet constructio, sed additur aliquid sententiæ, punctum addatur imæ dictioni. Totam periodum absolutam, signent duo puncta quorum inferius fluat deorsum, quæ Græcis nota est interrogandi. Si quid extra ordinem interjicitur quod velut ab alio interloquente dictum, submissiore voce sonari solet, lunulis duabus dimidiatis signant quidam. Interrogationem nota Græcorum inversa signant Latini. Hic existit scrupulus, quæ sit vera interrogatio. Quoties negamus per interrogationem, quidam non putant attendendam notam. Multo minus quum percontandi specie dubitamus aut miramur. Hæc differentia videtur & alteram notam desiderare, quæ sic fingi posset, unico puncto sursum inflexo. Jam si illud quoque conveniat, ut omnes ad singulas notas vocem accommodent, non parum erit commoditatis vel iis qui dictant aliis scribenda, vel iis qui collatione, codices emendant, vel iis denique qui publice recitant aliquid. Læ. Et breviter & dilucide rem expedisti, nec amplius abs te requiram, si exemplum subjeceris. U. Ausculta ergo. *Si mihi carissime nepos, daretur optio, malim brevem vitam cum honestate: quam longam cum infamia. Propterea quod nulli mortalium vita longa possit contingere, memoria vero (qua vera est hominis vita) in multa seculorum perigatur. Quid vero humana vita fugacius: contra quos seculorum millibus quorundam fama durat?* Læ. Nihil prætermisisti. U. Illud tamen admonendus es, ut commata, ita & hypodiascolas & hypostigmas posse plures in eadem periodo incidere. Nam quemadmodum ea pars quæ præcedit comma principale, aut etiam colon, potest habere plures minutas distinctiunculas, ita & ea quæ sequitur: omitto nunc illas notulas quæ monent syllabas ac dictiones dividendas, quæ male conjungerentur. Læ. Recte, sed probas ne quorundam, meo iudicio, morosam diligentiam, qui Græcorum exemplo Latinis dictionibus adscribunt spiritus ac tonos, ac præter illorum exemplum,

etiam porrectionis aut correctionis notas addunt, & quæque e literarum ordine submota, hujus vice notulam superscribunt adspirandæ literæ? U. Superfluitatem scribendi genus audio. Læ. Non desuete tamen apud Italos, qui genus hoc invehere moliebantur. Si pateris addam exemplum tuæ vaginæ. U. Vel totam occupa. Læ. Distichon fat erit:

*Omnia sunt omnium tenet pendet mix filio,
Et subito casu qua valere tuum.*

Quid tibi videtur? U. Hic illud vetus occurrit, *μὲν δὲ ἀγαν*. Primum h, jam tot seculis receptam, quid attinet tollere? Deinde signare temporum minutias, nimis curiosum mihi videtur: tonos & productiones aut correctiones in his notare, in quibus causa quæpiam hortatur, probat. Læ. Quot causas adferunt? U. Tres potissimum, distinctionem, ambiguitatem, & necessitatem. Distinctio & ambiguitas, quarum illa videtur habere locum in unica dictione, altera in duabus, pluribusve, suadet addi notam mutati accentus, ut quum dicimus, pone ratem, ultimæ tonum addimus, ut pone intelligatur esse præpositio, idem valens quod iuxta: non imperativum a pono. Nam pone metum, habet priorem circumflexam! Rursus, pene rem patriam perdidit, quum adverbium intelligi volo, posteriori tonum addo: quum membrum obsecro, priorem inflecto, pene rem perdidit. De labor & labor ante dictum est. Læ. Memini. U. Idem licet in palam dedit, adverbium indicans, addo tonum in fine: si est instrumentum rusticianum, aut anuli pars, priorem inflecto. Nec eodem modo sono, quum improbum & efferatis moribus ajo feræ similem: & quum eum qui non multum abest a forma alterius, dico ferè similem. Ad eundem modum quantitas distinguit dictionem: cedo, unde cecidi, longam habet & acutam: cedo unde cessi, non habet quo discernatur, nisi forte tono cedo: sed ab hoc, cedo, quod prædic-interdum usurpatur, rursus nota brevitas discernitur. At cecidi a cado, primam habet acutam: a cedo, penultimam cecidi. Item profecto participium est, præcedens adverbium affirmantis: & vulgo verbum est, vulgo nomen si ve adverbium. Certo verbum, certo adverbium. Filio nomen, falso adverbium, tamen quidam hoc malunt circumflectere: una nomen, una adverbium: os, unde oris: & os, unde ossis: & ora ab os, & ora verbum: ergo conjunctio, & ergo nomen pro gratia. Illius ergo venimus: ita distinguimus rauce & spurce vocandi casum, & rauce, spurce adverbium: lege verbum a lege nomine: venimus & venit præteritum, a venimus, & venit præsentis: & divum a divum, & deum a deum, & numum a numum genitivos ab accusativis. Hujus generis exempla sunt infinita. Necessitatis exemplum adferunt, quum dicimus interea loci, in adverbio transferentes tonum ab antepenultima prioris dictionis in ultimam, & proximam dictionem suo tono spoliantes, ut auditor admoneatur, interea loci, nihil aliud valere quam interea. Nam loci, festivitatis causa adjungitur. Hujus farinae sunt, maleficus, maleficus, sicut maleficus, admodum, propemodum, invicem, propediem, indices. Idem fit quoties ex præpositione & adverbio constat dictione, proinde, deinde. Similiter in conjunctionibus enim vero, etenim, siquidem, quandoquidem. Nec ideo statim corripio, ve penultimam in enim vero si nim, præcedentem syllabam acuo. Alii necessitatis exemplum producant, quum dicimus, homo probus doctusque, ut intelligas, que conjunctionem adhærere proximæ dictioni præter rationem accentuum, posteriorem syllabam acuo: & si plurium syllabarum sit dictio, geminum addo tonum, ut omnium que. Aliter enim effero, omnium quæ fecit rationem reddidit: aliter, patris omnium que cognatorum favorem amisit. Læ. At vereor ne quis nos hebetes stupidosque vocet, si non queamus ex ipso sensu dijudicare, in, falso queritur genus humanum: falso adverbium sit, an nomen, an participium. Aut in illo, Nunc scio quid sit amor: amor, nomen sit an verbum. U. Sit hoc sane perspicuum medioctriter eruditus, at frequentè sic incidunt ut semidocti labantur, docti nonnihil hæsitent. An non rectum fuerit illorum errorem, hortum cunctatiunculam exiguo negotio redimere? Vulgo quantum operæ perit in adjectis literarum flexibus & lascivientibus lineis? Quanto facilius est addere virgulam? quæ ut doctis nihil officit, ita pueris & illi.

illiteratis est necessaria. Rudis enim ætatis hic negotium agimus potissimum. His quum dictamus, ab his quum exigimus dictata, quum scripturam emendatam exposcimus, tum hæc supervacanea videri non possunt. Nec tamen in his mihi probatur anxia superstitiosaque cura, præsertim ubi res agitur seria, quod non hic tantum præcepit ille scriptorum omnium diligentissimus Quintilianus, sed eum qui bene scribere nititur, curiosum non esse, sed fuisse oportet, quemadmodum, ait Seneca, *quædam didicisse oportet, non discere*. Tum demum gratiam habet in arte negligentia, si successit immodicæ diligentiae, ita ut curam remissam sentias non omissem. Hæc, nimirum, est illa *docta negligentia*, quam Terentius mavult æmulari, quam aliorum *obscuram diligentiam*. L. E. At sunt qui putant a magnis auctoribus rectissime dictum, *scientiam mihi servans, usum sequor*: & *sapientum ut pauci, loquendum ut plures*. U. R. Isthuc tum fortassis erat aliquid, quum sermonis jus adhuc penes populum erat, quumque ritu foliorum cadentium vicissim ac subnascentium nova verba gigneret, dejiceretque quæ fuerant in honore vocabula pro suo arbitrio popularis usus. Quanquam nec Cicero, nec Quintilianus loquuti sunt ut plures: Nec enim vulgo receptus error, usus nomen promeretur. Nunc vero nihil rei nobis est cum populo: a doctis petitur omnis loquendi ratio. L. E. A quibus tandem, & quo seculo natis? U. R. Hic tibi pro me respondet vetus Græcorum proverbium, *ἔτε πάντα, ἔτε πάντῃ, ἔτε παρὰ πάντων*. A Cicerone nemo negat optimum loquendi exemplar peti, nec inficiari possumus eo seculo dicendi genus incorruptissimum fuisse, quo jam & horror ille nimium priscae vetustatis abesset, & nondum degenerasset Romanæ linguæ sinceritas. Non tamen ab uno Cicerone petam omnia, nec statim quicquid illi placuit, pro optimo duxerim, ut *rissi* dicere malim quam *rissi*, quia sic ille fertur scribere solitus, nec rejiciam si quid vetustiores aut recentiores porrexerit melius. L. E. Nunc quibusdam putet quicquid in libris Ciceronis non deprehenditur. Rursus alii si quam scripturam in cariola charta, aut in faxo vetustate semelo, aut in nomismate pervetusto reperiunt, eam vocant in exemplum dicendi scribendique. U. R. Equidem hoc hominum genus ridere soleo, non odisse. Delectant enim nos antiquitatis studio, non nunquam & profunt. Non permittam autem illis, ut e suis deliciis, loquendi leges nobis præscribant. Siquidem orthographiæ ratio nec eodem seculo fuit eadem apud omnes. Et tamen obsoleta loco intermixta suam habent gratiam, veluti quum citamus priscorum dicta, aut ad illa alludimus. Tum si quid desiderabitur in supellectile Romani sermonis, quod apud Ciceronem non reperiatur, haud verebor ex Catone, Varrone, Plinio, Quintiliano, Seneca, Suetonio, Quinto Curtio, Columella, sumere mutuo: Si ab his quoque destitutor, superest Græcorum sacra anchora. L. E. Nihilne igitur petendum ab horum temporum consuetudine? U. R. Quid ni, si quid habeat recti? Vides quam multa sumperimus ex Gallorum, Germanorum, Britannorum, Italorum vulgari pronuntiatione. Et si mihi disputandum esset in scholis publicis, ineptus essem si nihil tribuerem ibi receptæ consuetudini: Præstat enim balbutire cum balbis, quam & rideri, nec intelligi. Attamen ita cedendum est consuetudini, ut Medicus cedit morbo, paulatim allevians, quando semel non potest tollere. Et nunc in scholis feruntur, quæ ante annos triginta fuissent explosa: Adeo quædam facilius elabuntur quam expelluntur. Quis olim tulisset in templis pronuntiantem *Timotheus* antepenultima acuta? Aut, *kyrie eleeson*, septem syllabis, & absque diphthongo? Aut *Christe* sonantem pro *Christe*? Nunc probantur etiam, non modo feruntur. Cæterum illa debet esse curarum prima, ne puer Græce Latineve pronuncians, ex vulgari sermone vitia trahat, quorum minimum esse ferunt apud Romanos, plurimum apud Gallos, plus satis apud Germanos, nonnihil & apud Hispanos. Anglis in ratione pronuntiandi, secundum ipsos, primam laudem tribuunt Itali. Sed quid risisti Leo? L. E. Rugire leonem est, non ridere. Dicam tamen quæ res in mentem veniens mihi risum excussit. U. R. Narrato, quæso, ut ipse quoque tecum rideam. L. E. Dicam. Non admodum diu est, quod me forte præfente Maximilianus Cæsar, ab aliquot Oratoribus salutaretur, quod ex more magis quam ex animo nonnunquam fie-

1 Cicero.

2 Neque omnia, neque omnino, neque apud omnes.

A ri solet, quorum unus erat Gallus, natione Cenomanus; nomen non exprimam, ne videar hominem notare cui bene volo. Is orationem ab Italo quopiam, ut arbitror, compositam, nec male Latinam, adeo Gallice pronuntiavit, ut Italis aliquot eruditique tum aderant, Gallice non Latine dicere crederetur. Nominare possim ex illis aliquot tibi non ignotos. Quum is perorasset, non absque incommodo: Nam in media dictione sibi exciderat, turbatus, ut conjicio, risu circumstantium: quærebatur qui ex more responderet, idque ex tempore. Nam Galli oratio præter expectationem acciderat. Protrusus est ad hoc negotii Doctor quidam aulicus. U. R. Unde id liquebat? L. E. Pileum gestabat suffultum candidis pellibus. Hoc signi. Is hunc in modum orsus est, *Cæsarea maghestas pene caudet fidere fos, & borationem festram lipenser audis*, aliaque tanto spiritu, tamque Germanice, ut nemo vulgari lingua dicens, possit magis Germanice. Hunc major excepit risus. Sequutus est Orator Daniæ, quanquam is qui dicebat videbatur Scotus, mire referens ejus gentis pronuntiationem. Huic oppositus est Zelandus quidam, dejerasset neutrum loqui Latine. U. R. Quid interea Cæsar, potuit ne tenere risum? L. E. Assueverat hujusmodi fabulis, nec erat ullius linguæ rudis. Verum hæc eo dico, quo tua dicta confirmem, nihil prius curandum quam ut puer dediscat vitia linguæ gentilitiæ. Superest ut indices quibus id rationibus quam ocysime & quam felicissime fieri possit? U. R. A pisticco licet exemplum sumere. Crebro occinitur meditati, ac subinde exigitur quod didicit. Si indocilis est, domatur ferula, reddenti quod accepit, cibus præmii loco est. Adhibendus qui linguam habeat emendatam, is admonitus quomodo præeat, conantem adjuvet, feliciter reddentem collaudet, relabentem in veterem consuetudinem crebro corrigit: mensis unus totum hoc negotium absolvit. Profuerit si puer sodalibus utatur minime balbis, sed incorrupte explanateque loquentibus. L. E. Rationem probo, nisi quod interim periculum est, ne, quoniam perpauca sunt emendate loquentes, post cogatur quod magno sudore didicit, majore dediscere, itaque fiet ut nec Italis placeat, nec suis. U. R. Quod scholis accidit, idem eveniet omnibus cæteris, optima placebunt si non omnibus, certe quamplurimis. Et tamen non improbarim, si cui tanta naturæ dexteritas obtigit, ut quemadmodum Polypus colorem ad loci subjecti speciem, ita Rhetor vocem ad auditorum aures pro tempore accommodet. L. E. Quibus rebus fiet, ut contingat emendata pronuntiandi celeritas, præsertim in Græcis, quæ ferè grandiores hodie discimus? U. R. Quid assequutus sim nescio, quid quomodo conatus sim aperiam. Cur enim quicquam arcani celem talem amicum? L. E. Muto dixeris. U. R. Ut tamen aurito. Posteaquam literas, syllabas, ac dictiones Græcas satis eram meditatus, ad parandam inoffensam celeritatem his artibus utebar. Adjunxi me quibusdam, quos exstimabam castigatissime sonare, finxi me codicum duorum collatione velle castigare librum, persuasi id utriusque fore commodo: quum in hoc, ut utriusque codex ex alterius comparatione fieret emaculatio, quemadmodum manus manum fricat, tum ad eruditionem. Sic autem convenit, ut alternis vicibus recitarem & auscultarem. Principio lentior erat recitatio, deinde, quemadmodum solet, incallescens paulatim lingua sponte ferebatur ad celeritatem. Si mihi cum doctiore res erat, tantum orabam, ut secus quam oporteret sonantem admoneret: Ipse recitantis linguam arrectissimis auribus observabam, oculis in codicem fixis. Si quid esset recitatum difficilioris soni, fingebam me non satis percepisse, rogabamque ut repeteret, quo certius ejus syllabæ sonitum infingerem animo. Quum ille jam recitando defessus esset, & ad me recitandi vices redissent, illius linguam pro viribus imitabar, reprehendenti gratias agebam. Si cum pari negotium esset susceptum, æquis legibus paciscebamur, ut uterque alterum revocaret errantem. Ad hoc munus interdum natione Græcæ mercede condux, licet alioqui parum eruditum, propter nativum illum & patrium sonum. Tametsi de cæcis aliquot natus sum, quorum pronuntiationem ego sane Græcorum quorundam elocutioni non dubitem antepone. Huic exercitationi datum est trimestre spatium. Nec ullius operæ me minus poenituit unquam. Nec enim simplex erat hujus laboris utilitas. Excepta siquidem exercitatione pro-

nunciandi, primum ipsa lectio præterquam quod erat alacrior ac vigilantior, quam si solitaria fuisset, habebat & illud commoditatis, licebat sciscitari, si quid parum intelligerem. Nam & imperitior sæpenumero tenet, quod doctiorem fugit. Et nescio quo pacto sit, ut acius meminerimus, quæ recitari audimus, quam quæ taciti legimus, interdum semisomnes. LE. Nihil verius. UR. Hac arte evolvimus seu revolvimus potius totum Demosthenem, totum Plutarchum, totum Herodotum, Thucydidem, Homerum & Lucianum. Nec his contentus, adscivi mihi sodalitatem aliquot φιλελλήνων. Conditæ leges ne quis super cœnam, nisi Græce loqueretur, παρανόμω multa dicebatur pecuniaria, si quis Latine dixisset absque veniæ præfatione, assis: si Græce quidem, sed inemendate, assis dimidium: si bis ad eundem impegisset lapidem, hoc est, si delaberetur in eum errorem, cujus ante fuisset admonitus, drachma. LE. Quomodo successit res? UR. Initio submoleste, ne dicam dolo, verum pauculis diebus successit facilitas, mox & jucunditas non sine fructu maximo. His artibus hanc quantulamcunque dicendi legendique promptitudinem sum adeptus, ad quam tuendam plurimum confert aliis prælegere bonos auctores. LE. Optarim tibi fortunam exiliorem. UR. Etiamne exiliorem, quum pene nulla sit? Quo meo merito mihi precaris tantum mali? LE. Præficerem te meo leunculo. UR. Næ tu plane, quod dici solet, bovi clitellas, aut si quid est ineptius. Quod si iterator esse possem, habeo domi quos doceam. Verum hanc operam tibi polliceor, mi Leo: Tu quod potes dispiice si quem nancisci poteris idoneum huic provinciæ, ego vicissim circumspiciam, si quid queam: & collatis in commune nostris consiliis prospiciemus catulis nostris, ut ex

hominibus nati videri queant. LE. Habeo gratiam, Urse, quantum possum maximam, relaturus etiam ubi ubi dabitur & opportunitas & facultas. Quam tibi Leonis occurfus fuerit felix nescio: mihi tales Urso optarim sæpius occurrere. Onustus tuis officiis domum redeo. UR. Nec ego nihil aufero bonæ farcinæ. Par pari relatum est. LE. Unum te velim adungere tam multis in me benefactis. UR. Quodnam? LE. Istam vaginam optarim esse meam. UR. In quem tandem usum? LE. Ne mihi excidant isti versus tam belle picti. UR. Quid ni? ut cum Samiis ridearis literatus miles. LE. Ego vero sic vel literatissimus haberi cupiam: & si proficiscar in bellum, nolim ullam armorum partem esse mutam, sed & vaginam, & ensen, & capulum, & arcum, & sagittas, & lanceam, & bombardam, & galeam, & thoracem, & balthæum, & clypeum optarim habere literarum nonnihil, quod me alicujus bonæ rei admoneret. Sin domi sit agendum, cuperem totam undique loquacissimam esse, sic ut & postes, & ostia, & fenestræ, & singulæ tessellæ vitræ, & trabes, & laquearia, & pavimenti lateres, & parietes, ad hæc & supellex universa, lodices, cortinæ, aulææ, mensæ, sellæ, mantilia, disci, canthari, cyathi, cochlearia, pelyes, ollæ, chytropodes, aliquid loquerentur quod expediret non oblivisci: tantum abest, ut me puderet istius vaginæ. UR. Ajunt inauspicatum esse, si quid hujusmodi rerum, quæ adversus hostes gestantur, amicus donet amico. Hoc ominis ut vitemus, ex donatione commutationem faciamus. Datuum ensen & accipe meum: sitque hoc pignus inter nos initi literarii fœderis. LE. Quod nobis utrisque nostrisque catulis bene vertat, accipio quod offers: Musis, uti spero, bene fortunaturis.

DE PRONVNCIATIONE DIALOGI

F I N I S.



CICERONIANUS,

S I V E

DE OPTIMO DICENDI

G E N E R E

D I A L O G U S;

A U C T O R E

D E S I D E R I O E R A S M O

R O T E R O D A M O.

DESIDERIUS ERASMUS ROTERODAMUS
ORNATISSIMO
VIRO JOANNI VLATTENO,

S. D.



ARDUUM in primis, planeque Regium munus est, vir ornatissime, prudentibus fideisque consiliis Reipublicæ prospicere, quod nimirum intelligens Homerus eum, penes quem erat summa rerum, Βουλευόμεν¹ appellat: nec alii mortalium ulli præclarius de civitatibus ac regionibus merentur, cum omni quidem tempore, tum vero præcipue hoc seculo, quo nescio quo fatali tumultu, sursum deorsum miscentur omnia, siue Christianæ Religionis statum inspicias, siue Monarcharum ac Rerumpublicarum conditionem reputes, siue studiorum ac literarum rationem intueare, omnibus sic perturbatis ut non alio tempore verius fuerit illud Græcis celebratum, ² ἱερὸν ἢ βαλὴ. Te vero in hoc pulcherrimo negotio summa fide, mira vigilantia, parique dexteritate versantem interpellare, fortassis improbum, aut impium etiam videatur: sed quoniam arbitror non sine causa præcipere Flaccum: Misce stultitiam consiliis brevem; en adest ab Erasmo tibi libellus, qui suis nugis aliquantisper avocet animum tuum a gravibus tetricisque negotiis. Quanquam hæ nuge sunt ejus generis, ut quemadmodum ait idem, seria ducant: tantum autem abest, ut nihil attineant ad Rempublicam, ut ad te quoque peculiariter spectent, qui rei scholasticæ apud Aquigranos summam curam susceperis. Multorum enim partim ignavia, partim sinistris moribus fit, ut bonæ literæ, quæ sat feliciter cæperant efflorescere, jam passim vergant ad interitum, & quasi sit hoc parum, exstiterit pridem, qui nobis veluti novam sectam moliantur invehere: Ciceronianos sese vocant, intolerabili supercilio rejicientes omnium scripta, quæ Ciceronis lineamenta non referunt: & adolescentiam a cæterorum scriptorum lectione deterritam ad unius M. Tullii superstitionem emulationem adigunt, quum nulli minus exprimant Ciceronem quam ipsi, qui se hujus tituli fumo molestissime venditant jactitantque. Quanta vero studiorum perniciēs, si persuasum fuerit neminem, præter unum M. Tullium, vel legendum esse, vel imitandum? Subolet autem & aliud hujus nominis prætextu geri, nimirum ut pro Christianis reddamur Pagani, quum ego nihil prius agendum existimem, quam ut bonæ literæ, Christi Domini Deique nostri gloriam, ea sermonis copia, splendore, nitoreque prædicent, quo M. Tullius de rebus profanis dicere solitus est. Et animadverto juvenes aliquot, quos nobis remittit Italia, præcipue Roma, nonnihil afflatos hoc affectu. Visus itaque sum mihi rem facturum nec inutilem ad pietatem, & studiis adolescentiæ conducibilem, si lucubratiunculam unam huic rei darem, non ut eloquentiæ candidatos a Ciceronis imitatione deterream: quid enim insanius? sed ut ostendam quo pacto fieri posset, ut vere Ciceronem exprimamus, & summam illius viri facundiam cum Christiana pietate copulemus. Argumentum hoc Dialogo tractavimus, quo simul & minus esset tædii lectoribus, & res facilius illaberetur in affectus juvenum. Bene vale. Basileæ postridie Idus Februarii, Anno M D XXVIII.

¹ Consiliarium.

² Sacra res est consilium.

DESIDERII ERASMI ROTERODAMI
D I A L O G U S
CUI TITULUS CICERONIANUS,
SIVE, DE OPTIMO DICENDI GENERE.

P E R S O N Æ.

BVLEPHORVS, HYPOLOGVS, ET NOSO-
P O N V S.



BVLEPHORVS. Quem video nobis procul in extrema porticu deambulantem? Nisi parum, prospiciunt oculi, Nosoponus est vetus sodalis, & studiorum σύντροφος. HYP. An hic est ille Nosoponus, olim congerronum omnium lepidissimus, rubicundulus, obesulus, Veneribus & Gratiis undique scatus? BV. Is ipse est. HYP. Unde hæc nova species? Larvæ similior videtur quam homini. Num quis hominem habet morbus? BV. Habet gravissimus. HYP. Quis obsecro? Num hydrops? BV. Interius malum est, quam in cute. HYP. Num novum hoc lepræ genus, cui vulgus hodie scabiei nomine blanditur? BV. Et hoc interior hæc lues. HYP. Num ptyxis? BV. Penitius infedit malum quam in pulmone. HYP. Num phthisis aut icterus? BV. Est quiddam felle interius. HYP. Fortasse febris in venis & corde grassans. BV. Febris est, & non febris, interius quiddam adurens quam si febris in venis aut corde grassetur, ab intimis animi penetrabilibus quæ in cerebro sunt proficiscens. Sed define frustra divinare, novum mali genus est. HYP. Nondum igitur habet nomen? BV. Apud Latinos nondum, Græci vocant Zelodulæan. HYP. Nuper accidit, an χρόνιον est malum? BV. Annos jam plus septem eo tenetur miser. Sed heus, conspecti sumus. Videtur huc gradum flectere, melius ex ipso cognosces quid sit mali. Initio Davum agam, tu fac orationi subservias, & fabulæ partem agas. HYP. Equidem id faciam sedulo, si norim quid mihi deleges. BV. Percipio veterem amiculum tanto levare malo. HYP. Etiamne rem medicam calles? BV. Scis esse demæntiæ genus, quod non totam mentem adimit, sed unam modo partem animi lædit, verum insigniter, veluti sunt qui sibi videntur capite taurina gestare cornua, aut naso prælongo onusti, aut ingens idque fictile portare caput exili collo innixum, mox comminuendum, si se vel tantulum commoveant, nonnulli sunt, qui, quoniam se mortuos arbitrantur, vivorum exhorrent congressum. HYP. Define, novi istud morbi genus. BV. Ad his medendum non alia via commodior, quam si te simules eodem teneri malo. HYP. Istihuc audiivi frequenter. BV. Id nunc fiet. HYP. Huius fabulæ non modo spectator, verumetiam adjuvor lubens fuero. Nam homini cum primis bene volo. BV. Ergo compone vultum & fume personam, ne quid illi suboleat rem de composito geri. HYP. Fiet. BV. Nosoponus etiam atque etiam salvere jubeo. HYP. Et Hypologus Nosopono salutem dicit. No. Equidem vobis ambobus paria vicissim precor. Sed utinam adsit quod optatis mihi. BV. Non abesset, si nobis tam esset in manu dare, quam est optare. Sed quid est rogo te mali? Nam ista facies ac macies nescio quid sinistri pollicentur. Apparet hepatis esse vitium. No. Imo cordis, vir optime. HYP. Bona verba. Siquidem malum immedicabile narras. BV. Nullane spes in Medicis? No. Ab humanis præfidiis nihil est quod sperem. Numinis opus est ope. BV. Atroce morbum narras. At cuius tandem numinis? No. Est Diva, quæ Græcis dicitur Παιθία. BV. Novi Deam flexanimam. No. Huius amore depereo, emoriturus ni potiar. BV. Haud mirum, Nosopone, si contabescis. Novi quam sit res violenta Cupido, & quid sit esse νυμφόληπτον. Sed quam pridem te corripuit amor? No. Anni sunt ferme decem, quod hoc saxum velgo, nec adhuc succedit. Itaque certum est, aut immori negotio, aut assequi tandem quod amo. BV. Tenacem pariter atque infelicem amorem narras, qui tot annis nec elabi potuerit, nec copiam adamati fecerit. HYP. Fortassis hunc Nymphæ suæ copia discruciat magis quam inopia. No. Imo inopia maceror infelix. BV. Qui potest? Quando sic hæc nus omnium unum excelluisti, dicendi facultate, ut plerique

A que dete prædicarent, quod olim de Pericle dictum est, *Suadetam in tuis sessitare labris*. No. Ut paucis dicam, mihi putet omnis eloquentia, præter Ciceronianam. Hæc est illa Nympha, cujus amore colliqueſco. BV. Nunc affectum intelligo tuum. Speciosum illud & amabile Ciceroniani cognomen ambis. No. Adeo, ut ni consequar, vitam mihi acerbam existimem. BV. Prorsus mirari desino. Ad rem enim omnium pulcherrimam animum adjecisti, sed nimium verum est quod dici solet, *ὁ δύσκολος τὰ καλά*. Jam tuis votis in me ipso faveo, si quis Deus propitius nos respiciat. No. Quid rei est? BV. Dicam si potes rivalem perpeti. No. Quorsum ista? BV. Ejusdem Nymphæ me discruciat amor. No. Quid audio? Teneris eadem cura? BV. Ut qui maxime, & indies accrescunt flammæ. No. Isto quidem nomine mihi carior es, Bulephore, ut quem hætenus semper in primis dilexi, nunc etiam amare incipiam, posteaquam conveniunt animi. BV. Fortasse nolles isto levare morbo si quis herbis, gemmis, aut incantamentis opem polliceatur. No. Istihuc esset occidere, non mederi. Aut moriendum est, aut potiandum, nil medium est. BV. Ut facile tuum affectum ex meo divinabam. No. Nihil itaque te celabo, velut iisdem mysteriis initiatum. BV. Tuto quidem istihuc feceris, Nosopone. No. Me non solum pulcherrimi cognominis splendor sollicitat, verumetiam Italorum quorundam procax insultatio, qui quum nullam omnino phrasim probent præter Ciceronianam, summique probri locoducant, negari quempiam esse Ciceronianum, tamen hujus cognominis honorem ab orbe condito nemini Cisalpinorum contigisse jactitant, præterquam uni Christophoro Longolio, qui nuper e vivis excessit. Cui ne videar hoc laudis invidere, idem ausim de illo prædicare, quod de Calvo scripsit Quintilianus, *fecit illi prospera mors injuriam*. HYP. Imo non tam illi quam optimis studiis præpropere Longolii mors fecit injuriam. Quid enim ille non potuisset nobis in bonis literis restituere, si tali ingenio, tali industriæ justum vitæ spatium addidissent Superi? BV. Verum, quid verat, quo minus quod uni datum est, Musis faventibus, obtingat pluribus. No. Ille huic pulcherrimo facinori immortalis est, mea sententia felix. Quid enim pulchrius, quid amplius, quid magnificentius, quam Cisalpinum hominem Italorum suffragiis appellari Ciceronianum? BV. Gratulandum arbitror illius felicitati, qui suo tempore decesserit, priusquam hanc gloriam aliqua nebula offuscaret, vel ob Græcarum literarum studium, cui se dicare coeperat: vel ex Christianis auctoribus oborta nebula, a quibus fortasse non satis constanter abstinuisset, si diuturnior vita contigisset. BV. Sic est, ut ais, illi pulcherrimo facinori immori datum est. At mihi spes est futurum, ut huic pulcherrimo facinori superemus etiam, non immoriamur. No. Quam faveo tuis votis. Dispeream, ni istihuc malum, quam in Divorum adscribi numerum. BV. Quis enim non malit apud posteros celebrari Ciceronianus quam Sanctus? Cæterum quando hoc amoris genus zelum nescit, obsecro te perque curas, perque spes, mihi tecum communes, ut pariter amanti saltem consilium tuum impartias, quibus rationibus tu tuam, amicam ambias. Fortasse citius perveniamus ambo, si uterque alteri fuerit auxilio. No. Musæ nesciunt invidiam, multo minus Gratiæ Musarum sodales. Studiorum socio, nihil negandum est, & amicorum oportet esse communia omnia. BV. Plane bearis me, si id feceris. HYP. Quid si me quoque in vestrum contubernium recipiatis? Sum enim jam pridem eodem cæstro percitus. No. Recipimus. Ergo velut eidem initiatis Deo, retegam mysteria. Jam annos septem totos nihil attingo preter libros Ciceronianos, a cæteris non minore religione temperans, quam Carthusiani temperant a carnibus. BV. Cur istihuc? No. Ne quid alicunde hæreat alienæ phraſeos, ac veluti

† Difficilis quæ pulchra.

2 Nempe 14. Nonas Julias anni 1522. Vide P. Jovii & Sammarthani-
norum elogium.

975

veluti labem adspersat nitori Ciceroniani sermonis. Proinde ne quid hic peccem imprudens, quicquid est aliorum codicum, ab oculis submovi, scriniis inclusum, nec ulli prorsus est locus in mea bibliotheca, præterquam uni Ciceroni. Bv. O me negligentem, tanta religione nunquam colui Ciceronem. No. Non tantum in Larario Museoque, verum & in omnibus ostiis imaginem illius habeo belle depictam, quam & gemmis insculptam circumfero, ne unquam non obversetur animo. Nec aliud simulachrum in fomis occurrit præterquam Ciceronis. Bv. Non miror. Hvp. Ego Ciceroni inter Apostolos in Calendario meo locum dedi. Bv. Nihil miror. Deum enim eloquentiæ quondam appellabant. No. In hujus igitur scriptis evolvendis, ac revolvendis adeo sum assiduus, ut totum propemodum edidicerim. Bv. Industriam tuam mihi narras. No. Nunc accingor ad imitationem. Bv. Hic quantum temporis destinasti? No. Tantundem, quantum lectioni. Bv. Rei tam arduæ parum est. Utinam mihi vel septuagenario contingat tam speciosi cognominis decus. No. At mane: Non huic fido diligentia. Nulla est in omnibus divini viri libris vocula, quam non in Lexicon alphabeticum digesserim. Bv. Ingens volumen sit oportet. No. Duo robusti bajuli vix tergo gestent probe clitellati. Bv. Hui. At ego vidi Lutetia, qui elephantum gestando sufficerent. No. Verum est alterum volumen hoc etiam grandius, in quod juxta literarum ordinem annotavi formulas loquendi M. Tullio peculiare. Bv. Nunc demum me pudet oscitantia meæ pristinæ. No. Additum est tertium. Bv. Hui. etiamne tertium? No. Sic opus est. In hoc congesti pedes omnes, quibus Cicerone vel incipit vel finit commata, cola, periodos, quibusque numeris horum media temperat, tum quibus sententiis quam modulationem accommodat, ut ne tantillum quidem possit subfugere. Bv. Verum qui fieri potest, ut primus index tanto major sit toto Cicerone? No. Disce rem, & mirari defines. Tu forte me credis hac cura contentum, ut singulas annotem dictiones. Bv. Sic opinabar. Estne amplius? No. Imo isthuc plus quam nihil est. Bv. Qui quæso. No. Vide quantum aberres a scopo. Eadem vox non semper eodem usurpatur modo. Sit exempli gratia: *Refero* verbum, aliam vim habet quum ait M. Tullius *referre gratiam*: aliam quum ait, *Liberi parentes & forma corporis & moribus referunt*: aliam quum ait, *Refero me ad intermissa studia*: rursus aliam quum ait, *Si quid eris, quod meareferat scire*: denique aliam quum ait, *Non ignota referam*. Item aliud est *orare Lentulum*, aliud *orare causam*. Rursus aliter *contendit*, qui cum altero certat: aliter qui quid instanter ab aliquo petit: aliter *contendit*, qui magno studio connititur ad aliquid efficiendum: aliter qui res duas inter se committit comparatque. Hvp. Papæ, isthuc est scribere *λεξικόνος ἐλέγχους*. Bv. Nunc demum intelligo, & tuam vigilantiam & meam oscitantiam. No. Nec singulas dictiones incomitatas noto, sed adjungo quæ præcedunt ac sequuntur. Nec sat habeo unum aut alterum notasse locum, quod alii solent, sed quoties dictio reperitur apud Ciceronem, quamvis consimili forma, toties noto paginam, latus paginæ, & versus numerum, addito signo, quod indicet in medio ne versus sit dictio, an in initio an in fine. His rebus fieri vides, ut una dictio plures occupet paginas. Bv. Deum immortalem, quid tanta non efficiat cura? No. Manedum Bulephore. Nihil est quod hætenus audisti. Bv. Quid istis potest accedere? No. Quid prodest tenere verbum, si hæreas, aut etiam labaris in deflexis, derivatis & compositis? Bv. Non satis percipio quod dicis. No. Expediam. Quid tritius aut vulgatus his verbis, *amo*, *lego*, *scribo*? Bv. Etiamne hæc in dubium veniunt? No. Aut his nominibus, *amor*, *lectio*, *scriptor*? Bv. Nihil. No. At illud habeto persuasum, & necessum esse mihi, & opus esse quicunque contendat ad Ciceroniani cognominis dignitatem, tanta religione, ut nec his quamlibet vulgatis dictionibus utatur, nisi consulto indice: nisi forte tutum existimas fidere Grammaticis, qui verba per omnes modos, personas, genera & tempora, nomina, pronomina & participia per omnes casus & numeros inflectunt, quum nobis fas non sit, quicquam horum usurpare, quod a Cicerone non fuerit usurpatum. Non magnum est Grammaticè dicere, sed divinum est Tullianè loqui. Bv. Dic obsecro clarius. No. *Amo*, *amas*, *amat*, sit enim hoc exempli causa dictum,

8 Verborum indices.

A apud Ciceronem invenio: at *amamus* & *amatis* fortasse non invenio. Item *amabo* invenio, *amabatis* non invenio. Rursus *amaveras* invenio, *amaras* non invenio. Contra *amasti* reperio, *amavisti* nequaquam. Jam quid si *legeram*, *legeras*, *legerat* reperias, *legeratis* non reperias? si *scripseram* invenias, *scripseratis* non invenias? Ad eundem modum conjecta de verborum omnium inflexionibus. De casuum inflexionibus similis est ratio, *amor*, *amoris*, *amore*, *amori*, comperio apud Ciceronem: *amor*, *hos amores*, *horum amorum*, *his amoribus*, *o amores* non comperio. Item *lectio*, *lectionis*, *lectioni*, *lectionem* invenio: *lectiones*, *lectionibus*, *lectionum*, *has lectiones*, & *o lectiones* non invenio. Ita *scriptorem* & *scriptores* reperio: *scriptoribus* & *scriptorum* pro substantivo nomine non reperio. Non obstat quo minus hæc videantur ridicula, si vos audebitis *stultitias* & *stultitiarum*, *vigilantias* & *vigilantiarum*, *species* & *specierum*, *fructuum*, *ornatum*, *cultum*, *vultuum*, *ambitus* & *ambituum*, aliaque hujus generis innumera fando usurpare. Ex his paucis, exempli gratia, propositis æstimare potes de cæteris omnibus, quæ consimilem ad modum inflectuntur. Hvp. *In tenui labor*. Bv. *At tenuis non gloria*. No. Succinam & ego, si quem Numina *leva sinunt*, auditque vocatus *Apollo*. Nunc de derivatis accipe. *Lego*, non vereor usurpare, *legor* non ausim dicere. *Nasutus* ausim dicere: *nasutior* & *nasutissimus*, nequaquam. *Ornatus* & *ornatissimus*, *laudatus* & *laudatissimus* intrepide dico: *ornatior* & *laudatior* nisi comperero, dicere religio sit. Nec quia *scriptor* & *lectio* offendo apud Ciceronem, statim ausim dicere, *scriptorculus* & *lectiuncula*. Bv. Immenfam rerum sylvam video. No. Nunc accipe de compositis. *Amo*, *adamo*, *redamo*, dicam; *deamo* non dicam. *Perpicio* dicam; *dispericio* non item. *Scribo*, *describo*, *subscribo*, *rescribo*, *inscribo* dicam; *transcribo* non dicam, nisi deprehendero in libris M. Tullii. Bv. Ne te plane commemorando defatiges Nosopone, rem non aliter quam in speculo videmus. No. Hæc index ille minimus omnium complectitur. Bv. Cameli video sarcinam. Hvp. Et quidem justam. Bv. Quæ ratione fit, ut in his tam variis non aberres? No. Primum hic nihil fido nec Grammaticis, nec cæteris auctoribus quamlibet probatis, nec præceptionibus, nec regulis, nec analogiis, quæ plurimis imponunt. In Elencho noto omnes singularum vocum inflexiones, tum derivationes: postremo compositiones. Quæ sunt apud Ciceronem, miniata virgula signo: quæ non sunt, atra. Ita fieri non potest, ut fallar unquam. Bv. Quid si dictio sit apud Terentium aut æque probatum auctorem, notabitur atra virgula? No. Nulla est exceptio. Ciceronianus non erit in cuius libris vel una dictiuncula reperitur, quam non possit in Ciceronis lucubrationibus ostendere, totamque phrasim hominis non aliter quam adulterinum numisma, reprobam judicabo, in qua vel unum verbum refederit, quod Ciceroniani characteris non habeat notam, cui soli velut eloquentiæ principi datum est a Superis, Romani sermonis monetam cudere.

E Bv. Ista lex severior est etiam Draconis legibus, si ob unam dictiunculam parum Ciceronianam, totum volumen damnatur, quamvis alias elegans ac facundum. Hvp. Atqui justum est. An non vides ob unicum numulum adulterinum ingentem pecuniæ vim confiscari: & uno nævo, quamlibet exiguo, totam puellæ formam, licet alias egregiam, devenerunt? Bv. Accedo. No. Ex his quæ diximus si jam omnia conjicientes, satis intuemini quanta sit hujus indicis moles, cogitate quanto major sit indicis, in quo formulas loquendi, tropos & schemata, gnomas, epiphonemata, lepide dicta, similesque dictionis delicias omnes sum complexus. Rursus tertii, qui numeros omnes & pedes, quibus M. Tullius orationis partes inchoat, profert, finitque, continet. Nullus est enim in toto Cicerone locus, quem non ad certos pedes redegerim. Bv. Ista moles vel elephantem bajulum desideret. Hvp. Prorsus *ἀμαξία* onus narras. No. Atqui nihil mentior. Bv. Næ tu septennium hoc hæc male collocasti. Nunc quando perpulcre instructus es indicibus, superest ut nobis amicus amicis, ac *συμψύχαις*; & illud indices, quibus rationibus suppellectilem istam præclaram ad scribendi, dicendive usum accommodare soleas. No. Non committam ut quicquam per me quidem vos latuisse videatur. Ac de scribendo dicam prius, quando vere dictum est, stylum optimum esse dicendi magistrum. Primum illud est: Nunquam ad scribendum accingor, nisi nocte intempesta, quum

quum profunda quies, & altum silentium tenet omnia, & si mavultis Maronis audire carmen:

*Placidum quum carpunt fessa soporem
Corpora per terras, sylvaque & seva quierunt
Æquora, cum medio volvuntur sidera lapsu,
Quum tacet omnis ager, pecudes pitæque volucres.*

Denique quum tanta rerum omnium tranquillitas est, ut Pythagoras, si viveret, orbium celestium harmoniam exaudire liquido posset. Nam tali tempore Dii Deæque gaudent cum puris mentibus miscere colloquium. Hy. Isto noctis tempore nos profani lemorum occurfus formidare solemus. No. At nobis Musæ dederunt & inauspicatos lemures, & malignum spernere vulgus. Bv. At sunt noctes adeo tranquillæ, ut in his Austri Boreæque ruinas ædium, ac miseranda ludant naufragia. No. Novi, sed ego tranquillissimas eligo. Non arbitror esse vanum quod scripsit Ovidius: *Est Deus in nobis, agitante calefactus illo*. Si quid igitur divinum habet hominis animus, id sese profert in eo profundissimo silentio. Bv. Non me fugit, istud secretum semper a laudatissimis viris fuisse captatum, quoties aliquid immortalitate dignum molirentur. No. Habeo Museum in intimis ædibus, densis parietibus, geminis & foribus, & fenestris, rimis omnibus gypso piceque diligenter obturatis, ut vix interdiu lux aut sonitus ullus possit irrumperere, nisi vehementior, qualis est foeminarum rixantium, aut fabrorum ferrariorum. Bv. Vocum humanarum tonitrua & officinarum strepitus non sinunt animum sibi præsentem esse. No. Proinde ne in proximis quidem conclavibus patior quemquam habere cubile, ne vel dormientium voces, ronchive, cogitationis secretum interpellent. Sunt enim qui in somnis loquuntur, & nonnulli tam clare stertunt, ut procul etiam audiantur. Hy. Mihi frequenter & sorices noctu scripturienti negotium faciunt. No. In meis ædibus ne muscæ quidem locus est. Bv. Sapienter tu quidem atque etiam feliciter Nosopone, si queas & animi curas obstrepentes excludere: quæ si nos & nocte comitantur in abditum illud, quid profecerimus captato silentio? No. Recte mones Bulephore. Nam intelligo tumultus istos aliis sæpe molestiores esse, quam vicinorum fabrorum folles aut malleos. Bv. Quid ergo? tibi nunquam obstrepunt, amor, odium, livor, spes, metus, zelotypia? No. Ne te multis morer, illud scito Bulephore, qui amore, zelotypia, ambitione, studio pecuniæ, similibusque tenentur morbis, eos frustra hanc ambire laudem, cujus nos sumus candidati. Res tam sacra requirit pectus non modo purum ab omnibus vitiis, verum etiam ab omnibus curis vacuum, non aliter quam secretores illæ disciplinæ, Magia, Astrologia, & quam vocant Alchumificam. Porro leviores illæ curæ facile cedunt intentioni tam acri, tamque seris. Quanquam & has, si quæ sunt, dispello, priusquam sacrum illud adeam. Nam in hoc animum multo studio consuefeci meum. Atque hac potissimum de causa cælebs agere decrevi, nequaquam ignarus quam sancta res sit conjugium: sed quod vitari nequit, quin uxor, liberi, affines, multam curarum materiam secum trahant. Bv. Sapiisti Nosopone. Nam mea conjunx, si noctu parem ad istum modum operam dare Ciceroni, perumperet ostium, laceraret indices, exureret schedas Ciceronem meditantes: & quod his etiam est intolerabilius, dum ego do operam Ciceroni, illa vicarium accerseret, qui ipsi pro me operam daret. Itaque fieret, ut dum ego meditor evadere Ciceroni similis, illa gigneret aliquem Bulephoro dissimilem. No. Isthuc quoniam scio quibusdam usu venisse, alieno monitus periculo, mihi in tempore cavi. Eodem consilio, nec ullum munus publicum, nec ecclesiasticam dignitatem suscipere volui, ne quid ex his accederet animo sollicitudinis. Bv. At ista magnis studiis ambiuntur ab aliis. No. Non equidem invideo. Mihi vel consulatu, vel summi Pontificis regno potius est, cum esse, tum haberi Ciceronianum. Hy. Qui vere amat, præter unam amare non potest. No. Tum si quid hujus rei paro, sub eam noctem a cena tempore, leviter etiam pransus, ne quid crassæ materiæ, liquidioris animi sedem invadat: ne qua nebula e stomacho exhalata gravet atque affigat humo divina particulam auræ. Bv. Sic affectum fuisse arbitror Hesiodum, quum Musæ cum ipso loquerentur. Hy. At Ennius ipse pater nunquam nisi potus ad arma profiliit dicenda. No. Et ideo scripsit vinum olentia carmina. Bv. Et

A satur est quum dicis Horatius, i obe. No. Quid agat furor Poeticus, nihil ad nos. Ciceronianum esse sobria res est. Hy. Me cerebrum destituit, si quando jejuno. No. Non plane jejunium est. Sumo decem acinos uvæ passæ minutulæ, quam Corinthiacam vocant. Hic neque cibus est, neque potus, & tamen utrumque est. Bv. Intelligo. Leniter humectant, conferuntque cerebro ac memoriæ. No. Addo tria coriandri grana saccharo incrustata. Bv. Optime, ne quid vaporis ex decem illis acinis provelet in mentis sedem. No. Neque vero quibuslibet noctibus abutor ad hanc operam. Bv. Non? Eas excepisti, quibus sævit Austro aut Boreas. Fortassis hibernas fugis ob noctis rigorem. No. Hoc incommodi facile depellit focus luculentus. Hy. At interim obstrepsit fumus & materiæ crepitus. No. Acapis utor. Bv. Quas igitur noctes deligis? No. Paucae sunt felices huic sane negotio: proinde prosperas deligo. Bv. Unde quæso? No. Ex Astrologia. Bv. Quum te pluiquam totum possideat Cicero, qui fuit ocium Astrologiæ perdiscendæ? No. Indicem mihi mercatus sum ab hujus artis peritissimo. Hujus consilio rem gero. Hy. Audio multos indicibus istiusmodi fuisse delusos, quoties scriptor erravit in numero. No. Exploratum ac spectatum emi. Bv. Deum immortalem, isthuc est scribere: nec jam miror Hypologe, si nostra sunt incondita rudiaque. Verum ad istum composito modum, utra cogitatio prior, de rebus, an de verbis? No. Utraque prior, & utraque posterior. Bv. Enigma dedisti, non responsum. No. At explicabo nodum. In genere, de rebus prior est cogitatio; in specie, posterior. Bv. Nondum satis liquet quid velis. No. Exemplo faciam perspicuum. Statui scribere Titio, sic fingite, ut quamprimum curet ad me remittendos codices, quos illi commodato dederam, si nostram amicitiam velit esse incolumem. Nam incidisse quiddam, ut illis mihi vehementer sit opus. Id si fecerit, nihil esse in rebus meis, quod non suum ducere possit: Sin minus, me veteris amicitiae tesseram illi remittere, ac similitatem denunciare. Hæc prima cogitatio nimirum de re, sed in genere. Bv. Intelligo. No. Huic illico succedit verborum cura. Evolve quam plurimas Ciceronis epistolas: elenchos meos omnes consulo: seligo voces aliquot insigniter Ciceronianas, deinde tropos, formulas: tum numeros: demum affatum instructus hujusmodi supellectile, dispicio quos flosculos quibus locis possim inserere. Mox ad sententiarum curam redeo. Hoc enim jam artis est, sensus ad hæc verborum ornamenta invenire. Hy. Haud aliter quam si quis egregius artifex, vestem præclaram apparet, ad hæc, monili, anulorum & gemmarum vim, mox ceream affingat statuam, cui hæc accommodet ornamenta, vel potius quam ad ipsa consuectat ornamenta. Bv. Quidni? Verum age Nosopone. Num tota nox uni datur epistolæ? No. Quid mihi narras unam? Musis pulchre videor litasse, si periodum unicam absolverit nox hiberna. Bv. Itane de re tam non magna, tam proluxas scribis literas? No. Imo per breves, ne sis inciens, ut quæ sextam periodum non excedant. Bv. Quin igitur sex noctes sufficiunt his absolvendis? No. Quasi satis sit scripsisse semel. Decies refingendum quod scripseris: decies ad indicem exigendum, ne qua forte dictiuncula te sefellerit adulterina. Rursus altera superest examinatio de tropis ac formulis, postrema de numeris & compositione. Bv. Isthuc, nimirum, est opus absolvere. No. Ne id quidem satis, ô bone. Dehinc quod elaboratum est cura, quanta potest maxima, seponendum est in aliquot dies, ut ex intervallo, refrigerato jam inventionis amore, velut aliena legas, quæ tua sunt. Hic demum gravis agitur censura. Hoc severum, incorruptum, & ut Græci vocant, *adêxasov* iudicium, ubi qui scripsit ex parente fit Areopagites. Hic sæpenumero fit, ut verso stylo, nihil relinquant. Bv. Omnino sic fiunt accuratæ, sed interim ille fruitur codicibus abs te desideratis. No. Isthuc incommodi malim perpeti quam aliquid a me proficisci, quod non sit Ciceronianum. Ducitur suo quisque iudicio. Ego malim multum scribere quam multa. Bv. Scribendi rationem habemus. Ad dicendum qua meditatione te paras? No. Prima cautio est, ne cui loquar Latine: quod queam effugere. Bv. Ne Latine? Atqui dicendo fieri prædicant, ut bene dicamus. Novum autem exercitationis genus, si filendo discimus loqui. No. Dicendo fit ut dicamus expedite: ut

Tom. I.

Q99

Cice-

1 Horatius. Juvenalis Sat. vii, 62.

Ciceroniano more, nequaquam. Qui se parant equestri certamini, generosos equos a cursu prohibent, quo ad feriam rem integris viribus veniant. Nec venator prius demit lorum generoso cani, quam visa est fera. Ad garriendum de quibuscumque nugis, sufficit mihi sermo Gallicus, aut Batavicus: profanis ac vulgaribus fabulis non contamino sacram linguam. Quod si qua res urget, ut Latine dicendum sit, & pauca loquor, nec sine praemeditatione. Et in eum usum habeo paratas aliquot formulas. Bv. Quas dicis formulas? No. Velut si sit salutandus, aut resalutandus amicus eruditus, qui forte factus est obivus, aut vicissim laudandus qui te laudavit, aut si gratulandum ex longinqua peregrinatione reduci, sive ex aegrotatione gravi redivivo, aut agendae gratiae qui praestitit officium, aut bene precandum ei qui nuper duxerit uxorem, aut deplorandus casus, cui perit uxor. Ad haec & huiusmodi, formulis instructus sum e Cicerone decerptis atque concinnatis, eas edidici, quo possim uti velut ex tempore. Porro si quis casus incidit, ut vitari non queat quin in longum proferatur sermo, protinus multa lectione diluo quod contractum est labis. Neque enim me fugit, hoc ipso colloquio, quod vobiscum nunc habetur, quantum flagitiorum admittam, quantum detrimenti capiam ad id quod molior. Itaque ad sarcindum vix menstrua suffecerit lectio. Bv. Quid si detur spatium meditationi? No. Tum quod fuerit iis, quas dixi, rationibus elucubraturum edisco, quoque sit memoria certior, subinde mecum recito: ita fit, ut quum res poscit, veluti de scripto pronunciem. Bv. Quid si qua necessitas exigeret extemporalem orationem? No. Qui potest incidere, qui nihil ago publicum? Et si quam functionem publicam obirem, non sum melior Demosthene, qui nunquam voluit nisi meditatatus assurgere, quamlibet populi vocibus efflagitatus. Nec mihi pudendum ducere, quod in Oratorum apud Graecos princeps laudatur: nec me poeniteat conviti, si quis dicat mea τὸν λόγον ἀνέστην. Bv. Equidem & propositum tuum admiror, & animi fortitudinem suspicio, Nolo pone, supra quam dici possit: inviderem etiam, si vel in hoc genere studiorum, vel inter tam conjunctos amicos ac sodales, tanta pestis incidere posset. Ceterum quoniam arduum est quod expetimus, & via non modo longa ac perdifficilis est, verum etiam anceps, si periculum proprie tuum esset, tamen arbitrarer hoc esse necessitudinis nostrae, neque vulgaris, neque recentis, liberis consiliis amico prospicere, ne tot curas, tot vigilias cum valetudinis ac rei familiaris dispendio frustra susciperet, susceptas urgeret: neve, quod in rebus humanis nimium frequenter accidere videmus, pro thesauro diu multumque quaesito tandem reperiret carbonem. Nunc vero quum pari cupidine ducamur omnes, ejusdemque Nymphae teneamur amore, Nam & Hypologus ejusdem est animi: tu quoque fuerit humanitatis, & si quid admonemus, boni consulere, & si quid habes melius, libenter amicis communicare. No. Aequissimum, Bulephore, postulas: proinde nec te gravatim audiam, nec maligne, si quid consulere queam, in medium conferam. Bv. Primum illud mihi tecum convenit, opinor, ei qui dicendi scribendive laudem affectat, cognitis ante diligenterque perceptis artis praeceptionibus, ex multis laudatis scriptoribus optimum quempiam esse seligendum quem imitetur, & ad quem exprimendum se componat. No. Maxime. Bv. Neminem autem esse, dumtaxat apud Latinos, qui pluribus eloquentiae virtutibus excellat quam M. Tullius, de quo jure optimo praedicatum est, quod de Apelle, in quem unum conflatum erat, quicquid in ceteris pictoribus erat eximium ac singulare. No. Quis isthuc neget? Bv. Dabis veniam, Nolo pone, si crassius rusticiusque colloquio, Dialectices rudis. No. Inter amicos decet omnia boni consulere. Quamquam & alioqui mihi satis argute colligit, qui vere colligit. Bv. Age, quid igitur sentis de Zeuxide Heracleota? No. Quid aliud, quam quod excellentissimo graphices artifice dignum est? Bv. Nam & ingenio judicioque valuisse putas? No. Qui potuit ars tanta carere judicio? Bv. Commode respondes. Quid igitur illi veniebat in mentem, ut, quum Crotoniatis picturus Helenae simulacrum, in quo decreverat quicquid artis suae viribus posset explicare, & absolutum formae muliebris (nam in hoc argumentum ceteris antecelluisse legitur) exemplar viya simillimum edere, in quo nulla venustatis portio deside-

2 Lucernam olere, quod objiciebatur Demostheni.

rari valeret: non unam quampiam omnium pulcherrimam adhibuit, sed ex omnibus oblati aliquot ceteris praestantiores elegerit, ut ex singulis decerperet quod in quaque decentissimum esset: itaque demum admirandum illud artis suae monumentum absolverit? No. Diligentissimi pictoris officio functus est. Bv. Vide igitur num recto consilio ducamur, qui eloquentiae simulacrum ab uno Cicerone, quamvis praestantissimo, petendum arbitramur. No. Si tali forma virginem Zeuxis esset nactus, qualis est in eloquentia Marcus Tullius, fortassis unius corporis exemplo fuisset contentus. Bv. Atqui hoc ipsum quo pacto judicare potuisset, nisi multis corporibus diligenter inspectis? No. Finge persuasum fuisse. Bv. In hac igitur es sententia, nullam in aliis Oratoribus esse virtutem imitatu dignam, quae non eximia sit in M. Tullio? No. Ita censeo. Bv. Nec ullum in hoc esse naevum, qui non major sit in ceteris? No. Ita prorsus. Bv. Non hic proferam 2 M. Brutum, qui totum hoc dicendi genus, quod Ciceroni visum est optimum, improbavit: quumque status ac divisionis propositiones, velut causae totius columnae, praecipua sit orationis pars, in oratione pro Milone, quam adeo suspiciunt omnes, Brutus non probavit primum ac secundarium causae statum adhibuit a M. Tullio, sed eandem causam aliter tractavit. Non objiciam 3 Pomponium Atticum, cujus unguiculos ac miniaturas cerulas se metuere scribit Cicero, quibus ille notare solitus est quae in M. Tullii scriptis offendeant: non M. Catonem, qui Ciceronem quum sibi maxime festinus videretur, *ridiculum* appellavit. Haecenus & viros graves, & amicos Ciceronis recensui. Hic si adjiciam 4 Gallum, Lartium, Licinium, Cestium, Calvum, Asinium: si Caecilium ac Senecam, si complures alios, qui quum de Ciceronis ingenio non satis magnifice senserunt, tum orationis genus damnarunt, aliis illum appellantibus aridum, jejunum, exsiccum, exsangue, elumbem ac dissolutum, mollem ac parum virilem: rursus aliis tumidum, Asiaticum, ac superfluis redundantem: respondebis haec esse vel inimicorum, vel invidorum judicia, qui jam Triumvirali proscriptione dejecti, famam etiam moliti sunt, si minus extinguere, certe obscurare. No. Recte divinas. Nam isthuc plane non confusus eram, & optimo jure respondendum arbitror. Bv. Tribuantur sane haec judicia vel odio, vel livori, certe fateberis, opinor, cum eruditus omnibus, facitiam, seu risum esse partem artis Rhetoricae. No. Alioqui quorsum opus erat ab Oratoribus tam multa de hoc praecipere? Bv. Nemo negat Ciceronem in jocando fuisse multum, alii nimium praedicant, tum intempestivum, & scurrilitati proximum. Certe modum illi defuisse, quemadmodum Demostheni facultatem, doctorum fere consensus fuit: nec admodum repugnat 5 Quintilianus, culpam in Tyronem conferens, qui nimium indulerit numero dictorum, ac plus in congerendis studiis, quam in eligendis judiciis adhibuerit. Verum haec Tyronis accusatio in patronum recidit. Sed haec utcumque habent, quis unquam in hoc genere laudis primas tribuit M. Tullio? Lacedaemoniorum peculiaris haec erat laus, & secundum hos Atticorum. Adeo ut cum poema Bucolicum & Comedia lepore facitiaeque potissimum commendetur, ad hanc Venerem Latini ne adspiraverint quidem. Est igitur aliqua virtus Oratoris, quae rectius petatur ab aliis, quam a Cicerone. No. Nos de Latinis agimus. Bv. 6 Age, audebimusne Ciceronis jocos cum C. Caesaris, aut cum Octavii Caesaris dictis conferre? No. Vix ausim quod adhuc nemo doctorum ausus est. Bv. Itaque si res festivitatem desideret, non mihi fas erit aliquid ex Octavii dictis effingere? No. Non si velis haberi Ciceronianus. Bv. Rursus abs te quaero, num sententias ponas inter ornamenta dictionis? No. Gemmae sunt & lumina, tantum abest, ut submoveam ab arte. Bv. Hic appello tuum judicium, an in hoc genere laudis Cicero ceteris omnibus antecellat. No. Non me clam est, quod 7 Seneca Publium Mmographum in hac laude praefert omnibus. Verum non protinus

2 Vide Quintilianum Inst. Or. Lib. III. c. 6. & Lib. XII. c. 1.

3 Vid. Ep. ad Atticum Lib. XV. Ep. 14. & Lib. XVI. Ep. 11.

4 Vide Quintilianum Lib. XII. c. 1. & M. Senecam Lib. III. Epit. Declam. in Praef.

5 Inst. Orator. Lib. VI. c. 3.

6 Vide Macrobius Saturnalia Lib. II. capp. 3. & 4.

7 Vide Epist. VIIII. & Cap. IX. ad Marciam & Cap. XI. de Tranquill.

nus oraculum est, quod Senecæ visum est, qui ipse in sententiis immodicus est, & quibusdam frivolis indulget. Hy. Est istud Quintiliani, & Auli Gellii iudicium rejici poterat, quod uterque videatur invisum habuisse Senecam, alter ob æmulationem, alter ob ingenii dictionisque similitudinem. Bv. At idem Gellius, quamvis parum æquus, fateatur inter Senecæ sententias esse, quibus nihil melius dici poterat. Nec fieri potest, ut omnes æque felices sint, ubi sermo totus sententiis contextus est. Verum ex his facilius invenias quod imiteris, quam ex aliis in quibus nec crebræ sunt, nec insignes. Agedum. Nonne res interdum exigit breviter? No. Fortassis. Bv. Hujus exemplum utrum rectius petes a Sallustio, Brutove, an a Cicerone? No. Cicero breviter non affectavit. Bv. In Demosthene laudatur vis orationis, hoc est, nervosum quiddam ac naturale: ab utro hoc rectius petemus? No. De Latinis agebamus. Bv. Verum hæc sunt omnium linguarum communia. Rursum res interdum postulat severitatem, hujus exemplum rectiusne petemus a Cicerone, an a Bruto & Pollione? Hy. Ut pro hoc respondeam: ab his qui hac nota fuerunt insignes. Bv. Ubi negotium involutum, partitionibus explicandum est, utrum a Cicerone petemus, an ab Hortensio, aut si quis Hortensio similis? No. Quid petemus ab eo, cujus præter memoriam nihil exstat? Bv. Verum disputandi gratia, fingamus exstare. No. Nihil opus fingere, veris ac notis agamus. Bv. Nemo non fatetur, fidem in Oratore præcipuam esse. Eam conciliat probitatis & gravitatis opinio, elevat artis aut intemperantiæ suspicio. Habeatur sane Cicero vir bonus, quod vix illi Fabius, licet impendio favens, audet tribuere: sed, quod dissimulari non potest, artem magis ostendat, de se plura gloriose commemorat, licentius in alios invehitur quam Cato, Brutus, aut Cælius, cui sanctitatem tribuit Quintilianus. Harum itaque rerum exemplum nonne rectius petemus ab Aristide, Phocione, Catone, Bruto, quam a Cicerone? No. Videris huc venisse meditatus Ciceronis vituperationem. Bv. Minime gentium, ô Nosopone. Si sermonis exitum patienter expectaris, intelliges & Ciceronis, & nostram agi causam. Ciceronis, ne forte perperam illum exprimentes, gloriam ejus obsecremus, quemadmodum solent imperiti pictores eos traducere, quorum effigiem secus quam oportet expresserunt: Nostram, ne male collocemus amores nostros, ac ridiculum quiddam, nec minus infelix usu veniat nobis, quam quod obtigisse dicitur Ixioni, qui pro adamata Junone, nubis inane simulacrum complexus est: aut Paridi, qui pro rapta Helena decem annis bellum gessit, quum interim mendax Helenæ simulacrum amplecteretur, nimirum, ipsa procul in Ægyptum Deorum artificio sublatâ. Quid enim nobis infelicius aut magis ridiculum, si tot laboribus nihil aliud, quam inanem ac fallacem Ciceronis umbram assequi contingeret? No. Istud omen avertant Superi. Bv. Avertant, inquam, & hoc agimus, ne quid simile eveniat. No. Nonnihil & illud conducit ad imitationem Ciceronis, ut quam optime sentiamus de Cicerone. Bv. Novus candor, si melius sentiamus de Cicerone, quam ipse sensit de seipso. Verum tribuatur hoc illius modestiæ, si parcius de se prædicavit, quis unquam veterum sic admiratus est Ciceronem, ut ab uno petenda putarit omnia dictionis ornamenta. No. At hodie sunt quamplurimi, quos hæc habet opinio. Bv. Nihil moror quamplurimos: cordatum ac vere doctum reor esse neminem. Cui mortalium hætenus sic indulgit natura, vel in una quapiam disciplina, ut unus in singulis ejus partibus excelleret omnes, ut non aliquid reliquerit in eo desiderandum, aut ita dederit, ut non ab aliis superaretur? Quanto id incredibilius in dicendi facultate, quæ disciplinis propemodum omnibus constat, quæ tot alias res desiderat, quas nemo præceptis tradere possit? Fingamus hodie Ciceronem vivere, & esse quandam Trachallo simillimum, utrum malles a Cicerone vocis moderationem petere, an a Trachallo? Opinor ab eo, qui hac parte præfertur omnibus. Pudoris ac modestiæ specimen utrum malles a Crasso, si viveret, petere, an a Cicerone? Et ne de singulis commemorem, nonne sumeres a singulis, in quo cæteris attestarent? Hy. Quis non eligeret potiora, nisi qui vel non dijudicaret, vel sibi invideret? Bv. Itaque mihi probatur Zeuxidis exemplum, quod

1 Lib. VIII. c. 5. Inst. Or. & Lib. XII. c. 2. No. Anticarum.
2 De quo Vide *Quintilianum* Lib. X. c. 1.

A sequutus etiam Quintilianus, imitatori præcipit, nec unum esse legendum, nec omnes, nec quoslibet, sed ex præcipuis deligendos aliquot eximios, inter quos Ciceroni primas tribuit, non solitudinem. Summum enim esse vult inter procures, non solitarium exclusis cæteris. No. Si Quintiliani consiliis auscultabimus, idem nobis usu veniet, quod evenit ipsi. Bv. Quidnam? No. Ut parum evadamus Ciceroniani. Nobis alius propositus est scopus. Bv. An parum erit Ciceronianum, cui quicquam accesserit, quod a Cicerone petum non fuerit? No. Sic autem. Bv. Etiam si melius fuerit quod ab alio petitur, aut ne sit quidem illud apud Ciceronem? No. Quidni? Bv. Sed interim illud mihi cogites velim, optime Nosopone, quanta pars Ciceronianorum voluminum interciderit, & in his divinum illud opus de Republica, cujus fragmentum nescio quo fato servatum, nihil aliud quam desiderio reliquorum voluminum discruciat animos nostros, quæ cujusmodi fuerint, hinc licet æstimare, leonem ut ajunt, ex unguibus. Ne quid interim commemorem, de tot epistolarum libris, de tot orationibus injuria temporum interceptis, de tribus voluminibus, quibus Tyro libertus jocos & scite dicta Ciceronis complexus esse legitur, deque cæterorum hujus viri scriptorum naufragio. Qui potes igitur absolutus esse Ciceronianus, qui tam multa illius non legeris? Adde quod Cicero non tractavit omnes materias. Ergo si forte dicendum fuerit de his quas ille non attigit, unde tandem petemus orationis suppellectilem? An proficiscemur in campos Elysios, ab ipso percunctaturi, quibus verbis ille talia fuerit dicturus? No. Ea duntaxat tractabo, quæ possint verbi Tullianus explicari. Bv. Quid? An non judicas Ciceronem Oratorum præstantissimum. No. Plusquam præstantissimum. Bv. Quid Apellem, nonne Pictorum optimum? No. Ajunt, & credo. Bv. An eum Apelleum appellares, qui non posset quarumlibet rerum imagines effingere, sed tantum eas quas ante pinxisset Apelles? Atque adeo qui non omnes tabulas Apellis manu depictas conspexisset? Hy. Quis istud diceret, nisi si cui placet ille Pictor, in quem jocatur Horatius, & qui dato pretio conductus ad pingendum naufragium, pinxit cupressum, & indignatum conductorem rogavit, ecquid vellet appingi prominens cupressus. Bv. Quid aliud est esse Ciceronianum, quam illi simillimum esse? No. Nihil aliud. Bv. An ille similis videtur Ciceroni, qui non potest nisi de certis materiis dicere? No. Perge. Bv. Mihi ne Oratoris quidem titulo dignus haberetur. Si Cicero quavis de re potuit optime dicere, is mihi Ciceronianus erit, qui quacumque de re valeat præclare disserere: quemadmodum Apelli simillimus erit, qui & Deorum & hominum, & animantium, & omnium denique rerum formas penicillo suo poterit adumbrare. No. Equidem pluchius esse duco tres epistolas scribere phrasi Ciceroniana, quam centum volumina stilo quamlibet expolito, modo a Ciceroniano discrepante. Bv. Verum, Nosopone, si isthæc sententia federit animo nostro, vereor futurum, ut non solum non evadamus Ciceroniani, sed ipsi etiam Ciceroni, alieni videamur. Quæso illud mihi bona fide respondeas, totum Ciceronem exprimendum censēs, an mutilum? No. Et totum quantus est, & solum. Bv. Qui totum, qui se totum non expressit? Rursum quæ parte quæ se nobis conspicuum fecit, mutilus est ac vix dimidiatus? Adde quod in his ipsis quæ exstant, aliquando sibi non satis fecit. Siquidem De inventione libros, substituto Oratore, veluti damnavit. Et Orationem pro Dejotaro munus Levidenſe vocat. Ad hæc in his quæ scripsit tantum, non etiam recognovit, ipse Cicero non est Ciceronianus, cujusmodi sunt libri De legibus, præter alia multa. Qui fiet igitur, ut totum quantus est æmulemur, quem & mutilum habemus & truncum, & in nonnullis indolatum ac sui dissimilem? Nisi forte probaturus es illum, qui inchoatas Apellis tabulas, aut rudes Lysippi statuas imitans speret se alterum Apellem aut Lysippum evasurum. Id si conspiceret Apelles ipse, quem ferunt ingenio candido liberoque fuisse, nonne clamaret: Quid facis *κακὸν ἔργον*? Isthic non est Apelles. Jam si quis sibi proposuisset insignem Lysippi statuam effingendam, cui rubigo vitiaſset mentum & os, aut ei par-

Tom. I.

Q992

3 Loco proxime laudato.
4 Hoc habet *Erasmus* non ex *Agrippa*, sed ex ejus veteri Inſcripte; ad verſ. 19. *Artis Potuſcæ*.

ti non imposuisset artifex summam manum, gravaretur ejus partis exemplum ab alio quopiam artifice sumere, an potius haberet illud, ut est corruptum & imperfectum æmulari, ne recedat ab exemplo cui semet addixit, quam ex alterius artificis signo, quod deest supplere? No. Ut possimus, ajunt, quando ut volumus non licet. Bv. Aliis Nosopone rectius istud verbum usurpabitur, qui quod in Cicerone diminutum est, ex aliis scriptoribus sarciant. Mallent enim ex uno omnia, vel quia promptius est, vel quia nullus illo dixit felicius: verum quando id non est datum, ex aliis mutantur. Quid quod Ciceronem habemus non modo truncum ac lacertum, verumetiam ita depravatum, ut si revivisceret, ipse, opinor, nec agnosceret sua scripta, nec restituere posset, quæ librariorum ac semidoctorum audacia, incuria, inscitiaque corrupta sunt, quod malum Teutonibus potissimum imputat Politianus; quibus ut hic patrocinari nolim, ita puto nihilo minus invecum mendarum ab audacibus quibusdam ac sciolis Italis. Ut ne commemorem interim supposititia, falsoque titulo Ciceronem auctorem mentientia. Quo de genere sunt libri Rhetorici quatuor ad Herennium, hominis haud quaquam indocti, sed ad Ciceronem balbi. Sunt & inter orationes, quæ non a Cicerone scriptæ, sed ab alio quopiam erudito exercendæ dictionis gratia confictæ videntur. Adjecta est nuper oratio pro M. Valerio, quæ solæcismis scatebat, tantum abest, ut Ciceroniana dici possit. Nec defunt qui Portii Latronis declamationem in Catilinam pro Ciceroniana legant oratione. Proinde si devotis animis nos unius Ciceronis imitationi dediderimus, citra delectum expressuri quicquid apud illum compererimus, nonne nosmet in summum conjecerimus discrimen, ne quum diu multumque nosipsos torserimus, tandem Gotticas voces, aut Teutonum solæcismos pro Ciceronianis flosculis amplectamur æmulemurque? No. Istud malum avertant Musæ. Bv. Vereor ne Musis dormitantibus id nobis frequenter eveniat, Nosopone. Nec enim semel lusum hunc vidimus. Fragmentum e Cicerone decerptum addito Germani cujuspian titulo, quam deridebant, quoties barbarum inclamabant, qui sibi valde Ciceroniani videbantur? Rursus aliquid pridie confictum proferebatur in medium, addebatur Ciceronis nomen, & fingebatur exemplar repertum in bibliotheca pervetusta, quam exosculabantur, quam adorabant divinam illam, & inimitabilem Ciceronis phrasim? Quid quod eruditi non negant in Ciceronis scriptis inveniri solæcismos inexcusabiles, quales & olim exciderunt & excidunt hodie viiis eruditæ, dum in varias res distracta cogitatione, magis sententiæ præcedentis meminerunt, quam verborum, eoque fit, ut periodi clausula prioribus non respondeat. Quod genus sit: *Diutius commorans Athenis, quoniam veni negabam solvendi facultatem, erat animus ad te scribere*: Initio versabatur in animo, volebam, aut statueram, post magis arrisit, in animo erat, quæ voces eundem efficiunt sensum, sed parum congruunt, iis quæ præcesserant. Quin A. Gellius lib. 6. cap. decimo quinto, profert locum ex secundo libro Ciceronis De gloria, in quo manifesto lapsus est, versus aliquot Homericos ex Iliados, tribuens Ajaci, quem ibi dicantur ab Hectore. An id quoque conabimur æmulari? Id profecto faciendum, si totum exprimemus. Ad hæc observatum memoriæque proditum est, Ciceronem dixisse quædam quæ nemo doctus putavit imitanda, veluti quum ait, *in potestate esse, pro, in potestate esse*. Ac sane fieri potest, ut illud *tem, pro te*, fecerit in autographo calami fluxus, aut alius quispiam casus, aut in aliis exemplaribus librariorum oscitans induxerit. Rursus in edicto M. Antonii M. Tullius veluti barbaram & Latinis inauditam vocem proscindit, *piissimusa pio*, quum ea apud probatissimos Latinæ linguæ scriptores reperitur. Idem ut solæcon in eo reprehendit quod scripsisset, *facere contumeliam*, quemadmodum dicimus, *facere injuriam*; quum apud Terentium, optimum, hi fallor, elegantia Romanæ auctorem ita loquatur Thais: *Nam si ego digna hæc contumelia sim maxime, at tu indignus qui faceres tamen*: opinor enim tacite repeti contumeliam. Idem ab his vocibus *novissime & novissimus*, ceu male Latinis abstinuit, quum eis non veriti sint uti M. Cato & Sallustius. Qua religione M. Tullium

¹ Fallitur Erasmus ut docet vel Gellius Noct. Attic. lib. 1. c. 7.

² Philipp. xiii. c. 19.

³ Philipp. xiii. c. 9.

⁴ Vide Aul. Gellium Lib. x. c. 21.

A. Gellius testatur usum & in aliis multis dictionibus, quibus auctores bene Latini, & ante illum & post illum frequenter usi sunt. Fertur & geminum si scripsisse, quoties antecedebat longa *scalis*, velut in *scassa, visse, remissi*, pro causa, vise, remisi. Num igitur totum Ciceronem imitantes abstinemus ab his quæ contra doctissimorum hominum sententiam uni Ciceroni non placuerunt, aut eassequemur quæ nulli docti voluerunt imitari, ac nec excusare potuerunt? HYP. Istud quidem amantium est, etiam naves earum quas amant exosculari. Bv. Age si totus erit exprimendus, num illius exemplo, *Musis & Apolline nullo*, scribemus versus? No. Carmen excipio. Bv. Næ tu bonam eruditionis partem excipis, dum carmen excipis. Cæterum quid vetat quo minus utamur hac exceptione, & in his virtutibus in quibus ab aliis superatur Cicero, quemadmodum in hoc toto genere multis est inferior, ne dicam omnibus? Quam multos versus admiscet scriptis suis ex Homero, Sophocle & Euripide, parum feliciter versos, præter Græcorum exemplum in jambicis eam usurpans libertatem, quam sibi Latini Comœdiarum scriptores permiserunt. Tu si quid simile voles facere, num vereberis ea felicius, si possis, ac minore licentia vertere, ne sis parum Ciceroni similis? An non dehonestat orationem solutam, qui versiculos, quos vertendo facit suos, parum reliquæ dictioni congruentes admiscet? Tum quoniam identidem ille suis libris adspersit versus Ennianos, Nævianos, Pacuvianos & Lucilianos, horridam illam & inconditam antiquitatem respicientes: tibi religio erit similes, imo dissimiles versus ex Virgilio, Horatio, Ovidio, Lucano, Persiove proferre, quorum lucubrationes, ut minus horrores, ita plus habent tum elegantia, tum eruditionis? An hic metues videri M. Tullio dissimilis? No. Certe non nihil recesserimus ab eo, quem modis omnibus exprimere conamur. Bv. At quid est necesse semper ac modis omnibus esse similem, quum sæpe potius sit esse parem, & interdum facilius sit superare quam æquare, hoc est, meliora scribere, quam similia? No. Meliora Ciceronianis ne Musas quidem ipsas dicturas opinor. HYP. Fortasse possent, si nervos intenderent, & noctu incenatæ scriberent ad lucernulam. Bv. Ne quæso commoveare, Nosopone, semel stipulatus sum, impune dicendi quæ viderentur potestatem. Si quis sit usque adeo deditus addictusque Ciceroni, quemadmodum nos hæctenus sumus, an non periculum sit, ne cæcus amore, vel pro virtutibus admiretur vitia, vel sciens ipsa quoque vitia effingat? No. *Hæc dicitur*, in Cicerone vitia? Bv. Nulla, nisi forte solæcismus vitium est apud alios, apud Ciceronem non est. At solæcismos ut diximus, eruditi commonstrant in libris M. Tullii. Nisi labi memoria vitium non est, & hoc commonstratum est a doctis. Si vitium non est immoderata mentione propriarum laudum etiam illum gravare cui patrocinaris, quod in Milonis defensione factum testatur Asconius Pedianus, & vix usquam non submolestus est hoc affectu Cicero, *non sine causa*, ut eleganter inquit Seneca, *sed sine fine glorians*. Et haud scio utra re sit intemperantior, de se gloriano, an alios insectando. Quocunque colore defenderimus hæc, illud inficiari non poterimus, hac duntaxat in parte, rectius exemplum ab aliis peti posse. No. Missum faciamus sermonem de moribus, de viribus ac virtutibus eloquendi nobis instituta est disputatio. Bv. Ego vero lubens missum fecero, nisi Rhetores ipsi contenderent, bonum Oratorem esse non posse, qui non sit idem vir bonus. Verum age, num tibi videtur esse vitiosa compositio, si dictio sequens incipiat ab iisdem syllabis, in quas desinit præcedens velut Echus imaginem ludicram referens? Quod genus si dicas, *ne mihi dona donata, ne voces referas feras, ne per imperitos scribas scribas Basso*. No. Fateor ineptam & absurdam compositionem. Bv. At qui talem proferunt ex amasio nostro Cicerone: *O fortunatam natam me Consule Romanam*. No. Jam semel carmen excepi. Bv. Per me licebit, modo simul excipias illud, totum Ciceronem. Sed nondum elapsus es. En tibi nihilo meliorem compositionem ex oratione soluta refert Quintilianus: *Res mihi invisa visa sunt Brute*. Aut si malis Ciceroniano sonare more *invisæ sunt*. Ne quid calumnier iaterim de duobus

⁵ Vide Quintilianum Or. Inst. Lib. 1. c. 7.

⁶ Lib. de brevitate vitæ Cap. v.

⁷ Vide Quintilianum Lib. ix. c. 4. Inst. Orator.

bus molossis in clausula. No. Istuc excidit in Epistola familiaris. Bv. Nihil repugno, tantum quaero, num existimes imitandum? Certe fateris aliquid posse dici melius. No. Nescio. Bv. Quid hic memorem de vocalium crebra collisione, quae reddit hiuleam & inane orationem? An non hoc quoque notatum est a doctis in Cicerone? Neglexit, inquit, nihil reclamo, modo fateamur quiddam esse quod apud alios aut non sit, aut sit melius. Rursus ex te quaeram, cequem novisti scriptorem tam vigilantem, tamque felicem, ut non alicubi dormitaret? No. Quid ni? homines erant. Bv. Inter homines igitur numeras Ciceronem? No. Interdum. Bv. Utrum igitur putes esse consultum, imitari dormitantem Tullium, an vigilantem Sallustium, aut Brutum, aut Caesarem? Hvp. Quis non mallet vigilantem exprimere? Bv. An non sic Homerum imitatus est Virgilius, ut multa correxerit, nonnulla reliquerit? Nonne sic Hesiodum, ut nusquam non vicerit? Nonne sic Horatius est Lyricos Graecos aemulatus, ut ex unoquoque decerpens quod esset bellissimum, omnes post se reliquerit? *Ego, inquit, apud Maivina More modoque Grata carpentis rhyms per laborem Plurimum, circa nemus, uvidique Tiburis ripas, operosa parvus Carmina fingo.* An non sic imitatus est Lucilium, ut quaedam in illo sciens praetermisit, ab aliis sumpturus quod imitatione dignius esset? Quid alios commemorem? num ipse M. Tullius tam admirabilem eloquentiam ex uno quopiam contraxit? An potius excussis Graecorum pariter ac Latinorum Philosophis, Historicis, Rhetoribus, Comicis, Tragicis, Lyricis: demum ex omni scriptorum omnium genere suam illam divinam phrasim collegit, contexuit, absolvit? Si modis omnibus libet imitari Ciceronem, & hoc illius exemplum imitemur. Hvp. Non absurde mihi, Nosopone, loqui videtur Bulephorus. Bv. Quid? an non hoc ipse docuit Cicero, caput artis esse dissimulare artem? *Frigit enim, & fido caret, ac velut insidiosa timetur oratio, qua significationem artis dedit. Quis enim ab eo non metuat, qui fucum & vim parat animis nostris?* Itaque si feliciter Ciceronem imitari volumus, dissimulanda cum primis est ipsa Ciceronis imitatio. At qui nusquam discendit ab illius lineamentis, qui verba, figuras, numeros ex illo concinnat, quaedam imitans etiam non imitanda: veluti quidam Platonis discipuli, adductis humeris praepotorem referebant: Aristotelis auditores subbalbum quiddam in loquendo, quod in eo fuisse legitur, reddebant: quoniam manifesto praese fert imitandi studium, cui videbitur ex animo loqui, aut quid laudis assequetur denique? Nimirum id quod assequuntur ii qui scribunt centones. Delectant fortassis, sed paulisper, sed ociosos duntaxat: caeterum nec docent, nec movent, nec persuadent. Summa laus est, probe tenet Virgilium, multo sudore concinnavit emblemata. No. Quo magis elucebit imitatio, hoc magis habebor Ciceronianus. Haec est votorum summa. Bv. Recte dicis, si facundiam ostentationi paramus, non usui. Verum plurimum interest inter Histronem & Oratorem. Illi delectasse satis est, hic etiam prodesse studet, si modo vir bonus est: quod si non est, nec Oratoris nomen tueri poterit. Jam demonstravimus, opinor, in Cicerone quaedam esse vitanda, quaedam in eo desiderari, quaedam sic adesse, ut in his ab aliis hac parte felicioribus superetur. Sed donec nusquam esse virtutum aut ornamentorum genus, in quo non sit caeteris vel par vel superior: certe in aliis alia magis eminent ob raritatem, quae in M. Tullio ornamentorum densitate velut obducuntur, perinde quasi si certas stellas notare velis, facilius id facies si rarae luceant, quam si tota coeli pars pariter insignibus obsita sit. Itidem si vestem conspicias totam gemmis obiectam, minus te capient singulae. No. Qui totum imbibit Ciceronem, non potest aliud quam Ciceronem exprimere. Bv. Eodem revolvimur. Fateboreloquentem, qui Ciceronem feliciter expresserit: sed qui totum, exceptis initiis: & ne fin iniquior, una cum ipsis vitiis, modo totum. Feremus illud sublimae, feremus mentum leva demulceri, feremus & cubinae oblongum: atque exilium, feremus perpetuam vocis contentionem, feremus indecoram parumque virilem in initio dicendi trepidationem, feremus jecorum intemperantiam: & si qua sunt alia, in quibus M. Tullius vel sibi, vel aliis displicuit, modo simul & illa exprimant, quibus ista vel textit ille, vel pensavit. No. Utinam id mihi contingat ante su-

1 Carm. Lib. 14. Od. 2.

A premum vitae diem. Bv. Istuc ut contingat nunc agimus, Nosopone. At vide quam multa, quam paucis complectitur, qui totum dicit Ciceronem. Sed, o Musae, quantum tam Ciceronis portionem nobis referunt isti Ciceronis simi, qui vocalis, formulis, tropis, & clausulis aliquot, hinc atque hinc ceu corrogatis summam modo cutem, seu bracteam potius Ciceronis nobis exhibent. Sic olim Atticum dicendi genus quidam aemulabantur, quum interim essent aridi, jejuni, frigidique, semper, ut ait ille, manum intra pallium habentes, nec subtilitatem, nec sanitatem, nec gratiam Atticorum ulla ex parte possent assequi. Optimo jure Quintilianus irridet quosdam, qui se germanos Ciceronis haberi volebant, quod aliquoties his vocibus absolvent clausulam, *esse videatur*, propterea quod ea semel atque iterum Ciceroni forsitan excidit, si periodum longiore ambitu circumduxissent, quod in initiis praesertim nonnunquam fecit ille. Nec hodie parum multi sunt istorum similes, qui sese valde mirantur & alteros, ut ajunt, Cicerones esse credunt, si prima vox orationis sit, *quanquam*, aut *essi*, aut *animadverti*, aut *quum*, aut *si*, quod Officiorum libros sic ordiatur M. Tullius: *Quanquam te Marce fili, periodum vix nono versu absolvens.* Et pro lege Manilia: *Quanquam mihi semper.* Laudatissimam illam pro Milone orationem sic auspiciatus est: *Et si vereor, judices.* Rursus Philippicarum duodecimam: *Essi minime decere videtur.* Item pro C. Rabirio: *Essi Quirites.* Et epistolis aliquot simile est initium. Et haud scio an isti libros ad Herennium ob id tribuant Ciceroni, quod ab *essi*, accipiat exordium. Porro De finibus bonorum librum quintum sic incipit: *Quum audivissem Antiochum, Brute.* Tusculanas quaestiones sic auspiciatur: *Quum defensionum laboribus.* Et ejusdem operis quartum librum: *Quum multis in locis nostrorum hominum ingenia.* Pro L. Flacco: *Quum in maximis periculis.* Item pro domo sua ad Pontifices: *Quum multa divinitus.* Iterum pro Plancio: *Quum propter egregiam.* Ad haec librum de Natura Deorum primum: *Quum multa res in Philosophia.* Et Scipionis somnium: *Quum multa res in Africa.* Pro Rabirio dicens sic orditur: *Animadverti, judices.* Rursus ad Brutum de Paradoxis Stoicorum: *Animadverti, Brute.* Pro L. Cornelio Balbo sic orditur: *Si auctoritas patronorum.* Pro P. Sestio: *Si quis antea judices.* Pro Caccinna: *Si quantum in agro.* Pro Archia Poeta: *Si quid est in me ingenii.* In Vatinium testem: *Si tua tantummodo Vatinii.* Ad equites iturus in exilium: *Si quando inimicorum.* Ad Senatum post reditum: *Si P. C. vestris.* Pro M. Caelio: *Si quis judices.* De Provinciis Consularibus: *Si quis vestrum P. C.* Quid autem magis ridiculum, ac Ciceroni dissimilius esse possit, quam nihil habere Ciceronis praeter tales vocalas in orationis exordio? de quibus si quis percontetur Ciceronem, cur ab iis vocibus sit orsus, respondebit, opinor, quod in insulis Fortunatis Luciano respondit Homerus, roganti, cur primam Iliadis dictionem voluerit esse *μῦϋν*, nam haec quaestio multis seculis torserat Grammaticos, *illud*, inquit, *tum forte venit in mentem.* Consimilis impudentiae sunt, qui sibi plusquam Ciceroniani videntur quod aliquoties insulciant, *etiam atque etiam* pro vehementer, & *majorem in modum* pro valde, *idemidem* pro subinde, *quum & tum* quoties inaequalis momenti sunt quae connectimus, *tum & tum* quoties aequalis; *tuorum in me meritum.* Quid queris, pro in summa, aut breviter. *Non solum peto, verum etiam oro contendoque.* Ante hac dilexisset tantum, nunc etiam amare mihi videor. *Valitudinem tuam cura, & me, ut facis, ama.* Non ille quidem vir malus, sed parum diligens: qua locutionis formula sic M. Tullius videtur delectatus, ut in eadem pagina crebro repetitam invenias. Simile est, quum per *illud* pronomen indicat non quod praecessit, sed quod mox sequitur. Et in Epistolis fortassis semel atque iterum dixit, *cogitabam in Tusculanum*: itaque Ciceronianus sibi videtur, qui subinde dixerit, *Romam cogitabam*, pro eo quod erat, in animo habebam, sive statueram proficisci Romam. M. Tullius anni numerum non adscribit Epistolis, sed tantum mensis diem: & Ciceronianus non erit, si quis a Christi natali annum adscriperit, quod saepe necessarium est, semper utile? Idem non ferunt, si quis honoris gratia, nomen ejus, ad quem scribat, suo praeferat, quod genus sit, *Carolo Ca-*

2 Inst. Oratoriae Lib. x. c. 2. quod lectu dignissimum.
3 Verae Historiae Lib. 11.

Tom. I.

Q99 3

far

sari Codrus Ursus salutem. Par flagitium existimant, si quid dignitatis, aut laudis addas proprio nomini, velut *inclyto Pannonia Bohemiaque Regi Ferdinando, Velius salutem dicit.* Nec Plinio Juniori possunt ignoscere quod *Suum* appellat, si quando scribit amico, quum ejus facti nullum apud Ciceronem exstet exemplum. Ut parum Tullianus rejicietur, qui, quod exemplum a Principum officiis mutuati docti quidam nuper usurpare coeperunt, summam ejus epistolæ, cui respondere parat, in initio proponat, quod id nusquam factum sit a M. Tullio. Novi quosdam notatos ut solæcos, quod in salutatione pro S. D. posuerint S. P. D. id est, *salutem plurimam dicit*, quod negarent hoc apud Ciceronem inveniri. Nonnulli vero putant & illud Tullianum esse, salutationem non in fronte, sed in tergo literarum ponere, quod his verbis admoneretur lator, quas quibus deberet reddere, non sine salutationis officio. Quantula res facit, ut ab hac palma decidamus? Multo vero minus erit Ciceronianus, qui salutarit hac formula, *Hilarius Bertulphus, Levino Panagatho totius hominis salutem, aut salutem perpetuam.* Verum hoc quoque longius aberit a Ciceroniano, qui sic orsus fuerit epistolam, *Gratia, pax, & misericordia a Deo Patre, & Domino Jesu Christo.* Item qui pro, cura ut recte valeas, ita claudat epistolam, *Sospitet te Dominus Jesus: aut, incolumem te servet Dominus totius salutis auctor.* Quos risus, quos cachinnos hic tollent Ciceroniani? Quid autem admissum est piaculi? An non verba Latina sunt, munda, sonantia, atque etiam splendida? Jam si sensum introspicias, quanto plus est hic quam in, *Salutem dicit, & bene vale?* Quid vulgarius quam *dicere salutem?* Præstat hoc officium heruervo, inimicus inimico. Quis autem crederet esse Latinum, *dicit illi salutem, & jubet illum salvere*, nisi nobis sermonem hunc veterum consuetudo commendaret? Hoc in aditu. Jam in digressu *vale* dicimus & his quibus male precamur. Quanto melior emphasis in formulis Christianorum, si modo vere & ex animo simus Christiani. *Gratia* declarat gratitiam condonationem admissorum: *pax* quietem & gaudium conscientiae, quod Deum pro irato habemus propitium: *misericordia* dotes varias & corporis & animi, quibus suos locupletat arcani spiritus benignitas, quoque magis speremus nobis hæc fore perpetua, additur, a Deo Patre & Domino nostro *Jesu Christo.* Quum *Patrem* audis, ponis servilem trepidationem, adscitus in affectum Filii: quum *dominum* audis, confirmaris adversus vires Satanæ. Non deseret ille quod tam care redemit, & unus potentior est universis Satanæ cohortibus. Quod suavius his verbis ei, qui jam hæc apud se sentit, quid utilius hac admonitione ei, qui nondum in hunc affectum transit? Verbis itaque non vincimur, imo vincimus potius: sententia longe superamus. Restat illud decorum & aptum quod ubique cum primis spectandum est. At hæc quanto magis conveniunt homini Christiano, quam illa, *salutem dicit, & cura ut valeas?* Tantum facebat illa puerilis imaginatio, non sic loquutus est Cicero. Quid miri, si non sic loquutus est, quum rem ignoraret? Quot millia sunt rerum, de quibus nobis frequenter dicendum est, de quibus M. Tullius ne somniavit quidem? At si viveret, nobiscum eadem loqueretur. An non igitur frigidi videntur imitatores, qui talium rerum observatiunculis referunt M. Tullium, ac dissimulatis tot divinis viri virtutibus, numeris, tropis, formulis ac dictiunculis, ea imitantur, quæ M. Tullio vel placuerunt, vel crebrius exciderunt? Hæc ad te quidem nihil attinent. Nolo pone, sed tamen quoniam incidit ut de Ciceronis imitatoribus loqueremur, & hæc commemorare non ab re visum est. Hoc hominum genus, & nobis & ipsi Ciceroni pariter invisum esse debet: nobis, qui vere Ciceronem conamur exprimere, quia per istos vocamur in jocum & fabulam, dum ex illorum æstimamur stultitia: Ciceroni, qui per tales, ut ante diximus, imitatores non aliter infamatur, quam bonus præceptor per malos discipulos, probus vir per improbos liberos, formosa mulier per imperitum pictorem. Perspexit hoc Quintilianus, dum queritur: Senecam infamari quorundam immodico studio, qui vitia duntaxat imitabantur, itaque fiebat ut qui Senecam non legerant, ex illorum scriptis Senecæ facundiam æstimarent. Quemadmodum autem nulli magis se jactant venditantque de præceptorum ac majorum nomine, quam indocti discipuli &

1 Inst. Orator. lib. x. c. 1,

A improbi filii aliunde captantes virtutis opinionem, quum suis bonis eam conciliare non queant: ita nulli gestiunt insolentius nomine Ciceronis, quam qui Ciceronis sunt dissimili. Novi Medicos insigniter artis quam profitebantur imperitos, qui quo quæstum facerent uberiores, celebris alicujus Medici, quem vix viderant, se discipulos jactabant, rogatique cur præter artem hoc aut illud ministrarent ægrotis, convicio respondere solent: Num tu illo doctior? Hunc præceptorem sequor. Atqui illius quem nominabant pene nihil imitabantur, præter vitanda potius quam æmulanda: puta si forte celebris ille, fuit in respondendo consultoribus difficilior aut morosior, vel in exigenda mercede durior. Quo tandem animo credis egregium illum Medicum esse erga tales discipulos? HYP. Haud dubium quin pessimo, nisi prorsus nullam habet existimationis suæ rationem. BV. Quonam reliquos ejusdem Medici veros ac germanos discipulos? HYP. Æque malo, quod apud vulgus tales habentur discipuli, qualem experiuntur illum gloriosum impostorem. Atqui si pateris ut orationis tuæ cursum interpellem, faxo ut videas. BV. Licet. HYP. Quidam casu viderat Erasmus scribere calamo, cui ob brevitate additum erat lignum, cepit illico suis pennis alligare baculum, atque ita sibi visus est Erasmo more scribere. Sed perge obsecro. BV. Nec illepidum est, nec *anpordiov* quod narras. Cæterum ut institutum prosequar. An non audimus patres familias objurgantes male moratos filios, *Vos me redditis infamem & irrisum civibus meis, vos obscuratis imagines majorum, pudet me talium liberorum: si pergitis, abdicabo vos?* Nonne ad consimilem modum audimus interdum fratrem indignari fratri, quod illius improbis moribus detrimentum opinionis suæ capiat? Hoc animo probabile est Ciceronem esse in istos ridiculos simios, hoc animo nos esse decet, qui illius *γνῶσις τέχνης* studemus haberi. No. In re tam præclara non nihil est vel umbram assequi. BV. Sit hoc aliquid iis, quibus satis est umbras vocari Ciceronis: ego nec Apollinis umbram dici me cupiam. Malim enim esse vivus Crassius, quam umbraticus Cicero. Verum ut quod instituimus peragamus, fac esse qui totum Ciceronem in verbis, figuris & numeris exprimat, quod ipsum tamen an multi possint nescio, quantum is habebit Ciceronis? Sit hoc in imitando Cicerone, quod Zeuxis fuit in effigiando corpore muliebri. Expressit lineamenta, colorem, ætatem, & ut summum artificium præstiterit, affectus non nihil, hoc est, dolentis, gaudentis, irati, metuentis, attentis, aut dormitantis. Hæc qui præstitit, nonne quicquid ars potest absolvit? Quantum licuit, vivam hominis speciem in mutum simulacrum transtulit. Nec aliud exigipotest a pictore. Agnoscis formam ejus quæ depicta est, vides ætatem & affectus, fortassis & valetudinem: adde quod a quibusdam effectum legimus, agnoscit indolem & mores & vitæ spatium Phrysignomon. Sed immane quantum illic abest hominis? Quod ex summa cute conjici potest, expressum est. Cæterum quum homo constet ex anima & corpore: quantum illic est unius partis, ejusque deterioris? Ubi cerebrum, ubi caro, ubi venæ, ubi nervi & ossa, ubi intestina, ubi sanguis, spiritus & phlegma, ubi vita, ubi motus, ubi sensus, ubi vox & sermo, denique ubi quæ sunt hominis propria, mens, ingenium, memoria, consilium? Quemadmodum quæ sunt hominis præcipua, pictori sunt inimitabilia: ita summas Oratoris virtutes nulla assequitur affectatio, sed a nobis ipsis sumamus oportet. Verum a pictore nihil aliud exigitur, si præstitit quod unum ars proficitur: a nobis, si totum Ciceronem exprimere volumus, multo aliud requiritur. Si nostrum simulacrum, quo M. Tullium effingimus, careat vita, actu, affectu, nervis & ossibus, quid erit imitatione nostra frigidius? Sed multo magis erit ridiculum, si tuberibus, nævis, cicatricibus, aliave membri deformitate demum efficiamus, ut lector agnoscat nos legisse Ciceronem. HYP. Istius generis pictor quidam nuper risui nobis fuit, suscepit effingendum ad vivam formam Murium sodalem nostrum: quumque veram hominis formam reddere non posset, circumspexit si quid haberet in corpore seu vestitu notabile. Æstate coeperat, jamque magna ex parte tabulam absolverat, pinxerat anulum quem gestabat, pinxerat crumenam & cingulum, tum pileum capitis diligenter expressit. Animadvertit illi in levæ manus indice esse cicatricem,

cem, eam expressit accurate. Tum in dextra, qua manus peninsula brachio committitur, tuber insigne, nec hoc prætermisit. Rursus in supercilio dextro pilos aliquot in diversum flexos reddidit. Item in bucca leva cicatricem effinxit, vulneris vestigium. Ubi reversus, nam crebro redibat ad exemplar, vidisset barbam demessam, affinxit novum mentum: rursus ubi barbam aliquantulum provenisse, quia magis id placebat, mutavit illi mentum. Interim oborta est Murio febricula, ea, ut solet recedens, in labrum eruperat, pistor expressit pustulam. Tandem venit hiems, sumptum est aliud pileum, mutavit ille picturam: sumpta est vestis hiberna pellibus subducta, pinxit novam vestem. Rigor mutarat colorem, & cutem, ut solet, contraxerat, mutavit totam cutem: inciderat pituita, quæ sinistrum oculum vitiat, & nasum, dum frequenter emungitur, reddiderat & aliquanto majorem, & multo rubicundior, pinxit illi novum oculum & nasum novum. Si quando vidisset impetum, exprimebat capillorum inæqualitatem: rursus si pexum, componebat capillitium: forte dormitabat Murius dum pingeretur, expressit dormitantem, sumperat pharmacum hortatu Medici, ea res addidit aliquid senii: mutavit faciem. Si veram ac nativam hominis formam potuisset exprimere, non confugisset ad hæc *παρρηγία*. Itaque si ad istum modum imitemur Ciceronem, nonne merito clament in nos Horatius:

*O imitatores servum pecus, ut mihi sepe
Risum, sepe jocum vestri movere tumultus?*

Sed finge nos feliciter expressisse in Cicerone quicquid hominis exprimere potest absolutus pistor, ubi pectus illud Ciceronis, ubi rerum tam copiosa, tam felix inventio, ubi dispositionis ratio, ubi propositionum excogitatio, ubi consilium in tractandis argumentis, ubi vis in movendis affectibus, ubi jucunditas in delectando, ubi tam felix ac prompta memoria, ubi tantarum rerum cognitio, denique ubi mens illa spirans etiamnum in scriptis, ubi genius ille peculiarem & arcanam adferens energiam? Hæc sic absint, quam erit frigidum imitationis nostræ simulacrum? No. Ista diserte tu quidem, Bulephore, sed quorum spectant, nisi ut adolescentes ab effingendo Cicerone deterreas? Bv. Bona verba, Nosopone. Quin potius eo spectant hæc omnia, ut contempto simiorum quorundam inepto tumultu, Ciceronem, quatenus licet, & totum, & feliciter imitemur. No. Hic sane rem eandem agimus. Bv. Id ni fiat dextre, futurum est ut sedulo quidem, sed parum feliciter æmulando, Ciceronis dissimilimi reddamur. Nihil enim periculosius esse scito, quam affectare Ciceronis imaginem. Male cessit gigantibus affectasse sedem Jovis. Nonnullis exitium attulit evocasse Deos. Periculosa plenum opus alexæ est, divinam illam & humana natura superiorem exprimere linguam. Cicero nasci fortassis potest aliquis, fieri nemo. No. Quid nunc agis? Bv. Quia virtutes illius ut summæ sunt, ita vitiis sunt proximæ. Porro fieri non potest quin imitatio defluat ab eo, quod sequi tantum, non etiam vincere studet. Proinde quo impensius affectas illius simulacrum, hoc vitio propiores. No. Non satis intelligo quid dicas. Bv. Efficiam ut intelligas. Nonne Medici corporis optimam valetudinem prædicant periculosissimam, quod adversæ valetudini sit proxima? No. Audi vi. Quid tum postea? Bv. Summa Monarchia nonne Tyrannidi proxima est? No. Ajunt. Bv. Et tamen summa Monarchia nihil est melius, si absit Tyrannis. Et summa liberalitas nonne vicina est profusionis vitio? Et summa severitas an non affinis est truculentiae? No. Sane. Bv. Et summa festivitas, urbanitasque, nonne ad scurrilitatis ac levitatis accedit viciniam? No. Desine commemorare cætera, finge me de singulis esse confesum. Bv. Prius audies illud Horatianum:

*Brevi esse laboro,
Obscurus fio, sectantem lenia, nervi
Deficiunt, animique, professus grandia turget.*

Ita qui affectant Atticismum, pro argutis ac venustis fiunt aridi: qui genus Rhodiense, dissoluti: qui Asiaticum, tumidi. Laudata est in Sallustio compositionis brevitatis, nonne si quis hanc superstitiose conetur æmulari, periculum sit ne concisus & abruptus evadat? No. Fortasse. Bv. Prædicatum est in Demosthene verborum & argumentorum modus, cui nihil possis detrachere. No. Ita censuit

A Quintilianus. Bv. Ad hanc laudem æmulandam si quis componat se anxie, quo Demosthenicus videatur, periculo vicinus est, ne minus dicat quam oportet. Applauditur Isocratis structurae numerisque. Huc qui vehementer annitatur, in periculum veniet, ne superstitione compositionis sit molestus, & artificii jactatione fidem amittat. Senecæ laudata est copia. Hujus incautus ac sedulus æmulator periclitatur, ne redundans & immodicus evadat pro copioso. Bruti gravitatem si æmuleris anxie, fortassis tristis & asper evades. Laudatur Crispi jucunditas. Hujus æmulator veniet in discrimen, ne pro jucundo fiat ineptus aut levis. Novi qui quum mirabilem illam Ovidii facilitatem conarentur exprimere, versus effutirent, & nervi & spiritu carentes. B Et ne singulos commemorando tibi fiam molestus, dicam in genere quod restat. In quibusdam eminenter argumentandi subtilitas. Hanc qui vehementer affectat, periclitatur, ne vel frigidus, vel obscurus evadat. In aliis admiramur felicem artis neglectum. Hoc qui contendit effingere, fortassis in vulgare dicendi vel potius garriendi genus incidet. In alio dilucet summa artis observatio. Id qui nititur exprimere, incidet in scenicum quoddam dicendi genus. Atticæ frugalitati proxima est exilitas: copioso verborum fluxui vicina est loquacitas. Summam in movendis affectibus *δυσχερεια* excipit insanix species, ut granditatem fastus, asseverandi fiduciam improbitas. No. Confessâ prædicas. Bv. Ex his vero sunt quædam quæ sic eminent in auctoribus, ut pro vitiis habenda sint, nisi junctis virtutibus pensarentur: quemadmodum in Seneca compositionis abruptum, & sententiarum immodicam densitatem multæ virtutes excusant, ut præceptorum sanctitas, verborum rerumque splendor ac jucunditas orationis: nec Isocratis laudaretur compositio, nisi perspicuitas dictionis & sententiarum gravitas illi patrocinaretur. No. Nihil adhuc audio falsi: cæterum quorsum hæc tendant nondum video. Bv. Nimirum huc. Quum in uno Cicerone tam multa sint hujusmodi, periculosa mihi videtur illius superstitionis & addictæ æmulationis, quando virtutes quibus ista vel commendavit, vel texit, æmulari non possumus. No. Quænam ista dicis? Bv. Tam fluidum est illi dictionis genus, ut remissus ac solutus alicubi videri queat: tam exuberans verborum copia, ut redundans: tam artis observans, ut Declamatori quam Oratori propior, fidei jactura captans artificii gloriam: tam liber in insectando, ut maledicus haberi possit: tam effusus in jocos, ut Catoni Consul risum moverit: tam blandus alicubi, ut abjectus: tam compositus, ut severioribus ingeniiis mollis ac parum vir dictus sit. Hæc ut fateamur in Cicerone vitia non esse, propter insignem illam naturæ felicitatem, quam decent quæ facit omnia: ut etiam virtutes sint, sic tamen insunt, ut ob viciniam non careant specie vitiorum sub iniquo iudice, attamen ille reprehensionem omnem eximiis ac plurimis virtutibus pensavit, ut omnium iudicio calumniator & impudens habeatur, qui conetur aliquid in hujus oratione reprehendere. Verum has virtutes non studemus exprimere, & si Fabio credimus, sunt inimitabiles, nec ab exemplo præceptivæ peti possunt, sed a Minerva. Hæc vero si absint, qualis erit eorum, quæ commemoravimus, imitatio? Colligimus igitur, nullius imitationem esse periculosiorem, quam Ciceronis, non tantum eo nomine quod summus Orator, & extra omnem ingeniorum aulam positus est (quo titulo Flaccus ab æmulatione Pindari deterret, videlicet Icari exemplo) verum etiam quod pleraque in illo sic summa sunt, ut vitiis sint proxima. Hic nimirum præcipit discrimen. No. At prius conveniebat inter nos, quæ maxime eminent ad imitationem esse accommodatissima, quo videlicet, ut non nihil decidas ab eo quod effingere studes, tamen laudem auferas rectæ dictionis. Bv. Aliud est eadem reddere, aliud similia, aliud imitari præscriptum, aliud servire, nec aliud quam sequi. Denique defluit ab exemplo, qui non reddit & illa, quæ reprehensionem excludunt. Atqui hæc Fabius indicat fere inimitabilia felicibus etiam ingeniiis. No. Atque ego ad hujus laudis ambitum non recipio nisi vehementer eximia quædam ac Diis proxima ingenia, quibus si accesserit indefatigabile studium, ita demum spes est fore, ut feliciter expriment phrasim Tullianam. Bv. Fortasse, sed ita rosos, ut numerari non valeant. Jam sunt arguti quidam qui distinguunt

1 Lib. x. c. 1. Inst. Oratoriz.

2 Carm. Lib. iv. Od. 2.

guunt imitationem ab æmulatione. Siquidem imitatio spectat similitudinem, æmulatio victoriam. Itaque si totum & unum Ciceronem tibi proposueris, non in hoc tantum ut illum exprimas, verumetiam ut vincas: non prætercurrendus erit, sed relinquendus magis. Alioqui si illius copiam velis addere, fies redundans: si libertati, fies petulans: si jocis, fies scurrilis: si compositioni, fies pro Oratore cantor. Itaque fit, ut si Tullium æquare studeas, pericliteris, ne hoc ipso pejus dicas, quod divinas hominis virtutes, quibus ea pensavit, quæ vel vitia sunt, vel vitio proxima, non possis assequi, cætera nimirum assequutus: sin coneris & antevertere, etiam si in illis, quæ nullo studio possis assequi, paria cum illo facias, tamen vitiosum erit, quicquid Ciceroni fuerit adjectum, de quo vere pronuntiatum videtur, quod illius eloquentiæ nihil possit adjici, quemadmodum Demosthenis, nihil demi. Vides, Nosopone, periculum. No. Nihil me terret periculum, modo tandem hoc laudis assequi liceat, ut dicar Ciceronianus. Bv. Hæc omnia si contemnis, est alius scrupus qui magis urget animum meum, si non gravaberis audire. No. Utere pactis, arbitrato tuo. Bv. An censeres ullum hominem eloquentis nomen promereri, qui non dicat apte? No. Nequaquam, quandoquidem hæc præcipua virtus est Oratoris, apposite dicere. Bv. Verum illud appositum, unde perpenditur, nonne partim a rebus de quibus verba fiunt, partim a personis, tum dicentium, tum audientium: partim a loco, tempore, reliquisque circumstantiis? No. Maxime. Bv. Ciceronianum autem nonne præstantem Oratorem esse vis? No. Quid ni? Bv. Itaque non erit Ciceronianus, si quis in theatro disserat de Stoicorum paradoxis, deque Chrysippeis argutiis: aut apud Areopagitas in capitis discrimine lasciviat facetiis: aut de re culinaria, verbis ac figuris Tragicorum loquatur. No. Iste nihilo minus ridiculus erit Orator, quam si quis in Tragico cultu saltet Atellanas: aut feli, quod est in proverbii, inducat Crocoton, simiæ purpuram, Bacchum aut Sardapalium leonis exuvio, & clava exornet Herculis. Nihil enim laudis meretur quamlibet per se magnificum, si sit ineptum. Bv. Et commode respondes & vere. Ergo M. Tullius qui suo sæculo dixit optime, non optime dixisset, si ætate Catonis Censorii, Scipionis, aut Ennii simili modo fuisset loquutus. No. Non tulissent aures comptum illud & numerosum dictionis genus, nimirum, horridioribus assuetæ. Nam istorum oratio moribus illorum temporum congruebat. Bv. Dicis igitur orationem quasi vestem esse rerum? No. Ajo, nisi mavis picturam dici. Bv. Vestis igitur quæ decora est puero, non decet senem: nec quæ foeminae congruit conveniret viro, nec quæ decet in nuptiis, deceret in funere: nec quæ laudi dabatur olim ante annos centum, nunc probaretur. No. Imo sibilis omnibus & risu omnium exciperetur. Contemplantur in picturis non admodum vetustis, fortassis ante annos sexaginta editis, cultum muliercularum aulicarum ac procerum, quo si quis nunc prodeat in publicum, futurum sit ut putribus malis a pueris ac morionibus lapidetur. H. v. Verissima narras. Quis enim nunc ferat in honestis matronis cornua, pyramides, metasque prælongas in vertice prominentes, frontes ac tempora pilis arte vulsis glabra ad medium prope cranium: in viris pileorum thoros cum ingenti cauda pensili, oras vestium infectas, thoros in humeris tumentes, cæsariem duobus digitis supra aures derafam, vestem longe brevior, quam ut ad genua porrigatur, vix pudenda tegentem, calceos rostris in immensum porrectis, catenam argenteam a genu ad talum usque revinctam. Nec illis temporibus minus prodigiosus fuisset cultus, qui nunc habetur honestissimus. No. De veste convenit. Bv. Da nunc si libet ex pictoribus Apellem, qui suæ ætatis & Deos & homines optime pingere solitus est, si quo fato rediret in hoc seculum, & tales pingeret Germanos, quales olim pinxit Græcos, tales Monarchas, qualem olim pinxit Alexandrum, quum hodie tales non sint, nonne diceretur male pinxisse? No. Male, quia non apte. Bv. Si tali habitu pingeret quis Deum Patrem, quali pinxit olim Jovem: tali specie Christum, quali tum pingebat Apollinem, num probares tabulam? No. Nequaquam. Bv. Quid, si quis Virginem matrem hodie sic exprimeret, quemadmodum Apelles olim effigiabat Dianam: aut Agnen virginem ea forma, qua ille pinxit illam omnium literis celebratam ἀνὰ νόμους:

A aut divam Theclam ea specie qua pinxit Laidem, num hunc diceres Apelli similem? No. Non arbitror. Bv. Et si quis templa nostra talibus ornaret simulacris, quolibus olim Lyfippus ornavit fana Deorum, num hunc diceres Lyfippo similem? No. Non dicerem. Bv. Cur ita? No. Quia signa rebus non congruerent. Idem dicerem, si quis asinum pingeret specie bubali: aut accipitrem figura cuculi, etiam si ad eam tabulam summam alioqui curam & artem adhiberet. H. v. Ego nec illum appellarem probum pictorem, qui deformem hominem, in tabula formosum redderet. Bv. Quid si alioqui summam artem præstaret? H. v. Non artis expertem tabulam dicerem, sed mendacem. Potuisset enim aliter pingere, si voluisset: Cæterum ei quem expressit vel blandiri maluit, vel illudere. Sed quid? num hunc putas probum artificem? No. Ut sit, hic certe non præstitit. Bv. Bonum igitur virum existimas. No. Nec bonum artificem, nec bonum virum. Siquidem caput artis est, rem ut est, oculis repræsentare. Bv. Ad hoc non est magnopere opus eloquentia Ciceroniana. Nam vestri Rhetores permittunt Oratori mentiri nonnunquam, res humiles verbis attollere, magnificas dejicere, quod sane præstigi genus est, obrepere insidiis in animum auditoris. Potestremo movendis affectibus, quod veneficii genus est, vim adferre mentibus. No. Verum, ubi dignus est auditor qui fallatur. Bv. Sed hæc interim mittamus alieniora. Mihi satis est, quod amictum non probes corpori parum accommodum: quod picturam damnas, non aptam ei rei, quam proficitur se velle effingere. No. Sed quem exitum habituræ sunt istæ tuæ Socraticæ εἰσαγγελίαι? Bv. Videlicet huc ibam, mi Nosopone, hoc mihi tecum convenit, Ciceronem omnium optime dicere. No. Convenit. Bv. Nec Ciceroniani pulcherrimum mereri cognomen, nisi qui similiter possit dicere. No. Prorsus. Bv. Tum ne bene quidem dicere, qui non dicat apte. No. Convenit & isthuc. Bv. Ut autem apte dicamus ita demum fieri, si sermo noster personis & rebus præsentibus congruat. No. Scilicet. Bv. Quid? Videtur præfens seculi status, cum eorum temporum ratione congruere, quibus vixit ac dixit Cicero, quum sint in diversum mutata religio, imperium, magistratus, Respublica, leges, mores, studia, ipsa hominum facies, denique quid non? No. Nihil simile. Bv. Quid igitur frontis habeat ille, qui a nobis exigit, ut per omnia Ciceronis more dicamus? Reddat is nobis prius Romam illam, quæ fuit olim, reddat Senatam & curiam, Patres Conscriptos, Equestrem ordinem, populum in tribus & centuriis digestum: reddat Augurum & Aruspicum collegia, Pontifices maximos, Flamines & Vestales, Aediles, Prætores, Tribunos Plebis, Consules, Dictatores, Cæsares, comitia, leges, senatusconsulta, plebiscita, statuas, triumphos, ovationes, supplicationes, fana, delubra, pulvinaria, sacrorum ritus, Deos Deasque, Capitolium, & ignem sacrum: reddat provincias, colonias, municipia, & socios urbis rerum dominæ. Porro quum undequaque tota rerum humanarum scena inversa sit, quis hodie potest apte dicere, nisi multum Ciceroni dissimilis? Adeo mihi videtur hoc quod agebamus, in diversum exisse. Tu negas quemquam bene dicere, nisi Ciceronem exprimat: at res ipsa clamitat, neminem posse bene dicere, nisi prudens recedat ab exemplo Ciceronis. Quocumque me verto, video mutata omnia, in alio isto prospectu, aliud conspicio theatrum, imo mundum alium. Quid faciam? Christiano mihi dicendum est apud Christianos de religione Christiana: num ut apte dicam imaginabor me vivere ætate Ciceronis, & in frequenti Senatu apud Patres Conscriptos in arce Tarpeja dicere, & ex orationibus quas in Senatu dixit Cicero, voculas aliquot, figuras & numeros emendicabo? Habenda est concio apud promiscuam multitudinem, in qua sunt & virgines & uxores & viduæ: dicendum est de laude jejunii, de poenitentia, de fructu orandi, de utilitate eleemosynarum, de sanctitate matrimonii, de contemptu rerum fluxarum, de studio divinarum literarum, quid hic opitulabitur mihi Ciceronis eloquentia, cui quemadmodum res, de quibus dicendum est, erant ignotæ: ita non potuerunt usitata esse vocabula, quæ post illum nova

1 Hanc in rem peccavit maxime vir ceteroquin ingeniosissimus ac discretissimus, nisi nimis imitator Ciceronis fuisset, Petrus Bembus, cum in Historia Veneta, tum in aliis opusculis. Historiam Venetam ideo censoria nota affectit Justus Lipsius Epist. Miscell. Cent. 11. Ep. 57.

nova cum rebus novis exorta sunt. An non frigidus Orator erit, qui ad has materias, veluti pannos Ciceroni detractos affuat? Referam non rumore perlata, sed quod his auribus audiui, his oculis conspexi. Florebant id temporis Romæ præter cæteros dicendi laude Petrus Phædrus, & Camillus hoc ætate minor, sed eloquendi viribus major, nisi quod ille jam hujus laudis arcem occuparat. Verum horum neuter, ni fallor, genere Romanus erat. Erat autem cuiusdam delegata provincia qui de morte Christi diceret die sacro, quem Parasceves appellant, idque apud summum Pontificem. Aliquot ante diebus ad eam orationem audiendam sum invitatus ab eruditis. Cave, inquebant, ne desis: nunc demum audies, quid lingua Romana sonet in ore Romano. Adfui percipide, adfui suggesto proximus, ne quid effugeret. Aderat ipse Julius II. quod solet, valetudinis opior causa, admodum raro; aderat frequens Cardinalium Episcoporumque confessus, ac præter ignobilem turbam, docti plerique, qui tum Romæ agebant. Nomen Oratoris non edam, ne cui videar hominis probi & eruditi famam arroderere voluisse. Erat hoc animo quo tu nunc es Nosopone, nimirum, Ciceronianæ facundia candidatus. Proce-
 mum & peroratio Oratione pene tota longior, consumebatur prædicandis Julii II. laudibus, quem appellabat Jovem Opt. Max. qui dextra omnipotente tenens ac vibrans trifidum & inevitabile fulmen, solo nutu faceret quicquid vellet. Quicquid aliquot annis gestum fuerat, in Galliis, in Germania, in Hispaniis, in Lusitania, in Africa, in Græcia, id unius nutu perfectum esse prædicabat. Atque hæc quidem Romæ Romanus, ore Romano, sonoque Romano. Sed quid hæc ad Julium Christianæ religionis Antistitem, Christi vices gerentem, Petri & Pauli successorem? Quid hæc ad Cardinales & Episcopos reliquorum Apostolorum vicem obtinentes? Jam argumento, quod suscep-
 rat tractandum, quid sacratius, quid verius, quid mirabilius, quid sublimius, quid commovendis affectibus accommodatius? Quis hic vel vulgari quapiam eloquentia præditus, non saxeis etiam hominibus excitet lacrymas? Consilium Orationis hoc erat, ut primum Christi mortem faceret luctuosam, mox in diversum flexa dictione redderet gloriosam ac triumphalem, nimirum ut nobis exhiberet exemplum Ciceronianæ dinoscos, qua potuit auditorum animos in quemcunque vellet affectum rapere. Hy. Quid? successitne? Bv. Mihi, quum maxime tractaret affectus illos tragicos, quos Rhetores appellant *πάθη*, ne quid fingam, ridere libebat. Nec quemquam in toto illo confesso vidi pilo tristiorum, quum totis eloquentiæ viribus exaggeraret indignos innocentissimi Christi cruciatus. Rursum nec tantulo hilariorem quemquam, quum totus in hoc effet, ut mortem illam redderet nobis triumphalem, plausibilem & gloriosam. Commemorabat Decios & Q. Curtium, qui se pro salute Reipublicæ Diis Manibus devovissent. Item Cecropem, Menœceum, Iphigeniam, & alios aliquot, quibus patriæ salus ac dignitas, ipsa vita fuisset carior. Deplorabat autem valde lugubriter, quod fortibus viris qui suis periculis Reipublicæ subvenissent, publicis decretis relata esset gratia, aliis in foro posita statua aurea, aliis decretis honoribus divinis: Christum pro suis beneficiis ab ingrata Judæorum gente præmii loco tulisse crucem, dira passum, summaque affectum ignominia. Atque ita nobis bonum illum & innocentem virum, deque gente sua optime meritum reddebat miserandum, quasi Socratis aut Phocionis mortem deplorasset; qui quum nihil admisissent sceleris, civium suorum ingratitude coacti sunt cicutam bibere: aut Epaminondæ qui ob res præclare gestas compulsus est capitis causam apud suos dicere: aut Scipionis, qui post tot in Rempublicam merita exulatum abiit: aut Aristidis, quem populus Atheniensium non ferens cognominis invidiam, quod ob insignem morum integritatem vulgo *justus* diceretur, ostracismo jussit in exilium proficisci. Quæso quid his dici potuit frigidius aut ineptius? Et tamen Ciceronem pro viribus æmulatus est. Cæterum de arcano supremi Humanis consilio, quod hac inaudita ratione voluit genus humanum a Diaboli tyrannide redimere per mortem unici Filii, tum de mysteriis, quid sit *commori Christo*, quid sit *cum illo sepeliri*, quid *cum illo resurgere*, nulla mentio. Deplorabatur illius innocentia, traducebatur Judæorum ingratitude: at non deplorabatur nostra malitia, nostra ingratitude, qui

3. *ἀνέστης, ὑψίστην*

A sic redempti, tot beneficiis affecti, ad tantam felicitatem inaudita benignitate provocati, rursus illum, quod in nobis est, crucifigimus, ultro revoluti in Satanæ tyrannidem, servientes avaritiæ, luxui, voluptatibus, ambitioni, magis huic mundo dediti quam unquam fuerint Ethnici, quibus Deus nondum aperuerat hanc cœlestem Philosophiam. Jam in diversa parte quum ille magno conatu id ageret, ut gaudio gestiremus, magis libebat flere: quum audirem, Scipionis, Pauli Æmilii, & C. Cæsaris triumphos, & Imperatores in Deorum numerum relatos, cum crucis triumpho conferri. Hujus gloriam qui voluisset verbis attollere, Paulum Apostolum potius sibi proponere debebat quam Ciceronem. Quam ille in hoc argumento exultat, attollitur, superbit, regnat, triumphat, omnia mundana vel e sublimi despiciens, quoties in crucis prædicationem incidit. Quid multis? Tam Romane dixit Romanus ille, ut nihil audirem de morte Christi. Et tamen ille Ciceronianæ dictionis ambitiosissimus candidatus, Ciceronianis videbatur mirifice dixisse, quum de re pene nihil diceret, quam nec intelligere, nec amare videbatur, neque quicquam apposite dicebat, nec ullos moverat affectus. Tantum hoc laudis ferebat, quod Romane pronuntiasset, & aliquid Ciceronis retulisset. Probari poterat hoc velut indolis ingenique specimen, si a puero apud pueros in schola fuisset habita talis oratio. Verum ad talem diem, ad tales auditores, ad tale argumentum quid faciebat obsecro? No. Est *ἀνέστης* de quo loqueris? Bv. Nomen, ut dictum est, intelligi malo quam exprimi. Neque enim nobis hic propositum est ullius nomen adspicere, sed errorem vitandum ostendimus, qui non paucis hodie sub splendidi nominis umbra imponit. Hoc nostra refert Nosopone, nomen hominis, de quo narraui fabulam, scire nihil refert. Pertinet autem hoc & ad Ciceronis gloriam, cui video te supra modum favere, cui quotquot usquam terrarum sunt eruditi merito favent. Nam isti simii non solum officiunt adolescentiæ studiis ac moribus, verum etiam ipsum Ciceronis nomen obscurant, cujus cognomine sese venditant, quum nihil sint minus, quam Ciceroniani. Quemadmodum eximie pietatis virum Benedictum infamant, quoties se cultu tituloque jactant Benedictinos, etiam illi qui vita propius ad Sardanapalum accedunt, quam ad Benedictum: & minime malitiosum hominem Franciscum, qui se hujus cognomine jactitant, quum moribus Phariseos propius exprimant quam Franciscum: & Augustinum, qui se ferunt Augustinenses, quum a doctrina simul ac pietate tanti viri procul abhorreant: fortasse & Christum, qui præter titulum nihil habet illius: ita Ciceronis famæ labem adspargunt, qui nihil habent in ore præter Ciceronem & Ciceronianos, quum nulli magis absint ab eloquentia Ciceronis. Mirum quo supercilio Thomæ, Scoti, Durandi similiumque barbariem exsecruntur: & tamen si res vocetur ad exactum judicium, illi quum se nec eloquentes, nec Ciceronianos jactitent, magis Ciceroniani sunt, quam isti qui postulant haberi non jam Ciceroniani, sed ipsi Cicerones. No. Monstri simile narras. Bv. Non est monstrosa veritas, qui mentitur, monstri simile dicit. Nonne fateris Ciceroni simillimum, qui de quacunque re dicit optime? No. Fateor. Bv. Ad bene dicendum duæ potissimum res conducunt, ut penitus cognitum habeas, de quo dicendum est: deinde ut pectus & affectus suppeditet orationem. No. Ista quidem docent Horatius & Fabius, & alioqui citra auctorem verissima sunt: quare non conabor inficias ire. Bv. Unde igitur Ciceroniani nomen feret, hoc est, optime dicentis, qui de rebus loquitur, quas nec penitus intelligit, nec affectu pectoris prosequitur? ut ne dicam, quas plane negligit oditque. Hy. Id quidem perdifficile est. Qui possit enim pictor, quamvis probus artifex, effingere figuram hominis, quem nunquam attente contemplatus est, aut fortasse ne vidit quidem? Deinde vix impetres ab hoc artificum genere ut scite rem expriment, nisi delectentur argumento. Bv. Illud igitur in primis curandum erat Ciceronianis: ut intelligant mysteria Christianæ religionis, nec minore studio libros Sacros evolvant, quam Cicero Philosophorum, Poetarum, Jurisperitorum, Augurum & Historicorum evolverat. His rebus instructus ille fuit Cicero. Nos qui nostræ professionis, nec leges, nec Prophetas, nec historias, nec interpretes attingimus, contemnimus etiam & horremus, qui tandem erimus Ciceronia-

Tem. I. Rrr ni?

ni? Verum age, dicendum est apud Christianos, sed de re profana, puta de creando magistratu, de matrimonio, aut de pangendo foedere, aut de bello suscipiendo: an his de rebus Christiani apud Christianos eodem modo dicemus, quo Cicero Ethnicus loquebatur apud Ethnicos? An non omnes vitæ nostræ actiones conferendæ sunt ad Christi regulas? a quibus si tua recedat oratio, jam nec bonus Orator, nec vir fueris bonus. Quod si is qui dicit, nullum verbum promit, nisi ex indice suo: quum res mortalium in diversum commutatæ, novas voces invexerint, quid hic faciet Ciceronianus, quum eas non reperiet, nec in M. Tullii libris, nec in suo elencho? Si rejicietur, quicquid non deprehenditur in libris illius, quum tam multi interciderint, vide quam multa vitabimus ut barbara, quæ sunt a Cicerone prodita. Rursus quam multa, quibus erat usus, si de rebus hujusmodi dicendum fuisset. Nusquam apud Ciceronem legimus: *Jesu Christi, verbi Dei, Spiritus Sancti, aut Trinitatis* vocabulum, nec *Euangelium*, nec *Euangelistam*, nec *Mosen*, nec *Prophetam*, nec *Pentateuchum*, nec *Psalmos*, nec *Episcopum*, nec *Archiepiscopum*, nec *Diaconum*, nec *Hypodiaconum*, nec *Acoluthum*, nec *Exorcistam*, nec *Ecclesiam*, nec *fidem*, *spem* & *caritatem*, nec *trium Personarum eandem essentiam*, nec *hæresim*, nec *Symbolum*, nec *septem Ecclesia sacramenta*, nec *Baptismum* aut *baptisam*, nec *Confirmationem*, nec *Eucharistiam*, nec *sacram unctionem*, nec *penitentiam*, nec *sacramentalem confessionem*, nec *contritionem*, nec *absolutionem*, nec *excommunicationem*, nec *Ecclesiasticam sepulturam*, nec *Missam*, nec alia innumera, quibus constat omnis vita Christianorum. Hæc nusquam non sunt obvia, quacunque dere tentas dicere, ingerunt sese vel nolenti. Quid faciet? quo se vertet hic ille superstitiose Ciceronianus? An pro Patre Christi dicet, *Jupiter Opt. Max.* pro Filio dicet *Apollinem*, aut *Esculapium*: pro Virginum Regina dicet *Dianam*: pro Ecclesia, *sacram concionem*, aut *civitatem*, aut *Rempublicam*: pro Ethnico perduellum: pro hæresi, *factionem*: pro schismate, *seditionem*: pro fide Christiana, *Christianam persuasionem*: pro excommunicatione *proscriptionem*: pro excommunicare, *diris devovere*, aut quod nonnullis magis arridet, *aqua* & *igni interdicare*: pro Apostolis *legatos*, aut *veredarios*: pro Romano Pontifice, *Flaminem Dialem*: pro confessu Cardinalium, *Patres Conscriptos*: pro synodo generali, *S. P. Q. Reipublica Christiana*: pro Episcopis, *Præfides provinciarum*: pro electione Episcoporum, *comitia*: pro synodica constitutione, *senatus consultum*: pro summo Pontifice, *summum civitatis Præfectum*: pro Christo capite Ecclesiæ, *summum Reipublica Præfide*: pro Diabolo *scycophantam*: pro Propheta *vatem* aut *divinum*: pro Prophetis *oracula Divum*: pro baptismo *vincturam*: pro Missa *victimam*: pro consecratione corporis dominici, *sacrosanctum panificium*: pro Eucharistia, *sacrosanctum cruxulum*: pro Sacerdote *sacrisculum*, aut *sacrorum Antistitem*: pro Diacono, *ministrum* aut *curionem*: pro gratia Dei, *Neminis munificentiam*: pro absolutione, *manumissionem*.² Vides ex innumera vocabulorum turba quantum portionem attigerim. Quid hic faciet Ciceronianæ phrasæos candidatus? Utrumne tacebit, an ad hunc modum immutabit recepta Christianis vocabula? No. Quid ni? Bv. Fingamus igitur exemplum. Hanc sententiam: *Jesus Christus, Verbum & Filius æterni Patris, juxta prophetias venit in mundum, ac factus homo: sponte se in mortem tradidit, ac redemit Ecclesiam suam, offensivæque Patris iram avertit a nobis, eique nos reconciliavit, ut per gratiam fidei justificati, & a tyrannide liberati, inferamur Ecclesiæ, & in Ecclesiæ communione perseverantes, post hanc vitam consequamur regnum cælorum: sic efferet Ciceronianus. Optimi Maximique Jovis interpres ac filius, servator, Rex, juxta vatum responsa, ex Olympo devolvit in terras, & hominis assumpta figura, sese pro salute Reipublica sponte devovit Diis Manibus, atque ita concionem sive civitatem, sive Rempublicam suam asseruit in libertatem, ac Jovis Optimi Maximi vibratum in nostrâ capita fulmen refrinxit, nosque cum illo redegit in gratiam, ut persuasionis munificentia ad innocentiam reparati, & a scycophanta*

¹ Eodem, nempe, sensu, quo apud Christianos usurpantur, alioquin hæc tria apud Ciceronem sæpe leguntur.

² Nonnulla hic sunt quæ Ciceroniani non sollicitassent, neque enim refugissent dicere *Sacerdotem*, & *Papa* non incommode vocetur *Pontifex Maximus*.

A *dominatu manumissi, cooptentur in civitatem, & in Reipublica societate perseverantes, quum satanos evocarint ex hac vita, in Deorum immortalium consortio rerum summa possumus.* No. Ludis tu quidem Bulephore. Bv. Ita me bene amet nostra patria, rem seriam ago. Jam si usus venerit, ut de difficillimis dogmatum nostrorum quæstionibus sit differendum, quantum lucis habebit disputatio, si talibus flosculis ornatus incedat sermo? Quid aliud quam fumum ingeram materiæ tenebris? Quoties ad has salebras restitabit lector? Sed age liceat hæcenus ludere Ciceronis imagine, quid fiet, ubi res poscet divinarum Scripturarum testimonia? An quum erit citandum aliquid ex Decalogi præceptis tantum adscribam, *recita legem*? Quum pronunciandum erit, constitutio synodi, adscribam, *recita senatus consultum*? B Quum erit aliquid promendum ex Prophetis aut Apostolis, adscribere sat erit, *recita testimonia*? Sic enim omnino solet Cicero. Itaque vitabo, ne dictionem Ciceronianam verbis non Ciceronianis contaminem? No. Quid igitur? Num auctor eris nobis sic loquens, quemadmodum scripserunt Thomas & Scotus? Bv. Si melius dicit qui dicit aptus, sic de rebus sacris loqui præstiterat, quam in his Ciceronem exprimere. Quamquam est medium quiddam inter Scotos & Ciceronis simias. Nec statim male Latinum est, quod apud Ciceronem non exstat, qui, ut sæpe jam dictum est, nec exstat totus, & si totus exstaret, non tractavit omnes materias, & si tractasset omnes illorum temporum, nostras res nec tractavit, nec novit. Postremo quod ad sermonis proprietatem & elegantiam attinet, nec Ciceroni cedit, C. M. Varro, & hac dote præfertur C. Cæsar. Neque enim C. M. Tullius fuit auctor ac parens Romani sermonis, sed Orator Maximus, & in causarum civilium actionibus primæ laudis: in aliis inferior nonnullis, in carmine frigidus, in vertendis Græcis parum felix, qualis futurus in cæteris incertum. Si mihi de matrimonio dicendum sit, cujus multo alia nunc est ratio quam fuit olim, & de quo M. Tullius nihil memoriæ prodidit, num verebor ex Aristotele, Xenophonte, Plutarcho: e divinis libris, e Tertulliano, Hieronymo & Augustino, sententias ac verba legere, ne cui videar parum Ciceronianus? Item si de re rustica præcipiendum fuerit, fas non erit ex Virgilio, Catone, Varro, Columella decerpere quæ placeant? Si barbarum habetur, quicquid est novum & recens natum, nulla vox non fuit aliquando barbara. Quam multa reperies apud ipsum Ciceronem nova? præsertim in his libris in quibus tractat artem Rhetoricam, aut rem Philosophicam. Quis ante Ciceronem audivit *beatitatem* & *beatitudinem*? Quid apud Latinos sonat *finis bonorum*, quum apud illum significet summum bonum, aut id in quo quis statuit summam felicitatem? Quid nobis sonat *visum* & *visio*, *species*, *præpositum* & *repositum*? Quid Latinis auribus sonet, *occupatio*, quid *contentio*, quid *superlatio*, quid *complexio*, quid *tractatio*, quid *frequentatio*, *licentia*, *gradatio*, quid *status* & *constitutio*, quid *judicatio*, quid *continens*, quid *firmamentum*, quid *demonstrativum genus*, quid *inductio*, quid *propositum*, quid *aggressio*, quid *infinuatio*, quid *acclamatio*, quid aliæ voces innumera, quas aut prius Latinis inauditas ausus est fingere, aut in eam significationem detorsit, quam Pop. Romanus non agnoscebat? Hoc ille, reclamante seculo, non est veritus facere, quum Philosophorum Græcorum dogmata Latinis auribus traderet, & ut quod erat in præceptis Rhetorum, peculiaribus vocabulis in hoc proprie repertis explanaret, nonnullas peregrinas voces civitate Romana donavit, & nos piaculum admissum credimus, si rebus novatis vocibus aliquot novis utamur? Nulla est ars humana, cui non concedimus jus utendi suis vocabulis: licet Grammaticis dicere, *supinum* & *gerundium*: Mathematicis, *sesquialteram* & *superbiparsientem*: habent agricolæ & fabri propria suarum artium vocabula: & nos cælum terræ miscemus, si nostræ Religionis mysteria suis verbis explicemus? Voces aliquot Hebraicæ, complures Græcicæ (quoniam e Palæstina, Asia minore & Græcia, primum ad nos demanavit Christiana Philosophia) una cum ipsis rebus invecitæ sunt, quod genus suat, *osanna*, *amen*, *Ecclesia*, *Apostolus*, *Episcopus*,

³ Intellectam quidem accuratissime linguam Latinam a Varro, non dubitem; sed eum elegantiam Ciceronianam non adsequum, quæ supersint ex ejus operibus, ostendunt. Quamobrem male de ejus stylo judicavit Gasp. Scioppius, in Paradoxis Litterariis Ep. 111. & 117.

catholicus, orthodoxus, hereticus, schisma, charisma, dogma, Chrisma, Christus, baptizo, Paracletus, Euangelium, euangelizare, Euangelista, profetitus, catechumenus, Exorcismus, Eucharistia, symbolum, anathema; nonnullas prisci Christianæ religionis antistites usurparunt, quo commodius possent de rebus tam sublimibus differere, cuiusmodi sunt *quosdam*, quod nos *consubstantialis* vertimus, *fides, gratia, Mediator*, & si qua sunt alia, quæ antehac vel inaudita Latinis erant, vel non in eundem sensum usurpata. Num igitur tanti nobis erit dici Ciceronianum, ut de rebus, de quibus solis erat loquendum, prorsus fileamus: aut verbis vel ab Apostolis traditis, vel a maioribus repertis, & in hunc usque diem tot seculorum consensu receptis, abstinerebimus, alia quædam in illorum locum pro suo quisque arbitrio comminiscentes? Imo mel, piper, & sinapi cum suæ nationis vocabulis receperunt primum Græci, mox Latini: & nos fastidimus aliquot dictiones quæ nobis cum illa Cœlesti Philosophia per Christum, per Apostolos, per auctores Sacro Spiritu Patres, veluti per manus traditæ sunt: atque iterum ad Ciceronem confugimus, inde mutuo sumpturi voces, videlicet *ἐν τῇ φωνῇ μῦθον*, quod apud Græcos dici solet? Si quis nobiscum summo jure contendat, citius diceret, Ciceronis verbis, figuris ac numeris, Christianæ Philosophiæ majestatem foedari. Verum istis non assentior, mihi placet in quavis materia nitor ac mundicies orationis. At non ille dicit Ciceroniane, qui Christianus apud Christianos de re Christiana sic loquitur, quemadmodum olim Ethnicus apud Ethnicos de rebus profanis loquutus est Cicero: sed quemadmodum ille eo præditus ingenio quo tum erat, eo dicendi usu, ea rerum nostrarum cognitione, qua tum profanarum erat instructus: postremo sic inflammatus studio pietatis erga Rempublicam Christianam, quemadmodum tum vel gloria vel studio flagrabat in urbem Romanam & in majestatem Romani nominis, dicturus esset hodie Christianus apud Christianos si viveret. Hoc qui præstare valet prodeat, & æquis animis feremus illum dici Ciceronianum, si tantopere ducitur hujus amore cognominis. Ipse M. Tullius si viveret hoc rerum statu, Dei Patris nomen non judicaret minus elegans, quam Jovis Opt. Max. nec minus decoris putaret accedere dictioni, si subinde repeteret Jesum Christum, quam si Romulum, aut Scipionem Africanum, aut Q. Curtium, aut M. Decium. Nec minus splendidum existimaret Ecclesiæ Catholicæ nomen, quam Patrum Conscriptorum, quam Quiritium, quam Senatus populique Romani. Diceret nobiscum, *fidem in Christum*, diceret *infideles*, qui a Christo sunt alieni, diceret *Paracletum Spiritum*, diceret *sanctam Trinitatem*. Quod dico, probabilibus argumentis colligi potest. Num illum deterruit elegantia studium, quo minus in Philippicis, dum præit formulam Senatûs consulti, utatur verbis solennibus? magis quam Latinis? An non in Topicis utitur verbis Jureconsultorum longe alienis a phrasi Rhetorica? An ille fastidisset verba nostræ Philosophiæ peculiaria? No. Mihi quidem videris satis feliciter declamare. Bv. Ad hæc, nonne gratia sermonis bona ex parte pendet ex condituris & allusionibus? At M. Tullius unde sumit hæc condimenta? Nonne ex Homero, Euripide, Sophocle, Ennio, Lucilio, Accio, Pacuvio, Nævio: tum ex Philosophorum & Historicorum libris? No. Nimirum sine his ornamentis fordida ac trivialis est oratio. Hæc ceu gemmæ flosculive intertextæ, reddunt admirandum quod scribitur. Bv. Quid si nos eadem petamus ex Virgilio, Flacco, Ovidio, Seneca, Lucano, Martiale, num hac parte dissimiles erimus Ciceronis? No. Isthuc concedunt, licet ægre. Habet enim apud Ciceronem nescio quid majestatis antiquitas eorum quorum dicta refert. Bv. Qui fit igitur ut nos existimemus totam orationem conspurcatam, si condimenta, quæ Cicero petebat Ethnicus ab Ethnicos, nos ex antiquissimis Prophetis, Mose, Psalmis, Euangelicis & Apostolicis literis petamus? Admirandam quandam gemmam appositam existimamus, si quod Socratis dictum admiscuerimus orationi: & maculam accessisse credimus, si quid admixtum erit e proverbiis Solomonis? An præ Socrate nobis putet Solomon? Si quid ex Pindari Flaccive dictis fuerit interjectum, splendet oratio: & fordescit, si quid e sacris Psalmis apte

A fuerit attextum? Pondus ac majestatem additam arbitramur orationi, si quam Platonis sententiam inferuerimus, & plurimum gratiæ decessisse videtur, si quam Christi sententiam ex Euangelicis literis addiderimus? Unde hæc tam præpostera judicia? An Platonis sapientiam vehementius admiramur quam Christi? An libri Spiritus cœlestis afflatu proditi sordent nobis præ scriptis Homeri, Euripidis, aut Ennii? Quin missam hic faciamus Spiritus Sacri mentionem, ne videamur divina cum humanis conferre. Historia, si fidem detrahas, ne nomen quidem historiæ mereatur. Hic mihi confer, si libet, fabulosum Herodotum cum Mose: confer historiam orbis conditi, exitus ab Ægypto, cum Diodori fabulis: confer libros Judicum & Regum cum Tito Livio, qui non raro secum ipse dissidet in rerum gestarum narratione, tantum abest, ut nusquam aberet a vero: confer Platonem cum Christo, Socratis *ἐπιστολάς* cum Christi cœlestibus oraculis: confer Psalmos nihil humani spirantes cum Pindaricis adulationibus: confer Solomoni canticum cum Theocriti nœniis. Sive perfonas spectes sive rem, nihil simile. Habet divina sapientia suam quandam eloquentiam, nec mirum si nonnihil diversam a Demosthenica, seu Ciceroniana, quum alius cultus deceat summi Regis uxorem, alius gloriosi militis amicam. Hoc dicturus eram, si quis verba cum verbis, figuras cum figuris, numeros cum numeris incipiat comparare. An dulcius sonat auribus nostris, Thessala tempe, quam mons Sion? an plus habet majestatis, a Diis immortalibus datum, quam a Deo Patre datum? an jucundius est auribus nostris, Socrates Sophronisci filius, quam Jesus Dei filius, Deus? Cur magis blanditur auribus nostris, Annibal Pœnorum Imperator, quam Paulus Gentium doctor? Si perfonas æstimes, ille Romano imperio moliebatur exitium, hic salutiferam Philosophiam invexit. Si voces conferas, quæso quid interest? Hv. Si verum fateri volumus, nihil nisi quod apud homines plurimum valet, vel quæ semel occupavit animum persuasio, vel penitus hausta imaginatio. Hoc accepimus, hoc penitus infedit animis nostris, voces illas esse politas ac splendidas, has inamœnas & barbaras. Bv. Rem acu tetigisti. Sed quæ res isthuc persuasit animis nostris? Hv. Nescio. Bv. Res ipsa? Hv. Non opinor. Bv. Vis eloquar quod vero verius est? Hv. Per me quidem impune. Bv. Hujus exspecto vocem. No. Utere jure quod stipulanti concessimus. Bv. At vereor ne parum videatur Ciceronianum, quod dicturus sum. No. Hic nihil refert. Bv. *Paganitas* est, mihi crede, Nosopone, *paganitas* est, quæ ista persuadet auribus atque animis nostris. Titulo duntaxat sumus Christiani. Corpus aqua sacra tinctum est, sed illota mens est: frons cruce signata est, animus crucem exsecratur: Jesum ore profitemur, sed Jovem Opt. Max. & Romulum gestamus in pectore. Alioqui, si vere, quod dicimur, essemus, quod tandem sub sole nomen oportuit vel cogitationibus, vel auribus nostris esse jucundius nomine Jesu? per quem a tantis malis erepti, cujus gratuita benignitate ad tantam dignitatem vocamur, ad æternam felicitatem invitamur: ad cujus mentionem contremiscunt impii spiritus, generis humani plus quam capitales hostes, cervices ac genua submitunt æthereæ mentes. Quod tam efficax est, ut ad hujus invocationem fugiant Dæmones, cedant immedicabiles morbi, reviviscant mortui: tam blandum & amicum, ut nulla sit tam acerba calamitas, quin magno solatio leniatur, si Jesum ex animo nomines. Et hoc nomine persuademus nobis fordidari nitorem orationis, quum Annibal & Camillus mæra sint orationis lumina? Ejiciamus, revellamus, profligemus ex animo paganitatem hanc, pectus vere Christianum ad lectionem adferamus, & videbimus lucidissimam stellam additam orationi, quoties Jesu Christi nomen fuerit insertum: eximiam accessisse gemmam, quoties Virginis matris, quoties Pauli Petrique nomen admiscebitur: multum decoris accessisse, quoties ex Divinarum Literarum adytis, quoties e Spiritus Sancti lecythis ac myrotheciis, sententiam viderimus interjectam, modo in loco, modo ex animo: multoque plus dignitatis adjunctum dictioni, quam si ex Ennians aut Accianis scriptis decem millia dictorum, quæ in illis habentur venustissima, fuissent addita. Hv. Isto sane pacto vitatur, ne quid hærefeos infimulent Theologi. Bv. Jam si quid est ornatus in tropis ac schematis, id totum est nobis cum Cicerone

1 In lente unguentum. De quo adi Chiliadas.

2 Non est quidem oratorius stylus, sed in ea re tam Latinus, quam Ciceronis oratione. Aliud est eleganter loqui, aliud Latine.

commune: rerum maiestate, fideque longe sumus illo superiores. Tantum de vocibus imponit nobis imaginatio paganica, fallit affectus parum Christianus, ideo putent nobis quæ suapte natura sunt pulcherrima, quia non amamus, utinam non odissemus. Ut enim, iuxta Theophrasti sententiam, amanti pulchra sunt & ea quæ pulchra non sunt: ita nihil est odio non deforme. Veniam ad allusiones, quas si tollas, scis ipse quantum Veneris decedat orationi. Cur hic nobis vehementius blanditur, si quis significans aliquem indecenter admixtum alieno gregi, dicat, *vidisses corchorum inter alera*, quam si dicat, *vidisses Saulum inter Prophetas*: aut si significans quippiam non in loco factum dictumve, dicat, *in lenticula unguentum*, quam *annulum aureum in nare suilla*: aut si significans, non fortunæ, sed bonæ conscientiæ fidendum esse, dicat, *in sacra ancora praefidio spem esse reponendam*, quam si dicat, *solida petra innitendum*? Aut si quis volens boni viri partes esse, alienis inservire commodis potius quam utilitatis propriæ rationem habere, dicat, *nihil minus decet Christianum hominem, quam Aspidium agere citharedum*, quam si dicat ad Pauli dictum alludens, *magis esse spectandum quid liceat, quam quid expediat*. Hæc si persequi laborem, iusti voluminis res sit, indicasse sat habeo. Quam inhiamus, quam stupefcimus, si quod veterum Dæmoniorum simulacrum, aut etiam simulacri fragmentum nacti fuerimus: & Christi ac divorum imagines vix æquis oculis adspicimus. Ut admiramur epigramma, seu epitaphium in corroso quopiam saxo repertum: *Lucia coniugi carissima, ante tempus extincta, Marcellus posuit Diis Manibus sacrum; o me infelicem. Cur vivo?* In huiusmodi quum sæpenumero non solum sensus inepti & pagapici, verum etiam insignes reperiantur solocismi, tamen ea exosculamur, veneramur, ac propemodum adoramus antiquitatem: & Apostolorum reliquias deridemus. Si quis quid proferat ex duodecim tabulis, quis non iudicet sacratissimo loco dignum? Et leges digito Dei tabulis inscriptas, quis nostrum veneratur, quis exosculatur? Quam habemus in deliciis Herculis, aut Mercurii, aut Fortunæ, aut Victoriæ, aut Alexandri Magni, Cæsarisve cuiuslibet simulacrum nomismate expressum? & veluti supersticiosos ridemus, qui lignum crucis, qui Triadis aut divorum imagines inter res caras habent. Si quando Romæ conspicatus es Ciceronianorum *muræ*, recole quæso nuncubi videris imaginem crucifixi, aut sacræ Triadis, aut Apostolorum, paganismi monumentis plena reperies omnia. Et in tabulis magis capit oculos nostros Jupiter per impluvium illapsus in gremium Danaës, quam Gabriel sacræ Virgini nuncians coelestem conceptum: vehementius delectat raptus ab aquila Ganymedes, quam Christus ascendens in coelum: iucundius morantur oculos nostros expressa Bacchanalia, Terminaliæve, turpitudinis & obscenitatis plena, quam Lazarus in vitam revocatus, aut Christus a Joanne baptizatus. Hæc sunt mysteria, quæ sub Ciceroniani nominis velo teguntur. Mihi crede, per speciosos tituli prætextum insidiæ tenduntur simplicibus, & ad fraudem idoneis adolescentibus. Paganitatem profiteri non audeamus. Ciceroniani cognomen obtendimus. At quanto satius esset vel mutos esse nos, quam in hunc affectum venire? No. Expectabam ut adjuvares conatus nostros. Cæterum nescio quo modo dilapsus alio, labefactas animum meum, ne pertendam quod aggressus sum. Bv. Jam dixi & repeti, non retraho animum tuum a præclaris ceptis, sed ad ea quæ sunt optima surriigo. Neque enim hæc ideo commemorata sunt, quod arbitrer te talibus affinem affectibus, sed illud pro mea virili molior, ut feliciter affectemus Ciceronianam eloquentiam, ne sedulo quidem sed parum rectis iudiciis id agentes, nihil aliud assequamur, quam ut dum valde studemus haberi Ciceroniani, nihil minus simus quam Ciceroniani, si modo perpetuum esse patearis quod donasti, Ciceronis esse quam optime dicere: ac ne bene quidem dicere, qui non dicat apte: tum frigidam ac mortuam esse dictionem, quæ non proficiatur e pectore. No. Qui fiet igitur, ut reddamur aliquando germane Ciceroniani? Neque enim gravabor tuum sequi consilium, si

¹ Historiam superstitionis Eθνικæ cognoscere laudabile est, quia eam minime imitatur; & superstitiones post Apostolica tempora inventas, in quibus tot & tanta incommoda videmus, serio probare aut etiam laudare nemo queat, qui rem probe pensarit. Irrisio plebeiarum superstitionum Erasmus, Declamatorem popularem hic potius agit, quam Erasmus. Sed interdum invidia, quæ maxima ei conflabatur, non nihil cessit, Quod ceteris ejus meritis condonandum.

A quod habes meo rectius. Bv. Hic est quod nobis optare, quod te monere possum, præterea non multum. Ingenium ac naturam Ciceronis optare possum nobis, dare non possum. Habent singula mortalium ingenia suum quiddam ac genuinum, quæ res tantam habet vim, ut ad hoc aut illud dicendi genus natura compositus frustra nitatur ad diversum. Nulli enim bene cessit *Sappho*, quemadmodum Græci solent dicere. No. Scio, quod dicis, non indiliger admonere. ² Quatilianum. Bv. Sit igitur hæc admonitio prima, ne quis se addicat ad exprimendum Ciceronem, cujus genius vehementer abhorreat a genio Ciceronis: alioqui mensuri similis evadet, qui quum a sua nativa forma recesserit, alienam tamen non assequatur. Illud igitur in primis inspicendum est, ad quod dicendi genus te natura sinxerit. Exerit si qua fides Astrologis, nemo temere fortunatus est in eo, a quo generis abhorret. Qui Mus natus est, nunquam felix erit in bello. Qui bello natus est, nunquam scribere feliciter poemata. Qui conjugio natus est, nunquam erit bonus Monachus. Qui agriculturæ natus est, nunquam huic erit aula prospera: & contra. No. Atqui nihil est quod non expugnet labor improbus. Videmus arte humana lapidem verti in aquam, & plumbum in argentum, æs in aurum, cura plantas exuere sylvestre ingenium. Quid vetat quo minus & hominis ingenium arte & usu transformetur? Bv. Naturam habilem adjuvat cura, leviter abhorrentem conciliat, & corruptam emendat: at prorsus abhorrentem & ad diversa compositam, frustra vexes, o Nosopone. Equus dicitur in gyrum circumagi, dicitur incessum gradarium, at frustra bovem duxeris ad ceroma, frustra canem vocaris ad aratrum, frustra bubalum ad equestre certamen. Aqua fortasse vertitur in aërem, aër in ignem, si quis omnino ignis est elementaris: sed terra nunquam vertitur in ignem, nec ignis in aquam. No. Sed quid vetat, quo minus Ciceronis phrasim, ad omnem materiam accomodemus? Bv. Fateor in M. Tullio quædam esse generalia, quæ possunt ad quodvis argumentum transferri, veluti candorem, perspicuitatem, sermonis elegantiam, ordinem, & si qua sunt huius generis: et hoc istis Tullii similes non est satis, totam dictionis faciem exigunt: Quod ipsum ut in quibusdam materiis affinis utinque fieri posset, certe in his quæ tota ratione diffident, nequaquam valeat. Maronem sic opinor fateri inter Poetas Latinos tenere primas, quemadmodum M. Tullius inter Oratores. No. Fateor. Bv. Age si pares scribere carmen Lyricum, utrum Horatium tibi propones an Maronem? No. Horatium in hoc genere summum. Bv. Quid si Satyræ? No. Multo magis. Bv. Quid si medicis Comædiæ? No. Ad Terentianum exemplar me conferam. Bv. Nimirum ob insignem argumenti dissimilitudinem. No. Sed habet Tulliana phrasim, nescio quid privæ felicitatis. Bv. Totidem verbis & ego possum dicere, nescio quid. Imponit multis immodicus Ciceronis amor. Nam M. Tullii phrasim ad materiam vehementer diversam adaptare, est dissimile illi fieri. Nec est necesse affectare similitudinem, si contingat esse parem, aut certe propinquum, licet dissimilem. Quid dissimilius quam *sinaragdis* & *pyropus*, & tamen precio gratiaque pares sunt. Dissimilis est *rosa* *lilio*, diversus odor, & tamen uterque flos alterum æquat. An non sæpe vidisti duas puellas facie dissimiles, sed ambas ea forma, ut excellentia factura sit ambiguum delectum, si cui detur optio? Non statim melius est, quod ad Ciceronis imaginem propius accedit, quemadmodum antea dicere coeperamus, nullum animal omnibus membris propius ad hominis figuram accedere quam simiam, adeo, ut si vocem addidisset natura, homo videri possit: nihil autem homini dissimilius esse quam pavum aut cygnum, & tamen cygnus, opinor, aut pavus esse malles quam simiam. Hv. Ego vel camelus esse malim, aut bubalus, quam simiorum formosissimus. Bv. Dic mihi, Nosopone, utrum tibi dari malles vocem lusciniæ an coccyi? No. Lusciniæ. Bv. Et tamen coccyus propius accedit ad vocem hominis. Utrum malles cum alaudis canere, an cum corvis crocitari? No. Cum alaudis canere. Bv. Et tamen corvorum vox similior est humanæ. Utrum malles cum asinis rudere, an cum equis hianire. No. Cum equis hianire, si ad alterutrum adigat datorum necessitas.

² Inst. Orat. Lib. x. c. 2.

³ Quis hæc unquam vidit? Nemo, præter *Alcrynium Erasmus*.

stas. Bv. Et tamen a facis veluti conatur humano more loqui. No. At opinor meam Minervam non usque adeo aversam esse ab ingenio Ciceronis. Proinde quod natura deest, absolvit meditatio. Quare fac absolvas, quod admonendum existimas. Bv. Rote facis quod in viam revocas, nam alio dilapsurus erat sermo meus. Summa est, ut quod cupimus, vere faciamus, hoc est, totum Ciceronem exprimamus, qui nec in verbis, nec in formulis, nec in numeris, nec in scriptis totus est, imo vix dimidiatus, ut ante satis declaratum est. No. Ubi igitur totus? Bv. Nusquam nisi in se ipso. Quod si totum vis exprimere Ciceronem, te ipsum non potes exprimere. Si te ipsum non exprimis, mendax speculum tua fuerit oratio, nihilque minus absurdum videbitur, quam si coloribus oblita facie te pro Nefopono Petronium esse similes. No. Enigmata loqueris. Bv. Dicam crassius, ineptiant qui fetorquent in hoc, ut Ciceronem istis rationibus totum exprimant, quod fieri nec potest, si expedit: nec expedit, si fieri possit. Sic autem totus exprimi potest, si virtutes illius non easdem reddere contendamus, sed patres ad illius imitationem exprimere, aut, si licet, etiam vincere. Siquidem fieri potest, ut Ciceronianus sit maxime, qui Ciceroni sit dissimilimus, hoc est, qui optime aptissimeque dicat, quam diversa ratione dicat; nimirum, rebus jam in diversum commutatis: veluti si quis senem pingere velit, quem Apelles pinxerat adolescentem, hoc ipso fuerit Apelli dissimilis, si jam alium factum, velit eodem modo pingere. Hx. Sphinge dignum ænigma, ut hoc ipso dissimilis sit aliquis, quo similis est. Bv. An non id usu veniret, si quis eo modo caneret in funere, quo Hermogenes canere solet epithalamia: aut ea gestulatione causam diceret apud Arcopagitas, qua saltare Roscius solet in theatro? Verum hætenus licet affectare Ciceronis similitudinem, si iidem vestigia ad eloquentie palmam contendamus, quibus ille pervenit. No. Quibus? Bv. Num ad unius imitationem semet addixit? Nequaquam, sed ex præcipuis quod in quoque esset aptissimum exprimere studuit. Hic illi primus erat Demosthenes, non solus: nec hunc ita sibi proposuit, ut totum exprimeret, sed ut congrua seligeret: nec ut sequi contentus esset, sed ut delectu quædam prudens vitaret, nonnulla corrigeret: quæ vero probabat sic æmularetur, ut præire contenderet. Ad hæc pectoris sui penum affatim explevit omnium disciplinarum auctorum, veterum ac novarum rerum cognitione: suæ civitatis familias, ritus, instituta, leges, edicta, plebiscita diligenter ediscibat. Nec solum studiose versabatur in adytis Philosophorum, verumetiam in secessibus Musarum se subinde recipiebat, ab aliis pronunciationem, ab aliis gestum disciebat. Hæc qui faciet eadem, dissimilimus evadet M. Tullio, patria qui faciet aut similia, is Ciceronianus cognomen promeretur. No. Dic aliquando dilucidius. Bv. Qui pari studio sese exercebit in cognitione Philosophiæ Christianæ, quo ille se exercebat in profana: qui eo affectu imbibet Psalmos & Prophetas, quo ille hausit Poetarum libros: qui tanta vigilantia studebit cognoscere Apostolorum decreta, Ecclesiæ ritus, primordia, progressum ac deliquium Reipublicæ Christianæ, quanta ille laboravit Urbis Romanæ provinciarum, municipiorum & sociorum, jura legesque perdiscere, tum qui quod his omnibus studiis comparatum est, ad res præsentates accommodabit, is poterit aliquo jure Ciceroniani cognomen ambire. No. Istæc omnia tua non video quorsum pertineant, nisi ut Christiane loquamur, non Ciceroniane. Bv. Quid? num tibi Ciceronianus est, qui nec apte dicit, nec intelligit res, de quibus verba facit? No. Nequaquam. Bv. At huc pertinent illorum studia, qui nunc Ciceroniani volunt haberi. Id ne nobis usu veniat disquiramus. Nec ulla res vorat quominus idem & Christiane dicat & Ciceroniane, si modo fueris cum Ciceronianus, qui dilucide, copiose, vehementer & apposite dicat pro rei natura, proque temporum ac personarum conditione. Quidam enim benedicendi facultatem non artem esse voluerunt, sed prudentiam. Ecipe M. Tullius in Partitionibus eleganter de finit eloquentiam, *copiose loquentem sapientiam*. Nec dubitandum quin hoc eloquentiæ genus ipse se status sit. Ab hæc formula, Deus bone, quantum absunt isti, qui de rebus tota ratione diversis, quas ipsas nec intelligunt, nec amant, more Ciceronis volunt dicere. Quod autem nobis fordium & solæcum videtur, quicquid a Cice-

A rone dissonat, perniciosum ac mendax animi nostri somnium est, procul a nobis relegandum, si velimus hoc laudis ferre inter Christianos, quod Cicero tulit apud suos. *Scribendi recte sapere est & principium & fons*, ait ille Criticorum acutissimus. Fons igitur eloquentiæ Ciceronianæ quis tandem est? Pectus opulenter instructum varia rerum omnium cognitione, præsertim earum, de quibus institueris dicere: pectus artis præceptionibus, tum multo scribendi dicendique usu, diutina meditatione præparatum: & quod est totius negotii caput, pectus amans ea quæ prædicat, odio prosequens ea quæ vituperat. His omnibus conjunctum oportet esse naturæ iudicium, prudentiam, & consilium, quæ præceptis contineri non possunt. Hæc unde te rogo, suppetunt istis, qui nihil legunt, præter Ciceronem, qui unum hanc student *Nocturna versare manu, versare diurna*? No. Atqui non in se te dictum est, qui diutius in sole versati sunt, colorem ducere, & qui diutius in taberna aromataria confederint, odorem loci secum ferre quum discedunt. Bv. Mihi vero perplacet ista similitudo. Tincturam modo cutis locum ferunt, & mox evanescentem aurulam. Hæc gloria qui contenti sunt, desideant quantumlibet in myrotheciis aut rosariis Ciceronis, apricentur in illius sole. Ego malim si quid est bonorum aromatum demittere in stomachum, trajicere in venas, ut non solum vicinos odore levi adspersam, sed totum incalescam ipse, vegetiorque reddar, ut quoties res postulat, prodeat vox quæ sani beneque pasti animi videri queat. Ex intimis enim venis, non in cute nascitur oratio, quæ moratur auditorem, quæ movet, & in quemvis habitum animi rapit. Non hæc eo dico, quod ex Ciceronis libris medicrem aut poenitentiam rerum cognitionem colligi existimem, sed quod ad parandam orationis opulentiam in quovis argumento solus non sufficiat. Quid igitur superest, nisi ut ipsam etiam Ciceronis imitationem ex ipso discamus Cicerone? Sic illum imitemur, quemadmodum ipse est alios imitatus. Si totus in unius lectione defecit, si se ad unius præscriptum addixit, si potiorum habuit verborum quam rerum curam, si non nisi nocte concubia scripsit, si se totum mensem in una torfit epistola, si quicquam putavit eloquens quod ad res non congrueret, faciamus eadem ut Ciceroniani simus. Sin hæc dissident plurimum ab exemplo Ciceronis, illius exemplo pectus supellectile rerum cognitu necessaria rum expleamus, ac prima sit sententiarum cura, deinde verborum, & verba rebus aptemus, non contra: nec inter dicendum usquam oculos a decoro dimoveamus. Ita demum vivida fuerit oratio, si in corde nascatur, non in labiis natet. Artis præcepta non ignoremus: conferunt enim plurimum ad inventionem, dispositionem, tractationem argumentorum, & vitanda, quæ vel superflua, vel officiant causæ: sed quum erit agenda causa seria, primas teneat consilium. Quanquam & in fictis causis, quæ exercitationis gratia tractantur, conducit veris esse simillima quæ dicuntur. Cicero scripsit animum Lælii spirare in scriptis illius. Stultum est autem hoc conari, ut alieno scribas stomacho, deque operam ut in tuis scriptis spiret animus M. Tullii. Consequendum est, quod varia diutinaque lectione devoraris, meditatione trajiciendum in venas animi: potius quam in memoriam aut indicem, ut omni pabulorum genere saginatum ingenium ex sese gignat orationem, quæ non hunc aut illum florem, frondem, gramenve redoleat, sed indolem affectusque pectoris tui, ut qui legit, non agnoscat fragmenta e Cicerone decerpta, sed imaginem mentis omni genere doctrinarum expletæ. Neminem priorum non legerat Cicero: quid quicque probandum aut reprehendendum haberet, diligenter expenderat, at neminem illorum proprie agnoscat in Cicerone, sed vim mentis ex omnium sententis vegetatæ. Si te parum movet exemplum amassii tui, contempleris exempla naturæ. Apes num ex uno frutice colligunt mellificii materiam, an potius ad omnes florum, herbarum, fruticum species mira sedulitate circumvolant, frequenter e longinquo petentes quod condant in alvearia? Nec statim mel est quod adferunt, fingunt ore visceribusque suis liquorem, ac in ipsas transformatum rursus ex sese gignant, in quo non agnoscas, nec floris, nec fruticis delibati saporem, odoremve, sed apiculæ foetum ex omnibus illis temperatum. Jam nec iisdem frondibus pascuntur capellæ, quo lac illis modo cognatum reddant, sed omni fron-

Tom. I. Rrr 3

diam

1 Horatius, in Arte Poetica, vers. 309.

dium genere saginantur: itaque non succum herbarum, sed lac ex illis transformatum referunt. No. Refert tamen, unde mellis succum colligat apis, aut qua fronde satientur capellæ. Siquidem ex taxo toxica mella conficiunt, nec idem erit sapor lactis e capella quernis frondibus & salignis pasta. Bv. Assentior, sed veniamus ad artifices. Qui laudem præclaram ambiunt in arte statuaria graphicave, num ad unius tantum manus æmulationem addicunt sese, an potius quod in quoque delectat, id arripiunt ad artis absolutionem, sic imitantes ut contentur, si queant, anteire? Quid Architectus parans insignem aliquam domum absolvere, num ex unis ædibus sumit omnia? Non opinor, sed cum iudicio deligit e plurimis, quod conspexerit esse felix. Alioqui nihil egregiæ laudis videbitur assequutus: si spectator agnoscat hoc aut illud ædificium imitatione redditum esse. Et tamen hic tolerabilius sit servisse exemplari quam in oratione. Quæ ratio est igitur, nos tanta superstitione uni Ciceroni addictos esse? Bis autem peccant qui non solum assident uni præscripto, verumetiam nullis artis Rhetoricæ præceptionibus instructi, nec alium legunt, quam Ciceronem, nec aliud quam legunt. Quid enim confert oculos in Ciceronem habere fixos, nisi admoveas artifices oculos? Quid enim mihi profuerit graphices ignaro, si totos dies spectem Apellis aut Zeuxidis tabulas? Verum ubi didiceris recte dicendi præcepta, ubi deinde peritus quispiam artifex indicarit tibi in aliquot Ciceronis orationibus, in quibus plurimum artis expressit, colorem & statum, tum propositiones feliciter inventas: mox harum ordinem, partitionem, tractationem, locupletationem, absolutionem, totius orationis in procemio semina, tum coagmentationem singularum partium, ad hæc, consilium iudiciumque, quod animadverti potest, arte præcipi non potest. Item prudentiam Oratoris, quid quo loco posuerit, quid quare omiserit, quid in quem locum distulerit, præterea quibus rationibus tractet affectus utriusque generis, postremo lucem, copiam, ornatum sermonis, tum demum mira perspicies in Cicerone, quæ non perspicit sedulus ille contemplator. Non enim imitatur artem qui non intelligit, nec intelligit nisi artifex. Arte confectum opus interdum nonnulla voluptate delinit & eos, qui artis sunt imperiti, sed quantum est quod ille videt? No. Et artem unde petes rectius quam a Cicerone? Bv. Fateor, nemo tradidit felicius, nemo usus est absolutius, sed tamen accuratius præcepit Quintilianus, atque etiam copiosius, qui non præcepta modo proponit, verumetiam elementa, progressum, rationem, usum, exercitationem ponit ob oculos, non pauca adjiciens, quæ M. Tullius vel prætermisit, vel obiter attigit. Quod genus sunt de ratione concitandorum affectuum, de generibus & usu sententiarum, de modis amplificandi, de inventione propositionum, de partiendis iisdem ac digerendis, de transmigratione & concursu statuum, de modo legendi, imitandi, scribendi. Verum præceptiones ut ignorari non oportet, ita non conducit in his consensere, quorum anxia observatio facit ut pejus dicamus, quam in hoc reperta sit artis ratio ut bene dicamus. Commonstrator ille peritus multo plus contulerit, quam præceptiones. Id conati sunt nonnulli tum apud Græcos, tum apud Latinos, sed, mea sententia, non admodum feliciter. Cavendum est igitur, q̄ Nosopone, ne quod isti faciunt, vix degustatis præceptionibus, tantum assiduitate legendi Ciceronem confidamus nos fore Ciceronianos. Nam hi si quid assequuntur Ciceronis, præter summam cutem, umbram & auram modo quandam nihil assequuntur. No. Tales esse permultos haud inficior Bulephore, nec mihi placuit unquam illorum ratio. Bv. Nec tua causa hæc moneo, mihi & Hypologo canitur hæc cantio. Nunc & illud æquis iudiciis expendamus vir amicissime: Primum an deceat nos, deinde num operæ precium sit tantis vigiliis emere Ciceroniani cognominis honorem? No. Nihil honestius. Quod autem honestum, idem non potest non esse decorum. Bv. Ut de decoro disquiramus: Fateris opinor M. Tullii dictionem non placituram fuisse seculo Catonis Censorii, quippe comptiorem magisque lascivientem quam illius ætatis moribus conveniebat. Frugaliserat vita, frugaliserat oratio. Quin & ea ætate qua vivebat Cicero, non deerant viri præcæ illam severitatem adhuc spirantes, veluti Cato Uticensis, & Brutus & Afinius Pullo, qui severius quid-

1 Vide Quintilianum Inst. Oratoræ Lib. xii. c. 1,

dam, minus theatricum, magisque masculum requirerent in Ciceronis eloquentia, & tamen illis temporibus eloquentia florebat, ut quum maxime, tum in populari conventu, tum in consessu Patrum, tum in iudiciis, adeo, ut ornata jucunditatemque dictionis & expectarent & exigerent a patronis iudices. Quod igitur parum virile ducebatur in Cicerone, num putas decorum videri Christianis, quorum omnis ratio magis spectat ad bene vivendum, quam ad orate compeque dicendum: a quorum moribus oportet plurimum abesse, quidquid ad fucos & scenicam delectationem accedit? Sed fac esse decorum, quos fructus speras tantis pares sudoribus? Finis totius hujus studii est persuadere. At quanto hic erat potentior Phocion quam Demosthenes, Aristides quam Themistocles, quanto efficacior Cato quam Cicero, qui reos nonnunquam gravabat suo patrocinio, accusatione sublevabat? Nihil hic moror illa magnifice sane dicta; pulchrius est esse Phidiam, quam sciniarium aut coquum, quum horum opera magis necessaria sint Reipublicæ quam signa Phidiæ. Pictorum ac Statuaria ars delectandis oculis reperta est, id ubi præstitit, absolvit munus suum. Eloquentia quæ nihil aliud quam delectat, non est eloquentia, nimirum, in aliud reperta; quod nisi præstat, nec decora videri debet bono viro. Verum ut olim fuerit utilis eloquentia Ciceronis, hodie quis est illius usus? An in iudiciis? Ibi res agitur articulis ac formulis, per procuratores & advocatos, quidvis potius quam Ciceronianos. Apud iudices, apud quos barbarus esset Cicero. Neque multo major usus in conciliis, ubi singuli paucis aperiant quod videtur, idque Gallice, aut Germanice. Maxime vero res hodie per consilium, quod arcanum vocant, conficiuntur: ad id vix tres homines adhibentur, illiterati fere: reliquis licet consultare. Jam etiam si res agerentur hodie Latine, quis ferret Ciceronem ea perorantem quæ dixit in Verrem, in Catilinam, in Clodium, in Vatinius testem? Quis Senatus tam ociosus, tam patiens, ut perperis sit orationes quas dixit in Antonium, quum in his tamen senilior sit, minus redundans, minus exultans eloquentia? Itaque cui tandem usui paramus hanc operosam Ciceronis eloquentiam? Num concionibus? Vulgus Ciceronis linguam non intelligit: & apud populum nihil agitur de Republica. Sacris vero concionibus minime congruit hoc dicendi genus. Quis igitur superest usus, nisi forte in legationibus, quæ Romæ præsertim Latine peraguntur, ex more magis quam ex animo, & magnificentia causa potius quam utilitatis gratia. In his enim fere nihil agitur rei seriæ: in laudibus ejus ad quem mitteris, in testificatione benevolentia illius a quo mitteris, & in locis quibusdam vulgaribus consumitur omnis oratio. Quid multis? Totum hoc ejus generis est, ut rem magnam præstiteris, si speciem adulationis vitaris, quum ipsam adulationem non liceat. Frigidius etiam est, quod huic ex more respondetur, interdum non sine gravi tædio proluxæ dictionis, nonnunquam & pudore illius qui laudatur immodice: sæpe dicentis non pudore tantum, sed & periculo, dum sudat recitans quæ edidit, dum hæret, dum sibi aliquoties excidit, vel oblivione, vel animi perturbatione. Quid autem admirationis habeant tales orationes, quum fere qui recitat, ab Rhetore quopiam elaboratam edidicerit? ut ad Oratorem nostrum nihil redeat laudis, præter recitandi fortitudinem. Hic itaque præter salutationis officium nihil agitur, quod est serium, privatim literis & Gallicis colloquiis peragitur. Quod igitur theatrum petet noster Ciceronianus? Scribet epistolas Ciceronianas? Ad quos? Ad eruditos. Paucissimi sunt, & hi nihil morantur Ciceronianam phrasim, modo sit sana, prudens, munda, doctaque oratio. Ad quos igitur? Ad quatuor: Italos, qui se nuper jactare coeperunt Ciceronianos, quum ut ostensum est, nihil sit Ciceroni dissimilius, vixque tenuem umbram habeant Ciceronis. Quod ipsum quicquid est, si minimo constaret, si præsto esset ultro, si non officeret majoribus commodis, fortasse non esset rejiciendum. Nunc fac rationem tecum inecas, num hoc laudis sit tot vigiliis, tot sudoribus redimendum, non sine periculo valetudinis, ut a quatuor ineptis Italici adolescentibus recipiaris in catalogum Ciceronianorum. No. Non probas bene dicendi studium? Bv. M. Tullius non requirit a Philosopho eloquentiam. An quemquam existimas inter Ethnicos Philosophos tam severum,

2 Quales Antonius Palæmus, Jacobus Sadoletus, Petrus Bembus, &c.

ut putes cuius Christiano præferendum? Hy. Imo tota Græcorum Philosophia præ Philosophia Christi somnium est ac nugamentum. Bv. Qua igitur fronte nos exigimus a Christiano Ciceronianam eloquentiam, hoc est, & inimitabilem, & quam Ethnici viro gravi vix decoram existimarunt? Nec statim male dicit, qui secus dicit quam Cicero dixit. Nec omnino, quod crebro repetendum est, bene dicit qui non dicit apte. Ad hæc inutilis est armatura, quæ quum tantum ad ostentationem valeat, nec ad manum est, ubi res virum postulat. Interdum resurget, ut eodem die viginti scribamur epistolas. Quid hic faciet meus Ciceronianus? Ad hæc quotusquisque nunc est, qui Ciceronianam phrasi capiatur? Quid quod Cicero varius est in dicendo? Alius est, quum sermone remisso placidoque docet Philosophiam, alius in actionibus causarum, alius in Epistolis, in quibus ferè neglectus est & illaboratus sermo, atque hoc ipsum decet epistolam, quæ in familiaris colloqui vicem succedit. An non igitur præpostere fecerit, qui ea cura conscribat epistolam de re familiari, qua Cicero meditatus est orationem pro Milone? Et nos epistolæ non longè de rebus non ita magni momenti dabimus operam mensuram? Ne M. quidem Tullius tanti redempturus erat eloquentiam quam præstat in causis, si tot vigiliis confutisset, quanti nobis constat epistola, quum illis temporibus tantum esset in Republica usus eloquentiæ, quum hoc studium publice privatumque floreret, quum longe parabilior esset ea facultas. Jure derisus est quidam qui multis diebus se torferat, nec adhuc potuerat orationis exordium invenire, quod affectaret melius dicere quam posset. Est in Cicerone felix quædam facilitas, naturæ donum: est nativa perspicuitas. Hoc si nobis natura negavit, cur nos ipsos frustra discruciamus? Quanto vero longius absunt a sana mente, qui temporibus alienis, qui rerum humanarum tota inversa scena, quum vix usquam sit Ciceronianæ dictionis usus, hoc uno studio sese macerant, ut videantur Ciceroniani, nec quicquam aliud quam Ciceroniani. No. Belle tu quidem rhetoricaris, verum hunc affectum non possum excutere, adeo penitus infedit animo meo. Bv. A mediocri æmulandi studio te non revoco, modo qua est optimus, hac æmuleris, modo æmuleris potius quam sequaris, modo studeas æqualis esse verius quam similis, modo ne pugnes adversus genium tuum, modo ne sic affectes congruere Ciceroni tuam orationem, ut rei, de qua loqueris, non congruat. Super hæc omnia, absit anxietas, quæ nusquam non est infelix, sed haud alibi quam in dicendo infelicior. Postremo ne sic affectus sis, ut si quod sequeris, non assequaris, vitam acerbam putes, nec vivere libeat non Ciceroniano, quum tot sint hominum eruditorum millia, qui sine hoc titulo & vivi laudem egregiam, & mortui nominis immortalitatem sunt assequuti. No. Hunc in modum nunc quidem affectus som. Bv. Idem affectus & me quondam habuit, sed ab eo morbo revahui. No. Quo tandem pacto? Bv. Adhibui Medicum. No. Quem obsecro. Bv. Facundum & efficacem. No. Quem inquam? Bv. Ad quem nihil Æsculapius aut Hippocrates. No. Enecas. Bv. Quo nemo paratior, nec amicior, nec fidelior, nec curat hepar aut stomachum: hominis intima sanat. No. Si nomen edere gravaris, fateam indica pharmacum. Bv. Et nomen & pharmacum scies, ὁ λόγος ἡ τοῦ λόγου mihi medicatus est. Hy. Verissima prædicas. ὁ λόγος τοῦ λόγου ἐστὶν ἰατρὸς λόγος. Bv. Sic ab eo morbo revixi, Nosopone. Quod si voles hic aliquantisper ejus quem prius gessi personam suscipere, ego τὸ λόγου vices obiero. No. Suscipio, quando ita videtur. Bv. Quum me vehementer teneret morbi paroxysmus, sic adortus est Medicus, quemadmodum nunc loquor tibi. Pudor, inquit, *τομάλιν ὀργεῖ ἰσχυρὸς*, qui ferre non possis convicium cum tot hominum millibus commune. No. Quodnam? Bv. Quia negaris esse Ciceronianus. No. Isti me discruciat fateor. Bv. At responde mihi per Musas, quem mihi dabis Ciceronianum, præter unum Ciceronem? A veteribus ordiamur. In Oratorum catalogo quem per longum in Bruto contexit M. Tullius, vix duo sunt, quos dignetur Oratorum titulo, tantum abest ut Ciceroniani videri queant. Jam C. Cæsar Ciceronianus dici non potest, vel quia vixit iisdem temporibus, vel quia longe aliud dicendi genus sibi proposuerat, contentus eleganter proprieque dicere. At hæc quantula est Ciceronis portio? Neque enim

1 Ratio rationi.

2 Sermo, vel ratio agrotantis, morbis est medicus.

A tam præclarum est Oratorem Latine dicere, quam turpe nescire Latine. Ad hæc nihil existat Cæsar præter Epistolas aliquot, & Commentarios rerum ab ipso gestarum, quanquam eruditi de horum auctore vehementer ambigunt. Nulla certe existat oratio, quum hic demum excelsuerit Cicero. Idem mihi dicere licet de M. Coelio, Planco, Decio Bruto, quorum satis multas habemus Epistolas, Tyronis studio servatas; pauciores Cn. Pompeji, L. Corneli Balbi, Lentuli, Cassii, Dolobellæ, Trebonii, P. Vatinii, Servii Sulpitii, Auli Cecinnæ, Bithynii, M. Bruti, Asinii Pollionis, C. Cæsar, & si qui forte sunt alii, quos constat eadem ætate fuisse cum Cicerone, ut non magis conveniat M. Coelium dici Ciceronianum, quam Ciceronem Coelianum. Nec in his Epistolis quicquam congruit, præter sermonis Romani dilucidam & in affectatam elegantiam. At in hoc non est totus Cicero, quem tibi proponis æmulandum. Quid enim nunc commemorem de Crispo Sallustio, qui quum ejusdem fuerit ætatis, dictione dissimilissimus est Ciceroni. No. Ne commemora mihi prius illos horridos & impexos, quum nondum una cum moribus enitisset eloquentia, nec eos qui pariter cum Cicerone decurrunt: eos refer qui Ciceronem sequuti sunt? Bv. Age nunc tibi Seneca videtur Ciceronianus. No. Nihil minus, præsertim in oratione soluta. Nam Tragediæ quæ probantur a doctis, vix videntur a Seneca scribi potuisse. Bv. Num Valerius Maximus? No. Tam similis est Ciceroni, quam mulus homini, adeo ut vix credas vel Italum fuisse, qui scripsit, vel hoc ætatis quod præ se fert, vixisse, tam diversum est totum dictionis genus, Afrum quempiam esse dicas, nec ullum carmen elaboratius. Bv. Quid Suetonius? No. Non paulo longius abest a Cicerone quam Seneca, nec verbis, nec structura, nec perspicuitate, nec figura dictionis, nec urbanitate referens M. Tullium. Bv. T. Livium hoc honore dignaris? No. Primum Historicus est, deinde in compositus, nonnullis etiam Patavinis quondam resipere dictus est, hoc est, minus Romane dicere. Bv. Jam Cornelium Tacitum conferre non audeo. No. Nec opus est. Bv. Fortasse Quintilianum recipies in hoc album. No. Is affectavit etiam Ciceroni dissimilis esse, cujus utinam extarent Declamationes, nam quas habemus minimum habent & Ciceronis. Bv. Sed habeo quem non contemnas Quintum Curtium. No. Historicus est. Bv. Est, sed in historiis exstant aliquot orationes. No. Cæteris candidior est, sed nihil, ajunt, ad Parmenonis suam. Habet multas sermonis formulas a Ciceronianis diversas. Bv. Si hunc rejicis, non recipies opinor, Ælium Spartianum, Julium Capitolinum, Ælium Lampridium, Vulcatium Gallicanum, Trebellium Pollionem, Flavium Vopiscum, Aurelium Victor. No. In his vix est quod probes præter historiæ fidem, tantum abest ut eos Ciceroniani cognominis honore digner. Nam ægre tuerentur sermonis Latini castimoniam. Bv. En adest, Probus Æmilius. No. Candidus est laudator omnium, quorum vitam describit, ut Encomiasten dicas verius quam Historiographum. Bv. At Ammianum Marcellinum fortasse recipies. No. Difficilis in eloquendo, ac subinde compositio carmen moliri videtur, quum dicit, ut captivos redderet nostros. Vellejum Paterculum citius agnoverim, quanquam nec illum dignabor hoc honore. Bv. Minus, opinor, agnosces Epitomographos, Florum, Eutropium & Solinum. Agnoscam si quisquam eruditus illos agnoscit, hoc sane nomine, referunt enim quos imitantur. Bv. Verum retro mihi cursus flectendus est, duos Plinius prætermisimus. Majorem scio non feres hic nominari, Juniorem fortassis admittes. No. Imo qui sunt hujus causæ censores cum primis verant contingi ab adolescentibus hujus Epistolas, ne pro Ciceronianis evadant Pliniani. Bv. At felicius scripsit Orationem qua Trajanum laudat. No. Felicissime, sed Ciceronem non exprimit. Bv. Poetas sciens prætereo, facile divinans quid sis responsurus, etiam si clarissimos ac felicissimos omnium proposuero, Virgilium, Horatium, Ovidium, Lucanum & Martialem. No. In Horatio nullum Ciceronis vestigium: in Virgilio nonnullum, licet obscurum: Ovidius inter Poetas Cicero videri posset, Lu-

3 Tempore Erasmi, sed nunc amplius nemo. Vide Ger. Joan. Vossium, in Historicis Latinis.

4 Istos ne Quintiliani quidem.

5 Hoc est, Cornelius Nepos, de quo vide laudatum Vossium.

Lucanus dictus est Oratori quam Poetæ similior, sed alienissimus ab imagine Ciceronis, Martialis ad Nasonis felicitatem plurimum accedit, & aliquid Ciceronianæ laudis illi poterat tribui, ni in libros aliquot epistolis præfatus esset, Deum immortalem, quam non Ciceronianis. Bv. Quid si proferam Lucretium? No. Eadem opera profer & Ennium & Lucilium. Bv. A. Gellii candidissimam phrasim mirantur eruditi. No. Nec argumentum convenit nec phrasis, primum affectata, & verborum copia pene superflua, rerum suppellectile frugalis. Bv. En tibi Macrobius. No. Æsopicam corniculam mihi nominas, ex aliorum pannis suos contexuit centones, itaque sua lingua non loquitur, & si quando loquitur, Græculum Latine balbutire credas. Quod genus est illud ex Commentario in Somnium Scipionis secundo. Et hoc esse voluit quod Homerus, divinorum omnium inventionum fons & origo, sub Poetici nube figmenti, verum sapientibus intelligi dedit. Bv. At Symmachum in Epistolis argutum admirantur quidam. No. Admiretur quibus studio est moleste potius quam bene dicere. Bv. Sed heus, Apulejus nobis præteritus est. No. Hunc Ciceroni conferam, quum libebit graculum comparare lusciniæ. Bv. Sit sane, in Afino & Floridis, at in Apologiis accedit. No. Minus quidem abest, sed immenso sequitur intervallo. Cæterum & Martianum Capellam oblitus es, si tales libet proferre. Bv. Quid si veniamus ad semichristianos? Quis tibi videtur Boëtius? No. Egregius Philosophus, Poeta non pessimus, a Ciceronis dictione longe semotus. Bv. Quis Ausonius? No. Ingenium ac doctrinam tribuo, stylus aulæ delicias licentiamque respicit, quemadmodum & vita: Ciceronianus adeo non est, ut studio habuisse videatur aliter dicere quam dixit Cicero. Proinde qui Ciceroniani nomen illi velit adscribere, pro honore contumeliam irrogarit homini, non aliter quam si quis Germanum appellaret, qui studeret haberi Gallus, etiam si Germanus esset. Bv. Ne te longis ambagibus circumagamus, veniamus si videtur ad Christianos, si quem forte reperiamus, qui Ciceronianus dici mereatur. Inter hos opinor probabis Lactantium, qui Ciceronianæ eloquentiæ lacteo flumine manare dictus est. No. Dictus, sed ab eo qui Ciceronianus non erat. Bv. Verum illud inficiari non potes, Lactantium Ciceronis eloquentiam affectasse. Id declarat in tertium Institutionum librum præfatio, in qua defensus Christianæ Philosophiæ veritatem, optat eloquentiam, si non Tullianam, certe Tullianæ proximam. No. Nec prorsus infelicitate affectavit, quanquam assequutus non est. Bv. Qui sic? No. Quoniam in prima statim operis præfatione sic loquutus est: *Alioqui nihil inter Deum hominemque distaret, si consilia & dispositiones illius maiestatis aterna cogitatio assequeretur humana.* Ubi Cicero dixit *dispositiones pro decretis*? Bv. Imo dum Ciceronianus esse studet, factus est Ciceroni dissimilis. Est enim hoc Ciceronis, rem eandem duabus vocibus idem aut propemodum idem significantibus inculcare. Hinc est illud *consilia & dispositiones*. Qui scis an & vocalium hiatum caparit, ut Ciceronianus esset, in *consilia &*, rursus in, *cogitatio assequeretur*. Fortassis & compositionem affectavit, scæzontis clausula comma finiens, 'velut in *balneatore & archipirata*. Cujusmodi clausulis frequenter utitur in eadem præfatione, ut in prima statim periodo *inhabere*: & rursus, *instruere possimus*: ac mox, *apud Græcos*: atque iterum, *lucæ orationis ornata*: & *audis aû*, *honestæ suscepta*, mox & *honorasti*: nec multo post *nomini tradas*: iterum, *ut sequerentur hortarer*: item aliquanto post, *reliquerunt*. Hoc certe Tullianum habet, quod subinde ditrochæo finit, ut *concluserunt*, *convocamus*, *sopiamus*, *inchoamus*: semel ponit in clausula, *quævisse videatur*. Hæc indicant illum magno studio Ciceronis imaginem affectasse. Verum hoc nomine iustius rejiceret Lactantium a titulo Tullianorum, quod nec eruditionem, nec vim, nec pectus attulerit ad defensionem Philosophiæ Christianæ, quæ M. Tullius attulit ad actionem causarum civilium. Bv. E reliquorum numero quem primum aut ultimum proferam? Cyprianum? No. Christiane scripti verius quam Ciceroniane. Bv. Hilarium? Ohe, nihil simile. Difficilis est & obscurus in eloquendo, & Gallico, ut inquit ille, cothurno attollitur, verba quoque multa secum trahens, quæ non sunt Tullianæ puritatis. Bv. Sulpitius opinor, videbitur hoc honore dignus. No. Est ille quidem & mollior, & jucundior, & dilucidior, & illaboratior Hila-

rio, sed phrasus Gallum fuisse declarat. Non deest pietas, sed abest vis & gravitas: & est floridum dicendi genus magis quam nervosum. Bv. Tertullianum igitur admittes. No. Irrides; is prudens ac sciens obscuravit malis verbis bonas sententias, vel ipso durior Apulejo. Bv. Certe facundissimum illum simul & doctissimum Hieronymum non repelles. No. Agnosco virum doctrina facundiaque præcellentem, Tullianum non agnosco, qui flagris ab imitatione Ciceronis depulsus est. Bv. Augustinum igitur? No. Is hoc habet Ciceronis, quod prælongo ambitu circumducit periodum, ut frequenter ergo revocet a diverticulo in viam. Verum non æque ac Cicero, prolixum orationis ductum, membris & incisus distinguit, nec facilitatem in dicendo, nec felicitatem in tractando reddit. Bv. Paulinum? No. Vix umbram habet Ciceronis, nec sententiis, nec verbis admodum felix. Bv. Ambrosium igitur. No. Romanum Oratorem agnoscas, non Ciceronianum. Gaudet argutis allusionibus, acclamationibus, nec præter sententias quicquam loquitur: membris, incisus, comparibus numerosus ac modulatus, suum quoddam dicendi genus habet aliis inimitabile, sed a Tulliano genere diversissimum. Bv. Saltem agnosce Romanum Gregorium, ejus nominis inter Pontifices primum. No. Agnosco virum pium, ea loquentem quæ sentit. Et hic propius accedit ad M. Tullium quam Ambrosius, sed fluit lutulentus, & Isocraticæ structuræ quasi servit oratio, quod est a Cicerone alienum. Sic enim puer in scholis assueverat. Bv. At Tulci Leonis, qui fuit ejus nominis primus Romanæ urbis Pontifex, eloquentiam mirantur omnes. No. Est fateor hujus bene numerosa, satique perspicua dictio, nec ineptis sensibus, sed nihil ad Ciceronem. Bv. Quid si tibi Bernardum e Burgundionibus adducam? No. Agnosco virum bonum, quæ pars est Oratoris, natura compositum ad urbanitatem & ad dictionis leporem, sed adeo non Ciceronianum, ut ex scriptis vix subleat unquam illi lectum Ciceronem. Bv. Posteaquam hunc rejicis, non ausim tibi proponere Bedam, Remigium, Claudium, Hefychium, Anselmum, Isidorum. No. Define mihi: *καλοῦνται* istos commemorare, quum aliena lingua loquantur, deteriora faciunt quæ referunt: dum sua promunt, vix loquuntur. In his ægrotabat eloquentia. Bv. At vereor ne mortuum dicas, si posteriores commemoravero. Prætermittam igitur Alexandrum Halensem, Petrum Gandavensem, & hujus farinae scriptores innumeros: duos *καλοῦνται* proferam, Bonaventuram & Thomam. No. Bonaventura satis affluit verbis, sed qualibuscunque, Thomas Aristotelicus prorsus est, *ἀπὸ τοῦ*: in dicendo, tantum hoc agens, ut doceat lectorem. Bv. Verum, in Quæstionibus: cæterum ubi Rhetorem aut Poetam agit, satis spirat Ciceronem. No. Quæ mihi narras poemata? Mihi vero nusquam videtur infantior, quam quum affectat oratoris dictionis fluxum, id quod facit in tractanda materia de Eucharistia. Sed age misse fac Theologos istos Scholasticos, a quibus frustra requiras ullam eloquentiam, nedum Ciceronianam: alios profer, si quos habes. Bv. Age redibimus ad aliud scriptorum genus nostræ seculo vicinior. Nam aliquot ætatibus videtur fuisse sepulta prorsus eloquentia, quæ non ita pridem reviviscere coepit apud Italos, apud nos multo etiam serius. Itaque refulgentis eloquentiæ princeps apud Italos videtur fuisse Franciscus Petrarcha, sua ætate celebris ac magnus, nunc vix est in manibus: ingenium ardens, magna rerum cognitio, nec mediocris eloquendi vis. No. Fateor. Atqui est ubi desideres in eo linguæ Latinæ peritiam, & tota dictio respicit seculi prioris horrorem. Quis autem illum dicat Ciceronianum, qui ne affectarit quidem? Bv. Quid attinet igitur referre Blondum ac Boccacium, hoc inferiores tum in dicendi viribus, tum in Romani sermonis proprietate? Ne Joannem quidem Tortellium audies. No. Non audiam in his quidem comitiis. Bv. Hunc sequutus est ingens proventus eruditorum certum sese ad Ciceronis imitationem componentium. Ecquem ex hoc numero dignaberis istius cognominis honore? Num Franciscum Philadelphum? No. Plane dignarer si tam placeret eruditibus omnibus quam placuit sibi. Et affectavit quidem ille sedulo Ciceronis effigiem, sed parum feliciter. Nec usquam illi dissimilior est, quam ubi maxime oportuit esse similem, nimirum in Orationibus. Nam in Epistolis satis adumbrat M. Tullium. No.

1 Qui decorat syllabas, adeoque male pronuntiat.

Neque hæc dixerim in cuiuspiam contumeliam. Agnosco viros æterna posteritatis memoria dignos, ac de studiis optime meritos: sed divinum quiddam est esse Ciceronianum. Bv. Leonardus Aretinus mihi videtur alter Cicero. No. Facilitate dictionis ac perspicuitate satis accedit ad Ciceronem, sed nervis aliisque virtutibus aliquot destituitur: alicubi vix tuetur Romani sermonis castimoniam, alioqui vir doctus juxta ac probus. Bv. Guarinum fat scio non recipies, nec Lapum, nec Accioialum, nec Antonium Becariam, nec Franciscum Barbatium, nec Antonium Tuderinum, nec Leonardum Justinianum, nec Achillem Bochium, & si qui sunt qui mihi nunc non succurrunt, maxime quod horum plerique non alio monumento nobis innoverunt, quam vertendis Græcis, ubi nulla laus inventionis, quæ præcipua pars est eloquentiæ. No. Istorum neminem contemno, neminem tamen dignabor Tulliani cognominis honore. Bv. Proferam itaque Pogium Florentinum, vividæ cuiusdam eloquentiæ virum. No. Naturæ satis erat, artis & eruditionis non ita multum: interim impuro sermonis fluxu, si Laurentio Vallæ credimus. Bv. Vallam igitur in illius locum substituamus. No. Is propius accedit ad curam ac subtilitatem Quintiliani, quam ad illaboratam Ciceronis facilitatem, quanquam cæteris elimatior puriorque. Bv. Multos prætereo sciens, quorum nomina fat scio non ferent aures tuæ: eximios tantum refero. Si quem alium, certe magnum illum Hermolaum Barbarum in hujus cognominis honorem admittes. No. Vere magnum ac divinum hominem protulisti, sed in dicendo Ciceroni diffimillimum, & ipso pene Fabio Plinioque elaboratiorem, cujus eloquentiæ nonnihil officit Philosophiæ studium. Bv. Quid Joannem Picum Mirandulæ comitem? No. Indolem plane divinam narras, ingenium ad omnia factum, sed hujus quoque dictionem nonnihil vitiait linguarum ac Philosophiæ atque etiam Theologiæ cura. Bv. Nosti gentilem hujus Franciscum Mirandulanum. No. Οὐδ' ἔγωγε, ajunt, nimium Philosophus ac Theologus est, alioqui vir magnus. Cæterum qui convenit, ut eum recenseas inter Ciceronianos, qui cum Petro Bembo disputans, damnat addictos exprimendo Ciceroni? Bv. Næ tu summam laudem illi tribuisti, si quis tamen omnino nimium Theologus esse potest. No. Potest ad hujus palmæ conditionem. Bv. Bene habet, unum, ni fallor, reperi, quem non rejicies, Angelum Politianum. Nam Marfilium Ficinum proferre non audeo. No. Fateor Angelum prorsus Angelica fuisse mente, rarum naturæ miraculum, ad quodcunque scripti genus applicaret animum, sed nihil ad phrasim Ciceronis, diversis virtutibus suspiciendus est. Bv. Si producam in hunc ordinem Codrum Urceum, Georgium Trapezontium, si Theodorum Gazam, Janum Lascarem, Georgium Mæculam, M. Musurum, Marullum, prope divino quid dicturus sis. Submovebis ab hoc certamine totum Græcorum genus, quibus invisus est tuus amicus Cicero. Verum nolim in his comitiis habere suffragium, iram, odium, aut amorem. No. Nec habebunt. De Jano, quoniam adhuc superest, dicendum est parcius: Morum comitate generis nobilitatem præ se fert, acri judicio vir, multæ in Epigrammatibus argutiæ: poterat inter Ciceroniani cognominis candidatos numerari, ni crebræ legationes ac Regum negotia revocassent hominem a Musis. Codro nec Latine linguæ facultas deerat, nec urbanitas, verum homo non dissentiens ab Epicuro, neglexit hanc laudem, ut non vulgarem, ita nec parvo parabilem. Georgium Trapezontium fateor virum egregie doctum, deque re literaria pulcre meritum, & hoc absolutiorem Theodorum Gazam, quorum ille se ad Ciceronis dictionem effingendam studio composuisse videtur, hic Aristotelem exprimere maluit, quo non alius felicior, si vertit Græca Latine, si Latina Græce: quum sua loquitur, duo quædam obstreperunt delicato lectori, Philosophiæ studium, in quo totus erat, & illud ὑπερβολῶς Græci sermonis, quod Latine loquentes sequi solet, ac vix unquam dediscitur. Bv. Quid vetat quo minus Græcus absolvat Romanam linguam, si Britannis ac Phrysonibus hoc contigit? præsertim quum sermo Græcus tum in verbis, tum in tropis plurimam habeat affinitatem cum Latino. No. Quid Britannis ac Phrysonibus contingerit, aliis æstimandum relinquo: mihi videtur affinitas sermonis obflare puritati. Citius enim pure Romane loquatur Hiber-

nus, quam Gallus aut Hispanus. Quemadmodum citius Gallus discet Germanice loqui pure, quam Italice aut Hispanice. Sed pergam, Georgium Mæculam Alexandrinum esse scio, an Græcus fuerit nescio, vir in reddendis Græcis splendidus & elegans, ut cum veteribus multis conferri queat. Marulli pauca legi, tolerabilia, si minus haberent Paganitatis. M. Musurum propius novi, virum insigniter eruditum in omni disciplinarum genere, in carmine subobscurum & affectatum, oratione prosa, præter unam alteramve præfationem nihil quod sciam reliquit: mirabar hominem Græcum tantum scire Latine. Et hunc fortuna retraxit a Musis, dum Leonis favore Romam accitus, incipit Archiepiscopus esse, fato præreptus est. Bv. Recipies igitur Pomponium Lætum. No. Is elegantia Romani sermonis contentus, nihil affectavit ultra. Bv. Platinam igitur? No. In Historia valiturus erat, si nactus fuisset argumentum felicius. In optimo cive & Panegyrico nonnihil accedit ad Ciceronis imaginem, sed tanto intervallo, ut hoc cognomen non promeretur eruditorum calculis, alioqui vir doctus, facundus, & ni fallor, bonus. Bv. Quid Philippum Beroaldum majorem? Video, abnuis, id sciebam fore. No. Imo annuo, si mihi commendas hominem de literarum studiis præclare meritum: sin postulas eum in Ciceronianorum adscribi catalogum, abnuo. Philippum Beroaldum juniorem citius recepero, quanquam is perpauca misit in literas. Bv. Jam frustra tibi recenseam Georgium Vallam, Christophorum Landinum, Mancinellum, Petrum Marfum, Baptistam Pium, Cornelium Vitellium, Nicolaos Leonicum & Leonicum, Bartholomæum Scalum, Paulum Cortesium, Petrum Crinitum, Jacobum Antiquarium. No. Ut tu faragine quadam confundis diversos, Mancinellos, Vitellios ac Marfos file, quum agitur de eloquentia, Baptista Pius suo more loqui conatus est. Scala sibi videbatur Tullianus, Politiano ne Latinus quidem videtur, adeo ut ne sensum quidem communem illi tribuerit. De Paulo Cortesio post dicetur. Petrus Crinitus multum abest a charactere Ciceroniano, quanquam hominis eruditionem amplector. Leonicens Medicus erat, non Rhetor. Leonicus in adytis Philosophiæ, præsertim Platonice, semper religiose versatus, ad Platonis ac Ciceronis Dialogos effingendos sese composuit, & præstat eloquentiæ tantum, quantum fas est hodie a tali Philosopho requirere: Ciceronianus appellari nec ipse cupiat, ni fallor, adhuc enim superest, vir non minus integris moribus, quam eruditione recondita. Bv. Quid de Domitio Calderino? No. Bona spes erat, ni Romanæ deliciæ, mox præpropere mors interceptissent juvenis bene cœptum in studiis cursum. Bv. Porro Scipionem Carteromachum. No. Agnosco virum citra ostentationem in utraque literatura doctum, cæterum ex his quæ scripsit non apparet illum affectasse Tullianam eloquentiam. Bv. Non rejicies opinor Hieronymum Donatum patritium Venetum. No. Epistolæ, quod pene solum illius habemus, declarant illum quidvis præstare potuisse, si voluisset huc animum intendere, sed Reipublicæ negotia distraxerunt hominem ab otio literario. Bv. Agnoscis Antonium Sabellicum? No. Agnosco naturæ facundum, nec artis expertem. Nec infelicitèr rhetoricatur interdum. In historia fat splendide versatus, sed in hac tantum, quæ suum dicendi genus desiderat. Bv. Hactenus de mortuis plerisque, nunc vivorum, ut ajunt, meminisse oportet, de quibus fortasse vereberis quid sentias proloqui. No. Minime, quandoquidem fateor hoc laudis vix ulli mortalium adhuc contigisse. Bv. Nosti Paulum Æmilium? No. Hominis & reconditam eruditionem, & diligentiam, & vitæ sanctitatem, & summam in historia fidem exosculor: Tullianam dictionem nec affectavit, nec habet. Bv. Profero Baptistam Egnatium. No. Virum non minus probum & integrum quam eruditum & eloquentem nominasti, sed cui Tulliani cognominis honorem negant doctorum suffragia. Docte loqui maluit quam Ciceroniane, & quod voluit assequutus est. Bv. En tibi Paulum Bombasium. No. Equidem exosculor Paulum Bombasium prorsus aurei pectoris hominem, quo vix alius unquam vixit amico amior, sed valetudini parcens, non admodum indulsit stylo. Mox ut erat animi minime abjecti, fardidorum competitorum improbis contentionibus offensus: Nam Bononiæ publico salario Græce profitebatur, ad Reipublicæ negotia sese contulit: tandem accitus Romam, augere

1011

rem maluit quam literis infensescere. Bv. Fortassis æquior
eris junioribus. Quid censes de Andrea Alciato? No. Re-
feram quid eruditi sentiant, qui propius hominem nove-
rant quam ego. Quam laudem M. Tullius partitur inter
Q. Scævola & M. Crassum, quorum hic dictus est elo-
quentium Jurisperitissimus, ille Jurisperitorum eloquentissi-
mus, totam in hunc unum competere judicant. Quid possit
eloquentia, declaravit in præfatione, quam Cornelio Tacito
præfixam legimus. Nam in annotationibus docere propo-
suit, non rhetoricari. Bv. Ex Italis opinor, non ita multos
prætermisimus memorabiles. Sed heus, occurrit Hierony-
mus Aleander nuper favore Clementis VII. Archiepiscopus
Brundisinus, quem fortasse præteritum non oportuit
in hac recensione. No. Quid is possit in hoc genere, non sa-
tis liquet ex his quæ scripsit. Nam & admodum pauca ve-
nerunt in lucem, in quibus ipsis non videtur hanc laudem
ambisse, & jampridem civilia, bellicaque negotia alio ra-
puerunt hominem peritia linguarum eleganter instructum,
ac prorsus indignum qui profanis negotiis serviat. Bv. Equi-
dem arbitror Albertum Carporum Principem, propius ad
Tullianam phrasim accedere quam Aleandrum. Nihil hic
edidit hætenus, quod equidem sciam, unicum duntaxat
librum, aut si mavis prolixam epistolam, ab illo scriptam
vidi qua respondet Erasmo, tametsi sunt qui ceu compertum
asseverant, ejus operis alterum esse fabrum. No. Accedit il-
le quidem, quisquis est quatenus licuit homini in Theologi-
cis ac Philosophicis literis ab adolescentia versato. Bv. Vi-
des quam multos celeberrimi nominis Scriptores commemo-
ram, Nosopone, quorum nemini fateris Tulliani cog-
nominis decus obtigisse. Fortasse nonnulli fallunt meam
memoriam, tu suggere, si quos nosti Hypologe. Hv. Duos
Cælios, Rhodiginum & Calcagninum nescio an volens præ-
termiseris. Bv. Plane imprudens. No. Rhodiginus vir erat
pius & variæ lectionis, in eloquentiæ certamen haudqua-
quam adsciscendus: alter tum eruditione, tum eloquentia
superior, stylus elegans & ornatus, sed non nihil resipiens
Philosophiam Scholasticam, quæ res hætenus officit, non
ut non possit inter facundos numerari, sed ne inter Ciceroni-
anos. Bv. Pauculos prætereo sciens, ad quorum commemo-
rationem ipsa nos reducet oratio tempestivius. Interim
si placet, in Galliam & olim, & hodie studiis florentissimam
aliquantisper migremus, ex ea duntaxat præcipuos relatu-
ri, qui nuper scriptis in lucem editis eloquentiæ laudem ef-
meruerunt. Robertus Gaguinus non ita pridem habitus est
magni nominis, dictione tamen quam scriptis vendibilior.
No. Verum suo seculo, nunc vix inter Latine loquentes re-
ciperetur. Bv. Quid commemorem duos fratres Ferdinan-
dos? No. Non feram. Bv. Quid si Guidonem Juvenalem?
No. Multo minus. Bv. Quid si Jodocum Badium? No. Istum
elitius admiserim in hoc laudis certamen, quam Apulejum,
nec infeliciter omnino cessit conatus Badio, adest illi facili-
tas non indocta, felicius tamen cessurus, nisi curæ domesti-
cæ, reique parandæ studium interrupissent otium illud Mu-
sis amicum, hujus laudis candidato necessarium. Bv. For-
tassis hujus honorem tituli tribues Galliarum decori Guliel-
mo Budæo. No. Qui tribuam quod ille nec ambit, nec agno-
sceret si tribuero? Quanquam is alioqui eximiis variisque
dotibus suspiciendus est. Bv. Jacobus Faber habetur cele-
bratissimus. No. Vir pius & doctus, sed qui Theologicæ di-
cere maluerit, quam Tullianæ. Bv. Joannem Pinum fortassis
agnosces. No. Posset inter hujus laudis competitores nu-
merari, nisi & hunc negotiorum tumultus & ecclesiastica
dignitas a studiis avulsiissent. Olim certe præclarum sui spe-
cimen dedit, quum Bononiæ Musarum sacra coleret. Nunc
Episcopum audio factum, quid accesserit eloquentiæ ne-
scio. Fieri potest ut plus accesserit eruditionis quam digni-
tatis. Bv. Agnoscis Nicolaum Beraldum. No. Agnosco
dictionis illaborato fluxu Pino non dissimilem, verum is in
hoc genus nunquam nervos intendit suos, dicendo quam
scripto felicius. Quid possit satis divino, sed est magni labo-
ris fugitanti. Bv. Franciscum Deloium non vererem ob-
ficere, si se talem præstare potuisset in oratione librove,
qualem se præstitit in Epistolis ex tempore scriptis ad a-
micos. Quod sane prodigii simile videri possit in homine qui
seculo non admodum felici, totam pene ætatem in Accur-
siis, Bartholis ac Baldis contrivisset. In literis politionibus
& senex & feliciter repubuerat. Hunc nuper morsterris

A eripuit, ipsi quidem matura, senex enim mortuus est, studiis
vero quibus evchendis orandisque vir optimus natus vide-
batur præpropera. Superest Lazarus Baysius, qui unico li-
bello de Vestibus eoque non magno magnam laudem me-
ruit, summamque spem de se præbuit, si quo coepit cursu
pergat, in literarum studio. Quanquam ad docendum appo-
situs, argutus esse mavult, ut videtur, & Atticus quam Ci-
ceronianus. Bv. Succurrit etiamnum par unum nequaquam,
ut arbitror, fastidiendum. Nosti Claudium Cantianculam
Metensem, & Cornelium Scepperum. No. Uterque mihi
& e convictu notus est. Cantiancula ut est ingenio festivo,
in quovis argumento tractando suavissime canit, præsertim
oratione prosa, quantum valeat carmine nescio, nec infeli-
citer properat ad exemplar Ciceronis. Fluxum, perspicui-
tatem, copiam ac jucunditatem M. Tullii propemodum af-
sequeutus est, sed jampridem in Principum legationibus fa-
bulam agit motoriam, quum hoc negotium altissimam quie-
tem desideret, & tamen ita quotidie seipsum vincit, quasi
per terras mariaque volitans, Musas omnes secum ducat co-
mites. Habet hoc eximium, quod Juris prudentiam, ac Phi-
losophiæ cognitionem eloquentiæ conciliavit. Scepperus
præterquam quod in omni disciplinarum genere versatus
est, pari facultate & solutam orationem textit & carmen,
quanquam & hic jam diu fabulam agit motoriam. Bv. De
Ruellio quid sentis? No. Quod peritissimo rei Medicæ di-
gnum est, in vertendis Græcis religiøsæ fidei. Hoc laudis
maluit, quam haberi Tullianus. Bv. Sed ubi mihi ponendus
est Petrus Mosellanus Trevir, inter Germanos an inter Gal-
los? No. Nihil refert, ad id sane quod nunc agitur. Bv. A-
gnoscis Ciceronianum? No. Admiror parem utriusque lin-
guæ peritiam, ingenium candidum, minimeque sordidum,
industriam indefatigabilem, dictionem vividam, floridam,
ac dilucidam. Nihil ab eo non erat expectandum nisi juve-
nem non ita pridem hujus laudis agonem ingressum præpro-
pera mors, gravi doctorum omnium merore, nec levi stu-
diorum dispendio, sustulisset e medio. Bv. E Galliis igitur
si videtur iter flectamus in Angliam, non infelicem ingenio-
rum altricem. Sed Germanum Brixium pene præterieram.
Non ignoras virum pari dexteritate in utraque lingua, si-
ve carmen pangere velit, si-ve prosam Orationem condere nec
minus felicem Græcis in linguam Latinam transferendis. An
ne hunc quidem recipies inter Tullianos? No. Ille quidem
adhuc in cursu est copiam & lucem assequutus est, in non-
nullis tamen M. Tullio dissimilis, sed ita ut bonam de se spem
præbeat, si ut facit, totum se huic studio dedit. Interim
lubet gnaviter currenti applaudere. Bv. Nunc igitur in Bri-
tanniam, quæ quum multos habeat Tullianæ dictionis can-
didatos, tantum eos nominabo qui scriptis innotescere vo-
luerunt. Si Gulielmum Grocinum proferam, respondebis
nihil illius exstare præter unicam Epistolam, elaboratam sa-
ne & argutam ac bene Latinam. Maluit enim nihil scribe-
re, quam nihil videre, homo natura luscus. Ad Epistola-
rem argutiam appositus, Laconismum amabat, & sermonis
proprietatem, diceret Atticum in hoc sane genere: nec aliud
affectavit, Ciceronis copiam ferre non potuit, si quando le-
geret illius libros. Nec scripto solum, sed & dicendo Laconi-
sabat. De hoc igitur non contendam. Sed Thomam Lina-
crum non verebor proponere. No. Novi virum unde quaque
doctissimum, sed sic affectum erga Ciceronem, ut etiam si
potuisset utrumlibet, prius habuisset esse Quintiliano similis
quam Ciceroni, non ita multo in hunc æquior, quam est
Græcorum vulgus. Urbanitatem nusquam affectat, ab affe-
ctibus abstinet religiosus quam ullus Atticus, brevisloquen-
tiam & elegantiam amat, ad docendum intentus. Aristote-
lem & Quintilianum studuit exprimere. Huic igitur viro per
me quantum voles laudum tribuas licebit, Tullianus dici
non potest, qui studuerit Tullio esse dissimilis. Bv. Restat Ri-
cardus Paceus. No. Is quidem inter Tullianæ facundiæ can-
didatos censeretur poterat, nisi nimiam illi placuisset extem-
poralis illa scribendi celeritas, & nisi mox juvenem e medio stu-
diorum cursu Pontificum ac Regum negotia, profanis curis
propemodum obruissent. Bv. Ab Anglia migrabo, si tibi
Thomam Motum produxero. No. Fateor ingenium felicis-
sime natum, & quod nihil non potuisset efficere, si totum his
studiis vacare licuisset. Cæterum illo puero vix tenuis odor
literaturæ melioris demigrarat in Angliam. Deinde paren-
tum auctoritas ad leges ejus gentis discendas, quibus nihil
illi.

illiteratus, adegit, mox in causis agendis exercitatus, hinc ad Reipublicæ munia vocatus: vix succisvis horis respicere potuit ad eloquentiæ studia. Tandem in regiam pertractus, & regni regionumque negotiorum undis immersus, magis amare potest studia, quam colere. Et tamen dicendi genus quod assequutus est magis vergit ad Isocraticam structuram ac Dialecticam subtilitatem, quam ad fufum illud Ciceronianæ dictionis flumen, quanquam urbanitate nihilo M. Tullio inferior est. Quoniam autem adolescens diu versatus est in poematibus scribendis, Poetam agnoscas & in oratione profa. Bv. Angliam igitur relinquamus, neque enim nominabo Gulielmum Latamerum, aut Reginaldum Polum, quorum prior vir pius Theologiam absolvere maluit quam Ciceronianam eloquentiam, alter Ciceronis admirator summus, & æmulator non infelix, nihil adhuc suo nomine voluit in lucem prodire. Quanquam in Epistolis familiaribus satis declarat quid valeat; sed non traducam ea, quibus ipse lucem nondum tribuit. Alioqui habet innumeros ea insula, summæ spei juvenes, sed interim censorem agimus non divinum. Quid autem mirum illic efflorescere juventutem, ubi Rex ipse non solum præmiis excitat bene nata ingenia, verum etiam exemplo suo quamlibet pigris subdit calcaria, duobus jam libellis testatus, quantum & faveat pietati, & ingenio facundiaque polleat. No. Ego sane libellos istos majorem in modum admiratus sum, non abhorrentes a dictione Tulliana, nisi quod argumentum & Regia dignitas suum quoddam eloquendi genus desiderare videtur. Bv. Quid superest igitur, nisi ut hinc navigemus in Hollandiam? No. Prius in Scotiam cenfeo. Bv. Non gravarer, si quem illic nossem quem te laturum existimem. In Daniam malo, quæ nobis dedit Saxonem Grammaticum, qui suæ gentis historiam splendide magnificeque contexuit. No. Probo vividum & ardens ingenium, orationem nusquam remissam aut dormitantem, tum miram verborum copiam, sententias crebras, & figurarum admirabilem varietatem, ut satis admirari non queam, unde illa ætate homini Dano tanta vis eloquendi suppetierit, sed vix ulla in illo Ciceronis lineamenta reperias. Bv. Igitur in Hollandiam. No. Imo prius in Zelandiam, ne quem prætereas. Bv. Alit & illa regio quædam dextra ingenia, sed pleraque luxu obruuntur. Hinc sane tibi profero Adrianum Barlandum, in cuius scriptis agnoscas candorem ac facilitatem Tullianæ dictionis. No. Accedit hac sane parte, sed totum Ciceronem non exprimit. Bv. E Zelandia facilis cursus est in Hollandiam haud infœcundam bonorum ingeniorum parentem, sed illic nec honos habetur eloquentiæ, & voluptates non temere sinunt indolem maturefcere. Hinc tibi proferam Erasmus Roterodamum, si pateris. No. Professus es te de Scriptoribus dicturum. Istum vero ne inter Scriptores quidem pono, tantum abest ut Ciceronianis annumerem. Bv. Quid ego audio? Atqui videbatur & inter πολυγράφους censeri posse. No. Potest, si πολυγράφος est, qui multum chartarum oblinat atramento. Alia res est scribere de quo nos agimus, & aliud scriptorum genus. Alioqui qui manu describendis libris quæstum faciunt, Scriptores dicuntur, quum hos eruditi malint librariorum dicere. At hoc est nobis scribere, quod agro fructum producere, hoc nobis lectio, quod agro stercoratio: hoc nobis concoctio & emendatio, quod in agris occatio, pastinatio, putatio, zizaniorum evulsio, ac reliquæ operæ, sine quibus aut non emergit sementis, aut non adolescit exorta. Bv. Quid igitur ille? No. Abjicit ac præcipitat omnia, nec parit, sed abortit, interdum justum volumen scribit stans pede in uno, nec unquam potest imperare animo suo, ut vel semel relegat quod scripsit, nec aliud quam scribit, quum post diutinam lectionem demum ad calamum sit veniendum, idque raro. Quid quod ne affectat quidem Tulliano more dicere, non abstinens a vocibus Theologicis, interim ne a fordidis quidem? Bv. Terfior erat Gulielmus Gaudanus. No. Atticus erat in Epistolis, in carmine bonus, sed, ô scelerate luxus, quantum felicius ingeniorum, vel corruptis vel abruptis? Bv. Nosti Ægidium Delphum? No. Virum eruditionis variæ, verficatorem non malum, si facilitati nervos addidisset. Bv. Nuper deceffit Martinus Dorpius. No. Ingenium felix & ad quidvis versatile, nec infestivum, sed alienis judiciis quam suo duci maluit. Tandem Theologiæ studium retraxit hominem a Musis. Bv. Quis tibi videtur Jacobus Ceratinus? No. Præclaram de se spem dedit, a Ci-

ceroniano multum abest. Bv. Hinc igitur si videtur in Phrysiam commigremus. Alit enim ea regio prorsus alba, quod dici solet, ingenia: sed male convenit Como cum Musis. Langios igitur & Canterios omittam, Rodolphus Agricola sufficit unus pro multis. No. Agnosco virum divini pectoris, eruditionis reconditæ, stylo minime vulgari, solidum, nervosum, elaboratum, compositum, sed qui non nihil respiciat & Quintilianum in eloquendo, & Isocratem in orationis structura, utroque tamen sublimior, Quintiliano etiam fufior ac dilucidior. Quod voluit præstitit, nec dubito quin Ciceronis figuram potuisset effingere, si huc vertisset animi studium. Et huic tamen ad summam laudem quum alia quædam obstitere, tum præcipue regionis ac temporum infelicitas, quibus vix quicquam honoris habebatur literis politioribus, & nationis parum frugalis vita. In Italia summus esse poterat, nisi Germaniam prætulisset. Bv. Superest Hayo Hermanus gentis ejusdem. No. Agnosco juvenem diviniæ cujusdam indolis, cujus tamen nullum exstat in literis specimen, præterquam in Epistolis aliquot, quibus nihil purius, sanius, aut suavius. Is fortasse palmam hanc tulerit, si naturæ felicissimæ, par accesserit industria. Bv. Haud transcendam cenfeo Westphalam, quæ nobis dedit Alexandrum Hegium. No. Virum eruditum, sanctum ac facundum nominas, sed qui gloriæ contemptu nihil magni molitus sit. Bv. Dedit & Hermannum Buscium. No. In carmine pangendo felicem, in oratione soluta magna vis adest ingenii, lectio varia, judicium acre, nervorum fatis, sed compositio Quintiliano propior quam Ciceroni. Bv. Conradum Goclenium, opinor, non nosti. No. Num illum dicis qui apud Brabantos jam pridem ornat non modo Collegium Busleidianum, quod quidam Trilingue vocant, sed totam etiam illam Academiam, licet alioqui florentissimam. Bv. Istum ipsum. No. Mihi quidem καὶ οὐκ ὀκνέω notus est. Bv. Nunquid in illo desideras, quo minus habeatur inter Ciceronianos? No. Opinor illud ingenium posse, quicquid serio voluerit, verum mavult obfusculum esse quam polygraphus. Hv. Unum in illo novi, quo Ciceroni multum est dissimilis. Bv. Quidnam? Hv. Ciceronem accipimus prælongo & exili fuisse collo. Goclenius & pulcre obeso, & adeo non longo, ut mentum pectori pene contiguum sit. Bv. Non hic de collo, sed de stilo disputamus. Cæterum ut a Westphalia recedamus, habet Saxonia juvenes summæ spei, nihil mediocriter de se pollicentes, quorum est & Christophorus Carlebitzius, imaginibus majorum ornatissimus, sed literis ac moribus compositissimis ornatior, verum horum commemoratione te non fatigabo, quorum indoles adhuc subolefcit, & ut ira loquar, in herba est. Pergam ad reliquos Germanos, quorum princeps fuit Capnion. No. Vir magnus, sed oratio redolebat suum seculum adhuc horridius impolitiusque. Qualis & Jacobus Wimphelingus & si qui sunt hujus similes, quorum opera tamen non parum utilitatis accessit Germaniæ studiis. Quanquam hic in nepote suo quodammodo repubuit Jacobo Spiegellio. Bv. Capnionis ergo discipulum agnoscis Philippum Melanchthonem. No. Nihil hoc ingenio felicius si totum vacasset Musis. Nunc hanc laudem leviter affectavit, ac naturæ felicitate contentus, nec artis, nec curæ permultum ad scribendum adhibuit, & haud scio an affectantem nervi fuerint defecturi. Extemporali dictioni natus videtur, nunc aliis intentus, eloquentiæ studium magna ex parte videtur abjecisse. Bv. En igitur tibi Ulricum Huttenum. No. Sat splendoris & copiæ præstat in oratione soluta, in carmine felicius erat, cæterum a Ciceronis imagine procul aberat. Bv. Bilibaldum prius commemorasse oportuit, quo duce primum efflorescere cepit apud Germanos eloquentia, quam & morum pietate & fortunæ splendore illustravit. No. An ille sequatur nescio, certe non assequitur, nec tam obstat ingenium quam Reipublicæ negotia, parumque prospera valetudo, quum non alius sit præsterrima dignior. Tamen ex tempore scribens adeo feliciter, abunde declarat, quantum præstare valeret, si nervos intenderet suos. Bv. Ulrico Zasio plurimum laudis tribuit universa Germania. No. Minus tamen quam vir ille promeritus est, præter exactam Juris, quod proficitur, scientiam, felicissima quædam adest vel ex tempore scribendi, dicendi simul ac sententiis, ex orationem quodam manare fonte, adeo nec resistit usquam, nec hæret, nec interflescit,

tum adfectum in scriptis alacritas juvenilis, & ut ita dicam, vita, negares senis esse quod legis, attamen Politianum propius exprimit quam Ciceronem. Bv. Age, sed ex proximo tibi profero Brunonem Amerbachium Rauracum, quo viro nihil unquam natura finxit candidius. No. Quatenus licet ex gustu cognoscere, magnus erat futurus, ni festinata mors juvenem studiis eripuisset. Bv. Henricum Glareanum agnosce Helvetium? No. Is maluit in Philosophia ac Mathematicis disciplinis consensescere, quam æmulari phrasim Ciceronianam, cui vix convenit cum subtilitatibus Mathematicorum. Bv. Unus superest, quem si non recipis, migrabimus in Pannoniam. No. Quis? Bv. Ursinus Velius. No. In carmine felix, nec infelix in oratione soluta, spirituum & urbanitatis habet affatim, ubi prodierit historia quam de rebus a Pannoniæ, Bohemiæque Rege Ferdinando gestis texere dicitur, certius pronuntiabimus. Bv. Mihi certa spes est istum & Principis sui claritati, & rerum magnitudini facundiæ viribus responsurum. Hujus commemoratio nos deduxit in Pannoniam, nam illic nunc agit, ubi neminem novi præter Jacobum Pisonem, studiosum eloquentiæ Tullianæ candidatum, sed primum aula, deinde calamitas, nuper etiam mors hominem nobis abripuit. No. Audivi & dolui. Bv. Habet & Sarmatia quos non possis contemnere, sed non commemorabo, nisi qui libellis in lucem datis, sui specimen dederunt. Horum princeps est Andreas Critius, Episcopus Ploensis, qui prorsus ingenium habet, ut ait ille, in numerato, carmina pangit feliciter, felicior etiam in oratione soluta, præsto est ex tempore scribenti docta facilitas, sermo perpetua quadam orationis festivitate jucundus. No. Paucula quædam illius degustavi, quæ mihi sane spem egregiam præbent, nisi legationibus, tum Regni simul & Ecclesiæ negotiis cogatur a Musarum otio recedere. Bv. Jam Hispania quæ non ita pridem coepit ad pristinam ingeniorum gloriam reflorescere, doctos & eloquentes viros permultos, qui scriptis innovaverunt non ita multos habet, in his Antonium Nebrissensem, virum eruditionis variæ, sed cujus mentionem haturus non sis in catalogo Tullianorum. No. Rem divinasti. Bv. Ne Lapidem quidem, opinor aut Sanctium. No. Hic Theologus est, nec affectavit hanc laudem, ille multo infelicior est in laudando, quam in reprehendendo: nec hic, nec ille Ciceronianus. Bv. Demirabor, si Joannem Ludovicum Vivem ab hoc honore submovebis. No. Equidem nec ingenium, nec eruditionem, nec memoriam in illo desidero; adest illi parata sententiarum ac verborum copia, quumque fuerit initio duriusculus, indies magis ac magis in illo maturefcit eloquentia, quem si nec vita, nec studium destituerit, bona spes est fore, ut inter Ciceronianos numeretur. Sunt enim quibus scribendi conatus, juxta Mandrabum morem, ut habet proverbium, succedat. Hic quotidie vincit seipsum. Et habet ingenium ad quidvis versatile, eoque ad declamandi facultatem unice compositus. Aliquot tamen M. Tullii virtutes nondum absolvit, præcipue jucunditatem dictionis ac mollitudinem. Bv. Et Lusitanos aliquot eruditos novi, qui vulgarint ingenii sui specimen, neminem novi præter Heremicum quemdam in epigrammatibus felicem, in oratione soluta promptum ac facilem, ad arguendum dexterrimæ dicacitatis: & Genesium, qui nuper edito Romæ libello, præclaram de se spem præbuit. Vide quot regiones peragraverimus, Nosopone, dum unum quærimus Ciceronianum, nec quisquam adhuc repertus est, quem digneris hujus cognominis honore, cujus amor te macerat. Quot præcos commemoravimus, quot seculorum posteriorum, quot nostræ memoriæ, quot nostræ ætatis recensuimus, in quibus ut sint nonnulli quos fastidiosus censor possit contemnere, quam multi sunt qui suum quisque seculum, suam patriam, qui Ecclesiam, qui rem literariam doctrina facundiæque sua ornarunt, illustrarunt, nobilitarunt, nec ullum tamen adhuc invenimus Ciceronianum. Quid reliquum est, nisi ut proficiscamur in insulas Fortunatorum, inde petitori quem donec hoc nomine? Moderatius perpetimur mala nobiscum plerisque communia. Non moeret Hispanus, si non habet flavam cæsariem, non Indus quod colore sit lurido, non Æthiops quod atro, quod simis naribus; & tu discrucias animum tuum, nec concoquere potes convicium, quod non es Ciceronianus? Hoc an malum sit nescio: sed si esset malum, non tu æquo animo ferres incommodum tibi cum tot tali-

busque viris committre? No. Atqui hoc laudis affectus est: Christophorus Longolius, homo Brabantus, tum apud Gallos educatus. Huic uni Cisalpinorum palmam hanc tribuunt Itali, cæteros omnes ut barbaros submovent. Bv. Plurimum sane laudis tulit Longolius, sed nimio emptum. Diu tortus est, tandem & immortalis est certamini nondum peracto, non levi profecto studiorum jactura, quibus magno usui futurus erat, nisi totum animum omnesque ingenui vires ad inanem tituli studium contulisset. Quanquam ille non uni Tullio affidebat, sed per omne auctorum genus sese volebat, disciplinas liberales omnes diligenter edidicerat, ultra juris peritiam, nec erat contentus exprimere lineamenta Ciceronis, sed in inventionem rerum peracutus fuisse videtur & copiosus, in tractandis argumentis dexter ac felix, nusquam non præbens admirandæ cujusdam indolis specimen. Nihil est igitur quod isti Ciceronis simii nobis Longolium objiciant, aliis dotibus ille magnus erat, etiam si Ciceronianus non fuisset, & hæc ipsa vanissimi tituli ambitio fructum propemodum studiorum illius corrupit, vitam abrupit. Quanquam multum etiam abfuit a Cicerone, cui materia defuit exercendæ mirabilis illius eloquentiæ, quam in seriis gravibusque causis Cicero præstitit: Longolius edidit Epistolas, sane quam elegantes ac feliciter elaboratas, fateor, sed multas argumento perquam humili, plures affectato, quod genus videntur aliquot Epistolæ Plinii Junioris. Atqui tales non arbitror in Epistolarum numero ponendas. Quid enim habent Epistolæ Senecæ, quod Epistolæ congruat, præter titulum? At in Ciceronis Epistolis nihil est accersitum. Aut de gravibus seriisque negotiis, scribit ea quæ coram exponeret si liquisset, aut cum amicis absentibus de familiaribus colloquitur rebus, aut de studiis confabulatur, quemadmodum solent amici præsentibus inter se miscere sermonem. Quid quod Cicero non edidit Epistolas suas, & quasdam videtur scripsisse neglectius quam loqui solitus erat. Unde bona pars earum quas Tiro Ciceronis libertus collegerat, intercidit, haud opinor peritura, si docti eas & judicassent immortalitate dignas. Primum igitur illa simplicitas & gratia sermonis in affectati, deinde veritas abest in Epistolis Longolii pleurisque. Ad hæc quomiam nec eadem fuit fortuna Longolii quæ Ciceronis, nec eadem negotia, fit ut interdum inepta sit ac frigeat imitatio. Quod genus sit, M. Tullius Senator & vir Consularis, scribit ad suæ dignitatis homines, quid moliantur Duces in provinciis, quam instructæ sint legiones, ostendit periculum, divinat rerum exitum: quum ad imitationem Ciceronis similia scribit ad eruditos amicos & in otio viventes, Longolius, veluti sollicitus de summa rerum, nonne friget affectatio? Quid quod ipse in Musæum abditus interdum literis mandat vanissimos rumores, quales vulgo circumvolvunt, indigni qui vel sermone cordati hominis commemorentur. Sed in Orationibus, inquires, quas duas reliquit, velut in Capitolio habitas, Ciceronem præstitit. Eas ego sane magna cum animi tum admiratione, tum voluptate legi, fateor. Effecerunt enim, ut de illius ingenio longe quam ante magnificentiùs sentirem. Adeo, quum de illo præclaram concepissem existimationem, vicit multis partibus expectationem meam. Videtur enim in has deprompsisse quicquid vel suo potuit ingenio, vel e Ciceronis orationibus hauserat. Eæ tamen tot annis elaboratæ, toties sub incudem revocatæ, toties Criticorum censuram perpeffæ, quantum habent Ciceronis? non quidem Longolii culpa, sed temporum. Aptissime dicebat Cicero, vix apte Longolius, quandoquidem Romæ, nec Patres Conscripti sunt hodie, nec Senatus, nec populi auctoritas, nec tribuum suffragia, nec Magistratus qui solent esse, nec leges, nec comitia, nec actionum forma, nec provinciæ, nec municipia, focii, cives, postremo Roma, Roma non est, nihil habens præter ruinas ruderaque prisce calamitatis cicatrices ac vestigia. Tolle Pontificem, Cardinales, Episcopos, Curiam, & hujus Officiarios, deinde Legatos Principum, Ecclesiarum, Col-

1 Erasmus postea melius edoctus ait eum in Hollandiæ urbe Schœnovia natum. Vide Ep. ad Damianum Goss, datam 18. Augusti 1535. ubi de Longolii patria.

2 Prava hæc est ratio, quæ si valeret, spernenda essent quæcumque perire, apud Græcos & Latinos. Ratio jacturæ potius petenda ex ignorantia aut perverso judicio Monachorum, qui frigidas Homilias millies exscribant, Ethnicos auctores rarius multo.

Collegiorum, & Abbatiorum, tum colluviem hominum partim qui vivunt ex hisce mundis, partim qui vel libertatis amore, vel fortunam aucupantes eo conflunt, quid erit Roma? Dicet aliquis, Pontificum regnum a Christo traditum augustius esse, quam fuerat olim Senatus, populi-que Romani, aut etiam si libet Octavii Cæsaris. Mea nihil refert, modo fatearis diversum regni genus esse. Quo fit, ut nec oratio congruat eadem: si putamus Ciceronianum esse, sermonem ad rem præsentem accommodare. At ille præclarus juvenis orationem attemperavit, ad hominum affectus, qui veterem Romam, *rerum dominam gentemque rogatam*, adhuc somniant, quemadmodum Judæi nondum desinunt suum: Moysen ac templum Hierosolymitanum somnare. Jam Christophorus juvenis nec magistratu, nec rebus gestis, nec ullo alio nomine magnus erat quam ingenio, quod ego sane pulchrius esse duco, quam si regno polluisset. Sed hæc persona nihil ad Ciceronem. Nunc argumentum accipe. Inciderat illi contentio cum Italo quodam adolescente, in hoc opinor subornato, ut Ciceronianam eloquentiam a barbaris vindicaret. Et est, ut audio, nunc Romæ sodalitas quædam eorum, qui plus habent literaturæ quam pietatis: docti vocantur, & apud multos habentur in pretio. Per hos ociosos hoc certamen, studiis hinc atque hinc effervescentibus accensum est, ut ea civitas unde quaque capiat voluptatis materiam. Interim Longolii causam gravabat Lutheri causa, cujus gratia apud Romanos male audiebat quicquid erat affine Germaniæ, ne dicam Cisalpini omnes. Jamque Christophoro tametsi natione barbaro: nam hujusmodi vocabulis adhuc utuntur illi, quasi facies rerum non tota sit immutata: tamen ob admirandam sermonis elegantiam, visum est candidioribus aliquot, honoris gratia decernere civis Romani titulum. Fiebat hoc olim, & erat munus non minus utile quam honorificum. Nunc autem quid est esse civem Romanum? Profecto minus aliquanto quam esse civem Basilensem, si contemptis verborum fumis, rem æstimare libeat. Atque hinc in barbarum Longolium competitoris ipsique faventium invidia. Tandem quæ sit illa voluptas ociosis, ut in Capitolio (sic enim vocant curiam quandam non admodum magnificam, in qua solent agi per pueros exercitandi ingenii gratia fabulæ) causam diceret Longolius. Subornatus adolescens audaculus, qui accusationem quam ab alio compositam edidicerat, recitaret. Accusationis hæc erant capita: Primum quod Christophorus Longolius olim puer, dum ingenii periclitandi gratia laudat Galliam in qua tum vivebat, in nonnullis ausus sit eam æquare Italiæ, deinde quod in ea laudasset tribus verbis Erasimum & Budæum Barbarus Barbaros: præterea quod diceretur ab his subornatus ac delegatus in Italiam, ut optimos quoque libros deportaret ad Barbaros, quo possent cum Italis de principatu eruditionis contendere. Postremo quod homo Barbarus & obscuræ familiæ, minime dignus videretur honore tanti cognominis, ut civis Romanus appellaretur. Habes præclarum argumentum, in quo nervos intendas eloquentiæ Tullianæ. Atqui hoc plane ludicrum ille plusquam serio agit, mirifico sane verborum apparatu, magna ingenii significatione, summa vehementia, multa interdum urbanitate, non aliter alludens ad ætatem Ciceronis, quam is qui scripsit Batrachomyomachiam, alludit ad Homericam Iliadem, ranis ac muribus, rebusque ridiculis ac frivolis, Decorum, Dearum, Heroum splendida verba factaque accommodans. Ita Longolius exaggerat capitis discrimen, armatas cohortes, gladiatorum manum, quorum violentia auctoritas amplissimi ordinis, ac secundum leges agendi libertas fuerit impedita. Fingit priscam illam Romam orbis reginam, & hujus præsidem ac tutorem Romulum eum suis Quiritibus: formiat P. C. & augustissimum ordinem regnorum dominum, populum in suos ordines ac tribus distinctum, Prætorum jus, Tribunorum intercessionem: somniat provincias, colonias, municipia & socios urbis septicolis: recitatur Senatus consultum, citantur leges, miror non meminisse clepsydram, quæ reo solent infundi novem opinor. Hic excitantur illa *πάθη*, appellantur veteres illi Romanæ civitatis Principes, eque monumentis excitantur, quid non? Per faciem res est. Equidem fateor hunc ludum videri posse non inele-

• Lega Messiam.

gantem, si ad eum modum exerceretur juvenis in scholis declamatoriis, etiam si non frustra præcepit Quintilianus, ut declamationis simulacrum quam proxime accedat ad veras actiones, nimirum, quod quidam declamandi themata petere soleant e Postarum fabulis, nec veris, nec verisimilibus. Nam habent in adolescentibus & illa progymnasmatum fructum haudquaquam positendam, quum argumento ex historia sumpto, verba sententiæque ad illorum temporum conditionem accommodantur, sed tamen instructior erit ad veras causas agendas, qui quæstionem tractat, præsentis temporis involutam circumstantiis, veluti si quis tractet: num expediat Reipublicæ ut Principes filias aut sorores suas in procul remotas regiones elocent: an sit in rem Christianæ pietatis, procores Ecclesiasticos onerari ditione profana: utrum consultum sit juvenem evolvendis auctoribus, an peragrandis longinquis regionibus, periclitandisque rebus, multarum rerum cognitionem colligere: num expediat puerum imperio destinatum, aut natum, multum temporis in literis ac liberalibus disciplinis consumere. Cæterum argumentum quod tractat Longolius, quum nec sit ex historia petitum, ut saltem per fictionem suo tempori congruere possit, nec ejusmodi tamen, ut vere suo tempori suisque personis conveniat, qui fieri potuit ut hic totum exprimeret Ciceronem, qui depulsis armis Antonii, sublatoque mortis metu, libere dixit apud Senatum populumque Romanum? In hac tamen materia tanto studio, tantaque ingenii dexteritate rem gessit egregius juvenis, ut hodie neminem norim, vel apud Italos, cum pace omnium dixerim, quem existimem idem præstare posse, tantum abest ut Longolii laudibus aliquid studeam detrahere. Talibus enim ingeniis non queam non favere, etiam si mihi male vellent. Hæc eo tantum dicuntur, ut adolescentiæ studiis prospiciam, ne se superstitiose discrucient affectatione Ciceronianæ similitudinis, sic ut hac intentione ab utilioribus, magisque necessariis studiis avellantur. Rem habes, Nosopone, orationes supersunt, quæ me coarguant si quid mentior. Nunc mihi rationem inecas velim, sitne operæ pretium ingenia felicissime nata in has *invidias* tantum ætatis & operæ consumere, ne dicam immori talibus curis. Quantum utilitatis vel Religioni Christianæ, vel studiis, vel patriæ laturus erat, si vigilas quas actionibus illis ludicris impendit: in res ferias collocasset? No. Profecto miseret me Longolii, & vix habeo quod respondeam. Bv. Ad hæc testatur se scripsisse orationes quinque in laudem urbis Romæ. O pulchre collocatam operam. Quanto rectius eam collocasset, si civitatem illam, atque eos præcipue qui bonas literas ibi profunderent, orationibus aliquot elaboratis ad Christi cultum ac pietatis amorem inflammare studuisset. Intelligis, Nosopone, quid dicam, imo potius quid non dicam. At quibus tandem vigiliis tantum datum est? Senatui? Senatus, si quis omnino Romæ est, Latine nescit. Populo? Barbare loquitur, tantum abest, ut ditione Tullianæ capiatur. Sed valeant hæc *invidias*. Adversus Martinum Lutherum rem agit & seriâ & gravem. Ubi qui potuit esse Tullianus de rebus differens, quas M. Tullius prorsus ignoravit? At oratio non potest esse Tulliana, id est optima, quæ nec tempori, nec personis, nec rebus congruit. Satis quidem Tullianæ conviciatur. Ubi tandem ventum ad errorum capita recensenda, subobscurus est, & vix ab illis intelligitur qui Lutheri dogmata tenent. Atqui hic res summam orationis perspicuitatem desiderabat, si voluisset esse Ciceronianus. Jam ex ipsa rerum propositione non difficile fuerit conjectare, qualis futurus fuerit in refellendis dogmatibus adversariis, suisque confirmandis. Sedulo quidem vitat voces nostræ Religionis, nunquam usurpans fidei vocabulum, sed in ejus locum substituens *persuasionem*, aliaque permulta quæ prius attigimus, semel tamen atque iterum utitur nomine Christiani, per imprudentiam opinor. Nam ea dictio nusquam exstat in libris M. Tullii. Quanquam & hic multa felicissime dixit, nec alia re magis peccavit, quam quod nimis anxie studuit esse Ciceronianus, cui maluit orationem congruere quam causæ. No. At tamen illius dictio mirum quam nunc applaudant Itali quidam. Bv. Confiteor, laudant illa, sed ista legunt.

Tom. I.

Sff 3

Ba-

Batavi Oratoris ¹ nœnias, quæ Colloquia vocantur, quanto plures terunt manibus quam Longolii scripta, quamlibet elaborata, quamlibet expolita, quamlibet Tulliana, & ut Græce dicam melius ² *καρποτημένα*. Quid in causa? Quid? nisi quod illic res ipsa capit, moraturque lectorem qualicumque sermone tractata: ad hæc, quoniam theatra sunt, & vita carent, dormitat lector stertitque. Utilitas commendat etiam mediocrem eloquentiam. Quæ tantum adferunt voluptatem, eadem diu placere non possunt, præsertim iis qui literas in hoc discunt, non solum ut politius dicant, verum etiam ut rectius vivant. In summa, qui juvenem illum ad hujus laudis ambitum inflammaverunt, non optime meriti sunt, vel de ipso, vel de re literaria. Sed de Longolio fortasse nimis multa. No. Prætercurtisti Jacobum Sadoletum ac Petrum Bembum, prudens opinor. Bv. Næ prudens viros eximios, raraque horum temporum exempla nolui miscere turbæ. Petri Bembi nihil existat quod sciam, præter aliquot Epistolas, in quibus exosculor, non modo dilucidum quoddam, sanum, & ut ita dicam, Atticum dicendi genus, sed probitatem, ac humanitatem ac singularem ingenii candorem in oratione velut in speculo relucens: nec alia re vel fortunatiorem, vel ornatiorem judico Longolium, quam talium virorum amicitia. At Jacobus Sadoletus cætera fere æqualis Bembo, in commentario quem elegantissimum edidit in Psalmum L. non adeo affectat haberi Ciceronianus, ut non personæ decorum tueatur, est enim Episcopus Carpentoracensis, ut non materiæ serviat, ne in Epistolis quidem abhorrens a vocibus quibusdam Ecclesiasticis. Quid igitur? Non dixit Tulliano more? Non dixit: imo dixit potius, qui eo modo dixit, quo probabile est iisdem de rebus, si viveret, dicturum esse Ciceronem, hoc est, de Christianis Christiane. Hujusmodi Ciceronianos ferre possum, qui summo præditi ingenio, disciplinis omnibus absoluti, tum judicio prudentiaque singulari, sive unum Tullium in dicendo sibi proposuerunt, sive paucos eximios, sive doctos omnes, non possunt non optime dicere ³. No. Multum suffragiis eruditorum tributum est Baptiste Casellio. Bv. Oratio de Lege Agraria, quam paulo ante mortem edidit, declarat illum summo nisu Tullianæ dictionis affectasse lineamenta, & hætenus propemodum assequutus est quod voluit: lucis habet plurimum, verba nitida, compositionem suavem. Cæterum immane quantum est quod desideratur, si ad Ciceronem conferas. No. Certe Pontanum uno ore prædicant omnes, huic Ciceronianæ dictionis palmam tribuunt eruditorum centuriæ. Bv. Non sum vel tam hebes, vel tam invidus, ut non fatear Pontanum multis egregiis ingenii dotibus virum fuisse summum. Ac me quoque rapit placido quodam orationis lapsu: verborum dulce quiddam resonantium amœno tintinu demulcet aures, demum splendore quodam perfringit dignitas ac majestas orationis. No. Quid igitur obstat, quo minus illum fateare Ciceronianum? Bv. Ex meo judicio nihil illius laudi vel acceperit, vel decesserit. Quædam illius degustavi. Tractat materias profanas, quasque locos communes, de fortitudine, de obedientia, de splendore, quæ tractata facillime nitefcunt, atque ex se facile suppetant sententiarum copiam, easque sic tractat, ut ægre possis agnoscere Christianus fuerit nec ne. Similiter temperat stylum in libello de Principe. Præterea non memini me quicquam illius legisse, præter aliquot Dialogos ad Lucianum effictos. At ego non agnoscam Tullianum, nisi qui res nostras Ciceroniana tractet felicitate. In epigrammatibus plus tulisset laudis, si vitasset obscenitatem, quod nec in Dialogis satis cavet. In Meteoris & Urania, quæ sivit materiam quæ facile splendet, & rem sane felicem feliciter tractavit, nec illic requiro Christianam dictionem. In cæteris interdum desidero decorum & aptum, & aculeos quos Marcus Tullius in animo relinquit etiam posito codice. Certe ad istam legem quam tu nobis præscriperas, Ciceronianus non erit, in cujus scriptis sexcentas voces possem ostendere, quæ nusquam sunt apud Ciceronem. Postremo vides, quam infrequens sit in manibus Pontanus, vir extra controversiam in literis inter præcipuos numeran-

¹ Ipsi *Erasmi*.

² *Plausu majore excepta*.

³ Utriusque multo plura habemus Opera, quam viderat *Erasmus*; quorum nonnulla, ut diximus, sunt nimis Ciceroniana, quamvis ab ingeniosissimis hominibus profecta.

A dus. No. Pontano successit Accius Syncerus, qui partum Virginis matris mire felici carmine descripsit, cui supra modum applausum est a Romano theatro. Bv. Testantur hoc abunde Leonis & Clementis Brevia, sic enim hodie vocant, tum Ægidii Cardinalis addita præfatio, nec cæteros commemorem, nec sine causa tantopere placuit. Mihi certe magna cum animi voluptate perlectum est opus utrumque. Nam & Eclogas scripsit piscatorias. Quis autem talem indolem in juvene patricio non exosculetur? Hoc nomine præferendus est Pontano, quod rem sacram tractare non piguit, quod nec dormitanter eam, nec inamœne tractavit; sed meo quidem suffragio plus laudis erat laturus, si materiam sacram tractasset aliquanto sacratius: qua quidem in re levius peccavit Baptista Mantuanus, quanquam & alias in hujusmodi argumentis uberior. Nunc quorsum attinebat hic toties invocare Musas & Phœbum? Quid quod Virginem fingit intentam præcipue Sibyllinis versibus, quod non apte Proteum inducit de Christo vari-cinantem, quod Nympharum, Hamadryadum, ac Nereidum plena facit omnia? Quam dure respondet Christianis auribus versus ille, qui, ni fallor, Virgini matri dicitur: *Tuque adeo spes fida hominum, spes fida Deorum*. Scio *Deorum* metri gratia positum loco *Divorum*. Me quidem leviter offendit in tot virtutibus, quod Synalœphæ frequentes hiulcam reddunt compositionem. Ne multis: si carmen hoc proferas ut specimen adolescentis Poeticæ meditationis, exosculabor, si ut carmen a viro serio scriptum ad pietatem, longe præferam unicum hymnum Prudentianum de natali Jesu tribus libellis Accii Synceri, tantum abest ut hoc carmen sufficiat & ad proferendum funda Goliam Ecclesiæ minitantem, & ad placandum cithara Saulem furem, quam laudem illi tribuunt præfationes. Atque haud scio, utrum sit magis reprehendendum, si Christianus profana tractet profane, Christianum se esse dissimulans, an si materias Christianas tractet Paganice. Si quidem Christi mysteria non solum erudite, verum etiam religiose tractanda sunt. Nec satis est temporaria delectatiuncula delinire lectoris animum, excitandi sunt affectus Deo digni. Quod fieri non potest, ni penitus cognitum habeas argumentum quod versas: neque enim hic inflammabis, si frigeas ipse: nec ad amorem rerum celestium accendes lectorem, si tibi talium vel levis admodum, vel nulla cura est. Hic si præsto sunt, vel ultro, nec accersita, vel non magno constantia dictionis ornamenta, figurarum illecebræ, quibus fastidiosum lectorem allicimus, allectumque remoramur, non arbitror rejicienda, modo primas teneant ea quæ præcipua sunt. Quæle porro sit, materiam piam ob hoc ipsum putere nobis, quod pie tractata sit? At pie tractari qui potest, si nunquam dimoveas oculos a Virgiliis, Horatiis, ac Naso-nibus? Nisi forte quorundam studium approbas, qui fragmentis Homericorum aut Virgilianorum versuum, undique decerptis, & in centonem consarcinatis, Christi vitam descripserunt. Operosum sane scribendi genus, sed cui unquam ista lacrymulam extuderunt? Quem ad pietatem commoverunt? quem ab impura vita revocarunt? Atqui non ita multum dissimilis est istorum conatus, qui verbis, sententiis, figuris ac numeris ex Cicerone congestis, convestiunt argumentum Christianum. Quid enim laudis fert ille rhapsodus? Nempe, quod accurate versatus est in Homero sive Virgilio. Quid fructus adfert hic Ciceronianus? Applauditur diligenter in M. Tullii scriptis versato, sed tantum ab iis, qui & ipsi in iisdem versati, quid unde decerptum sit agnoscunt. Habet ea res voluptatem plane quandam, fateor, sed quum apud perpaucos, tum ejus generis, ut facile vertatur in satietatem: postremo quæ nihil aliud sit quam voluptas. Cæterum illud sine quo Fabius negat esse mirabilem eloquentiam, quod in concitandis affectibus situm est, prorsus abest. Et tamen nobis interim videmur Marones ac Cicerones. Dic mihi, Nosopone, si quis argumentum rapti Ganymedis, eleganter constructum opere Musaico dissolvat, & iisdem tessellis aliter concinnatis exprimere conetur, Gabrielem cœleste nuntium adferentem Virgini Nazarenæ, nonne durum parumque felix opus nascetur, ex optimis quidem tessellis, sed minus argumento congruentibus? No. Poëtas excusat a priscis concessa licentia. Bv. Audies hic illud Horatianum:

*At non ut placidis coeant immittis, non ut
Serpentes avibus gementur, tigris agni.*

Minus, opinor, convenit Musis, Apollini reliquisque Diis Poeticis, cum Christianæ pietatis mysteriis, quam serpentibus cum avibus, aut tigris cum agni, præsertim in argumento serio. Alioqui si quid obiter per jocum adspargatur ex veterum fabulis, ferendum arbitror magis quam probandum. Oportebat enim omnem Christianorum orationem respicere Christum, sine quo nec suave, nec splendidum est quicquam, nec utile, nec honestum, nec elegans, nec faciundum nec eruditum. Liceat sane præcludere ad seria pueris. In veris, in seriis, quodque gravius est, in piis materiis, quis ferat ista Paganica progymnasmata? No. Quod igitur tuum est consilium, ut Ciceronem abjiciam e manibus? Bv. Imo ut semper in sinu sit potius adolescenti eloquentiæ candidato, sed quorundam morositas fastidiumque prorsus abjiciendum est, qui scriptum alioqui doctum & elegans rejicere solent, & indignum lectu judicare, non ob aliud, nisi quod ad Ciceronis imitationem non sit elaboratum. Primum enim non quibuslibet ingeniis congruit Tulliana phrasis, ut male cessura sit affectatio: deinde si defunt naturæ vires, ut inimitabilem dicendi felicitatem assequaris, quid stultius, quam in eo discrucari, quod non potest contingere? Ad hæc nec materiæ cuius, nec personis omnibus congruit Tulliana phrasis, & si congrueret, quædam negligere præstat, quam nimio parare. Si M. Tullio tanti constitisset sua facundia, quanti nobis, aliqua ni fallor ex parte neglexisset orationis ornamenta. Nimio vero paratur, quod tanto ætatis, valetudinis ac vitæ etiam dispendio emittitur. Nimio paratur, cujus gratia disciplinas cognitu magis necessarias negligimus. Denique nimio paratur, quod pietatis jactura emittitur. Si ideo discitur eloquentia, ut delectemur otiosos, quid attinet rem scenicam tot vigilis perdiscere? Sin ut persuadeamus quæ sunt honesta, efficacius dixit Phocion Atheniensis quam Demosthenes. Sæpius persuasit Cato Uticensis, quam M. Tullius. Jam si in hoc paratur eloquentia, ut scripta nostra terantur manibus hominum, & si citra studium contingeret Ciceronianæ dictionis similitudo, tamen arte varietas esset affectanda, quæ lectoris nauseanti stomacho mederetur. Tantam vim habet in rebus humanis varietas, ut nec optimis semper expediat uti. Nec usquam non verum est illud Græcorum proverbio jactatum, *μεταβολή πάντων γλῶσσοι*. Nec alio nomine magis commendatur Homerus & Horatius, quam quod rerum ac figurarum admirabili varietate non sinunt oboriri tædium lectionis. Ad hanc nos natura quodammodo finxit, suum cuique tribuens ingenium, ut vix duos reperias, qui eadem vel possint vel ament. Jam quum nihil sit humano stomacho delicatius aut fastidiosius, tum ad eruditionem parandam tantum voluminum nobis sit devorandum, quis posset in perpetua lectione perdurare, si cunctorum esset idem stylus, ac similis dictio? Præstat igitur ut in epulis, ita & in scriptis esse quædam deteriora, quam per omnia similia. Qualis autem esset ille convivor, qui quum plurimos acciperet, inter quos vix duo palati iudicio consentiunt, cibos apponeret omnes eodem more conditos, etiam si delicias Apitianas apponeret? Nunc dum alius alio dicendi genere capitur, fit ut nihil non legatur. Ut ne repetam, quod ipsa quoque natura repugnat isti affectationi, quæ voluit orationem esse speculum animi. Porro quum tanta sit ingeniorum dissimilitudo, quanta vix est formarum aut vocum, mendax erit speculum nisi nativam mentis imaginem referat, & hoc ipsum est, quod in primis delectat lectorem, ex oratione, scriptoris affectus, indolem, sensum, ingeniumque cognoscere, nihilo minus quam si complures annos cum illo consuetudinem egeris. Et hinc diversorum tam diversa erga librorum scriptores studia, prout quemque genius cognatus aut alienus, vel conciliat vel abducit: haud aliter quam in formis corporum, alia species alium delectat offenditve. Dicam quid mihi contigerit. Adolescentem adamabam Poetas omnes. Verum simul atque sum Horatio factus familiarior, præ hoc omnes ceteri putere coeperunt, alioqui per se mirabiles. Quid existimas in causa fuisse, nisi ingeniorum arcanam quamdam affinitatem, quæ in mutis illis literis agnoscitur? Hoc genuinum ac nativum non spi-

x Mutatio omnium res debet.

A rat in oratione nihil nisi Cicronem exprimentium. Quid quod probi viri, quanquam parum felici forma nati sunt, nolint tamen apposita persona formosissimi cujuscumque mentiri speciem, ac ne pingi quidem alia forma sustineant quam dedit natura, quod turpe sit mentita facie imponere cuiquam, & ridicula res sit mendax speculum, aut affectatrix imago. At turpius mendacium sit, si quum sim Bulephorus, velim haberi Nosoponus, aut alius quilibet. An non igitur ab eruditis merito ridentur improbi quidam, qui viros alioqui doctos & eloquentes ac nominis immortalitate dignos, non alio nomine rejiciunt ac velut e bibliothecis submovent, nisi quod seipsos stylo maluerint exprimere quam Cicronem, quum imposturæ genus sit te ipsum non exprimere, sed alienæ formæ præstigiis oculis hominum objicere. Et haud scio an si liceat ita permittente Deo, multos inventuri simus, qui totam corporis sui speciem velint cum aliena commutare, multo pauciores arbitror fore, qui mentem & ingenium totum cum alterius ingenio sint permutaturi. Primum quod nemo velit alius esse quam est, deinde quod suis quibusque dotibus sic temperatus est naturæ providentia, ut etiam si quid addit vitii, virtutibus adjunctis paria faciat. Habet animus faciem quamdam suam in oratione velut in speculo relucens, quam a nativa specie in diversum refingere, quid aliud est, quam in publicum venire personatum? No. Vide ne, quod ajunt, septa tua transfiliat oratio, quæ mihi videtur eo provecta, ut damnet omnem imitationem, quum Rhetorica tribus potissimum constet, præceptis, imitatione, & usu, nisi forte qui M. Tullium imitantur, faciem alienam assument: qui cæteros, suam habent. Bv. Amplector imitationem, sed quæ adjuvet naturam, non violet: quæ corrigat illius dotes, non obruat: probo imitationem, sed ad exemplum ingenio tuo congruens, aut certe non repugnans, ne videare cum gigantibus *Θεομαχῶν*. Rursus imitationem probo non uni addictam præscripto, a cujus lineis non ausit discedere sed ex omnibus auctoribus, aut certe præstantissimis quod in quoque præcellit maxime, tuoque congruit ingenio decerpentem, nec statim atextentem orationi quicquid occurrit bellum, sed in ipsum animum velut in stomachum trajicientem, ut transfusum in venas, ex ingenio tuo natum non aliunde emendicatum esse videatur, ac mentis naturæque tuæ vigorem & indolem spiret, ut qui legit, non agnoscat emblemata Ciceroni detractum, sed foetum e tuo natum cerebro, quem admodum Palladem ajunt e cerebro Jovis, vivam parentis imaginem referentem: nec oratio tua cento quispiam videatur aut opus Musaicum, sed spirans imago tui pectoris, aut amnis e fonte cordis tui promanans. Sit autem prima præcipuaque cura penitus cognoscendæ rei quam tractandam suscipis. Ea tibi suppeditabit orationis copiam, suppeditabit affectus veros ac nativos. Ita demum fiet, ut tua vivat, spiret, agat, moveat & rapiat oratio, teque totum exprimat. Nec statim adulterinum est, quod accedit ex imitatione. Est aliquis cultus qui nec virum de decet & nativam formam commendat, veluti lotio, vultus moderatio, sed in primis cura bonæ valetudinis. Jam si tuam faciem velis ad ejus speciem componere, qui tibi dissimilimus est, nihil agas. Cæterum si videris in quopiam tui non admodum dissimili, effusiore risu immodicaque rictus diductione dehonestari formam, aut adductione superciliorum, corrugatione frontis, subductione nasi, reductione labiorum, aut improba oculorum sublatione, aliisque similibus minus decentem reddi faciem, potes his vitatis tuam formam reddere meliorem, nec tamen vultum sumes alienum, sed tuum compones. Item vides alterum parum decere cæsariem impexam, aut æquo promissiore, tuam licebit corrigere. Rursum si conspexeris in alio quantum addat gratiæ, frontis hilaritas modesta, oculorum verecundia, totusque vultus habitus ad probitatem compositus, ut nec torvum quicquam aut insolens, nec leve aut incompositum præ se ferat, non erit præstigiū, si tuum vultum ad hujus imitationem formaris. Siquidem in te situm est, ut & animus vultui respondeat. Quoniam autem varia est formarum gratia, ne statim existimes deterius, quod dissimile est illi, cujus formam miraris. Nam quemadmodum diximus, fieri potest, ut qui inter se dissimilissimi sunt, æquales tamen sint. Nec

1023


Nec quicquam vetat, quin Ciceroni dissimillimus, potior sit eo, qui Ciceronis lineamenta propius exprimit. Age ponamus aliquantisper nostros amores, ex iudicio rationis, non ex affectu feramus sententiam: si tibi tua Pitho det optionem, utrum pro Noso pono Quintilianus esse malis, an is qui de Rhetoricis scripsit ad Herennium, utrum eliges? No. Equidem malim esse Quintilianus. Bv. Et tamen alter quanto Ciceroni similior est? Utrum malles esse, Sallustius, an Q. Curtius? No. Malim esse Sallustius. Bv. At Q. Curtius propius accedit ad Ciceronem. Bv. Utrum malis esse Leonardus Aretinus, an Laurentius Valla? No. Malim Valla. Bv. Leonardus tamen Ciceroni vicinior est. Utrum malles esse Hermolaus Barbarus, an Christophorus Landinus? No. Barbarus. Bv. At alter ille propinquior est M. Tullio. Utrum malles esse Politianus, an Paulus Cortesius? No. Politianus. Bv. At alter videri postulat Ciceronianus. Jam utrum malles esse Tertullianus, hæresim excipio, an Beda? No. Tertullianus. Bv. At Beda plus habet phraeos Ciceronianæ. Utrum malles esse Hieronymus, an Lactantius? No. Hieronymus. Bv. At alter quantus est Ciceronis simius? Vides igitur non continuo melius dicere eum qui propius accedit ad Ciceronem, nec pejus qui dissimilior est. Denique quemadmodum plures esse possunt Attici, qui tamen inter se dissimilimi sunt: ita nihil vetat, quo minus plures dicantur Ciceroniani, qui dicendi virtutibus pares sunt, quum inter se similes non sint. At quis ferat sciolos quosdam, miro supercilio rejicientes, quicquid non referat lineamenta Tullianæ phraeos, quam verbulis duntaxat, figuris & numeris, expendunt? Frigide sectatur Tullianam phrasim, qui non multorum auctorum lectione, multarum disciplinarum scientia, multarum cognitione rerum instructus accedit, ne repetam quod dictum est de vi naturæ & prudentia. Feram tamen hanc ineptam gloriam in adolescente, feram in doctis, qui hunc nævum multis egregiis dotibus pensant, quis ferat senes qui nihil aliud captant, quam ut sint Ciceroniani, qui viros ipsos & eruditiores & eloquentiores eradunt ex albo scriptorum, quod ausint a Ciceronis lineamentis alicubi recedere, quum ipsi fere adeo Ciceroniani non sint, ut subinde destituantur Grammaticæ præfidiis? Non exprimam quorundam nomina, quibus fortasse in votis sit vel sic innotescere. De Bartholomæo Scala dicam, cui Hermolaus & Politianus visi sunt parum Ciceroniani, ipse sibi Tullianus est visus, utcumque dissimulat. At ego malim somnia Politiani, quam quæ Scala sobrius summoque studio elaboravit. Paulus Cortesius non dissimulat hujus affectationis studium, sed Deum immortalem, quanto longius illius Epistola discrepat ab imagine Ciceronis, quam Politianica cui respondet. Sed non alia re mihi videtur Ciceroni dissimilior Cortesius, quam quod toto fere sermone aberrat a scopo. Sic enim agit causam, quasi Politianus deterreat ab imitatione Ciceronis, tum quasi nolit eum qui scribit, ullum scriptorem sibi imitandum proponere: quum eos taxet, qui nulla lectione bonorum auctorum, nulla eruditione, nullo usu instructi, tantum hoc moluntur ut Ciceronis expriment lineamenta, quos ob id simios appellat Ciceronis. Taxat eos qui ex Cicerone verba frustillatim mendicant, qui semper alienis ingrediuntur vestigiis, quum nihil ex se gignant, qui nihil aliud quam imitantur, & verba duntaxat imitantur. Hos negat se ferre posse, qui quum nihil minus sint quam Ciceroniani, tamen Ciceronis titulo sese venditantes, non verentur de summis viris pronunciare. Proinde monet amicum, ut posteaquam Ciceronem primum at non solum, sed cum aliis multis eximiis scriptoribus diutina lectione contrivisset, edidicisset, concoxisset, tum demum si quando pararet aliquid scribere, poneret morosam illam & anxiam sollicitudinem imitandi tantum Ciceronem, nunquam a lineamentis illius oculos deflectens, quod hæc anxietas efficiat, ut minus hoc ipsum assequaris quod sequeris. An hoc est deterere ab imitatione Ciceronis? Num hoc est docere, neminem omnino imitandum esse? An is qui varia lectione instructus, atque, ut ita dicam, saginatus, dum scripturienti, quod in quoque legit optimum, venit in mentem, non imitatur aliquem, etiam si non illis servit nec assidet, sed suos affectus ac rem, de qua parat

A dicere, adhibet in consilium? At Cortesius negat sibi placere simios Ciceronis: Similem, inquit, volo, mi Politianæ, non ut simiam hominis, sed ut filium parentis, eadem loquens quæ dixerat Politianus. Id multis verbis prosequutus, tandem velut immemor sui, fatetur se male esse simium Ciceronis, quam aliorum filium. Si vox hæc, aliorum, complectitur Sallustium, Livium, Quintilianum, Senecam, quis non malit se esse similem illis quemadmodum filius similis est patri, quam sic esse similis M. Tullio, quemadmodum simia similis est homini? Post hæc multa congerit in eos qui sese ingurgitant varia lectione, nec ea quæ legunt concoquunt. Horum orationem existere scabram, inconditam & asperam. Sed quid hæc ad Epistolam Politiani? Si sentit cum illo, cur ita respondet quasi dissentiat? Si dissentit, quæ Politianus probat erant refellenda. Nam illud vel maxime Ciceronianum est, dispicere quid sit in controversia, quid conveniat cum adversario, & in quo sit causæ status, neque quicquam extra causam dicere. Proinde prolixam Epistolam elaboravit Cortesius, magis quam Ciceronianam, cui velut aliena loquenti, nihil respondit Politianus. At Politianus qui audiebat non Ciceronianus, quanto melius Ciceronem exprimit, brevior licet epistola, non tantum sententiarum argutia, verum etiam verbis aptis, elegantibus, ac significantibus? etiam si me non fugit hujus viri meritis famam apud eruditos Italix, malignius respondisse, quam ob rem nescio. Neque vero mihi dicuntur hæc in suggillationem Cortesii: nec enim contumeliosum est postponi vix cuiquam imitabili Politiano, sed ut adolescentibus exemplo commonstretur, quid sit vere Ciceronem exprimere. Hv. Tot ambagibus nos circumagis Bulephore, ut parum absit quin ex Hypologo fiam Hyponofus. Quin tu simpliciter explana, quid de Cicerone, quidque de hoc imitando sentias. No. Hoc ipsum & ego pervelim: nam eo propemodum tua me perduxit oratio, ut statuerim tuis obtemperare consiliis. Bv. Nihil arbitror restare, nisi ut quæ sparsum differta sunt hæcenus, in compendium contrahamus. No. Quis tibi videtur M. Tullius? Bv. Dicendi artifex optimus, atque etiam ut inter Ethnicos vir bonus, quem arbitror si Christianam Philosophiam didicisset, in eorum numero censendum fuisse, qui nunc ob vitam innocenter pieque transactam pro divis honorantur. Artem & usum in illo plurimum valuisse fateor: sed multo maximam eloquentiæ suæ partem debuit naturæ, quam nemo sibi dare potest. Nec alium e Latinis Scriptoribus arbitror magis habendum in sinu pueris & adolescentibus, qui in eloquentiæ laudem educantur. Poetarum tamen lectionem Latinorum duntaxat volo priorem esse, quod hoc Musæ genus magis convenit ætati teneræ. Nec quemquam ad Ciceronis accuratam imitationem vocari volo, nisi prius cognitis artis Rhetoricæ præceptis. Post hæc adesse volo commonstratorem artis, veluti solent pictores discipulis in tabula quapiam insigni demonstrare, quid ex arte factum sit, quid contra. Rursus M. Tullium in parte studiorum, præcipuum ac primum esse volo, non solum, nec sequendum tantum puto, sed imitandum potius, atque æmulandum etiam. Etenim qui sequitur, alienis ingreditur vestigiis, & servit præscripto. Porro vere dictum est, eum non posse bene ambulare, qui pedem semper ponit in alieno vestigio: nec unquam bene natum, qui non audet abjicere suber. Imitator autem non tam eadem dicere studet quam similia, imo ne similia quidem interdum, sed paria magis. Æmulator vero contendit etiam melius dicere si possit. Nullus autem fuit unquam tam absolutus artifex, in cuius opere non aliquid deprehendas, quod melius reddi possit. Ad hæc nolim hanc imitationem nimis anxiam ac superstitionem esse. Nam hoc ipsum obstat quo minus efficiamus quod volumus. Nec ita censeo M. Tullium adamandum, ut a cæteris omnibus abhorreas, sed optimos quoque primum legendos, & ex optimis, quod in quoque est optimum excerpendum: neque enim est necesse, ut quemquam totum imiteris. Nec illos aspernandos censeo, qui dictionem quidem non multum juvant, sed tamen rerum copiam suppeditant, velut Aristoteles, Theophrastus, & Plinius. Ad hæc nolim quemquam sic addictum esse Ciceroni imitando, ut a suo recedat genio, & valetudinis vitæque dispendio confectetur, quod repugante

gnante Minerva non possit assequi: vel nimio constaturum sit, si tandem assequatur. Præterea nolim hoc solum agi, nec ita laudem Ciceronianæ dictionis ambiendam arbitror, ut Liberales disciplinas, cum primis necessarias, negligas. Ab istis vero, velut a peste cavendum, qui clamitant esse nefas uti voce, quæ non reperiatur in libris Tullianis. Posteaquam enim jus Latini sermonis desit esse penes vulgarem consuetudinem, quicquid vocabulorum deprehenditur apud idoneos Scriptores, usurpemus nostro jure, quum opus est, & si durius obsoletumque videtur, quod a paucis sit usitatum, nos in lucem proferamus, crebraque ac tempestiva usurpatione molliamus. Quæ tandem invidia sit, quum veteres Græcorum voces mutuo sumpserint, quoties Latinæ vel deerant, vel minus significantes habebantur, nos ubi res postulat a dictionibus, quas apud probatos auctores comperimus temperare? Nec minore studio fugiendi videntur & illi, qui rejiciendum & omnino lectu indignum vociferari solent, quicquid verbis, formulis & numeris non effectum sit ad Ciceronis imitationem, quum liceat diversis virtutibus, si non similes, certe pares esse Ciceroni. Absit a nobis hæc fastidiosa morositas, quin potius quod Naso ludens narrat sibi accidisse in puellarum amoribus, id nos serio præstemus in auctorum lectione. Illi proceram commendabat puellam, quod heroina videretur, brevis placebat ob commoditatem, primam ætatem flos ipse commendabat, grandiorum rerum usus, in illiterata delectabat simplicitas, in erudita ingenium, in candida coloris gratiam amabat, in fusca nescio quid latentis gratiæ sibi fingebat. Eodem candore si nos ex singulis Scriptoribus excerpemus quod habent probandum, nulum fastidimus, sed ex omnibus aliquid delibabimus, quod nostram condit orationem. Cæterum illud ante omnia providendum, ne simplex ac rudis ætas Ciceroniani cognominis præstigio decepta, pro Ciceroniana fiat Paganæ. Videmus enim hujusmodi pestes non dum prorsus extinctas, subinde meditari repullulascientiam, sub hoc fuco veteres hæreses, sub alio Judaïsmum, sub alio Paganitatem. Sic ante complures annos factiones oriri cœperant apud Italos Platoniorum & Peripateticorum. Facessant hæc diffidiorum cognomina, ea potius inculcemus,

A quæ & in studiis & in religione, & in omni vita concilient alantque mutuam benevolentiam. Proinde de rebus sacris primum ea combibenda est persuasio, quæ vere Christiano digna sit. Id si fiat, nihil videbitur ornatius cœlesti Philosophia, nihil suavius Jesu Christi nomine, nihil venustius vocabulis, quibus Ecclesiæ lumina res arcanas tractarunt. Nec videbitur ullius sermo venustus, qui non congruit personæ, nec rebus est accommodatus, monitrosus etiam qui res pietatis tractat verbis impiorum, quique materiam Christianam Paganicis nugis contaminat. Quod si quid hic veniæ datur adolescentiæ, ne sibi sumat idem juris ætas provectior. Qui sic est Ciceronianus, ut parum sit Christianus, is ne Ciceronianus quidem est, quod non dicit apte, non penitus intelligit ea de quibus loquitur, non afficitur his ex animo de quibus verba facit. Postremo non eodem ornatu tractat res suæ professionis, quibus Cicero tractavit argumenta suorum temporum. Huc discuntur Disciplinæ, huc Philosophia, huc Eloquentia, ut Christum intelligamus, ut Christi gloriam celebremus. Hic est totius eruditionis & eloquentiæ scopus. Admonendi sumus & illud, ut quod in Cicerone præcipuum est imitemur. Id non in verbis, aut orationis superficie, sed in rebus ac sententiis, in ingenio consilioque situm est. Quid enim refert, si filius parentem oris lineamentis referat, quum ingenio moribusque sit dissimilis? Postremo si non continget nobis, ut istorum suffragiis Ciceroniani dicamur, moderate ferendum est, quod nobis cum tot egregiis viris, quos ante recensuimus, commune est. Stultum est sequi quod assequi non possis. Delicatum est ob id misere discrucari, quod tot eximii Scriptores æquo tulerunt animo: Indecorum est affectare, quæ nobis non congruunt: Ineptum est aliter velle dicere, quam res postulat: Insanum est tantis vigiliis emere, quod vix usquam sit usui futurum. Hujusmodi ferme pharmacis Medicus ille meo me morbo liberavit, quæ si non gravabimini devorare, spero futurum, ut & te Nosopone, & te Hypologe febris ista relinquat. Hy. Ego sane jam dudum morbo levatus sum. No. Et ipse propemodum, nisi quod mali diu familiaris etiamnum reliquias aliquas sentio. Bv. Istæ paulatim elabentur, & si quid opus erit, de novo τὸν λόγον Medicum accersemus.

F I N I S.



D E
CIVILITATE
MORUM PUERILIUM
LIBELLUS;

AUCTORE
DESIDERIO ERASMO
ROTTERODAMO.

CAP. I. De Corpore. pag.	1033
II. De Cultu.	1036
III. De moribus in Templo.	1037
IV. De Conviviis.	ibid.

V. De Congressibus.	1041
VI. De Lusu.	1042
VII. De Cubiculo.	1043

DESIDERIUS ERASMUS ROTERODAMUS
GENEROSO CUM PRIMIS ET OPTIMÆ SPEI PUERO
HENRICO A BURGUNDIA,
ADOLPHI PRINCIPIS VERIANI FILIO,
S.

CAP. I.
DE CORPORE.

Ab ex-
emploa majo-
re.

Occasio.



Inter maximum illum Paulum non piguit omnia fieri omnibus, quo prodesse posset omnibus, quanto minus ego gravari debeo iuvandæ juventutis amore subinde repuerascere. Itaque quemadmodum pridem ad Maximiliani a Burgundia fratris tui primam adolescentiam

memet accommodavi, dum adolescentulorum formo linguam: ita nunc, Henrice suavissime, me ad tuam attempero pueritiam de puerorum moribus præcepturus: non quod tu hisce præscriptis magnopere egeas, primum ab incunabulis inter aulicos educatus mox nactus Joannem Crucium tam insignem formandæ rudis ætatis artificem: aut quod omnia quæ præscribemus ad te pertineant, & e Principibus & Principatui natum: sed ut libentius hæc ediscant omnes pueri, quod amplissimæ fortunæ summæque spei puero dicata sunt. Nec enim mediocre calcar addet universæ publi, si conspexerint heroum liberos a primis statim annis dicari studiis, & in eodem cum ipsis stadio currere.

Dispositio
Instituendi
pueros
ratio
non sim-
plex.

Munus autem formandi pueritiam multis constat partibus, quarum sicuti prima, ita præcipua est, ut tenellus animus imbibat pietatis seminaria: proxima, ut liberales disciplinas & amet, & perdiscat: tertia est, ut ad vitæ officia instruat: quarta est, ut a primis statim ævi rudimentis civilitati morum assuescat. Hanc postremam nunc mihi proprie sumpsi. Nam de superioribus cum alii complures, tum nos quoque permulta conscripsimus. Quanquam autem externum illud corporis decorum ab animo bene composito proficiscitur, tamen incuria præceptorum nonnunquam fieri videmus, ut hanc interim gratiam in probis & eruditis hominibus desideremus. Nec inficior hanc esse crassissimam Philosophiæ partem, sed ea, ut sunt hodie mortalium iudicia, plurimum conducit, & ad conciliandam benevolentiam, & ad præclaras illas animi dotes oculis hominum commendandas. Decet autem ut homo totus sit compositus animo, corpore, gestibus, ac vestitu: sed in primis pueros decet omnis modestia, & in his præcipue nobiles. Pro nobilibus autem habendi sunt omnes, qui studiis liberalibus excolunt animum. Pingant alii in clypeis suis leones, aquilas, tauros, & leopardos, plus habent veræ nobilitatis, qui pro insignibus suis tot possunt imagines depingere, quot perdidicerunt artes liberales.

Quid o-
culos de-
ceat.

Ut ergo bene compositus pueri animus undique reluceat, relucet autem potissimum in vultu, sint oculi placidi, verecundi, compositi: non torvi, quod est truculentia: non improbi, quod est impudentia: non vagi ac volubiles, quod est infania: non limi, quod est suspiciosorum & insidias molientium: nec immodice diducti, quod est stolidorum: nec subinde conniventibus genis ac palpebris, quod est inconstantium: nec stupentes, quod est attonitorum, id quod est in Socrate notatum: nec nimium acres, quod est iracundiæ signum: non innuentes ac loquaces, quod est impudiciæ signum: sed animum sedatum ac reverenter amicis præ se ferentes. Nec

Socrates
attoni-
tus.

A enim temere dictum est a priscis Sapientibus, animi sedem esse in oculis. Picturæ quidem veteres nobis loquuntur, olim singularis cuiusdam modestiæ fuisse, semiclusis oculis obtueri, quamadmodum apud Hispanos quosdam, semipetos intueri blandum haberi videtur & amicum. Ibidem ex picturis discimus, olim contractis strictisque labiis esse, probitatis fuisse argumentum. Sed quod suapte natura decorum est, apud omnes decorum habetur. Quanquam in his quoque decet interdum nos fieri polypos, & ad regionis morem nosmet attemperare. Jam sunt quidam oculorum habitus, quos aliis aliis addit natura, qui non cadunt sub nostras præceptiones, nisi quod incompositi gestus non raro vitiant, non solum oculorum, verum etiam totius corporis habitum ac formam. Contra compositi, quod natura decorum est, reddunt decentius: quod vitiosum est, si non tollunt, certe tegunt minuuntque. Indecorum est clauso oculorum altero quemquam obtueri. Quid enim hoc aliud est, quam seipsum elufcare? Eum gestum thynnus ac fabris relinquamus.

Picturæ

B

Sint exporrecta supercilia: non adducta, quod est torvitatis: non sublata in altum, quod est arrogantia: non in oculis depressa, quod est male cogitantium.

Compa-
siti ge-
stus.

Frons item hilaris & explanata, mentem sibi bene consciam, & ingenium liberale præ se ferens, non in rugas contracta, quod est senii: non mobilis, quod est erinaciorum: non torva, quod est taurorum.

Superci-
liorum
cura.Frontem
quid de-
ceat.

C

A naribus absit mucoris purulentia, quod est sordidum. Id quoque vitium Socrati Philosopho datum est probo. Pileo aut veste emungi rusticanum, brachio cubitove salsamentariorum: nec multo civilius id manu fieri, si mox pituitam vesti illinas. Strophiliolis excipere narium recrementa decorum, idque paulisper averso corpore, si qui adsint honoratior. Si quid in solum dejectum est emuncto duobus digitis naso, mox pede proterendum est. Indecorum est subinde cum sonitu spirare naribus, bilis id indicium est. Turpius etiam ducere ronchos, quod est furiosorum, si modo fiat usu. Nam spiritosis, qui laborant orthopnoea, danda est venia. Ridiculum naribus vocem emittere, nam id cornicinum est & elephantorum. Crispare nasum, irrisorum est & fannionum. Si aliis præsentibus incidat sternutatio, civile est corpus avertere. Mox ubi se remiserit impetus, signare os crucis imagine, dein sublato pileo resalutatis qui vel salutarunt, vel salutare debuerant, nam sternutatio quemadmodum oscitatio sensum aurium prorsus aufert, precari veniam, aut agere gratias. Alterum in sternutamento salutare religiosum, & si plures adsint natu majores, qui salutant virum aut foeminam honorabilem, pueri est aperire caput. Porro vocis tinnitum studio intendere, aut data opera sternutamentum iterare, nimirum ad virium ostentationem, nugonum est. Reprimere sonitum quem natura fert, ineptorum est, qui plus tribuunt civilitati quam salutem.

Nares
quid de-
ceat.Sternu-
tatio.

D

Malas tingat nativus & ingenuus pudor, non fucus aut adficticius color. Quanquam is quoque pudor sic temperandus est, ut nec vertatur in improbitatem, nec adducat *δυσωμίαν* aut stuporem, & quartum, ut habet proverbium, infaniæ gradum. Quibusdam enim hic affectus tam impotens inlitus est, ut reddat deliranti

Pudor
quid esse
debeat.

Inflare buccas. simillimum. Temperatur hoc malum, si puer inter majores assuecat vivere, & comœdiis agendis exerceatur. Inflare buccas fastus indicium est: eisdem demittere, est animum despondentis: alterum Caimi est, alterum Judæ proditoris.

Os quomodo componendum. Os nec prematur, quod est metuentis alterius halitum haurire, nec hiet, quod est morionum, sed leviter osculantibus se mutuo labris conjunctum sit. Minus etiam decorum est subinde porrectis labiis veluti poppysimum facere, quanquam id magnatibus adultis per mediam turbam, incedentibus condonandum est: illos enim decent omnia, nos puerum formamus.

Ofcitatio. Si fors urgeat ofcitatio, nec datur averti aut cedere, strophio volave tegatur os, mox imagine crucis obfignetur. Omnibus dictis aut factis arridere stultorum est, nullis arridere stupidorum. Obscene dictis aut factis arridere nequitia est. Cachinnus & immodicus ille totum corpus quatiens risus, quem ob id Græci *κακὸν* appellant, nulli decorus est ætati, nedum pueritiæ. Dedecet autem quod quidam ridentes hinnitum edunt. Indecorus & ille qui oris rictum late diducit

Vultus hilaritatis. corrugatis buccis, ac nudatis dentibus, qui caninus est, & Sardonius dicitur. Sic autem vultus hilaritatem exprimat, ut nec oris habitum dehonestet, nec animum dissolutum arguat. Stultorum illæ voces sunt, risu diffuso, risu diffilio, risu emorior: & si qua res adeo ridicula inciderit, ut nolentibus ejusmodi risum exprimat, mappa manu tegenda facies. Solum aut nullam evidentem ob causam ridere, vel stultitiæ tribuitur, vel insanitiæ. Si quid tamen ejusmodi fuerit obortum, civilitatis erit aliis aperire risus causam: aut si non putes proferendam, commentitium aliquid adferre, ne quis se derideri suspicetur. Superioribus dentibus labrum inferius premere, inurbanum est, hic enim est minantis gestus, quemadmodum & inferioribus mordere superius. Quin & laborum oras lingua circumvoluta subinde lambere ineptum. Porrectioribus esse labris, & velut ad osculum compositis, olim apud Germanos fuisse blandum indicant illorum picturæ. Porrecta lingua deridere quemquam scurrile est.

Labra quid debeat. Aversus expuere, ne quem conspuas adspargasve. Si quid purulentius in terram rejectum erit, pede (ut dixi) proteratur, ne cui nauseam moveat. Id si non licet, linteolo sputum excipito. Resorbere salivam inurbanum est, quemadmodum & illud quod quosdam videmus non ex necessitate, sed ex usu ad tertium quodque verbum expuere. Quidam indecore subfussunt identidem inter loquendum, idque non ex necessitate, sed ex more: is gestus est mentientium, & inter dicendum quid dicant comminiscendum. Alii minus etiam decore ad tertium quodque verbum eructant, quæ res si a teneris annis abierit in consuetudinem, hæret etiam in grandioræ ætatem. Idem sentiendum de screatu, quibus nominibus a servo notatur Terentianus Clitipho. Si tussis urgeat, cave ne cui in os tussias, & absit ineptia clarius tussiendo, quam natura postulet. Vomitus secede, nam vomere turpe non est, sed ingluvie vomitum accersisse, deforme est.

Tussis. Dentium mundities curanda est, verum eos pulvisculo candidare puellarum est, sale aut alumine defricare, gingivæ perniciosum. Idem lotio facere Iberorum est. Si quid inhæsit dentibus, non cultello, non unguibus, canum feliumve more, non mantili eximendum est, sed vel lentisci cuspidem, vel penna, vel officulis e galorum aut gallinarum tibiis detractis. Os mane pura aqua proluere, & urbanum est & salubre, subinde id facere ineptum. De linguæ usu suo dicemus loco.

Denarium cura. Rusticanum est impexo esse capite, adsit mundities, non nitor puellaris. Absint sordes lendium & vermiculorum. Subinde scabere caput apud alios, parum decet, quemadmodum unguibus reliquum fricare corpus fordidum est, præsertim si fiat usu non necessitate. Coma nec frontem tegat, nec humeris involitet. Subinde concusso capite discutere capillitium, lascivientium est e quorum. Cæsariem a fronte in verticem læva retorquere, parum elegans est, manu discriminare modestius.

Capitulum. Inflectere cervicem & adducere scapulas pigritiam arguit, resupinare corpus fastus indicium est, molliter erectum decet. Cervix nec in lævum, nec in dextrum vergat: hypocriticum enim, nisi colloquium aut aliud simile postulet. Humeros oportet æquo libramine temperare, non in morem antennarum alterum attollere, alterum deprimere. Nam huiusmodi gestus in pueris neglecti, vertuntur in naturam, & corporis habitum præter naturam deformant. Itaque qui prædesidia collegerunt consuetudinem inflectendi corpus, sibi gibbum conciliant, quem natura non dederat, & qui deflexum in latus caput habere consueverunt, in eum habitum indurescunt, ut adulti frustra mutare nitantur. Si quidem tenera corpuscula plantulis similia sunt, quæ in quamcunque speciem furca funiculoque deflexeris, ita crescunt & indurescunt. Utrumque brachium in tergum detorquere, simul & pigritiæ speciem habet & furoris: neque multo decentius est altera manu in ilia injecta ad stare sedereve, quod tamen quibusdam elegans ac militare videtur. At non statim honestum est quod stultis placuit, sed quod naturæ & rationi consentaneum est. Reliqua dicentur quum ad colloquium, & convivium ventum erit.

Ab incommodo consuetudinis. Membra quibus natura pudorem addidit reterege citra necessitatem procul abesse debet ab indole liberali. Quin ubi necessitas huc cogit, tamen id quoque decente verecundia faciendum est, etiam si nemo testis addit. Nunquam enim non adsunt Angeli, quibus in pueris gratissimus est pudicitiae comes custosque pudor. Quorum autem conspectum oculis subducere pudicum est, ea multo minus oportet alieno præbere contactui. Lotium remorari valetudini perniciosum, secreto reddere verecundum. Sunt qui præcipiant ut puer compressis natibus ventris flatum retineat. Atqui civile non est, dum urbanus videri studes morbum accerere. Si licet secedere, solus id faciat. Sin minus, juxta vetustissimum proverbium, Tussi crepitum dissimulet. Alioqui cur non eadem opera præcipiunt ne alvum deiciant, quum remorari flatum periculosius sit quam alvum stringere? Diductis genibus sedere, aut divaricatis tibis distortis stare, Thraconum est. Sediti cocant genus, stanti pedes, aut certe modice diducantur. Quidam hoc gestu sedent ut alteram tibiā altero genu suspendant, nonnulli stant decussatim compositis tibiis, quorum alterum est anxiorum, alterum ineptorum. Dextro pede in lævum femur injecto sedere priscorum Regum mos est, sed improbatum. Apud Italos quidam honoris gratia pedem alterum altero premunt, unique propemodum insistant tibiæ ciconiarum ritu, quod an pueros deceat nescio. Itidem in flectendis genibus aliud apud alios decet, dedecetque. Quidam utrumque pariter inflectunt, idque rursus alii recto corpore, alii non nihil incurvato. Sunt qui hoc ceu muliebre rati, similiter erecto corpore, primum dextrum incurvant genu, mox sinistrum, quod apud Britannos in adolescentibus laudi datur. Galli modulato corporis circumactu dextrum duntaxat inflectunt. In his in quibus varietas nihil habet cum honesto pugnans liberum erit, vel vernaculis uti moribus, vel alienis obsecundare, quando sunt quos magis capiant peregrina. Incessus nec fractus sit, nec præceps, quorum alterum est mollium, alterum furiosorum: nec vacillans, quod a Fabio improbatum. Nam ineptam in incessu subclaudicationem Suiceris militibus relinquamus: & iis qui magnum ornamentum ducunt, in pileo gestare plumas. Tamen vidimus Episcopos hoc gestu sibi placere. Sedentem pedibus ludere stultorum est, quemadmodum & manibus gesticulari, parum integræ mentis indicium est.

Pudor servandus. *A. mi. nore.* *Lotium.* *Flatus ventris.* *Sediti cocant genus.* *Quomodo.* *Genu flectendi ratio.* *Incessus.* *Transversio a d. versu.*

C A P. II. D E C U L T U.

IN summa dictum est de corpore, nunc de cultu paucis, eo quod vestis quodammodo corporis corpus est, & ex hac quoque licet habitum animi conijcere. Quanquam hic certus præscribi modus non potest, eo quod non omnium par est vel fortuna, vel dignitas: nec apud omnes nationes eadem decora sunt aut indecora:

Vestis
que de-
ceat aut
minus.

ora: postremo nec omnibus seculis eadem placent displicentve. Unde quemadmodum in aliis multis, ita hic quoque nonnihil tribuendum est, juxta proverbium, νόμος καὶ χάρις, atque etiam καὶ εὐχὴ, cui servire jubent sapientes. Est tamen in hisce varietatibus, quod per se sit honestum aut secus, velut illa quæ nullum habent usum, cui paratur vestis. Prolixas trahere caudas in foeminis ridetur, in viris improbat: an Cardinales & Episcopos deceat aliis æstimandum relinquo. Multitia nunquam non probro data sunt tum viris tum foeminis: quandoquidem hic est alter vestis usus, ut ea tegat quæ impudice ostenduntur oculis hominum. Olim habebatur parum virile, discinctum esse, nunc idem nemini vitio vertitur, quod indusiis, subuculis, & caligis repertis tegantur pudenda, etiam si diffuat tunica. Alioqui vestis brevior, quam ut inclinanti tegas partes quibus debetur honos, nusquam non inhonesta est. Dissicare vestem amentium est, picturatis ac versicoloribus uti, morionum est ac simiorum. Ergo pro modo facultatum ac dignitatis, proque regione & more adsit cultui mundities, nec sordibus notabilis, nec luxum aut lasciviam aut fastum præ se ferens. Neglectior cultus decet adolescentes, sed citra immunditiam. Indecore quidam interularum ac tunicarum oras adspargine lotii pingunt, aut sinum brachialiaque indecoro tectorio incrustant, non gypso, sed narium & oris pituita. Sunt quibus vestis in alterum latus defluit, aliis in tergum ad renes usque, nec defunt quibus hoc videatur elegans. Ut totum corporis habitum mundum & compositum esse decet, ita decet illum corpori congruere. Si quid elegantioris cultus dedere parentes, ne te ipsum reflexis oculis contemplare, nec gaudio gestias, aliisque ostentes, nam alterum simiarum, alterum pavonum: mirentur alii, tu te bene cultum esse nescias. Quo major est fortuna, hoc est amabilior modestia. Tenuioribus in conditionis solatium concedendum est, ut moderate sibi placeant. At dives ostentans splendorem amictus, aliis suam exprobrat miseriam, sibi que constat invdiam.

CAP. III.

DE MORIBUS IN TEMPLO.

Tem-
plum.
Sema.

Missi.

Concio-
nes.

Quoties fores templi præteris, nudato caput, ac modice flexis genibus ad sacra verso vultu, Christum Divosque salutato. Idem & alias faciendum, sive in urbe, sive in agris, quoties occurrat imago crucis. Per ædem sacram ne transieris, nisi simili religione saltem brevi precatiuncula Christum appelles, idque recto capite, & utroque genu flexo. Cum sacra peraguntur, totum corporis habitum ad religionem decet componere. Cogita illic præsentem Christum cum innumeris Angelorum millibus. Et si qui Regem hominem alloquutus circumstante procerum corona, nec caput aperiat, nec genua flectat, non jam pro rustico, sed pro infano haberetur ab omnibus: quale est, illic opertum habere caput, erecta genua, ubi adest Rex ille Regum immortalis & immortalitatis largitor, ubi venerabundi circumstant ætherei spiritus. Nec refert, si eos non vides, vident illi te, nec minus certum est illos adeste, quam si videres eos oculis corporeis. Certius enim cernunt oculi fidei quam oculi carnis. Indecentius etiam est quod quidam in templis obambulant, & Peripateticos agunt. Atqui deambulationibus porticus & fora conveniunt, non templa, quæ sacris concionibus, mysteriis, ac deprecationi dicata sunt. Ad concionantem spectent oculi, huic attentæ sint aures, huic inhiat animus omni cum reverentia, quasi non hominem audias, sed Deum per os hominis tibi loquentem. Quum recitatur Evangelium assurge, & si potes ausculta religiose. Quum in Symbolo canitur, & homo factus est; in genua procumbe, vel hoc pacto te submittens in illius honorem, qui fecit pro tua salute, quum esset supra omnes coelos demisit in terras; quum esset Deus, dignatus est homo fieri, ut te faceret Deum. Dum peraguntur mysteria, toto corpore ad religionem composito ad altaria versa sit facies, ad Christum animus. Altero genu terram contingere, erecto altero

A cui lævus innitatur cubitus, gestus est impiorum militum, qui Domino Jesu illudentes dicebant: Ave Rex Judæorum. Tu demitte utrumque, relinquo etiam corpore nonnihil inflexo ad venerationem. Relinquo tempore aut legatur aliquid e libello, sive preclarum, sive doctrinæ salutaris, aut mens coeleste quippiam meditetur. Eo tempore nugas obgannire ad aurem vicini, eorum est, qui non credunt illic adeste Christum: huc illuc circumferre vagos oculos, amentium est. Existima te frustra templum adisse, nisi inde melior discesseris, puriorque.

CAP. IV.
DE CONVIVIIS.

B IN conviviiis adsit hilaritas, absit petulantia: non nisi lotus accumbe, sed ante præfectis unguibus, ne quid in his hæreat sordium, dicarisque ὑποκρινδύλος, ac prius clam reddito lotio, aut si res ita postulet, exonerata etiam alvo: & si forte strictius cinctum esse contingat, aliquantulum relaxare vincula consultum est, quod in accubitu parum decore fiat. Abstergens manus, simul abjice quicquid animo ægre est. Nam in convivio nec tristem esse decet, nec contristare quemquam. Jussus consecrare mensam, vultum ac manus ad religionem composito, spectans aut convivii primarium, aut si fors adest, imaginem Christi, ad nomen Jesu matrisque Virginis, utrumque flectens genu. Hoc muneris si cui alteri delegatum fuerit, pari religione tum auscultato, tum respondeto. Sedis honorem alteri libenter cede, & ad honoratiorem locum invitatus, comiter excusa: si tamen id crebro serioque jubeat aliquis auctoritate præditus, verecunde obtempera, ne videre pro civili præfractus. Accumbens utramque manum super mensam habe, non conjunctim, nec in quadra. Quidam enim indecore, vel unam, vel ambas habent in gremio. Cubito vel utroque vel altero inniti mensæ, senio morbove lassus condonatur: idem in delicatis quibusdam aulicis, qui se decere putant quicquid agunt, dissimulandum est, non imitandum. Interea cavendum, ne proxime accumbenti cubito, neu ex adverso accumbenti pedibus sis molestus. In sella vacillare, & nunc huic, nunc alteri nati vicissim insidere, speciem habet subinde ventris flatum emittentis, aut emittere conantis. Corpus igitur æquo libramine sit erectum. Mantile si datur, aut humero sinistro, aut brachio lævo imposito. Cum honoratioribus accubiturus, capite pexo, pileum relinquo, nisi vel regionis mos diversum suadeat, vel alicujus auctoritas præcipiat, cui non parere sit indecorum. Apud quasdam nationes mos est, ut pueri stantes ad majorum mensam capiant cibum extremo loco, resecto capite. Ibi ne puer accedat nisi jussus, ne hæreat usque ad convivii finem, sed sumpto quod satis est, sublata quadra sua, flexo poplite salutet convivas; præcipue qui inter convivas est cæteris honoratior. A dextris sit poculum & cultellus escarius rite purgatus, ad lævam panis. Panem una vola pressum, summis digitis retingere, quorundam aulicorum delicias esse finito, tu cultello seca decerans, non undique revellens crustum, aut utrinque refecans: delicatiorum hoc est. Panem veteres in omnibus conviviiis ceu rem sacram religiose tractabant, unde nunc quoque mos relictus est, eum forte delapsum in humum exosculari. Convivium statim a poculis auspicari potiorum est, qui bibunt, non quod sitiant, sed quod soleant. Nec ea res solum moribus est inhonesta, verum etiam officit corporis valetudini. Nec statim post sumptam ex jure offam, bibendum, multo minus post lactis esum. Puero sæpius quam bis aut ad summum ter in convivio bibere, nec decorum est, nec salubre. Semel bibat aliquamdiu pascus de secundo missu, præsertim sicco: deinde sub convivii finem, idque modice sorbendo, non ingurgitando, nec equorum sonitu. Tum vinum, tum cerevisia, nihilominus quam vinum inebrians, ut puerorum valetudinem lædit ita mores dedecorat. Aqua fervida convenit ætati, aut si id non patitur, sive regionis qualitas, sive alia quæpiam causa, tenui cerevisia utitor, aut vino nec arden-
ti,

ti, & aqua diluto. Alioqui mero gaudentes hæc sentiunt præmia, dentes rubiginosi, genæ defluentes, oculi lusciosi, mentis stupor, breviter senium ante senectam. Antequam bibas præmande cibum, nec labra admoveas poculo, nisi prius mantili aut linteolo absterfa, præsertim si quis suum poculum tibi porrigit, aut ubi de communi bibitur poculo. Inter bibendum intortis oculis alios intueri illiberale est, quemadmodum & ciconiarum exemplo cervicem intergum reflectere, ne quid hæreat in imo cyatho, parum est liberale. Salutantem poculo refalutet comiter, & ad motis labris cyatho, paululum libans bibere se simulet: hoc civili nugoni satis erit. Qui rusticus urgeat, polliceatur se tum responsurum, quum adoleverit.

Quidam ubi vix bene confederint, mox manus in epulas conjiciunt. Id luporum est, aut eorum qui de chytropode carnes nondum immolatas devorant, juxta proverbium. Primus cibum appositum ne attingito, non tantum ob id quod arguit avidum, sed quod interdum cum periculo conjunctum est, dum qui avidum inexploratum recipit in os, aut exspuere cogitur, aut si deglutiat adurere gulam, utroque ridiculus æque ac miser. Aliquantisper morandum, ut puer assuecat affectui temperare. Quo consilio Socrates ne senex quidem unquam de primo cratere bibere sustinuit. Si cum majoribus accumbit puer, postremus, nec id nisi invitatus, manum admoveat patinæ. Digitos in jussulenta immergere agrestium est, sed cultello fuscinae tollat quod vult: nec id ex toto eligat disco, quod solent liguritores, sed quod forte ante ipsum jacet, sumat: quod vel ex Homero discere, apud quem creber est hic versiculus:

Οὐδ' ἐπ' οὐκ ἐπὶ τοῖμα προκείμενα χεῖρας ἱάλλων.

Id quoque si fuerit insigniter elegans, alteri cedat, & quod proximum est accipiat. Ut igitur intemperantis est in omnes patinæ plagas manum immittere, ita parum decorum patinam invertere, quo veniant ad te lautiora. Si quis alius cibum porrexerit elegantior, præfatus excusatiunculam recipiat, sed resecta sibi portiuncula reliquum offerat ei qui porrexerat, aut proxime affidenti communicet. Quod digitis excipi non potest, quadra excipiendum est. Si quis e placenta vel artocrea porrexerit aliquid, cochleari, aut quadra excipe, aut cochleari porrectum accipe, & inverso in quadram cibo, cochleare reddito. Si liquidius est quod datur, gustandum sumito, & cochleare reddito, sed ad mantile exterfum. Digitos unctos vel ore prælingere, vel ad tunicam extergere pariter incivile est, id mappa potius aut mantili faciendum. Integros bolos subito deglutire ciconiarum est, ac balatronum. Siquid ab alio fuerit resectum, incivile est manum quadramve porrigere, priusquam ille structor offerat, ne videre præripere, quod alteri paratum erat. Quod porrigitur, aut tribus digitis, aut porrecta quadra excipiendum. Si quod offertur non congruit tuo stomacho, cave ne dixeris illud Comici Clitiphonis, non possum pater, sed bene agito gratias. Est enim hoc urbanissimum recusandi genus. Si perstat invitator, verecunde dicito aut non convenire tibi, aut te nihil amplius requirere.

Discenda est a primis statim annis secandi ratio, non supersticiosa, quod quidam faciunt, sed civilis & comoda. Aliter enim inciditur armus, aliter coxa, aliter cervix, aliter cratis, aliter capus, aliter phasianus, aliter perdix, aliter anas: qua de re sigillatim præcipere ut prolixum sit, ita nec operæ precium. Illud in universum tradi potest: Apitiorum esse, omni ex parte quicquid palato blanditur abradere. Abs te semesa alteri porrigere, parum honesti moris est: panem prærosus iterum in jus immergere rusticorum est. Sicut & cibum mansum faucibus eximere, & in quadram repone, inelegans est. Nam si quid forte sumptum est quod deglutiri non expedit, clam averfus aliquo projiciat. Cibum ambesum aut ossa semel in quadram seposita repetere, vitio datur. Ossa, aut si quid simile reliquum est, ne sub mensam abjeceris, pavimentum conspurcans, nec in mensæ stragulam projice, nec in

A patinam repone, sed in quadrae angulum sepone, aut in discum qui apud nonnullos reliquiis excipiendis adponitur. Canibus alienis de mensa porrigere cibum, ineptiæ tribuitur: ineptius est illos in convivio contrectare. Ovi putamen digitorum unguibus aut pollice repurgare ridiculum est: idem inserta lingua facere magis etiam ridiculum, cultello id fit decentius. Ossa dentibus arrodere caninum est, cultello purgare civile. Tres digiti salino impressi, vulgari joco dicuntur agrestium insignia. Cultello sumendum est salis quantum satis est. Si longius abest salinum, porrecta quadra petendum est. Quadram aut patinam cui saccharum aut aliud suave quiddam adhæsit, lingua lambere felium est, non hominum. Carnem prius minutim in quadra dissecat, mox addito pane simul aliquamdiu mandat, priusquam trajiciat in stomachum. Id non solum ad bonos mores, verum etiam ad bonam valetudinem pertinet. Quidam devorant verius quam edunt, non aliter quam mox (ut ajunt) abducendi in carcerem. Latronum est ea tuburcinatio. Quidam tantum simul in os ingerunt, ut utrinque ceu folles tumeant buccæ: alii mandendo diducti labiorum sonitum edunt porcorum in morem. Nonnulli vorandi studio, spirant etiam naribus, quasi præfocandi. Ore pleno vel bibere, vel loqui, nec honestum est, nec tutum. Vicissitudo fabularum intervallis dirimat perpetuum esum. Quidam citra intermissionem edunt bibuntve, non quod esuriant sitiante, sed quod alioqui gestus moderari non possunt, nisi aut scabant caput, aut scalpant dentes, aut gesticulentur manibus, aut ludant cultello, aut tussiant, aut screent, aut exspuant. Ea res a rustico pudore profecta, nonnullam insanis speciem habet. Auscultandis aliorum sermonibus fallendum est hoc tædii si non datur opportunitas loquendi, incivile est, cogitandum in mensa accumbere. Quosdam autem videas adeo stupentes, ut nec audiant quid aliis dicatur, nec se comedere sentiant, & si nominatim appelles, velut e somno excitati videantur. Adeo totus animus est in patinis. Inurbanum est oculis cricumactis observare quid quisque comedit, nec decet in quemquam convivarum diutius intentos habere oculos: inurbanus etiam transversim hircus intueri, qui in eodem accumbunt latere: inurbanissimum, retorto intergum capite contemplari, quid rerum geratur in altera mensa. Effutire si quid liberior inter pocula dictum factumve sit, nulli decorum est, nedum puero. Puer cum natu majoribus accumbens nunquam loquatur, nisi aut cogat necessitas, aut abs quopiam invitetur. Lepide dictis modice arrideat, obscœne dictis ne quando arideat, sed nec frontem contrahat, si præcellit dignitate qui dixit, sed ita vultus habitum temperet, ut aut non audisse, aut certe non intellexisse videatur. Mulieres ornat silentium, sed magis pueritiam.

E Quidam respondent priusquam orationem finierit qui compellat, ita sæpe fit, ut aliena respondens sit risui: detque veteri locum proverbio: *ἄλλος ἀπέρχων*. Docet hoc Rex ille sapientissimus, stultitiæ tribuens respondere priusquam audias, non audit autem qui non intellexit. Si minus intellexit percontantem, paulisper obticescat, donec ille quod dixit sponte repetat. Id si non facit, sed responsum urget, blande veniam præfatus puer, oret ut quod dixerat dicat denuo. Intellecta percontatione paululum interponat moræ, deinde tum paucis respondeat, tum jucunde. In convivio nihil effutiendum, quod effuset hilaritatem. Absentium famam ibi lædere piaculum est. Neccuiquam illic suus refricandus est dolor. Vituperare quod appositum est, incivilitati datur, & ingratum est convivatori. Si de tuo præbetur convivium, ita laudare aut commemorare quanti singula constiterint, insuave profecto condimentum est accumbentibus. Denique si quid a quoquam in convivio sit rusticus per imperitiam, civiliter dissimulandum potius quam irridendum. Decet computationem libertas. Turpe est, subdium, ut ait Flaccus, rapere, si quid cui super coenam excidit in-

1. Falces petebant ac negarunt ligones.

cogitantius. Quod ibi fit dicitur, vino inscribendum, ne audias, *μὴ ἀκούῃς σὺ μὲν*. Si convivium erit quam pro puerili ætate prolixius, & ad luxum tendere videbitur, simul atque senseris naturæ factum satis, aut clam, aut veniam precatus te subducito. Qui puerilem ætatem adigunt ad inedia, mea quidem sententia infaniunt, neque multo minus ii qui pueros immodico cibo diffarciunt. Nam & illud debilitat teneri corpusculi viriculas, ita hoc animi vim obruit. Moderatio tamen statim est discenda. Citra plenam saturitatem reficiendum est puerile corpus, magisque crebro quam copiose. Quidam se saturos nesciunt, nisi dum ita distensus est ventriculus, ut in periculum veniant ne dirumpatur, aut ne per vomitum rejiciat onus. Oderunt liberos qui illos etiamnum teneros cœnis in multam noctem productis perpetuo sinunt assidere. Ergo si surgendum erit a prolixiore convivio, quadram tuam cum reliquiis tollito, ac salutato qui videtur inter convivas honoratissimus, mox & aliis simul, discedito, sed mox rediturus, ne videare lusus aut alterius parum honestæ rei gratia te subduxisse. Reverfus ministrato si quid opus erit, aut reverenter mensæ assistito, si quis quid jubeat expectans. Si quid apponis aut submoves, vide ne cui vestem jure perfundas. Candelam emuncturus, prius illam e mensa tollito, quodque emunctum est, protinus aut arenæ immergito, aut solea proterito, ne quid ingrati nidoris offendant nares. Si quid porrigis infundisve, læva id facias caveto. Jussus agere gratias, compone gestus, paratum te significans donec silentibus convivis dicendi tempus adfuerit. Interim vultus ad convivio præfidentem reverenter versus sit & constanter.

CAP. V.

DE CONGRESSIBUS.

Siquis occurrerit in via, vel senio venerandus, vel religione reverendus, vel dignitate gravis, vel alioqui dignus honore, meminerit puer de via decedere, reverenter aperire caput, non nihil etiam flexis poplitibus. Ne vero sic cogitet, quid mihi cum ignoto, quid cum nihil unquam bene de me merito? Non hic honos tribuitur homini, non meritis, sed Deo. Sic Deus jussit per Solomonem, qui jussit assurgere cano: Sic per Paulum qui presbyteris duplicatum honorem præcipit exhibere: in summa, omnibus præstare honorem quibus debetur honos: complectens etiam Ethnicum magistratum: & si Turca, quod absit, nobis imperet, peccaturi simus, si honorem magistratui debitum, illi negemus. De parentibus interim nihil dico, quibus secundum Deum primus debetur honos. Nec minor præceptoribus, quibus mentes hominum quodammodo dum formant, generant. Jam & inter æquales illud Pauli locum habere debet, honore invicem prævenientes. Qui parem aut inferiorem honore prævenit, non ideo fit ipse minor, sed civilior, & ob id honoratior. Cum majoribus reverenter loquendum & paucis, cum æqualibus amanter & comiter. Inter loquendum pileum læva teneat, dextera leviter admota umbilico: aut quod decentius habetur, pileum utraque manu juncta suspensum, pollicibus eminentibus, tegat pubis locum. Librum aut galerum sub axilla tenere rusticus habetur. Pudor adsit, sed qui decoret, non qui reddat attontum. Oculi spectent eum cui loqueris, sed placidi simplicesque, nihil procax improbumve præ se ferentes. Oculos in terram dejicere, quod faciunt catoplepæ, malæ conscientiae suspicionem habet. Transversim tueri, videtur averfantis. Vultum huc illuc volvere, levitatis argumentum est. Indecorum est interim vultum in varios mutare habitus, ut nunc corrugetur nasus, nunc contrahatur frons, nunc attollatur supercilium, nunc distorqueantur labra, nunc diducatur os, nunc prematur, hæc animum regunt Protei similem. Indecorum & illud, concussio capite jactare comam, sine causa tussire, screare, quemadmodum & manu scabere caput, scalpere aureis, emungere nasum, demulcere faciem quod est veluti pudorem abstergentis, suffricare occipitium, humeros adducere, quod in nonnullis videmus Italos. Rotato capite negare, aut reducto accersere, & ne persequar omnia, gestibus ac nutibus loqui, ut virum interdum deceat, puerum minus decet. Illiberalis est jactare brachia, gesticulari di-

Agitis, vacillare pedibus, breviter non lingua, sed toto corpore loqui, quod turturum esse fertur, aut motacillarum, nec multum abhorrens a picarum moribus. Vox sit mollis ac sedata, non clamorosa quod est agricolarum, nec tam pressa, ut ad aures ejus cui loqueris non perveniat. Sermo sit non præceps, & mentem præcurrans, sed lentus & explanatus. Hoc etiam naturalem battarismum, aut hæsitantiam, si non in totum tollit, certe magna ex parte mitigat, quum præcipitatus sermo multis vitium conciliet quod non dederat natura. Inter colloquendum subinde titulum honorificum ejus quem appellas repetere civilitatis est. Patris ac matris vocabulo nihil honorificentius, nihil dulcius: Fratris sororisve nomine nihil amabilius. Si te fugiunt tituli peculiare, omnes eruditi sint tibi Præceptores observandi, omnes Sacerdotes ac Monachi, reverendi patres, omnes æquales, fratres & amici, breviter omnes ignoti domini, ignotæ dominæ. Ex ore pueri turpiter auditur jusjurandum, sive jocus sit, sive res leria. Quid enim turpius eo more, quo apud nationes quasdam ad tertium quodque verbum dejerant etiam puellæ, per panem, per vinum, per candelam, per quid non? Obscenis dictis, nec linguam præbeat ingenuus puer, nec aures accommodet. Denique quicquid inhoneste nudatur oculis hominum, indecenter ingeritur auribus. Si res exigat, ut aliquod membrum pudendum nominetur, circumitione verecunda rem notet. Rursus si quid inciderit, quod auditori nausæam ciere possit, veluti si quis narret vomitum, aut latrinam, aut oletum, præfetur honorem auribus. Si quid refellendum erit, cave dicat, haud verba prædicat, præsertim si loquatur grandiori natu, sed præfatus pacem, dicat: mihi secus narratum est a tali. Puer ingenuus cum nemine contentionem suscipiat, ne cum æqualibus quidem, sed cedat potius victoriam si res ad jurgium veniat, aut ad arbitrum provocet. Ne cui se præferat, ne sua jactet, ne cujusquam institutum reprehendat, aut ullius nationis ingenium moreve suggillet, ne quid arcani creditum evulget, ne novos spargat rumores, ne cujus obtrechet famæ, ne cui probro det vitium natura insitum. Id enim non solum contumeliosum est & inhumanum, sed etiam stultum: veluti si quis luscum appellet luscum, aut loripedem loripedem, aut strabum strabum, aut nothum nothum. His rationibus fiet, ut sine invidia laudem inveniat, & amicos pareat. Interpellare loquentem antequam fabulam absolverit, inurbanum est. Cum nemine similitatem suscipiat, comitatem exhibeat omnibus, per paucos tamen ad interiorem familiaritatem recipiat, eosque cum delectu. Ne cui tamen credat quod tacitum velit. Ridiculum enim est, ab alio silentii fidem expectare, quam ipse tibi non præstes. Nullus autem est adeo linguæ continentis, ut non habeat aliquem, in quem transfundat arcanum. Tutissimum autem est nihil admittere, cujus te pudeat si proferatur. Alienarum rerum ne fueris curiosus, & si quid forte conspexeris audierisve, fac quod scis nescias. Literas tibi non oblatas limis intueri parum civile est. Si fors te præsentis scrinium suum aperit aliquis, subducito te. Nam inurbanum est inspicere, contrectare aliquid inurbanum. Item si senseris inter aliquos secretius oriri colloquium, submove te dissimulante, & in ejusmodi colloquium ne temet ingeras non accitus.

CAP. VI.

DE LUSU.

In lusus liberalibus adsit alacritas, absit pervicacia. Rixarum parens, absit dolus ac mendacium. Nam ab his rudimentis proficitur ad majores injurias. Pulcrius vincit qui cedit contentioni, quam qui palmam obtinet. Arbitris ne reclamita. Si cum imperitiis certamen est, possisque semper vincere, nonnunquam te vinci patere, quo ludus sit alacrior. Si cum inferioribus luditur, ibi te superiorem esse nescias. Animi causa ludendum est, non luti gratia. Ajunt puerorum indolem nusquam magis apparere, quam in lusu. Si cui ad dolos, ad mendacium, ad rixam, ad iram, ad violentiam, ad arrogantiam, propensius ingenium, hic emicat naturæ vitium. Proinde puer ingenuus non minus in ludo, quam in convivio sui similis sit.


Tom. I. VVV CAP.

DE CUBICULO.

IN cubiculo laudatur silentium & verecundia. Certe clamor & garrulitas indecora est, multo magis in lecto. Sive cum exis te, sive cum surgis, memor verecundiae, cave ne quid nudes aliorum oculis, quod mos & natura te-ctum esse voluit. Si cum sodali lectum habes communem, quietus jaceto, neque corporis jactatione vel teipsum nudes, vel sodali detractis palliis sis molestus. Priusquam reclines corpus in cervical, frontem & pectus signa crucis imagine, brevi precatiuncula temet Christo commendans. Idem facito quum mane primum temet erigis, a precatiuncula diem auspicans. Non enim potes ab omine feliciore. Simul ac exoneraveris alvum, ne quid agas, nisi prius lota facie manibusque, & ore proluto. Quibus contingit bene nasci, his turpe est generi suo non respondere moribus. Quos fortuna voluit esse plebejos, humiles, aut etiam rurestres, his impensius etiam adnitendum est, ut quod fors igvidit, morum elegantia pensent. Nemo

A sibi parentes aut patriam eligere potest, at ingenium moresque sibi quisque potest fingere. Colophonis vice addam preceptiunculam, quæ mihi videtur propemodum primo digna loco. Maxima civilitatis pars est, quum ipse nusquam delinquas, aliorum delictis facile ignoscere, nec ideo sodalem minus habere carum, si quos habet mores inconditiores. Sunt enim qui morum ruditatem aliis compensent dotibus. Neque hæc ita præcipiuntur quasi sine his nemo bonus esse possit. Quod si sodalis per incitiam peccet in eo sane, quod alicujus videtur momenti, solum ac blande monere civilitatis est.

B Hoc quicquid est muneris, Henrice fili carissime, universo puerorum sodalicio per te donatum esse volui, quo statim hoc congiario simul & commilitonum tuorum animos tibi concilies, & illis liberalium artium ac morum studia commendes. Præclaram indolem tuam Jesu benignitas servare dignetur, semperque in melius provehere. Datum apud Friburgum Brisgoiæ, mense Martio, Anno M D XXX.



GALENI PARAPHRASTÆ MENODOTI
A D
ARTIUM LIBERALIUM STUDIA
EXHORTATIO:

Accedunt Ejusdem duo Libelli, quorum primus agit

D E
OPTIMO DICENDI GENERE;
Secundus docet
MEDICUM EUNDEMET PHILOSOPHUM ESSE:

I N T E R P R E T E
D E S I D E R I O E R A S M O
R O T E R O D A M O.

O R N A T I S S I M O
J O A N N I A N T O N I N O
 C A S S O V I E N S I, M E D I C O,
 D E S I D E R I U S E R A S M U S R O T E R O D A M U S,
 S. D.



R N A T I S S I M I Viri Joannis Henckelli literis ut mihi tui reditus adempta spes est Antonine carissime, ita non mediocriter mitigatum est absentis amici desiderium, posteaquam intelligo te summis Magnatum favoribus ac premiis amplissimis apud tuos alligari, præterea ducam uxorem puellam, non minus sanctissimis moribus quam forma præstantem, quæ te non sinit avolare, tenetque grata compede vinctum. Reliquum est ut hoc quo licet modo mutuas inter nos fabulas misceamus. Prodiit totus Galenus sua lingua nobis loquens, cujus primitias ad te mitto, inflammandis ad rei Medicæ studium juvenum animis versas: & quidem, majore negotio quam credas. Causam non eloquar, verum ipse si non gravaberis nostra cum Græcis conferre, statim intelliges minorem fuisse laboris portionem vertere. Margaritum tuum haudquaquam patietur mihi excidere amabilem istum nivi pectoris tui candorem. Neque me fallit quid amaretur Concionatoris Sebastianus, videlicet Erasmus maledicorum jaculis expositum. Reddita sunt & a clarissimo Christophoro Palatino Cracoviensi auctoritate digna, qualia ne Regi quidem indecorum fuerit vel dare vel accipere. Rescribam singulis, nisi quod hic libellus in publicum emissus aliqua fortassis occasione celerius isthuc perveniet quam epistole. Bene vale mi Antonine cum suavissima conjuge: cui precor ut tecum contingat feliciter consensescere. Basileæ IIII Calend. Majas. Anno M D XXVI.

GALENI PARAPHRASTÆ MENODOTI
EXHORTATIO
AD ARTIUM LIBERALIUM STUDIA,
DESIDERIO ERASMO ROTTERODAMO,
INTERPRETE.



A NIMANTIA quæ dicuntur bruta, prorsus expertia sunt rationis, nondum satis liquet. Fortassis enim tametsi non habent eam rationem, quæ juxta vocem intelligitur nobiscum communem, quam vocant enunciativam, certe eam quæ secundum animam accipitur, quam rationem appellant affectuum capacem, habent nobiscum communem omnia, licet alia magis alia minus. Perspicuum sane est hominem hac parte longe cæteris animantibus antecellere, vel ex illo, quod cernimus quanta sit artium multitudo, quas hoc animal tentat discere, vel ex hoc quod solus homo scientiæ capax, quamcumque velit artem percipit. Si quidem animantia reliqua fere omnia, sunt artium expertia, si pauca quædam hinc excipias. Quin his etiam ipsis natura magis quam institutione contigerunt artes. Cæterum nec apud illa quicquam est artium, quod homo non meditetur, sed in arte texendi imitatus est araneas, in arte fingendi, quam plasticen vocant, apes: nec imperitus est natandi, quum sit animal terrestre. Jam nec a Divinis artibus destituitur, imitans & Esculapii, quæ eadem est Apollinis, Medicam artem, ac cæteras item omnes quas habet Apollo, jaculandi, canendi, divinandi: ad hæc quam unaquæque Musarum habet peculiarem, nec Geometricæ, nec Astronomiæ experts. Verum & ea quæ subter humum sunt, & ea quæ supra cælos sunt, quemadmodum ait Pindarus, contemplatur. Denique bonorum omnium maximum sua sibi paravit industria, Philosophiam. Hæc igitur ob causas, quanquam cæteris animantibus non deest ratio, tamen solus homo vocatur rationalis, quod omnibus antecellat.

An non igitur turpissimum est, id quod unum nobis inest commune cum Diis, negligentes, aliarum rerum studio teneri, ac spretis artibus, fortunæ nos ipsos committere? cujus improbitatem nobis ob oculos ponere volentes præfici, tum picturis, tum statuis eam repræsentantes, non sat habuerunt illi dare mulieris speciem, quanquam hoc ipsum satis magnum erat amentitiæ signum, verum & clavum illi dederunt in manibus, ac pedibus subjecerunt basim figura sphaeræ, tum & oculis eam privarunt, nimirum his omnibus declarantes illius inconstantiam. Quemadmodum igitur in navi vehementer jactata tempestate, adeo ut in periculo sit, ne procellis ac fluctibus obruta demergatur in profundum, perperam fecerit, qui cæco gubernatori clavum commiserit, itidem opinor in vita, quum hic in permultis ædibus graviora fiant naufragia, quam scaphis accidunt in mari, non recte judicavit, qui semetipsum, in tantis negociis undique circumstantibus ac valantibus cæcæ commiserit Deæ, nec huic satis stabili. In tantum enim stupet ac demens est, ut plerumque bonis viris præteritis, quorum oportebat haberi rationem, locupletet indignos, ac ne id quidem constanter, sed tantisper, donec rursus pari qua dedit temeritate eripiat donata. Hanc Deam sequitur turba non mediocris hominum ineruditorum, nunquam eodem in statu manentem, propter basis cui insistit volubilitatem, quæ illam huc illuc agit rapitque per præcipitia, nonnunquam & in mare. Ibi pariter intereunt omnes illam sequentes, cæterum illa sola evadit indemnis & illæsa, ridens interim plorantes, & ipsius opem frustra implorantes, quum hinc jam nulla sit illis utilitas.

Atque hujusmodi sane sunt fortunæ facta. Porro Mercurium tanquam rationis dominum, omnisque artis auctorem, considera rursus, quam diversa quamque pugnante cum fortunæ simulacro forma repræsentantur illi præfici, tum picturis tum statuis. Adolescens est formosus, nequam habens pulcritudinem adscititiam, aut artificio comptorum additam, sed talem ut protinus in ea reluceat

A animi virtus. Est autem hilari vultu, oculis acribus. Basis autem cui insistit est omnium figurarum firmissima, minimeque volubilis, videlicet undique quatuor angulis nitens tessera. Interdum & ipsum Deum hac figura repræsentant. Videas autem & hujus cultores similiter hilares, quemadmodum est is quem sequuntur, nec unquam de illo quærentes, quod solent ii qui sequuntur fortunam. Nec destituunt illum, nec se junguntur ab eo, sed perpetuo & sequuntur illum, & illius providentia fruuntur. Contra qui fortunam sequuntur, videre licet inertes, ac disciplinarum indociles, semper inhiantes spe duci, cumque corrente Dea currere, alios quidem propius, alios vero procul, nonnullos autem & ab illius manu pendentes. Inter hos omnes videbis & Croesum illum Lydum, & Polycratem Samium, ac fortasse miraberis alteri quidem Pactolum affluxu suo invehentem aurum, alteri vero mari nos etiam pisces subservientes. Cum his rursus & Cyrum videbis, & Priamum, & Dionysium. Verum paulo post hos eosdem haud eodem in statu conspicias, Polycratem in crucem suffixum, tum Cyro subactum Croesum, rursus Cyrum ab aliis dejectum: videbis & Priamum constructum, & Dionysium Corinthi. Quod si contempleris illos, qui procul insequuntur eam currentem, nec tamen assequuntur, nimirum prorsus oderis eum chorum. Sunt enim hic Oratores permulti, meretrices & scorta, & amicorum proditores sunt & homicidæ, & monumentorum perfossores, ac rapaces: complures vero qui ne Diis quidem pepercerint, sed hos sacrilegio compilarint. Cæterum in altero choro omnes modesti, & artium opifices, neque currunt, neque vociferantur, neque inter sese decertant, sed in illorum medio Deus est, & circum hunc suo quisque loco compositus, nec ordinem quem cuique dedit Deus deserunt, alii quidem Deo proximi, & hunc ordine composito cingentes, videlicet Geometræ, Arithmetici, Philosophi, Medici, Astronomi, & Grammatici. Hos sequitur, alter chorum, Pictores, Plasticæ, Scriptores, Fabri & Architecti, Lapidarii: Post hos sequitur ordo tertius, reliquas artes omnes continens, sic in ordinem digestis singulis, ut omnes tamen ad Deum communem vertant oculos, iussis illius pariter obtemperantes. Conspectas quidem & hic numerosam multitudinem adhaerentium Deo. Cæterum videbis & quartum quemdam chorum a cæteris selectum atque extraordinarium, non quales erant illi, qui fortunam comitabantur. Non enim ex dignitatibus civilibus, neque ex generis claritate, neque ex divitiis consuevit Deus hic præstantissimos judicare, sed qui cum virtute vitam agerent, quique in suis artibus excellerent, quique præceptis ipsius obsequerentur, ac legitime suas exercerent artes, hos & magnificat, & cæteris anteponit, sibi conjunctissimos habens semper. Hunc, ni fallor, chorum si nosse qualis sit, non solum admirareris, verum etiam adorares. In hoc est Socrates, & Homerus, & Hippocrates, & Plato, & horum studiosi, quos pari cum Diis honore dignamur, tanquam affectatores ac ministros quosdam Dei.

Quamquam ne cæterorum quidem quisquam fuit unquam a Deo neglectus. Non solum enim præsentium curam habet, verum etiam & navigantibus adest, nec in naufragio destituit. Aristippus igitur, quum aliquando navigans fracta scapha, in littus Syracusanum ejectus esset, primum quidem bono animo esse coepit quum in arenis vidisset lineas Geometricas. Reputabat enim sese ad Græcos ac sapientes viros non ad Barbaros pervenisse: post ubi venisset in Syracusiorum gymnasium, & hosce versus pronunciasset:

Quis Oedipum in diem vagantem & exsulem

Donis recipiet, nunc quidem rarissimis,

& habuit qui ipsum adirent, & agnito quis esset, protinus omnia quibus opus erat impartierunt. Deinde quum essent

Tem. I.

Vvv 3

qui

qui in Cyrenen illius patriam navigaturi, percontarentur, nunquid ad suos vellet scribere? *Subete*, inquit, *illos has sibi parare possessiones, quatenus fracta simul enatant cum possessore*. Ceterum multi infelices, & omnia divitiis metientes, si quando incidunt in talem rerum statum, aurum & argentum suspendunt ac circumponunt corpori, simulque cum illis perdunt & vitam, ne id quidem apud se reputare valentes, quod ipsi ex brutis animantibus ea potissimum amplectuntur, quæ sunt artibus ornata. Siquidem equos ad bellum edoctos, & canes venandi peritos, cæteris anteponunt, quin & famulos curant artibus instituendos, & frequenter in hos plurimam impendunt pecuniam, quum semetipsum negligant. Quid? An non turpe videtur famulum nonnunquam æstimari drachmarum decem millibus, ipsum autem dominum nec unius haberi drachmæ. Quid autem dixi unius? Nemo talem vel gratis acceperit in famulitium. An non tandem se solos vilissimos omnium reddiderunt, qui soli nullam artem didicerint? Etenim quum bruta quoque artium exercitationibus erudiant, & famulum ignavum, nulliusque peritum artis, nullo precio dignum iudicent, curent autem & agros & reliquas possessiones, ut quæque quantum fieri potest sit quam optima, seipsos solos negligant, ne hoc quidem intelligentes animum habeant nec ne, perspicuum est, quod similes sint famulis contemptissimis, ut jam aliquis insultans homini tali, merito verbis huiusmodi illum alloquatur; O homo, familia quidem tua tibi recte habet, mancipia omnia, & equi & canes & agri, & quicquid possides bene compositum est: At ipse tu parum curatus es. Præclare igitur Demosthenes ac Diogenes, quorum alter divites indoctos appellavit *oves onustas aureo vellere*, alter dixit eos *similes fictis arboribus in præruptis locis stantibus*. Nam harum fructibus non homines, sed corvos & graculos vesci. Sic horum pecunias nulli esse usui viris probis, verum ab assentatoribus absumi, qui quidem, si sic acciderit ut nihil sit reliquum, forte obvios factos prætereunt illos quos exhauserunt, perinde quasi ne nosset quidem. Unde quidam non inelegans, dixit istos similes fontibus. Etenim qui prius e fontibus aquare solent, simul atque desierint habere aquam apud eosdem sublati vestibibus urinam reddunt. Et sane videtur æquum, qui nulla re suspiciendi sunt, nisi ob divitias, simul atque his spoliati fuerint, pariter & illis spoliari quæ ob divitias habebant. Quid enim isti facerent, qui nullum proprium possident bonum, sed perpetuo pendent ab alienis, & ab his quæ sunt fortunæ?

Tales videlicet sunt & hi qui generis nobilitatem venditant, atque hinc sibi placentes tollunt cristas. Nam & isti, quoniam propriis bonis carent, ad majorum imagines confugiunt, non saltem hoc intelligentes, quod ista generis nobilitas, qua gloriantur, similis est publico singularum civitatum nomismati, quod apud eos quidem valet, qui instituerunt, apud alios vero adulterinum habetur.

*Te haud quaquam in altum generis evexit decus,
Non altus huc sum polluiam ut genus meum.*

Præclarus igitur, ut inquit Plato, *thesaurus est, progenitorum virtutes*, sed præclarius est huic opponere posse Stheneli dictum,

Atqui nos patribus longe præstamus avisque.

Nam si qua omnino est nobilitatis utilitas, hanc solam habet, quod hinc accenditur studium æmulandi, proposito exemplo domestico. Proinde si procul degeneremus a progenitorum virtute, merito discrucientur illi, si quis modo sensus inest defunctis: nobis autem tanto plus est dedecoris, quanto genus est illustrius. Siquidem imperiti, qui genere sunt vehementer obscuro, hoc lucri faciunt, quod plerique nesciunt quales sint. Ceterum quos decus & claritudo generis non sinit latere, quid aliud fructus ferunt ex nobilitate, nisi ut illorum infelicitas sit illustrior? Sane qui generi suo non respondent, magis contemnunt, quam obscuro loco nati. Itaque fit, ut si vecors prædicet claritatem generis, declaret suum ipsius vitium minus esse venia dignum. Neque enim eadem trutina æstimamus aut exploramus plebejos homines, qua claro genere natos. Sed illos, si vel mediocri virtute præditi sint, probamus & amplectimur, quod deest illorum virtuti, generis obscuritati imputantes. Rursus hos qui nihil habent dignum imaginibus majorum, etiam si cæteris omnibus antecellant, nondum tamen suspi-

cimus. Proinde si quis sapit, ad exercendam artem sese conferat, per quam si nobilis fuerit, videbitur genere non indignus. Sin minus, ipse genus ornabit suum, veterem illum Themistoclem imitatus, cui cum probro objiceretur, quod nothus esset: *At ego*, inquit, *a meipso genus auspicabor, ac meum quidem genus a me incipiet, tuum vero in te desinet*. Vides non obstitisse Anacharsidi Scythæ, quo minus sit in admiratione, & inter sapientes numeretur, tametsi genere barbarus esset. Huic quum quidam exprobraret, quod genere barbarus esset ac Scythæ, *Mihi quidem*, inquit, *patria dedecori est, tu vero patria*: plucere retaxans hominem ex sese nihili, nec alia re superbientem quam patria.

Quod si fixius & attentius contempleris res hominum, comperies non homines factos illustres ex civitatibus, sed contra, per viros bonos & artibus præstantes horum patrias fuisse nobilitatas. Etenim quod nomen aut quam dignitatem habuissent Stagira, nisi per Aristotelem contigisset? Rursus quæ Solorum, nisi per Aratum & Chrysippum contigisset? Quin & Athenarum nomen unde tam procul dimanavit? Non ob terræ fecunditatem, habuit enim agros parum feraces, sed per eos potius qui illic nati sunt, quorum plerique dum in viros optimos evaserunt, nonnullam suæ gloriæ portionem impartierunt & patriæ. Hoc autem esse verissimum evidentissime perspicies, si tecum reputes Hyperbolum & Cleonem, quibus ad nihil aliud profuit Athenarum nobilitas, nisi ut illorum malefacta redderentur famosiora. *Quondam Boeotios vocabant suos*, inquit Pindarus. Et idem rursus: *Fingimus Boeoticum suum iterum*, volens totius prope gentis de imperitia probum aboleri per ipsius Poeticam.

Quin & legislatorem illum Atheniensem jure laudat aliquis, qui vetuit parentem alimoniam jus a filio petere, quem nullam artem docuisset. Quum id potissimum temporis omnis ars illic exerceretur, ubi corpora videbantur esse quam formosissima, multis usu venit, ut ob corporis formam admirandi, negligenter animum, deinde sero frustra deplorarent dicentes: Utinam forma quæ me perdidit, pereat male. Tum illis & illud Solonis in mentem venit, qui jubet in primis *sestari vitam*. Deinde & senectutem incusant, quum se ipsos debuerint: & Euripidem laudant qui dicit, *non expedire pulcritudinem ultra capere, quam in medio*. Præstat igitur eos laudare, qui judicant formam adolescentiæ ad similem vernis floribus, ut qui voluptatem habent temporariam: simulque laudare Lesbiam dictum, Nam qui formosus est, tantisper est dum videtur. At quisquis bonus est, protinus & formosus erit. Parendum autem & Soloni eandem sententiam proferenti, Senectus porro molesta, veluti tempestas imminens, egens non calceamentis solum & vestitu, verum & domicilio commodo aliisque rebus innumeris. Adversus hanc, probi gubernatoris exemplo, multo ante, vel in venturam tempestatem oportet præparari, quando miserum est illud,

Vecors intelligis acta.

Ad quid enim dixeris utilem esse formam adolescentis nulla exultam arte? Num ad bellum? Atqui non abs re quis illud Homericum in tales jaculetur:

Quin tu conjugii tractas mulcentia facta?

Et illud:

Ito domum, & tracta tibi convenientia facta.

Siquidem Nireus

Venerat ad Trojam cunctis formosior unus;

At mollis erat, eoque non nisi semel hujus meminit Homerus in recensendis navibus, haud quidem ob aliud mea sententia, nisi ut declararet quam sint inutiles viri forma præstantissimi, quoties illis præter formam nihil adest, quod ad usum vitæ conducatur. At infelix quispiam dicere non verebitur, ad parandas opes conducibilem esse formam, quum liberalis, honestus, firmusque pecuniarum census ex arte parari soleat. Ceterum ex corporis forma reditus, turpis est semper & infamis. Oportet igitur adolescentem juxta vetus præceptum, suam ipsius formam ad speculum contemplari: qui si se conspexerit facie pulchra, advigilandum est ut talis sit & animus, existimetque vehementer absurdum, in formoso corpore animum inhabitare deformem. Rursus si se viderit esse forma corporis infelici, tanto magis oportet animi excolendi curam agere, quo dicere possit illud Homericum:

Est

*Est aliquis cui forma parum sit corpore felix,
Sed comptis formam verbis Deus ornat, & illi
Defixis oculis, vultum hujus cernere gaudent.
Ille nihil fallens loquitur, placido ora rubore
Suffusus, reliquosque foro toto eminet inter,
Utque Deum adspiciunt incedit quando per urbem.*

Ex his igitur quæ diximus, perspicuum est his qui non prorsus mente carent, neque generis claritate, neque divitiis, neque formæ gratia fretum, oportere negligere studium artis.

Atque hæc quidem sufficiebant: attamen melius opinor fuerit, ceu pulcrum epodum accinere Diogenis illud. Is quum apud quemdam acciperetur convivio, qui res omnes quas possidebat exacta providentia nitidas & instructas habebat, cæterum sui ipsius nullam omnino curam habuerat, screans veluti sputum eiecit, quum undique circumspexisset, nihil vidit in quod expueret, sed in ipsum solum domus herum expuit. Ille quum indignaretur, rogaretque quam ob causam id faceret, respondit, *se nihil in tota domo tam sordidum ac neglectum videre quam esset ipse*: nam parietes omnes egregiis picturis ornatos esse, solum autem ex tessellis preciosis esse concinnatum, habens ex his Deorum expressas imagines, vasa omnia pura ac nitentia, quin & stragulas & lectos pulcre magnoque artificio elaboratos esse, solum ipsum videri neglectum & incuratum. Omnibus autem esse morem, ut in locum omnium qui adsunt inhonestissimum expuant. Ne committatur igitur adolescens ut te præbeas dignum in quem sputum ejiciatur, etiam si reliqua omnia pulcherrima tibi videantur adesse. Rarum enim est, istis simul universis potiri, ut idem pariter & nobilis sis, & dives, & formosus. Quod si cui sane simul ista contingant aliquando, tamen absurdum fuerit, te unum in omnibus tuis facultatibus videri conspuendum.

Agite igitur o pueri, quicumque meam audistis orationem, ad cognoscendas artes animum appellite, ne quis unquam seductor & impostor homo vos aut inutiles artes aut improbas doceat, scientes, quæcunque artes nihil adferunt utilitatis ad vitam, has artes non esse. Ac plane persuasum habeo, de cæteris quidem vos ipsos perspicere, quod nihil istiusmodi rerum artis nomine sit dignum, veluti jacere talos, ambulare super tenuem funem, & rotatu circumagi in gyrum, non considerantem interim quid acciderit Myrmeciadæ Atheniensi, & Callicrati Lacedæmonio, tantum athletarum exercitium metuo, ne veluti corporis robur pollicens, & gloriam apud vulgus concilians, publicus etiam apud majores diurnis pecuniæ largitionibus honoratum, parique in pretio habitum cum præstantissimis artibus, decipiat aliquem adolescentem, eoque seducat, ut hoc arti cuiuspiam anteponat. Unde satius est adversus hæc præparatum ac præmeditatum esse. Nam facile quisque fallitur in his, in quibus est impræmeditatus.

Sane genus hominum o pueri, communionem habet simul cum Diis, & cum brutis animalibus. Cum illis quidem, quatenus utitur ratione, cum his vero quatenus est mortale. Satius est igitur, ut animis ad meliorem communionis partem adjectis, curemus eruditionem, quam assequuti, quod est in bonis summum habebimus. Sin eam non fuerimus assequuti, non tamen hoc nomine pudeamus, quod brutis ignavissimis simus facti inferiores. Athletica vero corporis exercitatio si non continget affectanti, turpissimum est: si maxime contingat, nihilo tamen præstantior est brutis animalibus. Quis enim robustior leonibus aut elephantis. Quis lepore velocior? Quis vero nescit ipsos etiam Deos non ob aliud laudari, quam propter artes, adeo ut ob has etiam homines eximios dignati simus Divinis honoribus, non quod bene cucurrerint in stadiis, aut discum scite jecerint, aut in palæstra probe luctati sint, sed propter artes repertas. Profecto Æsculapius & Bacchus, sive quondam homines fuerunt sive Di ab initio, summos honores promeruerunt, alter ob monstratam artem medendi, alter quod nos docuerit vitium colendarum rationem. Quod si mihi non vis credere, certe Pythii Dei te moveat auctoritas. Hic est ille qui & Socratem virorum omnium sapientissimum pronunciarit, & Lycurgum affatus hunc in modum salutavit:

Huc advenisti, ad mea diia templa, Lycurge,

*Græte Jovi, & cunctis quibus altus habetur Olympus,
Addubito, an ne Deum te dicam hominemne Lycurge,
Spero tamen magis esse Deum, numenque verendum.*
Hic rursus idem videtur honorem haud mediocrem habuisse Archilochi mortuo. Quum enim hujus interemptor vellet illius templum ingredi, vetuit dicens,

Occisor clari vatis, ne templa subito.

Nunc mihi tu refer athletas huiusmodi titulis honoratos: at non facies, non enim habes quod dicas, nisi forte testem aspernaris velut indignum cui credatur. Videris enim tale quiddam subindicare, dum sermonem refers ad vulgi testimonia, & nobis objicis horum laudationem. Et tamen neque morbo laborans, sat scio, te ipsum vulgo commiseris, sed ex omnibus delectis paucis aliquot atque his quidem Medicæ rei peritissimis, neque navigans cuius e numero vectorum, sed uni videlicet gubernatori. Denique & in rebus minimis, si ædificas, fabro credis, si calceamentis egeas, coriario. Qui fit igitur ut ubi de rebus summis periculum est, tibi vindices judicandi potestatem, adimens eam his qui plus sapiunt quam tu? Nam in præsentia quidem omitto de Diis facere mentionem. Audi igitur quid de athletis sentiat Euripides:

Innumera quum sint mala per omnem Graciam,

Haud aliud ullum est pejus athletis genus.

Primum ii, domi sibi consulunt parum bene,

Quum liceat, etenim quomodo vir qui fiet

Guleque servus atque veniri deditus,

Opes pararet unde viveret domi?

Egere rursus non potest, sed nec suis

Contentus esse sustinet fortunulis.

Nam nunquam honestis affectu moribus

Mox sese ad artes improbe vertunt malas.

Jam ut intelligas & omnia quorum studio tenentur isti, nihil habere bonæ rei, audi rursus quæ dicit, si libet:

Quis enim in palæstra vir pedum cursu valens

Feliciter versatus, aut disco bene

Missus, aut probe sciteque mala ista viri,

Patria coronam retulit partem suam?

Quod si cupis audire his etiam expressiora, ausculta:

Num adversus hostes praliabuntur, manu

Discos ferentes, sive vibrata aspide

Pedibus citi hostem submovebunt paria?

Nullus profecto, vana sunt omnia hæc,

Ubi comminus ferrum micare ceperit.

Utrum igitur Euripidem & hujus generis alios auctores rejiciamus, Philosophis autem permittemus judicandi jus? Imo vero horum omnium suffragio, velut uno ore loquentium damnatur istorum ars, adeo ut eam nec Medicorum quisquam probavit. Primum enim audies Hippocratem ita dicentem: *Affectio Athletica non est secundum naturam, melior est habitudo salubris.* Idem autem suascerunt optimi quique Medici, qui Hippocratis ætatem sequuti sunt. Equidem nolim a testibus pendere judicium. Nam id Orationum est potius quam hominis apud quem in precio sit ipsa veritas. Attamen quoniam nonnulli confugiunt ad testium multitudinem, & hinc inanem captant gloriam, nec curant exercitium rebus externis nudatum quale sit ipsum considerare, coactus sum & his objicere testes, quo videlicet intelligant se ne hic quidem esse nobis superiores. Unde mihi non intempestivum videtur commemorare, quod fecit Phryna. Hæc quum esset in quodam convivio, in quo hic ludus agebatur ut singuli per vices convivis imperarent quæ vellent, vidissetque adesse mulieres, anchusa, cerussa, & fucopictas, jussit inferri aquam, mox præcepit, ut omnes aquæ immerfas manus semel admovent ad faciem, deinde ut illi co linteo extergerentur. Atque hoc ipsa prima omnium fecit. Ac cæteris quidem omnibus sceminis, facies maculis opplebatur, diceret te videre quasdam ad terrorem arte factas imagines. Ipsa vero pulchrior apparebat quam antea. Sola enim carebat artificio formæ, sed speciem habebat nativam, nihil opus habens malis artibus ad formæ commendationem. Quemadmodum igitur vera pulcritudo certo exploratur ipsa per se sola, rebus omnibus foris accidentibus nudata, sic & Athletarum exercitationem expendi convenit solam, an videatur aliquid utilitatis adferre, vel publice civitatibus, vel privatim iis a quibus exercetur.

Quum

Quum igitur variae sint bonorum species, quae insunt natura, puta quae pertinent ad animum, quae ad corpus, quae ad externa, nec praeter haec ullum aliud bonorum genus possit excogitari, cuius perspicuum est, quod athleticam exercentes, animae bona ne in somnis assequuti sint, quando prorsus illud ignorant an habeant animam, tantum abest, ut illam sciant esse rationis participem. Etenim quum semper aggerant vim carniū & sanguinis, habent animam suam veluti multo immerfam coeno, ut nihil exacte possit intelligere, verum non minus stupida sit, quam brutorum animae. At fortassis contendunt athletae, tanquam aliquid conferant ad bona corporis. Num igitur bonam valetudinem qua nihil pretiosius, sibi vindicabunt? Atqui non alios reperias corporis affectione magis periculosa, si quidem Hippocrati fides habenda, qui dixit, summe bonam corporis valetudinem periculosam esse, quam affectant isti. Quin & illud ab Hippocrate recte dictum, quod sanitatis exercitatio est non satiari cibis, sed in omnibus agilem esse, laudatur ab omnibus. At isti contra faciunt, dum & supra modum laborant, & iidem supra modum expleantur. In summa, veteris illius Hippocratis sermonem ceu Corybantum furore correpti, contemnunt. Nam ille demonstrans quae vitae ratio sit accommodata tuendae bonae valetudini, dixit; Labores, cibi, potus, somni, Venus, omnia moderata. Isti vero quotidie supra quam convenit, laboribus exercentur, & ingurgitant sese nonnunquam & vi, ad mediam usque noctem proferentes cibi sumptionem, ut aliquis non immerito in illos torserit illud Homeri:

*Dormibant reliqui Divique hominesque per omnem
Noctem, praeulci resoluti corpora somno.
Ast nullus miseros athletas somnus habebat.*

Itaque quemadmodum se habent in cibis & laboribus, eodem modo moderantur & somnum. Etenim quo tempore caeteri juxta naturam viventes, ab opere veniunt, & cibum requirunt, tum isti surgunt a somno, ut illorum vita similis videatur suillae, nisi quod sues non ultra modum laborant, neque coguntur ad edendum. Isti vero & haec perpetiuntur, nonnunquam iisdem & rhododaphnes maculis terga notantur. Proinde priscus ille Hippocrates, praeter haec quae dicta sunt, addit & illa: *Vehementer ac repente corpus explere vel inanire, vel calefacere, vel refrigerare, aut alio quocumque modo movere, periculosum est. Quicquid enim, inquit, est vehemens, inimicum est naturae.* Isti vero nec his auscultant, nec aliis, quae bene ab hoc dicta transgrediuntur, quin potius utuntur omnibus, quae pugnant cum his praecceptis. Quapropter ego sane dixerim, istam exercitationem non facere ad bonam valetudinem, sed morbos potius accersere. Nam id ni fallor, sentit Hippocrates quum ait, *Affectio athletica, non est secundum naturam, sed habitudine salubris melior.* His dictis non solum palam negavit illorum exercitationem esse naturalem, verum ne habitudinem quidem appellavit illorum affectionem, spolians illos etiam nominis honore, quo cuncti veteres appellare solent homines qui vere essent bonae valetudinis. Siquidem habitus est affectio quaedam stabilis ac perpetua. Contra Athletarum ad summum progressa bona corporis habitudo, tum obnoxia periculo est, tum facile in diversum mutabilis. Neque enim recipit accessionem, eo quod ad summum pervenit, tum ex eo quod eodem in statu consistere non potest, nihil restat, nisi ut vergat in deterius. Atque hoc quidem in statu corpus est ipsis, dum athleticam exercent. Caeterum ubi discesserint ab exercitiis, multo pejor habent. Etenim nonnulli paulo post emoriuntur, alii vero diutius quidem vivunt, at ne ipsi quidem perveniunt ad senectutem. Et ut jam aliquando perveniant, nihil differunt a Litis illis Homericis, claudi, rugosi, lusciosi, oculis orbi. Quemadmodum enim moenium partes tormentis concussae, quovis incommodo corruunt, nec terrae motum, nec alium ullum graviolem insultum ferre possunt: itidem & athletarum corpora, corrupta & imbecillia facta, plagis ac vulneribus in exercendo acceptis, facile ad quamlibet levem occasionem laeduntur. Proinde oculi plerisque ceu fossis cavati, quando jam vis abest resistendi, complentur pituita, dentes vero, utpote frequenti concussione labefacti, progressu temporis destituti virtute, facile decidunt. Caeterum membrorum compages, ut frequenter

intortae, adversus omnem violentiam foris incidentem redduntur invalidae, & quicquid semel ruptum fuit aut contractum, facile movetur. Itaque quod ad bonam valetudinem attinet palam est, nullum genus esse miserius, quam athletarum. Unde non injuria quis dixerit eos generoso cognomine notari, dictos Athletas, vel quod ab athleta cognomen habeant *ἀθλοῖς*, id est, *miseri*, vel quod utriusque communiter ab athliotete, id est, *miseria*, velut ab una terra cognomen sortiti sint.

Posteaquam igitur de eo, quod inter bona corporis summum est, tractavimus, nimirum de bona valetudine, transivimus ad reliqua. Jam quod ad formam attinet, sic illis habet res, ut non solum exercitatio athletica nihil conferat ad pulcritudinem, verum etiam multos ex istis optime composito corpore, gymnastae qui eos curandos susceperant, supra modum saginantes & infarcientes carnibus & sanguine, in diversam corporis speciem perduxerint, nonnullos vero facie quoque prorsus deformi foedaque reddiderint, eos potissimum, quos ad pancratium aut pugilum certamen instituissent. Caeterum ubi tandem & membra fregerint aut distorserint, aut oculos extuderint, tum opinor, tum vel maxime fructus artis ipsorum evidenter apparet, pulcritudo. Hunc ad modum illis res successit ad formae commodum quamdiu sani sunt. Caeterum ubi desierint exerceri, simul & reliqua corporis organa pereunt, cunctaque ut dixi membra distorta, nihil non reddunt deformae. At fortassis nihil quidem ex omnibus his quae dicta sunt, sed robur sibi vindicabunt. Nam hoc fatiscio dicturi sunt, illud omnium ad rem pertinere maxime. Quod per Deos robur, aut ad quid utile? Num ad agriculture? Perpulcre igitur vel fodere, vel metere, aut aliud quippiam quod ad agriculturem pertinet, possunt. Sed fortassis ad res bellicas valet. Rursus Euripidem huc mihi cita, qui laudes illorum canit dicens:

*Num adversus hostem praeliabantur, manu
Discos ferentes, numve vibrata aspide
Pedibus citi hostem submovebant patria?
Nullus profecto, vana sunt omnia haec
Ubi cominus ferrum micare caperit.*

Caeterum adversus rigorem & aestum validi sunt, hoc ipso sane Herculem ipsum referentes, ut tum hieme tum aestate una pelle tegantur, ut incalceati perpetuo sub dio dormiant, humi cubantes. In his enim omnibus pueri nuper nati sunt imbecilliores. Qua tandem igitur in re roboris sui specimen edent, aut unde sibi placebunt, & cristas erigent? Non sane profecto in hoc, quod coriarii, fabri, domorum aedificatores qui sunt, eos vel in palaestra deiciant, vel in stadio. Fortassis itaque in hoc, quod toto die pulverescunt, judicabunt recte fieri, laudeque dignum. Verum ista laus adest & coturnicibus & perdicibus; si quidem par est ut hinc tollant cristas, quod toto die luto laeventur. Sed age per Jovem, Milo ille Crotoniates, sublatum in humeros unum ex immolatis tauris, olim per stadium bajulavit. O insignem dementiae istorum, qui ne hoc quidem intelligunt, quod paulo ante idem corpus vivi animantis gestarit illius anima, multoque sane minore labore portavit quam Milo: nam & currere poterat quum gestaret. Attamen ea nullius erat precii, quemadmodum nec Milonis anima. Declaravit autem & exitus hominis quam nihil habuerit mentis. Quum enim aliquando conspiceret adolescentem cuneis immixtis findentem arbores, illum quidem irrisum submovit, ipse non alio usus instrumento, quam suis ipsis manibus, ausus est lignum diducere. Mox quicquid habebat roboris in primo impetu colligans, diduxit arboris huc atque huc partes. Interim elapsis cuneis, quum reliquam arboris partem diducere non posset, diu quidem obnixus est, tandem victus non potuit educere manus, sed a trunci partibus in sese coeuntibus, comprehensae, primum ipsae quidem contritae sunt, mox & Miloni miserandi exitii fuere causa. Plurimum igitur illi profuit in hoc, ne quid mali pateretur, in stadio gestasse taurum mortuum. An Graecorum Republicam servare potuisset id temporis, quum adversus Barbaros bellum gerebant, Milonis vis, quam in tauro gestando declaravit, potius quam Themistoclis sapientia? qui primum recto judicio deprehendit sententiam oraculi, deinde bellum quemadmodum oportebat gessit. Uticū enim consilium

filium prudens, multas superat manus. Cæterum insci-
tia cum armis, peior est quovis malo. Arbitror itaque jam
perspicue declaratum, athletarum exercitationem nihil
utilitatis adferre ad vitæ functiones.

Cæterum quod nec in ipsis quibus exercentur ullius pre-
tium sint, cognoscetis, si vobis retulero fabulam illam, quam
vir quidam non inelegans prolixo carmine ornavit. Habet
autem hunc in modum fabula. Si Jovis voluntate cunctis
animantibus consensus ac societas contingeret in degenda
vita, ut in Olympia præco non solum homines ad certam-
men vocaret, sed omnibus etiam animalibus permetteret
ad unum venire stadium, nullus opinor hominum corona-
retur. In eo certamine, in quo cursus ad viginti tria stadia
porrigitur, unde & δέλταον appellant, equus inquit, lon-
ge superabit: in cursu vero brevior qui non ultra stadium
profertur, lepus feret præmium. Cæterum in diaulo in
quo cursus ac recursus duplicat stadium, primas feret ca-
prea. Neque quisquam hominum in aliquo numero futu-
rus est. O leves exercitationes vestras athlii, id est, miseri
viri. Imo ne Hercules quidem posterorum quisquam ele-
phanto aut leone robustior apparebit. Arbitror autem fu-
turum, ut & in pugilum certamine taurus coronam laturus
sit. Et asinus, inquit, si velit calcibus contendere, co-
ronam auferet, & in historia variorum eventuum scribe-
tur, quod asinus in pancratio aliquando vicerit viros. Erat
autem Olympias prima ac vigesima quum vinceret ruditor.
Admodum venusta fabula hæc declarat, robur athle-
ticum non esse de numero eorum quibus homines decet
exereri. Atqui si ne robore quidem antecellunt animan-
tibus athletæ, quodnam ex cæteris bonis sibi vindica-
bunt?

Quod si quis dicat voluptatem corporis inter bona nu-
merandam, ne hujus quidem compotes sunt, neque quum
exercentur, neque postquam ab exercitatione discesserint:
quandoquidem dum exercent athleticam, in laboribus
ac miseriis agunt, non tantum ob exercitia, verum
etiam ob id quod coguntur ad edacitatem. Quod si conti-

gerit eos ab arte missionem accipere, plerisque corporis
membris claudi fiunt ac debiles.

Ergo fortassis inde gloriantur, quod præ cæteris pluri-
mum colligunt & coacervant pecuniarum. Atqui videre
licet istos omnes æri alieno obstrictos, non solum id tem-
poris quo exercent artem athleticam, verum etiam quum
ab ea dimissi sunt, haudquaquam invenies athletam pilo
ditorem, quovis viri divitis œconomo. Quamquam ne
id quidem per se præclarum est ex arte parare divitias, sed
talem potius artem scire, quæ fracta navi simul cum domi-
no enatet e naufragio: quod quidem nec his contingit qui
res procurant divitum, neque publicanis, neque negocia-
toribus: Et tamen hi maxime ditescunt e suis artibus. Cæ-
terum si pereant illis pecuniæ, simul perit & negotiatio,
ad quam opus quidem habent aliqua sorte pecuniæ, cæte-
rum si hæc desit, non possunt instaurare pristinam nego-
ciationem. Nullus enim illis mutuam credit absque pi-
gnoribus & hypothecis. Proinde si quis studet sibi parare
viam ad parandas pecunias, & tutam, nec infamem, ars
exercenda est, per omnem vitam permanens. Porro quum
prima divisione in geminum discrimen artes distribuuntur:
quædam enim ex his ratione constant, suntque liberales &
honestæ: quædam contra contemptibiles, quod corporis
laboribus consent, quas sedentarias ac manuales vocant,
præstiterit, ex illo priore genere, quampiam discere. Nam
posterius illud genus destituere solet senectute gravatos ar-
tífices. Prioris autem generis sunt, Medicina, Rhetori-
ca, Musica, Geometria, & Arithmetica, Dialectica, A-
stronomia, Grammatica, ac Legum prudentia. Adde his
si voles fingendi pingendique artificium. Quamquam e-
nim hæc manuales constant opera, tamen earum exercita-
tio non eget robore juvenili. Ex his igitur artibus aliquam
deligere convenit, & exercere juventutem, cui mens non
sit omnino pecunia, vel harum potius optimam, quæ qui-
dem mea sententia est ars medendi. Hoc autem deinceps
nobis erit demonstrandum.

G A L E N I

D E

O P T I M O D I C E N D I G E N E R E

L I B E R.

FAVORINVS censet optimum doctrinæ genus, per
quod utramque in partem præparamur. Sic enim ap-
pellabant Academici, propter adversam partem quam as-
severabant. Itaque vetustiores existimabant hanc doctri-
nam definire in Epochen. Epochen autem appellabant,
quasi dicas suspensionem sententiam, nihilque definitum,
quod est, nulla de re pronunciare, nec asseverare certo.
Recentiores autem (non enim solus fecit hoc Favorinus)
nonnunquam eo proferunt Epochen, ut negent vel illud
intellectu posse comprehendere, Solem esse. Rursus alias eo
proferunt cognitionem, ut discipulis suis permittant, an-
tequam didicerint, de scientiis judicare. Nec enim aliud
est quod dixit Favorinus libro de affectione Academica,
cui titulus inditus est *Plutarchus*. Dicit autem in libro ad
Epietum, in quo inducitur Onesimus Plutarchi servus
cum Epieteto disputans. Quin & in libro quem postea
scripsit ad Alcibiadem, laudat alios etiam Academicos,
qui in partes ambas sibi pugnantes & contrarias differebant,
cæterum discipulis permittiebant, ut quod verius videretur
eligerent. In hoc sane libro ait sibi videri probabile,
nihil certo sciri posse. Contra in Plutarcho concedere vi-
detur, esse certam alicujus rei cognitionem. Præstat au-
tem sic appellari, γνῶσιν, id est, *cognoscibile*, quod aliis
dicitur καταληπτόν, id est, *comprehensibile*, relicto voca-
bulo Stoico. Ego sane mirabar, ita me Dii beneament,
quod Favorinus, qui consuevit omnia nomina ad Atticam
linguam usurpare, non desinat uti his vocibus. Compre-
hensibile, comprehensio, comprehensiva imaginatio, vel
his contrariis, veluti quæ per privationem dicuntur, ut
incomprehensiva imaginatio, aut ipsa incomprehensibi-
litas, adeo ut quum libros tres scripserit, primum ad A-

Drianum, alterum ad Dysonem, tertium ad Aristarchum,
omnibus titulum indiderit; *De comprehensiva imaginatione*,
ac per omnes hos libros strenue contendit, dum cona-
tur demonstrare nullam esse posse comprehensivam ima-
ginationem. Ego vero nihil aliud arbitror sonare compre-
hensibile, quam cognoscibile, nec aliud comprehendere,
quam certo cognoscere: cæterum inter se respondere com-
prehensionem, & comprehensivam imaginationem. Quo-
niam enim nonnulla videmur nobis videre, audire, aut alio-
qui sensu percipere, quod accidit in somnis, aut per insa-
niam: nonnulla vero non tantum putamus nos videre, sed
re vera videmus, aut alioqui sensu percipimus. Hæc qui-
dem posteriora omnes homines, exceptis Academicis, &
Pyrrhoniis, ad certam cognitionem pertingere credunt;
cæterum quæ per somnium aut mentis errorem apparent
animo, ea falsa esse. Quod si porro concedunt hoc ita se
habere, deleant e libris suis quod inibi scriptum est? In
rerum judicio nec sano magis esse fidem habendam, quam
insano, neque recte valenti magis quam ægroto, neque
vigilanti magis quam dormienti. Sin istis nihil est cogno-
scibile quam iis qui sunt diverso modo affecti, nimirum
confusa sunt veritatis judicia: nec ipse præceptor Aca-
ademicus, nec discipulus poterit judicare rationes, quæ in
ambas partes inter se pugnantes differuntur. Imo ne opus
quidem omnino fuerit talibus Doctoribus, quum possimus
ipsi, quæ a sectarum auctoribus hinc atque hinc disserta
sunt legere, nihiloque minus quam Academici scire, & si
quid apud hos fuerit obscurum, quod erit apud Chrysip-
pum, Stoici magistri possunt appellare certius, quod apud
Theophrastum & Aristotelem, Peripatetici, itemque de cæ-
teris, ut jam nihil omnino reliquum sit, quod doceant Aca-
demici.

Tom. I.

Xxx

de-

demici, juxta Favorini quidem disputationem. Siquidem hoc sane docuerunt illi veteres, nullum esse datum homini judicium a natura, quo collatis inter se rebus omnibus, exacte possit dignoscere. Eoque nulla de re pronuncian- dum esse censebant, sed semper de omnibus suspenden- dam esse sententiam.

Verum si nobis physicis concedant, ut oportet, sen- sum, jam nihil opus habebimus in utramque partem exer- ceri, sed alia quadam re fuerit opus, videlicet repetitione: ut artifices, non statim artem præbent discipulis, sed aliud exigunt, nimirum considerationem eorum quæ tradita sunt, quod a plerisque dicitur ad calculum vocare, hoc autem est instare ei qui exercetur, & in hoc animadvertere, ubi labatur, eaque sola corrigere. Consimili modo, qui pueros exercent ad palæstram, corrigunt luctantium er- rata. Sic & Grammaticus & Rhetor, & Geometres, & Musicus docent, non labefactantes neque convellentes in discipulis fidem quam habent naturæ judicio, sed instan- tes iis, quos exercent, donec in singulis actionibus eo pro- vexerint, ut jam non errent, tantum abest ut inducant sen- tentiæ suspensionem. Perinde enim faciunt, qui suspen- dunt sententiam ne credant evidentiæ rerum una cum sen- sibus, atque qui contemnunt ea, quæ certo ab aliquo co- gnoscuntur. Itaque Carneades ne illud quidem quod est omnium evidentissimum concedit esse credendum, quod magnitudines, uni cuiusdam æquales, sint etiam inter sese æquales. Rationes igitur quibus conatur destruere, & hæc & alia permulta, quæ tibi evidenter apparent credunturque esse vera, adhuc in hunc usque diem servatas habemus, proditas scriptis, ab illius discipulis collectas. Solutiones autem nec ab illis, nec ab alio quopiam Academicorum, qui post Carneadem fuerunt, datæ sunt.

Ea res sola declarat, istius rationes omnes esse sophi- smata. Nobisque querendæ sunt, o discipuli, istarum solutiones. Improbum est enim hoc, attamen ni- hilominus improbum fecerunt illi, qui scripserunt qui- dem has, cæterum vobis non indicaverunt, quales essent. Lubens autem perconter, si vel Favorinus adesset, u- trum me jubeat credere omnibus istis rationibus, an considerare, veræ ne sint an falsæ. Unum hoc sane con- cessit, considerare. Rogarem autem post hæc in univer- sum, num homini natura vis insit judicandi, quæ sermo- nes veros discernat a falsis, an potius ars quædam & ratio sit, utrumque cognoscendi. Si natura, qui sit ut non omnes inter nos consentiamus, neque similiter iisdem de rebus pronunciemus? Sin ars est ac ratio, hæc omnium primum erat discenda, deinde conveniebat doctores lu- do præfectos variis modis exercere discipulos, multis pro- positis exemplis, quemadmodum instituuntur qui discunt artem luctandi, aut coriariam, aut fabricandi domos, na- vesse, aut Rhetorice dicendi, aut legendi, aut scribendi, aut ut summam dicam, quidlibet aliud operari juxta ar- tem. Proinde si quis Academicorum scripsit, quæ tan- dem res sit demonstratio, quod sophisma, & quomodo oporteat alterum horum ab altero discernere, & quem- admodum in his oporteat exerceri, quemadmodum Fa- vorinus admittit judicium discipulorum, in utramque par- tem exercitatorum, nisi quod supervacaneum est, nimi- rum docuit Academicus omnia quæ dicta sunt, habere- musque nos præceptores, qui propria decreta doceant. Quod si nullus istorum scripsit quomodo ista differunt, nec exercuit quemquam, perinde facere videntur, ac si faber præcipiat discipulo, ut & metiatur, ut æquet, ut dirigat, & circulum describat, nec interim det illi cubi- tum quo metiatur, nec xystron quo poliat, neque regulam ad quam dirigat, neque circinum quem circumducatur. At- qui forsitan dicet tale nihil esse in Philosophia ac dogmati- bus. Ne igitur posthac adsimules te aliquid scire, neque pronuncia, neque desciscere a veterum Academicorum de- creto, qui prodiderunt suspendendam esse sententiam, neque te jacta dum facis, quod solet Grammaticus, qui semet in his exercuit, quæ dicta sunt a prioribus. Proinde nihil apud illos esse præclari, perspicuum est consideranti. Neque enim hoc est ejus qui docendi munus proficitur, sed nugacitas potius quædam est & ineptia. Unde igitur cognoscendi veri spes reliqua est? Etenim cui non adest ju- dicium veri ac falsi, huic nulla spes est cognitionis. Tan-

A tum hoc stude, ut Sophistas doctas, nullam nobis a natura insitam vim judicandi. Deinde fortassis impudenter no- bis, & sensum & intellectum, quibus evidenter judica- mus de vero, concedet aliquis, cupiens nos in Logicis fru- stranea spe volutari. Quicumque vero sustulerunt totam spem, quod fecit ille, frustra nugantur. Perspicuum igitur est quod Favorinus pudore subvertit omnia, & quod inde fateatur nihil sciri, unde veteres Academici Pyrrho- nique dicebant. Cæterum fide discipulis permittere ju- dicium, quod priores ne sibi quidem ipsis permittebant. Ergo quod ejusmodi doctrina & institutio discipulorum ar- tem quamcunque discendum, qualem sentit Favorinus, non solum cæteris præstantior non sit, verum ne doctrina quidem omnino dicenda sit, opinor a nobis dilucide de- monstratum.

B Jam de reliquis, quæ doctrinæ quidem sunt omnes, an optimæ sint consideremus, rursus ab iisdem ordientes. Apparet enim hoc nobis evidenter, quod Sophistæ maxime student sibi reddere incredibile, nullum esse judicium natu- ræ. Et enim circinus pingit circulum, cubitus autem discernit longitudinem, quemadmodum lances gravita- tem. Hæc autem ipse fabricatus est homo, ex naturæ in- strumentis ac judicio impulsus: quibus nullum ultra judi- cium nec antiquius habemus, neque præclarius. Hinc igitur incipiendum est. Dicit enim rursus ipsa mens, quod possibile nobis est naturali judicio, credere siue non crede- re, ipsum autem judicium per aliud aliquid judicare, possi- bile non est. Qui fiet enim, ut id quo judicantur reliqua omnia, ab alio quopiam judicetur? Credere vis oculis cla- re cernentibus, & linguæ gustanti, hoc quidem esse ma- lum, hoc vero ficum, an non credere? Concedam quod voles facere in nobis, siquidem studes mecum disputare. Quod si non credis, discedam abs te, velut ab eo, qui præter naturam affectus est. Ponamus primum te non cre- dere, neque sperare futurum ut quicquam ex mediscas. Hoc enim modo coeperam dicere. Ponamus rursus te cre- dere ac spem esse futurum, ut ex me discas judicare. Cæ- terum ego sentio, judicare, sensibilia quidem ex his quæ evidenter apparent sensibus; intelligibilia vero, ex his quæ dilucide intelliguntur. Quopiam autem ex naturæ judicio artes omnes parant & instrumenta & judicandi se- cundum artem organa, per quæ alia quidem ipsi sibi com- ponunt, alia rursus ab aliis composita, judicant, & ego docebo in universum, & instrumenta & judicia, tum ea per quæ tibi parabis veros sermones, tum ea per quæ judi- cabis ab aliis dictos. Sic enim habes totum. Etenim si quid ex sese evidenter apparet sensibus aut intellectui, ad nihil opus est inquisitione. Quod si nihil est tale, necesse est ut ac- cedat cognitio, quæ aliunde paratur. At ego polliceor me traditurum tibi quædam, quæ respondeant instrumentis, quæ sunt ab arte, ex quibus invenies, quod quæris, alia vero respondentia judiciis, ex quibus judicabis, an vere tibi videaris invenisse. Hæc autem ubi didiceris, multis exemplis exercebo te, ut & celeriter & exacte invenias judicesque quod quæris, ut posthac nec ullo libro futurum sit opus, ad inventionem veri, nec alia doctrina. Mox & aliis dicentibus aliquid eorum, quæ cupis invenire, fa- cile poteris cognoscere. Etenim qui cognovit rectam viam, rectam esse, non eget alia doctrina ad redarguendum eos qui aberrant. Ita qui rectam demonstrationis viam perdidice- rit, protinus cum hac novit vias erroneas. Favorinus au- tem mihi videtur simile quiddam facere, quasi si quis dicat te cæcum esse, nihilominus tamen judicare posse, uter nostrum sit sordidior aut candidior, haud reputans secum, quod ei qui talia sit judicaturus, opus est adesse visum. At- qui nihil refert, quod ad judicandum attinet, utrum omni- no visu careas, an quum habeas, illi non credas. Ad eum- dem autem modum, quod id quo judicamus est tale quid- dam, quodque quæ huic paria sunt, sunt & inter se paria, quemadmodum a finis nemo permetteret judicare, quo- niam omnino mente carent: ita nec hominibus, si vel ne- hi quidem mentem habeant, cui credi possit. Nihil enim interest, quod attinet ad incertitudinem eorum quæ judi- canda sunt, an omnino nullum habeas judicium, an non credas illi. Ridiculus est igitur Favorinus, permittens ju- dicium discipulis, quum organis judicandi detrahat fidem. Etenim si nihil est evidens intellectui, aut certum ex sese, perit

perit omne rerum iudicium. Contra si est quidem, velut oculus in corpore, sic intellectus in animo, non tamen omnibus pariter acutus, consentaneum est, ut quemadmodum qui cernit acutius, adducat ad id quod videtur eum, cui visus est hebetior; ita quibus contigit in rebus intelligibilibus perspicere clare, quod offertur intellectui, adducant ad contemplationem eandem, maxime cæcutientem. Atque hoc est præceptoris officium, ut inquit Plato, & ego assentior. Et his de rebus scripsimus copiosius in tractatione demonstrationis, quod doctrina talis quædam sit

A evidens ad intelligentiam. Scripsimus autem & illud, quomodo quis exorsus in unoquoque ab elementis ac principiis maxime demonstrare possit, quicquid est demonstrabile: non quemadmodum admirandus ille Favorinus facit per totum librum, in quo demonstrat, ne id quidem comprehendere possit, Solem esse: ac nobis obliuio in utramque disputat partem, conceditque esse aliquid quod certo cognosci possit, cuius iudicium & electionem permittit discipulis.

G A L E N I L I B E R,
Q U O D

O P T I M U S M E D I C U S

I D E M S I T E T

P H I L O S O P H U S.

Q U O D accidere solet Athletis plerisque, qui cupiunt quidem in Olympiis victores evadere, cæterum ut id assequantur nihil exercent curantve, tale quiddam & Medicis compluribus usu venit. Nam laudant quidem Hippocratem, ac Medicis omnibus anteponunt, ut autem ipsi similes illi reddantur, quidvis studio habent potius quam hoc. Atque alii quidem non mediocre momentum adferre ad rem Medicam ajunt Astronomiam, & quæ hanc videlicet necessario præcedit Geometriam, ipsi vero non modo neutram harum cupiunt discere, verum etiam incusant eos qui id conantur. Rursus alius vult exacte cognosci naturam corporis, asseverans id esse principium totius rationis Medicæ. Verum iidem, rerum harum adeo studiosi sunt, ut non solum ignorent, uniuscujusque partis naturam, aut flexum, aut duplicaturam, aut magnitudinem, aut communionem quam habet cum vicinis partibus, verum ne situm quidem ejus intelligant. Et tamen ex eo quod ignoramus speciatim simul ac generatim distinguere morbos, accidere Medicorum errorem circa curandi scopos dixit Hippocrates, qui jubet nos exercere speculationem rationalem. At horum temporum Medici, tantum abest ut hac exercitati sint, ut alios id facientes damnent veluti inutilia conantes. Idem, ut ante cognoscas tum eos qui præcesserunt, tum præsentem tum futuros laboranti morbos, multo studio curaque præparari oportere dixit Hippocrates. Isti vero circa hanc artis partem adeo laborarunt, ut si quis prædixerit sanguinis eruptionem, aut sudorem, impostorem, & incredibilia pollicentem appellent. Vix autem isti laturos sint, si quis alia quoque prædicat, sed iidem vix umquam constituere poterunt victus rationem ad futuram morbi intensiorem. Atqui Hippocrates, sic dicit esse moderandam victus rationem. Quid igitur tandem reliquum est in quo virum æmulantur? Nam is quidem non solum in aliis, verum etiam in explicandi dexteritate præcellit. Quod istis adeo in diversum succedit, ut eorum multos videre liceat eadem in dictione bis peccantes, quod quidem nec intelligi facile queat; eoque mihi visum est inquirere, quænam esset causa, per quam fieret ut omnes unum admirarentur, nec tamen legant illius libros, neque si id faciant, intelligant quæ dicuntur, aut si quis id quoque consequatur non perducatur speculativam artis rationem, ad experientiam, studens confirmare quod didicit, & in habitum ducere. Tandem ubi repererit omnia ex animi sententia, quæcumque vel consilio, vel viribus homini possunt adesse: desit autem horum alterutrum, ut illorum etiam sine frustrentur necesse est. Protinus quidem Athletis videmus, vel ob corporis malam habitudinem, vel ob negligentiam exercitationum, frustrari expetito fine. Jam vero si & corporis natura digna fuerit victoria, nec in exercitatione quicquam possit desiderari, quid negotii fuerit hanc coronam ferre in certaminibus? Utrum igitur in utrisque sunt infelices horum temporum Medici, neque vires, neque consilium satis idoneum adferentes, ad artis exercitationem, an alterum quidem illis adest, altero vero destituuntur? Cæterum nunc nasci neminem, qui natura satis compositus sit ad percipiendum artem tam fami-

B liarem & amicam humano generi, mihi dictu videtur absurdum, quum nunc idem sit mundus, qui fuit olim, quumque nec horarum ordo sit immutatus, neque solis circuitus inversus, nec aliarum stellarum sive fixarum, sive erraticarum ulla mutata sit.

Verum probabile est ob malam educationem, qua nunc educantur homines, & ob divitias antepositas virtuti, jam neminem amplius existere qualis fuit vel Phidias inter Statuarios, vel Apelles inter Pictores, vel Hippocrates inter Medicos. Et tamen nobis quod veteres illos ætate sequuti sumus, quodque ab his artes ad summum provectas recepimus, non mediocris fuit prærogativa, quod facillimum sit ea quæ multo tempore parta docuit Hippocrates paucis annis edicere. Quo facto, licet quod superest ætatis ad invenienda quæ restant insumere. Atqui fieri non potest ut qui pluris faciat divitias quam virtutem, quique artem non in hoc didicit, ut de hominibus bene mereretur, sed ut ditesceret, ad proprium artis finem perveniat. Citius enim alii ditabuntur, quam nos ad artis consummationem pervenire queamus. Proinde fieri nequaquam potest, ut simul & pecuniæ studio serviamus, & artem tam arduam exerceamus, sed necesse est, ut qui vehementius incumbit in alterum, alterum negligat. Possumusne igitur, ex hujus temporis hominibus proferre quempiam, qui hætenus expetit possidere pecuniam, quatenus satis est, ad suppeditandum corporis necessitatibus? Est aliquis, qui possit non solum oratione fingere, verum etiam factis ipsis docere, finem divitiarum juxta naturam haud longius proferri, quam ne efuriamus, ne sitiamus, ne algeamus? At sane si quis talis est, is contemnet & Artaxerxen & Perdiccam, & alterius quidem nec faciem videre dignabitur, alterum vero sanabit quidem morbo laborantem, & Hippocratis artem implorantem, haud tamen dignabitur illi assidue convivere, sed interim curabit pauperes Cranone & Thaso, aliisque oppidulis laborantes: verum relinquet Cois & civibus Polybum, aliosque multos discipulos: ipse autem per omnem oberrabit Græciam. Nam oportet eum non nihil scribere & de regionum natura. Ut igitur experimentis judicet, quæ ratione didicit, oportet ipsum omnes civitates oculis intueri, & quæ vergunt ad meridiem, & quæ ad septentriones, & quæ ad solis exortum, & quæ ad occasum: ac dispicere quæ sit in plano, quæ in edito, quæ juxta littus aquis obnoxia, quæ fontibus abundans, quæ pluviis, quæque stagnis ac fluminibus sibi suppeditans. Neque negliget discere, si qua aquis vehementer frigidis utatur, si qua calidis, si qua nitrosis, si qua constrictivis, aut aliis rebus ejusmodi. Videbit autem & magno flumini imminentem civitatem, aut stagno, aut monti vicinam, aut mari: cæteraque omnia perspiciet, de quibus ipse nos docuit. Itaque qui talis sit evasurus, cum non solum oportet negligere pecunias, verum etiam supra modum impigrum esse & industrium. Atqui fieri non potest ut aliquis sit industrius & impiger, qui inebriatur, qui se ingurgitat cibo, qui studet Veneri, & ut in summa dicam, qui pudendis ac ventri servit. Itaque qui sobrietatis amator est, nec minus veritatis amans, hic verus Medicus comperitur.

Tom. I.

Xxx 2

Jam

Jam & ars rationalis discenda exercendaque est, quo sciat quot in universum sint morbi, secundum species ac genera digesti: deinde quo pacto cujusque sit sumenda curationis ratio.

Hæc autem eadem ars docet etiam corporis nosse naturam, tum eam quæ constat ex primis elementis, quæ tota inter sese coherent, ac vicissim alia pendent ab aliis, tum eam quæ constat ex secundis, videlicet sensibilibus, quæ sane vocantur homœomera, hoc est similibus partibus. Quin insuper horum unumquodque quæ dicta sunt, quem usum præbeant animanti, & quid operentur, & hoc oportet haud quaquam oscitanter explorare, sed per demonstrationem certum & persuasum habere, quod quidem ars docet rationalis. Quid igitur jam deest Medico, quo minus sit Philosophus, quisquis Hippocratis artem ut par est exerceverit? Etenim si ut deprehendat quidem corporis naturam, ac morborum discrimina, curationumque rationes in Logica speculatione convenit exerceri, ut vero impigre in his exercendis perseveret, oportet contemnere pecunias, & sobrietatem amplecti, nimirum, omnes Philosophiæ partes habebit, tum eam quæ Rationalis dicitur, tum eam quæ Naturalis, tum eam quæ Moralis. Nec enim jam periculum fuerit, ne qui pecunias contemnit, quique sobrietatem colit, absurdum aliquid committat. Quicquid facinoris audent homines patrare, aut avaritiæ persuasum, aut voluptatis fallacia, patrant. Ita necessario consequitur, ut & reliquas habeat virtutes, omnes enim inter sese coherent, neque fieri potest, ut unam quamcunque sequaris, quin protinus & omnes alias habeas consequentes, tanquam ex uno fune revinctas. Quod si necessaria est Me-

dicis Philosophia, tum ad eam cognitionem unde fit initium, tum ad exercitationem quæ sequitur, perspicuum est, quisquis Medicus est eundem omnino & Philosophum esse. Nec enim arbitror ulla demonstratione probandum esse, quod Medicis opus sit Philosophia, ad recte utendum arte, quum plerumque videamus eos veneficos esse non etiam Medicos, qui pecuniæ studio dediti, in aliud uruntur arte, quam inventa est.

Num igitur amplius de vocabulis digladiaberis ac nugaberis contendens, temperantem quidem ac pudicum, pecuniarum contemptorem ac justum oportere esse Medicum, non tamen esse necesse ut sit Philosophus, & corporum naturam cognoscat, & actiones instrumentorum, ususque partium, ac morborum discrimina, curationumque rationes, quumque concedas illi, ut circa rationalem speculationem aut in actionibus sit exercitatus, de nominibus erubescas disputare? Quanquam id fero quidem. Præstat autem ut nunc, non graculi aut corvi more, de vocibus decertes, sed ipsi rerum veritati des operam. Non enim illud dicere poteris, quod nemo quidem textor, aut corarius citra disciplinam & exercitationem umquam evasurus sit, justus autem, aut temperans, aut demonstrandi peritus, aut excellens in cognitione naturæ subito fiat aliquis, qui nec præceptore sit usus, nec ipse seipsum exercuerit. Hoc itaque si videtur impudens, alterum vero contendens est non de rebus, sed de nominibus, nobis in eo philosophandum, quod prius dictum est, si modo vere sumus Hippocratis æmulatores. Idque si fecerimus, nihil verat, quo minus evadamus, non dicam illi similes, sed superiores etiam illo, perdiscentes quidem quæ recte ab illo scripta sunt, quæ vero restant, nostra ipsorum industria invenientes.

F I N I S.



DESIDERII ERASMI
ROTTERODAMI
IN
LAURENTII VALLÆ
ELEGANTIARUM LIBROS
EPITOME.

DESIDERIUS ERASMUS ROTERODAMUS LECTORI

S. D.



E O NUNC redisse videntur hominum mores, amice Lector, ut quod cuique libuerit, idem sibi licere putet: tantaque sit injuriam inferendi licentia, ut nos pudeat toties queri, quum alios non pudeat sine fine ledere. Adolescens annos natus plus minus octodecim, rogatus sum a quodam ludi literarii magistello, ut ex Laurentii Vallæ Elegantiis quædam decerperem, puerorum rudium ingenii accommodata, cui gemina facilitate, tum ætatis, tum ingenii, morem gessit, ac plus quam tumultuario studio quæ videbantur enotari, Scriptum literatori tradidi, nullo mihi reservato exemplari, de edendo nibilo magis cogitans, quam de meipso suspendendo. Id nunc prodisse video, exemplaribus innumeris propagatum. An non hæc sit atrox injuria, & legibus vindicanda, judicent boni viri. Nec hoc satis visum est, affinxerunt titulum Paraphrasis: quod ludi-bris causa factum videri potest. Tolerabile fuerat Epitomen appellare. Ne id quidem istis visum est satis in-juriæ, admiscuerunt nonnulla, quæ nec in Laurentio habentur, nec a me sunt addita: rursus quædam omise- runt, quæ prætermitti non poterant. Hactenus injuria potest appellari, illud vero non jam injuria solum est, verum etiam extremi stuporis, quod præter argumenti naturam opus distraxerunt ordine literario. Atqui hoc non erat ordinare, sed scopas (ut ajunt) dissolvere. Tota fere hujus operis ratio, constat similibus ac dissimi- lium dictionum collatione: quæ si distrabantur, cæca est præceptio. Veluti quum Laurentius ostendit quid in- ter sit inter ut, sicut, velut, tanquam & quasi, quid absurdius si quis horum singula in singulas distrabat li- teras? Atque adeo in ipso statim hujus operis initio, habes quid sit abstinentia, continentiam, ac temperan- tiam ne in suis quidem literis inveniebamus. At Valla hæc tria inter se confert, continentiam, abstinentiam & temperantiam. Quid quod quædam habent præceptiones generales, de dativis in abus, de gerundis & ge- rundivis, de utroque supino, de comparativis & superlativis, de reciprocis, quæ per literas dividi non possunt, nisi forte asinabus quæram in a, filiabus in f, equabus in e, deabus in d, & item de cæteris. Unde liquet quis- quis hoc fecit, adeo nullum habuisse judicium, ut caruerit etiam sensu communi. Proinde quoniam jam bis ex- cuso libello, videbam typographum Gallum ad tertiam editionem accinctum, quod unum licuit feci, recognovi quod erat excusum, & additis, detractis, mutatisque permultis, feci ut aliquanto purgatius versaretur in pue- rorum manibus, quandoquidem excuti non potest. Quid superest, nisi ut emittant & illos commentarios, quos ante annos xxxv. scripsi Lutetiæ, non homini, sed lapidi, eique adjurato, ne cuiquam communicaret. Quod jusjurandum ita servavit, quasi jurasset communicaturum. Neutrum scripsi ut ederetur, & tamen illud, quod scripsi jam adulta ætate, multo tolerabilius erat, quam illud, quod adolescens enotavi. Sed precor istis mentem meliorem, qui tantum sibi permittunt in schedas & famam alienam: qui si nec humana jura norunt nec Divina, saltem illud perpendant, num quod mihi faciunt, idem vellent sibi fieri. Bene vale Lector. In alma Academia Friburgensi, pridie Calend. Jan. Anno M D XXXIIII.

E P I T O M E
DESIDERII ERASMI ROTERODAMI
IN ELEGANTiarum LIBROS
LAURENTII VALLÆ.

Lib. 3.
cap. 66.



PRÆPOSITIO jungitur omni-
bus consonantibus, nisi quod in-
terdum concinnitatis gratia, di-
ctionibus incipientibus abs t & q
præponitur abs, ut *abs quovis ho-*
mine, hoc abs te peto.

Lib. 2.
c. 29.

Ab præponitur l r & j conso-
nanti, ut *Ab legatis, ab rege, ab*
Jove. Quamquam hoc perpetuum non est, sed pendet
ab usu veterum, & judicio aurium.

Abdicat filium, qui privat omni jure filii. *Exhære-*
dat filium, qui tantum submovet ab hæreditate. Ita-
que quicquid abdicatus est, idem est exhæredatus, non
contra. *Abdicatio* opponitur *adoptioni*, & transfertur
etiam ad alia. *Generum abdicat*, qui repudiat sponsum.
Magistratu se *abdicat*, qui deponit. *Abdicatio* con-
traria est & *dedicatio* sive *dicatio*. *Dicat*, qui alteri pro-
prium aliquid facit: *abdicat*, qui alienat.

Lib. 6.
c. 1.

Abigimus, quæ ubi accesserint expellimus. *Arcemus*
quæ prohibemus ne accedant. *Abigimus muscas* jam
insidentes, *Abigimus aves* sonitu, *Arcemus* easdem ne
audent accedere. *Abigei* hinc abactores dicti, qui pecu-
des ex agris alienis abducunt. Crimen, *abigeatus* dicitur.
Plagiarii qui aliena mancipia seu liberos abducunt,
Crimen *plagium* dicitur. *Peculator*, qui de Principis aut
populi ærario suffuratur: Crimen, *peculatus*. *Sacrile-*
gius, qui sacra sive de sacro loco tollit aliena: Crimen,
sacrilegium. *Fur*, & *furtum*, generalia nomina sunt.
Prædo, qui vi rapit. *Latro*, qui in belli speciem ferro
grassatur. *Pirata*, qui idem facit in mari. *Compilator*, qui
clam spoliatur. *Compilans servi dominos*. *Compilavit seriniam*
mea. Neque enim recte dixeris, *compilavit libros* aut
pecunias. *Expilat* populum, qui exactionibus spoliatur.

Abominari, est dictum veluti sinistra ominis averfari
deprecarique: Veluti quum dicimus: *Si quid tibi acci-*
derit humanitus, quod Deus prohibeat. Omen enim pro-
prie est divinatio sumpta ex sermone cuiuspiam. Hinc
male ominari, & *bene ominari*. Sic *augurium* ex avibus
divinatur, & *auspicium*: *Aruspex*, ex pecudum extis. U-
surpatur *abominari* generaliter pro detestari.

Abundat, non quod superfluum est, sed quod est co-
piosum & cumulat. *Redundat*, quod supervacaneum
est. *Abunde mihi satisfactum arbitror*, *Abunde magnum*
fructum cepi: Quamquam invenitur, *abunde fructus*, ut
satis fructus. *Redundans verborum copia vixio datur*. Re-
lative usurpatur: *Hæc omnia in innum caput redundabunt*.
i. refundentur.

Lib. 4.
c. 41.

Abstinencia virtus est, qua temperamus ab alienis.
Cui opponitur *rapacitas*. *Alieni abstinentis*, sui *prælargus*.
Continentia est virtus qua ratio temperat affectui, præ-
sertim circa voluptates corporis: rursus proprie circa
libidinem, quam Græci vocant *ἐπιθυμία*. Cui contra-
ria est *ἀκρασία* *incontinentia*. *Temperantia* genus est ad
omnium affectuum moderationem pertinens. Bifariam
loquimur, *Abstinitis vino & Venere*, *abstinuit a vino*.
Abstinit se ab illius commercio. *Non abstines manum*.
Abstemi dicuntur Christianis, quorum communio vita-
tur. *Cominens* & *incontinens* absolute dicuntur. *Non me*
contineo quin te admoneam. *Non mihi tempero*. *Continens*
dicitur terra, quæ non est insula. *Continenter* vivit qui
caste vivit; *Continenter* loquitur qui perpetuo loquitur,
Græce *synechos*.

Lib. 1.
c. 5.

Acicula, diminutivum ab acu, non *acuscula*, quem-
admodum a manu *manuscula*.

Lib. 4.
c. 2.

Accedere duo significat, Primum adire: inde *accessus*,
aditus. *Non patet tibi ad præceptorem accessus*. Secundo
sonat, incrementum sive augeri, atque adungi: Inde *ac-*
cessio pro incremento. *Accessus maris* & *recessus* dicitur,
quum ad nos affluit ac refluit. *Accessio febris* dicitur in-

tenso, quæ Græcis dicitur *paroxysmus*: Cui contra-
ria est *remissio*. Et quemadmodum dicimus, *Accessit me*
& *accessit ad me*, pro adiit, ita dicimus, *Hoc accessit ca-*
lamitatis meis, & *accessit ad calamitates meas*: *accedis*
his, & *accedit ad hæc*, & *huc accedit*, sive eodem accedit pro
adjungitur: Cui contrarium est *decedit*. *Quantum tua ac-*
cedet incogitantia, tantum *mea in te benevolentia decedet*.
Tantus est meus in te amor, ut nihil possit accedere, vel, ut
nulla fieri possit *accessio*. Dicimus & *accessionem adungere*,
pro addere incrementum. Et apud Jureconsultos *ac-*
cessorium dicitur, quod principali adjungitur.

Actus fabulæ, est pars fabulæ. *Actio* fabulæ, est ipsa
per gestus repræsentatio. Quamquam & Oratoris di-
citur *actio*, pronuntiatio cum gestuum ac vocis mode-
ratione. Unde histriones fabularum *actores* dicuntur,
non *gestores*: & qui Consulis personam *gerit*, *Consulem*
agere dicitur, & qui scurræ imitatur, *scurræ agere*.
Apud Jureconsultos distinguitur *actus a via & itinere*:
item *ire & agere*.

Acta possunt esse privata, quæ codicillis aut testa-
mentis continentur. *Gesta* publica sunt, ut *gesta Roma-*
norum: quamquam elegantius dicuntur *res gestæ*. Inter-
dum tamen *actus* pro *gestis* legimus. *Gestus* est ipsa mo-
deratio motus, vultus, & corporis. *Gestio* est rerum
perpetratio. *Gestus* est Oratoris aut histrionis; *Gestio*
est Ducum aut Principum. *Gerere Magistratum* dicitur,
non *agere*. *Agere causam* dicimus, non *gerere*. *Gestor*,
facinororum auctor. *Actor* causarum aut fabularum di-
citur, quamquam in causis forensibus *actor* dicitur, qui
intendit litem: patronus qui defendit reum. In anteca-
tegoriis uterque est *actor & reus*: unde & *reum peragere*
dicitur, quem quis accusat.

Acini densius nascuntur: ut grana uvæ, hederæ, sam-
buci, ebuli, mali Punici & similia, *acini* dicuntur, Lib. 4.
non *bacca*. Nam *baccæ* rarius nascuntur, ut fructus lau-
ri, olivæ, myrti, lentisci, juniperi, corni, loti, quæ &
faba Syriaca dicitur, lentisci, ac similia *bacca* dicun-
tur, non *acini*. *Poma* dicuntur quibus vescimur, ut cera-
sum sive cerasum, pyrum, pomum, mespilum, ficus, &
si qua similia, non *acini* neque *bacca*. Castanea, pinus,
corulus sive avellana, amygdalus, juglans, & his similes
arbores, *nucæ* pariunt, non *poma*, aut *baccas*, aut *acinos*.
Tamen si Virgilius *castaneas nucæ* dixit. Et idem, *Ebuli*
baccas dixit, non *acinos*. Quia & margaritæ sive unio-
nes ob rotunditatem *baccæ* dicuntur. *Pomum* genus est,
cui subijciuntur malum ac pyrum. Quidam *pomi* vo-
cabulo pro malo abutuntur. *Malum & pyrum* differunt
specie, sed utrumque complectitur *pomi* vocabulum.
Ab his omnibus separata sunt glandes.

Aceris rerum minutarum est, ut frumenti & legu-
minum, aut pomorum, aut nummorum. Virgilius di-
xit *aceris scutorum*. *Sitrus* lignorum est: *Sitragæ* ca-
daverum simul jacentium. *Sarcina* utensilium simul
compositorum. *Fascis* item rerum simul colligatarum
ad gestandum. *Onus* est quicquid onerat portantem:
dicuntur & plaustrorum & navium *onera*. *Congeries* ge-
nerale nomen est. *Cumulus* est ingens vis rerum compo-
sitarum. *Thesaurus* proprie rerum sepositarum ad custo-
diam. *Mundus* est composita vis earum rerum, quibus
ad ornatum utuntur fecundæ.

Accola qui juxta montem, flumen, lacum, aut mare Lib. 4.
habitatur, ut *accola Tauri*, aut *Rhodani*. *Incola*, qui in
urbem aut pago alieno habitatur, qui Græcis *παροικος* di-
cuntur. *Indigena*, qui illic habitatur ubi nati sunt, quos
Græci vocant *ἀντοχθονας*. *Advena*, qui aliunde quo-
piam commigrarunt ad aliam gentem. *Inquilinus*, qui
in alieno privato habitat, præcipue conducto.

Actum est, de rebus deploratis dicitur. *Actum* est de Lib. 5.
republica, *actum* est de *litteris*, id est, nulla spes est. Ita-
dem

dem Græci dicunt *πίπταται*. Agere interdum ad fortunam & conditionem pertinet. Quid agitur, id est, quomodo vales? Quid agunt tui? Græcis dicuntur *ἐπιπταται* quorum res prospere cedunt. Praclare mecum actum putabo, si incolumis discessero. Bene, optime, melius, commodius, mitius, inclementius, durius mecum ageretur. Male, pejus, pessime cum illis actum est, id est, pessime tractati sunt. Interdum active, Melius cum illis egissent, si statim occidissent.

lib. 6. c. 13. Accusat, qui culpam impingit, sive apud iudices, sive privatim. Inculcat, qui de moribus queritur ex postulatve. Filiis jus erat patrem accusare dementia. Quid me inculcat, Clisipho? Cæterum quod, Servio auctore, major accusat minorem, minor inculcat majorem, non est perpetuo verum. Interdum alterum pro altero ponitur, nisi quod in judiciis forensibus, nemo dicitur inculcari. Accusatio inimicorum est, inculcatus & amicos. Utrumque refertur ad rem & personam. Inculcat tuum silentium, Inculcat me quod nihil scribam, Accusat tuam contumaciam, Accusat te de contumacia; quemadmodum excusare, de quo suo loco.

lib. 2. c. 44. Accidia, quam vulgus corrupte vocat accidiam, tedium est honesti laboris, contraria industriæ, quæ Græcis *philoponia* dicitur.

Adeo pro eo posuit Terentius: Adeo rem redisse. Adeo absolute, ponitur pro valde. Adolescentem adeo nobilem. Nonnunquam est corrigentis sive augentis. Pecuniam omnem prodegit, atque adeo vitam simul & famam in summum discrimen adduxit. Interim valet idem quod in tantum in oratione quæ constat duobus verbis. Rursus sic interdum præcedit: Adeo superbus est, ut nemini cedat. Interdum sequitur: Mire ferox est, adeo ut nec patri cedat. Nonnunquam sequitur in oratione, quæ non habet nisi unum verbum: Nec parenti concedis, adeo ferox est. Totidem modis usurpatur, usque adeo & usque eo, nisi quod hic plusculum est vehementiæ: Usque adeo ne scire tuum nihil est? Cavendum ne hic quod pro ut, ponatur, quo nihil magis solæcum, utcumque multis utilitatum est. Adeo doctus est, quod neminem habeat parem.

lib. 4. c. 12. Patronus, qui defendit reum in iudicio. Unde patrocinari pro auxiliari, & patrocinium pro auxilio. Advocatus, qui adest periclitanti, auxiliaturus si quid opus sit. Quanquam & actor interdum adhibet advocatos. Horum officium advocatio dicitur. Qui servos manumittunt, pro servis habent liberos, ipsi pro heris fiunt patroni. Rursus, qui sunt affeculæ cuiuspiam & clientes, quoniam illius præsidio nituntur, patronos eos appellant.

lib. 5. c. 10. Advenire dicitur & qui jam in propinquo est, & advenisse qui jam adest. Adventat qui longius abest in itinere. Nec is adventasse dicitur quum pervenerit. Uxor advenienti viro occurrit ad limen, advenienti non occurrit. Ventitat, qui frequenter venit.

lib. 5. c. 11. Adorare quamquam ab orando dictum est, tamen adoramus & sine voce, veluti gestu corporis, quod tribuitur & mutis animantibus. Elephas enim dicitur adorare solem, & nos adoramus statuas Divorum, aut signum crucis, non oramus. Itidem supplicare dicimus, quum a plicandis genibus dictum sit, tamen & sola voce supplicare dicimus, præsertim quum abiectionibus utimur verbis. Hoc qui facit, supplex dicitur, Græcis *προσκύπτων*, qui adorabundus aliquid petit. *προσκύπτων*, qui gestu adoratur, *ἐκτενέων*, qui supplex genis ac genibus contractis aliquid petit.

lib. 5. c. 28. Addicit venditor rem licitatori, quam illius esse jubet, dicens, tuum esto: isque jam ex licitatore fit emptor. Id potissimum fit in auctione. Venditor interdum addicit rem minus precium offerenti, si videatur emptor magis idoneus. In diem addici dicitur, quod ita venditur, ut non statim fiat tuum, sed ad diem præscriptum. Ita ad mensum vinum dicitur quod mensura traditum est: & ad numeratum quod numero traditur.

lib. 5. c. 66. Additus literis dicitur, qui totus illis deditus est, quemadmodum devotus alicui dicitur. Morti devotus, qui mori decrevit.

lib. 5. c. 66. Adulamur serviliter, etiam gestu, quod nobiscum commune est canibus. Assentamur ad gratiam loquentes: eoque assentatio non tribuitur mutis animantibus.

1 Græca est *ἀσυνδία*.

A Blandimur quoquo modo dum placere studemus magis quam vera dicere. Quanquam & facto blandimur, veluti qui pinxerat Venerem deformem, dicitur blanditus Minerva. Dicimur & blandiri vitis nostris, dum ea excusamus aut attenuamus: Blandiri calamisatibus, dum eas elevamus. Palpamus manibus, dum blandimur equis. Id transfertur ad alia. Inde palpones adulatorum dicti: & palpum obtrudit, qui blandiendo fallit.

Adversamur ei, cui repugnamus, Aversamur eum, lib. 5. quem detestamur. Unde adversa fata dicuntur quæ nobis obstant. Aversi dii, qui precibus nostris surdi sunt. Preces & aversum ad Jovem, Horatius. Dicitur aversus a studiis ac lucro, qui ab his abhorret. Legitur & aversitur pro aversatur:

Eheu quam surda miseros aversitur aure.

Adeste trifariam accipitur: adest qui præsens est, cui lib. 5. contrarium abesse. Gaudeo me in illis turbis non adfuisse. Secundo adest qui auxilio est, favetque: Modo Jupiter adfuit. Adsum qui præstant advocatos. Huic contrarium est deesse. Tertio significat advenire: Huc ades, o formose puer, id est, huc veni. Totidem modis accipitur præsto esse: In quibus causis, tu etiam Brute, præsto fuisti, id est, præsens. Sponde, noxa præsto est. Multis præsto fuit, id est, multis fuit præsidio. Hirundines æstate præsto sum, id est, adveniunt, hieme recedunt. Præsto pro præsens unum tantum verbo jungitur, sunt, eique simplici.

C Admoveo appono, amoveo aufero. Admove manum lib. 5. rota, si rem factam velis, Admove mihi aurem. Amove te hinc, aufer te hinc. Sic admolimur quod adjungimus, Amolimus quod removemus. Advertimus animum, quum attendimus, Avertimus, quum ad alia vertimus.

Adversa vulnera quæ in pectore fronteque accepta sunt, & laudi dantur: Aversa quæ in tergo, & probo dantur. Cicero: Et adversus & aversus impudicus es, id est, a fronte atque a tergo. Stabat adversus, sedebat aversus, id est, ostendebat mihi tergum.

Ad summam, sive in summa, quum paucis omnia lib. 6. complectimur. Pro eodem dicimus summam & summa. sine præpositione. Doctus, facundus, formosus, dives, clarus, in summa omnibus decorum muneribus ornatus. Plinius pro eodem dixit, breviter. Pro eodem invenitur, ut semel dicam, aut finiam. Quid plura? Ut finiam. Idem efficit denique quum multis commemoratis quod ultimum est addimus. Semel non semper opponitur, bis, ter, quater, sed summam ac finem declarat. Egrotam jam Polycharme semel, id est, fac ægrotandi finem. Qui semel est lasus fallaci piscis ab hamo. Semel atque iterum me convenit.

D Afficis me injuria, id est, facis mihi injuriam; Summa lib. 4. me voluptate affecere tua litera. Qui injuria affectus est, meminit: qui beneficio affectus est, obliviscitur. Affectus morbo. Indifferenter, ut, Varie me affecerunt tua litera, id est, varios in me affectus genuerunt.

E Affectus sive affectio, est omnis animi motus, & opponitur rationi. Tres enim sunt animi partes, ratio, vis irascendi, vis concupiscendi: Sive, ratio, voluntas & memoria. Voluntas hoc differt ab affectu, quod illa rationi conjuncta est, hic ab impetu proficiscitur. Unde affectus tribuitur & brutis. Motus animi Græci vocant *πάθη*, quos Latini tum morbos, tum cupiditates vocant, sed aptissime affectus, quod genus sunt, ira, misericordia, amor, odium: sed præcipui, metus, spes, dolor, gaudium. Qui his carent *ἀπαθείς* dicuntur: & *ἀπαθείς* quibusdam Stoicis probata est: quum alieno dolore dolemus *συμπάθειν* dicitur. Leviores animi seu corporis affectiones quidam diatheses appellant: Infixas, vixque mobiles *ἔξεις*, id est, habitus, ut ira affectio est, iracundia habitus.

F Affectatio est æmulatio sive appetentia rei, fere in malum sonans, quam Græci *κακοζήλια* appellant. Sermo affectatus reprehenditur. Affectat laudem undique, id est, venatur & captat. Affectat videri doctus. Affectat quietem, pro cupit, non recte dixeris.

Assatim, pro abunde. Prudentius: Fruimurque mensis assatim plenis. Dicimus & assatim vini, quemadmodum fatis vini. Cicero dixit, nimis insidiarum, pro nimium.

Age,

lib. 2. *Age*, quum est hortantis, numero singulari jungitur; *Agite* plurali, *agedum* utrique. *Eja age rumpe moras*. *Agite juvenes, expedites vires*. *Agedum conferte nunc cum illo vitam*. Eadem vim habet *fac*. *Fac honestis studiis incumbas*. Et cedo quum flagitamus aliquid exhiberi, *Quis cedo te ista docuit? Cedo dextram*. Sic & *amabo* blandientis est.

l. 4. c. 9. *Ager* interdum declarat non unum aliquem, sed universum territorium urbi circumjectum, quod Græci *χῶραν* dicunt, ea vox complectitur & saltus & nemora, & flumina & montes. *Ager Campanus*, *Ager Mantuanus* datus est pro stipendio militibus. In hoc sensu agros dicimus, sed plurium civitatum.

Alias *ager* est locus in rure qui colitur, sive compascuus sit, sive arvus, sive floridus, sive confusus. *Confusus* habet arbores, *Arvus* aratro proscinditur, *Compascuus* habet gramina, *Floridus* servatur apibus & voluptati. De eodem loco agros & agrum dicimus. Horatius: *Opera agro nova Sabino*. Item, *Satis beatus unicus Sabinis*. *Rus* est omnis locus in agris extra urbem. Inde *rusticari*. *Campus* est ampla planities sive in urbe, sive extra urbem. Unde *campus Martius* dictus, & regio *campestris*, quæ montes non habet.

Agit histrio *fabulam*, alius *agit Demeam*, alius *Thaidem*, alius *Æschinum*. *Agit Consulem* qui fungitur officio Consulis. *Agit judicem*, amicum, patrem. *Agit personam suam* qui sui similis est. *Agit causam* Orator. *Nihil agit* qui frustra laborat, *Aliud agit*, qui non est attentus ad id quod agitur. *Hoc age*, dicimus ei quem jubemus esse attentum. *Agaso* agit asinum, qui ducit. *Subulcus* agit porcos. *Agit animam*, qui morti proximus est. *Aguntur pecora*, ducuntur homines. *Agit* qui movet & afficit. Horatius:

Et quocumque volunt animum auditoris agunt.

l. 1. c. 6. *Alvearium*, congregatio apum mellificantium, vel potius locus, qui multos habet apum alveos.

l. 1. c. 8. *Altilia* dicuntur animantia quæ inelusa aluntur, sive aves in corte aut aviario, sive quadrupedia in roborario, sive pisces in vivario, Græci *αἰτῖα* sive *αἰτῖνὰ* vocant. Eadem *sagina* dicitur, unde *saginata*.

l. 2. c. 48. *Aliquantum* ad modum refertur, *aliquot* sive aliquam multi ad numerum, *aliquantisper* ad tempus, sed cum significatione brevitatis, quemadmodum & *tantisper*. *Tantisper hic mane dum huc recurro*. Interdum usurpatur pro non diutius. *Tantisper te meum dici volo, dum quod te dignum est facis*. *Paulisper* item ad tempus pertinet, ut, *Paulum admodum rei, Paulisper ausculto*. Errant qui paulisper usurpant pro parum sive paulum.

l. 3. c. 59. *Alius* de pluribus dicitur, *alter* de duobus. *Alius esurit, alius ebrius est, alios alia delectant*. E duobus filiis *alter* duxit uxorem, *alter* in bello periiit: *Alter alterum sublevat*. *Alius* interdum sonat diversum. *Alia res est, Alius multo quam soles*. *Alter*, similitudinem: *Alter Tullius*, id est, Tullio simillimus. *Alter* interim secundus dicitur. *Tu nunc alter eris ab illo; prateritis dies unus, alter, tertius*. Per adverbium: *Vocatus semel, iterum ac tertio non comparuit*.

l. 3. c. 16. c. 63. *Aliquis* & *quispiam* fere idem significant. *Quidam* pro certo non nominato ponitur, interdum & *quispiam*. *Ullus* fere interrogative, aut negative, aut subjunctive ponitur. *Nones ullis fidus, Vocat me ullus? Si quaeret me ullus, dicito me esse domi*. Eodem fere modo usurpatur *quisquam*.

l. 5. c. 81. *Allevare*, est in altum tollere. Quintilianus: *Vidi multos, quorum supercilia ad singulos vocis conatus allevarentur*. *Elevare* est minuere & extenuare. Quintilianus: *Nec elevare tanti beneficii auctoritatem*. *Elevatum est super limina templi*, pro sublatum, ab Hieronymo dictum ambigui vitandi causa. *Alleviare* est levius reddere.

l. 5. c. 46. *Alere* est nutrire parvos ut crescant. Inde *alumnus*. Transfertur autem plerumque ad incorporea. *Puerile studium laudibus alitur*, id est, augefcit. *Memoriam ingeniumque assidua exercitatio alit*. *Corporis vires labor modicus alit*. Ovidius:

Lenis alit flammæ, grandior aura necat.

l. 6. c. 2. *Alumnus*, significat eum qui alitus est, non qui alit: passive significat semper. *Altor* qui alit.

A *Aliqualis*, & *aliqua* non Latine dicuntur, sed *aliquantus* & *aliquantum*. In Anton.

Ala significat etiam equitum turmam. Virgilius: *Ran- den. Es. Dum trepidant ala*. Eo quod veloces sunt, sive quod pedites eis tanquam alis protegantur. Pogg.

Alluviones, sunt vel fluminum, vel maris, vel pluviae, aut demersiones, aut translationes locorum; *Eluviones* fossæ pluvia factæ.

Alveus est (ut ita dicam) lectus, quo super aqua sedet aut decurrit, ad vasis similitudinem. In Ran-

Allucinari, est visus caligine aberrare.

Amare amplius est quam *diligere*. *Non modo te diligo*, In eun- dem.

verum etiam amo. *Adamare*, est amatorie amare. Quintilianus: *Omnes matres amant liberos suos tanquam ad-* 1. 5. c. 37.

Amamus nos invicem, *Amamus* nos mutuo, *Amamus* nos pariter, *Amamus* inter nos, idem significant. Sed in postremo non geminabitur accusativus, ut *amamus* nos inter nos, sed, *amamus* inter nos.

Ambitus fit factis. Est captatio honorum aut dignitatum, quam Ecclesiastici *Simoniam* vocant in rebus sacris. Corripit penultimam, licet nostri Grammatici aliter garriant. Juvenalis: 1. 4. c. 19.

Si te precipitem rapit ambitus atque libido.

Ambitio est in animo. Vel *ambitus* captatio quædam est favoris & misericordiæ, ut mendici ostentantes sceleratæ vulnerum, utuntur *ambitu* miseriarum suarum. Ovidius:

Sed tamen hoc factis adijunge prioribus unum,

Pro nostris ut sis ambitiosa malis.

Amicus semper in bonam partem accipitur. *Amica* 1. 5. c. si ad virum referatur, significat amasiam. *Hinc ille non* 37.

amicus ejus dicitur, sed amator. Poetæ confundunt hoc.

Amiculum neutrius generis genus vestis, pallium fere. 1. 1. c. 5.

A modo, non est vocabulum mundum, sed dicendum post hac.

Anniculus, unius anni, *anniculus puer*, *anniculus Episcopus*. Ibidem.

Antoniafter, est aliquis imitans Antonium. Omnia nomina in *aster* pene imitationem significant. *Philosophaster*, imitans Philosophos. *Parasitaster*, parasitos imitans. 1. 1. c. 7.

An, ponitur interrogative, ut *Gandenfes estis an Delphenfes?* Et dubitative: *Nescio an fileam, an loquar*. Barbari ponunt vel & aut pro an, ut, *hoc est stannum aut argentum aut aurichalcum?* *An* dicendum est. 1. 2. c. 17.

Antehac vel *ante hoc tempus*, ad tempus loquentis refertur. *Tantum hodie didici quantum antehac nunquam*. *Id miraculi antehac vidi nunquam*. *Posthac*, post hoc tempus. *Cave posthac his de rebus quicquam ex te audiam*.

Animadverto te, intueor te. *Nemo meam arumnam animadvertit*. *Animadverto in te*, punio. Sed hoc tantum convenit his quibus rite convenit punire, utpote iudicibus & magistris, Prælati: ut, *Quicumque quemquam ceciderit, graviter in eum animadvertam*. Inde *animadverso* punitio iudicis. 1. 3. c. 69.

Annus, Primo est quod fit per annum, *Annus labor, annum spatium*. Secundo, quod fit singulis annis, *Annua festiva, annua febris*, quæ singulis annis recurrit. 1. 4. c. 108.

An componitur cum *ne*, *an ne*. Sed hoc fere non nisi apud Poetas. 1. 2. c. 17.

Apertilis, est idem quod *apertum*.

Apiastrum, est apium sylvestre. 1. 1. c. 8.

Apium herba est perpetuo virens.

Apocrisarii sunt legati: e Græco venit.

Apotheca proprie vini est, ut horreum frumenti.

Apparare, *apparatus*, idem ac *preparare* & *preparatio*. 1. 5. c. 64.

Sed magis ad pompam & ostentationem spectant. *Apparatus convivii*. *Apparatus belli*. *Funeris apparatus*. *Nuptiarum summo apparatu celebrata sunt*. *Preparare* est parare quæ necessaria sunt ad quippiam agendum. *Miles preparat arma*, *Orator argumenta*, *Scholasticus scripturus calamum & membranam*. Dicitur & *apparare fugam*, & adornare fugam, seu migrationem.

Appropriare, improprium est verbum.

Aquatile, est quod degit in aquis.

Aqueum, quod ex aquis constat. 1. 1. c. 6.

Tom. I.

Yyy

Ar-

Armamentarium, locus ubi reponuntur libri, cæteraque hujusmodi.

Armamentarium, ubi reponuntur armamenta & arma.

l. 1. c. 30. *Argutus* active, significat qui callide & solerter arguit. *Argutus*, subtilis.

l. 4. c. 42. *Armenium*, congregatio animalium pascentium, sed majorum, ut boum, vaccarum, equorum, mulorum, asinorum, camelorum, elephantorum, & similibum. *Grex* vide loco suo.

l. 4. c. 44. *Argentaria*, est domus in qua operatur argentarius faber.

Argentarius, non ex his qui vulgo nummularii & menarii vocantur, Græce *κοινισται* & *trapezitæ*: sed ex his quos *campores* vulgo vocamus.

l. 6. c. 1. *Armiger*, qui in bello fert arma domini, hastam, scutum, aut tela: qui plerumque & ipsi Principes sunt.

l. 6. c. 16. *Arce* est vetare ne accedant illi, qui veniunt. *Arce* hostem a muro. *Flammea romphaa* arces mortales a paradiso.

l. 6. c. 41. *Arvum* est ager sementi datus. Dicitur & *arvus* ager, sicut compascuus.

In Rauden. *Arbustum* & *arbuta* sunt arbores multæ ad fructum confitæ, ut *olivarium*, *pomarium*, vel vites arboribus applicitæ.

Arbutus est arbor fructum ferens in morem cerasorum seu fragorum.

Arbutum, est fructus arbuti.

In eundem. *Areopagus*, est locus Athenis, quo iudices conveniebant audituri causas capitales.

In eundem. *Architectus*, est princeps ædificantium, qui opus excogitat & ordinat.

Artemon est velum amplissimum in navi, sive antenna.

l. 5. c. 12. *Assurgere*, est vel reverentiæ vel caritatis causa. *Parenti redeunt assurgamus. Cano capiti assurgere adolescentem decet. Magistro te compellam assurge. Assurgit* & dicitur in senatu aut in concione.

l. 5. c. 66. *Assensor*, *assentaris*, est quempiam effusus laudare, & falso plerumque, utilitatis gratia. Inde *assentator*. *Adulari*, *blandiri*, vide locis suis.

l. 5. c. 86. *Adsciscere*, est remotum aliquid quasi scite vocatum capere. *Adscivisti tibi sedalem a tuis moribus non alienum*. Plerumque refertur ad personam.

l. 5. c. 87. *Asseverare*, constanter affirmare, inter ipsa argumenta. *Tu asseveras, hic inficari perseveras. Longa contentio est, hic dicit, non feci: ille, certe fecisti.*

In Rauden. *Astutus*, ab *ἀστυ* Græco, quod est opidum Latine, & significat idem quod *urbanus*: nisi quod usurpatur pro versuto. Et *astus* calliditas dicitur.

l. 1. c. 5. *Atramentarium*, vasculum quo atramentum continetur.

Attagen, *attagenis*, significat avem Francolinum.

Auricula non significat parvam aurem, sed cartilagineum circum aurium concavitatem. Aves habent quidem aures, sed non auriculas. *Aurii* dicuntur acuti auditus.

l. 5. c. 42. *Ausculato* te, id est audio quid dicas. *Ausculato* tibi, id est, consentio & obtempero tibi. *Sum audiens* te, id est, audio te. *Sum audiens* tibi, id est, obedio tibi.

l. 3. c. 65. *Auxilium* do, *feroque* dicitur. *Do opem* non dicitur, sed *fero opem. Fero opem.*

l. 4. c. 32. *Auctor*, significat (ut ita dicam) factorem. *Quis est huius libri auctor?* id est, quis fecit? *Tunc est huius auctor facinoris?* id est, fecisti hoc facinus? *Rumor fertur in populo, sed incerto auctore*, id est, nescitur quis primus sparserit. Item *auctor* est qui auctoritate sua approbat, ut aliquid agamus. Terentius: *Id ne estis auctores mihi?*

Quicquid feci, patre auctore feci, id est, patre approbante. *Si res male evenierit, neme auctore factum dicas.* Unde tutores, pupillorum *auctores* vocamus, quorum auctoritate illi faciunt omnia. Præterea Duces militum *auctores* vocantur.

Ibidem. *Auctorare*, est obligare militem stipendio, ut militent sub duce.

1 Male scribebatur *autor*, nam est ab *augendo*, unde *austio*, & *austus*, non *aurio* & *aurus*. Itaque nec debet elidi C in *auctor*. Ac sane ita semper scribebant Veteres, non *autor*, aut, quod peius est, *author*. Vide Joan. Ger. Vossium in Etymologico.

Auctoramentum est obligatio illa vel stipendium, quo obligantur milites. Inde *exauctorare*.

Auctio, est publica venditio suppellectilis, aut aliarum rerum. l. 4. c. 31

Austus, incrementum dicitur ab *augeo*. Ibidem.

Actor, qui agit comœdiam, vel orationem pronunciat, aut simile aliquid. Unde partes comœdiarum, *actus* vocantur. l. 4. c. 33.

Aurificina, officina fabri aurarii.

Avis, est quæ parit vel ponit ova, pennisque est prædita, præter vespertilionem. *Volucris* est generalius nomen, significat quicquid volat: Unde apes, muscæ &c. *volucres* dicuntur, non aves. l. 4. c. 44. l. 4. c. 45.

B Audio, Primo significat *bore*, quæ significatio nota. Secundo, credo, vel pæreo præcipienti, sed fere negative & cum participio: *Nec vero audiendi sum* qui putant *Grammatica* quam minimum operæ impendi oportere, sed continuo ad Logicen convolandum. *Audire* capitur pro confiteri. *Audio*, est confiteor. l. 5. c. 29.

Auspiciari, significat auspiciu capere. Secundo, *auspicari*, significat incipere, capitur tum in malam tum in bonam partem. Plinius: *Homo a lacrymis vitam auspicatur*, id est, incipit. *Hinc ergo hac opus auspicabimur*. l. 6. c. 11.

Auspiciu, Primo est consultatio ex inspectione avium ante rei aggressum. Consulitur in expeditionem auspiciu capiebat. Aut similes simili modo. Secundo initium. *Auspiciu* adverbium aut participium, fere in bonum accipitur. Terentius: *Haud auspiciu me hic attuli*, id est, auspiciis repugnantibus & infelicit. *Inauspicata bella*, id est, infortunata. *Auspiciu exordium*, &c.

Auspex, qui præest alicui rei gerendæ, ut nuptiis, bello, aut similibus. In nuptiis enim adhibebatur auspex pro mariti parte, ut pronuba pro foeminis. Juno enim nuptiis præest: hinc pronuba Juno dicitur.

Axilla, est concavum sub brachio, ubi viris pili nascuntur. Dicitur autem eadem pars nonnunquam ala. l. 1. c. 3.

B.

Baculus vel *baculum* reperitur. *Bacillum* tantum in neutro genere. Juvenalis: *Dextram subeunte bacillo*.

Bancalia, illiteratum vocabulum, dicuntur potius peristromata, quamquam hæc a tergo magis sedentium hærent.

Barba & *barba* utrumque tam hominum est quam quadrupedum. Servius contrarium docuit, sed falso. l. 6. c. 14.

Barbitonsor, indignum vocabulum quo utamur, sed dicitur *tonsor*.

Benedico dativum postulat, ut *maledico*, non accusativum. *Qui maledicit, male audit*. l. 1. c. 10.

Bene pro valde invenitur. *Audisti orationem bene longam. Bene habeo*, id est, recte valeo, *Melius cras forsitan habebis. Bene habet, bene se res habet*. l. 2. c. 52.

Bellum significat ipsum congressum armatorum, vel tempus totum quo militia agitur, quod barbari *guerram* vocant. *Prælium* significat ipsum certamen armatorum. *Pugna* & *certamen* fiunt etiam sine armis, nonnunquam nudis verbis: quam ego pugnam tutissimam puto, quia non vulnerat cutem: in quo certandi genere foeminae per quam strenuæ esse solent. l. 4. c. 64.

Bene, optime, praeclare mecum agitur, Melius tecum agitur, Male mecum agitur, Commodius tecum agitur quam mecum. Pejus mecum actum est quam tecum. Pessime. Nonnunquam active. Plerique parentes liberos nondum adultos, ad Monasticam vitam impellunt: *melius cum illis agerent*, si se sibi sat cognitos paterentur deligere commodum vivendi institutum. l. 5. c.

Beatus, qui omnibus abundat ad vitæ usum pertinentibus: unde divites *beatos* vocamus. Juvenalis: *Vetula vesica beata*, id est, divitis vetulæ. l. 4. c. 114.

Bellus, primo bonus, hilaris & commodus ad convitium. *Extra jocum, bellus vir est*. Secundo *pulcher*. *Bellus puer, Bella puella, Bella carmina*. Inde *belle, pulchre*. Martialis:

Declamas belle, causas agis Attale belle, Historias bellas, carmina bella facis.

Bima-

Bimatus, trimatus, quadrimatus, spatium duorum, trium, quatuor annorum.

Bimus, a, um, duorum annorum. *Trimus*, trium, *Quadrimus*, quatuor.

Bimulus, trimulus, quadrimulus, diminutiva, *visulus anniculus*.

Bipennis, est gladius utraque parte acutus: Est autem generis fœminini.

Blandiri proprie ad tactum pertinet. *Blandimur* caris, quum demulcemus eos. Transfertur autem ad alios sensus, & ad animum. *Blandus sermo*. *Blandimur nobis ipsi*. *Blandus* vocamus, qui placidi & comes sunt in sermone, & hilares.

Blasphemare, maledicere superiori, & dignitati alicujus derogare, Græca vox est, non Latina.

Bonum extendit se tam ad bonum honestum, quam ad utile & commodum. Bonum animi, est virtus. Bonum corporis, est fanitas. Bona fortunæ, opes. *Bonitas*, primo benignitas, clementia. *Pro tua bonitate, in optimam partem accipies*. Secundo, habilitas, vel excellentia quæ a natura est. Quintilianus: *At in solo facundo plus cultor, quam ipsa per se bonitas soli efficit*.

Bundus, est terminus abundantiam & vehementiam quamdam significans, idcirco nomina in *bundus* non significant similitudinem, ut vult Priscianus, sed copiam & abundantiam. *Errabundus, letabundus, cogitabundus*: & valent idem quod participia frequentativorum, *Erritans, letitans, legitans*.

C.

Causari, est causam rei gestæ afferre, & excusandi gratia afferre impedimenta. *Non est quod meam causeris negligentiam*. *Ardea natandi nescia caussatur aquas natum non esse idoneas*. *Causari tempestatem, valetudinem, aut fluminum vim*. Pro eodem dicimus *causficari*.

Capio, interdum habet reciprocum quemdam usum, ut in eodem sensu nunc uni & eidem actio, nunc passio attribuitur. *Cepi voluptatem, & voluptas cepit me*, idem significant. Fit autem ista reciprocatio in paucis active, ut in hoc exemplo habito: sed in nonnullis passive, ut *Cepi delectationem, & capius sum delectatione*.

Capio, quando significat passive delectari, fere non resolvitur per activum, ut *capius sum vel capior amore, dulcedine, specie tua, specie bonorum*, id est, delector. Non amor, dulcedo cepit me. Quando autem non significatur delectatio quædam, fere active utimur, non passive. *Capio dolorem, Cepi molestiam, laborem &c.* Dicitur *Cepit me sadium, obliuio & odium, &c.* non, *cepi odium*.

Capio seu accipio, significat interdum pati, ut *accepi damnum, repulsam, contumeliam, injuriam, vulnus*, id est, passus sum. Et fere nunquam aliter dicimus, nisi per accipio. *Accipere* seu *capere*, significat suscipere: ut, *Accepi vel cepi inimicitias, curas, sumptus*. Sed usitatus suscipimus *curam aut negotium*, quam accipimus.

Calamarium, & theca calamaria, vel *pennaria*, vel *graphiaria*, dici potest pro eodem.

Capitalis morbus, Capitale odium, Capitale supplicium, Capitale crimen, Capitale vitium, propter quod caput alicujus peti debeat ad poenam. Inde *capitalis actio, & capite plecti* dicuntur.

Carpere, Carpinus linum, quum vellimus e terra, *poma carpinus*. Inde *decerpo*. *Puella carpunt pensa*. *Carpere viam*, est ire. *Carpere iter*. Item *carpere* est reprehendere.

Candeo, es, ere. Carbo, ferrum, æra liquefacta *candent, solcandent*. Animus *excandescit*, cum vehementer irascitur. Secundo *candere*, candidum esse, sicut *albedinelinum candet*. *Candidus*, niveus. *Candidus* transfunditur ad animum, & significat benignum, commodum, minimeque invidum. Ovidius:

Quod precor acceptum, candido lector, habe.
Est liberalis ingenis, quæ didicit, aliis candide impertire.

Cavillatio est subdola ratio, quam nos consilii nobis mendacii, vincendi tamen causa proferimus. *Cavillatores*: *Cavillor, cavillaris*. *Cavillatio*, Cicerone auctore, est genus facietæ quod fit mentiendo. Inde *Cavillum* jocum appellamus.

Calumniari est falsa crimina intendere. Lex duodecim Tabularum. *Calumniator idem patitur quod reus, si convictus sit*. *Calumniæ* nonnumquam est dolus malus, & injuria, quæ existit ex malitiosa & callida interpretatione.

Cathechizare, est docere quocumque modo. Vox autem Græca est. Hinc *catechumeni & catechista*.

Capillus a capite, significat non quemlibet pilum, Nam *barba capillus* non est. Unde *capillitium*.

Canistrum, non canister.

Cavere est vitare, & regit accusativum, *Cave illum, Cave convictores improbos*, fuge, vita. Non autem Latine dicitur, *Cave te ab illo*. *Cave tibi*. Terentius: *Ut hosce instruxit, ipse sibi cavet loco*. Inde *cautiones* in jure dicimus, syngraphas sive codicillos. *Cave est & prohibentis*: recidit autem in eundem sensum cum priore, *Cave feceris*, ne feceris: quæ idem significant.

Chalybs, idem est quod ferrum, a Chalybibus populis, unde optimum ferrum mittebatur.

Caducum, sive *caduca* in plurali, significant bona hærede carentium, non autem qui sit horum hæres: Nam nemo est hæres, sed fiscus, aut dux militum, aut publica persona. Juvenalis:

Legatum omne capis, nec non & dulce caducum: Commoda præterea junguntur multa caducis.

Caducum, est vas quo aquam haurimus e puteo aut piscina, jumento rotam versante.

Caneris, sunt equi castrati.

Canere receptui, est signum dare militibus tuba, aut tympano, ut recipiant se e prælio in castra.

Caterva, peditum est, Turma equitum.

Capio spem, *Concipio* spem, *Ducor* spe, *Vocor* in spem, *Ingredior* in spem, *De tuo ingenio bonam spem capimus* te brevi in vium evasurum. *Colloco, repono, figo* in te spem meam omnem.

Castrum in singulari est domus muro, aut vallo, aut fossis vallata. *Castra* in plurali, est locus ubi exercitus manet.

Camelus quamvis sit generis epicœni, reperitur nonnumquam fœminino generi adjunctum: nam *camelos* fœtas legimus.

Caupona, ubi venduntur res, præsertim esculentæ, aut poculentæ. Inde *Caupo & Cauponari*. Quidam tamen dicunt pro muliere quæ vinum venditat.

Campus est grandis planities terræ & ampla, Unde spatiosas plateas *campos* dicimus.

Ceus, est terminus vocis significans materiam, *Hercus, baccus, betaceus, malvaceus, ferulaceus, rosaceus, triisceus, bordeaceus, vinaceus, &c.*

Cerebrosus, qui habet perversum cerebrum.

Certe, primo capitur affirmative, exempla nota sunt. Secundo pro saltem, ut, *si me non amas, certe ne oderis*.

Si tibi videndi nos facultas non est, certe scribendi potestatem deesse non puto. At, certe, idem in hoc modo. *Certe junctum* his verbis, scio & scis, mutat e in o, ut *certo scis*.

Censor, qui *cenfuram*, id est, qui magistratum talem gerit. *Censorius*, qui censor fuit, *Censorius Cato*.

Calebs, qui vivit extra conjugium, sive privatus sit uxore, sive nunquam habuerit, sive continens sit, sive incontinens. Inde *calibatus*, est contrarium conjugio.

Celebris passive, significat qui celebratur. *Celebris locus, celebris homo*, qui frequentatur ab honoratis personis.

Celebritas, est frequentia honoratorum virorum in maxima celebritate.

Cacutiens, est qui parum videns sæpe offendit. Idem dicitur *lusciosus & hallucinans*.

Casus, qui habet oculos glaucos more noctuæ.

Census, est quicquid fortunarum quis habet, aut id quod Principi per capita solvitur, ut tributa, aut simile quiddam.

Certum est, in animo fixum est. Virgilius: *Certum est in sylvis inter spelæa ferarum*.

Malle pati. *Siccine agis? Certum est, ne dissuade*. *Si usque adeo certum est, Dii bene vertant*.

Centum adiectivum est. *Tercentum*, *biscentum* indeclinabilia sunt: *Trecenti*, *trecenta*, *trecenta*: *ducenti*, *ducenta*, *ducenta*, declinabilia. *Trecentas oves pater meus possidet*, vel *tercentum oves*.

Cedo tibi, do locum, & habet *cessi* in præterito, *cessum* in supino. Inde *concedo*, & est neutrale. Interdum additur accusativus. *Hanc provinciam tibi lubens cedo*. *Cado te*, flagello te, vel occido, habet *cecidi* in præterito, *casum* in supino.

1. 4. c. 22. *Celo te hanc rem*, & *celo te de hac re*, idem significant.

Cœnaculum est locus cœnandi, sed in superiore parte domus. Postea cœpit significare totam superiorem domum, *Ubi est pater? In cœnaculo*. *Cœnatio* est locus cœnandi, sed in ima parte domus.

1. 4. c. 38. *Cervix*, posterior pars colli in qua nervi. *Dura cervicis*, obstinatus & pertinax. *Jugulus*, non *jugulum*, anterior pars colli, unde halitus exit.

Collum complectitur universa.

In Rauden. *Charta* scribendum est, non *carta*.

Chirographus, est scriptura manu propria scripta.

1. 4. c. 64. *Caritas*, primo amor, sed tantum hominum in homines, & quidem secundum personarum dignitatem. Secundo penuria: sed penuria est omnium rerum, vini, virorum, notariorum. *Caritas*, tantum annonæ. Item *Penuria*, ut desit, *Caritas*, ut non facile acquiratur. *Penuria* est contraria copiarum, *Caritas* vilitati.

1. 6. c. 2. *Citare* est advocare in testimonium. *Citantur testes*. Nonius male pro *laudare* exponit.

Cicercula, nomen leguminis angulosum.

1. 2. c. 7. *Circiter* pertinet ad tempus. *Circiter calendæ Martias huc veni*. Et ad numerum. *Circiter duum millium militum*. Et ad locum, ut, *In media circiter urbe templum constitui solet*.

1. 6. c. 10. *Circumscribere*, est fraudulenter aliquem bonis privare, ut *circumvenire*, fallere.

In Rauden. *Cinadus* per i latinum, significat moventem se ob-scène, vel, sicut Marcellus, saltatorem.

1. 5. c. 49. *Circumstare*, est circumdare. *Circumstante* universo populo dixi. *Circumstare*, est undique aggredi terren-di causa, nonnunquam alia causa. *Circumstabant me milites armati*, ut loculos proderem jubentes. *Mercatores in oppidis vulgus circumstetit*.

1. 2. c. 49. *Citra*, pro fine, Quintiliani seculum posuit. *Plus confert exercitatio citra artem*, quam *ars citra exercitationem*. *Hec omnia citra docentem assequutus sum*, id est, sine docente. Alioqui *citra* & *ultra* opponuntur, *Citra Rhenum*, *ultra Alpes*.

1. 4. c. 42. *Cicur* dicitur esse animal natura ferum, sed mansuetum, ut camelus edomitus, elephanta ad bella doctus, sus domesticus, leo domitus, cicures dicuntur.

Cicurare, mansuetificare. Ita adolescentes indomiti, disciplina præceptoris *cicurari* dicuntur. *Ingenium cicur*, mansuetum.

In Rauden. *Clisella*, sunt basti jumentorum super quas onus jumento imponitur.

In eundem. *Classicum*, proprie est sonus tubæ vocantis ad prælium.

1. 5. c. 40. *Consulere* cum accusativo, consilium petere, sive interrogare. *Consule vires tuas priusquam cum eo decertes*. *Consule aures tuas*, *Magistrum consulamus*, interrogemus.

Ibidem. *Consulere* cum dativo, significat consilium dare, vel potius providere. *Fac tua saluti consulas*. *Ego me rebus consului*, vos *videritis de vestris*. *Consule fama tua*. *Consule liberorum & tuo commodo*.

Ibidem. *Consultare*, est cum aut plures de re, vel rebus deliberant, aut unus secum de duabus aut pluribus deliberat rebus. *Senatores consultant*. *Utrum horum malis aggredi, tecum consulta*. *Consultor*, qui alium consulit: nonnunquam qui consulit alii. *Consilio perit ipse suo consultor iniquus*.

Ibidem. *Consultus* participium, significat interrogatus. *Consulti medici*, responderunt nihil morbi esse. *Consultus Apollo*, triste oraculum reddidit, id est, interrogatus. *Consultus* nomen adiectivum significat scientem & peritum, a quo jure consilium petas. *Jure vel jurisconsultus*, jurisperitus. Horatius: *Insanientis dum sapientia consultus erro*. *Inconsultus* adiectivum, significat incont-

A *fideratum*, imprudentem, & nullius consilii. *O inconsultam muliebre semper amentiam*.

Conciliare, est contrahere, vel comparare. *Cupio* 1. 5. c. tuam benevolentiam officiis mihi conciliare. *Conciliamus* 54. amorem, laudem, famam, honores, id est, acquirimus, vel comparamus. *Conciliamus nobis & mala*. Non autem dicimus, *conciliare gratiam*, sed inire gratiam, nisi addas dativum, *Conciliauit sibi odium*, *Magnam a me iniisti gratiam*.

Reconciliari, redire in gratiam, idem significant, Non ibidem. decet iras amicorum esse diuturnas, redeamus in gratiam. Cum patre in gratiam redii, id est, post offensam reconciliatus sum ei.

B *Cooptare*, est eligere inter pares; ut, *milites cooptam* 1. 5. c. quem volunt ducem. 60.

Consternere & *consterni* est corporum. *Equi in bello* 1. 5. c. homines consternuntur. *Consternari* est animi, ut *Consternatus animo*. 91.

Conventiculum, diminutivum a *conventus*, mutat 1. 1. c. 5. genus.

Coctilis, idem quod coctus. *Lateres coctiles*, *Coctiles* 1. 1. c. 5. muri. Cibus tamen coctus dicitur non coctilis.

Conductitius, a, um, idem quod conduci solet; *Domus* 1. 1. c. 12. *conductitia*, *Famulus conductitius*.

Commentitius, a, um, idem quod fictitius. *Ratio com-* ibidem. *mentitia*, quæ excogitata & conficta est.

C *Continens*, est terra quæ non est insula, foemini ge- 1. 1. c. 33. neris.

Confluens masculini generis, est alveus in quem duo ibidem. flumina conveniunt.

Continuo, aut interrogative aut negative ponitur: va- 1. 2. c. let idem quod non ideo, vel num ideo. *Continuo ne si ille* 30. *stulte dixit, tu stultius facies?* id est, num ideo? *Qui vobis assentatur*, is non continuo amicus putandus est. Eandem per omnia vim habent *protinus* & *statim*. *Citra* negationem, aut interrogationem non eleganter hoc modo uteremur.

Commeatus, tantum singularis numeri, significat fa- 1. 3. c. 10. cultatem recedendi ab aliquo ministerio ad tempus, & 1. 4. 6. 35. quam Imperator concedit militibus, aut Prælarus subditis. *Commeatus* in utroque numero, significat cibaria ad victum reposita.

Confero me in campum, in urbem, vel, ad urbem, ad 1. 3. c. campum, id est, vado ad urbem. Hic potest poni sive 45. in, sive ad; si autem personam dicas, non locum, ad utendum est. *Contuli me ad patrem*, non in patrem. Quoties autem significatur donatio, in utendum est, ut, *multa in Joannem contuli beneficia*. *Quicquid in ingratos confertur*, plane perditur. Item *confero*, significat primo comparo. *Non es cum illo conferendus*. *Quem tecum conferamus habemus neminem*. Secundo, conducit vel prodest. *Quid confert multa audisse, si pauca memoria mandes?* *Nihil aque confert ad Latine discendum*, ut quotidianus usus.

E *Commendo te* præceptor, *Commendo te apud præceptorem*, id est, laudo te apud eum. ibidem.

Committo, trado. *Hanc rem tue fidei committo*. Se- 1. 3. c. cundo pro admittere vel facere, sed hoc modo semper 56. ponitur negative, & in malam partem semper accipitur. Postremo requirit post se, ut, *quamobrem*, aut *acqui-pollens*. *Non committam*, ut *qua in me contulisti officia*, perdidisse videare. *Non committas ut apta literis adolescenti tibi inter digitos effluat*.

Convenit, id est, decens & conveniens est. *Non con-* 1. 3. c. *venit atati tua colludere pueris*, id est, major es quam qui 38. pueris colludas.

F *Convenire*, concordare & sine controversia esse. Et capitur dupliciter: personaliter, ut, *hoc convenit mihi* 1. 3. c. *tecum*, id est, in hoc concordamus. Impersonaliter, 76. *Non convenit senibus & juvenibus*. Aut certe sine appo-sito & supposito. Juvenalis: *Convenerat olim*, *Ut faceres in quod velles*, nec non ego possem *Indulgere mihi*.

Conjicio, *conjecto*, *conjecturo*, *conjecturam facio*, *con-* 1. 3. c. *jecturam capio*, *conjecturam consequor*, *conjecturam colligo*, *con-* 76. *jectura ducor*, pro eodem fere accipiuntur. *Admodum iratus erat*, quantum *conjectura* consequi posui. *Ex pudendi* *ado-*

adoleſcentis fronte facile bonæ indolis conjecturam capimus. Certo noſcis: Non, tantum conjectura ducor. Qualis quiſque ſit, ex oratione facile conjecturam facimus.

1.4.6.21. *Commentarius* vel *commentarium*; *commentarii*, *commentariorum*; *commentaria*, *commentariorum*, ſignificat librum quo res non late tractantur, ſed tantum tanguntur capita rerum, vel ad memorandum, vel ad aliis materiam ſuppeditandam. Nonnulli capiunt pro expoſitione auctorum, ut *commentaria* in Virgilium, in Ariſtotelem.

1.4.6.32. *Comicus*, qui condidit Comœdias, ut Terentius, Plautus. *Comædus* eſt hiſtrio, qui agit geſtu & voce comœdiam conditam. Ita *Tragicus*, auctor eſt tragoediæ, ut Seneca. *Tragædus* actor.

1.4.6.34. *Conclave*, eſt locus ſecretior in penetralibus, in quo comeditur, aut conſabulantur mulieres.

1.4.6.35. *Comes*, eſt qui ſequitur alterius ductum.

1.4.6.38. *Comitatus* dicitur clientela ſequens dominum, aut ducem. Libido *comes* eſt gula, id eſt, ſequitur gulam. Non e converſo. *Divitiarum comes* eſt contumacia, id eſt, divitiis contumacia comitatur. Opulentia mater eſt ſuperbiæ. Affluentia parens eſt ſuperbiæ. Affluentia materia eſt ſuperbiæ. Idem omnium ſenſus eſt. *Comitari* eſt ſequi ductum alterius.

Comis, huius *comis*, facilis, benignus. *Comiter* excepit nos Petrus. *Comitas*, facilitas & benignitas.

1.4.6.43. *Collis* eſt monticulus, ſive ſit per ſe, ſive pars montis.

1.4.6.47. *Clivus*, eſt proclivitas illa & pronitas a vertice collis.

1.4.6.47. *Concio*, primo eſt congregatio multitudinis ad audiendum concionantem oratorem. Græci *concionem*, id eſt, conventum populi *ἐκκλησίαν* vocant. Secundo eſt oratio habita ad populum. Ubi fuiſti? In concione.

1.4.6.57. *Coxa* eſt pars ſupra femora, tunc *coxam viſitatum* dicimus.

1.4.6.66. *Copia*, ſignificat primo facultatem vel poteſtatem. Et jungitur plerumque cum hoc verbo *facio* vel *do*; Ut, *faciam tibi copiam libri mei deſcribendi*. Latius his de rebus loquemur, *quam primum videndi tui copia dabitur*. Secundo ſignificat abundantiam; ut, *quibus largiſſimas rerum copias Fortuna ſuppeditavit*, eos plerumque tardiores videmus. Inde *copioſus* & *copioſe*. Tercio ſignificat multitudinem, tam in plurali quam in ſingulari, ut, *Modicis copiis urbem muſiſſimam cepit*.

1.4.6.67. *Condiſſio* a *condico* dicitur, eſt denunciatio. Item actio ipſa in perſonam, qua actor intendit ſibi dari oportere. *Condicere*, denunciare.

Idem. *Conditio* prima a *condo*, eſt forſ, & pertinet ad Fortunæ bona. *Vir feliciſ conditionis*. *Servilis conditionis*. Secundo, eſt oblatio fortis, vel electionis. Ita dicitur: *Dare conditionem*, accipere conditionem.

1.4.6.53. *Corpus*, notum eſt. Secundo eſt caro, ſed tantum hominis viventis; Ut, *febris qua jam pridem laborabam, omne mihi corpus abſumpſit*. Unde dicitur *corpulentus*, non carnoſus.

1.4.6.33. *Conterranei*, qui ejuſdem territorii ſunt, quos barbari noſtri ſolita ſua elegantia *compatriotas* vocant. Brabantinus & Brabantinus *conterranei* ſunt, Gandenſis & Gandenſis cives ſunt.

1.4.6.84. *Conſul*, qui conſul eſt. *Conſularis*, qui conſul fuit. Inde viri conſulares dicuntur.

1.4.6.90. *Complures* & *complura* caret ſingulari, idem eſt quod multi: & poſitivi gradus, non comparativi gradus. *A compluribus gravibus viris accepi*. Noſtri Rhetores (barbaros loquor) *quam plures* pro *complures* dicunt, & Donatus, *ex quampluribus*: ex *compluribus* dicendum eſt, aut ex *quamplurimis*, ſicut declaratum eſt in *quam*.

1.4.6.53. *Corporeus*, a, um, quod conſtat ex corpore: & jungitur tantum cum hoc nomine res aut ſubſtantia. *Lapis eſt res corporea*, *virtus incorporea*.

Corporale quod exiſtit in ſubſtantia corporea, pulcritudo, robur, bona corporalia ſunt, quia in corpore ſunt.

1.6.6.4. *Contendere*, ſignificat intendere, ut, *nervos contendimus*, aut *intendimus*. Vires & animum *intendimus* aut *contendimus*. Naſcitur autem hæc ſignificatio ex prior. *Contendere verbis*. *Contendere curſu*, id eſt, concertare, & regit dativum ſeu ablativum, interventu præpoſitionis *cum*. Virgilius: *Ne cellis ideo contendere falernis*.

A *Nolo tecum contendere*. Inde *contentio*. *Contentioſus*. *Contentioſe* agere, eſt pertinaciter ſe defendere: unde dicitur, *Peto abſte ſummopere contendere*, id eſt, pertinaciter peto, ita ut negari mihi nolim.

Convitiium, eſt maledictum. Hinc *conviciari* & *convicium facere*. *Famina ſolent convitiis agere*, ubi ratione nihil valent.

Convena convenarum, dicuntur quæ ex diverſis populis in eadem moenia convenere, & coaleſcunt ſimul.

Contentor contentaris, non Latine dicitur, ſed *boni conſulo*.

Cornicum oculos conſigere, proverbium eſt, conſigere oculos eorum, qui ſe ſapientiores videri volunt & duces. Nam cornix dicitur dux avium eſſe.

B *Comitium* eſt tantum locus. *Comitia*, actus creandorum magiſtratum, ut in creatione Conſulum, & Prætorum, quæ in comitio fiebat. Inde *morbus comitalis*. Aut *comitia* dicebantur electiones per ſuffragia.

Cominus non ſignificat in loco propinquo, ſed e loco propinquo. *Cominus ſpeſtabat*, *Cominus pugnabat*. Non, *cominus ſedeo*. *Eminus*, e loco remoto. *Eminus jaculatur*.

Complices, non eſt Latinum vocabulum. Cicero corruptus eſt, ubi ſcriptum eſt *complicium* pro comitum.

Attende pulcherrimam diſtinctionem *Comparativi* & *Superlativi*. *Comparativi* & *Superlativi* quod ad caſum attinet, apud Græcos nulla differentia (quoniam non habent ablativum caſum) niſi quod hoc refertur ad duo, & illud ad plura. Apud Latinos quæ ſit vide. Omnis comparatio aut ſit inter duo aut plura. Si inter duo, ſemper utendum eſt comparativo: ut, *Patri meo duo fuerunt filii, major jam olim e vita deceſſit, minor ego ſum*. Dicendum fuit *major* & *minor*, non *maximus* & *minimus*. Sin inter plura, aut ſunt illa diverſi generis, tunc utendum eſt comparativo, non ſuperlativo: ut, *Hic adoleſcens, longe omnibus ſenibus doctior eſt*. Nam adoleſcens & ſenex, diverſi generis ſunt. Aut ſunt illa ejuſdem generis, ſi tres ſint aut plures gradus, id eſt, ſi etiam in mediis ſit aliud alio ſuperius, ſemper utendum eſt ſuperlativo: ut, *Scholasticorum ſtudioſiſſimus eſt Henricus*. *Latinorum eloquentiſſimus eſt Cicero*. Sin tantum duo ſunt gradus inter multa, ut ſi ſint multa parva, & unum tantum emineat quod ſit majus cæteris inter ſe æqualibus, utendum eſt comparativo cum ablativo: ut, *hoc vas majus eſt cæteris*. Sunt tamen qui more Græcorum uſurpant comparativum loco ſuperlativi, ut Catullus:

Heſpere qui cælo lucet jucundior ignis.

Et Cicero omnibus eloquentior. Quoties autem comparativus non accipitur diſtributive, ablativum habet, *Nemo te ſtultior*.

Conjuratio fere in alterius perniciem fit: *Scævola trecentos Romana juventutis principes in Poſſena necem conjuraſſe aſebat*. Et qui urbem incendere aut perdere inter ſe juraverunt, *conjurati* dicuntur. *Conſpiratio* nonnunquam in neminem graſſatur, ſed interdum ſignificat unanimi-
D *tem*. Et *conſpirati* dicuntur, qui conſpirarunt, quemadmodum conjurati.

Cordi eſt mihi, *Placet* vel *delectat*. Terentius: *Ut utrique cordi eſt*. *Omnia tua mihi cordi ſunt fili*. Utinam tibi *litera tam cordi eſſent, quam luſus*. In animo eſt, id eſt, volo, vel *animus eſt mihi*. In animo eſt mihi, In animo habeo, idem ſignificant; In animo eſt mihi hieme exaſta Daventriam petere, *Animus eſt mihi reviſere*.

Compertum eſt mihi, *comperi*, exploratum eſt mihi, *investigavi*, id eſt, *deprehendi* & ſcio per investigationem, & experimento *compertum habeo*. Tua fides mihi ſatis explorata eſt.

Conſtitutum eſt mihi, *deliberatum eſt*, *decretum eſt* mihi, *ſtatutum eſt mihi*, id eſt, apud me cogitando firmatum eſt. *Conſtitutum mihi eſt aut mortem ſubire, aut his malis eripi*. Si id tibi *deliberatum eſt*, ſequar quocumque voces. *Deliberare* tamen aliud eſt, quam *deliberatum eſſe*. Nam potes *deliberare* ut non decernas. *Deliberato opus eſt*. *Deliberandum eſt diu*, quod ſtatuendum eſt ſemel.

Crudus, a, um, primo qui difficilem habet digeſtionem, aut ut Latinius dicam concoctionem. *Crudus ſtomachus*, *Cruditæ ſtomachi laboro*. Secundo, eſt truculentus. *Hominem crudum* vocamus, qui truci eſt adſpectu.

F *Conſtitutum eſt mihi*, *deliberatum eſt*, *decretum eſt* mihi, *ſtatutum eſt mihi*, id eſt, apud me cogitando firmatum eſt. *Conſtitutum mihi eſt aut mortem ſubire, aut his malis eripi*. Si id tibi *deliberatum eſt*, ſequar quocumque voces. *Deliberare* tamen aliud eſt, quam *deliberatum eſſe*. Nam potes *deliberare* ut non decernas. *Deliberato opus eſt*. *Deliberandum eſt diu*, quod ſtatuendum eſt ſemel.

Crudus, a, um, primo qui difficilem habet digeſtionem, aut ut Latinius dicam concoctionem. *Crudus ſtomachus*, *Cruditæ ſtomachi laboro*. Secundo, eſt truculentus. *Hominem crudum* vocamus, qui truci eſt adſpectu.

Conſtitutum eſt mihi, *deliberatum eſt*, *decretum eſt* mihi, *ſtatutum eſt mihi*, id eſt, apud me cogitando firmatum eſt. *Conſtitutum mihi eſt aut mortem ſubire, aut his malis eripi*. Si id tibi *deliberatum eſt*, ſequar quocumque voces. *Deliberare* tamen aliud eſt, quam *deliberatum eſſe*. Nam potes *deliberare* ut non decernas. *Deliberato opus eſt*. *Deliberandum eſt diu*, quod ſtatuendum eſt ſemel.

Crudus, a, um, primo qui difficilem habet digeſtionem, aut ut Latinius dicam concoctionem. *Crudus ſtomachus*, *Cruditæ ſtomachi laboro*. Secundo, eſt truculentus. *Hominem crudum* vocamus, qui truci eſt adſpectu.

Tom. I. Yyy 3 Ter

Tertio, est recens. *Crudus dolor, Crudum vulnus*, aut *odium*, cum de integro resuscitatur. Quarto, *crudus*, immaturus. Cicero: *Poma quæ cruda sunt, vi avelluntur: quæ matura decidunt.*

Crepido, est oīa terræ quam aqua alluit, ex hoc appellata, quod vi aquæ *crepitat*. Per metaphoram & os putei, id est, extremam oram, quæ ad ipsum puteum reipicit, & omnem extremitatem, *crepidinem* appellamus.

Cras, dies crastinus, *Perendie*, dies perendinus. *Perendinare* & comperendinare, differre de die in diem. *Crastinus* non solum significat eum diem qui hodierno est proximus, sed quemlibet alium futurum. Horatius: *Quid sit futurum cras, fuge querere.*

Criminandi verba, ut, *teneor, accuso, postulo, defero, condemnatio, arguo*, & similia regunt genitivum significan- tem crimen sive certum sive incertum. *Accusatus peculatus, Damnatu* repetundarum. Præter hæc nomina *ambo, utrumque, neutrum, alterum*. Non enim recte dicitur: *Qui patriam prodidit, teneturne sacrilegii, an paritidii, an utriusque?* sed an utroque vel de utroque. Cujus criminis accusas hanc, *absentia, an insolentia, an de ambobus?* non *amborum*. Similiter nomina generalia criminum, in ablativo apponuntur addita præpositione, *Accusatus est de multis*. Legimus & *damnatu* capite.

Crepitus est sonitus violentus ex impulsu resultans: qualis est ostii pulsati, cymbalorum, tympanorum, tubarum, cornuum. Inde *crepitaculum*. Secundo, *crepitus* est eruptio ventris: nam *ructus est oris, crepitus est ani*. Stoici putabant non minus honestos *crepitus* esse quam ructus. *Streptus, fremitus, stridor*, vide in suis locis.

Crimen etiam est ipsa criminatio, id est, impositio criminis. Cicero: *Utinam hoc tantum verum crimen esset*, id est, utinam verum esset in quo accusas me. Ita fit, ut interdum qui in crimine est, non sit in culpa.

Curriculum primo significat cursum ipsum; ut, *longo temporum curriculo*. Secundo currendi locum; *Sic intra curriculum non cursus*. Tertio, ipsum currum. *Curriculo proficiscemur*.

Cum præpositio, comitem significat, aut modum actionis, non instrumentum. *Scribo calamo*, non, cum calamo, *Pulsavi me pugno*. Sed, *summo cum honore me excepit: summa cum lætitia*, id est, læte, non lætitia tanquam instrumento.

Cum valet primo ubi, vel quando: ut, *cum primum venerit pater, dicito me esse domi*. Secundo quamvis: *Cum nihil sit te sordidius, tamen liberalis tibi nomen vindicas*. Tertio præpositio est, de quo supra. Quarto jungitur huic particulæ *tum*, ita ut cum significet minus, tum majus. *Cum omnes bene de nobis meritis amare debemus, tum vero præceptores nostros colere aquisitum est*, id est, omnes quidem bene merentes amare debemus, sed maxime præceptores. *Pudor cum omnem ætatem, tum adolescentiam maxime decet*. Et jungitur fere semper verbis indicativis. Aut si aliis modis junguntur saltem non diversis modis: Neque enim Latine diceretur: *Cum omnes literatos semper amaverim, tum te carissimum habui: amavi* dicendum fuit, non amaverim.

Cursim, currendo. *Cursim perlegi*.

Culcitra, est tam lanca quam linea: tam stupea, quam plumea. Nunc plumea est.

Curia, est locus consilii publici. Juvenalis, *Us curia Martis Athenis*. Aliud igitur est aula Principis, aliud Curia.

D.

Damus illi literas, cui perferendas tradimus. *Reddit* qui perfert. *Accipit* ad quem dedimus. *Damus* ad eum literas, cui scribimus. *Tabellario damus, ad amicum damus*. *Nudius tertius tabellario meo binas ad te literas dedi, alteras fratri tui, alteras meas, quas puto tibi reddidas esse.*

Deditissus, qui se in alterius imperium dedit. *Nulla servitus infelicio, quam meretricum deditissum esse. Io plane liber esse desinit, qui vitiorum esse deditissus cæperit.*

Defectus active significat, qui deficit: ut *senectam defectam* vocamus, quæ deficit:

1. Melius a *defectus* deducitur. Vide *Ger. Joan. Vossium*, in Etymologico.

Dulcia defecta modulatur carminale lingua

Cantator cygnus funeris ipse sui:

Defectus, absentia, ut ita dicam. *Defectu medicorum multis perire*: non culpa medicorum in hoc sensu. *Defectus nummorum coget patriam repetere*. *Defectio* est discessio militum a duce, aut civitatis a superiore; Ut, *ille suorum militum defectionem subitam conspicens, expalluit*. vel deficit discipulus a magistro, deferens sectam ejus. *Deficere* vide suo loco.

Decus est honestas quæ ex bene gestis oritur, ut, *pueris quidem litera nonnihil sunt molesta: at senibus summa voluptas & decori*, id est, ad decus. *Dedecus*, ignominia quæ ex turpiter gestis nascitur, ut, *Quod tu tibi laudis tribuis, summo dedecori est*. A decus dicitur *decorare* o correpta, honestare. *Dedecorare*, ignominia afficere. *Decor* decoris, est quædam decencia rerum, personarumque in locis & temporibus. *Decorum*, decens: *Non est decorum seni lascivire. Non est adolescenti decora impudentia*, Impudentia non decet adolescentem. *Honestum* quoque appellamus decorum. *Decor*, o producta, a decoro. *Dedecoro* similiter.

Declamator, vide in Rhetor.

Desipio, desipisco, desino sapere. *Resipisco*, redeo ad sanam mentem. *Juvenes qui desipuerunt, resipiscere possunt, Senes amentes nunquam resipiscunt. Desipere mihi videris.*

Descendere, quid vulgo significet, notum est. Præterea significat de loco tuto in locum discriminis venire, etiam si sit æqualis. *Descendere in prælium, descendere in campum*, pugnandi utique gratia. *Descendere in forum* defendendæ causæ gratia.

Declarare fit tam factis quam dictis. *Gaudeo me natum esse opportunitatem quam meum erga te amorem declarare possim*, id est, ostendere. *Mallet meam in te benevolentiam factis, quam oratione declarare*, id est, indicare & ostendere.

Deferre pro accusare, semper habet accusativum, aut expressum, aut subaudiendum. *Quintilianus, Divitem detuli reum pauper*, id est, accusavi.

Devenire, est de loco editiore in planum aut humilem, aut de rebus felicioribus ad infeliciores delabi aut venire. *Devenimus in planum. Italia devenit ad nos. Deveni in paupertatem. En quo devenere litera.*

Devolvare, a summo deorsum præcipitare. Sæpe amnes a montium verticibus ingentes rupes devolvunt. *Devolve trabem*, id est, deorsum præcipita.

Despicere, ex alto deorsum adspicere: transsumitur ad contemnere. *Suspiciere*, sursum adspicere. *Suspice cœlum*. Transsumitur ad venerari & honorare.

Deligere, est eligere quod ad agendum sit magis idoneum: ut, *Rusticus deligit tauros quos aratro applicet, quos creandæ soboli destinet. Imperator deligit quos militæ adhibeat. Populus deligit Regem vel Episcopum. Delectus* tantum duobus verbis jungitur, *agere & habere*: & significat idem quod *deligere*, sed tantum ex multis. *Cæsar delectum habuit in provincia*, id est, ex multis eligit quos judicaret idoneos militæ. Præceptorem dispicere, & *delectum agere ingeniorum*, necessarium est, ut noverit quid quos discere jubeat. *Eligere* non respicit rem administrandam, sed commodum privatum vel placitum. *Habes optionem, utrum mavis elige. Cooptare*, vide loco suo.

Debellare, est bellando vincere seu capere, sed potius ad homines refertur. *Virgilius*:

Parcere subjectis, & debellare superbos.

Expugnare autem naves, castra, urbes, vide loco suo.

Deficere, est deficere: Ut, *milites a duce, populus a Rege, discipulus a secta magistri deficiit.*

Deturbare, est deorsum cum violentia dejicere. *Deturbat et turri, e puppi. Exturbare* e loco in eundem modum ejicere. *Josue: Quia turbasti nos, exturbet te dominus. Disturbare*, est diruendo disjicere. *Disturbare domos, parietes.*

Decedere, cum capitur pro recedere, tum proprie significat a mandato custodiæ suæ loco recedere. Prætores & hujusmodi, e provincia *decedunt* perfuncti officio. *Præsidia de urbibus, aut castellis decedunt*, id est, desinunt

finunt tueri. *Militia e castris decessit*. Secundo, *decedere e vita*, id est, mori. *Excedere*, si adjungas, e vita, est mori. Inde *excessus*, mors. *Excedit modum* qui prætergreditur.

l. 6. c. 21. *Demum* & *denique* significant tandem. *Quum omnia perdidiceris, tum demum*, vel *denique docere alios potes*. *Denique* autem solet nonnumquam multis enumeratis in extremo poni. Est sermone protervus, factis ferox, sibi perplacens, aliorum fastidians, denique talis, ut commodius sit bellua convivere, quam huic monstro. Secundo, *demum* capitur pro omnino vel solum, præcipue junctum is, & ita. *Ea demum gloriosa laudatio, quæ a laudatis viris proficiscitur*. Ita *demum me abs te amari sentiam*, si huic homini mea causa commodaveris. Ovidius pro *demum* posuit *denique*: *Si qua metu dempto casta est, ea denique casta est*. Is *demum fortis est* qui se vincit. Ita *demum abs te me amari credam*, &c.

l. 6. c. 24. *Deprecari*, significat valde precari. Item *deprecamur* bella, morbos, optamus ne veniant. Nafo:

Sepe precor mortem, mortem quoque deprecor idem.

l. 6. c. 32. *Decurio* dignitatis nomen est, quem barbari *militem* vocant. Nam miles est quisquis militat. *Decurio* Romanus, major equite Romano: eques, major *Centurione*: Centurio, major *decarcho* duce decem militum: *decarchus* major milite. Ergo neque *decurio* *decarchum* significat, neque miles. *Decuriones* municipales aliarum lociarum urbium præter Romam sunt ii, qui Romæ Senatores vocantur.

l. 6. c. 63. *Depecisci*, idem quod *pacisci*: *depectus* idem quod *patius*. *Depecisci* mortem cupio.

In Raud. *Definire*, est terminare, *Causa definita*.

Diffinire, hoc ab illo finiundo ac partiendo distinguere.

l. 4. c. 31. *Dies* in masculino genere significat diem certum, ut dicimus *dies Calendarum Novembrium*. *Non rediit pater die præstituto*. *Abiit, die præstituto rediturus*, non *die præfinita*. *Dies* quando significat ipsum tempus, semper est generis foeminini. *Ipsa dies facit hominem prudentem*.

Ipsa dies quandoque parens, quandoque noverca.

Horatius in Arte Poetica:

Carmen reprehendite quod non

Multa dies, & longæ litura coerentis,

Id est, multum tempus, non multus dies. Inde *discula*, breve tempus, Pediano auctore. *Dies bima*, trima, quadrima, tempus duorum, trium, quatuor annorum. Sed hoc nostri Jurisperiti non intelligunt. *Dies hesternus*, *crastinus*: non hesternæ crastina.

l. 4. c. 104. *Diurnus*, quod fit in die; Ut, *Adolescentes diurnum studium amant, nocturnos labores fugiunt*. Horatius:

Nocturnæ versate manu, versate diurnæ.

Diurnus & *diurnus* idem significant: ut, *Petrus diurni laboris odio a scholis defecit*.

l. 5. c. 1. *Disco*, quod ante nesciebam, pertinet ad discipulum. *Dedisco*, quum obliviscor quod sciebam. *Plerique ita Logicam discunt, ut Grammaticam dediscant*. *Dididici linguam Latinam diuinâ insuetudine*. *Dedidice istos indecentes mores*. *Ediscere* est memoria complecti. *Hi versus hodie nobis ediscendi sunt*.

l. 5. c. 10. *Dicere*, loqui. *Dic si quid habes*. *Dic quod hic non invitatus audias*. *Dicere* est Oratoris eleganter orantis. Inde *artem dicendi*, vocamus Oratoriam. *Hieronymus eleganter dicit, parum acute arguit*: *Augustinus acute arguit, sed obscure dicit*.

Ibidem. *Dictio* interdum est oratio facunda & oratoria.

Ibidem. *Dictare* frequentativum, significat *dicere*, ut alius calamo excipiat. Ut is qui prælegit epistolam, *dictat*, notarius excipit. Præceptor legens discipulis materiam epistolæ *dictat* eis.

l. 5. c. 20. *Dictitare* frequentativi modi, significat frequentibus & locis & temporibus dicere. *Itane est? nescio, id passim dictitant*.

l. 5. c. 56. *Dispicere*, est circumspicere mente.

l. 6. c. 20. *Dispicentia*, id est, circumspectio.

In Raud. *Disimulatio*, id est, dissimulatio.

Diabolus Græce, Latine Criminator.

Diversorium, hospitium meritorium.

A *Diverticulum*, digressus a via publica, sive flexus viæ. *Diploma*, est epistola vel scriptio alicui missa.

Diffiteor, diffiteris, est negare. *Insiteri & destiteri*, non reperiuntur.

Dyscolus Græce, significat Latine hominem malum, perniciosum, & toleratu difficilem.

Distum, dista, dictorum, sermones falsi. *Non me laet in quem dista ista jaculeris*. *Contorfi in eum dictum* quod illi perpetuo doleat.

Disacitas, dicaces, dicimus qui callent lepida dicta *idem* confingere & jaculari.

Domus sic declinatur: Nominativo domus, genitivo domi vel domus, dativo domui, accusativo domum, 1. 3. c. 15.

ablative domo. *Domi* significat ubi manemus, id est, in domo: & jungitur tantum his pronomibus, *mea, tua, sua, vestra, nostra*, & cum hoc nomine *aliena*. *Domus* genitivus quartæ declinationis significat ipsum ædificium, id est, tecta & parietes: ut, *Vis ventorum noctu magnam domus mea ruinam fecit*, nondomi meæ. Sed *domi* erimus, id est, in domo. *Domi & belli, domi & peregre* opponuntur.

Dono tibi hanc rem, & dono te hac re, idem significant. 1. 3. c. 43.

Hoc munus mihi donatum est a Petro; Vel, *Hoc munere donatus sum a Petro*. Eandem constructionem habet *impertior* vel *impertio*.

Doceo, cognitionem do, *Dedocceo*, secus ab eo quod quis doctus est doceo. Quintilianus; *Et quidem prius, ac difficilins opus dedocendi quam docendi*. *Istam peculantiam te facile dedocebo*.

Domeficatio, id est per singulas domus. 1. 8. c. 20.

Docilis, qui facile docetur. *Docile ingenium*. *Indocile*, id est, durum & superbum. *Docillimus* in superlativo. *Docibilis* vix invenitur, nisi apud Ecclesiasticos, *Parce* & id pro *docilis*: *Docibiles Dei erunt*: Priscianus dicit significare *docibile* quod facile discitur, pro quo nos *perceptibile* dicimus potius.

Dudum, jamdudum, de parvo tempore unius horæ, 1. 2. c. 34. duarum, aut trium; sed *dudum* significat actum transeuntem: *Jamdudum*, insistentem & manentem. *Jamdudum* magister est in scholis, id est, non diu fuit & adhuc est. *Dudum venit*. Nuper & pridem de longiori tempore dicuntur. vide hæc loco suo in nuper.

Diu, continuationem temporis significat, id est, per longum tempus. *Diu in Grammaticis studio versatus sum*, priusquam ad Logicam accederem; *Diu est quod urbem intravi*: eo quod diu verbis momentaneam actionem significantibus non jungitur: sed *dudum* vel *pridem intravi*, non dicitur. *Jamdin* idem quod *diu*, nisi quod *diu* significat actum transeuntem, *Jamdin* insistentem. *Jamdin uxor mihi ducta est*, & adhuc virgo est.

Dumtaxat, idem significat quod solum, sed non recipit post se, *sed etiam*, sicut solum, & modo, & tantum. 1. 2. c. 41.

Non enim eleganter diceretur, *Non is dumtaxat amicus censendus est, qui bene de nobis meretur, verum etiam is, qui bene nobis cupit*. Sed sic, *studiosis interdum joco & lusu indulgendum est, sed in loco dumtaxat*.

Dum & donec significant *quamdum, usquedum*. *Tantisper tibi sum amicus, dum dico quod non invitatus audias*, id est, usque dum. *Donec moriar, licetis operam dabo*, id est, usquedum moriar. Nafo:

Donec eris felix multos numerabis amicos.

Tantisper te meum filium dici volo, dum quod te dignum est facies. Terentius in Heauton.

E.

Ecce, & en, idem pene significant. *En* duos casus habet, nominativum & accusativum. Et capitur demonstrative, & exprobrative. Prius notum est, posterioris hoc exemplum est: *En hominem, en mentem eum qua Dii nocte loquuntur*. *Ecce*, pene nunquam accusativum habet, nisi forte apud Poetas, & id quidem rarissime. *Eccum eccam, ellum, ellam*, per adverbia exponuntur, non per pronomina: ut, *eccum*, id est, ecce hic: *ellum*, id est, ecce illic.

Econtra non dicitur, sed *e contrario*, sive *e diverso*, si ve contra. In Raud.

Ædes, pro domo privata, nunquam habet singularem numerum, diciturque, *binas, trinas ædes*, non tres 1. 3. c. 6.

aut

aut duas. *Edes* pro templo, utrumque numerum habet, sed fere ponitur cum adiectione. *In ade Jovis. In adibus Minerva.* *Aditus*, custos sacrarum ædium. Proprie *Adiles* erant apud Romanos magistratus, præfecti curandis ædibus Deorum.

Ibidem. *Adilitas* nomen dignitatis, sicut *Consulatus*.

Edicere, est imperare, sed tantum ad magistratus & Reges pertinet. Inde *edita Consulum. Editum Augusti. Editum Imperiale.*

Eduium est quicquid edendi gratia apponitur.

Epræpositio jungitur semper dictionibus ab rinceptis, non ex. *Eregione*, id est, ex opposito, vel ex adverso; *eregione Borea* flat *Auster*.

Erepublica, id est, pro republica. *Multos exilio damnare, erepublica non est*, id est, non est utile reipublicæ.

Ere mea, id est ad utilitatem meam, *ere tua, ere vestra. Quid mea? ere tua erit si quid labores. In rem tuam. E tua dignitate*, id est, pro tua dignitate. *Ex tuo usu eris si facis quod hortor. Ex utilitate Reipublicæ legem considerate. Deliberas civitas, utrum prælium committi, ex usu sit, nec ne.*

Elogium est testificatio de aliquo in laudem vel vituperium. Unde dicuntur *elogia sepulcrorum*: ut si magister reddens discipulum parentibus, dicat, *Prius asellus lyra canere disceret, quam filius vester literas*: plane turpe *elogium* est. Secundo, *elogium* est aperta testificatio sententiæ suæ, ut Regis cujusdam Hierosolymorum *elogium* est, *malle se diademate, quam literis carere.*

Eminus, non significat in loco remoto, sed e loco remoto. *Eminus videbat, Eminus petebat me, Eminus jasula mittebat*, id est a longe.

Energumenus, qui a Dæmone agitur, ab *ινεργυμαι* Græco, quod est agor vel agitor.

Epulæ, epularum, sunt cibi in privatum usum comparati. *Dapes* volunt esse Deorum, vel nostras in sacrificiis. *Epulum* est publicum & solenne convivium, quod præstatur apparatus gratia vel in solennitatibus Deorum, vel in funere divitum, vel in alio quopiam simili.

Eques est aliquis primo ex dignitate equestri auratus. Secundo ex equo militans.

Aqualis, similis ex æquo. *Aquales amore, Aquales statura*, pares amore. *Aqualis, coævus. Te in primis semper amavi, nupote adolescentem aequalem.* *Aquabile*, idem quod æquale. *Jus aquabile, sonus aquabilis*, id est, æqualis & par.

Ergastulum, est privatus carcer, vel locus ubi servos dominus includit noctu, unde mane ad opus emittat.

Es alienum, quod aliis debemus. *Constrare, contrahere es alienum. Dissolvere es alienum. Obstrictus vel pressus are alieno.*

Esi, quamquam, in principio orationis indicativo gaudent. *Et si, vel quamquam mihi semper fuisti carissimus, tamen multo eris carior, si meis monitis parueris, fuisti, non fueris, vel sis. Licet autem & quamvis*, in principio subjunctivum desiderant. *Licet, vel quamvis tu me odio habear, tamen ego nunquam amare desinam. habear, non habueris. Sed in medio orationis omnibus his indifferenter utimur. Feram te, licet insolentem, quamvis insolentem. Licet nunquam jungitur indicandi modo.*

Et, geminatum pulcherrimum est: ut, Fili, & mihi morem geres, & tua salutis consules, si te studiosum præstiteris. Idem valet que, sed frequentius in carmine. Terentius: Quod mihi heræque, filiaque herili est malum, id est, & mihi, & heræ, & filia. Espro etiam Quintiliani seculum accepit. Quicumque tibi inimicus eris, is eris & mihi, id est, etiam mihi.

Eventus, us, ui, in singulari. In plurali *eventa, torum. Narranobis obsecro tua eventa. Similiter jussus jussa, permissus, permissa.*

Exoletus, ab *exolesco*, substantivum, significat scortum masculinum, id est, pueram meritorium, & præcipue jam adultum. Adjectivum vero, significat adultum, sed non est usitatum. *Exoleta* dicuntur, & quæ in desuetudinem venerunt.

Explicit, & explicium nusquam inveniuntur.

Excubia, sunt diurnæ, sive nocturnæ. *Vigilia*, tantum nocturnæ.

Explodere, est cum pulsatione & sono manuum ejicere e concilio, e theatro, e domo. *Exploditur & sententia quæ rejicitur. Complodere*, est collidere manus in indicium doloris, admirationis, & lætitiæ, aut similitum. *Supplodere* est terram pede incutere.

Exsibilare, est cum sibilo exturbare; Ut, *pueri ignotos ludum intrantes exsibilare solent*, vel, *qui in conventu aliquo ridicula profert, exsibilatur*, id est, cum irrisione expellitur.

Excogitare, est invenire ingenio. *Quis hoc excogitavit consilium? Excogitavi argumenta duo, excogitavi rationem, causam. Cogitat qui quaerit.*

Ex tempore, id est, impræmeditate & subito.

Extemporalis oratio, est quæ domi elaborata non est. *Extempore venire. Ex tempore agere. Ex tempore capere consilium. Item ex tempore pro temporis conditione*, hoc est, pro re nata.

Ex equo pugnare, id est, sedentem in equo pugnare. *Ibidem. Evinculis causam dicere*, id est alligatum.

Erenibus laborat, e stomacho, id est, patitur morbum stomachi.

Existimare, id est, judicare. *Exempla nota sunt. Difficilius existimo & existimo, sicut cogito, & excogito. Seneca: Quem mihi dabis qui aliquod pretium temporis ponat, qui dicam existimet? id est, qui pretium diei supputet. Existimo te magnum, existimo te magni.*

Exsto & existo, idem habent præteritum, quo est *existi*, significant eminere, & superesse, sed *existi*, cum motu, *exsto* sine motu. *Cicero: Submersus equus voraginibus non existit*, id est, non emergit vel prodit. *Idem, Existit hoc loco questio subdifficilis. De exsto, Capite exstabat aquis. Virgilius: Et summis vix cornibus exstant*, id est, eminent. *Opera auctorum dicuntur exstare, id est superesse. Tragedia Nasonis non exstat. Ciceronis de Republica libri non exstant. Varonis paucissimi libri exstant, ceteri demortui sunt. Videant hic Grammaticæ nostri, qui dicunt exstare & existere, idem significare quod esse.*

Expugnare, significat pugnando capere, sed frequentius refertur ad inanima. *Urbs expugnata est. Castrum in expugnabile. In Psalmo: Sepe expugnaverunt: expugnare dictum est pro oppugnare vel impugnare: sequitur: Neque enim potuerunt mihi.*

Excusare, id est, purgare. *Neoterici dicunt, habeme excusatum. Veteres dicebant, accipe excusationem. Accipis pater excusationem. Interdum excusare est, afferre id quod fuit in causa, quo minus aliquid factum sit. Excusat valetudinem. Heus tu jam annus est, quod ne literam quidem a te accepimus. Attu (scio) excusabis tabellariorum penuriam, occupationes, & hujusmodi mille, id est, dices penuriam tabellariorum impedimento fuisse. Joannes quod ad diem non presto fuit, tempestatem venosque adversos excusat, id est, affert in purgationem &c.*

Ex sententia, id est, ad votum. *Quintilianus: Habes uxorem ex animi tui sententia? Quis tam faventes habet Divos, ut omnia ex sententia habeas?*

Exhorreo regit semper accusativum; *Exhorreo scelus istud, Aures exhorrent tantum nefas*, id est expavecunt. *Abhorreo* regit ablativum, & significat prorsus alienum esse. *Vita mea a moribus tuis abhorret.*

Exitiale, & exitiabile, pro eodem accipiuntur, id est, mortiferum.

Exemplum & exemplar, pene nihil differunt. *Exemplum*, est res quam imitatur in aliquo. *Exemplar*, ex quo sumimus quod imitemur: illud contentum, hoc continens: sed confunditur differentia, si tamen ulla est differentia.

Exauctorare, est militem aut ducem ab officio absolvere. *Exauctorati milites*, qui soluti sunt ab obligatione militandi. Vide in Auctor.

F.

Facile pro non dubie, omnibus superlativis pulcre jungitur. Præterea etiam his nominibus, primus, princeps, secundus. *Facile princeps, facile secundus. Adeo eruditus est Petrus, ut magistro sit facile secundus.*

Facio, pendo, existimo, & similia, venuste junguntur

genitivis, magni, parvi, tanti, quanti, pluris, minoris, plurimi, minimi, maximi. Exempla sunt nota.

Faber, qui e quavis materia facit aliquid, excepto gypso, argilla, cera, & similibus, nam hi plastæ dicuntur aut figuli. Hinc *Faber ferrarius*. *Faber lignarius*.

l. 4. c. 63. *Factio*, cum cives aliqui contra se æmulantur, ut potiantur imperio, aut magistratu, & ob id quisque suas partes concitat. Unde & *factiosi* dicuntur.

In Rau- den. *Fastidio*, is, ire. regit accusativum, non genitivum; significat spernere cum quodam fastu, & nausea: ut potentes inopes, & divites, pauperes *fastidiunt*: ut, *potens amica, amatorem tenuem fastidit*.

l. 4. c. 13. *Facies* ad corpus refertur: *vultus*, ad animum & voluntatem. Dicitur a *volendo*. *Facies* & ad alia transferitur prospecie, *Miseranda rerum facies*.

l. 3. c. 80. *Facio te certior*, non certum. *Factus sum rerum tuarum certior*. *Facio jacturam, damnum, naufragium*, id est, passus sum vel patior. *Iter facere, proficisci*. *Facio tibi copiam mearum rerum*, id est, præsto. *Fac mihi tui carminis legendi copiam*. *Facio lucrum*, id est, acquirō lucrum. *Facio stercus*, id est, caco. *Fecit urinam*, id est, emisit urinam. *Facio stipendium*, id est, mereo stipendio.

l. 4. c. 42. *Fera*, dicuntur omnia animalia, præter pecudes, leo, ursus, pardus, lupo, vulpes.

l. 4. c. 57. *Femora*, anterior pars feminum.

Femina feminum, semen feminis, est posterior pars feminum, quæ se contingunt.

Feminalia, femoralia, tegumenta feminum. *Coxa* vide loco suo.

l. 4. c. 75. *Fœnus*, est id quod provenit ex cultu terræ. Unde fructus terræ, *fœtus* dicitur. Translatum est autem ad usuram, quasi nummi per se fructum faciant.

l. 4. c. 71. *Fœtus*, avium & piscium est, tamen *fœtisicare* & *fœtus*, omni animanti convenit. *Catuli*, sunt ferarum sive immanium sive mitium. Proprie tamen filii canis, *catuli* vocantur, qui & *catelli*. *Pulli*, pecudum, boum, equorum. *Hinnulus*, est cervorum, capreolorum, caprarum, damarum, leporum & similium.

l. 5. c. 88. *Fænero, as, are*, active significat dare ad usuram. *Fæneratur* deponentaliter, qui accipit ad usuram. *Deo fænerat, qui miseretur pauperis. Non fæneraris mihi. Non beneficium impendis, sed fæneras. Fæneratus sum a nummulario mille aureos*, id est, ad usuram accepi.

l. 1. c. 11. *Fæneratius, a, um*, fœnore sumptus.

l. 5. c. 109. *Ferre acceptum*, est habere pro recepto ab aliquo, quod debet, etiam si non solverit. Inde *acceptilatio* quam Justinianus per interrogationem & responsum fieri vult.

l. 6. c. 58. *Ferrumen*, pro glutino accepit Plinius, quo aliqua adglutinantur.

Ibidem. *Ferruminatio*, conglutinatio; Ut, *muri Babylonis ante calcem repertam, bitumine ferruminati leguntur*.

l. 2. c. 49. *Fere*, pene, ut, *Fere mihi in caput decidit*, id est, parum abfuit, quin in caput meum decidisset, id est, pene sive prope, sive paulo minus, aut minimo minus. Capitur quando universitatem aliquam designamus, sive loci, sive temporis. *Hæc fere sunt quæ scire volui*, id est, fere omnia. *Fere fit*, ut adolescentes amentur, id est, fere ubique fit. Romani fere orbem subegerant, id est, fere totum orbem. Pro eodem accipitur *temere* apud Quintilianum seculum. *Præcox illud ingeniorum genus, haud temere ad frugem pervenit. Ita est, ut qui magna loquuntur, temere non faciant*, id est, fere nunquam faciant magna.

l. 4. c. 87. *Felix*, cui accidit prosperitas. *Prosper*, qui dat felicitatem. *Deus, sidera, fortuna, prospera* dicuntur, *Homines felices. Prosperè navigavimus. Vento prospero, amne secundo*, sed confunditur sæpe differentia hæc. Et *valetudinem prosperam* dicimus.

l. 4. c. 92. *Festus, a, um*, feriatum & celebre ad diem pertinet. Ovidius: *Salve festa dies*.

Virgilius:

Quippe etiam festis quadam exercere diebus, Fas est.

Ibidem. *Festivus*, lepidus, & jucundus. Terentius: *O festivum caput. Oratio festiva*, id est, lepida.

l. 4. c. 97. *Ferus*, qui habet animum ferinum. Horatius: *Nemo adeo ferus est, ut non miscere possit.*

Ferox, animosus, elatus. Terentius: *Eo ne ferox es, ibidem. quod habes imperium in belluas?*

Fessus, fatigatus tam animo quam corpore. *Fessus sum* l. 4. c. 99. *deambulando. Defessus*, lassus, ita ut desit ab instituto opere.

Fatigari, lassum fieri. *Defatigari*, prorsus deficere. *Ibidem. Literarum studio fatigari quidem licet, sed non defatigari.*

Fingere, proprie figuli est, qui vasa format ex luto: l. 5. c. 43. sed translatum ad omne opus, quod fit ingenio humano & artificioso. *Fingis te dormire*, id est, simulas. *Finxit se longius ire. Effingere* est ad exemplar aliquid exprimere. *Monendi sunt scholastici, ut Ciceronis stylum studeant effingere. Effigies*, signum ad alterius similitudinem factum. *Fictitius, a, um*, adsimulatus.

Ficus, tam pro arbore, quam pro fructu duplicis est l. 1. c. 4. declinationis, secundæ aut quartæ. Pro arbore semper est generis fœminini.

Ficulnea, non significat arborem, sed aliquid factum *Ibidem. ex tali ligno. Scyphus ficulneus* adjectivum, non substantivum.

Fides fidei, fida commendatorum executio. *Fides* l. 5. c. 30. tertiæ declinationis, est genus citharæ, vel chorda ejus.

Fidicula, diminutivum, plurali numero, instrumentum torquendi fontes, in quo vinciuntur.

Fidem dare, est sancte promittere. Virgilius: *Accipe, daque fidem.*

Dedit illi fidem se ducturum. Fidem habere, est credere. *Ne verbis illius fidem habeas*. Terentius: *Forasan parvam hic mihi fidem habet. Fœminis non est habenda fides. Fidem facere*, est facere ut quis credat. *Hujus nunquam mihi fidem feceris. Fecit mihi penitentia sua fidem*, id est, fecit ut crederem illum culpa penitere.

Flagitium, proprie peccatum est in libidine, quasi flagris dignum. Sed capitur non solum pro quovis peccato, sed etiam pro errore.

Flere, fit lacrymis, dicitur *lacrymare* vel *lacrymari*. *Gemere* fit sonitu præ dolore e pectore erumpente. Transfertur ad bruta & inanimata.

Plorare, fit voce flebili, & dolorem testante. *Plangere* fit percussu membrorum, regit accusativum. *Litora dicuntur plangere fluctus. Ejulare*, fit voce sublata, quod proprium est fœminis. *Vdiserari*, est immani voce, aut dolorem aut indignationem ostendere. *Lamentari*, est voce querula & oratione tristi dolorem testari.

Flagitare, est vehementer exigere, & plus quam postulare. Quintilianus: *Esflagitasti quotidiano convicio, ut jam emittere inciperem.*

Fore, id est futurum esse, jungitur nominibus aut participiis in nomina translatis, & non participiis futuri præcipue temporis. *Spero te amaturum fore* non dicitur, ne ingeminetur futurum. *Fore* pro esse interdum recte usurpatur. *Abfore*, id est abfuturum esse. *Defore*, id est defuturum esse. *Profore*, id est, profuturum esse.

Folium, & herbarum, & arborum, & florum est. *Fronde*, arborum tantum sunt.

Frugi nomen indeclinabile, significat eum qui temperatus est in victu & vestitu, & habet e regione luxuriosum.

Fregit brachium, id est fractum est illi brachium. *Fregit navem*, id est, passus est navis fracturam. *Fidei teste ram apud me fregisti.*

Fruges, id est, quicquid ex fructu terræ in alimoniam vertimus, sive de vinca, sive de arboribus, sive de semine natum sit. Unde *arbores frugiferas* dicimus, id est, poma, vel fructum quemlibet ferentes.

Frutex est lignum, quod non succrescit ad magnitudinem arboris, sed simile est herbis statura, dumus, rubus, aut similia. *Fraga* qui ferunt, *frutices* sunt. Inde *fruticetum*. *Fruticari*, pullulare, ut, *Ex arbore excisa, fruticantur ramusculi.*

Fremitus est immanis sonitus, ut æstuantis maris, aut murmurantis populi, aut hominis excandescens in iram.

Frequens significat passive qui frequentatur. *Locus frequens. Urbs frequens. Frequens* active, significat qui frequentat, id est, qui assiduus est. *Rarus est in schola, in ludo.*

sibus frequens, id est, assiduus. Tertio, frequens copiosus. Frequens populus accurrit. Frequentes cives. Frequens Senatus. Circumstant dextra, levaque frequentes.

*l. 5. c. 5. Frui est re aliqua delectari, sine respectu ad alia com-
moda. Summum mihi tui videndi desiderium incescit, ut
possim tuo colloquio frui. Adolescens labora, ut sit quo senex
fruaris. Ita utimur libro non propter se, sed ut discamus.
Fruimur joci, voluptatibus, &c. Sapiens joci & lusu uti-
tur, stultus fruatur: ille jocatur, ut non deficiat a labore,
hic tantum ut delectetur. Utor, vide loco suo. Hanc dif-
ferentiam D. Augustinus luce clarius exponit libro de
Doctrina Christiana, cap. 4. Frui enim est, inquit, amore
alicui rei inhære, propter seipsam. Uti autem, quod in usu
venit, ad id quod amas obtinendum referre, sit amen-
dandum est. Fretus, significat confusus. Tua humanitate
fretus. Qua re fretus hac incepisti? Maximorum virorum
auctoritate fretus, id est, confusus.*

*l. 6. c. 44. Fundus, est pars agri aliquid continens. Singula enim
prata, vineæ, horti, oliveta, pomaria, piscicoria, arbu-
sta, pascula, nemora, loca aucupatoria, salicetia, ve-
natoria, sive villam atque ædificium, sive piscinam, sive
alvearia, sive vivaria habeant, sive non habeant, singu-
li fundi sunt. Si autem tale aliquid sit in urbe, vico, aut
castello, non in agro, prædium est, non fundus: quam-
quam & fundus prædium dicatur. Fundus igitur est rusti-
ca possessio: prædium & rustica & urbana possessio dum-
taxat qualem descripsi: nam videtur possessio etiam si-
gnificare tabernas, hospitia & horrea, quæ non dicun-
tur prædia, neque fundi. Fundus sive fundum, ima pars
cujusque rei, sed proprie ejus rei, quæ aliquid liquoris
continet, navis, vasis, dolii, stagni, alvei, lacus &c. Se-
ra in fundo parsimonia est.*

*l. 5. c. 5. Futilis, id est, vanus, inutilis, a fusio, is, ire.
Fungor, significat agere vel administrare officium.
Fungor legatione urbis. Fungor officio judicis. Fungor Pre-
tura. Fungor Episcopatu. Fungor vita, id est, vivo. Non
es probi viri officio functus: &c. mille. Defungor, usque ad
finem fungor. Defunctus vita qui vita fungi desinit. De-
functus sum his laboribus, id est, finivi hos labores. Titus
Livius: Defuncta morbis corpora, salubria esse capere, id est,
finitis morbis.*

G.

*l. 6. c. 12. Gandere, est secum animo voluptatem capere, nec re-
spicit alium.*

*In Ran-
den. Gastrimargia, non castris. significat nimiam inglu-
viem. Græca vox est.*

*l. 1. c. 25. Gerundia, hoc differunt a participiis, quod participia
significant tempus sine administratione rei: Gerundia
significat administrationem rei, sine tempore: ut, Te-
net me cura scholæ regenda, non quæ olim regetur (non
enim significat tempus) sed quam regere debeo. Er-
go, regendæ, gerundium hic est, non participium. Con-
tra: Cruciat me lectionis sollicitudo dicenda, participium
est, id est, quam dicturus sum. Gerundia habent omnes
casus & genera: Nominativum; ut, Jusjurandum dabi-
tur. Genitivum; ut, Patris visendi gratia, patriam peto.
Dativum; ut, Avarus congerendis nummis inhæsit. Ac-
cusativum; ut, Inter edendum tuæ mihi redditæ sunt liti-
ræ. Ad irridendos nos venisti. Ablativum, Tu litibus pro-
vocandis delectaris.*

*l. 4. c. 52. Gena, est membrana illa qua oculus integitur & qua
connivemus. Cilium, dicitur quod habet pilos ad defen-
dendum pulverem, ne cadat in oculum. Capitur etiam
gena nonnumquam pro mala, nonnumquam pro ipsis o-
culis, continens pro contento. A gena ducitur adjecti-
vum genuinus, & est dens qui latet sub gena. Mala, est
retunditas illa, in modum mali infra oculos, quæ rubet
cum pudore afficitur. Cujus interior pars, quæ dentes
molares habet maxilla dicitur. Bucca est illa follis infra
malam, qui concipit ventum, & in qua indicatur risus.
Dicis quicquid in buccam venit, id est, in os. Bucca habes
tuba canentium similes.*

*l. 6. c. 20. Generatim, per singula genera: nonnumquam gene-
raliter, in genere.*

*l. 6. c. 54. Gemma, dicitur omnis lapillus pretiosus, sive perlu-
cidus, sive non. Gemma autem non dicuntur lapilli, nisi
per subintellectionem pretiosi. Nam si grandes essent*

*A lapides, pretiosi vocari possent. Margarita tamen, non
continetur sub gemma, vide loco suo.*

*Gymnasium, est locus palæstræ, in quo nudi exerce-
bantur. Finitis autem ludis, Philosophi in eodem gar-
rire cœperunt.*

*Gloriosus, primo gloria plenus: ut gloriosa victoria, l. 1. c. 21.
Secundo, cupidus gloriæ. Grammatici nostri putant per
ablativum significari tempus continuum: ut, multo tem-
pore te expecto, in multo tempore, non per multum tem-
pus. Sed plane falsum est. Nam pro eodem accipiun-
tur: Hic stertit totis diebus, vel totos dies. Studet totis no-
ctibus, vel totas noctes. Per accusativum tamen tantum
significamus spatium temporis, non speciem. Die dor-
mis, nocte vigilas. Hieme studes, æstate ludis, id est, illa
parte anni. Totam noctem ludis. Totum diem stertis.*

*B Gremium, est intra complexus femorum feminum-
ve, in quo foemina concipiunt. Pande gremium. Sinus, 37.
intra brachia pectus supra cingulum. Pueri lactentes in
sinu sunt, cum gestantur in gremio.*

*Grex, est congregatio pecorum pascentium, sed mi-
norum: qualia sunt, hircus, porcus, porca, capella, ca-
pra, sus, & similia horum dicitur grex. Sed tamen vi-
detur grex nonnumquam accipi pro armento, præfer-
tim apud Virgilium:*

*Aut aliquam in magno sequitur grege.
Adjungit Horatius mugientium: Aut in reducta valle
mugientium prospectat errantes greges.*

*C Gratus, acceptus, qui gratiam refert, & est etiam in
adversis. Jucundus in prosperis. Jucundus non qui lætus
est, sed qui est alteri causa gaudii, ut inimicus victus
jucundus est nobis, sed ille non gaudet. In jucunditate
est gratia delectationis. In gratis est etiam commodi de-
lectatio. Exemplum in quo utrumque videas: In secun-
dis rebus, nihil mihi fuit tua familiaritate jucundius. Nunc
item in afflictis, nihil tua consolatione gratus. Est quidem
pueris remissior magister jucundior: sed in posterum
gratior erit, qui severior fuerit.*

*D Gradum facio, sive ut quidam, jacio, est facere gra-
dum, unde ad altiora & majora scandimus: ut si quis
cupiat fenestram ascendere per saxum, aut tripodem,
gradum jact, ex quo ascendat. Cum Grammaticam di-
diceris, puto te gradum fecisse ad cæteras artes. Nondum me
omnia confecisse, sed gradum ad alia jactum existimare.*

*Gratiam habeo, animo. Gratiarum ago, confessione & di-
cto. Refero gratiam, facto: & capitur tam in bonum
quam in malum. Esi tuis cumulatis in me beneficiis
dignas gratias referre non possum, agam certe quoties licebit,
habeboque semper dum vivam. Petro meo nomine maximas
gratias age. Ei qui invitus benefacit nulla habenda est gra-
tia. Barbari dicunt, regratior, regratiamini: & quid in-
ceptius? Dicendum est, Habeo vel ago tibi gratias.*

*Grates pro gratia, apud Poetas inveni pro necessitate
metri.*

*E Gratulari, est verbo testificari, te de aliena felicitate
gaudere, vel gratulari ipsi de re pro voto gesta. Itaque
potest gratulari, qui tamen tacitus doleat: Sicut gratias
agere potest qui non habet. Gratulor tibi te inoleumem re-
diisse. Gratulor mihi hoc me esse natum seculo. Gratulor his
manibus quæ me sola hætenus aluerunt. Additur accusati-
vus: Gratulor tibi talem patrem, sive de tali patre. Gra-
tulamur etiam Diis, id est, gratias agimus pro felicitate
accepta, ut in triumphis aut similibus. Gratari, idem
est, quod gratulari, sed usitatus apud Historiographos.*

*Gratum facere, est fere obsequi. Cicero: Si hunc juve-
ris gratissimum mihi feceris.*

*F Gratificari, idem proprie significat, nisi quod hoc
paulo majus. Deus gratificatur hominibus, non gratum
facit.*

*Gratificari regit dativum cum accusativo, sed accu-
sativus sæpe omittitur.*

*Gravis, proprie onerosus, grave saxum. Transfertur
ad alia: Gravis labor, contumelia, damnum, jactura, mor-
bus, & similia. Unde & viros constantes, graves dici-
mus, qui non facile moventur. Leves enim, qui ad omnem
flatum ventilantur. Accepi a viro gravissimo, id est, ho-
nesto. Gravitatis, est constantia & probitas. Levitas, est
nimia facilitas.*

Gre-

l. 6. a. 20. *Gregatim*, per greges, agminatim, turmatim.

H.

l. 5. c. 97. *Habere orationem*, non *facere*. *Facere sermonem*, vix umquam *habere*. *Facere verba*, non *habere*. Sed tamen nonnumquam *habeo* novo modo accipitur. Cicero:

l. 5. c. 97. *Tantum habeo polliceri*. Idem. *Audire habeo* quid hic *sensiat*, id est, audiendum, pollicendum est mihi. *Habeo convenire Petrum*, id est, Petrus mihi conveniendus est.

l. 2. c. 11. *Hei*, interjectio dolentis, dativum poscit. Nalo: *Hei mihi quod nullis amor est medicabilis herbis*.

Ibidem. *Heu*, accusativum sive nominativum postulat: *Heu me miseram*. Virgilius: *Heu pietas*. *Eheu* sine casu ponitur. Virgilius: *Eheu quid volui misero mihi*.

l. 2. c. 33. *Hesternus*, non solum significat diem qui heri fuit, sed quemlibet præteritum. *Hesternum olus*, trium aut quatuor dierum. *Hesternum jus*, quod remansit præteritis diebus.

l. 5. c. 15. *Histrion*, qui personatus in scena Tragœdias vel Comœdias agit. Idem dicitur actor, De mimo vide loco suo.

Hiare, aperiri, diduci rimis, ut terra æstu, & ligna ariditate hiant.

Hiscere, est os aperire ad loquendum, sed fere per negationem. *Hic quidem satis procaces, verum si soli simus, ne hiscere quidem audeas*. *Dehiscere*, est terram se aperire deorsum, ad absorbendum aliquid. Virgilius: *Sed mihi vel tellus optem prius ima dehiscat*.

l. 3. c. 9. *Hippodromus*, est via lata per quam multi possunt una currere, vel potius in quo equi currere solent.

l. 1. c. 6. *Holus*, est herba quacumque vescimur. *Holior, oris*, est cultor horti, quem quidam hortulanum vocant.

l. 1. c. 3. *Hortus*, ein kraut-garte, habet tam singularem quam pluralem numerum. *Hortus* quando significat locum arboribus consitum, caret singulari numero.

l. 4. c. 28. *Hospes*, est qui in aliena vel domo, vel civitate est: significat autem tam eum qui excipit, quam qui excipitur. Ovidius: *Non hospes ab hospite tutus*. Sed hospes proprie amicitie causa accipit, non mercede. Inde *hospitales* dicimus, faciles ad suscipiendum hospites. *Hospitium* & privatum & publicum dicitur. Idem est *diversorium*, nisi quod meritorium. *Peregrinus*, vide loco suo.

I.

l. 2. c. 48. *Jam pro tunc*, sive deinde: ut *Quum omnem Grammaticam studiose percurreris, jam tibi ad ceteras artes eundem est*. Quando pueri voluptatem literarum gustare cœperint, jam *serula* non opus est. Conjungit membra orationis. Virgilius:

Jam maris immensis prolem, & genus omne natantum, Jam varias pelagi volucres.

Consistere in loco nequis, jam Lovanium proficisceris, jam illinc Romam abis, jam rursum huc redis. *Jam vero*, idem valet.

Ibidem. *Jamjam*, pro mox. *Comprehendit Joannem forte jamjam abiturum*. Secundo per indignationem aut miserationem: *Jamjam video*, qui veri amici fuerunt. *Idquod*, interdum pro quod ponitur, & quidem eleganter. *Video te literarum studiosum, id quod semper amavi*.

In Rauden. *Ignavia*, est vitium contrarium fortitudini, quo quis aggredienda, præformidine non aggreditur.

In eundem. *Ilex*, multum differt a quercu, est tamen glandifera.

l. 4. c. 11. *Instituta* significant primo coepta, & proposita. *Non est prudentis facile ab instituto desecti*. *Ad instituta redeamus*, ad ea quæ coeperamus. Secundo mores bonos, ratione & consilio sumptos: *Optimum est nos jam inde ab infantia optimis institutis formari*, id est, optimis vitæ moribus.

Ibidem. *Institutiones*, sunt rudimenta doctrinæ. Unde sunt *libri institutionum*, id est, præceptorum ab ipsis elementis.

l. 4. c. 18. *Indulgere* est molliter delicateque tribuere, & sonat vitium, ut *Fœmina solent plerumque indulgentius educare liberos*. *Indulgendum est pueritia*, id est, concedendum. *Vide: ne mea indulgentia abutamini*.

Ibidem. *Indulgentia*, mollis permissio. *Pueri magistros qui indulgentissimi sunt, amant maxime*. *Indulgere*, est dare operam, fere in malum. *Indulgere otio a negotiis vacare*. *Indulgere somno*, suaviter dormire. *Indulgere inertiae*, dedere se inertiae. *Indulgere vino, gula, delicate intendere*

A potationibus & voracitati. *Indulgere voluptati*, sectari voluptatem. *Indulgere lusibus, nugis, ludo, frivolis intentum esse*. Barbaritamen utuntur *indulgere* pro *ignoscere*, sed rectissime ignoscimus culpam jam factam. *Indulgemus* vel concedimus ut culpa admittatur.

Indoles, est quædam generositas animi, indicans vel futuram, vel præsentem virtutem. *Adolescentibus bona indole præditis senes delectantur*. Dicitur mala *indoles*, malæ naturæ.

Incola, est qui peregrinus habitat in aliena terra seu urbe. Et sic opponitur civis & incola.

Inquilinus qui habitat in domo conductitia, & quamvis sit civis, tamen quia in alieno privato, sive prædio, sive domo habitat, inquilinus est. Atque idcirco domini ædium, & inquilinus, contraria sunt. *Accola*, vide loco suo.

Instruere non significat, ut imperiti volunt, docere, sed apparare; *Instrue mensam, Instrue exercitum, Instrue classem*, id est para his necessaria. Sic & patronum instruimus ad agendam causam.

Invenire, comperire sive fortuito, sive consilio. *Reperire* vide loco suo.

Invidiosus passive, significat cui alii invident. *Præstat invidiosum esse quam miserabilem*. *Invidia* est dolor de aliena felicitate.

Interim pro aliquando posuit Quintilianus.

C *Infra*, refertur ad dignitatem, & ad locum. *Infra te est. Infraterram*. *Intra* refertur ad numerum & spatium.

Intra viginti dies, non *infra*. *Intra muros*. Horatius: *Iliacos intramuros pugnat & extra*.

Intra, relativum habet *Extra*: *Infra, Supra*.

Invicem, per vices. *Invicem loquamur*, id est, me loquente, vos tacete: vobis loquentibus, ego tacebo. Secundo *invicem*, id est, mutuo. *Invicem mordentes*, *Invicem loquentes*, vel *invidentes*. Tertio *invicem*, id est, vicissim, id est, e contrario, vel, ex adverso. *Reddidi tibi tuum codicem, nunc tu meum invicem restitue*. *Habes meas literas, fac invicem ut tuas videam*.

In as incisa sunt literæ, leges, semper invenitur non in ære. Cætera omnia in ablativo, ut in auro, in lapide, in gemma.

Interdico tibi aqua & igni, non aliter dici potest in activo. In passivo dici potest, *tibi interdictum est aqua & igni*. *Aqua & igni interdictus est*.

Incumbere dicimur, cum intente aliquid agimus. *Transfertur ad animum*: ut, *Incumbe literarum studiis*, vel in literarum studia, vel ad literarum studia. Capitur & in malam partem. *Incumbit in meam perniciem*.

Incessit mihi cupiditas visendi patris, id est, subiit cupiditas. *Incessit me Petrus*, id est offensurus me petit & accusat.

In diem, in horam, cum hoc verbo vivit junguntur, & significant sine providentia, vel sine sollicitudine crastini, id est, futuri. *Fera in diem vivunt, formica non in diem vivunt*, quia æstate, hieme duraturos reponunt victus. *In dies, in horas*, id est, subinde, sed cum quodam incremento. *Hoc inter voluptatem turpem & honestam interest, quod illa in dies amarefcit, hac in horas fit suavior*.

In primis, id est, inter primos. *Amo hunc usque hominem in primis literatum*, id est, inter primos.

Intercedere, id est, medium esse, vel medium venire. *Summa mihi cum patre tuo familiaritas intercedit*, id est, media est inter me & patrem familiaritas. *Intercedit mihi tecum affinitas*. Secundo *intercessit tribunus*, id est, medium se posuit & impedivit. *Jam matri persuaseram, nisi pater intercessisset*.

In mentem mihi venit hujus rei, vel hac res. Occurrit mihi parentis consilium. Succurrit mihi fratris abeuntis admonitio. Subiit mihi, idem significant, nisi quod subiit miserationem quamdam habet præter cætera.

Ovidius: *Cum subit illius tristissima noctis imago*.

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

Inferus, id est, valde iratus. *Omnes amicos tua causa inferos habeo*, id est, offendi omnes. *Infectus*, id est, molestus. *Quid me infectus?* id est, cur molestia afficiis. Ovidius:

- Inestumque mihi sit satis esse Jovem. Offensus illi dixit Suetonius pro iratus.*
1. s. c. 23. *Invertere*, in diversum vertere. *Solent viatores orta pluvia, inversa toga ambulare. Invertere verba*, in contrarium vertere, ut pro lavo vola. *Intervertere*, est rem commodatam, aut depositam, aut creditam, dolo ne domino restituatur, efficere.
1. s. c. 34. *In manu vestra, In manibus vestris*, id est, in potestate vestra. *In manibus nostris victoria est. Vita tua in manu mea est. In manibus est. Duos libros absolvi, tertius in manibus est. Seneca: Ingens negocium in manibus est*, id est, agitur.
1. s. c. 35. *Insignis* nonnumquam in malam partem accipitur. *Insigne scelus*, id est, immane. *Insignis stultitia. Insignis latro. Insignis audacia &c.*
1. s. c. 44. *Ingressi*, Primo intrare. *Ingressus mare. Ingressus schoolam. Secundo est ambulare, non ad locum sed in loco. Hic prius mentiri novit quam ingredi. Pueri ubi primum ingredi ceperint, maxime nutricis custodia egent.*
1. s. c. 45. *Investigo*, peruestigo, significat vestigando invenire. *Nihil tam difficile quin quarendo investigari possit*, id est, inveniri. *Vestigare* est quærere, etiam si non invenias.
- Inire gratiam*, est assequi favorem. *Inire* non jungitur fere nisi rebus aliquid momenti habentibus, gravibus & non minutis. *Ineo rationem, Ineo fœdus: Ineo pacem. Ineo societatem, bellum, pugnam, viam &c.* Nam *ineo prandium, canam, dormitationem*, non ita rite dicuntur. *Ineunte atate, vere, hieme, pueritia &c.* recte dicuntur: sed non, *ineunte die, nocte, hora &c.*
1. s. c. 56. *Inurgitare*, est obnuere, sed proprie cibo, aut potu intemperante. Cicero: *Cum se cibo inurgitasset. Non usurpatur nisi reciproce. Non enim dicitur: Petrus inurgitavit Joannem vino.*
1. s. c. 59. *Inelaboratus, a, um*, quod artificio non satis excultum est, & vitio datur. *Elaborata oratio*, id est, exacta & pulchra. *Illaboratus*, quod sine labore factum videtur: ut, *Ciceronis sermo cum nihil sit cultius, fuit tamen illaboratus.*
1. s. c. 61. *Interrogamus* noscendi causa: *Percontamur* arguendi gratia: *Sciscitamus* sciendi causa.
1. s. c. 28. *Indicere*, est denunciare. *Indicere bellum. Indicere spectaculum*, id est denunciare finitimis futurum spectaculum. *Indixi bellum voluptatibus.*
1. s. c. 69. *Intercludere*, est impedire progressum. *Excludere* est prohibere ingressum, aut ejicere. *Intercludo*, id est, iter impedio. *Virgilius:*
Interclusit hiems, & terruit Austro euntes.
Pro eodem dicitur *intersepio*, *intersepsi*, *interseptum*.
1. s. c. 70. *Incedere*, est ingredi, sed proprie cum quadam pompa & fastu. Seneca: *Tenero ac molli passu suspendimus gradum, nec ambulamus, sed incedimus. Inde incesus.*
1. s. c. 9. *Inficias ire, inficiari*, pro eodem accipiuntur, & significant negare dicto, non facto. *Inficiator* est qui negat crimen objectum, aut negat se pecuniam debere quæ petitur; unde status conjecturalis dicitur *inficialis*, in quo reus semper inficias it crimen objectum. *Negamus* etiam facto.
1. s. c. 10. *Incisum*, id est, minutatim. *Incisio membrorum*, circuitus, ambitus, sive comprehensio, sive circumscriptio, sive continuatio, quæ Græce dicuntur *cola*, *commata*, *periodi*. *Incisum*, est sensus non expleto numero conclusus, plerumque pars membri, ut, *domus tibi dederat? at habebas: pecunia superabat? at agebas. Fiunt autem ex singulis verbis incisæ. Membrum* est sensus membrum conclusus, sed toto corpore abruptus, per se nihil efficiens.
1. s. c. 17. *Innocuus* aut *innoxius*, id est innocens, qui non novit nocere, aut non nocuit. Servius dicit *innocuum tantum esse, cui non nocetur*: sed errat. *Nocens* est qui ab honesto recedit, etiam si non noceat.
1. s. c. 18. *Instar*, non significat ad similitudinem, sed ad mensuram & æquiparationem. Regit autem genitivum, nec habet, *ad*, ante se, ut quidam barbari somniant. Invenitur tamen pro nomine substantivo, pro similitudine. *Ignis instar*, fulguris instar, clypeus instar solis. *Bucca instar mamma*, id est, tanta quanta est mamma.
- In Rauda. *Infronitus*, non dicitur sine freno, sed sine prudentia. *Legendum infronitus*, de quo vide *Vossium* in Etymologico, ad verbum *fronit*.

- tia & sensu. φρονῖν enim Græce, prudens dicitur. Eccl. 23. Animo irreverenti, & infronito ne tradas me. Infronitus* sive effrenatus, pro intemperanti invenitur.
- Insula* primo est quæ mari cingitur. Secundo domus quæcumque, quæ via cingitur, nec est aliis ædificiis contigua. Ita & *peninsula*.
- Imputare* est in rationem vocare, sive acceptum ferre, & capitur nonnumquam in bonum. *Deputare* est putare.
- Imperiosus*, qui ostentat imperium, ut tyranni.
- Impono* cum dativo & accusativo, significat supra pono. *Ne imponas mihi tantum oneris, quia non feram.*
- Imponere* cum dativo tantum, aut sine casu, significat decipere. *Quid negotii est deliro seni imponere?* id est decipere. Et in Genes. 31. Jacob ad Laban: *Quare imposuisti mihi? Facile est barbato imponere regi. Impositores* per synopen qui pollicitationibus ingentibus, & arte alios fallunt.
- Impertio*, is, ire, significat communicare & impendere. Et dicitur: *hanc rem tibi impertio, & hac re te impertio. Generosi animi est, ea quæ didicit, aliis candide impertire. Hoc interest inter divitias & literas, illa si impertiantur amico, decrescunt: hæ impertiendo augentur.* Dicitur, ut quidam volunt, *impertior* deponentialiter, sed elegantius & tutius active *impertio*, passive *impertior*. *Partior* fere deponentialiter dicitur, & significat quæque in suas partes distribuere. *Causam partiri in digitos*, est distinguere.
- Imbrex* est tegula curva, per quam aqua effluit.
- Jocus* joci, vel *joca* jocorum, fit verbis proprie, nonnumquam lusus dicitur. *Jocari*, non serio loqui est, & habet contrarium *serium*. *Serio dicis, an joco? Sane serio. Tu serio dictum accipis, at ego jocabar.*
- Iste, ille, & hic*, hoc modo differunt. *Hic* adolescens, id est, qui apud me est: *iste*, qui apud te est: *ille*, qui apud neutrum nostrum est, sed ab utroque remotus. Eandem naturam habent adverbia nata ab his pronomibus. Ab *hic*: *huc, hinc, hac, horsum*. Ab *iste*: *istic, istuc, istac, istorsum, isto*. Ab *ille*: *illic, illuc, illinc, illac, illorsum, illo*. Ut si scribas ad quempiam habitantem Daventriæ, & tu sis Gaudæ: *Jam pridem istuc* (Daventriam) *profectus essem, nisi me hic* (Gaudæ) *occupationes mea detinuissem. Sed tu matra istinc* (a Daventria) *te movere, atque huc* (Gaudam) *advolare, ut possimus una illò* (Lovanium) *quo decrevimus, ire.*
- Is & hic*, pene idem significant, & maxime utimur eis, si præcedat aut sequatur relativum, ut, *Qui suo contentus est, is sane dives est*, non dicendum, *ille dives est*, nisi forte a Poetis vel a sacris Doctoribus. *Ex hoc, vel & id*, vehementiam significant: ut, *Omnes liberales artes affectus est, & id in pueritia, vel, & hoc*. In masculino aut fœminino genere videtur potius utendum *ea velis*, quam *hic & hac*, ut, *Unica mihi vestis est, & ea detrita & sordida*, potius quam, *& hac*.
- Is, & idem* hoc differunt. *Is* potest poni cum conjunctione copulativa, *idem* non potest: ut, *Quemcumque ad locum secesseris, ad eum te sequar, non ad eundem*: eo quod *idem*, habet in se vim copulativam. Tamen hoc Laurentius non audeat affirmare.
- Item*, id est similiter. *Nulla tibi a me oritur injuria, nec item ego abs te feram. Itidem*, id est, per omnia similiter. *Liberi, a perditis parentibus perditæ educati, itidem & ipsi perditæ vivam necesse est.*
- Ita*, invenitur pro valde. Quintilianus: *Nec res est ita magni laboris, aut temporis.*
- Iter facere, iter habere, iter facturum esse. Viam facere* est ubi non erat transitus, *viam aperire. Viam munire*, est reparare ac substruere, interdum lapidibus. *Munire alveum*, reparare. *Munire ripam*, fulcire & reficere, ut fit in terra Hollandia sæpe propter impetus aquarum.
- Jugulus* anterior pars colli. *Ferire jugulum, petere jugulum*, est inferre mortem. *Jugulus* in masculino dicitur. Juvenalis: *Tenui jugulos aperire susurro.*
- Juventas* est ætas juvenilis, seu Dea juventutis. *Juventus*, vel ætas, vel frequentia juvenum. *Læta juvenitusa*. Romana juvenitusa, universa in bellum pergere iussa est.

1.4.c. 43. *Jugum* est ipsa arduitas montis, & proclivis ac prona supinitas.

1.4.c. 48. *Jus* generalius est quam lex. Est enim *Jus gentium* & *Jus civile*; sunt leges, plebiscita, senatus consulta, decreta principum, responsa prudentium. *Naturale* dividitur in religionem, pietatem, gratiam, vindicationem, observantiam, & veritatem.

1.1.c.7. *Jussus*, *us*, *ui*, in singulari numero: *Jussa jussurus*: heteroclitum est. *Quid confors in me culpam? jussu tuo est actum.* *Jussus tuis libens parebo*, id est obediā, non jussibus dicendum. *Injussu meo factum est.*

Idem. *Jugum* heteroclitum est, in singulari neutri generis secundæ declinationis, in plurali tertiæ declinationis. Est autem spatium terræ ducentorum decem pedum in longitudinem, dimidii in latitudinem.

1.7.c. 98. *Jucundus*, vide in Gratus.

1.5.c.6. *Justitium*, est quando clauso foro jus non dicitur.

1.5.c.6. *Jubere* significat præcipere. *Jussit magister ut abeas aliquo.* *Jussit ad se redire.* Secundo monere. *Jube Petrum bono animo esse.* *Jube fratrem salvere.* *Jussit me pater bene sperare*, id est, hortatus est ut bene sperem.

Juba, est id quod galæ imponitur iastar jubarum, aut leonis, aut draconis, aut equi.

L.

1.5.c.9. *Labo*, *as*, *are* prima brevi, significat repente cadere. Inde *labascere*, & *labefactare*, & *labefacere*. Terentius: *Omnes dentes labefecit mihi.*

Labor, *labeis* priore longa, significat non repente, sed sensim descendere. *Aves labuntur*, pisces in aqua, anguis, murena, & quicquid motu lubrico est, *labitur*.

Labis labor, *eris*. *Laborare* a nomine labor. *Lamentari*, vide in Flere.

1.5.c. 14. *Laceſſo*, *is*, *ere*, est provocare, & capitur usitatus in malum, elegantius in bonum. *Laceſſere bellum* dicitur, qui provocat ad bellum. *Sapiens nemini nocet, nisi laceſſitus injuria.* *Provoco*, vide loco suo.

1.4.c.9. *Laxus*, flexibile, molle. *Laxi funes*, *laxi nervi*, *laxa chorda*, *laxi oculi*. *Laxare* est remittere.

Idem. *Lassus*, tam ad animum, quam ad corpus refertur. *Lassus sum te audiendo.* *Lassare*, fatigare. Non potest avarum pecuniarum ratio *lassare* umquam.

Latebra, ferarum sunt. *Latebra* hominum sunt proprie, tamen confunditur sæpe differentia hæc. Vide ne queratur *latebra culpa*, id est, excusatio culpæ. *Veritas non amat latebras*. Quod barbari dicunt, veritas non querit angulos.

1.4.c. 34. *Lamina*, est tabula æris, sed densior quam ut crepitet, ut ex stanno, ære, plumbo. *Bractea* idem, sed tam tenuis ut crepiter: aut certe tam tenuis, ut crepitare non possit, ut qua nos inauramus libros.

In Raud. *Lascivus*, est sermone & vita molliculus.

1.6.c.12. *Latus*, quod ad speciem lætitiæ promittit. *Gaudens*, in animo est: unde vultus lætos dicimus, non gaudentes. Transfertur autem ad inanimam & brutam: *Lata segetes*, *ovæ*, *boves*, *vites*, *arbores*, &c. *pulcræ* & *valentes*.

1.4.c. 48. *Leges* sunt Regum institutiones, aut liberi populi scitæ: unde & rogationes vocantur, eo quod de lege ferenda populus rogari, id est, interrogari soleat. *Jus* vide loco suo.

1.5.c.81. *Levare*, primo in altum tollere, notum est. Secundo est molestiam minuire. *Tu calamitatem meam tuo auxilio magna ex parte levasti.* *Levamus morbo.* *Fac sæpe scribendo meum tui desiderium leves.* *Sublevare* est auxilium præstare. *Omnes te gravant, ego te paululum sublevabo.*

In Raud. *Liburna*, sunt naves longæ, non ad impetus faciendos factæ, sed magis ad laceſſendum & fugiendum, etiam celeriores cæteris. Horatius: *Ibis Liburnis inter alta navium amice propugnacula.*

Lintes est navicula ex una arbore cavata.

In Raud. *Limus*, *a*, *um*, qui adspicit oculis semiclusis, unde prohibet Quintilianus: *Oratores oculos habere limos.*

Libripens est qui libram tenet, cum quis servus manumittitur.

In Raud. *Litare* est sacrificiis Deos propitios impetrare, hoc est cum aves addicunt aut exta bene promittunt: ut frequentius legimus, duces cum sacrificassent, litare nequivisse.

A *Lictor* est minister Consulis, Proconsulis, Præsidis, 1.1.c.6. Prætoris, qui fascem virgarum alligatum securi præferebat.

Licet idem est quod quamvis. Vide de hac conjunctione in *Esti*. 1.2.c. 28.

Litera in singulari significat elementum: ut *a*, *b*, *c*. 1.3.c.6. In plurali epistolam tantum, atque in hoc differunt: Dicimus *unam epistolam*, non unam literam, sed *unam literas*. Item *duas epistolas* dicimus, non duas literas, sed *binas literas*: & ut breviter dicam, *literæ* exigunt numerum distributum; Epistola cardinalem. Cum autem sit oratio, literas efferimus per numerum pluralem hoc modo: *Accepi binas abs te literas, quarum alteram jam respondeo, alteras nondum perlegi.* Per Epistolam sic: *Accepi duas epistolas, quarum alteri pridem respondi, alteri nunc respondeo.*

B *Liberi* pro filio singularem omnino non agnoscit, non tamen dicitur, terni mihi sunt, sed tres *liberi*, non unos, sed unum in alienam familiam dedi, non alteros, sed alterum *Lovanium* demandavi, non tertios, sed tertium mihi *teneo*. Propterea quod subintelligatur hic in iteratione *filium*, quod in literis non fit. *Liberum* tamen pro filio, Quintilianus, Paulus & Cajus posuerunt. Et *liberorum* nomine continentur & filii. 1.3.c.2.

Libertus & *libertinus* differunt. *Libertinus* habet correlativum *Ingenuum*, *Libertus* *Patronum*. Cujus *libertus*? *Cæsar*, *meus*, non, *cujus libertinus*? *Libertinus* conditionem significat, *libertus* etiam respectum privatum. Item *libertus*, *liberta* substantivum est, *libertinus* adjectivum, sicut & *ingenuus*. *Libertabus* dicitur, *libertinabus* non dicitur, sed *libertinis*. Præterea potest desinere esse *libertus*, scilicet mortuo patrono, *libertinus* esse desinere non potest. *Libertinus* qui justa servitute manumissus est. *Ingenuus*, qui ex liberis parentibus natus, nunquam fuit servus.

Licentia in verbis, semper in malam partem capitur; 1.4.c.17. scilicet, pro temeritate loquendi quæ velit. In factis penes semper in malum accipitur, nonnumquam in bonum. Est autem *licentia* impunita facultas loquendi, vel agendi quæcumque placent. Terentius: *Deteriores omnes sumus licentia.* *Data est mihi facultas abeundi vel potestas*, rectius dicitur quam *licentia*.

Libertas accipitur in bonam partem, quæ servituti contraria est. *Dic libere si quid te movet.* Quintilianus: *Quæ in aliis libertas est, in aliis licentia vocatur.* *Idem.*

Licere, seu *licitari*, est offerre pretium, ut fit in venditione publica suppellectilis, id est in auctione. *Nihil emere cupit, qui rem minoris dimidio pretio licetur.* *Pollitieri*, est sponte & ultro aliquid promittere, parum diffidet a *liceri*. *Licetur* res quæ venditur. 1.5.c. 28.

Lotium prima brevi, significat urinam. 1.1.c.2.

Loco fratris te habeo, id est, tamquam fratrem. *Voluptatis loco mihi est literarius labor*, id est, voluptuosus. 1.3.c. 88.

Sororis loco te amo.

E *Luscus*, qui orbis altero est oculo. *Unoculus* non significat strabum. *In Raud.*

Ludicrum substantivum, est quodcumque opus joculare. *Ludicer* secundæ declinationis, jocosus vel ridiculus. 1.2.c.3.

Ludus, primo est res non seria, quod fit interdum spe lucris: ut *ludus dimicantium hasta*. Secundo schola, *Ludus literarius*. *Ludus Grammaticorum*. *Ludus Rhetorum*. *Ludus gladiatorius*. *Ludimagister*, qui ludo præest. *Lusus* est voluptatis gratia tantum, non lucris. *Lusus pileæ*, *lusus trochi*, nonnumquam conceduntur pueris, non *ludi*.

Ludere fit verbis, *jocari* fit factis. Sed sæpe contrarium invenitur. *Eludere* est joco evadere. *Alludere* est aliud verbis dicere, aliud significare, ut *Adolescens* qui senibus in cœmeterio detinere joci gratia nitentibus, ait, *Iniquum esse certamen, illas enim ante domos suas ardentes*, alludit ad sepulcra, quæ senum domus sunt. 1.4.c. 16.

Lucus, vide in sylvæ. *Luctus*, non tam dolorem significat, quam ostentationem doloris, qui veste, habitu, vultuque proditur. *Lugere*, valde flere. 1.4.c. 60.

Lugubres vestes, pullæ. *Femina sæpe lugent viros mortuos, cum tamen secum oppido gaudeant.*

Lues, generalius est quam *pestis* aut *pestilentia*: est enim 1.4.c. 27.

Tom. I.

Zzz 3

lues

lues aliquod genus morbi, quod sive homines, sive fata corrumpit. *Pestis* autem cito abit, quam nos *pestilentiam* vocamus. Transfertur tamen & ad animum, & ad pedes, & arbores.

Luce pro die dicimus. *Prima luce*, id est, diluculo, non prima die. *Ante lucem*, non ante diem. *Luci* studendum est libris volvendis, *nox somno* danda est: ut, *vesperi* pro *vespere*, & *ruri* pro *rure*.

Lubricus locus, in quo nequeas consistere. *Anguilla*, *glacies*, *lubrica* dicuntur. Et oculi dicuntur *lubrici*, eo quod semper volvantur. *Adolescentia lubrica*, eo quod facile in ea labimur. D. Hieronymus, *Lubrica* avari omnia etiam iusta timenda sunt.

M.

Maturus, primo Germanice *Zeitig*. Puella *matura* connubio. Non est *maturus* audienda *Philosophia*. Secundo perfectus. *Maturus* moribus, *maturus* aetate, id est, perfectus. *Prematurus*, nondum *maturus*. *Poma* quae *prematura* decerpuntur, minus sapida sunt: & noxia magis. *Prematura* aetas, id est, *immatura*. *Prematura* postulatio. *Praeco* *prae*coquit, & *prae*propera, suo loco dicta sunt.

Idem. *Maturare*, id est perficere vel festinare. *Virgilius*: *Maturate* fugam. *Gaudeo* te cepisse, sed ut quantum potes, *matures*, te etiam atque etiam oro. Cur non *maturius* venisti? *mature*scere *maturum* fieri. Si *mature*scant mala.

Male pro valde invenitur. *Qui male agit male* multabitur. *Male* mihi timeo, id est valde mihi timeo. Similiter *pejus* & *peissime*. Nullum hominum genus *pejus* odi, quam *assentatorum*. *Male* precor tibi, *male* imprecor tibi, *male* opto tibi, *male* cupio tibi. *Nemini male* imprecor qui tibi bene optat. *Male* dico, *Male* audio. *Qui maledicit, male* audiet.

Marinus, a, um, quod incolit mare, vel quod est in mari. *Maritimus*, a, um, quod ad mare habitat, vel fit vel est. *Navis*, piscis, rudens, periculum, sonus *marina* dicuntur, non *maritima*. *Ora maritima*, urbes *maritima*, bellum *maritimum*. *Transmarinum*, quod trans mare est. *Transmaritimum*, quod trans *maritima* loca est.

Mandare, est alicui aliquid agendum, vel perferendum committere. *Virgilius*:

Multa patri mandata dabat.

Terentius:

Huic mandes, si quid recte curatum velis.

Manere significat futurum esse, & regit accusativum. *Sontes aeterna* manent supplicia, *pios aeterna* premia. *Inertes summa* manet ignominia. *Studiosos immortalis gloria* manet. Apud Poetas invenitur expectare. Terentius: *Quem hic manes?*

Manipulatus, id est, per manipulos.

Majores sunt quicumque ante nos fuerunt, atque id in nostra civitate, ut, *Pater*, *avus*, *proavus*, *atavus*, *tristavus*, & ceteri antiquiores, *majores* dicuntur. *Posteri* vide loco suo.

Mango, *manganis*, est homo vendens pueros suos, & ceteros venales homines.

Margarita, sive *margaritum conchylum*, eo quod in conchis nascitur. *Unio* masculini generis, idem est quod *margarita*.

Mentassrum, est *menta sylvestris*.

Meus tuus, suus, semper possessive aut active accipiuntur, ut, *Meus* in te amor facit ut nihil mihi sit tua consuetudine gratius, id est, amor quo te amo, non quo amor. *Meus* codex, non mei.

Mei, tui, sui, nostri, vestri, semper passive accipiuntur, ut, *Tui* desiderio tabesco. Non potuit mei amor id abs te impetrare, id est, amor quo amor abste, non quo amo te. *Desiderium* tui, quo a me desideraris. Quod si possessivis, meus, tuus, suus jungendum sit aliud nomen vel participium, id semper in genitivo ponendum est; ut, *tuas res non secus mihi cordi est, quam mea ipsius mihi*, aut *tua ipsius tibi*, non *mei ipsius*, aut *tui ipsius*.

Tua solius effecit industria, ut ab his malis emergerim. At possunt ne in hunc modum poni quaelibet partes orationis? Sola participia, aut gerundia participialia, & haec tria, *unius*, *solius*, *ipsius*: Sub quibus comprehenduntur, *duorum*, *trium*, *quatuor*, *cujusque*, *omnium* & *plurium*. *Vellem* nosse, quae sua sit cuiusque sententia, non sui cuiusque; *Vestra omnium* voluntati parere non possum. Dicendum est,

imago mei an mea? Si dicis imaginem quam tu emisti aut possides, dicis, *mea imago*. Si imaginem vocas quae secundum te picta seu sculpta est, dicis *imago mei*. Est vox ambigua, sicut multa alia timor, amor, desiderium, memoria & cetera.

Da mihi orationem, in qua actio & passio horum pronominum, & dictorum nominum, possit simul intelligi: ut, *Tui meum desiderium* tua litera magna ex parte levavit, id est, *tui meum desiderium*, quo tu a me desideraris: ut, *tui meam memoriam* nulla delebit oblivio, id est, *meam* de te memoriam.

Meme, sete geminata, vehementiam significant. *Se* l. 2. c. 2. *se* idem valet quod *se*.

Meo nomine, id est, mea causa. *Tuo nomine*. *Suo* no. l. 2. c. mine. *Quo nomine*, qua causa. *Hoc solo nomine*. *Idem* 40. est, ex parte mea. *Amicos tuos, meo* saluta nomine.

Memini regit tum genitivum, tum accusativum. l. 3. c. *Meministine* ejus rei, quam dixi tibi nuper? *Senes multa ex tempore meminisse possunt*. *Fac* nostri meminere. *Secundo mentionem* facere, tantum habet genitivum. *Hujus rei* nunquam meministi *Virgilius*, id est, de hac re.

Memoria, in memoria, memoriter. *Complector*, re. l. 3. c. *peto*, *senco* memoria, vel *memoriter*. *Pronuncio*, *disco*, 95. *narro* memoriter. *Pronunciandum* est hodie memoriter quod heri praelegit magister. *Dic* memoriter, complica librum.

Messis, est tum ipsa messio, tum seges matura meti. l. 4. c.

Meritorius, a, um, quod quaestum corpore suo facit. 24. l. 4. c.

Meritoria taberna, ubi mercede quid agitur. *Meritorium diversorium*, quod intrare cuique licet. *Meritorius* puer, est puer qui prostat precio. *Meretrix* puella, quae praemio prostat. *Meritorium* corpus tam meretricis, quam meritorii scorti masculini.

Merere est stipendium facere. *Sub nostro duce* decem annis meruit.

Mereri de aliquo, est aut bene aut male alicui facere.

Bene mereri de aliquo, est benefacere. *Male mereri*, est injuriam facere. *Nihil de me, neque bene, neque male* meritis est. *Demereri*, est bene mereri, sed regit accusativum, *Etsi plurima de me bene meritus es, tamen hoc uno beneficio me tibi perpetuo demereberis*. At nostri barbari *demerita*, vocant mala merita. *Emereri*, est mereri. *Emeriti*, qui perfuncti sunt officio. *Emeritus miles*, *Emeritus bos*. *Emeritus senex*.

Meo jure, mea auctoritate, vel merito. Terentius: l. 6. c. 3.

Non necesse habeo omnia pro meo jure agere.

Membratum, per singula membra.

Membrana, est charta Pergamena, e pellibus animalium.

Migrare est ad habitandum ire. *Anima cum moritur*, l. 5. c. 15.

migrat e domo corporis, ad campos Elysios. *Emigrare* & *demigrare* idem significant fere. *Remigrare*, in pristinam domum redire. *Commigrare*, est viciniae adjungi.

Immigrare, est domum habitandi gratia ire.

Mille, cum substantivatur, est singularis numeri, & l. 3. c. 4.

regit genitivum. *Mille nummum mihi debes*, *Mille hominum*, & *bis mille*, *ter mille* hominum, vel *nummorum*.

Mille interdum est adjectivum, *mille homines*. *Mille modis* lethi miseros mors una fatigat. Est autem indeclinabile. *Millia* pluralis numeri est, & substantivum: non recte dicitur, *Millia homines*, *millia pecudes*: sed *millia hominum*, *pecudum* &c. *Millia passuum*, non passus. Neque dicitur *bis millia*, *ter millia*: sed *tria millia*, *quatuor* &c.

Mibi, & *tibi*, & *nobis*, interdum ponuntur festivitatis gratia: *Hic belluo dormit mihi dies totos, nocte cum* 52.

noctis volat. *Hunc sibi suo jugulo gladio*. *En tibi tuus patronus*.

Mimus, qui vel extra vel intra scenam obscenas gestulationes facit. *Mimi* vocantur tam homines, quam poemata obscenos amores cantantia. *Ista scurrilias nec* 1. 4. c. 3.

minimum decet, *nec dum* scholasticum.

Mysterium est res arcana, sacris tantum viris cognita. l. 4. c.

Ministerium est opera ministrantis, sed capitur pro quocumque opere. *Ministeria* in plurali capitur etiam interdum pro ipsis ministris, sicut *servitia* pro servis, & officia pro officium exhibentibus.

Mo-

- 1.1.c.21. *Morofus* prima longa, a mos moris, cui difficile satis fit. Cicero: *At sunt morosi, & anxii, & iracundi, & difficiles senes.*
Moratus bene, qui bonis moribus præditus est, pro quo barbari *morofus* dicunt. Et *male moratus*, qui malis est moribus.
- 1.4.c.104. *Morigerus*, obtemperans. Cupio tibi omnibus in rebus *morem gerere*. Decet uxores viris *morigeras* esse.
Mollis homo, significat hominem inconstantem & lascivum: nam qui molli cute sunt, ii plerumque & molli sunt animo, ut pueri & foeminae. *Molle* etiam laudem sonat: nam quo materia fuerit mollior, hoc opus aptius dicitur. Quintilianus: *Illius opera duriora, illius molliora*, de signis loquitur. Signa quid sint, vide loco suo.
- 1.4.c.105. *Morari* pro expectare apud Poetas invenitur, sed proprie significat detinere. *Ne memoreris diutius, festinatio opus est. Quae te causa tam diu morata est?*
- 1.1.c.16. & 1.8. *Multo, longe, facile*, pro non dubie, pulcherrime superlativis junguntur; ut, *Oratorum longe facundissimus Cicero. Scholasticorum multo studiosissimus est Joannes. Sodalium meorum tu mihi facile carissimus es.*
- 1.6.c.38. *Mulier*, significat foeminam non virginem, id est, foeminam corruptam. Sed tamen nonnumquam significat etiam virginem, quæ tamen fit in ea ætate ut patiat virum.
- 1.6.c.39. *Munus*, primo donum. Martialis:
Munera quod senibus, viduisque ingentia mittis.
 Secundo onus, ut *Munus militiae*. Inde *immunus*, est sine onere Reipublicæ. Tercio officium: *Amici munus, est amicum clam arguere, palam laudare. Munera militaria*, id est, officia.
Municipium, Municipalis, qui ex urbibus est, quæ civilia munera accipiunt cum Roma, quas municipia vocant.
Municeps, qui in municipio natus est: vel *municipes*, concives dicimus.
- 1.6.c.10. *Municipium*, per singula municipia.
Mutuo, id est, communiter. *Amamus mutuo*, id est, & tu amas me, & egote. *Mutuos amor, mutua benevolentia*. Invenitur etiam pro vicissim & invicem. *Fac me mutuo diligas*, id est, vicissim.
- 1.4.c.8. *Murus* urbium est, & urbis similitum, castrorum, munitionumque. *Mania*, muri sunt urbis, & ædificia ejus: *Paries* domorum.
- 1.4.c.81. *Mulus*, proprie qui natus est ex asino & equa. *Hinnulus*, qui patre equo, matre asina genitus, quem quidam *burdonem* vocant.
- 1.5.c.25. *Mutuo*, as, are, active, significat mutuo dare. *Mutuo, aris*, deponentaliter significat mutuo accipere. *Mutuatus sum a mercatore quodam viginti aureos. Mutua mihi unum ducatum*, vel *mutuo da*, utrumque verbum regit accusativum. *Fenero*, vide loco suo.
- In Rauden. *Municeps* pro cato, infuetum vocabulum est.
- 1.5.c.20. *Nactus sum*, id est, reperi vel offendi casu & fortuito. *Si quem nactus eris qui eo iturus sit, jube ut salvet parentes meos. Nacti sumus materiam risus*, id est, invenimus, vel potius obtulit se nobis materia risus.
- 1.4.c.10. *Natalis* substantivum, *Natalis* adjectivum, *Natalitius* adjectivum idem significant. Juvenalis: *Natali Corvine dic mihi carior hac lux.*
Natalis hora, est hora nativitatis. *Natalitius dies. Natales* pluralis numeri & substantivum; significat conditionem sanguinis & familiæ; ut, *hi qui obscuros habent natales virtute sibi famam parabant. Illustres natales, majores.*
- 1.2.c.14. & 1.7. & 1.3. c.28. *Ne*, multis modis accipi solet, Primo interrogative, *Est ne magister in ludo?* Secundo dubitative, ut, *incertus sum vivatne pater, an non.* Tercio prohibitive, *Ne feceris hoc, ne abeas usquam injussus.* Quarto capitur pro ut, & hoc cum verbis includentibus in se negationem, qualia sunt verba prohibendi, & cavendi, & timendi: ut, *Prohibuit me pater, ne redirem ad te*, id est, prohibuit me redire ad te. *Cave ne cunipiam dicat, vel cave cunipiam dixeris. Vercor ad te. Disce studiose ne magistro veniente vapules*, id est, ut non vapules. Sexto cum quidem, valet fere quod mul-

- A to minus, id vide in Quidem. Septimo capitur pro certe affirmative. Terentius: *Faciunt na intelligendo, nihil intelligant.* Idem, *Ne ego homo infelix sum*, id est, certe. Interrogative. *Facturus es quod ego an non?*
Necne idem est quod non. Ponitur interrogative & dubitative. *Dubius sum serio dicas, nec ne.*
Nonne, ergo ne, itane, composita a ne, magis sensum extorquent, quam interrogant.
Nedum pene est idem quod non solum, sed non uno modo eis utimur. Non modo & non solum (quæ idem valent) semper in priore parte orationis ponuntur; ut, *Non modo te diligo, verumetiam fratris loco amo. Non solum pecuniam, verumetiam vitam pro te impenderem.*
- B *Nedum* fere semper in fine ponitur, ita tamen ut si oratio sit negativa, id quod minus est ponatur in principio, & majus in fine: sin affirmativa, contrario modo fiet, ut, *Non solum laborem pro te susceperem, verumetiam mortem. Non crederem tibi obulum, nedum vitam meam: non solum non crederem tibi vitam, verum ne obulum quidem.* Est item alia differentia inter nedum & non solum. Nedum jungit partes inæquales: non solum, æquales. Unde & hac causa, non solum, nonnumquam in orationis fine reperitur. Cicero: *Plura ne dicam tuæ me lacryma impediunt, vestraque judices, non solum meæ.* Hic non recte dicitur, nedum meæ. *Nedum* nusquam ponitur, nisi in oratione negativa.
- C *Nequaquam* & *nequaquam* idem significant.
Ne dicam, hæc clausula si sequatur substantivum, adjectivum ponitur in accusativo. Sin interjicitur inter substantivum & adjectivum, relinquit utrumque in nominativo. *Homo imprudens, ne dicam stultum*: non stultus: quia homo substantivum præcedit. *Crudelis, ne dicam, impius & sceleratus Castor*, non sceleratum Castorem: quia substantivum *Castor* sequitur. In aliis casibus nulla est ambiguitas, quia semper oportet convenire adjectivum & substantivum; ut, *non faceres hac magistro conscio, ne dicam presente*: non præsentem.
- Interdum tres negationes non plus valent, quam duæ, ut, *Nunquam tibi nec sisus sum, nec fidam, nihil aliud est dicere, quam, tibi nec sisus sum, nec fidam unquam.*
- D Interdum duæ negationes valent unam tantum. *Cave ne me provoces. Cave* includit negationem, & ne, est negatio: nec est aliud dicere, quam, cave me provocare. Simile est de *metuo, timco, vereor, prohibeo, impedio*, &c. Sed quando in dictionibus est quadam contrarietas, non potest tolli gemina negatio: ut recte dicitur. *Non modo stella, sed ne luna quidem ad solem servat splendorem suum*: vel sic geminata negatione? *Non modo nulla stella, sed ne luna quidem splendorem servat.* Sed non modo stella non apparent, sed etiam luna ad solem obscuratur: hic non posset tolli una negatio, quia *apparere & obscurari* sunt contraria &c.
- E *Nemus*, vide Sylva.
Negocium contrarium est ocio. Quid tibi istic negocii est? Secundo negocium sæpe invenitur pro labore seu molestia. *Quid negocii est*, id est, quid operis est?
Necatus generale nomen. *Veneno, ferro necatus. Necatus* fere ponitur sine adjecto, nec tam significat mortuum quam propemodum mortuum. *Fame necatus, siti necatus*, & similia, *Bos est eneatus arando.*
Necessarii sunt cum quibuscumque nobis aliqua familiaritas & amicitia intercedit. Inde *necessitudo*. *Vir mihi antiqua necessitudine junctus*, id est, amicitia.
Nenia est cantus lugubris in funere. Capitur pro ineptia, sive cantus, sive sermonis. Horatius: *Ab sint inani funere nenia.*
- F *Nevus* est macula corporis.
Nisi, si in principio orationis ponitur, indicativum desiderat, alias subjunctivum. *Nullam tibi injuriam irrogavi, nisi forte beneficia in te mea injuriam vocabis.* In medio sic: *Vapulabis nisi caves, vel, nisi caveas.*
Nihil ad te, id est, parum est ad comparisonem tui. *Est quidem bella urbs Trajectum, sed nihil ad Coloniam.* Terentius: *Estne Thais, ut fertur, forma? Sane, sed nihil ad nostram hanc.*

No-

1 At NÆ est Græcum *na* affirmandi particula, NÆ vero per Æ est Latina particula, quæ semper negat.

l. 2. c. 3. *Noftras, veftras, cujus cujatis*, non solum patriam, nationemque significant, sed etiam sectam & partes. *Cujas es tu? Noftraſne es, an externus?* ibi patriam significat. *Cujas es tu? Epicureusne, an Stoicum?* hic sectam significat.

l. 5. c. 35. *Nobilis* nonnumquam in malam partem accipitur, id est, notabilis. *Nobile scortum*.

l. 9. c. 20. *Nominatim*, id est, expresso nomine.

l. 6. c. 35. *Noxa*, primo poena, *dedere noxa*, est dare servum ad poenam, potius quam praestare maleficium quod admittit. *Dedita noxa mancipia*. Secundo damnum. Ovidius: *Noctenocent pota, sine noxa luce bibuntur*.

l. 6. c. 42. *Novalis*, ager qui nunc primum proficissus est, vel qui alternis feritur.

In Rauden. *Nothus* Graecum est, significat quocumque modo illegitimum.

l. 2. c. 33. *Nudius tertius*, est dies quæ est ultra heri. *Nudius quartus*. Heri, non, nudius secundus. *Nudiustertius*, *Nudiustertius*. Nec ultra licet progredi. Quamvis Plautus dicat, *Nudiustertius, sextus*. De *perendie* & *pridie* vide loco suo.

l. 2. c. 34. *Nuper, pridem, jam pridem*, de paulo longiore tempore dicuntur: *quamdudum* & *jamdudum*, scilicet, sex mensium, medii anni aut longioris, seu brevioris pro conditione materiarum. *Quod pridem tibi scripsi*, id ipsum nunc repero. *Jam pridem tua mihi fides cognita est*. Unde *pridem* gaudet verbis præteritis. *Jam pridem* præsentibus.

l. 3. c. 1. 6. 14. *Numeralia distributiva* supra centum syncopantur, præter mille: infra non. *Duceni, ducenti*: *Treceni, trecenti*: *Quadrageſeni, quingenti*: *Sexcenti, sexcenti*: *Septingenti, septingenti*: *Octingenti, Noningenti vel nongeni, nongenti*. Infra centum. *Singuli, bini, terni, quaterni, quini, seni, septeni, octoni, noveni, deni, undeni, duodeni, ternideni, quaternideni, quindeni, senideni, septenideni*: vel *deniquaterni, deni quini, deni seni, deni septeni, deni octoni, deni noveni*. *Viceni, viceni singuli, & viceni bini, & viceni terni, & cætera, triceni, quadrageſeni, quinquageſeni, sexageſeni, septuagēni, octogēni, non octuagēni, nongeni, vel nonagēni, Centeni*. Hæc numeralia non significant simpliciter numerum, sed singulis tantum: ut *Olim bini Consules creabantur*, id est, singulis annis duo, & *Patru meus filiis dena pondo legavit*.

l. 3. c. 5. 14. Item, hæc raro in singulari numero inveniuntur. Poetæ vero & sæpenumero singulari utuntur, & pro suis cardinalibus accipiunt frequenter, *Septena* pro septem, *bissena* pro bis sex. Oratores non faciunt, nisi necessitate compulsi: Primo, ut si numeratum careat singulari numero, ut *Binas ad te dedi literas*, non duas. *Binos scripsit codicillos*. Secundo, si aut habeat pluralem, sed diversi generis, aut si sint diversæ significationis: ut *ades & ades, littera & littera*. Trinum non est distributivum numerale: Nam trinum est quod complectitur ternarium numerum: ut *Trinum nundinum, trina divinitas*.

Ibidem. Nota, his nominibus, utrique, singulis, cuique, unicuique, jungi tam distributiva quam numeralia cardinalia. Numeralia adverbialia infra centum syncopen habent, supra centum non syncopantur: ut, *vicies* pro *viginti*, *tricies* pro *triginti*, *quadrages* pro *quadrages*, *quingages* pro *quingages*, *sexages* pro *sexages*, *septuages* pro *septuages*, *octogies* non *octuages*, *nonagies* non *novagies*. Supra centum, *Centies, ducenties, trecenties, quadragescenties, quingentes, sexcenties, septingentes, octingentes, noningentes*. *Mille, bis mille, ter mille, quater mille, vicies mille, tricies mille, centies, & cætera*.

REGULA NUMERORUM.

Ibidem. Infra centum, & supra viginti semper minor numerus præponitur, & major sequitur, & hoc cum copula, ut *quartus & octogēsimus annus, quinque & viginti*. Sed si tollatur, & major præcedet: *viginti quinque, sexaginta sex, vicenis terni, vicenis seni*: non, *seni viceni*, nisi cum, &. Supra centum minor numerus postponitur. *Centum & novenos vixit annos. Anni quadrageſenti & septuaginta, &c. Mille & quadrageſenti*. Infra viginti major numerus præponitur, & minor postponitur, ut *Decem & octo, decem & novem, &c.* aut certe sunt unica nomina, *tredecim, duodecim, &c.* Ista autem nomina,

A *duodeviginti, undetriginta, undecentum, duodecentum, duodequadragesimus, &c.* non servant prædictas regulas, quia sunt nomina composita. Nota: *vir malus nulla laceſſus injuria ab amicitia recedit, vir bonus nulla laceſſus injuria ab amicitia recedit*. Hæc orationes propter vim negationis eisdem verbis contraria significant. Sed in posteriore oratione Laurentius non ausit dicere, *recedit, sed recedit, vel recedat*.

Nux est quicquid habet corticem durum, ut *Castanea, amygdalum, avellana, juglans*. *Poma* vide loco suo.

Nutrir est parvulorum ut crescant. Inde *nutrices nutritricque* dicuntur, qui aut alunt, aut aluerunt pueros.

B *Nutare* est magnæ molis ruinam minantis; ut, *quer- l. 3. c. 24. cus annosa nutat*. Transfertur ad animum dubitantem quo se potissimum conferat.

Nuncius in masculino, significat tum id quod nunciat, tum eum qui nunciat. In neutro non invenitur. 4. Reg. 7. *Hæc est dies boni nuncii. Nuncio de matris excessu nihil fuit acerbius*.

Numen est potestas seu imperium, *Deorum dum- l. 6. c. 27. taxat*.

Nuga nugatum, sermones levium rerum & nullius ponderis: Ut sermones aniles, *nugas* vocamus. In Rauden.

Numquid, de uno interrogat. *An*, de pluribus non. In Rauden. *numquam* de duobus. *Numquid* interdum est nomen, non adverbium, ut *Numquid vis?*

O.

O interjectio tribus casibus jungitur, nominativo, l. 2. c. 13. accusativo, & vocativo: significat autem vehementiam affectus. *O hominem perditum! O te infelicem!* Sin autem affectus non sit tam vehemens, potest relinqui o, ut, *Indignum facinus, injuriam irrogavit, insuper & convivium fecit*. Si affectus esset vehementior, dicendum esset, *o indignum facinus*.

Obiter, id est, specialiter, pro tali causa, vel statim, l. 2. c. 49. Quintiliani seculum posuit. Sed re vera significat interrim, sive incidenter. Juvenalis: *Atque obiter lavat*. Translatum ab iis, qui in via quum alio tendant, per occasionem aliquid agunt: quod Græci *παρρηγος*; Latini, aliud agens.

Obvius sio tibi, *obvium me tibi fero, obvius venio*, vel ob- l. 3. viam, *obvium me tibi fortuna obtulit*, idem significant. c. 77. l. 5. c. 107.

Obſervare primo idem quod attendere. *Obſerva quo abeat magister*. Et capitur frequenter in malam partem. *Obſervamus cum, cui parum fidimus*. Secundo significat venerari cum quadam admiratione virtutis; ut, *Mihi statutum est te amare, te colere, te obſervare*. A priore significato venit *obſervatio*, a secundo *obſervantia*. *Pro mea erga te obſervantia*, id est, pro meo amore vel reverentia.

E *Obire*, id est, exsequi. *Obeo legationem, obeo provinciam*. Et apud Statium Chiron de Achille: l. 5. c. 44.

Olim ferre minas, audita & obire solebat Imperia.

id est, exsequi quod imperabatur. *Obire munia. Obeo mortem*, id est, perago mortem. Cum dicitur *obiit*, subintelligitur semper mortem. Sicut *defunctus est*, subaudi *vita*.

Obruere, opprimere mole. *Obrutus undis*, id est, submersus. *Obrue terra*. Transfertur ad animum. *Obruus me tuis beneficiis. Stomachus cibo obruitur, & vino immo- dico*.

Obſes, est qui traditur imperio alterius, ea conditione, ut si dator obsidis a fide recedat, recipienti sit jus in corpus obsidis; ut, *Reges ab urbibus in fidem pacis obſervanda accipiunt, & dant obſides*.

Obſonium, est cibus additus pani, præcipue pisces. In Rauden.

Obſonare, est lautis epulis profundere pecuniam. In Rauden.

Obnoxius, non significat obligatus, sed expositus, subjectus; ut, *locus obnoxius vento. Urbs obnoxia fluctibus*. l. 5. c. 57.

Occupare, proprie est rem in medio positam ante cæteros capere. *Matura emptionem, ne alius rem occupet*. Nos occupati sumus, quum detinemur negociis, ut aliis non sit locus. *Occupare urbem*, est vi capere. *Præoccupare*,

pare, vel *occupare*, est cum praevenimus rem dicere, ne alii nobis objiciant. Inde *occupatio*, schema Rhetoricum, quum priores dicimus quod alter dicere poterat. *Peror* ne nox occupet.

Otium, est vacatio a labore, cujus contrarium est *negotium*. Scribam ad te ubi primum aliquid otii nactus ero. Et capitur pro studio literario: unde *otium literarium* dicimus. Hinc *otiosi*, pro indulgere otio: & *otiosus* pro eo qui est vacuus a negotiis. Quamquam *otiosa* interdum dicuntur supervacanea, & nihil ad rem facientia. Cato distinxit *otiosum* a nihil agente.

Otiosus est qui nullum exercet opus. Nihil agit, qui frustra laborat.

Odiū, interdum sonat molestiam. Terentius: *Numquam tuo me odio vinces*, id est, tua molestia.

l. 1. c. 21. *Odiōsus* passive, significat eum qui odio habetur, non qui odit, id est, invisus. Vel *odiosus*, molestus. Cicero: *In infirmo corpore odiosa est omnis offensio*. *Odiōsus*, invisus.

l. 3. c. 9. *Odor*, quod olfactu percipitur. Interdum pro suspicionem sive fama accipitur. *Odores* pluraliter odoramenta: ut, *Odores Arabici*. *Odores Sabai*. Inde *Odorari*, & *subodorari*, pro suspicari & inquirere.

l. 4. c. 30. & 3. c. 39. *Officium*, id quod facimus ut debemus pro rerum, locorum, personarum exigentia. *Officium discipuli* est, patris loco preceptorem venerari, id est, debet. *Vide ut tuo fungaris officio*, quando ego perfunetus sum meo. Secundo, *officia* fere accipiuntur pro beneficiis, sive obsequiis. *Id tua in me faciunt officia*, ut nihil tibi negandum putem. Tercio, *officium* est functio, ut Magistratus. Inde *Officiales* vocamus. Quarto, *officium* quod quisque debet praestare. *Officium medicina*, *Officium architecti*, *Officium fabri*.

l. 4. c. 44. *Officina*, est ubi opera opificum fiunt. *Officina statuarii*, fuforis, flatoris vitrarii, pictoris, futoris, caletoris, excusoris, fabri. *Tabernam* vide loco suo.

l. 3. c. 2. *Offendo*, primo ad iram provoco. Inde *offensa*. *Remissi offensas omnes*. Secundo, reperio, vel obvium habeo. *Si te uspiam offendero solum*, dabis mihi panas.

l. 2. c. 85. *Oleaster*, est olea sylvestris. *Olea frugifera*.

Olim, tam futurum quam praeteritum significat. *Olim litera in pretio fuerunt*. *Olim te panisabit inertia tua*. Secundo *olim*, idem est quod *aliquando*. Horatius: *Ut pueris olim dant crustula blandi Doctores, elementa velint ut discere prima*. *Jam olim*, vel *olim jam*. *Olim* autem praeteritum aut futurum poscit: *Jam olim*, praesens. De *olim* exempla habita sunt. De *jam olim* exempla: *Jam olim mihi summa necessitudine junctus es*, id est, ex multo tempore, & adhuc. *Jam olim barbaris odio sunt litera*, id est, diu fuerunt, & adhuc sunt.

In Rauden. *Omnimode* & *diversimode*, non sunt Latina. *Omnifariam* & *multifariam* Latine dicitur.

l. 4. c. 76. *Opera opera*, significat ipsam actionem, & laborem. *Opus operis*, significat ipsum quod agitur, ut, *Faber cudento galeam impendis operam*, id est, actionem cudendi. *Opus* autem dicitur ipsa galea quae cuditur. *Opus manuum mearum*, dicitur liber a me scriptus. Itaque *opus* est fructus *opera*. *Opera* dicuntur ipsi qui debent aut praestant operam. Horatius: *Accedes opera agro nona Sabino*, id est, nonus fossor. *Opera pretium* ab *opera* dicitur, significat utile, ad rem pertinens.

l. 1. c. 22. *Operosus*, multae operae. *Operosa structura*, multi operis, Horatius:

Operosa parvus carmina fingo.

Operose, id est, laboriose.

Opitulari, id est, auxiliari, dicitur ab *opem fero*, quod habet tui in praeterito.

l. 3. c. 86. *Opinio* nunc active, nunc passive significat, sicut omnia verbalia in io, praeter haec: *suspicio*, *oblivio*, *offensio*, quae fere passive significant. *Dabo operam ne umquam tua de me fallas opinio*, hic active. *Homo magna opinionis*: hic passive capitur. *Venit mihi Petrus in suspicionem furis*, id est, suspicor furtum de eo. *Videor mihi post tanta in temeritate tibi in oblivionem venisse*. *Oblivio* tua qua oblivisceris. *Oblivio* tui, qua alius tui non meminit.

l. 4. c. 20. *Oppidum*, dicitur omnis civitas praeter Romam, quae prima, urbs vocari coepta, fecit ut caetera oppida, interdum & urbes vocarentur.

A *Opifex*, qui exercet artem manuariam.

Opificium, exercitium artis, artificium.

Oppetere, aut accusativum habet expressum, aut subauditum, & significat mori. *Ajax maluit milles mortem oppetere, quam semel mulieribus inservisse*. *Innumeri in hac pugna oppetere milites*, id est, perierunt.

Oriundus, jungitur primo ablativo cum praepositione *ne a vel ab*. *Oriundus a Gauda, a Roma*. *Nos Hollandi a Trojanis sumus oriundi*, id est, originem ducimus a Trojanis. Secundo ablativo sine praepositione. *Oriundum Alba sacerdotium*. Tercio adverbii; ut, *Inde ego sum oriundus, unde tu*. *Ortus* genitivum habet. *Ortus Gauda*, id est, natus illic.

Ordo, suo quidque loco disponit. *Series*, est rerum quaedam continuata progressio. *Inter annos series est, verius quam ordo*. *Equestris ordo* dicitur, non series.

Orchestra, est locus ubi saltabatur publice, & similia fiebant, circumfidentibus nobilibus, & plebe circumstante. Interdum usurpatur pro confessu honoratorum.

Orator, vide in Rhetor.

Orbus a, um, qui privatus est re admodum cara, ut, *Parens suis liberis privatus, orbus est*. Inde *orbitas*. Secundo *orbus a, um*, pro orphano nonnumquam accipitur, & *orbitas* pro orphanitas. Filius dicitur *orbus* amisso parente. *Orbum* pro vacuum, dixit Horatius: *Forumque litibus orbum*.

C *Orare*, est rogare. *Exorare*, rogando impetrare, *Sine hac una in re, te exorem*. *Orator venio, facite exorator ut sim*. P.

Pacificatus sum, id est, pacem accepi. *Pacatus sum*, id est, in pace sum, vel recessi ab armis. *Placatus sum*, deposui offensionem.

Parum esse, id est, sufficere. *Non sum par tanto oneri*. Quintilianus: *Aspicio par laboribus corpus*. *Impar dolori animus*.

Pariformiter non invenitur, sed *pariter*, sive similiter, sive itidem.

Pancratiaestes, qui ad omne genus certaminis valet.

Papula, id est, pustula similis naevo.

Pabulari, est pabula carpere manibus, aut falce in pactionem jumentorum.

Parentare, est manibus defuncti, vel potius occisi satisfacere: & corripit primam. Inde *parentalia* honores funerales.

Paria facere, est quod alibi omisum est, aliunde compensare; ut, *Ille qui confitebatur se hominem necasse, rursum autem generasse hominem paria facit*. Item, quando natura pusillos corpore, magnos animo creat, paria facit. *Ingenio pollens cum robusto paria facit*, id est, aequat robustum.

Passim, id est, sparsim. *Hujus rei exemplum in veterum scriptis passim reperies*. *Armenta passim pascunt*. Virgilius: *Strata jacent passim sua quaeque sub arbore poma*.

Pannosus, qui crasso ac vili, seu lacero panno opertus est: ut, *pauperes pannosos* dicimus.

Parumper & *paulisper*, id est, parvo tempore. *Imperiti accipiunt pro paululum & parum*, sed falso: sunt enim adverbia temporis.

Paulisper gaudere potest qui tamen multum gaudeat.

Parum interdum sonat non satis: *Quod tibi parum est, mihi nimium est*.

Parentesis, est interjectio orationis in sermone, quae remota, sermo manet integer. *Eaquum semper venusta est, tum plurimum venustatis habet, quum sit per qui, aut is, aut per ut*. *Si modo culpam tuam fassus esses, pater (qua indulgentia est) omnia tibi ignovisset*. *Id flagitii si praesens vidisset parens (ejus severitatis est) te membratim discerpisset*. *Si hanc noxam Petro imponere pergis, ille (ut impudentissimus est,) in te eam retorquebis*.

Patronus, qui accusatum defendit, vel quemcumque alium afflictum. *Nisi tu mihi patronus ad sis, nulla emergendi spes est*. *Patrocinari*, id est, protegere quemcumque. *Patrocinium*, id est, tutela. *Advocatus*, quicumque paratus venit alium defendere, etiam si nihil agat.

Parasitus, id est, qui omnia facit dicite ad voluntatem alterius, ventris gratia: *Qualis est ille Terentianus Gnatho*.

Tom. I.

Aaaa

Pastiq

- Passio* non tam significat actum pascendi, quam ipsum cibum, sed proprie glandes, poma, hordeum, legumina: & est pecudum. *Pabulum*, id ipsum significat, sed est aliorum quoque brutorum: estque proprie cibus herbaceus, foenicus, paleaceus, stramentitius, potius quam seminum. *Pastus* est hominum. *Literarum consuetudo*, gratissimus animorum *pastus* est.
- Pasco* active, Ger. *weiden*. *Pasce capellas*. Sed *pasco* neutrale, esse in pascuis. Virgilius: *Pascentes servabit Tityrus hados*. Ovidius: *Mille greges illi, totidemque armenta per herbas Pascebant*. Inde venit *pascua*, & ager *compascuus*. *Pascor* deponentale, vorare, comedere. Et vult accusativum. *Pascitur herbas grex*. Itidem *depascor*. *Pascere* delectare. Virgilius: *Atque animum pictura pascit inani*.
- Petere*, primo poscere. *Majorem in modum abs te peto*. *Petere* Consulatum, *petere* dignitates, est ambire. Secundo accipitur in malum. Ovidius: *Summa petis livor*.
- Petit me lapide*. *Petit me jaculo*. *Malo me Galatea petis lasciva puella*. *Appetere*, est qualitercumque & qualiacumque petere, etiam turpia & incommoda. *Expetere*, est appetere tantum petenda, id est, honesta. *Voluptatem appetimus*, nemo expetit. Confunduntur interdum, ut Horatius: *Amore, qui me prater omnes expetit*. *Expetere* neutrale, significat exstare, sicut suppetere, sufficere, sive subministratum esse. Itidem *appetere* neutrale significat instare. *Jam appetebat nox*. *Jam appetente vere*, id est, sub vernum tempus.
- Pervigil*, qui nunquam dormit, nec noctu, nec interdiu. *Vigilare*, est ad tempus, non semper. *Perno*, est qui noctem ducit insomnem. Inde *pernoctare* & *pervigilium*.
- Perlegere*, usque ad finem legere, vel totum, vel partem.
- Ibidem*. *Perferre literas*, ad eum cui missæ sunt ferre. *Ferre*, portare. *Multi ferunt, qui non perferunt*.
- Ibidem*. *Peragere reum*, est usque ad illius damnationem agere, id est, accusare juridice.
- Ibidem*. *Perorare*, est finem orationis dicere. *Peroratio* est finis & conclusio orationis.
- Ibidem*. *Persuadere*, est facere ut quis credat. *Suasi illi multis argumentis, sed non persuasi*. *Suadeo*, id est, consulo ut facias. *Dissuadeo*, id est, consulo ne facias. *Hic suasis, ille dissuasit, neuver persuasit, quia neutrum sequar, sed meam ipsius sententiam*. Ita non recte dicitur, *dissuasi*, id est, revocavi a sententia, sed persuasi ne faceret, sive revocavi a sententia.
- Persuasio* est firma sententia: & *fides* proprie dicitur persuasio, qua certo credimus audita potius quam visa.
- Perjurus*, qui iurandum violat. *Pejorare* est falsum jurare. *Abjurare*, est jurejurando inficiari.
- Perlucidus*, a, um, sive *pellucidus*, a, um, quod transmittit ad speculum. Et refertur ad corpora. *Aqua pellucet ad imum*. *Perpicuum*, per cujus medium videmus: ut, vitrum, glacies, lateria, crystallus, gemma. Sed *perpicuum* refertur sæpe ad incorporea, pro manifesto.
- Perditus*, est qui in omne scelus traditus est. *Perditissimi mores*. *Perdita vita*. *Perdite amat*.
- Pertinax*, qui nimis est tenax suæ sententiæ.
- Perfuga*, generis communis, qui fugit ad hostes. Idem *transfuga* dicitur.
- Perfluere*, transmittere liquorem; ut, *Lagena male compacta perfluit*. *Cave illi quicquam committas quod tactum velis: nam undique perfluit*.
- Ibidem*. *Perpluere*, transmittere pluviam. *Tectum conclavis nostri perpluit*. *Domus perpluit*. *Cenaculum perpluit*.
- Persequor*, id est, infector. *Sande, Saule, quid me persequeris?* *Persequor* interdum, persequero exsequi quod coeperam. *Persequere* quod recte coepisti.
- Percontari*, est interrogare, sed arguendi causa. *Sciscitari*, sciendi gratia: interdum confunduntur.
- In Rauden*. *Perosus* & *exosus* tantum active significant. Virgilius: *Lucemque perosi*.
- Penfile*, est quod pendet. *Uva pensilis*. *Horti pensiles*, id est, non in solo, sed in alto suspensi.

Peplus, non *peplum*, Græcum est, significans vestem.

Perpendere, expendere, est exacte ponderare atque examinare. Cicero: *Qua contemplantes, expendere oportebit, quid quisque habeat sui*. Idem: *Quid in amicitia fieri oportet, qua tota virtute perpenditur?* *Appendere*, est per pondus tradere. *Appendi uvæ*, *appendi pecuniam*, &c. Cicero: *Ut jam appendatur pecunia, non numeretur*. *Impendere* a *pendo*, significat infumere. Inde *impendium*, & *impensa*. *Impendere* a *pendeo* significat imminere, jamjam casurum. *Multa capiti tuo impendent*. *Mors omnibus horis impendet nobis*. *Nubes impendunt*.

Penetrabile substantivum, est interior pars ædificii vel regis. *Penetrabile* adjectivum, est quod facile penetrat, aut quod facile penetratur. *Telum penetrabile*, *Frigus penetrabile*. *Saxum ferro impenetrabile*, quod non potest penetrari.

Persona, significat eam qualitatem qua homo differt ab homine, tum in animo, tum in corpore, tum in extrinsecis: quæ a Rhetoricis enumerantur in attributis personæ; ut, *Hector ad Priamum persona filii* est, ad *Astyanactem persona patris*, ad *Andromachem persona mariti*, ad *Paridem persona fratris*, ad *Sarpedonem persona amici*, ad *Achillem persona inimici*. Sunt autem & *personæ* in Divinitate, & quidem qualitates, non substantiæ, si Vallæ credimus, Pater, Filius, Spiritus Sanctus. Sed qualitas est ea, quæ possit abesse citra subjecti corruptionem, falsa & Græcula est definitio. Calor enim & lux in sole nunquam abest. Secundo per translationem *personas* dicimus in scena, qui exprimunt gestu & habitu vel senem, vel amatorem, vel avarum, vel jactabundum, &c. *Gnatho* & *Thraso persona* sunt. Inde *personatus*. Tertio dicimus *personas* figuras eminentes, quæ aquas ore, vel mentula fundunt, eoque varios vultus & gestus exprimunt.

Peculium, est quicquid labore nostro partum est, & quod reposuimus nobis. Hinc *peculium castrense*, & *servi habent peculium*. Secundo, est quod proprie est alicujus. Inde *peculiare*, id est, proprium. *Peculiariter*, id est, proprie & singulariter. *Me velim peculii jure utare*. *Quicquid meo officio prastari potest, id totum tibi peculiare ducas velim*.

Peculatus, est furtum rerum ad Rempublicam aut ad proventus Principis spectantium. Inde *depeculor*, quod quidam etiam ad sacrilegium transferunt.

Pellex, est quæ miscet corpus cum viro cui uxor legitima est, & refertur ad uxorem: neque enim dicitur *pellex adulteri*, sed *pellex uxoris*.

Penes præpositio, non solum locum, sed etiam domitium significat. Nonnumquam cum accessione laudis, aut vituperii, commodi, vel incommodi. *Fides penes auctores sit*. Livius: *Ut penes eosdem pericula belli, penes quos præmia essent*. Nonnumquam tamen pro apud accipiunt. *Penes scenam*, id est, apud scenam.

Perduellis, idem est quod hostis qui contra nos bella gerit. *Duellum* enim idem est quod bellum. *Perduellio* denique *perduellionis*, qui aut Reipublicæ aut Principis læsit majestatem.

Penarium sive penarium, ubi reponuntur edulia, penu sive *penus*, qui commeatus est domi repositus.

Permissu in singulari numero, quartæ declinationis: in plurali secundæ est, *permissa* *permissorum*. *Permissu magistris id feci*. Horatius: *Utor permissu*.

Per, junctum nominibus adjectivis, adverbis, sive verbis vehementiam significat. *Perplacet*, id est, valde placet. *Perbenignus*, *perpalcre*.

Perquam, idem valet quod *quam*, & simili modo jungitur; ut, *Nuntius matris tue defunctæ mihi perquam acerbus fuit*. Cavendum ne ista duo *per* & *perquam* superlativis aut comparativis jungantur. Non enim dicimus *perquam optimus*, sed *quam optimus*, nec *peroptimus*.

Perinde, primo valet idem quod *ita*, & poscit post se *ac si*, vel *atque si*. *Perinde in istare tua faciam, ac si mea res esset*. In negativa oratione potest sequi *quam*. *Nulla mihi res perinde dolet, quam tui perditio*. Secundo capitur pro *aque*: *Legi literas tuas suaves ac perinde eruditæ*. *Natus sum præceptorem eruditum, ac perinde gravem*, id est, æque

æque honestum. Tertio capitur pro *ita*, id est, multum: sed cum negatione. *Nihil attulit, quare adveniens illius non perinde gratus fuit*, id est, non multum gratus.

l. 3. c. 46. *Pœnitet*, primo doleo factum. *Pœnitet me convicii*
l. 4. c. 18. *quod in te dixi*. Secundo pudet, vel tædet. Livius: *Nec meorum esse sententia pœnitet*, id est, pudet. Virgilius:

Nec te pœniteat, calamo trivisse labellum, id est, tædeat. Quidam exponunt pro parum videtur, sed falso, si Vallæ credimus. Terentius tamen dicit: *Me quantum hic operis fiat pœnitet*. Inde *pœnitendum* dicimus. *Mervit, sub præceptore non pœnitendo*.

l. 4. c. 35. *Penus* dicitur omne id quod repositum est ad victum
l. 6. c. 56. privatum dumtaxat. *Commeatus* vide loco suo.

l. 4. c. 42. *Pecus*, *adis*, significat animal, quod pascitur sub imperio hominum: ut bos, vacca. *Pecus*, *oris*, primo significat idem, quod *pecus*, *cusdis*. Secundo significat multitudinem pecudum, sed proprie gregalium minutorum, porcorum, caprarum, ovium, hircorum. Tertio significat ovem. Quintilianus: *Cur in usum vestium sepe pecori lana detrahuntur?*

l. 4. c. 28. *Peregrinus*, qui ex nostra civitate non est. Inde *peregrinari*. Porro quod Grammaticuli quidam *forenses* vocant *peregrinos*, suo more loquuntur barbare.

Ibidem. *Pergameni*, ex Pergamo oppido Asiæ provincie. Unde *pergamena*, dictæ sunt membranæ, eo quod illinc ab Attalo Rege, membranarum copia missa est.

l. 4. c. 103. *Perfidus* penultima correpta, qui fidem violat: a *fides* dicitur: Inde *perfidia*. *Perfidis non æquum est servare fidem*. *Infidus* penultima producta, est cui non est fidendum, sive qui fidem non servat: venit a *fido*, *is*, *ere*. *Fidus* cui fidendum est. *Fidelis*, est inferior erga superiorem. *Fidelis servus*. *Fidus amicus*. Hoc tamen non est perpetuum.

l. 5. c. 56. *Pervenire*, est venire eo quo ibamus. *Pervenimus in urbem*, in montem.

In Raudem. *Pituita*, est omnium humor, qui ore naribusve fluit. *Catarrhus* Græcum, *fidem* significat.

Pituita Latinum est. Nisi quod *pituita* generalius est. *Catarrhus* est humor ex alto defluens.

Pileum dicitur, non pileus.

l. 6. c. 56. *Pignus*, *oris*, significat aliquid quod datur gratia certitudinis: ut *creditori datur pignus*. Et qui decertant, *deponunt pignora*. Secundo *pignora* non pignera, dicimus filios, eo quod sint *pignora conjugii*, aut caritatis inter maritum & uxorem. *Repignere*, dicitur recipere pignus. Nec mirum *pignoris*, o habere in genitivo, cum verba ab eo nata habeant e, quando a *fanus fanoris*, dicitur *fanero*, a *frigoris refrigero*, a *penus oris*, *penetro*, a *temporis tempero*, non tempore, a *litoris obliero*, mutata semper o in e. *Oppignere*, est dare aliquid arraboni, quam quidam arram vocant. Idem significat *pignero*, as. *Pignoratitius*, a, um. *Res pignoratitia*, opposita pignori.

In Raudem. *Pinna*, est fastigium turrium, aut ædificiorum. Inde *pinnaulum*.

Pinaster, pinus sylvestris.

Plangere & *plorare*, vide in *flere*.

l. 5. c. 79. *Placatus sum*, vide in *pacificare*.

l. 5. c. 29. *Placere*, quoties reciproce ponitur in vitium accipitur, id est, pro superbire & mirari sese. *Tu tibi places opum fiducia*. *Hic omnes contemnit, se unum miratur, sibi uni placet*, de se solo magnifice sentit. *Displicet sibi, qui parum bene affectus est*.

l. 6. c. 98. *Plumbatura*, est conglutinatio, vel commissio, quæ plumbo fit.

Plantarium & *planta* idem sunt.

l. 1. c. 6. *Plenus* tam genitivo quam ablativo jungitur, *Res plena doloris*, vel *dolore*, *plenus vino* vel *vini*. *Impleo* ablativum regit, tamen Livius junxit genitivo. Idem fecit Virgilius.

l. 3. c. 40. *Pluit* ablativo jungitur. *Pluit sanguine*. *Pluit lapidibus*. *Ningit*, nullum casum admittit.

Plerique significat pene omnes. *Plerosque dignitas accepta facit contumaces*. Secundo multos. *Non attenditis, multi vestrum fabulis vacant, plerique dormitant*.

l. 1. c. 90. *Plerumque* adverbium, id est, pene semper. *Ita plerumque fieri solet*, ut qui maxime desipiunt, is soli sibi sapere videantur.

A *Poscere*, est rem debitam petere, *Reposcere* repetere *Ibidem*: quod debetur. *Tunc reposcis quod donasti? Reposce librum* l. 5. c. a *Petro*, quem commodato accepit. 58.

Postulare, est exigere rem honestam & convenientem, *Res postulat*, locus non postulabat, tempus, causa postulabat. *Expostulare*, est cum querela accusare, & desiderare officium amici. Hieronymus ad Augustinum: *Na tu jure expostulares, & diceret, &c.* Jungitur autem fere cum ablativo, intercedente præpositione cum; ut, *Neque scribis quicquam, neque quæ scribo facis*. *Itaque quamquam habeo quod tecum jure expostulem, tamen malo rem non tua inertia, sed occupationibus imputare*. *Quid enim habes quod tecum expostules? Flagitare*, quære loco suo.

B *Portitor*, est custos portus, pontis, vel ripæ, qui vectigal a transeuntibus applicantibusve exigit. Virgilius: *Portitor ille Charon*. *In Raudem*.

Possessio, est ipsa proprietas rei, vel, res ipsa possessa. l. 5. c. 52. Unde *possessions* vocamus bona soli, seu immobilia, domos, agros, areas, prædia, &c. Transfertur & ad res animi.

Portare, est bajulare, corpore jumentum, aut suo. *Portamus ea quæ jumento nobiscum ducimus*. *Portamus* & ipsi cum imitatur jumenta; ut, *Rusticus portat humeris agnum, vitulum aut porcum*. *Ferre* autem in proprio corpore est, sed minus aliquid. *Ferimus anulum, librum*. *Atlas portat cælum*.

C *Poster*, sive minores (quæ idem significant) sunt quicumque ex nobis, & post nos nati sunt: ut filius, nepos, pronepos, abnepos, atnepos, trinepos, & cæteri qui nomine carent, *posteriores* seu minores vocantur.

Popina, est locus ubi caro cocta publice venditur. *In Raudem*. Aut ubi privatim gulosa familia extraordinarie ligurare & obsonare consuevit.

Pomarium, hortus pomiferis consitus, vel locus ubi reponuntur poma. l. 5. c. 6.

Pomarium, est locus extra vel intra mœnia urbis ad deambulandum, in quo ædificare non licet, quasi pone juxta mœnia.

Portorium, vectigal, quod exigit portitor. *Ibidem*.

D *Porro* idem significat quod *autem* & *vero*, sed hæc non ponuntur in initio orationis, illud fere semper: item invenitur apud quosdam pro *longe*, certe, *postea*, *ultra*: ut apud Virgilium & Hieronymum.

Postridie, id est, sequenti die. Refertur tam ad tempus futurum, quam ad præteritum. *Postridie quam tu uxorem duxeras, ego certior factus sum*. Aut certe jungitur genitivo. *Postridie ejus dici quo feci hoc*.

Postridianus non dicitur.

Posthac, post hoc tempus. Adverbium temporis est, vide in *Antehac*. l. 2. c. 56.

Pondo indeclinabile neutri generis. *Duo millia pondo*, ibi est genitivi casus. *Mille pondo*, nominativi est. *Bis mille pondo*, genitivus non est, quia mille adjectivum est. Caret singulari, tamen non dicimus, bina, trina, pondo, sed tria, &c.

E *Potior* tum tertiæ tum quartæ conjugationis est, *potior*, *poteris*, vel *potiris*. Regit hoc nomen rerum semper fere in genitivo, cætera pene in ablativo; ut, *hac tempestate ut quisque sceleratissimus est, ita rebus maxime potitur*, id est, imperium obtinet. *Augusto rerum potito totus quievit orbis*. *Potior votis, poteris optato*. *Potimur* rebus expetitis, ac velut obtinemus. Fruimur quibus nos oblectamus. Venit a *potis*, unde & *compos* & *impos*. Terentius dixit: *patria potitur commoda*.

F *Potus*, est eorum quibus vivimus: ut vini, aquæ. l. 4. c. 41.

Potio est medicorum. Tamen nonnumquam invenitur pro potu.

Poti dicuntur, qui affatim biberunt.

Potionati qui hauserunt venenum.

Porta murorum urbis est. *Janua*, parietis ac domorum. *Ofitium* etiam fluminum. l. 4. c. 8.

Pomum, est quicquid habet corticem mollem inter fructus majores quibus vescuntur homines, & est nomen generale, cerasa, mala, pruna, pira, mespila.

Pomum non significat Ger. *ein apffel*, sed *malum*. Exempla in promptu sunt. *Pirum* Ger. *ein peer*. *Malum* Ger. *ein apffel*. Nam *pomum* generalius est.

Tom. I. Aaaa 2 Pom.

- Pompa*, est quædam ostentatio apparatus, qui circumfertur. Et fit tam in adversis quam in prosperis, ut, *pompa triumphalis*, *pompa nuptialis*, &c. *Pompa triumphalis*, est processio triumphantium, *pompa nuptialis*, &c. *Pompa funebris* est apparatus qui fit in funerum exsequiis. *Απὸ τοῦ πομπῆος* quod est *duco*.
- Præfens*, id est, in præsentia: refertur ad præteritum. Cicero: *Ille præfenti potius dignitati consulebat, quam futura. Ad præfens. Præfens hic dies, Præfens vita*, cui opponitur *absens*. Interdum ad quodvis tempus pertinet, significatque opportunum. Horatius: *Pleraque differat, et præfens in tempus omittat*, id est, quo apte dicentur. Secundo *præfens*, id est, subitum, *præfens mors*, *præfens venenum*, *præfens medicina*, quæ aut cito occidit, aut cito sanat. Idem *præsentaneus*. Unde *præfens* pro excellens capitur & impavidus, & sanæ mentis. *Fac animo præfenti dicas*. Tertio in rem præsentem, non tempus, sed locum significat. Cicero: *Ut si constitueris cuiquam in rem præsentem esse venturum*, id est, ad locum de quo controversia est.
- Prohibere* est ante rem inceptam. *Prohibitillum domo mea. Prohibui ne abirem uspiam se ignaro*, id est, ne irem. *Inhibere*, est rem inceptam, ne procedat, impedire, *Inhibemus loquentem ne plura dicat*. Virgilius: *Et vos tela inhibete Latini. Inhibemus scalmum*, quum impetum remo sistimus, *Vetamus & factis*.
- Provocare*, tum in malum tum in bonum accipitur. *Vide ne ubi satis convitiis hominem provocaris, placare nequeas*. Cicero: *Tuis amantissimis literis provocatus sum*, id est, incitatus. *Lacesso* in malum frequentius. *Irrito*, raro in bonum, sed eleganter. *Irritant stomachum*, *Ut irritarem calamum tuum*, id est, excitarem.
- Praeme fero*, *pra te fers*, *pra se fert*, id est, vultu & gestu ostendit, & confitetur. *Pra se fert hominem ferocem, et rixa avidum*. *Joannes plurimum comitatis, et humanitatis pra se fert*. *Meliores sunt qui injurias acceptas pra se ferunt, quam qui dissimulant*. *Pra se fert optima indolis speciem*. Et similia mille. *Pra me duco*, *pra me gero*, in eundem sensum recidunt &c.
- Præcludo*, claudio, ne pateat ingressus.
- Præcido*, cædo, id est, prius amputo aut primas partes amputo. Interdum obsecrum verbum est.
- Præcingo*, cingo, anteriora cingo.
- Pramorior*, morior, id est, prius morior.
- Pramortuum corpus*, jam mortuum ante diem mortis. *Refeco*, ab alio seco.
- Recido*, ab alio cædo.
- Recingo*, cingo ab alio.
- Repugno*, pugno, id est, obfisto.
- Resodio*, quod defossum est esodio.
- Repromitto*, promitto.
- Quin & cæterorum composita pro simplicibus interdum usurpantur.
- Prosequi*, est ostendere affectum in aliquem, & fere non caret comitatu, ut, *Prosequor te laudibus*, id est, laudo. *Prosequor te amore, caritate*, id est, amo, carum habeo. *Prosequitur me capitali odio*, id est, capitaliter odit. *Prosequitur*, qui deducit: *prosequitur*, qui quod instituit dicere pergit.
- Præditus sum*, id est, habeo: capitur fere in bonum, nonnumquam in malum. *Adolescens pulchra indole, suavi ingenio, multa verecundia præditus: Summa immunitate præditus, multis viribus, multo robore præditus*. Sed non debet addi secundus ablativus cum præpositione, sicut in affectus. Dicitur enim, *A Rege magno honore affectus sum*. Sed non, *Ego a Deo magnis viribus præditus sum*.
- Præsto* non admittit verbum præteritum, *es, est*, & significat primo *præsentem esse*, & *comparare*. *Sponde, præsto est noxa*. Secundo auxilio & favori esse. Tertio advenire, vide in adesse.
- Præsul* olim dicebatur Princeps Saliorum, id est, Sacerdotum Martis, Romæ dumtaxat: quia *præsultabat salientibus*.
- Præesse* est præfectum esse alicui rei administrandæ. Unde commodius est præesse, quam subesse. *Is omnibus rebus non modo interfuit, verum etiam præfuit*. *Præsidere* est ad opem præstandam præesse; ut, *Mars præ-*

- det bello. Musa præsidet studiis. Medicina præsidet Apollo*, utique ad auxiliandum. Inde *præses*, id est, auxiliator. Inde *præsidium*, id est, auxilium principale. In singulis urbibus *præsidia reliquit*, id est, constituit milites qui ex parte Præsidis tueantur eas. *Subsidium*, quod in auxilium principale succedit. *Milites conspicati neminem ferre subsidium, fugere*.
- Præcipere*, est magistrorum præcepta tradentium. In de præceptiones Rhetorica. *Præcipere* est etiam superiorum magistratum, judicum. *Imperamus etiam nobismet ipsis*, id est, impellimus aut cohibemus animum. *Imperavi mihi met assentari. Omnia jussa mihi*, non dicitur.
- Propinare* a Græco venit, est ad bibendum invitare. *Potest alius propinare, alius porrigere poculum*.
- Procus*, qui sceminæ nuptias ambit.
- Præjudicium* est factum aliquod, quod tamen ad causam habeat aliquid momenti. Duo scribæ contendunt de officio, jubet judex alterum officio fungi dum lis terminetur: *præjudicium factum est pro altero contra alterum*.
- Prostibulum* non modo significat lupanar, sed ipsum etiam scortum. Exemplis plena sunt omnia.
- Prostiteri* est libere ac publice fateri. Inde *Prostiffores medicina, militia, quasus meretricii*.
- Præfractus*, id est, rigidus, inflexibilis. *Præfractis adverbium*, id est, rigide & pertinaciter. *Caso fuit præfractior*.
- Presbyter* Græce, significat senioem. *Sacerdos Latinum nomen est*.
- Precari* cum solo accusativo, significat orare. *Hoc unum abs te precor*. Cum dativo & accusativo significat optare. *Bene precari, male precari*. *Nubentibus, navigaturis, & aliquid novi aggressis, bene precari solemus*. *Imprecari* idem quod *precari*, sed fere in malum accipitur. *Deprecari*, averfari, *precari ne eveniat, non deprecor supplicium si merui*.
- Præstare*, est exhibere vel dare. *Si quid putabis mea opera præstari posse, me peculii jure utaris licebit*. *Vtrum te præsta. Qualem tu te mihi præstiteris filium, talem sibi me præstabo parentem*. Secundo, melius esse & antestare, regit dativum. Terentius: *Homo homini quid præstat? id est, antestat & melior est. Quanto aurum luto præstat, tanto litera auro*. Quintilianus tamen in hoc sensu junxit accusativo. Tertio est prohibere, & efficere ne alicui fiat aliquid incommodi, alioquin satisfacere: ut, *venditor debet præstare vitium rei quam vendidit*. Cicero: *Cum id quod ab homine non potuerit præstari, evenit, id est, vitari, vel prohiberi, vel caveri*.
- Properatim*, id est, properanter.
- Privatim*, id est, private. *Publice & privatim opponuntur. Privatim dives, publice egens*.
- Probrum*, flagitium & dedecus, pro crimine: ut adulteria, stupra, *probra sunt*. *Ignominia est nata ex flagitio, & capitur sæpe pro convitio. Exprobrare, probro objicere. Improbrare, idem. Opprobrium idem est quod convitium vel ignominia*.
- Prævaricari*, est quocumque modo a præscripto officii sui deflectere. In jure *prævaricatio* est, cum accusator latenter reum adjuvat, aut judices corrupti alterum horum. Plinius: *Arator nisi incurvus prævaricatur*. Plinius Junior: *Alioquin prævaricatio est transire dicenda*.
- Præpes præpetis*, id est, velox: *Præpete penna*.
- Profusus* active, significat prodigum qui profundit: ut, *Sui parcus, alieni profusus*.
- Pridie*, & *postridie*, genitivo junguntur, & nonnumquam accusativo: ut, *pridie ejus diei quo tuare reddita sunt mihi litera, ad te proficisci statueram. Pridie ejus diei quam Romam veni, febrili laborare cepi*. Cum accusativo; ut, *Pridie Nonas Julias. Pridie pertinet tam ad futurum quam ad præteritum; ut, Pridie quam has literas scripsi, tum recepi. Pridie quam Lovanium petas, indicium facito*. Inde *pridianus*: ut, *Pridiano cibo stomachus meus torquebatur*. Non refertur ad tempus præfens: non recte diceretur: *Adhuc ebrius es pridiana potatione*, pro, *cra-*
- Præstina*.
- Procul*, apud quosdam ablativo servit. *Procul urbe. Proxi-*

- h. 2. c. 12. *Proxime, propius*, adverbia, regunt accusativum, sicut *prope*, ut, *proxime Hollandiam Brabantia est*.
- l. 2. c. 50. *Proinde*, ideo, vel potius ideoque. Semper enim dependet a superiori sententia. *Proinde mihi carus es quod literas amas*, non recte dicitur: Sed, *audio te delectari studiis, proinde mihi carus es*.
- l. 3. c. 31. *Prior, prius, primus, & primum* differunt: Nomina referunt ad personam, adverbia ad tempus. *Quamquam uterque te jam olim amavimus, tamen ego te prior*. Ad te prior scripsi, tu fac ut posterior scribas: non, prius vel posterius. Non prius desines ludere quam ego te virga compe-
scam. Hic male diceretur, *prior*, quia non sunt personæ, sed tempus. Eodem modo utimur cæteris comparativis & superlativis, *ultimus, ultimo* &c.
- l. 3. c. 54. *Præter, præterquam*, hoc differunt, quod *præter* semper regit accusativum, *Præterquam* illum casum habet, quem habuit verbum præcedens. *Nullius rei avarus sum præterquam laudis, vel, præter laudem*.
- l. 3. c. 63. *Propediem*, brevi. Spero nos *propediem simul futuros*. Fac te *propediem* ad nos recipias. *Confido propediem barbariem extirpandam esse*.
- Ibidem*. *Propemodum*, id est, prope. *Adeo Joannes eruditus est, ut propemodum magistrum aquaris*, id est, ut pene sit par magistro.
- l. 4. c. 43. *Promontorium*, locus in mari prominens, mons, aut simile aliquid.
- l. 4. c. 84. *Primipilus*, qui primipilatum gerit. *Primipilaris*, qui gessit.
- Ibidem*. *Proconsul* qui extraordinarie cum potestate Consulari aliquo mittitur. *Exconsul*, qui finit Consulatam.
- Proprator*, qui cum auctoritate Prætoris aliquo mittitur, non qui pro Prætoris provinciam tenet.
- l. 4. c. 86. *Proquestor*, qui Quæstoria auctoritate accepta mittitur.
- Priscus* dicitur de prioris ætate, qui sunt extra nostram memoriam, ut *prisci Reges, prisca tempora, prisca seculis literati in honore habebantur: prisca aia sapientes coluit, nostra bene nummatis colit*.
- l. 4. c. 86. *Pristinus* dicitur de rebus quæ sub nostram memoriam cadunt. Ubi est *pristinus ille amor quo me complectebaris? Recipite ad nos, ut pristina consuetudine fruamur*, id est, quæ prius inter nos fuit. Sed quando loquimur de rebus quæ non senescunt, *pristinus* semper utendum est, non *priscus*, ut, *Pietas numquam in pristinum statum reditura est, nisi Deus nos peculiariter respexerit*.
- l. 4. c. 9. *Praclarus*, idem quod clarus, sive egregius. *Clarissima*, vel *præclarissima* tua virtus ac modestia. Secundo bonus. Cicero: *O præclarum custodem ovium* (ut ajunt) *lupum*, id est, probum & bonum. *Praclare actum est*. *Praclare* Virgilius ait, id est, bene.
- l. 4. c. 94. *Prudens feci*, id est, sciens: nec habet laudem nec vituperium: *prudenter feci*, semper in laude est. *Imprudens feci*, id est, insciens: nec laudem nec vituperium habet, nisi pro rerum qualitate, ut *prudens*. *Imprudenter feci*, semper vituperium habet. Qui *imprudens* peccat, veniam meretur: qui *prudens*, flagris dignus est. Eandem vim habent *sciens* & *scienter*, *insciens* & *inscienter*. *Numquam sciens committam ut te laudam*. Terentius: *Ne forte imprudens faciam quod nolit, sciens cavebo*. *Ignoranter* rarissime invenitur, sed *per ignorantiam*: sicut *per imprudentiam*, & *inscientiam* dicimus.
- l. 4. c. 105. *Protervus* minori contumelia, *Procaz*, majori licentia, *Petulans* maxima injuria: hæc tria significant & libidinem, & contumeliam. *Procacitas* est licentia turpium conviciorum, qua meretrices & scurræ utuntur. *Petulantia* etiam est intemperantia linguæ. *Petulantissime* multa dixit inter pocula.
- l. 4. c. 107. *Præcox*, maturus ante tempus. *Solent enim* (quantum experimento colligimus) *crebra pluvia præcoces fructus facere*. *Præcox ingenium* quod ante ætatem maturuit. *Præcoquus, & um*, pro eodem accipitur. *Præcoqua* mala.
- Præpropere* fit, quod fit ante tempus. Horatius forori exprobravit amorem *præpropere*.
- In Ramden*. *Prænomen*. Romani singuli habebant terna nomina: *Prænomen, nomen, cognomen*. *Prænomen* aut *nomen* interdu commune erat omnibus familiæ ejusdem, sed *agnomen* proprium erat. *Agnomen* accessit ex bene gestis

rebus, ut, *Africanus, Creticus, Caligula*, sed usitatus dicitur cognomen.

Præripio, vide in *rapio*.

l. 5. c. 18.

Pugil qui caestibus pugnat.

Puerpera est foemina quæ recenter peperit. Sed *puerperium* est tempus seu partus ipse.

In Ramden.

Punctum dicitur, non punctus, est brevissima pars temporis. *Momentum*, est breve tempus. *Punctum* proprie in lineis est, *momentum* in tempore, sed confunditur differentia.

Pulsare est frequentibus ictibus percutere, sed proprie brevi & rotundo instrumento, ut pugno, calce, malleo, saxo, aut etiam mortario: quemadmodum vicinus Laurentii, uxorem mortario *pulsavit*, multo crebrioribus ictibus, quam ipsum mortarium. Dicitur autem a *pello*, quod est ferio.

Pugillares caret singulari, significat tabellas cereas sive ligneas, sive cujuscumque materiæ, in quibus stylo scribimus.

Pupillus, qui caret parente, sed in ea tantum ætate qua vivit sub tutoribus. *Orphanus*, qui caret patre, & illius opem desiderat, cum sine eo male habeat. *Græcum* est.

Q.

Quisque jungitur superlativis, non positivis aut comparativis. Virgilius:

l. 1. c. 14.

Optima quæque dies miseris mortalibus ævi

Prima fugit.

Eruditissimus quisque Grammaticus hæc tradit. Jungitur etiam nominibus numeralibus: ut, *decimus quisque, millesimus quisque*. *Septimo quoque die repetendum nobis est quicquid tota hebdomade didicimus*, id est, omni septimo die. *Quinto quoque die ludendi nobis datur venia*. Jungitur huic dictioni *Quoties*, fere interrogative, ut, *Quotusquisque hominum est, qui non magis lufibus quam studio delectetur?* quot sunt ex nobis.

Quam, tantum superlativis præponitur: ut, *gratias ago tibi quam maximas*. Sed cum loquimur figurate, hoc est, admiranter & ironice, jungitur etiam positivis.

l. 1. c. 14.

Quam pulcre curasti quod commiseram? Quam multi sunt, qui magis commodi ratione, quam amore amicos colunt?

Quam, alias comparativum sequitur. *Carior mihi est, quam quem offendam*. *Nequior est, quam cui fidem habeam*, id est, credam. *Junior es quam ut abste docear*: & similia. *Quam* pro quantum positivis jungitur, aut verbis, aut adverbis. *Tam te diligo quam fratrem*.

l. 1. c. 17.

Quod, causalis conjunctio, qua barbari sæpe abutuntur pro, ut, sed ea est differentia: *Ut*, significat causam finalem, *Quod* causam efficientem, ut, *Parentes objurare liberos solent non quod odio habeant, sed ut corrigant*. *Volui ad te scribere, non quod quicquam esset, quod te scire tua magni referret, sed ut intelligeres me tui semper memorem esse*. Post adeo, *tantum*, ita &c. semper sequitur ut, non, quod: quod barbari non observant. Pro ut, potest poni quò: pro quod, poni potest quia, nisi quod. *Quod*, tam indicativo quam subjunctivo jungitur: *Quia*, tantum indicativo, ut opinor.

Quidem, capitur primo pro conjunctione distinguente res varias; ut, *Ego quidem Rhetorica magis delector, tu vero Logica, hic autem Grammatica*. Secundo pro

l. 2. c. 23.

exceptione illius, quod affirmas: ut, *si negligenter egeris, me quidem summo dolore afficies, sed te ipsum perpetuo perdidderis*. Tertio pro conjunctione expletiva, id est, causa ornatus, aut pro certe, aut pro eo quod Græcis sonat *ye*, pro quo Latini interdum ponunt *sane*; ut, *Petre, quid tibi istic negotii est? Nihil quidem mihi hic negotii*. Ultimo jungitur *ne*, sed interjecta semper una dictione, & hoc cum aliquid vehementer negare cupientes, id quod minus quoque est negamus. Ut si cupientes negare nos aliquem Romæ pulsasse, nos Romæ fuisse negemus. *Tunc illum Romæ pulsasti? Ne fui quidem Romæ*. *Tunc hujus es flagitii auctor? Ne conficius quidem fui*. Interdum una tantum pars negatur, & altera negata intelligitur, ut in exemplis prædictis. Interdum utraque exprimitur, ut, *non solum homines non times, sed ne Deum quidem vereris*. *Non solum non scribis quicquam, sed ne significas quidem*.

Tom. I.

Aaaa 3

Qua-

1. 1. c. 6. *Quæstor*, qui *Quæsturam* agit. *Quæstorius* qui *Quæstor* fuit.
1. 2. c. 27. *Quippe*, utpote, *quoniam*, conjunctiones causales sic differunt. *Quippe* potest habere suum proprium verbum: *Utpote*, non habet verbum nisi intercedente qui, vel cum: aut certe jungitur adjectivis sine verbo. Exempla de *quippe*, primo cum suo verbo: *Honestior est mors, quam vita sine amico*: *quippe* qui amicitia expers vivit, *fera propior est quam homini*. Sine proprio verbo: *Scio te omnia amicissime curaturum, quippe cui amicorum negotia non aliter cura esse solent, quam propria*. De utpote exempla cum qui: *Pueri nisi virga arceantur, ad omnes ineptias prolabantur, utpote quos natura ad vitia quam ad virtutes pronior, impellit*. Cum, cum: *Plinius: Utpote cum quidam annuo & biennii spatio duraverint. Cum adjectivis sic: Semper te mihi colendum statui, utpote virum tum literatum, tum probum*.
- Ibidem*. *Quoniam*, hoc habet privilegii, quod potest causam præponere toti orationi. *Quoniam una esse quoties libet, non licet, cura frequentius ad me scribas*.
1. 2. c. 42. *Quatenus*, quando, quandoquidem, idem significant, id est, quoniam. Sed *quatenus* ita accipitur dumtaxat apud seculum Quintiliani, quod incipit a Livio, Virgilio, Horatio. Nam Cicero utitur, pro inquantum, sicut *catenus*, pro inquantum.
1. 2. c. 45. *Quin*, primo, ut non. *Non potui committere in tanta tabelliariorum copia, quin ad te scriberem*. Secundo *quin* etiam; ut, *Petre ego tibi omnibus in rebus adero, quin patrem meum spero non defuturum*. Tertio cur non. *Quin huius nequissimi convictum fugis, aut me amicum putare desinis esse*.
1. 2. c. 49. *Quoties* pro quando posuit Quintilianus.
1. 3. c. 12. *Quæstus* quod habet in dativo & ablativo *quæstibus* per *u*, significat querelam a queror, vel conqueror. *Quæstus* quando habet *quæstibus* per *i*, significat lucrum nummarius a supino *quæsitum* per syncopen.
1. 3. c. 16. *Quisquis* & *quicumque* idem significant, nisi quod *quicumque* non semper requirit suum verbum, ut, *Sat eris quocumque modo tentasse*.
- Ibidem*. *Quidquid*, vel sic, *quicquid* substantivum est. *Quicquid virtutis, quicquid gaudiorum*.
- Ibidem*. *Quodcumque* adjectivum est, ut, *quodcumque selum, quodcumque donum, &c.* Similiter differunt *quod* & *quid*.
1. 1. c. 13. & 1. 3. c. 16. *Quid*, primo in quo; ut, *quid te læsi? Quid de te male merui*, id est, in quo. Secundo, cur. *Quid tristis es?* id est, cur. Simili modo accipitur *nihil*, id est, in nullo vel ob nihil. *Nihil me læsisti*.
1. 3. c. 16. & 63. *Quidam* unum certum hominem significat; *Vocat te quidam*, non aliquis. *Quispiam*, aliquis, significant unumquemlibet. *Veniat huc quispiam*, vel *aliquis vestrum*, non quidam vestrum. *Quisquam* amat orationem interrogativam aut negativam. *Num debeo tibi quicquam? Non reperies quemquam*. Eiusdem fere naturæ est *nullus*.
1. 6. c. 60. *Quotannis*, id est, singulis annis, vel de anno in annum. Non autem usitate dicitur, *quos diebus, quos horis, quos mensibus* pro singulis horis, diebus, mensibus.
- In Rauden. *Quilibet* non universale, sed indefinitum est. Quintilianus: *Quamdiu quilibet unus ex civibus superfuerit*, id est, unus aliquis, quicumque sit ille. *Voca quemlibet*, id est unum quemvis.
- In Rauden. *Qui*, quum est ablativi casus, duobus tantum modis ponitur. Aut cum præpositione, postposita cum, ut, *Quicum loquitur Petrus? Nemo est quicum vivere malim, quam tecum*, id est, cum quo. Aut interrogat, quod exponitur per quomodo: *Qui potuit dissimulare?*
- In Rauden. *Quadruplator*, est qui ex delatione quartam partem bonorum dampnati expectat.
- R.
1. 5. c. 18. *Rationem habere*, cum genitivo significat respectum habere. *Hactenus honestatis rationem habui, nunc commodi habenda est ratio. Habe fama tua, habe salutis rationem*. Et hoc modo capitur semper in bonum. *Rationem habere* cum præpositione cum, significat habere commercium. *Quando hominum fides periit, cum solis literis rationem*, id est, commercium, *habebo*. Cum nemine, nisi cum Deo, *rationem habe*, qui solus fallit neminem. *Ratio constat*, id est, facile aut ratio ostensa est, aut

A posse ostendi apparet. *Plinius: Mihi & tentandi aliquid & quiescendi illo auctore, ratio constat*.

Rapere, primo auferre vi. Inde *rapina*. Secundo *virescere*: *Etiamsi non auferat virginem*. Seneca: *Rapta raptoris, aut mortem aut indotatas nuptias petas*.

Præripere est eripere, sed in suos usus. *Præripuit illi palmam, gloriam, laudem*. *Præripere* interdum significat ante capere, sed fere in passivo. *Immatura morte præreptus*. De priori significato exemplum. *Mane illi surgendum censeo, qui tibi partes præripas tuas*. *Eripere* idem significat, sed non in suos usus. Cicero: *Eripuisti mihi omnes bene vivendi facultates*. *Eripuit illi vitam*. *Eripere* cum ablativo, significat liberare. Virgilius:

Eripe me his invictis malis.

Recalvaster, qui fronte calva est.

Repetundarum & *repetundis* tantum dicitur, nec habet plures casus. *Accusatus est repetundarum*, supple pecuniarum, vel de *repetundis* pecuniis: aut intellige quacumque res pretiosas. Competit in eos hæc actio, qui in magistratu gesto surripuerunt pecuniam, aut alia.

Refert & *interest* impersonalia, junguntur ablativis his: mea, tua, sua, nostra, vestra, cuja. Cæteris in genitivo. Adduntur nomina mensuræ in genitivo hæc: tanti, quanti, magni, parvi. Cætera adverbialiter junguntur. *Cuja refert de hoc pronunciare? Mea, vel Petri. Quanti tua refert? Mea magni refert, quibus adolescens assuecat moribus. Plurimum interest omnium cuiusmodi sit princeps. Additur & genitivus. Vestra omnium, nostra omnium refert. Tua ipsius, mea solius, aut unius refert*.

Relativum nonnumquam dissidet a suo antecedente, sed convenit cum substantivo sequenti in genere & in numero. *Est locus in carcere quod Tullianum appellatur*. *Omnes barbari (qua maxima hominum turba est) literas vident*. Item relativo nonnumquam respondet dictio, cum deberet respondere sequenti substantivo. Virgilius:

At puer Ascanius, cui nunc cognomen Iulo:

pro Iulus. *Scipio cui Africano fuit cognomen*. Relativum nonnumquam causa venustatis convenit cum antecedente in casu. Sed hoc modo fere præcedit relativum antecedens, ut, *quas ad me dedisti literas, fuere suavissimæ. Quem mihi commendasti hominem, fratris loco eris: hominem pro homo*. Poetæ relativum postponunt. Virgilius:

Urbem quam statuo vestra est.

Refero tibi, id est, narro tibi. *Referam tibi eventum meum*. Secundo, *Retulit mihi literas tuas*, id est, pertulit. Tertio, *Refero ad te de his rebus*, id est, propono in consultatione. *De gravibus causis ad magistratum referre*, id est, magistratum consulere.

Refero tibi acceptum, id est, fateor me abs te recepisse, & capitur tum in bonum tum in malum. *Si quid in me virtutis, si quid literarum, &c. tibi debeo, tibi acceptum refero*. *Omnia mala, in quibus jam olim hæreo, tibi accepta refero, sive fero*.

Retuli expensum, id est, rationem de impensis confeci, vel exhibui: ut, *œconomus Evangelicus jubetur referre expensum*.

Reperire, est casu offendere non quæsitum; ut, *reperi Petrum hodie in foro*, id est, offendi, vel obvium habui. *Res multum diuque quæsitæ, sæpe ubi quærî desierint, ultro reperiuntur*.

Repere, notum. *Reptare*, sæpe accipitur pro lente & tarde ire, ut qui spatiantur in hortis. *Plinius: Frequentior currentibus, quam reptantibus lapsus est*. Horatius:

Es sylvas inter reptare salubres.

Ereperere, lento incessu & difficulter perficere iter.

Regionatim, per singulas regiones. *Oppidatim*, per singula oppida. *Provinciatim*, per singulas provincias. *Summatim*, id est, in summa, vel per summas.

Resciscere, est rem postquam gesta est scire, quam nesciebas quum gereretur. *Si magister resciverit, uterque vapulabimus*. *Rescivit omnem rem*.

Resibilis ager, qui singulis annis feritur. Cui contrarius est novalis.

Reus est, non qui nocens, sed qui accusatus atque in iudicium vocatus. Unde & *actor* & *reus* vocantur in iudicio.

re, pro accusatore & accusato, etiam si sit innocens. Inde reatus.

l. 5. c. 63. *Refigere*, est quod fixum est educere. Horatius: *Quamvis clypeo Trojana refixo Tempora restatus.*

Idem:

Refixa calo devocare sidera.

Pythagoras enim in templo clypeum fixum muro columnæ, detraxit, dicens se illum illic fixisse olim, cum anima sua habitaret in Euphorbo, tempore belli Trojani. Et Cicero legitur tabulas Clodianas *refixisse*, id est, fixas eduxisse vel detraxisse.

l. 5. c. 53. *Retegere*, est aperire quod tectum erat, *Caveretegas* qua nobiscum gesta sunt. Juvenalis:

Si tibi zelotypa retentantur scrinia machæ.

Ibidem. *Retexo*, is, ere, quod textum erat dissolvo. *Quid facias?* Sic homo est, non potest retexi aut recudi.

l. 5. c. 63. *Recludo*, quod clausum erat aperio. *Domum revertens, arcem meam reclusam reperi, furtum suspicabar.*

Ibidem. *Revelare*, est tollere velum.

In lib. de reciprocis cap. 3. *Resigno*, quod signatum est relaxo vel patefacio. *Reciprocum* dicitur, quod eo redit unde prodiit. *Spiritus reciprocatur*, cum rursus reformatur. Et unda a littore excussa, rursus litus alluens, *reciprocari* dicitur. Et horæ *reciprocantur*, cum expleto legitimo cursu, rursus ad pristinum ordinem redeunt. Haud aliter pronomina *reciproca* ad id unde prodierant, revocantur, hoc est, ad agentem. Duo sunt pronomina *reciproca*: Alterum primitivum, quod vocant, *Sui*, *sibi*, *se*, *a se*, generis omnis & utriusque numeri. Alterum possessivum, *Suus*, *sua*, *suum*. Reciproco pronomine nunquam Latine utimur, nisi aliquod præcesserit nomen in eadem oratione, aut altera unita per copulam, ad quod referatur. Nam, *vis patrem suum*, *Pone ad pedes suos*, *Dedit sibi*, &c. Pro *illius*, *eius*, & *ei*, barbare dicuntur. Dixi, aut altera unita per copulam: nam, *Obsecraui me ut se adjuvarem*. *Petisti me ut suo filio opuscularer*: Latine dicitur. Sed si tollas copulam, barbarissimus erit: ut, *Petrum semper amavi*, *filio suo non tam bene cupio*: non Latine dicitur.

Ibidem. Error vulgi utentis vel abutentis *sui*, pro *eius* & *illius*, partim inde profectus est, quod nonnulli auctores his abusi videntur: Partim, quod ita obscure uti sint, ut minus periti nequeant perspicere, ad quod fiat reciprocatio. Interdum tamen Latine pro *sui* & *suus*, licet uti *ipsius*, *eius*, vel *illius*: & maxime amphibologiæ vitandæ causa, nonnumquam varietatis aut ornatus gratia. *Omnes optant quod sibi utile est, tibi, ipsi*. *Ille repeti quod suum, sive ipsius est*. Hæc indifferentia sæpe fit interveni præpositionis, sed crebrius per *ipse* quam *is*. Quintilianus: *Quamquam aliquis reperitur, qui ne id quidem quod in ipsos recidere posset, evitent*. Hæc autem præpositio *inter*, id habet peculiare, ut si antecesserit genitivus, dativus aut ablativus, semper liceat uti *ipse* & *sui*. Si præcesserit accusativus aut nominativus, reciprocum postulat. Cicero: *Nec mihi caterorum iudicio videtur solum, sed etiam ipsorum inter ipsos consensu*. Id de genitivo exemplum est, nunc de dativo. Quintilianus: *Circa quem inexplicabilis & Grammaticis inter ipsos & Philosophis pugna est*. De ablativo. Idem: *Nam in magnis quoque auctoribus incidunt vitiosa aliqua, & a doctis inter ipsos etiam mutuo reprehensa*. Exempla de nominativo & accusativo. Cicero: *Quod inter se omnes partes quodam lepore consensunt; non inter ipsas*. Idem: *Damonem & Pythiam Pythagoreos ferunt hoc inter se fuisse animo; non inter ipsos*. Id quod dictum est de primitivo, itidem fit in possessivo *suus*. Tamen hic nonnulla differentia est, eam vide. Si substantivum reciproci *suus*, respicit ad suppositum verbi, id est, nominativum, qui præcedit verbum, tum elegantius utimur *suus* quam *ipse*, aut *eius*: ut, *miseretur nostri Deus propter suam clementiam*. *Inclamat me ante domum suam*: potius quam *eius*. Si substantivum respicit ad oppositum verbi, id est, obliquum qui sequitur verbum, tum præstat uti *ipse*, is, quam *suus*: ut, *Ejeci columbam e mido ipsius*. *Alloquutus sum Petrum ante domum eius*, potius quam *suam*. Tamen nec ratio, nec auctoritas vetat contrarium fieri. Si tamen appositum adjungatur adjectivum aut verbum, ad quod fiat reciprocatio,

In lib. de reciprocis cap. 8.

suus utendum est, non *ipsius*. *Video columbam tristem in In lib. periculo pullorum suorum*. *Suus* possessivum non semper de reciprocis. cap. 12. reciproce accipitur, sed interdum proprius: ut, *Suus cuique mos est, sua cuique sententia*. *Trahit sua quemque voluptas*. *Phabo sua semper apud me Munera sunt*. *Sua cuique reddenda sunt*. *Vivit cum suis*. *Inventus est inter suos*, &c.

Rhetor, qui profitetur Rhetoricam artem, sicut & *Grammaticus*, &c. *Orator*, qui causam agit in concione aut in iudiciis, qualis fuit Cicero noster. *Declamator*, qui aut in scholis, aut secum fictam causam agit, ut possit veram rectius agere. *Declamare* est exercere se in orando fictæ. Inde Declamationes Quintilianii.

Ridiculus, a, um, adjectivum, non substantivum. *Res ridicula*, id est, digna propter quam rideatur. Juvenalis:

Nil habet infelix paupertas durius in se,

Quam quod ridiculos homines facit.

Ripa, est extremitas terræ, quam aqua fluminum, in *Ravi* torrentium rivorumque alluit, & potest esse alta. *Littus* den. est maris. Poetæ tamen confundunt.

Rosarium vel *rosetum* pro eodem, locus rosis confusus. *l. 1. c. 6.*

Rursus, iterum vel e contrario. *Olim te oravi, rursus l. 2. c. te oro*. *Improba muliere nihil nocentius, rursus proba nihil dignius*. *l. 2. c. 56.*

Rumor & *fama* idem significant, scilicet, aliquos sermones in populo, incerto auctore, de re nova. *Fama* tamen interdum inveterata est, ut Aufonius:

Fama est fictilibus canasse Agathoclea Regem.

Rumor Latinum est. *Fama* Græco ductum.

S.

Sane, id est, certe, affirmat. *Ita sane est*. Secundo, *l. 2. c. valde*, ut, *Vir sane literatus*, id est, valde. *Adolescens sane nobilis*. Tertio permissive accipitur. *Sit sane ita ut ais*. *Sim sane male de te meritis*, id est, esto, sit ita ut vis.

Sarcina, res simul compositæ, ut qui iter faciunt, *l. 4. c. sarcinas portant*. Qui in aliam domum immigrant, *sarcinas componunt*. *l. 4. c. 56.*

Salus est sylva invia, nec viatori pervia, in qua pecudes æstivare solent. *Sylva* generalius est nomen, & solet esse cædua. *Lucus* non cæduus, id est, non cæditur, aut succiditur, sed est consecratus alicui Deo, aut funeri. *Lucus Martis*, *Lucus Diana*. Solet enim apud veteres esse magna religio lucorum, quod Judæis vetitum erat. *Nemora*, voluptatis gratia comparata sunt, & plena voluptatum, ut fontium, umbraculorum aut similium.

Saluber vel *salubris*, dicitur qui præbet sanitatem. *l. 4. c. Aer saluber*. *Posus salubris*. *Somnus saluber*. *Vinum male habentibus salubre non est, sanis saluberrimum*. Sed *sanus*, qui accipit & tenet sanitatem. *Sanus homo*. *Sana mens*. *Sanum corpus*. Dicitur tamen *salubre corpus*, bonæ valetudinis, non homo *saluber*. *l. 4. c. 88.*

Satiare ad omnes sensus attinet, & transfertur sæpe ad animum. *Saturare* ad gustum tantum pertinet: & hoc confunditur. *l. 5. c. 78.*

Salio, *salis*, *salire*, est saltum facere; ut, *cicada salit*. *Catus salit*. Tamen invenitur pro *salto*. *Saltare*, ducere choros. Ovidius: *l. 5. c. 103.*

Si vox est, cantu: si mollia brachia, salta.

Inde *saltatio* & *saltatus*, chorea. Nam *saltus* a *salio*, significat aliud. Invenitur & pro inire coitu. Unde & *salaces* dicuntur libidinosi.

Salve dicitur tam advenientibus quam quos relinquimus. *Salve pater*. *Salvum te advenisse gaudeo*. *Saluta-* *mus* etiam in fine Epistolarum. *Vale* est usitatus. *l. 6. c. 30.*

Scaber, a, um, id est, fordidum, etiam si non sit asperum contactu. *Dentes, ungues sordidos, scabros dicimus*. *In Ramo den.*

Scorpius scorpii, non scorpio scorpionis ita Valla. Imo utrumque invenitur, ut *pavo* & *pavus*. *In eundem.*

Sciscitari, percontari. *Sciscitare* ex patre quomodo se habeat. *l. 5. c. 61.*

Scurra, qui captat risum ab audientibus non salva dignitate personæ. Inde *scurrari*, scurram agere. *l. 4. c. 51.*

Scilicet & *videlicet* significant certe, sed frequenter cum

cum quadam amaritudine & irrisione usurpantur. *Id patri cura est, scilicet. Tu alios docebis, scilicet, qui ipse docendus es.* Secundo capitur affirmative. *Petre, tunc cras rediturus es huc? Scilicet.* Tertio, cum enumeratis multis confuse, definimus per, *scilicet. Quatuor sunt virtutes cardinales, scilicet, iustitia, &c.* Sed hic modus vix apud doctos reperitur. *Videlicet usitatus.*

1. 9. c. *Scala* *scalarum*, tantum pluraliter dicuntur, licet quidam singularem usurpent: a *scandendo*.

1. 1. c. 8. *Sculptile*, quod sculptum est. *Statua sculptilis*, ut fusile & fictile.

1. 1. c. 30. *Scitus, sciens*, active significat, *Scite respondet.* Secundo *scitus*, bellus aut elegans. Terentius: *Scitus puer natus est Pamphilo. Scite*, id est pulcre. *Scite tu quidem pingis, sed charta tua perfluit.*

1. 1. c. 6. *Seminarium* & *semen* idem sunt, ut planta & plantarium.

1. 1. c. 2. *Señor*, qui accusat alium, & ex damnatione ejus expectat dimidiam partem bonorum ejus.

1. 1. c. 8. *Señile* quod natura dissectum est, ut *señile porrum*.

1. 2. c. 46. *Secundum* præpositio, primum significat post. *Cicero: Proxime autem & secundum Deos homines hominibus maxime utiles esse possunt.* Secundo, juxta: *Petrus secundum aurem vulneratus est*, id est, juxta aurem. Tertio, pro: ut, *Secundum me judica*, id est, pro me. Quarto, in: *Secundum quietem*, id est, in quiete somni. Dicitur etiam, *secundum Platonem*, id est, ex sententia Platonis.

1. 4. c. 6. *Senes*, qui multos habent annos. *Veteres* qui priore & ante nos ætate fuerunt, licet non attigerint senium. *Antiqui*, utrique dicuntur, sed magis veteres quam senes. *Veteres auctores*, id est, prisca, non senes vel antiqui duces. *Senibus deferendum est*, vel antiquis, non veteribus. Tamen *vetulus* pro sene videtur posse accipi. *Senium, senectia, senectus*, idem significant, nisi quod *senium* pro tristitia usurpatur. *En pallor, senium.*

1. 4. c. 24. *Sementis* est satio vel seminatio ipsa, non semen. *Ut sementem feceris, ita & metes.* *Seges* est eorum seminum, ex quibus conficitur panis, nondum demessa. Capitur a Poetis interdum pro terra subacta. *Fruges* videlicet loco suo.

1. 4. c. 63. *Seditio*, tumultus populi.
1. 4. c. 84. *Senator*, qui aut est Senator, aut fuit. Nam *Senatorius* non dicitur nisi possessive: ut, *Senatoria dignitas, Senatoria domus.*

1. 4. c. 107. *Sero*, post tempus. *Sero pulsem coxeris agro visa defuncto. Sero consulis quid fieri oporteat re jam peracta.* *Seneca: Sero parsimonia in fundo.* Secundo, tarde.

Serotinus, id est, vespertinus, (ut quidam volunt) *Hora serotina.* Aut *serotinum* quod sero provenit. *Serotina nova, serotina ficus, serotina fruges*, id est, quæ tardius maturescunt quam legitimo tempore. *Præcoques & præcoquas*, vide loco suo.

1. 5. c. 6. *Sedet* homo solus, & simia ex terrestribus. *Aves sedent in alto*, ut in culmine tecti, in arbore, in capite hominis, & cæter. *Sedet* quod quadrat, & *sedet* quod fixum est animo. *Hac sarcina non sedet humeris meis. Etsi ista sententia sedet animo.* Ita *sedes* in qua *sedemus*: & *sedes* regio, in qua habitamus. *Frequenter alibi nati, alibi sedem habuerunt.*

1. 5. c. 48. *Sententiam dicere* est Consilium. *Dic sententiam tuam. Sententiam dicere*, nonnumquam est ferre sententiam. *Iniquissimam dixit vel tulit in eum sententiam. Dicere leges*, vel *jus*, est iudicis. *Ferre legem*, est ad populum deferre.

In Rauden. *Serum* sive *sebum*, pingue durum. Unde *candela sebacea*.

Seriosus non dicitur, sed *serius*, a, um, id est, gravis, severus. *Sed tamen amoto quaramus seria ludo. Serio*, ex animo.

1. 1. c. 5. *Siliquastrum*, est siliqua sylvestris, ut sterilium avenarum. *Siliqua* est tunica hordei, vel nomen arboris.

1. 2. c. 15. *Siquidem*, una dictio, prima brevi, idem quod namque; ut, *Qui præceptores non colit, plane impius est: plus enim illis debemus quam parentibus, siquidem ab his vive-*

re accepimus, ab illis bene vivere. Si quidem, duæ dictiones interdum sunt; ut, *Pulcherrimum tibi ingenium natura contulit, si quidem tu excoleres.*

Sin, idem valet quod *si*, nisi quod semper in secunda parte ponitur: *Si*, in priore. *Si literis studiose incumbas, maximam tibi gloriam comparabis: sin inertia vacare malis, id senties posterius.* Imperiti utuntur *sin* autem pro *si* non, sed barbare. *Sin minus, sin aliter* dicendum est, non, *sin* autem.

Simul geminatum, videtur significare quod, & geminatum; ut, *frequenter ad me scribe, simul ut, quæ est in te, dicendi facultatem exercitatione augeas, simul ut meum tui desiderium leves.* Una raro hoc modo invenitur, nec *Pariter* quidem.

Sicubi, id est, sialicubi, duo verba postulat. *Sicubi te hodie offendero, non evades.*

Sicunde, id est, sialicunde, duo verba postulat, ut *ibidem*, *sicubi*.

Sinus, est intra complexum brachiorum & pectoris. *Abconde in sinu. In tuum sinum inspuet, & facile aliis exprobrare desines.* *Gremium* vide loco suo.

Signa præter vulgarem significationem, significat opera fusilia, aut sculptilia, aut hujusmodi ad effigiem animalium fabricata.

Sisto, primo facio stare. *Siste gradum, siste lacrymas, siste fugam.* Secundo, repræsentatio ut maneat. *Siste illum iudicio. Fuit eum iudicio sisti.* Inde *stator*, oris, dicitur nuncius Consulis, &c. aut similis persona. *Statorem* etiam Jovem vocamus a *sistendo*, quia Romulum orantem, ut fugam suorum sisteret, adjuvit. Habet *sisto statum* in supino, ut *sisto, steti, statum*.

Sido, is, ere, prima longa, tendere deorsum. *Ova ibidem plena sidunt in aquis. Aves sidunt, cum ad sedendum in arbore, devolant. Mare subsidit*, cum decrevit: *Ertumor animi subsidit. Sido* tertiæ conjugationis est, & mutatur præteritum a *sedeo*, habet enim *sed*. *Subsido, desido, resido, subsedi, desedi, resedi.*

Situs, significat primo qualitatem loci. Secundo, prædorem, id est, sordes & illuviem, quæ est in locis pacis, ut in carceribus & penariis. Transfertur ad animum & ingenium, quod dicitur sibi quemdam *contrahere situm* solitudine & otio.

Simultas, est mutuum odium, sicut amicitia mutua benevolentia. Nam odium potest esse unius hominis. *Rancor* non est Latinum, neque Græcum, neque Hebræum, sed Raudense.

Solutilis, est quod facile solvitur: ut, *navis solutilis*, quæ non est fideliter compacta.

Somnus. Composita hujus verbi quædam sunt secundæ declinationis, quædam tertiæ. *Semisomnus* frequentius invenitur. *Semisomnus*, qui non perfecte dormit, quales sunt recens expectati. *Insomnis* tertiæ declinationis, dicimus pervigil. *Totam pene noctem insomnem egi*, id est, sine somno.

Socius socio est, non comes comiti, sed duci. *Socius* plerumque est in rebus seriis, & fortunæ subjectis. *Turpe est se illi in prosperis socium adfuisse, & in afflictis deferere. Socius studiorum. Sodalis* plerumque est in rebus levioribus, in conviviis, in lufibus, &c.

Solacium, ipsa consolatio, sed in rebus ipsis est. *Solacium est miseris socium habere miseria. Solamen*, idem est, sed magis apud Poetas tritum. *Consolatio* fit verbis. *Qui se in miseriam mittit, ipse se consolatur necesse est. Ipse me consolor.*

Solstitium, est cum sol in centro stat, id est, neque ascendit, neque descendit in Zodiaco.

Sollicito te, id est, metum, semper tibi ostendo, ut *sollicitare plebem. Velinquo, & curam injicio.*

Spectaculum, quod spectatur, ut ludum funambuli, aut jaculatorium, *spectaculum* dicimus. *Non hoc ista sibi tempus spectacula poscit.* Secundo, ipsa spectatio. *Filium præsentem matre trucidatur, o acerbum spectaculum.* Tertio,

1 Adde: & tacitis cogitationibus, ut subjecta exempla suaderent.

2 Dicendum fuit in Tropico, cum neque ad Septentrionem accedit, neque ad Meridiem recedit, aut certe accedere aut recedere non videtur. Res est pueris nota. Forte scriptum fuerat in Cancro, hoc est, in signo Cancri.

locus unde spectatur: *sedebat in spectaculo, & de spectaculo decidit.*

l. 5. c. 47. *Spero & confido tam de præsentis & præterito, quam de futuro. Quia mea sit sententia, spero te intelligere, id est, credo. Confidimus rem nostram tibi curæ esse. Confido fore, ut te de me bene meritum esse non pœnitet. Cætera nota sunt.*

In Radom. *Sphæra, undique rotunda, Latine orbis. Specula, est locus unde fiunt excubiæ, ne hostes veniant.*

Sperma Græcum, nihil aliud est quam semen Latinum. De semine, Græce de *spermate Abraham.*

l. 1. c. 8. *Struſtilis*, hoc est, quod constructum est multis lapidibus. *Struſtilis* columnæ.

l. 4. c. 29. *Streptus*, primo significat sonum qui fit ex collisione multarum rerum, & ex confusione vocum in unum, seu pedum ambulantium, ut in exercitu. Secundo capitur pro fastu & pompa divitiarum, & strepitu comitantium.

Ibidem. *Stridor*, est acrior & quasi sibilans collisio, ut, cardines dicuntur *stridere*. Et *stridor demium*.

Strues, est proprie acervus lignorum.

Strages, est multitudo cadaverum interfectorum humi jacentium.

l. 4. c. 113. *Stultus*, qui improvidus & imprudens est. *Multi sapientes fulte agunt*. Ergo non a natura est *stultitia*. *Fatuus* naturæ vitio non sapit. Unde & *betas fatuas* dicimus, quod natura insipidae sunt, non stultas. *Stultitiam* Rhetores appellant, quum quis dicit quæ causæ efficiunt quam tuetur.

Stolidus, qui proxime accedit ad naturam brutorum. *Fatuus* qui nihil sapit. Videtur esse a natura. *Cibi fatui*, qui non sapient.

l. 3. c. 6. *Stare*, est fluvii cum stagnat, Solis cum in cancro est, Juris cum clausum est forum. Unde solstitium & justitium. Aves item in aëre non volantes *stant*. Homo *stat*. Pisces *stant* in aquis cum pendent immobiles. Præterea omnia erecta *stant*, crines, arbores, &c. Transfertur ad res animi. *Stat sententia*.

l. 6. c. 22. *Stella*, singularis est. *Sidus* idem significat, sed interdum usurpatur pro signo compacto ex multis stellis: ut *aries*, *taurus*, &c. Inde *sidus hibernum*, id est, signum hibernum.

Stuprum, est omnis coitus lege vetitus, cum nupta, cum virgine cum cognatis, cum Vestalibus. *Adulterium*, est cum nupta. Igitur omne *adulterium* est *stuprum*, sed non e diverso. *Incestus* cum virgine sacra, aut proxime cognata committitur.

l. 6. c. 46. *Stragulum* vel *stragula*, vestis est, quicquid insternitur vel lecto, velequo, vel alii rei, quod in festis ante altare sternunt in pavimento, *stragulum* rite vocabimus.

Sternere, deicere est, & hujus verbi significatum invertitur, *sternimus* ramos humi, *sternimus* vellem lecto. Tamen frequentius dicitur: *sternere humum floribus*, *ramis*. *Sterne equum stragulo*. *Sterne mensam mappis*.

Strophium, est panniculus delicatus ad tergendas nares.

l. 1. c. 6. *Stipendiarii*, qui Principi aut Reipublicæ stipendia solvunt. *Stipendiati*, stipendio conducti.

l. 1. c. 5. *Surdaster* diminutivum a *surdus*.

Sutis, id est, confusus. *Sutis cymba*.

Supina in tum, si addatur *ire* vel *iri*, futurum significant, cum quodam motu præsentis: *ire* active, *iri* passive: ut, *Video operam in te meam perditum iri*. Scio magis *restituere*.

l. 1. c. 29. *Supina* in tum, a verbis passivis oriuntur, sicut illa ab activis: nec significant motum de loco, vel actum, ut barbari volunt, *Venio lectu*, a *legendo*: sed passive significant, & junguntur adjectivis tantum. *Dignum auditu*. *Miserabile visu*. *Absurdum relatu*. *Difficile creditu*, id est, ad credendum, vel ut credatur, &c.

l. 2. c. 80. *Subinde*, primo inde, vel deinde, statim. *Si negabit, subinde illi testes proferto*. Secundo identidem, id est, frequenter, cum quodam intervallo: ut, *lepus cum canibus insectantibus premitur, subinde respicit*. *Identidem* pro

1 Adde aut *Capricorno*; neque enim minus est solstitium hibernum, quam æstivum.

A eodem capitur. *Quid tam subinde vultum mutas*, id est, quid nunc hilarem vultum, nunc tristem ostendis? *Subinde loquelam mutat*, vel *identidem*, qui nunc Græce, nunc Latine, nunc Gallice, nunc Teutonice loquitur. *Polite scribere cupientem, necesse est calamum identidem vel subinde reparare*. Galli gallinacei inter bibendum *identidem*, vel *subinde suspiciunt*.

Super, contiguitatem dicit. *Sedet super lapidem*, non *supra*.

Supra, non dicit contiguitatem. *Supra nos volas aquila, non super*. *Super*, relativum habet *subter*. *Supra* relativum habet *infra*.

Suburbanum in singulari & plurali significat prædium extra urbem. *Suburbana* in plurali, significat frequentias domorum extra urbem, quæ tamen sub urbe sint.

Sutrina officina sutoris, ubi fiunt calcæi. *Sutor*, qui calceos sinit.

Suffragia, sunt favores eligentium, ut in comitiis, in eligendo Episcopo. *Suffragari*, auxiliari, sed verbis aut calculo. Nonnumquam etiam factis. *Refragari*, id est, repugnare, sed proprie verbis.

Supplicare, est gestu, id est, complosione manuum, flexu poplitum, cervicis inclinatione, & item voce adorare. *Supplex* qui submittit se ut impetret.

Synecdoche Oratores maxime fugiunt, ut hæc oratio, *l. 3. c. 71* *pulcra facie*, potest multifariam dici. Petrus est *pulcher faciem*, & *pulcher facie*: & in his duobus modis est *synecdoche*, quare tantum triti sunt apud Poetas & Historiographos. Item dicitur, *Petrus est pulcra faciei*, vel *est pulcra facie*, sed extremum est ornatissimum. *Excelsus animum*, *excelsus animo*, *excelsi animi*, *excelsio animo*.

2 *Syncerus*, a *ov*, quod est *con*, & *cera*. Donatus *l. 6. c.* dixit *sine cera*, significat integrum, sine dolo, & *purum*.

T.

Tantum & quantum, tam & quam (quæ idem valent) positivis junguntur. *Tanto & quanto* comparativis: aut certe ante, post, aliter, alius, secus, &c. quæ habent vim comparativorum, *Litera tua tanto fuere gratiores, quanto diutius desiderata*. *Tam mihi carus es quam frater*.

Tamet, idem quod *et* si, jungitur tam indicativo quam subjunctivo. *Tamet* nihil novi hic fuit quod ad te scriberem, tamen aliquid scribere volui, potuit dici, *fuit*, vel *fuisset*.

Tantis adverbium temporis est, id est, *tam diu*, & *l. 2. c.* postulat post se *dum*, aut *donec*. *Tantis* *sine te detineri*, *43* *dum venis secundi stare coperint*. Sed barbari utuntur pro tantum vel tantillum, sed mendose.

Tanti, quanti, tantidem, quantilibet, quanticumque, *l. 3. c. 23* pluris & minoris, semper in genitivo junguntur, numquam in ablativo, his verbis, *Emo, vendo, venundo, vaneo, mereor, comparo, aestimo, taxo, licet, addico, distraho, metior, constat, conduco, loco, fœneror, paciscor, pangopigri, condemno, postulo*, & similibus. Cætera omnia nomina mensurarum, sive sint certæ, sive incertæ, junguntur in ablativo, & numquam in genitivo. *Quanti est emptus codex tuus? Respondebis magno, & non magno*. *Hic liber minoris emptus est quam tuus*, non, *pluri vel minori*. *Quanticumque alius aestimet, ego non magnifico*, non dicendum est *quanticumque*. Hanc rem *tantidem* tibi tradam, *quanti mihi constat*. Si interrogetur per *quanti*, respondebitur in ablativo. *Quanti emisti hunc librum? tribus stiferis*. *Quanti emptus est codex? magno vel parvo*. *Quanti ergo? tribus nummis*. *An pluris? Non pluris, imo minoris*. Si *tanti & quanti, pluris & minoris*, jungantur substantivis, ponenda sunt in ablativo, non genitivo. *Tanto precio emi, quanto tu*, non *tanti precii*.

Taberna, est locus ubi merces venduntur. *Taberna* *l. 4. c.* *vinaria, lanaria, olearia*, ubi dividitur oleum, lana. *44*

Tabula, interdum sunt opera Pictorum. *Tabula Apellis*.

Tandem, id est, post longam moram. Virgilius:

Tandem progreditur magna stipante caterva.

Tandem interdum habet urgens quiddam & accelerans,

Tom. 1. Bbbb eo.

a Vide *Vossium* in Etymologico, ubi *Vallam* confutat.

eoque fere per interrogationem. *Dic quid tandem est quod peccavi? Qua tandem ista audacia est, docere quod non didicisti?*

l. 3. c. 1. *Tantumdem & tantidem*, non habet alios obliquos. *Tantumdem*, æque tantum: sive tu proficias, sive non, mihi *tantumdem* commodi erit.

l. 1. c. 6. *Tectorium*, est incrustatio parietum. Transfertur ad omnem fucum.

Tenus præpositio semper postponitur suo casui, qui si sit singularis numeri, in ablativo ponendus est: ut, *capulo tenus*, *collo tenus*, *umbilico tenus*, *Nilo tenus*, *Æthiopia tenus*, id est, usque ad Æthiopiam, Nilum. Si dictio significat res geminas, aut caret singulari numero, tunc poscit ante se genitivum pluralem; ut, *aurium tenus*, *crurum tenus*, *clunium tenus*, non *clune tenus*.

l. 2. c. 40. *Temere*, inconsulte, vel sine causa, vel fortuito. *Prudentis viri est nihil temere agere. Quod hodie Joannes non venit, haud temere est*, id est, non sine causa. Capitur pro *fere*, vide in *Fere*.

Tenebras pro nocte accipimus nonnumquam: si tamen partem noctis dicas, rectius tenebris quam nocte uteris. *Primis tenebris*, si crepusculum significes. Sed ante noctem rectius, quam ante tenebras dixeris.

l. 1. c. 5. *Terebra*, *terebra*, format diminutivum *terebellum*, neutrius generis, instrumentum perforatorium. A *terendo*.

Therma Græcum est, significat locum ubi calescimus, non lavamur, ut in balneis. Tametsi sunt & calida balnea.

In Rationem. *Teter*, malus, insuavis: *hostis teterrimus*. Nihil hoc morbo tetrius, *tetro adspectu*, *teter odor*, *tetra voce*, &c. *Ater* significat nigrum.

Tempestivus, sui temporis. *Tempestive* adverbium, suo tempore. *Intempestive*, non suo tempore.

Tinnire, proprie est metalli; sicut enim homines sono, sic erat tinnitum dignoscimus.

In Rationem. *Tibicen* producta media, qui canit tibia. *Tubicen* prima acuta, qui canit tuba.

Tignarius faber, omnis qui ædificat. *Tigni* enim nomine omnis materia continetur, materia nonnumquam omne lignum continet. Contignatio dicitur solarium domus, sive stratum sit cæmento, lateribusve, sive non stratum.

l. 5. c. 34. *Titubare*, est pedibus non valentium insistere, quales sunt ebrii, infirmi. Transfertur ad animum & ad linguam ac sermonem. Solet plerumque sermo mentientis titubare. Inde *titubantia*, oris & lingua.

Timeo te, tanquam inimicum. *Timeo tibi*, ne quid mali tibi accidat.

l. 5. c. 13. *Tollo*, *sustuli*, significat accipere, vel habere ex aliquo. *Hic uxorem ex qua jam tres liberos sustulerat, repudiavit*. *Fœmina cum sit mater, parit*: Vir cum sit pater, *tollit* liberos. Secundo *tollere*, id est, educare. *Mater ab se infantem abiecit, pater abdicavit, amici sustulerunt*, id est, educaverunt. Terentius: *Quicquid peperisset, decreverunt tollere*. Tercio *tollere*, auferre. Virgilius:

Jubet & sublata reponi pocula.

Horatius:

Crudeles tollite claudum.

Tolle librum meum qui humi decidit. Quarto, in altum tollere. *Jam occidisset, nisi pater sublatum enssem a tergo detinuisset*. Epigramma in Neronem:

Quis neget Anea natum de stirpe Neronem?

Sustulit hic matrem;

id est, e medio tulit: *sustulit ille patrem*, id est, humeris extulit.

l. 1. c. 3. *Tortile*, distortum sive contortum, ut, *funes tortiles*. *Tornatile*, torno factum. *Poculum tornatile*. *Tornare*, torno polire. *Tornus*, est instrumentum tornandi.

In Rationem. *Toga*, est genus vestis Romanorum, sicut pallium Græcorum. Unde comœdias *togatas* dicimus, quæ e Græco non sunt traductæ. Et *palliatas*, in quibus personæ pallium habent.

Trajicio, verbum vehementissimæ transitionis, regit duos accusativos: ut, *Cæsar trajecit exercitum mare*, id est, transportavit trans mare. *Trajicio Isclam*, id

est, transeo Isclam. *Rheno trajecto Coloniæ intrabis*, id est, transito.

Triclinium est locus tribus mensis instructus ad convivandum, vel tribus thoris in quibus sedeant convivæ. Qui hujusmodi præest convivio, *architriclinus* vocatur. *Conclave* vide loco suo.

Tribules, dicuntur qui ex eadem tribu sunt, ut Romanæ olim fuerunt sex & triginta tribus. In Judæa, qui ex eadem tribu sunt, *tribules* vocantur.

Trieris est navis tres habens sessiones. Græca vox. Idem pene quod triremis Latine significat.

Tribunus, qui magistratum tribunatus gerit. *Tribunus*, qui tribunatum gessit, ut Consularis.

Triumphator, qui triumphat, aut triumphavit. *Triumphus*, est pompa illa celebris, quæ fit redeuntibus in urbem cum victoria.

Trophaeum, est monimentum victoriæ quod publico in loco statuitur, aut gestatur: ut apud Thebanos equus æneus monimentum victoriæ contra Lacedæmones.

Tum capitur pro *tunc*: ut,

Tum tua res agitur paries cum proximus ardet.

Quid tum? id est, quid tunc est vel erit? Secundo pro conjunctione æquante duas aut plures partes orationis, ut, *Petrus omnium artium peritissimus*, tum Logices, tum Rhetorices, tum Grammatices, id est, tam Logices, tam Rhetorices, quam Grammatices.

Turba, proprie & naturaliter significat perturbationem. *Quid intus turba audio? Cave ne quæ turba fiat*. Inde *conturbare*, perturbare, & *disturbare* &c. Secundo *turba* significat multitudinem hominum, eo quod vix sit sine turba.

Turbidus, a, um, est homo iracundus & commotus. *Aqua turbida*, id est, commota. *Turbidum*, id est, concitatum & conturbatum.

Turbo, *turbis*, non turbonis, ventus contortus, quia concitatur & murmurat in morem irati & turbati.

Tuapte, *meapte*, *suapte*, id est, mea propria. *Ignis suapte natura fertur in sublime*. Petrus suapte consilio negotiorum, non meo suasu aggressus est. Adolescentes suapte ingenio ad turpia labuntur, ad seria & honesta vix trahuntur. Tam mihi cura erit, quam meapte causa, id est, mea propria.

V.

Valetudo, tam in bonum quam in malum capitur. *Ne te inviserem, corporis valetudo impedimento fuit. Quæ valetudine es? Incolumi valetudine*. *Recta, sana, optima, fausta, prospera valetudine*: vel, *infausta, infirma, non recta, mala valetudine*.

Vale & in bonam & in malam partem accipitur, ut *vales?* Respondetur, *male valeo*. *Vale*, alias est vox abeuntis; *valeant qui inter nos dissidium quarunt*, id est, abeamus ab eis, & dicamus eis vale: non (ut quidam exponunt) pereant. *Salve* vide loco suo.

Vas, *vadis*, est qui sponsor est alterius in capitis periculo. Quod de Pythia & Damone legitur, quorum alteri cum tyrannus diem mortis dixisset, alter pro amico ad visendam matrem ituro, *vas* factus est: ita, ut si ille ad diem præstitutum non rediisset, hic capitis supplicium subiret.

Vadimonium, est sponsio die certo se in judicio, vel per se, vel per advocatos futurum.

Vadari, est reum vade vel vadibus mutare. Et jungitur accusativo. Livius: *Tot vadibus accusator vadatus est reum*.

Vacillare, est instabilem esse. Quintilianus: *Est & illa indecora in dextrum ac sinistrum latus vacillatio, alterius pedibus insistentium*. *Navis vacillat, litera vacillat, animus vacillat*, quum inconstans in diversa flectitur.

Vacare personale, duo significat, vacuum esse, id est, carere, & non habere. *Vacas culpa*, id est, cares. Et operam dare. *Vaco Philosophia*, *vaco literarum studio* &c. Cum nomine tantum significante actionem quamdam, sive qualitatem, adjungemus a præpositionem. *Vacas a labore*, *vacas a studio*, *vacas ab agricultura*. Secundo, *vacare* impersonale, significat vacuum esse, seu libe-

liberum, ut ita dicam: *Nunc dic si quid me vis, cras enim non vacabis. Si vacat tibi audire, rem omnem narra'o ordine. Inviserem te si vacaret*, id est, si vacuum ad hoc tempus esset.

1.1.c.5. *Ubertus*, id est, copiose. *Ubertus*, copia. *Quæstus uberrimus*. *Uber* pro copia invenitur.

1.2.c.8. *Vernaculus* a verna, servus est domi nostræ natus ex ancilla nostra, aut servo. *Vernacula lingua*, id est, ea quam domi didicimus.

Versus, præpositio, regit accusativum, sed semper postponitur suo casui. Romam versus. Componitur & dicitur adversus vel adversum. *Sursum versus*, deorsum versus, utroque versus. Si autem accedat alia præpositio ad, tunc versus adverbium est, ut, *ad occidentem versus*.

Va dativum postulat; *Va vitiis*.

Vero & *autem*, numquam in principio orationis ponuntur, sed semper necesse est antecedere unam dictionem. Porro, fere semper in principio orationis ponitur, raro post primam dictionem. Hæc tria idem significant.

1.2.c.24. *Vero* non jungitur huic verbo, non: ut, *amicus tibi sum, non vero assentator*, non recte dicitur: sed, non autem. Et quoties geminatur idem verbum, ut, *hunc doces, me non doces. Alienos curas, nos non curas*. Non recte dicitur: *tuos autem non curas*. Sed si verbum repetitur sine contrarietate, tunc licet uti *autem*, vel *vero*. *Sapies si id facies: facies autem si me amabis*. De autem vide loco suo.

1.2.c.36. *Velut, veluti, uti, quasi, tanquam, seu*, imaginem significant. *Sicut, sicuti, ut*, comparisonem & similitudinem. *Comedis tanquam canis*, imago est, non veritas. *Comedis sicut canis*, id est, *sicut canis comedit*. *Incedis velut rex*, id est, *velut rex esses*. *Incedis sicut rex*, id est, *sicut rex incedit*. Ut, tamen videtur esse commune omnibus. Una tamen figura est loquendi, in qua *sicut* & *velut* idem valent: ut cum enumeratis rebus, aliquid exempli causa subiungimus. *Quid est dementius, quam cum nihil discatur, præceptorem fallere, velut tu facis?* Omnibus quibus frigit sanguis, minus valet ingenium velut senibus &c. Uti, interdum pro ut capitur. Virgilius:

*Namque videbat uti bellantes Pergama circum
Hac fugerent Graji.*

Ita, veluti, sicuti. *Ceu*, magis Poeticum est. Item ut, junctum his verbis *Facio & commisso* &c. interdum non significat causam finalem actus, sed ipsum actum cui jungitur. *Fac ut in virum doctum evadas. Numquam committam ut scribendi officio abs te vincas*.

Vector, qui in aliena navi pro pretio vehitur. Aliquando pro eo qui vehit, invenitur.

1.4.c.18. *Venia*, pax sive ignoscencia. *Cum venia tua dixerō*, id est, concede ut libere vel audacter loquar. Secundo, licentia sive facultas. *Hodie dabitur nobis venia ludendi*.

Vescor, vesceris, est comedere, sed proprium est hominum. *Carne, casco, butyro vescor*.

1.4.c.39. *Vestigal*, est proventus ex aliqua re, sive privata sive publica. Cicero: *Non intelligunt homines quantum vestigal parsimonia est*. Fœnus vide loco suo.

1.4.c.93. *Venale*, id est, expositum venditioni. *Hac domus venalis est*, id est, proscripta. *Vendibilis res est*, quæ talis est, ut facile vendatur, ut sint *vendibilia mala*, id est, ut magis alliciant. Transfertur ad omnia quæ specie placent. Inde *venditare*, jactare.

1.5.c.3. *Vendicare*, est appropriare, ut barbare dicam, & meum dicere; ut, *Itali armorum gloriam, Graci sapientia laudem sibi jure vendicare possunt*. Hunc ego agrum mihi vendico.

1.5.c.10. *Venitare* est frequenter venire.

Vertex est contorta in se aqua. Transfertur ad summam partem capitis, eo quod illic in se contorqueantur capilli more aquæ, & ad summa juga montium.

1.6.c.47. *Verber*, est instrumentum longum & exile, quales sunt summitates farmentorum. Inde *verberare*, id est, percutere. *Verbera*, baculo, fuste, loro, flagello, ferula, percussione. *Verbera* inchoat in istibus accipiuntur, sed per translationem. *Pulsare*, vide loco suo.

A *Verseolor*, generis omnis, quod est vario colore infectum. Caudam pavonis, marmora, lynces, angues, *versicolores* dicimus. Irim *versicolorem* legimus; vestis quæ vario colore est, *verseolor* dicitur.

Vetator, servus est qui venditur in servum, quum prius apud alium servierit. *Novitius*, qui nunc primum incepit esse servus; vendebantur pluris novitii quam veteratores.

Vervex, est aries castratus.

B *Viso, is, ere*, ire ad visendum: verbum est inchoativum, non desiderativum, ut plerique volunt. Laurentius corrigit vocabula horum verborum. *Inchoativa*, ut *patesco, crebro, tremisco*, vocat *meditativa* sive *exercitativa*, ut qui *calefit*, id est, fit calidus, ille exercetur ad calorem, & habent eadem præterita quæ primitiva, *calui, frigui, paui*. *Meditativa* vocat *desiderativa*, sive *optativa*, ut *esurio*, id est, cupio edere, *parturio*, id est, cupio parere, *cacaturio*, id est, cupio cacare, *misurio*, id est, cupio mejere. Verba *desiderativa* vocat *inchoativa*, ut *facefco*, id est, eo ad faciendum, *lacefco*, id est, eo ad lacerandum, *viso*, id est, eo ad videndum; *vise ubi Petrus sit; vise aliquando ecquid valeamus*. Tamen hæc omnia sæpe pro primitivis usurpantur.

Vicissim, fere semper pro e diverso, vel e contrario legitur. *Quando tibi parui, superest ut tu vicissim tuo fungaris officio*. In eadem significatione invenitur *invicem* & *mutuo*: vide suis locis.

C *Videor*, rustici cum quod utuntur, *videtur mihi quod non ames me* &c. Sic dicitur, *videris mihi non amare me*. *Videor tibi stulte amare*. *Videtur mihi Petrus scribere*. *Videor tibi stulte agere; videor mihi videre; videmini nobis infulse dicere*.

Videas, videre licet. *Cernas, licet cernere*. *Videre est*, cernere est, idem significant; *videas nonnullos adeo sus ignaros, ut quo minus sciant, eo sibi plus arrogant*, hunc verbi modum Græci vocant *δυνάμειν*, id est, *potentialem*, quod non pronunciet aliquid fieri, sed ostendat quid fieri possit aut debeat. Eodem fere sensu dicimus: *videre est, cernere erat*. *Videre licet nonnullos adeo perverso animo, ut quod maxime vetitum est, id velint maxime*.

D *Vicus*, est pars urbis ædificata, vel frequentia villarum extra urbem, dicitur vicus.

Vicina est congregatio vicinorum, ut, *Hic nostra vicina nuper commigravit*. *Suburbanum* vide loco suo.

Villa, est domus in agro. *Eamus in villam nostram*.

Vindicare, primo significat ulcisci. Inde *vindex*, qui vindictæ cupidus est. Secundo, ab injuria defendere. *Tuliteras jam pene a barbaris oppressas, ab interitu vindicasti*. *Vindicare in libertatem*, est asserere.

Vistitare, est cum aliquo conversari, vel aliqua re vesci. *Tu libenter cum illa vistitas. Sarmata lacte vistitant; de victu vili proprie dicitur*.

E *Vistus*, hoc solum & omne dicitur quo vivimus: vestitus aliud est quam victus, juxta Grammaticos, non Jureconsultos. *Vistus* est genus vitæ quantum ad mores & convictum.

Visceratio, est convivium quod magnificentiae causa pluribus datur ex carne. Seneca: *Sine amico visceratio, den. leonis ac lupi vita est*.

Viriūm, id est, per singula capita. *Viriūm pugnare*, dimicare.

Utro & citro, tam ad dicta quam ad locum referuntur. Exemplum de loco: *Non decet Christianum in templis utro citroque commorari*. *Solent adolescentes in Ecclesia, ut puellis videantur, utro citroque deambulare*. De dictis: *Multus hodie inter nos sermo de tua causa utro citroque est habitus*.

F *Unus* interdum idem valet quod solus, & regit genitivum, ut solus, more superlativorum. *Plurima dicenda occurrunt, sed hoc unum omnium commemorasse sat erit*. *Hoc solum ex omnibus*. *Tu unus omnium amicorum reliquos, qui mihi in afflictissimis rebus opem ferre & possis, & velis*.

Volo & oportet, junguntur supinis aut participiis pro verbis præteriti vel præsentis temporis: ut, *Parenti morem gestum oportuit*. *Liberis consultum volumus*. *Nostra amicitia consultum volo*. *Huic mandes, si quid recte curatum velis*.

Tom. I.

Bbbb 2

Voci-

- Vociferari*, vide in *flere*.
Volare pro currere, vel festinare transfertur. *Fac ad me quam primum advoles*. *Volitare* pro discurrere transfertur. *Volitant* per forum, qui vagantur huc atque illuc.
1. 6. c. 63. *Volumen* a volvendo dictum est, tantum codicis quantum commodum est ferre manu, & legere. Liber est tanta pars operis, quantam auctor ingenio suo metiri voluit. Ut *Æneis* Virgilii in unum coacta codicem, unum quidem volumen est, sed duodecim libri. Tamen librum in singulari sine appposito pro codice licet accipere, sive volumen. *Habet librum in manu*, Sed non recte dicitur, *librum Virgilii* pro *Æneide* tota.
- Vomica* a vomendo, est tumor ille cutis, quo rupto effluunt humores.
- Utpote*, causalis conjunctio, vide in *Quippe*.
1. 2. c. 27. *Utrique & profecto* idem quod certe, affirmant. Sed utriusque frequentius apud posteriores: apud priores, Cicero nem & ceteros, fere numquam: sed *Profecto* plerumque adhibemus in responsione ad interrogationem. *Quis hac renunciavit?* *Utrique qui interfuit*. *Uter magis inopse est, an cui paulum, satis est, an qui omnia putat esse nihil?* *Profecto cui paulum, satis est*. Idem facimus per certe, nimirum, nempe. Interdum tamen citra interrogationem reperiuntur.
1. 3. c. 23. *Ut*, pro *utpote*, seu *quippe*. *Senes nemini fidunt, ut quibus omnia sunt suspecta*. Et pro, prout: *Magna habenda est gratia si quis quid reddat, ut nunc sunt mores*, id est, prout nunc sunt mores. *Satis moratus est Joannes, ut in hac ætate*, id est, prout sunt homines in ejus ætate. *Ut ne, interdum ponitur pro ne; ut, apprimè utile est in vita, ut ne quid nimis*. *Ut, pro quomodo: Ut valuisisti usque? Ut admirantis*. Horatius: *Ut gaudet insitiva decerpens pira*, id est, quam gaudet. *Ut pro, postquam*. Virgilius: *Ut vidi, perii*. *Ut execrantis: Ut illos Dii Deaque perdant*. *Ut concedentis per fictionem*. Juvenalis: *Servi ut taceant jumenta loquentur*. *Divitia, ut nihil aliud, morte eripiuntur*. *Ut, declarat causam finalem: Non vivendum ut edas, sed edendum ut vivas*. Quod idem interdum efficit, quo: *Christus factus est homo, quo nos faceret Deos*. *Ut declarat eventum sive consecutionem: Philosophi ex rebus conditis ac naturalis ratione cognoverunt Deum super omnia colendum, ut sint inexcusabiles, qui res conditas pro conditore coluerunt*. *Tenemus chirographum tuum, ut inficiari*

A non queas. *Ut*, comparat: *Ut sementem feceris, ita & metes*. *Ut*, ostendit exemplum: *Plus diligit, cui plus condonatum est, ut Magdalena*; quo loco licet ponere *sicut*, sive *velut*. *Ut* interdum accipitur *si dixeris*. *Fac ut valeas, Cura ut incolumis ad nos redeas*. Exprimit enim quid sit curandum. *Utut* geminatum, significat utcumque, sicut ubiubi, ubicumque. *Utut hac habeant, tamen faciam quod petis*.

Uter & neuter, uterque, de duobus tantum dicuntur. 1. 1. c. 13. *Uter utrum prior lacecessivis?* Vix Latine respondetur, *uterque utrumque*, sed, *uterque alterum*, id est, & hic illum, & ille hunc provocavit: licet apud auctores diversum reperiatur: Aut, *neuter alterum*, non *neuter neutrum*. *Uterque alterum odit*, id est, & Petrus odit Joannem, & Joannes Petrum, non *uterque utrumque*. *Neuter alterum amat*, non *neutrum*, id est, mutuo se odio habent.

B *Utor re illa*, in qua non constituo finem, sed alterius rei gratia. *Utor libro, utor tua opera, utor tuo consilio*. Inde *usus & abusus*. *Omnibus meis rebus ut tuis utere*. *Utor*, secundo significat converfor. *Petro viro literatissimo familiarissime utor*, id est, *utor* cum eo. Inde *usus*, familiaritas. *Ufus mihi tecum est*, id est, consuetudo. *Ufus*, tertio est utilitas vel fructus. *Quamvis istud sciam usui mihi non fore, tamen tua causa faciam*. *Fac intelligas Marcolphus meam apud te commendationem magno ipsi usui fuisse*. Inde dicimus, *ex usu tuo*, pro eo quod est in rem tuam, sive, e re tua. Vulgatissimum est *usum* accipi, pro more & consuetudine: Sicut consuetudo frequenter accipitur pro familiaritate. *Uti, frui*, verba sunt Jureconsultorum, quibus significant plenam facultatem utendi rei, cujus penes te non est proprietas. Item *usus fructus, & usu capio*. Juxta Rhetores, *utimur re* in bonam partem, *abutimur in malam*. Et *optimarum rerum abusus pessimus est*. Juxta Jureconsultos *utimur* iis quæ usu non per-eunt, ut qui equum commodato aut conducto accipit, utendum accepisse dicitur. *Abutimur* quæ usu pereunt, quæque mutuo accepimus, ut frumento, vino, oleo. *Fruor*, id est, delector re aliqua. Vide hoc loco suo. *Uti foro*, est se accommodare loco, tempori, rebus & personis: *Nescis uti foro*. Vide Chiliades Erasmi.

C *Utrum*, de duobus interrogat, cum adverbium est. 1. 1. c. 13. Cicero: *Utrum istud convertere est dicta Platonis, an pervertere?* *Utrum hoc est docere, an dedocere?*

F I N I S.

E U R I.

E U R I P I D I S
H E C U B A ;

L A T I N A F A C T A

D E S I D E R I O E R A S M O

R O T E R O D A M O

I N T E R P R E T E.

R E V E R E N D O I N C H R I S T O P A T R I
G U I L I E L M O
 A R C H I E P I S C O P O C A N T U A R I E N S I ,
 T O T I U S A N G L I Æ P R I M A T I ,
 & summo ejus Regni Cancellario,
 D E S I D E R I U S E R A S M U S R O T E R O D A M U S
 S. P. D.



U M in animo statuissem, Præful amplissime, vertendis Græcis auctoribus rem Theologicam, Deum immortalem quam indigne Sophisticis nugis depravatam, pro virili mea vel restituere, vel adjuvare, ne statim, juxta Græcorum adagionem, *ἐν τῇ πύλῃ τῆς ἀνέλευστης*, periclitari viderer, & ad tantum munus illotis (ut ajunt) pedibus irrumpere, visum est mihi prius periculum facere, quam non luissem operam, in utriusque linguæ studium insumptam, idque in re difficillima quidem illa, sed tamen profana, quo pariter & negotii difficultas ad meditationem conduceret, & si quid esset peccatum, citra Sacrarum Scripturarum injuriam solius ingenii periculo peccaretur. Itaque duas Tragædias, Hecubam & Iphigeniam in Aulide, Latinas facere sum aggressus, si quis forte Deus cœptis tam audacibus dexter adspiraret. Deinde quum viderem operis instituti specimen non displicere, viris utriusque linguæ callentissimis (quos profecto jam aliquot habet Anglia, liceat modo verum citra invidiam fateri, quovis in genere doctrinæ, vel Italiæ totius admiratione dignos) intra pauculos menseis, Musis bene juvantibus, ad umbilicum perduxī. Quanto cum sudore, id ii demum experientur, quicumque in eandem palæstram descenderint. Etenim quum illud ipsum, ex bene Græcis, bene Latina facere, sit ejusmodi, ut singularem aliquem requirat artificem, neque solum sermonis utriusque copiosa, parataque suppellectile ditissimum, verum etiam oculatissimum, vigilantissimumque, adeo ut seculis jam aliquot nullus exstiterit, qui in hoc munere omnibus eruditorum calculis probaretur: facilis nimirum est conjectura, quantum fuerit negotii, carmen carmine reddere, præsertim tam varium & inusitatum, idque ex auctore non modo tam antiquo, eoque Tragico, verum etiam mirum in modum presso, subtili, excusso, in quo nihil otiosum, nihil quod vel adimere, vel mutare citra flagitium queas; præterea qui in tractandis locis Rhetoricis tam creber sit, tam acutus, ut passim declamare videatur. Adde nunc choros, nescio quam affectatione, adeo obscuros, ut Oedipo quopiam, aut Delio sit opus magis quam interprete. Accedit ad hæc codicum depravatio, exemplarium inopia, nulli interpretes ad quos confugiamus. Quo minus admiror, si ne hoc quidem felicissimo seculo quisquam Itolorum ausus fuit hoc muneris aggredi, ut Tragædiam aliquam, aut Comædiam verteret, quum plures Homero manus sint admoliti, inter quos etiam Politianus ipse sibi non satisfecit: quidam Hesiodum tentarit, neque id satis feliciter: alius Theocritum sit aggressus, sed multo etiam infelicius. Denique quum Franciscus Philelphus (id quod post institutam interpretationem cognovimus) primam Hecubæ scenam in oratione quadam funebri traduxerit, sed ita ut nobis alioqui putidulis, vir tantus animi non parum adderet. Ego porro neque tantis exemplis, neque tam multis operis difficultatibus deterritus, magis quam Poetæ hujus suaviloquentia plus quam mellita, quam illi tribuunt etiam inimici, allectus, rem hætenus intentatam non sum veritus aggredi, futurum sperans, ut etiam si parum præstitissem, tamen candidi lectores vel hunc meum conatum laude aliqua dignum ducerent: porro maligniores saltem veniam darent operis tam ardui novo interpreti: maxime quod ad cæteras difficultates ipse prudens non mediocri pondus adjecerim, mea in vertendo religione, dum conor, quoad licet, Græcanici poematis figuras, quasque filum repræsentare, dum versum verfui, dum verbum pene verbo reddere nitor, dum ubique sententiæ vim, ac pondus summa cum fide Latinis auribus appendere studeo. Sive quod mihi non perinde probatur illa in vertendis auctoribus libertas, quam Marcus Tullius ut aliis permittit, ita ipse (pene dixerim immodice) usurpavit: sive quod novus interpretes in hanc malui peccare partem, ut supersticiosior viderer alicui potius quam licentior, id est, ut littoralibus in arenis nonnumquam hærare viderer potius, quam fracta nave mediis natare fluctibus: maluique committere, ut eruditi candorem & concinnitatem carminis in me forsitan desiderarent, quam fidem. Denique nolui, paraphrasten professus, eam mihi latebram parare, qua multi suam prætexunt incitiam, ac loliginis in morem, ne deprehendantur, suis se tenebris involvunt. Jam vero quod Latinæ Tragædiæ grandiloquentiam, ampullas, & sesquipedalia, ut Flaccus ait, verba hic nusquam audient, mihi non debent imputare, si interpretis officio fungens, ejus quem verti, pressam sanitatem, elegantiamque referre malui, quam alienum tumorem, qui me nec alias magnopere delectat. Porro certissimam in spem vocor, fore ut hic labor meus, quum adversus iniquorum calumnias sit egregie tutus, tum candidis, & æquis gratissimus exeat, excellentissime Pater, si tuo quoque calculo fuerit comprobatus, quem equidem in tanto ornatissimorum Principum numero facile mihi delegi, cui meas has vigilias consecrarem, ut quem unum perspexerim præter summum fortunæ splendorem, literis, eloquentia, prudentia, pietate, modestia, integritate, postremo singulari quadam erga bonarum literarum cultores benignitate, sic præditum, ornatum, cumulatam, ut istud Primatis vocabulum in neminem magis competat, quam in te, qui non solum officii dignitate, verum multo magis omnium virtutum genere primas teneas, idem & Regiæ aulæ præcipuum ornamentum, & Ecclesiasticæ dignitatis unicum fastigium. Quod si mihi contigerit, ut hoc meum studium probetur a viro tam probato, profecto nec hætenus exhausti laboris me poenitebit, neque gravabor in posterum majore conatu rem Theologicam adjuvare. Vale, & Erasmus in eorum numero adscribito, qui tuæ Paternitati toto pectore sunt addicti. Londini, 1 x Calen. Februarii.

G U I L I E L M U M

A R C H I E P I S C O P U M C A N T U A R I E N S E M

E R A S M I C A R M E N J A M B I C U M T R I M E T R U M.

*S*cito Poetas doctus appellat Maro
Cygnos, Guilielme Presulum eximium deus,
Res mira dictu, ut cuncta consensu novo
Vati, atque olori congruant divinitus.
Niveus utriusque candor, alter lacteis
Plumis, amico candet alter pectore.
Musis uterque gratus, ac Phoebus sacer.
Et limpidis uterque gaudet amnis,
Ripis adaeque uterque gaudet herbis,
Pariter canorus uterque, tum potissimum
Vicina seram mors senectam quum premis.
Sed, qui tenent arcana natura, negant
Audiri olorem, ni sonent Favonii.

*Elia-
nus
Gracur.*

Nil ergo mirum, barbaro hoc si seculo
Canorus olim obmutuit vatium chorus,
Quum tot procaces undique obstrepant Noti,
Boreaque tristes, invidorum & pinguium,
Nulli faventum provocent Favonii.
Quod si bonis clementer ingeniis tua
Benignitatis blandus adspiret favor,
Ita ut favit, tota statim Britannia
Vates videbis exoriri candidos,
Adeo canoros, atque vocales, uti
In alta fundant astra Cygneum melos,
Quod ipsa & aetas posterorum exaudiat.

A R G U M E N T U M H E C U B A E

P E R E U N D E M E R A S M U M.



POST everfam Trojam, Graeci solventes in Cherronesum, quae est e regione Thraciae, adpu-
 lerunt, ubi monumentum exstabat Achillis, in Troja sepulti. Illic quum rerum ordinanda-
 rum gratia dies aliquot egissent, jamque iterare navigationem appararent, Achillis umbra
 super tumulum visa, Graecos ne solverent, prohibuit, postulans, ut ante sibi Polyxena Pri-
 ami filia mactaretur, quam pater aliquando vivo despondisset, cujusque gratia a Paride ac Dei-
 phobo jaculo confossus interisset, id temporis quum Priamus puellam desponsam traditurus
 videretur. Itaque Graeci memores quam ille rem bellicam adjuvisset, statuentesque viri vir-
 tutem decorare, suffragiis decreverunt, uti Polyxena in ejus tumulo mactaretur. Datum
 est autem negotium Ulyssi, ut virginem deduceret, simulque vafricie facundiae suae, qua praeditus erat, Hecubae
 matri persuaderet, ne id factum ferret impotentius. Quo quum pervenisset Ulysses, reperit puellam ad necem
 paratam, spontaneamque, atque ultro matri suadentem, sibi optabilius esse decore emori liberam, quam foede
 vivere in servitute. Deinde dum occiditur filia, Hecuba famulam quampiam ad littus mittit, ut lavando Polyxena
 cadaveri aquam adportaret. Ea dum haurire parat, Polydori corpus offendit in littore jacens, nam Polymnestor
 Thracum Tyrannus, simul atque Trojae cognovit excidium, trucidatum puerum in mare abjecerat, quo nimirum
 auro potiretur, quod una cum filio Priamus ad illum miserat clanculum, quum jam periculum imminere videret,
 ne caperetur Ilium. Erat autem ingens auri vis, satisque idonea, qua Priami genus restitueretur. Hunc igitur Po-
 lydorum naeta famula vestibis involutum, defert ad Hecubam. Haec Polyxenam esse suspicata, donec corpus re-
 tectum inspiceret, ubi Polydorum esse cognovit, misere discruciat, secumque viam quaerit, qua possit Polymne-
 storem ulcisci. Ac re prius cum Agamemnone communicata, ancillam suam mittit ad Polymnestorem, quae cum
 una cum liberis suis ad se jubeat accedere, esse enim quiddam maximi momenti, de quo velit cum illo colloqui. At
 ille ignarus Polydori cadaver in littore fuisse repertum, una cum liberis suis ad Hecubam accedit. Ea simulat sese
 ob eam causam accersivisse hominem, ut illi thesauros quosdam antiquos in Ilio defossos indicaret: deinde jussu se-
 cedere satellitio, solum cum filiis in tentorium deducit, tanquam illi traditura, quicquid pecuniarum e Troja se-
 cum extulisset. Erat autem illic abdita maxima mulierum turba, quibus adjuta, Polymnestorem introgressum exo-
 culat, ac liberos occidit. Agamemnon audita utriusque causa, contra Polymnestorem pronunciat, qui videretur
 non juvandi Graecos studio, sed auri cupiditate puerum interemisse.

*Actio fabula constituitur in Cherroneso, qua Phrygiam, in qua est Ilium, habet ad Orientem, Thraciam reliquam ad
 Septentrionem. Chorus constat ex mulieribus Trojanis captivis, Hecuba auxiliaturis.*

P E R S O N A E F A B U L A E.

Polydori occisi umbra.
Hecuba Regina Trojanorum.
Chorus mulierum Trojanarum.
Polyxena filia Hecubae.

Ulysses, Talchybius praeco.
Famula Hecubae.
Agamemnon Rex.
Polymnestor Thracum Tyrannus.

E U R I P I D I S T R A G I C I P O E T A E

H E C U B A

L A T I N A F A C T A,

D E S I D E R I O E R A S M O R O T E R O D A M O

I N T E R P R E T E.

Carmen trimetrum Jambicum.

P O L Y D O R I U M B R A.

Adsum profectus e profundis manibus,
 Noctisque portis, caeca qua silentium
 Ab arce porro coelatum sita est domus,
 Polydorus Hecuba natus e Cisseide,
 Priamoque patre, quem simul cepit timor,
 Ne Phrygia Grajo Marte caderent moenia,

A Me furtim alendum Troico emisit solo
 Ad hospitam Polymnestoris Thracis domum,
 Qui Cherronesi fertilem glebam colens,
 Armis ferocem Martis gentem regit.
 Multumque mecum clanculum misit pater
 Aurum, urbis ut si concidissent moenia,
 Ne victu egerent liberi superstites.
 Eramque natus Priamidum novissimus,

Ac

Atque hac foras potissimum me gratia
 Submisit, ut cui nec ferundæ lanceæ,
 Et ad arma non dum tenera sufficeret manus.
 Ita usque donec recta stabant Pergama, &
 Nondum jacebant Ilii turres foli,
 Hæctorque frater Marte florebat meus,
 Bene apud Tyrannum Thraca, patrium hospitem
 Crescens alebar, plantulæ in modum miser.
 At ubi interivit Troja, simul & Hæctoris
 Vita, ac penates concidere patrii,
 Deumque ad aras ipse procubuit sacras,
 Mactante Achillis prole sanguinaria,
 Mox me paternus amicus auri gratia
 Misericordiam trucidat, ac trucidatum salo
 Exponit, aurum ut ipse possideat sibi.
 Nunc super arena littoris jaceo, hætenus
 Æstu per æquor huc, & huc vectus vago,
 Infletus, insepultus; at jam promico
 Caram ob parentem, corpore relicto meo.
 Mihi supernis devaganti sedibus,
 Superaque in aura, sol agitur hic tertius.
 Itidemque misera tertium mater diem,
 Extorris amplis Ilii pomeriis,
 In hac adest tellure Cherronesia,
 Cunctique Danaï littore hoc in Thracio
 Classē tenentes otiosi desident.
 Namque e sepulcro visus Acacides suo,
 Argivum Achilles tenuit omnem exercitum,
 Remum ad penates dirigentem ponticum,
 Meam is sororem postulat Polyxenam,
 Tumulo cupitum honorem, & inferias suo
 Dari, ac feret, neque enim hoc finent frustrarier
 Honore amici, deinde decretum jubet
 Fatale, cædi hac luce germanam meam.
 Geminæque prolis gemina mater funera
 Cernet, meumque & lacrymandæ virginis.
 Nam quo sepulcri munus assequar mihi,
 Ancillæ in undis memet offeram ad pedes,
 Venia impetrata Diis ab inferis, uti
 Tumulo potiar, in matris incidens manus,
 Itaque (quod ad me) quicquid optavi assequar.
 At an a parente paululum abscedam, hæc quidem
 Jam Regis e tentorio profert pedem
 Agamemnonis, pavēfacta de spectro mei.
 Omater, huc prohi viva pervenisti, uti
 Prognata quum sis Regis e stemmatis,
 Indigna ferres servitutis pondera?
 Tam afflicta nunc & misera, quam florens eras
 Quondam ac beata. Te aliquis exstinxit Deus,
 Felicitatis pristinae invertens vices,
 Bonaque antea facta paribus exæquans malis.

Carmen anapesticum dimetrum, intermixtis nonnumquam ejusdem generis monometris.

Nec. Ducite anum hancce foras o famulæ,
 Ducite sustentantes, vobis
 Nunc conservam Iliades, verum
 Dudum dominam, prendite, ferte,
 Portate mei corporis artus
 Tollite, anilem corripite manum.
 Ipsa ego torto nixa bacillo,
 Annis tardum celerabo pedem, &
 Alternos promovero passus.
 O fulgur Jovis, o nox picca,
 Ut quid ita sub nocte silenti
 Terriculis, visisque agitor?
 O sacra Tellus,
 Gignens atris somnia penais,
 Sit precor irrita noctis imago,
 Quam de gnato,
 Qui servatur Thracibus oris,
 Teque Polyxena filia dulcis
 Alto vidi merfa sopore.
 Nam terrificum vidi visum,
 Didici, sensi.
 O terrestria numina, gnatum
 Servate meum, qui jam solus
 Generis superest ancora nostri,

A

Thracēs habitans arva nivalis,
 Patrio commendatus amico.
 Aderit jamjam quodcumque malum,
 Luctumque novum luctibus addet.
 Haud sic umquam mens mea certo
 Timuit, tremuit, tacta pavore.
 Ubi nam divina Helenam mente,
 Ubi Cassandra Iliades videam,
 Ut mihi cæca insomnia pandat?
 Vidi siquidem cervam variam
 (Visu miserum)
 Nostro e gremio vidi direptam,
 Quam laniat lupo ore cruento.
 Terrebar & hinc, summum in tumultum
 Umbra ferocis venit Achilles,
 Aliquam e miseris sibi Troadibus,
 Præmia poscens.
 Procula nostra, procul hæc quæso,
 Dii depellite somnia, gnata.

B

Idem carminis genus.

Chor. Ad te celeri præcurri Hecuba
 Pede, tentoria herilia linquens,
 In quæ serva ego tradita sorte,
 Ubi Trojanæ e moenibus urbis,
 Grajis abigor bellica præda.
 Haud equidem ullum porto levamen
 Ærumnæ præsentis; at ingens
 Insuper & grave defero pondus
 Tibi privatim o mulier, sævi, ac
 Diri veniens nuncia luctus.
 Namque ferunt decernere Grajos
 Celebris coetu, tua uti gnata
 Manibus occidatur Achilles.
 Qui sublimem scandens tumultum,
 Scis fulvis cum apparuit armis,
 Naves detinuit pontigradas,
 Nixaque torto vela rudente,
 Hæc vociferans. Quo jam Danaï
 Fugitis, nostros

C

D

Cineres deserturi inhonoros?
 At lis multo est orta tumultu,
 Ac variat sententia duplex,
 Bellaces Grajugenū turmas,
 Dum pars dandam tumulo inferias,
 Pars mactari censet iniquum.
 Atque inde tuæ studuit parti
 Rex Agamemnon, id fatidicæ
 Thalamis elargitus honoris.
 Atque vicissim dixere duo
 Thetidæ, hos genuistis Athenæ,
 Una erat hæc sententia utrique,
 Uti Pelidæ decorent tenero
 Busta cruore.

E

Nec placet, uti Cassandra thalamos
 Armis habeant pluris Achilli.
 Et studiis ferme hætenus æquis
 Decertatum est, donec varius
 Et suaviloquens suafor, Achivum
 Populo non ingratus Ulysses
 Omnem dictis flexit coetum,
 Ne pro captæ cæde puellæ
 Neglectum pateretur Achillem,
 Unum e Danaïs longe primum.
 Neu quis apud Persephonem, ex his
 Qui bello cecidere, referret,
 Quam male gratus miles Achivus
 Danaïs Danaum causa cæsis,
 Ex Iliacis cesserit arvis,
 Sed jam nunc hic aderit Ulysses,
 Isto uti vellat ab ubere gnatam,
 Eque manu, vi tollat, anili.
 Proin' templa adeas, adeas aras,
 Accide Atridæ genibus supplex,
 Prece sollicita, quicquid Olympus,
 Quicquid claudit terra Deorum.
 Siquidem aut places numina votis,
 Ne miseranda orbere puella,

F

Aut

Aut spectent tua lumina oportet
Ad tumulum procumbere, sparsam
Sanguine natam, deque aurifera
Cervice atrum undare cruorem.

Idem carminis genus.

Hec. Heu me miseram, quid vociferer?
Quonam ululatu, quonam fletu
Plorem miseræ misera senectæ
Haud portandum
Servitii, haud tolerabile pondus?
Heu memè, quis opem mihi vindex
Tulerit? quæ nam natio, quæ nam urbs?
Periit senior, gnati extincti,
Huccine an illuc flectam gressum?
Quo me vertam?

Ubi quis Deus, aut dæmon præsens
Ferat auxilium?

Proh Iliades sæva ferentes
Eheu sæva ferentes fata,
Exstinxistis me, exstinxistis,
Nec mihi posthac
Grata est supèro in lumine vita.
Defer anum hanc, ô pes infelix,
Hanc me infelix ducto ad aulam.
Eheu gnata, heu supra cunctas
Miseræ matris filia, prodi,
Prodi testis, percipe matris
Filia vocem

Uti cognoscas, qualis qualis
Fama tua de vita fertur.

Pol. Ehem mater, mater,
Quid clamas? quid subitum apportans,
Sic me veluti volucrem testis
Cogis trepidam provolare?

Hec. Eheu me gnata.

Pol. Cur sermonum exordia mecum
Diro sumis ab omine mater?

Hec. Ah gnata tuæ metuo vitæ.

Pol. Eloquitor, neque celato diu.
Paveo, misere paveo mater,
Quæso quid ingemis?

Hec. Gnata, ah misere gnata parentis.

Pol. Cur istud ais?

Hec. Hoc gnatus contendit Achilles,
Communi decreto Argivum,
Uti Pelidæ gnata sepulcro
Mactata cadas.

Pol. Eheu genitrix, ut mala nobis
Immensa refers.

Aperi sodes, aperi mater.

Hec. Rumorem adfero filia dirum.
De cæde tui

Scitum populus sanxit Achivus.

Pol. O te afflictam, proh ter miseram,
O male faustæ genitrix fortis,
Quam tibi tristem rursus luctum,
Infandumque & acerbum movit
Dæmon aliquis.

Non jam gnata hæc, non tibi posthac,
Infelice senectæ infelix

Conserviero, namque perinde, ac

Hinnuleum, seu montibus hirtis

Alitam vitulam, miseram misera

Mox de manibus velli adspicies,

Ac sub humum cervice recisa,

Obscuro demittier Orco.

Illic inter lumine cassos

Degam infelix.

Sed te miseram luctu omnigeno

Defleo mater, nam me, fata

Sortemque gravem non lamentor,

Quum mihi casus sit & optandus

Cedere vita.

Carmen Jambicum trimetrum.

Chor. Sed ecce Ulysses huc citus movet gradum,

Hecubæ, tibi aliquem nuncium ferens novum.

Ulyf. Te scire mulier credo placita exercitus,

A

Et quæ inter omneis vicerit sententia,
Haud te latere puto, sed exponam tamen.
Visum est Pelasgis, tua uti nata Polyxena
Cadat ad sepulcri Achillis excelsum aggerem.

At virginis nos esse solenneis duces

Statuere. Pyrrhus Æacidæ proles, huic

Præfexus auctor, ac sacrificus hostiæ.

Scin' ergo quid ages? neve vi retraxeris,

Mecumve manibus velis contendere.

Agnosce vires Danaïdum qui hæc imperant,

Simulque quantis obruare nunc malis.

“ Scitum est profecto quiddam, & in mediis malis

“ Ea quemque secum sapere, quæ sapere est opus.

B

Hec. Væ væ, adest discrimen (ut video) grave,
Gemituque plenum, & non inane lacrymis.
Neque enim ipsa dudum vitam acerbam & asperam
Illic reliqui, quo mori decuit loco.

Neque me interemit Juppiter, sed in hoc alit,

Tristissimis uti tristiora conspicer.

Proh misera. Sed jam si licet captis, neque

Molesta, nec quæ mordeant animum, loqui

Heris, rogeris oportet & paucis mihi,

Atque ut nos vicissim rogantes audias.

Ulyf.

Licet, roga, neque enim hoc tibi invideo moræ.

Hec.

Scin' Ilium explorator ut subiveris

Pannosus atque squalidus, gena tuas

Stillæ obsidebant mortis, oculis excitæ?

C

Ulyf. Memini, haud enim hæc res summa strinxit pectoris.

Hec.

Ten' agnitum uni prodidit Helene mihi.

Ulyf.

Meminimus, in discrimen adducti grave.

Hec.

Supplexque factus genua tangebam mea?

Ulyf.

Sic manus ut istis instupesceret peplis.

Hec.

Dedin' ergo vitam, & Ilio emisisti solo?

Ulyf.

Ita, ut hoc profecto solis adspiciam jubar.

Hec.

Quid tum locutus, quum mihi in manu fores?

Ulyf.

Quo me necis subducerem periculo,

Omneis vafer tum comminiscabar dolos,

Cunctasque pariter persuadendi vias.

Hec.

Lege igitur isthac gratiam refers malam,

Quum tuleris a me, quæ tulisse non negas.

At nil juves nos, sed magis pro viribus

Incommodes, benefacta compensans malis.

Vestrum genus mortalium ingratiissimum,

Quicumque plebis concionibus leves

Captatis auras, cognitum heu mihi plus satis.

Qua damnum amicis ferre non facitis pili,

Modo differatis grata multitudini.

At jure quonam; aut quid secuti, virginem

In hanc, cedo, decreta sanxerunt necis?

Ipsumne decus hoc suavit, homines cedere

Tumulis, ubi bos victima addeceat magis?

An porro Achilles mortis auctores suæ

Punire quærens, jure in hanc refert necem?

Atqui hæc in illum sceleris admisit nihil.

Helenam sepulcris hostiam par est peti.

Illa hunc peremit, illa traxit ad Ilium.

Quod si qua vultu legitur ex captis neci,

Formaque præstans cæteris, non nostrum id est,

Quippe ore multo Tyndaris decentior,

Eademque quam nos non minus dedit mali.

Atque hæc pro æquo dixerim quidem, ac bono.

At nunc mihi, quæ te reposcenti invicem

Reponere æquum est, accipe æquis auribus,

Meam (quod ipse non negas) humilis manum, ac

Supplex anilem hanc contigisti tum genam,

Nunc hæc vicissim prona contingo tui,

Beneficium tunc datum reflagito,

Itemque supplex obsecro, ne filiam

Mihi puellam manibus abripias meis,

Neve perimatis, quippe funerum satis,

Oblecto in hac me, fortis oblita gravi.

Solamen hæc est, una pro multis mihi,

Urbs, atque nutrix, scipio, rectrix gradus.

Iniqua victis imperare non decet,

Quis fors dedit rerum potiri, ac vincere

Neque quis secundæ res, oportet fidere

Itidem futuras semper ex sententia.

Tom. I.

Cccc

Et-

1137

Etenim ipsa quondam quæ fui, non sum amplius,
Opes sed omneis unicus rapuit dies.
Age amica barba paululum me respice.
Misereſce, & adiens rursus Achivum exercitum,
Doceto, quam sit sævum, atroxque foeminas
Mactare, quas non interemisti prius
Raptas ab aris (sed pepercisti) sacris.
Lex æqua porro vos apud, de sanguine,
Servisque, liberisque capitibus stata est.
Si vel male hæc auctoritas dicat tua,
Flectet; quod a levibus profecta oratio,
Ea probatis, non idem valet eadem.

Idem carminis genus.

- Chor.* Tam rigida nusquam est ulla mens mortalium
Audita, quam non ista comploratio.
Ingensque luctus, cogat edere lacrymas.
Ulyf. Audi Hecuba, ne mente percita, virum
Qui recta dicat, malevolum fingas tibi.
Ego quidem vitam tuerier tuam,
Per quam ipse vivo, cupio, nec dicam dolo.
At quæ palam suasi, ea haud negaverim.
Nempe urbe capta, exercitus primario
Gnatam immolandam (quando postulat) tuam.
Hinc namque plures defluunt res publicæ,
Dum strenuum qui præbet, ac fortem virum,
Non plus honoris, quam vir ignavus capit.
Nos contra, Achillem dignum honore ducimus,
Ut qui pro Achivis ceciderit promptissime.
Quam turpe, si quem vivum amicum sensimus,
Huic definamus esse amici mortuo?
Age quid futurum, si qua rursus appareat
Acies coacta, & hostium certamina.
Utrum manus jam conferemus, an magis
Vitæ ac saluti consulemus? quippe qui
Fraudari honore cernimus, quisquis cadit.
Ac mihi profecto luce donec hac fruam,
Quantumlibet pusilla, sufficiant tamen.
Porro sepulcrum conspici exoptem meum
Insigne, quando durat in longum hic honos.
At misera patior, inquis, audis contra hæc.
Sunt & Pelasgis nequitiam miseræ minus
Anusque & annis te priores foeminae,
Sponsæque sponsis orphanæ præstantibus,
Hic ossa quorum pulvis Idæus tegit.
Fer ista. Nos si perperam decernimus
Decorare fortem præmio merito virum,
Inscitiæ ipsi obnoxii tenebimur.
At barbari, neque hos amicos ducitis
Qui sunt amici, neque, decore qui oppetunt,
Suspiciatis, hinc & nostra floret Græcia.
Vos contra habetis instituto congrua.
Chor. Heu servitus ut semper est miserrima,
Subacta ut fert præter æquum plurima.
Hec. Ah gnata in auras irrita hæc oratio
Frustra mihi jactata, de tui nece.
Tu, si amplius quid, quam valet mater, vales,
Annitere, omneis admodum lusciniæ
Experta voces, vita ne pereat tibi.
Miseranda Ulyssis accide hujus ad genu,
Et commove, argumentum habes, ipsi quoque
Sunt liberi, quo fata miseretur tua.
Pol. Video te Ulyssæ dexteram sub pallio
Manum occultentem, & ora vertentem retro,
Tetigisse malam ne mihi sit fas tuam.
Animo bono sis jubeo, meque nuncia,
Scito, quod ad me pertinebit, te fore
In tuto, & effugisse (si quis supplices
Curat favens, æquusque respicit) Jovem.
Nam te sequar, vel quia trahat necessitas,
Vel quod mori expetam ipsa, sin, velim minus
Vitæ avida mulier videar, ac timida omnibus.
Quæ namque vitæ causa jam superest mihi,
Ut cui pater Rex omnium fuerit Phrygum?
Etenim rudis mihi lucis hoc initium,
Dein, spes ad amplas educabar, Regibus
Nuptura, multis æmulantibus procis,
Quis me ad penates duceret victor suos.

A

B

C

D

E

F

- Regina ego proh misera foeminis eram
Troadibus, inter virgines insignis, ac
Diis æqua, solum hoc si quis excipiat, mori.
At serva nunc sum, protinus vocabulum hoc
Minime assuetum, facit ut experam mori.
Dein, forsitan continget immitis mihi
Hæus, ære me quicumque commercabitur,
Et Hectoris quondam sororem, & plurimum,
Adigensque vi me pinsere in tectis, solum
Verrisse coget, staminique insistere,
Vitam exigentem duram, & illatibilem.
Thalamoque nostros servus emptus undevis
Foedabit, ante destinatos Regibus?
Abstet, relinquam lucem ego istam libera,
Orco inferisque hoc corpus exponens meum.
Jam ducito me Ulysses, ac ductam immola.
Neque enim penes nos vel spei fiduciam,
Vel opinionis video, cur mi debeam
Posthac benigna fata pollicerier.
At tu genitrix, ne quid obstitas mihi
Verbove, factove, incita magis, mori
Quo libeat ante, quam quid indignum accadat.
Nam qui malis haud assuerit, fert quidem,
Dolet tamen, quum colla supponit jugo.
At mortuus, quam vivus hic felicior
Foret; haud decore vivere, est ingens labor.
Chor. Inest in homine mira & evidens nota,
Probis satum esse: generis illustrat decus,
Quisquis celebribus dignus est natalibus,
Hec. Dixisti honeste gnata, verum isti dolor
Adest honesto, cæterum si Pelei
Et facere gratum filio, simul & probrum
Effugere vultis, hanc Ulysses omittite,
Me ductam Achillis immoletis ad pyram.
Ne parcite inquam, nam Parin produxi ego,
Qui Tethide natum petiit arcu ac perdidit.
Ulyf. Non te umbra Achillis poscit Argivos, anus
Ut immolare, sed hanc poposcit virginem.
Hec. Vos attamen cum filia me occidite,
Duplumque tellus sparsa sanguinis bibet,
Ejusque manes, ista qui poscit sibi.
Ulyf. Sat filia mors, eadē eadē non decet
Cumulare, & o si ne hæc quidem pendenda sit.
Hec. Gnatae at necesse utcumque commori meæ.
Ulyf. Qui, quando Dominos esse non novi mihi?
Hec. Ut hædera quercu, sic ego huic inhæsero.
Ulyf. Haud feceris, si obtemperabis his, quibus
Et mentis & prudentiæ plus quam tibi est.
Hec. Non hanc ego volens omittam virginem.
Ulyf. At ego hinc relictæ non abibo virgine.
Pol. Mihi mater audi, tuque Laertæ genus
Parentibus concede merito concitis.
Tu misera cum victore ne pugnaveris.
Sterni solo vis, ac trahi corpus tuum
Anile per vim pulsā? vin' juvenis manu
Foedis modis revulsa dedecorari?
Isthæc ut accidant tibi abstet, haud enim decet.
Quin age manum da jam mihi dulcissimam
Dilectæ genitrix, ac genam applicem genæ.
Posthac enim haud umquam, sed extremum jubar,
Orbemque Phœbi hodie quidem conspexero,
Finem ergo nostri fac age alloqui cape,
Ac dicta mecum consenſito novissima.
O mater, o parens, abeo jam ad inferos:
Hec. Heu gnata, nos in hoc lumine servibimus.
Pol. Frustrata sponſo, ac debitis mihi nuptiis.
Hec. Miseranda gnata es, mulier infelix ego.
Pol. Illic jacebo in Tartaro tete procul.
Hec. Heu misera quid agam? vitam ego hanc quoad traham?
Pol. Ancilla moriar patre nata libero.
Hec. At ego orba quinquies decem jam liberis.
Pol. Quid Hectori ex te nuncio, aut seni viro?
Hec. Dic foeminarum me omnium miserrimam.
Pol. O pectus, & quis alita blande sum ubera.
Hec. Proh ante tempus fati acerbi filia.
Pol. Vale o parens. Cassandra jam mihi vale.
Hec. Alii valebunt, istud haud matri est datum.

Qui-

Pol. Quique in fera es Polydore frater Thracia.
Hec. Ita si quidem ille vivit, atqui non puto,
 Adeo undiquaque prorsus infelix ego.
Pol. Vivit, premetque mortuæ tibi lumina.
Hec. Ego & ante mortem præ malis sum mortua.
Pol. Me duc Ulysses, flammeo obvolvens caput.
 Etenim prius quam maſter, exanimor meæ
 Luctu parentis, & hanc neco ploratibus.
 O lux, licet nam nomen affari tuum,
 Neque ulla poſt copia dabitur tui
 Nobis fruendi, niſi quod intereſt moræ
 Ad enſem cuncti hinc, atque Achillis pyram:
Hec. Solvuntur artus hei mihi, ac mens deficit.
 O gnata matrem prende, porge dexteram,
 Da, ne relinquo orbam, amicæ concidi.
 Utinam Lacænam ſic ſororem Caſtoris
 Helenam viderem, quæ decentibus oculis,
 Florens peremit indecenter Ilium.

Carmen huius Chori ex variis mixtum eſt metri generibus, ac ſerme iſdem quibus utitur Euripides.

Chor. Aura, pontica, aura
 Quæque pontigradas per undam
 Rateis celeres agis marinam,
 Quo loci miſeram vehes me?
 Addicta cui ſub ædes
 Ancilla deferat?
 Ad littora Dorica, an ne
 Ad Phthiada, quo loco ajunt patrem eximii laticis
 Currere Apidanum, ſataque rigare, an
 Salſo miſera remo
 Illam appellari in inſulam,
 Productura domi dies acerbos,
 Primitiva ubi palma frondet,
 Laurusque ſacros in altum
 Latona tibi edit
 Gratiffima ramos,
 Partus monumenta Dii,
 Ac cum Deliacis puellis, Artemidiſque Deæ
 Spicula arcusque canam, aureamque vittam?
 An Palladis urbe, quam
 Currus nitidi vehunt,
 Peplis in croceis equos
 Sub juga ſplendida mittam:
 Pingens varia, crocoque
 Sindone florulenta?
 An Titanum ad ſobolem,
 Quam Saturnius ignivomo Rex
 Stravit jaculo?
 Væ liberis meis
 Væ patribus, ac ſolo
 Quod fumo concidit,
 Marteque captum, & exuſtum
 Ab Argivis; at ipſa in
 Tellure vocabor externa
 Serva, Aſiam fugiens
 Europæ famulantem,
 Mutans morte faces thalami.

Carmen Jambicum trimetrum

Tal. Ubi Phrygum Regina quæ dudum fuit,
 Hecubam, puellæ Troades convenero?
Chor. Eccam haud procul te, tergo humi ſtrato cubat,
 Talthybie præco, circum operta linteis.
Tal. O Juppiter quid dicam? utrum mortalia
 Reſpicere te? an ne opinione fallier
 Falſo putantes eſſe divorum genus?
 Caſu ſed omneis res agi mortalium?
 Non hæc modo Regina ditium Phrygum?
 Priami uxor iſta nonne locupletiffimi?
 Nunc urbs quidem ejus funditus bello jacet,
 At ipſa, anuſque, & ſerva & orba liberis,
 Jacet, inquinata pulvere infauſtum caput.
 Eheu ſenex ſum, ſed tamen mori prius,
 Quam foedus ullus accidat caſus, velim.
 Exſurge miſera, tolle ſubductum latus,
 Quodque omne canis albicat pilis caput.
Hec. Ehem, quis hic qui corpus haud ſinit meum
 Jacere? quid me, quiſquis afflictam moves?

A Tal. Talthybius adſum Achivi mulier agminis
 Miniſter, accerſent te hinc Agamemnone.
Hec. O vir mihi cariffime, an quod me quoque
 Viſum eſt Pelasgiſ, ad ſepulcrum occidier,
 Ob id venis, ut grata perferres mihi?
 Properemus, acceleremus, age duc me ſenex.
Tal. Gnata ut cadaver ſepelias, te mulier hinc
 Ducturus adſum, me quidem legant ad id
 Geminique Atridæ, exercitusque Achaicus.
Hec. Miſeræ hei, quid ais? ergo non adifti, uti
 Moriamur & nos? verum acerba nuncians?
 Gnata interitſi matris avulſa e ſinu.
 Ego orba poſthac liberis, miſeræ hei mihi.
 Sed illam ut occidiſti? an reverentius?
 An ſic, ut hoſtis diriter leto eſt data?
 Dic hæc ſenex, haud læta dicturus licet.
Tal. Duplices mihi viſ me parare lacrymas,
 Miſeratione filia mulier tuæ.
 Et hic enim tam ſæva commemorans, geſſam hanc
 Fletu rigaro, maduit & lacrymis mihi
 Modo ad ſepulcrum, cæſa dum ferro occidit.
 Turba aderat univerſa Achivi exercitus
 Frequens ſepulcro, filia ad cædem tuæ.
 Polyxenam autem Pyrrhus apprehenſa manu,
 Summo ſepulcro ſtatuit, atqui pone ego,
 Lectique juvenes ex Achivis inclyti,
 Saltum juvenæ ut prohibeant manibus tuæ,
 Sequuntur, ac plenam tenens pateram, undique
 Auro nitentem natus Æacide manu,
 Fudit parenti mortuo libamina.
 Mihi innuit, præconio ſilentium
 Indicerem omni Achivum multitudini,
 Egoque inter omnes medius adſtans, hæc loquor.
 Silete Achivi. Pax ſit omni cœtui,
 Pax, & quies; ſtatui quietum exercitum.
 Hic, inquit. Ominate Pelco pater,
 Libationes propitius cape has meas,
 Placida abditorum manum evocamina.
 Atque huc ades, quo purpurantem combibas
 Puræ puellæ ſanguinem, quem tibi damus
 Ego atque populus, jamque nobis ſis favens,
 Solvens rudentem, & navium retinacula,
 Concede nobis, ſoſpites ab Ilio
 Omneis reverſos, patriam reſiſere.
 Hæc ille; at omnis populus apprecatus eſt.
 Loculis ſub hæc mox aureis pictum notis
 Educit enſem; juvenibus Grajo agmine
 Lectis, puellam ut prenderent manu, innuit.
 Ubi ſenſit illa, hoſ ore prodidit ſonos.
 O qui excidiſti oppidum Argivi meum,
 Cupide oſeo, ne quis corpus attingat meum.
 Intrepida ſiquidem colla porrigam ac volens,
 Quo ingenua moriar; liberam me per Deos
 Sinite immolantes, quippe apud manes quoque,
 Regina quum ſim, dicier ſervam pudet.
 Turba adfremeſcit; Rex & ipſe juvenibus
 Mox imperat, quo virginem remitterent:
 Hi ſimul ut audire vocem regiam,
 Summamque, omittunt; nam hunc penes jus primum
 Ubi illa ſenſit juſſa Principum, illico (erat.
 Summo prehenſos pectore, ſcidit manu
 Ad umbilicum, ventris ac medium, peplos,
 Sinumque monſtrat, & velut ſtatua ad modum
 Mammas decentes, dehinc humi figens genu,
 Verba ore fudit omnium miſerrima.
 En juvenis, hoc ſi pectus enſe mavolet
 Promptum ferire, ferito: ſin cervicem, adeſt
 Exrompta cervix. Tum miſertus virginis
 Pyrrhus, volensque, & non volens, atque hæſitans
 Animæ meatus enſe librato ſecat.
 Fluxere venæ; at illa jam moriens, tamen
 Sollicita mire eſt, condecenter ut cadat,
 Celetque, quæ celare decet oculos virum.
 Letalis aſt ubi vitam ademerat mucro,
 Labor ex Achivis idem habebat neminem.
 Alii jacentem frondibus conſternere,
 Alii ſupremum ſedulo apparant rogi,
 Tom. I. Cccc 2 Tx-

Tædas ferentes pineas, qui nil tulit,
Male audiebat a ferente, hunc in modum:
Ignave cessas, nec puellæ amiculum,
Nec aliud ullum munus adferens manu?
Nil es daturus virgini promptissimæ,
Animoque summo? de perempta filia
Hæc tum ferebant, liberorum at te quidem
Matrem optimorum, verum eandem ex omnium
Grege foeminarum conspicio miserrimam.

Chor. Acerba quædam Priamidas clades premit,
Urbemque nostram, fata sunt isthæc Deum.

Hec. In quod malorum gnata, cum adsint plurima,
Intuear, hæreo, si quod attingam, illico
Aliud vetat; rursum, alia me molestia
Alio vocat; malisque succedunt mala.
Et nunc acerba fata ne plorem tua,
Nequeam profecto temperare pectori.
Hoc rursus ipsum, nempe ne gemam admodum
Nimis acerbæ, sustulisti, itrenua
Mihi nunciata; non novum ergo, si mala
Favente coelo terra fert segetem bonam:
Bona destituta, quibus opus fuerat, malum
Fructum edit. At mortalium quisquis malus,
Nil possit aliud esse, quam semper malus:
Frugi, usque frugi. Sors nec ingenium viri
Adversa vitiat, sed probus semper manet.
Utrum id parentum, an educantium magis?
Recte educari scilicet nonnullam habet
Doctrinam honesti, quod quidem quisquis probe
Tenet, idem honesti ad regulam novit scelus.
Sed inaniter jam mens mihi hæc effudit.
Tu porro Achivis vade, & ista nuncia,
Ne filia quis applicet manum meæ
“ Vetentque populum. Nam frequenti in agmine
“ Indomita turba est, ac tumultus militum,
“ Si quando nullo cohibeatur principe,
“ Vincit furens incendium; quisquis mali
“ Nihil hic patrarit, ille demum erit malus.
At tu vetus ministra sumito situlam,
Atque huc reporta pontico impletam falo,
Uti supremis te lavacris filia,
Innupta nupta, virgo non virgo, lavem,
Et ut tibi exhibeam quibus digna es. Sed id
Qui? aut unde? nequaquam potero, verum tamen
Sic ut licebit; namque quid aliud agam?
Mundumque captis colligens a foeminis,
Quæ mecum in iisdem desident tentoriis,
Si qua ex penatibus aliquod suis habet
Furtum, insciis, quos nacta nuper est, heris.
Tecta o decora, proh beatæ olim domus,
O liberis, opibusque florentissime
Priamæ, vetusque ego illa liberum parens,
Ut pristina exuti superbia, ad nihil
Recidimus, & post ista adhuc tumescimus.
Locupletibus nostrum hic quidem penatibus
Præfulsit, hic quod dignitate civibus.
Curarum inania mentis hæc sunt somnia,
“ Linguæque fastus, ille felicissimus
“ Est, cui nihil contigerit in vita mali.

Carmen Choricum, ac varic mixtum.

Chor. Mihi ærumnam Atropos,
Mihi cladem Dei parabant,
Sylvam ut primum abiegnam in Ida
Alexander incidit,
Liquida vada rate transiturus, audax
Helenæ ad thalamos, jubar quam
Pulcherrimam auricomi, in
Orbe videt Phœbi.
Nam mala, en nos, malisque vallant
Tristiora fata.
Priva amentia civitati
Malum publicum Iliacæ
Peperit, & ab aliis profecta clades.
Judicataque lis in Ida est,
Qua tres coelicolum puellas
Pastor judicavit, ad
Bellaque, stragemque, &

A

Meæ exitium domus.
Gemitque forte quæpiam ad
Undosum Eurotam
Lacænalacrymosa puella in ædibus.
Capiti quoque mater albo
Orbata gnatis, injicit
Manum, & unguem in ora cruentum
Infigit avida, dilaniatque malas.

Carmen Jambicum trimetrum

Fam. Ubi Hecuba multo, foeminæ, miserrima?
Quæ superat omne virum, ac simul nostrum genus
Malis? nec ullus palmam ei præceperit?

Chor. Ut misera numquam dormiunt vocis tuæ
Male ominosæ tristia præconia.

B

Fam. Hecubæ dolorem hunc adfero; porro in malis
“ Haud est facile, bene ominata dicere.

Chor. Ac forte testis prodians videlicet
Verba inter ipsa commode apparet tua.

Fam. O misera prorsus, & magis quam proloquor,
Hera, occidisti, viva non es amplius,
Orba urbe, gnatis, ac marito, perdita.

Hec. Ais novum nil, ac scientibus opprobras.
Sed quid cadaver hoc Polyxenæ venis
Portans, sepulcrum cujus Argivum manu
Modo nunciatum est omnium properarier?

Fam. Nihil ista novit, sed Polyxenam mihi
Deflet, novarum cladum attingit nihil.

C

Hec. Heu misera, vatis numquid huc affers mihi
Sacro citum furore Cassandra caput?

Fam. Vivam eloquuta es, mortuum hunc nihil gemis.
Atqui relictum jam cadaver inspicere.
Nova res & insperata se offeret tibi.

Hec. Exstinctus cheu cernitur gnatus mihi
Polydorus, a me Thraci creditus viro.
Infausta perii, nulla sum posthac; ohe
Opignus, heu ohe, cationem Menadum
Ingredior; hæc nova ab hoste resciscens mala.

Fam. Infausta gnati fata cognoscis tui?

Hec. Inopina, mira, nova nova, aspicio, malis
Prognata ab aliis, alia contingunt mala.
Nec ullus absque lacrymis umquam dies,
Suspensique me relinquet tristibus.

D

Chor. O infausta, dira, dira perpetimur mala.

Hec. Heu gnate, gnate matris infaustissimæ,
Quo genere mortis occidisti? quo jaces
Fato? peremit te quis e mortalibus?

Fam. Me latet, at hunc in littore offendi maris.

Hec. Ejectum ab undis, an trucidatum manu?

Fam. In littus arenosum
Marinus illum fluctus æstu ejecerat.

Hec. Heu mihi, væ væ,
Didici mihi nocturna visa insomnia.
Non me fefellit furva imago, quæ mihi est
Conspecta de te gnate, quod non amplius
Superstes aura vescerere coelica.

E

Chor. Scis qui peremit somni prudens, cedo?

Hec. Bellator hospes ille Threicius meus,
Ubi senior illum collocarat clam pater.

Chor. Heu quid ais? auro quo potiretur, tuum
Ita ut videtur, interemit filium.

Hec. Infanda, abominanda, plusquam mira, nec
Pia, nec ferenda; ubi hospitum jus, ac fides?
Ohe virexsecrate, ut ense ferro
Puerile corpus conscidisti, nec ferum
Commovit ætas pectus, ubi discerperes.

Chor. Ut misera te mortalium infaustissimam
Statuit, Deorum quisquis infensus tibi est.
Ipsum sed ecce conspicio Agamemnonem
Regem; loqui jam desinamus obsecro.

F

Ag. Gnatam sepultum quin venis Hecube tuam?
Nam sic, uti Talthybius attulerat mihi,
Ne quisquam Achivum filiam attingat tuam,
Sinus quidem illam nos, manu nec tangimus,
At ipsa cessas; proinde miror ego, sed huc
Ut te illo mittam, venio; quippe illinc bene
Peracta res est, si quid est in his bene.
Hem quem virum hic intueor in tentoriis

Phry-

Phryga interemptum? namque corpus ambiens
Non esse Danaum nunciat amictus mihi.
Hec. Infausta (memet enim loquor quum te loquor)
Hecube; quid ago? num nam hujus accido ad genu
Agamemnonis? an hoc tacita perfero malum?
Aga. In ora tergum quid mihi obvertens tuum
Lacrymas? quid acciderit, taces? isthic quis est?
Hec. At forte reputans hostem, & ancillam esse me,
Genibus repellat, & auxero molestiam.
Aga. Divinus haud sum, nec nisi audiero, queam
Viam tuorum nosse cogitatum.
Hec. At hujus animum cur ut hosticum, magis
Interpretamur, cum sit hostis haud tamen?
Aga. Hujusce si nil scire me voles rei,
Mecum facis, neque enim cupio cognoscere.
Hec. Hoc absque ferre liberis opem meis
Minime potis sim; sed quid hæc verso? necesse
Audere, seu impetro, sive & impetro nihil.
Agamemnon, en per genua supplico tibi,
Tuamque malam, & auspicatam dexteram.
Aga. Rei quid optans? numquid hoc, ut libera
Ævum exigas? id facile continget tibi.
Hec. Minime, sed ulta maleficos, ac perfidos,
Servire reliqui quicquid est ævi, velim.
Aga. Nostram ergo mulier ad quid imploras opem?
Hec. Nil tale prorsus, quale tu Rex autumas.
Vides cadaver hocce, quod ego lacrymo?
Aga. Video, futurum quid sit, haud etiam scio.
Hec. Peperi hunc ego olim, ac ventre gestavi meo.
Aga. Est hic tuorum misera quisquam liberum?
Hec. At non eorum, qui jacent sub Illo.
Aga. Num præter illos edidisti quempiam?
Hec. Inutiliter ut re liquet, nam hunc quem vides.
Aga. Urbs cum periret, hic ubi tum forte erat?
Hec. Emiserat, quo sospes esset, hunc pater.
Aga. Quo semovens a cæteris unum omnibus?
Hec. Tellurem in hanc, in qua repertus mortuus.
Aga. Ad hunc, tenet qui sceptrum Polymestor loci?
Hec. Servator auri missus huc tristissimi.
Aga. Quis interemit? quove fato extinctus est?
Hec. Quis alius? hospes hunc peremit Thracius.
Aga. Miser heu, potiri cupidus auri scilicet.
Hec. Sic habet, ubi jam fata cognovit Phrygum.
Aga. Hunc nacta alicubi es mortuum, aut quis attulit?
Hec. Hæc in marino forte nacta littore.
Aga. Utrum ne quærens hunc? an aliud quiddam agens?
Hec. Ierat lavacra ferret ut Polyxenæ.
Aga. Ejecit, ut videtur, hospes hunc necans.
Hec. Ponto vehendum, membra sic sic dissecans.
Aga. Miseranda mulier, obruta immensis malis.
Hec. Perii, nec ullum restat Agamemnon malum.
Aga. Heu quæ perinde infausta mulier exstitit?
Hec. Nulla est, nisi ipsum dicis infortunium.
Quapropter autem genibus advolvor tuis,
Audito, & æqua si tibi videar pati,
Mittam querelas, sin minus, te vindicem
Præbe mihi hospitum omnium impiissimi,
Qui nec supera, nec infera verens numina,
Manu peregit facinus immanissimum,
Mensa receptus sæpe communi mihi,
Primumque amicos inter obtinens locum,
Demum assequutus, quicquid æquum erat, dolis
Præcogitatis filium occidit meum.
At nec sepulcro, quando decrevit necem,
Dignatus est, sed æquori abjecit fero.
Hec. Nos imbecilles forsitan & captæ sumus,
At Dii valentes, lexque divis imperans.
Etenim vel ipsos lege censemus Deos,
Æqua, atque iniqua hac finientes vivimus,
Ea siquidem ad te pertinens, pereat neque
Poenas luant ii, qui trucidant hospites,
Vel audeant qui sacra divis tollere,
Jam pensi erit mortalibus prorsum nihil.
Hoc itaque foedum si putas, me respice,
Miserere nostri, pictor & veluti procul
Stans, me intueri, quanta perpetiar mala,
Regina dudum, ancilla nunc quidem tua.

A
Modo cincta gnatis, orba nunc, anus simul,
Deferta, & exul, infima in mortalibus.
Hei misera, quo nam clam mihi abducis pedem?
Sum actura, quantum apparet, infelix nihil.
Quid disciplinis (dignum ut est) in cæteris
Sudamus, atque singulas inquirimus?
Ac non magis suadela, quæ mortalibus
Regina sola est, examullim exquiritur?
Datoque pretio discitur, quo quæ velit,
Ea quisque persuadere possit & assequi?
Quis itaque posthac læta promittat sibi?
Gnati tot illi, non mihi adsunt amplius.
Abducor ipsa capta, & indigna patiens.
B
Urbisque fumum en subvolantem conspicio.
Ait illud, & si forsitan importunus,
Hunc admonere veneris, eloquar tamen,
Mea gnata Phœbas ad latus cubat tuum,
Quam multitudo Phrygia Cassandram vocat.
Ubi quæso nocteis Rex suavis jam refert?
Dulcissimorum aut in thoro complexum
Quam gnata gratiam feret, & ex illa ego?
Siquidem tenebræ, & noctis oscula scilicet
Summam inter homines benevolentiam ferunt,
Nunc igitur audi, hunc mortuum coram vides,
Hunc si juvabis, quum sit affinis tibi,
Facies probe; unius parum est oratio
C
Membri, nec una lingua nobis est satis.
Utinam quidem fiant mihi vocalia
Brachia, manusque, comæque, & extremi pedes;
Seu Dædali arte, sive quopiam Deo,
Ut cuncta pariter genua contingant tua,
Plorantque, & omnis generis emittant sonos.
O Rex, & o lux summa Achivum, flectere,
Dextramque opiferam porge, supplici. Rei.
Nil aliud ut sit, attamen viri est probi,
Ut faveat æquo, justa quod potest, juvans.
Contra, maleficos semper afficiat malis.
Cho.
Mirum est profecto, ut incident mortalibus,
Præfixa certis cuncta fati legibus.
D
Dum qui fuere nuper inimicissimi,
Statuunt amicos, rursus & qui benevoli
Fuerant, eos odiis acerbant mutuis.
Aga.
Ego teque, gnatumque Hecuba, fortunas tuas
Suscipio miserans, supplicem simul manum.
Voloque & Deorum, æquitatis gratia,
Poenas tibi istas hospitem impium dare,
Si quo videbis posse confieri modo,
Simul ut tibi que commodetur, nec tamen
Me multitudo favore Cassandræ sciat
Necem hanc tyranno Thracio molirier.
Scrupulo illud animum turbat injecto meum,
Quod illum amicum copiar ducunt virum.
At rursus istum qui peremptus est, suum
Hostem autumant: is siquidem est carus tibi,
Privatim id est, nec pertinet ad exercitum.
Ad ista spectæ, nam volentem me quidem
Habes, ut ad sim rebus adjutor tuis.
Opemque ferre promptum, & accinctum tibi,
Contra, pigrum si offendo multitudinem.
Hec.
Heu,
Ut nemo quisquam liber est mortalium, aut
Fortuna servum reddit, aut pecunia,
Aut scripta lex, aut multitudo civium,
Vetat suo pte vivere ex arbitrio.
Sed quia paves nimiumque multitudini
Tribuis, ego isto te levavero metu.
Sis conscius modo, si quid intendam mali.
Huic, qui peremit, cæterum adjutes nihil.
Tantum hoc ferente, quæ feret, si qui interim
Existeret aut tumultus, aut succursio,
Compesce tu, studere dissimulans mihi.
Porro alia, fide, cuncta conficiam probe.
Aga.
Qui quæso? quid ages? num manu, quum sis anus
Ferro prehensio barbarum interimes virum?
An mage venenis, sive quali tandem opus?
Tibi unde amicos? quæ tibi assistet manus?
Hec.
Hæc ipsa claudunt tecta Troadum gregem.

1145

Aga. Prædam Pelasgum forte captivas ais?
 Hec. Per has quidem sum ultura carnificem meum.
 Aga. Et qui virile robur aderit foeminis?
 Hec. Res valida multitudo, nec superabilis,
 Armata quando est clanculariis dolis.
 Aga. Res valida, sed muliebre non probo genus.
 Hec. Quid, nonne juvenes nuper Ægypto fatos
 Omneis semel foeminea confecit manus?
 Maresque Lemno sustulere foeminae?
 Sed qua gerendum sit via negotium,
 Istam mihi relinque sollicitudinem.
 Quin foeminam hanc per copias duci jube
 Tuto, hospiti sed tu per astum Thracio
 Dic: advocat Regina te dudum Ilii
 Hecube, tuapte gratia haud minus, ac sua.
 Gnatosque refert scire & hos, quæ mox tibi
 Narrabit illa. Sed recentem victimam
 Agamemnon inter hæc veta sepelirier,
 Germanus una ut cum sorore, uno rogo
 Geminus dolor parenti, humo condi queant.
 Aga. Ita fiet, at si navigare copiis
 Licuisset, hoc tibi haud queam largirier.
 Sed quia ferentis nunc negat ventos Deus,
 Manendum, & opperendum erit nobis, quoad
 Detur secundus cursus, atque commodus.
 Bene vertat autem, quippe pariter omnium
 Et publicitus, & singulorum proprie
 Refert, malismale evenire, bonis bene.
Carmen Choricum & varie mixtum.
 Cho. Patria, heu dolor Ilium, haud
 Urbs inexpugnata vocabere posthac
 Tam densa circum Danaum tegere nube.
 Domita heu domita hostes,
 Spoliataque turrim corona.
 Fumi vapore flagranti
 Pingeris miserabili nigrore.
 Non te rursus obambulabo.
 Noctis medio interibam,
 Quum jam a coena somnus suavis
 In oculos spargitur.
 Solennibus ac sacris choreis,
 Cantibusque peractis,
 Jacet in thalamo maritus.
 Suffixaque lancea,
 Paxillo hæret in alto.
 Nec jam nautica cernit usquam in campis agmina dira
 Ast inter hæc mihi revinctis (Trojæ.
 Mitris vaga lege, & orbe
 Certo coma componitur
 Aurei rotundum
 Spectanti speculi æquor, atque
 Lecto proxima stabam
 Subituraque mox eram cubile,
 En oppidum occupat tumultus,
 Phrygumque talis urbe clamor
 Sonat: quando Achivi, quando agedum
 Populati validam Phrygum arcem,
 Vestras domos repetetis?
 At dulcis thalamos ego simplici
 Relinquo veste sic, uti
 Solent puellæ Dorides.
 Nec profuit mihi, quod supplex
 Procumberem Artemidi infelix.
 Agor autem, oculis virum interemptum
 Intuens, pelagi per undas,
 Urbemque respectans, ubi
 Jam pedem reducem carina
 Moveret, undivagum per æquor,
 Meque solo abduceret Iliaco,
 Dolore concidi, germanam Dioscurorum Helenam ex-
 Idaumque pastorem, (secrans,
 Pestiferum Paridem, quod e parente
 Tellure me exigeret,
 Atque pellerent domo nuptiæ, non nuptiæ
 Immo demonis
 Male amici
 Atrox calamitas quæpiam, at
 Illam neque maria tumida revchant, neque

A

Ad patrias pervenerit ædeis.

Carmen Jambicum Trimeterum.

Poly. O Priame pectori vir omnium meo
 Carissime unus, atque item carissima
 Hecuba, illacrymo, te contuens, urbem ac tuam
 Istamque, quæ modo est perempta filiam.
 Heu
 Ut stabile nil est, nec licet confidere,
 Confidere, inquam, non licet successibus,
 Ut qui secundis floret, haud in posterum hic
 Rebus repente fiat adversis miser.
 Verum excitato susque deque numina
 Miscent tumultu cuncta; proinde incitua
 Veneramur illa. Flere at hæc quorsum attinet,
 Quum nil medelæ ad pristina adferant mala?
 Absentiam at tu si quid incusas meam,
 Ignosce; nam forte intimis aberam procul
 Thraces in oris, hunc ubi appuleras locum.
 Verum ut reverti, famula protinus domo
 Pedem efferenti commodum occurrit tua,
 Verbis tuis mihi nuncians, quæ simul ego
 Ut audii, e vestigio huc me contuli.
 Hec. Ore intueri te quidem adverso pudet
 Polymnestor, istiusmodi sitam in malis.
 Nam cui beata visa sim, huic me pudor habet
 In hoc statu, in quo nunc ago, reperirier.
 Neque te queam recte tueri pupulis.
 Sed ne putaris istud esse odio tui
 Polymnestor; atqui est quippiam in causa rei.
 Vel lex recepta moribus mortalium,
 Adversa ne qua foemina spectet viros.
 Poly. Neque miror equidem, me sed ad quid est opus?
 Cujusque gratia moveo domo pedem?
 Hec. Arcana res est, quam tibi, ac gnatis tuis
 Cupio referre, proin' satellites mihi
 Procul his jubeto absistere a tentoriis.
 Poly. Abite; tuta hæc solitudo, tu quidem es
 Benevola nobis, benevolus mihi hic quidem item
 Exercitus. Sed indicare jam tuum est,
 In quo beatum deceat afflictiis opem
 Adferre amicis; promptus admodum sum ego.
 Hec. Dic hoc prius, quem creditum domi tenes
 Patris manu meaque, Polydorus meus
 Vivit ne? deinceps reliqua percontabimur.
 Poly. Vivit profecto; hac parte res bene habent tux.
 Hec. Vir optime, ut probe loqueris, ac digna te.
 Poly. Post hæc quid ex me concupiscis dicere?
 Hec. Etiam parentis numquid est memor mei?
 Poly. Quin clanculum ad te studuit huc accurrere.
 Hec. Sed saluum id aurum est, Ilio quod attulit?
 Poly. Servatur istud in ædibus saluum meis.
 Hec. Servare perge, nec appetas res hospitum.
 Poly. Absit mulier, his quæ mihi adsunt, perfruar.
 Hec. Scin' ergo quæ tibi proloqui, ac gnatis velim?
 Poly. Ignoro, verbis indicabis hoc tuis.
 Hec. Ametur, ut tu nunc amatus es mihi.
 Poly. Age, quid volebas scire mecum liberos?
 Hec. Gazæ Priamidôn abditæ veteres humo.
 Poly. Istuc referri filio cupis tuo?
 Hec. Prorsum, & quidem per te, vir es etenim pius.
 Poly. Quid igitur hos adesse oportet liberos?
 Hec. Moriari si tu, scire & hos satius erat.
 Poly. Probe eloquuta es, & hoc modo consultius.
 Hec. Scin' Iliæ delubra ubi sint Palladis?
 Poly. Thesaurus illic scilicet? signi at quid est?
 Hec. Tellure summa prominens ater lapis.
 Poly. At numquid, hinc quod ad hæc loqui velis mihi?
 Hec. Serves velim has, quas extuli pecunias.
 Poly. Ubi nempe? an intra amictum? an abditas habes?
 Hec. Spoliorum acervo his delitent tentoriis.
 Poly. Ubi? nam hic Pelasgum nautica tabernacula.
 Hec. Sunt propria captis foeminis tentoria.
 Poly. Tutan' satis sunt intus, atque absunt viri?
 Hec. Intus Pelasgum nemo, nos solæ sumus.
 Sed intro propera, quippe Graji ab Ilio
 Cursum ad penateis flectere cupiunt suos,
 Uti cuncta ubi peregeris, quæ te quidem
 Peragere par est, tum tuis cum liberis

Eo

- Eo queas revertier videlicet,
 Ubi meum ipse collocaſti filium.
 Sem. Nondum dedifti, at forſitan poenas dabis.
 Portu ut procul quis turbidis vaſti maris
 Errans procellis, mox ſuavi orbabere
 Anima, atque vitam deſeres. Siquidem dolus,
 Nec æquitati, nec Deis ſat congruit.
 Peſtifera, peſtifera malæ
 Heu mentietur iſtius tibi ſpes viæ,
 Letifera quæ te adduxerit ſub Tartara
 Eho miſer, ſterneris imbelli manu.
 Pol. Oculum orbor eheu luce, & adſpectu miſer.
 Sem. Viri ejulatum Thracis audiftis precor?
 Pol. Heu rurfus eheu, liberos necant meos.
 Sem. Intus peracta genera ſupplicii nova.
 Pol. Nunquam tamen cæcis lubricantem pernicious
 Me pedibus effugeritis, imo protinus
 Quatiens & ipſa teſta funditus eruam.
 Sem. Vibratur ecce dextera telum gravi,
 Vultisne ut irruamus intro? locus enim
 Hecubæque & iſtis ferre ſuppelias monet.
 Hec. Refringe (ne quid parſeris) vellens fores.
 Oculis enim haud reſarties umquam, neque
 Vivos videbis quos necavi liberos.
 Sem. Num Thracii victrix potiris hoſpitis?
 Hec. Patraſtin' hæc, cujuſmodi narras, hera?
 Mox hunc videbis prodeuntem ex ædibus
 Cæcum, atque cæcis lubricantem paſſibus:
 Pariter duorum liberum cadavera,
 Quos ipſa cum fortiffimis Iliadibus
 Ferro peremi; jamque perſolvit mihi
 Poenas, ſed (ut vides) foras movet pedem.
 Verum hinc procul conceſſero, ac vitavero
 Ira æſtuantem Thraca, & indomitum virum.
 Carmen choricum, variegue mixtum.
 Poly. Heu quo ferar? quo intendam? quo torquebo
 Quadruſpedem gradum, montigenæ feræ
 Preſſa manu veſtigia tentans. Quoniam,
 Huc anne illuc deſlectam curſum?
 Ut viricidis, quæ me perdunt,
 Troadibus injiciam manum.
 Sceleftæ, ſceleftæ Phrygum nurus
 Proh exſecratæ
 Quo me pavitantes
 Se abdunt latebris?
 Outinam meis ſanguineis oculis
 Medeare, medeare, mihi lumina
 Cæca adimens Phœbe.
 Atat ſile, occultum gradum ſentio harum mulierum.
 Quo cieo pedem? carne atque oſſibus
 Me expleturus beſtiis e noxiis
 Epulo parato, quo mihi ſumam
 Poenam injuriæ meæ. Io miſer
 Quo, quo rapior? ſola Tartareis
 Bacchis relinquo ſecunda pignora, &
 Cædem canibus cruentam
 Impias dapes, montanamque prædam,
 Quo tendo? quo me verto?
 Ut ſali navis in fluctibus
 Turgida vela diſtendens
 Funestam in hanc me recipiens latebram
 Cuſtos meorum liberum.
 Carmen jambicum Trimetrum.
 Cho. Eheu miſer, quam gravia perpeteris mala.
 Sed quum patris foeda, poenas aſperas
 ſumpſit, Deorum quiſquis inſenſus tibi.
 Carmen priore verſu Jambico dimetro Cataleſtico,
 Altero Acataleſtico.
 Eheu, ohe ferocis
 Gens Martialis Thraciæ,
 Haſta valens equiſque,
 Ohe Pelasgum copiæ,
 Eho duces Atridæ,
 Voco, voco, rurfum voco.
 Venite, adeſte curſu,
 Omnes rogati per Deos.
 Audit aliquis vocantem?
 An nemo nobis feret opem?

- A Quæ vos moræ retardant?
 Me perdidere foeminae,
 Me perdidere captæ.
 Acerba, acerba pertuli.
 Heu dira noſtra clades,
 Quo vertor, aut quorſum teror?
 Utrumne ſubvolabo
 Sublimem ad ætheris domum?
 Ubi minax Orion,
 Ubi Sirius oculis ſuis
 Radios jact micanteis,
 Flammis micanteis igneis?
 An Tartari nigrantis
 Triftem petam portum miſer?
 B Carmen Jambicum Trimetrum.
 Chor. Ubi quis malorum pondere, atque ſarcina,
 Quam ut ferre poſſit, acerbior premitur, huius
 Sit venia, vitam calamitoſam linquere.
 Aga. Me excivit huc audita vox, neque enim ſilens
 Rupis profundæ filia per exercitum
 Reboavit Echo concitans ſtrepitum; at niſi
 Everſa conſtet Marte Grajo Pergama,
 Metum hic dediffet ſtrepitus haud quaquam levem.
 Poly. Agamemnon animo Rex meo cariffime.
 Nam vocem, ut audi, illico agnovi tuam.
 En ipſe nobis hoc, quod accidit, vides.
 Aga. Polymneſtor ehem te quis evertit miſer?
 Quis ademittit oculos, ſanguine infectis genis?
 Atque hos peremit liberos? is quiſquis eſt,
 In teque gnatosque odia ſæva geſſerat.
 Poly. Adjuta captivis Hecuba me foeminis
 Exſtinxit, haud exſtinxit, immo & amplius.
 Aga. Quid ais? patraſtin' facinus hoc, quod hic ait?
 Tun' auſa es Hecube tam ſtupendam audaciam?
 Poly. Hem quid ais? illa nunc ubi hic adeſt prope?
 Age indica, dic ubi ſit, ut raptam manu
 Laniem ac cruentem corpus omne ſanguine.
 Aga. Hem, tu quid agis?
 Poly. Hoc per Deos te deprecor,
 Iſti furentem me ſine injiciam manum.
 D Aga. Tibi tempera, iſtam mente barbariem exuens,
 Dic, ut ubi teque & hanc viciffim audivero,
 Quapropter hæc patiare, recte judicem.
 Poly. Dicam ego; quidam Priamidum minimus fuit,
 Polydorus Hecuba natus, hunc Priamus mihi
 Domi educandum miſit abs Troja pater,
 Excidia jam tum prætimens urbis ſuæ.
 Eum peremi, cur eum peremerim audi:
 Ut bene ac ſapiente providentia,
 Metui, relictus ne tibi hoſtis, hic puer
 Trojam aggregans, hoc rurfus incoleret ſolum.
 Porro ubi Pelasgi Priamidum reſciſcerent
 Superſeſſe quemdam, rurfus huc appellerent:
 Tum deinde Thraces hoſce populantes agros
 Incurrerent, nocente vicino Ilio,
 Quo nunc & ipſo, Rex, laboramus malo.
 Aſt Hecuba ſimul ac filii necem ſui
 Cognoverat, me hac arte duxit, abditos
 In Ilio monſtrare theſauros mihi
 Promittit auri Priamidum: cum liberis
 In teſta ſolum inducit, ut ne quis alius
 Mortalium valeret hæc cognoscere.
 Spondaque media ſedeo, curvato genu,
 Statim frequentes hinc & hinc cingunt manus.
 Ac velut amicum me Iliæ circumſident
 Juxta puellæ, textaque Edoniæ manus
 Tractant tenentes, lucidam videlicet
 Ad auram amictus hoſce ſpectantes probant.
 Aliæque Camaca dum intuentur Thraciam
 Jam me renudant duplici ſtoliſmate.
 At quæ pepererant, hæc ſtupentes, pignora
 Librant in ulnis, ac viciffim per manus
 Tradunt, ut a parente ſummoveant procul.
 Dehinc poſt ſufurros inter ipſas mutuos
 Tacitalque poſt muſſationes, ærea,
 Quibus o Dei modis, repente e veſtibus
 Laciniolis proferentes ſpicula,
 Fodiunt puellæ: rurfus hæc more hoſtico

Manus

Manusprehendunt, atque continent, meas,
 Pedesque; gnatis ferre concupiens opem,
 Si forsā ora gestiebam attollere,
 Coma tenebant, sive motabam manus,
 Denso undique imminente mulierum agmine,
 Atque opprimente, proficio miser nihil.
 Porro supremum jam malum, plusquam malum,
 Mire patrarunt, quippe correptis manu
 Acubus, mihi orbes luminum miserrimos
 Fodiunt, cruentant, deinde mox circum domum
 Fugitant; at ipse nempe profilio foras,
 Ut fera cruentas persequens cursu canes,
 Omnemque lustrum parietem, venantis in
 Morem, modumque, concutioque, & dissipō.
 Atque hæc quidem sum passus Agamemnon, tibi
 Dum facere gratum studeo, sustollens tuum
 Hostem; sed, ut ne verba longius traham,
 De foeminis si dixit antehac quis male,
 Hodieue dicit, sive post dicturus est,
 Cuncta hæc ego compendio dicam semel.
 Neque terra simile, nec fretum gignit genus.
 Atque illud ipsa discit experientia
 Semper, cui cum illis negotium incidit.
Chor. Tanta caveto utare confidentia,
 Neve ex tuis ipsius existimans malis,
 Muliebre sic vel omne vituperes genus.
 Pleræque nostrum aliæ quidem laudabiles,
 Aliæ malarum de grege ac numero sumus.
Hec. Agamemnon, haud decet hominem lingua magis
 Ullo valere tempore, ac factis valet.
 Sed seu proba egit, oportet & probe loqui:
 Seu prava, rursus dicta & esse putida:
 Nec iniqua quæ sunt, posse differere bene.
 Cati quidem sunt, ista qui callent probe,
 At non quierunt esse ad extremum cati.
 Verum malis perire cuncti cladibus,
 Nec ullus horum exitia suffugit sua.
 Et hoc quidem ad te sit mihi procemii,
 Ad hunc revertar, ac locis respondero.
 Quid ais? Achivos ut labore duplici
 Levare posses, gratiaque Agamemnonis
 Mucrone gnatum tun' peremisti meum?
 Atqui scelestæ, primum Achivum cuipiam
 Haudquaquam amicum barbarum fuerit genus,
 Neque possit esse: deinde quam gratia
 Prodesse properas? num quod affinis cui, aut
 Cognatus esses, aut quid argumenti habens?
 An ne refecti carperent segetem tuæ
 Telluris? horum cui putas facias fidem?
 Aurum (fateri vera si modo voles)
 Et tua cupiditas filium exstinxit meum.
 Etenim doce illud, donec incolumis fuit
 Troja, urbsque adhuc munita turribus stetit,
 Vixitque Priamus Marte florens Hectoris,
 Quin tum mereri de hocce si libuit bene,
 Quam gnatum haberes nutriendum in ædibus,
 Aut enecasti, aut vivum in Argivum manus
 Ductum dedisti? at nos ut occidimus, simul
 Et ab hoste captam fumus urbem prodidit,
 Jugulasti amicum, & ad lares profugum tuos.
 Ausculta ad hæc nunc, unde sceleratus magis
 Videare; si benevolus Argivus eras,
 Aurum, quod esse fateris haud tuum,
 Adferre decuit, ac dare iis, quibus erat opus,
 Annosque multos patria degunt procul.
 At tu manu ne nunc quidem evelli tua
 Patere, at potiris possidens in ædibus.
 Quod si educare filium ut te dignum erat
 Sic educasses, atque servasses meum,
 Laudem profecto comparasses inclytam.
 Siquidem in malis qui sint potissimum boni
 Patent amici, læta amicos passim habent.
 Jam si fuisset opus tibi pecunia,
 Incolumis & modo ille vixisset, tibi
 Theſaurus ingens filius fuerat meus,

A

At nunc nec istum amicum habes tibi virum,
 Aurique lucrum periit, ac gnati tui,
 Tuque ipse, ad istum scilicet agitis modum.
 Porro illud Agamemnon tibi jam dicam ego,
 Hunc si juvabis, vir videbere improbus,
 Nam nec pio, nec fido in hos, in quos decet,
 Non æquo amico, non bono, facies bene.
 Quin te malis gaudere dicemus, quia
 Sis talis ipse, heris sed haud convicior.

Chor. Res mira, ut homini materiam semper probam
 Orationis, facta suppeditant proba.

Ag. Aliena nobis judicare grave est, mala,
 Tamen necesse est. Nam pudor sit in manus
 Rejicere causam, quum semel receperis.
 Mihi, ut sciens sis, neque meapte gratia,
 Sed neque Pelasgum, hominem videris hospitem
 Necasse, verum ut aurum haberes in domo.
 Nunc in malis quæ conferunt tibi, loqueris.
 Jugulare forsā hospitem, vobis leve est,
 Nobis Achivis istud oppido est grave.

B

Quinam probrum ergo fugio, si pronunciem
 Te jam innocentem? non profecto ulla queam
 Quin potius, ubi quæ non licent, haud veritus es
 Patrare, tolera quæ vicissim non libent.

Poly. Proh ut videtur victus a muliercula
 Capta, dabo supplicia deterioribus.

C

Ag. Meritoque, quando tute parasti mala.

Poly. Heu liberos oculosque fleo miser meos.

Hec. Doles? dolere filium haud credis mihi?

Poly. Malefica gaudes, me quod afficias malis?

Hec. Quid enim, ulta te, non gaudeam jure optimo?

Poly. At non item fortassis ubi te vis freti.

Hec. Numquid vehet Pelasgici ad plagas soli?

Pol. Immo suppremis lapsam ab antennis teget.

Hec. Saltus ad hos quis adigit invitam, cedo.

Poly. Malum ipsa celeri navis adscendes pede.

Hec. Alatan' humeris, vel quibus tandem modis?

D

Poly. Fies canis, oculos igne lucenteis gerens.

Hec. Qui nota formæ versio tibi est meæ?

Poly. Threicius augur Bacchus ista prodidit.

Hec. At ex tuis nil ille præcinit malis?

Poly. Sic neutiquam me fraude cepisses tua.

Hec. Defunctan' illic anne viva finiar?

Pol. Defuncta, tumulo nomen indetur tuum.

Hec. Sumptum a figura? aut quod aliud dicis meum?

Pol. Canis sepulcrum, navitis signum vagis.

Hec. Nihil laboro, posteaquam te ulta sum.

Pol. Quin filiam necesse Cassandra mori.

Hec. Equidem hæc abominor, in caput repreicans tuum.

Pol. Coniunx at illam interimet hujus aspera.

E

Hec. Ne mihi sic umquam gnata Tyndari furiat.

Pol. Quin ipsum & hunc bipenne librata in caput.

Ag. Itan' furis tu, qui malum accersis tibi?

Poly. Neca, at lavacra mortifera te Argis manent.

Ag. Non hunc ministri vi trahetis hinc procul?

Poly. Audire grave?

Ag. Non ora continebitis?

Poly. Opprimite, dictum est.

Ag. Quam potest ocyssime

F

Non huncce solas deferetis in insulas,
 Adeo procaci quando lingua abutitur?
 At Hecuba tu proh misera, funera gemina
 Abi, atque sepeli, vos oportet herilia
 Adire quamque Troades tentoria.
 Etenim hos secundos video ventos, patriam
 Versus, bene autem navigemus, atque item
 Liceat domi res prosperas offendere,
 Tandem expeditos hisce jam laboribus.

Chorus.

Ite ad portus agite, & Grajūm
 Ad tentoria tendite sæva.
 Experturæ posthac sortis
 Ærumnas servilis acerbas.
 Nam sic urget nescia flecti, &
 Cogit dura necessitas.

EVRIPIIDIS HECUBÆ, DESIDERIO ERASMO ROTERODAMO INTERPRETE,

F I N I S.

EU.

E U R I P I D I S
I P H I G E N I A ;

E

GRÆCO SERMONE IN LATINUM

T R A D U C T A,

D E S I D E R I O E R A S M O

R O T E R O D A M O

I N T E R P R E T E.

G U I L L E L M O

ARCHIEPISCOPO CANTUARIENSI,
DESIDERIUS ERASMUS ROTERODAMUS,

S. P. D.



OSTEAQUAM huic Tragædiæ manus admoliri cœpisssem, amplissime Præsul, protinus alium quemdam orationis gustum, diversamque carminis indolem sentire mihi sum visus. Nam (ni fallor) & plusculum habet candoris, & fusior est dictio. Quo quidem nomine Sophoclea videri queat. At rursus argumentorum densitate, quasque declamatoria quadam suadendi, ac dissuadendi facultate, parentem Euripidem magis refert. Quamquam utri sit inscribenda, neque meum est pronunciare, neque magni referre puto. Nobis tamen visum est de pristina illa nostra religione non nihil remittere, ne non hac etiam in parte congrueremus argumento. Proinde Iphigeniam paulo tum fusus, tum copiosius traduximus, at ita rursus, ut ab interpretis fide neutiquam recederemus. Hoc uno in utraque sumus ausi dissentire, quod in Choris immodicam illam carminum varietatem, ac licentiam aliquantulum temperavimus, sperantes futurum, ut hac in re docti nobis veniant darent, nimirum in tantis versantibus angustiis: quandoquidem neque Flaccus Lyricorum, neque Seneca Tragicorum Poetarum tantam in metris aut pedum libertatem, aut generum diversitatem sit imitatus, cum uterque sequeretur Græcos dumtaxat, non etiam interpretaretur. Quod si mihi per graviora studia liceret alias aliquot vertere Tragædias, non modo me non pœniteret hujus audaciæ, quin etiam non vererer chorum & stilum & argumenta commutare, mallemp̄e vel locum quempiam tractare communem, vel in amœnam aliquam pœtice exspatiari, quam in canoris (ut vocat Horatius) nugis operam sumere. Nusquam enim mihi magis ineptisse videtur antiquitas, quam in hujusmodi Choris, ubi dum nimium affectat verbe loqui, vitia vit eloquentiam: dumque verborum miracula venatur, in rerum judicio cessavit. Vale meum decus.

ARGUMENTUM IPHIGENIÆ IN AULIDE,

P E R

DESIDERIUM ERASMUM ROTERODAMUM.



OSTQUAM Græcorum Duces omnes una cum classe, reliquoque belli apparatu in Aulidem convenissent, ut inde pariter ad Trojam evolvendam navigarent, tanta consequta est cœli tranquillitas, ut nullis flantibus ventis, non esset navigandi facultas. Quare quum exercitus jam moleste ferret, se frustra tempus inibi terere, consultis extis, Calchas augur respondit, Dianæ Aulidenſi immolandam esse Iphigeniam Agamemnonis filiam, atque ita Græcos feliciter ad Ilium navigaturos. Itaque convocato exercitu, Agamemnon persuasus a Menelao, patitur fieri decretum, ut accersatur puella. Cæterum quo libentius eam Clytemnestra mater mitteret, privatim fingunt titulum, quasi Achilli Græcorum Principum optimo foret nuptura. Hoc commentum soli noverant Agamemnon, Menelaus, Calchas, atque Ulysses. Atqui missis jam ad uxorem literis, Agamemnon, quum superioris consilii pœniteret, & futuram cædem filię ferre non posset, noctu clanculum alias ad uxorem literas scribit, denunciâns ne virginem mittat ad Aulidem, in aliud enim tempus proferendas nuptias. Eas antelucano seni cuidam servo Argos perferendas committit, exposito simul earum argumento. Verum hanc cum epistola Menelaus, dum & ipse ante lucem puellæ adventum observat, intercipit, & acriter cum fratre de consilii inconstantia expostulat. Interea e comitatu Clytemnestræ præcurrens quidam, Agamemnoni, Menelao præſente, nunciat, adesse in Aulide Iphigeniam una cum matre, & Oreste infante, neque eam rem clam esse exercitu. Ibi simul atque Menelaus sensit, illi jam non esse integrum filiam remittere, sicte cœpit fratri suadere, ne virginem sua causa pateretur occidi. Dum hæc inter illos versantur, interim advecta Clytemnestra cum filia, multisque modis exagitantur patris affectus, dum consilium de jugulanda filia studet celare. Qua dere dum consulturus Calchantem abiisset, interea accessit Achilles, expostulaturus cum Agamemnone. Salutatur a Clytemnestra tanquam futurus gener. Achilles ignarus demiratur. Ibi servus senex, ille cui literæ secundæ fuerant commissæ, rem profert proditque consilium Regis. Indignatus Achilles, quod ad cædem virginis suo nomine essent abusi, in concilio defendit eam ne perimatur, sed vincitur suffragiis. Itaque quum res ad summum tumultum spectare videretur, reliquo exercitu postulante puellam, contra Achille cum universis depugnare parato, ipsa ultro mutata sententia, suadet matri, satius esse speciosam oppetere mortem, quam ob suam unius vitam, aut tot Principes in certaminis periculum vocari, aut rem tantam omitti. Ducta igitur ad aram Dææ, ipsa quidem sublata est in Tauricam regionem, at ejus loco cerva supposita est. Sacro peracto, navigant Græci.

ARGUMENTI FINIS.

P E R S O N Æ F A B U L Æ.

Agamemnon.

Senex servus ejus.

Chorus ex mulieribus Chalcidensibus,

Menelaus frater Agamemnonis.

Clytemnestra uxor Agamemnonis.

Iphigenia filia Clytemnestræ & Agamemnonis

Achilles dictus sponsus.

Senex minister.

Nuncius.

EURIPIDIS IPHIGENIA IN AULIDE.
E GRÆCO SERMONE IN LATINUM TRADUCTA,
DESIDERIO ERASMO ROTERODAMO
I N T E R P R E T E.

Carmen Anapesticum Dimetrum.

Aga. **H**Orum senior prodi tectis.
Sen. Prodeo, sed quid molire novi Rex Agamemnon?
Aga. Mox cognoris
Sen. Ocyus appropero, mea namque est
Multum impigra, vigilque senecta
Sic, ut & ipsis constet, & adsit
Vigor, atque acies sua luminibus.
Aga. Ergo quod hoc, age, trajicit astrum?
Sen. Sirius ardens, qui Plejadibus
Septem geminis vicinus adhuc
Medio rapidus fertur coelo.
Aga. Hinc nulla strepit vox, non avium,
Sed nec pelagi, taciti venti
Tranquillum sternunt Euripum.
Sen. At tu quid ita tecta relinquis.
Rex Agamemnon?
Aulida adhuc habet hanc alta quies,
Nec muris cessere excubiae.
Introeamus.
Aga. Tu mihi sorte
Felice senex esse videris.
Nam felicem cenfeo sane
Ego mortalem, quicquid tutum
Ignotus, & inglorius ævum
Transmisit, qui vero ætatem
Egerunt in honoribus, horum
Sortem haud duco perinde beatam.
Sen. Atqui in istis decus est vitæ.
Aga. Sed decus istud, lubrica res est.
Etenim votis dulce quidem ipsis
Est honos; ast ubi contingit idem,
Tum discruciat; modo religio
Divum, non sat rite peracta
Labefactam subvertit vitam.
Modo rursus hominum mentes variæ,
Ac difficiles prorsus acerbant.
Sen. Haud ista viro in principe laudo,
Non te sevit ad omnia læta
Agamemnon Atreus.
Gaudere, atque dolere necesse est:
Mortalis enim es. Sin tu nolis,
Tamen eveniet, sic Diis placitum.
At tu apposito lumine tædæ
Scribis epistolum,
Hoc quod manibus nunc quoque gestas,
Rursum deles, quicquid scriptum est,
Atque obsignas, deinde resignas,
Piceamque solo illidis, liquidas
Fundens lacrymas.
Et sic anceps tecum variæ,
Uti nil desit
Quo minus insanire puteris.
Quid habes? quid habes?
Quæ nova res, quæ res nova quæso
Te Rex agitat?
Quicquid age est, imperti nobis.
Fido, atque probo dixeris homini.
Nam tibi quondam dotis partem,
Cum uxore tua me Tyndareus,
Misit dignum sponsæ comitem.
Aga. Leda obtigerunt Thestiadi tres filia,
Phoebe, Clytemnestraque, quam mihi duxi ego,
Heleneque: at hujus nuptias multi proci
Petiere, juvenes Græciæ opulentissimi.
Verum hinc minæ truces coortæ, & mutua
Cædes virum imminere visa non levis,
Quisquis fuisset non potitus virgine,
Ita ut hæsitaret mente Tyndareus pater
Utrumne daret, an non daret, nimirum agens,
Sibi res ut ista cederet prosperrime.

A Atque interim illud venit in mentem viro,
Uti coirent jurejurando proci,
Atque inter ipsos jungerent dextras, ad hæc
Adolenda Divum ponerent aris sacra,
Ac semetipsi adstringerent, diris ad id
Caput obligantes imprecationibus,
Ut quisquis esset ea potitus conjuge,
Huic adessent vindicatori simul,
Si quisquam eam per vim raperet ex ædibus,
Depellerentque possidentem a conjuge,
Belloque adorti, civitatem excinderent
Armis, perinde Pelasgicam atque barbaram.
Ubi scedere autem sunt adacti, ac denique
Astutus ex animi sui sententia
Persuasit illis arte & ingenio senex,
Gnatæ facit jus, uti procis ex omnibus
Diligeret unum quemlibet sibi virum,
Quocumque grata ferret aura Cypridis.
Menelaon illa deligit, & ô si foret
Numquam potitus, dein profectus Ilio
Lacedæmonia ille, qui arbiter pridem trium
Fuerat Dearum (vulgo ut homines dicunt)
Insignis, ac nitens amictu florido,
Auroque fulgens, barbarum videlicet
Luxum, atque cultum gentis ostentans suæ,
Amans amantem fugit abreptam vehens
Helenen, & Idæ abduxit ad bubilia.
Menelaus itaque solus e Grajis, gravi
Ira furens, vetusta foci fœdera
Testatus, esse jus & æquum prædicat,
Uti ferant injuria læsis opem.
Hic ergo Danaum turba Marte percita
Cepessit arma, arctosque in Aulidis sinus
Convenit huc, & ratibus & scutis simul
Instructa, equisque, curribusque plurimis.
Hinc me ducem legere Menelai vice,
Quia frater essem. Sed utinam loco mei
Alii hoc honoris contigisset cuiquam.
At nunc coactis undique copis,
Hac ociosi desidemus Aulide.
Quod navigandi copiam venti negent,
Calchasque vates mussitans tacitus diu
Respondit, Iphigeniam, ego cui pater,
Divæ immolandum, hujusce præsidii loci,
Ita navigandi copiam Grajis fore,
Simulque Trojæ diruenda moenia,
Hanc si immolassent: sin minus, tum non fore.
At ego, hæc ut audio, jubeo voce publica
Dimittat omnem Talthybius exercitum,
Ut qui illud animo facinus haud umquam meo
Laturus essem, gnatam uti perimerem meam.
Totas ibi artis frater intentans mihi, ac
Expertus omneis persuadendi vias,
Tandem impulit me atrox ut auderem nefas.
Ego itaque literis ad uxorem datis,
Quo filiam huc transmittat impero, velut
Nupturam Achilli, & dignitatem exaggerans
Viri, negansque hunc velle junctis copiis
Cum classe Achivum solvere in Phrygas simul,
Nisi sponsa nostra detur in Phthiam e domo.
Commentus hanc persuasionem ad conjugem
Meam, puellæ obtexo falsas nuptias.
At hæc ut habeant, soli Achivum novimus
Menelaus, ego, Calchas, Ulysses. Cæterum
Quæ tum parum bene statueram nunchas bene
Recanto corripere per tabellulas,
Quas me sub umbra videras noctis senex
Revincientem, & colligantem denuo.
Sed eja ad Argos hanc Epistolam ferens
Concede, quicquid intus occulant rei
Cera silentibus exaratum literis,

Tom. I. D d d d 2

Scr.

Sermone id omne prorsus exponam tibi.
 Es enim fidelis conjugi, ac domui meæ.
 Has iterum tibi mitto tabellas, Ledaë germen.
Sen. Fare, enarra, quo voce tuis
 Scriptis consentanea dicam.
Aga. Ne gnatam horsum transmittes tuam
 Ad sinuosam Euboiaë rupem
 Aulin tacitam.
 Siquidem tædas virginis aliud
 Nunc in tempus producemus.
Sen. At sponsa frustratus Achilles,
 Nonne minaces animos tollet
 In te, atque tuam simul uxorem?
 Hinc etiam instat grave discrimen.
 Cedo, quid censes?
Aga. Nomen, non rem præbet Achilles,
 Neque cognovit de conjugio,
 Quodque dolo nos agimus, nescit.
 Neque quod finxi gnatam thalamo
 Ipsi juncturum esse jugali.
Sen. Dira parabas Rex Agamemnon.
 Itane prolem nomine ficto
 Sponsæ, fueras Danaïs producturus,
 ut esset victima divæ?
Aga. Hei misero mihi mente errabam.
 Eheu tristem trahor in luctum.
 Sed jam celeri procurre pede,
 Neque te quicquam tardet euntem
 Senior atas. *Sen.* Rex accelero.
Aga. Neve ad fontes arbore multa
 Nunc desideas lentus opacos,
 Ne te blandus subigat somnus.
Sen. Quin verba bona ô Rex eloquitor.
Aga. Undique sectam scrutare viam,
 Circumactis observans oculis,
 Ne qua fallat te mea conjunx,
 Curru prætervecta volucris,
 Gnatam rhedis huc deportans
 Danaûm ad classem.
Sen. Fiet. *Aga.* Jam te proripe septis:
 Nam si vecta occurrerit illa,
 Aversa domum frena reflectes,
 Ad Cyclopia moenia tendens.
Sen. At, qui fiet, ut hæc referenti
 Dicta, fidem mihi sint habituræ,
 Tum tua filia, tum tua conjunx?
Aga. Symbolon hoc, quod in hisce tabellis
 Portas ferva.
 Fuge, jam lux albescit, & aurora
 Ignea surgit,
 Ac Phœbeæ flamma quadrigæ.
 Hanc operam mihi sume juvando.
 Nemo ex omni parte beatus.
 Numquam siquidem natus quisquam est
 Cui nil fuerit, quod cruciaret.
Carmen varic mixtum.
Cho. Modo profecta Chalcide patria,
Mulic. Quæ semper arcto tunditur æquore,
Chalcidænjum Ubi marino interflua gurgiti
 Arethusa, puro vitrea flumine,
 Rigat arva, veni littus ad Aulidis
 Euripicos emensa fluctus,
 Agmina Grajugenûm ut viderem,
 Classēque Pelasgum:
 Semideum quandoquidem
 Ad Phrygiæ Pergama Trojæ,
 Jam mille narrant ducere navibus
 Nostri mariti, clarum Agamemnonem, &
 Flavicomum Menelaum
 Fratrem hujus, una ut Tyndaridem petant,
 Quam pastor Eurotæ ad virentis
 Plurima arundine ripas
 Idæus rapuit Paris,
 Præmia quæ Venus
 Donarat illi tunc, ubi levium
 Ad fontium vivas scatebras,
 Cum Junone Jovis conjuge maximi,

A
 Et cum belligera Pallade principis
 De laude formæ, Cypria mollium
 Mater blanda Cupidinum
 Certaret. Atqui per Trivia nemus,
 Lucumque crebris perpetuo sacris
 Halantem venio, mi tenera interim
 Dum sic conspicio viris,
 Repente obortus
 Suffundit ora purpureus pudor,
 Multijugos clypeos aventi
 Cernere & armigerorum
 Ferrea castra Pelasgum,
 Bellaces item equos cernere, & acrium
 Agmina densa virum.
 Ac conspexi equidem duos
 Tentorii in iisdem
 Ajaces, patris hunc germen Oilei,
 Hunc Telamone fatum,
 Juge decus Salaminis.
 Nec non Protefilaum
 His pariter assidentem,
 Collusitantes tesseraum
 Jactibus omnijugis.
 Conspexi Palamedem.
 Quem Neptunia proles
 Produxit: neque non viribus ac manu
 Insignem Diomedem,
 Oblectantem animos jactibus ænei
 Disci: nec procul hoc Merionem, inclytam
 Gradivi sobolem patris,
 Miraculum mortalibus.
 Et Laertiadem profectum
 Montuosa ab insula.
 Nec non Nireæ, quo nemo Pelasgica
 Inter pulcrior agmina.
 Tum cursu & volucris pedum
 Ventis cum rapidis fuga
 Decertare potentem
 Achillem, Dea quem progenit Thetis
 Chiron finxit, & educavit,
 Vidi littoreis in arenis
 Armis onustum currere.
 Certabat autem cum citis quadrigis,
 Cursu volans pedestri,
 Et antevergens deproperat statæ
 Laudem tollere palmæ.
 Eumelus acris inter
 Ista Pheretiades
 Quadrigæ moderator
 Exclamat; huic profecto
 Vidi equas pulcerrimas,
 Frenisque pictas aureis,
 Stimulo incitante cursum,
 Vastum celerare per æquor,
 Partim arcuato, suppositas jugo,
 Albis terga notis divariantibus,
 Partim hinc & hinc æqualibus additas
 Extra jugum catenis,
 Obliquos glomerare flexus,
 Rufis conspicuas pilis.
 Porro cruribus inis,
 Qua talum premit ungula,
 Diverso varias colore.
 Juxta has in armis Æacides gradu
 Fertur citato, sæpe volubili
 Cantho propinquus, fervidoque
 Proximus axi.
 Post hæc ad numerosæ
 Classis pervenio trabeis,
 Spectaculum ingens nec recitabile.
 Quo mihi blanda voluptas
 Fœmineos oculos,
 Gratissima tuendi
 Illecebra satiet.
 Cornuque dextrum
 Myrmidonum manus
 Quæ Phthii ducis

Mili-

Militat auspiciis
 Quinquaginta agitant carinas,
 Pernices, rapidasque tenebat.
 Porro in eminentium
 Puppium fastigiis
 Sculptis auro, Deæ
 Æquoris, Nereides
 Stabant nempe Achilleæ
 Signa cohortis.
 Atque his ordine proxima,
 Paribus recincta remis
 Classis stabat Argivum
 Quos Mecistiades agebat,
 Capaneoque fatus,
 Bellator Sthelenus dehinc
 Proles inclita Thesei
 Sexies denas agens
 Dite ex Atthide naveis,
 Per seriem positas
 In statione tenet.
 Harum in puppibus eminebat
 Pallas Diva, volucris
 Nixa quadrigis,
 Signum bene ominatum,
 Vitæque faustum navitis.
 Bœotiorum bellicum
 Rursus apparatus
 Quinque decem rates
 Vidi fluctifecas, citasque
 Adprobe decoratas
 Signis, quippe minacibus
 Cadmus in rostris erat,
 Fulvum tenens draconem.
 At cohorti nauticæ
 Terrigena præerat
 Imperator Leitus,
 Phoci cui patria tellus.
 Pone illos, totidem navibus e Locris
 Advectis sequitur gnatus Oilei,
 Throniaca urbe profectus.
 Cæterum e Cyclopiis
 Satus Atreo Mycenis
 Centum rateis agebat,
 Denso refertas milite.
 Huic aderat pariter
 Ductor Adrastus,
 Nempe amicus amico.
 Ut, quæ domo relicta
 Barbaras Phrygum
 Fuerat sequuta nuptias,
 Marte pollens Græcia
 Vindicaret Tyndarin.
 Ad hæc Pylo profecti
 Nestoris Gerenii
 Vidi rateis, in puppibus arduis
 Insignii stabat vice, taurico
 Alpheus ore fictus,
 Qui Pylios celer
 Dissecat agros.
 Bissenis aderant navibus insuper
 Ænianorum cohors,
 His præfectus Juneus.
 Hos item sequuntur
 Euryto duce,
 Optimates Elidis,
 Quos universa plebes
 Dicit Epeos.
 Agmenque agebant albireme
 Phylaci manipuli,
 His ductor præerat Meges,
 Quem miserant Echidnæ
 Insulæ, appellentibus
 Periculosa navitis.
 Ait Ajax Salaminia
 Urbis alumnus,
 Cornu junxit utrumque
 Dextrum, atque lævum, cominus admovent

A

Bissenas rateis
 Præcipientes, agilesque, &
 Ultimus agmina clausit,
 Sic ut inaudii.
 Nam classicam catervam
 His ipsa vidi oculis.
 Adversus hancce barbaras
 Quicumque dux phalanges
 Committet, is salvus domum
 Nunquam est rediturus, opinor.
 Illic itaque navalium
 Audii, vidique
 Agminum cohortes.
 Eadem domi recordor,
 Meos apud penateis
 Audisse de Pelasgum
 Convocatis copiis.

B

Sen. Menelæ jam audes graviaque ac immania,
 Audere quæ te neutiquam licet aut decet.
 Me. Abi, nimis profecto heris fidelis es.
 Sen. Mihi exprobasti probum honestum scilicet.
 Me. Jam vapulabis ejulans, ac flens mihi
 Quæ te nefas patiare, si pataveris.
 Sen. Te solvere tablas non decet, quas ego fero.
 Me. Neque ferre Achivis te decet cunctis malum.
 Sen. Contendis hæc frustra, has sed amittas mihi.
 Me. Haudquaquam omittam. Sen. Sed nec ego remiserō.
 C Sceptro tuum tibi mox cruentabo caput.
 Sen. At pulcrum heri vel mortem obire gratia.
 Me. Omitte, multa servus homo verba hic facis?
 Sen. Agamemnon here, vim patimur; hic epistolam
 Tuam manu violentus extorsit mea,
 Æqui nec ulla huic ratio constat nec boni.
 Aga. Hem quid tumulti in foribus, aut convicii?
 Sen. Meum potius, atque hujus rem est dicere.

C

Carmen Trochaicum Tetrametrum Catalecticum.
 Aga. Cæterum Menelæ, cum isthoc causa quæ tibi incidit
 Litis, & contentionis? curque vi trahis meum?
 Me. Aspice in nos recta, ut hoc capiam loquendi exordium.
 Aga. Num verebor lumina in te tollere Atreo fatus?
 Me. Hæce num tabulas vides, scripti ministras pessimi?
 Aga. Video, quam primum sed istas manibus amittas tuis.
 Me. Non prius, quam quicquid intus, aperiā cuncto a-

D

gmini.
 Aga. Itane scis, quæ neutiquam te fas erat cognoscere?
 Idque refractis (opinor) epistolæ signaculis?
 Me. Aperiens videlicet, quo te malorum denique
 Pudeat, ac pigescat horum quæ patraſti clanculum.
 Aga. Verum eas ubi nactus? O Dii mentis impudentiam.
 Me. Nempe dum cautus tuam servo, maneoque filiam,
 Numquid Argis adveniret ad Pelasgum copias.
 Aga. Cæterum qui convenit, tu res ut observes meas?
 Obfecro, an non est viri isthuc impudentis & improbi?
 Me. Sic enim tulit voluntas, servus haud sum ego tibi.
 Aga. Ista non indigna, & intoleranda, quæso per Deos?
 Itane per te non licebit, nec sinar, negotia
 Propriæ domus meo te temperare arbitrio?
 Me. Varia sentis, nunc quidem illud, alia dudum, aliud statim.
 Aga. Dicta phalaras, est malum autem docta lingua pestilens.
 Me. Varia mens iniqua res est, atque amicis abdita.

E

Jamque te verbis revincam; tu per iracundiam
 Vera ne negato, non ego te admodum laudavero.
 Scin' ne creari ubi studebas dux Achivum ad Ilium,
 Fronte, sic specieque nolens, sed animo sane volens,
 Quam tum eras submissus, omnem prensitando dexte-

F

ram,
 Ac fores habens patenteis cuilibet popularium,
 Et salutans ordine omnes, quisquis esset obviis,
 Si quis etiam noluisse, hunc honorem queritans
 Emere comitate morum a multitudine civium?
 Ait ut imperio es potitus, non es iisdem moribus,
 Nec vicissim ut ante, amicus iis manes, qui se tibi
 Præstitere dudum amicos; sed aditu superbus, ac
 Fastuosus, abditusque delites in ædibus.
 At suos mutare mores haud decet probum virum,
 Posteaquam splendidis donatus est honoribus.
 Maxime sed tunc amicis esse firmum convenit,

Tom. I. Dddd 3 Quan-

Quando maxime juvare jam potest felicior. (malum.
 Hæc tibi primum opprobriavi, primum ubi exerior
 Deinde in Aulin ut appulisti, omnisque Grajum exerci-
 Nullus es, sed abnegante prosperum cursum mari, (tus,
 Illico fortuna, quam Dii miserant, te perditum
 Mente constravit. Pelasgi at inter hæc dimittier
 Flagitant classem, negantes esse consilii sibi,
 Ut diutius laborem frustra in Aulide trahant.
 Fama porro quam fuisse foeda, & infelix tibi,
 Quanta item perplexitas, animique consternatio,
 Mille cum præfectus esses imperator navibus,
 Ni Phrygum campos replesses bellicoso milite?
 Meque consulis quid ageres, quamve reperires viam,
 Ne tibi regno abdicato, famæ & occideret decus.
 Hinc ubi inter sacra vates filiam edixit tuam
 Immolandam Artemidi Calchas, atque ita Danaïs fore
 Cursum ad Ilium secundum, mente gavisus, lubens
 Te immolaturum puellam pollicebaris Deæ.
 Ac volens, non vi coactus (hoc caveto dixeris)
 Conjugi jubes, ut horum filiam mittat tuam,
 Nomine hoc, quo tamquam Achilli sponsa nuberet viro.
 Nunc repente versus, alias mittis immemor schedas,
 Filia nec jam futurus dirus occisor tuæ.
 Age, sed hic est ipse æther testis atque confcius,
 Ita qui te pollicentem vidit, atque exaudivit.
 Accidit nimirum idem isthuc plurimis mortalibus,
 In capeffendis negotiis, qui quidem enixe, quoad
 Assedantur, elaborant, deinde foede deferunt,
 Idque partim incogitanti civium vecordia,
 Partim item merito, atque jure, quando non idonei,
 Nempe reperiuntur ipsi, rem tueri publicam.
 Ego potissimum inauspicatæ Græciæ vicem gemo,
 Quæ patrare insigne quiddam, & gloriosum in barbaros
 Perditos conata dudum, jam tua causa, ac tuæ
 Gnata, eis risum movebit scilicet foedissimum.
 Neminem loci crearem præsidem, aut belli ducem,
 Seu rei, seu dignitatis, officive gratia.
 Mente dumtaxat sagaci oportet esse præditum hunc,
 Bellicam qui rem administrat civitatis nomine.
 Quippe princeps ille quisquis præeminet prudentia.
 Res dira verbis invicem altercarier,
 Dictisque fratres dimicare mutuis,
 Si quando lis inciderit, aut contentio.
 Bene tibi Menelæ contra jam volo maledicere,
 Idque paucis, ne cui parum prudenter, ac nimis
 Inverecunde putemur agere; sed modestius
 Tibi loquimur, quippe fratri; nam vir improbus qui-
 Is mihi videtur esse, qui vereri non solet. (dem
 Cedo mihi, quid acerba spiras, sic cruento lumine?
 Quis nocet tibi? quidve factum est? an ne raptæ conjugis
 Recipere præclara sane concupis cubilia?
 Non tibi præstare hoc nostrum est; nam tuorum tu tibi
 Ipsus auctor es malorum, deinde commissi obsecro
 Ipse quod nunquam patrarim, innoxius poenas luam?
 Nostra num te ambitio mordet? at venustam conjugem
 Misto honesto, æquo, bonoque vis tenere amplexibus.
 Nam viri mali, improbique sunt voluptates malæ.
 Ego quod antehac ista non perpenderim consultius,
 Sanus haud sum, an verius tū? quippe qui connubio
 Quum sis malo levatus, denuo repetas miser,
 Posteaquam Diis secundis, res bene obtigerit tibi.
 Sed proci olim tibi Tyndarea dejerarunt foedera
 Improbi, nequam & superbis imminentes nuptiis.
 Ast ego ipsam spem videlicet arbitror magis Deam
 Illud effecisse, quam te, vimve consilii tui.
 Quos agens bellum auspicare, nam reor fore, ut scias
 Mente vecordi inita prave, vique adaucta foedera.
 Cæterum meos ego non liberos mactavero.
 At tuo quidem arbitratu commodoque scilicet
 Conjugis vindieta fiet, præter æquum pessimæ?
 Me dies, noctesque mæstis lacrymis confecerit,
 Impia interim patrantem, & æquitati dissiona,
 In meos, quos ipse sevi, sustulique liberos?
 Hæc brevi tibi dicta sunt plana, & expedita, sin
 Sapere recte tu recuses, mea bene statuam tamen.
 Carmen Jambicum Trimeterum.
 Diversa dictis ista superioribus

Relata sunt, at illud admonent probe,
 Vim propriis esse abstinendam a liberis.
 Proh habeo amicum neminem infelix.
 Habes
 Qui sunt amici, ni velis evertere.
 Ubi te arguis mihi patre communi satum?
 At sapere tecum cupio, non furere simul.
 Dolere amicos tamen oportet mutuum.
 Tum accerse, quum juvare vis, non lædere.
 Censes in his non adjuvandam Græciam?
 At ista tecum quopiam insanit Deo.
 Sceptris tumelicis fratre deserto tuo.
 Ego porro ad alias verto me artes quaspiam,
 Aliosque amicos.
 Dux Achivi exercitus.
 Agamemnon, adsum filia advektor tuæ
 Pridem Iphigeniam quam vocasti in ædibus.
 Comes ipsa venit virginis mater, tua
 Conjux Clytemnestra, tuum una filium
 Ducens Orestem, quo voluptatem tibi
 Conspectus horum pariat, ut qui jam diu
 Procul a tuis agas foris penatibus.
 Sed quod viam longam peregerint, apud
 Lymphas nitentes fontis Euryti manent.
 Simul a viæ labore respirant gravi
 Ipsæ jugales, quas quidem dimissimus
 In pascuæ virentis herbidum sinum,
 Uti reficiant fessâ pabulo corpora.
 Ob hæc ego tui præmonendi gratia
 Huc præcucurri; quippe Grajum exercitus
 Rescivit, alis fama pervolans citis
 Jam dissipavit filia adventum tuæ,
 Totusque cursu coetus ad spectaculum
 Effunditur, quo filiam adspiciat tuam.
 Ut inter omneis nempe mortales solent
 Et inclyti esse semper & spectabiles,
 Quibus bonis fortuna statibus favet.
 Ajuntque num quæ nuptiæ? sed quid rei
 Paratur? an desiderio gnatae suæ
 Tactus Agamemnon, advocavit virginem?
 Aliosque rursus hæc audisses dicere,
 Artemidi nunc initiant puellulam
 Regnum obtinenti littoralis Aulidis.
 Verum quis illam ducet uxorem cedo?
 Sed interim hæc omittimus; quod insuper
 Restat, coronam primus e calathio cape.
 Vincito fertis tempora; & tu Rex item
 Menelæ præbe te lubentem nuptiis.
 Et in ædibus numerosa resonet tibia,
 Solumque læto perstrepat plausu pedum.
 Nam faustus iste virgini illuxit dies.
 Probe; sed intro te recipito, cætera
 Fato viam monstrante, succedent bene.
 Eheu miser quid dicam? (ut abste exordiar)
 Necessitatis heu quod incidimus jugum?
 Fortuna proh prævertit, imponens mihi,
 Suaque nostrum vicit astum astutia.
 At generis ipsa obscuritas, ut quiddam habet
 Et commodum profecto, & exoptabile.
 Nam liberum illis lacrymas profundere,
 Quærique misera, stirpe at illustri satis
 Sunt hæc negata, sed arbitrum vitæ, levem
 Populum obtinemus, atque multitudini
 Servimus; etenim me vetat quidem pudor
 Genas rigare lacrymis, rursus pudet
 Miserum carere lacrymis, in maximas
 Cladeis redactum. At hæc sinamus; quid meæ
 Respondeam de rebus hisce conjugis?
 Qua fronte contra hanc obtuebor? aut quibus
 Modis recipiam? quippe quæ me perdidit,
 Ast ista, quæ nunc me premunt miserum mala,
 Injusta veniens, attamen probabili
 Causa huc profecta est, filia comes suæ,
 Quo nuptias celebret, & quibus nihil
 Antiquius jucundiusque, eam collocet.
 Qua nos quidem in re deprehendet impios.
 Rursus misellæ virginis (quid virginis

Quæ

Quæ mox, opinor, sponsa nubet inferis)
 Ut est misertum; supplicabit hæc mihi
 Ad hunc reor modum. O pater, me occidere
 Paras? at istiusmodi connubia
 Veniant tibi, & si quis est carus tibi.
 Præfens Orestes hæc mihi opplorabit, haud
 Scita, at scienter, quippe adhuc infantulus.
 Ah, ut peremit me potius nuptiis
 Helenes Lacenæ Troicæ Priamo satus,
 Horum malorum qui mihi est auctor, Paris.
Cho. Me quoque misertum est, quatenus decet hospitam
 Malis tyrannorum ingemiscere foeminam.
Me. Germane dextram da mihi, ut tangam tuam.
Aga. Do, te penes victoria est, ast ego miser.
Me. Per Pelopa juro, qui mei pater patris,
 Tuique dictus, perque genitorem Atreum,
 Proloquar aperte mentis ex sententia.
 Nihilque fucans, immo quicquid sententia.
 Mihi te videnti oculos rigantem lacrymis
 Fraterna pectus perculit misratio.
 Vicissim & ipse ora tinxit lacrymis,
 Veteremque prorsus exui sententiam,
 Haud jam quidem infestus tibi adversarius.
 Sed facio tecum stans tuis a partibus,
 Hortorque te ne filiam perimas tuam,
 Neu præferas meum tuo negotium.
 Neque enim sit æquum, trutibus suspiriis
 Te macerari, me suaviter agere:
 Tuos mori, supera meos aura frui.
 Quid enim mihi volo? nunquid eminentia
 Rursus queam nanciscior connubia,
 Connubiorum si trahar cupidine?
 Fratrem ne perdens (me quod haud quaquam decet)
 Helenam præoptem, id est, boni loco malum?
 Incogitans, ac juvenis antehac fui,
 Sed propius atque fixius considerans
 Rem, video, quale erat perimere liberos.
 Ad hæc, puellæ me subit misratio,
 Dum reputo nimirum esse cognatam mihi,
 Quæ misera nostri gratia connubii
 Erat immolanda, at quid negotii, aut rei
 Cum Tyndaræa virgini est Helena tuæ?
 Dimissus abeat Aulide hinc exercitus,
 Tu frater oculos parce tingere lacrymis,
 Simulque nos in lacrymas impellere.
 Jam te tua de filia si quid movent
 Responsa, me nil moverint, tibi meas
 Transcribo parteis, sed quod in contraria
 Mutatus abeo, nunc acerbam deferens.
 Orationem, jure facio, si patre
 Prognatum eodem caritate prosequens,
 Transgressus in diversam eo sententiam.
 Quando illud est non improbi munus viri,
 Ubique factu quod sit optimum, sequi.
Cho. Generosa dixti, ac digna Tantalo, Jovis
 Genere, & parentis neutiquam indecorans tuos.
Aga. Collaudo te Menelæ, quod præter meam
 Opinionem, sic (uti te dignum erat)
 Orationem verteris recte tuam.
Me. Nonnullus olim ex cupiditate, fratribus
 Oritur tumultus, & e domorum opulentia.
 Germanitatem at istiusmodi quidem
 Fratrum inter ipsos, exsecror amarissimam.
Aga. Nihilo minus nos illigat necessitas,
 Gnatam cruenta cæde ut immolem meam.
Me. Qui? te quis adiget, gnatam ut interimas tuam?
Aga. Grajūm universim conglobatæ copiæ.
Me. Non, si remittas rursus ad Argos virginem.
Aga. Fefellero hic, illic sed haud fefellero.
Me. Quid hoc? timere non decet turbam nimis.
Aga. Calchas Achivum proferet vaticinia.
Me. Non, si ante pereat, idque fiet commode.
Aga. Genus omne vatū, gloriæ est avidum malum.
Me. At nihil habet, nec inutile, ut nec utile.
Aga. Non metuis illud, quod mihi in mentem venit?
Me. Qui suspicer, quod cogitas, ni dixeris?
Aga. Cuncta hæc scelestum Sisyphi novit genus.

A *Me.* Nihil est, Ulysses quod tibi, aut mihi noceat,
Aga. Is varius usque ac multitudini obsequens.
Me. Ambitio mente hunc pestilens tenet malum.
Aga. Huc prinde jam nunc inter Argivos puta
 Adflare medios, atque ibi eloqui palam,
 Quæcumque Calchas dixit afflatus Deo,
 Et ut Artemidi me victimam receperim
 Gnatam daturum, deinde promissum Deæ
 Mendax negarim, ita concitatis copiis
 Ubi meque, teque jam peremerint, dare
 Tum virginem suadebit Argivos neci.
 Quod si cita Argos me recepero fuga,
 Aderunt, & iplis me simul cum mœnibus
 Cyclopiis everterint, nec non solum
 Vastaverint; ad hunc modum infortunia
 Se nostra habent; heu miser, & infelix, ut his
 Nunc per Deos perplexus involvor malis.
 Unum hoc mihi Menelæ ferva, copias
 Adiens Achivū, ne quid istius rei
 Resciscat uxor ante, quam gnatam meam
 Maclatam ad Orcum & inferos demisero,
 Quo lacrymis, quantum potest, paucissimis
 Miser siem; at vos hospitæ mihi foeminæ
 Silentio negotium celabitis.

Carmen Glyconium.

Chor. Felices quibus obigit
 Sors nec summa, nec infima,
 Sed sane modica, & quibus
 Castos annuit aurea
 Nancisci thalamos venus,
 Tranquillaque perenniter
 Consuetudine perfrui,
 Quorum pectora mutuis
 Flagrant incita flammulis,
 Postquam jam geminis trahens
 Spicula torquet ab arcubus,
 Tincta spicula gratiis
 Coma splendidus aurea
 Cupido Deus aliger.
 Quorum hæc dulcè & amabile
 Ævum prospera conferunt,
 Vitæ hæc perniciem ferunt,
 Ac turbam, hunc equidem mœis
 Formosissima deprecor.
 Aversorque thoris venus.
 Sit modesta mihi precor
 Formæ gratia, sint mihi
 Amores liciti, ac pii.
 Contingant mediocria
 Blandæ munera Cypriidis.
 Porro ingentia deprecor.
 Humanis variantia
 Sunt discrimina mentibus
 Sunt discrimina moribus.
 At qui rectus & integer,
 Is semper similis sui.
 Quin probis rationibus
 Educi teneros adhuc,
 Momentum obtinet haud leve ad
 Virtutem, siquidem inserit
 Primum illud venerabilis
 Pectori sapientia,
 Foedum uti fugiat nefas.
 Dein fert hanc quoque gratiam,
 Mentem ut cernere callida,
 Quid facto sit opus, queat.
 Quæ res conciliat suis
 Ignarum senii decus,
 Gloriamque, perenniter
 Quæ nomen parit inclytum.
 Res est maxima quæpiam,
 Virtutis studium sequi.
 Quæ præstanda domi probis
 Privatim mulieribus
 Sancta conjugii fide.
 At palam decorans viros
 Inter densa frequentium

Foro

Foro millia civium
Rei commoda publicæ
Usque in majus adauxerit.

Carmen Iambicum Dimetrum Caelepticum.

Illinc Pari es profectus,
Ubi alitus inter Idæ
Armenta læta pastor,
Ubi barbaras eiculis
Phrygius canens solebas
Sonare cantilenas,
Olympicoque ritu
Calamos liquente cera
Adglutinare plureis,
Boumque grex obesus
Pascens virente passim
Obambulabat arvo,
Tua quum chorus Dearum
Arbitria flagitabat.
Ea causa te profectum
In Græciam vocavit.
Hæc hospitem recepit
Tectis superba eburnis,
Oculis ubi petulcis
Contra intuens decoram
Helenen, amoris æstro
Vehemente perculisti,
Percussus interim ipse
Pari vicissim amore.
Hoc fonte nata lis est,
Quæ copias Pelasgum
Cum classe tanta ad urbem
Impellit Iliensem.

Carmen Anapesticum Dimetrum.

Chor. Io, io,
Magni magnis florent opibus,
Rege creatam genitore, meam
Cernite Iphigeniam Reginam,
Atque Clytemnestram Tyndarei,
Sanguine cretam,
Ut magnis e stirpibus ortæ,
Utque ad summum sunt evectæ
Decus, ac fortunæ splendorem.
Porro Divum numina, partim
Opibus possunt plus humanis,
Partim quos fors urget iniqua,
Hos felicibus ornant rebus.
Consistamus grex Chalcidicæ
Indigena ac vernaculus urbis,
Quo Reginam procul a turba
Excipiamus, comiter illi
Porrectis manibus placidaque
Mente ac hilari vultu, uti certo
In plana soli pede descendat.
Ne quid pavitet generosa ducis
Gnata Agamemnonis, huc mihi primum
Nunc adveniens, ne quid turbæ,
Attonitive pavoris temere
Argivorum ex urbe profectis
Moveamus hospitæ hospitibus.
Clyt. Auguria nos ista quidem consulumus boni,
Certe quod ad te pertinet, felicia,
Tuæque capimus fausta vocis omina.
Nonnulla porro spes habet animum meum,
Quod auspiciatas pronuba huc ad nuptias
Advenerim, at vos quas ego horum filia
Comites ab Argis duco dotaleis meæ,
E curribus feliciter descendite, &
Rite, & decenter in atrium procedite.
Dein tu quadrigas gnata cautim jam mihi
Linquas equestreis, membra sensim ac molliter
Et tenera simul, & imbecilla promovens.
Vos hanc in ulnas excipite juvenulæ,
Procul ac citis discedite a vestibulis.
Mihi fulcientem porrigat aliquis manum,
Currus volucres quo relinquam commode.
At vos equinis stetis adversæ jugis:
Terrifica namque est res, oculus equi ferox.

A

Atque hunc puellum Agamemnonis prolem, manu
Corripite Orestem, nempe adhuc infantulum.

Mi gnate dormis, vehiculi jactamine
Sopitus, expergiscere ad sororias
Avibus secundis atque lætis nuptias.
Siquidem ipse quum nobili sis natus loco,
Mox fortieris optimi, ac summi viri
Affinitatem, principem Nereide
Parente natum, par Deis ipsis genus.

Ex ordine huc age ad pedes propere meos
Juxta parentem gnata tete colloca.

Ac proxime Iphigenia consistens mihi,
Huic hospitarum foeminarum me choro
Ostende, quam sim te beata filia.

Caro salutem mox face ut dicas patri.

Iph. Ita mater, occurrens in amplexus (tua
Quod pace dicam, ne mihi succenseas)
Pectus paterno pectori adprimam meum.

Clyt. Agamemnon ô Rex, ego cui vel maximam
Mortalium uni debeo reverentiam,
Adsum, tuis en obsequuta jussibus.

Iph. Sed & ipsa cupio longa jam post tempora
Admota genitor pectus amplecti tuum,
Etenim tuis sitio frui conspectibus,
Id pace, si modo mihi liceat, tua.

Aga. Age gnata fruire, quando jam pridem omnibus
E liberis, quos uxor edidit mihi,
Te una parentis nulla est amantior.

Iph. Te mihi pater lætaque, lubensque conspicio,
Post longa seculi spatia non visum mihi.

Aga. Itidem pater te gnata, quodque ais modo,
Ex æquo utrisque convenit nobis simul.

Iph. Salve, quod autem huc jufferis me accersier,
Amo te, & abs te est optime factum pater.

Aga. Atqui hoc quod es modo eloquuta filia,
Equidem haud reperio, qui vel ajam, vel negem.

Iph. Hei mihi quid hoc est? quod lubens cum videris,
Placido haud tamen nos intueri lumine?

Aga. Regnum gerentem, ac bellici agminis ducem,
Permulta curis distinctum negotia.

D

Iph. At nunc mihi des, & in me unam tuum
Animum a molestis avoces negotiis.

Aga. At nunc quidem in te, haud alicubi mea filia,
Sum totus omni dedicatus pectore.

Iph. Ergo supercilium remitte nubilum
Meaque frontem exporge gratia pater.

Aga. Jam lætor ecce, lætor usque filia,
Donec tuis datur frui conspectibus.

Iph. Quid igitur isthuc? quid sibi vult obsecro,
Quod tristibus genæ madescunt lacrymis?

Aga. Etenim hic dies præfens absentiam mihi,
Tibique pariet gnata quam longissimam.

E

Iph. Istuc quidem quod dicis, haud intelligo, haud
Intelligo ô parens mihi carissime.

Aga. At tu quidem quanto loquere cordatius,
Tanto gravius exulceras animum mihi.

Iph. Insulsa potius, atque stulta dixero,
Si tibi futura hoc sim voluptati modo.

Aga. Papæ, filere non fero ipse nec queo,
Collaudo vero te, proboque filia.

Iph. Mane ô parens, tuis domi cum liberis.

Aga. Equidem volo, atqui quod volo, quia non licet,
Isthuc profecto pectus excruciat meum.

Iph. Infausta pereant tela, & arma Martia,
Et inauspicata, dira Menelai mala.

F

Aga. Alios sed hujus ante perdidierint mala.
Quibus ipse dudum perditus teneor miser.

Iph. Ut abfuiſti temporis multum pater
In intima diu moratus Aulide.

Aga. Quin nunc item me quiddam adhuc vetat rei,
Ratibus per æquor copias traducere.

Iph. Gentem obsecro istam, quam Phrygum vocant pater,
Ubinam locorum sedem habere prædicant?

Aga. Illic, ubi utinam proditum Priamo Parin
Nullo obtigisset sedem habere tempore.

Iph. Procul relicta me aveheris hinc parens?

Aga. Quin ipsa eodem gnata, quo pater, venis?

Iph. Oh.
Utinam

Utinam mihi tibiue commodum fiet,
 Cursus ut & me duceres comitem tui.
Aga. Isthuc quid optas? navigabis tu quoque,
 Ut jam parentis gnata memineris tui.
Ph. Utrum ne dulci navigavero comes
 Matri, an ne ego istam sola conficio viam?
Aga. Sola profecto, sola, semota procul,
 Dulcique matre pariter, & caro patre.
Ph. Alias in ædeis me videlicet pater,
 Domumque peregrinam locare destinas?
Aga. Mitte hæc, nefas enim ista scire virgines.
Ph. Propere mihi redire spes ab Illo
 Rebus probe illic ordinatis, mi pater.
Aga. Verum hoc mihi prius necessitas loco est,
 Nonnullam ad aras immolare victimam.
Ph. Isthoc proin spectare de negotio,
 Quid fas piumque, cum sacris decet pater.
Aga. Spectabis ista, nam futurum est uti sacris
 Adstes, & adsis tu lavacris proxima.
Ph. Ducemus aras num choros circum pater?
Aga. Feliciorum te atque memet autumo,
 Nihil quod horum intelligas; sed intro age
 In tecta gressum conferas, ac virginum,
 Comitumque temet conferas conspectibus.
 At triste porrigere osculum, ac dexteram mihi,
 Longum a paternis abfutura vultibus,
 O pectus, o genæ, o pares auro comæ,
 Quantum heu dolorum Troja nobis attulit
 Pondus Helenæque; sed loqui jam desino.
 Nam me quidem æstus corripit rapidus, genis
 Repens obortus, simul ut ora basio
 Tua contigi; sed hinc abi in penetralia.
 At illud abs te postulo, Leda genus,
 Uti ne quid hæc res pectus offendat tuum,
 Si mi nimius exulcerat mentem dolor,
 Mox gnatam Achilli collocaturo meam.
 Nam splendidæ quidem, & expetendæ nuptiæ,
 Tamen parentis nonnihil mordet pios,
 Ubi in familiam liberos dulcis pater
 Tradit alienam, quos labore plurimo,
 Curisque summis educaverit diu.
Clyt. Equidem haud ita sum stulta, mentisque indiga,
 Quin ista & ultro me suafuram puta,
 Ita ut nihil monitore te fuerit opus,
 Quum rite mihi sit elocanda filia.
 Sed mos, & ipsum tempus ita postulat,
 Ac res utraq; nos secus facere possunt.
 Hujus itaque, cui destinasti filiam,
 Nomen quidem ipsa teneo. Cæterum genus
 Quod, & unde ducat, id cupio jam discere.
Aga. Alopus Æginam creavit filiam.
Clyt. Mortalium hæc, aut cui Deorum nupsit?
Aga. Jovi; at Æacon ille generat Oenones patrem.
Clyt. Sed Æaci quæ suscipit proles domum?
Aga. Peleus, at ille Nerei gnatam tulit.
Clyt. Deon volente? an nuptam & invitis Deis?
Aga. Despondet auctor Jupiter, locat pater.
Clyt. Ubi ducit illam, an in marinis fluctibus?
Aga. Ubi sancta Chiron tecta Pelei colit.
Clyt. Centauriconn' ubi mansitare ajunt genus?
Aga. Ibi Diis peracta Pelei connubia.
Clyt. Sed utrum Achillem nutriit Thetis, an pater?
Aga. Chiron, uti ne rudibus annis improbos
 Mores malorum disceret mortalium.
Clyt. Hem.
 Sapiens quidem educator, at sapientior
 Fuit ille, quisquis educandum tradidit.
Aga. Atque is futurus filia vir est tua.
Clyt. Haud malus, at urbem Græciæ cedo quam colit?
Aga. Juxta Apidani fluentia Phthiæ in sinibus.
Clyt. Illuc tuam, meamque ducet filiam?
Aga. Curæ marito hæc sunt futura virginis.
Clyt. Bene sit utrique; at quo precor ducet die?
Aga. Simul atque lunæ dexter orbis venerit.
Clyt. Sed quas oportet ante gnatæ nuptias
 Ferire, divæ jam immolasti victimas?
Aga. Mactabo, nam nunc agitur hoc negotii.

A. *Clyt.* Ac deinde celebraturus es connubia?
Aga. Ubi solvero Diis, quas necesse est, victimas.
Clyt. At nos ubi epulum sceminis parabimus?
Aga. Hic juxta Achivæ classis æratas rateis.
Clyt. Probe, & ita necesse est, attamen communica.
Aga. Scin' ergo quid agesuxor, ac pare mihi.
Clyt. Rei quid hoc? parere nam soleo tibi.
Aga. Nam nos quidem illic, sponsus ubi sese tenet.
Clyt. Cur absque matre? vices ne obibitis meas?
Aga. Gnatam elocabimus inter Argivos tuam.
Clyt. Nos interim manere quo jubes loco?
Aga. Argos profecta virginum curam gere.
Clyt. Gnatamne linquens? ergo quis tollet facem?
Aga. Ipse exhibebo debitam iponso facem.
Clyt. Haud moris hoc, nec ista tu censeres probe.
Aga. Te in militum versarier turba haud decet.
Clyt. Matrem decet meos locare liberos.
Aga. Decet & puellas, nostra quas habet domus,
 Haud sinere solas.
Clyt. Hæc quidem tutissimis
 Custodiuntur adprobe conclavibus.
Aga. Pareto. *Cly.* Non per numen Argivæ Deæ.
 Quin tu foris quæ sunt agas negotia,
 Curas ego tractavero domesticas.
 Et quid puellis competat nubentibus,
 Id est mearum penitare partium.
C. *Aga.* Hei mihi laboris sumpsi ego hoc inaniter
 Ac spe male frustratus excidi mea,
 Dum conor ablegare quopiam miser
 Uxorem ab oculis; astu at ecce callido
 Utor, & in hos, qui sunt mihi carissimi,
 Intento technas, nil inexpertum doli
 Linquens, & undecumque vincor; attamen
 Jam vate cum Calchante sciscitatum eo
 Oraculum, placitum quidem Deo, at mihi
 Inauspicatum, calamitatem Græciæ.
 Porro viri illud esse prudentis puto,
 Frugi ut probamque conjugem in penatibus
 Nutricet, aut ne prorsus ullam nutriat.
Carmen Sapphicum.
D. *Chor.* Illicet sacrum Simoentis amnem
 Vitreo qui gurgite vorticosus,
 Impetu fertur Phrygios per agros,
 Jam petet collecta cohors Achivum
 Navibus cum veliferis, & armis,
 Ilium infelix aditura Trojæ,
 Conditum flavi lyra & arte Phœbi
 Oppidum; Cassandram ubi fama narrat
 Aureos crineis agitare vatem,
 Laureæ semper viridantis alma
 Diffluentem fronde comam ambiente,
 Numinis cum jam omniscio incitata,
 Non sui compos agitur æstro.
 Cæterum densa Phrygii corona
 Pergama cingent.
 Tunc ubi Mavors ferus, atque ahenis
 Horridus scutis, properante pinu
 Fervidi emensus vada cæca ponti,
 Remige appellet Simoentis oras,
 Castoris raptam ut repetat sororem,
 Atque Pollucis, geminorum in astris
 Siderum, vique a Priamo receptam
 Fortibus telis, clypeisque Grajūm
 Rursus in terram referat Pelasgam.
 Moenium at quum pinniferas coronas
 Cinxerit jam teligera phalange,
 Cinxerit turreis validas, & urbem
 Obsederit bello Phrygiam cruento.
 Funditus victor populans, & inde
 Ense crudeli capita amputarit
 Civium cervice resecta dirus,
 Tum nurus Trojæ, tenerasque sponsas
 Quin & annosam Priami beati
 Regis uxorem, lacrymis acerbis
 Affatim implebit, miseroque planctu.
 Interim proles Helenæ tonantis
 Flebilis ibit,
 Tom. I. Eccc De-

Deferens dulcis thalamos mariti.
Ne precor, ne vel mihi, vel meorum
Liberis umquam veniat nepotum
Ista spes, qualis reor obtinebit
Divites Lydas, miseræque Troum
Conjuges fufis simul affidenteis,
Ac fuis penfis queruke inter ipfas
Talia dicent.

Quis putas me mox miseram capillis
Pertrahens, certa tibi lege comptis,
Patriæ everfæ simul atque captam
Senferit flentem ferus hostis arcem
Polluet, victæque decus pudoris
Dulce decerpet violans, tuaque
Gratia nimirum Helene, cygno por-
rectili cervice superbienti
Nata, seu vera est ea fama, quondam
Alitis Ledam Venerem tulisse,
Ipso in hanc verfo Jove: five vatum
Pabulis fictis potius Camœnæ
Dissiparunt hæc hominum per ora.

Jambicum Trimetrum.

- Ach.* Ubi hic Achivi ductor est exercitus?
Quis nam e ministris ibit illi nuncius
Adeffe Achillem Peleo satum patre
Pro foribus, ipsum convenire qui velit?
Etenim diu jam sorte nequaquam pari
Frustra operimur fervida Euripi vada.
Alique nostrum liberi connubiis
Relicta inani, ac solitaria domo,
Hoc otiosi desidemus litore.
Alii jugati uxoribus, sed liberis
Nondum creatis; usque adeo impotens amor
Ardorque novus haud absque Divum numine
Habet hujus expeditionis Græciam.
Itaque quod ad me pertinet negotii,
Id memetipsum exposulare convenit.
Porro alius itidem, si quidem videbitur,
Pro se loquetur ipse, namque Pharsalo
Patria relicta, ad hoc parente Peleo,
Tenuia pigri flamina Euripi moror,
Myrmidonas hic vel otiosos detinens,
Qui me quidem urgent semper hisce vocibus,
Quid hic Achilles commemoramur? aut quoad
Priameja adhuc ad Pergama trajectio
Sine fine lentis prorogabitur moris?
Face, si quid es facturus, aut retro domum,
Unde huc profectæ, copias reducito,
Haud longa Atridarum manens cunctamina.
- Clyt.* O gnate Thetidis, intus audito tuo
Sermonte, celeri prodii foras gradu.
- Ach.* Sancte ô pudor, quæ nam ista tandem scemina,
Quam conspicio forma decente præditam?
- Clyt.* Non est novum, nos ante non visas tibi, haud
Agnoscer; verum modestia tua
Delector, ac pudore reverenti mei.
- Ach.* Quæ tandem es? aut quid Achivum in agmen scemina
Virofque adisti, armis amictos Martiis?
- Clyt.* Ego gnata Lædæ sum, Clytemnestra mihi
Nomen, Agamemnon dux maritus est meus.
- Ach.* Dixti probe, & compendio, quod oportuit,
Mihi at indecorum est colloqui cum sceminis.
- Clyt.* Hem, quo fugis? quin dexteræ dextram applica,
Lætum futuri initium connubii.
- Ach.* Quid ais? egon tibi dextram? atqui Agamemnonem
Vereamur, horum si quid attigero manu,
Quæ neutiquam mihi fasve, jusve, tangere.
- Clyt.* Fas maxime, quando meam tu filiam
Duces, marinæ germen ô Nereidis.
- Ach.* Quas nuptias cedo prædicas? equidem mihi
Nihil est, quod his respondeam, nisi forsitan
Tu rem quod istam perperam intellexeris,
Nobis proinde fabulam adportas novam.
- Clyt.* Cunctis id insitum est, uti reverentia
Capiantur, ac pudore, si quando novis
Visis amicis audiant de nuptiis.
- Ach.* Ego profecto mulier haud umquam tuæ

- A* Connubia proci expetivi filiae,
Nec ullus umquam mihi super connubiis
Allatus est ex gente Atridum nuncius.
- Clyt.* Quid esse tandem possit hoc negotii?
Orationem tu vicissim nunc meam
Mirare, dicta nempe miror ego tua.
- Ach.* Conjicito; conjectare quid sibi hæc velint
Commune nobis, non enim ambo forsitan
Mentimur, & si dicimus contraria.
- Clyt.* An non novum mihi contumeliæ genus
Fit, quæ quidem (ut videtur) nuptias
Concilio falsas, me profecto horum pudet.
- Ach.* Fors meque, teque quispiam lusit dolo.
Verum ista mittas, nec feras acerbius.
- Clyt.* Valeto, rectis non enim posthac queo
Te oculis tueri, quando sum mendax tibi
Reperta, meque indigna nimirum tuli.
- Ach.* Totidem tibi verbis ego respondeo.
Sed ut maritum, quem peto, quæram tuum,
In ista jam nunc recta conferam pedem.
Carmen Trochaicum.
- Sen.* Hospes Æaci nepos maneto, namque appello te
Editum Dea parente, teque Lædæ filiam.
- Ach.* Hem quis hic, qui nos aperto jam vocavit ostio?
Ore quam tumultuoso, vultu ut attonito vocat.
- Sen.* Servus hinc haud insolesco, fors enim haud finit mea.
- Ach.* Cæterum illud adde, cujus? neutiquam certe meus.
Separatæ enim meæ res a bonis Agamemnonis.
- Sen.* Servus istarum, ante quas me stare cernis, ædium.
Namque in hanc domum hujus olim Tyndareus dedit
- Ach.* En resistimus, ergo fare, si quid eloqui velis, (pater.
Cur gradum bene institutum jusseris me sistere.
- Sen.* Num fores ad hæc soli vos duo consistitis?
- Clyt.* Imo solis quo loquare, regis ab ædibus
Prodeas foras, & ad nos ipsis huc confer gradum.
- Sen.* O potens fortuna rerum, meaque providentia,
Obsecro, servate, salvos quos ego esse pervelim.
- Ach.* Differetur (sicuti videtur) hæc narratio,
Præque se profecto quiddam magnum & arduum gerit.
- D* *Clyt.* De fide silentii tu ne quid hæsites senex.
Neve cuncteris loqui, mihi si quid eloqui velis.
- Sen.* Scis profecto quisquis essem quantulusque, in te tamen
Benevolum fuisse semper, ac tuos in liberos.
- Clyt.* Scio, videlicet meorum jam diu penatium
Esse te veterem ministrum, ac familiæ columen meæ.
- Sen.* Scis opinor & illud, olim ut dotis in partem tuæ
Me receperit Agamemnon dux Achivi exercitus.
- Clyt.* Argos es mecum profectus, additus sponsæ comes,
Ac meus semper fuisti, & partibus studens meis.
- Sen.* Sic habet res, cæterum tibi sum quidem volens bene
Hera, tuo verum marito non proinde sum favens.
- Clyt.* Ergo nunc aperito tandem, quæ parabas dicere.
- Sen.* Nempe filiam tuam, qui sevit ac genuit pater,
Ipse mactare cruentus manibus apparat suis.
- Clyt.* Qui potest? orationem abominor senex tuam.
Non enim mihi videris sapere sanum scilicet.
- Sen.* Apparat cruentus inquam defecare ferro
Ense cervicem puellæ candidam miserimæ.
- Clyt.* Hei mihi miseræ, an maritus obsecro insanit meus?
- Sen.* Sanus is quidem, nisi in te conjugem, nec non suam
Filiam, profecto parte hac ille nil sanum sapit.
- Clyt.* Gratia quæ cedo? quis illum genius instigat malus?
- Sen.* Numinum responsa cogunt, sic enim Calchas ait
Augur, ut Danaum phalanges classe sulcent æquora.
- Clyt.* Quo profectura est Pelasgum classis? infelix ego.
Illa at infelix magis, quam dirus occidet pater.
- F* *Sen.* Dardani ad sedes, sacræque celsa Trojæ Pergama
Victor ut Menelaus Helenam Marte recipiat suam.
- Clyt.* Scilicet sic destinant fata iniqua numinum,
Ut rediret Helene nobis gnatæ in exitium meæ.
- Sen.* Rem tenes hera prorsus omnem; namque Dianæ pater
Mox tuam sacras ad aras immolabit filiam.
- Clyt.* Quid sibi vult ergo, quod prætexere nuptias,
Quæ quidem me res meis huc evocavit ædibus?
- Sen.* Quo volens, lubensque gnatham adduceres horum tuam.
Quippe eam datura Achilli nuptum Achivum principi.
- Clyt.* Proh dolor miseranda grata quo pertres huc domo
Atque

Atque in exitium es profecta, tuque egoque parens tua.
Sen. Miseraque & lacrymanda fertis utraq; cum sitis duæ,
Clyt. Cæterum dira atque acerba ductor Agamemnon parat.
 Hæc dolor, miseranda perii, nec mihi jam lumina
Sen. Perferunt diutius, neque temperant a lacrymis.
 Siquidem grave esse possit, aut molestum fundere
Clyt. Lacrymas, quæ sit suis orbanda liberis parens.
 Tu sed ista senior, unde scire temet prædicas?
Sen. Numquid audisti, tibi renunciante quopiam?
 Missus abieram, tabellas adferens tibi alteras,
Clyt. Præter illam, quam prius receperas epistolam.
 Utrum, ut interdiceres, an denuo nobis idem
Sen. Nunciare, immolandum uti filiam deducerem?
 Imo uti denunciarem, virginem ne adduces,
Clyt. Nam tuus fors tum maritus coeperat respiscere.
 Deinde qui factum est, ut ad me quas ferendas ceperas,
Sen. Non eas pertuleris idem, manibus imponens meis?
 Vetuit id Menelaus, has qui manibus eripuit meis
Clyt. Unus horum qui malorum causa & auctor exstitit.
 Nate Peleo parente, germen ô Nereidis
Ach. Marte præpotens Achilles, hæccine audis obsecro?
 Audio mulier, videlicet esse te miserrimam.
Clyt. Cæterum læsum haud levi me contumelia puto.
 Filiam dare cruento destinant letho meam,
Ach. Ad dolum tuarum abusi nuptiarum nomine.
 Quin & ipse tuo marito indignor, ac succenseo
Clyt. Nec negotium mihi hoc vulgaribus dolet modis.
 Me quidem haud quaquam pudebit genibus advolvi
 Quippe mortalem parente prodi in lucem Dea, (tuis,
 Cur enim nunc jactitem me, ac dignitatis sim memor.
 Cujus ergo quæsomatrem deceat eniti magis,
 Atque pro gnata salute? proinde age ô Dea fate,
 Opitulare tum meis precor malis, tum virgini,
 Quæ fuit tua dicta conjunx, hoc inaniter quidem
 Fateor, at tamen hanc ego fertis revinctam frondeis
 Arbitrata tibi futuram conjugem adduxi domo.
 Cæterum ad cædem, necemque virginem nunc adveho.
 Hujus at facti probum in te recidet, atque infamia,
 Ferre opem qui sis gravatus, licet enim non duxeris,
 Dulcis es miseræ tamen dictus maritus virginis. (deam,
 Perque mentum, perque dextram, perque genitricem
 Quando me solum profecto nomen exstinxit tuum,
 Hoc oportet te tueri, alia non superest mihi
 Ara, quo refugere possim, genua præterquam ad tua.
 Quippe cui non adsit ullus hic amicus, unde mi
 Adferendæ opis aut salutis ulla spes ardeat.
 Id genus, cujusmodi audis, facta sunt Agamemnonis,
 Plenaque crudelitatis, perditæque audaciæ.
 Adde ad hæc, quod (uti vides) ad nauticas & efferas
 Mulier adveni phalanges, turbam & effrenem virum
 Ad patranda scelera prompta præditos audacia,
 Nec nisi si quando ita ipsis collubuerit, utileis.
 Proinde tu si non gravabere, dextram mi obtendere,
 Vique nos tua tueri, scilicet, salvæ sumus,
 Sin secus, tum spes salutis nulla nobis reliqua fit.
Jambicum trimetrum.
Chor. Res efficax peperisse, vimque maximam
 Amoris adfert omnibus communiter,
 Uti pro suis summe adlaborent liberis.
Ach. Ingens mihi animus tollitur magis ac magis,
 Condidit autem tum malis ægrescere,
 Tum prosperis gaudere modice casibus.
Chor. Hujusmodi quidem ratio mortalibus
 Recte instituta est, ut bene ac feliciter
 Rectrice vitam transigant sapientia.
Ach. Est interim autem dulce non sapere admodum,
 Rursum interim homini non sapere conducit magis.
 At ego educatus pridem in integerrimi
 Domo viri Chironis, ac justissimi,
 Simplicibus uti consuevi moribus.
 Proin Atridis, si probi fuerint duces,
 Parebimus, sin improbi, haud parebimus.
 Sed tum loco hoc, tum Trojæ ad urbis moenia,
 Ego liberum usque mentis ingenium meæ
 Præ me ferens Martem, quod ad me pertinet,
 Forti manu, ac virtute condecoravero.
 At te quidem, quæ misera fers & atrociam.

Et ab iis, amici qui tibi sunt intimi,
 Quantum quidem præstare possit viribus
 Juvenis, & ævo adhuc sane tenero virens,
 Hoc quicquid est doloris, in me transferens,
 Meo his procellis eximam periculo,
 Tutoque statuam, nec patri umquam filia
 Tua perimetur, dicta quæ fuerit mea.
 Nec enim viro permiserim segnis tuo,
 Uti me dolis misceat, & involvat suis.
 Nam nomen, & si spicula non vibret meum,
 Ferrumve, tamen id filiam occidet tuam.
 At sceleris auctor vir quidem fuerit tuus.
 Verum nec ipse vacavero piaculo,
 Si virgo per me perierit, nec non meas
 Per nuptias, nova nec ferenda sustinens,
 Violata miris simul & indignis modis.
 Equidem Pelasgum vir fuero deterrimus,
 Nullius inquam sim rei, pretiive ego,
 Menelaus autem habeatur in numero virum,
 Neque Peleo progenitur autumer patre,
 Sed pessimo ignavissimoque dæmone,
 Si conjugum umquam nomen ad cædem tuo
 Interviat meum; liquenti gurgite
 Undarum alumnum dejero per Nerea
 Thetidis parentem, quæ mihi fuit parens,
 Haud filiam Rex tanget Agamemnon tuam.
 Nec vel manu summa, nec uti vel vestibus
 Digitum puellæ licet admolirier.
 Aut hercle Sipylus culta sedes barbaris
 Urbs ea futura est, unde duxerint genus
 Clari, gerendoque inclyti bello duces.
 At Phthia rursus, unde stirpem duxi ego,
 Obscura nullum nominis feret decus.
 Et acerba Calchas auferet libamina
 Augur; quis autem est augur? is videlicet
 Qui vera pauca, falsa dicit plurima.
 Si fors ita ceciderit, atqui si minus
 Ita ceciderit, tum vel arte elabitur.
 An proinde nostros virginum millia decem
 Petant thoros, si commodum est parentibus
 Qui collocant, his uti verbis loquar.
 Ipsa attamen re ductor Agamemnon gravi
 Nos afficit profecto contumelia.
 Nam jus & æquum fuerat, ut nomen meum
 Rogaret, a me postulans, ad virginem
 Irritiendam; nam Clytemnestra mihi
 Nuptum dedisset filiam potissimum,
 Atque hanc Pelasgum bellicosus copiis
 Forfan dedissem; si quidem transmissio
 Pendebat ex hac, diruendum ad Ilium.
 Neque enim gravarer publicis exercitus
 Consulere sane commodis, qui cum mea
 Conjunxerim arma; cæterum me nunc duces
 Nihili æstimant, reique momento levis
 Vel adjuvare, vel nocere forsitan.
 Ferrum hoc mucroque noverit, quem stringere
 Dudum in Phrygas mihi destinatum barbaros,
 Etiam prius quam ad Ilium pervenero,
 Macularo cæde, & sanguine inquinavero,
 Gnatam modo mihi si quis eripiat tuam.
 Sed ociosa jubeo sis; siquidem tibi
 Ego Deus exstiti, obtigique maximus,
 Nondum quidem hunc tibi præstiti, fateor, Deum;
 In posterum sum præstiturus attamen.
Chor. Et te locutus digna Pelei genus,
 Et æquoris potente, veneranda Dea.
Clyt. Quibus obsecro te prædicavero modis,
 Ut ne nimis quid dixerim, nec item minus,
 Uti nec favorem, & gratiam amittam loquens?
 Viri enim probi laudes ubi audiunt suas,
 Quodam solent odisse laudantem modo.
 Si fors quis ipsos laudet immoderatus.
 Tum me profecto dispudet de propriis
 Peculiaribusque calamitatibus,
 Lacrymabilem sermone miserando queri,
 Quum tu meis sis prorsus alienus malis.
 Haud indecorum est attamen, si vir probus,

Tom. I.

Eccc 2

For-

Fortisque quamquam sit alienus, adjuvet
 Hos, quos acerba fors, & aspera premit.
 Age itaque nostri te misereat, si quidem
 Miseranda patimur; primum ego generum mihi
 Rata te futurum, spes inaneis ceperam,
 Dein haud scio sat, an meae mors filiae
 Tibi triste forsitan omen aliquod adferat
 In posterum, si quando duces conjugem,
 Quod ominis vitare te consultius.
 Verum probe elocutus adhuc initia,
 Idem probe perfeceri negotium.
 Mea namque gnata, si voles, servabitur.
 Num genua vis hanc supplicem amplecti tua?
 Sunt haec quidem parum decora virgini,
 Si tu tamen ita censeas, videlicet
 Mox huc pudoris liberalem venerit
 Suffusa vultum virginali purpura.
 An potius illa absente, id abs te quod peto
 Achilles exoraro, & impetravero?
Ach. Maneat domi; pudicam enim decet pudor.
Clyt. Verum tamen pudere oportet eatenus,
 Qua res ferat, praesensque postulet status.
Ach. Neque tu sub oculos filiam produxeris
 Meos tuam mulier, neque per inscitiam,
 Famae probum accersamus, ac vitae notam.
 Siquidem coacti turba densa exercitus
 Domesticarum, ac propriarum negligens
 Rerum, malignis gaudet obtrectatibus,
 Amans maledicas dissipare fabulas.
 At nullo ego hercule posuerim in discrimine, ac
 Tantumdem apud me prorsus hic effeceris,
 Seu supplices, humilesque veneritis mihi,
 Seu neutiquam mihi supplicaris; nam meo
 Fixum stat animo viribus contendere,
 Nixuque summo, vos ut eximam malis.
 Adeo sit unum hoc me tibi satis semel
 Dixisse, neque enim vanus, aut mendax ego,
 Mihi crede, fuerim, si quid autem mentiar
 Dederoque verba, seu dolis elusero,
 Emoriar, imo haud moriar, hanc si virginem
 Servaro. *Clyt.* Dii favcant precor ferenti opem
 Usque iis acerbis qui laborant casibus.
Ach. Audito nunc, uti res mihi haec habeat bene.
Clyt. Cur hoc aisti? te quidem audiam volens.
Ach. Rursum patri persuadeamus virginis,
 Consilia quo jam saniora sumpserit.
Clyt. Ignavus est, ac timidus ille quispiam,
 Nimiaque pavitat copias formidine.
Ach. Ratione at expugnata, ratio vincitur.
Clyt. Spes ista sane frigida, ac levis, tamen
 Eloquere tandem facere me quid oporteat.
Ach. Primum quidem illi supplicabis, liberos
 Ne perimat, idque si recusset, tum tibi
 Fuerit necesse nos adire denuo.
 Nam si, quod optas, sponte annuit sua,
 Tum me quidem illum convenire nihil opus,
 Quando ipsa per se res salutem conferet.
 Ad hoc videbor erga amicum rectius
 Egisse, neque me copiae culpaverint,
 Ratione si rem potius, ac prudentia,
 Quam vi, manuque, viribusque gesserō.
 Tum porro amicis, rebus ex sententia
 Ipsiis voluntibus, ut puta, ac lubentibus,
 Probe peractis, vel operam citra meam,
 Tibique fors haec transigentur commode.
Clyt. Ut es probe locutus, itaque sic, uti
 Censes, agendum est; ceterum ista si parum
 Successerint mihi mentis ex sententia,
 Ubi nam licebit postea te visere?
 Quonam loci venire me miseram jubes?
 Ubi liceat istam reperisse dexteram,
 Quae sola nostris praestat auxilium malis?
Ach. Ipsi has tibi excubias agemus, teque ubi
 Res cumque postulabit, observabimus,
 Ne turbulentas per Pelasgum copias
 Te curstantem conspicetur quispiam
 Pavido ore, & attonitam, neque hoc tu dedecus,

A

B

C

D

E

F

Labemque eam domui paternae adaspereris.
 Indignus etenim Tyndareus pater tuus
 Est, qui male audiat, utpote Graecanica
 In gente magnus, atque cum primis potens.
Clyt. Ita res habet, tu dux eris negotii.
 Me tibi vicissim gerere morem convenit.
 Quod si Dei sunt, quando tu vires pius,
 Digna assequeris; ceterum si numina
 Sunt nulla Divum, quid necesse est nitier?
Carmen Dactylicum Hypercatalecticum.
Chor. Festus ut ille Hymenaeus erat
 Loto ubi cum Lybica pariter,
 Cumque suaviloquente Cheli
 Non sine multiforis calamis,
 Grata choris streperet cithara,
 Turba ubi candida Pegasidum
 Mollibus irreligata comis
 Vertice Peliaco
 Conjugiale bonis epulum
 Diis celebrantibus, ad numerum
 Membra moveret, & aureolis
 Pelleret arva jugi soleis,
 Dum liquidis, & amabilibus
 Dulcicanæ modulis,
 Pelei ad inclyta connubia
 Iret, & undivagam Thetidem
 Voce cieret, & Aeciden
 Per juga florida; rumor ubi est
 Nubigenas habitare viros,
 Aeciden per opaca canens
 Peliaci nemoris.
 At Phrygius puer interea
 Deliciae Jovis aetherei,
 Pocula miscet, & aureolis
 Nectareos latices
 Temperat, ac tribuit cyathia.
 Deinde per æquora candiduli
 Læveque per spatium fabuli
 Aequorco fata turba sene,
 Nexa sororibus e decies
 Quinque, agitatque rotatque choros,
 Orbibus innumeris
 Molliculo pede replicitis,
 Connubium levibus
 Concelebrans choreis.
 Venit & undique nubigenum
 Numine percita turba virum,
 Tela ferens abiegnâ manu,
 Frondea vertice ferta gerens,
 Cum Superis simul ut Bromii
 Munera sumeret, atque epulas.
Carmen Anapesticum Hypercatalecticum.
 Ibi Thessala turba puellæ,
 Sublata in sydera voce, ô
 Nereia filia clamans,
 Lux inclyta coeligenarum,
 Certissimus augur Apollo, &
 Cui mystica sacra sororum,
 Bene cognita Castaliarum,
 Chiron pius, armipotentis
 Nomen referavit Achillis,
 Fore vaticinatus, ut ille
 Cum Myrmidonum clypeatis
 Priameia regna catervis,
 Devotaque Pergama adortus,
 Flammis populantibus urat,
 Vulcania fulminis instar
 Quatiens trepidabilis arma,
 Thetidis pia dona parentis,
 Siquidem hoc decus illa Pelasgis
 Feliciter edidit alvo.
 Nereidos ergo sororum
 Primæ ac ditione potentis
 Spatiofa, hilares agitant
 Connubia splendida divi,
 Peleique mariti Hymenæum
 Id temporis ore ciebant.

Porro

Porro tibi tempora flavis
 Crispisque decora capillis
 Mavortia turba Pelasgum
 Cingent viridante corona.
 Deinde haud secus, atque juvencam
 Teneramque rudemque, profectam
 Modo rupibus e specuosis
 Spectantis in æquora montis,
 Diro jugulaverit ense:
 Ac lactea colla cruore, hu-
 mano (miserabile) tinget,
 Feriens, nec arundine agresti,
 Muscove virentibus antris
 Pastorum alitam, sed amicæ
 Curaque domoque parentis
 Excultam, uti nupta Pelasgas
 Peteres feliciter ædeis.
 Ubi nunc probitate pudorve
 Faciesque ipsius honesti?
 Valeat, simul atque nefastum
 Scelus, impietasque tyrannida
 Atram obtinet undique; porro
 Neglecta jacet, premiturque
 Post terga retrusa, scelestis
 Mortalibus incluta virtus.
 Quumque undique legibus æquis
 Mores dominantur iniqui.
 Hominum generi ergo periculum
 Communiter imminet omni,
 Ne qua ingruat ira Deorum.

Clyt. Equidem e meis huc prodii penatibus
 Foras, maritum sicubi aspiciam meum,
 Qui jam diuque & lentus hinc abest, domo
 Penitus relictus; gnata at interim mea
 In lacrymis versatur infelix, leveis
 Fundens in auras omne lamenti genus,
 Simul ac necem rescivit illa, quam pater
 Statuit, paratque; sed ecce cerno cominus
 Sese citatis admoventem gressibus,
 De quo modo loquebar, huc Agamemnonem.
 Qui re quidem ipsa deprehensus illico
 Coarguetur ferus, & immanis pater,
 In proprios nefaria patrans liberos.

Agæ. Ledæa proles, commodum egressam foras
 Offendo te, quo virgine absente procul
 Tibi dicta quædam proferam, quæ neutiquam
 Fuerit decorum audire nupturas viro.

Clyt. Quid est negotii id, quo tibi ista temporis
 Oblata commodavit opportunitas?

Agæ. Accerere gnatam, quo patri veniat comes.
 Adfunt enim parata rite piamina.
 Adfunt profundendis item lustralibus
 Pura manu ignibus, ac juvenæ, quas Deæ
 Dianæ oportet cedere ante nuptias
 Atri cruoris fervida exundamina.

Clyt. Verbotenus quidem locutus es probe,
 Tua facta porro nominare si velim,
 Equidem haud reperiam, quomodo eloquar probe.
 Verum age foras procede gnata; nam pater
 Quicquid parat, nosti ordine, ac fratrem sinu
 Gestans Orestem pariter adporta tuum.
 En illa adest, hucusque morigerans tibi.
 At ipsa quæ restant, & hujus nomine
 Simul & meopte, mox tibi respondero.

Agæ. Quid gnata lacrymas? fronte cur hilari parum
 Terram intueris, ora defigens solo?
 Vultumque mœstum pallio obtento tegis?

ph. Heu,
 Quodnam mearum calamitatum exordium
 Possim capere? cunctis enim mortalibus
 Datum est, uti tum prima, tum novissima,
 Tum media quovis differant negotio.

Agæ. Reiquid hoc est? quidve sibi vult, quod mihi
 Omnes eodem sitis affectæ modo,
 Et mente confternata, & ore turbido?

Clyt. Quæ sciscitabor, aperte & ingenue mihi
 Conjuncti roganti quæso uti respondeas.

A. *Agæ.* Nihil necessum est, hoc ut a me postules,
 Quin ipse ultro cupio jam rogarier.

Clyt. Gnatam necare paras tuamque & item meam?

Agæ. Hem.
 Misera elocuta es: quæque neutiquam decet
 Te suspicari, suspicaris improba.

Clyt. Verum illud interim mihi respondeas.

Agæ. At tu profecto si quidem rogaveris
 Quæ te decet rogare, quæ te decet audies.

Clyt. Equidem haud alia percontor; atqui tu mihi
 Itidem cave sis alia ne respondeas.

Agæ. O fors potens, ô fata, proh genius meus.
 Et meus & hujus insuper, quando trium
 Idem est & unus genius infelicium.

B. *Agæ.* Qua tandem es in re læsa? *Clyt.* At istuc scilicet
 Tu me rogas? verum astus hic astu vacat,
 Atque ista calliditas profecto incallida est.
 Perii, palam sunt facta quæ celaveram.
Clyt. Scio cuncta, didici cuncta sane, & audii
 Quæ tu scelestè in me patrare destinas.
 Quamquam sat ipso confiteri silentio,
 Suspiriisque, plura ne tu dicere
 Concre frustra. *Agæ.* En obticeſco, quando me
 Mendacii convictum & impudentiam
 Ipsi necessum est calamitati adjungere.

Clyt. Audito nunc jam, quippe aperte proloquar,
 Neque flexuosa ænigmatum diutius
 Utemur ambage, neque dictis nubilis.

C. Primum (tibi istuc primo ut objiciam loco)
 Me non volentem, vique raptam conjugem
 Duxti, necato Tantalo, cui nupseram
 Prius, ac puello fortis ex usu tuæ
 Itidem perempto, quem quidem per vim meo
 Immitis ad necem revulseras sinu.
 At Jove creatus uterque germanus meus
 Equis & armis inclyti, sævum tibi
 Bellum movebant, cæterum senior parens
 Tyndareus hoc te exemit e discrimine,
 Jam supplicem, ac versum ad preces, ita denique
 Meis per hunc potitus es connubiis.

D. Dein' ubi reconciliata sum tibi, & addita
 In te simul, cura simul domestica,
 Ut foeminam inculpatam ego usque gesserim,
 • Isthuc & ipse conficius testabere,
 Pariterque casta, domumque commodis tuam
 Augens, ita ut sive introires, gaudio
 Fruerere tecum, sive prodires foras,
 Sortis beatæ dicerent omnes virum.
 Atqui hic profecto captus est rarissimus,
 Ut id genus quis fortiaur conjugem,
 Contra, improbamque & frugis uxorem malæ,
 Nihil est negotii ubilibet nanciscier.
 Porro puellis editis nixu tribus,
 Hunc insuper peperit tibi puellulum,
 Quo tu quidem me pignorum e numero, necans
 Unam pater, miserabili orbabis modo.
 At quispiam si te roget, qua gratia
 Istam necabis? cedo quid huic respondeas?
 An me tuo loqui necessum est nomine?
 Helenen uti Menelaus asserat suam.
 At nos honestum est, ac decorum scilicet,
 Nece liberorum foeminæ pretium malæ
 Dependere? iis quæ possidemus optima,
 Longeque nobis omnium carissima,
 Redimemus hæc, invisa quæ sunt maxime?
 Age siquidem hinc profectus in bellum iveris,
 Ibique fueris absfuturus longius,
 Domi relictæ me, quid animi tum mihi
 Fore autumas, sedem omnem ubi conspexero
 Vacantem, & hanc desiderantem filiam?
 Tum vacua cuncta virginum conclavia?
 Egoque sola fedito perennibus
 Confecta lacrymis, hancque lugens virginem,
 Ad huncce fors sine fine lamentans modum?
 Heu gnata, qui te sevit, extinxit pater
 Ipsus necans, haud alius, haud alia manu
 Ejusmodi linquens familiæ præmium,
 Tom. I. Ecce 3

Atque

Atque in suos exempla talia statuens.
 Nam deinde causa quælibet suffecerit,
 Occasione tantum opus fuerit levi,
 Ut & ipsa, quique mihi supersunt liberi,
 Te rursus accipiamus isthunc ad modum,
 Quo te accipi par est, & æquum scilicet.
 Sed per Deos caveo, ne me adegeris,
 Uti talis in te fuero, qualem neququam
 Decet esse, neve rursus id commiseris,
 Ut ipse talem temet exhibeas mihi,
 Qualem probum esse neququam decet virum.
 Verum esto sane, sacrificabis filiam.
 Sed interim illic vota quæ facturuses?
 Quid tibi petes? numquid boni, quum filiam
 Mactes pater? reditumne? nimirum malum,
 Miserumque, quippe domo profectus turpiter.
 Sed me tibi boni precari quippiam
 Par fuerit, ac votis laceffere numina.
 At non & ipsos judicavimus Deos
 Stultos item esse, ut annuant ejusmodi,
 Si parricidis nos voluerimus bene, &
 Qui propria facinus patrarint dextera.
 An vero ad Argos jam reversus, liberos
 Supplex tuos placabis? haudquaquam tibi
 Isthuc licebit, quis vel adspectu obsecro
 Post e tuis dignabitur te liberis,
 Quum tu sciens necaris horum quempiam?
 Num denique hæc sunt dispensata, ac mutuis
 Rationibus tractata? an hoc tantum sat est
 Scepbris ferundis præminere, ac bellicum
 Ducem vocari? quum tuum fuerit magis
 In Danaidum frequente multitudine,
 Hæc, æqua quæ sunt, atque justa, dicere
 Vultis Pelasgi navigare ad Ilium?
 Igitur vicissim sorte ducta, quærite,
 Cujus necari gnatam oporteat: hoc enim
 Ex æquo ad omnes pertinebat, cæterum
 Haud par erat, te solum & unum ex omnibus
 Tuam Pelasgis immolendam filiam
 Præbere: si fratris illud erat magis
 Menelai, ut Hermionem neci daret suæ
 Causa parentis; quippe ad illum proprie
 Res attinebat; nunc ego autem, quæ tuis
 Sanctæ fidem servaverim connubiis,
 Gnata innocens servabor: at contra soror
 Quæ casta pacti jura deseruit thori,
 Felix aget, reducemque Spartæ ad moenia
 Ducet puellam; si quid horum perperam
 Dixi, refelle; sin probe ac recte mihi hæc
 Sunt dicta, ne tuam profecto filiam,
 Meamque pariter impius dederis neci,
 Ita rectius consultiusque feceris.

Chor. Pareto, nam profecto liberos decet
 Agamemnon incolumeis tueri quemlibet,
 Nec ullus hæc mortalium refellerit.

Ipfig. Orpheus genitor, si mihi facundia
 Foret, ut liceret saxa cantu flectere,
 Comitæque post me voce petras ducere,
 Possemque delinire dictis pectora,
 Meamque trahere, quos velim, in sententiam.
 Nimirum ego istis experirer utier.
 Nunc (quæ mihi una ars ac facultas suppetit)
 Præstabo lacrymas, quando solum id possumus,
 Tuisque genibus corpus advolvo meum
 Supplex, quod hæc tibi ventre progenuit suo.
 Ne me puellam, ævique maturam parum
 Exstinxeris; nam dulce cunctis coelicam
 Adspicere lucem, cæterum quæ Tartaro
 Tellus tegit, ne me videre adegeris.
 Ego prima te patrem vocavi, tuque item
 Primam inter omnes me vocasti filiam.
 Ego prima quondam genibus insidens tuis,
 Atque ea meo blande premens corpufculo,
 Gratas voluptates frequentem invicem &
 Dedi & recepi, ac paria mentis gaudia.
 Tuaque hæc, ut recordor, erat oratio.
 An est futurum gnata, ut olim te viri

A

B

C

D

E

F

In ædibus nuptam beati, ac divitis,
 Et sospitem videamus, & sic, uti tuo
 Dignum est parente, commodis ac liberis
 In melius usque pullulantem? Ad hæc ego
 Hanc tum vicissim orationem retuli,
 Hærens tuo pendensque de mento, quod hæc
 Mea prehensum rursus attingo manu.
 Quid? an ego te videro senem pater?
 An ego vicissim læta te excipiam meos
 Intra penates; ac tibi invicem parens,
 Laboriosa nutriendi munera
 Aliquando referam, mutuum te nutriens?
 Sermonum ego horum sum memor, verum tibi in
 Oblivionem abiere, meque occidere
 Paras. At ne feceris per Pelopa, per
 Cineres parentis obsecratus Atrei,
 Matrem per hanc, quæ me labore plurimo
 Parturiit olim, ac denuo nunc parturit,
 Paribusque rursus tenditur doloribus.
 Rei quid est cum Paridis, atque Helenæ mihi
 Connubiis? aut unde in exitium is meum
 Venit parens? oculos age horum in me tuos
 Deflecte, & intuitum simulque & basium
 Largire, ut isthuc pignus ac monumen tui
 Mihi ferre saltem fas fiet, si foris meis
 Flecti recuses obstinatus vocibus.
 Germane tu quidem pusillus & impotens,
 Tuis amicis es patronus, attamen
 Apud parentem, supplicem lacrymis age,
 Tua ne soror detur neci, nonnullus est
 Sensus malorum infantulis quoque inditus.
 En supplicat tibi hic silentio pater,
 Age flectere, ac miseresce respectu mei,
 Moveatque tete orbanda luce filia.
 En flagitant per mentum id abs te supplices,
 Duo tibi cari, atque amore proximi,
 Puer alter, at subolescit annis altera.
 Orationem in pauca conferam meam, ac
 Summam rei verbo profabor unico.
 Adspectus hujus lucis est mortalibus
 Dulcissimus, verum profunda manium
 Haud ullus est, qui concupiscat cernere,
 Neque mente sana est, quisquis exoptat mori.
 Male vivere autem satius, ac mori bene.

Chor. Infausta, per te, perque nuptias tuas
 Helene, heu dolor, miserranda prorsus incidit
 Clades Atridis, atque Atridum liberis.

Ag. Equidem scius sum, quatenus miserescere
 Convenit, & idem, quatenus non convenit,
 Novi; meosque caritate liberos
 Prosequor, amo, alias profecto insaniam.
 Verum patrare hæc uxor arduum mihi,
 Et non patrare durum & arduum est item,
 Sed ad hoc agendum me trahit necessitas,
 Quantus videtis adsit hic exercitus,
 Quæ nauticorum armata turba militum,
 Quot bellicosi Græciæ magni duces,
 Quibus negata ad Pergama trajectio,
 Ni te immolavero (augur uti Calchas ait)
 Novi nec aliter Ilii videlicet
 Populata dabitur Marte tecta excindere,
 Porro tenet divinus ardor quispiam
 Omnes Achivum copias, ut quam potest
 Ocyffime, solvant rudentes littore, &
 Ad barbarorum classe navigent solum,
 Verentque, ne posthac quis ausit conjuges
 Raptu procaci abducere Græcanicas.
 Argis at hi meas negabunt filias,
 Tum vos item & me, si quidem fraudavero
 Oracla divæ, postulantis virginem,
 Neque gnata frater subigit invitum meus
 Ad hæc, nec hujus me trahit sententia.
 Sed ipsa potius adigit horum Græcia,
 Per quam necesse est, seu velim, seu non velim,
 Tete immolare; parte at isthac vincimur
 Necessitate, nec licet resistere.
 Imo illa quantum in teque, meque filia

Statuen-

Statuenda libera: neque ferendum illud viris
Græcis, uti per vias rapaces improbam
Legitima temerem barbari connubia.

Clyt. Hei mihi gnata, pro dolor hospitæ.
Hei me miseram, tui

Cædes exanimat, pater

ph. Orco tradens te, fugit impius.
Hei mihi mater, mater, siquidem

Hæc lugubris cantio nobis
(Sic fortunæ visum) utrisque
Competit, haud Phœbeæ posthac
Munere lucis, neque vitali hac
Vescimur aura?

Proh proh tectæ nivibus rupes,
Atque Idæi Phrygiæ montes,
In quos olim Priamus tenerum
Pater infantem exposuit, matre
Procul amotum, uti morte periret,
Paridem quem quondam urbis Phrygiæ
Idæum plebes Idæum

Dixit, dixit.
Utinam numquam evenisset.
Inter Paridem montana boum
Enutritum armenta bubulcum
Pelluentes colere ad lymphas,
Ubi Nymphis gratissima sedes,
Liquidis fontes, prata ubi vernant
Passim, & picti floribus agri,
Murice tinctæ ubi lucente rosæ,
Purpureique micant hyacinthi,
Carpendi ungue trium divarum,
Quoque accessit pridem Pallas,
Gaudensque jocosa fraude Venus,
Neque non Juno, neque non volucer
Jovis interpres Majæ proles,
Alite Cypris amore superba,
Hasta Pallas, Juno marito

Jove, qui sceptris Divum potitur,
Invisum ad certamen formæ,
Atque arbitrium triste profectæ,
Quid mihi acerbam peperit mortem,
Quamquam ea rursus Danaï pariet
Æternam famamque decusque.

Cho. Dilecta ô mihi turba puellæ.
Delegit aris præferiri victimam
Diana te, bello auspicio ad Ilium.

phig. Heu mater mea, proh genitrix.

Qui me progenuit pater
Idem me male destitutam
Perdit, proh ego tristibus
Fatis nata, videns acerbam
Infaustamque Helenen, necor.

Diri conficior parentis
Dira cæde, utinam mihi
Portum classis in Aulidensem
Numquam puppibus ærea, il-
lidens rostra solo appulisset.

Ventis ô utinam secundis
Recta cursus ad Ilium
Vexisset celeres carinas.

Transversis neque flatibus
In terramque ferentibus
Euripi exagitasset undas

Juppiter, auras aliis alias
Placans, quo sua carbasa læti
Placitis videant distenta Notis.

His immittere tristia suctus,
Hos vi cohibens, aliis donans
Solvere, cursumque tenere suum,
Alios cogens proferre moras.

An non satis profecto
Calamitosum erat genus,
Calamitosum erat parum

Per se genus mortalium?
At quorsum erat necesse,
Sibi pestilens ut ipsi

Accerferent fatum viri?

- A* *Chor.* Eheu Pelasgis mala viris ingentia,
Luctus item ingentes parit lata Tyndaro.
Certe misertum est me tui, cui talia
Mala obtigerunt, prorsus indignæ cui
Tantum malorum fors iniqua impingeret.
- phig.* Mater heu virum catervam adesse video cominus.
- Clyt.* Nempe & ipsum conspicias parente progenitum Dea
Gnata, cujus huc ab Argis es profecta nomine.
- phig.* Mihi fores aperite famulæ, corpus ut celem meum.
- Clyt.* Cæterum quo gnata refugis?
- phig.* Nempe me prohibet pudor
Obtueri quisquis hic, quem Graji Achillem nominant.
- Clyt.* At quid hunc reverere tandem?
- phig.* Quod parum videlicet
Ista nobis auspiciato cesserunt connubia.
- Clyt.* Noli in his, quæ nunc geruntur gnata te negotiis
Agere delicatam. At hic maneto nobis, res enim hæc
Non pudorem postulat, nec exigit reverentiam,
Si modo obtinere quovis quidem agitur liceat modo.
Mulier heu male fausta, Ledaæ gnata.
- Chor.* Vera prædicas.
- Clyt.* Inter Argivos tumultus gravis & ingens perstrepat.
- Chor.* Quis tumultus? indica mihi.
- Clyt.* Filia super tua.
- Chor.* Omen haud lætum elocuta.
- Clyt.* Quod hanc necari oporteat.
- Chor.* Nemo contradicit istis?
- Clyt.* Ego ipse videlicet
In periculum veneram.
- Clyt.* Quod hospes in periculum?
- Ach.* Nempe ne lapidarer.
- Clyt.* An ob id quod meæ tu filiæ
Tenderes servare vitam?
- Ach.* Ob istud ipsum scilicet.
- Clyt.* Sed quis audeat tum corpus manu contingere?
- Ach.* Univerfa turba Grajûm.
- Clyt.* Cæterum numquid tibi
Fida Myrmidonum manus suo aderat auxilio duci?
- Ach.* Imo primi hi præbuere semet adversarios,
Atque primi resistere.
- D* *Clyt.* Occidimus eheu filia.
- Ach.* Meque dicebant amore vincier connubii,
Proin parum consulere Grajûm copiarum commodis,
Quippe privatis adactum servientem affectibus.
- Clyt.* Verum ad hæc quid retulisti?
- Ach.* Nempe quæ conjunx mihi
Fuerit antehac futura, non decere occidier
- Clyt.* Idque recte es elocutus.
- Ach.* Quamque jam fama mihi
Genitor ipse dedicasset.
- Clyt.* Quin & Argis insuper
Evocatam literis huc advenire jusserit.
- E* *Ach.* Cæterum clamore victus abeo multitudinis.
- Clyt.* Nam malum isthuc impotens.
- Ach.* Tibi opitulabimur tamen.
- Clyt.* Cumque multis dimicabis unus?
- Ach.* Hosne conspicias
Adferentis arma?
- Clyt.* Dii precor, tibi adsint prosperi.
- Ach.* Ii quidem sunt adfuturi.
- Clyt.* Proinde gnata jam haud cadet?
- Ach.* Non profecto, me volente.
- Clyt.* Sed adfuturus quispiam
Qui manum injiciat puellæ?
- F* *Ach.* Jam aderit innumerabilis
Militum caterva, porro dux Ulysses agminis.
- Clyt.* Sisyphi num nam propago?
- Ach.* At ipse ille scilicet.
- Clyt.* Num suapte auctoritate isthæc agit? an ad munus hoc
Militum jussu vocatus?
- Ach.* Ipse sumpsit sibi volens.
- Clyt.* Munus adsumpsit scelestum, cæde cupiens pollui.
- Ach.* Verum ego hunc prohibebo.
- Clyt.* Num nam ducet invitam manu
Vique raptam?
- Ach.* Scilicet flaventibus tractam comis.
- Clyt.* Mihi quid inter hæc agendum?

Tu

Achil. Tu renitens filiam
Viribus retinebis.
Clyt. Hanc quidem quod ad rem pertinet,
Gnata non mactabitur.
Achil. Res huc videlicet loci.
Iphig. At dictis meis jam mater aurem commoda. (tuum
Quippe jamdudum absque causa, nec merentem te
Video succensam in maritum; at illa quæ fieri haud que-
Neutiquam proclive nobis sustinere, ac vincere. (ant
Igitur huic prompto, ac parato nos juvare, gratia
Est habenda & approbanda pectoris propensio.
Cæterum tuum illud est videre, ne quid copias
Tu quoque irrites, & hac ratione nihilo plus tamen
Explicemus, hic sibi ingens interim accersat malum.
Quin magis quod cogitanti venit in mentem modo,
Mater accipe, nam mori mihi certa stat sententia,
Verum id ipsum fortiterque, cumque laude pervelim
Facere, porro animo relegans malevolentiam meo.
Nunc age hoc mecum parens communiter considera,
Nostra quam sit recta ratio, quam tibi jam proferam.
Græciæ primum illa tellus, quæ quidem est amplissima,
Respicit in me tota, & ex me mille cursus navium
Pendet, ex me gentis una excidia pendunt Iliæ,
Et situm in me, si quid olim fors nocere Barbari
Apparabunt, vim ferentes scæminis nostratibus,
Ne sinantur nobiles, ditæque raptu abducere
Conjuges Græcia, simul atque poenas penderit
Troja Grajis debitas Helenes abactio nomine,
Quam quidem Priameus ille rapuit abductam Paris.
Hæc profecto cuncta redimam morte (si cadam) mea,
Tum decusque & celebre nomen hinc mihi parabitur,
Quippe quæ meo capite liberarim Græciam.
Nec videlicet meæ me convenit dispendio
Admodum vitæ moveri, quando me communiter
Omnibus peperisti Achivis, non tibi uni proprie.
Deinde tot virorum in armis constituta millia,
Totque millia classe tanta horum profecta, nomine
Patriæ læsæ, haud ferenda, præter æquum injuria,
Prompta sunt patrare sese dignum in hosteis quippiam.
Denique & pro vindicanda mortem obire Græcia,
Unius mea vita porro obisset istis omnibus,
Quo minus fiant; in hac re quæso utrum sit æquius?
Numquid est adversus ista quod queamus dicere?
Verum age hinc ad illa jam veniamus, huncce neuti-
Convenit, cunctis Achivis unius mulierculæ (quam
Gratia contendere armis, luceque privarier.
Præstat unicus vir, estque lucis hujus munere
Dignior, quam multa sane scæminarum millia.
Denique hoc Artemidi, si fors visum ita, ut meum caput
Postulet sibi vindicare, quæso te, numnam Deæ
Ipsa mortalis manum scelleret, aut suffugero?
Id quidem sperare stultum; dedo corpus hoc meum
Græciæ; proin' immolate, Marte Trojam excindite.
Hæc enim monumenta vivent tempus in longum mei,
Hique gnati, nuptiæque, meique nominis decus.
Denique æquum est nos Achivos imperare Barbaris
Mater, haud contra Pelasgis imperare Barbaros.
Quippe nata est servituti Barbarorum natio,
Cæterum Grajūm genas natura statuit liberum.
Chor. Ad te quidem quod attinet juvencula,
Isthoc beata es tam virili pectore, at
Ex parte fortis, ac Deæ felix parum.
Achil. Agamemnonis generosa proles, cœlitum
Aliquis profecto me beatum fecerit,
Si te mihi liceat potiri conjuge.
Ac te simul felicem opinor Græciam.
Et te tua felicem opinor Græcia.
Tua nam proba est, & gente digna oratio,
Ut quæ recusans cum Deis luctarier,
Id quod tuis scis esse majus viribus,
Perpenderis; facto quid usus, & simul
Præfens quid ista postulet necessitas.
At me tui, magis ac magis connubii
Rapidus cupido, mentis indolem tuæ
Dum specto; nam generosa es, atque strenua.
At tute tecum quid velis, considera.
Siquidem ipse de te bene mereri pervelim,

Domumque ducere conjugem, ac pectus meum
Maleangat, ipsa testis est mihi Thetis,
Nisi te neci subduxero, ac servavero,
Danaïs resistens vi, manumque conferens.
Hæc confer, ingens mors & atrox est malum.
Iphig. Loquor hæc profecto mentis ex sententia,
Nec ullius permota respectu viri,
Bella ciet auctor, atque cædes Tyndaris.
Viris cruentas, corporis specie sui.
Verum hospes, obsecro neu mea tu gratia
Cæsus cadas, neve truces quempiam,
Quin me sinas servare Græciam precor,
Modo id situm in me, & quolibet liceat modo.
Achil. Omira rari pectoris præsentia.
Nequeam profecto adversus ista dicere
Diutius, quando hæc tuo sententia
Animo sedet; si quidem mihi videtur &
Generosa, & eccellente digna stemmate.
Quid enim verebor, vera quæ sunt proloqui?
At fors futurum est, mentem ut istam poenitens
Mutes, proinde uti scias, quæ dixerim,
Præstare promptum, veniam & arma hæc cominus
Deponam ad aram, quo fiet si forte opus,
Non te sinam, imo vi vetem necarier.
Nostrisque fors utere tum sermonibus,
Simul ac tuis conspexeris cervicibus
Ferrum imminere; proinde nequaquam sinam
Tua perire virgo te socordia.
Quin hisce potius templa & aras numinis
Armis adibo, tuamque ibi præsentiam
Operiar, adventum puella manens tuum.
Iphig. Quid obtrices, ô mater? ac silentio
Manantibus genæ rigantur lacrymis?
Clyt. Hei misera, causa fat mihi est idonea,
Cur debeam dolere, & excruciarier.
Iphig. Animum adde nobis potius, & frangi veta,
Ne pectoris minuito mi constantiam,
Atque his mihi in rebus parens morem gere.
Clyt. Dic quando nullo filia in negotio
Nos te precantem justa defraudabimus.
Iphig. Ne tu capillis igitur evulsis comam
Laniaris, aut pullos amictus sumpseris.
Clyt. Isthuc quid ais, ô gnata quum pereas mihi?
Iphig. Minime profecto, salva sum; per me tibi
Famæ perennis veniet inclytum decus.
Clyt. Cujusmodi hoc est, quod mones? an obsecro
Non convenit lugere mortem me tuam?
Iphig. Minime, sepulcrum quando nec statuent mihi.
Clyt. Quid? an sepulcri non fat est occumbere?
Iphig. Etenim ipsa, divæ maximo natæ Jove,
Mihi futura templa monumenti loco.
Clyt. Age gnata in istis nunc voluntati tuæ
Morem geram, quando ipsa dixisti probe.
Iphig. Utpote beata, ac bene merens de Græcia.
Clyt. Sed quid tuis renuncio sororibus?
Iphig. Ne quando pullis membra velent vestibus.
Clyt. Virginibus autem quod libenter audiant,
Quid me tuo jubes referre nomine?
Iphig. Feliciter jubeas valere, & hunc mihi
Alas Orestem, ut exoleat in virum.
Clyt. Complectere, hoc visura postremum die.
Iphig. Germane cordi unus meo carissime,
Utrumque tu pro viribus certe tuis,
Tuæ sorori es opitulatus sedulo.
Clyt. Est aliud, Argis quod velis curarier,
In quo queam tibi facere gratum filia?
Iphig. Meum parentem, conjugem genitrix tuam
Ob ista quæso facta ne quid oderis.
Clyt. Isti tua multum laborum gratia
Exhauriendum, atrocique certamina
Subeunda.
Iphig. Verum invitus hic me perdidit,
Consulere quærens dignitati Græciæ.
Clyt. Atqui volens si faciat isthuc, aut dolo,
Et indecore faciat, & parum Atreo
Dignum parente.
Iphig. Me quis hinc deduxerit

Mi-

Chor. Mihi prius quam tracta lanietur coma?
Ph. Ego te sequar.
Chor. Faxis cave, neque convenit.
Ph. Tuis adhærens vestibus.
Ph. Mihi ô parens
 Obtempera, mane, decorum enim id magis
 Mihi tibi que; cæterum me quispiam
 Ex his ministris patris, in pratum Deæ
 Artemidis hinc deducat, ubi mactabimur.
Chor. Discedis cheu gnata.
Ph. Scilicet, neque
 Reditura rursus abeo.
Chor. Matre videlicet
 Numnam relicta?
Ph. Nempe sic, uti vides,
 Indigne, & immerenter.
Chor. Ah mane obsecro,
 Ne gnata ne me deferas.
Ph. Haud te sinam
 Stillantibus vexare lacrymis genas.
 At vos puellæ Artemidi filiæ Jovis
 Pæana canite, de nece, atque obitu mei
 Bene ominantes; tum Pelasgis omnibus
 Precationes, fausta que sonent omina.
 Ac primus aliquis auspicetur tollere
 E corbe frondeis; deinde puris ardeat
 Sacer ignis in prochythis; pater porro meus
 Rite fragranteis teneat aras dextera.
 Etenim salutem pariter & victoriam
 Paritura cunctæ venio genti Græciæ.
*Jambicum dimetrum Acephalum, nonnulla etiam
 Catalectica.*
Ph. Ducitote me Ilia
 Diruendis mœnibus
 Phrygibusque perdomandis
 Destinatum victimam.
 Serta texta porcite,
 Comisque vincendis
 Ferte frondeis, ac piis
 Irrigationibus,
 Fontibusque sacris,
 Devocate in ædem,
 Devocate in aram,
 Heram Artemim potentem,
 Artemim beatam,
 Uti meopte sanguine
 Capitisque cæde nostri,
 (Quando hoc ita est necesse)
 Fata placem numinum.
Chor. O veneranda,
 Veneranda parens,
 Quomodo tibi debitas
 Impertiemus lacrymas?
 Nam nefas, neque convenit
 Miscere sacra fletu.
Ph. O sodalium
 Turba dulcis virginum,
 Artemim communibus
 Celebrate cantilenis,
 Quæ croco rubentia
 Carpenta ducit urbi
 Adversa Chalcidensi,
 Ubi bellicæ fervent trabes
 Nomini causa mei.
 Nempe hic reductis portuum
 Aulidis secessibus,
 Io parens tellus,
 O Pelasgica,
 Mycenæque nostri altrices.
Chor. Urbem vocasti Persei
 Cyclopio labore,
 Manibusque fabricatam.
Ph. Profecto lumen ingens
 Edidistis Græciæ,
 Haud quidem abnuo mori.
Chor. Tua namque tete gloria
 Nullo relinquet tempore.

A Ph. Io Io,
 Phœbea fax diurnæ
 Vectrix amica lucis,
 Odulce lumen ætheris
 Alterum mox alterum
 Exigemus ævum,
 Orbem alterum incolemus,
 Oblanda lux jam mihi vale.
Chor. Heus heus.
*Jambica dimetra, acatalectica, mixta catalecticis &
 acephalis.*
 Spectate euntem virginem,
 Trojana per quam Pergama
 Devicta subruentur.
 En comante vertice
 Serta gestat frondea
 Injecta militum manu.
 Mox viraginis Deæ
 Aræ dicatum cespitem
 Sacra scatente lymphæ,
 Manantibusque rivis,
 Purpurante aspergine
 Cruoris irrigabit,
 Candido de corpore
 Cervicæ quum resecta,
 Procumbet ac feriet solum.
 Patria te manent sacra,
 Te manent Pelasgum
 Universæ copiæ,
 Classe quæ desiderant
 Phrygios adire muros.
 Quod quidem ut feliciter,
 Fausteque cedat illis,
 Agite prognatam Jove
 Invocemus Artemin.
 Semper colenda Diva,
 Humana cui placent sacra,
 Da militi Pelasgo
 Appellere Phrygium in solum,
 Perfidæque Trojæ
 Sedes adire sacras.
 Da victorem Agamemnonem
 Victrice cum caterva,
 Pulcherrimum triumphum
 In Græciam referre,
 Lætâ vincientem
 Inclytæ tibi tempora
 Victoriæ corona,
 Laude parta nominis
 Quod usque vivat, & quod
 Nullis senescat umquam,
 Intercidatve seclis.
E Num. Prodito tectis patre Tyndareo sata,
Chor. Quo dicta cognoscas Clytemnestra mea
 Audita meme vox excivit foras
 Trepidamque misere, diro & attonitam metu.
 Num tu mihi aliam calamitatem quampiam
 Adfers ad hanc, quæ nunc adest? *Num.* De filia
 Tua stupenda nunciabo jam tibi, &
 Portentuosa. *Chor.* Proinde ne cunctere, sed
 Expone rem, quantum potes celerrime.
Num. Quin ô mihi Regina dilectissima,
 Rem prorsus omnem luculenter audies.
 Ex ordine autem cuncta narrabo, nisi
 Si quid memoriæ lapsus, errantem mihi
 Inter loquendum linguam item turbaverit.
 Ut igitur in lucum Deæ pervenimus
 Artemidis, atque in florulenta prata, ubi
 Aderant Achivum conglobatæ copiæ,
 Tuam catervis prosequentes filiam,
 Glomerata coit illico Argivum phalanx.
 Simul atque porro ductor Agamemnon videt
 Mox immolandam in lucum euntem virginem,
 Gemitum profundo ducit altum pectore,
 Retroque flexo vultu, amaras lacrymas
 Profudit oculis, ora velis obtegens.
 At illa patri proxime assistens suo,
Tom. I. Ffff Hoc

Hoc elocuta est: *ô* parens, adsum tibi,
 Et hocce corpus pro salute patriæ,
 Proque universa Græcia trado volens,
 Ut immolandum hinc ad dicatas numinis
 Ducatis aras, quando Divûm oracula
 Ita canunt; prorsum quod ad me pertinet,
 Et rem geratis bellicam feliciter,
 Lætæque vobis præmium victoriæ
 Cedat; proinde illud precor, ne clanculum
 Mihi Pelasgûm quispiam admoveat manum.
 Nihil reluctans colla porrigam, ac volens.
 Atque hæc quidem est effata, cæterum stupor
 Omneis capit, robur tuentis virginis,
 Et virginalis animi celsitudinem.
 Talthybius autem, cuius hæ partes erant,
 Media Pelasgorum inter adstans agmina,
 Bene ut ominentur, copiis denunciat,
 Linguisque faveant, deinde fatidicus celer
 Calchas, in auro intermicantem sportulam
 Nudans, & e loculis acutum proferens,
 Imponit ensem, ac virginis flavum caput
 Sertis revincit frondeis; tum Peleo
 Editus Achilles, sportulam gestans sacram,
 Sacrasque pelveis celere cursu, numinis
 Obibat aras, simul & hæc precatus est.
 Artemi ferarum magna domitrix, ac Jovis
 Veneranda proles, quæ nitentem luminis
 Blandi facem alto noctium silentio
 Vectare solita es, placida sume victimam hanc,
 Quam tibi damus, simul Pelasgûm exercitus,
 Simul & Agamemnon imperator agminum,
 Intaminatum sanguinem, qui virginis
 Pulcherrimæ manabit e cervicibus,
 Ac dextra classi prosperum cursum annue,
 Liceatque nobis Marte capere Pergama.
 Stant inter hæc fratres Atridæ, omnisque item
 Exercitus, solo tenentes lumina.
 Atque ibi sacerdos, ense correpto manu,
 Rite est precatus, deinde dispicit locum,
 Qua commode jugulum feriret virginis.
 Mentem mihi haud exiguis occupat dolor,
 Stabamque moestus ora defigens solo,
 Oculosque pronos; cæterum subito nova
 Visuque mira res ibi accidit, sonum
 Plagæ per auras nemo non sensit palam.
 Porro puella, nescio quonam loci
 Evanuit subducta; tum vocem stupens
 Tollit sacerdos, turba Graji exercitus
 Adclamat universa, dum quoddam videt
 Mirabile ostentum a Deorum quopiam
 Conspectibus spem præter objectum suis.
 Quod credier nequiebat, ac ne tum quidem,
 Oculis ubi coram pateret testibus.
 Siquidem jacebat cerva palpitans humi,
 Visenda vasti mole mira corporis,
 Specie decenda insignis, ac spectabilis,

A

B

C

D

Cujus cruore imbuta numinis affatim
 Undabat ara; proinde Calchas interim
 Quantum putas gavissus, hæc effatus est?
 Hujus Pelasgûm Principes exercitus
 Communis, hanc coram videtis hostiam,
 Altaribus quam Diva supposuit suis,
 Cervam volucrem? en hancce virginis vice
 Amplectitur libentius, ne quid suas
 Commaculet aras nobilis virgunculæ
 Cæde cruenta; & hocce consulit volens
 Boni, accipitque, ac prosperos per æquora
 Undosa cursus annuit nobis, uti
 Priameja liceat classe adire Pergama.
 Quapropter omnes classe vecti milites,
 Animum bonum, fiduciamque sumite,
 Ac petite naveis; hoc enim nobis die
 Curvis relictis portuum secessibus
 Aulidis, aranda Ægæa ratibus æquora.
 Ut penitus autem victima est Vulcaniis
 Exusta flammis, tum precatus prospera est
 Sacrificus, ut reditus secundus ab Ilio
 Victricibus domum daretur copiis.
 At me tibi transmisit Agamemnon, uti
 Hæc nunciarem, ac certiorum redderem,
 Ipsi Deûm quid accidisset numine,
 Et ut pararit sibi per omnem Græciam
 Famæ decus, quod nulla pforis secula
 Oblitterabunt; ast ego videlicet,
 Quod ipse præsens his & oculis viderim,
 Id narro, proles ad Deûm consortia
 Tua subvolavit; proinde quod reliquum est, age
 Istam remittas mentis ægritudinem, ac
 Tuo marito desinas irascier.
 Inopina Divûm fata, quosque diligunt,
 Servant; hic unus filiam mulier tuam
 Et mortuam conspexit & vivam dies.
Cho. Ut ista volupe est, tibi ferentem nuncium
 Audire, porro coelitem in consortio
 Transfigere vitam pignus affirmat tuum.
Cho. Quis te Deorum gnata rapuit?
 Qui te compellabo rite?
 Quid dicam, aut quid suspicer? anne hoc
 Mihi frustra blandirier his verbis,
 Tristi ut luctu tui desistam?
Chor. Atqui huc Agamemnon venit ductor,
 Unde hæc ipsa possis audire.
Aga. Uxor, beati filia causa sumus
 Forfan futuri, quippe certum est, coelitem
 Illam in Deûm manere contubernio.
 At tibi puello hoc pariter abducto, domus
 Repetenda; siquidem ut navigare copia
 Properent vides; valeto; colloquar diu
 Troja reversus, & interim tibi sit bene.
Cho. Felix Atrida terram adi Phrygiam,
 Felix redito,
 Mihi pulcherrima abs Troja spolia huc reportans.

EVRIPIDIS IPHIGENIÆ

F I N I S.

P. OVI

P. OVIDII NASONIS

D E

N U C E

E L E G I A,

C U M

C O M M E N T A R I O

DESIDERII ERASMI

R O T E R O D A M I.

DESIDERIUS ERASMUS ROTERODAMUS
OPTIMÆ SPEI ADOLESCENTI
J O A N N I M O R O

S. D.



NE pro xeniis vestris, ne pro tot amicis Epistolis nihil omnino videar reponere, suavissime Joannes, mitto Nucem, ne sperne munusculum, sane quam elegantem, nimirum Ovidianam. Quamquam alioqui munus nec omnino pusillum mittere videri possit, qui totam mittit arborem: nec vile, qui tam facundam. Ne vero mireris apud Ovidium loqui Nucem Latine, quum apud Lucianum tam diserte litigent vocales: apud Homerum loquatur Argos navis, idque carmine. Tantisper igitur dum hæc legis, esto Pythagoricus, ut credas & arboribus animum esse, linguam addidit Naso, vel reddidit potius. Nam & olim in Dodona quercus edebant oracula. Mihi tamen etsi jampridem ab hoc genere studiorum alienissimo, libuit carmen tam festivum & eruditum, addito commentariolo, commendare studiosis. Nec me fallebat fore, qui protinus succlamarent plane juxta Græcorum vetus proverbium, τὸν παλιμπαίδα γέροντα redisse ad nuces. Ego sane nec pueris inutile, nec seni cuiquam indecorum arbitror hujusmodi nucibus ludere, talique laxamento ingenui lassitudinem, ex seriis studiis contractam, reficere. Ceterum quid alii dicant, non magnopere laboro. Tibi, mi Joannes, persuasum esse velim, præclarum artificem ubique suissimilem esse, seu colossum fingat, seu semipedalem statuam, sive Jovem pingat, sive Thersitem, sive æri, vulgarique saxo insculpat imaginem, sive gemmis aut auro, nisi quod in materia vili minutaque major est artis admiratio. Laudata est Nasonis Medea, sed videbis & in Nuce Nasonem esse. Illic materia suppedibat eloquentiam, ac bona pars laudis erat decidenda Græcis, qui toties tractarant idem argumentum. Hic quicquid est laudis, ingenio Poetæ debetur. Equidem non sum is, qui soleam de eadem fidelia plures dealbare parietes, attamen & tu candidus videberis, & ego minus ingratus, si Nucem hanc, cujus fructum natura fecit in quatuor partes sectilem, si minus placeat arborem findere, Margaritæ, Elizabetæ, Cecilie, dulcissimis sororibus tuis, & harum sodalitis felici Gygie voles esse communem, quæ me toties Epistolis suis laceffunt, tam sanis argutisque sensibus, tam castæ Latinitatis, ut his nostris ægre persuadeam ipsarum Marte confectas, quum id habeam compertissimum. Proinde quorsum attinet hortari te, mi Joannes, vel ad literarum studium, vel ad virtutem, quum tali præditus indole, domi patrem habeas, quum eruditionis omnibus numeris absolutum, tum omnis probitatis & integritatis perfectissimum exemplar, a quo degenerare turpissimum fuerit, præsertim quum ab illo nihil non affatim præstetur, quod conducere possit ad te omni ornamentorum genere perpoliendum. Latere non potes, præluce tibi paternæ famæ splendor, quem aut summa cum laude referas oportet, aut summo cum dedecore fallas omnium de te expectationem. Quamquam & sororum æmulatio tibi cessanti poterat acriter calcar addere, quarum comitatem, modestiam, pudicitiam, simplicitatem, mutuum concordiam si quis contempletur, treis juret esse Charites: si varias Musicorum organorum species scite tractantes videat, si per omne genus auctorum utriusque linguae, velut apiculas quasdam volitantes consideret, hic annotantes aliquid, quod imitentur, hinc decerpentes insigne dictum, quod in mores transferant: hinc lepidam aliquam historiolum ediscenas, quam inter sodales referant, dicas Camænas in amœnissimis Aoniæ campis suaviter ludentes, sterculos & amaracum concinnandis sertis colligere. Certe sic omnibus animorum dotibus ornata sunt, ut formæ gratia, quamvis eximia, minimum adferat commendationis. Hæ velut ex composito sic properant in hoc laudis stadio, quasi fratrem velint a tergo relinquere. Quo magis oportet te nervos omnes ad cursum intendere, ut quoniam illas natura priores in hoc stadium induxit, utpote te grandiusculas, intentione studiorum antevertas. Tum illis cum Cornelia Gracchorum matre certamen erit, quæ sexum suum gemina laude decoravit, tum pudicitie, tum eloquentiæ: tibi cum Patre, quem æquasse satis optima laus fuerit, & tamen ille nihil malit, quam vinci. Verum hæc alias fortasse tempestivius. Nunc ad Nucem.

D E T I T U L O.



Itulum huic Poemati præfixum repperi, *Elegia*: habet enim complorationem præteritarum injuriarum, & imminentium deprecationem. Quorum utrumque pertinet ad causæ genus quod Græci vocant δίκανον, nostri judiciale, sive forense. Proinde bona pars tractationis in affectibus sita est, præsertim misericordiæ, quæ movetur partim ex aggeratione malorum, quæ quis patitur: partim ex circumstantiis personarum. Misericilius enim est, ubi qui nihil commertus est, imo qui bene meritis, indigna patitur: & ubi facit injuriam, qui nulla laceffitus est injuria, sed pro officio refert maleficium. Quod si statum quoque nosse desideres, sine dubio qualitatise est, sive juridicalis. De facto convenit, an jure fiat quaeritur. Cæterum dubitari possit, utra sit persona actoris, utra rei. Nam Nux ita causam suam agit, quasi rea populo. Rursus eadem sic populum injuriarum reum peragit, ut illum quidem non vocet ad poenam, sed tantum ab se depellat injuriam. Jucunditatem addit argumento facta ubique allusio ad affectus humanos, quod idem fit in apologis. Qui quo sunt atrociores, hoc in re levi ludicraque plus habent voluptatis, veluti in βατραχομυομαχίᾳ, quam inscribunt Homero. Primum distichon simul & propositionem complectitur, & narrationem. *

* Si quibus vacabit conferentes hanc Nucis editionem cum Heiniana, multum discrimen animadvertent. Otio abundabat Erasmus cum tam longam commentationem ederet in hoc Poematium.

P. OVIDII NASONIS
ELEGIA DE NUCE,
CUM COMMENTARIO
DESIDERII ERASMI ROTTERODAMI.

*Nux ego juncta via, quum sim sine crimine
vita,
A populo saxis prætereunte petor.*



Propo-
sio Poe-
tica.

Est autem solenne Poetis auspicari carmen a propositione, cui sæpe miscetur invocationem. Sic enim Homerus auspicatur Iliada:

Μῆνιν ἄειδε θεὰ Πηληϊάδεω Ἀχιλῆος.

Sic Odyssæam: *ἄνδρα μοι ἔννεπε, Μῆσα πολύτροπον*, &c. Servatum est idem ab Hesiodo, tametsi non pari felicitate, quippe qui non solum loquacior est in eo, quod oportet esse brevissimum, verum etiam obscurior in eo, quod in hoc ipsum adhibetur, ut futuræ dictioni lucem adferat. Alterum opus sic auspicatur: *Μῆσαι πειρήθεν.*

Nihilo felicius *Θεογονίαν*:

Μυσῶν ἑλικωνιάδων ἀρχαίμεν' αἰδεύειν.

Superavit hic quem æmulabatur Virgilius, nimirum, in Georgicis, nec Homero cessit hac sane in parte in sua *Æneide*: qua simul & Iliados & Odyssæas argumenta complexus est. Loquacius proponit & Statius in Achil-
leida: *Magnanimum Æaciden*, &c. Grandius Lucanus, ni excusaret argumenti sublimitas, quamquam in argumento pariter grandi, Flacco displicet Poeta Cyc-
licus, qui Trojanum bellum sic exorsus sit: *Fortunam Priamici cantabo, & nobile bellum*. Itaque Poetæ numinis invocationem potissimum adhibent modestiæ causa.

Invoca-
tio.

Cæterum propositio facit ad perspicuitatem, quæ non hic tantum præcipua virtus est orationis. Etenim quum in procemiis tria potissimum agantur, ut comparetur benevolentia, docilitas & attentio: nec attentus esse potest, nec benevolus, qui non docetur. Ad docendum autem cum primis facit orationis perspicuitas, quæ potissimum est adhibenda in ipso limine dictionis, ut præluceat ingressuro totius causæ cognitionem. Siquidem obscuritas minus officit in oratione media, quod cognitis plerisque causæ partibus, ex aliis alia licet conjicere. Eadem sit venia in propositione, quæ juxta quorumdam Rhetorum opinionem protinus narrationi subjicitur. Quamquam nec hic ullam obscuritatis gratiam facit Quintilianus: *Quid, inquit, turpius, quam esse obscurum ipsum, quod in cum solum adhibetur usum, ne sint cætera obscura?* At in ipso statim dictionis ingressu, multo minus idem licet. Potissimum autem requiritur perspicuitas in propositione, narratione, & probatione, quod hæc partes proprie faciunt ad docendum. Nihil autem agit in cæteris, qui non docuit. Propositio docet causæ summam: narratio rem gestam exponit: probatio fidem facit argumentis. Jam ut prima propositio totius causæ summam complectitur, ita singulis partibus, aut etiam argumentationibus, sua præfertur propositio, quæ demonstrat quid suscipiatur probandum. Itaque divisio, quæ limen est argumentationis, si causa plures habet partes, totidem constat propositionibus: si est simplex, unam pollicetur. Jam transitiones, quæ & ipsæ plurimum faciunt ad docilitatem, fere gemina constant propositione, paucis & repetentes quod probandum est, & pollicentes quod restat probandum. Quamquam transitionibus & in narratione locus est, verum hæc Rhetorum magis sunt, quam Poetarum, tametsi nec in Poetis hoc genus rarum est, præsertim ubi docent, quod genus est illud Ovidii:

*Hos ignava jocos tribuit natura puellis,
Materia ludunt ubi ore viri.*

Perspi-
cuitas
Oratio-
nis.

Propo-
sio sub-
jecta
narra-
tioni.
Ubi ma-
xima
adhi-
benda
perspi-
cuitas.
Propo-
sio ca-
pit ar-
gumen-
tationis.
Divisio.
Transi-
tio.
Transi-
tiones in
Poetis.

A Rursus illud Maronis:

*Haftenus arborum cultus & sidera celi,
Nunc te Bacche canam.*

Cæterum ut redeam ad propositionem Poetis peculiarem ac solennem in operis frontispicio, quemadmodum alii titulum operi præfigunt, qui lectorem admonent, quid expectare debeat: ita Prophetæ Hebræorum fere titulum voluerunt esse partem operis, atque hoc velut imitati Poetæ, tituli vice collocant propositionem. Alioqui titulus qui separatus est ab operis corpore, nonnumquam omittitur a scribis, frequenter etiam a sciolis immutatur. Id quod accidit Hieronymo nostro, cujus operi de Claris Scriptoribus, verterant titulum, *Epitaphia*. Verum id nemo facit felicius, quam Ovidius, adeo ut plerisque etiam Epistolis & Elegiis suum præfigat titulum. Etenim pro eo quod titulus habuisset: *Liber de Arte amandi*, Ovidius ita proponit:

*Si quis in hoc artem populo non novit amandi,
Me legat, & lecto carmine doctus, amet.*

Propo-
sitiones
titulo-
rum
præ-
figenda.

Quæso quis titulus potuisset dilucidius complecti, materiam operis sequuturi? Epistolæ titulus erat præfigendus, puta: *Paris Helena S. D.* Quanto id Naso noster melius facit propositiuncula?

Hanc tibi Priamides misto Ledaæ salutem.

Quatribus solate mihi dante potest.

C Rursus Elegiæ præfigendus erat titulus, puta: *Pfistaci epitaphium*. Sic proponit Ovidius:

Pfistacus Eois nuper mihi missus ab Indis

Occidit, exsequias ferte frequenter aves.

Alteri titulus erat addendus. *In amicam qua capillos perdidit medicamentis*. Sic Ovidius, quasi rem agens:

Dicebam, desiste tuos medicare capillos

Tingere quam possis, jam tibi nulla coma est.

Rursus alii præponendus erat, *Militia & Amoris comparatio*, Naso sic proponit:

Militat omnis amans, & habet sua castra cupido,

Atque crede mihi, militat omnis amans.

D In nonnullis Epistolis & Elegiis obscurior est propositio, sed tamen nusquam non subest. Verum non hic tantum affectavit perspicuitatem Ovidius, verum in omnibus felicissimam illam facilitatem quam in Cicerone mirantur omnes, vix quisquam in oratione soluta feliciter est æmulatus, Ovidius in carmine præstat. Ne tamen expectes in omni Poemate propositionem. Dramaticum enim genus non recipit propositionem, hoc est, in quo personæ tantum loquuntur. Exegematicum aut mixtum recipit, & ideo rara est propositio in Satyris, quoniam in veteris Comœdiæ locum successerunt. Nec in Eclogis temere reperies, quamquam est in Virgilianis:

Triplex
poema-
tis, ge-
nus dra-
maticum,
exegema-
ticum, &
mixtum.

Pastorum Musam Damonis & Alpheisibæ.

E Similiter apud Theocritum.

Ἀιάλω τὸν ἄδωνιν, ἐπαλάζουσιν ἔρωτες;

quod Poematis genus mixtum sit. Nec enim idem licuisset in Tityro Maroni, aut in Thyride Theocrito. Rursus apud Horatium in Satyris:

Hoc quoque Tiresia præter narrata petenti

Responde, &c.

Eclogis ex more Comico personæ nomen tituli vice præponitur. Plato, & hunc imitatus Lucianus in dialogis gemino utuntur, altero a personis sumpto, altero ab argumento: *Γοργίας, ἢ περὶ ῥητορικῆς, Τόξαρς, ἢ περὶ φιλίας*. Verum jam tempus est, opinor, ut Nuce ipsam audiamus suam causam agentem, si prius illud monuero, artis esse, sic propositione summam rei proponere, ut cohæreat cum his quæ sequuntur, ac pars argumentationis esse videatur.

Tituli
Plato-
nici.

*Nux ego juncta via, quum sim sine crimine vita,
A populo saxis prætereunte petor.*

Tom. I.

Ffff 3

Nul-

1 Non est versus Theocriti, sed Bionis, in Epitaphio Adonidis.

Nullus titulus vel in oratione libera potuisset dilucidius explicare summam argumenti. Præterea habet hæc quamlibet brevis propositio, multas circumstantias admixtas, quæ partim faciunt ad probationem, partim ad affectus. Nux habet personæ significationem. Nam quum sint multa nucis genera, Juglandem loqui progressus indicat. *Juncta via*, Circumstantia est unde populus sumebat argumentum sibi licere quod faciebat. Rursus quum sim sine crimine vitæ, circumstantia est, reddens injuriam atrociorē. Est alioquin jus agendi injuriarum etiam illi, qui laceffit injuria. Veluti si qui convicio laceffitus est, constupraret uxorem ejus a quo laceffitus est. Tertia circumstantia, faxis petor, qua pœna, nulla crudelior. Quarta a populo. Atrox enim crimen esse oportet, quod non expectata judicum sententia, neque carnificis opera, publicis manibus vindicatur; *προσονομασίαν* in duabus vocibus vitæ & vitæ non arbitror affectatam a Poeta, sed quemadmodum multa solent, casu excidisse. *Sine crimine*. Aptius dixit, quam si dixisset, quum sim vitæ inculpata. Quum enim gravius sit crimen quam culpa, *ἀνέλεητος* dicitur, qui nihil admisit ob quod in jus vocari possit: hoc enim Græcis sonat *ἰγκαλιῖν*, unde *ἰγκαλιμα*. Nam quod nos errorem vocamus, Græci vocant *ἀμάρτημα*, quod fere per imprudentiam committitur. Nec semper apud Latinos error in vitio est, nec apud Græcos *ἀμάρτημα*. Cui simillimum est *σφάλμα*, quem nos lapsum dicere possumus. Nam *πλημμέλεια*, per incuriam & incogitantiam admittitur, dicta a *πάλιν μελῖν*, videlicet quod posteriore cura, quæ proverbio dicitur melior, sit facienda: veluti *μετανοία* a *μετανοεῖν*. Porro nobis delictum dici videtur, ubi præteritum est officium. Videtur & *ἀμπαλάχημα* levius, inde dictum, quod involvat hominem. *Ἀδίκημα* generale nomen est, quemadmodum & *ἀνομία*, nisi quod *ἀδικεῖν* dicatur, qui injurius est in alium. *Ἀντία* nobis aptissime reddit culpam, vox communis ad crimen, ob quod quis merito possit vocari in jus, & ad leviorē injuriam, cui sufficit expostulatio. Unde *ἀντίος* dicitur, qui fuit in culpa, *ἀν-ἀντίος*, qui non est in culpa: & *ἀντίον* dicitur etiam is, qui privatim inculsat. Crimen autem dictum videtur a Græca voce *κρίνω*, sive Latina cerno, unde & discrimino. Ne repetam hic, quod Laurentius Valla monet, non semper esse in scelere, qui est in crimine: quemadmodum non statim nocens est, quisquis reus est. Nam crimina nostra dici possunt, quæ scelera nostra dici non possunt, quod objecta sint, non admissa. Sic igitur argumentatur Juglans. Si quod facinus admissem supplicio dignum, eram in jus vocanda, & de convicta juxta leges erat sumendum supplicium. Nunc quum sim innocens, atrocissimo supplicio sævitur in me, neque convictam neque damnatam. Idque a populo prætereunte, cui viam publicam non impedio, cum sim *juncta via*. *Junctam* vocat contiguam.

*Obruere ista solet manifestos pœna nocentes,
Publica quum lentam non capit ira moram.*

Apud Hebræos, lapidabantur, qui convicium protulissent in Deum. Apud Romanos leges non porrigebant populo jus lapidandi, sed in manifestis & atrocibus admissis, connivebatur ad justum populi furorem. Seditionis enim est, non judicii, quod ait ille:

Jamque faces & saxa volant, furor arma ministrat.

Ita duplici nomine peccat populus, & quod præter leges sævit atroci supplicio, & quod in innoxiam. *Lapidari* dicitur liber aut sententia, quæ populi conviciis impetitur, quemadmodum exhibetur aut exploditur. Porro *nocentes* substantive, positum est pro fontes, unde additur manifestos. Nam alias adjectivum est pro noxio. Ovidius:

Nocens ferrum, ferroque nocentius aurum.

Et *abrui* proprie, qui vi, qui subito; qui multitudine opprimitur. *Lentum* autem dicitur, quod flexile est: & lentum, quod tardum & cessans. Nec ineleganter *capis*, dictum est pro fert. Quemadmodum autem hoc distichon exaggeratio est propositionis, ita quod sequitur exaggeratio est hujus:

*Nil ego peccavi, nisi si peccare fatemur,
Annua cultori poma referre suo.*

Crudele est sævire in innocentem, sed multo crudelius in benemerentem. Sumitur autem argumentum ex fine qui Græcis dicitur *ῥεος*, & tractatur per *ἄτοπον*, cui finitimum est *ἀδύνατον*. Assumitur enim id quod per se statim absurdum apparet, ut eo rejecto, probetur quod proponitur. In fine mutatur vocabulum, nonnumquam & utraque finitio explicatur: Si prodit Principem, qui ad ea impellit, quæ & ipsius dignitatem lædunt, & Reipublicæ salutem offendunt: & si fidelis est Principi, qui suadet ea, quæ dignitatem & existimationem boni Principis conservant apud optimos quoque, quæque pertinent ad incolumitatem Reipublicæ, proditor appellari non possum, nisi proditor est, qui fideli consilio prodest & Principi & Reipublicæ. Si bona fide quotannis referre cultori fructus, fidei est & beneficentiæ, non peccavi, nisi peccat, qui juvat. Id si dictum absurdum, mihi fit insignis injuria, quæ lapidor ob beneficium. Si color ob spem fructus, cur ob eandem causam lapidor? Argumentum a repugnantibus. Ludit autem Poeta, nimirum, in argumento ficto ludicroque. Nam alioqui quod Nux injuriam vocat, prodest ad fertilitatem. Etenim si nuces periculis decutiantur, copiosius proveniunt in proximum annum, quam si decerperentur. Quemadmodum & crocum & linum & fœnum Græcum, & quædam alia feliciter proveniunt ob illatam injuriam, ut tradidit Plinius. Quin & hodie mos est apud rusticos quosdam nucem hanc obvinctam glumeis vinculis, fustibus tundere; ita putant reddi fecundiorē. De oliva diversa lex olim erat lata, *oleam ne fringito neve verberato*, propterea quod etiam si arundine levi ictu decutiantur olivæ, tamen arbor ob eam injuriam alternat fructus. Porro juglans numeratur a Plinio inter eas arbores, quæ inferne sunt fecundiores, & ob hoc magis obnoxia injuriis. Similiter & arbutus, fici & mariscæ. Plinius libro decimo sexto, capite vigesimo octavo. Hic festivit per occasionem tractat locum moralem, ostendens non esse mirum, si arboribus nunc damno est sua fertilitas, quum idem usu veniat in foeminis.

*At piis arboribus, tunc quum meliora fuerunt
Tempora, certamen fertilitatis erat.*

Facete humanum affectum affingit arboribus. Pertinet autem & ad hoc *ἦθος*, ut qui mores publicos inculant, de suo querantur seculo, & exempla probitatis repetant ex priscis. Qui certant, utique de laude certant. Quis autem certat, nisi proposito præmio? Præmium autem certantium præcipue, laus est. Tolle honorem, & frigebit certamen, multo magis si in locum honoris ac lucri succedit damnum & ignominia. Quemadmodum igitur maritis imputat uxorum sterilitatem, quod malint formosas, quam fecundas: ita cultoribus imputat arborum sterilitatem, quod ad inanem voluptatem colant potius, quam ad usum.

*Tunc domini memores fertis ornare solebant
Agricolæ fructu præveniente Deos.*

Olim quæque arbor suo Deo sacra erat, in cujus tutela credebatur esse, vitis Baccho, olea Minervæ, pinus Cybelæ, æsculus Jovi, populus Herculi, laurus Apollini, myrtus Veneri, atque ita ferme de cæteris: neque est hic otium reddere rationem, quam ob rem antiquitas alias arbores aliis Diis consecravit, etiam si non dubito, quin aliquam rationem physicam in his sequuta sit. *Memores* autem absolute dixit, pro gratos. Alioqui dicimur & *injuria memores*. *Fructum præveniente* dixit *præcoccem*, quod ante legitimum tempus proveniat, nisi forte legendum est *proveniente*. Certe primi fructus, quos hinc Latini primitias appellant, Græci *ἀπαρχαί*, Diis consecrabantur, quo videlicet in proximum annum augerent etiam arborum foeturam. Hebræi faciebant idem in foetu masculo, quem primum edidisset uxor, sperantes pro hac pietate prolem copiosiorē futuram. Quamquam hoc distichon non simplicem habet amphibologiam. Potest enim hic accipi sensus. *Agricola*, id est, coloni, memores domini, a quo

a quo locatum habent agrum primitias foetuum offerunt Diis: quasi coloni pietas prosit etiam domino. Potest & hic esse sensus, ut *domini agricola* legatur conjunctim, & intelligamus olim eosdem fuisse *dominos & agricolas*, donec viri nobiles sibi decorum existimabant agros colere. Denique potest & tertius accipi sensus, ut intelligam dominos fundi primitiis ex fructibus, qui provenissent opera agricolae, solitos honorare Deos. Facit & illud ad amplificandam lapidantium injuriam quod foecunditas Deorum sit munus, ut in injuria sublit impietas.

*Saepe tuas igitur Liber miratus es uvas,
Mirata est oleas saepe Minerva suas.*

In his versibus potest accipi duplex sensus: Alter erit, Deos miratos fructum praecocem: Alter erit, miratos copiosum proventum. Verum hic sensus mollior erit, si *κατα συνειδοχην*, per *Liberum* intelligas vitem, per *Minervam* olivam. Est autem jucunda catachresis, τὸ πᾶν. Sic & Virgilius de arbore gerente ramos infitos:

Miraturque novas frondes, & non sua poma.

Quod subito personam secundam mutavit in tertiam, carminis ratio postulabat: quod verbum *es*, sit breve. Quamquam in secunda persona nonnihil jucunditatis habet Apostrophe.

*Pomaque lassissent matrem, nisi subdita ramo
Longa laboranti furca tulisset opem.*

Quod vitis alligatur, stirps invalida, flexilesque palmites sunt in causa, & haud scio an umquam hoc eveniat in oleis. Verum in malis ac piris videmus hoc frequenter usu venire, ut tota arbor degravata pondere foetuum, laborare videatur, nonnumquam etiam scindantur rami. Sic Ovidius:

*Adspice curvatos pomorum pondere ramos,
Ut sua quod peperit, vix ferat arbor onus.*

Furcis autem suppositis fulciuntur rami impares oneri. Quin iisdem admotis nonnumquam corriguntur stirpes aut rami alio vergentes, quam oportet. Inde Flaccus:

Naturam expellas furca, tamen usque recurrit.

Eleganter dixit *Laboranti*. *Laborat* qui operatur. Non *laborat* qui non curat. *Laborat* qui aegrotat. *Laborat* qui periclitatur ob rei difficultatem. Veritas saepe *laborat*, numquam opprimitur. Juvenalis:

Una laboranti poterit succurrere luna.

Ad *πᾶν* facit & illud, quod ait: *poma lassissent matrem*. Miserabile est, puerperam in partu periclitari: & quoniam communi sensu favetur foecunditati multos foetus simul edentium: major est miseria erga eas, quae pereunt ob partum numerosum. Numerosissimus autem est foeminae parienti quinquē. Quamquam in annalibus atque etiam monumentis Hollandicis existat, unam uno partu enixam trecentos sexaginta quinque vivos foetus, & omnes fuisse baptizatos. Exstant annales, exstat monumentum cum inscriptione nominis. Exstat pictura. Erat autem Comes Hollandiae. Tantula ditione tunc erant contenti Principes. Ostenditur & collis monasterio, in quo sepulta est, vicinus, ubi palatium habebat. Et miramur per astutos quosdam absurda quaedam esse persuasa rudi mundo, quum talibus fabulis sit habita fides, apud simplicem gentem, rudi seculo. Quamquam in his levior est perniciēs. Sunt alia persuasa similibus technis, quae Christum nobis prope modum extinxerunt.

*Quin etiam exemplo pariebat foemina nostro,
Nullaque non illo tempore mater erat.*

Exempla a brutis animantibus & rebus inanimis ducta, pondus habent. A sine per medios ignes accurrit ad foetum. Proinde turpe est matrem negligere liberos. Coelestia corpora servant cursum a Deo praescriptum. Turpe est homini non parere jussis Divinis. Arbores instinctu naturae prorogant suum quaeque genus, damnanda igitur adscita voluntariaque sterilitas. Semper enim exempla imparia vehementius movent, veluti quod a foemina ad virum, a puero ad senem ducitur, aut contra. Nam imparitas sita est, non in persona tantum, sed etiam in re collata ad per-

sonam. Si turpe est adolescenti scortis indulgere, quanto magis seni? Contra, si seni non est turpe discere quod nescit, quanto minus puero? Cæterum, in nonnullis arboribus & sexum & conjugium & coitum adnotarunt scriptores, adeo ut quæ foeminae sunt, nisi adsit mascula arbor, steriles maneant. Porro qui diligentius rerum naturas perscrutati sunt, affirmant nihil e terra gigni, quod sexu careat. Qua de re copiose Plinius lib. XIII. cap. IV. Quemadmodum autem nonnumquam corporis vitium, semper autem ætas adfert sterilitatem foeminis, ita & arboribus frugiferis. Nam quicquid vitiorum est in corporibus hominum, idem ferme comperitur in arboribus, vocabulis etiam huc a malis hominum translatis: quod genus sunt, fames, sitis, senium, vermiculatio, sideratio, membrorum dolor, cruditas, obesitas, oculorum exustio, abortus. Sunt his malis excogitata varia remedia. Vide apud Plinium libro XVII. cap. XXIV. & XXVI. Nec tamen singulis annis perpetuo pariunt foeminae, quæ foecundæ sunt, idem usu venit in frugiferis arboribus. Gratiam habet, numeri *ἐτέρας, fœmina*, pro *fœmina*. Apud Hebræos, summi propri loco ducebatur sterilitas. Apud priscos etiam gloriosum erat numerosam edidisse prolem, & *εὐπαιδος* meruisse nomen felicitati tribuebatur. Contra, *ἀπαιδα* dici, inglorium erat. Hinc argumenta Poetarum de Danaidibus & Beli filiis, de Priamo & Hecuba, de Niobe, cæterisque. Quin & apud Historicos celebrantur copiosa prole felices. Tum ex matrimonio quærebatur proles, nunc a plerisque uxor habetur libidini, & scrophæ vocantur, quæ numeroſe pariunt. Apud veteres etiam medicamentis provocabatur foecunditas. Nunc pro scelus! notiora sunt pharmaca, quibus accersitur abortus.

*At postquam platanis sterilem præbentibus umbram,
Uberior quavis arbore venit honor:
Nos quoque fructifera, si nux modo ponor in illis,
Cæpimus in patulas luxuriare comas.*

Platanus, a latitudine nomen habet, quoniam velut ad umbram præbendam late ac dense sese spargunt rami. Nonnullis additur ars, ac vi diducuntur ad commoditatem umbræ præbendæ, ut in ipsis etiam arboribus, velut in con-clavi, possis agere convivium. Visitur hujusmodi quercus Basileæ, in qua fertur aliquando cœnasse Maximilianus Cæsar. Additus est fons, qui perenni scatebra radices alat. Verum ea jam (ut ajunt) indies fit contractior. Id in platanis, tiliis, ac terebinthis minus rarum est. Cæterum platano, quamquam est infrugifera, tamen apud priscos tantum honoris est habitum, ut primum per mare Jonium in Diomedis insulam adveheretur, quo tumulum illius honoraret. Inde in Siciliam transgressa est, atque inter primas donata Italiae, hinc ad Morinos usque transvecta. Nec defuerunt, qui radices hujus arboris vino infuso rigarent, quum tamen haud alius sit illius usus, nisi quod ætate solem arcet densitate frondium, hieme admittit nudata foliis. Plura de platani honore reperies apud Plinium libro duodecimo, capite primo. Itaque queritur nux, quod moribus hominum corruptis luxu, majori in pretio fuerit sterilis platanus, quam arbores fructiferae. Hac injuria velut offensæ frugiferae, cœperunt esse minus foecundæ, quoque magis placerent, succum, quem ante solebant impartire fructibus alendis, in foliorum pompam spargere. Sunt enim & frugiferae quæ late porrigunt ramos, quarum de numero nux est: sed quod ipsa silet, umbram habet omnibus, quæ subjecta sunt noxiam, suoque quoque generi, quemadmodum tradit Plinius & Columella. Nec omnes arbores frugiferi generis quotannis edunt fructus, & si edunt, dispar est proventus: quædam non temere, nisi alternis annis pariunt, inter quas olea, & pleraque grandiferi generis. Quamquam idem non raro accidit in malis ac piris. Hujus rei causam nux lepide rejicit in studium alendæ comæ, quasi in folia consumpto succo, malignior sit fructuum copia. *Si nux modo ponor in illis.* Eleganter dixit *ponor*, pro *numeror*. Terentius in Phormione: *Pone his sane decem minas*. Sumptum ab his, qui calculis positis ac subductis, conficiunt rationem. Quamquam Donatus a digitis subductis, dici putat subductam rationem. *Si modo.* Pro *Si tamen*. *Modo*, nonnumquam sonat Paulo ante, *modo hic erat*. Invenitur & pro Nunc, tamen si rarius:

rarius: interim pro dummodo, sive tantum. Ut, *velis modo*. Unde Terentius in Phormione dixit, *Modo non, pro tantum non*: quod Græcis *μὴν*, quod a nobis reddi posset Propemodum, sive penissime. Horatius, *postmodo* dixit, pro posthac. Porro, *si modo ponor in illis*, modestia vitat invidiam, quum juglans sit inter nuces præcipua. Siquidem ob excellentiam dictam putant olim *Juglandem*, quasi Græce dicas *Διὸς Βάλανον*, id est, *Jovis glandem*: deinde amota principe litera, dictam *Juglandem*. Rursum erant, qui mallent dictam a juvando. Eandem ob causam arbitrantur dictam Basilicam, id est, regalem: ita ferme Macrobius libro Saturnaliorum tertio. Nec hic dissentit Plinius: verum ut obiter aliquid negotii facessam Grammaticis, non admodum arridet hæc etymologia. Primum enim, qui convenit nucem appellari glandem, præsertim Persicam? Præterea, quis umquam dixit arborem glandem, ac non potius glandiferam? Deinde, durum est ex Græca Latinaque voce dictionem componere. Proinde mihi videtur vero propius *Juglandem* dictam, quod *glandem* *jugulet*, propterea quod nativum quoddam dissidium sit inter juglandem & quercum, ut quercus emoriatur, si juglandi sit vicina: auctor Plinius lib. xiv. cap. i. Plinius indicat juglandes primum a Regibus illatas, quarum præcipuum genus dicatur Persicum atque Basilicum. Macrobius citat Moretum Suevii cujusdam, qui putarit eandem dici *Molluscam*, quæ primum sit dicta *Persica*. Carmen Suevii sic habet:

*Partim Persica, quod nomen sic denique fertur,
Propterea quod qui, quondam cum Rege potenti,
Nominis Alexandro Magno, fera prælia bello
In Persas retulere, suo post inde reventu,
Hoc genus arboris in prælatis finibus Grajis
Disseruere, novos fructus mortalibus dantes.
Mollusca hæc nux est, ne quis forte inscius erret.*

Atque hic Perottus, aut quisquis fuit ejus voluminis confarcinator, homo non ineruditus, acriter magnoque supercilio taxat Macrobius, qui ob parum intellectos Suevii versus, existimavit *Persicum pomum*, *molluscum* dici. Imo carmen non sentit de Persico pomum, sed de genere juglandis, quod Persicum dicitur, & eandem nucem ob mollitudinem putaminis, quod sponte rumpitur, docet appellatam molluscum: nec aliud sentit Macrobius. Macrobius videtur eandem facere Tarentinam, quod lingua Sabina *tarentum* dicatur molle: ad quod alludens Horatius dixerit: *Et molle tarentum*. Certe magnitudine juglans vincit omnia nucis genera, excepta nuce pinea, quam ipsam tamen longe vincit nucleio. Videtur igitur olim juglans summo in pretio fuisse, vel quod a Regibus elonginquo sit allata, vel quod in nuptiis habuerit religionem, vel quod ipsa etiam natura peculiarem ei honorem videtur habuisse, ut quam gemino protexit operimento, primum pulvinati calicis, mox ligneo putamine: quin & nucleum quadrifariam distinxit interjectu membranarum. Postremo juglandis & basilicæ cognomen inditum, arguit arboris dignitatem. Itaque quod ait, *Si modo ponor in illis*: *λυτός* est, modestiæ causa rem magnam verbis extenuans, præsertim quum de se loquatur.

*Nunc neque continuos nascuntur poma per annos,
Unaque læsa domum, læsaque bacca venit.*

Duplex commemorat incommodum, alterum quod rarius & ex intervallo pariant arbores, veluti meditantes sterilitatem: alterum, quod hoc ipsum quod nascitur, velut a Diis iratis, læditur grandine, pruina, nebula, pluvia, æstu. Sunt autem præter hæc incommoda, quæ videntur a Superis immitti, sua cuique arbori vitia moribique, quemadmodum hominibus. Sunt & his excogitata remedia. Plinius recenset aliquot arbores biferas ac triferas. Cæterum lib. xv. cap. xxi. i. prodigii loco refert, ex Consulari viro audisse se, quod haberet & juglandes biferas. Recensentur & quæ foetus suos alternent, inter quas (ut diximus) est olea. Hoc igitur sentit nux, ob corruptos hominum mores arbores simul &

1 Vere hic Erasmus, sed dicta est *Juglans*, quasi *Joviglans*, ut Jupiter pro Jovipater. Vide Claud. Salmasium ad Solinum, p. 423. Ed. Ultraject. & Ger. Joan. Vossium in Etymologico.
2 Saturnalium lib. iii. c. ix.

foeminas non modo gignere rarius ac malignius, verum etiam foetus edere deteriores. Ita Satyricus:

Terra malos homines nunc educat atque pusillos.

Et hodie quot videmus partus edi morbis obnoxios, aut monstrosos?

*Nunc uteris vitio est, quæ vult formosa videri,
Raraque in hoc ævo est, quæ velit esse parens.*

In arboribus olim vitium maximum erat sterilitas, quæ etiam in his quæ fructiferi generis sunt, nonnumquam nascitur ex carie, aut alio quopiam vitio. Id accommodat ad foeminas. Nunc (inquit) si qua mulier est, quæ velit placere marito, vitio sibi vertit quod est foecunda, nimirum intelligens se magis commendari viro forma, quam foecunditate, quæ olim præcipue commendabat uxorem marito. Et ideo non dant uxores operam, ut maritos numerosa sobole locupletent: sed quoniam intelligunt crebro partu consensescere formæ gratiam, pharmaceutiam procurant sterilitatem, & (quod est sceleratius) ciunt abortus, ne tædio gestationis ac labore nixque parienti, senium contrahant, atque (ut Gellii verbis utar) *aquor illud ventris irrugetur*, ac de gravitate oneris & labore partus fatiscat. Jam ut in foeminis, ita & in arboribus foecunditas senium accelerat, nonnumquam & mortem, si sit immodica. Sic Plinius lib. xvi. cap. xxviii. Omnia autem celerius senescunt præfoecunda. Quin & protinus moriuntur aliquando, cælo foecunditatem omnem eblandito: quod maxime vitibus evenit. Annotanda est elegantia hujus vocis, *uterus*: non enim simpliciter sonat ventrem, qui ciborum est receptaculum, sed accipitur pro corpore foeminæ gravido. Unde & *uterum ferre* dicuntur, quæ foetum gerant in matrice: Nulla tamen recte diceretur *ferre venirem*, etiam si *uterus* nonnumquam pro ventre ponitur.

*Certe ego si numquam peperissem, tutior essem,
Ista Clytemnestra digna querela fuit.*

Hoc (inquit) quod dico, si in aliis parum evidens est, saltem in me dilucidius est, quam ut negari possit, quæ non ob aliud lapidor, quam quia foecunda sum, tuta futura, si sterilis essem. Est quidem (inquit) hæc querela mihi cum Clytemnestra communis, cui nocuit peperisse, propterea quod ab Oreste filio sit occisa: verum illi minus justa fuit hæc querela, quod ipsa prius occidisset maritum, scelus scelere provocans. Ego nihil commisi, nisi quod pario. Et tamen Clytemnestra videtur miserabilis, quod peperit. Quanto ego dignior misericordia?

*Si sciat hoc vitis, nascentes supprimeat uvæ,
Orbaque, si sciat hoc, Palladis arbor erit.*

Hæc pars est suavorii generis, quod non raro incidit in judiciali. Quemadmodum si quis contendat ignoscendum esse Catilinæ, quod tamen si ipse dignus sit supplicio, non tamen expediat gloriæ Romani nominis, ac Reipublicæ commodis. Si vos (inquit) non commovet rei indignitas, saltem incommodi vestri metu abstinete ab injuria. Etenim si hoc resciscunt & cæteræ arbores, quarum foetus vobis gratissimi sunt, obnoxias esse talibus injuriis, quæ pariunt, præoptabant esse steriles. Est autem jucunda phantasia Poëtica, quasi rumor etiam inter arbores factam dissipet. *Supprimer*.] Est hoc viti peculiare, ut læsa incommodo cœli, nonnumquam & occultis de causis, supprimeat uvæ pubescentes. Sæpius quum maxime floret, sterilefcit. *Palladis arbor*.] Hæc sæpe nihil omnino producit, veluti sterilitatem meditans. Vitis supprimit: semper enim germinat, ac plerumque floret. Orba fit olea: quoniam nihil omnino gignit, ne germinans quidem alternis fere annis. Venuste, quod est foeminæ transfuit ad arborem. Orba dicitur, quæ caret liberis. Et arbor Palladis meditatur esse, quidem est ipsa Dea, quæ sterilis est & virgo, ut nec periphrasis sit otiosa.

*Hoc in notitiam veniat maloque piroque,
Destituent sylvas utraque poma suas.*

Inter arborum foetus, præcipue sunt esculenta mala & pira. *Sylvas*.] Etenim si sterilefcant, nihil aliud erunt quam

3 Lege *uterum vitias*, hoc est, abortum sibi creat.

quam sylvæ. Nec enim temere sumit exempla ab his arboribus, quarum fructus sunt in primis grati ac necessarii mortalibus. Nam juglandes fortassis plerique possunt contemnere. Sylvas autem, materias vocant: inter quas sunt pirus & malus, quum vitis & aliæ quædam sint inutiles materiis.

*Quæque sibi vario distinguit poma colore,
Audiant hæc cerasus, stipites inanis erit.*

Cerasi foetus primum virent, mox albescent, ruborem perlucidum addit maturitas. Sunt quæ ab uno latere rubent, altero albescent. Sunt quæ maculis quibusdam interspersis distinguuntur. Quædam etiam nigrent. Has cerasorum differentias & hodie videmus, quamquam mutatis vocabulis. Plinius libro xv. capite xxvi. tradit *Apro-niana maxime rubere, nigerrima esse Actia, Lusitanis esse colorem e nigro rubenti ac viridi mixtum. Quæque sibi vario.* Hoc (opinor) notat, quod cerasus inferitur lauro, unde saporem & colorem mutat. Quin & in aliis arte mutatur color. In ceraso arbor ipsa tingit foetum, quasi ludens varietate. Et præcipua cerasi gratia est in colore, veluti virgineo. Mox enim marcescit.

*Non equidem invideo, numquid tamen illa feritur,
Quæ sterilis solâ est conspicienda coma?*

Mitigat quod dictum est, sic tamen, ut hinc tueatur, quod coeperat colligere. Non hæc (inquit) dico, quod vel vobis illarum foecunditatem invidiam, vel illis incolunitatem, sed tamen mihi damno esse foecunditatem: vel hoc arguit, quod steriles non læduntur. Quoniam autem foecundinarum est peculiare vitium, invidentia, amolitur hujus suspicionem arbor ceu foemina loquens. *Sola coma.* Hæc præcipue superbiunt foeminae. Et arborum coma dicitur.

*Cernite sinceros omnes ex ordine truncos,
Qui modo nil, quare percutiantur, habent.*

Argumentum ducit ex vicinis arboribus, quæ, quoniam steriles erant, tutæ stabant ab injuria. *Ex ordine.* Quoniam juxta viam in ordinem certis intervallis digeruntur arbores. *Qui modo* Dixit pro *Quicumque*: sicut *Si modo*, pro *Dimmodo*.

*At mihi seva nocent mutilatis vulnera ramis,
Nudaque decerpto cortice ligna patent.*

Venuste quæ sunt corporis animantis, transulit ad arbores, *mutilare & vulnera*. Unde & arborum cicatrices dicuntur. Letale vulnus est, quod nudat ossa. Cortex arbori, pro cute est, cui subest veluti caro, lignum ossium est vice.

*Non odium facit hoc, sed spes inducta rapinæ,
Sustineant aliæ poma, querentur idem.*

Non hoc commerui, ut odio justo mei facere videantur. Verum ob hoc ipsum lædor, quia profum. Id colligit argumento conjecturali, ducto ab eventis. Si aliis idem eveniret quod mihi, certum erit, rapinæ spem mihi nocere, non culpam.

*Sic reus ille fere est, de quo victoria lucro
Esse potest, inopis vindice facta carent:
Sic timet insidias, qui se scit ferre viator,
Quod timeat, tutum carpit inanis iter.*

Confirmat argumentum duobus exemplis. Erat olim sceleratissimum quæstus genus sycophantarum, sectorum & quadruplatorum, qui divitibus intendebant calumniam, ut ex lite quæstus aliquid abraderent. Huic malo non erant obnoxii, quibus nihil erat, quemadmodum ait Phormio Terentianus. Ob prædam impetitur a sycophantibus dives innocens, ob prædam a latronibus incescit viator innoxius. Notum est illud Juvenalis: *Paucula si portes*, &c. *Quod timeat.* Aut legendum est, *Cui timeat*: aut *Quod*, positum est pro *Quare*: ut, *Non est quod metuas*.

*Sic ego sola petor, soli quia causa petendi est;
Frondebis intactis cætera turba vitet.*

A *Causa petendi.* Petendi, dixit passive: causa cur petar. Potissimum in conjectura spectatur, cui bono fuerit. *Cætera turba.* Contemptim dixit turbam infrugiferarum arborum. Sic Horatius: *Nos numerus sumus*.

*Nam quod habent frutices aliquando proxima nobis
Fragmina, quod læso vimine multa jacent,
Non istis sua facta nocent. Vicinia damno est.
Excipiunt ictu saxa repulsa meo.*

B Diluit quod poterat objici, frutices qui obsepunt agrum, sustinent & sterilium arborum fragmenta, verum harum dumtaxat, inquit, quæ mihi proxime stant. Non ob crimen aliquod id patiuntur, sed obest illis vicinia mei. Prius distichon non absolvit sententiam, quod aliquoties reperire est apud Ovidium: verum ita, ut ibi desinat aliquod membrum sententiæ, quemadmodum & superius. *At postquam Platanus*, &c. Alioqui reprehendendum in carmine Elegiaco. *Meo ictu.* Hinc liquet non esse perpetuum, quod docet Laurentius de primitivorum & possessivorum pronominum usu. Alioqui dicendum erat, *ictu mei*. Nisi lapidem repulsum a ramo nucis imaginemur ab ipsa mitti, sicut ante dixit: *Cultori suo*, cum ipsa colatur, non colat.

*Idque fide careat, si non quæ longius absunt,
Nativum retinent inviolata decus.*

C Homo caret fide, cui non creditur: res caret fide, quæ non creditur. Est autem elegans ingressus ad argumentum irrefutabile. Mentiar, si non hoc ipsa res loquitur. Sim vanus, videar mentitus omnia, nisi &c. Habet enim asseverationem, quæ sæpe pondus habet probationis.

*Ergo si sapiant, & mentem verba sequantur,
Devovent umbras proxima quæque meas.*

D Jucundum pathos est ex exaggeratione mali. Crudele erat, ob foecunditatem sic lædi: sed intolerabilius malum, si calamitati addatur odium: præsertim vicinarum, a quibus expedit amari, quod in propinqua parte amicitiae sit vicinia. *Devovent* est execrari & imprecari diras atque exitium. Hoc maleficium genus regnat apud rusticos. Unde leges de excantatis arboribus ac frugibus. Quin & urbes & exercitus olim conceptis verbis devocebantur. Vide Macrobius libro Saturnalium III. *Si sapiant.* Quasi sylvestribus minus sit ingenii, si intelligant hoc mali sibi ex me accidere, concipient in me vehemens odium: quod si liceat eloqui, ut quæque est mihi proxima, ita maxime devovent umbras meas. Nam *devovent* posuit *divertuntur*. Est autem tropus in verbo & appposito nomine, *quæque*. Rursus alludit ad umbram nucis omnibus noxiam, quum ait: *umbras meas*.

*Quam miserum est odium damnis accedere nostris:
Meque ream nimis proximitatis agi.*

E Hanc sententiam velut epiphonematis loco subjecit probationi. Nam catholica fuisset, si dixisset: Gravius malum est, quoties calamitati jungitur odium. Levius ferunt, quorum malis ingemiscunt cæteri.

*Sed puto magna mei est operoso cura colono:
Invenias, dederit quid mihi, præter humum?
Sponte mea facilis contempto nascor in agro,
Parsque loci qua sto, publica pene via est.*

F Confutat rursus, quod objici poterat. Merito invisa es, quod fatiges cultorem immodica tui cura. Nam hoc nomine Virgilius vituperat vitem, cui numquam exhausti satis est.

Redit agricolis labor actus in orbem.

Sponte mea. id est: Tantum infossa nuce. Sed melius provenit, si prona sive transversa feratur, & commissura infixæ terræ, ut docent Plinius & Palladius. *Contempto nascor in agro.* Vel quia sine cultura, vel quia quod idem docent, gaudeat locis humidis, frigidis, ac plerumque petricosis: ut ager aliis inutilis, nuci tamen ferendæ sit utilis.

*Me fata ne lædam, quoniam fata ledere dicor,
Imus in extremo margine fundus habet.*

In agro quamlibet vili, mihi datur locus contemptissimus:
Tom. I. Gggg In

In extrema parte fundi, atque in extremo fundi margine. Id propterea fit, ne ladam segetes, quando persuasum est meo stulticidio, meaue umbra lædi segetes. Proinde ne cui sim noxia, contenta sum hoc loco. *Ladere discor.* Callide nec inficiatur, quod manifestum est: nec agnoscit, quod erat obfuturum.

*Non mihi falx nimias Saturni deputat umbras.
Duratam renovat non mihi fossor humum.*

Id potissimum opus est in vitibus, quoties supra modum luxuriant pampini & flagella. Quamquam & aliarum arborum morbis succurri putatione docet Plinius. *Duratam renovat.* Conducit id multis arboribus, sed in vite necessaria repastinatio. Ablaqueantur & cæteræ arbores, ne sterilescent. Nihil his opus nuci.

*Sole licet succaque siti peritura laborem,
Irriguae dabitur non mihi sulcus aque.*

Quibusdam arboribus primum satis oportet humorem adhibere, ut emergant & adolescant. Quomodo rivus inducatur in agrum, docet Virgilius in Georgicis. Porro quibus remediis subveniatur arbori, ne radix siccitate sterilecat, docet Plinius lib. XVII. cap. XIX. Rursus ejusdem libri capite XXV. Ovidius attigit tria præcipua remedia, putationem, ablaqueationem, & irrigationem.

*At eum maturas fisso nova cortice rimas
Nux agit, ad parteis pertica sæva venit.
Pertica dat plenis immittit vulnera ramis,
Ne possim lapidum verbera sola queri.*

Cortex dehiscens in juglandibus, maturitatis indicium est. Est juglandis genus, quæ perfica five mollusca dicitur: quæ quod molliore putamine sit, fissa nucleum ostendat, ubi maturuit. Eleganter autem dixit, *agere rimas*, pro findi, quemadmodum agere radices. *Ad parteis.* Ad cultum nemo meminerat officii, neque quisquam succurrebat æstuanti, aut onustæ foliis. Ad lædendum adest pertica, quam venuste sævam vocat, quum hominis sit sævitia, non perticæ. *Ad parteis*, a fabularum actione translatus est. Unde qui suo fungitur officio, suas partes agere dicitur. *Ne possim lapidum.* Quasi parum esset, vulnerari faxis. Jam dixi nuces juglandes pertica dejici, quod sic arbor reddatur fertilior.

*Poma cadunt mensis non interdicta secundis,
Et condit lætas parca colona nuces.*

Poma. Vides adversus annotationem Laurentii Vallæ, etiam nuces dici poma.

Mensis non interdicta. Apud Athenæum movetur quaestio, utrum expediat juglandes in cœna apponere, an post cœnam. Nam in Asia similiter & in Græcia solita est apponi & in cœna, propterea quod si sumantur post cœnam, quoniam ob vim unguinosam fluitant in stomacho, ac bibendi libidinem secum adducunt, vitiant concoctionem. Quamquam habent hoc commune vitium nuces, quod gravedinem capitis inducant, unde & nomen apud Græcos inditum *καρπών* & fortassis Latinis *nux a noxa*. Minime noxia sunt amygdala. Cur autem submoveantur juglandes a mensis secundis, quum Plinius libro XVI. capite sexto, referat ipsius etiamnum ætate Hispanos glandes mensis adhibere secundis. Et nos quum essemus Florentiæ, vidimus in ædibus opulentissimi viri, vice bellariorum apponi nuces castaneas. Sed tamen præcipua, ut dixi, gratia est amygdalis, proxima avellanis. Verecunde itaque dixit, *non interdicta*: satis enim est admitti inter bellaria. *Parca colona.* Possunt enim servari in longum. Servandi ratio est, si infodias arenæ, detracto cortice, aut involvas suæ arboris foliis. Sed recentes ad esum minus noxiæ, quamquam & siccæ vetulæque tenescunt, si nucleos exemptos putamini conjicias in aquam frigidam, sinasque noctem unam macerari. Macerantur eundem ad modum amygdala vetustate sicca. *Colonam* dixit villicam, de qua Cato: *Uvas in vinaceis & urceis in terra obrutas, Et nuces recentes Prænestinas, in urcea in terra obrutas habeat.* Unde & parcam appellant, & hanc Cato non vult esse luxuriosam. Quoniam vero crebrior usus nucum est in lufibus, quam in cibis, parce locuta de mensis secundis, transit

ad lusus. Erat autem peculiare pueris, ludere nucibus, quæ res dedit & proverbio locum: *Nuces relinquere.* Perfrus:

Et nucibus facimus quacumque relistis.

Et Martialis:

Lude, inquis, nucibus, perdere nolo nuces.

*Has puer aut certo lætas dilaniat ictu,
Aut pronas digito bisve semelve petit.*

Nihil addubito, quin Ovidius ita scripserit hoc carmen: *Has puer aut certo lætas dilaniat ictu.* Siquidem dilaminare dixit, pro in duas laminas diducere. Id fit, quoties solutis commissuris finditur nux in duas parteis. Unde paulo post *laminam* vocat putamen fissile. Illud interim erat artis, certo ictu tangere commissuram. Nam dilaniandi verbum, quod in Aldinis quoque codicibus legitur, etiam carminis ratio respuit. Porro quod ait *lætas*, opponitur illi, quod mox sequitur, *pronas*, hoc est, transversas. Suspitor autem hunc esse lufum, quo findimus etiam mala prædura. Imponitur index sinistræ mali pedunculo, & in hunc pugnus dexter subito impingitur. In impetu ac celeritate sita est victoria. Etenim si leviter impingas, & digitum offensis, nec findis malum.

*Quatuor in nucibus non amplius alea tota est,
Cum sibi suppositis additur una tribus.*

Facete vocat *aleam*, quasi periculum. Summum autem periculum, si vincaris, est in quatuor nucibus, ut ad summum incalcescat certamen: si unam tribus impostam secueris, aufers quatuor. Mirum est Julium Pollicem quum multa tradat de lufibus, nullam facere mentionem nucum. Fortassis hoc genus lufus non erat dissimile ludo talorum quos in Satyris libro secundo Horatius jungit nucibus. *Te talos Aule nuceque*: significans talos etiam pueris fuisse familiares, quemadmodum nuces. Significat & Martialis ex nucibus ludum esse non dissimilem alex. Sic enim ait in Apophoretis:

*Alea parva nuces, & non damnoſa videtur,
Sæpe tamen pueris abstulit illa nates.*

Rursus in Xenii:

*Hac mihi charta nuces, hac est mihi charta fritillus,
Alea nec damnum, nec facit ista lucrum.*

*Per tabulæ clivum labi iubet alter & optat,
Tangat ut e multis qualibet una suam.*

Altera ludendi species est, ut dispositis in seriem nucibus, per tabulam declivem volvatur nux: quæ si tangat quam oportet, vincit qui misit.

*Est etiam par sit numerus qui dicat, an impar,
Ut divinitas auferat augur opes.*

Meminit hujus & Horatius:

Ludere par impar, equitare in arundine longa.

Nihil hoc pentametro venustius. *Auferat* tamquam victor, *opes*, ad sensum puerorum, qui magno æstiment, *divinitas* ob conjecturæ periculum. *Augurem* vocat conjectatorem.

*Fit quoque de creta, qualem cæleste figuram
Sidus, & in Græcis litera quarta gerit.
Hæc ubi distincta est gradibus, qui constitit intus,
Quot tetigit virga, tot capit inde nuces.*

Tertium lufus genus describit. Et creta pingitur ampla figura triangula, qualem habet apud Græcos *Δίλτα* majuscula forma scriptum. Eandem figuram apud Ægyptios cursu suo facit Nilus, unde & loco nomen inditum: & huic similis ostenditur in cælo super caput Arietis: hac notant tres stellæ, duabus lineis æqualibus, tertia brevior, sed quæ in angulo stellam clariorem habeat, Græci *Δίλτα* appellant. In lineis itaque pictis, certis intervalis quos hic gradus vocat, disponuntur nuces. Puer qui stat in medio, jactu virgæ quot tetigerit, tot aufert.

*Vas quoque sæpe carvum, spatio distante locatur.
In quod missa levi nux cadit una manu.*

Meminit hujus lufus & Perfrus:

Ex

Ex angusta collo non fallier orca.

Singuli pueri deponunt nuces aliquot in *orcā*, id est, ollæ genus. Deinde ex intervallo singuli pervices petunt os ollæ, qui solus aut frequentius immiserit, aufert omnes nuces.

*Felix secreto quæ nata est arbor in agro,
Et soli domino ferre tributa potest;
Non hominum strepitus audit, non illarotarum,
Non a vicina pulverulenta via est;
Illa suo quæcumque tulit dare dona colono,
Et plenos fructus dinumerare potest.*

Commiserationis locum tractat ex comparatione. Fit enim atrocius malum ex comparatione felicitatis alienæ. Unde & comparatio inter amplificationis species numeratur a Rhetoribus. Declarat autem, quantis incommodis afficiatur ex loco: quorum & illud est, quod non licet totum proventum annumerare domino suo. *Ferre tributa.* Fingit enim nucem frugi dominoque fidelem, quo iudicatur atrocior injuria. Domino debetur tributum. Et grave est ei, qui bonæ fidei est, non posse quod debet reddere. Pro dona, legendum arbitror, poma. Quod domino fundi debetur, *tributum* appellat. Colono tantum annumerat suos fructus. *Strepitus audit.* Jucunda imaginatio, audire arbores. *Non a vicina.* Hoc unum est incommodum. Nam luto & pulvere nonnumquam sterilefcunt ramihumiliores.

*At mihi maturos numquam licet edere fœtus,
Ante diemque meæ percutiuntur opes.*

Hic est, ut dixi, pathos ex comparatione. Duplicat autem incommodum, quod nec maturos licet edere, nec plenos fœtus. Alludens ad abortus, quæ præcipua infelicitas est inter fœminas, quoties fœtus immaturus ejicitur. *Ante diem.* Quod conjunctio durius posita est tertio loco, quasi *ante diem* sit unica dictio, ut *propediem*.

Lamina mollis adhuc, tenero est in lacte quod intra est.

Nec mala sunt ulli nostra futura bono.

Crudelior est injuria, quæ nec illi bono est, qui facit: & gravius est damnum, quod nulli prodest. *Lamina mollis.* Putamen durefcit maturitate. Est quiddam in nuce, quod discriminat partes nuclei. Id quoque maturitate lignefcit. Unde & ante dixit, dilaminat. Vide Plinium libro decimo quinto capite vigesimo secundo. *Tenero est in lacte.* Succus est lacteus magis, quam nucleus, qualis est in carduis revulsis. *Ulli bono.* Bonum pro commodo dixit substantive. Inde apud Rhetores: Cui bono, fuerit, ut malo esse, pro esse incommodo.

*Et tamen invenio qui me jaculetur, & ictu
Præfestinato munus inane petat.*

Præfestinato. Id est, præpropere, ante tempus. Quum festino sit verbum neutrum, tamen Poeta festinatum dixit, pro accelerato: & præfestinatum, pro præpropere. *Qui me jaculetur.* Jaculamur lapidem, aut aliud quod mittimus. Et jaculamur id quod ferimus. Juvenalis:

Quantas jaculetur Morychus ornos.

Plinius libro VIII. de Elephantis: *Pedes eorum jaculantur alioqui mollissimos.*

*Si fiat rapti, fiat mensura relictæ:
Majorem domini parte viator habes.*

Ut undique malum exaggerat. Nunc ex modo rapinæ, non solum fraudatur dominus, sed plus aufert raptor.

*Sæpe aliquis foliis ubi nuda cacumina vidit,
Esse putat Boreæ triste furentis opus.*

Rurfus exaggeratio est ex comparatione. Quatuor sunt mala, quæ calamitatem adferunt arboribus, vis ventorum, quæ nonnumquam totas arbores rumpit ac lacerat, nonnumquam & radicitus evellit. Æstus ingens, frigus immodicum, & grando. Et tamen tantum mali dat viator, ut his rebus imputent hospites. *Ubi nuda cacumina.* Nam hæ partes maxime sunt obnoxie Boreæ. *Furentis.*

A Nullus enim ventus violentior. Hic enim dicitur ciere terræ motus. Facere dixit *opus*: Sic enim loquuntur, hoc fecit Boreas, hoc tuum est opus: quum opus proprie dicatur domus, aut statua, aut simile quippiam, quod testetur industriam artemve cuiuspiam.

*Æstibus hic, hic me spoliata frigore credit.
Est quoque qui crimen grandinis esse putet.*

Ut variavit distributionem. Primum, *Sæpe aliquis*: mox, *hic hic*, pro alius & alius. Deinde est *qui*, pro nonnulli.

*At mihi nec grando duris invisa colonis,
Nec ventus fraudi solve geluræ fuit.*

B *Duris invisa colonis.* Duros vocat, tolerantes malorum. Et hoc epitheton exaggerat injuriam, quod post tot labores, tot incommoda tolerata, grando tollit fructum. *Fraudi.* Fraus aliquando dolum significat. Apud Jureconsultos aliquoties pro damno accipitur. *Se fraude esto*, dicunt duodecim Tabulæ. *Ne mihi fraudi sit*, id est, ne mihi noceat. Et *fraudare* non est tantum fallere, sed debito commodo privare. *Fraudamus enim debito*, frustra mur exspectato.

*Fructus obeft, peperisse nocet, nocet esse feracem.
Quæque fuit multis, hæc mihi præda malo est.
Præda malo, Polydore, fuit tibi, præda nefanda
Conjugis Aonium misit in arma virum.
C Hesperii regis pomaria tuta fuissent,
Una sed immensas arbor habebat opes.*

Repetit locum, quem ante tractare cœperat, eos maxime obnoxios esse injuriis, quibus est quod sit expetendum prædoni. Quoniam autem incalescit oratio, adhibet schemata, quæ faciant ad vehementiam, membra comparia ejusdem verbi iterationem & quod *ἀνὲν δεινὸν* appellant, ejusdem sententiæ repetitionem. Uno carmine ter idem dixit. *Fructus obeft.* Id repetit, *peperisse nocet*: repetit tertio, *nocet esse feracem*. Repetit quarto proximo versu, *quæque fuit*. *Prædam* autem vocat, non quod raptum est: sed quod rapi posset. Locum communem tractat ab exemplis fabulosis. Servatur autem eadem compositio, quæ facit ad vehementiam in membris & repetitionibus vocum, & asyndeto. Primus enim versus tribus constat membris, nec intercedit conjunctio: *Fructus obeft, peperisse nocet, nocet esse feracem*. *Præda, præda, præda.* *Præda malo est.* Sic Latini dicunt malo esse, quod nocet: quemadmodum dicunt bono esse, quod prodest. Facit & *ἀπορροφή* ad affectum. *Polydore.* Nota est fabula de Polymnestore, qui Polydorum obruncat, & auro vi potitur. *Nefanda conjugis.* Nota etiam est fabula de Helena per Menelaum bello repetita. *Hesperii regis.* Tertia fabula est de malis aureis Hesperidum, quæ rapuit Hercules, præter alios, consopito dracone, qui pervigil ea servabat.

*At rubus & sentes tantummodo ledere nata,
Spinaque vindictæ cætera tuta sua est.*

E Rurfus ex comparatione rem exaggerat. Læditur fructifera & innoxia, & tutæ sunt & infrugifera & noxiæ. *Ledere nata*, Græce dixit potius quam Latine, pro natae ad lædendum, *πρὸς φονίαν βλάπτειν*, quamquam Græci *πρίφουεν* usurpant simili modo, pro *folet*. Simili figura Latini dicunt, *vulgus amat*, pro *folet phlari*, quod in Sallustio notat Fabius. Hæc sermonis forma, familiaris est Horatio: *Irasci celerem, Eluere efficax*. *Spinaque vindictæ &c.* *Cætera* dixit, propter varias spinæ species, inter quas sunt & rubus & sentes. *Vindicta.* Quia vulnerant tentantem attingere. Atqui, nisi mores essent corrupti, conveniebat esse tutiores, quæ nemini nocent, & profunt quantum possunt.

*Me, quia non noceo, nec aduncis vindicor hamis,
Missa petunt avida saxa proterva manu.*

F *Aduncis hamis.* Sunt enim quæ folia habent armata spinis. Ut aquifolia, & ilicum genus. Juniperus spinas habet pro foliis. Pungunt & pinus folia, laricis accedri. Rubus cutem habet spinosam. Est & spinæ genus, quod Græci vocant Acanthion, foliis aculeatis per extremitatem. *Tom. I. Gggg 2 tem.*

tem. Sunt quæ ramos etiam ac stirpem habent aculeis obarmatam, ut filer.

*Quid si non aptas solem vitantibus umbras,
Finditur Icario cum cane terra, darem?
Quid nisi suffugium nimbos vitantibus essem,
Non expectatâ cum venit imber aquâ?*

Hi versus non uno modo fuerant depravati, pro vitantibus scriptum erat nutantibus: pro suffugium, suffragium, reclamante etiam carminis lege. Non solum, inquit, fructifera & innoxia, verum etiam aliis modis commoda sum viatori: videlicet sub umbram meam confugit, quum non tolerat æstus solis, aut quum sub dio subito oborta pluvia occupavit. *Icario cane.*] Hic est Sirius sive *πρόκυων*, quod sit in capite stellæ, quæ canis dicitur. In eo signo quum sol est, æstus est vehementissimus. Produunt hunc fuisse comitem Icarî, qui domini corpus extinguit prodiderit. Ob hoc officium, meruit locum inter fydera.

*Omnia cum faciam, cum præstem sedula cunctis
Officium, saxis officiosa petor.*

Sedula.] Id est, pro viribus. Et festiva *προσπονομασία* est, in officium & officiosa.

*Hæc mihi perpesse, domini patienda querela est,
Causabor, quare sit lapidosus ager*

Exaggerat miseriam, quod post tantas injurias adeo nihil sit solatii, ut etiam objurgetur a domino, quod ex conjectis saxis, ager sit factus lapidosus. Annota quod *patienda* dixit passive, quemadmodum *causabor*, pro incusabor, sive dicar esse in causa, imitatus Græcam vocem *ἀντιμαίμαι*, nisi forte scriptum erat, *causantis*.

Dumque repurgat humum, collectaque saxa remittit:

Semper habent in me tela parata viæ.

Hinc aliud accrescit malum, dominus destomachans in nucem, saxa rejicit in viam. Atque ita fit, ut viatori numquam desint tela in nucem. Miserum est autem remedium quod malum alit, non tollit.

*Ergo invisa aliis, uni mihi frigora profunt,
Illo me tutam tempore præstat hiems.*

Alludit facete ad id quod diximus, nuces amare solum frigidum. Id torquet ad aliud argumentum. Tanta est, inquit, mea calamitas, ut quod aliis incommodo est, mihi sit remedio majoris incommodi: quemadmodum podagra salutaris est his, qui metuunt paralytim, aut apoplexim, aut morbum comitalem.

*Nuda quidem tunc sum, nudam tamen expedit esse,
Nec spoliū de me, quod petat hostis habet.*

Horrent arbores gelu, & spoliata frondibus deformes sunt. Tamen hæc incommoda mavult, quam peti saxis. Exaggeratio est ex collatione malorum.

*At simul induimus nostris sua vellera ramis,
Saxa novos fructus grandine plura petunt.*

Simul, non idem valet hic quod pariter, sed positum est pro *postquam*, sive *simul ac*. Frondes appellat *vellera*. Metaphora sumpta ab ovibus. Vellus enim a vellendo dictum videtur. *Grandine plura.*] Hyperbole est. Græci dicunt *χαλαζήδον*.

*Forſitan hic aliquis dicat, quæ publica tangunt
Carpere concessum est, hoc via juris habet.*

Status est qualitatis, quo defenditur jus facti. In ea quæ publica sunt, jus est populo. Via publica est. Id refellit trifariam; primum, non statim publicum est, quod est publicæ viæ contiguum. Neque protinus cuius jus est in rem in publico positam aut publicam. Segetes, olive, vineta sunt contigua publicæ viæ, nemo tamen impetit impune. Porta civitatis publica est, transire licet, violare non licet. Merces exponuntur in foro publico, nec ideo licet rapere. Hic incidit status finis: quid sit publicum. Mox juridicalis, sive qualitatis, quid liceat

in publicum, quid non. Utilicet, abuti non licet. Atque hiæce de rebus varia disputatio est apud Jureconsultos, de sacris, de religiosis, de sanctis, de publicis, de communibus, de his quæ debent servitutem, de occupando vacuo, ad quæ festiviter alludit Poeta:

*Si licet hoc, oleas distringite, lædite messes,
Improbe vicinum carpe viator olus.*

Refellit a simili. Oleis parcitur, quod maxime lædantur, si quis impetat. In cæteras arbores non æque damnis injuria. Et ob id hoc exemplum potissimum adducit, quod omnium opinione reprobatur est.

*Intret & urbanas eadem petulantia portas,
Sitque tuis muris Romule juris idem.*

Nove dixit *tuis muris*, pro in tuos muros. Mœnia sunt inviolata. Nam Romulus ob violata mœnia, fratrem Remum occidit. Ad id alludit Poeta. Nec gratia caret apostrophe.

*Quilibet argentum prima de fronte tabernæ
Tollat, & ad gemmas quilibet alter eat.
Auferat hic aurum, peregrinos ille lapillos,
Et quascumque potest tollere, tollat opes.*

Facit ad persuasione exemplorum copia. Tabernæ res ostendunt venales: hæ erant in foro publico. *Argentum* ad sceneratores & colybiſtas pertinet, atque aurifices. *Gemma* ad gemmarios. Ovidius distinguere videtur gemmas a lapillis: alioqui repetisset idem. Rixatur hic Laurentius Valla adversus Jureconsultos lib. VI. cap. CCCCLXXXIV. Nec satis explicat sese, mea sententia. Cui vacat, excutiat locum. Mihi satis est indicare.

Sed neque tolluntur, nec dum reget omnia Cæsar,

Incolumis tanto præside raptor erit.

Mire per occasionem adulatur Cæsari. Est autem argumentum ab eventis: Non licet, quia Cæsar punit, hunc præsidem juris vocat. Olim Cæsares maximam orbis partem obtinebant: horum partes erant, arcere vim ac publicam tueri justitiam. Post coeperunt esse Cæsares, sub quibus summa esset rapiendi licentia. Nam Octavius, cui hic assentatur, opinor, Ovidius, talis fuit, ut possit inter bonos & æquos recenseri.

*At non ille Deus pacem intra mœnia finit,
Auxilium toto spargit in orbe suum.*

Occurrit objectioni tacitæ. In civitatibus Cæsar prohibet rapinam, in viis publicis non item. At scæda adulatione Deum vocat, sed hunc Deum sensit sibi male propitium. Verum id tolerabilius videbitur, si quis reputet & nunc esse, qui sic adulentur Principibus. Novi quemdam Astrologum Italum in Anglia, qui sic exorsus est suam ad Regem præstationem, *se duos habere Deos, unum cælestem, alterum terrestrem*. Emphaticôs autem dixit, *auxilium*. Nihil enim aliud esse deberet potestas Monarcharum, quam prodesse. Juxta illud, *Deus est juvare mortalem*.

Quid tamen hoc prodest, media si luce, palamque

Verberor, & tutæ non licet esse nuci?

A digressionem redit ad institutam querelam. Est autem exaggeratio a tempore & loco & persona. Injuria est verberari, præsertim luci ac palam, tum in via publica, contempto Cæsare. Eleganter autem dictum: *Non licet esse tuta*, pro eo quod erat, non licet esse tutam. Nam utrumque frequens est. Rarius est tertium: Non licet esse tuta.

*Ergo nec nidos foliis hære, nec ullam
Sedibus in nostris stare videtis avem.
At lapis in ramo sedit quicumque bifurco,
Hæret & ut capta victor in arce manet.*

Ne quid omitteret argumentorum, hinc quoque colligit improbitatem viatorum, quod ob densitatem saxorum, nullæ aves nidulentur in ramis ipsius: quod tamen pro-

probabilius est accidere, ob nativam amaritudinem foliorum & corticis, gravemque nidorem. Est autem hoc Poetis peculiare, ex his quæ naturalibus causis fiunt, ducere occasionem fabulæ. Veluti si quis dicat Deum offensum vitis hominum sumpsisse fulmen, quum ex causis naturalibus id accidat. Atque interim tractat probationem conjecturalem a signis adjunctis. Nidus non est, lapis hæret. Cujus generis est & illud quod sequitur.

*Cætera sæpe tamen potuere admissa negari,
Et crimen vox est inficiata suum.
Nostra notat fusco digitos injuria succo,
Cortice contactas inficiente manus.*

Cortex juglandis adhibetur etiam tingendis lanis & ru-
fandis capillis, auctore Plinio, & ex contactu remittit
colorem. Cruor autem hærens in veste, aut gladio aut
manu, conjecturale est signum admissi homicidii. Huc
alludens, subjicit:

*Ille cruor meus est, illo maculata cruore,
Non profectura dextra lavatur aqua.*

Cruor ablui potest. Color ex juglande contræctata,
dictu mirum, quam hæreat. Vix enim sapone aut ni-
tro diluitur.

*O ego quum longæ venerunt tædia vitæ,
Optavi quoties arida facta mori!*

Quod superest, in affectibus consumitur, quamquam
magna pars carminis habet affectus. Refertur & vivaci-
tas arborum, & ætates observantur. Vide Plinium lib.
XV. cap. ultim. Huc alludens Ovidius, ait: *Longa tæ-
dia vitæ*. Tragicum & extremæ calamitatis votum est,
optare mortem. Exarescunt autem arbores nonnum-
quam senio: sæpius & morbo & vitio.

*Optavi quoties aut cæco turbine verti,
Aut valido missi fulminis igne peti.*

Tragicæ sunt imprecationes. *Vel pater omnipotens adi-
gat me fulmine ad umbras*. Turbo qui nascitur ex variis
ventis inter se concurrentibus, totas arbores aut evertit
radicitus, aut rumpit medias: aut sublatas in altum, tol-
lit in alium locum. Ideo appellat *cacum*, quod infano tu-
multu ruat, quemadmodum & *cacum amorem* dicimus,
& *cacum furorem*. Neque raro videmus arbores fulmine
tangi, nonnumquam & totas conflagrare sylvas.

*Atque utinam subitæ raperent mea poma pro-
cellæ,
Vel possem fructus excutere ipsa meos!*

Procella tam ventorum est, quam fluctuum, a percel-
lendo. Ventus enim vehementior frequenter excutit ma-
la piraque, sed juglandes tenacius hærent affixæ ligno,
nec temere nisi pertica decutiuntur. Ac cæteri fere fru-
ctus permaturi sponte decidunt, velut excutiente arbore.
Optat & sibi idem licere.

*Sic ubi detracta est a te tibi causa pericli,
Quod superest tutum, Pontice castor, habes.*

A multis auctoribus proditum est, fibrum sive casto-
rem animal ἀμφίβιον, quod & in aquis degat & in terris,
in periculo venatus sibi testes amputare dentibus, quod
intelligat se potissimum hac de causa peti, quia testes ha-
beant vim medicandi: unde & castoreum. Auctor Plini-
us libro VIII. capite XXX. Sestus tamen apud Plini-
um libro XXXII. capite III. negat id esse verum,
quod hoc animal testes habeat pusillos ac lumbis substri-
ctos, nec posse avelli, nisi cum vita. Scripsit & hæc
Naso libro de naturis & ingeniis piscium, cui titulum fe-
cit ἀλιευτικά, quod opus utinam nobis exstaret loco Op-
piani. Citatur a Plinio libro trigesimo secundo capite se-
cundo. Arbores vivunt, juxta Pythagoram, & animam
habent, sed stupentur: ideo motu carent quemadmo-
dum & illa quæ vocantur adhæsa, & spongiæ. Deplorat
igitur, quod quum videat ictum venturum, non liceat
motu corporis declinare.

1 Legendum *Sextius*.

*Quid mihi tunc animi est, cum sumit tela via-
tor,*

*Atque oculis plagæ destinat ante locum?
Nec vitare licet, moto, fera vulnera, trunco,
Quem sub humo radix, curvaque vincla te-
nent.*

Nihil magis facit ad movendos affectus, quam quum
res subjicitur oculis. Viator, qui facit iter. Viator, qui
vocat ad magistratum, aut qui ab his aliquid nunciat. Te-
la vocat saxa, & plagas vulnera, ne recedat a metaphora.
Destinat, designat: *destinamus* animo, *destinamus* oculis,
Miserum est prævidere vulnus, nec posse vitare.

*Corpora præbemus plagis, ut sæpe sagittis,
Cum populus manicas deposuisse vetat.*

Ex comparatione rem facit atrocior. Miserabile sup-
plicii genus est, quum reus victus exponitur sagittis po-
puli. Videt intendi sagittam in vitalia, velut in scopum,
& tamen non licet flexu corporis vitare ictum. *Mani-
cas*.] Vincula manuum sunt, quibus reus alligabatur pa-
lo. Virgilius:

Manicas atque arcta levare

Vincla jubet Priamus.

Hoc supplicii genus debetur odio populi: Mitius erat
in solutum sagittas mittere. Ut autem reus alligatus ma-
nicis, non potest vitare sagittas, ita nux alligata radici-
bus quas vincula appellat, cogitur exspectare telum via-
toris.

*Urve gravem pavida est ubi tolli vacca securem,
Aut stringi cultros in sua colla videt.*

Alligatur & bos mactandus, qui quum videat securim
libratam in caput, non potest vitare: quum cultros pa-
rari in jugulum non potest se subducere. Levior est mi-
seratio ejus, qui data facultate fugiendi, aut defendendi
sui occiditur.

*Sæpe meas frondes vento tremuisse putastis,
Sed metus in nobis causa tremoris erat.*

Vehemens metus gignit pallorem ac tremorem. Pal-
lorem huic arbori non potuit tribuere. Tribuit *tremo-
rem*, ut quod nonnumquam fit ex ventis, affirmet fuisse
timoris.

*Si merui videor que nocens, excidite ferro,
Nostraque fumosis urite membra focis.
Si merui videor que nocens, imponite flammæ,
Et liceat miseræ dedecus esse semel.*

Quorum deplorata malitia est, capitis supplicio velut
amputantur a corpore civium, in arboribus deploratis
duplex est poena capitis. Aut enim *exciduntur*, ut ad-
moveantur focis: si non est tanti, exuruntur injecta flam-
ma, ut vestigium exustæ testetur fuisse noxiam. Crude-
litas autem supplicii facit ad affectum. Facete vero ra-
mos dixit *membra*. Et *fumosis focis*, epitheton non solum
facit ad evidentiam, verum ad affectum. Tales fere sunt
foci rusticorum. Et repetitio: *Si videor*, convenit affe-
ctui. *Imponite flammæ*.] Forte legendum, *imponite flam-
mam*, ut intelligatur arborem succisam exuri. Id si non
placet, intelligamus illam excisam, illic exuri ubi nata
est. Vide num sic possit intelligi, urite *fumosis focis*, id
est, suspendite in fumo. Solent enim illic durari mate-
riæ sectæ. Maro in Georg. *Et suspensa focis exploret robo-
ra fumus. Dedecus*.] Ignominia est, affici supplicio.
Sed miserius est, quotidie pati, quod est supplicio cru-
delius.

*Si nec cur urar, nec cur excidar habetis,
Parcite, sic captum perficiatis iter.*

Si nocens sum, nullum recuso supplicium: si innocens,
abstinete ab injuria.

Sic captum.] Addit religionem imprecationis. Via-
tori multa imminent pericula in itinere. Precatur autem
ita felix iter, si abstineant ab injuria innocentis. Sic vo-
bis innoxii nemo noceat, quemadmodum mihi parcitis:
subindicans esse periculum, ne si impetant innocentem,

Tom. I.

Gggg 3

exoria-

exoriatur qui exemplum in ipsos retorqueat. Vetus est A proverbium, More carissime, ἄλλος δρυὶς. Vereor autem, ne quis nobis jamdudum occinat, ἄλλος καρύει. Proinde finem faciemus, si prius amoverimus unum scrupulum. In multis idem est nomen arboris & fructus, quemadmodum nux, oliva: nisi forte oleam mavis esse arborem, olivam fructum: in aliis diversa sunt vocabula, sicut quercus & glans, vitis & uva. In plerisque genus distinguit fructum ab arbore: ut, hæc cerasus, hoc cerasum: &, hæc malus, hoc malum. Jam quod fit in nuce, idem anacidit in cognomentis, videndum est. Corylus arbor est, cujus fructus dicitur avellana. Et Persica nux dicitur fructus, an & arbor dicatur Persica nux, nondum satis constat. Certe non videtur convenire, ut juglans dicatur arbor. Etenim si juxta nominis etymologiam, juglans

dicatur quasi Jovis glans, quum arbores glandiferæ dicantur non glandes, videtur juglandis vocabulum non competere nisi in fructum. Sed diversum docet veterum auctoritas. Plinius libro vicesimo quarto capite primo: Quercus, inquit, & olea tam pertinaci odio disident, ut altera alterius scrobe depactæ moriantur, quercus vero & juxta nucem juglandem. Dubitari non potest, quin hic juglandem dicat arborem. Idem libro vigesimo sexto capite quadragesimo primo. Cariam vetustatemque non sentiunt, cupressus, cedrus, habenus, lotos, buxus, taxus, juniperus, oleaster, & olea. Ex reliquis tardissime larix, robur, suber, castanea, juglans. Ejusdem libri capite trigesimo nono. Aquas odere cupressi, juglandes, castaneæ. Rursum libro decimo quinto capite vigesimo secundo, quem locum alibi citavimus.



DESIDERII ERASMI
ROTTERODAMI
EPIGRAMMATA.

I L L U S T R I S S I M O P U E R O
D U C I H E N R I C O,
DESIDERIUS ERASMUS ROTERODAMUS

S. D.



EMINISSE DEBES, Henrice Dux Illustrissime, eos qui te gemmis, aurove honorant, dare primum aliena, quippe fortunæ munera, præterea caduca, deinde qualia quam plurimi mortales possint largiri, postremo quæ tibi ipsi domi abundant, quæque donare aliis quam accipere, magno Principi longe sit pulchrius. At qui carmen suo ingenio, suis vigiliis elucubratum, nomini tuo dicat: is mihi non paulo præstantiora videtur offerre: utpote qui non aliena, sed propria largiatur, nec paucis annis intermoritura: sed quæ gloriam etiam tuam immortalem queant efficere, tum ea quæ perquam pauci possint donare, (neque enim pecuniosorum & bonorum Poetarum par copia) denique quæ non minus sit Regibus pulcrum accipere, quam remunerari. Et opibus quidem nemo non Regum abundavit, nominis immortalitatem non ita multi sunt assequuti, quam quidem illi pulcherrimis facinoribus emereri possunt, at soli vates eruditis carminibus præstare. Siquidem & ceras, & imagines, & stemmata, & aureas statuas, & incisos in æs titulos, & operosas pyramidas, longa annorum series demolitur. Sola Poetarum monumenta, ipsa ætate, quæ res omnes debilitat, invalescunt. Quod prudenter intelligens Alexander ille cognomento Magnus, a Cherylo Poeta, non admodum sane bono, singulos versiculos tolerabileis, singulis Philippicis ex pacto redimebat: prospiciebat nimirum & Apellis tabulas, & Lysippi statuas, paucis annis interituras, nec quicquam omnino fortium virorum memoriam æternam posse reddere: præter immortalitate dignas, eruditorum hominum literas: nec ullum esse gloriæ genus sincerius, ac præstantius, quam quod a posteris virtuti datur hominum, non fortunæ, non ab amore, non a metu, non ab assentatione, sed libero judicio profectum. Age jam qui malos versus tam care prodigus emit, nonne optet Homericos non singulis aureis, sed singulis urbibus emercari? Quem quidem Poetam, & in deliciis habuisse, & Achilli invidisse legitur, beatum illum pronuncians, non solum virtute, sed potissimum tali virtutum suarum præcone. Quamquam non me clam est, hac nostra memoria, Principes plerisque literis tam non delectari, quam eas non intelligunt: qui utrumque juxta ineptum existimant, imo pudendum, optimitatem virum, vel scire literas, vel a literatis laudari: quasi vero sint ipsi, vel cum Alexandro, vel cum Cæsare, vel omnino cum ullo veterum, aut gravitate, aut benefactorum gloria conferendi. Ineptum putant a Poeta laudari, quia deserunt facere laudanda, nec tamen a gnatonibus suis laudari refugiunt, a quibus rideri se, aut sciunt, aut id si nesciunt, stultissimi sint oportet. Quos quidem ego vel ipso Mida stolidiores judico, qui asininis auriculis deturpatuse est, non quod carmina contemneret, sed quod agrestia præferret eruditis. Mide itaque non tam animus defuit, quam judicium; at his nostris utrumque. A quorum stultitia quum intelligerem generosam tuam indolem vehementer abhorre, Dux Clarissime, eoque jam nunc a puero tuos conatus spectare, ut non tam tuorum temporum, quam veterum similis evadere cupias, non veritus sum hunc qualemcumque Panegyricum nomini tuo nuncupare. Qui si tuæ Celsitudini, longe impar (ut est) videbitur, memineris facito & Artaxersem Regem præstantissimum a quam a rusticano quodam operario, quam ille manu utraque haustam; obequitanti obtulerat, hilarem, subridentemque accepisse, & ejusdem nominis alium (ut opinor) pro malo, a pauperculo quopiam allato, perinde, ut pro magnificentissimo munere gratias egisse, ratum videlicet, non minus esse Regale parva prompte accipere, quam magna munifice largiri. Quid? nonne etiam Superi ipsi, qui nullis mortalium opibus egent, ita muneribus hujusmodi delectantur, ut contempta interim divitum Hecatombe, rusticana mica, & thursculo paupere placentur, animo nimirum offerentis non rerum pretio, nostra donaria metientes. Et hæc quidem interea tamquam ludicra munuscula tuæ pueritiæ dicavimus, uberiora largituri, ubi tua virtus una cum ætate accrescens uberiores carminum materiam suppeditabit. Ad quod equidem te adhortarer, nisi & ipse jamdudum sponte tua velis, remisque (ut ajunt) eo tenderes, & domi haberes Skeltonum, unum Britannicarum literarum lumen ac decus, qui tua studia possit, non solum accendere, sed etiam consummare. Bene vale, & bonas literas splendore tuo illustra, auctoritate tuere, liberalitate fove.

D E.

DESIDERII ERASMI ROTERODAMI
EPIGRAMMATA.

Ode Erasmi Roterodami de Laudibus Britanniae, Regisque Henrici Septimi, ac Regionum Liberrorum, carmine Hexametro, & Jambico Trimetro Acatalectico.

BRITANNIA LOQUITUR.

SI jactare licet magnorum munera Divum,
Sibique veris fas placere dotibus,
Cur mihi non videar fortunatissima tellus?

Digna est malis, bona quæ parum novit sua.

India, Arabia, Panchaia, Tagus, Nilus, Vina, Rheni, Africa, fertilitas, Anglia dotes.
Ultima lanigeris animosa est India lucis,
Suis superbus est Arabs odoribus,
Thuriferis gaudet Panchaia dives arenis,
Ibera flumen terra jactat aureum.
Egypto faciunt animos septem ostia Nili,
Laudata Rheni vina tollunt accolae.
Læta nec uberibus sibi displicet Africa glebis,
Hæc portubus superbit, illa mercibus.
At mihi nec fontes, nec ditia flumina defunt.
Sulcive pingues, prata nec ridentia.
Fœta viris, fœcunda feris, fœcunda metallis.
Ne gloriæ, quod ambiens largas opes.
Porrigit Oceanus, neu quod nec amicus ulla
Cœlum, nec aura dulcius spirat plaga.
Anglia, longi, d. es, noctes, lucida, Lana, Anglia, Mira-cula, Anglia, Alter, mundus, Anglia.
Serus in occiduas mihi Phœbus conditur undas,
Sororque nocteis blanda ducit lucidas.
Possem ego laudati contemnere vellera Betis,
Ubi villus albis mollior bidentibus?
Et tua non nequeam miracula temnere, Memphi.
Verum illa major, justiorque gloria,
Quod Latiis, quod sum celebrata Britannia Grajis,
Orbem vetustas quod vocavit alterum.
Non tamen hæc jacto: nam sunt antiqua, sed inde
Attollo cristas, ac triumpho ferio,
Quod mihi Rex pulcri pars est pulcherrima regni.
Rex unicum hujus sæculi miraculum.
Instructus pariter Martisque, & Palladis armis,
Belli peritus, pacis est amantior.
Indulgens aliis, sibi nil permittit, habenas
Suis relaxans civibus, stringit sibi.
Regis, Henrici, laudes, Artes, belli, & pacis, Regis, moderatio, Regis, clementia, Regis, in patriam pietas, Regis, religio, Regis, facundia, Regis, liberalitas, summa sanguinis parsimonia.
Hoc regnum ille putat, patriæ carissimus esse,
Blandus bonis, folis timendus impiis.
Non Decii sua Roma, suo non Attica Codro,
Pluris fuit, fatis redempta mutuis.
Numinis ac cœli tanta est reverentia, quanta
Nec erat Metello, nec marito Ægeriæ.
Non mellita magis Pylio facundia Regi.
Nec Cæsari mens major, aut sublimior,
Nec Mæcenati, vel dextra benignior umquam
Vel sanguinis tam magna parsimonia.
Creditus Æneas Veneris de semine cretus.
Dictus parente Scipio fatus Jove.
Quid si prisca meum vidissent sæcula Regem,
Hoc ore tam decente, tali pectore?
Nonne Jovem humanis ipsum succurrere rebus,
Nostro latentem credidissent corpore?
Atque hic semper erit magni mihi numinis instar
Meus hic Apollo sæculi pater aurei.
Alludit ad offer-tum imperium, Alludit ad vitium eum qui se Regis filium ementibatur, Pax Anglia, Optat Regi immortalitatem.
Hoc oriente meis gens ferrea cessit ab oris,
Fraudes reversa Astrea distulit malas.
Non secus, ac toto vanescunt sydera cœlo,
Simul ore Titan emicavit igneo.
Claudere jam Janum fas est, jam ducere longas
Custode rerum tam potente ferias.
Me miseram, cur huic æternos Juppiter annos
Non addidisti, cuncta quum donaveris?
Nolunt nostra suis æquari numina regnis.
At si qua magnos vota tangunt cœlites,
Serus sydereas certe referatur in arces,
Fatale sera stamen amputet Atropos.
Finiit Alcides speciosos morte labores,
Debetur altum Regibus cœlum bonis.
Hunc repetant Superi, sed tum, quum Nestoris ævum,
Ubi senectam vicerit Tithoniam.
Et vivet tamen usque mihi, dum Regia proles.

Laus, quinque, Regis, li-berorum, Comparatio de rosæ, Pe-flanis, Rosalau-des.
Referet parentis nomen, os, & indolem.
Quæ mihi purpureis jam quina adolescit in aulis
Regum futuri tres patres, matres duæ.
Non aliter pictis Pesti vernantis in hortis,
Almo nitentes rore pubescunt rosæ,
Formosæ Veneri flos acceptissimus, & quo
Nec spirat alter, aut renidet blandius,
Nec cui nexilibus sit gratia tanta coronis,
Ambire solis Regiam dignis comam.
Hic ubi cultoris lasciva industria docti,
Miscere gaudet punicante candidis.
Rubra, rosa, & alba.
Plurimaque in spina rutilat rosa, & albicat, una
Ut lacteum, si murici jungas ebur.
Omnibus idem odor est: ros omnes educat idem:
Eadem juventa: forma par, idem frutex.
Atque eadem Tellus succo nutrit eodem.
Fovetur auris iisdem, eodem sydere.
Rosa, Edmunda.
Sunt duo, quæ variant cognataque germina pulcros,
Ætas, colorque dividunt discrimine.
Hæc modo nata, latet prope cortice tota virenti,
Tenuique rima tenera lucet purpura.
Rosa, Maria, Rosa, Henrici, Margaria.
Hæc nivei tantum fastigia protulit oris,
Sensum at dehiscens turgidos rumpit sinus.
Exerit hæc totum discissa veite mucronem,
Clausas minata jam comas exsolvere.
Illaque lacteolos nondum exinanivit amictus,
Vix credit auris tam rudes adhuc opes,
Candida sed tenui suffunditur ora rubore:
Seu fratris hic est, five syderis color.
Maxima ter seno foliorum gaudet honore,
Tyrio micantes explicans ostro comas.
Non sic lana rubet bis concha imbuta marina,
Non sic Eois Phœbus emergens aquis.
Nec solum aridit pulcro venientibus ore,
Luteola sed jam pollicetur femina.
Arcturi, laus.
Hic meus Arcturus, qui nominis omine felix,
Virtute reddet, quem refert vocabulo.
Arcturi, indoles, Arcturi, prae-matura, prudentia, David, puer, Salomon, puer, Margaria, laus, Unionis, natura.
Adspice quod specimen generosæ frontis in illo est,
Ut lucet oculis vividus mentis vigor.
D Præcoqua nec tardam expectat sapientia pubem,
Prævertit annos indoles ardens suos.
Talis Iesides, illique simillima proles,
Hic quum timendas dissecat puer feras.
Hæc quando ancipitem potuit dissolvere litem,
Malamque fraudem, fraude docta prodere.
Proxima consequitur Nymphe quæ nomina ducit
Ab unione, Perfici foetu maris.
Omne delector, blando candore lapillus
Placet: pudore Margarita lacteo.
Hic teres est, nec inæquali levore rotundus,
In Margaritæ moribus scabrum nihil.
E Est nova cum liquido gemmæ cognatio cœlo,
Claret sereno sole, pallet nubilo.
At mea virgo piis est addictissima Divis,
Cœlumque mavult, quam vagum pelagus sequi.
Hanc qui cum sociis vidisset ludere Nymphis,
Habilique fratrem tela torquentem manu,
Aureus hic Phœbus, soror hæc argentea Phœbi est,
Per ipsa juret alma Phœbi lumina.
Henrici, laus.
Jam puer Henricus genitoris nomine lætus,
Monstrante fonteis vate Skeltonq sacros.
Palladas teneris meditatur ab unguibus arteis,
Quam multus illi lucet in vultu pater,
Talis in Ascanio renitebat imago parentis,
Sic pulcrum Achilles ore reddebat Thetin.
Maria, laus.
Nescio quid Maria præclari spondet ab ipso
Numquam occidentis syderis cognomine.
Edmon-di, laus.
Sed cunas Edmonde tuas, quo carmine dicam?
Adeste plectris huc Sorores aureis,
Et puero fidibus placidos accersite somnos,

Tom. I. H h h h Ac

Ac Fesceninis insonate versibus.
Muneribus blandis cunabula spargite Nymphæ,
Aggerite, quicquid est odori graminis.
Ambrosiam, casiam, calthamque, thymumque, cro-
cumque,
Et Syra amōma, nec insuavem amaracum.
Tum florum mille species, ac mille colores,
Sed plurima omneis inter ardeat rosa.
Hanc turbam, hanc niveam pulcris miscete corollis,
Gaudet paternis parva proles floribus.
Vos precor o, puero date vellera candida, Parcæ,
Eatque fausto molle stamen pollice.

DESIDERII ERASMI ROTERODAMI
A D

G A G U I N U M,
N O N D U M V I S U M,

Carmen Hendecasyllabum.

ALLOQUITUR MUSAS SUAS.

Quid dum mittimini verenda ad ora
Gaguini, laceræ ac leves Camœnæ,
Restatis trepidæque, pallidæque,
Nec non Parmeno uti Terentianus
Causas nescitis, ecquis? ecquid? ecquo?
Vos solas adeo, fugit Roberti
Nomen, scripta diserta, cujus ingens
Novit, suspicit, ac adorat orbis?
Ergo nos humilesque barbaræque
Ad tanti patris irruemus, altas
Docti, nobilis, ac potentis ædes?
Magna est rusticitas, nihil pudere,
Summa est rusticitas, nimis pudere.
Ecquem fingitis obsecro Robertum?
Personam tragicam? cavete cultum
Tam raris studiis, & expolitur,
Vulgi moribus æstimare pectus.
Sunt fastidia tetra Barbarorum,
Sunt commercia Gratiis solutis,
Cum blando Aonidum choro fororum.
Vanum ponite pectoris timorem,
Et doctum celeres adite vatem.
Vos quamvis humilesque Barbarasque
Blando comiter ille, candidoque
Exceptabit (ut est benignus) ore.
Si dictaque salute, redditaque
Percontabitur illico, unde? cujæ?
Ne crassum pudeat solum fateri.
Obscurive vocabulum magistri,
Siquid veneritis rogabit, hoc ora-
tum, carminis hujus ut Poetam
Commendatum habeat, suumque scribat.

In *Annales Gaguini, & Eclogas Faustinas, ejus-*
dem carmen ruri scriptum, & Autumnum.

Nuper quum viridis nemoroso in margine ripæ
Irrigua spatiarer in herba.
Errabam tacitæ per amica silentia sylvæ,
Dulci tactus corda furore.
Jam nemora & fontes, jam rustica vita placebat:
Turbam, & fumida tecta peroso.
Cumque Marone meo, gehidis in vallibus Hæmi
Sisti terque quaterque precabar.
Quum subito affulgens, Venerique simillima pulcræ,
Obvia sit tua, Fauste, Thalia.
Protinus illa oculis est eminus agnita nostris,
Comi arrisit molliter ore.
Ut coram stetit, ecquid agit meus, occupo, Faustus?
Quidve decus commune Gaguinus?
Vivit uterque, & uterque suo devinctus Erasmo,
Aut eadem, aut meliora precatur.
Gaudeo: verum age dic, quidnam molitur uterque?
Quod cantet schola Franca, legatve?
Quæ reor a tam ditibus atque feracibus arvis,
Jam dudum annua munera sperat,
Autumnūque suum? primum tuus ille Robertus
Exæquat sermone soluto

Stemmata Francorum, & decus, & fera prælia Regum.
Jam nihil est, quod Gallia docto
Invideat Latio, suus ipsi contigit alter
Livius, ac Sallustius alter.
Quid tuus ille parat vates? quonam monumento
Faustum nigris invidet umbris?
An silet, alterna cupiens recreare quiete
Longis hausta laboribus arva?
Ille quidem felix agit otia, qualia quondam
Scipiares agitare solebat,
Urbe procul, tacitis solus, neque solus, in agris
Otia pulcri plena negoti.
Quippe inter colles, vinetaque Gallica solus,
Parrhisii vagus errat in agris.
Sunt comites pingui gaudentes rure Camœnæ,
Illic raptus Apolline toto,
Et sese, & Musis dignum, Phœboque poema
Agresti meditatatur avena.
Quale nec æquari doleat sibi Tityrus ipse,
Qui patulæ sub tegmine fagi,
Sylvestrem tenui tentabat arundine musam.
Quale trahat, camposque, pecusque,
Quale queat rigidas deducere montibus ornos,
Sistere flumina, flectere saxa.
Reddere quale queat placidos tigresque luposque,
Quale feros evincere manes.
Denique (quod proprie tecum lætabere) castum,
Nulla hic Livia, nulla Columba.
Nusquam hic formosum Corydon ardebit Alexin.
Phyllis toto in carmine nulla.
Quod neque Sorbonæ nequeat censura probare:
Et multos habet illa Catones.
Quod neque Grammaticus teneræ dictare juventæ,
Plagoso vereatur in antro,
Nec tetrico Hippolytum pudeat recitare parenti.
Felicem ter & amplius illum,
Quisquis Faustina dicetur arundine Gallus,
Vel Varus, vel Pollio quisquis,
Vivet, & æternum pulcro cum carmine notus,
Quadrifido cantabitur orbe.

Ejusdem in morbo de fatiis suis querela.

Mirror, quæ mihi sydera
Nascenti implacido lumine fulserint,
O Gaguine meum decus.
Nam seu jure aliquo nostra negotia
Ignes ætherci regunt,
Me primum teneras lumen ad insolens
Edentem querimonias,
Nec mitis rutilo sydere Juppiter
Adspexit, neque prospera
Arrisit radiis mi Venus aureis.
Tantum Mercurius celer
Adfulgens nitidis eminus ignibus,
Adflarat sua munera.
Sed stella vetuit falcifer invida,
Vulcanique minax rubens
Rivalis, calidus cum gelido sene.
Seu tres terrigenum Deæ
Fortunas triplici numine temperant,
Sum durissima stamina
Sortitus: volucrem seu potius Deam
Versare omnia credimus,
Hanc in perniciem certe ego dejerem
Conjurasse meam miser.
Felicis mihi nec fata Polycratis,
Nec Syllæ precor improbus.
Arpinas toties Consul, iniquus
Fortunam insimulat suam,
Quæ tot prospera, tot dulcia, paululo
Fermento vitiaverit.
Ingrate ille quidem rusticus, ac foro
Rerum nescius utier,
Alternas dominæ qui queritur vices,
Sat felicem ego judico,
Qui præsentia lenire potest mala,
Actis prosperius memor,

Ac sperare iterum jam fore, quod fuit.
 At me matris ab ubere
 Fati persequitur tristis & asperi
 Idem ac perpetuus tenor.
 In me crediderim proruit improbi
 Pyxis tota Promethei,
 Et quicquid stabulat triste vel asperum,
 Nigri in limine Tartari.
 Heu quod simplicibus vatibus invidum
 Numen, quis genius malus,
 Quæve infesta novem Juno fororibus,
 Sic nostrum caput impetit?
 O fati genite prosperioribus
 Bis Gaguine meum decus,
 Hunc si tu minime temnis amiculum,
 Non totus fuero miser,
 Nec cedent gravibus pectora casibus.

Arx vulgo dicta Hammenfis.

ME quia sim non magna, cave contempseris hostis,
 Arx Tarpeja Remi non mage tuta fuit.
 Quam bene defensat primum hic qui sustinet agger.
 Tum quæ me cingit non inamœna palus.
 Ista quidem omnigenos mihi commoda servit in usus,
 At subito insulis quam volo stagnat aquis.
 Jam vero ut cesset vigilum custodia pernox,
 Stertat ut aerea Lynceus in specula,
 Attamen excubias grus officiosa diurnas
 Intus, nocte foris pervigil anser agit.
 Grus neque docta, nec admonita, speculantis ad æra
 Responsum, acri clangit in astra tuba.
 Et procul insidias (nam præsentire videtur)
 Fida, sono vigili prodit & arcet avis.
 Anser item non doctus, obit sua munia, quum fas
 Pabulat, & nota ad symbola rursus adest.
 Ast ubi vicino se condidit æquore Titan,
 Milite tum denso mœnia nostra subit.
 Partiturque aliquis mira arte locosque, vicesque
 Quive ætate prior, sorteve lectus erit.
 Nec cedunt statione sua, dum rursus ab undis
 Emicet, & clarum lux agat alma diem.
 Adde quod hic miles tam fidus & impiger annos
 Complures, nullo jam meret ære mihi.

In Filiam Beke, quod sonat rivum lingua nostrate.

SUM Gulielma, patre Arnaldo cognomine Beka, is
 Juris fons gemini, non modo rivus erat.
 Cui gener, Antoni, placuisti ex omnibus unus,
 Isbrandum referens ore animoque patrem.
 Nec minus est mea vita tibi, quam forma probata,
 Templi, domus, proles, hæc mea cura fuit.
 Quatuor enixam pueros, totidemque puellas,
 Mors rapit, intra ævi septima lustra mei.
 Lector agè huic requiem, cinerique, animæque pre-
 catus,
 Vive diu, imo diu est hic nihil, ergo bene.

Epitaphium Margereta Honora.

Hic sita Margereta est, merito cognomine Honora,
 Fiscini tadis digna Guilhelme tuis,
 Quam bene congruerant, & forma, & pectus, & anni,
 Et ne mortè quidem dissoluendus amor.
 Rapta sed est viridis primævo in flore juventæ,
 Ut rosa lacteolis semadaperta comis.
 Dimidius superest dulci sine conjuge conjunx
 Mœrens, ut viduus compare turtur ave.

*Episcopo Trajectensi David, notho Philippi Ducis
 Borgondionum.*

Hic situs est Præsul, non tantum nomine David,
 Digna patre, proles, magne Philippe, tua.
 Iste gregem plus quam patria pietate fovebat,
 Pacis amans, virtuti ingeniisque favens.

Eidem.

Hic David ille Duci proles jactanda Philippo,
 Commissum patrio fovit amore gregem.

Jacobo Batto, Græco dimetro Jambico.

*Ἰακώβῳ Βάττῃ, θάρσει,
 Καλῶς θανὼν παλμφοῦν.*

Idem Latini Versus.

Jacobe Batte, ne time,
 Bene moriens renascitur.

In tergo codicis Battici.

SUM Batti, qui me manibus subdlexerit uncis,
 Huic ne quo Battus defuat opto loco.

*Duo salina argentea Abbati cuidam dono missa, a Mo-
 nialibus monasterii vulgo dicti Vallis Virginum.*

Virginæ de Valle, duo sine labe salilla
 Adsumus, hanc mensam non nisi pura decent.

In altero Salino.

Virginitas nitor argenti, sapientia sal est:
 Virgo dat argentum, tu, pater, adde salem.

In sex tintinabula restituta, quæ fulmine conflagrant.

Concinimus sex æra, at ego cui maxima vox est,
 Alpha & Ω Triadi rite dicata vocor.
 Nos, ædemque sacram, Scalti pia cura Girardi
 Præsulis, absumptam fulmine restituit.

In tintinabulum Maria sacrum.

Ænea mi vox est, ac sic nulla ænea vox est,
 Ut par Christiparæ laudibus esse queat.

In idem.

Maria nomen inditum est mihi mutuum,
 Qua Trinitati nil se det vicinius.

Tertium Baptiste sacrum.

Vox clamantis erat, cujus gero nomina, plebem
 Ad Christi cultum nocte dieque voco.

Quartum Petro sacrum.

Petro sacra fugo cacodæmonas, arceo fulmen,
 Funeraque, & festos cantibus orno dies.

Quintum Magdalena sacrum, Scazon.

SUM Magdalene, juvit impium fulmen,
 Meliora quando cuncta dat pius præsul.

Sextum omnibus Sanctis sacrum.

Exilis mihi vox, sed quæ ferit eminus aures,
 Dat mihi coelicolûm nomina tota cohors.

Aliter.

Non mihi Dodones, non æra profana Corinthi
 Certent: nam cunctis tinnio cœlitibus.

In Aulicum quemdam Clero infestum.

Ursalus ecce Midas, sed Lydo stultior illo,
 Se properat quovis nobilitare modo.
 Et furit in Clerum, capit hinc exordia famæ,
 Eque Mida subito vertitur in Phalarim.

Sic quondam exusto peperit sibi nomina templo
 Credo auctor generis Græculus ille mali.

Tam stolidam mentem nullis aboleveris undis:
 At rabiem solus tollere mucro queat.

In eundem.

Tam stolidum credo nec te, Mida, pectus habebat,
 Malce, nec in Clerum tam violentus eras,
 Quam quidam, non est sententia dicere nomen,
 Nam famam affectat qualibet ille via.

Huic utinam aut aliquis afininas addat Apollo
 Aut ambas Petrus demetat auriculas:

Aut certe crepet ipse magis, faciatque paterni
 Quod cognomenti syllaba prima monet.

In eundem.

Bacchanti in Clerum tibi dixerat Urfale quidam
 Et jus Cæsareum lædier atque sacrum

Hic tu ridebas hominem multumque diuque
 Et merito, quid enim hoc stultius ac levius?

Qui præter tibi jura coqui notissima juris
 Auditum nomen crederet esse aliud.

In pistorum Fabula Gigantea.

EN stolidi sine patre sati tellure Gigantes
 Montibus accumulans montes, ipsumque minantur
 Coelicolûm Regem supera detrudere ab arce:

Tom. I.

H h h h 2

Sed

Sed male vesanæ cedent sine pectore vires.

In eosdem fulmine depulsos.

Juppiter exstructas disturbat fulmine moles
Ignibus involvens rapidis, monteisque virosque.
Sic sic vis sine consilio, sic impia facta
Præcipitata ruunt Superis ultoribus usque.

In tabulam Penthei trucidati.

Pentheia cernis Echioniden:
Hospitis Orgia qui Bromii
Spreverat: impius ecce Deo
Vindice jam malefacta luit.
Matris enim, Orgiadumque manu,
Dum fera creditur esse, perit.
Quam scelere bene poena suo
Congruit, & mala digna malis.

In picturam Europa stuprata.

Hic qui a monte boves ad proxima littora vertit,
Aurea te, quis sit, virga monere potest.
Tum testes alæ, neque non talaria, testis
In flavo bicolor crine galerus erit.
Si rogitas quid agat, patrio subservit amori,
Inscius, obsequio furta dolosa tegens.
Raptor enim nivei latitat sub imagine tauri
Improbis, ac prædam per freta longa vehet:
Ut Cretam attigerit, mox taurus desinet esse
Juppiter, & virgo non erit ista diu.
Quid non cæcus amor mortalia pectora cogat,
Si taurum æthereum non piget esse Jovem?
At quæ formosis satis est cautela puellis,
Hic quoque stuprator si metuendus erat?

*In fronte libelli dono missi Episcopo Atrebatensi,
Scæzon.*

Avibus secundis vade charteum munus,
Exile quamquam te brevis dicat vates.
Liceat modo placere Præfuli docto,
Pretio lapillos viceris & Erythreos.

In fronte libelli de Imperatoria Majestate.

Christianum orbem tuenti qui favetis Cæsari,
Huic favebitis libello, qui tuetur Cæsarem.

In fronte odarum Guilielmi.

Huc, siquidem pia, si pudica Musa
Delectat, nihil hic vel inquinatum,
Vel quod melle nocens tegat venenum:
Christum tota sonat chelis Guilielmi.

In fronte libelli Bußidio dono missi.

Non ego Bußidiæ decus adfero Bibliothecæ,
Sed decus apponit Bibliotheca mihi.

In fronte alterius.

Non equidem ornabis tu Antoni Bibliothecam,
Te magis ornabit Bibliotheca liber.

In cacum Tragædiarum Castigatorem.

Cur adeo lector crebris offendere mendis?
Qui castigavit, lumine captus erat.

Sub pictura vultus Christi.

Hic intuetur & intimos mentis sinus.
Fac tota niteant pectoris penetralia.

Agis carmine gratias pro misso munere.

Antistes sacer elegantiorum, ac
Princeps Carmiliane literarum,
En versus tenuis tibi Poeta
Hos pro munere splendido rependit.
Hoc est scilicet, ære mutat aurum.
Ad quid tandem aliud Deis vel ipsis,
Gratus, sed tenuis referre vates
Possit, quam numeros modosque verum
Largiri numeros tibi Petre, hoc est,
Sylvæ ligna, vago mari addere undas.

In fronte Enchiridii.

Nil moror aut laudes, levis aut convicia vulgi,
Pulcrum est vel doctis, vel placuisse piis.

A Spe quoque majus erit, mihi si contingat utrumque:
Cui Christus sapit, huic si placeo, bene habet.
Unicus ille mihi venæ largitor Apollo,
Sunt Helicon hujus mystica verba meus.

Libellus dono missus.

Mittere cur verear magno leve munus amico,
Quum capiant summos thuscula pauca Deos.
Joanni Okego Musico summo, Epitaphium.

Ergone conticuit
Vox illa quondam nobilis,
Aurea vox Okegi?
Sic musicæ extinctum decus?

B Dic age, dic fidibus
Tristes Apollo nœnias.
Tu quoque Calliope
Pullata cum sororibus
Funde pias lacrymas.
Lugete, quotquot musicæ
Dulce rapit studium,
Virumque ferte laudibus.
Artis Apollinæ
Sacer ille Phoenix occidit.
Quid facis invida mors?

C Obmutuit vox aurea,
Aurea vox Okegi,
Vel saxa flectere efficax,
Quæ toties liquidis
Et arte flexilibus modis
Per sacra tecta sonans,
Demulsit aures Coelitum
Terrigenumque simul
Penitusque movit pectora?
Quid facis invida mors?

D Vel hoc iniqua maxime,
Æqua quod omnibus es.
Sat erat tibi promiscue
Tollere res hominum.
Divina res est Musica,
Numina cur violas?

Henrici Episcopi Cameracensis Epitaphium.

Henricus hic est, Bergicæ stirpis decus,
Qui laude morum avita vicit stemmata.
Gregis salute nil habuit antiquius,
In quem pius paterna gessit viscera.
Hic incitatus amore miro Coelitum,
Jacobe sedem visit impiger tuam,
Arcemque Petri visit, & Solymas sacras.

De eodem.

Berganæ stirpis septem de fratribus unum
Condidit Henricum hoc invida Parca loco.
E Ille gregis Cameracini Præsulque Paterque,
Cui simul & patriæ, non sibi, natus erat.
Bisque Jacobæam visit pius advena sedem,
Dehinc Romam, & Solymas vectus adusque sacras,
Sic pietate vagus, virtute gravissimus, ævum
Exegit felix & sine labe suum.

*In Magnatem quemdam, sed ficto nomine, qui laudes
suas exiguo munusculo pensarat.*

Correxistis errorem meum
Lepide Marullus: nam mihi
Laudatus æquo largius
Nimium pusillo prodigum
Vatem redonat munere.
F O pectus, ô memorabilem,
Hujus modestiam viri.
Non vult cani, quæ non facit,
Vult & sileri quæ facit.
Proin pudendis præmiis
Invitat ad palinodiam,
Invitat ad silentium.
Non suadet hoc frugalitas
Tenaxque parsimonia,
Quum sannionibus quoque
Foedisque morionibus

Pro-

Prolixa donet munera.
Quod ista donat vatibus,
Quæ dare minus quam nil dare est,
Pudore, non vitio, facit.

Epitaphium scurrula temulenti, Scaxon.

Pax sit viator, tacitus hos legas versus,
Ut sacra verba mussitant sacerdotes,
Ne mihi suavem strepitus auferat somnum,
Repetatque vigiles illico sitis fauces.
Nam scurrula hocce sterto conditus saxo,
Quondam ille magni clarus Evii mystes,
Ut qui bis octo lustra perbibit tota,
Oculis profundus deinde somnus obrepfit,
Ut fit, benigno membra quum madent Baccho.
Atque ita peractis suaviter bonis annis,
Idem bibendi finis atque vivendi
Fuit; sed etiam me aliquis ebrum credat,
Aut somnari, qui ista dormiens dicam.
Vale viator, jam silenter abscede.

*Encomium Slestadii carmine Elegiaco, per Desiderium
Erasmus Roterodamum.*

Nobile Slestadium, tua quis pomœria primus
Signans, tam dextris condidit auspiciis?
Unde tibi genitus tam felix, tamque benignus?
Sydera nascenti quæ micuere tibi?
Quum videaris enim, neque muro insigne capaci,
Plebe nec innumera, divitiisve scatens,
Urbibus in cunctis, tamen haud felicior ulla est
Quotquot Cæsarea sub ditione vigent.
Non ego jam memoro, quod fertilis undique campus
Adjacet, & segetem prosperat alma Ceres.
Quodque hinc vitiferos monteis, hinc ditia Rheni
Flumina prospectas, grata quod aura foveret.
Commoda bella, sed hæc tecum communia multis.
Dotibus hisce simul vinceris, & superas.
Illa tibi propria est, quod & una & parva, tot edis
Virtute insignis ingenioque viros.
Tot pariter gemmas, tot lumina fundis in orbem,
Quot multis aliis vix genuisse datum est.
Doctrinæ proceres tot habes, quot proditor ille
Vix belli proceres oculcuisset equus.
Quam non Vimphlingus, quam non Spiegellius urbem,
Quam non Kirherus nobilitare queat?
Unde tibi Sapidus, doctis quoque dignus Athenis?
Unde facer Phrygio, Storkius unde tibi?
Unde tibi Arnoldus, Musis excultus? & unde
Matthias niveo pectore Schurerius?
Ut fileam reliquos, non te fatis ille Beatus
Rhenanus, lingua doctus utraque, beat?
Quæ tibi cum liquido tacita est cognatio coelo?
Num quod Palladia numen ab urbe favet?
Corpora gignit humus, mens æthere manat ab alto.
Membra aliæ pariunt, ut paris ingenia.
Quis non invidet tam splendida commoda, ni quod
Non tibi, sed mundo fertilis, ista paris.
Gloria te penes est unam, sed fructus ad omnes
Pervenit, humanum qua patet orbe genus.
Hæc memor hospitii, tibi carmina panxit Erasmus
Haud lepida, at grata qualiacumque cheli.

Ad Sebastianum Brant Archigrammateum urbis Argentinensis, Phalecium Desiderii Erasmi Roterodami.

Ornarunt alios suæ Camœnæ,
Ornas ipse tuas magis Camœnas.
Multos patria reddidit celebres.
Urbem tu celebrem, celebriorem
Multo constituis, Sebastiane:
Lingua, moribus, eruditione,
Libris, consilio, severitate.
Sic cum fœnore plurimo rependis
Acceptum decus, e tuo vicissim
Illustras, patriamque, literasque.

*Desiderius Erasmus Roterodamus ad Joannem Sapidum
suum, in discessu.*

Quando distrahimus, absens absentis amici
Candide Joannes, hoc tibi pignus habe.

A Quoque magis spatium sejunget corpora nostra.
Mutuus hoc propius pectora jungat amor.

*Ad Thomam Didymum Aucuparium Poetam Laureatum,
Desiderii Erasmi Roterodami carmen.*

Quas mihi transcribis, doctissime Didyme, laudes,
Ut sunt majores, quam quas agnoscere possim,
Ni prorsus frons nulla foret, sic rursus eadem
Sunt adeo doctæ, talique e pectore natæ,
Ut minime libeat, quas das rescribere. Veras
Esse perinde optans, quam sunt lepidæ, atque venustæ.
His ego non sane placeo mihi. Tu mihi vates
Lauro digne places; nam dum me reddere magnum
B Carmine magnifico docte conniteris, ipsum
Te ostendis vere magnum, vereque stupendum,
Ut qui viribus ingenii possis elephantum
Reddere de mulca, nihilique attollere tricas.
Sed quo judicium minus approbo, maxime vates;
Hoc magelætor amore tuo, candoreque mentis.

*Desiderii Erasmi Roterodami carmen jambicum, ad An-
dream Anemonium Lucensem, Invidiosissimi Regis An-
glorum a libellis.*

Quicumque dotes reputet, Ammoni, tuas,
Oculisque totum lustret admotis prope
C Oris decus, proceritatem heroicam,
Vultuque toto & universo corpore
Bene temperatam dignitate gratiam,
Nitentium blandum vigorem luminum,
Linguaeque plectrum tam suave tinniens,
Mores dehinc horas ad omnes commodos,
Facileis, amicos, melle melleos magis,
Veneres, lepores, gratias, risus, jocos,
Mitem indolem, mentisque candorem novum,
Mireque mixtam simplicem prudentiam.
His pectus adde sordido aversum lucro,
Dextramque quam pro sorte largiusculam.
Jam quam benigni vena dives ingeni?
Quot animus unus expolitus literis?
Ac rursus his par addita est facundia.
D Demum universa hæc rara condit comitas,
Et improbi livoris arcet fascinum
Modestiae jucunditas, cum dotibus
In tam superbis, nil superbum in moribus.
Hæc quisquis (inquam) pensitet, tot affatim
Congesta in unum, nonne merito dixerit?
Soli parentem fuisse naturam tibi,
Contra novercam cæteris mortalibus.
Horum licet tibi ipse debes pleraque,
Restant tuæ Fortuna jam partes, uti
Dotes ita amplas, opibus exæques tuis,
Nisi vis videri aut cæca plane, aut invida.

*Ad Lucam Paliurum Rubeaquensem, Episcopi Basiliensis
Cancellarium, Desiderii Erasmi Roterodami car-
men ex tempore.*

Exhaustum immodico novale cultu
Mentitur queruli spei coloni.
Effoetum ingenium labore longo,
Nil dignum parit hoc amore nostro,
Quo te prosequor unice, inter omnes
Mellitissime Paliure, amicos:
Nec dignum meritis tuis, nec ipsi
Quod respondeat eruditioni.
Quod solum licet, hoc in omne tempus
Præstabo, ex animo medullitusque
F Nostrum (sic meritum est) amabo Lucam.

*In fugam Gallorum insequentibus Anglis apud Morinum,
Anno M.D.XIII. Scaxon Desiderii Erasmi
Roterodami.*

ALLUDIT AD CARMEN MARTIALIS DE
C A T O N E.

Audivit olim censor ille Romanus,
Ludos jocose quando noveras Floræ,
Cur in theatrum Cato severe venisti?
An ideo tantum veneras ut exires?
At jure nunc imbellis audiat Gallus,
Ludum cruenti quando noveras Martis,

Tom. I.

H h h h 3

Animos

1225

Animos ferocis quando noveras Angli,
Quid quaeso in aciem timide Galle prodisti,
Ferro minaci splendidas agens turmas?
An ideo tantum veneras, uti foede
Fugiens sequenti terga verteres hosti?
Ac si pedum certamen esset, haud dextræ.
Cato foeminas videre non potest, Gallus
Viros. Cato mutare potest non vultum,
Gallus nequit mutare pectus ignavum.

*Quum multos menses perpetuo pluisset, & per unam modo
dieculam se mundo sol ostendisset, rursusque non minus
odioso quam antea plueret, Erasmus Basileam repe-
tens, in itinere sic lussit in Jovem Anno M.D.XV.*

Menses quum prope Juppiter per octo
Vota surdus ad omnium pluisset,
Agros jam male perdidisset omnes,
Vexasset segetesque, vineasque,
Tandem desierat, pudore credo,
Et tandem licuit videre solem,
Quem migrasse polo, timebat orbis,
Æternam ratus imminere noctem.
Vixdum sesquidiem nitere passus
Obducit nebulisque nubibusque
Totum qua patet undequaque mundum.
Ac rursus similis sui esse pergit.
Isthoc si moderere pacto Olympum,
Nec quicquam es, nisi nubium coactor,
Quis non officium probet Gigantum?
Et cognomina consueta vertens,
Pessimum vocet, infimumque Divum?

Epitaphium Philippi Cœnobitæ Cluniacensis.

Viator. Isti cur lubet assidere saxo,
Cum toto, Pietas, choro sororum?
Pietas. Hic noster jacet unicus catervæ
Vindex, ille Philippus, ille dudum
Cœtus gloria prima Cluniaci.
Viator. Luctum at pulla solet decere vestis,
Vos albis video nitere totas.
Pietas. Cujus tam nivei fuere mores,
Cui tam candida sit peracta vita,

A Hujus funera non puto decere
Aut pulla, aut lacrymis nigrandum.

*Desiderius Erasmus Roterodamus Guilielmo Nefeno cala-
mum dono dedit cum hoc Epigrammate.*

CALAMUS LOQUITUR.

Tantillus calamus, tot, tanta volumina scripsi
Solut, at articulis ductus Erasmiaci.
Ediderat Nilus, dederat Reuchlinus Erasmo,
Nunc rude donatum, me Gulielmus habet:
Isque sacrum Musis servat, Phœboque dicatum,
Æternæ carum dignus amicitia,
Ne peream obscurus, per quem tot nomina noscet
Posteritas, longo numquam abolenda die.

*Desiderius Erasmus Roterodamus in Brunonem Amer-
bachium.*

Hic jacet ante diem fati creptus iniquis,
Gentis Amerbachia gloria prima Bruno.
Non tulit uxori superesse maritus amata,
Turtur ut creptæ commoriens socia.
Hunc blandæ lugent Charites, Musæque trilingues,
Canaque cum casta simplicitate fides.

*Epitaphium Ulrichi Zasii, per Desiderium Erasmus
Roterodamum.*

C Siccine mors crudelis & invida præripis orbi
Ulrichum Zasium decus admirabile Juris
Cæsarei simul & sacri: parcissima dixi,
Imo doctrinæ totius & artis honestæ
Thesaurum ac mundum locupletem, cujus ab ore
Manabat sermo vel melle suavior omni.
Quid nunc collaudem summum pietatis amorem
Et mentem cœlo dignam, quo jam illa soluta
Corporis involucris fruitur sine fine beata.
Quod superest, te compello studiosa juvenus,
Tandem pone modum lacrymis iustoque dolori:
Vocis adempta tibi est Zasiana copia, verum
Exstant ingenii monumenta perennia, quæ si
Assidue manibusque teras oculisque frequentes
Spirat in his loquiturque viri pars optima semper.

PRIMI TOMI OPERUM DESIDERII ERASMI ROTERODAMI,

F I N I S.



7 2500th

